

BIBLIOTECA
SEMINARIO V.
PORDENONE

M

D

MARA

M / D / MARA

ASCANTI

KTINENG

NTATEVCHVM

OLEGOMENA



[Faint, illegible text block, likely bleed-through from the reverse side of the page.]

[Faint, illegible text block, likely bleed-through from the reverse side of the page.]

[Faint, illegible text block, likely bleed-through from the reverse side of the page.]

[Faint, illegible text block, likely bleed-through from the reverse side of the page.]



ASCANII MARTINENGI IN PENTATEVCHVM PROLEGOMENA.



X- 22



PENTATEVCHVS quinque Mosis libros complectens tum ordine, tum rerū enarratarum splendore inter sacra volumina principem obtinet locum: Mundi enim natalia, omnino abdita, atq; sæculorū vetustate obuoluta, humanæ sobolis prisca initia, Noetici diluuij colluuiē, ac Christi prosapię Heroes, vſq; ad Iudiciū tēpeſtatem, methodo equidē conspicua, incōparabiliq; exponit. Huius igitur libri, qui annorū duorū milium quadringentorū, ac nonagintatrium gesta nostris glossis ſuppeditat, commentaria aggreſſurus, diuino inuocato auxilio, quatuor (quæ præcipua in præludijs exiſtimantur) præfenda eſſe arbitror; Quisnam primò fuerit huius libri auctor: Quis ſecundo loco eiused ſit titulus, ſeu quæ inſcriptio: Quod eius argumentum: ac tandem, Quæ ipſius ſectio. In auctore autem tria ruruſum ponderare cogor, quæ, quantaq; ſit viri dignitas, qua edoctus reuelatione tam præclara arcana, & à primis ſæculi ætatibus recondita, prodiderit; ac demum, quibus elementis, ſeu characteribus, illa exararit.

Pentateuchus
gesta continet
annorū
2493.

De Auctore Pentateuchi.

Auctor Moseſ eſt, inter priſcos Hebræorum Heroes longè clariffimus. Nullus nē pē inter mortales, nec ſtupendæ originis, educationisq; eminentia, nec diſciplinarum omnium eruditione, nec vitæ ſelectioribus euentibus, nec priſcæ ætatis vetuſtate, nec immortalium operum fulgore, nec inſigni munerū copia, præſtantior, auguſtiorq; comperitur. Dicam primò (vt mei inſtituti poſtulat ratio) quibus ipſum præconijs Patres efferant; deinde, quid ego de ipſo contempler, aperiam.

Moseſ auctor
Pentateuchi.

Catena de Moſis præconijs; & primū de eius præclara educatione.

CLEMENS Alexandrinuſ Stromatum libro primo, Quæ fuerint Moſis natalia, educatio, nomina, ac in prima eiuaſ adoleſcentia ad percipiendaa plurea diſciplinæ præſtantia, hiſ edifferit;

Genuſ eiua�, & reſ geſtaſ, & vitam ipſe ſcripturæ, quæ ſunt fide dignæ, prædicant; & tamen à nobiſ quoque dicendū eſt, quòd Moſeſ, cū ex alto petita origine genere eſſet Chaldeuſ, natuſ eſt in AEGYPTO, cū maiores eiua� propter diuturnam famem ex Babylone miſraſſent in AEGYPTUM. Septima generatione genitua�,

Moses quo
tempore ge-
nitus.

Mosis nomi-
na, & doctri-
na.

A&. 5.

Strom. lib. 1.

Exodi 33.

Gen. 1.

tus, & regaliter educatus, tali fortunæ casu usus est. Cum Hebræi in Ægypto creuissent in magnam multi-
tudinem; veritus Rex regionis, ne eorum, qui ex Hebræis nascebantur, multitudo ei pararet insidias, iubet
ipso alere quidem feminas, (est enim res ad bellum imbecillis mulier) masculos autem interimere, sus-
pectam habens validam iuventutem. Cum nobili autem loco esset natus puer, tribus deinceps mensibus celantes,
eum parentes alebant naturali amore vincente tyrannicam crudelitatem. Postea autem veriti, ne vna cum
puero perirent, cum ex papyro, quæ in ijs locis nascitur, vas construxissent, ad palustris, stagnantisq; fluiuij
ripas puerum impositum exponunt. Observabat autem soror, quid esset euenturum, procul stans à puero. Re-
gis filia, quæ longo tempore non concipiebat, filium autem desiderabat, illo die eò venit ad fluiuium, vt se la-
uaret, & aspergeret. Cum silentem autem puerum audisset, iussit ad se adduci, eiusq; miserta, quærebat nutri-
cem. Tunc accurrens soror pueri, dixit se habere Hebræam feminam, quæ non multo antè peperisset, eamq;
adducturam si velit. Quæ cum assensa esset, & rogasset, adduxit ipsius pueri matrem, tanquam aliquam aliã,
mercede constituta nutricem eius futuram. Deinde puero imponit nomen Regina, Moses, apta etymologia, eò
quod eum ex aqua susceperat. Aquam enim Moy vocant Ægyptij, in qua moriturus fuerat expositus;
Moysem enim vocant eum, qui ex aqua emersus respirauerit. Clarum est ergo, quod prius circumciso puero
parentes aliquod nomen imposuerunt. Vocabatur autem Ioachim. Habiuit autem tertium quoq; nomen in Cælo,
postquam assumptus est, vt dicunt Mystæ, nempe Melchi. Cum autem etate esset grandior, Arithmeticam, &
Geometricam, Rythmicam, & Harmonicam, & præterea Medicinam simul & Musicam doctus est ab ijs, qui
erant insignes inter Ægyptios; & præterea eam, quæ traditur per symbola, seu signa, Philosophiam, quã in li-
teris ostendunt Hieroglyphicis. Alium autem doctrine orbem, tanquam puerum regium, Græci eum docere
in Ægypto, vt dicit Philo in vita Mosis. Didicit autem literas Ægyptiorum, & rerum cælestium
scientiã à Chaldeis, & ab Ægyptijs. Vnde in eius rebus gestis dicitur doctus fuisse in omni sapientia Æ-
gyptiorum. Eupolemus autem in libro de Iudææ regibus, dicit Mossem primum fuisse sapientem; & Gramma-
ticam primum tradidisse Iudæis, & Phœnices accepisse à Iudæis, Græcos autem à Phœnicibus. Ad eorum
autem deductus naturam, auxit prudentiam, eam, quæ erat sui generis, & maiorum suorum emulatus doctri-
nam; adeo vt etiam Ægyptium, qui Hebræum iniuste inuaserat, percutiens interfecerit. Auiunt autem My-
stæ eum solo verbo occidisse Ægyptium, sicut certè postea Petrus in Actibus fertur eos, qui pretium agri si-
bi usurpauerant, & mentiti erant, verbo interfecisse. Artapanus certè in opere de Iudæis refert, Mossem in
custodia inclusum à Nechephre Rege Ægyptiorum, eò quod peteret, vt populus liberaretur ex Ægypto,
noctu aperto carcere, Dei voluntate egressum, cum in regiam accessisset, dormienti Regi adstitisse, & eum exci-
tasse, eum autem eò quod factum fuerat stupefactum, iussisse Mosi, vt diceret nomen eius, qui miserat, & illum
quidem, cum ad aurem se inclinasset, dixisse. Regem autem, cum audisset, mortuum cecidisse, cum eum autem
Moses tenuisset, rursus reuixisse.

Moses Platoni comparandus, ac præferendus.

CLEMENS Ibidem.

Fuit enim multa doctrina præditus, sicut etiam Pythagoras multa ex nostris transtulit in suorum dogma-
tum traditionem. Numenius autem Philosophus Pythagoreus apertè scribit; Quid enim est Plato nisi Mo-
ses, qui loquitur atticè? Hic Moses erat Theologus & Propheta, vt autem nonnulli, sacrarum legum interpretes.

CYRILLVS contra Iulianum libro secundo, Mossem ex vitæ probitate
Platoni, his verbis præfert;

Itaq; de Mose dixerim, si quis celebrare illum velit, longum & prolixum sermonem haberet. Audi enim
Deum manifestè dicentem; Noui te præ omnibus, & gratiam inuenisti apud me. Multiplicem autem virtu-
tem, qua præditus erat, satis manifestè indicat miraculorum virtus, quæ in Ægypto facta sunt. Subditus
enim erat vniuersorum Deo, ac ministrabat vltionem contra Ægyptiorum insanias exigenti. At qualis Pla-
to fuerit, etiam si nemo dicat, satis diuulgabit eius in Siciliam ex Athenis peregrinatio. Nam cum Diony-
sio ob adulationem non placeret, dicunt tanquam illiberali mancipio poenam dignissimam esse intentatam. At
nunc de hac re parcat sermo; sed redeat rursus ad id, quod in manibus.

Moses Dei Nuntius.

IOANNES Chrysostomus Homilia secunda super Genesim, Legationis
Mosis munus, quasi è Cælo ad mortales emissi, his celebrat verbis;

Etenim Deus humani generis conditor, ab initio per se ipsum hominibus loquebatur, quomodo hominibus
audire eum possibile est. Sic enim ad Adam venit: Sic Cain increpauit: Sic cum Noe locutus est: Sic apud
Abraham hospitatus est. At ubi in magnam malitiam omne hominum genus degenerauit, neque tunc se se
totum ab hominum genere auertit opifex omnium: sed quia sua familiaritate postea indigni facti fuerunt, ite-
ram suam erga illos amicitiam innouare volens, quasi longe absentibus literas mittit conciliaturus sibi vniuer-
sam hominum naturam. Et has quidem literas dedit Deus; attulit autem Moses. Quid igitur dicunt hæc literæ?
In principio fecit Deus Cælum, & terram.

BASILIVS Hexameron Hom. prima, Mosi, vti insignis Nuntij, aucto-
ritatem ab educatione, ac non fucata vitæ integritate, ex Dei; visione his cōmendat;

Moses igitur is est, qui commentationem hanc scripsit; Moses ille, qui testimonium habet, quod elegans fuerit apud Deum, cum adhuc infans esset, ac alimentum sugeret primum; quem Pharaonis filia adoptavit, regioq; modo sapientibus Aegyptiorum adhibitis præceptoribus, educavit, ac erudiuit; qui pyramidis aspernatus fastum, humilitatemq; gentis, nationisq; suæ complexus, ærumnas cum populo Dei, calamitatesq; subire maluit, quàm brevi tempore peccando voluptate potiri. Qui summo amore suapte natura iustitiam prosequutus, ubi, & antea quàm principatus ipsi populi, magistratusq; traditus esset, ad necem vsq; (nimirum ob improbitatis odium insitum ipsius nature) malos puniuisse videtur. Eorum verò gratia profugus, in quos ipse beneficia contulerat, Aegypti quidē libenti animo tum ultus reliquit. Ad Aethiopiam autē vsq; profectus, ibiq; relictis omnibus, otium nactus, totos quadraginta annos contemplationi rerum indulgit. Qui natus iam annos octoginta, Deum vidit, quoad homo videre potest: immò verò, quod cæterorum contigit nemini; secundum testimonium Dei dicentis; Si quis fuerit inter vos Propheta Domini, in visione illi innotescam, vel per somnium eum alloquar; non ita, vt seruus meus Moses, qui in tota mea domo fidelissimus est; ore ad os illum alloquar in visione, & non per ænigmata. Is igitur, qui Deum æquè, atq; Angelis, ipsa facie vidit, hæc ex ijs nobis refert, quæ ab ipso Deo percepit, & audiuit.

Moses regio
more educa-
tus.

Num. 12.

AMBROSIVS id ipsum repetit Hexameron lib. 1. capite 2.

Quis hoc dicat, advertere debemus. Moses vtiq; illi eruditus in omni sapientia Aegyptiorum, quem de flumine collectum filia Pharaonis, vt filium dilexit, & subsidijs regalibus fultum, omnibus secularis prudentiæ disciplinis informari, atq; instrui designavit. Qui cum de aqua nomen acceperit, non putavit tamē dicendum, quod ex aqua constarent omnia, vt Thales dixit. Et cum esset in aula educatus regia; maluit tamē pro amore iustitiæ subire exilium voluntarium, quàm in pyramidis fastigio peccati perfunctionem delicijs acquirere. Deniq; priusquam ad populi manus liberandi vocaretur, naturali æquitatis studio provocatus, accipientem iniuriam de popularibus suis ultus, invidiæ se se dedit, voluptatiq; eripuit; atq; omnes regie domus declinans tumultus, in secretum Aethiopie se contulit, ibiq; à cæteris negotijs remotus, totum diuinæ cognitioni animū intendit, vt gloriam Dei videret facie ad faciem. Cui testificatur Scriptura, quia nemo surrexit amplius Propheta in Israel, sicut Moses, qui vidit Dominum facie ad faciem. Non in visione, neq; in somnijs, sed ore ad os cum Deo summo locutus: neq; in specie, neq; per ænigmata; sed clara, atq; perspicua præsentie diuinæ cognitione dignatus.

Deut. 34.
Moses gloriā
Dei vidit fa-
cie ad faciē.

Moses Propheta insignis.

GREGORIVS super Ezechielem Homilia prima; Mosē, veluti Prophetam præclarum de præteritis, ac futuris prophetasse his asseuerat;

Sciendum quoq; est, quia prophetiæ tempora inuicem sibi concinunt ad probationem, vt aliquando ex futuris præterita, aliquando verò ex præteritis probentur futura. Dixerat enim Moses; In principio creauit Deus Cælum & terram. Sed quis crederet, quia verum de præterito diceret, si de futuro etiam aliquid non dixisset? In ipsius etenim libri fine, in cuius exordio illa de præterito dixerat, aliquid prophetiæ per Iacob vocem de venturis permiscuit, dicens; Non auferetur sceptrum de Iuda, & dux de femoribus eius, donec veniat, qui mittendus est; & ipse erit expectatio gentium. Qui etiam per semetipsum, eundem, qui mittendus erat, ei quem ducebat, populo prophetauit, dicens; Prophetam suscitabit vobis Dominus Deus vester de fratribus vestris, tanquam me ipsum audietis. Erit autem, quicumq; non audierit Prophetam illum, exterminabitur de populo suo. Cur ergo præteritis ventura permiscuit, nisi, vt dum implentur ea, quæ de futuro prædiceret, ostenderet etiam, quia de præterito vera dixisset?

Gen. 1.

Gen. 49.

Deuter. 18.

IOANNES Chrysostomus Homilia secunda in Genesim.

Considera, charissime, quàm admirabilis, & eximius sit ille Propheta. Alij enim omnes Prophete dixerant vel quæ multis postea temporibus futura erant, vel quæ in futuro seculo euenerunt. Beatus autem ille natus, cum iam multa Mundi transissent secula, & ducem, & directricem sortitus supernam dexteram, dignus est habitus, vt illa nobis diceret, quæ ante suam natiuitatem omnium Dominus formauerat. Idcirco & sic incepit, dicens; In principio fecit Deus Cælum, & terram. Quasi ad omnes nos clara voce clamat, & dicat; Num ab hominibus doceor, vt hæc loquar? Minime. Sed qui hæc, cum non essent, fecit vt essent; hic & linguam meam ad isthæc enarranda impulit.

Gen. 1.

*Moses non tantum Rex & Philosophus, sed Legislator,
Pontifex & Propheta.*

PHILO de vita Mosi, libro secundo, Mosi dotes, quæ fuerint, explicat, cū scribit; Superiore libro diximus de natiuitate, ac educatione Mosi, deq; eruditione, ac principatu, non solum irreprehensibili, verum etiam laude omni dignissimo: tum quid in Aegypto, & in itinere gesserit, vel ad rubram Ma-

re, vel in deserto, res, quæ nulla eloquentia pro dignitate possunt exprimi, laboresq; non minores successibus, & agros attributos parti exercitus, in hoc libro attexentur, quæ deinceps de actis eius dicenda sunt. Est enim quorundam haud improbanda sententia, ita demum fore felices Respublicas, si aut philosophentur Reges, aut regnēt Philosophi. At in hoc vno viro plures etiam dotes reperiuntur, cum tres alias habuerit præter regiam, & philosophicam; quarum aliam exercuit in ferendis legibus, aliam in pontificatus munijs, aliam in vaticinijs prophetiis: quarum rerum necessariam narrationem nunc institui.

Moses summus Sacerdos, et Pontificum Pontifex.

Quest. 23.
Epist. 86.

Mosem summum fuisse Sacerdotem, Pontificumq; Pontificem existimarunt, præter Philonem, & Iosephum, Augustinus super Leuiticum, Leo Papa in Epistolis: Sed clarius id tradidit

Orat. 6.

GREGORIVS Nazianzenus in oratione, quam habuit præsentē Gregorio Nysseno fratre Basilij,

Psalm. 98.

Quis ex legislatoribus illustrissimus habetur? Moses. Quis ex Sacerdotibus sanctissimus? Aaron: nec minus fratres pietate, quam corporibus: seu potius Deus Pharaonis, & populi Israelitici præfectus, & legislator, qui in nubem ingrediebatur, & diuinorum mysteriorum inspector, ac sacrorum princeps erat, ac Tabernaculi veri fabricator, quod compegit Dominus, & non homo. Ambo autem pariter Sacerdotes erant. Moses enim inquit, & Aaron in Sacerdotibus eius. Hic quidem Principum Princeps, & Sacerdotum Sacerdos, tanquam lingua Aaronis utens opera. Ipse autem in ijs, quæ ad Deum pertinent satagebat: at ille proximus erat post eum, longè autem præ alijs tam dignitate, quam approximatione ad Deum. Ambo Aegyptum plectentes, Mare diuidentes, populum Israeliticum educentes, inimicos submergentes, panem de Cælo elicientes, aquam, incredibile dictu, in deserto educentes, & edulcantes. Ambo Amelech debellantes, sancta manuum extensione, figuram sterij maioris. Ambo ad Terram promissionis ducentes, & festinantes. Nunquid manifestius imagine ista esse posset? nonne sermo pictor, manifestè cognominem, mihi verò vnanimem designauit?

Mosis Nomen, quàm fuerit apud priscos illustre.

IUSTINVS Philosophus & Martyr, in libro Admonitiorum Gentium appellato: Mosem legislatorem, tum antiquitate, tum rerum gestarum eminentia, à priscis et seculi eruditissimum, celeberrimumq; existimatum fuisse, cumulatè ita scribit;

Sed & Diodorus apud vos historicorum omnium probatissimus, qui Bibliothecas compendio conclusit, & triginta continuos annos in Asia, atq; Europa, ut ipse scribit, ambienda consumpsit, necnon plurima proprijs oculis hausit, quadraginta suæ historię libros reliquit: Quorum primo cum retulisset se à Sacerdotibus Aegyptijs didicisse, antiquum, primumq; legislatorem fuisse Mosem, ita de eo ijs ipsis verbis mentionem fecit; Post antiquam apud Aegyptios vitæ constitutionem, quam Deorum, heroumq; temporibus fuisse fabulantur, multitudinē dicunt persuasisse, scriptis uti legibus, eisdemq; gubernari Mosem, magno animo virum, & probatissimam vitæ celebratum. Idem paululum progressus, dum vellet antiquorum legislatorum mentionem facere, primum citat Mosem, de quo his in hunc modum verbis scribit; Apud Iudeos quidem Mosem, quem vocant Deū, siue ob admirabilem, diuinamq; notionem, quam decernit hominum multitudinē profuturam, siue ob excellentiam & potestatem, quibus vulgus ipsum susceptæ logi libentius obsequitur: Secundum inter legis positores Aegyptios Sauehin fuisse commemorant, insignem prudentia virum: Tertiū Sesochofin dicunt Regem, qui non modo inter Aegyptios bellicis negotijs præcelluerit, verumetiam bellacem gentem legem positione frenauerit: Quartum Bochorim statuunt, & eundem Regem, quem memoriæ prodiderunt & de modo regnandi, & de domestica dispensatione Aegyptijs præcepisse: Sextus dicitur Xerxis pater Darius Aegyptijs legibus addidisse. Hac viri Gentiles de Mosis antiquitate literis mandauerunt, qui alieni sunt à nostra Religione, & ea ipsa se ab Aegyptijs Sacerdotibus didicisse retulerunt, apud quos non solum natus est Moses, sed etiam Aegyptia eruditione dignus est habitus.

De Mosis Antiquitate.

De Mosis antiquitate exactius, fufiusq; scribunt Clemens Alexandrinus, Eusebius, & Iustinus. Sed præter hos, Mosem, omnes Theologos, Poetasq; priscos anteisse, THEODORETUS de Græcarum affectionum curatione libro secundo, qui est de principijs, eleganter hisce demonstrat;

Vobis autem hæc explicui, non tanquam nugax homo, verbosusq; fabulator sed qui vobis ostenderem fuisse Orpheum generatione vna bellis Troianis antiquiorem. Linus porro, ac Musæus, circa Troiana tempora hisce Poetis sit mille annis antiquior, hi verò Poetarum sint antiquissimi; post eos enim & Homerus, & Hesiodus nati sunt, qui & Thaletem, & alios Philosophos multis annorum spatijs præcesserunt, cumq; sit Thales, auditoresq; Thaletis vetustiores insequentis Philosophis; cur non, queso, his omnibus relictis ad Mosem oceanū Theologie

Strom. lib. 1.
De prep. Evang. lib. x.
cap. 3.
In admonit.

Theologiæ transimus, à quo, ut poetice dicam, fluij omnes, & maria omnia deriuantur? Illinc enim & Anaxagoras, & Pythagoras, Platoq; post eos, parua quædam veritatis lumina, quædamq; initia desumpserunt. Socrates quoq; , qui Archelao, Anaxagoreq; conuixit, ab eis didicit quæcunq; de Deo alijs ipse tradidit. Moses vero nequaquam sequutus hominum rationes, sicut illi fecerunt, sed clarissima Dei voce perdoctus, Theologiam nobis conscripsit.

CYRILLVS contra Iulianum libro primo, Mosem pariter priscos gentilitatis Heroes illos, quos ipsa antiquitas vetustissimos existimauit, quorumq; gesta, omnium prima arbitrata sunt, præcessisse, luculentius demonstrat, dicens;

Itaque ab Abrahæ temporibus vsq; ad Mosè descendentes, noua inde annorum exordia iterum incipiamus, Mosi natiuitatem numeris præmittentes. Anno septimo Mosi, aiunt natum Prometheum, & Epimetheum, & Atlantem Promethei fratrem, præterea & Argiæ cuncta cernentem. Tricesimo quinto anno Mosi primus regnauit Athenis Cecrops, qui cognominatus Diphys: hunc ferunt primum ex hominibus sacrificasse Bouem, no-minasseq; Iouem apud Græcos summum deorum. Sexagesimo septimo anno Mosi, tradunt fuisse Diluuium Deucalionis in Thessalia, præterea & in Æthiopia, sicut ipsi dicunt, Solis filium exustum esse Phæontem. Septuagesimo quarto anno Mosi, quidam Hellen dictus, Deucalionis & Pyrrhæ filius, Græcis sui nominis agnominatio-nem dedit, cum antea vocarentur Græci. Centesimo & vicesimo anno Mosi, Dardanus condidit Ciuitatem Dardaniam, regnante apud Assyrios Amynta, apud Argiuos autem Stenelo, apud Ægyptios verò Ramesse, vocabatur autem ipse & Ægyptius Dani frater. Centesimo & sexagesimo anno post Mosem, Cadmus Thebis regnauit, cuius filia Semele, ex qua Bacchus, ut ipsi dicunt, ex Ioue. Erat autem tunc & Linus Thebanus, & Amphion Musici. Assumpsit autem tunc apud Hebræos Sacerdotium Phinees filius Eleazar, filij Aaron, mortuo scilicet Aarone. Centesimo & nonagesimo quinto anno post Mosem, ferunt, fuisse Proserpinam virginem raptam ab Ædoneo, idest, Orco Rege Molossorum: hic Canem maximum aluisse dicitur, Cerberum nomine, qui apprehendit Pirithoum, & Theseum, venientes ad raptum vxoris: cum perisset autem Pirithous, adueniens Hercules, Theseum in mortis periculo constitutum, ex inferno liberauit, ut fabulantur. Ducentesimo & nonagesimo anno, Persæus Dionysium, hoc est Liberum, occidit; cuius & sepulchrum esse dicunt in Delphis iuxta aureum Apollinem. Quadringentesimodecimo anno post Mosem, expugnatum est Ilium, iudicante apud Hebræos Efebon, apud Argiuos Agamemnone, apud Ægyptios Vaphre, apud Assyrios Teutamo. Colliguntur igitur à natiuitate Mosi vsq; ad destructam Troiam, quadringenti decem anni. Et nunc vide eos, qui deinceps: dicam autem perfunctorie, neq; in medio morabor, occasionem potius sumens loqui de necessarijs personis.

Mosis Anti-quitas.

AUCTOR.

CAETERUM in protrahenda hac de Mosi encomijs catena, in recitandisq; de ipsius laudibus sententijs, quæ innumeræ propè sunt, prolixior non ero, ne æquora in æquoribus refundere videar: sed ad meam explicandam contemplationem accedens, dignitatem Mosi à tribus præcipue expetendam esse duco; A destinatis ei à Deo muneribus, functionibusq;: Ab illustri profapia: Tertio loco à præclara vitæ serie, quantum animi, tum corporis connatæ, præclaræq; dotes exprimentur. Quare altius eius præconia non differendi, sed contemplandi libertate (mihi parcat, qui has lucubrationes perlegere dignabitur) assumere, indagareq; necesse habeo; sed vnde nam exordiar?

De Mosi Munij.

ECIT Deus duo luminaria magna, inquit Scriptura; luminare maius, ut præesset diei; & luminare minus, ut præesset nocti & stellas. Nostro proposito quidem aptissima sunt hæc, si à litera abscedentes, internos sensus contemplari studuerimus. Habet orbis coruscantia hæc luminifera, Solem, & Lunam; quibus die ac nocte, tenebris pulsus illuminatur: Habet etiam symbolica luminaria, Christum scilicet, & Mosem, quibus errorum fugatis tenebris, legis nocte, gratiaq; die, luce veritatis mortales illustrantur. Verum, sicut in prima rerum effectione, primò nox, postea dies dilapsa est: iuxta illud; Factum est vespere & mane dies vnus: ita defluentibus sæculi ætatibus, nox ipsa symbolica diem præcessit; noctem siquidem symbolicam fuisse naturæ, & legis sæcula, ab Adam ad Christum protracta; diem verò gratiæ extasse tempora à Christo ad Mundi finem dilabentia, non ineptè dicere possumus. Hoc noctis, dieiq; mystici huius mysterium, Sapientia nobis exposuit, cum dixit; Dum medium silentium tenerent omnia, & nox in suo cursu medium iter perageret, omnipotens sermo tuus è regalibus sedibus venit: hoc est, maximè sæuiente legis nocte, atq; orbe

Gen. 1.

Christus Sol,
Moses Luna,

Gen. 1.

Sap. xi.

Ioan. 3.

Math. 5.

Ioan. 1.

Galat. 3.

Ioan. 14.

Iudaicæ cæ-
citat. ratio,

Orbe, in immensiores errorum, criminumq; abyssos præcipitato, ac obruto, supervenit inopinata gratiæ dies; cum sola Dei misericordia (qua sic dilexit Mundum, ut filium suum unigenitum daret) ea temporis plenitudine, quæ ab æterno sancita fuerat, iustitiæ Sol Christus in Horizonte nostro effulset, ut ad meridianum inde dici gratiæ ascenderet. Non igitur contulit Deus luminare minus, Mosem; qui pallente, nec admodum emicante legis lumine, illa sæcula illustraret: Diei verò, luminare maius præbuit, Christum; qui coruscante Evangelij splendore, Universum irradiaret. Sed attendas precor ordinem. Non ab initio noctis Luna orta est, sed primò præcesserunt stellæ; præcesserunt siquidem insitæ à Natura hominibus leges naturales optimū deprecantes: surrexit inde Luna, hoc est Moses legislator, qui stellæ nequaquam obtenebrauit, sed clariorem Orbi detulit splendorem; quia decreta Naturæ non ademit, nec abolevit; sed fulgentius lumen præbuit, & diffudit; cum Dei voluntatem, à Natura obscurè nobis traditam, luculentius lege explicauerit. Hac Luna, vix ad meridianum vecta, dum nox legis medium iter perageret, præcedente Aurora, Virgine Deipara, Sol Christus effulset, qui coruscantibus suis radijs, stellarum, Lunæq; lumen non abstulit, sed obtenebrauit; quia non venit Naturæ instituta, & Moysis legem solvere, sed adimplere. Tanto enim fulgore Evangelium enituit, ut omne id, quod à Natura & lege impertitum fuerat lumen, ex perfectione Evangelicæ ferè obrui visum sit. Sol igitur Christus est, Luna Moses. Sol lucis fons est: Christus Dei Sapientia æterna, homo factus, lux est vera, quæ illuminat omnem hominem venientem in hunc Mundum; bene vera, quia per essentiam, non per participationem lumen erat. Luna non ex se, sed à Sole lumen recipit; ita Moses, legem non à se, (quia purus erat homo) sed à Deo, Spiritu Sancto dictante, recepit. Sol, ex illo solari iubare, fulgentissimos radios omni ex parte emittit, tam ad Cælum, quam ad terram, nunquam obtenebrandos. Luna cum lucem à Sole mutuatur, ea tantum facie, qua Solem respicit, clarescit & fulget; ita ut diversas admodum facies nobis ostendat. Nam cum ex opposita Cæli parte, Sol se se obijcit, lumine tota perfusa apparet; cum verò sub Sole posita est, nobis ferè obscura redditur: Ita Christus Sol, connata sibi luce, in beatos beatifica, in homines reuelata scientia semper emicat. Moses verò uti Luna, ea unica splendescit ratione, qua Christum venturum respicit, eoq; magis claruit, quò magis à Christo, Evangelijq; tempore distabat. Appropinquante siquidem Evangelio, lex obviabatur paulatim quoadusq; cum id supervenit, penè tota delituit. Nam in Christo neque circumcisio, neque præputium aliquid valet, sed nova creatura. Lunæ inter Cælum tegere, grandines, glaciēs, pruinas alere: Solis verò munus est, reddito die, omnia vivificare, serenitatem afferre, ex immenso calore cuncta ad fecunditatem propere, mortales perterrebat, poenas graves, ac inevitabiles infligebat, vota mortalium non ad cœlestia, sed ad terrena tantum vehibat, iustitiæ semitam præsignabat; sed claudicantibus auxilium non ferebat. Christus verò, Evangelij suavitatem, mortales allicit, veniam optatam omnibus condonat, spes nostras ab his terrenis, uti momentaneis, ac vilescendos virtutum fructus innumerabiles elicit, efficacissimo gratiæ radio sapificat, quòd ab Ecliptica nunquam discedit. Sol sub Zodiaco, motus suos ea ratione peritur; sed non semper in Ecliptica decurrit. Luna sub Zodiaco quidem circumvolvitur, quòd est vita, dicitur; in Ecliptica verò radix vitæ esse fertur; ex eò, quòd in ea perpetuam Sol sedem teneat. Pari euentu in Evangelio, uti in Ecliptica vera, radix est vitæ; Christus enim, qui vera Via, Veritas est, & Vita, in hoc sedem habet. In lege, uti in Zodiaco, vita quidem comperitur, sed ex Eclipticæ, hoc est, Evangelij virtute: nam in lege Moysis vita insita est, non à se, sed in quantum Christum venturum credit. Gentiliam exemplo (si potero) Iudaicæ cæcitat. rationem. Solis fit eclipsis, quando Luna sita inter Solem & nos, fulgentissimos suos radios ad nos eum diffundere non permittit; quo etiam tempore Luna, licet in parte ad Solem versa claritate prædita sit, nobis tamen obscura (quia in novilunio est) apparet. Hac Christi est eclipsis, quæ in Iudæorum

rum regione nunc efficitur. Moses enim, veluti Luna, ita interpositus est inter Christū & Iudæos, (cū ab eius auctoritate discedere negligant) vt Christi agnitionem eis interdicat: eo successu, vt si Mosē, ac legem, ea facie, ea scilicet interpretatione, qua Solem, hoc est Christum respiciunt, interpretarentur; facile & legis internos sensus penetrarent, & ex ea luce ad luminis fontem Christum peruenirent. Verū, cū Mosē le gem ea facie, illa videlicet literæ consideratione respiciant, qua secundum literæ corti cem, Soli, hoc est Christo, terga vertit & opponitur; ob id euenit, vt & Mosē tene brosus illis reddatur: nullas enim ingenuas, ac legitimas, sed vanas, ridiculasq; de Mo sis dictis intelligentias habent; nec per eas ad Christum accedere possunt. Hac fortē ra tione non incongruē in plenilunio tenebræ factæ sunt super vniuersam terram, dum Christus super Crucis patibulum elatus, Orbi conspiciendus traditus est: non tantū, quod Sol conditorem suum, ita dilaniatum, conspiciere non ausus fuerit, vel cum omni bus creaturis tam suam mortem deplorare voluerit: sed vt eclipsim Iudaicam, (be nē in plenilunio, hoc est in redemptionis plenitudine factam) indicarent; non quidem naturalem (cū ea in plenilunio confici non possit) sed violentam. Neq; etenim, ex præstita sibi à Deo causa, in cæcitatem illam Iudæi corrumpere, qua Iudaismus (vt egre giē D. Paulus docet) fidem Gentilitati cessit: sed ex perniciaci sua, duraque volun tate, qua oblatam sibi salutem acceptare renuerunt, Deoq; semper reluctarunt. Mosē igitur, Christo comparatus, nulla prorsus eminet dignitate: Sol enim Lunæ fulgores omninō obtenebrescere facit; Sed stellis, in ipsius noctis tenebris, hoc est in ipsa natu ræ, ac legis tempestate, Prophetis videlicet reliquis collatus, mirificam admodum di gnitatem præ se ferre dignoscitur. Dignitas verō hæc Mosē, à quatuor eius singulari bus functionibus, seu muneribus, quæ in Scriptura magis celebrantur, illustrata videtur. Mosē enim Propheta maximus, Dux, Legislator, ac Sacerdos in sacro eloquio nuncu patur & declaratur. Propheta primō insignis ostenditur; cū nō tantū Spiritus Sā cti afflatu, vel ex imaginibus, seu spectris apparentibus, vel Angelo reuelante, abdita à primis sæculis prodiderit, vt ceteri Prophetæ; sed quia (vt D. Augustinus, ac D. Tho mas arbitrati sunt) Dei essentiam (raptim tamen) viderit: ad tantamq; euectus sit gra tiam, ut (sicut D. Basilus scripsit) faciem Dei, æqualiter cum Angelis inspexerit, ac per transfennam (vt aiunt) sit contemplatus. Verū quo reuelationis genere Mosē p ræclarus Pentateuchum scripserit, vberius suo loco disceptabimus. Dux etiam præclarus fuit Mosē; siquidem non à Republica, non à Rege, vel Principe, sed à Deo mirificis portentis, quasi impressis literis, vocatus, Iudaicæ gentis imperator fuit constitutus; vi ribusq; non humanis, sed diuinis, Ducis partibus est functus: nā pro copijs, quibus Ac gyptios, ceterosq; Iudaici nominis hostes prostraret, dederetq; Dei virgam habuit, qua & maria diuideret, & Manna, ac Coturnices, quasi annonam ex aere nubibus obuoluto, hauriret; aquas è petra excuteret; cunctaq; sibi aduersantia contereret. Legislator et eximius Mosē extitit. Lygurgus etenim, ac Minos suas, & suo Marte editas leges à Dijs fuisse sibi datas, dicere, vt leuissimos sibi populorum animos cōciliarent, impro bē sunt ausi; & affectata virtute, fucataq; vitæ probitate, maximam sibi apud homines auctoritatem compararunt; vel Deorum congressus simularunt, quemadmodū Numa cum Nympha Egeria. Cæterum Mosē egregius, veraxq; Legislator, cum Deo col loquia, non fictitia, sed euidentissimis portentis roborata habuit; ac omnium virtutum genere insignitam vitam tulit; & legem, quadraginta dierum suffultus ieiunio, fumigā te igne, coruscantibus tonitruis, admirantibus Iudæis, in Monte, non clam, sed aperto die, lapideis tabulis, Dei digito incisam, exaratamq; detulit. Summus etiam Pontifex nuncupari potest; cū Sacerdotis summi munera obijisse, Tabernaculum crexisse, Al tare vixisse, Aaronem consecrasse, omnesq; sacros ritus tradidisse legatur. Hoc idem testatus est Dauid, cū dixit; Mosē & Aaron in Sacerdotibus eius: idipsum assene rarunt Philo de vita Mosē, Augustinus supra Leuiticum, Leo Papa in Epistolis, Gre gorius Nazianzenus, ac plurimi ex Patribus. Sed hæc de Mosē dignitate dicta sui ficiant.

Solis obscu ratio in Chri sti Passione mysteriosa.

Dignitas Mo sis vnde su matur.

Mosē Pro pheta eximi

Mosē Dux insignis.

Mosē Legis lator præcla rus.

Mosē sum mus Sacer dos.

Psal. 98.
Lib. 2.
Quest. 23.
Epist. 86.

De Mosē

*De Mosi Nobilitate.*Mosis geneo-
logia.Sacerdotalis
dignitas, nō
Rubem, seu
Iudæ, sed Le-
uī stirpi colla-
ta, & quare.Primogeni-
tura duplex
spiritus, &
carnis.

Gen: 49.

Hebr: 9.

Apocal: 19.

Psal: 109.



MOSES Amram filius fuit, nepos Chaat, pronepos Leuī, ex Iacob, Isaacq; & Abraham prosapiam traxit: & quodnā stemma hoc illustrius, nobiliusue, & excelsius existimari potest? Quānam gens, seu progenies tot Duces, Reges, Pontifices, Heroes habuit? Quānam à Deo præstantiora beneficia, & maiores gratias recepit? Quæ tandem tantum promeruit, vt Dei æternus filius ex se carnem assumeret, quo nil sublimius, eximiusq; ei contingere poterat? Caterum, hac audita Genealogiæ nobilitate, duæ difficultates non spernendæ statim exurgunt. Prima est, quānam diuinæ prouidentię ratione, Sacerdotium, ac imperium, non in Ruben, nec in Iudæ stirpem collata fuerint, cum maximè ille primogenitus, hic benedictionibus locupletatus esset, sed in Leuī, tertio loco nati, insuper à Iacob suprema benedictione priuati, prosapiā peruenerit. Altera si Aaron, natu maior erat, quare ipsi Sacerdotalis dignitas impertita est à Mose, regali sibi seruata? cum regalis Sacerdotali eminentior, saltem ante Christum censeretur? Sed pro his attendendum, quòd alia est ratio primogenituræ hominum iudicio, alia Dei intuitu: Hominum iudicio primogenitura eius est, qui secundum carnem primo loco nascitur; Dei verò approbatione eius, qui secundum spiritum primum probitatis locum nanciscitur. Ex hac primogenitura, Deus ex filiis Adæ, non Cain, natu maximum, sed Abel; eoq; sublato, Seth, eiusq; prælegit sobolem. Ex Noe filiis, non Iaphet, primo loco editū, sed Sem, suamq; progeniem dilexit. Ex Isaac geminis, repulso Esau, Iacob selegit: hacq; Dei infallibili prouidentia, non Ruben, nec Simeonis, nec Leuī, sed Iudæ, quarto loco nati, posteritas ad regales, pontificiasq; dignitates ducebatur. Quapropter Iacob diem vltimum clausurus, cum filiis futuros euentus prædiceret, Dei nutu, Ruben, ob maculatum strapiam ad summum benedictionum euegit apicem, cum dixit; Adorabunt te filij patris tui. Verum ad eas dignitates consequendas, non statim ipsius Iudæ progenies destinata fuit; sed pro eo tempore, quo ille nasceretur, qui ex Dei prædestinatione ad tantam euehendus erat excellentiam. Hic autem erat Christus, omnium gentium expectatio; qui & verum summum Sacerdotium, & Mundi imperium adepturus erat. Illud, inq; Sacerdotium, de quo Paulus; Christus assistens Pontifex futurorum bonorum. Regnum, inquā, id, de quo legitur; Scriptū est in fœmore eius, Rex Regū, & Dominus Dominantium. Iam verò Deus per dilabentia à Iacob ad Christum tempora, & Sacerdotium quoddam imperfectum, & dignitatem quandam regalem, non absolutam, præmiplari exprimerent. Sacerdotium igitur perpetuum, vnica in stirpe Leuī, non absq; mysterio institui voluit: perpetuum nempe, vt æternum Christi Sacerdotiū, nunquam defecturum præfiguraret: iuxta illud; Tu es Sacerdos in æternum secundum ordinē Melchisedech. In vnica autem Tribu Leuī, vt indicaret vna in Ecclesia Romana æternam futuram summi Sacerdotij successionem: Ecclesiæ enim Romanæ Pontifex, Pontificū Pontifex est, Episcoporum Episcopus, Christi vices gerens: Et illa sedes, illa petra est, super quam ædificauit Christus Ecclesiam suam Catholicam Romanam, omnium Ecclesiarum matrem. Tandem alienæ Tribui, a Tribu Iudæ, ex qua nasciturus erat Christus, contulit Deus illud Sacerdotium, vt præsignaret, quòd in tanti muneris collatione, Christus non acquieuit carni & sanguini, sed Dei voluntati. Nec enim Iacobo, & Ioanni germanis, sed Petro, alieno à sanguine suo, summum exhibuit Sacerdotiū; vt sit cut caro & sanguis non reuelauerat Petro inconcussam de Diuinitate fidem, sed Deus; ita nec caro & sanguis, in Pontificatus sui collatione, vim haberent, sed Deus. Inde nec Pontifices summi ex gente tantum Iudaica, tanquam Christo per sanguinem cōiuncta; sed tam ex Iudaica, quàm Gentili excipiuntur. Nec ex obeuntium Pontificum obtestata voluntate successores assumuntur (siquidem neq; Ecclesia illa primitiua in hoc Petro, qui Clementem nominarat, Spiritu Sancto afflata acquieuit;) sed ducto purpuratoni prorsus existant; ex spiritus tamen progenitura, vt filij patribus succedunt: iuxta illud

Prophe-

Psal. 44.

Christus, &
Romani Pō
tiffices oīum
regnorū ha-
buit ius.

Gen. 49.

Sacerdotium
cur tantum
in Leuī poste-
ritate perdu-
rarit, & impe-
rium inchoa-
rit.

Gen. 29.
Gen. 29.

Gen. 49.

Gen. 49.
Gen. 49.

Gen. 49.
Gen. 49.

Gen. 49.
Gen. 49.

Regalis au-
toritas qua-
re antiquitas
Sacerdotali
dignior exta-
ret.

propheticum; Pro Patribus tuis nati sunt tibi filij, constitues eos Principes super omnē terram. Regalis verò dignitas, ita apud Israelitas viguit, vt nec perpetua, nec eadem in Tribu, sed per Tribus vagaretur; & maiori quidem tempore in Iudæ prosapia, quàm in ceteris consisteret; vt ex his, quæ de regali Christi auctoritate ventura essent, edisceremus. Ius enim certum regnorum omnium habuit Christus, & per Christum habent Summi Pontifices; sed ipse vsū neglexit, ipsi autē neglexerunt, susceperuntque pro temporum opportunitate. Vltus verò, administratioq; apud diuersarum nationum Respublicas, prosapiasq; huc illuc decurrit. Diuturniori autem tempore, ac sublimiori gloria in Iudæ stirpe emicuit; vt cum ex iure humano regna posteris, primogenitura ratione mandentur, illud regnum Iudaicæ progeniei, Christo vero primogenito cessisse, ex humano etiam vsu, præter diuinum, nosceremus; ita Iacob prophetante; Non auferetur sceptrum de Iuda, & Dux de femore eius, donec veniat, qui mittendus est; tanquā veri regni hæres. Ex prænarratis igitur colligimus, quod Deus primogenituram spiritus non carnis attendens, nequaquam Ruben primogenitum, sed Iudæ stirpem selegit. Cum verò in Christo adimplenda foret benedictio illa superexcellens; si per antea acta tempora & Pōtifficia, & Regalis eius dignitas præsignanda erat; non immeritò & Sacerdotium in aliena Tribu perpetuū remanere, & Regnū primò, per alias progenies, & tandem in Iudæ prole, consistere decebat. Remanet adhuc tamen propositi dubij difficultas; cur potius in Leuī posteritate, quàm in cæteris & perpetuum Sacerdotium, perdurasse, & Ducatū inchoasse decreuerit Deus, ac sãciuerit. Attendas huiusce rei rationes à Patriarcharum matre, patreque nobis declaratas. Cum Lya Leuī edidit, copulabitur, inquit, mihi maritus meus, eo quod pepererim ei tertium filium; idcircoq; appellauit nomen eius Leuī. Quando autem genuit Iudam: modò, inquit, confitebor Domino, & ob id vocauit eum Iudam. Prædixit igitur Lya Deum dedisse sibi Leuī, vt copularetur iterum Iacob, & pareret Iudam: natò Iuda quieuit filios optare; Dominoq; gratias egit. Datus est ergo Leuī, vt daretur Iudas: ita collata est Tribui Leuī omnis supereminentia dignitatum, vt ab ea, in Iudæ stirpem, tanquam in proximiorē, deferretur: Quod effectum est cum Regnum imperfectum in Dauid; perfectum verò Imperium, ac Summum Sacerdotium in Christo collocatum est. Iacob pariter diem extremum dum clauderet, Simeoni, & Leuī hæc dixit; Diuidam eos in Iacob, dispergam eos in Israel. Iacob nomen fuerat ipsi à natalibus impositum, Israel à lucta, quam habuit cum Angelo, illud à Parentibus, istud ab Angelo indictum fuit. In Iacob igitur, id est in bonis Laicorum terrenis præsignata erat diuisio; in Israel, id est in rebus Clericorum dispersio. Ecce adimpleta diuisio in Simeone, cum Tribus eius montana vltra Iordanem excepit: dispersio in Leuī, cum vti Sacerdotio fungentes, eius posterī Terræ promissionis sibi attinentē partem, inter cæteras Tribus habuerunt, ipsisq; vrbes, & suburbana, inter alias Tribus dispersa obuenerunt; quod non contigisset, si Sacerdotali dignitate decorata nō fuisset. Diuisio autem hæc rerum terrenarū, diuisionem præfigurabat Regnorum, quæ intrer homines Laicos fienda erat; dispersio verò bonorum Ecclesiasticorum, dispersionem, quæ habet Pontificia dignitas cunctis in Prouincijs prænotabat. Resedit igitur Sacerdotalis dignitas in Leuī posteritate, cui, ex virtute benedictionis Patriarchæ Iacob, dispersio destinata erat; vt aptius præsignaret Sacerdotium in Ecclesia Catholica, quæ iura, bonaq; sua Ecclesiastica in vrbibus omnibus, ac Christianorum prouincijs dispersa obtinet. Ad alteram descendentes propositam difficultatem prænotandū est, quod ex duabus dignitatibus stirpi Leuī collatis, Sacerdotalis eminentior Regali existimanda est. Præstantior est enim animæ regimen, quàm corporis; ac potior animæ beatitudo æterna, quàm corporis foelicitas, temporis vicissitudinibus subiecta, excellentiorq; Dei cultus, quàm Reipublicæ cuiuscunque specimen, seu ornamentum. Conueniebat igitur Aaroni, tanquā natu maximo, dignitas ipsa præstantior Sacerdotalis. Sed difficultas difficultatem parit, si nobilius Sacerdotium, quàm Regnum; vnde Regalis auctoritas Sacerdotali superior? Nam Moses, Aaron, Dauid, ceteriq; Reges Summis Sacerdotibus imperabant. Hoc duabus de causis euenisse arbitror; Altera quia Legis, & Gratia conditiones admodum differunt: Legis enim tempore, sicut ipsa Lex erat imperfecta, cum neminem ad perfectum deduceret; & sacramenta pariter imbecilla extarent, quia

Exod. 20.

Hebr. 40.

gratiam non conferebant, ita & Sacerdotiū aderat imperfectum: econtrā gratiæ tempore, sicut Lex est diuina, & sacramenta gratiā conferunt; ita & Sacerdotium perfectū: quapropter congruē dignitati Regali perfectæ, tunc illud imperfectum Sacerdotiū subdebat: nunc autem regali dignitati imperfectæ, perfectum Sacerdotium minimē subiiciendum est. Hinc attendat, qui scripturarū lectione oblectatur; Quare in Testamento veteri legatur; Regnum Sacerdotale; in nouo autem dicatur; Sacerdotium Regale; ut quod illi substantiuē, nos adiectiuē; & quod ipsi adiectiuē, nos substantiuē explicemus. Quia Regalis dignitas, quæ apud eos perfectæ erat, apud nos imperfectior reddita est; & Sacerdotium, quod apud eos imperfectum extabat, nobis perfectissimum euasit. Vel dicamus subtilius; Lex Mosis, Lex erat iustitiæ: iuxta illud; Ego Deus Zelotes vindicans iniquitatem patrum in filios; Lex Christi, misericordiæ Lex cōperitur: Deus .n. Zelotes, Pater misericordiarū, & Deus totius consolationis effectus est. Regalis auctoritas iustitiam expetit (non .n. sine causa gladium portat) Sacerdotalis misericordiā postulat: talis .n. (ut testatur Paulus ad Hebræos) decebat, ut nobis esset Pontifex, qui posset compati infirmitatibus nostris. Eleganter igitur iustitiæ tēpestas, Regalis præminebat auctoritas; misericordiæ verò tempore effecta est Sacerdotalis dignitas præstantior: si ab illa Regia potestate, iustitia; ab hac Sacerdotali pietas expectanda erat. Verū liceat & his addere, quod Mosis præclaræ admodum virtutes à Deo mereri potuerunt, ut in sua stirpe hæc ambæ dignitates collocarentur. Quis enim ipso, ex Hebræorum Archipatribus, tūm animi, tūm corporis dotibus, tūm à Deo collatis muneribus dignior, ornator, seculisq; omnibus admirabilior?

De Mosis Vita.



Aeternum dignitas hæc coruscans Mosis, cum non tantum à singularibus muneribus, ab illustri prosapia; sed à præclara vitæ probitate enitescat; ordo dicendi poscit, ut eius vitæ, gestarumq; rerum seriem referam. Quare breuissimo elogio, quæ scriptura, ac grauissimi Patres tradidere, cōplectar. Siquis .n. accuratorem desiderat vitæ Mosis narrationem, Philonem adire potest; qui tribus voluminibus Mosis vitā cumulatè absoluit, idq; quam libentius agam, ut ex hoc rerū gestarum epilogo, cum cæteris à Spiritu Sancto delectis prisci Testamenti Patribus, non ineptè Mosis ipse cōparari possit. Qua cōparatione, non quidem mea sententia, sed cōprobatione scripturarū sanctarū, ac præstātiſſimorū eruditissimorūq; virorū, Mosē ipsū, illis omnibus augustiorem, insignioremq; cōperiendum esse, haud inscienſer existimo. Moses natione Hebræus, patria Gethsemita, aut certè Rameſſita, p. Leuī stirpē à maximis Iacob, Isaac, & Abraham Patriarchis, prosapiam traxit; annoq; secundū Hebraicā computationē, à creatione Mundi, bis millesimo, trecentesimo, septuagesimotertio; secundū verò Græcam Eusebij, ac Septuaginta Interpretū, ter millesimo, sexcētesimodecimo, in Aegypto (cū Rex Pharaō īmaniter in Populi Israelitici mares desauiret) in lucē prodijt. Amra .n. eius parens (teste Philone) spreto seniorū consilio, qui Iudæos non nubere, atq; magis sine liberis decedere, quā natos ad interitū edere consulebāt, Deiq; promissis inconcussis sisus, cū iam Mariā, ac Aaronē ex altera coniuge suscepisset, Iacobā de Tribu Leuī sibi in vxorē asciiuit, Mosēq; ex ea genuit. Natus hic infans admodū elegans, postquam tribus latuisset mensibus, in fiscella scirpea, seu (ut Ioseph tradit) lectulo è vimine contexto, ac bitumine linito, mirificè, nec sine Dei prouidentia, palustris, stagnantisq; Nili ripis expositus est. Hunc Regina, Pharaonis filia, Thāgnē suscepit; Mosēq; eū, quod ab aquis eruiſſet, nuncupauit; quasi (Ises) hoc est, seruatus à (Moy) id est, ab aquis: ita .n. voces illę Aegyptiacę latino idiomate interpretamur. Primò nanque Ioachinus (ex Clementis sententia) seu Melchiel (ex Philonis testiſororis ingenio, quæ sedulo cum inſequuta fuerat (ut quid de ipso euenturum esset, obseruaret) matri nutriendus traditus est. Amore deinceps tam feruido Regina Thermura est puerū proſequuta, quod cū nupta esset, atq; mater effici non posset; simulato partu

Lib. biblic. antiq.

De antiq. lib. 2. cap. vi.

Mosis nomina.

Lib. 1. Strom.

Lib. biblic. 7.

antiq.

partu (vt tradit Philo) puerum, qui ascitius erat, natiuū dixit, ad consequendaq; amplif-
 simi regni iura ipsum hoc mirifico extulit dolo. Deinde cū trium annorū ætate Pha-
 raoni Regi à filia oblectationis gratia blādiendus exponeretur; fertur (vt Ioseph tradit)
 diadema Regiū, suo capiti impositū, in terrā iecisse, ac pedibus conculcasse; quam rem
 cū Rex ægrè ferret, sacerq; Scriba eū necandum (vt Regni futurum prostratorem, ac
 euastatorem) inclamaret, vix Regis filix ingenio, indictam necem euasit. Moses igitur
 regiam educationem nactus, puerilibus spretis oblectamentis, cunctis mox animi & cor-
 poris explenduit dotibus, disciplinisq; omnibus, a prima statim adolescentia, lectissi-
 misq; moribus animum imbuit. Itaq; Arithmetica (teste Philone) Geometriā, vni-
 uersamq; Musicam, Rhythmicā, Harmonicam, Metricam, siue Contemplatiuam, siue
 per instrumenta, vocesq; prominentem modis varijs, citissimè didicit. Ab Aegyptijs in-
 super, occultam Philosophiam descriptam literis (vt vocant) hieroglyphicis; ac à Græ-
 cis, ex propinquis regionibus euocatis, liberales artes; à Chaldæis, & Aegyptijs sydera
 lem scientiam (eodem teste Philone) hausit. Medicina etiam (teste Clemente Alexan-
 drino) claruit, dicendi, facundiæq; peritia (teste Iosepho) emicuit. Vt autem adoleuit,
 contra Aethiopes bello à Pharaone suscepto, Dux est electus; mirificoq; ingenio hibi-
 cibus secum delatis, serpentes arenoso in itinere offensos retudit: commissoq; prælio,
 hostes profligauit: Vrbem inclitam (Meroe appellatam) Regis filia, quā postea in Vxo-
 rem assumpsit, arcem prodente, (teste Iosepho) expugnauit: Aegyptum reuersus, ado-
 ptione contempta, qua Regis nepos existimatus, Rex iunior (vt tradit Philo) appellaba-
 tur, auitiq; solij hæres expectabatur, Aegyptium Hebræum percutientem occidit, sa-
 buloq; tumulauit; sed detecto facinore, pauidus quod à Pharaone tanti criminis ultio
 posceretur, ad Madianitas Arabes profugus diuertit; cūmq; Raguelis Sacerdotis filias
 septem à Pastoribus, qui eis aquas eripiebant, defendisset, tantam sibi adeptus est Ra-
 guelis beneuolentiā; quod eius filia sibi addicta, apud eum, vsq; ad octuagesimum suū
 annum, scientiarum omnium contemplationibus incumbens, vitam degerit. Cæterum
 Moses annum ducens octuagesimum, à Deo, ignis rubum ardentis, nec comburentis,
 portento euocatus, dux Israel est institutus: vbi cū imbecillis hominis natura susti-
 nere Deum loquentem non possit, soleatq; eloquentia humana, quando cū Deo agit,
 balbuties (vt Origenes sentit) & infantia effici, ipse impeditæ, implicatæ, balbutientisq;
 linguæ factus est. Reuersus postea in Aegyptum, Aarone secum assumpto, tribus signis,
 Virgæ scilicet resfloris, Manus ad sanitatē restitutæ, ac Aquæ in sanguinem commu-
 tatæ, se Ducem à Deo missum declarauit. Inde decem plagis Aegypto percusso, Rege
 reluctante, post quadringentos triginta ab Abrahā peregrinatione annos, libertatem
 optatissimam, eductis ferè sexcentis millibus ex suis, exceptis paruulis, ac mulieribus,
 mirificè est consequutus. Hinc Israelitas per desertū quadraginta annis rexit, habitisq;
 mansionibus quadraginta tribus, singularibusq; Dei gratijs, ac miraculis suffultus, ad
 promissionis Terram eos perduxit. Nubes. n. in ingentis columnæ speciem, interdū so-
 lari emicans splendore, noctu verò flāma tutum iter eis præstabat. Arabici sinus aquas
 virga secavit. Aegypti Regem, cum curruum sexcentorum, equitum quinquaginta mil-
 lium, peditum viginti millium acie, fluctibus obuoluit. Aquas Amarath eadem virga
 dulces reddidit. Manna è Coelo, Coturnicesq; euocauit. Aquas ex petra percussa
 virga illamet, qua tot in Aegypto portenta fecerat, bis excussit; ex eisq; amnes manan-
 tes Iudæis impertiuit. Amalechitas, peragrantes Iudæos inuias solitudines, arenosasq;
 infestare, & deturbare contententes, ipse orans in Monte suspensis ad Cælū manibus
 profligauit. Iudicum magistratum consilio Ietri cognati instituit. Legem omniū au-
 gustissimam, in Syna monte, terribilibus portentis, dum erumperent scilicet tonitrua,
 micarent fulgura, densissima nubes cūcta operiret, clangor buccinæ perstreperet, à Deo
 excepit; præceptaq; tūm moralia, tūm iudicialia, tūm ceremonialia, mox promulga-
 uit. Quibus in peragendis, tot collata sibi à Deo fuere præcipui amoris signa; vt qua-
 draginta dierum ieiunio præstito, Altissimi sepius cōgressu sit potitus, Tabulas lapideas
 diuina manu incisas, exaratasq; acceperit; ipsum Deum iratum flexerit; faciem fulgen-
 tissimo radio coruscantem, cornutamq; (stupentibus Iudæis, ac ægrè eā ferentibus) ex
 Dei consortio detulerit. Quin, & super hæc maiora præstitit suæ gloriæ monumenta; nā

Lib. primo &
vit. Mos.lib. 2. antiq.
cap. vi.lib. de vita
Mosis.

Strom. lib. 1.

lib. 2. de anti-
quit. cap. 10.

Exod. 3.

Hom. 3. in
Exod.
Exod. 4.
Mosis mirifi-
ca opera.
Exod. 3. 9. 10.
11.
Exod. 12.

Exod. 14.

Exod. 14.
Exod. 15.

Exod. 17.

Exod. 18.
Exod. 19.

Num. 11.
12.
13.
16.
21.
30.

Mosis mors .
32.

Deutero. 34.
In parastasi
lib. 1. Strom.

æneo Serpente erecto, Serpentum ignitorum veneno infectos, laesosq; ad vitam restituit; diffidium, ob defectum carniū ortum, sustulit; Aaron, Mariāq; sororis defectiōnem retudit; Populum ad Terram promissā progredi reluctātem, placauit; Chore, Dathan, Abiron seditionē cōmouentes, à terra absorptos conspexit. Inde pluribus promulgatis legibus, cerāmonijs, ac prāceptis; non modicis profligatis, fufis, prostratis, & iusta internecione deletis nationibus; enumeratis Israel agminibus, diuisa Chananea; Iosue substituto; benedictis Tribubus; Heros omnibus ingenii artibus, iustitia, mansuetudine, prophetia, inter omnes Israelitas celeberrimus; vt qui vigintiduo clarissima edidit miracula, quatuorq; insignibus victorijs potitus est; obiit anno suo cētesimo vigesimo. Non desunt, qui eum excitatum in vitam, & in Cœlum sublatum fuisse tradant. Ita enim Rabbi Samuel constanter affirmat, & Clemens ex sententia Mystarum annuit; quā an vera, an falsa sint, legentium iudicio discernenda relinquo. Huic tamen rei non modicam fidem affert, quod cum Elia (quem in igneo curru raptum non ignoramus) in Thabor Monte apparuerit. Ex quibus omnibus deducitur, neminem ex prisca Testamēti Patribus, nec natalibus insignioribus, nec educatione illustriori, nec Dei colloquijs crebrioribus, nec factis stupendioribus, nec numero & pondere miraculorum, nec potioribus muneribus, cum Mose comparari posse. Sed de his fati.

Qua traditione Moses Pentateuchum scripserit.

Moses diuino
afflatus
spiritu libros
scripsit.
Exod. 24.

Deutero. 31.

Reuelatio
Diuina quā
que modis
fieri solet.

Moses quo
reuelationis
genere scripsit.

Marc. 13.

Moses quo
modo Deū
viderit.



MOSEM, virum tam superexcellenti dignitate inclytum, non ex humana, sed diuina traditione Pentateuchum scripsisse, inconcussa fide credendum est. Ipsa Sacra Scriptura hoc testatur, dicens: Scripsit autem Moyſes vniuersos sermones Domini. Et iterum: Assumensq; volumen fœderis legit, audiente populo. Et alibi; Postquā ergo scripsit Moyſes verba legis huius in volumine, atq; compleuit; prācepit Leuitis, qui portabant Arcam fœderis Domini, dicens; Tollite librum istum, & ponite eum in latere Arcæ fœderis Domini Dei vestri. Ex qua enarratione excipere possumus, Mosē volumen vnum tantum edidisse, quod in varias sectiones Hebræi, Græciq; postea partiti sunt, & volumen fœderis legis ab ipso appellatū fuisse, & nil in eo, prāter Dei sermones tradidisse. Hinc sequitur, quod à condito Orbe ad natalia sua, per annos duo millia trecentos septuagintaduos tradita historia, quæ in Pentateuchi libris, præcipueq; in libro Geneseos est explicata, Dei reuelatione edita sit. Cæterum reuelatio quinque modis fieri contingit; Primo Spiritus Sancti afflatu, seu inspiratione; Deinde notitia humana, & hac duplici; vel cū res enarratas ipsi Prophetæ viderunt; seu, cū eas ex progenitorum, maiorūq; traditione hauserunt; Tertio externo Angelorum ministerio; cū scilicet ignota Deus per Angelos hominibus reſerat; Quarto spectris, & imaginibus in illorum phantasia expressis; Quinto Dei viſione raptim habita, qua Prophetæ splendidam veritatem in fonte Diuinæ essentiæ intuentur. Cōmuni autem, probataq; Patrum sententia, primam, secundam, ac vltimam reuelationem habuisse Mosē arbitror; quanquam & fortē alias duas esse consequutus sanctus ei detexit, reſerauit nuda, aperta; obtulit. Quamplura ipse Mosēs vidit, vel à maioribus accepit; Verū in his non humano more (qui falli poterat) ipse scripsit; sed impulsus, actusq; à Spiritu sancto, qui eius memoriam, mentē, manus, viresq; omnes ita in offitio retinebat, quod nec cæcutire, nec obliuisci, nec aberrare, nec à vero deſſectere poterat: iuxta illud; Nolite cogitare, quomodo, aut quid loquimini; dabitur enim vobis in illa hora, quid loquamini. Quod enim ipse multa prospexerit, nulli dubium est: quodq; ex Patribus multa hauserit, etiā non ineptē existimare possumus: Arbitror siquidem, quod non omnis traditio, quæ Mosēs tēpeſtate apud Hebræos de Mundi creatura, de Cataclyſmo Noetico, de Maiorū geſtis, ac Religione, apud Patres, Atauosq; fuerat, obliuione eſſet obruta. Solent porro cunctę Nationes maiorum suorum geſta (maximē cū præcipua, ſingulariaq; ſint) ſumma veneratione, ac ſtudio, ne obliſcantur, extinguanturq; , custodire, ſcriptisq; mandare. Verū mihi mirum in modū ea aridet ſententia, quæ Mosē beatifica luce illustratum tradit; clariffimā ſcilicet Dei

Dei visionē, raptim tamen; ac, ut aiunt, per transfennam, consequutū, quo in fonte rutilantem, splendidamq; omnium rerum à se scribendarum veritatem decerpserit. Verum quibus singularibus prerogatiuis, quibusq; testibus, hæc Mosis reuelatio decorata, ornataq; fuerit, cum non inepta Christi cōparatione contēplemur. Legislatores Moses, Legislatores Christus; diuinæ Leges ambæ; licet longè Euangelica præstantior; purus at tamen homo fuit Moses; Christus Deus & homo; quod si Legislatores Moses, ut purus homo, ad diuinam Legem indicendam, ad arcana, abditaq; referenda destinabatur ex Dei reuelatione eam habere necesse erat. Et sic Legislatores Christus, Deus erat & homo, diuinā quoque sapientiā ex suo indeficiente æternæ sapientiæ fonte enuntiabat. Indigebat igitur testimonijs Moses de Dei colloquio, indigebat & Christus certis obtestationibus, quod filius Dei esset. Moses itaque (præter multos) tres singulares cū Deo diuturnos congressus habuit: Primū in Monte, quando nebula obtektus, quadraginta diebus, ac totidem noctibus cū Deo moratus est, tabulisq; lapideis Legem incisam suscepit: Secundū, cū in Tabernaculo extra castra erecto, nubeq; in specie columnæ obūbrato, loquebatur cū Domino facie ad faciē: Tertiū tandē, cū quadraginta dierum præmisso ieiunio, ipse tabulas iterum excussit, & insculpsit; redijtq; faciem cornutam, tantoq; fulgore perfusam gerens, quod eam velare sit coactus. Christus autem duo præclara (præter cetera testimonia) è Cœlo retulit: alterū, cū ipso baptizato, aperti sunt Cœli, descendit columba, intonuitq; ea inusitata vox; Hic est filius meus dilectus, in quo mihi bene complacui. Eminentius alterum, cū in Monte Thabor transfiguratus est, resplenduitq; facies eius sicut Sol, vestimenta verò facta sunt alba sicut nix: & apparuerunt Moses & Elias; vox de Cœlo iterum dixit; Hic est filius meus dilectus, in quo mihi bene complacui, ipsum audite. Magna certè Moses in diuinis colloquijs habuit testimonia; maiores Christus de diuinitate sua exhibuit obtestationes. Moses tres congressus habet singulares; plures autem alios, non tam insignes; plures (inquā) quia duræ ceruicis populo multæ adijci debebant obtestationes; tres verò singulares ob tria præceptorum genera, Moralium, scilicet, Iudicialium, & Ceremonialium, quæ tunc conferebantur. Christus autem duo tantum habuit eminentia è Cœlo testimonia, ut omnis tolleretur dubitandi facultas; vnum quasi factū Iudaico populo, ubi adfuit Ioannes Baptista Propheta, Sacerdotali stirpe, vitæq; probitate testis eximius: Alterum, quasi gentibus demonstratum; & ibi Petrus Pontifex Maximus, duo orbis tonitrua, Iacobus & Ioannes interfuere; ut tres adessent testes egregij pro eo populo, qui tres Mundi plagas, Asiam videlicet, Aphricam, & Europam excolebat. Moses portenta eximia, ac stupenda exhibuit; sed tantum sub Cœlo, aerea tonitrua, coruscationes, fulgura, nubesq; solum vsq; ad montis iuga elatas; inditium certum, quod ad felicitatem, eximiā quidem, sed terrenam, lex eius homines ducebat. Christus stupendissima è Cœlo miracula præstitit: nā Cœli aperti sunt; Spiritus sanctus in specie colūbæ descendit; vox Patris è Cœlo intonuit; decentissimè quidem, cū Euangelium ad cœlestē beatitudinem fideles extollat. Moses Deū alloquitur, sed in caligine: Omnia nempè umbris obuoluta excipit. Christus verò, Cœlo aperto, & in nube lucida Patris testimonium habet; quapropter Euangelica claritate cuncta effulgent, atque coruscant. Moses cornutam gerit faciem, tanto fulgore præditam, ut eam, non nisi uelamine opertam, Israelitæ intueri queant: quod mysterio non uacat. Sola enim facies in Mose resplendet, manus autem arida extat; quia lex quidem optima, sed operatio infirma: nam ex operibus legis, nullus iustificatur: Quinimmo, & legis sensus intimi, quibus, quasi in facie clarescit Moses, literæ uelamine operti sunt; quoniam super cor Iudæorum velamen positum fuit. Christi autem facies resplenduit sicut Sol; vestimenta eius facta sunt alba sicut nix. Omnia in Christo nimirum emicant, quia lex sancta est, & cœlestis; & ex eius obseruantia, Christicolæ iustificantur, ac super niuem dealbantur. Ita enim David Propheta precatur; Asperges me Domine hyssopo; hoc est, Christi expiatione: & mundabor, lauabis me eius sacramentis, & super niuem dealabor. Insuper facies Christi absque uelamine nobis exponitur; quoniam eius Diuinitas mysticorū sensuū explicatione dignoscitur; adeò quod ex reuerentia omnes cū Apostolis cadant in facies suas, sicut seniores ante Thronū cecidere. Moses audit Deum dicentem; Inuenisti gratiam apud me;

Mosis ad
Christum p-
pulchra com-
paratio.

Singulares
Mosis cōgres-
sus cum Deo.
Exod. 24.
Exod. 33.
Exod. 34.

Mat. 3.

Math. 17.

Mat. 17.

Psal. 50.

Exod. 33.

Mat. 3. & 17.

Lib. 3. c. 2.

Altera anthi-
thesis inter
Christum, &
Mosem.

Mat. 8.

Mat. 17.

Matt. eod. c.

Moses Dei di-
gitus appella-
tus.

Lucæ 11.

Deut. 34.

Matt. 28.

Mosis detra-
ctores.Mosis defen-
sores.

me, & te ipsum noui ex nomine; ac si diceret; Inter mortales mihi acceptissimus ita es, vt ex nomine, singulari scilicet notione, te nouerim; ea inquàm, qua electi scripti sunt in libro vitæ: Nam Moses nemini prisce Testamenti Archipatrum in Dei aula secundus reperitur. De Christo testatur Deus; Hic est filius meus dilectus, in quo mihi bene cōplacui, ipsum audite: quasi innueret; Moses mortalis seruus est; Hic filius. Moses ex adoptione filius; Hic ex natura, quapropter meus. In Mose complacui, sed non bene, quandoque enim defecit; In hoc bene complacui, vt nunquam mihi ipse displicuerit. Per Mosem me loquentem audite; semper enim Moses, vt Dei nuntius, populum Iudaicum alloquens præmittebat; Hæc dicit Dominus Deus; Christum audite, sicuti Deum loquentem. Magna sunt igitur monumenta, inditiq; , quod Moses ex Dei reuelatione doctrinam suam potarit, ac sumpserit. Maxima verò, quod Christus sit Dei filius, Deus & homo, & hominē reparare venerit. Fictitium non habuit Moses cū Deo colloquiū, quippe qui totum populū Israeliticum, portentorum suorum testimonium suscepit: Certiores testes exhibuit Christus, qui viuos & mortuos se adorantes habuit. Eusebius de Demonstratione Euangelica ex Mosis ac Christi gestis mirificam certè cōpaginat antithesim; Cuius argumentum (ne adeò prolixam narrationem deducam) tale est; Moses Legislator fuit Iudaicæ gentis; Christus totius vniuersi, Moses Idola Hebræis abstulit; Christus ea ex omni ferè Mundi plaga eiecit. Moses mirificis portentis legem contulit; Maioribus Christus Euangelium condidit. Moses suorum libertatem vindicauit; Christus generis humani iugum excussit. Moses terram fluentem lac & mel patefecit; Christus præstantissimam viuientium terram reseruit. Elegans infans Moses vix natus, Pharaonis scuitia, qui mares Iudaici populi ad necem damnarat, vitæ discrimen subiit; Christus infans, à Magis adoratus, ob Herodis immanitatem pueros trucidantis, in Aegyptum secedere est coactus. Adolescens ille omnium disciplinarū eruditione claruit; Duodecim annorum iste Legisperitos eruditissimos in stuporē adduxit. Quadraginta diebus Moses ieiunans, diuino eloquio depastus est; Per quadraginta perinde dies Christus non manducans, neque bibens, diuinæ contemplationi vacauit. Ille in desertis famelicis Manna, & Coturnices præbuit; Hic in deserto quinque panibus virorum quinque millia saturauit. Inter Arabici sinus aquas illæsus ille transiit; Hic super Maris undas ambulauit. Extēta virga ille Mare diuisit; Increpat iste ventū & Mare, & facta est tranquillitas magna. In Monte rutilanti facie splendidus apparuit ille; In Monte fulgentissimo aspectu transfiguratus est iste: cuius facies resplenduit sicut Sol. Non poterant filij Israel oculorū aciem in illum intendere; Ante hunc discipuli in facies suas perterriti ceciderunt. Mariam leprosam ad pristinā sanitatem restituit Moses; Mariam Magdalenam, criminum maculis obrutam, gratia cælesti abluit Christus. Mosem Dei digitum appellarunt Aegyptij; De se ipso Christus prodidit; Porrò si in digito Dei eiicio demonia, &c. Selegit Moses duodecim exploratores; Duodecim Apostolos & Christus elegit. Ille septuaginta Seniores; Hic septuaginta Discipulos. Iesum Naue successorem sibi destinauit Moses; Petrū ad Summū Pontificatum post se extulit Christus. De Mose scriptū est; Non cognouit homo sepulchrum eius usque in præsentem diem; De Christo contestati sunt Angeli, Iesum quæritis Crucifixum, surrexit, non est hic. Consulas tantum Doctorem hæc vberius explicantem. Excelsior etiam hac nostra tempestate infideles, qui Mosis detrahant; oblatrant siquidem more suo canes aduenis: quod si saxa ex eorum solo ieceris, ita in eorū morsu morantur, quod latrare desistunt. Diuinæ huic è Cælo Mosis reuelatæ Historiæ detrahunt Ethnici; Liceat igitur nobis lapides iniicere, & ex eorum placitis oppositam calumniam retundere. Mosis detractores antiqui præcipue fuere; ex historicis, Manethon, Herodotus, Suetonius, Trogus Pompeius, Strabo, Cornelius Tacitus: Ex eruditis in scientiis, Apollonius, Galenus Medicus, Seneca, Porphyrius, Celsus, Iulianus Cæsar, Faustus, Manicheus. Contra quos acrius pugnarunt ex nostris (præter Philonem, Iosephū de Antiquitatibus, & plures ex Rabbiniis) Origenes contra Celsum, Apollinaris contra Porphyrium, Augustinus contra Faustum, Cyrillus contra Cæsarem, & Tertullianus in Apologetico. Ego autem contra recentiores Mosis, ac fidei nostræ blasphematores,

tores, vnam tantum calumniam vindicare enitar. Nuper siquidem Historiarum studiosi præcipuè Mosi hoc obijcere audent; quòd ea, quæ de priscis temporibus, de condito Mundo, ac diluuiò tradit, non ex diuina reuelatione, sed ex antiquis Aegyptiorum, vel Chaldaeorum Sacerdotibus (apud quos Sacrosancta arcana recondabantur, à qui bus ipse, & eius gens profapiam trahebat) desumpserit; Latratus equidem iste impius est; sed à suo solo lapides sublatos in eos iacere contendamus. Si Moses aliena, ac diuersa prorsus ab Aegyptiorum, ac Chaldaeorum Cronologijs, & placitis prodit; certè quæ de primis sæculi annis refert, ab ipsis ea habuisse non est asserendum. Aegyptij (teste Trogo) Mundi, viuentiumq; originem, & initium in Aegypto cœpisse decertabant; ea de causa, quòd ceteræ orbis regiones, aut nimio solis æstu, aut frigore, algoreq; obruantur; Sola verò Aegyptus, ex connata sibi temperie, animantia cuncta gignere potuerit; idq; ex terræ feracitate, ac perpetua animalium spontanea generatione comprobabant. Vnde Diodorus ait; Aegyptij primos homines apud se creatos tradunt, tum foelicitate solis, tum Nili fecunditate, qui multa generat, & quæ genuit, facillimè nutrit. Scithæ econtrà (Trogo teste) hac alia ratione rerum initium suo solo factum asseuerabant; quoniam post discessum ignis, & aquarum, omnia obruentium, cuncta animantia edita sunt: & Ignis à sua plaga & regione, tanquam à frigidiori primò discessit; & aquæ ab ea perinde in Ponticum, ac Mediterraneum indita sibi naturali propensione, effluerunt, & decucurrerunt. Quod si hæc, ex testimonio horum, ac cæterorum gentilitatis Historicorum, fuit istarum gentium opinio: Quis Mosem oppositam sententiam referentem, ac Mundum diebus sex a Deo conditum, tradentem, hæc ab Aegyptijs sumpsisse scienter existimare poterit? Ioseph de Antiquitatibus, de Beroso sic ait; Berossus Chaldaeus, idest Sacerdos Babylonicus, ac Scriba publicus, omnem Chaldaicam deslorauit historiam. Verum Berossus in sua de vetustis temporibus historia, quædã consona, multa etiam dissona à Mose tradit. Consona quidem ea sunt, quæ de Gigantibus ante Diluuium, de Noetico diluuiò, de Noè profapia, ac stemmate scribit, quamuis diuersis nominibus, diuersaq; admodum serie. Nec de hoc mirandum est; si quidem dissipata Noe posteritate, confusisq; linguis, Heber (in cuius domo, & pristina lingua, & priscarum rerum vera traditio remansit) dum versaretur cum Chaldaeis, nonnulla illis retulisse censendum est. Plura verò prætermisit, multaq; opposita his, quæ habet Moses, tradidit Berossus; quoniam omnia quæ dixit Moses, vel non legit, vel non credidit. Nec equidẽ decebat, sancta arcanaq; dari canibus, quæ apud selectam posteritatem seruabantur. Quare de primis parentibus, de Paradiso terrestri, de priscorum illorum Archipatrum gestis nil prorsus dixit: Rursus de Gigantibus, de Arca, de Diluuiò, de Noè, ac eius stirpe multa, sed à vero distantia admodum enarrauit; ut illud præcipuè, quod Noe ex Astrologicæ disciplinæ eruditione Diluuium præsciuerit. Cum ergo Moses quamplurima illis incognita scriptis tradiderit, non ex Chaldaeorum annalibus, sed ex diuina reuelatione, suam desumpsisse historiam existimandum est. Non audiendi igitur sunt ij præsertim, qui à Beroso Mosem quidquam excepsisse existimant: Berossus etenim vix ante Monarchiam Alexandri Magni floruit, post Mosem ferè octingentorum annorum spatio. Et cum Mosi gesta ipse Berossus narret; siquidem, in anno octauo Ascatidis Assyriorum Regis, Chencrem Aegypti Regem, Hebræorum magica arte in mari perijsse ipsemet scribit; quod certè à Mose factum fuisse scimus. Vnde potius certissimè Berossus à Mose vetustissima, prisci q; sæculi monumenta, & gesta desumpsisse arbitrandum est. Nam si Moses anno, ab Orbe condito, ter millesimo, ac nonagesimo (iuxta Septuaginta Interpretum, ac Græcorum supputationem;) vel anno bis millesimo & quinquagesimo primo (secundum D. Hieronymi, ac Hebræorum computationem,) cum annorum esset octuaginta, primos cum Deo congressus habuit; ex quibus hanc de Orbis creatione Historiam nobis referendam hausit; profectò ipsos omnes priscos Poetas, Legislatores, Philosophos anteisse, ac præcessisse, luce clarius, euincitur: Vt demonstrant vberius Iustinus in Admonitorio, Clemens Alexan. libris Stromatū, Cyrillus contra Iulianum, Tatianus in Oratione quã aduersus Græcos habuit, Theophylus ad Autholycum, Philo de vita Mosi, Ioseph contra Apionem; plurimi q; alij ex priscis Patribus; quorum testimonia aliqua præclariora in Catena de Mosi laudibus deduximus.

Moses, nō ex Chaldaeorum annalibus, sed ex reuelatione diuina, suam historiam texuit.

lib. 2.

lib. 1. c. 1. & 2.

lib. 1.

lib. 1.

lib. 2.

lib. 2.

De

*De Lingua, qua scripsit Moses Pentateuchum;
ac de diuersis eius editionibus.*



DE Lingua, qua scripsit Moses, dicturus, linguarum sectionem adhibere, proferreque operepretium duco. D. Paulus duplex linguarum genus proponit, Angelicum scilicet & Humanum, cum scribit; Si linguis hominum loquar & Angelorum. Angeli, qui simplices spiritus sunt, nulli annexi corpori, vnicæ clauæ & ianua, quæ est voluntatis, suos claudunt conceptus: Etenim nolentis Angeli inferioris, nullus Angelus etiam superior, mentis interna agnoscere, perscrutarique poterit. Quare lingua Angelica ea est, qua Angelus conceptus, vota que sua alteri Angelo communicat, non aliquo suffultus instrumento, sed ex libera voluntate ad alium se conuertens. Superior quidem Angelus ad inferiorem, vel intelligentiam suam, vel à Deo rem sibi reuelatam propria virtute diuidit, ac multiplicatam offert: inferior verò superior, conceptum suum simpliciter reseat. Hæc autem Angelorum lingua, claritate maxima prædita est, immensoque puritatis nitore præstat, cum tantum diuinas apprehensiones offerat, & Dei laudes persoluat. Homines vinculum deferentes ex anima & corpore compacti, duplici clauæ mentem suam claudunt, ne eorum, tum mentis conceptus, tum voluntatis affectiones cæteris innotescant: prima clauis est voluntatis dissensus, secunda est corporis obstaculum. Vnde eis duplex necessaria est lingua. Altera volentis, qua soluta Angeli, & Sancti eorum cogitationes, vota, supplicationesque percipere possunt absque ulla verborum excussione. Hoc autem dicimus Angelis, & Sanctis conuenire, non Deo; quia ipse Deus cordis nostri intimas affectiones, etiam nobis inuitis, & mentibus nostris in Cælum nequaquam conuersis, intuetur. Hæc lingua (quæ nihil aliud est, quam mentis ad Cælum, & ad Sanctos eleuatio) pii, & iusti non loquentes, loquuntur; non clamantes, clamant. Cum enim mens nostra intellectu & affectu, quasi duabus alis, nullo adhibito vocis sono, se se in Deum extollat; non tantum loquitur, sed clamat etiam, cum corde orat, & psallit, Domino attestante, ac dicente; Quid clamas ad me? Pariter Propheta cum dicit; De profundis clamaui ad te Domine: & iterum; Ad te Domine clamaui. At contra, cum nulla ab hominibus adhibetur mentis vis, (vt quando voce, non verò corde psallunt) nedum non clamant, sed nec loquuntur; cum ea lingua, qua ad superna loquimur, non vtantur. Altera est lingua, qua homo per organa cogitationes mentis notificare cogitur; ob idque quibusdam visibilibus signis, quibus conceptus, voluntatesque alteri representet, indigere comperitur. Hæc porro signa duorum generum esse contingit, vel pro auditu articulata quædam cum sono voces, vel pro visu characterata lineæ. His enim quasi nuntiis latentes, & abditos in corde conceptus prodere, ac patefacere possumus. Cognitio autem tam vocum, quam characterum primordialis omnium linguarum, Dei Optimi Maximi insigni prouidentia in Adam primò insita fuit absolutissima; namque perfecta erant singula in Adam, vti in omnium protoplasto: Quia nimirum cognitione, & scientia, omne quod vocauit Adam, animæ viuientis, ipsum est nomen eius. Vocauit profectò tam expressa nominum significatione, vt ignotas nobis rerum naturas efficaciter ex vi primæ eius lingue patefecerit. Et hæc quidem lingua ea est, de qua dicit Scriptura; Erat Terra labij vnius, & sermonum eorundem: Et qua posteritas Adæ, vsque ad Babel Turrim condita vsa est: non tamen ea puritate, qua Adam in innocentie statu utebatur; cum ob eius lapsum sublatis gratuitis, naturalia omnia vti fauciata, imperfecta reddita sint. Characteribus autem ab Adam ad Mosem, an vsi sint prisci illi Patres, non excipitur ex Scriptura; etenim de eis nullam facit pagina mentionem. In columnis tamen lateritijs, seu lapideis, antiqui Patres ante Diluuium, Astronomiæ arcana incidisse, Ioseph de Antiquitatibus, ac alij grauissimi viri testantur. Quin & Enoch scripsisse quædam ante Diluuium, colligi videtur ex Epistola Iudæ. Superuenta autem in Turris Babel ædificatione, idiomatum multiplicitate, factum est, vt linguarum septuaginta prodirent, tam diuersæ, aduersæque, vt alter eorum qui eam astruebant, alterum intelligere nequiret: Ac deinde ex his, & alijs ad plurtia, redderentur. Ea verò lingua, quæ ex Adam fluxerat, num abolita fuerit, num in Na-

1. Corint. 13.
Lingua duplex Angelica, & humana.

Exod. 14.
Psalm. 129.
Psalm. 140.

Adam vocem,
& characterum
primæ lingue
perfectissimam
cognitionem
habuit.
Gen. 2.

Gen. 11.

lib. 1.

Diuersarum
linguarum
ortus.

bor, tanquam in selecta prosapia fuerit seruata, non est exploratum. His ita multiplicatis linguis, Spiritus Sanctus tres ex omnibus his, quibus Dei verbum commendaretur, excerpere voluit. Hæ fuere Hebraica, Græca, & Latina: Hæq; non absque mysterio selectæ sunt. Primò certè, vt ad tria potissimum imperia nationum earū, apud quas hæ linguæ vigeant, Dei verbum deferretur: ad Assyriacum scilicet, Medum, ac sub-
 sequutum Persicum; quæ gentes Chaldæam linguam, Hebrææ affinem, vti sacrosanctâ veneratæ sunt: ad Græcum, tūm in Asia, Alexandri Magni virtute, dilatatum, tūm in Græcia per non modica sæcula florentissimum: ad Romanum tandem, quod omnē fere Mundum sibi subiecerat. Secundo loco, vt tribus potissimum Ecclesijs, quibus fides, fideiq; dogmata impertienda, referendaq; erant, deferrent; Synagogæ Hebrææ, quæ Ecclesiæ nostræ fuit exemplar; Græcæ, tantorum Patrum fulgore, conspicuæ; Latinæ denique Ecclesiarum omnium matri. Neque enim maximo vacat mysterio, Crucis titulū illum; IESVS NAZARENVS REX IVDÆORVM, Hebraicè, Græcè, & Latinè scriptum fuisse. Nam sicut Christus omnia in vberissimo sanguinis sui fonte expiauit; ita & has tres linguas purgare & sanctificare debuit; vt in eis Iesu Nazareni nomen, ac omnis eius cœlestis doctrina conscribi dedecus non esset.

Cur tres linguæ à Deo selectæ sint.

Ioan. 19.

De editione Hebrææ.



Hebræa lingua (vt ab ipsa exordium desumam) vetustate, ac dignitate, cæteras antecedit. Hanc Adæ, atque ab Adam ad ea vsq; tempora, quibus tot effusa fuere idiomatica, germanam fuisse humanæ sobolis linguam, cōmunis est sententia, maximè D. Augustini libris de Ciuitate Dei.

Lingua Hebræa omnium prima.
lib. 16. c. 11.

Erat enim ante Heber Hebræa lingua, sed non vocabatur Hebræa, siquidem non opus erat nominis distinctione; cum nulla esset idiomatica multiplicitas. Quando autem erat vna, nihil aliud quam humana lingua, vel loquutio vocabatur, qua sola ipsum hominum genus loquebatur.

In Heber postea seruata, ab ipsoq; non in omnem suam progeniem, sed in eam tantum, cuius generationes producuntur vsq; ad Abraham, diffusam etiam fuisse tradunt Patres.

HIERONYMVS in Epistola ad Damascum, quæ est centesima quadragesima secunda, inquit;

Initium oris, & communis eloquij, & hoc omne quod loquimur, Hebræam esse linguam, qua vetus Testamentum scriptum est, vniuersa antiquitas tradidit. Postquam verò in fabricatione Turris, per offensam Dei, linguarum diuersitas attributa est; tunc sermonis varietas in omnes dispersa est nationes.

IOANNES Chrysostomus Homilia trigesima in Genesim, capite vndecimo, sic asserit;

Heber ipse mansit, idem sequutus idioma, quod & ante habebat.

ISIDORVS libro Etymologiarū duodecimo, capite primo, hæc habet; Omnibus animantibus Adam primus vocabula indidit, imponens unicuique nomen ex præsentis institutione, iuxta conditionem nature cui seruiret. Gentes autem unicuique animalium ex propria lingua dederunt vocabula. Non autem secundum Latinam linguam, atque Græcam, aut quarumlibet gentium barbararum, nomina illa imposuit Adam, sed illa lingua, quæ ante Diluuium, omnium vna fuit, quæ Hebræa nuncupatur.

BEDA de linguis Gentium libello, consimilia ferè scribit, dum dicit; Linguarum diuersitas exorta est in edificatione Turris post Diluuium. Priusquam superbia Turris illius in diuersos signorum sonos humanam diuisit societatem, vna omnium nationum lingua fuit, quæ Hebræa vocatur, qua Patriarchæ & Prophætæ vsi sunt non solum in sermonibus suis, verum etiam & in sacris literis.

Hoc ipsum ratio comprobatur. Nam si Dei cognitio, cultusq; , ac priscarum rerum traditio, stirpi illi, tanquam à Deo selectæ, commendatæ sunt, pari ratione linguam priscam eidem relictam fuisse censendum est. Amplius Heber filio suo tunc nato Phaleg nomen imposuit, quando per linguam diuisa est terra; vt ipso nomen illud inter posteros deferente, à nominis significatione, cōfusarum linguarū tempore natum eū intelligerent; quod tamen non intellexissent si aliena lingua vsi fuissent. Igitur, cum humana esset lingua, nec vllō singulari nomine appellata; ab Heber, à quo propagata fuit, Hebrææ nomen sumpsit. Cumq; Heber, ab eoq; effusa posteritas, Mesopotamiam regionem coluerit, adeò cum Chaldæa lingua hæc permixta est, vt ferè vna fuerit effecta. Cæterum

Gen. 10.

Ab Heber lingua Hebræa nuncupata.

C rum

rum huic D. Augustini, ac plurimorum Patrum vetustissimæ sententiæ refragantur nōnulli; contenduntque ipsam priscam Adæ, humanamq; linguam fuisse Chaldaicam; quæ non solum apud Heber, eiusq; posteros, sed et in Chaldæa, omniq; Mesopotamiæ regione, maximè apud Reges & Sacerdotes, conseruata fuit. Volunt quinetiam, quod discedente Abraham à Mesopotamia; & inde per Syriam, Phœnicem, ac Aegyptum vagante, ex cæterorum idiomatum permixtione adulterata omninò fuerit; & postea Hebræam fuisse appellatam; non quidem ab Heber, sed ex eò quod à regione ultra Euphratem delata esset. Nam quemadmodum Abraham (inquiunt) à Syrijs, Hebræus dictus est, non quod ab Heber descendisset, sed ab Iffri, quasi trans Euphratem aduenisset, (ita enim Syriaca in lingua, hi, qui traiecto Euphrate in Syriam descendebant, Hebræi appellabantur) pariter eius lingua Hebræa dicta est; quasi à regione ultra Euphratem delata. Nec frigidum huius rei deducunt argumentum. Quoniam (inquiunt) in sacra pagina nemo hoc nomine Hebræus vocatus est, nisi postquam Abraham in Palæstinam transijt, vt apprimè eam contemplantibus apparebit.

Lingua Hebræa secundū nonnullos ab Heber nō est appellata.

Quæst. 59.

T H E O D O R E T V S Quæstionibus in Genesim, Syriacam linguam omnibus antiquiorem, Hebræam verò à Deo, vt Sacram fuisse Mofi datam, his tradit;

Gen. 4.

Quenam lingua est antiquior? Nomina ipsa indicant, Adam enim & Cayn, Abel, & Noe, propria sunt lingue Syriacæ. Syrorum enim mos est, terram rubram appellare Adam. Interpretatur ergo Adam terrenus, aut puluerosus, & Cayn possessio. Hoc enim Adam laudans Deum, dixit; Possedi hominem per Deum. Et Abel idem est quod luctus; primus enim ille visus est mortuus; & primus parentibus luctum attulit. Noè verò idem quod requies. Vnde cæpit igitur Hebraica lingua? Vocem Hebraicam arbitror esse sacram. Quemadmodum. n. in Templis Græcorum, quidam sunt literarum characteres peculiare, quos sacros appellant: sic Deus omnium per Mosē donauit hanc linguam, non naturalem, sed ad docendum aptam. Si quidem cum reliqui omnes loquantur lingua gentis suæ, in qua nati fuerint; & nati in Italia, Italarum vtantur voce; qui in Græcia, voce Græcorum; qui in Perside, Persarum; & qui in Aegypto, lingua Aegyptiorum loquantur; nibi sunt: deinde cum parum adoleuerint, docentur literarum characteres, & discunt literis scripturam diuinam Hebraica voce scriptam, quod puto beatum Dauidem indicasse octogesimo psalmo; Linguam quam non nouerat; audivit. Sed quidam dicunt ab Heber Hebraicam linguam appellatam esse, & illum solum in pristina permansisse, indeq; Hebræos esse dictos. Ego verò puto appellatos esse Hebræos, ex eò quod Abraham Patriarcha, cum è regione Chaldæorum veniret in Palæstinam, fluium Euphratem pertransijt. Hebra enim Syrorum lingua, idem dicitur quod Euphrates. Quod si Hebræi denominarentur ab Heber, non solum illos oportebat sic appellatos esse: Permulte enim nationes ab Heber originem ducunt.

Psal. 80.

Lingua Chaldæa purior quàm Hebræa ab aliquibus existimatur.

Hæc Theodoretus. Sed quidquid sit de his varijs sententijs; ego hoc vnum colligo, quod certò constat Hebræam linguam, vel eandem cum Chaldaica, vel ei affinem esse; tantumq; distare secundum quosdam, quod Chaldæa purior, quàm Hebræa existimetur. Quare autem Chaldaica purior effecta sit, ea fortè est eorum ratio; quoniam ipsa in sua puritate, vti sacrosancta habita, apud Sacerdotes solum Chronologicos venerata fuerit; Hebraica verò ex commixtione nationum Terram promissionis, ac Aegyptum colentium, cum quibus Abraham, eiusq; prosapia diu vitam duxit, impura sit reddita. Porro Chaldaicam linguam proprios characteres habuisse, ex Chronologijs Chaldaicis dilucidè conuincitur. Hebræa autem, an præcipuis characteribus ante Mosē exarata fuerit, an Chaldaicis vsa sit, non est in sacris literis compertum, neque manifestum. His ita constitutis; quonam idiomate Mosēs Historiam suā conscripserit, exploratum non esse arbitror. Philo, cæterorumq; Rabbiorum quamplurimi, qui Chaldaicam linguam, matrē appellant, Chaldaico idiomate, tanquam elegantiori, ac maiori veneratione recepto, Mosē legem tradidisse affirmant.

Quonā Idiomate Mosēs suam historiā scripserit.

lib. 2.

P H I L O equidem libris de Vita Mosēs, sic scribit;

Lex antiquitus scripta fuit lingua Chaldaica, mansit in ea longo tempore.

Et eodem loco, Septuaginta Interpretū editionē, non ab Hebræa, sed à Chaldæa depromptam fuisse, constanter obtestatur. Non desunt ex opposito nostrorum quidam, qui Hebraica lingua eum scripsisse existimarunt, vt supra D. Hieronymus asseuerabat; quod quidē puto ex eo comprobari posse, quia Mosēs ipsam legerit omni populo. Lingua etenim domestica, notaq; magis, quàm aliena, rudibus admodum Hebræis volumē fœderis, Mosē promulgasse consentaneum videtur. Cæterum cum vel eadem, vel non multum dissimiles hæ duæ linguæ censeantur, non est cur in hac disceptatione tem-

pus conteramus; asserente præsertim D. Hieronymo in Prologo Galeato in hunc modum;

In quam lingua Moses volumen fœderis ediderit, disceptare inutile, superfluumq; existimo. exploratū, certumq; est, canonem, quem cum Hebræis communem habemus, esse siue à Mose, siue deinde ab Esdra, mutatis characteribus Hebraicè editum.

Rursus, quibus characteribus Moses Pentateuchum scriptis mandauerit, non est definitum. Quorundam enim, præcipuè Ioannis Driedonis sententia est, Mosem novos characteres Hebræis tradidisse. Etenim ante ipsum de characteribus nulla in scripturis fit mentio: & tunc fortè ipse à Deo eos recepit, cum in volumine fœderis, sermones scripsit; ac à Deo tabulas primas incisas accepit; & cum secundas, manu sibi à Deo directas, ipse exarauit. Ita Eupolemus (vt de præparatione Euangelica refert Eusebius) primū omnium literas Iudæis tradidisse Mosem asseuerat. Verum arbitrantur alij veteribus characteribus Deum, Mosemq; vsos fuisse; cum tam insignis profapia, disciplinis multis eruditissima, peculiaribus characteribus fortè nequaquam caruerit. Abraham siquidem Astronomus à multis existimatus est: quinimmo & Orpheus (vt Clemens Alexandrinus Stromatum libris retulit) Abraham Astronomum fuisse tunc indicauit, cum dixit;

Quibus characteribus Moses Pentateuchum scriptis mandauit.

lib. 9.

lib. 5.

*Vnus præterquam, cui deriuatur origo,
Chaldeum ex genere; is noscebat sydera Cæli,
Illorumq; vias, & quæ moueatur in Orbem
Sphæra, & tellurem circumuertatur in axe
Spiritus, & regat hanc, et in aere, et equore fuso.*

Quapropter si peculiare, notioresq; apud gentem Iudaicam fortè aderant characteres; sequitur, quod Deus, Mosesq; Hebræis legem indicens, proprijs suis eam sculpsit characteribus; vt perfacile, absq; recenti elementorum disciplina, leges sibi adscriptas, ac maxima pœnarum sæuitia incussas intelligerent, atq; perciperent. Ita etiam Augustinus libro de Ciuitate Dei duodecimo linguam Hebræam, & literas Hebraicas ante Mosem extasse censet. Quidquid autem sit de Tabulis illis, hoc perspicuum est; quod volumen à Mose conscriptum, post captiuitatem Babylonicam nunquam compertum fuit: & tunc fortè incensum, vel directum est, cum Hierusalem euerfa fuit, diruta, & incensa. Perspicuum quoque est post reditum à captiuitate, Templo instaurato, illas, quibus nunc utimur, literas Esdras inuentasse, ac ipsis Hebræis Scripturas sacras, præcipueq; Mosi Pentateuchum Spiritus Sancti afflatu commendasse. Existimant siquidem hoc omnes ferè præci Patres: Hieronymus aduersus Heluidium, Mosi Pentateuchi auctorem, Esdras verò restauratorem dicit; Clemens Alexandrinus Stromatum libris inquit;

Cap. 39.

Esdras Sacre Scripturæ restaurator.

Cum interissent scripturæ tempore Artaxerxis Regis Persarum, inspiratus Esdras Leuites, qui factus fuerat Sacerdos, prophetauit, omnes veteres rursus scripturas renouans.

lib. 1.

cap. 25.

Id ipsum affirmat Irenæus libro tertio, Tertullianus libro de habitu muliebri; Eusebius in Cronichon, Hieronymus in Prologo Galeato. Verum Benedictus Pererius Præfatione in Genesim, vetustissimam hanc sententiam, si non labefactare, & euertere, debilitare saltem ingeniosè conatus est. Huius autem eximij Doctoris argumenta, ad suam sententiam corroborandam prolata, sunt ista. Primū, si tempore Machabæorum (inquit) quo summo studio libri sacri inquirebantur ab immani Antiocho Rege, & concremabantur, ipsorum ingenio illi seruati fuere: multo magis in excidio Chaldaico conseruari potuisse asserendum venit. Deinde cur quarto libro Regum, secundo Paralypomenon, & apud Hieremiam, quibus in locis de rebus incensis, ac à Chaldaeis ablati, minutatim fit catalogus, nulla prorsus de illis libris sacris fit mentio? Præterea, si Hieremias ex incendio illo Chaldaico, Arcam, Altare incensi, & Tabernaculum, (vt scribitur secundo libro Machabæorū) eripuit, ac seruauit: minori profectò discrimine libros diuinos præseruare potuit, & perinde seruauit. Tandē Daniel, post captiuitatē Babylonicā annis septuaginta, & ante Esdrā octuaginta, librorū Mosi mentionem facit. Et

Cap. 2.

Cap. 9.

lib. 9. Antiq.

Ioseph narrat, Cyrū Regē ad restituendā Iudæis libertatē, & reficiendī Tēpli potestātē, inducū fuisse; quippe quod ostensus sibi fuerit Esaia liber à Iudæis, vel (ut Theodoretus tradit) ab ipso Daniele, in quo Propheta nominatim ipsi amplissimum imperiū ex Dei promissis pollicebatur; igitur libri sacri non perierant, sed adhuc illesi seruabantur. Sed licet hæc argumētationes subtiles admodū sint, & nequaquam debiles coniecturas astruant; nihil tamen tantorum Patrum sententiæ officere mihi videntur. Cum enim disputatio hæc sit de possibili facto, & euentu, quod scilicet contingere & euenire potuit & non potuit, potius communi opinioni, testimonioq; vetustorū insistendum est, & eorū præcipuē, qui per mille & ducentos annos extiterunt ante nos, & ut proximiores illis priscis temporibus hæc per traditionē habere potuerunt, quā nunc coniecturis etiam verisimilibus de hac re ambigere. Et eò maximē cū Hieronymū, scripturarum studiosissimū indagatorem, Rabbini Hebræis, Iosepho, Philoni consentanea scripsisse certissimē sit censendum.

De editionibus Græcis.



RAE C A lingua, licet vetustate, & dignitate cum Hebræa nullo modo comparari queat, fecunditate tamen, ac gloria præstantissima reputatur: Quandoquidē Græcia, dicendi copia & lepore, omnes ferè supergressa est nationes. Hæc literas primas à Cadmo, ea tempestate, qua Othoniel Israelitis

Præerat, excepit; anno videlicet septuagesimo septimo post traditā à Mose legem. Hinc verò post captiuitatem Babilonicā, ex Spiritus Sancti decreto (Spiritus enim sanctus, inquit Chrysostomus cōtra Iudæos, Ptolomæū Phyladelphū excitauit) duabus de causis diuinis est imbuta mysterijs, quemadmodum Eusebius de præparatione Euangelica tradit. Altera ut adueniente Christo Mundi reparatore, quæ de ipso ab Orbe condito præsignata erant à Deo, ac prophetata à Vatibus, omnis natio intelligere posset: Altera quò linguæ Græcæ testimonio ita elucesceret vetus Testamentum, vt postea (nato Christo) si quid inuidia Iudaica occultatum, vel vitiatum fuisset, reliquum veteris Testamenti suspectum minimē redderetur. Ex Hebraica verò in Græcam linguam septē præclariore comperiuntur Pentateuchi translationes. Harum prima & præcipua Septuaginta Interpretum editio existimatur: Quæ quidem Ptolomæi Phyladelphi, Aegypti Regis ingenio & iussu, edita fuit annis ante Christum ferè trecentis. De qua hono-

lib. 8.

Septē in Græcam linguam Pentateuchi translationes.

Ptolomæus Phyladelphus, cum omnes vndique libros congregaret, & intellexisset esse apud Iudæos libros, qui de Deo, & de optimæ Reipublice statu philosopharentur, viris à Iudæa accersitis per eos transtulit, reposuitq; has scripturas in Templum Serapidis: erat enim Gentilis, & nunc vsque libri Prophetarum ibi translati habentur.

Hæc vir aureus. Iustinus Philosophus & Martyr, Hilarius, Ioannes Chrysostomus, pluresq; ex Patribus egregiè, cumulateque translationem istam commendant, & celebrant. Translatio secunda ab Aquila Iudæo Pontico edita est, quæ & à Iudæis cæteris translationibus anteponitur. Hæcq; annis ferè quingentis, post septuaginta interpretum editionem, Sixti primi tempestate (qui post Petrum, octauo in Pontificatu successit loco) emanauit. De hac Theodoretus ista profert.

Secunda editio in hunc modum fuit. Aquila quidam Synopsus è Ponto, cum esset prophanus, baptizatus est in Hierosolymis, cūq; in prophanorum Gentiliumq; moribus iterum volutaretur, obiurgatus est à præconibus gratiæ; & dolore affectus, tanquam canis ad proprium vomitum esset reuersus, execratusq; Christianismū, & ad Hebræos se recipiens interpretatus est ipse diuinas Scripturas sub Adriano Imperatore leproso, post editionem Septuaginta, anno quadringentesimo trigesimo, doloso, & peruerso animo.

Sic ille interprete Steuco. Eusebius, Origenes, Theodoretus eiusdem translatione rarò, & ad declarationem translationis prioris tantum utebantur.

D. HIERONYMVS inquit;

Contemnendus est Aquila, vti scrupulosior, & qui portentosa verba excogitat.

Tertia translatio, Symmachi fuit, qui Sotheris tertij decimi à Petro Pontificis tempestate, circa annum centesimū quadragesimū floruit. De hac etiam Theodoretus interprete Steuco ait;

Ergo

Ergo tertia fuit editio Symmachi. Is cum esset Samarites, magistratum, honorumque cupidus, plenusque fastu, nec à propria gente ad honores ascitus, refugit ad Iudeos, iteratoque circumciditur, & ad euersionem Samaritarum, Scripturas & ipse est interpretatus sub Seuerio.

Hucusque Theodoretus. Eusebius, ceterique Græci Patres, ea, quia nunquam publicè recepta fuit, ad declarationem tantum editionis Septuaginta vsi sunt. Quarta translatio est Theodotionis, & Seuerino decimosexto post Petrum Pontifice sedente, edita reputatur. De hac etiam Theodoretus ait;

Quarta fuit editio Theodotionis. Is erat ex hæresi Marcionis Pontici, & in euersione sue sectæ edidit scripturam sub Commodio Imperatore.

Sic ille. Apud Patres priscos Græcos, interdum Theodotio citatur (sicut Aquila & Symmachus) ea fortè de causa, quoniam eius translatio publicè legebatur, quæ tamen à nemine fuit recepta. Sed hi tres labe Iudaicæ inuidiæ obcæcati, Saluatoris mysteria subdola interpretatione celarunt, teste Hieronymo in Apologia aduersus Rufinum. Præterea aliæ duæ, quinta scilicet & sexta appellatæ, incertisque auctoribus editæ, à D. Hieronymo memorantur. Harumque primam Hierosolymis, alteram Nicopoli, sub Aurelio Antonino Imperatore fuisse repertam Beda asserit. Theodoretus sic inquit;

Quinta editio in dolis est reperta sub Caracalla Imperatore in Hierico: Similiter & sexta Tonari.

Præter has alias fuisse editiones non ita insignes, minimè est ambigendum: siquidè septimam Prologus in Chronicis Eusebianis commemorat, & Origenes, diligentissimus sacrarum scripturarum indagator, in Hierico, ac alijs in locis nonnullas se inuenisse testatur. Inter quas pro septima, veluti conspicua, enumerari potest editio Luciani; de qua idè Theodoretus sic inquit;

Septima editio est Luciani magni illius militis & Martyris, qui superioribus editionibus insistentem, tum & Hebraicis se tradens, diligenter quæ deessent, quæ redundarent, & quæ à catalogo veritatis procul essent, correxit in proprijs scripturæ locis, ediditque Christianis fratribus; quæ editio post eius certamen & martyrium, feruente Diocletiani, & Maximiani insania, reperta est propria manu scripta in Nicomedia sub Constantino Imperatore apud Hebræos in Turri parua Marmorea, calce illita.

Hæc Theodoretus. Verum primarum sex translationum ante Hieronymi tempora (teste Eusebio libro Ecclesiasticarum historiarum primo) Origenes exapla excogitauit: in quibus quasi per columnellas, editiones illas eo ordine locauit, ut pagina prima Hebræam Hebraicis literis scriptam assignaret; in secunda Hebræam Græcis characteribus exaratam collocaret; in tertia verò Aquilæ; in quarta Symmachi; in quinta Septuaginta Interpretum; in sexta Theodotionis editionem constitueret; ita ut cuncta inter se facile ventilari, cõpararique possent; cuius exemplo tetrapla, octapla, & decupla inuenta sunt. Ceterum inter has editiones Septuaginta Interpretum translatio, sicut tempore oēs alias præcessit, ita & dignitate præstantior cunctis existimari iure optimo debet. Quandoquidè Septuaginta eruditorum simul auctoritas, & nomen maiore sibi fidem uendicat, quam singuli cuiuspiam alterius, eruditissimi licet interpretis. Et eò magis, quod congregatio, & conuentus ipsorum legisperitorum Septuaginta, apud Synagogam eandem ferè consequebatur auctoritatem, quam apud Ecclesiam nunc habet Concilium Summi Pontificis iussu coactum. Expostulante igitur Ptolomæo Phyladelpho, Eleazarus Iudeorum Pontifex selectos ex singulis Tribubus sex legisperitos, eruditione linguarum, ac vitæ probitate insignes (ut Eusebius de preparatione Euangelica testatur) in Aegyptum misit. Qui quidem doctissimi interpretes, siue in cellulis singulis separatim (ut Irenæus aduersus Valentinum, Rufinus in Apologia, Augustinus de Ciuitate Dei, Eusebius, Hilarius, Theodoretus, & Iustinus Martyr in Apologia testantur,) siue simul congregati (ut Philo de vita Mosis asseuerare videtur, & Hieronymus, reiecta illa de cellulis sententia, contendit) veram illam editionem exhibuerunt; quæ postea, tanquam Spiritus Sancti dictamine prodita, summam auctoritatem est perinde consequuta. Amplius & editioni huic summam fidem, eximiamque dignitatem conferunt Christus, Euangelistæ, Apostoli; quippe qui secundum hanc editionem Veteris Testamenti sententias allegarunt, & recitarunt. Non modicam etiam auctoritatem ei detulit Apostolica sedes, quæ à Petro usque ad Damasci tempora, hac editione semper vsa est. Quinimo & Patres omnes, maximè Græci, ante Hieronymum sacras scripturas secundum Septuaginta Interpretum translationem sunt interpretati. Verum si quis quanta dignitate editio

Expos. Psal.
44. & 89.

Translatio
Septuaginta
interpretum
ceteris præ-
stantior.

lib. 8.

lib. 3. c. 24. &
28.

lib. 18. c. 43.

lib. 2.

Præfat. in
Pentat.

lib. 2. de translat. Sacrae Script.

editio hæc polleat, ediscere cuperet, Ioannem Driedonem consulat, & optatis perfructur.

De editionibus Latinis.

Latine lingue origo, & dignitas.



Atina tandem lingua & temporis diuturnitate, & Romani Imperij amplitudine, superexcellentem, eminentemq; obtinuit dignitatem. Huic, in Latio enata, Carmentes priscos characteres, dedisse fertur; ea inquam tempestate, & Latinae Ecclesiae principatu, ut sacris mysterijs imbueretur, promeruit. In hac autem Scriptura Sacra vnum tantum ferè editorem inclytum suscepit Hieronymum: nam licet ante ipsum plurimae extarent editiones, ac inter alias ea, quae incerto auctore, & tempore edita, Latina, & vulgata nuncupabatur; editione tamen ipsius Hieronymi superueniente, omnes ferè, quae ante florebant, in tenebras cecidere. Verum D. Hieronymus plures edidit translationes. Primum Septuaginta Interpretum translationem ex Graeca in Latinum vertit idioma; ut ipsemet multis in locis testatur, praecipue autem in Apologia aduersus Rufinum: Deinde editionem vulgatam, Latinamq; appellatam, ab Ecclesia tunc usitatam, temporum verò iniuria, vel editoris imperitia, vel Typographorum inscitia corruptam restituit. Tandem totum vetus Testamentum ex Hebraica veritate in Latinam linguam transtulit; cuius interpretationem Iudaei (ut inquit Augustinus) fatentur esse veracem; sicuti econtra Septuaginta Interpretes in multis errasse non inficiantur. Hæc autem editio ex multorum sententia, ea est, quae mille supra annos ab Ecclesia, ut cæteris præstantior recepta, vulgata nomen excepit; licet alij hanc vulgatam, parum Hieronymi primæ editioni, ac textui Hebraico esse consonam, & iniuria temporum ab ea multum dilapsam exclament. Cæterum quomodo D. Hieronymus primis illis temporibus editione ista in lucem missa, plures sibi hostes (Septuaginta editionem celebrantes) conflarit; & quo pacto apprimè seipsum defensarit; ac quatione, Septuaginta Interpretum editione paulatim reiecta, vulgata eius conualuerit, & an hæc editio, quae nostra tēpestate, vulgata dicitur, ab eodem Hieronymo fuerit cōfecta, & a nemine vitiata, deq; eius auctoritate, consulas Ioannem Driedonem, Augustinum Steuchum, tractatu illo, cuius talis est titulus; An hæc vulgata editio sit D. Hieronymi. Nec enim hic locus tantæ disceptationi est congruus: quanquam & nos in Prothematibus nostris in totam Scripturā sacrā hæc ipsa disertius sumus explicaturi. Ego autem hoc in loco prætermittere nequaquā possum tanti viri præconia; sed & quæ deniasset, inexpectato euentu, non post multū tēporis eius in ore apum examen, mellisq; fauum reperijt. Huius euentus causa, illud Philisteis proposuit problema; De comedente exiuit cibis; & de forti egressa est dulcedo; quod equidem ab ipsis non nisi indicante vxore, perceptum, expositumq; fuit. Samson noster Christus est. Hic Leonem, scilicet Hieronymum, virum omni prorsus, tum scientiarum, tum linguarum eruditione coruscantem, cuncta facundia proterentem, perpetuis corporis afflictationibus invidelicet ab eo editis) caterua infideat Apū, hoc est Doctorū eorum, qui Apum more sacris literis insistant; ut abiecto literæ cortice, internorum sensuū dulcedinem, iocundasque spiritus meditationes, quasi fauum delibent. Proponere certè potest ænigma illud Christus noster mysticus Samson; De comedente exiuit cibis; hoc est ex Hieronymo (qui totum Bibliorum volumen, quemadmodum Ezechiel, ac Ioannes Evangelista comedit) translationes exiere, quibus cæteri pascerebantur; praecipue Hebraicæ, Græcæq; linguæ ignari; ac etiam; De forti egressa est dulcedo; hoc est, ex tanto editionum commodo, tot suis vigilijs ac laboribus indefessis comparato, eximia admodum facilitas ad scripturarum præcipuos sensus indagandos delata est. Sed neque hæc agnovissemus, nisi arassemus in vitula Samsonis, si ex sponsæ Christi Ecclesiae iudicio, de re toq; translationes illius auctoritatem non excepissent. Et fortè hæc mystica ratio est, quare cū Leone semper Hieronymus pingatur. Verum ex his enarratis, duæ maximæ

exurgunt

lib. 18. de civit. Dei.

Editio vulgata an D. Hieronymi.
lib. 2. de Sacrae Script. translat.

D. Hieron. Encomium.

Iud. 14.

Hieronymus Leoni Samsonis comparatus.

Iud. 14.

exurgunt difficultates; Altera est, quā recondita ratione, Spiritu Sācto permittente, impuras habeamus ferè omnium trium linguarum editiones. Nam Hebraica à Mose scripta, in captiuitate Babylonica sublata est; ac pro ea ab Esdra altera forsan, diuersis characteribus exarata, suffecta; fuit. De qua num in sua puritate persistat, meritò ambigere possumus. Ex Græcis, editiones ferè omnes illegitime censentur, præter eam vnam Septuaginta Interpretum translationem, quæ omnem sibi arripuit auctoritatē. Sed & hæc à se ipsa, & ab Hebraica veritate comperitur ita deuia, vt multa omittat, addat plura, quamplurima variet, ob idq; manca & obscura nobis proponi videatur. Quod enim plura omittat, efficacissimum argumentū est, siquidem multa, Hieronymo teste, in Euangelij, Apostolorumq; scriptis de Veteri Testamento leguntur, quæ in Septuaginta Interpretum codicibus non reperiuntur, vt hæc præcipuæ sententiæ; Ex Aegypto vocaui filium meum. Nazareus vocabitur. Videbunt in quem transfixerunt. Flumina fluent de ventre eius aquæ viuæ. Nec auris audiuit, nec oculus vidit. Quod autē plura superaddat, ex hoc conuinci potest, quandoquidem Augustini, Eusebij, ac ferè omnium Patrum testimonio, Septuaginta Interpretum editio in primi ac secundi sæculi annis, singulis Archipatrum ætatibus centū annos addit, qui in Hebraica non habentur. Itaque in prima ætate numerus adeò supercreuit; quod, Hebraica ex veritate, prima ætas constat annorum mille sexcentorum quinquaginta sex; quæ quidem ætas, ex ipsa traditione Septuaginta Interpretum, annorum duorū millium sexcentorum quadraginta duorum numero conflatur. Quæ additio, iuxta sententiam eiusdem Augustini, ex scriptoris fortè imperitia insita fuit; adeò vt liber ille mendosus habeatur. De varietate verò duntaxat hoc dicā; Vbi enim Hebraica veritas habet; Maledictus à Deo est, qui pendet in ligno: in editione Septuaginta Interpretum legitur; Maledictus omnis qui pendet in ligno: cūq; huiusmodi editio taceat verbum Est, in quo rei certitudo exprimitur; & etiam dictionem illam, A Deo, in qua Auctoris efficacia explicatur; superaddatq; dictionem eam, Omnis, propositionem latiore reddit; totq; his similia comperiuntur, vt Hieronymus apertè testatur. Præterea Septuaginta Interpretes (vt videre est apud eundem Hieronymū) vbicunq; Sanctum aliquid de Patre, & Filio, & Spiritu Sancto pandunt scripturæ, id aut aliter interpretatos esse, aut omninò tacuisse euincuntur; tū ne Ptolomæo Regi fortè displicerent, tū ne arcana fidei Ethnicis diuulgarent. Etenim apud Esaiam habetur locus de Christo, vbi ipsi, non ausi dicere natum Puerum esse Deum, pro Deo sex nomina posuere, quæ in Hebræo non habentur, appellantes illum præcipuè Magni consilij Angelum. Tandem passim ipsa Hieronymi editio à mille annis citra vsitata, in multis etiam impura conuincitur. Quare enixè admodum indaganda est huiusmodi translationū impuritas ratio; pro qua duo fundamenta sunt iacienda. Primum est, quod Deus in naturalium, ac gratuitorum donorum ordine, diuerso profectò calle incedit. In naturalibus hic ordo est, vt à suis causis confimiles effluant ferè semper effectus. In gratuitis verò Deus non eodem semper, sed diuerso certè instituto ex temporum, locorum, ac rerum opportunitate, & exigentia operatur. Hinc dona Spiritus Sancti gratis data, inter quæ sunt Prophetia, & genera linguarum, non eodem semper modo à Deo hominibus collata sunt. Nec enim eadem Esaias prophetauit, quæ Hieremias, vel Ezechiel, vel Daniel prædixerunt; nec minus eodem loco, vel tempore, nec eodem reuelationis modo, eodemq; dicendi nitore; sed varijs admodum modis cuncti prophetarunt; tamen in omnibus operatus est vnus ac idem Spiritus. Aliud fundamentū iaciendum est: quod alia sit impuritas scripturæ, alia impuritas translationis. Cū .n. impurū id censeatur, quod naturæ imperfectio ri cōmiscetur; impuritas scripturæ tunc erit, quando contra veritatis splendore aliquid admittet: impuritas verò translationis, cū quid à verborū, vel saltē à sensuū positione discrepabit. His duobus iactis fundamentis, facilis erit ad rem quæsitā responsio. Illud enim primò asserendū venit, diuinam scripturam nunquam impuritatem recepisse ex mutatis characteribus, vel trās latis linguis; siquidem idē Spiritus, cuius impulsu afflata est, in his omnibus, quæ ad Fidei, dogmatumq; Christi, & morū eruditionē, veritatēq; spectarent, eundem semper suggererit intactū veritatis candorem. Translationis verò impuritatem recipere potest, & hoc dictante Spiritu sancto, ex locorū, temporum, re-

Editiones
quorū im-
puræ.

Editio septua-
ginta interpre-
tū mendosa.
Præfat. in Pēt.

Mat. 2.
Ibidem.
Ioann. 19.
Ioann. 7.
1. Cor. 2.
De Ciuit.
Dei lib. 15.
cap. 10.
In Cronichō.

De Ciuit. Dei
lib. 15. c. 13.

Deut. 21.

Apolog. ad-
uer. Ruffini.
Commen. in
Esa. cap. 9.

Esa. 9.

Editio Hiero-
nymi vulga-
ta, impura exi-
stimatur.

Duplex īpu-
ritatis scriptu-
ræ genus.

Puritas Sacræ
Scripturæ.

rumq; exigentia; eò tamen euentu, vt licet vna ad alteram comparata, impura cenſea-
tur, ſimpliciter attamen impura non ſit, ſed eodẽ Spiritu, quo illa, & ipſa edita exiſtat.
Vnde quid mirum ſi proſtrata Iudæorũ Religione, ac eorũ diruto Imperio, ob Dei con-
temptã legẽ, ad tollendũ eis tumorem, nobis vulgata, alijs exarata characteribus, verita-
tis integritate obſeruata, demandata fuit? Quapropter quod in Græca Septuaginta In-
terpretũ editione prætermiſſa, additaq; ſint multa, Hieronymus ex Spiritus Sancti in-
ſtinctu factũ fuiſſe exiſtimat; tum ob decoris gratiam, tum ne Sacramenta fidei Ethnicis
panderentur. Quare autẽ Latina, à Hieronymo edita, præcipuam inter omnes à Deo
ſortita ſit auctoritatẽ, Auguſtinus multas reddit rationes. Primo vt Iudæi, damnantes
Latinã translationem vſitatã à Chriſticolis, reprimerentur. Deinde, vt Græcorum
proteruia, qui ſe Latinis præferentes, ipſis quod à ſe ſcripturas haberent improperebãt,
apprimẽ compelleretur. Amplius, vt ſicut illis ſeculis aptas tradidit Spiritus Sanctus
ſcripturas; ita etiã noſtris, tot hæreſibus iactitatis, aptiores ſcripturas idẽ Spiritus ſuppe-
ditaret. Denique, vt apud Latinam Eccleſiã, omniũ Eccleſiarum matrem, fidẽq; nu-
lica auctoritate, tũ diuturnitate, tũ veritatis candore, omnes anteiret. Oblatrent
modò canes, quibus ſacra danda non ſunt. Altera difficultas ex hac emergens, ea eſt;
An editioni Latinæ, à Spiritu Santo nobis nunc traditæ, ita inherendũ ſit, vt ad Hebrai-
cam, Græcamq;e, quaſi ad fontes redire non liceat: his præcipuis rationibus, quia hu-
iuſmodi editio Spiritus Sancti dictamine ad nos delata eſt; & quia Eccleſiæ Romanæ
vſu ſupremã cõparauerit auctoritatem; & quoniam ipſi tot Concilia, & omnia ferẽ dog-
mata Theologica innitantur. Verũ huic difficultati attendendũ eſt à Spiritu Sancto
reſpõſum. Conſulebat Saul Dominũ, illoq; nec per ſomnia, nec per Sacerdotes, nec per
Prophetas ſibi reſpondente, Phytoniſſam ipſe impiẽ accerſiuit, vt Samuelẽ ſuſcitaret,
à quo ſuam, ſuorumq; funeſtam admodũ audiret internecionem. Quantũ ad literæ ſpe-
ctat apparatus, hæc à noſtro diſtant propoſito; ſed ſi internum myſteriũ attendas, ſo-
lutionẽ difficultatis adinuenies. Duo à ſcripturis expetere poſſumus, vel veritatis can-
dorem, cui fides tanquam baſi innitur; vel eiufdem maiorẽ & minorem expreſſionẽ,
ſeu clariores ad res intelligendas voces ac methodos. Si primum requiras, ita eſt ulget
in editione noſtra veritatis candor, vt qui aliam exquireret, cum Saule Phytoniſſam
adire videretur, quæ nil aliud, quam Samuelis vmbra exponet. Samuel Propheta veri-
tatis reuelatæ quidem typus eſt; hic viuus in Hebraica, Græcãq; lingua exiſtebat, cum
illis Eccleſia vtebatur. Sed quando Latina ab Eccleſia fuit accepta, factũ eſt, vt & in hac
veritas ſummopere eluceſceret; nõ quod & in illis veritas nõ cõperiatur, ſed quia ex Ec-
cleſiæ vſu Latina dignitatẽ, auctoritatẽq; maximã excepit. Quod ſi maiorem ſenſuũ
perſpicuitatẽ expetas, tranſire ab hac ad illas, non certẽ neſas, ſed perutile maximẽ erit;
vt quod vna editio non clarẽ exprimit, altera vel vocum ſignificatione, vel ex dicendi
modo, vel ex antecedentibus, ac conſequentibus, clarum, explicatumq; reddat. Huius
rei fundamentum eſt, quod licet Hebraica, Græcãq; editio, vel Scriptorũ inſcitia, vel
Typographorũ incuria, vel hoſtiũ Iudæorũ, Gentilium, Hæreticorumue fraude, in qui-
buſdam codicibus deprauata cõperiatur: non tamen de inſtitia vniuerſaliter omnes
editiones corruptæ ſunt; nec ante Chriſti aduentũ, vt arguit Origenes; ſiquidem nun-
quã Chriſtus Iudæos de hoc reprehendiſſe reperitur, immo ad illas ipſos remiſſiſſe com-
probatur. Dixit nimirum Chriſtus; Scrutamini Scripturas. Et iterũ; Quæcunque dixe-
rint vobis, ſeruate & facite. Et alibi; Audiant Moſem & Prophetas. Nec etiam à Chri-
ſtimonia, ita ſcripta in illis editionibus vt relata ſunt, inueniantur: nec à Hieronymi tẽ-
poribus ad noſtram ætatem; ut ſi Codices Latini vetuſtiſſimi ab Eccleſia recepti, cum
Codicibus veteribus ab Hebræis & Græcis paſſim vſitatis ſimul cõferantur, de facili co-
gnoſci poteſt. Quapropter ad editiones illas accedere; vt inde maiorem literẽ & ſen-
ſum claritatem carpere poſſimus, perutile mirũ in modum eſſe aſſeuerandum eſt. Sed
ſi ab eis, tanquã à Phytoniſſa, veritatem ita accipere putabimus, quaſi editio noſtra ip-
ſam nequaquam contineat, Samuelis certẽ vmbra conquiremus. Tandem, vt finem
imponam, hoc vnum addere volo, vt cui editioni danda ſit fides, ediscamus. Duę mu-
lieres,

Apolog. ad-
uerſ. Ruſſin.
Deciuit. Dei
lib. 18. ca. 43.

Editio Hiero-
nymi inter a-
lias præcipua.

An liceat ab
editione Lati-
na ad Hebrai-
cam, Græcãq;
recurri.

Reg. 1. 28.

lib. 8. In Iſa-
iam.
Ioan. 3.
Matt. 23.
Lucę 16.

Reg. 3.

Argumento.

Inscriptiones
quinq; libro-
rum Moſis à
Septuaginta
Interpretib*.

Quinque li-
bri Moſis in-
ter ceteros Ve-
teris Teſtamē-
ti ſigniores.

Seniores vi-
ginti quatuor,
Agnum ado-
rantes, quid
significant.
Cap. 4.

Irideque smaragdina circumtegebatur. Quis nanque sedens Rex iste est, nisi Christus sedens in scripturis: cuius facies, Diuinitas scilicet, splendescit vti Iaspis; Humanitas verò, vt Iris illa, quæ signum fuit fœderis inter Deum & hominem (iuxta oraculū Noe) ipsum obtegit, circumdatq;. In circuitu igitur sedis huius quatuor ad sunt animalia, videlicet Euangelia, quæ prima splendorem à sedente Rege excipiunt, oculata ante & retro, cum omnia tam ante, quam post, Christum respiciant, inclamentque ter, Sanctus, Sanctus, Sanctus, quandoquidem tria sanctissima de Christo produnt, Diuinitatem, Animam, & Carnem. Insuper addunt; Qui erat, qui est, & qui venturus est; siquidem Christum Deum ab æterno genitum de Deo, Deum hominem factum, Deum ad Mundi iudicandum in Maiestate venturum annuntiant. Huic tantæ coruscanti Maiestatibus, omnem scilicet sibi competentem gloriam (nam corona, gloriæ typus est) deponentes: quemadmodum prodeunte Sole, omnis Stellarum fulgor obumbratur. Procidunt autem in facies suas, hoc est, apparentes ex litera sensus dimittunt, vt cum inter collecti, eximium sibi vendicarunt locū, Antiquitate, Auctoris dignitate, Numero, Pōdereq; rerum conscriptarum. De antiquitate hæc scribit Chrysostomus super Genesim;

Quibus Pentateuchus red datur cæteris libris insignior.

Cum Deus conditor per seipsum ab initio hominibus loquutus esset; sic enim ad Adam venit, Cain increpauit, cum Noe loquutus est, auertentibus se à Deo, ac in peccatis collabentibus, quasi absentibus literas misit, quas attulit Moses.

Igitur hi libri, primi omnium, mandata Dei, verbaque exceperunt, ac ea nobis detulerunt. De Auctoris dignitate sciendum, quod, vt supra etiam exposuimus, Moses triplici officio functus est, Prophetæ, Ducis, ac Legislatoris. Multi Prophetæ, hoc est procul fantes de futuris pronuntiarunt: illustris Moses Prophetæ, qui non tantum de futuris, sed & de præteritis prophetauit. Nonnulli Prophetæ, Reges fuerunt, vt Daudi; Insignis etiam Ducatu Moses, qui primus Imperium Hebraicum, vendicata libertate singularibus & victorijs, & prodigijs, insigne condidit. Solus Legislator Moses, qui non tantum per infusum spiritum, ac per somnia vt reliqui, sed facie ad faciem, cum Deo loquutus est. Tandem numero, pondereq; res, à Mose scriptæ, maximæ sunt. Gesta enim duorum annorum millium trecetorum & octo, ab initio Mundi ad Ioseph obitum, liber primus Genesis complectitur. Secundus Exodus nuncupatus, annorum centum & quadraginta, à Ioseph obitu ad Tabernaculi erectionem acta, enarrat. Tertius vnus mensis euentus mirificos contexit circa ipsam constructionem Tabernaculi in deserto. Quartus annorum viginti peregrinationes, vsque ad mansionem in Campes tribus Moab, continet. Quintus & vltimus, Deuteronomij liber, duorum mensium nouissimi Mosis anni gesta explicat. Qui anni omnes simul ducti, numerum annorum duorum millium quadringentorum, ac octuaginta septem conficiunt. In his autem præstantissima enarrantur, Orbis opificium, seu rerum omnium Creatio, primorum parentum Adæ, atque Eux plasmatio, & lapsus, Archipatrum stemmata, Noëticum Diluuiū, prima humanæ sobolis per Orbem effusio, Iudaicæ stirpis electio, Patriarcharum gesta, Israëliti populi in Aegypto captiuitas, eiusdem ex Aegypto portentosa liberatio, Legis collatio, Sacerdotij, Sacrificiorum, ac rituum Sacrorum institutio, Hebraica per desertum, tot ac tantis miraculis decorata, peregrinatio; Quæ singula, & in se præclarissima sunt, & subsequenter rerum, ac euentuum fundamenta. Quare non immerito dicere eos diximus.

Pentateuchi, libri quot annorum gesta contineant.

Ascanij Martinengi
DE CREATIONE CONTEMPLATIO.
Ad Mosis Literam
PRÆLVDIVM, SEV APPARATVS.



M primum oculos in hanc Mosis de Orbis emolitione enarrationem inijcio, nimius, inusitatusq; profiliens ex ea fulgor, adeo mentis aciem obæcat, atque conturbat, vt in limine ipso perterritus sistat calamus, nec vltra progredi ferè audeat. Neque immerito certè: Hæc siquidem de Mundi natalibus Historia, ea splendida, cornutaq; facies mihi visa est, quam Moses cum crebra haberet inter densas caligines cum Deo colloquia, coruscantem, splendentemque retulit, eamque Israelitæ nequaquam nisi velamine obtectam inspicere potuerunt. Neque verò mireris precor, quod hanc de Mundi opificio Historiam, faciem Mosis nominarim, quod coruscantem, quod velamine opertam, quod cornua emittentem asseruerim. Hæc siquidem me non temere dixisse explicabo. Si facies ea est, in quam primum oculos inijcimus, vt quis vnusquisq; sit, agnoscamus: hæc facies certè erit, quia Historiæ adeo celeberrimæ est exordium; Ex quo noscimus hanc non vulgatam, humanâq; esse præteritarum rerum narrationem, sed Prophetiam insignem, ac præstantissimam; vt potè, quæ vetustissimam atq; abditissimam Mundi effectiõnem, non ex hominum relatione, sed diuina iussione, atq; Spiritus sancti afflatu referet, ac prodat. Quam etiam præclarissimam historiam, qui de Mundi opificio (frigide quamuis) vt Locrus, Plato, Berosus scribere ausi sunt, æmulari, & exhaurire contenderunt. Sed quisnam fulgor iste est, ex Mosis facie effluens, nisi Dei Opificis Maximi notificatio, ac sanctissimæ Trinitatis insinuatio? Hic illius Solis splendor, ac nitor est, de quo Sapiens ait; Tripliciter Sol exurens Montes, radios igneos exufflans, & refulgens radijs suis obæcat oculos. Nec ineptè profectò Solis symbolo Dei maiestatem clarissimâ Sapiens manifestare voluit; eleganter siquidem, si res vlla Deo est comparanda, Sol Dei Hieroglyphicū est. Quid nanq; inter conditas res præstantius, excellentiusq; Sole? Ipse enim est Mundi oculus; Dei iucunditas; Vniuersi pulchritudo; Naturæ gratia; cuius luce decoratur Cœlum, depuratur Ignis, illustratur Aer, effulget Aqua, sæcundatur Terra, coruscat Aurū, emicant Lapidēs, virescunt Plantæ, fouentur Animantia; In cuius emulationē mortales, Mundi gloriam expetentes, hac nostra tempestate Clarissimorū, Illustrium, Serenissimorum titulos temere arripiunt, ac sibi vendicant. Cum igitur Hieroglyphicum non indecens Dei ex sua præstantia sit Sol, Sapiens eius fulgorē allegoricè, accuratè describit, cum ait; Tripliciter Sol exurens Montes, vt ferè dixerit, vnus ac ternus Sol; hoc est in vna essentia Sanctissima Trinitas, exurens Montes, Angelos, & contemplationi adiectos Sanctos, igneos radios exufflat, flagrantēs amoris flāmas excitat, & refulgens radijs suis, nimio suo splendore obæcat oculos mundi Sapientum ac Philosophorū, qui nimio tumore elati immoderatus ingenij sui aciem, nō fidei, sed luminis naturalis ope suffultam in huius Solis maiestatis contemplationē attollere ausi sunt. Quod si Deus Sol ipse est, vbi admixta est Dei mentio, ibi & fulgor adest: Quod si Sanctissimæ Trinitatis insinuatio est, triplicatus fulgor emicat & coruscat.

Facies Mosis
splendida, est
ipsa opificij
Mundi narra-
tio.

Trinitatis
splendor in
Mosis literæ
facie apparet,
Eccle. 43.

Sol Dei Hieroglyphicū.

Ecclesiast. 43.

G R E G O R I U S Nazianzenus in sanctum lauacrum Oratione tertia sub luminis metaphora hæc præstantissima de Deo deprompsit;

Deus etenim lumen est sublimissimum, inaccessibile, ac ineffabile, quod neque mente comprehendere, neque sermone exprimi potest, omnem naturam rationalem illuminans; illud in intelligentia, quod sol in sensu, existens, tanto magis contemplatione intellectum, quanto plus purgatur; ac quantum magis contemplatur, tanto plus dilectum; & quantum magis diligimus, tanto plus rursus cognitum seipsam contemplans & comprehendens, pauca extrinsecus effundens. Lumen, inquam, quod in Patre & Filio & Spiritu Sancto contemplari potest; quorum diuinitas sunt cognatio eadem, & unica splendoris eruptio.

Et Oratione in Nouum Dominicum diem.

Angeli luminaria secunda.

Deus erat lumen, inquit, inaccessibile, & incomprehensibile, neque incipiens, neque desinens, neque mensurabile, semper fulgens, tripliciter micans, paucis quantum sit contemplatione cognitum. Quin hæc paucis quidem, ut arbitror, sunt & luminaria secunda à primo lumine splendorem trahentia, potestates nempe, quæ cum ipso versantur, ac spiritus ministrantes.

Et in Oratione in laudem magni Athanasii.

Deus sol intelligibilis.

Nam cum multa & magna sint, atque adeo tot & tanta, ut nemo ea sermone complecti possit, quæ nos à Deo partim habemus, partim habituri sumus: maximum tamen, & humanissimum est propensio ad eum, atque coniunctio. Nam quod rebus in sensum cadentibus est sol; hoc ipsis, quæ animo, & ratione intelliguntur, est Deus. Ille enim Mundum hunc aspectabilem illustrat, hic inuisibilem; ille corporis oculos ita afficit, ut lumen ipsius intueri possint, hic mentes diuinas reddit. Atque ut ille cum ipsis, quæ oculorum sensu prædita sunt, & ipsis quæ in aspectu sentiuntur, hanc vim tribuat, ut & illa videre, & hæc visu percipi possint: interim tamen ipse omnino, quæ oculis subiecta sunt, pulchritudine antecellit: eodem modo Deus cum tam ipsis, quæ intelligentia utuntur, quam quæ mente percipiuntur, ipse tamen intelligibilem omnium summus est vertex, in quo desiderium omne consistit, ac desigitur, nec supra eum usquam fertur.

Cap. 6.

Trinitas ex Mosis litera quomodo in sinuetur.

Cæterum quam serie Sacratissima Trinitas in hac Mosis Historia memoretur, præter cæteros præstantissimos Patres (quorum catenam suo loco deducam) D. Augustinus de Genesi ad litteram libro primo his luculenter explicat;

In ipso exordio inchoata creatura, Trinitas insinuat Creatoris. Nam dicente Scriptura; In principio fecit Deus Cælum & Terram: intelligimus Patrem in Dei nomine, & Filium in principij nomine; qui non Patris, sed per ipsum creatæ primitus, ac potissimum spiritalis creaturæ; & consequenter etiam vniuersæ creationem Trinitatis agnoscimus; ita & in conuersione, atque perfectione creaturæ, ut rerum species degerantur, eadem Trinitas insinuat, Verbum Dei scilicet, & Verbi generator, cum dicitur; Dixit Deus: & sancta Bonitas in qua Deo placet, quidquid ei pro sue nature modulo perfectum placet, cum dicitur; vidit Deus, quia bonum est.

Litera Mosis uti eius facies Hebræis velo obregitur: & quomodo.

Insuper velamine operta mihi visa est hæc splendida facies, quia Dei, Sanctissimæque Trinitatis notitia, quam Moses in sua Historia insinuat & tradit, sub literæ cortice latet, atque ita operta ostenditur Hebræis: cooperiebat namque Moses faciem suam quando loquebatur ad eos, & etiam Gentilibus; quia & his & illis, splendorem cognitionis Dei egrè ferentibus, ac vnitatis, Sanctissimæque Trinitatis mysteria non percipientibus, litteræ cortex, seu crassior, rudisque literalis sensus obijcitur, in quo de Sanctissima Trinitate perspicua mentio non fit. Itaque dum Mundi creatio, in qua de Sanctissima Trinitate mentio agitur, enarratione rudi sub sex dierum serie illis offertur, perperamque ab eis interpretatur, Mosis faciẽ, uti velamine opertam, nunquam conspiciere possunt.

R V P E R T V S in Prologo;

Facies Mosis, cum ubique ex colloquutione Dei splendida sit, & idcirco figuratiuis cum vocibus sensum suum, qui per faciem intelligitur, velare oportuerit. Tum verò in creatione Mundi tanti splendoris est, quantum ferre nequaquam potuissent vniuersi filij Israel; nisi illum crassiori textu literæ, quasi pannis infantem obuoluisset.

Scripturarum cortex, uti Velum Templi nobis scissum.

In litera Genesius duo emanationum genera.

Porro à nobis Deo reddendæ sunt immortales gratiæ, quod velum Templi nobis scissum sit, velamen scilicet corticis Scripturarum sublatum, ac ingressum habeamus paternam ad Sancta Sanctorum, ad germanos, veros, legitimosque sensus, atque interpretationes, quibus delineatam faciem historiæ, ac splendescientia Diuinitatis, atque Trinitatis mysteria comprehendere possumus. Verum quid sibi vult, quod hæc facies corrupta apparet? Quid hoc subindicat? Nisi quod in hac historiæ Mosis exordio duæ insinuantur emanationes, Hebræis quidem ac Gentilibus velamine opertæ, ac obuolutæ, nobis autem conspicuæ. Nam si excusso literæ cortice, ac denudata cute, latentia mysteria, quasi aurum ex arena, & gemmas ex conchis eruentes, ingenuè peruoluerimus; duas emanationes, veluti duo crumpentia ex Mosis fronte splendida cornua; internā

(vt aiunt in Scholis) & externam; ex hac de Mundi opificio Historia, excerpere licebit. Cum igitur Creationis opus perdifficile admodum percipere non possimus, nisi profundius harum productionum seriem inuestigemus; In eminentissimum hunc splendorem ex Mosis rutilante facie emicantem, Sacrosanctæ Ecclesiæ dogmatibus, Sanctorum Patrum, Theologorumque placitis innixi, humiliter oculos conijciamus. Et primo quinam diuinarum emanationum fons sit; & quomodo Filius, & Spiritus Sanctus prodeant, inquiramus. Deinde pluribus, quæ de interna emanatione dici possent, prætermittis, veluti ad præsentem speculationem parum spectantibus, de externa productione hoc in loco differamus. Quia in re tria rursus præcipue nobis considerata se se offerunt. Primum cum Deus omnium sator fuerit & opifex, quibus muneribus, vnaquæque Sanctissimæ Trinitatis persona in hac Orbis emolitione functa sit: Quæ causæ ad Mundum condendum ipsas duxerint: Ac tandem, qua serie, & modo Vniuersum crearint. His siquidem explicatis, de Mundi Genesi enarratio eximiam suscipiet claritatem.

De Deo cunctarum emanationum Fonte.

FONS ille indeficiens, ex quo omnis effunditur emanatio, Deus est. Sed quid sit Deus, ac qua serie ex Patre generetur Filius; à Patre, & Filio spiretur Spiritus Sanctus, æternusque Amor; & quomodo ab ipso Deo Mundus hic sensibilis in exordio temporum emanarit, haud facile indagari, nec perspectè attingi, comprehendi que potest. Angebatur hoc voto Moses, cum diuinis sibi præstitis colloquijs illectus, his Deum flagranti spiritu ductus, deprecari ausus est; Domine ostende mihi faciem tuam. Sed quid illi Deus? Non poteris videre faciem meam: non enim videbit me homo, & viuet. Diuinam siquidem essentiam, diuinas eas Verbi, ac Amoris æterni productiones; insuper, emanationis modum, vt aiunt, ad extra, difertè, clarèque cognoscere, ac de his scientiam habere perspicuam, & in suo fonte splendidam, mortalium hanc vitam degentium munus non esse, omnes Doctores fatentur.

Deus incomprehensibilis.

Exod. 33.

AVGVSTINVS in Meditationibus sic scribit;

Mens Deum non attingit, quia incomprehensibilis; Intellectus, quia inuestigabilis; Sensus non percipit, quia inuisibilis; Lingua non explicat, quia ineffabilis; Scriptura non explicat, quia inexplicabilis.

Siquidem ex gloriæ lumine in Deo hæc intueri, Beatis tantum datum esse, Theologia nostra edocet. Veruntamen non deest nobis efflagitantibus obumbrata, ac obscura quædam de eis cognitio. Est locus (inquit Deus) apud me: sed quisnam locus? Stabis supra Petram: At quænam Petra? Petra, Ecclesia est Catholica Romana; extra quam nulla de Deo, ac diuinis emanationibus scientia vera, ac tuta est; super hanc standum, quia ab eius de diuina essentia, ac diuinis productionibus, sanctis dogmatibus, & promulgatis decretis, nunquam est recedendum. Tunc per foramina petræ, hoc est per id lumen, quod ex reuelata scientia emicat in Ecclesia (reuelata nempe scientia, radius manans est à scientia beatifica) subobscurè nonnulla de diuinis rebus assequi & intueri poterimus. Quapropter scribitur libro inscripto D. Cyrilli, & aliorum collectanea;

Exod. 33.
Ecclesia Romana est petra, supra quam stat, Deus uidet per foramina, hoc est ex reuelata scientia.

Locus est Spiritus Sanctus, in quo cum fuerit quispiam, dignus habetur diuina contemplatione. Dei autem posteriora, antiqua est Mundi generatio, quæ solus vidit Moses, solus declarans præterita, præsentia, & futura.

Exod. 33.

At quid per foramen inspicere possumus? Non Dei faciem, sed iam transacti Dei posteriora. Cumque transibit gloria mea, ponam te in foramine petræ & protegam dextera mea donec transeam, tollamque manum meam, & videbis posteriora mea; faciem autem meam non videbis. Transitus hic Dei, ipsa Mundi sensibilis creatio fuit, qua ad extra (vt aiunt) quasi transijt. Dextera sua eam protexit cum potentia sua creationis opus adeo citissime, ac modo nobis imperceptibili absoluit, vt eo expleto, nil nobis ad spectandum superfuerit, nisi eius opus præstantissimum, quo non eius essentiam, sed Maiestatem contemplari possumus. Nam qui faciem alicuius intuetur, perfectè quis sit comprehendit; qui vero posteriora, vix eius magnitudinem & staturam proceritatem demirari poterit: ita Deum splendida, exactaque cognitione ex his rebus visibilibus non possumus attingere.

Dei transitus, creatio fuit.
Dei dextera, eius potètia.

GREGORIUS Nazianzenus Theologiae libro secundo.

Petra Verbum
incarnatum.Dei tergum
Creatura.

Sed dum collectis viribus meis omnibus in me conuerto, Deum ipsum vix à tergo conspicio, idque non sine adminiculo petrae, nimirum divini Verbi, nostri causae incarnati; Et dum singula vim curiosius naturam illuminans, alis Cherubin contegitur, haudquaquam video. Sed quae ultima est, & deorsum ad nos deurgit; illam verò utcumque cognosco. Ea certe (quantum ipse intelligo) est, quae in creaturis his, videlicet quae nostris oculis à Deo proposita sunt, ac ab eodem gubernantur, relucet: siue magnificentiam vocis, siue, ut diuinus Datus nominat, magni decentiam. Hoc enim Dei tergum est, quidquid cum nobis suo indicio refert, ut tamen illius naturam non contingat: perinde ac umbra, & in aqua relucens Solis imago, hebetioribus oculis illum adumbrant: dum illum ipsum praenimio purissime lucis fulgore, quo sensum facile exuperat, intueri nequeunt.

AUGUSTINUS de Verbis Domini in Euangelium secundum Ioannem, sermone trigesimo octavo.

Attingere aliquantum mente Deum, magna beatitudo est; comprehendere autem, omnino impossibile: Ad mentem Deus pertinet, intelligendus est: ad oculos corpus, videndum est. Sed corpus oculo comprehendere te putas? omnino non potes. Quidquid enim aspicias, non totum aspicias. Cuius hominis faciem vides, dorsum non vides eo tempore quo faciem vides. Et quando dorsum vides, eo tempore faciem non vides. Non sic ergo vides ut comprehendas, sed quando aspicias aliam partem, quam non videras, nisi memoria tecum faciat, ut memineris te vidisse unde recedis, nunquam te diceris aliquid vel in superficie comprehendisse. Tractas quod vides: versas ut videas, partes vides: & contextendo quia vidisti alias partes, videris totum inspicere.

Dei cognitio
nis duplex ge-
nus.
Cor. I. 13.Naturae lumē
speculū est.Articuli fidei
aenigmata.Esa. 24.
Ecclesia sola
ut sponsa, Sā-
pionis enig-
mata, hoc est
fidei articu-
los referat,

Ceterum quod Deus sit vnus, trinusque; omnium fator, moderator, reparator, ac rerum ope, ex ipsis visibilibus Dei operibus perpendere, ac comprehendere datum est. Hac duo cognitionum genera, Beatificum, quo Beati Deum veluti facie ad faciem, glorifica visione percipiunt, & Reuelatum, quo nos Dei posteriora conspiciamus, altissimi me explicauit Paulus, cum dixit; Videmus nunc per speculum in enigmate, tunc facie ad faciem. Quid, quaeso, facie ad faciem? semet explicat Paulus subdens; Tunc cognosceam, sicut & cognitus sum: hoc est, quasi facie ad faciem, clara, perspicua, euidenti, ac beatifica visione Deum conspiciam. Quid per speculum in enigmate? Nisi lumine naturae, ac reuelato? & eleganter Paulus naturae lumen Speculum appellauit, ac Fidei mineque naturae Deum videre, est per speculum, seu per lineam reflexam; hoc est, per creaturarum contemplationem, in Deum opificem, à quo emanarunt, refractam, Deum ipsum inuestigare & percipere. Fidei articuli enigmata quoquomodo appellari possunt; quod hi non naturali euidentia, ac sensuum experientia clari nobis sint, sed eorum euidentia, & certitudo, ex Beatorum scientia excipiantur, ac depromantur. Haec sunt Sponsae secreta: de quibus; Secretum meum mihi. Haecque ea sunt enigmata, quae Sampson non clari non possunt, nisi eius Sponsa Ecclesia ipsis prodiderit, ac reserauerit. Quamobrem merito de Deo rerum omnium conditore scientia, balbuties, & infantia a Patri-

Catena Patrum de Dei incomprehensibilitate.

TERTULLIANUS Apologia aduersus Gentes.

Deus inesti-
mabilis.

Quod colimus nos Deus vnus est, qui totam molem istam cum omni instrumento elementorum, corporum, spirituum; verbo, quo insit; ratione, qua disposuit; virtute, qua potuit, de nihilo expresit; in ornamentum maiestatis suae: unde & Graeci nomen Mundo non potuerunt accommodauerunt. Inuisibilis est, etsi videatur; incomprehensibilis, etsi per gratiam representetur; inestimabilis, etsi humanis sensibus aestimetur; adeo verus, & tantis quibus occupatur, & manibus quibus contaminatur, quod aestimari potest, minus est & oculis soli sibi notum est: hoc quod est, Deum aestimari facit, dum aestimari non capit. Ita cum vis magnitudinis & notum hominibus obiecit & ignotum. Et haec summa delicti nolentium recognoscere, quem ignorare non possunt.

CYPRIANUS Prologo in librum de Cardinalibus Christi operibus.

Huius rei forma, Seraphim faciem Dei & pedes velat; & patentibus, quae in medio sunt, principium, finemque maiestatis diuinae alarum extensio infra, supraque operiens, aditum ad se temerariis tractatoribus, vel scriptoribus

bus interdicat: nec patitur ad liquidum se videri Diuinitas, quam vtrique inuestigatio fidelis aliquo modo odorat vel sentit, sed puram eius essentiam nec conspiciat, nec comprehendit. *Affirmatio quippe de Dei essentia in promptu haberi non potest: neque enim diffinibilis est Diuinitas, sed verius, sinceriusque remotio indicat negando quid non sit, quam asserendo quid sit: quoniam quidquid sensui subiacet, illud esse non potest, quod omnem superat intellectum; quidquid audiri vel videri, vel sciri potest, non conuenit maiestati: hebes est in hac consideratione omnis acies sensuum, & caligat aspectus.*

De Dei essentia affirmatio haberi non potest, sed tantum negatio.

GREGORIVS Nazianzenus in tractatu de Fide.

Denique pro captu, pro viribus, pro fide intueamur Deus quid sit, & videamus an ei aliquid possit comparari. Certè hoc est Deus: Quod cum dicitur, non potest dici: cum aestimatur, non potest aestimari: cum definitur, ipsa definitione crescit; quia Caelum manu sua cooperit, pugno omnem Mundi ambitum concludit: quem omnia nesciunt, & metuendo sciunt. Cuius nomini, & virtuti famulatur hic Orbis, & ipsa elementorum sibi succedentium momentanea vicissitudo testatur.

Et Oratione Panegyrica in Christi Natiuitatem.

Immensus igitur & infinitus est Deus, atque ad contemplandum difficilis: atque hoc solùm omnino de ipso comprehendendi potest, nempe quod immensus & infinitus sit: existimet licet quispiam eum, quia simplicis naturæ sit, rationem hanc habere, ut vel prorsus incomprehensibilis sit, vel prorsus ac perfectè comprehendendi queat. Quid enim ille sit, qui naturam simplicem habet, exquiramus. Neque enim simplicitas illi natura est: quandoquidem nec compositis sola compositio.

BASILIVS Homilia de Fide.

Tu autem si aliquid de Deo dicere, aut audire cupis, mitte corpus vna cum sensibus corporeis: relinque terram, mare, & aerem sub tuis ponito pedibus. Transi contemplatione temporum pulchrè distinctas ordinationes, terræ ornatus. Supra æthera mentis oculos attolle. Siderum cursus, mirandamque naturam præteri, ordinem, magnitudinem, quantos omnibus vsus præbeant, splendorem, motum, collocationem, quemadmodum inter se iungantur, ac distent, mirabili quadam ac perpetua ratione, omnia mente sublimior factus despice. Deinde supra Cælum ascende, & animo pulcherrima, quæ ibi adsunt contemplare, Cælestes exercitus, Angelorum choros, præfulatus Archangelorum, gloriam Dominationum, sedes Thronorum, Virtutes, Principatus, Potestates, singula percurrendo creata, mentem amore diuino incensus altius illis attolle, ac omnium conditricem naturam diuinam intueri stabilem, immobilem, nihil in se alienum retinentem, simplicem, impassibilem, indiuisibilem, incompositam, lucem habitantem inaccessam, potentiam ineffabilem, magnitudinem incircumscriptam, gloriam supermicantem, bonitatem desiderabilem, pulchritudinem inenarrabilem: quæ anima vehementer consternata contingi quidem, sermone autem nequaquam explicari potest. Ibi nanque Pater, Filius, & Spiritus Sanctus increata natura, dominica maiestas, naturalis bonitas.

Deus non cōtemplatur, nisi mēte extra Mundum elata.

Et Sermone de vera Fide.

Sed antequam ad ipsam fidei confessionem veniamus, illud profuerit indicasse, Dei maiestatem & gloriam, talis cum sit, ut eam neque oratio vlla pro dignitate circumscribere possit, neque mens comprehendere, vnico verbo, sententiavè neque declarari potuisse, neque intelligi, sed pluribus, quæ in sermonis nostri vsu trita essent; sanctas literas vix ipsæ etiam, qui puro essent corde, tanquam per speculum obscure significasse. Nam illud facie ad faciem, & ab omni parte circumlata ac perfectæ cognitio, ea in futuro sæculo promissa idoneis sunt.

AMBROSIVS libro de Fide orthodoxa contra Arrianos, capite sexto.

Deus credi se voluit, nec examinari; quia quantus sit, sciri non potest: Hoc enim Prophetæ, hoc Apostoli prædicauerunt. Denique pro captu, pro viribus, pro fide nostra intueamur Deus quid sit, & videamus an ei aliquid possit comparari. Certè hic est de quo & cum dicitur, non potest dici: cum aestimatur, non potest aestimari; cum comparatur, non potest comparari; cum definitur, ipsa sua definitione crescit. Qui Caelum manu sua operit, pugno omnem ambitum Mundi claudit. Quem totum omnia nesciunt, & metuendo sciunt. Cuius nomini & virtuti famulatur hic Orbis, & ipsa elementorum sibi succedentium momentanea vicissitudo testatur. Vide ergo si potest aliquid esse, quo possit Pater comparari & Filius, quia talis est Filius, qualis & Pater. Non enim ipse se vnum cum Patre diceret, nisi talem se qualis est Pater sciret. Ratio quædam est, quæ apud Græcos Logos nuncupatur, quæ inter Patrem & filium personas, vel vocabula distinguit; quia & ipse filius ratio dicitur. Quæ tamen ratio multis nominibus appellatur. Modo Verbi, modo Virtus, modo Sapientia, modo Dextera, modo Brachium, modo Margarita, modo Thesaurus, modo Retia, modo Aratrum, modo Fons, modo Petra, modo Agnus, modo Homo, modo Vitulus, modo Aquila, modo Leo, modo Via, modo Veritas. Et ita cum sit Deus omnia in omnibus, ut per hæc vocabula diuinarum dispositionum mysteria cognoscantur, non ut ipsa maiestas filij Dei propriè definita monstretur. Quid est enim Filius de eo, quod pater est? alius idem; Nam & hoc Verbum nuncupatur, quia ex proprio diuino ore processit, & nihil Pater sine eo aut iussit, aut fecit. Virtus dicitur, quia de verè de Deo, & semper cum Deo est; & omnis potestas Patris in eo consistit. Sapientia appellatur, quia de corde Patris adueniens, arcana cælestia credentibus referauit. Dextera nuncupatur, quia per eum omnia opera diuina perfectæ sunt. Brachium dicitur, quia ab ipso omnia continentur. Margarita appellatur, ut nihil illo preciosius habeatur. Thesaurus dicitur, ut in ipso omnes opes & diuitiæ Regnorum cælestium condite agnoscantur. Retia dicitur, quia per ipsam, & in ipso, de mari sæculi diuersa gentium multitudo, sicut piscium per

Dei immensitas.

per aquam baptismatis in Ecclesia congregatur, ubi bonorum, malorumque; discrimen agnoscitur. Aratrum nuncupatur, quia signo Crucis suae dura pectora subiiciuntur, ut necessaria in ipsa prepararentur. Fons aquae viuae appellatur, quia ex eo sitientia corda caelestis aquae gratia irrigantur. Petra dicitur, quia credentibus fortitudinem, incredulis duritiam praestat. Lapis angularis dicitur, quia utrosque parietes Noui & Veteris Testamenti unus & mediator in semetipso continens copulauit. Agnus dicitur, ut innocentia Christi, & passio demonstraretur. Homo dicitur, quia secundum carnem propter nos homines nasci dignatus est. Vitulus dicitur, quia propter nostram salutem pati sustinuit. Aquila dicitur, quia post uenerabilem resurrectionem, ut Rex suae potestate comminuit. Via est, quia per ipsum ascensus est. Veritas, quia mendacium nescit. Vita est, quia ipse uniuersa uiuificat. Vides ergo per haec uocabula significationes dispositionum, & operum diuinorum praestensas, non tamen ipsum Deum proprie definitum. Est ergo Pater Deus immensus, eternus, incomprehensibilis, inestimabilis. Est & Filius eius Deus, & Dominus noster, tantus, quantus est & Pater, sed non aliunde quam de Patre; quia ego, inquit, de Patre exiui, hoc est Lumen de Lumine.

Ioan. 16.

A V G V S T I N V S haec ea ipsa mutuatis etiam verbis habet sermone de tempore centesimo nonagesimo, qui est secundus de Trinitate.

H I L A R I V S ea ipsa pariter libro de Patris & Filij unitate. Et mirificum est, quomodo hi Patres in eandem contemplationem inciderint, vel alter alteri id suffuratus sit.

H I E R O N Y M V S Epistola quintadecima, quae est de his, quae Deo in scripturis sanctis attribuuntur.

Omnipotens Deus Pater, & Filius, & Spiritus Sanctus, vnus atque trinus: vnus videlicet in natura, trinus in personis, solus inuisibilis, solus immensus atque incomprehensibilis; solus incircumscriptus, solus incorporeus, & immortalis: ubique praesens, sed latens: ubique totus, sed immensus. Inuisibilis est, quia in essentia sua uideri non potest; Apostolo testante, qui ait; Quem uidit nullus hominum, sed nec uidere potest. Et in Euangelio; Deum nemo uidit unquam. Incorporeus est, quia nullis membrorum lineamentis compositus est, siue compactus exigit, sicut ueritas in Euangelio dicit. Spiritus est Deus, & qui adoratur, in spiritu & ueritate oportet adorare. Immensus est, quia quantitas eius, uel qualitas à nullo metiri potest, cui Salomon in sua oratione supplicans ait. Si Caeli, & Caeli Calorū te non capiunt, quanto magis domus ista, quam edificauit? Incircumscriptus est, quia circumscribi non potest. Illocalis est, quia de loco ad locum nequaquam transit, nec quolibet detinetur, ipso de se per Esaiam testimoniū per ego impleo? Cuius immensitatem Prophetia in psalmis confitens ait; Si ascendero in Caelum, tu illic es, & cetera. De cuius immensitate adhuc in libro Iob scriptum est; Excelsior Caelo est, & quid facies? Profundior est Inferculdubio nullus locus est ab eius praesentia absens. Super omnia quippe est regendo, atque imperando: subter eo quod est, omnino mutari non potest, ipso dicente per Malachiam Prophetam; Ego Dominus & non mutor: Ideo Deus immutabilis dicitur, quia misericordia, ira, furor, poenitentia, obliuio, recordatio, & alia his similia ei non accidunt. Simplex enim natura est, & immutabilis, & imperturbata, neque aliud est ipse, & aliud quod habet, sed ipsum est quod habet, & quod est. Immortalis est, quia mori non potest, Apostolo dicente; Qui solus immortalitatem habet, & lucem habitat inaccessibilem, quem nullus hominum uidit, sed nec uidere potest.

1. Tim. 6.

Ioan. 1.

Ioan. 4.

3. Reg. 8.

Esa. 66.

Hier. 23.

Psal. 137.

Iob. 11.

Malach. 3.

1. Tim. 4.

Progreditur amplius Hieronymus prolixiori, foecundiori; oratione differere, quid palpebras, aures, nares, os, labia, cor, linguam, imaginem, utrum, manum dextram, sinistram, digitos siue digitum, brachium, alas, scapulas, posteriora, pedes; item motus animae, iram scilicet, furorem, obliuionem, poenitentiam, recordationem, & his similia. Adeat lector tantos Patres; mihi que sufficiat praestantissimos, locupletissimosque locos adnotasse.

I O A N N E S Chrysostomus homilia quinta contra Anomaeos Haereticos de incomprehensibili Dei natura; cum plura de Dei incomprehensibilitate praeclare disputasset, hoc elegans adduxit exemplum.

Dic quæso, si inter duos orta altercatio esset de Caeli magnitudine, quorum alter negaret hominis oculum rem posse percipere; alter contenderet fieri posse ut palmo suae manus facile metiendo totam molem transmitteret: quem Caeli nouisse dixeris magnitudinem? eumne, qui scire contendit, quot palmos Caeli ambitus compleat; an nē: longē omnino quæst, ut is mente sit sanus, qui in Dei immortalis ratione, ne tantillum quidem censeat tempe-
randum. Requiritur certē à nobis, ut esse Deum sciamus, non ut quid Deus sit indagemus: Quod Paulus doctor eximius docet, cum dicit; Credere enim oportet eum qui ad Deum accedit, quia est. Prophetia item eum impietatis quempiam argueret, non crimini assignat, quod nescit, quid Deus sit; sed quod Deum esse ignorat; quippe

quippe qui ita scribat; Dixit insipiens in corde suo, non est Deus. Igitur, ut ille impius est, non quia Deum quid substantiæ sit, ignorat, sed quia nescit Deum esse; sic satis ad pietatem est scire Deum esse. Psal. 13.

CLEMENS Alexandrinus Stromatum libro quinto.

Patrem enim effectorem huius Vniuersi & inuenire est difficile, & cum inueneris, ut apud omnes eloquaris, nequit fieri. Verbis enim minimè explicari potest, ut aliæ disciplinæ, veri amicus dicit Plato. Pulchrè enim audierat quod sapientissimus Moses montem ascendens per sanctam contemplationem, ad fastigium eorum quæ percipiuntur intelligentia, necessariò discernens, prohibet ne totus populus secum ascendat. Et quando dicit Scriptura; Ingressus est autem Moses in caliginem, ubi erat Deus; hoc significat is, qui possunt intelligere, Deum nec esse aspectabilem, nec verbis posse enuntiari. Caligo autem reuera, nempe multorum incredulitas & ignorantia, obicitur splendori veritatis. Exod. 19.

IOANNES Damascenus Orthodoxæ Fidei libro primo capite quarto.

De Deo tamen quid est secundum substantiam dicere impossibile, conuenientiusque de Deo longè est per omnium ablationem facere sermonem. Nam nihil eorum quæ sunt, est: non ut non ens, sed ut omnia entia supereminens, & super ipsum esse ens. Si enim eorum quæ sunt, cognitio est: quod omnem superat cognitionem, & ipsum quoque super substantiam erit, & id recurrit: quod super substantiam est, & id quoque super cognitionem erit. Infinita igitur Diuinitas, & incomprehensibilis: & hoc solum eius comprehensibile, infinitas & incomprehensibilitas. Quæcunque autem per Theologiam affirmatiuam de Deo dicimus, non naturam eius, sed ea quæ sunt circa naturam insinuant. Nam etsi bonum, si iustum, si sapiens, si quiduis aliud dixeris: non naturam dicis Dei, sed ea quæ circa naturam. Sunt etiam & nonnulla affirmatiuè de Deo dicta, vim superexcellentiæ negationis præ se ferentia. Ut cum tenebras de Deo dicimus, non tenebras intelligimus, sed quod non lux, quippe qui superexcellit lucem. Et lucem dicimus, quia non est tenebræ.

AUGUSTINVS enarratione in psalmum octuagesimum quintum.

Deus ineffabilis est. Facilius dicimus quid non sit, quàm quid sit. Terram cogitas, non est hoc Deus: Mare cogitas, non est hoc Deus: Omnia quæ sunt in terra homines & animalia, non est hoc Deus: Omnia quæ sunt in mari; quæ volant per aerem, non est hoc Deus: Quicquid lucet in Cælo, Stella, Sol, & Luna, non est hoc Deus: Ipsum Cælum, non est hoc Deus: Angelos cogita, Virtutes, Potestates, Archangelos, Thronos, Sedes, Dominationes, non est hoc Deus. Et quid est hæc? Solum potui dicere, quid non sit. Quæris quid sit? Quod oculus non vidit, nec auris audiuit, nec in cor hominis ascendit. Quid quæris, ut ascendat in linguam, quod in cor non ascendit?

THEOPHILVS Antiochenus libro primo contra Christianæ Religionis calumniatores, ad Autolycum.

Haud dissimili ratione, o homo, impietas tua te occæcat, quò sit, ut nequeas Deum videre. Dicas igitur: Tu qui videns es, obsecro, Dei formam mihi enarrato. Audi, o homo: Dei quidem forma nobis occulta explicari haud quit, nec corporeis oculis videtur. Nam ea animi parte, qua opinamur, percipi non potest: nec magnitudo eius comprehendi, aut altitudo mente valet capi. Fortitudine nemini est conferendus, eiusque sapientia plane censetur incomprehensibilis. Bonitate nemo est, qui eum possit imitari, siuiusque imbecilliores, quàm ut eius beneficentiam nostris linguis explanare possimus. Lumen si eum dixerò, creaturam eius (siquidem à Deo lux creata est) dico: Sermonem si dixerò, principatum eius dico: Mentem si dixerò, prudentiam eius intelligo: Spiritum si dixerò, respirationem eius demonstro: Sapientiam si dixerò, filium eius sentio: Fortitudinem si dixerò, potentiam eius accipio: Potentiam si dixerò, operationem eius efficacem intelligi volo: Prouidentiam si dixerò, bonitatem eius in conspectum produco: Regnum si dixerò, gloriam eius profero: Dominum si dixerò, Iudicem si dixerò, iustum eum esse pronuncio: Patrem si dixerò, omnia eum esse determino: Ignem si dixerò, iram eius indico.

Dei dotes
incomprehensibiles.

CYRILLVS Hierosolymitanus Catechesi sexta.

Neque enim quid sit Deus exponimus, sed ut quod exactè de ipso nescimus, ingenue profiteamur. Nam in his quæ de Deo dicuntur, hæc maxima est scientia, ignorantiam fateri. Et post. Magnus erat Abraham, & honorandus; sed magnus respectu hominum: cum autem ad Deum respexit, tunc inquit, ingenue confitens; Ego sum terra & cinis. Non dixit terra, & tacuit: Ne seipsum magnam elementum terram appellare videretur, sed addit, cinerem se esse: ut vilitatem, fragilitatem, & imbecillitatem suam ostenderet. Estne autem quidquam cinere leuius, aut exilius? Accipe, inquit, comparisonem cineris ad domum, & domus ad ciuitatem, & ciuitatis ad Prouinciã, Prouinciæ ad Romanorum imperium, & imperij Romanorum ad vniuersam terram, & omnes terminos; rursus terræ totius ad circumdans illam Cælum. Cuius tanta est comparatio ad Cælum, quantum est punctum circuli ad totam circumferentiam; tanta enim est Cæli ad terram comparatio. Et primum Cælum est punctum circuli ad totam circumferentiam; tanta enim est Cæli ad terram comparatio. Et primum Cælum hoc, quod apparet, minus esse intelligas secundo; & secundum tertio. Hucusque enim eos nominauit scriptura; non quòd tot tantum sint, sed quòd tot nobis cognoscere confert. Et cum animo Cælos omnes perspicias: neque tamen Cæli celebrare Deum, ita ut est, poterunt, etiamsi tonitrua habeant sonantissima. Si ergo tanta Cælorum magnitudo Deum pro dignitate laudare non potest, quomodo tandem cinis vilissimus & minimus, dignas laudes Deo poterit tribuere? Qui continet orbem terræ, & illius habitatores tanquam locustas in ipsa.

De Deo maxima scientia est, ignorantiam fateri. Gen. 18.

G R E G O R I V S Magnus expositione morali, libro decimo in vndecimū caput Iob, capite septimo.

Angelica etenim, uel humana mens, cum ad incircumscriptum lumen inibat; eo ipso se, quo est creatura, coangustat, & super se quidem per prouectum tendit, sed tamen eius fulgorem comprehendere nec dilatata sufficit, qui & transcendendo, & portando omnia, & implendo concludit. Vnde & adhuc subditur; Excelsior Caelo est: & quid facies? Profundior Inferno, & unde cognosces? Longior Terra mensura eius, & latior Mari. Quod Deo Caelo excelsior, inferno profundior, terra longior, marique latior esse describitur: tanto spiritus ita debet intellegi, quanto de eo quidquam nefas est iuxta corporea lineamenta sentire. Sed Caelo est excelsior, quia incircumscriptioe sui spiritus cuncta transcendit. Inferno profundior, quia transcendendo subuehit. Terra longior, quia possidet, ut hos sub omnimoda potentie sue presentia coangustando circundet.

H I L A R I V S libro de Patris & Filij vnitate.

Deus, qui ubique est, & ubique totus est, ita regionem intelligentie excedit, extra quem nihil est, cui semper est ut semper sit; ut hoc modo se uelit in ueritate sacramenti intelligi. Hoc imperperspicabilis nature est nomen in Patre, quod Deus inuisibilis, ineffabilis, infinitus: ad quem & eloquendum sermo sileat, & inuestigandum sensus hebetetur, & complectendum intelligentia coarctetur. Deficit ergo in nuncupatione confessio, & quidquid illi sermonum aptabitur, Deum ut est, quantusque est, non loquetur. Perfecta scientia est, sic Deum scire, ut licet non ignorabilem, tamen inenarrabilem scias.

C Y R I L L V S Alexandrinus libro aduersus Iulianum primo, aureas contextit Philosophorum Ethnicorum de Dei imperferutabili essentia, sententias.

Dei appellationes a posterioribus sunt.

At Plato & ipse in loco quodam dicit; Nam Patrem & Factorem Vniuersi huius inuenisse, arduum opus est, & inuentum omnibus enunciare impossibile. Et post. Dixit item in libro quarto historie Philosophi Porphyrius, sensisse Platonem, & dixisse quoque de uno Deo, nomen quidem illi nullum congruere, neque humanam cognitionem posse comprehendere, sed appellationes, quae de eo dicuntur, a posterioribus esse, abusiveque de ipso dici. Et Post. Iam & ter maximus Hermes sic alicubi dicit; Deum intelligere quidem difficile, eloqui autem impossibile, si cui etiam intelligere possibile. Incorporeum enim corpore significare impossibile, & perfectum imperfecto comprehendere non possibile, & sempiternum conferre cum momentaneo difficile. Nam hoc quidem semper est, illud autem praetergreditur: & hoc quidem uerum est, illud sub apparentia adumbratum. Proinde si quis incorporeus oculus egrediatur a corpore ad contemplationem pulchri, & subuolet ac contempletur, non figuram, non corpus, non species intueri querens, sed illud potius, quod omnia facere potest, quod quietum, quod tranquillum, quod solidum, quod inconvertibile, quod ipsum omnia & solum, quod unum, quod ipsum ex seipso, quod ipsum in seipso, quod sibi ipsi simile, quod neque alij simile est, neque sibi dissimile.

Et iterum. Itaque de illo uno, & solo bono intelligens, nihil impossibile dixeris. Et infra. Ad haec & sapientissimus Xenophon; Igitur manifestum quod magnus sit & potens, omniaque concutiat & confirmet, ignotum autem qualis sit figura; neque enim uidetur esse lucidissimus Sol, neque hic uidetur permittere, ut ipse cer-

A U C T O R.

Differit amplius D. Thomas prima parte questione decima luculenter, & cum eo Scholastici ferè omnes; quod Dei essentia adeò sit simplex, ut in ea compositio non adsit, nec esse & essentiae, nec generis & differentiae, nec subiecti & accidentis, nec materiae & formae; quodque sine quantitate sit immensa, sine qualitate optima, sine indigentia creatrix, sine labore omnia efficiens, sine ui omnia sustinens, sine situ ubique, sine loco omnia explens, immutabilis, inuisibilis, ineffabilis. Hoc igitur est quod spondit Deus Mosi; Protegam dextera mea donec trans eas ipas creando (hic enim transitus fuit ad extra) dexteram protexit, potentia sua omnia obuoluit, eo euentu, ut expedito Creationis negocio, tantum posteriora, effectus, resque ipsae remanerent, quibus tum naturali obubrato lumine, tum reuelata, insu saque ex fidei dono scientia, quasi splendidiore radio innixi, quae de ipso sunt excelsa, ac penè imperceptibilia perscrutari, attingereque possemus.

De Interna Emanatione.

Quaquam dementis animi sit inuestigare, quidnam ipse Deus ante Mundum perageret;

In Deo nullū
compositio-
nis genus.
Exod. 33.

ageret; & Patres quamplures elegantissimè peruicaci huic quæsito satisfaciant, temeritatemq; hanc retundant; grauissimè tamen adeò Gregorius Nazianzenus Poematibus sacris suis carmine quarto, Dei munera, quæ in ea vetustissima æternitate obibat, clare prodit, ut ea pretermittere non valeam: Mundum enim alloquens, cum ipsum non esse Deo coæternum demonstrasset, adiecit.

Deus quid a-
geret ante
Mundum.

*Quòd si posterius te condidit ille, quid ante
Quàm fieres, variasq; tibi Deus undique formas
Inderet, imperitans tam multa in secla patrabat?
Imperfectum etenim non est mihi numen, inersq;.
Scilicet ille sua splendorem cernere formæ
Gaudebat, numenq; suum tripliciq; parique
Luce nitens, soli ut notum est ipsiq; p̄ysq;.*

Hoc igitur primum erat munus Dei Patris ab æterno sue splendorem cernendo formæ, Filium generare; hoc Patris, & Filij Spiritum spirare. Sed amplius.

*Hoc quoque præterea, quo se exerceret, habebat
Sancta Trias. Mundi formas namque ipsa futuri,
Iam sibi præsentis lustrabat mente beata.
Cuncta etenim, quæ iam uel præteriere, uel adsunt,
Quæq; etiam extabunt, Triadi sunt prompta, patentq;.
Hæc etenim tempus mihi sic distinxit, ut illud
Antè sit, hoc retrò, Deus autem prorsus in unum
Cuncta tenet, sinibusq; suis collecta coercet.
Quocirca quicquid uel mens mea reperit unquam,
Aut etiam audiuit, mens parturiebat id omne
Numinis ætherei, post autem fœtus in ortum
Tempore maturo erupit, cum cuncta retextit,
Unigenus sermo, claraq; in luce locauit.*

Alterum igitur munus Dei erat mente beata lustrare formas, Idæsq; rerum earum, quæ producendæ erant.

Ex supereminētissima itaq; , ac incomprehensibili Dei essentia, uti perenni uiuidoq; fonte perenniter emanabat duplex ea productio, Filij per generationem, Spiritus Sancti per spirationem. Aperiam hæc altissima, si potero, oratione concisa Scholasticorū more; arduæ siquidem res & tutius, & expressius Scholastica methodo, quam fusa, expolitaq; oratione explicantur; ac de his emanationibus, non quæ tantum à nuperis Scholasticis, sed quæ à priscis Patribus hausi, depromam. De his siquidem luculentius edisserunt Martialis epistola prima, Iræneus libris quinque aduersus Hæreses, Tertulianus aduersus Praxæum, Gregorius Nazianzenus Oratione de Fide, de Trinitate Oratione prima, seu in Apolegetico per pauca, Oratione de Pace secunda, Oratione de dogmate in constitutione Episcoporum, Oratione, seu Theologiæ libro tertio, quarto, & quinto, Oratione, seu tractatu in Sanctam Penthecostem, & Oratione ad Euagrium Monachum, & Poematibus suis carmine primo, secundo, & tertio, Cyprianus expositione in Symbolū Apostolorum, Basiliius Homilia de Fide, Homilia In Principio erat verbum, Homilia de Spiritu Sancto, aduersus Eunomium libris quinque

Patrum loca
de interna e-
manatione.

Cap. 2.
Cap. 10.

Spiritu Sācto ad Amphylochium Iconij Episcopum, Augustinus locupletissimè libris de Trinitate, & innumeris ferè locis, Ambrosius libro de Dignitate humanæ conditionis, & libro inscripto Institutio Virginis, & libris quinque de Fide contra Arrium, & de Spiritu Sācto libris tribus, & libro vno de Fide orthodoxa contra Arrianos. Ioannes Chrysostomus sermone de Sancta Trinitate, Cyrillus libro Thesaurus nuncupato, & libro Dialogorum, Gregorius Nyssenus libro de Cognitione Dei, Athanasius Oratione contra Sabellij gregales, Orationibus seu sermonibus contra Arrianos, & libro de communi essentia Patris, Filij, & Spiritus Sancti, Et libris septem ad Theophylum, Theodoretus Dialogo inscripto Immutabilis, Damascenus Orthodoxæ Fidei libro primo, Marius Victorinus Apher aduersus Arrium libris quatuor, Proclus Epistola ad Armenios, Antoninus Episcopus Constantiensis Epistola ad Arcadium, Alcuinus libro inscripto Confessio, seu doctrina de Deo, Fulgentius ad Monimum libro secundo, & tertio, & libro contra Arrianos, & ad Trasimundum Regem libro secundo, & libro de Fide orthodoxa ad Donatum, Agnellus Episcopus Rauennatensis libro ad Armedium de Fidei ratione, Fulbertus Episcopus Carnotensis Epistola prima, Phæbadius Episcopus libro de Trinitate contra Arrianos, Idacius Clarus Hispanus libro aduersus Verimadum Arrianum, Cerealis Episcopus contra Maximinum Arrianum, Victor Episcopus libro de Fidei ratione ad Hunericum Regem Vandalorum, Gelasius libro aduersus Euthychen, & Nestorium, Ioannes Maxentius in Catholica professione, & Dialogorum libro secundo, Vigilus Episcopus & Martyr contra Euthychen libris quinque, Faustinus Episcopus de Fide contra Arrianos ad Flacillam Imperatricem, Tatianus oratione contra Græcos, Anastasius Patriarcha Antiochenus de rectis Fidei dogmatibus libro primo, Gregorius Bethicus Illiberi Episcopus libro de Trinitate & Fide ad Placidiam Augustam, Paulinus Episcopus Nolanus Epistola de Confessione Catholica vigesima quinta, Ferrandus Diaconus Christianus miles in Pedagogo regula quinta, Venantius in Hexegefi Symboli Apostolici.

Deus Optimus Maximus natura quædam est, & ea intellectualis, nec siquidem Barbarus adeo insipiens, rudis impiusq; reperitur; qui Deum esse, ac si est, intellectualem esse naturam abnuat, aut inficietur. Primum si natura est, vt natura pluribus hypostasis communicabilis est; si communicabilis, cum in æternis esse, & posse non differant, iam perenniter communicata comprehenditur; & hæc est persona Patris constituta per Paternitatē non tempore prior, nec substantia præstantior, nec perfectionibus insignior, sed alias personas origine antecellens.

GREGORIUS Nazianzenus Oratione de statu Episcopali;
Et indignus esset Principatus, si non Diuinitatis causa existeret Pater, qui in Filio, & Spiritu Sācto cōtemplatione comprehenditur.

Ecce fons iam reферatus, principium sine principio, lumen non à lumine, Deus non à Deo. Ex hoc vberissimo fonte attendas, qua serie emanationes illæ diuinæ prosiliant. Si Deus natura est intellectualis, igitur intellectu & voluntate præditus est: duæ enim sunt hæ intellectualis naturæ, vt aiunt, connatæ facultates: quod si intellectu præditus est, igitur intelligit; & si intelligit, ac nihil aliud adsit præter seipsum, quod contemplari possit; igitur seipsum absolute intelligit: at intelligendo seipsum, concipit, paratur; de quo in Psalmo; Ego hodie genui te. En habes alium fontem à fonte, principium à principio, Deum de Deo, lumen de lumine, nobis ex nostra intelligendi serie, quasi per posteriora quoquomodo comprehensum, ea tamen disparitate, quod in nostro interno verbo siue conceptu, hæc adsint omnino diuersa. (vt tradunt Philosophi) Intellectus, intellecta species, intelligendiq; actus, seu intellectio; in Deo autem vnū existant, ea ratione, qua, quidquid in Deo est, Deus est. Cæterum Verbum istud aterco, id edocuit Ioannes Aquila illa à coruscantibus Solis æterni fulgoribus nunquam retusa; In principio, inquit, erat Verbum; ecce coæternitas; Verbum erat apud Deum; ecce coequalitas; Deus erat Verbum; ecce consubstantialitas.

FVLGENTIVS de duplici Natiuitate Christi clarius id explicauit.

Est

Verbi generatio quomodo fiat.

Psal. 2.

Ioan. 1.

Est enim hoc Verbum, non quod definit prolatum, sed quod permanet natum; non transitorium, sed æternū; non factum à Deo Patre, sed genitum; nec solum genitum, sed etiam unigenitum. Et post. Natus est itaque de Patre Deo, Filius Deus; alter in persona, non alius in natura; semper apud Patrem, semper cum Patre, semper de Patre, semper in Patre. Semper apud Patrem, cum quo illi est naturalis immensitas. Semper cum Patre, cum quo illi una est naturalis æternitas. Semper de Patre, de quo illi est naturaliter æterna natiuitas. Semper in Patre, cum quo illi est una naturaliter, æqualisque diuinitas. Et alter quidem ille Pater est, alter ille quod Filius est. Neuter tamen alter Deus, quia Pater & Filius unus est Deus.

Exemplo, si potero, latebras has dissoluam. Deus ea perennitate, qua æternus est, ea met seipsum intelligit; nec siquidem vnquam fuit, quin seipsum non intelligeret. Ab æterno igitur generatur Filius, ut ipse de se obtestatur; Ante me non est formatus Deus; & post me non erit alius. Adsunt siquidem tria in Sole limpidissimo siderū, Iubar, Radius, Lux: origine quidem prior est Sol, sed nunquam Sol sine Radio, nec Radius sine Luce emicat. Ita cum Pater Sol, Filius Radius, Spiritus Lux dici ex hac comparatione non ineptè possint; Radius quidem à Sole est, Filius scilicet à Patre; Lux à Sole est per Radium, Spiritus à Patre & Filio; sed eadem æternitate omnes præditos esse existimandum est. Eleganter igitur; In principio ait Ioannes, non post principium erat Verbum. Nicetas exemplum id fusiùs explicauit Commentarijs in Orationem secundā Gregorij Nazianzeni in Pascha.

Esa. 43.

Sol, Radius,
Lux symbola
Patris, Filij,
Spiritus San-
cti.

Quod Sol in sensibilibus, hoc Deus in intellectibus: nam quemadmodum ille visibilem Mundum illuminat: eodem hic modo inuisibilem; Rursus quemadmodum ille eos, qui aspiciunt, claros efficit, ita hic diuinos, & Deiformes reddit. Præterea quemadmodum simul & corpus Solis, & Radius, & Lumen, simili modo Pater, Filius, & Spiritus Sanctus, & quanquam vtrique causa est Pater, non tamen antiquior est, non herclè magis quam Sol illis tempore prior.

Deus deinde ea absoluta perfectione, quæ nullum admittit defectum, cum se intelligit, seipsum totum comprehendit. Nec enim illa ineffabilis contemplatio obiecti superexcedenti virtute, seu organorum imbecillitate, seu medijs obumbratione (vti nostro contingit intellectui) labefactatur. Quod si se absolutè comprehendit; igitur communicat Verbo omnes sibi insitas dotes, atque perfectiones. Huius rei exemplum egregiè ex imagine desumpsit Paulus, cum de Verbo dixit; Imago est Dei inuisibilis, figura substantiæ eius. Attendas, precor, similitudinis vim. Apparet imago Regis in speculo & in filio ita perspicuè expressa, ut quod in patris facie natura exarauit, omne id in imagine ex speculo retusa, seu in filio representetur. Pari serie, adest tam præclara imago Patris in speculo illo sine macula, & Filio æterno, ut nulla resideat in Patre dos, seu perfectio, quæ in Filio pariter non eluceat: sed alia disparitate conuincitur fieri representatio in speculis his nostris, etsi terribilissimis, & in speculo illo sine macula; in filiis his hominum, & in Filio æterno. In his siquidem, similitudo & imago rei expressæ, aduentitium quoddam est; In Verbo verò, cum similitudine etiam adest (vt aiunt in Scholis) identitas, seu essentiæ vnitas: ob id adiecit Apostolus; Figura substantiæ eius; quasi dixerit; non linearum, colorumque tantum similitudo extera, sed ipsius substantiæ figura, seu æqualitas, comparitasve reperitur. Ioannes altius, hoc itidem explicauit, cum dixit; Verbum erat apud Deum; non supra, non infra, sed apud; hoc est, Deo in perfectione coæquale; adeo enim Filius æquatur Patri, ut ex connatis dotibus Filius nō sit supra Patrem, vel sub Patre, sed apud, idest æqualis in pari Maiestatis sede. Tandem cum Deus Optimus Maximus omnes perfectiones, dotesque, in creatas res effusas, ac extensas, perfectissimo, & absoluto nexu in se ipso colligat, recludatque: Si ex intelligibili, & intellectu (iuxta Philosophorum placita) vnum sit, multò magis ex Deo ipso, & concepto Verbo vnum maximè fieri dicendum est; & hæc est (vt aiunt) essentiæ identitas, & consubstantialitas, de qua dicitur; Ego, & Pater vnum sumus. Fons aquas effundit, ab eoque flumen dilabitur, sed aquarum effusarum, cum sit Aqua corpus homogeneum, vna est substantia; hoc ipsum de Patre & Filio dicendum est. Duæ certe sunt personæ Pater, & Filius, sed vna essentia; quamobrem optimè prodit Ioannes; Et Deus erat Verbum. Habes igitur alteram internarum emanationum, quæ cum sit per modum naturæ, generatio nuncupata est. Nam quod non factus, nec creatus, sed genitus sit Filius, promulgat Ecclesia in Symbolo ab illo edocta, cuius afflatu scripsit Dauid; Ego hodie genui te. Ex his fontibus altera emanat diuina processio. Cum siquidem

Coloss. 1.

Verbum Imago
patris.Ioann. 1.
Verbum coæ-
ternū Patri.Deus conti-
net rerum o-
mnium per-
fectiones.
Ioan. 10.

Ioan. 1.

Psal. 2.

Spiritus Sancti
Spiratio.

dem Deus sit natura, intellectu, atq; voluntate prædita: voluntas autem feratur suo raptu in bonū: ea æternitatis perennitate, qua seipsum contemplatur, ea ipsa, seipsum, ut summū bonū amat; atq; ita Spiritus Sanctus amor ille æternus, & donū perēne spiratur. En tertius fons à fontibus, Spiritus Sanctus à Patre & Filio spiratus, psona alius, essentia vnus cum reliquis. Aperiam etiam sacrum latibulum non inepta similitudine: Solem, cum fulgentissimis, hisq; directis radijs enixè in speculum immotum verberat, ignem excitare omnibus conspicuum esse arbitror. Eleganter certè Deus Pater Sol ille est exuens Sol immenso fulgore splendescens in speculo, cum seipsum comprehendit in Filio, ac ex ea repercussa contemplatione, qua seipsum cognoscit, dum seipso oblectatur, amoris perennis scintillas excitat, ignemq; Spiritus amoris, ac doni æterni cum Filio spirat; quæ productio cum profiliat, non per modum naturæ, sed voluntatis, spiratio à samè igitur excelsas has emanationes diuinas, stantes supra petram, à Sanctæ Romanæ Ecclesiæ dogmatibus non recedentes, scientiæ reuelatæ radijs illustrati, per posteriora, hoc est per modos naturæ, à nobis ad diuina contemplanda, ac percipienda reflexos, crassa quadam speculatione inuestigare, ac comprehendere potuimus.

De emanatione externa.

Mundi emanatio à Deo
ex ipsius beneplacito,

Ex his fontibus, quasi ex fonte emanat, proditq; Mundus, & rerum conditarum omnium congeries; non quidem ex natura (sola siquidē interna emanatio ex natura provenit) sed ex beneplacito. Quapropter non ab æterno, sed in sancito à Deo tempore, Creaturarum vniuersitas producta est.

De tempore quo productus est Mundus.

Cæterum tempus quo Mundus conditus est indagare, quaq; de causa Deus nō ante, vel post, sed præordinato à se temporum primordio Mundum condiderit, inuestigare; temeritatis est partes subire. Hoc enim execrati sunt Patres quamplures, quorum quatuor tantum sententias referam.

C L E M E N S Recognitionum libro octauo.

Mundus conditus est
oportuno tempore.

Sed dices, quando Mundus factus est, & quare tam tardè? Hoc possis obtinere, etiam si ante factus fuisset: diceret enim, cur non & ante hoc? & ita immensa sæcula transcendens, semper possis requirere; cur non & ante hoc? sed nobis nunc sermo non de eo est, sed nūm omnino factus sit? Si enim factum constat, necessario potius relinquendum est. Nisi uideatur tibi omnis hæc sapientia, quæ tam immanem Mundi machinam struxit, & singulis quibuscunque rebus, formas, & species dedit: quarum habitum non decori solum conuenientem, sed & futurum tempus absumeret. Est apud illum profectò certa ratio, sunt euidenter causæ; cur, & quando, & qualiter fecerit Mundum, quas hominibus, quibus hæc, quæ ante oculos posita sunt, & de eius providentia contestantur, inquirere, & intelligere pigrum fuit, aperiri utique non oportuit, quæ enim in occulto habentur, & intra sapientie sensus, uelut intra regios thesauros recondita sunt, nemini patent, nisi his qui ab illo didicerint, apud quem signata sunt hæc & reposita. Deus ergo est, qui fecit omnia, & ipse à nemine factus est.

A V G V S T I N U S

de Ciuitate Dei libro vndecimo, capite quinto.

Deinde videndum est, istis qui Deum conditorem Mundi esse consentiunt, & tamen querunt de Mundi tempore, quid respondeamus, quid ipsi respondeant de Mundi loco. Ita enim queritur, cur potius tunc, & non antea factus sit: quemadmodum queri potest, cur hic potius ubi est, & non alibi? Nam si infinita spatia temporis ante Mundū cogitant, in quibus eis non videtur Deus ab opere cessare potuisse: similiter ergo cogitent extra Mundum infinita spatia locorum, in quibus si quisquam dicat non potuisse uacare Omnipotentem, nonne consequens erit, ut innumerabiles Mundos cum Epicuro somnare cogatur: ea tantum differentia, quod eos ille fortuitis motibus atomorum gigni asserit, & resolui, isti autem opere Dei factos dicturi sunt, si eum per interminabilem immensitatem locorum extra Mundum circumquaque patentium vacare noluerint, nec eosdem Mundos, quod etiam de isto sentiunt, vlla causa posse dissolui? Et post. Cum igitur unum Mundum ingenti quidem mole corporea, finitum tamen, & loco suo determinatum, & operante Deo factum esse dicant: quod respondent de infinitis extra Mundum locis, cur in eis ab opere Deus cesset: hoc sibi respondeant, de infinitis ante Mundum temporibus, cur in eis ab opere Deus cessauerit. Et sicut nūc est consequens, ut fortuito potius quam ratione diuina Deus non alio, sed isto, in quo est loco, Mundum constituerit, cum pariter infinitis ubique patentibus nul-

lo excellentiore merito posset hic eligi, quamvis eandem diuinam rationem, qua id factum est, nulla possit humana comprehendere mens: ita non est consequens, ut Deo aliquid existimemus accidisse fortuitum, quod illo potius quam anteriore tempore condidit Mundum, cum equaliter anteriora tempora per infinitum retrò spatium præterissent, nec fuisset aliqua differentia unde tempus tempori eligendo præponeretur. Quod si dicunt inanes esse hominum cogitationes, quibus infinita imaginantur loca, cum locus nullus sit præter Mundum; respondetur eis, isto modo inaniter homines cogitare præterita tempora uacationis Dei, cum nullum tempus sit ante Mundum.

G E N N A D I V S, vt in Catena Lippomani.

Sunt autem qui dicant Deum condere vniuersa decernentem, oportuisse non tandiu à creando eum supersedere; sed multo ante tempore opus aggredi. Quorum verba præterquam quod temeraria sunt, etiam sunt stulta uehementer. Nam cum Deus sit, & credatur sempiternus, semper idipsum poterit qui uolet dicere, etiam si innumerabilibus annis ante, Mundus fuisset creatus, equali semper spatio remanente, respectu Creatoris infiniti, & cogitatione nostra semper progrediente, neque usquam sistente, ac perueniente ad id, quod est sine principio, & sempiternum. Quapropter his audacia nostra debet supersedere, standumque religiosè est, & acquiescendum his, quæ sunt tradita.

Deus quare prius Mundum non condiderit, temerarium est inuestigare.

E V C H E R I V S super Genesim libro primo.

Verentes multiplicia congerere, ne stomachus legentium saturatus non solum oblata renuat, sed & ingesta reiciat: priusquam de Mundi principio sit loquendum, dicendum est contra eos, qui ore sacrilego de Deo disputare nituntur, dicentes; Quare fecit Deus Cælum & Terram? Quid faciebat Deus antequam Cælum & Terram faceret? Cur noua voluntas in Deo, ut conderet Mundum exorta est? Sed respondendum est illis: Noua voluntas in Deo exorta non est: quia etsi in re Mundus non erat, in æterna tamen uoluntate semper erat. Ergo frustra dicitur, cur per tanta retro tempora Deo vacante noua Mundum faciendi orta fuisset cogitatio, quando in suo æterno semper manet consilio. Mundi constructio, nec tempus ante principium, sed æternitas fuit: Tempus enim à substitutione creature, non creatura caput à tempore.

De modo quo à Deo profilijt Mundus.



Manarunt autem Creaturæ cunctæ, Mundusque à Deo, uti à fonte, à tribus personis, uti à causis efficiente, exemplari, & finali. Caterum hæc artificis exemplo, magis innotescunt. Artifex, utpote figulus (nam & Deus figulo comparatur) triplici facultate effingit lutea vasa: naturæ, seu corporis viribus ea operatur, intellectu eorum idæas format, & artem regit, ac dirigit; voluntatis tandem imperio hæc potius, quam illa seligit effingenda, & vires, ingeniumque prout libuerit, ad opus impellit; adeo ut munus naturæ sit efficere, intellectus idæas ferre, & artem dirigere, voluntatis seligere & operari. Agè Summus Opifex Deus artificis similitudine (ut crassa Minerva hoc aperiam) has tres functiones in Orbis structura obijisse videtur. Pater, cui, ne ut senex imbecillis credetur, potentia adscribitur, qua cuncta ex nihilo creari, proferrique possunt, exhibuit eam potentiam imensam, de qua prodidit Angelus; Non est impossibile apud Deum omne verbum: hoc est non tantum id quod fieri, sed quod etiam mente concipi potest, dum tamen contrarietatem in adiecto (ut Logici explicant) non admittat. Filius, cui intellectus functiones attribuuntur, duo & ipse hæc in Orbis emolitione & structura contulit: Primum cunctarum rerum Idæas: cum siquidem Pater, in quo coæterna omnium rerum inerant femina, seipsum intelligens Verbum genuerit, in eo etiā Verbo Idæas, siue formas cunctarum rerum expressit. Has igitur Idæas, siue exemplaria Filius detulit, ut res determinatas formas consequerentur, quæ quidem formæ, licet in rebus multiplices sint, vnū tamen in diuina essentia extant, ab essentia non seiunctæ, ut profundius edocet D. Thomas. Insuper, quoniam Filio Sapientia adscribitur: sapientis autem munus est ordinare, proinde ipsi, ut artifici, rerum dispositio, ac ordo attribuitur. Ipsa etenim sapientia est, de qua scriptum legitur; Attingit à fine vsque ad finem fortiter, & disponit omnia suauiter. A fine (inquam) ad finem attingit, hoc est ab Arctico ad Antarcticum; vel à superna creatura Angelica ad infimam lapidis, vel à primo momento Orbis conditi ad eius excidium; fortiter attingit, cum nulla res suum prætereant ordinem; & suauiter disponit, quoniam res omnes secundum congruentes illis naturas ordinauit. Spiritus Sanctus tandem, cui voluntatis munera dantur, ex amoris, ac charitatis redundantia ad productionem rerum creaturarum seipsum allexit, & ex Deo emanata amoris nexu copulat; & in Deum,

Personæ diuine causæ Mundi efficientis, exemplaris, & finis.

Patri potentia cur attribuitur.

Lucæ 1.

Formæ rerum in Deo vnæ.

1. Par. q. 14.

Sap. 8.

Rom. II.

Mūdi creatio
cū opus sit
Trinitatis cur
Patri attribua-
tur.P.p. Quæ 45.
artic. 6.

Deum, tanquam in finem, trahit. Quibus enarratis ex candore lucis per foramen diuine scientiæ ad nos effluentis, certè Deum Patrem efficientem potentia: Filium exemplarem, & artificem ex sapientia: Spiritum Sanctum finalem causam ex bonitate agnoscimus. Hæc omnia vno verbo Apostolus complexus est, cū dixit; Ab ipso, per ipsum, & in ipso sunt omnia. Ab ipso Patre, tanquam omnipotentissimo efficiente: Per ipsum Filium, vti per sapientissimum exemplaribus præditum artificem: In ipso Spiritu Sancto, veluti in summum bonum directā, omnia condita sunt. Verū enim uerò difficultas insurgit non contemnenda. Cū ad extra indiuisa sint Trinitatis opera, sicuti edocet Sacra Theologia, adeo vt Deus vnus & trinus Mundi opifex indubitanter æstimeretur: & ex quadam conuenientia, Pater efficiens, Filius exemplaris, Spiritus Sanctus finalis causa dicantur: quorsum tantum Patri Creatio tribuitur in Symbolo, siquidem fatemur, Credo in Deum Patrem Omnipotentem Creatorem Celi & Terræ? Responso se ipsam effert. Cū enim ab ea causa, quæ potior videtur, sumi soleat denominatio, quanquā in Orbis effectione, & Sapientia, & Charitas explendeant, clarius tamen Omnipotentia, quæ Patri attribuitur, luculentiusque effulget: quamobrem non Filio, & Spiritui Sancto, sed Patri ex omnipotentis ratione Mundi structura passim adscribitur. Adicias ex D. Thoma, quod creatio cū emanet à Deo, vt est vnus in essentia, essentia autem licet tribus personis communis sit, ex ordine tamen ita primo conuenit Patri, vt Filius à Patre, Spiritus Sanctus ab vtroque, illam desumere perspectum habeamus: ob id creationis etiam opus ipsi Patri non immerito attribui solet. Sed hæc Theologis sacris clarius discutienda relinquamus.

De Causis externæ emanationis, seu Mundi creationis.

Sed altius quamnam causæ fuerint, quæ Sanctissimam illam Deitatem in sua perenni gloria, & in seipsa ineffabili æternitate consistentem ad procreandas extra se res impulerit, indagandum est.

Deus eximia sua bonitate Mundum condidit.

Deum immensa tantum sua bonitate Mundum conluisse, plures Patrum obtestati sunt.

GREGORIUS Nazianzenus Oratione Panegyrica in Christi Natiuitatem.

Quoniam autem bonitati nequaquam satis erat sua ipsius solū contemplatione moueri, sed bonum diffundi ac propagari oportebat, vt plura essent, quæ beneficio afficerentur (id enim summæ bonitatis erat) primum explebatur. Et post. Sic igitur atque ob has causas, intellectibilis Mundus ab eo creatus est, quantum mas creationis partes præclare constitutas vidit, alterum Mundum materia constantem & aspectabilem cogitauit.

NICETAS primum locum interpretatus, ait.

Quoniam autem summo illi bono, hoc est, Deo, qui essenziale bonum est, nequaquam satis erat sua ipsius solū contemplatione moueri, id est, seipsum contemplari atque intelligere, sed diffundi, ac propagari bonum illud oportebat, hoc est, vnum Deum pro ratione eorum, quæ ipsius capacia essent, per bonorum suorum communica- tionem diffundi ac multiplicari. Quod autem ait, oportebat; non necessitatem affert, sed opificis voluntatem subindicat: ipsa enim lex est congruentissima. Et Post. Sic, intellectibilis Mundus creatus est, hoc est, tatem solam, & quia bonum illud permanere ac propagari oportebat.

Eadem penè habent Nazianzenus & Nicetas Oratione secunda in Pascha, quæ numeratur quadragesima secunda.

IOANNES Chrysostomus de Prouidentia Dei libro primo.

Principio cū Angelos crearet Deus, imo verò vt priora complectatur oratio, antequam Angelos conderet, Cælestesque reliquas Virtutes, Deus erat sine vllō vnquam suæ substantiæ principio. Cū verò nullius rei egens semper esset, id quippe propriū diuinitatis est, creauit Angelos, Archangelos, omnesque reliquas incorporeas, immortalesque substantias. Creauit verò ob aliud nihil, nisi sola bonitatis suæ causa. Quorum n. obsequio non indigebat, nunquam eos profectò creauisset, nisi supremè bonus atque clemens esset; post verò illam creatio-

nem fecit hominem, ipsa scilicet, atque eadem de causa, Mundumque hunc omnem, quem cum innumeris bonis, omniq; ornatu ac decore insignisset, paruum illum, atque vilissimum puluerem his omnibus praefecit, hoc illum in Terra constituens, quod ipse esset in Caelo.

THEODORETVS de Græcarum affectionum curatione libro quarto, qui est de Materia, & Mundo, clarissimam Platonis sententiam de his inserit.

Ego autem ceteros quidem omnes missos faciam, Platonem verò ipsum in nonnullis quidem laudabo, in nonnullis autem manifestè coarguam; illa enim quæ in Timæo conscripsit, sunt laudatu dignissima: sic autem inquit. Dicamus itaque quàm ob causam generationem rerum confecit, & hoc omne, quod cernimus, Opifex ipse constituit. Tum optimam illam & admirandam attulit responsionem. Bonus erat; Bonum verò, nulla rei cuiusquam subit inuidia: cum itaque extra inuidiam esset, voluit omnia esse sibi ipsi quàm maxime assimilia. Diximus autem similia, non secundum naturam, sed eo duntaxat quòd & ipsa sunt. Sicut enim ipse est, ita voluit, ut quæ olim non erant, fierent, atque essent. Verum ipse sic est, ut à nullo esse acceperit, omnibus autem quæ sunt, esse ipsum tribuerit. Hæc quoque quæ insequuntur, superius allatis valde affinia sunt. Nullius enim quæ sunt, esse ipsam causam, Deus Mundum hunc fecit, ut videlicet honores ab hominibus, à Dijs, Demonibusque propriæ utilitatis causa, Deus Mundum hunc fecit, ut videlicet honores ab hominibus, à Dijs, Demonibusque acciperet, ceteri qui prouentum aliquem ob oblatam illis generationem sibi ascisceret, ut à nobis puta fumidum sacrificij vaporem, à Dijs verò, ac Demonibus propria ipsorum ministeria. Hoc itaque etiam loco Deum rei nullius indignum esse testatur, solaq; bonitate adductum hæc omnia effecisse. Deos verò ac Demones hoc loco eos appellauit, quos ipsi Angelos nuncupamus, eosdemque Dei ministros esse asseruit.

CLAVDIANVS Mamertus Viennensis Episcopus de statu Animæ libro primo.

Causa enim creandarum rerum bonitas Creatoris est; Qui creare potest vniuersa quæ velit, nihil bonitatis exercisset, si nihil creasset: ita semiplena benignitate usus esset, si semiplenum aliquid condidisset.

PETRVS Damianus Episcopus Ostiensis Epistola quarta, quæ est de Dei Omnipotentia,

Ad creandum igitur quod non erat, non eum solitudinis, vel inopiæ alicuius necessitas compulit, sed sola propriæ clementiæ bonitas prouocauit. Nec beatitudini eius rerum conditio conferre aliquid potuit, cum ita per se, & in se sit plenus, atque perfectus, ut nec existente creatura sibi aliquid accedat, nec ea pereunte decedat. Omnia siquidem flumina intrant in mare: & mare non redundat.

Eccles. 1.

Sed ne in re tam lucida, & conspicua calumum defatigem, sufficiant sex horum Patrum testimonia. Descendam modò ad ea explicanda, quæ ex ipsorum contemplationibus decerpere iudicauimus.

AUCTOR.



E igitur primò in loco occurrit ratio, quæ ex diuina bonitate sumpta ita deduci philosophicè potest. Axioma adest notissimum, peruulgatumq; passim; Bonum sua natura sui ipsius esse diffusiuum; cuius rei rationem luculenter reddidit Philosophorum princeps Aristoteles in libris Ethicorum: quoniã cum Bonum id sit, quod omnia appetunt, ea ratione qua appetibile est, effundi necesse est; Porro nobis perspectissimum est Deum esse cunctæ bonitatis fontem: iuxta illud; Ego ostendam tibi omne bonum: Igitur summopere seipsum effudit. Atque cum in creatione Mundi se communicauerit, res ipsæ creatæ ex sola immensa eius bonitate ab ipso emanarunt. Verum hoc loco ex D. Thoma illud animaduertendum est, quòd quâquam omnis vis essendi, & bonitatis Deo insit, à Deo tamen esse, & bonitas effluat, non ut ab agente, vel principio cum rebus ipsis creatis vniuoco siue in speciei, siue in generis ratione, sed æquiuoco, cum excellentiori profectò modo in Deo, esse, bonitasq; infideat, et fulgeatque, quàm in rebus creatis; quemadmodum fulgor supereminentiore gradu in Sole, quàm in Igne resplendet. Varij itaque sunt gradus rerum à Deo conditarum. Vnde Nemescius libro de Natura hominis, quàm elegans in creandis rebus gradatio fuerit à Deo obseruata, florentissima explicat enarratione. Ego contèplatione sumpta ex sacra pagina in Sacrorum Oratorum gratiam (ut libentius facere soleo) communicatione hæc essendi à Diuina bonitate factâ explicabo. Idq; ex allegoria fontis à Paradiso Terrestri scatentis, & fluminum eorum amplissimorum, qui ab illo profluebant, præstare contendam. Scriptum est; Et fluuius egrediebatur de loco voluptatis ad irrigandum Paradisum, qui inde diuiditur in quatuor flumina. Quinam fons iste est? quæ flumina? Deus perennis fons ille est, seu is fluuius Paradisi, qui cunctum Orbem irri-

Dei Bonitas
condedi Mun-
di causâ.

Exod. 33.

1.P. q. 44.

Rerum gra-
dus.

Gen. 2.

F gat

Rerum quatuor genera, quatuor fluminibus Paradisi comparantur.

Dei triplex communicatio.

Rerum gradus quinque.

Formarum genera.

Rerum catena.

gat, cum omnibus rebus esse liberalissime impertiatur, & elargiatur. Quatuor ab eo emanantia flumina, quatuor sunt rerum ab eo producta genera: natura (inquam) Angelica, Humana, Coelestis, & Elementaris. Et quemadmodum à fonte non omnis aqua simul effluit, nec ea claritate, qua à fonte descendit, per fluminum crenosos alueos dilabitur, decurritque; siquidem ex alueorum diuersis affectionibus claritatem, coloremque; immutare contingit: ita à Deo non omnis diuina perfectio in creaturas descendit, cum solum ex beneplacito eas condiderit: nec esse eo perfectionis gradu, qui in Creatore est, conditis rebus inest, quoniam unaquaque earum sibi congruentem essendi gradum tantum accepit. Quapropter secundum triplicem communicationem cunctas res à Deo fuisse effusas contemplari possumus, Diuinam, Intelligibilem, & Sensibilem; seu Summam, Mediam, & Infimam; in modum Fontis, Lacus, & Fluminis. Diuina eminens communicatio ea dicitur, quae secundum essentiam fit, Filij scilicet generatio, Spiritus Sancti intellectualis, hoc est Angelus, & Anima. Extrema tandem, qua substantia imperfectior elargitur, mixta scilicet, ut est sensibilis, ac corporea natura; quae itidem duplex est, Coelestis, & Elementaris. Attendas igitur per hos quinque rerum, seu entium gradus, Dei scilicet, Angeli, Hominis, Coelestis naturae, & Elementaris, essentiam creaturis à Deo condonatum, secundum esse, intelligere, & velle diuersitatem, à perfecto ad imperfectum descendentem, ac rapido cursu ad ima, & ad nil properantem: sicuti ipsa fontis aqua se totam in lacum effundit, ac in flumina ita dilabitur, ut tandem exinanita ad nihil ferè deducatur, ac internis terrae visceribus & latebris absorpta, euanescat. In Deo primum id ipsum est esse & essentia: In Angelis aliud esse, aliud essentia comperitur; licet nulla prorsus illis admisceatur materia: Cetera cuncta ex materia & forma, uti principiis compacta sunt, sed dispari gradu: In homine namque anima desuper infusa est, non è materia elicit; ob idque merito censetur immortalis: In Coelo forma itidem assistens est & non informans; unde corpora Coelestia corruptionis expertia aestimantur: Formarum sensilium ratione carentium ex materia prosiliunt, quare illas euanescere (omnibus auenientibus Philosophis) decernitur. Verum, & formarum haec sensilium diuersis discretæ sunt perfectionis gradibus. Potior est enim forma eorum, quae sensibili anima praedita sunt; uti Animantia terrestria, Volucres, Pisces: Inde eorum, quae vegetali pollent, ut Herbarum, Olera, Arbores: Post haec eorum, quae esse tantum, sed absolutum desumunt, veluti Mineralia; quorum quatuor sunt genera, Sulphurea, Salifera, Metallica, Lapidea. Crassae, ac rudes reputantur formarum earum rerum, quae esse imperfectum sortitae sunt; Exhalationes scilicet, quae in aere, vel in terra gignuntur. Tandem adhuc crassiores censentur Elementorum formarum nobis ignotae. Ac sub his Materia prima, ita ad exilem essendi gradum descendit, corrumpiturque; ut ferè ad nihilum praecipitetur. Materiam siquidem Angelus ex ea, quae sibi collata est scientia, seu sit per species sibi insitas à Deo, seu reuelatas (de hac siquidem re adhuc est disputatio non modica in scholis) multa percipit. Homo per species acquisitas pauca assequitur, & raro, & non sine denudatis, illustratisque phantasmatibus. Cetera omnia intellectus sunt expertia, ea serie, quod quae sensibili perceptione, quamuis crassa, ac rudi pollent, proxima iudicantur homini: Quae verò ea quoque carent, longè ab homine abscedere videantur. Deus aeterna eademque semper consistente voluntate praeditus est; praecellentis enim voluntatis perfectio est in bono consistere. Angelus primo momento, ut sibi libuit, quod sibi à Deo indictum fuerat, velle nolleque potuit; quod autem tunc elegit, id semper velle arctatur. Homo quādiu vitam hanc degit, ad vtrumlibet se conuertere libero suo potest arbitrato, sed cum dies eius ipsi recisi fuerint, in quocunque loco ceciderit, ibi perenniter manebit. Reliqua omnia ab intelligentia ducuntur non errante: Alia appetitu vago, ut animantia: Alia crasso, & vniiformi, ut germina: Alia nullo prorsus acta appetitu, uti nec sensu, sed à natura lata, ut inanima. Videsne aquas defluxas, usque dum absorptae sunt? Esse scilicet à Deo rebus impertitum ita ad imperfectionem delapsū, usque quo peruenerit ad extremum, exilemque essendi gradum? Ex his igitur Homerica rerum Catenam deducere commodè nobis licebit. Homerica autem haec Catena annulis Platonici Deo Opti-

mo Maximo, vti aureo clauo, affixa est. Huius Catene imaginē libro de Genealogijs, si Deus dabit, vberius explicabimus. Catene annulus primus, natura Angelica est, Deo proximius annexa: hec per ordines nouē, quasi per annulos nouē descendit; cum superiores ordines Angelici, gradatim inferiores illuminare, seu abditarū rerū scientiam eis impertiri, imperareq; dicantur. Annulo Angelico Anima subnectitur, vtpotē ea, quę non per species inditas, sed medijs sensibus percipit, voluntateq; labili, & permutabili prædita est, & ex corporis sensuūq; necessitate efficitur, vt corporeis rebus cōpaginetur. Quapropter ei affinia, & cōiuncta sunt dignitatis ordine corpora cēlestia, ex materię ratione ceteris corporibus præstantiora; cum materia, qua congesta sunt, non ex eadem filua excisa sit, ex qua elementa; nec ipsa potentia pura dicitur, neque alicui est admixta contrarietati. Hęc natura cōlestis per annulos decem, cum decem orbes ex decem motuum ratione existimentur, trahitur, Lunę Orbi eleganter connectitur natura elementaris. Inter elementata primum locum sibi vendicant ea, quę sensu pollent, secundum triplicem gradum ordinata; nam inter animalia præcedunt ea, quę humanę eruditionis capacia sunt; inde quę degunt intra terminos irrationalis phantasię; tandem Zoophita, quibus connectuntur vegetantia triplici itidem annulorum ordine cōprehensa: quorum primus arbores; secundus olera stipitem tantum ferentia; tertius plantas folia vix emittentes includit. Ab his ad ea, quę nulla anima insignita, esse tantum præferunt, accedendum est; & hęc ea serie contexenda sunt; vt primo in annulo metalla; in secundo lapides; ac demum in tertio sulphurea, & salifera complectantur. Subsequuntur postea imperfecta metheorologica, ex quibus, quę in prima gignuntur regione, primo annulo adscribuntur; quę in secunda, alteri; quę in tertia, tertio; ac quę in terra, in extremo collocantur. Sub his elementa quatuor ponuntur, eo nexu, vt ignis primo in loco, tanquam leuior, inde aer, & post aqua, tandem terra, veluti pōderosior, in cētro Mundi constituatur. Postremo substernēda est materia illa prima, quę, cum nihil actu sit, sed omnia potentia, vltimum locum expetit: Nam quia absolutissima essendi ratio est esse actu, exilis verō esse potentia; in hac, sicuti in purissima potentia nihilo proxima, tota effusionis essentię series terminatur, & absorbetur. Sed hæc nus de catena, ac gradibus entium.

Nec pro fine prætereundum, quod Theodoretus libro quarto de Materia & Mundo nobis suggessit,

At verò rerum omnium Deus opifex, nec instrumentis, nec materia vlla indiget, sed quod alijs artificibus sunt & materia, & instrumenta, tempusque præterea & conficiendi opera, ipsaque ars & exactissima diligentia, hoc est ipsi Deo sola, vnicęque voluntas. omnia enim quęcumque voluit Dominus fecit in Cælo, & in Terra, in mari quoque ipso, & in omnibus abyssis, sicut Sacre nobis Scripturę testantur. Neque tamen quocumque poterat, totidem creare voluit, sed ea duntaxat, quę satis esse sua sapientia comprobauit. Facile enim illi fuerat decies, ac vicies mille orbes producere, quandoquidem ipsum velle, multo omnium operum est facillimum. Nobis item accidit, vt ipsum velle facillimum multo sit, at non illic facultas efficiendi quod velis, humanam sequitur voluntatem. At opifex vniuersorum Deus, quę vult omnia, eadem simul potest. Diuinę siquidem voluntati, & facultas adiuncta est. Neque tamen rerum Creationem, Mundi; fabricam immensa illa sua potestate commensus est, sed quęcumque voluit, ea confecit.

*Deus etiam Mundum congestit, vt Diuina sua in eo
explendesceret Sapientia.*

ALtera ratio, seu vis, quę Deum ad Mundum condendum traxit, ac ferē impulit, extitit diuina sapientia. Siquidem cum sapientis sit ordinare, ex ordine verò prodeat pulchritudo, & ex pulchritudine sapientis artificis oblectatio, ac gloria; decens fuit, vt æterna ea Sapientia Mundum conderet, quatenus ab eius ordine formositas profiliret, & ex formositate Sapientia ipsa oblectaretur; iuxta illud: Et delectabar per singulos dies ludens coram eo omni tēpore, ludens in orbe terrarum; celebrisq; , & gloriosa redderetur. Videamus modo, si quid de mirifico Orbis ordine differere datum erit. Ordo autem à Diuina sapientia excogitatus is fuit, vt ex eo, quasi ex vestigio, Dei vnitas, Trinitasq; Sanctissima insinuaretur, ac representaretur; quem ordinem, vt enucleatius assequamur, de triplici Mundo contemplationem

F 2 subne-

Phil. 1. 14.

Phil. 1. 14.

Phil. 1. 14.

Phil. 1. 14.

Mundus conditus vt Diuina Sapientia fulgeret.

Prou. 8.

subnectere necessarium duco.

De triplici
Mundo.

Tres Mundi à Platonice nobis traduntur, Maximus, Magnus, & Paruus. Maximus ipse est Deus, quandoquidem in eius Deitate rerum conditarum omnium Idæa, seu forma enitescunt. Magnus Mundus est hoc mirificum Opificium, ex Cœlis, Elementisq; congestum. Mundus paruus homo est, quem & Microcosmon lepide præci sapientes nuncupauerunt.

De Mundo
maximo.

P H I L O libro de Mundi Opificio, hæc habet de Mundo maximo.

Inest eximius ille Mundus intellectu solo conspicuus, sicut procedente sermone patebit in enarratione huius diei. Deus enim, ubi pro sua Deitate præuiat imitamentum pulchrum, non posse absq; exemplari pulchro existere, nec sensibile quidquam citra exceptionem probari posse, quod non archetypo intelligibilis id est respondeat; postquam decreuit visibilem hunc Mundum condere, prius formauit simulachrum eius intelligibile, ut ad exemplar incorporei, Deoq; simillimi, corporeum absolueret Mundum recentioris hunc antiquioris effigiem; totifas est loco vilo dicendo, cogitando pe circumscribere. Scimus tamen quo pacto consistat, si considerauerimus aliquam rerum nostrarum similitudinem. Quoties condenda est Vrbs, cura Regis alicuius, aut Imperatoris pro fortuna magnifici, presto est quispiam peritus Architectonica, qui contemplatus loci opportunitatem, primordia, vias, angustiasq; , meniorum situm, & edificiorum, tam priuatorum, quam publicorum. Deinde impressis, velut in ceram, in suum animum singularum rerum imaginibus, effingit Urbem intelligibilem, cuius effigiem innata retractans memoria, atq; ita impressis sibi magis etiam simulachris, ut bonus artifex, ad semel propositum exemplar respiciens, aggreditur designatam suam structuram è saxis, & materie, representans incorporatam hanc Urbem condere, prius formas eius concepit, ex quibus postquam intelligibilem Mundum constituit, ad illius exemplar sensibilem hunc condidit. Quemadmodum igitur illa in architecto præsignata Vrbs, locum alibi locum habere poterat, quam in Dei Verbo, quod adornauit hæc omnia. Quis enim alius locus possit esse plicissimam?

Mundi maxi
mi cognitio
ex Mundo vi
sibili.

Hæc Philo Iudæus, & optime, si Mundum idæalem non conditum ante Mundum sensibilem, sed ab æterno in diuina fuisse mente dixisset, sicuti & non negauit. Huius verò maximi Mundi ordinem, ac ex ordine decorem, ex huiusce creati Mundi comparatione tantum indagare, attingereque datum est nobis, iuxta illud;

*Pulchrum pulcherrimus ipse
Mundum mente gerens, similiq; imagine formans.*

Quid enim mirificum visibili in hoc Mundo conspici potest, quod excelsius, vberius, excellentiusque in Deo inuisibili mundo esse non arbitremur? Nam si Orbis conditus, quis æternus? si hæc picta imago tam pulchra conspicitur, quæ ipsa facies? si pariterum, cum Mundi magni decus in eo consistat, ut è vestigio Dei Vnitatem, Trinitatemque præferat; Vniuersi huius ordo, ex hac ratione nobis contemplandus est, quæ Deum Trinum & Vnum præsignat, & demonstrat.

De Mundo
magno.

Mundus Dei
vestigium.

Trinitas in
Angelis quo
modo resplē
deat.

Mundus magnus, qui est omniū creaturarum rerū aggregatio, vestigium est Dei Optatit, Intellectualē, Cœlestē, & Elementarē, ut in eis Trinitas indicetur. Rursum Angelica natura intellectu insignita, in tres redacta est Hierarchias, quarū vnaquæq; ordines tres subcludit, ut in natura sua vnica intellectuali Deū vnū patefaciat, in Hierarchia triplici, ordinibusque subtriplicatis Trinitatē declaret. Siquidē Deus ardet in Seraphim, ut amor; splendet in Cherubin, ut veritas; sedet in Thronis, ut maiestas; rursus dominatur in Dominationibus, ut omnipotens; regit in Principatibus, ut sapientia; viuificat in Virtutibus, ut virtus; imperat in Potestatibus, ut potestas; reuelat in Archangelis, ut lux; assistit in Angelis, ut pietas. Porro Maiestas, Dominium, Potestas, Patris sunt munera. Splendor, Sapientia, Lux, dotes sunt Filij. Amor, Virtus, Pietas, Spiritus Sancti censentur attributa. Quid hoc ordine excelsio mirabilius? Quid sublimius? Cœlestis autem natura altero gradu decedit ab Angelica; conflata liquidem est ex Materia

Trinitas in
corporibus
coelestibus.

Materia & Forma, vel Orbe, ac Intelligentia assistente, si cum Arabibus, magis quam cum Græcis philosophari fas est; eoque ordine disposita est, ut in decem Orbes, ex decem motuum ratione, distributa credatur. Quorum primus vigintiquatuor horarum lapsu secum ceteros rapiens non fulget. Nonus, ut ipse primus nullo lumine præditus est. Octauus verò infinitis stellis emicat. Ceteri septem vno tantum errone decorantur. Omnes licet à supremo Cœlo ab ortu in occasum rapiantur, motu tamen aduerso voluuntur; ita ut Cœlum nonum tardissimè triginta sex millium annorum circulatione feratur; Octauum crassiori supputatione, centum vix annis vnum gradum conficit; Septimum annis triginta; sextum duodecim; quintum duobus; Sol cum tertio, ac secundo, vno ferè anno; Luna diebus viginti nouè, & horis octo suas conuersiones absolvit. Hęc igitur natura, non contrarietati admixta, eleganter Vnitatem diuinam repræsentat, motu Patrem, splendore Filium, influxu Spiritum Sanctum præsignat. Elementata tandem natura, quæ ex quatuor primis corporibus, seu elementis constat, & ipsa ea serie à diuina sapientia disposita est, ut è vestigio sed obscuro admodum, Dei vnitatem ac sanctissimam Trinitatem exprimat. Vna certè est materia substrata, ex qua cuncta mixta compacta sunt; nouem autem sunt formarum genera præstantiora, in tres classes distributa. Prima classis insensilium, ac omnis animæ expertium rerum formas connectit, quæ sunt elementa, imperfecta entia, & perfecta mixta. Altera vegetantium species complectitur, plantas, olera, & arbores. Tertia sensu prædita includit, Zoophita, animantia intra terminos irrationalis phantasiæ posita, & humanæ eruditionis (quod potissimum est in brutis) capacia, ut sunt Aues, & terrestria animalia. Vna igitur materia, ex qua cuncta compacta sunt elementata, Dei vnitatem à longe, parum expresso vestigio, insinuat: Triplex formarum genus, quorum vnumquodq; in tria subdiuiditur, sanctissimam designat Trinitatem; ea serie, ut in esse eorum, Pater; in vegetali vi, Spiritus Sanctus; in sensili, Filius quodammodo obumbretur, ac rudius delineetur. Verum si quis parui, maximiq; Mundi partium decorem contemplari affectaret, consu. at Deiloquo Gregorium Nazianzenum (ita enim ipsum Patres passim appellant) Theologiæ libro secundo, vberi, ac diserta oratione, Animantium, Natatiliū, Volucrum, Plantarum, Terræ, Maris, Aeris, Cœli, Solis, Angelorum, encomia celebrantem.

Trinitas in rebus corporeis

De Mundo paruo.
Homo paruos Mundus.

Extat & Microcosmus, exiguus scilicet ille Mundus, qui epilogo quodam Mundo ideali inexistencia, & ex eo emanantia, per Mundum magnum dispersa, in se recolligit, atq; præcludit. Anima siquidem in libero arbitrio Angelum repræsentat; In voluntate, quæ ceteras animæ potentias rapit, supremum Cœlum; in concupiscibili, firmamentum. Amplius septem passionum impulsu, septem varios Planetarum motus; duplici intellectu, possibili, & agente, duo luminaria magna, Solem, & Lunam; quinque sensibus, quinque errone præmonstrat. Denique in esse, lapides, in uegetatiua, germina, in sensu, animalia non tantum exprimit, sed præfert; ut verè Mundi huius epilogus, ac argumentum, Dei quæ Idealis mundi imago, & similitudo censetur. Sed hæc luculentius edisseremus, cum de hominis præstantia, atque excellentia negotium habebimus. Hoc vnum periclitemur, quæso, contemplari, quale immensum, summumque Sapientiæ æternæ in Orbe condendo fuerit studium, oblectamentumque, & quo mirifico ordine, quæve stupenda pulchritudinis forma eum decorarit, venustaritque. Merito siquidem de seipsa contestatur sapientiæ; Cum eo eram cuncta componens, & delectabar per singulos dies, ludens coram eo omni tempore, ludens in orbe terrarum, & delitiæ meæ esse cum filiis hominum. Delectabar per singulos dies. Quinam hi dies, nisi sex illi prisce, quibus Mundus ipse creatus fuit? In his delectabatur certè opifex ea ratione, qua quisque artifex, dum felici euentu, secundum ideam sibi præscriptam, suum opus emergere cōspicit, mira oblectatione afficitur. Quamobrem vidit quod esset bonum, ac si diceret; examinato opere, maximè in eo sibi cōplacuit; delectabar ait, ludens coram eo omni tempore, ludens in orbe terrarum, & delitiæ meæ esse cum filiis hominum. Habuit sapientia Diuina in hac Orbis effectatione ludi, & deliciarum voluptatem: ludus certè fuit Orbis sciunctio, ac venustatio; Microcosmi formatio fuere delitiæ: indicant enim hæc duas dispares admodum oblectationes. In Mundi magni productione delectationem sumpsit, quasi ex ludo, iocoq; cum

Mira Dei delectatio in Mundi creatione.
Prouerb. 8.

Gen. 1.

Diuina sapientia ludens Mundum cōdidit.

eum condens, quasi ludens, non omnem adhibuerit virtutem.

THEODORETVS de Græcarum affectionum curatione, libro quarto, qui est de Materia & Mundo.

Neque quodcumque potuit creare voluit, sed ea duntaxat, quæ esse sua sapientia comprobavit. Facile enim illi fuerat decies, ac vicies mille Orbes producere, quandoquidem ipsum velle multo omnium operum est facillimum.

Ex Microcosmi plasmatione adeò singularem rerulit iocunditatem, ut cum in delicias sibi asciuerit; nam, & in eius structura, omne studium adhibuit. Mundum condens dixit tantum, & omnia facta sunt. Hominem formans consilium adiecit; Faciamus hominem. Excipe hinc homo quantum debeas aeterno Verbo, quod Mundum quasi ludo, te magno studio formarit, ac, ut te deperditam drachmam reperiret, totam domum, hoc est, totum Orbem subvertere non veritus sit, parum arbitratus Mundum hunc amplissimum, ut te miserrimum recuperaret.

*Deus Mundum creauit, ut Diuina eius
innotesceret Potentia.*



Enim ad condendum Orbem ea maxime Deum duxit ratio, ut diuina splēdesceret omnipotentia.

THEOPHILVS Antiochenus libro primo ad Autolyicum contra Christianæ Religionis calumniatores ait;

Præterea Deus vniuersa cum non forent creauit, ut ex operibus suis, quam magnus, quam excelsus sit homini innotesceret.

Præstantissimum siquidem omnium opus, in quo diuina enitescit potentia, est creatio Mundi. In hoc angusto opificio, emicat certe Dei immensa potestas, cum ex nihilo tam mirificum extruxerit Mundum; emicet, cum perduret eiusdem Diuinæ omnipotentia manui innixus; nec Cælum vnquam videamus perpetua circulatione lassari, nec Astra eminentissimo fulgore diminui, nec Elementa continuis transmutationum vicissitudinibus absumi, nec rerum species innumeris indiuiduorum cedibus recidi comperiantur. Sed ut quid tam admirandum Diuinæ potentia monumentum Deus protulit; nisi ut ex eo omnis creatura immensum creationis beneficium recolens, quo cum non esset, recepit esse, opificis Maiestatem laudare atque extollere non desineret? Huc diuina illa Maiestas oculos tetendit: In hunc maxime finem æterna Sapientia Orbem condidit, ut veluti in Cælo ab Angelicis choris perpetuis, nec unquam interpollatis encomijs perenniter laudatur; ita & in terra à terrestribus omnibus summis laudibus indefinenter efferretur. Hinc Dauid citharædus noster optimè singulas conditarum rerum classes, Angelicam scilicet, Cælestem, Elementarem, Humanamq; ad Deum laudandum excitat, dicens; Laudate Dominum de Cælis; laudate eum in excelsis; Laudate eum omnes Angeli eius; Laudate eum omnes virtutes eius. Quorsum hæc etiam diuersorum musices instrumentorum eas amplius inuitat, dicens; Laudate eum in sono tubæ; Laudate eum in psalterio & cithara. Et hæc Dauid singulari quodam iudicio protulit, ut non tantum methaphorico, articulatoque sono Creatura Deum Creatorem extollant, sed etiam operibus, quasi musicis concentibus ipsius laudes depromant. Quod quidem efficiunt, cum id enixe persoluentes, ad quod creatæ sunt, suas explent à Deo sibi indictas operationes. Tunc etenim Summi Dei Opificis potentia resplendet, cum iuxta Dei indicta decreta, res omnes creatæ sua muncipem, supremamque omnium (à qua omnis vis, operandique potentia effluit) condescendentes; omne, quod emanat opus, à Deo emanare cognoscemus. Solus Angelus & Homo, ea, quæ illis insita est, libertate, ab hoc concentu defecerunt; quando paruitalis, contemptisq; præceptis à Deo sibi indictis, ad nihilum deliquerunt. Sed de his vberius in contemplationibus tractabimus.

Psal. 148.

Psal. 150.

*Deus Mundum condidit, ut homini Regiam domum, Regnum,
& Theatrum prepararet.*

Adijciam his vberimis rationibus ex Patrum sententijs hoc vnum. Cum homo propter Deum, ac Orbis propter hominem conditus sit; eleganter effectus est Mundus, ut esset ipsi homini Domus, Imperiū, & Oblectamentum. Mundus igitur est hominis domus, cuius pavementum terra, floribus veluti gemmis decorata, cuius piscinæ maria, lacus, cuius columnæ, montes, colles, cuius tegmen auratum, Cœlum, cuius lumina magna, & parva sunt, Sol, Luna, & Stellæ.

Mundus hominis regia domus.

GREGORIUS Nazianzenus in nouum Dominicum.

Nil verò mirum, si homo nouissimus prolatus est manu Dei, & imagine decoratus: oportebat enim tanquam Regi prius Regiam constituere; & ita demum Regem omnibus iam stipatum introducere.

Sed huius aureæ sententiæ confimiles plures in Catena: Quorsum homo extremus omnium conditus sit, comperies.

Conditus est Orbis, ut eius maximum imperium à Deo, cuius rectum erat ius, feudali foedere homini conferretur: solo indicto canone præcepti illius; De ligno scientiæ boni & mali ne comedas.

Mundus hominis imperium.
Gen. 2.

Conditus tandem, ut delectationem, voluptatemq; haberet homo ex ea, quæ sibi supereminens est operatio, contemplatione videlicet, qua ex visibilibus ad inuisibilia ascenderet, Deum factorem intelligeret, intelligendo amaret, amando possideret, & possidendo frueretur. Tantus enim liber Hieroglyphicis literis ornatus ad studium hominum, qui intellectu pollent, à Deo summo Opifice, ex immensa sua liberalitate liberalissimè collatus est. Sed de his satis,

Mundus hominis liber.

*Catena Patrum Mundum propter hominem conditum
fuisse tradentium.*

IOANNES Chrysostomus in Caput Geneseos primum, Hom. septima.

Tu tamen clara uoce clama, quod propter humanum genus omnia hæc facta sunt. Sufficientissimus enim opifex nullo istorum opus habebat, sed ut erga nos suam misericordiam ostendat, hæc omnia produxit, monstrans quanto honore prosequatur humanum genus, & ut his manu ducti, ad conuenientem sibi adorationem ascendamus.

AUGUSTINUS Opusculo de diligendo Deo, libro quidem pio nec inerudito, quanquam phrasi plurimum discrepante ab Augustiniana.

Factus ergo Angelus, siue homo, propter Deum dicitur esse, non quia Deus Creator, & summè beatus alterutrius indigeret officio, quia bonorum nostrorum non eget, sed ut seruiret ei, & frueretur eo, cui seruire regnare est. In hoc proficit seruiens, non ille cui seruitur. Et sicut factus est homo propter Deum, sic factus est Mundus propter hominem, ut ei seruiret. Positus est ergo homo ut ei seruiret, & ut ipse seruiret, ut acciperet utrumque, & reslueret totum ad bonum hominis, & quod accepit obsequium, & quod impedit. Ita enim uoluit Deus sibi ab homine seruire, ut ea seruitute non Deus, sed homo iuuaretur: & uoluit ut Mundus seruiret homini, ut exinde similiter iuuaretur homo. Totum igitur bonum hominis erat: & quod factum est propter ipsam, & propter quod factus est ipse. Omnia enim, ait Apostolus, nostra sunt, superiora scilicet, equalia, & inferiora. Superiora quidem nostra sunt, ad perfrueudum, ut Deus Trinitas. Aequalia nostra sunt ad conueniendum, scilicet Angeli, qui etsi modò sunt superiores nobis, in futuro erunt æquales. Et inferiora nostra sunt, quæ ad usum nobis sunt, sicut res dominorum dicuntur esse famulorum, non priuatione à domino, sed quia sunt ad usum eorum.

1. Cor. 3.

NEMESIUS de Natura hominis.

Quare rectè Moses Mundi adificationem exponens, ultimo dixit hominem esse factum, non solum, quod cùm omnia propter ipsum essent condita, oportebat primum, quæ ad usum illius pertinebant parata esse; deinde eum, qui eis usus esset, produci: sed etiam quoniã cum, & quæ ratione, & quæ cernendi sensu natura percipitur, facta esset, oportebat esse quoddã uinculum utriusque, ut unū esset hoc uniuersum sibiq; consentiens, nec à seipso alienum. Proinde homo genitus est, animal, quod utraq; naturam coniungeret. Ac sapientia quidem eius, qui nunc Orbem molitus est Dei, ut breuissimè exponi potuit, hæc est. Et Post. Quæ enim facta sunt, alia propter se, alia aliorum causa facta sunt: propter se, omnia quæ ratione utuntur; aliorum causa, tum quæ ratione, tum quæ anima carent. Quod si hæc aliorum causa sunt genita, agè quorum causa sint genita uideamus. An igitur Angelorum? At hoc quidem nemo qui sapiat, dixerit: quæ enim propter alia sunt effecta, propter eorum

cobæ-

coherentiam, & permanentiam, & oblectationem comparata sunt, aut cibi, aut tegumenti, aut curationis, aut uoluptatis, & requietis. At uero Angelus nihil horum desiderat, neque enim genus suum propagat, neque corporeo alimento, neque tegumento, neque reliquis opus habet. Sin autem horum Angeli non indigent, equidem multo minus alia ulla natura, quæ Angelis sit præstantior. Ut enim quidque excellit maxime, ita ab inopia & indigentia est remotissimum. Itaque quærenda natura est, quæ & rationis sit particeps, & his quæ iam enumerauimus, opus habeat. Quæ igitur alia, si hominem prætermittamus, talis queat existere? Quare efficitur hominis causa, & quæ inanima sunt, & quæ ratione carent esse procreata. Quod quoniam ita est, ei imperium in illa omnia mandatum est.

IV NILIVS de partibus diuinæ legis libro secundo.

D. Si omnia, quæ in presenti seculo gesta sunt, ad futurum respiciebant: quid opus erat, ut à Deo præsens seculum fieret? M. Quia decuit ut rationales creatura prius discerent, ut excitarentur in dubijs, ac tunc ætæterna postea fruerentur: & merito data uiderentur probatis, & gratiora fierent reminiscens transacta certæ præmia concederet.

CYRILLVS Hierosolymitanus, Cathedesi duodecima.

Sex diebus Deus creauit Mundum, sed Mundus propter hominem, Sol quidem splendidus, radijsque refulgens: Sol & hic propterea ut homo uideat, factus est: & omnia animantia ut nobis seruiant, constituta sunt, herba & arbores in usum nostrum creatæ. Omnia quidem bona opificia, sed nullum imago Dei, solus tantum homo.

Diuinum splendorem, in Mosis facie cornuta emicantem, per petrae formina quodam modo perspeximus: & quis fuerit emanationum fons, quæ sacratissimæ internæ productiones, quis externæ emanationis, Mundi scilicet effectiois artifex, ac demum, quæ causæ, iuxta sanctæ fidei dogmata, non exactè, sed concisè, ac breuissimo epitomate, ut locus exposulabat, explicauimus.

Nunc ad ipsam faciem, ad ipsam scilicet Mosis historiam; ex qua series, modusque, quo Deus condidit Mundum, excipitur, accedendum est. Verum quemadmodum qui oculo rum aciem in lucidum iniiciunt Solem, sæpe ex nimio illius suisque viribus impari fulgore, obrui ita contingit, ut certam rerum speciem, formamque non inspiciant, haud aliter qui faciem hanc Mosis, seu Orbis effectiois historiam explendescentem admodum contemplari ausi sunt (licet eximij nominis viri) immenso rerum supernarum fulgore adeo hallucinati sunt, ut in infinitas ferè deciderint diuersas aduersasque interpretationes, ac sententias. Sed profecto & Philosophi, qui Mosis hæc de Mundi opificio hauserunt monumenta, & Patres, qui latentes sensus contemplantur, ac Theologorum Scholasticorum classes, qui ex philosophicis placitis rerum conditarum, naturas indagare contentesque, ac contemplationes, quin emergentium quæstionum definitiones detulere; ut dum rerum primum conditarum confusum chaos, immo abyssum obdensis tenebris obuolutam, illustrare conati sunt; Alterum infinitarum assertiois magis inconditum chaos, abyssum adhuc obscuriorem extruxerint, nobisque pararint. Ego ne secundæ huius abyssi obruar tenebris, hoc ordine incedam, ut de quacunque interpretatione, seu emergente difficultate Catenas, hoc est sententias Patrum, Doctorumque potiores de re proposita secundum classes deducam. Deinde de allatis Patrum sententijs, ea maiori, qua potero reuerentia, iudicium feram.

Quam ardua Hexameron interpretatio censenda sit, Theophilus Antiochenus ad Autolycum libro secundo his obtestatus est.

Ceterum Hexameri nullus homo potest, vel ordinem, vel dispositionem prodignitate eloqui, nec si quis haberet decies mille ora, totidemque linguas, neque si totidem annis in hoc Mundo peregrinans uiueret, vel sic quipiam tanta materia dignum profari posset. Tanta est excellentia, magnitudoque, & tantæ sunt diuitiæ diuinæ Sapientiæ, quæ latet in præscripto Hexamero.

Iudeis ante annum trigessimum ipsum Hexameron legere non permissum fuisse perspicuum est; & Hieronymus id clarè testatur,

Prolog. in
Ezech.

HISTORIA MOSIS.

Quæ hoc primo Glossarum Volumine explanatur iuxta Chaldaicam,
Græcam Latinitati donatas, & Vulgatam nostram editionem.

Chaldaica Paraphrasis.



IN principio creauit Deus Cælum & Terram: Terra
autem erat deserta & vacua; & tenebra super faciẽ
abyssi; & spiritus Dei insufflabat super faciem aqua-
rum. Et dixit Deus; Sit Lux: & fuit Lux. Et vidit
Deus Lucem quòd esset bona. Et diuisit Deus inter
lucem & inter tenebras. Appellauitq; Deus lucem diem; & tene-
bras vocauit noctem. Et fuit vespere, & fuit mane dies vnus. Et di-
xit Deus; Sit firmamentum in medio aquarum: & diuidat inter
aquas, & aquas. Et fecit Deus firmamentum: & diuisit inter aquas,
quæ erant subter firmamentum: & inter aquas quæ erant super fir-
mamentum: & fuit ita. Et vocauit Deus firmamentum Cælum. Et
fuit vespere, & fuit mane, dies secundus. Et dixit Deus; Congregen-
tur aqua quæ sub Cælo sunt, in locum vnum: & appareat arida. Et
fuit ita. Et vocauit Deus aridam, Terram: et locum congregatio-
nis aquarum, appellauit Maria: Et vidit Deus quòd esset bonum.
Et dixit Deus; Germinet terra germinationem herba; cuius filius
sementis seminatur: arboremq; fructiferam facientem fructus se-
cundum genus suum; cuius filius sementis in ipso sit super terram. Et
fuit ita. Et produxit terra germen herba, cuius filius sementis semi-
natur secundum genus suum; & arborem facientem fructus; cuius fi-
lius sementis in ipso secundum genus suum. Et vidit Deus quòd es-
set bonum. Et fuit vespere, & fuit mane dies tertius. Et dixit Deus;
Sint Luminaria in firmamento Cæli, vt diuidant inter diem & no-
ctem: & sint in signa, & in tempora: & vt numerentur per ea dies
& anni. Et sint in Luminaria in firmamento Cæli ad illuminan-
dum super terram: & fuit ita. Et fecit Deus duo Luminaria ma-
gna: Luminare maius, vt dominaretur in die: & Luminare minus,
vt dominaretur in nocte, et stellas. Et posuit eas Deus in firmamen-
to Cæli ad illuminandum super terram: Et vt dominarentur in die.

Et in nocte: Et ut dividerent inter lucem Et tenebras: et vidit Deus quod esset bonum. Et fuit vespere Et fuit mane dies quartus. Et dixit Deus, Serpant aqua reptile anime viuentis: Et auem qua volat super terram super faciem aeris firmamenti Caelorum. Et creauit Deus colubros magnos, Et omnem animam viuentem reptilium, qua produxerant aqua secundum species suas; Et omnem volucrum, qua volat, secundum genus suum; Et vidit Deus quod esset bonum. Et benedixit eis Deus, dicens; Crescite Et multiplicamini, et replete aquas maris: et volucris multiplicetur in terra. Et fuit vespere et fuit mane dies quintus. Et dixit Deus, Producat terra animam viuentem secundum genus suum, iumentum et reptile, et bestiam terre secundum species suas: Et fuit ita. Et fecit Deus bestiam terra secundum genus suum, et iumentum iuxta genus suum, et omne reptile terra iuxta genus suum: Et vidit Deus quod esset bonum.

Editio Græca Septuaginta Interpretum.



In principio fecit Deus Cælum et Terram. At terra erat inuisibilis Et incompressa, Et tenebrae super abyssum: Et spiritus Dei ferebatur super aquam. Et dixit Deus; Fiat Lux; et facta est Lux. Et vidit Deus lucem, quod bona: Et diuisit Deus inter lucem, Et inter tenebras. Et vocauit Deus lucem diem: Et tenebras vocauit noctem: Et factum est vespere: Et factum est mane dies unus. Et dixit Deus; Fiat firmamentum in medio aquae: Et sit diuidens inter aquam, et aquam. Et fecit Deus firmamentum, Et diuisit Deus inter aquam, qua erat sub firmamento: Et inter aquam, qua super firmamentum. Et vocauit Deus firmamentum Cælum: Et vidit Deus, quod bonum. Et factum est vespere; Et factum est mane, dies secundus. Et dixit Deus; Congregetur aqua, qua sub Cælo, in congregationem unam; Et appareat arida. Et factum est ita; et congregata est aqua, qua sub Cælo, in congregationes suas; Et apparuit arida. Et vocauit Deus aridam, terram: Et congregationes aquarum, vocauit maria. Et vidit Deus quod bonum. Et dixit Deus; Germinet terra herbam fœni seminantem semen secundum genus, Et secundum similitudinem; et lignum pomiferum faciens fructum; cuius semen ipsius in ipso secundum genus super terram. Et factum est ita. Et protulit terra herbam fœni seminantem semen secundum genus, et secundum similitudinem: Et lignum pomiferum faciens fructum, cuius semen eius

eius in ipso, secundum genus super terram. Et vidit Deus quod bonum. Et factum est vespere, & factum est mane, dies tertius. Et dixit Deus; Fiant Luminaria in firmamento Cæli, ut luceant super terram, ad diuidendum inter diem, et inter noctem: & sint in signa, & in tempora, et in dies, & in annos. Et sint in illuminationem in firmamento Cæli, ut luceant super terram. Et factum est ita. Et fecit Deus duo Luminaria magna: Luminare magnum in principatus diei: & Luminare minus in principatus noctis: & stellas, Et posuit eas Deus in firmamento Cæli: ut lucerent super terram; & præessent diei, et nocti; & diuiderent inter lucem et inter tenebras: & vidit Deus quod bonum. Et factum est vespere, & factum est mane dies quartus. Et dixit Deus; Producant aquæ reptilia animarum viuentium, et volatilia volantia super terram; secundum firmamentum Cæli: & factum est ita. Et fecit Deus Cete grandia, et omnem animam animalium reptilium, quæ prodixerunt aquæ secundum genera eorum; & omne volatile pennatum secundum genus. Et vidit Deus quod bona. Et benedixit eis Deus, dicens; Crescite, & multiplicamini, & replete aquas in maribus; & Volatilia multiplicentur super terram. Et factum est vespere, et factum est mane dies quintus. Et dixit Deus; Producat terra animam viuentem secundum genus, quadrupedia, & reptilia, & bestias terræ, et iumenta, & omnia reptilia terræ secundum genus eorum. Et factum est ita. Et fecit Deus bestias terræ secundum genus, & iumenta, & omnia reptilia terræ secundum genus eorum. Et vidit Deus quod bona.

Editio Vulgata.



In principio creauit Deus Cælum & Terram. Terra autem erat inanis & vacua: & tenebræ erant super faciem abyssi: et spiritus Domini ferebatur super aquas. Dixitq; Deus; Fiat Lux. Et facta est Lux. Et vidit Deus Lucem quod esset bona: et diuisit Lucem à tenebris: appellauitq; Lucem diem, et tenebras noctem. Factumq; est vespere et mane dies vnus. Dixit quoq; Deus; Fiat firmamentum in medio aquarum; & diuidat aquas ab aquis. Et fecit Deus firmamentum, diuisitq; aquas, quæ erant sub firmamento, ab his quæ erant super firmamentum. Et factum est ita. Vocauitq; Deus firmamentum Cælum: & factum est vespere & mane dies secundus. Dixit uero Deus; Congregentur aquæ quæ sub Cælo sunt in locum unum: &

appareat arida. Et factum est ita. Et uocauit Deus aridam, terrā:
 congregationesq; aquarum appellauit maria. Et uidit Deus quod es-
 set bonum; & ait; Germinet terra herbam virentem, & facientem
 semen; et lignum pomiferum faciens fructum iuxta genus suum: cuius
 semen in semetipso sit super terram; Et factum est ita. Et protulit
 terra herbam virentem, & facientem semen iuxta genus suum, li-
 gnumq; faciens fructum. & habens unumquodq; sementem secundū
 speciem suam. Et uidit Deus quod esset bonum: & factum est ve-
 spere & mane dies tertius. Dixit autem Deus; Fiant Luminaria in
 firmamento Cæli, & diuidant diem ac noctem, & sint in signa et tē-
 pora, & dies, et annos, ut luceant in firmamento Cæli, & illuminent
 terram: Et factum est ita. Fecitq; Deus duo Luminaria magna: Lu-
 minare maius, ut præesset diei; & Luminare minus, ut præesset nocti;
 & stellas. Et posuit eas Deus in firmamento Cæli, ut lucerent super
 terram, & præessent diei ac nocti, & diuiderent lucem ac tenebras.
 Et uidit Deus, quod esset bonum. Et factum est uespere & mane dies
 quartus. Dixit etiam Deus; Producant aquæ reptile animæ uiuen-
 tis, et uolatile super terram, sub firmamento Cæli. Creauitq; Deus Ce-
 te grandia, & omnem animam uiuentem atq; motabilem, quam pro-
 duxerant aquæ in species suas, et omne uolatile secundum genus suū.
 Et uidit Deus quod esset bonum; Benedixitq; eis, dicens; Crescite, et
 multiplicamini, et replete aquas maris; auesq; multiplicentur super ter-
 ram. Et factum est uespere et mane dies quintus. Dixit quoq; Deus;
 Producat terra animam uiuentem in genere suo, iumenta, et reptilia,
 et bestias terræ secundum species suas. Factūq; est ita. Et fecit Deus
 bestias terræ iuxta species suas, iumenta et omne reptile terræ in gene-
 re suo. Et uidit Deus quod esset bonum.

ASCANII



ASCANII MARTINENGI

Can. Reg. Augustiniani Congreg. Lateranensis,

GLOSSA MAGNA

L I T E R A L I S,



IFFINITIS ijs, quæ ad præludia, seu apparatus spectabant, accedendum est tandem ad Mosis enarrationem, in qua ipse Mundi genituram (tanquam obstetrix coccinum temporis alligans) explicat: Atq; audiendum à Mose, qua serie Deus Mundum in primordijs tēporum creavit, qualisq; nascens fuerit; ac qua methodo eundem tribus diebus disecarit, seiunxerit, seu perfecit, ac reliquis tribus venustavit. Surgendum est certè nobis, & descendendum cum Hiere-

Hierem. 18.

Deus ut figulus in Mundi creatione.

mia in domum figuli, immò ascendendum mentis puritate, ac fidei sinceritate, quasi alis; prospiciendumq; quid figulus ille æternus peragat. Et ecce inspicimus cum facere opus suum super rotam; opificium inquam hoc mirificum Mundi, in quo nec iudicare perfacile est, quidnam magis splendet: An Terræ librata in centro, inconcussa; moles: An Aquarum perennis exundantia: An Aëris diffusa serenitas: An Ignis profiliens fulgor: An Astrorum candescens nitor: An Cœlorum indefessa circumlatio. Opus certè suum; quod solius Dei opificium esse poterat, ab immensa sola eius Potentia, ac Sapientia patratum. Super rotam Deum hoc opus mirificum astruere intuebimur: Rotam illam, inquam, Verbi æterni, quo dixit; fiat lux, fiat firmamentum: sic enim omnia verbo effici audiemus. Sed prohi dolor; dissipari & hoc vas, quod ipse faciebat, funesto spectaculo prospiciemus, cum post numerum electorum completum, dissolvendum esse hunc Mundum ediscemus; rursumque Deum facere vas alterum intuebimur; cum restaurato Vniuerso erit Cœlum novum, & Terra nova. Sed hæc aliena sunt à præsentis nostra speculatione. Accedamus igitur ad Mosis faciem, ad hanc de Mundi emolitione historiam, splendidam certè & rutilantem, sed velo detectam fidei acie eam aptè contemplabimur. Chaos effectum ocyssimè effectam his tantum explicat Moses; In Principio creavit Deus Cœlum, & Terram. Compendiosa certè est narratio, sed

sed sensus fecunditate vberima, atque amplissima. In Principio, en tempus: Creauit, en productionis modus: Deus, en Opifex: Cœlū & Terrā, en Chaos. Verūm, cūm (vt dicebamus) interpretationes, & sententiæ, quæ hanc Mosis Chaos genituram, speciem, discretionem, ac venustationem exponunt, multiplices, ac repugnantes sint, atque aliud magis permixtum, ac confusum Chaos efficiant, non discedam à prescripto mihi instituto, vt semper primo loco sententias per Catenam deducam. Cæterum ordinis ratio expostulat, vt etiam ante omnia primū aliquid de tituli significatione dicamus.

ASCANII MARTINENSI

Can. Reg. Augustinus. Latinerensis.



LIBER

Hieronymus.

Deus. Hieronymus.
in Hieronymus.
creatio.

Liber Genesis, Hebraicè dictus Beresith: ideſt, In Principio.

Grece γένεσις, ideſt, Generatio.



GENESIS titulus alius Hebræis, alius nobis est. Hebræi habent Beresith. Cùm enim soleant Hebræi triplici inscriptionum genere uti; vel à materia, de qua agunt; qua serie libros Regum Malachin appellant, quòd de Hebræorum Regibus verba faciant; vel ab eorum auctoribus, qua ratione Prophetarum volumina, ex eorū nomine, qui ea conscripserunt, inscripta nouimus; vt Daniel, Isaias &c. vel tertio loco à primis librorum vocibus, & hac de causa liber Genesis, Beresith appellatus est. Hæc tradit Hieronymus. Verùm nobis, vt Græcis, titulus est, Genesis, hoc est, liber Generationis, siue de Generationibus. Optimè autem liber Generationis inscribitur, quòd in eo, secundum literalem sensum, omnium rerum generationes primæ enarrentur; iuxta illud; Istæ sunt generationes Cœli, & Terræ, quando creata sunt, & præcipuè prima Adæ, & Eue origo, totiusq; humanæ sobolis propagatio recenseatur. Allegorico autem sensu, ac mystica, spiritualique intelligentia secundi Adam Christi triplex generatio, quasi ex vtero triplici obumbratur. Prima generatio æterna ex vtero æterno & diuino; de quo legitur; Ex vtero ante Luciferum genui te. Alia rusticus generatio mystica ex vtero scripturæ, ac legis: Scripturæ nanque omnes, legaliaque cuncta veluti umbra, & figuræ in vtero Christum claudebant, suo tempore gignendum & reuelandum. Tertia generatio temporalis, cùm sumpto initio ab Adam primo totius humanæ sobolis propagatore, Christi genealogia contextitur. Cùm adsint igitur in Genesis libro enarratæ generationes, iusto titulo Liber Genesis inscribitur. Cæterum mysterium non vulgare mihi superest contemplandum. Seraphim duo clamant alter ad alterum, eademque voce conduplicata repetunt ter Sanctus. Seraphim certè mihi videntur Testamenta duo, Vetus, & Nouum, quæ ab eodem verbo initium sumunt. Nam primus Veteris Testamenti liber habet in fronte titulum, Liber Genesis: Euangelii D. Matthæi, quod est primus Testamenti Noui liber, verba eadē habet, Liber Generationis. Sunt igitur hi duo Seraphim, quasi canentium chori duo, alternatis vocibus sibi inuicem suauissimo concentu correspōdentes, & veluti Echo quādam formātes; Ita vt quicquid Nouum Testamentum (quod dignitate prius est) clara, viuidaq; exclamat voce, Antiquum Testamentum, quasi ex abstrusissimis cauernis antiquitatis, non articulato, sed confuso sono repetat. Verùm vtriusque Testamenti vnum canticum est, qui est Christus; Christi enim genealogiam prima sui intentione narrare ambo contendunt. Nouum ipsum Testamentum, Christum dearticulata, claraque voce denunciat; etenim ipsum non sub vmbriſ, ac figuris obuolutum, sed apertè detectum ostendit. Vetus verò Testamentum conformi, sed confuso sono illud repetit, conaturque exprimere. Siquidem id quod primū erat à Mose, ex Spiritus Sancti dictamine, in antiquitatis vetustissimis paginis, sed sine sono, quasi in rupibus formatū; dearticulata Euangelij vox intonuit; & tunc, quasi Echo stupenda, Vetus Testamentum idem respondere auditum est. Disposita nanque Echo in antiquissimis scripturis, quasi in lapideis tabulis, tunc sonum excepit, cùm vox ex nouo Testamento formata est; primò enim natura est vox, postea reflexus ab Echo sonus. Remanet amplius difficultas hoc loco non contemnenda. Repetentes enim ex Euangelistis, Matthæus, & Lucas, hanc in Genesim contextam Christi genealogiam: alter, Lucas scilicet, à Christo, ordine quasi retrogrado, ad Adam ascendit: alter, Matthæus recto incessu ab Abraham tantum ad Christum descendit. Quorsum enim differentia hæc, vt alter recta, alter retrograda serie incedat? Alter ab Abraham ad Christum descendat tantum: alter à Christo vsque ad Adam ascendat? Et quare Matthæus verbo, Genuit; Lucas verò verbo, Fuit, semper vtatur? Neque enim hæc mysterio vacant. Dicam ego quid sentiam. Matthæus Angeli

Hebræi triplici librorum inscriptione vtuntur.

Gen. 2.

Christi triplex generatio.
Mal. 109.

Esaiæ 6.
Seraphi duo clamantia, duo Testamenta.

Testamenti Veteris & Noui vnum canticum Christus.

Quare Lucas, & Matthæus in contexta Christi genealogia diuerso ordine procedant.

Gen. 22.

Malac. 3

Angeli typum gerit, quia potissimum de Christo Messia, qui Angelus Testamenti vocatur, Euangelium habet: sed cum promissio Messiae primò facta sit Abrahae sub illis verbis; In semine tuo benedicentur omnes gentes: de quo Propheta alius; Et statim veniet ad Templum Sanctum suum dominator, quem vos queritis, & Angelus Testamenti, quem vos vultis: rationabiliter ab Abraham tantum incipere debebat. At Lucas, qui Bouis insignia deferit, qui plura de Christi passione narrat, ex eo quod de impolluto sacrificio Christi, ob Adae lapsum reparandum luculentius describat, congruè quidem à Christo ad Adam ascendit, à quo culpa ab ipso Christo ablute origo effluerat, quasi ut tanti sacrificij rationem redderet; & ad Adæ humani generis propagatoris lapsum mentem deduceret. Et Matthæus quidem sub voce Generationis genealogiam tradit, cum toties verbum illud, genuit, inculcet: Abraham Genuit Isaac, Isaac genuit Iacob; ut de semine Abrahae iuxta promissa natum esse Messiam notificaret. Lucas verò, sub verbo, Fuit, tot vicibus conduplicato: qui fuit Seth, qui fuit Adam, suam tradidit genealogiam; ut sciremus Verbum æternum carnem esse factum ex semine ipsius Adæ, qui peccauerat. Nam diuina poscebat iustitia, efflagitabatque, ut reparator humani generis eiusdem cum homine esset naturæ; quò penas illi inflictas persolvere iuste posset. Additque idem Lucas in fine genealogiæ, qui fuit Dei; ut doceret Christi carnem fuisse factam similem carni Adæ, sicuti eam Deus plasmauerat; non autem quatenus peccati labe ab ipso Adam vitata fuerat. Nam obumbrante Spiritu Sancto, absque viro peperit Deipara Deum & hominem, originalis culpæ expertem omninò. Adam etenim à Deo carnem excepit purissimam, & ut à Deo fuit, impollutus erat; Quod verò impuritatis, ac criminis superuenit, originalis illius labis causa additum est. Sed hæc uberiori etiam enarratione suo loco demonstrabuntur.



In Principio

In Principio, Hebraicè Beresith.

Anno Mundi
primo.
In exordio
temporum.
Ante dies.

- a. Beresith, vox est composita ex Be, hoc est, In, & Resith, hoc est, Principio.
- b. In, quandoq; pro Cum.
- c. In, quandoq; pro Per.
- d. Beresith, In Principio temporis.

a. Beresith, vox composita ex Be, & Resith.

Postulat institutum nostrum, ut primò de editione aliquid dicamus, in qua is mihi erit obseruandus ordo, ut primùm translationes, siue editiones diuersas proferam; deinde quæ dignè obseruata sunt circa easdem, seu à Rabbinis, seu à Doctoribus nostris, qui linguarum eruditione pollent, adijciam.

Hebraica lectio habet.

Beresith bara Elohim eth basamaim veeth haarez.

Voculam Beresith, seu, ut alij legunt, Rescith, in prima fronte Geneseos, & pro libri titulo ab Hebræis positam, diuersimodè interpretes transulerunt. Alij siquidem lege-
re, In Principio: Alij, In Capitulo: Alij, In Filio: Alij, In Sapientia.

Beresith verò vox composita est ex Be, & Resith.

Editiones omnes, cunctique ferè Patres, & Doctores legunt, In, ante vocem, Principio, vno excepto Castilioneo heretico, qui reiecta præpositione, In, legit, Principio: teste Vielmio, lectione secunda.

Præpositio verò In, diuersas suscipit significationes.

b. In, quandoq; pro Cum.

In, quandoq; pro Cum: Quare verti potest, In Principio, ut Principium dicit initium temporis; & Cum Principio, ut Principium dicit Dei Filium Auctorem, & Causam.

STEVCHVS in Recognitione Veteris Testamenti ad Hebraicam veritatem; Præpositio In, apud Hebræos inuenitur etiam septemnumero significare Cum, maxime quando instrumentum, & τὸ μακρὸν denotamus; ut est illud; In hasta mea percussi eum: & Præualuit David contra Philistæum in funda & lapide; idest, cum funda & lapide. Et Post. Sepe quoque causam, atque auctorem sonat; ut; In manu Domini facta sunt omnia: ipsa nimirum fecit. Et, Omnia in Sapientia fundauit Terram, parauit Cælos in Prudentia: & in lucem promente. Et Salomon; Dominus in Sapientia fundauit Terram, parauit Cælos in Prudentia: Qui loquendi modus abhorret ab usu nostro. Et illud; In verbo Domini Cæli facti sunt; quam præpositionem prudenter omiserunt Septuaginta. Potuit igitur verti In Principio, & Cum principio. Vtranque interpretationem Græci maxime, & Latini amplecti videntur, cum exponunt, In principio, In initio, inchoationeque temporis: & In Filio, ut dicamus, In Principio, idest Cum Filio Dei: ut, In, significet auctorem, & causam; quod à nostris Theologis tum Græcis, tum Latinis, minimè abhorret, ut Origene, Basilio, alijsque.

1. Reg. 17.

Psal. 103.

Prou. 3.

Psal. 32.

c. In, quandoq; pro Per.

In, quandoq; pro Per, vertendum est: quando Principium significat Filium; Hinc hebraica phrasi præpositionem In, pro eo quod est, Per, frequentissimè vsurpari dicitur. Et præcipuè verti potest hoc loco, quando Principij nomine Filium intelligimus: ita ut dicatur, In Principio, hoc est, Per Principium: idest Per Filium.

d. Beresith, In Principio temporis.

Chaldaica lectio transtulit;

In Principio creauit Deus Cælum & Terram. Et pro Beresith, habet Cadmin, quæ vox Chaldeis, temporis exordium sonat.

STEVCHVS Adnotationibus in Genesim;

Hebraicè Rescith, nomen à capite deductum, Ros propterea omne initium, inchoationemque significat, siue temporis, siue loci, siue operis; aliarumque rerum principia: quorum copiosa vbique occurrent exempla. Hic temporis

Anno Mundi
primo.
In exordio
temporum.
Ante dies.

In Principio, Beresith.

- a. Beresith, Principium quodcunq;
b. Beresith, In Capitulo.

temporis inchoationem significare videtur, patetque id ex editione Chaldaica, quæ loco Rescith, habet Cadmin, quæ vox Chaldeis temporis exordium sonat. Ideoque Hebræi, maiores, veteresque suos appellant Cadmonin: quanquam eadem vox inueniatur pro Mundi anteriore parte posita, idest, Solis ortu: Ideo non ad exordium temporis tantum est referenda.

a. Beresith, Principium quodcunq;.

Septuaginta Interpretes;

ἐν ἀρχῇ ἐποίησεν ὁ θεὸς τὸν οὐρανὸν καὶ τὴν γῆν. Hoc est; In Principio fecit Deus Cælum, & Terram.

Symmachus & Theodotio, Beresith, In Principio verterunt, vt Hieronymus libro Questionum Hebraicarum in Genesim obtestatur.

Editio nostra, siue Hieronymi, pariter sic legit.

Pagninus similiter, & omnes ferè Interpretes.

b. Beresith, In Capitulo.

Aquila ex aduerso, teste Hieronymo loco præcitato, Beresith, idest, In Capitulo, legit.

BASILIVS hanc translationem approbat Homil. prima Hexameron.

Alij quidam Interpretes connixi sensum reddere lucidiorem dixerunt; ἐν ἡμερᾷ α' In summa, siue summam fecit Deus.

AMBROSIVS Hexameron libro primo, cap. quarto.

Sunt ergo & qui Principium non pro tempore accipiant, sed ante tempus, ἐν κεφαλῇ, vel Caput, vt dicamus latine, quasi summam operis.

NYSSENV S de Historia sex dierum, quibus Mundus à Deo creatus est.

Moses dicit, ἐν κεφαλῇ, idest, In summa, vel summam, vel acervatim (hoc enim Aquila, loco α' ἡμερῶν, idest principij edidit) facta esse à Deo Cælum & Terram.

HIERONYMVS ab Oleastro Lusitanus has duas translationes approbat, sed primam accommodatiorem arbitratur, cum ait.

Quare advertendum dictionem Hebraicam (Ros) à qua Resith derivatur, non solum principium, sed caput, & principem, ac primum inter aliqua significare. Hieremie enim quartodecimo pro Capite ponitur; vbi dicitur; Operuerunt Rosam, idest, Caput suum Agricola. Iudicum vero vndecimo, pro Principe, seu Duce: Eris (inquit textus) nobis, (le Ros) idest in Ducem, vel Principem. Hic verò pro principio accipitur Beresith. Et post. Potest ergo hæc dictio Beresith accipi aut pro Principio seu initio Mundi; aut, vt signat, Primum. Potest ergo significare initium temporis, seu olim: & secundo initium operis Domini: vt priori modo sit sensus; In principio, idest olim, quando Deus Mundum produxit, creavit Cælum & Terram. Secundo verò modo sensus erit; In Principio, idest incapite productionis Mundi produxit Deus Cælum & Terram; ac si diceret; Prima quæ Deus in suo opificio produxit, fuerunt Cælum & Terra. Mihi autem primus sensus magis probatur, quia simplicior esse videtur: vt sit sensus; Ne decipiamini arbitantes hunc, quem oculis cernitis Orbem, ab aeterno fuisse. Non sic res se habet; sed Deus in principio, seu olim illum creavit, & creavit Cælum & Terram. Non tamen secundum sensum reiicio, scilicet: Prima, quæ Deus creavit, fuerunt Cælum, & Terra: quia hic sensus non solum explicat creationem, sed etiam producendi ordinem insinuat; & textus sequenti capite loquitur de diuino opificio, ac si vnicum opus esset, quod his sex diebus absoluit.

Sed hæc interpretatio diligentius suo loco examinabitur.

In Principio, Beresith.

- a. Beresith, In Filio ex literarum Hebraicarum mutata combinatione.
b. Vel In Sapiencia iuxta secundam editionem Chaldaicam.

a. Beresith, In Filio.

HILARIUS enarratione in secundum Psalmum, Hieronymus quaest. hebraicis in Gen. hanc memorant editionem, ut infra referemus.

HAMERVS Comm. in Genesim ita legi posse tradit, non quidem ex vocis communis significatione, sed ex eius mysterio. Lectionem enim hanc In Principio, &c. vidit Deus, ex centum & tribus elementis coagmentari dicit, quae si alio modo ordinentur, & consentur, vocibus resolutis, secretissima mysteria edocere nos perhibet ex Rabbiorum doctrina. Et quantum ad propositum nostrum spectat, ait;

Huius traditionis gustus quidem in prima lectione Beresith, videri potest. Si geminatae primae secundam addamus, fit Bechar, In Filio, & Per Filium; utrumque enim significat Be, praepositio. Si tertiam primam coniungamus, fit Aph, vel Ab, Pater. Si tres primas, quo iacent ordine, statuamus, fit Bara, creavit. Hoc ergo modo ordinatis literis, & mutatis, legi potest; In Filio Pater creavit.

IOANNES Picus in Heptaplo consimilia deducit.

HILARIUS Enarratione in secundum Psalmum has tres recenset translationes, & eam tantum approbat, quae legit, In Principio.

Ambiguitatis autem linguae Hebraicae vnu afferemus exemplum; ex quo cetera istiusmodi esse, atque ita ut sunt intelligantur. Beresith, verbum Hebraicum est: id tres significantias in se habet, id est, In Principio, & In Capite, & In Filio. Sed Translatores Septuaginta In Principio ediderunt, ceteris diuersè transferentibus; & secundum hanc ambiguitatem, haec, ab illis in omni translatione est facta confusio. Sed perfecta horum Septuaginta Interpretum auctoritas manet. Primum quod ante aduentum corporalem Domini transtulerunt; nec adulatio interpretandi adhibita temporis, arguitur, tanto anteriores interpretationis aetate: dehinc quod illi ipsi Principes, Doctoresque Synagoga, & praeter scientiam legis, per Moysen quoque doctrina secretiori perfecti non potuerunt non probabiles esse arbitri interpretandi, qui certissimi, & gravissimi erant auctores docendi.

Haec Hilarius. Ex quibus apparet, quam inscieniter Hamerus sua Commentatione in Genesim, ipsum quadam Hebraicarum literarum inani supputatione defendere aduersus Hieronymum contendat; tanquam, quod in Filio legendum esse autumet.

HIERONYMVS libro Hebraicarum Quaest. in Gen. has tres memorat editiones, eamque tertiam, quae legit in Filio, prorsus reiecit.

Plerique existimant, sicut in altercatione quoque Iasonis, & Papisci scriptum est: & Tertullianus in libro contra Praxeam disputat: necnon Hilarius in expositione cuiusdam Psalmi affirmat in Hebraeo haberi; In Filio fecit Deus Caelum & Terram; quod falsum esse ipsius rei veritas comprobatur. Nam & Septuaginta Interpretes, & Symmachus, & Theodotion, In Principio transtulerunt: & in Hebraeo scriptum est Beresith, quod Aquila interpretatur, In capitulo; & non Heben; quod interpretatur, In Filio.

Beda Quaestionibus in Genesim.

Septuaginta etenim Interpretes, Symmachus, & Theodotion, In Principio transtulerunt: & in Hebraeo scriptum est Beresith; quod Aquila interpretatur, In capitulo. Et ideo secundum sensum magis, quam secundum verbi translationem de Christo accipi potest: qui tam in ipsa fronte Geneseos, quae caput librorum omnium est, quam in principio Ioannis Euangelistae Caeli, & Terrae conditor approbatur. Unde & in Psalterio de se ipse ait; In capitulo libri scriptum est de me; id est in principio Geneseos. Et in Euangelio; Omnia per ipsum facta sunt: & sine ipso factum est nihil.

Psal. 39.
Ioan. 1.

b. Beresith, In Sapiencia.

STEVSCHVS Comm. in Gen. cap. primum.

Secunda quoque Chaldaica editio In Principio vertit, id est In Sapiencia: quod quam sit nostris Theologis consonum, planè intelligis, praesertim Origeni viro, qui nihil nesciret, quique vetustatis esset studiosissimus, cuius sententiam citans Theodoretus inquit; Origenes, illud in principio creavit, vult pro eo esse positum, quod est in Sapiencia

Anno Mundi
primo.
In exordio
temporum,
Ante dies.

In Principio.

a. Hoc est, In Filio; Quia Filius principium passim in Scripturis dicitur; & est Sophia seu Sapientia, & Verbum, per quod facta sunt omnia.

pietia; hoc est, in Filio. Quanquam sint, qui putent id in editione Chaldaica esse Cabalisticum; Quibus an fides adhibenda sit, nos in libro contra Cabalistas explicuimus.

A V C T O R.

Primùm arbitrarer ego, quòd hę duę postremę translationes, quę traducunt Beresith, In Filio, seu In Sapientia, omninò reiiciendę sint; non tantùm iudicio Patrum, Hieronymi, & Hilarii, sed ferè omnium linguę Hebręę peritia pollentium. Siquidem Beresith vox significare potest vel In principio, vel In capitulo; nunquam verò In Filio. Nam, vt dixit Hieronymus, scribitur hoc loco Beresith, & non Heben; & illa lata ab Hamero, & Pico hebręarum literarum transpositio, quę à Mose quodam Rabbino Aegyptio, vt aiunt, primùm fuit excogitata, futilis est & vana. Consimili siquidem modo, etiam in omni idiomate ex dissolutione vocum, & literarum varia compaginatione, posset vnusquisq; suo Marte, quod sibi magis libuerit nomen, contexere, & formare. Pręterea & Patres omnes hi qui interpretati sunt In Principio, hoc est, In Filio, non exponendum esse id asserunt; quia Beresith traduci debeat In Filio: sed ex significatione vocis, In Principio, quia Filius videlicet, Principium vocari passim in Scripturis comperiatur. Insuper, & illa expositio, quę interpretatur In Principio, hoc est, In Filio, allegorica, & non literalis (vt post demonstrabimus) censenda. Vnde Rupertus libro primo in Gen. cap. tertio.

Non quidem natia Scripturę huius lingua, scilicet Hebraica, Filium, & Principium eadem voce significat: Filius quippe Ben, Principium verò Beresith dicitur in illa lingua. Sed & hoc dicimus, quòd etsi non voce, sensu tamen, Filius Principium est.

Editionem illam, quam primus tulit Aquila, qua Beresith, In capitulo legitur, reputandam non esse existimo. Primùm quia Hieronymus illam approbat, & Gregorius Nyssenus, & Patres pręstantissimi sunt eam sequuti. Deinde nec aliena est à significatione vocis Beresith, vt Lusitanus edisserbat. Ceterum pręstantiorem, atq; acceptiorem translationem esse eam, quę Beresith edidit In Principio, multa euincunt. Primùm, quia Chaldaica, & Septuaginta Interpretum Gręca editio, quam tantùm aestimarunt Ecclesia primitiua, & Patres, cumulateq; celebrat Hilarius, Beresith, In Principio legat. Quòdq; amplius Vulgata nostra, Ecclesię Romanę (ad quam Scripturarum delectus spectat) vsu roborata, pariter sic ediderit: Deinde quòd Patres ferè omnes prisci, non tantùm Hebręi, vt Philo, & Ioseph; sed etiam Gręci, & Latini vtriusq; manus, hoc est & vetustiores, & recentiores, eam approbarint, atq; Commentarijs cohonestarint: Tandem quòd inter vocis Beresith significationes, hęc sit communior, acceptior, & euidentior, vt supra demonstratum est.

a. In Principio, hoc est, In Filio.

Vnico, eternoq; Filio, seu Verbo, Deum Patrem Mundum condidisse, vetustissimi Sapientes sæculi prisci, seu id à Mose hauserint, seu Dei impulsu dixerint, scriptum certè reliquerunt.

M E R C V R I V M Trismegistum id sensisse, his Steuchus obtestatur. Interpretari autem In Filio, non tam Christianorum, sed etiam antiquissimorum Theologorum est opinio. Mercurius enim, In Filio Dei omnia esse condita clarissimè pronunciauit, apud quem sic extat; *Mens autem Deus cum*

Genesis Caput Primum.

61

cum maris, atque feminæ vim haberet, vitæq; esset & lumen, peperit Verbo alteram mentem opificem. Et infra. Benedictus es, qui Verbo vniuersa condidisti. Quod autem per Verbum intelligat Filium Dei Mercurius, clarum est ex alijs locis.

TERTULLIANVS libro aduersus Hermogenem capite vigesimo, hanc expositionem excitauit, cum dixit.

Sed cum nihil aliud significet Græca vox, quàm Principium: & Principium nihil aliud capiat, quàm Initium; Sap. 8. habemus etiam illam Initium agnoscere, quæ dicit; Dominus condidit me initium viarum suarum in opera sua. Si enim per Sophiam Dei omnia facta sunt; & Cælum ergo, & Terram Deus faciens In principio, idest, In Initio, in Sophia sua fecit. Et Polt. De Sophia autem potuit dici, In Principio: In Sophia enim primo fecit, in qua cogitando, & disponendo iam fecerat: quoniam etsi ex materia facturus fuisset, ante in Sophia cogitando, & disponendo iam fecerat.

ORIGENES super Genesim Homilia prima.

Quod est omnium principium, nisi Dominus noster, & Saluator omnium Christus Iesus, primogenitus omnis creaturæ? In hoc ergo Principio, hoc est, in Verbo suo, Deus Cælum, & Terram fecit, sicut & Euangelista Ioan. 1. nes in initio Euangelij sui ait, dicens; In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt, & sine ipso factum est nihil. Non ergo hic temporale aliquod principium dicit; sed, In Principio, idest, In Salvatore factum esse dicit Cælum, & Terram, & omnia quæ facta sunt.

AMBROSIVS Hexameron libro primo cap. quarto.

Est etiam initium mysticum, ut illud est; Ego sum primus, & nouissimus; initium, & finis. Et illud in Euangelio præcipue, quod interrogatus Dominus, Quis esset: respondit; Initium, quod & loquor vobis. Qui verè, Apoc. 1. & 22. Ioan. 8. Dei Filius præcipiam & finis omnium. Sap. 8. Ioan. 1. Coloss. 1. Dominus supra omnem creaturam, & secundum corporis susceptionem, quia solus sine peccato, solus sine vanitate. Omnis autem creatura subiecta vanitati est.

ODO Cameracensis Episcopus in Sacri Canonis expositione, hanc memorauit.

Conspectus Dei est Verbum Patris, in quo conspicit omne quod fecit. Nam omne quod agit Pater, in Verbo eius est: Nam quod factum est, in ipso vita erat. Et in principio creauit Deus Cælum & Terram; idest, in Verbo. Et Verbo Domini Cæli firmati sunt. Et, Omnia in Sapientia fecisti.

CLEMENS Alexandrinus Stromatum libro sexto.

Quoniam autem vnum est ingenitum, nempe Deus omnipotens, vnum est etiam prægenitum, per quod omnia facta sunt, & sine ipso factum est nihil. Vnus enim est reuera Deus, qui fecit Principium vniuersorum, significans primogenitum Filium, ut scribit Petrus præclare intelligens illud, In Principio fecit Deus Cælum, & Terram. Is autem dictus est Sapientia ab omnibus Prophetis. Is est magister omnium, quæ orta sunt, Dei consiliarius qui præsciuit omnia.

Ioan. 1.

AVGVSTINVS de Genesi contra Manichæos libro primo, capite secundo.

Primum ergo librum Veteris Testamenti, qui inscribitur Genesis, sic solent Manichæi reprehendere. Quod scriptum est, In Principio fecit Deus Cælum & Terram: querunt in quo principio, & dicunt; Si in principio aliquo temporis fecit Deus Cælum & Terram; quid agebat antequam faceret Cælum & Terram? Et quid ei subito placuit facere, quod nunquam antea fecerat per tempora æterna? His respondemus: Deum in principio fecisse Cælum & Terram, non in principio temporis, sed in Christo: cum Verbum esset apud Patrem, per quod facta, & in quo facta sunt omnia. Dominus enim noster Iesus Christus, cum eum Iudæi interrogassent quis esset, respondit; Principium, quod & loquor vobis.

Ioan. 1.

Ioan. 8.

Et de Ciuitate Dei libro vndecimo, cap. trigesimo secundo.

In Principio fecit Deus Cælum & Terram: atque illud quod dictum est in principio, non ita dictum, tanquam primum hoc factum sit, cum ante fecerit Angelos; sed quia omnia in Sapientia fecit, quod est Verbum eius; & ipsam Scripturam Principium nominauit: sicut ipse in Euangelio, Iudæis querentibus quis esset, respondit se esse Principium: non econtrario referam contentionem, maxime quia hoc me delectat plurimum, quod etiam in summo exordio sancti libri Geneseos Trinitas commendatur.

Ioan. 8.

Et duodecimo Confessionum, capite decimo nono.

Verum est enim Domine, fecisse te Cælum & Terram: & verum est principium esse Sapientiam tuam, in qua fecisti omnia.

Et libro primo contra aduersarium Legis & Prophetarum, capite secundo.

Aut certè, quia in principio sibi coeterno fecit Deus Cælum & Terram: hoc est in vnigenito Filio. Ipse est

1. Cor. 1.
Psal. 103.
Coloss. 1.

est enim Sapientia, de qua dicit Apostolus; Christum Dei virtutem, & Dei sapientiam. Et de Deo, qui fecit Cælum & Terram, dicitur in Psalmo; Omnia in sapientia fecisti. Aut si de Psalmo iste non vult accipere testimonium, Apostolum audiat de Christo loquentem: Quia in ipso condita sunt omnia in Cælo, & in Terra, visibilia, & inuisibilia.

Et de Genesi ad literam libro primo capite primo.

In Principio fecit Deus Cælum & Terram: utrum in principio temporis: an quia primò omnium facta sunt: an in principio, quod est Verbum Dei vnigenitus Filius; & quomodo possit ostendi Deum sine vlla sui cōmutatio-
ne operari mutabilia & temporalia.

ANASTASIVS Synaita Commentarijs in Hexameron libro primo.

Ioan. 1.

Deus omnia fecit in principio paterno, nempe ratione seu Verbo. In ipso enim, & per ipsum omnia facta sunt.

CYRILLVS libro primo in Genesim id videtur sensisse, cum dixit.

Deus omnium Creator optimus per summam suam potentiam, id est, Filium suum (omnia enim per ipsum facta sunt, & sine ipso factum est nihil) Cælum, Terramque ante omnia creauit.

EVCHERIVS Commentarijs in Genesim libro primo cap. primo.

In Principio fecit Deus. Hic sensus duobus modis sine offensione accipitur: id est, aut primum omnium fecit, aut in principio, quod est Sapientia; id est, in Verbo suo fecit. Ipse est enim Filius, per quem facta sunt omnia; ipse principium, in quo facta sunt omnia.

ALBINVS Quæstionibus in Genesim, quæstione vigesima sexta. Int.

Quid est in Principio creauit Deus Cælum & Terram? Resp. In Filio perfecit Deus Cælum, & Terram.

BEDA expositione in Genesim.

Ioan. 8.

Vtique non in Principio temporis: Deus enim fecit tempora. Et ideo antequam Deus faceret tempora, non erant tempora. Non ergo possumus dicere quomodo Deus nondum aliquid fecerat. Principium igitur Christus est, qui in Euangelio dicit; Ego sum Principium, qui & loquor vobis. Et post. In Principio creauit. Alij ducunt hoc Principium ad principium creationis omnium, dum nihil ante hæc duo creatum est. Vel in Principio temporis, quia tempus, donec Cælum, & Terra facta sunt, non reputabatur. Vel in Principio principatus, dum Cælum & Terra in omnibus principatum tenent: sed sicut supra diximus, magis hoc de Filio sentiendum est multis confirmantibus testimonijs; & quibus hoc est secundum Apostolum: Quoniam ex ipso, & per ipsum, & in ipso sunt omnia. Et Propheta dicit, In initio Terram tu fundasti Domine: & opera manuum tuarum sunt Cæli. Ioannes quoque, ex persona Christi dicit; Ego sum Alpha, & Omega. Et, In Principio erat Verbum. Multa quoque testimonia de hac dictione dicta sunt in Scripturis, quæ est; In Principio: & reliqua; & quibus est in Propheta; Conteram caput illius in mari primo, usque secundo. De hac etiam alius Propheta dicit; Congregans sicut in vtre aquas maris; Et alibi; In capite libri scriptum est de me. De hac & Salomon dixit; Omnes torrentes in mare, usque ab eis. Et hic commemorandum est, quod dicitur; Ego sum primus & nouissimus. Vtrumque hoc in lege, & in Apocalypsi continetur, ut dicitur; Apocalypsis Iesu Christi, quam & Deus dedit ei.

Rom. 11.

Psal. 101.

Apoc. 1.

Ioan. 1.

Psal. 32.

Psal. 39.

Apoc. 1.

Et libro de sex dierum creatione.

Inquirendum est in quo Principio creauit Deus Cælum & Terram: utrum in principio temporis, an in principio, ut esset hoc initium creaturæ eius, ex quo alia esse cæperunt: non enim Deo semper coeterna fuerunt. Dicamusque, In Principio sibi coeterno fecit Deus Cælum & Terram, hoc est, in vnigenito Filio, qui est Sapientia Patris: De quo dicit Apostolus, Christum Dei Virtutem, & Dei Sapientiam. Et in Psalmo dicit; Omnia in sapientia fecisti; Et iterum dicit Apostolus; Quia in ipso condita sunt omnia, quæ in Cælo sunt, & in eum factus est.

Psal. 103.

Coloss. 1.

Ioan. 1.

Eadem hæc habet Quæstionibus in Genesim.

RVPERTVS Commentarijs in Genesim libro primo cap. tertio.

In Principio creauit Deus Cælum & Terram. Cum ipsa creatio principium Mundi sit, cur sic dictum est; In Principio creauit? Idem enim est, ac si diceretur; In Principio principium fecit. Sed si hoc modo vulgariter loco principium sic accipitur tanquam proprium quoddam Filij vocabulum, quia videlicet sic ipse voluit, qui cum interrogatus à Iudeis; Tu quis es? Principium, ait; qui & loquor vobis. Nam verè in hoc Principio creauit Cælum & Terram Deus, quia omnia per ipsum facta sunt. Hoc & alia scriptura fatetur, cum dicit; Omnia in sapientia fecisti: quæ videlicet Sapientia non est alia quam Verbum Dei: Verbum Deus, qui (ut iam dictum est) seipsum Principium nuncupauit. Non quidem natua Scripturæ huius lingua, scilicet Hebraica, Filium, & dicimus, quod etsi non voce, sensu tamen Filius Principium est. Filius est, quia de Deo natus: Principium, quia creaturarum omnium prima, & efficiens causa esse probatur. Itaque in Principio, id est in Filio, in Verbo suo, in sapientia sua creauit Deus Cælum & Terram.

Ioan. 8.

Psal. 103.

Veniamus ad Scholasticos.

PETRVS Comestor in Genesim capite primo.

In Principio.

- a. Cum In Principio exponitur In Filio, tunc In, dicit identitatem, & causalitatem.
b. Filius Principium, non sine Principio, sed de Principio.

In Principio erat Verbum; & Verbum erat Principium, in quo, & per quod Pater creavit Mundum.
ALEXANDER de Hales secunda parte, Quæstione quadragesima quinta, membro primo.

Licet sit commune toti Trinitati, tamen hoc potest appropriari, ut sit sensus: Deus Pater in Principio, id est in Filio, qui est Principium de Principio creavit. Sicut enim ciem dicitur; Omnia in Sapientia fecisti; Sapientia, licet communiter dicatur de tribus personis, tamen appropriatur personæ Filij; & sit directio ad Patrem: Sic & hic Principium potest appropriari. Ioannis octavo dicit Filius de se, Ego principium, qui & loquor vobis.

Psal. 103.

ALBERTVS Magnus prima parte Summæ de quatuor cœqueis, Quæstione duodecima, articulo undecimo.

Dicendum, quod secundum tertiam partem glossæ, in qua dicitur in Principio, non notat continentiam, vel rationem mensuræ, sed notat modum relationis Filij ad opus creationis: Filius enim est virtus, & ars Patris; & sic Pater creat in Filio sicut in virtute & arte, non quod Pater per se non possit creare, sed quia quicquid habet Filius, habet à Patre.

D. THOMAS hanc expositionem cum alijs duabus connectit. Burgenfis vero eas à D. Thoma connexas exponit, & amplificat; de quibus infra.

TOSTATVS in Postillis.

In Principio, id est in Filio; quia Filius est Sapientia, vel Ars Patris, per quem cuncta creavit, & fecit; Et accipitur In, pro Per, sicut dicimus, quod faber operatur in martello, id est per martellum.

a. Cum In Principio exponitur In Filio, tunc In, dicit identitatem, & causalitatem.

D. BONAVENTURA secundo Sent. distinctione tertiadecima. Quid importent hæc præpositiones In, & Per, cum dicitur; Deus creavit In Filio, & Per Filium, seu In Verbo, & Per Verbum, his adnotat.

Dicendum quod hæc præpositio In, potest importare causalitatem, & potest importare identitatem: Causalitatem, ut cum dicitur; Omnia sunt in Deo: Identitatem, ut cum dicitur; Pater est in Filio: Hæc autem præpositio Per, quantum est de se, importat causalitatem. Dico igitur, quod convenienter dicitur Deus operari in Filio, & ratione identitatis, quia Pater operans est in Filio, & ratione causalitatis, quia Filius est causa effectus producti à Patre; Et ideo hæc præpositio In, cum suo causali accipitur in divinis cum verbis absolutis, & cum transitivis ratione duplicis habitudinis, scilicet causalitatis, & identitatis: Hæc autem præpositio, Per, quando importat habitudinem causæ, & principij, non recipitur nisi in illis verbis, quæ important aliquem effectum, respectu cuius Filius habet causalitatem; & ideo recipitur, quod Pater operatur per Filium; sed tamen non recipitur, quod Pater sit per Filium.

Præpositiones In, & Per, quid importent.

b. Filius Principium, non sine Principio, sed de Principio.

Filius principij est, non sine Principio, ut Pater, sed de Principio, hoc est de Patre.

AVGVSTINVS de Genesi imperfecto capite tertio. Secundum historiam autem queritur, quid sit in principio; id est, utrum in principio temporis, an in principio, in ipsa Sapientia Dei, quia & ipse Dei Filius Principium se dixit, quando ei dictum est; Tu quis es: & dixit; Principium quod & loquor vobis. Est enim principium sine principio: & est principium cum alio principio. Principium sine principio solus Pater est; ideo ex vno principio esse omnia credimus. Filius autem ita principium est, ut de Patre sit. Ipsa etiam prima creatura intellectualis potest dici principium ijs, quibus caput est, quæ fecit Deus. Cùm enim rectè appelletur principium caput, in illa gradatione, Apostolus mulierem tamen non dixit caput alicuius: Nam & virum dixit caput mulieris; & caput viri Christum; & caput Christi, Deum. Ita Creatori creatura subnectitur. An ideo in principio dictum est, quia primum factum est? Filius

Ibidem

Anno Mundi
primo.
In exordio
temporum.
Ante dies.

In Principio.

- a. Filius Principium rerum ad extra, non simpliciter, sed ex suppositione.
b. Filius Principium, non ut instrumentum, sed ut causa media.

a. *Filius Principium rerum ad extra, non simpliciter,
sed ex suppositione.*

Filius Principium est rerum ad extra, non simpliciter, seu essentialiter, quia ita toti competit Trinitati; sed ex suppositione, scilicet ex aliquo attributo.

H V G O Carenfis in Postillis.

Hoc nomen principium quandoque tenetur essentialiter tantum; & dicitur de tribus personis singulariter, & simul; & significat diuinam essentiam, & connotat effectum in creatura. Vnde Augustinus in quinto de Trinitate cap. decimoquarto. Relatiue ad creaturam Pater, & Filius, & Spiritus Sanctus sunt vnium Principium, sicut vnus Creator. Quandoque personaliter, & copulat notionem; ut Pater est Principium Filii, & Filius Spiritus Sancti. Ioannis primo; In principio erat Verbum. Glossa, id est, in Patre, qui est Principium sine Principio: Filius, qui est Principium de Principio. Quandoque etiam tenetur personaliter, & copulat primam auctoritatem. Vnde Augustinus quarto libro de Trinitate; Pater est principium totius Deitatis: id est eorum in quibus tota Deitas. Quandoque significat initium essendi in tempore: Et tunc quandoque tenetur essentialiter si- gnificatione, & personaliter suppositione, & sic quandoque pro Patre, ut ibi; In Principio erat Verbum; quandoque pro Filio, ut hic; In Principio creauit; quandoque pro Spiritu Sancto. Ista distinctio multis locis necessaria est.

Significare initium essendi in tempore, est; significare initium essendi rerum ad extra, quæ in tempore sunt. Qua ratione essentia Diuina simpliciter est initium, & creatrix omnium. Pater vero, & Filius, & Spiritus Sanctus Principia dicuntur ex suppositione; Pater, quia ei adscribitur Potentia; Filius, quia Sapientia est, Idea, & Exemplar; Spiritus Sanctus, quia Bonitas, Amor, & Vita.

b. *Filius Principium, non ut instrumentum,
sed ut causa media.*

Filius Principium est non ut instrumentum, sed ut causa media, per quam fit productio rerum externarum, quia Ars, & Exemplar.

V I E L M I V S lectione secunda.

Ad hæc, quoniam prepositio Per, causam quandam suapte natura significat, quæ media sit: ob id Philo in suo de Opificio volumine, & Clemens Alexandrinus in Oratione adhortatoria, Dei Verbum instrumentum quoque vocarunt, non tamen qualecunque, sed concinnum, aptum, & sanctum; à qua tamen nomenclatura nos Catholici consulto, ac magnis ducti rationibus abstinemus. Primum quidem, ne cuius subeat in mentem, Filius Augustinus; Quod enim instrumentum est, semper quidem solet vi, & officio, ab efficiente præcipua causa de- rebus ab eo factis, si earum non nisi gratia factus fuisset; hoc est, si organum tantummodo esset, quod serra, stantior rebus illis est, quæ sunt ad ipsum. Quamobrem nos alia ratione dicimus Filium esse causam mediam, sit, utque efficiat; Filius nihilominus vtrumque à Patre habet: quare Principium de Principio dicitur, & tanquam per artem, & exemplar (agit enim Pater intellectu) creaturæ omnes de non esse, ad esse prodierint. Quicquid enim est id, quo opifex rem agit, siue organum fuerit, aut etiam exemplar, & forma, vel aliud quidpi- dem Patri, ut efficiat, sed Orbi, & creaturis, ut ab eo progrediantur; vnde & dici exemplar propter Sapientiam appropriatione consuevit. Non igitur instrumentum nuncupari rectè potuit.

In Principio.

Anno Mundi
primo.
In exordio
temporum.
Ante dies.

a. Filius dicitur Principium, ut exordium est Creaturae: Verbum, ut ei indit perfectionem.

a. Filius dicitur Principium, ut exordium est Creaturae;
Verbum, ut ei indit perfectionem.

AVGVSTINVS de Genesi ad litteram libro primo, cap. quarto.

Filius commemoratio non ita fit, quia Verbum, sed etiam quia Principium est, cum dicitur; In Principio fecit Deus Caelum, & Terram. Exordium quippe creaturae insinuat adhuc in informitate imperfectionis: fit autem Filij commemoratio, quod etiam Verbum est; eo quod scriptum est; Dixit Deus, fiat: ut per id, quod principium est, insinuet exordium creaturae existentis ab illo adhuc imperfectae: per id autem, quod Verbum est, insinuet perfectionem creaturae reuocata ad eum, ut formaretur inherendo Creatori, & pro suo genere imitando formam sempiternae, atque incommutabiliter inherens Patri, à quo statim hoc est quod illi. Non enim habet informem vitam Verbum Filius, cui non solum hoc est esse, quod vivere, sed etiam hoc est ei vivere, quod est sapienter, & beatè vivere.

Gen. 1.

GLOSSA hæc sic compendio retulit.

Cum ergo dicitur; In principio creauit Deus Caelum, & Terram, commemoratio Filij fit, quia Principium est; sed cum dicitur, Dixit Deus fiat, commemoratur, quia Verbum est: per Principium, notat exordium creaturae existentis ab illo: per Verbum, perfectionem creaturae ab illo ad ipsum reuocat; ut formetur imitando formam Verbi incommutabilem. Non enim habet vitam informem Verbum Dei, cui idem est esse, quod vivere, in modo idem vivere, quod beatè vivere. Creatura verò spiritualis habet informe vivere, cui non est hoc esse quod vivere; nec vivere, quod beatè vivere, quia auersa à Sapientia Dei, stultè, & miserè viuunt.

BEDA Expositione in Genesim.

Propterea autem commemoratio Filij hic non ita fit, quia Verbum est; sed tantum, quia Principium est: Exordium quippe Creaturae insinuat adhuc imperfectae. Fit autem Filij commemoratio, quia Verbum est in eo, quod scriptum est; Dixit Deus, Fiat, quia perfectio Creaturae ibi insinuat.

D. THOMAS prima parte, Quaestione septuagesima quarta, articulo tertio. Dicendum ad primum, quod secundum Augustinum persona Filij commemoratur tam in prima rerum creatione, quam in rerum distinctione & ornatu; aliter tamen & aliter. Distinctio enim, & ornatu pertinet ad rerum formationem. Sicut autem formatio artificiorum est per formam artis, quae est in mente artificis, quae potest dici intelligibile verbum ipsius; ita formatio totius Creaturae est per Verbum Dei. Et ideo in opere distinctionis & ornatu, fit mentio de Verbo: In creatione autem commemoratur Filius, ut Principium, cum dicitur; In principio creauit Deus: quia per creationem intelligitur productio informis materiae.

AUCTOR.

Ceterum hæc interpretatio, quanquam à grauissimis Patribus lata, magis ad Prophe-
ticum, & reconditum, mysticumque sensum, quam ad historicum, & literalem pertinere
videtur. Contestati sunt id primum Patres nonnulli.

HIERONYMVS libro Questionum Hebraicarum in Genesim, cum
in Hebræo non haberi vox, quæ rectius in Filio transferri posset, clarè demonstrasset, ut
supra retulimus, sic concludit.

Magis itaque secundum sensum, quam secundum verbi translationem de Christo accipi potest: qui tam in
ipsa fronte Geneseos, quæ caput omnium librorum est, quam etiam in principio Ioannis Euangelistæ, Cæli &
Terra conditor approbatur. Vnde & in Psalterio de se ipso ait; In capite libri scriptum est de me; idest, In
Principio Geneseos: Et in Euangelio; Omnia per ipsam facta sunt, & sine ipso factum est nihil.

Expositio il-
la, In Princi-
pio, idest i Fi-
lio, non est li-
teralis.

Psal. 39.

Apoc. 1.

AMBROSIVS loco ante citato inquit.

Est etiam initium mysticum, ut est illud; Ego sum primus & novissimus.
Mysticum siquidem initium est Verbum æternum; hoc est, dictum est Initium, seu
Principium secundum mysticum sensum.

I Iunilius

I V N I L I V S in Hexameron hanc cum recitasset interpretationem, allegoricam eam nuncupavit, cum dixit.

Ioan. 8.

Coloss. 1.

Potest autem probabiliter intelligi; In principio fecisse Deum Cælum & Terram, unigenito Filio suo. Qui interrogantibus se Iudeis, quidnam credere deberent, respondit; Principium qui & loquor vobis. Quia in ipso, ut ait Apostolus, condita sunt, quæ fecit in Cælis, & in Terra. Sed diligenter intuendum, ut ita quisque sensibus allegoricis studium impendat, quatenus apertam historiæ Fidem allegorizando non derelinquat.

(S C H O L I O N) Ne mireris me sæpius Hexameron hoc, Iunilio adscribere, quamvis alij existimarint Bedæ esse factum, non Iunilij: Nam ego libentius Lippomanum sequutus sum, ac communem existimationem Typographorum; maximè cum doctrinam in hoc Hexameron disseminatam, & eam, quam habet Beda in Expositione, & in Quæstionibus in Genesim, maxima sit discrepantia; immò & apertissimè videantur contrariari. Bedæ insuper doctrina Augustiniana prorsus est; Iunilius Patres Græcos ut plurimū sequitur. Verum præter has Patrum auctoritates, tria alia præcipue euincunt hunc non esse literalem, sed mysticum sensum. Primum, quia sensus literalis is appellatur, qui secundum significationes communes, & vulgatas loquitur; & prima fronte facillè ab his intelligitur, quibus enarratio, seu historia scribitur. Cæterū Hebræi, ut plurimum rudes, hebetisq; ingenij, quibus Moses hanc contexebat Historiam, nec Trinitatis mysterium prorsus abditum attingebant, nec Verbum Patri esse compar, & coeternum, Principiumq; appellari, per ipsumq; omnia condita extasse nouerant. Quare intempestivè uoculam hanc, In Principio, ad significandum Filium Dei, Moses selegisset. Deinde, cum Dei nomine passim creatricem Diuinitatem intelligamus: (quia hoc nomen, Deus, nomen est essentia, non personæ) obscura, & ambigua nobis esset hæc expositio, In Principio, hoc est In Filio, Deus Pater, Filius, & Spiritus Sanctus creauit Cælum & Terram. Quod si Dei nomine intelligere vellemus tantum Patrem (quia Verbum, media est causa inter Patrem & Creaturas, & non inter Creatorem Deum & Creaturas) hæc intelligentia apud eruditos tantum clara certè erit, non apud populares. Insuper Patrem Mundum condidisse per Verbum, & Verbo, & non in Verbo, non nisi improprie dicimus: iuxta illud; Omnia per ipsum facta sunt; Et, Verbo Domini Cæli firmati sunt. Accipere autem In, pro Per, non ita passim vulgares homines, & maximè Hebræi agnouissent. Adijciam, quod Elohim, ut pluralis numeri, Dij, quamplures transtulerint, contendantq; Mosem dixisse Elohim numero plurali, ut intelligeremus Trinitatem fuisse rerum creatricem. Tandem cum ea sit duorum Testamentorum Noui, & Veteris relatio & harmonia, ut vnum sit alteri quasi Echo, cum in initio Veteris dicatur; In principio creauit Deus: & in initio Noui, hoc est, Euangelij secundum Ioannem, repetatur, In principio erat Verbum; certè eadem erit vocis eiusdem, In Principio, in utroq; loco interpretatio. Quapropter, sicut exponimus, In Principio creauit Deus Cælum & Terram, hoc est; In exordio temporum: Aeternitas siqui dem Deo adscribitur, Aeuum Angelo, & Tempus cæteris Creaturis. Quod si hanc interpretationem, In Principio, hoc est, In Filio, literalem ob Augustini & aliorum eximiorum Patrum auctoritatem dicere maluerimus, duo maximè animaduertere operæ ca legendum esse pro Per, adeo ut intelligamus Filium, siue Verbum causæ vices egistumq; , & proinde debilius ipso efficiente; Verbum autem consubstantiale esse Patri, in potentiaq; compar, non ignoramus; sed causæ mediæ, non quidem Patri, ut efficeret Mundum; sed creaturis, ut à Deo prodirent. Verbum siquidem, quia à Patre gignitur, Filius dicitur; quia solus, Unigenitus; quia totam habet Deitatem, Splendor; quia in omnibus Patri simillimus, Imago; quia omnia representat, Speculum; quia per Intellectum procedit, Sapientia; quia continet omnia, Idea & Exemplar; quia compago est rerum, Forma. Ut igitur Filius Dei est Sapientia, causa est; quia Pater intellectu agit; ut idea & exemplar, causa est, ut res sint secundum præscriptos terminos præfixos in Verbo: ut forma, est causa, quod res subsistentiam suscipiant. Alterum quod animaduertere debemus, est, quod tunc nomen Deus in Epigraphæ positum non essentialiter

Ioan. 1.
Psal. 32.

Ioan. 1.

Expositio, In
principio, id-
est in Filio,
quomodo po-
test dici lite-
ralis.

Verbi æterni
varia nomi-
na.

In Principio.

Anno Mundi
primo.
In exordio
temporum.
Ante dies.

- a. Hoc est, In Principatu, seu Potentia.
- b. Vel, In Initio, seu olim, quo Mundus esse cepit.
- c. Siue, celerrimè, idèò In Capite, hoc est summam, vel collectam.

tialiter, ut aiunt in scholis: prout Trinitatem dicit, sumendum sit: nam laberemur certè in antedictas difficultates, sed personaliter, ut Patris personam significat. Nam & quāuis opera ad extra communia sint Sanctissimæ Trinitati: Pater attamen ea de causā, quod ei Potentia adscribitur, Creator, & rerū Sator, passim nuncupatur: vnde & Sym- bolum; Credo in vnum Deum Patrem omnipotentem Creatorem Cœli, & Terræ.

a. Hoc est, In Principatu, seu Potentia.

TERTULLIANVS libro aduersus Hermogenem, recitata Hermogenis interpretatione à priscis Philosophis iam primò excitata, quæ in principio exponebat, In materia ingenita, eaque pluribus reiecta & explosa tanquā maximè absurda; ipse tādē sumpta occasione voluit, In principio exponi posse, In Dei principatu, & potestate. Possunt & aliter principium interpretari, non ab re tamen: nam & in Græco, Principij vocabulum, quod est *ἀρχή*, non tantum ordinatum, sed & potestatum capit Principatum. Vnde & *ἄρχων* dicunt Principes & Magistratus. Ergo secundum hanc quoque significationem, Principium pro Principatu & Potestate sumetur. In Principatu enim, & in Potestate Deus fecit Cælum, & Terram.

PROCOPIVS Gazæus Commentarijs in Genesis caput primum. Ceterum, ut nihil in principij nomine exponendo imprudenter prætereamus, scitote Principium interdum significare (alluditur ad Græcam dictionem *ἀρχή*.) Regiam Potestatem. Is igitur præsentis loci erit sensus: Deus Rex Regum, & planissimè sui Iuris existens; nec aliunde pendens, cunctaque pro suo arbitrio administrans, excitauit hoc vniuersum simul cum speciebus, seu formis: immo & materiam ipse deprompsit, nec aliunde eam mutuatus est.

HAMERVS hæc Tertulliani in sua Commentatione retulit, & approbavit.

b. Vel, In Initio, seu olim, quo Mundus esse cepit.

AVGVSTINVS libro contra aduersarium legis, & Prophetarum, sacrilego cuiusdam percunctanti, quomodo accipiendum sit, In Principio creauit Deus Cælum & Terram, ac dicenti.

In Principio creauit Deus Cælum & Terram. Quo principio? Eiusnè principio, quo idem Deus esse cepit, an ex eo, quo illum esse vacuum egreditur? vtrunque absurdum est, eoquē scriptura hæc abiicienda.

Respondit his Augustinus.

Deus neque aliquando non fuit, nec cessando torpuit, nec operando laborauit, nec sine Cælo sedis indiguit, nec factō Cælo sedem tanquam finitis erroribus peregrinus inuenit. Potens est enim beatissimè manere in semetipso. Et post. Aut ergo sic intelligendum est illud, quod scriptum est; In principio fecit Deus Cælum & Terram: ut principium sit ex quo esse ceperunt; non enim Deo coeterna semper fuerunt, sed facta initium ex quo esse inciperent, acceperunt.

LVSIANVS clariùs id explicauit Genesis primo.

Posset etiam principium, seu initium, importare initium Mundi; ut sit sensus; In Principio, scilicet Mundi, creauit Deus Cælum & Terram: ac si apertius dixisset; Non putetis hunc semper fuisse Mundum, quem videtis; habuit enim initium, & cum Deus illum produxit, primum produxit Cælum & Terram.

c. Siue celerrimè, idèò in Capite, hoc est summam.

In Principio, hoc est celerrimè, seu exiguo temporis momento: Principium enim est quid impartibile; Vnde bene Aquila vertit In capite, hoc est summam, seu acruatim.

BASILIVS Hexameron Homilia prima.

Aut fortasse eo dictum est; In principio fecit, quod creatio rerum momento minus perfecta est, citraque omnem temporis absoluta morulam: quandoquidem impartibile quiddam est principium, nec ulla intervallari dimen- sione

Anno Mundi
primo.
In exordio
temporum.
Ante dies.

In Principio.

a. Hoc est, ut res principales, primordiales, & præstantiores, creauit Deus
Cælum, & Terram.

sione à se toto dispescitur. Quemadmodum enim principium vie, via nondum est; domus quoque principium, neuiquam censetur domus: itidem & Principium temporis adeo tempus non est, ut ne eius quidem sit minima portio. Quod si vnus aliquis contentione peruicaci astruet temporis principium esse tempus: is nouerit ipsam Principium oportere iuxta hanc positionem deduci in multas partes, nempe in principium, media, atque finem. Atqui res prorsus deridicula videtur, vel mente concipere Principium principij. Quisquis enim Principium bipertito secat, is duo Principia pro vno efficiet, verius perquam multa, immo infinita, quando id quod semel dissecueris, in alia rursus segmina intercidi possit. Ut igitur edoceret nos Moses Mundum hunc sola Dei voluntate, ac citra omnem temporis morulam substituisse, dixit; In Principio fecit: pro quo alij quidam Interpretes connixi sensum reddere dilucidiorum, dixerunt, ἐν ἀρχαίς, In summa, siue summam fecit Deus: hoc est, simul omnia, vel comprehensim, & momento minus.

AMBROSIVS Hexameron libro primo, capite quarto.

Denique alij dixerunt, ἐν ἀρχαίς, quasi In capite, quo significatur in breui, & in exiguo momento summa operationis impleta.

GREGORIUS Nyssenus in suo Hexameron.

Si igitur excellentia Sapientiæ, atque Potentiæ omnia nouit, & omnia potest, fortassis aliquo modo accedimus ad sublimem vocem Moysis, qui dicit, ἐν ἀρχαίς, id est in summa, vel summam, vel acervatim (hoc enim Aquila, loco τοῦ ἀρχῆς, id est Principij edidit) facta esse à Deo Cælum, & Terram. Et post. Non vna duarum vocum significatio, tum Principij, tum summa est. Significatur enim æquè per vtrumque, τὸ ἀρχαίς, hoc est id, quod vna comprehensione summam collectum, & in vnum repente conductum, & congestum est. Nam in summa quidem comprehensim omnia facta esse ostendit: per principium autem momentum temporis, quodque intervallo careat, significatur. Principium enim ab omni intellectu, quo spatium, & intervallum notatur, alienum est, ut punctum principium lineæ, item corporis & molis ἀτομῶν, id est corpusculum solidum, & indiuiduum, ita etiam momentum, spatij temporalis initium est. Igitur ea, quæ ab inexplicabili Potentiæ Dei vna comprehensione repente peracta est, rerum vniuersarum congestio, constitutioq; , Principium, siue summa à Moyse appellata est: in qua rerum Naturam vniuersam conflatam, atque constitutam esse dicit.

a. Hoc est, ut res principales.

In Principio, hoc est, ut res principales, primordiales, & præstantiores, creauit Deus Cælum & Terram.

AMBROSIVS Hexameron, libro primo, capite quarto.

Sunt ergo, & qui principium non pro tempore accipiant, sed ante tempus, ἐν ἀρχαίς, vel caput: ut dicamus latine, quasi summam operis, quia rerum visibilium summa Cælum & Terra est, quæ non solum ad Mundum, quæ non videntur; ut est illud Propheticum; Cæli enarrant gloriam Dei, & opera manuum eius annuntiat eius, per ea quæ facta sunt, intelliguntur.

PROCOPIUS Commentarijs in Genesis caput primum.

At si velimus Hebræam obseruare veritatem, sciendum est Principij nomen significare Caput. Itaq; licet hunc assignare sensum; Moses Cælum & Terram, quæ prima sunt entium visibilia, Caput vocat. Quemadmodum in corpore humano caput non situ solum, sed & sensitiua virtute, vitaliq; spiritu reliquas corporis partes excellit; sic reliquas diuini opificij partes longè superat Cælum & Terra.

BEDA expositione in Genesim.

Alij dicunt, In principio Principatus, dum Cælum & Terra in omnibus Principatum tenent.

Et Comestor, capite primo.

Vel, In principio omnium creaturarum creauit Cælum & Terram; id est, has creaturas primordiales fecit, & simul.

Psal. 18.

Rom. 1.

In Principio.

Anno Mundi
primo.
In exordio
temporum;
Ante dies.

- a. Hoc est, Primò omnium, vel Ante omnia.
b. Primum, & Ante omnia uti fundamenta, & bases Mundi.

a. Hoc est, Primò omnium, vel Ante omnia.

PHILO de Mundi opificio.

Quod si Principium non accipitur nunc iuxta significatum temporis, conueniens fuerit id significare iuxta numerum, ut hæ voces, In Principio fecit, idem valeant, quod Primum fecit Cælum.

TERTULLIANVS libro aduersus Hermogenem.

Nos autem unicuique vocabulo proprietatem suam vindicamus, Principium Initium esse, & competisse ita poni rebus incipientibus fieri. Nihil enim quod fieri habet sine initio esse, quin initium sit illi ipsum, dum incipit fieri. Ita Principium, siue Initium inceptionis, esse verbum; non alicuius substantiæ nomen. Iam nunc si principalia Deo opera Cælum, & Terra sunt, quæ ante omnia Deus fecit suorum esse propriè Principium, quæ priora sunt facta; meritò sic præfatur Scriptura; In Principio fecit Deus Cælum, & Terram: quemadmodum dixisset; In finem Deus fecit Cælum, & Terram; si post vniversa fecisset.

AMBROSIVS libro primo Hexameron, capite quarto.

Principium aut ad tempus refertur, aut ad numerum, aut ad fundamentum. Ad numerum autem si referas, ita conuenit, ut accipias; In primis fecit Deus Cælum & Terram: deinde colles, regiones, fines inhabitabiles. Vel sic; Ante reliquas visibiles creaturas, diem, noctem, ligna fructifera, animantium genera diuersa, Cælum, & Terram fecit.

AVGVSTINVS hanc non reticuit locis præcitatis; nam Genesi imperfecto, capite tertio, habet.

An ideo In principio dictum est, quia primum factum est.

Et primo ad literam, capite primo.

In Principio, an quia primò omnium facta sint.

EVCHERIUS Commentarijs in Genesim libro primo, cap. primo.

In principio fecit Deus. Hic sensus duobus modis sine offensione accipitur; idest, aut Primum omnium fecit: aut In principio; quod est Sapientia.

BEDA expositione in Genesim.

In principio creauit: Alij ducunt hoc principium ad principium creationis omnium, dum nihil ante hæc duo creatum est.

CYRILLVS in Genesim libro primo.

Deus omnium Creator optimus per summam suam Potentiam, idest Filium suum, Cælum, Terramq; ante omnia creauit.

Glossa interlinearis, D. Thomas, D. Bonauentura, Burgensis hanc interpretationem connectunt cum cæteris, ut infra.

ALEXANDER Halensis secunda Quæstione quadragesima quinta.

Basilius tamen in Hexameron aliter exponit, dicens, quod alia translatio habet Primò, & secundum hoc est sensus: Ante Cælum, & Terram nihil creauit.

VIELMIVS lectione secunda.

Est autem & quartus Commentarius, qui ad res effectas id aduerbium refert, huncq; sensum facere putat: Prima corpora, quæ Deus creauit, fuerunt Cælum, & Terra. Et Post. Reijcitq; interpretatio hæc veterum illorum Hebræorum figmenta, qui teste Rabbi David, Kimbi, Esaie vigesimo secundo assenerabant septem res exitisse ante hunc sensibilem Orbem; Hortum, Legem, Iustos, Israelitas, Thronum gloriæ, Hierusalem, & Messiam Davidis filium. Quamobrem & posteriores Rabbini ad allegorias meliora meditati, hæc omnia trahunt.

b. Siue Primum, & Ante omnia, uti fundamenta, et bases Mundi.

BASILIVS Hexameron Homilia prima.

Dicitur rursus Principium id quoque, unde quidvis conficitur, cum hoc ipsum Principium inexistit ei operi quod moliris, tale quid est in ædibus fundamenta, & carina in nauis. Iuxta eam acceptionem dictum est; Principium

Anno Mundi
primo.
In exordio
temporum
Ante dies.

In Principio.

- a. Hoc est, Ante omnia, ut principia ea, quæ ordinabantur ad Mundi fabricam.
b. Vel, In exordio temporum.

capitulum sapientie, timor Domini. Est enim hic reuerentia erga Deum timor ad perfectionem contendenti veluti fundamentum & gradus quidam. Et Post. Ad hoc deprehendes Cælum, & Terram, quasi fundamenta quædam, & bases fulcrales vniuersi prius iacta fuisse, & præstructa.

Prou. 8.

Principium aut ad tempus refertur, aut ad numerum, aut ad fundamentum, quomodo in edificanda domo initium fundamentum est. Et post. Si verò ad fundamentum referas, principium terræ fundamenta esse legisti, dicente Sapientia; Quando fortia faciebat fundamenta terræ, eram penes illum cuncta componens.

PROCOPIVS Commentarijs in Genesis caput primum.

Aut si mauis intellige in hunc modum præsens negocium: scilicet, quod Deus suum opificium auspicatus, primò hæc, quæ recenset, extruxerit, non secus ac Architectus, qui edificium molitur, & primò fundamenta futuri edificijs iacit. Licebit & artem creantis Mundum appellare principium. Nam nemo negat, quin Ars sit principium artificialium operum. Secundum hanc rationem sapientia Beseleelis ferebatur principium ornatus, quo expoliebatur Tabernaculum.

PERERIVS Commentarijs in Genesim libro primo.

Primò, ut In Principio significet, Ante alia omnia: quemadmodum cum edificaturus domum, in principio, & ante alia bonum substruit, & supponit fundamentum: ita Deus in fabricando Mundo, in principio, & ante alia condidit Cælum, & Terram, velut duas principes Mundi partes, quæ ceteras ordine nature necessariò antecedunt.

a. Hoc est, Ante omnia, ut principia ea, quæ ordinabantur ad Mundi fabricam.

In Principio, hoc est, Ante omnia, ut principia ea, quæ ordinabantur ad bonum, & accommodatum finem, idest ad Mundi pulcherrimi fabricam, Creauit Deus Cælum & Terram.

BASILIVS Hexameron, Homilia prima.

Principium denique actionum non rarò dicitur perutilis, & accommodus finis eorum quæ fiunt. Et post. Subin occurret menti Verbum illud rerum artifex, quo præeunte in suum quæque ordinem oculis subiecta, atque conspicua distincta sunt: velut vox ipsa Principij, tibi nihil obscure indicat, non temerè, nec frustra excogitatum his, quæ complectitur. Erudiendis siquidem animabus ratione præditis, officina est haud dubiè accommodatissima, & eisdem ad cognitionem Dei prouehendis totius eruditionis domicilium appositissimum, per hæc visibilia, sensiliaque præstruens viam, ac veluti manu ducens intellectum ad inuisibilem contemplationem: vel recte Apostolo his verbis astringente sententiam; Inuisibilia ipsius à creatura Mundi, per ea quæ facta sunt, intellecta conspiciuntur.

Rom. 1.

PROCOPIVS Commentarijs in Genesis caput primum.

Potest hoc loco principium dici & illud, quod in bonum finem factum est. Nam Deum constat procreasse opificium profectò respectantem finem optimum. Siquidem hæc Mundi machina mirabiliter docet animos mortalium, & ad veram Dei cognitionem inducit.

b. Vel, In exordio temporum.

BASILIVS Hexameron Homilia prima.

In Principio fecit, In eo nimirum principio, quod simul fuit cum tempore. Et Post. Principium sanè dicitur primaria quæuis motio, ut in illo; Principium viæ bonæ est facere iusta. A iustis enim actionibus primum mouemur ad beatam vitam. Et infra. Etenim discere vti que possis, quo primum tempore constiterit Mundi sistit primum. Hoc enim pacto inuenies, vnde primaria illa motio accesserit tempori.

AMBROSIVS Hexameron libro primo, capite quarto.

Ad tempus refertur, si velis dicere, In quo tempore fecit Deus Cælum, & Terram; idest, In exordio Mundi.

In Principio.

Anno Mundi
primo.
In exordio
temporum.
Autem dies.

a. In Principio quidem temporis, sed non in tempore.

di quando fieri cepit, sicut ait Sapientia; Cum pararet Caelum, cum illo eram.

Et capite sexto.

In Principio itaque temporis, Caelum & Terram Deus fecit: Tempus enim ab hoc Mundo, non ante Mundum.

Et infra; hoc principium, verni temporis exordium etiam fuisse declarat.

In hoc ergo principio mensium, Caelum & Terram fecit, quod inde Mundi caput oportebat exordium, ubi erat opportuna omnibus verna temperies. Unde & annus Mundi imaginem nascentis expressit, ut post hybernas glacies, atque hyemales caligines, serenior solito verni temporis splendore eluceat.

PROCOPIVS Commentarijs in Genesis caput primum. Exinde enim In principio creauit Deus Caelum & Terram, &c. Temporis, ut apparet, hic dicit principium. Exinde enim cepit eorum, quae per creationem prouenire tempus, & simul cum reliquis operibus tum creatum est. Et iterum. Praeterea si a temporibus, quae successere, retrò mente recurrere velis, reperiens eorum esse finem, quod Moses hoc loco Principium statuit.

AVGVSTINVS hanc non obliterauit, cum dixit de Genesi ad literam libro primo, capite primo.

In Principio fecit Deus Caelum, & Terram. In Principio, scilicet, temporis.

CYRILLVS libro Thesaurus inscripto, libro quinto, capite sexto.

Et Creaturas in principio temporis factas scriptura ostendens; In principio inquit, fecit.

PETRVS Comestor Scholasticae Historiae capite primo. In Principio, scilicet temporis. Coeua enim sunt Mundus & Tempus.

LYRANVS in Postillis.

In principio, & describitur factum ante omnem diem, sed illud ante, secundum istam expositionem non accipitur duratione, sed natura tantum, sicut sonus praecedit vocem. Dicit igitur; In principio, scilicet, temporis, vel productionis rerum.

TOSTATVS in Postillis.

Dicitur in principio, id est ante omnem diem, ita quod nullus dies, vel hora praecessit creationem Caeli, & Terrae: ideo dicitur, In principio, scilicet, temporis; quia tunc tempus cum ipsis rebus incepit.

CAIETANVS hanc unam est prosequutus, Commentarijs in Genesim. Sensus autem literalis est, quod In principio temporis, quod principium constat esse instans initium temporis, in illo tanquam in mensura actionis significatae per verbum Creauit Deus Caelum & Terram. Creatio enim est actio instantanea: nec hic nouitiae intelligas, quod creatio Caelorum, & Terrae praesupponit initium temporis; sed intellige, quod Creator creando Caelum, & Terram, simul concreauit temporis initium mensuram ipsius creationis; ita quod effecit mensuram & mensuratam actionem simul, sic quod actio mensuretur illo temporis initio, quod simul effectum est.

a. In Principio quidem temporis, sed non in tempore.

Quia initium temporis non est tempus, sicut exordium viae non est via.

PHILO de Mundi opificio.

Narrat Moses quomodo in principio fecit Deus Caelum, & Terram; principium usurpans, non ut quidam putant, iuxta significationem temporis; tempus enim ante Mundum non erat, sed aut una factum est, aut post eum: Cum enim tempus sit spatium motus Caeli, fieri non potest, ut motus rem motam praecesserit: sed necesse est hunc aut post, aut simul existere. Necessario igitur colligitur tempus, aut aequiuum esse Mundo, aut recentius: affirmare autem illud esse antiquius, reuera alienum est à Philosophia.

BASILIVS Hexameron Homilia prima.

Quemadmodum enim principium viae via nondum est, domus quoque principium nequiquam censetur domus: itidem & principium temporis adeo tempus non est, ut ne eius quidem sit minima portio.

AMBRO-

Anno Mundi
primo.
In exordio
temporum.
Ante dies.

In Principio.

- a. Prepositio In, tres infert interpretationes.
- b. Hæ tres excludunt tres errores.

A M B R O S I V S Hexameron libro primo, capite quarto.

Possimus etiam intelligere, In Principio fecit Deus Cælum & Terram, idest ante tempus; sicut initium viae nondum via: & initium domus nondum domus.

P R O C O P I V S Commentarijs in Genesis caput primum.

Fieri potest, ut Moses principium nuncupauerit opificium Dei, quod absq; tempore, & nulla corruptione in-
quinationem essentiam accepit. Nam ut principium viae nequitiam via est (principium enim nullam recipit di-
uisionem) sic nemo recte temporis principium nominauerit tempus. Si enim tempus in partium admittet diui-
sionem, subinde noua exorientur principia, quæ usq; in infinitum occurrent. Verum ego nimis absurdum & stu-
tum iudico principij ponere principium. Videntur itaq; mihi hæc Mosis verba docere, Deum voluisse ea, quæ
procreauit, diuina sua Potentia procreare; & ut voluit, effectum voluntati respondisse.

B E D A expositione in Genesim.

Vtique non in principio temporis, Deus enim fecit tempora; Et ideo antequam Deus faceret tempora, non
erant tempora. Non ergo possumus dicere, quomodo Deus nondum aliquid fecerat.

- a. Prepositio In, tres infert interpretationes.

Prepositio In, tres supradictas infert interpretationes; nam ut dicit ordinem, signi-
ficat Ante omnia; ut mensuram, In exordio temporum; ut habitudinem causæ,
In Filio.

D. B O N A V E N T V R A libro Sententiarum secundo, dist. prima.

Dicendum, quod prepositio cum suo casuali tripliciter potest accipi. Vno modo ut dicat pure ordinem; &
sic idem est facere in principio, & facere ante aliqua; ita quod commotet priuationem respectu alicuius tempo-
ralis prioris, & commotet propositionem posterioris. Alio modo potest importare habitudinem mensuræ; &
tunc in principio idem est, quod in primo instanti temporis. Tertio modo potest importare habitudinem causæ,
& tunc sensus est; In principio, idest, In Filio dicitur creasse, secundum quod dicitur in Psalmo; Omnia in sa-
pientia fecisti Domine; ut sic notetur non tantum causa efficiens, sed etiam exemplaris. Omnes istæ exposi-
tiones vere sunt, & catholice.

Psal. 103.

- b. Hæ tres excludunt tres errores.

In Principio, ut interpretatur In exordio temporis, excludit errorem asserentium
Mundum æternum; ut exponitur In Filio, reiicit opinionem constituentium duo prin-
cipia, Bonum, & Malum; ut Ante omnia, explodit sententiam dicentium Deum per An-
gelos creasse Cælum, & Terram.

G L O S S A interlinearis tres ex his expositionibus simul collegit, & hanc pri-
mo loco posuit, cum dixit.

In Principio scilicet temporis, vel ante cetera, vel in Filio suo.

D. T H O M A S parte prima Quæstione quadragesimasexta, articulo ter-
tio, de præassertis tribus interpretationibus hæc habet.

Illud verbum Genesis, In Principio creauit Deus Cælum, & Terram, tripliciter exponitur, ad excluden-
dum tres errores. Quidam enim posuerunt Mundum semper fuisse, & tempus non habere principium; & ad
hoc excludendum exponitur, In principio, scilicet temporis. Quidam vero posuerunt duo creationis principia, vni
Bonorum, aliud Malorum; & ad hoc excludendum, exponitur In Principio, idest in Filio. Sicut enim principium
effectuum appropriatur Patri propter Potentiam; ita principium exemplare appropriatur Filio propter Sa-
pientiam: ut sicut dicitur; Omnia in sapientia fecisti: ita intelligatur, Deum omnia fecisse In Principio, idest in
Filio: secundum illud Apostoli ad Colossenses primo; In ipso, scilicet Filio, condita sunt vniuersa. Alij ve-
ro dixerunt corporalia esse creata à Deo mediantibus Creaturis spiritualibus; & ad hoc excludendum exponi-
tur, In Principio creauit Deus Cælum & Terram, idest, Ante omnia. Quatuor enim ponuntur simul crea-

In Principio.

Anno Mundi
primo.
In exordio
temporum,
Ante dies.

- a. Et illę tres, ad tres sequentes voces referuntur.
b. Tandem exponi potest In Principio, hoc est, In principio narrationis.

ta, scilicet Cælum Empyreum, Materia corporalis, quę nomine Terrę intelligitur, & Tempus, & natura Angelica.

a. Et illę tres, ad tres sequentes voces referuntur.

Principium vt refertur ad Creavit, significat Ante omnia; vt refertur ad Deus, In Filio: vt ad Cælum & Terram, in Exordio temporis.

B V R G E N S I S prolixius hæc à D. Thoma delata, commentatur. Argumentum & summa est, quòd hę tres expositiones intelligendę sint, non disiunctivę, sed copulativę: addit autem.

Principium relatiuę intelligitur respectu principiati; quapropter in Scriptura vbi principium legitur, mox adiicitur illud, cuius respectu dicitur principium. Vnde hoc loco Principium referri potest ad Creavit. Et sic sequitur illa expositio, In Principio; id est, Ante omnia creavit &c. vt intelligunt Rabbi Aben hazra, Rabbi Salomon, & alij. Referri etiam potest ad Deus; & sic intelligitur Principium esse aliquid, cum quo, seu per quod Deus fecit omnia. Vnde sequitur expositio, In Principio, hoc est, In Filio, vt intelligit Rabbi Moyses Gerunden. Quòd si referatur ad Cælum, & Terram, sequitur expositio In Principio, hoc est, Exordio temporis; quia Cælum, & Terra sunt res successioni, & tempori subiectę. Postremo referri potest ad totam creationem, & sic exponitur, In principio, id est, In primis sex diebus.

b. Hoc est in principio narrationis.

Quasi dicat: Primum eorum quę narraturus sum, est, quòd Deus fecit Cælum, & Terram.

V I E L M I V S lectione secunda.

Porro autem quintus & postremus Commentarius est, qui ad narrationis ordinem, quam Moyses facit, illud aduerbium referendum esse mauult, vt dixerit; Primum eorum, quę scripturus sum, hoc est; Deus creavit Cælum & Terram: vt sit summa quedam & propositio, quę ea omnia breuissimę exprimant, vel potius absorbeat; quę tam multis, ac veluti per partes dicturus deinceps est; & D. Ioanni Chrysostomo, & Gregorio Nysseno mirifice placuit.

A U C T O R.

DE tot expositionibus iudicium allaturus, primũ quędam earum sunt à me repudiandę, non quidem quòd verę non sint, & elegantes, sed quòd non accedant ad sensum literę nostrę. Primum Tertulliani expositio, quę interpretatur, In Principio; hoc est, In principatu, seu Potentia, alludit ad vocis Gręcę, ἐν ἀρχῇ, significatum; quę quidem vox eandem significationem non habet, quam habet Beresith, nisi trahatur ad significandum initium temporis; propterea ea expositio potius spectat ad literam Gręcā, quàm Hebraicā, vel nostrā. Illę alię duę expositiones, quę interpretantur In principio, hoc est, In summa, seu collectivē Deus creavit Cælum, & Terram, seu summa celeritate, vt Principium est indiuisibile; vel etiam In Principio, hoc est, Principatu, id est, res principales, & excellentiores: alludunt pariter ad translationem, quam fecit Aquila, qui Beresith traduxit, In capite; quę quidem translatio, quanquam ei adhęserint Patres præstantissimi, vt Basilii, Ambrosii, Nysseni, non est tamen recepta ab editione nostrā. Quapropter hæc expositiones potius textum Aquilę, quàm nostrum commentari videntur. Postremus tandem hic Commentarius à Vielmio adductus, agrę recipitur meo iudicio; quia tunc narratio Moysis obscura videtur, & manca. Exponere siquidem, In Principio

Anno Mundi
primo.
In exordio
temporum.
Ante dies.

In Principio.

a. Si in temporis exordio manauit Mundus, igitur Tempus, & Mundus congenera sunt.

creauit Deus Cœlum & Terram; hoc est, primum eorum quæ dicturus, seu scripturus sum, est, quod Deus creauit Cœlum & Terram, est facere narrationem non tantum inelegantem, sed obscuram, & perplexam, cum uno verbo In Principio velit intelligi aliquid, quod non connectitur cum verbis sequentibus; Deus creauit Cœlum & Terram, nisi plura subintelligantur; subintelligantur, inquam, In principio eorum quæ dicturus sum, est quod Deus creauit &c. Præterea & uocula In principio, nullam haberet relationem ad ea, quæ sequuntur; hoc est, ad creauit Deus Cœlum & Terram, sed ad ea quæ in textu non habentur. Cæteræ interpretationes omnes recipi possunt, sed duæ sunt, quas meo iudicio alijs præferrem. Altera illa est, quæ exponit, In principio, hoc est, Primum, seu Ante omnia: habet enim hæc sensum clarum, & conspicuum, & ineruditis acceptissima esset. Is enim est mos ineruditorum, ut difficiles, imperspectasque sibi res, ad eas, quæ sibi sunt domestica, mox referant. Quare cum Mundi opificium quasi structuram quædam Dei audiunt, ad ædificij seriem eam comparantes, statim pro principio id quod primum factum est, capient, intelligentque. Altera etiam est, quæ interpretatur, In Principio, hoc est, In temporum exordio: hæc enim quanquam difficilior sit, magis tamen Mose uate digna videtur, & eruditis sit acceptior. Duo enim insignia, & scitu digna secum defert. Primum Tempus, & Mundum congenera esse; de qua re dicemus infra. Alterum, quod Mundus non sit æternus, ut putarunt Chaldaei, à quibus Hebræi originem trahere existimabantur; & plerique Philosophorum asseruerare ausi sunt; sed quod simul cum tempore & ipse natalia suscepit; hoc etenim per uocem, In Principio, conuincitur. Cæterum possumus ex omnibus ferè his interpretationibus vnâ colligere, & dicere: In Principio, hoc est, In initio, quo Mundus esse cepit; quod initium fuit ipsum temporis exordium; primum & ante omnia, uti fundamenta & bases, & res quæ ordinabantur ad pulcherrimam Mundi fabricam, Deus summa sua Potentia, & principatu, creauit Cœlum, & Terram, ut res omnium summas, & excellentiores, collectim, & summa celeritate. Quod autem ultimo loco tradunt Patres, initium temporis non esse tempus, sicut principium viae non est via, sano iudicio est intelligendum. Punctus siquidem initium lineæ est pars lineæ; & momentum temporis, seu mensurans tempus; vel fortè Patres initium temporis dixerunt non esse tempus; quia in ipsa Mundi prima constitutione non erat motus Cœlorum horum, neque Sol, Luna, & Astra, quæ quarto die manarunt, neque lux aliqua, siue ignis, siue nubes lucida, siue lux Solis in iubare, quæ primum die emicuit; erat attamen mutatio quædam, & temporis substantia, ut clariùs infra demonstrabimus.

Prosequentes hanc interpretationem, In Principio, hoc est, in exordio temporum, multæ supersunt nobis Patrum obseruationes afferendæ.

a. Tempus, et Mundus congenera sunt.

Si pro principio intelligimus temporis exordium, sequitur, quod Tempus & Mundus coæua sint censenda.

BASILIVS Hexæmeron Homilia prima.

Sanè & Mundo huic, & ijs, quæ tum in eo producta sunt, animalibus, & plantis congener subsistit temporis curriculum, accedens semper, ac more fluentis aquæ recedens, nec unquam à cepto cursu restitans, aut conquiescens.

In Principio.

Anno Mundi
primo.
In exordio
temporum.
Ante dies.

a. Quapropter legendum In, pro Cum, & exponendum, in principio temporis, hoc est, cum principio temporis.

A M B R O S I V S Hexameron libro primo, capite sexto.
In principio itaq; temporis Cælum, & Terram Deus fecit, tempus enim ab hoc Mundo, non ante Mundum.

A V G V S T I N V S de Genesi contra Manichæos libro primo, capite secundo.
Sed etsi in Principio temporis Deum fecisse Cælum & Terram credamus, debemus utique intelligere, quod ante principium temporis, non erat tempus. Deus enim fecit & tempora. Et ideo antequam faceret tempora, non erant tempora. Non ergo possumus dicere fuisse aliquod tempus, quando Deus nondum aliquid fecerat. Quo modo enim erat tempus quod Deus non fecerat, cum omnium temporum ipse sit fabricator? Et si tempus cum Cælo & Terra esse cæpit, non potest inueniri tempus, quando Deus nondum fecerat Cælum, & Terram.

M A G I S T E R Sententiarum secundo, distinctione secunda.
Ante Cælum & Terram factum est nihil: nec etiam tempus factum est ante Spiritualem, scilicet Angelicam naturam, & ante Corporalem, scilicet materiam illam quatuor Elementorum confusam. Illa enim cum tempore creata sunt, nec ex tempore, nec in tempore, sicut nec tempus in tempore creatum est; quia non fuit tempus antequam esset Cælum & Terra. Vnde Augustinus in libro de Trinitate dicit, quod Deus fuit Dominus antequam tempus esset, & non in tempore cæpit esse Dominus, quia fuit Dominus temporis, quando esse cæpit tempus: nec utiq; tempus cæpit esse in tempore, quia non erat tempus antequam inciperet tempus.

H V G O huic subscripsit interpretationi de Sacramentis Fidei libro primo, parte prima, capite quinto.

Sed nec illud (quantum opinor) absurdum erit, si credimus unum & idem prorsus momentum primū temporis fuisse, quo in principio simul creata sit & rerum visibilium, corporaliumq; materia, & invisibilium, Angelica natura essentialiter: hoc esse, quod Scriptura refert, omnia simul creata fuisse, sicut supra diximus; Qui vivit in æternum, creavit omnia simul; quia eodem momento simul & visibilium materia essentialiter creata est, & invisibilium natura, & tempus. Ecclesi. 18.

P E T R V S Comestor in Genesis caput primum.
Corua enim sunt Mundus & Tempus. Sicut autem solus Deus æternus, sic Mundus sempiternus, id est semper æternus, temporaliter æternus; Angeli quoque æterni.

S C H O L A S T I C I rem hanc clarius explicarunt.

a. Quapropter legendum In, pro Cum.

Cum tempus ipsi Mundo coæquum intelligimus, & præpositionem In, pro Cum, accipere debemus.

T O S T A T V S in Postillis.
In Principio, id est, In Principio temporis, vel cum principio temporis, quia præpositio Hebraica hic posita, scilicet Beh, aliquando signat Cum, & dictio ista In, etiam significat Cum; ut patet in trigesimo secundo capite, scilicet; In baculo meo transui Iordanem; id est, Cum baculo meo: tempus enim non fuit creatum, sed con creatum; quia est passio rerum mutabilium, scilicet creaturarum corporearum, quarum duratio tempore mensuratur.

V I E L M I V S lectione secunda.
Rursum, quia præpositio In, in Hebræorum phrasi haud raro quoq; pro Cum usurpatur; Genesis trigesimo secundo: In baculo meo transui Iordanem: Erit quoq; recta expositio si dixerimus; Cum Principio temporis creavit Deus Cælum, & Terram.

D. BONAVENTURA secundo distinctione secunda, explicans Augustini dictum citatum à Magistro, habet.

Dicendum quod differt dicere secundum Augustinum aliquid fieri Ex tempore, & In tempore, & Cum tempore. Ex enim, importat ordinem: In, importat continentiam: Cum, importat simultatem. Et ideo nihil est factum in tempore, nec ex tempore, nisi quod exceditur à tempore. Quia igitur tempus, & ea, quæ in primordio temporis creata sunt, à tempore non exceduntur; ideo ea dicit esse creata cum tempore, non in tempore, nec ex tempore.

Anno Mundi
primo.
In exordio
temporum.
Autē dies.

In Principio.

- a. *Tempus coæqueum Mundo secundum substantiam, non secundum esse, vel rationem.*
- b. *Vel secundum quod primum instans simul cum Mundo prodijt.*
- c. *Siue ut est mutatio, non ut est motus.*
- d. *Aut ut mensura de non esse ad esse, non mutationis, vel motus primi mobilis.*

a. *Tempus coæqueum Mundo secundum substantiam.*

Tempus autem dicitur coæqueum secundum substantiam, non secundum esse, quo est mensura, neq; secundum rationem, qua alia fiunt in ipso, sicut in mensura sua.

A L B E R T V S Magna prima parte Summæ de quatuor coæqueis, Quæstione duodecima, articulo vndecimo.

Cum tempus ponitur vnum de coæqueis, non in eius principio creata sunt cetera, ut inquit Glossa, sed cum ipso. Et infra. Sic igitur secundum substantiam est coæqueum: secundum esse vero est mensura, & secundum rationem alia fiunt in ipso sicut in sua mensura extrinsecus adiacente: & hoc notat In, quando dicitur, In Principio.

b. *Primum instans non mensurauit creationem, sed simul prodijt.*

D. THOMAS prima parte, Quæst. Quadragesima sexta, art. tertio, ad primum. Dicendum quod non dicuntur, In Principio temporis res create, quasi Principium temporis creationis sit mensura; sed quia simul cum tempore Cælum, & Terra creata sunt.

E T C A I E T A N V S ibi.

Vnde primum instans temporis etsi non fuerit mensurans creationem, fuit tamen coexistens creationi, quæ instanti temporis discreti, quo mensurantur operationes spirituales, ut infra patebit, mensurata est.

c. *Coæuum Mundo est tempus, ut est mutatio, non ut est motus.*

A L E X A N D E R de Hales secunda parte, Quæstione quadragesima quinta, membro primo.

Licet Principium dicat initium temporis, nihilominus potest dici tempus esse creatum, id est, quod mensuratur mutatione: nondum enim erat motus. Mutatio autem poterat esse in initio temporis: deinde vero factio mobili, factus est motus: et si inueniatur motus esse coæqueus materie primæ; dicendum est, quod motus accipitur pro mutatione.

T O S T A T V S vbi supra.

Et non accipitur tempus strictè, ut passio, vel numerus motus Cælorum, quia dictum est communiter, quod tempus fundatur in primo mobili, vbi est principium totius motus: sed etiam ut motus dicitur successina acquisitio in creatura corporali; & sic dicitur tempus duratio creature etiam Cælo non moto: sicut quando pugnavit Iosue contra quinque Reges, ut patet Iosue capite decimo, Stetit Sol contra Gabaon spatio vnius diei immotus; & sic non moto Cælo indicatur ibi tempus vnius diei.

d. *Tempus coæuum Mundo, ut mensura de non esse ad esse.*

Tempus coæuum est Mundo, ut dicitur mensura exitus de non esse ad esse, non ut est mensura mutationis, vel ut mensura motus primi mobilis.

D. B O N A V E N T U R A libro Sententiarum secundo, distinctione prima.

Si capit cum primo mobili, & illud capit in secundo die, non ergo in principio temporis, sed ante. Respondetur mensura exitus de non esse, in esse. Communiter dicitur tempus mensura cuiuslibet mutationis, maxime illius, quæ fuit ante primum mobile. Tertio modo dicitur proprie mensura motus primi Mobilis, ut communiter cit; In principio temporum.

In Principio.

Anno Mundi
primo.
In exordio
temporum,
Ante dies.

a. Quanquam autem tempus & Mundus coæqueua sint, natura tamen præcedit Mundus.

Natura tamen præcedit Mundus.

Quanquam autem tempus & Mundus coæqueua sint, natura tamen præcedit Mundus.

EVCHERIVS in Genesim libro primo.

Tempus enim à substitutione creaturæ, non creatura cæpit à tempore.

TOSTATVS in Postillis.

Sunt enim ista coæua, siue simul quantum ad similitudinem rei: Cælum Empyreum: Natura Angelica: Materia omnium elementabilium, & Cælestium: Tempus cum luce. Ista quantum ad rem non se præcesserunt; sed quantum ad naturam, quia tempus est passio mobilis rei, cum sit numerus motus: sicut ergo subiectum præcedit naturam suam passionem, licet non tempore; ita materia corporalium, in qua fundatur motus, & ad quam sequitur tempus, prior est natura ipso tempore, quia non poterat esse tempus sine re creata; quia Deus tempore non mensuratur: ideo solo Deo existente, tempus non erat.

AUCTOR.

Hac præallegata Patrum doctrina, quatuor excipimus, quæ necessariò nobis erant cognoscenda ad percipiendum cumulatè, quo pacto in exordio temporum Mundus dicatur conflatus. Primum quòd Tempus, & Mundus coæqueua sunt, & coæua, (vt aiunt in Scholis) Patres siquidem hanc disseminarunt doctrinam, & eam Scholastici, vt certam & exploratam susceperunt. Aliud est, quomodo coæqueuum sit Tempus Mundo: tria siquidem in tempore considerantur. Primum substantia, seu fundamentum; & hoc nil aliud est, nisi ipsa res vicissitudini, & mutationi obnoxia: Deinde essentia; & hæc est ipse rei defluxus, perditio, vel acquisitio, vel motus: Tandem ratio; & hæc est illa intellectus nostri operatio, qua motus aliquius partes seiungimus, & enumeramus; & secundum ipsas cætera mensuramus, quæ rectè Philosophi definierunt Tempus, cum dixere, quòd Tempus est mensura motus. Tempus igitur secundum substantiam coæqueuum censendum esse, quia in ipsis creatis insita fuit mutationis necessitas; non congener fuit secundum esse, nec primo instanti, quo Creaturæ emerferunt, nullus potuit esse mutationis defluxus; nec minus secundum rationem, cum nondum esset intellectus humanus, qui in aliquo motu, seu fluxu cætera mensuraret. Quapropter probè dixit D. Thomas, quòd primum instans, seu momentum creationem metiri non potuit, quanquam cum ipsa coextiterit: Vel dicendū cum Bonauentura, Tempus esse coæuum Mūdo, vt est mensura de non esse ad esse, non ut mensura mutationis, vel motus. Tertium, quod nos edocuerunt hi Doctores, illud est, quòd in ipso Mundi exordio motus non fuit, motus inquam Orbis Cælestis. Quæ quidem assertio maximè est consentanea Patrum placitis: hi enim Cælestium Orbium motionem non ab exordio inchoasse, (cum vix secundo die Cælos emanasse dicāt) sed tantum quarto, eo ipso die quo Sol, Luna, & Astra in eis instata fuere. Nam iuxta eorum sententias, otiosa fuisset Orbium circumlatio, cum Astra, quæ veherent, non haberent. Præcessit igitur ante quartum diem mutatio quedam rerum ipsarum in Chaos, & post subsecuta sunt motus, & circumlatio lucis sine Orbium conuersione. Quamuis Scholastici, his non assentientes, dicant, supremum Orbem latu nem suam, vel in primordiis temporū, vel saltem prima die auspiciatum fuisse. Sed ego aliàs hæc exactius disputabo. Tandem & illud scitu dignum nobis suppeditarunt hi Doctores

Mundus &
Tempus coæ-
ua.

In exordio
Mundi non
fuit Motus,

Anno Mundi
primo.
In exordio
temporum.
Ante dies.

In Principio.

a. Idipsum censendum est de principio temporis in principio Mundi, quod de fine temporis in fine Mundi.

Mundus na-
tura est prior
tempore.

flores, quod quamuis tempore coequeua sint Tempus & Mundus: natura tamen pre-
cesserit Mundus, quia Tempus à substitutione cepit Creaturæ, non Creatura à Tēpore.

a. Quomodo Tempus sit coeuum ipsi Chaos.

Tempus vnà cum Chaos prodijisse, quasi gemini ex vtero diuinæ potentia, omnes
tum Patres, tum Doctores Scholastici constanter conspirata sententia asseuerant, vt
dictum est.

AVGVSTINVS de Ciuitate Dei libro vndecimo, capite sexto.

Porro si literæ sacre, maximeque veraces, ita dicunt; In principio fecisse Deum Cælum & Terram, vt nihil
antea fecisse intelligatur; quia hoc potius in principio fecisse diceretur; siquid fecisset ante cetera cuncta, que
fecit, proculdubio non est Mundus factus In tempore, sed Cum tempore. Quod enim sit In tempore, & post ali-
quod sit, & ante aliquod tempus, post id quod præteritum est, ante id quod futurum est: nullum autem posset
esse præteritum, quia nulla erat creatura, cuius mutabilibus motibus ageretur. Cum tempore autem factus est
Mundus, si in eius conditione factus est mutabilis motus.

Gen. 1.

Temporis e-
xordium à fi-
ne ipsius in-
uestigandum.

Apoc. 10.

Apoc. 12.

Verum quo euentu cum ipso Mundo natalia sumpserit tempus, non ita tutum est de-
clarare: Nam si tempus est celestis motionis mensura; ardua, ac grauis difficultas de tē-
poris primordio, ac de eius natalibus exurgit. Siquidem Cœlorum astriferorum crea-
tionem; alij in primordio temporum, alij primo die, alij secundo absolutam edocent.
Rursum primi ac supremi Orbis conuersionem, alij in exordio temporum, alij primo
die, alij quarto inchoatam fuisse volunt; Solem verò, alij in primordijs temporum ma-
nasse, alij primo die, alij quarto cum Luna, ac Stellis prodijisse autumant; vt fusius in
Catenis deducemus. Quid igitur nobis, vt certum & exploratum constituendum sit
de temporis initio, non video. Sed demus Patribus priscis ferè omnibus, Cœlos secun-
do die fuisse conditos: Solem verò quarto die prodijisse, ac eodem Cœlos cieri cepisse,
vt clarè Moses videtur obtestari, cum ait; Fecit Deus Luminaria magna, & stellas, in si-
gna, tempora, dies, & annos: Quænam ratio temporis fuit ante quartum diem? cum nec
esset ulla conuersio Cœli, nec Sol, Luna, Altrumue vllum micaret? Attendas: Si
contrariorum eadem est disciplina, & si eadem est censenda ratio puncti, qui est exor-
dium lineæ, & puncti qui est finis; idipsum profectò erit censendum de temporis exor-
dio, & eiusdem fine. Videamus igitur si quid de temporis nouissimis excerpere possi-
mus. Ioannes, qui solus Mundi nouissima referauit, duo nobis de temporibus extre-
mis patefecit: Alterum, quod tempus excidet & desinet; Iurauit per viuentem in se-
cula sæculorum, quia tempus non erit amplius: Alterum, quod in extremo Mundus
habebit tempora, tempus, & dimidium temporis: Ait enim; Et postquam vidit Draco
quod proiectus esset in terram, persequutus est mulierem, quæ peperit masculum. Et
data sunt mulieri alæ duæ Aquilæ magnæ, vt volaret in desertum in locum suum, vbi
alitur per tempus, & tempora, & dimidium temporis à facie Serpentis. Ex his igitur eli-
citur, quod in fine Mundi finem sumet tempus, & ante decurret medium temporis, &
ante dimidium temporis fluent tempora, & ante tempora tempus. Decidet certè, & tol-
letur tempus, cum instaurato vniuerso, submotoq; omni motu erit Cœlum nouum, nul-
la motione amplius volutatum: Ante id, dimidium temporis fluat: punctus scilicet tē-
poris, quo Cœlum momento extremo à suo motu penè desinet: Ante verò dimidium
temporis erunt tempora, hoc est inusitæ rationes temporis, cum Cœli, tum in astro-
rum lumine, tum in conuersionibus suis portentosa prodigia dabunt: Ante quæ tem-
pora

pora iam tempus consuetum deflexerat. Eleganter igitur Ecclesia Virgo illa, quæ Christi parit, ea tempestate calamitatibus, ærumnisq; ijs quamplurimis iactabitur: de quibus Saluator in Euangelio: Nisi abbreviati fuissent dies illi, salua non fieret omnis caro. Afflictabitur autem per tempus, idest per annos Antichristi; & tempora, hoc est, per dies prodigiosos consumationis sæculi; & dimidium temporis, momento scilicet illo extremo, quo cessante Cœlorum motu, omnis temporis ratio desinet. Post quæ sublato omni tempore ex militante triumphans effecta Ecclesia, quasi in Cœlum rapi videbitur. Certe primum hæc ipsa ordine retrogrado de temporis primordijs, etiam condisserenda sunt. Primum ante Mundi primordium non extitisse tempus, non est qui ambigat. Amplius id momentum, quo Chaos, tempusq; profiliere ex nihilo, non tempus, sed temporis pariter fuisse, omnes admittunt: Siquidem Mundus non erat ante tempus, nec cepit in tempore, sed cum tempore; & id momentum exordium temporis, dimidium tempus appellari potest; quia ex vnica tantum parte temporis fluxibilitate potitus est, à parte, scilicet, posteriori. Post igitur illud temporis dimidium, hoc est, post primum temporis momentum tempora defluxere; à primo, inquam, momento, quo simul cum Chaos & tempus manauit, ad diem quo Sole, Lunaque effectis, Cœli suas conuersiones auspicati sunt, ac consuetum tempus sancitum est, duo decurrere tempora: Alterum sine luce; à momento, quo creatum est Chaos, ad primordium primæ diei, qua lux condita est: Alterum cum luce, quo non vñsita Cœlorum conuersione, & Astrorum præfidentia, triduum primum defluxit, seu ex ignis, seu ex ignita nubis circumlacione, seu lucis Solis ipsius sine iubare effusione, attractione, vel circumuectione, diuina virtute effecta, seu ex Solis informis, vel in luce, vel influendi virtute conuersione; post quod triduum tempus incepit germanum, ac consuetum. Hac igitur serie tempus cum Chaos coæquè profilisse asserimus.

Verum hæc meo Marte prolata grauioribus sunt disceptationibus munienda. Tripartita igitur hoc loco erit difficultas; Num fuerit aliquod tempus ante omnem diem: Et si fuit, quale, ac quantum fuit: Postremo, quænam ratio temporis fuerit in triduo primo. Difficiles, & arduæ certè sunt percontationes hæc, cum diuina Scriptura, Patresque prisci nil dilucidè de ipsis retulerint, cæteriue Neoterici vsque adeo inuicem discrepent, ac desciscant vt quid ratum, exploratumve sit, difficile sit intueri.

Num fuerit aliquod tempus ante omnem diem.

Patres non omnes in eandem deueniunt sententiã, vt ante omnem diem tempus quoddam delapsum fuisse opinentur.

Classis Patrum, qui nullum tempus ante primum diem præisse volunt.

Primò sese nobis offert ea sententia, quæ Mundum sex diebus conditum concedit; sed primæ diei initio, Cœlum, Terram, ac Lucem profilisse simul arbitratur.

A M B R O S I V S suo Hexameron libro secundo, capite primo, inquit, Diem primum, vel potius vnum, vt potuimus, absoluimus, in quo conditum Cœlum, Terram creatam, aquarum exundantiam, circumfusum aerem, discretionem factam lucis, atque tenebrarum, Dei omnipotentis, & Domini Iesu Christi, Spiritus quoque Sancti operatione cognouimus.

P R O C O P I V S Commentarijs in Genesim. Primus dies dignitate reliquos sequentes longè anteit: Nam in illo quæ nunquam fuerant, suam creationem sumpserunt diuinitus: in cæteris diebus nihil effecit, cuius seminaria non in primo die sparsisset.

A L B I N V S, seu Alcuinus, libro de Diuinis officijs, sub titulo de Die Sancto. Apparet autem hunc diem etiam in Sacris Scripturis esse solemnem; Ipse est enim dies primus sæculi, in quo formata sunt elementa Mundi: in ipso creati sunt Angeli.

B E D A libro de sex dierum creatione. Tamen querendum est, quod in principio primum Deus fecit, Cœlum, & Terram, an lucem. Et si prima lux creata fuit, quare non dixit, In principio creauit Deus lucem? Intelligendū est, quod simul creauit Cœlum, & Terram & Lucem. Quia nihil interest, nisi origo tantum, sicut homo duas parabolas cognitas simul non potest enarrare, ita & Dominus fecit. Quia hoc prius enarrauit, quod originem habuit; & postea, quod exinde factum

Etum fuit; quamvis utrinque simul fecisset. Ut quod sola origine prior est in faciendo, prior sit ex tempore enarrando. Ergo dum oportebat, ut Scriptura Sancta utranque enarrasset, & res gestas, quam res narratas; quod exinde factum est: ratio erat, ut prius narrasset, unde aliquid factum erat, quam illud, quod exinde factum est, propter tardiores intellectum, ut capere potuissent, quia res corporee ex aliquo fiebant. Quia nihil interest inter creationem Caeli, & Terræ, & Lucem, nisi hoc tantum, quod est inter verbum, & vocem.

P E T R V S Comestor de Historia Scholastica, capite tertio, ad finem.

Primo enim cum Cælo, & Terra lux est creata, qua paulatim occidente factum est primum vesper e primæ diei usualis, & eadem migrante sub terras, & ad ortum veniente, factum est mane, idest terminata est nox: & inchoavit dies secundus.

D. T H O M A S secundo Sententiarum, sententiam hanc recenset, sed non approbat, cum ait.

Quidam dicunt, quod opus distinctionis statim cum opere creationis incepit, & quod ideo lux statim creata sit cum primò creatis, sicq; Deus non incepisset opus suum à tenebris. Et hoc oportet dicere secundum expositionem Augustini, qui etiam vult, quod creatio informis materiæ intelligatur ante omnem diem, non tempore, sed natura. Alij dicunt, quod prius tempore fuit opus creationis, & postea per aliquod temporis intervallum formata sit lux, sicque affirmant opus creationis ante omnem diem fuisse; & hoc magis consonat textui Genesis secundum planitiem suam: nam creatione Caeli & Terræ descripta, mox subdit, tenebras super faciem fuisse abyssi: deinde agit de Lucis productione.

Prenarrata omnia deducit Dionysius Carthusianus Commentarijs in Genesim, capite decimo.

T O S T A T V S Commentarijs in Genesim.

Et quæret aliquis, quia ponuntur hic sex dies distinctionis, & ornatus rerum, nunquid Creatio Caeli Empyrej, & Angelorum, & materiæ rerum aliarum corporaliū fuerit in prima die, vel ante diem? Dico, quod potest responderi dupliciter: vno modo quod illa fuerint creata cum principio primæ diei, scilicet quod fuerint omnia ista creata cum luce primaria, & cum eis tempus: sed lux, quia erat principium distinctionis in cognoscendo, quia per lucem omnia cognoscuntur, ponitur facta primo die. Cælum autem, vel materia corporea, quia non erant principia distinguendi, sed fundamentum Naturæ, vel essendi, sine die creata narrantur. Quæstio huius est, quia principium distinctionis supponit fundamentum naturæ distinguibilis, existente ergo principio distinctionis, fuit dies, sed non est necesse, existente natura distinguibili, diem esse.

Id ipsum asserunt, qui creationem, ac distinctionem rerum simul cepisse arbitrantur.

D. B O N A V E N T V R A articulo primo, Quæstione secunda hanc recenset assertionem, eamque Hugoni nostro adscribit.

Alia opinio est, quod non fuerit mora temporis interiecta inter creationem, & distinctionem; quia statim post creationem Caeli, & Terræ produxit Deus lucem, ita quod posterius natura, sed simul duratione. Et post. Et hoc videtur sensisse Hugo in libro de Sacramentis: ait enim, quod non fuerit mora interiecta inter creationem, & distinctionis inchoationem, que incepit in lucis informatione.

D I O N Y S I V S Carthusianus Commentarijs in Genesim, articulo nono, Hugonem in hanc descendere sententiam arbitrat.

C A I E T A N V S disertissimus omnium fuit huiusce sententiæ assertor, Genesim capite primo, cum inquit.

Et si perspicacius consideratum fuerit, apparebit hinc haberi, quod illudmet instans quod fuit principium temporis mensurans creationem Cælum & Terræ, fuit instans initium diei primæ artificialis; alioquin creatio Cælum, & Terræ in statu obscuritatis præcessisset tempore indeterminato omnem diem; quod non solum est absurdum, sed falsum: utpote contra textum ipsius Genesis capite secundo, ubi dicitur; Iste sunt generationes, Cælum, & Terræ quando creata sunt in die, quo fecit Deus Cælum & Terram; ubi clarè explicatur, quando creati sunt Caeli & Terræ, fuisse diem, & absq; omni hesitatione intelligamus, in principio temporis, eodemq; ipsomet principio diei artificialis, Deum creasse Cælum & Terram, & concreasse Lucem.

Delati autem huiusce placiti à Caietano, fundamenta duo sunt; Alterum quod nisi simul connata essent tempus & lumen, tunc obscuritas præcessisset tempore indeterminato omnem diem; Alterum, quia Scriptura id obtestata est, cum dixit; Iste sunt generationes Caeli & Terræ, quando creata sunt in die, quo fecit Deus Cælum & Terram. Quod si in die effecta sunt Cælum & Terra, igitur non ante diem. Quibus adijcere possumus, quod Scriptura ubiq; præcipue Genesis vigesimo & trigessimoprmo, sex diebus Deum Cælum & Terram, ac omnia, quæ in eis sunt, fecisse contestatur; & Mundi Opificium ipsum Hexameron passim à Patribus, præcipue à D. Basilio, Ambrosio, & Nysseno appelletur.

Doctores tempus tenebrosum ante lucem, ut prima diei partem ponentes.

Non defuit opinio, quæ Mundum, seu Chaos in tenebris constituisse admittat, sed tēpus illud, ut primæ diei partem supputat; diemq; primum à luce non cepisse, nec prima illa die, lucem vigintiquatuor horis Mundum illustrasse, reputat.

In hanc sententiam præcipitavit Tostatus, qui Commentarijs in Genesim, diem primum à sero cepisse, & lucem in mane explenduisse, & Mundum duodecim horis in tenebris degisse docet. Nam huic quæsito; An Empyreï, Angelorum, & Materiæ creatio fuerit in prima die, vel ante diem, secundo loco respondet.

Vel dicendum, ut supra dicebamus, quòd Cælum, & Angeli, & Materia corporea cum tempore simul creata sunt, & fuerunt per duodecim horas ante creationem lucis primariæ; & illud tempus vocatum fuit vespere, idest tempus sine luce; & non poterat vocari nox, quia cum sit nox tempus obscurum per absentiam lucis Solaris, vel alterius suppletis lucem Solarem, non potest esse privatio, antequam fuerit positivum, scilicet lux; & sic dicemus unam diem fuisse sine nocte, non tamen sine vespere: & quia ista creata fuerunt ante lucem, à qua propriè dies nominatur, dicuntur fuisse creata ante diem, vel sine die.

AE G I D I V S etiam ab hac sententia non discedit, prima parte Hexæmeron, cum ait.
Vel possumus dicere Mundum factum esse cum die, ut illa modica morula, quæ præcessit lucem, computetur cum prima die.

Catena Patrum, Tempus tenebrosum primam diem præisse, asserentium.

Ex aduerso, omnium Græcorum, ac etiam Latinorum Patrum est sententia, quòd à primo eo momento, quo Deus ex nihilo Cælum, & Terram condidit, ad primæ diei initium, quo lux emanauit, & diei primæ exordiū dedit, tempus aliquod decurrerit; eo euentu, ut Deus primordijs temporis Chaos rude tantum produxerit, quod ea in deformitate perstitit aliquantulum, antequam lux, quæ primæ diei initium attulit, coeperit effulgere. Proficiscuntur in hanc sententiam quamplurimi, qui tenebras ante lucem constituisse cum Mose existimarunt. Poëta primum id referarunt.

Ovidius in libris Metamorphoseos.

Nullus adhuc Mundo præbebat lumina Titan,
Nec noua crescendo reparabat cornua Phæbe:

Lucis egens aer.

CLAVDIVS Marius Victor, Comment. in Genesis libro primo.

Et tenebris se vasta nigris velabat abyssus.

PROBA Falconia femina clarissima, ex Virgilio;

Nam neque erant astrorum ignes, nec lucidus æther,

Sed nox atra polum bigis sub nocte tenebat,

Et Chaos in præceptis tantum tendebat ad umbras,

Quantus ad æthereum Cæli suspectus Olympum.

TERTULLIANVS, seu ut alij malunt, Cyprianus Poëmate inscripto Genesis.

Dum Chaos, & nigre fuscabant cuncta tenebræ.

D. PAVLVS ad Corinthios secunda, capite quarto.

Deus qui dixit de tenebris lucem splendescere.

Igitur ex obtestatione D. Pauli, tenebræ erant ante lucem, quod fieri non potuisset, si ante primæ diem congeries illa Mundi tenebrosa non fuisset. Dicere siquidem tenebras, quas ante lucem extasse, recenset Paulus, fuisse id nihil, post quod facta sunt omnia, est asperam, ac importunam interpretationem afferre.

CLEMENS Recognitionum libro primo.

In principio cum fecisset Deus Cælum, & Terram, tanquam domum unam, ipsa, quæ ex corporibus Mundi reddita est umbra, his, quæ intrinseca clausa fuerant, tenebras ex se dedit: Sed cum voluntas Dei introduxisset lucem, tenebræ illæ, quæ ex umbra corporum factæ fuerant, continuo deuoratae sunt; tunc deinde lux in diem, tenebræ
L nebræ

nebre deputantur in noctem.

BASILIVS Hexameron Homilia secunda, tenebrosum, seu rudem cum Mundum his circumscripsit;

De Celo etiamnum dicere licuerit non admodum dissimilia, quando id ipsum ex cultum nondum erat, aut perpolitum. Necdum enim se decentem ornatum obtinebat, quippe quod non iam splendebat radiosissimo Sole, Lunaque circumfusus, at neque Stellarum choris, tanquam sertis redimebatur. Neque enim dum istiusmodi erant condita. Et post, Quia eatenus lumine carebat Aer, obtenebratusque adhuc erat, qui totam ambibat aque naturam.

CHRYSOSTOMVS in Genesim Homilia tertia.

Hec enim tegebant faciem terre, de tenebris loquor, & abyssu aquarum. Didicimus hinc, quod omne, quod videbatur, erat abyssus aquarum tenebris velata; & opus habebat sapiente opifice, qui omnem hanc informitatem discutere, & ornatum aliquem inducere posset.

AMBROSIVS Hexameron libro primo, capite octauo.

Tenebrae erant, quia splendor deerat lucis. Tenebrae erant, quia aer ipse tenebrosus est. Aqua ipsa sub nube tenebrosa est, quia tenebrosa aqua in nubibus aeris. Erant ergo tenebrae super abyssu aquarum.

HIERONYMVS ad Oceanum Epistola octuagesimatertia, disertissime ruditatem illam Orbis prisca, ac in latebrarum vtero obuoluti, tradidit.

Rudis Mundus, necdum Sole rutilante, nec pallente Luna, nec astris micantibus, incompositam, & inuisibilem materiam, abyssorum magnitudine, & deformibus tenebris opprimebat.

AVGVSTINVS contra aduersarium legis, & Prophetarum, libro primo.

Et tenebrae erant super abyssum. Ex illo ergo tenebrae esse coeperunt, ex quo confusa moles Celi esse cepit, ac Terra, antequam facta esset lux, qua illuminaretur, quod sine luce fuerat tenebrosum. Quid autem inconueniens, si mundanae materiae fuerant tenebrosa primordia, ut accedente luce, melius quod factum est redderetur, & tanquam proficientis hominis, quod postea futurum erat, hoc modo significaretur affectio.

IVNILIVS in Hexameron.

Sunt ergo luminaria in signa & tempora, & dies, & annos, non quod a conditione eorum tempora ceperint, quae constant cepisse a principio, quo fecit Deus Caelum & Terram; vel dies & anni, qui originem sumpsisse noscuntur, ex quo dixit Deus, Fiat lux, & facta est lux: Sed quia per ortus eorum, siue transitus temporum, ordo, dierumque; annorumque; signatur.

Cum autem Patres hi omnes ferè diem primam cum luce inchoasse existimarint, ut in Catenis suo loco demonstrabitur, Mundum quodam tempore in tenebris degisse, verè sunt obtestati. Scholasticorum quamplures, inter creationes rerum, & factiones, ut aiunt, tempus aliquod intercessisse decernunt.

ALEXANDER Halensis parte secunda, quaest. quadragesimaquarta, membro quarto: Qui & obtestationes duas intexit; alteram Augustini, duodecimo Confessionum,

Informem materiam fecisti ante omnem diem, sed informis materia Celi, & Terra designatur nomine; ergo Caelum, & Terra facta sunt ante omnem diem,

Alteram Hugonis,

Illud primum momentum temporis, quo creata est omnium visibilibus, & inuisibilibus natura, neque nox fuit, neque dies, & tamen tempus fuit, quia mutabilitas fuit.

Sed haec Hugonis infra prodentur.

D. BONAVENTURA secundo sententiarum, distinctione duodecima, articulo secundo, quaestione secunda, utranque sententiam approbat, nonnullisque argumentationibus in scholis satis vulgatis satisfacit, ut & eisdem Alexander Halensis.

AE GIDIIVS prima parte Hexameron, capite vigesimo secundo, haec disertissime habuit.

Cum ipso ergo Mundo incepit primus motus, & incepit tempus; & ex hoc dictum est tempus unum de quatuor coeuis; sed tunc statim incepit dies, quando facta est lux, quae motu primi mobilis incepit rotari versus Occidentem, & venire ad Orientem, & facere vespere, & mane; & quia factione lucis, siue factione diei, praecessit factione Mundi, Mundus non dicitur esse factus cum die, idest parè ante diem, quia modica fuit morula inter creatione Angeli, & conuersionem eius, quae nomine lucis datur intelligi. Vel possumus dicere Mundum factum esse cum die, ut illa modica morula, quae praecessit lucem, computetur cum prima die.

Iudicium Auctoris.



SED quid diutius in hac re clarissima immoror? Certè duo Græcorum, ac duo Latinorum insignia testimonia, præter Iunilium, ad exploratam fidem nobis faciendâ sufficere arbitrarer; quid autem dicemus, cum tot præstantissima habeamus? Conspirant certè in hanc sententiam omnes hi Patres, qui primò compactum fuisse Chaos volunt, & post sex dies perfectum, & venustatum, ut Clemens Papa, Irenæus, Tertullianus, Gregorius Nazianzenus, Gregorius Nyssenus, Damascenus, Basiliius, Ambrosius, Chrysostomus, Theodoretus, Gennadius, Acacius, Dioscorus, Strabus, Hugo, Beda, Alcuinus, Rabanus, Isidorus, Magister, D. Thomas, D. Bonaventura, omnesque Iuniores. Sed quid ipsa Mosis obtestatione clariùs, ac perspicacius? Tradit etenim In Principio creasse Deum Cælum, & Terram: Quòd Terra inanis esset: Quòd tenebræ Abyssum operirent: Quòd Spiritus Domini ferretur super aquas. Ex quibus posset aliquis sciscitari. Num primæ diei momento condita sint Cælum & Terra simul cum luce, an potius ante lucem: Si ante lucem, ut prostrata cælum fuit classis, non certè in primo die; siquidem non potuit initium primæ diei sine luce prodire; Et est omnium sententia, quòd ea quæ singulis diebus producta à Mose recensentur, primo cuiusque diei instanti, seu momento, vel exordium sumpserint, vel simul exordium & absolutionem. Præterea repugnat sententia ista cunctis illis priscis Patribus, qui diem priscum à mane, & luce cæpisse edocent; de quibus suo loco. Quòd si simul effecta sunt Cælum, Terra, Lux; quomodo tenebræ erant super faciem abyssi? Quid igitur fuerunt illæ tenebræ, de quibus Moses ait; Et tenebræ erant super faciem abyssi? Quæ tenebræ quæso, extarunt illæ? Nunquid Demones? Sed hoc erroneum est Manicheorum placitum, à Patribus, præcipuè Basilio in Genesim, Ambrosio libro primo, Ioanne Chrysostomo, Augustino in Genesim contra Manichæos, execratum ac explosum. Nunquid nihil illud, post quod effectus est Mundus? certè illud non sub Cælo super faciem abyssi, aquarum scilicet immensitatem expandi poterat, sicuti has tenebras super eam diffusas fuisse, Moses (si non subuertamus eius historiam) disertè obstat. Nunquid quia aer, & aqua ex se insitam non haberent lucem, ob id tenebras fuisse super faciem abyssi, dixit Vates? sed certè hac ratione, & nunc, & semper, tam in obscura noctis obscuritate, quam in fulgentissimo meridiano obtenebrescent aer, & aqua. Igitur fuere tenebræ illæ lucis carentia. Quid amplius voluit Moses, cum dixit; Et spiritus Domini ferebatur super aquas? certè si motio quædam erat, seu venti, seu aeris, seu spiritus incubantis ante primam diem, non nisi cum tempore extitit. Quòd si dixerimus hæc Mosem ante recensuisse, non quòd ante euenerint, sed ut ea quæ natura, & origine præcessere, omnis profectò historiæ series extorta, ac deturbata apparebit. Sed aduersus Caietanum, qui vnico momento Cælum, & Lucem, & Angelum, & Cælorum conuersiones inchoatas fuisse asseuerat, validissimam esse hanc argumentationem à Vielmio deductam arbitror. Profiliere Angeli viatores, non beati, ut Catholica Fides, Scriptura, ac Patres disertè tradunt. Constituendum igitur est tempus, & concedenda mora, qua Angeli post creationem mereri, ac demereri possent, & qua pellerentur, vel assumerentur. Has morulas veteres Scholastici ad duo instantia, seu ad summum, ad tria redegerunt; rati, quòd summa celeritate, ac quasi imperceptibili, Angelus intelligant, ac assentiant, Recentiores, moras illas prolixiores esse autumarunt. Sed quacunque seu iuniorum, seu vetustorum Scholasticorum assertione concessa, si intelligentiæ, Angeli que motores, ex ea selecti fuere acie, quæ Deo adhæsit, ac ad gloriam est euecta, cogimur fateri, Cælos non confestim atque creati fuerunt, moueri cæpisse; sed persistisse tantisper immotos, quoad scilicet Angeli Deo obtemperantes ad gloriam prouherentur; contumaces verò, & perduelliones propellerentur; & ita efficeretur diuisio lucis à tenebris (his enim verbis, hæc nobis Mosem referasse, non cum Augustino literaliter, sed cum Hugone, ex similitudine arbitror) Neque enim ratio patitur, ut dicamus ante assumptionem ad gloriam assignatos fuisse Angelis Cælos, ut eos conuerterent: Etenim hoc modo Opifex illos, tanquam data arra, securos fecisset, eos nunquam ipsius gratia destituendos fore. Quod, etsi nullum uideatur negotium

Gen. 1.

Quæ fuerint
tenebræ ante
Lucem condi-
tam.

Hom. 2.
Cap. 9.
Hom. 2.

Left. in Gene-
sim 10.

Quarto Sent.
dist. 2.

Gen. 2.

prestantissimo Patri Augustino facescere, Magistro tamen, ac fermè cunctis Theologis minus probabile uidetur; Vel equidem si Motores illi cecidissent, oportuisset alios eis substitui; quod diuinę sapientię fuisset indecens. Ex his igitur aliquod tempus ante ipse primum diem, ostensum est contra illos, qui Angelos cum Mundo conditos existimant; D. Augustini porrò sententiam repudiari posse iam supra demonstratum est; Cyrillus, & Ambrosius ea Patrum phrasi, qua aduersas videntur, ac sibi repugnantes quandoque ferre sententias, loquuti sunt, sed alijs locis expressius suam explicantes mentem, ante primum diem tempus quoddam lapsum fuisse sepius tradiderunt; D. Bonaventura immeritò adscribit Hugoni, quòd nullam moram inter creationem, & discretionem Chaos concedat, vt ex eius enarratione elici infrà demonstrabimus. Ad Caietani argumentationes elidendas, dico, tempus obscuritatis Mundi indereterminatum certè non fuisse, sed bene nobis esse incompertum; Mosemq; , cùm scribit Cælum, ac Terram & germina vna die fuisse effecta, diem pro tempore ex vsitata Scripturarum phrasi accipere, vt supra est expositum.

Quale Tempus fuerit ante primum diem.

Secunda percunctatio erat, quale Tempus, seu quæ ratio temporis ante primum diem delapsa sit; cùm Cælum in illo atro Chaos non cieretur, nec Sol, Luna, & Astra adhuc condita micarent. Doctores, ac Patres, diuersa Sententia hanc difficultatē dissolunt.

Sententia Orbem supremum ab exordio Mundi, Dei virtute, seu Angelo motore conuersionem suam cœpisse asserens.

In ipso temporum primordio, Cælum supremum suam inchoasse rotationem, nō nulli existimarunt.

GREGORIVS Nyssenus, libro de Cognitione Dei.

Etenim cùm Cælum initio volueretur, eorum quæ circumerant obiecta, tenebræ existerunt.

Præcipuus verò huius sententiæ assertor Aegidius fuit, Hexameron parte prima, capite decimo octauo. Cùm enim nomine Terrę, elementum Terrę; Abyssi, Aquam immixtam Aeri; Tenebrarum, Ignem; Aquarum pariter, omnes Cœlos mobiles intelligi diiudicasset, ipso primo exordio temporum, Cælum supremum, cùm eoq; Cœlos, ac elementa cuncta, præter terram, & aerem inter obstacula terrę inclusum, suam rotationem auspicata esse, ac cum ea tempus cœpisse asseruit. Duas autem has sui placiti detulit suspiciones; Alteram capite decimonono.

Conuenientius est, vt tempus, quod vnum de quatuor cœuis dicimus fuisse, eiusdem fuerit, quod nunc est generis, quàm cuiuscumq; alterius constitutionis: Nomina siquidem, inquit sunt accipienda secundum communem vsu loquendi, non secundum extensionē vocis: Quare si scripturæ assertiones secundum vsitatā vocū significationē saluare possumus, ineptum est ad extortas, & peregrinas significationes confugere; exempli gratia, in Apocalypsi scribitur; Iurauit Angelus per viuentem in secula, quod non erit tempus; si posset hoc dictum saluari de tempore, quod nunc est, vt dicamus, quod in Mundi excidio cessabit tempus, cùm persistet motus; frustra aliene exquirerentur interpretationes: Ita cùm tempus de quatuor cœuis à Patribus nūcupatum, tempus nostrum dicere possumus, peregrina erit omnis alia assertio.

Deinde alteram defert capite vigesimo secundo, dicens.

Tradit Augustinus, quod in scripturis Sacris non debemus querere opera diuina secundum miraculum, vbi possumus ea aliter querere. Si ergo quando incepit tempus, non statim incepisset primus motus, fuisset aliquod tempus ante omnem motum primum, & per consequens fuisset aliquis motus ante primum motum; & in exponenda Scriptura Sacra oporteret recurrere ad miraculum, vbi possemus procedere secundum naturas rerum.

Quapropter suum placitum his collegit;

Concludamus igitur, & dicamus, quod si elementa in ipso initio Mundi fuerunt producta distincta secundum substantiam, siue secundum suas substantiales formas, licet in se habuerint aliquam confusionem, multò magis ipsi Cæli fuerunt producti distincti secundum suas substantiales formas, licet in se habuerint aliquam confusionem, vt in prosequendo patebit; ratione cuius firmiter, seu Cælum sydereum, secundo die dicitur suam substantialem formam, statim incepit habere suum motum; de quo potest exponi, quod dicitur in Genesi, etiam ante omnem diem quod Spiritus Domini ferebatur super aquas, quia ipse aque, idest ipsi Cæli mobiles ferebantur, & mouebantur à Spiritu Domini; de quibus aquis verificatur quod dictum est secunda die, fiat firma-

Cap. 10.

firmamentum in medio aquarum, idest in medio Cælorum, sicut Cælum sydereum est factum inter primum mobile, & alios Cælos planetarum; & diuidat aquas ab aquis, idest diuidat primum mobile ab alijs Cælis planetarum, qui omnes cæli, (quia in ipso initio inceperunt labi, & moueri) vocati sunt aquæ, & dictus est Spiritus Domini ferebatur super eis. Cum ipso ergo primo Mundo incepit primus motus, & incepit tempus; & ex hoc dictum est tempus vnum de quatuor coeuis: sed tunc statim incepit dies, quando facta est lux, quæ motu primi mobilis incepit rotari versus occidentem, & venire ad orientem, & facere vespere, & mane.

CAIETANVS idipsum asseruit exponens clausulam eam, Spiritus Domini ferebatur super aquas.

Angelus ciebat primum orbem motu velocissimo.

BVRGENSIS in Additionibus in primum caput Genesis. Idcirco in primordio creationis rerum naturalium, de hoc primo motu tanquam de vita rerum naturalium fit mentio, attribuendo ipsum motum Deo in persona Spiritus Sancti, cui appropriatum est viuificare. Et ex hoc tollitur quedam inconuenientia, quæ quodammodo animum pulsât, scilicet quod inter primo creata sit mentio de tempore, cum dicit, Dies vnus, dies secundus, & huiusmodi; sed de motu nulla videtur fieri mentio, cum tamen motus sit prior ipso tempore naturaliter.

A V C T O R.

Verum hæc Aegidij, Bûrgensis, Caietaniq; sententia arduis difficultatibus obstrigi, obuoluiq; mihi videtur: Primum singulare admodum est placitum hoc; refraganturq; ei non tantum Scholastici ferè oēs, qui primæ diei exordio Cælorum circulationem cepisse arbitrati sunt, D. Thomas, Catherinus, Vielmus, & reliqui; sed immensa Patrum classis, qui secundo die cœlestia corpora congesta, & quarto die astra insita ipsis fuisse, ac lationes suas initiasse existimarunt: Deinde validis demonstrationibus eis iaciendum erat illud fundamentum, ac muniendum, quod cuncta corpora cœlestia primordio temporum emerferint, cum Patres penè omnes prius asseueranter id abnuant. Nec illa illatio sic delata, si elementa substantialibus foris prædita emanarunt in temporum primordio, multo magis Cœli ipsi omnes; nullum affert Patribus negocium, qui Cælos omnes ex elementis purissimo constitutionis genere congestos secundo die arbitrantur. Nuda enim est ea illatio, omniq; probatione carens. Sed quod arduum discrimen Aegidio ac sectatoribus (si qui sint vel erunt) facit, hoc est: quod quærere ab ipsis possumus; Quam vi Cœli in ea rudi, ac nondum expolita Mundi machina tunc cierentur, ac circumuoluerentur; an Dei, an Angeli, an ipsorum virtute: Non propria, siquidem omnes tam Theosophi, quam Philosophi Cælos hanc non habere ex seipsis facultatem, vt sine intelligentia moueri possint, disertè contestantur: Non Angeli, quoniam adhuc, si cum Mundo simul Angelus creatus est, orbibus addictus esse non poterat, vt supra contendebamus: perinde nec Deus ipse Cœlis tunc motum elargitus est. Nam etsi Deus id omnipotentia sua efficere profectò potuisset, nulla tamen Scripturæ auctoritas, vel vlla ratio euidens Deum Cælos circumtulisse conuincit. Quare superest, vt fictitium sit hoc placitum. Adijcias, quod motus orbium est propter insitum sydus, quare cum nullum esset astrum, motio illa superuacanea, ac inutilis extitisset. Aegidij argumentationem nullius prorsus esse ponderis, quando Patrum sententiam explicabimus, dilucidè demonstrabimus: Eandem etenim temporis rationem, quanquam rudem, imperfectamq; (quemadmodum & res in prima sua emanatione rudes, imperfectæque erant) quam nostrum tempus habet, & illud habuisse, ex placitis Patrum aperiemus.

VIELMIVS Lectione decima in Genesim, ex sententia quorundam Doctorum, quorum suppressit nomina, supra Aegidij asserta magis peregrinam inuenit opinionem; censuitque ipso videlicet temporum primordio non tantum Cælum motione sua tempus iniisse, sed Solem vnà cum luce in actu signato non in actu exercitio prodijisse; nec suo defectu, sed diaphanorum corporum crassitie, incapacitateque effectum fuisse, vt non irradiaretur Mundus, sed tenebræ essent super faciem abyssi. Si quidem ait;

Erat adeo perturbata, & crassa elementorum congeries, vt vetaret, obisteretq; ne Solis radij ad terram usq; pertingerent: vt densissimarum nubium colluue nunc etiam aerè obscurari, & nigrescere videmus, renovatq; in memoriam densissimas Aegypti tenebras, quas non ex Solis subtraccta luce, vt censuit Damascenus, sed ex nubium

nubium crassitie factas fuisse tradit: Renocat & Strabonis obtestationem, qui libro primo Geographice testatur, populos Cimmerios perpetuam ferme obscuritatem sustinere ob densissimas, & concretissimas nubes, quæ ibi ob uaporum perpetuum halitum sunt. Quapropter & Homeri carmina assert, quibus rem hanc se sic habere comprobant: Homerum autem Latinus Vates ita nobis his carminibus expressit;

Quò nunquam radijs, oriens, mediusve, cadensve

Phæbus adire potest, nebulae caligine mixtæ

Exhalantur humo, dubiaque crepuscula lucis.

Reijciunt sen-
tentia Viel-
mij.

Verum sententiam hanc uti singularem, nuperrimamque, minimè recipiendam arbitror. Nubes siquidem non adeò obdensari posse, etsi crassæ admodum quandoque fiant, ut omnem lucem penitus retendant, ac excludant, experimento conuincitur; cum nusquam esse diem sine exili saltem luce conspiciamus; nec tenebrarum Aegypti exemplum id demonstrat; quoniam non nubium crassitie, sed luminis subtractione factas fuisse tenebras illas egregiè Damascenus obtestatur; nam si consueta, vel etiam portentosa nubium concretione effectæ fuissent tenebræ illæ, miraculum certè non fuisset conspicuum, & admirabile, quo Deus Israelitarum Aegyptijs terrificus ostenderetur, & Pharaon ad dimittendum Moysen compelleretur: Quod si populos Cimmerios perpetuam sustinere obscuritatem Strabo dixit, non totalem certè, sed aliarum regionum respectu, maximam esse innuere voluit; quoniam si adeò obdensam obscuritatem Cimmerica regio pateretur, ut nulla prorsus, nec exigua etiam lux accolis effulgeret, certè inhabitabilis prorsus ea regio reddita fuisset. Deinde si ante primum diem, Sol radios ex obdensarum nubium crassitie, seu elementorum rudi congerie effundere non potuit; quoniam factum est, ut primo die Mundum irradiare valuerit? Num sua virtute elementorum crassitiem dissoluit? Aerem depurauit? Aquam claram, conspicuamque submoto cæno, ac limo reddidit? Certè Moyses nil horum nobis prodidit; elementorumque seiunctionem, depurationem, venustationem, sola Dei virtute, nulla secundarum causarum, vel Solis ope, omnes Patres effectam perhibent, & ipse Vielmius alibi contestatus est. Amplius si primo die lux condita non est, sed semota nubium obdensitate explenduit, ac micuit: Quorsum dixit Moyses, fiat lux? Quid nanque factum est? Quid inquam recens, ac nouum? Quorsum potius non dixit; depureretur aer, & aqua, & appareat lux? Exile certè fuisset, debileque diei primæuæ opus, si tantum lux confertas penetrasset nubes, ac caligines. Sed hæc insinuasce sufficiat,

Gen. 1.

Sententia primum Orbem conuersionem suam primo die inchoasse diffiniens.

D. Thomas, Catherinus, pluresque alij D. Thomæ Sectatores, Cælos motionem suam primæ diei instanti auspicatos esse existimarunt, sed diuersa serie.

D. THOMAS prima parte, Quæstione sexagesima octaua, articulo quarto, ad tertium ait.

Duplex est motus in Cælo, unus qui facit diem, & noctem; & iste videtur institutus primo die; Alius autem est, qui diuersificatur per diuersa corpora, secundum quos motus fit diuersitas dierum adinuicem, & mensium, & annorum; & ideo prima die fit mentio de sola distinctione noctis, & diei, quæ fit per motum communem. In quarta autem die fit mentio de diuersitate dierum, & temporum, & annorum, cum dicitur, ut sint tempora, & dies, & annos. Quæ quidem diuersitas fit per motus proprios.

Conditos igitur primordiis temporum Cælos omnes fuisse censuit: sed motum primum mobilis ab ortu in occasum primo die, quarto verò retrogradam circulationem inchoasse, D. Thomas arbitratus est.

VIELMIUS idipsum sensit Lectione vndecima, quanquam, & alteram adiecerit peregrinam sententiam sibi magis arridentem, ut supra retulimus.

A. D. THOMAS abscedens Catherinus, singulari & ipse assertionem primo die ex rudi illo Chaos omnes Orbis præter firmamentum productos censet, Solem non in formam, sed omnimodè absolutum editum eo die, ac tempus inchoatum tradidit cum dixit; Igitur creato Sole, & cæteris quæ diximus, idest toto Mundo præter firmamentum, cæpit esse initium temporis.

Enarrat. in
Gen.

Cæterum

Ceterum D. Thomæ, & horum Doctorum sententia maximæ certè apud me esset auctoritatis, si à Mosis litera & ab omnibus ferè ante ipsū Patribus nō recederet, nec magis ipsius constituti Mundi venustati, quàm Mosis, & priscorum Patrū doctrinæ adhærere videretur: Sed satis supraq; in disceptatione de secundæ, ac quartæ diei operibus, cribranda, ac refutanda erit sententia ista; quando nec Astriferos Orbes, nisi secunda die effectos; nec Solem, nisi quarto die productum; nec motum, nisi infitis astris initium cepisse, luculenter ex Patrum sententia demonstrabimus.

*Sententia, quarto die tantum Cælos conuersiones suas
cæpisse, astringens.*

Remanet tandem sententia omnium Patrum priscorum, cunctorum, inquam, ferè eorum, qui fuerunt ante D. Thomam, secundo die compactos fuisse Cælos, & quarto, in eis creatis astris, cieri cæpisse diffiniens. Hancq; sicuti communioem, & vetustioem, ac literæ accommodatioem video, ita acceptioem esse duco, vt in tractatu operis quartæ diei explicabo.

Iudicium Auctoris.

Supereft igitur nobis, vt dato, Cælos conuersiones suas non exorditos fuisse nisi quarto die, quale fuerit illud tēpus, quod primariū diem anteiuuit, indagemus. Dicimus itaq; quòd si tēpus est mensura motus, vt Philosophi tradunt, duo sunt ad eius integritatem necessaria penitus existimanda; motus nempe, qui mensurari possit, cuiuscunq; rei ille fit; & mens ipsa, quæ motum illum seiungat, metiatur, & numeret. Nam, vt rectius edocuit Philosophus, quod in anima est tempus, extra animam est motus. Motus dico expetitur primò, seu rerum quarumcunq; fluxus, & mutabilitas, vt voluit etiam Albertus Magnus; mox igitur, vt res esse cæperunt, cæpit & tempus: triplicemq; in sua generis exceptionem; Primam rudem tunc, quando cum mutabilitate rerū, quæ mensurari poterant, esse cæpit; Alteram perspectioem, cum Cælestium corporum motus apparuit, qui vt perfectior, ac certior, poterat esse mensura aliorum; Tertiam absolutam, quando formato homine, mens illud metiri cæpit. Secundum igitur eam primam rudem rationem, tempus defluxit ante primum diem: & tempus illud, meritò dici tempus potuit. Nam dato, quòd motus Cælorum non adesset, adhuc tempus extaret, quia sine Cæli conuersione, tempus esse potest. Siquidem tempus illud, de quo in libro Iosue scribitur; Stetit Sol in medio Cæli, & non festinauit occubere spatio vnus diei; tempus certè fuit sine Cælestis orbis circulatione: Quinimmo & cæcus natus, seu in atro carcere conclusus quis, qui nec dies à noctibus segregare posset, nec vllā profectò Cælestium orbium volutationum peritiam haberet, etiam horologio ex pulueris fluxu excogitato, vel alio intersecti motus genere, spatia temporum mensurare posset. Cum rudis igitur substantia, temporis re ipsa fluxus sit; decora autem, formataq; ipsius essentia, orbium Cælestium motus existat: quid mirum si in rudi illo primo rerū Chaos, in informi Cæli & Terræ commiscelata massa, rudis etiam fuit temporis species, in formis, indecoraq;? seiuncto verò, ac formato, speciosoq; reddito quarta die Mundo, & ipsum tempus formatam rationem suscepit; non amplius nimirum confusam, seu ex mutabilitate quauis rerum incertam, aut indeterminatam; immo certam, præfinitamq; ex Cælorum motione excepit, mensq; nostra ex ea certè dilucida, ac infallibiliter Cælorum orbiculari latione, perspicuas temporum rationes desumpsit. Tempus autem illud primæum ab exordio emolitionis Mundi ad primū diem; & illud à primo ad quartum elapsū; estò quòd Cæli conuersiones suas non prius cæperint; non aliud tempus fuit ab hoc nostro, nec alterius constitutionis, sed idem prorsus erat, cum delatentium corporearum rerum mutatio esset, tantummodo, vt informe, seu incongestū, à formato condito distabat, & tempus nuncupari quiniuit, & nostras temporis differentias sumere. His igitur, illatæ ab Aegidio rationes, nullius esse vis conuincuntur.

AVGVSTINVS huius rudis temporis congestionem non reticuit, duodecimo libro de Ciuitate Dei, capite quintodecimo.

Duo ad integritatem temporis necessaria. Tēpus in la Genesi triplicem habuit conditionē.

Ios. 10.

Rude Chaos rude tempus; ornatus Mundus ornatum tempus habuit.

Tempus illud rude verè fuit tēpus.

Hic respondendum fortè videatur, quomodo non semper, cum illud, quod est omni tempore, non inconuenienter semper esse dicatur. Usque adeo autem isti omni tempore fuerunt, ut etiam ante omnia tempora facti sint, si tamen à Cælo cœpta sunt tempora; & illi iam erant ante Cælum. At si tempus non à Cælo, verum & ante Cælum fuit, non quidem in horis & diebus, & mensibus, & annis, (nam istæ dimensiones temporalium spatio- rum, quæ vsitate ac propriè dicuntur tempora, manifestum est, quod à motu syderum cœperint: vnde & Deus cum hæc institueret, dixit; Et sunt in signa, & in tempora, & dies, & annos) sed in aliquo mutabili, motu cuius illud antèius præterierit, aliud posterius successerit, eò quod simul esse non possint.

Et clariùs de Genesi contra Manichæos libro primo, capite quartodecimo.

Hic primo querunt, quomodo quarto die facta sunt sydera, id est Sol, & Luna, & Stelle. Tres enim dies superiores quomodo esse sine Sole potuerunt, cum videamus nunc Solis ortu, & occasu diem transigi, noctem verò nobis fieri Solis absentia, cum ab alia parte Mundi ad Orientem redit? Quibus respondemus, potuisse fieri, ut tres superiores dies singuli per tantam moram temporis computarentur, per quantam moram circumit Sol, ex quo procedit ab Oriente, quousque rursus ad Orientem reuertatur. Hanc enim moram, & longitudinem temporis possent sentire homines, etiam si in speluncis habitarent, ubi Orientem, & Occidentem Solem videre non possent. Atque ita sentitur potuisse istam moram fieri etiam sine Sole, antequam Sol factus esset, atq; ipsam moram in illo triduo per dies singulos computari.

T O S T A T V S in Genesim capite primo.

Et non accipitur tempus strictè, ut est passio, vel numerus motus Cælorum, quia dicitur communiter, quod tempus fundatur in primo mobili, ubi est principium totius motus, sed etiam ut motus dicitur successiva acquisitio, vel deperditio in creatura corporali; et sic dicitur tempus duratio creaturæ, etiam Cælo non moto: sicut quando pugnavit Iosue contra quinque Reges, ut patet; Stetit Sol contra Gabaon spatio unius diei inmotus, & sic non moto Cælo, indicatur ibi tempus unius diei.

Ios. 10.

Quantum tempus lapsum fuerit ante primæuam diem.

Superatis duabus difficultatibus illis; Num tempus aliquod ab exordio effectiōis Mundi ad primum vsque diem delapsum sit, numque extiterit illud tempus temporis nostro confimile: non multum in postrema hac difficultate, qua percunctamur, quantum illud extiterit, immorandum duco. Est enim inter tenebras, ac obdensas latebras digladiari, cum nec Sacra Scriptura, nec Patres, ratum quid, exploratumque de hac re prodiderint; nec ulli compertum illud esse possit. Augustinus Eugubinus in Cosmopœia, ac omnes hi Doctores, qui diem à mane exordium sumpsisse, lucemque primæuam non in Orizonte, sed in meridiano primò luxisse existimauerunt; sex horas tenebrarum ante effusam lucem dilapsas esse dixere. Alphonsus Tostatus super Genesim, & Doctores illi, qui diem primarium à vespere more nostro cœpisse, lucem verò non nisi mane in ortu effulxisse autumant; duodecim horarum fuisse illud tempus contendunt, ut suo loco luculentius habebimus; sed tenebras illas partem primæ diei cōstituunt, sicuti diximus. Hugo noster libro primo de Sacramentis Fidei, parte prima, capite sexto; sequutus sententiam Patrum, qui rectius tempus illud, quo Chaos in tenebris degit, non primæ diei partem efficiunt, sed ante primum diem illud tempus elapsum credunt, tempus illud breue fuisse edocet. Sic enim scribit;

Quandiu autem in hac infirmitate, siue confusione permanserit, scriptura manifestè non ostendit. Mihi autem videtur (quantum ego conijcere valeo) inter creationem, & dispositionem rerum, ordinem quidem temporis, sed nullam fuisse moram interiectam: ita ut verè quidem dici possit, hoc post illud factum fuisse; sed inter hoc factum & illud, nullam omnino dilationem interuenisse. Et Post.

Ergo illud primum momentum temporis, quando creata est omnium visibilium, inuisibiliumque natura, nec nox fuit, nec dies, & tamen tempus fuit, quia mutabilitas fuit. Postea verò continuo luce facta, diuise sunt tenebra, & lux; & tempus iam per diem, & noctem distinguere cœpit.

Duo igitur instantia diuersa posuit Hugo, sciuncta admodum; Aliud, quo rerum materia informis condita est; Aliud, quo lux manauit: & cum duo instantia non possint esse immediata, certè inter rudis Chaos formationem, ac lucem, necessario tempus intercessisse asseuerandum est.

Ego Patrum Oraculis destitutus, quid sentiam ignoro; siquidem silente Scriptura, nil perspicui prodentibus Patribus, percunctatio hæc in latebris hæret. Non possum attamen non suspitiones quasdam, pro eamets Hugonis nostri sententia referre. Existimo siquidem tempus illud ab emanato Chaos, ad diei primi exordium delapsum, non noctem, nec horas confecisse, sed paucis instantibus, ac momentis elapsum fuisse.

Num

Num autem illa tria, seu plura fuerint, asseuerare non audeo. Vt autem ita existimem, duo me potissimum compellunt: Alterum quod cum Natura deprecetur optima, ipsam certe, in rudi eo statu multum consistere non decuit; eò magis, quod Spiritus Domini ferreretur super aquas: Hic enim seu esset flatus à Deo iactatus, seu vis vitalis in amiquis à Deo insita, seu Spiritus Sanctus cubans, ac fouens, vt produceret Mundum ad vitam, certè immensa ea superna virtus non potuit differre Mundi absolutionem, ac venustationem: Alterum quod me suadet, est, quia tempus id ad Angelorum casum referendum est: & certè, si non duobus, vel tribus instantibus, seu morulis (vt potior Theologorum pars censuit) citatissimo saltem, ac breuissimo interuallo & mali ceciderunt, & sancti ad gloriam conscenderunt; tùm quod natura Angelica in intellectualibus & operationibus celerrime sit virtutis; tùm quod Diabolum ab initio non constituisse, & mane dum oriretur cecidisse (vt aliàs retulimus) Scripturæ obtestentur. Quapropter rata sententia est, id tempus breuissimum fuisse.

Angeli mali
breuissimo i-
teruallo post
creationē ce-
ciderunt.

H V G O summæ Sententiarum, tractatu secundo, capite tertio.
Queritur, vtrum aliqua mora fuerit inter creationem eorum, & casum. Ad quod potest dici, quod non fuit mora, & tamen illud prius, istud posterius, sed sine interuallo. Non enim semper fuerunt mali, vt quidam dicere volunt, pro illa auctoritate; Ab initio homicida fuit, & in veritate non stetit. Sed non dicitur, In initio hoc fecit, sed Ab initio; id est, statim post initium: & in veritate non stetit, id est non permansit, si in ea fuerit. Non audeo, dico, morulas eas fuisse duas, vel tres asseueranter diffinire: Nam si post effusam lucem primæ diei momento, ac post singulorum dierum patratum opus, Deus vigintiquatuor supersedit horis, priusquam ad aliud ineundum opus trāsiret, naturaq; eas fortè non sibi importunas tulit moras; etiam hoc ante diem contigisse, quis fortè non immeritò reputabit. Sed in suis latebris relinquamus de tenebroso temporis prolixitate determinationem.

Ioan. 3.

Quod genus dierum habuerit Triduum primum.

Creata primigenia luce, de qua Moses ait; Et facta est Lux: Triduum primum peractum est, diebus tribus sibi inuicem succedentibus, & his naturalibus horarum vigintiquatuor, albescente mane, splendente die, inumbrante vespera, & obtenebrante nocte, vti & nunc fieri conspiciamus. Cæterum discrepantia dierum illorum priscorum à nostris stratibus multiplex fuit. Primum lucis natura non vniformis extitit cum hac nostra: Siquidem illa tridui primi, vel fuit ignis sua agilitate rotatus, vt sensit Gregorius Nyssenus: vel nubes lucida circumacta in Orbem, vti insinuauit Augustinus, asseuerarunt Hugo, Richardus, Magister, D. Bonauentura, & Toftatus: vel lux effusa, attractaq; Dei virtute, vt maluit Basilius, Damascenus, Procopius, & ex recentioribus Burgenfis; vel ipsa Solis lux sine iubare circumuolutata à Deo, vt arbitratus est Iustinus, Iunilius, Strabus, & Caietanus: Vel Sol ipse nec dum vi, & forte luce, vt nunc cohonestatus, vt edocuit D. Thomas, & Iuniores; quorum Catenas in expositione clausulæ eius; Diuisit lucem à tenebris, appellauit lucem, &c. inestabimus. Nec minima discrepantia ea erat, quod nondum emicuerant Luna & Stellæ, quæ noctem venustarent, cum tantum quarto die prodierint. Vnde consequitur quod vel nulla conuersio Orbium esset, vt autumarunt oēs Patres, qui præcesserunt D. Thomæ tēpestatem: vel si vlla aderat, ea tantum erat supremi Orbis cunctos rapiens, absq; ullo aduerso, retrogradoq; subsectorum Orbium volutatu, vt D. Thomas cum præclarioribus recentiorum existimauit, vno tantum Aegidio reclamante. Postrema tandem ea erat differentia, quod lux illa nec fulgorem, nec vim deferret, quemadmodum hæc nostra; sed pallesteret vti nunc matutinus albor vel fulgidius coruscarer, vt maluerit & Patrum plures, & Steuchus. Differentias has colligunt Patres, vt infra referemus, obseruantq; amplius, dies tridui prisce à diebus subsecutis in his discrepantes fuisse: quod illi sine præfectura Astrorum præterierint; hi apparentibus Sole, Luna, & Astris: Illi tantum nitescerent; hi fulgeant: in illis, lux illuminaret, non exureret; in his, radius Solis calefaciat, & vapores attrahat: in illis, nox atra omninò esset sine claritate aliqua; in his, saltem pallente luce emicet: in illis, æquales essent dies, & noctes; in his, sibi horas mutuent: in illis, superna tantum Mundi pars illustraretur; in his, nostris vñtatis diebus, vsque ad Terram lumen Astrorum

Gen. 1.

Discrepantia
inter primū
triduum, &
cæteros dies.

Anno Mundi
primo.
In exordio
temporum.
Ante dies.

In Principio.

- a. Non æternitatis, sed temporis: Quia æternitas principio caret, & vni Deo competit.
b. Non aui, sed temporis: Quia æuum Angelis, & Empyreo conuenit, tempus autem Mundo sensibili.

Astrorum perueniat: in illis, vnica lux claresceret; in his, pluribus facibus in Cælo micantibus, tum diu, tum internoctu, Cælum effulgeat. Quæ cuncta sustineas precor, vsque dum grauioribus munientur disceptationibus, quas vberiores me præstaturum spondeco.

a. In Principio non æternitatis, sed temporis.

Quia æternitas non mensuratur, nec principium habet, & vni Deo competit.
PROCOPIVS Commentarijs in Genesim.

Recitat itaque diuine creationis opera prima Moyses: interim tamen vult, vt intelligamus Deum Creatorem præcessisse creaturam vniuersam intervallo, quod nulla humane rationis vis metiri potest. Quamuis intervalli mentio nequaquam in Dei essentia sit statuenda. Nec enim possibile est, vt quis æternitatis, vel æterni mensuram agere possit.

Prosequitur idem Procopius demonstrare, Deo competere æternitatem, cæteras autem res tempori subiacere.

Ceterum id, vt æternitatem Dei perspectam haberet Moyses, didicit in Monte Horebo ex hoc ineffabili & sacrosancto oraculo; Sum qui sum. Nam hoc eloquio exactè audito, & quantum homini fas est, cognito, tum demum presens opus componere instituit. Nisi enim perfecta Dei cognitione fuisset instructus, qui quiniisset eum huius Vniuersi opificem pronuntiare? aut quibus modis rerum omnium ignaros & rudes docere potuisset, Deum huius Vniuersi esse architectum? nuncigitur, vt qui diuina, humanaq; omnia comperta & explorata, haberet; inquit, Deus immortalis, æternus per se existens vnus, cum sic decreuisset, Cælum, Terramq; condidit. Tempus quoque adamussim enarratur, vt cognoscamus Deum esse infinitum; rerum verò naturam sine circumscribi, & tempori esse obnoxiam. Siquidem à primordio secundum temporis rationem in essentiam deducta est.

Et amplius æternis competere verbum Erat, & Esse, temporaneis autem Fieri.

Merito itaque ait; Fecit: & obiter verbum, Erat; quod de Deo sermone prædixit Ioannes. Æternis enim competit verbum substantiuum, Erat, at creaturis accommodandum est, & idem id est erat. Habent enim Græci discrimen inter ἦν καὶ ἐγένετο quam differentiam apud Latinos haud (mea quidem sententia) inuenire est. Quapropter idem Ioannes, de Baptista loquens, in sequentibus inquit; Erat homo missus à Deo: vbi verbum ἐγένετο (quod ad creaturas refertur) videre est. Nemo tamen miretur, cum audit Moysen insequentibus disserere; Terra autem erat inuisibilis; quo in loco ἦν, verbum substantiuum, quod æternis aptatur, locauit: Non ab re sic loquitur: erat enim prius condita. Nam postquam dilucidè proposuisset Terram esse creatam, tum demum addidit; erat inuisibilis.

THEODORETVS in Catena Lippomani.

Metiri ergo consuevit diuina Scriptura doctrinam suam pro viribus erudiendorum. Et perfectis quidem perfecta, imperfectis verò veluti elementa impartit. Itaque, quia Iudaicus populus diu cum Aegyptijs vixerat, qui plures Deos colunt, iure populo huic Moyses primum doctrinam de verò & solo Deo omnium creatore ac principio tradidit, ostendens omnia quidem principium habere, Creatorem verò sempiternum, & absque principio esse: vnde ait; In Principio fecit Deus Cælum, & Terram. Quam doctrinam & ipse didicerat, cum audiuit. Ego sum; qui sum.

b. In Principio non aui, sed temporis.

Quia in principio aui conditus est Mundus intelligibilis, Angelicis spiritibus accommodus: in principio verò temporis Mundus sensibilis, ad erudiendos mortales, & locanda corruptioni obnoxia.

BASILIVS Hexameron, Homilia prima.

Nec tamen absimile verò fuerit credere fuisse quidam vel ante Mundi istius constitutionem, id quod arcana quadam animi contemplatione licuerit intelligi, tamen si hac de re nihil in literas Moyses transfuserit, quod rei tanta

tantæ cognitio parum idonea videretur istis parvulis, qui lacte dum doctrinæ initiandi rudimentorum fidei veniant & instituendi. Erat sanè status quidam Mundi generatione superior, abstractis illis à concretione materiæ potentijs Mundo præstantioribus pro decoro accommodatus, temporis etiam conditione anterior, æternus nimirum ac perpes. Creaturas autem in ipso Creator omnium, atque Opifex perfecit, lucem spirituales eorum beatitudini accommodam, qui Dominum amant, naturas rationis vi maxime præditas atque inuisibiles, omnesq; beatarum mentium ordines, quotquot nostræ mentis quantamlibet dixeris, facultatem exuperant, quorum ne nomenclaturas quidem possumus inuenire. Et hæc substantiam complent Mundi illius inuisibilis.

Edocet deinde Mundum hunc sensilem productum fuisse, ut locum ad erudiendos homines aptissimum, & ad locanda ea, quæ corruptioni, ac generationi sunt obnoxia.

De primo ait.

Tum demum conveniebat, his iam conditis Mundus ut accederet, & adiungeretur, qui in primis locus esset perdocendis animabus hominum, atque erudiendis sanè quàm accommodus. De secundo post. Dein, ut semel omnibus suo capaci sinu excipiendis domicilium esset appositissimum, quæ generationi pariter & corruptioni obnoxia sunt. Sanè & Mundo huic, & ijs quæ tum in eo producta sunt animalibus & plantis, congener subfuit temporis curriculum accedens semper, ac more fluentis aquæ recedens, nec unquam à capto cursu resiliens, aut conquiscentes. Quid enim? An non eiusmodi est conditio temporis? Quod enim eius transactum iam est, utique in nihilum abiit: nondum adest, quod est affuturum: quin quod adest, prius sensum fugit tuum, quàm cognoris adesse. Talis planè est eorum quæ oriuntur conditio, ac genus. Aut enim augescunt in horam, aut ad corruptelam deurgunt. Neq; enim in istis quicquam liquidò queas deprehendere, fixum quod sit & stabile. Sanè conveniebat corporibus animantium, stirpiumque, quæ quasi defluvio cupiam aquarum iugiter scatentium lege naturæ adstricta videntur, & obnoxia vicarie motioni nunc ad generationem, conditio cuius ijs tionem promouenti: ut intra vagam istam, nec consistentem temporis naturam continerentur, conditio cuius ijs cognata est, quæ alternam subeunt permutationem. Tandem concludit. Hinc propriè aggressus sermonè de Mundo sapiens, nos his verbis edocet eius originem; In principio fecit: in eo nimirum principio, quod simul fuit cum tempore. Neque enim iuxta rationem antiquioris, aut primigeniæ conditionis contestatur, Mundum hunc ea quæ facta sunt, omnia antegredi, dicens in principio factum esse: sed postea, quæ non oculis istis, sed intellectu solo percipiuntur, principium narrat & originem rerum istarum, quæ visu queunt aut alio quovis sensu percipi.

Hanc doctrinam Basilij, quam sequutus est Gregorius Nazianzenus, Theodoretus, & Patrum nonnulli præstantissimi, sæpius nos diuersis in locis perpendemus: plura siquidem sunt in ea discussione dignissima. Perquirendum nanque erit, quisnam fuerit iste Mundus intelligibilis; num corpus aliquod emicans, Empyreumq; ipsum: atque item; num status ille Angelicorum spirituum beatificus loco vllò circumscriptus extiterit. Sed hoc definiemus, cum de Empyreo negotium habebimus. Amplius; num Angeli extarint ante Mundum; datoque, quòd extiterint; num in exordio æui peccarint aliqui; & si peccarint; in quem locum rei detrusi fuerint, & ad quem beati assumpti. Verùm de ijs disceptabimus in quæstione, num Angeli conditi sint ante Mundum. pro principio igitur, ut hoc loco tantum sciamus interpretandum esse In principio, pro principio non æui, sed temporis: quia vel æuum præcessit tempus, ex opinione eorū qui Angelos antecessisse Mundum opinantur, vel dato, quòd cœui sint Mundo, certè Moses per vocem In principio, non æui, sed temporis exordium significavit; ut ex antedictis constare potest. Quæ autem dixit Procopius, principij nomine non capiendum esse æternitatis principium, quia ipsa mensurari nequit, & principio careat, probè certè dixit: unde & inferri potest, Mundum ab æterno non fuisse: Et elegantius etiam addidit, Esse, propriè competere æternis; Fieri autem ijs, quæ sunt temporis obnoxia. Quanquam id quod adduxit de ἄρ, et ἐξ ἑυρος; quòd ἄρ scilicet, significet, Erat, & competat æternis, & ἐξ ἑυρος tantum creaturis, in praxi verificari non possit, cum has voces promiscuè, & sine hac differentia positas ubique inueniamus.

AUCTOR.

Perennem eam æternitatem omni prorsus initio carentem, quæ ante Mundum apud Deum perenniter extitit, Patres diuerso modo nominarunt.

DIONYSIUS indifferenter illam, æuum, atq; æternitatem appellavit, teste D.

Thoma in scriptis, secundo Sententiarum distinctione secunda.

BASILIVS eam ipsam, æternum tempus vocavit, Homilia prima Hexæ-

ron, dicens.

Mundus ille temporis conditione anterior, æternus nimirum, & perpes.

I O A N N E S Damascenus Orthodoxæ Fidei libro secundo, capite primo, sæculum illam nuncupauit; ait nanque.

Plal. 39.

Siquidem sæculum dicitur vniuscuiusq; hominum vita: Dicitur rursus sæculum, tempus mille annorum: sæculum, præsens Mundi duratio, quæ in septem sæcula, hoc est ætates secatur: sæculum, futura post hunc Mundum vita: sæculum vnum, & ante Mundum, & post Mundum æternitas: ipseque Deus sæcula fecit, qui est ante sæcula: ad quem David; A sæculo, & usque in sæculum tu es Deus.

I S I D O R V S de Summo bono libro primo, capite decimo, æternitatis ei nomen imposuit, inquiens.

Ante Principium non fuit tempus, sed æternitas: tempus verò à substitutione Creatura, non Creatura capit à tempore.

A N S E L M V S Cantuariensis de Imagine Mundi libro secundo, cap. primo, æuum illam dixit, cum sic tempora partitus est.

Æuum est ante Mundum, cum Mundo, post Mundum, hoc solum ad Deum pertinet, qui non fuit, non erit, sed semper est. Tempora æterna sub quo sunt, & hæc ad archetypum Mundum & Angelos pertinent, qui ante Mundum esse cæperunt, cum Mundo, & post Mundum erunt. Tempus autem Mundi est umbra æui; hoc cum Mundo incepit, & cum Mundo desinit, veluti si funis ab Oriente in Occidentem extenderetur, qui quotidie pliendo collectus, tandem totus absumeretur.

Æternitatis,
Æui, & Tem-
poris discre-
pantia.

Cæterum Theologi perspectius tria esse temporum genera dixere; æternitatē, æuū, & tempus: Æternitatem Deo, Æuum Angelo, Tempus sensibilibus cunctis adscribere. Inter æternitatem, & æuum eam constituere discrepantiam, quam inter Dei & Angeli naturam esse decreuerunt. Cum Deus siquidem sit id, quod est; in Angelo, aliud sit esse, aliud essentia; Deus à se sit, Angelus à Deo; vti esse Angeli est imperfectius; ita æuum æternitate deterius esse voluerunt. Inter æuum verò & tempus eam posuere differentiam, quam inter sensilium, & spiritalium essentiam esse animaduertere: Nam cum in esse Angelico perennis sit permanētia; in esse Mundi perennis defluxus: In hoc, aliud sit id, quod prius est, & aliud quod post; In eo, secundum essentiam nulla mutatio: æuum dixere mensuram permanentium, in quorum essentia prius & post cerni non possunt: tempus verò mensuram rerum labentium, perpetuis vicissitudinibus addictarum. Et hæc est D. Thomæ in scriptis doctrina. Nonnulli æuo prius & post, cum successione, sine substantiæ innouatione applicarunt. Extat siquidem successio cum innouatione, vt aquæ defluentis à fonte, & absq; innouatione, vt radij à Sole: Nam radius ab eo coruscantissimo globo emissus semel, perenni continuatione cum ipso Sole rotat. Idque nos D. Bonauentura pulcherrimè edocet.

Philosophari igitur ita possumus.

Æternitas eorum mensura est, quorum id ipsum est esse & essentia, & à se sunt: Æuū eorum, quorum aliud est esse & essentia, & ab alio, nempe à Deo profiliunt: Tempus eorum, quæ semper delabuntur: Æternitas perenne habet præsens, quod semper fuit, & erit: Æuum gaudet præsentī, quod quidem non semper fuit, attamen semper erit; vel quia non agnoscit in substantia successionem, secundum D. Thomam, vel si nescit, nescit sine innouatione, vt ait D. Bonauentura: Tempus, & præteritum, præsens, & futurum suscipit: Æternitas non principium, nec finem agnoscit: Æuū principium habuit, sed finis erit expers: Tempus initio, fineq; conterminatur. Deus igitur æternitate gaudet, aliamq; vitam, alios annos, aliamq; ætatem à nobis beatam degit, tempus aliud diuinius, in quo dum esset, cum sibi placuit, ad Mundi constitutionem venit: Angelus æuo lætatur, & siue ante Mundum, siue cum Mundo conditus fuerit, secum æuum tulit: Creaturarum rerum congeries, quæ corruptioni sunt obnoxia, ab edaci tempore absorberi ineuitaliter dolet. Æternitatis autem, ac æui partes assequi non possumus, nisi ex temporum comparatione, ea serie, vt operationes Dei, quæ sunt ad intra, sola æternitate commensurentur; quæ verò ad extra, quia ex beneplacito sunt, temporum differentijs explicari queant, vti & Angeli operationes.

a. Verbo In principio, denotatur Dei æternitas,
& omnipotentia.

Æternitas; Quia si in principio creauit Deus Mundum, ante Tempora extitisse designatur: Potentia, quod tanta celeritate Mundum creasse in principio narretur.

Ambrosius

In Principio.

Anno Mundi
primo.
In exordio
temporum.
Ante dies.

- a. Hoc verbo denotatur Dei Aeternitas, quòd ante tempora extiterit, & Omnipotentia, quòd tanta celeritate Mundum condiderit.
- b. Temerè inuestigatur, quo temporis principio, Deus Cælum, Terramq; creavit.

AMBROSIVS Hexameron libro primo, capite secundo.
Pulchrè quoque ait; In principio fecit; vt incomprehensibilem celeritatem operis exprimeret, cum effectum prius operationis implet, quàm indicium capte explicuisset.

IVNILIVS in Hexameron.
Creationem Mundi insinuans Scriptura divina, aptè primo statim verbo eternitatem, atq; omnipotentiam Dei Creatoris ostendit. Quem enim in principio temporum Mundum creasse perhibet, ipsum profectò ante tempora aternaliter extitisse designatur: & quem ipsum conditionis initio Cælum & Terram creasse narrat, tanta celeritate operationis omnipotentem esse declarat; cui voluisse, creasse est. Nam humana fragilitas cum aliquid operatur, verbi gratia, domum edificamus, in principio operis materiam præparamus, & post hoc principium, fodimus in altum, deinde mittimus lapides in fundamentum, deinde pariter augescentibus lapidum ordinibus apponimus, sicq; paulatim ad perfectionem operis propositi perficiendo peruenimus: Deus autem cuius manus omnipotens est, ad explendum opus suum, non eguit mora temporum: Quia scriptum est; Omnia quaecumque voluit, fecit.

Psal. 112.

Tanta fuit celeritas, vt simul fecerit, quæ simul dici non possunt.

IVNILIVS vbi supra.
Vnde bene dictum est, quia in Principio creauit Deus Cælum, & Terram: vt apertè detur intelligi, quia vtrumque simul ab homine dici non possit: Denique dicit Propheta; Initio Terram tu fecisti Domine. Hic autem Dominus Cælum, & Terram in principio creasse narratur. Vnde liquidò colligitur, quia factura est vtriusque elementi pariter expleta: & hoc tanta velocitate diuinæ virtutis, vt necdum primum Mundi nascentis momentum esset transcensum.

Psal. 101.

GLOSSA Ordinaria hæc sic assumpsit.
Creationem Mundi insinuans Scriptura, primo verbo eternitatem, & omnipotentiam Dei ostendit. Quem enim in principio temporum Mundum creasse, eundem ante tempora aternaliter significat extitisse. Et quem in conditionis initio, Cælum & Terram creasse narrat tanta celeritate operationis, omnipotentem esse declarat, cui voluisse, facere est. Bene ergo dicitur; In principio creauit, &c. Vtrumque scilicet simul, quamuis vtrumque simul ab homine non dicatur. Vnde Propheta terram in initio factam ostendit, dicens; Initio tu Domine Terram fundasti.

b. Non inuestigandum, quando fecerit Deus Cælum & Terram.

Temerè inuestigatur, quid faceret Deus, antequam crearet Cælum & Terram, & in quo principio temporis, seu quando fecerit Cælum & Terram; quia ibi de tempore inquirere non possumus, vbi non est tempus.

AUGUSTINVS de Genesi contra Manichæos libro primo, capite secundo.
Quod scriptum est, In principio fecit Deus Cælum, & Terram, querunt, in quo principio: & dicunt; Si in principio aliquo temporis fecit Deus Cælum, & Terram, quid agebat, antequam faceret Cælum, & Terram? Et post. quid ei subito placuit facere, quod nunquam antea fecerat per tempora æterna? His respondemus. Et post. Sed etsi in principio temporis Deum fecisse Cælum & Terram credamus, debemus vtiq; intelligere, quòd ante principium temporis, non erat tempus. Deus enim fecit & tempora. Et idèd, antequam faceret tempora, non erant tempora. Non ergo possumus dicere fuisse aliquod tempus, quando Deus nondum aliquid fecerat. Quomodo enim erat tempus, quod Deus non fecerat, cum omnium temporum ipse sit fabricator? Et si tempus cum Cælo & Terra esse capit, non potest inueniri tempus, quando Deus nondum fecerat Cælum & Terram. Cum autem dicitur, quid ei placuit subito? sic dicitur, quasi aliqua tempora transierint, quibus Deus nil operatus est. Non enim transire poterat tempus, quod nondum fecerat Deus, quia non potest esse operator temporum, nisi qui est.

Anno Mundi
primo.
In exordio
temporum.
Ante dies.

In Principio.

a. Igitur nihil eorum quæ videntur, expers est principij, neque etiam Cælum, quamvis inter omnia sensibilia longius à corruptione abesse videatur.

1. Ad Tit.

est ante tempora. Certè & ipsi Manichei legunt Apostolum Paulum, & laudant, & honorant, & eius epistolas male interpretando multos decipiunt. Dicant ergo nobis, quid dixerit Apostolus Paulus; Agnitionem veritatis, quæ est secundum pietatem Dei in spem vite eterne, quam promissit non mendax Deus ante tempora æterna. Aeterna enim tempora, quid ante se habere potuerunt? Hoc ergo cogantur exponere, ut intelligant se non intelligere, cum temere volunt reprehendere, quod diligenter querere debuerant. Non enim coeternum Deo Mundum istum dicimus, quia non eius æternitatis est hic Mundus, cuius æternitatis est Deus; Mundum quippe fecit Deus, & sic cum ipsa creatura, quam Deus fecit, tempora esse ceperunt. Et ideo dicuntur tempora æterna, non tamen sic sunt æterna tempora, quomodo æternus est Deus; quia Deus est ante tempora, qui fabricator est temporum. Sicut omnia, quæ fecit Deus, bona sunt valde, sed non sic bona sunt, quomodo bonus est Deus, qui illa fecit, hæc autem facta sunt. Nec ea genuit de seipso, ut hoc essent quod ipse est: sed ea fecit de nihilo, ut non essent equalia, nec ei à quo facta sunt, nec Filio eius per quem facta sunt; iustus est enim.

B E D A Quætionibus in Genesim, sententiam, & verba Augustini mutuauit.

a. Nil visibile, neque etiam Cælum principio caret.

Nihil certè eorum quæ videntur, expers est principij, neque Cælum, quanquam non interrupta circumlatione sine principio feratur; & Deum, vel Deo coeternum alij ipsum putarint.

B A S I L I V S Hexameron, Homilia prima.

Nihil igitur, o homo eorum quæ oculis tuis subiecit Deus, opineris expers esse principij. Rursus cum te undique cingi his intelliges, quæ iuxta Cæli motum in orbem cientur, nec tamen istius sphericæ motionis principium quiveris sensu deprehendere; nolim eiusmodi corporum, quæ circulari latione aguntur, naturam putes esse principij expertem. Sanè orbis hic (planam dico figuram, quam unica circumplectitur & ambit linea) tametsi sensum defugiat nostrum, adeo ut ne vnde quidem ceperit, inuenire possimus, aut in quem desiturus sit finem: non continuo decerni debet ob id exors esse principij. Esto id sensum effugiat, re tamen vera ab imo aliquo prorsus capit, qui centro ipsam circumscripsit simul & interstitio. Iridem & tu per hoc, quod corpora hæc, quæ orbiculari cientur motu, intelligis quasi mutua conspiratione, & concordia amutu in seipsa versari: scilicet prospice, ne ipsa eorum æquabilis motio, nec ullo prorsus intercisit medio, errorem tue menti instillet, aut insertum relinquit; quo male persuasus credas Mundum hunc, ut nullam aliquando sortitum originem, ita nec ullo fine olim contrahendum. Preterit enim figura Mundi huius. Et, Cælum, & terra transibunt. Præter hoc dogma, certò præcensuram futuram consumationem, Mundique in melius permutandi inuolutionem, ipsa eadem complectitur, quæ & hic verborum compendio ad nostram omnium qualemcumque, nempe elementarem institutionem doctrinæ sibi diuinitus aspiratæ Moses tradit, dicens; In principio fecit Deus. Nam quæ ex tempore ceperunt, necesse prorsus, eadem ut aliquando desitura sint & consumanda. De horum igitur fine nihil addubites, necunquam ex tempore sumpserunt principium.

Progreditur postea Basiliius contra Astrologos, qui Cælum etiam Deum, & Deo coeternum asseuerare ausi sunt, plura differere.

A M B R O S I V S Hexameron libro primo, capite tertio.

Cum ergo tot oracula audias, quibus testificatur Deus, quod fecerit Mundum, noli eum sine principio esse credere, quia quasi sphaera Mundus esse dicatur, ut principium eius nullum videatur extare: & cum innotat, quasi in circuitu omnia commoueantur: ut vnde incipiat, ubi desinat, non facile comprehendas: quia circuitus principium sensu colligere impossibile habetur. Neque enim sphaeræ potes initium reperire, vel vnde ceperit globus Lunæ, vel ubi desinat menstrua Lunæ defectio. Neque verò si ipse non comprehendas, idcirco non capis, aut nequaquam desinet. Si ipse circuitum, vel atramento, vel graphio ducas, vel centro exprimas; vnde ceperis, aut ubi desieris intervallo interposito, non facile vel oculis colligis, vel mente repetis: & tamen & cepisse, & desisse tibi ipse testis es. Nam etsi sensum subterfugit, veritatem non subruit. Quæ autem initium habent, & finem habent: & quibus finis datur, initium datum constat: finem autem Mundi futurum, ipse Saluator docet in Evangelio suo, dicens; Preterit enim figura huius Mundi: &, Cælum, & Terra præteribunt: & infra: Ecce

1. Cor. 7.
Matth. 24.

In Principio.

Anno Mundi
primo.
In exordio
temporum.
Ante dies.

a. Igitur Mundus non est sine principio, siue æternus.

Ecce ego vobiscum sum usque ad consummationem Mundi. Quomodo ergo coeternum Deo Mundum asserunt, & Creatori omnium sociant, atque æqualem esse disputant creaturam, corpusq; materiale Mundi, inuisibili illi, atque inaccessibili nature diuine coniungendum putant, cum præsertim secundum suam sententiam non possint negare, quoniam cuius partes corruptioni & mutabilitati subiacent, huius necesse est vniuersitatem eisdem passionibus, quibus propriè portiones eius sunt obnoxie, subiaccere?

PROCOPIVS Commentarijs in Genesim.

Licet Cælum præclarum sit edificium, attamen non æternum est. Nam æternum quiddam incorporeum, & forma carens est; præterea nec compositum, nec circumscriptum est.

B E D A expositione in Genesim.

Cælum autem & Terra initium habent & finem apud nos, apud Deum sine initio habentur; idest, in præsentia ipsius more hominis arcam facientis. Multæ autem hereses in hac sententia præcauentur, quia alij dicebant, Cælum & Terram sine principio fuisse, & non Deum, sed Deos illa fecisse, & Deum antea non fuisse, & hereses in hoc versiculo soluuntur.

a. Nec Mundus est sine principio, siue æternus.

PHILO de Mundi opificio.

Propter traditam à Mose creationem, præclarissima, & omnium optima edocti sumus. Primum, esse, & subsistere in natura rerum aliquod numen, aliquam diuinitatem, idq; propter impios ostensum. Secundum, quod Deus sit vnus, propter eos, qui multos Deos induxerunt. Tertium, quod Mundus is est creatus propter eos, qui eum statuerunt sempiternum. Quartum, qd vnus sit etiam iste Mundus, quia creauit hunc ipsum, quæ fecit.

Hæc autem ex quatuor primæ clausulæ verbis elici possunt. Nam si in principio creauit Deus Cælum & Terram, igitur ante subsistebat aliquod numen, aliqua diuinitas: Si Deus, igitur vnus: Si Fecit, igitur Mundus est creatus: Si Cælum, & Terram, & non Cælos & Terras, igitur vnus Mundus. Sed tertiū ex his exposcit, vt Mundum non esse æternum, sed à Deo vno fuisse creatum, cumulatius edisseramus.

AMBROSIVS Hexameron, libro primo, capite primo.

Quid igitur tam inconueniens, quam vt æternitatem operis cum Dei omnipotentis coniungerent æternitate, vel ipsum opus Deum esse dicerent, vt Cælum & Terram, & Mare diuinis prosequerentur honoribus? Ex quo factum est, vt partes Mundi Deos esse crederent: quamuis de ipso Mundo non mediocris inter eos quaestio sit. Nam Pythagoras, vnus Mundum asserit; alij innumerabiles dicunt esse Mundos, vt scripsit Democritus, cui plurimum de Physicis auctoritatis vetustas detulit. Ipsum quoque Mundum semper fuisse, & fore Aristoteles vsurpat dicere. Contra autem Plato non semper fuisse, sed semper fore præsumit astruere. Plurimi verò nec fuisse semper, nec semper fore, scriptis suis testificantur. Inter has dissensiones eorum, quæ potest esse veri æstimatione, cum alij Mundum ipsum Deum esse dicant, quod ei mens diuina, vt putant inesse videatur: alij partem eius: alij vtrunque in quo, nec quæ figura sit Deorum, nec qui numerus, nec qui locus, aut vita possit, aut cura comprehendi? siquidem Mundi æstimatione volubilem, rotundum, ardentem, quibusdam incitatum motibus, sine sensu Deum conueniat intelligi, qui alieno, non suo motu feratur.

RVPERTVS Commentarijs in Genesim, libro primo, capite quinto.

Sed hoc mutabilitati Dei ascripserunt quidam, quod fecit istum, quia non erat, Mundum illi videlicet qui voluit, Deo Mundum esse coeternum. Dixeruntq; , aut Deo coeternus est Mundus, aut certe mutabilis est Deus. Si enim tandem aliquando fecit, quod instantis æternitatis suæ spacijs non fecerat, profectò nouo consilio vsus est: ac proinde mutabilis est. Ad hæc inquam: verissime neque mutabilis est Deus, neque Deo coeternus est Mundus. Nunquid mutabilitate vtitur quis, quando sapientiam suam nolens esse occultam, pulchram oratione vel quippiam eiusmodi, quod vtique in mente habet secretum, describit in charta per atramentum & calamum, & aduocat multos vt audiant sapientiam & intelligant vtilem scientiam? Nunquid mutabilis animi vitio dicendus est, pro eo, quia quod occultum habebat, vtiliter fecit, in publico vt cognosceretur auditorio? Non vtiq; de mutabilitate culpandus, sed de beneuolentia collaudandus est. At verò Mundus, & omnia quæ Cælo & Ter-

Matth. 28.

Ioh. 1.

ra continentur, quedam clarissima Sapientie Dei signa sunt, quæ videlicet Sapientia, siue Verbum, sic erat in corde Dei, priusquam ista fierent, sicut in corde tuo sapientia, vel ars prius est, quam notulis visibilibus, aut opere aliquo illam significes. Vnde Euangelista, cum dixisset, Omnia per ipsam facta sunt, & sine ipso factum est nihil: statim adiecit; Quod factum est, in ipso vita erat. Quæ videlicet Sapientia Dei, ut sciretur, ut esset unde, vel à quibus cognosceretur, creauit Deus Cælum & Terram, & posuit in Cælo Angelos, & in Terra homines, qui ex seipsis & cæteris quæ facta sunt, tantum artificem vtiliter cognoscerent: Ergo nisi tu nimium ingratus sis, non Deum in hoc mutabilitatis accuses, sed de magna beneuolentia collaudes, & supplices gratias agas ei, quia propter gratuitam bonitatem suam, In principio creauit Deus Cælum & Terram.

Num Mundus sit Aeternus.

34. diu. 14

Arduam profectò, atque à Philosophis acrius ventilatam, ac iactatam esse hanc disceptationem agnosco; Sed ut meum exposcit institutum, citius diuersis, ac varijs recensitis sententijs, ab ea me exoluam.

Philosophorum de Mundi eternitate sententiæ.

P H I L O in libro inscripto, quod Mundus sit incorruptibilis, inquit.

Tres opiniones dissentiunt: Alij Mundum sempiternum aiunt, nec ortum unquam, nec interitum: & diuerso alij & ortum, & corruptioni obnoxium; nonnulli vtrunque sententiam diuidunt, ortum sentiunt cum posterioribus, corruptibilem negant cum prioribus: atque ita mixtum dogma reliquerunt, creatum esse, sed incorruptibilem. Democritus, Epicurus, & Stoicorum turba Philosophorum aiunt, Mundos nascibiles, ac corruptibiles; verum non similiter. Illi multos Mundos imaginantur, quorum generationem conflictationibus, & connexionibus atomorum tribuunt, corruptionem percussionibus, & dissolutibus: Stoici vnum Mundum asserunt, & Deum auctorem eius generationis; corruptionis verò non item Deum, sed indefessam vim ignis rebus insitam, post longas temporum ambages absumpturam, & in semet mutaturam omnia, ex qua denuo Mundum instauraturam Opificis prouidentiam. Iuxta horum opinionem potest dici alter Mundus sempiternus, alter corruptibilis: Corruptibilis, ut nunc est ornatus, & dispositus: Sempiternus, post exustionem reparabilis, ut nunquam desinat. Aristoteles nescio quàm pie, sanctèq; doctus, ingenitum, & incorruptibilem Mundum pronuntiat, & impietatis damnat quotquot contrarium asserunt, qui manifestis præstantiorem non existiment Solem, tam magnum Deum visibilem, & Lunam, cæteraq; vel fixa, vel vaga sydera, omnia verè plena numine.

C Y R I L L V S contra Iulianum, libro secundo, inquit.

Pythagoras, & Stoici Mundum quidem dicebant esse genitum à Deo, & quantum ad naturam attinet, corruptibilem; sensibilem enim esse, idcirco & corruptibilem, non corruptendum tamen prouidentia, & continentia Dei: Epicurus corruptibilem, ut animal, & plantam: Xenophanes ingenitum, & perpetuum, & incorruptibilem Mundum: Aristoteles partem Mundi sub Sole passibilem, in qua & terrena finiuntur.

Theophilus Antiochenus libro primo ad Autolycum, consimilia recitat.

Philosophi
Mundū æter-
nū statuentes.

Platonis sen-
tentia de Mū-
do.

Verum, quid ego hauserim, adducam. Primò, Chaldaeos Mundum esse æternum existimasse, testatur Plutarchus libris de placitis Philosophorum. Hos sequuti sunt Xenophanes, Orthomenes, Calephonius, qui Eleaticæ sectæ princeps fuit, teste Theodoro de Græcarum affectionum curatione libro quarto, qui est de Materia, & Mundo. Plato quid senserit, non est perspicuum, sed Chaldaeis subscripsisse existimarunt Plotinus libro primo Aeneadis, Apuleius de Platonis dogmate, & Simplicius tertio Physicorum, & primo de Cælo: Alij cum Mose Mundum conditum sensisse putarunt, ut Ioannes Grammaticus libro primo contra Proclum: Nostri etiam, Platonem Mundum conditum consimili cum Mose sententia opinatum fuisse, constanter asseuerant.

C L E M E N S Papa Recognitionum libro octauo, Nicetam orantem istud asserere his inducit.

Quod si idonei tibi testes videntur Philosophi; Plato de his testatur in Timeo, ubi de Mundi factura discutens, requirit, vtrumna semper fuerit, an initium sumpserit; & pronuntiat, quod factus sit: visibilis enim, inquit, & palpabilis, atque corporeus; omnia autem, quæ huiusmodi sunt, facta esse constat: Quod autem factum est, aliquem habet sine dubio auctorem, à quo factum est; hunc ergo, inquit, factorem parentemq; omnium, & inuenire difficile est, & inuentum vulgo enarrare impossibile. Hæc quidem dicit Plato.

Locum hunc insignem, præclarum, & valde memorabilem, citarunt Theodoretus libro quarto Græcarum curationum, qui est de Materia & Mundo; & Minutius Fælix, & ante hos.

E V S E B I V S, qui de præparatione Euangelica libro vndecimo, capite decimo quinto, inquit.

Mose

Mose igitur vniuersa à Deo creata predicante: In principio, inquit, creauit Deus Cælum & Terram. Vide quemadmodum non excedit ab hac sententia Plato; Omne, inquit, quod factum est, necessario à causa factum est: fieri enim nihil potest absque causa. Vniuersum igitur, aut Cælum, aut Mundus, aut quauis alia notetur appellacione, considerandum vtrum erat semper, nullum generationis suæ habens principium; an factum est, & ab aliquo incepit principio. Visibilis igitur, & tangibilis est, cum corpus sit; cuncta verò hæc sensibilia sunt, Quæ verò sensibilia sunt, opinionioni subiaccere, & facta esse demonstrauimus. Quod porro factum est, à causa factum esse necesse est. Causam igitur, & Creatorem Vniuersi, qui sit, inuenire difficile est; & cum inueneris, in vulgus edere impossibile. Et post. Sic igitur rationem sequentes, nefas est dicere animatum hunc Mundum, ac verè mentalem à Dei prouidentia non esse factum.

Sed ea est discrepantia inter Platonem, & Mosem, quòd Moses cuncta edidisse asseruerat: Plato verò Deum, Cælum, immortaliaq; condidisse elementa, cæteraq; Dijs secundis creanda, demandasse tradiderit.

AUGUSTINVS decimo de Ciuitate Dei libro, capite trigesimo primo, contra quosdam Platonis assecclas Platonis sententiam euertētes, ac ex mente Platonis Mundum Deo coæternum statuentes, ait.

Quamquam & de Mundo, & de his, quos in Mundo Deos, à Deo factos, scribit Plato, apertissimè dicat eos esse cœpisse, & habere initium; finem tamen non habituros, sed per Conditoris potentissimam voluntatem in æternum permansuros esse perhibeat. Verum id quomodo intelligant, inuenerunt non esse hoc, videlicet temporis, sed substitutionis initium. Sicut enim, inquit, si pes ex æternitate semper fuisset in puluere, semper ei subesset vestigium; quod tamen vestigium à calcante factum, nemo dubitaret, nec alterum altero prius esset, quamuis alterum ab altero factum esset: Sic inquit, & Mundus atque in illo Di creati, & semper fuerunt, semper existente qui fecit, & tamen facti sunt.

Peripatetici Mundū æternum censuere, atque ex naturæ necessitate manasse, vti ex corpore profilit umbra, & radius ex Sole fluit, & speculo imago resultare conspicitur.

ASILIVS Hexameron Homilia prima, horum sententiam elegantius expressit, cum dixit.

Et quia complures eorum, qui Mundum ab æterno simul cum Deo fuisse, sunt opinati; non ab ipso factum esse, sed quasi adumbratio quædam potentie ipsius esset, sponte velut obiter emerfisse ipsum asseruerunt: atque causam quidem ipsius, Deum esse fatentur, causam tamen voluntate non concurrente; sed perinde atque corpus vmbre, lucidumq; splendoris est causa: ideo talem errorem emendare Propheta percipiens, hac verborum exactissima complexione vsus est; In principio fecit Deus, &c.

AMBROSIVS Hexameron libro primo, capite quinto, id ipsum tradit, vti supra dictum est.

Neoterici attamen omnes de Aristotelis sententia dubitant: existimant alij, quòd ingentis nominis Philosophus Aristoteles, cum enixè validissimis rationibus cœplures priscorum opiniones, & octauo Physicorum, & primo de Cœlo confutasset; suam de Mundi æternitate sententiam non perspicuam detulerit; maximè cum primo Topicorum scriptum reliquerit; Quædam sunt problemata dialectica, de quibus rationes non habemus, vt, vtrum Mundus sit æternus. Quapropter quænam fuerit eius mens, nō vtiq; esse exploratum, conspicuumq; concludunt. Sed econtrā alij clamant vsque adeo Aristotelem suam sententiam prodere conspicuam libro octauo Physicorum, primo libro Cœli, secundo de Generatione & Corruptione, & duodecimo Methaphysicæ; vt rudis, & ignarus Peripateticus dicatur, qui ex Aristotelis placitis ratam, dilucidamq; de æternitate Mundi ipsius opinionem non eliciat: alioquin omnis doctrina de Deo, inquit, de Intelligentijs, de Cœlo, ruere, & obrui videretur. Quòd si problema dialecticum id appellauit, inquit, id dixit, non quòd de ipso dubitaret, & demonstrari non posse existimarit, sed quia problema hoc diuersis, aduersisq; abstractum sententijs, vtriq; parti disceptandi occasionem administret. Aristotelem apprimè insequuti sunt Proclus, contra quem Philoponus disceptat, & Auerroës; & ante hos Strabo Lampiscenus, & Plinius libro secundo capite primo; & alij assecle eius quæstionibus innumeras se obuoluerunt: eo euētu, vt physica quadam obtenebrati indagatione, ad hyperphysicam supereminentem sese attollere, ac efferre, minimè potuerint.

Empedocles Mundum singulari, & erronea sententia, specie æternum, numero verò generabilem, ac corruptibilem existimauit; adeò vt Mundus Mundo succedat; & vno consumpto, alius generetur.

Sed aduersa acie, multò immensior est Philosophorum, ac Vatum antiquorum clas-

Aristotelis
sententia de Mū
di æternitate.

Philosophi
Mundum ge-
nitum existi-
mantes.

Tex. 102.

Creatio Mun-
di eminentis-
simus Fidei
articulus.

Gen. 1.

Patres qui cō-
tra Mundi æ-
ternitatem scii-
pserunt.
Quest. 2. 3. 4.
& 5.

Dist. 1.

An Deus ab
æterno Mun-
dum condere
potuerit.

Lib. Sent. 2.
dist. 2. & pri.
par. quest. 46.
art. 1.

Sentent. lib. 2.
dist. prima.
Quodlib. 1.

Cap. 38.
Lib. 7.

Defensatur
D. Thomas.

sis, quæ Mundum genitum autumat; Siquidem Mundi eternitatis oppugnatōrū, quā-
propugnatorum numerosior est acies. Nam præter Chaldaeos, Eleaticos, & Peripate-
ticos, cunctæ ferè Sectæ Philosophorum vna conspiratione, annuente tacito naturæ cō-
sensu, ac cunctarum gentium ferè iudicio, Mundum genitum tradunt. Vnde & Aristo-
teles ipse, secundo de Cœlo; Omnes, inquit, Mundum generant. Sed ne in re adeò per-
specta, & aliena, in recensendis Gentilium sectis immorer; Ego hoc axioma, Mundū
esse creatum, non vt disceptandum, sed vt Fidei dogma suscipiendum, propono. Ex la-
pidibus nanq; in sacerdotali pectore insitis, lapis hic nobis prior est, fulgentior, & emi-
cantior; ex Fidei, inquam, nobis confessis articulis, hic primus maior, augustiorq; iudi-
catur; Credo in Deum Patrem, Creatorem Cœli, & Terræ. Hoc Creationis Mundi
dogma totius nostræ Religionis basis est inconcussa. Hoc Scripturæ Sacræ oraculis pri-
mum est promulgatum; In principio creauit Deus Cœlum, & Terram. Hoc cuncto-
rum Christicolarum consensu acceptum est, ac probatum; adeò vt nobis omnimodè
execranda aduersa sententia videatur. Prisci nanque Patres, ita hoc dogma exceperūt
tanquam certissimum, diuinæq; Scripturæ oraculo prolatum, vt non ad astruendam ve-
ritatem istam, sed tantum ad peripateticam de Mundi æternitate assertionem proscin-
dendam, ac euertendam, omne studium, omnesq; vires suas conuerterint. Iustinus in li-
bro de quæstionibus à Christianis Gentilibus positis, luculenter, & accuratè præcipua Pe-
ripateticorum fundamenta, quibus æternitatē Mundi astruere autumarunt, prosternt,
ac diruit. Eā ipsam, Basilii de Mūdi Opificio, seu Hexameron Homilia prima, Ambro-
sius Hexameron lib. primo, Augustinus decimo de Ciuitate Dei libro, Cyrillus contra
Iulianū libro secundo, Theodoretus lib. quarto de Græcarū affectionum curatione, pau-
cis irriserunt, ac contēpserunt, Zacharias Scholasticus Episcopus Mitylenensis luculenti-
us Dialogo de Mūdi creatione, contra Philosophos id edisserit. Fusius hoc dogma cribra-
runt Scholastici Doctores in secundo Sententiarū; definientes, q̄ articulus sit Fidei, & à
Scripturis euidentius sit proditū; & quod, si ex Deo naturæ necessitate Mundus prodii-
set, Deus liber Opifex, & Sator tunc non esset. Verū, vt eorum mos est, subtilioribus,
ac inutilioribus se obuolentes disceptationibus, in eam quæstionem agmine factō pro-
perant: Num Deus potuerit Mundum condere ab æterno. Censuere siquidem nonnul-
li, Deum ab æterno Mundum condere potuisse, adeò vt nullum ei impedimentum ob-
stitit, quominus si voluisset, Mundum ab æterno efficere potuisset: causæ etenim in
momento agentis, potest coæuus esse effectus: Propterea Mundum non fuisse ab æterno
certissimis, ac euidentissimis non posse euinci demonstrationibus dicunt; sed Fidei ra-
tione, & reuelatione diuina tantum: Vnde Mundi in tempore genesim, ac nouitatem
(vt aiunt) nulla probabili ratione demonstrari posse edocent. Huius placiti præcipuus
assertor visus est fuisse D. Thomas; cuius sententiæ postea subscribere Thomistæ, præ-
cipuè autem Caietanus, & Capreolus. Alij Deum, Mundum ab æterno non potuisse
condere affirmarunt, quod illi aliquid impedimentum fuerit, hoc est rei ipsius repugnā-
tia, quam & contradictionem Scholæ appellant; cū repugnantia sit inconciliabilis,
esse aliquid creatum, & esse ab æterno. Duces huius sententiæ sunt Albertus ille Ma-
gnus, D. Bonauentura, Henricus de Gandauo; quibus Scotistæ ferè cuncti adheferunt,
maximè Richardus de Media Villa: In eandem pariter sententiam conspirarunt Do-
ctores, qui Mundi æternitatem clarissimis, validissimisq; ac irrefragabilibus rationibus
reijci, ac proscindi posse crediderunt. Horum præcipui fuere, ex recentioribus, Nico-
laus Cusanus libro primo Excitationum, & libro De venatione sapientiæ, & Augusti-
nus Steuchus De perenni Philosophia, & in Cosmopœiæ initio: qui & rethoricis figmen-
tis, atq; coloribus (vt solet) immodestius D. Thomam, ac eius sequaces tacitè vexat;
cū se mirari, ac misereri multorum imperitiam, atq; insaniam dicat, qui clariori, &
augustiori sapientia destituti, in hoc deceptorum hominum iudicia sequantur, vt poten-
tissimas rationes; ideoq; falli, quia non sunt ex eorum numero, qui mentes naturali bo-
nitate, & assidua imbuerunt exercitatione philosophandi. Sed hæc calumnia immerito
in D. Thomam, piissimum, ac iudicij pondere solertissimum, optimæ mentis, & inde-
fessæ exercitationis doctorem, illata est; cū maximè non alias ipse Steuchus contra
Mundi

Mundi æternitatem proferat rationes, nisi eas, quarum semina D. Thomas protulit; & quas, vt vetustas, rancidasq; ipse elusit, atque retudit.

Ego his omiſſis diſceputationibus, veluti in Scholis ſatis, ſuperq; tritis, atq; vulgatis, in ſacrorum Declamatorum gratiam nonnulla adijciam, quæ Mundi æternitatem inſiſtere, ac labefactare videntur; Deumq; liberum Mundi opificem, & ſapientiſſimum effectorem aſtruere, atque omnino demonſtrare conſpiciuntur.

Quòd Mundus non ſit æternus.

Cùm primum oculos in hoc producti à Deo libero ſatore Orbis theatrum erigo, Cælumq; fulgente Sole, pallente Luna, emicantibus Aſtris perlucidum, perpetuis circūlationibus nunquam laſſatum ſuſpicio; vel etiam erumpentem ignem, enitentem aërē, fluentes aquas, confidentem terram, tanquàm iſtius theatri partes immenſas, mirificiſ Vaporem, Lapidum, Metallorum, Auium, Piſcium, Animantium generibus inſignitas, intueor: pulchrum hoc, ac mirificum opus, pulcherrimam, ſtupendiſſimam, ac potentiffimam Opificis Maieſtatem indicare, ac demonſtrare perſpicio; adeò vt hac contemplatione, tanquàm prophetica viſione perſuſus, prodere audeam cum præſtantiſſimo vate; Vidi Dominum ſedentem ſuper ſolum excelſum & eleuatum; & plena erat omnis Terra Maieſtate eius; & ea, quæ ſub ipſo erant, replebant Templum: Seraphim ſtabant ſuper illud, ſex alæ vni, & ſex alæ alteri; duabus velabant faciem eius, & duabus velabant pedes eius, & duabus volabant: Et clamabant alter ad alterum, Sanctus, Sanctus, Sanctus Dominus Deus Exercituum, plena eſt omnis Terra gloria eius, & cōmota ſunt ſuperliminaria cardinum à voce clamantis; & repleta eſt domus fumo. Si qui dem ſi mentem attollo, elegantes contemplationes à noſtro propoſito non alienas, Prophetæ viſio nobis ſuppeditat; præcipuè; Quis ſit Dominus ſedens; Quæ eius immenſa Maieſtas; Qui Seraphim; Qui clamor; Quæ commotio; ac denique; Quinam ille ſit fumus. Quæ omnia paucis perſtringentes, breuiter contemplabimur. Dominus ſedens ſuper ſolum, Deus eſt ipſe Mundi conditor, ac opifex, qui quaſi poſt ſex dies ab omni opere, quod patrarat, quieſcens, conſedit in Mundo, vt in Templo; in ſolio excelſo in ſuper & eminentiſſimo ſupernarum cauſarum omnium faſtigio; Maieſtate autem eius plena eſt omnis Terra; quòd immenſæ Dei Maieſtatis fulgores in hoc eius opificio inſiti, monumentaq; , ac indicia ubiq; ſplendeſcant, niteſcant, ac appareant, prout in proximè ſequenti Patrum Catena cuiq; intueri licebit.

Eſa. 6.

Catena de fulgoribus diuinæ Maieſtatis in Creaturis inſitis; ex quibus elicitur, Mundum à Deo fuiſſe creatum.

Emicat ſiquidem tam ampla Dei ſapientiſſimi opificis Maieſtas in omni, tam ſupernarum, quàm terrenarum creaturarum claſſe, vt reiterare ſæpius poſſimus: Plena eſt omnis Terra Maieſtate eius. Gregorius Nazianzenus, & quamplures Patrum, præcipuè Clemens, Tertullianus, Athanaſius, Chryſoſtomus, Cyrillus Hieroſolymitanus, Theodoretus hos inſitos in Mundi partibus quibuſcunque diuinæ Maieſtatis fulgores, fuſa, & vberriſſima oratione adeò lepidè explicant, ac edocent, vt breuiſſimo argumento eos elicere, ac ſua methodo referre non ineptum iudicari.

Eſa. 6.

Quæ in Mundi machina Dei opificis gloria emicet.

C L E M E N S Papa Recognitionum libro octauo, cùm Nicetam alloquentem introduxiſſet, de ſplendeſcentibus in Mundi machina vnus artificis Dei facibus, ſeu monumentis hæc habet.

Sed etſi ipſe, aliq; Græcorum Philoſophi, de ſactura Mundi ſilere voluiſſent: nome omnibus intellectum habentibus palàm eſſet? Quis enim eſt exigui ſaltem ſenſus homo, qui cùm cernat domum, omnia quæ ad vſus neceſſaria ſunt, habentem; cuius cameram in ſphæra gyrum videat collectam, eamq; vario ſplendore, & diuerſis imaginibus depictam, Luminaribus præcipuis & maximis adornatam; quis inquam eſt, qui huiusmodi fabricam videns, non ſtatim pronunciet à ſapientiſſimo, & potentiſſimo artifice eſſe conſtructam?

ATHANASIVS Oratione contra Idola.

Sæpe ex operibus cognoscitur artifex, etiam si in oculis non sit. Quemadmodum referunt de Statuario Phydiam, quem sua opera ex commensione, & proportionem partium inter se, etiam absentem, extraq; contuitum positum repræsentarint; ita quoq; ex Mundi ordine, eius opifex, & conditor Deus intelligendus est, tametsi corporeis oculis spectari nequeat.

Quæ in Cælo.

CLEMENS Papa Recognitionum libro octauo.

Et ita quis inuenietur insipiens, cum Cæli opus inspiciat, splendorem Solis cernat, ac Lunæ, Astrorum cursus, & species, & vias certis rationibus, & temporibus videat diffinitas; non tam à sapiente hæc artifice, & rationabili, quam ab ipsa sapientia, & ratione clamet effecta? Quod et si secundum alios Græcorum Philosophos audire vis, & mechanicis imbutus es disciplinis; de excelsis, quæ traduntur, non te sine dubio latent. Ponunt enim spheram equaliter ex omni parte collectam, & ad omnia similiter respicientem, atq; à centro Terræ equis spatij distinctam, ipsaq; sui equalitate ita stabilem, ut eam in nullam partem declinare vndiq; equalitas collata permittat; & ita à nullo fulcimento subiecta sustentatur sphaera. Quod si verè hanc habeat similitudinem Mundi machina, euident est opus in ea diuinum: Si verò, ut alijs visum est, super aquas posita sphaera, vel super ipsas fertur, vel in ipsis voluitur, etiam sic magni in ea artificis opus declaratur.

GREGORIUS Nazianzenus de Theologia libro secundo.

Porro si aerem, quæque circa hunc sunt peragrasti, age nunc mecum Cælum, ac Cælestia ingredi. Et hic fides, magis quam ratio nos ducat; siquidem in proximo cursu tuam imbecillitatem didicisti, & dum, quæ rationem tuam excedunt, cognoscere studes, rationem agnouisti. Cælum, inquam, mecum ingredi, ne semper supra terram, vel circa eam hæreas, hoc ipsum quod nescias, nesciens. Quis igitur circumduxit Cælum? Quis ordine hoc posuit stellas? Quin potius, ut, quod prius est, quæram; Quid cælum? Quid stellæ? Potes hoc expedire tu quisquis es sublimiorum istorum professor? qui, cum quæ ante pedes sunt, ignores, neque te ipsum permetiri potes; tamen, quæ supra te ipsum, & naturam tuam sunt, anxio labore inquiris, & rebus mensuram non subeuntibus inbias.

CYRILLUS Hierosolymitanus Cathedra nona, & ipse præclarè plura de Cælo monumenta profert.

Gen. i.

Quid enim habent, quod accusent in hoc maximo Dei Opificio? qui stupere potius deberent intuentes Cælorum magnitudinem, qui adorare deberent constituentem, tanquam formicem Cælum, & ex fluxa aquarum natura indeficientem Cæli naturam fabricantem. Dixit enim Deus; Fiat firmamentum in medio aquarum: Semel dixit Deus, & permansit, neque deinceps cecidit. Aqua est Cælum, & igneus in illo Sol, & Luna, & Sydera; & quomodo ignea in aqua currunt? Quod si quis de hoc propter naturas contrarias dubitat, recordetur ignis illius in Aegypto tempore Moysi exurentis in grandine, & consideret sapientissimum Dei opificium. Cui enim futurum erat, ut propter agriculturam opus esset aquis, constituit aquas supra Cælum, ut cum Terra pluiarum irrigatione indigeret, paratum sit à natura ad hoc Cælum.

IOANNES Chrysostomus alter ecclesiasticus præco, Homilia secunda de incomprehensibili Dei natura, hæc de Cælo edisserit.

Esa. 40.

Vides Cælum hoc, quàm pulchrum, quàm amplum, quàm magnificum sit, quemadmodum vario Stellarum ordine exornetur & splendeat, quantum edurare potuerit temporis. Iam enim quinque millia annorum, atque etiam plus seruatur, & constat; nec tamen longo temporis spatio effectum est, ut senescat, sed ad corporis modum adolescentis robusti floret, vigetq; atate; & quam principio sortitum est pulchritudinem, eandem integerrimam seruat, nulla ex parte factum deterius tanto spatio temporis. Attamen hoc pulcherrimum splendidissimum stellis elegantissimè ornatum, infesum, eduransq; iamdiu, Deus, quem tu scrutaris, & rationibus tuis subijcis, & definis, quasi quis per ludum tugurium faceret; ita summa cum facilitate creauit. Quam rem Esaias propheta pulcherrimè exprimit, cum dicit; Qui instituit Cælum sicut cameram, & extendit sicut tabernaculum super terram.

ATHANASIVS Oratione contra Idola.

Quis enim Cælestem ambitum, cursum Solis & Lunæ, aliarumq; Stellarum situs, rationesq; actus in orbem, contrarias quidem, & diuersas, sed tamen in diuersitate illa equaliter ordinem suum seruantes, non secum ratione cinetur, illa non à seipsis creata esse, sed alium esse earum rerum conditorem, gubernatoremq;?

Quæ in Astris.

CLEMENS Papa Recognitionum libro octauo.

Sed ne de his, quæ non omnibus palam sunt, incerta videatur assertio; ad ea veniamus, quæ neminem latent. Quis Astrorum cursus tanta ratione disposuit, ortusq; eorum, & occasus instituit, certisq; & demens temporibus vnicuique tenere Cæli ambitum dedit? Quis ad occasum alijs etiam redire in ortum permisit? Quis imposuit modum cursibus Solis, ut horas, & dies, & menses, ac temporum vicissitudines diuersis motibus signet?

gnet? & nunc Hyemem, inde Ver, Aestatem, post & Autumnum, certa cursus sui dimensione discernat? & semper eisdem vicibus anni orbem inconfusa varietate constringat? Quis, inquam, tanti ordinis moderatricem non ipsam Dei pronunciet sapientiam? Et haec quidem secundum illa nobis dicta sint, quae de excelsorum disciplinis traduntur à Graecis.

GREGORIUS Nazianzenus de Theologia libro secundo.

Sed Sol hinc concedat, tu verò Lunae naturam, affectiones, magnitudinem, lucem, & cursus nostin? Tum qui Sol diei, Luna verò noctis habeat imperium? Ut quae haec belluis inferat audaciam, ille verò hominem ad opus excitet, dum certis viribus, ut nobis fuerit commodissimum, nunc se demittit. Iam Vergiliarum nexum, aut Orionis armaturam, scilicet intellexisti? ut qui Stellarum multitudinem numeres, earumque singulis nomina indas. Tum quo quaeque decore praeter ceteris commendetur, qui motus ipsarum ordo, coeptum habes? dignus videlicet, cui fides habeatur, res nostras, atque adeo mortalium facta ad siderum rationem applicanti, & per hoc in Creatorem creaturam armanti?

Splendidissimorum horum luminum fulgores, influxus, magnitudines, cursus nobis propemodum ignoti Dei opificis maiestatem indicant, atque demonstrant, ut clameamus; Plena est omnis terra Maiestate eius.

ATHANASIVS Oratione contra Idola.

Quis item Solem conspiciens diurno tempore exorientem, Lunam verò noctu apparentem, indemutabili lege pro certo numero dierum incrementa, & decrementa sumere, ex sideribus alia discurrere, & multipliciter cursus suos euariare, alia verò citra vagationem certo modo procedere; non animo colligat omnino esse aliquem opificem, qui ista gubernet?

CYRILLVS Hierosolymitanus Cathedesi nona.

Operae pretium autem fuerat illis, non modo Solis & Lunae machinam admirari, & stupere: verum etiam Astrorum ordinatos progressus, & perpetuos cursus, & vniuscuiusque opportunos ortus. Et quomodo alia quidem sunt signa Aestatis, alia verò Hyemis; & quomodo alia quidem tempus seminandi indicant, alia nauigandi initium significant; ita ut homo in naui sedens, & incertis fluctibus nauigans, in Stellam aspiciens, dirigat nauem. De quibus etiam Scriptura; Et erunt, inquit, in signa & tempora, & annos: non in Astrologiam, & Genethliacorum fabulationes. Vide autem, quomodo etiam in die nobis pulchritudinem conferat, non ex improviso. Non enim statim Solem orientem intuemur, sed progreditur paulatim lumen, ut prospiciens pupilla, possit deinde maiores radios aspicere. Quomodo verò noctis tenebras Lunari splendore consolatus est?

Gen. 1.

Quae in Sole.

GREGORIUS Nazianzenus vbi supra.

Hic splendoris excellentia ceteras Stellae magis obscurat, quam earum aliquae minores alias. Cuius argumentum est, quod haec, quamuis infra in suis orbibus obscurantur, ille tamen in superiori orbe magna claritate conspicuus manet, ac eas, ne tum quidem cum una secum existunt, conspici sinat; ipse interim pulcher ut sponsus, velox, & magnus ut gigas (neque enim libet hunc aliunde, quam è nostris literis exornare,) tanta praeditus facultate, ut è tanta Caelorum celsitate, tanto intervallo subiecta, partim luce, partim calore attingat, nec sensum eius effugiat quidquam, dum implet oculos omnium lumine, & corpoream naturam calore. Nimirum & temperatae suauitate, & motus ordinata varietate, fouens, non vrens: omnibus praesens, omniaque equo contingens. Atqui illud, quod ab externorum quodam profectum est, si quid valeret intelligeres, immanem, quanti tibi esset? Quod, inquit, in intellectibus est Deus, hoc in sensibilibus Sol. Nam ut ille mentem, ita hic oculos illuminat, utque ille eorum, quae percipiuntur intellectu; ita hic eorum, quae sensu, longè est pulcherrimum. Sed quid illud, cuius vi ab initio mouetur? quid adeo, quo hic motus in orbem aeterna vertigine ita voluitur, ut dies, noctesque pariat?

CYRILLVS Hierosolymitanus Cathedesi praenotata.

Quis autem non admiretur aspiciens Solis machinam? quam paruum vas illud apparet, & quam magnam continet virtutem. In Oriente apparens, & usque ad Occidentem lumen emittit. Cuius matutinos ortus describens Psaltes, dixit; Et ipse tanquam sponsus procedens de thalamo suo: Splendoris illius proportionem, pro ipsius modo apparentis in Caelo descripsit; meridianam enim illius rapiditatem persaepe propter feruorem fugimus. Simul ut oritur, calidus est omnibus, tanquam sponsus conspicuus. Aspice autem & cursum ipsius, immo potius non ipsius, sed illius, qui cursum illi per mandatum definiuit. Quomodo altior quidem Aestate, dies efficit longiores, dans ad labores hominem opportunitatem; Hyeme verò contrahit cursum, ut frigoris tempus longius non videatur, sed noctes quidem factae maiores, inueniunt homines requie, inueniunt & in fructificatione germinum terrae.

Psal. 118.

AMBROSIVS Hexameron libro quarto, capite primo.

Oculus est enim Mundi, iocunditas Diei, Caeli pulchritudo, Naturae gratia, praestantia Creaturae. Sed quando hunc vides, auctorem eius considera: quando hunc miraris, lauda prius ipsius Creatorem. Si tam gratus est Sol, qui consors, & particeps est creaturae; quam bonus est Sol ille iustitiae? Si tam velox iste, ut rapidis cursibus

Iob. 9.

Ioan. 1.

Agg. 2.

bus die ac nocte lustret omnia; quantus ille, qui ubique semper est, & maiestate sua complet omnia? Si admirabilis qui iubetur exire; quam super admirationem qui dicit Soli, & non exoritur, ut legimus? Si magnus est, qui per horarum vices locis aut accedit, aut decedit quotidie; qualis ille, qui etiam, cum se exinaniret, ut nos eum possemus videre, erat lumen verum, quod illuminat omnem hominem venientem in hunc Mundum? Si prestantissimus qui obiectu terrae sepe patitur defectus; quanta maiestatis, qui ait; Adhuc semel ego mouebo Terram? Illum terra abscondit, illius motum non potest sustinere, nisi voluntatis eius substantia fulciatur.

Quae in Nocte, et Die.

CYRILLVS Hierosolymitanus Catechesei nona.

Psal. 18.

Perspicere autem, quomodo ordine pulchro sibi mutuo dies correspondent; Aestate aucti, & Hyeme diminui; Vere autem & Autumno, equalitate interuallorum mutuo decorati. Et noctes quoque similiter perficiunt. De quibus Psaltes ait; Dies dici eructat verbum, & nox nocti indicat scientiam. Nam his qui non habent aures haereticis, modo non clamant per hunc optimum rerum ordinem, & dicunt; Nullum esse alium Deum, praeter ipsam opificem, definitorem & gubernatorem vniuersorum.

Quae in Anni temporibus.

ATHANASIVS Oratione contra Idola.

Qualitates
contrarias, cō
cordes fieri à
Deo.

Quis oculis vicissim animaduertens, Hyemem concedentem Veri, Ver Aestati, Aestatem Autumno, eaq; inter se contraria: cum aliud infrigidet, aliud seruesfaciat, aliud foueat, aliud corrumpat; omnia tamen ista & qualem, innoxiumq; vsum hominibus conficere: non consideret esse aliquem istis prestantiorem, qui omnibus equalitatem prebeat, omniaq; gubernet, quanquam sub oculos nostros non veniat?

Quae in Elementis.

ATHANASIVS Oratione eadem.

Quis item cernens contrarias in se naturas, coaptatas tamen esse, & concordem harmoniam tenere: veluti quis videns ignem frigidum, & siccum humido commixtum esse, atque haec sibi inuicem non resistere, sed vnum quasi ex vno corpus absoluere: non secum cogitet, foris & seorsum esse eum ab istis, qui ista ad hunc modum coniunxerit?

Quae in Elementorum diuersitate.

IOANNES Chrysostomus Homilia in Psalmum centesimum trigessimum quartum.

Quemadmodum enim qui habet in thesauro, securè omnia, & quando vult, profert; ita etiam Vniuersi opifex fecit facile, & naturae tradidit. Vide quanta sit etiam in aere differentia, quemadmodum sunt in aqua, & igne multae mutationes. Aquarum enim aliae sunt fontanae, aliae verò marinae, aliae autem aëreae, aliae quae sunt in nubibus, aliae verò caelestes, aliae quae sunt supra Caelos, aliae quae sunt subterraneae. Et in igne, hic quidem est in Sole, ille verò in Luna, alius in fulgure, alius in aëre, alius qui sit ex lignis, qui est apud nos, & is qui est in lucernis, alius qui ex terra; est enim sepe eiusmodi ignis, qui è terra editur sicut fontes aquarum, alius qui sit ex collis lapidibus, alius qui est in comis arborum, quae ipse quoque colliduntur, alius autem in fulminibus. Ita etiam in aere, hic quidem est crassior, qui est circa nos: ille verò subtilior, qui est superior, magis igneus. Porro autem ventorum quoque sunt multae differentiae: hic quidem subtilior, ille verò crassior; alius quidem frigidior; alius verò siccior; alius quidem humidior, alius verò calidior. Aer autem & nubes, haec quidem sunt similes vris, & vasis aquarijs, ut quae aliquando quidem sint plene aquis, aliquando verò ferantur inanes. Aliae verò sunt stabello similes. Tu autem haec, eorumq; diuersitatem & varietatem considerans, admirare Opificem.

Quae in Elementorum commixtione.

ATHANASIVS Oratione contra Idola.

Dei opera ex-
tra leges Na-
turae.

Quis spectans in aëre nubes ferri, & in nubibus aquarum pondus colligatum, non cognitionem concipiat de eo, qui eas res colligauit, cuiusq; iussu haec omnia sunt? Aut quis considerans ipsam Terram natura grauissimam in aqua stabiliri, immotamq; consistere in re suapte natura agitabili; non secum expendat esse aliquem, qui haec ita disposuerit & fecerit, Deum? Quis rursus videns suis temporibus Terrae fecunditatem, ac pluias caelestes, annuum affluxus, fontium scaturigines, animalium ex diuersis sexibus foetus; eaq; non semper, sed certis temporum vicibus fieri: in summa quis animaduerso in dissimilibus, contrarijsq; parem, similemq; ordinem ex illis constari, non animo ratiocinetur, vna esse vim, potentiamque, quae ista dispense & gubernet? pro cuius arbitrio, omnia ita ritè in eo statu perseverant? Ipsa enim per se nunquam vel constiterint, vel apparuerint ob mutuan

Prosequiturq; pluribus id vnum demonstrare, quod seditione omnia ruerent, si Deus vnus moderator Mundi partes repugnantes non conciliaret.

THEODORETVS libris de Providentia mirificè & ipse vberissima Oratione de his edisserit, præcipuè autem libro quarto de Græcarum affectionum curatione, qui est de Materia & Mundo, hæc habet;

Pfal. 103.

THEODORETUS libro nuper à nobis citato.

THEODORETUS libro nuper à nobis citato.
Ego itaque vehementer admiror naturam aeris inconsumptam persistere, cum tamen tot numero homines, totq; animalia rationis expertia, illum spirando & attrahant, & remittant, Solisq; adeo feruentes radij permeant, do traiciant, pręterq; Solem ac Lunam idipsum stelle quoq; efficiant. Sed enim undique Mundum intuenti, miraculum miraculo superadditur. Parum verò abest, ne confidenter dicam miraculum hoc loco pro miraculo habendum non esse. Cum sit enim Mundi Opifex Deus omnipotens, quęcunq; ab eo fiant, decet admirari quàm minime, sed auctorem profectò decet laudari quàm maximè. Theologia libro secundo.

GREGORIUS Nazianzenus de Theologia libro secundo.

Quis, qui diffudit aerem, ingentes profectò diuitias, adeoq; copiosas, vt benignitatem suam neque dignitate, neque fortuna cuiusquam emetiatur: adeò latè patentes, vt nullis finibus terminetur, neq; certis ætatis gradibus sese impertiat. Sed ex quo, vt olim Manna quantum satis sit, quisque pro se accipiat, sitq; hoc modo ex sortis equalitate apud omnes gratiosa largitio. Hic volatilis natura suum vehiculum habet; hic Venti sedem; hic Anni partes pro rerum opportunitate temperantur; hic animantium refrigerium, immo non aliud est vehiculum, quo anima cum corpore cohereat, conserueturq;. In hoc corpora, & cum hoc etiam loquendi facultas vigent; In hoc est quidquid aut per se lucet, aut aliunde illuminatur: per huius denique tractum visus, velut iaculantes vires suas, exercet.

Que

Quæ in Aeris impressionibus.

GREGORIVS Nazianzenus vbi supra.

Iob. 38.

Sed enim cetera considera. Neque enim quæ aeri vulgo tribuuntur, vniuersa hæc concedam in eius esse potestate, quænam Ventorum sunt receptacula? Qui niuium velut thesauri? Quis, qui secundum quod scriptum est, roris stillas peperit? Turn à cuius ventre procedit chrySTALLUS? Quis aquam alligat in nubibus eo temperamento, vt partim quidem supra nubes sistat (tanto miraculo fluxe nature verbo coërcite) partim autem supra faciem omnis terræ effundat, dum tempestiue, & aqualiter velut semina spargit, nec liquidam hanc essentiam liberam, laxatamq; dimittit, (semel enim Mundum hoc lauacro Noë temporibus expurgatum sufficit; nec pacti sui immemor est is, qui ab omni mendacii specie est alienissimus) nec coërcet omnino, vt ne Elia aliquo siccitatem deprecante, denuo sit opus. Si, inquit, Cælum clauserit, quis aperiet? Si vero aperuerit cataraclas, quis eas coërcabit? Quis enim pluuiæ in vtrumq; liberam vim ferret, si non ipse suis ipsius mensuris, certisq; sistendi legibus dirigeret vniuersa?

CYRILLVS Hierosolymitanus Cathedesi nona.

Quis est pluuiæ pater? Quis est qui peperit guttas roris? Quis est qui aërem condensat in nubes, & imbrium aquas portare iubet? & aliquando quidem à Borea nubes splendidas adducit, aliquando vero in caliginem transmutat easdem; & rursus in varios circulos transfert, & figuras. Quis poterit numerare nubium varietatem? de quibus dicit Iob; Constituit autem diuersitatem nubium, Cælum vero declinauit in terram. Et; Non rumpitur nubes sub ipsa. Tot enim sunt aquarum mensuræ super nubibus, & non rumpuntur, sed omni cum ordine in terram sparguntur. Quis est qui educit ventos de thesauris suis? Quis est, vt diximus, qui parit guttulas roris? De cuius ventre egreditur chrySTALLUS? aquea enim substantia, & vis illi est lapidea. Et; quomodo aqua fit nix sicut lana? Quando vero & nebulam sicut cinerem spargit, quandoq; in lapideam substantiam mutat? Cum madefacit aliquid aqua, vna quidem illius est natura, sed diuersa operatio. Aqua in vineis, vinum facta, letificat cor hominis; & alibi in diuersa fructuum genera mutatur. In his blasphemare ne Opificem, an adorare oportet?

Quæ in Ventis, & Imbribus.

CLEMENS Papa Recognitionum, libro octauo.

Quid autem & de his, quæ vel in Terris, vel in Mari videmus, nonne euidenter edocemur, Dei in his non solum opus esse, sed & prouidentiam? Nam quod in Terra Montes excelsi, certis quibusq; habentur in locis; vt ex his velut compressus, & coangustatus aër, ordinatione Dei cogatur, & exprimat in Ventos: ex quibus & fructus germen concipiant, & æstiuus ardor temperiem sumat: Cum Pleiades ignis Solis ardoribus incandescunt. Sed dices; Cur & ardor Solis, vt temperies requiratur? & quomodo fruges humanis vsibus necessarie matureferent? Sed & illud aduerte, quod ad axem Meridianum, vbi plus est caloris, non multa datur nubium constipatio, nec abundans copia imbrium funditur, ne morbus habitantibus generetur; humida enim nubes, si calore rapido coquantur, aërem corruptum & pestiferum reddunt. Sed & Terra, calidum imbrem suscipiens, non nutrimenta segetibus, sed perniciem præbet: in quo, quis dubitat opus esse diuinæ prouidentie? Denique Aegyptus, quia Aethyopiciis è vicino flagrat ardoribus: ne insanabiles corruptelas aëris imbrium necessitate susciperet, campi eius non pluuiam nubibus ministratam, sed terrenum quodammodo imbrem, Nilo inundante, suscipiunt.

Quæ in Fulgetris, & Tonitruis.

GREGORIVS Nazianzenus de Theologia libro secundo.

Deinde, quid certi afferes mihi de fulgetris, de tonitruis, o Philosopho, quisquis in Terra repens Cælo velut obronas, cum ne minima quidem peritatis scintilla tibi illuxerit? Quos vapores à Terra sursum vergentes, qui nubium parentes sint, causaberis? aut aeris quandam densationem, aut nubium velut insanientium collisionem, fragoremq;? Nimirum vt collisio tibi fulgetrum, tonitruum verò fragor efficiat? qualis spiritus iste, qui in archam adeo cogitur, vt exitu inde sibi aliquantisper frustra quesito, in nubis obiecta latius impressione facta & stellarum fulgore coruscet, & perruptionis sonitu crepet?

Quæ in Aqua, Fluminibus, Fontibus, et Mari.

CLEMENS Papa Recognitionum libro octauo.

Quid de Fontibus dicemus & Flumijs? qui perenni in Mare fluunt meatu? & per diuinam prouidentiam nec illis abundans deficit cursus, nec Mare, tantas aquarum recipiens copias, vllum sentit augmentum; sed in eadem mensura, & ea quæ conferunt, & ea quæ ibi conferuntur, elementa perdurant. Sed dicis mihi, salsa aqua naturaliter consumit fluentium dulce, quod ei fuerit infusum. Et in hoc ergo manifestum est prouidentie opus, vt salsum faceret illud elementum, in quod cursus omnium aquarum, quas ad vsu hominibus præstiterat, declinauit:

nauit: vt ne per tanta seculi spatia, repletus Maris alueus, inundationem perniciosam terris, & hominibus redderet. Nec ita quisquam insipiens erit, vt hanc tantam rationem, tantamq; prouidentiam, ab irrationabili natura arbitretur esse dispositam.

GREGORIVS Nazianzenus præferto libro.

At Maris si non possem mirari vastitatem, mirarer tamen mansuetudinem: videlicet, quod cum liberum sit ac solutum, tamen inter proprios limites consistat. Quod si non mansuetudinem, certe magnitudinem suspicerem: verum quando vtræque res inuitant, vtriusque quoq; facultatem prædicabo. Tum autem, quæ uis Materie hoc sic coëgit, quæ sic velut lege astrinxit? Quæ undis attollitur, & tranquillitate resistit, Terram velut vicinam suam reuerita? Qui sit, vt cum tot fluuios excipiat, ipsum tamen tanto accessu nihil increseat? Nimirum propter ingentem aquæ abundantiam, aut ipse quid aliud pro causa adferri oportet haud scio. Postremo, quæ ratione ipsi arena sit margo tali ac tanto elemento. Habentne hic aliquid, quod probabiliter afferant, naturam si bi exploratam professi vani isti sapientes, & re vera ciato Mare metientes, vt qui ingenii sui angustiis res tantas pertractent? An potius ipse compendio rem ex scriptura transigam, longè certè, quàm istorum prolixæ dissertationes, tum probabilius, tum verius, præceptum, inquit, circumdedit supra faciem Terræ; hoc est liquida nature vinculum. Adhæc quomodo Terræ pondere grauem nautam gestat exiguu ligno, & statu? Hoc cū vides, non miraris? nec cogitationis acies retunditur, dum attendis, vt pro vsibus, & commercijs Terra Maris coniungatur, & in hominis gratiam ea coëant, quæ alioqui tantis interuallis distant?

CYRILLVS Hierosolymitanus Cathedesi præallegata.

Vna est aquarum natura, & ex eadem est natantium & volatiliu substantia; vt sicut illa natant in aquis, sic & aues volent in aëre. Hoc Mare magnum, & spatiosum, illic reptilia, quorum non est numerus. Quis poterit enarrare piscium in ipso pulchritudinem? Quis eloquatur cætorum magnitudinem, aut amphibiolorum animalium substantiam? Quomodo & in terra rudi, & in aquis degunt? Quis poterit eloqui Maris profunditatem, & latitudinem, & immensum fluctuum impetum? Qui tamen intra limites suos consistunt, propter eum qui dixit; Hucusq; progrediaris, & non transgrediaris: & in teipso confringantur fluctus tui. Quod sanè manifestat impositam sibi legem, quandoquidem excurrens, fluctuum quandam lineam a pertam efficit in littoribus: ostendens intuentibus, quod præfixos sibi non transgreditur terminos.

GREGORIVS Nazianzenus libro iam allegato.

Hinc percurrere mihi Terræ communis omnium matris longitudines, latitudinesq; ac sinus marinos, qui & inuicem & terræ connectuntur, rûm nemorum pulchritudines, fluuios, fontes vberes adeo, & perpetua scaturigine affluentes, non tantum frigida, potabiliq; supra terram, sed & qui sub terra fluentes cavernas subeant. Vnde dum violenti flatus impulsu erumpere gestiunt, interuenientis materiæ obiectu reuerberantur, donec elationis, mutæq; impressionis impetu feruescentes, paulatim qua datur, perumpant, atque hinc calidorum lacuum nobis largiuntur, gratuitam sanè Terræ, vltioneamq; sepe numero Medicinam, reluctantis nature facultate temperatam.

Mirabiles hi euentus, non certè à natura casu profiliunt, sed à Deo auctore nature in hominum gratiam. Quapropter, Plena est omnis terra gloria eius.

Et post. Porro autem fontium, qui primi sint fontes, inquire homo, si quid horum peruestigare, inuenireq; poteris, dum quis fluuios dissecuerit? Quis illis liberum adeo dederit cursum? postea, vt ex contrarijs existat miraculum, dum neque Mare terminos suos egreditur, neque fluuij vnquam resistunt. Vt insuper alant aquæ, & quod alimenti huius discrimen, quando hinc alia cælitus irrigantur, alia ipsis radicibus succum adbibunt. Liceat enim mihi animi causa his verbis deliciari tantisper, dum has Dei delicias expono.

IOANNES Chrysostomus, Homilia in Psalmum centesimum quadagesimum octauum.

Nec hæc solum miranda sunt, sed abyssi etiam profunditas. Quod autem in animali, hoc etiam cerni potest in Mari. Nam cum ipsum ventorum flatibus sit intolerabile, & tantam habeat aquarum multitudinem: non erumpit ex proprijs terminis, non inuadat terram vicinam, sed ipsum quoque est alligatum vinculis immobilibus, licet sit alioqui natura aquarum insolens. Cum autem tanta sit magnitudine, & à tantis spiritibus impellatur; considera quanti sit miraculi, nec per insolentiam, nec per molem, ac magnitudinem, nec per vim intolerabilem suo loco excedere, sed in tanta insolentia ordinem & modum pulchrè seruare. Hæc ergo apud te reputans poteris hinc quoque Deo laudem & hymnum texere, & eius admirari potentiam, sapientiam, virtutem, potestatem.

THEODORETVS de Grecarum affectionum curatione libro quarto, qui est de Materia & Mundo.

Neque ipsam Mare, quanquam inde nubes vim aquarum incessanter exhauriant, imbresq; pariant, terrisq; dissindant, imminutum olim, exhaustumve esse cernitur; non ab ijs denique littoribus recessisse, quæ olim fluctibus suis obduxit. Sed neque rursus auctum exuberat, tametsi plurimos vndecumque fluuios illabentes accipiat. Neque verò nunc disserendum puto, vnde iugis fluuiorum copia deuoluatur. Ineffabilis enim mihi, penitusq; abstrusa hæc quoque ratio est.

Et cum de ijs parum disputasset, re non diffinita adiecit;

Ego tamen hoc tempore materiam hanc conuenire mihi non arbitror, quippe qui alios cohorter, ne causas diuinae gubernationis curiosius indagent, sed admirentur potius ea, quae facta sunt, ipsamque opificem huius laudando concelebrent.

Quae in Terra.

GREGORIUS Nazianzenus eodem loco.

Quid autem magna haec & inartificialis velut fabrica? qui sit ut terra quidem stet fixa, & immobilis cui inmittitur? & quid tandem id, quo nititur? hoc ipsum, quo deinceps suslinetur? Neque enim ratio haec praeter Dei voluntatem, in quo gradum firmet, habet quidquam. Eadem haec Terra, quomodo alibi in Montium cacmina assurgit, alibi in campos desidet? idque specie varia & multiplici, dum crebra permutatione subinde alia, atque aliam faciem exhibens, tum est ad vitae usum copiosior, tum ipsa varietate gratiosior? Deinde qui partim pro habitantium usu distrahitur, partim inhabitabilis iacet: ut interim taceam quotam eius portionem motuum celsitates abscindant. Tum ut alia alio fine distermineetur, alia alio porrigatur abeatque? Quae consideratio diuini opificij magnificentiam ostendit clarissime.

IOANNES Chrysostomus Homilia secunda de incomprehensibili Dei natura.

Quid de ipsa Terra? Qui continet gyrum Terrae, qui fecit Terram quasi nihil, tam ingens corpus, tam opus arduum. Animaduerte quot montium moles, quot mortalium gentes, quot stirpium, quot quadrupedum reptilium, denique animantium genera suo dorso sustineat tellus. Sed tamen hanc talem, tantamque Deus facile aded condidit, ut Propheta, quod ne exemplum quidem tante facilitatis haberet, perinde ac nihil factum tradiderit. Quam enim non satis rerum conditarum magnitudo & ornamenta potentiam, facultatemque sui conditoris exprimerent, sed longe ab omni illius vi, & excellentia iacerent inferius, modum Prophetae excogitarunt aliam, quo pro viribus possent aliquid plus nobis explicare de diuina potentia: quo magnitudinem non solum creaturarum, sed etiam modum creationis referrent, ut utraque ex parte videlicet, tum rerum magnitudine conditarum, tum facilitate condendi, possemus dignius quid pro virili nostra de Deo omnipotenti intelligere.

THEODORETUS libro quarto de Graecarum affectionum curatione.

Illud praeterea opificis Dei sapientiam plane, potentiamque ostendit, quod neque ipsa tellus, quanquam per tot annorum millia aratris terga scindatur, seratur, conseraturque, quanquam & fructibus alimenta sufficiat, conculcetur, effodiatur, radatur imbribus, niuibisque subsidat, atque ardoribus atteratur, ullam sui diminutionem perpeffa est, minoresve agricolis fetus, aut pauciores educit.

Quae in germinibus, ac lapidibus, ceterisque Terrae speciminibus.

CLEMENS Papa Recognitionum libro octauo.

An non & in hoc plenissimum demonstratur opus diuinae providentiae: ubi ex terra, & aqua ad vitam hominum semina iacta reparantur? quae cum Terrae fuerint mandata, uoluntate Dei humorem, quem suscepit gleba, uelut uberibus suis seminibus immulget: aquis inest quaedam uis spiritus a Deo dati ex initio, cuius opere habitus futuri corporis in ipso statim semine formari incipit, & per culmum, spicamque restitui: tum gestato etenim ex humore seminum grano, per angustos quosdam venarum meatus, uis illa spiritus, quae in esse aquis data est, utpote incorporea transcurrens, ad incrementum semina suscitatur, & crescentium species format. Munus sterio igitur humidi elementi, cui vitalis ille spiritus insitus semper, & ingenuus est, efficitur, ut non solum reparatur, sed ut per omnia similis species, & forma his, quae iacta fuerint seminibus redeat. Quae ratio, cui uel breuem sensum habenti, per irrationabilem naturam, & non per diuinam sapientiam constare uidebitur?

GREGORIUS Nazianzenus ubi supra.

Age & plantarum discrimina considera, adeoque in ipsis folijs artificiosa ratione discutiens, qui haec simul aspectu sint iocundissima, simul fructibus utilissima? Tum fructuum, & varietatem, & abundantiam, praecipue uero eorum, qui maxime necessarij sunt, pulcherrimam speciem. Deinde spectra facultates radicum, succorum, florum, odorum, qui non suauissimi tantum sunt, sed & ad ualitudinem curandam idonei. Ad haec colorum gratias, & qualitates; tum lapidum sumptuosa pretia, fulgoresque. Etenim haec omnia uelut in publico quodam epulo natura tibi proposuit, & quibus utaris, & quibus oblecteris; ut si non aliunde, saltem ex beneficijs, quibus te affecit, Deum agnoscas, tuaque propria aegestas te prudentiorem, doctioremque reddat.

CYRILLUS Hierosolymitanus Cathedesi nona.

Circumspice mihi uer, & diuersi generis flores in similitudine disparata. Rosam quidem rubram, Lilium autem album. Ex una sane pluuia haec fiunt, & ex una terra. Quis haec discernit? Quis operatur? Considera solertiam ex una arboris substantia, hoc quidem in tegmen, illud autem in varios fructus crescit. Et unus opifex unius uinae, aliud quidem in combustionem, aliud in germina, aliud in folia, aliud in pampinos, aliud in botros separat. Admirare calami densissimum nodorum ambitum, quem fecit ille Artifex, ex

una Terra reptilia prodeunt, & fere, & iumenta, & ligna, & cibi, & aurum, & argentum, & aes, & ferrum, & lapis.

Quæ in Piscibus.

GREGORIVS Nazianzenus loco asserto.

Perpende mihi, quæso, natatilem illam naturam, quæ per aquas lubrico fertur libramine, ac. per liquidum elementum, quasi volat. Quæ cum in proprio aquarum spiritu, perinde atque delitijs suis uersetur, in aere hoc nostro periclitatur, non secus, atque nobis periculum est in aquis. Tum eius generis mores, studia, concubitus, partus, magnitudines, pulchritudines, certas mansiones, vagantium errores, conuentus, & secessus: breuiter cuiusque proprietates propemodum non minus varias, quam sint & terrenorum. Nonnullorum autem & amicitias, & factiones inter se quorundam, cum specie, tum nomine contrarias.

Num hæc primum absque diuinæ prouidentiae nutu manarunt? Num hæc aquæ fluidæ incongestæ à se protulere? Quæ uis aquarum hæc unquam gignere posset? Producant aquæ reptile animæ duxere certè aquæ, sed Dei verbo imperante, & dicente; Producant aquæ reptile animæ uiuentis. Plena est omnis terra gloria eius.

Quæ in Auibus.

GREGORIVS Nazianzenus Oratione citata.

Post hæc & volucrum expende greges & varietates, siue figuram, siue colores spectes. Ex his aliæ sunt mutæ, aliæ cantillant etiam. Et quæ cantus huius est ratio? & unde? Quis cicadæ plectrum dedit in pectore? Quis cantiones, & garritus, qui bus arborum rami tum personant, cum illæ solis temperamento hilarescentes nemoribus meridiane musices pensam persoluunt, tanta cum audientium suauitate, ut viatores nonnunquam ab instituto itinere voce sua distineant? Quo præcinnente carmen contexit olor, cum pennis, velut fistulis quibusdam, in auram explicatis modulos facit.

CYRILLVS Hierosolymitanus Carthechesi nona.

Quis poterit perspicere adreorum volatilium naturam? quomodo hæc quidem linguam habent canoram; ista autem varia pennarum ornantur pictura; illa verò super alia omnia in medium aërem elata stare, & nihil moueri videntur, ut accipiter distentis alis stat immobilis, spectans ad austrum. Quis hominum poterit visu consequi Aquilam exaltatam? Quod si auem exaltatam non potes conspiciere, quomodo Factorem omnium vis considerare?

Quæ in Pauone.

GREGORIVS Nazianzenus ubi supra.

Quo auctore Pauo volucris planè insolens & curiosa, adeo est formæ studiosus & ambitiosus (ut sentiat enim suam ipsius formam) si quando quempiam adesse animaduertat, aut, quemadmodum aiunt, feminis suam facere studeat, erecto collo, pennisque in orbem explicatis, speciem auri, stellarumque fulgore coruscantem spectaculi vice sui admiratoribus ostendet, composito in hoc superbo quodam incessu? Iam & diuina scriptura mulierum in texendo sapientiam, admiratur.

Quæ in Apibus, Araneis, & Gruibus.

GREGORIVS Nazianzenus loco adducto.

Vnde Apibus, Araneisque cum industria, tum artis tantum suppetat, ut illæ quidem in cellis fauos suos connectant, distendantque per sex angulas fistulas: quas æqualibus in medio spatij relictis sic ædificant, ut in eorum medio, quasi muro quodam interiecto, angulorum rectorum commissura ipse sibi sedes instituant; eaque in alueis adeo caliginosis inuisibili fingendi artificio efficiunt. Hi autem cum interim unde texturam suam exordiantur conspicuum sit, nihil tamen per stamina subtilia adeo, & propemodum aërea multiplici specie deducta sinuosas, inexplicabilesque telas contextant: quæ simul habitaculum, neuiquam vile, simul in alimenti prædam infirmorum animantium mirabile præbeant aucupium. Et quis Euclides aliqui limineis, quæ nusquam sunt effingendis occupatus, ac in demonstrationibus anxie laborans, ingenium hoc imitatione consequutus est? Cuius Palamedis opus æquarit tam ordinatos Gruum motus? tam appositas figuras? tantas denique artes volucris? quæ cum variè volent, certò tamen agmine, ordineque promouent? Qui Phidias? Qui Zeuxides? Qui Polygnoti? Qui Parrhasij? Qui denique Aglaophontes rerum formis pingendis, fingendisve nobiles, cum ijs animalibus compositi non sordebunt. Immo quis vel Gnosius Dedali Chorus Nymphæ tanta concinnitate ad summam pulchritudinis admirationem elaboratus? vel labyrinthus Cretensis inexplicabili ambagum perplexitate sinuosus, & sæpenumero inexpectata secessuum reciprocatione exire conantem, frustratus?

CYRILLVS Hierosolymitanus Cathedesi nona.

Psal. 118.

Et rursus vade ad Apem, & discere quàm laboriosa sit: quomodo flores omnis generis oberrans, congerit tibi Mel in usum: ut & tu circueiens diuinas Scripturas, tuam ipsius salutem apprehendas, & illis satiatur dicas; Quàm dulcia faucibus meis eloquia tua super mel & fauam ori meo.

Quæ in Terrestribus Animantibus.

CLEMENS Papa Recognitionum libro octauo.

Quid de animalibus dicam? Nonne per prouidentiam factum est, ut cum senecta temporis resolverentur, per progeniem reparentur: & mira quadam dispensatione prouidentie, nascituro pecori lac preparatur in vberibus, ac statim, ut natum fuerit, nullo docente, scit, ubi alimonie sue horrea requirat? Gignuntur autem non solum mares, sed & femine, ut ex utroque possit rursus constare posteritas. Sed ne, ut putant homines, viderentur hæc Naturæ quodam ordine, & non dispensatione fieri Conditoris, pauca quedam ad indicium, & documentum prouidentie sue, mutato ordine genus seruare iussit in terris: verbi gratia, ut per os conciperet Coruus, & per aurem Mustela generaret: ut aues nonnullæ, sicut gallinæ, interdum oua vel vento, vel puluere concepta parerent. Alia quedam animalia, marem vicibus alternis in feminam verterent, & sexum per annos singulos commutarent, ut Lepores, & Hyenæ, quas beluas vocant. Alia etiam ex Terra oriuntur, atque inde sumerent carnem, ut talpæ: alia ex cinere, ut vipere: alia ex putrefactis carnibus, ut respektu quidem, equinis: Apes autem, bubulis: alia ex fimo Bouum, ut Scarabæi: alia ex herbis, ut de ocymo, Scorpions: & rursus herbe ex animalibus: ut ex cornu Cerui, vel Capræ, apii, & asparagi. Et quid opus est plura enumerare, in quibus diuina prouidentia, mutato ordine eo, qui à natura datus putatur: multimodis differentiis natiuitatem animalium constare voluit, ex quibus non irrationabilis rerum cursus, sed ipsius dispensatus ratione doceretur?

GREGORIUS Nazianzenus ubi supra.

Quod si ab homine ad ea, quæ proxima sibi sunt prætergrediemur: Quis animantium discrimina, tum naturas, generationes, pastus, latibula, mores, ac velut Respublicas commemorabit? Quomodo, videlicet, sint alia gregaria, alia solitaria: rursus alia herbivora, alia carniuora: item alia ferocia, alia mansueta: alia quæ hominum consuetudine gaudeant, & inter homines alantur: alia intractabilia omnino, & vagabunda? Item alia quæ rationis & disciplinæ plusculum habere videantur: alia verò bruta, & per omnia indocilia: alia quæ plures, alia quæ pauciores habeant sensus. Item alia iacentia, immobiliaque: alia progressilia, alia porro velocissima. Deinde præcellentia quedam, aut magnitudine pariter & pulchritudine, aut horum altero: quedam vicissim humillima sunt, aut deformissima, aut etiam vtrunque. Item robusta alia, alia imbecillia: alia quæ vilescentur aperte, alia insidiosa magis & suspecta: rursus alia quæ non sit opus obseruare. Adhuc alia, quorum industria domesticum præbeant usum, alia quorum ignauia & stoliditas planè sit ociosa. Sed enim prius in admirationem venit, quomodo alia sint reptilia, alia cruribus erecta. Item alia quæ aliquam omnino negligere. Item alia coniugij legem sentire, alia vinculum hoc non ferre: alia castitate, alia libidinis intemperantia gaudere: alia foecunda, alia foeture rarioris. Denique longæ alia, & alia breuioris viuitatis. Et sanè deficeret sermo, si quorum genera attingimus, eorum species singulatim pertractare conaremur.

Quæ in Formicis.

GREGORIUS Nazianzenus loco asserto.

Sed & in formicis, quæ sunt omnium animantium in terra degentium, infimum genus, animaduerte quantum effulgeat Dei opificis maiestas, quàm in reponendo alimento prouidentiam, destinato tempore mensura respondentem, declarent, taceo. Item quæcunque alia de animalculi huius diuersi semitis, de antambulonibus, denique operarum suarum ordinatissima varietate præscripta nouimus.

CYRILLVS Hierosolymitanus Cathedesi nona.

Prou. 6.

Formica laboriosissima, ut excitet pigrum, & socordem. Cum enim quis otiiatur in iuuentute, tunc ab his animantibus docetur, redarguitur à diuina Scriptura dicente: Vade ad formicam, o piger, & videns emulare vias eius, & sis illa sapientior. Videns enim, inquit, illam in tempore sibi thesaurizantem cibos, imitare, & thesauriza tibi ipsi fructus bonorum operum in futura secula.

Quæ in minimis quibuscunque rebus.

TERTULLIANVS libro aduersus Marcionem primo, capite quartodecimo.

Ad humilia deficiam. Vnus opinor, de sepibus flosculus, non dico de pratis; vna cuiuslibet Maris conchula, non dico de Rubro; vna tetraonis pennula, taceo de Pano, sordidum artificem pronuntiabit tibi Creator. At quum & animalia irrides minutiora, quæ maximus artifex de industria, ingenijs, aut viribus ampliat, ut,

uit, sic magnitudinem in mediocritate probari docens: quemadmodum virtutem in infirmitate, secundum Apo-
stolum; imitare si potes apes ædificia, formicæ stabula, araneæ retia, bombycis stamina: sustine si potes illius ip-
sas lectuli & tegetis tue bestias, cantharidis venena, muscæ spicula, culicis & tubæ, & lanceam. Qualia erunt
maiora, cum tam modicis aut iuuaris, aut lederis, ut nec in modicis despicias Creatorem?

Quæ in Pulce.

AUGUSTINVS enarratione in Psalmum centesimum quadragesi-
mum octauum.

Attendat charitas vestra. Quis disposuit membra pulicis & culicis, ut habeant ordinem suum, habeant
vitam suam, habeant motum suum? Vnam bestiolam breuem, minutissimam considera, quam volueris. Si cõ-
sideres ordinem membrorum ipsius, & animationem vitæ qua mouetur, pro se fugit mortem, amat vitam, appe-
tit voluptates, deuittat molestias, exerit sensus diuersos, viget in motu congruo sibi. Quis dedit aculeum culici,
quo sanguinem sugat? Quam tenuis fistula est qua sorbet? Quis disposuit ista? Quis fecit ista? Expauescis in
minimis, lauda magnum.

Quæ in Homine.

CLEMENS Papa Recognitionum libro octauo, Niceta orante.
Sed veniamus adhuc, si videtur etiam ad nostram, idest ad Hominis substantiam, qui est parvus in alio Mun-
dus: & consideremus, quanta sit ratione compositus; & ex hoc, præcipuè sapientiam conditoris intelliges:
qui cum ex diuersis substantijs constet, idest, mortali & immortali: per artificem prouidentia conditoris,
societatem diuersitas non refugit: & quidem longè à se substantijs. Alia nanque de terra sumitur, & à
conditore formatur; alia verò ex immortalibus substantijs datur.

Rursum de corpore, & eius membrorum concinna elegancia hæc egregia habet.
Et vide in corpore hominis artificis opus, quomodo ossa, velut columnas quasdam, quibus caro sustentetur
ac portetur, inseruit: Tum deinde equalis ex utraque parte, idest, dextera ac leua, mensura seruetur: ut con-
gruat pes, pedis, & manus manui: digiti quoque digitis: ut singuli ad singulos tota equalitate concordent: sed
& oculus oculo, & auris auri; quæ non solum consona sibi & concordantia, sed & vsibus necessarijs apta for-
mantur. Manus quidem, ut operi commodè sint; pedes, ut gressibus; oculi, ut visibus seruiant superciliorum
excubijs custoditi; aures ad audiendum ita formatae, ut cymbalo similes, suscepti verbi repercussum sonitum al-
tius reddant, & usque ad sensum cordis emittant; lingua autem ad loquendum illisa dentibus, plectri reddat
officium: Ipsi verò dentes, alij ut incidant & diuidant cibos, & interioribus tradant: interiores verò, ut in
modum mole conficiant & comminuant: quo opportunius stomacho traditi, coquantur; unde & molares ap-
pellati sunt. Sed & nares commeandi status, & reddendi, ac recipiendi gratia factæ sunt; ut in nouatione spi-
ritus, calor naturalis, qui ex corde est, vel accendi, vel refrigerari, cum res poposcerit, queat, pulmonis officio;
qui pectori inherere datus est; ut mollitie sua palpet & foueat cordis vigorem, in quo videtur vita consiste-
re: vita dico, non anima. Nam quid dicam de substantia sanguinis? quæ non velut fluminis ex fonte procedens,
& vno prius aluco inuictus: tum deinde per innumeras venas, quasi per areas deriuatus, totam humani cor-
poris terram, vitalibus rigat fluentis, iecoris opere ministratus: quod ad efficaciam digestionis ciborum, atque
in sanguinem mutandorum, in dextro latere iacet.

Et post nonnulla sic concludit.

Quod si tanta ratione videmus in homine membra disposita, ut cum in cæteris omnibus similis habitus vi-
deatur: in his tantummodo discrepent, in quibus vsus diuersitatem requirit: & neque in viro aliquid super-
fluum, aut egens, neque in femina, quod desit, videamus, vel quod abundet: quis ex his omnibus non eu-
denter agnoscat rationis opus, & sapientiam conditoris? His ad stipulatur etiam cæterorum animalium ratio-
nabilis diuersitas, & suo quodque vsui, ministerioque conueniens.

Lactantius libro de Opificio Hominis Cassiodorus libro de anima, Theodoretus ser-
mone tertio, & quarto de prouidentia; & Patrum alij quamplures mirifica edisserunt
de anima, & de corpore humano, quæ Catenis suis locis interferenda præseruamus.

GREGORIUS Nazianzenus hæc, ut summam ea perstringam, habet.
Ut primum quæ hominis sunt consideremus. Vnde quæso prima hominis plasmatio? Vnde corporis
tam venusta forma? Vnde membrorum tam concinna dispositio? Vnde eorum obedientia, qua quæuis ad
solum voluntatis nutum mouentur, muneraque sua obeunt? Vnde sensibus vis ac præstantia? ut specierum
rerum extra animam positarum sint receptores, ac quasi hospites, ac delatores? Quis primus viuendi fonte,
aperuit, & vitæ principia dedit? Quis spiritus, seu animam insufflauit? Quis impertiuuit vim rationalem
irascensem, concupiscentem, memoriam, quibus cuncta attingit, discurret, spernit, amplectitur, & conseruat?
Quis hominem compegit naturæ stuporem, mortalem & immortalem, vinculum cælestium & terrestrium?
Qui anima nunquam decidit, quanquam corpore enanescat, lapsus attamen sui iacturam perpetua successione
reparat. Non hæc certè naturæ sunt ignare vires & effectus, sed opificis Dei sapientissimi.

CYRILLVS Hierosolymitanus Cathechesi nona.

Intra autem deinceps in teipsum, & ex tua substantia cognosce artificem. Quid improbandum in corpore tuo creatum est? Apprehendas teipsum, & nihil vile ex omnibus membris tuis reperies. Ab initio Adam in Paradiso cum Eva nudus erat, sed non propter membra erat reiectus: non igitur membra causa sunt peccati, verum malus membrorum usus. Sapiens autem membrorum creator, quis construxit vasa matricis ad puerperia? Quis inanimatum in ipsa animat? Quis nervis & ossibus carnem, & cutem induit, & simul ut nascitur infans, ex uberibus fontes lactis educit? Quomodo infans crescit in puerum, & is in iuuenem, deinde in virum, atque postremo in senem mutatur, etsi nulla per dies singulos expressa mutatio cuiquam appareat? Quomodo ex cibo aliud in sanguinem, aliud in carnem mutatur, aliud in excrementum seceratur. Quis est, qui cor assidue mouet? Quis oculorum molliciem, palpebrarum obtentu manifestè communiuit.

Quæ in Angelis.

GREGORIUS Nazianzenus vbi supra.

Quid dicam de Angelis? nisi quod scimus Angelos, Archangelos, Thronos, Dominatus, Principatus, Potestates, Splendores, Ascensiones, Virtutes mentales, Mentis, vel Naturas puras, & incorruptas ad malum si non immobiles, certè aggrè mobiles: ut quæ circa primam causam semper exultent (nisi alius aliquis verbum aliud his laudandis aptius inuenerit) & in quas ex illo inexhausto luminis fonte, limpidissimi sanè deriuantur riuus; idque pro cuiusque naturæ dignitate ordinisq; gradu, imprimitur ad eò eis tanta pulchritudinis forma, ut sint & ipse secunda lumina, possintque ipsius primæ lucis riuos deinceps per se, velut quosdam canales in inferiores naturas deriuare. Hæ diuinæ voluntatis ministræ robore cum naturali, tùm assecto pollentes. Hæ obeunt omnia omnibus, & vbiq; cum ministerij studio, tùm naturæ agilitate expeditè presentes. Harum aliæ aliam orbis partem administrandam acceperunt, aut certè earum aliæ, aliæ orbis parti sunt præfæ: sicut is, qui hæc & ordinauit, & distinxit, nouit. Hæ ad eius, qui omnia fabricauit nutum, in vnum cogunt omnia. Hæ celebres diuinæ magnificentie præcones. Hæ æternæ gloriæ æternæ admiratrices.

IOANNES Chrysostomus Homilia secunda de incomprehensibili Deinatura.

Sed cur de Cælo, Terra, Mari, & natura hominum loquar? Cælum superet ipsum nostra oratio, & vltèrius pergat ad Angelos. Nostis denique vnum quemuis Angelum rependi, paremque esse vniversè huic visibili creaturæ, uel potius multò nobiliorem, præstantioremque. Nam si homine iusto dignus non sit vniversus Mundus, ut Paulus auctor est, qui dicit; Quibus dignus non erat hic Mundus, longè minus ad dignitatem posset accedere Angeli, qui omni homine iusto superior est, admodum & præstantior. Veruntamen millia Angelorum sunt innumerabilia, mille millia Archangelorum: adde Sedes, Dominationes, Potestates, Principatus, Cætus incorporeos, Virtutum innumeros: denique genera cælestia innumerabilia, quæ omnia Deus creauit tanta cum facilitate, quanta nemo ualeat verbis exprimere. Satis enim illi ad omnia fuerat voluisse.

AMBROSIVS Hexameron libro primo, capite quinto.

Est ergo hic Mundus diuinæ specimen operationis: quia dum opus uidetur, præfertur, operatur. Nanque ut istarum artium, aliæ sunt actiuæ, quæ sunt in corporis motu, aut sono vocis; cessauit motus, aut sonus nihil superfluit, nec remansit spectantibus, vel audientibus: aliæ theoreticæ, quæ vigorem mentis exerceant; aliæ huiusmodi, ut cessante quoque operationis officio, operis munus appareat, ut edificatio, atq; textura, quæ etiam tacente artifice, peritiam eius ostendant, ut operatori operis sui testimonium suffragetur: Similiter etiam hic Mundus diuinæ Maiestatis insigne est, ut per ipsum Dei sapientia manifestetur. Quem videns Prophetas simul, & ad inuisibilia oculos mentis attollens, ait; Quàm magnificata sunt opera tua Domine: omnia in sapientia fecisti.

A V C T O R.

Emicant igitur in huius Theatri singulis partibus fulgores ac splendores; quibus Mundum non casu profiliisse, nec à Deo necessitate naturæ; sed à Deo libero sapientissimo factore conditum fuisse excipimus; quibusq; eius maiestas clarè explendet. Libentiusq; hanc de Dei Opificis fulgoribus Catenam deduxi, non ut libros in libris refunderem; sed ut ætatis nostræ Concionatores ad id genus studij excitent, quò spretis his recentioribus libellis, ad Patrum eruditissimorum lectionem properent; certiores facti nil in his eloquentiæ, contemplationumvè esse adnotatu dignum, quod in Patribus, uti in limpidissimis fontibus, copiosius, ac tutius non comperiat.



Aeternum Mundum eternum non esse; non casu profiliisse; non à Deo necessitate naturæ emanasse; sed Deum Opificem, ac Satorem potentissimum, sapientissimumq; habuisse, qui cuncta ex nihilo creauit; Duo Seraphim nobis depromunt, ac referunt. Verum cur potius Seraphim, qui diuinæ charitatis incendio exardescere, quàm Cherubim, qui scientia pollere dicuntur, hæc Fidei nostræ dogmata referunt ac patefaciunt? Auscultes obsecro; Contendit Deus fidei viuæ, non mortuæ, semina nostris inferere pectoribus: Edocent nos igitur fidei dogmata non Cherubim, qui scientia tantum excellent, sed Seraphim, qui feruescente charitate flagrant, ut facile non simplici, & mortua fide, sed viuâ, & per charitatem feruidam operante, imbuamur. Duo autem Seraphim inclamant, quia de creatione articulus duogenera rerum conditarum explicat, inuisibilem nempe, & visibilem: hi sex alas habent: sex alas has cum Origene in Esaiam Homilia quarta, interpretari possumus, quod Seraphim alis duabus velabant caput, duabus pedes; ut indicarent, quæ in Orbis productione, & restauratione vltima (hæc enim sunt caput & pedes) à Deo effecta sunt, vel efficiuntur, ita humanæ menti obiecta esse; ut ex naturali, physicaq; perscrutatione attingi non possint. Duabus autem volabant, quia natura constituta usque adeo clara est, ut rectè à physicæ disciplinæ indagatoribus percipi, ac cognosci valeat. Sed quid nobis inelamant hi duo Seraphim de Deo conditore? Trinitatem sanctissimam Mundi effectricem laudare, ac celebrare edocent. Quare Sanctus Pater, Sanctus Filius, Sanctus Spiritus Sanctus. Pater à quo, Filius per quem, Spiritus ad quem sunt omnia; Dominus, ex Maiestate; Deus, ex Sapientia; Sabaoth, ex Bonitate. Nam Maiestas est, qua imperat, Sapientia, qua regit; Bonitas, qua trahit; plenaq; est omnis terra gloria eius. Ac usque adeo intonuit hæc vox, ut commouerentur superliminaria domus. Tanta enim est creaturarum spiritalium, Angelicarumq; Hierarchiarum de Dei Creatoris præconiis harmonia, atq; concentus ab Echo creaturarum corporearum reiteratus, ut ferè Mundi Cardines commoueantur, ac immenso applausu, Letentur Cœli, & exultet Terra. Sed ut quid domus repletur mox fumo? Quia profectò adeo emicat Diuina Maiestas, ut profani Philosophi, Fidei nostræ irrisores, coruscantem Maiestatem contemplari quasi fumo obruti non queant.

Psal. 95.

Rationes contra Mundi æternitatem.

Verum non pigeat contra Mundi æternitatem argumentationes quasdam non ineptas ad Mosis historiæ fidem muniendam, corroborandamque colligere, ac depromere. Primum Mundum ab unico principio venisse ex tribus his, quæ sunt in Mundo, euinci potest; à rerum multiplicitate, ordine, & perfectione. Si enim in Vniuerso multiplicitas extat diuersarum rerum, igitur ad unum est deueniendum. Si ordo adest in ipsis, igitur proficiscendū est ad primum. Rursum si rerum creaturarum, tum diuinarum, tum humanarum ea est discrepantia, ut una sit altera perfectior, incedendum est ad perfectissimum perficiens. His igitur datis, dandum est unum primum perfectissimum, à quo Mundus, uti à principio, emanet, ac proficiscatur; quod si Mundus ab aliquo principio est, uel Deus illud est, uel aliud præter Deum. Quoduis aliud principium asserere præter Deum, est principiorum immensum numerum ineptè statuere, ac Deos ascire plures: igitur Mundus à Deo, est ab unico principio. Hæc Peripatetici, & Philosophorum priscorum ferè omnis turba admittit. Tunc cum Deus sit natura intellectu prædita: uel Deus Mundum condidit impellente natura necessitate, vel ex beneplacito; quod si ex naturæ impulsu, cum agens ex natura, ut asserunt Philosophi, simillima sibi generet, proferatq; productio fuisset ad intra, orbemque naturæ intellectualem, non corporeum protulisset, edidissetq; alium Deum sibi perennitate æqualem, atque hoc nil aliud esset nisi Mundo ipsi adscribere potentissimam Diuinitatem, ac perenniter existendi potestatem; quæ nec à Deo cuiquam dari nisi Deo, nec ab ullo recipi, nisi à Deo potest; perindeque esset, ut filius Dei æternus, quia ex natura genitus esset. Quod si Deus Mundum condidit uoluntate sua ductus; vel id coactus fecit, uel liber; si coactus, igitur Deus à Deo superiori vi cogi potuit; Deus igitur non erat, qui cuiusdam parere necesse habuit; si uero libero suo beneplacito id fecit, iam Deus fuit artifex liber, potuitque cum uoluit Mundum condere: propterea ab æterno Mundum condidisse ex necessitate euinci non potest. Neque (ut exemplo utar à D. Augustino de

Deus non ex naturæ necessitate, sed libera uoluntate Mundum condidit.

Emanationis
Mundi à Deo
& radiorum à
Sole differen-
tia.

Inter emana-
tionem Mun-
di à Deo &
vibrarum à
corporibus
differentia
duplex.

Mundi æter-
nitatē asse-
res in quē ab-
surdarunt.

Prima p. 9.7.

Ethnicarum
historiarum
initium.

de Ciuitate Dei ex Platonicis desumpto) pes semper fuit in puluere, sed tunc fuit, cum Deus tanquam summus opifex figere ipsum statuit, ac maluit. Nec adducta à Peripateticis exempla usque adeo consistunt. Non est siquidem eiusdem rationis rerum emanatio à Deo, atque fluxus radiorum à Sole, aut umbrarum à corporibus: ideo enim radij semper cum Sole fuerunt, quia à Solis substantia effluunt. Res autem etheæ, à Deo quidem sunt, sed ab eius substantia non prodierunt: sic enim Mundus Deus esset, si à Dei substantia manasset; ac ut Deus, esset æternus, ut diximus. Radios autem à Solis substantia prodire, id est efficax argumentum, quod nec Sol sine radiis, nec radius sine Sole aërem illustrarit unquam. Mundum autem à diuina essentia necessariò non proficisci enidens est ratio: quia si Mundus non esset, Deum tamen esse, suaque in æternitate perenni consistere proculdubio diceremus. Rueret certè Mundus, si Deus non esset, ac uti nauis iactata per pelagum sine gubernatore fluctuaret, & inenitabili, ac miserabili naufragio tandem præceps mergeretur. At non rueret Deus, si Mundus, si Cælum, si Terra non esset, cum gubernator à naui prorsus absens degere possit. Vmbrarum quoque à corporibus proficiscentium exemplum frigidum admodum est, dissimilisque; certè duabus saltem in rebus est comparatio. Nam primò neque umbra semper cū corpore adest, quando Soli corpus non obicitur, sicut Peripatetici Mundum cū Deo semper extasse contendunt; nec umbra res ulla est, cū sit tantum lucis carentia: at Mundus optimum quid est, & immensum; tandemque hæc à corporibus longè alia fuit ratio, quàm ab opifice Deo eius opificia promanant; umbra enim ex necessitate corporis Soli obiecti prodit; fluxus autem rerum à Deo est subita operatio à potentissima ac sapientissima eius uoluntate procedens. Præterea, cū ea sit Mundi ac Dei seiuncta conditio, quod solus Deus infinitate gaudeat: immensus siquidem essentia est, æternus tempore: Mundus autem finitus, infinitatē nullam admittat, ut egregiè obtestantur omnes Philosophi: si Mundus æternus censebitur, iam Deo æquiparabitur, infinitatēque suscipiet, non tantum successinarum rerum, ut Cœli sphericarum lationum, sed permanentium & consistentium. Nam si Mundus æternus est, cū mortalium propagatio infinita fuerit, & futura sit, adeò ut infinitis hominibus iam transactis, ac decessis, multitudo infinita adhuc successura sit, si non infinita corpora, eo quia marcescunt, & decidunt, saltem infinitæ animæ, quæ immortales sunt, corruptis corporibus extarent, vagarenturque animæ alias infinitas expectaturæ. Nec euitare certè hanc possunt argumentationem, quin statim in maiora, monstruosioraque præcipitia ruant. Aut enim suas interficient animas, eas immortales inficiando, mortalesque astruendo cum famigeratis sicariis, Epicuro, Alexandro, Galeno; aut omnium animas, animam unam effici dicent unà cum Arabe Auerroce, & Simplicio, qui vnicam tantum superstitem mentem omnium putarunt; aut cum Pythagoricis, vel Platonicis, quin & Indis, ac Persis, Aegyptiis, atque Chaldæis (si Ioanni Pico credimus) animarum transmigrationem in corpora, ac circuitum ineptè concedent: Ex quibus omnibus humana cuncta, diuinaque subuertentur. Infinitum autem non tantum rerum successinarum, sed actu (ut aiunt) permanentium spiritualium admittere, quod multi Neotericorum faciunt; non video quam sit consentaneum Philosophis, ipsique D. Thomæ, qui argumentis permultis infinitum actu sustulit, ac prostrauit. Amplius, si Mundus æternus esset, Deum Mundo non esse maiorem, saltem quoad temporis rationem, asserere cogeremur, cū tamen nihil Deo æquiparari posse omnes vna voce conclament. Ceterum adhuc non leuis mihi superest argumentatio, quæ Mundi æternitatem faciliè euertit. Priscæ à primæuis Mundi sæculis gestarum rerum memoria, siue scriptis, siue Hieroglyphicis figuris, siue alio monumento ab Ethnicis mandata, traditaque; Noë tempora, Diluuijque annos non excedit. Chaldæi (duce Beroso) annales à Noërico Cataclysmo desumunt. Græci res Argolicas, ab Inacho gestas, vetustissimas omnium, teste Dionysio Halicarnasseo existimant, quæ, ex Eusebij Chronicon, tempelatè Patriarcharum Isaac & Iacob euenere. Historiographi omnes Monarchias ab Assyriorum Monarchia sub Nino, & Belo desumunt; ac post Diluuium exordia capiunt, Heronni omnium fabulas post Cecropem, quem Eusebius Mosi coætaneum tradit, reponunt. Nullum igitur apud Ethnicos, neque scientiarum, neque artium, nec rerum gestarum ante Noë-

Noëticum Cataclysmum extat monumentum. At cum Diluuium ex certissima Chronographorum deductione sex millia non excedat annorum: quærerem, sciscitarerq; , cur ante sex millia annorum de ijs quæ per infinita transacta sæcula gesta sunt, nulla extiterit memoria? Nam si semper fuit Mundus, cur si non centum millium, saltem quadraginta, aut viginti millium annorum vetustiora monumenta non habemus? cum semper dominandi vis efferbuerit, semper nonnullæ nationes cæteras subiugarint; strages claruerint; bella inter mortales exarserint; semper ingenia pepererint, disciplinæ floruerint, literis, scriptisq; mandari cuncta potuerint. Aut enim tot sæculorum mortales adeò rudes fuere, vt neq; scientias, neq; artes excogitarint, nec quidquam insigne egerint; vel adeò ignari, vt artis scribendi expertes ea posteris non mandarint. Sed quannā ratio est, quòd nunc homines ingenio sint præstantiores, quàm priscis ætatibus? At si scientias, artesq; , ac gestas res scriptis, seu traditione ad posteros detulere: vnde nam re-cisa est omnis eorum memoria, omnis traditio? Existimant alij hoc euenire à temporis vetustate, quasi quòd ex ætate in ætatem, sicut tempus dilabitur, ita antecessarum rerum memoria elabatur; sed hoc ineptum est dicere, quoniam sicut nos per sex millia annorum, vel circa, gestarum rerum seriem tenemus; ita & qui post Noë mille annis, vel minus floruerunt, vt Berofus, superiorum quinq; , vel quatuor millium annorum euentus ediscere, & nobis mandare potuissent. Autumant alij hoc euenisse eluuiionibus, ac efflagrationibus, quæ certis, ac statis temporum interuallis accidere possunt, adeò vt vnà cum ipsis gentibus rerum bello, paceq; gestarum notitia, & scientiarum, artiumq; vltus perierint. Siquidem disciplinas, artesq; & sæpius occidisse, & sæpius reuixisse, Philosophi arbitrati sunt. Aristoteles enim dixit, non simpliciter apparere rerum artium, opinionumq; principia, atq; origines, sed certis dūtaxat in locis, eò quòd infinites, pro fluuiorum, marisq; , vel alluuiione, vel recessu, ac non sine ordine & certa periodo reiterata reuera hæc omnia fuerint, quæ noua existimantur. Nec longius abijt Plato in Timæo, qui per Aegyptium Sacerdotem, sic quoque alloquentē Solonem inducit: Quod ideo vobis contingit, quia multa, & varia hominum exitia fuerunt, eruntq; maximè quidem aut ignis conflagratione, aut aquæ inundatione. Lactantius præterea libro tertio, Lucretium, & Senecam, qui initia sapientiæ nupera esse dixerunt, illis Persij verbis irridet: Postquam sapere urbi cum pipere & palmis uenit. Sed contra hos asseuerare possumus, quia neque hæc ex necessitate prodijisse naturæ ullus unquam eruditus asserere poterit. Quòd si ex inopinata conflagratione, seu aquarum contingenti colluuiæ hoc factum est, percunctor: Aut adeò uniuersalia ea fuere excidia, vt totus Mundus perierit, ac ruerit: aut certè particularia: Si uniuersalia, aut tanti exitij, quòd toto humano genere sublato, deletoque, uix unus, qui cladem referre potuisset, superstes fuit, aut non: si superstes aliquis adfuit, quare præteritorum sæculorum euentus, Reges, bella gesta nō retulit? ac incendium, cataclysmumvè posteris non prodidit? At si funesto, infeliciq; admodum euentu, superstes nullus permanfit; à quonam genus humanum, iterum est emanatum, propagatumq; ? Quòd si particularia contigere Diluuiæ, excidiaq; nationes, gentesq; ab excidio, & clade immunes, cur non suarum, alienarumq; priscarum rerum, si non per centum, saltem per quadraginta annorum millia ante ipsas gestarum monumenta posteris mandarunt? Quanam ratione factum est, ut obliuione cuncta fuerint tot sæculorum gesta obuoluta, quasi omnes conticuerint, ac omnes memoria simul conciderint, & uniuersa conflagrarint? Sed nec generalem interitum, & simul omnium terrarum exitium fuisse ulla tradit historia, traditioq; nec Prouinciariū, ac Nationum quarundam exitium, omnem sustulisse priscorum sæculorum memoriā uerosimile existimandum est. Cæterum, qui Mundi æternitatem astruunt, duas certè quasi Sampsones cæcitate percussi ex hac immensa, decoraq; hominū aula (Mundo inquam) euellunt, prosternuntq; columnas; quibus prostratis, omnis rerum machina labefactatur, declinat, & corruit. Impiè quippe diuinam prouidentiam, ac extremam meritorum, seu demeritorum retributionem auferunt, ac diruunt. Nam si Mundi Creator, Opifexq; Deus non est, nec libero suo arbitratu ipsum condidit; igitur nec Moderator est, nec restaurator erit.

Lib. 1. Celi, & primo Metaphis.

Cap. 16.

Mundi æternum ponentes tollunt Dei Prouidentiam, & operum retributionem.

P. H. I. L. O. in Libro de Mundi opificio hanc rationem deduxit.

Ceterum qui Mundum factum negant, non animadvertunt se tollere quod est in vita utilissimum, & ad pietatem summe necessarium, nempe providentiam. Nam opificium non negligi ab opifice suo, parenteque docet ratio. Etenim pater hoc agit, ut permaneat sua progenies, conditor item diuturnitati à se conditorum consulit, arcens quicquid noxam, damnumve illaturum videtur, contra quicquid utile, commodumque, modis omnibus prospiciens; at quod factum non est, nihil commercij habet cum eo qui se non fecit. Est autem absurda opinio atque inutilis, Mundum tanquam Rempublicam sine Magistratu inducere, cui non Praefectus, non Praeses, non Iudex praesit, qui omnia dispensare, gubernareque deceat.

Ablata Dei
Providentia
& operum re-
tributione,
quanta absur-
da sequatur.

Corruit igitur omnis diuina providentia, ac postrema retributio: prodeunt igitur omnia à casu, fortunaque, seu à fato. Nullus igitur uel uirtutum, uel criminum uindictator. Quod si providentia tollitur, omnia igitur siue diro fato, seu labente fortuna contingunt, atque eueniunt: si fato, ac fortuna accidunt cuncta; quæ hominum providentia? quod consilium? quod iudicium? quæ electio? quæ rerum sollicitudo? quis labor? nulla enim hæc sunt, si sauo à fato, aut à labente casu, mortales rapiuntur ad suas affectiones, ac operationes. Rursus, si omnia à casu, aut fato emanant, nullaque libera inest nobis uoluntas: igitur nec uirtus, nec crimen, nec iustitia, nec impietas. Corruit igitur omnis Philosophiæ moralis ratio, omnis lex tam diuina, quam humana prosternitur, euanescit, atque ad nihilum redigitur. Impius igitur Moses: impius Lycurgus: impius Minos: impius Pompilius; impii omnes legislatores; impii, inquam, mendaces, & irrisores mortalium, portentosi deuastatores sæculi, humanæ stirpis sicarii, qui leges condere præsumpserunt, libertatem obligarunt, pœnas indixerunt; quibus iniuste, & immaniter mortales supplicia non meriti plecterentur, ac torquerentur. Amplius si nulla retributio, ac remuneratio; igitur nullum Cælum, nullus infernus, non tantum Christicolis nota, sed & Ethnicis, qui de Olympo coruscantissima Deorum sede, de campis Elisij, de Lethi amne, de Cerbero, de Tantalij siti, de Sisiphi reuoluto lapide, de aliis pœnarum generibus innumeris, innumeras fabulas cecinere. Consequitur amplius, ut omnis corruat Religio; Nullus igitur Deus, nullum numen, nullus cultus, nullum Templum, nullum sacrificium, nulla uota, nullæ preces. Frustrâ igitur in angustiis ad Deum confugimus: frustrâ spem erigimus, frustrâ lachrymis madentes oculos ad Cælum attollimus; frustrâ orationes; frustrâ gemitus; voces frustrâ effundimus. Incassum igitur gemunt inter ærumnas iusti: Benè exultant inter cruentas cupiditates impii. Ea tandem miserandi status nos conditio obrueret, de qua inquit Paulus; Miserabiliores omnibus hominibus essemus, si in hoc Mundo tantum sperantes essemus. Quin ut Lactantius superintulit, pecudibus omnibus, ac quibusvis animantibus esset mortaliū conditio uilior, miserabiliorque, cum in hominis corpore omnia morborum genera congesta sint; in anima uerò errorum, ac prauarum cupiditatum semper repullulantes stirpes insitæ emergant.

1. Cor. 15.

Lib. de Opif.
Dei c. 3.

Exod. 15.

Apoc. 21.

Sed hoc perabsurdum, hostileque axioma his relinquamus, qui lumini naturæ innixi in tenebris, ac in regione umbræ mortis sedent. Nos autem ex Fidei lumine perspicuam, claramque de condito orbe delatam nobis ueritatem amplecti, ac prosequi non pigeat. Hic est, ut dicebamus, primus lapidum duodecim, in pectore Sacerdotum amictus infitorum. Hic fons ex duodecim Helim, à quibus perlucida cælestis doctrinæ scatent aquæ primus; de quo qui non bibet, in ignorantie deserto arefcet. Hic, Ciuitatis illius Sanctæ Hierusalem, è Cælo descendens, Dei; claritate micantis, hoc est, Ecclesiæ nostræ, Cælesti Fidei lumine decoratæ, fundamentum primum, Iaspis, qui præ ceteris fulgentior, proteri, scindive nequit. Hic gradus ille primus, quo ascendimus ad Templum, quo scilicet, conscendimus in Ecclesiam, ut in Sancta Sanctorum postea proficiscamur: hoc est, ad Diuina Christianæ Religionis mysteria assequenda, aditum nobis paremus. Hæc dixisse uolui, cum Mundum neque æternum, neque creatum, humana ratione demonstrari posse cum D. Thoma existimem.

Creauit

Anno Mundi
primo.
In exordio
temporum
Antedies.

Creauit, Hebraicè Barà.

- a. Barà, significat Creare, Formare, vel Effingere.
- b. Vel, Producere ex aliquo, siue ex nihilo.
- c. Seu etiam distinguere.
- d. Græca editio, quæ vertit Creauit, hoc est, Fecit, vitio non caret.

Creauit.

HEBRAICA lectio, verbum Barà habet. Quid autem ipsum significet, non vna diffiniunt Doctores sententia.

Chaldaicus textus habet; In principio creauit Deus.
Græca editio Septuaginta. ἐν ἀρχῇ ἐποίησεν ὁ θεός. hoc est, In principio fecit Deus. Quæ Doctores omnes veteres ante Hieronymi editionem sequuti sunt.
Vulgata nostra habet; In principio creauit Deus. &c. Hancq; imitati sunt omnes translatores.

Cæterum multa diuersitas est secundum plures inter creare, & facere, & secundum alios id ipsum significant.

a. Barà, Creare, seu Effingere.

Lippomanus in Catena, & alij quamplures concedunt, & edocent significare Barà verbum, Creare, seu Effingere, seu Formare.

b. Barà, producere siue ex nihilo, siue ex aliquo.

LVSITANVS adnotationibus in Genesim.
Apud Hebræos etiam, verbum Barà, vt diximus, non ex nihilo aliquid facere, sed qualitercunq; producere significat: siue ex nihilo, siue ex aliquo. Nam & Rabbi David ponens in libro radicum discrimen inter Barà, id est producere; & Iasar, quod est, fingere, dicit, quod Iasar, propriè significat formare, aut fingere, quod com- munitè dicitur de re corporea, aut quæ in corpore esse habet, vel susceptiua est sensibilibus potentiarum, aut de ipsis sensibilibus potentijs, Barà, verò, dicitur de qualibet re, siue de inuolutione cuiuslibet rei.

c. Barà significat etiam diuidere.

LVSITANVS vbi supra.
Aduerte etiam hic verbum, Barà, non solum producere, vt iam diximus, sed etiam separare, & diuidere si- gnificare, vt exemplis monstrabimus. Nam Iosue decimo septimo habes, Vberetha, id est succides eum, videli- cet Montem, & erunt tibi exitus. Item Ezechielis vigesimo tertio, Vbara, id est, & succident, seu diuident eas, scilicet duas fœminas gladijs suis, seu scindent eas. Sic Numeri decimo sexto; Si separationem libra, id est, separauerit Dominus. Vnde hic etiam verti posset; In Principio separauit Deus Cælum, & Terram.

d. Græca editio, quæ dixit, Fecit, vitio non caret.

Creare, est de nihilo producere; Facere verò de aliquo. Quamobrem Septuaginta, qui dixerunt, Fecit, errasse visi sunt.

PROCOPIVS Commentarijs in Genesim;
Nam quod Septuaginta Interpretes inquirunt, Fecit, certè occasionem quibusdam magni erroris obtulere. Facere etenim de his prædicatur, quæ ex quadam materia producuntur, vt ex ferro falx, & alia quæ nobis Arti- fices efficiunt. Hinc quidam in hunc errorem pronoluti sunt, ut uociferarentur, Mosem ab Aegyptijs edoctum, credidisse ex præiacenti materia hoc vniuersum conditum, eamq; sententiam statim in sui operis initio nobis in- culcare, cùm utatur verbo Fecit. Horum impudentiam, cùm ignorarent Septuaginta Interpretes, presentem lo- cum per verbum, Fecit, exposuere; cùm satius fuisset aliter expositum esse: & per verbum, quod Hebræo per omnia responderet, sicut Mosem egisse constat, qui eo verbo, quod ponit, quasi reluctatur summa vi illis, qui
P 2 materiam

Anno Mundi
primo.
In exordio
temporum.
Ante dies.

Creauit.

- a. Creare, apud Latinos est Generare: apud Græcos verò idipsum sunt Creatio, & Conditio; & non dicuntur nisi in magnis operibus.
b. Creare dicitur de his, quæ per propagationem gignuntur; Facere verò de omnibus.
c. Construendum non est, In principio, quo Deus creauit Cælum & Terram; tunc Terra erat, &c.

materiam inducebant, ostendens euidenter eam non præiacuisse. Immo Cælum, Terram, Abyssumq; antecessisse materiam commonstrat, dum ex his Mundi ornatum præcessisse, Populum suæ fidei commissum erudit.

a. Creare, apud Latinos est Generare: Apud Græcos idipsum sunt Creatio & Conditio, & non dicuntur nisi in magnis operibus.

HIERONYMVS Comm. libro secundo in Epistolam ad Ephesios, capite quarto,

Creatio non idipsum sonat in Latino sermone, quod in Greco. Creatio quippè apud nos, generatio, vel natiuitas dicitur: apud Græcos verò sub nomine creationis, verbum facturæ & conditionis accipitur. Et quod apud nos Conditio, hoc apud Græcos Creatio sonat. Vnde & hæresis Natiuitatem Christi calumniatus, Salomonis vsurpat exemplum; Dominus creauit me initium viarum suarum. Considerandum est igitur, quia Creatio, atq; Conditio, nunquàm nisi in magnis operibus nominentur. Verbi causa, Mundus creatus est, Vrbs condita est, Domus verò quamuis magna sit, edificata potius dicitur, quàm condita, vel creata. In magnis enim operibus, atq; facturis, verbum creationis assumitur.

Hæmerus hæc ipsa desumpsit Comment. suis in Genesim.

b. Creare dicitur de genitis, Facere verò de omnibus.

STEVCHVS Recognitione Veteris Testamenti ad Hebraicam veritatem.

Aduertendum hic, non esse omnino veram differentiam illam Theologorum, qua dicunt, Creare actionem esse diuinam, quæ ex nihilo aliquid producat: Facere verò materiam præexigere, vt aliquid ex aliquo fiat. Primò enim vbi nostra Editio habet Creauit, Hebraicè est Barà, quod omnem ferè actionem, & formationem significat. Septuaginta quoq; verterunt ἐποίησεν, quod verbum nos semper Facere interpretamur. Inferius quoq; inuenimus, Creauit Deus Cete grandia, Creauit hominem. Patet autem tam eiusmodi animalia, quàm ipsam hominem ex aliquo facta fuisse, quæ tamen dicimus non facta, sed creata esse. Facere igitur, atq; Creare, hoc propriè differunt, quod Facere generale est, tam animatorum, quàm eorum quæ anima careant: at Creare propriè de his dicitur, quæ per propagationem gignuntur: vnde fit etiam procreare, quod ad prolem tantum refertur. Creatur ergo ab homine homo, domus autem fit.

Et post, cum demonstrasset metaphoricè Deum appellari Mundi Patrem, quod quasi Mundum genuerit, & crearit, concludit;

Tam igitur Septuaginta, quàm Hieronymus, optime sunt interpretati: sed hoc Hieronymi clariùs operationem illam diuinam explicat. Nam & Mercurius dicit Deum hunc Mundum genuisse, ac procreasse.

A V C T O R.

Existimo ego singulas has voces, hoc est, Barà, ἐποίησεν, & Creauit, in suo idiomate proprias singillatim habere significationes. In idiomate igitur Hebræo, Barà, significare quamcunq; productionem, seu ex aliquo, seu ex nihilo, non inficior, vt dixit Lusitanus. Sed denotare etiam formationem, effinctionem, seu creationem arbitror, vt dixit Steuchus, & Lippomanus; quare verti poterat, Barà, hoc est, produxit, effinxit, formauit, seu creauit. Editio Græca, vt has significationes simul complecteretur, transtulit, Fecit. Nostra verò, quia Mundi effectio, Formatio quædā videtur esse, seu Effinctio, vel, ut melius dicam, Procreatio à Patre illo summo opifice Deo, vertit elegantius, Creauit; Græca lingua ἐποίησεν habet, & ἔκτισεν; quorum primum, Fecit: secundum Creauit, significant: sed quia, teste Hieronymo, apud ipsos idem sunt Conditio, & Creatio; ideo sine animaduersione ἐποίησεν, dixit, hoc est, Fecit; quod idipsum est, quod Creauit.

Creauit.

Idest, de nihilo effecit.

Anno Mundi
primo.
In exordio
temporum.
Ante dies.

- a. Quia cum creare dicitur de ijs, quæ non sunt, ex nihilo facere importat.
b. Vel: Quia creare Dei, est de nihilo efficere.

Creauit. In nostra Latina, Creare, si ad strictiorem sensum reducatur, propriè denotat Generare, uel per prolem edere: sed latiori sensu etiam formare, effingere, & similia; unde natura creare dicitur: quo sensu accepit Cicero quinto de Finibus, dum dixit; Etenim omnium rerum, quas creat Natura, & tuetur. Quapropter uerbum aptius non habuit interpretes noster, quo magis explicare posset Mundi generationem, seu formationem, & effinctionem, quam uerbum Creauit; alludens ad significationem Barà, quæ est formare, seu effinxit. Qua autem ratione Creare, importet hoc loco aliquid ex nihilo facere, mox uidebimus.

Creare propriè quid significet.

c. Construendum non est, In principio, quo Deus creauit, tunc Terra erat, &c.

R A B B I N I Adnotationibus in Genesim.

Dilucidius sic vertitur; In principio, siue initio, cum creauit Deus Cælum & Terram, tunc Terra. &c.

L V S I T A N V S Adnotationibus in Genesim.

Sunt aliqui ex Hebræis, qui dictionem Resith, in regimine genitiui positam hic asserunt, ut sit sensus; In principio creandi Deum, idest, quo Deus creauit Cælum & Terram; tunc Terra erat inanis & vacua. Ad quod probandum citant illud Hoseah primo: Principium loquendi Dominum in Hoseah. item illud Hieremie vigesimo sexto; In principio Regni Ioachim.

Verum hanc constructionem ita Lusitanus reprehendit.

Quorum interpretationi non subscribo propter coniunctionem, &, quæ ante dictionem Terram ponitur. Dicendum enim tunc erat, In principio, quo Deus Cælum & Terram creauit, Terra erat inanis. In textu uero habetur; & terra erat inanis.

Reprobanda est igitur constructio hæc, primum propter aduerbium, quod legitur eo loco: Terra autem erat inanis & vacua; siue coniunctionem, quam alij interponunt legentes: Et Terra erat inanis & uacua, ut dictum est à Lusitano. Deinde quod videretur Moses describere id, quod effectum primo non dixisset, uel dixisset quasi contingenter. Legere siquidem; In principio cum creauit Deus Cælum & Terram, tunc terra, &c. est prætermittere narrationem ipsius Cæli, & Terræ effectiōis, siue contingenter illam insinuare; quod equidem credi haud potest, quia Cæli & Terræ, seu Mundi, seu Chaos manatio, principale illud erat, quod enarrare sumpsit Vates Moses.

a. Creare, cum dicitur de ijs, quæ non sunt, ex nihilo facere importat.

C Y R I L L V S in libris qui Thesaurus inscribuntur, libro quinto, capite quarto, interpretans id, Dominus creauit me initium uiarum suarum, ait.

Et certè, cum dicitur, Dominus creauit me initium uiarum suarum: si quis diligenter consideret, non ipsum esse sapientiæ significari potest. Nam quæ modo fiunt, uel faciendæ sunt, creari modo dicuntur; quando ergo nondum producta creari dicuntur, necessario ex nihilo ad esse procedere intelliguntur. Quando autem quæ iam sunt, nec possunt dici à nihilo ad esse modo procedere; si creari ea dicuntur, non potest significari à nihilo ad esse ipsorum processio, sed ad aliud ab alio translatio.

b. Creare Dei, est de nihilo facere.

A T H A N A S I V S in Epistola, quæ Synodi Nicenæ contra Hæresim Arrianam decreta inscribitur.

Nam tametsi eadem dictiones de Deo & hominibus in Sacris Scripturis habeantur, hominum tamen perspicacium

Anno Mundi
primo.
In exordio
temporum.
Ante dies.

Creauit .

Hoc est, de nihilo fecit .

a. Quia creare ex sua significatione, propriè importat, ex nihilo facere .

spicacium est, ut Paulus præcepit, lectioni attendere, ut rem cum iudicio discernant, & pro natura rerum quæ ibi scribuntur, vocabula accipiant, sine intellectus confusione, ne quæ Dei sunt, humano more fieri intelligas, neq; in rebus humanis tanquam de diuinis cogites. Id enim est vinum aqua miscere, & alienum ignem altari inferre: siquidem & Deus, & homines condere dicuntur, & Deus & homines esse perhibentur, eo quod hoc ipsum à Deo mutuo accipiant. Quid igitur? itane Deus condit ut homo? aut eodem modo esse dicitur? Absit: aliter enim de Deo vocabula accipimus, aliter de hominibus eadem illa interpretamur. Deus enim creat, cum euocat ea quæ non sunt in essentiam, sine ullius rei, aut ope, aut opera: homines autem primum optant, ut sit, quod trahere statuant; deinde rem ubi adepti sunt, & sibi subiectam habent, tum demum exercent, operamq; suam, & artem in ea explicant, scientiamq; agendi ab eo Architecto mutantur, qui omnia per Verbum suum, sine rationem operatur .

R V P E R T V S Comm. in Gen. libro primo, capite tertio.

Creauit, inquam, idest, non ut Philosophi Gentilium vanè putauerint, sibi coenam habuit Hylen, sine materiam, sed de nihilo fecit Cæli, & Terræ substantiam. Quod si quis obijciat, hominem quoq; , cum non de nihilo, sed de terra factus sit, creatum dici, sicut scriptum est; Et creauit Deus hominē ad imaginem suam, ad imaginem Dei creauit illum; vel quod item dictum est; creauitq; Deus Cete grandia: Dicimus ad hæc, rectè dictum, eo duntaxat respectu, quia iam ipsa, de qua producta, vel sumptæ sunt species, creata fuerat materia. Quibus nominibus, scilicet Cælo, & Terræ, ut supra dictum est, significari vniuersam creaturam visibilem & inuisibilem simul, & nihil excipi, ex Symbolo quoque comprobatur Apostolico, quo cum dicimus; Credo in Deum Patrem omnipotentem, Creatorem Cæli & Terræ, nihil creaturarum adijcimus, cuncta his nominibus visibilia simul & inuisibilia nos comprehendisse non dubitamus. Nam in alio nihilominus Catholico fidei Symbolo, cum dicimus; Credo in vnum Deum Patrem omnipotentem, Factorem Cæli & Terræ, statim exponentes quid dixerimus Cæli & Terræ, subiungimus, Visibilem omnium & inuisibilem .

L Y R A N V S in Postillis.

Creauit Deus, idest, de nihilo produxit; quod est proprium ipsius Dei .

a. Creare, propriè significat de nihilo facere .

Quod creare importet de nihilo facere, facere verò ex aliquo, existimarunt nonnulli Patrum .

I V S T I N V S in Admonitorio ex Platonis placitis hoc adnotauit.

Huic autem vobis necessario mens adhibenda est, quod Opificem Deum, non Creatorem Plato nuncupat, inter quæ multum interest, iuxta ipsius dogma Platonis: Creator enim nullo indigens alio, propria vi & potestate facit, quod faciendum est: Opifex autem, opificij potestatem ex materia desumens, quod faciendum est efficit .

H V G O Victorinus noster, huius verbi Creare, emphasim ante Scholasticos præmonuit de Sacramentis Fidei libro primo, parte prima, capite primo, cum dixit.

In principio creauit Deus Cælum & Terram: quod creatum est, de nihilo factum est: nam quod de aliquo factum est, factum quidem est, sed creatum non est, quia de nihilo factum non est. Fecit ergo Deus Cælum & Terram: nec solum fecit, sed creauit, hoc est de nihilo fecit .

B E D A expositione in primum caput Genesis.

Creauit, quasi diceret machinavit: propriè enim Creare absq; materia dicitur: Facere autem de materia.

M A G I S T E R Sententiarum secundo, distinctione prima.

Creator est, qui de nihilo aliquid facit . Et creare, propriè est de nihilo aliquid facere: Facere verò non modo de nihilo aliquid operari, sed etiam de materia. Vnde & homo & Angelus dicitur aliqua facere, sed non creare: vocaturq; Factor, siue Artifex, sed non Creator. Hoc enim nomen soli Deo propriè congruit, qui & de nihilo quædam, & de aliquo aliqua facit . Ipse est ergo Creator, & Opifex, & Factor: sed creationis nomen sibi propriè retinuit, alia verò etiam creaturis communicauit . In Scriptura tamen sæpe Creator accipitur tanquam Factor; & creare tanquam facere sine distinctione significationis .

Anno Mundi
primo.
In exordio
temporum.
Ante dies.

Creavit.

Idest, de nihilo Fecit.

- a. Quia emanatio vniuersalis non nisi ex nihilo potuit fieri.
- b. Quia Cali, & Elementa secundum se tota non nisi ex nihilo effici potuerunt.
- c. Igitur bene exponitur, Creavit: idest, in conspectu nostro, quod non erat, demonstrauit.

T O S T A T V S Commentarijs in Genesim, in prima expositione.
Creavit, idest, de nihilo produxit; quod requiritur ad creationem. Et Post. Creavit: Creatio est eductio ad esse, nulla præsupsita materia, sed agente solos; & sic res quæ creatur, non habet potentiam absolutam, vel respectiuam, quod est aliquid posituum; quia istæ ponuntur in fundamento nature, scilicet in materia, quæ ante creationem non præexistit.

a. *Emanatio vniuersalis non nisi ex nihilo potuit fieri.*

D. T H O M A S prima parte, quæst. sexagesima prima, art. quinto.
Dicendum, quod sicut supradictum est, non solum oportet considerare emanationem alicuius entis particularis ab aliquo particulari agente, sed etiam emanationem totius entis à causa vniuersali, quæ est Deus; & hanc quidem emanationem designamus nomine creationis. Quod autem procedit secundum emanationem particularis, non præsupsinitur emanationi, sicut si generatur homo, non fuit prius homo; sed homo fit ex non hominem, non præsupsinitur emanationi, sicut si generatur homo, non fuit prius homo; sed homo fit ex non hominem, & album ex non albo. Vnde si consideretur emanatio totius entis vniuersalis à primo Principio, impossibile est, quod aliquod ens præsupsinatur huic emanationi. Idem autem est nihil, quod nullum ens. Sicut igitur generatio hominis est ex non ente, quod est non homo; ita creatio, quæ est emanatio totius esse, est ex non ente, quod est nihil.

b. *Elementa secundum se tota effici, & corpora cælestia incorruptibilia conflare non nisi ex nihilo potuerunt.*

C A I E T A N V S Commentarijs in Genesim.
Creavit, hoc est, effecit, non ex aliqua materia præexistente. Hoc enim appellatur facere ex nihilo, quod significat creare, ut usurpatum est à Theologis. Quod ideo dico, quia dictio interpretata creavit, non arctatur ad significandum facere non ex aliqua materia, sed significatum eius commune, est ad multa faciendi genera. Quocirca nos non ex vi significationis Hebraici verbi, sed ex natura actionis significatæ in tali materia (videlicet circa nos non ex vi significationis Hebraici verbi, sed ex natura actionis significatæ in tali materia) exponimus creavit: hoc est, non ex aliqua præsupposita materia effecit. Impossibile siquidem est aliter intelligi à sapientibus, qui sciunt, quod hæc non possunt aliter effici: tum quia primò prima Mundi Elementa secundum se tota non possunt aliter effici, tum quia Cælestia corpora non possunt aliter effici, cum sint ingenerabilia, & incorruptibilia secundum se tota, & singulas partes.

c. *Creavit, idest, in conspectu nostro quod non erat, demonstrauit.*

P R O C O P I V S Commentarijs in Genesim, capite primo.
Verum si Hebraicam dictionem diligentius excutere velimus, reperiemus eam vocem non simpliciter significare, Fecit, sed condidit, in conspectum nostrum dedit, & demonstrauit, quæ omnia quodammodo docent quod eam, cum prius non fuerit, nec ex præiacente materia constituerit, & videndam exhibuerit.

A V C T O R.



Nimuerò prædictæ Patrum, Doctorumque Scholasticorum expositioni refragantur hoc loco Pædagogi, Doctoresque ij, qui linguarum eruditione polle re existimantur. Rabbinorum scilicet, turba non modica nostræ ætatis famigeratorum, Caietanus, Lusitanus, Steuchus, ac alij: asserunt enim isti verbū Creare ad genus illud efficientiæ, quod ex nulla fit substrata, aut præiacente materia, immeritò trahi hoc loco à Scholasticis, Magistro duce libro secundo. Sententiarum, distinctione prima; redarguuntque hoc Theologorum placitum, tanquam intempestiuè, ac sine ratione sumptum. Primum ex vocum Hebraicarum significato. Nam Barà, in-

quiunt

quint, quod editio nostra Creauit, interpretata est, omnem formationem significat, ita eam, quæ ex nihilo, quam eam, quæ ex materia substrata efficitur. Deinde Septuaginta Interpretes inquit, Barà, *ἐποίησεν*, verterunt, quod uerbum Latini interpretantur Facere. Amplius, quod magis arduum negocium nobis facit, ex usu Latinæ linguæ apud prophanos, uerbum Creare, effectiōnem potius ex aliqua re, quam ex nihilo dicit. Cicero enim libro de Finibus, habet, ut supra dictum est. Porro Natura non ex nihilo, sed ex aliquo producit id, quod efficit. Et primo Tusculanarum Quæstionum; Principium, inquit, extinctum, neque ab alio renascetur, neque ex se aliud creabit. Quo loco Cicero, creare pro generare, non pro eo quod est, ex nihilo facere, accepit. In eadem quoque significatione utitur hoc nomine Creator, in Oratione pro Cornelio; Princeps, inquit, ille Creator huius Urbis Romulus. Nunquid hoc loco Creatoris nomine eum, qui ex nihilo aliquid producit, significare potest? minimè certè; cum Vrbes, non ex nihilo, sed ex lapidibus, calce, & lignis condantur. Sed & diuina Scriptura, Barà, Hebraicè, & *ἐποίησεν* Græcè, & Creare Latinè, ad id quod ex aliqua præiacente re efficitur, explicandum sæpius excipit; ut Gen. primo; Creauit Deus Cete grandia: & post; Masculum & foeminam creauit eos. Nec est credendum, inquit Lusitanus, Scripturam in hoc capite æquiuocè accipere uerbum Barà, ut scilicet hic capiat ea significatione, qua idem est, quod ex nihilo facere: Et paulo inferius, ut significat producere. Cæterum illata hæc a Pædagogis facilè retundere Scholastici possunt, si dicant interpretari se hoc loco Creare, pro ex nihilo facere, non ex uocis Barà, seu *ἐποίησεν*, seu Creare significatione, sed alijs de causis. Primum quod enarretur hoc loco rerum omnium productio, ante quam nihil extabat: Quamobrè non nisi ex nihilo creari potuerunt, ut edocuit Cyrillus. Deinde quod aliter excipiēda sit uox Creare, de Deo; & aliter de natura, & hominibus. Quapropter cum hoc loco Deum creasse asseratur, ex nihilo id effecisse accipiendum est, ut edocuit Athanasius. Et quanquam alijs locis Deum creasse aliqua dicatur, quæ ex præexistenti materia Deus effecit: ut quando dicitur; Creauit igitur Deus Cete grandia: Masculum & foeminam creauit eos: id dici potuit; quia iam & materiam eam præiacentem ipse ex nihilo procrearat, ut dixit Rupertus; vel potius, quoniam creare promiscuè, & indifferenter significat & ex nihilo, & ex aliqua re producere; Sed num illam habeat significationem, an uerò hanc, ex antecedentibus, & subsequentibus elici debet. Unde hoc loco in prima significatione stare conuincitur. Amplius, quoniam ex usitato Patrum, & Scholasticorum more, Creare importat aliquid ex nihilo efficere; Facere uerò ex aliqua re. Quod quidem etsi non receptum est ab Ethnicis, & Pædagogis; receptum attamen est à Theologis, & in Scholis, quia id edocuerunt Principes Scholasticorum Victorinus, & Magister Sententiarum. Ratio postmodum D. Thomæ non est, meo iudicio, parui pendenda. Si enim hoc loco narratur rerum omnium manatio, entisque uniuersalis, certè ex nihilo fuisse ipsam manationem est censendum, quia ante omne ens, non poterat esse aliquod ens, sed tantum nihil. Caietani adducta causa verificari potest secundum doctrinam ipsius principia, qui elementa primum ante omnia cum Cælo producta existimauit. Rursum & corpus Cæleste non ex elementis, sed quinta essentia congestum asserit. Amplius Cæli materiam non ex ea sylua, ex qua elementa recisam arbitratur; his enim datis principijs, sequitur certè productionem Mundi haud effici potuisse nisi ex nihilo. Verum præter hæc non defuerunt rationes, & causæ, quibus interpretari Creare; pro ex nihilo efficere, Patres, & Doctores cogerentur. Primum hoc ipsum à Scriptura didicerunt, cum ipsa Cælum, & Terram ex nihilo alijs locis creata asserat; ut secundum Machabæorum quinto, ubi illa octies martyr Mater filium sic alloquitur; Peto à te, ut aspicias ad Cælum, ad Terram, & ad omnia quæ in eis sunt; & intelligas, quia ex nihilo fecit illa Deus. Pluraque similia loca animaduertunt Scholastici, quæ hoc loco deducere intempestiuum esset. Amplius Ecclesiam, Deum cunctarum rerum Opificem Creatorem nominare animaduertunt; siquidem in articulo primo in Symbolo, Creatorem omnium dixit. In Symbolo siquidem, partim Nicæna, partim Constantinopolitana Synodo confecto; Profitemur, inquit, Creatorem Deum Cæli, & Terræ, uisibilem, & inuisibilem: & meritò; Nam edocta à Paulo fuit, qui ad Colossenses scribens, sic ait; In ipso creata sunt omnia, siue quæ in Cælo, siue quæ in Terra, uisibilia & inuisibilia. Quibus

Creauit.

Anno Mundi
primo.
In exordio
temporum.
Ante dies.

a. *Non est inuestigandus creationis modus, quia nobis imperceptibilis est: sed simpliciter
Mosi credendum dicenti; Deus fecit.*

bus omnibus clarè patere potest, quòd non sine grauibz causis, Patres, ac Theologi Scholastici, Creare, hoc loco, effectiōem ex nihilo importare dixerint. Cæterum & amplius nec ipsis vitio est adscribendum, si passim, & agminatim in Scholis nunc Creatiōem, & Creare, pro Effectiōe, & Efficere ex nihilo, sumant. Nam cum non adsit in lingua nostra Latina verbum, quod genuina, & peculiari sua significatione, effectiōem ex nihilo perfecte exprimat; & ex his uocibus, quæ effectiōem, ac productionem promiscuè significant, vna ad explicandam ex nihilo emanationem secernenda erat, ac seligenda; non immeritò equidem, nec leui iudicio, sed meritò, ac ponderosa consideratione, uerbum Creare selegerunt, & excerpserunt Scholastici, perpetuoque, ac agminatim usi sunt. Fuitque eorum satis compellens ratio, quòd Latina nostra editio ex Ecclesiæ usu roborata, cum rerum omniū effectiōem ex nihilo recenset, Creare uerbo vsa sit. Quapropter uerbo huic Creare, ex usu loci huius id contigisse existimant ipsi, quod notis Hieroglyphicis euenisse cognoscimus. Hæ siquidem plura promiscuè cum significatione re possent, ex Aegyptiorum tamen Sacerdotum usu, certas significationes exceperunt; qua ratione, Sol Deum, Luna æternitatem, Leo vigilantiam, Aquila maiestatem indicare, & significare videmus.

Adijciam ego & hoc vnum pro huius loci interpretatione; nam inusitatus naturæ, ac Ethnicis Philosophis emanationis modus ad perpendendam breuem agentium antithesim me compellet. Agentium igitur tria sunt genera; Deus, Natura, Ars. Deus, omnium causa ex se est; Natura, à Deo manauit; Ars, ingenij humani est fœtura. Deus immensa pollet potentia; Natura maximam præfert inlitam uirtutem, sed finitam; Ars exiguis prædita est uiribus. Deus ex nihilo creare potest, quod non erat; Natura ex principiis, quid aliud essentia distinctum à principiis, generat; Ars ex vna, vel pluribus rebus aliam congerit, extrinseca, ac aduentitia forma discrepantem. Deus sine motu, ac mutatione operatur; Natura per motum, ac alterationem; Ars per aggregationem, & discretionem. Deus unico actu; Natura successiuè; Ars iteratis actibus. Deus ex beneplacito; Natura ex necessitate; Ars ex uoluntate, sed ea mutabili. Deus per uerbum; Natura ab intelligentia non errante ducta; Ars humano ingenio directa. Deus imperceptibili momento; Natura temporum lapsu; Ars uicissitudine, & laborum interuallo. Colligendum igitur ex his, Deus, ut Princeps omnium, libera causa, immensa sua potētia, ex nihilo, sine motu & mutatione, unico actu ex beneplacito, breuissimo momento condidit Chaos, quem effectiōis modū, uerbo Creauit, Moses nobis indicare, ac significare uoluit, utpotè quòd solius Dei proprium sit creare, hoc est ex nihilo facere, ut enucleatius edisserunt omnes Theologi secundo Sententiarum, distinctione prima.

a. *Non inuestigandus creationis modus, quia imperceptibilis.*

CHRYSOSTOMVS Homilia secunda in Genesim.

Magna gratitudine accipiamus quæ dicuntur, ne progrediamur ultra quàm fert mensura nostræ tenuitas, ne ue curiosius, quæ supra nos sunt, indagemus: id quod ueritatis hostibus euenit, qui uoluerunt proprijs rationibus uniuersa expendere, non cogitantes, quòd impossibile sit humanæ naturæ Dei opificium penitus ediscere. Quid, inquam, Dei opificium, cum neq; hominis, qui nobis natura cognatus est, artes unde quaq; disquiri possint: Dic enim, quæso, quomodo per metallicam artem, Auri natura conflatur? vel quomodo uitri puritas ex arena fit? Verum non habes quæ dicas. Si igitur hæc, quæ ante oculos sunt posita, & quæ per Dei misericordiam, humana operatur sapientia, edisci nequeunt: quæ à Deo ipso facta sunt, curiositate tua inquires homo?

homo? Quam assequeris veniam, qua te tueberis apologia, ita insaniens, ut quæ supra naturæ tuæ captū sunt, speculeris? Dicere enim ea quæ sunt, ex præiacente materia esse facta, & non confiteri, quod ex nihilo creaverit ea omnium opifex, desipientiæ extremæ signum fuerit. Beatus itaq; Propheta iste, obturando insipientium ora, auspicaturus librum, sic cæpit; In principio fecit Deus Cælum, & Terram. Cùm igitur audis, Fecit, nihil aliud ultra curiosius quære: sed humum spectans, crede ei qui dixit. Nam Deus est qui omnia facit, & præparat, & iuxta voluntatem suam omnia aptè componit. Et post. Verum interim & omnes hereses, quæ sicut Zizania pullulaturæ erant in Ecclesia, eradicat per hoc quod dicit; In principio fecit Deus Cælum, & Terram. Unde si Manichæus te accesserit, dicens materiam præexistere, vel Marcion, vel Valentinus, vel Gentilis, dic ad illum; In principio fecit Deus Cælum, & Terram. Sed quid si non credit ille Scripturæ? Tu posthac ipsum auerseris, velut furibundum, & mentecaptum. Nam qui omnium opifici non credit, & veritatem mendacij arguit, quæ vnquam dignandus est venia? Habet ille fucatum colorem, & mansuetorum personas induit, tegitq; sub omnia pelle Lupum. Sed tu ne decipiaris, immò hac ipsa de causâ illum magis exosum habe, quod mansuetudinem quidem erga proximum conseruam simulat, contra Dominum autem vniuersorum bellum gerit, & contra suam ipsius salutem currit insensatus. Et post. Quod si veritatis hostes adhuc dicunt, esse impossibile ex nihilo aliquid fieri: interrogabimus eos, primusne homo ex terra formatus est, an forte aliunde? omnino dicent, ac fatebuntur, quod ex terra. Dicant igitur nobis, quomodo ex terra facta sit natura carnis. Ex terra enim lutum, & lateres, & figulinum vas, & testâ fieri solet: quomodo ergo natura carnis facta est? quomodo ossa, & nerui, & arteriæ, & adeps, & cutis, & ungues, & capilli; & ex vna præiacente materia diuersarum substantiarum qualitates? sed ad hæc ne mutire quidem poterunt. Quid autem dico de corpore nostro? Dicant nobis de pane, quo quotidie reficimur, quomodo, cùm vnius speciei sit, transmutatur in sanguinem, & phlegma, & choleram, & varios humores? & panis quidem sæpe habet colorem frumenti, sanguis autem rufus, vel nigrum. Si igitur hæc, quæ quotidie ante oculos videntur, nunquam nobis dicere poterunt, nullatenus & de alijs Dei opificijs digna dicent. Quod si post tantam demonstrationum copiam, adhuc suam contentionem bobare volunt: & neq; nos desistemus sæpe eadem ipsis obijcere, dicentes; In principio fecit Deus Cælum, & Terram. Hoc enim vnicum verbum sufficit nobis ad subuertendas omnes aduersariorum tures, & ad reuellendas ab ipsis fundamentis humanas rationes: atq; si vellent vel serò à sua contentione desistere, possent per hoc in veritatis viam manuduci.

His consimilia reperiuntur in Sermone de Ieiunijs, & Geneseos lectione.

CYRILLVS Alexandrinus in Genesim libro primo.

Ioann. i.

Rom. ii.

Esa. 55.

Ergo Deus omnium Creator optimus per summam suam potentiam, idest Filium suum, (omnia enim per ipsum facta sunt, & sine ipso factum est nihil, Cælum, Terramq; ante omnia creauit. Et quamuis nulla fuerint antea, tamen facultate eius creata sunt. At si quis querat, quomodo, vel quibus principijs creata sint, responsum illud rectum, optimumq; accipiat; Quis adiunxit spiritum Domini, aut quis consiliarius eius fuit? si quis enim rem huiusmodi intelligere velit, mentem quoq; atq; prudentiam, quæ in Deo est, ipsum habere oportere certum est. Sed quod humanum ingenium exile sit, vel potius nullum penitus Dei comparatione, ipse Deus declarat, cùm ait; Non enim sunt cogitationes meæ cogitationes vestre; neq; via meæ, sicut via vestre, dicit Dominus. Quia sicut exaltantur Cæli à Terra, sic exaltatæ sunt viæ meæ à vijs vestris, & cogitationes meæ à cogitationibus vestris. Omittamus igitur tanquam superuacuum, & nullo pacto comprehensibilem talem questionem. Creat enim Deus, ut ipse & nouit, & potest.

Pia certè est hæc Ioannis Chrysostomi, & Cyrilli interpretatio, & observatio: metiri enim si quis vellet Dei summam Potentiam & Sapientiam, qua Mundum potuit, & voluit efficere, modumq; inuestigare, summæ insipientiæ esset indicium, procacisq; ingenij argumentum, cùm vellet ea penetrare, quæ attingere non potest. Nam ut dicebamus, alæ Cherubim tegebant caput & pedes, ut nobis significarent, Mundi initium, & finem non posse nobis esse perspectum: mirificum, scilicet Dei opus contemplari possumus, opus, inquam, Mundi; sed quomodo manarit, nequaquam. Fide igitur simpliciter ea credere debemus, quæ nobis exponit Moses. Quapropter, cùm dicat; In principio creauit Deus Cælum & Terram; nec mentionem faciat de materia præiacente aliqua, ex qua ea compegerit, ex nihilo ipsa effecisse credendum est.

a. Non ex materia ingenita.

Prisci omnes Gentilitatis Philosophi, qui Mundum generant, seu rerum omnium vnum principium astruant, quod Hylen appellant ingenitam, & æternam, ex qua casu Mundum profilijisse opinati sunt, seu duo, Deū, & Materiam ingenitam; seu tria, Deū, Materiā, & Ideas, semper quandā materiā ingenitā, æternamq; somniarunt. Sed quænam illa ipsa prima esset materies cunctarum rerum principium, & matrix, non vna definiuerunt sententia. Xenophanes eam, Terram dixit; Thales Milesius, Aquam eam nūcupauit;

Creauit.

4. Non ex materia ingenta.

Anno Mundi
primo.
In exordio
temporum.
Ante dies.

cupauit; Anaximenes Aërem; Eraclitus, Hippasus, Hipparcus, & Parmenides Ignem; Democritus Vacuum & Solidum; Metrodorus Indiuisum, & Vacuū; Epicurus Athomos, hoc est, insectilia corpora; Anaxagoras Homiomerias, id est, similes particulas; Archelaus Infinitum aëra, seu crassitudinem, ac raritatem aëris; Pythagoras Numeros, commensurationesq; , quæque, ex vtrisque componuntur Elementa; Anaximander Quid infinitum; Empedocles, ex quatuor ipsis elementis, Quid commiscelatum; Hesiodus, ac Euripides Chaos, vna communi rudi forma consitum; Xenocrates Iugifluam materiam; Plato Materiam informem asimilem corpori; Stoici Corpus, teste Theodoret, libro de Materia & Mundo. Horum sententias luculentiùs tradunt Clemens Recognitionum libro octauo, Niceta loquente; Iustinus in Admonitorio; Eusebius de Preparatione Euangelica, libro primo, capite quarto & quinto; Theodoretus libro de Materia & Mundo; Cyrillus contra Iulianum, libro secundo; Epiphanius in Panario, libro primo; Lactantius libro de Ira Dei, capite decimo. Et Hieremias Philosophus libro inscripto, Irrisio Gentilium Philosophorum, vberiori oratione elegantissimè cunctorum Philosophorum de Principijs sententias recenset & reijcit. Sed præter Ethnicos, Hæreticorum quamplures in eandem præcipitarunt sententiam; vt Hermogenes, teste Tertulliano, libro aduersus Hermogenem; in quo acrius de his contra ipsū disceptat; Manicheus, Marcion, Valentinus, teste Io. Chrysostomo, Hom. prima in Genesim; Sabellius, teste Dionysio, Verum quod mihi arduum negotium facit; PHILO, & hanc materiam ingentiam coæternam ex Mosis mente & sententia visus est concessisse, libro de Mundi opificio, cum dixit.

Si quis vellet causam huius vniuersalis opificij perscrutari, non aberraret, opinor, à scopo, si diceret, quod quidam priscus sapiens: bonum esse Patrem, conditoremque, ideoque suapte nature bonitate non inuidisse substantiæ, nihil boni ex seipsa habenti, quæ tamen quidvis fieri poterat. Erat enim ex seipsa expers omnis qualitatis, indigesta, inanimis, plena ruditate, confusione, atque discordia: sed capax alterationis, mutationisque in contrarium statum optimum, videlicet ordinem, qualitatem, animationem, similitudinem, identitatem, coaptationem, atque consonantiam, ceteraque quæ ad potiorem ideam attinent. Tum Deus nemine mouente (quis enim erat alius?) suoapte consilio decreuit diuitias gratiæ suæ copiose, largiterque profundere in naturam nullius bonæ rei per se capacem sine diuina munificentia.

Et paulo post, cum declarasset, Deum ex ea materia concessisse Mundum non secundum infinitam suam potentiam, sed ad eius vires se attemperando, his concludit.

Mosis enim est opinio hæc, non mea.

Cæterum contra priscos Philosophos, & Hæreticos præfatos, eorūque de materia ingenta assertionem, Patres prisci acrius disceptarunt, adeò copiosis, prolixisq; disputationibus; vt Catenam de hac re intexere, sit æquora, in æquoribus refundere. Origenes in Periarchon, libro primo, capite primo; Tertullianus libro aduersus Hermogenem hæreticum luculentiùs; Lactantius libro secundo Diuinarum institutionū, capite nono; Gregorius Nyssenus, libro de Creatione hominis, capite vigesimo quarto, & uigesimo quinto; Zeno Episcopus Veronensis, sermonum libro secundo; Eusebius de preparatione Euangelica, libro septimo, capite octauo, qui & Philonis, Dionysij, Origenisque argumentationes contexit; Basilii Hexameron, homilia secunda; Ambrosij Hexameron libro primo, capite septimo, Athanasij de Incarnatione Verbi Dei; Procopius Gazeus Prefatione Commentar. in Genesim; Cyrillus aduersus Iulianum; Ioannes Chrysostomus, Homilia secunda in Genesim; Epiphanius in Panario, libro primo aduersus Stoicos; Theophilus Antiochenus ad Autholycum, libro secundo;

Creauit.

a. Non ex mole aquarum mox ante condita diuisit Deus Cælum,
& Terram.

cundo; Theodoretus Diuinorum Decretorum Epitome, libro quinto. Quantum verò ad Philonem spectat, eum de materia ingenita non locutum fuisse, sed de creata conuincunt ea, quæ (ex Eusebij relatu de præparatione Euangelica, libro septimo capite octauo) exactius, & clarius dixit.

P H I L O autem Iudæus, inquit Eusebius, de hac quæstione sic scripsit. De quantitate autem substantiæ, utrum facta sit, dicendum est ad formationem vniuersi tantam materiam Deum creasse, ut nec superflueret, nec deficeret. Absurdum enim est, hunc vel illum artificem diligentissime de quantitate materiæ sufficientis, præcipue in pretiosa materia providere: Deum verò, qui numeros & mensuram omnium nouit, minimè de hoc prouidisse. Ausim igitur exclamare, nec pluri, nec pauciori materia ad creationem Mundi opus fuisse. Non enim integer ex omnibus partibus Mundus esset, si non à sufficienti materia esset formatus. Sed cum prudentis proprium artificis sit, antequam inceperet, sufficientiam materiæ prospicere, homo quidem mortalis errare potest, ut nonnunquam deficienti materia additamenta quærat, nonnunquam ablationem à superfluente. Deus verò, cui nihil deest, quique omnia potest, ad vnguem sufficientem produxit Hylen. Sed qui cauillari volunt, argumenta multiplicant; qui verò philosophari, veritate rerum contenti sunt.

a. Non ex mole aquarum ante Mundum condita.

A P O L L I N A R I V S, teste Gregorio Nysseno Philosophie libro tertio, capite quarto, ante Cælum, & Terram, abyssum, ex qua Deus Cælum ipsum & Terram formaret, conditam à Deo existimauit, nec eius emolitionem à Mose enarrari dixit.

Apollinarius autem vult ex abyssò fecisse Deum Cælum & Terram: verum abyssi, ut genitæ, Moses de generatione Celi non meminit. In Iob autem dictum est, quod fecit Abyssum; ex hoc igitur censet omnia alia generata esse, non tamen ingenitam vult, sed ante cuncta corpora productam eam esse, & præsumpsisse à Conditor ad aliorum subsistentiam manifestationem.

N E M E S I V S libro de Natura hominis, capite quinto, quod est de elementis, hanc eandem Apollinarij sententiam his recenset.

Qui Hebræorum dogmata defensitant, de Cælo, Terraque dissentiant. Cæteri enim ferè omnes ex nulla subiecta materia, quæ prius fuerit, Cælum & Terram genita esse volunt; quoniam Moses scribit his verbis: In principio fecit Deus Cælum & Terram. Apollinarius verò ex abyssò fecisse Deum Cælum, & Terram contendit. Nam abyssi, ut eius quæ creata sit, Moses in commemorando Orbis ortu non meminit; sed in libro, quæ Iob inscribitur, perscriptum hoc est: Qui fecit abyssum. Ex hac igitur, ut materia, omnia alienata esse vult, neque tamen eam nullo generatam ortu, sed genitam ante omnia corporea, & ad cæterorum naturam à Deo preparatam esse tueretur. Atque ipsum quoque abyssi nomen (significat autem Latine fundi expers) infinitatem ostendit. Sed hoc, quoquomodo se habeat, nihil refert. Etenim etiam hoc modo Deus omnium & opifex esse, & ex nihilo fecisse omnia, probatur.

H I E R O N Y M V S ab Oleastro Lusitanus hanc ferè sententiam, quam tamen non legisse uereor, insequutus est; Deumque mox antequam in principio faceret Cælum, & Terram, ex nihilo cum Angelo abyssum aquarum produxisse; vatemque Mossem eius natalia suppressisse, enarrationemque suam à seiunctione Cæli, & Terræ auspiciatum esse, constanter asseuerat. Duoque huiusce nuperrimi excogitati sui significationis fundamenta: Alterum, quod hoc verbum, Barà, non solum producere, ut iam diximus, sed etiam separare & diuidere significet, ut exemplis ipse deducit. Nam ait; Io sine decimo septimo scribitur Vberethà, idest, succides eum, uidelicet montem, & erunt tibi exitus. Item Ezechielis uigesimo tertio ponitur Vbarà, idest, & succident, seu diuident eas, scilicet duas fœminas gladijs suis, seu scindent eas: Alterum, quod Cælum ante

extabat, seiunctum. Alt igitur Lusitanus.

Aduerte, ut iam diximus, & infra probabimus, Cælum non ex nihilo hic factum describit, sed potius ex aquis. Non enim prius Deus Cælum cum Terra informi seorsum fecit; sed ut diximus, tunc primum factum est, cum à Deo fuit ex aquis productum. Quod Petrus Apostolus aperte asserit; Latet enim eos, inquit, hoc volentes, quòd Cæli erant prius, & Terra de aqua, & per aquam consistentes Dei verbo: de aqua quidem quantum ad Cælos: per aquam verò, id est, aquarum diuisionem, quod ad Terram attinet. Vnde sequenti capite habes; Istæ sunt generationes Cæli, & Terræ, quibus Cæli creationem, quod neque formidari: lum genitum dicitur. Neque me propterea putes negare Terræ, & Cæli creationem, quod neque formidari: sed puto Terram, non sub nomine Terræ, quæ potius Mare, quàm Terra vocatur, Scriptura testante, quæ asserit, Deum vocasse aridam terram, id est exiccatam, sed sub aquis prius ex nihilo productam. Similiter & aquam: postea verò ex aqua, quemadmodum Petrus dicit; Cælum, seu firmamentum fuisse productum, & aquam: separando partem aquarum, & firmando illas; ut Cælum, seu firmamentum esset. Vnde & Cæli color, quia aqueus esse apparet, attestari videtur, quòd ex aquis productum sit. Et sicut hic non describitur creatio aquarum; quid mirum, si neque describatur creatio terræ illius, quæ sub aquis erat? Et sicut tenemus aquam prius creatam; postea verò à Terra in parte separatam: sic tenere possumus, Terram illam informem, seu quæ erat sub aquis, prius creatam: hic verò describi digestam, seu separatam.

Vtrumque hoc figmentum à cunctis tum Patribus, tum Doctoribus reiectum est; nec
liquidem adeò erronea est eius assertio, ut non sit frigidior interpretatio, quam de hoc
loco habet, si profundius rem ipsam perpendemus. Primum; In principio, ait Moses,
Creavit Deus Cœlum, & Terrā. Si, In principio, interpretabimur, Ante omnia; igitur
non ante Cœlum & Terram creavit Deus molem aliquam, ex qua post congereret Cœ-
lum, & Terram. Si, In principio, exponemus, In temporum exordio; igitur moles ea, ex
qua profiliit Cœlum & Terra, fuit ante tempus: quo quid absurdius? Deinde ut quid
qua profiliit Cœlum & Terra, productionem? Certè cum eam, nec à Deo factam enar-
ret, multum adhæsisse uidetur ijs, qui materiam ingenitam ante Mūdum præponunt.
Nec inducta à Lusitano interpretatio, qua uerbum Creare, hoc loco diuidere uoluit, ut
significet, adeò consistit; quicquid enim sit de Parà, Hebraicæ uocis significatione, scri-
pturarum tamen phrasi aduersam, ac alienam eam esse comperimus: si quidem Scriptu-
ra, cum rerum emolitionem à Mose traditam recenset, ac repetit, pro fecisse, nunquam
separasse, seu seiunxisse scribit. Sic Abraham; Leuo manum meam ad Dominum meū
excelsū Creatorem Cœli, & Terræ: Et ibidem Melchisedech; Benedictus Abraham
à Deo excelsō, qui creavit Cœlum & Terram: Et Dauid; Adiutorium nostrum in no-
mine Domini, qui fecit Cœlum & Terram: Ionas Propheta quoque ait; Hebræus
ego sum, & Dominum Deum Cœli ego timeo, qui fecit Mare, & aridam, Et
Hieremias; Sic dicetis, inquit eis, Dij, qui Cœlos & Terram non fecerunt, pereant de
terra, & de his, quæ sub Cœlo sunt: Et etiam inquit; Domine Deus tu fecisti Cœlum,
& Terram in fortitudine magna, & in brachio tuo extento; non erit tibi difficile omne
uerbum. Deinde cuncti Hebraicæ lingue Rabbini, Græciq; , ac Latini Patres, necnon
& Ecclesiastici Scriptores, pro Creavit, agminatim semper interpretati sunt, Ex nihilo
fecit. Præterea, seiunctio eorum est, quæ iam extant; quòd si interpretemur, Creavit
Deus, hoc est, Separavit Deus Cœlum à Terra; iam Cœlum, Terraq; simul coibant,
ac commiscebantur: non igitur ex aquis confectum fuit Cœlum. Ab ipsius Vatis insu-
per scopo diuersum, adeoq; peregrinum, & alienum est hoc figmētum, quòd eius finē
tollat: Nam cum Mundi etinctionem narrare suscepit, non Mundi creationem tra-
didit, (ut egregiè adnotauit Vielmus Præceptor meus lectione secunda, qui & ipse a-
crius exprobat, execratq; hanc sententiam) sed compactionem, ferruminationem, &
venustationem, quod viderit, inquit Vielmus, ipse hæreticæ prauitatis Inquisitor, num
sit scripturis, & Ecclesiæ vsui consentaneum. Lactantius certè Hesiodum reprehendit,
quòd à Chaos sumens exordium, non ante explanauerit; unde, quando, quomo-
dove esse, aut cōstare cœperit, ergo & explanare Moses debuerat, unde essent hæc ipsa,
quæ nunc separata fuerunt, anteaquam de eorum separatione differeret. Porro id, quod
iēcit fundamentum, Cœlum videlicet, ex aquis congestū fuisse, non admittunt omnes
Patres,

Anno Mundi
primo.
In exordio
temporum.
Ante dies.

Creauit.

- a. *Vel ipsam materiam creauit vniuersali quadam forma præditam;
Vel cum ea, & ex ea Mundum sensilem.*

Patres, vt Basilius, Ambrosius, Augustinus, Ioannes Chrysostomus, Theodoretus præcipuè, qui, vt suo loco disceptabimus, Cælum ex summitatibus elementorum, ignoto nobis constitutionis genere, conditum existimant. Sed & eorum Patrum classis, quæ Cælos ex aquis compactos autumat, non ante dies, sed secundo die, vna conspiratione diffiniunt eos fuisse coactos. Refragantur & huic rei omnes tam Theosophi, quàm Philosophi Peripatetici, qui ex quinta quadam essentia ipsum constare diiudicarunt, Thoma præcipuè, qui non ex eadem sylua, qua elementa cæsa sunt, eadem inquam materia, sed ex præstantiori effectum ipsum edocent. Sed hæc contra Lusitanum satis.

- a. *Vel materiam creauit vna forma communi præditam;
vel cum ea, & ex ea elementa.*

Patrum quamplures non origine, seu, vt inquit, potentia, materiem Cæli, & Terræ congestionem eorum præisse autumant, sed actu: nomineq; Terræ, ipsam materiam actu exili, ac imperfecto conditam, ex qua post, Mundus fuerit discriminatus, & vniuersi status, describi existimant: suntq; hi Gregorius Nyssenus, ac Sectatores illi, qui Chaos vna rudi forma præditum, in quo Cælum, ac elementa seiuncta, discretave non extarent, sed tantum in præseminata potentia, primum emanasse, hicq; genesim, procreationemq; eius tradi censuere: quorum Catenam infra in quaestione de Chaos speciatim deducemus.

Cæterum reliqui Patres, Theologi, Doctores, Philosophiq; ferè omnes materiam quandam, quam primam appellant, conspirata simul sententia, admittunt: Verum alij ex nostris, ex ea, & cum ea eodem momento temporis Mundum absolutum prodijisse diffiniunt, vt Augustinus, Eucherius, Beda, & asseclæ. Alij ex ea, & cum ea, Cælum supremum tantum, & elementa congesta fuisse tradunt, vt Basilius, & Ambrosius. Alij elementa tantum, vt Hugo, Strabus, & cæteri, qui Cæli nomine Empyreum interpretantur. Alij Cælos omnes luminiferos, ac elementa, vt D. Thomas, & Neoterici volunt. Hæc verò illa est, de qua Sapiens ait; Deus orbem condidit ex materia inuisa, seu, vt Augustinus interpretatur, ex materia informi. Huius cum Mûdo connexâ genesim,

AUGUSTINVS de Gen. ad literam, eleganti exemplo his describit. Non informis materia formatis rebus tempore prior est, cum sit vtrunque simul concreatum, & vnde factum est, & quod factum est. Sicut enim vox materia est verborum, verba verò formatam vocem indicant: non autem qui loquitur, prius emittit informem vocem, quam possit postea colligere, atque in verba formare: ita Creator Deus non priorem tempore fecit informem materiam, & eam postea per ordinem quarumcunque naturarum, quasi secunda consideratione formauit, formatam quippe creauit materiam. Sed quia illud vnde fit aliquid, etsi non tempore, tamen quadam origine prius est, quam illud quod inde fit, potuit diuidere Scriptura loquendi temporibus, quod Deus faciendi temporibus non diuisit. Si enim quaeratur vtrum vocem de verbis, an de uoce verba faciamus, non facile quisquam ita tardo ingenio reperitur, qui non potius verba fieri de uoce respondeat.

Et duodecimo Confessionum libro, capite vigesimo nono.

Quis deinde sic acuto cernat animo, ut sine labore magno dignoscere valeat, quomodo sit prior sonus, quàm cantus? Ideò quia cantus est formatus sonus, & esse vtiq; aliquid non formatum potest; formari autem quod non est, non potest. Sic est prior materies, quàm id quod ex ea fit. Non ideò prior, quia ipsa efficit, cum potius fiat; nec prior intervallo temporis. Neque enim priore tempore sonos edimus informes sine cantu, & eos posteriore tempore in formam cantici coaptamus, aut fingimus, sicut ligna, quibus arca, vel argentum, quo

Et prolxiùs exemplum id edisserit, concluditq̃ post.

B E D A Quæstionibus in Genesim.

Hæc illa est, quam Philosophi tum Platonici, tum Peripatetici, uti omnium rerū substratum principium agnoscunt, quæ quidem imperceptibilis ferè cum sit, Plato ex spiritualibus, & adulterina cognitione, Aristoteles verò ex analogia ad materiam rerum artificialium percipi existimarunt : de eaque Philosophi cuncti, sed Peripatetici præcipue , alius ac nunquam terminatis disputationibus disserunt ; An concedenda sit ; An potius, ac nunquam terminatis disputationibus disserunt ; An concedenda sit ; An potentia eius essentia existimanda ueniat ; An actu, ut aiunt, entitatio gaudeat ; An triplex dimensionem sibi coæternam secum ferat ; An sit ingenerabilis, incorruptibilis, &c similia.

Disceptatio hoc loco excitatur à Patribus priscis insinuada, sed à Scholasticis fusiùs uentilata, ac à Philosophis omnibus tum uetustis, tum neotericis iactata; Num materia hæc, seu moles indigesta, qua Mundus congestus est, unius sit naturæ, seu affectionis. Difficultasque hæc ea de causâ cōualuit, quod Cœli materies una tantum forma sit delectata, & formarum vicissitudinis omninò sit expers, generationisque & corruptionis sit innoxia; elementaris uerò perenni formarum mutatione nunquam saturari videatur; ac, ut vno exemplo complectar, quæ ipsissima sit earum disparitas: Cœlorum materies, ut pudica virgo, vno sit uiro oblectata, nescio an insita castitatis propensione, an viri dignitate: Materies uerò elementorum, ut procax meretrix, pluribus quanquam lassata nō saturetur, nescio nū libidinis exūdantia, num uirorum defectu, imbecillitateq; .

Sententia prima Cœli, ac inferiorum, vnam esse materiam asserens, vetusta compe-
ritur; Prisci, vetustissimiq̃ Philosophi ferè omnes (Peripateticis exceptis) materiam
coelestium à mortalibus differre tantum puritate, & impuritate censuere. Aegyptij
propterea Cœlum esse humorem concretum existimarunt; Diogenes eum esse aërem
puriorē dixit; Heraclitus, ignem; Stoici, ardorem mobilem; Pythagoras, flammā;
Empedocles, quid compactum ex quatuor elementis, sed ex perpetua sancita inter eos
amicitia, indissolubile; Plato, Pythagorā in Thimæo sequutus, stellas censuit esse ignes
non vrentes, & Cœlum igneum, constareq̃ ex eminentiis omnium elementorum:
propè verò finem vocavit hanc materiam communem, sylvam ignitam, humefactam,
ceterisque qualitatibus affectam, voluitq̃ eam ignem, terram, & reliqua prima cor-
pora constituere. Placitum hoc prosequuti sunt ex Peripateticis nonnulli; Avicennas
primo libro suæ sufficientiæ, capite quarto; Ioannes Grammaticus, vt refert Auerroes
oçtauo Physicorum, commento septuagesimo nono; & Simplicius eodem oçtauo, tex-
tu septuagesimonono; & primo de Cœlo, vigesimo secundo; Theophrastus, teste Sim-
plicio, primo commento primi Physicorum. Verum præter Philosophos ex nostris Pa-
tribus

tribus, Cœlos ex elementis compactos, Græci ferè omnes, ac Latini, vsque ad D. Thomam tempestatem, visi sunt dijudicasse: Siquidem Petrus, Clemens, Gennadius, Hippolytus, Theodoretus, Seuerianus, Acacius, Procopius, Anselmus, Hugo, Beda, Strabus, Gulielmus, & Steuchus, ex aquis eos cõgestos dicunt, vt infra p̄ catenas deducemus.

Basilus autem, Gregorius Nyssenus, Ambrosius, Damascenus, Ioannes Chrysostomus, Athanasius, Richardus ex summitatibus elementorum, ignoto nobis constitutionis genere, eos compactos edocent. Sed inter eos, qui quintam essentiam admittunt, præcipuus huius sententiæ inter Scholasticos propugnator Aegidius est, tum in proprio quæsito de Materia Cœli, tum prima parte sui Hexameron: Contendit Aegidius materiam eam, ex qua condita sunt Cœlestia corpora, elementaq; , seu Cœlum, & Terra, eandem extitisse, idemq; connatum sibi votum, seu potentiam, non magis ad Cœlorum formam, quam elementorum propensam tulisse: ex summi verò Opificis nutu euenisse, vt pars altera Cœli præstantissima forma indueretur, altera formis elementorũ substerneretur, tam dispari euentu, vt quæ Cœli formam sortita est, præstantissimam susceperit naturam, contrarietatem non admittentem; vnde priuatione, generatione, corruptione, alteratione immunis euaserit, omniq; sua saturata ingluuie, mirifico euentu, incorruptibile corpus constituerit: Quæ verò elementarem formam subierit, ignobiliorem, imbecilliolem, & contrarium admittentem susceperit; adeò vt ipsa citò vna forma, tanquam imbecilli fatiata, mox aliam anhelet; ob idq; generatione, priuatione, corruptione, & alteratione obuoluta, obductaq; semper existat. Atq; (vt vno verbo, quod potissimum est horum placitum, complectar) volunt hi materiam illam, qua cuncta compacta sunt, ex sua connata essentia & potentiæ insitæ vi, ad omnes formas indifferenter suscipiendas rapi: sed quòd altera suscepta, alteram mox appetat, vel non appetat, hoc ex collatæ formæ conditione admittentis, vel non admittentis contrarium, sibi elargitum esse dicunt. Hęc Aegidius luculenter prima parte Hexameron, à capite primo, vsque ad decimum. Cæterum in quinto præcipuè, cum non ineptè redarguerit Auicebron, Angelis etiam materiam attribuentem; ac Auerroem, Cœlestibus orbibus etiam materiam omninò subtrahentem, vti nimio ausu materiam amplificantes, vel coarctantes, D. Thomam, ac sectatores materiæ vnitatem tollentes, confutare contendens, ita concludit.

His itaque declaratis, dicamus, quòd materia, considerata secundum suam nudam essentiam, cum sit pura potentia, non habet per quid differat ab alia materia; tamen in potentia Creatoris est, subiicere eam formæ corporali habenti contrarium, & non habenti contrarium. Et cum subiicitur formæ habenti contrarium, habet annexam priuationem alterius formæ, cuius ratione est turpis, idest indecora, & effæminata, idest, defectiua; & ex hoc non completur totus appetitus eius, sed cum est sub vna forma, appetit esse sub alia, vt patet in materia horum inferiorum: Cum verò subiicitur formæ non habenti contrarium, non habet priuationem annexam; idè nec habet turpitudinem, nec effæmineitatem; quo posito, nunquam machinatur ad maleficium; & tamen est sub vna forma, & nunquam competit ei esse sub alia: & talis est materia Cæli. Est itaque Cælum incorruptibile, & hæc inferiora sunt corruptibilia; sed hoc non est quòd materia Cæli est informis, cum sit pura potentia, differat essentialiter à materia elementorum; sed quia materia Cæli est substrata formæ non habenti contrarium; & idè non habet priuationem annexam; qua priuatione sublata, materia ibi non machinatur ad maleficium, nec ad corruptionem, sed habet satiatum appetitum; & exinde Cælum est incorruptibile: Elementa verò habent materiam substratam formæ habenti contrarium, & exinde habent priuationem annexam, & materia machinatur ad maleficium & corruptionem, ex quo elementa sunt corruptibilia.

Sententia Cœlestium, ac inferiorum materiam non vnã esse asserens.

Primum in hanc sententiam declinarunt Peripatetici ferè omnes; Aristoteles siquidem hoc inferre visus est, primo de Cœlo, textu vigesimo, cum perpendens causam, quare Cælum sit æternum, dixit;

Quia Cælum caret materia.

Hoc est, eiusdem rationis cum materia horum inferiorum. Et libro primo de Generatione, textu octuagesimo septimo, cum ait;

Quæ inuicem non transmutantur, non habent eandem materiam.

Porro Cælum, & inferiora elementa, inuicem non transmutari conspicuum est. Et octauo Metaphysices, textu duodecimo scripsit;

In naturalibus quidem sempiternis, alia est ratio, aut non habent siquidem materiam, aut non talem.

Et duodecimo Diuinorum, dixit;

Quæcunque transmutantur, materiam habent; sed aliam sempiternorū, quæcunque non generabilia sunt, latione autem mobilia, verum non generabilem habent, sed vnde, & quo.

I V S T I N V S libro de Aristotelis decretorum reprehensione, ex libri primi de Cælo capite secundo, hoc placitum illis verbis decerpfit.

Ex quibus perspicuum est naturam quandam esse corporis, præter concretas, quæ hic sunt, quæ his omnibus & diuiniore sit, & antiquior. Et Post. Quoniam autem Cælum, diuinum est, natura enim diuina est quedam, ob eam causam rotundum ei corpus datum est.

Ex his ænigmaticis Aristotelis oraculis, Peripateticorum numerosa classis, Cælum corpus esse simplex asseuerarunt omnis materiæ expers, dimensionibus non carens, & in potentia tantum ad vbi, quanquam ex eo, & intelligentia compositum improprie fieri non abnuant; intelligentia motrice formæ vices agente, ipso verò cœlesti corpore simpliciter, materiæ vices sumente, quod corpus, Cælum animatum appellant: Huius sententiæ Auerroës primo de substantia orbis assertor fuit præcipuus. D. Thomas, ac Peripateticorum alij quamplures, non admittentes quod sensibile corpus extensum per dimensionibus, absque materia comperiri queat, quia tunc esset purus actus, seu spiritalis substantia, & quia in eo accidentia, sine substrato, vt aiunt, subiecto consisterent; Cælum ex materia & forma compositum esse, vt Cælum sine intelligentia consideratur, diffiniunt. Contendunt amplius tum Auerroës, tum D. Thomas, Alexandrum, Ammonium, Themistium, Simplicium, Iamblicum in suam quisque trahere sententiam. Omnes attamen hi, vna consensione, Cœlestium, ac elementorum materiam non vnā esse decernunt; persistuntque, maximè D. Thomas, & nuperi omnes Scholastici, qui eum sunt insequuti, quod alia fuerit materia, qua Deus congeffit Cælum, & alia qua produxit elementa, saltemque analogicè, vt aiunt, eas differre autumant; reputantque Cœlestem materiam ad vnā tantum formam propensionem habuisse, elementarem verò ad plures, diuersasque formas: Nam si Cœli materia, inquit, insitam haberet ad plures formas inclinationem, contingeret, vt simul Cœli forma imbueretur, & simul alias appeteret formas: qui connatus appetitus, vel, cum nunquam saturari possit, ociosus perflueret; vel, si saturaretur, Cœlorum orbis durationem secum ferret. Quapropter concludunt, quod propensionem ad vnā, vel plures formas habere, materiæ ipsi contingat natura, non autem ex formarum præstantia, vel imbecillitate. Oportet igitur, inquit D. Thomas, quæstione sexagesima sexta primæ partis, articulo secundo.

Quod materia secundum se considerata sit in potentia ad formam illorum omnium, quorum est materia communis, per vnā autem formam non sit in actu, nisi quantum ad illam formam; remanet ergo in potentia quantum ad omnes alias formas: nec hoc excluditur si vna illarum formarum sit perfectior, & continens in se virtute alias; quia potentia, quantum est de se, indifferenter se habet ad perfectum, & imperfectum: vnde sicut quando est sub vna forma imperfecta, est in potentia ad formam perfectam; ita econuerso. Sic ergo materia, secundum quod est sub forma incorruptibilis corporis, erit adhuc in potentia ad formam corruptibilis corporis; & cum non habeat eam in actu, erit simul sub forma & priuatione, quia carentia formæ in eo quod est in potentia ad formam, est priuatio: hæc autem dispositio est corruptibilis corporis. Impossibile ergo est, quod corporis corruptibilis, & incorruptibilis per naturam, sit vna materia.

Iudicium Auctoris.

His nunquam terminatis disputationibus Cathedris relictis, quid ego sentiā, aperiā. Esaias oraculum nobis præstat ad hanc dissoluendam difficultatem. Manus quoque mea, inquit, fundauit terram; & dextera mea mensa est Cœlos. Siquidem eleganter hoc loco, quo terrā manu sinistra fundatā, Cælum verò dextera mensuratū, Propheta prodidit; percipimus, quod sicuti dextera manu maiori impulsu, ac vi operamur, quam laua; ita Cœlestis materia, quā dextera Dei mensa est, eminentiori quadam præstantia ditata à Deo sit, quā elementaris, quæ à Dei sinistra profiliit. Decebat siquidē vt materia Cœlestis præcellentiore, digniorque esset elementari; tum quia Empyreo erat vt materia Cœlestis præcellentiore, digniorque esset elementari; tum quia Empyreo erat

Isa. 48.

R proximior,

Anno Mundi
primò.
In exordio
temporum.
Ante dies.

Creauit.

a. Igitur Mundus non à casu, & fortuna ex elementis, seu atomis emerfit;
sed ex nihilo, Dei aīspōitione.

proximior, tūm quòd ad ambienda cuncta, & influxus impertiendos erat destinanda, tūm quia ei motus in Orbem, qui prāstantissimus est, attribuendus erat. Verūm num ex formā prāstantia hoc ei contigerit, num quia sua potentia traheretur ad vnā formā tantūm, & non ad plures, parum interest propositi nostri; dummodo insigniorem cōditionem à Deo detulisse eam non ignoremus. Siquidem si materia Cœli in potentia erat ad vnā tantum formam, ad eamq; excelsam sua natura trahebatur, vt censuit D. Thomas, hoc erat illustre, & insigne quoddam super elementarē materiam ei largitū à Deo: sin autem ita formam prāstantem excepit, vt ea satiaretur, sicuti sentit Aegidius, cūm forma omnis educta sit de potentia materie, vt omnes contestantur; certē in vtero quid eminentius gestabat, quod materia elementaris non habebat. Augustior igitur, & prācellentior producta est à Deo materia Cœlestis, seu formam vnā, eamq; prāstantissimā tantūm sua natura anhelarit, seu ex utero prācellentem formam gestarit. Patres quamplures, & cuncti ferē, qui à primitiua Ecclesia, ad millesimum, & ducentissimum ferē annum degerunt, Cœlos ex elementorum summatibus depuratis compositos, & natura corruptibiles perhibent. Quod si id comprobaremus, inutilis redderetur certē omnis discussa disceptatio. Sed de his hactenus.

a. Igitur Mundus non à casu, et fortuna.

BASILIVS Hexameron, Homilia prima.

In principio fecit Deus Cælum & Terram. Vis huius sententiæ sanè quā admirabilis orationē sistit mea. Quid dicam primum? Vnde inducti istius axiomatis narrationem exordiar? Num externæ sapientiæ professorum superciliosam coarguam vanitatem, an veritatem potius fidei nostræ meritis laudibus efferam? Et quidē de rerum naturis illi Græcorum sapientes permulta sunt commentati, & in literas transmiserunt: At qui ne vna quidem ratio apud hos solidè consilit immobiliter, & inconcussè, nimirum posteriore semper priorē excludente sententiam, adeo vt operosum iam non sit nobis illorum dogmata argumentis elidere, quando per mutuum futilium verborum uelitationem satis ipsi sunt suismet euertendis opinionibus. In his enim, qui verissimi, & vnius Dei ignoratione caligabant, ij causam illam primariam negarunt prouida mente esse prāditam, qua rerum omnium moderandæ generationi præfesset: sed & se totos permittentes, atque accommodantes primæ illi suæ de Deo ignorantie, quæ videmus cuncta ad ortum progredi, hæc ita emergere principia serant perpeti quadam serie successionis; quo contigit, vt horum nonnulli ad materiæ præiacentis principia, ceu bases quasdam vniuersi confugerint, causam Creaturæ totius acceptam ferentes Mundi istius elementis. E diuerso alij minutissima quædam & impartilia corpora, moles item ac meatus naturā continere omnium, quæ oculis quaquauius subiacent, recordi imaginatione delusi astruxerunt. Opinati enim sunt nunc quidem illis infestilibus corpusculis inter se coalescentibus & agglutinatis, nunc contrā eisdem disparatis à se ac scintillis generationes fieri rerum & corruptiones, simul & tenaciorem atomorum inter se complicationem causam præbere diuturnioris persistentiæ longissimè duraturis corporibus. Prorsus istius generis Scriptores, quid aliud dicas, quā flammam flaccidum araneoli pertexere, dum pertennes adeo comminiscuntur rerum causas, dum Cæli, Terræ, Marisque principia supponunt nussiam consistentia? Neque enim didicerant illud depromere: In principio fecit Deus Cælum & Terram. Eoque factum est, vt vniuersam hanc Mundi molem citra vllam moderatricis Prouidentie, ac rerum dispensatricis operam, nimirum temerè, ac fortune nusquam consistentis in petu ferri arbitrati sint, suamet in Deum circumuerti impietate. In hanc absurditatem plusquā impiam ne quando nos contingat impingere, is qui mundialis fabrica conscripsit creationem, in ipso mox aditu suæ conscriptionis, diuini nominis inductione, nostram illustrauit mentē, hisce verbis exorsus; In Principio fecit Deus.

AMBROSIVS Hexameron libro primo, capite secundo.

In principio fecit Deus Cælum & Terram. Non ille, vt atomorum concursione Mundus coiret, seram atque ociosam expectauit negocium: neque disciplinam quandam materie, quam contemplando Mundum pos-

Creauit Deus.

Anno Mundi
primo.
In exordio
temporum.
Ante dies.

a. Igitur non plura principia Mundi, vt Plato posuit, & Aristoteles, & alij Philosophi; sed vnum.

sit efficere, sed auctorem Deum exprimendum putauit. Aduertit enim vir plenus prudentia, quod visibilem, atque inuisibilem substantiarum, & causas rerum, mens sola diuina contineat, non, vt Philosophi disputant, validiorem atomorum complexione perseverantia iugis prestare causam: & iudicauit quod telam aranearum texerent, qui sic minuta, & insubstantia principia Celo, ac Terris darent, quae vt fortuito coniungeretur, ita fortuito, ac temere dissoluerentur, nisi in sui gubernatoris diuina virtute constarent. Nec immerito gubernatorem nesciunt, qui non nouerunt Deum, per quem omnia reguntur & gubernantur.

a. Non plura principia Mundi, vt Plato posuit, et Aristoteles; sed vnum.

AMBROSIVS Hexameron libro primo, capite primo.

Tantum ne opinionis assumpsisse homines, vt aliqui eorum tria principia constituerent omnium, Deum, & Exemplar, & Materiam: sicut Plato, discipuli quoque eius: & ea incorrupta, & increata, ac sine initio esse asseruerant: Deumque non tanquam Creatorem materiae, sed tanquam artificem ad exemplar, hoc est, Ideam intendentem, fecisse Mundum de materia quam vocant Hylem, quae gignendi causas rebus omnibus dedisse asseratur; ipsum quoque Mundum incorruptum, nec creatum, aut factum existimarent: Alij quoque, vt Aristoteles cum suis disputandum putauit, duo principia ponerent, Materiam, & Speciem: & tertium cum ijs quod operatorium dicitur, cui suppeteret competenter efficere, quod adoriundum putasset? Quid igitur tam inconueniens, quam vt aeternitatem operis cum Dei omnipotentis coniungerent aeternitate?

Serm. 132.

AVGVSTINVS in Sermonibus de Tempore.

In principio, inquit, fecit Deus Caelum, & Terram. Exclutit omnium infidelium errores, vnum Imperatorem Deum Patrem ostendit, vnum conditorem vniuersitatis Filium indicauit.

PETRVS Comestor Scholasticae historiae, capite primo.

Cum vero dixit Moyses, Creauit; trium errores elidit: Platonis, Aristotelis, & Epicuri. Plato dixit tria fuisse ab aeterno, scilicet Deum, Ideas, Hyle: & in principio temporis de Hyle Mundum factum fuisse, Aristoteles duo; Mundum, & Opificem: qui de duobus principiis, scilicet, Materia, & Forma, operatus est sine principio, & operatur sine fine. Epicurus duo, Inane, & Atomos: & in principio Natura quosdam atomos solidauit in terram, alios in aquam, alios in aërem, alios in ignem: Moyses vero solum Deum aeternum prophetauit, & sine praeciua materia Mundum creatum.

HVG O Carenfis haec sic obstrinxit.

Creauit, id est de nihilo sua auctoritate fecit. Hic notatur omnipotentia, & eliditur trium error: Platonis scilicet, qui posuit tria principia sine initio; id est aeterna; Deum, Ideas, & Hylem: Aristotelis, qui posuit duo, ut dicunt, scilicet Deum, & Mundum, & sine principio Deum operatum de duobus, scilicet Materia & Forma: Epicuri, qui duo posuit, Inane, scilicet, & Atomos; & in principio quosdam solidatos in terram, alios in aquam, alios in aëra, alios in ignem.

AUCTOR.

Quae, & quales fuerint opiniones, & sententiae de Mundi ortu, infra prolixius enarrabimus: hoc in loco id tantum animaduertendum est, plures fuisse Ethnicorum errores circa Mundi initium, & circa materiam ipsam, & circa causam agentem. Omnes siquidem materiam quandam ingentem aeternam ante Mundum praestasse asseuerant; sed quam illa fuerit, non concordia sententia diffiniunt, cum de ea decem sint sententiae. Alij namque Ignem, alij Aërem, Atomos alij, Aquam quamplures, Terram insuper multi, Similares partes nonnulli, Chaos ex elementis confutum quidam, Chaos rude, in quo nullum esset distinctum elementum, multi, Iugifluam materiam, vel Corpus tandem alij eam esse dixere. Rursum de Agente adhuc plures fuerunt sententiae

Anno Mundi
primo.
In exordio
temporum.
Ante dies.

Creauit, seu Fecit.

- a. *Sine diminutione suae potentiae.*
b. *Nec omni adhibita sui virtute, sed ea, quam res creandae postulabant.*

tentiae, cum quidam fortuna & casu Mundum ex materia ingenita prodijisse velint; alij plures opifices enumerent; quamplures tandem, vnum fuisse Mundi satorem diffiniant. Sed ex his quidam eum non liberum opificem, sed ex necessitate Mundum producere, quemadmodum corpus umbram porrigit, affirmarunt; alij liberum opificem dicere, sed duo constituerunt principia, Deum, & Materiam ingenitam; alij tandem tria, Deum, Materiam, & Idaeas, quasi uoluerint ad instar artificis, Deum respexisse Idaeas; & secundum eas, res in materia ingenita procreasse. Ceterum Moses his verbis; In principio creauit Deus Caelum & Terram, cunctas has opiniones reijcit, & dissoluit, cum unicum principium Mundi fuisse edocet, Deum videlicet, qui Mundum ex nihilo creauit. Quapropter, quod animaduertenterunt hi Patres contra Platonem, Aristotelem, & Epicureos, contra omnes Philosophorum sectas deduci potest; sed nos haec vberius infra edisseremus.

a. *Fecit sine diminutione suae potentiae.*

BASILIVS Hexameron, Homilia prima.

Mox adiecit & illud, Fecit: ut quaecunque tandem specimen, id quod factum est, declararetur esse, ac minima portio potentiae admirandi huius opificis. Quemadmodum enim figulus, cum ad vnius suae artis methodum innumera vasa effinxit, ne sic quidem ars illi figularia disperjret, aut accisae sunt & attrite vires: itidem vniuersi huius opifex effectricem illam potentiam suam non creando vni Mundo habet sic admensam & circumscriptam, quo minus tanto possit hoc vno plures effingere, sed quae in infinitum exuperet, quando & rem quaecunque oculis sunt conspicuae magnitudines, vel solo annutu suae voluntatis condidit.

b. *Creauit, Non omni adhibita virtute.*

PHILO de Mundi opificio.

Attamen non pro magnitudine gratiae suae beneficis est, nimirum infinita, ac incomprehensibili: Sed attemperat se ad vires eorum, quos dignatur sua beneficentia. Nec enim, sicut Deus ad benefaciendum natura propensus est, ita creatura ad accipienda beneficia: Illius enim potentia longe superat, at huius infirmitas impar est eorum magnitudini, succumberetque, nisi Deus pro cuiusque portione moderaretur suam gratiam.

Creauit certe Deus Mundum non omni adhibita sua Potentia, & sine eius aliqua diminutione, vel lassitudine. Huius autem rei haec ratio est, quia Potentia diuina est infinita; porro ut infinita potuisset & infinitum Mundum producere. Infinitam verò Potentiam non ostendit in creatione in substantia facti, quanquam infinitam demonstrat in modo faciendi; effectus siquidem finitus Mundus est, nec demonstrat Potentiam infinitam; ideo dicitur non impendisse in hoc opificio omnem suam virtutem: Modus autem faciendi infinitam patefecit Potentiam Dei, quia ex nihilo Mundum conegessit. Nam si tanto maior virtus requiritur in agente, quanto potentia est magis remota ab actu, ut aiunt in Scholis; certe infinitam euincitur fuisse Dei Potentiam in congerendo Mundo, quia nulla erat in non ente potentia ad esse. Fuit autem haec potentia sine sui diminutione, & Dei lassitudine, quia infinitum minui nequit, nec uirium iacturam pati potest. Exemplum rei huius à Basilio adductum, elegantissimum est.

Fecit

Creavit, seu Fecit.

Anno Mundi
primo.
In exordio
temporum
Ante dies.

a. Non arte speculatiua, nec practica; sed factiua, cuius opus superest.

a. Fecit, non arte speculatiua, nec practica, sed factiua.

Fecit Deus quippè; non arte speculatiua, cuius finis est contemplatio in mente tantum existens; non practica, cuius effectio simul cum arte transit; sed factiua, cuius opus remanet, & conspicitur.

BASILIVS Hexameron, libro primo.

Et hæc sanè non admodum multa hætenus libuit dicere è plurimis. Artium porro cum quedam contemplatiua, vel speculatiua dicantur: aliæ item activæ, aliæ operatorie: aliæ rursus contemplatiua, vel speculatiua. Et quidem artis contemplatiua finis est ipsa commentatio efficax eorum quæ mente versamus. Finis practica agitatio est, siue motio corporis, quo quidem motu interquiescente, nihil iam eius artis subsistit, aut resider, quod cerni queat. Neque enim ullus est finis artis saltatoria, aut si manis, gesticularia, & canendi tibia, quando ipsamet in seipsam operatio desinit. In factiua diversum reperias, ut operis quidpiam desicere, spectandum tamen opus tuum proponitur, eiusmodi artes sunt edificatoria, fabrilis in ligno, excursoria in ære vel ferro, textoria, & quæcumque sunt eius generis: quæ quidem ut non adsit artifex, causas tamen admodum idoneas ipsa in speciem pretextunt opera, quorum contemplatione possis rari in eius admirationem, qui edificator est, excursor, aut textor. Quod igitur sapiens Moses expressius declararet Mundum hunc, artificiosum sanè opus in commune ob oculos omnium expositum, ut eius sedula contemplatione ad agnitionem pertingas sapientiæ eius qui ipsum fecit, non alia usus voce est, de ipso loquuntur, sed dixit; In principio fecit.

AMBROSIVS Hexameron libro primo, capite quinto.

Est ergo hic Mundus diuinæ specimen operationis, quia dum opus videtur, præfertur operator. Nanque, ut istarum artium aliæ sunt activæ, quæ sunt in corporis motu, aut sono vocis: cessavit motus aut sonus, nihil superstit, nec remansit spectantibus, vel audientibus: aliæ theoreticæ, quæ vigorem mentis exerceant: aliæ huiusmodi, ut cessante quoque operationis officio, operis munus appareat, ut edificatio atque textura, quæ etiam tacente artifice, peritiam eius ostendat, ut operatori operis sui testimonium suffragetur: Similiter etiam hic Mundus diuinæ Maiestatis insigne est, ut per ipsam Dei sapientia manifestetur. Quem videns Propheta, simul & ad invisibilia oculos mentis attollens, ait; Quam magnificata sunt opera tua Domine: omnia in sapientia fecisti.

Psal. 103.

AVCTOR.

Artes, Patres hi diuiserunt in Speculatiuas, Practicas, & Factiuas; quarum differentias sumpserunt à natura effectus eorum: nam Speculatiua opus, est ipsa contemplatio, quæ uti spiritualis, non nisi etiam intellectuali luce, hoc est, contemplatione, conspicitur: Practica autem effectus, est illa operatio, quæ est transiens, & non manens: tandem Factiua opus est, quod in materia aliqua consistente formatum permanet, atque perseverat, quousque materies ipsa, ex qua est formatum non intereat, ac corrumpatur. Venerunt hæc dicta esse per similitudinem animadvertere lectorem velim. Nam in artibus humanis hæc considerari possunt, sed non in Deo. Deus enim immensum hoc opificium, quod est Mundus, verbo protulit, & sapientia, quasi speculatione quadam; mandato & iussione effecit, quasi practice, & tandem sine ulla materia: unde ars Dei in Deo, factiua materia non indiguit, sicut indigere homines perspectum est. Consimul igitur, Deus his tribus artibus Mundum effecit, quia Verbo, hoc est, Ideis, & exemplaribus in Verbo sibi consubstantiali: contemplatur enim seipsum in Verbo, contemplatur & rerum Ideas ibi insitas. Adhibuit & Praxim, quia quod voluit, disposuit, effecitque sua potentia. Tandem & operatus est absque aliqua materia sensibilem hunc Mundum, atque visibilem, multis sæculis permansurum.

Fecit

Anno Mundi
primo.
In Exordio
temporum.
Ante dies.

Creauit, seu Fecit.

- a. Non substituit Mundum, sicut corpus substituit umbram, sed Fecit.
b. Non disposuit, non distinxit, non reparauit; sed creauit ex nihilo.

a. Fecit, & non substituit.

Sicut corpus substituit umbram: sed fecit ut bonus, quod utile; ut sapiens, quod pulcherrimum; & ut potens, quod maximum.

BASILIVS Hexameron, Homilia prima.

In principio fecit: Non egit, neque substituit, aut produxit, sed *ἐποίησεν* fecit. Et quia complures eorum, qui Mundum ab eterno simul cum Deo fuisse sunt opinati, non ab ipso factum esse; sed quasi adumbratio quaedam potentiae ipsius esset, sponte velut obiter emeruisse ipsum asseruerunt: atque causam quidem ipsius Deum esse fatentur, causam tamen voluntate non concurrente; sed perinde atque corpus umbræ, lucidumque splendoris est causa: ideo talem errorem emendare Propheta percipiens, hac verborum exactissima complexione usus est; In principio fecit Deus. Non hoc ipsum proximè dictum, causa ut esset Mundo ad subsistentiam sui præstitit Deus; sed fecit, ut bonus, quod utile est: ut sapiens, quod pulcherrimum est: ut potentia præditus, quod maximum est. Nam tantum non artificem tibi Deum in ipsam rerum substantiam omnium ingressum, ac partes singulas inter sese coniungentem, atque accommodantem, consentaneumque sibi, consonumque totum Vniuersum efficientem ostendit.

AMBROSIVS Hexameron libro primo, capite quinto.

Nec ociose utique factum legimus: quia Gentiles plerique, qui coeternum Deo Mundum volunt esse, quasi adumbrationem virtutis diuinæ asserunt etiam sua sponte subsistere: & quamvis causam eius Deum esse fateantur, causam tamen factam volunt, non ex voluntate, & dispositione sua, sed ita ut causa umbræ corpus est. Adhæret enim umbræ corpori, & fulgor lumini, naturali magis societate, quam voluntate arbitra. Pulchre ergo ait Moyses, quia fecit Deus Cælum, & Terram. Non dixit, quia subesse fecit: Non dixit, quia causam Mundo, ut esset, præbuit: sed fecit, quasi bonus, quod foret utile; quasi sapiens, quod optimum indicabat; quasi omnipotens, quod amplissimum præuidebat. Quomodo autem quasi umbræ esse poterat, ubi corpus non erat, cum incorporei Dei corporea adumbratio esse non possit? Quomodo etiam incorporei luminis splendor possit esse corporeus? Sed si queris splendorem Dei, Filius est imago Dei inuisibilis. Qualis ergo Deus est, talis imago. Inuisibilis Deus, etiam imago inuisibilis. Est enim splendor gloriæ paternæ, atque eius imago substantiæ.

Sed de his in Quest. An Mundus sit Deo coeternus, atque an ut umbræ à corpore, à Deo necessario emanarit, cumulatius tractabimus.

b. Non disposuit, distinxit, vel reparauit, sed Creauit.

Creauit, non disposuit in Sapientia æterna: non distinxit, ut in diebus sex sequentibus: non reparauit, ut quotidie facit; sed creauit ex nihilo.

ALCIVINVS Quæstionibus in Genesim.

Eccles. 8.

Int. Quot modis est operatio diuina? Resp. Quatuor. Primo, quod in Verbi dispensatione omnia eterna sunt. Secundo, quod in materia informi; Qui viuunt in æternum, creauit omnia simul. Tercio, quod per opera dierum sex varias distinxit creaturas. Quarto, quod ex primordialibus seminibus, non incognitis oriuntur nature, sed nota sæpius, ne pereant, reformantur.

MAGISTER secundo Sententiarum, distinctione duodecima.

Quatuor enim modis, ut ait Alcuinus super Genesim, operatur Deus. Primo, in Verbo omnia disponendo. Secundo, in materia informi quatuor elementorum, de nihilo eam creando: unde; Qui viuunt in æternum, creauit omnia simul: Omnia, scilicet elementa, vel omnia corpora materialiter simul creauit. Tercio, per opera sex dierum, varias distinxit creaturas. Quarto, ex primordialibus seminibus non incognita oriuntur nature; sed nota sæpius reformantur, ne pereant.

Et certè, si res cunctas disposuerat Deus in verbo ab æterno: si eas non distinxit, nisi sex sequentibus diebus: si reparat non nisi natura constituta; ex nihilo tantum creasse in primordio temporum asserendum est.

Creauit

Creavit, seu Fecit.

Anno Mundi
primo .
In exordio
temporum .
Ante dies.

- a. Creavit; hoc est, metaphoricè ut Pater generavit.
b. Fecit, non Faciebat, ne moram aliquam in faciendo fuisse protraham existimaremus.
c. Vel, ut non tantum inchoatum, sed absolutum à Deo Mundum exisse cognosceremus.

a. Creavit; hoc est, metaphoricè, ut Pater, generavit.

Deus metaphoricè Pater Mundi dicitur, ut apud Ethnicos etiam videri potest.
S T E V C H V S in Recognitione Veteris Testamenti ad Hebraicam
veritatem.

Quia verò Deus non tam à nobis, quàm Gentilibus, Pater Mundi appellatur; propterea ab eo Mundum
gentium, ac creatum dicimus. Sic enim de hac re extat apud Platonem in Timæo; Dij Deorum, eę res, quarum
ipse Pater, repertorq; extiti, non possunt me nolente interire. Et ab Auctore grauisimò idem pronuntiatur
in libro de Vniuersitate: idcirco singularem Deus hunc Mundum, atque vnigenam procreauit. Ecce ipse lingua
latine princeps, procreatum à Deo dicit hunc Mundum.

b. Fecit, non Faciebat, ne moram in faciendo fuisse
delapsam existimaremus.

A M B R O S I V S Hexameron libro primo, capite tertio.

Et pulchrè addidit de celeritate conditionis, Fecit; ne mora in faciendo fuisse existimaretur: ut vel sic in-
telligerent homines quàm incomprehensibilis operator esset, qui tantum opus breui, exiguoq; momento sue ope-
rationis absolueret, ut voluntatis effectus sensum temporis præueniret. Nemo operantem vidit, sed agnouit
operatum. Vbi igitur mora cum legas; Quia ipse dixit, & facta sunt; ipse mandauit, & creata sunt? Nec artis
igitur vsus, nec virtutis expendit, qui momento sue voluntatis maiestatem tantę operationis impleuit, ut ea
quę non erant, esse faceret, tam velociter, ut neque voluntas operationi præcurreret, neq; operatio voluntati.

Psal. 148.

Bene certè dictum est Fecit, non Faciebat, quia tempus præteritum, & absolutam re
significat, & citius factam; vbi Faciebat, diuturnitatem in opere denotare poterat.

c. Fecit, non Faciebat, ut absolutum Mundi opificium
à Deo prodijisse cognosceremus.

P E R E R I V S Commentarijs in Genesim libro primo.

Scitum est quod tradit Plinius in præfatione sui operis, veteres pingendi, fingendiq; nobilissimos artifices
opera sua, etiam absolutissima illa, & quę posteri mirando nunquàm sariantur, pendenti titulo sic inscripsisse;
Apelles faciebat, vel Polycletus, non autem, fecit: ea re insinuantes opera esse inchoata, nec omnino perfe-
cta, & quod in eis desiderari posset, se quidem emendaturos fuisse, nisi morte essent intercepti. Tria tantum ope-
ra reperiuntur absolute inscripta, Fecit, tanquam in illis summa artis securitas artificii placuerit: Quę tamen
omnia magnę hominum inuidiæ fuerunt obnoxia: cautè illi quidem, ac prudenter, quorum non est omni vitio
carere. De Deo autem, cuius perfecta sunt opera, & exquisita secundum omnes voluntates eius, & quibus ne-
mo potest quicquam addere, vel detrabere, non erat consentaneum dicere, Deus Faciebat Mundum, sed Fecit;
scilicet tanquam opus omnibus suis partibus expletum, cunctisq; numeris absolutum, atq; consummatum, &
iudicio ipsius opificis, cuius est infinita sapientia comprobatum. Vidit enim Deus cuncta quę fecerat, &
erant valde bona.

Eleganter certè hæc delata sunt à Pererio. Pictoris munere functus est certè Deus,
cum Mundum distinguendo delineauit, & exornando colorauit. Sed ita absolute, ut nil
pulchrius, perfectiusve desiderari queat.

Quare non dixerit Deus, Fiat Cælum.

Huic excitatę disceptationi satisfacit Augustinus libro de Gen. ad literam primo,
duasq; defert huius rei causas, cuius sententiam Glossa desumpsit.

Cap. 3. & 4.

Quod

Anno Mundi
primo.
in exordio
temporum.
Ante dies.

Creauit.

- a. Et non dixit, Fiat Cælum, sicut dixit, Fiat Lux; quia Mundi totum opificium proponitur, & nil effectum enarratur.
b. Vel quod nil absolutum & speciosum Dei Verbo dignum produceretur.

a. Quia summam totum opus proponitur; & nil, ut effectum narratur.

AUGUSTINVS de Genesi ad litteram libro primo, cap. tertio.

Et cur ita dictum est, In principio fecit Deus Cælum & Terram, & non dictum est, In principio dixit Deus, Fiat Cælum & Terra, & facta sunt Cælum & Terra, sicut de luce narratur; Dixit Deus, Fiat Lux; & facta est Lux? Vtrum prius vniuersaliter nomine Cæli & Terræ comprehendendum erat, & commendandum quod fecit Deus; & deinde per partes exequendum, quomodo fecit, cum per singula dicitur: Dixit Deus, idest, per Verbum suum fecit quicquid fecit?

GLOSSA ex Augustino.

Non dixit, In principio dixit Deus, Fiat Cælum & Terra, sed dixit, Fiat Lux, & facta est Lux; quoniam vniuersaliter nomine Cæli & Terræ comprehendendum erat quicquid facit Deus; deinde per partes explicandum, quomodo fecit. Vnde sequitur; Dixit Deus, Fiat, idest per Verbum suum fecit.

b. Quod nil Dei Verbo dignum produceretur.

AUGUSTINVS loco asserto, capite quarto.

An cum primum fiebat informitas materiæ siue spiritalis, siue corporalis, non erat dicendum, Dixit Deus fiat: quia formam Verbi semper Patri coherentis, quo sempiternè dicit Deus omnia, neque sono vocis, neque cogitatione tempora sonorum volente, sed coeterna sibi luce à se genitæ Sapientiæ non imitatur imperfectio, cum dissimilis ab eo, quod summè ac primitus est, informitate quadam tendit ad nihilum: sed tunc imitatur Verbi formam, semper atque incommutabiliter Patri coherentem, cum & ipsa pro sui generis conuersione ad id quod verè, & semper est, idest ad Creatorem suæ substantiæ formam capit, & fit perfecta creatura: ut in eo quod scriptura narrat, dixit Deus, fiat: intelligamus Dei dictum incorporeum in natura Verbi eius coeterni reuocantis ad se imperfectionem creaturæ: ut non sit informis, sed formetur secundum singula, quæ per ordinem exequitur.

GLOSSA ex D. Augustino ubi supra.

Vel quia cum primum fiebat informis materia spiritalis, vel corporalis, non erat dicendum; Dixit Deus, fiat. Incongruum enim erat à Deo dici, fiat, quia formam Verbi non imitatur imperfectum, nisi cum generis sui conuersione ad Creatorem sit perfecta creatura, ut cum dicitur; Dixit Deus, fiat, intelligamus eam ad se imperfectionem creaturæ reuocare.

Burgensis id ipsum repetit in Additionibus.

GVILIELMVS Parisiensis de Vniuerso prima primæ partis, capite trigesimo nono.

Creauit Deus Cælum & Terram. Cur autem non sit dictum, Dixit Deus, fiant, vel creentur Cælum & Terra, iam expediuerunt me, & te Sancti, & Sapientes in hoc, dicentes, quoniam Verbum, quod est Ars ipsius omnificæ, non fuit nominandum cum creatione, quoniam creatio non fiebat nisi secundum substantiam, & nondum in complemento perfectionis; Artis autem est propriè formam perfectionis dare. Cum igitur in creatione, forma perfectionis neque data esset ei, neque danda, non fuit mentio faciendæ de arte, vel Verbo Dei.

D. THOMAS prima, quæstione septuagesima quarta, articulo tertio.

Dicendum ad primum, quod secundum Augustinum, persona Filij commemoratur tam in prima rerum creatione, quam in rerum distinctione, & ornatu: aliter tamen, & aliter. Distinctio enim, & ornatu pertinet ad rerum formationem: sicut autem formatio artificiorum est per formam artis, quæ est in mente artificis, quæ potest dici intelligibile verbum ipsius: ita formatio totius creaturæ est per Verbum Dei; & ideo in opere distinctionis & ornatu, sit mentio de Verbo. In creatione autem, commemoratur Filius, ut Primum, cum dicitur; In principio creauit Deus; quia per creationem intelligitur productio informis materiæ. Quod

Creavit.

Anno Mundi
primo.
In Exordio
temporum.
Ante dies.

Non dixit Fiat Cœlum; sicut dixit, Fiat Lux.

- a. Quia nondum aderant Angeli, qui audire possent;
- b. Vel quia principium, quo fecit, ipsum Verbum fuit;
- c. Vel quod nondum esset aliquid, cui præceptum fieret;
- d. Vel ut materiæ Deus primus creator indicaretur.

a. Quod nondum adessent Angeli, qui audirent.

PROCOPIVS Gazeus Commentarijs in Genesim, cap. primo, per-
grinam aliam deducit rationem.

Cum autem crearet Cœlum & Terram, nullam emisit vocem: nondum voce enim formati erant, qui diuina
& instrui, & edoceri debebant. At post Cœli & Terræ creationem condidit Angelos: quos cum vellet do-
cere, se & ipsorum esse Creatorem, ne fortuitò se substituisse crederent, omnem sequentem creationem inter-
uentu vocis peregit in illorum conspectu. Et post. Cum omnia per sermonem facta sint, in commemo-
ratione creationis Cœli & Terræ non addita sit dictio, Dixit. Verum hæc dubitatio tenues evanescit facillè in
auras; Nihil enim obstat, quin Cœlum & Terra tacitè per sermonem sint effecta. Nunc autem, ut audien-
tes erudiantur, insonuisse vocem. Nec enim ita ignorantia loquitur Pater.

RVPERTVS huic eleganti indagacioni occurrens, tres alias huius rei
desert causas in Genesim Commentarijs, libro primo, capite quarto.

b. Quod ipsum principium Verbum erat.

Primum cum ipsum Principium Verbum Dei sit, superfluum, vel ineptum est dici, In Principio
dixit Deus.

c. Quod nondum esset aliquid, cui præceptum fieret.

Deinde, quia verbum imperativum, quale est hoc, quod dicitur Fiat, incongruè præmittitur ubi nondum est
aliquid, cui imperetur, vel præceptum ponatur. Nondum autem erat aliquid, si ut verè credimus, & præ-
sens scriptura testatur, Cœlum, & Terram creavit, idest de nihilo fecit Deus. Ergo ne nihilo præceptum de-
disse diceretur Deus, quod incongruè esset, rectè prius scribitur materiam qualemcumque confusam sine infor-
men creavisse, & deinde præceptum rei iam existenti dedisse, ut discretas ac speciosas, quas non habebat, as-
sumeret, vel produceret formas.

d. Ut materia Deus creator evinceretur.

Tertium nihilominus, & hoc sciendum, tantarum Scriptorem rerum sic dicere debuisse, quatenus nulli va-
caret suspicari, quod, ut supra dictum est, quidam de corde suo finxerunt Philosophi, scilicet Mundi quidem
speciem, vel rerum, quæ in Mundo sunt, formas diuersissimas fecisse: verum Hylen, idest materiam, de
qua cuncta hæc facta sunt, non à Deo factam, sed Deo semper fuisse coeternam. Igitur quomodo dici de-
buit, sic dictum est, quia in principio creavit Deus Cœlum & Terram.

A V C T O R.

Ex his deductis causis, quorsum Deus, cum Chaos creavit, non verbo Fiat, usus fuerit;
Prima ex Augustino sumpta non acceptanda est, quoniam Chaos productionem enar-
rari non supponit, ut omnes prisca Patres Græci, ac Latini autumant; sed narrationem
eam, argumentum dicendarum rerum potius esse maluerit, quod supra reiectum est.
Adducta a Procopio causa prorsus erronea est, cum non ad Angelos Dei iussio indice-
retur, sed ad res ipsas manantes. Illa prima Ruperti elegans esset, si ea interpretatio,
quæ exponit, In principio; hoc est, In Filio, ut allegorica non iam reiecta fuisset. Illa
postrema non videtur exactius causam expetitam reddere; quorsum & Chaos, quod
Philosophi æternum præxtasse reputarunt, per verbum Fiat, Deus etiam non produ-
xerit. Superest igitur, ut illa ab Augustino secundo loco excitata, potior, ac acceptior
sit

Anno Mundi
primo.
In exordio
temporum.
Ante dies.

Creauit, vel Fecit.

a. *Sola voluntate, non præcepto, nec consilio, nec definitione.*

fit existimanda. Indignum certè fuisset, quòd Verbo Dei, quod omnium est forma, & Deus, aliquod indigestum, rude, imperfectumque produceretur. Sed & eam Rupertus, quam secundo loco adduxit, non reiicerem; cum enim præceptum non nisi his, quæ aliquo modo parere possunt, fiat, si adhuc nihil erat, non potuit præcipi Chaos, ut ex aliquo fieret; sicut condito ipso ex nihilo Chaos, potuit speciosis formis mādare Deus, ut ex eo profilirent. Redarguit Pererius Cōmentarijs in Genesim, libro primo, hoc Rupertus placitum, tanquam Scripturis sacris aduersum: Siquidem habet Paulus; Vocat ea Deus, quæ non sunt, tanquam ea, quæ sunt. Poterat igitur Deus Cælum & Terram ex nihilo uocare, sicut firmamentum, germina, astra, pisces, aues, & terrestria animantia ex aliquo. Sed facilè reiiceret Rupertus hanc inuectionem; quòd etsi Deus æque vocat ea, quæ non sunt, tanquam ea quæ sunt, quoad imperandi virtutem, cum æque omnia ei pareant, tam ea, quæ non sunt, quàm ea, quæ sunt, non tamen quoad imperandi modum. Nec enim condecens est sapientiæ eo modo præcipere, ut fiant rebus ijs, quæ unde fiant, non habent, uti ijs, quæ ex suis principijs extra manare possunt. Sed hæc in gratiam tanti Patris.

a. *Fecit sola voluntate.*

Fecit, non uoluntate, & voce præceptiua, ut cum dixit, fiat lux; vel deliberatiua, ut faciamus hominem; uel uoluntate, uoce, & definitione, ut germinet terra, & similia; sed sola voluntate.

B E D A Quæstionibus in Genesim.

Generationem sæculi tribus modis Scriptura signauit. Aut enim sola Dei voluntate factum aliquid scribitur, ut est; In principio creauit Deus Cælum & Terram; aut uoluntate simul, & voce, siue præceptiua, ut est; fiat lux; & fiat firmamentum: siue deliberatiua, ut est; Faciamus hominem ad imaginem & similitudinem nostram; aut uoluntate, uoce, ac definitione, ut est; Crescite & multiplicamini, & replete terram. Et iterum; Germinet terra herbam uirentem ferentem semen iuxta genus suum; & lignum fructiferum faciens fructus, cuius semen in seipso sit, &c. quæ post septimum diem, usque in finem sæculi per partes operatur: ex illa enim definitione proueniunt.

Hæc obseruatio Bedæ nullius ponderis esse videtur, si eam interpretationem, quam habent Patres de verbo illo Dixit; qua exponunt, Dixit, idest, Voluit, ut elegantem & propriam acceptaremus. Cæterum Beda potius modum narrationis Moysi obseruauit, quàm rem ipsam. Creata siquidem est lux, non tantum Dei uoluntate, sed & præcepto; quia dixit; Fiat lux. Condita uero dicuntur Cælum & Terra, sola uoluntate, quia in ipso forum effectione non dictum est, fiat Cælum, & Terra, sed tantum, Fecit Deus Cælum, & Terram.

Deus

Deus, Hebraicè Elohim.

Anno Mundi
primo.
In Exordio
temporum.
Ante dies.

- a. Elohim, pluralis est numeri; quare potest verti *Dij*, & *Deus*.
b. Elohim, significat *Iudices* quoscunque.

Hebraica, & Chaldaica lectio Elohim habent. Vocem hanc alij, ut pluralis numeri, *Dij* transtulerunt: quod Hebraicæ linguæ fautores mirificè approbarunt.

a. Legendum *Dij*.

MAGISTER libro primo, distinctione secunda.
Et quod apud nos dicitur *Deus*, Hebraica veritas habet Elohim, quod est plurale huius singularis; quod est *El*.

HAMERVS Commentarijs in Genesim.
Nam quod nos legimus; In principio creauit *Deus*: in Hebræo legitur; In principio creauit *Dij*. Elohim plurale est nomen, & id, quod *Dij* apud nos significat; cuius singulare est *El*, vel potius *Eloa*, quod etiam idem est, quod *Deus*.

CAIETANVS Commentarijs in primum caput Genesim.
Textus Hebræus habet; In principio creauit Elohim: & manifestè discordat in numero nominatiuus cum verbo; Nam Elohim, pluralis numeri est.

STEVCHVS Commentarijs in Genesim, capite primo.
Hebraicè Elohim, nomen plurale ductum ab *Eloha*, eius singulari. Et post. Ut diceret, Creauit *Elohim*, ac si dixisset, creauit *Dij*: quod non solum hoc loco, sed toto etiam Veteri testamento positum reperies.

LIPPOMANVS.
Alij verò, In principio creauit *Dij* Cælum, & Terram, sapienter verterunt. Quibus etiam mirum in modum Chaldaica scriptura fauet; nam dictio Hebraica Elohim, idest, *Dij*, ibi per triplex *Iod* scribitur, quod magno non vacat mysterio, ut mox dicemus.

His omnibus subscribunt Lusitanus, & Vielmus.

a. Legendum *Deus*.

Græca editio Septuaginta Interpretum legit, *θεός*. Nostra verò, *Deus* habet.
HIERONYMVS, quare legi possit *Deus*, Epistola ad Marcellam edocet, cum ait;

Scire autem debemus, quod Elohim communis numeri sit, quod & vnus *Deus* sic vocetur, & plures: ad quam similitudinem Cælum quoque appellatur, & Cæli; idest *Samaïm*: vnde & sepe interpretes variant; cuius rei exemplum nos in lingua nostra habere possumus, *Athenas*, *Thebas*, *Salonas*.

COMESTOR in Scholastica historia, capite primo.
Vbi nos habemus *Deus*; Hebræus habet Elohim, quod tam singulare, quàm plurale est; idest *Deus*, vel *Dij*: quia tres personæ vnus *Deus* creator est.

Quod si Elohim communis numeri erat, egregiè certè transferri ita potuit *Deus*, si cut & *Dij*; quapropter editiones has præstantissimas, Græcam Septuaginta Interpretum, & Vulgatam nostram, non errasse clarè conuincitur. De significatione nominis Elohim.

b. Elohim nomen commune est tam Deo, quàm Creaturis, & significat *Iudices*; sed ex usu de Deo appropriatè dicitur.

CAIETANVS Commentarijs in Genesim.
Elohim, nomen est non proprium Deo, sed commune Deo, & creaturis: quemadmodum sapiens, bonus, iustus, & alia huiusmodi nomina; & communi significatione, significat *Iudices*. In quæstionem tamen vertitur, an careat singulari.

Anno Mundi
primo.
In exordio
temporum.
Ante dies.

Deus, Elohim.

- Elohim, significat præcipuè Iudicem mali imprecatorem.
- Vel idem est, quod fortis.
- Elohim verti potest Deus, & Dominus.
- Et ipsi attribuitur verbum quandoque plurale, quandoque singulare.

Et post declarat, quomodo Elohim ex communi vsu appropriatè significat Deum absolutè, siue Dominum, siue Iudicem Deum.

Crediderim ego fuisse tunc frequenti vsu peruulgatum nomen Elohim absolutè, tanquam appropriatum Deo, sicut nomen Domini: tanquam ipse solus sit simpliciter, & absolutè Dominus; simpliciter, & absolutè Iudex. Et propterea Moses conscius vsus, non metuit populo à tali nomine: quin potius eum, quem Elohim, id est Iudicem, vocitabant, docet esse illum, qui creauit Cælos, & Terram.

b. Significat Iudicem, mali imprecatorem.

LVSITANVS Adnotationibus in primum caput Genesis.

De significatione verò dicunt Hebræi significare Deum, quatenus Iudicem. Sed si radix nominis, scilicet, Alah, rectè expendatur, constabit significare Deum, aut Iudicem, quatenus ab eo mala alicui, aut nobis imprecantur. Nam Alah, propriè significat iurare execratoriè, maxime & maledicere, ut patet Iudicium decimo sexto; Et tu, Alith, id est adiurasti, seu execratus es. Vnde etiam deriuatur, Alah, id est, iuramentum execratorium, aut execratio, aut maledictio, ut Psalmo quinquagesimo nono, V mealah, id est, de execratione.

b. Elohim, idem est quod Fortis.

LVSITANVS ut supra.

Sunt aliqui ex Hebræis, qui radicem nominis, Elohim, arbitrantur esse, El, id est Fortis: sed propter, He, quod in fine ponitur, rectius sentire videntur, qui Alah, putant esse radicem.

VIELMIVS lectione tertia.

Elohim, à fortitudine desumptum est: & D. Hieronymus in Epistola citata, testis est. Theodotionem verisè Græcè Ισχυρὸν hoc est Fortem, adnotaruntque superiori ætate docti viri.

c. Elohim, verti potest Deus, et Dominus.

STEVCHEVS in Genesim, capite primo.

Elohim verò, & Deum, & Dominum vertere possumus; sicut promiscuè id nomen Septuaginta, & Hieronymus interpretantur. Neque hoc ostendit, hanc editionem non esse Hieronymi, ut conatur Paulus Episcopus Forosempromiensis probare. Siquidem & nomen Tetragrammaton Septuaginta interpretantur, id est Dominus quos & Hieronymus sequitur.

d. Elohim nomini, attribuitur verbum plurale, et singulare.

HAMERVS Commen. in Genesim.

Hoc igitur nomen Elohim, etsi pluralitatem designet, cum verbo tamen singularis numeri iungi solet, quod in Scriptura sacra pro Deo vero accipitur, sicut hic locus liquido ostendit, In principio creauit Deus.

LVSITANVS.

Communitè in plurali inuenitur numero Elohim, & tribuitur illi verbum singulare & plurale.

CAIETANVS.

Quocirca hanc amplectendo traditionem, suscipimus Elohim nomen sic plurale, quod caret singulari; & propterea quandoque inuenitur cum verbo singularis numeri, & quandoque cum verbo pluralis numeri, ut ex verbo discernendum sit, quando pro vno, & quando pro multis supponit. In toto itaque hoc capitulo, & frequentissimè postea Moses vtitur Elohim pro vno, videlicet Deo. Ex actione enim apparet, quod appropriatè ad Deum vtitur hoc nomine: & significat Deum quatenus Iudicem.

Existimarem ego ex his significationibus, propriam esse eam, quæ Elohim significare Iudicem asserit. Non quidem Iudicem imprecantem mala, quia licet quandoque Elohim pro Iudice mala imprecante, & execrante positum comperiatur, id non est semper, neque

Elohim quid
propriè signi-
ficet.

Deus, Elohim.

Anno Mundi
primo.
In Exordio
temporum.
Ante dies.

a. Elohim, accusatiui casus; & tunc significat Angelos.

neque ut plurimum, sicuti in pluribus, & ferè semper Elohim iudicem sapientem denotare inuenitur. Rursum alia significatio, quæ Elohim, Fortem explicare asserit, ex Hieronymi sententia, falsa est; enumerat siquidem Hieronymus duo hæc nomina, El, & Elohim: El, Fortè significare ex Aquilæ obtestatione tradit, cum ait; quod Aquila æthymologiam eius exponens, Ischyron, idest, Fortem interpretatur. Deinde de Elohim adijcit; Elohim, quod & ipsum Deus dicitur. Quibus euincitur, non Elohim, sed El, Fortem interpretari, atque etiam non tantum Creatorem, sed Creaturas quoque Elohim appellari. Rursum adijci posse ipsi Elohim nomini, verbum & singulare, & plurale, clarissimum est ijs, qui in scripturis versantur.

b. Elohim, accusatiui casus, & significat Angelos.

Construendum, In principio; Hoc est, In exordio temporum creauit, subintelligitur Deus, Elohim, idest Angelos, Cælum, & Terram; quia vox Elohim in accusatiuo est posita.

V I E L M I V S lectione in Genesim septima, hanc recitat expositionem. Recens quidam in sancta lingua peritus, Mosem disertè Angelorum creationem hoc loco exposuisse affirmabat; id autem ut ostenderet, sibi accipiebat, dictionem Elohim hic non esse in casu recto positam, sed obliquam; & significare non quidem opificem Deum, ut plerique omnes existimant, sed Angelos, quem admodum in sanctis literis crebro quoque significare dictum à nobis alias fuit. Volebatque præterea, ut vel subaudiretur persona efficiens Deus, vel certè, ut contineretur in dictione illa, Beresith, siue, In principio. De qua voce rursum ita philosophabatur, ut nouam quandam, & nobis inauditam interpretationem assereret, ac ita vertendam Mosi Epigraphem latine contenderet, In principio creauit Angelos, Cælum, & Terram.

Hanc constructionem cumulatè Vielmius tribus rationibus confutat. Prima est. Sed nouitiam hanc intelligentiam primum splendide rejicit totus capitis huius contextus, in quo vox Elohim ubique in casu recto posita est, & non nisi pro Deo capi potest. Deinde. Quod si Moses voluisset, ut Angelos significaret, similiter ei præposuisset literam, He, sicuti illam præposuit vocibus, Samaim, & Arez. Nec enim perennes illi, & beati spiritus, minus admirabiles & præstantes, & nobis, & natura sunt, atque sint Cælum, & Terra. Tertio. Veterum omnium, ac recentium, cum Hebræorum, tum verò Christianorum Interpretum consensio, qui Elohim, Deus, in casu recto interpretati sunt, ut proinde ea facilitate confestim repudiata noua hæc expositio à nobis tunc fuerit, qua ab auctore conficta.

Quibus & adijcere possumus, quod hoc loco non subaudiri queat persona efficiens, hoc est Deus, ut ipsa lectio sumit; neque siquidem Moses tacere debebat id, quod principale erat in hac narratione, hoc est Mundi auctorem, & opificem, cum is eius esset scopus, & finis hac in historia, ut Deum Optimum Maximum, cunctarum rerum satorē patefaceret, nec intelligi poterat in dictione illa, Beresith, si huius vocis significationē planam communem consideremus: nemo siquidem non tantum ineruditus, sed etiam perspicacioris ingenij, per Beresith, Deum intelligit.

Quare Moses Elohim maiori numero dixerit, et non Eloha.

Cum Rabbinus Hebræi, & nostri Hebraicæ linguæ professores, Elohim esse legēdum existiment, hoc est, Dij; inuestigandum est, quam ratione Moses legibus Grammaticalibus paruifacitis, Elohim barā dixerit; hoc est, Dij creauit; & singularem numerum non acceperit Eloha, quod ei non decrat, nec ipsis Hebræis erat omnino incomperum, & peregrinum.

Quod

Anno Mundi
primo.
In exordio
temporum.
Ante dies.

Deus, Elohim.

- a. Elohim dixit in plurali numero, quia singulari caret.
- b. Vel, quia Eloha, quod singulare illius reputatur, non nisi contemptus gratia dici solet.
- c. Elohim Barà dixit, hoc est, Dij Creauit; amplificationis gratia.

a. Quòd Elohim singulari numero careat.

CAIETANVS, Elohim singulari numero carere existimauit. In questionem vertitur tamen an careat singulari. Quidam putant Elohim esse plurale nominis El; sed hi facile refelluntur, ex eo quòd plurale El, constat esse Elim. Alij putant Elohim esse plurale nominis Eloha; & si Eloha esset dictio Hebraica, verum dicerent; sed aiunt Eloha non esse Hebraicam dictionem, sed vel Chaldaicam, vel iuxta Chaldaicam formationem Hebraicis insertam. Quid horum verum sit, nescio: vtpote Hebræ lingue expertus. Duabus tamen coniecturis ducor ad opinandum, quòd Elohim caret singulari: prima est, quòd Moses frequentissimè nominans Deum Elohim, (inchoando præsertim doctrinam creationis Mundi) maximam dedisset occasionem Israëlitis existimandi plures Deos. Si enim Elohim habet in Hebræo singulare, vtendo Moses non singulari, sed plurali manifestè significasset pluralitatem Iudicum. Et propterea ex hoc ipso, quòd vtitur plurali, nominando Deum, colligitur, quòd caret singulari. Altera, (quæ maxime vrget) est, quòd expressè Moses manifestat se vti plurali pro singulari, adiungendo verbum singularis numeri, Creauit. Hæc enim adiectio conuincit, quòd pro singulari vtitur plurali: quod oportet sepe fieri in vsu nominum carentium singulari.

Sed Caietano refragantur Rabbini, idiomatisque Hebraici periti.

HAMERVS commentatione in Genesim.

Elohim plurale est nomen, cuius singulare est El, vel potius Eloha, quod etiam idem est, quod Deus.

LIPPOMANVS in Catena.

Elohim, ab Eloha, plurale à singulari descendit.

STEVCHVS Recognitione veteris Testamenti ad Heb. veritatem.

Hebraicè Elohim, nomen ductum ab Eloha, eius singulari.

Idipsum affirmant Rabbini Hebræi, Lusitanus, & alij.

b. Quia Eloha non nisi contemptus gratia dici solet.

RABBI Dauid referente Lusitano.

Elohim singulare in scriptura contemptus gratia inuenitur, scilicet, Habacuch primo, Ista potentia, Leloha, id est, Deo eius: vbi contemnendo dicit huiusmodi verba. Et capite tertio eiusdem; Eloha, id est, Deus ab Austro veniet. Vbi, Eloha, videtur singulare nominis Elohim. Iob etiam duodecimo, & trigesimo sexto ponitur; vbi dicitur, Clamans, Leloha, id est, ad Deum. Quibus locis non contemptus gratia ponitur, meo iudicio. Cuius sententia Sanctes in suo Lexico, pagina octuagesima prima subscribere videtur.

c. Elohim Creauit, amplificationis gratia dictum est.

STEVCHVS in Genesis caput primum.

Hebraicè Elohim nomen plurale ductum ab Eloha eius singulari. Dubium itaque videtur, cur vocem verbi singularem, nomini plurali addiderit, vt diceret; Creauit Elohim; ac si dixisset, Creauit Dij; quod non solum hoc loco, sed toto etiam Veteri Testamento positum reperies. Quidam Hebræorum dicunt, eum Hebraica lingua morem esse, quem & Ismaélite, & Itali sequantur, vt Principes, atque optimates viros nomine plurium saluent, atque appellant: eadem ratione & Sacram Scripturam, Deum Deos appellare: idque non solum in hac voce, sed alijs etiam diuinis nominibus, vt est Adonai: plurale enim est hoc, sicut & illud: quo loquendi more non modo erga Deum vti Hebræos, verum etiam ipsos homines. Nam quis Herum suum vocans dicere posse Adonai, id est, Heri mei, vt dicimus Italicè, vos fecistis, ad vnum tantum sermonem dirigentes: quod & in hac voce fit Bahalim, id est, Heri: multasque esse eiusmodi voces, quæ peculiarem aliquam personam, nomine plurali denotent.

CAIETANVS in Commentarijs.

Nec est incredibile vsum istum ortum ex consuetudine alloquendi Principes, & venerabiles personas in numero

Deus, Elohim.

Anno Mundi
primo.
In exordio
temporum.
Antedies.

- Elohim Bara dixit, hoc est, *Dij* Creauit ex Idiotismo Hebraico.
- Vel Elohim maiori numero, ad demonstrandas tres Dei dotes in Mundi opificio ostēdas.
- Vel siue ad Idæarum, perfectionumq; diuinarum multiplicitatem indicandam.

mero plurali. In cuius signum Moses pluries alloquitur Deum, dicendo *Adonai*; hoc est, Domini mei: & cer-
tū est inueniri singulare *Adonai*; hoc est, Domine mi.

V I E L M I V S lectione tertia.

Visum enim plerisque est, hic esse amplificationem, quod, ut dicebamus honorandi gratia, sic Hebræi loqui
consueuerint, quemadmodum qui Scripturarium phrasas consarcinarunt, & Lusitanus interpres exemplis com-
pluribus periclitantur, & ut arbitror etiam euincunt: Siquidem & hic nos oras nostras Italia, vel quadam-
tenus peruasisse videtur: Senibus enim, & maioribus nostris, *Voi*, honoris gratia, fando dicimus; & Reges,
& Principes, amplificandi causa, *Noi*, pronunciant, cum de seipsis loquuntur: totius enim Populi, ac Regni
personam representant, quamuis Ludouicus *V*ius libro quarto de Veritate fidei Christianæ, humilitatis causa,
sic eos loqui dixerit.

a. Idiotismus est Hebraicus.

L V S I T A N V S loco asserto.

Sicut Latini vtuntur nominibus singulari: & nominibus singularibus significantibus multitudinem:
sic Scriptura hoc nomine Elohim. Sicut enim dicimus: *Populus* clamat, & *populus* clamant: & Græci neutra
nomina pluralia, verbo singulari copulant; sic & Hebræi vtuntur hoc nomine Elohim. Quod ex multis locis
scripturæ constat; quæ breuitatis causa omittimus.

Sequitur amplius demonstrare quomodo huic nomini aliquando adiectiuum plura-
lis numeri, nonnunquam verò singularis adiungatur, quod & exemplis declarat.

P E R E R I V S Commentarijs in Genesim, libro primo.

Discrepantia illa inter Elohim, numeri pluralis; & Bara, numeri singularis, non habet mysterium, sed idio-
tismum lingue Hebræe, in qua frequentes sunt eiusmodi discrepantiæ: exempli causa, *Isaie* legitur; Tradam
Aegyptum in manum dominorum crudelium, Hebraicè est, *Dominorum duri*, seu fortis. Et *Iosue* scriptum est;
Non poteritis seruire Deo: Dominus enim Sanctus est. Hebraicè legitur, *Quia Dij sancti ipse*. Neque hæc
discrepantia reperitur tantum, cum de Deo loquitur Scriptura, sed etiam cum de alijs: veluti *Genesis*, ubi nos
legimus; Locutus est Dominus terræ duræ: Hebræi codices sic habent; *Dixit nobis Domini terra*. Et post. *Ex*
his palam est, prædictam discrepantiam numeri singularis, atque pluralis carere mysterio, cum Hebraicè *visita*
ta sit, siue de Deo, siue alijs de rebus sermo habeatur.

b. Ad demonstrandas tres Dei proprietates.

Ad declarandas tres Dei dotes, Intelligentiam, Sapientiam, & Prudentiam, qui-
bus ipse congeffit Mundum, pluralem numerum positum, Rabbini dicunt. Vnde
Rabbi Habenhabra, ut refert Burgensis, vult, quod Elohim non significet pluralita-
tem in diuinis, sed pluralitatem virtutum, seu potentiarum à Deo procedentium: in
cuius signum allegat ipse, & sui sequaces, quod in Scriptura quandoque etiam Iudices
dicuntur Elohim, propter eorum uirtuosam potentiam in iudicando; ut *Exod.* ubi dici-
tur; *Dij* non detrahes, & Principi populi tui non maledices. Reprobat hoc Burgensis,
sed non, meo iudicio, validis argumentis. Adeas locum.

V I E L M I V S lectione tertia.

Rabbini quibusdam visum est, ideo Mosem ita scripsisse, ut manifestaret Deum tribus proprietatibus;
Intelligentia videlicet, Sapientia, & Prudentia condidisse Mundum.

c. Ad Idæarum, & perfectionum Dei multiplicitatem indicandam.

Rabbini alij, ut eo loco testatur Vielmus ad idæarum, & perfectionum multiplicita-
tem, quæ in Deo sunt, Prophetam respexisse censent, cum dixit *Dij*, & non *Deus*.

Ad

Anno Mundi
primo.
In exordio
temporum.
Ante dies.

Deus, Elohim.

a. Siue Elohim in plurali numero, ad insinuandam sanctissimam Trinitatem.

Ad indicandam Sanctissimam Trinitatem.

Magister sententiarum, Lyranus, Burgenfis, Steuchus existimant dixisse Mosem, Elohim, & non Eloha; hoc est Dij, & non Deus; vt eo Elohim nomine insinueret quodam modo mysterium Sanctissimæ Trinitatis, vt post deducemus.

A U C T O R.

Causa à Caietano adducta, quare Moses Elohim dixerit, & nō Eloha, omninō falsa reputatur ex obtestatione cæterorū, qui linguæ Hebraicæ eruditione pollēt, cū passim nomen Eloha, non tantū singulare ipsius Elohim existimetur, sed à Scriptura sæpius vsitatum, non ut Chaldaicum, sed ut Hebraicum conspiciatur. Deinde ratio illa, quā ad ducit, Elohim videlicet, minori numero carere, q̃a si illud haberet, & vates ipso vsus nō fuisset, manifestē significasset pluralitatē Deorū, & occasionem præbuisset Israhēlitis plures colēdi Deos, non valet meo iudicio; quia si, teste Hieronymo, indifferēter Elohim vt nomine cōmuni pro singulari, & plurali vtebātur, profectō sicuti nō ex alijs locis, ita neque ex hoc Idololatriæ occasionem Hebræi sumpsisent. Verū quod Eloha, nō semper in gratiam contemptus desumatur, cumulatē probauit Lusitanus. Quod verō Moses hoc loquendi modo vsus sit ad amplificationem, vel dignitatis gratia, eo tropo, quo & Reges seipsos, Nos, appellant, intempestiuē mihi videtur dictum. Primū, quia semper (vt adnotauit Catherinus) singulari numero Deus seipsum aliās nominat, vt eo loco: Ego Deus, & non mutor: & innumeris alijs, quos recensere non duco consuetaneum. Deinde, quia si Principes plurali nomine seipsos appellant, adiungunt etiam uerbum plurale: unde si dicunt, Nos, subinferūt etiam, Faciemus; nec vnquā dicēt, Nos faciam, nisi improprie, & inelegantius. Amplius, dato quod Reges eo loquendi fastu vrantur, non tamen alij, qui ipsos memorant, vt Moses hoc loco Deum, istum loquendi tropum sequuntur; nec dicunt, Reges vult, & Imperatores mandat. Quare potius ea amplificatio cēsenda esset, qua dixit Deus, Faciamus hominem ad imaginē, &c. Quæ attulerunt Rabbini, nullius sunt considerationis. Nam quemadmodum per nomen illud plurale Elohim, significatas esse dixere Intelligentiam, Sapientiam, & Prudentiam, quas Deus in Mundi opificio patefecit, pari arbitratu poterant dicere, significatas etiam fuisse Potentiam, Bonitatem, & quoduis aliud attributum, quæ profectō in eodem Orbis opificio manifestantur. Deinde tota Scriptura, inquit Vielmus, illis refragatur, quæ nullibi hac voce vsa est ad Idæarum, & perfectionum multipliciter indicandam, sed magis ad efferendam, & amplificandam Dei celsitudinem, & ad pluralitatem explicandam, quandoq; Iudicum, vt Exodi vigesimo secundo, Elohim non detrahes, hoc est, Iudicibus; quandoq; Angelorum, vt in Psalmo; Minuisti eum ab Elohim, hoc est, ab Angelis. Deinde si perfectionum multipliciter ratione, quis numero maiori nominari conuenit; certē & homo quilibet, in quo perfectiones, artes, ac scientiæ multæ insiderent, homines appellari posset, & Plato dici Platones; quo quid inelegantius? Idiotismum hunc esse Hebraicum, cū dicitur; Dij creauit; fateor & ego: at tamen à Hieronymo non recedens, dicerem, non contendendum esse, quare Moses dixerit Elohim, & non Eloha, si apud Hebræos in vsu erat, vt Elohim, ad Deum significandum sæpius vsurparetur etiam vt singulare; quemadmodū & Venetiārū nomine, Vrbē illam vnā inuictæ libertatis in aquis extructam intelligimus, & maximē si Eloha, vox quasi

Malach. 3.

Gen. 1.

Psal. 8.

quasi peregrina, & aduentitia apud Iudæos, raro, vel nunquam in usu fuisset. Num autem ex hoc loco sanctissimæ Trinitatis mysterium eliciendum sit, necne, in gratiâ Scholasticorum superest mihi disputandum.

An dato quòd legendum sit, Dij creauit, Sanctissima Trinitas hoc loco demonstretur.

Quamuis percunctatio hæc; num hic locus Sanctissimam Trinitatem demonstret, à Patribus prætermissa sit; ob idq; intempestiuè admodum, ac molestè iactari videatur: attamen in gratiam Scholasticorum presè, ac dilucidè eam referam.

Classis Doctorum, qui locum hunc, Sanctissimam Trinitatem non indicare arbitrantur.

LVSITANVS, Rabbīnorum Hebræorum hanc fuisse sententiam, his retulit.

Hebræi dicunt, quòd si Moses hoc illis vellet dicere, eos potius in errorem, quàm in mysterium induxisset, cum neque hic, neque alibi mysterium in Pentateucho aperuerit.

TOSTATVS Commentarijs in Genesim. Plurale, idest, Dij, & ponitur cum verbo singulari. Et dicunt aliqui de nostris, quòd hoc posuit Moyses ad notandum in suppositis diuinis pluralitatem, & in esse vnitatem, cui respondet verbum singulare. Et aliquando ponitur in plurali hoc nomen Deus in Hebræo, & adiectiuum suum, vt patet Deuteronomij quinto capite, vbi nos dicimus, Vocem Dei viuētis, Hebræi habent, Elohim haym, idest Deorum viuētiū. Sed ista argumenta valde debilia sunt contra Iudæos, quia lingua Hebraica aliquando valde disturbato modo facit conuenientiā in accidentibus suppositi, & apppositi, & adiectiui cum subiunctiuo. Sic dicitur Isaia decimonono, vbi nos dicimus; Et tradam Aegyptum in manum Dominorum crudeliū. In Hebræo dicitur, Adonim caset, idest, Domini nos durum, vel Fortem. Et sic habetur Iosue vltimo, vbi litera nostra dicit; Non poteritis seruire Deo, Dominus enim Sanctus: dicitur in Hebræo, Quedui hu, idest Deus Sancti ipse. Quod autem Moses voluerit hic demonstrare Trinitatem personarum, & vnitatem naturæ, non nego; sed argumenta non conuincunt Iudæos.

Et tractatu de Trinitate aduersus Lyrānum, hoc ipsum pro inconcussio dogmate reliquit.

CAIETANVS post Tostatū centum ferè annis, eammet sententiam prosecutus est.

Non cogit locus hic, quia non est locus mysterio Trinitatis diuinarum personarum; tum quia falsò persone diuine dicuntur Iudices, quemadmodum falsò dicuntur Dij Domini, vt patet in Symbolo Athanasij; tum quia si verè dicerentur Iudices; dicendum consequenter fuisset in plurali numero, Creauerunt; quemadmodum, quia Pater, & Filius verè dicuntur spirantes; dicitur consequenter, quòd Pater, & Filius spirant Spiritum Sanctū. Stat enim vera hæc, & propria locutio cum vnitāte essentiæ diuinæ, cum vnitāte principij formalis spirandi, cum vnitāte numeralis spirationis actiue; nam Pater, & Filius sunt vnum principium Spiritus, & vna, eademq; omnino spiratione spirant Spiritum Sanctum. Simili itaq; forma dicendum fuisset, Iudices creauerunt, nō obstante quòd fuissent vnum principium creaturæ, vna & eadem omnino essentia eorum, atq; actione creandi existente. Non igitur propter mysterium diuinarum personarum, sed propter rem singularem, cui appropriatur nomen Elohim, Moses iungit nomen Elohim, cum verbo Creauit, nulla interueniente Grammaticæ incongruitate; & quòd est constructio de significato non inusitata apud viros doctos.

LVSITANVS quoque his se subscripsit. Voluerunt Sancti Patres nostri ex hac sententia mysterium Trinitatis eruere, dicentes: hac de causa hic di Eum, Elohim, idest, Dij; & verbum Creauit, in singulari; vt in plurali nomine designetur pluralitas personarum; in verbo verò singulari, essentiæ vnitās. Quod vtinam ex hoc loco, & ex alijs multis, quæ ad hoc citant, euincerent. Et Post. Vnde meo iudicio, si Moses hoc loco mysterium significare voluit Trinitatis, hoc non nisi velatè nimis fecisse videtur. Fuit enim mysterium hoc velatissimum Iudæis seruatum, vt Messie tempore reuelaretur. Quare Christus apud Ioannem dicebat; Pater manifestauit nomen tuum hominibus: non quod vocaris Deus, sed quod vocaris Pater meus. Vnde cum contendendum cum Iudæis fuerit, non est hoc telo, vt firmissimo vtendum; ne putent nos non habere aduersus eos solidiora.

Ioann. 17.

PERERIVS in gratiam Caietani, hoc loco rationes, quæ pro hac sententia facere possunt, sic coëgit;

Primum mirari possumus, quòd grauisimi Patres, præcipuè Origenes, Hieronymus, & Theodoretus, Hebræarum vocum scientissimi, & Scripturæ indagatores solertissimi, hunc locum non subodorant. Deinde, discrepantia illa inter Elohim, numeri pluralis, & Barà, numeri singularis, non habet mysterium, sed idiotismus est lingue

linguae Hebraeae, ut supra retulimus. Amplius non congruè dicitur de personis diuinis, quòd sint *Dij*, quia etià etiam posset, quòd essent multi *Dij*, vel tres *Dij*, quòd tamen in Symbolo Athanasij damnatur. Ratione iudicio Theologorum rectè non loqueretur, si quis diceret, personae diuinae, vel Pater, Filius, & Spiritus Sanctus creauit Mundum; sed dici debet Crearunt; sicut non rectè dicitur, Pater, & Filius spirat Spiritum Sanctum, sed spirant. Præterea, si hic modus loquendi inusitatus Hebraeis fuisset, fuisset etiam nouus, & admirandus; & certè ob id Rabbini aliquid circa hoc commenti fuissent. Adhuc cur aliàs de Deo loquens, non semper Moses iunxit Elohim numeri pluralis, cum Barà numeri singularis, ut denotaret diuinarum personarum pluralitatem cum unitate diuinæ essentiae? Tandem non bene certè consultum fuisset Iudeorum ad Idololatriam procliuatam, hanc præbere occasionem existimandi multos esse Deos.

Classis Doctorum, Sanctissimam Trinitatem hoc loco insinuari, existimantium.

Ex aduersa acie perfiliunt Doctores perillustres, qui ex hoc loco non subobscurè, sed perspicuè, Trinitatis mysterium posse elici arbitrantur.

M A G I S T E R Sententiarum libro primo, distinctione secunda.

Et quod apud nos dicitur Deus, Hebraica veritas habet Elohim, quod est plurale huius singularis, quod est El: quod ergo non est dictum El, quod est Deus, sed Elohim, quod potest interpretari *Dij*, siue Iudices, ad pluralitatem personarum refertur.

D. Thomas in scriptis hoc non reiecit, & quamplures ex Scholasticis Magistro subscribere videntur.

H A M E R V S Commentarijs in Genesim.

Habet hic locus insignem recentium Iudeorum confutationem, qui in vnico Deo sacram Trinitatem negant. Nam, quod nos legimus; In principio creauit Deus: in Hebræo legitur; In principio creauit *Dij*, plurale est nomen; & id quod *Dij* apud nos significat. Et Post. Quod quidem absque grandi mysterio factum non est. Quia enim, iuxta D. Augustini sententiam, opera Trinitatis ad extra indiuidua sunt; idcirco Moses ille, magnus ad insinuandum omnes tres personas diuinas, Patrem, & Filium, & Spiritum Sanctum, simul ad Mundi creationem concurrissè, *Dij* in plurali dixit, & non Deus, in singulari. Ad ostendendum autem tres illas personas essentialiter non distingui, sed idem omnino esse hoc est vnum Deum esse, & non tres Deos; Creauit in singulari dixit, & non Creauerunt, in plurali. Constat igitur per nomen plurale cum verbo singularis numeri iunctum, & personarum Trinitatem, & diuinæ essentiae unitatem optimè designari. Nec ignoreo, quæ Iudæi hic fabulentur, sed ea commodius in alium locum deferentur.

S T E V C H V S Commentarijs in Genesis caput primum.

Itaque nomen Elohim significare sanctissimam Trinitatem, multa possunt esse argumenta. Principio enim, Elohim & Deum significat, & Angelos, & præclaros viros, ac Iudices, ut nos alibi dicturi sumus: nusquam verò eo nomine peculiarem Angelum, aut Iudicem denotamus, sed multos simul. Cur ergo & cum Deum significat, non ad plures illud referamus? neque alia certè debet esse hic, atque ibi ratio. Præterea quòd aliqua pluralitatem, cum ad Deum refertur, complectatur, illud quoque indicio est: adiungitur enim & verbis, & nominibus pluralibus, ut Iosue; quia *Dij* sancti est; id est quia Deus sanctus est. Capite quoque trigésimo quinto inferius inuenimus; Quia ibi apparuerunt ei *Dij*. Capite quoque vigésimo; Postquam abduxerunt me *Dij*: quem locum nostra editio interpretatur; Postquam eduxit me Deus de domo patris mei. His atque alijs innumerabilibus coniecturis cognoscimus nomen illud, non sine diuino quodam mysterio, per plurale expressum, præsertim cum id nulla necessitate fiat: inuenitur enim eius singulare Eloha. Cur itaque placet magis sacris literis Deum Elohim appellare, quàm Eloha, nisi mysticè id fieret? Plura de hac re referre supersedeo, quòd aliud agamus.

B V R G E N S I S in additione prima.

Item attendendum, quòd secundum vltiorem sensum literalem, ex hoc quòd dicitur; In principio creauit Deus Cælum, & Terram, intelligitur ad literam secundum Hebraicam veritatem pluralitas in diuinis, prout Magister allegat in prima parte, distinctione secunda; quòd patet ex hoc; nam ubi nos dicimus, Deus; Hebraica veritas habet Elohim, quòd est plurale nominis huius singularis El, & sic exponit in hoc loco expressè Rabbi Abenhazra: licet ex hoc non veram conclusionem eliciat, sed extortam.

C A T H E R I N V S prolixiori enarratione, & ipse hanc sententiam exponit, & defendit; præcipuè tamen rationes, quibus eam tueri nititur, has adducit. Conuincitur ergo Iudeus quàm manifestissimè, cum à forma nominis, quæ est pluralis numeri; tum à significatione, quoniam apertè deprehenditur hæc vox pluralis significationis, quando non stat pro Deo, sed pro magnis personis, quales sunt Angeli, & qui insignem magistratum gerunt; ut ibi; *Dij* non detrahes; & Minuisti eum paulatinus ab Angelis. Cur igitur non sic quando stat pro Deo? Et post. Deinde addo & hunc sensum longè pleniorē esse; utpote, in quo toto clauditur Sanctissimæ Trinitatis mysterium: pluralitas

ralitas enim personarum in nomine Elohim, idest Dij, & singularitas essentie in verbo illo Barà, idest, Creauit, continetur. Et Infra. Tertio iunge his conuenienter sic dictum esse: quoniam cum actiones (teste Philosopho) sint suppositorum, creatio propriè pertinet ad personas; nam & ipsius Trinitatis opera sunt indiuidua, ideoque opportunum fuit indicare personas creantes: Quod si aliquo Scripturæ loco istud erat indicandum, maximè certè in hoc ipso exordio opportunum erat, ubi commune rerum omnium creationis opus narrantur, vt verum sit verbum Christi, qui dixit; In capite libri scriptum est de me.

Psal. 39.

L I P P O M A N V S in Catena.

Dictio Hebraica Elohim, idest Dij, per triplex Iod scribitur, quod magno non vacat mysterio, vt mox dicitur. Et post. Qui tametsi vnus esse intelligitur à probe intellectu vigentibus, & à fidelibus credatur, & minimè plures: pluratiuo tamen vocabulo, cum vnitatis verbo (Creauit inquit Dij) Spiritus Sancti instinctu vsus est Moses, Elohim enim ab Eloha, plurale à singulari descendit. Tam manifestum autem Iudæis offendiculum in exordio legis Dei, à Moyse minimè ponendum fuerat, quando summi boni vnitatis maximè commendanda credentibus suscepta erat, nisi in simplicissima vnitatis diuinitatis, & vnus vnici Dei, necessariò etiam credenda fuisset pluralitas aliqua, non Deitatis, sed proprietatum personalium, & personarum; quarum vna Pater Deus; secunda, Verbum, vel Filius Deus; & tertia diceretur Spiritus Deus; vnus tamen essentialiter Deus maxima vnitatis.

V I E L M I V S, qui apud me plurimè est auctoritatis, his subscribit, lectione tertia.

Nullibi fortasse in libris Moysis opportuniorem locum, qui Trinitatem insinuet, sese offerri puto, cum sit Mundi opificium trium personarum commune, ac splendidissimum opus.

A V C T O R.



Go cum in contemplationem excelsæ, Sanctissimæque Trinitatis inciderim, non possum meam referre sententiam, nisi breui præmissa consideratione. In tulerunt Sacerdotes Arcam fœderis Domini in locum suum, in Oraculum Templi, in Sancta Sãctorum, subter alas Cherubim; & cum impleuisset nebula Domum Domini, inquit Salomon, Dominus dixit, vt habitaret in nebula. Templum hoc (vt mysticum sensum quandoque inuestigemus) Sacram esse Scripturam assequere possumus; Sancta verò Sanctorum, Canonicos libros; Arcam verò, Sanctissimæ Trinitatis mysterium. Nil erat siquidem in Templo eminentius Arca; & nihil nobis in Scripturis sublimius traditur Trinitatis Sacramento. In illa reposita erant Virga, Lex, & Manna; in hac resident Patris Maiestas, vt Virga; Filij Sapientia, vt Lex; Spiritus Sancti Charitas & Amor, vt suauissimum Manna. Super Arcam soli Cherubim alas extendebant; Trinitatem sanctissimam Angeli tantum glorifico lumine contemplantur. Oza, quia procaciter Arcam tetigit, exanimatus corruit in terram; de Trinitate, quid dogma aliquod decernere, præter id, quod ab Ecclesia definitum est, ausus fuerit, quâuis & eruditione, & dignitate præclarus existat, quasi hæresis labe correptus, ab Ecclesia, in qua fidei emicat veritas, decidit. Caterum in Sancta omni populo ingredi datum erat; in Sancta verò Sanctorum solis Pontificibus, & Sacerdotibus: Sancta nostri Templi, scilicet Sacræ Scripturæ, literalis est sensus, omnibus perspicuus; Sancta verò Sanctorum, mysticus, solis Patriarchis, & Prophetis reuerentius. Sed, vt quid hæc edisserui? certè, ut hoc vnum animaduertentem, quod uti plebi ingredi in Sancta Sanctorum nunquam fas erat, nec Arcam conspicerem; ita rudibus Hebræis sensus assequi mysticos, Arcamque, hoc est, Trinitatis Sacramentum attingere, nunquam concessum fuerit. Edocuit hoc egregiè Theodoretus de Principijs libro secundo, cum dixit.

3. Reg. 8.

Arca fœderis, Mysteriũ Sanctissimæ Trinitatis præsignabat.

Trinitatis Sacramentum Hebræi rudes non agnouerunt.

Etenim cum in Aegypto longinquum sanè tempus permansissent, multorumque ibi Deorum cultum ritu Aegyptiaco didicissent, sapientissimus Deus nequaquam illis manifestè, aperta que prorsus oratione, Trinitatis mysteria tradidit, ne ita propositam sibi esse Deorum multitudinem arbitantes, occasionem hanc haberent ad impietatem Aegyptiacam reclinandi.

Vates antiqui per pauci Trinitatis cognitionem habuerunt.

Gen. 18.

Ioan. 8.

Sacerdotibus verò summis, seu, vt melius dicam, Patriarchis, & Prophetis nonnullis ingredi certè permissum fuit Sancta Sanctorum, mysticas scilicet interpretationes penetrare, Arcam intueri, vestigia videlicet sanctissimæ Trinitatis cognoscere; sed hi per pauci admodum fuere, & non nisi singulari Dei beneuolentia hoc ipsis contigit. Abraham mysterium Trinitatis certè cognouit, cum tres vidit, & vnum adorauit: Amplius cum exultauit, vt videret diem Christi, vidit, & gauisus est: diem inquam, non tantum Incarnationis, sed æternæ generationis: de qua dicitur; Ego hodie

Psal. 2.

die genui re. Moses etiam tantum promeruit à Deo, ut inter nebulas, & caligines, & ignem ipsius gloriam; quasi per transfennam conspiceret, atque consequenter altissima sacramenta Christi delibaret. Nobis tantum, quibus velum Templi scissum est, patefacta sunt Sancta Sanctorum, detecta est Arca, quoniam scripturae latentes sensus spirituales, & Trinitatis sacramentum reuerata sunt. Caterum ut ad sumptam percunctationem redeamus, ex praemissis diffinire primùm, propositum locum Hebraeis vulgaribus de Sanctissima Trinitate nullam cognitionem ante, cum maximè per Elohim nomen, tanquam commune (ut testatur Hieronymus) consueta sua significatione, etiam Deus in singulari numero intelligi possit: Patriarchis autem eadem de causa minus proprium, ac dilucidum lumen de Trinitate impertiri potuisse. Nobis autem locum hunc aliquam de Trinitate Sanctissima notitiam conferre posse arbitror; sed non passim, & cumulatè: suadeor enim hoc existimare ea certè de causa, quia Patres, qui de Trinitate loca in scripturis perpenderunt, hunc non subodorasse reperiuntur. Nam Ignatius in Epistola ad Antiochenos, quae est nona, in qua luculenter valde loca, ubi Sanctissima signatur Trinitas, memorat; & Gregorius Nyssenus libro in scripto, Testimonia aduersus Iudaeos de Sancta Trinitate (si tamen ipsius, ut fertur, est foetus) in quo & ipse cuncta Scripturae loca Trinitatem Sanctissimam indicantia perpendit, locum hunc silentio prorsus obuolutum reliquerunt. Augustinus etiam de Genesi ad literam libro primo, Cyrillus libro primo contra Iulianum, Theodoretus libro de principiis (ingenui certè, solertissimi què Doctores) loca etiam subobscura à Mose in hac de Mundi opificio historia recensita, quae aliquo pacto Sanctissimam innuerent Trinitatem inuestigantes hunc non commemorarunt. Igitur si locus iste fuisset ita splendidus, & clarus, uti Doctores asserunt, certè tot eximij nominis Patres illum subodorassent, atque animaduertissent. Ex hac autem conclusione sequitur, quod rationes omnes productae à parte affirmatiua, concedi possint; hoc tamen in sensu, quod hoc loco Sanctissima notificetur Trinitas; non quidem Hebraeis omnibus, sed tantum Vatibus, & nobis, quibus reuelata sunt Trinitatis sacramenta. Sequitur amplius, quod argumenta pro parte negatiua adducta, quae Hebraeis ex hoc loco Trinitatis sacramentum non notum reddi probabant, pariter admitti queant. Superest igitur, ut respondemus illis, quae omnino non tantum rudibus, & vulgaribus, sed nec sapientioribus, nec nobis hunc locum Trinitatem demonstrare, videbantur astruere. Horum primum fuit, quod grauissimi Patres, praecipue Origenes, Hieronymus, & Theodoretus, locum hunc non adnotarint. Huic profectò satisfacit Vielmus, cum ait; quod proficit Ecclesia gradatim intelligentijs, & donis, adeò, ut fieri potuerit, quod Patres prisca non ita in numerato habuerint omnia scripturae monumenta ad astruendam pietatem. Non dici conuenit, inquit, primo Caietanus, deinde Pererius, de personis diuinis, quod sint Dij, quoniam dici etiam posset, quod essent multi, vel tres Dij, quod tamen à Symbolo Athanasij damnatur. Sed indoctè hoc colligi edocet Catherinus, quoniam non semper, quae seorsum dicuntur, coniunctim dici possunt. Verum siquidem est dicere de personis diuinis, quod Dij sint, ut potè compotes Deitatis; verum, quod sint tres; non tamen verum, quod sint tres Dij; quoniam quando conceditur tres esse, ad personas referri ea Trinitas intelligitur, non ad Deitatem, quae plurificari non potest. Adijciunt rursus, non congruè dicitur Pater, Filius, & Spiritus Sanctus creauit Mundum, sicut non dicitur, Pater, & Filius spirat Spiritum Sanctum, sed spirant. Quinimò, & congruè dici posse, assererem ego; cum enim creare sit opus ad extra competens toti Trinitati, non erraremus dicentes, Pater, Filius, ac Spiritus Sanctus creat; quia idem est, ac si diceremus, Sanctissima Trinitas creat. Rursus incongruè diceremus certè, Pater, & Filius spirat, quia spirare opus est ad intra; nec toti Trinitati competit, sed tantum Patri, & Filio, atque ipsis non ratione essentiae, sed ratione personarum congruit. Cum autem distinctae sint personae, perperam certè vnicuique harum adscriberetur, quod ambabus attribuendum esset. Haec sunt, quae ut opportuna pro hac decidenda quaestione, non praetermittenda fore iudicauimus.

Deus, Elohim.

Anno Mundi
primo.
In exordio
temporum.
Ante dies.

- a. Moses ex decem Dei nominibus hoc loco Elohim selegit, ut Deum & Creatorem, & Iudicem demonstraret vniuersorum.
b. Vel ut eum secundum distributiuam iustitiam, esse, his quidem clarius, & his obscurius, elargitum fuisse indicaret.

Quorsum ex decem nominibus Dei, quæ in Scriptura reperiuntur, Elohim selegerit Moses, cum Deum Vniuersi Creatorem nominat.

HIERONYMVS Epistola ad Marcellam, decem Dei nomina ab Epist. 136.

Hebræis vsitata accuratè his enarrat.

Primum nomen Dei est El, quod Septuaginta εἰς, idest Deum verterunt, & Aquila etymologiam eius exprimens, ἰσχυρὸν, idest, Fortem interpretatur. Deinde & Elohim, & Elohe, quod & ipsum Deus dicitur. Quartum Sabaoth, quod Septuaginta, Virtutum; Aquila, Exercituum, transtulerunt. Quintum Helion, quod nos Excelsum dicimus. Sextum Eser eheie, quod in Exodo legitur: Qui est, misit me. Septimum, Adonay, quem nos Dominum generaliter appellamus. Octauum, Ia, quod in Deo tantum ponitur, & in Alleluia extrema quoque syllaba sonat. Nonum, Tetragrammaton, quod ineffabile putauerunt. Decimum, quod superius dictum est, Saddai, & in Ezechiele interpretatum ponitur.

Exod. 3.

ISIDORVS Etymologiarum libro septimo, cap. primo, ita hæc nomina interpretatur.

Primum apud Hebræos Dei nomen El dicitur, quod alij Deum, alij etymologiam eius exprimentes Ischyrios, idest, Fortem interpretati sunt; Secundum nomen Elohi est; Tertium Elohe, quod vtrunque Latine Deus dicitur; Quartum, Sabaoth, quod vertitur in Latinum, Exercituum, seu Virtutum; Quintum Elion, quod interpretatur Excelsus; Sextum Eheie, idest, Qui est, Deus enim solus est; Septimum, Adonay, quod generaliter Dominus interpretatur; Octauum, Ia, quod in Deo tantum ponitur; Nonum, Tetragrammaton, hoc est ineffabile; Decimum Saddai, idest, omnipotens.

Ex his igitur nominibus, cum El, fortitudinem significet; Elohim, Iudicem; Elohe, Sapientiam; Sabaoth, Deum exercituum; Elion, excelsus; Eser eheie, qui est; Adonay, Dominum; Ia, laude dignum; Tetragrammaton, ineffabilem; Saddai, omnipotentem: Inquirendum est, cur Vates Moses Deum nomine Elohim, & non cætero- rum aliquo hoc loco appellarit; præcipuè cum nomen quadriliteron à recentioribus Iehu, à Pagnino Iehoua dictum, Hebræis adeò sanctum, adeoque celebre esset, ut nunquam nisi in anniuersario, ac præmisso ieiunio (teste Cusano libro primo Excitationum) & per summum solum Pontificem, cum Sancta Sanctorum ingrederetur, pronunciari posset, quod etiam in aurea lamina incisum Sacerdos summus tantum ferebat.

- a. Moses opificem Deum, Elohim nominauit, ut eum simul creatorem esse Mundi, vniuersorumque Iudicem demonstraret.

CAIETANVS vbi supra.

Quare autem Moses in hoc exordio appellauerit Deum Elohim, in promptu causa est duplex. Altera, ut vnus atque idem Deus credatur Creator Mundi, & Iudex vniuersorum; ne crederent Philosophis tradentibus, quod supremus rerum Opifex, non est Iudex humanarum actionum. Percutit siquidem Moses Philosophos omnes describendo Iudicem omnium creasse Cælos, & Terram, & omnia quæ in eis sunt.

- b. Vel Elohim, hoc est Iudicem, appellauit; Quia in Mundi effectione, esse, his clarius, & his obscurius, sit impertitus.

CAIETANVS vbi supra.

Alter, ut creatio Cælorum, & Terræ, & eorum, quæ in eis sunt, intelligatur actio Dei Iudicis secundum iustitiam distributiuam: ne putaretur Deum creasse res secundum esse earum tantum, & non secundum diuersos illas.

Anno Mundi
primo.
In exordio
temporum.
Ante dies.

Deus, Elohim.

- a. *Vel cum Elohim significet Fortem, ut Dei omnipotentiam in Creatione ostensam indicaret,*
- b. *Vel ut Dei timorem hoc nomine in mortalibus excitaret.*

fos illarum gradus, atque ordine res ipsas creando distribuisse. Adhuc siquidem errorem tollendum describitur, quod Deus quatenus Iudex, secundum iustitiae distributivae rationem, creavit omnes res sic, quod creando distribuit singulas res suavitissime, suis quasque locis, gradibus, ac ordinibus deputando: ut clare sonat littera totius huius principij.

L V S I T A N V S in his Caietanum reprehendit, cum ait;

Non recte illi de nomine sentiunt, qui ex nomine Elohim, volunt rerum distributionem in Mundi creatione derivare, dicentes; ideo hic poni Elohim, ut explicetur Deum optime res in creatione distribuisse. Non enim, ut probauimus, Elohim, significat Iudicem, quatenus distribuit, sed quatenus punit, aut ab eo punitionem fieri precamur.

- a. *Vel Elohim Deum nominavit; hoc est Fortem; ut eius omnipotentia in creatione notaretur.*

V I E L M I V S, Caietani speculationibus amplificatis, tertiam superaddidit causam, relato verbo Elohim ad fortitudinem.

Quamobrem dicerem, Mosem nunc voluisse nobis hoc nomine declarare Dei precellentem, & indicibilem in creando Mundo fortitudinem, quam omnipotentiam significantius nuncupamus: neque enim hanc apertius unquam manifestavit, atque creatione Mundi. Nomen enim Elohim, a fortitudine desumptum est; & D. Hieronymus Epistola citata testis est Theodotionem uertisse, Graece Ischyron, hoc est, Fortem. Et post Creatorem igitur antonomastico, Fortem, hoc est Omnipotentem, legislator hoc loco adhibito consilio tam crebro appellat, ut nimirum de eiusmodi eius Omnipotentia, quam nullibi aequè cernere, atque in Creatione est, ut dicebam, communesaceret lectores, & in eius admirationem, & cultum, eos, qui Mundum hunc contemplantur, adduceret.

- b. *Vel ut Dei timorem in mortales hoc nomine incuteret.*

L V S I T A N V S, Adnotationibus in Genesim, capite primo.

Quare autem Moses statim a principio Deum sub nomine vindicantis attulit, putarem, quod ut Dei timorem, & providentiam simul cum creatione inculcaret; ac si diceret: Ille, res has, quas videtis in esse produxit, qui non solum rerum omnium auctor est; sed etiam omnium punitionum, qui potest mala gesta punire.

A U C T O R.

Ex his delatis causis, quanam sit acceptanda, non est difficile diiudicare. Prima ea Caietani, quae Deum in Mundi effectione, Elohim nuncupatum voluit, hoc est, Iudicem, ut simul & Creator, & Iudex uniuersorum agnosceretur, non mihi videtur sufficiens, & necessaria; quoniam qui Deum Mundi opificem fatentur, eum Iudicem quoque esse non renuunt; & qui ipsum moderatorem, Iudicemque negant, hi etiam Mundi non fuisse Satorem contendunt. Nil igitur profuit Deum, Elohim, hoc est, Iudicem nominare, & Creatorem simul demonstrare, quia inuicem haec se consequuntur. Rursus alia causa à Caietano adducta, intempestiue lata mihi uidetur. Elohim, inquit ipse, Moses Deum appellauit in Mundi structura, ut in distributione naturarum eum Iudicis munere functum fuisse agnosceremus; dum his quidem clarius, & his obscurius esse imperitus est. Sed Iudex certe tunc, meo iudicio, quis appellatur, cum merita, & demerita ponderat; & ex meritorum, demeritorumque aequa lance liberatorum ratione, praemia distribuit. Caeterum in creaturis necdum formatis, nulla meriti, vel demeriti ratio esse poterat; quamobrem ut Iudex, his clarius, & his obscurius esse conferre non potuit. Ex quibus

Deus.

Anno Mundi
primo.
In Exordio
temporum.
Ante dies.

- a. Theòs Græcè, Deus Latine, à timore.
- b. Vel à videndo,
- c. Non Moses, sed Serpens primus Vniuersi opificem Elohim, siue Deum appellauit.

quibus sequitur Hieronymum causam probatorem, cur Moses Deum, Elohim, non alio nomine appellarit duxisse, cum dixit Elohim, apud Græcos θεός, & apud Latinos Deum rectius verti, quasi videntem; quoniam in rerum effectione, non vt iudex ex merito, sed ut sapiens, & videns Creaturis nil promerentibus, his quidem eminentius, & his humiliter; seu, vt Aristoteles dixit, his clarius, & his obscurius esse, condonarit. Rursum, si vt certum, ac exploratū accipere debemus, quod supra definiuimus, El, sci licet, & non Elohim, ex Aquilæ auctoritate, Fortem significare; postrema causa adducta à Vielmio non scite producta euincitur. Superest igitur, vt cum Lusitano dicamus; Vatem nostrum Mosem, Spiritus Sancti afflatu, Deum Elohim, hoc est, Iudicem, nuncupasse, cum Mundi effectiōem narrat; vt simul amorem, & timorem incuteret; animaduernerentque Hebræi, & cuncti mortales, non adeo confidendum esse de Dei beneuolentia, & charitate, qua in eorum gratiam Vniuersum hoc, opus adeo præclarum conflauit; vt etiam non timeant de eius iustitia, quando etiam, dum Vniuersum extrueretur, Iudex voluerit appellari. Perspectum siquidem est Deum semper commiscere misericordiæ, & iustitiæ monumenta, vt beneficio & amore ad bona homines compellat; & pœnis, seueritateque à malis retrahat.

P. Cæli tex.
100.

a. θεός Græcè, Deus Latine, idem sunt, & dicitur à timore.

ISIDORVS Etymologiarum libro septimo, capite primo.
Nam Græcè Theòs dicitur; quasi θεός, id est timor: vnde tractum est nomen Deus, quod eum colentibus sit timor.

b. θεός, & Deus; hoc est, videns.

Vulgata est apud omnes hæc etymologia, quæ interpretatur θεός, & Deus, hoc est, Videns. Quæ duæ interpretationes ad stipulantur maximè his, quæ iam diximus. Egrege profectò etiā in editione Græca, & nostra, Vniuersi conditor nuncupatus est Theòs, vel Deus, nomine à timore deducto; ea proculdubio de causa, ut simul timorem in beneficium incuteret, ediscerentque mortales simul & confidere in Deo, & formidare Deum, dumque beneficia suscipiunt, timoris non obliuisci: timoris, inquam, eius, quem de Vniuersi opifice, & prouifore habere operæpretium est. Deinde bene nuncupatus fuit Mundi opifex Theòs, seu Deus; ut Theòs significat videntem, & sapientem; videns siquidem, & sapiens fuit Deus in Mundi opificio, cum attigerit à fine ad finem fortiter, & disposuerit omnia suauiter.

c. Non Moses, sed Serpens primus vniuersi opificem Elohim, siue Deum appellauit.

BEDA expositione in Genesim.
Hic primo Deus inscriptione reperitur à Moyse dictus; sed à Serpente prius dictus est, vt; Scit enim Deus, & reliqua.

Quamuis siquidem Moses Mundi effectiōem narrans, eius opificem Deum appellet, clarissimū tamen est, ipsum non nisi post plura sæcula, & annos, Volumen hoc, id est Pentateuchum scripsisse; Quapropter cum ea, quæ nobis in hoc suo uolumine reuelauit, certissima sint, euincitur, quod primus, qui Dei nomen prætulit, Serpens fuit, cum dixit;

Anno Mundi
primo
In exordio
temporum.
Ante dies.

Deus.

a. Quia Deus solus, Mundi Creator esse poterat.

dixit; Scit enim Deus &c. Verum non bene Beda animaduertit, quod ante dictum illud; Scit enim Deus; iam mulier dixerat; Præcepit nobis Deus, ne comederemus. &c. nec propter hoc non nisi scite dixit, Serpentem fuisse, qui hoc enunciarit ineffabile nomen; nam ante Euam dixerat Serpens; Cur præcepit vobis Deus. &c.

a. Quia Deus solus, nomine ineffabilis, maiestate super omnia excelsus, Mundi creator esse poterat.

BASILIUS Hexameron Homilia prima.

Hic itaque Mundus, sortitus cum sit principium, quippe qui olim conditus: relinquitur iam tibi querendum, à quo principium sit sortitus, quis tante molis fuerit opifex. Verius ut ne, si humana ratiocinatione nitens, singula exactius pergas exquirere, longius digrediare, & aberres à via veritatis, anteuertit nos Moyses sua hac doctrina tueri, ac communire, quando illud multo omnium preciosissimum nomen Dei adiecit, quasi sigillo quopiam animas nostras consignaret, aut certe eas aduersus cuiuscunque tandem erroris venena prænireret, præseruatorio, aut tutelari quodam amuleto, idque dum dixit; In principio fecit Deus. Natura plane beata Deus, exuberantissime abundans, ac luculenta bonitas, cuique rationis capaci mirè amabilis pulchritudo, flagrantibus votis, & exstuantis desiderio, nulli non expetenda, omnium quæ sunt primiceria origo, fontis vitæ, spiritualis omnis intelligentiæ lux, sapientia inattingibilis, nec ulli peruia mortalium. Hic inquam ille est, qui Cælum, & Terram creauit, idque in principio.

AMBROSIVS libro primo Hexameron, capite tertio.

Gen. 14.

Ibidem.

Hebr. 7.

2. Cor. 4.

Esa. 40.

Rom. 11.

Esa. 40.

Hier. 10.

Ibidem.

Serm. 1.

Miraris opus, quæris operatorem. Quis principium tanto operi dederit, quis tam cito id fecerit, subiectissimè dicens; Quia Deus fecit Cælum, & Terram. Audisti auctorem, dubitare non debes. Hic est, in quo benedixit Melchisedech Abraham Patrem multarum gentium, dicens; Benedictus Abraham Deo summo, qui fecit Cælum, & Terram. Et, credidit Abraham Deo, & ait; Extendam manum meam ad Deum summum, qui fecit Cælum & Terram. Vides, quia hoc non homo inuenit, sed Deus annunciauit. Deus enim est Melchisedech, qui est Rex pacis, & iustitiæ, nec initium dierum, neque finem habens. Non mirum ergo, si Deus, qui est sine initio, initium omnibus dedit, ut quæ non erant, esse inciperent. Non mirum si Deus, qui omnia sua virtute continet, & incomprehensibili maiestate vniuersa complectitur, fecit hæc, quæ videntur; cum etiam illa fecerit, quæ non videntur. Inuisibilia autem ijs quæ videntur, potiora esse, quis neget? cum ea, quæ videntur, temporalia sint; æterna autem, quæ non videntur? Quis dubitet, quod Deus hæc fecerit, qui per Prophetas loquutus ait; Quis mensus est manu aquam, & Cælum palmo, & vniuersam terram clausa manu? Quis sustinuit Montes in libra, & rupes in flatera, & nemora in iugo? Quis cognouit sensum Domini, aut quis eius consiliarius fuit? vel quis instruxit eum? De quo etiam alibi legimus; Qui tenet circuitum Terræ, & Terram velut nihilum fecit. Et Hieremias ait; Dii, qui non fecerunt Cælum & Terram, peribunt à terra, & de sub Cælo isto. Dominus, qui fecit Terram in virtute sua, & correxit in sapientia sua Orbem, & in sua prudentia extendit Cælum, & multitudinem aquæ in Cælo: Et addidit; Infatuatus est homo à scientia sua. Qui enim corruptibilia Mundi sequitur, & ex his putat quod diuina possit naturæ comprehendere veritatem, quomodo non infatuatur versuta disputationis astutia?

ZENO Episcopus Veronensis, sermonum libro secundo.

In principio, inquit Moyses, fecit Deus Cælum, & Terram. Solus Deus est itaque principium, qui ex se ipso dedit sibi principium, solus ante omnia & post omnia; quoniam in eius manu inclusa sunt omnia, ex se est, quod est. Solus sui conscius quantus, & qualis est. Solus perfectus, quia non potest illi aliquid addi, nec minui. Solus omnipotens, quia ex nihilo vniuersa constituit, virtute regit, maiestate custodit. Solus indomitabilis, ac semper equalis, quia in se non admittit ætatem. Solus sempiternus, quia immortalitatis est Dominus. Hic est Deus noster, qui se digessit in Deum. Hic Pater, qui suo manente integro statu, totum se recipiuit in Filium, ne quid sibi met derogaret. Denique alter in altero exultat, cum Spiritus Sancti plenitudine, vna originali coeternitate renitens.

Deus.

Deus.

Anno Mundi
primo.
In exordio
temporum.
Ante dies.

a. Non Angelus virtute propria.

A V C T O R.

Hic est ille opifex, satorque Vniuersi, de quo quid fari possimus, non video: Hic ille simplex, corporis expers, inuisibilis, incircumscriptibilis: Hic ille increatus, immensus, omnem comprehensionem, omnemque intelligentiam effugiens: Hic ille sine principio & fine, & perpes, & sempiternus: Hic ille omnipotens, omnisciens, optimus: Hic ille essentia vnus, hypostasibus trinus; sine fine immensus, sine affectione immutabilis, sine necessitate omnium sator, sine tempore æternus, sine loco vbi- que, sine ui omnium caussa, sine extensione omnia explens, sine contractione omnia viuificans, sine situ inter omnia confidens, sine studio omnia regens: Hic ille virtute omnipotens, sapientia inæstimabilis, bonitate summus: Ille, inquam, qui sola cha- ritate impellente, creaturis nil promerentibus, in hominis gratiam, amplissima sua po- tentia, ac fecundissima sapientia, ex nihilo Mundum confecit, vt obtestatur Moses; In principio creauit Deus Cælum, & Terram.

Dei attribu-
ta.

a. Angeli sua virtute Mundi Conditores non extarunt.

Primum nobis ea se offert impia, execrandaque sententia, quæ Angelos Mundi opi- fices astruit.

I R E N A E V S libro primo aduersus Hæreses Valentini, & similibum, ca- pite vigesimoprimo, delirantissimum hoc placitum Menandro adscribit, cum ait.
Huius successor fuit Menander Samarites genere, qui & ipse ad summum Magiæ peruenit: Qui primam quidem virtutem incognitam ait omnibus, se autem eum esse, qui misus sit ab inuisibilibus, Saluatorem pro salute hominum. Mundum autem factum ab Angelis, quos & ipse similiter, vt Simon, ab Ennoia emissos dicit.

Etcapite uigesimo secundo eandem Saturnino his attribuit;
Saturninus quidem similiter, vt Menander, vnum Patrem incognitum omnibus ostendit, qui fecit An- gelos, Archangelos, Virtutes, Potestates. A septem autem quibusdam Angelis Mundum factum, & omnia quæ in eo. Hominem autem Angelorum esse facturam, desursum à summa potestate lucida imagine apparente.

T E R T V L L I A N V S libro de Præscriptionibus aduersus Hæreti- eos, capite quadagesimo octauo, eandem Carpocratis fuisse his asserit.
Carpocrates præterea hanc tulit sectam. Vnam esse dicit virtutem in superioribus principalem; ex hac prolatos Angelos, atque Virtutes, quos distantes longè à superioribus Virtutibus, Mundum istum in inferiori- bus partibus condidisse.

A T H A N A S I V S contra Arrianos oratione secunda, idipsum Carpocrati adscribit.

Valentinianus, Angelos congeneres Christo pronunciauit: Carpocras autem eos Mundi conditores appellauit.

Caterum hanc impiam Hæreticorum sententiam Patres acrius reiiciunt.
I R E N A E V S aduersus Hæreses Valentini, & similibum, libro secundo, capite secundo, duo hæc astruit: Alterum cum Deus Angelos protulerit, dato quod Angeli Mundum constarint, id non nisi nutu, & virtute ipsius effecisse: Alterum quod verè Deus vnico verbo Mundum confecit. Quapropter concludit.

Sit fortasse hic sermo (hoc est Hæreticorum) suasorius, siue seductorius apud eos qui ignorant Deum; & hominibus, qui assimilant eum in operibus; & his, qui non possunt statim aliquid ex parato fabri- care, sed indigentibus multis organis ad eorum fabricationem, non autem verisimilis in totum apud eos, qui sciunt, quoniam nullius indigens omnium Deus, verbo condidit omnia, & fecit; neque Angelis indigens adiutoribus ad ea, quæ fiunt; neque virtute aliqua valde inferiori ab illo, & igno-
rante

Anno Mundi
primo.
In exordio
temporum.
A tunc dies.

Creauit Deus.

a. Non Angelus, neq; etiam vt Dei minister.

Ioan. 1.

Pfal. 148.

rante Patre; neque aliqua labe, neque ignorantia, vt is, qui inciperet eum cognoscere, homo fieret, sed ipse in semetipso, secundum id quod est inenarrabile, & inexcogitabile, nobis omnia prædestinans fecit, quemadmodum voluit, omnibus consonantiam, & ordinem suum, & initium creationis donans. Spiritibus quidem spiritalem, & inuisibilem, & supercælestibus Cælestem, & Angelis Angelicam, & animalibus animalem, & natantibus aquatilem, & terrigenis terrigenam, omnibus aptam æqualitatis substantiam; omnia autem, quæ facta sunt, infatigabili verbo fecit. Proprium est enim hoc Dei supereminentiam non indigere alijs organis ad conditionem eorum, quæ sunt; & idoneus est, & sufficiens ad formationem omnium proprium eius verbum, quemadmodum & Ioannes Domini discipulus ait de eo; Omnia per ipsum facta sunt, & sine ipso factum est nihil. In omnibus autem est & hic, qui est secundum nos, Mundus: & hic ergo à Verbo eius factus est, sicut scriptura Geneseos dicit, omnia quæ sunt, secundum nos fecisse Deum per Verbum suum; Similiter autem & David exequitur: Quoniam ipse dixit, & facta sunt, ipse mandauit, & creata sunt. Cui igitur magis credemus de Mundi fabricatione, his ne, qui prædicti sunt, Hæreticis, sic fatua, & inconstantia garrientibus, an discipulis Domini, & fideli famulo Dei Moyse, & Prophetæ? qui primo genesim Mundi narrauit, dicens; In principio fecit Deus Cælum, & Terram, & deinceps reliqua omnia; sed non Dij, neque Angeli.

A T H A N A S I V S contra Arrianos Sermone tertio.

Neque enim quicquam Angeli vel creare possunt, cum & ipsi sint creatura; quamuis in diuersam sententiam Valentinus, Marcion, & Basilides eant, & vos vna cum ijs, vt asseclas decet, & emulatores; Quinimmo ne Sol quidem, quum sit res creatitia, vnquam effecerit, vt quod nihil est, aliquid fiat, neque homo hominem effinxerit, neque lapis lapidem excitauerit, neque lignum ligno augmentum dederit: sed Deus est, qui in vtero fingit hominem, & qui montes collocat, & qui ligno proceritatem addit, homo verò mentis, scientiæque capax hanc materiam concinnat, & modificatur; & quæ iam sunt, operatur pro ratione sua scientiæ, & contentus est, quod ipse duntaxat sit genitus, suamque naturam agnoscens, ubi alicuius rei indignus est, Deum inuocat.

T H E O D O R E T V S Diuin. Decret. Epit. lib. quinto, cap. de Creatione.

Oportet autem omnia ostendere, quod creationis est opifex, non qui, vt vult Valentini fabula, ex passione Achamoth formatus est, & post triginta quinque æonum productiones, ex conuersione, & passione factus est: neque Angeli quidem, vt vult Basilides, & Cerinthus, & alij, quorum principatum dicunt obtinere Iadabaoth: nec vt execrandus Marcion, aliquem alium præter bonum opificem esse dicimus: sed vniuersum Deum cum Vnigenito, & Sanctissimo Spiritu omnia esse fabricatum, & didicimus, & docemus: Verbo enim Domini Cæli firmati sunt, & spiritu oris eius omnis virtus eorum.

Prosequiturq; toto eodemmet capite plurimas, tum Noui, tum Veteris Testamenti obtestationes adducere: sed cum sententia hæc hæretica explosa sit conformi omnium Patrum, & Ecclesiæ consensione, vt suamet dementia sordidata, derelinquatur.

a. Angelorum ministerio in Mundi creatione, Deus vsus non est.

Non defuere, qui Deum in Mundi structura, Angelorum ministerio, vsum fuisse extimarint.

Præcipitavit in hanc assertionem ex nostris vnus ferè Lactantius Diuinarum institutionum, libro secundo, capite nono, quod summopere demiror; ait enim.

Fabricaturus Deus hunc Mundum, qui constaret in rebus inter se contrarijs, atque discordibus, constituit ante diuersa, fecitque ante omnia duos fontes rerum sibi aduersantium, intersequē pugnantium; illos videlicet duos spiritus, rectum, atque prauum; quorum alter est Deo tanquam dextera, alter tanquam sinistra: vt in eorum essent potestate contraria, quorum mixtura, & temperatione Mundus, & quæ in eo sunt vniuersa constarent. Et post. Et quoniam fas non erat, vt à Deo proficisceretur malum, neque enim contra se ipse faciet, illum constituit malorum inuentorem, quem cum saceret, dedit illi ad mala excogitanda ingenium & astutiam, vt in eo esset & voluntas praua, & perfecta nequitia, & ab eo contraria virtutibus suis re-

Habetur hæc
in libro Hære
teologia in-
scripto.

Deus.

Anno Mundi
primo.
In exordio
temporum.
Ante dies.

a. Neque etiam Angelis demandata est à Deo Animantium Creatio.

luit oriri, eumque secum contendere; Vtrumne ipse plus bonorum daret, an ille plus malorum? Sed rursus quoniam Deo summo repugnari non potest, bonorum suorum potestatem illi vltori assignauit, quem supra bonum, ac perfectum esse diximus. Ita duos ad certamen composuit, & instruxit; sed eorum alterum dilexit, ut bonum filium; alterum abdicauit, ut malum. Postea autem ad multos genuit alios operum suorum ministros, quos Græci Angelos nominant, & illos vnius, sed repugnantis naturæ, qualis Deorum. Sed pars illa corruptibilis non utique statim corrupta est in ortus sui principio, sed post compositum, ordinatumque Mundum, sicut mox docebimus à substantiæ Cælestis vigore, peruersa voluntate desciiuit. Cæterum in principio partes vniuersi, æqua conditione apud Deum fuere, & idcirco Angeli omnes, quorum principes erant illi duo. Cum autem Deus ex his duobus, alterum bono præposuisset, alterum malo, exorsus est fabricam Mundi, omnibus his, quos creauerat, ministrantibus, & per certa officia dispositis. Exorsus igitur Deus fabricam Mundi, illum primum, & maximum Filium præfecit operi vniuerso, eoque simul & consiliatore vsus est, & artifice in excogitandis, ornandis, perficiendisque rebus: quoniam is & prouidentia, & prudentia, & ratione, & potestate perfectus est: de quo nunc parcius, quod alio loco & virtus, & nomen eius, & ratio enarranda nobis erit.

Sed hanc Lactantij sententiam iamdudum explosam esse, ac reiectam, mirifica Patrum, ac Doctorum Scholasticorum, & Ecclesiæ totius consensione arbitror. Ante Mundum Angelos conditos fuisse dubium est; ut post demonstrabimus. Dato attamen hoc ipsi Lactantio, ac Basilio, pluribusque Patribus: tria deinde inseruit Lactantius, aut non clarius explicata, aut prorsus à veritate aliena. Primum, quod Deus aliquid contulerit Dæmoni, siue Lucifero supra cæteros spiritus, quo ad malum declinaret: Deinde, quod duorum Angelorum ministerio Mundum condiderit; id siquidem inficiantur Scripturæ, ac omnes Patres, & Scholastici cuncti, qui soli Sanctissimæ Trinitati creationis opus adscribunt. Tandem quod ille primus bonus, ac maximus Filius, quem vniuerso operi præfecit, cuius consilio & arte, Mundum fabrefecit, Angelus fuerit (si tamen id intellexit, sicut innuere visus est) Ipse siquidem Verbum est æternum, genitum non factum, consubstantiale Patri, Idæa rerum. Sed hæc assertio, cum ea Platonica, quæ sequitur, Patrum obtestationibus cumulatiùs euertetur.

Sent. 2. dist. 1.

a. Deus Angelis creationem Animantium non demandauit.

Animantium creationem Deum Angelis demandasse quamplurimi censuerunt. Profiliit hæc sententia à Platone: nam Plato in Timæo, Animalium omnium opus à Deo Dijs secundis commissum fuisse tradit. Num autem intellexerit Plato per Deos secundos, Sydera; num Dæmones aëreos in res caducas imperium exercentes; num Angelos, non est perspectum.

CYRILLVS Alexandrinus contra Iulianum libro secundo, inter cæteros Patres disertius Platonis sententiam his enarrat.

Audi igitur & Platonis opificium, quod vniuersorum tribuit opifici. Dij Deorum, inquit, quorum ego opifex, paterque operum, insolubilia erunt, me scilicet volente. Omne quidem quod compactum, hoc & solubile; & quod pulchre coaptatum, beneque habet, potest solui à malo. Idcirco quoniam nati estis, non estis quidem immortales, & insolubiles omnibus modis sanè, neque soluemini, neque habebitis mortis sortes, idque ob eam voluntatem, per quam adhuc maius vinculum, & magis firmum sortiti, quam illa, in quibus quando nascamini, coniuncti estis. Nunc igitur, quod vobis dicens ostendo, discite. Mortalia adhuc genera alia trahunt nondum genita, quibus non factis, Cælum imperfectum erit, neque omnia in se genera animalium habebit: A me autem si hæc fierent, & vitæ participium haberent, Dijs æquarentur. Ut igitur & mortalia sint, & nunc vniuersum reuera vniuersum sit, conuertamini secundum naturam vos ad animalia formanda, imitantes meam virtutem, qua in vestra nativitate vsus sum, & inquantum ipsis immortalibus cognomines esse

esse conuenit, *Dij dicimini; Ducesque etiam vos eorum, qui vos iuste semper volunt sequi, semina & inia ego tradam. Ceterum vos immortali mortale adiungentes, facite animalia, & generate; ciboque dato facite crescere, & corruptibilia iterum accipite.*

Verum enimvero sententiam istam tanquam à veritate maximè aberrantem, quamplures Patrum labefactare, ac prorsus euertere studuerunt.

C Y R I L L V S Alexandrinus, loco iam asserto.

Illis enim, qui omnino non sunt *Dij, animati, vel mentales non dixisse Deum, quod aliquid formare debeant, ostendit nobis ipsius rei natura congruis probationibus utens. Quod enim omnino per se intelligens, vniuersum opifex alijs *Dijs commississet esse laborandum circa trium generum formationem, hoc utique dixisset, vel quod grauetur, vel quod omnino nihil curet nostra: quæ, ut arbitror, à summa omnium substantia, aliena sunt penitus. Etenim si bonus est opifex, quomodo illum vilius rei pigeret? sic enim ipse Plato dicit, Bonus erat, bonoque nullius rei inest inuidia. Dicere autem, quod hoc non fuerit dignatus, nihil aliud esset quam fatum, & indignabundæ superbiæ crimen ei tribuere. Quomodo illis imperare vellet, quæ formare non dignatur? vel quomodo nostris cultibus oblectabitur, si principio nos condere non est dignatus?**

A V G V S T I N V S ipse etiam de Ciuitate Dei, libro duodecimo, capite vigesimoquarto, clarius hanc sententiam Platonis his repudiat.

Illi autem qui Platoni suo credunt, non ab illo summo Deo, qui fabricatus est Mundum, sed ab alijs minoribus, quos quidem ipse creauerit, permissu, siue iussu eius, animalia facta esse cuncta mortalia, in quibus homo præcipuum, *Dijsque ipsi cognationem teneret locum: si superstitione careant, quæ querunt vnde iuste videantur sacra, & sacrificia facere, quasi conditoribus suis, facile carebunt etiam huius opinionis errore. Neque enim fas est vilius naturæ, quamlibet minimæ, mortalisque Creatorem nisi Deum credere, ac dicere etiam ætequam possit intelligi. Angeli autem quos illi Deos libentiùs appellant, etiamsi adhibent, vel iussi, vel permissi operationem suam rebus, quæ gignuntur in Mundo, tamen tam non eos dicimus creatores animalium, quam nec agricolas frugum, atque arborum.*

Et post capite vigesimoquinto eiusdem libri, omnium naturam, & omnium speciem vniuersæ creaturæ, non nisi opere Dei formari, his euincere contendit.

Cum enim alia sit species, quæ adhibetur extrinsecus cuiusque materiæ corporali, sicut operantur homines, figuli, & fabri, atque id genus opifices, qui etiam pingunt, & effingunt formas similes corporibus animalium: alia verò, quæ intrinsecus efficientes causas habet de secreto, & occulto naturæ viuientis, atque intelligentis arbitrio, quæ non solum naturales corporum species, verum etiam ipsas animantium animas, dum non sint, facit: supradicta illa species artificibus quibusque tribuatur: Hæc autem altera non nisi vni artifici Creatori, & conditori Deo, qui Mundum ipsum, & Angelos sine vlllo Mundo, & sine vllis Angelis fecit. Quæ enim vi diuina, & ut ita dicam, effectiua, quæ fieri nescit, sed facere, accepit speciem, cum Mundus fieret, & rotunditas Cæli, & rotunditas Solis: eadem vi diuina, & effectiua, quæ fieri nescit, sed facere, accepit speciem rotunditatis oculi, & rotunditatis pomi, & ceteræ figuræ naturales, quas videntur, in rebus quibusque nascentibus non extrinsecus adhiberi, sed intima Creatoris potentia, qui dixit, Cælum, & Terram ego impleo; & Cuius sapientia attingit à fine vsque ad finem fortiter, & disponit omnia suauiter. Proinde facti primitus Angeli, cuiusmodi ministerium præbuerint Creatori cetera facienti nescio: nec tribuere illis audeo, quod fortè non possunt; nec debeo derogare, quod possunt: Creationem tamen, conditionemque omnium naturarum, quæ fit, ut omnino natura sint, eis quoque fauentibus illi Deo tribuo, cui se etiam ipsi debere, quod sunt, cum gratiarum actione nouerunt. Non solum igitur agricolas non dicimus fructuum quorumque Creatores, cum legamus: Neque qui plantat est aliquid, neque qui rigat, sed qui incrementum dat Deus.

Progrediturque amplius Augustinus similitudine terræ proferentis germina, & fœminæ parturientis puerperium, id ipsum demonstrare, cum non ipsa, sed naturam operari in ipsis dicatur: Et exemplo artificis urbem extruentis, cum non ipse, sed Rex urbis conditor nuncupetur.

P R O S P E R in Sententijs.

Nullius quamuis minimæ naturæ, nisi Deum Creatorem credi, aut dici licet ab aliquo. Quia etiamsi Angeli iussi, vel permissi adhibeant operationem suam rebus, quæ gignuntur in Mundo, tam non sunt creatores animalium, quam nec agricole frugum, atque arborum.

D A M A S C E N V S Orthodoxæ Fidei libro secundo.

Quicumque autem dicunt Angelos conditores esse cuiusque substantiæ, ipsi os Diaboli sunt, eorum quidem Patris. Creaturæ enim, cum sint, non sunt conditores. Omnium verò factor, & prouisor, & contentor Deus est, solus increatus, qui in Patre, & Filio, & Spiritu Sancto hymnis concelebratur, & glorificatur.

T H E O D O R E T V S Quæstione nona in Genesim.

Non præcepit Deus alteri cuiquam creare, sed quæ non sunt, vocat, ita ut hic præceptum sit ipsa voluntas. Omnia enim, ait, quæcunque voluit, Deus fecit.

D. T H O M A S (quem vnicum pro omnibus Scholasticis hac in re adduco)

Hier. 23.
Sap. 8.

1. Cor. 3.

Psal. 113:

Deus.

Anno Mundi
primo.
In Exordio
temporum.
Ante dies.

- a. Creavit Deus, quia Creatio est actio, quæ soli Deo competit.
- b. Non autem aliqua Creatura dispositiue, ut instrumentum, cum nulla possit esse dispositio in ijs quæ fiunt ex nihilo.

co) prima parte, quæstione sexagesima quinta, articulo tertio, hanc deducit argumentationem.

Considerandum est, quod quanto aliqua causa est superior, tanto ad plura se extendit in causando. Semper autem id, quod subternitur in rebus, inuenitur communius, quam id quod informat, & restringit ipsum; sicut esse, quam viuere; & viuere, quam intelligere; & materia, quam forma. Quanto ergo aliquid est magis substratum, tanto à superiori causa directe procedit. Id ergo quod est primo substratum in omnibus, proprie pertinet ad causalitatem supremæ causæ. Nulla igitur secunda causa potest aliquid producere, non præsupposito in re producta aliquo, quod causatur à superiori causa. Creatio autem, est productio alicuius rei secundum suam totam substantiam, nullo præsupposito, quod sit vel increatum, vel ab aliquo creatum; unde relinquitur, quod nihil potest aliquid creare, nisi solus Deus, qui est prima causa; & ideo, ut Moyses ostenderet corpora omnia immediate à Deo creata, dixit; In principio creavit Deus Cælum, & Terram.

Verum adeò exploratum, comprobatumque est istud axioma, tum apud Patres vetustissimos, tum apud Scholasticos omnes eruditissimos, & ab Ecclesia definitum, axiomam inquam hoc, Deum, absque Angelorum, creaturarumve qualiumcunque ministerio, seu ope, Mundum, & quæcunque in Mundo sunt etiam exigua, confluxisse, ut non sit, cur amplius mentem fatigemus, & calamus comprimamus. An autem Deus Angelicæ, vel alteri creaturæ istam creandi facultatem impertitus sit, vel ipsarum ministerio usus fuerit, ex Scholasticorum doctrina inferius demonstrabitur.

a. Creatio est actio solius Dei.

Creatio quippe est actio solius Dei; nam vniuersalissimum effectum nullus potest producere, nisi vniuersalissima causa.

D. THOMAS prima parte, quæst. quadragesima quinta, art. quinto. Create non potest esse propria actio, nisi solius Dei: oportet enim vniuersaliores effectus in vniuersaliores, & priores causas reducere. Inter omnes autem effectus, vniuersalissimum est ipsum esse: Vnde oportet, quod sit proprius effectus primæ & vniuersalissimæ causæ, quæ est Deus. Vnde etiam dictum est libro de causis, quod neque intelligentia, vel anima nobilis dat esse, nisi in quantum operatur operatione diuina. Producere autem esse absolute, non in quantum est hoc, ut tale pertinet ad rationem creationis; unde manifestum est, quod creatio est propria actio ipsius Dei.

Proficiscitur inde D. Thomas demonstrare, non posse, Deum hanc actionem creaturæ communicare, seu quod nulla creatura, virtute Dei creare queat; contra Auicennam, qui primam substantiam separatam, alteram creare, illamque efficere substantiam orbis, & animam eius: orbis denique substantiam, materiem horum inferiorum creare asseruerat: Et contra Magistrum, qui quarto Sententiarum distinctione quinta, asseruerat posse Deum creaturæ conferre, ut ministerio saltem, si non propria auctoritate creare ualeat. Demonstrat autem id rationibus & causis nunc adducendis & subinferendis.

b. Nulla creatura dispositiue, ut instrumentum, creare potuit.

Deus, & non aliqua creatura, Dei virtute creare potest, quoniam superflua esset, si aliquid non adijceret, quod à se prodiret, nil autem addere potuit dispositiue, ut instrumentum; quia nulla præcurrit dispositio in ijs, quæ fiunt ex nihilo.

D. THOMAS loco asserto.

Causa secunda instrumentalis non participat actionem causæ superioris, nisi in quantum per aliquid sibi proprium dispositiue operatur ad effectum principalis agentis. Si igitur nihil ibi ageret secundum illud, quod est sibi proprium, frustra adhiberetur ad agendum. Nec oporteret esse determinata instrumenta determinatarum

Anno Mundi
primo.
In exordio
temporum.
Ante dies .

Deus.

- a. Quia nulla creatura potentia infinita est prædita, quæ in Mundi effectione necessario exposcebatur.

tarum actionum : Sic enim videmus, quod securis scindendo lignum, quod habet ex proprietate sua forme, producit scammæ formam, quod est effectus proprius principalis agentis. Illud autem quod est proprius effectus Dei creantis, est illud, quod præsupponitur omnibus alijs, scilicet, esse absolute. Vnde non potest aliud operari dispositiue, & instrumentaliter ad hunc effectum, cum creatio non sit ex aliquo præsupposito, quod possit disponi per actionem instrumentalis agentis. Sic igitur impossibile est, quod alicui creaturæ conueniat creare neque virtute propria, neque instrumentaliter, siue per ministerium.

- a. Nulla creatura, vt finita, Mundum efficere potuit.

Deus, & non aliqua creatura, Dei etiam virtute, creare potuit; quia nulla potentiam habet infinitam, sicut nec esse infinitum: & producere ex nihilo, potentiam supponit infinitam.

D. T H O M A S loco asserto, ad tertium.

Quamuis creare aliquem effectum finitum non demonstrat potentiam infinitam, tamen creare ipsam ex nihilo, demonstrat potentiam infinitam. Quod ex prædictis patet; si enim tanto maior virtus requiritur in agente, quanto potentia est magis remota ab actu, oportet, quod virtus agentis ex nulla præsupposita potentia, quale agens est creans, sit infinita: quia nulla proportio est nullius potentie ad aliquam potentiam, quam præsupponit virtus agentis naturalis, sicut non entis ad ens. Et quia nulla creatura habet simpliciter potentiam infinitam, sicut neque esse infinitum; vt supra probatum est; relinquatur, quod nulla creatura possit creare.

A U C T O R.

Creaturæ, an
Dei virtute
creare possint.

Creationis re-
rum varia ge-
nera.

Non ignoro maximam esse controuersiam inter Scholasticos, cum alij Magistrum sequantur, alij D. Thomam. Durandus enim secundo Sent. dist. prima, quæst. quarta, in Magistri sententiam proficiscitur; quinimmo & D. Thomas secundo Sent. dist. prima, quæst. prima. Et quarto, dist. quinta, quæst. prima, art. tertio: & quæstiuncula tertia Magistri sententiam approbat, quamuis hoc loco, & in quæst. de Potentia, oppositam assertionem habeat. Quapropter pro tantorum Doctorum reconciliatione, animaduertendum esse existimo, quod alia creantur nulla præsupposita materia, nec ex qua, nec in qua, vt in Scholis aiunt, vt Angeli, & Chaos prima sua profilitione producti sunt; & pro horum creatione nulla secunda causa operari potest dispositiue: Alia verò creantur non ex materia ex qua, sed ex materia in qua, vt anima rationalis: qua in effectione potest præcedere dispositio; anima siquidem non infunditur nisi in corpore organato: Alia tandem sunt, quæ creantur ex materia ex qua; vel, vt melius dicam, compinguntur; vt aues, & pisces ex aqua, animantia ex terra effecta dicuntur; quo in genere creationis, dispositionem etiam præire posse non est ambigendum. Si igitur respiciamus earum rerum creationem, quæ ex materia in qua, vel ex qua producuntur, quemadmodum dispositio præsupponi potest, ita & creaturam aliquam, Dei virtute, vt ministram, vel instrumentum, creare posse non est negandum cum Magistro. Ac in prima rerum effectione, in qua, quæ facta sunt, prodire ex nihilo, & non ex aliqua materia, siue in qua, siue ex qua, nulla certè creatura neque spiritualis, neque corporalis, neque dispositiue, neque instrumentaliter aliquid potuit operari, vt bene sensit D. Thomas. Sed hæc Scholis relinquamus.

Cœlum, & Terram.

Anno Mundi
primo.
In exordio
temporum.
Ante dies.

- a. Samaim verti poterat Cœlos, & Cœlum.
b. Et significat corpora quæque admiratione digna.

Cœlum, & Terram.

Hebraicus textus legit, Hêt Hafamaim, vehet haarez.
Chaldaica editio ita quoque legit. Græca, τὸν οὐρανὸν καὶ τὴν γῆν.
Vulgata nostra, Cœlum, & Terram. Pagninus, & alij ab his non discedunt, nec
Rabbini in obseruationibus Hebraicis.

a. Samaim verti poterat Cœlos.

CAIETANVS Commentarijs in Genesim.
Quia apud Hebræos, Cœlorum nomen caret singulari numero, ideo interpretes transtulit Cœlum: poterat ta-
men ad verbum transferri Cœlos, quoniam materia, de qua est sermo, non cogit ad interpretandum de vno Cœlo.

a. Sed melius dictum est Cœlum.

LVSITANVS econtra in Genesim.
Duo hic admonebo: Alterum dictionem Samaim, idest Cœlum, non inueniri in singulari in sacris literis: Psal. 113.
quare verti posset; In principio creauit Deus Cœlos. Psalmo enim habetur; Cœlum Cœli, aut Cœlum Cœlum
Domino, idest, duo Cœli: quia tamen hoc capite vnius Cœli sub extensionis nomine mentio fit, potius hic Cœ-
lum, quàm Cœlos vertendum putarem.

LIPPOMANVS inquit.
Samaim reperitur solum in numero plurali; sed ponitur aliquando pro singulari, vt hoc loco; & aliquando
pro plurali, vt eò loco. Audite Cœli, quæ loquor. Deuter. 32.

A V C T O R.

Disputandum non est, Samaim maioris esse numeri, cùm hoc clarissimum sit apud
omnes eruditionis Hebraicæ non ignaros; nec etiam, quòd poni possit pro singulari,
quia id obseruatum videmus in pluribus Sacrae Scripturae locis. Ex significatione igitur,
quam habere potest hoc loco, num Cœlos, vel Cœlum sit dicendum, excipere debe-
mus. Caietanus, & cum eo D. Thomas, & Scholastici, qui per Cœlum, hoc loco Cœle-
stia corpora capiunt, Cœlos legendum esse libenter diiudicabunt. Cæterum prisca Pa-
tres, quorū alij Cœli nomine Empyreum, alij supremum Orbem significari autumant,
Cœlum in singulari vertendum esse diffinient. Verum non discederem ego ab editio-
ne Chaldaica, Græca, & Vulgata nostra, quibus tantam adscriberem auctoritatem, vt
hoc loco non Cœlestia corpora, sed vel Empyrei, vel supremi Cœli narrari effectiōnem
iudicaret: quia Chaldæi, Septuaginta, & Hieronymus; Samaim, Cœlum, & non Cœ-
los, interpretati sunt.

b. Samaim, idest, corpora admiratione, & stupore digna.

LVSITANVS loco asserto.
De significatione verò nominis Samaim, licet variè sentiant Hebræi: putant tamen qui rectius sentiunt,
à Samam deriuari potius, quàm à Sem, quod est nomen. Significat autem Samam præter alia, admirari, obstu-
pescere: vt patet in Isaia: Quemadmodum, Samemū, idest obstupuerunt super te multi; quòd Cœlum sit cor-
pus stupore, & admiratione dictum. Et secundum hoc, sensus esset; Creauit Deus Cœlos, idest corpora ad-
miratione, & stupore digna. Isa. 53.

Sine

Anno Mundi
primo.
In Exordio
temporum.
Ante dies.

Samaim Haarez: Coelum, & Terram.

- a. Hoc est corpora nominatissima, & famosissima.
- b. Ponitur He, ante Samaim, & Eres, ut significatum insignem reddat.
- c. Samaim, idest, ibi aqua.
- d. Eres, significat Terram tum habitabilem, tum inhabitabilem, si radix eius est Eres.
- e. Vel Terram siccam, seu fluidam, si radix eius est Rus.

a. Siue corpora nominatissima, & famosissima.

LVSITANVS eodem loco.

Gen. 6.

Si verò radix sit, Sem, idest nomen, tunc Caeli dicentur Samaim, quod sint corpora nominatissima, & famosissima. Vocat enim Hebraismus viros celebres, viros nominis, seu nominatos. Hi sunt potentes à seculo viri nominis: quod noster vertit viri famosi.

b. Ponitur He ante Samaim, & Eres, ut significatum insignem reddat.

LVSITANVS loco præcitato.

Alterum, quod te admonere vellem, est, quod nomini Samaim in Hebræo adiungitur He, litera notificativa, quæ cum nomini iungitur, significatum eius insignem reddit. Nam si dicas Nabi, idest Propheta, vulgarem significabis. Si verò præponas He, dicendo Hanabi, iam insignem designabis. Nam sensus est; Prophetæ ille, scilicet insignis. Si ergo hic discrimen hoc obserues, iam interpretaberis; In principio creauit Deus Caelos illos insignes, ac celebratos. Quæ quidem litera He, etiam additur sequenti dictioni, scilicet Eres, idest Terram, ut sit Haares, ut vertere liceat: & Terram illam; scilicet insignem magnitudine, & pulchritudine.

c. Samaim, idest, ibi Aqua.

LIPPOMANVS in Catena.

Samaim, nomen est compositum secundum Hebræos, à positione Caeli, & aquis. Vnde & Cælum Chrysalinum veteres nominarunt ex aquis compactum, quod vsu vulgi, dum depluunt pluuie, chrysalinum illud seorsum liquefieri videtur.

Verum, quid sit iudicandum de his significationibus, in expositione clausulæ illius; Et vocauit firmamentum Cælum, exactius habebimus.

d. Eres, significat terram habitabilem, & inhabitabilem.

LVSITANVS vt supra.

Est etiam aduertendum nomen Eres, idest terra: quod hic ponitur, significare propriè apud Hebræos terram, tam habitabilem, quam inhabitabilem, & in hoc differre à Tebel, idest, Orbis: Nam hoc Orbem habitabilem significat.

e. Vel Terram siccam, seu fluidam, ut est arena.

LVSITANVS vt supra.

Sunt tamen inter Hebræos, qui putant literam Aleph in nomine Eres, esse addititiā, & non radicalem; & radicem nominis Eres, esse Rus, quod est currere; vt Eres, significet terram siccam, seu fluidam, qualis est arena; quorum sententiam textus ipse iuuare videtur, qui hoc eodem capite dicit appellasse Deum aridam, idest exiccatam partem terræ, terram: eam verò, quæ sub aquis erat, vocasse maria. Puto tamen, Eres esse per se radicem.

Quicquid sit de harum significationum diuersitate, hoc vnum ignorare non debemus, hoc loco terræ nomine explicari terræ elementum, vt aquis subiacebat, siue cœnosam, lutosamque superficiem gereret, siue fluidam, & certè inhabitabilem, & eius fortè generis, cuius est nunc solum in profundo pelagorum, lacuum, & fluminum.

Terra

Coelum, & Terram.

Anno Mundi
primo.
In exordio
temporum.
Ante dies.

a. Cæli, & Terræ nomine, totius Mundi opificium summamim proponitur, nec aliquid effectum narratur.

TERRA, & Cœlum hæc duo nomina, quid hoc loco significant, cum interpretari cogor, in Labyrinthum Cretensem certè me raptum video. Locus enim hic multiplices, diuersas, atque aduersas habet interpretationes apud Patres: diuersas, inquam, adeoque repugnantes, ut quæ uera sit, atque genuina, diiudicare non audeam. Sed fune ordinis mihi præscripti non omisso, per hunc labyrinthum minimè vagari studebo; eo maximè, quòd ex huius loci clara, & vera interpretatione, omnem Mosis narrationem, claritatem, & ordinem suscipere non ignorem. Verbis enim his Chaos quoddam certè nobis exponitur, cuius distinctionem, & ornatum haud assequemur, nisi prius distinctè, & clarè quid ipsum fuerit, cognoscamus.

a. Cæli, et Terræ uocibus, non quid peculiare à Deo effectum significatur, sed summamim totius Mundi opificium proponitur.

Prima ea se nobis offert sententia, quæ hoc loco Mosè argumento uti, hisque uerbis strictim, ac summamim totum opus diuinum, quod post dierum spatio successiue faciendum erat, quasi argumento proponi contendit: ea serie, qua posset aliquis dicere. Salomon Rex ille pacis, qui magnificatus est yehementer, amplissimum condidit Templum: Deinde prosequeretur Templi structuram sic enarrare: Primo ex ingentibus saxis, ipsisque expolitissimis iecit fundamentum, postea parietes marmoreos extulit: Paritione ista, Mundi omne opificium, Cæli, ac Terræ nomine complecti asserunt; quoniã Cæli nomine, cœlestia omnia, & Terræ uoce, terrestria, seu elementata (quæ in processu sex dierum producenda erant) cumulatè comprehenduntur.

AUGUSTINVS inter plures, quas habet huius loci interpretationes, hanc non omisit, secundo de Genesi contra Manichæos, capite tertio.
Vel certè prius totam creaturam Cæli & Terræ nomine proposuerat dicendo; In principio fecit Deus Cælum, & Terram & postea particulatim per ordinem dierum, sicut oportebat, propter prophetiam, quam in primo libro commemorauimus, Dei opera exequutus, exponit.

Et duodecimo Confessionum, capite decimo septimo.
Quid est illud? nomine, aiunt, Cæli & Terræ, totum istum visibilem Mundum prius uniuersaliter, & breuiter significare uoluit, ut postea digereret dierum enumeratione, quasi articulatim uniuersa, quæ Sancto Spiritui placuit sic enunciare: tales quippe homines erant rudis ille atque carnalis populus, cui loquebatur, ut eis opera Dei non nisi sola uisibilia commendanda iudicaret.

CYRILLVS Alexandrinus contra Iulianum libro secundo.
Igitur, quando Moses dicit; In principio fecit Deus Cælum, & Terram: intellige, quòd complexim quiddam, & quasi in parua tabula omnia comprehendens, totius naturæ enarret natiuitatem. Deinde procedit pulchrè ad dicendum, quomodo ornatus, ac dispositus sit Mundus, & quomodo singule creaturæ suam pulchritudinem sortite sint, nempe, uerbo potentissimo ipsum omnia condidisse inquit.

D. THOMAS prima parte, quæstione sexagesima octaua, articulo tertio.
Dicendum, quòd secundum Chrysostomum, primò Moyses summarè dixit, quid Deus fecit præmittens; In principio creauit Deus Cælum, & Terram; postea per partes explicauit: sicut si quis dicat; Hic artifex fecit domum

domum istam; & postea subdat; Primò fecit fundamenta, deinde erexit parietes, tertio superposuit tectum.

S T E V C H V S in Cosmopœia hanc sententiam & ipse sequi visus est.

Proponit totum opus ante oculos, ut auctorem Mundi ostendat, quidquid oculis aspiciamus à Deo quondam docens creatum, ac constitutum; ut si cui peregrino, primùm Roman contemplanti, obuius quis diceret; Hæc vrbs, quam cernis, à Romulo condita est: Deinde assumens totam conditionem, eamque per partes suis distribuens, ostenderet singula.

P A V L V S Burgenfis additione prima, interpretationem hanc Chrysostomo adscribit, & ipse eam prolixiori oratione prosequitur; contenditque Cœli nomine non Empyreum, seu Orbem supremum, seu Sydereum solum, seu Planetarum orbes; sed simul omnia Cœlestia significari; & Terræ nomine non aridā, seu elementum Terræ, sed totam substantiam generabilium, & corruptibilium notificari.

In primis igitur, quoddā summarium totius Diuinæ operationis, seu creationis, in toto spatio sex dierum contentū, Moyses videtur proponere, cum dicit; In principio creauit Deus Cælum & Terram: In his enim verbis secundum Chrysostomum, præmittitur summarie, & compendiosè totum opus diuinum, circa creationem, distinctionem, & ornatum Mundi in omnibus sex diebus primis successiue factum: sicut si quis dicat, talis artifex ædificauit hanc domum: & postea subdatur; Primò iecit fundamenta, secundò erexit parietes, & tertio superposuit tectum, & huiusmodi: secundum quam expositionem, cum dicitur Deum creasse Cælum, & Terram, intelliguntur omnia cœlestia, & terrena esse à Deo creata, quæ in processu sex dierum fuerunt creata, seu præducta; & hoc videtur sentire Basilius in Hexæmeron, qui super hoc verbum Creauit Cælum, & Terram, sic dicit; Ex duobus autem quæ extrema sunt totius existentiam enigmaticè significat, & sic non oportet per Cælum in hoc loco intelligi Empyreum tantum, vel Sydereum, seu firmamentum, & huiusmodi; sed simul omnia Cœlestia in hoc intelligenda sunt: similiter per Terram in hoc loco non solum intelligenda est arida, seu elementum Terræ, sed tota substantia generabilium, & corruptibilium, tam elementorum, quam mixtorum in prædictis sex diebus à Deo productorum.

Contendit amplius hunc esse tropum Scripturarum, ut Cœli, & Terræ nomine, totum Vniuersum denotetur: sicut est illud; In die qua fecit Deus Cælum & Terrā: Et illud; Sex diebus fecit Deus Cælum, & Terram: item & illud; Nunquid non Cælum, & Terram ego impleo? & similia. Et doctrina Apostolica; Credo in Deum Creatorem Cœli, & Terræ; quibus omnibus locis integritatem Vniuersi nomine Cœli & Terræ significari constat; adeò, ut superfluum sit inuestigare, de quo Cœlo, & de qua Terra Moyses nunc loquatur; seu cuius Cœli, siue elementi, effectio tradatur; cum hic omnia sint comprehensa.

A V C T O R.

Sed aduersus hanc interpretationem euidentes emergunt difficultates. Primùm si hoc loco totum opus creationis summarie proponitur, nec quid describitur tunc verè fuisse conditum; vndenam Moyses exordium auspicatur suæ historicæ enarrationis, qua cunctarum dicti Vniuersi partium emolitionem singulatim tradit? Si ab opere primæ diei; quid est illud, quod describit, cum ait; Terra autem erat inanis & vacua, si aliud fuisse creatum ante primum diem, non adhuc dictum est? Quæ Terra inanis & vacua? quæ tenebræ? quæ facies abyssi? quæ aquæ? qui spiritus Domini delatus super aquas esse poterat? Certè omnis historia Moysis, quæ dilucida à nitido manat fonte, obsecratur, ac Lectoribus, ut Camelis aqua, perturbatur. Quod si historica narratio nonne ineptum est putare, id describere Moysen, quod effectum fuisse ante, non narrauerit? Deinde hæc copulatiua, Autem, quid copulat? quid connectit? Certè si id describitur, quod non recensuit effectum, adiecta copula, Autem, Moysis historia, & manca censetur, quia Chaos genesis non narrarit, & incongrua, quod per copulatiuā, Autem, describere incipiat id Chaos, cuius primùm genituram non recensuerit. Verùm Chrysostomi, & Cyrilli assertio rectius interpretari potest, si dicamus æstimasse eos, verba illa, Creauit Deus Cælum & Terram, summam esse rerum in primordiis temporum à Deo productarum confuse, quasi in Chaos elementis commiscelato; sequenti quæ enarratione, Terra autem erat inanis & vacua, Chaos informe describi, ut inde per sex dies formationis modus postea enarretur. Augustinum verò sub hæsitacione illud dixisse, perspicuum est, & quod non huic sententiæ acquiescat, ut infra conspiciemus. Verùm Steuchus quomodo Syrtim hanc elabi possit, non video. Ipse enim Mundum delapsu tempo-

Gen. 2.
Exod. 31.
Hier. 23.

Cœli & Terræ nomine non summarie Creationis opus traditur.
Gen. 1.

Coelum, & Terram.

a. Ideſt, Ideas Cœli & Terræ.

Anno Mundi
primo.
In exordio
temporum.
Ante dies.

temporum conditum credit, ac primò Chaos quoddam ex aquis & terra præextaſſe voluit; ita vt prima die ex eo Deus Cœlum, ac Solem eduxerit; ſecunda verò Solis ardore aërem; tertia eiufdem Solis virtute, abſumptis aquis, maria coëgerit, & terram denu-
darit. Nam vel huius ab ipſo conficti Chaos emolitionem ſuppreſſit Moſes, vel non: ſi
ſuppreſſit, nōne redarguēdus eſt, quia dū Mundi geneſim coaceruat, Chaos illud, quòd
primum profiliit, & ex quo ſeiunctus, venuſtatusq; eſt Mundus, prætermiſerit? Deinde
nonne potius de diſtinctione Mundi cenſenda eſſet hæc hiſtoria, quam de creatione? Ac
tertio, nonne Philoſophorum, Ethnicorūq; ſententiam, qui materiam ingentam ante
conſtituiſſe autumant, approbare videbitur?

STEVENVS autem inquit.

Chaos Geneſim enarrat Moſes, cū ait; Terra autem erat inanis, & vacua. Hoc principium deſcriptionis,
hinc fieri quondam Mundus à Deo, à Moſe poſtea cœpit deſcribi, re à Deo, ſermone creatus à Moſe. Terram
dicit id, quod poſtea terra vocatum eſt, explicatq; quo hæc creata ſit modo. Duas habuit terra creationes à
Deo, easq; ambas à Theologis commemoratas. Prima cū vnà cū aquis eſt effecta vna verū ſylua, vna con-
geries homeomeriaque: hanc innuit, cū ait; In principio creauit Deus Cœlum, & Terram. Secunda creatio ter-
tia die fuit, cū ab aquis eſt ſegregata.

Sed num hæc ſit ſtructuræ Chaos narratio, num eius ſpeciei, ſiue formæ deſcriptio,
diudicent ipſi ingenui lectores. Burgenſi quidē aſſentio Cœli & Terræ nomine intel-
ligi poſſe totum Vniuerſum, ex eò quòd tanquam extrema ipſum comprehendant, vt
dixere Baſilius, Ambroſius, Nyſſenus, & alij. Sed inſiſto, & aſſero Vniuerſi creationem,
vt in Chaos manauit, hic tradi non ſummariè, veluti poſt per partes enarrandam, ſed vt
effectam actu proponi, quod euincunt iam adductæ argumentationes: Nec video, da-
to, quòd compendio totum opus diuinum deſcriptum præmittatur, vt poſt ſecundum
ſingulas partes explicetur; cur tunc de quauis Vniuerſi parte, num eius conditio ſingu-
lariter tradatur, & qua ſerie, & loco, inueſtigare non poſſimus. Quòd autem Chryſoſto-
mus nuncupat huius ſententiæ aſſertorem, fateor certè me locū non comperiſſe: ar-
bitror attamen id ex eius doctrina elici poſſe: ſiquidem cū Angeli mentionem pror-
fus oblitteratam fuiſſe diſſiniat, Empyreum nunquam commemorarit, vt infra in quæ-
ſtionibus de Angelorum, & Empyreii geneſi deducemus; Cœlum verò eſſe vnum au-
tūmet, idq; ſecundo die compactum: ſuper eſt, vt Cœli, ac Terræ nomine, hoc loco
nil aliud præter ſummam totius operis creationis, ſeu cœleſtia, terreſtriaq; omnia in-
telligere potuerit. D. Thomas parte prima, quæſtione ſexageſima octaua, articulo pri-
mo, idipſum Chryſoſtomo adſcribit, vt retulimus.

a. Ideas Cœli, & Terræ.

IUSTINVS, Platonem fuiſſe huius ſententiæ primum aſſertorem, in
Admonitorio adnotauit, cū ipſum Idæarum doctrinam à Moſe ſumpſiſſe, hæc q; no-
mina Cœli, & Terræ, ad Ideas ipſas retuliſſe hiſ ſcribit.

Qui Plato poſt Deum, atque materiam, tertij ponendi principij, quod ſpeciem dixit, non aliunde quàm à Mo-
ſe ſumpſiſſe occaſionem videtur. Nanque ſpeciei nomen ex Moſis verbis percepit; minimè tamen edoctus
ab hiſ, qui nouerant; nihil enim eorum, quæ à Moſe dicta ſunt, abſque ſpeculatione myſtica clarè cognosce-
re poteſt. Scripſerat nimirum Moſes, veluti ex perſona Dei ad ſe, de Tabernaculo loquentis; Sic autem
facias mihi ſecundum omnia, quæ in Monte monſtrauero, exemplar Tabernaculi: atque iterum; Et conſtitues
Tabernaculum ſecundum exemplar omnium partium eius. Et Poſt. Sic igitur facies ſecundum formam
tibi in Monte monſtratam. In hæc igitur incidens Plato, & non ea, qua decebat contemplatione ſuſcipiens, au-
tumauit.

Exod. 25.
Exod. 26.

Anno Mundi
primo.
In exordio
temporum.
Ante dies.

Coelum, et Terram.

- a. Idēſt, Naturam inuiſibilem, & viſibilem.
b. Seu, Intelligibilem ſubſtantiam, & ſenſilem.
c. Vel, Spiritualem creaturam, & corporalem.

Pfal. 113.

tumavit speciem separabile quiddam esse, & rei sensibili præexistere; quod & rerum, quæ sunt, exemplar sapius appellavit. Quoniam verò de Tabernaculo Moïsis hoc litera significat, secundum speciem, quæ ostendit tibi est in monte, sic illud efficies, & in terra, item in Cælo, & in homine, ludificatus videtur Plato, ut horum scilicet idæas esse putaverit. Nanque uti scripserat Moïses; In principio creavit Deus Cælum, & Terram, & deinde subdiderat; Terra autem erat inanis, & vacua, idest inuisibilis, & incomposita: existimavit hanc de qua loquitur, Terra autem erat, præexistentem Terram dictam fuisse: quandoquidem ita disseruit; Terra autem erat inuisibilis, & incomposita. Illa autem de qua scriptum est; Fecit Deus Cælum, & Terram; arbitratus est ipsam illum dicere terram, quæ à Deo, iuxta præexistentem speciem, condita fuisset. Pari pacto, & de condito Cælo putavit. Id nanque quod creatum fuit, cuique firmamenti nomen inditum est, sensibile factum opinatus est. Aliud autem esse intelligibile, de quo Propheta dicat, Cælum Cæli Domino, Terram autem dedit filijs hominum. Et ad hunc pariter modum arbitratur Plato de homine, cuius primo meminit Moïses.

P H I L O de Mundi opificio tam ea, quæ ante diem primæum, quam ea quæ primo die condita scribit Moses, ad Mundum Idæalem refert; Cœli, Terræque nomine idæas Cœli, & Terræ his interpretatur.

Itaque ante omnia conditor fecit, in Mundo intelligibili Cælum incorporeum, & Terram inuisibilem, & aëris id.eam, & vacui. Hunc vocauit tenebras, vtpote atrum naturaliter; vacuum verò abyssum, profundissimum enim est, & dehiscit patentissime. Deinceps fecit aquæ incorpoream essentiam, itemque spiritus, denique postremam lucis septimam, æque incorpoream, & exemplar Solis intelligibile, omniumque stellarum, quæ Celo lucem erant illaturæ dignatus privilegio lucem, & spiritum.

Verum Platonica hæc interpretatio, uti in aëre appensa, mox ex seipsa ruit. Primum namque idæas non separatas, ut autumavit Plato, sed in diuina mente insitas consistere, nec in tempore, ut visus est Philo censuisse, sed ab æterno manasse, vera Theologia edocet. Deinde procul abest, ut Moses historici munere fungens, rudibus Hebræis Mundum intelligibilem, atque idæas vix à perspicacibus ingenijs comprehensas proposuerit, obieceritque, ac vna eademque historiæ serie ab intelligibilibus, ad corporeas transferat.

- a. Naturam inuisibilem, & visibilem.

A V G V S T I N V S de Genesi imperfecto, capite tertio.

AUGUSTINVS de Genesi imperfecto, capite tertio.
An Cælum omnis creatura sublimis, atque inuisibilis dicta est, Terra verò omne visibile, vt etiam sic possit hoc, quod dictum est; In principio fecit Deus Cælum, & Terram, vniuersa creatura intelligi? Fortasse quippe non incongruè in comparatione inuisibilis creature, omne visibile terra dicitur, vt illa Cæli nomine nuncupetur. Quoniam & anima, que inuisibilis est, cum rerum visibilium amore tumesceret, & earum adceptione extolleretur, Terra dicta est; sicut scriptum est; Quid superbis Terra, & cinis?

- b. *Intelligibilem substantiam, & sensilem.*

AMBROSIVS libro secundo de Abraham, capite octauo exp.

Qui fecit Cælum, & Terram, hoc est, intelligibilem, & visibilem substantiam: intelligibilis enim
Cælum: & visibilis, vel sensibilis substantia, Terra est.

- c. Spiritualem creaturam, et corporalem.

A V G V S T I N V S de Genesi ad literam, libro primo, cap. primo,

Et quid significetur nomine Celi, & Terræ, vtrum spiritualis, corporalisque creatura Celi, & Ter-
rabulum acceperit.

A N S E L M V S Laudunensis in glossa interlineari.

Idest spiritualement, & corporalem creaturam.

ANA-

Anno Mundi
primo.
In exordio
temporum.
Ante dies.

Coelum, & Terram.

- a. Hoc est, Creaturam superiorem, & inferiorem.
b. Aut, Continens, & Contentum.

A N A S T A S I V S Synaita Commentarijs Hexameron libro primo expressius eadem habet.

Sic enim dicit; In principio fecit Deus Cælum, & Terram. Cælum quidem simul comprehendendo nominat omnes celestes, & intelligentes, sanctorum virtutum, & intelligentis Mundi constitutiones, ut intelligas supernum Mundum prius fuisse fabricatum, congruenter voci Theologi, quæ dicit: Primum quidem mente cogitavit Angelicas virtutes, & Celestes; & cogitatio opus fuit: Nunc autem rursus hunc Mundum sensibilem, & qui cernitur, simul complexus, cum ipso Cælo, etiam omnia, quæ super Terram cum homine facta sunt, & sunt, res inquam, animatas & inanimas. Nam cum dixit; In principio fecit Deus Cælum, sustulit mentem tuam ad creationem superni ordinis. Deinde cum subiunxit, Et terram; dimisit mentem tuam ad posituram inferni adimplementi, cuius universam exhibuit comprehensionem à parte, nempe à terra; docens te non solum nosse terram, sed etiam Cælum, quod eam ambit, ac continet: Synecdochicè veluti quodam termino complexus, per duas dictiones opificium, & creationem Mundi, qui aspicitur; & Mundi, qui intelligitur, quem in principio fecit Deus: in principio inquam, paterno, nempe ratione, seu Verbo: In ipso enim, & per ipsum omnia facta sunt.

- a. Idest, universam creaturam superiorem, & inferiorem.

A V G V S T I N V S de Genesi imperfecto, capite tertio.

Potest enim Cælum, & Terra pro universa Creatura positum videri, ut & hoc visibile, æthereum firmamentum, Cælum appellatum sit, & illa creatura invisibilis supereminentium potestatum, rursusque Terræ omnis, inferior pars Mundi cum animalibus, quibus inhabitatur.

P E T R V S Riga Remensis, quem Sixtus Senensis in sua Bibliotheca circa annum Domini Millesimum centesimum septuagesimum floruisse tradit, in libro nuncupato Aurora.

Accipe cum Cælo Cælestia quæque creari,
Æthereas species, Angelicumque decus;
Materiam, de qua terrestria singula surgunt,
Terra tulit secum, quando creata fuit.

Comperitur liber hic manuscriptus in Bibliotheca illa nostra Cœnobij Sancti Ioannis in Viridario, quam Bernardinus Scardeonius, libello de Rebus Patavinis mirificè commendat.

- b. Continens, et contentum; hoc est Cælum cum Angelis, Mundum ex elementis constantem.

P E T R V S Comestor in principio Historiæ Genesim, inquit.

In principio creavit Deus Cælum, & Terram, idest continens, & contentum; idest Cælum supernum, & Angelicam naturam: Terram verò materiam omnium corporum; idest quatuor elementa, idest Mundum sensibilem ex his constantem.

Hæ duæ interpretationes, quanquam diuersæ in modo explicationis, id ipsum attamen dicunt: differunt autem à supradictis tribus, quia illæ Cœli, & Terræ nomine, spirituales creaturam tantum, & corporalem, significari arbitrabantur; adeò ut Cælum tantum spirituale denotaret, Terra autem solum corporalem: hæ verò per Cælum, intelligant quid aggregatum ex spirituali, & corporali, scilicet Angelum, & Cælum, & per Terram, non omnem corpoream essentiam capiant, sed elementarem tantum.

Cæterum quinque supradictæ interpretationes, in unum ferè proficiscuntur.

Idest

AnnoMundi
primo.
In exordio
temporum.
Ante dies.

Cœlum, & Terram.

- a. Idest, Cœlestem supernam, & Elementarem infernam naturam, hoc est Corpora Cœlestia & Elementa,
- b. Vel, informem illam Materiam, ex qua formari poterant Cœlum & Terra.

a. Idest Cœlestem naturam supernam, & elementarem infernam.

AUGUSTINVS de Genesi ad literam, libro primo, capite primo, inquit.

Antantummodo corporalis, vt in hoc libro de spiritali tacuisse intelligatur; atque ita dixisse Cœlum, & Terram, vt omnem creaturam corpoream superiorem, atque inferiorem significare voluerit.

Et libro Quæstionum ex vtroque Testamento, quæstione centesima sexta.

Arbitramur, quia Moyses, vt omnem errorem inferioris creaturæ auferret, & impensarum facti Mundi in principio substantias ipsas, ex quibus Mundus constat, factas esse significauit: quia si hoc tacuisset, æternæ fortè putarentur esse substantiæ Deo iugabiles æstimate: vt qui huius rei testimonium recipit, ambigere non possit factum esse Mundum, quando substantias, quæ ad impensas Mundi profecerunt, initio subiectas faceret. Igitur in principio fecit Deus Cœlum, & Terram, idest supernam, & infernam substantiam. Superna est, qua constat Cœlum: inferna autem concretio est quædam sæculenta, quæ profecit in aridam, quæ dicitur terra, & tenebras.

ATHANASIUS libro de Incarnatione Verbi Dei.

Sub appellatione autem Cœli, & Terre, omnia quæ in Cœlo, & in Terra genita sunt, complexa voluit.

COMESTOR in Historia Scholastica, capite primo.

Quidam Cœlum superiores partes Mundi sensibilis intelligunt; terram inferiores, & palpabiles.

GLOSSA interlinearis.

Omnem creaturam corporalem, superiorem, & inferiorem.

HVGOCarenfis in Postillis.

Cœlum, idest superlunarem regionem, Terram inferiorem.

RABBINI Hebræi, teste Hamero Commentarijs in Genesim.

Nomine Celi vocant omnia hæc visibiles Mundi, quæ supra Lunam sunt; & quæ subter sunt, appellant Terram, vt sit tanquam superior quidam Mundus, & inferior. Itaque cum legunt; In principio creauit Deus Cœlum & Terram, Symbolicè Cœlum summa, terram infima designare putant, hoc modo interpretantes; In principio creauit Deus summa, & infima, quo nimirum arbitrantur simplicem, & immaterialem Mundum summa continere; compactum verò, & cæmentarium hunc infima.

b. Informem illam materiam, ex qua poterat esse Cœlum, & Terra.

AUGUSTINVS libro primo de Genesi contra Manichæos, capite septimo, naturæ cœlestis, & elementaris informitatem significari hoc loco expressius his edocet.

Informis illa materia, quam de nihilo fecit Deus, appellata est primo Cœlum, & Terra: & dictum est; In principio fecit Deus Cœlum & Terram; non quia iam hoc erat, sed quia hoc esse poterat. Nam & Cœlum scribitur postea factum. Quemadmodum si semen arboris considerantes, dicamus ibi esse radices, & ramos, & fructus, & folia, non quia iam sunt, sed quia inde futura sunt. Isto genere locutionis etiam Dominus loquitur, cum dicit; Iam non dicam vos seruos, quia seruus nescit, quid faciat Dominus eius. Vos autem dixi amicos, quia omnia quæcunque audiui à Patre meo, nota feci vobis; non quia iam factum erat, sed quia certissime futurum erat. Nam post paululum dicit illis; Adhuc multa habeo vobis dicere, sed non potestis portare modo. Vt quid ergo dixerat; Omnia quæcunque audiui à Patre meo, nota feci vobis; nisi quia se sciebat hoc esse facturum.

Et libro de Genesi ad literam imperfecto, capite tertio.

Sed queri potest, vtrum iam distincta, & composita omnia dixerit Cœlum, & Terram, an ipsam primo informem vniuersitatis materiam, quæ in has formatas, & speciosas naturas Deo ineffabiliter iubente digesta est,

Ioan. 15.

Ioan. 16.

est, Cæli, & Terræ nomine nuncupauerit? Quanquam enim scriptum legerimus; Qui fecisti Mundum de informi materia, tamen etiam ipsam materiam cuiusmodicunque sit, non possumus dicere non ab eo factam, ex quo omnia confitemur, & credimus. Ut etiam ipsa digestio & ordinatio, singularum quarumcunque rerum formatarum, & distinctarum Mundus vocetur: ipsa verò materies Cælum, & Terra, veluti semen Cæli appellata sit, quasi confusum, atque permixtum ab artifice Deo accipiendis formis idoneum. Hactenus de hoc quesitum sit, quod dictum est; In principio fecit Deus Cælum, & Terram; nihil enim horum temerè affirmare potuit.

AUGUSTINVS de Gen. ad literā primo, cap. quartodecimo, cū demonstrasset Terræ & aquæ vocabulo, non hæc elementa intelligi debere: concludit propterea inde, Terræ nomine non aliud accipiendum, quàm materiam primam.

Hæc enim consideratio suavit, quoniam manifestum est omne mutabile ex aliqua informitate formari: simulque illud & Catholica Fides perscribit, & certissima ratio docet, nullarum naturarum materiam esse potuisse, nisi ab omnium rerum, non solum formatarum, sed etiam formabilium, inchoatore Deo, atque Creatore; de quo etiam dicit ei quædam Scriptura; Qui fecisti Mundum ex materia informi: hanc materiam illis verbis, quibus pro spiritali prudentia tardioribus etiam lectoribus, vel auditoribus congrueret, fuisse commemoratam, quibus ante dierum enumerationem dictum est; In principio fecit Deus Cælum, & Terram. &c. donec diceretur, Et dixit Deus, ut deinceps formatarum rerum ordo consequeretur.

Edocet deinde materiam eam formam non præcessisse, idque demonstrat eleganti exemplo vocis, & verbi.

Non quia informis materia formatis rebus tempore prior est, cū sit vtrunque simul concreatum, & vnde factum est, & quod factum est. Sicut enim vox materia est verborum, verba verò formatam vocem indicant: non autem, qui loquitur, prius emittit informem vocem, quam possit postea colligere, atque in verba formare: Ita creator Deus non priorem tempore fecit informem materiam, & eam postea per ordinem quarumcunque naturarum, quasi secunda consideratione formavit; formatam quippe creavit materiam. Sed quia illud vnde sit aliquid, etsi non tempore, tamen quadam origine prius est, quàm illud, quod inde sit, potuit Scriptura loquendi temporibus, quod Deus faciendi temporibus non diuisit. Si enim queratur, vtrum vocem de verbis, an de voce verba faciamus, non facile quisquam ita tardo ingenio reperitur, qui non potius verba fieri de voce respondeat, ita quamuis vtrunque simul qui loquitur faciat, quid vnde faciat naturali attentione satis apparet. Quamobrem cū simul vtrunque Deus fecerit, & materiam quam formavit, & res, in quas eam formavit, & vtrunque à Scriptura dici oportuerit, nec simul vtrunque dici poterit, prius illud vnde aliquid factum est, quàm illud quod inde factum est dici debuisse quis dubitet? Quia etiam cū dicimus materiam, & formam, vtrunque simul esse intelligimus, nec vtrunque simul possumus enunciare. Sicut autem in breuitate temporis contingit, ut duo ista verba proferimus, ut alterum ante alterum proferamus: ita in prolixitate narrationis, alterum altero prius narrandum fuit; quamuis vtrunque, ut dictum est, simul fecerit Deus: quod sola origine prius est in faciendo, etiam tempore prius sit in narrando: quia due res, quarum etiam altera nullo modo prior est, nominari simul non possunt, quanto minus simul narrari? Non itaque dubitandum est, ita esse istam informem materiam propè nihil, ut non sit facta nisi à Deo, & rebus, quæ de illa factæ sunt, simul concreata sit.

HVGOCarenfis in Postillis.

Cælum & Terram, id est vtriusque; materiam informem: materia verò de nihilo facta est: sed Mundus de materia informi.

Hæc expositio reiicitur à nonnullis: primum, quia ut figurata, voces Cæli & Terræ, trahit ad inusitatas & improprias significationes: Deinde nimis insolens videtur, materiam primam idè appellari Cæli & Terræ nomine, quia ex ipsa formanda essent illa corpora; quoniam pari ratione potuisset uocari aqua, & aër, & ignis. Præterea, consentaneum non videtur voluisse Moysen Hebræis rudibus, & indoctis, materiem primam notificare, quæ vix à doctis, & eruditis comprehendere potest. Nec tandem est arbitrandum, quod creationis effectus tantum à scripturis magnificatus fuerit materia ea prima omnium infima, & vilissima; ubique enim prædicant Scripturæ Cæli, & Terræ productionem, ut quid singulare, & excelsum.

a. Id est Angelum beatum, & materiam corporalem.

AUGUSTINVS de Gen. ad literam libro primo, cap. primo.

An Cælum intelligendum est creatura spiritalis ab exordio, quo facta est, perfecta illa, & beata semper: terra verò corporalis materies adhuc imperfecta; quia terra, inquit, erat inuisibilis, & incomposita, & tenebræ erant super Abyssum? quibus verbis videtur informitatem significare substantiæ corporalis.

GLOS-

Anno Mundi
primo.
In Exordio
temporum.
Ante dies.

Coelum, & Terram.

- a. *Idest, Angelum beatum, & Materiam corporalem.*
b. *Vel, informem Materiam rerum spiritualium & corporalium, siue Angelum in pura natura, & Materiam primam.*

G L O S S A ordinaria.

G L O S S A ordinaria.
Cælum creatura spiritualis ab exordio perfecta, & beata; Terra corporalis materies adhuc imperfecta.

b. Id est informem materiam rerum spiritualium, et corporalium.

ORIGENES Homilia prima in Genesim.

Isa. 66.

ORIGENES Homilia prima in Genesim.
Fecit Deus Cælum prius, de quo dicit; Cælum mihi sedes est. Et post. Firmamentum. Cum enim ea, quæ facturus erat Deus, ex spiritu constarent & corpore, ista de causa in principio, & ante omnia, Cælum dicitur factum, idest, omnis spiritalis substantia, super quam, velut in Throno quodam, & sede, Deus requiescit.

A V G V S T I N V S de Genesi ad litteram, capite primo.

AUGUSTINVS de Genesi ad litteram, capite primo.

An vtriusque informis materia dicta est Cælum, & Terra, spiritalis videlicet vita, sicuti esse potest in se non conuersa ad Creatorem: tali enim conuersione formatur, atque perficitur; si autem non conuertatur, informis est: corporalis autem, si possit intelligi per priuationem omnis corporeæ qualitatis, quæ apparet in materia formata, cum iam sunt species corporum, siue uisu, siue alio quolibet sensu corporis perceptibiles. Et post. An vtriusque informitas his etiam posterioribus verbis significatur. Corporalis quidem, eò quod dictum est; Terra erat inuisibilis, & incompressa: spiritalis autem, eò quod dictum est; Tenebræ erant super abyssum; ut translato verbo, tenebrosam abyssum intelligamus naturam vite informem, nisi conuertatur ad Creatorem; quo solo modo formari potest, ut non sit abyssus; & illuminari, ut non sit tenebrosa: & quomodo dictum est; Tenebræ erant super abyssum? an quia non erat lux? quæ si esset, utique superesset, & tantumquam superfunderetur. Quod tunc sit in creatura spiritali, cum conuertitur ad incommutabile, atque incomparabile lumen, quod Deus est.

EVCHERIVS Commentarijs in Genesim libro primo, capite primo.

Sep. 22

Celi nomine, quidam celestem, id est Angelicam creaturam creatam extimant. Ad cuius comparationem hoc corporeum, terra nuncupatur. Terræ autem nomine, materiam illam informem insinuat, ex qua hoc visibile Cælum, & Terræ, & vniuersa moles huius Mundi formata est. De qua scribitur; Qui fecisti Mundum de informi materia. Sed materia facta est ex nihilo, Mundi autem species de informi materia, quæ Cæli, & Terræ nomine appellata est, non quia iam hoc erat, sed quia iam hoc inde esse poterat. Primo igitur voluit Cælum, & Terram, velut quandam spiritalem, corporalemque materiam dicere; & sic quemadmodum sigillatim facta sunt, ordinem texere.

B E D A in primum caput Geneseos.

Ecd. 18.

B E D A in primum caput Geneseos.
Quod ergo dictum est; In principio creavit Deus Cælum, & Terram; materiam totius creature ostendit; rationalis & corporalis, idest, Angelorum, & huius Mundi. Vtrunque igitur fecit Deus; materiam, & formam; sicut vox, & verbum simul fit, quamvis vox prior sit origine. Denique Scriptura ait; Qui fecit Mundum de materia informi. Sed materia facta est de nihilo: Mundi verò species, de informi materia. Et Post. Proinde duas res ante omnem diem, & ante omne tempus condidit Deus, Angelicam videlicet creaturam, & informem materiam; quamvis enim omnia simul facta sunt. Qui enim, inquit Salomon, vivit in æternum, creavit omnia simul: sed tantum, ut prædiximus, originem materie informis formatam speciem, sicut vox verbum antecedit.

Glossa ordinaria confirmata supradictis desumpsit.

B E D A quæstionibus in Genesim.

B E D A quæstionibus in Genesim.
 Primò igitur voluit Cælum, & Terram, velut quandam spiritalem, corporalemque materiam dicere: & sic quemadmodum singillatim facta sunt, ordinem texere. Quod enim dixit Cælum, hoc mihi dixisse videtur aquarum abyssum tenebrosam, Adæ quodammodo fluitantem vitam, nisi convertatur ad Creatorem, & fiat lux, & contempletur Trinitatem, Deum esse in Deum. Neque enim ita dicimus, ut ista materies præcedat formam suam, sicut præcedit lignum arcam, & sicut præcedit vox verbum; neque enim tempore, sed origine. Igitur prima creatura lux, non ista, quæ quarta die facta est, sed spiritualis, idest, Angelica natura. Hoc tamen intelligendum, quòd simul creauit Cælum, & Terram, & Lucem.

GLOSSA

GLOSSA

G L O S S A Ordinaria.

Cælum informem materiam spiritualis vitæ, sicut in se potest existere non conuersa ad Creatorem in quo formatur. Terram, corporalem sine omni qualitate, quæ apparet in materia formata. Scriptura ait; Qui fecisti Mundum de materia informi. Materia facta est de nihilo; species Mundi de materia informi.

Sap. 11.

G R E G O R I V S Magnus Comment. in Ezechielem, Cœli nomine, & ipse Angelum intelligendum esse existimauit, cum dixit.

Tales creati sunt Angeli, ut si vellent, in beatitudinis luce persisterent; si autem nollent, etiam labi potuissent: unde & Sathan cum sequacibus legionibus cecidit; sed post eius lapsum, ita confirmati sunt Angeli, qui persistere, ut cadere omnino non possent. Quod bene in ipso exordio Geneseos libri, ex historica descriptione signatum est; Quia creauit Deus Cælum, & Terram; quos postmodum vocauit firmamentum. Cœli ergo fuere ij, qui prius bene sunt conditi: sed postmodum firmamentum appellati sunt, quia ne omnino iam caderent, virtutem incommutabilitatis acceperunt.

Consimilia habet in expositione beati Iob libro vigesimo septimo, capite vigesimo quinto: quemadmodum & Patherus adnotauit.

M A G I S T E R Sententiarum secundo, distinctione duodecima. Cùm Deus in sapientia sua Angelicos condidit spiritus, alia etiam creauit, sicut ostendit supradicta scriptura Genesis, quæ dicit; In principio Deum creasse Cælum, idest Angelos; & Terram, scilicet materiam quatuor elementorum adhuc confusam, & informem, quæ à Græcis dicta est Chaos; & hæc fuit ante omnem diem. Et post. In principio creauit Cælum, idest Angelicam naturam; sed adhuc informem, ut quibusdam placet. Assentit Magister Augustino in hoc, quod per Cælum interpretatus est Angelum; dissentiunt autem in hoc altero, quia per Terram, materiem primam nobis notificari noluit, sed Chaos; in quo quatuor elementa suis formis substantialibus prædita, confusa essent, & informia. Hæc enim fuit Magistri sententia, ut post demonstrabimus.

H V G O Victorinus Summæ Sententiarum, Tractatu tertio, capite primo.

In principio creauit Cælum, idest Angelum.

Et clarius de Sacramentis libro primo, parte prima, capite quinto.

Sed nec illud (quantum opinor) absurdum erit, si credimus vnum, & idem prorsus momentum temporis fuisse, quo in principio simul creata sit & rerum visibilibus, corporaliumque materia, & inuisibilium Angelica natura essentia: & hoc esse, quod Scriptura refert, omnia simul creata fuisse, sicut supra diximus. Qui vinit in æternum, creauit omnia simul; quia eodem momento simul & visibilibus materia essentialiter creata est, & inuisibilium natura.

Ecclesiast. 18.

I O. M A V B V R N V S Canonicus Regularis Augustinianus, & Liuriacensis Monasterij Abbas, in Roseto, Titulo vigesimo quinto.

In principio creauit Deus Cælum, & Terram, idest, spiritualem, & Angelicam naturam, & corporalem materialem, &c. produciens duo extrema, scilicet, nobilissimam, & vilissimam: supremam, & infimam; Angelicam, scilicet, naturam, & Materiam informem, ad maiorem suæ potentie expressionem, & elucidationem. Grandis hic dignitas notatur Angelicæ naturæ immediate, & primo omnium formari à Deo.

A L B E R T V S Magnus prima parte summæ de quatuor coæqueuis, quæstione duodecima, articulo nono, Augustino consensit, quanquam Cœli nomine, & quintam essentiam, & Cælum Empyreum intelligi etiam posse non abnuerit.

Dicendum, quod secundum omnium Sanctorum expositiones, Terra pro materia informi accipitur, quando dicitur; In principio creauit Deus Cælum, & Terram, eo quod informitati materię nihil est ita propinquum sicut Terra; sicut dicit Augustinus in duodecimo Confessionum, sic dicens, quod in omnibus partibus Mundi reperiri potest nil propinquius informitati omnimodè quàm Terra, & abyssus: minus enim speciosa sunt pro suo gradu infimo, quàm cætera superiora perlucida, & luculenta omnia. Cur igitur accipiam informitatem materię, quam sine specie feceras, unde speciosum Mundum feceras, ita commodè hominibus interminatam, siue intimatam, ut appelletur Terra inuisibilis, & incomposita? Cælum autem, secundum quosdam Sanctos, ponitur pro Cælo Empyreo; & Angelica natura; & secundum quosdam, pro tota quinta essentia; & secundum alios, pro Cælo Empyreo; & quocunque modo sumatur, ipsum secundum esse temporis non subiaceret, ut supra in Quæstionibus de Tempore ostensum est.

Consentiunt igitur simul omnes hi Patres, quod Cœli nomine, Angelus intelligendus veniat, seu in pura natura, seu beatus: Terræ verò, materia prima informis.

H V G O Carenfis in Postillis.

Per Cælum & Terram, vtriusque spiritualis & corporalis creaturæ materia informis intelligenda est.

A V C T O R.

Augustinus in explicatione verborum horum, adeo est multiplicis sententiæ, ut difficile, quam sequutus sit, assequi possimus. Primum interpretationes has supradictas, Y vel

Anno Mundi
primo.
In exordio
temporum.
Ante dies.

Cœlum, & Terram.

a. *Idest Chaos vna vniuersali, communi, rudiq; forma congestum, ex quo elicienda essent corpora Cœlestia, & clementata cuncta.*

vel plures earum, pluribus locis tradidit, & coëgit, sed præcipuè vndecimo de Ciuitate Dei, cap. trigesimo tertio, de primis tribus hæc habet.

In principio fecit Deus Cœlum, & Terram; quibus nominibus vniuersalis est significata creatura, vel spiritalis & corporalis, quod est credibilis: vel magnæ duæ Mundi partes, quibus omnia, quæ creata sunt, continentur, vt primitus eam totam proponeret, ac deinde partes eius, secundum mysticum dierum numerum exequeretur.

Et duodecimo Confessionum, capite vigesimo, reliquas etiam non reticuit; sed simul sic compendiauit.

Ex his ergo omnibus aliud sibi tollit, qui dicit, In principio fecit Deus Cœlum, & Terram: idest in Verbo suo sibi coeterno fecit Deus intelligibilem atque sensibilem, vel spiritalem, corporalemque creaturam. Aliud, qui dicit, In principio fecit Deus Cœlum, & Terram, idest in Verbo suo sibi coeterno, fecit Deus vniuersam istam molem corporei Mundi huius, cum omnibus, quas continet manifestis, notisque naturis. Aliud qui dicit, In principio fecit Deus Cœlum, & Terram, idest in Verbo suo sibi coeterno, fecit Deus informem materiam creaturæ spiritalis, & corporalis. Aliud qui dicit, In principio fecit Deus Cœlum, & Terram, idest in Verbo suo sibi coeterno, fecit Deus informem materiam creaturæ corporalis, vbi confusum adhuc erat Cœlum, & Terra, quæ nunc iam distincta atque formata in istius Mundi mole sentimus. Aliud qui dicit, In principio fecit Deus Cœlum, & Terram, idest in ipso exordio faciendi, atque operandi fecit Deus informem materiam confusam habentem Cœlum, & Terram; vnde formata nunc eminent, & apparent cum omnibus, quæ in eis sunt.

Verum ex his expositionibus eam, quæ per Cœlum, & Terram interpretatur Angelum nondum formatum, seu ad Deum conuersum; & materiam primam origine, non tempore res præeuntem, magis illi acceptam fuisse multa euincunt, sed præcipuè ex hoc arguitur, quia Mundum non dierum delapsu, sed vnico momento productum censeat, vt suo loco adnotabimus. Deinde ea quæ habet in expositione verborum, Fiat lux, in qua Angeli iam prius, quasi in pura natura conditi, formationem & ad Deum conuersionem explicari tradidit. Tandem quod Patres Augustini doctrinæ sectatores, vt Eucherius, Strabus, Beda, Magister, & alij, hanc, vt ab Augustino approbatam, sequuntur. Verum hanc interpretationem Neoterici repudiant eo argumento, quoniam hæc Mosis narratio omninò est historica; quapropter verba illius propriè, & non figuratè sunt accipienda. Cæterum Cœli nomine naturam Angelicam, Terræ verò vocabulo, materiem informem appellare, est extra propriam & vsitatam significationem voces extorquere, & extra communem loquendi proprietatem, nomina proferre; nā si mysticas interpretationes admiserimus, iā variæ aiunt, multiplicesq; illæ exurgunt. Vnde nullam stabilem, certamq; Mosis sententiam statuere poterimus.

a. *Idest Chaos vna vniuersali, rudiq; forma congestum.*

GREGORIVS Nyssenus, singulari arbitratu, Chaos quoddam vna rudi forma compactum, in quo præseminata essent omnia, primò profilisse arbitratus est, vt in Quæstione de Chaos specie, eius prolixam sententiam referentes conspiciemus, ipsumq; Cœli, & Terræ nomine, tanquā extremitatibus cætera omnia comprehendentibus, non vt tunc extantibus, sed vt nobis cognitis describi voluit, edocuitque præcipue in Hexæmeron suo, scribens.

Quoniam enim Propheta fecit librum originis, quo ad cognitionem Dei quasi introduceremur propositumque Moyse est eos, qui sensui obnoxij essent, per ea quæ apparent, quasi manu ducere ad ea, quæ sensuum comprehensionem superant: Cælo autem, ac Terra definitur ea, quæ per visum à nobis cognitio contingit: idcirco tanquam comprehendentia res vniuersas eorum, quæ per sensum à nobis cognoscuntur, extrema scriptura nominauit; vt per hoc, quod dixisset, amplectentia res cæteras à Deo facta esse, simul comprehenderet quicquid intra extrema illa contineretur; ac pro eo, vt diceret, omnia, quæ sunt,

Coelum, et Terram.

Anno Mundi
primo.
In exordio
temporum.
Ante dies.

a. Id est, Empyreum, & Chaos, vna communi, rudiq, forma conflatum.

sunt, Deus acervatim, collectim & vna complexione fecit, dixit; In summa, siue in Principio fecisse Deum Cælum & Terram. Et post. Sed paululum quiddam sermonem repetamus, vt & ea, quæ de diuina Scriptura deprompta sunt, ad seriem redditæ explicationis nos adiuent. Dixit enim in primis historia Mundi originis, quod in principio fecit Deus Cælum, & Terram; per id autem verbi nos existimauimus scripturam, per id quod continet, etiam id quod intus sit, ostendentem significare eam, quæ vna complexione acervatim repente representata est, rerum conflationem, atque creationem: nam intra extrema, prorsus etiam media continentur. Extrema autem, quantum attinet ad sensum humanum, Cælum & Terra sunt; propterea quod his hominum visus vtrinque terminatur. Quemadmodum igitur ille, qui dixit; In manu eius fines terræ sunt, vna horarum comprehensione, media quoque complexus est: ita Moyses etiam materiarum totius Mundi confectionem & molitionem per fines indicauit.

Psal. 94.

ALCVINVS

visus est in hanc declinasse sententiam, quæstione in Genesim vigesima octaua.

Int. Quid in Cæli, Terræque nomine significatur? Resp. Informis ea materia, quam de nihilo fecit Deus, appellata est primo Cælum, & Terra, non quia iam hoc erat, sed quia hoc esse poterat; Cælum istud sydereum siquidem secundo die factum legitur, & tertia die Terram apparuisse, & vesti floribus cæpisse.

a. Id est, Empyreum, & Chaos, vna communi, rudiq, forma conflatum.

Patres prisci subobscurè elegantem fuscitarunt interpretationem, quæ post, vt acceptissima, singularem sibi locum vindicauit, mirificoq, studio quamplures eam prosequuti sunt. Patrum priscorum igitur nonnulli, duorum Cælorum à Mose traditam fuisse genesim voluere; illudq, primum Cælum (cuius effectiorem narrat Moses hoc loco) perpetuum quoddam, æternumq, beatorum domicilium vocarunt.

CLEMENS Papa, ex diui Petri ore, Recognitionum libro primo & secundo, id memorat, præcipuè cum ait. Cælos autem esse qui ab eo facti sint, sicut & lex dicit, quorum vnum sit superius, quo continetur visibile firmamentum illud esse perpetuum, & æternum cum his, qui habitant ibi; istud autem in consummatione sæculi resoluumdum esse, & transire: vt illud Cælum, quod est antiquius, excelsiusq, post Iudicium, Sanctis, & dignis appareat.

PHILO de Mundi opificio, de hoc Cælo sic ait. Hæ voces; In principio fecit, idem valent, quod primum fecit Cælum. Est enim reuera consentaneum rationi, primum in generatione illud prouenisse, cum sit præstantissimum ex his, quæ facta sunt, & è purissima constet essentia: Quamobrem Deorum tam non apparentium, quam sensui patentium, destinatum est domicilium sacratissimum.

Isa. 66.

ORIGENES in Genesim Homilia prima.

Cum iam antea Deus fecisset Cælum, nunc firmamentum facit; fecit enim Cælum prius: de quo dicit; Cælum mihi sedes est.

DIODORVS Tarsensis.

Post visibiles, ac intellectu preditas substantias, Deus Cælum statim vna cum Terræ fabricatus est; non illud, quod aspectabile est, sed quod super omnes Cælos, & quod David Cælum Cæli nuncupare solet.

IVNILIVS in Hexameron.

Vt quid enim hæc de Terra, prætermisso Cælo, intulit? nisi quia de Cælo nil tale intelligi voluit. Ipsum enim est Cælum superius, quod ab omni huius Mundi volubili statu secretum, diuinæ gloriæ præsentis manet semper quietum. Nam de nostro Cælo, in quo posita sunt Luminaria huic sæculo necessaria, in sequentibus, Scriptura, quomodo, vel quando sit factum, declarat.

Glossa Ordinaria hæc desumpsit, Bedæque adscripsit.

T H E O P H I L V S Antiochenus ad Autolyicum libro secundo.

Primo autem loco, ubi Scriptura sacra tractat creationem, seu Mundi generationem, non loquitur de isto firmamento visibili, sed aliud quoddam Cælum nobis inuisibile proponit, secundum quod visibile hoc, firmamentum nuncupatum est.

H I L A R I V S enarratione in Psalmum centesimum trigesimum quintum.

Cum regionem cognitionis suæ, qui infinitus est, collocaret, Cælo superiore atque primo, eodemque in orbem collocato; terminum quendam virtutibus, quæ primum ad cognoscendum se gignerentur, inclusit. Neque enim gignendæ creationes virtutem inconspicibilis Dei ferre potuissent, nisi naturæ temperationis obiectu, scilicet banc moderatè ad infirmitatem habitationis incoherent. Aquis etenim eleuatis, illam ipsam primi Cæli naturam temperauit, quæ superni Dei accensa virtute, nequaquam ab inferioribus esset patiendæ naturis. Cælum verò inferius non vniforme, sed multiplex tetendit: quod totum firmamentum nuncupans, valida ad sustentationem aquarum superiorum, temperationemque aeris nostri firmitate solidauit. Et idcirco plures Cælos prophetica doctrina ostendit.

A N S E L M V S Canthuariensis de Imagine Mundi libro primo, capite vigesimo octauo.

Supra firmamentum est spirituale Cælum hominibus incognitum, ubi est habitatio Angelorum, per omnes ordines dispositum. Et Post. Hoc est Cælum, quod in principio legitur cum Terra creatum.

B R V N O Carthusiæ Patriarcha, libro de Nouis, capite secundo.

Moses duos ponit Cælos; ait enim; In principio creauit Deus Cælum, & Terram; ecce vnum. Secunda die fecit Dominus firmamentum in medio aquarum, diuisitque aquas quæ erant super firmamentum, ab his quæ erant sub firmamento; vocauitque firmamentum Cælum; ecce alterum: & hoc quidem est illud Cælum, quod per Solem, Lunam, & stellas, quæ in eodem fulgent, nostris oculis reuelatur. Primum enim Cælum de hoc Mundo videre impossibile est; quoniam hoc quod videmus, inter nos & illud, positum est. Sed cuius excellentiæ pulchritudinis illud esse putabimus, cum huius inferioris tantam esse videamus? Et primum quidem Cælum statim eadem die factum & illuminatum est, dicente Domino; Fiat lux; & facta est lux. Hoc autem tertia die postquam factum est, Solem, Lunam, & stellas suscepisse narratur.

Quod igitur hi Patres subobscurè insinuarunt, alij in consequentibus ætatibus, etiam sub nomine Empyreï, clariùs explicarunt.

S T R A B V S in Glossa Ordinaria.

In principio creauit Deus Cælum, & Terram. Cælum autem non visibile firmamentum, sed Empyreum, id est igneum, vel intellectuale, dixit, quod non ab ardore, sed à splendore dicitur, quod statim repletum est Angelis.

H V G O Victorinus in Sententijs, tractatu secundo, capite primo.

Nec appellamus hic Cælum firmamentum, quod secunda die factum est; sed Cælum splendidum, quod dicitur Empyreum, id est splendidum, quod statim factum, Angelis est repletum, illam scilicet superiorem partem, vsque ad quam machina illa elementorum adhuc indistincta porrigebatur.

Hucusque Patres hi omnes, Cæli nomine, Empyreum intellexerunt, vt dilucidè eorum attestationibus claret; sed Terræ nomine, num Chaos vnica exigua forma compactum, num ex elementis obductum, intelligendum sit, non explicarunt.

D. B O N A V E N T V R A secundo, distinctione duodecima, cum Nysseni primùm, Augustini secundo loco, Hugonis tertio, interpretationes retulisset, quarto loco, quasi ipsi magis probatam, hanc subiecit.

Quarta expositio, quæ communior est, secundum expositores planior est, quod per Cælum intelligatur Cælum Empyreum, quod est Angelorum habitaculum, in quo Angeli sunt creati: per Terram verò materiam omnium corporum intra ipsum contentorum, siue Cælestium, siue terrestrium. Hæc expositio sequenti litera concordat, quæ exprimit de illa materia facta esse corpora cælestia, & elementaria.

L Y R A N V S in Postillis, hanc interpretationem, qua Cæli & Terræ nomine Empyreum, & Chaos in congestum, in quo nec Cælum, nec elementa essent, nisi per præfeminationem capitur, Straboni, & Bedæ adscribit, cum ait in secunda à se inserta expositione.

Secunda autem expositio literalis, quam tenent Strabo, & Beda, & aliqui alij Doctores, est, quod materia omnium corporalium, & elementarium per opus creationis producta est sub vna forma communi in genere substantiæ, vt potè corporeitatis, & diebus sequentibus sit distincta secundum diuersas sui partes, per formas specificas, tam cælestes, quam elementares. Et post. Igitur secundum opinionem illam, quæ ponit materiam eiusdem rationis in corporibus cælestibus & elementaribus, quam sequuntur Beda, & Strabo, exponenda sic litera; In principio creauit Deus Cælum; scilicet, Empyreum, quod statim factum, & Angelis est repletum: & dicitur Empyreum, à πυρ, quod est ignis; non quia sit de natura elementari, sed quia conuenit cum igne in splendore: sicut & Cælum Chrysellinum dicitur aqueum, quia conuenit cum aqua in diaphanitate.

neitate, ut prædictum est. Et est Cælum Empyreum, secundum istam expositionem, locus splendidus, immobilis, & quietus, contemplationi gloriæ aptus. Et Terram, idest materiam omnium corporum, quæ sunt sub Empyreo, quæ producta est sub vna forma communi in genere substantiæ, utpotè corporeitatis; & propter talem communitatem, nominatur diuersis nominibus, utpotè nomine Abyssus, & Aquæ. Terra autem erat inanis & vacua, quia illa materia non erat adhuc per formas speciales distincta.

Cæterum quodd Cœli nomine, Empyreum capiendum sit, fatetur Strabus (ut supra retulimus) cum ait; Non uisibile firmamentum, sed Empyreum. &c. Verum de materia, vna rudi forma congesta, nullam, quam viderim, mentionem habet in suis lucubrationibus. Beda verò in expositione sua super Genesim, & Cœli nomine, Angelum; & Terræ nomine, materiam origine, non tempore præexistentem, intelligenda esse, conformi cum D. Augustino sententia, clarè edocet. Porro in Hexameron, quod Iunilio adscribitur, & Empyreum, & Chaos, non vna communi forma præditum, sed ex elementis commissum agnouit, ut parum post ex Iunilij doctrina perspicui poterit.

T O S T A T V S Genesis primo hanc interpretationem, ut probatiorem commendat; Bedæ, & Straboni, eam pariter assignans.

Cælum, intelligitur solum Cælum Empyreum secundum istam expositionem secundam, & veram, quia Empyreum non ponitur de materia illa communi creatum. Alij autem Cœli in secundo die creati, sunt de materia communi corporea. Est autem Cælum Empyreum locus capacissimus, splendidus, immobilis, quietus, contemplationi conueniens, & gloriæ beatorum; nec de alio Cœlo hic intelligitur, quia tunc frustra de firmamento, quod continet octo orbis, postea subderetur; Et Terram, idest materiam communem sub quadam forma corporeitatis; ex qua postea distincta fuerunt omnia corpora Cælestia, & elementaria intra concanitatē Empyrej; & uocatur tota ista materia, Terra, quia maximè visibilis est Terra: & ideò post inductionem elementorum, licet Deus, ignem, & aërem, ab alijs elementis distinxerit, faciens de illa materia; tamen nunquam mentionem de igne fecit: de aëre autem modicam, vel quasi nullam.

C A T H E R I N V S enarratione in primum caput Geneseos, usque adeo hoc Commentarium, quod Cœli nomine Empyreum, & Terræ crassam vnam rerum molem interpretatur, toto Marte recipit, & extollit, ut disertā oratione ipsum solum esse verissimum attestetur. De Cœlo ait;

Est ergo tertia expositio, quæ intelligit Deum creauisse Cælum Empyreum cum ipsis Angelis; aut (quod idem est) ipsos Angelos cum Cœlo illo, ut simul cum ipso Cœlo inuenirentur; immo vna illa Cœli appellatio ne contineri etiam corporeum illud Cælum, & spirituale, ipsos scilicet Angelos, qui & Cœli dicuntur, immo & Cœli colorum: Si ad eum sensum intelligas, plana sunt omnia, & silet omnis hinc inde exorta questio. Quocirca hanc ego sententiam puto esse verissimam, cùm omnia ei consonent.

De Terra loquens, contendit primo loco, nomine Terræ, elementum hoc nobis substratum non fuisse significatum. Primum, quoniā omnia tunc de digniorum elementorum genesi, intèpestiuè fuisset Terræ genitura tradita. Præterea, quia indigesti illius Chaos mentio, immeritò oblitteraretur, quod tantum celebrarunt Hesiodus, Mercurius Trismegistus, Anaxagoras, Euripides, Ouidius, Virgilius: Tādē & quia hoc Chaos genus, ab Augustino, Beda, Hugone, & prius à Nazianzeno fuerit positum, tādē concludit.

Sed quid diutius moror? Scriptura ipsa Sancta hoc manifestè probat, ut mirer quospiam disputantium minus considerasse. Ait enim Sapiens; Manus tua creauit orbem terrarum ex materia inuisa: siue (ut beatus Augustinus citat) ex materia informi. Sic enim Græcè legitur, *ἐξ ἀμορφῆς ὄλης*. Prius ergo præparatam fuisse materiam, ex qua productus est Orbis terrarum fateri debemus, nisi velimus verba Scripturæ prorsus violare. Nam si creata simul fuisset materia cum reliqua creatura, quomodo verè diceretur, Orbem fuisse ex illa creatum? Sic enim dicitur creatus homo de limo terræ, nimirum prius existente limo: & de viro mulier, prius existente viro: & sic quæcunque isto modo dicuntur, etiam isto modo sunt intelligenda.

Quæ verò extarit eius inconditi Chaos substantia, his edisserit. Nos talem non ponimus fuisse materiam, quæ prorsus esset omni forma destituta, sed eā, quæ debilissimum habebat actum, quem dicimus confusum, imperfectum, & primum entitatis, seu potentie. Non enim habebat certam formam specificam, quæ contraheretur ad certum esse.

a. Empyreum, & Chaos ex elementis commiscelatum.

I V N I L I V S de Cœlo hæc habet, ut diximus. Non ergo superius illud Cælum, quod mortalium est omnium inaccessiblei conspectibus, inane creatum est, & vacuum; ut terra, quæ nil in sua prima videntium germinum, & viuientium produxit animantium creatione; quia nimirum suis incolis mox creatum, hoc est, beatissimis Angelorum agminibus impletum est: quos in principio

Anno Mundi
primo.
In exordio
temporum.
Ante dies,

Coelum, & Terram.

- a. Idest, Empyreum, & Chaos ex Elementis commiscelatum.
b. Vel, Empyreum sine Luce, & Chaos ex Aqua & Terra conflatum.

principio cum Cælo, & Terra esse editos. De Terra autem. Vbi notandum est, quod cum Cælo in principio duo Mundi elementa, aqua videlicet, & Terra, nominatim facta memorantur; quibus tamen duo reliqua fuisse constat indita: ignem videlicet in ferro, & lapidibus, quæ Terræ viscera tum condita latebant: aërem vero in ipsa terra, cui esse permixtus ex eo cognoscitur, quod cum fuerit humectata, & temperiem Solis accepit, mox vapores exhalat largissimos.

R V P E R T V S Commentarijs in Genesim libro primo, capite sexto.

Philipp. 3.

Psal. 113.

Isa. 6.

Iam quidem cum audimus Cælum, & Terram, animalis homo, qui nunquam in Cælo conuersatus est, nec dicere potest cum Apostolo; Nostra autem conuersatio in Cælo est: hic talis nec opinari potest, qualis habitatio Cælum sit, vel fuerit, mox ubi creatum fuit; quippe cum nec spiritualis homo quantumcunque Cælestia contempletur, dum viuit, sufficienter diiudicare possit, nisi quia magnus & immensus locus, magna & spiritualis est Patris domus, in qua ab initio mansiones multe paratæ sunt beatis Angelis, & Sanctis hominibus; ubi localis est, & localiter sedet secundum verum hominis corpus, Pontifex summus, qui penetravit Cælos Iesus Christus Filius Dei. Cuius videlicet spiritualis habitationis comparatione, Terra est, quicquid carnis oculis cernitur: ut rectè per Psalmistam, Cælum Cæli dicatur; qui cum præmississet: Benedicti vos à Domino, qui fecit Cælum, & Terram: statim subiunxit; Cælum Cæli Domino; Terram autem dedit filiis hominum. Cælum Cæli dixit, eò quod comparatione eius, hoc visibile firmamentum, quod secundo die factum est, non in Cælum, sed Terra, aut ut multum quiddam Terræ ornatus sit, quia videlicet illud inuisibile est, istud autem terrenis animantibus conspicabile est. De Terra verò. Illud, inquam, Cælum Cæli, quale factum sit, animalis homo nec opinari potest: Terra autem fortè statim animo eius talis occurrit, qualis in sua forma conspicitur, scilicet herba virenti, lignisque, & pomiferis vestita arboribus, & diuersis animantium generibus plena. Proinde continuo sequitur; Terra autem erat inanis, & vacua, & tenebræ erant super faciem abyssi. Et post Creatis, inquit, Cælo, & Terra, Cælum quidem non omni ornatu inane, vel vacuum erat, quippe quod ex lumine diuine maiestatis resplenduit, sicut ad illius similitudinem Cælum istud visibile, & aër, Solis huius refulgent lumine; verum Terra, idest corpulenta substantia, inanis erat, & vacua. Non quidè ipsa à diuina maiestate remota erat, cum de illo uerissimè Seraphin clament, dicentes, Sanctus, Sanctus, Sanctus Dominus Deus Sabaoth: Plena est omnis Terra gloria eius: sed eam maiestas eadem, etsi iam potestate, nondum tamen actu impleuerat, vel ornatu, licet hoc propheticè de predicatione Euangelij Christi dictum possit intelligi, quod effectum est, ut non iam vna gens Iudeorum tantum, sed omnis Terra diuinitatis impleretur notitia. Ceterum, secundum quod iam dictum est, Terra erat inanis, & vacua, quia nondum illam Creator ab aquis aridam segregauerat, nondum firmauerat, nondum sydera Cæli huius palla vestiuerat, nondum tot creaturarum generibus exornauerat.

b. Empyreum sine Luce, & Chaos ex Aqua et Terra conflatum.

G V L I E L M V S Parisiensis prima, partis primæ de Vniuerso, capite trigesimo primo, his primum proponit.

Restant adhuc quæstiones de Cælo in principio creato; quid, vel quod illud sit, videlicet, an totum quod est à Luna supra, idest, inter intimam Cæli Lunarisi superficiem, & extremam, siue extimam superficiem Cæli, quod Græci Aplanon nominant, an sit aliud Cælum supereminens huic toti; de quo soli sapientes Christianorum loquuntur, & Græco nomine vocant illum Empyreum; hoc est, valde igneum, non à rebus, sed à rebus, ut ipsimet dicunt, sed à supereminencia splendoris.

Et post prolixam disceptationem, his concludit capite trigesimo secundo.

Dico igitur, quod Cælum vltimum, ut prædixi, est ultra nouem notos, ac nominatos Cælos, supereminens eis distantia multa; & est istud Cælum habitatio substantiarum, quæ vocantur Angeli sancti.

Et capite quadagesimo, sic ait.

Empyreo Cælo ab initio suæ creationis non fuit lux illa, qua postea splendidatum fuit.

Qui & insignis Doctor, & primo die luce insignitum fuisse, quadagesimo primo capite edocet; & fortè ex beatorum, Angelorumque glorifico lumine id effectum esse insinuat.

Coelum, & Terram.

Anno Mundi
primo.
In exordio
temporum.
Ante dies.

a. Hoc est, tria superna Elementa, & Elementum hoc Terræ in centro Mundi libratum.

insinuat. De significatione Terræ, quid ipse maluerit, non audeo diffinire, nisi quod mixtum illud Chaos ex Terra tantum & aqua intellexerit, ut infra deducemus disceptatione de Chaos; & ea obtestantur, quæ habet capite trigesimo nono.

Ex aqua generandi erant Celi nouem, & pisces; omniaque reptilia similiter, & volatilia; & forte aër, & ignis elementa.

ALEXANDER de Hales hanc visus est insequi sententiam, cum pariter secunda summæ Theologiæ, quæstione quadragesima quinta, membro secundo, dixit.

Cælum Empyreum continetur nomine Celi, sed sicut Angeli quodammodo dicebantur informes, priusquam reciperent formam gratiæ, quæ nomine lucis designatur; ita & Cælum Empyreum poterit dici informe, quousque Dominus in formam perfectam redigeret, dicendo; Fiat lux: &c. & secundum hoc, nomine lucis non intelligitur tantum lux, quæ distinguit per resolutionem sui noctem, & diem; sed etiam lux distincta à tenebris: quomodo Cælum Empyreum est lux distincta: tenebræ enim hic fiunt in aëre, aqua, & terra; ibi autem non. Et Ante. Cælum diuiditur contra terram, idest materiam informem; de qua hæc fierent, & inter se diuiduntur; nihilominus cum dicitur, Terra erat inanis, &c. ibi Cælum continetur sub informitate terræ. Aliter enim quodammodo accipitur nomen terræ: nam primò accipitur pro materia, in quantum ex ea futura erat terra: secundo verò accipitur communiter.

Concordi igitur sententia hi Patres, Cælum hoc in primordiis conditum, Empyreum extasse decernunt; & quanquam alij Empyreii nomen non expresserint, fatis tamen clarè ipsum insinuarunt Clemens, Philo, Origenes, Diodorus, Iunilius, Theophilus, Hilarius, Anselmus, Rupertus: Alij nomen Empyreii non conticuere, Strabus, Hugo, Magister Sacræ historiæ: & recentiores, D. Thomas, Lyranus, Toftatus, Catherinus, Gulielmus. Terræ autem nomine quidnam capiendum sit, difficilè est attingere: euincimus attamen Iunilium, Magistros duos, D. Thomam commiscellationem quatuor elementorum pro Chaos admisisse; Catherinum vnum rude constituisse; Lyranum, & Toftatum in ambas sententias decidisse.

a. Tria superna elementa, et elementum hoc Terræ in centro Mundi libratum.

HVG O Victorinus noster, selectam, ac peregrinam induxisse visus est interpretationem, cum Cæli nomine, non Empyreum, seu Angelum, seu Cœleste corpus; sed tria superna elementa, ignem, aërem, & aquam, simul ad nebule speciem commista; & Terræ nomine, infimum hoc nostrum Solum significare censuit. Edocuit hoc Adnotationibus dilucidatorijs in Genesim, capite primo, cum dixit.

In principio creauit Deus Cælum, & Terram: tria, inquit, superiora elementa, Cælum vocat.

Et de Sacramentis libro primo, prima parte, capite sexto, cum ait.

Per Cælum nanque, & Terram, materiam illam omnium Cælestium, terrestriumque hoc loco significari puto, de qua postea succedenter in forma facta sunt, quæ in ipsa prius per essentiam simul creata fuerunt. Ibi nanque Terra erat ipsum Terræ elementum; & Cælum mobile erat illa leuis confusio reliquorum trium, quæ circuitu medio iacentis terræ suspensa ferebatur; & his duobus, omnium corporum Cælestium, siue terrestrium formandorum materia continebatur.

RICHARDVS noster, Exceptionum libro secundo, capite septimo, eandem prosequutus est sententiam, inquit.

In principio creauit Deus Cælum, & Terram. Cælum vocat tria elementa, ignem, aërem, aquam, quæ erant in vna confusione permixta, siue in vna permixtione confusa, circa quartum, quod est Terra, fluctuantia; quæ Terra in medio, & in imo trium suo pondere librata subsedebat. In principio itaque creata sunt Cælum, & Terra, idest quatuor elementa simpla omnium faciendorum materia.

Porro, quas interpretatio hæc secum ferat difficultates, infra obseruabimus.

Supre-

Anno Mundi
primo.
In Exordio
temporum.
Ante dies.

Coelum, & Terram.

a. Id est, supremum Orbem, & elementum Terræ.

a. Supremum Orbem, et elementum Terræ.

Basilii, Ambrosii, duo præclara Ecclesiæ lumina, Cœli significationem in Cœlesti corpore reijcientes, per Cœlum, supremum Orbem, qui Mundi est ambitus, terminusque interpretati sunt: per Terram autem, hoc infimum substratum elementum: fenseruntque in his, & cum his, quasi in extremis Mundi partibus, cætera elementa, ut media, fore intelligenda.

BASILIVS Hexameron Homilia prima.

Ex duobus principiis, Vniuersi sanè totius innuit essentiam, Cœlo quidem prærogatiuam in generatione dignitatem: Terræ autem ad rerum essentiam, secundas adscribens. Quicquid autem istorum medium est, id vni cum ipsis omnino finibus exortum est. Itaque etiam si nihil de cæteris dixerit elementis, igne (inquam) aqua, atque aëre, tuopte tamen solerti ingenio capere velis. Primum quidem, quoniam in omnibus omnia sunt permixta: atque adeo in Terra, aquam, aërem, & ignem inuenies: siquidem tam è silice, quàm è ferro, quæ suam originem è Terra trahunt, ignis exilit, ac frictionibus copiosus emergens elucet. Vbi dignum id est etiam admiratione, quoniam pacto cum in ipsis corporibus innoxius latitet ignis, idem cum egressus fuerit, ipsa quæque absumat, à quibus eatenus seruatus est. Aquæ verò naturam ipsi insitam esse Terræ ij demonstrant, quæ puteos effodiunt: & aëris item naturam eidem Terræ inesse ipsi vapores, quos ab humectata terra Sole repleta resultat, sursumque ferri conspiciunt. Deinde quoniam Cœlum natura locum superum occupat, Terram vero infimum: fit hinc, ut quæ leuia sunt, Cœlum suapte natura petant, ponderosa verò ad Terram suapte nutu ferantur. Aduersantur porro sibi mutuo maximè superus, inferusque loci: qui quum & mentem eorum fecit, quæ plurimè inter sese suapte natura distant, is & ea comprehensim notauit, quæ mediane inter illa regionem occupant, atque implent. Quare singulorum enarrationem querere noli, sed ea, quæ silentio præterita sunt, per iam declarata intelligere velis.

AMBROSIVS Hexameron libro primo, capite sexto.

Tamen satis est ad præsentem assertionem, quod in principio Cœlum fecerit, vnde prærogatiua generationis, & causa: & Terram fecerit; in qua esset generationis substantia. In his enim quatuor illa elementa creata sunt, ex quibus generantur omnia ista, quæ Mundi sunt. Elementa autem quatuor, aër, ignis, aqua, & terra, quæ in omnibus sibi mixta sunt. Siquidem & in terra ignem reperies, qui ex lapidibus & ferro frequenter excutitur: & in Cœlo, cum sit ignitus, & micans fulgentibus stellis polus, aqua esse potest intelligi, quæ vel supra Cœlum est, vel de illo superiore loco in Terram, largo frequenter imbore demittitur. Quæ pluribus colligere possemus, si quid ad ædificationem Ecclesiæ ista proficere videremus. Sed quia his occupari infructuosum negotium est, ad illa magis intendamus animum, in quibus ritæ sit profectus æterna, occupari infructuosum negotium est, ad illa magis intendamus animum, in quibus ritæ sit profectus æterna, occupari infructuosum negotium est, ad illa magis intendamus animum, in quibus ritæ sit profectus æterna,

DAMASCENVS Libro secundo Orthodoxæ Fidei, de Cœlo, capite sexto.

Dicimus, in totius Mundi generatione, Cœli facturam nos intelligere eam sphaeram, quam quidam sapientium (qui non ex nostris sunt) instellarem appellant, ea quæ Moseos dogmata sunt, sua efficientes.

De Terra autem, capite decimo.

Terra quatuor elementorum vnum est, siccum & frigidum, grauissimum & immobile, à Deo ex nihilo ad esse prima die deductum. In principio enim, inquit, fecit Deus Cœlum, & Terram, cuius sedem, & basim nullus hominum dicere valuit.

Cum his autem cætera elementa condidisse Deum, demonstrat capite quinto.

Ipsè Deus noster, qui in Trinitate, & vnitæ gloriatur, fecit Cœlum, & Terram, & omnia quæ in eis sunt, ex nihilo ad esse deducens. Vniuersa hæc quidem Cœlum, Terram, Aërem, Ignem, non ex subiecta materia. Alia autem ex ijs, quæ ab ipso facta fuerunt, puta animalia, plantas, semina. Hæc enim ex Terra, Aqua, Aereque & Igne, Conditoris præcepto exorta sunt.

INNOCENTIVS Tertius, Commentarijs in quintum Psalmum Pœnitentialem.

Tria verò simul creata fuerunt, Angelus, Mundus, & Tempus. Et in creatione Mundi simul creata fuerunt.

fuerunt Cælum, & Terra, primum, & infimum inter quatuor elementa; & cum ipsis pariter duo media, videlicet aër, & aqua, confusa infimul, & commixta: quoniam aqua vaporabilis erat, & aër spissus, sed postea discreta sunt, & diuisa.

CAIETANVS apprimè hos Patres est insequutus, Genesis capite primo. Sapientissime Moses Vniuersum comprehendit ex duabus præcipuis illius partibus, corpore scilicet simplici circulariter mobili; & centro, circa quod oportet illud moueri Cælo, & Terra: hæc siquidem due nature sunt etiam à Philosophis descriptæ præcipue Vniuersi partes substantiales; vsque adeo, vt querentibus; quare totum Vniuersum corporeum, non constat ex natura Cælesti, reddant rationem, quia natura Cælestis est circulariter mobilis, ac per hoc oportet habere immobile centrum (non Mathematicum, sed naturale) circa quod moueatur; & propterea ex eo, quod Cæli sunt, oportet quod Terra sit; & ideo Moses prius nominat creationem Cælorum, & postea Terræ: & in his duobus, scilicet Cælis, & Terra, comprehendit concomitanter reliqua corpora simplicia, & spiritus Angelicos, vt ipsemet manifestat, explicando dispositiones, in quibus Cæli, & Terra creati sunt, vt infra patebit.

Quomodo verò ex his reliqua omnia constituisse elementa notificatum fuerit, his demonstrat Caietanus. Et primo de elementis sic.

Et Philosophi quidem ex eo, quod est Terra, probant esse reliqua tria corpora simplicia. Existente enim in rerum natura vno contrariorum, videlicet Terra, corpore simplici, quod mouetur ad medium, oportet esse alterum extremum contrariorum, quod mouetur à medio: & hoc extremum appellamus ignem. Existentibus verò extremis contrarijs in rerum natura, oportet quoque in rerum natura esse media, quæ mouentur ad media loca, quæ appellamus aërem, & aquam. Ex his siquidem quinque corporibus simplicibus (Cælo, & vocatis elementis quatuor) constituitur prima substantialis perfectio Vniuersi. Mixta siquidem omnia spectant ad secundam Vniuersi perfectionem.

De Cælestibus autem.

Ex eo verò quod Cælum mouetur circulariter, probant spirituales substantias mouentes Cælos: vt hinc patet, quàm sapientissime Moses inchoauerit creationem Mundi, dicendo; In principio creatos Cælos, & Terram. In his siquidem duobus apparet comprehendere integrum Vniuersum secundum primariam Vniuersi perfectionem; quia his duobus explicatis, tanquam præcipuis partibus, reliqua Vniuersi partes spectantes ad primam Vniuersi perfectionem, implicite, & concomitanter sunt comprehense. Prætere rationem ex parte figure sphericæ: Mundus enim ex eo, quod est sphericus, describitur aptissime primo creatus in circumferentia, & centro, Cælo, & Terra: vt potè primis spheræ principijs.

Ex horum Patrum doctrina excipimus quatuor modos; quibus per Cælum, & Terram, vniuersa significari conuincitur: Primum, quia hæc extrema sunt; & cum extremis, media etiam intelligi solent: Deinde, quia cætera elementa virtute in Terra, & etiā actu quādoque extare dignoscimus: Amplius, quoniam ratione philosophica, dato vno contrariorum, scilicet Terra grauissima, concedendum est & alterum leuissimum, quod est ignis: & leue, & graue, quæ sunt aër, & aqua. Vel data siccitate, necessariò ponenda est humiditas, frigiditas, & caliditas, quæ sunt elementorum insitæ proprietates. Tandem quia vbi in sphaera est centrum, circumferentiaque, hoc est Cælum, & Terra, cætera, ipsam sphaeram constantia, extare cointelliguntur. De Angelo autem ex Patrum sententia, hic mentionem non fieri perspectum arbitror; maximè cum Basilii, & Ambrosii eum longè ante Mundi initium mansisse censeant: & consequentia, quam habet Caietanus, cum ait: Ex eò quod Cælum mouetur circulariter, probantur spirituales substantiæ; non necessariò concludere mihi videtur, nisi præsuppositis Aristotelis placitis, quæ Cælos ab Intelligentijs moueri decernunt. Cæterum Patrū quamplures, & astra sua natura circumferri, & in exordio temporum Cælestium corporum motionem inchoatam non esse, sed post, dilucidè edocent, vt alias obseruabimus.

a. Cunctos Orbes Cælestes, & elementum Terræ.

TERTULLIANVS, huius sententiæ primus excitator fuit libro aduersus Hermogenem, capite vigesimo sexto.

Nobis autè vnus Deus, & vna est Terra, quæ in principio fecit Deus, cuius ordinem incipiens Scriptura decurrere, primo factam eam edicit, dehinc qualitatem ipsius edisserit. Sicut & Cælum primò factū professæ, In principio fecit Deus Cælū; dehinc dispositionē eius superinducit: & separauit inter aquam, quæ erat infra firmamentū, & quæ super firmamentū; & vocauit Deus firmamentū Cælū, ipsum quod in primordio fecerat. Proinde & de homine: Et fecit Deus hominē, ad imaginē Dei fecit illum. Dehinc qualiter fecerit, reddit: Et finxit Deus hominem de limo terræ, & afflauit in facie eius flatū vitæ, & factus est homo in animā viuā. Et utique sic decet narra-

Anno Mundi
primo.
In exordio
temporum.
Ante dies.

Coelum, & Terram.

a. Ideſt cunctos Orbes Cēleſtes, & Terrę Elementum.

narrationem inire, primò præfari, poſtea proſequi; nominare, deinde deſcribere; alioquin vanum, ſi eius rei cuius nullam præmiſerat mentionem, ideſt materię, ne ipſam quidem nomen, ſubito formam, & habitum promulgavit; ante enarrat qualis eſſet, antequam an eſſet: oſtendit figuram deformati, nomen abſcondit. At quanto credibilis ſecundum nos eius rei diſpoſitionem Scriptura ſubiunxit, cuius inſtitutionem, ſimulque nominationem præmiſit. Quàm denique integer ſenſus eſt; In principio Deus fecit Cælum, & Terram; Terra autem erat inuiſibilis, & rudis, quam Deus ſcilicet fecit; de qua Scriptura, cū maximè edixerat. Nam & autem ipſum, velut ſibula coniunctivę particule, ad connexum narrationi appoſitum eſt; Terra autem. Hoc enim verbo reuertitur ad eam, de qua ſupra dixerat, & alligat ſenſum. Adeo aufer hinc Autem, & ſoluta compago eſt, ut tunc poſſit de alia terra dictum videri, Terra erat inuiſibilis, & rudis.

D. THOMAS, quanquam in Scriptis, in hanc declinare expoſitionem clarè non comperiat, in prima attamen parte, quæſtione ſexageſima octava, articulo primo, ad primum, viſus eſt ei adherere, ubi cū Chryſoſtomi, Auguſtini, Bedę, Strabi, ac Damasceni interpretationes recitaſſet, adiecit.

Secundum autem aliam expoſitionem, quam Auguſtinus tangit, Cælum prima die factum, eſt etiam ipſum Cælum ſyderum.

In Poſtilla autem in Geneſim (ſi ipſius eſt factura) capite primo expreſſius eam declaravit, cū dixit.

Cælum, ideſt totam naturam Cēleſtem ſuper elementa conſtitutam: Et ponitur hic Cælum ſingulariter, non pluraliter, quia omnes Cæli in vna natura conſiſtunt luminosa, & in vna figura circulari, & in vna periodo, vel meſura in eſſe corporali. Et dicitur Cælum à cælando, quia totam naturam inferiorem integraliter ambit, & in ſe, & ſua continentia claudit. Et Terram, ideſt naturam opacam, & inferiorem. Et dicitur Terra, quia teritur pedibus animalium, & eſt eorum ſolidum ſuſtentaculum; & etiam vomeribus, & alijs iſtrumentis, ut exulta fructificet, quia eſt animalibus in nutrimentum, & pabulum.

HAMERVS Commentatione ſua in Geneſim, cū Cæli nomen quandoque aërem, quandoque Cēleſtes Orbes ſignificare narraſſet, ex Moſis verò Aegyptij auctoritate, novem eſſe Orbes ſtatuiſſet, his concludit.

Sic igitur conſentaneum eſt Moſen, omnes Cælos, ſive novem ſint, ſive decem, intellexiſſe, cū inquit: In principio creavit Deus Cælum, & Terram. Nec obſtat, quòd Græcè & Latine in ſingulari legimus Cælum; cū Hebraicè in plurali legimus, In principio creavit Deus Cælos & Terram. Terra vocabulo hand dubio, quantum hoc elementum intelligitur, quod inhabitamus; nec mirum videri debet, quòd Cælo, ſtatim Terram addit.

LYRANVS in Poſtillis ſua prima expoſitione.

Cælum, ideſt corpora cēleſtia omnia in ſuis formis ſubſtantialibus diſtincta, licet adhuc in aliquibus proprietatibus accidentalibus eſſent informia, ut patebit infra. Et Terram; in ſua forma ſubſtantiali diſtinctam, & aliquibus proprietatibus formam ſubſtantialem neceſſariò concomitantibus: quia tamen adhuc quantum ad aliquid erat informis; ideo ſequitur, Terra autem erat inanis, &c.

TOSTATVS ſimilia docuit prima ſua expoſitione, quam tamen non approbat.

Cælum, ideſt omnes Cælos in ſuis formis ſubſtantialibus diſtinctis, ſive Empyreum, ſive alios: quia ſecundum iſtam poſitionem, omnia in ſuis ſpeciebus fuerunt ſimul creata. Quod autem dicitur poſt de eis, quòd fuerint facti, vel creati; intelligitur quantum ad aliquas diſpoſitiones accidentales. Et Terram: perfectam in ſua forma ſubſtantiali: & intelligit etiam aquam, aërem, & ignem; etiam diſtinctos in ſuis formis: licet eos in textu non nominaverit, quia non ſunt ita viſibiles ſicut Terra.

PERERIVS Commentarijs in Geneſim libro primo.

Ego igitur arbitror, nomine Cæli hoc loco intelligendum eſſe vniuerſum corpus Cēleſte, cunctos Orbes complectens; ita ut in principio Deus creaverit ſubſtantiam, & numerum omnium Cælorum, ſine luce tamen, motu, & diſtinctione ſyderum; poſtea verò tribuit eis lucem, & ſuum cuique Cælo motum, & accendit in eis ſydera, magna vi & poteſtate ad agendum pollutia. Itaque corpus Cēleſte factum eſt ab initio perfectum, quod

Coelum, et Terram.

a. Idest, quicquid supra nos est, & subter.

quod attinet ad substantiam, numerum, ordinem, seu dispositionem, magnitudinem, figuram, denique partium densitatem, & raritatem: deinde verò multa sunt illis addita primo, & quarto die; hoc est, suus cuique Orbi Angelus motor, proprius cuiusque motus, decor lucis, & astrorum distinctio: denique singularis, & mira cuiusque Celi vis, & potentia agendi; Porro nomine Terra interpretor, & intelligo id, quod nomen ipsum praesentat, & significat, verum, inquam, Terrae elementum. Cum enim doctrina hæc Moyses (ut sepe diximus) historica sit, verba eius propriè, non figuratè, seu allegoricè sunt accipienda: nanque ob hanc potissimum causam, Tertullianus valde reprehendit Hermogenem, quod, quam Moyses vocat Terram inanem, & vacuam, is proprias vocum notiones deprauans, dixerit esse materiam primam.

a. Quicquid super nos est, & subter.

Coelum, quicquid supra nos est, Orbes scilicet Cœlestes, ignem, & aërem; Terram, hoc est, quæ sub nos sunt, aquam, & terram: Nam & Doctores præclari tandem non defuerunt, qui adeò amplificarent Cœli, ac Terræ significationes, ut per Coelum omnia nobis superna & per Terram, omnia nobis inferna intellexerint.

C A I E T A N V S Commentarijs in Genesim.

Cum his tamen speculationibus, intellige secundum literæ sonum, explicata omnia corpora simplicia Hebræo populo: eo quod Cœlorum nomine intelligunt omnia superiora corpora, videlicet, Corpora Cœlestia, & Sphæras ignis, & aëris: Terram autem coopertam aquis.

S T E V C H V S expressit id clariùs Cosmopœia in Genesim.

Tripliciter enim dicitur, Aristoteli auctore, Cælum: Primum id quod est habitatio Deorum, extra Cœlestem vertiginem, ubi neque locus sit, neque vacuum, neque tempus, sed res tantum beatissimæ. Secundo dicitur Cælum, substantia Orbium Cœlestium, Orbis Solis, Lunæ. Tertio, Cælum est, quicquid est præter terras. Quicquid est supra terras, cum quo & aër, & æther est adiunctus. Hoc igitur postremum memoratur apud Moysen.

H V G O Carenensis in Postillis, ante præfatos.

Vel Cælum, idest, superiora duo elementa; Terram, duo inferiora.

V I E L M I V S Lectione Tertia.

Porro autem existimo Celi nomine complexum esse Moysen omnia superna corpora ab aqua, & terra, quorum est unum centrum, & per analogem posuisse singulare pro plurali. Etenim, cum sit necesse, ut ab alterutra voce stent, nec desint, qui à terra cetera elementa velint, quod cum ea cognationem quandam habent, sit nihilominus mihi probabilius, ut potius Celi nomine veniant, quod Psalmo octavo citra ambiguitatem, Aër Cælum dictus fuerit, constetque ignem, & aërem (magis tamen ac minus) conuersione Cælum fieri. Quicquid igitur terræ & aquæ elementis supernum est, nunc Moyses, (quantum ratione consequi possum) appellauit Cælum, ut proinde nullum omiserit in hac propositione corpus insigne, quod hunc sensilem orbem constituat: quamobrem & repente de aqua, tanquam, quæ iam extaret, & cuius creationem exposuerit, sermonem est habiturus.

Et post de Terra.

Terram, sedem illam firmam, & perenniter duraturam, Eccles. primo, medio libratam axe, centrum, ac basin Mundi, eamque Dei scabellum. Isaia sexagesimo sexto præstantem, & admirabilem plantarum, atque animalium parentem, nutricem, & receptricem: Psalmo centesimo tertio, Isaia quadragesimo. Quam & nobis, dum peregrinamur à Domino, incolendam, terendamque, & subiugandam amanter ille, & benignè dedit.

L I P P O M A N V S etiam maiori amplificatione nomine Cœli cum aëre, igne, & Cœlis, etiam Empyreum, Angelosque venire his tradit.

Cœli autem nomine complectitur omnia, quæ sursum sunt, aërem, ignes, corpora Cœlestia omnia cum spiritualibus creaturis, quæ sunt in Cœlis, & sensibus nostris capi non possunt. Terra verò dicitur quicquid deorsum iuxta Terram conspicitur, cum aquis ipsis, terræ adherentibus. Ac si dicat, quicquid in toto Mundo vides, vel non vides, sursum ac deorsum, initium suscepit, aliquando non fuit, de nihilo conditum est à Deo vno, & solo, quem solum colere debet homo, & adorare, cui hæc omnia seruiunt, & Dei creature sunt, proque Deo coli omnino non possunt.

Sed de his postremis duabus expositionibus, quid existimandum sit, mox aperiā.

Iudicium Auctoris.

Colligo primum funem, ut è labyrintho egredi possim; Cœli nomen ad significandam partem Mundi supernam, hoc est, Cœlestia, traxit Chrysostomus, Cyrillus, Augustinus, Steuchus, Burgenfis. Ad Idæas Plato, & Philo. Ad Angelum, seu in pura natura, seu beatum, Augustinus, Eucherius, Beda, Strabus, Magister, Hugo, non ex sua quidem sententia, sed ut D. Augustino applauderet. Ad Empyreum Philo, Clemens, Origenes, Diodorus, Hilarius, Iunilius, Anselmus, Rupertus, Strabus, Hugo, ut communifaueret sententiæ, Petrus Comestor, D. Bonauentura, Lyranus, Tostatus in sua secunda expositione, & Catherinus. Ad corpus Cœleste præseminatum in Chaos, Gregorius Nyssenensis, Alcuinus. Ad tria superna elementa in specie nebulae expansa, Hugo, Richardus. Ad supremum Orbem tantum, Basiliius, Ambrosius, Damascenus, Theodoretus, Gennadius, Acacius, & nuperrimè Caietanus. Ad cunctos Orbes Cœlestes, Tertullianus, D. Thomas, ac Scholastici ferè omnes, Hamerus, Tostatus, Lyranus in secunda expositione. Ad cunctos Orbes Cœlestes, & Empyreum, Aegidius, & Pererius. Ad duo superna elementa, aërem, & ignem, & cœlestia corpora, Vielmus. Ad eam, & Angelum, Lippomanus. Terræ pariter significationem ad inferam, vel mediam Mundi partem, hoc est terrestria, seu elementata, Chrysostomus, Cyrillus, D. Augustinus, Steuchus, Burgenfis. Ad Idæam Terræ, Plato, & Philo. Ad materiam primam, Augustinus, Eucherius, & Beda, ac Strabus. Ad Chaos vniuersali quadam formarudi præditum, Gregorius Nyssenensis, Catherinus. Ad Chaos congestum ex elementis, Iunilius, Magister, Petrus Comestor. Ad Terram elementum, Basiliius, Ambrosius, ac ceteri prisci Patres, D. Thomas, Hugo, Richardus, Caietanus, Pererius. Ad Terram, & Aquam, Vielmus, Lippomanus, Steuchus. Non ignoro autem ex hac bene agnita interpretatione, quasi ex bene apprehenso tramite, iter mihi parari ad certam Moysis historiæ intelligentiam, atque quod à vera huius loci commentatione aberrare, sit vagos, difficilesque calles mihi præparare. Profiliunt certè tot totius Moysis historiæ interpretationes, ac creationis Mundi modi, quot sententiæ sunt recitatae. Cum igitur ex huius loci interpretatione totius ferè præsentis capitis clari, & veri sensus emergant, ac proficiantur, necessarium est, ut arduam & prolixam suscipiamus disceptationem: Primumque genesis Angelorum, & Empyreii exponentes, num in hac conditi Orbis narratione comprehendantur, definiamus. Quod si exclusos esse tum Angelos, tum Empyreum, tantumque Mundi huius sensilis genituram, & effectiorem describi decreuerimus; inuestigandum mox erit, Num Mundus absolutus vnico momento manarit, an sex dierum tempore; & si eo ordine Mundum prodixisse statuerimus, ut primum Chaos quoddam Deum produxisse dicamus, ac post tribus diebus perfecisse, & alijs tribus exornasse; inquirendum etiam supererit, quodnam Chaos illud fuerit, num rude vna vniuersali forma præditum, an ex elementis, & Cœlis constitutum. Si verò ipsum ex Cœlo, & elementis suis substantialibus formis præditis constare asseruerimus, mox facile apparebit, quid Cœli & Terræ nomine intellexerit Moyses, habebimusque claram seriem, quo ordine illud distinxerit, aut venustarit. Quæ maxime facient ad literam huius capitis declarationem, ad omnemque opificij Mundi effectiorem assequendam.

De Genesi, seu de productione Angelorum.

Vm Angelus præstantissimus sit rerum, tum diuinarum, tum humanarum à Deo creatarum, eiusque productio, ut benè censuit Augustinus, vel à Mose prætermissa non fuerit, vel si ab ipso oblitterata fuit, saltem à nobis in hac de rerum omnium genesi narratione omitti & præteriri non debeat; ratio expostulat, ut de ipsius natalibus hæc saltem inuestigemus: Quomodo scilicet manarit; Quo tēpore; & Quo loco; Quo substantiæ genere; Quæ essentiæ præstantia; & Quibus dotibus fuerit insignitus; tandem, Num eius creationem Moyses hoc loco tradat. Mihi parcat, quæso, ingenuus lector, si exactius hæc omnia perpendam. Glossa enim magna

gna hæc est, & magnæ Glossæ prolixitas non est indecens, maximè vbi Patrum plurimorum sententiæ sunt deducendæ.

Fateor præstantissimi Ciues cælestes, meum potius munus esse encomia uestra celebrare, excellentem vestram spiritalem naturam, immortalem, gloriosamque suspicere, innumera vestra, nobis Dei iussu, beneficia impensa contexere, pias nobis intercessionem, ac orationes vestras estuanti animo deprecari, contra infestas Dæmonum impulsiones vestra munimina exoptulare: quàm importuno ausu vestram indagare geniesim. Verùm parcite, quæso, me non dicam temeritati, sed necessitati: Inclyta quippè, ac super omnem creaturam augusta natalia vestra, Patrum sententijs manu ductus, ex instituti mei ratione, pro incomparabili vestra gloria enarrare compellor. Fauete igitur, Dei impetrata mihi gratia, onus hoc libenti animo suscipienti, intellectum rudem illustrate, dirigite calamum, labia calculo mundate ignito; Mea siquidem tanta est imbecillitas, vt nil rectum ex me enunciare queam; sed si quicquam probè dixerò, id vestra tantum ope me dixisse cognoscam.

Mortalium origines, gesta que contexere, si alij arduum existimant, difficillimum certe experior ego, præstantissimorum Cœlestium Spirituum, illorum sublimium diuinæ gloriæ præconum, Mundi que præsidum, primæuam profusionem, natalia ignota, excelsas dotes, cætera que eorum gesta enarrare. Quis nãq; vt à primo exordiar, ex cœluscantissimo Triadis vtero radios illos incomprehensibili, ineffabili, mirifico, excelsosque modo profuents, eo citatissimo temporum primordio, inuestigare vix poterit? quis attingere? quis proferre? Vnum mihi superest refugium; consulam oracula nostra, & ex ipsorum ore eloqui studebo.

Profiliere Angeli Dei Verbo.

GREGORIUS Nazianzenus, in Christi Natiuitatem Oratione Panegyrica.

Quoniam autem bonitati nequaquam satis erat sua ipsius solum contemplatione moueri, sed bonum diffundi, ac propagari oportebat, vt plura essent, quæ beneficio afficerentur (id enim summæ bonitatis erat) primam Angelicas, & Cælestes virtutes cogitauit; atque illa cogitatio opus erat, quod Verbo conficiebatur, ac Spiritu explebatur. Atque ita secundæ splendores procreati sunt, primi splendoris administri.

NICETAS in Commentario.

Atque hic tibi animaduertendum, principem eorum, quæ fiunt, causam, Patrem esse, effectricem vero Filium, perfectricem autem Spiritum Sanctum; Ita vt Patris quidem voluntate administri Spiritus existant; actione vero Filij in rerum naturam producantur; Spiritus autem præsentia, perfectionem, & expletionem accipiant.

Et Oratione secunda in Pascha, quæ est quadrag. secunda, Gregorius Nazianzenus eadè ferè recitat, & Carmine de Mundo elegantissimo Poëmæ, id ipsum his edisserit.

Hoc quoque præterea, quo se exerceret, habebat,
Sancta Trias. Mundi formas nanque ipsa futuri,
Iam sibi præsentis, lustrabat mente beata.

Et post.

Post autem fetus in ortum
Tempore maturo erupit, cum cuncta rexit,
Vnigenus Sermo, claraque in luce locauit.
Ac ratione quidem pollentem, & mente volebat
Condere naturam, quæ partim sedibus altis
Degeret, & terra partim, primi que referret
(Vt speculum quod labe uacat, præstatque nitore)
Luminis effigiem, sanctæque imitamina formæ:
Sic tamen, vt superæ mentes, regis que ministræ
Vndique fulgenti radiarent lumine, contra
Hic imæ imperium, & regalia sceptrâ tenerent.
Nanque suum latè cupiebat fundere numen:
Scilicet, vt plures, quibus induperaret, haberet
Cœlicolas, pluresque sua quos luce bearet.
Nam Patris hæc demum superi est natura, beare.

Profiliere ex sola Dei bonitate.

CHRYSOStOMVS libro primo de Prouidentia Dei.

Principio cum Angelos crearet Deus, immo vero, ut priora complectatur oratio, antequam Angelos conderet, Caelestesq; reliquas virtutes; Deus erat sine ullo vnquam suae substantiae principio. Cum vero nullius rei egens semper esset, id quippe proprium Diuinitatis est, creauit Angelos, Archangelos, omnesq; reliquas incorporeas, immortalesq; substantias. Creauit vero ob aliud nihil, nisi sola bonitatis suae causa. Quorum enim obsequio non indigebat, nunquam eos profecto creauisset, nisi supremè bonus, atque clemens esset.

Emanarunt ex nihilo.

Obtestantur id plures Patrum; quorum sententias intexere ut in re conspicua superfluas, non consentaneum iudicauit.

CYRILLVS Alexandrinus in Genesim libro primo.

Quid igitur quaeso? oportet enim hunc sermonem ad illa, quae modum humani generis superant, redigere, scilicet ad beatos Angelos, qui à Deo facti sunt, atque ex nihilo producti, Angeli, Archangeli, Throni, Potestates, Virtutes, atque Principatus, ipsa quoque superna Seraphim.

Emanarunt Angeli modo ineffabili.

CHRYSOStOMVS Homilia de Lapsum hominis.

Deus sine initio sempiternus, sine fine perpetuus, praescius omnium futurorum, non ab initio aliquid facere inchoauit, quod antea non disposuerat: sed ita omnis creatura in eius fuit dispositione, ut initium etiam quae facta sunt, in Deo non habeant: quia semper fuit in Dei dispositione, quod postea factum est in operatione: fecit ergo Deus Angelos miro, & ineffabili modo, dicente Propheta; Qui facit Angelos suos spiritus, & ministros suos ignem vrentem.

Psal. 103.

Prodiere repente, & simul.

THEODORETVS de Graecarum affectionum curatione, libro tertio, de Dijs, & Angelis, sic inquit.

Naturam eorum spirituum, qui videri non possunt, nequaquam ex duobus, ut humane naturae primae propaggines Adam, & Euam: sed vniuersam simul, semelq; creauit. Quot enim millia eorum spirituum ab initio esse sanxit, tot repente simul produxit.

ATHANASIVS contra Arrianos, sermone tertio.

Et ex creatione Mundi visibilis, inuisibilia eius hoc genere operum intellecta contuemur, colligimusque, ne illic quidem quicquam seorsum in suo genere, aut prius, aut posterius creatum esse; sed omnia simul, quae eiusdem conditionis sunt, extitisse.

Prodiere tanquam radij à Sole.

GREGORIUS Nazianzenus, Oratione allegata.

Atque ita secundi splendores procreati sunt primi splendoris administrari.

Et in Oratione trigesima quarta, quae est secunda de Theologia, id ipsum ferè testatur. Mirifica certè comparatio: quemadmodum siquidem Sol mox ut coruscantem lucem ad extra in aërem ineffabili radiatione diffundit, innumeros radios occisimè vbique splendentes exhalat: ita sanctissima illa Diuina essentia, ut se ad extra communicare dignata est, mox primo loco innumerabiles Angelicorum spirituum acies, naturae splendore micantes, effudit.

Erupere tanquam scintilla à Silice.

GREGORIUS Magnus expositione morali in Iob, libro trigesimo primo, capite decimo nono, Angelos, Silices appellari posse, luculenter his demonstrauit.

Et in praeceptis silicibus commemoratur, atque in accessis rupibus. Qui enim sunt alij praecepti silices, nisi illi fortissimi Angelorum Chori; qui quamuis non integri, sed tamen in proprio statu fixi, cadente cum suis Angelis Diabolo, remanserunt? Praerupti enim sunt: quia pars eorum cecidit, pars remansit. Quemad-

Quemadmodum igitur ex lapide, ferro percusso, innumera profiliunt scintillæ; ita verbo à diuina sanctione ad proferendos Angelos destinato, immunerabiles erupere Angeli, vt scintillæ suæ naturæ eminentia fulgentes: seu quemadmodum ex accenso ignito stipite cōcitante ferro, infinitæ exeunt fauillæ; ita ex flagrantissima Diuina voluntate, qua pulsus Deus dedit esse, his quidem clariùs, his autem obscuriùs, infiniti prope erupere Angeli. Quis igitur non obstupescet genesim adeò mirificam Angelorum, Dei verbo ex immensa bonitate, modo ineffabili, repente, & simul, ad instar radiorum ex Sole, seu scintillarum ex lapide, seu fauillarum ex igne prodeuntium? Demirari nobis certè potius, atque suspicere hanc eorum genituram incumberet, quàm imperitè eam enarrare.

Profiliere non ab eterno.

A M B R O S I V S libro de Sacramento Incarnationis Dominicæ, capite tertio.

Remaneant etiam Angeli, & Archangeli post Verbum, etsi principium eorum non inuenio, erat tamen Verbum quando non erant; Non erant enim, qui aliquando ceperunt.

Angelos à classe Creaturarum eximendos non esse, nec ab eterno profiliisse, (quod & ipsi non nisi inuiso, ac rubenti ore, vtpote suæ conditionis memores audient) Theologia nostra ex ipso veritatis Scripturæ nitore elicit. Quamuis enim Thomistarum sententia, potuisse Deum ab æterno Mundum & pari ratione Angelos conflare, produxisse tamen ab æterno vel Mundum, vel Angelum; nullus vnquam omninò Patrū, seu Doctorum, autumasse conspicitur. Siquidem si Angeli ab æterno emanassent, vel sine Deo, vel à Deo prodixissent; Si sine Deo, igitur Dij essent, Deoque in æternitate compares: Si à Deo, vel ex natura, vel ex beneplacito emerfere: Si ex natura, iterū Dij essent: quoniam quæ à Deo ex natura proueniūt, Deus esse dicuntur; quo quid absurdius? quid magis impium? Si verò ex beneplacito, igitur creati sunt, cū Deo placuit. At Deo non libuisse vllam conflare in ipso æternitatis apice creaturam, oracula Scripturarum, omnisque Theologorum cētus edocet. Da igitur quodcumque uolueris momentum post Deum, in quo manarint Angeli, iam eos ab æterno non extasse euictum est. Enarrandum igitur nobis superest, disceptandumque grauius, Quando profilerint: Quo loco: Qualis prodierint substantiæ: Et quibus præcipuè insigniti dotibus, tum naturalibus, tum supranaturalibus.

Deo non placuit vllam re ab æterno producere.

Num Angeli conditi sint ante Mundum.

De genesis Angelicæ tempore, plures adsunt illustriores sententiæ. Ecclesia Græca ferè omnis, ac prisca Latina ante D. Augustinum, permultis ante Orbem sæculis, æonis (vt D. Basilii loquitur) intelligibilibus nobis incognitis, ac incompertis, vel saltem parum ante Mundum, Angelos fuisse à Deo editos existimauit.

Catena Patrum asserentium Angelos conditos ante Mundum.

A E N E A S Gazæus libro inscripto Theophrastus, Apollinis Oraculum, hoc prodidisse his tradit.

Sed & Apollo quodam Oraculo edito respondit: ante hominum, Mundi que creationem, Dæmones factos esse, qui Conditori salutem hominis curanti subseruirent. Oraculum autem ipsum sic habet; Conditi sunt ante nos, diuinamque Mundi generationem, immortales Spiritus in nostram vtilitatem.

T E R T V L L I A N V S, seu, vt Iacobus Pammelius mauult, Nouatianus, Romanæ Urbis Presbyter, libro de Trinitate.

Quamquam etiam superioribus, id est super ipsum quoque solidamentum partibus, quæ non sunt hodie nostris contemplabiles oculis, Angelos prius instituerit, spirituales virtutes digesserit, Thronos, Potestatesque præfecerit, & alia multa Cælorum immensa spatia, & sacramentorum infinita opera condiderit; vt immensus hic licet Mundus, penè nouissimum magis Dei corporalium rerum appareat opus esse, quàm solum.

O R I G E N E M, Angelos ante Mundum creatos existimasse, clarè educitur ex Periarchon doctrina; his liquidem in libris, præcipuè libro primo, ac etiam libro

bro secundo, capite primo, demonstrare Origenes (erroneè quidem) contendit, inuisibiles Creaturas ante Mundum æquales à Deo fuisse conditas: ob earum autem inæqualia merita & crimina ad dispares functiones, vel pœnas fuisse destinatas. Quapropter opificem Deum, hunc sensibilem Mundum compegisse, inæqualiaque entium genera, & naturas in eo excogitasse, vt impares eis functiones impertiretur, & inuisibiles illas creaturas in corpora ipsa, tanquam in carceres detrudens, inæqualibus pœnis mulcicaret. Ait igitur.

Cum ergo tanta sit Mundi varietas, atque in ipsis rationabilibus animantibus sit tanta diuersitas, propter quam etiam omnis reliqua varietas, ac diuersitas putanda est extitisse: quam causam aliam dici oportebat, qua Mundus extiterit, præcipue si intueamur illum finem, per quem omnia restituenda in statum initij sui, libro superiori disertum est. Quod utique si consequenter dictum videtur, quam aliam (vt dicimus) causam putabimus tantæ huius Mundi diuersitatis, nisi diuersitatem, ac varietatem motuum, ac prolapsuum eorum, qui ab illa initij vnitatem atque concordiam, in qua à Deo primitus procreati sunt, deciderunt; & ab illo bonitatis statu commoti, atque distracti, diuersis debine animorum motibus, ac desiderijs, agitati, vnum illud & inuisibilem naturæ suæ bonum pro intentionis suæ diuersitate, in varias deduxerunt mentium qualitates.

Origenem hoc loco de animabus sermonem habere suspicari haud infcieniter possumus; sed si animas ante Mundum creatas censuit, multo magis id de Angelis, ipsum existimasse affirmandum est. Id ipsum insinuauit Homilia quarta in Isaiam. Sed hæc excreati sunt Patres prisci, præcipue Augustinus vndecimo de Ciuitate Dei, capite vigesimo tertio: Hieronymus in Epistola ad Pammachium aduersus errores Ioannis Hierosolymitani.

G R E G O R I V S Nazianzenus in Christi Natiuitatem Oratione Panegyrica.

Deus primum Angelicas, & Cælestes virtutes cogitauit: atque illa cogitatio opus erat, quod Verbo conficiebatur, ac Spiritu explebatur. Et post. Posteaquam autem primas creationis partes præclarè constitutas vidit, alterum Mundum materia constantem, & aspectabilem cogitauit, hanc nimirum ex Cælo, & Terra, & his rebus, quæ eorum complexu continentur, coagmentationem, & concretionem.

N I C E T A S eoloco sic inquit.

Intellectilis Mundus creatus est, hoc est, primo ordine, & vnica cogitatione; atque ob has causas, hoc est, non propter necessitatem, sed propter bonitatem solam; & quia bonum illud permanere, ac propagari oportebat. Postquam autem Cælestia ita creata, præclareque constituta sunt, (nec enim aliter contingere poterat) Mundum quoque aspectabilem, atque ex materia constantem, moliri, & efficere voluit.

Consimilia consimilibus ferè clausulis edocet præstantissimus is Pater, Oratione secunda in Pascha, quæ numero quadragesima secunda compilatur.

N I C E T A S Græcus Commentator insignis Patrum, Commentatione sua in Orationem Gregorij Nazianzeni Panegyricam, in sancta lumina, ait.

Deus quippe motus sese ad rerum procreationem & fabricationem, agitauit; ac primò quidem ipsius motu Angeli procreati sunt, vtpotè ante tempus conditi: quandoquidem ante Cælum, & diem, ac Solem, qui tempus constituit, Angeli creati sunt; secundo autem hic Mundus, qui aspectu sentitur.

B A S I L I V S Hexameron Homilia prima, dilucidè certè Angelos beatos ante Mundi ortum extitisse asseuerauit, causamque cur eorum Moses genesim non meminerit, explicauit, cum dixit.

Erat sanè status quidam Mundi generatione superior, abstractis illis à concretionem materia potentijs Mundo præstantioribus pro decoro accommodatus, temporis etiam conditione anterior, æternus nimirum, ac perpetuus. Creaturas autem in ipso Creator omnium, atque opifex perfecit, lucem spirituales eorum beatitudini accommodam, qui Dominum amant, naturas rationis vi maximè præditas atque inuisibiles, omnesque beatitudinis ordines, quotquot nostræ mentis quantamlibet dixeris, facultatem exuperant; quorum ne nomenclaturas quidem possumus inuenire. Et hæc substantiam complent Mundi illius inuisibilis, vt & ipsi insinuat Doctore Paulo: In ipso, ait, condita sunt omnia, siue visibilia, siue inuisibilia, siue Throni, siue Dominationes, siue Principatus, siue Potestates, siue Virtutes, siue Angelorum exercitus, siue Archangelorum præfectus. Tum demum conueniebat, his iam conditis Mundus, vt accederet, & adiungeretur, qui in primis locus esset perdocendis animabus hominum, atque erudiendis sanè quàm accommodus.

A N A S T A S I V S Synaita Hexameron libro primo, D. Basilij assertioni his annuit.

Diuinus autem, & sublimis Basilius soluens, quæ de principio infertur, obiectionem, dixit sensibili Mundo esse vetustiorum intelligentium virtutum constitutionem. Et post. Cælum quidem, simul comprehendendo, nominat omnes Cælestes, & intelligentes, sanctarum virtutum, & intelligentis Mundi constitutiones, vt intelligas

telligas supernum Mundum prius fuisse fabricatum, congruentem voci Theologi, quæ dicit; Primum quidem mente cogitavit Angelicas virtutes, & Cælestes; & cogitatio opus fuit.

CYRILLVS Alexandrinus in Ioannem libro sexto, capite sexto, in hanc cadere sententiam visus est, cum ait.

Atqui cum Mundus iste sensibilis productus est, & homo formatus: iam creata subsistit substantia Angelica, primò omnium (ut complurimum est sententia) ad esse deducta.

IOANNES Cassianus, quanquam Scythia, inter Græcos attamen connumerandus, Collatione octaua, capite septimo.

Ante conditionem huius visibilis creaturæ, spirituales, cælestesque virtutes Deum fecisse, quæ pro hoc ipso quod scirent se ad tantam beatitudinis gloriam beneficio Creatoris ex nihilo fuisse productas, perpetuas ei gratias referentes, indefinenter eius laudibus inhererent, nemo fidelium dubitat. Nec enim existimare debemus creationis, & opificij sui principia ab huius Mundi constitutione Deum primitus inchoasse, quasi in illis anterioribus, atque innumeris seculis, ab omni prouidentia, & dispensatione diurna fuerit ociosus, ac tanquam non habens in quos bonitatis suæ beneficia exerceret, solitarius, atque ab omni munificentia alienus fuisse credatur; quod de illa immensa, ac sine principio, & incomprehensibili Maiestate satis humile est, incongruumque sentire, ipso Domino de illis Potestatibus hæc dicente; Quando facta sunt simul sydera, laudauerunt me voce magna omnes Angeli mei. Qui ergo interfuerunt creationi syderum, ante istud principium, in quo factum dicitur Cælum, & Terra, creati fuisse manifestissime comprobantur: quippe qui pro istis omnibus visibilibus creaturis, quas videbant ex nihilo processisse, Creatorem magna voce referunt, & admiratione laudasse. Et Post. Ante istud, inquam, geneseos temporale principium, omnes illas Potestates, Cælestesque virtutes Deum creasse non dubium est. Quas Apostolus per ordinem numerans, ita describit; quia in Christo creata sunt omnia, siue quæ in Cælis, siue quæ in Terra sunt, visibilia, & inuisibilia; siue Angeli, siue Archangeli, siue Throni, siue Dominationes, siue Principatus, siue Potestates; omnia per ipsum, & in ipso creata sunt.

Coloss. i.

IOANNES Damascenus Orthodoxæ fidei libro secundo, capite tertio, ex Gregorij Nazianzeni præceptoris, quem ipse Deiloquum appellat, sententia, id ipsum affirmavit.

Nonnulli porro dicunt, ante omnem creaturam factos Angelos, ut Deiloquus dixit Gregorius: & primum quidem excogitasse Angelicas, & Cælestes virtutes, & eius cogitationem opus fuisse: Alij autem, post primum Cælum factum. At quod ante hominis plasationem creati sunt, concordant omnes. Ego verò Deiloquo Gregorio accedo. Nam par fuit primum intellectualem substantiam creari, atque sic sensibilem, & tunc ex utrisque hominem.

IOANNES Chrysostomus Homiliis in Genesim id ipsum retulit.

Propter te, ait, o homo, hæc omnis corporea creatura, non enim Angeli eius indigebant. Qui enim fieri potest, qui ante extiterant. Nam quod multo sunt priores Angeli corporea creatura: Audi quid dicat is qui cum Iob differebat; Quando facta sunt astra, laudabant me omnes Angeli mei voce magna, & celebrabant stupentes super multitudine, & pulchritudine.

Iob. 38.

Et libro primo de Prouidentia Dei, ait.

Principiò cum Angelos crearet Deus; immò verò ut priora completatur oratio, antequam Angelos conderet, Cælestesque reliquas virtutes, Deus erat sine ullo, inquam, suæ substantiæ principio. Cum verò nullius rei egens semper esset (id quippe proprium Diuinitatis est) creauit Angelos, Archangelos, omnesque reliquas incorporeas, immortalesque substantias. Creauit verò ob aliud nihil, nisi sola bonitatis suæ causa. Quorum enim obsequio non indigebat, nunquam eos profectò creauisset, nisi supremè bonus, atque clemens esset; post verò illorum creationem fecit hominem, ipsa scilicet, atque eadem causa, Mundumque hunc omnem; quem cum innumeris bonis, omni que ornatu, ac decore insignisset, paruum illum atque vilissimum puluerem his omnibus præfecit, hoc illum in terra constituens, quod ipse esset in Cælo.

Deus sola bonitate Angelos creauit.

SEVERIANVS Gaballorum, interprete Steucho.

Creati sunt Angeli ante Cælum, post Angelos Cælum, & quæ infra Cælum sunt. Aderant igitur rerum creationi Angeli: stabiliebatur Cælum, Angeli laudabant. Nam quoniam se ipsos nascentes non viderant, Cælum creatum admirati sunt; intuebantur Solem rutilantem, videbant Lunam radiantem; item nata sydera, attonitique stupebant. Dicit enim Deus ad Iob; Quando faciebam astra, omnes Angeli mei laudabant me.

Iob. 38.

DIODORVS, ut ex Catena habetur, si non multis annis, saltem paulò ante Mundum fuisse conditos Angelos asseruit, cum dixit.

Post inuisibiles, atque intellectu præditas substantias, Deus Cælum statim, vñ cum Terra fabricatus est: non illud, quod aspectabile est, sed quod sub omnes Cælos est, quod David Cælum Cæli nuncipare solct.

PROCOPIVS Præfatione Commentariorum in Genesim, inquit.

Adest Iobis testimonium, cuius tenor est: Cum congratularentur stellæ matutine, & iubilarent cuncti filij

Aa

filij Dei. Per *Stellas matutinas*, intellige *Angelos*, vt habent *Septuaginta Interpretes*. Quibus ex verbis liquet satis *Angelos* ante *Cælum & Terram* suam essentiam adeptos. Nam, vt dilucidè distinguit *Moses*, *Astra* tertio demum post die facta sunt.

Ex Latinis (vt euitandæ prolixitatis causa multos omittam) huic sententiæ plurimum detulerunt auctoritatis duo splendida lumina, *Ambrosius*, & *Hieronymus*.

A M B R O S I V S *Hexameron* libro primo, capite quinto: cum omnia facta esse per Verbum disceptaret, in hæc incidit verba.

Et factus est ergo Mundus, & cepit esse qui non erat. Verbum autem Dei in principio erat, & erat semper. Sed etiam Angeli, Dominationes, & Potestates, etsi aliquando ceperunt; erant tamen iam quando hic Mundus est factus. Omnia nanque creata, & condita sunt, visibilia, & inuisibilia, siue Sedes, siue Dominationes, siue Principatus, siue Potestates. Omnia, inquit, per ipsum facta sunt.

Ioan. I.

H I E R O N Y M V S super primum caput *Epistolæ ad Titum* hoc ipsum contestatur.

Sex millia necdum nostri Orbis implentur anni, & quantas prius eternitates, quanta tempora, quantas seculorum origines fuisse arbitrandum est: in quibus Angeli, Throni, Dominationes, ceteræque Virtutes seruiuerint Deo, & absque temporum vicibus, atque mensuris, Deo iubente substituerint.

Magister secundo sententiarum distinctione secunda, *Hieronymum* ex aliorum sententia id prodidisse autumat.

Cæterum idem *Hieronymus* in *Epistola centesima quadragesima secunda ad Damasum*, exponens ea verba (& duabus uelabant faciem eius,) ait.

Velabant faciem, non suam, sed Dei. Quis enim eius potest scire principium? qui antequam istum conderet Mundum, interim fuerit in eternitate, quando Thronos, Dominationes, Potestates, Angelos, eorumq; ministerium cæleste condiderit?

Locus, meo iudicio, est conspicuus, maximè si quis subsequentiâ dignabitur rimari.

H I L A R I V S his accedit duodecimo de *Trinitate* non longè à fine.

Quid enim magnum est, vt ante Terram, Deus Dominus Christum generaret, cum Angelorum origo Terra creatione reperiatur antiquior?

Et in libello contra *Auxentium* paulo ante finem, his *Arrium* infestat.

Christum ante tempora natum asseris, & creatum; nega igitur Diabolum ante secula, ac tempora substituisse.

L A C T A N T I V S *Firmianus* *Diuiinarum institutionum* libro secundo, capite nono.

Deus fabricaturus Mundum fecit ante omnia duos fontes rerum, duos spiritus, rectum, atque prauum; postea ad multos genuit alios operum suorum ministros, quos Angelos nominant Greci.

Sed hæc à *Theologica* veritate multum abscedunt: Deus siquidè oēs Angelorum acies creauit ob sui sanctitatem, bonitatemq; , nec in *Mundi* emolitione eorum ope usus est.

B E D A in libello *Separatarum questionum*, quæstione nona.

Angeli ante creationem Mundi creati sunt, & ante omnem creationem Angelorum, Diabolus est conditus, sicut scriptum est; Ipse est principium viarum Dei.

Iob. 4.

A N S E L M V S *Cantuariensis* de *immagine Mundi* libro secundo, capite primo.

Aeternum est ante Mundum, cum Mundo, & post Mundum, hoc ad solum Deum pertinet, qui non fuit, non erit, sed semper est, tempora æterna sub quo sunt; & hæc ad Archetypum Mundum, & Angelos pertinent, qui ante Mundum esse ceperunt, & cum Mundo, & post Mundum erunt.

M O S E S *Barcephæ* *Syrus* *Episcopus*, *Commentariorum de Paradiso*, parte secunda, capite septimo.

Illud verò quod ait: Ab initio est; ac si dicat, eam vitam spiritualem atque beatam ab ipso Deo institutam fuisse ante conditum hunc corporatum Mundum; hoc est, ante eam machinam, quæ ex Cælo, Terraq; , & ijs, quæ inter hæc media sunt, constat: atque in ea vita versatos, oblectatosque fuisse Angelos ante hanc Mundi aspectabilem, & corporatam molem creatos fuisse, etsi Syri hoc negent.

Sententiæ tantorum Patrum, vetustate, & auctoritate grauissimorum, plurimè fauent non modici ponderis rationes. Primum nanque *Angelus* dignitate præcessit *Mundum*; igitur & *genesis*. Siquidem naturæ Angelicæ dignitas exposcebat, vt quæ omnem aliam creaturam superexcedit, ac superat, ante omnem aliam etiam conderetur; Nec frigida est, vt multi existimarunt, hæc ratio, quam Patres detulere; *Angelus* siquidem eminentior est creaturis omnibus corporis mole præditis, ac Deo ipsi proximior loco, quoniam certè natura, cum purus spiritus sit nulli additus corpori; eminentior loco, quoniam

Rationes probantes Angelos ante Mundum conditos.

niam Empyreum extra Orbem excelsum, coruscantiq; fulgore enitentem inhabitat: eminentior igitur erit & genesi. Quamobrem vti Deus perenni gaudet aternitate, Mundus in tempore conditus, tempore mensuratur: Angelus ante tempora prodire debuit, ut æuo commensuratur. Amplius id à Theologis, vtratum, exploratumque excipitur, Angelos, scilicet, ac Intelligentias post beatitudinem comparatam, Cœlestibus orbibus addictos fuisse: Haciacta basi, cum Augustinus princeps eorum, qui Angelos ante Mundum non extasse contendunt, ac sectatores eius asserant, simul vnicuique temporum primordio profiliisse Angelos, & Cœlum: Si Angelus non primo cecidit momento (nam morulas saltem duas, vel tres, ut addunt Theologi, à creatione ad lapsum interfuerunt) igitur vel Angelus conditus est ante Mundum, vel certè Cœlum non statim cieri cœpit, quando compactum est, vt ipse Augustinus tradit; quæ omnia ordinem, decoremque Mundi perturbant, atque confundunt. Præterea summa Dei Maiestas exposcebat, vt quàm citius præcones haberet, qui laudes ipsi redderent; igitur si non ab æterno, saltem multis æuis & sæculis ante Orbem laudantes Angelos Deum habuisse censendum est: iuxta illud Iob; Vbi eras cum me laudarent astra matutina, & iubilarent omnes filij Dei. Argumentationem hanc, licet Theodoretus videatur eludere, contendens primò Deum laudatoribus non indigere, & deinde quòd hac ratione Angelos necessariò sempiternos fuisse, asserendum esset; persistit tamen, meo quidem iudicio, nec labefactatur hæc ratio: quanquam enim Deus laudatoribus non indigeret, Maiestatis tamen eius decus, ac specimen exposculabat, vt multo ante orbem conditum laudatores habuerit: Nec ob id dicendum æternos eos esse. Prætermitto Scripturæ locum illum, à Magistro secundo Sententiarum, distinctione secunda delatum, & à Scholasticis passim traditum, Prior omnibus creata est Sapientia, quòd facillè ipsi satisfieri posse non ignorem, seu dicendo, quia dignitate, non tempore prior omnibus dicitur Angelus, seu quòd non de Angelo, sed de æterno Verbo id dictum sit. Nec obstat, quòd illa Sapientia creata dicatur; nam alij profundius locum ponderantes, creata, pro eo quod est semper producta, seu genita, exposuere.

Angeli post Beatitudinē comparatam Cœlis addicti.

Iob. 38. Quæst. 3. in Gen.

Catena Patrum, Angelos cum Mundo conditos esse existimantium.

AUGUSTINVS, ex aduersa acie, princeps, ac dux adest, qui & Angelos cum Mundo congestos, & Mosem eorum genesim recensere, pluribus, ac pluribus in locis edocuit; Explicatum autem est hoc eius placitum, primùm, ac præcipuè de Ciuitate Dei libro vndecimo, eo argumento, quia cum in Mosis chronologia, nullum Dei opus prætermisissum sit, non potuit prætermitti nec Angelus, qui Dei opus iure meritò appellatur. Verba Augustini sunt hæc.

Cap. 9.

Vbi de Mundi constitutione Sacrae literæ loquuntur, non euidenter dicitur vtrum, vel quo ordine creati sint Angeli: sed si prætermisissum non sunt, vel Celi nomine, vbi dictum est; In principio fecit Deus Cælum, & Terram; vel potius lucis huius, de qua loquor, nomine significati sunt. Non autem prætermisissos esse, hinc existimo, quòd scriptum est, requieuisse Deum in septimo die ab omnibus operibus suis, quæ fecit, cum liber ipse sit exorsus; In principio fecit Deus Cælum & Terram: vt ante Cælum, & Terram nihil aliud fecisset videatur. Cum ergo à Cælo, & Terra cæperit, atque ipsa Terra, quam primitus fecit, sicut Scriptura consequenter eloquitur, inuisibilis & incompressa, nondumque luce facta, vtique tenebræ fuerint super abyssum, id est, super quandam terræ, & aquæ indistinctam confusionem: vbi enim lux non est, tenebræ sint, necesse est. Deinde cum omnia creando disposita sint, quæ per sex dies consummata narrantur, quomodo Angeli prætermitterentur; tanquam non essent in operibus Dei à quibus die septimo requieuit? Opus autem Dei esse Angelos, hic quidem etsi non prætermisissum, non tamen euidenter expressum est: sed alibi hoc Sancta Scriptura clarissima voce testatur. Nam & in Hymno trium puerorum, cum prædictum esset; Benedicite omnia opera Domini Domino: in exequutione eorundem operum, etiam Angeli nominati sunt. Et in Psalmo canitur; Laudate Dominum de Cælis: Laudate eum in excelsis: Laudate eum omnes Angeli eius: Laudate eum omnes Virtutes eius: Laudate eum Sol, & Luna: Laudate eum omnes Stellæ & lumen. Laudate eum Cæli Cælorum, & aquæ omnes, quæ super Cælos sunt, laudent nomen Domini: Quoniam ipse dixit, & facta sunt; ipse mandauit, & creata sunt. Etiam hic apertissimè à Deo factos esse Angelos diuinitus dictum est, cum eis inter cætera Cælestia commemoratis, insertur ad omnia; Ipse dixit, & facta sunt. Quis porro audebit opinari, post communi omnia ista, quæ sex diebus enumerata sunt, Angelos factos. Sed & si quisquam ita desipit, redarguit istam

Gen. 2.

Angeli, Dei opus sunt.

Daniel 3.

Psal. 148.

Iob. 38.

vanitatem illa Scriptura pari auctoritate, ubi Deus dicit; Quando facta sunt Sydera, laudauerunt me voce magna omnes Angeli mei. Iam ergo erant Angeli quando facta sunt Sydera: facta sunt autem quarto die. Nunquidnam ergo die tertio factos esse dicemus? Absit. In promptu est enim, quid illo die factum sit. Ab aquis utique Terra discreta est, & distinctas sui generis species duo ista elementa sumpserunt: & produxit Terra quicquid ei radicitus inhaeret. Nunquidnam secundo? Nec hoc quidem: tunc enim firmamentum factum est inter aquas superiores & inferiores, Cælumque appellatum est: in quo firmamento facta sunt Sydera quarto die. Nimirum ergo si ad istorum dierum opera Dei pertinent Angeli, ipsi sunt lux illa, quæ diei nomen accepit, cuius unitas ut commendaretur, non est dictus dies primus, sed dies vnus.

Consimilia habet idem Doctor egregius, de Ciuitate Dei libro vndecimo, capite sexto.

T H E O D O R E T V S quaestione tertia in Genesim, prolixam, ponderosam tamen hac de re habet disceptationem.

Matt. 18.

Deuter. 32.
iuxta septuaginta Int.

Quod autem Angeli substantiam habeant circumscriptam, nemo, ut arbitror, repugnabit: cum Dominus dixerit, singulos homines subesse singulorum Angelorum imperio. Videte enim, inquit, ne contemnat vnum ex minimis, qui in me credunt; quia Angeli eorum vident semper faciem Patris mei, qui in Cælis est: Quinetiam cuique genti proprium Angelum præesse, affirmat Scriptura: verbi gratia, Statuit rebus minores gentium pro numero Angelorum Dei. Si igitur hic istis, ille vero illis præfectus est, singuli verò homines sub vnus, videlicet Angeli, cura degunt; certum est, Angelos determinate esse substantia. Quod si verum est istud, sicuti profectò est, loco utique opus habebunt. Nam sola Diuinitas, veluti minime circumscripta, loco non est obnoxia. At si quod circumscriptum est, in loco est, qui sit, ut Angelos ante Cælum & Terram extare arbitrentur? Nam si non sit in rerum natura, quod comprehendat, quomodo esse possit quippiam, quod comprehendatur? Sed aiunt quidam, necessario dicendum prius Angelos extitisse, quam Cælum & Terram. Si enim Angeli, inquiunt, non extabant, quomodo Deus omnium laudabatur? Verum qui hæc dicunt, non animaduertunt, quod hoc sermone Angelos carere principio astruant. Nam si Deus omnium laudatoribus indigebat, & hos semper habebat laudatores, coeterni igitur erant Angeli cum Deo omnium. Quod si non semper erant, sed Deus eos condidit, quando id expedire iudicauit; erat igitur seculum quoddam, quo Deus vniuersorum illos prædicatores non habebat. Non indiget ergo Dominus Deus laudatoribus, quippe qui natura nullius indigeat: sed sola bonitate ductus, Angelis, Archangelis, & vniuersæ creaturæ largitus est, ut essent. At verò, quo ministerio fungebantur Angeli, qui creationem præcedebant: cum nullus esset, qui indigeret, aut adiunaretur eorum opera? Siquidem in ministerium hominum, Deo omnium subesse dicuntur. Cuius rei testis est Diuinus Apostolus, in clamans. Nonne omnes sunt administratores spiritus, in ministerium missi propter eos qui hereditatem capiunt salutis?

Heb. 1.

Iob. 38.

G R E G O R I V S Magnus expositione morali in Iob libro vigesimo octauo, capite septimo, eam sententiam, Cum me laudarent astra matutina, interpretans, ait.

Quia enim prima in tempore condita natura rationabiliū spirituum creditur, non immerito matutina astra vocantur.

Fatetur igitur D. Gregorius Angelos in tempore congestos fuisse.

E P I P H A N I V S contra Hæreses, libro secundo, tomo secundo, Hæresi sexagesima quinta, exponens id, Ex ventre ante Luciferum genui te.

Psal. 109.

Ioan. 1.

Quo ex sermone cognoscas, quod Deus Verbum in substantia, ex Patre natura genitus est sine principio, & sine tempore, antequam quicquam esset. Non enim Luciferum solum dixit stellam, & quidem cum multa sint Sydera, & Sol, & Luna in quarta die facta, mare verò & ligna, ac fructus antea facta, firmamentumque Terræ, ac Cæli, & cum his simul Angeli facti fuerint. Nisi enim vnà cum Cælo, & Terra Angeli quoque creati essent, non utique dixisset ad Iob; Quando genita fuerint Sydera, laudauerunt me omnes Angeli mei voce. Itaque ante Luciferum, quasi diceret, antequam esset quid, & creatum esset. Erat enim semper Verbum cum Patre; per ipsum enim omnia facta, & sine ipso factum est nihil. Porro dixerit quis, ostendisti Angelos fuisse ante Sydera; & vnà cum Cælo, & Terra hos factos esse dixisti: unde facis demonstrationem, dic nobis? Nunquid ergo ante Cælum, & Terram, omnino creati sunt? Nusquam enim clare indicat Scriptura tempus creationis Angelorum. Et bene quidem ostendisti ipsos fuisse ante Sydera: nisi enim fuissent, quomodo laudassent Deum hymnis ob Syderum creationem? Nos equidem vniuersiusque quaestio- nis inuentionem, non ex proprijs ratiocinationibus dicere possumus, sed ex scripturarum consequentia. Clare enim indicat Diuina Scriptura, quod neque post Sydera facti sunt Angeli, neque ante Cælum, & Terram, cum palam intransmutabile sit dictum hoc, quod ante Cælum, & Terram nihil erat ex creatis. Nam in principio fecit Deus Cælum, & Terram: ut principium sit, & nihil ex creatis ante hoc ipsum sit.

A L B I N V S Flaccus, cognomento Alcuinus, libro de Diuinis Officijs, sub titulo de Die Sancto.

Apparet autem hanc diem etiam in Sanctis Scripturis esse solemnem; Ipse est enim dies primus seculi: in ipso formata sunt elementa: in ipso creati sunt Angeli: in ipso quoque à mortuis surrexit Christus.

G E N.

G E N N A D I V S Libro de Ecclesiasticis Dogmatibus, falsò D. Augusti-
no adscriptus.

Et cum adhuc tenebræ ipsam aquam occultarent, & aqua Terram absconderet, facti sunt Angeli, & om-
nes cælestes virtutes, ut non esset ociosa Dei bonitas, sed haberet in quibus per multa ante spatia bonitatem
suam ostenderet: & ita hic visibilis Mundus, ex materia, quæ à Deo facta fuerat, factus est, & ornatus.

Intelligas tu, cum adhuc tenebræ aquam occultarent, eo momento quo Chaos tene-
bricosum profiliit, emanarunt & Angeli.

R A B A N V S Maurus de Instit. Clericorum libro secundo, capite quadra-
gesimo secundo. Quod Alcuinus ab Isidoro mutuauerat; & ipse vel ab Isidoro, vel ab Al-
cuino deprompsit; siquidem tres hi Patres eadem ferè verbis etiam mutuatis produnt.

Apparet autem hunc diem esse solemnem. Ipse enim est dies primus sæculi, In ipso formata sunt elemen-
ta Mundi; In ipso creati sunt Angeli; In ipso quoque à mortuis resurrexit Christus.

A C A C I V S libro Selectarum quæstionum, vsque adeò primam irridet sen-
tentiam, ut Platoniam fabulam appellet. Ait enim.

Hi, qui Angelos ante Cælum conditos volunt, Platonis Græcorum sapientissimi fabulas sequuti sunt, qui vo-
lunt rationalia, quæ sub intelligentiam cadunt, longè priora, atque antiquiora esse his, quæ sensibus subiacent.

I V N I L I V S in Hexæmeron.

Non ergo superius illud Cælum, quod mortaliū est omnium inaccessibleis conspectibus, inane creatum est,
& vacuum, ut terra, quæ nihil in sua prima virentium germinum, & viuentium produxit animantium creatio-
ne: quia nimirum suis incolis mox creatum, hoc est, beatissimis Angelorum agminibus impletum est: quos in
principio cum Cælo, & Terra, esse editos, ac mox conditionem suam, simul & totius creaturæ primordialis, ad
laudem conditoris retulisse, testatur ipse conditor, qui loquens ad sanctum suum famulum, dicit; Vbi eras,
quando ponebam fundamenta terræ? Et paulò post: Cum me laudarent simul astra matutina, & inbila-
rent omnes filij Dei.

Iob 38.

I S I D O R V S de Summo bono libro primo, capite duodecimo, Augusti-
no consensit.

Ante omnem creaturam, Angeli facti sunt: dum dictum est; Fiat lux. De ipsis enim dicit Scriptura;
Prior omnium creata est Sapientia. Lux enim dicuntur, participando luci æternæ: Sapientia verò dicuntur
ingenite inherendo Sapientiæ.

Ecclesiast. 1.

Et supra capite decimo.

Dies prior factus Angeli sunt: quorum propter vnitatem insinuandam, non dies primus, sed dies di-
ctus est vnus.

H V G O Victorinus in Adnotationibus in Genesim, capite quinto, his acce-
dit, dicens.

Constat, quòd in principio temporum ante omnem diem, ita scilicet, ut simul ceperint, tempus, & materia,
& in eodem tempore Angelus; de quare dictum est: Primò omnium creata est Sapientia, non ante Mundi
constitutionem, sicut quidam Græci existimauerunt; cui sententiæ alludens Hieronymus, dicit; Quis nouit, quot
annis, aut lustis ante Mundum Angeli laudauerunt Creatorem suum? & consimile Salomon dicit in quo-
dam loco; Quis nouit, an spiritus iumentorum feratur inferius, hominum superius? Neuter tamen ponit hoc
pro sententiâ, quod in questione proponit.

Ecclesiast. 3.

Id ipsum Summæ Sententiarum tractatu secundo, capite primo, his fusiùs retulit,
ac clariùs.

Cui auctoritati quidam adherentes, dicunt cum Mundo tempus cepisse, quoniam non fuit mutabilitas ante
Mundum, & tamen fuisse Angelos astruunt immutabiliter, & intemporaliter. Nos tamen, quod dictum est
prius, magis approbamus; & quod Hieronymus dicit, ex dictis Origenis fuit: nec asserendo dictum est, sed
dubitando dixit, inquirendo quantas æternitates arbitrandum prius fuisse &c.

Et adhuc clariùs de Sacramentis Fidei libro primo, parte quinta, capite quarto.

Quantum verò pertinet ad momenta temporum, & interualla, & spatia, hoc interim commodius, & veritati
viciniùs profitemur: quòd simul in tempore vno, & in principio temporis, quando tempora ipsa ceperunt, fa-
cta est, siue creata pariter rerum omnium visibilium materia, & inuisibilem in creatura Angelica, & spiritali
natura. Nec fuisse in tempore, nec cepisse alteram sine altera, nec prius vnâ quàm alteram, sed vtranque
simul in tempore, & cum tempore: & tamen priorem fuisse, ad quam facta est altera, in qua fuerunt exem-
plaria Sapientiæ; quorum effectus sunt, & expressiones, quæ visibilia condita sunt: & hoc modo primo omnium
creata est Sapientia. Qui autem dicunt ante Cælum, & Terram Angelos creatos, & substituisse ante omnia,
quæ mutabilia facta sunt, & computant spatia, & annos, & secula, quibus ante Mundi constitutionem Deo
seruierunt; asserunt, quòd cum Mundo tempus cepit, & non fuit tempus ante Mundum, quoniam mutabilitas
non fuit; & tamen fuisse Angelos immutabiliter, & intemporaliter, priusquam Mundus factus est: &
cum Mundus cepit, tunc primum cepisse tempus, quoniam mutabilitas cepit, & factum Mundum in prin-
cipio

capio temporis. Sed nos interim magis approbamus, quod dictum est, pro captu intelligentie nostrae, salua reuerentia secretorum, in quibus nihil temere asserendum putamus. Et ad hunc modum interim diffiniimus, quod simul facta sunt omnia visibilia, & inuisibilia: sicut Scriptura dicit; Qui viuit in eternum, creauit omnia simul.

R V P E R T V S Abbas apprimè D. Augustini expositionem, ac sententiam declarat in Genesim libro primo, à capite decimo, vsq; ad vigesimum secundum, & inter plura, præcipua hæc habet.

In principio creauit Deus Cælum, & Terram; Sanè Cæli nomine inuisibilis illa sanctorum Angelorum patria: Terræ autem vocabulo, visibilis iste Mundus designatus est; porro ornatus Cæli, Angelica fuit creatura, Terræ autem præter cetera, quæ nascuntur, & sunt in ea, præcipuè genus humanum est.

M A G I S T E R secundo Sententiarum, distinctione secunda.

Ecclesiast. 18.

Ecclesiast. 1.

Cap. 1.

Videtur itaque hoc esse tenendum, quod simul creata est spiritalis creatura, idest Angelica, & corporalis, secundum quod potest accipi illud Salomonis; Qui viuit in eternum, creauit omnia simul: idest, spirituales, & corporalem naturam; & ita non prius tempore creati sunt Angeli, quam illa corporalis materia quatuor elementorum; & tamen primo omnium creata est Sapientia, quia etsi non tempore, præcedit tamen dignitate. Quod autem simul creata fuerit corporalis, spiritalisq; creatura, Augustinus super Genesim ad litteram aperte ostendit, dicens; per Cælum & Terram, spirituales, corporalesq; creaturas intelligi; & hæc creatura sunt in principio, scilicet temporis; vel in principio, quia primo facta sunt. Et post. Simul ergo cum tempore facta est corporalis, & spiritalis creatura, & simul cum Mundo: nec fuit ante Angelica creatura, quam Mundus.

Magistro omnis ferè Scholasticorum acies consentit loco asserito.

H V G O Carenfis Cardinalis in Postillis super Genesim, capite primo.

1. 2. 3.

Apoc. 13.

1. 2. 3.

Cælum, idest Angelum. Quod si dicitur, primo omnium creata est Sapientia, exponit primo propter dignitatem: vel primo, quia ante ipsum, nihil: vel primo, quia prima præuisa est creatio: vel de Sapientia loquitur æterna, quæ dicitur creata, hoc est genita; vel prima, vna de primis scilicet; Quod si D. Hieronymus super Epistolam ad Titum ait; Quod Angeli seruiuerunt Deo ante tempora, expono, seruiuerunt in præscientia Dei, sicut dicitur; Agnus occisus est ab origine Mundi, idest præuisus occidi.

A L B E R T V S Magnus, præcipuè prima parte Summæ de quatuor coæquæis, quæstione duodecima, articulo primo, inter quatuor coæquæa contendit Angelum fuisse; edisseritque vndenam numerus quatuor coæquorum desumendus sit.

Sunt enim quedam creata ex materia corporea mutabili, & illorum principium est materia. Quedam verò ex materia immutabili per generationem, & corruptionem, & horum principium est Cælum. Quedam verò sunt non ex materia corporea, & hæc non possunt esse principiata ex materia, vel ex Cælo, sicut Angelica natura: & idè ista tria coæquæa sunt. Tempus autem coæquæum ipsius ponitur, secundum quod sumitur ex tenso nomine pro mensura cuiuscunque mutationis ad quodcunque esse. Vnde dicitur ibi, tempus mensura progressionis eorum in esse per creationem.

1. 2. 3.

Censuitque amplius Gregorium Nazianzenum, & Damascenum, non emanationis, sed naturæ, & intellectionis ordinem respexisse, cum Angelos ante Mundum conditos diiudicarunt.

D. T H O M A S prima parte, quæstione sexagesima prima.

Cap. 32.

Dist. 2. q. 3.

Cum inueniatur duplex sanctorum sententia, probabilior videtur, quod Angeli simul cum creatura corporea sunt creati: Angeli enim sunt quedam pars vniuersi. Non enim constituunt per se vnum vniuersum, sed tam ipsi, quam creatura corporea in constitutionem vnius vniuersi conueniunt. Quod apparet ex ordine vnius creature ad aliam. Ordo enim rerum adinuicem est bonum vniuersi. Nulla autem pars perfecta est a suo toto separata. Non est igitur probabile, ut Deus, cuius perfecta sunt opera, ut dicitur Deuteronomij, creaturam Angelicam seorsum ante alias creaturas creauerit.

Et in Scriptis super secundum Sententiarum, probabiliorem D. Augustini sententiam asserit.

Tum ex parte Diuine omnipotentie, cuius est non successiue operari, tum ad excludendum errorem, ne teneatur Angeli corporalium esse creatores. Non tamen est alteri sententie præiudicandum, quia ut in littera dictum est demonstratum, nec fide expressum.

A L E X A N D E R de Hales parte secunda, quæstione decima nona, membro primo, enixè id ipsum contendit, pro themateque id assumit.

Creatura Angelica simul creata est cum alijs, & inter opera sex dierum tanquam primum opus. Edisseritque, quod si quæ in Sacris Scripturis, vel apud Patres, Angelorum supra res corporeas prioritas vsipiam legatur, non temporis propriè, sed dignitatis potius censetur.

D. B. O.

D. BONAVENTURA loco asserto, articulo secundo, quaestione tertia.

Concedendum igitur, quod quatuor sunt primo creata, & quod Angelica natura, & corporea simul sunt creata, quantum ad mensurarum concomitantiam, quia simul cepit duratio materiae, & intelligentiae, sicut probatum est.

Quibus ducibus cuncta ferè Scholasticorum omnium classis subscribit.

STEVCHVS de rebus incorporeis, & inuisibilibus.

Num Angeli conditi sint ante Mundum, nullum est clarum super eo in Sacris Scripturis testimonium. Videturque alia quaedam magna Theologia de creatione Angelorum, & eorum habitatione, ut quomodo de nostro Mundo, & habitatoribus, ac partibus Mundi, quaedam Philosophia collecta est, si de illo alio Mundo, alia quaedam Theologia, & alius quidam genesis sint necessaria. Illum quidem Mundum, si tantum anteit dignitate Mundum nostrum, si non solum maior est, & diuinior, sed etiam immortalis, habet immortales ciues, si digniora precedere semper debent, fas est ante nostrum istum creatum. Ac quoniam tunc tempus fuit, cum fuit Sol, & Luna, hæc autem fuerunt post creationem; hinc fit, ut si Cælum Empyreum est creatum, ut ne sit in tempore creatum, sed alia quadam ratione. Illud quidem videtur oportere dissolui, si Cælum Empyreum est creatum ante firmamentum, quantum intercesserit ab illo creato, ad Mundum nostrum creatum; & quare spatium interquiescere Opifex voluerit. Deinde cum una sit Respublica hominum, atque Deorum, & Angeli non solum diuina presentia fruuntur, sed per eos à Deo res humane gubernantur, cum inquam illi rectores sint & principes, minores, & obsequentes, videtur probabile, uno eodemque tempore totam hanc Rempublicam extitisse, non prius principes, postea parentes, & subiectos, sicut eodem tempore sunt Reges, & recti; sunt gubernatores, & gubernati; caput, & membra; totiusque corporis coniuncta procedit creatio, nunquam interrupta, nunquam sistens, sed à corde, si vera dicunt, vel à capite inchoata, ducitur deinde ad reliqua membra, totaque simul res absolvitur. Lacerum autem fuisset corpus Reipublicæ mundanæ, si ab illis creatis, ad nos creatos, non intercedente infinito, intercessit aliquod certum, diffinitumque spatium; nec videtur quicquam in hoc spatio probabile, quod assignatum animos tranquillet, & dubitationis fluctu sedatos reuocet ad quietem. Si impium est, & assertioni scripturarum contrarium Angelos esse æternos dicere, non quidem impium, sed non probabile, ab illis creatis, ad creationem rerum nostrarum, vel diuturni, vel quiduis spatij interfuisse.

Colligendæ modo sunt rationes, quibus hæc Classis, Angelos non ante Mundum conditos, arbitrata est. Ex D. Augustino; Cum Moses in hac orbis historia nullum prætermittat opus Dei, utpotè qui à Cælo, & Terra exordiat, quæ ante omnia facta obtestatur, & Angelus eminens sit Dei opus: Igitur eius genesis recensita est: Quod si memorata, ut cum Mundo facta, igitur non ante Mundum. Deinde si omnis creatura in tempore facta est, & ante Mundum nullum fuit tempus; igitur nec Angeli ante Mundum emanarunt. Amplius, quænam est ex ingenua Augustini interpretatione, lux illa primo die effusa, nisi Angelus? conditus igitur Angelus est cum Mundo. Ex Theodoro, Cum Angeli loco obnoxij sint, nullusque esset ante Mundum locus, Angeli certè ante Mundum extare nequiverunt. Præterea, si ad ministerium Mundi, & hominum effecti sunt Angeli, ante Mundum quo ministerio & munere fungi poterant? Ex D. Thoma. Si Angeli Vniuersi pars sunt cum Mundo, igitur cum suo toto emanarunt. Deinde non decuit sapientiam, ac potentiam Dei, cuius est haud successuè operari, tantum tempus inter Angelos, & Mundum interiecisse. Ea ipsa dixit Steuchus, & Vielmus. Amplius, sicut opifex vnus est, opificium quoque non nisi vnum esse debuit: igitur non nisi vnus Mundus, & vna actio, qua cuncta à Deo de non esse ad esse prodirent. Tandem Angelos ante Mundum statuere, plurimum hæresi illi fauet, quæ Mundum Angelorum ministerio conditum autumat. Verum, meo iudicio, superest validissima argumentatio ab his Patribus non memorata, sed à Neotericis excitata; Cum ante Mundum nihil aliud esset, nisi fortè Empyreum; tunc sciscitor, exoptuloque: Creatus Angelus, vel statim ex merito est confirmatus, vel ex casu depulsus: nec enim per multa sæcula in gratia constituisse dicendum est; & postea mereri, vel demereri potuisse. Si igitur statim eecidit Angelus, igitur & statim ex Empyreo deturbatus: minimè nanque simul cum Angelis bonis perduelles, impiosque tot æonis, ac sæculis stetisse asseuerandum est; siquidem non ferebant hoc Dei Maiestas, neque Empyreï sublimitas, neque Angeli illustrati, ac glorifico fulgore amicti dignitas, nec Dei tandem Optimi Maximi in Empyreo perennis præsentia. Si itaque pulsus, si detrusus, quò proiectus? in quem detrusus locum, cum ante Mundum solū Empyreum

Rationes probantes Angelos non ante Mundum conditos.

Mat. 25.

Apoc. 12.

1. Ioan. 3.

Isaia. 14.

Ioan. 8.

Cap. 15.

pyreum extaret? Siquidem nec extra Mundum, Infernum fuisse censendum est. Quare saniori iudicio, Angelos cum orbe conditos dicere debemus, ut fateamur, quod mox lapsi, rebellesque facti, in Mundo ablegari, seu in Infernum detrudi potuerint. Preterea Infernum, ignemque paratum ab æterno Diabolo, & Angelis eius, quoquomodo insinuauit Saluator, cum dixit; *Ite in ignem æternum, qui paratus est Diabolo, & Angelis eius: Si paratum, igitur paratum ante lapsum illius, vel in ipso lapsu, ut mox detrudi potuerit; at Infernus non potuit esse ante Mundum, igitur nec Dæmon.* Cæterum, Diabolum non multum perstitisse in sua innocentia, excipitur ex pluribus Sacra Scripturae locis. Nam in Apocalypsi traditur; *Factum est prælium magnum in Cælo; Michael & Angeli eius præliabantur cum Dracone, & Draco pugnabat, & Angeli eius, & non præualuerunt, neque locus inuentus est amplius eorum in Cælo. Si prælium illud, fuit quædam voluntatis contentio, mox certè tunc commissum fuit, quando conditi sunt; cum & electio, & voluntatis inclinatio, in Angelis, qui præstantissimo pollent intellectu, citò fiat. Amplius illud adest Scripturae testimonium; Ab initio Diabolus peccat: & illud; Quomodo cecidisti de Cælo Lucifer, qui mane oriebaris: & illud; In veritate non stetit. Has Scripturae auctoritates, eleganter Augustinus libro decimo de Ciuitate Dei explicat.*

H V G O Victorinus noster dilucidè Summæ Sententiarum tractatu secundo, capite tertio, Augustini excerpta doctrina, his declarat.

Ioan. 3. & 8.

Matt. 13.

Queritur utrum aliqua mora fuerit inter creationem eorum, & casum. Ad quod potest dici, quod non fuit mora, & tamen illud prius, istud posterius, sed sine interuallo; non enim semper fuerunt mali, ut quidam dicere volunt pro illa auctoritate; Ab initio homicida fuit, & in veritate non stetit: sed non dicit, in initio hoc fecit, sed ab initio, idest, statim post initium; & in veritate non stetit, idest, non permansit, ut in ea fuerit. Homicida potest dici suipsius, quia & ipse appellatur homo; ut, Inimicus homo hoc fecit. Vnde ut Augustinus exponit, ab initio, idest, ex quo homo fuit, homicida fuit; quia cum per inuidiam in mortem præcipitauit. Item dicit Augustinus super Genesim, non frustra putari posse ab initio temporis Diabolum superbiam cecidisse, nec fuisse ullum tempus ante, quo cum Angelis sanctis pacatus vixerit, & beatus; sed ab ipso primordio creaturae apostatasse: quia, ut ait Dominus, non stetit ab initio, ex quo ipse creatus est, qui staret, si stare voluisset; quæ auctoritas supradicto modo potest exponi.

Pl. 148.

Daniel. 3.
Iob. 38.

Hæc certè ardua sūt, & negociū difficile his faciūt, qui Angelos longè ante Orbem conditos esse existimant. Rursum adhuc in huiusce sententiæ corroborationem, tres de creationis ordine, præter testimonium Mosaicum, scripturarum contestationes habemus: in hisque omnibus Angeli cum sensibilibus ut simul producti, ac effecti, eadem serie connectuntur. David immensum creationis beneficium per Verbum æternum, in primordiis Mundi confectum, extollens, & magnificans, ad referendas summo Opifici laudes, omnia genita à Deo excitans, inelamat; *Laudate Dominum de Cælis, laudate eum in excelsis.* Eademque narratione, ac catalogo, Angelos quoque, licet ex dignitatis eminentia, supremum locum eis deferat, cū Sole, Luna, & cæteris euocat, cum dicit: *Laudate eum omnes Angeli eius, laudate eum omnes virtutes eius, laudate eum Sol, & Luna, stellæ, & lumen.* Tres pueri in flagrantissimo fornacis centro prostrati, cum ad rependendas Deo laudes secum omnes tam supremas, quam infimas creaturas exposcunt, etiam Angelos cum cæteris, quasi vno ordine concreatos exposcunt, ac interpellant; *Benedicite Angeli Domini Domino.* Ad Iob quoque loquitur Deus; *Vbi eras quando ponebam fundamenta Terræ, cum me laudarent Astra matutina; hoc est mane, & primum facta; & iubilarent omnes Filij Dei? Cæterum quoniam hæc Iobbi attestatio, ex diuersis eius interpretationibus, ad ambas sententias roborandas rapitur, quæ eius sit germana expositio, inferius disceptabimus.*

Sententia Angelos post Mundum sexto die cum homine genitos existimantium.

Præter has duas illustres delatas sententias, superest tertia, Gennadio, & Acacio, sed fortè immeritò attributa: Angelum scilicet, post Mundum corporeum, fuisse conditum. Dupli-

Duplici autem ratione hæc assertio fulcitur. Altera, quòd cum idipsum censendum sit de magno Mundo, quod de Microcosmo; quemadmodum in hominis plasmatione primùm formatum fuit corpus, quàm insufflata anima; ita in magno Mundo primò decuit effici, quod corporeum erat, quàm Intelligentiæ ipsæ: nam & Paulus prius esse, quod est animale, quàm quod est spirituale, edocuit. Deinde simul cum homine conditum fuisse Angelum, elici videtur ex eo, quod apud Iob scriptum est: Ecce Behemoth, quem feci tecum; hoc est, quem eodem tempore, quo te, creavi: Per Behemoth autem, multos ex Patribus interpretatos fuisse Diabolum, perspectum est. Sed prima fronte adeò inutilis apparet hæc sententia, vt refelli, reijciq̃ue apprimè possit. Primùm Acacium, Gennadiumq̃ue eam tulisse non exploratum habeo, licet eorum nomine insignita circumferatur, cum non hucusque in ipsorum scriptis tale quid legerim. Deinde Angelicæ naturæ eminentia, dignitasq̃ue expetebat, vt si non ante omne tempus, saltem in primordio temporū produceretur. Amplius, si sex diebus quibus fabrefactus est Mundus, Orbis circumuoluebatur, mutuaq̃ue horarum vicissitudine, dies, noctesq̃; seipsas conseq̃uebantur, certè absque Angelo motore id perfici nequibat. Nec adducta Microcosmi comparatio, vrget multum; Anima siquidem, vt forma, informare corpus solet, præextare igitur & corpus ante necesse erat: verùm Angelus, cum sit pars Vniuersi, non forma informans, vt insignior, præstantiorq̃ue, primo loco produci cum Mundo debuit. Quòd si alijs visus est id sensisse Gennadius; scias ipsum eo sensu loquutum fuisse, vt acius Angelos non fuisse ante Mundum editos suaderet, simulq̃ue tacitæ oppositioni responderet, nempe Angelos ante Mundū productos inferri nō posse, ea ratione, quòd præstantiores Mundo censeantur, cum & Anima quamuis melior corpore, ante corpus condita non dicatur. Auctoritas asserta Iob libro Antecimenon dicto, interrogatione quinta, egregiè ex D. Gregorij doctrina his explicatur.

1. Corint. 15.

Iob. 40.

Cum primo die Angeli, sexto homo creatus sit, quomodo Dominus ad Iob loquitur, quasi simul Angelum, & hominem creauerit? Dicit enim, Ecce Behemoth, quem feci tecum, &c. Resp. Simul creati sunt, non unitate temporis, sed cognitione rationis. Scriptum nanque de Homine est; Faciamus hominem ad imaginem & similitudinem nostram. Et per Ezechielem ad Sathan dicitur; Tu signaculum similitudinis, plenus sapientia, & perfectus decore, in delicijs Paradisi Dei fuisti. In cuncta igitur creatura homo, & Angelus simul conditus existit, quia ab omni creatura irrationabili distinctus processit.

Gen. 1.

Ezech. 28.

Iudicium Auctoris.

MA M me maximo coarctari discrimine sentio, cum hinc inde Patrum de Angelorum emolitionis tempore Catenis deductis, iudicium ferre necesse habeo.

Lib. 1. cap. 9.

D. HIERONYMVS Commentarijs in Daniele, cum in arduā de Septuaginta Danielis hebdomadibus interpretationē incidisset, hæc habuit. Quia periculosum est de magistrorum Ecclesiæ sententijs iudicare, & alterum præferre altero; dicam quid unusquisque senserit, Lectoris arbitrio derelinquens, cuius expositionem sequi debeat.

Inde intextis Aphricani, Eusebij, Hippolyti, Apollinaris, Clemētis Alexandrini, Tertulliani, Hebræorum ad verbum sententijs, disceptationem indiscussam reliquit. Quis igitur me non temeritatis, ac procacitatis arguet, & meritò, qui de diuersis, & aduersis Patrum sententijs iudicium, ac sententiam ferre præsumam? Verùm hoc vnum protesta- tum opto: in axiomatum eorum, quæ in via Patrum neutra sunt, diffinitione, me non ita iudicium deferre, vt alteram partem prorsus vnquam explodam; sed ampliori, qua possum, in Patres obseruantia, ea tantum recensere, quæ verisimiliorem, atque acceptiorem alteram mihi faciant, & astruant.

Gregorij sententia nō approbatur, nec omnino reijcitur.

Priscam eam, vetustamq̃ue Græcorum sententiam, non prosequendam esse primùm arbitror, sed maxima reuerentia suscipiendam, quòd Patrum vetustate, sanctitate, eruditione præcellerium, auctoritate fulciatur, cum omnis prisca, tam Græca, quàm Latina Ecclesia vsque ad Augustini tempestatem eam sit consecrata; Immo

AUGUSTINVS vndecimo de Ciuitate Dei, capite trigesimo secundo, ita suam affert opinionem, vt alteram non damnet. Dicit enim.

Proinde, vt volet, unusquisque accipiat; quod ita profundum est, vt ad exercitationem legentium à fidei regula

Bb

gula non aberrantes, plures possit generare sententias: dum tamen Angelos sanctos in sublimibus Celi sēbus, non quidem Deo coeternos, sed tamen de sua sempiterna, & vera felicitate securos, & certos esse nemo ambigat.

THEODORETVS pariter tertia quæstione super Genesim, Augustini sententia comprobata, ac pluribus fulcita argumentis, ita concludit.

Hoc autem concessio, si quis Angelorum turbas ante Cælum, & Terram conditas esse dixerit, non offensus verbum pietatis.

D. THOMAS prima parte, quæstione sexagesima prima, expressius ait.

Quamvis contrarium non sit reputandum erroneum, præcipue propter sententiam Gregorij Nazianzeni, cuius tanta est in doctrina Christiana auctoritas, ut nullus unquam eius dictis calumniam inferre præsumpserit, sicut nec Athanasij documentis, ut Hieronymus dicit.

Amplius sentio, quod problema neutrum cenferi hoc posset, nisi Concilium Lateranense, de quo infra, alteri faueret sententiæ, nec negotium multum arbitrarer oppositas rationes elidere, ac euadere. Contra D. Augustini placita asserere possumus, Moslem non de cunctis à Deo prolatis creaturis, & de inuisibilibus præcipue, humanum captum superexcedentibus, sed de sensibilibus tantum, & de sensilis Mundi genesi historiam contexere. Præterea, & quod supra tempus extare æuum possit, quo Angeli commensurati queant. Rursum Angelum Cœli, seu lucis nomine, capi non incongruam interpretationem, sed allegoricam, & importunam, historicoque indecentem inferius demonstrabimus. Theodoreto etiam satisfacere possumus, si dicamus cum Theologis, Angelum esse in loco certè diffinitiuè, ut aiunt, sed non circumscriptiuè, adeo ut à corpore ambiatur; quare cum spiritus sint Angeli, extra Mundū eos extare potuisse sine ambiente loco. Deinde quid esset, si cum D. Basilio, Empyreum longè ante Mundum extasse asseuerarem, in quo degerent Angeli? Amplius, cum Angeli propter diuinam bonitatem, & ad Deum contemplandum præcipue editi sint: deinde propter nos ad Mundi, nostrique ministerium; quid obfuit eis, si multis æonis Deum sunt contemplati, & munere, quod sibi contingenter quasi post obuenit, non sunt perfuncti? D. Thomæ, ac Steucho, Angelos Vniuersi partem esse astruentibus, laceramque fuisse simul Mundi Rempubicam, si non conditi simul fuissent, arbitrātibz: Respondeo, Angelum non esse partem Mundi integrālē, ut aiunt, seu essentialē, sed ratione dumtaxat ordinationis; & quod ad Mundum spectat, non ut pendens à Mundo, sed ut ipsum mouens, ac regens; propterea potuisse Angelum existere ante Mundum, sicut ante nauem gubernator, & ante exercitum Dux esse potest. Coordinatum verò esse Angelum Mundo, non ad sui necessitatem, sed propter Dei prouidentiam, in Mundi ac nostri gratiam. Dei potentia successiuè operari esse necessarium non arbitror, cum sit opifex, & sator liber; & ex beneplacito producat, quæ, ubi, & quando sibi libet: & sicut ab opere ad opus diem horarum vigintiquatuor supersedit, potuit etiam ab Angelorum creatione ad Mundi emolitionem tot, quot sibi placuit, æonis immorari. Hanc ante Mundum Angelorum genesim, his qui Angelorum ministerio Deum Mundum effecisse censuerunt, erroris occasionem præstare non arbitror, sed ex eorum prauo arbitratu eam sumptam duco; quemadmodum, nec ex eo quod Deus Solem, cæteraque Astra præstantissimas compegit, erroris fuit causa Deus, ut ea in Deos sibi ascirent mortales. Auctoritates illæ desumptæ ex Psalmo centesimo quadagesimo octauo, & Hymno puero- rum, inferunt certè Angelos creaturas esse, & à Verbo manantes; sed non eodem tempore cum Mundo conditos euincunt, cum ibi catalogus creaturarum promiscuè recensatur.

Supereest allata de Dæmonibus difficultas, quæ non Patribus his, qui præteritum ante Mundum conditos Angelos putarunt, sed D. Basilio, & his, qui multis æonibus ac sæculis extasse eos duxerunt, arduum facit negotium. Asserere nanque Angelos præteritos tot æonis, sæculisque in gratia perstitisse, ac tantum in Mundi exordio decidisse, seu quod Deus tot sæculis suam eis voluntatem non reserauerit, vel ipsi ad eam acceptandam, respuendamue tot æonis insudarint, ineptum prorsus esse censeo; cum Angelorum intelligendi, ac decernendi vis nesciat moras tam diuturnas; & eò magis, quod Angeli boni tamdiu extassent non beati, & ad gloriam non assumpti, & apostatæ non damnati, quod nullus ferè admittit. Asseuerare etiam eos post creationem mox lapsos esse,

Solutio rationum D. Augustini, & Sæctorum.

Angelus est in loco diffinitiuè, nō circumscriptiuè.

Angelus non est pars integralis Mundi.

esse, ac pulsos, excitat difficultatem non modicam, in quem pulsi, detrusi, relegati que fuerint locum, cum non extaret nisi Empyreum. Ardua sunt hæc, & maximè à scripturarum Oraculis aliena, quæ Luciferum, dum mane oriretur, tanquam fulgur è Cælo cecidisse produnt. Sed pro D. Basilio dicere fortè possumus, Dæmonem non multò post suam effectiōnem corruisse è supernis illis Empyrei partibus in has inferas, vbi nostri Mundi nunc residet centrum, quæ partes Dei potentia ea coruscantissima luce mox fortè caruerunt, condigni que Dæmonum carceres euaserunt. Hæc tamen non facilè admittuntur ab omnibus, quòd aniles sapiant fabulas. His igitur omnibus, vetustissimam, primæque Ecclesiæ acceptissimam sententiam, quamuis non sectandam esse iudicè, non prorsus tamen detestandam, ac reiiciendam arbitror; adeò vt censeam eos omnino redarguendos esse, qui eam damnare non sunt ausi. Verum quid est, quod ego nunc profero? nonne arduum subeo discrimen, quando contra Concilij Lateranensis definitionem hoc concedere videar? Cæterum id dixisse volui, in D. Thomæ præstantissimi Doctoris gratiam. Quanquam enim id ipsum Augustinus, ac Theodoretus, quod D. Thomas definierint, nullam attamen Augustino, ac Theodoro difficultatem, sed maximam D. Thomæ, atque his qui Græcorum Patrum sententiam nunc insequuntur, potest decretum illud Concilij Lateranensis afferre; cum decreta Conciliorum absolueret soleant ab erroris nota illos, qui ea antecesserunt; damnare autem eos, qui deinceps aliter sentire ausi fuerint. Sed inquiramus, num D. Thomæ Sectatores, licet in hoc ab eius recedant sententia apprimè eum defendant. Existimant alij hanc Synodi definitionem in mentem Sancto Doctore, cum hæc scriberet, non venisse.

Defensatur
D. Thomas.

V I E L M I V S hanc sententiam memorat, nec abnuat, cum subiiciat. *Quæ sententia, & si ægrè profectò recipi possit, cum ob incredibilem viri memoriam, tum verò quòd suis Commentarijs non ita pridem hanc decretalem Innocentij in Gregoriano sub titulo de Summa Trinitate, ac Fide Catholica, relatam illustrauerat, fortè tamen verior est quòd soleat operi longo interdum obrepere somnium, & euenisse magnis viris aliquando certum est, vt sint alicubi rerum obliui. Et Augustinus libro Retractionum, cum loquitur de libris de Doctrina Christiana sibi contigisse ingenuè fatetur.*

1. Par. q. 61.
art. 3.

C A I E T A N V S, reiecta superenarrata assertionem, ita D. Thomam defendere conatur. *Mihi videtur quòd sciens & prudens hæc scripserit. Nam illa verba decretalis interpretanda sunt in sensu, quem faciunt: & vt dicit D. Thomas in expositione illius Decretalis, verba illa appposita sunt contra errorem Origenis, & eorum qui ponunt creaturas spirituales tantum esse per se productas à Deo, ac post Mundum propter demerita earum, corporales productas creaturas fuisse. Vnde cum dupliciter teneat Angelos productos ante corpora, scilicet, tanquam res sic per se productas, quòd propter earum demerita, quodammodo per accidens, Mundus corporeus sit productus; vel simpliciter & absolute, quòd ex voluntate Dei, Angeli præcesserint Mundum visibilem. Decretalis illa, quamuis secundum verba, vtranque opinionem destruat, contra primam tamen, tanquam contra hæresim, interpretanda est. Ad secundum verò, tanquam ad minus probabilem, applicari potest; & ratio huius glossæ est, quia determinationes istæ non nisi contra aliquos errores consueuerunt fieri.*

Diuini iuris periti alia via Sanctum Doctorem tueri contenderunt: Dixeruntque; idcirco, Sanctum Doctorem existimasse definitionem hanc non sustulisse illam Patrū opinionem, aut tanquam in fide erroneam repudiasse; quoniam Synodus, anathema, aut excommunicationem in eos non pronunciauit; qui postmodum illam sequerentur. Et concedit responsio hæc, vbi in pronunciationibus Synodorum, vel formula execratoria illa posita non fuerit, vel non fuerit excommunicationis sententia inflicta, aut damnata sententia contraria disertè, non esse periculum hæresis contrariam sententiā sequi, sed esse potius temeritatem: iniuriam etenim facit Sacræ Synodo, qui semel ab ea definita, audet in dubium reuocare; sicut & Martianus princeps dixit, & ita fermè censuit doctissimus Melchior Cano Episcopus Canariensis de locis Theologicis libro quinto, capite quinto, & libro duodecimo, capite secundo.

Cæterum harum assertionum Diuum Thomam tuentium prima non parum Diui Thomæ accuratissimi ingenij dignitatem, ac uiuidæ memoriæ tenacitatem, disciplinarumque omnium eruditionem labefactare videtur: Altera certè nimis Concilij supradicti sententiam, ac decretum, quàm eius verba præferant, coar-

Concilia nō
pariter om-
nia decernūt.

Sententia Au-
gustini acce-
prior.

Lateranensis
Concilij de-
cretum de tē-
pore creatio-
nis Angelorū
Gen. 38.

Partus Tha-
mar Creatio-
nis Angelicæ
& corporeæ
natura typus.

et, ad inopinatamq; fugam D. Angelicum Doctorem ducere studet: Tertia exactius ipsum pertueri mihi videtur. Quapropter exploratum esse puto, Patres inamnes esse ab errore, quod longè præcellerint Ecclesiæ definitionem: Deinde asserendum arbitror D. Thomam, ac Doctores subsequutos non aberrare à Concilij definitione; cum eam, non ut dogma fidei certum, Concilium decernat. Atque, ut obiectionibus allatis occurramus, licet Concilia summi Pontificis auctoritate coacta, Spiritus Sancti afflatu, sub verbo, Credo, plura definiant; ac Episcopi definitis, sancitisque placitis se subscribant; non æquè tamen omnia pronuntiant, ac definiunt, sed alia vti dogmata inconcussa; de quibus dubitare, est aberrare, & in hæresim præcipitare: alia ut probabiliora, tutioraque axiomata produnt. Quorum discrepantia ex eo apparet, quod dogmata Fidei anathematis mucrone, ac censuris roborant, & fulcire conantur. Quod autem hæc proposita Innocentij Tertij, ac Concilij Lateranensis definitio, constitutioq; sanctum Fidei dogma à D. Thoma non fuerit existimata, ipsemet vigesimo tertio Opusculo pulcherrimè edocet, atque exponit. Cæterum D. Augustini sententiam, que Angelos cum Mundo conditos edocet, prosequendam esse, ac passim in sacris concionibus publicandam duco. Primum, quia standum sit supra petram, si Dei posteriora, ex lumine per foramen, ex scientia scilicet reuelata, conspiciere volumus: Ecclesiæ, scilicet definitioni, & sententiæ semper inhærendū sit. Decretū autem adest Concilij Lateranensis sub Innocentio Tertio, de quo in Decretalibus de summa Trinitate & Fide Catholica, capite Firmiter, simul creaturam spirituale, corporealemque creatam decernētis his verbis; Deus sua omnipotenti virtute simul ab initio temporis vtranque de nihilo condidit creaturam spirituale & corporealem, Angelicam, & Mundanam. In cuius definitionis Concilij gratiam, hoc theosophari non dedecet. Maturato Thamar partu, apparuerunt gemini in utero, atque in ipsa effusione infantium, vnus protulit matrem, cui obstetrix obligauit coccinum, dicens; Iste egredietur prior; illo verò retrahente manum, egressus est alter. Eleganter ex his, si internum attendamus sensum, Angelicæ, ac corporeæ, visibilis, ac inuisibilis nature emanationem connexam contemplabimur. Deo effundente per creationem res cunctas, duplex rerum genus ex utero diuinæ omnipotentia simul prodire, spiritualis, corporeaque creatura; sed altera manu proferente, corporea scilicet creatura, quasi manum emittente, Phares primo exiit, excelsa, videlicet, ac supereminens natura Angelica. Verum quid est quod Zarām manum emittenti (ut partus Thamar ab exemplo non discedam) obstetrix coccinum alligat non ipsi Phares? Mysterium vberimum hoc indicat. Moses obstetricis officium agit, dum Mundi genesis historiam enarrat. Is igitur coccinum, temporis scilicet defluxum, Zarām creaturæ sensibili adstringit, cum sensilis Mundi emanationem in temporis exordio, in quo Chaos productum est, factam tradit, eiusq; distinctionem, ornamentumq; secundum dierum sex seriem, explicat, de Angelo, ut qui non tempore, sed æuomensuratur, nulla facta commemoratione. Nam licet Angelus congruè satis Cælum, & lux ex metaphorica, ac translata voce dici possit, tū quia natura intellectualis puritate conspicua prædita fuerit, tū quia gratia refulgeret, tū etiam quod gloria postea fit redimita, atque adeo, inquam, lux dici valeat, ut in eius comparisonem Astra hæc visibilia, tenebræ censeantur: In Mosis tamen historia, lucis nomine Angelos non venire, ut alibi vberius demonstrabimus, asserendum est. Deinde sententia D. Augustini minora fuscipit incommoda, quàm ea prisca, ut profundius eam perpendentibus, cōpertum erit. Argumentationes autem illæ, quæ Angelos ante Mundum conditos inferre videbantur, suadent certè aliquantum, sed non cogunt: Dignitati nanque Angelicæ satis fuit, ut saltem in exordio effectiois rerum primo ipsa prodiret; nec specimen decusq; Diuinæ Maiestatis necessariò poscebat, ut Angelos tot ante æuis laudatores habuerit: dato enim quocunque imaginato momento, quo Angeli conditi sunt, adhuc eternitas æquè eos præcessit. Tandem non adeo inconsistentem existimo, Cælum aliquatenus immotos extitisse, quousque bello Angelico peracto, ac profligatis Demonibus, Angeli beatitudinem compararint; quod quidem citissimis, ac velocissimis momentis factum fuisse, D. ipse Augustinus, atque Hugo arbitrati fuerunt. Superest, ut de loco Iob in aduersas ambas sententias distracto, iudicium nostrum seramus.

Locus

Locus verò Iob, est; Vbi eras, quando ponebam fundamenta Terræ? indica mihi si habes intelligentiam: Quis posuit mensuras eius, si nosti? vel, Quis tetendit super eam lineam? super quos base illius solidatæ sunt? Aut quis demisit Lapidem angularem eius, cum me laudarent simul Astra matutina, & iubilarent omnes filij Dei? Duo in hac enarratione nobis discrimen faciunt. Quæ primo sint Astra hæc, aut Dei Filij à Iob memorati: Deinde num enarrare contendat Iob his Chaos prisce emolitionem, an Terræ, & Maris tertia die secretionem peractam? Comperio etenim quinque admodum inter sese discrepantes interpretationes suscipere verba illa; Vbi eras, cum me laudaret Astra matutina, & iubilarent omnes filij Dei?

Iob 38.

Perpeditur locus Iob, adductis varijs interpretationibus.

S T E V C H V S de rebus incorporeis, & inuisibilibus, non tantum Astra, sed filios Dei ipsas insensatas creaturas per prosopopœiam intelligi edocuit.

Sint igitur duæ sententiæ; una, quam prætulimus, ut filij Dei quasi creationes, resque create dicantur, quibus attribuitur per prosopopœiam iubilatio, sicut Cæli enarrant gloriam Dei: & Dies dici eructat verbum. Ut loquens de rerum creatione Iob, amplexusque superiora, & inferiora, dum Terra fundaretur, dum in glebas constringeretur, dixerit exultasse sydera matutina nascentia, & erumpentia. Et Post. Iob expresse sydera matutina, & filios, vel opera Dei memorat, hæc ipsa Moses appellat lucem, præcipue ipsum Solem lucis Patrem primum & fontem. Sicq; est vnus sensus. Alter erit, ut filios Dei, Angelos interpretemur; sed non video quomodo nos ab Idololatria tueri possimus, quam olim veteres Patres definierunt, si quis animata sydera fateretur, cum esse anathema. Nam si postremum est de Angelis, filios, inquam, Dei, si Angelos exponas, etiam primum erit de eisdem, ut sydera matutina sint spiritus diuini, corpora rutilantia regentes, & circumducentes, quæ fuit vetustissima Idololatria, non displicens, sed approbata etiam à Philosophis, Deos esse perspicuos quosdam stellas illas. Hoc, inquam, non video, an Theologia concederet, cum præsertim nunquam apud Mosem in hanc sententiam pronuntietur, sed in contrarium potius ubicunque ferat necessitas tacentem, & tacendo fortasse negantem, stellas animatas.

Psal. 18.

Verum interpretatio hæc Steuchi, non tantum ab editione Septuaginta Interpretum, & à Vulgata nostra maximè abscedit, sed & vltronea, ac arbitraria est; nec Scripturæ vllus locus affertur, in quo filiorum Dei nomine, creaturæ rationis expertes significentur.

T H E O D O R E T V S interpretatur secundo loco aliter, aliterq; legit hanc Iob auctoritatem: legit inquam.

Vbi eras quando creabam Astra, & laudabant me Angeli mei? Ceterum Angelos, inquam, præcedere Cælum, & Terram astringunt, pro firmo, & inuicto fundamento nobis proponunt illud, quod ipsi Iob Deus omnium Conditor dixit; Quando creabam astra, & laudabant me Angeli mei: & non aduertunt die quarta, vna cum Sole, & Luna, Deum omnia Astra produxisse.

Sed editionem vulgatam vltra genuinum, placidumque sensum deferre hæc videtur interpretatio: legit siquidem contextus noster; Vbi eras cum me laudarent simul Astra matutina? asseueratque & Astra laudasse.

Verum præfactæ hæc interpretationes fauent illis Patribus, ac Doctoribus, qui hac Iob auctoritate, Angelos non ante Mundum conditos demonstrare conantur.

Econtra Origenes per Astra, animas syderum; & per filios Dei, Angelos ipsos interpretatur; Astra siquidem esse animata in Periarchon libro primo, capite septimo, edocet. Sed num hæc assertio tuta sit, postmodum in alia quæstione; An scilicet Astra sint animata, suo loco disceptabimus. Interpretantur quarto loco plurimi Patrum, tam syderum, quam filiorum Dei nomine, Angelos ipsos, quasi metaphoricè Angeli, & Astrorum, & filiorum Dei nomen sibi vendicent; & expressius per Astra, non ipsos cunctos Angelos, sed orbium motores tantum, ac per filios Dei, sublimiores spiritus, Deo ipsi proximiores, intelligunt. Fauetque huic Patrum interpretationi non modicum Septuaginta Interpretum editio, quæ loco horum verborum; Cum me laudarent Astra matutina, ac iubilarent omnes filij Dei, vno verbo habet, cum me magna voce laudarent omnes Angeli mei: Et textus Chaldaicus, qui dicit; Exaltauerunt omnes acies Angelorum. Quorsum autem Astra, non Astra simpliciter, nulla adiecta nuncupatione vocarit, sed matutina, eleganti contemplatione

I V N I L I V S prodidit, cum dixit. Astra videlicet matutina, eosdem Angelos, quos & filios Dei nuncupans, ad distinctionem nimirum hominum Sanctorum: quæ postmodum creandi, ac velut Astra vespertina post confessionem diuinæ laudationis per mortem erant carnis occasuri.

D. HIERONYMVS Commentarijs in Iob capite trigesimo octavo, aliam interpretationem attulit, dicens.

Lucæ 2.

Astra, & filij Dei, Angeli intelliguntur, qui in Natiuitate Saluatoris exultauerunt; Sicut ait Angelus ad Pastores; Ecce euangelizo vobis gaudium magnum. Et post. Facta est multitudo militie Cælestis cum Angelo laudantium Deum. Ideo autem Angeli Astra matutina dicuntur, quia inter creaturas rationales, primi facti sunt in die, qui est Christus; & filij Dei sunt, non filij tenebrarum.

A N A S T A S I V S Synaita in Hexameron libro quarto, parum à D. Hieronymo abscedens, Angelos quarto die Deum laudasse censuit, quod ex mysterio didicissent futuram Christi incarnationem, & assumptionem.

De hoc autem die quarto, inquam, & primo perfecto, in quo ortus est Sol iustitiæ, & Stella, & Luna, videtur Deus dicere fortissimo viro Iobo; Quando facta sunt Astra, laudauerunt me voce magna omnes Angeli mei, & hymnis celebrarunt: & quamobrem? Quoniam facta sunt Astra? non certe propterea. Sed cum vidissent Solem è Terra recurrentem, in mysterio didicerunt, quæ extremis temporibus futura erat, Christi incarnationem, & è terra assumptionem: & ideo cum vidissent eum ex Sancta Virgine, tanquam ex abyssu exortum, statim exclamarunt, dicentes; Gloria in excelsis Deo, & in Terra pax.

Sunt igitur quinque interpretationes. Prima, Astrorum, ac filiorum Dei nomine, ipsas creaturas insensibiles per prosopopœiam Deum laudantes accipit: Altera textum peruertit, Angelosque Deum laudasse profert, cum Deus quarta die Astra conderet: Tertia, Astrorum nomine, animas Astrorum; & filiorum Dei nomine, Angelos capit. Quarta, tam Astrorum, quam filiorum Dei nomine, Angelos significari vult, sed Astrorum nomine, Angelos tantum motores excipi existimat. Quinta, Astrorum, & filiorum Dei nomine, Angelos intelligit; sed laudationem, & iubilationem eam, non in Mundi emolitione factam vult, sed in Christi incarnatione. Et quamuis omnes istæ interpretationes grauissimorum Patrum sint; meo tamen iudicio, nulla opportunior, atque acceptior censenda est; quam ea quarta, quæ prima fronte videtur facere pro ijs, qui ante Mundum Angelos prodixisse voluerunt: si etenim Deus cum Mundi primordia, ac fundamenta moliretur, Terramque crearet, Angelis laudantibus constipatus erat, certe iam ante Mundum aderant. Nec fuga à Iunilio sumpta, quod Angeli in principio cum Cælo, & Terra editi; mox conditionem suam, simul & totius creaturæ primordialis ad laudem conditoris retulerunt, vim argumenti effugit, atque elabatur: Nam si momento eodem effecti sunt æquæ Angeli, & Chaos, iam non poterant Angeli Deum laudare, cum conderetur Chaos corporeum, & ipsi tunc manarent; quod tamen dictus locus inferre videtur. Amplius, nec mox Angeli creationem suam, & totius creaturæ primordialis ad laudem Conditoris retulerunt; quoniam moras quasdam ab eorum conditione, ad casum, seu gloriæ adeptionem intercessisse non immerito existimatur. Quapropter pro his, qui Angelos cum Mundo conditos volunt, potius intendit Iob hoc loco non Chaos primæui effectiorem, & Terræ primam illam ac rudem genefim in primordio temporum factam, sed potius Terræ denudationem, ac venustationem tertio die effectam commemorare; quia etsi ea quæ de Terra prodit, & ad rudem formam, quam in Chaos Terra hæc præferebat, & ad decoram faciem, quam die suscepit tertio, referri apprimè possint: attamen quoniam in prosequenti orationis contextu de Mari, ostijs, ac vestibus concluso, & de Aurora rutilante à Sole præfusa sermonem habet, quæ tertio, & quarto die à summo emanarunt Opifice; ea etiam quæ de Terra protulit, de hac facie Terræ, quæ tertio die detecta, germinibusque induta est, prolata arbitraret. Ex quibus consequitur, quod Iob locus hic ex genuino suo, approbatoque sensu illis non obfistat, qui cum Mundo Angelos editos existimarunt: Potuerunt siquidem Angeli cum Cælo & Terra in primordijs temporum conditi, Deum tertio die, Terram, ac Mare discernentem, ac perficientem, laudare.

Vera interpretatio illius loci Iob, Vbi eras cum me.

Si Angeli conditi sunt cum Mundo, quonam in loco conditi sint.

Difficultas hæc, cum ex prænarratis, breui oratione explicari possit, prætermittendam non esse censui. Siquidem eorum Patrum, qui cum Mundo Angelos emanasse opinati sunt, non eadē consimilisve de loco, in quo Angeli sunt producti, sententia extat.

Patres

Patres, in Aëre Angelos conditos, existimantes.

AUGUSTINVS tertio de Genesi ad litteram, capite decimo, in suprema aëris parte, eos productos innuere videtur, inquiriens.

Superior verò pars aëris, propter puram tranquillitatem, Cælo, cui collimitatur, communi pace coniungitur, & eius vocabulo nuncupatur. In qua fortassis parte, si fuerint ante transgressionem suam transgressores Angeli cum principe suo nunc Diabolo, tunc Archangelo (Nam nonnulli nostri, non eos putant Cælestes, vel super cælestes Angelos fuisse) non mirum si post peccatum in hanc sunt detrusi caliginem, ubi tamen & aër sit, & humore tenui contextatur, qui commotus Ventos, & vehementius concitatus &c.

RVPERTVS Abbas, fidissimus Augustini sectator, sumpto à ferie creationis argumento, hoc ipsum constanter affirmavit, Commentarijs in Genesim, libro primo, capite vndecimo; ait enim.

Quid enim? Nunquid putamus, quòd de Cælo fuerint Angeli, & non potius hic facti, & in Cælum translati? Nempe non magis Angeli facti sunt in Cælo, quàm homo plasmatus in Paradiso: plasmatus nanque fuit homo extra Paradisum, & positus in Paradiso, sicut scriptum est; Plantauerat autem Dominus Deus Paradisum voluptatis à principio, in quo posuit hominem, quem formauerat. Ita nimirum & Angeli extra Paradisum conditi, & in Cælum translati, non natura, sed gratia, Cælum inhabitant. De Cælo nanque nemo venit, nisi qui super omnes est; & inde super omnes, quia Spiritus simplex est, & nullo compositus est; vnde & humanum spiritum cum corpore induere potuit, quod facere nemo potuisset ex spiritibus Angelicis.

Gen. 2.

Suffragatur & huic assertioni Empyreï Cœli dignitas. Indecens siquidem fuisset, quòd Dæmones tenebrosi locum fulgore præditum conscendissent, & Regia illa, in quam nemo cum macula, & ruga ingredi potest, Dæmonis peccato foedaretur; in Regnoque pace munito, bellum illud omnium cruentissimum committeretur. Deinde vrget multum illud Esaia, perfidi ac desertoris Angeli nomine prolatum: Ascendam in Cælum, & super Astra Dei exaltabo solium meum; sedebo in monte Testamenti in lateribus Aquilonis; Ascendam super altitudinem nubium, & similis ero Altissimo. Quòd si in Cælo extabat, quòd ascendere efflagitabat, ac contendebat? Nam ea interpretatio passim adducta, Ascendam in Cælum, hoc est, in Sanctissimam Trinitatem; allegorica prorsus est æstimanda.

Isa. 14.

Patres, Angelos in Empyreo editos, asserentes.

Ex opposita acie adsunt Iunilius, Hugo, Strabus, Magister Sententiarum, & D. Thomas.

IUNILIUS enim Hexæmeron, sub verbo Terra, inquit. Non ergo illud Cælum, quod mortaliū est omnium inaccessiblei conspectibus, inane creatum est, & vacuum, vt Terra; quæ nihil in sua prima virentium germinum, & viuientium produxit animantium creatione, quia nimirum suis incolis mox creatum, hoc est, beatissimis Angelorum agminibus impletum est.

STRABVS, explicans id, In principio creauit Deus Cælum & Terram, sic fatur.

Cælum non appellatur visibile firmamentum, sed Empyreum, idest, Igneum, vel intellectuale; quod non ab ardore, sed à splendore dicitur; quod statim factum, repletum est Angelis. Vnde Iob; Vbi eras cum me laudabant Astra matutina?

Iob. 38.

HVG O Summæ Sententiarum, tractatu secundo, capite primo.

Vbi facti fuerint queritur, & videntur Auctores velle eos fuisse factos in Cælo: Vnde in Euangelio; Videbam Satan sicut fulgur de Cælo cadentem. Nec appellamus hic Cælum, firmamentum, quod secundo die factum est, sed Cælum Empyreum, idest, splendidum, quod statim repletum est Angelis, illam scilicet, superiorem partem, vsque ad quam machina illa elementorum adhuc indistincta porrigebatur. Simul enim, vt diximus, creati sunt Angeli, & illa corporea materia; vnde Augustinus exponit ita locum illum; In principio creauit Deus Cælum & Terram: Cælum, idest, Angelos; Terram, idest, corpoream machinam; in cuius superiori parte facti sunt Cæli, idest, Angeli. Sed si in Cælo erant, quomodo (vt legitur in Esaia) diceret Lucifer; Ascendam in Cælum, ponam sedem meam ad Aquilonem, & ero similis Altissimo. Sed ibi vocat Cælum sublimitatem Diuinitatis: Ascendam in Cælum, idest, ad æqualitatem Deitatis.

Lucæ 10.

Isa. 14.

MAGISTER Secundo Sententiarum, distinctione secunda, adductis Strabi, & Bedæ supra enarratis obtestationibus, concludit.

Ex his liquet, quòd in Empyreo omnes Angeli fuerint ante quorundam ruinam: simulq; creati sunt Angeli cum Cælo Empyreo, & cum informi materia omnium corporalium.

Quod

Quod Magistri placitum omnis Scholasticorum acies sine delectu approbat, & in Scholis passim recipitur.

Tit. 25.

Quæst. 61.
art. 4.

I O. M A V B V R N V S Canonici Reg. Augustiniani in Roseto.

Tertio, considerare habemus locum, ubi conditi; quia, in Empyreo Cælo. Et hoc valde congruenter.

D. T H O M A S, post Magistrum, in prima parte ait.

Quod sicut dictum est, ex creaturis corporalibus unum vniuersum constituitur, unde sic create sunt spirituales creature, quod ad creaturam corporalem aliquem ordinem habent, & toti creature corporali præsententur: Unde conueniens fuit, quod Angeli in supremo corpore crearentur, tanquam toti creature corporee præsententur, siue id dicatur Cælum Empyreum, siue qualitercunque nominetur.

Fauent huic sententiæ Scripturæ, quæ cum Luciferi casum exprobant, è Cælo eum cecidisse clarè obtestantur. Hæc sunt autem loca huiusce rei præcipua: Esaia decimo quarto; Quomodo cecidisti de Cælo Lucifer, qui mane oriebaris? Lucae decimo; Videbam Satan tanquam fulgur cadentem de Cælo. Quare Theophilactus super Lucam ad verba asserta, inquit; Non miremini, si Demones subijciuntur vobis: Princeps enim illorum de Cælo cecidit. Apocalypsis duodecimo capite; Factum est prælium magnum in Cælo, &c.

A U C T O R.

Hæc diuinarum Scripturarum testimonia prima fronte sibi inuicem aduersantia, ac Patrum inter se contrarias, repugnantesq; sententias, superiore à nobis sancita diffinitione, quod Angeli cum Mundo emanarint, conciliare quoquomodo possumus; si Angelos non in Empyreo, sed in Cælorum Astriferorum supremo creatos dicamus.

Esa. 14.

D. H I E R O N Y M V S Commentariorum in Esaia, libro sexto, huius conciliationis assertor est, ut Iunilius etiā retulit in Hexameron; in eius sententiæ siquidem expositione, quæ est; Quomodo cecidisti de Cælo Lucifer, qui mane oriebaris, corruisti in Terra, qui vulnerabas gentes, & qui dicebas in corde tuo; In Cælum ascendam, super sydera Cæli exaltabo solium meum, D. Hieronymus ait.

Psal. 113.

Vel antequam de Cælo corrueret, ista dicebat: vel postquam de Cælo corruit. Si adhuc in Cælo posuit, quomodo dicit, Ascendam in Cælum? sed quia legimus; Cælum Cæli Domino: cum esset in Cælo, id est in firmamento, in Cælum, ubi solium Domini est, cupiebat ascendere; non humilitate, sed superbia. Sin autem, postquam de Cælo corruit, loquitur ista verba, arrogantiam debemus intelligere, quod nec precipitatus quiescat, sed adhuc sibi grandia repromittat; non ut inter Astra, sed super Astra Dei sit.

T H E O P H I L V S Alexandrinus Episcopus, Epistola Paschali prima, in regionibus Cælorum Angelos productos his tradit, cum ait.

Si Principatus, & Potestates, quæ in Cælorum regionibus condite sunt, &c.

Quibus certè Hieronymi placitis visus est subscripsisse.

I N N O C E N T I V S Tertius ab his Patribus non discessisse cõperitur; nam quamuis in Sermonem de Annuntiatione dixerit;

Cum enim Lucifer esset in Empyreo constitutus, non erat Cælum superius, quod posset ascendere.

Attamen expositionem in quintum Psalmum Pœnitentialem, habet.

De superioribus autem Cælis cum Syderibus, & alijs Luminaribus, non est certum omnino, utrum & ipsi sint aliquatenus immutandi, cum ad eos factor, & fœditas ex prauis hominum operibus non peruenit, quanquam in illis Angeli peccauerint Apostatici, qui sunt de Cælo proiecti.

Sentit igitur D. Hieronymus Luciferum extasse in firmamento, quasi ibi conditum; & cum dixit; Ascendam in Cælum, quod in Empyreum conscendere concupierit. Quamobrem si ex Hieronymi placito, Angelos emanatos in Cælis Astriferis, siue firmamento, definierimus; Scripturæ obtestationes præallegatæ, nullum nobis negotium facessent. Admittemus libenter certè Luciferum primo mane, hoc est primo temporum primordio ortum, & tanquam fulgur corruisse è Cælo, hoc est, è firmamento, atque à Michaële, & Angelica acie pulsum, deturbatum, proiectumque fuisse è Cælo syderibus micante, eo euentu, ut mox deinde Demones vel in aëre hoc crasso, vel in Inferno obligati fuerint; Angeli verò in Empyreum euecti. Neque ex Patribus in Cæna positus, Iunilius, seu Beda, Strabus, & D. Thomas, huic refragantur sententiæ. Nam quantum ad Iunilium spectat, & Strabum, Magister nimium eos in suam trahit sententiam, si ex eo quod asserunt Cælum Empyreum mox factum fuisse Angelis bonis repletum,

pletum, Angelos in Empyreo conditos perhibere eos concludit. Quinimmo ex hac In-
niliij, seu Bedæ, & Strabi enarratione, oppositum elici ego arbitror; Nam si statim, vt
creatum est Empyreum, sanctis Angelis expletum est; igitur in eo conditi non sunt.
Deinde Demones, Angeli sancti nuncupari minimè possunt; igitur illis Empyreum or-
natum non est, nec in illo producti. Angeli ergo extra Empyreum manarant, & iam
ex eis, alij peccato obnoxij redditi erant, alij Sancti euaserant, antequam Empyreum
sanctis Angelis repletum fuerit. Magister siquidem, cui Centonarij nomen nonnulli
perperam ascribunt, diligentissimus fuit Patrum sententiarum indagator, sed nec om-
nes potuit profundius perscrutari sententias, nec discrepantes simul conciliare; qua-
propter mirum non est, si non semper, quod tradidit, apud omnes Patres exploratum
est. Nec mirum, si Scholaastici, quorum munus est, non Patrum placita, à quibus vt
fontibus, Magister Theologica omnia hausit dogmata, indagare, sed eius doctrinā ex-
planare, tueriq; in eius verba iurasse visi sunt; Nec alijs ad temeritatem adscribendum,
si in his dogmatibus, de quibus non adest certa Ecclesiæ sanctio, ac definitio, diuersas à
Magistro ex Patribus eliciunt sententias. D. Thomam libentiùs in hanc properare
sententiam demonstrant postrema illa eius verba; Conueniens fuit, quòd Angeli in su-
premo corpore crearentur, tanquam toti naturæ corporeæ præsidentes: Creati igitur
sunt in eo supremo corpore, quod supremum est sensilis Mundi: Igitur in primo Orbiū
Cœlestium, quod primum Mobile est, & tunc firmamentū existimabatur. Hac con-
ciliatione posita, sequitur, quòd dignitas, ac specimen Empyrei non eam subibit notā,
vt in ipso tenebræ, Dæmon, culpa, rebellio, aut quid aliud huius sacri Dei domicilij can-
dorem inficiens, extiterit vnquam; eleganterq; illud interpretabimur, quod dixit De-
mon; In Cœlum ascendam, &c. si pro Cœlo, non tantum altissimam Trinitatem, vt
D. Thomas quæstione asserta exposuit; sed Cœlum ipsum Empyreum supereminen-
tius intelligamus. Quòd si in Chaos illo primæuo cuncta simul obuoluebantur, adeò,
vt Cœlum non esset à cæteris elementis adhuc discretum, certè nec distans, discrepan-
tè à D. Augustino, ac Ruperto assertio nostra reputabitur: Quanquam D. Augustinus
ex aliorum sententia, non sua, Demones fuisse Angelos cœlestes sub dubio prodat.

Magister sen-
tentiarum à
calumnia vè-
dicatur.

Esa. 14.

Quales in substantia Angeli conditi sunt: Num corporei.

Angelos vnico Dei verbo profilisse tradunt vnica voce omnes Patres. Sed num pu-
ri spiritus, num aliqua admixti materia prodierint, disceptatio est non exilis inter eos.
Quam profectò disceptationē, An Angeli corpori alicui obnoxij primum profilierint,
non extra euocatam, aut a longè accersitam, seu (vt aiunt) emendicatam; sed huius in-
stituti nostri propriam, germanamque existimandam velim. Cùm enim de genesi crea-
turarum tam supernarum, quàm terrenarum omnium nostrum sit negotium exquisitè
pertractare; ratio etiam expostulat, vt Creationem Angelicam profundius nunc exqui-
rentes, de conditionis etiam modo, & an Angeli creaturarum spiritualium classi, An
corporalium adiiciendi sint, prænoscamus. Nam si Angeli cognata habent corpora
vel ignea, vel aërea, certè Mundi sensilis fuisse indigenæ, & cum eo manasse, & non
ante intelligimus. Adijciam, quòd & cùm de Angelicis apparitionibus, seu spectris
multa vagetur per Scripturas mentio, an corporeæ moli Angeli additi sint, præscire,
non exiguas suppetias ad percipiendas res à Scriptura enarratas ferre videbitur. Demi-
ròr perinde, quòd in re tam incomperta, & latente, tot repugnantes comperiam Patrū
sententias, videamq; nonnullos eorum, qui ante Mundum emanasse Angelos existi-
marunt, eos etiam corporis non immunes reputasse.

Catena Patrum asserentium Angelos corporeos conditos fuisse.

P L A T O, vt refert Dionysius Chartusianus Comment. in primum caput Cœ-
lestis Hierarchiæ, articulo quartodecimo, in hanc sententiam descendit.
Plato, inquam, in Dæmonibus posuit etiam corpoream materiam, quamuis inuisibilem nobis. Vnde Apu-
leius Platonius, in libro de Deo Socratis, affirmat Demones esse animalia, corpore aërea, animo passiuā,
mente rationalia, tempore aterna. In superioribus demum intellectualibus substantijs, posuit Plato simpli-
ciorem

tiorem quandam materiam, quam Proclus in Elementatione sua Theologica, nominat Schema. Auctor quoque libri de causis affirmat, quod intelligentia est habens hyleathyn.

O R I G E N E S in Periarchon, libro secundo, capite secundo, Angelos corporea mole deuinctos ea ratione arbitratur, quod solius Dei singulare sit, spiritum protus esse: his nanque verbis suam deducit sententiam.

Si verò impossibile est hoc vilo modo affirmari, idest, quod viuere præter corpus possit vlla alia natura præter Patrem, & Filium, & Spiritum Sanctum, necessitas consequentie ac rationis coarctat intelligi, principaliter quidem esse coarctatas rationabiles naturas, materiale vero substantiam, opinione quidem, & intellectu solum separari ab eis, & pro ipsis, vel post ipsas effectam videri, sed nunquam sine ipsa eas vel vixisse, vel viuere: solius nanque Trinitatis incorporea vita existere rectè putabitur.

T E R T V L L I A N V S libro contra Praxeam.

Sed & inuisibilia cuncta ea quæcunque sunt habent & apud Deum, & suam corpus, & suam formam, per que soli Deo visibilia sunt.

Et aduersus Marcionem, libro tertio capite nono, non tantum Angelis corpus sublimis generis visus est tribuisse, sed vt humanum, veræ, solidæque substantiæ.

Dehinc scito nec illud concedi tibi, vt putatiua fuerit in Angelis caro, sed veræ, & solidæ substantiæ humana: si enim difficile non fuit illi putatiue carnis veros & sensus, & actus exhibere, multo facilius habuisset & sensibus, & actibus veram dedisse substantiam, vel qua proprius auctor, & artifex eius.

Cæterum in libris eodem scriptis & exaratis tempore, aduersa sensisse apparet, præcipueq; libro de carne Christi, & libro de Resurrectione carnis, vbi humanum corpus gestare Angelos inficiatur, corpus attamen aliquod sui generis ipsis condonare videtur: nam libro de carne Christi hæc habet.

Constat Angelos carnem non propriam gestasse, vtputa natura substantiæ spiritualis: & si corporis alius, sui tamen generis: in carnem autem humanam transfigurabiles ad tempus, vt videri, & congregari cum hominibus possint.

Ex quibus suspicari licet, Tertullianum (vt alij etiam ipsi impingunt) extimasse Angelos, & Dæmones, si non humano, incomperito tamen nobis corporis generi obnoxios esse.

Cap. 16.

B A S I L I V S libro de Spiritu Sancto, ad sanctum Amphiloichium Iconij Episcopum, differens, quod aliud sit in Angelo natura, aliud verò in eo Spiritus Sancti sanctificatio, Angelos gestare corpora ignea, ac aërea, his protulit.

Psal. 103.

Neque enim Cælorum Virtutes suapte natura sanctæ sunt: nam si id esset, nulla re differrent à Spiritu Sancto; sed iuxta portionem, qua se inuicem superant, à Spiritu habent sanctificationis mensuram. Quemadmodum enim canterium non sine igne intelligitur, cum aliud sit subiecta materia, aliud ignis: itidem & in celestibus virtutibus, substantia quidem earum, puta spiritus est aëreus, aut ignis materialis; iuxta id, quod scriptum est; Qui facit Angelos suos spiritus, & ministros suos ignem vrentem: Eapropter & in loco sunt, & sunt visibiles, dum ijs, qui digni sunt, apparent in specie propriorum corporum. Attamen sanctificatio, quæ est extra substantiam illorum, perfectionem illis adiungit per communionem spiritus.

Cap. 17.

Cap. 10.

Epist. 105.

Cap. 1.

Cap. 27.

A V G V S T I N V S, Angelos cognata habere corpora, pluribus in locis rata sententia decernit. Edocet nanque libro secundo de Genesi ad literam, Angelos tam bonos, quam malos, subtilia ferre corpora: & ea in tertio eiusdem operis libro, declarat esse aërea, sed per mortem indissolubilia, eo quod præualeant in ipsis elementa magis ad agendum, quam ad patiendum propensa, hoc est, aër, & ignis sydereus, quæ duo aptiora sunt ad agendum, sicut fumus & humor ad patiendum; cui sententiæ consentiens in Epistola ad Nebridium, scribit, Angelos esse animantia aërea, siue ætherea acerrimi sensus. Et tertio libro de Trinitate obtestatur, illos spirituale corpus habere, non cui subdantur, sed quod subditum gerant. Amplius in enarratione Psalmi octuagesimi quinti asserit, corpora Beatorum futura post resurrectionem, qualia sunt corpora Angelorum; atque id ipsum repetit in explanatione Psalmi centesimi quagagesimi quinti, addens corpus Angelicum inferius esse anima. Item libro vndecimo de Ciuitate Dei asseruit Dæmones ea habere corpora, quibus possint coire cum foeminis. Sed ne videamur clauso ore ex locorum allegatorum numero auctoritates eripere: vt per spicuas D. Augustini assertiones habeas, audias quid ipse de bonis Angelis, & malis enunciauerit. De bonis quidem libro tertio de Trinitate, inquit.

Querendum est, in illis antiquis corporalibus formis, & visis, vtrum ad hoc opus tantum creatura formata sit, in qua Deus sicuti tunc oportuisse indicauit, humanis ostenderetur aspectibus, an Angeli, qui iam erant, ita mirreban-

mittebantur, ut ex persona Dei loquerentur, assumptes corporalem speciem de creatura corporea in usum ministerij sui: aut ipsum corpus suum; cui non subduntur, sed subditum gerunt, mutuantes, atque vertentes in species, quas vellent, accommodatas, atque aptas actionibus suis secundum attributam sibi à Creatore potentiam.

De Dæmone autem, libro tertio de Genesi ad literam.

Dæmones aërea sunt animalia, quia corporum aëreorum natura vigent; & propterea morte non dissoluntur; quia praevallet in eis elementum aptius ad faciendum, quam ad patiendum. Et Post. Superior aëris pars propter puram tranquillitatem, Caelo cui collimitatur, communi pace coniungitur, & eius vocabulo nuncupatur. In qua fortassis parte, si fuerunt ante transgressionem suam transgressores Angeli cum principe suo nunc Diabolo, tunc Archangelo (nam nonnulli nostri, non eos putant Cælestes, vel supercælestes Angelos fuisse) non mirum si post peccatum in hanc sunt detrusi caliginem, ubi tamen & aër sit, & humore tenui contexatur; qui commotus ventos, & vehementius concitatus, etiam ignes & tonitrua, & contractus nubila, & confissatus pluviam, & congelantibus nebulis, niuem, & turbulentius congelantibus densioribus nebulis, grandinem, & distentus serenum facit, occultis imperijs, & opere Dei à summis ad infima, vniuersa, quæ creauit, administrantis. Unde & in illo Psalmo, cum commemorata essent, ignis, grando, nix, glacies, spiritus tempestatis; ne talia sine prouidentia diuina fieri, moueri que putarentur, continuò subiicit; Quæ faciunt verbum eius. Si autem transgressores illi antequam transgrederebantur, Cælestia corpora gerebant; neque hoc mirum est, si conuersa sunt ex pena in aëream qualitatem, ut iam possint ab igne, idest ab elemento naturæ superioris aliquid pati, nec aëris saltem spatia superiora, atque puriora, sed ista caliginosa tenere permissi sunt, qui eis pro suo genere quidam quasi carcer est, usque ad tempus Iudicij. Et si quid de his transgressoribus Angelis, diligentius requirendum est, alius erit accommodatior scripturæ locus.

Psal. 148.

TATIANS Oratione contra Græcos, Angelos ex materia congelatos, perspicuè prodit.

Quinetiam Dæmones, ut vos eos vocatis, ex materia concreti, & spiritu ex ea sumpto, luxuriosi, & delicati euaserunt; alij quidem ex ipsis ad puriorem vitam conuersi; alij verò vilioris materiæ ratione assumpta, & pro eius modo agentes. Istos adoratis o Græci, qui ex materia geniti procul à laudabili disciplina discesserunt.

ANASTASIVS Episcopus Nicenus, quæstione nonagesima tertia. Neque enim sic tanquam cum hac crassa, & materiata carne commiscetur immundus spiritus, & eam quodammodo induit: hoc enim potest sola sancta Trinitas, quæ omnia peruatit & continet, ac circuit, ut quæ propriè sit incorporea. Non enim Angelorum, & Principatum, & ipsius etiam animæ naturas, à corporibus omnino nudas existimamus.

CAESARIUS Germanus frater Gregorij Nazianzeni, Dialogo primo.

Incorporei quidem sunt Angeli, ratione, respectuque naturæ nostræ: corpus verò habent secundum naturam suam, ut ventus, vel ignis, vel fumus, vel aër: corpora enim sunt subtilia, crassæ materiæ nostræ expertia. Quippe corpora quedam sunt Cælestia, quedam terrestria, inquit sanctus ille Apostolus.

AMBROSIVS de Abraham Patriarcha libro secundo, capite octauo, Cælos ex quinta quadam essentia congelatos reiiciens, adiecit.

Nos autem nihil materialis compositionis immune, atque alienum putamus, præter illam solam venerandæ Trinitatis substantiam, quæ verè pura, & simplex, sincera, impermixtæque naturæ est.

GENNADIUS auctor (teste D. Thoma) libri de Ecclesiasticis dogmatibus, eius inquam, qui inter volumina D. Augustini excuditur; id ipsum prorsus reliquit scriptum capite duodecimo.

Nihil incorporeum, & inuisibile natura credendum, nisi solum Deum. Et post. Creatura omnis corporea est, Angeli, & Cælestes virtutes, corporeæ, licet non carne, subsistant; ex eo autem corporeas esse credimus intellectuales creaturas, quod localiter circumscribantur, sicuti, & anima humana, quæ carne clauditur, & Dæmones, qui per substantiam Angelicæ naturæ sunt.

IO. CASSIANVS libro septimo Collationum, capite tertio decimo huic subscripsit sententiæ.

Licet enim pronunciemus nonnullas esse spirituales naturas, ut sunt Angeli, Archangeli, cæteræque virtutes, ipsa quoque anima nostra, vel certe aër iste subtilis; tamen incorporeæ nullatenus æstimandæ sunt. Habent enim secundum se corpus, quo subsistunt, licet multo tenuius quam nos. Nam sunt corpora, secundum Apostoli sententiam, ita dicentis; Et corpora cælestia, & corpora terrestria, Et iterum; Seminatur corpus animale, surgit corpus spiritale. Quibus manifestè colligitur, nihil esse incorporeum, nisi solum Deum; & idcirco ipsi tantummodo penetrabiles omnes spirituales, atque intellectuales esse substantias, eo quod solus, & totus, & ubique, & in omnibus est: ita ut & cogitationes hominum, & internos motus, atque abdita mentis vniuersa conspiciat, atque perlustrat.

EPIPHANIVS libro secundo, Tomo primo, contra Hæreses, mat-

Quodli. 12.

I. Cor. 15.

riæ congenitos esse Angelos censuisse visus est, cum dixit.

Ipse igitur Diabolus dicitur spiritus circa materiem se habens: Quemadmodum etiam reliqui facti sunt ab ipso Angeli, & ob materiam, & materia species, concreditam sibi habent administrationem.

MACHARIUS Senior Aegyptius, Homilia quarta, cui titulus est, *Qua ratione proficiscendum in vita Christiana.*

Deus, cum sit infinitus, inaccessus, & increatus per infinitam, & incomprehensam bonitatem suam corpus assumpsit, atque (ut ita dicam) imminuit se ab inaccessa gloria, ut uniri posset creaturis suis visibilibus, nempe animis Sanctorum, atque Angelorum, ut ita participes esse possent vite diuine. Numquidque enim horum, pro natura sua corpus est, siue sit Angelus, aut anima, seu Daemon. Licet enim haec corpora tenuia sint, nihilominus in substantia, charactere, & representatione, pro subtilitate sua naturae, corpora sunt subtilia: quemadmodum & corpus istud, secundum substantiam, crassum est.

NICENA Synodus secunda, in cuius quarta actione probantur verba Ioannis Thessalonicensis Episcopi, plurimam huic sententiae deferre auctoritatem, ita rem distinguens.

Psal. 103.

De Angelis, & Archangelis, & eorum Potestatibus, quibus & nostra anima adiungitur, ipsa Catholica Ecclesia sic sentit esse quidem intelligibiles, sed non omnino corporis expertes, verum tenui corpore praeditos, & aëreo, siue igneo, ut scriptum est, facit Angelos suos spiritus, & ministros suos ignem vrentem; sic autem multos Sanctorum Patrum sensisse cognouimus; quorum & Basilus cognomento Magnus, & beatus Athanasius, & Methodius, & qui stant ab illis: sollemniter autem Deus incorporeus est. Quamquam autem Angeli non sint, ut nos, corporei, utpote ex quatuor elementis & crassa illa materia, nemo tamen Angelos, vel Demones, vel animam, dixerit incorpoream.

Cap. 4.

D. BERNARDVS de Consideratione libro quinto, Angelos corpore obstringi aethereo visus est asseruisse, vel saltem, an corporei sint Angeli, nec ne, sub dubio reliquisse.

Et primo quidem Ciues spiritus esse illic, potentes, gloriosos, beatos, distinctos in personas, dispositos in dignitates, ab initio stantes in ordine suo, perfectos in genere suo, corpore aethereos, immortalitate perpetuos, impassibiles, non creatos, sed factos; idest gratia, non natura, mente puros, affectu benignos, religione pios, castimonia integros, unanimitate indiuiduos, pace securos, a Deo conditos, diuinis laudibus, & obsequijs deditos. Haec omnia legendo comperimus, fide tenemus. Quamquam de corporibus horum, non modo vnde sint, sed an aliquatenus sint, haeret sententia aliquorum. Vnde si quis inter opinabilia magis id ponendum censuerit, non contendo.

RVPERTVS Abbas, D. Augustini eximius sectator, Angelorum corpora ex aëre crasso, & humido, uti extabat, cum tenebrae obruerent faciem abyssi, compacta fuisse in ipsorum conditionis primordio, tradit in Commentario in Genesim, libro primo, capite vndecimo.

2. Cor. 4.

Angeli autem etsi ad comparationem nostri, spiritus dicuntur & sunt; in comparatione tamen Dei, corporei sunt. Habent namque, ut docti quoque & magni viri perhibent, corpora ex isto aëre crasso, atque humido, qui vento flante sentitur impulsus, praesertim qualis erat cum adhuc tenebrae essent super faciem abyssi, de quibus (ut Apostolus ait) Deus lucem splendescere iussit. Cuius eorum conditionis experimentum capere, licet ex eis, qui ceciderunt. Nam sicut homo mortuus, redeundo in terram, palam facit, quia de terra sumptus fuit; sic isti, qui deserto perenni fonte luminis extincti sunt, obscuritate sua palam faciunt, quia de tenebris, cum essent, non natura, sed gratia, splendidi facti sunt: Quod bene idem Apostolus perspicimus ait; Deus, qui dixit in tenebris; sed, qui dixit de tenebris lucem splendescere, illuxit in faciem cordis nostri ad illuminationem claritatis in faciem Iesu Christi. Etenim vtriusque propositi vincula non parua distantia est. Nam splendet in tenebris lux vera Deus, cum sedentibus in tenebris nobis illuminare dignatur. Ascendimus de tenebris nos, cum ab infidelitate exeuntes, in faciem eius per fidem aspicimus. Itaque cum Angelos, quamuis subtilia corpora, tamen ex ipsorum origine habere constet, ex eo quoque liquet, quia & locales sunt; & cum volunt, hominibus apparent. Quod si idcirco non permanens, sed ad horam sumptum, corpus habere putantur, quia non semper apparent; & cum apparuerint, repente disparent: nos econtra dicimus, Dominum nostrum post resurrectionem tale corpus suum, utique terrenum sic exhibuisse, ut cum vellet, repente hominibus appareret; & cum vellet, protinus euanesceret. Habent ergo Angeli corpus, ex illo vix aëre & humore, super quem cum ferretur spiritus Domini, dixit; Fiat lux. Quare, inquis, non de Caelo fecit Deus Angelos, ut essent natura caelestes? Videlicet, quia non idcirco fecerat Deus Caelum, ut inde eos crearet, sed ut creatos, sola in Caelum gratia subleuaret.

CLAVDIANVS Mamertus Episcopus Viennensis, de statu animae libro tertio, Angelos spiritu & corpore quodam compactos, prolixiori oratione cum se demonstrasse putasset, his concludit.

Satis, ut arbitror, patet, beatos Angelos vtriusque substantiae, & incorporeos esse in ea sui parte, qua ipsi visibiles

visibilis Deus est; & in ea itidem parte corporeos, qua hominibus sunt ipsi visibiles; quoniam nec Deus ab Angelo per corpus, nec Angelus ab homine sine corpore videri potest. Quæ, cum ita sint, negari nequit Diabolum quoque ex incorporeo, corporeoque factum, utpotè Sanctis Angelis concreatum duplicis esse substantiæ, qui postquam improbe superbia tumuit, & invidia febre tabuit, spontè illocaliter sanctitate prolapsus, eaq; localiter à Cælo non spontè deiectus, quum non Angelus, sed bonus esse cessauerit, innocentiam perdidit, non naturam. Proinde sicut Angelorum multitudo, quæ persistit, in utroque sui beatificabitur; ita quæ desistit, in sui utroque punietur. Igitur haudquaquam rectè duas in Diabolo substantias inficiabere.

Classis Patrum, Angelos corporis prorsus expertes esse, arbitrantium.

PHILO Libro de Mundo, ait.

Enimuero, in terra, in aqua, in aëre, fictor ipse duplicia finxit genera, ut in aëre volatilia, aliasq; potestates sensu quidem illas nusquam, nulloq; pacto comprehensas. Animarum illic conuentus est corpore vacuarum, ordinibus non iisdem descriptarum.

Philo hoc loco siquidem, & libro de Gigantibus, duplex animarum genus comperiri censuit: Aliud corpore solutum, & huius generis Angelos esse; atque hos Philosophos Heroës, Lares, & Genios, Mosen nuncios appellasse perhibet; quorum purissimos in Cælo, impuriore in aëre degere dixit: Aliud corporibus addictum & connexum, in quod genus animas redigit: Et harum alias in corpore, ut in flumen delapsas, corticibus sensuum absorbi vult: alias reluctantes retrò euolare, vnde erant profectæ. Sed in his Philo, non Ecclesiasticis munitus dogmatibus, Platonizat.

DIONYSIVS Arcopagita de Cœlesti Hierarchia, libro primo, capite primo.

Quoniam non est possibile animo nostro, ad non materialem illam ascendere cœlestium Hierarchiarum imitationem, & contemplationem, nisi ea quæ secundum ipsum est, materiali manuductione utatur; visibiles quidem formas inuisibilis pulchritudinis imaginationes arbitrans; sensibiles suauitates, figuras inuisibilis distributionis: & immaterialis loculentie imaginem, materialia lumina.

Et innumeris ferè locis, Dionysius, Angelos à materia prorsus innoxios, autumat; quapropter & Dionysius Chartusianus, articulo quartodecimo in idipsum caput, inquit.

Simplicitatem, & puritatem Angelorum, & quod immateriales existant, probant multe auctoritates huius capituli, in quo Theologus non solum nominat eos incorporeales, & immateriales, sed etiam deiformes simplicitates, aliquando verò immaterialitates.

DIONYSIVS de Diuinis nominibus, capite quarto.

Angeli sicut incorporeales intelliguntur; ita & immateriales. Et post. Quod autem neque malitia causa sit corpus anime, ex eo constat, quod etiam sine corpore malitia possit irrepere, sicuti in Demonibus.

Eximius igitur hic Pater citra controuersiam, ut exploratum & pro comperto habet, Demones, cum peccarunt, corporis molis fuisse expertes.

BASILIVS Homilia, Quod Deus non est auctor malorum.

Natura Diabolus incorporea est secundum Apostolum dicentem; Non est nobis colluctatio aduersus carnem & sanguinem, sed aduersus spiritualia nequitie.

Ephes. 6.

GREGORIVS Nazianzenus Oratione trigesima quarta, quæ est secunda de Theologia.

Quid ais? Hic dicendi finem faciemus, nec ultra res eas, quæ materia constat, oculisque corporis cernuntur, orationem diffundemus? An potius, quoniam Mosaicum illud Tabernaculum Mundi totius figuram, & imaginem extitisse docet Scriptura. Mundus porro ex visibilibus, & inuisibilibus constat; idcirco penetrato primo velo, transcendensq; rebus illis, quæ sensum mouent, in Sancta prospiciemus; hoc est, in supercœlestē naturam, quæque non nisi ratione atque intelligentia percipitur? Sed ne hanc quidem, tametsi corporis expertem, incorporeo modo cernere possimus, quippe quæ ignis, & spiritus appelletur, aut efficiatur. Deus enim, ut literis sacris proditum est, Angelos suos spiritus facit, & ministros suos flammam ignis. Nisi forte hoc loco, facere, nihil aliud significat, quam eadem, qua primum procreati sunt; ratione tueri & conseruare. Spiritus porro, atque ignis, Angelus appellatur: illud, quia intellectili natura est præditus, hoc, quia purgandis animis nostris adhibetur. quandoquidem primaria quoque illa essentia iisdem nominibus in Scriptura nuncupatur. Sed sint sanè illi incorporei, aut quamproximè ad hoc accedentes.

Psal. 103.

Et Oratione in Christi natiuitatem Panegyrica, quæ enumeratur trigesima octaua. Atque ita secundi splendor procreati sunt, primi splendoris administri: siue intelligentes spiritus, siue ignem

ignem velut materiae expertem & incorporeum, siue aliam quandam naturam quam proximè ad has accedentem, eas existimare oportet.

Psal. 103.

N I C E T A S in Commentarijs.

Angelos porro, vel ignem materia & corpore carentem, esse existima; iuxta illud Davidis; Qui facit Angelos suos spiritus, & ministros suos flammam ignis; siue aliam quandam naturam impassibilem, & motus expertem, ac tenuem & simplicem, ab ijs, quas commemorauimus, non longè remotam, hoc est, ab igne & spiritu. Cauendum enim tibi est, ne corporeum quiddam de Angelis animo concipias.

G R E G O R I V S Nazianzenus pariter Oratione secunda in Pascha, quæ est quadragesima secunda in ordine, ea ipsa fere eadem contextus serie edidit, & Oratione, seu libro secundo de Theologia, cum Deum corporis expertem demonstrare contendat, in hæc incidit.

Iam si aliud quoddam corpus præter quintum illud, Deum esse statuant, siquidem Angelicum; Unde probant Angelos corpore constare? & quo tandem corpore?

G R E G O R I V S Nyssenus libro de Oratione Dominica, Angelos incorpoream naturam appellat, dicens.

Omnis creatura rationalis partim in incorpoream naturam diuisa est; est autem Angelica quidem incorporea: Altera verò species, nos homines sumus. Atque illa quidem, quæ incorporea cum sit, sola mente comprehenditur, ut quæ nimirum à grauante corpore remota, atque seiuncta sit: (de hoc loquor duro, remittenti, ac pondere suo ad terram vergente, corpore) per superam partem obuersatur, in leuib; & æthereis locis immorans, in agili, & expedita natura.

P R O C L V S Constantinopolitanus Episcopus, Epistola de Fide ad Armenios, Angelos & ipse nuncupat incorporeos, cum ait.

Galat. 3.

Altitudo siquidem Fidei, cunctam insurgentis audaciam, temeritatemque; prosternit; nec humanam tantum, sed & illorum, qui natura incorporea sublimantur, beato Paulo dicente; Aut si nos, aut Angelus de Cælis euangelizauerit vobis, præter id quod accepistis, anathema sit.

I O. C H R Y S O S T O M V S in Genesim Homilia vigesima secunda, differens ex filiis Dei, hoc est Angelis, gigantes editos non fuisse, inquit.

Sap. 2.

Verum Scriptura nos aliter docet, quod antequam formaretur protoplastus, à sua dignitate exciderant & Diabolus, & qui cum eo maiorem, quam decebat, dignitatem ambiebant. Sicut & Sapiens quidam inquit; Inuidia autem Diaboli mors intrauit in Mundum. Dic oro mihi, si non ante factum hominem excidit, quomodo in tanta dignitate manens, inuidit homini? Quomodo rationi consonum est, Angelum incorporeum, & in tali dignitate constitutum, homini inuidere corpore circumamictio? Sed inuidit, qui à superna gloria, in extremam ignominiam deiectus est, licet esset incorporeus: videns autem formatum hominem, & in corpore tantum honorem conditoris beneuolentia sortitum, inuidia exarsit, & deceptione, ad quam serpentis opera visus est, hominem mortis supplicio obnoxium fecit. Et post. Alioquin quanta dementia plenum fuerit, dicere Angelos deiectos, ut cum mulieribus rem habeant, & incorporea illa natura copuletur corporibus? At non audis Dominum dicentem de Angelorum substantia; In resurrectione neque matrimonium contrahant, neque elocantur, sed sunt sicut Angeli Dei? Neque enim possibile est incorpoream naturam, talem inquam concupiscentiam habere. Ad hæc etiam cogitare oportet, quod hoc omnibus modis absurdissimum fuerit probare. Nam Sancti, & qui Spiritum Sanctum assequuti sunt, neque visionem Angelorum videre poterunt. Enimvero vir desideriorum ferme animam expirasset conspecta Angeli præsentia, non tamen substantia, quo pacto enim videri posset incorporealis substantia? Sed transformatione solum quadam visa parum abest, quin & animam relinqueret, defectis viribus. Ita tantus ac talis vir, penè absque spiritu iacebat. Quis enim etiam valde insanus comprobaret talia verba dementiae plena, quod incorporea & spiritualis natura, corporis complexum ferret?

Matth. 22.

C Y R I L L V S Alexandrinus libro quarto Commentariorum in Ioan-nem, super illud Psalmi; Panem de Cælo dedit eis, panem Angelorum manducauit homo, ait.

Psal. 77.

Videtur enim hæc de maioribus suis dixisse, verè autem non de illis, sed de nobis potius dicit: furoris enim penitus plenum est, Angelos (qui natura incorporei sunt) rudiore uti alimento putare, patrociniisque indigere cibi, quemadmodum animata hæc, & terrestria corpora. Patet enim, quia spiritus sunt, naturaque intellectus, spiritali quoque illos ac intellectuali frui alimento.

Gen. 6.

Et in Genesim libro tertio, in illud; Videntes filij Dei filias hominum.

At in nonnullis exemplaribus hunc in modum scriptum esse comperio: Videntes Angeli Dei filias hominum: atque ita fit, ut nonnulli crimen libidinis, tamque sceleratam voluptatem, Angelis de Cælo lapsis adscriberent, qui dignitatem suam, ut scriptum est, non obseruauerunt. Ego tamen nullum vitium cum illis, qui incorporei sunt, commune esse dixerim, neque faterer. Nam absurdum profecto esset, si rem ipsam, quæ à recta omnium opinione abhorreret, concedere vellemus.

A T H A N A S I V S libro de communi essentia Patris, & Filij, & Spiritus Sancti, habet.

Angelus est animal rationale expers materie, hymnis dicendis aptum, immortale.

T H E O D O R E T V S in Zachariam, capite primo, ait.

Planum est, quos vidit inuisibiles spiritus esse in ministerium missos, iuxta Apostolum; Propter eos, qui hereditatem capient salutis, eorum nature non videntur, hæ enim incorporeæ sunt. Sed horum & omnium Dominus, visionem eorum diuinam conformat, pro ratione usus: idque nos aperte diuina Scriptura docet, diuersas eorum figuras ostendens. Aliter enim eos vidit Daniel, aliter Ezechiel, & Esaias, & Micheas; alijs, & alijs figuris. Non tamen multiformes, sed incorporeæ nature intellectu comprehensibiles sunt; sed ad usum Dominus format visiones eorum, idque in diuino Zacharia fecit.

Heb. 1.

Sed clariùs Diuinorum Decretorum Epit. libro quinto.

Quando ergo audierimus Sacram Scripturam dicentem; Ingressi sunt filij Dei ad filias hominum, ne incorporeos Angelos accusemus.

Gen. 6

S O P H R O N I V S Archiepiscopus Constantinopolitanus, de Angelorum excellentia, Oratione sexta, Angelos materie expertes, & vacuos esse dixit.

O Diuini, materieque expertes Dei exercitus: ò mente, rationeque prædita Intelligentiæ: At præstat gradatim & ex ordine vos prædicare, magnificare, & inuocare. O Seraphim, quæ sex alis exornata, inque prima Cælestium exercituum acie collocata, vestro ardore ceteros omnes incenditis: Vos estis, quæ propter inconcussam stabilitatem, corporeæque concretionis vacuitatem, tum ob æternitatem vobis communicatam, cognoscendique & inflammandi virtutem, expressum quoddam diuinæ similitudinis simulachrum præ vobis fertis.

cap. 28. 29. 30. 31. 32. 33. 34. 35. 36. 37. 38. 39. 40.

A N S E L M V S Canthuariensis de Imagine Mundi, libro primo capite vigesimo tertio, ait.

In hoc aëre commorantur demones, cum tormentis diæ Iudicij præstolantes, ex quo sibi corpora assumunt, dum hominibus apparent. Et post. Hic etiam æther, quasi purus aër dicitur, & splendore perpetuo latatur. De hoc Angeli corpora sumunt, cum ad homines missi veniunt.

Cap. 14.

Ex quibus elicitur, Anselmum Angelos existimasse à mole corporea solutos, ex aëre, igneque corpora tum tantum assumere, cum id sibi à Deo est mandatum.

P O T H O Presbiter Prumiensis de statu Domus Dei, libro quarto, capite quarto.

Cælestem quippe habitationem sortiti sunt Angeli, Terram autem dedit Deus filiis hominum. Duo nanque sunt rationales spiritus, vnus qui in Cælis sedem habet, alter qui Terræ locum obtinet. Superior ex his sine corporeæ molis pondere Deo ministrans, in Cælo semper assistit: Inferior, corpus, quod corrumpitur, & aggrauat animam, gestans, superioris illius ministerio, & adminiculo necessario fulcitur. Sunt enim omnes administratorij spiritus missi propter eos, qui hereditatem capient salutis.

Heb. 1.

H V G O Summæ Sententiarum, tractatu secundo, capite secundo.

Deinde restat videre quales Angeli facti fuerint. In prima conditione tria videntur esse attributa: essentia indiuisibilis & immaterialis, & ideo indeficiens per rationem naturaliter insitam: intelligentia spiritualis: liberum quoque arbitrium, quo poterant sine violentia ad vtrumlibet propria voluntate deflecti.

Magister Sententiarum, libro secundo, distinctione octaua, D. Augustini placita, ex diuersis locis hausta, deducit, Angelosque corporis prorsus expertes esse diffinit, eique omnes Scholastici eo loco subscribunt.

D. T H O M A S prima parte, quæstione quinquagesima prima, art. primo, hac irrefragabili ratione Angelos corpore immunes euincere arbitratur.

Quod enim accidit alicui nature, non inuenitur vniuersaliter in natura illa, sicut habere alas, quia non est de ratione animalis, non conuenit omni animali. Cum autem intelligere non sit actus corporis, nec alicuius virtutis corporeæ, vt infra patebit, habere corpus vnitum non est de ratione substantiæ intellectualis in quantum huiusmodi, sed accidit alicui substantiæ intellectuali propter aliquid aliud, sicut humane animæ competit vniri corpori, quia est imperfecta, & in potentia existens in genere intellectualium substantiarum, non habens in sui natura plenitudinem scientiæ, sed acquirens eam per sensus corporeos à sensibilibus rebus, vt infra dicitur. In quocunque autem genere inuenitur aliquid imperfectum, oportet præexistere aliquid perfectum in genere illo. Sunt igitur aliquæ substantiæ perfectæ intellectuales in natura intellectuali, non indigentes acquire scientiam à sensibilibus rebus. Non igitur omnes substantiæ intellectuales sunt vnite corporibus, sed aliquæ sunt à corporibus separate: & has dicimus Angelos.

Sententiarum superiorū conciliatio ex Damasceno.

A V C T O R.

Ego verò huius disceptationis definitionem, quin potius solutionem, ac tantorum Patrum, & Doctorum reconciliationem ex Ioanne Damasceno excipi posse arbitror.

Hic

Hic siquidem Orthodoxæ Fidei libro secundo, capite tertio, hanc præclaram tulit sententiam.

Psal. 103.

Ipse Angelorum factor, & opifex, Deus est, ipsos ex nihilo ad esse deducens, ad propriam illos creans imaginem, naturam incorpoream, ut spiritum quandam, aut immaterialem ignem: quemadmodum diuinus inquit David; Qui facit Angelos suos spiritus, & ministros suos flammam ignis, agilitatem, ignitionem, feruorem, penetrabilitatem, & acumen circa diuinum desiderium, & ministerium designans, atque ipsorum sursum ferentem, ab omni materiali intelligentia liberam puritatem. Angelus igitur est substantia intellectualis, seu per mobilis, sue potestatis, arbitrioque libera, incorporealis, Dei ministra, per gratiam, non natura immortalitatem consequuta: cuius substantiæ speciem, & terminum, solus Creator agnouit. Incorporeus autem & immaterialis dicitur, quantum ad nos. Nam omne ad Deum collatum, (qui solus incorporealis est) crassum, & materiale comperitur. Sola enim verè immaterialis, & incorporea Diuinitas.

Hæc Damascenus. Nec mirum est, quod Damascenus, spiritus crassitiem dicat corpus in Angelis;

TERTULLIANVS enim libro aduersus Praxeam, substantiam ipsam corpus appellauit, non tantum in Angelo, sed & in Deo, cum inquit.

Quis enim negabit Deum corpus esse, etsi Deus spiritus est? Spiritus enim corpus sui generis, & in sua effigie, sed & inuisibilia quæcunque sunt, habent & apud Deum & suum corpus, & suam formam, per quæ soli Deo visibilia sunt.

Angeli quomodo corpori rei, & incorporei dicendi.

Rationes probantes Angelos non esse corporeos.

Luc. 8.

q. 16. art. 1.

Pro huius igitur conciliatione disceptationis, theophari possumus cum Damasceno, statuereque, quod Angelus incorporeus, & immaterialis potius perhibeatur, si ad nostri corporis rationem comparetur; At corporis, ac materiæ similitudinem gerere, si cum Deo conferatur. Quapropter definiendum, quod Angeli corpus non habent coactum ex quatuor elementis, nec ex aëre crasso, obtenebrosoque, ut asserit Rupertus; neque ex aëre purissimo compactum, ut tradit Augustinus; nec ex igne, ut alij arbitrati sunt; neque ex supereminente, simplici que quadam quinta corporis essentia, ut innuebat Basilus; sed quod substantia impuriore, longeque imperfectiores sint Deo; & quod crassities ea, seu materies spiritus, qua longè distant à Deo, corporis similitudinem gerere visa sit Patribus illis, qui ignitam, seu aëream, puram, nitidamque substantiam eos habere docuerunt. Non desunt siquidem pro hac munienda veritate, euidentissimæ rationes. Primo, aut corpus Angelis attributum ex elementorum duorum, seu trium, seu quatuor mixtione concretum est, aut ex vno eorum coactum, aut ex quinto quodam corpore, seu sexto formatum. Si compactum est ex pluribus, elementatum igitur erit, & physici corporis affectiones subibit, eritque dissolubile & alterabile: at si ex vno tantum elemento, eoque purissimo confectum dicetur, iam corpus illud non erit, quanquam corporis nomen gerat, sed ipsummet erit elementum: si quintum corpus, coelestibus simile asseuerabitur esse, quomodo per ipsa elementa vagari Angeli dicentur? Quod si corpus gloria imbutum obijcient, quodnam, quæso, fuit antequam glorificatum esset? Si verò gloriosum conditum est, præcessit igitur gloria naturam & gratiam. Præterea in scripturis crebrò leguntur Angeli descendisse de Cælo, aut igitur Cælos ipsos discindi, dirumpique oportuit, aut Angelicas dimensiones Cæli molem subire, penetrareque. Deinde non retinentur (inquit Damascenus loco adducto) Angeli, Dæmonesque portis, muris, vel claustris; igitur nec corpora cognata habent naturalia, seu ex elementis compacta, vel ex simplici altero eorum, seu ex quinto corpore, aut corporum penetrationem concedi necesse omninò erit. Adicias quod legitur in Euangelio, Dæmoniorum legionem, quæ (si Romanorum vsum sequamur) numerum sex millium sexcentorum sexaginta sex Dæmonum complectebatur, in oppresso à Christo repertam fuisse. Perquirere ergo possumus, si corpore deuincti sunt Angeli, aut adeò exiguum est, quod ferè locum non obtineat, cum tam numerosa corporum multitudo, humano in corpore coarctaretur, obstringereturque, aut corpus in corpore penetrabit. Adnotauit hoc etiam D. Thomas in quæstionibus disputatis. Amplius cum anima humana multum impuriore censeatur Angelo; igitur anima, præter corpus humanum hoc, ex elementorum massa coactum, vehet aliud etiam corpus spirituale Angelorum corpori consimile, ut Cassianus, Gennadius, & alij visi sunt existimasse; sicque corpus in corpore formæ vicem geret, duplicique corpori anima obnoxia erit: si autem animæ spirituali illo corpore immunes erunt, animæ certè eorum, qui iam dicuntur suum

suum obierunt, rebusque excessere humanis, usque ad resurrectionis momentum perfectiori, eminentiori, puriori que essendi genere, ditatae essent, quam Angelus; cum Angelus corpori semper alligetur, illa ab omni crassitie & corpore soluta, puriores, ac spiritualiores consistant. Tandem cum nil in natura superfluum, ociosumque excogitandum, admittendumque sit; percunctari possemus, ad quod munus corpus hoc Angelo annexum fuerit: An propter intellectionem? at Angeli, Daemonesque nullo suffulti sensu, aut phantasmate comprehendunt, ut bene differuit D. Thomas loco asserto: An propter motum? sed ut spiritus, quanto magis immateriales erunt, quasi pondere exonerati, tanto concitatori motu vagari ubique poterunt: An potius ut medij sint inter Deum summum spiritum, & corpora? certe hac ratione decebat, ut post corpus illud quintum alterans, ac inalterabile (ita enim coeleste corpus Peripatetici nuncupant) omnis peregrinae impressionis expers, non mox ad summum spiritum transiremus, sed spiritum immaterialem, crassitie quadam affectum, non corpore praeditum, ut medium haberemus.

Superest, ut David auctoritatem, quam adduxere Patres illi in sententiae munimen interpretemur: Scribitur siquidem in Psalmis; Qui facit Angelos suos spiritus, ministrosque suos flammam ignis. Contenditur hoc loco, num David Angelorum naturam spiritum, hoc est aërem, vel ignem esse obtestetur, an potius a spiritus, & ignis metaphora, Angelorum agilitatem, cognitionem, feruorem, penetrabilitatem, & acumen circa diuinum obsequium, ac ministerium declararet. In primum sensum Basilius, ac plures alij Patres traxere hanc auctoritatem, quemadmodum supra narratum est.

Expositio verborum David, qui facit Angelos. Psal. 103.

I O A N N E S Chrysostomus e contra Homilia in Psalmum centesimum tertium, sic eam est interpretatus.

His verbis demonstravit cum non visibilia dumtaxat, sed eorum etiam, quae aspectum fugiunt, effectorem, & architectum esse. Eisdem porro & spiritus, & ignem appellavit; ut per utranque vocem, vim ac celeritatem indicaret: Celer enim est spiritus natura: robusta autem ignis actio.

P R O S P E R in alterum sensum surripuit hunc locum, expositione in Psalmum centesimum tertium, cum dixit.

Secundum litteram non dubitamus esse spiritus, nobis invisibiles, ministros Dei; qui ab officio, quod agunt, Angeli nuncupantur. Spiritus enim naturae nomen est, Angelus actionis. Hos itaque ministros suos, Deus facit etiam ignem vrentem, suae flagrantem; sicut legimus, ignem in rubo apparuisse; & missum ignem de super, & implese, quod praecceptum est, ministerio executionis Angelicae.

Exod. 3.

S T E V C H V S in libello de rebus incorporeis ac invisibilibus, quamnam interpretatio sit potior, litteraeque accommodatior egregie his edisserit.

Ad tertium accedens David, ait; Qui facit Angelos suos spiritus, & ministros suos ignem vrentem. Haec illa loci obscuritas oblata oculis, & eadem caligine, atque Mosaica, ante aciem nostram densata. Non enim claret an creationem Angelorum, an ministerium, & velocitatem eorum hic describat. Nam quod ait; Qui facit Angelos suos spiritus; pro spiritibus est in Hebraico id, quod etiam Latine & Graece, & spiritum separatum significat, & ventum. Duoque proinde sensus efficiuntur: Aut Angelos à Deo velocissimos ventos, & quasi volucres, sicut subdit; Et ministros suos ignem vrentem: Aut eorum substantiam esse spiritalem. Qui hoc posterius sequerentur, plurimi enim è Graecis sequuntur; dicerent etiam Angelos esse igneos, quia testetur vates facere Deum Angelos suos ignem, referentes superius, & inferius ad substantiam Angelorum, non eorum velocitatem. Ergo Graeci, & Latini, non admodum phrasen Hebraicas tenentes, sequuti sunt postremum; igneam, spiritalemque; & Angelorum substantiam praetendi à David factam: Hebraei ad utrunque sensum inclinant. Quoniam autem quod Septuaginta transtulerunt, ignem vrentem, Graece, ignis flammam, Hebraice habet, ignem fulgurantem, radiantem, splendentem: substantia autem Angelorum fulgurare non potest, & splendere, cum sint invisibiles, & incorporei; videtur potius esse comparatio de eorum velocitate, quam proprius sermo de substantia, ut dicat Deum fecisse Angelos suos velocissimos, perniciosissimos, ventis velociores, fulguribus similes, uno oculi ictu, à Caelo ad Terras, à Terris ad Caelum discursantes.

Cap. 15.

D. D I O N Y S I V S de Coelesti Hierarchia, prolixiori oratione has metaphoricis Angelis, à Scriptura delatas similitudines edisserens, quare ignis appellati sint, edocet, cum ait.

Inchoandum autem ratione, & querendum in prima formarum discretione, ob quam causam Theologia, ferè ultra omnes inuenitur honorans ignitam sacram descriptionem. Inuenies ergo eam non solum rotas igneas conformantem, sed & animalia ignita, & viros quasi ignem fulgurantes. Et circa eas Coelestes essentias, cumulos carbonum ignis circumponentem, & flumina immensurabili sonitu, igne flagrantia. Sed & Thronos ait

Ezech. 1.
Dan. 7.
4. Reg. 2.

D d igneos

igneos esse, & ipsos excelsissimos Seraphim celitus ardentes, ex cognominatione significare: & ignis proprietatem, & operationem ipsis distribuit, & omnino sursum, deorsumque ignitam honorificat selectim formationem facturam. Ergo igneum significare censeo celestium animorum Deiformissimum. Et infra ipsos etiam Ventos nominari, eorum velocitatem significat, & in omnes ferè absque mora peruenientem effectum, & de sursum in ea quæ sunt deorsum, ad sursum transuectiuum motum, erigentem quidem secunda ad superiorem celsitudinem, mouentemque prima ad communicatiuam, & prouidam minorum processione. Dicit autem fortassis quis, aërei spiritus ventosam cognominationem, & Deiforme celestium significare. Habet enim & hoc diuinæ operationis imaginem, & formam, ut in symbolica Theologia per tetraëticam dyiudicationem per plura demonstratur, secundum naturam motiuam, & gignentem, & velocem, & potentem capacitatem, & ignotum nobis, & inuisibile latibulum mouentium principiorum, & consummationem. Nescis enim, inquit, unde venit, aut quo vadit.

Ioan. 3.

Colligo ex prænarratis, Angelos nulla corporis mole obstrictos esse; eam verò spiritus crassitiem, qua impuriore, ac imperfectiores Deo perhibentur, similitudinem corporum, seu ignis, seu aëris (nam hæc intra elementa sublimiora censentur) præferre: sententias Patrum, Angelos corpore non immunes asserentium, pie interpretandas esse, quòd scilicet, impuritatem, informitatemque spiritus nobis certè imperceptibilem, corporum ignitorum, atque aëreorum nomenclatura, explicare, ac declarare voluerint.

Quales prodierint Angeli naturæ præstantia.

Cantic. 6.

Cùm demirari, & suspicere tantum nobis datum sit excellentem Angelorum profusionem, proclamare cum Salomone non erit indecens; Quæ est ista, quæ progreditur quasi Aurora confurgens, pulchra ut Luna, electa ut Sol, terribilis, ut castrorum acies ordinata? Exposuerunt hæc alij de Deipara Cælorum Regina, alij de Ecclesia Christi sponsa; & meritò. Verum detur & mihi, ea ipsa de Angelica, egregia, augustaq; natura interpretari. Hæc siquidem, Aurora est in naturæ puritatis nitore constituta: Luna, ut gratia est insignita; Sol, ut gloria decorata; Acies, quatenus ex collatorum ei donorum vbertate in Ordines, Hierarchiasq; est redacta. Hæc nobis omnia in sacrorum declamatorum gratiam sunt declaranda.

Angelus Auroræ similis.

Quæ est ista, quæ progreditur quasi Aurora confurgens? Confurgens natura Angelica, ut Aurora exiliit; nec alio accommodatiore symbolo conspicua, purissima, nitensq; Angelorum natura à Deo ipsis elargita, quam Auroræ explicari potuit. Aurora, lumen est à Solis radiatione descendens, sed lumen est secundum: Angelus lumen est radiatione Dei effusum; verum non interna, ut Filius, & Spiritus Sanctus emanatione, sed productione ad extra effectum.

GREGORIVS Nazianzenus Oratione prima de Reconciliatione Monachorum.

Secundo verò ea perpendamus, quæ prima ex Deo sunt & circa Deum, Angelicas dico virtutes, ac Celestes, primi luminis splendores primos, & veritatis verbo lucentes: nam & ipsæ lumen sunt, perfecti luminis radij fulgentes.

DAMASCENVS libro secundo, capite tertio.

Angeli secunda sunt intellectualia lumina, ex primo, & carente principio lumine illuminationem suscipientia.

Gen. 32.

Aurora nitet, sed non rutilat, fulgetve; Angelica natura claret, sed non coruscat, quousque gloriæ luce, quasi radijs Solis perfundatur: Aurora prima è tenebris erūpit; Angelus primus ex nihilo, ad vitæ radiationem profiliit: ex Aurora & Astreo nati feruntur (Hesiodo auctore) Zephyrus, Boreas, Nothus; ex diuina gratia & Angelo, sanctæ emergunt inspirationes: Aurora secum omnia germina refrigerantem rorem deferat; Angelus, cœleste solatium, spiritualemq; confert hilaritatem: ideo Iacob proclamatur: Dimitte me, quoniam Aurora est; spiritalis enim homo, post lucam Angeli, tanquam viuidæ consolationis compos effectus, dimitti postulat. Sed quam fecunda nobis prodiderint, & Scholastici Doctores de ea disputantes, infinitas quæstiones suscitauerunt. Etiam id, si potero, ex Prophetico oraculo: Nam quæ partes illius sint simplicissime naturæ, Daniel indicat, cùm scribit; Et ecce vir vnus vestitus lineis: & renes eius accincti auro

Dan. 10.

auro obryzo. Et corpus eius quasi chrysolithus; & facies eius velut species fulguris; & oculi eius vt lampas ardens; & brachia eius, & quæ deorsum sunt vsque ad pedes, quasi species æris candentis; & vox sermonum eius, vt vox multitudinis. Ecce.

D. Hieronymus Commentarijs in Daniele, inquit; Eleuatione, opus est oculorum, vt visionem mysticam cernere valeamus. Vir. Symmachus (teste D. Hieronymo) posuit quasi Vir, quod Angelus vir non esset, sed viri gereret similitudinem. Hinc

Pictores, iuuenes alatos Angelos effingunt, vt iuuetute, immarcescibile, non decidentē-que naturam, alis verò agilitatem circa diuina ministeria designent. Vir, inquit, ve-

stitus lineis. In hac porro Angelica apparitione, plures Angelicæ naturæ dotes l-

culentiùs exprimuntur: Candor siquidem naturæ, in byssinis vestibus: Sexus indifferen-

tia, in auro obryzo: Immortalitas, in chrysolitho: Voluntatis momentanea flexibili-

tas, in fulgure: Intellectus perspicacitas, in lampade ardente: Vires inæstimabiles, in

brachijs ex ære candente conflatis; Locutionis modus in ea multitudinis voce demon-

stratur. His certè quasi symbolis mirificè Angelicæ conditiones produntur, atq; signifi-

cantur. Quis igitur vnquā exactè hæc attinget? Quis apprehensa enarrare, nisi parū ipsis

digna oratione valebit? Videamus attamen, si quid non balbutientes de his insinua-

re possimus.

Vir vnus vestitus lineis. Septuaginta dixere veste byssina: & Symma-

chus præcipua, vt D. Hieronymus adnotauit. Candor hic indumentorum, natu-

ræ puritatem, simplicitatemque designat: Qui autem nitor, quæ puritas, simplicitasq;

ipsa sit Angelicæ naturæ, vna pericope, ex Scholasticis hausta, attingam. Puritas in

Angeli natura, maxima est, si reliquis extructis rebus comparetur. Nulla quippe in eo

est compositio, congestiove ex partibus; quarum alia sit spiritus, & alia corpus; vt in ho-

mine: neque ex partibus, quarum alia sit materies, alia forma è materia profilita, vt in

animali quouis, seu mixto: nec ex partibus quantis, ut est Cælum: nec homogeneis,

seu similaribus, ut aer, & ignis. Verum si Deo Angeli comparentur, in illis impuritas

inuenitur, cum Angeli secunda sint lumina. In ipsis siquidem uiget impuritas depen-

dentia, quoniam in eis differt, quo est, & quid est; à Deo enim profiliunt: & impuritas

entis in genere, quia compinguntur ex actu, & potentia; seu, vt Dialectici aiunt, ex ge-

nere, & differentia: Et impuritas entis in se; nam quantum ad esse, insidet in ipsis com-

positio essentia & esse; quantum ad essentiam, ex quo est, & quod est; quantum ad in-

diuiduum, quod est, & quis est: Et impuritas comparata ad effectum, quia congerun-

tur ex substantia, & potentia. Nix, si ad indicis lapidis nigredinem comparetur, insi-

gnem habet coloris eminentiam; ad illustre uerò Solis iubar, obtenebrescit, & minus

præfert dignitatis: tanta igitur, ac maiore intercapedine decidunt Angelici spiritus à

Dei eminentissima natura. Deus enim solus à seipso est, super omne entis genus purissi-

mus actus; in quo id ipsum sunt ens, & esse; quo est, & quod est; quod est, & quis est;

substantia, & potentia: iuxta illud Theologicum axioma; Quicquid in Deo est, Deus

est. Hæc ferè D. Bonauentura.

D I O N Y S I V S Arcopagita, libro de Diuinis nominibus, capite quarto,

quanta sit Angelicæ nature præstantia, his egregiè demonstrat, cum dicit.

Imago Dei est Angelus, manifestatio occulti luminis, speculum purum, splendidissimum, immaculatum, in-

contaminatum, incoinquinatum, recipiens totam (si iustum est dicere) speciositatem bene formatæ deiformita-

tis, & purè declarans in seipso, sicut possibile est, bonitatem, quæ est in abditis.

D I O N Y S I V S Carthusianus, articulo trigesimoquinto.

Veruntamen Angelus cum omni celsitudine, & excellentia sua, deficit infinitè ab infinita perfectione, glo-

ria, & eminentia Dei, atque à plenaria representatione, & comprehensione illius, secundum quod ex sua actua-

Angelicæ na-
turæ puritas.

Quæ impuri-
tas, seu com-
positio in An-
gelo reperia-
tur.

2. Sent. dist. 3.
art. 1. q. 1.

men absolute abnuerem, quid in Angelo extare posse secundum naturam spiritus, quod materiae formae vices agere queat. Angeli siquidem, simplices non sunt omnino, sed ex esse, & essentia, tanquam suis partibus gestant coalescentiam; quarum esse, ut actus substantialis, respondet formae; essentia verò, ut potentia, substantifica proportionatur materiae. Caterum, quia essentia spiritualis est molis & figurae expers, materia ob id ingenuè dici nequit.

In Angelis
nō adest dif-
ferentia sexus.
Apoc. 15.
Lucę 20.
Sap. 4.

Renes eius accincti auro obryzo.

Sexus indifferentia his nobis depromitur, quemadmodum interpretantur Patres; unde in Apocalypsi, Ioannes septem vidit Angelos zonis accinctos aureis. Quare apud Lucam; Saluator inquit, In resurrectione non nubent, neque nubentur, sed erunt sicut Angeli Dei. Nam & pulchra est, & casta generatio cum claritate. Euincitur autem id, cum ex eo, quod immortales sint Angeli, tum quia in magno numero sibi congruo congesti sunt, tum denique quod corporis expertes sobole non indigeant.

T H E O D O R E T V S hæc cuncta disertissime tradit de Dijs, & Angelis libro tertio, cum ait.

Sexus differen-
tia cur tribu-
ta mortalib.
creaturis, &
non Angelis.

Angelicam incorpoream naturam in mares, feminasque non distinguimus. Hac enim sexus discretionem indiget eorum natura, qui subiecti mortis legibus viuunt. Quia enim mors hominum genus quasi in seruitutem adducit, nuptia liberorum propagatione reponunt, quod interitus ipse consumpsit. Mortale itaque animal, instrumentum hoc habet ad immortalitatem tuendam, sibi à Creatore Deo tributum, quod gignere filios ex se potest, eamque ob rem morituro quidem homini, feminae usum necessarium esse cognoscimus. Angelia verò, quos immortales Deus creauit, femineus ille sexus omnino superfuisset; neque enim augeri, propagareque indigent, qui decrescere, comminuique non possunt; neque item commisceri opus habent, qui corporum sunt exortes. Comprobat autem vera esse, quæ dicimus, utriusque speciei creatio. Neque enim Deus ab initio totum numero homines luto effinxit, sed virum vnum duntaxat, vnamque mulierem, duorumque commixtio totam continentem, marisque omnis insulas genere humano compleuit. Naturam autem eorum spirituum, qui videri non possunt, nequaquam ex duobus constituit: sed vniuersam simul, semelque creauit. Quot enim millia eorum spirituum ab initio esse sanxit, tot repente simul produxit, ut superflui continuo illis fuerint, fuerit feminarum usus, qui ut immortales propagatione non indigent, utque incorporei commixtionem non patiuntur. Idcircoque Hagios eos nuncupamus, tanquam nihil terreni insitum habentes, sed cunctarum infirmitatum exortes, quæ circa terram gignuntur.

Et Diuin. Decret. Epit. consimilia edocet.

Angelus, an
ex sui natura
sit incorrupti-
bilis.

Corpus eius quasi chrysolitus. Chrysolithus lapis est scintillis aureis coruscans, à chryso, hoc est, aurum, & lythos, hoc est, lapis, nuncupatus. Hoc autem chrysolithon nihil est perennius, atque incorruptibilius: eiusque symbolo Angelica natura incorruptibilitas, perennitasque designatur. Cum enim ut spiritus, ex sui natura sit ab omni materiae compactione alienus, incorruptibilis etiam est censendus. Caterum inter Patres, & Doctores Scholasticos de hac re non modica est controuersia; Patrum quam plures, Platonicis imbuti dogmatibus, Angelos natura dissolutioni obnoxios esse, edocuerunt.

P L A T O siquidem in Timæo ut D. Augustinus de Ciuitate Dei libro vnde cimo, Iustinus in Admonitorio, Clemens libro quinto Stromatum, Eusebius de preparatione Euangelica libro primo, Cyrillus contra Iulianum libro secundo, & alij memorant; de Angelis hæc prodit.

O' Dij Deorum, quorum opifex, Paterque ego, opera siquidem mea dissolubilia natura.

D A M A S C E N V S Theologus (nam cæterorum Patrum Catenam intexere hoc loco opportunum non iudico) libro secundo Orthodoxæ Fidei, capite tertio.

Immortalis Angelus est, non natura, sed gratia: nam omne quod cepit, & desinere suapte natura potest. Solus enim Deus semper ens, magis autem, & super semper: nam in tempore nequaquam est sed super tempus, qui temporum est factor.

Quæst. 50. ar-
tic. 5.

Refragantur, aduersanturque; huic sententiæ Scholastici serè oēs, præcipuè D. Thomas, asseuerantes constanter, Angelum, quia ex sua natura immaterialis est, sua quoque natura esse incorruptibilem; cum actu tantum (ut aiunt ipsi) ens sit; hoc est, pura forma; cui secundum se adeo competit esse, ut seiungi ab ipsa haudquaquam queat, sicut nec sphaerica figura à circulo, quamuis à circulo aëneo dissecari possit.

Sed

Sed facillimè conciliari potest hæc disceptatio, si proferamus Angelos & corruptibiles, & incorruptibiles simul extare: Incorruptibiles, si eorum attendatur natura, cum in ipsa non vigeat aliqua corruptionis insita radix: Corruptibiles, si principis causæ, Dei nempe vis, quam in ipsos exercere potest, perpendatur: Nam Deus suam ab illis subtrahendo conseruantem virtutem, ad nihil eos redigere posset, sicut & cunctas cæteras res ab ipso editas. Quapropter sciendum, quod incorruptibilis profectò natura in ipsis vigeat: verum ea ipsa ex gratia indita sit; nam ex gratia Deus fator eam ipsis largitus est incorruptibilem naturam. Exinde probè a quo commensurantur Angeli, quod non recipit prius & post, vt sensit D. Thomas; vel si recipit, id sine decidentia excipit, quemadmodum voluit D. Bonauentura; quasi eius defluxus, non vti aquæ vel fluminis, sed veluti radorum à Sole defluxus existat.

Facies eius velut species fulguris, inquit Daniel. Fulgur enim inter atras nubes citatissimè coruscat, exhalatq; , adeò vt vix cõspici queat. En volutatis Angelicæ celeritima flexibilitas, ex liberi arbitrij eminentia, qua semel, seu ad bonũ, seu ad malum rapi poterat: sed adeò celerrimè, enixeq; , vt vbi semel corruerit, inde exurgere nunquã poterit. Voluntate siquidem maximè eccellente Angeli ad bonum pertrahebantur, nõ naturali habitudine ducti, ceu mixta sensus expertia; neque à bono cognitione sensili agnito, rapti, vt sensu prædita animantia; nec à bono cognitione fallibili percepto, vt homo: sed à bono scientia perspicaci, & certa apprehenso. Quapropter quod apprehenderunt, ac voluerunt, adeò constanti electione, affixaq; voluntate selegerunt, vt amplius negligere, nolleq; minimè prorsus queant. Ac proinde Redemptor noster dixit: Videbam Satan tanquam fulgur cadentem de Cœlo. Quid fulgure rapidius, quando aërem discindens, obuiaq; cuncta conterens, ad ima descendit? nil certè, & nil Angelicæ voluntatis defluxu velocius.

Angelice voluntatis celeritas in eligendo.

Lucæ 10.

HIERONYMVS Commentarijs in Iob caput vigesimũ quintum.

Sub nomine Lunæ, siue Stellarum, Angelos, & supernas Potestates intelligere possumus: qui ad comparisonem diuinæ reuerentiæ, immundi, & tenebræ possunt videri; ex eo utique, quoniam natura conditæ creature, licet non peccent, capaces tamen peccati sunt, vt apparuit in alijs Angelis eiusdem nature peccantibus. Sed post eos, nullum Angelorum peccasse credendum est; quia omne liberum suum arbitrium in solius Dei charitatem verterunt: sicq; immobiles facti sunt, persistentes in veritate, in qua prædictus Angelus cum suis stare noluit. Proinde Angelorum voluntas per amorem Dei facta est inconuertibilis, quæ in Deo est per naturam. Ideò illi soli incorrupto honor & gloria.

Et oculi eius, vt lampas ardens. Oculi, intellectus symbolum sunt: vt lampas igitur ardentissima fulgere existimandus est Angelicus intellectus, omnium perspicax. Vis enim intellectiua in Angelo, potentijs prædita non est intellectus agentis, & passi, nec recipere phantasmata, nec denudare, illustrareq; rerum species necesse habet: cunctaq; comprehendit, non sua essentia, quia infinitate non gaudet, vt Deus; sed per species sibi inditas, eoq; ordine distributas, vt sicuti Deus sua vna essentia, simul omnia agnoscit; ita Angelorum qui sublimiores sunt, per pauciores, atque vniuersaliores species intelligant. Apprehendit autem Angelus seipsum, & Angelicas cæteras substantias per sibi impressas à Deo earum rationes: insita nanq; est in vnoquoque Angelo suimet species secundum esse, tum naturale, tum intellectuale, qua subsistit, & se percipit: alterius verò secundum esse tantum intellectuale: Deum verò per exaratam Dei imaginẽ in sua essentia contemplatur. Apprehendit autem materialia cuncta per expressas rerum species, rationesq; , & simplicius, atque immaterialius, quàm ipse res in seipsis sint; multiplicius autem, & imperfectius, quàm in Deo. Percipiunt & singularia Spiritus illi sublimis, non in causis vniuersalibus (tunc etenim non vt singularia ea caperent,) sed quoniam impressæ sunt rerum species in ipsis, vt species ipsæ subsistunt proprijs in naturis, hoc est, non tantum secundum naturam vniuersalem, sed secundum indiuiduata principia. Percipiunt futura, & necessaria quidem in causis suis, contingentia verò vt in pluribus, solertia ingenij; & contingentia rarò, ex coniectura, sed longè humana prudentiore, atque perspicaciore. Percipiunt cogitationes cordium, non in cordis fonte, sed in affectionibus tantum apparentibus extra, & præsignantibus quæ intra sunt. Percipiunt cuncta ea, quæ ipsorum cognitio naturalis attingere potest, non quidem potẽtia,

Intellectionis Angelicæ præstantia & modus.

tia, quasi ad habitum scientiæ coalescant; sed tamen non omnia actu simul. Percipiunt plura non simpliciter, sed ea quæ in vna specie coadunantur. Percipiunt non discursu, ratiocinationeue, compositione, aut diuisione; sed vno intuitu, vna simplici apprehensione, composita simpliciter, mobilia immobiliter, & materialia, vt aiunt, immaterialiter. Hæc Theologi de Angelica apprehensione, & præcipue D. Thomas edisserunt. Quis igitur intellectus Angelici dotes non suspiciet? maximè si cum intellectu humano non ineptè comparetur, cum ille splendescat, vt Sol, hic quasi Luna exilem, atque pallentem habeat fulgorem. Sed de his aliàs.

P. P. à quæst.
54. ad 58.

Angelorū vi-
res quantæ.

Gen. 3.
Gen. 7.

Gen. 19.
Exod. 10.
Exod. 14.

2. Reg. 24.
4. Reg. 19.

Luc. 21.

Brachia eius, & quæ deorsum sunt vsq; ad pedes, quasi species æris candentis. Vires Angelicæ hoc loco describuntur. His brachijs siquidem orbes cælestes circumlationibus nunquam interruptis circumaguntur: Vnde & motrices intelligentiæ à Philosophis Angeli nuncupantur. Quàm verò sint præstantes & efficaces, Angelicæ vires, in scripturis memorata exempla demonstrant. Eiectio Protoparentum à Paradiso; Cataclysmus Noëti Diluuij, (si ministerio Angelorum, vt quidam opinantur, effectus est;) igneum, sulphureumq; Pentapolis, (hoc est quinque vrbiū) scdo peccato obnoxiarum excidium; Plagæ illæ immanes decem in Aegyptum illatæ; Beneficia in populum Israeliticum in deserto, tot mirificis portentis ab Angelis Dei iussione collata; Pestis David regnante in Hebraicam gentem inflicta; Centum octuagintaquinq; millium in castris Sennacherib trucidatio, & innumera ferè alia exempla. Nam & Mundi excidium tunc erit, cum virtutes Cælorum commouebuntur. Angelumque (si Deus id iuberet) Mundum oculi obtutu, diruere, prostrareque posse, cunctaq; subuertere, non est qui ambigat. Hæc sunt igitur brachia æris candentis, fortia admodum, atque efficacissima. Operantur autem Angeli, prout se loco & rei adiiciunt, non circumscriptione, vt inquit in Scholis: sed diffinitione, hoc est virtutis suæ applicatione, non vbiq; vt Deus, nec pluribus locis simul; sunt nanque limitatæ virtutis: cum enim sunt in Cælo, vt inquit Damascenus, non sunt in terra; nec plures in vno, eodemq; loco, quoniam eiusdem rei, duæ absolutæ causæ extare nequeunt: euolant autem à loco ad locum, quando virtutem applicant, siue absque successu, medioq; loco, seu per media, prout eis libet, spatia. Euolant non in instanti; sed citatissimis momentis longè à natura nostri temporis semotis. Hæc ferè D. Thomas.

P. P. quæstio.
52. & 53.

Locutio An-
gelorum qua-
lis.

Isa. 6.
Isa. 63.
Zach. 1.

1. Corint. 13.

Et vox sermonū eius, vt vox multitudinis. Angelos locutionis non esse expertos, censendum est. Nam Esaias inquit, Seraphim clamabant alter ad alterum; Idemque Propheta de Christo peregrina carnis veste amictō in Cælum scandente, Angelos hæc loqui inducit; Quis est iste, qui uenit de E dom, tinctis uestibus de Bosra; iste formosus in stola sua. Zacharias, quoque Angelum Deum sic alloquentem describit; Respondit Angelus Domini, & dixit; Domine exercituum, usquequo tu non misereris Hierusalem? Et Paulus Angelorum linguam memorat, dicens; Si linguis hominum loquar, & Angelorum. Et nunquid Angelum præstantissimum creaturarum intellectualium, à locutione alienum censebimus, cum magis singulare sit ac proprium intellectualis creaturæ conceptus suos patefacere, uota sua referare; quàm ignis sursum ferri, & Solis splendescere? Loquuntur autem, non singularibus quibusdam suæ naturæ proprietatibus, atque affectionibus, occulta ostendentes, quia tunc nolentes etiam suos patefacerent conceptus; non signis quibusdam, seu hieroglyphicis figuris in Cælo exaratis: tunc enim non uni alteri, sed omnibus, etiam inuiti, uota sua manifestarent; non lingua, seu idiomate aliquo, ut alij senserunt: sic nanque quasi semper nouo miraculo, & corpora effingere, atque in aëre uoces plectro formare cogerentur. Colloquuntur igitur, ut benè sensere Scholastici, præcipue D. Thomas, dum conceptus suos alter alteri referat, atque dirigit, non quidem intelligibilibus signis in ipsius mente discriminatis, sed solo uoluntatis nutu, atque consensu. Cæterum uox est multitudinis, quia clara, sonora, aperta, & adeo efficax est, ut à Polo ad Polum, & à Cælo supremo ad Terram; si adeo Angeli distarent, attingere possit. In his etenim, quæ abstracta sunt à loco, & tempore, & hic, & nunc, cuius certè generis est locutio Angelica, nil obstitit nec loci distantia, intercententiaq; , nec temporis fluxus, ac discrepantia.

Quales Angeli in supernaturalibus dotibus.

Quales Angeli conditi sint in dotibus supernaturalibus, Num mali, Num in naturæ puritate, Num in gratia, Num in gloria, superest modo disputandum.

Quæ est ista, quæ cōsurrexit ut Aurora, sed pulchra ut Luna? Ista est Angelica supereminēs creatura, quæ quidē suis nālibus dotibus clarescit ut Aurora; sed si gratia Dei perfundatur, pulchra redditur vt Luna. Quid enim aptius, atq; accōmodatius naturam Angelicam gratia insignitam præsignare potest, quàm Luna plena, cū suo decoro lumine nitescit? Luna siquidem ac Stellæ, lucem mutant à Sole: Angelus, & anima, si gratia pollent, à Deo ipsam hauriunt: Gratiam enim, & gloriam dabit Dominus. Luna & Stellæ ad Solem versæ, luce decorantur; auersæ verò, tenebris obruuntur: Angelus, & anima, si facie, hoc est, voluntate Deum affectant, gratia insigniuntur; si verò vel suam ipsorum præcellentiam, vel res congestas à Deo amore prosequuntur, tanquā auersa à Deo facie, luce orbantur, & atrescunt. Luna, si subsequitur Solem, luce pariter expletur; si antegreditur, ea destituitur: Angelus, qui Diuinæ maluit obtemperare voluntati, gratia est cohonestatus: At Dæmon, quia anteire Deo concupiuit, cū dixit; Ero similis altissimo, corrui à gratia, atque funesta ruina in has infimas regiones collapsus est. Ac quemadmodum deliquit Luna fit ex terræ inter ipsam & Solem interpositione, ita & Diabolus Eclipsis, seu gratiæ defectio tunc effecta est, quando propria excellentiæ fastum, ut obicem inter se, & Deum interposuere. Disceptandum igitur nobis est; Num Angelus profilierit malus; Num puritate suæ naturæ emicans; Num gratia indutus; Num beatitudine inchoata decoratus. Patres siquidem, & Doctores in diuersas rapi videntur sententias.

Cant. 6.

Angelica natura vt Luna.

Psal. 83.

Isa. 14.

Num Dæmones creati sint mali.

Priscos Gentiles, Dæmonum duplicem classem fecisse: alteram malorum sua natura: alteram bonorum, Eusebius de Præpar. Euang. edisserit; cū malignorum Dæmonum Serapin, hoc est, Plutonem, & Proserpinam, principes eos æstimasse obtestatur.

Lib. 4. cap. 12.

AUGUSTINVS decimo libro de Ciuitate Dei, dari quoddam genus Dæmonum, natura fallax, & simulans, Porphyrium reputasse tradit. Et libro vndecimo, capite tertio decimo, Diabolum natura esse malum, Manichæos existimasse his enarrat.

Huius sententiæ, quod Diabolus creatus bonus, iustitiam recusauerit, quisquis acquiescit, non cum illis hæreticis sapit, id est, Manichæis: Et si quæ aliæ pestes ita sentiunt, quod suam quandam propriam tanquam ex aduerso quodam principio, Diabolus habeat naturam mali.

Et de Genesi ad litteram libro undecimo, capite vigesimo, sententiam hanc erroneam his memorat.

Nonnulli Diabolum non in hanc malitiam libero voluntatis arbitrio esse deflexum, sed in hac omnino creatum putant, quamuis à Domino Deo summo, & vero naturarum omnium Creatore: adhibentque testimonium, de libro Iob, quoniam ibi scriptum est, cū de illo sermo esset; Hoc est initium figmenti Domini, quod fecit, vt illudatur ab Angelis eius. Cui sententiæ congruit, quod in Psalmo scriptum est; Draco iste quem finxisti ad illudendum ei: nisi quod hic, quem finxisti, dixit: non autem sicut ibi; Hoc est initium figmenti Domini, tanquam in initio eum ita finxisset, vt malus, vt inuidus, vt seductor, vt omnino Diabolus esset, non voluntate deprauatus, sed ita creatus.

Iob. 40.

Psal. 103.

CYRILLVS Alexandrinus in Ioannem libro sexto, capite sexto, fusiùs & vberius hoc execrandum placitum confutat; ubi etiam argumenta, quibus innititur, hæc ignorantie tenebris oppleta sententia, refert, dicens.

Porro non incongruum fuerit hoc loco nonnullorum assertionem destruere, sententiam Diabolum à Deo malum esse conditum, & in prauitate creatum fuisse. Cuius sententiæ astringendæ occasionem sumunt ex hoc loco, quo dicitur; Ille homicida erat ab initio; putantes his verbis significari, eum à principio suæ productionis, quinimodò in ipso sui ipsius exordio, malitiæ addictum fuisse. Et post. Insuper adducunt illud Ioannis in Epistola sua dictum; Qui facit peccatum, ex Diabolo est; quoniam ab initio Diabolus peccat: Si ab initio, inquit, ipse peccat, in peccato productus est, & creatus malus: alioquin non ab initio peccasset ex principio suæ constitutionis. Et Post. Præterea imituntur & huic sententiæ Psalmi; Draco iste quem fecisti ad illudendum ei: Et huic verbo Iob; Ecce Behemoth, quem feci tecum. Vbi nomine Draconis, & Behemoth, intelligitur Diabolus, ratione suæ malitiæ his nominibus nuncupatus. Dominus autem contestatur se illum

Ioan. 8.

1. Ioan. 3.

Psal. 103.

Iob 40.

illum fecisse, quò à bonis viris tentationes eius, & machinamenta fraudum superantibus, ei illudatur. Cui sequens est igitur, inquiunt, ipsum à Deo creatum esse malum.

Hæc igitur sunt fundamenta, quibus ea impia munitur sententia: quatuor, scilicet, productæ à D. Augustino, & Cyrillo, Scripturæ auctoritates. Porro argumenta, quæ Scholastici, præcipuè D. Thomas secundo Senten. distinctione tertia, & alibi; disputandi gratia, in eius comprobationem deferunt, nullius adeò sunt ponderis, ut ea hoc loco interficere superfluum diiudicarem.

Classis Patrum, Angelos conditos fuisse natura malos, confutantium.

Patres omnes prisce, sententiam hanc, ut execrandam, atque omninò à vera Theologia abolendam, reiiciendamq; , mirifica consensione passim cōfutarunt; Angelosq; ex propria ipsorum malitia sponte decidisse, à Deoque apostatasse, obtestati sunt. Quorum Catenam, non tantum ut reiectam illam, profligatam, atque execratam opinionem explodam, sed ut desertorum Angelorum lapsus modum, & apostasiæ flagitiosum crimen declararem, amplissimam interijcere statui.

I G N A T I V S Epistola ad Philipenses, his contra Luciferum inuehitur.

Tu qui omnium malignorum spirituum malignissimus es, & pro malitia, ventre, & pectore in terram repertus es; & per inanem gloriam inhonoratus es: Qui per auaritiam, & arrogantiam, ad impietatem deductus es: Tu incensor, Draco, Apostata, Serpens perplexus à Deo discedens, à Christo separatus, à Sancto Spiritu alienus, & à Choro Angelorum exulans: Iniuriator legis Dei, & legitimorum inimicus, qui super protoplastos insurrexisti, & à mandato Dei auertisti eos, qui nihil te laeserunt; qui aduersus Abel Cain fratricidam excitasti; qui in Iob mala exercuisti: Tu ergo huiusmodi dicis Domino; Si cadens in terram, adraueris me?

Matth. 4.

D I O N Y S I V S Areopagita de Diuinis nominibus capite quarto, à bono conditore, bonam fuisse conditam naturam Angelicam, sed sponte sua à bono decisisse, atque ad malum esse prolapsam his probat, cum dicit.

Sed neque Dæmones natura mali. Etenim si natura mali, neque ex bono, neque in existentibus, neque ex bonis conuersi, natura, & semper mali sunt. Et post. Deinde quomodo à Deo facti Dæmones sunt mali? Bonum enim bona adducit, & substituit. Et quidem dicuntur mali, dixerit quis, sed non secundum quod sunt, (ex optimo enim sunt, & optimam sortiebantur essentiam) sed secundum quod non sunt: Infrini, ut eloquiuntur, seruare suum principatum. In quo enim, dic mihi, vitari dicimus Dæmones, si non in cessatione diuturnorum bonorum habitudine, & actione?

Iudæ 1.

T E R T V L L I A N V S aduersus Marcionem libro secundo.

Si euoluas Ezechielis prophetiam, facile animaduertes tam institutione bonum Angelum illum, quam sponte corruptum. In persona. n. Principis Sor, ad Diabolum pronuntiatur; Et factus est sermo Domini ad me dicens: Fili hominis, sime planctum super principem Sor, & dices: Hæc dicit Dominus. Tu es resignaculum similitudinis, qui scilicet integritate imaginis, & similitudinis, resignaueris, plenus sapientia, corona decoris, (hoc ut eminentissimo Angelorum, ut Archangelo, ut sapientissimo omnium) in delitijs Paradisi Dei tui natus es. Illic. n. ubi Deus in secundæ animalium figure formatione, Angelos fecerat. Lapidem optimum indutus es, Sardium, Topazium, Smaragdum, Carbunculum, Sapphirum, Iaspin, Ligurium, Achaten, Amethystum, Chrysolithum, Berillum, Onychinum, & ceteris replesti horrea tua, & thesauros tuos. Ex qua die conditus es, cum Cherub posui te in Monte sancto Dei, fuisti in medio lapidum igneorum, fuisti inuituperabilis in diebus tuis, ex qua die conditus es, donec inuentæ sunt lasuræ tue. De multitudinis negotiationis tuæ, promas tuas replesti, & deliquisti, & ceteris. Quæ ad sugillationem Angeli, non ad illius principis proprie pertinere, manifestum est, eo quod nemo hominum in Paradiso Dei natus sit; ne ipse quidem Adam, translatus potius illuc, nec cum Cherub positus in Monte sancto Dei, idest in sublimitate cælesti, de qua Satanam Dominus quoque decidisse testatur: nec inter lapides igneos demoratus, inter gemmantes syderum ardentium radios; unde etiam quasi fulgur deiectus est Satanus.

Ezech. 28.

G R E G O R I V S Nazianzenus, Oratione prima de Pace, quæ est in ordine duodecima, idem voluit, dicens.

Ex Angelis autem, is, qui seditionem concitare, ac supra dignitatem suam sese efferre, cervicemque aduersus Dominum omnipotentem attollere, atque ut Scriptura testatur, supra nubes sedem sibi ipsi excogitare ausus est, dignas arrogantia sua penas dedit, lucis loco tenebris multatus, aut, ut verius loquar, à seipso caligo effectus. Sed

Isa. 14.

Sed apertiùs, & explicatiùs in Christi Natiuitatem Oratione Panegyrica, cum ait.

Atque ita secundi splendores procreati sunt, primi splendoris administri. Et post. Gestit quidem animus dicere ad malum immobiles, atque ad bonum dumtaxat agitationem habentes, utpote Deum circumstantes, ac primario Dei fulgore collucentes; (hæc enim inferiora secundaria illuminationis sunt) verum, ut non omnino immobiles, sed egrè mobiles existimemus, ac dicam; mihi persuadet illè ob splendorem Lucifer, qui propter superbiam caligo, & effectus est, & nominatur, ac subiecta ipsi rebelles potestates, quæ per boni fugam, vitium effecerunt, ac nobis contraxerunt.

BASILIVS Homilia, quòd Deus non est auctor malorum.

Hinc consequenter alia questio de Diabolo nascitur: unde Diabolus sit, si non ex Deo sunt mala. Quid igitur dicemus? Satis facilis est responsio. Eadem omnino ratio nobis ad istam quoque questionem satis erit, quam et de hominis iniquitate supra commemorauimus. Unde enim iniquus est homo? ex ipsius libera voluntate. Unde malus Diabolus? ex eadem penitus causa. Habebat enim & ipse liberam vitam, & insitã sibi potestatem, aut Deum sequendi, aut à bono discedendi. Gabriel Angelus à Deo iugiter stetit: Satan item Angelus ex ordine suo prorsus cecidit. Et illum propria voluntas in Cælo retinuit; hunc verò voluntatis libertas Cælo deiecit. Poterat enim & ille à Deo deficere, & iste non excidere. Sed illum, insatiabilis dilectio Dei seruauit; hunc à Deo relictum esse ostendit per peccatum alienatio. Malum igitur hoc tantum, à Deo alienatio. Nam parua quidem oculi conuersio, paruus nutus, ut Solis particeps aliquis existat, vel in umbra remaneat, facit. Nam & illic in promptu est, ut suspiciens illustretur; auertens verò intuitum, necessario in tenebris erit. Sic & Diabolus malus Deo aduersatur, non ex natura, sed mala voluntate habens malitiã.

ATHANASIVS in Vita D. Antonij, Antonium hæc alloquentem inducit.

Quod autem in promptu est, & ignorare non expedit, dolos scilicet eorum aduersus non compositos breuiter indicabo. Hoc primum debemus mentibus affigere, nihil Deum fecisse, quod malum est, nec ab eius institutione Demonum cepisse principia: peruersitas ista, non naturæ, sed voluntatis est vitium. Boni etenim, utpote à Deo conditi, ex proprio mentis arbitrio ad terras rucere de Cælis, ibique in cæni sordibus volutati Gentilitatis impias constituere culturas, & nunc de nobis torquentur inuidia, atque vniuersa mala commone-re non cessant, ne pristinis eorum sedibus succedamus.

GREGORIVS Magnus Commentarijs in Ezechielem, ut etiam excerptis D. Paterius libro primo supra Genesim.

Tales creati sunt Angeli, ut si vellent, in beatitudinis luce persisterent; si autem nollent, etiam labi poterant: Unde & Satan cum sequacibus legionibus cecidit: sed post eius lapsum, ita confirmati sunt Angeli, qui persistere, ut cadere omnino non possint. Quod bene in ipso exordio Geneseos libri ex historica descriptione signatum est: Quia creauit Deus Cælum, & Terram, quos postmodum vocauit firmamentum. Celi ergo fuisse ij, qui prius bene sunt conditi, sed postmodum firmamentum appellati sunt, quia ne omnino iam caderent, virtutem incommutabilitatis acceperunt.

Gen. 1.

Isa. 14.

Luce 10.

Psal. 81.

HIERONYMVS in Esaïam libro sexto: super illud; Quomodo cecidisti Lucifer, qui mane oriebaris? ait.

Pro Lucifero, Aquila transtulit ululantem Auroræ filium. Verè enim ululare debuit, & eiulare, qui propter superbiam suam de Cælo in Terram precipitatus est, atque contritus. Unde & Saluator ad Discipulos loquitur; Videbam Satanam quasi fulgur de Cælo cadentem. Non modò video, sed prius videbã quando corruit. Et Post. Iste est princeps sæculi, qui inter stellas cæteras mane oriebatur, & suo vitio de Lucifero vesper effectus est: & non oriens, sed occidens; qui vulnerabat gentes, siue qui mittebat ad gentes satellites suos; ut omnes sua fraude deciperet.

Et in illud Psalmi, Vos autem sicut vnus de Principibus cadetis.

Vbi sunt qui dicunt, Diabolum esse factum? vbi qui dicunt malam naturam à Deo?

CRYSOSTOMVS Homilia de Adam & Eva.

Angelos ergo fecit in spiritu sine carne, præceptum dedit eis nullum. Vnus Angelus primus, qui Sathabel dictus est, malignam & nefariam præsumptionem assumens, dixit; Pono sedem meam in Aquilonem, & ero similis Altissimo. Et ita pro tali præsumptione cecidit irreparabiliter, ut Angelus primus precipitatus de culmine Angelico, Diabolus nominaretur. Ecce sine præcepto ita cecidit irreparabiliter, ut consequentes sibi hodie, hodieq; occidat.

Isa. 14.

Et homilia de Lapsu primi hominis.

Factis Angelis, præceptum eis nullum dedit. In quibus Angelis Sathabel Angelus principatum tenebat. Hic ex defectu boni, fecit initium mali, quia malum Deus non fecit. Ergo quando ei obortum est, ut diceret; Pono sedem meam in Aquilone, & similis ero altissimo: recessit à bono, ut faceret, ut dixi, initium mali. Pro tali errore, & tyrannica præsumptione precipitatus, cecidit irreparabiliter.

GREGORIVS Nyssenus disputatione de anima, & resurrectione, ait. Persuasum est enim tam ex communi opinione, quam ex Scripturarum traditione, esse quandam naturam.

E e extra

extra talia corpora, quæ recto, atque honesto aduersa, contrariaq; sit, & in humanæ naturæ detrimentum, atque perniciem incumbat, quæ sponte sua à meliori sorte exciderit, atque defluerit, & in locum boni, & boni à quo defecit, id, quod ex contrario intelligitur, in sese substituerit.

EPIPHANIVS contra Hæreses, hæresi sexagesima quarta, libro secundo, Tomo primo, post plura hæc adiecit.

Cæterum reliqui in his, ob quæ fecit, ac constituit ipsos Deus, manserunt. Hic verò Diabolus violauit, & prauus factus est circa concreditorum ipsi administrationem, & inuidiam contra nos concepit. Quemadmodum & qui postea carnes amauerunt, & cum filiabus hominum ob concubitus amorem conuersati sunt. Spontaneam enim etiam ipsis habere ad utraq; voluntatem Deus constituit, velut etiam in hominibus: ut aut obediens verbo essent cum ipso, & acciperent beatitudinem, eaque fruerentur; aut non obediens indicaretur. Erat autem & Diabolus Stella Lucifer. Quomodo excidisti, inquit, à Cælo Lucifer, qui mane oriebaris? Erat lucis sidus matutinum, sed excidit, & in terram contritus est, ubi procurasset homini contraria. Deus enim indignatur superbis, & contumacem sententiam impendit.

Isa. 14.

Et libro secundo, Tomo secundo, hæresi sexagesima sexta.

Siquidem enim de Diabolo sermo est, iam sepe ostendimus, quod non malus creatus est: Nihil enim malum Deus fecit, & hoc intelligentibus manifestum est. Si enim ex iisdem procedimus, nihil molesti fuerit demonstrare etiam in præsentis veritatis rationem. In principio itaque malus non erat, verum euasit malus.

CYRILLVS Hierosolymitanus, Cathedesi secunda.

Peccauit Diabolus non ex necessitudine naturæ vitium suscipiens, quod sic peccati occasio rursus in opus retorqueatur: sed bonus creatus, propria voluntate factus est Diabolus: ab actione capiens cognomen. Archangelus enim cum esset bonus, Diabolus postea, seu calumniator, à calumniando dictus est: bonus cum esset Dei minister, Satanae deinceps nomen tulit. Satanas autem aduersarium significat. Non mea sunt hæc dogmata, sed Ezechielis spiritiferi Propheta. Ille enim deplorans istum, dicit; Tu signaculum similitudinis.

Ezech. 28.

DAMASCENVS Orthodoxæ Fidei libro secundo, capite quarto.

Ex ijs Angelicis virtutibus, ea quæ præerat terrestri ordini, & cui à Deo terræ custodia commissæ erant, non natura mala facta est: sed bona existens, & à bono facta, & nullo pacto in seipsa à conditore malitia vestigium tenens: non ferens illuminationem, & honorem, quem ipsi conditor indulserat, libera voluntatis potestate demutata est ex eo statu, qui secundum naturam, in eum qui contra, & præter naturam est. Et eleuata est aduersus Deum, qui illam fecit, rebellare illi volens, & prima prolapsa à bono, in malo constituta.

THEODORETVS libro tertio de Dijs, & Dæmonibus.

Quoniam verò in Dæmonum mentionem incidisse me video, commodum puto, quæ de ijs nostrorum hominum sit sententia, hoc maxime nunc loco vobis referre. Hos enim suo cum principe, quem sacre literæ modo Hebraico vocabulo Satanam, idest apostatam vocant, modo Diabolum, quippe qui Deum Patrem apud homines criminando traducat, interq; ipsos homines alternas lites, controuersiasque inijciat. Hos, inquam, ab initio nequaquam malos fuisse à Deo creatos perhibemus, neque quæ nunc præditi sunt, sortitos naturam suam, sed vitio voluntatis à melioribus ad peiora precipites corruisse. Cum enim datis sibi muneribus contenti non essent, sed altiora quoque appetere, contraxisse labem superbiæ illos dicimus, ita ut ea quoque dignitate cassi, prorsus exciderint, quæ honestati ab initio fuerant.

Et Diuin. Decret. Epit. libro quinto, cap. de Diabolo, & Dæmonibus, longiuscula oratione idipsum toto eo capite edisserit.

ANASTASIVS Episcopus Nicenus, quæstione sexagesima prima in scripturam consimilia ex Theodoretis excerpta, rememorat.

Eos nos dicimus ab initio à Deo creatos esse non malos, sed mentis auersione à melioribus ad deteriora esse prolapsos: & ijs non contentos, quæ præbuerat Creator, maiora quidem appetuisse, superbiæ autem & arrogantia vitium suscepisse, excidisse verò, & esse priuatos honore, qui eis fuerat datus ab initio.

LACTANTIUS libro secundo, capite nono. Cum prius dixisset, cum esset Deus ad excogitandum prudentissimus, ad faciendum solertissimus, antequam ordiretur hoc opus Mundi, fecit in principio bonum & malum: postea subiecit.

Deinde fecit alterum, in quod indoles diuinæ stirpis non permansit. Itaque suapte inuidia, tanquam veneno infectus est, & ex bono ad malum transcendit, suoque arbitrio, quod à Deo illi liberam datum fuerat, contrarium sibi nomen asciuit. Vnde apparet, cunctorum malorum fontem esse liuorem. Inuidia enim illi antecessori suo, qui Deo Patri perseuerando tum comprobatus, tum etiam & charus est. Hinc ergo ex bono per se malum effectum, Græci Διαβολον appellant, nos criminatorem vocamus: quod crimina, in quæ ipse illicit, ad Deum deferat.

MACHARIUS Senior Aegyptius, Homilia sextadecima. Omnes intellectu prædite substantiæ; Angelorum, inquam, Animarum, ac Dæmonum; sincere, & simpliciter

plicissime creatæ sunt ab Opifice. Quod autem illarum nonnullæ conuerse sunt ad malum, à libero profectum est arbitrio, quia voluntate propria diuerterunt à recta ratione. Itaque si dixerimus tales ab opifice creatas esse, Deum esse iudicem iniquum asserimus, qui Satanam in ignem miserit.

A P O N I V S in Cantica Canticorum, libro secundo.

Dæmones cum boni creati essent à conditore, proprio libertatis arbitrio in malitiam Tyrannidis sunt conuersi, & contra salutem hominum quotidie inflammantur. Et Infra. Non ignoret hominem bonum, à bono Deo creatum, per liberam voluntatem malum fieri propria culpa, persuadente Diabolo: Quem ignorare non debet bonum Angelum à Deo formatum, & per voluntatem propriam malum effectum; quem ignorare non debet, vinci non posse ab homine, nisi Christi auxilio inuocato.

L E O Magnus huius nominis Papa primus, in Epistola nonagesima tertia, quæ est ad Turbium Episcopum, capite sexto.

Sexta annotatio indicat eos dicere, quod Diabolus nunquam fuerit bonus, nec natura eius opificium Dei sit, sed eum ex Chao & tenebris emerisse, quia scilicet nullum sui habeat auctorem, sed omnis mali ipse sit principium, atque substantia: cum fides vera, quæ est Catholica, omnium creaturarum, siue spiritualium, siue corporalium, bonam confiteatur substantiam, & mali nullam esse naturam; quia Deus, qui vniuersitatis est conditor, nihil non bonum fecit. Vnde & Diabolus bonus esset, si in eo, quod factus est, permaneret.

A N A S T A S I V S Synaita Anagogicarum contemplationum in Hexameron libro sexto.

Fuit autem aliquando quoque Satanæ in Cælis discipulus Christi cum ceteris sanctis discipulis (cum Angelicis, inquam, Virtutibus) sed erat vnus ex principibus.

P E T R V S Laodicensis in expositione Orationis Dominicæ.

Malus porro Diabolus est, non natura, sed πρῶτος, hoc est, optio, liberaque electione. Siquidem malitia, seu vitiositas rebus naturalibus haudquaquam accensetur, sed ex vitioso affectu, qui nostra in potestate positus est, atque à voluntate procedit.

T H E O P H I L A C T V S in Lucæ Euangelium, capite decimo.

Dicit autem illis Dominus; Ne miremini, si Dæmones vobis subijciantur. Princeps enim ipsorum olim de Cælo decidit, & nullam fortitudinem habet. Nam licet hoc homines non viderint, ego tamen inuisibilem spectator vidi. Decidit autem sicut fulgur, quia lux erat, & Archangelus, & Lucifer, ac in tenebras decidit.

Augustinus de Gen. ad litteram libro vndecimo: cum hanc sententiam, vt asseremus, proposuisset, eam reiecit; ex eo præcipue, quod Deus fecerit omnia valde bona, vt obtestatur Scriptura; Vidit Deus cuncta quæ fecit, & erant valde bona. Quo loco etiam improbat expositionem eam, quæ omnia fuisse valde bona dici autumat, non quod in eis mala vlla non sint; sed quoniam malitia sua non efficiant, vt sub Dei moderato-
ris imperio, & sapientia, ordo Vniuersi aliquo pacto turbetur, vel obturpetur. Insulse enim, inquit Augustinus, & inerudite prolata est. Nam nullo modo naturā, quam Deus creauit, ignis æterni poena plectendam ipsemet traderet sine præcedente proprio demerito: iuxta illud; *Ite in ignem æternum, qui præparatus est Diabolo, & Angelis eius.* Ad auctoritatem illam ex Iob desumptam; *Hoc est in ium figmenti Domini, quod fecit, vt illudatur ab Angelis, triplicem affert expositionem in cap. vigesimo secundo. Vel quod id dictum sit, non de Natura Angelica, sed de corpore aëreo, tali voluntati cōgruè aptato; vel quod eum etiam nolentem fecerit utilem bonis; aut etiam quia licet eum præsciret malum futurum, non tamen destiterit bonitate sua ipsum creare. Hæc D. Augustinus. Et quod prolixiori oratione alijs locis edisserit, illatisque ex aduersi Scripturæ auctoritatibus satisfacit; concisa certè, & eleganti assumit de Ciuitate Dei libro vndecimo, oppositasque omnes elidit auctoritates; eam nanque; Ille homicida erat ab initio, & in veritate non stetit, sic esse capiendam affirmat; vt non solum homicida fuerit ab initio, id est, in initio humani generis, ex quo utique homo factus est, quem decipiendo posset occidere: verum etiam ab initio suæ conditionis in veritate non steterit, & ideo nunquam beatus cum sanctis Angelis fuerit. Et capite decimoquinto ad illam: Ab initio Diabolus peccat; respondet, quod non ab initio ex quo creatus est, peccare putandus est, sed ab initio peccati, quod ab ipsius superbia coeperit esse peccatum. Cyrillus Alexandrinus pariter libro sexto in Ioannem, primum obiectis auctoritatibus satisfacit, & deinde varijs argumentis hanc erroneam sententiam elidit. Primum sententiæ iam adductæ; Ille homicida erat ab initio, sic respondet; Non dictum esse, quod in initio homicida fuerit, sed ab initio. Ab initio, scilicet, peccati, vt ait Augustinus, quoniam ab ipso incepit peccatum, & præuaricatio. Aut ab initio creationis humanæ, &*

Ec 2 produ-

Cap. 21.

Gen. 1.

Matth. 25.

Iob. 40.
Diluuntur fundamenta sententiæ aduersæ ex Augustino.

Cap. 13.
Ioan. 8.

Ioan. 3.

Cap. 6.
Diluuntur eadem ex Cyrillo.
Ioan. 8.

1. Ioan. 3.

Psal. 103.
Iob 40.Rationes ex
Cyrillo An-
gelum creatū
esse bonum
ostendentes.

Psal. 103.

Psal. 10.

Lucæ 10.

Esa. 14.

Ezech. 28.

Apoc. 12.

2. Sent. dist. 3.

Lib. 2. arti. 1.
q. 1.

P. p. q. 63.

productionis Mundi: Tunc siquidem in ipso Mundi primordio, mortem humano-
neri intulit. Insuper auctoritati illi; Qui facit peccatum, ex Diabolo est; quoniam ab
initio Diabolus peccat; satisfaciens perhibet, quod huic rationi eadem fermè adhiben-
da sit dilutio, hoc est, non propterea dictum esse, ab initio Diabolum peccare, quia tor-
matus fuerit à Deo malus; sed quia ab ipsius peccati exordio, quod ab eo cœpit origi-
nem (nam ante illius lapsum non erat peccatum) prauaricatus est Dei legem, prolapsus
suscipiens à nativa bonitate sua, & decidit in prauitatem. Eludit autem duas eas productas
postremo loco Scripturæ obtestationes, videlicet; Draco iste, quem formasti ad illu-
dendum ei. Et; Ipse est principium viarum Dei; omnes bestię agri illudent ei: adiciēs,
quod aliud sit in Diabolo substantia à Deo condita, & aliud malitia sibi aduentitia ex ip-
somet profecta; ex qua euenit vt post illuderetur. Sapius siquidem nominari res di-
cit ab ipso euentu; vt hic Draconem, seu Behemoth, dicitur factum fuisse ad illuden-
dum ex hoc euentu; quoniam à Sanctis, & pijs, malitiam illius post illudi contigerit.
Comprobat autem Angelum in principio bonum extasse, ex eodem Psalmo. De Deo
nanque ibidem dicitur; Omnia in Sapientia fecit. Porrò diuinę Sapientię non est, in-
quit, consonum, vt à bono auctore, malum producat: Siquidem boni est bona produ-
cere; neq; potest à bono malum proficisci, sicuti neque à calido frigidum, aut à lucido
tenebrosum. Præterea non iustè malitia, ait, ipsi Angelo desertori imputanda esset, ne-
que iustè pœna vlla infligeretur, cum nemo pro his, quę à natura sunt, laudem, aut virtu-
perium mereatur, neque præmium, aut pœna ipsi debeatur: Iustus est autem Dominus,
& iustitiam dilexit, æquitatem vidit vultus eius. Insuper obtestatur Dominus, quod
Diabolus in veritate non stetit: si non stetit; igitur fuit aliquando. Rursum, inquit idem
Dominus; Videbam Satanam tanquam fulgur de Cœlo cadentem: si in Cœlo non
fuiſſet, certè non decidisset è Cœlo; at si in Cœlo fuit, bonus quandoque extitit: Nam
in Cœlo malitia locum habere non poterat; non enim foedare Ciuitatem supernam
quicquam inquinatum valebat. Amplius per Prophetam dicitur; Quomodo cecidi-
sti de Cœlo Lucifer, qui mane oriebaris? Satanam igitur, Propheta mane exortum di-
cit; sed quod mane fulgore præditum potuit illud esse, nisi quando à summo rerum om-
nium Opifice Lucifer conditus, præclaro virtutum lumine, ac scientia exornatus, de-
coris præstantia, & splendoris excellētia, inter creaturas conspicuus, & admirabilis cen-
sebatur? Rursum Ezechiel sub typo, & nomine Regis Tyri de eo scribit: Tu signaculū
similitudinis, plenus Sapientia, perfectus decore, in delitijs Paradisi Dei fuisti, omnis
lapis preciosus operimentum tuū. Tu Cherub extensus, &c. Quis itaque non videat, nisi
prorsus cæcutiat, Prophetam, eius non tantum bonitatem, sed bonitatis præstantiam his
metaphoris nō minus clarè, quàm eleganter asseuerare? Et tandē in Apocalypsi habetur.
Factum est præliū magnum in Cœlo, Michael &c. Quibus verbis apertè significatur, in-
quit Cyrillus, ipsum confedisſe cūm cæteris, vt bonus, in Cœlo; post verò commisso præ-
lio, deturbatum, deiectumq; fuisse. Atque hæc epilogus sunt eorum, quę Cyrillus
longa oratione contexuit.

Magister Sententiarum, prolixius hanc reiiciens sententiam, D. Augustini omnem
ferè iam citatam supra doctrinam inseruit.

D. Bonauentura, libro secundo, sententiam modò confutatam, hæreticam appellat,
& adeò falsam, vt suę falsitatis euidentiam ferre perhibeat, ex eo quod Deus perfectis-
simus, & optimus nil vnquam vituperio dignum, nil ad pœnam destinatum, nil in acce-
ptabile, nil imperfectum, vel imperfectibile prorsus condiderit. Quatuor enim has con-
ditiones ab omni opere Dei penitus secludendas esse testatur.

D. Thomas, ex eo astruit Angelum non malum creatum esse, quod natura intelle-
ctualis habeat ordinem in bonum vniuersale; & id, cuius natura ordinatur in aliquod
bonum secundum communem boni rationem, malum esse non possit. Ex quibus
Patrum, Doctorumque doctrinis accuratè hauriri possunt, & argumenta omnia, quę
ad hanc elidendam sententiam faciunt, & responsa, quę aduersariorum rationes, au-
toritatesque in oppositum adductas refrangunt, atque prosternunt.

Genesis Caput Primum.

221

*Classis Patrum, Angelos in naturæ puritate tantum
profilitos asserentium.*

G R E G O R I V S Nazianzenus Carmine Iambico quintodecimo.

Natura simplex Angelus primus satus.

A V G V S T I N V S perplexa quidem sententia, modò pura in natura, modò in gratia, modò beatos productos fuisse Angelos videtur asserere. Colligam loca præcipua, magisq; clara in singula Classe. Ipse nanque sæpius nomine Cœli in principio conditi, de quo dicitur; In principio creauit Deus Cœlum, & Terram, Angelū; & nomine lucis primo die productæ, eius formationem, atque ad Deum conuersionē; & discretione lucis, ac tenebrarum, bonorum à malis separationem capiendam esse edisserit: præcipuè de Genesi ad litteram imperfecto, capite quarto & quinto; & de Genesi ad litteram libro primo, capite primo, & tertio, & decimoseptimo; & libro quarto, capite vigesimoprimo, & vigesimosecundo; Et de Ciuitate Dei libro vndecimo, capite vigesimonono, & trigesimo; Et libro duodecimo Confessionum. Quorum locorum sententias, vt antea enarratas, non repeto. Ex quibus euincitur primùm Angelos in naturæ puritate congestos fuisse; postea verò ad Deum conuersos, lucem euasisse. Sed præcipuè id explicat, de Genesi ad litteram libro primo, capite tertio, cùm ait.

Si spiritualis lux fuit, potest esse ipsa prima creatura iam hoc dicto perfecta, quæ primo Cœlum appellata est; cùm dictum est, In principio fecit Deus Cœlum, & Terram: vt quod dixit Deus, Fiat lux, & facta est lux, eam renocante ad se Creatore, conuersio eius facta, atque illuminata intelligatur.

Emanarunt igitur Angeli in pura natura, iuxta D. Augustini placita, quanquam verè loca ista sint intelligenda de antecessione naturæ, & non temporis; Augustinum siquidem, Angelos in gratia productos censuisse, testatur D. Thomas.

C Y R I L L V S Alexandrinus libro sexto in Ioannem, pluribus, Angelū non malum à Deo creatum fuisse edisserens, toto eo capite, fecunda certè Theologia, persæpe Angelum in suæ naturæ puritate productum insinuat, primùm eo loco, cùm dicit.

Fuit ergo Angelus ipse in suæ conditione naturæ antequam prolaberetur, & homicida fieret. Et Post. Prolapsus est à natia bonitate. Et Iterum. Habuit ergo priusquam caderet, bonitatis reſtitutionem, in qua creatus est.

Cæterum conditio naturæ, natia bonitas, reſtitutio bonitatis indicant eam naturalem innocentiam, quæ sibi ex natura competit; maximè verò hoc fuisse placitum Cyrilli ostendunt eius postrema verba: quæ inferunt, quòd fuit Angelo innata bonitas, & quandiu illam seruauit, in Cœlo mansit; sed ubi primum eam deperdidit, Cœlo delapsus est.

G R E G O R I V S Magnus trigesimosecundo Moraliū, capite decimo octauo (referente etiam D. Bonauentura) tractans illud Ezechielis. Aurum opus decoris tui, & foramina tua, in die qua conditus es, præparata sunt, inquit.

Quia videlicet capax charitatis est conditus; qua si repleti voluisset, stantibus Angelis tanquam in ornamento Regis positus lapidibus inherere potuisset. Habuit ergo iste lapis foramina, sed per superbiæ vitium charitatis auro non sunt repleta.

En quam expresse Luciferum nunquam aurum gratiæ affecutum fuisse, prodit Gregorius.

A N S E L M V S Dialogo de casu Diaboli, capite sexto, in hanc declinat se sententiam visus est, cùm ait.

Illi verò Angeli, qui maluerunt illud plus, quod nondum Deus illis dare volebat, quàm stare in iustitia, in qua facti erant; eadem iustitia iudicante, & illud, propter quod illam contempserunt, nequaquam obtinuerunt; & quod tenebant bonum, amiserunt. Sic ergo distincti sunt Angeli, vt adherentes iustitiæ nullum velle bonum possint, quo non gaudeant; & deserentes illam, nullum velle queant, quo non careant.

Iustitia autem illa, quam Anselmus Angelos habuisse asseuerat, nil aliud fuit, quàm innocentia, reſtitutioque naturæ.

H V G O Victorinus Summæ Sententiarum, Tractatu secundo, capite secundo, clariori sententia Angelos non malos, sed sua in conditione puros prodixisse his tradit. *Eos fuisse*

P. par. q. 62.
art. 3.
Cap. 6.

2. Sent. dist. 4.
arti. 1. q. 2.
Ezech. 28.

fuisse bonos in primo exordio creationis constare debet, idest sine vitio: Non enim Creator optimus, auctor mali poterat esse. Sed nec iusti, nec iniusti tunc fuerunt, nec aliquam virtutem tunc habuerunt. Est enim omnis virtus meritum, & omne meritum ex libero arbitrio: sed liberum arbitrium semper est ad futurum, & non est ad præsens, & præteritum. Et Post. Et ideo dicimus eos in principio creationis non habuisse aliquam virtutem, vel iustitiam, nisi acciperemus virtutem naturalem, ut ratio, ingenium, & huiusmodi.

Magister secundo Sententiarum, distinctione quarta, & quinta manifestè in hanc cōcedit sententiam: verum, quod ipse prolixiori oratione declarat, ego breui perstringam argumento. Cum distinctione quarta, Angelos non beatos, nec miseros prodixisset, sed in naturæ suæ simplicitate, & puritate: in quinta clariùs habet, quod cōuersis Angelis, in ipsa eorum conuersione gratia fuerit à Deo condonata; auersis verò atque desertoribus non subtracta, quia nunquam fuerat appositā: sed non appositā ex eorum culpa, quoniam illam renuerant. Gratiam autem eam asserit non fuisse gratiā operantem, siquidem iustificatione non indigebāt, utpote qui mali non erant; sed cooperantem, qua ad bene uolendum efficaciter, & Deum præ omnibus diligendum adiuti sunt. Appositam quidem bonis, non ex meritis ipsorum; tunc etenim gratia non extasset: non appositam verò malis ex eorum culpa, qui cum stare possent, deciderunt, antequam gratia eis apponeretur.

D. BONAVENTURA secundo Sententiarum, distinct. quarta, quæstione tertia; non reiecta, nec approbata ea sententia, quæ Angelos in gratia conditos asseruit, hanc his recitat.

Fuerunt etiam alij, qui dixerunt Angelos non habuisse gratiā gratiū facientem ab instanti creationis, sed post. Et ratio, quæ eos mouit, est dispositio Angelicæ naturæ, quæ fertur in id quod appetit sine retardatione. Unde sicut ex conuersione ad malum, ita profundè conuersi sunt, ut non possent redire: sic immo multo magis ex conuersione ad bonum, siue ex habilitate, ita bono totaliter adhæsisset, si gratiam habuissent, quod nunquam lapsi essent. Unde non videtur aliquo modo probabile, quod Lucifer habuerit gratiam: & si ipse non habuit, cum inter ceteros esset excelsus; à maiori arguitur, nec alios habuisse à sui origine. Hanc positionem videtur acceptare Magister: hanc positionem communiter tenent Doctores: & ita huic tanquam probabiliori, & communiori concordant.

Hanc non pauci Scholasticorum hoc loco amplectuntur.

Rationes pro
hac sententia.

Cæterum rationes potissimæ, quibus hoc placitum prosequendum esse arbitrarer, duæ mihi sese offerunt. Prima ea, quam D. Bonauentura excitauit; Cum enim natura Angelica ocysimè, & nulla indita mora, efficacissimeq; feratur in id, ad quod declinat; si Dei gratia in bonum rapta fuisset, ita adhæsisset, ut nunquam lapsa fuisset: Altera est, quod mos sit Dei, gratiam præuenientem quidem omnibus impertiri, exponereq; operantem verò, & cooperantem non nisi liberi arbitrij annutu præcedente: iuxta illud Augustini; Non saluabit te sine te: Non præcessit igitur gratia illa Angeli lapsum, cum mox ceciderit, ubi praua voluntate à Deo se auertit.

Classis Patrum, & Doctorum, Angelos in gratia conditos existimantium.

Numerosior est Patrum, Doctorumq; classis, quæ Angelos in gratia manasse putauit. Audiamus Patres.

BASILIVS Homilia in Psalmum trigesium secundum apertè id tradit. Nihil enim sanctum est citra Spiritus Sancti præsentiam: Angelos namque initio, ut essent, Verbum opifex omnium condidit, sanctificationem verò simul impendit ipsis Spiritus Sanctus. Non enim in infantili figura sunt creati, deinde paulatim exercitati, atque perfecti, sic Spiritus susceptione digni sunt habiti: sed in prima constitutione, & quasi quadam conspersione suæ substantiæ, simul infusam habuere sanctitatem. Quapropter & ad malitiam difficilè se poterant transmutare, nimirum in sibi indulta sanctitate, quasi cunctura quadam confirmati penè momento, stabilitatemq; ad virtutem dono Spiritus Sancti adepti.

GREGORIUS Nyssenus, Philosophiæ libro primo, qui est de Homine, capite tertio.

Ita verò quidam Angelos volunt post casum, minimè ea, quæ ex penitentia est, venia potiri (mors enim horum est casus) at ante casum ad similitudinem vite hominum, etiam gratia dignos eos effici, quod quædam non fecerunt, irremiscibilem, & perennem deinceps nequitia suæ conuenientem habebunt vindictam. Locus

Locus mutilus est, & obscurus, & suspicor ita legendum esse: Ac ante casum ad similitudinem vitæ hominum etiam gratia dignos eos effectos fuisse, quam quia neglexerunt, perennem deinceps nequitia suæ conuenientem habebunt vindictam.

D A M A S C E N V S Orthodoxæ Fidei libro secundo, capite tertio.

Per verbum igitur Dei, creati sunt Angeli; Et per sanctificationem Spiritus Sancti perfecti, pro suæ dignitatis, & ordinis ratione, illuminationem, & gratiam participant.

A V G V S T I N V S de Ciuitate Dei libro duodecimo, capite nono, con tendens Angelos conditos fuisse, ita vt bona voluntate Deo adhærerent, inter plura alia quæ ait, in hæc incidit verba.

Porrò, quia facta est in Angelis bona voluntas, vtrum cum ipsis facta est, an sine illa fuerunt prius? Sed si cum ipsis, non dubium quod ab illo facta sit, à quo & ipsi: simulque vt facti sunt, ei à quo facti sunt, amore, cum quo facti sunt, adhæserunt, eoque sunt isti ab illorum societate discreti, quod ij in eadem voluntate bona manserunt, illi ab ea deficiendo mutati sunt, mala scilicet voluntate, hoc ipso quod à bono defecerunt, à quo non defecissent, si vtique voluissent. Si autem boni Angeli fuerunt prius sine bona voluntate, eamque in seipsis Deo non operante fecerunt; ergo meliores à seipsis, quam ab illo facti sunt? Absit. Et post. Nam & hoc discutiendum est, si boni Angeli ipsi in se fecerunt voluntatem bonam, vtrum aliqua eam, an nulla volun tate fecerunt. Si nulla, vtique nec fecerunt. Si aliqua, vtrum mala, an bona. Si mala, quomodo esse potuit mala voluntas bonæ voluntatis effectrix? Si bona, iam ergo habebant. Et istam quis fecerat, nisi ille, qui eos cum bona voluntate, idest, cum amore casto, quo illi adhærent, creauit, simul in eis & condens natu ram, & largiens gratiam? Vnde sine bona voluntate, hoc est, Dei amore, nunquam sanctos Angelos fuisse credendum est.

D. H I E R O N Y M V S in Osee caput tertium: super illud, Et diligunt vinacia vuarum, hæc habet.

Filij Israel diligunt vinacia vuarum, quæ vinum non habent, & pristinam gratiam perdiderunt, sicut Dæ mones, qui lapsi de propria dignitate, & nihil antiquæ gratiæ possidentes, aridi sunt, & veteri siccitate marcescentes.

Sic enim legitur locus hic in Codicibus à Mariano Victorio emendatis, quanquam **D. Bonauentura** secundo distinctione quarta, articulo primo, quæst. secunda, & alij lo cum hunc sic protulerint.

Dæmones, qui creati sunt in magna pinguedine Spiritus Sancti, superbia arefacti, ceciderunt de Cælo.

C A S S I A N V S, collatione octaua, capite decimo.

Intelligitis ergo, quod ante illam circumuentionem primi hominis, Dæmones de Angelica discesserant sanctitate.

P E T R V S Abbas Cellensis, de mystica expositione Mosaici Tabernaculi, li bro secundo.

Productiles quoque facti sunt Cherubin, non quia volentes auerti, vel conuerti, creati sunt; sed quia habiles ad volendum hoc, vel illud. Post creationem verò, quia productiles facti sunt; spontanea voluntate, alij elegerunt bonum, alij malum; & de operante gratia (quam acceperant in creatione) seruata, cooperantem meruerunt: qua non sicut ex operante iustificatur impius; sed qua cooperante, iuuatur ad bene volendum, & perseuerandum pius.

A L B E R T V S Magnus prima parte de Coæqueuis, quæstione sexta, arti culo primo, in hanc descendit sententiam, cum ait.

Quidam dicunt, quod in solis naturalibus creati sunt Angeli; alij verò dicunt, quod in gratia gratis data creati sunt, & non in gratia gratum faciente; alij autem, quod in gratia gratum faciente creati sunt. Et istis videntur consentire, omnia originalia Sanctorum, si quis bene perspexerit.

Atque eodem loco Doctor hic verè magnus, doctissimè oppositas rationes venti lat, atque elidit.

D. T H O M A S prima quæstione sexagesima secunda, articulo tertio, hanc vt magis Sanctorum placitis consonam sententiam approbans, & concludens, ait.

Manifestum est autem, quod gratia gratum faciens, hoc modo comparatur ad beatitudinem, sicut ratio seminalis in natura, ad effectum naturalem. Vnde primæ Ioannis tertio; Gratia semen Dei nominatur. Sicut igitur secundum opinionem Augustini ponitur, quod statim in prima creatione corporalis creaturæ, indite sunt ei seminales rationes omnium naturalium effectuum, ita statim à principio sunt Angeli creati in gratia.

Rationes, meo iudicio, quæ præstantiores pro hac sententia existimari possunt, illæ sunt, quæ ex Patribus elici queunt.

Ex **D. Basilio**: Cum nil effectum sit à Deo, quin operatus sit in eo, vt Verbum, ita & Spiritus Sanctus: iuxta illud; Verbo Domini Cœli

Rationes pro hac sententia, ex Patribus. Psal. 32.

Cœli firmati sunt: &, Spiritu oris eius omnis virtus eorum. Sicut Angeli Verbo effecti dicuntur, ita, & Spiritus Sancti virtute, sanctificatos fuisse asserendum est. Ex
D. Augustino: Angelus bona cum voluntate Deo adhaerens, proficit; at bona voluntas sine gratia esse nequit; Igitur in gratia emanavit Angelus. Ex D. Thoma: Si omnia producta sunt secundum seminales suas rationes, igitur & Angelus cum gratia, quæ seminalis est virtus ad gloriam. Ex D. Bonaventura, qui ad utranque partem arguit: Si Deus ex se liberalissimus est, elargitorque locuples, & Angeli vasa sunt purissima, & amplissima; quid prohibere potuit, quin Deus cum Angelos conderet, statim etiam simul sua ipsos gratia ditaret? Tandem, si cuncta Deus non tantum absoluta in eorum natura edidit, sed aduentitijs etiam speciminibus ornauit, atque venustauit, Cœlum replens micantibus facibus, aërem auibus, aquam piscibus, & terram animantibus: quomodo non etiā & Angelum gratia honestauit? Præterea, si homini Deus præter præstantem naturam, originalem iustitiam, & gratiam adiecit, nonne multò magis Angelo longè homine præstantiori, eam detulisse existimandum erit?

Classis Patrum, & Doctorum, Angelos beatos conditos fuisse perhibentium.

Non defuere Patres, qui Angelos suo in primordio, visionem Verbi attigisse assererent, adeò ut beatos etiam eos appellarint: sed non absolute, ex eo quòd excidere possent.

I G N A T I V S Epistola ad Philipenses, Angelum ex sublimi gloria cecidisse obtestatur, cum ait.

Matth. 4.

Tu ergo, qui tanquam fulgur de sublimi gloria decidisti, audes dicere Domino, Mitte te deorsum?

Gloria igitur Lucifer potiebatur sublimi, si ex ea collapsus proditur.

G R E G O R I V S Nazianzenus, Oratione prima de Pace, secundum unam translationem, Angelos luce Verbi perfosos fuisse, his tradit.

Perpendamus Angelos, dico virtutes, ac caelestes, primi luminis splendores primos, & veritatis verbo lucentes: nam & ipse lumen sunt, perfecti luminis radij fulgentes. Et post. Diabolus à senectute Diabolus effectus est: at reliqui in sua permanent dignitate, quibus præcipuum est, ut pacifici, & absque seditione agant; ac ut unum sint, à sancta & laudabili accipiunt Trinitate, à qua & splendorem suscipiunt quoniam & illa Deus est unus.

Si igitur Demon decidit ab ea, in qua ceteri permanent dignitate, in qua & splendorem suscipiunt à Sancta Trinitate, certè beatus erat, uti & nunc Angeli beati extant.

Et Oratione in Christi Natiuitatem.

Gessit quidem animus dicere ad malum immobiles, atque ad bonum dumtaxat agitationem habentes, ut Deum circumstantes, ac primario Dei fulgore collucentes.

D A M A S C E N V S Orthodoxæ Fidei libro secundo, capite tertio.

Angeli sunt intellectualia numina ex primo, & carente principio lumine, illuminationem suscipientes. Et quòd de Angelis desertoribus id etiam intelligat, ostendunt ea, quæ de ipsis habet capite quarto, cum ait.

Non ferens natura Angelica, cui à Deo terræ custodia commissæ erat, illuminationem, & honorem, quoniam ipsi Conditor indulerat, libera voluntatis potestate demutata est.

Si igitur illuminabantur, luceque Dei radiabantur; igitur beatificæ gloriæ censendi sunt compotes fuisse. Et quanquam hæc à Nazianzeno, & Damasceno dicta, ad naturalia pertinere, meritò ambigere possumus: suspicari tamen nobis occasionem tradunt quòd de lumine glorifico verba faciant.

C Y R I L L V S Alexandrinus in Genesim libro primo.

Erat etiam inter eos & Draco ille præuicator, & quæ cum eo erant præuicissimæ potestates, & communes cum cæteris Sanctis, rationabilibusque; creaturis sedes obtinebant, splendentes gloria summa, longèque nobiliorem, incomparabilemque; statum, quam homines adepti sunt. Et quidem dictum à Deo est; Cum Cherubim collocaui. Sed sancta Cherubin firmatam gloriam habent, suamque statum firmissimè seruant, & millia millium Deo ministrant, atque decies centena millia ei adsistunt. At Satan cum alijs delapsus est, & priuata dignitate priuatus.

Ezech. 18.

Splen.

Splenduerunt igitur Angeli mali in primordiis summa gloria, eaq; ipsa potiebantur, quam nunc confirmatam Cherubim obtinent.

G R E G O R I V S Magnus Commentarijs in Ezechielem, ut Patherius etiam elicit.

Tales creati sunt Angeli, ut si vellent, in beatitudinis luce persisterent: si autem nollent, etiam labi potuissent.

Si in beatitudinis luce persistere potuerunt, igitur luce beatifica potiti sunt.

A V G V S T I N V S pluribus in locis id ipsum existimasse visus est, sed precipue libro vndecimo de Ciuitate Dei, capite vndecimo, cum hæc fusiùs habet.

Quæ cum ita sint, nullo quidem modo secundum aliquod temporis spatium prius erant illi spiritus tenebræ, quos Angelos dicimus. Sed simul, ut facti sunt, lux facti sunt: non tamen ita tantum creati, ut quo modo essent, & quoquo modo viuerent, sed etiam illuminati, ut sapienter, beateq; viuerent. Ab hac illuminatione auersi quidam Angeli, non obtinuerunt excellentiam sapientis, beateq; vitæ, quæ proculdubio non nisi æterna, eternitatisq; suæ est certa, atque secunda: sed & rationalem vitam, licet insipientem sic habet, ut eam non possint amittere, nec si velint. Quatenus autem antequam peccassent, illius sapientiæ fuerint participes, definire quis potest? In eius tamen participatione æquales fuisse istos illis, qui propterea verè, pleneq; beati sunt, quoniam nequaquam de suæ beatitudinis eternitate falluntur, quomodo dicturi sumus: quandoquidem si æquales in ea fuissent, etiam isti in eius eternitate mansissent pariter beati, quia pariter certi? Neque enim sicut vita quandiuinque fuerit, ita æterna vita veraciter dici poterit, si finem habitura sit. Siquidem vita tantummodo viuendo, æterna verò finem non habendo, nominata est. Quapropter quamuis non quicquid æternum, continuò beatum sit, (dicitur enim etiam penalis ignis, æternus) tamen si verè, perfectèq; beata vita non nisi æterna est, non erat talis istorum vita beata, quia quandoq; desitura, & propterea non æterna, siue id scirent, siue nescientes aliud putarent: quia scientes timor, nescientes error beatos esse utique non sinebat. Si autem hoc ita nesciebant, ut falsis, incertisve non fiderent; sed utrum sempiternum, an quandoque finem habiturum esset bonum suum, in neutram partem firma assensione ferrentur, ipsa de tanta felicitate cunctatio, eam beatæ vitæ plenitudinem, quam in Sanctis Angelis esse credimus, non habebat.

In his Augustinus tria prodit maxima animaduersione perpendenda. Primum, Angelos luce diuinæ sapientiæ fuisse perfusos, atque illustratos; supra verò, capite decimo, augustissimam, Sanctissimamq; Trinitatem esse sapientiam eam, in qua immensi, infinitique thesauri rerum intelligibilium, inuisibiles, incommutabilesque rationes rerum etiam visibilium, & mutabilium resident, clarè tradiderat: Alterum, quod docet Augustinus, est, Angelos, quanquam luce diuinitatis perfusos, non plenè tamen beatos extasse; duo nanque ad absolutam beatitudinem spectantia, illis deficiebant, & eternitas, & eternitatis certitudo. Postremum, quòd omnes Angeli, tam qui casuri, quam qui permanfuri erant, æquali modo beatitudine illa potirentur, quòdque tam hi, quam illi, nec eternitatis, nec securitatis præscientiam haberent.

A V G V S T I N V S explicatiùs id detulit capite decimotertio, cum hæc habet.

Aut si durum videtur, quando facti sunt Angeli, alios credere ita factos, ut non acciperent præscientiam, vel perseverantiam, vel casus sui: alios autem ita factos, ut veritate certissima, eternitatem suæ beatitudinis nossent; sed æqualis felicitatis omnes ab initio creati sunt, & ita fuerunt, donec isti, qui nunc mali sunt, ab illo bonitatis lumine sua voluntate cecidissent: proculdubio multo est durius nunc putare Angelos sanctos æternæ suæ beatitudinis incertos, & ipsos de semetipsis ignorare, quod nos de illis per Scripturas Sanctas nosse potuimus. Quis enim Catholicus Christianus ignorat, nullum nouum Diabolum ex bonis Angelis ulterius futurum; sicut nec istum in societatem bonorum Angelorum ulterius rediturum?

Et de Genesi ad literam, libro secundo, capite octauo.

Neque enim sicut nos ad percipiendam sapientiam proficiebant Angeli, ut inuisibilia Dei per ea quæ facta sunt intellecta conspicerent; qui ex quo facti sunt, ipsa Verbi eternitate sancta, & pia contemplatione perficiuntur: atque inde ista despicientes, secundum id quod intus vident, rectè facta approbant, vel peccata improbant. Nec mirum est, quòd Sanctis Angelis suis in prima lucis conditione formati prius Deus ostendebat, quod erat deinceps creaturus.

Et libro de Correptione, & Gratia, capite decimo, Dæmones diuinam bonitatem refugientes, aliquando fuisse beatos asseuerat: Quod intelligendum est, non plenè, absoluteq; ob id quòd poterant ab illa beatitudine excidere. Et pluribus locis, precipue de Genesi ad literam libro quarto, capite vigesimo secundo, duplicem Angelicam cognitionem; matutinam, qua in verbo cuncta emolienda præintuebantur; vespertinam,

qua ea suo in genere contemplabantur, celebrat tanquam omnibus Angelis æqualiter collatam.

HIERONYMVS in Iob, capite vigesimo quarto.

Hi ergo ministri eius, cum adhuc beati essent in illa æterna felicitate, in die illo utique sempiterno, qui non habet initium, neque finem, in hoc sacrilegium tyrannidis sunt cum suo principe collocuti: & putauerunt, quod Deus, qui est lux vera, sapiens, & intelligibilis, hoc malum contumaciæ eorum impunitum relinqueret, ut non eos de illa beata, atque gloriosa sede deiceret.

ALBERTVS Magnus ex Scholasticis, de quatuor cœqueuis, quæstione sexta, articulo secundo, disceptans in quo fuerit meritum Angelorum, in hanc incidit diffinitionem.

Dicimus, quod meritum eorum est in hoc solo, quod verbo adhererunt, cum possent ab ipso deflecti: & si quaeratur, utrum hoc ipsum fuit eis actus gloriæ, dicendum, quod gloria vitæ æternæ, & beatitudo, dicuntur per confirmationem cum perfruitione Verbi; & illam confirmationem nondum habuerunt Angeli. Vnde si aliquando inuenitur beatitudo, & vita æterna dicta de Angelis in primo statu, intelligitur de beatitudine secundum quid, scilicet, quæ non habet confirmationem coniunctam sibi; & hoc videtur sentire Augustinus, & Anselmus, qui dicunt, quod Angelus in primo statu habuit unde proficeret ad confirmationem, & beatitudinem.

Ioannes Arboreus in sua Theosophia libro primo, capite primo, sicut pluribus prosequitur hanc Augustinianam doctrinam, ita eleganter eam declarat.

Rationes Angelos conditos fuisse beatos probantes.

Luc. 10.

Isa. 14.

Ezech. 28.

Non desunt plures etiam pro hac sententia argumentationes. Primum, Dæmones de Cœlo deciderunt Empyreo, Angelos siquidem in Cœlo Empyreo conditos clarissimè obtestati sunt, Iunilius in Hexamæron, Strabus, Hugo, Magister, D. Thomas, ut in Catenis supra deductis demonstraui: Si igitur in Empyreo aliquando extarūt, igitur quandoque beati, gloriosique: neque etenim in Empyreo confidere quis potest, nisi ad beatitudinem ascitus intelligatur. Deinde scriptum est; Videbam Satan tanquam fulgur de Cœlo cadentem. Cæterum plures interpretati sunt de Cœlo, id est, de gloria. Rursum Esaias Lucifero casum exprobrans, ita eum alloquitur; Quomodo cecidisti de Cœlo Lucifer, qui mane oriebaris? Igitur lux erat, ut exponit Theophilactus, at lux esse non poterat, quin gloria perfunderetur: Nam D. Augustinus, lucis nomine, Angelicam formationem, seu glorificationem interpretabatur. Amplius Ezechiel de ipso Lucifero scribit; In delitijs Paradisi Dei fuisti. Et post. Posui te in Monte sancto Dei. Quid aliud affluentes delitiæ Paradisi, præter ipsam beatificam gloriam præmonstrant? Quid Mons Sanctus Dei, nisi ipsam Regiam Cœlestem, beatorumque Sedem, in qua cuncta emicant fulgentissima maiestate, designat? Insper, nunquid existimandum est, Angelos ante lapsum, nunquam Dei contemplatione, visioneque potitos fuisse? Certè non minora contulit Deus Angelo præstantissimo inter creaturas spirituales priuilegia, & gratias, quàm homini; at homo in iustitia originali, non tantum diuina fuit gratia insignitus, sed etiam Dei visione delibutus. Sensere profecto multi Patrum, plura Adam cum Deo colloquia, ac congressus habuisse. Contendit igitur hæc sententia, Angelos beatos conditos esse, quia Dei visione potirentur; sed non plenè beatos, cum nec perenniter in ea essent permansuri, nisi confirmarentur, nec eiusdem beatitudinis certitudine lætarentur: quanquam nacti essent gratiam gratum facientem, qua Deo hærentes certitudinem eam, perennitatemque adipisci poterant, si vellent; sicuti etiam excidere ab ea, si liberet. Quæ auersio, & conuersio in ipsis demeriti, & meriti rationem exhibuit.

A V C T O R.

De re grauissima, atque difficillima, cum Patrum, Doctorumque sententiæ inter se vehementer dissideant, iudicium laturus, veniam præposco, si non ita ingenuo Lectori satisfaciam. Arbitror ego primum, sententiam illam, quæ Angelos prodijisse malos autumat, omnino, ut hæreticam, falsam, impiam, erroneam, à veraque Theologia aberrantem explodendam, execrandamque esse rationibus illis, quibus eam Patres refutarunt. Arbitror amplius reliquas tres sententias problemata neutra esse posse in via Patrum, & Doctorum, quoniam æqua lance in iurgiis disputationum, atque in Scholis eas defen-

Sententia Michaelis im-
pia & hæretica.

defensari conspicio. Opinor attamen postremam hanc assertionem, Angelos produ-
ctos fuisse beatos astruentem beatitudine ea, quæ ex clarissima Dei visione, quanquam
nec perennitate, nec certitudine fulcita, promanabat, magis à verisimilitudine rece-
dere, eo quod nunquā Angelos prauos, Dei clara visione, nec per transennam etiam, vt
aiunt, potitos esse existimē. Suadeor primū ratione à D. Thoma allata: Cū enim du-
plex sit naturæ intellectualis perfectio, seu beatitudo; naturalis altera, quæ & naturæ vi-
ribus comparari potest; supernaturalis altera, quæ non nisi auxilio supernaturalis infu-
sæ virtutis, vtpotē gratiæ, obtineri valet: Quemadmodum Angeli ex dignitate, excel-
lentiaque naturæ, beatitudinem primam sunt consequuti; ita postremam attingere in
sui origine nequiuerunt; neque enim simul & gigni, & mereri potuerunt. Neque ea distin-
ctio, qua omnes effugere Syrtis sibiipsis persuadent huius sententiæ propugnatores;
quod beatitudo scilicet ea fuerit non absoluta, sed secundū quid, quia confirmationis,
perennitatisque expers erat, satisfacere præstantissimis Doctoribus visa est. Tota siqui-
dem merces, & ipse beatitudinis apex est visio, quam deinde fruitio, & amor, siue amo-
ris excessus, voluntatisque raptus, atque ipsa perennitas; difficillimè nanque hæc seiungi
possunt, consequuntur. Amplius consentaneum non videtur, Angelum, cū ad glo-
riam destinaretur per meritum non ipsam beatitudinem, sed beatitudinis perennitatē;
tantum, vel securitatem promeruisse. Adicias, quomodo fieri potuerit, vt Angelus
delibutus gloria, supernaque Dei visione, qua semel ebrius factus Moses, exclamabat;
Ostende mihi gloriam tuam: Et Iacob; Vidi Dominum facie ad faciem; & salua facta
est anima mea: Et Petrus, Domine bonum est nos hic esse: Ipse, inquam Angelus, qui
vehementer in bonum prouehebatur; adeo trucem, efferatamque habuerit mentem, ac
propriæ gloriæ, fastusque cupidam, vt tantum bonum, quod iam degustarat, & quo
nil excellentius, nil sublimius esse, expertus fuerat; ita facile spreuerit, atque neglexerit?
Arbitror ego certè Patres in hanc minimè declinasse sententiam, sed D. Dionysium
Angelos lucem nuncupasse, Gregoriumque Nazianzenum, & Damascenum ipsos di-
xisse splendores primos veritatis verbo lucentes, & radios fulgentes, non quidem vt bea-
tos illos assererent, verū vt præstantem eorum dumtaxat, excellentemque naturam
hac metaphora demonstrarent. Rursum, Ignatium, Cyrillum, & D. Gregorium Ma-
gnū, Angelos in maxima gloria constitutos tradidisse, non prout gloria beatitudinem
supercoelestem significat, sed quatenus excellentem statum, seu naturæ præstantem di-
gnitatem exprimit. Quantum autem ad D. Augustinum spectat, existimarem ipsum
Angelos beatos appellasse, ad tantamque conditionem eos elatos, vt sapienter, beatēq;
viuerent, perhibuisse, non vt beatitudinem supernaturalem, illamque coelestem glo-
riam, qua Deum in Deo sancti Angeli modo contemplantur, & qua cuncta in Verbo cla-
rè conspiciunt, ipsis ascriberet, sed eam naturalem tantum, qua Deus in insita ipsis ima-
gine ab Angelis percipi poterat, & quæ res in seipsis imperfectæ, & obscurè cognoscun-
tur. Hanc enim iuxta D. Augustini mentem, fuisse beatitudinem eam, & cognitionem,
quam habuere Angeli, etiam mali sua in origine, D. Thomas interpretatus est. Patefa-
ciunt autem hoc ipsum ea, quæ Augustinus tradit de Ciuitate Dei libro vndecimo; vbi
& Protoparentes nostros in Paradiso terrestri beatos pariter extitisse prodit; & tamen
ipsos beatitudinem supernaturalem non consequutos fuisse, certissimum est. Sed de
Generi ad litteram libro item vndecimo, clarissimè Angelum desertorem beatæ, Ange-
licæque vitæ dulcedinem non gustasse, his obtestatur.

*Diabolus factus, continuo se à luce veritatis auertit, superbia tumidus, & propriæ potestatis delectatione
corruptus: vnde beatæ, atque Angelicæ vitæ dulcedinem non gustauit, quam non rtiq; acceptam fastidiuit;
sed nolendo accipere, deseruit, & amisit. Proinde nec sui casus præsciū esse potuit, quæ sapientia pietatis est
fructus. Ille autem continuo impius, consequenter & mente cæcus, non ex eo quod acceperat, cecidit, sed ex eo
quod acciperet, si subdi voluisset Deo; quod profecto, quia noluit, & ab eo quod accepturus erat, cecidit, & po-
testatem illius, sub quo esse noluit, non euasit; factumque in illo est pondere meritorum, vt nec iustitiæ possit
lumen delectari, nec ab eius sententia liberari.*

Amplius, qui ex matutinæ, vespertinæque cognitionis serie, Angelos Dei visione po-
titos, D. Augustinum existimasse deducunt, ipsam Augustini mentem non assecuti esse
conuincuntur. Siquidem desertores, & rebelles, Angelos matutinam cognitionem at-
tingisse,

Angelos con-
ditos fuisse
beatos nō val-
de probabile
est.

q. 62. art. 1.

Exod. 33.

Gen. 32.

Matth. 17.

Patres, q. An-
gelos creatos
fuisse beatos
dicunt, quo-
modo intelli-
gendi.

P. p. q. 62. art.
1. ad 3.
Cap. 12.

Cap. 23.

Soluuntur ra-
tiones Ange-
los beatos cō-
ditos astruen-
tes.

Cap. 28.

De puritate
Angelorum
duę sententię
possunt susti-
neri.

tigisse, nunquam edocuit Augustinus: Immo post vespertinam, malos nimio sui fastu elatos, delapsos esse, tenebrasq; redditos, nec vnquam ad matutinam, adeo vt Deo gratias referrent, in laudemq; Creatoris exurgerent, peruenisse, pluribus quidem locis demonstrat. Ex quibus elici potest, D. Augustinum in hanc sententiam non properasse, vel saltem ancipitem eā protulisse; cū modò eā approbasse, modò refutasse videatur.

Sed quid dicemus ad illatam eam obiectionem, quę Angelos in Empyreo conditos, ex Strabi, Hugonis, Magistri, & D. Thomę placito asserbat, & in Empyreo sine gloria, Deique visione nil confidere posse autumabat? Dicemus certè primū ex D. Hieronymi auctoritate, Angelos non in Empyreo, sed in Firmamento productos, vt supra iam deduximus: Vel estò etiam quòd in Empyreo manarint: euincere attamen possumus contra aduersarios in sua origine beatos eos non prodixisse, quoniam meritum semper præcedit præmium origine, & tempore. Vt autem obiectis Scripturę auctoritatibus occurramus; dicemus, Luciferum luce quidem coruscasse non beatifica, sed naturali, eo breuissimo spatio, quo in nitida suę naturę puritate perstitit: Lux enim metaphoricè, & beatam vitam, & naturę Angelicę præstantiam, claritatemque indicare potest. Dicemus etiā, quòd tanquam fulgur è Cœlo ceciderit, seu è gloria; non è gloria superna, sed gloria ea, qua ipse naturę eminentia cunctas superexcedebat creaturas. Dicemus ad ea quę adducta sunt ex Ezechiele, quòd metaphorica sunt encomia de Rege Tyri, & quòd allegoricè etiam de Lucifero interpretari possunt, prout eius innocentie sublimem statum explicant, ex quo beatitudinem supernam nancisci facillimè poterat. Tandem dicemus, vt delatam ex Adę exemplo argumentationem, euitemus; non adhuc exploratum esse, an Adam Dei visione delibutus fuerit, cū nec Scriptura id clare tradat, nec Patres id conformi, communiq; sententia diffiniant. Deinde potuisset Adam ea gratia potiri, qui non tantū momentis, verū & horis in innocentie statu perdurauit, non autem Dēmonem, qui secundo momento, seu mora à Deo se auertens, corrui: satisque Deum Lucifero contulisse, cū eum ad adipiscendam quā citissime gloriam destinasset, atque prouehisset.

Arbitror tandem, duarum earum sententiarum, quę vel Angelos in naturę puritate, vel cū gratia ipsa productos edocent, neutram esse reiiciendam: præstantissimos etenim vtrāq; illarum habet assertores. Sed quantum ad propositum meum spectat, non ex temeritate factum velim accipi; si in ea, quam de Bello Angelico contexam historiam, Angelos, vt in pura natura esse poterant, nulla insignitos gratia proferam, effingamque Angelis euenisse, quod hominibus contingere conspiciamus: Vt quemadmodum hominibus gratia confertur paranimpha, seu præueniens, quę cuncta præcedit; Ita in Angelis naturam ipsam, dotesque præstantissimas, quibus prouehantur ad optima, in Deumque enixè efferebantur, vices gratiæ præuenientis egisse, perhibebo. Deinde Deum voluntatis Angelicę primum assensum expectasse, moxque annuentibus bonis gratiam apposuisse, non operantem, seu iustificantem, peccato siquidem immunes ipsa non egebant, sed cooperantem, quę voluntatis motum adiuuaret, perficeretque, atque meritò eos condecoraret; non annuentibus vero eandem non contulisse, quòd malitia sua eam renuerint, vnde & mox corruerint, præcipientesque exciderint. Nam, vt quid eos gratia insignitos dicemus, si in ipsis malis Angelis nil ipsam effecisse compertum est? vt quid eam superfluam, superuacaneamque in ipsis Angelis desertoribus concedere? Gratia certè nil operari potuisset, nisi voluntatis assensus simul extitisset; & si quid operata fuisset, gloriam certè meruisset, nec vnquam Angelus aliquis decidisset: si nil igitur illis ea profuit gratia, tantum est, quantum si ea honestati non fuissent. Hac igitur serie meam infra contexam historiam.

An Moses in hac de Orbis effectione historia, Angelorum mentionem habeat.

An uerò Angelorum genesis in historia hac Mosis habeatur, multiplex adest sententia.

Catena

*Catena Patrum, Angelorum genesim à Mose non omisſam
fuisse arbitrantium.*

AUGUSTINVS de Genesi ad literam libro primo, & quinto: & de Genesi imperfecto, & alijs multis in locis, certam de Angelorum genitura enarrationē fuisse contextam asserit: Et, vel Cœli nomine, vbi dictum est; In principio creauit Deus Cœlum, & Terram: vel potius lucis, Angelos significatos esse autumat. Et amplius eò vsque progressus est, vt hunc literalem, germanumq; sensum dixerit. Excerpi potest hæc ipsius sententia ex pluribus deductis & deducendis locis; sed ne ea ipsa sæpius repetamus, vnum tantummodo iam expositum locum veluti opportunum interijcio. Nam clariori oratione de Ciuitate Dei libro vñdecimo, id asseruit, cū dixit.

Non autem prætermisſos esse Angelos in hac rerum creatione hinc existimo, quòd scriptum est, requieuisse Deum in septimo die ab omnibus operibus suis quæ fecit, cū liber ipse ita sit exorsus: In principio fecit Deus Cœlum, & Terram, vt ante Cœlum & Terram nihil aliud fecisse videatur. Cū ergò à Cœlo, & Terra cæperit, & cū omnia creando disposita sint, quæ per sex dies consummata narrantur, quomodo Angeli prætermitterentur, tanquam non essent in operibus Dei, à quibus die septimo requieuit? Opus autem Dei esse Angelos hic quidem, etsi non prætermisſum, non tamen euidenter expreſſū est: sed alibi hoc Sancta Scriptura clarissima voce testatur. Nam & in hymno trium in camino virorum, cū prædictum esset: Benedicite omnia opera Domini Domino: in executione eorundem operum etiam Angeli nominati sunt; Et in Psalmo canitur: Laudate Dominum de Cœlis, laudate eum in excelsis. Laudate eum omnes Angeli eius; laudate eum omnes virtutes eius. Laudate eum Sol & Luna, laudate eum omnes Stellæ & lumen. Laudate eum Cœli Celorum, & aquæ, quæ super Cœlos sunt, laudent nomen Domini. Quoniam ipse dixit, & facta sunt, ipse mandauit & creata sunt. Etiam hic apertissimè à Deo factos esse Angelos diuinitus dictum est, cū eis inter cætera Cœlestia commemoratis, infertur ad omnia: Ipse dixit, & facta sunt.

Gen. 2.

Dan. 3.

Psal. 148.

EVCHERIVS Commentarijs in Genesim libro primo, capite secundo, Augustino consentit.

In hac luce historialiter recapitulatur creatio Angelorum, qui pro participatione æternæ lucis, lux & dies nuncupati sunt.

Et post, breuissimo epilogo doctrinam Augustinianam supra recitatam colligit, & compendiat, quam in expositione eius clausulæ, Fiat lux, veluti in accommodatori loco deducemus.

BEDA Expositione in Genesim.

Spiritualis autem facta est lux, cū dixit: Fiat lux, idest, Angeli, & virtutes Cœlestes; de quibus dicitur: Prior omnium creata est sapientia. Hæc autem ipsa spiritualis creatura, Cœlum appellata est, cū dictum est: In principio creauit Deus Cœlum, & Terram.

Ecclesiast. 1.

ANASTASIVS Synaita suo Hexameron libro primo.

In principio fecit Deus Cœlum, & Terram; Cœlum quidem, simul comprehendendo, nominat omnes Cœlestes, & intelligentes sanctarum Virtutum, & intelligentis Mundi constitutiones.

RVPERTVS Abbas, Commentarijs in Genesim, libro primo, capite decimo, post plura hæc concludit.

Melius magni, & nominatissimi Patres intellexerunt naturam Angelicam lucis nomine significatam. Eorum sensum rationabilem magis approbamus, & sequimur, Angelicam creaturam rectè lucem esse appellatam, lucem intellectualem, lucem, inquam, non solum, quia vim discernendi habentem; verumetiam quia veri, & incircumscripti luminis gratia refulgentem. Et post. Nec verò pro similitudine, sed pro re vera lucem dicimus appellatam, idest, non ideò quòd similitudinem visibilis huius lucis habeat.

Cap. 11.

Lib. 27. c. 24.

GREGORIVS Magnus in trigessimum septimum caput Iob, hoc existimasse uisus est, cū ea, quæ de Cœlo enarrat Moses, ad Angelos ipsos referat, dicens.

Virtutes Angelicæ, quæ in diuino amore fixæ perſistere, lapsis superbientibus Angelis, hoc in munere retributionis acceperunt, vt nulla iam rubigine surripientis culpe mordeantur, vt in contemplatione Conditoris sine felicitatis fine permaneant; & in hoc quod sunt conditæ, æterna stabilitate subsistant. Quod bene apud Mosē ipsa de Mundi origine historie verba testantur, cū & prius factum Cœlum dicitur, & hoc idem postmodum firmamentum vocatur: quia videlicet natura Angelica, & prius subtilis est in superioribus condita, & post ne vnquam potuisset cadere, mirabilius confirmata.

Sed hæc Gregorij à Patherio etiam collecta, allegoricè dicta esse perspicuum est.

HVGGO in Summa Sententiarum, tractatu tertio, capite primo.

In principio creaturarum, creauit Deus Cœlum & Terram, idest Angelos; & Terram, scilicet illam materiam

zen. am quatuor elementorum adhuc confusam, quæ dicta est Chaos.

ISIDORVS de Summo bono, libro tertio, capite duodecimo.

Ante omnem creaturam, Angeli facti sunt, dum dictum est, Fiat lux.

MAGISTRVM Sententiarum hoc ipsum arbitratum esse, clarè patet ex eius verbis: Nam in libro secundo, distinctione duodecima, hæc habet.

Gen. 1.

Cum Deus in sapientia sua Angelos condidit spiritus, alia etiam creauit, sicut ostendit supradicta scriptura Genesis, quæ dicit; In principio Deum creasse Cælum, idest Angelos; & Terram, scilicet materiam quatuor elementorum adhuc confusam, & informem, quæ à Græcis dicta est Chaos; & hæc fuit ante omnem diem.

Collegi horum Patrum obtestationes, quanquam aliàs memoratas, ne in eis inquirendis, molestia lector afficeretur.

Verùm ex aduersa parte non deest numerosa classis Patrum, qui, & omisam à Mose Angelorum emolitionem arbitrentur, & huiusce prætermisionis causam reddant.

Catena Patrum, prætermisam Angelorum mentionem, arbitrantium.

BASILIVS Hexæmeron Homilia prima.

Erat enim aliquid, ut videtur, & ante hunc Mundum, quod mente quidem percipi potest, omisam est autem, neque de ipso quidquam est dictum; propterea quod qui initiuntur, adhuc ut paruuli, ad cognoscendum inepti sunt.

Hom. 2.
in Gen.

CHRYSOSTOMVS illustri certè oratione, & Angelos omnino fuisse omisos, & duas huiusce rei exposuit causas. Ait enim.

Et vide quantum docendo nostræ paruitati se attemperat. Nihil de inuisibilibus virtutibus diserit, neque dicit; In principio fecit Deus Angelos, vel Archangelos. Non simpliciter, neque temerè hanc nobis doctrinam parauit: Iudeis enim loquebatur, qui toti præsentibus rebus inhiabant, neque spirituale quicquam comprehendere valebant. Itaque eos à sensibilibus ad cognoscendum Vniuersi opificem inducit, ut ex creaturis fabricatorem Mundi discerent, adorem Creatorem omnium, & non in creaturis ipsis permanerent & quiescant. Nam cum licet hæc ita facta sint, non intermiserunt ex creaturis Deos facere, & diuinum honorem dissimilis brutis exhibere: in quam non amentiam incidissent, ni tanta erga nos humilitate, & attemperatione fuisset usus? Nec mireris dilecte, quod Moyses hac via inceserit, qui in principio, & in preliis, & in preliis loquutus est Iudeis; quandoquidem Paulus quoque tempore gratiæ, cum tantum predicationis esset incrementum, disputaturus cum Atheniensibus, à visibilibus doctrinam cepit, & eis sic dixit; Deus qui fecit Mundum, & omnia quæ in eo sunt, hic Cæli & Terræ cum sit Dominus, non in manifestis habitat Templis, nec humanis manibus colitur. Et ideo, quia talem eis congruere sciebat doctrinam, hanc docendi uiam arripuit. Ad eos enim qui suam suscipiebant doctrinam, à spiritu ita dirigebatur, & docebatur. Et ut scias huius causam fuisse personarum varietatem, & auditorum crassitudinem, audi illum ipsum: Ad Colossenses enim epistolam scribens, non hac ambulat via, sed aliter cum eis loquitur, & dicit; Quia in ipso creata sunt omnia, quæ in Cælis sunt, & quæ in Terra, visibilia, & inuisibilia, siue Throni, siue Dominationes, siue Principatus, siue Potestates, omnia per illum, & in illum creata sunt. Ioannes autem tonitruum filius clamabat, dicens; Omnia per ipsum facta sunt, & sine ipso factum est nihil. At non sic Moyses, & merito.

Act. 17.

Colos. 1.

Ioan. 1.

Et Sermone de Ieiunijs, & Genesios lectione.

Quid hæc epistola per Moysen nobis directæ contineat, videamus; In principio inquit, creauit Deus Cælum & Terram. Requiris forsitan, cur non prius de Angelis nobis, vel Archangelis indicat. Si enim ex frequentia, & magnitudine creaturarum conditor intelligatur, multò magis ex Virtutum Cælestium conditione potest agnosci. Magnum est Cælum, sed non ita ut Angelus: Decorus est Sol, sed excelsior Archangelus. Et ideo excelsam illam & arduam viam relinquens, per hanc planiorem & humiliores, nos ad rerum scientiam ducit. Considera enim qui erant, quibus hæc recitabatur Epistola: nonne illis qui educebantur ex Aegyptu, Dei cultum in Crocodilis haberi, & Canibus, ac Simijs viderant? Non ergo consequens videbatur, eos tunc per excelsiorem viam ad agnitionem Conditoris adducere: & ideo ista planiore, & faciliore utitur, Cælum eis per ramq; ostendit, & Mare, atque omnem visibilem creaturam.

THEODORETVS in Genesim, quæstione secunda.

Quamobrem non meminit creationis Angelorum? Qui lege regebantur, solidæ, vel constantis fidei nihil habebant. Mox enim post plura, & ineffabilia miracula, imaginem Vituli Deum designauerunt. Quod si tam facile sibi Deos finxerunt à uanentorum simulacris, quid non perpetraturi fuissent, inuisibilis naturæ notitiam assequuti? Huiusce rei gratia, Deus vniuersitatis conditor, neminem veterum alloquutus est per Angelum, usque ad tempora integerrimi Abrahæ.

ATHA.

Genesis Caput Primum.

231

A T H A N A S I V S in Quæstionibus ad Antiochum Principem, quæstione prima.

Vnde declarari potest, quod creati sint Angeli? Nam in libro Geneseos id non memoratur. Resp. Cum nosset Deus esse Iudeos ad Idola, & multorum Deorum cultum propensos, eius rei gratia abscondit in Genesi hanc rationem de Angelis, ne & illos Deos facerent, qui Vitulum & alia quedam deificauerant, quasi Dij essent. Quod verò creati sint Angeli, audi Dauidem Prophetam dicentem; Laudate eum omnes Angeli eius; laudate eum omnes virtutes eius. Quoniam ipse dixit, & facta sunt: ipse mandauit, & creata sunt.

Psal. 148.

H I E R O N Y M V S in Epistola ad Cyprianum, quæ est centesima trigesima nona, hoc ipsum asserit, dicens.

Mosis ore, creationem Mundi, & eorum dumtaxat, quæ visibilia sunt, conditionem hominis, & omnis retro historie didicimus veritatem.

C Y R I L L V S contra Iulianum libro tertio, inquit. Sed Mosem nihil scripsisse de Angelorum natura inuenitur, inquit; At non oportebat dicere ea, quæ intelligi nequibant. Nam si verum est, quod ea quæ in manibus, reperimus cum violentia, vt scriptum est, & ipsa sensibilem, & imaginabilem inquisitionem, nostris mentibus ferè inaccessa, quomodo quis diceret ea, quæ super sensum, & separata, cognitionem vltra nostram rationem sortiuntur? Etenim genitos esse quomodo dubitaret quis, cum ministros eos nominet, & alterius nutibus, quasi necessitate subiugatos? Seruum enim omne quod sub iugo, liberumque natura omnino nihil, quod dicitur ministrare. Psallit item diuinus Dauid; Qui facit Angelos suos spiritus, & ministros suos flammam ignis.

Psal. 103.

P R O C O P I V S Gazæus in Præfatione Commentarij in Genesim, ait. Verum enimverò, antequam oratio nostra per partes decurrat, Lectorem admonendum existimaui, Mosem non totius operis à Deo effecti, hoc loco mentionem fecisse. Haud enim nominauit Angelos, vel eas substantias, quæ solo intellectu apprehenduntur. Nec tamen desunt, qui audent asserere prædictas substantias ante Mundi foundationem à Deo esse creatas. Sunt & alij, qui pronunciant simul cum Mundo prodijse omnia entia, quæ sub sensum, & quæ sub intellectum cadunt: Nam vna cum Cælo Angelorum sede, etiam Angelos conditos esse. Quemadmodum enim non posuit ærem, vel ignem, vel extremis, vel summis media coniunxit; ita licet nullibi nominatim Angelos nuncupet, attamen sub Cæli nomine, quod Angelos continet, etiam Angelorum creationem nobis cautè insinuat. Verum quam huius rei annotabimus causam? Si enim ex pulchritudine creaturarum, Opificis excellentia cognoscitur, & visibilibus creaturis præstantiores sunt inuisibiles: quare non potius has nobis proposuit? Dicat; Scio, harum creationem consultò transiit, vt credamus Angelos esse increatas substantias. Absit; eadem enim ratio persuaderet, etiam elementa non esse condita: siquidem & horum creationem nullibi explicat. Ceterum quare mentionem harum rerum intermiserit, ego dicam: Cum Iudeis balbutientibus balbutiebat, illa sola memorans, quæ non supra captum ipsorum esse iudicabat. Nullum inter Mosem & puerorum Doctorem discrimen videas. Prima enim verè Religionis elementa populo suæ fidei commisso tradidit, haud ignorans, vbi hæc didicissent, affuturos alios Doctores, qui ad altiora mysteria ipsos essent deducturi. Arbitrabatur etenim Iudeos hisce elementis, seu gradibus vsos; tandem audire posse doctrinam abstrusiorum mysteriorum.

S T E V C H V S præcipuè libro de Rebus incorporeis & inuisibilibus, hæc fatur.

Positum igitur sit primum, ideò Mosem creationem Angelorum non prodidisse, etsi maximum erat, plenumque diuinitatis, vltra mundanas mentes mysterium, quia vel non esset necessarium, vel altissimum, nimiumque caput humanum excedens, & rudi populo penè incomprehensibile.

A V C T O R.

Mihi de hac inter Patres disceptatione, iudicium allaturo, illud primò diffiniendum est; non ineptè D. Augustinum, ac eius sectatores, Angelos Cælum per metonymiam interpretatos esse; analogia certè inter Cælos, & Angelos maxima, atque perspicua, quam Vielmus eleganti oratione prosequutus est. Assero quapropter & ego, Angelos etiam eleganter, ex metaphorico sensu, hac voce translata lucem nuncupari posse; tum quia & natura, & gratia, & scientia, & gloria splendidissimi cum sint, quadruplicem splendoris nitorem præferunt; tum quod lucem inhabitant inaccessam, Empyreum nempe Cælum fulgentissimum. Verum duplici de causa eam interpretationem reiciendam existimo. Primùm, quoniam etsi Poëtarum munus sit metaphoris, ac translationibus vti, quò magis rem ipsam extollant, poëmataque, ac orationem suam exornent; eorū tamen, qui annales scribendos desumunt, & historias contexunt, partes sunt, eas paruipendere, atque omnino negligere: nam obscuriorem, suspectam, fucatamque historiam reddunt, & non modicum fabularum apparatus præferunt. Deinde quia

Lux metapho-
rice potest si-
gnificare An-
gelos.

Lux literalī
sēu minimè
Angelos signi-
ficat.

quia imperitiæ, inconstantiaque notam Moses non effugisset, si nomine Cœli, lucisque Angelos significasset; quoniam hac breui admodum conditarum rerum historia, ac genesi, has dictiones Cœlum, diem, noctem, vespere, mane, lucem, & tenebras, modo metaphoricè, modo proprio sensu eas sumens, ad diuersas, aduersasque distraxisset significaciones. Quibus & addi potest, si Hebræo populo admodum rudi, ac crasso, de Angelis scientia obscura, difficilis, ac supra captum ex se erat, atque ob id sanctum Vatem silentio eam obruisse senserunt tot Patres eximij: quomodo non multò obscurior, imperceptibiliorque eidem populo reddita fuisset, si metaphoricis verbis ipsi penitus inuisitatis, atque ignotis Moses eam explicasset?

Cur Moses
de Angelorū
creatione nō
loquatur.

Amplius ex Patrum deducta Catena, cur Moses Angelorū genèsim opportuno, ac tēpestiuo obuoluerit silentio, duas potissimum causas excerpere possumus. Prima est, eā quam Basilius, Ioannes Chrysostomus, Hieronymus, ac plurimi prodiderunt; Mosē, scilicet Hebræis in Aegypto, ac deserto degentibus, vt rudibus, obesi que ingenij, & omni prorsus eruditione carentibus altiora mysteria nō capientibus, tantum sensilis huius Orbis historiam tradidisse: præbuitque Hebræis Moses, vt rectè adnotauit Chrysostomus tanquam nutrix lac, & tanquam Pædagogus elementa prima pueris ægrè solidum cibum, ac grauissimas res ferentibus: quæ causa ab omnibus ferè Doctoribus lato animo, hilari que consensu excepta est, atque amplexata. Altera est, quam Ioannes Chrysostomus, Theodoretus, atque Athanasius recensuere: Mosē de Angelorum natalibus historiam nō contexuisse, ne Iudæis ad Idololatriam propensis, ac procliuius, ipse tã præcellentē, ac sublimem substantiam obiiceret, veritus, ne eorum eminentis status veneratione ducti in Idololatriam ruerent, ac diuinos eis honores, obsequiaque impenderent. Hæc Patres.

Ceterum recentiores Doctores, Tostatus, Vielmus, Pererius, secundam hanc à Patribus assertam causam maximè infestant. Primum, quoniam constat Mosē sapientissimo Angelorum meminisse, in hac rerum à suis maioribus gestarum historia. Deinde, quoniam & eorū ministeria, & præsidia experturi essent, maximè cum per deserta, Terram Patribus promissam peterent. Amplius, quia Angelos fuisse à Deo creatos enarrare augustam fecisset Dei omnipotentiam, & Angelorum existimationem tantisper extenuasset: Quapropter ad eos colendos non adeò præcipientes Hebræi corruissent. Postremo tandem, quoniam non tantum Hebræis, verum & nobis, & quampluribus eruditis, hæc historia mandabatur; de quibus verendum non erat, quòd illis futura esset occasio in errores decidendi, quin potius ad magnificandam Dei conditoris gloriam, maximum ipsis, ac perenne monumentum extitisset.

Defensatur
Patres contra
recentiores.

Verum pro Patribus pugna sumpta, dicerem; quòd licet Moses crebram de Angelis post egerit mentionem, non æqualis certè fuit commemorationis modus, & mentionis series; & quidem sæpius repetijt Angelorum in hominum ministerium, studium, & obsequium gesta, nunquam prorsus eorum dignitate reſerata, ac celebrata; vt inde erubescerent homines Deo contempto illos suscipere, ac colere, qui Dei iussu ipsis deferrent, & tot eis beneficia impenderent. Atqui eorum conditionem, ac genèsim, si exposuisset, certè effugere nequiuisset Moses, quin eorum naturæ sublimitatem, præstantiam, ac dignitatē, licet nō disertè, concisè saltē nō memorasset, ac celebrasset: ex quo in stuporem ducti Hebræi propensius fortè in eorum cultum corruissent. Deinde quamuis de conditione Angelorum historia, augustiorem fecisset satoris Dei amplitudinem, ac dignitatem, non modicumque extenuasset eam, quam habere poterant Hebræi de Angelis ipsis existimationē, parum attamen Iudæis profecisset; qui Vitulum cōflatilem, ac pecudes, quas à Deo creatas ex Mosi historia didicerant, turpiter colere non erubuerunt. Tandem licet posteris tam sapientibus, quam insipientibus mandaretur Mosi historia, primo tamen loco ex præscripto à Mose sibi scopo, ac instituto, Hebræis contextebatur, vt cuius legem, ac cultum contendebat Moses in eorum corda imprimere, Dei omnipotentis studium nunquam erga illorum maiores infractum extolleret, celebraretque. Quare, pace tantorum virorum, non ita subfrigida hæc delata à Patribus causa, censeri atque æstimari debet.

Non paruifaciendum etiam duco, Mosẽm de genesi Angelorum perspectẽ scribere præterijſſe, eorumque natalia suppreſſiſſe, atque occultasse, eò quòd aliena prorsus à suo fero scopo, ac intentione viderẽtur. Nam cùm Mosẽs Dei afflatu Hebrẽos ad Christum, tanquam ad humani generis Reparatorem, legibus, ceremonijs, vmbriſ, & figuris præpararet; ob id egregiẽ Mundi ſenſilis, & hominis, qui à Christo reparandi erant, natalia recensuit; Angelos verò reticuit, quorum futurus non erat Christus Reparator, Redemptorq; . Cùmq; Hebraicæ gentis ſtemmata, ac res vetuſtas enarrare ſuſcepiffet, alienum certẽ fuiſſet de Angelorum ortu, quin & de lapſu, ac cæteris eorum euentibus inſignibus, ac memorandis hiftoriam contexere; Quare quemadmodum de ortu, ita prorsus & de lapſu Angelico, nil, vel parum admodum, concifeq; & ſubobſcure in Sacra Scriptura proditũ eſt, eaq; ſola de Angelis ac Dæmonibus inſita, ac interpoſita ſunt, quæ ad Hebraicæ proſapiæ, Heroumq; præclarorum geſta, quoquo modo pertinere viderentur.

Angelorum creatio aliena erat à Moſis ſcopo.

Verũ cùm ea cuiſta ſit veritas, Mosẽm Angelorum geneſim in hac ſua de rerum creatione hiftoria ſuppreſſiſſe, atque occultasse; ſubſequitur alia quæſtio, & anceps valde inter eos, qui conditionem Angelorum omiſſam arbitrati ſunt: Num ſaltem eam Mosẽs inſinuauerit. Conſentiunt autem ferẽ omnes, quòd Mosẽs ex conſequentia ſaltem (vt aiunt) eam innuerit, ſed modum ac ſeriem, qua id Mosẽs indicauerit, diſſimili ſententia proferunt. Patres cuncti, qui Moſis verba; In principio creauit Deus Cælum, & Terram, perpendentes, Cœli nomine Empyreum intellexere; ſi non dilucidẽ, & clare, tacitẽ ſaltem, & obuolũtẽ etiam Angelorum procreationem, tanquam in ipſo conditi ſint, inferri putarunt. Fuiſſe in hac acie viſi ſunt Philo, Clemens Papa, Origenes, Diodorus, Theophilus Antiochenus, Hilarius, Iunilius, Strabus, Beda, Anſelmus, Hugo, Rupertus, Magiſter, Catherinus, & omnes ferẽ Scholaſtici, quorum aſſertiones per Catenas infra, vbi de Empyreo Cœlo negotium habebimus, ſum relaturus. Neoterici, vt D. Thomas, ac eius ſectatores, qui Cœli nomine Cœlos ſydercos interpretantur, cenſent, quòd licet diſertẽ Mosẽs Angelorum commemorationem non expoſuerit, luculenter tamen ex illatione eam intelligi voluerit. Nam ex eo quòd Cœlos, Solem, Lunam, & Stellas, vt eſſent in ſigna, & tempora, & dies, & annos, condita prodidit; ex conſequentia & Intelligentias, motrices præcipuẽ indicauit, cùm ſine his omninò nec motus fieri, nec à motu Cœli tempus prodire poſſet: Sicuti etiam motus Cœli, & temporis originem ideo ſuppreſſit, eò quòd per conſequentem intelligentiam cũ Cœlo edita intelligi poſſent; quemadmodum aëris quoque, & ignis effectiõnem, ſeu geneſim, nuſquam apertẽ protulit, ſed in extremorum corporum Cœli, & Terræ mentione commemoratã eſſe voluit, ex D. Baſilij, Ambroſij, Damasceni, ac plurium Patrum ſententia. Caietanus non tantũ ex his Angelos hac in emanatione inſinuatos, opinatus eſt, ſed illud Moſis dictum; Spiritus Domini ferebatur ſuper aquas, ita interpretatus eſt, vt ſpiritus nomine, Angelos dilucidẽ ſignificari voluerit, ac propterea non ſemel, ſed ſæpius ipſorũ mentionem à Moſe iteratam fuiſſe tradit. Priſci Patres, qui Cœli nomine, ſupremum Orbem interpretantur, nullam prorsus, nec apertẽ traditam, nec occultẽ inſinuatam fuiſſe Angelorum conditionem dixere, vt Baſilius, & Ambroſius.

Angelorum creatio an ſaltem tacite inſinuata.

Quapropter his Patribus adhærens, ſentio ego Mosẽm tantũ ſenſilis Mundi geneſim narrare, nec Cœli nomine Empyreum intelligi, quare neque etiam ex conſequentia ex eius enarrata creatione Angelorum mentionem haberi cenſeo. Neque ex motu Cœleſtium orbium, Angelorum geneſim cum Mundo effectam elici poſſe arbitror, tum quòd multo ante Angeli eſſe potuerunt, quàm mouendis Orbibus assignarẽtur; tum quòd licet mortales craſſo quodam ſenſu peruolitantia ſydera, Lunam, & Solem conſpiciant; Orbes tamen virtute intelligentiarum cieri vix docti homines, ſyderumque ſcientiæ periti comprehendunt. Nam & plurimi non tantũ imperitorum, ſed & Patrum Doctõrum contrarium ſentiunt; alij nanque ſydera animata à ſe moueri exiſtimant; alij non motu Orbium, ſed vno in moto Cœlo Dei iuſſu ſydera vagari crediderunt. Quapropter exiſtimo ego omnem Angelorum etiam ſubobſcurã inſinuationem à Moſe penitus opportuno inuolutam fuiſſe ſilentio, ac eruditos tantũ, ſcientijsque prædi-

Angelorum creatio nec eſt inſinuata à Moſe.

tos, maximè si Peripatetici erunt, ex consequentia eam excerpere, quasi extra Mosis intentum, posse arbitrari. Et de his fatis.

De Genesi Empyreï.

Sententiæ uariæ de Empyreïo.

Empyreï sublimis illius Orbis, Dei, ac Beatorum domicilij, cunctorum bonorū affluentia insignis, perpeti fulgore nitentis, ab omnium malorum labe semoti, quem tam æstuantī animo anhelamus, genesi inuestigaturus, arduo me obstringi negotio & sentio, & fateor; cū Patres, & Doctores in varias, disparatas, ac prorsus repugnantes sententias raptos comperiam. Nonnulli etenim nullam aliam esse Dei, ac Beatorum sedem dixere, quā sydereos Orbes. Alij Deum extra Mundum, electis nulli corporeo additis loco, Beatitudinem impertiri, propria imaginatione delusi censuere. Aliqui lo cum quendam coruscantissimum supra Mundi machinam, Beatorū sedem reputarunt. Horum alij eum longè ante Mundum cum Angelis conditum fatentur. Alij in exordio emolitionis Mundi à Deo compactum cum Chaos existimarunt. Alij demum Empyreum non corpus esse aliquod conditum, sed æternam lucem à Deo perenniter manantem duxere. Ego, ut mei instituti postulat series, Catenas diuersarum sententiarum ingenuè deducam; deinde quid ipse arbitrer, subiiciam.

Catena Patrum, Sydereos Cælos Dei, ac Beatorum esse sedem arbitrantium.

Patres omnes, qui Cælestes orbes astris micantibus insignes, motu raptos spherico, Dei & Angelorum, Beatorumq; esse domicilium existimarunt; certè Empyreum Cælum supernum, immotum, effulgens, non agnouisse visi sunt.

I V S T I N V S Martyr in Admonitorio, seu (ut Ioachinus Perionius interpretes dixit) in Oratione Parænetica; Platonem, ac Aristotelem Cælos hos sydereos Dei domicilium existimasse, his narrat.

Nam Plato quidem tanquam è Cælo delapsus sit, resq; Cælestes omnes & accuratius didicerit, & actius viderit, summum Deum in ignea essentia esse vult. Aristoteles autem in libro, quem ad Alexandrum Macedonem scripsit, breuiter Philosophie sue rationem exponens, apertè & perspicuè Platonis repellit sententiam, cum ait, non in ignea essentia esse Deum, sed quintam quandam ætheream naturam immutabilem fingit, in qua Deum esse censet: scripsit enim his ferè verbis; Non quemadmodum quidam eorum, qui in rebus diuinis errant, Deum in ignea essentia esse confirmant.

G R E G O R I V S Nyssenus libro de infantibus, qui præmaturè obipiuntur, inquit.

Cum igitur in hæc duo diuisa sint omnia quæ sunt, in sensibile, inquam, & in id, quod per mentis agitationem, & cogitationem consideratur, & intelligitur, atque Angelica quidem, & incorporea natura (quæ ex inuisibilibus est) in supramundanis & supercælestibus partibus domicilium habeat; propterea quod ea sedes illi naturæ conueniens & accommodata sit; nam sicut natura intellectualis, tenuis quædam, puræ, ponderis expers, & agilis est, ita corpus quoque Cæleste, tenue, leue, & semper mobile est.

D A M A S C E N V S Orthodoxæ Fidei libro secundo, capite sexto, ait. Cælum est circumdatio visibilium creaturarum, & inuisibilium: intra enim ipsum, & intellectuales Angelorum virtutes, & omnia sensibilia concluduntur, ipsoq; determinantur ambitu. Solus enim Deus inuisibilis scriptus est, omnia implens, omnia continens, & omnia ambiendo terminans, ut super omnia existens, & condens vniuersa.

C Y R I L L V S Hierosolymitanus, Cathedesi tertia.

Angelorum habitaculum est Cælum, atque ex aquis sunt Cæli.

Cum autem Cælum ex aquis conflatum, secundum Patrum assertiones astrigerum hoc Cælum esse existimetur, manifestè constat, Cyrillum Cælos hos sydereos Angelorum regiam existimasse.

C H R Y S O S T O M V S Homilia quarta, in caput tertium Matthæi. In Cælo celatur Deus. Hoc Cælum corporale, omnes quidem homines vident, non autem aspicunt Deum inhabitantem in eo.

L A C T A N T I V S Diuinarum Institutionum libro secundo, capite decimo.

Fecit igitur Deus primum omnium Cælum, & in sublime suspendit, quod esset sedes ipsius conditoris; summum vero

verò habitaculum distinxit clavis luminibus, & impleuit, Sole, scilicet, Lunæque orbe fulgenti; & astrorum micantibus splendoribus adornauit.

HIERONYMVS Commentariorum in Esaiam Prophetam libro decimotertio, capite quadagesimo quinto.

Ego enim sum Deus, qui non in vacuum creauit terram, ut esset deserta, & squalida; sed ut homines habitarent in ea. Ego extendi, siue firmavi Caelos, ut Angelorum essent habitaculum: Stellarumque eos varietate distinxerim; & imperavi singulis, quo currerent ordine, & dierum, ac mensium, annorumque diuersa spatia complerent.

Consimilia plures Patres prodidere; quibus visi sunt, si eorum dicta non pie exponantur, nullum Caelum supra sydereos Caelos attigisse, ac propterea Empyreum non cognouisse.

Sententia, nullo in corpore Beatos degere, ac nullum Empyreum extare asserens.

CAIETANI audacior est sententia, quam & Catherinus enarratione in Genesim, sub verbo, Caelum: & Vielmus lectione tertia memorant, & reijciunt. Hic nuperrimè, (quod nullus Patrum, aut Doctorum affirmare ausus est) nullum Empyreum extare; sed Deum, vltra Mundi machinam, Beatis nullo corporeo in loco, suam impertiri foelicitatem asseuerauit. Præcipue autem in posteriorem Epistolam D. Pauli ad Corinthios; vbi inquit.

Vsq; ad tertium Caelum, hoc est, vsque ad supremum Cælum, vsque ad locum, in quo Deus, & Beati habitare dicuntur, vsque ad Cælestem Patriam. Appellauit autem locum illum summum, Cælum tertium; quia in Sacra Scriptura trium Cælorum mentio fit. Infimum est Cælum aëreum, iuxta illud; Volucres Cæli. Medium est Cælum Astratum, de quo in principio Genesim: & posuit eas in firmamento Cæli. Tertium, ac summum est aque omnes, quæ super Cælos sunt; cuius pluries Scriptura meminit, quod appellamus Cælum aqueum, Philosophi verò appellant Primum Mobile; Empyreum siquidem Cælum à posterioribus traditum, nullibi inuenitur in Scriptura.

His autem delusus est rationibus iste eximius aliàs Doctor: Tum quoniam nullibi Scripturæ Empyreum Cæli meminerunt: tum verò, quod sine causa, ut inquit, & absque ratione efficaci, prisci Patres illud in Ecclesiam inuexerunt; Etenim nec visu comprehenditur, ait, nec motu circumuoluitur: & Angeli incorporei sunt, multoque magis eorum conditor Deus: quare superuacaneum est, locum eis assignare. Ita Vielmus, Caietani placitum, lectione tertia, restrinxit.

Catena, ac classis Vatum gentilium, Regiam aliquam supernam habitationem Deo attribuentium.

Cæterum supra Lunam, Solem, cunctasque inerrantes Stellas, ac omnem Orbem motui obnoxium, Cælum aliud existere immotum, fulgentissimum, facerrimum, incorruptibile, inalterabile, incommutabile, atque hoc esse Dei Regiam, Angelorum, Beatorumque omnium habitationem, ac domicilium perpetuum, fortunatasque sedes, Poëtæ, prisci que Gentilitatis Vates, etsi subobscurè admodum, aliquo tamen modo subodorarunt: Patrum rursus immensa classis apertè edocuit: antiquissima, receptissimaque traditione Ecclesia excepit: Doctores euidentibus demonstrationibus comprobant. Videamus igitur primo, quid Vates sæculi subodorarint, idque ex oraculis nostris, hoc est, ex nostris Patribus depromamus.

CLEMENS Alexandrinus Stromatum libro quinto: Orpheum vetustissimum antiquitatis Poëtam de Empyreico scripsisse paraphrasticam ferè scripturarum sententiam tradidit, dicens.

Deinde illud subiungit; Cælum mihi est sedes, Terra autem scabellum pedum meorum.

Ipsæ autem in magno constans & firmus Olympo est.

Aureus huic Thronus est, pedibus subiectaque Terra.

Homerus item, Semper ubi sedem firmam dixere Deorum.

Esse, neque hæc ventis quatitur, neque spargitur imbre,

Non nix albescit, sed semper lucidus æther:

2. Cor. 12.

Sententiæ Caietani fundamenta.

Esa. 66.

Virgilius Ecloga
quinta.
Idem Aeneidos,
libr. decimo.

Nubibus insuetus, nitida & circumuolat aura.
Candidus insuctum miratur limen Olympi,
Sub pedibusque videt nubes, & sydera Daphnis.
Panditur interea domus omnipotentis Olympi,
Conciliumque vocat Diuum Pater, atque hominum Rex,
Sydeream in sedem, Terras vnde arduus omneis,
Castraq; Dardanidum spectat, populosque Latinos.

I V S T I N V S in Admonitorio, siue in Oratione Panegyrica ad Gentes, de supremo inspectabili Caelo, hoc idipsum sensisse Platonem contestatur, inquit. Eodemque modo de Caelo, quod ortum est, illud quidem Caelum, quod effectum est, existimauit esse id quod factum sub sensum cadit: alterum autem esse, quod intelligentia & ratione comprehenditur; de quo Prophe-
ta ait; Caelum Caeli Domino, Terram autem filijs hominum dedit.

Psal. 113.

E V S E B I V S de preparatione Euangelica libro vndecimo, capite decimonono, coelestem terram cognouisse Platonem refert; quoniam ait.

Matth. 5.

Isa. 54. iuxta
Sept.

In repromissionibus Scripturae, solis pijs Terram quandam reservari fertur, secundum illud; Mites autem hereditabunt Terram. Hec vero Celestis est, quam Propheta ex preciosis lapidibus allegorice constare significat, dicens; Ecce preparo tibi carbonem lapideum, & ponam pinnacula tibi ex Iaspide, & fundamenta ex Saphiro, & circuitum tuum ex lapidibus electis. Considera quomodo ipse quoque Plato similia in libro de Anima, ex persona Socratis scribit; Glauci artificium, inquit, non posset exponere quaecunque ibi sunt: ego autem etiam, si possem, o Simmia, vita tamen mihi non sufficit; nihil tamen prohibet formam illius terrae, vi mihi quidem videtur, breuiter explicare. Satis hoc est, Simmias inquit. Credo igitur, Socrates addit, quoniam est in medio Caelo rotundo, nihil sibi opus esse, ne cadat, nec aere, nec vlla re alia. Deinde maximam rem quandam esse, nec huic similem, in qua tanquam in Sterquilinio formicas, aut in palude ranas, homines video habitare. Et post pauca; Ipsam vero Terram mundam in Caelo mundo, ubi Stellae sunt, positam esse, credo. Et progressus; Si natura, inquit, humana, illa posset superiora perspicere, cognosceret ibi esse verum Caelum, veram lucem, & veram Terram. Hec enim Terra, & isti lapides, & omnia quae hic sunt corrupta, exesaque sunt, quemadmodum ea quae prope mare sunt, a falsedine maris. Et Post. Socrates inquit, talem illam Terram esse, si quis totam ab alto prospiceret, qualis esset duodecim coloribus exornata sphaera; quorum isti colores, quibus Pictores abutuntur, quasi feces sunt. Ibi autem vniuersam illam Terram a fulgentioribus, & melioribus esse depictam, atque aliam partem eius ceruleam, aliam auream, aliam albam multo albiorem niue, & ex alijs coloribus, alias mirabili pulchritudine coloratas, & ultra quam oculus hominis perspexerit. In tanta igitur, talique Terra, proportionabiles arbores nascuntur, flores & fructus proportionabiliter ferentes montes quoque, collesque sunt, & lapides in simili proportionem; quorum quasi particulae illi lapides sunt, Sardius dico, Iaspis, Smaragdus, & similes, quibus multo meliores illi sunt. Nihil enim boni est, quod ibi non sit.

S T E V C H V S in libris de incorporeis & inuisibilibus rebus Aristotelis sententiam recenset, quam idem Aristoteles in libris de Mundo, siue Theophrastus melius & clarius explicauit, inquit.

Deus in supremo Caelo habitat, qui & Olympus dicitur, quasi ὀλοαμπλῆς, totus lucens ab omnibus tenebris, & inordinato, incompositoque motu sepositus, cuiusmodi sint apud nos, tempestates, venti, & turbines. Et post. Attestatur etiam & tota vita dans supremam regionem Deo, ex quo & manus porrigimus in Caelum deprecantes: qua ratione non male ille cecinit; Iupiter accepit latum Caelum, aethera, nubes. Sic ille. Ex quibus Homeri, & Aristotelis verbis significatur, declaratur, ostenditur quod sentiunt Christiani qui solent usurpare, & dicere Caelum Empyreum, id est igneum, lucidissimum, fulgentissimum.

Quibus ex affatis, Vates, Philosophosque Gentilitatis nostrorum iudicio, Empyreum in latebris quoquo modo conspexisse, perspicuum est. At classis immensa Patrum & vetustate, & auctoritate praestantissimorum, Regiam Dei, dictam Empyreum, supra astringeros, motuque raptos orbes comperiri mirifico consensu docuit, ac statuit; sed de eius genesis tempore non utique inter eos conuenit.

Classis Patrum, Empyreum in exordio emolitionis Mundi productum, tradentium.

Gen. 1.

Patrum, ac Doctorum classis, qui, Caelum illud cum Terra conditum: de quo Moses; In principio creauit Caelum: interpretantur fuisse Empyreum, in exordio temporum cum hoc Mundo, seu cum Chaos illo prisco ipsum emanasse arbitrantur. Ex his plures selegi: & nonnullorum obtestationes alias recitatas, ad hanc amplificandam Cate-
nam, adieci.

P H I L O de Mundi opificio, de Cælo primo condito, inquit.

In principio fecit : idem valet, quod primum fecit Cælum. Est enim reuera consentaneum rationi primum in generatione illud prouenisse, cum sit præstantissimum ex his, quæ facta sunt, & è purissima constet essentia; quamobrem Deorum tam non apparentium, quam sensui patentium, destinatum est domicilium sacratissimum.

C L E M E N S Papa, ex D. Petri ore, Recognitionum, libro primo.

Iam verò aqua, quæ erat intra Mundum, in medio primi illius Cæli, Terræq; spatio, quasi gelu concretæ, & chrystallo solidata, distenditur: & huiusmodi firmamento velut intercluduntur media Cæli, ac Terræ spacia, idq; firmamentum, Cælum conditor appellauit, antiquioris illius vocabulo nuncupatum: & ita totius Mundi machinam, cum vna domus esset, in duas diuisit regiones. Diuisionis autem hæc fuit. causa, vt superior regio Angelis habitaculum, inferior verò præberet hominibus.

Et libro secundo.

Cælos autem esse, qui ab eo facti sunt, sicut & lex dicit, quorum vnum sit superius, quo continetur visibile firmamentum: illud esse perpetuum, & æternum cum his qui habitant ibi; istud autem in consummatione sæculi resoluendum esse.

Et libro octauo.

Quod autem alius sit inuisibilis Mundus, qui hunc visibilem intra seipsum continet, patebit, cum de visibili Mundo differemus, & ad illum veniemus.

Et libro nono.

Ego Clemens dicere ita cæpi; Deus per Filium suum creauit Mundum, tanquam duplicem domum: interiectu firmamenti huius, quod Cælum appellatur, distinctam: & in superiori quidem Angelicas habitare virtutes: in isto autem visibili Mundo, nasci hominum multitudinem dedit.

O R I G E N E S clariori oratione Periarcon libro secundo, capite nono, ait.

Totum hoc Mundus vocatur, in quo quædam dicuntur esse supercælestia, in habitationibus beatoribus posita, & corporibus cælestioribus, ac splendentioribus. Et in his ipsis multe differentie ostenduntur: sicut verbi causa, etiam Apostolus dicit; Quod alia sit gloria Solis, alia Luna, alia Stellarum: Stella enim à Stella differt in claritate.

1. Cor. 15.

Et in Genesim, Homilia prima.

Fecit Deus Cælum prius, de quo dicit; Cælum mihi sedes est: post illud autem firmamentum fecit, idest corporeum Cælum.

Isa. 66.

A V G V S T I N V S enarratione in Psalmum centesimum vigesimum secundum.

Sunt autem iam Cæli, in quibus iam per speciem habitat Deus, videntes eum facie ad faciem: omnes Sancti Angeli, omnes sanctæ Virtutes, Potestates, Sedes, Dominationes, Hierusalem illa cælestis, vnde peregrinando ingemiscimus, & quam desiderando oramus: Ibi habitat Deus. Illuc leuauit iste fides, illuc ascendit affectu desiderando: & ipsum desiderium facit animam desudare sordes peccatorum, & mundari ab omni labe, vt fiat & ipsa Cælum, quia leuauit oculos ad eum, qui habitat in Cælo. Nam si Cælum istud corporeum, quod oculis videmus, intellexerimus esse habitationem Dei, transitura est habitatio Dei; quia Cælum, & Terra transient. Deinde, antequam faceret Deus Cælum, & Terram, vbi habitabat? In se habitabat Deus, apud se habitabat, & apud se est Deus.

Matth. 24.

D I O D O R V S Tarsensis, quem Chrysostomi fuisse præceptorem tradunt, inquit.

Post visibiles, ac intellectu præditas substantias, Deus Cælum statim vnâ cum Terra fabricatus est, non illud quod aspectabile est, sed quod super omnes Cælos, & quod Dauid Cælum Cæli nuncupare solet.

Psal. 115.

I V N I L I V S, D. Hieronymum illud Prophetæ exponentem In Cælum ascendam, super sydera Cæli exaltabo solium meum, inducens, inquit;

Isa. 14.

Sanctus Hieronymus meminit & superioris Cæli, ita scribens; Et antequam de Cælo corrueret, ista dicebat: & postquam de Cælo corruit. Si adhuc in Cælo positus, quomodo nunc dicit, In Cælum ascendam? sed quia legimus, Cælum Cæli Domino: cum esset in Cælo, idest firmamento; in Cælum, vbi solium Domini, cupiebat ascendere, non humilitate, sed superbia. Sin autem postquam de Cælo corruit, ista loquitur verba, arrogantiam debemus intelligere: quod nec præcipitatus quiescat, sed adhuc sibi grandia repromittat, non vt inter Astra, sed super Astra Dei sit.

T H E O P H I L V S Antiochenus, ad Autolicum libro secundo.

Primo autem loco, vbi Scriptura Sacra tractat creationem, seu Mundi generationem, non loquitur de isto firmamento visibili, sed aliud quoddam Cælum nobis inuisibile proponit, secundum quod, visibile hoc firmamentum nuncupatum est.

H I L A-

HILARIVS enarratione in Psalmum centesimum trigessimum quintum.

Sed cum regionem cognitionis sue, qui infinitus est collocaret, Cælo superiore, atque primo, eodemq; in orbem collocato: terminum quendam virtutibus, quæ primum ad cognoscendum se gignerentur, inclusit. Neque enim gignende creationes virtutem inconspicibilis Dei ferre potuissent, nisi nature temperatoris obiectu, sedem hanc moderatè ad infirmitatem habitationis incoherent. Aquis etenim eleuatis, illam ipsam primi Cæli naturam temperauit, quæ superni Dei accensa virtute, nequaquam ab inferioribus esset patienda naturis. Cælum verò inferius non vniforme, sed multiplex tetendit: quod totum firmamentum nuncupans, valida ad sustentationem aquarum superiorum, temperationemq; aeris nostri firmitate solidauit.

ANASTASIVS Synaita, Commentarij in Hexameron libro secundo.

Duorum ergo Cælorum tantam fabricationem didicimus ex Sacra Scriptura, in typum, ac figuram duorum Velorum Templi, quæ significant duas naturas Iesu; & duorum populorum, & duarum Ecclesiarum, superne, inquam, Hierusalem, & nostre fidelium. Quod enim superiori Cælo Deus est ad lumen, hoc Cælo inferiori est Sol, & firmamento Ecclesie Euangelium. Et quod sunt sancti Angeli in Cælo, quod non cadit sub aspectum, hoc sunt & in firmamento stelle, & in Ecclesia Sancti. Si autem in Hymnis Davidicis audias etiam Cælos Cælorum, hoc est, proprietates lingue Hebraicæ, quæ singulare sæpe nominat in plurali. Quando autem audis Paulum raptum ad tertium Cælum, primum Cælum existima esse aerem; congruenter ei quod dicitur; Noui omnes volucres Celi, hoc est, aeris: Deinde secundum Cælum, Stellarum: & tertium, supremum Cælum Angelorum. Etenim in exteriori parte Templi stabat magna multitudo Israelis: in interiori autem solum ingreditur Sacerdotes: in eam autem, quæ est intra secundum Velum, solus Pontifex. Quomodo etiam in Cælis inuenies, in exteriori quidem Cælo, & quod est apud nos, in firmamento, inquam, aeris, volucrum genera simul versari; quæ significant gregalem Israelis multitudinem. Intra firmamentum autem, quod apparet & ingredi, & degere, & seruire, ac colere intelligentes Potestates, & fortè etiam iustorum animas. Supra secundum Cælum (quodnam sit autem non intelligo) hoc est secundum Velum, nemo est ingressus, nisi solus verus Pontifex Christus, qui est Pontifex secundum ordinem Melchisedech: Superius autem Cælum, existimo esse sinus Paternos.

PROSPER expositione in Psalmum centesimum tertiumdecimum.

Deus autem noster in Cælo sursum, & super terram, omnia quæcunque voluit, fecit. Non in Cælo, ubi Sollem, & Lunam vident, qui creaturam colunt, sed in Cælo sursum, quod transgreditur omnia corpora Cælestia, & terrestria, quanquam nec in ipso ita sit, ut sine ipso esse non possit.

SEDVLIVS Scotus Hybernienfis in collectaneo Epistolæ ad Romanos, super ea verba; Spes quæ videtur, non est spes.

Nihil est ergo prorsus sperandum in futuro de his, quæ videntur. Oculis enim non vidit, quæ preparauit Deus his, qui diligunt eum. Videt autem oculus Cælum & Terram. Non ergo oportet hoc quod videtur, credi preparatum esse à Deo his, qui diligunt eum, sed Cælum quidem, immò potius Cælos multò eminentiores, & celsiores, quàm est istud firmamentum, quod videri potest. Et Terra speranda est, non tamen hæc arida, quæ oculis subiacet, sed illa erit mansuetorum terra, quam oculus non vidit.

Cæterum, quod hi Patres obuoluto sermone, nullo declarato nomine, atque ea orationis ambiguitate differunt, ut quodnam Cælorum, num scilicet supremum astriferorum orbium, Empyreum esse intellexerint, non clarè appareat: clariori oratione

STRABVS Empyrej nomine excogitato (Strabus quippe, ac Beda, non auctores, sed disseminatores censendi sunt) expressit, dicens.

In principio creauit Deus Cælum & Terram. Cælum autem non visibile firmamentum, sed Empyreum, idest igneum, vel intellectuale, dixit, quod non ab ardore, sed à splendore dicitur, quod statim repletum est Angelis.

BEDA in Hexameron, Iunilio adscripto.

Ipsam enim est Cælum superius, quod ab omni huius Mundi volubili statu secretum, diuina gloria præsentie manet semper quietum. Nam de nostro Cælo, in quo posita sunt luminaria huic sæculo necessaria, in sequentibus, Scriptura quomodo, vel quando sit factum, declarat. Non ergo superius illud Cælum, quod mortalium est omnium inaccessible conspectibus, inane creatum est, & vacuum.

Et post multa, quæ pluribus Angelis mox creatum expletum fuisse differuit, adijciens. Sed nec tenebris in eo, vel abyssus locus remanere ullus perhibetur, quod Dominus illuminat, & cuius lumen est Agnus.

ANSELMVS Cantuariensis de Imagine Mundi, libro primo, capite vigesimo octauo.

Supra firmamentum est spirituale Cælum, hominibus incognitum, ubi est habitatio Angelorum, per nouem ordines dispositorum. Et post. Hoc est Cælum, quod in principio legitur cum terra creatum. &c.

HVG O

2. Cor. 12.

Rom. 8.
1. Cor. 2.

H V G O Victorinus noster in Sententijs, tractatu secundo, capite primo.

Nec appellamus hic Cælum, firmamentum, quod secunda d. e. factum est; sed Cælum Empyreum, id est splendidum, quod statim repletum est. Angelis, illam scilicet superiorem partem, usque ad quam machina illa elementorum adhuc indistincta porrigebatur.

M A G I S T E R secundo Sententiarum, distinctione secunda.

Nec appellatur hoc Cælum firmamentum, quod secunda die factum est, sed Cælum splendidum, quod dicitur Empyreum, id est, igneum, à splendore, non à calore: quod statim factum, Angelis est repletum, quod est supra firmamentum: & illud Empyreum quidam expositorum sacre Scripturæ nomine Cæli intelligi volunt, ubi Scriptura dicit; In principio creauit Deus Cælum & Terram.

R V P E R T V S Abbas Commentarijs in Genesim, libro primo, capite sexto, inquit.

Iam quidem cum audimus Cælum, & Terram, animalis homo, qui nunquam in Cælo conuersatus est, nec dicere potest cum Apostolo; Nostra autem conuersatio in Cælo est: hic talis nec opinari potest, qualis habitatio Cælum sit, vel fuerit, mox ubi creatum fuit; quippe cum nec spiritualis homo, quantumcunque Cælestia contempletur, diem vinit, sufficienter diiudicare possit, nisi quia magnus, & immensus locus, magna & spiritualis est Patris domus, in qua ab initio mansiones multe paratæ sunt, Angelis beatis, ac sanctis hominibus; ubi localis est, & localiter sedet, secundum verum hominis corpus Pontifex summus, qui penetrat Cælos, Iesus Christus filius Dei. Et supra. Scripturarum omnium vertex sublimis liber Geneseos, sic incipit; In principio creauit Deus Cælum & Terram. Sanè Cæli nomine, inuisibilis illa sanctorum Angelorum Patria; Terræ autem vocabulo, visibilis iste Mundus designatus est.

Philip. 3.

Cap. 1.

Albertus Magnus prima parte Summæ de quatuor coæqueuis, quæstione quarta, articulo tertio decimo, non tantum Cælum Empyreum fatetur, sed illud esse nobilissimum inter omnia corpora simplicia. Et articulo quartodecimo, esse vni forme corruptissimum. Et quintodecimo, omnis motionis immune extare, ex sententia Magistrorum concludit.

A L E X A N D E R de Hales secunda parte, quæstione quadragesima septima, membro primo, tribus his rationibus euincit superlocatum esse Empyreum.

Dicendum, quod Cælum, quod dicitur Empyreum, est: & propter aliquam causam. Causa verò illa, non est ratione continuationis in generatione & corruptione, vel conseruationis in esse rerum corruptibilium; sed ut compleatur vniuersum in genere corporum, secundum determinata extrema, & medium, ad ostensionem summæ potentie, sapientie, & bonitatis. Extrema verò sunt luminosum in fine, & opacum in fine: luminosum autem in fine dicitur Empyreum. Præterea, licet spiritus separati à corporibus, non indigeant quantum ad suum esse aliquo corpore; tamen est congruentia alicuius corporis ad ipsos spiritus propter magnam conuenientiam. Præterea spiritus rationales, qui coniunguntur corporibus, cum perueniunt ad incorruptionem corporum, congruenter collocabuntur in corpore, quod est vltimæ nobilitatis in vniuerso: eo quod habebunt corpora illa maximam nobilitatem: & ante illam coniunctionem cum huiusmodi corporibus, ibi propter meritum suum congruenter collocantur.

Prosequiturque membro secundo, Cælum Empyreum corpus esse continens, non saluans demonstrare; & membro tertio, ipsummet minimè moueri, sed tantum esse ad sedem, & quietem beatorum agminum.

D. B O N A V E N T V R A libro secundo Senten. distinctione secunda, articulo primo, quæstione prima.

Ponendum est etiam illud Cælum, quia persuadet ratio finis triplex. Vna est perfectio vniuersi, alia est propter motum firmamenti, tertia principalis propter habitationem hominis beati. Et quoniam finis imponit necessitatem his, quæ sunt ad finem; propter perfectionem vniuersi, necesse est ipsum esse vni forme. Quia cum sit Cælum luminosum difforme, si non esset Cælum vni forme, non esset vniuersum completum. Propter motum firmamenti, ponendum est ipsum immobile, ut motus mobilis fiat circa immobile, scilicet centrum, & intra continens immobile, & locum, scilicet Empyreum. Propter habitaculum hominis beati, ponendum est ipsum luminositatis perfectæ, ut habitatio congruat suo habitatori. Ex his ergo colligitur, quare sit factum, & cuius sit dispositionis inter alios Cælos, quia vni forme, & immobile, & luminositatis perfectæ.

D. T H O M A S prima parte, quæstione sexagesima sexta, articulo tertio, auctores Empyreici cum præmonstrasset, rationē asserendi Empyreici, his verbis ostendit.

Potest autem conuenientior ratio sumi ex ipsa conditione gloriæ: expectatur enim in futura remuneratione duplex gloria, scilicet, spiritualis, & corporalis, non solum in corporibus humanis glorificandis, sed etiam in toto Mundo inuoluendo. Inchoata est autem spiritualis gloria ab ipso Mundi principio in beatitudine Angelorum, quorum equalitas sanctis promittitur. Vnde conueniens fuit, ut etiam à principio corporalis gloria inchoaretur in aliquo corpore, quod etiam à principio fuerit absque seruitute corruptionis, & mutabilitatis, & totaliter lucidum: sicut tota creatura corporalis expectatur post resurrectionem futuram. Et ideo illud Cælum

Cælum dicitur Empyreum, idest igneum, non ab ardore, sed à splendore.

Scholastici omnes, vno excepto Caietano, D. Thomæ succenturiari comperiuntur. G V L I E L M V S Parisiensis libro de Vniuerso, Empyreum quietissimam spheram in primordiis temporum cum terra conditum prolixius edisserit, prima primæ partis à capite trigesimo primo ad trigesimum sextum; & post in quadagesimo tertio, hic tantus Doctor, quando, quo situ, quæ ex materia, qua serie, quibusque de causis congestum sit Empyreum, non incompta oratione fulius tradit. Adeas Doctorum eximium.

*Classis, ac Catena Patrum, Empyreum ante Mundum
conditum existimantium.*

Existimant nonnulli ex Patribus, ante sensilem hunc Mundum, alium extasse intelligibilem, & genesi anteriorem, & ætate diuturniorem, & substantia eminentiorem. Genesi quidem anteriorem illum astruunt, cum longè ante hoc Vniuersum à Deo optimo extructum esse contendant: ætate diuturniorem; nam secundum ipsos, ante illi, si non æternitas, tempus saltem indefinitum annexum fuit, post verò perennitas ipsum comitatur: substantia tandem eminentiorem dicunt, quoniam luce fulgentissima est perfusus, atque Angelorum conditioni accommodatus. Pergunt deinde isti Patres asserere, Deum, cum hunc sensilem Mundum sancito à se tempore compaginare voluit, in ipsius effectationis auspicatione, Cælum supremum expandisse, qui primi, ac præstantissimi illius Mundi coruscantissimam lucem velaret ac obtegeret, Mundusque hunc sensilem obumbraret, atque opacum redderet.

G R E G O R I V S Nazianzenus Theologiam hanc de duplici Mundo, carmine quarto, quod est de Mundo, egregiè his edisserit.

*Iam duo sunt Mundi, quorum est antiquior alter,
Cælum aliud, sedesque hominum tranquilla piorum;
Conspicius solis animis, atque vndique clarus:
Ad quem cum mentem, carnem quoque sordibus atris
Eluerint, virtusque illos æquarit honori
Cælicolum, humanis aditus, sedesque patebit.
Alter at est fluxus, fluxis tum denique Mundus
Conditus, Omnipotens cum iam proferre pararet
Et Solem, Lunamque & cætera sydera Cæli,
Atque hic mole sua nobis miroque decore
Prædicat æterni nomen, laudesque parentis.
Estque homini, quem nobilitat Cælestis imago,
Primus & extremus, tanquam sua regia, Mundus.*

Et Oratione in Christi Natiuitatem panegyrica, quæ est trigesima octaua. Sic igitur, atque ob has causas, intellectilis Mundus ab eo creatus est, quantum quidem ipse de his rebus philosophari queo, exigua oratione res magnas expendens. Posteaquam autem primas creationis partes præclare constitutas vidit, alterum Mundum materia constantem, & aspectabilem cogitauit, hanc vnumquodque ex Cælo, & Terra, & his rebus, quæ eorum complexu continentur, coagmentationem, & concretionem.

N I C E T A S quoque eo loco.

Sic inquit, intellectilis Mundus creatus est, hoc est primo ordine, & vnica cogitatione, atque ob has causas, hoc est, non propter necessitatem, sed propter bonitatem solam; & quia bonum illud permanere, ac propagari oportebat. Postquam autem cælestia ita creata, præclareque constituta sunt, (nec enim aliter contingere poterat) Mundum quoque aspectabilem, atque ex materia constantem moliri, & efficere voluit. Est autem Mundus secundum Aristotelem, compages ex Cælo & Terra, iisque naturis, quæ eorum ambitu continentur.

Similia ferè habent Oratione secunda in Pascha, quæ est quadagesima secunda, reiterata etiam enarratione.

A N A S T A S I V S Synaita Hexameron libro primo, hanc primæui, & secundi Mundi constructionem simul factam ex sententia eiusdem Nazianzeni arbitrat, & Mundum intelligibilem tantum dignitate, vel exiguo momento præfisse, recensitamque fuisse horum Mundorum molitionem, cum Moses dixit; In principio creauit Deus Cælum, & Terram.

Dicit enim, In principio fecit Deus Cælum & Terram. Cælum quidem, simul comprehendendo nominat omnes Cælestes, & intelligentes, sanctarum virtutum & intelligentis Mundi constitutiones, vt intelligas supernum Mundum prius fuisse fabricatum, congruenter voci Theologi, quæ dicit; Primum quidem mente cogitavit Angelicas virtutes & Cælestes; & cogitatio opus fuit. Nunc autem rursus hunc Mundum sensilem, & qui cernitur, simul complexus; cum ipso Cælo complectitur etiam omnia quæ super terram cum homine facta sunt, & sunt; res inquam animatas, & inanimas. Nam cum dixit; In principio fecit Deus Cælum; sustulit mentem tuam ad creationem superni Ordinis. Deinde, cum subiunxit; Et Terram, dimisit mentem tuam ad posituram inferni adimplimenti, cuius vniuersam exhibuit comprehensionem à parte, nempe à terra; docens te non solum nosse terram, sed etiam Cælum, quod eam ambit, ac continet; synecdochicè veluti quodam termino complexus, per duas dictiones, opificium & creationem Mundi, qui aspicitur, & Mundi, qui intelligitur, quem in principio fecit Deus; in principio, inquam, paterno; nempe ratione, seu Verbo. In ipso enim, & per ipsum omnia facta sunt. Cum hucusque constituisset Cælestium, & Terrestrium omnium creationem, qui cum Mose loquebatur Dei Angelus; transit ad mysticam Ecclesiæ rationem.

Quæ Anastasij sententia, si accepta fuerit, omnem controuersiam de Empyreï genesis tempore inter Patres apparentem, elidet, atque tollet.

BASILIVS in Hexameron Homilia prima.

Nec tamen absimile vero fuerit credere fuisse quiddam, vel ante Mundi istius constitutionem, id quod ar-
tana quadam animi contemplatione licuerit intelligi, tametsi hac de re nihil in literas Moses transierit, quod
rei tante cognitio parum idonea videretur istis paruulis, qui lactedum doctrine initiandi rudimentorum fidei
veniunt & instituendi. Erat sanè status quidam Mundi generatione superior, abstractis illis à concrezione
materiæ potentijs Mundo præstantioribus pro decoro accommodatus, temporis etiam conditione anterior, æter-
nus nimirum ac perpes. Creaturas autem in ipso Creator omnium atque Opifex perfecit, lucem spirituales
eorum beatitudini accommodam, qui Dominum amant, naturas rationis vi maximè præditas atque inuisibi-
les, omnesq; beatarum mentium ordines, quotquot nostræ mentis quantalibet dixeris, facultatem exuperant,
quorum ne nomenclaturas quidem possimus inuenire. Et hæc substantiam complent Mundi illius inuisibilis,
vt & ipsi instruimur Doctore Paulo; In ipso ait, condita sunt omnia, siue visibilia, siue inuisibilia, siue Throni,
siue Dominationes, siue Principatus, siue Potestates, siue Virtutes, siue Angelorum exercitus, siue Archan-
gelorum præfecture.

Colof. 1.

Et Homilia secunda.

Arbitramur sanè si quid erat ante Mundi sensibilis, atque corruptiui constitutionem, id in lumine nimirum
fuisse. Neque enim Angelorum dignitates, neque Cælestis exercitus vniuersus, neque omnino si quæ natura
sunt participes rationis, aut nomen sortite, aut nomine carentes, spiritusq; subministrantes degebant in tene-
bris: sed in hac commodatissima sibi luce, lætitiq; spirituali suum statum habuerunt. Atque his controuer-
terit nemo, non is saltem, qui supercælestem lucem inter bonorum promissiones expectat: De qua Salomon
ait; Lux iustis semper est præsens. Et Apostolus Paulus; Gratias agentes Patri, qui idoneos nos fecit in
parte sortis Sanctorum in lumine. Etenim si qui condemnantur, in tenebras exteriores mittuntur: qui dignè
egerunt voluntate diuina, nimirum hos in lumine supercælesti, suam habere requiem constat.

Colof. 1.

D. Ambrosius Hexameron libro primo, capite octauo, hanc Basilij de Mundi opa-
catione insequutus est sententiam, vt suo loco referemus; quare & Empyreum, seu lo-
cum lumine præditum admisisse visus est.

Amplius hi duo Patres in Hexameron, ille homilia tertia, hic libro secundo, capite
secundo, plura esse Cælorum genera autumantes, duoq; à Mose tradita, supremum sci-
licet Orbem instellarem nuncupatum, & firmamentum stellarum sedem: tertium Cæ-
lum, ad quod raptum fuisse Paulum Scriptura prodit, Empyreum fuisse innue-
re videntur.

2. Cor. 12.

BASILIVS enim hæc habet:

Nos autem tam absimus, vt de secundo Cælo ambigamus, vt & tertium insuper querendum esse arbitre-
mur, aspectu cuius olim D. Paulus est potitus.

AMBROSIVS autem ita scribit.

Itaque non solum secundum, sed etiam tertium Cælum esse negare non possumus, cum Apostolus raptum
se ad tertium Cælum scriptorum suorum testificatione confirmet. Dauid etiam Cælos Cælorum, in illo laudan-
tium Dominum constituit Choro.

THEODORETVS in Genesim quæstione sexta, consimilia do-
cuit, inquit.

Animaduertendum est, quod si quid erat ante hunc sensibilem Mundum, in lumine certè erat. Neq; enim
dignitates Angelorum, nec vniuersi Cælestes exercitus in tenebris agebant, sed in lumine, & in omni spiri-
tali lætitia. Quibus nemo repugnabit, qui lumen supercælestè inter bona promissa recipit; de quo lumine
H b Salo-

Colof. 1.

Salomon ait; Lumen iustis perpetuum est. Et Apostolus; Gratias agentes Deo Patri, qui nos idoneos fecit in partem sortis Sanctorum in lumine.

2 Cor. 12.

Io. Chrysostomus in Oratione, quæ est de dicto illo; Sufficit tibi gratia mea, memorat hos duos Mundos, Intellectilem, & Sensilem, non attamen de eorum origine aliquid prodit.

I V N I L I V S in Hexameron, D. Basilij sententiæ meminit, nec eam refutat, cum dicit.

Homil. 2.

Ideo Moses tam breuiter superioris Mundi fecit mentionem, quia hoc mirum ad statum inuisibilis illius, ac spiritualis creaturæ pertinebat. Cuius superioris & inuisibilis creaturæ, Sanctus Basilus in libro Hexameron, ita meminit: Arbitramur enim, quia si fuit quidpiam ante institutionem sensibilis huius, & corruptibilis Mundi, profecto in luce fuit. Neque enim dignitas Angelorum, nec omnes Cælestes militiæ, neque omnino si quid est nominatum, aut incompellabile, aut aliqua rationalis virtus, vel ministrator spiritus, vel deus posset in tenebris; sed in luce, & omni letitia spirituali decentem habitum possidebat.

Cæterum non facile est iudicare, quid Mundi superni nomine exceperint Patres; num corpus aliquod luce micans; num Deum ipsum; num gloriam beatificam; quam cum Angelos corpori spiritali obnoxios esse arbitrentur, & corpus quoddam spiritaliale ad ea corpora concludenda eos admittere, suspicandum sit.

Sententia, Empyreum nil aliud esse, quàm lumen non creatum, perperam asserens.

G R E G O R I V S Nazianzenus, Angelis, Beatisq; nullum aliud effuluisse lumen, quàm Deum, apertè asserit Oratione in nouam Dominicam, quæ est quadragesima tertia.

Nam cum Deus hunc ex visibilibus, & inuisibilibus rebus constantem Mundum, hunc, inquam, magnum, & admirabilem maiestatis suæ præconem fingere, ac construere voluisset, æternis quidem nullum aliud lumen, quàm seipsum præbuit. Quid enim secundo lumine opus ipsi erat, qui maximum habebant?

Et Nicetas eo in loco.

Adhuc in sermone de lumine commoratur, aitq; ; Mundus intellectilis, ac spiritualis, à Deo creatus, ipsum Deum lumen maximum habebat: ac proinde nihil erat, cur secundum lumen requireret.

P R O C O P I V S ex antiquis, quos viderim, primus Basilij sententia neglecta, Empyreum lucem esse diuinam asseruit, Commentarijs in Genesim, capite primo.

Quod autem dicitur tenebras natas esse ex obstructione inuisibilis, vel intellectualis lucis; videamus num congruam, vel probabilem rationem habeat. Nam, queso, mihi narrato, quodnam corpus intellectuale lucem suo oppositu obscurare potest? Deus etenim est lux illa inuisibilis: vita & illuminatio ex hoc fonte spiritualibus hauritur.

Sed quod subobscurè fortè Gregorius Nazianzenus, & Procopius dixerunt,

S T E V C H V S vltronea, & perpera sententia, Cælum Empyreum non corpus conditum, sed lucem quandam, perenniter à Deo manantem esse docuit, in Colmopœia sua, in Genesis caput primum.

Cælum autem hic intelligendum est, quod Aristoteles in tertio significato posuit. Tripliciter enim dicitur eodem auctore Cælum, primum id quod est habitatio Deorum, extra cælestem vertiginem, ubi neque locus sit, neque vacuum, neque tempus, sed res tantum beatissimæ. Secundo dicitur Cælum, substantia Orbium Cælestium, orbis Solis, & Lune. Tertio, Cælum est, quicquid est præter terras, quicquid est supra terras, cum quo & ær, & ether est adiunctus. Hoc igitur postremum memoratur apud Mosem. Quare & ab Hebræis, & Latinis, & Græcis, quorum nonnulli censent, hic Cælum Empyreum designari, quod ante omnia fuerit creatum, duabus de causis cogor dissentire. Primum quod non sit verisimile, Mosem rerum corruptibilium, visibiliumq; origines describentem, ab inuisibilibus inchoasse sermonem, & cum reliqua Historia sit naturalis tota, & physica, nihil erat, quamobrem principium esset Theologicum. Qui si Cælum Empyreum respexit, singulare est, cur non & Angelorum creationem induxerit, & vna tantum spiritali re commemorata, respuerit subito ad res corporeas. Altera est causa, quia non videtur Cælum Empyreum, nisi quod dixit Aristoteles, Habitaculum Dei, ubi neque locus sit, neque tempus, neque res ulla corruptibilis. Hoc ergo non potest esse creatum. Nam quod creatum fuit, fuit locus, & tempus, id est, ipse Mundus. Deinde cum illud sit Regnum Dei, non videtur fas Regnum Dei non semper fuisse. Est enim Cælum Empyreum claritas diuina, quam semper fuisse cum Deo necesse est. Ad quam claritatem admisit Angelos, incredibili humanitate sua, & bonitas pios. Regnum Dei, est regnum omnium seculorum, ait Psalmus. Semper Sol ille, lucem æternam suam habuit.

habuit comitem. Nec potest aliud esse Cælum Empyreum, idest, igneum, nisi claritas illa manans à Deo circumquaque, extra Mundum, extra rerum creaturarum, corruptibiliumq; Regnum.

Sed vberius hoc ipsum asseruit de rebus corporeis, & inuisibilibus tractatu. Præmissa enim suæ assertionis proluxa enarratione, ferè eadem concludit, Diuiniq; Pauli, ac Basilij auctoritate, sententiam suam fulcire nititur. Ait ergo.

Quod Cælum etiam eodem modo D. Paulus, vt mirum sit, vocat lucem inaccessibilem, eamq; dicit à Patre inhabitari. Nimirum à se ipso manantem, non alienam ab se; ipso in medio à sua circumflammante luce circumfuso. Hocq; nunquam creatum est: quod & Basilius videtur innuere. Quod testimonium, quod diuinum est, subiiciam. Erat, ait, ante Mundi constitutionem, quidam antiquior status, supermundanis potestatibus congruens, ante tempora æternus, perpetuus, in quo Creator & opifex, creaturas absoluit. Ecce Basilius hunc statum, vbi sint Angeli, sempiternum dicit. Hæc lux, an corporea sit, an incorporea quedam, non facile dixerim. Arbitraber tamen talem esse, vt hæc corporea & nostra possit esse, & dici quasi simulachrum eius, vt illa sit diuinissima lux, nota, visibilisque & animo & oculis, qualem CHRISTVS ostendit in Monte, cum vestimenta eius facta sunt aba vt nix, & facies vt Sol enituit, & qualem ostendit Mosi in Rubo. Hæc lux manat dumtaxat à Deo. Quæ cum sit lux diuinitatis eius, semper eam cum eo fuisse necesse est. Et hæc si Cælum Empyreum est, semper ab æterno fuit Cælum Empyreum, idest, immensa lux diuinitatis, beatissimum illud quod est supra Cælum, quod appellare non audeo. Nam neque locus est, neque corpus, neque tempus. Et post. Hoc enim est Cælum Empyreum, nascens, proficiscens, manans à Diuinitate. Quod nunquam dixerim egocreatum, paratus recantare, si male sentio.

Hæc sunt, quæ de Empyreii genesi ex fontibus nostris hausi, placita.

Iudicium Auctoris.

Ego in eam propero sententiam, vt credam, sublime, ac supra sydereos, & volutatōs Orbes extare corpus immotum, coruscantissimum, Dei Regnum, Dei singulari fruitione insignitum, Angelorum, ac Beatorum domicilium, atque omni foelicitate repletum. Primum id mihi persuadet, quod complicata, si non explicata sententia, Scripturæ undique locum quendam singularem, vti Dei peculiarem locum extra Mundū memorent, elegantibusq; metaphoris celebrent; modo Cælum Cælorum; modo firmissimum habitaculum Dei; & præparatum, modo Regnum, modo domum Domini; modo Hierusalem supernam, ac Ciuitatem præclaram, ipsum appellantes; tradantq; eum locum esse cunctorum bonorum vberem, omniumque noxiorum expertem, immensum, emicantem, Dei præsentia beatificum, excelsum, viuificum, ac mira omnium deliciarum vbertate expletum. Sapientissimus nanque Salomon de ipso Deo testatur; Quis ergo potuit præualere, vt ædificet ei dignam domum, si Cælum Cælorum eū capere non possunt? Ac rursus. Tu exaudies de Cælo firmissimo habitaculo tuo, & facies cuncta pro quibus inuocauerit te ille peregrinus. Dauid quoque in Psalmis inquit; De Cælo respexit Dominus, vidit omnes filios hominum; De præparato habitaculo suo respexit super omnes, qui habitant Terram. Alibi etiam idem Propheta dicit; Dominus in Cælo parauit sedem suam, & Regnum ipsius omnibus dominabitur. Atque iterum; Cælum Cæli Domino, Terram autem dedit filiis hominum. Isaias quoque Dei nomine loquens, ait; Cælum mihi sedes est, Terra autem scabellum pedum meorum. Immò (quod potissimū est) Saluator noster nos edocet ita deprecari; Pater noster, qui es in Cælis. Et de ipso Domino, ac Salvatore nostro scriptum est; Videntibus illis, eleuatus est, & nubes suscepit eum in Cælo. Diuus quoq; Paulus ad Hebræos inquit; Non habemus hic Ciuitatem permanentem, sed futuram inquirimus. Rursumque idem ad Galatas scribens, ait; Hierusalem, quæ sursum est, libera est, quæ est mater nostra. Quibus valde consonat illud Prophete; Lætatus sum in his, quæ dicta sunt mihi, in domum Domini ibimus. Pariter & illud alterius Prophete; Quam magna est domus Dei, & ingens locus possessionis eius?

Amplius Patres, ac diuinarum Scripturarum disertissimi perscrutatores, plures de loco eodem exprimunt figuras, ac simulachra, & comparationes per Scripturas disseminatas. Hic locus siquidem est præstantiori lucis genere emicantior, ac coruscantior, quam ea primæua lux primo die manans, cum illa ad vesperam tenebris obrueretur: huius verò lux nullas vespertas sciat, nullos patiatur noctis horrores. Hic ille est Paradisus à Deo confitus, in quo diuinitas omni ambrosia, ac neclare suauior, quasi vita

1. Timo. 6.

Matth. 17.
Exod. 3.

Cælum Empyreum esse probatur & Scripturis.

2. Paralip. 2.
Ibid.

Psal. 32.

Psal. 102.

Psal. 113.
Isa. 38.

Matt. 6.
Act. 1.

Heb. 13.

Gal. 4.
Psal. 121.

Baruch. 3.

Figuræ Empyreum Cæli innuentes.
Gen. 1.
Gen. 2.

Gen. 9.
Cant. 5.

Gen. 18.
Gen. 41.

Exod. 16.
Exod. 3.

Psal. 147.

3. Reg. 8.

3. Reg. 10.

4. Efd. 7.
Matth. 17.

Apoc. 21.
Esa. 25.

Psal. 103.

Cælum Em-
pyreū esse ra-
tionibus cõ-
probat.

Aa. 1.

lignum, perpetuò beatis vitam renouat; in quo fons gloriæ in anima scatet, quatuorq; dotibus, quasi amnibus, Beatorum corpora irrigat; in quo Arbor scientiæ boni, in mali, perpetim virefcit, eo quòd pulso, ac in inferos detruso omni malo, summum, in-
deficiensque bonum ibi elargiatur, ac diffundatur. Hic ea est Noë vinea, cuius hausta suauitate, ebriæ animæ inclamant cum Sponfa; Comedite amici, & bibite, & inebri-
mini carissimi. Hic Abrahæ illud Tabernaculum, in quo Deus cum Angelis, & homi-
ne conuiuatur. Hic Aegyptus illa fœcunda, in qua Beatus, ceu alter Ioseph, veste biffi-
na gloriæ, torque immortalitatis, curru secundo post Christum triumphat. Hic illa
est ea, Virgam, ac Manna, Maiestatem Dei, ac iocunditatem complectens. Hic illa
Terra est fluens lac & mel, Christi humanitate, ac Diuinitate vti suauissimo nectare, Bea-
tos inebrians. Hic Hierusalem Cœlestis, cuius seras confortauit Deus; cuius fines pa-
ce muniuit; cuius filios benedictione locupletauit; cuius ciues adipe frumenti satiat.
Hic Templum illud est, gloria Dei, quasi nube repletum, in quo inclamare non desinit
Angeli, Sanctus, Sanctus, Sanctus, &c. Hic Templum est illud Salomonis, viuis ex lapi-
dibus extructum. Hic domus ea est, cuius mirifico apparatu obstupescit Regina Sab-
ba. Hic Ciuitas est ea campestris, omnium bonorum vbertate ditissima, ad quam per
semitam inter ignem & aquam proficiscimur. Hic Tabor mons est, in quo emicat Chri-
sti facies vt Sol, vestimenta albescunt vt nix; in quo clamat Petrus; Bonum est nos hic
esse. Hic Ciuitas est ea sancta, noua, descendens de Cœlo, lapidibus confita preciosis.
Hic est ea Terra viuentiū, in qua auferet Dominus Deus lachrymam ab omni facie.
Memorat igitur sapius Scriptura, indicat, insinuat locum quendam peculiarem, vt Dei
Regiam, Beatorumque fortunatas sedes. Exposco itaque; Nunquid in Orbibus
cœlestibus perpetuò rotatis, ac circumactis, dicendum sit, Deum Angelis, atque Beatis
splendidam, rutilantemque sui visionem impertiri? Nunquid in elementis, & rebus ip-
sis perpetim decidentibus, ac permutationi, corruptionique obnoxijis, Beatorum gloria
comperitur? Quæ, obsecro, comparatio quietis tutæ, ac perpetuæ, cum citatissima, &
nunquam intermissa Orbium latione? Aeternitatis cum temporum delatoribus? Splen-
descantis Cœli cum diaphano corpore? Corruptibilium Orbium cum incorruptibili-
bus? Visibilium Cœlorum cum inuisibilibus substantijs? Sensilium, cum his, quæ sensu
attingi minimè queunt? Igitur Diuinitas illa purissima, Diuinitas illa sanctissima, An-
gelorum illæ immensæ classes, quos Deus facit spiritus, & ignem vrentem, Beatorum
enitentes animæ, ac coruscantia corpora expostulant, vt augustiorem locum habeant,
quàm Orbes Cœlestes, & elementa. Quòd si extra Mundi machinam hanc Regiam nō
euectā dixerimus, iam non erit eis locus vllus peculiaris, quem tamen Scripturas sacras
sapius obtestari demonstraui. Præter hæc, Empyreum Cælum credere, ac affirma-
re, me compellit vetustissima ab Apostolis ad nos vsque manu ducta traditio, acceptissi-
ma Christicolarum omnium opinio, ac persuasio; quam cum Ecclesia omnis, præcipuè
Romana, nunquam reiecerit, sed potius amplexata, ac prosequuta sit, tantum sibi veri-
tatis nitorem, atque existimationem vendicauit, vt eam in dubium reuocare, aut peni-
tus explodere, sit ferè vniuersæ Ecclesiæ præstantissimæ parenti, procaci quadam teme-
ritate aduersari.

Insuper non desunt euidentes, insignesque rationes, quibus id ipsum, quod tradide-
runt Patres de Empyreo Cœlo, comprobemus. Primum, quia consentanem valde
est, vt detur condigna, ac concinna sedes corporibus glorificatis, præcipuè sacer-
dotibus, ac fulgentissimo corpori Christi, quod quidem corpus, gloria summa redimitum,
Cœlos verè scandisse ex fide confitemur.

I G N A T I V S etiam Epistola ad Smirnenfes, hisce obtestatur.

Nam & postquam ostendit se eis, quia verè, & non putatiuè resurrexisset, manducauit cum eis, & bibit. Et
sic videntibus illis, assumptus est cum carne ad eum, qui miserat illum, in qua & iterum venturus est cum gla-
ria, & virtute, secundum quod dictum est ab Angelis ad Apostolos: Hic Iesus, qui assumptus est à vo-
bis in Cælum, sic veniet, quemadmodum vidistis eum ascendentem in Cælum.

Nec certè nisi atroces, atque acerrimi hostes, ac emulatores humani generis censen-
di sunt, extraque humana consortia proijciendi, qui tam singulare corporis humani do-
micilium subripere nobis perperam contendunt. Decuit deinde, quemadmodum
adnotabat

adnotabat D. Thomas, vt sicuti in exordijs Mundi, spiritualis electorum gloria in beatitudine Angelorum præsignata est; ita etiam & Vniuersi, ac corporū nostrorum restau- ratio mirifica, vel gloria corporalis, auspiciū, & auspicationem, quodam in corpore immensa luce insignito desumeret. Adhæc, si præscripti, ac damnati in locum quen- dam corporeum, in imum scilicet Terræ centrum, caliginibus, & obdēssimis tenebris obrutum relegantur: quare electi & Beati, in locum alterum supernum, & corporeum, fulgentissima luce profusum, extolli non debent, cū & hi corpore coruscante, vti illi corpore atro potiantur? Postremo, vltro accepta est apud Philosophos plures senten- tia; supra Cœlos motu concitatos, sphæram extare quiescentem. De hac egregiè liqui- dem Phoenix illa ætatis nostræ Ioannes Picus in suo Heptaplo scribit: Supra nouem Cœ- lorum Orbes, idest septem Planetas, & Sphæram octauam, quam vocant inerrantem, nonumque Orbem, qui ratione, non sensu, deprehensus est, primusque est inter corpora quæ mouentur, creditū esse decimū Cœlum extare, fixū manens, & quietum; quod mo- tu nullo participet. Neq; hoc tantum creditum esse à nostris, maximè iunioribus, Stra- bo, & Beda, sed à pluribus etiam Hebræorū, prætereaque à Philosophis, & Mathema- ticis quibusdam: è quibus duos præsertim affert, Abraham Hispanum Astrologum ma- ximum, & Isaac Philosophum, quorum vterque hoc attestatur. Ac tandem doctissi- mus iste vir, post multa concludit, supra nouem Cœlos, decimum statuendum esse, quod Theologi vocant Empyreum.

P.p.q.66.ar.3

Cap.1.

Empyreū Cœ- lum Philoso- phi subodora- runt.

Petrus Cardinalis Aliacensis super tractatum Sphære Ioannis de Sacro Busto, quæ- stione tertia, si non demonstrantibus, saltem suadentibus rationibus, super Sphæras mo- biles, Sphæram quiescentem (quam fortè Empyreum esse non abnueret) superpositam esse, probare nititur. Primò, quoniam si suprema Sphæra illa Orbes omnes superam- biens non esset, minimè verū esset, quia omne quod mouetur sit in loco. Rursus, Sphæra Empyreici sublata, positiones loci sursum, deorsum; ante, & retro; dextrum, & laeuum, agrè Cœlo, & Mundo natura inessent. Tandem, quia rerum ipsarum, vti lapidum, plantarum, animalium varietates, ac in primis morum hominum diuersitates, nunquā in Cœlestia corpora redigere possemus. Videas, quæso, Doctorem satis ingeniosum hæc fusiùs differentem.

Leet.3.

Quamuis autem Vielmus hæc ipsa acrius impugnet, ac irrideat; scribens, quod primum repudiandus illi fuerat Themistius, qui primum cor- pus motum censuit in loco esse per partes; mox & Auerroës, cui placuit hoc esse ratio- ne centri; & alij postremo, qui ab ea vniuersali enunciatione, omne quod mouetur est in loco; corpus illud, quod primum mobile nuncupant, hac ducti ratione eximunt; vt sicut in intellectuallibus, & intelligibilibus, vnum est, quod cætera quæque locet, ipsum autem minimè locatur; ita in corporalibus vnum sit oportet, quod reliqua omnia am- biat, locetque, ipsumque in loco non existat. Rursus, quod ei expugnandus erat Ari- stoteles, qui existimauit positiones illas fartas & tectas, vel inuitis Pythagora, & Plato- ne Mundo se asseruasse, quod Cœlum animal esse statuisset.

Lib.2. cœl. tex.13.

Amplius, quod Moses diuersitatem in stipitibus & animalibus insitā, diuinæ prouidentiae, & imperio hoc loco ascribat; & Galenus varietatem morum humanorum, temperaturæ corporū assignet.

Defensatur Aliacensis.

Attamen has refellere posset Aliacensis inuectiones, ac diceret; quod si Themistius, Auerroës, alijque, qui tantum ratione partium, ac centri, supernum Or- bem in loco esse contendunt; & qui à lege illa, omne quod mouetur, est in loco, pri- mum mobile eximunt; ac denique si Aristoteles, qui Cœlum statuit esse animal; pie- tatis Christianæ emulatores fuissent, ac nostra dogmata hausissent, vel Empyreū agno- uissent; certè non tantum fatigati essent, quo Cœlum primum in loco esse, seu per par- tes, seu ratione centri excogitarent; neque à loco primum mobile tam temerè exemif- sent, nec Cœlum frigida ratione, animal esse statuissent: quæ omnia ita recipiuntur in Scholis, vt perpetuis sint obuoluta disputationibus, ac dissidijs.

Nec Aliacen- sis abscedit à Mose, qui varietatis, diuersitatisque stipitum, & animalium, in Deum causam refert. Nanque licet primæ rerum institutiones, à Dei sapientia, ac bonitate prodierint, earum tamen effectiones, ac progressus, ita à Deo prima causa emanant, vt per secundas causas, Cœlos inquam, eas Deus nunc peragat, ac efficiat. Nec Galeno, cæterisque adductis grauiſſimis viris, qui morum varietatem, à corporum temperatura proficisci

Lib. 2. sent. dist. 2.

Empyreum
Theologi cō-
cedunt.
In primū ca-
pite Gen.

Dist. 2. q. 3.
P. p. quæst. 66.

2. sent. dist. 2.
quæst. 3.

Cœli syderei
quō Dei, ac
Beatorum do-
micilium di-
cantur.

Caietani ra-
tionum solu-
tio.

Empyreū Cœ-
lum non eter-
num, contra
Steuchum.

proficisci existimarunt, ita aduersatur Aliacensis, vt reputauit Vielmus: quia tempe-
raturæ ipsæ corporis nostri, Cœlorum impulsibus immunes non sunt; quorū ratione, li-
cet Cœli voluntatē non cogant, non modicè tamen demulcent eas, trahuntque; quam-
uis & astris sapientem dominari posse non ignoremus. Verū præter Philoso-

phos, & Theologi ferè omnes, Empyreum Cœlum, vti Sphæram quiescentem, pro Vni-
uersi ordine admittunt. Alijque inde analogiam, proportionemque concinnam inter
spiritualia, & corporalia eliciunt. Ita sunt enim, vt inquit Ambrosius, Catherinus, no-
uem Chori Angelorum, quasi nouem orbes mobiles, sed vnus est summus Chorus; qui
cunctos continet, ipse immobilis Deus, Pater, Filius, & Spiritus Sanctus. Alij influ-
entium vim ei adscribunt, vt D. Thomas; qui quanquam in scriptis secundo Sententia-
rum, Empyreum influentiam nullam habere dixisset, attamen in Summa, ipsum in in-
feriores sphæras, non quidem motum, sed causandi, continendique virtutem, vel quid
huiusmodi infundere tradit. Alij in humanum corpus agere illud arbitrantur, ad de-
chardus de Media villa, qui dixit, quod fortè influentia eius maximè cooperetur, ad de-
bitam proportionem dispositionis corporis humani, cum ipsum sit nobilius inter Cœ-
los, & corpus humanum inter corruptioni obnoxia præstantissimum, & Cœlo ipso
etiam nobilius, cum Cœli ipsi sint inanimati, ipsum anima perfectum. Alij, quod lu-
cis sit prima causa, autumant, & origo, vt Picus deducebat. Hæc & similia de Empy-
reo orbe philosophantur Theologi, ac Philosophi. Quibus omnibus id compertum
velim, non delirantissimum esse (etiam Philosophicis, ac Theologicis placitis non spre-
tis) quiescentem sphæram, effulgentemque supra cunctas ceteras statuere, ac
decernere.

Quapropter explosas, elisas, ac euersas esse arbitror duas primo loco recensitas sen-
tentias. Sed quantum ad dicta ea Patrum, quæ Deo, Beatisque in domicilium syde-
reos Cœlos adscribunt, spectat; animaduertendum, quod Patres ea, & consimilia al-
ferentes (nam plures sententias in voluminibus Patrum, eiusdem sensus comperire fa-
cile est) aut hos orbes, ac Cœlos proponunt, non vt Regiam, sed vt solum, & paumen-
tum, partemque Regni Dei, ac Beatorum; vel vt per visibiles hos, ac sublimes splende-
scientes Cœlos, ad inuisibilem, atq; altissimum, coruscantissimumque nos similitudine
manuducant; aut quod ineruditis illud memorare non opportunum reputent.

Quantum verò ad Caietani rationes attinet: Quod Scriptura nullibi Empyreum me-
moret, hoc nos minimè discruciat; tū quod traditio, & priscorum Patrum obtestatio,
quæ duo, quando Scriptura silet, maximæ sunt auctoritatis, id tradiderint; tū quod
Scriptura alijs vocibus ipsum circumscripserit. Nec locari in Cœlo Angelos, aut Bea-
tos arbitramur, quia loco circumagantur, vti corpora nostra hoc fluxibili aëre ambiun-
tur, inepta siquidem, ac puerilis esset cogitatio, huius generis nostri loca, vel tempus ibi
adesse existimare; sed quod eo modo, qui glorificis competit corporibus, Beati in eo
fulgentissimo corpore degant, suamque beatitudinem adipiscantur.

Constituto igitur dogmate, super hos motu raptos orbes; Cœlum Empyreum immo-
tum, ac splendidum extare; disceptandum modo est, ex tribus posterioribus sententijs
eius genesis variè decernentibus, quænam probatior, atque acceptior sit existimanda.
Nempe num æternum sit; num multis annis ante Mundum conditum fuerit; num in
exordio Mundi cum Terra emanarit.

Principio nobis proscindenda, improbanda, profligandaque est ea sententia Steuci,
quæ non tantum erronea, sed impia sanioribus iudicijs visa est; ad quod efficiendum,
sufficiat mihi hoc loco Catenulam Neotericorum acrius eam impugnantiū, subijcere.

CATHERINVS

Enarratione in Genesis, his eam redarguit.
Illud omnino notatione dignum, quod quidam nostræ ætatis tractator, & Moscos interpres, in sua Cosmologia
(sic enim suum opus inscripsit) postquam conatus est demonstrare non potuisse Mundum esse sempiternum,
& hoc ipsum se demonstrasse arbitratus est; tandem de Cœlo Empyreo tractans, non putat esse quid creatum
paratus tamen recantare si malè sentiat. Sed multo prudentius erat rem ipsam accuratissimè prius vel per-
pendere, vel silentio suppressere, & non ita ineptè tam periculosa literis mandare. Iam enim dictum suum illo
obijci, libellus autem viuit assidue. Quis igitur nomine illius recantabit, cum tam manifestus error pateat,
& possit fortè rudioribus nocere. Quicquid enim non est Deus, illud oportet esse creatum; Cœlum verò Em-
pyreum.

pyreum, nemo unquam Catholicus, sed nec Paganus (quod sciam) esse Deum putavit; neque hic homo dixit esse Deum, sed quoddam potius manans ex ipso Deo, & tamen æternum cum illo.

V I E L M I V S vsque adeo execratus est eius sententiam, ut eam hæresi Leat. 3.

Arnaldistarum comparet: nam inquit.

Iam verò de eo scripsit præ cæteris Augustinus Steuchus in libro, De rebus incorporeis, & inuisibilibus: qui & increatum esse id, & æternum, sub correctione tamen (ut Catholicum decebat Episcopum) existimavit. Et videtur fuisse hæresis Arnaldistarum, non eorum quidem, qui Arnaldum de Villa nova sequuti sunt, sed quem Braxia euomuit, Roma exhorruit, Francia repulit, Germania abhominatur, Italia non vult recipere, (hac enim periphrasi eum nobis commendat Bernardus in Epistola ad Episcopum Constantiæ.) Ferunt enim qui de Hæreticis scribunt, hos quoque eius fuisse articulos: Aliquid esse præter Deum æternum. Et rursus, Aliquid esse, quod nec Creator, nec creatura sit.

P E R E R I V S Commentarijs in Genesim libro primo, inquit.

Atque hæc fuit Eugubini opinio, quam ego non tam refellendam, quam omnino explodendam, atque execrandam, ac si fieri posset, sempiterna obliuione sepeliendam iudico. Cuius enim animus non horreat audire, rem esse aliquam, quæ Deus non est, Deo tamen ipsi coæternam, & increatam? Quid magis contrarium Scripturæ dici potest? cuius illæ sunt tot in locis tam illustres sententiæ. Omnia per ipsum facta sunt. & Qui omnia creauit, Deus est. & rursus; Creauit, ut essent omnia. Apud Paulum etiam primo capite Epistolæ ad Colossenses; & in Symbolo Fidei, Deus pronuntiatur, ac declaratur conditor omnium rerum visibilium, & inuisibilium. Vix autem possum existimare, quæ fuerit Eugubini de suo illo Empyræo Cælo mens, qui sensus, quæ cogitatio. At esse lucem, & claritatem quandam; sed qualis est ista lux? num accidens solitarium, & per se coherens? at repugnat hoc nature accidentis, nec sine miraculo fieri potest. At dicet esse substantiam: sed utram? num corpoream? verum qualis erit ista natura corporea, & ex quo genere corporum? fuit igitur corpus aliquod ante Mundi huius emolitionem: num incorpoream? erit igitur spiritus aliquis & natura intelligens. Præterea, si manat ista lux ex natura, & maiestate Deitatis, haud dubiè manabit ex necessitate nature, hoc est tanta, quanta est vis Diuinitatis: erit igitur infinita; quo quid absurdius, & incredibilius dici potest? Denique quocumque se verset Eugubinus, mille implicabitur, & irretietur laqueis, nec se ulla ratione extricare poterit. At enimvero, dicet aliquis, Eugubinum satis modeste hanc opinionem suam prodidisse; subiecisse enim eam iudicio, & censuræ Ecclesiæ; paratum, si ab Ecclesia damnetur, eam quoque dammare. Rectè istud quidem; sed quanto satius fuisset, tam peruersum, & impium dogma non euulgare, quam cum istiusmodi correctione relinquere in scriptis, quod lectori non admodum cauto & erudito, errandi præbeat occasionem? Itaque verè dici potuisset Eugubino, quod in quendam scitè dixit Cato; Quare, inquit, culpam deprecari, quam ea carere maluisti?

Ioan. 1.
Heb. 3.
Sap. 1.

Rationes cō-
tra Steuchū.

Sed his dilemmatibus, & ego eam refellerem. Quicquid à Deo manat, aut à Deo manat ad intra, aut ad extra, ut aiunt in Scholis: Quæ ad intra à Deo manant, nil aliud sunt, quam ipse Deus: Ea autem secundum duas tantum sacratissimas prodeunt emanationes, Filius per generationem, Spiritus Sanctus per spirationem: Quæ ad extra, ex beneplacito prodeunt, & ut creaturæ, conditæ sunt à Deo, non coæternæ Deo: quamobrem lux hæc à Deo manans, si ad extra est, creatura est, condita, non æterna. Præterea, vel lux illa spiritualis est, ex metaphora lux dicta, vel corporea, seu naturalis, seu gloriosa; si lux ea, & claritas supercœlestis, in qua inhabitare Deus dicitur, spiritualis est, atque ex similitudine nomine lucis exprimitur; porro ea ipsa est Deus, non quid manans à Deo; si corporea, cum accidens sit, vehi corpore aliquo operepretium est, seu sensibili; si sensibilis est; seu glorioso, si gloriosa est; igitur & creata, & non æterna. Sed quid sibi voluerit Steuchus, ut potè disciplinarum expers, nec ipse declarare quiuuit. Hac sacra, ac sana Theologia, & D. Paulus dixit Deū inhabitare lucem inaccessibilem, sed non Deo eam dixit coæternam. Et Basilus, si profundius mentem eius perpendimus, Mundum intelligibilem Angelis accommodatum, esse Mundo sensibili generatione superiorem dixit, hoc est, ante Mundum factum, sed non ab æterno: Dixitque Mundum illum tempore etiam anteriorem fuisse, hoc est, tempus habuisse perfectius, æternum nimirum, & perpetuum à parte post; quoniam tempus illud æuum est; quod & ante certa mensura diffiniri non potest; & post æternum erit, cum æuum mensura sit substantiarum non decidentium, sed in se permanentium. Ex quibus euincitur, quantum aberrarit Steuchus, quodque eius sententia ijs nomenclaturis, quibus ipse nonnullas à se reiecit, exornare solet, à nobis condecorari possit. Vocare liquidem eam possumus erroneam, vlroneam, delirantissimam, absurdam, exhibitam, profligatam.

1. Timoth. 6.

Cæterum elisa, ac euerfa Steuci assertionem, quam deinceps sit probatior sententia, an ea Basilij, multis æonis ante Mundum Empyreum extasse asserentis, an Strabi, & Bedæ,

Empyreum
quādo à Deo
conditum.

Beda, cum cum Terra in exordio effectiois Mundi compactum autumantium, iudicare non audeo; existimoq; hoc problema esse neutrum in via Patrum: Aliquam tamen ipsius diffinitionem haberi posse ex antea de Angelorum genesi disceptatione. Nam si Angeli multis ante Mundum æonis, maximè si corpore aliquo præditi, licet nobis ignoti generis, conditi sunt, eorum etiam domicilium corporeum vnà cum ipsis ante Mundum constructum fuisse, meritò existimare possumus: si autem cum sensibili Mundo Angeli emanasse putantur, & Empyreum ante Mundum non extasse, sed cum eis prodijisse rectius arbitrari debemus. Vt acceptior, ac probatior attamen ab omnibus ferè Theologis Scholasticis amplexata est ea Strabi assertio, quæ cœna simul fuisse, hoc est simul emeruisse, Angelum, Empyreum, Tempus, & Chaos decernit; à qua nos discedere, non æquum iudico.

Regia autem hæc Dei, Angelorum domicilium, Beatorum illa sedes, Cœli Empyreï nomen nata est. Quis primus ei hoc nomen imposuerit, non est compertum.

A V G V S T I N V S libro decimo de Ciuitate Dei, capite vigesimo primo, primus fortè Empyreï nomen memorauit, cum Porphyrium redarguens, errorem Apulei eum transcendisse, his verbis tradit.

Quantò humanius, & tolerabilius consecutus tuus Platonius Apuleius errauit, qui tantummodo Demones à Luna, & infra ordinatos agitari morbis passionum, mentisq; turbellis, honorans quidem eos, sed volens, nolensq; confessus est; Deos tamen Cœli superiores ad ætherea spatia pertinentes: siue visibiles, quos conspicuos lucere cernebat, Solem, ac Lunam, & cetera ibidem lumina: siue inuisibiles, quos putabat ab omni labe istarum perturbationum alienos, quanta potuit disputatione, discreuit. Tu autem didicisti hoc non à Platone, sed à Chaldeis magistris tuis, vt in æthereas vel Empyreas Mundi sublimitates, & firmamentum Cœlestia extolleret vitia humana, vt possent Dii vestri Theurgis pronunciare diuina.

Sed certè Augustinus Empyreï nomine, nō Empyreum nostrum super sydereos Orbis euectum intellexit, sed Orbis hos tantū astripheros, ex Platonica doctrina igneos existimatos, vt rectè etiam D. Thomas adnotauit. Quapropter præcipui huius nominis excogitatores, ac institutores Beda, & Strabus censentur, vt ex eorum relatis sententijs videtur. Hi quippe Empyreum non immeritò Cœlum appellarunt; primū quòd eminentissimè omnium Cœlorum cuncta sensilia ambiat; deinde quòd beatos cœlestes: ac etiam quoniā si Cœlum οὐρανὸν dicitur, à videndo, rectissimè Empyreum Cœlum dixerunt, cū Deus ibi clarissimo intuitu conspiciatur. Empyreum tandem, Cœli nomen præripuit, vt ex Astrorum Cœlestium ordine, Beatorum, qui in ipso emicant, Sympulchrum haberemus. In Cœlis siquidem his astrigeris, cuncta sydera splendent, sed lucis fons in Sole est; Luna, ac Stellæ mutuata luce fulgent: In Empyreō etiam Diuinitas coruscantissimi Solis vices gerit, inter Angelos, ac beatos vti Sol inter sydera resurgens, omnibusq; beatitudinis lucem impertiens; Humanitas sacratissima Christi, Lunę typū fert: Hæc enim ea est, quæ dum per hunc Mundum quasi extra Eclipticam spatia retinet, obscura rudibus Hebræis visa est; hoc est, his infirmitatibus obuoluta, immo in funesto Passionis tempore, in sanguinem versa est, splendoremq; suum quasi in eclipsi posita obtexit: sed in die Resurrectionis splendida ex omni parte reddita, in Empyreō ante beatos coruscat: Angeli, ac Sancti in gloria dispares splendent, vt stella differt à stella in claritate. Empyreum autem dictum est Cœlum istud, Strabo ac Beda fortè auctoribus, quasi igneum, non quidem ab ardore, sed à splendore, vt omnes Theologi edocent, nuncupatum; siquidem non tantum emicare, sed coruscantissimum esse existimatur.

Cæterum quare fulgorem vsque ad nos Empyreum non emittat, non vna sententia Patres Theologi diffiniunt. Basilii, Ambrosii, Theodoretus à supremi Cœli ambitu spisso, ac valido præpeditam esse Empyreï lucem, opacatumq; fuisse Mundum tradunt, vt aliàs referemus. D. Thomas hanc sententiam reiicit, contendens, quòd Cœlum illud, quanquam sit solidum, sit tamen diaphanum, nec lumen rerundere possit; Empyreum autem, lumen suum non effundere ad nos autumat; seu ex eo quòd nō clareat luce cōdensata, sicut iubar Solis; seu quòd claritate polleat glorię, quæ non est cōformis claritati naturali. Alij Theologi alias referunt causas, nempe quòd vel improporcionata sit ea lux oculis nostris non glorificatis, vel quoniam aquæ, quæ super firmamentum confident, eam non traducant; vel etiam, quia nimia longinquitate, atque distan-

De Cœli Empyreï nomine.

P.P.q.66.

Locus Beatorum, cur Cœlum & Empyreū dicatur.

Empyreū cur vsque ad nos lucem non emittat.

P.P.q.66.

distancia, uis luminis ad nos non protendatur. Hæc Richardus de Mediavilla secundo Sententiarum, distinctione secunda: quo loco Scholastici hæc fusiùs disputant,

A V C T O R.

Ego in Patrum gratiam, non quòd eorum sententiam tutiorem reputem, dicere: Empyreum sua naturali luce pollere, eaq; condensata, maximè cum à Patribus fulgere, coruscareq; dicatur. Verùm posito quòd Empyreum glorioso lumine præditum fulgeat, hanc quoque lucem gloriosam, ut naturalem, aërem nostrum illustrare posse opinor: Nam quòd claritas gloriæ, etiam si alterius sit rationis à nostra hac à Sole manante, aërem illustret, & oculos nostros percutiat, euidentissimum est exemplum Christi Transfiguratio; in qua Apostoli eius faciem ut Solem rutilantem conspexere; & quæ percussi, ceciderunt in facies suas; nilq; aliud fuit is proficiens à facie Christi fulgor, quàm claritatis dos à Christo detecta, ut Patrum plurimi, ac ipsemet D. Thomas, edocent.

Empyreū fulget ac coruscat.

Matt. 17.

Quòd lux gloriosa non proportionata sit oculis nostris, admitto; sed non ea ratione, qua conspicabilis non sit, quasi non splendeat; sed ea ratione, quæ nimio, ac superexcedente suo fulgore nos obcæcat, nec accommodatè illa frui, nisi glorificati oculi queunt. Asseuerare, quòd aquæ eas non traducant, ineptum est; cum illæ, seu glaciales, seu in vaporis speciem redactæ, clariores sint, quàm hæ terrestres. Opinari, quòd ob nimiam intercapedinem ille fulgor nos non attingat, est

immesitati eius lucis, quæ septies Solis candorem exuperat, derogare. Quapropter nobis non superest probatio causa, nisi quòd supremum Cælum sua valida opacitate, ac opacitate, splendorem illum retundat. Nec ratio, qua D. Thomas hanc Patrum refellit sententiam, multum consistit; nam ex stellarum fixarum conspectu, ne, egregiè certè omnes Orbes usq; ad ipsum firmamentum diaphanos esse euincitur; sed secus est de Orbibus superioribus, nono, ac decimo, cum super ipsos nullum sit astrum, ex cuius lucis emissionem, ac ad nos transitionem, certi reddamur ipsos quoque esse diaphanos. Et quis est sensus, aut quæ est ratio, quibus Orbes supra cuncta astra elatos, potius diaphanos, quàm opacos esse, demonstrari possit? Sed hæc pro Patribus dicta sint ea, qua decet, modestia in tantum Doctorem.

Empyreum igitur hi Patres rectissimè Dei Regiam dixerunt. Idq; de fulgore Empyreici non reticebo, quod Ioannes in Apocalypsi scriptis mandauit; Et lumen, ait, eius simile lapidi precioso, tanquam lapidi Iaspidi, sicut Chrysellum; quasi dixerit; si tam splendida est Prouincia Regis, hoc est, Mundus hic à Deo conditus, Astris, ac Luna, Soleq; in eo micantibus; ne reputes non splendidior, ac præstantior esse urbem ipsam Regiam, Empyreum ipsum, cum simile sit lapidi Iaspidi sicut Chrysellum. Concipias, precor, Iaspidem coruscantissimum tantæ molis, quantæ ostensum est esse immensum Empyreum, nulla sordescens macula, sed nitentissimo fulgore perfusum: quid eo splendidius? quid emicantius? Sed adnotes, quòd memoret Ioannes simul & Iaspidis ruborem, & Chrysellum nitorem, & lapidis soliditatem, ut & summum in eo corpore charitatis ardorem, & beatificæ visionis splendorem, & immortalitatis firmitatem simul vigere intelligas. Olympi nomen, quanquam à Vatribus, ac Philosophis Gentilium summopere celebratum, non desumpserunt Patres, ne sacra nostra prophætiis fabulis commiscerentur, ac deturparent; nobis siquidem omnia noua, & superexcelsa esse debent, qui nouum hominem nos induere profiteamur. Faxit Deus, ut tanta Regia potiri valeamus.

Apocal. 21.

Superest & nunc mihi disceptandum; num Moses in hac generali rerum rum supernaturalium, tum infernarum manationis historia, Empyreici huius coruscantissimi Orbis naturalia, gensimque prodiderit; an potius ipsius mentionem suppresserit, atque opportuno silentio obuoluerit. Qua de re breuissimè meam sententiam proferam. Assero igitur Mosem Mundi tantum sensilis genituram, & structuram tradere, propterea Empyreici Cæli, veluti inuisibilis, sicut & Angelorum nullam penitus mentionem egisse.

An Moses Empyreici mentionem faciat.

Compellunt me id existimare quamplura. Primum, quoniam vberior Patrum classis id ipsum censuit; quamuis siquidem Clemens Papa ex Petri fortè traditione, Philo, Origenes, Diodorus Tarsensis, Theophilus Antiochenus, Iunilius, Anselmus, Bruno, Strabus,

Strabus, & Hugo ex Patribus, supereminens quoddam Cœlum subodorarint, quod alij post Empyreum denominarunt, ac ipsum Cœli nomine interpretantur: numerosior tamen Patrum acies his refragatur, cum Cœli appellatione aliud intelligi voluerint, ut supra in Catenis conspici potest. Suadeor amplius, quoniam historiam hanc Moses Hebræis demandabat, qui rudes admodum erant, diuinarumque rerum ignari, nec Cœli nomine Empyreum intelligere potuissent: quapropter perplexa, obscuraque illis fuisset Mosis narratio. Adiciamus, quod si Angelorum productionē Moses prætermisit, ut supra demonstrabamus, iisdem etiam de causis, Empyreum non recensuisse, est asserendum. Age amplius, quod tota hæc historia de rebus sensibilibus, quæ sub aspectum nostrum cadunt, profecto esse conuincatur. Quamobrem si Moses inuisibilem, nec sub sensus nostros cadentium rerum narrationem haberet, peculiaribus quoque vocibus, & nonnullis etiam descriptionibus, eas declarandi, exponendi que prouinciam suscepisset, ut historiam claram, ac præclaram, dilucidam, & elegantem contexeret. Quibus omnibus certè suadeor, Mosem in hac sua rerum omnium a Deo effectarum narratione, insensilia, uti sunt Angelus, & Empyreum, prorsus prætermisisse; & tantum de sensibili Mundo negotium habuisse.

De Genesi Chaos.



Amplissima huius Mundi machinæ, Regiæ nostræ venustissima, ex Cœlo emicantibus astris nitente, & elementis quatuor compactæ, genituram, ac primordia, Vates, Philosophi; gentilitatis, necnon & oracula nostra, non vna concordive referunt sententia. Alij plures, alij vnicum esse Mundum definiere. Horum quidam eum finitum, quidam verò infinitum putarunt: eorum qui vnum Mundum finitum agnouerunt, alij ingentem eum, ac æternum somniarunt, adeo ut res fuerint ab æterno, sicuti nunc sunt; alij verò genitum tradiderunt. Atque horum nonnulli vnico principio statuto, materia scilicet ingenta, ac æterna; quam alij ignem, alij aërem, alij athomos, alij vacuum, alij aquam, alij terram, alij infinitum, alij medium quid inter elementa, alij Chaos esse dixerunt, Mundum à casu sua sibi insita virtute profiliisse affirmarunt; alij tribus statutis principiis, Deo, Materia, ac Idæis, Diuina mente, quod confusum erat, dirimente, prouenisse Mundum existimarunt: Ac ut D. Ambrosius scite enarrat, Deum non tanquam creatorem materiæ, sed tanquam artificem ad exemplar, hoc est ad Idæam intendentem, Mundum hunc ex materia conflare crederunt. Moses certa, & irrefragabili veritate, augustiori ac clariori sapientia, vnico principio Deo cognito, Deum, ut liberum & sapientissimum factorem, atque opificem ex nihilo vnicum Mundum, cum sibi placuit, produxisse, nobis reseravit, ac perfecit.

Caterum de serie, qua Deus Mundum effuderit, inter nostros disceptatio non aspernanda conspicitur. Alij etenim Deum vnico momento, seu vnica die Mundum omnibus numeris absolutum, hoc est, Cœlo fulgentibus astris decorato, elementis natura vigescentibus, sibi; competentibus in locis dispositis, rerum speciebus tantum præfignatis, ornatum, & cohonestatum effecisse tradunt. Alij Deum Chaos tantum quoddam in primordiis temporum edidisse autumant, quod postea tribus diebus dissecarit, ac perfecterit, & tribus venustarit, atque locupletarit. Rursum alij huiusmodi Chaos vnum fuisse rudem naturam, atque inconditam speciem, in eoque nullum extasse Cœlum, nullo elementum, sed vnam omnium incongestam materiam exili forma præditam, arbitrati sunt. Alij id Chaos ex Cœlo & elementis substantialibus formis ditatis, indigesto ordine compactum dixerunt. Amplius de huiusmodi Chaos effectione, non vnus est horum consensus. Alij sub cunctis Orbibus cœlestibus, sphericè se concludentibus, seu sub vno primo, ac supremo Orbe, ut alij maluerunt, primum ignem, deinde aërem, tandem aquam ingenti mole vndique terram ambientem, atque obuoluentem constituisse arbitrati sunt. Alij nullo posito Cœlo, igne autem, & aëre, in terræ antris coactis, aquas usque ad Empyreum inundasse immensa colluie, ac mole existimarunt. Alij terra subsidente, ac in centro suo pondere librata, aquam, aërem, ignem commixtim, in nebula formam, ac speciem, immensum hoc usque ad Empyreum interuallum expleuisse opinati sunt. Tot igitur repugnantes, ac uagæ sunt de huius Mundi sensilis nostri natalibus, ac primordiis

De Mundi genesi, & eius principiis vna sententia.

Hexam. lib. I. cap. I.

mordijs excitatæ assertiones. Verùm ijs, quæ ad principia spectant; Num scilicet ea sint plura, an vnum tantum, in accommodatiorem locum reiectis, mihi modò incumbit unius Mundi à Deo conditi structuræ seriè inuestigare. Indagabo igitur; Num Mundum absolutum primum Deus produxerit, vel potius Chaos quoddam perficiendum, & exornandum crearit: Et si Chaos primum profiliit, quale illud fuerit. His siquidem ut præuijs enucleatis, ad literæ Mosis intelligentiam, facilis nobis aditus parabitur.

Num Mundus primum absolutus à Deo prodierit, seu an omnia condita sint simul.

Mundum perfectum, absolutumq; primo momento, seu die, à summo vniuersorum effectore Deo procreatum fuisse, adeò vt Cælum fulgentibus astris splendidum, elementa suis sphaeris disposita, ac rerum cunctarum species saltem in feminaria vi præinsitæ simul profilierint, plures ex Patribus tradiderunt.

Catena Patrum, Mundum unico momento perfectum, absolutumq; prodijisse, asserentium.

E V D O X I A clarissima illa femina, Theodosij iunioris Augusti vxor, Poëtica artis, & Sacræ Scripturæ studio insignis, eo poemate, quo ad imitationem Probæ Falconiæ, ex Græca Homeri Poësi plures sacras collegit historias, in hanc properare sententiam videtur, cùm cecinit.

*Vt bene cognoscatis atque Deum, atque etiam virum;
Qui omnibus mortalibus, atque immortalibus imperans,
Simul quidem Terram struxit, simul Cælum, simul verò Mare;
Solemque indefessum, Lunamque plenam:
Simul autem astra omnia, quibus Cælum coronatum est,
Virgalias, Hiadasque, & robur Orionis,
Vrsamque, quam & currum cognomento vocant,
Quæque ibi vertitur, atque Orionem spectat.*

P H I L O Iudæus de Allegorijs legis Mosaicæ, Mundi opificium perfectè primo temporis momento expletum censet, adeò vt inepti ingenij eos existimet, qui temporis decursu conditum arbitrantur. Ait nanque.

Lib. primo.

Sed gentis rusticana est putare, sex diebus, aut utique certo tempore Mundum conditum; quia totus Mundus vicissitudo est dierum, ac noctium, quam Solis motus super terram, sub terraque meantis necessario conficit. Sol autem pars Cæli censetur, vt fatendum sit tempus posterius Mundo esse, quippe quod Mundi est effectus: nam Cæli motus indicauit naturam temporis: Ergo cum audis; Compleuit sexto die opera, intelligere non debes de diebus aliquot, sed de senario perfecto numero.

R A B B I M O S E S Aegyptius libro secundo Ductoris, referente Hame-
ro sua commentatione in Genesim, Mundum vnica hora manasse his edisserit.

Quod inquit, debes scire est, quòd illud, quòd dictum est, In principio creauit Deus Cælos, & Terram: Sapientes dixerunt multis locis, quòd eius expositio est, cum Cælis, & cum Terra, hoc est, quòd Creator creauit cum Cælis quicquid est in Cælo; & cum Terra, quicquid est in Terra. Tu verò scis, quia dixerunt, quòd Cæli, & Terra simul sunt creati, eo quòd Propheta dixit; Ego vocans eos stantes simul. Omnia verò simul creata sunt, & omnia primò apparuerunt: Et assimilauerunt hanc rationem agricolæ seminanti diuersa genera seminum simul in terra: Pars autem oritur post vnum diem, alia verò pars post duos dies, alia post tres dies; sed omnia semina proiecta fuerunt in vna hora. Secundum igitur hanc opinionem, sine dubio poterit solui dubitatio illa, quæ induxit Sapientem quendam ad dicendum illud quòd dixit, cui difficile fuit intelligere, quomodo fuerit primus dies, & secundus, & tertius. Manifestè verò dixerunt Sapientes de ratione lucis, de qua facta est mentio in lege, quia fuit creata in prima die; quòd ipsa sunt luminaria, quæ fuerunt creata in prima die; sed non ostendit ea Deus vsque ad quartam diem.

Esa. 48.

H A M E R O ipsi hæc placuisse demonstrant ea, quæ subscripsit.

Hæc Rabbiorum interpretatio, non solum veritati consona est; sed etiam veritas ipsa, & Deus omnia simul creauit verbo suo, & imperij sui dicto, quòd Sacra Scriptura attestatur; Qui viuit in æternum, creauit omnia simul.

Ecclesiast. 18.

C L E M E N S Alexandrinus libro sexto Stromatum, ait.

Vt ergo discamus Mundum esse genitum, non in tempore autem facere Deum existimemus, subiungit

Gen. 2.

Psal. 117.

Prophetia; Hic est liber generationis: & eorum quæ sunt in ipsis, quando facta sunt, quo die fecit Deus Cælum & Terram. Illud enim, quando facta sunt, emunciationem significat indefinitam, & ex parte temporis. Hoc autem, quo die fecit Deus, hoc est, in quo, & per quem fecit omnia, & sine quo factum est nihil, significat eam, quæ per Filium fit operationem, quem dicit David; Hic est dies, quem fecit Dominus, exultemus, & lætemur in ea, hoc est, per eam, quæ per ipsum tradita est cognitionem, diuinis fruamur epulis. Dies enim dictum est Verbum, quod occulta illuminat, & per quod in lucem, & ad generationem accessit vnaquæque creatura.

D. Augustinus præ omnibus hanc extulit sententiam, libro vndecimo de Ciuitate Dei, cap. nono: & de Gen. ad literam libro quarto, capite vigesimo. Contenditq; sanctissimus ac doctissimus Pater præfatis in locis demonstrare, Deum omnipotentem sua virtute primo temporum momento, Mundū, hoc est, tam Cœlestes orbes cum Sole, & Luna, & Stellis, quàm elementa, ignem, aërem, maria, terram, natura ac situ, vt nunc sunt absoluta constituisse: cæterum plantas, pisces, aues, animantes, ac hominē non nisi in potentia, ac præseminaria facultate præparasse: quod si Moses, Spiritu Sancto dictante, sex dierum spatio Mundi emanationem aptauit, id secundum seriem cognitionis Angelicæ intelligendum esse, ordinemq; rerum creaturarum sanctissimum Vatem tantummodo exprimere, vt rude, imbecilleq; humanum ingenium instrueret.

A V G V S T I N V M ipsum audias libro quarto de Genesi ad literam, cap. trigesimo tertio sic dicentem.

Ecclesiast. 18.

Gen. 2.

De quo enim Creatore scriptura ista narrauit, quod sex diebus consummauerit omnia opera sua: de illis alibi non vtique dissonanter scriptum est, quod creauerit omnia simul. Ac per hos, & istos dies sex, vel septem, vel potius vnum sexies, septiesve repetitum simul fecit, qui fecit omnia simul. Quid ergo opus erat sex dies tam distinctè, dispositèq; narrari? quia scilicet ij, qui non possunt videre quod dictum est, creauit omnia simul: nisi cum eis sermo tardius incedat, ad id quo eos ducit, peruenire non possint.

Rursus libro quinto, capite primo, sumpto argumento ex eis verbis Moses; Hic est liber generationis Cœli, & Terræ, in die, &c. eam ipsam astruit sententiam.

Nunc certè firmior fit illa sententia, qua intelligitur vnum diem fecisse Deum; vnde iam illi sex, vel septem dies, vnius huius repetitione numerari potuerunt, quandoquidem apertius Sancta Scriptura iam dicit, concludens quodammodo cuncta, quæ ab initio vsque ad hunc locum dixerat, atque infert; Hic est liber creaturæ vel facturæ Cœli, & Terræ, cum factus est dies.

Et infra capite tertio.

An fortè hoc illud est, quod in libro superiore moliebamur ostendere, simul Deum fecisse omnia, quandoquidem narrationis illa contextio, cum sex dierū ordine cuncta creata, & consummata memorasset, nunc ad vnam diem omnia rediguntur nomine Cœli, & Terræ, adiuncto etiam fructuum genere?

Et clariùs libro primo contra aduersarium legis, & Prophetarum, capite octauo.

Sap. 11.

Quamquam qui munere Dei potuerit perspicaciùs ista rimari, inueniet fortasse in creatura, quæ ita facta narratur sine interuallis temporalium morarum, distinctum mirabiliter ordinem rerum. Neque enim materies omnino nihil est, de qua in libro Sapientiæ legitur; Qui fecisti Mundum de materia informi. Non ergo quia informis dicta est, omnino nihil est. Et Post. Nec putandus est Deus informem prius fecisse materiam, & interuallo aliquo interposito temporis formasse quod informe prius fecerat: sed sicut à loquente sunt verba sonantia, vbi non prius vox informis, post accepit formam: sed formata profertur: Ita intelligendus est Deus de materie quidem informi fecisse Mundum, sed simul eam concreasse Mundo: Non tamen inutiliter prius narratur vnde aliquid fit, & postea, quod inde fit: quia etsi potest vtrunque simul fieri, non potest simul vtrunque narrari.

Præstantissimi quoque Patres illi, qui cum Augustino per ea Moses verba; In principio creauit Deus Cœlum, & Terram, Terra autem erat inanis, & vacua, & tenebræ erant super faciem abyssi, & Spiritus Domini ferebatur super aquas: non chaos aliquod vna rudi forma præditum, seu ex elementis commistum, quod seiungendum, venustandūq; esset, sed materiam eam primæuam origine non tempore præeuntem, explicari voluerunt; Mundum non sex diebus, sed vnico congestum fuisse die, visi sunt censuisse, vt Eucherius, & Beda, & Glossa, de quibus suo loco.

H I L A R I V S de Trinitate, libro duodecimo, Augustino consentire videtur, si rectè eius verba rimemur.

Perpetua enim & æterna rerum creandarum est preparatio; neque partibus cogitationum vniuersitatis huius corpus effectum est, vt primum de Cælo sit cogitatum, postea Terræ cura, & tractatus Deum inueniunt consultatūq; per singula sit, vt primum in planiciem diffunderetur, deinde postea meliori consilio montibus eleuaretur, rursus autem etiam collibus variaretur: quarto deinde habitabilis etiam in ipsis cacuminibus redde-

redderetur, preparareturq; Cælum, ac sedes Dei segregaretur, ventorumq; exhalationes nubes in summo valide continerentur. Tunc deinde certi sub Cælo fontes manarent, ac postremo fundamentis Terra fortibus confirmaretur. Singulis enim his omnibus anteriorem se sapientia esse profitetur. Sed cum omnia per Deum, quæ sub Cælo sunt, facta sint, & componendo Cælo Christus adfuerit, & ipsam præparati Cæli præueniat æternitatem, non patitur hoc existimari in Deo minutarum rerum particulatas cogitationes, quia omnis horum præparatio Deo est coeterna. Nam tametsi habeat dispensationem sui secundum Moysen firmamenti solidatio, aride nudatio, maris congregatio, astrorum constitutio, aquarum, terræq; in eijciendis ex se animantibus generatio; non tamen Cæli, Terræ, cæterorumq; elementorum creatio leni saltem momento operationis discernitur, quia eorum præparatio equabili penes Deum æternitatis infinitate consistit.

PROCOPIVS Augustini in hoc sectator fuit in Gen. caput primum. Moses enim in describendo Mundi opificium, sex dierum distinctione usus est, docendi gratia, videlicet ruditatem Iudeorum, quibus hæc scribebat, quique ea quæ Deus simul fecerat, ob tantam eorum multitudinem, & varietatem simul, & coniunctim capere, & comprehendere, ut erant angustissimi ingenij, nequaquam potuissent. Et post. Docet numerum dierum assumptum esse ordinis gratia, & ob nostram imbecillitatem intellectus. Nam alioqui non quivissemus ordinem rerum creaturarum ob multitudinem assequi. Quemadmodum rerum naturalium corpora, ubi primum in essentiam progressa fuerunt, simul colorem, & magnitudinem continent; quorum alterum prius intellectui, alterum secundum est; sic & Mundus ordine conditus, non tempore, sed decenti, & debita harmonia vndique absolutus est. Haud enim pars Mundi vna formata est, deinde altera defuit.

Et Commentarijs in secundum caput Genesis.

Si rem recta reputare velis, non in die Cælum, & Terra condita sunt, sed in principio, nec omnia in vno die. Cæterum manifestum arbitror, cum omnia iam essent facta, & consummata, ordinis gratia, & debite consonantie assumptum esse illum numerum.

ALBERTVS Magnus prima parte Summæ, quæ est de quatuor coæquevis, quæstione duodecima, articulo quinto, Augustino consentit, & eius sententiam fusiùs disceptat, & hæc habet.

Solutio, sine præiudicio sententiæ melioris, videtur Augustino consentiendum. Et ut melius intelligantur solutiones, accipienda est eius sententia in libro super Genesim ad literam, ubi sic dicit in primo libro; Sicut vox, materia verborum est, verba verò forma, quæ vocem indicant: non autem qui loquitur, prius emittit informem vocem, quam postea possit colligere, atque in verba formare: Ita creator Deus non priorem tempore fecit informem materiam, & eam postea per ordinem quarumcunque naturarum, quasi secunda consideratione formavit, formatam quippe creavit materiam: Sed quia illud vnde fit aliquid, & si non tempore quadam origine prius est, quàm id quod inde fit; potuit diuidere Scriptura loquendi temporibus, quod Deus faciendi temporibus non diuisit. Dicendum ergo, quòd per distinctionem quam ponit Moyses, intelligitur distinctio rerum, secundum nature principia, & non distinctio temporum, secundum quem modum distinguitur substantia materiæ à forma, & forma generalis actiuorum, & passiuorum, sicut elementorum à forma speciali, quæ determinatam in specie habet actionem, & passionem, secundum quod supra distinximus opus creationis ab opere dispositionis, siue distinctionis; & opus distinctionis ab opere ornatus.

CAIETANVS etiam ex nuperrimis, D. Augustini sententiam excitauit; in hoc ab ipso Augustino discrepans, quòd quæ Augustinus ad Angelicam cognitionem retulit, ipse tantum rerum gradibus aptauit, cum dixit.

Quia itaq; effecta à Deo in sex distributa gradus se habent inter se, ac si facti fuissent singuli gradus singulis diebus, & septimo die quiesceret opifex perfectis omnibus: Ideo absque fictione Moyses effecta à Deo omnia in primo instanti, quo creauit Deus Cælos, & Terram, distributa in sex perfectionum gradus consequenter se habentes, accommodauit sex diebus naturalibus, & quietem diei septimo. Nec somnio hæc, quoniam omnia fuisse creata simul non solum in Eccles. legitur; Qui viuit in æternum, creauit omnia simul; sed Moyses ipse testatur in hoc libro; Istæ sunt generationes Cælorum, & Terræ, in die qua fecit Deus Cælos, & Terram, & omne virgultum agri, omnemque herbam, &c. ubi clarè explicat vegetabilia, quæ sunt opus terciæ diei, facta esse in die, qua fecit Deus Cælos, & Terram. Simile est autem iudicium de operibus reliquorum dierum.

Fauet huic sententiæ primo in loco Diuinæ potentiæ maiestas, ea siquidem est uis potentiae, ut quanto validior est, tanto citius, atque angustiori temporum interuallo operetur; Potestas igitur diuina, cum infinita sit, Deum quoque in momento cuncta creasse dicendum est. Nil etenim instantanea Mundi creatione, ac exornatione, inexhaustam Dei potentiam nobiliùs pandit, luculentiusq; demonstrat. Nam & Arist. scriptum reliquit, maiorem virtutem mouere idem mobile super æquali magnitudine in minori tempore. Atq; etiam, quòd si virtus infinita esset in magnitudine, moueret in instanti. Deinde eundem fuisse Mundi creationis modum, qui erit & restaurationis, censendum est, sed de restauratione contestatur Paulus, quòd fiet in momento: ait siquidem; In momen-

Ecclesiast. 18.

Gen. 1.

Rationes istorum Patrum sententiæ comprobantes.

Phil. lib. 6.

Phil. lib. 8.
Creationis & restaurationis Mundi idem modus.

1. Cor. 13.

Tuba duplex
in ore Dei.Deus diuerso
à Natura &
arte operatur
modo.
Deut. 32.

Gen. 2.

Eccle. 18.

momento, in ictu oculi, in nouissima tuba; Canet enim Tuba, &c. Porro tuba metaphora, nil aliud nobis Apostolus exprimit, quam Dei edictum. Quapropter theophari possumus, quoquomodo in ore Dei duplicem affuisse tubam: Nouissima, qua reparabitur Orbis; & prima, qua est conditus. Si igitur canente tuba ultima, in ictu oculi, hoc est, citatissimo momento, (quid enim oculorū ictu velocius?) ruent omnia, & Mundus restaurabitur: simili etiā euentu, canente prima tuba, Vniuersum hoc, in ictu oculi, hoc est, in momento creatum esse existimandum est. Præterea Dei operandi modus, à modo operandi naturæ, & artis, in hoc differt, quod natura, & ars ab imperfecto ad perfectum proficiscuntur: Dei autem opera absoluta, primum ex omni parte, perfecta que prodeunt: iuxta illud, Dei perfecta sunt opera: Absolutum igitur, ac non in tempore compegit Mundi opus. Nec more naturæ & artis, primo congeffit, deinde perfecit Mundum; tunc enim opus eius imperfectum quandoque extitisset. Nam si Deus in primæ diei momento, lucem effudit, quid vsque ad secundæ diei initium peregit? Si secunda die Cælum congeffit, ut quid vsque ad tertiam ociosus sublit? Hæc nanque ociosa interualla, immensæ Dei potentia, quæ nescit temporum vicissitudines, ac viuידæ sapientiæ, quæ hæsitacionem non admittit, & insitæ ipsius bonitati, qua ad emanationem rerum impellebatur, indecentissima fuissent; parum etiam ipsis creaturis opportuna, quæ efflagranti voto perfectionem exposcentes, imperfectæ consiliter tamdiu cogebantur. Amplius irridendi Deum occasione mora hæc aditum præstat, teste ipso D. Augustino, qui turpe esse ait, nimisque perniciosum, ac maxime cauendum, Christianum de his rebus, quasi secundum Christianas literas loquentem, ita delirare, ut quilibet infidelis audiat, & dicat, quod toto Cælo erret, & risum tenere vix possit. Sed ad euidentissimas, perspectasque Scripturæ auctoritates descendentes, primo scriptum comperimus. Istæ sunt generationes Cæli, & Terræ, quando creata sunt in die qua fecit Deus Cælum, & Terram, & omne virgultum agri. Quid igitur amplius hæsitandum, si in eodem die, quo Cælum conditum est, & plantæ emanarunt? quod si tertio die plantæ conditæ dicuntur, id non asseritur, quia creatæ fuerint diuerso die ab eo quo effectum est Cælum; sed ut rudibus historia de re tam ardua, ac præcellenti, ad sex dies accommodata magis enitesceret. Amplius testatur Sapiens; Qui viuit in æternum, creauit omnia simul. Si ergo simul omnia Deum congeffisse, prodit Scriptura, quæ amplius superest hæsitandi ratio?

Catena Patrum, Mundum sex dierum spatio conditum, arbitrantium.

Ex aduerso, Patrum numerosa Classis, Mosis literam prosequuta, Orbem non vnico temporis primordio, sed sex dierum delapsu conditum existimauit. Et primo in hanc deueniunt sententiam omnes ij Patres, qui licet non clarè Mundum decursu temporis editum dixerint, attamen literam Mosis iuxta eius peruulgatam significationem capientes, sex dies priscos naturales extasse, & non vniiformes fuisse asserunt, sed triduum primum igne, vel nube lucida, seu luce Solis nulli addicta globo splenduisse; quarto verò die conditum fuisse Solem voluerunt: Et qui rem post rem productam exponunt, scilicet primo die lucem, secundo firmamentum, in quo sita confident astra, tertio maria coacta, & Terram denudatam fuisse, & germina pullulasse perhibent: item quinto die pisces, & aues; & sexto animantia & hominem, non in præseminata materia, sed actu producta fuisse à Deo constanter assenerant. Hi fuere D. Clemens Papa, Dionysius Areopagita, Iustinus, Origenes, Basiliius, Ambrosius, Io. Damascenus, Iunilius, Rabanus, Alcuinus, Strabus, Petrus Comestor, & alij plerique, quorum placita, deductis suis locis Catenis apparent. Sed explicata sententia, Mundum sex dierum lapsu prodijisse, plures alij edocuerunt.

P H I L O de Mundi opificio.

Sex autem diebus fabricatum ait Mundum, non quod temporis spatio opus habuerit conditor: Deum enim non iussu solum, verum & cogitatu operari creditur. Sed quoniam opus erat res creari quodam ordine; ordini autem numerus est proprius. Inter numeros verò, lege naturæ aptissimus generationi est senarius. Et post. Nam

Nam si omnia simul & semel fecisset condita, minus ordinis fuisset in rebus tam pulchrè conditis: nec enim est quicquam pulchri in confuso ordine. Ordo verò est consequentia, seriesq; rerum præcedentium, & sequentium, si non ipso opere, certè consilijs opificum; si modò caueatur vt ea certa, inconfusaq; sint.

GREGORIVS Nazianzenus Oratione in nouam Dominicam.

Ita procreato lumine, primum quiddam inter dies numeratur, & secundum, & tertium, ac sic deinceps vsq; ad septimū diem, & celsationē operibus asserentem; quibus ea quæ creata sunt, diuiduntur, ac distinguuntur, arcanis rationibus ordinata, & constituta; nec confertim in rerum naturam ab omnipotenti illo Verbo producta, cuius sola etiam cogitatio, vel solus sermo, confectum opus representat.

NICETAS hunc locum sic commentatur.

Ita producto lumine, primus dies, & secundus numeratur; ac sic deinceps vsque ad septimum, quo Deus requieuit ab omnibus operibus, quæ fecerat; quemadmodum testatur Scriptura. Diebus enim opificium Dei diuiditur. Primo etenim lux facta est, quæ & diffusa, & collecta, tres dies ante Solis creationem fecit. Secundo, firmamentum; tertio, aquarum collectio, terræq; germinatio: quarto, luminaria; quinto, animalia ex aquis producta, sexto, animalia terrestria, & homo. Quod autem hæc opera eo ordine constituta sint, vt aliud sit primum, aliud secundum, ac sic deinceps, non temerè ac frustra factum est, sed propter rationes quasdam arcanas, & ineffabiles. Rebus enim creatis ordine opus erat. Ordini porrò familiaris, & accommodus est numerus, vt Philo Hebræus scripsit. Proinde haud subito, atque confertim opifex Verbum, Dei; filius, omnia in rerum naturam extulit, licet alioqui omnia facere possit, non modo iussu, atque imperio, sed sola etiā cogitatione. Ipse enim dixit, & facta sunt: ipse mandauit, & creata sunt. Quid autem dico, dixit, & facta sunt, cum cogitatio sola perfectū opus Deo sistat, ac representet? Horum autem verborum sententiā, Theologus à libro Iudith accepit, Deum his verbis alloquentis; Cogitaſti ac præſto fuerunt tibi omnia, quæ fecisti.

Ordini aptus est numerus.

Psal. 148.

Cap. 9.

GREGORIVS Nazianzenus Oratione in Sanctam Pentecosten.

Quaquam ea perspicua caussa afferri potest, quòd cum Deus sex dierum spatio materiam produxisset, & informasset, atque omnis generis speciebus, & commixtionibus exornasset, Mundumq; hunc, quem nunc cernimus, condidisset; septimo die ab operibus conquieuit, velut ipsum quoque Sabbati nomen indicat, quietem Hebræa lingua significans.

Nicetas idipsum eodem loco astruit.

GREGORIVS Nissenus in Hexæmeron, inquit.

Quocirca principium Mundi originis hoc intelligendum esse suggerit, quòd Deus omnium rerum, quæ sunt, materias, & causas, & vires comprehensim, in momento temporis congererit, atque molitus sit, & in primo voluntatis impetu, vniuscuiusque rerum natura concurrerit, Cælum æther, stellæ, ignis, aer, mare, terra, animalia, plantæ; quæ diuino quidem oculo omnia, cum ratione potentia ostenderentur, cernebantur, nimirum ab illo, qui, vt inquit Propheta; Omnia ante ortum ipsorum nouit. Potentiam autem pariter, ac sapientiam in vnum collatam ad perfectionem, & consummationem vniuscuiusque particule Mundi, series quædam necessaria per quendam modum, rationem, & ordinem consequuta est; vt vnum quiddam eorum, quæ in vniuersitate rerum cernuntur, præcederet; & ante cætera existeret, & ederetur; atq; ita post illud id, quod necessario præcedens exciperet, ac sequeretur, secundum hoc item tertium, prout artificiosa natura cogeat, iteq; quartum & quintum, & reliqua per quendam consequentem vicissitudinem, non temerario quodam casu, atq; concursione, per quendam inordinatum, & fortuitum motum, & impetum ita existentia, atque prodeuntia; sed vt necessarius ordo naturæ vicissitudinem in ijs, quæ existunt, requirit: ita res quasque & factas esse ait per formam narrationis de naturalibus sententijs philosophicè tractans.

Psal. 138.

THEODORETUS Diuinorum Decret. Epitome libro quinto.

Qui autem Mundi ortum conscripsit, apertè docuit, quenam quidem ex ijs quæ non erant, & quenam ex ijs quæ erant, fabricatus est opifex; & quòd Cælum quidem, & Terram, & alia elementa, ex ijs quæ non erant, fecit. In principio enim, inquit, fecit Deus Cælum, & Terram. Similiter autem & lucem, ex ijs quæ non erant, fabricatus est. Dixit enim, inquit, Deus, Fiat lux, & facta est lux. Firmamentum autem produxit ex ijs, quæ iam facta fuerant. Fiat enim, inquit, firmamentum in medio aquæ, & sit diuidens inter medium aquæ & aquæ. Semina quoque & arbores, à Terra germinare iussit. Germinet, inquit, Terra herbam feni, seminans semen secundum genus, & secundum similitudinem; & lignum fructiferum faciens fructum, cuius semen ipsius in ipso secundum similitudinem, secundum genus in Terra. Ita etiam ratione carentium animalium genera produxit. Ex aquis quidem, quæ per aërem ingrediuntur, & quæ in aquis degunt, & quæ amphibia, quòd nunc in aquis, nunc in terris viuunt, appellantur. Producant enim, inquit, aquæ reptiles. Producat enim, inquit, Terra animam viuentem, quadrupedes, & pecora. Hominem autem, ex ijs quæ non erant, fabricatus est.

AMBROSIVS Hexæmeron libro primo, capite septimo, Deum non simul Mundum creasse, ac venustasse, explicatiùs declarat, dicens.

Et fortasse dicant: cur enim Deus, sicut dixit, & facta sunt: non simul ornatus congruos rebus asurgentibus

ribus donauit elementis, quasi non potuerit Cælum insignitum stellis subito ut creatum est resurgere, & floribus, ac fructibus Terra vesti? Potuit utique, sed ideo primò facta, postea composita declarantur, ne vent increata, & sine principio crederentur, si species rerum, velut ingenerate ab initio, non postea addite viderentur. Incomposita Terra legitur, & iisdem à Philosophis aternitatis, quibus Deus privilegijs honoratur: Quid eicerent, si ab initio eius pulchritudo vernasset? Demersa aquis describitur, velut cuidam principiorum suorum addicta naufragio, & adhuc à nonnullis facta non creditur: Quid si decorem primogenitum vendicaret? Accedit illud, quod imitatores nos sui Deus esse voluit, ut primò faciamus aliqua, postea venustemus: ne dum simul vtrunque adorimur, neutrum possimus implere. Fides autem nostra quodam gradu crescit. Ideo primùm fecit Deus, postea venustauit, ut eundem credamus ornasse, qui fecit, & fecisse qui ornauerit: ne alteram putemus ornasse, alterum creauisse: sed eundem vtrunque esse operatum, ut primò faceret, postea componeret, ne alterum sine altero crederetur.

Et de Cain, & Abel libro secundo, capite sexto.

Utique simul omnia fieri iubere potuit Deus, sed distinctionem seruare maluit, quam nos in omnibus imitaremur negotijs.

Et libro sexto epistolarum, Epistola trigesima nona ad Horuntianum.

Psal. 148.

Sex itaque diebus factum Mundum exprimit, non quod Deus tempore indignerit ad constitutionem eius, cui intra momentum suppetit facere quæ velit (dixit enim, & facta sunt) sed quia ea quæ fiunt, ordinem querunt. Ordo autem, tempus & numerum plerunque exigit. Illud quoque præcipue, quoniam nobis ad operandum formam daturus, numerum dierum seruauit, & tempora. Nos enim tempore indigemus, ut aliquid maturius agamus, ne præcipitemus consilia, atque opera nostra, ne ordinem prætermittamus.

I O. C H R Y S O S T O M V S dilucidam huiusce rei detulit sententiam, Homilia tertia in Genesim.

Verum scire, & discere debemus à Spiritu Sancto per linguam beati huius Prophete, quæ primo die condita sunt, & quæ alijs. Nam & istud ipsum misericordis Dei condescensionem declarat. Neque enim inops erat omnipotens illius manus, & infinita sapientia, ut non posset vno die producere omnia. Quid, inquam, vno die? & simplici momento poterat. Sed quandoquidem res non ob suam vtilitatem produxit, (nullius enim rei indigus est, qui sufficientissimus) sed ob suam benignitatem, & bonitatem fabricauit omnia. Idcirco non simul, sed successiue, & per partes condidit, & doctrinam nobis manifestam de rebus conditis, per linguam beati huius Prophete tradidit, ut hæc exactè discerent, non accedamus eorum sententiae, qui humanis rationibus mouentur.

G R E G O R I V S libro trigesimo secundo Moralium, capite nono, à D. Augustino discedere visus est, cum rerum substantiam primò informem, non tantum origine, sed tempore præextitisse perspicue tradat.

Rursum querendum est, quomodo Deus cuncta simul condidit; dum Moyses sex dierum mutatione variante distinctè creata describat? quod tamen citius agnoscimus, si ipsas causas originum subtiliter indagamus. Rerum quippe substantia simul creata est: sed simul species formata non est: & quod simul extitit per substantiam materiae, non simul apparuit per speciem formæ. Cum enim simul factum Cælum, Terraque describitur, simul spiritalia, atque corporalia, simul quicquid de Cælo oritur, simul factum quicquid de Terra producit, indicatur. Sol quippe, Luna, sydera quarto die in Cælo facta perhibentur; sed quod quarto die processit in specie, primo die in Cæli substantia extitit per conditionem. Primo die creata Terra dicitur, & tertio arbutus, & cuncta terre virentia describuntur: sed hoc quod die tertio se in specie protulit, nimirum primo die in ipsa, de qua ortum est, terre substantia conditum fuit. Hinc est, quod Moyses, & distinctè per dies singulos condita omnia retulit, & tamen simul omnia creata subiunxit, dicens; Istæ sunt generationes Cæli, & Terræ, quando create sunt in die, quo fecit Dominus Cælum, & Terram, & omne virgultum agri, antequam oriretur in Terra, omnemque herbam regionis. Qui enim diuersis diebus, creatum Cælum, & Terram, virgultum, herbamque narrauerat, nunc vno die facta manifestat; ut liquidò ostenderet, quod creatura omnis simul per substantiam extitit, quamuis non simul per speciem processit.

Gene. 2.

A T H A N A S I V S contra Arrianos, sermone tertio.

Tota rerum natura intra sex dies condita est: primò quidem lux, quod spatium diem appellauit, secundo firmamentum.

Et de Virginitate.

Ipse enim Deus pater omnium, intra sex dies fecit Cælum, & Terram, & mare, & omnia, quæ in eis sunt.

T H E O P H I L V S Patriarcha Antiochenus, ad Autolycum libro secundo.

Terra autem erat informis, & inanis, & tenebræ erant super faciem abyssi, & spiritus Dei mouebat se super faciem aquarum. Hæc in primis Scriptura agit, & monet, ut doceat materiam à Deo esse quodammodo factam, ex qua Mundum constituit, & in decentem ordinem redegit.

I V L I A N V S Pomerius Archiepiscopus Toletanus lib. contra Iudæos tertio.

In sex quippe diebus fecit Deus Cælum, & Terram, & omnem à se formatam distinctis diebus, condidit creatu-

creaturam, vnumquemque diem lucem initians, vespere consumans.

Verum quod in hoc negotio maximè refert, est, quod D. Augustini acerrimi, ac perpetui defensores, & qui ab eius doctrina nec latum vnguem recedere consueuerant, hac in re ab eo in arduam sententiam præcipitato, descuerunt.

A L C V I N V S libro quæstionum in Gen. ad primam respondens ait.

Requirit à nouarum conditione creaturarum, non à conditarum gubernatione; & ideo Deus tunc creator, in sex dierum creatione putandus est; nunc verò gubernator in totius Mundi naturis.

Et amplius quæstione decimanona.

Quot modis est operatio diuina? Resp. Quatuor. Primò quod in Verbi dispensatione, omnia aeterna sunt. Secundo, quod in materia informi, qui viuit in æternum, creauit omnia simul. Tertio, quod per opera sex dierum varias distinxit creaturas. Quarto, quod ex primordialibus seminibus, non incognita oriuntur nature, sed notè sapius, ne pereant, reformantur.

Hæc eadem habet Glossa ordinaria ex Alcuino:

H V G O Victorinus noster, Adnotationibus in Genesim, capite quarto, hanc vberius disputans difficultatem, ait.

De modo creandi magna quæstio est; quidam enim dicunt, Deum omnia simul fecisse quæcunque; alij distinguunt per sex dierum operationem, & dicunt illam distinctionem figuratiuam esse, & propter mysterium tantum, nec ita fuisse ad literam. Et hoc volunt probare illa auctoritate; Qui viuit in æternum, creauit omnia simul. Et alia etiam de hoc eodem libro sumpta, vbi recapitulando post opera sex dierum; Istæ sunt, inquit, generationes Cæli, & Terræ, quando create sunt in die, quo fecit Deus Cælum, & Terram, & omne virgultum agri. Dicunt etiam hanc rationem, quia Deo non conuenit ad modum hominis aliquid imperfectum facere, aut inordinatum, aut deforme. Sed facile est illas auctoritates soluere. Contra hanc rationem quoque possumus dicere, quod Deus, qui in momento poterat omnia facere, sex diebus distinxit opera sua: non propter suam (quæ nulla est) impotentiam, sed propter rationabilium creaturarum instructionem & exemplum. Sicut enim prius rebus dedit esse, & postea pulchritudinem; ita & Angelo, & homini, quibus dederat rationales esse, si perstitissent, dedisset & beatos esse; & hoc esset pulchrum esse. Quod exemplum, quia neglexit Angelus, respiciens ad esse suum, quod rationale erat, nimium de se præsumens, cecidit irrecuperabiliter, sicut alij immobiliter sunt confirmati. Ad hominis verò reparationem, sex diebus distinguere voluit opus suum, vt in hoc haberet homo animum occupatum ad sui institutionem. Quod autem Deus dicitur creasse aliquid imperfectum, aut informe, non nocet, nec est inconueniens; quia ad comparisonem maioris perfectionis, aut pulchritudinis, quas ipsemet per se, quando oportuit, addidit, dici debet: sicut quotidie facit pueros imperfectos, quantum ad augmentum quod sequitur: sed tamen perfectos ad munus partium, manuum scilicet, pedum, & cæterorum membrorum: & hæc sententia probabilior videtur.

Ecclesiast. 18.

Gen. 2.

Idipsum libro de Sacramentis Fidei parte prima, vberius disputat: sexto autem, quantum infortitas ea perstiterit, edisserit.

Cap. 2. & 3.

R V P E R T V S Abbas, Commentarijs in Genesim, libro primo, capite trigesimo septimo, ab Augustini vexillo defecit.

Iam nunc tamen quærendum est ab eis, qui omnem creationem repentinam, & commixtam fuisse volunt, quomodo accipiant illud quod dictum est; Plantauerat Paradisum voluptatis à principio. Nam propter illud quod alibi scriptum est; Qui viuit in æternum, creauit omnia simul; volunt repente, & absque vllis profectibus, herbam maturam, & ligna robusta, cum pomis, & seminibus suis constituisse; simul luminaria in firmamento; simul reptilia maris, & volatilia Cæli efferbuisse; simul nihilominus animantia terræ, & ipsum hominem subito obambulasse in pedes. Hoc planè à ratione dissentit, nec huiusmodi sensum præsentis lectionis textus admittit. Nam à principio iam dictum est, quod plantauerat Dominus Deus Paradisum voluptatis, & homo non erat qui operaretur terram, sed fons ascendeat de terra, irrigans vniuersam superficiem terræ.

Gen. 2.

Ecclesiast. 18

P E T R V S Riga Remensis, poemate inscripto Aurora.

Principio Terram, Cælumq; creasse refertur,

Qui sine principio, qui sine fine manet:

Ex nihilo, non ex aliquo, simul omnia fecit;

Non tamen effigiat cuncta creata simul;

Quod careat formis, & non habitetur, inanem

Et vacuam Terram, pagina sacra refert.

M A G I S T E R Sententiarum, libro secundo, distinctione duodecima.

Res non simul, vt quibusdam Sanctorum Patrum placuit, sed per intervalla temporum, ac sex volumina dierum, vt alijs visum est, formauit. Quidam nanque Sanctorum Patrum, qui verba Dei, atque arcana excelenter scrutati sunt, super hoc quasi aduersa scripsisse videntur. Alij quidem tradiderunt omnia simul in materia & forma fuisse creata; quod Augustinus sensisse videtur. Alij verò hac magis probauerunt, ac as-

seruerunt, ut prima materia rudis, atque informis quatuor elementorum commixtionem, atque confusionem tenens, creata sit: postmodum verò per intervalla sex dierum, ex illa materia rerum corporalium genera sunt formata secundum species proprias. Quam sententiam Gregorius, Hieronymus, & Beda, alijque plures commendant, ac præferunt. Quæ etiam scripturæ Geneseos (unde prima huius rei ad nos manavit cognitio) magis congruere videtur.

D. THOMAS has duas D. Augustini, & Sanctorum Patrum tam aduersas sententias conciliare nititur, prima parte, quæstione sexagesima sexta, articulo primo: sed luculentiùs quæstione septuagesima quarta, articulo secundo: licet in disceptationis illius progressu (si accuratius attendatur) ad secundam magis, quàm ad D. Augustini sententiam declinare videatur. Cæterum in quæstionibus disputatis, quæstione quarta de omnipotentia, articulo secundo, aurea decisione de ipsis hoc tulit iudiciu.

Harum igitur expositionum, prima, scilicet Augustini, est subtilior, magis ab irrisione infidelium scripturam defendens. Secunda verò, scilicet aliorum Sanctorum, est planior, & magis verbis literæ propensior: adeò ut neutri harum expositionum præiudicetur, utranque opinionem sustinentes, utriusque rationibus respondendum est.

Cap. 22.

GVLIELMVS Parisiensis libro de Vniuerso, prima parte.

Si quis autem querat, quomodo non cum ipsa prolatione huiusmodi Verbi omnia simul facta sunt, cum ex Verbo, & per Verbum, tanquam causa efficiente, & sufficiente, omnia facta sint? Respondeo, quia non omnia simul effici potuerunt, immo cum reuera dicta fuerint, simul tamen omnia fieri non potuerunt. Tu enim & pater tuus, atque mater, simul fieri non potuistis: similiter neque pullus, & ouum, ex quo generandus erat ipse, eodem modo neque semen, & id quod generandum erat ex semine; & in exemplis etiam, quæ præmissi, manifestum est. Etsi enim vno verbo imperetur expugnatio vrbis, & propter hoc omnia, quæ ad eiusdem expugnationem faciunt, non tamen omnia illa simul fieri possunt. Scire etiam debes, quia Creator benedictus, non aliter dixit res fieri, quàm factæ sint; immo dixit vnumquodque fieri suo tempore, ordine, & loco, sicut & tu non cogitas omnia scribi simul, quæ scribis, sed vnumquodque suo ordine scribis, & etiam cogitas in vniuersali scribere librum, non cogitas ipsum scribere totum simul, sed particulatim, & ordinatè; & de vnoquoque per artificium sic se habet. Quantò fortius igitur Creator sapientissimus, nec dixit omnipotentissimo Verbo, nec cogitauit ineffabili cogitatu suo, omnia fieri simul, sed magis ordine, quo congruebat eis esse & fieri, similiter & tempore.

Et post, capite vigesimo nono.

In principio creauit Deus Cælum, & Terram. Vbi præmittam hanc radicem: Ordo nature, ordo est creationis; cuius hæc est intentio, ut quæ priora sunt natura, intelligantur esse priora creatione, siue prius creata. Quoniam igitur extrema in omni contrarietate priora sunt alijs, Cælum autem vltimum, & Terra extrema sunt inter corpora, atque contraria, sicut loco suo declarabo: ex necessitate ergo primo creata sunt. Idem autem est dicere primo creata, & in principio creata. Manifestum igitur est, quia in principio creauit Deus Cælum, & Terram; hoc enim est ante corporalia.

TOSTATVS in Genesim, cap. primo, molestè Augustini assertionem perferens, alteram probare visus est.

Ista autem positio altissima est, quia à tanto Doctore principium habuit. Sed non videtur concordare multum intentioni legislatoris, quia Moyses loquebatur hic populo rudi, qui de cognitione Angelorum, nec de ipsis Angelis aliquid intelligere poterat: sed ea quæ loquebatur, Moyses volebat quòd populus intelligeret: ideo de rerum creatione, & non de cognitione Angelica intellexit. Et ista est intentio omnium Doctorum.

ALEXANDER de Hales secunda parte, quæstione nona, membro septimo, in utranque sententiam rapi videtur, cum ait.

Respondendum est secundum Augustinum super Genesim ad literam, quòd res simul create sunt: licet sit ordo inter ipsas res creatas secundum minus nobile, & magis nobile: & iste est ordo secundum dignitatem: quem ordinem tangit Damascenus, cum dicit; Decebat primum intellectualem substantiam fieri, & ita sensibilem; & tunc ex utroque hominem. Potest tamen hic intelligi, ut sit prioritas temporis secundum intentionem beatorum Gregorij, & Hieronymi, & aliorum expositorum.

Sed expressius quæstione quadragesima quarta, membro tertio, suam explicauit sententiam.

Dicendum, quòd non est simile de creatione & factione: factio enim respicit formas distinctas ubi ordo designatur, & ita potest designari dies, secundum quòd dies est ex reuolutione luminosi: creatio verò, & distinguitur à facere, respicit materiam, & ita non dicitur ibi prius, & posterius, quòd respicit formas, sed simul. Nec oportet, si mensurata sunt in natura ordinata, quòd propter hoc sit ordo ex parte mensuræ: ad prius enim, & posterius natura, non sequitur prius, & posterius in duratione.

Et post, quòd in momento effecta fuerit creatio, edocet, cum ait.

con-

Concedimus, quod omnia creata sunt in vno nunc: & illud nunc, non est nunc eternitatis, nec nunc temporis, sed nunc aui; & hoc dicimus, tum quia magis manifestatur Dei potentia, creando in vno nunc multa; tum quia creata hoc modo, plus conueniunt cum primo.

D. BONAVENTURA, Magistri acerrimus sectator, sub huius sententiæ vexillo se recepit, libro secundo Sententiarum, distinctione duodecima, quaestione secunda. Dicit enim.

Quidam Sancti in hac quaestione magis secuti sunt viam Theologicam, trahentes rationem ad ea, quæ sunt Fidei. Quidam verò (inter quos præcipuus fuit Augustinus) magis secuti sunt viam Philosophicam, quæ illa ponit, quæ videtur magis rationi consona: unde & intellectum Scripturæ trahit ad rationis confirmationem, & attestationem. Unde cum videatur rationabilius, à summa potentia omnia produci simul, & mora temporis interiacentis nullius videatur esse utilitatis, vel necessitatis; posuit omnia simul esse producta: suam positionem confirmans per auctoritates sacræ Scripturæ; & exponens illud, quod videtur sibi contradicere, videlicet, de dierum distinctione: ostendens, quod illi dies non fuerunt dies materiales, sed potius spirituales; qui omnes simul potuerunt esse: & hæc positio multum fuit rationabilis, & valde subtilis. Verumtamen, quia ad hanc positionem videtur intellectus Scripturæ distrahi, & securius est, & magis meritorium intellectum nostrum, & rationem omnino Scripturæ supponere, quam ipsam aliquo modo distrahere: ideo communiter aliqui Doctores, & qui præcesserunt Augustinum, & qui secuti sunt; sic intellexerunt, & posuerunt sicut textus in litera sacræ Scripturæ Genesis sonare videtur. Unde posuerunt omnia materialia, & corporalia simul esse creata in materia, sed per senarium dierum esse distincta in forma. Et Post. Dicendum, quod Scriptura facit vim inter creare, & facere. Nam creationem, vocat productionem ex nihilo; factionem verò, ipsam distinctionem; & hoc bene signatur Genesis secundo, ubi dicitur, quod cessauit ab omni opere suo, quod creauit, vt faceret. Omnes igitur Sancti in hoc concordant, quod omnia sunt simul producta in materia: & ideo omnia concedunt simul esse creata, sed tamen non simul facta.

Verum minimè silentio prætereunda sunt huius tantorum Patrum assertionis solida argumenta. Potissimum igitur huius sententiæ fundamentum, est literæ series; siquidē historiā intexebat Moses; Historici ergo munia obire debebat: sed Historici partes sunt, res gestas prout gesta sunt enarrare, ac voces secundū vsitatā significationē desumere; igitur & gesta, & verba, prout sonant, sunt accipienda. Turbatur nimium hæc Mosis de opificio Mundi enarratio, si in tēporum primordio verè simul condita sunt omnia. Quæ enim Terra illa inanis & uacua? Quomodo aquis cooperta, & post detecta? Quæ tenebræ? Quæ abyssus? Qui spiritus latūs super aquas? Quæ lux primo die ante Solē præcreata? Et qui Sol post quarto die conditus? Quare firmamentum aliud fuit compactum à Cælo primo die conflato? Certè hæc omnia præiisse tempore informem Orbem, & Chaos non fictum, & commentitium, sed verum arguunt, atque conuincunt: aut nulla est historiæ ratio, nullusque literalis sensus. Quare D. Augustini interpretatio longè abscedit à litera, ac tota in peregrino sensu uersatur, & ea quæ splendidiora sunt ipso Sole, densissimis nubibus obscurat. Nec Mosen rudibus Hebræis, quod momento actum est temporis, sub decursu exposuisse, vt digestam, ac perfacilem rudibus ingenijs afferret rerum omnium conditarum enarrationem eorum captui accommodatā, dicendum est; potuisset enim primū Moses creationem rerum in momento effectam, uti momento factam dilucidè, & clarè proponere; deinde Chaos explicare, ac postea secretionis, venustationisque opera, nulla sex dierum commemoratione facta, nec uespere, & mane toties inculcata mentione, representare, ac enarrare. Siquidem si Moses historiæ suæ hos sex dies intexuit, ac apposuit, quasi per eos ex vi literæ, seu literaliter cognitiones Angelorū matutinas, & uespertinas studens explicare, quis attingere eum potuit? si allegorijs vsus est, quomodo potuit Moses rudibus, obesi que ingenij Hebræis obscure, enigmaticèque cognitiones Angelorum vix Theologis prospectas, & cognitatas obijcere? Igitur Mosis historia, nullum literalem sensum, ratum, ac firmum deferret, sed omnia ad allegoriam redigenda essent.

D. Thomas quaestionibus disputatis, & post eum plures ex recentioribus hoc aliud contra Augustinum proferunt argumentum. Moses præceptum de Sabbati obseruatione promulgans, hanc unam mandati eius causam reddidit; Quod Deus creatis intra sex dies, Cælo, & Terra, die septimo quieuerit ab omni opere, quod patrarat; at si simul, seu uno die omnia Dei nutu emanassent, ratio ea non tantum infirma, & inutilis, sed minus sincera uideretur. Amplius in D. Augustinum inuehuntur alij: si omnia simul condita sunt, omnia inquam, quæ sex diebus facta narrantur; & ea, quæ ante sex dies in primordijs tem-

Rationes pro hac sententia.

Exod. 20.

Distinctio
sex dierum in
creatione, quæ
ordinem im-
portet.

Lect. 17. in
Gen.
Homil. de
Magdalena.

porum creata recensentur; simul igitur creatum est Cœlum, simul formata lux, simul diuisa tenebræ à luce: Quod si Cœli nomine (vt inquit Augustinus) intelligitur Angelus, pariterq; segregatione lucis à tenebris, Angelorum bonorum à prauis seiunctio; igitur simul editus est Angelus, eodemque ipso momento ad Deum conuersus est, ac ipsomet Angelus assumptus, Dæmonque expulsus, ac deiectus. Hæc autem & doctrinæ omnium Theologorum, & Scripturæ, & rationi admodum aduersa sunt: Theologi enim, inter Angeli conditionem, & lapsum, & assumptionem, seu propulsionem, formulas (vt aiunt) quasdam intercessisse perhibent. Verum & de homine maior est difficultas, quomodo enim potuit eodē momēto formari homo? in Paradisum ferri? somno corripi? Eua educi? & similia. Amplius, distinctio sex dierum à Mose tradita; aut importat ordinem temporum in rerum creatione, ita vt prius enarrentur, quæ prius editæ sunt; aut ordinem dignitatis, quo præstantiores præire scimus; aut naturæ, quo causæ effectus præcedunt; aut ordinem cognitionis Angelicæ, vt ea prima prodijisse tradantur, quæ primùm Angeli percepere. Non denotat certè ordinem dignitatis, quia tunc homo Mundi princeps, primo die emanasse perhiberetur: non naturæ, tunc enim Solis, & Astrorum creatio plantarum originem antecessisset: non ordinem Angelicæ apprehensionis; & primò non matutinæ, cum beatifica visio nullam multitudinem, ac successionem suscipiat, simul enim ea omnia, quæ ipsorum competunt gloriæ, Angeli in Verbo contuentur; nec vespertinæ, Angeli nanque saltem nobiliores unico prospectu plura rerum genera simul comprehendunt, quàm inferiores. Rursus hæc vespertina Angelorum cognitio naturæ ordinem insequuta esset, quem tamen Moses in rerum ipsarum à Deo effectarum narratione haudquaquam obseruauit. Superest igitur, ut sola ratio, ac ordo temporis, quo res conditæ sunt, dies istos discernat, distinguatque, & ex temporis ratione Moses eos contexuerit. Accedit vltimo in loco id quod scitè admodum adnotauit Vielmus, quod sacra volumina, secundum numerum septenarium tempora computant, ac hebdomadam genera plura proponunt, vt D. Gregorius perpendit, & infra luculentius à nobis enarrabitur. Vnde & in vsu fuit apud Hebræos hebdomada septem dierum, & septem annorum, ac etiam magna hebdomada septem annorum complectens hebdomadas, quam è vestigio subsequebatur Iubilei annus. Amplius, populi cuncti vetustim, confertim, agminatim, tam Barbari, quàm Græci, ac Latini, hebdomadibus perpetuò vsi sunt, quamuis in denominandis diebus non omnes inuicem consenserint. Quæsitare igitur possumus, cur tam Scripturæ, quàm sæculi sapientes, septimanas, & non decimanas, seu octomanas sibi selegere; certè nullam aptiorem huius Instituti rationem proferre possumus, quàm quod septem dies hebdomadæ nostræ primorum septem dierum simulachrum insigne, illustrisque imago censentur. Quapropter primam eam creationis hebdomadam, quam nobis conscribit Moses, fuisse septem integras Cœli conuersiones, septemque naturales, & non fictitios dies, asserendum est. Postremò Ecclesiam contra D. Augustinum decreuisse, ac statuisse, non imbecille est argumentum, quod in hymnis vespertinis singulo die, de singulo opere, in creationis Mundi primordijs, & ipso die peracto, immortales, quoad potest, Deo conditori referat gratias.

Iudicium Auctoris.

Quanquam isti arduo admodum, ac perdifficili negotio, huic tantæ, & tam graui Patrum disceptationi iudicium meum interponere, non modicè reformidem: dicam atamen ingenuè, quid ipse existimem. Dialecticum istud in via Patrum problema esse arbitror: ac D. Thomam vt ducem insequens, neutram harum opinionum apprimere iijcio, nec vt falsam repello; sed primam D. Augustini ingeniosiore, atque ad refellendas gentilium Philosophorum irrisiones promptiorem: alteram autem planiorem esse magis, ac Mosis literæ arridentiorem reputo. Quapropter cum ad exponendam Mosis historiam, Basilij, cæterorumque Patrum, Mundum delapsu temporum constructum existimantium, sententiam aptiorem, & accommodatiorem perspiciam, hanc altera non reiecta, prosequar: si prius ad argumentationes ex utraque parte dedu-

D. Augustini
sententia sub-
tilior est, sed
alia literæ ac-
commodatior.

ctas,

tas, concisè, quoad fas erit, responsa insinuauero. Ad primam pro D. Augustino delatam argumentationem, quòd Dei inestimabilis potentia calumnia affici videatur, si tarda molimina ei, quæ operosissima est, in Mundi emolitione ascribantur: Duo dicerem; primum, illam in creando moram, ac protractionem duo demonstrare, quæ Deo æquè connexa sunt, ac immensa potentia; Sapientiam, inquam, & libertatem. Emicat enim in rerum effectione per dies protracta, non momento peracta, Sapientia Dei; cùm triplex Mundi status, ac facies repræsentetur, creationis, seiunctionis, atque exornationis; & mirificè quantum Sapientia in discretione, ac venustatione Chaos effulserit, enarratur; adeò vt de seipsa eleganter prodat Sapietia; Cum eo eram cuncta componens, & delectabar per singulos dies, ludens coram eo, ludens in orbe terrarum; & deliciae meæ esse cum filiis hominum. Oblectationem maximam, ac quasi ludentis suscepit Sapientia æterna, quando vniuersa constituens, ordini ordinem, pulchritudini pulchritudinem, decori decus semper adiungebat. Emicat insuper diuinæ uoluntatis libertas. Noluit enim Deus Orbem in instanti venustare, sed sensim, ac gradatim, vt suam voluntatem, ac libertatem patefaceret. Quapropter Deus Mundum effecit certè vastissimum, ac amplissimum, vt suam omnipotentiam demonstraret; cōdidit dierum sex prolapso, vt voluntate, non necessitate eum protulisse cōprobaret. Quemadmodum igitur licet ab æterno (si Thomistis credimus) vel saltem multis ante æonis, ac sæculis Deus Orbē procreare, ampliorèq; ipsum, & rerū speciebus magis refertum efficere potuisset; attamen & diffinito, præscriptoq; à se tempore, & hac præfinita mole, ac rerum numero, condere eum voluit, quia sibi placuit: Ita prorsus quamuis vnico momento, & simul, omnia perficere certè valuisset, sex tamen dierum interuallo creationem protraxit, quia id sibi beneplacitum fuit. Aristotelis axiomata de agentibus ex naturæ necessitate verificari, omnibus compertum est; At nos verum Deum opificem liberum agnoscimus, ac nulla coactione obstrictum prædicamus. Non igitur ex agentis imbecillitate, seu ex materiæ reluctancia, sex diebus immoratus est Deus, cùm Orbem emolitus est; sed vt æquè Sapientia, ac libertas, quæ in Deo non minoris sunt præstantiæ, quàm ipsa potentia, enitescerent. Arbitror amplius, Dei summam potentiam magis ex Orbis structura per sex dies dilata, quàm si vnico momento omnia fabricasset, elucescere. Immensa siquidem Dei emicat potentia, quòd ex nihilo cuncta creauit; sed in hac per sex dies effusa rerum emanatione explendescunt eiusdè potentiæ potiora monumenta, vtpote quòd efficere potuerit, vt accidentia sine aliquo substrato subsistant, & quòd absque vllò secundarum caussarum auxilio, effectus quos vult, ipse producat; quæ præcipuè apparent, cùm lucem primo die absque Solis globo effulsisse, & Cælum secundo die sine Sole, Luna, ac Syderibus conditum, plantas quoque tertio die ante Sydera ipsa creatas fuisse, historia tradit; quibus luce clariùs demonstratur, Deum accidentia, ac ornamenta à subiectis rebus seiungere, & absq; secundis caussis res efficere, conseruareq; posse: quæ profectò, si vnico momento cuncta produxisset, haudquaquam apparuissent. Nec ob id imperfectum manauit opus à Deo, cùm ipsum non vt absolutum, sed vt absoluendum proferret. Sciscitari verò quid Deus à diei initio, quo opus sibi à seipso præscriptum absoluerat, ad sequentis diei exordium ageret, puerile prorsus ac ineptum est: siquidem Deus perenni eo fruebatur otio, quo ante Mundum in seipso beatus potitus est. Præterea, indagare, num rebus ipsis, quæ efficiebantur, cunctationes illæ molestæ essent, tædiosum est, ac intempestiuū. Siquidem asseuerare possumus, quòd in eo crasso, indecoroq; statu, in quo creaturæ ab imperfecto ad perfectius contendebant, nil ipsis violentum contingebat, vt quæ in maiori opificis collocatæ, illius voluntati omninò obsequebantur; & quanto flagrantius abi collatū à Creatore expetebant, tanto magis creatione per dies protracta, immensum fuisse, experiebantur. Vt alteri argumentationi ex creationis, ac restaurationis Mundi conformitate deductæ satisfaciam, ponderandum existimo; aliud esse efflagrationem, & resurrectionem Mundi, aliud mortuorum resurrectionem: siquidem licet mortuorū resurrectionem in instanti faciendam asseueret D. Paulus, dicens; In momento, in ictu oculi in nouissima tuba: canet enim tuba, & mortui resurgent incorrupti: Orbis tamē restau-

Diluuntur rationes p. D. Augustini adductæ.

Creatio per sex dies protracta, summæ Dei sapientiæ, & libertatis argumentum. Prou. 8.

Creatio protracta, Dei potentia magis ostendit quàm momentanea.

Mundi restau-
ratio non in
momento fiet.
Luc. 21.

Gen. 2.
Hic est liber generationis Cœli, & Terræ, in die quo fecit Dominus Cœlum, & Terræ, & omne virgultum agri; peritorum in Sacris literis iudicio, ad D. Augustini sententiā comprobendam, inefficax, imbecillis, ac nullius esse ponderis agnoscitur, cum dies singulari numero pro plurali, hoc est, pro diebus, & pro eo quod est in tempore, sapius ex phrasi Hebræa in sacris literis accipitur, ut eo loco apud Prophetam; Sicut in die Madian. Iterumq; apud eundem. Et erit in die illa, dicit Dominus.

Isa. 9.
Isa. 14.

restauracionem in tempore explendā, expressē, dilucidēq; ex alijs Scripturę locis euincitur. Primum nanque præbunt plura portenta, ut edocet Scriptura; Erunt, inquit, signa in Sole, & Luna, & Stellis, & in terris pressura gentium, præ confusione sonitus maris, & fluctuum, arescentibus hominibus; & deinde conflagratio non nisi in tempore fieri poterit. Nec ob rerum emolitionem sex diebus protractam Deus irridendus venit; nam, ut dictum est, omnipotentia eius angustissima nullo modo obscuratur, aut labefactatur; sed cum Sapientia, & libertate magis enitescit, atque resplendet. Duabus propositis Scripturæ auctoritatibus occurrere non arduum est; prima enim illa; Hic est liber generationis Cœli, & Terræ, in die quo fecit Dominus Cœlum, & Terræ, & omne virgultum agri; peritorum in Sacris literis iudicio, ad D. Augustini sententiā comprobendam, inefficax, imbecillis, ac nullius esse ponderis agnoscitur, cum dies singulari numero pro plurali, hoc est, pro diebus, & pro eo quod est in tempore, sapius ex phrasi Hebræa in sacris literis accipitur, ut eo loco apud Prophetam; Sicut in die Madian. Iterumq; apud eundem. Et erit in die illa, dicit Dominus.

H V G O Victorinus primus attulit hanc solutionem. Adnotat in Gen. capite septimo, cum inquit.

Moses prius visus est dixisse, sex diebus omnia esse creata: hic verò vno die. Sed si diem confusē pro tempore accipiamus, & verisimilis, & facilis erit solutio: Possimus & secundo interpretari illud verbum in sententia allegata antequam orirentur, hoc est antequam orirentur per propagationem, aut successionem, sicut modo.

D. Thomas quæstionibus disputatis, articulo secundo, hanc delatam auctoritatem, altero etiam modo ita exponit, quod in die, quo creauit Deus Cœlum, & Terram, scilicet corpora cœlestia, & quatuor elementa secundum suas formas substantiales, creauit etiam omne virgultum agri, non in actu, sed antequam oriretur super Terrā, id est potentialiter, quod postea tertia die fuit in actuali existentia productum. Verum Cate-na Patrum hunc locum explicantium, suo loco vberius deducetur. Loci illius apud Ecclesiasticum, Qui viuit in æternum, creauit omnia simul; tot certè adsunt Patrum, Doctorumq; interpretationes, ut Catenam ferè conficere possimus.

Ecclesiast. 18.

Catena exponentium locum Ecclesiastici, Qui viuit in æternum, creauit omnia simul.

G R E G O R I V S libro trigesimosecundo Moralium, capite nono, inquit.

Rursum querendum est, quomodo Deus cuncta simul condidit, dum Moyses sex dierum mutatione variante, distinctè creata describat, quod tamen citius agnoscimus, si ipsas causas originum subtiliter indagamus. Rerum quippe substantia simul creata est: sed simul species formata non est; & quod simul exiit per substantiam materię, non simul apparuit per speciem formę.

Hanc ipsam interpretationem Gregorij adduxit Glossa ordinaria; Hanc pariter liber Antecimenon dictus, Interrog. & Respon. prima; Hanc Iunilius in Hexameron; Hanc Alcuinus quæst. in Gen. decimanona; Hanc D. Thomas prima parte, quæstione sexagesima quarta, protulerunt.

R V P E R T V S Abbas Commentarijs in Genesim libro secundo, capite decimo octauo.

Proinde cum dicitur; Qui viuit in æternum, creauit omnia simul: subaudiamus, antequam faceret. Sic etenim hic habemus, creauit, ut faceret: creauit, inquam, omnia simul in sua sapientia, ut vnumquodque illorum in sua propria faceret essentia. Nam ne putes sic esse dictum, creauit omnia simul, ut intelligendum sit, repente in proprijs speciebus, vel formationibus constituisse omnia simul, nec herba virens, nec ligna pomifera Cælo, & Terra, vel vno momento minora existerent.

H V G O de Sacramentis libro primo, prima parte, capite quinto. Qui viuit in æternum, creauit omnia simul. Quia eodem momento simul, & visibilium materia essentialiter creata est, & inuisibilium natura: nihilq; postea factum, cuius in ipso primordio, aut materia, ut in corporibus: aut similitudo, ut in spiritibus non præcessit. Nam etsi nouæ adhuc quotidie creantur anime, noua tamen creatura non fit: quia in Angelicis spiritibus, iam tunc quando creabantur, eius similitudo præcessit.

Genesis Caput Primum.

263

LVSITANVS Commentarijs in Genesim.

Hoc modo omnia à Deo simul facta dicit Ecclesiasticus, quod videlicet opus suum non interposuit, sed continuauit, donec absoluit.

VIELMIVS Lectione decima septima.

Ad locum autem Ecclesiastici respondemus; ea tunc communi hominum sermone dici simul fuisse facta, quando vel nulla, vel quæ videatur admodum parua mora, exiguumque temporis intervallum intercesserit, dum efficerentur. Quamobrem & Cyrillus in Catena in Psal. trigessimum sextum, capi Simul quandoque pro repente, ac statim, dixit. Et Sanctus Thomas tertia parte, quæstione quinquagesima tertia, art. secundo, ea quoque dici posse fieri statim, adnotauit, quæ breui, aut certè non interposito longiori tempore conficiuntur: sic dicitur domus tota simul extrui, ac statim, quæ successiue sine temporis interpellatione edificatur, quanquam iaciatur antea fundamentum, moxque erigantur parietes, aut etiam muri, & postea tectum superponatur, atque adeo in tempore consumatur; & quoniam Deus iungi quadam, & continuata dierum serie, in quibus feriatu non est, nec suum reliquit opificium, illa omnia, quæ Mundum perficiunt, & exornant, absoluit; rectè profectò, & appositè Sapiens scribere potuit, illum omnia simul creasse.

Habetur in Catena Græca Danielis Barbari.

PERERIVS in Genesim libro primo, duas alias ab his diuerfas affert interpretationes.

Omnia creata sunt simul, ea nempe, quæ sunt propriè loquendo creata, idest, ex nihilo facta; hæc autem simul omnia vno instanti sunt condita, Cælos dico, Angelos, & quatuor elementa. Sed verum, & germanum illorum verborum Ecclesiastici intellectum reddit verbum Græcum ibi positum *τοῦτον*, quod noster interpres vertit Latine Simul, significat enim idem, quod pariter, seu communiter, vel vniuersaliter: vt proprius eius loci sensus sit, Deum omnia pariter, vel sine ullius rei exceptione creasse. Similiter, vt dicit Ioannes de Verbo diuino; Omnia per ipsum facta sunt, & sine ipso factum est nihil. Quare Latina illa vox Simul, non denotat eo loco simultatem temporis, vt putauit Augustinus, sed simultatem collectionis, seu vniuersalitatis, qua significatione aliàs non rarò ponitur in Scriptura, velut in Leuit. Numerabis, inquit, septem hebdomadas annorum, idest, septies septem, quæ simul faciunt annos quadraginta nouem; & in libro Numerorum vox Simul eadem significatione sumpta, ter, quaterve legitur: necnon in Psalmo decimotertio: Omnes declinauerunt, simul inuiles facti sunt: non est qui faciat bonum, non est vsque ad vnum: & in Psalmo quadragesimo octauo. Simul insipiens, & stultus peribunt.

Ioan. 1.

Leu. 25.

Num. 25.

Luculenter igitur satisfacimus auctoritatibus pro D. Augustino adductis; hæcque pro Basilij sententiæ munimine dici possunt.

Verum ad dissoluendas argumentationes contra Augustinum illatas transeamus. Illud itaque quod primò obijciebatur, nempe quod Moses historici partes prætergressus fuisset, si de Mundi opificio enarrationem, metaphoris, ac translatis, obscurisque vocum significationibus locupletasset; facile euertetur, si perpendamus aliam esse rerum humanarum rationem, aliam Diuinarum, ac supernarum, quæ hominibus sunt & cognitu arduæ, & summa veneratione suspiciendæ: Quamobrem sicuti humanæ humanis vtitur vocibus sunt explicandæ, ita & diuinæ humanum captum superantes, symbolis, figurisque sapius sunt exprimendæ, vt & maiori studio eruditi ea contemplantur, & maiori cultu à rudibus suspiciantur. Hac igitur serie gentilitatis prisci Vates, celeberrimique Poætæ, vt Hesiodus, Homerus, Thales Milesius, Mercurius Trismegistus, ac cæteri, qui summum apud gentes nomen sibi vendicarunt, suæ Theologiæ arcana pluribus obuoluta enigmatibus, ac fabulis prodiderunt. Huius rei testes sunt Iustinus, Clemens Alexandrinus, Eusebius libris de præparatione Euangelica, cū de priscorum Aegyptiorum, Phrygium, Græcorum, cæterorumque Barbarorum Theologia, verba habent. Quid enim Iouis nomine, nisi spiritum? quid Vulcani, nisi ignem? quid Cereris, nisi Terram? quid Oceani, nisi humiditatem? quid Mineruæ, nisi aërem, mystica Aegyptiorum Theologia innuebat: quæ admodum Eusebius in libris de præparatione Evangelica recensuit. Quapropter mirum non est, si eundem morem prosequutus est Moses. Verum quod ipse magis clarus fuerit veritatis assertor,

Soluuntur rationes contra D. Augustinum allatæ.

Aliter Diuina, aliter humana exprimenta.

Gentiliū Vates arcana sua cur metaphoris tegebant. Lib. 1. & 2.

Lib. 3. cap. 2.

CYRILLVS Alexandrinus contra Iulianum libro secundo, his asseruit.

Igitur quare accusat Mosè sacrorum monstratorem, qui dilucidum, & minimè erroneum, verarumque narrationum composuit librum? facta enim dicit esse à Deo Cælum, & Terram, Solemque, ac Lunam, Stellæ, ac lucem, volatilia, & natatilia, & irrationalium animalium genera, & arborum pulchritudines, fructusque, qui edi possunt, & herbas in agris. Vide autem quomodo per illos sermones errorem, quo antiqui delirabant, amputat. An non Iouem quidem nominant Cælum; Cererem verò Terram; Apollinem autem Solem; & Venatricem

venatricem aurea spicula gerentem, Dianam, hoc est Lunam, & Neptunum humidam substantiam? Et in summa vnumquemque Deorum, ut libebat, celebrarunt, & ut Deos adorauerunt.

Hæc ille; Quapropter bene Moses, non figmentis, aut fabulis, ut Poëta, & Gentiliū Vates, sed sex rerum conditarum genera, iuxta cognitionis Angelicæ typum, quasi sex diebus edita, absoluta quæ expressit, ut rudes quidem ex literæ crasso sensu, quasi sex diebus ea facta perciperent: eruditi verò, qui Mundum vnico die effectū non ignorabant, creaturarum rerum numerum, ac ipsarum emolitionis modum ex altissimæ Angelorum cognitionis serie caperent, atque comprehenderent. Ad illud autem secundo loco obiectum, quod ex rerum opificio sex diebus enigmaticè tantum protracto, promulgatum de Sabbato præceptum minus sincerum reddi videatur,

Art. 2. in resp.
ad 5.

D. THOMAS Quæstionibus disputatis, quæstione quarta de Potentia Dei, respondet, cum ait.

Ideo statutum est in lege, ut septima die quiescerent, & festum ducerent, in qua Mundus consummatus est, ut per nouitatem Mundi simul producti, & per sex genera rerum distincta, homo semper in Dei cognitione maneret; & de tam vniuersali, & præcipuo creationis beneficio, Deo gratias exhiberet; & in ipso tanquam in fine quietem sue mentis poneret, in presenti per gratiam, & in futuro per gloriam.

Ex argumentationibus Nuperorum contra D. Augustinum illatis; eos D. Augustini mentem non assequutos esse constare potest. Siquidem Augustinus vnico momento Angelum, Cælos, Astra, Elementa manasse opinatus est, non autem eodem momento Angelum cecidisse, neque eodem plantas, pisces, aues, animalia prodijisse, nisi potentia, aut præfeminata materia; nec eodem hominem formatum fuisse edocuit, sicuti ex libro quinto de Gen. ad literam elicitur. Quare rescinduntur plura illa de Angelis, ac homine allata impossibilia.

In resp. ad
22.

D. THOMAS loco citato hoc intellexit, & docuit, cum dixit.

Augustinus vult in ipso creationis principio, quasdam res per species suas distinctas fuisse productas in natura propria, & quatuor elementa, quæ ex nihilo producta sunt, & corpora cælestia. Huiusmodi enim productio non præsupponit materiam ex qua, nec in qua. Alia verò dicit esse producta in rationibus seminalibus tantum, ut animalia, plantas, & homines, quæ omnia postmodum in naturis proprijs producta sunt, illo opere, quo post senarium illorum dierum numerum, Deus naturam prius conditam administrat. De quo opere dicitur Ioan. quinto; Pater meus vsque modo operatur, nec in productione, & distinctione rerum, vult attendendum esse ordinem temporis, sed naturæ. Et Post. Corpus humanum non fuit productum in actu in illis sex diebus, sicut nec corpora aliorum animalium, sed tantum secundum rationes causales, quia Deus in ipsa creatione indidit ipsis elementis virtutem, seu rationes quasdam, ut ex eis, virtute Dei, vel stellarum, vel seminis, possent animalia produci. Illa ergo, quæ in illis sex diebus fuerunt in actu producta, non successiue, sed simul creata sunt. Alia verò simul secundum rationes seminales, vel in suo simili, fuerunt producta.

In resp. ad
23.

Cæterum ipsemet D. Thomas asserto loco, naturæ ordinem egregiè in rerum emolitione fuisse seruatum, his edocet.

In resp. ad
29.

Quamuis enim non fuerit in productione vniuersi seruatus ordo temporis, fuit tamen seruatus ordo originis, & naturæ. Nam secundum Augustinum, opus creationis præcedit opus distinctionis, ordine naturæ, non temporis. Similiter & opus distinctionis præcedit ordine naturæ opus ornatus. Nec argumentatio de plantis creatis ante Solem, vilius est momenti, contra D. Augustinum, qui plantas potentia tantum, non actu conditas asseuerat.

Deinde ordinem rerum effectarum non prætermisum fuisse, contendit ipsemet D. Thomas asserta quæstione, cum edocet Moysen obseruasse numerum sex dierum, non penès ordinem Angelicæ cognitionis, sed penès distinctionem ipsorum primorum operum ad cognitionem relatorum. Proinde Sacrarum Scripturarum, & gentiū vsus quo eas labentia tempora ad septenarium numerum redegit, omnes scimus, ex Moysis historia desumptum fuisse arbitrari; Verum quod Moyses dierum septem numerum, ut à Deo verè in Mundi emolitione obseruatum recensuerit, & nō à seipso ad explicandam opificij Mundi enarrationem cum excogitarit; is vsus gentium non arguit, neque conuincit. Sed de his satis.

Quale Chaos à Deo primò effectum fuerit.

Cæterum sancita, ac statuta ea assertionem, Mundum non omnibus numeris absolutum vnico temporum momento prodijisse, sed primò Chaos quoddam deinceps per temporum

temporum interualla secretum, ac venustatum profiliisse: excitatur mox disceptatio, quodnam Chaos illud fuerit. Tria siquidem Chaos genera Philosophi, Patresq; tradiderunt: Alij Chaos quoddam, quod non tempore, sed origine tantum Mundum præcesserit, proposuere: quod Materiam primam informem appellarunt: de quo, vt de re apud omnes notissima, non est cur exactius hoc loco edisseramus: Alij Chaos alterum, quod & tempore, & origine ante Mundum extiterit, excogitarunt: sed horum alij id reputarunt fuisse Chaos vna rudi forma præditum, seu corpulentam quandam massam, indigestamq; molem, ac materiam exili actu consistentem, in qua Cælum, & elementa, non actu, sed potentia tantum essent præseminata: Alij fuisse Chaos illud ex elementis formis substantialibus præditis conflatum dixere: & hi adeò diuersam speciem ac formam ei adscripserunt, vt quatuor Chaos genera nobis suppeditarint. Ego primum Catenas (vt meum institutum exposcit) deducam.

Chaos varia genera.

Classis Vatum, ac Patrum, Chaos vna rudi forma donatum, seu materiam vno exili actu præditam, astruentium.

Vates, ac prisca Gentilitatis Philosophi sæpius Chaos commemorarunt; & quamquam non adeò suam sententiam explicarint, vt quod Chaos maluerint illud esse, clare apprehendamus; attamen hoc indigestum, in quo omnia vnum essent, magis visum sunt insinuasse.

HESIODVS, referente Steucho in Cosmopœia.

Exstitit ante Chaos, post hæc latissima tellus,

Quam super innixum pondus rerum incubat omne.

Hæc sic Steuchus est commentatus, cum dicit.

Duo scitu dignissima, & cum Mose vndeque consentientia dixit Hesiodus: Primum fuisse Chaos, id est Terram, & aquam informia, ac ceu massam: id enim etiam voce Hebraica dicitur Chaos, id est, Thohu, vel Bohu. Deinde Terram extitisse, quod Moses appellauit seclusionem aquarum à terra. Ea enim fuit Terræ creatio, cum primum ab aquis, quibus circumobruata, atque oppleta latebat informis, & quia nondum exsiccata magis erat aqueum quiddam, quam terra, emerisset.

EVRIPIDES sic cecinit, nihil à Mose dissentiens.

Cælum, Terraq; vnius formæ fuit.

Sed cum fuissent abiuncta complexu mutuo,

Emersit omnis in lucem res progenita:

Arbores, aues, ferae, quasque assert Mare,

Genusque mortalium.

Animaduertimus eum (inquit Steuchus) illam vnam omnium rerum, & Cœli, ac Terræ figuram per circumlocutionem, ambitumque verborum dixisse, quod superior Hesiodus vocat Chaos.

OVIDIUS primo Methamorphoseos de eo etiam eleganter prodidit.

Ante Mare, & Terras, & quod tegit omnia Cælum,

Vnus erat toto naturæ vultus in orbe;

Quem dixere Chaos, rudis, indigestaq; moles;

Nec quicquam nisi pondus iners, congestaq; eodem

Non bene cunctarum discordia semina rerum.

Quaque erat & tellus, illic & Pontus, & ær,

Frigida pugnabant calidis, humentia siccis,

Mollia cum duris, sine pondere habentia pondus.

Hanc Deus, & melior litem natura diremit.

BOETIUS de Consolatione Philosophica.

O qui perpetua Mundum ratione gubernas,

Terrarum, Cœliq; Sator, qui tempus ab æuo

Ire iubes; stabilisq; manens, das cuncta moueri;

Quem non externæ pepulerunt fingere causæ

Materiæ fluitantis opus.

GREGORIUS Nazianzenus, descriptione pereleganti eiusdem generis Chaos his deducit, Poëmata de virginitatis laudibus.

*Omnia nox quondam tenebris horrenda tegebat,
Non erat Aurorę splendor, non Phæbus Eois
Partibus exorients currus agitabat equorum;
Gloria nec noctis radiabat in æthere Phæbe:
Sed confusa simul temerarius omnia motus
Volebat grauib. tenebrarum vincta catenis,
Quas Chaos antiquum toto diffuderat Orbe.*

CLAVDIVS Marius Victor, Orator Massiliensis, Comm. in Genesim,
Chaos huius generis informe his descripsisse mihi visus est.

*Vtque istum faceret diues Sapia Mundum,
Cuncta simul genuit; sed post hæc semina rerum
Ornauit, superinductis informia formis.*

Hoc illud Chaos est, quod Philosophi prisca dixerent Materiam ingenitam, & quod diuersimodè effinxerunt: Alij siquidem vnum simplex primum corpus extitisse suspicati sunt: Terreum alij, vt Xenophanes: fluidum ex aquis congestum alij, vt Thales Milesius: alij aëreū, vt Anaximenes: ex atomis alij confectum, vt Epicurus: igneum alij somniarunt, vt Parmenides: nonnulli ex elementis cunctis compactum, vt Empedocles: iugifluam quandam materiam id dixerent nonnulli, vt Xenocrates. De quibus Patres ij, qui vetustorum de rerum principijs sententias affatim collegere, satis edisserunt, Clemens Papa, Iustinus, Clemens Alexandrinus, Eusebius, Theodoretus, Cyrilus, Epiphanius, Hermias Philosophus: quorum loca infra colligito. Anaxagoras Chaos famigeratum est; siquidem Anaxagoras, vt Plato, Aristoteles, & Lactantius perhibent, initium rerum dixit ea serie fuisse, quod cum omnia primò confusa & indigesta essent, accessit mens quædam, quæ diremit, ac exornauit illa, quæ prisco in Chaos erant confusa, Mundumq; effecit.

Cap. 4.

DIODORVS Siculus, vniuersæ historiæ Gentilitatis Collector, teste Eusebio de præparatione Euangelica, libro primo; quod Chaos illud fuerit, & qua serie ex eo res emanarint, explicat; atque Eusebius his Diodori enarrationem refert.

*Vnam enim ante initium omnium Celi, & Terræ, cunctis simul confusis, formam fuisse tradunt, postea dissepatis, diuisisq; molibus vniuersi, ordinem Mundi conspectum, aëraq; motum habuisse continuum, cuius partem quidem igneam ad superiores ascendisse partes, sursum sua propter leuitatem natura semper tendente: qua ex causa Solem, ac Stellarum multitudinem volutione totius circumferri. Partem autem turbidam, atq; terrestrem vnâ cum humidis ad fima propter grauitatem loca descendisse, quam partem continuè longo tempore in ipsa conuolutam maria ex humiditate, ex durioribus terram lutosam, ac teneram concreasse; quam primum, posteaquam Solaris calor exæstauit, constipatam fuisse: deinde superficie calefacta pluribus in locis corruptionem humidi esse consequutam: ex qua (vt etiam nunc in pluribus fieri solet) cum subito ad transi-
Eti frigus calor exarsit, animalia concreta fuisse, quæ noctu à circumfusa caligine alebantur, & in die à calore solidiora reddebantur; ac postremò sufficiens iam crementum consecuta, erupisse ab illa colluue varias has animalium formas. Quorum calidiora, lenioraq; ad altiora loca exilisse, volucrum appellatione nuncupata: sic sicciora verò, ac grauiora, serpentibus, ac terrenis connumerata: eodem quoque modo humidiora in consentaneum sibiipsis locum confluisse, aquatica nuncupata; & sic animalium diuersa genera producta fuisse. Terram verò postquam magis Sole, ac ventis induruit, nihil ex perfectionibus producere posse; ac ideo ex mutua sexuum coniunctione, perfectiora generantur. Hanc rem ita se habuisse, tragicus etiam Euripides Anaxagoræ Physici auditor in Fabula, quam Menalippem nominat, his verbis testatur; Vna Cælorum olim, ac terræ forma, sed separatio cuncta in lucem tulit, volucres ac feras simul, arbores, genera; natantium, mortaliūq; genus. Hæc de rerum origine prima à prisca accepimus.*

STEVSCHVS Chaos nomen id ipsum fuisse apud omnes gentes, quod apud Hebræos Thohu, deducit in Cosmopæia.

Quodque magis mireris, ac stupeas, hanc vocem Chaos quam diximus esse illam Hebraicam Thohu, facta permutatione vnius, quæ similis esset illi, literæ Thau, & Chet in Thau transeunte, factum sit Thohu, dicunt veteres Latinos, ac Grecos, totumq; penè Mundum, primam illam rerum commixtionem, ac ceu massam, Mundiq; initium, appellasse eadem voce, atque Hebræos & Moysen: vt ex nomine sit perspicuum omnes gentes audisse quondam & cognouisse illud initium rerum, quale primum extiterit; Chaos appellatur à Grecis, Thohu appellatur ab Hebræis, Latinos autem veteres perhibet Festus Pompeius Mundum appellasse Chohum, nomen à cohibendo, vt certum est: habebatq; , vt Ioannes Pontanus perhibet, aspirationem in medio, quemadmodum Hebraica dictio. Remansit ergo apud Latinos vetustissima Mundi nuncupatio. Nanq; prima, quæ fuit Thohu, siue Chohu, postea Cælum & Terra, & mare, omnibus digestis, & Mundus dictus est.

Verum, vt ad nostros deueniamus, assertionem hanc non obscurè tradidit.

P H I L O libro de Mundi opificio.

At Moses tum Philosophiæ fastigium assecutus, tum oraculo de præcipuis nature arcanis edoctus, animaduertit duo esse in rebus necessaria; alterum causam agentem, alterum quod ab agente afficitur. Preterea agens illud esse huius Vniuersi mentem sincerissimam, ingentissimamq; , præstantiorem quàm sit virtus, aut scientia, immò quàm ipsum summum bonum, & ipsum summum pulchrum. Alterum autem illud passioni obnoxium, inanime, & suapte natura immobile, motum, formatum, animatumq; à mente illa, redditum esse opus absolutissimum. Et Post. Si quis vellet causam huius vniuersalis opificij perscrutari, idcoq; suapte nature bonitate non inuidisse substantiæ, nihil boni ex se ipsa habenti, quæ tamen quiduis fieri poterat. Erat enim ex seipsa expers omnis qualitatis, indigesta, inanimis, plena ruditate, confusione, atq; discordia, sed capax alterationis, mutationisq; in contrarium statum optimum, videlicet ordinem, qualitatem, animationem, similitudinem, identitatem, coaptationem, atque consonantiam, ceteraq; quæ ad potiorē id eam attingunt. Tum Deus nemine monente (quis enim erat alius?) suoapte consilio decreuit diuitias gratiæ suæ copiosè, largiterq; profundere in naturam nullius bonæ rei per se capacem sine diuina munificentia.

Caveas precor, ne materiam ingentam his describere Philonem intelligas: sed certior esto, materiam eam primam, seu Chaos indigestum hoc apparatu enarrationis ipsum declarare. Philonem enim in eam vetustorum Philosophorum, & Hæreticorum, de materia ingenta opinionem non prolapsum esse euincunt & Doctoris existimatio, & eius doctrinæ celsitudo, & id quod alibi de his obtestatus est, quod nos in disceptatione de materia ingenta detulimus.

P H I L A S T R I V S Episcopus Brixienfis, qui claruit anno trecentesimo octuagesimo; libro Catalogus Hæreseon dicto, Hæresi sexagesima tertia, dilucidè, constanterque, hoc Chaos vna rudi forma præditum, in exordio temporum conditum censuit, cum dixit.

Alia est hæresis, quæ de terra ambigit, dicens hanc esse solam & aliam non esse: ignorans, quòd alia est, quæ veluti matrix est omnium rerum, vniuersaq; continet, quæ quasi ὕλη, id est materia reperitur in scripturis, quæ est inuisibilis, & incomposita, quæ à Deo facta est in primo die. Hæc autem in qua habitamus, super aquam fundata ostenditur, vt dixit Dauid; Qui fundasti terram super aquam. Nam matrix omnium rerum terra immensa est illa prior, quæ in primo die facta est, quæ continet aquam & hanc terram, quæ habitatur à nobis, quæ & humano generi, & volatilibus, serpentibus, pecudibus, ceterisque alijs fructus, & fructus exhibet opulenter, iussa à Christo Domino Salvatore, sicut scriptum est in libro Geneseos creatura seruire.

G R E G O R I V S Nyssenus de historia sex dierum, quibus Mundus à Deo creatus est, disertius hoc inconditum, rude, indigestumq; Chaos, in quo elementa, non actu, sed potentia insita essent, approbavit. Primum enim quomodo ea rerum materia confusa in potentia Dei extarit, his declarat.

Oportet autem opinor, antequam scripta excutiantur, illud in hoc commentario non amplius esse controuersum, sed certum, ac firmum, quòd in diuina natura cum voluntate potentia concurrat, ac modus potentiæ Dei voluntas existat. Porro voluntas, sapientia est: sapientiæ autem proprium est nullo modo ignorare, quæ ratione res singule fiant: cognitioni verò potentia quoque connexa est, itaque simulatque cognouit, & statuit quid fieri oporteat, etiam effectrix rerum vis concurret; quæ quod mente conceptum est, ad actionem, & effectum deducat, & cognitionem, atque decretum nullo modo moretur, sed continenter, nulloque intervallo ante deliberans, & materias ad existentiam eorum, quæ mente concepta fuerint, curans, conficiens, & subministrans: vt simul omnia, quæ à Deo proficisci oportet, ad creandum concurrere intelligantur, voluntas, potentia, sapientia, essentia rerum. Hoc cum ita sit, nemo amplius de materia anxie poterit sciscitari, quomodo, & vnde quæque res existat, inquirens: qualia nimirum dicentes audire licet, si expers materiæ, & incorporeus est Deus, vnde materia? qua ratione quantitas ex eo, quòd quantitatis est expers? item ex inuisibili, visibile? item ex eo, quòd magnitudinis expers, & inde finitum est, id quòd omnino pondere, ac magnitudine aliqua, atque quantitate definitur? Item reliqua omnia, quæcunque circa materiam cernuntur, qui vel vnde produxit is, qui nihil tale habet in sua natura? Nam vna nobis vniuscuiusque eorum, quæ de materia obijciuntur, solutio est, nempe, quòd nec potentiæ sapientiam Dei, nec potentiam sapientiæ expertem esse ponamus: sed hæc alterum esse cum altero, & vnum vtranque demonstrari, vt simul & eodem tempore claratur, & effectrix eius vis sapientiæ voluntate perficitur & consummatur. Si igitur in eodem, & circa idem tempus & sapientia, & potentia est; neque ignorat, qua ratione materiæ ad rerum fabricationem inueniri possit, neque facultas ei deest, qua facultate, quòd animo conceperit, & efficere statuerit, ad opus deducatur.

cat. Sed omnia cum possit, simul omnia, per quæ materia conflatur, sapienti pariter, ac potenti voluntate ad res efficiendas premolitus est, atque congestit leue, graue, solidum, & densum, rarum, & tenue, inflabile, fluens, molle, durum, humidum, aridum, frigidum, calidum: colorem, figuram, inscriptionem, interuallum, & distantiam: quæ omnia quidem per sese nude cogitationes sunt, & mentis conceptus, & animi sensa. Non enim aliquid horum per sese materia est, sed cum inter sese concurrerint, materia euadunt.

Et post, edocet id Chaos conflatum fuisse summam, & acruatim, quod expressit Moses verbo, In principio; descriptumque fuisse duobus extremis Cælo, & Terra, concluditque.

Igitur ea, quæ ab inexplicabili potentia Dei vna comprehensione repente peracta est rerum vniuersarum congestio, constitutioque, principium, siue summa à Moyse appellata est: in qua rerum naturam vniuersam conflata, atque constitutam esse dicit: atque extremitates quidem rerum expressit, media vero vna cum extremitatibus, per id, quod tacitum intelligitur, indicauit. Extremitates autem dico propter sensum humanum, qui neque in subterranea penetrat, neque Cælum peragrat. Quocirca principium Mundi originis hoc intelligendum esse suggerit, quod Deus omnium rerum quæ sunt, materias, & causas, & vires comprehensim, in momento temporis congesterit, atque molitus sit, & in primo voluntatis impetu vniuersiusque rerum naturam concurrerit, Cælum, æther, stellæ, ignis, aer, mare, terra, animalia, plantæ, quæ diuino quidem oculo omnia, cōmratione potentie ostenderentur, cernebantur, nimirum ab illo, qui, ut inquit Propheta, Omnia ante ortum ipsorum nouit.

Psal. 138.

Illud ipsum etiam est videre, cum profiliationem ignis ex Chaos describit, dicens. Cum enim iam acruatim in vno momento diuine voluntatis vniuersa rerum natura promiscue, & indistincte creata esset, & elementa inter se omnia mutuo permixta essent, ignis, qui passim dispersus esset, nimis ac redundante materia officiente, offuscabatur, & obscurabatur. Sed quoniam velox quedam nis eius, & agilis est, simulatque natura rerum ad Mundi ortum à Deo signum, & occasio data est, ante omnem naturam grauiorem emicuit, atque profiliuit, ac statim res vniuersæ lumine collustrabantur.

Gen. 1.

Id ipsum habet explicans ea verba, Terra autem erat inuisibilis, & incompressa, ut suo loco deducemus.

Non desunt Patres, qui quamuis perplexam, & ancipitem de Chaos sententiam retulerint, hoc tamen Chaos genus, de quo nobis est sermo, magis innuarunt.

GREGORIVS Nazianzenus in Sermone, seu oratione de Spiritu Sancto, quæ est postrema de Theologia.

Venerantur igitur Hebræi numerum septenarium, quia constat, quod Deus sex diebus materiam substituit, ac formauit, omnibus speciebus, & varietatibus exornauit, & Mundum hunc quem cernimus, perfecit: septimo vero ab operibus quieuit.

GREGORIVS Magnus Expositionis in Iob, libro trigesimo secundo. Rerum quippe substantia simul creata est, sed simul per species formata non est: & quod simul extitit per substantiam materie, non simul apparuit per speciem forme.

TATIANVS Oratione contra Græcos. Sic autem res se habet. Vniuersam Mundi machinam, & quicquid in ea conditum extat, & materia constitutum esse patet, ipsam vero materiam à Deo productam, ita ut partim rudis, & informis intelligatur antequam discernetur, partim conformata, & digesta, post peractam eius discretionem.

THEOPHILVS Antiochenus ad Autholicum libro secundo. Nam diuina Sapientia prænouerat fore, qui ineptias effutirent, & multitudinem Deorum introducerent: ut igitur Deus, qui verè est, ex operibus suis deprehenderetur, & constaret Deum sermone suo creasse Cælum, & Terram, scriptum est; In principio creauit Deus Cælum, & Terram. Postea, ut eorum creatio pateret, ait; Terra autem erat informis, & inanis; & tenebræ erant super faciem abyssi; & spiritus Dei mouebat se super faciem aquarum. Hæc in primis Scriptura Sacra agit, & monet, ut doceat materiam à Deo esse quodammodo factam, ex qua Mundum constituit, & in decentem ordinem redegit.

ALCVINVS quæst. in Gen. decimanona. In materia informi: Qui viuit in æternum, creauit omnia simul.

MAGISTER Sententiarum secundo libro, distinct. duodecima, explicans id; In principio creauit Deus Cælum, & Terram, ait.

Cælum, id est, Angelos; & Terram, scilicet materiam quatuor elementorum adhuc confusam, & informem, quæ à Græcis dicta est Chaos; & hæc fuit ante omnem diem. Deinde elementa distinxit Deus, & species proprias, atque distinctas singulis rebus secundum genus suum dedit. Et Post. Alij quidem tradiderunt omnia simul in materia & forma fuisse creata: quod Augustinus sensisse videtur. Alij vero hoc magis probauerunt, ac asseruerunt, ut prima materia rudis, atque informis, quatuor elementorum commixtionem, atque confusionem tenens, creata sit: postmodum vero per interualla sex dierum ex illa materia rerum corporalium genera

genera sint formata secundum species proprias. Quam sententiam Gregorius, Hieronymus, & Beda, aliique plures commendant, ac præferunt. Quæ etiam scripturæ Geneseos (vnde prima ad nos huius rei manavit cognitio) magis congruere videtur.

Et post explicans informitatem materiæ eius incongestæ, ait.

Dicimus illam primam materiam non ideò dictam esse informem, quòd nullam omninò formam habuerit; quia non aliquid corporeum tale existere potest, quòd nullam habeat formam; sed ideò non absurdè informem appellari posse dicimus, quia in confusione, & permixtione quadam subsistens, nondum pulchram, apertamque, & distinctam receperat formam, qualem modo cernimus. Facta est ergo illa materia in forma confusione ante formam dispositionis. In forma confusione, prius omnia corporalia materialiter simul, & semel sunt creata.

Quid sibi voluerit Magister, num quòd Deus effinxerit Chaos indigestum, vna imperfecta forma præditum, in quo elementa præseminata tantum essent, vel Chaos ex elementis substantialibus formis insignitis, sed inter se commixtis & confusis, non est clarum, & perspicuum. Quod certè primùm maluerit, patefaciunt ea, quæ subsequuntur. Primùm, quia Cœli nomine Angelum, & non cœlestia corpora capit; vero autem simile non est, voluisse ipsum elementa sine Cœlo, saltem supremo emanasse. Deinde quoniam terræ, aquæ, & tenebrarum voces significare non elementa ipsa, & luminis carentiam, sed eius materiæ, seu Chaos incongestionem, & ruditatem obtestatur. Quapropter & concludit.

His omnibus vocabulis vocata est illa informis materia, ut res ignota notis vocabulis insinuetur imperitioribus, & non vno tantum: nam si vno tantum significaretur vocabulo, hoc esse putaretur, quòd consueverant homines in illo vocabulo intelligere. Sub his ergo nominibus significata est materia illa confusa, & informis, quæ nulla specie cerni, ac tractari poterat, id est, nominibus visibilium rerum, quæ inde futura erant, propter infirmitatem paruulorum, qui minus idonei sunt inuisibilia comprehendere, & tunc erant tenebræ, id est, lucis absentiæ.

Cæterum econtrà, quòd id Chaos fuisse ex elementis cōmixtum existimarit, demonstrant ea, quæ de eius situ, dispositioneque docuit, cum infra ait.

Eratque terreum hoc elementum, in vno loco, eodemque medio subsistens, cæteris tribus in vna confusione permixtis: eisdemque circumquaque in modo cuiusdam nebule oppressis, ita obuolutum erat, ut apparere non posset quod fuit: illa verò tria in vna permixtione confusa, circumquaque suspensa, eoque in altum porrigebantur, quousque nunc summitas corporeæ naturæ pergit. Et sicut quibusdam videtur, ultra locum firmamenti extendebatur illa moles, quæ in inferiori parte spissior, atque grossior erat; in superiori verò, rarior, ac leuior, atque subtilior existerat; de qua rariori substantia putant quidam fuisse aquas, quæ super firmamentum esse dicuntur. Talis fuit Mundi facies in principio, priusquam reciperet formam, vel dispositionem.

Ex Commentatoribus, D. Bonaventura Magistrum rapit in primam sententiam; D. Thomas in alteram. Nos ut in ambas raptum proponimus.

D. BONAVENTURA igitur asserto loco, quæstione tertia, articulo primo.

Et ideò est alius modus dicendi rationabilior, quòd materia illa producta est sub aliqua forma; sed illa non erat forma completa, nec dans materiæ esse completum; & ideò non sic informabat, quin adhuc materia disponeret informis: nec appetitum materiæ adeò finiebat, quin adhuc materia alias formas appeteret; & ideò dispositio erat ad formas vltiores non completa perfectio. Et post. Sicut exemplum ponitur in embryone, quod actu habet vnam formam, & figuram quandam massæ carnis; illa tamen est dispositio ad diuersas membrorum figurationes. Istud tamen non est omninò simile, quia forma illa non erat tantæ actualitatis, sicut est forma embryonis; nec in tanta propinquitate ad educationem formarum sequentium, sicut forma embryonis ad educationem membrorum. Forma enim embryonis est visibilis, & per vim ad perfectam naturæ completionem est perducibilis; illa verò materia sub tali forma incomposita erat, & inuisibilis, & ad formas subsequentes sola diuina virtute, & operatione poterat perducì: & ideò propter imperfectionem formæ illius, materia illa dicitur informis, & propter indeterminatum appetitum multarum formarum confusa dicitur, & permixta; & hæc positio satis videtur esse intelligibilis, & probabilis.

TOSTATVS Lyrani methodum prosequutus, secundum duplicem de duplici Chaos sententiam, duplicem tradens expositionem, eam quam secundo loco recitat, & fusiùs prosequitur, & approbat. Dicit enim.

Prima autem expositio est, quòd creatio omnium rerum siue cœlestium, siue terrestrium, in suis formis specificis substantialiter distinctis, fuit facta ante omnem diem. Distinctio autem, quæ postea ponitur facta in tribus diebus, & ornatus factus in alijs tribus diebus, pertinent ad aliquid accidentale, non autem ad proprietates substantiales, quæ consequuntur subiectum in esse necessario: & ideò producta re per creationem, necesse

Postillis in Gen.

neceffe inest ei sua propria passio. Ista expositio non multum est laudabilis, vel conueniens literæ, vt infra patebit. Et post. Secunda positio, quod in principio temporis, incorporalia, scilicet Angeli creati sunt; & materia omnium corporalium sub quadam communi forma corporeitatis non determinata ad aliquam speciem rerum creatarum; & post per dies fuit facta distinctio rerum in species ex materia illa: & hanc positionem tenent Strabus, & Beda, & alij Doctores. Fuit autem illa materia corporea, materia omnium Cælorum præterquam Cæli Empyreï, & omnium terrestrium, siue elementalium. Et post. Exponentes secundam positionem secundam, scilicet, quod à principio creationis non fuerint res create distincte in suis speciebus, sed quod in quadam forma corporeitatis communi tota rerum materia creata sit: deinde ex illa materia cuncta distincta fuerint per dies. Hæc positio est multum conformis cum litera, quæ dicit in diebus singulis singulas res factas, vel creatas. Dicere autem, quod illud facere refertur ad aliquas dispositiones accidentales inductas post in substantia rei, magis est velle imponere terminos, quam loqui ex proprietate terminorum, maxime quia populus, cui ista dicebantur, rudis erat, nec poterat intelligere, quid essent istæ proprietates. Item ista est positio Strabi, & Bedæ, & communiter aliorum Doctorum.

Et post, in interpretatione verborum; Super faciem abyssi; cum hoc Chaos illis Ouidij carminibus descripsisset, ante Mare & Terras, &c. adiecit.

Superior pars istius materiæ corporeæ, quæ erat à loco concavitatis lunaris orbis, cessit in materiam superiorem, scilicet Cælorum. Pars autem materiæ, quæ erat à loco illo, cessit in elementa, sed non equaliter, quia non tantam materiam ignis accepit, quanta erat in loco, quem nunc ignis occupat: nec aer tantam, quantum locum occupat: aqua autem fortè tantam, vel ferè: terra autem valde magis de materia, quam de loco, quia densitas terrea in paruitate loci multum de materia requirebat; & raritas ignea in magnitudine extensionis modicum de materia requirebat: & hoc tenendo, quod illa materia fuerit vniformis in raritate, & densitate, quod satis rationabile est; quia vnitati formæ non congruit multiplex dispositio; quia discontinuaretur, si multas dispositiones motiuas haberet; sicut videmus graue discontinuari à leuibus.

Prosequitur amplius fusiùs demonstrare, Chaos illud raritatem, ac densitatem; non autem grauitatem, & leuitatem, cæterasque quatuor actiuas qualitates habuisse.

Lyranus consimilia edocuit in textus expositione, quanquam non admodum ea comprobasse visus est.

C H A T E R I N V S in primum caput Genesis, sub verbo, Terra, quæ materia, quodve Chaos hoc fuerit, Scholastico methodo explicite tradit, munitq; suū placitum his quatuor fundamentis. Primum, quod si Terræ nomine, non prisca hæc materies, sed terra elementaris accipitur commemorata, ommitteretur tria alia elementa longè digniora. Deinde, quod hæc fuerit priscorum Sapientum, vatumque, Hesiodi, Mercurij Trismegisti, Anaxagoræ, Euripidis, Virgilij, ac Ouidij sententia. Amplius, quod hoc ipsum existimarit D. Augustinus, Beda, Hugo, & ante ipsos Gregorius Nazianzenus. Tandem, quod Scriptura ipsa sanè hoc manifestè probat, cum ait Sapientis; Manus tua creauit Orbem terrarum ex materia inuisa, siue (vt B. Augustinus citat) ex materia informi. Vnde concludit.

Præparatam fuisse materiam, ex qua productus est Orbis terrarum fateri debemus, nisi velimus verba Scripturæ prorsus violare. Nam si creata simul fuisset materia cum reliqua creatura; quomodo uerè diceretur, Orbem fuisse ex illa creatum? Sic enim dicitur creatus homo de limo terræ, nimirum prius existente limo; & de viro mulier, prius existente viro; & sic quæcunque isto modo dicuntur, etiam isto sunt modo intelligenda. Et post. Nos talem non ponimus fuisse materiam, quæ prorsus esset omni forma destituta, sed eam quæ debilissimum habebat actum, quem dicimus confusum, imperfectum, & primum entitatis, seu potentiæ. Non enim habebat certam formam specificam, quæ contraheretur ad certum esse. Nam & ipsæ simplices elementorum formæ imperfectæ sunt; & ideo in mixtis permanent, si Auerroem sequimur. Illius ergo materiæ imperfectissimus erat actus, quo posset esse subiectum commune cunctis formis, & in qua inesset desiderium superueneri per formas præbentes illi esse perfectum.

Non pigeat & pro hac sententia ex D. Thoma superadiicere, percunctarique ab ijs, qui deforme Chaos ex commistione elementorum coactum astruunt, quænam deformitas, qui indecor illius Chaos erat: an affectionum, seu insitarum qualitatum, an situs. Si affectionum, ac qualitatum, tunc non elementa ipsa extabant; nec enim sine calido & leui, ignis; sine sicco & graui, terra; sine humido, aer; sine frigido, aqua esse possunt. Nam affectiones, qualitatesque ipsam substantiā apprimè insequuntur; ex eo quod (teste Aristotele) substantialis forma accidentium sibi qualitatum causa est, illisque adeò connexa, vt sine ipsis esse non possit. Si situs, tunc, (inquit D. Thomas) secundum Philosophum quantum vnumquodque elementorum habet de specie, tantum habet de vbi; Elementa enim propria loca ex uirtute formæ insita sibi vendicarunt. Si ergo Chaos

Sap. 2.

Phys. primo.
4. De Cælo
& Mundo.

Chaos illud à principio formas substantiales deferebat; tunc ex consequenti vnum quodque elementorum sibi debitum situm arripuit, nullaque confusio in elementis supererat, vt Chaos, seu ea materia posset dici deformis, ac confusa, indigestaque moles.

Catena Patrum, Chaos illud primum ex elementis conflatum arbitrantium.

Verum ex aduersa acie, sententia altera adest, quæ Chaos aliud ipso temporum exordio manasse arbitratur ex Cœlo, & elementis substantialibus formis ditatis conflatum; idque materiam dixere informem, non vt informitas substantialem formam excludit, sed vt formositate, venustateque, ac decorem explodit, quæ à summo opifice tunc eis condonata sunt, cum sex diebus Mundum perfecit, atque ornauit. Hanc quippe sequuti sunt sententiam, omnes ij Patres, qui Cœli nomine, seu supremum Orbem, seu cunctos Orbes cœlestes, & terræ appellatione cuncta elementa, vel duo, siue vnum, ex quibus alia post prodirent, intellexerunt. Singulas igitur assertiones per classes seiunctas recensebo:

Sententia, quæ Terram tantum in Chaos constituit.

HIERONYMVS quamuis in Epistola ad Oceanum, Chaos illud primum ex terra tantum constasse, clara sententia non prodiderit, cum dixit;

Epist. 83.

Rudis Mundus, necdum Sole rutilante, nec pallente Luna, nec astris micantibus, incompositam & inuisibilem materiam, abyssorum magnitudine, & deformibus tenebris opprimebat. Solus Spiritus Dei in aurigæ modum ferebatur super aquas, & nascentem Mundum in figura baptismi parturiebat:

Commentarijs tamen in Iob non æquè omnia elementa prodijisse; verum primò Cœlum, & Terram tantum; & ex Terra aquas emanasse conspicua sententia tradit. Scribit siquidem.

Cap. 38.

Duas enim partes Mundi magnas, Cœlum, & Terram, Deus ex nihilo fecit; & ima earum de materia informi: ceteras autem creaturas distinctas, siue formatas instituit; inter quarum creationem & aquas credimus factas, quarum quidem conditionem in principio Genesis scriptam non legimus: aliarum verò penè omnium factura in libris Dominicis recensetur, licet & de ipso mari sanctus David dixerit, cum de beato viro loqueretur; Spes eius in Domino Deo ipsius, qui fecit Cœlum, & Terram, mare & omnia, quæ in eis sunt. Hunc ergo maris processum, effusionem aquarum mihi dicere videtur; qui de occultis venarum Terræ sinibus emanabat, & operiebat omnem faciem Terræ. Quod in Diluuiio manifestius factum legimus, ubi dicitur. Et omnes fontes abyssi magnæ erupti sunt. Proinde vuluam maris Terræ sinum dictum existimo, vt mare de eadem progenitum nouerimus. Sed dicit aliquis; Ego aquarum moles Cœlo & Terræ dico esse congenitas, & simul creatas: denique de aquis, quemadmodum & de Terra fecit Deus, siue produxit ceteras creaturas. Si ergo hoc opinionem istam confirmat, vt ideò & aquæ ex nihilo create dicantur, quia & de ipsis alia, & alia in ipsis, iubente Deo, quamplurima animantia processerunt; de Cœlo quid dicemus, quod est pars Mundi præstantior: de quo non legimus, quod ex eo, quasi de informi materia aliquid procreatum sit? In quo etiam, quod ad maiorem decoris eius pertinet pulchritudinem, stellas, ac diuersos astrorum globos Deus fecit, ordinauit, & composuit. Et iuxta hanc assertionem, meliora erunt maris & Terræ elementa, quàm Cœlum; cuius ornatum pulcherrimum admirantes suspicimus, quoniam præcellit vel maximè ceteras creaturas.

Psal. 145.

Gen. 7.

Sensit igitur D. Hieronymus, primum id quod manauit, Cœlum fuisse, & Terram; ex qua post, aqua, aër, & ignis emerferunt; & de aqua Cœlorum congeriem effectam fuisse, pluribus edisserit. Sed ardua discrimina subit hoc placitum. Primum; Num Terra vniuersum Mundi spacium occuparit, necne; quod si explebat, ubi euauit imdemensa ea molis amplitudo? Si autem non explebat; quomodo vacuum non extasse demonstrabimus? Deinde, ex Terra elicatas fuisse aquas, singulari placito, ac ceteris Patribus repugnante traditum videtur, cum ex aquis congestum illud primum Chaos omnis priscorum Theologia acclamet, & Scripturæ spiritum aquis in eo superlatum clarè prodant. Caterum & Chaos istud Hieronymi cum Nysseno concordare videtur.

Quæ difficultates in Diui Hieronymi sententia.

Sententia, quæ ex duobus elementis terra, & aqua, primum illud Chaos conflatum asserit.

Cap. 39.

G V L I E L M V S Parisiensis prima primæ partis de Vniuerso, in hanc incidisse sententiam mihi visus est. Cum enim pluribus Cœli, & Terræ nomine Empyreum terramque elementum hoc infimum capienda esse disseruisset; hæc deum adiecit.

Tacet autem de creatione aquæ, quoniam non erat permansura in statu suæ creationis, neque quantum ad substantiam, nec etiam pro maiori sui parte ad minus, cum ex ea generandi essent Cœli nouem, & pisces, omniaque reptilia aquatica, similiter & volatilia, & forte aër, & ignis elementa. Iam etiam dixi tibi de partibus superioribus aquæ, vel aquarum, quod nec in illo statu suo remanserunt. Cœlum verò Empyreum, & Terra, in statu creationis remanserunt quantum ad substantiam; licet multiplex perfectio decoris, & ornatus eis postmodum superaddita sit. Vel propter hoc tacuit de creatione aquarum, quia ex creatione extremorum, necessarii oportebat eam intelligi propter impossibilitatem vacui, sicut prædixi tibi.

S T E V C H V S (si bene ex vaga, diffusissimaque eius narratione mentem ipsius elicere valui) id ipsum existimauit in Cosmopœia sua in caput primum Genesios. Primò enim Chaos illud priscum Hylen appellat, ex terra, & aqua congestum, maxime cum ait.

Omniū terrenarum rerum fuisse principium hylen informem, optimamque hanc aquæ cum terra creandæ, siue creandæ terræ limosæ fuisse rationem, ut cuncta ex ea fierent, hylen, siue limum à sacra Theologia esse in libris, & animos aliarum gentium profectam, testimonijs certis probatur. Ostendimus enim hylen esse quasi hylen, idest limum.

Ex hoc autem genitum esse diu post & Cœlum, & ignem, & aëra tradit sub verbo, Terebatur super aquas, ita concludens.

Omniū igitur rerum fuit terra & abyssus (hoc est aqua) origo: terra animalium, & plantarum, sed non sine complexu aquarum: aquæ substantiarum cœlestium, quas solus, qui creare principia earum, potuit excudere. Ut autem nubes ex aquis tenuatis crassescunt, eademque accensæ incredibile lumen reddunt, apertissima ignis sedes, ac conceptacula, sic factum est ex his cœlestibus corpus paulò magis densatum, & consipiatum, eoque leuis est æther, tenens supernas natura regiones. Mihi quidem ante oculos occurrit columna ignis, quæ noctu tenebras usquequaque propellens, conluceret Hebræis: ea vice Solis erat illis, eratque nubes, ut locus declarat, instar oblongæ in medio aëre columnæ. Denique omnia perspicua sunt aquea, ut aër, chrysalus, vitrum, lapides preciosi, humores oculorum. Ex aquis ergo, & aër est effectus, & corpora cœlestia, ut nubes, sed his densiora. Idem fuit ætheris, atque aëris principium, & nunc quoque ex aquis vapores aëris ex his igneæ trabes, Cometa, Stellæ cadentes, quæ hoc solo differunt ab illis cœlestibus, quod ille perpetuo constant intra certos limites ab artifice coactæ, hæ fluxæ sunt, & dissolubiles. Plato vir sapientissimus ob hanc causam dissolubile ratus est corpus cœlestis; videbat enim id ex eadem materia, atque omnia lucentia, & perspicua constare. Rectè igitur & ex intimis Philosophiæ, Theologiæque arcanis, ex Chao nata veteres omnia prodiderunt; & Moses ante creationem cœlestium, terrestriumque rerum, Thobu & Bohu, terram & aquam commemorauit, ut omnes intelligerent, inde cuncta fuisse deprompta, & prudentissimè alij syluam, alij hominimeriam, id vocarunt. Trahunt igitur omnia ab his duobus originem. Hoc spiritus diuinus agitabat, quatiebatque, aquas dirimens, & educens ex his cetera principia. Prius ergo terra & aquæ factæ sunt, ex his cœlestis substantia, & ea quæ in terris. Atque hucusque spiritum animatorem, postea & conditorem Cœli sumus interpretati.

Sed hæc quàm singulariter, & non ex priscorum Patrum sententia dicta sin, infra demonstrabitur.

Patres, qui in primæuo Chaos tria tantum elementa memorant.

C Y P R I A N V S poemate in Genesim, quod ipsi ascribit Georgius Fabricius, Poëta non exigui nominis, quanquam Sixtus Senensis nouissimè Tertulliano id tribuerit, Chaos huiusmodi se agnouisse his demonstrat.

Principio Dominus Cœlum, Terramque creauit;

Nanque erat informis, fluctuque abscondita tellus;

Immensusque Deus super æquora vastâ meabat,

Dum Chaos, & nigre fuscabant cuncta tenebræ.

In his autem, aërem etiam illum intellexisse, ea quæ sequuntur clarè demonstrant.

CLAV-

CLAVDIVS Marius Victor Commentarijs in Genesim, libro primo, hæc clariùs tradit.

*Vt verò semel attingam primordia rerum :
Excelsi conuexa Poli, Terræq; iacentes,
Pars prima est operis, sed terras vnda tegebat,
Aëræq; in medio sordenti nube madentem,
Et tenebris se vastanigris velabat abyssus.*

TERTVLLIANVS libro aduersus Hermogenem, Chaos conditum constasse ex Cælo, aëre, aqua, & terra, videtur obtestari. Hæc eius est enarratio.

Scriptura diuina satis disceret, si summas ipsas rerum à Deo factas commendasset, Cælum & Terram, habentes vtiq; suggestus suos proprios, qui in ipsis summis intelligi possent. Suggestus autem Cæli & Terræ, primò tunc fuerunt tenebræ, & abyssus, & spiritus, & aquæ. Nam terræ quidem suberat abyssus & tenebræ. Si enim abyssus infra terram, tenebræ autem super abyssum, sine dubio & tenebræ, & abyssus infra terram : Cælo verò spiritus, & aquæ subiacebant : nam si aquæ super terram, quæ eam texerant, spiritus autem super aquas, pariter & spiritus, & aquæ super terram. Quæ verò super terram, ea vtiq; infra Cælum. Et sicut Terra abyssus, & tenebris; ita & Cælum spiritui, & aquis incubabat, & complectebantur. Et ita nouum non est, vt id solum quod continet, nominetur, quia summale : in isto autem intelligatur, & quod continetur, quia portionale.

Licet autem Patres hi aëris mentionem non egerint, non tamen ipsum in Chaos extasse inficiati sunt.

Classis Patrum, Chaos priscum ex quatuor elementis compactum, asserentium.

Patrum quamplures id existimasse ex ipsorum doctrinæ serie elici potest, præcipuè Chrysostomum, Theodoretum, & Seuerianum. Sed mihi sufficiat nonnullos in hac Catena inferere, qui clara sententia illud prodiderunt.

BASILIVS Hexæmeron Homilia prima.
Ex duobus principijs vniuersi sanè totius innuit essentiam, Cælo quidem prærogatiuam in generatione dignitatem : terræ autem ad rerum essentiam, secundas adscribens. Quicquid autem istorum medium est, id vñ cum ipsis omnino finibus exortum est. Itaque etiam si nihil de cæteris dixerit elementis, igne, inquam, aëre, atque aqua, tuopte tamen solerti ingenio capere velis.

AMBROSIVS Hexæmeron libro primo, capite sexto.
Tamen satis est ad præsentem assertionem, quòd in principio Cælum fecerit; vñdè prærogatiua generationis & causæ : & terram fecerit, in qua esset generationis substantia. In his enim quatuor illa elementa creata sunt, ex quibus generantur omnia ista, quæ Mundi sunt. Elementa autem quatuor, aër, ignis, aqua, & terra, quæ in omnibus sibi mixta sunt.

IOANNES Damascenus Orthodoxæ Fidei libro secundo, capite quinto.
Ipse Deus noster, qui in Trinitate & vñitate glorificatur, fecit Cælum & Terram, & omnia, quæ in eis sunt, ex nihilo ad esse deducens. Vniuersa hæc quidem, Cælum, Terram, aerem, ignem, aquam, non ex subiecta materia. Alia autem ex ijs, quæ ab ipso facta fuerunt, puta animalia, plantas, semina, hæc enim ex terra, Aqua, Aëreque & igni, conditoris præcepto ex orta sunt.

IVNILIUS in Hexæmeron.
Notandum, quòd cum Cælo in principio duo Mundi elementa, aqua videlicet & terra, nominatim facta memorantur : quibus tamen duo reliqua fuisse constat indita; ignem videlicet in ferro & lapidibus, quæ terræ viscera tum condita latebant : aërem verò in ipsa terra, cui esse permixtus ex eo cognoscitur, quòd cum fuerit humectata, & temperiem Solis acceperit, mox vapores exhalat largissimos. Ignem quoque ardentem terræ interioribus insitum, calidi aquarum fontes produunt; quæ per certa quedam metalla in profunda aquarum transeurrunt : & non solum calidæ, sed & feruentes super faciem telluris emanant. Non enim hæc, vt quidam disputant, informiter inuicem mixta : sed terra ipsis, quibus & nunc est, finibus vñdique versum circumscripta; talis tunc erat tota, qualis adhuc sub imo maris profundo ex parte remanet. Aquæ autem vñque super firmamentum Cæli ex parte insidentes, nomen Domini creatoris Cæli Cælorum, laudare non desinunt. Ad hæc, tantum est informis materies, de qua Mundum esse factum testatur Scriptura, quæ in Dei laudibus dicit; Qui fecisti Mundum de materia informi. Nam cuncta quæ cum aquis, & terra videre solemus in Mundo, vel de ipsis exordium materie, vel sumpsere de nihilo. Ipsa autem terra, & ipse aquæ, propterea nomen sortitæ sunt materie informis, quia priusquam in lucem venirent, vñdè formositatem haberent, non erat.

Sap. 11.

A L C V I N V S ex nihilo elementa condita asserens, certè primū Chaos non vna rudi forma præditum, sed ex elementorum commixtione concretum ma-
luit: quæstione enim vigesima in Genesim hæc habet.

Quæ creature de nihilo factæ sunt? Resp. Cælum, Terra, Angeli, Lux, Aër, Aqua, Anima hominis.

S T R A B V S Auctor Glossæ ordinariæ.

*Omnia elementa primo aspectu commixta, & confusa, & totum hoc aëris spatium aquis plenum, non qua-
les nunc sunt, sed sicut nebulae tenues.*

Cap. 5.

H V G O Victorinus Præfationibus in Genesim hoc Chaos insinuare visus
est, cum dixit.

*Queritur etiam quando, & ubi, & qualis creata sit materia rerum; sed constat, quod in principio tem-
porum ante omnem diem, ita scilicet ut simul cæperint tempus & materia, & in eodem tempore Angelus.*

Et paulo infra, inquit.

*Creata est autem informis, non ex toto carens forma, sed ad comparisonem sequentis pulchritudinis, &
ordinis informis potest dici.*

Sed quod Chaos hoc ex quatuor elementis commixtum existimarit, sequens mox
oratio demonstrat.

*Terra autem erat in medio, habens in se alueos & venas, receptacula scilicet aquarum, tam super terram,
quàm intra eam labentium. Tria verò reliqua elementa confusa in vnum ad modum spissæ nebulae ferebantur
super terram ex omni parte ac superficie terræ usque ad Empyreum summum: & ideo nomine terræ appellan-
tur, ubi dicit; Creavit Deus Cælum & Terram.*

Sed clariùs Summæ Sententiarum tractatu tertio, capite primo.

*In principio creavit Deus Cælum, idest Angelos: & terram; illam materiam scilicet quatuor elemento-
rum adhuc confusam, quæ dicta est Chaos.*

Et de Sacramētis Fidei lib. primo, parte prima, capite sexto, ea ipsa diffusiùs exponit.

M A G I S T E R Sententiarum libro secundo, distinctione duodecima, in
hanc concedere sententiam visus est, cum dixit;

*In principio Deum creasse Cælum, idest Angelos: & Terram, idest materiam quatuor elementorum adhuc
confusam, & informem, quæ à Græcis dicta est Chaos: & hæc fuit ante omnem diem. Deinde elementa di-
stinxit Deus, & species proprias atque distinctas singulis rebus secundum genus suum dedit: quæ non si-
mul, ut quibusdam sanctorum Patrum placuit, sed per intervalla temporum, ac sex volumina dierum, ut alijs
visum est, formavit.*

Magistro subscripserunt Scholastici ferè omnes loco asserto.

Cap. 7.

R I C H A R D V S de Sancto Victore, Exceptionum libro secundo; de
creatione Mundi sic refert.

Cap. 8.

*Scriptura dicens; In principio creavit Deus Cælum, & Terram; Cælum vocat tria elementa, ignem, aërem,
aquam, quæ erant in vna confusione permixta, siue in vna permixtione confusa, circa quantum, quod est
terra fluctuantia, quæ terra in medio, & in imo trium suo pondere librata subsidebat. Et Post. Scien-
dum quod operatio Dei quadrariam discernitur. Primum opus Dei est conditionis. Secundum opus disposi-
tionis. Tertium opus propagationis. Quartum opus gubernationis. Primum fecit Deus ante omnem diem.
Secundum in sex diebus: & ab eo requieuit in septimo die.*

Cap. 2.

A N S E L M V S Cantuariensis, de Imagine Mundi libro primo.

Io. 1.

*Creatio Mundi quinque modis scribitur. Primò quo ante secula temporalia vniuersitas Mundi in mente
diuina concipitur; quæ conceptio Archetypus dicitur Mundus: vnde scribitur; Quod factum est, in ipso vita
erat. Secundò, cum ad exemplar Archetypi hic sensibilis Mundus in materia, vel forma creatur, sicut legitur;
Qui manet in æternū, creavit omnia simul. In materia, ut ex quatuor elementis crearentur omnia corporalia.
In forma, ut ad similitudinem Angelorum animæ essent rationales. Tertio, cum per species & formas sex
diebus hic Mundus formatur, sicut scribitur; Sex diebus fecit Deus opera sua bona valde. Quarto, cum vnum
ab alio, utpote homo ab homine, pecus à pecude, arbor ab arbore, vnumquodque de semine sui generis nasci-
tur, sicut dicitur; Pater meus usque modo operatur. Quinto, cum adhuc Mundus innotabitur: sicut scri-
bitur; Ecce noua facio omnia.*

Eccl. 18.

Gen. 1.

Io. 3.

Apoc. 21.

H V G O Carenfis.

*Secundum Philosophum verò attenditur illa confusio, quo ad elementorum permixtionem in vnum Chaos:
Vnde illud; Corpore in vno, frigida pugnabant calidis, humentia siccis. Vt patet in Musto, ubi sex vno per-
mixta est, donec paulatim resideat: sic elementa paulatim loca sua sortita sunt, ut dicit Philosophus.*

D. T H O M A S quæstionibus disputatis, quæstione quarta, articulo pri-
mo, acriter primam sententiam impugnât; sed exactiùs prima parte, quæstione sexagesi-
ma sexta, articulo primo, ubi hæc habet.

*Impossibile est dicere, quod informitas materiæ tempore præcesserit vel formationem ipsius, vel distinctio-
nem.*

nem. Et de formatione quidem manifestum est. Si enim materia informis præcessit duratione, hæc erat iam in actu; hoc enim duratio importat. Creationis enim terminus est ens actu: ipsum autem quod est actus, est forma: Dicere igitur materiam præcedere sine forma, est dicere ens actu sine actu, quod implicat contradictionem. Nec etiam potest dici, quod habuit aliquam formam communem, & postmodum superuenerint ei formæ diuersæ, quibus sit distincta; quia hoc esset idem cum opinione antiquorum naturalium, qui posuerunt materiam primam esse aliquod corpus in actu, puta ignem, aërem, aquam, aut aliquod medium. Ex quo sequebatur, quod fieri non esset nisi alterari: quia cum illa forma præcedens daret esse in actu in genere substantiæ, & faceret esse hoc aliquid; sequebatur, quod superueniens forma, non faceret simpliciter ens actu, sed ens actu hoc, quod est proprium formæ accidentalis: & sic sequentes formæ essent accidentia, secundum quæ non attenditur generatio, sed alteratio. Unde oportet dicere, quod materia prima neque fuit creata omnino sine forma, neque sub forma vna communi, sed sub formis distinctis.

Et post in responsione ad secundum, loquens de Cælo & elementis, hæc habet.

Ante opus distinctionis Scriptura Sacra ponit multiplicem distinctionem. Primo quidem Cæli & Terræ; in quo ostenditur distinctio etiam secundum materiam, ut infra patebit: & hoc cum dicit; In principio Deus creauit Cælum, & Terram. Secundo per distinctionem elementorum, quantum ad formas suas; per hoc quod nominat terram & aquam. Aërem autem & ignem non nominat, quia non est ita manifestum rudibus, quibus Moyses loquebatur, huiusmodi esse corpora; sicut manifestum est de terra & aqua; quamuis Plato aërem intellexerit significari per hoc, quod dicitur, Spiritus Domini, quia etiam aër, spiritus dicitur: ignem vero intellexerit significari per Cælum, quod igneæ naturæ esse dixit; ut Augustinus refert in octauo libro de Ciuitate Dei, capite vndecimo. Sed Rabbi Moyses in alijs cum Platone concordans, dicit ignem significari per tenebras: quia, ut dicit, in propria sphaera ignis non lucet. Sed magis videtur esse conueniens, quod prius dictum est: quia spiritus Domini in Scriptura non nisi pro Spiritu Sancto consuevit poni. Qui aquis superferri dicitur, non corporaliter, sed sicut voluntas artificis superfertur materiæ, quam vult formare. Tertia distinctio significatur secundum situm; quia terra erat sub aquis, quibus inuisibilis reddebatur: aër vero, qui est subiectum tenebrarum, significatur fuisse super aquas per hoc quod dicitur; Tenebræ erant super faciem abyssi. Quid autem distinguendum remaneret, ex sequentibus apparebit.

Hanc sententiam insecuti sunt Aegidius Hexameron prima parte, Caietanus Genesis capite primo, Vielmus lectione quarta, & alij.

Ex D. igitur Thomæ doctrina, atque ex ijs, quæ cæteri tradunt Doctores, sufficiat vnum tantum dilemma contra primam assertionem afferre hac serie. Chaos illud primum, materiaque illa prisca indigesta, aut penitus informis erat, aut aliqua substantiali forma prædita: Si informis, igitur non consistere poterat, cum forma sit existendi causa: nec cognosci, materia enim ex Aristotele non nisi analogia vel ad formam, vel ad materiam rerum arte factarum; & ex Platone in Timæo, non nisi per spuriam ex formæ notitia, cognitionem, apprehendi potest. Si aliqua forma imbuta, vel ea erat sibi substantifica, vel aduentitia: Si aduentitia, peregrinaque ei contigerat; cum accedens sit subiecto posterius, igitur ipsam materiam seipsam actu præcessisse dicendum erit. Quod si forma erat substantialis, vel ea fuit generica, vel specifica: si generica, igitur quotquot subsequuntur formæ, ei contingere, resque omnes sub accidentis vexillò redigendæ sunt: Si verò specifica, sciscitari possumus; an ea erat forma aëris, & sic fuisset Anaximenis materia, Chaosque; an aquæ, & fuisset Thaletis; an ignis, & fuisset Heracliti; an tandem ignota quadam constitutione ex formis omnibus conflata, atque ita Chaos illud Anaxagoræ confusum nimis extasset. Dari igitur non potest Chaos hoc, quin ardua, naturæque reluctantia placita constituamus, ac inextricabiles labyrinthos ingrediamur.

A V C T O R.

In eam ego proficiscor sententiam, ut arbitrer primò tam Philosophorū, quàm Theologorum acies ingentes non temerè eam primam propellere opinionem, quæ Chaos vna rudi forma imbutum proponebat. Existimo insuper partim ex eo reiiciendā esse, quod Philosophiæ axiomatibus aduersa sit; ac vetustorum opiniones, qui materiā cortim præditam ab elementorum natura seiunctam astruebant, è tumultis suscitetur: partim etiam, quia cunctas peculiare rerum formas substantiales rescindat, auferatque, ut edifferebat D. Thomas. Sentio deinde, quod Philosophi perfacile à primæ sententiæ propugnatoribus repelli possent, si dicerent, id ipsum contingere posse primæ illi materiæ in elementorum compactione, quod elementis in mixtorum genitura euenire nunc

Probatur se-
cunda senten-
tia, quod Chaos
ex elementis
compactum
erat.

Lib. 2. cap. 18

Moses in enar-
ratione sem-
per supponit
elemēta pro-
ducta.

Gen. 2.

dicatur; Elementa nanque in mixtorum genesi subiecti naturam, seu materiei vices agere perhibentur; nam de eorum formis adhuc lis est sub iudice, an remaneant in mixtis, an non: & si remanent, an intendantur, an remittantur. Et quamuis multi Philosophorum, plures formas substantiales in mixtis reperiri, non tantum possibile, sed necessarium esse asseuerarint: attamen in secundam sententiam declinare plura alia me impellunt. Primum grauissimorum Patrum paulò ante prolatorum auctoritas, quæ tantò copiosior, ac vberior cernitur, quantò pro eis, vt infra demonstrare enitar, & duos quoque Gregorios, Bedam, atque Hugonem, si ipsorum sententia exactius animadueratur, stare conspiciamus. Deinde, quod me maximè compellit, est literæ series, quam apprimè insequendam esse duco, D. Augustino super Genesim scitè admodum obtinente: quòd maior sit Scripturæ auctoritas, quàm omnis humani ingenij perspicacitas. Perpendo siquidem primum; Mosem illud primo momento creatum Chaos Cœli, & Terræ, & aquæ, tenebrarumque vocibus exprimere, quæ voculæ aptius certè Chaos ex elementis coactum, ac mixtum explicant, quàm Chaos illud vna communi, ac rudi forma præditum, quod nobis prorsus peregrinum, ac alienum, prima illa sententia proponebat. Perpendo rursus, Mosem in enarrationis progressu, elementa genita, ac iam producta intelligere; nam recensens secundæ diei opus, aquas terram supponit ambijisse, cum scribit; Fiat firmamentum, & diuidat aquas ab aquis: quare siue per aquas superas Cœlos, seu aquas fluxiles intelligamus, & per inferas labentes nostras aquas capiamus, semper asseuerare cogimur in illo Chaos elementa extitisse, cum saltè inferiores aquæ essent elementares. Dum tertiæ diei opus commemorat, apertè elementa iam ante condita supponit; non enim legitur dixisse Deum; Fiat terra, fiant aquæ; sed congregentur aquæ, quæ sub Cœlo sunt, in locum vnum, & appareat arida. Quod expressius quoque innuit Moses, eo loci; Istæ sunt generationes Cœli, & Terræ, quando creatæ sunt in die, quo fecit Dominus Cœlum & Terram, & omne virgultum agri, antequam oriretur in terra. Quid, quæso, clariùs potuit afferre Moses, vt terram eam elementarem terram agnosceremus, quàm non tantum enarrare, ac patefacere, quòd primo temporis momento Cœlum, & Terram creauit Deus: sed etiam quòd in ea plantarum rationes seminales infuderit? Præterea, si Moses, vt prima sententia astruebat, rude Chaos, nulla specie, seu figura, ac pulchritudine insignitum explicare contendit, certè ipsum in hac sua tam præstanti historia multa detulisse perobscura, & ambigua asserendum esset. Nam si Cœlum non aderat, nec terra, sed indigesta quædã moles, nec Cœli, nec elementi formam, speciem, imaginemque præferens, eratq; vnus, teste Ouidio, naturæ vultus in Orbe; nonne ineptum fuit, id Chaos Cœli & Terræ nomine significare? Quæ enim similitudo Terræ, Cœlique cum Chaos illo indigesto, tenebroso, inordinato, ac deformi? Quænam Terra in eo condita? Quæ ratio tenebrarum? Quæ labentes aquæ fuere? Nam si Terræ nomine, Chaos; tenebrarum appellatione, omnium formarum carentiam, & aquarum voce, insitam ad formas potentiam, ac propensionem capi voluerimus; quemadmodum Hebræorum Rabbin, & Catherinus interpretati sunt: hæc subtiliora admodum sunt, rudiumque ingeniorum captum excedentia, atque à germana, vsitataque significatione vocum adeò peregrina, & aliena, vt voces illæ Hebræis commodè talia significare, aut exprimere minimè potuissent, quod profectò quantum à Mosis scopo recedat, neminem prorsus latere arbitror. Præterea, si non aderant ante primum diem Cœlum, & elementa; vbinam primo die lux reposita est? nunquid in Chaos, aut extra Chaos? si extra Chaos, igitur corporeum quid extabat extra Mundum: si in Chaos, quinam locus decens ipsi luci esse potuit? aut quid illustrauit, cum nullum diaphanum adesset, quod illustrare posset? Nec dicendum primo die Cœlos vniuersos præter sydereum fuisse conflatos, vt Catherinus exposuit; quare potuisse lucem primo die conditam in Cœlis collocari: nam, vt luculenter suo loco demonstrabitur, ex proprio ipsius Marte ista prolata sunt, & à cæteris omnibus Patribus, ac Doctoribus, cœlorum in prima die emanatio non admittitur: sed dato etiam prima die Cœlum adfuisse, si nullum extabat elementum, quidnam lux ea mox exorta valuit vnquam illustrare? Quòd si cum Cœlo simul & luce primo die emanarunt elementa, vt quid Moses eorum genesim reticuit, ac suppressit? Cæterum quod

ex Mosis præfenti litera habere non possumus, ex Echo scripturarum attendamus. In-
clamat Moses, In principio creavit Deus Cœlum, & Terram: Repetit Echo, David
inquã; Initio tu Domine terram fundasti, & opera manuum tuarum sunt Cœli. De his
igitur Cœlo, & Terra, loquutus est Moses, de quibus & David: sed David de hoc Ter-
ra elemento, quod terimus; ac de Cœlo hoc, quod nos tegit, verba facere, ex ijs quæ ibi
subiungit, euincitur: igitur & Moses ea ipsa intellexit. Nec difficile admodum est
Catherini fundamenta diruere; siquidem Mosem elementorum, ignis, aëris, & aquæ
genesim non prorsus omisisse, quin locupletissimè eam insinuassee, infra demonitabi-
mus. Priscorum Gentilitatis Philosophorum, ac Vatum, quænam fuerit de Chaos
sententia, non sunt Theologi sacri partes disceptare. Quod ad Patres nostros attinet,
D. Augustinum, Eucherium, ac Bedam non de Chaos hoc, seu materia exili actu imbu-
ta, sed de materia informi, origine & natura, non tempore præexistente, sermonem ha-
buisse, clarissima eorum verba, conspicuaque dicendi series produnt, ac patefaciunt:
Gregorium verò Nazianzenum, Gregoriumque Magnum iuxta eundem sensum lo-
quutos fuisse censendum est. Phylastrij, ac Nysseni sententia, etsi aduersum inferre
videatur, piè tamen possumus illam secūdam eundemmet sensum interpretari. Quod
verò Hugo, & Magister, quos Catherinus ad suum vexillū redigere præsumpsit, Chaos
ex quatuor elementis commistum, coactumque, primo profilijsse opinati sint, non tan-
tum adducta loca, sed ipsarum enarrationum progressus dilucidè declarant, ac demon-
strant. Postremò, deductæ ex Scripturæ sacre auctoritati; Manus tua creavit orbem
terrarum ex materia inuisa; seu, vt ait Augustinus, ex materia informi: iam primo satis-
fecere Patres, vt supra retulimus, duplicique via & interpretatione eam declararunt.
Quapropter vel dicendum cum ipsis, primum Deum creasse Orbem ex materia inuisa;
seu secundum Augustinum, ex materia informi, hoc est, ex materia origine & natura,
non tempore Orbem præeunte; eleganter nanque vox illa, Inuisa, materiem eam non
tempore, sed origine præexistentem explicat; siquidē si ante Mundū extasset materia,
seu massa quædā indigesta rudi forma prædita, visibilis profectò, atq; aspectabilis fuisset.
Vel dicendum cum Beda; Condidit Deus Mundum de materia informi, quia quæ vi-
dere solemus in Mundo, ex ipsis elemētis emanarunt, quæ prius fuerunt informia, & vn-
de formositatem sibi vendicarent, non habebant. Cæterum percuntationi illi, quæ-
nam deformitas, ac incondita species extarit ea elementorum, an qualitatū, an situs:
D. Thomas quæstionibus disputatis egregiè occurrit, dicēs, quod illa informitas primi
status attenditur non quantum ad situm, qui naturalis est elementis secundum se; hunc
enim situm, omnia elementa habebant; sed quantum ad illum situm, qui elementis cō-
petit secundum ordinem ad generationem mixtorum: Iste enim situs nondū erat per-
fectus, quia nec ipsa corpora mixta adhuc prodierant. Quare concludamus cum Basi-
lio, ac Patrum, Theologorumq; immensa classe, in primordijs temporū Orbes cœle-
stes, elementaq; substantialibus formis insignita manasse; quæ tribus priscis diebus se-
creta, distinctaq; , & alijs tribus venustata, ac decorata fuere.

Gen. 1.
Psal. 101.

Soluuntur ra-
tiones Catheri-
ni.

Sap. 11.
Ex materia
inuisa quo-
modo Deus
creauit Mun-
dum.

Quæst. 4. ar. 1

De specie Chaos.

Iam iterum statuto, ac sancito, quod illud primum Chaos à Deo in temporum pri-
mordijs effectum, non vna conflatum esset forma exili, & rudi, tanquam indigesta
massa, ac materies, sed quatuor compactum esset elementis inuicem confusis, ac per-
mixtis: indagandum superest, quam speciem, quam figuram, quam formam præfer-
ret. Nam quæ commistio elementorum in eo Chaos existeret, quem situm vnumquod-
que vendicasset, non conformi decernitur sententia.

Chaos prima species.

I V N I L I V S talem Chaos figuram excogitauit, vt in terra ignem, & aërē
infusos fuisse, aquas verò supra terram omnia vsq; ad Empyreum expleffe existimarit,
cum dicit.
Vbi notandum quod cum Cœlo in principio duo Mundi elementa, aqua videlicet & terra, nominatim facta
memoran-

Commēt. in
Gen.

memorantur; quibus tamen duo reliqua fuisse constat indita: ignem videlicet in ferro, & lapidibus, quæ terra viscera tunc condita latebant: aërem verò in ipsa terra, cui esse permixtus ex eo cognoscitur, quod cum fuerit humectata, & temperiem Solis acceperit, mox vapores exhalat largissimos. Ignem quoque ardentem terræ interioribus insitum, calidi aquarum fontes produnt; quæ per certa quedam metalla in profunda aquarum transcurrunt, & non solum calidæ, sed & feruentes super faciem telluris emanant. Non enim hæc, ut quidam disputant, informiter inuicem mixta: sed terra ipsis, quibus & nunc est finibus undique versum circumscripta, talis tunc erat tota, qualis adhuc sub imo maris profundo ex parte remanet. Aqua autem uniuersam superficiem in tantam tangebant altitudinem, ut ad illos usque locos pertingerent, & ubi nunc usque super firmamentum Cæli ex parte insidentes, nomen Domini creatoris Cæli Cælorum, laudare non desinunt.

Patres omnes, qui firmamentum ex tertia parte aquarum compactum opinati sunt, quorum classem in disceptatione de Cæli substantia comperies, Iunilij sententiæ sunt sequuti. Steuchus (ut in Catenis post deducetur) ab his non dissensit Patribus: hic etenim ex Chaos, seu Hyle, seu abyssu, seu aquarum terræque canosa collunie, Solem primo die aquarum collisione emanasse tradit; Solem verò sua virtute ex eameta aqua secundo die aërem elicuisse, & terram tertio die absumptis aquis detegisse scribit; ut post clarius demonstrabitur.

Secunda Chaos species.

S T R A B V S

alteram Chaos speciem nobis proposuit, cum dixit. Omnia elementa commista erant, & totum hoc aëris, aquis plenum erat, non quales nunc sunt, sed sicut nebule tenues erant, quales ad hoc supercælestes sunt.

Cap. 5.

H V G O

Victorinus noster Adnotationibus in Genesim, Strabo assensit, ac inter Empyreum, & terram trachonibus, hiatibus, seu voraginibus disruptam; cætera elementa ad instar nebulae, & caliginis effusa esse dixit.

Creata est autem materia rerum informis non ex toto carens forma; sed ad comparationem sequentis pulchritudinis, & ordinis, informis potest dici. Terra autem erat in medio, habens in se alueos, & venas, receptacula scilicet aquarum, tam supra terram, quam intra eam labentium. Tria verò reliqua elementa confusa in unum ad modum spissæ nebulae ferebantur super terram ex omni parte, ac superficie terræ, usque ad Empyreum.

Et de Sacramentis, libro primo, parte prima.

Quantum conijcere potui ex ijs, quæ in Scripturis de hac re, siue manifestè, siue obscure reperi secundum rei gestæ veritatem expressa, prima illa rerum omnium moles, quando creata est, ibidem tunc ad esse prodijt, ubi nunc formata subsistit. Eratque terreum hoc elementum medio, eodemque imo loco subsidens, (cæteris in una confusione permixtis) forma meliore præditum, sed iisdem circumquaque in modum cuiusdam nebulae oppressis ita inuolutum, ut apparere non posset, quod fuit. Illa verò tria in una, sicut dictum est, adhuc confusione permixta, siue potius in una permixtione confusa, circumquaque suspensa, eoque in altum porrigebantur, quousque nunc summum corporeæ creaturæ pertingit. Totumque hoc spatium, quod à superficie terræ medio iacentis loco, usque ad extremum, supremumque ambitus Cæli limitem patet, illa nebula, & caligine replebatur. Et qui nunc sunt aluei, siue trachones aquarum, iam tunc in ipso nascentis Mundi exoratio in terræ corpore futura aquis receptacula parata erant. In quibus etiam magna illa abyssus (de qua omnium fluentia aquarum producenda, siue deriuanda fuerant) patulo adhuc hiatu, vacuoque, horrendum in præceptis inane præferebat. Cui quidem desuper tenebræ illius caliginis, quæ tota tunc terræ superficies obnoluta erat, nebulae zendeantur: quas (ut ego arbitror) tenebras Scriptura, cum Cælum, & Terra crearentur, super faciem abyssi fuisse testatur. Talis Mundi facies in principio priusquam formam reciperet, aut dispositionem, per scripturam significatur, cum dicitur; In principio creauit Deus Cælum, & Terram.

Richardus pariter Victorinus, Exceptionum libro primo, eandem Chaos speciem excogitauit.

M A G I S T E R

secundo Sententiarum, distinctione duodecima, eadem iterum verba Hugonis repetit.

Dicimus, quod illa prima rerum omnium moles, quando creata est, ibidem ad esse videtur prodijt, ubi nunc formata subsistit. Eratque terreum hoc elementum in uno loco, eodemque medio subsistens, cæteris tribus in una confusione permixtis, eisdemque circumquaque in modo cuiusdam nebulae oppressis, ita obnolutum erat, ut apparere non posset, quod fuit: illa verò tria in una permixtione confusa, circumquaque suspensa, eoque in altum porrigebantur, quousque nunc summum corporeæ naturæ pertingit. Et sicut quibusdam videtur, illa locum firmamenti extendebatur illa moles, quæ inferiori parte spissior, atque grossior erat; in superiori vero rarior, ac lenior, atque subtilior existebat: de qua rariori substantia putant quidam fuisse aquas, quæ super firmamentum esse dicuntur. Talis fuit Mundi facies in principio, priusquam reciperet formam, vel dispositionem.

Figura Chaos tertia.

BASILIVS ita Chaos visus est effinxisse, ut primum cœlum supremum, deinde ignem, & aërem, post aquam undique terram ambientem; tandem terram inter aquas conclusam reposuerit. Quæ quidem Basilij de Chaos sententia ex pluribus ipsius locis elicitur; Nam Hexameron Homilia secunda, supremum Cœlum quod Instellare alij appellant, primum profiliisse, & Mundum seclusa Empyreï luce opacasse his edocet.

Arbitramur sanè siquid erat ante Mundi sensibilis, atque corruptibilis constitutionem, id in lumine nimirum fuisse.

Et paulo post inquit.

Postquam igitur factum esset ex imperio diuino Cœlum, ac circumactum ambitu suo undique, ea, quæ intra ipsum sunt, complexum esset, corpus continuum obtinens, ab externisq; interna seiungere valens, comprehensum intra se locum necessario carentem lumine reddidit, tenebrisq; externo interciso splendore obscurauit.

Amplius existimauit Sydereum Cœlum, cæterosq; Cœlos Planetales secunda die fuisse editos, Homilia tertia, cum inquit.

Inquiuendum esse uidetur, an diuersum quid sit à Cœlo iam factò firmamentum id, quod & ipsum nuncupatum est Cœlum: & an omnino duo sint Cœli.

Et paulo post secundum Philosophos ait.

Etenim vnum, inquiunt, corpus esse, quod in orbe fertur, idq; finitum esse: quod si cum primo Cœlo completum sit, nihil prorsus ad secundi, tertijq; generationem, ortumq; reliquum esse. Et infra. Nos autem tam absimus, ut de secundo Cœlo ambigamus, ut & tertium insuper querendum esse arbitremur, aspectu cuius olim D. Paulus est potitus. Psalmus etiam Cœlos Cœlorum nominans, plurimum Cœlorum nobis indidit intelligentiam.

2. Cor. 12.
Psal. 148.

Amplius aquam totam terram obtegisse, non explicata eius altitudine, ac vastitate edocuit, Homilia secunda.

Restat ergo, ut intelligamus vndas super telluris superficiem inundasse, antequam proprijs in locis humoris substantia segregaretur, atque ex eo terram, tum non solum inuisibilem, sed inconditam etiam fuisse: quippe cum humoris exuperatio etiam nunc in gignendis, ferendisq; fructibus impedimento terræ soleat esse.

Nec tantum aquas terras absorbuisset, sed & aërem aquam circumuallasse approbauit loco asserto. Quamobrè iuxta eū pars nulla telluris sese tunc offerebat; quia lumine carebat is aër, obtenebratusque adhuc erat, qui totam obibat aquæ naturam. De ignis ambitu, ac sede, non ita expressam suam retulit sententiam: sed ex cōmuni Græcorum Patrū placito eū supra aërem uti occisimum, leuissimum, sub Lunæ orbe locatum fuisse censendum est. Huic sententiæ Græca omnis ferè Ecclesia subscripsit, præcipuè Theodoretus quæstionibus in Genesim; & ex Latinis, D. Ambrosius in suo Hexameron.

CAIETANVS ex Neotericis, sequutus hanc sententiam, molem & immensitatem aquarum ampliolem esse credit ea, quæ in Diluuij Noëtici colluuiæ fuisse legitur. Ait nanque.

Et appellatur elementum aquæ abyssus, ne intelligeres terram opertam parus altitudinis aquis: veluti in Diluuij postea legitur, aquas quindecim tantum cubitorum fuisse super montes. Nam elementum aquæ est secundum se tam grande, ut linea ducta a superficie terræ ad circumferentiam aquæ sit longè maior, quam linea ducta à centro terræ ad superficiem terræ: quia elementum, quanto superius, tanto grandius secundum omnes dimensiones. Ad significandum itaque immensam aquæ profunditatem, dicitur abyssus.

Commēt. in
Genesis cap.
primum.

Figura Chaos quarta.

D. Thomas, ac recentiores Doctores, Chaos hoc ita effingunt, ac austruunt, ut omnes cœlestes Orbes in ipso exordio temporum perfectos emanare arbitrentur: horum tamē alij competentem eis densitatem etiam adscribunt, ut D. Thomas; alij verò ferè omnes eam illis auferunt; & secundum substantiam, numerum, ordinem, magnitudinem, ac figuram tantum absolutos effectos esse austruunt.

VIELMIVS siquidem lectione quartadecima ita scribit.
Illa corpora omnia terminata, & in suis singula locis, ac sitibus collocata: sed tantæ soliditatis, ac roboris secunda die aucta fuisse reputes, ut aquis non cederent superpositis.

Arbi-

Arbitrati sunt attamen hi Doctores, ea corpora Cœlestia ante primum diem vel nullo motu circumlata fuisse, vel supremi Cœli raptu tantum volutata, seu Dei virtute, ut Aegidius visus est censuisse; seu Angelo, ut Caietanus voluit, primū Orbem concenterente; & quod Orbes illi densis tunc Solis, Lunæ, syderumve globis non exornarentur, nec lucis radio decorarentur: spatium autem inter Lunam & Terram ita effingunt, ut Thomas, Scholasticūq; omnes, Vielmus, & Aegidius in Basilij sententiam declinent; Pererius autem arbitratur inter Lunæ Orbem, ac Terrā, materiem quandam aqueam, & nebulosam extensam fuisse; qualis solet esse aër proximè superius terræ, quando crassis vaporibus, vel nubibus obtectus est: ex qua pars tenuior, & leuior in aërem, & ignem tertia die versa sit; crassior verò & grauior circa terram subsederit; atq; ita in sententiam Strabi, & Hugonis Victorini descendit.

Ex his varijs admodum de Chaos figuris, ac speciebus sententijs, liceat nobis oblationis gratia quædā Chaos genera effingere, ac picta proferre, ut quod vniuscuiusq; classis fuerit placitum, enucleatiùs appareat, atque his perceptis modus emolitionis Mundi clariùs capiat, & comprehendatur.

Chaos iuxta D. Augustini, Eucherij, Bedæ, ac sectatorum sententiam.

Cum D. Augustinus Mundum absolutum primū profiliisse censuerit, ac ea que de Chaos refert Moses, uti ante primum diem facta, ad Chaos, seu ad materiam non actū, & tempore, sed potentia, atque origine præextantem referat: ex eius placitis Chaos chimericum, seu commentitium effingendum est ex mole quadam rudj, crassa, & atra, atque Angelo pura in natura constituto, non gratia seu gloria, quasi luce effulgente decorato.



A. Sit igitur A. Moles rotunda atra, quæ materiam inuisam origine non tempore præextantem indicet.


B. Sit B. Angelus nitore quodam, sed non fulgore pictus, qui Angelicam naturam in sua puritate, nec gratia, nec gloria exornatam, præmonstret.

Huius Chaos digestio sic subsequuta est secundum D. Augustini placita: ut rerum conditarum, quæ vnico momento prodierunt, manatio, ad sex Angelicas apprehensiones relata, quasi sex diebus effecta à Mose recenseatur. Ac primo die lucis effusæ metaphora, Angelus in gratia conditus intelligatur; seiunctione lucis à tenebris, bonorum Angelorum à Dæmonibus separatio accipiat: Deinde secundo die firmamenti compositione, supremæ Orbis partis, hoc est, corporum Cœlestium, ignis, & aëris vsque ad regionem illam, quæ vaporibus, flatibusq; aqueis obrui solet, effectio tradatur. Tertiò verò Maris, & Terræ genesis exprimat; & Terræ ad germina proferenda virtus collata declaretur. Quarto, Solis, Lunæ, & Astrorum iam prius facta creatio describatur. Quinto, & sexto, piscium, & auium, animantium, ac hominis in præseminata materia origo recenseatur.

Mundi secundum D. Augustinum ex Chaos efformatio.

Chaos Vatum Gentilitatis, Gregorii Nysseni, Alexandri Halensis, Bonauentura, Tostati, & Catherini.

Cum Vates prisce Gentilitatis, atque ex nostris præfati Patres, Chaos id, quod primum statuit Deus, vna rudi forma imbutum fuisse arbitrati sint; in quo quidem nullum extaret elementum, sed insita tantum ad proferenda elementa facultas; ex eorum placito Chaos effingendum est, in quo sub Empyreo vna rudis, atra, indigestaq; moles tantummodo appareat.



A. Sit igitur A. Empyreum, quod alij ante extasse, alij tunc manasse diffiniunt.


B. Sit B. atra illa, indigestaque moles, vna forma, siue actu exili existens, in qua Cœlum, & elementa distincta non essent.

Ex hoc Chaos Mundus (Gregorij Nysseni præcipuè sententia) ita profiliit; vt primo die ignis ex ea mole veluti agilior euolarit ad supera; cumque extra Mundum contendere non posset, nec in Chaos remeare, circumuolui, ac dies noctesque parere cœperit. Deinde secundo die, ignoto nobis constitutionis genere ex eadem massa cœlestia confecta sint corpora. Tertiò, aër, aqua, & terra ex eodem Chaos ad sua loca emerferint. Quartò die, ignis partibus ex sympathia simul sub vel supra coalescentibus, Sol, Luna, Alstra effecta sint. Quintò, pisces, & aues ex aqua. Sextò, animantes, & homo ex terra producti fuerint.

Catherinus aliam ex eo Chaos Mundi genituram à Philosophia, atque à Mosis historia longè alienam, detulit. Siquidem primo die ex ea indigesta massa, Deum cœlestia corpora cuncta præter octauum sydereum Orbem, ac elementa consimul, Solem insuper absolutum produxisse censuit. Secundo porrò die, firmamentum, idest octauum sydereum Cœlum expandisse. Tertiò, aquam terram vndique ambientem à terra seclusisse; ac in maria coëgisse, terramque germinibus locupletasse. Quartò, Solis iterum emolitionem Mosem recapitulasse; Deum verò Lunam, ac Stellas compegisse. Quintò, ex aquis aues, & pisces. Et sextò, ex terra terrestria animantia, atque hominem formasse. Non dissimile est illud, quod D. Hieronymus proposuit.

Chaos plurimorum Patrum, præcipuè Iunilii, Gulielmi, & Stenchi.

Nonnulli ex priscis Patribus, vt Iunilius, & alij quamplures, ex elementis congestum Chaos ita effinxerunt, vt insidente terra in medio fluctuum, aqua vsque ad Empyreum cuncta obruisse dixerint. Pingatur igitur secundum eorum placitum Chaos hoc pacto.




A. Sit A. Empyreum ipsum, quod cum Chaos simul conditum voluere.
 B. Sit B. Terra subsidens, vndique aquis obuoluta.
 C.D. Sint C. D. Ignis, aër, in terræ visceribus, ac antris reconditi.
 E. Sit E. Aqua vsque ad Empyreum scandens.
 Iunilius cum alijs Patribus, huius Chaos secationem ita deducunt. Primo die, in-
 quiunt, lux nulli addita apparenti globo ex nihilo est condita, aquarumque molem il-
 lustravit. Secundo die, ex aquis corpora cœlestia congeſta sunt in medio molis
 aquarum: parte altera earum super firmamentum elata: altera sub firmamento de-
 pressa. Tertio die, subsidente terra, aquisque in vnum confluentibus, profiliere ad sua
 loca ignis, aër, Mareque coactum est, & Terræ facies apparuit, quæ mox germinibus
 decorata est. Quarto, Solis, Lunæ, ac astrorum globi confecti sunt, ac prisca luce per-
 fusi. Quinto, pisces, & aues; Sexto, animantia, & homo producta sunt. Verum
 Steuchus ex collisione aquarum primo die genitos ætherem, & Solem; Secundo So-
 lis vi aërem ex aquis productum; Tertio eiusdem Solis flagrantia absumptis aquis,
 terram apparuisse, singulari arbitrato excogitauit.

Mundi for-
 matio ex
 Chaos secun-
 dū Iuniliū.

Chaos Strabi, Hugonis, & Richardi.

Non operosum erit Strabi, Hugonis, ac Richardi nostri Chaos capere, ac effingere;
 cum inter Empyreum, & Terram suo pondere in centro Mundi confidentem, aërem,
 ignem, & aquam in modum nebulae, seu caliginis cōmixta, vbique diffundi reputarint.




- A. Sit igitur A. Empyreum Cælum, ea, quæ ultra Mundum sunt, excludens.
 B. Sit B. Terra pura, ac cauernis, antrisque conscissa.
 C. Sit C. Ignis, aër, & aqua in modum nebulae, ac caliginis extensa.

Mundi ex
 Chaos effor-
 matio iuxta
 Hugonē, &
 alios.

Profiliit Mundus ex hoc Chaos, hac serie. Primo die nubes lucida fortè ex igneis partibus coacta, Deiq; virtute, seu sibi insita ui circumuolutata, Mundum illustrauit. Secundò, Cælum ex ea massa congestum, aquas vapores supra euexit. Tertiò, nebula humor in aquis fluentibus inspissatus, ignem, ac aërem reliquit depuratum; & Terra si- nus explens maria effecit, Terraque germinibus ditata est. Quartò, ex ea nube ignita fortè & lucida, Sol, Luna, & Altra compacta sunt. Quintò, ex aquis pisces, aues; Sextò demum, ex terra animantia, & homo prodire. Nuperi, noua excitata sententia, ex hoc Chaos ipso primo die Cælos, Solemque conditos volunt. Secundò, aërem tantum aquas pluuias à labentibus secernentem; seu aërem (nam in sua non perstunt sententia) locum, sedemque factum fuisse nubium dicunt. Tertiò, nebulam in aquas condensatam, maria expleuisse tradunt. Quartò, Lunam, & Altra tantum formata. Quintò, pisces, & aues. Sextò, animantia, & hominem producta fuisse perhibent.

Chaos D. Basilii, Ambrosii, & omnium ferè Græcorum.

Grauiori certè sententia, sed ea non ab omnibus recepta, Basilii, Ambrosii, & alij ex priscis Patribus quamplures aliud Chaos formarunt; ac sub primo, vel supremo Cælo, ignem; inde aërem; tandem aquas immensa mole vndique terram concludentes, diffundi tradidere. Vnde ex eorū sententia primæuum Chaos ita pingendū est.



- A. Sit igitur A. Empyreum coruscantissimum.
 B. Sit B. Supremum Cœlum, primū mobile, fortè instellare nuncupatum, Empyrei fulgorem sua opacitate secludens, ac Mundum obumbrans.
 C. Sit C. Ignis sua in sphaera.
 D. Sit D. Aër in medio diffusius.
 E. Sit E. Aqua in immensa amplitudine terram ambiens.
 F. Sit F. Terra aquis obruta.


Ex hoc Chaos ita Mundus, secundum hos Patres, efformatus est.

In his ita commistis elementis, primo die ex nihilo lux à Deo creata, dies, ac noctes effusione, & attractione in triduo primo effecit. Secundo die, Cœlum firmamentum ignoto nobis constitutionis genere constitutum est, aquarumq; molem non modicam super se extulit. Tertio die, subsidente terra, & emergente supra terram mari, aquæ coactæ sunt in locum vnum; & terra denudata germinibus cohonestata est. Quarto die, conditi sunt globi Solis, Lunæ, & Astroꝝ; & prima luce decorati. Quinto in die, ex aqua pisces, & aues. Et sexto, ex terra effecta sunt terrestria animantia, singulariq; studio homo plasmatus est.

Mundi ex
Chaos emanatio
secundum Basilium.

Chaos Nuperorum.

Nuperi Doctores, quasi ex mente D. Thomæ, quanquam ipse inter multas expofitas sententias adeò luserit, vt suam non retulerit expressam opinionem; aliud constituere Chaos, in hoc tantum à præfata D. Basilij assertione discrepantes, quòd loco supremi Cœli decem Orbes Cœlestes, tanquam ab exordio productos, posuerunt.



Mundi effor-
matio ex
Chaos iuxta
Nuperos Do-
ctores.

A. Sit igitur secundū istos A. Empyreū, quod vnā cum Chaos concreatū dicunt.

B. Corpora decem cēlestia.

C. Ignis. D. Aër. E. Aqua terram vndiq; obtegens. F. Terra ipsa aquis cooperta.

Ex hoc Chaos quomodo profilierit Mundus, non vna decernunt sententia. D. Thomas, ac Scholastici ferē omnes asserunt, primo die Solem exiisse cum vniuersali quadā illuminandi facultate, sine speciali ad influendum virtute. Vielmius visus est hāc fāse, num Sol ante omnem diem conditus fuerit, licet in crassa illa elementorum commiscelatione lucere non potuerit, & primo die tantummodo effulserit. Aegidius verō Solem ante omnem diem effectum, primo autem die magis obdensatum, ac luce potiori locupletatum fuisse tradit. De secundi verō diei opere non sunt concordēs. Alij quippe firmamentum, hoc est, Sydereum octauum Cœlum factum fuisse suspicati sunt, vt Catherinus; Alij Cœlis astripheris soliditatem, ac firmitatem fuisse adiunctā, vt Vielmius; Alij aërem emanasse, vt Steuchus; Alij saltem sedem aquarum vaporearum factum fuisse excogitarunt, vt Pererius; adeo non inconcussa sibi statuta basi, Doctores isti in peregrinas rapti sunt sententias. Tercio die, concordī annutu, aquas in specubus, ac antris terræ collectas fuisse, mariaq; effecta, & terram denudatam, ac germinibus locupletatam dicunt. Quarto die, D. Thomas Soli voluit specialem fuisse collatam virtutem ad influxus imprimendos; Aegidius Solem adhuc magis obdensatum fuisse, ac emicantiū effulisse; Alij Solis genesim à Mose recapitulatam esse prodiderunt: cuncti ferē hoc die Lunam, & Stellās sua sumpsisse natalia admittunt. In quintā ac sextā diei operibus explicandis à Patribus non abscedunt.

Quodnam
Chaos præse-
rendum.

Hæc per transennam, vt inquit, volui præmisisse, cum enucleatiū, & fusiū sim tot varias, ac repugnantes sententias in Catenis deducturus; vt quantum, & quale sit de Chaos explanatione, sententiarum atque assertionū Chaos, prudens lector intelligat; & ex hoc maxima sibi animaduersione proficiendum esse cognoscat. Ego, quod Chaos sim prosequuturus, breuibus prodam. Chaos primū, ac modus productionis Mundi à D. Augustino excogitatus, Dei opificis omnipotentiam & maiestatem magis amplificat; Philosophisq; placita Christiana irridendi occasionē facilius tollit. Chaos à Gregorio Nysseno delatum, Vatum, ac Philosophorum sententiā, qui Chaos, materiamq; ingentem terræ elementum fuisse existimauerunt, maximè accedit. Chaos Iulij Nilij ex immensa aquarum colluie congestum, & Mundi genituræ modus, præcipuè à Steucho deductus, arridere illis videtur, qui aquas rerum principium asseruerunt, vt Thales Milesius, & ijs qui cum Homero canebant;

Oceanum rerum Patrem Thetind; parentem.

Chaos ab Hugone, & Richardo adductum, Mundi que profilitio ab eis delata, cum ijs certè qui cuncta ex aëre, & atomis edita dixere, maximè concordat. Chaos Basilij, ac Mundi seiunctionis, & uenustationis modus, mirum in modum Mosis doctrinam insequi videtur. Nuperorum tandem Chaos, ac eorum de Mundi productionis modo sententia, totis uiribus, quoad potest, Peripateticis placitis nititur adherere, atq; ab eis non abscedere. Quapropter si ego contra Gentilitatis propugnatores de dogmatibus nostris disceptando decertarem, Augustini Chaos non refellerem. Si priscorum Gentilitatis Vatum, ac Philosophorum placita complecti mihi esset in animo; certè vel illud Nysseni prosequerer, ut Euripidis, Homeri, Ouidijq; Chaos astruerem; vel Iulij, ac Steuci, ut Thaletis sententiā adhererem; vel illud Hugonis, vt Anaximenis, Heracliti, Anaxagoræ, Epicuri, Chaos comprobarem; vel illud Nuperorum, vt quantum in me esset, à Peripatetica Philosophia (quæ sibi ferē omnes Scholas subegit) non recederem. Cæterum cum pluris existimanda sit Scripturæ auctoritas, quam omnis humani ingenij perspicacitas, à D. Basilij doctrina non abscedam; quoniam (vt in progressu rectius singula perpendentibus, ac æqua lance librantibus apparebit) planiores sensus, literaq; accommodatiores eam ferre, ac Mosis placita insequi, eiusq; mentem magis declarare, & manifestare conspicio: Idq; obtestatum semper esse peropto, quod vbi obseruato literæ placido, ac ingenuo sensu, miraculum effugere, & naturæ, ac Philosophicæ dogmata sectari potero, id libentissimè faciam: ast ubi in extortas, ac peregrinas expositiones, sensum adulterantes, ac deprauantes, me ob ea astruēda prolabi animaduertero, por-

portentosa potius miracula concedam, omniaque Philosophiæ placita abiurabo, quam Moſis literæ vel vnum apicem, ſeu iota extorqueam, ratus ſemper, vt modò dicebam, quòd longè præſtantior ſit Scripturarum ſacrarum intemerata auctoritas, quàm omnis humani ingenij perſpicacitas: ſiquidem cùm omnis de emolitione Mundi doctrina reuelata per Moſem à Deo nobis fuerit, id Chaos genus, ac proſilitionis Mundi modus putandus eſt verus, quem Moſes prodit, ac proſert; & quoniam omnis productionis Mundi ſeries miraculis innititur, & Philoſophiæ aduerſatur, ea qualiſcunque ſit, excipienda eſt, quæ à Moſe ſimplici narratione nobis deſertur ac reſeratur.

Scripturæ auctoritas omni humanæ rationi anteferenda.

De Geneſi Cœli, Muneribus, & Natura.

Ex D. Baſilij, ac cæterorum Patrum priſcorum, quos deduximus, doctrina, quam etiam proſequi ſtatuiſmus, ſupremum Cœlum, quod inſtellare fortè alij nuncupant, in temporum exordio tanquam ſupremam Chaos partem, Orbem concludentem, ac ſuperiorem Mundum, ſeu Empyreum, beatasque ſedes excludentē, natalia ſumpſiſſe ſua afferendum eſt. De hoc ipſo autem arduas, ac inter priſcos Patres diu cribratas difficultates mihi nunc agitandas ſupereſſe perſpicio. Num ſcilicet Moſes duorum Cœlorum ſtructuram memoret, alterius quidem in initio temporum conditi, alterius verò ſecundo die ex aquis, ſeu ex ſummitatibus elementorum compacti. Porro ſi duorum Cœlorum geneſim Moſes recensuit, indagandum eſt deinde, num vnus ſint naturæ, ac ſubſtantię. Tandem quod ſit Cœlum iſtud in exordio temporum ex nihilo conſectum, & quæ munera, ſeu quas functiones Vniuerſi gratia obire cenſeatur.

Num Moſes duorum Cœlorum conſolationem tradat.

Diſputatio hæc, vtrum Moſes duorum Cœlorum genituræ meminerit, quamvis apud Philoſophos nullius ſit ponderis: attamen in via Patrum arduum mihi facit diſcrimen, ac periclitari in ea non adeò facile duco, cùm Patres priſcos in aduerſas, peregrinasque raptos ſententias videam. Verùm duabus de cauſis eam prætermittere non audeo; tum quoniam curioſa, egregiaque valde eſt diſceptatio iſta, diuque à Patribus iactata; tum etiam quia doctrinam inuſitatam, ac non omnibus adeò compertam, iocundam tamen, & grauem ſubminiſtrat; quæ proſectò, vt libentiùs ipſam aggrediar, me vehementer impellunt.

Catena Patrum, vnus Cœli effectiorem Moſem tradidiſſe, exiſtimantium.

TERTULLIANVS Cœli creationem tradi à Moſe cenſuit ea clauſula; In principio creauit Deus Cœlum & Terram. Quæ autem de Cœlo ſecundo die narrantur, ea ad diſpoſitionem, & qualitates eiſdem ſpectare decernit. Ex quibus Cœlum vnum tantummodo, ex ipſius mente, à Propheta hac rerum omnium effectarum narratione memorari conuincitur; Ita enim in libro aduerſus Hermogenem, ait.

Nobis autem vnus Deus, & vna eſt terra, quam in principio Deus fecit. Cuius ordinem incipiens Scriptura decurrere, primò factam eam edicit, dehinc qualitatem ipſius ediſſerit. Sicut & Cœlum primò factum profeſſa, In principio fecit Deus Cœlum; dehinc diſpoſitionem eiſ ſuperinducit. Et ſeparauit inter aquam, quæ erat infra firmamentum, & quæ ſuper firmamentum: & vocauit Deus firmamentum Cœlum, ipſum quod in principio fecerat.

IO. CHRYSOSTOMVS in Geneſim Homilia quarta, nō tantum vnus Cœli ſtructuram tradi cenſuit, ſed eos qui aliter credunt, à ſacris diſſentire Scripturis, ac eccleſiaſticis doctrinis refragari aſſumat, dicens.

Et vocauit Deus firmamentum Cœlum hoc quod videtur. Et quomodo dicunt aliqui, factos multos Cœlos? Non ex diuina Scriptura hoc didicerunt, ſed ex his opinionibus, vt ita dicant, impelluntur. Beatus autem Moſes nihil his amplius docet: nam vt dixit; In principio fecit Deus Cœlum & Terram: & deinde cauſam docuit,

docuit, quare terra sit inuisibilis; nempe quod obiecta à tenebris, & aquis abyssi: post formationem autem lucis, ordine & consequentia quadam utens, inquit; Et dixit Deus, Fiat firmamentum. Deinde postquam docuit diligenter vsum firmamenti, & dixit, ut distinguat inter aquam, & aquam: istuc ipsum firmamentum, quod aquarum separationem faciebat, vocavit Cælum. Quis igitur post tantam doctrinam feret eos, qui ex suo capite loqui, & contra diuinam Scripturam multos Cælos dicere audent?

Amplius oppositionem illam, quod Scriptura sapius Cælos non Cælum dicat, egregie dissoluit.

Psal. 148.

Dicunt illi; Ecce beatus Dauid laudem Deo offerens, dixit; Laudate eum Celi Cælorum. Ne turbemur dilecte, neque putes sacram Scripturam sibi ipsi alicubi aduersam; sed disce potius dictorum veritatem, & tenens diligenter illius doctrinam, obtura aures illis contraria dicentibus. Et Post. Dicunt igitur, qui lingue eius gnari sunt, Celi nomen plurali numero ab Hebræis vocari, quod consentitur, qui & Syrorum linguam sciunt. Et nemo ea lingua dicit Cælum, sed Celi. Et idcirco sic dictum est, quod a beato Dauid dictum, Celi Cælorum: non quod multi sunt Celi; (non enim hoc nos docuit beatus Moses) sed quia mos est lingue Hebræicæ, vnam rem nominare plurali numero; Quia si multi essent, non omisisset Spiritus Sanctus per linguam Prophetæ, quin & illorum formationem nos doceret. Hec diligenter seruate obsecro, ut possitis obstruere uerborum, qui contraria Ecclesiasticis doctrinis asserunt.

Art. 4.

Verum quid astruat Ioannes Chrysostomus, non adeo perspicuum est. D. THOMAS prima parte, quæstione sexagesima octaua, Patres Græcos ita conciliare nititur.

Circa hoc videtur esse quædam diuersitas inter Basilium, & Chrysostomum. Dicit enim Chrysostomus non esse nisi vnum Cælum, & quod pluraliter dicitur Celi Cælorum, hoc est, propter proprietatem lingue Hebræicæ, in qua consuetum est, ut Cælum solum pluraliter significetur, sicut sunt etiam multa nomina in Latino, quæ singulari carent. Basilius autem, & Damascenus sequens eum, dicunt plures esse Cælos. Sed hæc diuersitas magis est in voce, quam in re. Nam Chrysostomus vnum Cælum nominat totum corpus, quod est supra terram & aquam. Nam etiam aues quæ volant in aëre, dicuntur propter hoc volucres Celi. Sed quia in isto corpore sunt multe distinctiones, propter hoc Basilius posuit plures Cælos.

Chrysostomi in præallegatis ipsius verbis intentio.

Psal. 148.

Alij aduersus eos, qui plures Mundos, ac Cælos absurdè astruebant, disputare hoc loco Chrysostomum arbitrati sunt. Sed si exactius Chrysostomi orationem perpendamus, eliciemus, quod ipse contendat magis euincere contra D. Basilium, ac ceteros, plurium Cælorum formationem à Mose non tradi, nec recenser. Persuadet hoc mihi conclusio ab ipso Chrysostomo adducta; adjicit siquidem, quia si multi essent, non omisisset Spiritus Sanctus per linguam Prophetæ, quin & illorum formationem nos doceret. Persuadet hoc etiam mihi magis, quoniam aduersus eos, qui plures astruebant esse Cælos, & Mundos; (de quibus Laërtius decimo, & alijs aliquot locis meminit) cum Ethnici essent, ipse non Mosis Scripturarum auctoritatibus disceperet, nec illi ad propriam roborandam sententiam Dauid obtestationes assumpsissent: ut illam; Laudate eum Celi Cælorum: quam Chrysostomus, veluti ab aduersarijs obiectam, hoc loco interpretatur.

Amplius hanc disceptationem; num Moses duorum Cælorum creationem prodiderit, ea tempestate viguisse, à Patribusque ventilatam fuisse, ipsemet Basilius contestatur eo loco, ubi ait; Hic dictum est à nonnullis. &c. ut supra retulimus. Præterea eomet Dauid testimonio suam sententiam comprobare Basilius enititur, quod Chrysostomus nullum esse perhibet. Chrysostomi igitur scopus est; Quod Moses plures Cælorum enarrarit formationes, explodere, ac improbare; at si acrius hoc facit, ex vehementi orationis ipsius facundia euenit. Nam quid sentiendum sit de illa Chrysostomi assertionem, qua vnum Cælum immotum, astraque à seipsis in eo ferri existimauit, alias decernemus. Ceterum, si ipse Chrysostomus asseueranter vnius tantum Celi effectiorem in hac cunctarum rerum conditarum historia, Mossem tradidisse autumat, ea forte ductus ratione, quod reputarit verba illa; In principio creauit Cælum, & Terram, summam esse rotius operis creationis; certè & in hanc eius sententiam Cyrillus, Steuchus, & alij, qui eam interpretationem sunt amplexati, properarunt.

In historia sex dierum.

GREGORIVS Nyssenus, & ipse vnius tantum Celi ignei genesismi tradi his innuit. Posteaquam autem vna ab altera separate sunt aquæ, tum eæ quæ videntur, tum illæ, quæ cogitatione percipiuntur; ac medius terminus duplicis aquarum nature designatum est Cælum, quod in principio quidem vnum cum terra, atque omnibus, quæ ad fabricationem Mundi congesta sunt, factum esse dicitur, nunc vero perfectum pariter & nominatum est in ea, quæ postea accidit, creatione firmamenti, quod per ambitum ignis definitum & determinatum est.

AUGUSTINVS, cūm duos Cœlos Deum conflasce assueverasset Cap. 8.
duodecimo Confessionum, dicens;

Valde enim mirabile hoc Cælum corporeum, quod firmamentum inter aquam, & aquam secundo die post conditionem lucis dixisti; Fiat, & sic factum est. Quod firmamentum vocasti Cælum, sed Cælum Terræ huius & maris, quæ fecisti tertio die, dando speciem visibilem informi materie, quam fecisti ante omnem diem. Iam enim feceras & Cælum ante omnem diem, sed Cælum Cæli huius, quia in principio feceras Cælum, & Terram.

Postea illud primum nil aliud fuisse quàm Angelum, his declarat.

Nimirum enim Cælum Cæli, quod in principio fecisti, creatura est aliqua intellectualis, quanquam nequaquã tibi Trinitati coeterna: particeps tamen eternitatis tuæ, valde mutabilitatem suam præ dulcedine felicissimæ contemplationis tuæ cohibet; & sine ullo lapsu ex quo facta est inhærendo tibi, excedit omnem volubilem vicissitudinem temporum.

Eucherius, Beda, & qui Cæli nomine Angelū sunt interpretati; Gregorius Nyssenus, Alcuinus, qui Chaos rude eadem Cæli voce significari voluerunt: Plato & Philo, qui idemmet nomen ad Idæas retulerunt; Richardus, & Hugo, qui tria superna elementa ignem, aërem, & aquam in nebulae speciem rapta, eadem Cæli vocula exprimi dijudicarunt; si non clarè, saltem consequenter in Chrysostomi sententiam concesserunt, ut qui Cæli nomine, hoc loco nullius Cæli effectiōnem tradi censuere.

Classis, ac Catena Patrum, Mosē duorum Cælorum genesim tradidisse arbitrantium.

Ex aduersa acie persistunt eximie auctoritatis Patres, duorum Cælorum genesim à Mosē traditam asserentes.

CLEMENS Papa, ex D. Petri ore, Recognitionum libro primo.
In principio, cūm fecisset Deus Cælum & Terram, tanquam domum vnā, ipsa quæ ex corporibus Mundi reddita est vmbra, his quæ intrinsecus clausa fuerant, tenebras ex se dedit. Sed cūm voluntas Dei introduxisset lucem, tenebræ illæ, quæ ex vmbra corporum factæ fuerant, continuò deuoratae sunt: tunc deinde lux in diem, tenebræ deputantur in noctem. Iam verò aqua, quæ erat intra Mundum, in medio primi illius Cæli, terræq; spatio, quasi gelu concreta, & chrystallo solidata distenditur: & huiusmodi firmamento velut intercluduntur media Cæli, ac Terræ spatia, idq; firmamentum Cælum conditor appellauit, antiquioris illius vocabulo nuncupatum: & ita totius Mundi machinam, cūm vna domus esset, in duas diuisit regiones. Diuisionis autem hæc fuit causa, ut superna regio Angelis habitaculum, inferior verò præberet hominibus.

Et secundo libro hæc duo Cælorum genera, ut à Mosē tradita insinuat.
Cælos autem esse, qui ab eo facti sunt, sicut & lex dicit: quorum vnum Cælum sit superius, quo continentur etiam visibile firmamentum, illud esse perpetuum & æternum, cum his qui habitant ibi. Istud autem visibile, in consummatione seculi resoluendū esse, & transiri; ut illud Cælum, quod est antiquius, & excelsius, post Iudicium Sanctis, & dignis appareat.

IUSTINVS inter Patres vetustissimus, libro Quæstionum à gentibus Christianis positarum, id supponit, cūm ait.

Si duorum nobis Cælorum Mosēs originem exposuit, quomodo plures esse Scriptura docet, interdum his verbis; Cæli Cælorum: interdum his; Aperti sunt ei Cæli: & Video Cælos apertos, & raptus est vsque ad tertium Cælum.

Et in Admonitorio hæc ipsa sensisse Platonem tradit.

Pari pacto, & de condito Cælo putauit; id nanque quod creatum fuit, cuiq; firmamenti nomen inditum est, sensibile factum opinatus est. Aliud autem esse intelligibile, de quo Propheta dicit; Cælum Cæli Domino, Terram autem dedit filiis hominum.

ORIGENES in Genesim Homilia prima.

Cūm iam antea Deus fecisset Cælum, nunc firmamentum facit. Fecit enim Cælum prius, de quo dicit; Cælum mihi sedes est. Post illud firmamentum facit, id est corporeum Cælum. Omne enim corpus firmum est sine dubio, & solidum; & hoc est, quod diuidit inter aquam, quæ est super Cælum; & aquam, quæ sub Cælo.

BASILIVS Homilia tertia Hexæmeron.

Secundo se offert disquirendum loco, hoc est: sitne firmamentum hoc ab eo diuersum, quod initio factum est, Cælo, quando & illud Cæli quoque nomenclaturam sortitum est; ac proinde num duo prorsus ponendi sunt Cæli.

Et post, cūm acrius Phylosophos illos, qui delira, ac inani ea fabula delusi, quod Hercules ingeniū aliunde ascita, ac Deo oblata, in vnus Cæli constitutione absumpta fuisset, Deum

Cap. 9.

Quæst. 57.

Psal. 113.

Isa. 66.

Deum vnum tantum Cælum condidisse arbitrabantur; eos etiam qui innumeros Mundos, & Cælos constructos excogitabant, reieciisset, his demum concludit.

Nos contra, de duobus tantum abest, ut quicquam addubitemus: ut & tertium inquiramus, cuius contemplatione dignus est habitus admirabilis Paulus. Psalmus ad hoc, dum nominatim commemorat Cælos Cælorum, utique non vnius modo Cæli, sed & plurium perspicuam nobis inseruit intelligentiam.

Deinde post plura adiecit.

Dicitur est à nonnullis nostris maioribus, non esse secundi Cæli hunc ortum, sed explanationem quandam prioris; propterea quod illic Scriptura Cæli, ac Terræ creationem in summa quidem tradidit: hic verò modum quo singula facta sunt, exactius explicet. Nos autem dicimus, cum nomen diuersum, officionq; peculiare Cæli secundi traditum sit, aliud hoc præter id esse, quod in principio est effectum, solidioris sanè naturæ, præcipuum quoque officium Vniuerso subministrans.

Cap. 3.

A M B R O S I V S pariter Hexameron libro secundo, inquit.

Et hinc tractatus, utrum hoc firmamentum appellet, quod ante iam fecit, de quo scriptum est; In principio fecit Deus Cælum & Terram. Nec fallit, quod aliqui ante nos ita acceperint, eo quod supra creationem auctore Deo, & conditum Cælum Scriptura expresserit, hic expositionem operis, creationisque diffuderit, ut ibi quasi summa operis breuiter comprehensa sit, hic operationis qualitas per ipsas concurrentium rerum digesta sit species. Sed mouet nos, quia & nomen aliud significatur, & species solidior, & causa discernitur, & persona cooperatoris adiungitur. Sic enim scriptum est; Et discreuit Deus inter medium aquæ, quæ erat sub firmamento, & inter medium aquæ, quæ erat super firmamentum.

2. Cor. 12.

Psal. 148.

Præterea, cum eorum sententiam confutasset, qui vnicum Cælum Deum condidisse ex Hyles defectu asseuerarunt, capite secundo concludit.

Itaque nos non solum secundum, sed etiam tertium Cælum esse negare non possumus; cum Apostolus ratum se ad tertium Cælum, scriptorum suorum testificatione confirmet. Dauid etiam, Cælos Cælorum in illo laudantium Dominum constituit Choro.

D A M A S C E N V S Orthodoxæ Fidei libro secundo, capite sexto.

Quia igitur Cælum Scriptura dicit, & Cælum Cæli, & Cæli Cælorum; & ait usque ad tertium Cælum, beatum Paulum raptum fuisse: dicimus, in totius Mundi generatione, Cæli facturam nos intelligere eam spheram, quam quidam Sapientum (qui non ex nostris sunt) instellarem appellant, ea quæ Moyses dogmata sunt, sua efficientes. Deinde & firmamentum vocauit Deus Cælum, quod in medio aquarum fieri præcepit, ordinans ipsum discescere medietatem aquæ, quæ super firmamento est, à medietate, quæ sub firmamento est. Et post. Est igitur Cælum Cæli primum Cælum supra firmamentum collocatum: Ecce duo Cæli; nam & firmamentum vocauit Deus Cælum. Consuetudo etiam diuinæ Scripturæ est, aërem Cælum vocare, ab eo quod est sursum videri. Benedicite enim inquit, omnes volucres Cæli, aërem intelligens: nam aër volatilium iter est, & non Cælum. Ecce tres Cæli, quos diuinus dixit Apostolus. Si autem septem circulos septem Cælos suscipere volueris, nihil in ratione veritatis offenditur. Consuetum etiam & in voce Hebraica Cælum pluraliter vocari Cælos. Cælum igitur Cæli volens intelligere, Cælos Cælorum dixit: quod perinde significat, atq; Cælum Cæli, quod est supra firmamentum. Sed & aquas, quæ sunt supra Cælos, idest aërem, firmamentum, septemve circulos firmamenti, consuetudine Hebraicæ linguæ pluraliter Cælos nominat.

Dan. 3.

A C A C I V S duos fatetur esse Cælos factos, eorumque differentias attulit, cum dixit.

Et vocauit Deus firmamentum, Cælum. Num fortè hoc secundum Cælum ad prioris Cæli differentiam firmamentum appellatur? Par est enim Cælum illud primum, ac supremum, longè tenuius, ac magis integrum esse. Nam & primum Cælum, non firmamentum, sed opus, hoc est, Cælum nominatum est. Secundum verò & Cæli, & firmamenti nomen accepit. Cæli quidem, quia supra nos est, & prioris Cæli vices, atque usum nobis refert: firmamenti verò, quia ex fluxa aquarum essentia constituit; & fluxa illa, ac liquida natura, densissima, ac solidissima ab vniuersorum opifice Deo effecta est. Duos igitur tantum Cælos diuina agnoscit Scriptura. Neque te moueat, quod dictum est, Cæli Cælorum: nam neque aquæ vocabulum singulari nomine apud Hebræos profertur. Sed & illud sciendum, Terram quoque firmamentum in Scriptura dici: ut cum ait; Qui firmavit terram super aquas. Et Esaias; Dominus, qui fecit Cælum, & fixit illud, & firmavit terram.

Psal. 135.
Ila. 51.

S E V E R I A N V S pariter idem visus est sensisse. Ait siquidem.

Cælum ergo hoc, non illud supremum, sed quod aspectabile est, ex aquis effecit Deus: & ut chrysostrallum fixit. Vide operum virtutem, ut opificem admireris. Mediam aquarum partem supra, mediam infra esse voluit.

D I O D O R V S Tarsensis Chrysostomi præceptor eidem sententiæ accedit dicens.

Post inuisibiles, atque intellectu præditas substantias, Deus Cælum statim vna cum terra fabricatus est, non illud quod aspectabile est, sed quod supra omnes Cælos, & quod Dauid Cælum Cæli nuncupare solet.

I V N I.

IVNILIVS in Hexameron.

Ut quid enim hæc de Terra prætermisso Cælo intulit? nisi quia de Cælo nil tale intelligi voluit. Ipsum enim est Cælum superius, quod ab omni huius Mundi volubili statu secretum, diuinæ gloriæ præsentie manet semper quietum. Nam de nostro Cælo, in quo posita sunt luminaria huic sæculo necessaria, in sequentibus Scriptura, quomodo, vel quando sit factum declarat.

PHILASTRIVS Hæreseon Catalogo, hæresi post Christum sexagesima sexta.

De Cælorum diuersitate est hæresis, quæ ambigat. Scriptura enim in primo die Cælum, & Terram facta declarat duo hæc elementa: secundo firmamentum æquè factum; & nihilominus ipsum firmamentum Cælum appellatum fuisse testatur. David autem dicit de Cælis ita; Laudate Dominum Cæli Cælorum, & aquæ quæ supra Cælos sunt. Siue ergo sex Cælos secundum David, & septimum hoc firmamentum accipere quis voluerit, non errat: nam Salomon tres Cælos dicit, ita; Cælum, & Cælum Cæli. Paulus æquè Apostolus, & que ad tertium Cælum se raptum fatetur. Siue ergo septem quis acceperit, ut David; siue tres, siue duos, non errat, quia & Dominus ait; Pater, qui in Cælis est. Nam & Pagani vnum Cælum, & Cælos profitentur interdum. David ergo, quod plenum est, docuit.

Psal. 148.

2. Cor. 12.

Matth. 23.

THEOPHILVS Antiochenus ad Autolycum libro secundo.

Primo autem loco, ubi Scriptura Sacra tractat creationem, seu Mundi generationem, non loquitur de isto firmamento visibili, sed aliud quoddam Cælum nobis inuisibile proponit, secundum quod visibile hoc firmamentum nuncupatum est.

CLAVDIANVS Mamertus Viennensis in libro secundo de statu animæ capite tertio decimo.

In principio inquit principium Geneseos, creauit Deus Cælum & Terram. Si opinionibus missis veri fidem querimus; ecce tibi creaturarum testem ipsum creationis auctorem, qui cum ante omne tempus creauerit Cælum, & Terram, postque die vno fecerit lucem: & firmamentum secundo idem die condiderit, idque Cælum abusu nomine vocitauerit, cui ratis interuallorum limitibus, loco, vel modo variantium porro syderum ornamenta subtexiit. Animaduerti promptum est, hoc visibile firmamentum tanto interuallo substantiæ, Cælo inuisibili cedere, quanto id idem terræ imis locorum intercapedine præeminere: quocirca alieno, ac translato nomine, firmamentum istud Cælum dici potest. Cum verò esse Cælum illi creato ante tempora Cælo sit proprium: Enumerò istud Stelligerum, quod Cælum dicimus, in Scriptura Geneseos Cæli dicitur firmamentum: quippe ubi luminarium creationem retexit; Fecit, inquit, Deus duo luminaria magna, & posuit ea in firmamento Cæli; quæ videlicet auctoritate verum illud vnum ante temporaneum Cælum credere sinitur, quanquam istud de quo agimus firmamentum Cælum dicere non inibeamur, eo videlicet, quia Deus firmamentum vocauerit Cælum. Sed mouet iterum, quod Cæli in authenticis voluminibus non duali tantum, sed plurali numero sepe vocitantur. Verum animaduertitur, quod terræ corpus vnum in scripturis dicitur Orbis esse terrarum. Ita igitur forsitan dicantur Cæli multi, quum duo sint, sicut terræ dicuntur esse, quum vna sit.

THEODORETVS eleganter duorum Cælorum productionem à Mose fuisse proditam contestatur, Quæstionibus in Genesim, quæstione vndecima.

Cum Scriptura diuina doceat, in principio Deum creasse Cælum, & Terram, deinde post lucis creationem, secunda die dicat firmamentum factum esse, imperitiæ plena videtur esse huiusmodi quæstio. Oportebat enim ex temporis ratione, & ipso creationis modo, Cælorum diuersitatem nosse, ut vnum luce prius, alterum verò post lucem: & illud quidem non ex aliqua alia materia, hoc autem ex aquis creatum esse. Et Post. Qui igitur non credit secundum esse Cælum, semitam rectam transgreditur: qui verò plures enumerare conatur, adheret fabulis, postposita diuini Spiritus doctrina. Pluraliter autem diuina Scriptura Cælos nuncupat, dicens, Cæli Cælorum: quoniam Hebraica lingua, neque Cælum, neque aquam singulari numero nouit appellare. Reperire autem est similia multa inter dictiones Græcas. Nullus enim ciuitatem Athenam singulari numero vocitare solet, sed pluraliter Athenas. Similiter & Delphum ciuitatem nemo vocat, sed numero plurali Delphos. Non ergo tanquam plures sint Cæli, ita locuta est Scriptura, sed Hebraicæ linguae seruatō idiomate. Quod quidem in alio Psalmo manifestius nos docet, illius linguae prætermisso idiomate, dum inquit; Cælum Cæli Domino. Ita ut satis constet, quod quemadmodum Cælum istud nobis est pro tegmine, terra verò pro parimento; ita Cælum quod videmus, pro tegmine superpositum Cælum habet.

Psal. 113.

Et clarius Commentarijs in Epistolæ ad Hebræos caput nonum.

Duos enim esse Cælos diuina Scriptura nos docuit; quorum primum quidem cum Terra Deus fabricatus est: Secundum autem secundo die fecit, cum dixit; Fiat firmamentum in medio aquæ; Deinde subiunxit; Et vocauit Deus firmamentum Cælum. Ita etiam dicit beatus David, Cælum Cæli Domino. Hoc enim Cælum est quidem nostrum tectum; Potestatibus autem, quæ sub aspectum non cadunt, est loco soli pauimenti.

ANASTASIVS Synaita Commentarijs in Hexameron lib. secundo.

Primo die factum est velum superioris Cæli, quod appropinquat Sanctis Sanctorum, quo introit præcurator pro nobis Christus. Ea de causa, de cætero secundo die sit secundum & exterius velum, quod dicitur Firmamentum in medio aquæ; quod quidem est Firmamentum Fidei in Christum. Et Post. Duorum ergo Cælorum

Celorum tantum fabricationem didicimus ex sacra Scriptura in typum, ac figuram duorum Velorum Templi, quæ significant duas naturas Iesu; & duorum Populorum, & duarum Ecclesiarum: superne, inquam, Hierusalem, & nostre fidelium. Quod enim superiori Celo Deus est ad lumen; hoc Celo inferiori est Sol, & firmamento Ecclesiæ, Euangelium. Et quod sunt Sancti Angeli in Celo, quod non cadit sub aspectum; hoc sunt & in firmamento, Stelle; & in Ecclesia, Sancti.

H I L A R I V S Enarratione in Psalmum centesimum trigessimum quintum.

Sed cum regionem cognitionis sue, qui infinitus est, collocaret, Celo superiore atque primo, eodemque in Orbe collocato; terminum quendam virtutibus, quæ primum ad cognoscendum se gignerentur, inclusit. Neque enim gignendæ creationes virtutem inconspicibilis Dei ferre potuissent, nisi naturæ temperationis obiectu se dem hanc moderate ad infirmitatem habitationis incoherent. Aquis etenim eleuatis illam ipsam primi Celi naturam temperauit, quæ superni Dei accensa virtute, nequaquam ab inferioribus esset patiendæ naturis. Cælum verò inferius non vniforme, sed multiplex tetendit; quod totum firmamentum nuncupans, valida ad sustentationem aquarum superiorum, temperationemque aeris nostri firmitate solidauit. Et idcirco plures Cælorum doctrina Prophetica prodidit; quia necessarium naturæ nostræ fuit, per momenta quedam, & profectus rationabilium moderationum, regionem hanc indulti nobis ad præsens habitaculi temperari.

A T H A N A S I V S Quæstionibus ad Antiochum, quæstione quinta. Quot sunt Cæli? Resp. In dubio est apud multos hæc quæstio. Nam liber Geneseos duos Cælos commemorat. D. autem Paulus etiam tertium Cælum sese vidisse dicit. Et David Propheta de quarto Celo loquitur; Laudate eum Cæli Cælorum. Sciendum verò, quod quemadmodum natura hominum vna, & vnus homo dicitur, multi item sunt homines: sic etiam Cælorum natura vna, & vnum Cælum dicitur in diuina Scriptura, & Cæli multi.

S V I D A S in opere suo historico, huius sententiæ clarissimus assertor extitit, cum inquit.

Cæli sunt duo, vnus cum terra procreatus: alter, qui in medio aquarum existere iussus est; quod & firmamentum vocarunt.

P R O C O P I V S tantorum Patrum vestigia sequutus, duorum Cælorum Moysen productionem edidisse, his edocet.

Quidam inficias eunt, hic secundi Celi generationem depingi. Existimant præsentem verborum seriem, esse breuiusculam Celi, de quo supra, repetitionem. Hæc & talia garrere audent, licet Scriptura huius secundi Celi aliud nomen, aliamque vtilitatem apporet. Et quidem Scriptura Sacra multum vtitur repetitionibus, easque frequentes habet, interim tamen caret contrarietatibus. Nullibi enim sibi non constat. Reiterationes Sacre Scripturæ dilucidam semper expositionem, & omisorum supplementum aduehunt. Caterum, qua ratione non emerget contrarietas, cum videamus primum Cælum esse constructum in principio vna cum Terra, & simul cum his, quæ vna extitere, quasi nihil præcesserit ipsum. Hoc verò, de quo nunc sermo est, secundo demum die effectum est in medio aquarum subsistens. Ex quo colligere licet, quod firmamentum in eorum medio, quæ ipsum antecessere, consisterit.

Progreditur insuper triplex firmamenti commodum disertè explicare. Primum, quod cum non exiguam aquarum molem tergo exceperit, effecit, vt celerius aquæ in vnâ pelagorum colluuiem contraherentur: Deinde, quia in ipso rectius sita Astra, Sol, Luna, Orbi proficua facta sint, quæ si in primo Cælo reposita fuissent, ob nimiam intercapedinem parum profuissent, & Orbis partes saltè remotiores perpetuò frigore algentes, & incultæ remansissent. Tandem, quod illud supremum Cælum, vt liberum à labe malorum aptius potuerit dignam Beatorum sedem, & domicilium designari: hoc verò firmamentum medium inter Cælum, & Terram mutationi, ac corruptioni obnoxium ad Mundi ministerium destinari. Hæc & similia plures alij Patres edocuerunt.

B R V N O Carthusiæ Patriarcha, libro de Nouis, capite secundo.

Moyse duos ponit Cælos: ait enim; In principio creauit Deus Cælum, & Terram: Ecce vnum. Secunda die fecit Dominus firmamentum in medio aquarum; diuisitque aquas, quæ erant super firmamentum, ab his, quæ erant sub firmamento; vocauitque firmamentum Cælum: Ecce alterum. Et hoc quidem est illud Cælum, quod per Solem, Lunam, & Stellas, quæ in eodem fulgent, nostris oculis reuelatur. Primum enim Cælum de hoc Mundo videre impossibile est; quoniam hoc, quod videmus, inter nos & illud positum est. Sed cuius excellentiæ, & pulchritudinis illud esse putabimus, cum huius inferioris tantam esse videamus? & primum quidem Cælum statim eadem die factum, & illuminatum est, dicente Domino; Fiat lux, & facta est lux. Hoc autem tertia die postquam factum est; Solem, Lunam, & Stellas suscepisse narratur.

In hac numerosa classe recensere etiam possumus cæteros cunctos Patres, tum priores, tum nuperos, qui Cælum Empyreum cum terra prima productione rerum manifestasse

Firmamenti
cælestis tri-
plex commo-
dum.

nasse supra collegimus. Numerantur inter hos Anselmus, Strabus, Rupertus, Petrus Comestor, Gulielmus Parisiensis, Toftatus, Catherinus, & Caietanus, qui illud primordiale Cœlum supremum orbium extasse arbitratus est.

Iudicium Auctoris.

Libentiùs copiosiore hanc intexui Catenam, primò vt quantum interpretatio ea, quæ Cœli nomine Cœlum aliquod supremum intelligi asserit, accepta apud priscos Patres fuerit, demonstrarem: ac deinde vt supremi huius Cœli Theologiam in omnibus ferè Patrum voluminibus conspersam, nostra ætate penè sepultam, è tumulis excitarer. Verùm enim uerò quid sentiam in hac tantorum Patrum discrepantia, ferè proferre non audeo; vtraque enim pars eximios habet assertores, cum illinc adsint Chrysostomus, Cyrillus, Augustinus, Eucherius, Nyssenus, & alij: Hinc Iustinus, Origenes, Basilus, Ambrosius, Damascenus, Diodorus, Acacius, Iunilius, Claudianus, Theodoretus, Hilarius, & Procopius. Arbitror itaque hoc esse Dialecticum placitum in via Patrum, posseque nos ex supra enarratis de Cœli significatione, hoc in loco interpretationem, quam iudicamus probabiliorem, depromere, eamque acceptare, & insequi. Sed arbitror etiam, & meritò, D. Basilij aliorumque de duplici Cœlo opinionem literè magis accommodari. Nam si Moses tantum dixisset; In principio creauit Deus Cœlum, & Terram, anceps profectò fuisset huius percunctationis solutio; num videlicet summam totum Mundi opificium proponat; an Chaos alicuius effectiōnem tradat, cum quo, seu in quo Cœlum aliquod manarit; sed quando fecunda adeò oratione, Chaos aliquod in primordijs temporum creatum circumscribit adiiciens; Terra autem erat inanis & vacua; & tenebræ erant super faciem abyssi; & Spiritus Domini ferebatur super aquas: nullus relictus est amplius ambigendi locus; præcipuè, cum & ipse Chrysostomus disertius Chaos informitatem declarare videatur, atque etiam post multa ita demum concludat, quòd postquam diffusa fuit magna Vniuersi visibilis informitas, præceptoque suo Deus optimus ille artifex, & quæ informia erant, dispulit, & immensam lucis visibilis pulchritudinem produxit: tunc tenebras fugauit palpabiles, illustrataq; sunt omnia. Si ergo ante primigeniam lucem Chaos in congestum aliquod fuit, in quo Cœlum extaret; igitur Cœlorum plurium emolitio à Mose tradita fuit, cum aliud ab initio, aliud secunda die productum scribat.

Basilij sententia anteferatur.

Hom. 3. In Gen.

De supremi Orbis muneribus ex Patrum Theologia.

Cæterum, si, vt diffinitum est, Mosem duorum Cœlorum genituram tradidisse, Basilij, ac tantorum Patrum auctoritatem sequentes dixerimus, mox exurgit non leuis difficalitas de huius supremi Cœli muneribus, & facultatibus. Munera nanque huius supremi Cœli quæ sint, Patres non vna diffiniunt sententia. Ipsum Regiam Dei esse, ac Em-pyreï partes agere, nonnulli ex prædictis Patribus asseuerarunt; Clemens, Iustinus, Origenes, Diodorus, Bruno, Iunilius, Hilarius, vt ex iam relatis eorum sententijs excerptere possumus.

Supremi Cœli munera iuxta nonnullos.

P R O C O P I V S præcipuè hoc explicauit; is etenim, cum duos Cœlos à Mose proditos fuisse edocuiisset, quodnam supremi Cœli munus sit, vberius hisce manifestat.

At si quis dicat, Deum respexisse futuram rerum creationem, siue innouationem, haudquaquam hallucinabitur. Deceuerat etenim Deus duo condere opificia pulcherrima: Alterum quidem mutationi, & corruptioni obnoxium, quod tamen nequitiam spirituales substantias perimere posset; & illud opus est, quod oculis nostris subiectum aspicimus: Alterum verò liberum & vacuum voluit esse à præsentis sæculi malorum labe; quod quidem auspiciatus est Christus, cum humanam indueret naturam. In hoc præclarum ingrediemur opificium, vel ædificium post secundum Dei gloriosum aduentum. Verùm præsentis Cœlo, de quo hic Moses agit, congruit locus, in quo nunc degimus, interiaccens medijs inter Cœlum, & Terram; at in altero vtpotè diuinitate viuemus, immortalitatem consequuti. Et post. Igitur cum duo sint Cœli, constat varia esse receptacula, variasque mansiones, & diuersas, pro locorum diuersitate. Cœlum, quod nunc fastigij vicem sustinet, fundamentum erit summi Cœli in vniuersali resurrectione.

Supremum igitur Cœlum ex Procopij sententia, ad hoc præcipuè compactum est, vt Christi

Christi virtute post sæculi conflagrationem restauratum, perennis Beatorum sedes foret. Ex qua fortè Patrum doctrina, Strabus, Beda, ac Doctores posteriores, Empyrei Theologiam hauserunt, cùm hoc loco Cœli voce illud significari interpretati sint.

A N A S T A S I V S Synaita conformi ferè Theologia, Angelos, Beatosq; in firmamento degere, & solum Christum supernum hoc Cœlum conscendisse dicit Commentariorum in Hexameron libro secundo.

Intra firmamentum autem quod apparet, & ingredi, & degere, & servare, ac colere Intelligentes Potestates, & fortè etiam Iustorum animas. Supra secundum Cœlum (quodnam sit autem non intelligo) hoc est secundum velum, nemo ingressus est nisi solus verus Pontifex Christus, qui est Pontifex secundum ordinem Melchisedech.

Que munera
Cœli supremi
secundum
Basilium.

Acacius, Seuerianus, Philastrius, Claudianus, huic supremo Cœlo quod munus adscripserint, advertere non potui. Basilium, Ambrosius, & Theodoretus, Cœlum hoc supremum Angelorum non esse sedem, sed potius lucem, quam habitant, secludere perspicuè dixerunt; quasi præcipuum sit munus huius supremi Orbis coruscantissimum Empyreum seiungere à Mundo, Mundumque ambitu suo concludere, & opacare.

B A S I L I V S itaque homilia secunda Hexameron.

Cœlum igitur factum cùm esset Dei sanè imperio, suoque quaquaversum ambitu expansum, ut sua complexu circumferentia, quæ excepturum erat, quasi interiore quodam sinu circumplecteretur ea & contineret, corpus continuum obtinens, ab externisq; sufficiens interna seiungere, comprehensum à se locum necessario carentem lumine reddidit, tenebrisque, externo interciso splendore, & intercepto obscuravit. Nam ut sit umbra tria concurrant oportet: lux, corpus obiectum luci, locus luminis expers. Tenebræ igitur illæ Mundo circumfuse propter cœlestis corporis umbram subortæ sunt.

Ambrosius libro primo Hexameron, capite octavo; Theodoretus quæstione sexta in Genesim id ipsum edocent.

Cap. 9.

T H E O D O R E T V S attamen hoc Cœlum Regiam esse Dei, ac sedem Beatorum cum Clemente, & cæteris visus est dixisse Commentarijs in Epistolam ad Hebræos, cùm de firmamento ait.

Hoc enim Cœlum est quidem nostrum tectum, Potestatibus autem, quæ sub aspectum non cadunt, est loco soli, seu pavimenti.

Cap. 6.

D A M A S C E N V S Orthodoxæ Fidei libro secundo, Cœlum hoc supremum esse partem Mundi sensibilis, ac sphaeram eam esse, quam instellarem vocant, clarè his edocuit.

Dicimus in totius Mundi generatione, Cœli facturam nos intelligere eam sphaeram, quam quidam sapientum (qui non ex nostris sunt) instellarem appellant, ea quæ Moyses dogmata sunt, sua efficientes. Deinde & firmamentum vocavit Deus Cœlum, quod in medio aquarum fieri præcepit.

Verùm & hoc ipsum sedem esse Angelorum parum supra prodiderat, cùm caput illud sic exorsus est.

Cœlum est circumdatio visibilium creaturarum, & invisibilium: intra enim ipsam, & intellectuales Angelorum virtutes, & omnia sensibilia concluduntur, ipsoq; determinantur ambitu.

A V C T O R .

Existimo ego Clementem, Iustinum, Origenem, & reliquos, illi favere sententiæ, quæ Cœli nomine Empyreum interpretatur, cui postea Strabus, Beda, Rabanus; & ex recentioribus Tostatus, Aegidius, Catherinus, ac plures alij subscribere. Cùm verò eam supra refutaverimus, rati Moysen de sensili tantum Mundo historiam detulisse, non est ut acta agamus. Quapropter in sententia D. Basilij persistentes, necnon & Ambrosij, asserendum ducimus, supremum hoc Cœlum Mundum concludendi, ac opacandi munus subijisse, ut ipsi Patres vno consensu dijudicarunt; necnon & Mundi partem ipsum esse præcipuam, maximè cùm Mundi sensibilis genituram tantum perscribat Moyses, ut supra decrevimus, atque eò magis, quia probabilissimum sit, quod non aquæ Empyreum immediatè subnectantur, sed supra se alium habeant Orbem, qui Mundum Cœlū cludit. Procopij, Anastasijq; placita, si Dei, Beatorumq; sedem, illud supernum Cœlū post Mundi tantum reparationem, vel pro solo Christo destinandū intelligunt, omnino cōmentitia esse arbitror. Empyreum siquidem Cœlum in Beatorum sedem, non post Mundi restorationem reparandum, sed iam, seu ante, seu in ipsa Mundi constitutione præ-

Cœlū supremum
Mundum concludit,
& est pars
ipsius.

preparatum, omnes Patres obtestantur; Quinetiam in ipso iam Angeli, Beatorumq; animæ, immo & Christi corpus gloria ineffabili redimitū, ac Deiparæ, plurimorumq; qui cum Christo surrexerunt corpora, iam in eo explendent.

D A M A S C E N V S piè interpretandus est. Et cū intellectuales Angelorum virtutes, & omnia sensibilia, sub hoc, vt ipse ait, instellari Cēlo conclusa asseruit, intellexit Angelos, non vt beatos spiritus, ac ineffabilem deitatem contemplantēs, sed ut uirtutes ministerio sensili in Mundo fungentes; Angelos certè ante Cēlum primum extasse in ipso non inclusos, disertè, clareque edocuit libro asserto, capite tertio, cū dixit.

Nonnulli porrò dicunt ante omnem creaturam factos Angelos, vt diuino loquens dicit Gregorius: & primum quidem Deum excogitasse Angelicas & Celestes virtutes, & eius cogitationem, opus fuisse. Alij autē, post primum Cēlum factum. At quod ante hominis plasmationem creati sunt, concordant omnes. Ego verò de illo quo Gregorio accedo. Nam par fuit primum intellectualem substantiam creari, atque sic sensibilem, & tunc ex utrisque hominem.

Quòd si hoc Cēlum euincitur sensilis Mundi esse supremum terminum, superest nobis tantum suspicari, quòd sit vel supereminens quædam & quiescens sphæra, quam supra cunctos Orbes confidere, ex Mathematicis nuperis quidam non abnuerunt, vt Pīcus, Aliacensis, & alij; vel ipsum primum Mobile; cū siquidem sensilis Mundi pars sit, si motione agitur, nullus ei potest competere motus, nisi primus. Nū verò sit Sphæra quiescens, vel primum Mobile, diffinire certè non præsumo. Quanquam hæc una ratio ipsum esse supremum Mobile mihi persuadeat, quòd Empyreum sphæræ quiescentis vices agere plerique existiment: & quòd si aquæ supra firmamentum elatæ in Orbē feruntur, ut Patres ferè perhibent, supremum hunc Orbem, quasi Orbem illum instellarem primum, qui cætera cuncta secum rapit, ipsas circumferre sit necesse: & tandem consentaneum uideatur, quicquid ad sensilem Mundum spectat, sub primo Mobili cōprehendi, atque concludi. Sed hæc, quoniam ex Patrum doctrina perspecta non sunt, tutius censui, ea ipsa lectorum iudicio diffinienda, ac deliberanda relinquere. Veruntamen cū de numero, & situ Cēlorum disceptabimus, hæc clariùs innotescunt.

Cēlum supremum, quod Patres præfati cum Terra congestum à Deo autumarunt, nunquid eiusdem cum Cœlis astrigeris, seu alterius, ac sublimioris sit naturæ, non facile est iudicare. Siquidem si duo sunt Cēli, vt constanter produnt Patres: si diuerso tempore manarunt, quandoquidem primum in temporum exordio, alterum secundo die conditum est: si diuersa serie, cū illud primum Deus sine Verbo effecerit; tradit enim Moses; In principio creauit Cēlum & Terram; istud secundum per Verbum; Nam dixit Deus; Fiat firmamentum: & factum est firmamentum: si illud primum ex nihilo, hoc verò ex elementis conflatum est, vt Theodoretus existimasse conspicitur; asserit enim, quòd Dominus Deus tum ex his quæ non sunt, tum ex his quæ sunt, creare solet; Nam prius Cēlum ex nihilo creauit, posterius autem ex aqua fecit: Si illud primum quasi Mundum concludens, lucemque Empyreï supernam secludens, non diaphanum, sed opacum esse censuit Basilus, Ambrosius, Theodoretus, & Iunilius: ac demum, si supremum illud ex Acacij auctoritate longè tenuius, ac magis integrum censetur, reliquum ex fluente materia concretum; nunquid eandem esse vtriusque substantiam licebit existimare? Athanasius attamen ex aduerso in Quæstionibus ad Antiochum Principem, Cēlorum omnium vnā esse substantiam obtestatur. Tradit siquidem, quòd quemadmodum natura hominum vna, & vnus homo dicitur, multi item sunt homines: sic etiam Cēlorum natura vna, & vnum Cēlum dicitur in diuina Scriptura, & multi Cēli.

P R O C O P I V S insuper Commentarijs in Genesios caput primum, non modò vnus esse naturæ, verumetiam ex nihilo Cēlum vtrunque effectum esse his edocuit.

Præterea secundo die Cēlum vt fieret imperauit, quod quidem constituit ad similitudinem primi Cēli, quo opere nullum erat vel amenius, vel pulchrius. Quare hoc? vt discamus primum Cēlum non per se substituisse, sed ex nihilo constructum esse, vt & secundum; quam ob causam eius creationem prioris creationi subiecit. Nulla enim datur differentia in opifice illo mirabili. Pari modo, & prima & secunda facit; Hinc Cēli nomen, & huic inditum est, siue primum Cēlum ex subiecta materia, & secundo ex nihilo formatum.

Null sit

Supremū Cēlum quid sit.

De Natura supremi Cēli.

Quæst. 14. in Gen.

Quæst. 5.

Nullam ista important differentiam naturæ. Nam similitudo fidem præbet, necnon ipsa potentia divina, quæ materiam in aliam substantiam pro suo arbitrio digerere, & effingere potest; & ex nihilo substantias creare valet. Siquidem & illa condita est, cum prius talis non foret.

Supremū Cœ-
lum eiusdem
naturæ cum
reliquis.

Ex quibus omnibus, licet difficilem valde mihi aditum ad huius difficultatis solutionem assequendam præparatum conspiciam: dicam attamen, quod si Cœlum illud Em-pyreum non est, sed huius Vniuersi pars, (vt demonstrare post enitar) posse illud Cœlum eiusdem substantiæ cum his astriferis dijudicari: Quanquam etenim ex elementis iam primū congestis ipsum effici non potuerit; quoniam id, ex quo aliquid efficitur, prius præextare omnino necesse est: attamen, quia ignoto nobis constitutionis genere, confectum fuit illud supremum Cœlum, sicuti & secundum, asseuerare non vereor potuisse Deum opificem similem in vtrisque substantiam collocare. Non aduersor quidem, quin & perfectiori, ac sublimiori natura hoc supremum Cœlum præditum esse possit, vt Acacius visus est diffiniuisse, & substantia ipsa demonstrat, cum illud sit opacum, cætera diaphana; & munus, quod habet supereminens, arguit. Est enim vel regia Dei, & Beatorum; vel Sphæra quiescens super aquas cælestes cōfidens; vel saltem primum Mobile ex Patrum sententia, vt infra deducemus. Verū hoc tanquam incompertum diffinire certè reformido.

Et Terram:

Haftenus de præstantissimo, spectatissimoque Cœlesti corpore satis clarè (ni fallor) disceptauimus, quidque Cœli nomine intelligendum esset, inuestigauimus, interpretationemque illam, quæ Cœli appellatione supremum Orbem capiendum esse astruebat, à Basilio Magno prolatam, atque à numerosa Patrum classe approbatam, reliquis interpretationibus prætulimus. De Cœli insuper genesi, de muneribus, deque substantia illius, luculenter, vt puto, differuimus. Reliquum modo est, vt ad Terram quoque considerationem nostram conuertentes, nonnulla de ipsa perscrutemur.

Terræ variae
significatio-
nes, & quæ
pauor.

Terræ pro-
priè elemen-
tum terræ si-
gnificat.

Terræ significationem ad Idæam terræ traxerunt Plato, & Philo: ad primam materiā D. Augustinus, Eucherius, Beda, & alij: ad Chaos rude, Nyssenus cū asseclis: ad Chaos commissum ex elementis, Iunilius, Magister, Petrus Comestor: ad Terram elementū, Basilius, Ambrosius, & alij; quemadmodum supra demonstratum est. Sed cum de Mundo sensili tantum Mosem sermonē habere, Mundumque decursu temporum conditum fuisse; ac Chaos ex elementis permixtum primū emanasse, fusiū demonstrauerimus; reliquum est, vt ex his quinque interpretationibus, tres primæ omnino alienæ, ac peregrinæ censeantur. Quantum verò ad reliquas duas spectat, ad vexillum Ambrosij, ac tantorum Patrum confugere, quam in alteram declinare sententiam, tutius esse arbitror. Primū quod Terra sua significatione propriè nil aliud præter elementum terræ in centro suomet pondere appensum denotet. Deinde, quia cum terra genesis prætermittitur non sit, nullibi videatur rectius narrari, quam hoc loco; siquidem ea, quæ tertio die de ipsa produntur, ad eius denudationem spectare perspectum est. Amplius cum historia allegoricarum, dubiarumque vocum expers prorsus esse debeat, non conspicio, qua ratione Moses terræ nomen ad allegorias, ac ignotas Hebræis significationes non rede gisset; si terræ nomine, seu Idæam terræ, seu materiā primā, seu Chaos rude & incongestum, seu Chaos commissum ex elementis significare voluisset. Hac certè de causa Tertullianus Hermogenem redarguit, quod terram, vocis significationem adulterans, & deprauans, denotare materiā ingentiam affirmare præsumpserit. Rursum Moses, cum in hac breui de opificio Mundi historia ter præcipuè terræ vocem replicarit, ac alijs in locis ad terram elementum significandum hanc vocem assumpserit, non video quomodo & primo loco ad ipsam notificandam non retulerit; siquidem tertio die plantis, & germinibus decoratam; sexto etiam, vt animantia proferentem, eā terram appellat; quomodo ergo tam breui interuallo, terræ significationem immutauit, vt nunc obscurè materiā informem, seu Chaos aliquod denotare voluerit? Verum quicquid sit; demus terræ nomen terram elementum significare, demus & Chaos ex elementis congestum primū manasse, certè elementorum natalia nobis hoc loco traduntur. Qui enim terræ nomine terram elementum interpretantur, vt classis Basilius,

Basilij, hi & in hoc extremo cætera media comprehendere, cointelligique asserunt: Qui verò Chaos per terram significari præsumunt, iam & ipsi elementa constituisse decernunt. De genesi igitur Elementorum necessario nobis subiicienda est disputatio.

De Genesi Elementorum.

Corpora ea prima & simplicia, quæ elementa non ab re nuncupantur; primordia etenim sunt, & cunctarum rerum corporearum semina; iuxta sententiam eorum, qui Chaos rude vna communi forma, & actu perfusum, primò profiliisse autumarunt, ut Nyssenus, & alij, non in exordio temporum, sed per dies prodijisse asseuerandum est. Quare D. Bonaventura libro secundo Sententiarum, de aqua dicit; quòd aliud non fuit aquas cōgregari in vnum, quàm ipsi elemento aquæ, dando speciem vnā, & inclinationem ad locum speciei, simul debitum secundum existentiam formæ, & inclinationis ad situm, dare locum congruum. Cæterum ex his Patribus, Augustinus firmamenti nomine aëris supernam regionem capit: & aërem supremum ante tertium diem, & fortè in secundo; hunc verò infimum in tertio profiliisse suspicatus est. Catherinus in primo cuncta elementa cum Cælestibus corporibus edita esse maluit. Nyssenus de aquarum genitura tempore nil clarum prodidit, ignem verò primo die exiliisse testatur: Hieronymus, singulari sententia, terram primo manasse, posteaq; ex illa aquam effluxisse statuit. Gulielmus, & Steuchus, terram & aquas primo productas, atque ex Solis ardore, earūq; collisione, aërem genitum diffinire. Verum Patres omnes prisci, conformi, grauiq; sententia, ut videre est in Catenis, constanter, & conspicuè, elementa cuncta primordiis temporum, vnā cum Cœlo à Deo effecta edocuerunt. Sed quam digna oratione potero ego elementorum naturas, affectiones, seu qualitates, situs, ac muñera, vnquam celebrare? Facerem hoc certè, & quàm libenter, cùm locus iste id valde exoptulet: sed munus hoc esse Physici, non Theologi animaduerto. Duo attamen pro explicanda Mosis litera prætermittere non possum. Primum, quotnam sint iuxta Mosis placita ipsa prima elementa: Alterū, num expressè eorum omnium genesim sanctus hic Vates noster tradiderit, ac manifestarit.

De numero Elementorum.

De simplicium corporum numero, non vna tum apud Priscos, tum apud Neotericos viget sententia.

ZOROASTER vetustissimus Philosophorum, tria tantum elementa nouit, ut Franciscus Patritius Pancosmias libro vigesimo secundo, his tradit.

Hyleum Mundum Zoroaster fecit triplicem, aërem, aquam, terram, situmque eis in Orbe assignauit; Terram in medio posuit; Aquam in terræ sinibus; Aërem supra hasce. Tria ergo tantum in Mundo hyleo collocat corpora, quæ posteri vocarunt elementa.

Hermetem deinde inter sapientissimos nemini secundum, & Orpheum in hanc descendisse sententiam demonstrat.

EMPEDOCLES, ut refert Clemens Alexandrinus libro quinto Stromatum, quatuor Mundi partes enumerauit, cùm dixit.

Principium Solis tibi nunc age carmine dicam,

Atque orta vnde sient, quæ à nobis cuncta videntur,

Tellus, atque Mare exundans, atque humidus aër,

Titan, atque æther, qui cuncta astringit in Orbem.

Vetusta igitur fuit hæc opinio, machinam hanc Mundi quatuor tantum constare corporibus: cum hisque stant pariter, qui Cælum igneum censuere; Heraclitus, qui ipsum dixit ignem; Stoici, qui ardorem mobilem illud nuncuparunt; & Pythagoras, qui flammam pariter appellauit. Platonis, quæ fuerit sententia, non satis perspicuum est, quanquam à pluribus id ipsum sensisse existimetur. Ex nostris Gregorius Nyssenus præcipuè in Hexameron his videtur subscribere.

Telesius Consentinus nostræ tempestatis solertissimus Philosophus, duo tantum elementa statuit; & ea quidem ipsa esse ait, quæ in principio à Deo creata esse Moses edocuit, Cælum, ac Terram, hoc est Ignem, & Terram; quorum alterum Calore, & eo sa-

nè in ipso Sole robustissimo; alterū frigore summo præditum esse contendit: aëremq; & aquam, nequaquam prima corpora dicenda esse sed secunda, atque hæc à primis iam dictis autumat effecta.

Cardanus libro de Subtilitate rerum primo, duo tantum elementa passiva, videlicet aquam, & terram, atque vnum ambiens, scilicet aërem, astruere non dubitavit, actiua quacunque vi Soli, & Cælo attributa; ignemq; omninò superis è partibus sustulit, generationesq; ex sicco & humido Solis, Cælorumq; virtute, ambiente aëre, ac fouente, fieri, noua Philosophia edocuit.

Ocellus Lucanus, referente Francisco Patritio, sub Luna, & supra aërem ignem statuit; ita vt ex quinque elementis, terra, aqua, aëre, igne, & Cælo siue æthere Mundus constituatur; atque ex his priora quatuor docet in generatione versari. Hanc sententiam sequutus est Hippocrates; immo eam Aristoteles ipsismet Ocelli verbis, suppresso eius nomine transtulit, sibiq; vt suam uendicauit: itaque vniuersus post eum Peripateticorum cætus inter Lunam & aërem, ignis elementum, & sphaeram statuit, atq; ita esse & perhibet, & contendit. Vetustum igitur apud cunctos ferè priscos Philosophos tam Platonicos, quàm Epicureos, Eleaticos, Stoicos, ac Peripateticos placitū viguit, quatuor esse illa prima corpora simplicia, ex quibus vniuersa componerentur. Antiquis Aegyptijs Iuno catena de Cælo ab Ioue suspensa, & lapides pedibus alligatos tenens, ita vt vnum contractiorem altero haberet, quatuor elementorum Hieroglyphicū erat. Iunonem enim ipsum aërem; catenam ignem, quo cætera colligantur, atque miscentur; lapidem altiori pedi appensum, aquam; alterum verò terram significare existimabant; omnia Ioui, quem Cæli rectorem dicebant, appensa, quasi ex illo penderent, ipsiusq; nutu cuncta regerentur. Porro ignem summopere necessarium esse Plato in Timeo ea ratione astruxit, quoniam sine ipso nil conspici possit; terram autem, eo quod absque illa nihil palpari queat: ex geometrica deinceps Symmetria alia duodecimum, seu qualitatum numero, quatuor quoque elementa esse demonstrat. Plinius libro secundo naturalis historiæ, de hoc à veteribus nunquam fuisse dubitatum, literis mandauit. Alij si vnum elementum, vt primum principium statuerunt, hi & reliqua tria ex ipso gigni tradidere.

G R E G O R I V S Nyssenus siquidem Philosophiæ libro tertio, egregiè id enarrat.

Ceterum ex quibus ipsi conantur proprium quisque commune dogma, his maximè ostenditur quatuor esse elementa. Etenim Thales aquam solam dicens elementum, demonstrare nititur reliqua tria ab hac generari. Nam hypothesim eius terram fieri, quod *λεπτομερέστερον* est, aërem: quod tenuius autem aëre ignem. Anaximenes verò aërem solum ponens, ostendere quoque tentat alia elementa ex aëre produci. Heraclitus item & Hipparchus Ponticus ignem asserentes, iisdem demonstrationibus vtuntur. Cum itaque & hi dicant, ignem aliorum elementorum esse generatiuum, & iste similiter aërem, ille verò aquam; manifestè liquet, quoniam omnia elementa vicissatim se mutant, inque seinuicem vertuntur, quodlibet horum elementum esse, necessariò consequi. Quodcumque enim quatuor elementorum adsumperis, & hoc ab alio fieri comperitur.

B A S I L I V S ex nostris, Hexameron homilia quarta, eleganter elementorum numerum, & affectionum ipsorum sympathiam, antypathiamq; his decernit.

Sic & ariditas, atque siccitas proprium est, atque præcipuum terre. Non solum autem in terra ita habet, sed cæterorum etiam elementorum propria cuiq; & sortito attributa qualitas inest, qua sanè tam à cæteris secernitur, & quale vnumquodque sit, internoscitur. Nam aqua frigiditatem, aër humiditatem, ignis caliditatem, vt peculiarem sibi vendicat qualitatem. Verùm hæc quidem vti prima compositorum corporum elementa, iuxta iam dictum modum speculatiue rationis considerantur. Ea tamen, quæ iam in corporibus sunt constituta, sensuiq; subiiciuntur, obtinent coniunctas qualitates: neque quicquam eorum omninò, quæ conspiciuntur, ac sentiuntur, absolutè vnicum est, siue solitarium, aut simplex, aut syncerum; sed terra est sicca & frigida aqua humida & frigida; aër humidus & calidus; ignis calidus, atque siccus. Hoc enim pacto per qualitatem consortem, & coniugatam, facultas in ipsis mutue mixtionis emergit. Nam per communem ipsis qualitatem, singula cum vicinis sibi copulantur, ac permiscuntur, & societatis ratione, quam cum sibi propinquis obtinent, cum oppositis coniunguntur: verbi gratia, terra, quæ siccitate, frigiditateque prædita est, cum aqua quidem frigiditatis affinitate coniungitur; per aquam autem cum aëre copulatur; quippe cum aqua medium inter vtrumque obtinens suapte natura, quasi vtraque iniecta manu, vtraque qualitate, corpus vtrumque proximum sibi, frigiditate terram, humiditate aërem attingit. Rursum suo ipsius interuentu, aër pugnanti natura

Elementorū
symbolū a-
pud Aegy-
ptios.

Tex. 16.

Cap. 5.

Cap. 4.

naturam aquæ, & ignis conciliat; aquæ quidem se connectit per humiditatem, igni verò per calorem. Ignis denique pari modo duabus & ipse qualitatibus præditus, calore, inquam, ac siccitate, illo cum aëre copulatur, hac humum petit, sibi que coniungit: atque ita fit orbis quidam, choreæque concors, & concinna ex omnibus inter se consociatis ordine, & sibi concinnitibus elementis. Vnde & propriè illis elementorum appellatio adaptata est.

GREGORIVS Nyssenus Philosophiæ libro tertio, capite secundo, seu ut alij malunt, Nemefius de natura hominis: nam id ipsum opus & Nysseno, & Nemefio adscriptum, eorumque nominibus insignitum circumferri comperio; elegantissimè numerum, qualitatesque elementorum, mira concinnitate ab opifice Deo illis insitas, his tradit.

Sunt autem elementa quatuor, terra, aqua, aër, ignis. Et post. Porro vnumquodque elementorum, secundum coniugationem duas specificas qualitates habet. Est enim terra sicca & frigida; aqua frigida & humida; aër humidus & calidus, iuxta suipsius naturam; ignis verò calidus & siccus: non tamen hæ qualitates secundum seipsas esse possunt elementa: ex qualitatibus enim incorporeis nequit corpus consistere. Sed neque corpora non summam habere secundum actum qualitatem possibile est. Nam aliter elementa essent infinita. Et post. Ceterum secundum duas contrarias qualitates, elementa sibi inuicem contraria sunt, ut aqua igni, frigida existens & humida, calido & sicco; & terra aëri, frigida & sicca, calido & humido. Quia verò nisi medio aliquo intercedente vinculo, quod ea colligaret, adinuicem contraria copulari non possent, in meditullio terræ & aëris sibi contrariantium, statuit aquam conditor, duas qualitates ei dans, frigiditatem & humiditatem, per quas extremis copulata, posset ea connectere. Nam frigiditate familiaris est terræ, humiditate verò aëri copulatur. Rursus, medium aquæ & ignis contrariorum aërem ordinavit, humectat qualitate domesticum aquæ, calida verò igni; & ita contraria ad se inuicem per media quædam coagmentauit, quæ colligant seipsa, & colligantur. Tale enim vinculum optimum est. Vnumquodque igitur ipsorum, secundum vnam qualitatem priori copulatur, per alteram verò posteriori; ut puta aqua frigida est & humida; sed secundum frigidum terræ coniungitur, priori secundum ascensionem; per humidum verò aëri, posteriori: eodem modo aër humiditate connectitur aquæ priori, caliditate verò igni posteriori, & ignis per caliditatem aëri copulatur priori, per siccitatem verò terræ, secundum reclinationem, & conuersionem ad extremum. Haud dissimiliter terra per frigidum aquæ, per siccum verò igni secundum reclinationem.

AMBROSIVS Hexameron libro tertio, capite quarto. Habet ergo terra propriam qualitatem suam, sicut & singula elementa habent. Nam & aër humidam, qualitatem, & aqua frigidam, & ignis calidam. Et hoc est principale proprium elementis singulis, quod ratione colligimus. Comprehendere autem sensibilibus, & corporaliter si velimus, velut connexa, & composita reperimus; ut sit terra arida & frigida; aqua frigida & humida; aër calidus & humidus; ignis calidus & siccus: & sic sibi per has iugales qualitates, singula miscentur elementa. Nam terra cum sit arida, & frigida qualitate, connectitur aquæ per cognationem qualitatis frigida; & aqua aëri, quia humidus est aër. Ergo aqua tanquam brachijs quibusdam duobus frigoris, & humoris, altero terram, altero aërem videtur amplecti, frigidando terram, aërem humido. Aër quoque medius inter duo compugnantia per naturam, hoc est inter aquam, & ignem, utrumque illud elementum conciliat sibi, quia & aquis humore, & igni calore coniungitur. Ignis quoque cum sit calidus & siccus natura, calore aëri amectitur, siccitate autem in communionem terræ, ac societatem refunditur; atque ita sibi per hunc circuitum, & chorum quandam concordia, societatisque conueniunt. Vnde & Græcè στοιχία dicuntur, quæ Latine elementa dicimus, quod sibi conueniant, & concinant.

ANSELMVS de Imagine Mundi libro primo, capite tertio. Elementa dicuntur quasi hyles ligamenta, hyle autem est materia. Sunt autem quatuor elementa, ex quibus constant omnia: scilicet ignis, aër, aqua, & terra, quæ in modum circuli in se reuoluuntur: dum ignis in aërem, aër in aquam, aqua in terram conuertitur. Rursus terra in aquam, aqua in aërem, aër in ignem commutatur. Hæc singula proprijs qualitatibus quasi quibusdam brachijs se inuicem tenent, & discordem sui naturam concordie fœdere vicissim commiscunt. Nam terra arida & frigida, frigida aquæ connectitur. Aqua frigida, & humida, humido aëri constringitur. Aër humidus & calidus, calido igni associatur. Ignis calidus & aridus, arida terræ copulatur. Ex his terra, ut puta grauissima, imum: ignis, ut puta leuissimus, supremum obtinet locum. Alia duo, medium, quasi quodam soliditatis vinculo; quorum aqua grauior, terræ proximum: aër leuior, igni proximum possidet locum. Deputantur verò terræ gradientia, aquæ natantia, aëri volantia, ignis irradiantia.

GEORGIVS Pisides, de Mundi opificio.

Hostile pugnae condidit Deus:

Sed quasi sorores genitor, & rector domus;

Concordia ligat, repugnantique sibi,

Quaternionis ordinem edens disparis:

Ut vniuersus Mundus hic, magna ut domus,

Quatuor arietum perstet infractus modo:

*Firmamine assumpto, quod undique nititur.
 Res iungis ita, natura quarum dissidet,
 Suades & illas domicilia coniungere,
 Hoc praelio aspirante nutum ad vnicum,
 Ut reliqua communis sit his concursio:
 Et hæc quidem contextat æreum hoc opus,
 Subtile flamen, vitæ ad alnum spiritum.
 At ignis hæc natura fila valida net,
 Tunicamque conficit fouenda ad corpora.
 Producere alia imbres solet largos aque,
 Feruore nimio ne crementur cætera.
 At Terra demum ades decoras efficit;
 Et in dies parat nobis conuiuia.*

Hermias Philosophus libro inscripto Irrisio gentilium Philosophorum, elementorum horum quatuor formas, figuras, & dimensiones accuratius edisserit. Sed sufficiat nobis de quatuor elementis, quatuor præclarissimorum Patrum, & unicus Poëta sententias inseruisse, hos siquidem agminatim insequuti sunt omnes. Sed his, ut a nostro proposito alienis omissis, cum Patres nostri omnes, tam prisca, quam nuperi, Philosophorum priscorum vestigia sequuti, quatuor admittant elementa (ut infra ex Catenis mox intexendis elici poterit) nostrum tantum est onus; Num eorum genesim tradiderit Moses, explorare.

Num Moses expressam tradat cunctorum elementorum genesim.

Diu iactata est inter Patres disceptatio, an Moses claram retulerit quatuor elementorum productionem; quod si non de omnibus egit commemorationem, quæ sint ea, quæ suppresserit; adeoque diffident, ac variant ipsorum sententiæ, ut alij quatuor, alij tria, alij duo, alij vnum ex ipsis tantum memoratum esse existimarint.

Sententia elementorum quatuor mentionem hoc loco Mosem habuisse existimans.

P L A T O N I C I, referente Ruperto Commentarijs in Genesim, libro primo, capite octauo, Cœli nomine ignem, eo quod igneæ sit naturæ, spiritus æreum, aquarum aquas, & terræ terram explicari arbitrati sunt. Ita enim scribit.

Plato cum hanc scripturam legisset, spiritum Mundi, idest æreum, arbitratus est; qui secundum ordinem elementorum, aquis, utpote lenior, supereminet. Et quia per Cælum quoque, de quo iam dictum est; In principio creauit Deus Cælum, & Terram, ignem significari suspicatus est, quatuor tantum elementa, scilicet ignem, terram æreum, & aquam, hoc loco dinumerata esse putauit.

Tostatus in Postillis pariter hanc refert Platonis sententiam.

R A B B I M O S E S, teste Hamero, putat quatuor elementa ijs verbis significari; Terra autem erat inanis, & vacua; & tenebræ erant super faciem abyssi; & spiritus Domini ferebatur super aquas.

Quis verò crederet, ipsis tenebris ignis elementum significatum esse? Ignis verò primus significatus est tenebrarum nomine, quia non est lucidus, sed est peruius visui, neque comprehenditur ab eo, quia si ignis ille lucidus esset, videremus totum æreum de nocte, quasi ignem. Scriptura nanque dicit; Verba eius audistis de igne; & subdit postea; Audiuitis vocem eius de obscuritate. Nominata etiam fuerunt elementa secundum ordinem positionis suæ naturalis: quoniam primò posuit terram, & super eam aquam, super quam est aer, cui supereminet ignis. In eo enim quod aer determinatur super faciem aque, erunt tenebræ, quæ sunt super faciem abyssi; super spiritum sine dubio.

D. T H O M A S prima parte, hanc eandem Platonis retulit sententiam, adiiciens.

Sed Rabbi Moses in alijs cum Platone concordans, dicit ignem significari per tenebras; quia, ut dicit, in propria sphaera ignis non lucet.

Verum sententia hæc Platonica à Ruperto, & D. Thoma locis citatis reijcitur, & merito.

ritò. Primum quoniam obscuram Mosis historiam reddit, cum voces Cœli, ac spiritus, sublati earum vsitatis significationibus, ad inusitatas rapiat, & extorqueat. Difficulter certè rudis Hebræus, ac passim omnis lector, Cœli nomine, seu tenebrarum, ignem; ac spiritus, aërem intelligeret. Proficiscuntur ferè in hanc sententiam ex nostris

G L O S S A Ordinaria, in qua legitur.

Et nota tria hic commemorari elementa; nomine Cœli, aërem intelligimus; nomine Terræ, ipsam, & ignem, qui in ea latet; quarti, idest aquæ, in sequentibus fit mentio.

B E D A Quæstionibus in Genesim.

Ignis quomodo probatur factus, aut vnde, vel quando? Factum quidem ex generali Scriptura possumus approbare, cum dicitur de Deo; Qui fecit Cælum & Terram, Mare, & omnia quæ in eis sunt. Quia utique etiam ignis in eis est, & ex speciali prophetia innuitur, ubi dicitur; Laudate Dominum Dracones, & omnes abyssi: ignis, grando, nix, glacies, spiritus procellarum: de quibus ante dixerat; Quoniam ipse dixit, & facta sunt. Et rursus; Benedicite omnia opera Domini Domino. Et subiunxit: Benedicite ignis, & æstus Domino. Vtrum verò ex nihilo, sicut & alia, factus sit, an ex aliquo dubitatur. Plures enim volunt Cælum Luminarium esse particulam. Quippe etiam nunc frequenter videmus homines certo modo ignem ex Solis radijs mutuare; quod si ita est, primo die factus est. Sed sapientius hoc Scriptura lumen, quam ignem vocavit, ut ex meliore vsu nomen acceperat.

Psal. 145.

Psal. 148.

Dan. 3.

A L E X A N D E R Halensis, secunda, quæstione quadragesima quinta, nomine Cœli & ea non memorata elementa innui arbitratus est.

Et posset dici, quod nomine Cœli intelligitur ignis, (est enim Cælum igneum) & similiter aër: (est enim Cælum aëreum) Terra verò est alterum extremorum: aqua autem tenet medium.

Subscribunt huic sententiæ, qui Cœli nomine quicquid supra nos sursum expanditur, & voluitur, aërem, videlicet, ignem, atq; ætheream substantiam significari commentati sunt, Steuchus, Lippomanus, Vielmus; de quibus supra. Sed & hi Patres ad peregrinas & singulares vocum interpretationes se conuerterunt.

Classis Patrum, Terræ tantum genesim à Mose recensitam fuisse, arbitrantium.

Patres, Doctoresq; nostri, cunctorum elementorum genituram memoratam non fuisse, vna consensione diffiniunt: sed quænam eorum vates silentio transierit, non vnam sententia decernunt. Basilius, Ambrosius, & alij, terræ tantum natalia recensere existimarunt: cætera verò, quasi terræ insita, solummodo insinuari. Ignem etenim in terra latitare, flammæ eruptiones pluribus in locis cõspecte euidentissimo sunt argumento; aërem incultas cauernas, specusq; explere, terræ motus terram quassantes explorato indicant; dum aquæ in puteorum, fontiumq; voraginibus scatent, ipsas terram permeare demonstratur. Audias obsecro, Patres mirificè hanc Philosophiam contextentes.

B A S I L I V S Homilia prima Hexæmeron.

Itaque etiamsi nihil de cæteris dixerit elementis, igne, inquam, aqua, atque aëre, tuo pte tamen solerti ingenio capere velis. Primum quidem, quoniam in omnibus omnia sunt permixta; atque adeò in terra aquam, aërem, & ignem inuenies: siquidem tam è silice, quam è ferro, quæ suam originem è terra trahunt, ignis existit, ac frictionibus copiosius emergens elucet. Vbi dignum id est etiam admiratione, quoniam pacto, cum in ipsis corporibus innoxius latitet ignis; idem cum egressus fuerit, ipsa quoque absumatur, à quibus catenus seruatus est. Aquæ verò naturam ipsi insitam esse terræ, ij demonstrant, qui puteos effodiunt, & aëris item naturam eidem terræ inesse, ipsi vapores, quos ab humectata terra Sole tepesacta resultare, sursumq; ferri conspiciunt. Deinde quoniam Cælum natura locum superum occupat, terra verò infimum: hinc fit, ut quæ leuia sunt, Cælum suapte natura petant; ponderosa verò ad terram suapte nutu ferantur.

A M B R O S I V S Hexæmeron libro primo, capite sexto.

In his enim, quatuor illa elementa creata sunt, ex quibus generantur omnia ista, quæ Mundi sunt. Elementa autem quatuor, ignis, aër, aqua, & terra, quæ in omnibus sibi mixta sunt. Siquidem, & in terra ignem reperies, qui ex lapidibus, & ferro frequenter excutitur: & in Cælo, cum sit igneus, & micans fulgentibus stellis solus, aqua esse possit intelligi, quæ vel supra Cælum est, vel de illo superiore loco, in terram largo frequenter imbres demittitur.

H I E R O N Y M V S in Iob, capite trigesimo octauo.

Duas enim partes Mundi magnas, Cælum, & Terram Deus ex nihilo fecit, & ima earum de materia informi: ceteras

Psal. 145.

reteras autem creaturas distinctas, siue formatas instituit, inter quarum creationem, & aquas credimus factas; quarum quidem conditionem in principio Genesis scriptam non legimus; aliarum vero penè omnium factura in libris Dominicis recensetur, licet & de ipso mari sanctus Dauid dixerit, cum de beato viro loqueretur; Spes eius in Domino deo ipsius, qui fecit Cælum, & Terram, mare, & omnia, quæ in eis sunt.

E V C H E R I V S aquæ effectiorem in terræ, & Cœli structurâ insinuatam fuisse, his tradit.

Psal. 94.

Aquas verò istas visibiles quidam impiè negant factas esse à Deo; pro eo quod in Genesi non commemorantur ubi sint factæ, pro eo quod scriptum non est; Dixit Deus, fiant aquæ. Quibus ita respondendum est: quia dum dictum est; In principio fecit Deus Cælum, & Terram: illic & aquæ intelligendæ sunt; vno enim nomine vtrunque comprehensum est tropo metonymico, quasi per ea quæ continent, id quod continetur. Nam ipsius est mare, & ipse fecit illud.

C A I E T A N V S Commentarijs in Genesim.

Et Philosophi quidem, ex eo quod est terra, probant esse reliqua tria corpora simplicia. Existente enim in rerum natura vno contrariorum, videlicet terra corpore simplici, quod mouetur ad medium, oportet esse alterum extremum contrariorum, quod mouetur à medio; & hoc extremum appellamus ignem. Existentibus verò extremis contrarijs in rerum natura, oportet quoque in rerum natura esse media, quæ mouentur ad media loca; quæ appellamus aërem, & aquam. Ex his siquidem quinque corporibus simplicibus, Cælo, & vocatis elementis quatuor, constituitur prima substantialis perfectio vniuersi: Mixta siquidem omnia spectant ad secundam vniuersi perfectionem.

Classis Patrum, Terram, & Aquam expressè memoratas, dicentium.

Non desunt & illustres Doctores, qui Terræ & Aquæ genesim à Mose explicatâ censerint; reliqua duo elementa, vt terræ inexistencia, tantum insinuata reputarunt.

B A S I L I V S Hexameron Homilia secunda.

Multa sanè obtruncit, vt ignem, aërem, aquam, & ex his ipsis emergentes inferiorum corporum affectus, quæ cuncta quidem Mundum simul cum alijs velut absoluentia, manifestè cum vniuerso subsistere: omnia tamen de industria sunt, vt ad solertiâ sese noster exerceat animus, atque ex paucis veluti principijs, ea quæ restant, expendat. Itaque cum dictum quidem non sit, aquam Deum fecisse; dictum autem sit, inuisibilem esse terram, cogitare tute ipse, considerareq; velis, quo velamine terra operta, conspicua non fuerit. Nec igitur ignis operire poterat terram: illuminare enim ignis potius, & illustra reddere ea corpora quibus est præsens, quam tenebris obscurare solet. Non item aër terræ tum erat velamen: est enim aëris perrara, transparent, & pellucida natura, rerumq; omnium visibilium acceptas formas ad intuentium oculos, aspectusq; transmittit.

T H E O D O R E T V S quæstione quinta in Genesim.

Exod. 20.

Terra autem erat inuisibilis, & incompressa, & tenebræ erant super abyssum; demonstrauit cum terra creatas simul esse aquas. Et Deus omnium, cum de Sabbato legem ferret, sic ait; Sex diebus operare, septimam verò Sabbatum & requies Domino Deo tuo. Sex enim diebus creauit Dominus Cælum, & Terram, & Mare, & omnia quæ in eis sunt. Ita vt sit in aperto, quod quicquid in eis est, visibile sit, aut inuisibile, sensu, aut intellectu comprehendatur (excepta diuina substantia) naturam habet creationis participem. Item per diuinum ille Dauid, cum dixisset; Beatus cuius Deus Iacob adiutor eius: spes eius in Domino Deo ipsius, qui fecit Cælum, & Terram: subiunxit: Mare, & omnia quæ in eo sunt.

Psal. 145.

I V N I L I V S Apher, siue Beda, Commentarijs in Genesim.

Vbi notandum, quod cum Cælo in principio duo Mundi elementa, aqua videlicet, & terra, nominatim facta memorantur; quibus tamen duo reliqua fuisse constat indita; ignem videlicet in ferro, & lapidibus, quæ terræ viscera tum condita latebant: aërem verò in ipsa terra, cui esse permixtus ex eo cognoscitur, quod cum fuerit humectata, & temperiem Solis acceperit, mox vapores exhalat largissimos. Ignem quoque ardentem terræ interioribus insitum, calidi aquarum fontes produnt: quæ per certa quædam metalla in profunda aquarum transcurrunt; & non solum calidæ, sed & feruentes super faciem telluris emanant. Non enim hæc, vt quidam disputant, informiter inuicem mixta: sed terra ipsis, quibus & nunc est, finibus vndique versum circumscripta; talis tunc erat tota, qualis adhuc sub imo maris profundo ex parte remanet.

G L O S S A breuissimè sic hæc collegit.

Et notandum, quod cum Cælo duo elementa Mundi creata sunt, quibus alia duo inserta sunt: aqua, scilicet, & terra; quibus insunt ignis, & aër.

C H R Y S O S T O M V S Homilia tertia in Genesim.

Vide hic, quàm nihil superflui admisceat beatus Propheta, & quomodo non omnia particulatim narret, quæ facta sunt: sed vt docuit nos de Cælo, & Terra, quæ plurima in se continent elementa, prætermittit alia. Nam cum de aquarum opificio nihil dixisset, ait; Et tenebræ erant super abyssum, & Spiritus Dei ferebatur super aquam. Hæc enim tegebant faciem terræ; de tenebris loquor, & abyssu aquarum.

R V P E R T V S Abbas Commentariorum in Genesim libro primo, duo præfata elementa explicata, aërem tacitè solummodo indicatum fuisse censuit his verbis.

Cap. 8.

Quare autem, cum quatuor elementa sint, hæc duo tantum, scilicet terram, & aquam, Scriptor Sacre huius historie suis nominibus expressit, & aërem non proprio, sed tenebrarum nomine significavit? videlicet, quia pertinuit ad propositum eius, species istas in ornatu creaturæ, quæ tunc erat informis, tam diuersas, tamque multiplices tunc existentes, dicere vnde exortæ sint. Constat autem, quia de tenebris istis, quæ erant super faciem abyssi, lux effulsit, testante Paulo, cum dicit; Quia Deus, qui dixit de tenebris lucem splendescere, illuxit in cordibus nostris. Non ait in tenebris, sed de tenebris Deus lucem splendescere dixit. Porro, de terra & aquis, productæ sunt omnium species rerum quas nouimus. Solus ignis, licet gignentibus terræ & aquis coeperetur, nihil tamen ex ipso gignitur; & proinde de hoc elemento non iniuria siletur, vsque in quartum diem, quo fons illius, scilicet Sol in firmamento libratur. Solem enim fontem esse ignis ætherei, Physici quoque qui diligentiores fuere, attestantur.

2. Cor. 4.

P E R E R I V S hoc non abnuit Commentarijs in Genesim libro primo.

Nec est non verisimile, quod quidam graues auctores tradiderunt, Mosem rudi populo scribentem, duo tantummodo elementa exposuisse, terram & aquam, quod hæc sola sub aspectum cadant, & ex ipsis cætera corpora manifestæ, & magna ex parte composita sint; & in ipsis tanquam in loco naturali commorentur.

Duæ istæ assertiones, quod terra & aqua à Mose recensitæ fuerint, à nullo ferè Patrum & Doctorum improbantur.

P A V L V S Burgensis in Additionibus in Genesim.

Idcirco licet in generali, visibilia & inuisibilia, Cælestium, & terrestrium creaturarum, sub quodam sumario (vt dictum est) comprehendat, attribuens ea diuina creationi, ita vt nihil in rerum natura excluderetur à creatione Dei: loquens tamen postea in particulari, vt imbecillitati rudium, seu simplicium audientium condescenderet, prætermisissimis inuisibilibus tam cælestium, quam terrestrium, de uisibilibus tantum mentionem facit: vnde de Cælestibus prætermisit Empyreum, & Angelicam naturam; & de terrestribus prætermisit duo elementa; scilicet aerem & ignem, eo quod, non ab omnibus percipiantur: Multi enim etiam Philosophorum, elementum ignis non cognouerunt vsque ad tempus Aristotelis. Similiter & aërem nihil dicebant: adeo vt loca plena aëre, vacua existimarent.

Classis Patrum, qui Mosem etiam aëris mentionem egisse contendunt.

Non desunt tandem & insignis nominis Patres, qui non modo aquæ, & terræ, sed neque etiam aëris mentionem prætermisissam fuisse asserunt; aërisq; naturam spiritus nomine exprimi ibi censent: vbi dictum est; Et spiritus Domini ferebatur super aquas. Assertores sunt huius placiti, Philo libro de Gigantibus, Theodoretus quæstione in Genesim octaua, Augustinus de Genesi ad literam imperfecto, Diodorus, Basiliius Hexameron homilia secunda, Athanasius quæstione octuagesima, Vielmus lectione octaua; & alij, quorum Catenæ, cum de Spiritus significatione rem habebimus, intexemus.

Gen. 1.

Cap. 4.

A V G V S T I N V S attamen aërem non prætermisissum esse in Mundi effectiōne, sed respectu supernæ partis, nomine Cæli; quoad infernam verò partem, nomine terræ, memoratum fuisse clarissimè edisserit, de Genesi ad literam libro tertio, cum ait.

Nec vllō modo arbitrandum est prætermisissum esse in hac Scriptura vllum Mundi huius elementum, cum quatuor notissimis eum constare persuasum sit, quia videtur hic Cælum, & aquam, & terram commemorare; de aëre autem tacere. Consuetudo quippe nostrarum Scripturarum est, aut Cæli, & Terræ nomine Mundum appellare, aut interdum addere & mare. Aër itaque vel ad Cælum pertinere intelligitur, si qua sunt in eius superioribus partibus tranquillissima, & pacatissima spatia: vel ad terram propter hunc turbulentum, & caliginosum locum, qui humida exhalatione pinguescit, quamuis & ipse sæpius Cæli nomine nuncupetur.

B E D A Expositione in Genesim.

Non arbitrandum est autem in hac Scriptura prætermisissam esse aërem, cum quatuor elementis constet Mundus, id est Cælo, aëre, aqua, terra. Sed summa pars aëris, quæ non recipit exhalationes humidæ, Cælo deputatur. Imò autem pars aëris, in qua ventus & pluuie sunt, cum terra deputatur, quæ pars videlicet non nisi ex aquis accipit animalia.

Et libro de sex dierum creatione, consimilia tradit.

Quid est enim, quod sæpe legimus de creatura Cæli & Terræ, & maris similiter, quomodo creati fuerunt; de aëre autem nihil indicauit? Non enim arbitrandum est, vt illud elementum in hac Scriptura prætermisisset, nisi quia consuetudo est diuine Scripturæ, Cælum & Terram, totum Mundum appellare. Et ideo estimandum

um est, aërem ad Cælum & Terram pertinere. Et quicquid est humidum, vel vaporaliter expensum, hoc ad Terram pertinet; quicquid enim tranquillum, & quietum est, ad Cælum pertinere dicitur.

Hæc ipsa habet Quæstionibus in Genesim: & Glossa ordinaria ex illis hæc eadem desumpsit.

Ex quibus sentire visi sunt Augustinus, Beda, & hi Patres, in Mundi effectione silentio non prætermisum esse aërem, sed Cæli nomine, eius supernam partem; & Terræ nomine, infernam hanc regionem alteram illius partem fuisse recensitam.

Verum aduersus horum Patrum placita persistunt alij, aëris mentionem nullam esse factam prorsus autumantes, diuersasque huius prætermisionis causas afferentes.

G R E G O R I V S Nyssenus suo Hexameron, aëris conflationem prorsus prætermisam esse, quod vniuscuiusque rei capax sit, his edocuit.

Aëris quidem conflatio, atque fabricatio silentio prætermittitur: quanquam par erat etiam de hoc, quum expositum esset, ut ignis emicisset, secundo loco rationes naturales in medium afferre: propterea quod cognitio quedam ratione leuitatis ei cum ea, quæ in igni cernitur, leuitate intercidit: atque ita deinceps grammatice tractare naturam. Sed ille de hac quidem, ea quæ dicenda erant, in medium adfert, de aëre autem dicere prætermittit; non quod nihil conferat ad totius Mundi complexione, nec quod à vi elementorum secretus sit: sed quod mollitie forsitan nature, atque facilitate cedendi, vniuscuiusque rerum capax est aër, in sese quasque res ostendens, non colorem proprium habens, non figuram, non perficiem; sed alienis cum coloribus, tum figuris inficitur & informatur. Nam & splendidus illustratione lucis, & rursus niger, dum vmbra involutus est, euadit: ipse verò per sese neque splendidus, neque niger est, atque omni figura obducitur, & ab omni tingitur specie colorum, tum ad omnem motum earum rerum, quæ in ipso feruntur, accommodus est. Nam & nullo negotio vtrinque cedit ei, quod fertur in ipso, & sponte sua circa corpus rei positæ fissus hinc inde retrocedit: quicquid etiam siquis ex amphora liquorem, quicunque in ea fuerit, effundat, quum humori, qui profunditur, diducendo se cedit, tum sponte sua in eam partem vasis, quæ euacuatur, inuicem sese insinuat introeundo.

G V L I E L M V S Parisiensis, de Vniuerso, prima primæ partis, capite trigesimo quarto.

De igne verò, & aëre, ac generationibus eorum, nullam videtur penitus facere mentionem, licet quidam ex Philosophis Hebræorum somnauerint, per Spiritum Domini Prophetam aëra intellexisse; eo quod apud eos, hoc est, in litera Hebraica legis, pro spiritu habetur ventus, tanquam ventum opinaretur esse aëra motum, quod & quidam aestimauerunt; & error eorum destruitur in scientia Meteororum: Per tenebras verò, ubi dicitur; Et tenebræ erant super faciem abyssi; voluit intelligere ignem elementum, eo quod tenebrosus sit ignis huiusmodi; si enim luminosus esset, videretur vel de nocte, vel de die, cum totaliter circumdet aëra, & natus super ipsum; & ita totum Cælum videretur nobis ardere, qui sumus in terra; huiusmodi autem error est ex ipso sermone prophetico manifestus, quoniam secundum hoc dixisset Propheta, quia tenebræ erant super Spiritum Domini, id est, ignis super aëra. Amplius; Firmamentum non esset factum in medio aquarum. Si enim esset factum in medio earum, sicut & ipse textus prophetiæ dicit; pars aquarum esset sub eo, & pars super; aër verò, & ignis, ex necessitate sunt super omnes aquas, & erant secundum ipsum: tunc ergo neque aër, neque ignis essent sub firmamento, neque iste aër esset veri nominis, sed potius aqua calefacta. Amplius; Inordinatissime locasset Deus Cælum in medio aquarum, cum naturali nobilitate superesse debeat omnibus elementis; & hoc requirit etiam motus eiusdem circularis, qui recto motu ex necessitate prior est, atque perfectior.

D. T H O M A S Postilla in Genesim, capite primo, aëris, & ignis prætermisam esse genituram ex quorundam sententia recitat, quod esse elementa non existimarentur.

Aliqui tamen inquit aquas tantum exprimi, & terram, quia alia elementa non sunt aliquid per se. Nam ignis, inquit, non est in sphaera, in qua ab aliquibus ponitur, scilicet in sublunari globo; sed tantum in materia terrea, de qua educitur per sublimationem de terra: unde non debet poni distinctum elementum caloris, sicut nec metalla, nec animalia, quæ ex illa educuntur. Aër etiam non est aliud nisi vapores beneficio caloris à terra, & aqua generati; qui occupant totum medium inter Cælum, & aquam. Quod etiam inde probant, quia in multis locis aër parum differt ab aqua, sicut patet in locis humidis & frigidis: & etiam, quia omnia illa, quæ assignantur ad ponendum aërem, possunt saluare cum isto modo, sicut spiratio, & respiratio, & alia huiusmodi. Item quia ponere ignem in sphaera superiori, superfluum videtur. Nam calor generatus ex corporibus primis, sufficit ad caloris generationem, quantum ad necessitatem generationis, & corruptionis naturalis attinet. Ad dunt etiam ad hoc Augustinum dicentem, quod aues per illum aërem volare possunt, qui de terra, & maris humoribus surgit. In Olympo autem Macedoniæ monte non volant propter nimiam subtilitatem.

Iudicium Auctoris.

Ego, quid existimem, breuibus pandam. Theodoret, & Augustini, ac reliquorum interpretum.

interpretationem, qua spiritus nomine aërem, seu ventum commenti sunt, ægrè acceptandam censeo, quemadmodum suo loco exactius demonstrabimus; atque etiam, Coeli nomine supernam aëris partem; terræ verò infernam demonstrari, non nisi improprie, ac perdifficili admodum locutionis genere iudicarem. Quapropter arbitror Mosem aëris nec genesis narrasse, nec mentionem improprie egisse; licet eam ex consequentibus elici posse non abnuam: tum quia inter Cœlum, & Terram, quæ sunt extrema, aër etiam vti medius interiectus, ac interfertus includebatur; tum ex eo quod Moses dixit; Et tenebræ erant super faciem abyssi: si enim abyssus erat aquarum exundantia, tenebræ expandi non poterant super eius faciem, quin per aërem diffusæ intelligerentur. Ex causis verò adductis, cur Moses aëris genituram siluerit, primam eam Augustini ingeniosam reputo, sed obscuram, ac lectoribus imperispectam: Nysseni rationem non consiliter arbitror; siquidem quanquam aër sit formarum omnium receptor, conspici tamen, ac cognosci ab omnibus compertum est. Causam à D. Thoma recitatam, prorsus nutantem existimo: Nullus est enim adeò ineruditus, qui aërem elementum esse non assentiatur. Aquæ meminisse Mosem, quis est qui ambigat, cum dixerit; Et Spiritus Domini ferebatur super aquas? atqui eius genesis profectò clarè non narravit, sed tantummodo quasi aliud agens insinuavit. De igne tandem arbitror nec vllum penitus verbum Vatem interfuisse, quod ipsum significare vix potuerit. Assentio igitur D. Basilio, ac cæteris, qui Mosem Terræ tantum explicasse effectiorem & genesis, existimarunt. Reliqua verò per insinuationem, quasi Cœli, & Terræ ambitu interclusa indicasse. Porro memoratiorem hanc non æquè posse decerpi ab eruditis, atque ineruditis censeo. Eruditi siquidem, & Philosophiæ scientissimi, Cœlo vti ambiente, Terra, vt centro immoto, non Mathematicè, sed Physicè in Orbis medio confidente, intellectis, mox interponi cætera elementa sic exciperent, arguerentque: Si datur elementum infimum graue; dandum erit mox supremum leuissimum, quod est ignis: & si duo extrema danda erunt, profectò & intermedia, leue, & graue, quæ erunt aër, & aqua interijcienda. Vel sic; Si terra in medio Mundi collocata, siccum est elementum, certè & vnum alterum calidum, vnum etiam humidum, & aliud frigidum, ex harum oppositarum qualitatuum ratione, necessariò sunt constituenda; ita Aristoteles secundo Cœli. Ineruditi verò ac rudes, vti Hebræi erant, Cœli nomine quicquid supra nos est, ex usu eius nationis, & Scripturarum, quæ aërem, ac ignem super aërem euectum, Cœlum nuncupabant, intellexissent; Terræ verò nomine spheram hanc terræ & aquæ, apprehendissent. Hac igitur serie, Moses Vates noster, elementorum natalia indicauit.

Hucusque manationem Chaos ex elementis congesti audiuius: Nunc ad observationes illas, quas Patres de his verbis, Cœlum & Terrā, ediderunt, proferendas accedamus. Tempus enim iam expostulat, vt ad litteram reuertentes, obseruata circa ipsam à Patribus depromamus.

Aëris genesis
nō tradita à
Mose.

Nec etiam
aquæ, aut ignis effectiorem
recēssit
Moses.

Terræ tantum
creatio traditur,
reliquorum
elementorum
insinuat.
Tria illa
elementa
quomodo
reperi
si comprobe
tur.

Anno Mundi
primo.
In exordio
temporum.
Ante dies.

Coelum, & Terram.

- a. Non Mundum dixit, sed Cælum & Terram, quoniam Mundus unitas non est ut Deus, sed dualitate & principijs constat.
b. Vel quia tropus est Hebraicus Vniuersum Cæli & Terræ nomine significare.

a. Non dixit Mundum unica voce, sed Cælum & Terram duabus; quoniam Mundus non est unitas, ut Deus, sed dualitate; & principijs constat.

CONSTANTIVS Rusconus Brixienfis Can. Reg. Augustinianus Lateranensis in Commentarijs manuscriptis in Gen. non aspernandis, quæ apud me sedulo, ut perpetuum monumentum, tum ingenij, tum erga me beneuolentiæ Patris illius, qui non fucata probitate insignis, disciplinæ regularis prima mihi exhibuit rudimenta, obseruantur.

Effectio autem Creatoris tota simul duabus vocibus exprimitur, quæ sunt Ha Samaim, Cæli; & Arez, Terra. Creatura ergo non vno nomine, sed duobus exprimitur; Creator autem vno: quia unitas est eius, quod est; dualitas autem eius, quod fit: nam componitur ex potentia & actu, vel ex materia & forma, vel saltem ex esse & essentia, ut recentiores Philosophi dicere solent. Vniuersitas igitur constat ex Cælo & Terra, ut extremis partibus summè distantibus, summo scilicet & infimo; quorum alterum forma, locis, vitæ, virtutis, atque decoris est elementum; alterum verò omnium contrariorum, aptum tamen, ut proportionem suam æqua recipiat ex communi affluentia. Vniuersitas ergo Creatura non est vnum, sed duo primum; deinde plura. Primum ergo menti occurrit cogitanti de eo quod factum est Cælum, & Terra, id est prima dualitas, quæ extremæ partes Mundi continentur, quæ nullo nomine communi explicari possunt, quo aliquid menti definiatur, ut possit eius appetitus quiescere, quia nulla res existens intelligitur, si cogitetur nomen vnum, quod nihil vnum re ipsa demonstret. Sed dices, Mundus vnus est ab vno, ut inquit Mercurius, & auctoris retinet imaginem; ergo vna etiam voce conuenienter hoc loco exprimi potuit, sicut & alijs pluribus locis: ut cum dicit Ioannes, Mundum à Verbo factum esse. Respondetur idem esse Mundum, quod Cælum & Terra; sed in principio non debuit vna voce Mundus proponi, quia nihil re constans intelligeretur, cum partes sint priores, quàm ipsum totum. Ioannes autem, quia iam partes Mundi re numero expresserat, cum diceret, Omnia facta esse per ipsum Verbum, aptè postea vno nomine Mundum re tulit. Cum ergo vellet Prophetæ Mundi originem explicare, non autem ipsum Mundum suis partibus absolutum, non potuit aptius rem explicare, quàm eas primas partes referendo, quæ omnino omnium exordia continent, neque in priores vllas partes rediguntur, cum ipsa sint prima Mundi elementa, à quibus cetera deducta sunt. Sed rursus dices potuisse Moysen vno verbo partes Mundi referre, sicut Ioannes, cum dixit; Omnia per Verbum facta esse. Respondemus Ioannem non assumpsisse idem negocium, quod Moyses, sed tantum naturam Verbi exponere voluisse, cui satis erat ostendere Verbum non esse nouum, ut aduersarij veritatis arguebant, qui ante Mundum solum silentium fuisse putabant: Ideò dixit, Omnia per ipsum facta esse, ut aduersarij cognerentur fateri ipsum non esse nouum, neque factum, sed æternum. Moyses autem volens originem Mundi exponere, cum vellet prima enarrare, coactus est duo prima elementa Mundi referre, quia illa prima omnia facta sunt. Si autem dixisset facta esse omnia, cum nondum singulas partes Mundi explicasset, nihil menti definitum proponeretur, in quo quiesceret.

Ioan. i.

b. Vel quia tropus est Hebraicus, Vniuersum; Cæli, & Terræ nomine significare.

Hebraicam esse phrasim Cæli & Terræ nomine Mundum significare, id nobis persuadere euidenter debet, quod in omni ferè Veteris Testamenti pagina nunquam Mundum Vniuersum hoc appellari comperiamus, sed penè semper Cæli, & Terræ nomine describi, ut ipsarum sacrarum Scripturarum contemplatores, atque ruminatores sedulo animaduertent. Econtra verò in Nouo Testamento, Mundi nomen sapius vsitatum adnotabunt.

simul

Coelum, & Terram.

AnnoMundi
primo.
In exordio
temporum.
Ante dies.

- a. Simul effecta sunt Cælum, & Terra, quanquam simul ab homine dici nequeant.
- b. Simul, sed non eodem modo, quia Cælum extendit, Terram verò fundavit.
- c. Cælum præfertur Terræ, quia Cælum primo die creatum est, Terra autem non nisi tertio extra aquas apparuit.

a. Simul creata sunt Cælum, & Terra, quanquam simul ab homine dici nequeant.

B E D A Commentarijs in Genesim.

Hæc alibi, mutato ordine, scripta reperimus, ut; In initio Terram tu fundasti Domine, & opera manuum tuarum sunt Celi. Ex quo intelligitur, quia simul facta sunt.

I V N I L I V S in Hexameron.

Deus autem, cuius manus omnipotens est, ad explendum opus suum non eguit mora temporum. Quia scriptum est; Omnia quæcunque voluit, fecit. Vnde bene dictum est, quia in principio creavit Deus Cælum, & Terram: ut aptè detur intelligi, quia vtrunque simul ab homine dici non possit. Denique dicit Propheta; Initio Terram tu fecisti Domine. Hic autem Dominus Cælum, & Terram in principio creasse narratur. Unde liquido colligitur, quia factura est vtriusque elementi pariter expleta: & hoc tanta velocitate diuine virtutis, ut necdum primum Mundi nascentis momentum esset transcendensum.

Psal. 113.

Psal. 101.

G L O S S A Ordinaria breuius.

Vtrunque scilicet simul, quamuis vtrunque simul ab homine non dicatur. Vnde Propheta Terram initio factam ostendit, dicens; Initio Domine terram fundasti.

P E T R V S Comestor in Scholastica historia, capite primo.

In principio omnium creaturarum creavit Cælum, & Terram, idest, has creaturas primordiales fecit: & simul. Sed quod simul factum est, simul dici non potuit. Licet enim hic prius nominetur Cælum, quam Terra: tamen scriptum est; In initio tu Domine Terram fundasti, & opera manuum tuarum sunt Celi.

Psal. 101.

Hugo Carenfis hæc eadem.

I N N O C E N T I V S Tertius, Can. Reg. Lateranensis, ut Ioannes de

Nigraualle Bibliothecarius Apostolicus in epilogo Chronicorū, & Raphael Volaterranus Commentariorum Vrbanoꝝ libro vigesimoprimo; & præter plures alios, nouissimè Ioannes Trullus de Aragonia libro primo de Canonico Ordine, & Onuphrius Pāuinus libro de Pontificibus Romanis copiosissimè testantur; Commentarijs in quintum Psalmum poenitentialem.

Epilog. 13.
Cap. 12.

Cap. 4.

Quia Moses dixerat, quod in principio Deus creavit Cælum, & Terram, &c. ne quis ordinem verborum attendens, putaret, quod prius Cælum, & postea Terram creasset; occurrit Dauid in hoc loco, prius nominans Terram, quam Cælum; ut ostendatur, quod Cælum, & Terra simul fuerunt creata; sed quod potuit simul fieri, non potuit simul dici.

b. Simul, sed non eodem modo, quia Cælum extendit, Terram verò fundavit.

B E D A Expositione in Genesim.

Quomodo autem Cælum, & Terram creavit, alius demonstrat dicens; In principio creavit Deus Cælum, & Terram, tanquam duplicem domum interiecto firmamento. Et alibi; Extendens Cælum sicut pellem. Et, Extendens Cælum sicut vestimentum, quasi cameram. De Terra autem dicitur, quia fundata sit: ut, Fundasti Terram. Et in hoc Cælum & Terra differentiam habent; cum alterum extenditur, alterū verò fundatur.

Psal. 103.

c. Cælum præfertur Terræ in narratione: quia Cælum prima die creatum est; Terra autem non nisi tertio ex aquis emerfit.

S T E V C H V S in Cosmopœia.

Cælum ergo duabus de causis in hoc primo sermonis ingressu, debuit præferri Terris, quod in ordine creationis

Anno Mundi
primo.
In exordio
temporum.
Ante dies.

Coelum, & Terram.

- a. Cælum præfertur Terræ in narratione ; quia agens semper præferendum est recipienti.
- b. Vel quoniam Moses certum in his non seruat ordinem.
- c. Siue , vt Dei dignitas effulgeat, cum contra humanum morem prius culmen, quam fundamenta posuisse scribatur.

nis prima die creatum est : tertia autem, Terra aquarum pondere, & alluuiæ est liberata. Aut primam eius creationem innuit . Tunc Terra cæpit vocari, cum in lucem emerisset, visaq; est.

a. Vel quia agens semper præferendum est recipienti.

STEVCHVS vbi supra.

Deinde, cum sint duæ causæ creandi ; vna agens ; alteraiciens : illa quasi genitor ; hæc vt genitrix : hæc eo præcedit, quod est valentior, maioresq; habens in creatione vires . Cætera quæ sunt occultiora, cur Cælum præstet Terris, non commemoro.

VIELMIVS Lectione tertia.

Et vide postremo, quomodo Moses scitè, & appositè loquitur, cum dixit ; In principio creauit Deus Cælum & Terram : non autem retrorsum, In principio creauit Deus Terram, & Cælum. Etenim Cælum & dignius Terra est ; & ad hanc proinde se habet, atque sese mas habet ad fæminam, quomodo quoque Proclus in Thimeum Platonis rectè adnotauit. Nam agit in hanc, & fouet eam, ac regit motu, lumine, afflatibus. Terra verò eius recipit immissiones, repercutit radios, secundaq; efficitur, ac tot rerum genera, quæ perspicimus, gignit, & profert, vt proinde hæc quidam animaduertentes, Mundum dixerint esse Androginum, simul enim in se agit & patitur.

b. Vel quia in his Moses certum ordinem non seruat :

STEVCHVS vbi supra.

Possim & hoc ostendere, non seruare Mosè certum ordinem . Siquidem in secundo capite, vbi in nostra editione dicitur ; In die, quo fecit Deus Cælum & Terram, Hebraicè est ; Terram & Cælum. Sed natura est instinctus, vt priora dignitate, & natura nominemus.

c. Vel vt Dei dignitas enitescat, cum contra humanum morem prius culmen, quam fundamenta posuisse, narratur.

THEOPHILVS Antiochenus ad Autolycum libro secundo.

Prophetia testatur creationem Celi factam esse, primo vt non hominum more sit, sed in modum fastigij : dicit enim, In principio creauit Cælum ; idest, per principium conditum est Cælum : & Terram dicens, intendit fundamentum & quasi pauimentum.

CHRYSOSTOMVS Sermone de Ieiunijs, & Geneseos ratione.

Cur autem primum Cælum fecit, deinde Terram, ante tectum, quam solum ? Vides & in hoc nihil esse simile humanis artibus, nec hominum regulis voluntatem seruari diuinam. Apud nos adminiculis & fulcimentis opus est, ibi verò voluntas opus efficit, & præbet sermo virtutem.

Et Oratione quinta de dicto illo ; Sufficit tibi gratia mea.

Cum Deus Vniuersum hoc vndique sibi summa ratione constans ab initio procrearet, miracula miraculis cummulauit ; quippe qui nullis naturæ legibus teneretur, sed abundantia quadam potestatis omnia distingueret, & secerneret. Verbi gratia illud dico ; In principio creauit Deus Cælum & Terram . Obseruastine ordinem, & consecutionem ? primum quidem tectum fabricauit, deinceps verò solum & pauimentum constituit . Nam, vt dixi, nullas ille naturæ leges sequebatur, nec ordinem artis intuebatur : sed potestate virtutis, atque facultatis suæ vrebatur. Tectum quidem constiterat, neque solum tamen apparebat . Nanque diuina illa vis operificis omnia illa nexu quodam continebat.

Idem etiam Homilia secunda in Genesim.

Attende nunc, quomodo ex ipso opificij modo Diuinæ naturæ dignitas enitescat . Nam Deus contra humanum morem suum perficiens ædificium, prius Cælum extendit, postea & Terram substermit ; prius culmen, & postea fundamentum . Quis tale quid vidit ? Quis audiuit ? In hominum sanè operibus nihil tale

Cœlum, & Terram.

Anno Mundi
primo.
In Exordio
temporum.
Ante dies.

a. Cœlum præfertur Terræ; quia ante Terram conditum est.

tale nunquam fuit. Sed iubente Deo voluntati eius parent, & cedunt omnia. Ne igitur humanis rationibus divina opera curiosius excutiamus, sed ex operibus manu ducti admiremur artificem. Nam inuisibilia eius ex creatione Mundi, dum per opera intelliguntur, pervidentur.

PROCOPIVS Commen. in Genesim, capite primo.

Sed mirabile est, si quis hoc ædificium consideret, quod primum expandit Cœlum, deinde demum collocavit Terram, quasi si Architectus quispiam primò fastigium erigat, postea demum pavimentum parat. At nihil præter opinionem hic accidit. Siquidem Deus non subiacet naturali necessitati, nec artis consequio additus est. Hoc tantum tam immensum Cœlum astris collucens, permanens, tanto tempore durans, Deus per iocum, & quasi ludens, ac si quis tuguriolum extruat, maxima facilitate creavit, quod disertè hisce verbis expressit Isaias; Qui statuit Cœlum, & fornecem; & id extendit ceu Tabernaculum super Terra.

a. Primum Cœlum, quia primò ante Terram conditum est.

STEUVCHVS in Cosmopœia, Græcos hoc existimasse his tradit.

Fueruntque apud Græcos, qui, quod ait Moyses, In principio creavit Deus Cœlum, exponerent, ἐν πρῶτῳ τοῦ, prius, primum scilicet Cœlum est creatum, aut ἀρχὴν ἐποίησεν τὸν ἔρχον. Principium creavit Cœlum, omnium videlicet rerum creaturarum. Et Theodoretus; Cur prius Cœlum, postea Terra à Deo est creata? Quia prius sit tectum, tum pavimentum. In contrarium videtur esse scriptum; Initio Domine Terram fundasti.

Psal. 101.

AUCTOR.

Deum consimul, exiguoque momento Cœlum, & Terram creasse, nil dubitationis habet; effecisseque ea simul, quæ ab homine nec simul dici possunt, non est hæsitandum. Quapropter cur Moses in narratione effectiois Cœli, & Terræ, Cœlum prius quam Terram nominarit; præallegatæ omnes Patrum sententiæ scitè, & probè causam reddunt. Postrema tamen hæc Chrysostomi, & Procopij tropologica est; prima illa Steuchi ægrè recipienda videtur. Cœlum, inquit, primo die creatum est; at Terra non nisi tertio denudata, ceu nuper orta emerfit: cōsentaneū igitur fuit, ut primo nominaretur Cœlum. Verum ego sciscitarer à Steucho: quoniam Terra certè & ipsa cum Cœlo producta fuit; nam ait Moyses; In principio creavit Deus Cœlum, & Terram: unde non Terra tantum tegebatur aquis, sed & spatium à Terra ad Cœlum, immo & cuncta vel aquis obruebantur, vel nube crassa, tenebrisque obuoluebantur, nec micabant Sol, seu Luna, nec aliquod astrum; quomodo igitur primum apparuisse Cœlum, quam Terram dici potest? Affererem itaque libentius, prætulisse Mosem Cœlum Terræ dignitatis ratione: Cœlum enim illud primò procreatum, siue fuerit Empyreum, siue Angelus, seu etiam supremus Orbis Mundum ambiens, ut Patres prisce usque ad Scholasticorum tempestatem existimarunt; profectò ipsa Terra, aut elementis Terræ nomine memoratis, longè dignius, excellentius, ac præstantius conspiciebatur. Si autem id Cœlum fuit astrigerum, seu firmamentum, ut maluerunt Scholastici, perfectius certè erat quantum illud corpus, quam elementum; sicuti perfectius agens patiente reputandum enarrandis principiis, seu recensenda origine, Scripturas ordinem non servare evinci potest multis ex locis, præcipuè ex eo; Initio tu Domine Terram fundasti, & autumabat expositio, nullo modo est admittendum, siquidem Patres omnes conformi definitione edocent, Cœlum & Terram simul creata emanasse.

Cœlum Terræ præfertur ratione dignitatis.

Psal. 101.

Dixit

AnnoMundi
primo.
In exordio
temporum.
Ante dies.

Cœlum, & Terram.

- a. Cœlum præfertur Terræ, ne arbitrarentur Philosophi Deum vt Mathematicum, Terram primum vt centrum fixisse, deinde Cœlum vt spheram circumlineasse.
- b. Cœlum præfertur Terræ tum dignitate, tum naturæ ordine.

a. Dixit Moses primò Cœlum, et post Terram, ne crederent Philosophi, Deum ad instar Mathematici primò fecisse Terram vt centrum, deinde Cœlum vt spheram.

ANASTASIUS Synaita Hexameron libro primo.

Quamobrem linguas hinc non mittant Philosophorum Physici, audientes verbum, Fecit Deus Cœlum & Terram: neque dicant Deum fecisse Cœli ortum à Terra, tanquam ab aliquo centro: quoniam centrum, inquit, est principium vniuersæ spheræ. Non enim, vt contingit in hominibus, qui non possunt neque circum dirigere, neque torquem circumagere, neque punctos circuli ex æquo componere, neque lineam inflectere, & rotæ similem efficere, nisi centrum medium prius fuerit infixum; ita etiam deuenit. Hic enim, vt discas, quod Deus non sequitur Naturæ consequentiam, sed fabricatur supernaturaliter, & non artificiosè, dicit Moses, Fecit Deus spheram, deinde Terram centrum. Oporteret enim reuera contra dicere; Fecit Deus Terram, & Cœlum; seu centrum, & tunc spheram. Nam si coniunctionem copulatiuam accipiunt, illudet, & ambo dicunt simul facta esse; oportebat certè, vt ipsorum est sententia, prius significari principium, & causam circuli, nempe centrum, seu Terram, & magis quàm contra. Si autem y consiteantur omne centrum figi super aliquod stabile & solidum, & sic circumscribi circumferentiam, non autem aliter: Deum autem agnoscat quod est densum ac graue, sed statim funduntur, & circumfluunt; non solum iniecerint eum excitare Cœlum tanquam fornicem, etiam absque centro? Nam quæ apud homines sunt eiusmodi, vt fieri non possint, apud Deum possunt fieri.

Obseruatio hæc, quam Anastasius nobis excitauit, elegans & decora mihi videtur. Potuisset siquidem ineruditus aliquis, Deum sibi fingere in Geometræ similitudinem circino Mundum constanter, ita vt primò Terram centrum fixerit, deinde Cœlum quasi spheram circumduxerit; ordo enim naturæ id poscere videbatur. Propterea Moses dixit Cœlum & Terram, vt hanc elideret imaginationem duobus modis; primo ponendo Cœlum ante Terram; Deinde interponendo præpositionem, Et, quibus significare voluit non Terram ante Cœlum, sed consimul manasse, quanquam Cœlum prius nominetur, dignitatis causa; Quæ enim simul Deus fecit, simul dici nequeunt, quemadmodum Iunilius, Glossa, & alij pereleganter adnotarunt.

b. Cœlum super Terram, tum dignitate, tum naturæ ordine.

HVGON Victorinus noster de Sacramentis lib. primo, parte prima, cap. sexto.

Duo in principio posita sunt, Cœlum, & Terra. Quid horum putas subius, aut quid supra fuisse dicemus? Aut Terra supra, & Cœlum subius; aut Terra subius, & Cœlum supra? Sed nunquid credendum est prima illa conditione rerum, Cœlum subter creatum fuisse, & postea in formatione supra dispositum? Fortassis, quia prius Scriptura nominauit Cœlum, quàm Terram, propterea Cœlum quasi fundamentum subius creatum fuisse quis dicat. Ego autem, non ordinis, sed dignitatis causa sic positum reor; & quia etiam sermo sequens de elemento Terræ, quasi de proximo (& ob hoc posterius nominato) habendus fuit; ideo & prius Cœlum, & postea Terra nominari debuit. Sed neque ipsa conditorum natura alium positionis, aut locationis ordinem pateretur, quàm vt ponderosa deorsum, & sursum leuia disponderentur. Ergo Terra deorsum erat, & Cœlum sursum: quod supra Terram erat, Cœlum erat. Ergo Cœlum supra Terram erat.

Animaduertas Hugonem Cœli nomine non intelligere aliquem Orbem cœlestem, sed nebulam illam commixtam ex igne, aëre, & aqua, quam superius dixerat nomine Cœli significari, secundum quam sententiam hoc loco amplius tradit, in Cœlo aquas fuisse, & Cœlum in aquis; quia idem erant aquæ, & Cœlum.

Non

Cœlum, et Terram.

AnnoMundi
primo.
In exordio
temporum.
Ante dies.

- a. Non dimidiam eorum partem, sed totum Cœlum, totamq; Terram.
- b. Non inuestigandum, cur voluerit Deus Cœlum ac Terram extruere, cum Dei voluntas ipsa sibi sit causa.
- c. Non Cœlos, & Terras, quia vnus est Mundus, & finitus.

a. Non dimidiam eorum partem, sed totum Cœlum, totamq; Terram.

BASILIVS Hexameron Homilia secunda, contra Philosophos eos, qui materiem ingentiam ante Mundum extasse asserebant disputās, hanc detulit consideratu dignissimam obseruationem.

Fecit Deus Cœlum, & Terram. Haud dimidia ex parte vtrunque, sed totum Cœlum, totamq; Terram. Ipsam, inquam, essentiam siue materiam fecit cum forma comprehensam. Non enim figurarum inuentor est Deus, sed ipsius naturæ rerum creator. Alioqui respondeant nobis, quæso, quonam pacto inter sese conuenerint hinc operatrix Dei potentia, illinc possibilis materiei natura: hæc sine forma subiectum præstans, illa figurarum scientiam habens sine materia, vt quod alteri defuerit, collatum sit ab altero: opifici quidem, vt haberet, quo specimen ederet suæ artis: materiei verò, vt informitatem deponeret, priuationemq; formæ.

b. Nec inuestigandum, vt quid voluerit Deus facere Cœlum, & Terram, cum Dei voluntas ipsa sibi sit causa.

AVGVSTINVS de Genesi contra Manichæos, libro primo, capite secundo.

Si ergo isti dixerint, quid placuit Deo facere Cœlum & Terram? Respondendum est eis, vt prius discant vim voluntatis humane, qui voluntatem Dei nosse desiderant. Causas enim voluntatis Dei scire querunt, cum voluntas Dei omnium, quæ sunt, ipsa sit causa. Si enim habet causam voluntas Dei, est aliquid, quod antecedit voluntatem Dei, quod nephas est credere. Qui ergo dicit, quare fecit Deus Cœlum & Terram? respondendum est ei, quia voluit. Voluntas enim Dei, causa est Cœli & Terræ; & ideo maior est voluntas Dei, quam Cœlum & Terra. Qui autem dicit; Quare voluit facere Cœlum & Terram? maius aliquid querit, non est, non querat, ne id quod est non inueniat. Et si voluntatem Dei nosse quisquam desiderat, fiat amicus Deo: quia si voluntatem hominis nosse quisquam vellet, cuius amicus non esset, omnes eius impudentiam, ac sustiniam deriderent: non autem quisquam efficitur amicus Dei, nisi purgatissimis moribus, & illo fine præcepti, de quo Apostolus dicit; Finis autem præcepti est Charitas de corde puro, & conscientia bona, & fide non ficta. Quod isti si haberent, non essent heretici.

Dei volūtas
omniū caus-
sa.

1. Tim. 1.

Hæc pariter Beda Quæstionibus in Genesim.

c. Non Cœlos, & Terras, quia vnus est Mundus, & finitus.

PHILO libro de Mundi opificio, vt citatur in Glossa locupletata.

Propter traditam à Mose creationem, præclarissima, & omnium optima edocti sumus. Primum esse & subsistere in natura rerum aliquod numen, aliquam diuinitatem, idque propter impios ostensum. Secundum quod Deus sit vnus propter eos, qui multos Deos induxerunt. Tertium quod Mundus is est creatus, propter eos qui eum statuerunt sempiternum. Quartum, quod vnus sit etiam iste Mundus, quia creauit hunc ipsum quem fecit.

Adduxi hanc auctoritatem Philonis iam ante, vt haberem, quomodo ex verbo; In principio, eliciatur Mundum non esse æternum. Nunc eam ipsam repeto in hoc loco, vt habeamus pariter Mundum non esse infinitum, nec plures comperiri Mundos.

Quod

Quòd vnus sit Mundus, ac finitus.

De Mundi vnitate, seu pluralitate, apud Gentilitatis Sapientes non vna est cōsensio.

T H E O D O R E T V S libro quarto de Materia & Mundo, ait.
Mundum siquidem ipsum Thales, Pythagoras, Anaxagoras, Parmenides, & Melissus, Heraclitus, Plato, Aristoteles, Zeno vnum esse consentiunt. Anaximander verò, & Anaximenes, Aristarchus, Xenophanes, Diogenes, Leucippus, Democritus, Epicurus multos, ac infinitos esse Mundos opinati sunt.

C Y R I L L V S contra Iulianum libro secundo, de Mundi vnitare hæc habet.

Igitur Plutarchus vir apud illos non ignobilis, in secundo libro collectionis Physicorum dogmatum, ita inquit de Mundo; Pythagoras primus nominauit vniuersorum continentiam, Mundum, à rerum ordine, qui in illo est. Thales, & qui ipsum sequuti, vnum Mundum: Democritus, & Epicurus, & illius discipulus Metrodorus, infinitos Mundos in infinito secundum omnem circumstantiam. Empedocles Solis circuitum dixit circumscriptionem finis Mundi esse. Seleucus, infinitum Mundum: Diogenes Vniuersum quidem infinitum, Mundum autem finitum. Stoici, Mundum, & etiam totum differre volunt; Vniuersum enim esse quod cum vacuo immenso, totum autem absque vacuo Mundum; & ita idem est illis totum, & Mundus.

E L I A S Cretensis expositione in Apologeticum Gregorij Nazianzeni.
Nec verò hæc solum nugaces quidam homines asseruerunt, sed etiam multos quoque Mundos, vt Democritus. Hic enim ipsi vsque affecte multos, atque adeo infinitos esse, dicebant: vt ne (inquebant) diuina potentia, ipsiusq; infinita bonitas, in angustias redigeretur.

H E R M I A S in libro inscripto Philosophorum gentilium irrisio, sic Epicurum alloquentem inducit.

Prospiciens autem Epicurus, mihi ait; Tu quidem amice vnum duntaxat Mundum dimensus es, cum sint multi Mundi, & infiniti. Itaq; denuò dicere cogor multos Celos, alios aethers, eosq; multos. Agè verò nō amplius morans, comparato paucorum dierum comineatu, Epicuri Mundos peragrato. Terminos igitur Tethyn, & Oceanum facile transuolo. In nouum autem Mundum, & quasi in aliam ciuitatem ingressus, cuncta paucis diebus metior. Illic iterum transcendendo in tertium Mundum: postea in quartum, & quintum, decimum, & centesimum, & millesimum, & quo tandem vsque? omnia enim iam mihi ignorantie tenebre sunt; & nigra frons, & infinitus error, & imperfecta cogitatio, & incomprehensa inscientia: nisi ipsas etiam atomos immonerem velim, à quibus tot Mundi orti sunt, vt nihil inexcusum prætermittam, præsertim res tam necessarias & vitales; vnde & domus, & ciuitatis felicitas pendet. Hæc itaque enarraui, vt contrarietatem, quæ in eorum opinionibus est, patefacerem; & inquisitionem rerum, quam suscipiunt, & infinitum vagari, & nullo termino contineri, eorumq; finem esse inexplicabilem, atque inutilem; quippe quod nulla re euidenti, & ratione perspicua confirmetur.

Hæc, & consimilia, oracula nostra de Gentilitatis Sapientibus retulerunt, quæ, vt aliena, omitto. Sed quod maximè demiror, præstantissimi ex nostris plures Mundos extare, nisi sunt asseruisse.

H I E R O N Y M V S Commentariorum libro primo, in Epistolam ad Ephesios, capite secundo, perpendens illud Pauli; In quibus aliquando ambulastis secundum sæculum Mundi huius, D. Clementem Papam, ac Martyrem, multos Mundos existimasse asserit.

Querimus quoq; quid sit; In quibus aliquando, &c. Vtrum nūc & aliud sæculum sit, quod non pertineat ad Mundum istum, sed ad Mundos alios: de quibus & Clemens in Epistola sua scribit; Oceanus, & Mundi, qui trans ipsum sunt? An vnus iste Mundus sit; qui ab initio sæculi, quo factus est Adam, vsque ad terminum suum voluatur, & transeat.

Cæterū nostra Sacra Theologia, cunctarū scripturarum conspiratione, omniū Patrū obtestatione, annuente etiam saniori Philosophia, hæc placita adeo reiicit, ac rescindit, vt nobis onus non superfit prolixius ea confutandi. Scriptura siquidem vnius Mundi, eiusq; finiti, ac certa immensitate conclusi, genesis prodit. Patres has Philosophorum assertiones ob id recitant, vt ex his, quantum obsolescat eorum Philosophia, manifestò demonstrent.

A T H A N A S I V S Oratione contra Idola, vnicum esse Mundi opificem à Mundi vnitare ingeniosè conuincit, concludensq; , in hæc incidit verba.

Quapropter cum vna sit rerum natura, vnus Mundus, eiusq; vnus ordo: vnum illius intelligere debemus & Regem, & Opificem Dominum nostrum. Ideo enim ipse Opifex vnum (in vniuersum) Mundum condidit, ne de multorum numero multi etiam opifices existimarentur, sed ex vno opere, vnus quoque illius auctor crederetur. Verū non quia vnus est conditor: ideo quoque necessarium est, vt vnus sit Mundus. Poserat

Cœlum.

- a. Cœlum dicitur, vel quia celat, vel quia excelsum est, vel quoniam celatum est stellis.
 b. Cœlum per synecdochen accipitur: & est pars pro toto, quia plures sunt Cœli.
 c. Cœlum primum omnium effectum est; quia quamvis sapientia idest Angeli dicantur ante omnia facti, non ante Cœlum, sed cum ipso prodire.

Anno Mundi
 primo.
 In exordio
 temporum.
 Ante dies.

Poterat enim & alios Mundos construere Deus: sed quia vnus est Mundus creatus, necesse est Creatorem eius vnum credere.

Quantum autem ad locum à Hieronymo adductum spectat; existimo quòd bene ponderantibus D. Clementis verba apparebit, eum fortè Mundi nostratis partes incognitas & priscis incomptas, Mundos appellare, cum ait; Oceanus, & Mundi, qui trans ipsum sunt. Prenouit siquidem tantus Pater & Papa, Spiritus Sancti afflatu plagas illas, quas Christophorus Columbus, & Vespuccius Florentinus mirifico ausu, ac stupendo euentu amplissimi Oceani vastitate superata, incomparabili sua, atque ætatis nostræ gloria comperierunt, atque Mundum nouum deinceps appellarunt.

- a. Cœlum dictum, vel quia celat, vel quia excelsum, vel quia celatum est Stellis.

B E D A Expositione in Genesim.
 Cœlum dicitur, eo quòd celat arcana, vel à celsitudine, vel à celatura.

Cœlum vnde
 dicitur.

- b. Cœlum hic per synecdochen dicitur; & est pars pro toto, quia plures Cœli.

B E D A vt supra.
 Quam autem hic Cœlum singulariter dictum sit, in multis Scripturæ locis pluraliter Cœli reperiuntur: vt est, Cœli enarrant gloriam Dei. Et, Qui fecit Cœlos in intellectu. Et, Benedicite Deum Cœli Dominum. Et, Laudate eum Cœli Celorum. Cœlum hic synecdochicè dicitur, idest, pars pro toto. Cœli hic propriè dicuntur, quia multi sunt: vt,

Psal. 18.
 Psal. 134.
 Tob. 12.
 Psal. 148.

Scinditur auricolor Cœli septemplex æther.
 Quorum hæc sunt nomina, aër, æther, Olympus, spacium igneum, firmamentum, Cœlum Angelorum, & Cœlum Trinitatis. Hieronymus autem primo dicit Cœlum Trinitatis, secundo Angelorum, tertio firmamentum.

Ex quibus apparet, Bedam Cœli nomine intelligere quicquid supra nos est.

- c. Quamquam Sapientia, idest Angeli dicantur ante omnia facti; non ante, sed cum Cœlo prodire.

AUGUSTINVS de Gen. imperfecto, capite tertio.

An non potuit inter creaturas primum fieri Cœlum & Terra, si Angeli, & omnes intellectuales potestates primum factæ sunt? Quia & Angelos creaturam Dei, & ab eo factos credamus necesse est. Nam & Angelos enumerauit Propheta in centesimo quadragesimo octauo Psalmo, cum dixit; Ipse iussit, & factæ sunt: ipse mandauit, & creata sunt.

Sequitur Augustinus differere de Angelis; num creati sint in tempore, num in exordio temporis: videturque diffinire, quòd & ipsi cum tempore effecti fuerint, & pariter cum Cœlo, nihilque esse Deo coæternum.

EUCHERIVS Commen. in Gen. libro primo, capite primo.

Cœlum & Terram; Si primo omnium factum est Cœlum & Terra; Angeli postmodum facti sunt. Si Angeli ante facti sunt, non primo omnium fecit Deus Cœlum & Terram. Cœli nomine quidam celestem, idest Angelicam creaturam creatam existimant.

Anno Mundi
primo.
In Exordio
temporum.
Ante dies,

Cœlum.

a. Natura, ac figura Cœli temerè perquirenda non est.

B E D A Expositione in Genesim.

In principio creauit Deus Cœlum, & Terram; Contrarium hoc videtur, quod dicitur: Quando feci Cœlum, & Terram, laudauerunt me Angeli; sed tamen non est contrarium, quia simul facta sunt omnia.

Et Quæstionibus in Genesim.

In principio creauit Deus Cœlum, & Terram: Angeli postmodum facti sunt. Si Angeli ante facti sunt, non primo omnium creauit Deus Cœlum, & Terram. M. Quando facta sunt simul sydera, ait Scriptura: Laudauerunt me Angeli mei voce magna. Quarta die facta sunt sydera, etiam erant Angeli. Neque enim die tertio, neque secundo facti sunt. In his enim apparet, quæ facta sunt. Tertia die, scilicet, Terra ab aquis discreta est. Secunda factum est firmamentum, ubi Sol & Luna discurrent, & sydera. Porro primus dies ipse est Angelica natura, quæ primo Celi nomine nuncupata est.

H V G O Carenis in Postillis.

Primo omnium creata est Sapientia: non ergo in principio creauit Cœlum &c. Sol. Primo omnium dicit propter dignitatem: vel primo omnium, id est ante ipsam nihil: vel primo omnium creata, id est præuisa creati: vel creata, id est genita, secundum quod de Filio exponitur. Vel prima, id est vna de primis, vel inter primas creaturas: sicut Fides dicitur prima, id est, vna de primis. Item super Epistolam ad Titum, dicit Hieronymus, quod Angeli seruierunt Deo ante tempora. Sed exponi: Seruierunt Deo; id est, in præscientia Dei: sicut illud Apocalypsis decimotertio; Agnus, qui occisus est ab origine Mundi; id est, præuisus occidi.

Si Sapientiæ nomine Verbum æternum intelligimus, certè Cœlum, & Terra primo omnium creata sunt; quia Sapientiæ æterna non potest dici creata, sed ab æterno generata, nec vnquam initium sumpsit: sin verò Sapientiæ nomine intelligimus Angelos, & ipsos coæuos manasse Mundo, & pariter Cœlo & Terræ, supra demonstraui.

a. Natura, ac figura Cœli temerè perquirenda non est.

Non curiosè inuestigandum est, quæ Cœli sit natura, & quæ eius sit figura, sed simpliciter Scripturæ credendum, formatum esse, quasi fumum, & constitutum vt fornitem; alioquin in nugas Platonicas, qui Cœlum ex quatuor elementis, vel Peripateticas, qui ipsum ex quinta essentia constare dixerunt, incidemus.

B A S I L I V S Hexameron, Homilia prima.

Quod si separatim inuestiganda esset cuiusvis earum rerum, quæ sunt, essentia: aut earum quas contemplamur, aut earum quæ sensibus nostris obijciuntur: longum profecto, atque à re proposita seiunctum admodum interpretationi sermonem adferret, vt in exquirendis illis verba longè plura reliquis essent consumenda, quæ de singulis eorum, quæ querimus dici possunt. Adde etiam, neque vllum operæpretium ad ædificationem Ecclesiæ tale studium, negociumque conferre. Sed de substantia Celi satisfaciunt ea nobis, quæ ab Esaia Propheta sunt dicta, qui vulgaribus verbis idoneum de ipsius natura sensum nobis aperuit, cum dixit; Qui firmamentum Cœli, quasi fumum: id est, qui tenuem naturam, non solidam, neque crassam, ad constituendam Celi substantiam fecit. De figura quoque satis sunt ea, quæ idem ille dixit, Dei gloriam enarrando; Qui constituit, inquit, Cœlum, vt fornitem. Et post. Hæc eadem de Celi quoque natura dixerimus. Complures enim & eadem verbis prægrauide commentationes à Mundi Sapientibus ad nos vsque transmissæ sunt de Celi natura. Quidam enim quatuor ex elementis ipsum constare dixerunt; quippe cum tangi possit, atque conspiciatur: & Terra quidem renitens, ac soliditatis ratione: ignis autem ob aspectum, & ceterorum, mixtionis causa, particeps sit. Quidam hac opinione, velut non probabili posthabita, repulsaque, quintam quandam naturam corporis ad Cœlum constituendum suapte ingenio, atque ex seipsis commentitiam, & pro tempore excogitatam introduxerunt. Estque apud eos æthereum quoddam corpus, quod nec ignis sit (vt inquit) nec aër, nec terra, nec aqua, nec omnino vnum aliquod simplicium corporum.

Exinde

Terram.

Anno Mund
primo
In exordio
temporum.
Ante dies.

- a. Non temerè inuestigandum, quæ Terræ sit natura, vel conditio.
- b. Nec quomodo immota, atque inconcussa consistat.

Exinde Peripateticorum principis Aristotelis rationes eas adducit, quibus Cœlum quintam esse essentiam probare posse ipse sibi persuaferat, quas hoc loco nos prætermitimus, quòd eas in quæstione de substantia Cœlorum, tum ex Aristotelis textu, tum ex hoc Basilij loco sumus adducturi, ut quàm mirificè Basilius Aristotelis mentem assequutus sit, demonstramus. Post quæ hæc habet.

Ob has itaque ratiocinationum (ut aiunt) necessitates, maiorum suorum rationibus reiectis, illis opus fuit, suam ut suffulcirent opinionem, priuam quædam, ac peculiari suppositione, qui quintam quandam corporis essentiam, ad Cœli, syderumq; constituendam generationem supposuerunt. Alius è diuerso ex ijs vnus, qui per atatem se in argumentis exercere generis persuatorij, hos adortus, ista quidem & digessit in ordinem, & mox dissoluit: neque id fecit modò, sed & suomet commentus ingenio propriam inuexit opinionem. Hisce de rebus nunc si aggrediemur dicere, in nugas perinde atque illi, incidemus. Quare illis omisissis, sese ut mutuis elidant controuersiarum digladiationibus, sermone itidem de essentia posthabito, Moysi fidem habeamus asseruenti, quia fecit Deus Cœlum, & Terram.

AMBROSIVS Hexæmeron libro primo, capite sexto.

De qualitate igitur, & substantia Cœli, satis est ea promere, quæ in Esaïæ scriptis reperimus, qui mediocribus, & vsitatis sermonibus qualitatem naturæ Cælestis expressit, dicens, quod firmauerit Cœlum sicut fumum, subtilem eius naturam, nec solidam cupiens declarare. Ad speciem quoque eius abundat, quod ipse de Cœli firmamento loquutus est, quia fecit Deus Cœlum sicut cameram, quòd intra Cœli ambitum vniuersa claudantur, quæ vel in mari geruntur, & terris. Quod similiter significatur, cum legitur; Quia Cœlum Dominus extendit. Extenditur enim vel quasi pellis ad tabernacula, habitationesq; Sanctorum, vel quasi liber, ut plurimorum scribantur nomina, qui Christi gratiam, fide, & deuotione meruerunt: quibus dicitur; Gaudete, quia nomina vestra scripta sunt in Cœlo. Et post. De natura autem, & qualitate substantiæ Cœli, quid enimefferant, alij quinquam quandam naturam noui corporis ad constitutionem eius inducant, atque affingant æthereum esse corpus, cui neque ignis admixtus sit, neque aer, neque aqua, neque terra: quòd huiusmodi elementum suum quendam cursum habeant, atque vsum & motum naturæ, ut grauiora demergant, & in prouum ferantur, vacua & leuia in superiora se subrigant.

Psal. 103.

Luc. 10.

Prosequitur Ambrosius, (qui certè interpres Basilij potest appellari) Peripateticorum fundamenta & rationes exponere, ac reijcere: sed de hoc aliàs.

- a. Non temerè inuestigandum, quæ Terræ sit natura, et conditio.

BASILIVS Hexæmeron Homilia prima.

Hæc eadem & de Terra vobis ipsis consulimus, ut ne eius substantiam, quæ illa tandem sit, curiosius perscrutemini, neue vos ipsos ratiocinationum argutiolis deteratis, aut inaniter maceretis in ipso perquirendo subiecto: neque naturam aliquam qualitibus destitutam, & quæ pro sua ratione expers sit qualitatis, quæramus: sed probè teneamus, quòd omnia, quæ contemplamur in ipsa, ad eam rationem sunt accommodata, ut essent: quippe quæ essentiam ipsius adimpleant. In nihilum enim omninò desieris, si singulas eas, quas obinet qualitates, ratiocinando coneris auferre. Nam si nigredinem, si frigiditatem, si grauitatem, si densitatē, si denique qualitates eas, quas sibi gustus vendicat, aut si quas alias inesse Terræ videmus, amoueris, nihilum relinquetur subiectum.

- b. Nec quomodo immota persistat.

Nec temerè inquirendum, num super aërem, vel aquam, vel nihilum sua grauitate suspensa immobilis persistat; cum Dei virtute ipsam consistere sit credendum.

Basilius loco iam à nobis citato, Ambrosius Hexæmeron libro primo, capite sexto, Damascenus libro secundo, capite decimo, & alij disputationem eam hoc loco exci-

AnnoMundi
primo.
In exordio
temporum.
Ante dies.

Terram.

- a. Terram super aërem fundatam.
b. Vel super aquas extensam.

tant, super quod, vel qua uirtute terra immobilis consistat. Quapropter non possum di-
sceptationem hanc prætermittere, singulasq; non recensere sententias.

a. Terram fundatam super aërem.

Sententiam hanc memorant præfati Patres, & simul confutant.

BASILIVS loco asserto.

His igitur posthabitis, nec illud queramus, moneo: super quonam subiecto Terra fundetur, atque quiescat. Hoc enim pacto mens vertigine velut facta perturbabitur, ad nullum certum sanè finem ratiocinatione tua proficiscente. Siue enim latitudini Terræ substratum dixeris aërem esse; dubitabis quonam pacto permollis illa, multumq; inanis natura sub tanto pressa pondere perduret, ac renitatur, nec confidentiam tanta molis fugiens vndiq; dilabatur, perpetuoq; ad superna tendens super opprimentis se telluris superficiem effundatur.

AMBROSIVS Hexameron libro primo, capite sexto.

De Terræ quoque vel qualitate, vel positione tractare, nihil profit ad spem futuri, cum satis sit ad scientiam, quod Scripturarum diuinarum series comprehendit, quia suspendit Terram in nihilo. Quid nobis discutere, utrum in aëre pendeat, an super aquam, ut inde nascatur controuersia, quomodo aëris natura tenuis, & mollior, molem possit sustentare terrenam?

Hoc ipsum Damascenus, ut post videbimus.

b. Vel Terram extensam super aquas.

Thaletis uetustissimi Philosophi fuit sententia; Terram fundatam esse & sustentari super aquas, quasi eis insidentem, & innatantem. Aristoteles septem commemoras opiniones vetustorum Philosophorum de Terræ stabilitatis causa, hanc non prætermisit. Ex nostris autem

CLEMENS Papa Recognitionum libro octauo.

Si verò, ut alijs visum est, super aquas posita sphaera, vel super ipsas fertur, vel in ipsis voluitur; etiam sic magni in ea artificis opus declaratur.

CHRYSOSTOMVS Homilia in Psalmum centesimum tertium.

Qui fundasti Terram super stabilitatem suam. Aquila autem, & Symmachus, Super sedem suam. Quam autem stabilitatem intelligis? Propheta? nimirum ubi tanta aqua, tamq; immensam pelagus subiicitur, quod eam velut tergo gestat. Nam etiam alio loco hoc indicans, dicebat; Qui firmavit Terram super aquas. Quoniam enim minimè firmum, ac tutum erat fundamentum, verum perquam infirmum, & imbecille, idcirco summus ille rerum effector stabilitatem in ea collocauit. Quanam autem est hæc stabilitas? effectoris scilicet potentia; In manu enim eius omnes fines terræ.

Et Oratione quinta de dicto illo: Sufficit tibi gratia mea.

Fecit Deus Cælum, & Terram. Et Terram quidem soli instar statuit, aquamq; eidem subiecit. Fundamentum quidem edificij vidiisti: superior quidem erat Terra, inferior autem aqua. Atqui secus Architecti faciunt: qui aquas primum quidem exhauriunt, tum demum fundamenta iaciunt. Deus verò aquis fundamentum superstruxit: ne tu firmitatem fundamenti, sed potestatem opificis admireturis: sed uti initio institueram dicere, summa cum attentione mihi adeste.

EVSEBIVS, ut in Catena, super Psalmum vigesimum tertium.

Quomodo tanta moles super humentem, & liquidam naturam constitisset, nisi omni virtute præpotens Dei Verbum Terræ orbem cum ijs, quæ in eo sunt, continuisset: non temerè enim, ac fortuito condita terra est, & huiusmodi figura circumscripta: Sed Domini potentia mirabilium effectrix, opifex admirabilis, tam ingentem grauitatem, & plenitudinem Terræ, & habitantes in ea, super humeros aquarum ferri sublimes voluit: ideo de illo dictum est; Super maria fundauit eum. Non enim seipsa Terra, quæ grauis est, & anima caret, super maris abyssos firmavit, sed omnium factor Dei filius fundauit.

HILARIUS Enarratione in Psalmum centesimum trigesimum quintum.

Qui firmavit Terram super aquas, quoniam in secula misericordia eius. Alius nos querere ratio tractatus presentis, & loci non sinit. Satis sit, Terram super aquas pendula firmitate consistere, ex prophetica auctoritate didicisse: inumbratum Celi temperatoris obtentu hoc firmamentum, quod extensum tanquam pellis, & solidatum tanquam fumus, aquas supernas, infernasque discernat, certè aquis pendulam contineri. Et in hoc, sicuti in omnibus, ea causa est, quoniam in secula misericordia eius.

PROCOPIUS Commen. in Gen. capite primo.

Quod autem vniuersa Terra in aquis subsistat, nec vlla sit pars eius, quæ infra nos sita est, aquis vacua, & denudata, omnibus notum reor. Nam sic docet Scriptura; Qui expandit terram super aquas. Et iterum: Quia ipse super maria fundavit eum, & super flumina præparauit eum. Sola itaque terræ superficies, quæ penes nos est, intelligitur, dum ait; Congregentur aquæ sub Cælis in locum vnum.

Psal. 135.
Psal. 23.

In hanc sententiam concedere videntur Patres illi, qui Mundum non sphericum, sed semisphericum esse arbitrantur, vt Iustinus, Seuerianus, Acacius, & alij. De quibus nos alio loco.

Quæst. 130.

Huic placito maximè adstipulari videtur Scripturæ sacræ. Deus nanque Israëlitiæ genti legem tradens, sic inquit; Non facies tibi sculptile, neque omnem similitudinē, quæ est in Cælo desuper, & quæ in Terra deorsum, nec eorum, quæ sunt in aquis sub terra. Sed clariùs hoc docet Dauid in Psalmis dicens; Quia ipse super maria fundauit eum, scilicet Orbem terrarum; & super flumina præparauit eum; Atque iterum; Qui firmavit Terram super aquas. Auctor libri quarti Esdræ hanc sequitur sententiā. Petrus tandem in Epistola sua inquit; Celi erant prius, & Terra de aqua; & per aquam consistens Dei verbo.

Exod. 20.

Psal. 23.

Psal. 135.
2. Pet. 3.

Cæterum hanc sententiam Patres quamplures repudiant, atque redarguunt.

BASILIVS in Hexameron, Homilia prima.

Rursus, si supposueris, aut statueris tecum, aquam terræ subiectam esse: hoc quoque pacto quæres, cur pergrauæ, densumque corpus non penetret aquam, sed illi immergat: sed à debiliore natura corpus illud terræ adeo pondere exuperans detineatur? Ad hæc ipsius etiam aquæ sedem si quæsieris: iterum dubitabis, cui nam corpori solido, renitentiq; vltimus ipsius infideat fundus. Quod si aliud quoddam corpus, quod terra sit solidius, tellurem, ne ad ima subsidat, prohibere ex suppositione dixeris: & illud quoque cogitabis, alio quodam opus habere, à quo suffulciatur, ac prohibeatur, ne & ipsum ad ima decidat. Et si quippiam illi ex suppositione commentitia affinxeris: & isti iterum aliud mens nostra fundamentum quæret: atque hoc pacto in infinitum abibimus, fundamentis inuentis alia rursus excogitantes. Denique quanto longius ratione progressi fuerimus, tanto maiorem asferre, subducereque vim renitendi cogemur, ad totam illam superpositam molem sustinendam.

AMBROSIVS Hexameron libro primo, capite sexto.

Aut quomodo si super aquas, non pondere mergatur in aquam grauis terrarum ruina? aut quomodo ei maris vnda non cedat, & in latera eius sese loco suo mota diffundat?

Desumuntur igitur rationes istæ ex his Patribus: primum, quoniam pari ratione de aqua quæri posset, super quod ipsa fulciatur, & sustentetur: Deinde, cum Terra sit grauior ipsa aqua, consentaneum videtur aquam potius à Terra, & non Terram ab aqua sustineri: nam cum idem iudicium sit ferendum de tota Terra, quod de parte, sicut Terræ partes proiectæ in aquas, non ipsis supernatare, sed in imum demergi cernuntur; multo magis id de toto Terræ elemento sentiendum est. Tandem quia experimento cognoscimus, flumina, mariaq; etiam vastissima, sedem sibi in specubus, & cauernis terræ vendicasse. Quantū autem ad auctoritates adductas spectat, loci illi Scripturarum, qui asserunt Terrā esse fundatam super aquas, à Patribus variè explicantur. Exponunt primo nonnulli fundasse, seu firmasse Deū Terram super aquas, quia in aliquibus locis supereminet aquis. Augustinus hoc tradit enarratione in Psalmum centesimum trigesimum quintum; Rufinus Comment. in Psalmum vigesimum tertium; Euthymius, & Prosper pariter Commentarijs in eundem Psalmum, & Pererius hoc loco. Interpretantur alij secundo loco; Deus fundauit Terram super aquas; hoc est, iuxta aquas. Ita exposuere Basilius, Damascenus, vt postea ex eorum sententijs adducendis, patet; ita etiam Cassiodorus Commentarijs in Psalmum centesimum trigesimum quintum; Haymo Commentarijs in eundem Psalmum; Theodoretus, vt habetur in Catena super Psalmum vigesimum tertium; Bruno Chartusianus pariter in Psalmum centesimum trigesimum quintum. Tertia est expositio ea, quam pariter adducunt nonnulli,

Rationes Basilij, & Ambrosij, quod Terra non sit super aquas fundata.

Qui firmavit Terram super aquas, exponitur.

Anno Mundi
primo.
In exordio
temporum.
Ante dies.

Terram.

- a. Terram suo pondere libratam, in medio, siue in Mundi centro, tanquam in naturali loco quiescentem.
- b. Siue melius, Terram immotam Dei virtute & mandato consistentem.

nonnulli, qui id referunt ad primum statum Terræ in Mundi exordio, cum vndique aquis obtegeretur, & operiretur: & exponunt super aquas, idest, In aquis; quia in medio aquarum locata erat. &c. Pererius has tres etiam memorauit. Non deest & quarta elucidatio, quæ Terram non omnem, sed habitabilem, & aridam super aquas considerare suspicatur, cuius argumentum esse videtur, quod aquas in profundo Terræ reperiimus. Interpretationem hanc Commentarij Auctoris incogniti in Psalmum centesimum trigefimum quintum detulerunt.

a. Terram suo pondere libratam in medio, seu centro Mundi.

Philosophi, Mathematicique omnes Terram in centro immotam quiescere ea de causa, quod in proprio consistat loco, perhibent. Aristoteles profecto id perspicue edocet: sed audiamus nostros hoc placitum referentes.

BASILIVS Homilia præfata.

Iam verò quidam interpretes naturæ, terram persistere immobilem tales etiam ob causas magno cum apparatu verborum contendunt; nimirum, quod mediam regionem vniuersi occupauerit, quodque æqualem indequaque ad extrema elongationem sortita, non iam habeat, in quam potius deuerget partem, aut se acclinet. Quum enim similis, parve æqualitas omni ex parte ipsam ambiens impossibilem inclinationem inducat ipsi et in vnam aliquam partem, necessario in se ipsa permanet.

Dehinc voluisse Philosophos, Terram centrum Mundi sortitam esse grauitatis ergo his demonstrat.

Proinde medium hunc locum Terram esse sortitam volunt: non quasi partito, aut casu quopiam: sed quod illi naturalis sit, & necessaria eiusmodi positio. Nam cum locum versus superæ cælestis corpus extremam regionem obtineat: quæ nos (inquunt) inde pondera cadere supposuerimus è supernis, ea suo pte natu medium vndeque petent, ad ipsumque ferentur. At ad quod cuiuspiam partes suapte natura feruntur, nimirum ad id, & totum ipsum iidem feretur, ac impelletur. Quod si lapides, si ligna, si terrestria omnia, ad inferum mouentur locum: hæc eadem etiam, & toti sanè propria fuerit, accommodataque positio Terræ. Si leue aliquid à medio Mundi suo pte motu ciebitur: proculdubio sua illa motione suprema peter. Est itaque grauissimo cuique corpori propria hæc latio, vt deorsum feratur. At vniuersi medium, inferum esse locum nostra iam oratio demonstrauit. Noli itaque mirari, si nulla sui parte Terra excidit: quippe quæ medium ipsam occupet vniuersi, locum accommodatissimum sibi natura. Omnino enim aut manere ipsam eo in loco necesse sit; aut si motu præter naturam cieatur, à sua propria dimoueri sede.

Volunt igitur cuncti Philosophi, causam stabilitatis & firmitatis Terræ esse naturalem eius grauitatem, vt edocuit Basilivus, qua cogente, Terra petijt Mundi centrum, in quo locata naturaliter quiescit, & immota persistit; nec id miraculo tribuendum esse, sed potius miraculum dici deberet, si extra centrum ipsa ferretur, cum omnis locus extra centrum, centro sit superior. Suffragari possunt huic sententiæ nonnulla scripturarum loca, vt ille Psalmi; Fundasti Terram super stabilitatem suam, & non inclinabitur in sæculum sæculi. Quid enim aliud est stabilitas, nisi pondus ipsum, quo in centro librata immota permanet? & Iob; Qui appendit Terram super nihilum; hoc est super nullum fundamentum; cum alia basi non indigeat, quia suo pondere fulcitur, & sustinetur.

b. Terram immotam: consistit enim Dei mandato, et virtute.

Patres omnes huic sententiæ accedunt, vt Terræ inconcussam immobilitatem Dei virtuti, ac prouidentie ascribant.

2. Coel. tex.
98.

Psal. 103.

Iob 26.

IUSTINVS Quæstione centesima trigesima.

Sustinent igitur Cælum aquæ, aquas Terra, Terram diuinus nutus; qui Terram, inquit in re nulla suspendit.

Iob 26.

BASILIVS Hexæmeron Homilia prima.

Quamobrem modum, finesq; menti statuito, ne tuam nimiam inuestigationem, qua perscrutaris ea, quæ comprehendi minime possunt, Iob sententia carpat: interrogerisq; ab ipso & tu, super quo Orbes, siue annuli Terræ firmati sint. Sed & si in Psalmis audieris vnquam; Ego confirmaui columnas eius: vim eam qua continetur, atque stabilis est, dictam esse columnas puta. Nam illud; Super maria fundauit eam: quid aliud quam vndiq; Terræ naturam aquæ circumfusam esse significat? At cum fluida sit aqua, & ad declinua suapte natura ruere soleat, quomodo sublimis manet, nulla; sui parte defluit? At Terram etiam in se ipsa suspensam esse, atque pendentem non animaduertis, eandem, immo verò maiorem dubitationem asserre: quippe cum natura aquæ elemento sit longè grauior? Quinetiam, siue per se ipsam consistere concesserimus Terram, siue super aquis stabilitam esse dixerimus, non discedamus vnquam à pia, & religiosa sententia; sed simul omnia per eius, qui condidit, contineri potentiam fateamur. Hæc igitur, & nobis ipsis dicamus oportet, & ijs, qui nos percontantur, cuius corpori veluti subiecto fundamento, tam immensum hoc, intolerabileq; Terræ pondus inicitur, quod in manu Dei sunt omnes fines terræ. Sanè id responsi, & nobis est ad parandam Scripturæ intelligentiam tutissimum, & auditoribus conducibile.

Psal. 74.

Psal. 94.

Et cum Philosophorum sententiam retulisset, qui grauitatis ratione in centro collocatam Terram autumant, adiicit.

Si quid eorum, quæ dicta sunt, probabile tibi videatur, ad Dei sapientiam, quæ res omnes ita instituit, atq; disposuit, admirationem transfert. Non enim admiratio, quæ maximas ob res oritur, cum modus, cuius gratia sit aliquid admirabile, fuerit inuentus, immitti solet: sin hoc, at certè, simplicitas fidei rationalibus demonstrationibus plus apud te obtineat.

AMBROSIVS Hexæmeron libro primo, capite sexto, simul & Dei virtute Terram inconcussam manere edisserit, & Philosophos immeritò eius immobilitatem grauitati adscribere edocet.

Muli etiam in medio aëris, terram esse dixerunt, & mole sua immobilem manere; quòd æquabili motu hinc, atque inde ex omni parte propendeat. De quo satis putamus dictum à Domino ad Iob seruum suum, quando loquutus per nubem ait; Vbi eras cum fundarem Terram? Indica mihi, si habes scientiam. Quis posuit mensuram eius, si nosli? Aut quis est, qui superinduxit mensuras super eam, aut super quid circuli eius contur fluctus tui. Et Post. Conclusi mare portis, & dixi: Usque huc venies, & non transibis, sed in te comminueras? Neque enim creatura legem tribuit, sed accepit, & seruat acceptam. Non ergo, quòd in medio sit Terra, quasi æqua lance suspenditur, sed quia maiestas Dei voluntatis suæ eam lege constringit, vt supra instabile, atque inane stabilis perseueret: sicut Dauid quoque Propheta testatur, dicens; Fundauit Terram super firmamentum eius, non inclinabitur in sæculum sæculi. Non vtique hic, quasi tantummodo artifex Deus, sed quasi omnipotens prædicatur; qui non centro quodam Terram, sed præcepti sui suspendit firmamento, nec eam inclinari patitur. Non ergo mensuram centri, sed iudicii diuini accipere debemus, quia non artis mensura est, sed potestatis. Mensura iustitiæ, mensura cognitionis, quia omnia, non tanquam immensa prætereant eius scientiam, sed cognitioni eius tæquam dimensa subiaceant. Neq; enim cum legimus; Ego confirmaui columnas eius: sineat. Denique quia in potestate Dei sit Terræ constitutio, etiam hinc collige, quòd scriptum est; Qui aspicit Terram; & facit eam tremere. Et alibi; Adhuc ego semel concutio terram. Non ergo libramētis suis immobilis manet, sed frequenter Dei nutu, & arbitrio commouetur, sicut & Iob dicit; Quia Dominus commouet eam à fundamentis: columnæ autem eius exagitantur. Et alibi; Nuda inferna in conspectu eius, & non est morti inuolucrum, extendens boream pro nihilo, suspendens Terrā in nihilum, alligans aquam in nubibus suis. Columnæ Cæli auolauerunt, & expauerunt ab increpatione eius, virtute mitigauit mare, disciplina strauit cælum, claustra autem Cæli timent eum. Voluntate igitur Dei immobilis manet, & stat in sæculum Terra, secundum Ecclesiastæ sententiā, & voluntate Dei mouetur, & nutat. Non ergo fundamentis suis nixa subsistit, nec fulcris suis stabilis perseuerat, sed Dominus statuit eam, & firmamento voluntatis suæ continet: quia in manu eius omnes fines terræ. Et hæc fidei simplicitas argumentis omnibus antecellit.

Iob 38.

Sap. 11.

Psal. 92.

Psal. 74.

Psal. 103.

Agg. 2.

Iob. 26.

Psal. 94.

DAMASCENVS libro secundo, capite decimo.

Hi enim aiunt ipsam super aquas fundatam, & firmatam esse, vt diuinus inquit Dauid; Qui firmavit terram super aquas; illi vero super aërem. Alius autem ait; Qui firmavit terram super nihilum. Et rursus diuinus Dauid in persona opificis; Ego, inquit, firmaui columnas eius, continentem terræ virtutem columnas nominans. Quod autem ait; Super maria fundauit eam, ostendit vndiq; terræ circumfusam aquæ naturam. Et siue dabimus ipsam in seipsa, siue in aëre, siue in aquis, siue in nihilo firmatam, stabilitamq; esse, decet nos in nullo pie aduersari intelligentiæ, confiteri simul omnia à virtute eius, qui creauit, contineri, fulciri, ac constringi.

HIERONYMVS Commentarijs in Iob, capite vigesimo sexto.

Qui extendit aquilonem super vacuum, & appendit Terram super nihilum. Hoc sic intelligendum est, siue quod Terra ex nihilo facta sit, siue nihil infra Terram sit, quo Terra sustineatur: cum ipsa, vniuersa sustineat, & ipsa innumerabiliter Dei virtute libretur: quia in ipso sunt vniuersa, & ab illo omnia continentur. De quo Apostolus dicit; Portans omnia virtutis sue verbo.

Hebr. 1.

Cap. 26.

GREGORIUS Theologus, vti in Catena Græca in Iob.

Quid de ventis, attinet dicere? Quandoquidem Terram vniuersam ea, quæ cerni non potest, continet, nullo firmamento subnixam. Quæ tandem ratione stabilis, ac firma perseverat? Quid illud est, quod eam sustinet? Et quid illud item sustentet, ac firmet? sanè nihil ratio reperit, vbi insistat, nisi Dei voluntatem, quæ illam suspendit, atque firmavit: nec quidquam est aliud, quo Terra teneatur, ac fulciatur.

PROSPER Expositione in Psalmum centesimum tertium.

Matth. 24.

De Terra ista laboriosè asseritur, quod non inclinanda sit in seculum seculi, cum dictum sit; Cælum & Terra transibunt. Nam fundatam eam super firmitatem suam, possumus ita intelligere, vt illa vis, qua sustentatur, & continetur, firmitas ipsius dicta sit: quæ licet abscondita à nobis sit, tamen rectè creditur in sapientia, & virtute Creatoris, qui omnia in se firmavit, in quo & omnia condidit.

AUCTOR.

Duæ primæ
sententiæ reij
ciuntur.

Duæ postre
mæ sententiæ
acceptantur.

Sap. 14.

Iob. 38:

Psal. 103.

Iob. 26.

Psal. 93.

Ecclesiast. 1.

1 Paralip. 16.

Psal. 74.

Possem si luberet, Patres quamplures Terræ stabilitatem, & firmitatem, Dei virtuti attribuentes, huic loco adijcere: Nam omnes ferè, vt maximè pii, non quidem in naturam, sed in Deum naturæ auctorem id ipsum referunt, quod à sex his Patribus præstantissimis audiuius. Quantum verò ad quatuor præfatas sententias spectat, eam primam, quæ super aërem Terram fundatam asseuerat, omninò erroneam esse clarissimū est; eò maximè, quod nec eius auctor à Patribus nominari conspiciatur. Secunda verò, quæ super aquas extensam Terram asserit, præstantissimos certè habet propugnatores; atque eos omnes, qui Mundum non sphæricum, sed semisphæricum esse arbitrati sunt; & ex substratis immensis æquoribus Terram extumescere, ac emergere nonnullis in locis putarunt, Antipodasq; , seu hemisphærium suppositum negarunt, & Cælum amplius non circumferri, sed immobile consistere; astra verò per ipsum, quasi aues per aërem permeare ab Ortum in Occasum; & inde sub aquis ad Ortum redire Aquilonari in parte edocuerunt. Quæ tamē sententiæ, licet à grauissimis Patribus amplexata, quam aberrans sit, atq; à veritate aliena, infra luculentius demonstrabitur. Duæ postremæ sententiæ simul connecti possunt. Diffinire certè non erit in consentaneum, Terrā in centro quiescere, immoramque consistere grauitatis suæ causa, vt bene ponderauit Basilus. Verum cum ipsi hanc naturam, & pondus opifex ille, qui omnia fecit in pondere, numero, & mensura, contulerit, meritò asseuerare possumus, Terram Dei virtute immobilitatem, firmitudinemq; assequutam esse, cum à Deo pōdus ipsa acceperit, cuius ratione, & accessu immobilitas, ac quies inconcussa illi obuenit. Cæterum Philosophi, & Scholastici nonnulli, vt naturæ indagatores, naturalem vim tantum perpendūt, nec ad Deum naturæ auctorem ascendunt, naturæq; id tribuunt, quod rerum proprietates insequi intuentur. Patres verò admodum pii ad naturæ Creatorem conscendentes, omnia Deo ascribunt, vtpote rerum omnium, proprietatum, naturarumq; largitori, ac moderatori. Quapropter hoc in loco, immobilitatis Terræ non pondus, quo in centro librata consistere cogitur, sed Deum causam dicunt; vtpote eum, qui ipsi Terræ pondus tribuit. Neque enim Patres miraculum perpetuum astruere volunt, sed id miraculum appellant, quod in initio effectiōis Mundi factum est, cum Terræ grauitas est collata, qua immobilis in centro Mundi quiescit, & vsque nunc consistit, & non inclinabitur in sæculum sæculi. De hoc miraculo Deus ipse loquitur; Vbi eras, quando ponebam fundamenta Terræ? quasi diceret: Tunc ponebam Terræ fundamenta, cum Terram creabā suo pondere non destitutam. Hoc modo Deus fundauit terrā super stabilitatem suam, hoc est pondere suo stabilē reddidit; quare non inclinabitur in seculum sæculi. Hoc modo appendit eam super nihilum, quia à seipsa consistit: Hoc modo firmavit Orbem Terræ, qui non commouebitur: Hac de causa, sua videlicet grauitate, Terra in æternum stat: Hac etiam serie Deus fundauit Orbem immobilem: Hoc quoq; sensu confirmavit columnas eius, hoc est pondus eius. Dei igitur virtute, vt columnis subni-

Terra autem erat inanis & vacua.

Hebraicè Vehaarez Haitha Thohù, Vabohù.

- a. Thohù, & Bohù, idipsum significant; hoc est, vel nihil, vel vastitatem deformem.
b. Thohù, rem omni forma carentem: Bohù, propensionem ad formam significat.

AnnoMundi
primo.
In exordio
temporum.
Ante dies.

subnixam Terram aestimare possumus, quia eius virtute Terra gravitatem suam, & pondus accepit, & propter Deum conseruat; nec eam Deus commouet, & concutit, seu annihilat, vt commouere, concutere, & ad nihilum redigere posset, si vellet. Hanc igitur attributam Terræ gravitatem & naturam, conseruatamque à Deo, Patres non immeritò miraculum appellarunt, quanquam pondus esse Terræ proprietatem Philosophi tantum cognoscant: & eius ergò in medio Mundi necessariò ipsa consistere dicant.

Terra autem erat inanis & vacua.

Hebraica Lectio legit Vehaarez Haitha Thohù, Vabohù, siue Thohù, & Vabohù. Porro vsque adeò idioma nostrum verbis has voces exprimentibus caret, vt interpretes ferè omnes distracta admodum translatione Latinè eas reddiderint. Editio vulgata Latina nostra habet Inanis & Vacua. Chaldaica autè legit Deserta, & Vacua. Septuaginta Interpretes, ἀόρατος, καὶ ἀκατάσκευαστος, Inuisibilis, & Incomposita. Aquila, Vanitas, & Nihil. Symmachus, Ociosum, & Indigestum. Theodotio, Inane, & Nihilum. Ionathas, Vacua hōibus, & iumētis. Rabbini in Adnotationibus, Informis, & Inanis. Pagninus, Desolata, & Inanis. Steuchus, & Lippomanus, Inane, & Vacuum. Vis harum vocum Thohù, & Bohù, quæ sit, Doctores non vna diffiniunt sententia.

- a. Thohù, et Bohù, idipsum significant; hoc est, vel nihil, vel vastitatem deformem.

R A B B I N I in Adnotationibus.

Inanis, & vacua; id est, Informis, & inanis. Voces hæc Hebraicæ ferè vnum & idem significant.

S T E V C H V S in primum caput Genesis censuit has duas voces, quam diuersas, idem attamen significare. Sic nimirum ait.

Quanquam igitur nomina diuersa sint, res tamen eadem est. Colligitur autem ex omnibus locis, vbi ea nomina reperiuntur, ea significare modo inanitatem, ipsumque nihil: modo vastitatem, ac ruinam, & quasi deformitatem. Ideò Septuaginta verterunt inuisibilis & incomposita, eius rei deformitatem, atque vanitatem optime exprimentes.

Lippomanus in Catena hæc ipsa mutuauit non mutatis verbis: improbat inde sententiam eorū, qui Thohù, & Bohù, ad materiam primam referunt, vt infra habebimus.

- b. Thohù, rem omni forma carentem: Bohù, propensionem ad formam significat.

H A M E R V S econtrà Commentatione in Genesim.

Sunt qui putent vtranque vocem vnum & idem significare; sed apud Hebræos doctiores scribitur, quòd Thohù sit res omni forma carens; vt est materia prima, quæ est inane Chaos. Et Post. Deriuatur vox hæc à verbo, quod significat exauit, obstupuit. Quod ad materiæ etiam tenebrosam, deformemque faciem ab Hebræis referretur, ob eam causam, quod intendentes nos in illius cognitionem attonitos reddit. Bohù re-vo, est aptitudo habendi, siue desiderium, quod mouet materiam primam ad omnem formam naturalem, vt sit quid est. Septuaginta, duas has voces, verterunt ἀόρατος, καὶ ἀκατάσκευαστος, id est, inuisibilis, & incomposita. Et hæc quidem omnia rudi materiæ, informiq; conueniunt, quæ & expers formarum omnium meritò inanis; & vacua dicitur, & omnino incomposita, & inuisibilis est.

Anno Mundi
primo.
In exordio
temporum.
Ante dies,

Terra autem erat inanis, & vacua.

Thoù, & Bohù.

- a. Thoù inane: & Bohù vacuum.
- b. Vel Thoù vacuum funditus: Vohù vacuum simpliciter.
- c. Vel Thoù res informis: Vohù forma ipsa.
- d. Siue Thoù, hoc est abyssus.

LIPPOMANVS etiam adijcit.

Hebræorum nonnulli dicunt, quod Thoù sit res omni forma carens, vt est materia prima: & Bohù aptitudo habendi, siue desiderium, quod mouet materiam primam ad omnem formam naturalem.

a. Thoù Inane, et Bohù Vacuum.

LVSTITANVS diuersa sententia vult, quod Thoù significet inane; vt inane dicit finis defectum: Vohù verò vacuum; vt vacuum denotat rerum quarumcunque, quæ inferri possent, carentiam. Pluribus autem id edisserit.

Vbi aduerte tam Hebræos, quam nostros, variè de duobus nominibus, quæ hic ponuntur, Thoù scilicet, & Bohù, sentire. Omisiss autem illorum opinionibus, nomen Thoù alterum è duobus significare videtur; videlicet desolationem, aut vanitatem. Iudicio tamen meo, potius vanitatem significat, quam desolationem. Dicitur autem hic, vacuum, vel vanitas, quod ad aliquem finem, quem non consequitur, ordinatum est, sicut fundamentum sine parietibus, aut domo: labor sine præmio; & tale vanum videtur nomen Thoù significare, quod exemplis monstrabimus. Isaia enim quadragesimo nono habes: Laborauit, lathohù, idest in vanum.

Et cum plura attulisset exempla, postea ait.

Sequens verò dictio Bohù, quasi idem significare videtur; sed ab ea, meo iudicio, differt, quia importat respectum ad locatum; cum vacuitatem significet: Thoù verò respectum ad finem; quicumque ille sit, vt ex locis citatis constat. Sicut cum dicitur; in vanum laborau; idest, finem, seu præmium laboris non sum consequutus.

b. Thoù vacuum funditus, Vohù vacuum simpliciter.

CAIETANVS tradit Thoù dicere vacuum funditus: Vohù verò id quod est vacuum simpliciter.

Iuxta Hebræum habetur. Et Terra fuit inanis & vacua: subintelligendo in dictione inanis funditus. Caremus enim Latino nomine vno significante funditus inane. Apud Hebræos siquidem vtraque dictio nomen est vacuitatis; & ideo bene interpretate sunt inanis & vacua. Verum apud illos prima dictio sonat plus quam secunda: nam sonat vacuitatem funditus; secunda autem puram vacuitatem: & est sensus, quod terra in principio temporis fuit creata vacua intus, & vacua extra.

c. Thoù, res informis: Vohù, forma ipsa.

RABBI DAVID, vt refert Lusitanus, de his dictionibus sic loquens, ait.

Sapientes nostri dixerunt, quod Thoù, est res informis, apta ad recipiendum omnem formam, quam Graeci hylen vocant, idest, materiam: Bohù verò, est forma, quæ dat esse materie: & earum coniunctione, secundum Dei voluntatem, fuit Mundi creatio.

Sed Lusitanus reiicit hanc interpretationem.

Sed licet in explicatione prioris nominis ad veritatem accedat, in secundo tamen toto errat Carlo; cum Bohù, vt diximus, non formam, sed potius vacuum significet.

d. Thoù; hoc est, abyssus.

RABBINVS alter, Haggion dictus, vt idemmet Lusitanus testatur, has voces sic interpretatur.

Nomen Thoù, radicem esse; Thehon, idest abyssus, seu profunditas; & hunc subesse sensum; & terra fuit abyssus, seu profunditas, aquarum scilicet. Quæ quidem interpretatio optima esset, si probaret radicem nominis esse Thethon. Quod cum probare nequeat, prior interpretatio amplectenda est.

Terra autem erat inanis & uacua.

- a. Construendum, Et Terra erat inanis & vacua.
- b. Vel, Terra fuit inanis & vacua.
- c. Seu, Terra inanis, quia vacua.
- d. Terra autem erat, &c. idest, Idæa Terræ erat inuisibilis in Mundo intelligibili.

AnnoMundi
primo.
In exordio
temporum.
Ante dies.

De constructione etiam huius loci non vna est assertio.

a. Addunt alij præpositionem, Et; leguntq; Et Terra erat.

VIELMIVS siquidem, lectione octaua, tres constructionis modos sic annotauit.

Terra autem erat inanis & vacua. Nonnulli omiſſa aduerſatiua, Autem, ſubſtituunt copulatiuā, Et, quam reuera Hebræa litera habet: & ſic legunt; Et terra erat inanis & vacua; quod quantum ſpectat ad ſenſum, parum ſanè refert.

b. Terra fuit inanis & vacua.

Recentiores alij, pro Erat, legunt, Fuit; hoc eſt, Terra autem fuit inanis & vacua.

VIELMIVS lectione præaſſerta.

Quæ poſterior lectio, hoc ipſo poterit nonnullis magis arridere, quia cùm hæc ſcriberet Moſes, videbatur vndiq; ac tota repleta & ornata; & verbum præteriti perfecti, Fuit, nihil eius relinquere ſolet, de quo enuntiatur. Quamobrem ille dicebat; Nos fuimus Troes, fuit Illium: vt nimirum Reginam ſecteret, & ad maiorem cōmiſerationem induceret. At verò præteriti imperfecti verbū id etiam ſeruat integrum in præſenti, de quo fuiſſe enunciatur; ſicut ſit Ioann. quando dicitur; In principio erat Verbum, & Verbum erat apud Deum, & Deus erat Verbum. Sed vtram ex his malueris lectionem, parum intereſt; quoniam vtrunq; verbum promiſcue crebrò capitur.

c. Terra inanis, Quia vacua.

Tertio modo interpretati ſunt alij, vt præpoſitionem, Et, pro Quia, acceperint; quaſi dixerit Moſes; Terra erat inanis, quia vacua; quia nimirum intus & extra omnium rerum, quibus deinceps locupletata, & repleta fuit, penitus erat inops & expers; nā Vo- bñ inquirunt non ſemper in vi copulæ ponitur, ſed interdum quandoq; in vi cauſæ. Sic nimirum Vielmus lectione aſſerta retulit.

Tot igitur ſunt editiones, ſignificationes, & cōſtructiones inter ſe diuerſæ horum nominum. Ex quibus ego id vnum colligo, voces eas Tohù, & Bohù, vel non certam habere ſignificationem, vel ſi habent, eam noſtro idiomate exprimi non poſſe, ac ſua emphafi quæcunque ſit, ruditatem, incongeriẽ, & deformitatem Terræ, vel Chaos illius præſci demonſtrare.

d. Terra autem idest, Idæa Terræ erat inuisibilis in Mundo intelligibili.

PHILO libro de Mundi opificio.

Itaque ante omnia Conditor fecit in Mundo intelligibili Cælum incorporeum, & Terram inuiſibilem. Verùm Philonis hæc de Idæis opinio mox offenditur manca, peregrina, & obſcura. Deſicit quippe, cùm non exponat quid intelligendum ſit per ea verba; Terra autē erat inanis & vacua. Deinde in peregrinis ſenſibus verſatur, quoniam tenebrarum nomine, aëris idæam; abyſſi voce, idæam vacui; & ſpiritus, idæam ſpiritus; ac demum aquarum nuncupatione, aquam inuiſibilem, peregrina, & inuſitata proriſus ſignificatione interpretatur. Obſcura tandē eſt, quia has Idæales terras, aërem, & vacuū; ſpiritum, & aquā, vix eruditiffimi viri, nedum rudes, hebetiſq; ingenij, quales erant Hebræi, attingere vnquam, aut percipere potuiſſent.

Anno Mundi
primo.
In exordio
temporum.
Ante dies.

Terra autem erat inanis & vacua.

a. Hoc est, Materia prima, quæ Celi & Terræ nomine nuncupatur, erat informis.

a. *Materia, Celi & Terræ nomine nuncupata erat informis.*

AVGVSTINVS plures adducit huius loci interpretationes, duodecimo Confessionum libro.

Item quod attinet ad intellectum verborum sequentium, ex illis omnibus veris, aliud sibi tollit, qui dicit; Terra autem erat inuisibilis & incomposita; & tenebræ erant super abyssum idest corporabile illud, quod fecit Deus, adhuc materies erat corporearum rerum informis sine ordine, sine luce. Aliud qui dicit; Terra autem erat inuisibilis & incomposita, & tenebræ erant super abyssum; idest, hoc totum quod Cælum & Terra appellatum est, adhuc informis & tenebrosa materies erat, unde fieret Cælum corporeum, & terra corporea, cum omnibus quæ in eis sunt corporeis sensibus nota. Aliud qui dicit, Terra autem erat inuisibilis & incomposita, & tenebræ erant super abyssum; idest, hoc totum quod Cælum & Terra appellatum est, adhuc informis & tenebrosa materies erat, unde fieret Cælum intelligibile; quod alibi dicitur Cælum Celi, & Terræ, scilicet omnis natura corporea; sub quo nomine intelligatur etiam hoc Cælum corporeum, idest, unde fieret omnis inuisibilis, visibilisq; creatura. Aliud qui dicit; Terra autem erat inuisibilis & incomposita, & tenebræ erant super abyssum, non illam informitatem nomine Celi & Terræ, Scriptura appellavit; sed iam erat, inquit, ipsa informitas, quam Terram inuisibilem & incompositam, tenebrosamq; abyssum nominavit; de qua Cælum & Terram Deum fecisse prædixerat; spiritalem scilicet, corporalemq; creaturam. Aliud qui dicit; Terra autem erat inuisibilis & incomposita, & tenebræ erant super abyssum; idest, informitas quædam iam materies erat, unde Cælum & Terram Deum fecisse, Scriptura prædixit, totam scilicet corpoream Mundi molem, in duas maximas partes, superiorem, atque inferiorem, distributam, cum omnibus, quæ in eis sunt visitatis, notisque creaturis.

Verum præcipuè materiæ primæ informitatem his explicari docuit libro de Genesi ad litteram imperfecto, capite quarto.

An sic melius intelligitur, ut in hac executione rursus eadem rerum materies commendaretur, quæ superius Celi & Terræ nomine nuncupata est? ut iste sit sensus; In principio fecit Deus Cælum & Terram: hoc autem, quod Cælum & Terra dictum est, Terra erat inuisibilis & incomposita, & tenebræ super abyssum; idest, quod Cælum & Terra appellatum est, materies erat confusa quædam, de qua Mundus, qui duabus maxime partibus, Cælo scilicet, & Terra, constat, digestis elementis, & accepta forma fabricaretur. Quæ confusio materiei sic potuit insinuari populari intelligentiæ, si diceretur Terra inuisibilis, vel incomposita, vel inordinata, vel imparata.

Et de Genesi ad litteram lib. primo, capite quintodecimo.

Terra autem erat inuisibilis & incomposita, & tenebræ erant super abyssum, & Spiritus Dei superferebatur super aquam: ut excepto quod ibi positum est de spiritu Dei, cætera quidem rerum visibilium vocabula; sed ad illam informitatem, ut tardioribus poterat, insinuandam dicta intelligamus, quia hæc duo elementa, idest, terra, & aqua, ad aliquid faciendum operantium manibus tractabiliora sunt cæteris; & ideo congruentius istis nominibus illa insinuabatur informitas.

Et de Genesi contra Manichæos libro primo, capite septimo.

Hanc autem adhuc informem materiam, etiam Terram inuisibilem, atq; incompositam voluit appellare, quia inter omnia elementa Mundi Terra videtur minus speciosa, quam cætera. Inuisibilem autem dixit propter obscuritatem: & incomposita propter infirmitatem.

Consimilia habet de Genesi ad litteram libro primo, capite primo, & tertiodécimo, & quintodécimo: quo etiam loco, materiam informem ipsam formarum pulchritudinem non præcessisse, eruditè vocis, & verbi exemplo demonstrat, ut supra retulimus.

E V C H E R I V S Commentariorum in Genesim libro primo, capite primo, D. Augustini placitis subscripsit, quantum ad id, quod Terræ nomine informis materia sit intelligenda, cum ait.

Terra autem inuisibilis erat & incomposita, idest adhuc informis erat ipsa materia, quia necdum ex ea Cælum & Terra, necdum omnia formata erant, quæ formari restabant. Hæc enim materia de nihilo facta, præcessit

Anno Mundi
primo.
In Exordio
temporum.
Ante dies.

Terra autem erat inanis & vacua, &c.

- a. Materia prima Terra dicitur, quod formas retineat: Aqua, quod eas recipiat: Abyssus, quod non subsistat.
b. Vel, Terra dicitur, quia in potentia ad recipiendum: Abyssus, quia sine speciositate: Aqua ex defectu terminationis.
c. Sive, Terra appellatur, quia dat formam fixationem: Abyssus, quia speciositatem non habet: Aqua, ex aptitudine ad formas.

precessit tamen res ex se factas; non quidem eternitate, vel tempore, sicut precedit lignum arca; sed sola origine, sicut precedit vox verbum, vel sonus cantum. Nam qui vivit in aeternum, creavit omnia simul.

Eccl. 18.

Hæc Glossa Locupletata pariter desumpsit.

B E D A Expositione in primum caput Gen.

Terra autem erat inanis & vacua. &c. Quibus verbis videtur significare informitatem materie corporalis. Terra enim & aqua, operantibus tractabiliora sunt ceteris.

Et Quæstionibus super Genesim confimilia edocet.

- a. Materia prima Terra appellatur, quod formas retineat: Aqua, quod eas recipiat: Abyssus, quod non subsistat.

A L B E R T V S Magnus parte secunda de quatuor coæquevis, quæstione duodecima, articulo undecimo.

Querendum secundum quas proprietates materia prima vocetur terra, & abyssus, & aqua. Dicendum quod una proprietatum materie est retinere formam; & secundum hanc dicitur Terra, eo quod omnia, quæ faciunt retentionem, sunt in terra. Retentionem autem faciunt tria, scilicet soliditas, ut dispositio; siccitas autem, ut materia; & frigiditas, ut efficiens. Et ideo dicit Avicenna, quod vis retentiva vigorem suscipit à frigido & sicco. Secunda proprietas materie est recipere: & secundum hanc proprietatem dicitur aqua; quia humidum aquæ non est terminabile in se, sed terminatur ad quamlibet figuram tangentis. Tertia proprietas materie est non subsistere actu; & hanc habet in quantum est subiecta privationi: & secundum hanc dicitur abyssus ab eo, quod est sine & basis; basis enim materie super quam fundatur eius esse secundum actum est forma substantialis.

- b. Materia informis Terra dicitur, quia in potentia ad recipiendum: Abyssus, quia sine speciositate: Aqua, ex defectu terminationis.

A L E X A N D E R Halensis in Summa, quæstione quadragesima quinta, membro tertio.

Ex diversis rationibus, materia informis tria sortitur vocabula. Est enim potentia materie receptiva; quæ deficit in genere potentie, respectu potentie actiue; vel simpliciter, vel secundum quid: & quantum ad hoc, habet rationem terre: terra enim inter omnia elementa, minus habet de ratione actiui. Item dicitur abyssus, id est, sine candore; quia sine specie & pulchritudine; ut ostendatur defectus ex parte speciositatis. Dicta est aqua, quia aqua male terminabilis termino proprio, bene alieno: Ita materia bene terminabilis per formam, & debitam dispositionem: ex defectu ergo terminationis dicta est aqua, quia de facili ductilis, & fluxibilis subiacebat operanti, ut de ea omnia formarentur: & à primo agente daretur eidem virtus per formam, species per distinctionem, terminatio per ornatum, à summa scilicet potentia, sapientia, & bonitate.

- c. Materia prima Terra dicitur, quia dat formam fixationem: Abyssus, quia speciositatem non habet: Aqua, ex aptitudine ad formas.

D. B O N A V E N T U R A secundo, distinctione duodecima, in textu.

Insinuatur ipsa materia informis istis tribus nominibus sub triplici conditione se habere in comparatione ad formam. Ipsa enim materia dat formam fixationem, & propter hoc appellatur nomine terre, quæ inter cetera elementa plus habet de stabilitate. Ipsa etiam materia à forma recipit speciositatem, & completionem, & per se est quasi tenebra; & ideo signatur nomine abyssi tenebræ. Ipsa quoque materia ad formam habet aptitudinem, & inclinationem: & ita quandam fluxionem, quæ signatur nomine aquæ.

AV-

Anno Mundi
primo.
In exordio
temporum.
Ante dies,

Terra autem erat inanis & vacua, &c.

a. Id est, rude Chaos vniuersali forma præditum erat incongestum, hoc est, sine competentibus sibi qualitatibus, & proprietatibus.

A V C T O R.

Verum huic interpretationi multa obijci à cæteris solent. Primum, quod ad peregrinos sensus, & maxime Hebræis obscuros, literam detorqueat. Deinde quod Mundum vnica die absolutum prodijisse supponat, diesque sex ad inaspectatam cognitionem Angelicam sextuplicem, secundum sex apprehensa rerum genera adaptet, non tantum contra cæterorum omnium Patrum ante ipsum D. Augustinum communem, vulgatamque sententiam, sed etiam ipsa Mosis historia penitus renitente, ac reclamante. Quod verò de Thoù, & Bohù materiæ primæ gratia exponebant Hebræi, egregie rejicit his

S T E V C H V S in Genesim, capite primo.

Quod autem quidam Hebræi, Thoù, & Bohù, ad materiam primam referunt, vt Thoù sit ipsa priuatio materiæ, Bohù desiderium eius, & aptitudo ad formas, non tam est Mosaicum, quam Peripateticum. Hebræi siquidem, eadem qua & nos consuetudine corrupti sunt, vt sacras literas ad placita Aristotelis, atque Auerrois voluerint torquere. Infinitaque huiusmodi extant apud eos deliramenta. Neque vllus prope apud illos liber inuenitur, quin sit & placitis, & vocabulis Philosophorum corruptus. Iamque apud eos inuenitur commentitas, quidditas, relatio, & id genus. Nulla itaque ratione credendum est, quod de materia prima commentiti hic sunt, Hyle enim, id est, prima materia, inuentum est Philosophorum, quam ne somniant quidem Moses, vt attestatur Origenes, & Eusebius; de qua re nos alibi copiosius. Qui ergo Thoù, & Bohù materiam primam interpretantur, cum toto Cælo, vt aiunt, à sacris Scripturis dissentiant; audiant quid Ioannes industrius, vir non tam optimus Christianus, quam sapientissimus Philosophus, contra Proclum, qui per ataxiam, & Chaos putauit Platonem materiam primam credidisse, vociferetur. Dicit enim; Quapropter fabula commentitia esse demonstrata est, incorporea & informis materia, cui innituntur, auctoritas, etiam si sexcenti Platonis, reliquisque antiquorum catalogus huius opinionem inuexerint. Hæc in medium attulimus, quia plerique ex nostris etiam præstantissimi viri fidem Hebræis adhibere voluerunt, qui vt in reliquis omni laude superiores sunt; ita in hoc, meo iudicio, non sunt admittendi.

a. Terra, id est, rude Chaos erat incongestum, hoc est sine competentibus sibi qualitatibus, & proprietatibus.

G R E G O R I V S Nyssenus in Historia sex dierum, prolixius incongestum Chaos vna vniuersali, communique forma, & exili præditum, quale esset, seu copulenta illa massa, quomodo hoc loco circumscribatur, his demonstrat.

Terra autem erat inuisibilis & incondita: vt ex hoc perspicuum sit, quod potentia quidem omnia erant in primo Dei motu, atque impetu, quo ad creandum mouebatur, veluti seminaria quadam vi ad vniuersitatis ortum congesta. Sed in effectu res singule nondum erant. Terra enim, inquit, erat inuisibilis, & incondita. Quod perinde est, ac si diceret, erat, & non erat: nondum enim circa eam concurrerant qualitates. Atque hanc sententiam demonstrat esse veram, quod inuisibilem eam Scriptura fuisse dicit. Quod enim sub visum cadit, color est. Color autem superficialis figura, veluti quoddam defluuium est. Figura verò non est absque corpore; si igitur inuisibilis, prorsus etiam coloris experta erat: cum hoc autem vna consideratur, & intelligitur etiam id, quod figura caret, atque cum illo incorporeum. Igitur in ea, que comprehensim, ac repente accidit, molitione, atque congectione Mundi, erat quidem terra in rerum natura, sicut etiam reliqua omnia: expectabat autem, vt per qualitatum structuram & compositionem, fieret id quod est. Per hoc enim, quod dicit eam inuisibilem fuisse, Scriptura indicat, quod nec alia quidem aliqua qualitas circa eam animaduersa sit. Per hoc item, quod eam inconditam nominauit, dat intelligere, & innuit eam nondum corporeis proprietatibus densatam, & consolidatam fuisse. Apertius autem is intellectus per Symmachi, Theodotionis, & Aquile Scripturam declaratur, quum vnus quidem dicat, Terra autem erat ἀέρος, id est incultum, & illabo-

Anno Mundi
primo.
In exordio
temporum.
Ante dies.

Terra autem erat inanis & uacua, &c.

a. Rude Chaos Terra dicitur ob ignobilitatem, crassitudinem, obscuritatem: Aqua ob inanitatem, fluiditatem, & incompactionem: Abyssus ob profunditatem, & vastitatem.

illaboratum quiddam, & ἀδιάκρπτον, hoc est promiscuum, indistinctum, rude, & indigestum quiddam; alter vero, ἡ ἐρημία, idest vanum, & inane quiddam; & ἡ ἄβυσσος, hoc est, nihil: alius autem διὰ, & ἐν, idest hylum, & nihilum. Significatur enim per hæc, prout mea quidem opinio fert, per illaboratum quidem, siue incultum, quod in effectu quidem & actu, Terra nondum esset, sed in sola potentia, ac vi hoc ut esset, haberet: per rude & indigestum, quod nondum qualitates altera ab altera separate essent, ut per sese peculiariter vnaqueque qualitas agnosceretur, sed in confusa quadam, indiscreta, atque indigesta qualitate, ac mole, res vniuersæ conspicerentur: quum non color, non figura, non corpus, non pondus, non quantitas, non aliud quicquam tale per sese secundum propriam rationem in subiecto spectaretur. Atque eandem sententiam nobis indicat etiam Inane, & Nihil. Qualitatum enim capacem vim per vocem Inanis significauit, ut per hoc disceretur, quod Conditor rerum vniuersarum qualitatum capacem vim creasset: hæc autem inanis quedam esset; & antequam ea qualitatribus compleretur, nihil in sese haberet.

T O S T A T V S in secunda Expositione sibi acceptiore.

Idest materiam communem sub quadam forma corporeitatis; ex qua postea distincta fuerunt omnia corpora cælestia, & elementaria intra concavitatem Empyreï. Et vocatur tota ista materia, Terra; quia maxime visibilis est Terra: & ideo post inductionem elementorum, licet Deus ignem & aërem ab alijs elementis distinxerit, faciens de illa materia; tamen nunquam mentionem de igne fecit; de aëre autem modicam, vel quasi nullam. Terra autem, idest tota illa materia in forma communi, quæ terra nuncupatur, Erat inanis, idest inuisibilis; vel non bene visibilis, quia non erat per formas distincta: nec potest dici simpliciter inuisibilis; quia videri poterat, cum haberet aliquem colorem, licet non bene determinatum. Et vacua, scilicet carens ornatu, quia nondum partes Cælestes syderibus ornatae fuerant; quia hoc factum est quarto die: nec aqua, terra, vel aër, piscibus, animalibus brutis, & hominibus, & auibus fuerant ornati. Non dicitur autem de Cælo, quod fuit inane & vacuum; quia Empyreum, ut creatum fuit, Sanctis Angelis repletum fuit: vel, quia in sua creatione figuram debitam, & splendorem recepit. Et licet Scriptura non faciat hic mentionem de creatione Angelorum, tamen, cum alijs multotiens de eis dicat, necesse est eos creatos intelligi cum Cælo Empyreï, quod est beatorum spirituum locus; locus autem præsupponit rem locatam, vel contentam, cum propter illam sit.

L Y R A N V S confimiliter.

Terra autem erat inanis & vacua; quia illa materia non erat adhuc per formas speciales distincta.

L I P P O M A N V S in Catena.

Post propositionem itaque incipit Moyses per partes digerere rerum omnium formationem, quantum scilicet ab homine capi potest, & quam id liceat simplicissime. Terram inanem vocat, & vacuum, magnam illam molem, indigestamque materiam & confusam, vnde elementa terre & aque prodire debebant Dei iussu; quo terra inter cætera elementa notissima sit, sensibus opposita hominum, & proxima, quam tunc primum fuisse docet inanem, hoc est informem, confusam, ac inuisibilem, & insuper vacuum vegetabilibus, nondum ornatam, vel repletam plantis, vel animalibus.

a. Rude Chaos, Terra dicitur ob ignobilitatem, crassitudinem, obscuritatem: Aqua, ob inanitatem, fluiditatem, et incompactionem: Abyssus, ob profunditatem, et vastitatem.

C A T H E R I N V S clariùs Enarratione in Genesis caput primum.

Et iam declaratum est, ipsam Terram nihil aliud fuisse, quam ipsummet Chaos; ut sic res ignota, & penè agnoscibilis, diuersis his, terre, aque, & abyssi vocibus denotaretur. Terræ quidem nomine ob ignobilitatem, crassitudinem, obscuritatem. Aquæ verò ob inanitatem, fluiditatem, & incompactionem. Denique Abyssi vocem ob profunditatem, ac vastitatem.

Sed hæc sententia iam reiecta est; & hoc loco magis improbanda venit; cum voces à propria sua significatione sublatas, ad peregrinos, & similitudinarios sensus trahat.

Quis

Anno Mundi
primo.
In exordio
temporum.
Ante dies.

Terra autem erat inanis & vacua.

- a. Id est, quatuor elementa simul mixta erant, & confusa.
b. Sive, describitur nihil id, quod ante Mundum extasse imaginari possumus.

Quis enim ineruditus Hebraeus unquam, siue Gentilis, Terræ nomine materiam vnā in congestam, in qua formæ rerum adhuc essent indistinctæ, capiet? Altissima enim hæc sunt; & vix perspicacibus ingenijs explorata.

- a. Id est, quatuor elementa mixta simul erant, & confusa.

S T R A B V S in Glossa Ordinaria.

Terra erat inanis & vacua. Omnia enim elementa commixta, & confusa, & totum hoc aëris spatium aquis plenum, non quales nunc sunt, sed sicut nebule tenues erant, quales adhuc supercelestes sunt.

M A G I S T E R Sententiarum secundo, distinctione duodecima.

Illam confusam materiam quatuor elementorum, quam nomine Terræ, vt Augustinus ait contra Manichæos, idem appellauit Moyses: quia Terra, inter omnia elementa, minus est speciosa: & illa inanis erat & incomposita, propter omnium elementorum commixtionem.

- b. Id est, erat nihil id, quod ante Mundum extasse imaginari possumus.

S T E V C H V S,

vt qui procellis doctrinarum facile iactatur, & quandoq; nõ sine nauigij illifione, harum clausularum, Terra autem erat inanis, & vacua; Et tenebræ erant super faciem abyssi, non amplius auditam interpretationem detulit. Illud enim nihil, quod quisque imaginatur ante Mundum, vt Chaos quoddam his describi opinatus est, in Recognitione Veteris Testamenti ad Hebraicam veritatem.

Erat ergo apud vetustissimos homines opinio, fuisse ante Mundum conditum æternam quandam priuationem, æternas tenebras, sempiternamq; caliginem, è qua Mundum Deus effecisset, id est, quatuor elementa, cum in Mundo nihil sit aliud; & quoniam in illa æterna priuatione omnia indigesta ac permixta delitescerant, propterea appellata est *ἀταξία*, id est inordinatio; quod postea non ita probe intelligentes posteri Theologi, crediderunt hanc priuationem fuisse iam existentium elementorum confusionem, id est Chaos. Sed profecto hæc priuatio, fuit apud vetustissimos de Chao sententia. Chaos itaque, est sempiterna illa ante creationem Mundi priuatio, sempiternum illud nihil, densissimè non existentium rerum tenebræ: neque enim hic tenebras appello, quæ luci opponuntur; sed ipsum non esse. Quod itaque in sacris literis nuncupatur *Thoh*, & *Bohù*, ab alijs gentibus vocatur Chaos. Et post. Tam enim Hesiodus, quam Sacre literæ, per Terram, totum intelligunt Mundum, eo quod ei sunt admixta, & annexa reliqua elementa. Ille igitur dicit ante Terram fuisse Chaos, id est, nihil. Genesis autem, Terram fuisse nihil, est enim phrasis Hebraica; antequam enim Terra effecta fuisset, erat ipsum nihil. His consentanea etiam sunt, quæ à Mercurio de eadem re traduntur, qui in suo Pimandro sic inquit; Erant tenebræ infinite in Abyssu, & aqua & spiritus tenuis intelligibilis, quæ diuina virtute erant in ipso Chao. Tenebras itaque appellat sempiternum illud nihil. Quod autem dicit eas fuisse in abyssu, idem est quod & Sacre recensent literæ; & tenebræ erant super faciem abyssi: tantum in phrasi, & loquendi modo differunt. Idem verò est apud Mercurium, Tenebræ, Abyssus, & Chaos, quod & in sacris literis *Thoh*, & *Bohù*, & Tenebræ, & Abyssus. Sicut ergo diximus Terram, id est, Mundum fuisse *Thoh*, & *Bohù*, id est, nihil: sic postea repetimus idem explicare magis volentes, dicimusq; Tenebras fuisse in Abyssu. Per Abyssum enim hic nihil aliud intelligitur, quam profunditas illa tenebrarum, non existentium rerum, quod æterna nocte sepultarum. Nox igitur illa æterna, tam à Mose, quam à Mercurio, Abyssus nuncupatur. Quod autem tam Moses, quam Mercurius addunt aquas, idem est: per has enim intelligimus ipsam iam memoratam Abyssum. Neque enim nos turbare debet, quod variè loquantur, idemq; per varia nomina significant: ea enim Theologorum est loquendi consuetudo. Per tenebras ergo, Abyssum, aquam, & *Thoh*, & Chaos idem significant. Et Post. Neque me præterit permultos esse tum Græcos, tum Hebræos, qui ea omnia, quæ diximus, aliter interpretentur: vt primum dicant Cælum, ac Terram facta esse, Terram verò idem fuisse obsecram, & informem, quod aquis tegetetur; quarum tanta esset magnitudo, vt supra sydera etiam peringerent, meritoq; eas Abyssum appellatas esse. Abyssus enim profunditas est aquarum, super quam abyssi erant.

Terra autem erat inanis & vacua, &c.

Anno Mundi
primo.
In Exordio
temporum.
Ante dies.

a. Terra, idest, Terræ elementum.

Terra autem erat inuisibilis, & incompressa, iuxta editionem Græcam.

b. Primum inuisibilis, quia nondum erat homo, qui illam spectaret.

erant diffuse tenebræ, cum lux adhuc effecta non fuisset. Spiritus autem Domini, idest, ventus, quo aquæ illæ agitabantur, vel certè Spiritus Sanctus, qui futuram distinctionem meditabatur. Totam autem illam aquarum, & Terræ congeriem, Chaos antiquos appellasse. Certum quoque esse etiam diuinarum Scripturarum testimonio, aquas supra Cælos adhuc esse; inter quas, & has nostras, positum sit firmamentum. Quam interpretatione tamen non improbo, verior tamen mihi videtur, & cum antiquitate magis sentiens, quam ipsi attulimus.

Verum quantum toto Cælo aberret Steuchus, plura demonstrare possent, quæ modo contra hanc suam delirantissimam assertionem euocare, ineptum duco. Primum quod vetustissimorum sententia extiterit, ante Mundum genitum nil aliud Chaos, quam æternam rerum priuationem extasse, falsum esse deprehendet, si tot principiorum, seu materiæ ingenitæ genera, quæ vetustos somniasse supra recitauimus, non oblitus est. Deinde repugnat expositio hæc cunctis tum Patribus, tum Doctoribus, qui Mosem hoc loco Chaos aliquod incongestum describere, non vt æternum, sed vt creatum, edocent. Tandem, quia si totam hanc enarrationem Moysi, ad illud nihil, seu æternam priuationem referremus, distracta nimium esset, aspera, inutilisq; commentatio, quoniam Cæli, Terræ, aquæ nomine, id quod nihil est interpretaremur: Sed cur plura? Nonne memoria lapsus est Steuchus, cum in Cosmopœia ipse nobis Chaos ex terra, & aquis compactum obtulerit? Sed hæc satis.

Terra inanis
& vacua non
erat nil illud
imaginatum
ante Mundum.

a. Terra, idest, Terra elementum.

Cæteri Patres, Terræ nomine infimum hoc quod terimus elementum, intelligi maluerunt; vt supra deductum est in Catenis.

TERTULLIANVS id latius edisserit lib. aduersus Hermogenem. Nobis autem vnus Deus, & vna est Terra, quam in principio Deus fecit. Cuius ordinem incipiens Scriptura decurrere, primò factam eam edicit, dehinc qualitatem ipsius edisserit. Et post. Et vtique sic decet narrationem inire, primò præfari, postea prosequi nominare, deinde describere. Alioquin vanum, si eius rei cuius nullam præmiserat mentionem, idest materiæ, ne ipsum quidem nomen, subito formam, & habitum promulgauit: ante enarrat qualis esset, antequam an esset, ostendit figuram deformati, nomen abscondit. At quanto credibilis secundum nos eius rei dispositionem Scriptura subiunxit, cuius institutionem, simulque nominationem præmisit. Quam denique integer sensus est; In principio Deus fecit Cælum & Terram: Terra autem erat inuisibilis, & rudis, quam Deus scilicet fecit, de qua Scriptura cum maximè edixerat. Nam & autem ipsum, velut fibula coniunctiue particule ad connexum narrationi appositum est, Terra autem. Hoc enim verbo reuertitur ad eam, de qua supra dixerat, & alligat sensum. Adeo aufer hinc, Autem, & soluta compago est, vt tunc possit de alia Terra dictum videri; Terra erat inuisibilis, & rudis. Id ipsum ferè omnes vetusti Patres. Sed vt enucleatiùs singulas huius descriptionis partes exponamus, adijciam Catenas Patrum, qui hoc infimum elementum describi existimarunt, eorum inquam tantum, qui inanitatis & vacuitatis causas peculiare edocent; Idque secundum duas editiones, quoniam Patres Græci ferè omnes iuxta Septuaginta interpretum versionem hunc locum explicarunt.

b. Primum inuisibilis, quia nondum erat homo, qui illam spectaret.

BASILIVS Hexameron Homilia secunda. Atqui duas ob causas inuisibilem dixit Terram, aut quia nondum erat is, qui spectaret illam, & contem-
plaretur homo. Et Post. Inuisibile igitur quid est? tum id quod oculis carnis videri non potest.

Anno Mundi
primo.
In exordio
temporum.
Ante dies.

Terra autem erat inuisibilis & incomposita.

- a. Inuisibilis, hoc est adeò indigesta, quòd videri digna non esset.
b. Vel Inuisibilis, quòd immersa aquis cerni non posset.

a. Inuisibilis, hoc est adeò indigesta, quòd videri digna non esset.

SEVERIANVS Gaballorum, vt in Catena.

Non me fugit multos Sanctorum Patrum dixisse Terram inuisibilem dici, quia aquis operta esset, quod quidem tametsi pium sit, minimè tamen verum est. Aquila enim transtulit; Terra autem erat inanitas, & nihil. Idem autem cum inuisibili. Nam quemadmodum dicimus aliquem informem esse, non quia formæ expers sit, sed quia turpi sit forma, & mutum illum dicimus, qui male vocis est; sic Terra erat inuisibilis, hoc est, sine ornatu, minimè aspectu, & visu digna, utpote quæ nondum fructibus, plantis, fluminibus, fontibus, reliquisque, quæ eam letam, ac visu iucundam efficiunt, ornata esset. Nam & Scriptura, cum de triginta fortissimis David loqueretur, ait; Hic percussit virum Aegyptium ὁπατοῦν, hoc est visibiles, ac per hoc visu dignum, & speciosum.

PROCOPIVS Commen. in Genesim.

Quapropter erat inuisibilis, idest nondum aliquo ornatu illustrata, & ob id necdum spectaculo digna. Nam Aquila in sua translatione, pro inuisibilis posuit vacua, idest omni ornatu, qui in plantis, fluuijs, & fontibus perspicitur exuta, & spoliata. An non etiam scriptura sic alicubi habet? Ipse quoque percussit virum Aegyptium, virum magni aspectus, siue visibilem, idest mirabilem, siue spectabilem. Sumus enim alioqui omnes ita copati, ut oculis cerni queamus. Placet itaque mihi, ut hoc loco: terra erat inuisibilis, &c. dictio inuisibilis accipiat pro indigesta.

b. Vel inuisibilis, quòd immersa aquis cerni non posset.

BASILIVS Homilia asserta.

Inuisibilem dixit Terram, quòd cerni tum non posset, nimirum immersa aquæ, quæ supernatans ipsius superficiem quaquaversum adoperuerat. Nondum enim erant aquæ in suas aggregatas Stationes, quas postea aggregatas, Deus maria nuncupavit. Et post. Id inuisibile etiam est, quòd natura quidem eisdem conspici potest, obiectu tamen corporis occultatur, ut ferrum, quòd in alto gurgite iacet: hoc modo nunc inuisibilem terram dictam esse putamus circumfusa aqua velatam.

Glossa Locupletata hæc eadem detulit.

AMBROSIVS Hexameron libro primo, capite septimo.

Terra autem erat inuisibilis. Et inuisibilem eam per substantiam credant: & ideò, quia aquis operta, visibilis oculis corporeis esse non poterat; quemadmodum pleraque in profundo aquarum sita visum oculorum, aciemque prætereunt? Non enim Deo aliquid inuisibile, sed creatura Mundi creature utique estimatione censetur.

PROCOPIVS Commentarijs in Genesim.

Inuisibilem perhibet Terram, non quasi per se, vel sua natura non possit sensu deprehendi; sed inuisibilem, ideò tradit, quòd esset abdita, & obruta aquis.

AVGVSTINVS de Genesi ad literam libro primo.

Idè Terra inuisibilis dicta intelligatur, quòd aquis cooperta nō posset videri, etiā si esset, qui posset videre. Et Quæstionibus ex vtroque Testamento.

Terra autem erat inuisibilis, & incomposita: manifestum est, quia Terra, postquam facta est, inuisibilis erat, & incomposita: tegebatur enim aquis; ideò erat inuisibilis.

Et Sermone de Tempore centesimo trigesimo quarto.

Terra erat inuisibilis, & incomposita. Sed terra inuisibilis esse non poterat. Cui ergò inuisibilis erat? Si Angelis; ubi tanta moles abscondi poterat? Si hominibus; adhuc homo non erat. Deus quippe fundavit terram super aquas, & medietatem aquarum super Cælos imposuit, & medietatem abyssi demersit, & in maria congregavit; & sic terra apparuit. Et dixit Deus; Fiat firmamentum inter aquam & aquam. Et vocavit Deus firmamentum, Cælum. Videtis, quia aquam super firmamentum Cæli imposuit; & per separationem aquarum, arida terra apparuit; & recedentibus aquis, visibilem significavit.

ATHANASIVS

Quæstione octuagesima, ex Veteri Testamento.

Infusa nanque super Terram aqua, ipsa Terra videri non poterat; inuisibilis videlicet, & latens.

Inui-

Terra autem erat Inuisibilis, & Incomposita.

Anno Mundi
primo.
In exordio
temporum.
Ante dies.

- a. Inuisibilis, quia lux qua videri poterat, nondum erat exorta.
- b. Vel inuisibilis, quia nondum erat homo, cuius gratia eam Deus intueretur.
- c. Incomposita, quia aquis madida culture apta non erat.
- d. Vel, quia nondum à Mari distincta, animalibusq; minimè erat decorata.
- e. Siue, quia aquis præpedita ornatum germinum non habebat.

a. Inuisibilis, quia lux qua videri poterat, nondum erat exorta.

BASILIVS ubi supra.

Adde his & lucem nondum exortam fuisse: absentia cuius haud mirum videtur, sitam in media Mundi parte tellurem, inuisibilem ob idipsum etiam à Scriptura fuisse dictam, quòd aer vndiq; supra ipsam diffusus luce careret.

AMBROSIVS Hexæmeron libro asserto.

Inuisibilis etiam Terra, quia, nondum lux, quæ illuminaret Mundum, nondum Sol: postea enim luminaria facta sunt Celi. Quòd si Solis radius plerumq; etiam aquis operata illuminat, & profundo mersa splendore luminis sui prodit; quis dubitet Deo, ea quæ in profundo sunt, inuisibilia esse non posse?

ALCVINVS Quæstione trigesima in Genesim.

Inuisibilis, inquit, erat Terra propter obscuritatem; incomposita, propter deformitatem.

b. Inuisibilis, quia nondum erat homo, cuius gratia eam Deus intueretur.

AMBROSIVS ubi supra.

Nisi forte sic accipiamus inuisibilem Terram, quòd nondum verbo Dei, & protectione visitabatur, quæ hominem non habebat, propter quem Dominus respiceret in eam, sicut scriptum est; Dominus respexit super filios hominum, ut videret, si est intelligens, aut requirens Deum. Et alibi ait; De Celo iaculatus est iudicium: Terra tremuit, & quieuit.

Psal. 13.
Psal. 75.

c. Incomposita, quia aquis madida culture apta non erat.

AMBROSIVS libro primo, capite octauo.

Hæc Terra est, quæ ante erat incomposita. Nondum enim erant maria suo fine distincta; & idèò vago fluctu, & profundo gurgite Terra inundabatur. Considera, quia etiam nunc palustri vligine Terra inhorre consuevit, nec patiens est vomeris, ubi infusus Terris humor exundat. Erat ergò incomposita, utpote solertis agricolæ non arata culturis, quia adhuc deerat cultor.

AVGVSTINVS de Genesi imperfecto, capite tertio decimo.

Incomposita autem idèò, quia cum esset fluxa, non erat apta ad culturam. Et tenebræ erant super abyssum.

d. Incomposita, quia nondum à mari distincta, animalibusq; minimè erat decorata.

AVGVSTINVS de Gen. ad lit. libro primo, capite tertio decimo.

Ideò verò incomposita, quia nondum à mari distincta, & cincta litoribus, & suis foetibus, animalibusque decorata.

e. Et incomposita, quia aquis præpedita ornatum germinum non habebat.

BASILIVS Hexæmeron Homilia secunda.

Eadem itaque causa erat, propter quam Terra & inuisibilis erat, & inornata. Siquidem telluris compositio & apparatus, ipsius est proprius ornatu: ipsiq; iuxta naturam accommodatus, utpote, segetes in concauis, & decliuibus locis vberim prouenientes, prata præuientia, copiaq; florum, ac varietate depicta, frondose valles, & florulenta, montium denique cacumina syluis vmbrosa. Quorum nondum quicquam ipsa tellus habebat.

Anno Mundi
primo.
In exordio
temporum.
Ante dies.

Terra autem erat inanis & vacua, &c.

a. Inanis, quia aquis iactata; Vacua, quia necdum germinibus ornata.

bebat, sed parturiebat quidem omnium ortum, eam planè virium ratione, quæ cum crearetur, ab opifice sibi fuerant impressæ: operiebatur autem idonea, definitaq; tempora, quod diuino præcepto conceptus suos in lucem, ac fetus ederet.

A M B R O S I V S Hexameron libro primo, capite octauo.

Erat incomposita, quia nuda gignentium, nec thoris herbosa riparum, nec opaca nemoribus, nec leta setigetibus, nec umbrosa supercilijs montium, nec odora floribus, nec grata vinetis. Merito incomposita, quæ ornatus indigebat, cui deerant vitiumserta gemmantium.

A T H A N A S I V S quæstione octuagesima ex Veteri Testamento.

Quidnam est, quod dicitur. Terra autem erat inuisibilis, & incondita? Responso; Quia nondum erat vigor, quo exornaretur; infusa namq; super terram aqua videri non poterat, inuisibilis videlicet & latens. Incondita verò, nec adhuc dum exornata, quia incomposita, & nondum perfecta. Nullus enim illi adhuc vigor erat, nulli flores, vel prata; neque plantæ, vel germen aliquod.

Cap. 13.

A V G V S T I N V S de Genesi ad literam, libro primo.

Terra autem erat inuisibilis, & incomposita, &c. Nulla opinemur informitatem materię, sed terram, & aquam sine luce, quæ nondum erat facta, suis iam notissimis qualitibus condita: ut ideò Terra inuisibilis dicta intelligatur, quod aquis cooperta non posset videri, etiam si esset qui posset videre.

A V C T O R.

Terra inuisibilis & incomposita, cur dicta.

Colligas igitur ex his, quinque causas, quibus Terra inuisibilis dici posset: Quod tunc non conditus esset homo, qui eam respiceret. Quod lux nondum emanasset, qua conspici posset. Quod ipsa Terra vastissima aquarum mole obrueretur. Quod si detectam extulisset faciem, minimè aspectu digna fuisset, cum omnis decoris prorsus esset inops, & expers. Quod tandem nondum formato homine, causa non adesset, qua eam Deus respiceret. Colligas & quatuor causas, quare incomposita haberetur; Quod inextincta nulla germinum, fructuum, florum, odorum, suauitate, formaq; condecoraretur: Quod uti palustris horresceret, & culturæ apta non esset. Quod montes, colles, valles, campi, fontes, amnes, lacus sua varietate eam non venustarent. Quod vastissimis vndiq; iactaretur fluctibus à Mari non disiuncta. Præclare profectò sunt omnes hæ interpretationes, nec reprehensionem pati posse eas existimo. Inuisibilis siquidè fuit Terra, quia cum quatuor ad prospectiōem (ut aiunt in Scholis) necessaria sint: facultas videns, medium congruum & illuminatum, obiectumq; , seu res aspectanda, causaq; tandem potentiam ad operationem impellens, certè nullum istorum quando Terra in eo deformi Chaos sub aquis latitabat, comperiebatur. Primum non homo, vel animal, quod eam respiceret, cum nōdum creata essent: deinde sine Sole, Stellarumq; globis, omnia tenebris inhorrescebant; ipsa quoque sub aquis procellis turbata obruebatur: tandem nulla aderat in ipsa pulchritudo, quæ spectantes alliceret, cum potius madefacta, & cœnosa, horrorem incuteret. Erat pariter & incomposita, inculta, inconditaq; , quia necdum suo in situ confidebat seiuncta scilicet ab aquis, sed inter ipsas proiecta vagabatur; necdum erat montibus, collibus, vallibusq; distincta; quibus mirificum suscipit splendorem: tandem nec germinibus exornata virefcebat; nec floribus quasi gemmis onusta redolebat; nec fructibus suauissimis ditabatur; nec internis in visceribus, auro, argento, lapidibusq; vernantibus venustabatur; neque animantibus, veluti preciosis monilibus, decorabatur.

Quatuor ad visionem necessaria.

a. Inanis, quia aquis iactata: vacua, quia necdum germinibus ornata.

I V N I L I V S Apher in Hexameron.

Et merito inanis & vacua erat Terra: cum adhuc tota abyssus, idest, immensa profunditate tegebatur aquarum.

D. THO.

Terra autem erat inanis & uacua.

AnnoMundi
primo.
In exordio
temporum.
Ante dies.

- a. Inanis, & vacua; hoc est nihil.
- b. Vel inanis, hoc est inutilis & infructuosa: Vacua, idest incomposita.
- c. Siue, Inanis à seminibus: Vacua à germinibus.
- d. Sen inanis, idest inutilis: Vacua, hoc est sine habitatore.
- e. Aut inanis, quia sine germine: Vacua, quia sine potentia germinandi.

D. THOMAS prima quæstione sexagesimafexta, articulo primo.

Triplex formositas deerat: propter quod dicebatur creatura corporalis informis. Deerat enim à toto corpore diaphano, quod dicitur Cælum, pulchritudo lucis. Vnde dicitur, quod tenebræ erant super faciem abyssi. Deerat autem Terræ duplex pulchritudo. Vna quam habet ex hoc, quod est aquis discooperta; & quantum ad hoc dicitur, quod Terra erat inanis & vacua, siue inuisibilis, quia corporali aspectui patere non poterat, propter aquas vndique eam cooperientes. Alia verò, quam habet ex hoc, quod est ornata herbis, & plantis: & idè dicitur, quod erat vacua & incomposita, idest non ornata, secundum aliam literam. Et sic, cum præmisset duas naturas creatas, scilicet Cælum & Terram, informitatem Cæli expressit, per hoc quod dixit; Tenebræ erant super faciem abyssi, secundum quod sub Cælo etiam aër includitur. Informitatem verò Terræ per hoc quod dixit; Terra erat inanis & vacua.

LYRANVS etiam eandem explicationem defert.

Inanis, idest, inuisibilis; quia erat vndique aquis cooperta: & vacua, quia non erat adhuc plantis & herbis ornata.

TOSTATVS in prima sua Expositione.

Vel inanis secundum istam positionem, quia nondum erant aquæ separate desuper Terram, licet essent perfectæ in sua specie: idè impediabant ne Terra videretur; vel quia fortè Terra carebat aliqua dispositione necessaria ad hoc, quod esset bene visibilis, quæ dispositio accidentaliter postea inducta fuit. Et vacua, idest, carens ornatu arborum, & herbarum.

a. Inanis & vacua, hoc est nihil.

STEVCHVS in Cosmopœia.

Tres igitur habet sensus, Terram fuisse inanem & vacuum, aut quod propter aquas & tenebras non videretur, aut quod esset informis, sine plantis, animabus, hominibus, sine luce, sine vlla vita. Aut dicit Terram fuisse inanem & nihil; hoc est, ut postea ex Theologia Iob clarebit, hoc quod fuit postea Terra, antea fuit nihil. Erat Terra nihil: in loco ubi Terra condita fuit, nulla res erat: vanitas, inanitas erat: erat vacuitas, erat rerum carentia: ex quo conuinceretur eorum error, si qui fuerunt, qui sine materiem, siue ipsam Terram æternam afferuissent.

b. Inanis, scilicet inutilis, & infructuosa: & vacua, idest, incomposita.

STRABVS in Glossa Ordinaria.

Inutilis, scilicet & infructuosa, & incomposita. Omnia enim elementa commixta & confusa, & totum hoc aëris spatium aquis plenum, non quales nunc sunt, sed sicut nebulae tenues erant, quales adhuc supercelestes sunt.

c. Inanis à seminibus: vacua à germinibus.

HVGONoster, Adnotationibus in Genesim, libro primo, capite primo.

Terra autem erat inanis & vacua: inanis à seminibus; vacua à germinibus.

d. Inanis, idest inutilis: Vacua, hoc est sine habitatore.

HVGOCarenfis in Postillis.

Inanis, idest inutilis: vacua, idest sine habitatore.

e. Inanis, sine germine: vacua, sine potentia germinandi.

HVGOCarenfis loco asserto.

Vel inanis, sine germine, idest sine herbis & arboribus. Vacua, sine potentia germinandi. Simul enim Deus

AnnoMundi
primo.
In exordio
temporum.
Ante dies.

Terra autem erat inanis, & vacua.

- a. Id est, Inanis sine dispositione : Vacua sine ornatu.
- b. Vel, Inanis, quia concava : Vacua, quia nebula expleta.
- c. Sine, Inanis à germinibus : Vacua animantibus.
- d. Seu, Inanis intus seminibus, & mineralibus : Vacua extra germinibus.
- e. Aut, Inanis intus : Vacua foris.

Deus terræ dedit & germen, & potentiam germinandi, quando dixit; Germinet terra herbam, &c. id est germen, & potentiam germinandi, quam ei confero, simul recipiat.

a. Inanis sine dispositione : vacua sine ornatu.

H V G O Carenfis eodem loco.

Vel inanis, id est sine dispositione: vacua, id est sine ornatu: dispositio enim de coherentibus, ornatus de separatis.

b. Inanis, quia concava: Vacua, quia nebula expleta.

H V G O ipse eodem loco.

Vel inanis propter concavitatem; Vacua, quia in tanta concavitate Terræ non erat nisi aër, & nebula.

c. Inanis à germinibus: Vacua animantibus.

R V P E R T V S similia edocuit Commentarijs in Genesim, libro primo, capite septimo.

Itaque si diligenter literam consideres, non cum sua, quæ nunc apparet, visibili specie, creata est in principio Terra, sed erat inanis; inanis scilicet ab omni germine, quod nunc in ea radicatur: & vacua, videlicet à cunctis animantibus, quæ nunc in ea mouentur.

d. Inanis intus seminibus, & mineralibus: Vacua extra germinibus.

CAIETANVS profundius rem ipsam ex Hebræarum vocum phrasi contemplatus est.

Verissime & perfecte describitur dispositio Terræ, in qua fuit tunc quando creata est: nam pro tunc fuit primum elementum; ac per hoc intus vacua omni semine vegetabilium, & omni vena mineralium, & extra omni herba, ac virgulto, & reliquis, quæ sub aquis sunt modo super terram: nam omnia quæ intus, vel extra continentur in Terra sunt mixta: puris autem existentibus elementis constat & intus, & extra, vacua esse mixtis. Nec superflue adiunxit Moses vacuitatem vacuitati funditus; quoniam ex primo nomine explicatur, quod erat totaliter vacua ex seipsa: ex secundo autem, quod nec à Deo in aliqua sui parte plena fuit, sed quod & ex se funditus vacua, & actualiter fuit vacua.

LYRANVS quoque in Postillis.

Vacua, quia non erat adhuc plantis, & herbis ornata.

e. Inanis intus: Vacua foris.

G L O S S A

Interlinearis vnico verbo id est complexa, cum dixit. Terra, id est corporalis substantia, erat inanis & vacua ijs, quæ de ipsa erant formanda.

G V L I E L M V S Parisiensis de Vniuerso, prima primæ partis, capite quadragesimo.

Duo enim sunt genera plenitudinis, aut plenitudo secundum duas intentiones dicitur. Primum quidem plenitudo quedam interna est, siue intima, & ex illa sunt exuberantie generationum; sicut vides Terram, quasi ex interna plenitudine, & vbertate eructare generationes vegetabilium, & etiam multorum animalium. Secunda plenitudo est exterior, & habitationis, secundum quem modum dicitur Terra repleta adulteris, vel latronibus, vel alijs hominibus. Vtroque autem istorum modorum Terra se habebat; quia nec secunda erat, nec habitata.

Terra autem erat inanis & vacua.

Anno Mundi
primo.
In exordio
temporum.
Ante dies.

- a. Inanis, quia nondum finem consequuta: Vacua, locandis rebus.
b. Vel Inanis, quia sine incolis: Incomposita; , hoc est, à Mari non distincta.

a. Inanis, nondum finem consequuta: vacua, locandis rebus.

EVCHERIVS in Genesim libro primo, capite primo.

Idcirco Terra inanis & vacua, quia nondum erat vniuersitate creaturarum completa.

LVSITANVS Adnotationibus in Genesim, capite primo, ex phrasi alteram excerpfit speculationem.

Est ergo huius sententiae sensus; Et Terra fuit, scilicet ante separationem ab aquis, vana & vacua. Vana, inquam, quia nondum erat finem consequuta suum, habitatores scilicet; videbatur enim in vanum facta, quandiu non habebat suos habitatores & cultores. Erat verò vacua, quia suis locatis, aut potius locandis, animalibus scilicet, erat destituta.

VIELMIVS lectione octaua in praefatam vtranque expositionem declinauit.

Dicam luculentius, Vana externa, quod finem illum consequuta nondum esset, in quem quoque creata fuerat, videlicet, vt vsui animalium deferuaret; qua ratione, & Psalmo secundo dicitur; Et populi meditati sunt inania. Et vacua intus, quia & mineralibus, & alijs rerum seminibus carebat; quorum veluti vterus, & locus est.

b. Inanis, quia sine incolis: Incomposita; , à Mari non distincta.

BEDA in Expositione super Genesim, inter Gracos, & Latinos Patres ludens, ait.

Inanis autem erat Terra, quia non fuit qui habitaret: & incomposita, nondum à Mari distincta.

Et Quaestionibus in Genesim.

Cur inanis & vacua, idest, quia non erat à Mari distincta: vacua, inquit, quia litoribus non erat circumdata, vel vicibus suis ornata, idest arboribus, & animalibus.

Et eadem dixit libro de Sex dierum creatione.

A V C T O R.

Omnes hae interpretationes adeò in idipsum incidunt, ut ex ipsis una confici queat. Inanis igitur & vacua erat Matrix Terra, quia interni, externiq; ornatus expers erat. Inrus, scilicet, cum in uisceribus, ac immenso suo utero, lapidum, mineralium speciebus careret, & seminibus, virtuteq; ad procreanda germina destituta esset. Extra autem, quoniam ipsis germinibus, quinimmo animantibus, atque accolis hominibus non esset venustata, nec montium, colliu, fluminu, lacuu, fontiumq; amœna varietate exornata. Verum, quod subintulit Caietanus, Terram tunc fuisse purum elementum, arduum est arbitrari: huic enim placito refragantur D. Basilius, Ambrosius, Beda, innumeriq; ex Patribus; qui aërem, ignemq; in Terræ uisceribus latitasse docuerunt. Deinde contra ipsum militat ea euidentis ratio, quoniam undiq; circumfusam Terram, circumiacutamq; aquis, madidam, humentemq; saltem eminentiorem partē gestasse necesse erat, perfusaq; aquis non potuerit summā siccitatem, quæ ipsi insignis est affectio, obtinere: Quapropter si pura secundum substantiam, non pura secundum qualitatem extare potuit. Iunilius huius inconditi Terræ status causam retulit, quia scilicet undique eam aquæ obruerant: nam tertia die submotis aquis, cum arida apparuit, cuncta sua protulit tum intus, tum foris specimina. Ex quibus id consequebatur, quod dixit Strabus, nempe quod Terra esset inutilis, & infructuosa.

Terra cur inanis & uacua dicta sit.

Terra illa inanis non fuit purū elementum.

Anno Mundi
primo.
In exordio
temporum.
Ante dies.

Terra autem erat inanis & uacua.

- a. Inanis, quia labilis: Vacua, quia antris plena.
- b. Deus ornatus congruos elementis primum non dedit, ne increata, & sine principio crederentur.
- c. Vel, Ut nos doceret primum facere, postea venustare.
- d. Caelum absolutum, Terram autem deformem Deus creauit; Ne in creatione opificem infirmum suspicaremur.

a. Inanis, quia labilis: Vacua, quia antris plena.

Cæterum à præstâtissimorum Patrum sententijs non dissentiens, hoc unum superadi-
ciam. Inane certè illud uocatur, quod natat, & non consistit: vacuum uerò quod subsi-
dit. Duas igitur Terræ illius primæuæ, quæ sub aquis recondebatur, condiciones Moses
his uerbis explicauit; Alteram, quòd Terræ superficies omnis ferè usque ad intima pro-
funda sua uiscera, lutosa, atque cœnosa ab aquis iactaretur eo modo, quo a torrētibus
lutum pertrahi solet; Alterā, quòd quibusdam Terræ partibus, densitatis causa, perfis-
tentibus, reliquæ confringerentur, ioderenturq; ab aquarum colluue, adeò ut ingen-
tes hiatus, cauernaq; formarentur, quæ postea valles, totq; lacuum, ac uastissimorum
gurgitum, mariumq; aluei extarunt. Propter primam igitur deformitatis cōditionem,
Terra dicta est inanis, hoc est labilis, & non constans sua in soliditate: propter alteram,
uacua, hoc est non ubiq; semetipsa expleta. Hæc Terræ erat in eo Chaos conditio; hic
aspectus eius horrens, & squalens,

b. Deus ornatus congruos primum elementis non dedit, ne increata, & sine principio crederentur.

AMBROSIUS libro primo Hexameron, capite septimo.

Et fortasse dicant; Cur enim Deus, sicut dixit, & facta sunt; non simul ornatus congruos rebus asurgentibus
donauit elementis, quasi non potuerit Caelum insignitum stellis subito ut creatum est resurgere, & floribus,
ac fructibus Terra vesti? Potuit utique, sed ideo primò facta, postea composita declarantur, ne uerè incre-
ta, & sine principio crederentur, si species rerum uelut ingenerata ab initio, non postea addita viderentur. In-
composita Terra legitur, & ipsam à Philosophis æternitatis, quibus Deus priuilegijs honoratur: quid dicerent,
si ab initio eius pulchritudo uernasset? Demersa aquis describitur, uelut cuidam principiorum suorum addi-
ta naufragio; & adhuc à nonnullis facta non creditur: quid si decorem primogenitum uendicaret?

Nonnulla ex his sumpsit Glossa Locupletata.

c. Ut nos doceret primum facere, postea venustare.

AMBROSIUS loco asserto.

Accedit illud, quòd imitatores sui Deus nos esse uoluit, ut primò faciamus aliqua, postea venustemus: ne
dum simul utrunque adorimur, neutrum possimus implere. Fides autem nostra quodam gradu crescit. Ideo pri-
mò fecit Deus, postea venustauit, ut eundem credamus ornasse qui fecit, & fecisse qui ornauit: ne alterum
putemus ornasse, alterum creauisse; sed eundem utrunque esse operatum, ut primò faceret, postea componeret,
ne alterum sine altero crederetur.

d. Caelum absolutum, Terram autem deformem Deus creauit; Ne in creatione opificem infirmum suspicaremur.

CHRYSOSTOMVS in Genesim Homilia secunda.

Terra autem, dicit, Inuisibilis erat, & inculta. Cuius gratia, dic quaeso, Caelum clarum, & absolutum creauit:
Terram autem informem effecit? Neque hoc temerè factum: sed, ut cum didiceris meliorem creationis par-
tem ab eo formatam & absolutam, postea neque de alijs dubites, neque putes tale quid uirtutis infirmia-
te factum.

Terra autem erat inanis & vacua, &c.

- a. Cælum absolutum, Terram deformem creavit Deus; ne mortales Terræ beneficijs illecti, plusquam dignum est, eam venerarentur.
- b. Deformitatem Terræ describit Moses, prætermisso Cælo, quia id de Empyreo dici non potuit, cum suis incolis, hoc est, Angelis mox fuerit impletum, & Dei maiestate splenduerit.

Anno Mundi
primo.
In exordio
temporum.
Ante dies.

PROCOPIVS Commentarijs in Genesim.

Qui sit autem, quod Cælum perfectum, & absolutum proposuit Deus, & Terram paulatim artificiosa manu exornauit secundum Scripturæ testimonia? Causa in promptu est. Vt cum videas in potentiore, & artificiosiore elemento creando, eius vim intelligas, quod & Terram potuisset, si voluisset, perfectam, & omni ex parte consummatam nobis illico dare.

- a. Cælum absolutum, Terram deformem creavit Deus; ne mortales Terræ beneficijs illecti, plusquam dignum est, eam venerarentur.

CHRYSOSTOMVS Homilia præcitata.

Ad hæc, & alia ratione deformem Terram creavit, quoniam ipsa est nutrix, & mater nostra; & ex ea facti sumus, ac educamur, ipsaque nostra patria est, & commune sepulchrum, (reditus enim noster ad eam est) & varijs per eam bonis fruimur. Ideo, vt ne homines ob vsus necessitatem plusquam dignum est, eam venerentur, ostendit primum rudem, & absque forma, & inexploritam: vt ne beneficia Terræ, telluris nature impites: sed ei tribuas, qui illam ex nihilo, vt esset, creauit: propter hoc ait; Terra autem erat inanis & vacua.

PROCOPIVS loco asserto.

Terra propter te, tuamque salutem primò prodijt inculta, & squallida: Terra enim communis est mensa, communis Patria, nutrix, & mater omnium: ciuitas, & sepulchrum commune. Ne igitur maxima, quæ suppeditat, commoda considerans, & quod sine ea viuere non possemus, reputans, eam inter Deos censeres referendâ, euidenter denunciat illam à primordio fuisse informem, immundam, sordidamque visu. Quam utilitatem cernentes, magis admiremur eum, à quo & condita, & suo decore expolita est.

- b. Deformitatem Terræ describit Moses, prætermisso Cælo, quia id de Empyreo dici non potuit, cum suis incolis, hoc est, Angelis mox fuerit impletum, & Dei maiestate splenduerit.

IVNILIUS in Hexameron.

Vt quid enim hæc de Terra, prætermisso Cælo, intulit? nisi quia de Cælo nil tale intelligi voluit. Ipsum enim est Cælum superius, quod ab omni huius Mundi volubili statu secretum, diuine gloria presentie mater semper quietum. Nam de nostro Cælo, in quo posita sunt luminaria huic sæculo necessaria, in sequentibus Scriptura, quomodo, vel quando sit factum, declarat. Non ergo superius illud Cælum, quod mortalium est omnium inaccessibile conspectibus, inane creatum est, & vacuum, vt Terra, quæ nil in sua prima virentium germinum, & viuientium produxit animantium creatione: quia nimirum suis incolis mox creatum; hoc est, beatissimis Angelorum agminibus impletum est. Et post. Merito itaque Cælum Cæli non inane, & vacuum esse factum memorat. Sed nec tenebris in eo, vel abyssus locus remanere ullus perhibetur, quod Dominus illuminat, & cuius lucerna est agnus.

GLOSSA Ordinaria.

Quod, vel quale Cælum in principio cum Terra factum est, ostendit. Hoc enim de Terra subdit, quod de Cælo intelligi voluit. Hoc enim superius Cælum, quod à volubilitate Mundi secretum est, mox vt creatum est, sanctis Angelis est impletum: quos in principio cum Cælo & Terra conditos testatur Dominus, dicens Iob; Vbi eras, cum me laudarent astra matutina, & iubilarent omnes filij Dei? Astra matutina eosdem Angelos, & filios Dei vocat. De Cælo enim, in quo posita sunt luminaria, quomodo, vel quando factum sit, postea dicit.

Iob 38.

RVPERTVS Commentarijs in Genesim libro primo, capite septimo.

Creatus, inquit, Cælo & Terra, Cælum quidem non omni ornatu inane, vel vacuum erat, quippe quod ex lumine diuine maiestatis resplenduit, sicut ad illius similitudinem Cælum istud visibile, & aer, solis huius resplendent lumine: verum terra, id est corpulenta substantia, inanis erat, & vacua. Non quidem ipsa à diuina

Anno Mundi
primo.
In exordio
temporum.
Ante dies.

Terra autem erat inanis & vacua.

a. Deformitatem Terræ describit, & non Cæli; quanquam non dissimilia de Cælo dici potuissent.

Ila. 6.

magnitudine remota erat, cum de illa verissimè Seraphin clament, dicentes: Sanctus, Sanctus, Sanctus Dominus Deus Sabaoth: Plena est omnis Terra gloria eius; sed eam maiestas eadem, etsi iam potestate, non tamen actu impleuerat, vel ornatu.

a. Deformitatem Terræ describit, & non Cæli; quanquam non dissimilia de Cælo dici potuissent.

BASILIVS Hexameron Homilia secunda.

Qui factum putas, ut utrisque citra alterutius discrimen, & delectum iam conditis Cælo, Terraque, Cælum quidem suis constituit partibus perfectum, Terra autem imperfecta, atque inculta? aut quid illud omnino est, Terram inornatam fuisse, & inconditam? quam item ob causam inconspicua erat & inuisibilis? Sanè is apparatus, ea demum structura Terræ exacta fuisse censetur, atque perfecta, cum vberem ex se primum edidit fructuum copiam, cum ex ea omnigenum stirpem suppullulavit, & emerfit omnimoda germinatio, quando arborum altissimarum, tam fructuosarum, quam quæ sunt infrugi, primigeniæ eruptiones emicuerunt: quando itidem florum perquam amœni colores, odores quoque suauissimè fragrantés, cæteraque id genus omnia, quæ paulò post è Terra, Dei præcepto exorta, suam condecorarunt parentem. Horum sanè quando nihil dum se è Terra exeruisse, hanc non iniuria nuncupavit sermo hic ἀνατολιαν, inornatam. De Cælo etiamnum dicere licuerit non admodum dissimilia, quando id ipsum excultum nondum erat, aut perpolitum. Necdum enim se decentem ornatum obtinebat, quippe quod non iam splendebat radiosissimo Sole, Lunaque circumfusus, at neque stellarum choris, tanquam fertis redimibatur. Neque enim idem istiusmodi erant condita. A veritate igitur nihil aberraueris, Cælum quoque si dixeris fuisse inconditum.

A V C T O R.

Ambrosij &
Chrysostomi obserua-
tiones tropo-
logicæ sunt.

Basilij & Iu-
nilij obserua-
tiones sibi in-
uicem aduer-
santur.

Observationes hæc quas detulerunt hi Patres, tropologica potius, quam literales censendæ sunt, maximè duæ primæ Ambrosij, & duæ sequentes Chrysostomi, & Procopij. Quapropter de ipsis iudicium ferre non est opportunum. Cæterum duæ postremæ, quas literales esse existimo; contrariæ adinuicem, repugnantesque sunt. Iunilius Cæli deformitatem, Mosem non narrasse tradit, quia Cælum iam erat perfectum, & numeris omnibus absolutum: e contra Basilius, Cælum etiam ipsum nondum fuisse excultum, aut perpolitum, nec decentem ornatum obtinuisse perhibet; quippe quod non claret Sole, Luna, atque stellarum choris: Verum discrepantia ista ex eo oritur, quod diuersam hi Patres de Cælo in exordio temporum producto, habuerint sententiam. Iunilius voluit illud extasse Empyreum, quod & Angelis mox impletum fuisse censuit: & Rupertus diuinæ maiestatis lumine, seu præsentia splenduisse maluit. Basilius autem, non Empyreum, sed supremum Orbem, vel (ut Damascenus dixit) Cælum instellare, atque luminibus vacuum ipsum extasse arbitratus est. Quapropter si Cælum illud Empyreum fuit, certè deformitatem nullam habuisse censendum est; ac propterea confimilia ijs, quæ de Terra dicta sunt, de ipso proferri haud potuere. Si verò orbis fuit super-nus, cum non irradiaretur astrorum aliqua luce, meritò incongestum, incultumque dici potuit. Verum iam supra definiuimus Mosem Empyreï, Angelorumque mentionem prætermisisse, tantumq; Mundi sensibilis effectiōnem narrasse: vnde sequitur, quod similia potuisset de Cælo scribere ijs, quæ de Terra tradidit; quandoquidem & Cælum quarto die exornandum esset. Quare autem id non fecerit, Patres prætermiserunt.

Terra autem erat inanis, & uacua.

Anno Mundi
primo.
In exordio
temporum.
Ante dies.

- a. Terra, nomen est elementi huius, quod terimus, non materia; & Terram mox creatam significat, non materiem eternam.
b. Erat, non absq; principio, & ab eterno, tanquam hyle, & materia rerum; sed erat ex quo facta est.

a. Terra, nomen est elementi huius, quod terimus, non materia; et Terram mox creatam significat, non materiem eternam.

Cap. 23.

TERTULLIANVS libro aduersus Hermogenē, quæ fuerit Hermogenis sententia huius loci; Terra autem erat incomposita, his primū narrat. Hermogenes ex sequentibus argumentatur; quia scriptum sit: Terra autem erat inuisibilis, & incomposita. Nam & Terræ nomen redigit in materiam, quia Terra sit, quæ facta est ex illa. Et Erat in hoc dirigit, quasi quæ semper retrò fuerit innata, & infecta. Inuisibilis autem, & rudis: quia informem, & confusam, & inconditam vult fuisse materiam. Has quidem opiniones eius sigillatim reuincam.

Cap. 25.

Deinde, quid Terræ nomine Hermogenes interpretetur, sic exponit.

Vult igitur duas proponi Terras in ista Scriptura; vnā, quam in principio Deus fecit: Aliam, materiam, ex qua fecit: de qua dictum sit; Terra autem erat inuisibilis & rudis. Vtique si quæram ex duabus, quæ cui nomen Terræ accommodare debeat? dicetur, hanc quæ facta sit ex illa, ex qua facta est, vocabulum deriuasse; quia verisimilius sit ab origine sobolem potius, quā originem à sobole vocitari.

Et post sic eam confutat.

Si nomen proprium materiæ illius fuit Terra, hæc quæ non est materia, aliud scilicet facta, Terra quoque non capit nomen alienum, & statu suo extraneum. Sed materia facta, id est Terra, habuit cum sua origine consortium nominis, sicut & generis. Non audio. Nam & testam, licet ex argilla confectam, iam non argillam vocabo, sed testam: & electrum, licet ex auro, & argento federatum, nec argentum tamen, nec aurum appellabo, sed electrum: à cuius habitu quod diuertit, pariter & à vocatu eius recedit, appellationis, sicut & conditionis proprietate. Quā autem transferit de statu Terræ illius, id est materiæ, ista Terra, vel eò palam est, quod hæc apud Genesim testimonium boni accipit: Et uidit Deus, quia bonum: illa autem apud Hermogenem in originem & causam malorum deputatur. Postremò si id eò hæc Terra, quia & illa, cur non & materia hæc quoque, quia & illa? Immo iam & Cælum, & omnia, si ex materia constant, & Terræ, & materiæ vocari debuerunt.

b. Erat, non absq; principio, & ab eterno, tanquam hyle, et materia rerum; sed erat, ex quo facta est.

TERTULLIANVS libro aduersus Hermogenem, capite vigesimo septimo. Terra erat inuisibilis & rudis. Sed tu, o Hermogene, supercilio capitis, & nutu digiti accommodato altius tollens, & quasi retrò iactans: Erat, inquis, quasi semper fuerit, scilicet innata, & infecta; & idcirco materia credenda. At ego sine vllolencinio pronuntiationis, simpliciter respondebo, de omni re posse dici, Erat, etiam de ea, quæ facta, quæ nata sit, quæ aliquando non fuerit, & quæ materia non sit. Omne enim quod habet esse, vnde habeat, siue per initium, siue sine initio, hoc ipso quod est, etiam Erat, dicetur. Cui competit prima verbi positio in definitionem, eiusdem etiam declinatio verbi decurret in relationem. Est definitionis caput, Erat, relationi facit.

AMBROSIVS Hexameron libro primo, capite septimo.

Terra autem erat inuisibilis, & incomposita. Quid est erat, nisi ne forte in infinitum, & sine principio extendant opinionem suam, & dicant; Ecce, quia materia, id est hyle, sicut Philosophi dicunt, etiam secundum Scripturam diuinam non habuit initium? Verum hoc dicentibus respondebis, quia scriptum est; Erat autem Cain operarius Terræ. Et de eo, qui Iubal dictus est, habet Scriptura; Hic erat pater, qui demonstrauit Psalterium, & Citharam. Et homo erat in Auside regione, cui nomen Iob. Desinant ergo de verbo quæstionem mouere, cum præmiserit Moyses, quia fecit Deus Terram. Erat ergo, ex quo facta est.

Gen. 4.
Ibidem.
Iob. 1.

Declarat subinde Ambrosius non posse de Terra dici, quod erat ante Mundum, quia locus, in quo esset, mente concipi non potest.

Nam si sine principio eam dicunt esse, iam non solum Deum, sed etiam hylem sine principio dicentes, definiunt

niant ubinam erat? Si in loco, ergo etiam locus sine principio fuisse astruitur; in quo erat materia rerum, quæ principium non habebat. Quod si absurdum videtur de loco credere, videte ne fortè volatilem Terram debeat asserere, quæ non habens fundamentum, alarum remigijs suspendebatur. Unde ergo ei alas sumimus, nisi fortè huc deriuemus prophetici sermonis interpretationem: *A pennis Terræ prodigia audiuimus.* Et illud; *Væ Terræ nauium pennæ?* Sed hoc si accipiamus, in quo aère volabat Terra? sine aère enim volare non poterat. Sed aër adhuc esse non poterat, quia non erat. Esse non poterat, quia non erat sine rerum materia elementorum facta distractio, cum ipsa adhuc elementa facta non essent. Vbi ergo erat materia ista alarum suffulta remigijs? in aère non erat, quia aër corpus est Mundi. Corpus autem esse aërem docet lectio, quia emissæ sagitta in locum quem iaculator intendit, incisus aër statim in seipsum resolutus est. Vbi ergo erat hyle, nisi fortè dicatur quadam dementi intentione, quia in Deo erat? Ergo Deus, qui est inuisibilis natura, atque inuiolabilis, qui lucem habitat inaccessibilem, incomprehensibilis, & purissimus spiritus, locus erat materię mundialis, & erat in Deo Mundi portio, cum de hoc Mundo non sit nec mens seruulorum eius, sicut habemus scriptum; De hoc Mundo non sunt, sicut & ego non sum de Mundo.

Ioan. 17.

THEODORETUS Quæstione quarta in Genesim.

Si Terra erat, quomodo creata est? ait enim qui scripsit, Terra autem erat. Leuis nimium, & stolidus quæstio. Nam qui dixit, In principio creauit Deus Cælum, & Terram; non æternam dixit esse Terram, sed post Cælum, aut cum Cælo creatam esse. Alioqui nec absolutè dixit Scriptor, Terra autem erat: sed quod sequitur subiunxit, Terra autem erat inuisibilis, & incomposita; hoc est, creata quidem est à Deo omnium conditore, sed adhuc inuisibilis erat, aquis nempe circumdata: & incomposita, eo quod nondum ornata erat germinibus, neque consita pratis, nemoribus, & segetibus.

AUGUSTINUS de Genesi imperfecto, capite quarto.

Terra autem erat inuisibilis, & incomposita, & tenebræ erant super abyssum, & spiritus Dei ferebatur super aquam. Ab Hereticis, qui Veteri Testamento aduersantur, moueri calumniam huic loco solet, cum dicitur; Quomodo in principio fecit Deus Cælum & Terram, si iam Terra erat? Non intelligentes hoc esse subiectum, ut exponeretur, qualis Terra fuerit, de qua iam dictum est: Fecit Deus Cælum & Terram. Hæc autem Terra, quam Deus fecit, inuisibilis erat, & incomposita, donec ab eodem ipso discerneretur, & ex confusione rerum certo ordine constitueretur.

Et de Genesi contra Manichæos libro primo, capite tertio.

Quod autem sequitur in libro Geneseos; Terra erat inuisibilis, & incomposita: sic reprehendunt Manichæi, ut dicant: Quomodo fecit Deus in principio Cælum, & Terram, si iam terra erat inuisibilis, & incomposita? ita cum volunt Scripturas æuinas prius vituperare, quàm nosse, etiam res apertissimas non intelligit. Quid enim manifestius dici potuit, quàm hoc dictum est; In principio fecit Deus Cælum, & Terram, Terra autem erat inuisibilis, & incomposita; id est, In principio fecit Deus Cælum, & Terram, Terra autem ipsa, quam fecit Deus, inuisibilis erat, & incomposita, antequam Deus omnium rerum formas locis, & sedibus suis ordinata distinctione disponeret: antequam diceret: Fiat lux, & fiat firmamentum, & congregentur aquæ, & appareat arida: & cætera, quæ in eodem libro sic exponuntur per ordinem, quemadmodum possint ea parui capere. Quæ omnia continent tam magna mysteria, ut quisquis ea didicerit, omnium Hereticorum uanitatem vel doleat, quia homines sunt, vel derideat, quia superbi sunt.

PROCOPIUS Comm. in Gen. capite primo.

Impius, & Deo rebellis Manes, inquit; Verbum substantiuum, Erat, significat Terram fuisse materiam in creatam. Quod si ita est, cur non videt priore loco positum esse verbum, Fecit, quod antecedit Erat. Nec præterea verbum Erat, semper æternitatem denotat, ut disci potest ex illo loco; Eratq; vir ille maior omnibus filijs Orientalibus. Forsitan docet Terram fuisse inconspicuam, quia humanus oculus eam nondum conspexerat: aut si potuisset videri per se, attamen nondum erat lux, quæ tenebris inuoluta aperit, & visenda exhibet. Quod indigestum significet id, quod ornatu caret, vel ex hoc loco cognosci potest: Faciens melius preparavi te tanquàm lutum figulus. Vt figulus lutum informe facile ad quoduis vas formandum pro arbitrio accommodat; sic ego lutum è Terra accipiens, in meliorem conditionem transformavi, adeo ut impossibile sit mortalibus explicare ex quali qualis sis natus.

Iob. 1.

a. Ruditas hic describitur Terræ mox create, non Terræ, vel materie ingenitæ.

TERTULLIANUS libro aduersus Hermogenem.

Magna scilicet quæstio est, si erat Terra, quæ facta est. Sanè discutiendum, an ei competat inuisibilis, & rudem fuisse, quæ facta est, an ei ex qua facta est, ut eiusdem sit erat, cuius & quod erat. Atquin non tantum probabimus istum habitum huic Terræ competisse, sed & illi alijs non competisse. Nam si nuda materia Deo subiacebat, nullo scilicet elemento obstruente: siquidem nondum quicquam erat præter ipsam & Deum: ut inuisibilis esse non poterat. Quia etsi tenebras uolet in substantia fuisse materie (cui articulo respondere debemus

Terra autem erat inanis & vacua.

AnnoMundi
primo.
In exordio
temporum.
Antedies.

a. Ruditas hic describitur Terræ mox creatæ, non Terræ, vel materiæ ingenitæ.

bebimus suo ordine) etiam homini tenebræ visibiles sunt, hoc enim ipsum quod sunt, tenebræ videntur, nedum Deo. Et utique si inuisibilis esset, nullo modo cognosceretur qualitas eius. Unde ergo compertus est Hermogenes informem, & confusam, & inconditam illam fuisse, quæ ut inuisibilis latebat? aut si hoc à Deo reuelatum est, probare debet. Sic & an rudis dici potuerit, exoptulo. Certè enim rude illud est, quod imperfectum est: certè imperfectum non potest esse, nisi quod factum est: Quod enim minus factum est, imperfectum est. Certè, inquis. Ergo materia, quæ facta non erat, in totum imperfecta esse non potuit. Quæ imperfecta non fuit, etiam rudis non fuit. Initium non habens, quia facta non fuit, caruit & rudimento. Initij enim accidens est, rudimentum. Terra verò, quæ facta est, meruit & rudis dici. Statim enim ut facta est, habuit imperfecte locum, ante perfectionem.

BASILIVS Hexæmeron Homilia secunda.

Sed veritatis deprauatores non suam mentem accommodantes Scripturæ, sed ad suam voluntatem, mentem Scripturarum trahentes, ac pervertentes, materiam hisce verbis innui dicunt. Hæc est enim, & inuisibilis (inquunt) & inornata suapte natura: quippè cum omni prorsus qualitate careat suomet genio & conditione, atque ab omni penitus forma, figuraque sit separata, quam opifex Vniuersi sumptam per suam sapientiam informauit, & in ordinem, statumque elementi redegit: atque ita per ipsam, rerum earum omnium, quæ conspiciuntur, essentias fecit.

Progreditur Basilivus pluribus rationibus impiæ huius sententiæ errores eliminare. Quarum prima ea est, quoniam si Terra ingenita, immortalisq; esset, omninò ut Deus foret colenda, quod quidem quàm absurdum, execrandumque sit, quis non videt? Hanc sic declarat.

Si igitur ingenita est Terra, nec ulla prorsus ipsius extat origo; primum quidem per æquè ac Deo tribuentis illi venit honos eximie dignitatis: quo quid magis impium fieri potest? Terram, inquam, ipsam qualitatibus omnis expertem, forma penitus carentem, informitatem extremam, turpitudinem (ijs ipsis vtor nomenclaturis) nullis adumbratam typis, eodem statu supremo, ac præeminenti, quem sapiens, & potens, & formosissimus opifex, creatorque rerum omnium, sibi suo iure vendicat, dignam esse existimare?

Altera autem ratio est, quia non fuisset æquipollens Dei omnipotentia, ac scientia, & si maior extasset, imbecillis ipse Deus esset iudicandus, si verò minor, ex materiæ defectu non potuisset id efficere, quod proposuerat. Hanc igitur rationem his defert.

Deinde enim consequitur eam tantæ esse quantitatis, ut totam suscipiat scientiâ Dei; hoc quoque pacto substantiam ipsius æqualem aliquo in modo inuestigabili Dei potentia, facultatique ex aduerso opponunt: siquidem Dei ex sese prudentiam totam metiri possit. Quod si minor materia sit operatione diuina, hoc etiam sanè pacto in absurdum longè maledictum in Deum, hæc ipsorum sententia vertetur, ac recidet, eò quod ociosum Deum, & ab actione suorum operum, creatione ve, propter materiæ defectionem remorentur per eiusmodi impium dogma, ac derideant.

Concludit tandem.

At humanæ naturæ paupertas illos decepisse videtur. Et quoniam humanis in rebus singulæ artes circa aliquam materiam definitè versantur, ut fabrorum ferrariorum quidem facultas circa ferrum, fabrilis autem circa ligna: atque in his aliud quidem est ipsum subiectum, aliud forma, aliud item id quod ex forma conficitur, & materia quidem forinsecus assumitur, forma verò accommodatur ab arte: effectus denique est id, quod ex utrisque componitur, ex materia, inquam, & forma. Ad eundem modum, & in operatione diuina vsu iam euenisse putarunt: Mundi quidem figuram, à Creatoris omnium allatam sapientia; materiam autem aliunde opifici administratam, ac subiectam fuisse; & Mundum ipsum ex hisce compositum emersisse, subiectum habentem quidem, & essentiam aliunde, figuram verò, ac formam à Deo accepisse.

Enimvero Patres eruditissimi, atque præclarissimi, Scripturam sacram explanantes, cuncta ea loca, quæ Philosophi vetusti, Hæreticique quamplures, ad suas hæreses, & erroneas sententias astruendas diripiunt, atque extorquent; mirifico studio obseruant. Cum autem Philosophi, Hæreticique permulti ex his verbis; Terra autem erat inuisibilis,

Patrum diligentia in explicanda Scriptura sacra.

Anno Mundi
primo.
In exordio
temporum.
Autē dies.

Terra autem erat inuisibilis & incompressa.

- a. Non memoratur aqua exercitationis ingenij causa, sed cointelligitur.
b. Una, eademque fuit causa, aqua nempe, quod terra esset inuisibilis, & incompressa.

Quæ Hæreti-
ci ex his ver-
bis, Terra e-
rat inanis, de-
prombant.
a cap. 23. ad
28.

Quæ inter-
pretationes
vitandæ.

bilis, & incompressa, plura elicerent, tanquam sibi fauentia ad famosam ipsorum de ma-
teria ingenita assertionem comprobendam: hinc est, quod diligentius Patres in his be-
ne explicandis, & expositionibus Hæreticorum rejiciendis immorantur. Tria autem
ex hoc loco depromebant pro sua opinione Materiarij Hæretici: Primum quod Terra
materiem significaret; alterum quod verbum Erat, eius æternitatem notificaret; po-
stremū, quod verba ea, inuisibilis, & incompressa, eius ruditatem demonstrarent. Con-
tra primum, & tertium, Tertullianus libro aduersus Hermogenem primo, prolixius di-
sputat, & Basilus hoc loco, ut supra retulimus. De secundo audiuius Ambrosiū, Ter-
tullianum ipsum, Theodoretum, & Procopium. Hinc colligitur quantum non osci-
tante euitandæ sint illæ interpretationes, quæ huic videntur fauere sententiæ, utpote il-
la Rabbinorum, qui exponebant; In principio creauit Deus Cælum & Terram, Terra
autem erat inanis, & vacua: hoc est in principio creandi Cælum & Terram: Terra erat
inanis, & vacua. Ita enim facile interpretari possemus; In principio creandi Cælum
& Terram hanc nostram; Terra, hoc est materies ingenita, erat inanis, & vacua. Ex his
quoque animaduerti potest, quod non ita scienter, & propriè plures Terræ nomine ma-
teriam interpretantur, seu materiam primam naturæ tantum præstantem, seu mate-
riem, hoc est, massam rudem, & inconditam actu congestā. Nam concessis consimilibus
expositionibus, difficulter hanc Hæreticorum rejicere possumus, quoniam pari pedum
gradu incedunt.

a. Non memoratur aqua exercitationis ingenij causa.

Non memoratur hoc loco aqua, sed tacetur exercitationis ingenij causa; subintelli-
gitur verò, quia Terra neque igne, neque aëre inuisibilis fieri poterat, & inornata;
sed Aqua.

BASILIVS Hexameron Homilia secunda.

Multa sanè obtrixit, ut ignem, aërem, aquam, & ex his ipsis emergentes inferiorum corporum affectus, quæ
cuncta quidem Mundum simul cum alijs velut absoluentia, manifestè cum vniuerso subistere: omissa tamen de
industria sunt, ut ad solertiam sese nosler exerceat animus, atque ex paucis, veluti principijs, ea quæ restant, ex-
pendat. Itaque cum dictum quidem non sit aquam Deum fecisse; dictum autem sit inuisibilem esse Terram, co-
gitare tute ipse, considerareque velis, quo velamine terra operata conspicua non fuerit. Nec igitur ignis opere
poterat terram. Illuminare enim ignis potius, & illustra reddere ea corpora quibus est præsens, quam tenebris
obscurare solet. Non item aër terra tum erat velamen. Est enim aëris perrara, transparent, & pellucida na-
tura, rerumque omnium visibilium acceptas formas ad intuentium oculos, aspectusque transmittit. Restat ergo,
ut intelligamus aquas super telluris superficiem inundasse, antequam ad propriam stationem, sortemve humo-
ris substantia segregaretur, atque ex eo terram tum non solum inuisibilem, sed inornatam etiam fuisse: quippe
cum humoris exuperatio etiam nunc gignendis, ferendisque fructibus, impedimento terræ soleat esse.

THEODORETUS Quæstione in Genesim quinta.

Equidem cum dixerit; Terra autem erat inuisibilis, & incompressa, & tenebræ erant super abyssum; demon-
strauit cum terra creatas simul esse aquas.

b. Una eademque fuit causa, aqua nempe, quod terra erat inuisibilis, & incompressa.

BASILIVS Homilia præcitata.

Eadem itaque causa erat, propter quam terra & inuisibilis erat, & inornata. Siquidem telluris compositio,
& appa-

Anno Mundi
primo.
In exordio
temporum.
Ante dies.

Et Tenebræ erant super faciem Abyssi.

- Legendum est Obscuritas; seu Tenebra, non Tenebræ.
- Potuit dimitti vocula illa, Facies.
- Legendum est super Facies, non super Faciem.
- Thethob, Profundum significat, siue Abyssum.

apparatus, ipsius est proprius ornatus: ipsiq; iuxta naturam accommodatus, utpotè, segetes in concauis, & decliuibus locis vberim prouenientes, prata prouidentia, copiaq; florum, ac varietate depicta, frondosæ val-
les & florulentæ, montium denique cacumina syluis vmbrosa. Quorum nondum quicquam ipsa tellus habebat,
sed parturiebat quidem omnium ortum, earum planè virium ratione, quæ cum crearetur, ab opifice sibi fuerant
impressa: operiebatur autem idonea, definitaque tempora, quò diuino præcepto conceptus suos in lucem, ac
fetus ederet.

Et Tenebræ erant super faciem Abyssi.

Hebraica lectio habet, Vehofech, alpene, thehom, idest, Obscuritas, siue tenebræ su-
per faciem Abyssi.

Chaldaica, eodem modo legit sicut & nostra; Et tenebræ super faciem Abyssi.

Septuaginta Interpretes verterunt; Et tenebræ super Abyssum: ut in Biblia Regia.

Nā Græca editio legit καὶ σκοτος ἐπάνω τῆς ἀβύσσου, idest, Et tenebræ super Abyssum.

Edition nostra transtulit; Et tenebræ erant super faciem Abyssi.

Pagninus, & Vatablus; Tenebræ erant in superficie voraginis. Lusitanus; Et ob-
scuritas super superficies Abyssi. Caietanus; Et obscuritas super facies Abyssi.

Commentatores, qui Pædagogiam literæ prosequuntur, de editione, significatio-
ne, & constructione nonnulla animaduertunt.

a. Legendum Obscuritas, seu Tenebra, non Tenebræ.

LVSITANVS Commentarijs in Genesim.

Non puto esse necessarium nomen singulare Chofech, idest, Obscuritas, vertere in plurale, scilicet Tenebræ.
Cum enim sermo Latinus habeat singulare respondens Hebraico, non arbitror esse necessarium plurale usurpare.

CAIETANVS oppositum edocet.

Quia Latini caremus singulari nominis Tenebræ; idè Interpres transtulit pluraliter, Tenebræ.

b. Potuisset dimitti vocula, Facies.

STEVCHVS Commentarijs in Genesim, de Constructione.

Facies dimitti poterat, sicut omittitur à Septuaginta, qui hunc locum vertunt, Et Tenebræ incumbabant su-
per Abyssum. Et quemadmodum ipse noster Interpres omisit ibi; Spiritus Domini ferebatur super aquas:

Hebraicè enim dicitur, Super facies aquarum. Solent ergo Hebræi his aduerbijs Contra, & Super, ut pluri-
num adiungere Faciem, dicentes, Contra Faciem deserti, Contra Faciem firmamenti; & Super Faciem Terræ,
Contra Faciem Terræ.

c. Legendum esse super Facies, non super Faciem.

CAIETANVS.

Et quia dictio interpretata Facies, caret singulari apud Hebræos; idè in textu Hebræo habetur Facies in nu-
mero plurali.

d. Thethob, Profundum significat, seu Abyssum.

LVSITANVS de Significatione.

Nomen verò Thethob, idest, Vorago, significat propriè locum infimum profundarum, & nonnunquam pro-
funditatem ipsam aquarum. Isaie enim quinquagesimoprimo habetur; Nonne tu siccare fecisti Mare, aquas
Thethom, idest, Abyssi, seu profunditatis magnæ, seu multæ.

CAIE-

AnnoMundi
primo.
In exordio
temporum.
Ante dies.

Et Tenebræ erant super faciem Abyssi.

- a. In Hebræo non haberi, Erant.
b. Et, pro Quia, legendum est.

CAIETANVS.

Abyssi nomen quamuis Græcum, quia tamen usurpatum est à Latinis, & Hebraicę dictioni consonat, libenter accepimus.

- a. In Hebræo non haberi, Erant.

CAIETANVS

Commentarijs in Genesim.

Nec inuenitur ibidem aliquod verbum; sed verbum, Fuit, ante positum, seruit utrique particula; præcedenti scilicet, & huic.

- b. Et, pro Quia, legendum esse.

VIELMIVS

lectione octaua.

Si Septuaginta sequeremur, non esset insulsus commentarius: si rursus Et, pro Quia, nunc quoque interpretaremur, essetq; huius periodi sensus. Terra erat incomposita, & inuisibilis, quia Tenebræ erant super faciem Abyssi.

A V C T O R.

Ego ex his elicio, non adeò discrepantes esse translationes has à nostra, quin eam sectari non possimus. Quapropter id tantum mei muneris esse arbitror, ut ex his discretis, diuersisq; editionibus ea adnotem, quæ nostram calumniare existimantur. Principio itaque nostram editionem nonnulli redarguunt, quoniam in Hebraica, & Chaldaica lectione, Obscuritas, pro Tenebræ, positum sit; idq; Caietanus, & Lusitanus non sine ratione factum putant; tum quia vox Chosech singularis numeri sit; quare potius Tenebra, quàm Tenebræ verti debuerit; seu Obscuritas, quàm Obscuritates; tum etiam quia cum vox eamet, & Tenebras, & Obscuritatem significet, aptius visum sit Obscuritas vertendum esse, quàm Tenebra: nam Tenebra obumbrationem lucis significatione sua demonstrat; Obscuritas verò omnimodam lucis carentiam; primaq; illa ac profundissima caligo Mundo offusa non ex lucis obumbratione, sed ex omnimoda carentia extiterit. Verum id omne, meo iudicio, parum refert, nostramq; editionem immerito isti reprehendunt. Siquidem esto, quod vox illa Chosech, tantum minoris sit numeri; attamen, quia Latinum idioma singulari caret huius nominis Tenebræ, pulcherrimè & eleganter Tenebræ, non Tenebra verti debuit, ut Septuaginta, & Pagninus etiam legerunt. Deinde Tenebrarum vox, etiam pro omnimoda lucis carentia passim capitur, præcipuè apud Patres. Cæterum quod Septuaginta, pro Erant, interpretati sunt Incumbebant; id non ex vocis significato, sed ex descriptionis libertate; cum nullum existeret in Hebraica lectione verbum, facere præsumpserunt. Quod autem voculâ, Super faciem, abstulerint, non multum interest. Solent prosectò Hebræi, aduerbijs, Contra, & Super, ut plurimum adiungere Faciem, dicentes: Contra faciem deserti; & Super faciem deserti; Contra faciem Terræ, & Super faciem Terræ; pro eo quod est, Contra Terram; & Supra Terram. Græca autem in editione, is dicendi tropus negligi potuit. Quod autem Pagninus dixit, in superficie voraginis, & non Abyssi, nullius est ponderis; quoniam Thehom æquè significat abyssum, & voraginem; & vorago & abyssus in eandem trahuntur significationem. Quod Lusitanus & Caietanus, Super superficies, seu Facies legant, & non Faciem, quasi (Alpenè) vox Hebraica, pluralis sit numeri, non multum refert; quia & sæpe in singularem rapitur, ut editio nostra, Septuaginta

Defenditur
nostra Editio
circa vocem
Tenebræ.

Et Tenebræ erant.

- a. Tenebræ, hoc est, Idea æris.
- b. Vel, Angelica natura non conuersa ad Deum.
- c. Siue Materię primę confusio.

ta Interpretes, Pagninus, Lippomanus, & alij sumpserunt. Superest igitur, vt nostræ editioni inhærentes, quid hoc loco contemplantur Patres, perpendamus.

Et Tenebræ erant.

Rapitur Tenebrarum significatio in plures, & repugnantes sensus.

a. Tenebræ, Idea æris.

PHILO de Mundi Opificio, Platonem forsitan subsequutus (sæpe enim Platonizat) sic inquit.

Itaque ante omnia Conditor fecit in Mundo intelligibili Cælum incorporeum, & Terram inuisibilem, & æris ideam, & vacui: hunc vocauit tenebras, vt potè atrum naturaliter.

b. Angelica Natura non conuersa ad Deum.

AVGUSTINVS de Genesi ad literam, libro primo, capite primo.

Tenebræ erant super abyssum: vt translato verbo, tenebrosam abyssum, intelligamus naturam vitæ informem, nisi conuertatur ad Creatorem; quo solo modo formari potest, vt non sit abyssus, & illuminari, vt non sit tenebrosa. Et quomodo dictum est, Tenebræ erant super abyssum: an quia non erat lux? Quæ si esset, vtique superesset, & tanquam superfunderetur. Quod tunc fit in creatura spiritali, cum conuertitur ad incommutabile, atque incomparabile lumen, quod Deus est.

Et duodecimo Confessionum, capite decimoseptimo.

Quid si dicat & alius, Cælum & Terram quidem inuisibilem, visibilemque naturam, non indecenter appellatam, ac per hoc vniuersam creaturam, quæ fecit in Sapientia, idest in principio, Deus, huiusmodi duobus vocabulis esse comprehensam; veruntamen quia non de ipsa substantia Dei, sed ex nihilo cuncta facta sunt, quia non sunt id ipsum quod Deus, & inest quedam mutabilitas omnibus; siue maneant, sicut æterna domus Dei; siue mutantur, sicut anima hominis & corpus; communem omnium rerum inuisibilem, visibiliumque materiem, adhuc informem, sed certè formabilem; vnde fieret Cælum & Terra, idest inuisibilis, atque visibilis iam vtraque formata creatura, his nominibus enunciata, quibus appellaretur Terra inuisibilis & incomposita, & Tenebræ super abyssum: ea distinctione, vt Terra inuisibilis, & incomposita intelligatur materies corporalis ante qualitatem formæ; Tenebræ autem super abyssum, spiritalis materies ante cohibitionem quasi fluentis immoderationis, & ante illuminationem sapientiæ?

c. Tenebræ, Materia primæ confusio.

AVGUSTINVS libro de Genesi ad literam imperfecto, capite quarto.

Et tenebræ erant super faciem abyssi. Vtrum subter abyssus erat & supra tenebræ, quasi iam loca distincta essent? An quoniam materiæ adhuc confusio exponitur, quod iam χῶρος Græcè dicitur; ideò dictum est, Tenebræ erant super abyssum, quia lux non erat; quæ si esset, vtique supra esset, quia esset eminentior; & ea quæ sibi subiecta erant, illuminaret? Et reuera, qui diligenter considerat quid sint tenebræ, nil aliud inuenit, quàm lucis absentiam. Ita igitur dictum est, Tenebræ erant super abyssum: ac si dictum esset, non erat lux super abyssum. Quapropter hæc materies, quæ consequenti operatione Dei, in rerum formas ordinata distinguitur, appellata est Terra inuisibilis, & incomposita, & profunditas carens luce, quæ appellata est superius nomine Celi & Terræ, veluti semen, vt iam dictum est, Celi & Terræ.

Et duodecimo Confessionum, capite tertio.

Nomine tu Domine docuisti hanc animam, quæ tibi confitetur? Nonne tu Domine docuisti me, quòd priusquam istam informem materiam formares, atque distingueres, non erat aliquid, non color, non figura, non corpus, non spiritus, non tamen omninò nihil? erat quedam informitas sine vlla specie.

Anno Mundi
primo.
In exordio
temporum.
Ante dies.

Et Tenebræ erant.

- a. Tenebræ, hoc est, indistinctio rerum in Chaos vniuersali vna forma congesto.
b. Vel caligo obruens, ne lux corpora diaphana illustraret.

E V C H E R I V S suis in Commentarijs libro primo, capite primo.
Hæc ergo tenebrosa abyssus, adhuc informis materiæ obscuritatem designat, quia nondum vlla species videri, aut tractari poterat.

A L B E R T V S Magnus in Summa de quatuor coræqueuis, questione duodecima, articulo vndecimo.

Quare dicuntur tenebræ esse super faciem abyssi, si abyssus dicitur materia? Dicendum, quod tenebræ est priuatio luminis; lumen autem est prima forma, per quam superiora mouent materiam elementorum. Et quia adhuc proportio sufficiens non erat inter principium primum mouens in genere corporum, propter hoc dicitur tenebræ fuisse. Quia verò abyssus dicit materiam, secundum quod est sub priuatione, & non terra, vel aqua; propter hoc dicitur potius illa tenebræ fuisse super faciem abyssi, quàm super faciem terræ, vel aquæ.

a. *Indistinctio rerum in Chaos vniuersali vna forma congesto.*

G R E G O R I V S Nyssenus, de Historia sex dierum, quibus conditus est Mundus.

Quum summa rerum facta est, antequam vnumquodque eorum, quæ complent, & conficiunt summam, per se ostenderetur, caligo rerum vniuersitati offusa erat. Nondum enim ex igni editus erat splendor innumeris materiæ particulis occultatus: quemadmodum etiam silices obscuri in tenebris manent, etsi naturaliter illuminatricem in se vim continent, per mutuam collisionem ignem edentes, cum autem ex ipsis emicuerit scintilla, etiam ille vna cum splendore huius apparent: ita inuisibilia, atque obscura omnia erant, prius quàm illuminariæ natura in apertum, ac propatulum prodiret.

T O S T A T V S Commentarijs in Genesim, in secunda expositione.
Aliqui volunt, quod tenebræ dicantur hic materialiter aer non illuminatus, qui operiebat Terram, sed non conuenit huic opinioni, quia nondum erat aliquod elementum distinctum, per consequens nec aer, sed vocantur tenebræ priuatio lucis, quia nondum fuerat creata nubecula illuminans, tenendo quod creatio materiæ omnium rerum præcessit lucem, vt supra diximus. Vel dicuntur tenebræ carentia distinctionis formarum, quia sicut lucis facit cognitionem in rebus, ita forma distinguit, & dat cognosci: quæ autem informia sunt, cognosci non valent.

C A T H E R I N V S Enarratione in Genesim.
Et addit super faciem illius abyssi fuisse tenebras, id est, carentiam luminis, cum nihil adhuc esset suæ certæ specie constans, atque distinctum.

b. *Caligo obruens ne lux corpora diaphana illustraret.*

T H E O P H I L V S Antiochenus ad Autolycum libro secundo, solus tenebras has, caligines fuisse autumauit, cum dixit.

Tenebras pronuncians, ob oculos ponit caliginem, quæ Cælum creationis obscurarunt, & contexerunt, quæ admodum aquæ potu salubres operuere superficiem Terræ.

V I E L M I V S lectione decima, lucis nomine prima die effectæ, Solem venire differuit secundum quorundam opinionem, qui Solem in primordijs cum Cælis prodijisse arbitrabantur, atque permotæ instantiæ occurrens, quod à creatione Cæli & Terræ tenebræ super faciem Terræ tunc non potuissent extasse; ita secundum eorum assertionem respondet.

At verò priores Doctores, ita fortasse responderent; & (ni fallor) probabilius; Solem quidem vna cum lucis prodijisse, (hæc enim proprietates eius ac passio est) sed non nisi in actu signato, vt Scholæ loquuntur, non autem in actu exercito: erat siquidem præstantissimum sydus id, aptum splendore inferna corpora, sed cum crassiora magnopere essent, eorum vitio, & incapacitate contigit, vt non prorsus irradiarentur: & proinde factum est, vt tenebræ essent super faciem abyssi: vt enim Rabbi Moses dicit, vsque adeo perturbata, & crassa erat mater

Et Tenebræ erant.

AnnoMundi
primo.
In Exordio
temporum.
Ante dies.

- a. Tenebræ, hoc est, carentia lucis in Empyreo.
- b. Vel caligo tenebrosa, in qua mixta erant tria elementa, scilicet ignis, ær, & aqua.
- c. Sive confusio, & indistinctio quatuor elementorum in Chaos.
- d. Aut simplex lucis destitutio.

elementorum congeries, ut vetaret, obsisteretque, ne Solis radij ad Terram usque pertingerent.

Quibus conspicuè claret, non defuisse ex nuperis, qui sententiam à Theophilo Antiocheno insinuatam, illisque fortè impersectam, comprobarint, atque extulerint.

a. Tenebræ, hoc est carentia lucis in Empyreo.

GVLIELMVS Parisiensis, de Vniuerso parte prima, capite quadagesimo, vnicus est huius peregrinæ sententiæ assertor.

Et tenebræ erant super faciem abyssi. Dixit hæc Propheta propter Empyreum Cælum, cui ab initio suæ creationis non fuit lux illa; qua postea splendidatum fuit; sicut vides & de alijs Cælis, quod nullum eorum in se luminosum est; vnde nec videtur aliquod eorum. Quod autem apparet luminis in eis, à parte luminarium est, & stellarum. Non est igitur mirum, si de Empyreo Cælo hoc idem dicatur: cum Empyreum naturaliter diuersum ab alijs Cælis non videatur, nisi sola nobilitate substantiæ, ac subtilitate eiusdem ordinem verò locorum, sue positionem in altitudine & depressione, dedit ordo nobilitatis ipsorum, quemadmodum & alijs Mundi corporibus primis, idest quatuor elementis.

b. Tenebræ, idest caligo tenebrosa, in qua mixta erant tria elementa, ignis, ær, & aqua.

HVGVO Victorinus de Sacramentis libro primo, parte prima. Deinde sequitur Scriptura, & dicit; Et tenebræ erant super faciem abyssi. Duo superius proposuerat, videlicet Cælum & Terram. Modo quædam alia duo subiungit, scilicet tenebras, & abyssum: alterum, idest, abyssum in terra: alterum, idest, tenebras, in eo, quod Cælum vocauerat significans intelligendum. Propterea nanque super faciem abyssi tenebræ erant, quia abyssus subtrus erat, & desuper caligo tenebrosa erat. Nanque abyssus tenebræ erat, quia lumen futura non erat: sed desuper faciem abyssi, tenebrarum locus fuit in eo, scilicet elemento; vnde lumen postea venire debuit. Neque enim, nisi in lucis loco, tenebræ esse potuerunt: propterea tenebræ erant super faciem abyssi.

Cap. 6.

RICHARDVS noster Exceptionum libro secundo, capite septimo, eandem sequutus est sententiam, cum dixit.

Deinde vocat Scriptura sacra tria elemēta, quæ simul erant permixta, tenebras, deinde aquas. Aquas ubi dicit; Spiritus Domini ferebatur super aquas. Tenebras, ubi ait; Tenebræ erant super faciem abyssi. Cælum propter suspensionem; aquas propter mobilitatem, & fluctuationem; tenebras propter confusionem. Abyssus est concavitas Terræ, quæ receptaculum inferiorum futura erat aquarum.

c. Tenebræ, idest confusio, & indistinctio quatuor elementum in Chaos.

MAGISTER secundo Sententiarum, distinctione duodecima. Et Tenebræ erant super faciem abyssi, &c. quia confusa erat & commixta, specie distincta carens.

d. Tenebræ, simplex lucis destitutio.

Patres, tenebras has, non quid substantificum, seu (ut in Scholis aiunt) positivum extasse, seu Dæmones, seu malam quandam naturam, sed simplicem lucis absentiam, totis viribus demonstrant, contra Philosophos illos, atque Hæreticos, qui Deum fatorem à tenebris procreationem, congestionemque Vniuersi augustissimam inchoasse calumniabantur, atque tenebrarum nomine prauos Angelos, seu malam naturam interpretabantur. Ego, prætermisissis eorum prolixis disceptationibus, assumo tantum ea, quibus tenebrarum vocula lucis carentiæ significari, & demonstrari, sic nos erudiunt.

GREGORIUS Nazianzenus de Mundo, carmine quarto, cum poemate satis eleganti, contra Manichæos tenebrarum nomine pravam naturam non esse intelligendam decertasset, his concludit.

Horrida post autem subijt caligo, nec illa

Subsistens quicquam est, quod circumscribere possis.

BASILIVS Hexameron Homilia secunda, Manichæos pro Tenebris naturam mali interpretantes pluribus reprehendens, hæc interiecit.

Simplex est hæc oratio, atque ab omnibus comprehendere facillè potest: Erat inuisibilis (inquit) Terra, quam ob causam, quæso? quia circumfusa undiq; erat abyssus. Quid abyssus significat? copiosam aquam, ad cuius fundum haud facillè penetrari poterit deorsum versus. At complura corpora per tenuem, & transparentem aquam scimus non rarò videri. Quamobrem igitur pars Terra nulla tunc per aquas visendam se ostendebat? Quia eatenus lumine carebat aër, obtenebratusq; adhuc erat, qui tota ambibat aquæ naturam. Rariùs enim Solis, cum aquas penetrat, calculos in fundo collocatos persæpe demonstrat: profunda verò in nocte nullo modo quisquam ea, quæ sunt sub aqua, conspiciere potest. Eius itaque quod tellus inuisibilis fuit, probatur est, quod subiungitur, tenebrosam abyssum Terra superficiem occupasse. Et post. Dicimus itaque hæc tenebras non secundum substantiam extitisse, sed affectionem esse, quæ aëri ex luminis priuatione accedat.

AMBROSIVS his consentanea tradit Hexameron libro primo, cap. octauo.

Pulcherrima est rerum species, sed quid esset sine lumine? quid sine aquarum congregatione, quibus antequam dimersa poli huius habebantur exordia? Tolle Solem Terris, tolle Celis Stellarum globos, omnia Tenebris interhorrescunt. Sic erant antequam lumen huic Mundo Dominus infunderet. Et ideo Scriptura ait; Quia tenebrae erant super abyssum. Tenebrae erant, quia splendor deerat lucis: Tenebrae erant, quia aër ipse tenebrosus est. Aqua ipsa sub nube tenebrosa est, quia tenebrosa aqua in nubibus aëris. Erant ergo Tenebrae super abyssos aquarum.

Psal. 17.

AVGVSTINVS de Genesi contra Manichæos libro primo, capite quarto, cum ostendisset Deum non habitasse in tenebris, sed in luce sibi conueniente, adiicit.

Tenebrae erant super abyssum, antequam lux ista fieret: de qua consequenter hoc loco dicitur; Et dixit Deus, Fiat lux. Quia ubi lux non est, tenebrae sunt: non quia aliquid sunt tenebrae, sed ipsa lucis absentia, tenebrae dicuntur. Sicut silentium non aliqua res est, sed ubi sonus non est, silentium dicitur. Et nuditas aliqua res non est, sed in corpore ubi tegumentum non est, nuditas dicitur. Et inanitas non est aliquid, sed locus ubi corpus non est, inanitas dicitur. Sic tenebrae non aliquid sunt; sed ubi lux non est, tenebrae dicuntur. Hoc ideo dicimus, quia solent dicere; Unde erant ipsæ tenebrae super abyssum, antequam faceret Deus lucem? Quis illas fecerat, vel genuerat? Aut si nemo fecerat, vel genuerat eas, aeternæ erant tenebrae, quasi aliquid sint tenebrae. Sed ut dictum est, lucis absentia hoc nomen accepit. Sed quia ipsi fabulis suis decepti crediderant esse gentem tenebrarum, in qua & corpora, & formas, & animas in illius corporibus fuisse arbitrantur; ideo putant quod tenebrae aliquid sint: & non intelligunt non sentiri tenebras, nisi quando non videmus; sicut non sentitur silentium, nisi quando non audimus. Sicut autem silentium nihil est, sic & tenebrae nihil sunt. Sicut autem isti dicunt gentem tenebrarum contra lucem Dei pugnasse, sic potest & alius similiter vanus dicere gentem silentiorum contra vocem Dei pugnasse.

Beda Quæstionibus in Genesim hæc ipsa suffuratus est.

Et duodecimo Confessionum idemmet Augustinus hæc ipsa repetit, capite tercio.

Unde iussisti ut scriberetur, quod tenebrae erant super abyssum, quid aliud quam lucis absentia. Ubi enim lux esset, si esset, nisi superesset eminendo, & illustrando? Ubi ergo lux nondum erat, quid erat adesse tenebrae, nisi abesse lucem? Super itaque erant tenebrae, quia lux super aberat, sicut sonus ubi non est, silentium est. Et quid est esse ibi silentium, nisi sonum ibi non esse?

DIODORVS, ut in Catena.

Et ideo Tenebras absque articulo demonstratiuo, Abyssum verò cum articulo nominauit; quia hoc quidem non subsistit, sed accidens est: illud verò essentia prædicitum est.

EVCHERIVS pariter.

Quidam etiam dicere solent; Unde erant tenebrae, antequam fieret lux? Quis eas fecerat? Aut si nemo fecerat, aeternæ sunt. Quibus respondetur. Non quia aliquid sunt tenebrae, sed ipsa lucis absentia hoc nomen accepit: sicut enim silentium nihil est; sed ubi vox non est, ibi silentium dicitur; sic tenebrae nihil sunt, sed lucis defectus.

GLOSSA Interlinearis.

Tenebrae, quia non erat lux quæ superesset, & superfunderetur.

GLOSSA Ordinaria ex Beda.

Non sunt audiendi, qui reprehendendo dicunt Deum prius creasse tenebras quam lucem, quia nullas in aqua vel aëre fecit tenebras, sed distincto ordine providentiæ, prius aquas cum Celo creauit, & Terra, & has cum voluit, lucis gratia venustauit.

PROCOPIVS Commentarijs in Genesim.

Ne igitur mireris, si tenebræ præcesserint lucem. Nam tenebræ per se non subsistunt, at aptæ sunt illuminari, lucisque præsentia egent. Aer etenim susceptibilis est lucis, non existens quatenus aer est caligo: hanc verò accidentariam est adeptus.

THEODORETVS Quæstione septima in Genesim.

Quod autem non sint substantia, sed res quedam accidentaria, facile est intelligere: nempe quod sint Cæli & Terræ adumbratio. Quamobrem oriente lumine, evanescent tenebræ. Lumen autem substantia est, & subsistit: & cum occiderit, rursum oritur: & cum abierit, reuertitur. Quemadmodum enim corpus nostrum est substantia, umbra verò quam facit, accidens est, non substantia; ita Cælum & Terræ, (quæ maxima sunt corpora) substantiæ sunt diuersæ: quæ verò ab his manat umbra, lumine non apparente, vocantur tenebræ. Lumen autem emergens, tenebras delet. Itaque Cæli & Terræ umbra, tenebras producit: quæ oriente lumine, rursum dissoluntur. Non sunt igitur tenebræ substantia quedam increata, neque etiam substantia creata; sed vsus quidam necessarius, ab his, quæ facta sunt proueniens, & sapientiam Dei prædicans. Ecce enim Propheta Deum vniuersorum etiam ab his laudat.

ACACIVS, vt in Catena.

Tenebræ verò non sunt, vt Manichæorum deliramenta tradunt; mala quedam natura, sed lucis absentia, atque defectus.

IVNILIUS in Hexameron.

Merito tenebræ erant super faciem Abyssi; cum necdum lux, quæ has figuret, creata esset. Non autem audiendi sunt, qui reprehendentes Deum, dicunt tenebras ante creasse, quàm lucem, quia non Deus tenebras in aqua, & aëre fecit vllas: sed ordine distincto providentiæ suæ prius aquas cum Cælo creauit, ac terræ, & has postmodum cum voluit, lucis gratia venustauit, id quod eum vsque modo & in aqua ipsa, & in aëre, per quotidianum Solis occasum, ac discessum facere videmus. Neque enim aquas ad omnia factas credere fas est. Quod etsi hic Scriptura palàm non dicit: palàm tamen significat, cum has à Deo illustratas, atque ad insum eius ordinatas insinuat. Sicut & Psalmus dicit apertè; Et aquæ, quæ super Cælos sunt, laudent nomen Domini: Quia ipse dixit, & facta sunt.

Psal. 148.

RVPERTVS in Genesim Commentarijs libro primo, capite septimo.

Tenebræ, inquam, corporeæ circa indiscretum Mundi corpus erant, quia videlicet nondum firmamentum erat in medio aquarum, nondum ea quæ corporaliter lucent in eo, & Terram illuminant, Sol, Luna, & sydera facta fuerant, quæ die quarto facta sunt.

MAGISTER secundo Sententiarum, distinctione duodecima.

Attende, quia hic Augustinus tenebras dicit non esse aliquid, cum alibi tenebræ inter creaturas ponantur, quæ benedicunt Dominum. Vnde dicitur; Benedicite lux, & tenebræ Domino. Ideoque sciendum est tenebras diuersis modis accipi, scilicet, vel pro lucis absentia, qualiter supra accepit Augustinus, iuxta quam acceptationem non sunt aliquid; vel pro aëre obscurato, siue aeris obscura qualitate & secundum hoc aliqua res creata sunt. Ideo ergò dicit tenebras tunc fuisse super faciem abyssi, quia nondum erat lux: quæ si esset, & superesset, & superfunderetur: sed nondum lucis gratia opus suum Deus venustauerat, quæ postea in primo die formata est.

Dan. 3.

PETRVS Comestor Historiæ Scholasticæ, capite secundo.

Quia verò dictum est, tenebræ erant: quidam dogmatizauerunt tenebras fuisse æternas, quæ iam, scilicet, cum Mundus fieret, erant. Alij irridentes Deum Veteris Testamenti, dicunt eum prius creasse tenebras, quàm lucem: Sed tenebræ nihil aliud sunt, quàm lucis absentia. Obscuritas autem quedam aeris à Deo creata est, & dicta tenebræ. Vnde & in catalogo creaturarum dictum est; Benedicite lux & tenebræ Domino.

CAIETANVS Commentarijs in Genesim.

Per obscuritatem autem intellige duo; & ipsam negationem luminis, & conditionem subiecti (abyssi scilicet) quod erat perspicuum: obscuritas enim est negatio luminis in diaphano.

ALEXANDER de Hales quæstione quadragesima quinta secundæ partis, membro quarto.

Respondeo, quòd tenebra antecedenter non dicit priuationem ordine naturali rei consequentis; sed negationem eius, quod nondum factum est, & est fiendum. Vnde non est necesse prius fuisse lumen.

D. BONAVENTVRA secundo distinctione duodecima, super textum.

Et propterea oportet distinguere, quòd tenebra dupliciter potest importare priuationem. Vno modo, quia simpliciter dicit lucis absentiam; & hoc modo non sequitur lucem: & sic nihil est formaliter loquendo. Sic etiam intelligit Scriptura, quòd tenebræ erant super faciem abyssi; & sic intelligit Augustinus, cum dicit; tenebræ non aliquid sunt. Alio modo tenebra dicit priuationem lucis in vna parte cum positione illuminationis in alia, & hoc modo tenebra appellatur umbra, quæ resultat ex obiecto corporis opaci; & sic tenebra etsi aliquo modo sit priuatio, non tamen priuatio pura; & per hunc modum accipiendo, à luce dicitur esse diuisa; & signatur nomine noctis, & inuitatur ad laudem Creatoris; & consequitur habitum lucis.

Anno Mundi
primo.
In exordio
temporum.
Ante dies.

Et Tenebræ erant.

a. Tenebræ ex opacitate supremi Orbis, Empyreï fulgorem secludentis, exortæ sunt.

A V C T O R.

Postrema sen-
tētia reliquis
potior.

Tenebrarum
duo genera.

Quæ tenebræ
in exordio
Mundi fue-
runt.

Postrema hæc sententia (ni ego iudicio fallor) vti communior, ita etiam tutior, ac verisimilior censenda est. Nam æris idæam, seu Angelicam præstantissimam naturam à Deo non illustratam, seu materiæ primæ confusionem, seu Chaos incongesti indistin- ctionem, hoc loco à Mose memoratas esse, arduum est existimare, & Mosen Hebræis he- betioris ingenij viris, consimilia ardua enarratione perplexa obiecis- se, non est verisimi- le iudicandum. Caliginem verò eam, quam Theophilus Antiochenus insinuauit, tunc extasse non abnuerem, sed Solem in primordijs temporum prodijisse, nec effulgere po- tuisse, vt nuperorum alij dixerunt, affirmare non tutum arbitror. Sol etenim, etsi non fulgida, saltem pallente luce, inuita etiam ea caligine, Mundum illustrare potuisset. Te- nebrarū verò nomine, lucis in Empyreō destitutionē hoc loco demonstrari, singularis profectò est sententia, neque à nobis vsquequaque complectenda. Cæterum, tene- brarum duplex est genus. Aliud quod est vmbra: aliud quod est (vt ita dicam) obscu- ritas. Vmbra est lucis impedimentum, à corpore opaco explendescentibus lumiferis obiecto, effectum; hocque tenebrarum genus duas excipit condiciones: Prima est, quod vmbra magis, & minus condensantur, & elucescunt ex ratione corporis, maiore vel minore crassitie præditi, vel ex eo quod è lateribus lux repercussa, claritatem quan- dam circumemittit: Altera, quod vmbra nunquam totum orbem obtenebrare valet; quoniam nullum corpus opacum Solis excedit magnitudinem. Hæc clara admodum deduci possunt ex Terræ exemplo, quæ nec obiecta Soli, vmbra sua Solis amplitudinē æquare, nec omne hemisphærium simul obscurare potest; quandoquidem vmbra hemi- sphærium vnum opacante, lux in altero semper elucescat. Obscuritas verò est omnis luminis sublatio, carentiaque, adeò vt amota penitus luce, tenebræ obdensissimæ æque semper omne corpus diaphanum contegant, totusque orbis hemisphærio nullo exce- pto, caligine ac tenebris nigrescat. Est igitur primum genus tenebrarum, lucis impedi- mentum: est secundum, omnis prorsus lucis ablatio. Illud quidem lucis priuatio, vt aiunt Dialectici; hoc autem pura lucis negatio. Porro tenebrarum genus hoc, ante omnem diem erat, quando tetra obscuritate mersa, ac prorsus sepulta, vniuersa iacebāt: sed proflita luce, diuisit Deus lucem à tenebris, alterumque genus tenebrarum, quod est vmbra, superuenit.

a. Tenebræ ex opacitate supremi Orbis, Empyreï fulgorem secludentis, exortæ sunt.

De Tenebris primævis Patres hoc tradidere, quod alij memorabile paradoxum æsti- marunt: Tenebras scilicet eas ante primum diem in Chaos diffusas, ex supremi Orbis fulgorem Empyreï retundentis opacitate enatas esse.

D. CLEMENS Recognitionum libro primo.

In principio cum fecisset Deus Cælum & Terram, tanquam domum vnā, ipsa quæ ex corporibus Mundi reddita est vmbra, his quæ intrinsecus clausa fuerant, tenebras ex se dedit.

I V N I L I V S pariter, huius sententiæ D. Petrum assertorem, atque aucto- rem facit in suo Hexameron, cum ait.

De his sanè, quæ hætenus exposita sunt, id etiam de creatione diei primi & secundi, in historia Sancti Cle- mentis, ita dixisse referunt Apostolum Petrum; In principio cum fecisset Deus Cælum & Terram, tanquam domum

domum vnam, & ipsa quæ in corporibus Mundi reddita est vmbra; his quæ intrinsecus clausa fuerant, tenebras ex se dedit. Sed cum voluntas Dei introduxit lucem, & tenebræ illæ, quæ ex vmbra corporea factæ fuerant, continuo deuoratae sunt: tum deinde lux in diem, tenebræ deputantur in noctem.

BASILIVS Hexameron Homilia secunda.

Dicimus itaque hasce tenebras non secundum substantiam extitisse, sed affectionem esse, quæ aëri ex luminis priuatione accidat. At cuiusnam, is locus, quæso, quem Mundus ambit, subito luminis expers inuentus est, ut essent tenebræ super aquas? Arbitramur sanè si quid erat ante Mundi sensilis, atque corruptiui constitutionem, id in lumine nimirum fuisse. Neque enim Angelorum dignitates, neque cælestis exercitus vniuersus, neque omnino si quæ naturæ sunt participes rationis, aut nomen sortita, aut nomine carentes, spiritusque subministrantes degebant in tenebris: sed in hac commodatissima sibi luce, lætitiâque spirituali suum statum habuerunt. Atque his controuenterit nemo, non is saltem, qui supercælestem lucem inter bonorum promissiones expectat: De qua Salomon ait; Lux iustis semper est præsens. Et Apostolus Paulus; Gratias agentes Patri, qui idoneos nos fecit in parte sortis Sanctorum in lumine. Etenim si qui condemnantur, in tenebras exteriores mittuntur; qui dignè egerunt voluntate diuina, nimirum hos in lumine supercælesti suam habere requiem constât. Cælum igitur factum cum esset Dei sanè imperio, suoque quaquauersum ambitu expansum, ut suæ complexu circumferentiæ, quæ excepturum erat, quasi interiore quodam sinu circûplecteretur ea & contineret, corpus continuum obtinens, ab externisque sufficiens interna seiungere, comprehensum à se locum necessariò carentem lumine reddidit, tenebrisque externo interciso splendore & intercepto obscurauit. Nam ut sit vmbra, tria concurrant oportet: lux, corpus obiectum luci, locus luminis expers. Tenebræ igitur illæ Mundo circumfusse, propter cælestis corporis vmbra subortæ sunt.

Coloss. 1.

Hæcille. Deinde elegans huiusce rei, aptissimumque exemplum subiicit.

Atque id quod dicimus apertissimo planè exemplo perceperis, si tibi in puncto meridianæ lucis, densa ex materia, & impenetrabili, tabernaculum circumposueris, ac tenebris his ex tempore procuratis teipsum includeris: tales & tenebras illas esse suppone, non principaliter ex sese subsistentes, sed res alias subsequetas.

GREGORIVS Nazianzenus expressè hoc ipsum non dixit, sed Elias Cretensis insignis commentator Græcus, locum illum Orationis Gregorij Nazianzeni quartæ aduersus Iulianum, qui est, Verbo tenebras depulit, Verbo lucem produxit, exponens, iuxta Nazianzeni mentem, ait.

Postquam igitur Gentilium ritus cum nostris ex aduerso composuit, ac repentinæ, atque inopinatæ illorum subuersionis in memoriam venit, tacito animi motu exclamauit; Quot tandem armorum apparatus, quot virorum millia hoc effecissent, quod nos, adhibitis duntaxat precibus, ac Deus voluntate sua, consecimus? Quæ autem sequuntur, Dei laudem continent, ex ijs rebus, quæ ab eo effectæ, ac procreate sunt, contextam. Porro cum iuxta Genesis librum, magnus quoque hic Pater, tenebras priore loco posuerit, cum dixit, Verbo tenebras depulit; ratio hoc exquirat, an tenebræ vnâ cum Mundo procreate sint, & an luce antiquiores; & quid asseri possit, quamobrem, quod deterius est, antiquius sit. Quam quidem quæstionem soluens Magnus Basilus; Illud, inquit, mecum reputo, quod si quid ante Mundi huius in sensum cadentis, & interitui obnoxij procreationem erat, non est profectò dubitandum quin in luce esset. Nam neque Angelorum dignitates, nec cælestes omnes exercitus, nec denique quidquid est naturalium ratione vtentium, quod vel nomine præditum sit, vel nominari nequeat, in tenebris versabatur, sed in luce, atque in omni lætitiâ spirituali. Nec quisquam erit, qui contrarium asserat, ex ijs quidem certè, qui supercælesti lumen in Angelorum promissionibus expectat: de quibus ait Salomon; Lumen iustis perpetuò. Postquam autem Dei iussu factum est Cælum, subito ad ea, quæ intra circumferentiam inclusa erant, expansum, continuum corpus habens, atque ad externa ab internis dirimenda commodum & idoneum, tum verò necesse scilicet fuit, ut locum eum, quem intra se continebat, ob interruptum, & intercisum externum splendorem, obscurum atque caliginosum redderet. In vmbra enim tria concurrant necesse est, lux, corpus, & expers luminis locus. Itaque mundanæ tenebræ ad Cælestis corporis vmbra velut ortum habuerunt. Postquam autem dixit Deus, Fiat lux, res statim vocem secuta est, ac lucis natura in apertum venit, atque caligo se remouit, mæstitiâque discussa est. Quamobrem ergo caligo non in creata essentia est, nec rursus creata quedam hypostasis, verum ex rebus creatis velut existens ad lucis aduentum euanescebat.

GREGORIVS Nyssenus, libro qui inscribitur de Cognitione Dei, & eius esse fertur.

Nos autem dicimus tenebras non esse naturam vllam, sed accidens; & nihil aliud, nisi lucis absentiam: etenim cum Cælum initio volueretur, eorum, quæ circumerant obiectu, tenebræ extiterunt: quod etiam nunc in ijs, quæ obstruuntur, euenire consuevit.

AMBROSIVS Hexameron libro primo, capite octauo.

Erant enim tenebræ de obumbratione Cæli; quia omne corpus vmbra facit, qua obumbrat vel finitima, vel inferiora, & ea maximè quæ operire, atque includere videtur. Includit autem Cæli polos; quia Cælum sicut camera extenditur, quemadmodum supra demonstrauimus. Non ergo principalis erat tenebrosa substantia, sed quasi vmbra sequuta est Mundi corpus caligo tenebrarum. Itaque momento diuinæ præceptionis Mundus

duis assurgens, intra se inclusit umbram : ut si quis in campi medio, quem Sol meridianus illuminet, locum aliquem repente obsepiat, & densis ramorum frondibus tegat ; nonne quo splendidior foris species loci eius effulgeat, hoc horrenti desuper scena gurgustium eius intus obscurius sit ? Aut unde antrum, clausum undique huiusmodi locum vocarunt ; nisi quod atro inborrescat situ, atque offusione tenebrarum ? Ista ergo tenebra super aquarum abyssos erant.

DIODORVS, ut in Catena, idipsum sensisse visus est, cum dixerit. Tenebrae verò umbra erant Celi & Terræ. Corporum, nanque adeo magnorum, meditum obumbrari necesse est.

THEODORETVS Quæstione in Genesim sexta. Quum igitur imperio diuino creatum sit Cælum, omnibus quæ intra eius ambitum continentur, circumsum, corpus quidem habens continuum, quod possit ea, quæ foris sita sunt, separare ab ijs quæ intra se comprehendit, necessariò locum quem complectitur, tenebrosum reddidit, externum ab eo lumen excludens. Nam tria concurrere oportet in umbra ; lumen, corpus, & locum minimè lucidum. Tenebrae igitur huius Mundi propter cælestis corporis umbram prouenire.

ANASTASIVS Sinayta D. Basilij sententiam memorat, nec rejicit, Commentarijs in Hexameron libro primo.

In quibus cum armaretur magnus Basilus aduersus Manicheos ; & diceret illa, tenebras esse increatas, & non consistere ; nec sub mensuram, inquit, cadunt, neque definiuntur ; sed cum fecisset Deus Terræ latitudinē, & super eam inclinasset, & extendisset Cælum tanquam tabernaculum, secessit lux, terreno Mundo à Cælo adumbrato. Tenebræ ergo nihil sunt aliud, nisi umbra corporis.

PROCOPIVS ex aduersa parte, Commentarijs in caput primum Genesim, huic Patrum sententiæ acerrimè refragatur, cum ait.

Quod autem dicitur tenebras natas esse ex obstructione inuisibilis, vel intellectualis lucis ; videamus ne congruam, vel probabilem rationem habeat. Nam, quæso, mihi narrato, quodnam corpus intellectuale lumen suo oppositu obscurare potest ? Deus etenim est lux illa inuisibilis ; vita & illuminatio ex hoc fonte spiritualibus hauritur.

Sed Procopium, Empyreum corpus micantissimum non subodorasse his cōiunctur. Cæterum Scholastici, præsertim D. Thomas, hanc Patrum refellunt sententiam, tum quia corpus firmamenti diaphanum sit, & lumen non præpediat : lumen enim stellarum spectamus non obstantibus medijs Cælis ; tum quia Empyreum lucem condensatā non gerat, ut radios emittere queat, sicut corpus Solis ; sed vel subtilior, vel claritati gloriæ conformi luce effulgeat.

D. THOMAS nanque prima parte, quæstione sexagesima sexta, articulo tertio, ad quartum hæc perhibet.

Dicendum, quod sicut Basilus dicit in secundo Hexameron, constat factum esse Cælum rotunditate conclusum, habens corpus spissum, & adeo validum, ut possit ea, quæ extrinsecus habentur ab interioribus separare. Ob hoc necessariò post se, regionem relictam carentem luce constituit, utpote, fulgore, qui superradiabat excluso. Sed quia corpus firmamenti, etsi sit solidum, est tamen diaphanum, quod lumen non impedit ; (& patet per hoc, quod lumen stellarum videmus non obstantibus medijs Cælis) potest aliter dici, quod habet lucem Cælum Empyreum non condensatam, ut radios emittat, sicut corpus Solis, sed magis subtilem ; vel habet claritatem gloriæ, quæ non est conformis cum claritate naturali.

PERERIVS similiter eam redarguit positionem, scribens. Etenim lux illa supercælestis, aut erat spiritualis tantum, aut corporalis : si tantum spiritualis, certe tamen nullum fuisset impedimentum Celi, nihilo magis tamen terram & aquam illuminare potuisset ; nec Cælum, quod est corpus, vim spirituales illius lucis impedire : nec, cum Moses sine dubio hic agat de tenebris corporalibus, eiusmodi tenebræ ex priuatione illius lucis spiritualis existere potuissent. Sin autem ea lux erat corporalis, non utique per se coherere, & constare poterat, sed eam in aliquo corpore inherere necesse erat ; quare fuisset aliquod corpus à Deo conditum ante Cælum, & Terram ; quod aduersatur & Moyse hoc loco, & Dauidi Psalmo centesimo primo, dicentibus, in principio creasse Deum Cælum, & Terram.

A V C T O R.

Tamet si delatum hoc Patrum placitū, ut definitum, ac certum modo tutari mihi non sit animus : assero tamē quoquomodo ab inuestis redargutionibus defendi posse. Procopius ei sententiæ, quæ lucem quandam æternam à Deo perenniter manantem, regiam Beatorum sedem astruit, adherere visus est, quam postea & Steuchus amplexatur, & quam erroneam, ac delirantissimam esse supra demonstrabamus. Quapropter pro Patribus

Et tenebræ erant.

- a. *Tenebræ non fuit natura aliqua, seu potentia quædam mala princeps, bono contraria.*
 b. *Tenebræ ante lucem; quia in rerum creatione, imperfecta præcesserunt perfectæ.*

Anno Mundi
 primo.
 In exordio
 temporum.
 Ante dies.

Defensatur
 Patrum asser-
 tio.

P. p. q. 67. ar-
 tic. 3.

Matth. 13:

P. 3. q. 45. ar-
 tic. 2.
 Matth. 17.

Empyreï lux
 corporalis.

Patribus contra D. Thomam asseuerare possumus, firmamentū quidem translucidum esse, sed non supremum Cœlum, longè super ipsum firmamentum maxima intercapedine euectum; quippe quòd inter firmamentum, & supremum Orbem, aquæ supercœlestes in maxima forsan altitudine interiectæ existimentur; quamobrem ex eo, quòd lucem stellarum conspiciamus, bene euincitur, cœlestia corpora vsque ad sydereum Cœlum pellucida esse; sed non demonstratur, quòd supremum Cœlum perspicuum sit, cum longè sub eo astra subsint. Deinde Empyreum non habere lucem condensatam, adeò ut radios non emittat, comprobandum esset, atq; eò maximè, quoniam vbique in Scripturis Empyreum Beatorū sedes, lux fulgentissima nuncupatur. Coniectare profectò nos possumus, Empyreum vti corpora glorifica emicare, tùm ex locantis, locatiq; symmetria, tùm ex eo, quòd illud exemplar sit, & exordium gloriæ corporum, sicuti ipsemet D. Thomas obtestatur, dicens; quòd conueniens fuit, ut à principio corporalis gloria inchoaretur in aliquo corpore cumulatè lucido. Caterum corpora ad gloriam ascita Solis instar splendescere obtestatur Scriptura; Fulgebunt, inquit, iusti sicut Sol. Sed quod magis, ac magis id demonstrat; nonne Christus, quando transfiguratus est, splendescens gloriæ claritatem ab anima in corpus redundantem, Apostolis reserauit? hoc quippe prisci Patres, & ipse D. Thomas edocent. Nonne Christi facies spectatissima, micanti claritate resplenduit ad Solis instar, eamq; Apostoli conspexerunt, adeoque ut nimio etiam eius obruti fulgore ceciderint in facies suas? Apparet ergo ex his Empyreum gloriosa luce insigniri, lucemq; habere fortè quidem subtilem, sed nihilominus coruscantissimam: & quanquam alterius sit generis à luce hac nostra, attamen emicare, ac lumen nobis emittere, quamuis oculorum nostrorum viribus maximè impar, eorumq; aciem, atque obtutum vehementissimè retundat. Porro sciscitantibus, quam lux illa sit, num corporalis, num spiritualis: responderent Patres eam corporalem esse, eiusdem videlicet generis corporis, cuius Empyreum est. Inferentibus autem, igitur aliquod corpus extitit ante Cœlum & Terram; Basilii, atque eius sectatores id libenter admitterent, ceteri assererent cum Mundo in exordio temporum simul conditum fuisse Empyreum, simulq; & lucem eius à supremo Orbe, ne Chaos illustraretur, retusam fuisse. Atque hæc pro Patribus dixisse velim.

- a. *Tenebræ non fuit natura aliqua, seu potentia quædam mala princeps, bono contraria.*

Patres impiam hanc sententiam, quam Manichæis ascribunt, hoc loco fusiùs improbant, atque reiiciunt.

Basilii Hexameron Homilia secunda: Ambrosii Hexameron libro primo, capite octauo: Procopius Commentarijs in Genesis caput primum: Augustinus de Gen. contra Manichæos libro primo, capite quarto: & alij, quorum sententias non deducam; quoniam contra Hæreticorum delirantes assertiones Catenas coaceruare, consentaneum non arbitror.

- b. *Tenebræ ante lucem, quia in rerum creatione imperfecta præcesserunt perfectæ.*

ACACIVS, vt in Catena.
 Declarat tenebras lucem præcessisse: neque mirum. Nam & rationis expertia, hominem ratione præditum, in rerum creatione præcesserunt.

AnnoMundi
primo.
In exordio
temporum.
Ante dies.

Super faciem Abyssi.

- a. Super faciem abyssi, non autem apud Deum.
b. Non in abyssu, neque super abyssum; quia tunc abyssus non erat lucis capax; sed
super faciem abyssi, hoc est in Cælorum supremo.
c. Super faciem abyssi, hoc est, non tantum in profundo, sed & in eius superficie.

Glossa locupletata id ipsum animaduertit.

I V N I L I V S in Hexameron.

2. Cor. 4.
Ephes. 5.

Quod autem inconueniens: si mundana materia fuerant tenebrosa primordia, ut accedente luce, melius quod factum est redderetur; & tanquam proficientis hominis, quod postea futurum erat, hoc modo significaretur effectio, exponente Apostolo, ac dicente; Quoniam Deus, qui dixit de tenebris lumen splendescere, qui illuxit in cordibus nostris. Vnde alibi dicit; Fuiſtis aliquando tenebræ, nunc autem lux in Domino: illo videlicet, qui cum tenebræ essent super faciem abyssi, dixit; Fiat lux, & facta est lux.

Observationes præfatæ nulla certè animaduersione indigent, quoniam ex se perspicuæ sunt.

a. Super faciem abyssi, non autem apud Deum.

A V G V S T I N V S

de Gen. contra Manichæos lib. primo, cap. tertio. Quod Manichæi reprehendunt dicentes; In tenebris ergo erat Deus, antequam faceret lucem? Per ipsos sunt in tenebris ignorantia, & ideo non intelligunt lucem, in qua Deus erat antequam faceret istam lucem. Non enim norunt isti lucem, nisi quam carnis oculis vident. Et ideo istum Solem, quem pariter non solent cum bestiis maioribus, sed etiam cum muscis & vermiculis cernimus, illi sic colunt, ut particulam dicant esse lucis illius in qua habitat Deus. Sed nos intelligamus aliam lucem esse in qua Deus habitat, unde est illud lumen, de quo in Euangelio legitur; Erat lumen verum, quod illuminat omnem hominem venientem in hunc Mundum. Nam Solis istius lumen non illuminat omnem hominem, sed corpus hominis, & mortales oculos, in quibus nos vincunt Aquilarum oculi, qui Solem istum multò melius quam nos dicuntur aspicere. Illud autem lumen non irrationabilium animalium oculos pascit, sed pura corda eorum qui Deo credunt, & ab amore veritatis rerum, & temporalium se ad eius præcepta seruanda conuertunt. Quod omnes homines possint si velint, quia illud lumen omnem hominem illuminat venientem in hunc Mundum. Ergo tenebræ erant super abyssum antequam lux ista fieret.

Ioan. 1.

b. Non in abyssu, neque super abyssum; quia tunc abyssus, non erat lucis capax, sed erant super faciem abyssi, hoc est in Cælorum supremo.

B V R G E N S I S in Additionibus, per abyssum interpretatur confusionem elementorum; aquæ, ignis, & aëris, usque ad Cælum Crystallinum pertingentem, & adijcit hanc observationem.

Vnde notandum est, quod non dicit Scriptura; Tenebræ erant in Terra, nec in abyssu, neque supra abyssum, sed supra faciem abyssi: cuius ratio est; Nam illa multitudo aquarum impenetrabilis, & profundissima in prima sui productione erat turbida, & quasi opaca ex eius confusa permixtione, seu compositione, intantum quod non erat capax lucis, sicut nec terra; & sic non erant in terra, nec in abyssu tenebræ, propriè loquendo, sicut nec in ligno dicitur esse cecitas, licet non videat. (Super faciem abyssi) quod est primum mobile (ut dictum est) ex sua pura & impermixtibili natura est diaphanum, & fuit semper capax lucis; sed quia nondum lux facta erat: ideo propriè loquendo, tenebræ erant pro tunc supra faciem abyssi, id est in primo Cælo mobili.

c. Hoc est, non tantum in profundo, sed et in eius superficie.

Dixit quippe, super faciem abyssi, & non super abyssum, ut nobis denotaret Vires, non tantum tenebrosus fuisse abyssi profundum, sed & eius superficiem fuisse tenebris obscuritateque atra obrutam, euenisseque illi abyssu id, quod puteis contingere minime intuemur. Putei enim profunditas tenebrescere solet, sed os sæpius claret: verum tunc abyssus illa, tum intus, tum foris, & vndique tenebris erat circumuoluta, cum tamen natura sua, aër, & aqua, ut existimant Patres, lucem suscipere potuissent.

Abyssi.

- a. *Abyssi hoc est Idææ Vacui.*
- b. *Vel, Angelicæ nature informis.*
- c. *Sine profunditatis imperceptibilis materiæ primæ informis.*
- d. *Aut, Abyssi, idest Chaos rudis.*

AnnoMundi
primo.
In Exordio
temporum.
Ante dies.

Abyssi.

Abyssus quid hoc loco denotet, ac significet, diuersa, multiplicique diffiniunt Patres sententia.

a. *Abyssus; Idea vacui.*

PHILO abyssus nomine, Idæam vacui interpretatus est libro de Mundi opificio, cum, vt supra etiam retulimus, dixit.
Vacuum verò vocauit Abyssum; profundissimum enim est, & dehiscit patentissime.

b. *Abyssus; Angelica natura informis.*

AVGVSTINVS Abyssum retulit ad naturam Angelicam nondum formatam; hoc est nondum ad Creatorem versam, de Genesi ad literam primo, capite primo.

Tenebræ erant super abyssum: vt translato verbo, tenebrosam abyssum, intelligamus naturam vite informem, nisi conuertatur ad Creatorem: quo solo modo formari potest, vt non sit abyssus; & illuminari, vt non sit tenebrosa.

ANSELMVS Laudunensis in Glossa interlineari.

Abyssus spiritualem, ait, naturam significat, quæ conuersa ad Creatorem formatur, & illuminatur.

GLOSSA Ordinaria.

Quia scilicet non erat lux, quæ si esset, etiam superesset, & superfunderetur; quod sit in creatura spirituali, cum conuertitur ad incommutabile lumen, quod est Deus.

c. *Abyssus; Profunditas imperceptibilis materiæ primæ informis.*

AVGVSTINVS informitatem materiæ etiam abyssum dixit libro de Genesi ad literam imperfecto, capite quarto.

Quæ confusio materiæ sic potuit insinuari populari intelligentiæ, si diceretur Terra inuisibilis, vel incompressa, vel inordinata, vel imparata, & tenebræ super abyssum, idest, super profunditatem vastissimam: quæ rursus profunditas ex eo fortasse nominata est, quia nullius intelligentiæ propter ipsam informitatem penetrari potest.

EVCHERIVS consimilia Augustino tradidit Commentarijs in Genesim, libro primo.

Hæc ergo tenebrosa abyssus adhuc informis materiæ obscuritatem designat, quia nondum vlla species videri, aut trahiari poterat.

d. *Abyssus; Chaos rude.*

TOSTATVS Commentarijs in Genesim, expositione secunda.

Dicitur abyssus tota materiæ indistinctæ vel informis congeries; sicut vocatur abyssus aquarum profunditas, vel magnus terræ hyatus, quia imperscrutabiles sunt: sic materia illa, quæ valde magna erat, quia occupabat à centro Terræ in rotundum vsque ad concauitatem Empyreï, quæ spacia à nobis cogitatione comprehendere non possunt. Etiam propter indistinctionem in qualitatibus actiuis, vt calido, & frigido; & in motiuis, vt graui, & leui: quia licet ibi ista essent, tamen partes materiæ, ex qua aër constabat, erant aliquæ deorsum, & aliæ sursum inordinato modo, & sic de partibus ex quibus Cæli, & elementa.

CATHERINVS Enarratione in Genesim.

Ecce quomodo per abyssum tandem materiam declarat, ob immensam scilicet longitudinem, & latitudinem, ac profunditatem, à summo illius Cæli, vsque ad summum aliud Cælum.

Anno Mundi
primo.
In exordio
temporum.
Ante dies.

Abyssi.

- a. Abyssi, hoc est elementorum permistionis.
- b. Siue, vaporationis elementorum in Chaos.
- c. Seu, Terrę concauitatum.

a. Abyssus; Elementorum permistio.

MAGISTER secundo Sententiarum, distinctione duodecima.

Confusam materiam elementorum dicit abyssum, quia confusa erat, & commixta, specie carens distincta.

LYRANVS Magistri assertionem fusiùs exponit.

Et tenebrę erant super faciem abyssi; Id est super faciem elementorum. Abyssus enim Gręcè, est vorago Latine; & importat immensam aquarum profunditatem. Importat etiam confusionem quandam & commixtionem: totum autem quod est infra circulum Lunę, erat confusum: quia licet elementa essent producta in suis formis substantialibus, non tamen adhuc habebant omnes proprietates accidentales debitas vsque ad tertiam diem, in qua sunt distincta elementa; & ideo vsque tunc aqua ipsa non habuit debitam densitatem, sed quasi vaporaliter eleuabatur per totum spatium aëris, & ignis: cooperiebat enim terram; & sic quedam confusio, & commixtio erat in elementis; & ideo hoc vocabatur abyssus.

TOSTATVS in prima sua expositione id ipsum asserit.

Abyssus igitur dicitur congregatio omnium elementorum; quę licet in suis speciebus essent perfecta substantialiter; carebant tamen dispositione accidentali extrinsecus perficiente: ratione cuius est quedam pulchritudo, siue lux in rebus, & debitus locus, & partium ordinatio. Aqua ergo nondum habens debitam densitatem eleuabatur vaporaliter ad locum aëris, & ignis nondum habens debitam lenitatem, loca aëris, & aque partem possidebat; & sic omnia confusa erant. Vnde abyssus, id est confusio, vel priuatio claritatis proprie dicitur.

Burgensis in Additionibus, Magistri sententiam sequitur.

b. Abyssus; Vaporatio elementorum in Chaos.

HVG O Carenfis in Postillis.

Machinam, quam prius dixerat Terram, vocat abyssum pro sui confusione & obscuritate: vnde & Gręcè dicitur Chaos. Est autem abyssus proprie profunditas aquarum in visceribus Terrę latentium. Attenditur autem hec confusio secundum Theologum, quoad vaporationem. Ab initio enim singula locum suum tenebant: sed aque vaporabiles erant vsque ad sublunarem globum, tenues ad modum nebule. Secundum Philosophum verò attenditur illa confusio, quoad elementorum permixtionem in vnum Chaos. Vnde illud; Corpore in vno; frigida pugnabant calidis, humentia siccis. Vt patet in musto; vbi fex vino permixta est donec paulatim resideat: sic elementa paulatim loca sua sortita sunt, vt dicit Philosophus.

c. Abyssus; Terrę concauitates.

TERTVLLIANVS libro aduersus Hermogenem, dum incongesti illius primæui Chaos ordinem explicat, abyssum infra Terram collocat, dicens.

Nam Terrę quidem suberat abyssus, & tenebrę: si enim abyssus infra Terram, tenebrę autem super abyssum; sine dubio, & tenebrę & abyssus infra Terram.

Quibus Tertullianum certè vel Terrę antra, vel Infernum, abyssi nomine intellexisse elicitur, quod legentium ingenijs dijudicandum relinquo.

HVG O Victorinus Adnotationum capite septimo.

Tenebras, ait, possumus dicere nebulam illam, scilicet commixtionem trium elementorum; abyssum verò concauitatem.

RICHARDVS Exceptionum libro secundo, capite septimo, quatuor elementorum confusam illam mixturam, Cælum, aquas, ac tenebras, hoc loco uocaram fuisse perhibet.

Cælum, inquit, propter suspensionem; aquas, propter mobilitatem, ac fluctuationem; tenebras, propter confusionem.

Abyssum

Abyssi.

- a. *Abyssi, hoc est profunditatis non entis.*
- b. *Sine Abyssi, idest Inferni.*
- c. *Vel Abyssi, scilicet Dæmonum.*
- d. *Aut Abyssi, videlicet Aquarum immensitatis.*

Anno Mundi
primo.
In exordio
temporum.
Ante dies.

Abyssum verò, concavitates Terræ & ipse interpretatus est.
Abyssus est, inquit, concavitas Terræ, quæ receptaculum inferiorum futura erat aquarum.

a. *Abyssus, Profunditas non entis.*

STEVCHVS Commentarijs in Genesios caput primum.
Per abyssum enim hic nihil aliud intelligitur, quàm profunditas illa tenebrarum non existentium rerum, & quasi eterna nocte sepultarum. Nox igitur illa æterna, tam à Mose, quàm à Mercurio, abyssus nuncupatur.

b. *Abyssus, Infernus.*

BEDA Expositione in Genesis caput primum.
Abyssus illa nimirum est, in qua Diabolus, & Angeli eius, qui in Evangelio designantur, quum dicitur; Et rogabant illum Dæmonia, ne iuberet ea ire in abyssum.

ORIGENES Homilia prima in Genesim.
Quæ est abyssus? Illa nimirum, in qua erit Diabolus, & Angeli eius. Denique hoc manifestissimè & in Evangelio designatur, cum dicitur de Salvatore; Et rogabant eum Dæmonia, quæ eiciebat, ne iuberet ea ire in abyssum. Luc. 8.

HIERONYMVS in Psalmum septuagesimum sextum.
Super abyssos verò tenebræ. Ista est abyssus, ad quam Dæmones postulant ne mittantur, à Iesu. Et post. Qui sint abyssi, me tacente, intelligitis: Quoniam Dæmones formidant ire in eos.

c. *Abyssus, Dæmones.*

HIERONYMVS Commentarijs in Ionam, capite secundo.
Abyssos autem, perniciosas quasdam, & pessimas fortitudines accipere debemus; vel tormentis, suppli- cisque deditas potestates, ad quas & in Evangelio Dæmones rogant ne ire cogantur. Unde & tenebræ erant super abyssum.

d. *Abyssus, immensitas aquarum.*

Ceteri Patres, ut plurimum, abyssum ad immensitatem quandam corpoream retu- lere. Quoniam autem facies, seu superficies est ea corporis homogenei pars, quæ con- nexa à Mathematicis dicta est, tot esse poterunt abyssi, quot corpora erunt sphærica, aliud sibi substratum corpus ambientia; cum autem aquæ undiq; Terram circumsepi- rent, ac circumluerent; maior Patrum classis abyssum, immensam aquarum molem Terræ incubantem dixere.

BASILIVS Hexæmeron, Homilia secunda.
Quid abyssus significat? copiosam aquam; ad cuius fundum haud facillè penetrari poterit deorsum versus.

EVCHERIVS Commentarijs in Genesim libro primo, capite primo.
Abyssus nanque immensa aquarum profunditas appellatur.

AMBROSIVS Hexæmeron libro primo, capite octavo.
Erant ergo tenebræ super abyssos aquarum. Et Post. Iste ergo tenebræ super aquarum abyssos erant. Nam abyssum, multitudinem & profundum aquarum dici, lectio Evangelij docet, ubi rogabant Salvatorem Dæmonia, ne iuberet illis, ut in abyssum irent. Sed qui docebat voluntates Dæmoniorum non esse faciendas, præcepit illis, ut irent in porcos. Porci autem se in stagnum aquarum præcipitarunt, ut quod recusabant Dæ- monia non euaderent, sed digno præcipitio demergerentur. Erat ergo hæc Mundi incomposita species & forma.

SVIDAS, interprete Hamero.
Verum Sacra Scriptura abyssum vocat humidam substantiam; quoniam igitur Terra undique aquis op- pleta

Anno Mundi
primo.
In exordio
temporum.
Ante dies.

Abyssi.

a. Hoc est amplitudinis omnium corporum Diaphanorum.

Psal. 109.

pleta erat magnis & parvis profunditatibus, rectè David abyssum vocat amicum eius.

CHRYSOSTOMVS Homilia tertia in Genesim.

Didicimus hinc, quòd omne, quod videbatur, erat abyssus aquarum tenebris velata: & opus habebat sapiente opifice, qui omnem hanc informitatem discutere, & ornatum aliquem inducere posset.

Hæc etiam habet Glossa locupletata. Sed Homilia in Psalmum centesimum tertium ipse Chrysostomus clariùs hanc interpretationem defert.

Abyssum porro diuina Scriptura appellat naturam liquidam: ad eundem enim modum in creationis principio beatus Moses dixit; Tenebræ erant super faciem abyssi; hoc est aquarum.

THEODORETVS pariter in Psalmum centesimum tertium.

Humidam naturam, abyssum sacræ literæ nuncupant, sic etiam à principio creationis beatus, inquit, Moser. Tenebræ erant super faciem abyssi.

AVGVSTINVS in Psalmum quadagesimum primum.

Abyssus est profunditas quædam impenetrabilis, incomprehensibilis; & maxime solet dici in aquarum multitudine. Ibi enim altitudo, ibi profunditas, quæ penetrari usque ad fundum non potest.

Et contra Faustum Manichæum libro vigesimo secundo, capite vndecimo.

Tenebræ erant super faciem abyssi. Abyssus est aquarum inestimabilis profunditas.

THEOPHILVS Antiochenus ad Autolycum libro secundo.

Abyssum nominans, aquarum multitudinem, & abundantiam representat.

IVNILIVS Apher Commentarijs in Genesim.

Et merito inanis, & vacua erat Terra, cum adhuc tota abyssus, id est immensa profunditate repleta aquarum.

PROCOPIVS.

Hoc loco abyssus, aquarum redundantia est, cuius finem, si profunditatem inquiris, attingere nequis.

ISIDORVS iunior Etymologiarum libro tertiodecimo, capite vigesimo.

Abyssus, profunditas est aquarum impenetrabilis, siue speluncæ aquarum latentium: de quibus fontes, & flumina procedunt, vel quæ occultè subter eunt: vnde & abyssus dicta. Nam omnes aquæ, siue torrentes, per occultas venas ad matricem abyssum reuertuntur.

DAMASCENVS Orthodoxæ Fidei libro secundo, capite nono.

Abyssus enim nihil aliud est, nisi aqua plurima, cuius finis incomprehensibilis sit hominibus.

RVPERTVS Commentarijs in Genesim, libro primo, capite septimo.

Præterea & tenebræ erant super faciem abyssi, id est super profunditatem aquarum, quæ nondum diuisæ, quæ ut appareret arida, congregatæ fuerant in vnum locum.

GVLIELMVS Parisiensis, de Vniuerso prima parte, cap. trigesimo quarto.

Narratio autem Prophetica totum insinuat fuisse aquam à Terra usque ad Cælum Empyreum, & totum vocat abyssum, quæ est propria nominatio aquarum multarum, & in medio hoc aquæ, quam præ multitudine sua vocauit abyssum, dicit factum fuisse Cælum, quod & vocat firmamentum.

CAIETANVS in Genesim, capite primo, Patrum placitum approbauit.

Sensus autem est, quòd super non aliquam faciem (puta vnius hemisphærij) sed super facies omnes abyssi, (hoc est elementi aquæ valde profundæ) tunc fuit obscuritas. Et appellatur elementum aquæ abyssus, ne intelligeres Terram opertam parue altitudinis aquis; veluti in Diluuiò postea legitur, aquas quindæcim cubitorum fuisse super montes.

Paulus Burgenfis Additionibus in Genesim in eandem sententiam properat; ceterasque aquas usque ad primum mobile conscendisse tradit.

a. Abyssus; Omnia corpora Diaphana.

CAIETANVS attamen paulò post ad omnia corpora diaphana abyssi significationem transtulit, dicens.

Cum his dictis de abyssus applicata ad elementum aquæ, perspicaciùs intellige abyssi nomine vniuersum

lem corporum simplicium diaphanorum. Ita quod descripta dispositione in qua creata fuit Terra, describitur conditio communis omnibus corporibus simplicibus, quæ simul cum Terra creata sunt. Commune autem est omnibus diaphanis, esse quantum ex se est obscura: hoc est non habere lumen, quo actualiter transpareant. Nam hoc habent ex lumine, quod est constitutum diaphani in actu. Est itaque sensus literalis, quod fuerunt creata omnia corpora diaphana (Cælestia, scilicet corpora, & tria elementa, ignis, aer, & aqua) obscura. Hæc enim omnia abyssi nomine significantur. Constat enim ex his altitudo non opaca immensa: non quod infinita sit, sed quia, ut absque terminis maxima considerata spectat ad perfectionem huius diei. Meminit autem facierum propter facies diuersorum hemisphæriorum, ut intelligamus vbique obscuritatem fuisse.

VIELMIVS lectione octaua vberius hoc explicauit.

Porro autem cum multi sint abyssi, Psalmo quadragesimoprimo, Prouerbiorum octauo; unde legimus abyssum Terræ, Psalmo septuagesimo, & abyssum aquæ. Iob vigesimo octauo. (Sunt enim elementa omnia, & Cæli, mole admodum vasta, ac profunda). Queritur quinam abyssus hic fuerit, cuius hic Moses sermonem facit. Existimo igitur abyssum hanc appellari non ipsam solam aquam & Terram, sed corpora omnia, quæ à conuexa primi mobilis superficie, ad Terram vsque continentur, quæ tantæ sint profunditatis, ut penetrari, cognoscique ab homine non possint, ut sensus sit; Cum nondum creata fuisset lux, omnia corpora hæc, quæ perspicimus cæca, & circumfusa tenebris erant. Itaque nulla ratio fert, ut tenebra intelligatur hoc loco sphaera ignis sola, ut voluit Rabbi Moses libro secundo; sed simpliciter cuiusvis lucis, horribilis quædam carentia.

A V C T O R.

Existimarem ego Philonis interpretationem ad Idæam vacui abyssi nomen rapientem prorsus extorquere literam, ad inopinososque & absconditos, ac planè imperceptibiles sensus eam deducere. Augustini expositiones abyssum ad naturam Angelicam in naturæ puritate, vel ad materiæ deformitatem significandam trahentes, peregrinas esse, atque allegoriam sapere. Hugonis ac Richardi explanationem, ut singularem confectionem non esse. Quapropter reliquas duas acceptiones à vero non abesse arbitror. Attamen explicatio illa, quæ abyssi nomine, aquarum immensam molem capit, à tot, tantisque Patribus delata, germanior, ac literæ arridentior mihi visa est: ex eo quod Mosis non sit præcipua intentio totius Chaos deformitatem squalloremque; patefacere, atque explicare, sed eius tantum partis, quam Terræ nomine nuncuparat; quod si Cæli nomine omnia supera, Cælestes scilicet orbes, ignem, & aërem expressit Moses, Terræ autem hæc duo substrata elementa, Terram, & aquam, ut scitè profectò edocebat Vielmius; certè Moses non Cæli, sed Terræ, eorum scilicet corporum, quæ Terræ nomine proposuit, ruditatem, indecentiam, inuenustatem, permissionemque describere contendit.

Philonis, Augustini, & Hugonis expositiones reiciuntur.

Interpretatio ueia.

Et Spiritus Domini ferebatur super aquas.

Huius loci editiones diuersæ, ac multiplices comperiuntur. Hebraica lectio habet Veruah Elohim merachepeth al pene hamaim: hoc est, ex Lippomani sententia; Et Spiritus Dei volabat, seu uolitabat, seu mouebat se super facies aquarum.

Chaldaica, eodem Lippomano auctore; Et spiritus Dei insufflabat super faciem aquarum.

Septuaginta verò, καὶ πνεῦμα θεῷ ἐπὶ ἐπιφύετο ἐπ' αὐτὸ τὸ ὕδατος, idest; Et Spiritus Dei superferebatur super aquam.

OnKeli: Spiritus à facie Dei flabat super facies aquarum. Ionathas; Spiritus, seu uentus misericordiarum, siue gratiæ flabat super superficies aquarum. Editio nostra habet; Spiritus Domini ferebatur super aquas. Pagninus, & Vatablus; Et Spiritus Dei agitabat sese in superficie aquarum. Caietanus; Et Spiritus Elohim commouens, seu uolans, seu cubans super facies aquarum. Lusitanus; Et Spiritus Dei sufflabat super superficies aquarum.

Quid significet vox, Veruah, incertum est apud Doctores.

a. Veruah nomen ambiguum est, significans vel ventum, vel spiritum.

HAMERVS Commentatione in Genesim.

Iuxta Hebraici sermonis ambiguitatem, Veruah, & Mundi spiritum, idest, ventum significat, & diuinum spiritum.

Anno Mundi
primo.
In exordio
temporum.
Ante dies.

Et Spiritus Domini ferebatur super aquas.

Hebraicè; Veruah Elohim merachepeth al pene hamaim.

- Veruah, nomen ambiguum est, significans vel ventum, vel spiritum.*
- Elohim, pluralis numeri est, & verti poterat; Dei.*
- Merachepeth, significat mouere.*

Psal. 32.

spiritum. Pro vento enim in Job legitur; Ecce ventus magnus. Pro diuino spiritu, haud dubio accipitur in Psalmo; Et in spiritu oris eius omnis virtus eorum. Septuaginta, πνευμα transfulerunt, quod equè ambiguum est Græcis.

S T E V C H V S pariter in Genesis, caput primum.

Psal. 103.

Gen. 6.

Psal. 147.

Spiritus Hebraicè Veruah, estque ambiguum & ad ventum, & ad Spiritum Sanctum, reliquosque spiritus, ut ait Basilii contra Eunomium; Spiritus etiam hominis est, ut illud; Auferes spiritum eorum, & deficient. Diuinus etiam est spiritus, ut illud; Non permaneat Spiritus meus in hominibus his. Vetus etiam dicitur spiritus: quale illud est; Flabit spiritus eius, & fluent aquæ: multosque alios quis inuenire poterit. Sed quia hic additur Domini, constantissimè asseuerandum videtur, de Spiritu Sancto hic loqui Moysen. Et post. Variant & nostri, alij ventum, alij spiritum sanctum hunc esse asserentes. Hebræorum sermone interpretes, de vento hic dici volunt: Præsertim Auen Ezra, qui hoc loco hæc refert; Ideò additum est ventus Domini, quia diuina voluntate missus fuerat, ut exiccaret aquas. Theodoretus constanter affirmat, de vento hic esse sentiendum.

L V S I T A N V S Adnotationibus in Genesis.

Licet multi ex Sanctis, & nonnulli ex Hebræis hic per dictionem Ruach, idest, spiritum, Sanctum nomen, seu Spiritum Sanctum intellexerint; dictio tamen Hebraica in Sacris literis, etiam cum illo additamento, Elohim, idest, Dei, elementarem ventum significare inuenitur, & loco huic magis conuenire videtur. Psalmo enim centesimo quadagesimo septimo dicitur; Flabit spiritus eius, proculdubio Dei; & fluent aquæ. Et post. Nec tamen inficias imus, Ruach, inueniri pro Spiritu Sancto, cum legamus Isaia undecimo; Requiesce super eum, scilicet Messiam, Spiritus Domini. Et capite sexagesimo primo; Spiritus Domini super me. Et quadragesimo octavo; Dominus misit me, & spiritus eius. In quibus locis constat non posse pro alio, quam pro Spiritu Sancto accipi. Vnde Sancti Patres putarunt Spiritum Sanctum in Mundi initio, tanquam producturum ex eis, quæ producenda erant, super aquas volitasse, aut ad modum gallinæ oua sua fouentis, ex quibus pullos est productura, super aquas incubuisse.

R A B B I N I Hebræi Adnotationibus in Genesis.

Quidam Hebræorum intelligunt de vento: ut sit Hebraismus, Spiritus Dei, pro, ventus à Deo excitatus. Ita Psalmo centesimo quadagesimo septimo; Flabit spiritus eius, & fluent aquæ. Vel dicitur spiritus Dei, idest, ventus magnus. Cum enim Hebræi magnitudinem alicuius rei significare volunt, adiungunt hoc nomen, Deus; ut Psalmo sexagesimo septimo. Mons Dei, mons pinguis.

b. Elohim pluralis numeri est, & verti poterat; Dei.

C A I E T A N V S.

Iuxta Hebræum, dictio interpretata Domini, est illamet dictio (scilicet Elohim) in plurali numero.

R A B B I N I Hebræi Adnotationibus in Genesis.

Scripta exemplaria vetera Sancti Dionysii & Germani, editio item Complutensis, legunt, Spiritus Dei. Hoc annotat & Sorbonicum Correctorium.

Quid etiam vox ea Merahepheth propriè importet, diffident, variantque Doctorum sententiæ; nam alij ad motum, alij ad volitationem, alij ad incubationem, eius significatum trahunt.

c. Merachepeth significat mouere.

L V S I T A N V S

potius mouere, quam incubare legendum censuit. Aduertendum est etiam verbum Rachaph, à quo Merachepeth, significare propriè moueri, aut mouere se; ut patet Hieremiæ vigesimo tertio. Quia, Rachaphu, idest, mota sunt, seu mouerunt se omnia ossa mea. Idem Deuteronomij trigesimo secundo; Sicut Aquila suscitabit nidum suum, idest pullos, super pullos suos Ierocheph, idest mouebit se. Solent enim aues, cum pullos suos volare docent, pronocare eos, ut nidum exeant.

Et Spiritus Domini ferebatur super aquas.

AnnoMundi
primo.
In exordio
temporum.
Ante dies.

- a. *Merachephet, volitare denotat; & est participium.*
- b. *Sive significat cubare, vel fouere.*
- c. *Aut accipitur pro volitare, & incubare.*

excant volantes, & mouentes se super illos, vt iuuent eos, si opus fuerit. Sunt qui propter hæc verba Deuteronomij, putarunt verbum *Merachephet*, significare, incubare, quemadmodum cubat avis super pullos, aut oua; sed auctoritas ad hoc non ducit, sed ostendit motum illum, quo avis nidum suum suscitât, super pullos volitando. Isti sanè videntur paraphrasten Chaldaicum sequi, qui hic vertit, Super filios suos tegmen facit, hoc est, pullos suos tegit.

- a. *Merachephet, volitare denotat; & est participium.*

CAIETANVS pariter Commentarijs in Genesis caput primum.

Dictio interpretata, *Ferebatur*, non est verbum, sed participium præsentis temporis actiuum: & interpretatur commouens, siue cubans, more auium cubantium super pullos suos, seu volans. Ter enim in tota Biblia hæc dictio inuenitur: hic, & in Cantico Mosi Deuteronomij trigesimo secundo; vbi litera nostra habet, *Et super eos volitans*: & ab alijs interpretatur cubauit. Et demum Hieremie vigesimo tertio, vbi litera nostra habet; *Contremuerunt omnia ossa mea*: & significatur passiue, *Commota sunt omnia ossa mea*. Ex istis siquidem locis posterioribus, tanquam clarioribus, eliciunt interpretes, quòd hoc in loco significatur commouens, aut cubans, aut volans. Sufflatio autem ex Chaldaica prodijt officina. Mihi verò quadrare videtur, quòd significetur volans; eò quòd in Sacra Scriptura volatione describitur pluries motus Cæli; vt patet in Psalmo decimo octauo. *Equitauit super Cherub, & volauit super alas spiritus*. Et in Psalmo centesimo quarto; *Ponens densitates equitatum suum ambulans super alas spiritus*. Vtrobique enim Angeli, cum spiritum alatum describit, & volatus explicite in primo meminit.

- b. *Merachephet, cubare, seu fouere.*

HIERONYMVS econtrà libro Hebraicarum quæstionum in Genesim, habet.

Pro eo quòd in nostris codicibus scriptum est, *Ferebatur*, in Hebræo habet *Merachephet*, quod nos appellare possumus, incubabat, siue confouebat, in similitudinem volucris, oua calore animantis.

STEVECHVS Commentarijs in Genesis caput primum.

Neque ignorarunt sanctissimi Patres Græci, id quod de hac voce ab Hebræis traditur: dicunt enim Hebræi præsentem vocem, propriè incubationem auium super oua significare. Basilus ergo sic; *Superferebatur igitur exponunt pro eo quod est, confouebat, & viuificabat aquarum naturam, quemadmodum solet avis ouis incubare, & vitalem quandam vim eis infundere*. Hæc sibi à quodam Syro relata dicit; quorum lingua similis Hebraicæ est. Diodorus autem & ipse optimè idem explicans, inquit; *Innuat hæc dictio Superferebatur apud Hebræos, quòd quemadmodum avis oua confouet alis, vt ea quasi animet: sic spiritus superferebatur aquis, vt eas procreabiles efficeret*.

- c. *Merachephet, volitare, & incubare significat.*

RABBINI Hebræi in Adnotationibus.

Potior ea videtur esse opinio, quæ de Spiritu diuino intelligit: vt hic sit sensus; *Spiritus diuinus volitabat, id est agitabat sese super aquas; hoc est, fouebat substantiam illam aqueam & terream*. Vox enim Hebræa *Merachephet*, pro qua interpret vertit *Ferebatur*; significat volitare, incubare.

LIPPOMANVS in Catena.

Rahaph enim verbum, volare, seu volitare, apud eos significat, licet secundum alios & mouere, & incubare, & agitare. Et est hic participium in piel.

AnnoMundi
primo.
In exordio
temporum.
Ante dies.

Et Spiritus Domini ferebatur super aquas.

Hebraicè; Veruah Elohim merachephet al pene hamaim.

a. Merachephet significat incubationem, & agitationem.

a. Vel incubationem, et agitationem.

STEVC HV S Commentarijs in Genesim, capite primo.

Ferebatur. Septuaginta sequitur, qui & ipsi verterunt ἐν ἐφ' ἑρπετο, superferebatur. Sed alibi secundum Hebraeos exponit. Hebraicè enim est participium à verbo Rachaph: quæ vox, vt ex omnibus alijs Scripturæ locis colligitur, tum incubationem, tum agitationem significat: vt est illud Psalmi Cantici Mosi; Sicut Aquila prouocans ad volatum pullos suos, & super eos volitans. Volitans autem interpretatur Hebraei desuper incumbens: concussionem autem, aut agitationem; vt est illud Hieremiæ capite vigesimotertio; Concussa sunt omnia ossa mea. Innuat igitur hic Moses illam venti agitationem, ac frequentem commotionem, quam efficit in aquis ventus.

A V C T O R.

Vox spiritus
plura significat.

Commen. in
Apolog Nazianzenii.
Lect. 8.

Ioan. 4.
Psal. 103.

Lib. 1. de nat.
Deorum.
Ecclesiast. 12.

Matth. 26.

Prou. 17.
3. Reg. 10.

Psal. 148.

Ex his omnibus decerpere mihi liceat voces præadnotatas tum in Hebræo, tum in Græco, tum Latino idiomate, ex propria earum significatione non certum, exploratumque nobis sensum reddere. Primum siquidem vox ea Spiritus, non tantum in Hebraico idiomate, vt adnotarunt Doctores, sed & in Græco, vt obtestatus est Hamerus, plura significat: in Latino autem nostro, amphibola est; seu vt rectius loquar, analogica & apud sacros, & apud prophanos Scriptores, atque non tantum ad duo, sed etiam ad plura significata rapitur. Colligit has spiritus significationes eleganter Elias Commentator Patrum insignis. Vielmius quoque & fuse, & luculenter eas edisserit; quas ego summatim perstringam. Spiritus itaque nomine, Scripturæ quandoque Deum capiunt; qua significatione, Ecclesia Catholica, Origenes primo Periarchon, Epiphanius contra Pneumatomachos, & Patres, Doctoresque illud Ioannis accipiunt; Spiritus est Deus. Quandoque Angelum, quo in sensu ait Propheta; Qui facit Angelos suos spiritus. Nam vel corporis expertes sunt, vt censuit Patrum numerosa Classis, vel cognata corpora gestant, vt Basilii, ac sectatores existimarunt, ea subtilissima, tenuissimaque sunt, qualia pseudeorum suorum corpora Epicurus fingeat, hoc est, teste Cicerone, exilia, atque vt aiebant, monograma, id est, vnilinea. Quandoque hominis animam: vnde legitur; Et spiritus redeat ad Deum qui dedit illum; nempe quando inspirauit in hominem spiraculum vitæ. Quandoque animæ partem celsam eam, quæ Deum anhelat: vnde illud; Spiritus quidem promptus est, caro autem infirma. Quandoque animi affectiones, vt illud; Spiritus tristis exiccat ossa. Quandoque etiam tum: & de hoc scriptum est; Non habebat ultra spiritum. Tandem quandoque etiam aërem, maximè cum est commotus, direptus, & iactatus: vt eo loco; Spiritus procellarum, quæ faciunt verbum eius. Rapi igitur potest vox ea Spiritus ad plures significationes; nec vllum certum argumentum exhibet vocis emphasis, ad vnicam, propriamque significationem decerpendam. Porro & verbi illius Merachephet, cum diuersimodè transferatur, significatio nulla certa est. Verum harum editionum ambigua varietas vnum tantum nobis præstât, & exhibent, quod enucleatius nobis declarant, quid per Ferebatur intelligendum sit. Cæterum ex his multa in vnum proficiuntur, coinciduntque; ferè, vt ferebatur, superferebatur, mouebatur, comouebatur; seu mouebat: non mouebat, alia agitationem, & celeritatem maiorem addunt: vt volabat, volitabat: non nulla diuersum sensum ferunt, vt cubabat, fouebat, stabat, & flabat, sufflabat, insufflabat. Discrepantiæ illæ Dei, & Domini; verbi, & participij; super aquas, & super superficiem aquarum; nullius mihi ponderis videntur. Hæc de editionibus.

spiritus

Et Spiritus Domini ferebatur super aquas.

Anno Mundi
primo.
In Exordio
temporum.
Ante dies.

- a. Hoc est, Spiritus vitalis Mundi superferebatur super materiam rerum visibilium.
b. Siue, Deus ferebatur super Caelos motione, quam ipsis contulit.
c. Vel, Deus motu supremi Orbis viuificabat aquas.

a. Spiritus Domini, idest Spiritus vitalis Mundi, superferebatur super materiam rerum visibilium.

AUGUSTINVS sententiam hanc visus est subobscure insinuas-
se, cū libro de Gene si imperfecto, capite quarto habet, pro secūda huius loci expositione.

Potest autem & aliter intelligi, vt Spiritum Dei, vitalem creaturam, qua vniuersus visibilis Mundus, atque omnia corporea continentur, & mouentur, intelligamus: cui Deus omnipotens tribuit vim quandam si-
bi seruiendi ad operandum in ijs quæ gignuntur. Qui Spiritus, cū sit omni corpore æthereo melior, quia om-
nem visibilem creaturam, omnis inuisibilis creatura antecedit, non absurdè Spiritus Dei dicitur. Quid enim
non est Dei ex ijs quæ condidit, cū etiam de ipsa Terra dictum sit; Domini est Terra, & plenitudo eius; &
illud vniuersali complexione, quod scriptum est; Quoniam tua sunt omnia Domine; qui animas amat? Sed
tunc potest iste spiritus sic intelligi, si quod dictum est; In principio fecit Deus Cælum & Terram, tantum
de visibili creatura dictum sentiamus, vt super materiam rerum visibilium in exordio fabricationis eorum su-
perferretur, inuisibilis spiritus qui tamen etiam ipse creatura esset, idest, non Deus, sed à Deo facta, atque in-
stituta natura. Si autem vniuersæ creaturæ, idest, intellectualis, & animalis, & corporalis, materia creditur
illo aquæ vocabulo enunciata, nullo modo hoc loco Spiritus Dei potest nisi ille incommutabilis, & sanctus
intelligi, qui ferebatur super materiam omnium rerum, quas fecit, & condidit Deus.

Psal. 23.
Sap. 11.

Animaduertas non affirmasse Augustinum, Spiritum vitalem, quem alij fortè animā
Mundi uocant, per Spiritum Domini intelligendum esse, cū illud dixerit sub hæsitā-
tione, & alias interpretationes adiecerit, ut fortè probatiores, & verifimiliores.

b. Vel, Deus ferebatur super Caelos motione quam ipsis contulit.

AEGLIDIVS in secundo, distinctione duodecima, articulo secundo, sed
expressius in Hexameron prima parte, nuperam, ac subtilem quandam interpretatio-
nem in Ecclesiam intulit, cū scripsit.

Cap. 18.

Vel possumus, si volumus, per aquas sic fluctuantes intelligere omnes Caelos mobiles, vt hæc quinque, vi-
delicet, Cælum, Terra, Abyssus, Tenebræ, & Aquæ fluctuantes, referantur ad hæc, scilicet ad Cælum Empe-
reum, ad elementum Terre, ad aquam immixtam aëri, ad ignem, & ad omnes Caelos mobiles, super quos, tan-
quam super aquas motas, ferebatur Spiritus Domini, non secundum se, at secundum ipsos Caelos, quos fecit mo-
biles, qui erant sui effectus. Imaginabimur ergo, quòd statim quòd fuit Vniuersum creatum, omnes Celi mo-
biles, qui sunt nouem, videlicet; septem Celi septem Planetarum; firmamentum, siue octaua sphaera; & vlti-
mum mobile, siue Cælum crystallinum, incæperunt rotari, & etiam moueri ab Oriente in Occidens, & etiam
cū eis rotari, & moueri capit elementum ignis, & etiam elementum aëris sic immixtum aqua, excepta illa
parte aëris, quæ erat inclusa inter quæcunque obstacula: & iste motus erat proprius primi mobilis.

c. Seu, Deus motu supremi Orbis viuificabat aquas.

BVRGENSIS Additione prima, non tantum approbat, sed & mirifi-
cè hanc extollit sententiam, exponens illud Diui Hieronymi; Ex quo intelligimus non
de Spiritu Mundi dici, vt nonnulli arbitrantur, sed de Spiritu Sancto, qui & ipse viuifi-
cator omnium à principio dicitur: de quo Psalmista; Emitte Spiritum tuum & crea-
buntur, &c. ait.

Psal. 103.

Quæ quidem viuificatio potest rectè intelligi secundum motum primi mobilis. Nam motus, secundum
Philosophum octauo Physicorum, est vita rerum naturalium; & cū inter omnes motus rerum naturalium
motus primi mobilis sit primus & præcipuus, & à quo omnes motus corporales regulantur, & mensurantur,
tanquam à prima omnium motuum mensura, & à Deo tanquam à primo mouente principaliter causatus: id-
circo in primordio creationis rerum naturalium, de hoc primo motu, tanquam de vita rerum naturalium fit men-
tio,

Deute. 33.

Anno Mundi
primo.
In exordio
temporum.
Ante dies.

Et Spiritus Domini ferebatur super aquas.

a. Id est, Angelus mouebat Cælum motu velocissimo.

Deuter. 33.

tio, attribuendo ipsum motum Deo in persona Spiritus Sancti, cui appropriatum est viuificare. Et Post. Hoc loco, Ferebatur, non debet intelligi aliquid passiuè in spiritu Domini, ne hæc dictio merabephet, quod in Hebraico in hoc loco ponitur, est verbum passiuum, sed merè actiuum; significans quod Spiritus Domini fouebat & viuificabat aquas, ad similitudinem gallinæ cubantis, & vitalem virtutem his, quæ fouentur tribuentis: quæ quidem viuificatio in hoc loco intelligitur per primum motum, qui est præcipue viuificatiuus corporum naturalium, vt dictum est: vnde simile verbum omninò habetur Deuteron. vbi dicitur; Sicut Aquila prouocans ad uolandum pullos suos, &c. quod est propria similitudo ad propositum. Nam sicut auis mouet pullos suos ad uolandum; & sicut eos fouet, & viuificat; sic Deus primum mobile mouet ad viuificandas creaturas corporales; licet enim sit aliqua intelligentia immediatè mouens primum mobile, de quo hic agitur, tamen prima causa, & principalis huius motus Deus est, in quo omnes creature viuunt, mouentur, & sunt.

a. Id est, Angelus mouebat Cælum motu velocissimo.

PROCOPIVS expressiùs Cæli nomine, Angelum capi posse, edocuit Commentarijs in Genesis caput primum.

Sunt qui intelligunt sub dictione Spiritus, sanctas potentias & virtutes, quemadmodum sub voce abyssus, capi voluere contrarias, quibus præest caligo, nempe Diabolus.

CAIETANVS in Genesis primi illius orbis motus, cuius Aegidius diuinam virtutem, vel Deum dixerat auctorem, ipse Angelum ministrum fuisse maluit, atque horum verborum ita interpretationem deducit; vt ex ipsa hunc extrahat sensum, quod Angelicus spiritus mouebat Cælum motu uelocissimo. Audias ipsum luculentissimè profectò hoc prodentem, atque etiam cumulatissimè infra scriptis verbis declarantem, & exponentem.

Sensus est, quod Angelicus spiritus minister Dei iudicis, secundum formam iustitiæ distributivæ distribuentis omnia, mouebat Cælum motu velocissimo. Quod enim sit sermo de spiritu Angelico, seu substantia spirituali, habetur tum ex auctoritate Davidis. Nam in præfato Psalmo centesimo quarto, laudando Deum, inchoat ab opere creationis. Et in illius Psalmi principio, cum dixisset de Deo, Ambulans super alas spiritus, (proculdubio Angelici) statim subiungit, Faciens Angelos suos Spiritus: aperte insinuans spiritum Dei in principio creationis commemoratum à Mose esse spirituales substantiam, cui Deus dedit officium nunciandi ex ipsa serie rerum creaturarum: dixerat enim Cælos & Terram creatos, & describerat in qua dispositione creata fuit Terra: supererat, vt describeret in qua conditione creatum est Cælum, videlicet in motu: nam secundum veritatem, Cælum in principio temporis creatum est secundum initium motus: initium siquidem temporis respondet initio motus. Et describendo spiritum motorem Cæli, manifestat, quod motus Cæli non est quemadmodum motus grauium & leuium, sed est à substantia spirituali, quam constat esse motorem à proposito: apponendo Elohim, aperit spiritum illum subijci Deo distribuenti omnia. Sine autem intelligatur commouens siue volans, idem est sensus; nisi quod velocitas summa inter motus vitales exprimitur per metaphoram translationis. Si autem legitur cubans, vita ipsius Cælestis motus insinuat, ex hoc quod fouetur à spiritu. Est enim primus motus velut vita omnium corporalium; & hoc habet à spirituali substantia. Quod autem dicitur super facies aquarum, manifestè significat supremum Cælum, quod in opere secundæ diæ appellatur aqua super Cælos. Motor siquidem Cæli in circumferentia est Cæli, non in centro, & in circulo illius maximo, quem æquinoctialem vocamus, quia ibi apparet, & est motus velocissimus. Cum his quoque perspicaciùs intelligitur spiritus nomine, non vnicum tantum spiritum, sed Hebræo more, vniuersam multitudinem spirituum mouentium Cælos, spiritum nominauit. Super facies aquarum, hoc est, Cælorum; qui propter perspicuitatem absque labe pro tunc appellantur aquæ: & in singulorum circumferentijs spiritus mouentes sunt; & propterea à Mose diffiniuntur super facies aquarum.

Hæc Caietanus: quæ vt singularia reticenda minimè censui. Redarguunt & capiunt posteri has interpretationes, veluti commentitias, à veroq; excidentibus.

VIEL

Et Spiritus Domini ferebatur super aquas.

Anno Mundi
primo.
In exordio
temporum.
Ante dies.

- a. Id est, Deus ferebatur super naturam Angelicam.
b. Vel Angelica natura præcallebat dignitate corporea.

VIELMIVS LECTIO octava, ita ait.

Vel Cælestes orbes, inquit, adeo sunt animati, quod ex motore, & orbe unum consletur, aut sunt duo adeo sua specie absoluta, ut unum fieri illa non possint; si duo, etsi velocissime ciantur orbes, non ob id Angelos mouere se, seu quod maius est volitare censendum est, cum non nisi per accidens loco moueri intelligentia motrix dicatur, & virtute magis, quam substantia, nec hoc semper, sed cum totum mobile mutat locum. Si unum ea esse asseuerabitur, iam hoc est erroneum Origenis placitum. Amplius Cælum sua conuersione non mutare locum, secundum totum, sed secundum partes, conspicuum est apud Philosophos: Quare non potest illius anima moueri vel per se, ut aiunt in Scholis, vel per accidens.

Deinde adijcere his possumus, ut quid à summo opifice insitus hic motus? Num ad gignendas res, aut fortè viuificandas? minimè certè, cū Cœli circumlatio sola absq; luce mixta ipsa gignere, ac viuificare nequeat. Num ad ferendā ipsam lucem, seu Solem, quo verè hæc omnia mixta generantur, aluntur, ac fouentur? Neque hoc esse potest: lux enim primo die, ac Sol quarto conditus est. Superflua igitur fuisset hæc in orbem versio, eo magis, quod Deum, non motu Cœlorum, sed sua virtute omnia primò condidisse, compertum est.

Verum enimuero, qui Caietani partes tutandas susciperet, facilè has illatas obiectiones prosterneret. Nam certè non Angelum ipsum se mouere, seu volitare asseruit Caietanus, sed ab effectu, quod Cælum motu verteret velocissimo, ea serie, qua & nunc etiam rapit; Nec ob id primum Cælum in orbem cieri voluit, ut eius motu res ipsæ gignerentur sine luce; sed ut temporum rationes præstaret, & propensionem ampliorem in substrato Chaos, quod Deus sua post uirtute perfecturus erat, infereret. Verum quod his Doctoribus, mea quidem sententia, arduum negotium facit, est literæ Mosis metaphorica, quam ipsi inducunt, interpretatio, cum voces longè pertrahant à populari intelligentia; quod etenim nomine aquarum Cœli significantur, figuratum, peregrinū, ac non usitatum est, atque etiam à Mose alienum: consentaneum enim non est, Mosem hoc loco aquarum nomine Cœlos indicasse; in opere verò secundi, tertij, ac quinti diei, comet nomine, aquam uerum elementum significasse.

Defensio Caietani.

- a. Id est, Deus ferebatur super naturam Angelicam.

GREGORIUS Nyssenus in Hexameron.

Existimamus igitur, quod tantum absit, ut spiritus Dei tenebræ sint, quantum etiam ab omni malo alienus est. Atque innumere de hac sententia voces Sanctæ Scripturæ in medium afferri possunt, quod & lumen verum sit Deus, & lumen inaccessum incolat. Spiritus autem Dei, natura idem est cum ipso Deo: quod si natura Dei & spiritus, atque lumen est Deus, lumen prorsus fuerit etiam spiritus Dei. Porro lumen efficit, ut in lumine prorsus versentur illa, super quæ fertur: igitur aqua, supra quam spiritus Dei ferebatur, in lumine prorsus, & à caligine seiuncta erat: quæ autem in tenebris non versabatur, ne eius quidem, qui illuminaret, prorsus indigebat. Quod si hæc, prout probabile ac par est, intelleximus: utique aqua, supra quam spiritus Dei ferebatur, aliquid aliud, atque hæc fluitantium aquarum deorsum vergens, atque inferum locum petens, natura est: quæ firmamento ab ea, quæ & grauis est, & deorsum fertur, aqua dirimitur & arcetur.

Verum & hoc placitum iam ante dictis rationibus improbari videtur, tum quod voces ad peregrinas extorqueat significationes, tum quod nullo alio loco Moses, aquarum nomine, Angelos denotarit.

- b. Id est, Angelica natura antecellebat dignitate corpoream.

AVGVSTINVS in Quæstionibus ex Veteri Testamento, parte secunda,

Anno Mundi
primo.
In exordio
temporum.
Antedica.

Et Spiritus Domini ferebatur super aquas.

- a. Idest, Natura quædam viuificatrix, tenuis, lucida, insidebat media inter Cælum & Aquam.
b. Siue, vis, ac motus quidam vitalis disponebat a quas ad fœtum.

da, fortè perperam ei adscriptis (cùm uaria, ut adnotarunt Theologi Louanienſes, con-
tineant Augustino indigna, & à veritate aliena) quæſtione ſecunda.

Moyſes autem cùm creaturam hylicam, idest, confuſionem rerum deſcriberet, quæ vtique ſenſu bruta eſt, ſuper
Terram, & abyſſum, & tenebras, & Spiritum Dei ſuperferri interlocutus eſt, vt ex eo ſpiritu, & loco in quo
ferebatur, ſuperior creatura, quam ſpiritualem dicimus, cognoscatur. Nam & ex eo quod ſuperferri illam di-
xit, creaturam illum ſignificauit, quia omnis creatura Dei fertur virtute à quo accepit vt ſit. Nam quis ordo
eſt, vt Spiritus Sanctus ſuper aquas ferretur, quem conſtat vtique ſuper omnem eſſe creaturam? Si enim Chri-
ſtus in dextera Dei eſt ſuper omnes Cælos, illic eſt & Spiritus Sanctus.

a. Idest, Natura quædam viuificatrix, tenuis, lucida, media
erat inter Cælum & aquam.

THEOPHILVS Antiochenus ad Autolycum, libro ſecundo.

At Spiritum, qui ferebatur ſuper aquas, largitus Deus creaturæ vt eius opera poſſit producere viuens,
non ſecus ac homini animam attribuit, tenue tenui commiſcens: Spiritus nanque ſua natura tenuis eſt, iudem
& aqua. Ceterum aqua addita ſpiritui nutrit & conſeruat creaturam vniuerſam per omnia means. Primum
quidem ſpiritum lucis, qui formam obtinet, inter aquam & Cælum conſtituit medium, ne tenebræ communi-
rent cum Cælo, quod proximum Deo eſt, antequam ipſe diceret, Fiat lux.

Nescio an ſcitè perceperim ſenſum huiusce eximij Patris: ſed ſi ſpiritus nomine, rem
quandam ſubſtantificam, viuificam, tenuem, lucidam, mediam tum natura, tum ſitu
inter Cælum omnia contegens, & aquas ſubter deſtuentes intellexit, vt intellexiſſe vi-
detur, quemadmodum & tenebrarum nomine caliginem quandam craſſam accepit.
certè recens, atque inopinatum nobis ſpiritus genus deprompſit. De quo iudicium fe-
rendi ſolerti lectori munus relinquo; & fortè non oſcitanter etiam conſiderandi, quid
ipſe hac ſua uoluerit ſententia; & num à uero exciderit.

b. Scilicet vis, ac motus quidam vitalis disponebat
aquas ad fœtum.

Altera eſt interpretatio Patrum, qui ſpiritus nomine, non Deum, vel Angelum, ſed
vim quandam vitalem in aquis impreſſam, ac inſitam, ipſas ad fœcunditatem disponen-
tem intellexere.

IO. CHRYSOSTOMVS in Genefim, Homilia tertia.

Quid ſibi vult, quod dicit, Et Spiritus Dei ſuperferebatur ſuper aquam? Mihi videtur hoc ſignificare, quod
aſſuerit efficax quædam, & vitalis operatio aquis, & non fuerit ſimpliciter aqua ſtans & immobilis; ſed mobi-
lis, & vitalem quandam vim habens. Nam quod immobile, omnino inutile eſt: quod uero mouetur, ad mul-
ta conducit. Vt igitur doceret nos beatus ille Propheta, aquam illam, magnam & ineffabilem habere vim, &
vitalem quandam, dicit; Et ſpiritus Dei ſuperferebatur ſuper aquam; idque non abſque ratione Scripturæ diui-
na præueniendo dicit, eo quod poſtea dictura eſt nobis, quod animalia ex aquis iſtis, iuxta præceptum Dei om-
nium conditoris, producta ſint: propterea auditorem hic noſtrum docet, quod non ſolum aqua illa ſit concita;
ſed quod moneatur, & diſcurrat, & omnia alluat.

Gloſſa Locupletata initium huius ſententiæ, in Ordinaria inferuit.

AVGVSTINVS Sermonibus de Tempore, ſermone centefimo tri-
geſimo quarto, qui tertius eſt in Vigilia Paſchæ.

Hic ſpiritus quidem res eſt Dei: non tamen ipſe Deus intelligitur eſſe. Nam eſt ſpiritus dicitur, non
omnis ſpiritus Deus eſt. Sic enim ſpiritus Dei dictus eſt, quomodo & Angelus Dei; hoc eſt, res Dei, non ta-
men ipſe Deus, qui ſpiritus Dei. Hic ergo ſpiritus, qui ſuperferebatur aquis, ſeminaris eſt animandæ crea-
tionis.

Et Spiritus Domini ferebatur super aquas .

AnnoMundi
primo .
In exordio
temporum.
Ante dies .

a. Ideſt, ventus validus, vel aër vehementer concitatus, exiccabat aquas .

ditionis. Vnde & aquæ, & terræ mox, iuſſu Dei, emerſerunt, quia nec aqua, nec terra viueret, aut aliquid generaret, niſi hoc Dei Spiritus animaret. Vnde & terra fruges, & aqua produxit piſces.

D I O D O R V S idipſum viſus eſt ſenſiſſe, cùm ait.
Potes etiam per Spiritum Dei, efficientiam intelligere; vt cùm Moſi dictum eſt; Tollam de Spiritu tuo: hoc eſt de gratia, & efficientia tua.

Num. 11.

P R O C O P I V S Gazæus Commentarijs in Genefim, capite primo, non reiecit hanc interpretationem.
Viſum eſt quibuſdam Spiritum Dei, hoc loco nuncupari operationem, & efficaciam Dei; qua fouet, & gubernat aquarum naturam.

P E R E R I V S ſatis extulit hanc ſententiam, cùm plura ex Scripturis eiſdem locutionis genera deduxiſſet.

Frequens enim eſt in Scriptura, per Spiritum Dei, ſignificari ſubitam quandam vim, & extraordinariam Dei motionem, ad aliquid magnum, & eximium agendum. Sic legimus libro Iudicum, capite quartodecimo; Spiritum Domini irruiſſe in Sampſonem, & diſcerpiſſe Leonem: & in Saulem, libro primo Regum, capite vndecimo, & minutatim concidiſſe bouem: In Eliſem quoque, libro quarto Regum, capite ſecundo, & ſtatim prophetare cepiſſe. Hac etiam ſignificatione dicitur Spiritus Dei ſuſtulſiſſe Eliam in Cælum, & rapuiſſe Philippum: & apud Daniele, capite quartodecimo, dicitur Angelus Domini apprehendiſſe Habacuch in vertice eius, & portari in capillo capitis, & poſuiſſe in Babylonem ſuper lacum Leonum in impetu ſpiritus ſui. Ideo autem Moſes docere voluit, in principio vim, & efficaciam Dei aſſuiſſe aquis; vt intelligeretur, quæcunque poſtea ex aquis, iuſſu Dei, puncto temporis facta eſſe narrantur, non eſſe facta natiua facultate, & poteſtate aquarum; ſed ſupernaturali virtute Dei, quæ aquis illis aderat. Sicut etiam, cùm dicitur Sampſon, irruente in eum Spiritu Dei, diſcerpiſſe Leonem, ſignificatur non id feciſſe Sampſonem naturali robore, & proprijs viribus, ſed mirabili quadam virtute tunc ei à Deo indita.

V I E L M I V S redarguit hoc Commentariū lectione octaua, dū inquit.
Atqui, & hic quoque herere cogimur, quod elementa motionem effectiue à generante, formaliter autem à ſuis eorum formis, ſicut & energiam, & efficaciam vnà cum eſſe, dum crearentur, obtinuerint, & vim efficiendi nullam reuera poſſint habere, cùm materia, & efficiens in vnum nunquam coeant.

Quibus & ſuperinferre poſſumus ſciſcitando: An hæc vis, efficaciaque ita aquis indita erat, vt in eis perpetuo foret permanſura; An ſupranaturalis aderat eo ſanè tantum tempore impertita: Quod ſi natiua erat virtus, igitur rerum ipſarum, auium ſcilicet, & piſcium productio, non à Deo ſummo, ac præſtantiſſimo agente effecta eſt, ſed ſola inſita vi ipſius aquæ. Si autem aderat virtus ſuperna pro tunc aquis elargita, certè virtus erat Altiffimi, Spiritus Sanctus, inquam, non corporali aliqua ſpecie, ſed virtute aquas fouens, aquis ſuperlatus: nec ſiquidem exemplum vllum adduxere de motione, ſeu vi, ſenſili in creatura, à Deo immiſſa, quæ Spiritus Dei vocata ſit, ſicut præſens de aqua occaſio eſſaſcitabat. Deinde exempla delata Sampſonis, Saulis, Eliſei, aptius de collatis Spiritus Sancti donis interpretari poſſunt. Dicere ſiquidem quis poſſet in Sampſone, & Saule donum, ſeu Spiritum fortitudinis, & in Eliſeo Spiritum Prophetiæ, ea mirifica patraſſe. Porro Eliæ, Philippi, Habacuch raptus, Angelorum miniſterio effectos fuiſſe, quis abnuet? Angeli ſiquidem Spiritus Domini à ſcripturis ſæpius nuncupantur.

a. Ideſt, ventus validus, vel aër vehementer concitatus, exiccabat aquas .

P H I L O Libro de Gigantibus.

Dicitur Dei Spiritus vno modo aër fluens ſupra Terram, tertium elementum, quod ſuper aquam vehitur. Quamobrem in libro de Mundi Opificio, ait.

Spiritus

Spiritus Dei ferebatur super aquam. Aer enim, cum sit levis, attollitur, & sursum fertur, aquam pro basi habens.

R A B B I Moses, teste Hamero Commentatione in Genesim, & Auen Ezra, & Hebraei ferè omnes interpretes, Spiritus Domini nomine, ventum capiunt. Vnde Rabbi Moses.

Num. 11.

Exod. 15.

Exod. 10.

Ideo autem dictus est ventus Spiritus Domini, quia fecit ipsum mobilem, scilicet flantem. Motus autem venti, semper attribuitur Creatori, sicut Scriptura dicit; Ventus motus est à facie Domini. Et iterum; Flasti cum Spiritu tuo. Commouit Dominus ventum ab Occidente.

A V E N E Z R A etiam.

Ideo additum est ventus Domini; quia diuina voluntate missus fuerat, vt exsiccaret aquas.

B A S I L I V S Hexameron, Homilia secunda, interpretationem hanc prætermisit, nec reiecit, licet neque vt veriores approbarit.

Sine hunc dicat Spiritum, diffusionem fuisse aeris, accipe tibi Mosem horum auctorem, Mundi singulas partes enumerantem, tibiq; recensentem, quia fecit Deus Cælum & Terram, aquam, aerem, & hunc diffusionem, ac disfluentem.

Glossa Locupletata hunc Basilij locum non prætermisit.

D I O D O R V S, vt in Catena Lippomani.

Superferebatur autem, Hebraea vox per metaphoram significat, Spiritum veluti gallinam aquis inculcandam, easq; tanquam alis confouentem. Vel Spiritum, idest ventum intellige, qui motu suo aquarum naturam alterat, vnde & ortum ducit. Dei vero addidit, vt huiusce operis causam Deo ascriberet. Si quis vero Spiritum Dei, Spiritum paraclitum intelligat, haud à vero aberrabit.

A N A S T A S I V S Synaita Commentarijs in Hexameron, libro primo, visus est consensisse, cum incongestam Mundi speciem describens, ait.

Sed densam quendam, & ad vesperam omnino vergentem, profundumq; & tristem, atrumq; & omnino tenebrosam, per ea quæ dicta sunt, descripsit Moses Mundum terrestrem, opertum diuersis quibusdam veluti integumentis, & velis, tanquam coacta, & compressa Terra, vt quæ simul sit in tenebrosis, & in umbris mortis, in terrestribus Herebi; partim quidem suffocata aquis, quæ ei sunt impositæ, partim autem offusa tenebris abyssi: deinde Spiritu venti, qui vehementer fertur super aquam, ab undis iactata, & agitata. Ferri enim significat vehementiam motus, & impetus aeris.

Et libro tertio, hanc quasi ex aliorum sententia, recitat interpretationem.

Quamobrem de regione Aegypti dici potest in tempore ascensus aquarum, quod terra Aegypti est imibilis, & incomposita, & tenebræ caliginis & tempestatis supra abyssum huiusmodi aquarum; & Spiritus Dei (hoc est venti renouatio) fertur supra aquam. Sic enim interpretati sunt multi Interpretes; Et tenebræ erit supra aquas, & Spiritus ferebatur supra eas. Non enim dixit, inquit, Scriptura; & tenebræ erit cum articulo; idest, Spiritus ille, sed πνεῦμα θεοῦ, absque articulo, idest, Spiritus Dei; hoc est, vnus ex quatuor Spiritibus ventorum ferebatur super aquam.

T H E O D O R E T V S Quæstionibus in Genesim, quæstione octaua.

Quibusdam videtur fuisse Spiritus Sanctus, qui viuificabat, & fecundabat aquarum naturam, præferens quodam modo gratiam baptismi. Vtius autem putauerim, quod hic aerem vocet Spiritum. Nam cum dixisset, Deum creasse Cælum & Terram; & aquarum meminisset sub nomine abyssi, necessario & aeris mentionem fecit, à superficie aquæ ad Cælum vsque permeantis. Aeris enim natura est, vt circa inferiora corpora feratur, & agitetur. Aptissime autem verbum istud, Ferebatur substantiam aeris mobilem indicat. Quod si quis huic interpretationi non assentitur, propterea quod scriptum est; Spiritus Dei ferebatur super aquas; audiat beatum David dicentem de Deo omnium conditore; Flabit Spiritus eius, & fluent aquæ. Certum est, quod ventum ipse vocauerit Spiritum, etsi verbo non expresserit. Si quidem Envo, aut Notho flante, aquæ congelata dissolui solet, & liquefieri.

A T H A N A S I V S quæstione octuagesima prima ex Veteri Testamento.

Int. Qualis erat ille Spiritus, qui ferebatur super aquas? Resp. Videtur quidem quibusdam, quod Spiritus ille, Sanctus sit Spiritus, viuificans aquarum naturam. Ego vero haud absurdè per illud verbum, Ferebatur, de eo significari motum aeris essentiam: etiam iuxta David de Deo huius Vniuersi, dicentem; Flabit Spiritus eius, & fluent aquæ.

P R O C O P I V S Commentarijs in Genesis caput primum, adeo hanc prosequitur sententiam, vt exponentes hoc loco de Spiritu Sancto damnet, ac reiciat.

Quidam volunt hic intelligendum esse Spiritum Sanctum, quod colligunt inde: quia dicitur, Spiritus Dei, quod de solo Spiritu Sancto dicitur. Nam Hebraica vox significat, quasi Spiritus incubet, foueat, inflat, & aquam, eamq; ad generationem animalium moueat. Qua re docemur elementa nullam vim tenere, vt possint absque reprehensione per se suas operationes absolvere, scilicet animalia procreare, aut incubare: verum hoc fieri

fieri omnia virtute diuina. Ceterum nulla vox Græca potuit sua significatione ista perfecte exprimere; quapropter ait, Ferebatur: quod quidem alienum est à Spiritu Sancto, nisi forte quis, quemadmodum illa; Deus ascendit, descendit, & ambulabat: etiam hanc dicendi formam intelligat. Sed quidam hunc sensum exhibuerunt, haud decere existimantes, ut creatura ingenitum connumeretur. Proinde voluerunt Spiritum Dei hoc loco significare aërem, vel ventum. At quare inquit, Spiritus Dei? Quasi verò cetera omnia non Deo attribuantur. Ceterum aër, vel ventus, Deo magis quam reliqua congruit. Siquidem reliquis subtilius, & substantijs incorporeis est propinquius istud elementum. Propterea istoc nomine vocatur, quo sacra Scriptura Diuinam naturam appellare consuevit. Sed ne plus quam decet, aëri tribuamus, eumque quid in creatum credamus, meritò subiunxit Moses; Dei, quo auctore, sicut & alia, suam essentiam nactus est. Quod verò non abhorreat à consuetudine Scripturæ aërem vocitare Spiritum cum additione dictionis, Dei; audiatur Dauid de aëre, & alijs, quæ in hoc elemento produci asoleant, disserens; Ipse dat niuem sicut lanam, & pruinam velut fauillam spargit: projicit velut fragmenta glaciem suam, &c. Et iterum; Facit flare ventum suum, & fluent aque. Non igitur ex his nunc apparet, Spiritum aliquando dici in Scriptura aërem, aliquando verò ventum; qui est opus Dei, & secundum huius voluntatem mouetur; & talia, qualia Moses recenset, efficit?

Psal. 147.
Ibidem.

T O S T A T V S Expositione in Genesim.

Hebraica lectio habet, Ruba elohyn meraheseth al pene hamayn, quod interpretatur, Ventus Domini flabat super aquas; id est, Ventus missus à Deo. Et est sensus, quod postquam Deus distinxit quantum ad substantiam elementalem, ita quod esset terra & aqua; tamen adhuc manebat aqua super totam Terram: deinde congregata fuit aqua ad locum vnum, voluntate diuina, ut patet infra. Mansit autem Terra madefacta, & limosa: ideo induxit Dominus ventum vrentem flantem, scilicet Boream; & desiccavit Terram: & iste ventus ferebatur super aquas separando, & desiccando aliquas remanentes in locis infimis, vel concauis. Et sic habetur Exodi decimoquarto capite; ubi dicitur, quod quando Hebraei transituri erant Mare rubrum, Deus induxit ventum, qui desiccavit, & abstulit aquas. Cumque extendisset Moyses manum super mare, abstulit illud Dominus flante vento vehementi, & vrenti tota nocte, & vertit in siccum. Iste sensus multum mihi placet, & hoc satis innuit litera nostra, quæ dicit, Ferebatur; quod signat motum, scilicet flare: & Spiritus aliquando ventum notat: ut patet Psalmo decimo; Pluet super peccatores laqueos ignis, & Spiritus procellarum, id est ventus impetuus. Sic etiam centesimo quadragesimo octauo; Ignis, grando, nix, glacies, & Spiritus procellarum, id est ventus, quæ faciunt verbum eius. Et si arguas, quod hoc repugnat positioni secundæ, scilicet quod in prima die non fuerit terra, nec aqua, sed illud corpus materiale: sed in secundo die fuerint aquæ factæ, & distinctæ à terris. Respondetur, quod non repugnat, quia ista dicuntur per anticipationem, sicut sæpe fit in Scriptura, & patet sequenti capite, quod in isto ponitur creatio, vel productio omnium rerum usque ad hominem, qui fuit vltimus: & sequenti capite agitur mentio de productione, vel plantatione lignorum Paradisi, quæ fuit quinta die, scilicet ante hominem. Sic etiam infra decimo capite agitur de filijs Sem, Cham, & Iaphet, quomodo fuerint in generationibus suis, & linguis suis; deinde capite vndecimo dicitur, quod erat terra labij vnus: & ideo sexta regula exponendi Sacram Scripturam inter regulas Ticonij est de anticipatione & recapitulatione. Item si arguas, quia dicitur in opere secundi diei, Congregentur aque, quæ sub Cælo sunt, in locum vnum, & appareat Terra arida: Ergo videtur, quod inter diuisionem aquarum à Terra, & apparentiam aride, non fuit mora. Respondetur concedendo, quod postquam totaliter aquæ reliquerunt superficiem. Terra nostræ habitabilis per ventum vrentem, immediatè apparuit Terra arida, quia ventus erat valde fortis, & vrens; vel quod Deus sine vento separauerat aquas, & post per ventum desiccavit.

L V S I T A N V S Commentatione in primum caput Geneseos; Cùm supra Ruach, & ventum, & Spiritum significare demonstrasset, post plura ait.

Quia tamè aquæ erant statim exsiccandæ à Terra, & in locum vnum cogendæ; videtur potius ventum ad hoc fuisse à Deo immisissum, ut coactis ad suum locum aquis, Terra à vento exsiccaretur, ut siccum hominibus & animantibus preberet habitaculum. Cuius simile habes Exodi decimoquarto: ubi; cùm Dominus esset rubrum mare ad Iudeorum transitum exsiccaturus, ventum tota precedenti nocte immisit, quo Terram, quæ Mare antea fuerat, exsiccavit. Sic enim textus habet; Fecit Dominus abire Mare per ventum Orientalem fortissimum tota illa nocte. Vbi audis Dominum vento usum ad aquas exsiccandas, quod & hic fecisse credo. Præterea, cùm Deus esset Terram ab aquis Diluuij exsiccaturus, constat ex capite octauo; Et transire fecit Deus ventum. Itidem Exodi decimo. Cùm locustas adduxit, & repulit. Et Post. Est ergo locus iste sic ad literam reddendus. Et ventus, seu flatus Domini, id est, à Domino immissus, mouebat se super aquas, aut super superficies aquarum, ut scilicet eas cogeret ad locum vnum, & Terram exsiccaret ad hominum, & animalium habitationem; & ut herbas, & plantas ex se emitteret, quas aqua impediens non producebat.

A V C T O R .

Cæterum interpretatio hæc plures offendit arduas difficultates, seu modò Spiritus nomine aërem capiat commotum, ut Philo, Basilii, Theodoretus, Athanasius: seu etiã ventum, ut Rabbini, Diodorus, Anastasius, Procopius, Tostatus, Lusitanus intellexisse

Quæ difficul-
tates in alla-
to placito.

Soluuntur ad-
ductæ diffi-
cultates.

Exod. 14.

Exod. 15.

Psal. 67.

Refellitur
sententia su-
perior.

visi sunt. Primum, quoniam nōdum circumuehebatur Sol, nec simul coibant astra, nec
seiuincta abinuicem erant elementa: nec ob id mixtum aliquod confici poterat, quomo-
do ergo ventus gigni quiuit; cū maximē uentus mixtum sit metheorologicū? Deinde
qua vi iactari poterat, quando nondum primigeniū Cēlū, iuxta Patrum, ac Doctorum
omnium sententiam, uno excepto Aegidio, cieri cōperat? Amplius, vt adnotauit
Catherinus, quānam urgebat caussa, ut ex ea materia Deus ventum educeret, maximē
eo in horrido, squalenteque Chaos? Tandem, vt quid aēr, spiritus Dei nomen sibi ven-
dicauit? Tostatus, atque sectatores huius placiti, his satisfacere enixi sunt. Primā
difficultati occurrentes, statim concessere ventum illum non fuisse exhalationem frigi-
dam & siccam, ex qua, naturæ opera, constant nūc venti; fuisse autem aērem ipsum, non
quietū, sed concitatū à Deo; qui & vēti naturam subiit alterius generis ab Euro, Notho,
& similibus autumant. Secundam porrō difficultatem elidentes asseuerarunt, non sua
natura, sed imperio Dei tunc prodijisse illam aēris motionem, non quidem exilem, sicut
ti aura est, sed vehementer concitatam; cū non extarent tunc sydera, seu aliæ caussæ
naturales ad exiccandum aērem propensæ. Ad alteram respondent, Deum ventum
illum aēreum genuisse: ex eaquē incongesta materia excitasse, ut illius ope aquæ in
unum locum cogerentur, ea serie, qua vento valido Mare rubrum Deum exicasse
scribitur, ut Israëlitis per tumentes fluctus iter pararet. Obijcientibus verō Aristotelis,
Philosophorumque axioma, quod aēris, vt venti, munus non sit exsiccandi, sed potius
humectandi; satisfaciunt, aērem ipsum uirtutem arefaciendi non habere sua natura, sed
ex celeri illa agitatione, qua omnia euentilat, ac perflat. Tandem vltimam diluunt;
asserentes: uentum spiritus Dei sapius in Scripturis nomen uendicare consueuisse; &
tunc præcipuē, cū per ipsum præclari aliquid Deum patrasse narratur; vt eo loco; Fla-
uit spiritus tuus, & operuit eos Mare. Præterea morem sanctis Scripturis esse, ea quæ in-
signiora sunt, & rebus sui generis eminent, non simplici nominis uoce, sed cum addita-
mento Dei, vel Domini nuncupare: sic regius Propheta dicit; Mons Dei, mons pinguis.
Sunt & alij, qui ex sentētia Strabi, has elidunt difficultates, asserentes spiritum Dei fuisse
aērem ipsum, qui cū natura sibi altiore situm aqua, & terra, uendicare niteretur;
ita mandante Domino, facto impetu ex ea mixtione erumpere, ac profilire, totis uiri-
bus conatus est, atque hac ratione concitationi illi causam præbuit. Sed hæc omnia,
mea quidem sententia, agrè recipiuntur. Primum aērem venti nomen, ac munera ar-
ripere, nec Philosophi, nec Theologi libenter admittunt: nunquam enim ex aēre solo
ventus esse potest. Deinde quod aēr sine uento ipsum impellente, seu primo mobili
rapiente concitetur, uel circumferatur, minimē unquam absque miraculo fieri potest.
Amplius Deum potuisse aērem sua immensa potentia iactare omnes annuent, sed cū
non euident subierit caussa, non est cur hanc admittamus concitationem. Causa enim
ab Abulense adducta, ab omnibus refutatur. Siquidem Deum tertio die aquas coē-
gisse non flantis venti ope, sed sola sua uirtute, ac uerbo imperante, & Moses obtestatur,
& Patres omnes vna consensione diffiniunt; & aquarum illarum exundantia non ex-
siccata traditur à Mose Vate, sed congregata: nec existimandum est tantam aquarum
molem citra aliquem vsum Deum creasse, ut mox uento ualido absumeretur. Adij-
cias, quod cū die tertia tantum congregatæ fuerint aquæ, haud consentaneum vide-
tur ante omnem diem eum uentum extra propositum memorari. Quod attulit Abu-
lenfis, Mosē uidelicet loqui nunc de uento illo per anticipationem, haud tutum exi-
stimo, cū ipse nullam ad id muniendum probationem attulerit: nec consentaneum
uideatur hoc loco memorasse causam, & eius effectum tertio die prætermisisse. Præ-
clariora verō, & insigniora ex rebus, quandoque Dei, uel Domini nomen tulisse pariter
non inficior; sed non inspicio, ut adnotauit Burgenfis, cur potius hoc loco aēr, quā
ignis, uel aqua, Dei, seu Domini additamento insigniri debuerit, cū æquē tam ignis, &
aqua, quā aēr, à Deo opifice prouenerint; & æquē in ea miscella elementorū uel fluita-
rent, uel quiescerent. Burgenfis amplius in Additionibus tradit, Rabbinum Moy-
sem existimasse quatuor hic memorata fuisse elementa, terram, scilicet, cū ait; Terra
autem: aquas, cū dicit, Super aquas: ignem, cū scribit; Et tenebræ erāt: aērem tan-
dem,

Et Spiritus Domini ferebatur super aquas.

a. Hoc est, Aër quietus incubabat super aquas.

Anno Mundi
primo.
In exordio
temporum.
Ante dies.

dem, cum adijcit; Et spiritus Domini; improbatque ipse Burgenfis hanc vltimam interpretationem, quod scilicet, Spiritus nomine, aër significetur. Primum, quia aër non magis dici potest Domini, quam aqua, uel terra. Deinde, quoniam, & hoc loco aquarum nomine aquas supernas intelligere possemus, super quas aer ferri nequibat. Tandem, quia non defuisset Moyfi aëris nomen, quo praecipue uti hoc loco debuisset. Inductam ex sententia Strabi; commoti aëris causam, pluribus eludere possumus. Primum quod Nysseni, ac plurimorum Doctorum sententia sit, aërem non fuisse nisi tertio die conditum, Steuci uerò, ac multorū, saltem, non nisi secundo. Deinde, si etiam ipsum primordio temporum emanasse, cum D. Basilio, ac pluribus ex Patribus asseuerabimus, cum ipsis certè, & dicemus, quod mixtus cum alijs elementis omnino vagaretur, nec inde eruperit, nisi die tertio, quando elementorum inferiorum secretio effecta est: nec nisi post ignem, qui leuior est & ualidior, & ut prosiliret totis viribus contendebat.

a. Idest, Aër quietus incubabat super aquas.

PLATO, Spiritus nomine aërem intellexit, ut refert Rupertus Commen. in Genesim libro primo, capite octauo, cum ait.

Hic amor, haec bonitas Creatoris, Spiritus Sanctus est. Quem nesciens Plato, cum hanc scripturam legisset, Spiritum Mundi, idest aërem, arbitratus est, qui secundum ordinem elementorum, aquis, utpote leuior, supereminet. Et quia per Cælum quoque, de quo iam dictum est; In principio creauit Deus Cælum & Terram, ignem significari suspicatus est, quatuor tantum elementa, scilicet ignem, terram, aërem, & aquam, hoc loco dinumerata esse putauit, utpote spiritum hunc non cognoscens, qui planè non spiritus est Mundi, sed Spiritus est Dei: praesertim cum per tenebras, quae erant super faciem abyssi, uicinius aër possit intelligi, qui desuper nullis adhuc luminibus radiabatur; & idcirco rectè tenebrarum nomine designatur.

Tostatus hanc Platonis sententiam pariter in Postillis refert, ut supra recitatum est in quaestione; Num Moses expressè tradat cunctorum elementorum genesim.

AVGVSTINVS de Genesi ad literam imperfecto, capite quarto, haec habet.

Tertia opinio de hoc Spiritu oriri potest, ut credatur spiritus nomine, aëris elementum enunciatum; ut ita quatuor elementa enunciata sint, quibus Mundus iste uisibilis surgit, Cælum scilicet, Terra, & aqua, & aër: non quia iam erant distincta, & ordinata, sed quia in illius materiae, quamuis informi confusione, tamen exortura praesignabantur; quae informis confusio tenebrarum, & abyssi nomine commendata est.

VIELMIVS praedictis libratis difficultatibus, hanc & ipse retulit à praefatis certè alienam sententiam.

Placet ergo magis eorum sententia, qui Spiritum Domini hunc uolunt fuisse aërem, & Merachephet capiant pro incubabat; cuius uerbi vim explicat Hermolaus in castigationibus Plinianis, libro secundo, capite primo. Cessant enim confestim haec omnia, quae interpretes defatigant. Nam uerbum hoc, situm, locumque aëris ubi creatus fuit, non uerò commotionem, & uentum reuera indicat, quin potius quietem, sicut cum gallina cubat super oua, & uitalia reddit, uti Diodorus, & Basilius, ac reliqui ferè scribunt. Et si ferebatur cum ueteri interprete legere quis maluerit, nihil erit incommodi; quoniam existimandum non est, nullum huic elemento tunc temporis adfuisse motum, sed adfuisse exilem, ac qui etiam quies comparatione ad uentum dici posset.

Verum haec quoque sententia in angustias redigi potest: Duo siquidem potissimum illi obstant, atque officiunt. Primum est, quia ut certum, ac definitum statuit, quod ante primum diem aër à cæteris elementis seceret, nulla iactatus motione consisteret, cum tamen tertio die tantum depuratum cum fuisse ex Patrum ferè omnium nutu san-

Anno Mundi
primo.
In Exordio
temporum.
Ante dies.

Et Spiritus Domini ferebatur super aquas.

a. Spiritus Domini; idest, Spiritus Sanctus.

ciendum sit. Alterum, quoniam non exponit, qua de causa super aërem potius quam super aquam spiritum cubasse, diffinire debeamus, cum profecto aqua ad uiuentium procreationem, aëre propensior, aptiorque nutrix censeatur, atque etiam Moses omisso aëre, aquam quinto die, aues, ac pisces produxisse tradat. Igitur, meo iudicio, hæc interpretatio, seu ventum ipsum, nempe exhalationem, seu aërem concitatum, seu aërem pacatum intelligat, vndique certe angustius comprimitur.

a. Et Spiritus Domini; idest, Spiritus Sanctus.

Frequentior præstantissimorum Patrum cætus, Spiritus Domini nomine, Spiritum Sanctum capi censuit. Referamus primò sacros Poëtas.

TERTULLIANVS Poëmate inscripto Genesis, quod alij Cypriano adscribunt.

Principio Dominus Cælum, Terramque creauit:
Nanque erat informis, fluctuque abscondita tellus;
Immensusque Deus super æquora vasta meabat,
Dum Chaos & nigra fuscabant cuncta tenebræ.

CLAVDIVS Marius Victor Orator Massiliensis, Commentariorum in Genesim, libro primo.

Vt verò semel attingam primordia rerum,
Excelsi conuexa Poli, Terræque iacentes.
Pars prima est operis; sed Terras vnda tegebat,
Aëraque in medio sordenti nube madentem,
Et tenebris se vasta nigris velabat abyssus:
Et sacer extensis impendens spiritus undis
Altrices animabat aquas, ac semina rerum,
Nondum compositis fundenda ad germina Terris
Insinuanda dabat.

CLEMENS Papa Recognitionum, libro sexto.

Est enim in aquis istis Baptismi misericordie vis quedam, que ex initio ferebatur super eas.

Et Epistola quinta.

Est in aquis istis baptismatis misericordia eius quedam ex initio ferebatur super eas.

CYPRIANVS de Spiritu Sancto.

Hic Spiritus Sanctus ab ipso Mundi initio, aquis legitur superfusus, non materialibus aquis, quasi reliculo egens, quas potius ipse ferebat, & complectentibus firmamentum, dabat congruum motum, & legitimum præfinitum.

NEMESIANVS à Thubunis, vt in sententijs Episcoporum octoginta septem, de Hæreticis baptizandis, Concilij Carthaginensis, legitur.

Et in Euangelio, diuina sua voce Dominus noster Iesus Christus locutus est, dicens; Nisi quis renatus fuerit ex aqua & spiritu, non potest introire in Regnum Dei. Hic est Spiritus, qui ab initio ferebatur super aquam. Neque enim spiritus sine aqua operari potest, neque aqua sine spiritu.

TERTULLIANVS libro de Baptismo, non diuersa à supra relata doctrina, Spiritum Sanctum per Spiritum Domini hoc loco insinuari his edocuit.

Nam vnum ex his est, que ante omnem Mundi surgentum impolita adhuc specie penes Deum quiescebat. In primordio, inquit, fecit Deus Cælum & Terram. Terra autem erat inuisibilis, & incomposita, & repleta erat super abyssum, & spiritus Dei ferebatur super aquas. Habes homo in primis ætatem, venerari aquarum, quod antiqua substantia; dehinc dignationem, quod diuini Spiritus sedes, gratior scilicet ceteris elementis.

elementis. Nā & tenebræ totæ adhuc sine cultu syderū informes, & tristis abyssus, & Terra imparata, & Cæ-
li ruda: solus liquor, semper materia perfecta, leta simplex de suo pura, dignum veltaculū Deo subijciebat.

Et aduersus Marcionem, libro quarto.

A quo Spiritum Sanctum postulem, à quo nec mundialis spiritus præstatur? An à quo fiunt etiam An-
geli spiritus, cuius & in primordio spiritus super aquas ferebatur?

BASILIVS Hexæmeron, Homilia secunda.

Sive quod, & verius est, & à maioribus nostris probatum, spiritus ille, Spiritus Dei Sanctus dictus est:
propterea quod obseruatum est, talem de illo peculiari modo Scripturā præcipueq; facere mentionem, & ni-
hil aliud Dei spiritum appellare, quàm ipsum Spiritum Sanctum, qui diuinæ, beatæq; Trinitatis numerum
complet. Hanc quoque sententiam si admiseris, maiorem ex hac vtilitatem fueris consequutus.

Et contra Eunomium, vt in Catena Lippomani.

Spiritus siquidem hominis est, vt illud; Auseres spiritum eorum, & deficient. Diuinus etiam est Spi-
ritus, vt illud; Non permaneat spiritus meus in hominibus his. Ventus etiam dicitur spiritus, quale illud
est; Flabit spiritus eius, & fluent aquæ. Multosq; alios quis inuenire poterit: sed quia hic additur Domini,
constantissimè asseuerandum videtur de Spiritu Sancto loqui Moysen.

AMBROSIVS Hexæmeron libro primo, capite octauo.

Nos tamen cum Sanctorum, & fidelium sententia congruentes, Spiritum Sanctum accipimus, vt in con-
stitutione Mundi operatio Trinitatis cluceat. Præmissum enim, quia in principio fecit Deus Cælum & Ter-
ram, idest, in Christo fecit Deus, vel filius Dei Deus fecit, vel per filium Deus fecit; quia omnia per ip-
sum facta sunt, & sine ipso factum est nihil: supererat plenitudo operationis in Spiritu, sicut scriptum
est; Verbo Domini Cæli firmati sunt, & spiritu oris eius omnis virtus eorum. Itaque quemadmodum in
Psalmo docemur operationem verbi, quod est Verbum Dei, & virtutem quam dedit Spiritus Sanctus: ita
hic Propheticum resultauit oraculum; quia Deus dixit, & Deus fecit; Spiritus quoque Dei superferebatur
super aquas. Ornando enim polo Cæli, germinaturis Terris, pulchrè Spiritus superferebatur, quia per ipsum
creabantur, & renouabis faciem Terræ. Et post. Nam etiam Spiritum Sanctum legimus Creatorem,
dicente Iob; Spiritus diuinus, qui fecit me. Sive ergo Spiritus Sanctus superferebatur super aquas, tene-
bre contrariarum virtutum super eas esse non poterant, vbi locum sibi tanta gratia vindicabat. Sive, vt
quidam volunt, aërem accipiant, respondeant qua ratione Spiritum Dei dixerit, cūm satis fuerit Spiritum
nuncupare.

Et in Prologo supra secundum librum de Spiritu Sancto.

Namque si quis diligenter aduertat & Patrem in principio, & Filium cognoscet, & Spiritum. De Patre
enim scriptum est; In principio fecit Deus Cælum, & Terram; De Spiritu dictum est; Spiritus superfere-
batur super aquas. Et bene in exordio creaturæ baptismi figura signatur, per quod habuit creatura munda-
ni. Lectum etiam de Filio quod ipse est, qui discreuit inter medium lucis, & tenebras. Vnus est enim Deus
Pater, qui dicit; & vnus Dominus Iesus, qui facit.

AVGVSTINVS de Genesi imperfecto, capite quarto.

Si autem vniuersæ creaturæ, idest intellectualis, & animalis, & corporalis, materia creditur illo aquæ vo-
cabulo enunciata, nullo modo hoc loco spiritus Dei potest, nisi ille incommutabilis, & Sanctus intelligi, qui
ferebatur super materiam omnium rerum, quas fecit, & condidit Deus.

Et de Genesi ad literā libro primo, capite decimosextimo expressius.

Spiritus igitur Dei, qui ferebatur super aquas, sicut scriptum est in principio facturæ Mundi, puto quod
non sit alius quàm Spiritus Sanctus, secundum quod ego intelligere possum: sicut & cū ipsa loca exponere-
mus, ostendimus; non tamen secundum historiam, sed secundum intelligentiam spiritalem.

Sed & pluribus locis, cū in hac Moysis de Genesi rerum historia insinuatam Sanctis-
simam Trinitatem edoceat, Spiritus Dei nomine Spiritum Sanctum capi clariùs obte-
statur: de quibus infra.

HIERONYMVS Quæstionibus Hebraicis in Genesim, vt supra retulimus.

Et spiritus Dei ferebatur super aquas. Pro eo quod in nostris codicibus scriptum est, Ferebatur, in Hebræo
habet, Merachefeth, quod nos appellare possumus, incubabat, siue confouebat, in similitudinem volucris, oua ca-
lore animantis. Ex quo intelligimus, non de spiritu Mundi dici, vt nonnulli arbitrantur, sed de Spiritu San-
cto, qui & ipse viuificator omnium, à principio dicitur. Si autem viuificator, consequenter & conditor: quod
si conditor; & Deus. Emitte enim, ait, spiritum tuum, & creabuntur.

Hæc ipsa Eucherius in Genesim libro primo, capite primo: & Beda Quæstionibus
in Genesim: & Glossa Ordinaria pariter detulere.

HIERONYMVS item in Epistola ad Oceanum octuagesima tertia.

Rudis Mundus, necdum Sole rutilante, nec pallente Luna, nec astris micantibus, incompositam, & in-
uisibilem

Psal. 103.

Gen. 6.

Psal. 147.

Ioan. 1.

Psal. 32.

Psal. 103

uisibilem materiam, abyssorum magnitudine, & deformibus tenebris opprimebat. Solus Spiritus Dei, in a-
rige modum, super aquas ferebatur; & nascentem Mundum, in figura baptismi parturiebat.

D A M A S C E N V S Orthodoxæ Fidei libro secundo, capite nono,
consimili cæterorum Patrum doctrina hæc habet.

In principio igitur præcepit Deus aquæ, ut educeret animam viuentem, quia debebat per aquam, & Spi-
ritum Sanctum (qui à principio ferebatur super aquas) renouare hominem. Hoc profecto diuinus asse-
ruit Basilus.

A T H A N A S I V S Sermone contra hæreses, eas recensens Scripturæ
sententias, quæ Spiritum Sanctum nobis patefaciunt, & hanc commemorauit.

Psal. 32. Agè disceptemus cum Spiritus Sancti oppugnantibus, qui Spiritum asserunt creaturam esse. Quid? An
non audistis Dauidem loquentem; Verbo Domini Cæli firmati sunt, & spiritu oris illius omnis virtus eorum?
En tibi triadem inuisibilem. Et in Mundi opificio apud Mosem; In principio creauit Deus Cælum & Ter-
ram: terra autem erat inuisibilis, & inornata, & tenebræ supra abyssum, & Spiritus Domini ferebatur su-
per aquas.

Et in Epistola ad Serapionem.

Dicite autem mihi, quemadmodum ante à vobis postulatum fuit, an vspiam legeritis in sacris literis Spi-
ritum Sanctum simpliciter nominari spiritum, sine additamento eorum titulorum, & absque ea obserua-
ne, cuius supra meminimus? Verum mihi hoc nunquam dixeritis: utpote quod nusquam scriptum reperi-
possit. Sed contra in Genesi scriptum est; Et Spiritus Dei ferebatur super aquas.

Quibus conspicuè claret, de Spiritu Sancto Athanasium hunc locum interpretan-
dum demonstrare.

D I O D O R V S hunc locum explanans ait.

Si quis verò Spiritum Dei, Spiritum paracletum intelligat, haud à vero aberrabit; spiritus enim omnia, quæ
sunt, exornat.

E V C H E R I V S Comm. in Gen. libro primo, capite primo.

Spiritus Domini ferebatur super aquas. Spiritus ergo Sanctus, Deus est, qui non loco continetur, aut di-
stenditur, nec temporum mutationibus subiacet, sed est ubique præsens, ac totus.

G R E G O R I V S Nyssenus libro inscripto, Testimonia aduersus Iudæos de
Sancta Trinitate.

Satis fuit Deo sola eius voluntas ad omnium rerum creationem. Scriptum est enim; Et Spiritus Dei fe-
rebatur super aquas: significante Scriptura, quod Spiritus Sanctus, qui reuera atque in substantia, persona-
que est, soneret & viuificaret omnia ad futuram honorationem. Quæ cum ita sint, perspicuè & clare sancta
Trinitas, Patris, inquam, & Filij, & Sancti spiritus demonstrari, atque probari potest.

P H I L A S T R I V S libro de Hæresibus.

Gen. 41.
Psal. 32. Habes enim in Genesi, idest, in primo libro, Sanctam, adorandamq; Trinitatem, ante hominibus nuncia-
tam. Dicit enim de spiritu in primo die; Et Spiritus Dei superferebatur super aquam. Et Pharaæ Rex
Aegypti dicit; Quis hæc interpretabitur, inquit, nobis, nisi qui Dei habuerit spiritum? Et Dauid; Verbo
Domini Cæli firmati sunt, & spiritu oris eius, omnis virtus eorum.

C Y R I L L V S Alexandrinus libro primo contra Iulianum disertissimè
Sanctissimam Trinitatem hoc loco à Mose memorari contendens, Spiritus Domini
nomine, Spiritum Sanctum intelligi edocet.

Nunc autem de ipso beato Mose sermonem attingere decet. Nam & ipse vnum natura, & verè Deum
predicat, non ignorans eum, per quem omnia creata sunt, nempe viuens, & substantiam habens, Verbum
eius, & spiritum in Deo, & ex eo viuificantem, qui per illud creaturæ mittitur. Dicebat enim; In principio
fecit Deus Cælum, & Terram. Vbi autem in compendio, & breui sermone, vniuersorum conditorem cum esse
docuisset, narrationem extendit, & monstrauit, quod per viuens Verbum, omnipotentem Deum, ea quæ olim
non erant, esse cæpissent, viuificentur autem & in spiritu. Dixit, inquit, Deus; Fiat lux; & facta est lux.
Fiat firmamentum in medio aquarum; & factum est ita. Et in vnoquoque quod factum est, licet videre di-
centem quidem Patrem; Fiat hoc, vel illud; creatorem autem per Verbum omne quod volebat, absque omni
meditationis conatu. Viuens enim Verbum Dei, & efficax, etiam si amuat tantum, erit quod placuerit ei. Di-
xit autem; Terra erat inuisibilis, & inculta, & tenebræ super faciem abyssus, & Spiritus Domini ferebatur
super aquam. Proinde valde sapienter mentionem facit Patris, & Filij, & Spiritus Sancti.

Et libro tertio contra Iulianum.

Quoniam autem in accusationibus Moses tale quiddam est: dicit enim; nihil de diuino spiritu illum dixit-
se, quàm hoc solum, quod Spiritus Domini ferebatur super aquam; audiat à nobis, tametsi quo pacto non ma-
gis prudenter, & exquisitè dictorum vis introspectienda erat? Nam si omnino diuinus nominatus est Spiritus,
quomodo intelligeretur genitus? vel quomodo creatus naturaliter est proprius increati? Itaque in hoc solo,
quod dicit esse Spiritum Dei, testatus est, quod ingenitus sit: non enim ab illo alter apparet, & substantia-
liter adu-

adulterinus, qui ex eodem secundum naturam fuerit, nimirum iuxta rationem hisce contemplationibus conuenientem, & congruam.

PROCOPIVS Commentarijs in Genesim, capite primo.

Quidam perhibent statim à iactis Mundi fundamentis gratiam sacri baptismi denunciari. Hinc fit, vt nostri mundatio, vel purificatio, potius aqua, quàm alio quouis perficiatur elemento. Principium siquidem (vt inquit) Mundi, est aqua: & principium Euangelij, Iordanis.

ISIDORVS de Summo bono libro primo, capite decimo.

Post annumeratam Cæli, Terræque creaturam, ideò nominatur in Genesi Spiritus Sanctus, vt quia superferriem dici oportebat ante illa nominarentur; quorum Creator Spiritus Sanctus superferri diceretur; quod & Apostolus indicat, dum supereminentem viam charitatis demonstrat. Ideò superferri aquis Sanctus dicitur Spiritus, quia donum est Dei, in quo subsistentes requiescimus: atque protegendo nos, superferatur nobis.

OPTATVS Apher Mileuitanus ab Augustino celebratus, contra Parmenianum libro quinto.

Tu verò, frater Parmeniane, in laude aquæ, de Geneseorum lectione dixisti, aquas primum viuas animas edidisse: nunquid eas generare potuerunt? nunquid non & illic fuerat tota Trinitas? utique & illic fuerat Deus Pater, qui iubere dignatus est, qui dixit; Educant aquæ natantia & volatilia, &c. Quod si sine operante fieret, quod factum est, diceret Deus; Educite aquæ. Ibi ergo erat Filius Dei, qui operabatur. Ibi erat Spiritus Sanctus, sicut lectum est; Et Spiritus Dei superferebatur super aquas.

ANASTASIVS Synaita Commentarijs in Hexameron, libro primo, Spiritum Domini, non tantum ventum, vt ante dixerat, sed & Spiritum Sanctum intelligi debere his obtestatur.

Et Spiritus Dei ferebatur super aquam sensilem; siue spiritus aeris, quem nominare ventum scit consuetudo hominum, siue Spiritus Sanctus; prius significans, & describens gratiam Sancti spiritus. Ambobus enim est opus, nempe & aërio spiritu, vt instar crucis inspiret in aquam baptismatis: & Sancto spiritu, vt sanctificet. Propterea enim fortasse hic rursus post tenebras examinat aquam & spiritum; hoc est, post peccatum, baptismi illuminationem. Nam sicut tanquam super piscinam aliquam, constituit Deus spiritum super aquam; ita statim precipit post hæc dicens; Fiat lux illuminationum: & facta est lux illuminationum.

BEDA libro de sex dierum creatione.

Et Spiritus Dei ferebatur super aquas: id est, Spiritus Dei patris. Et de ipso Spiritu Sancto ait Apostolus; Qui non habet spiritum Christi, hic non est eius. Si ergo nihil interest inter personam Patris, & Filij, & Spiritus Sancti; quare non dicit; Qui non habet spiritum spiritus: Vel sicut dicit Spiritus Patris, vel Spiritus Filij. Quare non dicit Pater spiritus, vel Filius spiritus? Quia non habet relatiuum modum vnde reddere possit, sicut dicit seruus Domini, aut Domini seruus: vel filius patris, & pater filij. Quia si dixisset Pater Spiritus, ostendisset Deum esse Patrem Spiritus. Vel si dixisset Filius Spiritus, demonstrasset Spiritum Sanctum Patrem esse Filij: quia non est nec Pater, nec Filius, sed de diuina substantia processit.

Rom. 8.

RVPERTVS Commentarijs in Genesim, libro primo, capite octauo. Deinceps nanque creaturæ eiusdem formatio, vel exornatio succedit, tantamque ex intentione spiritus Dei meliorationem, & tantum inopiæ suæ supplementum capit, quantum pro modulo suo melioratur ouum, in eo quod calore volucris animatur, & pullum producit. Quid autem putamus esse hunc spiritum, nisi bonitatem, amoremque Dei, amorem non affectuum, sed substantialem: amorem, inquam, & vitam, virtutemque viuam, in Filio, & Patre manentem, vel ab utroque procedentem, Patri, Filioque consubstantialem? Et post. Hic amor, hæc bonitas Creatoris, Spiritus Sanctus est.

GLOSSA Ordinaria.

Spiritus Domini ferebatur super aquas, &c. Sicut Deus, scilicet & conditor, præerat fluitanti, & confusæ materiei, vt distingueret quando vellet.

GLOSSA Interlinearis.

Spiritus Domini, hoc est, Spiritus Sanctus.

PETRVS Comestor in Genesis historia, capite secundo.

Et Spiritus. Hunc locum male intellexit Plato, dictum hoc putans de anima Mundi. Sed dictum est de Spiritu Sancto creante: de quo legitur; Emitte spiritum tuum, & creabuntur.

Psalm. 103.

THOMAS Prima, quæstione septuagesima quarta, articulo tertio, in responsione ad quartum.

Ad quartum dicendum, quod Rabbi Moses per spiritum Domini intelligit aërem, vel ventum; sicut & Plato intellexit: & dicit quod dicitur spiritus Domini, secundum quod Scriptura consuevit vbique, statum ventorum Deo attribuire. Sed secundum Sanctos, per spiritum Domini, intelligitur Spiritus Sanctus.

ALBERTVS Magnus prima parte Summæ de quatuor coæqueis, quæstione duodecima, articulo vndecimo, quæsito quare ex parte motoris potius ponatur Spiritus

AnnoMundi
primo.
In exordio
temporum.
Ante dies.

Et Spiritus Domini ferebatur super aquas.

a. Spiritus Domini, hoc est, Dei propensa voluntas.

Ioan. 6.

Spiritus, quàm Pater & Filius; cùm dicatur, Et spiritus Domini, &c. respondens, ait. Dicendum, quòd spiritus est principium vite, sicut dicit Dominus in Euangelio; Spiritus est, qui viuificat. Et in Genesi primo; Insufflauit in faciem eius spiraculum vite. Pater verò, & Filius, secundum hæc nomina non dicunt principium vite; & idèd potius ponitur ibi Spiritus, quàm Pater & Filius: licet enim non omnia formata uiuant, tamen vita est actus animæ; & anima est vltima forma intenta à natura: & idèd præcedentia, scilicet elementa, & mixtiones elementorum, ordinantur ad animata, & saluantur in illis.

Hanc nuperi ferè omnes amplectuntur interpretationem.

Verùm hæc sententia, quanquam præstantissimorum Patrum auctoritate admodum munita, tribus attamen difficultatibus circumuenitur. Altera est, quòd non semper spiritus Domini nomine, Spiritum Sanctum Scripturæ denotent: Altera quòd nõ decens videatur, ac consentaneum, vt Spiritus ille Sanctus ferri, superferri, volitare, seu incubare perhibeatur, cùm hæc omninò sint corporearũ rerũ affectiones, non illius simplicissimæ, ac immensæ substantiæ, quæ vbique est, & cuncta viuificat: Postrema quòd rudibus Hebræis, quibus hæc contexebatur historia, abditum, ac imperceptibile esset Trinitatis sacramentum, atque etiam Spiritus Sancti, (tertiæ inquam personæ à Patre, & Filio perenniter spiratæ) cognitio, & scientia prorsus esset recondita; quapropter ipsum incassum illis memorasset.

a. Spiritus Domini, id est, Dei propensa voluntas.

AUGUSTINVS de Gen. ad literam libro primo, capite quinto.

Et spiritus Dei ferebatur super aquam: quia siue aque nomine appellare voluit totam corporalem materiam, vt eo modo insinuaret vnde facta & formata sint omnia, quæ in suis generibus iam dignoscere possumus, appellans aquam, quia ex humida natura videmus omnia in terra per species varias formari, atque conuolueri, siue spiritalem vitam quandam ante formam conuersionis quasi fluitantem: superferebatur vtrique spiritus Dei, quia subiacebat scilicet bonæ voluntati Creatoris, quicquid illud erat, quod formandum, perficiendumque inchoauerat; vt dicente Deo in Verbo suo; Fiat lux: in bona voluntate, hoc est in beneplacito eius, pro modulo sui generis maneret quod factum est.

GLOSSA Ordinaria ex Augustino.

Spiritus Dei superferebatur aquis: quia subiacebat bonæ voluntati Creatoris, quod formandum & perficiendum inchoauerat.

GLOSSA Interlinearis.

Et spiritus Domini, id est bona voluntas Creatoris, cui subiacebat, quod formandum erat.

HVGON Victorinus noster Adnotationum, capite septimo.

Spiritum Dei, vocat eius intentionem, qui quasi artifex operi formando præerat.

PETRVS Comestor in Scholastica historia, capite secundo.

Et spiritus Domini, id est, Spiritus Sanctus Dominus, vel Domini voluntas ferebatur super aquas. Sicut voluntas artificis habentis præ oculis omnem materiam domus faciendæ super illam fertur: dum quid de quo facturus est disponit.

TOSTATVS in Postillis in prima expositione.

Spiritus Dei, id est sua voluntas, & intellectus ferebantur, scilicet iudicando, quid fieret illis aquis, id est congregationi elementorum, quia nondum erant perfecta in pulchritudine: & quia opera Dei perfecta sunt, debebat dare singulis elementis suam pulchritudinem, siue dispositionem.

LYRANVS.

Accipitur hic spiritus Dei, id est voluntas, quæ ferebatur super illam congeriem elementorum; sicut voluntas artificis super materiam, quam formare, & ornare intendit.

HVGON Carenfis in Postillis.

Nota quinque esse necessaria ad operandum: Materia, Necessitas, Potentia, Sapientia, & Voluntas.

Deut. 32.

Et Spiritus Domini ferebatur super aquas.

a. *Vel, Spiritus Domini, idest Sapiencia aeterna, seu Filius.*

AnnoMundi
primo.
In Exordio
temporum.
Ante dies.

Materia ostenditur, ubi dicitur; In principio creavit. Necessitas, ubi dicitur; Inanis & vacua. Potentia, ubi dicitur; Domini. Sapiencia, ubi dicitur; Ferebatur. Voluntas, ubi dicitur; Spiritus, tanquam voluntas artificis supra materiam edificij faciendi; quid de quo faciat considerans.

ALEXANDER de Hales secunda parte, quaestione quadragesima sexta, membro quinto.

Spiritus autem Domini magis dicitur ferri super aquas, quia bonitas Dei, quae appropriatur Spiritui Sancto, est principium huius terminationis per formam distinctam, & locum terminatum.

a. *Spiritus Domini, idest Sapiencia aeterna, seu Filius.*

STEUVCHVS in Comospoeia, Spiritum Domini Sapienciam, Verbum, quae diuinum appellandum post plura edisserit, sic.

Ex his apparet Filium Dei esse, quem Spiritum super aquas dixit Moses. Mens enim apud Graecos Theologos, est Filius Dei, ad creandum Caelum & Terram adhibita, apud Prophetas spiritus Domini exornat Caelos, est Sapiencia, est Radius, & Speculum diuinae bonitatis, quemadmodum videlicet apud Graecos, qui mentem à summo bono fulgere dicebant. Sapiencia autem, & Radius summi genitoris, est Filius. Ergo hunc Moses dixit & spectauit, quando ait; Et spiritus Domini ferebatur super aquas.

Sed haec consimiles interpretationes parum profecto à superscripta Patrum de Spiritu Sancto positione recedunt. Intentio siquidem, voluntasque propensa & destinata, ex amore cum proueniant, videntur Spiritus Sancti partes esse. Si verò Sapiencia nominis Filium quis interpretatur, ut interpretari videtur Steuchus, peregrinam certè cunctisq; ceteris Patribus incognitam interferit expositionem. Et insulse Steuchus ipse admirando expleri nequit: (haec enim eius sunt verba) considerans quod reperit Sacramentum. Quamuis nanque Verbum aeternum, Mens, Intellectus, Sapiencia, Radius, Speculum, Intelligentia, Exemplum, Imago, qua condita sunt omnia, appellari queat: Spiritus Domini tamen voce ipsum significari, non nisi extorta omnino interpretatione asseritur.

Iudicium Auctoris.

Eductis Catenis, deferendum mihi modò est iudicium. Primae itaq; ac secundae interpretationi, quae Spiritus Sancti nomine, Deum, seu Angelum, primum mobile ciuem interpretatur, assentire nequaquam possum: singulares enim, peregrinae, ac obscurae videntur. Singulares quidem, quia egrè possunt recipi ab ijs quatuor Patrum, & Doctorum classibus, qui Caeli nomine, uel Angelum, uel Empyreum, uel tria superna elementa, vel nil peculiare, sed summam operis creationis significari contendunt: de quibus supra. Amplius, quoniam aegrè adhuc recipiuntur ab illis duabus classibus, quae Caeli pariter nomine, vel supremum tantum Caelum, uel cunctos Orbes Coelestes, intelligi maluerunt, cum prima supremum Orbem non nisi quarto die, secunda uerò cuncta coelestia corpora non nisi primo conuersiones suas coepisse autument; ex quibus euincitur, singulares profecto & insulas, ac ferè omnibus inexcogitatas, atque ætate nostra vix enatas interpretationes hos Doctores attulisse. Peregrinae quinetiam sunt, & tum Hebraeis, tum etiam nobis difficiles, ac impertae: cum uocem (Super aquas) praecipue ad significandos Caelos citra popularem intelligentiam extorqueant, atque inusitato, improprioque dicendi tropo, Spiritus Domini ferebatur super aquas; spiritus Domini mouebat Caelum, exponant. Duæ illae

Duae primae
interpretationes
refelluntur.

Quæ inter-
pretationes
Hebræis acce-
ptæ.

Quæ exposi-
tio præferen-
da.

Spiritus San-
cti symbola
apud Ethni-
cos.

interpretationes, quæ tertio, & quarto loco deductæ fuere, quæ spiritus Domini no-
mine efficaciam aquis insitam, & ventum, seu aërem concitatum commentantur,
quanquam eadem non sint, attamen altera alteri annectitur. Siquidem si aër iactatus
ferebatur super aquas, & aquas ipsas ab ea cōmotione permotas fuisse existimandū est;
& si concitatio ea Dei uirtute eueniebat, certè propensionem ad fecunditatē, ac vim
quandam vitalem secum ferebat: sentioq; eas interpretationes Hebræis fuisse admodū
gratas, atque ut dilucidas, ac proprias ab ipsis receptas esse, tūm ex consueto secū-
eos Scripturæ tropo, quæ sæpius efficaciam inusitatam, & uentum perualidum, spiritū,
statumq; Domini appellat: Tūm quod Sanctissimæ Trinitatis mysterium recondi-
tum ac peregrinum illis esset, nec de personis diuinis, rudis ille populus vllam profus
fuisse notitiam consecutus. Insuper & Rabbinos Hebræos eas agminatim, & lubentius
acceptare perspectum habemus. Nobis autem, quibus uelum Templi scissum est, longè
acceptior, gratiorq; facta est ea interpretatio, quæ spiritus Domini nomine, Spiritū San-
ctum, seu diuinam voluntatem, seu amorem illum perennem, siue etiam diuinam eam-
mentem, sanctam intentionem, ac uiuidam sapientiā ex immenso amore ad procrean-
das res permotam exponit. Plura autem ad id existimandū me compellunt. Primum
quod huic interpretationi alludat sententia illa, quam & vetusti olim huius sæculi sapiē-
tes de Mūdi emanatione insinuarunt, cū Chaos illud, mente quadam diuina, seu amo-
re ineffabili diremptum esse, ac deinde efformatum prædicarunt.

Hic quidem spiritus, anima est illa Mundi Platonis cuncta viuificans, apud omnes
celeberrima, de cuius præstantia, libri veterum, & recentiorum Platoniorum sunt re-
ferti. De qua Plato libro decimo de Legibus, pulcherrima hæc asserit; Quod si, o admi-
rande dixerimus, omnis Mundi uia, & circumuolutio, & omnium quæ in eo sunt, ipsius
mentis motui, & circumferentiæ, & rationibus similem naturam habet, & proximè ac-
cedit; tum clarum est, quod dicendum sit animam ipsam optimam esse, & totum admi-
nistrare Mundum, & agere ipsum, ipsam talem viam, & iterum: Ducit quidem anima
omnia, quæ in Cœlo, & Terra, & mari suis motionibus, quibus nomina sunt, velle, cōsi-
derare, curæ esse, & consultare.

Hic ille spiritus, de quo Mercurius Trismegistus ad Asclepium, referente Stencho
in Cosmopœia, ait; Spiritu agitur, & gubernatur omnis in Mundo species, spiritus im-
plet omnia. Mundus nutrit corpora, spiritus animas. Spiritu ministrantur omnia, & ve-
getantur in Mundo, & quasi organum, vel machina, summi Dei uoluntati subiectus est.
Hæc sparsim ad Asclepium. In sermone autem tertio, absolutissimè hæc de Spiritu
Sancto; Nunc quod restat, inquit, in hac ratione audite; Hoc spiritu, ut sæpe ante di-
ximus, omnia indigent, omnia enim portat, pro cuiusque dignitate & meritis, omnia
uiuificat, & alit. A fonte sancto producit, spiritu & vita fecundissimus. Ac nisi pro-
uidentia quædam esset eius qui dominatur omnibus, quæ & ipsum Dei verbum reuela-
ret, neque nos nunc talis amor tenuisset, ut de eo loqueremur. Virgilius noster de hoc
ipso spiritu.

Principio Cœlum, ac Terras, camposq; liquentes,
Lucentem globum Lunæ, Titaniaq; astra
Spiritus intus alit, totamq; infusa per artus
Mens agitat molem, & magno se corpore miscet.

Hic Spiritus, illa uirtus, quam Iustinus in Admonitorio, etiam Platonem agnouisse
tradit. Ita nanque in calce Dialogi ad Memnonem; Ob hanc, inquit, rationatio-
nem, o Memnon, si quibus aduenit uirtus, diuino illa fato aduenire videtur; hoc autem
ex eo planè percipiemus, & quonā modo illius compotes euadant homines, cū prius
aggrediemur, quidnam sit illa uirtus secundum seipsam percunctari. Videtis ne quo
pacto donum supernè descendens solum uirtutem nominet, & ad hæc dignum deceat
inquisitione: utrum illud idem uirtutis nomine, aut alio quopiam nuncupari deceat?
utpotè qui formidauerit apertè Sancti Spiritus nomine uti, ne sequutus uidelicet Pro-
phetarum dogma uideretur.

Hic Spiritus, ille amor est, à quo omnem perfectam creationem & animationē pro-
manasse,

manasse, Vates, ac Philosophi Gentilitatis decantarunt. Hesiodus enim, referente Aristotele, sic cecinit.

Extitit ante Chaos, post hæc latissima tellus,
Qua super innixum pondus rerum incubat omne
Atque amor, inter qui cœlestes enitet omnes.

Et Parmenides. Cunctorumq; Deum primum quæsiuit amorem. Et quem Empedocles amicitiam dixit, Aristoteles cupiditatem nuncupauit.

Hic Spiritus, illa est mens Anaxagoræ, de qua dixisse fertur: fuisse omnia ab initio confusa, & commixta; ingressam autem mentem cuncta diremissee, digessisse, & disposuisse. Ex quibus omnibus id unum excerpere nos possumus, vetustissimos Vates, Philosophosq; , diuinum hunc Spiritum ad rerum procreationem accommodasse, perfacileque id non ab alio, quàm ab ipso Mose hoc loco decerpisse. Quanquam & id balbutie quadam, utpotè, quibus diuina Trinitatis mysteria patefacta non erant, cum Mundi animam, Spiritum, uirtutem, amorem, mentem tantum nuncupantes, explicarint.

Quòd si rerum primæquam profiliationem non sine Spiritu euenisse à Mose hauserūt, quò pacto nobis Spiritus memoratio recens erit atque aliena? Amplius interpretationem hanc de Spiritu Sancto accommodatiorem, ac præstantiorem existimare, id mihi persuadet; quoniam in ea duo nobis excelsa mysteria simul commonstrantur. Primum est Sanctissimæ Trinitatis, ut adnotarunt Ambrosius, Augustinus, Eucherius, Cyrillus, Philastrius, Optatus, Iunilius, Beda, Strabus, D. Thomas, ut excipere est ex prænaratis, idq; etiam Theodoretus libro de Principijs, & Rupertus dilucidius explicant.

Alterum est Baptismi Sacramētum, quo regeneratio fit spiritualis ex Spiritu Sancto su per aquas delato, ut eleganter explicarunt Clemens, Cyprianus, Tertullianus, Nemesianus, Ambrosius, Hieronymus, Damascenus, Anastasius, Beda, & ipse Rupertus, de quibus supra. Equidem libentiùs hæc interpretationes acceptandæ sunt, quæ, cum literam non diripiant, neque adulterent, grauiora, & insigniora secum deferunt mysteria. Rursus hanc interpretationem præstantiorem duco, quoniam Spiritus Sancti in Mundi constructione munus quale fuerit, exactiùs describit. Quod quidem munus Patres duabus elegantissimis metaphoris exprimunt; quarum altera est, auiculæ fœtus suos animantis. Munus profectò Spiritus Sancti fuit efformando, venustandoq; Mundo incubare, incubando fouere, fouendo uiuificare, vitamq; impertire, ad instar auis, seu gallinæ incubantis, confouentis, ac uiuificantis ouum, ut suo calore fœtum animet ad uitam. Quo quid elegantius dici potest? Hæc Basilii, Ambrosii, Hieronymus, Diodorus, Damascenus, Alcuinus, & Nuperorum plures. Altera artificis opus suum exudentis, non propter indigentiam, & necessitatem, ut adnotauit D. Augustinus primo de Genesi ad literam, capite septimo, uti & post referemus. Quod & D. Thomas secundo Sanctos, per Spiritum Domini intelligitur Spiritus Sanctus, qui dicitur superferri aquæ, idest materiæ informi secundum Augustinum, ne faciendo opera sua, propter indigentiam necessitatem putaretur Deus amare. Indigentia enim amor, rebus, quas diligit, subiicitur. Commodè autem factum est, ut prius insinuaretur aliquid in illud Chaos, ut superferri diceretur. Munus quippe fuit Spiritus Sancti superferri super aquas, quod statuit, peroptat. Quam superlationem apprimè explicat Eucherius, dicens; quòd superferebatur aquis Spiritus, non peruagatione, sed potestate; non localiter, sed potentialiter; non per spatia locorum, sed per potentiam sublimitatis suæ. Exemplo adhuc id magis Augustinus explicat. Non ut contentus, inquit, superfertur, quasi olei aquæ, sed sicut lux splendida Solis, aut Lunæ, his diffunditur corporibus, quæ illuminantur ab ipsis. Et Tostatus; Voluntas, & mens Dei opificis ferebatur super aquas, quasi mente agitans, quæcunque statuerat, ex aquis efformare, ad similitudinem opificis spectantis materiem sibi substratam; quemadmodum ex ea effingere possit opus ad similitudinem eius exemplaris, quod mente perceperat. Ex quibus theosophari ita possumus, quòd Spiritus Sanctus, cum amor sit æternus, & uoluntas diuina; ut amor fouebat, hoc est amoris diuini nexum, qua uiuificantur cuncta, impertiebatur; ut

Duo mysteria ex illa interpretatione hauriuntur:

Spiritus Sancti in creatione munus, duabus metaphoris explicatur.

Anno Mundi
primo.
In exordio
temporum.
Ante dies.

Et Spiritus Domini ferebatur super aquas.

a. Spiritus Sancti fit mentio, ut intelligeremus non necessitate, sed beneficentia, amorisq; abundantia Deum imperfecta absoluisse.

In creatione
rerū memo-
ratur Spiritus
Sanctus.
Psal. 32.

Psal. 103.

Iob. 26.

Sap. 1.

Par. 2. c. 84.

voluntas verò ferebatur ad opus illud præstantissimum exequendum, nempe ad Mundum istum pulcherrimum omni ex parte absoluendum, ac perficiendum. Præterea, ut hanc interpretationem reliquis præferam, ex eo maximè permoueor quòd Scripturæ, dum Mundi structuram produnt, Spiritus Sancti memoratorem non reticent, neque præmittunt. Dauid cum dixisset, Verbo Domini Cœli firmati sunt: adiecit, Et spiritu oris eius omnis virtus eorum. Alio quoque in Psalmo non tantum ad Zephyri perflationem verno tempore agi consuetam, sed ad primæuam rerum creationem, ac terræ venustationem respiciens, ait; Emitte spiritum tuum, & creabuntur, & renouabis faciem terræ. Adest etiam B. Iob testimonium; Spiritus Domini ornauit cœlos. Et Sapientia clamat; Spiritus Domini repleuit orbem terrarum, & hoc quod continet omnia, id est homo, scientiam habet vocis. Landolphus siquidem ita hunc postremum locum interpretatur; Spiritus Domini repleuit Vniuersum rerum speciebus, & homo solus, qui omnia cōtinet, scientiam habet linguarum, quibus Deum extollat. Accedit his, quòd tam Scripturæ, quam Patres, & Ecclesia, rerum omnium viuificationem, & animationem, semper Spiritui Sancto adscribant. Qui igitur fieri potuit, ut Scripturæ, quæ quasi Echo sunt inuicem, dum rerum effectorem memorant, semper Spiritum Sanctum recenseant: Moses autem in ipsa opificij Mundi historia eum suppresserit; atque viuificationem primæuam enarrans, ipsius summi viuificatoris non commemorerit? Ac tandem, ut finem his constituamus, ea de causa præstantiorem, præclarioremq; hanc interpretationem iudico, quòd simul cæteras omnes cōplectatur. Siquidem si Spiritus ille Sanctus externa aliqua commotione, seu agitatione fouebat, ac superferebatur aquis, ut subodorarunt Augustinus, Caictanus, & Aegidius, & aëris concitatione ad instar venti validi perflantis, ut Tertulliano, Basilio, Diodoro, Theodoreto, Athanasio, Procopio, Hebræisq; Rabbini placuit; & aquæ uiuida commotione, quam efficaciam, atque vim vitalem Chrysostomus, ac sectatores appellarunt, Mundum ad vitam promouebat. His & adijci potest, quòd præ cæteris hic commentarius insignium Patrum numerosa classis auctoritate muniatur, ut diximus. Sed quid plura? Nonne Ecclesia, quod potissimum est, id visa est statuisse? cum in benedictione fontium tantos Patres insequuta ita canit; Tu super aquas foetus eas ferebaris. Et postea in Oratione; Deus, cuius spiritus super aquas inter ipsa Mundi primordia ferebatur, ut iam tum virtutem sanctificationis aquarum natura conciperet. Prodidit hæc Ecclesia certè edocta à Patribus. Cæteræ interpretationes allegoriam sapiunt.

a. Spiritus Sancti fit mentio, ut intelligeremus non necessitate, sed amore, Deum imperfecta absoluisse.

AUGUSTINVS de Genesi ad litteram libro primo, cap. septimo:
Sed cur commemorata prius quamuis imperfecta creatura, postea commemoratur Spiritus Dei: prius dicente Scriptura; Terra autem erat inuisibilis & incomposita, & tenebræ erant super faciem abyssi: ac deinde insertur; Et Spiritus Dei ferebatur super aquam? An quoniam egenus, atque indigus amor ita diligit, ut rebus, quas diligit, subiiciatur: propterea cum commemoraretur imperfecta creatura, Spiritus Dei, in quo eius sancta beneuolentia, dilectioq; intelligitur, superferri dictus est, ne faciendo opera sua per indigentiam necessitatem, potius quam per abundantiam beneficentiae, Deus amare putaretur? Cuius rei memor Apostolus dicitur

Et Spiritus Domini ferebatur super aquas.

Anno Mundi
primo.
In exordio
temporum.
Ante dies.

a. Mentio fit Spiritus Sancti, ut Sanctissima Trinitas in hoc Mosis de Mundi opificio narrationis exordio nobis notificetur; Principij videlicet nomine, Filius; Dei nomine, Pater; & Spiritus Domini, Spiritus Sanctus.

1. Cor. 12.
Ephes. 3.

dicturus de charitate, Supereminentem viam demonstraturum se ait; Et in alio loco, Supereminentem, inquit, scientie charitatem Christi. Cum ergo sic oporteret insinuare spiritum Dei, ut superferri diceretur, commodius factum est, ut prius insinuaretur aliquid inchoatum, cui superferri diceretur: non autem loco, sed omnia superante, ac præcellente potentia.

Hæc eadem habet libro de octo Dulcitij Quæstionibus, quæstione octaua.

E V C H E R I V S in Genesim libro primo, capite primo.

Deus enim non ex indigentia fecit opera sua, sed ex beneficentia, atque omnipotentia: qui nihil indigens omnia creat, & misericors cuncta viuificat, & in plenitudine sancta permanet. Non nostris ampliandis laudibus, sed suis innotescendis collaudatur operibus, neque enim horum indiget quæ facit. Indignus quippe, atque egenus amor, subiicitur rebus quas diligit: Quamobrem non indignus amor superfertur rebus, quas diligit. Ideo dictum est, superferri creaturæ Spiritum Sanctum: quia non ex indigentia operatus est ipsam creaturam.

B E D A Quæstionibus in Genesim.

Quomodo sanè nominauit creaturam, cui superferre diceretur Spiritus Sanctus, non localiter, sed potentialiter Dominus, non ex indigentia fecit opera sua, sed ex beneficentia: neque horum indiget quæ fecit. Indignus quippe, atque egenus amor subiicitur rebus, quas diligit: ideo dictum est superferri creaturæ Spiritus Sanctus, quia non ex indigentia operatus est ipsam creaturam.

G L O S S A Ordinaria.

Dictum est etiam, Spiritus Domini ferebatur super aquas, ne faciendo opera, potius per necessitatem indigentis, quam per abundantiam beneficentiæ Deus amare putaretur.

D. T H O M A S prima, septuagesima quarta, articulo tertio, ad quartum.

Sed secundum Sanctos, per Spiritum Domini intelligitur Spiritus Sanctus, qui dicitur superferri aquæ, id est materiæ informi secundum Augustinum, ne faciendo opera sua, propter indigentie necessitatem putaretur Deus amare. Indigentie enim amor, rebus quas diligit, subiicitur. Commodè autem factum est, ut prius insinuaretur aliquid inchoatum, cui superferri diceretur. Non enim superfertur loco, sed præexcellente potentia, ut Augustinus dicit primo super Genesim ad literam.

a. Ut Sanctissima Trinitas nobis notificetur.

Locis his sanctissimam Trinitatē nobis notificari obseruarunt quamplurimi Patres.

A V G V S T I N V S de Genesi ad literam primo, capite sexto.

Et quemadmodum in ipso exordio inchoatæ creaturæ, quæ Cæli & Terræ nomine, propter id quod de illa persciendum erat, commemorata est, Trinitas insinuatur Creatoris: nam dicente Scriptura; In principio fecit Deus Cælum & Terram: intelligimus Patrem in Dei nomine, & Filium in principij nomine, qui non Patris, sed per seipsum creatæ primitus, ac potissimum spiritali creaturæ; & consequenter etiam vniuersæ creaturæ principium est: dicente autem Scriptura; Et spiritus Dei superferebatur super aquas: completam commemorationem Trinitatis agnoscimus.

Hanc sententiam, non mutatis verbis, habet etiam libro de octo Dulcitij Quæstionibus, ut supra deductum est. Et hæc eadem innuit Confessionum libro tertio, capite quinto; & libro contra Adimantem Manichæi discipulum, capite primo.

E V C H E R I V S in Genesim libro primo, capite primo.

Notandum, quod in ipso exordio Cæli & Terræ, tota Trinitas insinuatur Creatoris. Nam Pater, in Dei intelligitur nomine: Filius, in principij: Spiritus verò Sanctus, qui superferebatur aquis.

V I C T O R Episcopus de Fidei ratione ad Hunnericum.

Primum igitur de Veteris Testamenti libris, post etiam Noui, Patrem & Filium & Spiritum Sanctum minus docemus esse substantiæ: libro Genesis sic inchoante; In principio fecit Deus Cælum & Terram, Terra autem erat inuisibilis & incompressa, & tenebræ erant super abyssum, & spiritus Dei deferebatur super aquas. Ille Iudeis, quis esset interrogantibus, dixit; Principium qui & loquor vobis. Superferebatur spiritus Dei super aquas, ut potè Creator virtute potentiæ suæ continens creaturam, ut ex his vna omnia producturus, ipse rudibus

Ioan. 8.

Anno Mundi
primo.
In exordio
temporum.
Ante dies.

Et Spiritus Domini ferebatur super aquas.

a. Cū duo sint, propter quæ amat Deus creaturam, ut sit, & ut maneat, Spiritus Dei ferebatur super aquas, ut esset quod maneret.

rudibus elementis ignis proprii fomenta præstaret, & iam tunc mysterio emicante Baptismatis, virtutem sanctificationis liquoris natura perciperet, primaque ad vitam corpora animata produceret.

R V P E R T V S Abbas de Trinitate libro primo, capite nono, ab istis Patribus non dissentit, cū scribat.

Igitur in capite libri splendide præmonstratur creatricis præsentia Trinitatis. Etenim in nomine Dei, Pater in nomine Principij, Filius intelligitur: & qui super aquas fertur, ipse est Spiritus Sanctus.

I V N I L I V S in Hexameron.

Bene autem, cū in principio Deum, id est in Filio, Patrem fecisse Cælum & Terram prædiceret, etiam Spiritus Sancti intulit mentionem, addendo; Et Spiritus Domini ferebatur super aquas: ut videlicet totius simul Trinitatis in creatione Mundi virtutem cooperatam esse signaret.

A P O N I V S in Cantica Canticorum libro sexto.

Trinitas, quæ non euidenter, sed sub imagine in lege Mosaica coruscabat, nunc velut Sol in totius Mundi facie splendet. Verbi gratia; Ut, dixit Deus per Moysen in primo libro Geneseos; In principio fecit Deus Cælum & Terram: Et in sequentibus; Spiritus Dei superferebatur super aquas: Ecce habes tres personas in una potentia: Principium, Deum, Spiritum: qui fecit, in quo fecit, qui facta animauit.

B E D A expositione in Genesim.

Superferebatur utique Spiritus Dei non corporalibus locis, sed excellentia potestatis, &c. Hic sanè commemorata est Trinitas, dicente Scriptura; In principio, id est in Filio fecit Deus, id est, Deus Pater. Quod autem non statim post commemorationem Patris & Filij, Spiritus Sanctus ponitur, sed interponitur Terra, & tenebræ, & abyssus, & aqua; illud in causa est, quia sic debuit Spiritus Dei nominari, id est, voluntas Dei, ut essent alia quibus superferretur. Non loco, sed potestate, & quæ subiacerent voluntati Creatoris.

P A S C H A S I V S Cardinalis de Spiritu Sancto contra Macedonium, libro primo, capite quinto.

Suscipe de sacris voluminibus Trinitatem; In principio fecit Deus Cælum & Terram: & Spiritus Dei ferebatur super aquas. Pater auctor, æqueum principium, supersufus aquis Spiritus Sanctus. Super aquas itaque dominantis eminentia ferebatur, iam tunc credo, Baptismi munera figurans.

G L O S S A Ordinaria.

Tota ergo Trinitas hic operata intelligitur; Deus, Pater scilicet: Principium, Filius: Spiritus Dei, Spiritus Sanctus.

D. T H O M A S

prima, quæstione septuagesima quarta, articulo tertio. Et sic in opere creationis, Trinitas, personarum insinuat. In creatione quidem persona Patris, per Deum creatantem: persona Filij, per principium, in quo creauit: Spiritus Sancti, qui superfertur aquis.

a. Spiritus Dei ferebatur super aquas, ut esset quod maneret.

A V G V S T I N V S

de Genesi ad litteram libro primo, capite octauo. Duo quippe sunt, propter quæ amat Deus Creaturam suam, ut sit, & ut maneat. Ut ergo esset quod maneret, Spiritus Dei superferebatur super aquam: ut autem maneret, vidit Deus, quia bona est.

B E D A

libro de Sex dierum creatione. Duo quippe sunt, propter quod amat Deus creaturam suam, ut sit, & maneat. Ut sit formata, & maneat in præcepto Creatoris. Ergo Spiritus Dei ferebatur super aquas, ut esset, quod maneret; quamobrem prius res informatas, & postea Spiritum Sanctum nominauit: quia omnis exiguus amor, rebus quas diligit, subterponitur.

D. T H O M A S

prima, quæstione septuagesima quarta, articulo tertio. Considerandum est, quod Spiritus Sanctus amor est. Duo autem sunt, ut Augustinus dicit primo super Genesim ad litteram, propter quæ Deus amat creaturam suam, scilicet, ut sit, & ut permaneat. Ut etc.

Et Spiritus Domini ferebatur super aquas.

- a. Fouebat aquas ad similitudinem auiculæ incubantis, ut novas creaturas animaret ad vitam.
b. Ferebatur; Non contentus, sed continens, sicut lux superfertur rebus illuminatis.

Anno Mundi
primo.
In exordio
temporum.
Ante dies.

go esset quod permaneret, dicitur quod spiritus Dei ferebatur super aquas, secundum quod per aquam materia informis intelligitur; sicut amor artificis fertur super materiam aliquam, ut ex ea formet opus. Ut autem maneret quod fecerat, dicitur; Vidit Deus quod esset bonum.

- a. Fouebat aquas ad similitudinem auiculæ incubantis, ut novas creaturas animaret ad vitam.

BASILIVS Hexæmeron Homilia secunda.

At quonam pacto dixeris, Super aquas hic ferebatur? Equidem non meam tibi, sed viri cuiusdam Syri sententiam recensebo, qui tantum a sapientia Mundi distabat, quanto verarum scientiarum propinquior erat. Aiebat igitur ille, Syrorum vocem significatiorem, atque euidentiorem esse; & ob affinitatem, quam habet cum Hebraica lingua, sententias aliquo modo Scripturarum propius attingere. Itaque talem huiusce dicti sententiam esse dicebat: verbum hoc Ferebatur pro fouebat, vitalemque fecunditatem aquarum natura præbebat, simunt, atque interpretantur ad similitudinem auiculæ incubantis, vimque vitalem quandam imprimunt in ea, quæ ab ipsa fouentur. Talem hunc is prædicabat ea voce sensum signari: Super aquas inquam, spiritum Dei ferri, idest, ad fecunditatem vitalem, aquæ naturam ipsum Spiritum Sanctum præparasse. Quare satis per hoc id ostenditur, quod queritur a nonnullis, nec ab actu creandi Spiritum Sanctum abfuisse.

AMBROSIVS Hexæmeron libro primo, capite octauo, hæc ipsa sumpsit.

Denique Syrus, qui vicinus Hebræo est, & sermone consonat in plerisque; & congruit, sic habet; Et spiritus Dei fouebat aquas: idest, viuificabat, ut in novas cogeret creaturas, & fetu suo animaret ad vitam. Nam etiam spiritum Sanctum legimus Creatorem, dicente Iob; Spiritus diuinus, qui fecit me.

Iob. 33.

GLOSSA Interlinearis.

Ferebatur, Syra lingua fouebat, sicut auis oua, sicut sapientia artificis superfertur fabricando operi.

Glossa Ordinaria ex Hieronymo, ita etiam exponit.

PETRVS Comestor in Scholastica historia, capite secundo.

Hebræus habet pro superferebatur, incubabat: vel Syra lingua fouebat sicut auis oua. In quo cum regimine nascentis Mundi notatur initium.

- b. Ferebatur; Non contentus, sed continens, sicut lux superfertur rebus illuminatis.

AVGVSTINVS de Genesi contra Manichæos, libro primo, capite quinto.

Quod autem scriptum est; Et spiritus Dei superferebatur super aquam: sic solent Manichæi reprehendere, ut dicant; Aqua ergo erat habitaculum spiritus Dei, & ipsa continebat spiritum Dei? Totum ergo coram, nunquid intelligi volumus, quod in Terra habitet Sol, & Terra Solem contineat? Et tamen non sic spiritus Dei superferebatur super aquam, sicut superfertur Sol super Terram, sed alio modo, quem pauci intelligunt.

Et de Genesi imperfecto, capite quarto.

Et spiritus Dei superferebatur super aquam. Non ita superferebatur sicut oleum aquæ, vel aqua terræ, idest, quasi contineretur. Sed si ad hoc de visibilibus exempla capienda sunt, sicut superfertur lux ista Solis, aut Lunæ his corporibus, quæ illuminat in terra: non enim continetur illis, sed cum cælo contineatur, istis superfertur.

Glossa Locupletata locum hunc adnotauit.

BEDA Quæstionibus in Genesim.

Spiritus Sanctus Deus est, quæ in re non loco continetur, & distenditur, nec temporum mutationibus subiectus, sed est ubique præsens totus.

Non

Anno Mundi
primo.
In exordio
temporum.
Ante dies.

Et Spiritus Domini ferebatur super aquas.

- a. Non locorum spatio, sed potentia, sicut artifex superfertur rebus operandis.
b. Hoc est, affectu ducebatur, ut formas rerum produceret, quibus creatura ipsi coniungeretur.

a. Non locorum spatio, sed potentia, sicut artifex superfertur rebus operandis.

AVGVSTINVS de Genesi contra Manichæos libro primo, capite quinto. Non enim per spatia locorum superferebatur aquæ ille Spiritus, sicut Sol Terræ superfertur, sed per potentiam inuisibilis sublimitatis suæ. Dicant autem nobis iſſi, quomodo ijs rebus, quæ fabricandæ sunt, superfertur voluntas fabri? Quod si hæc humana, & quotidiana non comprehendunt, timeant Deum, & simplici corde, quod non intelligunt, querant, ne cum volunt verbis sacrilegis concidere veritatem, quam videre non possunt, redeat illis securis in crura.

Et de Genesi imperfecto capite quarto.

Item cauerendum est, ne quasi locorum spatio Dei spiritum superferri materiæ putemus, sed vi quadam effectoria, vel fabricatoria, ut illud cui superfertur, efficiatur & fabricetur. Sicut superfertur voluntas artificis ligno, vel cuique rei subiectæ ad operandum, vel etiam ipsis membris corporis sui, quæ ad operandum mouet. Et hæc similitudo cum iam sit omni corpore excellentior, parua est tamen, & propè nihil ad intelligendam superlatiorem spiritus Dei, subiecta sibi ad operandum Mundi materia. Sed non inuenimus euidentiorum similitudinem, & propinquiorum rei, de qua loquimur, in ijs rebus, quæ ab hominibus quomodocunque capi possunt. Quapropter in huiusmodi cogitatione optimè illud præceptum tenebitur, quod scriptum est; Benedicentes Deum, exaltate illum, quantumcunque potueritis, superabit & adhuc. Hoc autem dictum sit, si hoc loco spiritus Dei Spiritus Sanctus, quem in ipsa ineffabili, & incommutabili Trinitate veneramus, accipitur.

EVCHERIVS in Genesim libro primo, capite primo.

Superferri autem Domini spiritus aquis dicitur: non peruagatione, sed potestate: non localiter, sed potentialiter: non per spatia locorum, sicut terræ Sol superfertur, sed per potentiam sublimitatis suæ.

IVNILIUS in Hexameron.

Non est opinandum pueriliter, quod Spiritus Creator (de quo scriptum est; Quia spiritus Domini replent orbem terrarum) positione loci his, quæ erant creanda, superferreretur: sed intelligendum potius, quia diuina virtute præcellebat creaturis, habens in propria potestate, quando aquarum illustraret abyssum, quando in locum ea secerneret vnum, ut appareret arida: quando & quomodo creaturas ceteras pro suo nutu disponderet: in similitudinem videlicet fabri, cuius voluntas his, quæ fabricandæ sunt, rebus solet superferri.

BEDA Expositione in Genesim.

Superferebatur utique spiritus Dei, non corporalibus locis, sed excellentia potestatis; quia subiacebat voluntati Creatoris, quicquid formandum; inchoauerat. Et post. Quod autem non statim post commemorationem Patris, & Filij, Spiritus Sanctus ponitur, sed interponitur terra, & tenebræ, & abyſſus, & aqua: illud in causa est, quia sic debuit spiritus Dei dominari, idest, voluntas Dei, ut essent alia, quibus superferreretur, non loco, sed potestate; & quæ subiacerent voluntati Creatoris.

ALCVINVS Quæstione uigesimanona in Genesim.

Ferebatur spiritus non per vagationem, sed potestate, & regentis imperio ad formandum, vel viuificandum informem materiam, quæ hoc loco aquæ nomine significatur.

b. Hoc est, affectu ducebatur, ut formas rerum produceret quibus creatura ipsi coniungeretur.

RVPERTVS Comm. in Gen. libro primo, capite octauo.

Hic nempe ferebatur super aquas, nihilominus & super aridam, quæ sub aquis latebat; quia videlicet magno super creaturam suam Creator affectu ducebatur; ut quia non poterat esse, quod ipse qui creauerat; tales ex ea faceret formas, in quibus Creatori coniungeretur, conuineretur; & conregnaret creatura.

Ferebatur super aquas.

Anno Mundi
primo.
In exordio
temporum.
Ante dies.

- a. Hoc est, consilium adhibebat, seu indicabat quid faciendum esset, ad exemplar artificis.
- b. Vel ferebatur super aquas, idest distinguebat elementa.
- c. Aut sedebat in aëre, super aquasque incubabat spiritu oris sui, hoc est inssione.

a. Hoc est, consilium adhibebat, seu indicabat quid faciendum esset, ad exemplar artificis.

T O S T A T V S in Postillis, in prima expositione.

Spiritus Dei, scilicet sua voluntas, & intellectus ferebantur, scilicet indicando quid fieret illis aquis, idest, congregationi elementorum, quia nondum erant perfecta in pulchritudine: Et quia opera Dei perfecta sunt, ut patet Deuteronomij trigesimo secundo capite; decebat dare singulis elementis suam pulchritudinem, siue dispositionem. Et non est intelligendum, quod isto modo Deus consiliaretur, quid ageret in elementis; quia consilium suum æternum est, & ipsemet est. Sed quia creare est aliquid facere; sic se videtur Deus habere in creando, sicut artifex in fabricando: Artifex autem secundum suam cognitionem consiliatur de materia, ut inueniat exemplar. Deinde secundum exemplar iudicat quid faciendum de hac parte materiae, quid de illa: deinde secundum habitum artis, qui factius est, regulat operationem. Sic Deus dicebatur prius consiliari, quid ageret illis elementis nondum decoratis, ut postea decoraret.

Et in secunda expositione.

Dicitur spiritus eius factius, & assimilatur fabro, qui priusquam aliquid agat, flectit cogitationem suam super materiam, ut iudicet quid inde faciat. Sic Deus dicebatur, quod super aquas, idest, super illam materiam, qua vocatur nomine aquarum, cogitationem dirigebat, ut indicaret quid de illis facturus esset; sed consilium Domini aliter se habet. Declarat tamen Scriptura eo modo, quo nos intelligere possumus; quia si mensuratum non coequetur mensurae, nunquam mensurabitur: & si visibile non proportionetur potentiae visivae, nunquam fiet visio: sic autem de intelligentibus. Deus enim supremum intelligibile est excedens valde intellectus nostri conditionem: & ideo nunquam intelligemus, nisi assumat modum rerum inferiorum; ideo Scriptura de Deo, tanquam de quodam corporeo homine, ut communiter loquuntur, quia nos maxime per corpora intelligimus.

b. Hoc est, distinguebat elementa.

A B S A L O N Abbas Canonicus Regularis, qui floruit circa annum Domini millesimum centesimum vigesimum, Sermone trigesimo quinto.

Illum accipe spiritum, de quo per Apostolum dicitur; Charitas enim diffusa est in cordibus nostris per Spiritum Sanctum, qui datus est nobis. Et alibi; Effundam de Spiritu meo super omnem carnem. Iste Spiritus fluit flatu multiplici. Primus flatus fuit in creatione Mundi: Secundus in incarnatione Verbi: Tertius in renouatione hominis. De primo flatu dictum est, quia Spiritus Domini ferebatur super aquas; quo spirante fluxerunt, hoc est, confluerunt, idest, in vnum locum fluxerunt. Quia congregatae sunt aquae, quae sub Calo erant, in locum vnum, ut appareat arida. Elementa siquidem huius Mundi naturali quadam confusione sibi erant aduersantia; quippe frigida pugnabant calidis, humentia siccis; donec tandem Spiritus Sancti magisterio stabili sedere pacis confederunt, sollicita suo modo seruare vnitatem spiritus in vinculo pacis. Quippe terra aquam in gremio suo suscepit instabilem per se & vagam: aqua terram rigat per se sitientem & aridam: ignis caloris beneficio fructus terrae educit; aër sua temperie inuoluta conseruat.

Rom. 5.
Iohel 2.

c. Aut sedebat in aëre, super aquasque incubabat spiritu oris sui, hoc est inssione.

R A B B I Salomon sic locum reddit, teste Lusitano.

Solium, inquit, gloriae manebat in aëre, & incubabat super faciem aquarum spiritu oris Domini, & eius sermone, idest, iussu, sicut columba incubat super nidum, incubabat.

Sed in hoc sequitur Thargum, idest, Chaldaëum. Explanations hæc ex se dilucidæ sunt, & clarent, atque in id proficiscuntur, ut diuersa Spiritus Sancti munera, quæ in Mundi conflatione obibat, nobis patefaciant, & re-

Anno Mundi
primo.
In exordio
temporum.
Ante dies.

Super aquas.

- a. Super aquas, hoc est, Aquarum ideam.
- b. Vel super aquas, idest, Primum mobile.
- c. Sive super aquas, scilicet, Naturam Angelicam.

ferent. Superferebatur profectò Spiritus Sanctus, ut voluntas eruditissimi artificis con-
filium secum de re agenda adhibentis, affectuque flagranti agebatur, ut formas rerum
cunctarum eliceret, quibus eas sibi indissolubili nexu connectaret; consimulq; ipsis su-
perlatus ad instar lucis perlucidum aërem lustrantis, unde quaq; virtutē suam diffunde-
bat; atque ad similitudinem cubantis alitis res gignendas animabat ad vitam. Qua
profectò virtute, & elementa depurabantur & distinguebantur, atque ad prolificatio-
nem rerum procreandarum disponebantur.

Super aquas.

Quid aquarum nomine nobis significarit Vates Moses, non est perspectum. Patres,
atq; Doctores easmet ferè huic loco tradiderunt interpretationes, quas & de Terra
aquis circumsepta iam supra detulerunt. Has ego deductis eorum Patrum tantum-
modo, qui cæterorum duces existimantur, assertionibus, sedulò recensebo.

a. *Aque, hoc est, Aquarum Idea.*

PHILO Libro de Mundi opificio.
Deinceps fecit aque incorpoream essentiam.

b. *Sive Aqua, idest, Primum mobile.*

CAIETANVS Commentarijs in Genesim, decimum Cælum nomi-
ne aquarum hoc loco significari existimavit.

Quod autem dicitur, Super facies aquarum, manifestè significat supremum Cælum, quod in opere secundi
diei appellatur aque super Cælus. Motor siquidem Cæli in circumferentia est Cæli, non in centro, & in cir-
culo illius maximo, quem æquinoctialem vocamus; quia ibi apparet, & est motus velocissimus. Et post. Su-
per facies aquarum, hoc est Cælorum, qui propter perspicuitatem absque luce protinè appellantur aque: & in
singulorum circumferentijs spiritus mouentes sunt; & propterea à Mose definiuntur, super facies aquarum.

ÆGIDIUS pariter, ut supra asseribamus, Hexameron prima parte, capi-
te decimo octauo.

Vel possumus, si volumus, per aquas sic fluctuantes, intelligere omnes Cælos mobiles, ut hæc quinque, vide-
licet, Cælum, terra, abyssus, tenebræ, & aque fluctuantes, referantur ad hæc, scilicet ad Cælum Empyreum,
ad elementum terræ, ad aquam immixtam aëri, ad ignem, & ad omnes Cælos mobiles, super quos, tanquam su-
per aquas motas, ferebatur spiritus Domini.

Scholastici ferè omnes, qui aquas supercœlestes nil aliud quàm Cœleste corpus ex-
tare arbitrantur, in hanc decidunt sententiam secundo Sententiarum, distinctione quar-
ta decima, de quibus suo loco. Aiunt enim, quòd orbes cœlestes cùm alia prorsus con-
stent discrepante ab elementis essentia, non ex proprio vocis sensu, sed metaphorico, ea
scilicet similitudine, qua perspicua sunt, aquæ dici eleganter possunt. Quam sententiam
prima parte, quæstione sexagesima octaua, articulo secundo, D. Thomas approbasse
visus est.

c. *Vel Aqua, scilicet Natura Angelica.*

NYSSENS in Hexameron.
Quòd si aqua etiam illud à Sacra Scriptura nominatur, quo per sublimiorem contemplationem, earum vir-
tutum, quæ mente, ac ratione noscuntur, plenitudinem & cætum significari existimamus: nemo æquiuocatione
quasi

Super aquas.

AnnoMundi
primo.
In exordio
temporum.
Ante dies.

a. Super aquas, hoc est, materiam primam informem.

quasi noua offendatur. Etenim etiam Deus ignis absumens est; sed à materiali ignis significatione, verbum illud vacuum, ac purum est. Quemadmodum igitur cum Deum ignem esse didicisti, aliud quidpiam eum, atque hunc ignem esse putas: ita cum de aqua, supra quam diuinus Spiritus ferebatur, audieris, non deorsum vergentem, & in Terram defluentem naturam intelliges; spiritus enim Dei super depressa, atque instabilis non fertur.

G L O S S A Interlinearis.

Super aquas: hoc est spiritualem vitam, quasi fluitantem, ante conuersionis formam.

Glossa Ordinaria pariter, hæc eadē nō mutatis verbis, ex Augustino animaduertit.

a. Aqua, Materia prima informis.

D. AVGVSTINVS libro de Genesi imperfecto, capite quarto.

Et spiritus Dei, ferebatur super aquam. Nusquam dixerat, Deus aquam fecit, nec tamen vllō modo credendum est aquam Deum non fecisse, & eam iam fuisse, antequam ille aliquid constituisset: etenim ille est, ex quo omnia, per quem omnia, in quo omnia, sicut Apostolus dicit; Ergo & aquam Deus fecit, & aliter credere, magnus error est. Cur igitur non dictum est, quod aquam Deus fecerit? An rursus eandem materiam, quam vel Cæli & Terræ, vel Terræ inuisibilis, & incompressa, atque abyssi nomine nuncupauerat, etiam aquam voluit appellare quæ subiacebat bonæ voluntati Creatoris ad confirmanda in suis generibus omnia? Cur enim non & aqua appellaretur, si terra potuit, cum adhuc neque aqua distincta, atque formata, neque terra esset, neque aliquid aliud? Sed primò fortasse Cælum & Terram appellata est: secundò, Terra incompressa, & abyssi carens luce: tertio, aqua non incongruè; vt primo ipsius vniuersitatis, propter quam facta est, materies de omnino nihilo, Cæli, & Terræ nomine vocaretur: secundò, Terræ incompressa, atque abyssi nomine insinuaretur informitas, quia inter omnia elementa, terra est informior, & minus relucens quàm cætera: tertio, aquæ nomine significaretur materia subiecta operi artificis; aqua enim mobilior est, quàm terra: & ideo propter operandi facilitatem, & motum faciliorem, subiecta materies artifici, aqua magis vocanda erat, quàm terra.

Rom. 11.

Progreditur amplius Augustinus demonstrare, materiem primam rectiùs aquam appellari debere, quàm aërem, vel ignem, propter operandi facilitatem quam præstat, quanquam aër & ignis mobilia sint elementa, quàm aqua; cum ait.

Et aër quidem mobilior est, quàm aqua; æther autem mobilior ipso aëre, non absurdè creditur, aut sentitur. Sed aëris, vel ætheris nomine, minus conuenienter appellaretur materies. Magis enim hæc elementa vim creduntur habere faciendi, terra verò & aqua patiendi. Quod si occultum est, vel certè apertissimum puto, quod aquam ventus mouet, & nonnulla terrena: ventus autem est aër motus, & quasi fluctuans. Ergo cum aër aquam moueat manifestè, vnde autem ipse moueatur, vt sit ventus, occultum sit, quis dubitet congruentius aquæ nomine vocari, quia mouetur, quàm aëris, qui mouet? Moueri autem pati est, mouere facere. Hæc accedit, quod ea, quæ terra gignit, aqua irrigantur, vt nasci, & perfici possint; ita vt propè videatur in hæc ipsa nascentia eadem aqua conuerti. Quocirca congruentius aquæ nomine appellaretur materies, cum subiecta operi artificis insinuaretur propter mobilitatem, & conuersionem in quæque nascentia corpora, quàm nomine aëris, in quo sola mobilitas posset animaduerti: cætera verò, quibus materia expressius significaretur defuisset, vt totus ille sit sensus; In principio fecit Deus Cælum, & Terram: idest materiam, quæ Cæli, & Terræ formam capere posset: quæ materia, terra inuisibilis, & incompressa erat, idest, informis, & luce carens profunditas: quæ tamen, quoniam mouenti & operanti artifici subiecta esset, propter hoc ipsum quod cedit operanti, aqua etiam nominata est.

Concluditque tandem.

In hac igitur materia, significatione prius insinuatus est finis eius, idest, propter quid facta sit: secundò, ipsa informitas: tertio, seruitus sub artifice, atque subiectio. In primo Cælum, & Terram, propter hoc enim facta materies. Secundò, Terra inuisibilis, & incompressa, & tenebræ super abyssum: idest, ipsa informitas sine lumine. Tertio, aqua subiecta spiritui ad habitandum, formasque capiendas: ideo super aquam ferebatur.

tur spiritus Dei, ut spiritum operantem, aquam uero unde operaretur intelligamus, id est, materiam fabricabilem. Cum enim ista tria dicimus unius rei nomina, materia Mundi, materia informis, materia fabricabilis, horum primo nomini bene adiungitur Cælum & Terra: secundo, obscuritas, confusio, profunditas, tenebra: tertio, cedendi facilitas, cui iam ad operandum spiritus superferatur artificis.

Et de Genesi ad litteram libro primo, capite quinto. Et libro de octo Dulcitij questionibus, quaestione octaua.

Et spiritus Dei superferebatur super aquam: quia siue aqua nomine appellare voluit totam corporalem materiam, ut eo modo insinueret unde facta & formata sint omnia, quæ in suis generibus iam dignoscere possumus: appellans aquam, quia ex humida natura videmus omnia in terra per species varias formari, atque con crescere: siue spiritalem vitam quandam ante formam conuersionis, quasi fluitantem, superferebatur utique spiritus Dei, quia subiacebat scilicet bonæ voluntati Creatoris, quicquid illud erat, quod formandum, perficiendumque inchoauerat; ut dicente Deo in Verbo suo; Fiat lux, in bona voluntate; hoc est in beneplacito eius pro modulo sui generis maneret quod factum est.

Et de Genesi contra Manichæos, libro primo, capite septimo.

Hanc autem adhuc informem materiam, etiam terram inuisibilem, atque incompositam voluit appellare, quia inter omnia elementa Mundi, terra videtur minus speciosa, quam cetera. Inuisibilem autem dixit, propter obscuritatem: & incompositam, propter informitatem. Eandem ipsam materiam etiam aquam appellauit, super quam ferebatur spiritus Dei, sicut superfertur rebus fabricandis voluntas artificis. Quod etiam paucorum intelligentia potest attingere, humanis tamen verbis, nescio utrum vel à paucis hominibus, posset exponi. Propterea uero non absurdè etiam aqua dicta est ista materia, quia omnia quæ in terra nascuntur, siue animalia, siue arbores, vel herbe, & si qua similia, ab humore incipiunt formari atque nutriri. Hec ergo nomina omnia, siue Cælum & Terra, siue Terra inuisibilis & incomposita, & abyssus cum tenebris, siue aqua super quam spiritus ferebatur, nomina sunt informis materie: ut res ignota notis vocabulis insinueretur imperitiis, & non vno vocabulo, sed multis: ne si vnum esset, hoc putaretur esse, quod consueuerant homines in illo vocabulo intelligere. Dictum est ergo Cælum & Terra, quia inde futurum erat Cælum & Terra. Dicta est Terra inuisibilis, & incomposita, & tenebræ super abyssum: quia informis erat, & nulla specie cerni, ut tractari poterat, etiam si esset homo, qui videret, atque tractaret. Dicta est aqua, quia facilis, & ductilis subiacebat operanti, ut de illa omnia formarentur. Sed sub his omnibus nominibus, materia erat inuisa, & informis, de qua Deus condidit Mundum.

B E D A Expositione super Genesim, in caput primum.

Non autem aqua sic appellata est loco hoc, ut hæc à nobis intelligatur, quam videmus, & tangimus. Quomodo nec Terra, qualis ista, quæ iam videri & tractari potest: sed Cæli, & Terræ nomine, vniuersa creatura significata est, quam fecit, & condidit Deus. Ideo autem nominibus visibilium rerum hæc appellata sunt, propter infirmitatem paruulorum, qui inuisibilia comprehendere non possunt. Non absurdè autem, aqua dicta est ista materia informis, cui superferebatur spiritus Dei, quia omnia quæ in terra nascuntur, siue animalia, siue arbores, siue herbe, ab humore incipiunt formari, atque nutriri.

E V C H E R I V S in Genesim libro primo, capite primo.

Etiam aquarum nomine ipsam illam informem materiam demonstrat, quæ subiacebat ad voluntatem Creatoris, ad conformanda in suis generibus omnia. Nam siue terram inanem dicat, siue abyssum tenebrarum, siue aquam, diuersa quidem nomina, sed vna, eademque materia. Idcirco terra inanis & vacua, quia nondum erat vniuersitate creaturarum completa. Pro eo abyssus tenebrosa, quia speciem luminis nondum habebat: Pro eo aqua vocata, quia siue caro, siue omnia quæ gignuntur, humida sunt, & ex humore concreta sunt. Et hoc Cælum corporeum, quod firmamentum vocatur, secunda die post conditionem lucis factum est: & hæc terra tunc accepit formam, quando abyssus distincta est. Ipse quoque aqua tunc speciem sumpsit, quando in vnum sub firmamento collectæ sunt; ac per hoc non illud Cælum hoc corporeum, sed spiritus intelligenda est creatio Angelorum; nec illa terra, vel abyssus, hæc visibilia elementa; sed illud intelligendum est, informis, & obscura Mundi materia.

G L O S S A Ordinaria ex Augustino.

Siue totam corporalem materiam aquam appellauit, ut insinueret, unde facta & formata sint omnia, quæ ex humida natura per species varias in terra formari videmus: siue spiritalem vitam ante conuersionis formam quasi fluitantem; spiritus Dei superferebatur: quia subiacebat bonæ voluntati Creatoris, quod formandum, & perficiendum inchoauerat.

G L O S S A Interlinearis his pariter subscribit.

Informem, sed ductilem materiam.

ALBERTVS Magnus prima parte suæ Summæ de quatuor coequeis, quaestione duodecima, articulo vndecimo: quaesito illi, si prima materia significatur nomine terræ, & abyssi, & aquæ; quare dixerit potius, Spiritus Domini ferebatur super aquas, quam super terram, uel abyssum, hisce responderet.

Dicendum, quod spiritus superferebatur, ut exhibens formas, ut dictum est: & quia exhibitioni formarum

Super aquas.

Anno Mundi
primo.
In exordio
temporum.
Ante dies.

- a. Super aquas, hoc est Chaos una rudi forma congestum.
b. Siue nebulam ex igne, aëre, & aqua constatam.

nam respondet in materia receptibilitas primo, & retentio, vel priuatio; ideo potius dicitur, quod ferebatur super aquas, quam super terram, vel super abyssum; quia, ut dictum est, materia dicitur aqua propter receptibilitatem formarum.

ALEXANDER de Hales secunda, quæstione quadragesima sexta, membro quinto.

Dicendum, quod nomine aquarum notatur materia receptibilis debita forme, & localitatis ei respondentis.

a. *Aque, idest Chaos una rudi forma congestum.*

Ex Nysseno primum excerpti potest hæc interpretatio, sed expressius eam recitarunt.

TOSTATUS Commentarijs in primum caput Genesios, in secunda expositione.

Vocatur autem illa corporis primi moles magis nomine aquarum, quia nullum nomen ei ita propriè conuenit; quia aqua est valde bonæ impressionis, & passibilitatis, sicut erat illud corpus: & ideo multi Philosophi, ut Thales, de quo Augustinus de Civitate Dei, libro octauo, capite secundo; & Aristoteles primo Physicorum, posuerunt aquam esse rerum principium; quia ex ipsa quodlibet faciliter fieri potest.

CATHERINVS Commentarijs in Genesim.

Hic similiter per aquas, voluit illam materiam quasi quoddam Chaos significare ob fluiditatem, & incompactionem. Quid enim aqua labilius? Et Post. Hactenus ergo per aquas nihil aliud posse intelligi, quam ipsum Chaos, id argumento est; quoniam Scriptura nihil aliud conditum esse commemorat, præter Cælum, & Terram. Et iam declaratum est ipsam terram nihil aliud fuisse, quam ipsummet Chaos, ut sic res ignota, & penè agnoscibilis, diuersis his, terra, aqua, & abyssi vocibus denotaretur. Terræ quidem nomine, ob ignobilitatem, crassitudinem, obscuritatem: Aque vero, ob inanitatem, fluiditatem, & incompactionem: Denique Abyssi voce, ob profunditatem, ac vastitatem.

LIPPOMANVS in Catena.

In hac sententia, Moyses explicandi gratia vulgo notis utitur nominibus, terra, abyssus, aqua, pro eadem re, mole scilicet obscura, & incompressa, & quicquid omnino Cælum non erat.

b. *Aque, nebula ex igne, aëre, & aqua conflata.*

HVG O Victorinus, Annotationibus in Genesim, capite septimo.

Aquas vocat nebulam illam propter mobilitatem; & ita eandem rem, modo abyssum propter profunditatem, modo tenebras propter absentiam lucis, modo aquas propter mobilitatem appellat.

Et de Sacramentis libro primo, parte prima, capite sexto.

Et spiritus Domini ferebatur super aquas. Subito aquas nominat, cum prius in rerum creatione de sola Terra, & Cælo mentionem fecisset. Sed non propterea aquas increatas esse credendum est, quia in creatione rerum aquarum nomen positum non est, quia ipsum Cælum ipse sunt tenebre, ipse & aqua. Cælum propter leuitatem, tenebre propter lucis priuationem, aqua propter motum, & fluctuationem. Et post. Et aqua ubi erant? sub Cælo, an supra Cælum? Neque sub Cælo, neque supra Cælum aqua erant; sed in Cælo aqua erant, quia ipsum Cælum aqua erant: totum aqua, & totum Cælum, quia idem aqua, & Cælum. Secunda die factum est firmamentum, & vocatum est Cælum: & positum est, ut diuideret inter aquas, & aquas: & quæ prius aqua erant, factæ sunt aqua; aqua, quæ sub Cælo, & aqua, quæ supra Cælum. Et factum est Cælum, Cælum & Cælum: totum ex vno Cælo, & vnum Cælum. Sed antequam fieret de illo Cælo hoc Cælum, quod est vocatum firmamentum, non erat, non illud Cælum, Cælum & Cælum, sed tantum Cælum; nec illæ aqua, aqua & aqua, sed Cælum supra Cælum, & sub Cælo Cælum. Usque hodie etiam Cælum est supra Cælum, & sub Cælo Cælum: & tamen aqua erant, & tenebre erant, & abyssus erat. Abyssus in Terra; tenebre & aqua in Cælo. Et tenebre erant super faciem abyssi: & spiritus Dei ferebatur super aquas. Ergo omnia erat spiritus Dei.

Anno Mundi
primo.
In exordio
temporum.
Ante dies.

Super aquas.

- a. Super aquas, scilicet, congeriem elementorum.
b. Sive super aquas, hoc est, elementum aquarum.

RICHARDVS Exceptionum libro Secundo, capite septimo.

Deinde vocat Scriptura Sacra tria elementa, quæ simul erant permixta, tenebras; deinde aquas. Aquas, ubi dicit; Spiritus Domini ferebatur super aquas. Tenebras; ubi ait; Tenebræ erant super faciem abyssi. Celum, propter suspensionem; aquas, propter mobilitatem & fluctuationem; tenebras, propter confusionem.

a. Aqua, Congeries Elementorum.

I V N I L I V S in Hexameron.

Sap. 11.

Ad hæc, tantum est informis materies, de qua Mundum esse factum testatur Scriptura, quæ in Dei laudibus dicit; Qui fecisti Mundum de materia informi. Nam cuncta, quæ cum aquis & terra videre solemus in Mundo, vel de ipsis exordium materie, vel sumpsere de nihilo. Ipsa autem terra, & ipsæ aquæ, propterea nomen sortite sunt materie informis, quia priusquam in lucem venirent, unde formositatem haberent, non erat.

G L O S S A hæc sic obstrinxit.

Ipsa autem terra & aqua dicuntur materia informis, quia omnia quæ videmus, vel ex istis sumpserunt exordium, vel ex nihilo: & priusquam in lucem venirent, non erat unde formam haberent.

P E T R V S Comestor in Scholastica historia, capite secundo.

Predictam machinam aquas vocat: quasi ductilem materiam ad operandum ex ea: Ideo vero sic variantur eius nomina, ne si vnius elementi nomine tantum censeretur, illi magis putaretur accommoda.

M A G I S T E R secundo, distinctione duodecima.

Eadem materia quatuor scilicet elementorum informis, dicta est aqua, super quam ferebatur spiritus Domini, sicut superfertur fabricandis rebus voluntas artificis, quia subiacebat bonæ voluntati creatoris, quod formandum perficiendumque inchoauerat, qui sicut Dominus, & conditor præerat fluitanti, & confusæ materie, ut distingueret per species varias, quando vellet, & sicut vellet. Hæc ergo ideo dicta est aqua, quia omnia quæ in terra nascuntur, siue animalia, siue arbores, vel herbe, & similia, ab humore incipiunt formari, atque nutriri.

G L O S S A Interlinearis.

Super aquas, idest totam corporalem machinam, quia ex humida natura formantur, quæ videmus, in species varias.

L Y R A N V S in prima expositione.

Et spiritus super aquas, idest super illam congeriem, & commixtionem elementorum predictam; & vocatur nomine aquarum, quia sicut dictum est, ipsa aqua cooperiebat terram, & alijs duobus elementis commixta erat modo predicto.

V I E L M I V S Lectione octaua.

Cur autem appellauerit Moses elementa aquas, ratio est in promptu: videlicet & a prædominio, & ob eorum fluctuationem, & incompactionem: & demum ob humorem, qui vitæ principium est. Dicuntur quoque numero maiori aquæ, magis quam minori aqua: non eam tantum ob causam, quod hæc vox careat minori numero Hebræis, sed ut intelligamus præterea extitisse in ea massa non vnum tantum, sed per plura corpora, ita ut aggregatione videretur quidem vnum esse corpus, vnaque aqua, reuera tamen essent plura: de quibus Creator cogitaret, quomodo ea & digereret, & repleret; hoc est quas, & quantas rerum species ex eis esset futurus, & proinde plures aquæ. Et hæc more nostro dicuntur.

b. Aqua, elementum aquarum.

Hanc interpretationem vniuersi ferè prisce Patres insequuntur, qui Chaos illud ventustum ita discreuerunt, ut supra Terram aquas diffusas existimarint.

T E R T V L L I A N V S libro aduersus Hermogenem, id primus visus est inuisse, cum ait.

Scriptura diuina satis differeret, si summas ipsas rerum à Deo factas commendasset, Cælum, & Terram, habentes

Super aquas.

AnnoMundi
primo.
In Exordio
temporum.
Ante dies.

a. Super aquas, quæ Terram ambiebant in tantam altitudinem, ut supra firmamentum pertransirent.

bentes vique suggestus suos proprios, qui in ipsis summis intelligi possent. Suggestus autem Cæli & Terræ primò tunc fuerint tenebræ, & abyssus, & spiritus, & aquæ. Nam terræ quidem suberat abyssus & tenebræ. Si enim abyssus infra terram, tenebræ autem super abyssum, sine dubio & tenebræ, & abyssus infra terram, Cælo verò spiritus, & aquæ subiacebant: nam si aquæ super terram, quæ eam texerant, spiritus autem super aquas, pariter & spiritus & aquæ super terram. Quæ verò super terram, ea vique infra Cælum. Et sicut terra abisso & tenebris, ita & cælum spiritui & aquis incubabat, & complectebantur.

Quibus etiam elici potest, Tertullianum spiritus Domini nomine aërem intellexisse; quod attamen quia conspicuum non est, in Catena non retuli.

BASILIVS Hexameron Homilia secunda.

Super aquas, inquam, spiritum Dei ferri est, ad fecunditatem vitalem, aquæ naturam, ipsum Spiritum Sanctum præparasse.

AMBROSIVS Hexameron libro primo.

Et spiritus Dei fouebat aquas, id est viuificabat, ut in nouas cogeret creaturas, & fætu suo animaret ad vitam.

Quibus profectò, Patres istos aquarum nomine nil aliud, quàm aquas istas super terram labentes intellexisse, manifestè demonstratur.

CHRYSOSTOMVS clariùs Homilia tertia in Genesim.

Quon de aquarum opificio nihil dixisset, ait; Et tenebræ erant super abyssum, & spiritus Dei superferebatur super aquam. Hæc enim tegebant faciem terræ, de tenebris loquor & abisso aquarum. Didicimus hinc, quod omne quod videbatur, erat abyssus aquarum, tenebris velata: & opus habebat sapiente opifice, qui omnem hanc informitatem discutere, & ornatum aliquem inducere posset. Et Post. Et spiritus Dei superferebatur super aquam. Idq; non absque ratione Scriptura diuina præueniendo dicit, eo quòd postea dictura est nobis, quòd animalia ex aquis istis iuxta præceptum Dei omnium conditoris producta sint: propterea auditor hic nunc docet, quòd non solum aqua illa sit condita: & quòd moueatur, & discurrat, & omnia alluat.

DAMASCENVS Orthodoxæ Fidei libro secundo, capite nono.

Est autem aqua, vnum quatuor elementorum, optima Dei factura. Aqua elementum est humidum, & frigidum, graue, & deorsum mobile, & diffundi facillimum: cuius meminit diuina Scriptura, dicens; Et tenebræ erant super abyssum, & spiritus Dei ferebatur super aquam.

Consimilia & omnes cæteri prisca Patres.

a. Super aquas, quæ Terram ambiebant in tantam altitudinem, ut supra firmamentum pertransirent.

IVNILIVS in Hexameron.

Aquæ autem vniuersam superficiem in tantam tangebant altitudinem, ut ad illos vsque locos pertingerent: & ubi nunc, vsq; super firmamentum Cæli ex parte insidentes, nomen Domini, creatoris Cæli Cælorum, laudare non desinant.

Glossa Ordinaria hæc ipsa ingenuè, sine verborum permutatione desumpsit.

A V C T O R.

Breuissima Catenua intextis tantum Patrum eorum, qui vexillarij mihi visi sunt, assertionibus, has collegi diuersas expositiones: de quibus & iudicium concisè afferam. Interpretationes, quæ aquarum nomen ad Idæas, seu Orbes Cœlestes, siue materiam primam, vel rude Chaos trahunt: ut asperæ, ac minus claræ, literæq; accommodatæ (vocem enim aquarum ad inopinatas, & aduenas significationes extorquent) multis nominibus & causis, iam supra à nobis, quando similia Chaos genera reieciimus, allatis, prorsus

Reiciuntur
tres primæ
interpretatio
nes.

Quæ fuerit
incondita ele-
mentorum
mixtio.

Quantitas
aquarum in
primordio
Mundi.

Iob. 38.

prorsus dimittendæ sunt. Cæteræ tres interpretationes quoquomodo conciliari inuicem possunt, ac in vnam redigi, si quæ fuerit ea elementorum incondita compago, & congeries indagemus. Primum, Terram suo pondere appensam in medio constituisse omnes passim concedunt. Caietanus ipsam fuisse purum elementum contendit, vt supra retulimus. Steuchus in Cosmopœia maluit eam fuisse hylem, hoc est canosam, veluti est limus, quem paludes & stagna vbiq; efficiunt. Patres verò probatori sententia, ea superficie constituisse tradunt, qua nunc in pelagi, ac lacuum profundo subidet. Deinde aquas super terram vndiq; nataisse eam obruentes, Patres prisce fere omnes admittunt. Iunilius vsque ad Empyreum ascendisse eas docuit, quam sententiam sectati sunt omnes ij Patres, qui firmamentum ex tertia aquarum parte congestum fuisse, & inter primum orbem, & terram, æquali interuallo confedisce arbitrati sunt, vt Hippolitus, Seuerianus, Acacius, Claudianus, & alij, de quibus in Catenis de substantia Celi. Basilii, ac cæteri Patres in immensum aquarum molem diffusam fuisse cogitarunt, sed nullam ei adscripserunt altitudinem, atque sub igne, & aëre substituisse asseruerunt. Caietanus aquas ad maiorem altitudinem, quàm in Diluuiio Noetico, in quo per quindecim cubitos omnium altissimorum mōtium iuga superarunt, exundasse censuit; nec immerito: tum quia Moses eam colluuiōē aquarum abyssum vocarit; abyssus enim maximam profunditatem significat: tum quia id poscebat elementorum ratio, qua aquam in decuplum terræ supernatare necesse erat. Super effundebantur igitur aquæ ea altitudine, ut linea à centro terræ ad superficiem deducta, ea, quæ à terræ superficie ad aquarum conuexam summitatem protracta esset, longè minor extasset. Atque hoc ex diei etiam secundæ gestis dilucidè conuincitur; A Deo enim firmamento congesto, secretisq; aquis, adhuc aquæ super terram ingenti exundantia disfluebant, quandoquidem post congregatæ fuerunt in locum vnum, vt terra ipsis denudata arida appareret. Quæ fuerit aëris & ignis in ea prisca elementorum permittione conditio, nobis non est perspicuum, nec Patres prisce edocent. Iunilius in terræ visceribus eos obstrusos fuisse ratus est. Patres, vt Tertullianus, Basilii, Ambrosius, super aquas in orbem diffusos, sed confusos: Strabus, Hugo, Richardus, eos in nebulae spetie cum aqua super terram fluxisse dixerunt: quod mihi de igne, & aëre, & aliqua saltem aquarum parte, verisimile visum est; ita porro, vt non super terram, sed super aquas defluerint. Id autem mihi est persuasum, tum quod elementa inuicem non essent defæcata ac depurata, atq; ideo nubibus, caliginiq; atræ tunc comparari possent; tum quia Scriptura id clare prodit. Si quidem Iob Dominus alloquens; Quis conclusit, inquit, ostijs mare, quando erumpebat quasi de vulua procedens, cum ponerem nubem vestimentum eius, & caligine illud quasi pannis infantia obuoluerem? Erumpebat nimirum mare, quasi de vulua procedens, hoc est, summa colluuiōe totam alluebat terram, vsq; ad diem tertium, quo ostijs, hoc est, fabulosis littoribus conclusum est. Tuncque nubes erat indumentum eius, & caligine quasi pannis obuoluebatur: Quæ forte nubes, ac caligines illæ fuere, ex quibus die secundo congestum est firmamentum, & aquæ seu fluxiles, seu in vaporem exilent redactæ, super cœlos euectæ sunt. Atque hic, meo quidem iudicio, horridi, ac squallentis illius Chaos erat aspectus. Quapropter valde consentaneum fuerit coniectare, spiritū Domini non sine aliqua fortè & orbis supremi, ac nebularum, & aquæ circumlatione, ac iactatione, his omnibus supercubasse, ac superlatum fuisse. Propterea tres postremas sententias, quæ aquarum nomine ignem, aërem, & aquam simul in nubes conferta, siue congeriem elementorum, uel aquam ut elementum est, exceperunt, uero haud absone detulisse arbitror. Sed de his hæcenus.



Dixitque Deus.

Anno Mundi
primo.
Die Prima.

- a. Dixit Deus, idest, phrasi hebraica voluit.
b. Vel, Dixit Deus, hoc est Decreuit, Iussit.

DE REBUS GESTIS
in prima die.



HAOS illud indigestum, in primordio temporis à Deo productū, quale fuerit, iam nobis Moses referauit; & nos (si mea non me fallit opinio) luculenter declarauimus; quomodo Terra in illo Chaos aquis vndique circumsepta squaleret, profluerentque vndarum colluiones ipsam circumuallantes, nec sabuloso littore, nec rupibus concluderentur, quæ tanquam durissimæ & inexpugnabiles, earum insanos fluctus eliderent. Insuper quo aspectu aër, & ignis densa obscuritate atrî, atque simul obuoluti, spatia Mundi ad supremum vsque Orbem cuncta explerent, non micante Sole, nec Luna, Astrisque, didicimus. Nunc, quàm mirifica arte Vniuersi opifex, Chaos illud, tanquam argillam manibus suæ omnipotentiae suscepit, atque super rotam Sapientiae æternæ collocarit, in illoque & Orbes seiunxerit ab Orbibus, & rerum speciebus, quasi coruscantibus gemmis venustarit, cum Mose superest indagandum: illudque primo in loco nobis est animaduertendum, quid primò rota illa Verbi, ac Sapientiae æternæ, in Chaos hoc squalidum, atque inconditum indiderit, in eoq; impresserit. Ait nanque Vates.

Dixitque Deus.

Hebraica verba sunt, Vajjomer Elohim.
Editio Chaldaica, Græca, Nostra, & omnes ferè Interpretes legunt: Et dixit Deus, vel dixitque Deus; nec aliquid animaduersione dignum à Doctoribus hoc loco obseruatum comperi.

- a. Dixit Deus, idest, phrasi Hebraica voluit.

R A B B I Moses Aegyptiacus, referente Hamero, Dixit, hoc est, Voluit, ex phrasi Hebraica exponendum esse adnotat, dicens.
Vbiunque autem dicitur in opere de Bresit, Dixit, exponitur, Voluit; alius autem dixit hoc, & scitur à multis. Cuius rei probatio, scilicet, quòd illa dicta sunt voluntates, non loquelæ; est, quoniam loquela ad aliquod creatum profertur, & tunc non erat aliqua creatura.

- b. Vel Decreuit, Iussit.

R A B B I N I Parisienses Adnotationibus in Genesim.
Dicere pro iubere, & præcipere vtuntur Hebraei. Alij accipiunt dicere, pro velle, vel decernere: & ita verunt, Decreuit, aut, Voluit Deus Lucem fieri: & facta est.

AnnoMundi
primo.
Die Prima.

Dixitque Deus.

- a. Dixit metaphoricè Filio.
b. Sine, Dixit Angelis.

Quemadmodum verò plures sunt huius verbi, Dicere, in sacris paginis significatio-
nes, plures & huius loci emerferunt interpretationes, quas Catenis deducere, vt meū
expostulat institutum, necessarium duco.

Dicere, vulgata, vsitataque significatione, est voce prolata sermonem habere; Vnde
Lactantius libro quarto Institutionum, Dicere, sermonem esse cum voce significante
prolatum testatur. Non defuere igitur Patres, & Doctores, qui Deum humano fandi
more creationis opus patrantem describi existimarint, metaphoricèque alij Filio, alij
Angelis, alij sibiomet loquutum fuisse arbitrentur.

b. Dixit Filio.

LACTANTIUS Firmianus de Vera sapientia, libro quarto, capite
sexto, cum Filium Sapientiam, ac Virtutem Dei fuisse in Mundi emolitione consulto-
rem edoceat, cum ipso Deum quasi sermonem habuisse, fateri videtur.

Idcirco autem Trismegistus filium Dei *θεός, υἱός* dixit. Et Sibilla *σοφία* appellat, qui tanta sa-
pientia, & virtute sit instructus à Deo Patre, vt & consilio eius, & manibus pteretur in fabricatione Mundi.

ATHANASIUS Oratione contra Idola.

Postquam enim Caeli & Terræ, & omnium rerum procreationem absoluisset Pater, ita locutus est; Fiat
Cælum, congregentur aquæ, & appareat arida, & educat Terra omnem herbam fani, & omne animal. Quia in
parte increpandi Iudæi, qui Scripturas peruersè intelligunt. Cum quo, queso, istic (nam id quæstionis Iudæis
obiijci quoque potest) sermocinabatur Deus? ubi & inter loquendum imperat. Quod si rebus creandis hoc
imperium dictabat, illisquæ loquebatur, supernuacanea erat huiusmodi sermocinatio, quippe ad eas res habitas,
quæ non extabant, sed futuræ erant. Nemo enim cum re nihili, & nondum extante, verba facit. Nemo item
ea existere iubet, & alloquitur, quæ non sunt in rerum natura. Si enim rebus futuris imperauisset Deus, diu
ab illo oportuerat: Sis Cælum, sis Terra, prodi herba, fias homo. Nunc autem nihil tale locutus est. Iubet
autem his verbis; Faciamus hominem, prodeat herba? Ex quibus apparet, Deum cum aliquo sibi proximo
sermonem his de rebus conferere. Necesse est igitur aliquem ei adfuisse, cum quo vniuersa condens, colloquium
miscbat. At quis ille fuerit nisi ipsius Verbum? Cum quo enim Deus videri possit colloquium habere,
nisi cum sua ipsius ratione, ac Verbo? Aut quis denique illi adfuit condenti omnem creabilem substantiam,
nisi sua ipsius Sapientia, quæ ita de se loquitur; Quum faciebat Cælum, & Terram, coaderam ei?

b. Dixit Deus, Angelis.

THEODORETUS Quæstione in Genesim nona, si Deum voce
quadam vsum fuisse existimandum est, id Angelorum gratia euenisse voluit.

Psal. 113.

Non præcipit Deus alteri cuidam creare: sed quæ non sunt vocat, ita vt hic præceptum sit ipsa voluntas.
Omnia enim (ait) quæcunque voluit, Deus fecit. Quod si creando voce quadam vsus est, certum est, hoc
non elementorum inanimatorum causa, sed inuisibilium Virtutum gratia factum esse: vt sciant, quod ipso
iubente, ea quæ non sunt, subsistunt.

Glossa locupletata hæc eadem.

PROCOPIUS

Gazeus, Theodoreti placitum amplificasse videtur
Commentarijs in Genesim, capite primo.

Cum crearet Cælum, & Terram, nullam Deus emisit vocem: nondum enim formati erant, qui diuina vo-
ce & instrui, & doceri debebant. At post Celi & Terræ creationem, condidit Angelos; quos cum vellet
docere, se & ipsorum esse Creatorem, ne fortuito se substituisse crederent, omnem sequentem creationem inter-
uentu vocis peregit in illorum conspectu. Quare autem hoc? Vt conspicientes eorum, quæ successere, forma-
tionem, manifestò cognoscerent, Deum etiam ipsorum creationis esse auctorem: & quod ab ipso sint in essor-
tiam producti, interueniente sola eius voluntate, in quem morem, & cetera suam creationem innuere. Id ita

Dixitque Deus.

Anno Mundi
primo.
Die Prima.

a. Dixit effigiatus Deus verbo humana voce prolato.

Id ita se habere, disertè Deus ipse ostendit in his verbis, quibus alloquitur Iobum; Cum congratularentur Pariter stellæ matutina. Satis enim cuius clarum arbitror, Angelos, quæ fecerint in creatione Astro- rum, eadem exequutos esse in reliquorum creatione. Admiratione enim quadam insolita capiebantur, cernentes so- la voce intercedente, adeò mirabiles, & decoras substantias prodire, quæ tamen prius non extiterant.

Iob. 38.

a. Dixit effigiatus Deus verbo humana voce prolato.

Prætereo primùm hoc loco Antropomorphitas, qui Deum corpori obnoxium, sem- perq; effigiatum somniant; contra quos Epiphanius prolixius edisserit, & Anastasius Episcopus Nicenus, Quæstionibus in scripturâ. Quos et memorat Augustinus libro de Hæresibus, & insuper confutat in Epistola ad Fortunatianum, & epistola ad Paulinam. Prætermitto, quòd alij Tertulliano hanc ipsam notam inurant, ut Augustinus, Genna- dius, Fulgentius, & Alfonsus Castrensis, de quibus suo loco.

Quest. 27.
Epist. 111.
Epist. 112.

BASILIVS id innuisse visus est Homilia vigesima prima, quæ est in ali- quot scripturæ locos: cum duo admodum consideratu dignissima protulerit; primùm Deum singula creasse Verbo, manibus vero hominem plasmasse: causas siquidem Dia- bolicæ invidentiæ memorans, hanc vnam præcipuam recenset, scilicet, quòd Demon viderit cuncta à Deo Verbo creari, solum vero hominem manibus plasmati; nec id fer- repotuerit. Vnde ait.

Hac enim iniquitate imbutus, & à Dei familiaritate alienatus, ac ad partem defectionis conuersus: post- quam vidit hominem, paruum quidem animal, supra omnem creaturam honoratum; cum esset antiquior homi- ne, facile conspexit, quemadmodum natatilia verbo tantùm facta sunt, omniaq; in Mari viuentia (Pro- ducant enim, inquit, aquæ reptilia animarum viuentium; nam verbo fecit Deus & cetera illa, quæ in Ma- rino Atlantico agunt) verbo item terrestria, elephantes, equos, boues, greges animalium, armenta; omnia: quodq; mirabilis, verbo Cælum & Solem, verbo herbas, verbo vndas, tam quæ supra Cælum sunt, quàm quæ subius in Terra stagnant, & concaua replent, factas esse vidit: solum hominem manibus Dei plasmatum esse. Hunc ei honorem invidit. Eum nanque Sole præstantiorem animaduertit, quum ille verbo, hic manibus sit conditus; & ille ob hominem constitutus, Homo verò propter Deum. Homo item, ut Deus esset, Sol, vbi homini famularetur.

Obtestatur igitur Basilius, Deum manibus hominem compegisse, cætera verò ver- bo protulisse. Quòd si diuina uirtute tantùm ea Deus effecisset, nulla fuisset profectò Damoni invidentiæ præsumpta causa, quoniam nulla etiam extasset inter hominis, & cæterarum rerum emolitionem discrepantia. At si manibus carneis (ut ita dicam) ho- minem Deus plasmavit: igitur & plectro linguæ cætera procreauit. Habet insu- per Basilius aliud maximè perpendendum.

Tantamq; beneuolentiam diuinam, ac benignitatem erga eum prospexit, ut non contentus Deus tot ei com- moditates tribuisse, sed eum tanquam suas delicias, & ornamentum proprium eligens, in Paradiso collocaue- rit: insuper Angelos ei pedagogos adhibuerit. Deum postremo cum eo conuersantem, & eadem lingua cum eo colloquentem.

Hæc Basilius. Colloquebatur igitur non tantùm Deus cum Adam, sed & conuersaba- tur; igitur humanam præferebat effigiem, & humanis proficiscebatur modis. Sed quæ sit de his Basilij sententia, cum de hominis plasmatione negocium habebimus, cumula- tè differemus.

LVSI T A N V S, Deum humanam quandam effigiem sibi effecisse, & oretenus cuncta ut fierent, pronunciaffe, non symbolicè, ac hæsitanter, ut supra conscri- pti Patres prodiderunt, sed dilucida oratione asseruit super Genesim hoc loco, dicens. Putarem Dominum Deum in orbis initio assumpsisse humanam effigiem, & ore suo sanctissimo hæc verba

AnnoMundi
primo.
Die Prima.

Dixitque Deus.

a. Hoc est, Verbo fecit; Quia per Verbum omnia condidit.

Cap. 28.

Sententia
huius funda-
menta.
Rom. 4.

Ios. 10.

4 Reg. 1.

Gen. 2. & 3.

protulisse. Dixit Deus, Erit lux. Nam infra capite tertio habes, Deum venisse ad auram post meridiem, & vocasse Adam ad iudicium, quæ omnia humanam effigiem eum tunc assumpsisse ostendunt. Dicere enim, spiritualiter eum homines primos conuenisse, ac alloquutum fuisse, videtur mihi nimium literam torquere. Quod si tunc fatendum est eum humano ore locutum, cur non modo?

Nonnullos alios ante Lusitanum hoc ipsum sensisse, Moses Barcephæ Syrus in Commentarijs de Paradiso prima parte, scriptum reliquit. Nec prorsus suspicionibus destituta est hæc sententia; Nam si Deus, ut locupletissimè testatur D. Paulus, vocat ea, quæ non sunt, tanquam ea, quæ sunt; quemadmodum sapius ijs rebus, quæ sunt, externo vocis sono per legatos suos præcipere voluit, ita profecto Deum ipsum, & ijs quæ non sunt, externo verbo mandasse arbitrandum est: Siquidem Iosue, ut in ipsius libro cõscriptum cernimus, excelsa uoce, Soli, & Lunæ, ut consisterent, præcepit; Elias quoque igni, ut de Cælo descenderet, mādauit. Si igitur iste est Dei mos, ut rebus ijs quæ sunt, voce externa per legatos suos imperet, igitur, & in opere creationis mirifico ipse externa voce, Luci, Firmamēto, Astris, quæ non erant, mandatū dedit ut prosiliret. Deinde Deū venisse ad auram hora pomeridiana, Adam vocasse, cum ipso colloquium miscuisse, in illum, Euam, atque Serpentem damnationis sententiam pronunciasse, sacrosancta Geneseos scriptura testatur: Quomodo ergo & nunc ore creaturas ad esse euocasse, sicut & tunc existimandum non est; cum hæc, veluti & illa, sex his diebus emolitionis Mundi contigerint, & Moses eadem historię serie hæc, atque illa enarret? Amplius Moses Deū appellasse lucem Diem, tenebras Noctem, firmamentum Cælum, aridam Terram; explicata oratione demonstrat; quod si externo verbo locutus non est Deus, quæ nuncupatio ea ipsa fuit? Quod nomen eis indidit? certe nullum. Verum huic sententiæ vniuersi fere mox enumerandi Patres aduersantur, ac refragantur.

a. Hoc est, Verbo fecit, quia per Verbum omnia condidit.

Verbum, Dicere, pro verbo interno, hoc est, conceptu mentis, seu simplici, quod est apprehendere; seu composito, quod est discurrere, & ratiocinari, capi perspicuum est. Vnde Augustinus libro quintodecimo de Trinitate, & Basilii in Ioannem, geminum dixerunt esse verbum: cordis, quod sibi ipsi mens loquitur: & oris, quod extra profertur. Quapropter Vatum, Philosophorumq; priscorum, atque Patrum præstantissimorum quamplurimi hoc loco, Dixit, ad Verbum Dei ipsum, scilicet æternum filium reru lerūt, quasi Moses verbo hoc Dixit, Deū cuncta Verbo effecisse significare uelit, sicuti & Propheta in Psalmis, quasi percussa vox, siue Echo quædam, eadē ferè ipsa referens ait: Ipse dixit, & facta sunt. Et Ioannes. Omnia per ipsum facta sunt. Cæterum Ethnici quoque atque Hebræi æterno Verbo Deum vniuersa fabricasse confitentur.

IUSTINVS in Admonitorio, Orpheum id agnouisse verbis hisce restatur.
Orpheus in insurandis sic,

Per Cælum iuro te, quod Deus inclitus edit,

Perque patris vocem primam, quam protulit ipse.

Quam quidem vocem Dei Verbum nuncupat, per quod & Cælum, & Terram, & creaturam condidit vniuersam, sicut nos docent diuinæ sanctorum hominum prophetiæ. Quibus cum & ipse non nihil opere apud Aegyptios impendisset, didicit Dei Verbo vniuersam creaturam conditam esse. Quapropter vbi dixerat,

Perque Patris primam vocem, quam protulit ipse:

Adiecit hæc, & coniunxit:

Hac & consilijs Mundum firmauerat omnem.

Verbum duplex.

Psal. 148.
Ioan. 1.
Verbo omnia facta esse,
Ethnici quoque agnouerunt.

Quo in loco vocis nomenclatura, more poetico, Verbum expressit. Hoc autem ita se habere declarat, quod paulo ante interesserat.

Diuino assideas Verbo, quod conspice semper.

CLEMENS Alexandrinus Stromatum libro quinto, post plura.

Et in summa Pythagoras, Socrates, & Plato, dicentes se audire vocem Dei, considerantes vniuersorum constructionem, quæ à Deo accuratè, & perfectè facta est, & ab eo perpetuò continetur, audiuerunt Moysen dicentem; Dixit, & facta sunt, describente Verbum Dei esse opus.

Porro si Clemens Pythagoram, Socratem, & Platonem, Verbum æternum subodorasse testatur, Zenonem quoque & Trismegistum id penetrasse

LACTANTIUS libro quarto, capite nono, his prodit.

Hunc sermonem diuinum ne Philosophi quidem ignorauerunt. Siquidem Zenon rerum nature dispositorem, atque opificem vniuersitatis λόγῳ predicat; quem & fatum, & necessitatem rerum, & Deum, & animum Iouis nuncupat: ea scilicet consuetudine, qua solent Iouem pro Deo accipere. Sed nihil obstant verba, cum sententia congruat veritati. Est enim Spiritus Dei, quem ille animum nominauit: nam Trismegistus, qui veritatem penè vniuersam nescio quomodo inuestigauit, virtutem, maiestatemque Verbi sepe descripsit: sicut declarat superius illud exemplum, quo fatetur esse ineffabilem quendam, sanctumque sermonem, cuius enarratio modum hominis excedat.

STEVCHVS in Cosmopœia in primum caput Genesis.

Quam sacrosanctam Theologiam, mirabiliter demiror etiam Orpheo fuisse perspectam, qui & Verbum Dei commemorauit, & formatorem eum dixit Vniuersi, ad Filium scribens.

Inque Dei Verbum aspiciens, huic semper adesto,

Defigens animi altas lucas, perge viamque

Rectam, & qui solus dedit Orbi, cerne, figuram

In Verbum diuinum Mundi formatorem hortatur filium Museum, semper intueatur: Formatorem Mundi dicens sicut Anaxagoras vñ intellectum, quam digessisse Chaos, formamque Mundo dedisse semper predicabat. Quod & Platoni fuisse cognitum, est supra quam dici possit admirandum. Cui notum fuit, ornatum, & certos, ac constantes Celi motus à Verbo diuinissimo fuisse repertos. In Epimonide; Neque tempus, inquit, vllum stellis venerandis prescribamus, in quo vnaqueque proprium orbem conficiens ordinem absoluit, quem spectabilem, oculisque notum omnium diuinissimum Verbum instituit. O Deum immortalem, assertorem tam clarum esse Platonem Hebraicæ Theologiæ. Hebraica enim Theologia dicit; Verbo Domini Celi firmati sunt. Plato autem, diuinissimum Verbum motus illos Celi, rationesque celestes ordinasse. Si enim motus, vtique & ipsa corpora mota, & orbes eorum.

Psal. 124

Hamerus in Commentatione, non ita eleganter hanc Platonis in Epimonide sententiam certè est interpretatus.

PHILO Vir ingenio & eruditione celeberrimus, quanquam dogmatibus nostris parum imbutus, tamen id sensit; vt Eusebius de Preparatione Evangelica libro septimo, capite quinto, ex secundo ipsius de Agricultura excerptis.

Qui dubitandi ruborem effugere velit, audacter dicat, nulla re materiali machinam Mundi conseruari, sed Verbo æterni Dei sempiterno, quod à medijs ad extrema, & ab extremis ad media protensum, inuictum. Nature suslinet cursum, fouens ipsum, atque conseruans, quasi vinculum quoddam Pater qui genuit ipsum constituit. Merito igitur nec Terra vnquam aquis summergetur, nec ignis extinguetur, nec cetera peribunt, cum Verbum Dei vocale, inter muta elementa constitutum, omnia conseruet.

Sed veniamus ad Patres.

AVGVSTINVS de Genesi imperfecto, capite quinto.

Deum dixisse, Fiat lux, non voce de pulmonibus edita, nec lingua & dentibus, accipere debemus. Carnalium sunt istæ cogitationes; secundum autem carnem sapere, mors est. Sed ineffabiliter dictum est; Fiat lux. Vtrum autem hoc, quod dictum est, Filio vnigenito dictum est, an id ipsum, quod dictum est, Filius vnigenitus est, quod dictum Dei Verbum dicitur, per quod facta sunt omnia, queri potest: dum tamen illa absit impietas, vt Verbum Dei vnigenitum Filium, quasi vocem prolatam, sicut à nobis fit, esse credamus. Verbum autem Dei, per quod facta sunt omnia, nec cæpit esse, nec desinet, sed sine inchoatione natum Patri coæternum est. Quare hoc, quod dictum est, Fiat lux, si & cæpit, & destitit dici, magis Filio dictum est hoc Verbum, quam ipsum est Filius: & tamen etiam hoc ineffabiliter.

IVNILIVS Apher Commentarijs in Genesim.

Quod autem dixerit Deus, siue vt lux fieret, siue vt alia, quæ perhibentur; non nostro more per sonum vocis corporeum fecisse, credendus est, sed altius intelligendum, dixisse Deum vt fieret creatura: quia per Verbum suum omnia, vel per vnigenitum Filium suum fecit, de quo manifestius in Euangelio Ioannis; In principio, inquit, erat Verbum, & Verbum erat apud Deum, & Deus erat Verbum; hoc erat in principio apud Deum: Omnia per ipsum facta sunt. Quod autem ait Ioannes, Omnia facta per Verbum Dei, hoc est, quod Moyses

Ioan. 1.

AnnoMundi
primo.
Die Prima.

Dixitque Deus.

- a. Hoc est, Verbo distinxit, quia Sapientia aeterna est rerum distinctionis causa.
- b. Vel, Verbo formavit, cum ab ipso Verbo sit rerum omnium forma, & compago.
- c. Dixit, Non temporaliter, nec corporaliter, sed aeternaliter: hoc est, genuit Verbum ab aeterno, in quo res erant, ut fierent; & modus, & tempus quo fierent; in Verbo quidem ab aeterno, sed in tempore ut fiende.

Psal. 33.

Moses ait; Quia dixit Deus, Fiat lux: dixit, Fiat firmamentum: dixit, Fiat cetera creatura; hoc quod Psalmus adiuncta & Spiritus Sancti persona, dicit; Verbo Domini Caeli firmati sunt: & spiritu oris eius omnis virtus eorum. Et Post. Dixit Deus ut fieret, cum in coeterno sibi Verbo, unigenito videlicet Filio, cuncta creanda disposuit.

- a. Hoc est, Verbo distinxit, quia Sapientia aeterna est rerum distinctionis causa.

D. THOMAS prima parte, quaestione quadragesima septima, articulo primo.

Gen. 1.

Et quia divina Sapientia est causa distinctionis rerum, ideo Moses dicit res esse distinctas Verbo Dei, quod est conceptio sapientie. Et hoc est, quod dicitur; Dixit Deus; Fiat lux: & diuisit lucem a tenebris.

- b. Vel, Verbo formavit, cum ab ipso Verbo sit rerum omnium forma, & compago.

D. THOMAS prima parte, quaest. sexagesima quinta, articulo quarto. Vel quia forma corporales, quas in prima productione corpora humana habuerunt, sunt immediate a Deo productae, cui soli ad nutum obedit materia tanquam propriae causae. Unde ad hoc significandum Moses singulis operibus praemittit: Dixit Deus, fiat hoc, vel illud. In quo significatur formatio rerum per Verbum Dei facta, a quo est omnis forma, & compago, & concordia partium.

- c. Dixit, Non temporaliter, nec corporaliter, sed aeternaliter.

AUGUSTINVS de Genesi ad litteram libro primo, capite secundo. Et quomodo dixit Deus, Fiat lux: utrum temporaliter, an in Verbi aeternitate? Et si temporaliter, utique mutabiliter, quomodo ergo possit intelligi hoc dicere Deus, nisi per creaturam? Ipse quippe est incommutabilis. Et si per creaturam dixit Deus, Fiat lux: quomodo est prima creatura lux, si erat iam creatura, per quam Deus diceret, Fiat lux? An non est prima creatura lux, quia iam dictum erat; In principio fecit Deus Caelum & Terram: & poterat per Caelestem creaturam vox fieri temporaliter, atque mutabiliter; qua diceretur, Fiat lux? Quod si ita est, corporalis lux facta est ista, quam corporeis oculis cernimus, dicente Deo per creaturam spiritalem, quam Deus iam fecerat, cum in principio fecit Caelum & Terram, Fiat lux: eo modo quo per talis creaturam interiorem, & occultum motum diuinitus dici potuit, Fiat lux. An etiam corporaliter sonuit vox dicentis Dei, Fiat lux: sicut corporaliter sonuit vox dicentis Dei; Tu es Filius meus dilectus: & hoc per creaturam corporalem, quam fecerat Deus, cum in principio fecit Caelum & Terram, antequam fieret lux, quae in hac sonante voce facta est. Et si ita est, qua lingua sonuit ista vox dicente Deo, Fiat lux: quia nondum erat linguarum diuersitas, quae postea facta est in aedificatione Turris post Diluuium? Quoniam lingua erat una, & sola, qua Deus locutus est, Fiat lux: & quis erat, quem oportebat audire, atque intelligere, ad quem vox huiusmodi proferretur? An haec absurda, carnalisque cogitatio, atque suspicio est? Quid ergo dicimus? An id, quod in sono vocis intelligitur, cum dicitur, Fiat lux; non autem ipse corporeus sonus, hic bene accipitur esse vox Dei? Et utrum hoc ipsum ad naturam pertineat Verbi eius, de quo dicitur, In principio erat Verbum, & Verbum erat apud Deum, & Deus erat Verbum? Cum enim de illo dicitur, Omnia per ipsum facta sunt; satis ostenditur & lux per ipsum facta, cum dixit Deus, Fiat lux. Quod si ita est, aeternum est quod dixit Deus, Fiat lux; quia Verbum Dei Deus apud Deum, Filius unicus Dei Patris coeternus est: quamuis Deo hoc in aeterno Verbo dicente, creatura temporalis facta sit. Cum enim verbum sint temporis, cum dicimus quando, & aliquando; aeternum tamen est in Verbo Dei, quando fieri debet aliquid: & tunc fit, quando fieri debuisse in illo Verbo est, in quo non est quando & aliquando, quoniam illud totum Verbum aeternum est.

Math. 9.

Ioan. 1.

Et

Et capite nono consimilia edisserit.

Quod ergo dixit Deus, fiat lux, & facta est lux: in aliquo die dixit, an ante omnem diem? Si enim Verbo sibi coeterno dixit, hoc utique intemporaliter dixit: Si vero temporaliter dixit, non Verbo sibi coeterno, sed per aliquam dixit creaturam temporalem: ac per hoc non erit prima creatura lux, quia iam erat creatura, per quam temporaliter diceretur, Fiat lux: atque illud ante omnem diem fecisse intelligitur, quod dictum est; In principio fecit Deus Cælum & Terram: ut Cæli nomine intelligatur spiritalis iam facta, & formata creatura, tanquam Cælum Cæli huius, quod in corporalibus summum est. Secundo enim die factum est firmamentum, quod rursus Cælum appellauit, Terre autem nomine inuisibilis & incompressa, ac tenebrosæ abyssus, imperfectio corporalis substantiæ significata est, unde temporalia illa fierent, quorum prima esset lux. Quomodo autem per creaturam illam, quam fecit ante tempora, dici potuit temporaliter, Fiat lux, inuenire difficile est. Sono enim vocis non intelligimus dictum: nam quicquid tale est, corporeum est. An ex illa imperfectio-
ne substantiæ corporalis fecit aliquam vocem corpoream, per quam sonaret, Fiat lux? Ergo aliquid vocale corpus ante lucem creatum, atque formatum est. Sed si ita est, iam erat tempus, per quod vox curreret, sonorumque spacia sibi succedentia præterirent. Quod si iam erat tempus, antequam fieret lux, in quo tempore fieret vox quæ resonaret, Fiat lux: ad quem diem pertinebat illud tempus? Vnus enim dies, idemque primus ille numerari incipit, quo facta est lux. An ad ipsam diem pertinet totum spatium temporis, & quod factum est vocale corpus, per quod sonaret, fiat lux, & quod facta est ipsa lux? Sed omnis talis vox propter audientis corporalem sensum à loquente profertur, ita enim facta est, ut percussio aëre sentiat. Nunquid itaque talē habebat auditum illud, quicquid erat, inuisibile & incompressum, cui sic Deus personaret, ac diceret, Fiat lux? Abscedat itaque hæc ab animo cogitantis absurditas. Vtrum ergo spiritalis motus, sed tamen temporalis erat, quo dictum intelligimus, fiat lux, expressus ab æterno Deo per Verbum coeternum in creatura spiritali, quam iam fecerat; cum dictum est; In principio fecit Deus Cælum & Terram: idest, in illo Cælo Cæli? An & ista locutio non tantum sine aliquo sono, sed etiam sine ullo temporali motu spiritalis creaturæ, in eius mente, atque ratione fixa quodammodo à Verbo Patri coeterno, & quodammodo impressa intelligitur, secundum quam moueretur, & ad speciem conuerteretur inferior illa tenebrosa imperfectio naturæ corporeæ, & fieret lux? Sed multum est, ac difficillimum capere, quomodo dicatur, Deo non temporaliter iubente, neque id temporalitas ab incommutabili Dei sapientia rationes tanquam intelligibiles locutiones, in ea, quæ infra sunt transmittentur, fieri temporales motus in rebus temporalibus, vel formandis, vel administrandis. Si autem lux, quæ primum dicta est, ut fiat, & facta est, etiam primatum creaturæ tenere intelligenda est, ipsa est intellectualis vita: quæ nisi ad Creatorem illuminanda conuerteretur, fluitaret informiter. Cum autem conuersa, & illuminata est, factum est quod in Verbo Dei dictum est, Fiat lux.

G L O S S A Ordinaria eruditè hanc Augustinianam doctrinam sic collegit, ac obstrinxit.

Non temporaliter. Si enim temporaliter, & mutabiliter. Si mutabiliter, & per subiectam creaturam. Si per subiectam creaturam, non est lux prima creatura. Sed forsitan, quia iam dictum erat; In principio fecit Deus Cælum, &c. poterat per cælestem creaturam vox ista temporaliter fieri: Fiat lux. Quod si ita ista corporalis lux facta est per subiectam creaturam, quam ante fecerat, dicente Domino: Fiat lux: Quomodo per spiritalis creaturæ occultum motum dici potuit diuinitus? Non enim corporaliter sonuit vox Dei, sicut illa erat una, & sola, quæ loqueretur; nec erat quem oporteret audire, & intelligere? Bene ergo accipitur vox Dei Verbum, quod in sono vocis intelligitur. Ad naturam enim Verbi, per quod omnia facta sunt, hoc ipsum pertinere dicitur. Aeternum ergo est, quod dixit Deus; Fiat lux; quia Verbum Dei Patri coeternum.

Marc. 1.

E V C H E R I V S Commentarijs libro primo, capite secundo, consimilia Augustino edocuit.

Si in die dixit; temporaliter dixit: si temporaliter dixit, per aliquam creaturam dixit. Ergo non est prima creatura lux: quia iam erat, per quam diceret, Fiat lux. Verè enim nec in die dixit, nec temporaliter dixit: quia ante omnem creaturam Verbum suum genuit. Dictio itaque Dei, Verbum Dei est: sed diuina Scriptura paruulis congruens, & quodammodo eos lactans, ut proficiant, & cibum spiritalem capiant, voluit semper per omnem creaturæ formationem dictionem Dei nuncupare. Ut (verbi causa) si requiras, quomodo facta est lux? audias, In Verbo Dei erat, ut fieret. Quomodo factum est Cælum? in Verbo Dei erat, ut fieret. Et cetera per ordinem, si requiras quomodo facta sunt? In Verbo Dei erant, ut fierent, Hoc enim est; Dixit Deus; Fiat lux.

I S I D O R V S de summo Bono libro primo, capite decimo.

Non sic, quemadmodum nos transitoriè dicimus, Fiat aliquid: sic Deus dixit, Fiat Cælum in principio. Illud enim sempiternè in Verbo unito dictum est. Si transitoriè dictum est à Deo, Fiat, erat utique creatura aliqua, unde iam talis fieret vox: sed quia antequam diceret, Fiat, nulla extitit creatura; ipsum Fiat, quod dictum est, in eternitate Verbi, non in vocis sono, enunciatur.

R V-

RVPERTVS Commentarijs in Genesim libro primo, capite decimo.

Quid enim ex hac breuissima enunciatione colligimus, nisi quod certissimum est, quia per Verbum suum omnia Deus operatus est? Nec verò ita sensibus pueri sumus, ut putemus Deum vocalem, dentibus, palato, & labijs cum plectro lingue percussis, elementari sono dixisse, Fiat lux: sicut nec in eo, quod spiritus Dei se- rebatur super aquas, phantasma illud admittimus, quod stans, aut sedens in aliqua parte, magnum anhel- tum suum super aquas omnes sufflando emisit Deus. Non, inquam, sic infantiliter, aut carnaliter de Crea- tore spirituum Deo sentimus. Sed nec illas affectiones, quibus mente promouemur, ut eo modo, quo dictum est, verba per aërem trascurrentia mittamus, incommutabili, atque impassibili Deo ascribimus. Quid ergo? Quid in eo quod dictum est, dixit Deus, nisi generationem Verbi æterni, Verbi Deo consubstantialis, de cuius effectu, & nos, & Angeli, rationales sumus, significatam intelligere debemus? Verè enim sine voce na- tum, & omnia potentialiter continens Verbum, tunc Pater actualiter generauit, quando Cælum, & Terram creauit, quando lucem, & cetera fecit. Eructauit ergo cor Patris Verbum bonum: & ex vtero, idest de suæ substantie secreto, ante Luciferum genuit illud, quando dixit; Fiat lux.

Intelligas sana mente, Patrè non generasse tunc Filium sibi cõparem, quando creauit Cœlũ, & Terram: quandoquidem ab æterno Pater semper generat Filium, sed produ- xisse Cœlum & Terram, ceteraq; , quæ in Verbo semper generato, ut in Idea extabant.

P E T R V S Comestor Scholasticæ historiæ capite tertio.

Dixit, idest Verbum genuit, in quo erat ut fieret lux, idest tam facile, ut si quis diceret verbo.

Hugo Carenfis eadem suffuratus est.

A N S E L M V S Laudunensis in Glossa Interlineari.

Dixit, inquit, non temporaliter, non sono vocis, sed in Verbo sibi coeterno.

B E D A Expositione super Genesim.

Quomodo dixit Deus, per quam vocem, aut cui dixit ante omne tempus? Dixit autem Verbo sibi coeterno, & incommutabili, non corporali sono vocis, sed internis, æternisq; rationibus.

Et libro de sex dierum Creatione.

Ista locutio, non tantum sine aliquo sono, sed etiam sine vlllo corporali motu, creatura spiritualis eius mente, atque ratione quodammodo infixa per Verbum Patris coeternum, sed multum ac difficillimum est capere, quomodo dicitur Deo non temporaliter iubenti, neque id temporaliter audiente creatura, qui contemplatione veritatis omnia tempora excedit: sed intellectualiter sibi et expressas, cum Patri coeterna Sapientia tan- quam intelligentibus locutionis ad ea quæ infra sunt transmittentes, ut fieret temporalis motus in rebus tem- poralibus, siue formandis, siue administrandis.

M A G I S T E R secundo Sententiarum, distinctione tertiadecima, rela- ta D. Augustini sententia concludit.

Dixit ergo Deus, Fiat, &c. non temporaliter, non sono vocis, sed in Verbo sibi coeterno, idest, Verbum genuit intemporaliter, in quo erat: & disposuit ab æterno, ut fieret in tempore, & in eo factum est.

D. T H O M A S Expositione in Iob, capite primo, lectione secunda.

Nam dicere Dei dupliciter accipitur. Nam quandoque refertur ad conceptum cordis; quandoque autem ad significationem, qua huiusmodi conceptus alteri exprimitur. Secundum igitur primum modum, dicere Dei est æternum, & nil est aliud quam generare Filium, qui est Verbum ipsius. Secundo verò modo, specialiter Deus aliqua dicit, diuersimodè tamen, secundum quod congruit eis, quibus dicit; Nam hominibus corporeis sensus habentibus, aliquando Deus locutus est aëreo sono, formato in aliqua subiecta creatura, sicut vox se- nuit in Baptismo, & in transfiguratione Christi. Hic est Filius meus dilectus. Aliquando autem per inagi- nariam visionem, sicut multoties legitur in Prophetis. Aliquando autem intelligibili expressione, & hoc modo intelligendum est Dominum ad Sathan dixisse, in quantum eum intelligere facit, quod ea, quæ ipse agit, à Deo conspiciuntur.

T O S T A T V S in Postillis.

Dicere pertinet ad Patrem, in quantum per Filium omnia operatur qui est ars, & sapientia Patris. Fi- lius autem Verbum est, ad quod dici pertinet, quia Verbum est per dictionem passiuam.

A L B E R T V S Magnus prima parte Summæ de quatuor coequeis, que

stione duodecima, articulo vndecimo, eam excitat, & suscitatur difficultatem. Quaritur, cum ab æterno dixerat Verbum, quare non sequitur, quod ab æterno creauit, & fecit lucem? Resp- dicendum, quod duo sunt in Verbo ab æterno, scilicet, idea, & determinatio vniuersiusque, quando debet procedere in esse; & hoc vocatur ab Augustino plenitudo temporis, respectu Filij. Dicit enim, quod præ- super illud; Quando venit plenitudo temporis, quod plenitudo temporis fuit impletio temporis, quia vnaqueq; sciuerat Deus, in quo Filius debuit incarnari: & similiter est respectu aliarum creaturarum; quia vnaqueq; tunc esse incipit, quando ab æterno Deus ei præordinauit, ut fieret. Et hoc est, quod dicitur, Verbum genuit, in quo erat ut fieret. Nec tamen sequitur, quod ab æterno creatura sit, licet Verbum dictum sit ab æterno quia non est idem iudicium de hac causa, & causato, eo quod ipsa in infinitum distet à suo causato; non ideo propor- tionatur.

Psal. 44.
Psal. 109.

Matth. 3.
Matth. 17.

Gal. 4.

Dixitque Deus.

Anno Mundi
primo.
Die Prima.

a. Non prolato verbo, sed dixit, idest cogitavit, voluit, statuit, & imperavit.

tionatur ei in aliquo in essentia, neque in duratione, neque in virtute, nec in opere. Et ideo dicit Augustinus, quod non sequitur Verbum æternum, quo dicta est creatura, ut fieret creatura. Aliter tamen posset solui per distinctionem huius: Ab æterno dixit ut fieret, eo quod ab æterno potest determinare hoc verbum, Dixit, vel hoc verbum, Fiat. Et primo modo est vera: secundo modo falsa. Ab æterno enim dixit, ut fiat, non ab æterno, sed tunc quando incepit.

Perpendendum est autem, ex his patribus Rupertum, Comestorem, Carensem, verbum Dixit ad generationem Verbi simpliciter retulisse, ceteros Patres modum, quo cuncta per Verbum, seu verbo condita fuerint, declarare maluisse. Verum ex his nonnulli elegantius, quo pacto cuncta per Verbum producta dicantur, expresserunt: idq; duplici via, seu modo elucidarunt. Augustinus, & Eucherius candidè, maximoq; cum nitore doctrinæ id explicuere hoc pacto; quod omnia per Verbum & verbo procreata perhibeantur, quia quod æternum erat in Verbo, ut fieret, & quādo fieret, ita factum est; tuncque factum est, quomodo, & quando fieri debuisse, in ipso fuit insitum Verbo. D. Thomas & ipse eleganter alterum deduxit asseuerandi modum, quo cuncta verbo, & per Verbum condita prædicentur, nempe, quia Verbum, hoc est diuina Sapientia distinctionis rerum causa est, & quoniam formæ, quibus res existunt, immediatè à Deo producatæ per Verbum, à quo omnis forma, compago, & partium concordia promanat.

a. Dixit, non prolato verbo, sed Dixit, idest cogitavit, voluit, statuit, & mandauit.

Verum cum & verbum Dicere sacra in pagina, pro eo quod est velle, statuere, diffinire, iubere, mandare, & imperare sapius sumatur; haud mirum alicui videri debet, si plurimi, iidemque præstantissimi Patres, Dixit, pro voluit, statuit, & imperavit, hoc in loco interpretati sint.

BASILIVS Hexæmeron Homilia secunda.
Proinde in Deo cum vocem, verbum & præceptum asserimus: caue, intelligas, aut cogites eum strepitum, qui per vocis organa editur, non item aërem lingue officio articulatum, & impressum; sed momentum id, eamque inclinationem diuinæ voluntatis censemus in præcepti speciem figurari, quo eorum quæ docentur velut oculis res subiecta colliquescat, & manifestetur expressius.

AMBROSIVS Hexæmeron libro primo, capite nono.
Glossa locupletata hæc desumpsit.
Naturæ Opifex lucem locutus est, & creauit. Sermo Dei voluntas est: opus Dei, natura est: lucem creauit, tenebras illuminauit. Et dixit Deus; Fiat lux, & facta est lux. Non ideo dixit, ut sequeretur operatio, sed dicto absoluit negotium. Unde pulchrè Davidicum illud; Dixit, & facta sunt. Quia dictum impleuit effectus. Auctor ergo lucis Deus; locus autem, & causa tenebrarum Mundus est. Sed bonus auctor ita lucem dilexit, ut Mundum ipsum infuso aperiret lumine, atque eius speciem venustaret. Et Post. Dixit Deus, non ut per vocis organa quidam sonus sermonis exiret, nec ut lingue motus cæleste formaret alloquium, atque aërem istum quidam verborum strepitus verberaret; sed ut voluntatis suæ cognitionem proderet operationis effectu.

ATHANASIVS contra Arrianos, Sermone tertio.
Dixit, non ut in rebus humanis administer aliquis audiret, auditamque loquentis voluntatem opere præstaret: id enim proprium est rebus creatis: de Verbo autem id cogitare, aut dicere, absurdum fuerit. Est enim Verbum Domini architectus, & rerum auctor, & est Patris voluntas: atque inde est, quod non relatum est à Scriptura, eum vel audisse aliquo modo, vel respondisse, aut qualia tandem fieri ea veller, percunctatum fuisse:
Eee sed

Psal. 148.

Gen. 15.

Exod. 3.

Zach. 1.

Psal. 32.

Psal. 113.

sed potius dixit Deus, Fiat, & subintulit, & ita factum est: nam quod placuit, & voluit, id statim Verbo perfectum, atque absolutum fuit. Quum enim Deus, vel Angelis, vel alijs præcipit, vel cum Moise loquitur, aut Abrahæ promissiones facit, tum is qui audit, ita respondere inducitur, ut alius dicat, quomodo id scire potuero: alius vero, queso, alium deligas. Et rursum; Si ex me sciscitati fuerint, quod nomen tibi sit, quid respondebo illis? Et Angelus Zachariæ dixit; Hæc dixit Dominus: Zacharias Dominum vicissim percunctatur, Domine qui in omnia imperium, & potestatem habes, quousque tandem non misereberis Hierusalem? Et datur illi audire verba bona, & consolatoria. Habet enim unusquisque istorum mediatorem, Verbum scilicet, & Sapientiam Dei indicantem, quæ sit voluntas Patris. Quum autem ipsum Verbum operatur, & creat, non est illic aut percunctatio, aut responsio: in Verbo enim est Pater, & Verbum in Patre: sed sufficit velle, & opus perficitur: ut illud, dicere Patrem, indicium nobis sit voluntatis diuinæ: illud autem; Et factum est ita, opus significet, quod perfectum fuit per Verbum, & Sapientiam, in qua est voluntas Patris: & illud ipsum, quod Deus dixerit, in Verbo cognoscitur: omnia enim in Sapientia fecit, quippe quum & Verbo Domini Cæli firmati sint, & vnus sit Dominus Iesus Christus, per quem omnia, & nos per illum.

THEODORETVS in Genesim, quæstione nona.

Non præcipit Deus alteri cuiquam creare; sed quæ non sunt, vocat; ita ut hic præceptum sit ipsa voluntas. Omnia enim, ait, quæcunque voluit, fecit Deus.

CYRILLVS Alexandrinus in Genesim, libro primo.

Quippe singulis in rebus creandis, Verbum tantummodo summi Dei creare valebat, nutusque eiusdem duntaxat producere omnia poterat.

CHRYSOSTOMVS Homilia in Genesim tertia.

Et dixit Deus; Fiat lux: & facta est lux. Dixit, & facta est: mandauit, & tenebræ quidem fugatæ sunt; lux autem producta. Vides ineffabilem potentiam?

GLOSSA Ordinaria.

Et perinde est dicere; Dixit Deus, ac voluit, atque præcepit, ut hoc, vel illud fieret.

D. THOMAS Postilla in Genesim, capite primo, disertius explicauit emphasim vocis, Dixit; inquit.

Istud dicere, non fuit vocalis expressio, seu insinuatio, sed fuit tantum conceptio cum ipsius voluntatis imperio: ad quæ subsequuta est exterior operatio. Vnde differentia est inter nostram locutionem, & Dei, quia ad eius dicere, sequitur facere; & loquor de intellectu eius ad voluntatem extenso: ad nostrum autem dicere vel velle, non sequitur aliud extra, cum actiones, quæ faciunt aliquid extra, requirant materiam, in quam agant.

TOSTATVS in Postillis.

Aliqui querunt, qua voce Deus loquutus fuerit, cum ista dicebat. Respondetur, quod si Deus in aliqua lingua loquutus fuisset, hoc fuisset in Hebræis; quia illa prima omnium fuit, & communissima, & sanctissima, quam Deus inter ceteras diuisas linguas proprio populo suo reliquit; & in qua lex data fuit; Sed Deus non loquutus fuit aliqua voce sensibili, quia fuisset aliquid superuacuum, cum loquutio sit ad indicandum conceptum alicui intellectui: sed tunc nullus erat homo, cui vocaliter loqui deberet. De his Isidorus nono Etymologiarum. Angeli autem, qui tunc erant, non voce, sed solo intellectu percipiunt. Importat autem hic dicere Dei intelligere prædicum, & velle; id est, quod Deus ab æterno iudicauit, & voluit res pro tunc debuisse creari.

DIONYSIVS Carthusianus Commentarijs in Genesim.

Quemadmodum autem Deus artifex summus est, simplicissimus spiritus, & sapientissimus actor: sic dicere eius est spirituale, ac intellectuale; non vocale, aut transitorie sonans. Nec dixit istud per creaturam subiectam, sed sicut immediate produxit, ita per se dixit; Et hoc dicere Dei, est practicum intelligere eius, quo vult, seu præcipit aliquid esse. Sic igitur Deus Trinitas, vnus vniuersorum creator dixit, id est, intra se concepit, cogitauit, ac iussit.

CAIETANVS in Genesis caput primum.

Dicere diuinum, est proculdubio intellectuale; nec est dicere prophetando, quod erit lux; sed est dicere practicum; hoc est diffinitiuum, ac imperatiuum; ut sit lux.

VIELMIVS Lectione nona.

Porro autem, quod hic scribitur; Et dixit Deus: complures perinde dictum putarunt, atque iussit, seu mandauit: quod Dicere, pro Iubere, Ionæ secundo patenter Hebræis positum fuerit, qui sic legunt; Et dixit Dominus pisci, ut euomeret Ionam: quod & alibi quoque similiter haberi Docti testantur. Sed & David mandauit, xisset; Ipse dixit, & facta sunt: confestim explicans quale dicere illud fuerit, ita subdidit; Ipse præcepit, & creata sunt. Pagninus tamen, & Felix legunt; Ipse dixit, & fuit (nimirum Orbis) ipse præcepit, & stetit: ut dicere ad existentiam, præcipere ad permanentiam, & consistentiam retulisse, videri Propheta possit; sed nihilominus existimatur amplificatio, & exornatio. Et post. Et intelligentiæ huic mirifice consenti verbum, Fiat, quod dicendo protulisse scribitur, imperatui enim modi est.

Ion. 2.

Psal. 148.

Dixitque Deus.

- a. Tropus Hebraicus, siue Hebraismus est ponere Dicere pro Meditari, Decernere, Velle, Iubere.
b. Dixit, pro Fecit, seu Creauit summa cum facilitate, ac celeritate.

a. Tropus Hebraicus, siue Hebraismus est ponere Dicere pro Meditari, Decernere, Velle, Iubere.

STEVCHVS in Cosmopœia, in caput primum Genesis.

Vt in omni lingua, & gēte priuatus est dicendi mos, sic crediderim habere suos Hebræos tropos, ac similitudines, ac translationes. Similitudo autē est, vt quemadmodū Reges ac Dictatores, imperijs solis ac dictis, immensa opera excitant, sic magno Dictatore imperante, surgerent omnia, omnibus illi naturis parere paratis. Vt autem agnoscamus esse in hoc sermone non abstrusionem, interiorēq; aliquam rationem, sed consuetudinem loquendi solam, ex eo liquet exemplo, quod est apud Ionam: Et dixit Dominus pisci, & euomuit Ionam. Hic aut iussu, motuq; reconditum interpretari cogimur, potius quā locutionem, aut similitudinem quandam esse. Qua etiam dicitur; Odoratus est Dominus sacrificium. Quibus enim naribus? Est autem duobus modis figuratum, & tropicum, superius quod dicitur, quod neque loqui Deus, neque irrationales bestie possint. Et post. Dicere eius, est velle: velle autem & posse idem apud eum, etiam auctore Aristotele. Has dictiones Mosaicis respiciens David, & ipse confessus est; Verbo Domini Celi firmati sunt. Quæ de Verbo sunt ascita à nonnullis, mihi viderentur ab eis potuisse non credi, si sermonis Hebraici nota fuisset consuetudo. Nam & Hebræi probant, dicere in sua lingua, esse quasi cogitare, secumq; meditari. Dant enim diffusionem etiam cordi; Dixit insipiens in corde suo, non est Deus. Salomon; Dixi ego in corde meo, vadam, & affluentiam diuitijs, & fruor bonis. Et in libris Regum; Porro Anna loquebatur in corde suo. Quæ sit autem locuta, superius ostendit. Ergo cum ait, & dixit; Idem erit, atque cogitauit in corde suo, meditatus est, decreuit esse lucem. Secernentes ergo Hebraismos à naturalibus, omniumque gentium communibus locutionibus, iter ad veras rerum intelligentias tendemus.

Ion. 2.

Gen. 8.

Psal. 32.

Psal. 13.

Ecclef. 2.

1. Reg. 1.

b. Dixit, pro Fecit, seu Creauit summa cum facilitate, ac celeritate.

CHRYSOSTOMVS, Homilia in Psalmum centesimum quadagesimum octauum.

Si quis autem dubitet, à me discat, quod habent opificem, effectorem, & qui illis prouidet, earumq; curam gerit. Duo enim hic ponit, vel potius tria, atq; adeo si quis recte perpendat, etiam quatuor: quod id, quod est, fecerit; & ex ijs, quæ non erant, fecerit; & facile fecerit; & à se facta regat, & administret. Dicendo enim, Dixit, ostendit facilitatem: ut etiam Paulus significans, dicebat; Qui viuificat mortuos, & vocat, quæ non sunt, tanquā quæ sunt; nomine vocationis nobis facilitatem indicans. Quod autem quæ facta sunt, regat, & contineat, ipse propheta rursus ostendit, subiungens; Statuit ea in seculum, & in seculum seculi; præceptum posuit, & non præteribit. Vide quomodo hic quoque ostenderit potestatem, auctoritatem, non solum quod statuerit, sed etiam quod præceptum dixerit, humanis dictionibus eius operationem indicans. Quemadmodum enim tibi dicere, & præcipere est facile; ita Deo facere quæ non sunt, regere, & continere: immo verò non ita habet, sed est longè facilius. Neque enim verbis potest explicari summa facilitas, cum qua fecit omnia.

Rom. 4.

Psal. 148.

EVCHERIVS primus mihi visus est hanc suscitasse interpretationem suis Commentarijs in Genesim.

Vel Dixit, pro Fecit, posuit scriptor; vt celeritatem, vel facilitatem operis Dei ostenderet: ac si diceret, tam facile lucem fecit, sicut quis loquitur. Neque enim corporalibus modis loquitur diuina natura: nec quoniam tories verba formauit. Vnum enim Verbum genuit coeternum, & consubstantium sibi, in quo omnia ineffabiliter, & intemporaliter dixit. Talis enim Dei locutio, non temporaliter præteriens sonus, sed solatio est rationis.

ALCVINVS Quæstione in Genesim trigesima prima.

Dixit, pro Fecit, scriptor posuit, vt celeritatem, vel facilitatem operis Dei demonstraret.

Anno Mundi
primo.
Die Prima.

Dixitque Deus.

- a. Dixit, idest, Creauit.
b. Dixit, is Tropus est humanus, à Mose insitus.

P E T R V S Comestor, Scholastica historia, capite tertio.
Dixit, idest, tam facile fecit, vt si quis diceret verbo.

H V G O Carenfis id mutuauit.
Commendatur autem auctor Deus à facilitate operandi, vbi dicitur, Dixit.

Glossa Ordinaria id ipsum ex Alcuino adnotauit.

T O S T A T V S in Postillis.
Vel ponitur dicere, quia Deus sine aliquo labore, vel difficultate fecit: sicut imperare, vel dicere, labor non est.

a. Dixit, idest, Creauit.

D. T H O M A S in primum Sententiarum, distinctione vigesima septima, quaestione secunda, articulo secundo, hoc ipsum non reticuit, cum dixit.

Quidam enim dicunt, quod dicere de Deo dicitur tripliciter. Quandoque enim dicere, est idem quod intel- ligere; & sic est essentiale. Quandoque enim dicere idem est, quod generare: & sic est notionale. Quan- doque enim dicere, est idem quod creare: & sic dicere connotat respectum ad creaturam; & est essentiale.

V I E L M I V S Lectione nona.

Anonymi veruntamen nonnulli accipiunt verbum, Dixit, pro eo quod est, Creauit: etenim dicere, cum ad Deum transfertur, interdum quidem pro intelligere, aliàs pro gignere, & aliquando etiam pro creare capi existimant; & primo, ac tertio modo essentiale esse; secundo autem notionale.

b. Dixit, is Tropus est humanus, à Mose insitus.

CH R Y S O S T O M V S Homilia tertia in primum caput Geneseos.

Vidisti quantum se nostrorum ingeniorum paruitati attemperauerit beatus ille Propheta, immo misericors Deus per Prophetæ linguam erudiendo omne hominum genus, vt videat eorum, quæ facta sunt, ordinem: & quis Vniuersi Opifex, & quomodo vnumquodque produxit? Quoniam enim adhuc imperfectius erat huma- num genus, quam vt perfectiora capere posset: propterea pro auditorum imbecillitate, Prophetæ mentis nostræ etus mouebat Spiritus, inque hunc modum nobis omnia edifferebat. Et vt discas, quod propter mentis nostræ imperfectionem hoc enarrationis attemperamento fuerit vsus: vide quod Tonitruum filius, cum iam euenisset ad virtutem hominum genus, non iam hac via ingreditur, sed in subliorem eruditionem auditorem subducit. Nam vt dixit; In principio erat sermo, & sermo erat apud Deum, & Deus erat sermo: mox subiicit; Erat lux vera, quæ illuminat omnem hominem venientem in hunc Mundum. Nam quemadmodum hoc loco lux ista sensi- bilis precepto Domini producta, & Tenebræ illæ visibiles abscondite: sic & lux mentalis tenebras erro- rum effugauit, & ad veritatem errabundos manu duxit.

T E R T V L L I A N V S inter plures Patres, quo pacto Scripturæ hu- manos mores, atque humanam formam, & faciem in Deum sæpe referant, prolixius, & elegantius edisserit, libro de Trinitate, capite sexto.

Et licet Scriptura cælestis ad humanam formam faciem diuinam sæpe conuertat, dum dicit; Oculi Domini super iustos: Aut dum odoratus est Dominus Deus odorem bonæ fragrantie: Aut dum traduntur Moysi Ta- bulae scriptæ digito Dei: Aut dum Populus filiorum Israel de Terra Aegypti manu valida, & brachio excel- so liberatur: Aut dum dicit; Os enim Domini locutum est hæc: Aut dum Terra scabellum pedum Dei esse- perhibetur: Aut dum dicit; Inclina aurem tuam, & audi. Et Post. Efficacia igitur ibi diuinæ per men- bra monstrantur: non habitus Dei, nec corporalia lineamenta ponuntur. Nam, & cum oculi describuntur, quod omnia videat, exprimitur. Et quando auris, quod omnia audiat, proponitur. Et cum digitus, significan- tia quedam voluntatis aperitur. Et cum nares, præcui quasi odorum perceptio ostenditur. Et cum manus, quod creaturæ sit omnis auctor, probatur. Et quando brachium, quod nulla natura contra robur ipsius repu- gnare possit, edicitur. Et quando pedes, quod impleat omnia, nec sit quicquam, vbi non sit Deus, explicatur. Neque

Ioan. 1.

Psal. 33.
Gen. 8.
Exod. 31.
Deut. 5.
Isa. 1.
Isa. 66.
4 Reg. 19.

Dixitque Deus.

AnnoMundi
primo.
Die Prima.

- a. Dixit, pro eo quod est, In Sapiencia fecit.
b. Non tantum Pater, sed & Filius, & Spiritus Sanctus, quia eiusdem sunt nature,
& consensus.

Neque enim sunt ei aut membra, aut membrorum officia necessaria, ad cuius solum etiam tacitum arbitrium & seruiunt, & adsunt omnia. Cur enim requirat oculos, qui lux est? Aut cur querat pedes, qui ubique est? Aut cur ingredi velit, cum non sit, quod extra se progredi possit? Aut cur manus expetat, cuius ad omnia instituta artifex est & silens voluntas? Nec auribus eget, qui etiam tacitas nouit voluntates. Aut propter quam causam linguam querat, cui cogitare iussisse est?

a. Dixit, pro eo quod est, In Sapiencia fecit.

GREGORIVS Nyssenus subobscura, & obuoluta narratione, aliam attulit expositionem, atque vocem hanc Dixit, non ad sonum vocis per aërem diffusum, nec ad Verbum æternum, neque ad decretum, seu mandatum, nec ad modum dicendi retulit; sed nimium discrepante à superscriptis sententia, ita eam interpretatus est; Dixit, hoc est, In Sapiencia fecit, quasi quod Sapiencia in rebus conflatis refulgens, vox sit Dei, & verbum, & oratio, quæ ipsius gloriam enarret. In Hexameron enim hæc habet.

Quod autem per rationem sapientiæ virtute Creatoris factum est, de hoc à Moyse, quasi de imperatio sermone Dei, mentio fit, dum ait; Dixit Deus, Fiat lux: & facta est lux. Nam in Deo, secundum nostram quicquid opinione, opus ipsum, oratio cum ratione coniuncta est: quoniam quicquid sit, ratione sit, atque ratione concursione fortuita contingens, atque temerarium nihil quicquam in ijs, quæ à Deo facta sunt, intelligitur: sed credere oportet, unicuique rei, etiam rationem quandam sapientem, pariter & artificiosam insitam, esse, eamque maiorem, quam nos cernere possimus. Verbum igitur illud, Dixit Deus, quoniam orationis cum ratione coniuncta vim significatricem ea vox habet, de Deo conuenienter, ut arbitror, intelligemus, si hoc dictum ad eam, quæ creationi insita est, rationem referamus. Ita enim etiam magnus David tales voces nobis exposuit, cum dixit; Omnia cum sapientia fecisti. Nam verba, quibus creatio rerum fieri imperatur, quæ à Moyse, quasi diuina voce prolata, perscripta sunt, hæc David eam, quæ in rebus factis spectatur, sapientiam, & artificiosum, per concinnam, ratam, constantem, & aptam conuersionem, loco sermonis peritis existat. Quum enim enarrare Cælos, & firmamentum annunciare dixisset, dirigit eos, qui dicta crassius, & imperitiùs intelligunt, & fortassis ex enarratione Cælorum, vocis sonum, & sermonem articulatam acciperent, per ea, quæ dicit. Non sunt loquela, neque sermones, quorum non audiantur voces eorum; ut ostenderetur, quod ea, quæ spectatur in rebus creatis sapientia, oratio sit, etiam si non sit articulata. Item rursus, cum Moyses fusior narrationis quasdam voces Dei ad se editas dixisset in illa mirabili editione signorum, quæ in Aegypto facta sunt, sublimis, & prodigiorum suorum in terra Cham. Nam ratione quadam vim cuiusque eorum, quæ fiunt, effectricem ad effectum deduci aperte per hanc vocem Psalmorum auctor significat, quasi non in verbis oratio sit, sed vis, atque potentia signorum edendorum ita nominetur.

Psal. 103.

Psal. 18.

Psal. 18.

Exod. 9. 10. &

11.
Psal. 104.

b. Non tantum Pater, sed et Filius, & Spiritus Sanctus, quia eiusdem sunt nature & consensus.

DYDIMS Alexandrinus, libro secundo de Spiritu Sancto. Porro Deus simplex, & incompressibilis, spiritualisque nature, neque aures, neque organa, quibus vox emittitur, habet; sed solitaria, incomprehensibilisque substantia, nullis membris, partibusque componitur. Quæ quidem de Filio, & de Spiritu Sancto similiter accipienda. Si quando ergo legimus in scripturis; Dixit Dominus Domino meo. Et alibi; Dixit Deus; Fiat lux: & si qua his similia: digna Deo accipere debemus. Neque enim ignorante Filio, qui Sapiencia, & Veritas est, Pater suam nunciat voluntatem; cum omne quod loquitur, sapiens, verusque subsistens, in sapientia habeat, & in substantia. Loqui ergo Patrem, & audire Filium; vel econtrario, Filio loquente, audire Patrem, eiusdem nature in Patre, & Filio, consensusque significatio est.

Psal. 109.

Gen. 1.

Placitum Auctoris.

Deus in crea-
tione huma-
no more lo-
cutus nō est.

Rom. 4.

Deus quo-
modo nomi-
na rebus im-
posuit.

Hanc farraginem, sententiarumq; cumulum, mihi diu mente volutanti, ac profun-
dius rimanti, illud primo in loco statuendum videtur; non abs re à præstantissimis Patri-
bus Tertulliano, Augustino, Eucherio, Chrysostomo, Iunilio, Isidoro, Ruperto, Basi-
lio, Ambrosio, tanquam erroneam explosam fuisse, (veluti etiam ex præadductis Cate-
nis excipi potest) ac eliminatam assertionem illam, quæ Deum metaphoricè; multoq;
magis eam, quæ ipsum effigiatum plectro linguæ pronunciasse, vt res fierent, Mundum-
que extruxisse asseuerat. Basilius enim (vt interim ceteros prætermittam) & sapius, &
acrius hanc reijcit: nam Homilia quoque tertia, iam assertis superaddit, quod vox pro-
pter auditum est, & auditus propter vocem: vbi autem non est aër, non lingua, non au-
ris, non meatus intortus ad sensum in capite deferens sonos, ac strepitus; ibi neque ver-
borum vsus est, sed ex ipsis intra cor conceptis, vt ita dixerim, cogitationibus, voluntatis
traditio contingit. Præterea, quanquam Deum cum hominibus collocutum esse sa-
pius legatur, nunquam tamen insensili creaturæ verbo, hoc est profusa voce, præcepisse
ex scripturis hauriri potest. Amplius Deum Opificem in Mundi effectiōe cum obser-
uasse modum censendum est, quo & sibi gloria, & Creaturis dona augerentur: Si igitur
rerum cunctarum emolitionem elementari sono confecisset: quid obsecro inde suble-
quutum esset, quo vel ipsi augustior gloria, vel creaturis potiora munera compararen-
tur? Deinde cuiusnam causa externo sermone vti debuit? Non sui ipsius cum peren-
niter omnia in seipso agnoscat; Non Angelorum, quoniam corpora cognata non ge-
runt; aut si habent, vt plerique Patrum senserūt, alterius à nostris conditionis existunt:
quapropter ipsi res, aut conceptus, nō sono externo, sed patefacta tantum voluntate per-
cipiunt; Non hominis, cum nondum plasmatus esset Adam; Non creaturarum, quan-
doquidem nulla ipsis insita erat intelligendi facultas. Superuacanea igitur fuisset ea
humana locutio. Nec illam creaturarum vocationem, de qua Paulus; Vocat ea quæ
non sunt, tanquam ea quæ sunt, voce & sono fieri ipse Apostolus intellexit, sed imperio
tantummodo, ac mandato. Fateor deinde Prophetarum consuetudinem insensatis
externa voce imperandi extasse; verum quod in Mundi structura hoc Deus egerit, infi-
ciari non expauesco. Prophetæ siquidem voce clara creaturis sensu expertibus præci-
piebant, nō propter creaturas ipsas, quasi illæ verba forent percepturæ, sed propter astan-
tes solummodo, vt quanta esset Dei Maiestas, cui insensilia tantum, quantum homines
intellectu præditi, parebāt, & sensibus conspicerēt, & mente consequerentur. Vt autem
Deus in Mundi fabricatione hoc ipsum ageret, nulla profectò suberat alliciens, vel per-
mouens causa. Deum Adamo locutum fuisse effuso in aërem sono, forsitan à vero
non longè abhorret; aderat enim & qui audiret, & qui intelligeret: rursusque cum ho-
mine humano more colloqui dedecens non fuit; sed priusquam gigneretur homo, Crea-
torem ipsum vocali verbo vsum fuisse, ineptum omnino, atque absurdum prorsus est
effingere. Cum vero scribitur, Deum luci, tenebris, firmamento, & ceteris nomina
indidisse; interpretandum est, disposuisse Deum, vt eis nominibus res illæ nuncuparen-
tur, quemadmodum enucleatiùs suo loco declarabitur. Necdum enim vlla aderat lin-
gua, in qua nomina ea formarentur, necdum homo compaginatus erat, vt ea nomina à
Deo veluti à Pedagogo ediceret, ac posteris mandare posset. Quantum ad Ire-
næum, ac Lactantium spectat, existimandum est, eos metaphoris lusisse. Theodo-
retus non asseueranter Deum locutum esse Angelis prodit, sed ex conditione: quasi di-
xerit; si Deus externo verbo fatus esset, non propter creaturas illas, quibus nulla est in-
telligendi ratio, sed propter Angelos id fecisset; vt manifeste cognoscerent ineffabilem
illam Dei maiestatem tanta prorsus, ne dicam maiori sui ipsius gloria, vocare ea, quæ nō
sunt, tanquam ea quæ sunt: sed profundius aliquid Theodoretus fortasse prodere ma-
luit; Deum nempe cum dixit; Fiat lux, decretum de condenda luce, tunc vsque An-
gelis celatum, atque occultum, illis refferasse, ac manifestasse.

Antropomorphitarum, seu Vadianorum hæresis, Deum venustam, ac elegantem hu-
mani corporis effigiem gestare astruens, secundum quam fecit hominem ad imaginem
& similitudinem suam; proluxorem posceret disceptationem, quam prætermittere
operapre-

operæpretium duco, cum omnium Doctorum, & Patrum consensu, ex Ecclesia (& merito) proscripta sit, atq; à Philastrio, Augustino, Epiphanio, Theodoro, Damasceno, Isidoro, Rabbano, in catalogis hæreticorum, dum Vadianorum, seu Antropomorphitarum faciunt mentionem, inter hæreses collocata. Tertulliani sententiam, quã ipse habet de Deo corporeo, ea ductus ratione, quod nihil sit corporis expers, quam innuere visus est libro de Pœnitentia, libro aduersus Hermogenem, libro de carne Christi, & aduersus Marcionem; clariusq; aduersus Praxeam, quamq; ei adscripserunt D. Augustinus de Genesi ad literam, & Fulgentius lib. de Fide ad Petrum, & Gennadius lib. de Dogmatibus ecclesiasticis, ad piam partem flectendam esse arbitror, ut ipse Augustinus libro asserto redigere nititur, cum de ipso ait: Timens ne nihil esset anima, si corpus non esset, nec de Deo valuit aliter sapere: siquidem assererẽ & ego, Tertullianũ his locis, quibus corpus Deo ascire videtur, corpus capere pro substantia, ut aliàs, si Deus dabit, perpenſis singulis eius locis, me demonstraturum polliceor.

Lib. 2.
Lib. 10. c. ult.
Lib. 2.

Quantum spectat ad Lusitanum, qui Deum in venustando Mundo, ac in formando Adamo, & cum sanctis Patriarchis, ac Vatribus colloquutum esse asserit: Num ipse hæresi Vadianorũ faueat, atq; adhæreat, seu qua pia interpretatione à Catholica fide non dissentire videatur; cum interpretabimur locum; Faciamus hominem ad imaginem & similitudinem nostram, disceptabimus. Sufficiatque nobis modò hanc assertionem, ut arduam, ac singularem reiicere; atque id, quod potissimum existimauit argumentũ pro suo astruendo placito, dissoluere. Argumentabatur Lusitanus. Si Deus venit ad auram hora pomeridiana, ut Prothoparentes conueniret, & corpus sibi humanũ comparauit, ac humanam effigiem aptauit, qua & loquebatur, & cernebatur, & cum eis transigebat; cur non etiam modo? Huic percunctationi duobus responsis ego obuiam irem. Primum, vsque adeo exploratum non esse; Num Deus humana effigie sumpta, an imaginaria visione, vel intelligibili expressione Adam sit allocutus. Alterum, quod si in singularem Prothoparentum gratiam id Deus effecit, non æqua aut par est ratio, quod & in Mũdi structura id facere debuerit, quoniam cur id ageret, nulla tũc aderat, quæ postea adfuit causa. In emolitione etenim Mundi nemo astabat, sed post forditum hominem extabat homo, qui humana effigie alliciendus, ac locutione instruendus erat. Verũ de his fusiũs postea. Cæterum pro rerum à nobis dictarum munimine, vnica inferemus D. Hieronymi obtestationem.

Lusitani sententia refellitur.

HIERONYMVS nanque Commentarijs in Psalmum nonagesimum tertium, in ea verba; Non videbit Dominus, nec intelliget Deus Iacob; Intelligite qui insipientes estis in populo; hæc habet.

Qui figulus est, ignorat vas suum? Qui alium facit audire, ergo ipse non audiet? Qui mihi dedit oculos, ergo ipse non videt? Qui auctor est intelligentiæ meæ, ergo ipse non intelligit? Iste locus aduersus eos maxime facit, qui dicunt Deum habere membra, quæ etiam nos habemus. Verbi causa: Dicatur Deus habere oculos: oculi domini respiciunt omnia: manus Dei facit omnia: Et audiuit, inquit, Adam, sonum pedum Domini deambulantis in Paradiso. Hæc simpliciter audiunt, & humanas imbecillitates ad Dei magnificentiam referunt. Ego autem dico, quod Deus totus oculus est, totus manus est, totus pes est. Totus oculus est, quia omnia videt. Totus manus est, quia omnia operatur. Totus pes est, quia ubique est. Ergo videte quid dicat: Qui plantauit aurem non audiet? Non dixit: qui plantauit aurem? ergo ipse aurem non habet? Non dixit: ergo ipse oculos non habet? Sed quid dixit? Qui plantauit aurem non audiet? & qui finxit oculos non considerat? Membra tulit, efficientias dedit.

Gen. 3.
Deum membra habere, quomodo intelligitur.

Reiectis præfatis interpretationibus, duæ aliæ delatæ conciliari facillè possunt; quoniam diuersas, nõ aduersas vel repugnantes eas reputo: immo vsque adeo cõnexas, ut vna ab altera prodeat, & altera alteram insequatur. Perpendendum siquidem est, quod aliud in Deo sit dicere verbum, aliud dicere verbo, seu per verbum. Dicere verbum est gignere Verbum illud æternum, increatum; de quo Dauid; Ego hodie genui te. Et de quo Symbolum; Genitum non factum, consubstantialẽ Patri. Atque hoc dicere, est non est ex natura gignere, sed ex beneplacito, quod in Verbo æterno insitum erat, ut fieret, sancire, ac mandare ut fiat. Quo dicendi genere intelligitur illud; Verbo Domini Cœli firmati sunt, & omnis virtus eorum; Et illud; Ipse dixit, & facta sunt. Et hoc dicere non est tantum Patris, sed totius Sanctissimæ Trinitatis, quandoquidẽ est actus, vt

Psal. 2.
Psal. 32.
Psal. 148.

Anno Mundi
primo.
Die Prima.

Dixitque Deus.

a. Dixit; igitur Deus agens fuit à proposito, non naturale.

ut inquirunt in Scholis, indicatius practici illius intellectus, cum amorem, atq; voluntatis approbationem includat.

V I E L M I V S Lectione nona.

Hoc Dei Dicere, fuit actus indicatius intellectus illius practici cum amore, atque adeo qui essentialiter dicitur; quamobrem Moses ait; Et Dixit Deus: non verò, Et dixit Pater. Dicere Patris gignere est, & est notionale; Dicere Dei (hoc est Trinitatis) commune omnibus personis est, & voluntatis approbationem includit; quæ etsi idam re sit cum intellectu, ratione tamen, siue (ut loquuntur quidam) formaliter ab ea secernitur, & proinde hunc quoque in modum cogimur eorum actus distinguere.

Cap. 5.

D. A V G V S T I N V S de Genesi imperfecto, hanc sublimem Theologiam his eleganter patefecit.

Utrum autem hoc quod dictum est, Filio unigenito dictum est, an idipsum quod dictum est, Filius unigenitus est, quod dictum Dei Verbum dicitur, per quod facta sunt omnia, queri potest: dum tamen illa absit impietas, ut Verbum Dei unigenitum Filium, quasi voce prolatum, sicut à nobis fit, esse credamus. Verbum autem Dei, per quod facta sunt omnia, nec cepit esse, nec desinet, sed sine inchoatione natum Patri coeternum est. Quare hoc quod dictum est, Fiat lux; si & cepit, & desinit dici, magis Filio dictum est hoc Verbum, quam ipsum est Filius: & tamen etiam hoc ineffabiliter.

Consonæ igitur sunt, & in unum congruunt hæ duæ interpretationes: cum altera modum emolitionis Mundi, & causam ad intra in Verbo; altera modum, & effectum ad extra exponant: idemq; sit dicere verbo, quod est mādare, hoc etenim nil aliud prorsus est, quam res, ut fiant, ex eo quod in verbo sunt, ut fiant, & quando fiant, statuere, iubere, atque imperare; Et prima, quod profundius erat, perscrutata est, altera, quod facilius fuit, explicavit. Veruntamen interpretationem illam Chrysostomi, quæ Mosem Vatem rudibus Hebræis hanc de Orbis opificio historiā sub facie humanarum affectionum contexuisse tradit, rejicere, atq; explodere formidarem. Historiæ enim series suo apparatu id demonstrat: siquidem dicere, efficere, videre, nomina indere, quiescere, modi sunt humani. Sed præter hæc arbitror, quod latitante, ac germano suo sensu, aliud etiam Vates contendat. Cæteræ expositiones, quanquam non ita ingeniosæ, neq; præstantissimorum Patrum auctoritate munitæ, meo iudicio nec prædictis sunt repugnantes, nec prorsus rejiciendæ. Consequitur ex his, ornatissimum hunc Mundum pulcherrimum quendam librum esse; locupletem creaturis, tāquam literis; nexu ipsarum, quasi dictionibus; ordine earundem, veluti orationibus exaratum: Vel potius tabellam quandam esse sphericam, conditis rebus quasi notis hieroglyphicis incisam, diuinam sapientiam, potentiam, atq; bonitatem referentibus; de quibus disertissimè in Glossa mystica. Hæc luculentiùs uolui differere, ne tædio inuestigandæ veritatis cuilibet opinioni temerè me succumbere, sed potius pertinaci diligentia veritatem explorare videar.

a. Dixit; igitur Deus agens fuit, à proposito, non naturale.

C A I E T A N V S Commentarijs in Genesim.

Et significat Deum produxisse creaturas, non per modum agentis naturalis (ut sol illuminat, & ignis calefacit) sed per modum agentis à proposito; ut artifex intelligendo, & volendo, efficit artificialia.

P E R E R I V S Commentarijs in Genesim, libro primo.

His accedit, ut intelligatur Deum non esse velut agens naturale, necessitate quadam, & sine cognitione faciens opus suum, sed ratione, consilio, & libera voluntate, lucem, totumq; Mundum condidisse: dicere enim, & iubere, eorum est tantummodo, qui ad agendum & rationem, & consilium adhibent.

Dixitque Deus.

AnnoMundi
primo.
Die Prima.

- a. Inducitur Deus verbo Mundum conflare, vt eius potestas eniteat.
- b. Vel, vt celeritas, & facilitas, qua Deus congeffit Mundum, innotescat.
- c. Siue, vt persona Filij nobis notificaretur.
- d. Dixit ab eterno, quod futurum erat in principio temporis.

a. Inducitur Deus verbo Mundum conflare, vt eius potestas eniteat.

PERERIVS Commentarijs in Genesim libro primo.

Deinde inducitur Deus solo verbo, & imperio efficiens lucem, vt appareat incomparabilis eius auctoritas, & potestas in res omnes, tam quæ sunt, quam quæ non sunt. Ipse enim, vt Paulus ait ad Romanos, vocat ea, quæ non sunt, tanquam ea, quæ sunt, & omnia obediunt ei.

Rom. 4.

b. Et vt celeritas, & facilitas, qua Deus congeffit Mundum, innotescat.

PERERIVS loco præcitato.

Præterea, vt innotescat quanta Deus celeritate, & facilitate, quodcumque vult, perficere valeat: namque infinitis partibus facilius est Deo facere quodcumque fuerit ei collibitum, quam est homini verbo id explicare, vel cogitatione fingere. Rectè igitur Paulus ait: Deum portare omnia Verbo virtutis sue. Ad hoc vt patet, iam fiat, quam sit potens & efficax Dei voluntas: Omnia, inquit Dauid, quæcumque voluit fecit in Cælo, & in mari, & in omnibus abyssis. Et in libro Sapientie de Deo scriptum est. Subest tibi cum volueris posse. Et in Apocalypsi. Tu Domine creasti omnia, & propter voluntatem tuam erant, & creata sunt.

Hebr. 1.
Psal. 135.
Sap. 12.
Apoc. 4.

c. Vel, vt persona Filij nobis notificaretur.

PERERIVS vbi supra.

Ad extremum, vt sic insinuetur secunda persona Sanctissime Trinitatis, quæ est Verbum æternum: nam si dicendo, fecit lucem, & Mundum, ergo per Verbum suum fecit, vt verissimè dictum sit à Dauide: Verbo Domini Cæli firmati sunt; & à Ioanne: Omnia per ipsum facta sunt, & sine ipso factum est nihil. In libro quoque Sapientie, capite nono. Tu Deus fecisti omnia verbo tuo.

Psal. 32.
Ioan. 1.
Sap. 9.

Ingeniose Pererius certè observationes has ex Patrum fontibus hausit, & collegit. Si quis enim non oscitanter, sed accuratè loca Patrum adducta perpendet, eos hæc ipsa animaduertisse, nobisq; deprompsisse cognoscet: Et dignæ sunt certè, vt eas memoria commendemus.

d. Dixit ab eterno, quod futurum erat in principio temporis.

CAIETANVS Commentarijs in Genesim.

Et quamuis diuinum Dicere mensuretur æternitate carente præterito & futuro; humano tamen more loquendo, describitur verbo præteriti temporis, & esse lucis verbo futuri temporis; ad significandum, quod Deus ab eterno dixit, non sit coeterna lux, sed Erit in principio temporis lux. Per hoc enim verbum futuri temporis Erit, insinuauit Moses, quod de principio temporis intenderat, dicendo; In principio creauit, &c. Nec oportet querere mensuram mensurantem dictum Erit; quia illud Erit, non habebat esse nisi in dicere diuino: quamuis nos imaginario tempore, mensuremus Mundum futurum, antequam esset: quum secundum rem nihil fuerit futurum relatiuè ad æternitatem; quoniam æternitati nihil est, aut fuit futurum. Et quemadmodum dicendo; Dixit Deus, declaratur Deus agens à proposito: & dicendo; Erit lux, excluditur coeternitas lucis ad Deum; ita dicendo; Et Fuit lux, significatur efficacia diuini dicere, quod fuit in rerum nature lux imperata; fuit autem in principio temporis, pro quo fore imperata est.

Hanc observationem iam supra luculenter habuimus ex D. Augustino, cæterisq; Patribus, ea interpretatione, qua exponebatur: Dixit non temporaliter, sed æternaliter &c. Sed & hoc loco eam adnotare non indecens existimaui. Quæ autem Caietanus de verbo Erit, differit, & contemplatur secundum suæ translationis seriem; ea ipsa de verbo Fiat, considerare possumus.

AnnoMundi
primo.
DiePrima.

Dixit, Fecit, & Vidit.

- | | |
|---|--|
| a. Ut indicetur Auctor, ars, & causa rerum. | d. Siue, ut insinuetur Sancta Trinitas. |
| b. Vel, ut denotetur imperium, potentia, & benignitas Dei opificis. | e. Dixit ex quo omnia, Fecit per quem omnia, Vidit in quo omnia. |
| c. Seu, ut commendetur auctor Deus, à facilitate operandi, à dispositione, ab approbatione. | f. Dixit, Fecit, Vidit: excelsius dicto illo; Veni, Vidi, Vici. |

a. Ut indicaretur Auctor, ars, & causa rerum.

AUGUSTINVS de Ciuitate Dei libro vndecimo, capite vigesimo primo.

Tria quedam maximè scienda de creatura nobis oportuit intimari; quis eam fecerit, per quid fecerit, quare fecerit: Deus dixit, inquit, Fiat lux, & facta est lux; & vidit Deus lucem, quia bona est: Si ergo querimus, quis fecerit, Deus est. Si per quid fecerit, dixit, Fiat, & facta est. Si quare fecerit, quia bona est. Nec Auctor est excellentior Deo, nec ars efficacior Dei Verbo, nec causa melior, quàm ut bonum crearetur à bono Deo. Prosper in Sententijs eadem habet, ut post deducemus.

b. Ut denotaretur imperium, potentia, & benignitas Dei opificis.

AUGUSTINVS de Genesi imperfecto, capite quinto.

Quid enim conuenientiùs de Deo dicitur, quantum inter homines dici potest, quàm cum ita ponitur, Dixit, Factum est, Placuit: ita ut in eo, quod dixit, imperium eius intelligatur: in eo quod factum est, potentia: in eo quod placuit, benignitas: Sicut ineffabilia per hominem hominibus; ita ut omnibus prodesse, dici debuerunt. Et diuisit Deus inter lucem, & tenebras.

c. Ut commendaretur auctor Deus, à facilitate operandi, à dispositione, ab approbatione.

HVGOCARENsis in Postillis.

Commendatur autem auctor Deus à facilitate operandi, ubi dicitur; Dixit: à dispositione, ubi dicitur: Fiat lux: ab approbatione operis: ubi dicitur, Vidit Deus.

Cum verò in operandi facilitate eniteat immensa potentia, in dispositione sapientia, in approbatione bonitas, commendatur certè auctor Deus iuxta ea attributa, quæ ad sanctissimas spectant Personas. Quapropter in his præfatis verbis emicat, & cognitio sacratissimæ Trinitatis.

d. Ut insinuetur Sancta Trinitas.

AUGUSTINVS de Genesi ad literam, libro primo, capite sexto.

Et in conuersione, atque perfectione creature, ut rerum species digerantur, eadem Trinitas insinuat: Verbum Dei scilicet, & Verbi Dei generator, cum dicitur; Dixit Deus: & sancta bonitas, in qua Deo placet, quicquid pro sue nature modulo perfectum placet, cum dicitur; Vidit Deus, quia bonum est.

Id ipsum repetit de Ciuitate Dei libro vndecimo, capite vigesimo quarto. D. Thomas prima, quæstione septuagesima quarta, articulo tertio, ut infra.

e. Dixit ex quo omnia, Fecit per quem omnia, Vidit in quo omnia.

AMBROSIVS Hexameron libro primo, capite quinto: si non clarè, saltem subobscurè hanc obseruationem nobis insinuauit, cum dixit.

Quoniam ex ipso, & per ipsum, & in ipso sunt omnia. Ex ipso, principium & origo substantiæ vniuersorū, id est, ex voluntate eius, & potestate. Omnia enim ex eius voluntate ceperunt, quia vnus Deus Pater, ex quo

Fiat Lux, & facta est Lux.

- a. Id est, Sit lux, & fuit lux.
b. Sive, Erit lux, & fuit lux.
c. Vel, Fiat lux, & facta est lux.

quo omnia. Etenim tanquam ex suo fecit: quia unde voluit fecit. Per ipsum continuatio, finis in ipsum. Ex ipso ergo materia, per ipsum operatio, quæ ligavit, atq; constrinxit universa. In ipsum, quia quando, & quandiu vult, omnia in eius virtute manent, atque consistunt & finis eorum in Dei voluntatem recurrit, & eius arbitrio resolvuntur.

Porro si à Patre, ex quo omnia, mandatum venit, certè ipse dixit; si à Filio, per quem omnia, operatio manavit, certè ipse fecit; & si à Spiritu Sancto, in quo omnia, consistèntia rerum prodijt, certè ipse vidit, quod bonum.

f. Dixit, Fecit, Vidit: excelsius dicto illo, Veni, Vidi, Vici.

Mirantur Mortales Cæsaris illud asyntheton; Veni, Vidi, Vici, quo summam celeritatem, atq; felicitatem in prostrandis hostibus, comparandaq; victoria notificare voluit. Verum longè magis nos admirari decet hoc in rerum ipsarum effectione de Deo Opificè dialyton, Dixit, Fecit, Vidit; cum his verbis non tantum in rerum productione celeritatem, & felicitatem, sed potentiam quoque, sapientiam, ac bonitatem in admirabili hac construenda Orbis machina demonstratas intelligamus. Quo quid mirabilius? quid excelsius? quid sublimius?

Fiat Lux, & facta est Lux.

Hebraica Lectio Iehi or, & Vaihi or, habet, & cum Haia verbum esse, & fieri significet, hinc contingit, ut plures sint lectiones.

a. Sit Lux, & fuit Lux.

Chaldaica editio dixit; Sit lux, & fuit lux. Hanc sequutus est Vatablus: R A B B I N I Adnotationibus in Genesim. Fiat Sit, aut Existat. Sic in sequentibus vertendum est.

b. Erit Lux, & fuit Lux.

C A I E T A N V S.

Iuxta Hebræum habetur; Erit lux, & fuit lux.

L V S I T A N V S

in Adnotationibus in caput primum Geneseos. Licet in Hebræo indicatini sit futurum ichi, scilicet erit, optime tamen à nostris per imperativum redditur, Sit lux; peculiare enim est Hebræis huiusmodi & modi, & temporis commutatio. Si tamen futurum teneris, sensus est; Erit lux, scilicet statim post verbi Dei prolationem.

c. Fiat lux, & facta est lux.

Septuaginta γινώσκο φῶς, καὶ ἐγένετο φῶς, hoc est, Fiat lux, & facta est lux. Editio vulgata: Fiat lux, & facta est lux. Hanc esse non tantum probam, sed probatiorem, contendunt Doctores nostri, ij qui literæ Pedagogiam libentius rimantur.

S T E V C H V S

in Genesim caput primum.

Ubi noster Hieronymus vertit, Fiat, & Septuaginta γινώσκο, Hebraice est, Iehi, id est Sit. Quamquam id minimi momenti sit; sed nos adnotavimus, ut ne minima quidem prætergrederemur: & ut eos rideamus, qui carpunt hoc loco editionem Hieronymi, quod verterit Fiat, quod esset interpretandum Sit. Hi ne latinas quidem literas tenere videntur: quandoquidem Esse, & Fieri, sepe idem apud nos significet, sicut apud Græcos γίνεσθαι.

Anno Mūdi
primo
Die Prima.

Fiat Lux, & facta est Lux.

a. Hebraica vocula Or, lux, & lumen significat.

V I E L M I V S Lectione nona.

Gen. 27.
Psal. 103.

Etsi enim Hebraei Iohi, indicatiui modi esse velint, ac temporis futuri, docti tamen pro imperativo capi ab eis testantur. Quapropter editio Chaldaea, quam sequitur Vatablus, habet, Sit lux. Sed nostra probatior existimatur à Septuaginta, & praeclaris translatoribus permultis; & sanè grandior est. Etenim Fiat, lucis nouitatem disertius exponit, quàm Sit, aut Erit; quoniam haec solent ad permanentiam verum non raro etiam referri. Quare interdum voces confirmantis habentur, vt cum Isaac de filio ait; Benedixique ei, & erit benedictus. Et Dauid. Sit gloria Domini in saeculum. Sed & interdum verbum Sit, permissiue (vt loquuntur) & Erit, prænunciatiue praeerea vsurpantur.

Ethæc quidem bene delata existimo. Sed id meo iudicio parum ad rē interest, cum Haia verbum promiscuè (vt dixit etiam Lippomanus) & esse, & fieri significet.

a. Or, Lux, & Lumen.

Hebraica lectio est, Iehi Or, vahi Or; & vox Or, significat lux, & lumen. Septuaginta dixerunt pro Or, φως, idest lumen. Latinae editiones reddidere Lux.

STE V C H V S in Genesim.

Nihil verò refert, quòd Septuaginta verterint pro Luce, φως, idest lumen; neque enim in sacris literis est distinctio illa Philosophorum, lucis atque luminis: quòd lux, quasi mater luminis, & procreatrix sit; lumen verò id quod ab ea efficitur; de qua re & Albertus non semper malus auctor scribit; Lumen irradiationem esse defluentem à substantia lucis: lucem verò fontalem substantiam; quod idem & Lynconiensis super Dionysium docet. Hebraicum certè verbum vtrunque exprimit, Or, idest lux, aut lumen.

De Genesi Lucis.

Primaria omnium, ac praeclarissima die Solis, quæ nobis Dominica dies facta est, Lucis genesim habemus. Hæc primigenia est omnium creaturarum, quæ post Chaos marnarunt. Verùm mox vt lucem audio enascentem, auicularum more, quæ roscidam, rutilantemq; Auroram garrulo cantu excipiunt, & concentu læto saluant, in eius contemplatione raptus, ad ipsius præconia celebranda pmoueor, impellorq;. Sed vnde exordiar? Hæret siquidem dubia, & cunctans oratio, nec quidem tenebras peruagari metuit, sed coruscantissimis ipsius lucis radijs opprimi reformidat; cuius ego fulgore, & gloria perterritus, quid prosequar non conspicio. Video tamen nil humanis oculis iocundius, nil exhilarandis mœrore affectis mentibus efficacius, nil humanis vsibus, atque negocijs aptius, nil denique in toto Orbis opificio luce præstantius comperiri. Hac colores partent; hac albescunt, rubescunt, virescunt, pallescunt, nigrescunt vniuersa, sicuti econtrà tenebris cuncta delitescere non ignoramus. Dixit profecto & non iniuria sapiens ille; Nox abstulit atra colores.

Lucis encomia.

Luce siquidem, species, ac simulachra rerum deteguntur. Hac emicant Sydera, claret Luna, fulget Sol, venustatur Cœlū, rubescunt nubes, candescit aër, nitefcit aqua, rotusq; Orbis decoratur. Huius beneficio in terra pullulant germina, florescunt plantæ, exurgunt rami, dilatantur flores, producantur fructus, virescunt colles & campi. Hac in imo, latenteque terræ vtero procreantur omnia metallorum genera, lapides conglutinantur. Hac tandem gignuntur, fouentur, exhilarantur cuncta, quemadmodum econtrà in horrendis tenebris marcescunt, frigescent, ac mœrent. Quapropter luce nil pulchrius, nil sublimius, nilq; suauius, in tota hac Mundi machina comperiri posse, omnes passim confitentur; adeoque adoleuit eius existimatio, vt tantò præstantiorem, eminentioremq; dignitatem singula quæq; nanciscantur, quanto maiori lucis nitore pol-

pollere conspiciantur. Cœlum Empyreum ob id super omnes cœlos sublimius cense-
tur, quoniam perenni luce præfulget. Inter astra Sol omnia excellit sydera, nam ipse, vt
lucis fons, non tantum obruit ea suo fulgore, sed illis continuè splendorem impertitur:
stella quanto clariori luce perfunditur, tãto etiam nobiliori excellentia reliqua antece-
dit. Quare & Lucifer tanquam cæteris præstantior suspicitur, quod mirifico luminis
decore fulgeat. Luna quando plena est, quid ea iocundius? cum vero à Sole auertitur,
seu Eclipsi obtenebratur, quid amplius pulchri, quid decori, quidve in ipsa iocundi resi-
det? Inter elementa quoque, ea digniora, & acceptiora existimantur, quæ splendidiori
luce imbui conspiciuntur, ita vt ignis explendescens, noctisquæ tenebras fugans, princi-
pem locum obtinuerit. Aër subinde, si nitidus, summam certè affert mortalibus iocun-
ditatem; at si nubibus, aut caliginibus vndique circumfusus existat, mœrorem non mo-
dicum incutit. Vsq; adeo iocunda est lux, atque amabilis (dixit Plutarchus) vt nihil
eorum, quæ natura voluptatem afferunt, absque luce cupiat animus noster in tenebris.
Inde illa blandiloquæ voces, lux vaga, lux præclara, lux rosea, lux pura, lux cara. Aqua
tandem, dum nitida ac limpida candescit, quàm grata? cum vero turbida est, cœnosa,
lutoque commixta, quàm horrens? Ex cunctis, quæ in terræ visceribus procreantur, la-
pidum generibus, ea gemmarum nomen, ac dignitatem sortita sunt, quæ nitidiora emi-
cant, ac lucent; quantoque splendidiora, tantò pretiosiora censentur. Inter metalla,
argentum, & aurum; inter sensus, oculi ex eo illustriorem locum sibi vendicarunt, quod
lucem magis præferre videantur. Sed quid diutius immoror? Ita lucis dignitas con-
ualuit, vt spirituales substantiæ, mens nostra videlicet, Angelus, & quod summum est,
Deus ipse optimus maximus, cum nobis inuisibilia minimè nisi metaphoricis vocibus
explicari queant, non aptius quàm lucis symbolo exprimantur. Nam Sol tripliciter
exurens montes, Diuina essentia à Sapiente nuncupatur: Lucis nomine, Angelos venire
contendunt Augustinus, plurimiq; ex Patribus; Lumen vultus Dei, Animam nostram
Propheta Regius appellat, dicens; Signatum est super nos lumen vultus tui, &c. Quid
amplius? Nonne & Gloria illa sempiterna, ac Gratia uiuificans, supereminetissima
summi largitoris dona, lucis nuncupatione designantur? Illa lucis perpetuæ encomia
sibi præripuit; Lux perpetua lucebit sanctis tuis Domine: Hæc lucis diuinæ nomen
promeruit; Emitte lucem tuam, & ueritatem tuam. Ac demum, nonne & Christus ip-
se fons totius gratiæ, & gloriæ perennis, sibi ipsi hoc lucis honestissimum nomen ascrip-
sit? Ego sum, inquit, lux Mundi. Et de eodem, nonne & Apostolus eius testatur: Erat
lux uera, quæ illuminat omnem hominem venientem in hunc Mundum? Quemadmo-
dum autem, nil luce eminentius, amabiliusue; ita è diuerso, nil prorsus tenebris horri-
bilius, nil despiciatius excogitari valet: præcipuè cum & Scriptura Sacra Dæmonem,
Peccatum, Mortem, Infernum, & si quid magis horrendum comperiri potest, tenebra-
rum symbolo explicat: De Dæmone Apostolus ait; Siquidem non est nobis collucta-
tio aduersus carnem, & sanguinem, sed aduersus Principem tenebrarum harum. Mor-
tem, & Peccatum, tenebras Zacharias appellat: Illuminare his, qui in tenebris & um-
bra mortis sedent. Infernum pariter Saluator; Proijcite eum in tenebras exteriores,
ibi erit fletus, & stridor dentium. Quapropter, & is Dei mos fuit; vt horrorem incu-
tiens, tenebras immitteret. Tenebræ liquidem opacarunt Aegyptum in morte primo-
genitorum: tenebræ super vniuersam terram effusæ sunt in Redemptoris nostri lugu-
bri, ac miseranda morte: tenebræ tandem in consummatione sæculi Vniuerso oſun-
dantur, cum funestis illis diebus Sol obscurabitur, Lunaque madido cruore aspersa ap-
parebit. Quid igitur mirum, si præstantissimum opus, præstantiorem etiam, præclario-
remque diem scilicet primum, dominicumque surripuerit.

Eccles. 43.

Psal. 4.

Psal. 42.

Ioan. 8.

Ioan. 1.

Ephes. 6.

Luc. 1.
Matth. 22.

Exod. 10.
Matth. 27.

Matth. 24.

Quorsum Deus Orbis venustationem à Luce cæperit.

Lucis emanatio, cum ad indagandam lucis naturam nos rapiat, non vespertilionis
certè, sed aquilæ perspicua acies, qua diuturno intuitu eam contemplerur, desuper
imprecanda est. Lux igitur illa beatissima repleat cordis intima, vnde lucis genesim,
quam Moses Spiritus Sancti afflatu nos edocuit, consequar, & depromam. Ad histo-
riam

Anno Mundi
primo.
Die Prima.

Fiat Lux.

Lux primò omnium condita est.

- a. *Quòd lux cunctas res dignitate præcellat.*
b. *Vel, Quòd Deus lux beatissima non debuerit, nisi lucem primùm effundere.*

riam autem de lucis genitura explicandam, præinuestigare necessarium duco, quorum Deus à luce, Mundi opificium, seu perfectionem Chaos sit auspicatus.

Quanam siquidē ratione Deus in eo horrido, squalentiq; Chaos, lucē primùm produxerit, non vnam, sed plures, easq; contēplatione dignissimas causas Patres retulerunt.

a. *Quòd lux cunctas res dignitate præcellat.*

D R A C O N T I V S Hexameron, seu de Opere sex dierum, libro primo, ut vnum saltem præclarum Poëtam lucis encomia celebrantem non prætermittam, lucis laudes, & munera his decantauit.

Prima dies lux est terris, mors vna tenebris,
Lux datur ante polum, lux claræ causa diei,
Lux iubat æthereum, lux noctis limes & umbræ,
Lux facies rebus cunctis, & lux elementis,
Lux genitis, factisque calor, lux gratia solis,
Lux decus astrorum, lux aurea cornua Lune,
Lux fulgor Cæli, lux & primordia Mundi,
Lux splendor flammæ, lux magni temporis index,
Lux honor agricolis, requies lux omnibus agris,
Lux opus auctoris primum, candorque pudoris,
Lux enī, medijs dat lux quoque tempora metis:
Qua bene constructa, Mundi primordia lucent.

L A V R E N T I V S Iustinianus Protopatriarcha Venetæ Urbis illius libertate incorrupta insignis, Libello de Humilitate, capite vigesimo secundo.

O bona lux in te decora, per te amabilis, ex te desiderabilis: quis tuas valet explicare laudes, tuæque enarrare præconia? quis tuas potest virtutes pandere, necnon tuos multiplices referare effectus? Te namque absente discurrunt latrones, domos inuadunt fures, syluestres fera lustra propria deserunt, catuli leonum per nemora, & solitudines, deambulant rugientes, ut quærant escam sibi: homines verò ratione prentes in suis recluduntur habitaculis, & veluti inutiles conquelescunt, si tuo careant medio. Porro sine te proditioes fiunt; perpetrantur adulteria, & scelera nefandissima peraguntur; te verò coruscante, te claritatem tuam per Orbem diffundente, patent omnia, agnoscuntur singula, vniuersaque more suo exultare videntur: Iter inchoatum viatores arripiunt, spem agri assumunt & vires: egrediturque vnusquisque securè, & intrepidè ad opus suum; usque ad vesperam; socialiter viuit, fiducialiter conuersatur, hilariter se manifestat, & procedit ad publicum: palam loquitur, & tanquam rationale animal negocia sua pertractat.

b. *Quòd Deus lux beatissima, non debuerit nisi lucem primùm effundere.*

D R A C O N T I V S Hexameron, seu de Opere sex dierum, libro primo.

Clarus vbique Deus, nunquam mutabilis auctor,
Quem non obscurant quacunque ex parte tenebræ,
Nec celantur ei, quæcunque obscura geruntur;
Principium factis lucem dat lucis origo,
Quæ Mundo vita præmissa est principe luce,
Quæ totum præcessit opus, quod continet orbis,
Quæ Solis præcūnit iter, Lunamque coruscant.

Fiat Lux.

a. Quòd Lux specimen foret, & decus Vniuersi.

GREGORIVS Nazianzenus Oratione in nouam Dominicam, quæ est quadragesima tertia.

Cum Deus hunc ex visibilibus, & inuisibilibus rebus constantem Mundum, hunc, inquam, magnum, & admirabilem maiestatis suæ præconem fingere, ac construere voluisset, æternis quidem nullum aliud lumen, quàm seipsum præbuit; (quid enim secundo lumine opus ipsi erat, qui maximum habebant?) inferioribus autem, atque humanis primam huius luminis vim protulit. Conueniebat quippe magno lumini, opificium suum à lumine auspiciari; quo tenebras, vastamq; illam rerum congeriem, & confusionem omnia occupantem, soluit, ac depulit.

NICETAS coloco.

Adhuc in sermone de lumine commoratur, aitq;: Mundus intellectibilis, ac spiritualis, à Deo creatus, ipsum Deum lumen maximum habebat: ac proinde nihil erat, cur secundum lumen requireret. At rebus inferioribus, & circa nos positis, ante alia luminis huius sensibilis vim, & facultatem produxit. Conueniebat enim magno lumini, hoc est, Deo, inferiora ista efficere paranti, non aliunde opificij sui principium, quàm à lumine ducere; quo & tenebras soluit, ac vastam congeriem, & confusionem, omnia prius occupantem. Luce quippe nondum creata, inconditum erat hoc Vniuersum, atque inordinatum.

AMBROSIVS Hexæmeron libro secundo, capite nono.

Erat quidem Deus ipse in lumine, quia lucem habitat inaccessibilem: & erat lumen verum, quod illuminat omnem hominem venientem in hunc Mundum. Sed etiam lucem fieri voluit, quæ oculis corporalibus comprehendere.

Ioan. 1.

IVNILIUS Apher in Genesim id ipsum sentit.

Congruit operibus Dei, vt Mundi ornatum à luce incipiat: qui cum ipse sit lux vera, lucemque habitat inaccessibilem, cuius beatissima visione mox creati in Cælis Cælorum Angeli iam perfrui cæperant: apte huic quoque sæculo ornando, primam materialis gratiam lucis donauit, vt esset vnde cætera quæ crearet, apparerent.

1. Timoth. 6.

a. Quòd lux specimen foret, & decus Vniuersi.

GREGORIVS Nazianzenus Poëmate de Virginitatis laude, pereleganter id sic expressit.

Omnia nox quondam tenebris horrenda tegebat,
Non erat Auroræ splendor, non Phœbus Eois
Partibus exorients currus agitabat equorum:
Gloria nec noctis radiabat in æthere Phœbæ:
Sed confusa simul temerarius omnia motus
Volvebat, grauib; tenebrarum vincula catenis,
Quas Chaos antiquum toto diffuderat Orbe.
At tu consilio parens bone Christe paterno,
Singula sede sua rectè discreta locasti.
Condita principio lux est, vt gratior esset
Tota operis moles iucundo lumine fulgens.

NICETAS loco supra asserto, hoc Nazianzeni placitum his memorat.

In Orat. 43.

Et dixit Deus, Fiat lux: Quid causæ sit, cur Theologus Deum opus suum à lumine auspiciatum esse dicat. Quod etiam non hoc tantum loco dicit, sed in Poësi quoque sua, in qua ita cecinit.

Principio lumen summus moderator Olympi
Fecit, ut accessu lucis iucundior esset
Tota operis magni facies: at postea Cælum
Sydereum, facinus mirabile, duxit in orbem.

AMBROSIVS Hexæmeron libro primo, capite nono.

Qui ædificium aliquod dignum habitaculo patrisfamilias struere desiderat, antequam fundamenta ponat, vnde

Anno Mundi
primo.
Die Prima.

Fiat Lux.

Lux primò omnium condita est.

- a. Quòd Cælum primùm ante Terram exornandum esset.
- b. Vel, quòd communis sit Lux, tùm superioribus, tùm inferioribus corporibus.
- c. Sine, quòd Lux sit generale instrumentum causarum Cælestium.

unde lucem ei infundat, explorat : & ea prima est gratia ; quæ si desit, tota domus deformi horret incultu.
Lux est, quæ reliquos domus commendat ornatus.

Glossa Locupletata idipsum habet.

D A M A S C E N V S Orthodoxæ Fidei libro secundo, capite septimo.
In principio igitur Deus fecit lucem ; idest ; prima die pulchritudinem , & ornamentum omnis visibili creaturæ ; aufer enim lucem, & omnia in tenebris ignota manebunt , propriū non valentia demonstrare decorē.

a. Quòd Cælum primùm ante Terram exornandum esset.

Sensere alij Deum primò lucem produxisse, quòd ex duobus propositis, Cælo & Terra, Cælum, vt excelsius, primùm exornandum esset.

D. T H O M A S Quæstione sexagesima septima, articulo quarto.
Necessarium autem fuit, vt informitas tenebrarum primò remoueretur per lucis productionem , propter duo : Primò quidem, quia lux, vt dictum est, est qualitas primi corporis ; vnde secundum eam primò fuit Mundus formandus.

b. Quòd communis sit lux, tùm superioribus, tùm inferioribus corporibus.

D. T H O M A S vt supra loco asserto.

Secundò propter communitatem lucis : communicant enim in ea inferiora corpora cum superioribus. Sicut autem in cognitione proceditur à communioribus, ita etiam in operatione : nam prius generatur viuum, quàm animal : & animal, quàm homo ; vt dicitur in libro de Generatione animalium . Sic ergo oportuit ordinem diuinæ sapientiæ manifestari, vt prima inter opera distinctionis produceretur lux, tanquam primi corporis forma, & tanquam communior.

L Y R A N V S In Postillis.

Quia lux est qualitas communis, in qua corpora cælestia communicant cum inferioribus : vt pote cum igne, & cum aliquibus corporibus mixtis, quæ lucida sunt ; & quia secundum istam expositionem distinctio rerum accipitur secundum qualitates, & proprietates accidentales : ideo conuenienter inchoatur à luce, quæ est qualitas communis, sicut in generatione naturali, inchoatio fit à communioribus formis ; quia secundum Philosophum, embrio prius viuit vita plantæ, postea animalis, postea hominis, vel leonis, & huiusmodi . Et primo, Physic. dicit Philosophus, quod à communioribus est incipiendum via doctrine ; sicut pueri in principio vocant omnes viros patres, & omnes feminas matres, postea distinguunt .

c. Quòd lux sit generale instrumentum causarum cælestium.

S T E V C H V S, qui lucem primo die effectam, Solem ipsum fuisse arbitratum est, rationem hanc his detulit in Cosmopœia, in primum caput Genesis.

Hunc primum ex acervo debuit auctor producere, cuius illuc incubuisse prudentia cernitur, vt ante particulares effectus, vniuersales causas excogitaret . Sicut autem vnde cuncta depromeret, terram & aquas, primas iecit : sic quòd aërem, animalia, plantas conderet, Solem istarum rerum præmisit genitorem. Deus, Sol, & Homo, gignunt hominem. Deus, quia Solem hominemq ; primum creauit, à quo tota proles semen traxit, Sol, quia fouet, alitq ; terras. Sic Leonem, Deus Sol, & Leo, tres causæ generant : sic item in plantis, Deus, Sol, & palma, gignunt palmam. Hæc igitur, cum rerum omnium terrestrium prima causa sit, sine qua nasci fieriq ; nihil potuerit, debuit prima omnium fieri, vt eius auxilio cetera fierent.

V I E L M I V S Lectione nona, hanc secundo loco non reticuit, & cum tertia à nobis adducta connexit.

Deinde quòd Cælo, & Terra, corporibusq ; reliquis, necessarium, ac firmum præsidium sit ; ea namq ; omnia

Fiat Lux.

Lux primò omnium condita est.

- a. Quòd sine luce cætera conspici nequeant.
b. Vel, quòd dies sine luce esse non poterat.

indigent, sicut & motu Cælorum, vt proinde lucis cuncta participia sint, & eorum commune bonum, hæc sit commune decus, & ornamentum, vt admirari nemo propterea debeat, si singulorum corporum propria ornamenta, iussa est ab Opifice anteire.

PEREGRIVS Commentarijs in Genesim, vti has ferè omnes non prætermisit causas, ita expressiùs hanc sic declarat.

Et lux generale, principaleque instrumentum causarum Cælestium, quo vis omnis syderum, omnisque defluxus, & effectus ad nos defertur, ex quo vno fit in hoc nostrate Mundo, quicquid à Cælo fit.

a. Quòd sine luce cætera conspici nequeant.

AMBROSIVS primus hanc insinuauit causam, Hexameron libro secundo.

Vnde vox Dei in scriptura diuina debuit inchoare; nisi à lumine? Vnde Mundi ornatus, nisi à luce exordium sumere? Frustra enim esset, si non videretur.

ANSELMVS Laudunensis in Glossa Interlineari.

Bene ab æterna Luce prius fit temporalis lux; vt per eam cætera viderentur.

GLOSSA Ordinaria.

Si autem primo die corporalis lux facta est, congruè Mundi ornatus à luce inchoatur: vnde cætera, quæ creanda erant, viderentur.

MAGISTER secundo Sententiarum, distinctione tertiadecima.

Congruè Mundi ornatus à luce cœpit: vnde cætera, quæ creanda erant, viderentur.

D. THOMAS Quæstione citata, hanc ipsam D. Basilio attribuit.

Basilius tamen posuit tertiam rationem, quia per lucem omnia alia manifestantur.

LYRANVS in Postillis.

Distinctio non apparet nisi per manifestationem, omnia autem per lucem manifestantur; & ideò distinctio incipit à luce.

TOSTATVS in Postillis.

Distinctio rerum est ad manifestationem earum: manifestatio autem sine luce non fit, cum omnia in luce demonstrantur.

VIELMIVS Lectione eadem nona.

À lucis formatione ideò inchoauit, quòd ea conspiciantur, manifestenturque cætera omnia corpora, atque illa subtrahit cæca sint omnia; & vix quidpiam sit, quod possit ornamentum dici.

b. Quòd dies sine luce esse non poterat.

D. THOMAS Quæstione asserta, hanc quarto loco deduxit.

Potest & quarta ratio addi, quæ in obijciendo est tacta, quia dies non potest esse sine luce: vnde oportuit in prima die fieri lucem.

LYRANVS in Postillis.

Dies non potest esse sine luce, ideò lucem oportuit fieri prima die.

TOSTATVS in Postillis, in secunda expositione.

Fiat lux. Incepit distinctio rerum à luce, & est ratio, quia volebat Deus rerum distinctas productiones, & ornatus diuersis diebus coaptare. Dies autem sine luce esse non potest; ideò eam in prima die fieri decuit: immo, vt verius loquamur, primam diem à luce incipere necesse fuit.

VIELMIVS Lectione dicta.

Hic adde, Dies absque luce esse non posse; & tamen decreuerat Deus sex dierum intervallo, omni quaque Mundum absolueret: etenim aut nocte, aut in tenebris operari non placet: quamobrem Dominus Ioannis duodecimo, & D. Paulus ad Romanos tertio decimo, ad Ephesios quinto, grauiter tenebras insectantur, quòd mirum sermone arcano ignorantias, & peccata designant.

AnnoMundi
primo.
Die Prima.

Fiat Lux.

Lux primò omnium condita est.

a. *Vt ediscant mortales, opera in luce esse peragenda.*

a. *Vt ediscant mortales, opera in luce esse peragenda.*

H V G O de Sacramentis, libro primo, capite octauo.

Ioan. 3.

Incipiens ergo Deus opera sua, vt perficeret; primum fecit lucem, vt cetera omnia postmodum faceret in luce. Significauit enim nobis, se non amare opera, quæ in tenebris sunt, quoniam mala sunt. Quia omnis qui male agit, odit lucem: & non venit ad lucem, vt non arguantur opera eius, quia mala sunt. Qui autem facit veritatem, venit ad lucem, vt manifestentur opera sua, quia in Deo sunt facta.

A V C T O R.

Causæ octo,
cur Deus lu-
cem ante om-
nia effecit.

Quare Deus principi illo, insignique die Solis, qui nobis Dominicus effectus est, ante omnia lucem produxerit, ex prænarratis Patrum contemplationibus causas octo desumpsimus. Expetebat hoc siquidem lucis excellentia. Deinde lucis ipsius superexcellens auctor, qui cum lux sit inaccessibilis, non nisi lucem primum proferre poterat. Amplius, quoniam ipsa specimen erat Vniuersi. Deinde quod Cælum vti nobilius, celsiusque, primo foret exornandum. Rursum, quia lux efficacissimum est secundarum causarum instrumentum. Insuper quod sine luce procreanda conspici non potuissent, atque etiam quia sine luce dies consistere nequisset. Tandem, vt monumentum nobis esset, opera in luce esse perficienda. Quæ omnes causæ ex se adeò insignes sunt, vt reijci non possint. Hoc vnum attamen animaduertendum; si quis lucem ornamentum Cœli, seu instrumentum ex eo asserat, quasi lucis nomine Solem capiat, & Sole ministro, vel causa, Mundi venustationem effectam arbitretur, vt Steuchus, & nuperi quamplures æstimarunt; hunc à doctrina priscorum omnium Patrum valde recedere, à veroq; delabi: vt post demonstraturi sumus. Animaduertendum etiam, postremam ab Hugone deductam rationem, non literalem, sed tropologicam prorsus esse existimandam.

Quidnam fuerit lux primo die condita.

Vetustam, grauem, arduamque controuersiam, iamdudum inter priscos Patres, & post inter Theologos contentiosè agitatam, necdum diffinitam aggredior: Quænam fuerit lux ea primo die à Deo effusa. Bipartitaque est hæc difficultas, ac controuersia. Inuestigandum enim est primo; Nū illa lux spiritualis, vel corporalis fuerit. Rursum, si corporalis; Quænam fuerit.

Classis Patrum, lucem eam priscam spirituales, hoc est Angelum, fuisse obtestantium.

Celeberrima est ea D. Augustini sententia de Ciuitate Dei libro vndecimo, capite septuagesimo: & lib. nono, cap. decimo nono, & vigesimo; & de Genesi imperfecto cap. quinto, & de Genesi ad literā, lib. primo, à cap. decimo, ad vigesimū; & lib. quarto à cap. vigesimoprimum, ad vigesimū octauū; & cōtra Faustū lib. duodecimo, cap. decimo; & contra Aduersariū legis, & Prophetarum, lib. primo, capite vndecimo, & duodecimo: ac pluribus alijs in locis prolixè, constanterque prodita; quæ lucis vocula, Angelum ad Deum conuersum; tenebrarum & lucis diuisione, bonorum à malis discretionem; Dei nomine, Angelicam cognitionem; septem diebus, septemplex Angelorum apprehensionem;

Sententiæ.
huius funda-
menta.

Psal. 148.

Iob. 38.

hensionem; Vespere, & Mane dictionibus, duas eius apprehensionis species, Matutina in Verbo, Vespertina in seipsis capit, atque explanat. Potissima verò huius sententiæ fundamēta, vt ex multis Augustinianis elucubrationibus decerpere potui, tria esse cōperio. Primum illud est; In narratione genesis Mūdi, creatio Angelorū prætermissa non est: vel igitur Cœli, vel lucis nomine est significata. Prætermissam autē non esse argumentum est, quòd Deus die septimo requieuit ab omni opere quod patrarat, & ante Cœlum, & Terram, nullum opus peregerat, quia in principio, hoc est ante omnia, fecit Cœlum & Terram. Cū autē Angeli opus sint Dei, vt euincitur ex hymno trium Puerorum, atque ex Psalmo, Laudate Dominum de cœlis: igitur inter primos sex dies editi fuere. Perspiciamus iam singillatim, quo die Angelos effectos fuisse enuntiantum sit. Non in quarto die; tunc enim Deum vt conditi celebrarunt, iuxta illud; Quādo facta sunt sydera, laudauerunt me omnes Angeli mei. Nec etiam tertio; nam elementorū terræ & maris eò die structura narratur. Nec secundo; quoniam Cœlū steligerum tunc conflatum fuit. Superest igitur, vt Angelorum genesis lucis nomine primo die manantis significetur. Dissertuit cūctā hęc Augustinus, præcipuè de Ciuitate Dei libro vndecimo, capite nono: vt in percunctatione; An Moses Angelorum genesis prætermiserit, prolixam eius enarrationem producentes retulimus. Alterum argumentum, quod Pater hic noster præclarissimus deducit, est; cū multa sint lucis genera, certè nullum aptius intelligi potest hoc loco, quàm lux spiritualis; eò quod lux corporea non potuerit esse ante Cœlum, & Cœli luminaria.

AUGUSTINVS id edisserit de Genesi imperfecto, capite quinto. Et dixit Deus, Fiat lux. Vtrum ea lux, quæ his carnalibus oculis patet, an aliqua occulta, quam nobis per hoc corpus videre non datum est? Et si occulta, vtrum corporea, quæ per locorum spatia tenditur fortasse in sublimibus partibus Mundi: an incorporea, qualis in anima est, ad quam vitandi, & appetendi refertur examen à sensibus corporis, qua non carent etiam animæ bestiarum? An ea quæ superior ratiocinando apparet, ex qua incipit omne, quod creatum est? Quamlibet enim lucem significet, factam tamen, & creatam debemus accipere, non illam qua fulget ipsa Dei Sapientia, quæ non creata est, sed nata; ne sine luce Deus fuisse putetur, priusquam istam, de qua nunc agitur, condidisset. De hac enim, sicut ipsa verba satis docent, hoc commendatur, quòd facta sit. Et dixit inquit, Fiat lux; & facta est lux. Alia est lux, de Deo natura, & alia lux, quam fecit Deus: Natura de Deo lux, est ipsa Dei sapientia; facta vero lux, est quælibet mutabilis sine corporea, siue incorporea. Mouere autem solet, quomodo lux corporea esse potuerit, antequam Cœlum esset, & Cœli luminaria; quæ post istam exponuntur: quasi verò facillè hoc ab homine percipi potest, aut omnino vllomodo potest, vtrum sit aliqua lux præter Cœlum, quæ tamen spatijs locorum distincta, atque diffusa sit, Mundi; amplectatur. Sed cū liceat hic & incorpoream lucem intelligere, si non visibilem tantum creaturam in hoc libro, sed omnem creaturam expositam dicimus, quid opus est in hac controuersia remorari? Et fortasse quod querunt homines, quando Angeli facti sunt, ipsi significantur hac luce; breuissimè quidem, sed tamen convenientissimè, & decentissimè.

Tertiam argumentationē exinde sumit Augustinus ferè confimilem; quòd lux corporea ad exhibendam diurnam, nocturnamq; vicissitudinem, ante Cœli luminaria, ante Cœlum firmamentum appellatum, ante spetiem Terræ, & Maris, quæ circuitum lucis admitteret; nullam habere potuerit facultatem. Quapropter cū de Genesi ad literā libro primo, capite decimo, & vndecimo, duodecimo, ac decimosexto, totis viribus nec lucem illam esse corpoream, nec dies, noctesq; gignere potuisse, prolixiori oratione comprobasset; atque ea ipsa libro quarto, capite vigesimo primo, quasi epilogo reassumpisset; his demum in capite vigesimo secundo concludit verbis.

Sed quoniam lux corporalis, antequam fieret Cœlum, quod firmamentum vocatur, in quo etiam luminaria facta sunt, quo circuitu, vel quo processu & recessu, vices diei, & noctis exhibere potuerit, non inuenimus; istā questionem relinquere non debemus sine aliqua nostræ prolatione sententiæ. Vt si lux ista, quæ primitus creata est, non corporalis, sed spiritualis est; sicut post Tenebras facta est, vbi intelligitur à sua quadam informitate ad Creatorem conuersa, atque formata: ita & post vespem fiat mane, cū post cognitionem suæ proprietatis, qua non est, quod Deus; refert se ad laudandam lucem, quod ipse Deus est, cuius contemplatione formatur.

Interpretationem uerò hanc non esse allegoricam, seu figuratam, sed propriam, genuinamq; ; infra capite vigesimo octauo constanter his assueuerat.

Nec quisquam arbitretur illud, quod dixi de luce spirituali, & de condito die spirituali, & Angelica creaturā; & de contemplatione, quam habet in Verbo Dei; & de cognitione, qua in seipsa creatura cognoscitur; eiusq;

relatione ad laudem incommutabilis veritatis, ubi prius ratio videbatur rei faciende, quæ cognita est facta, non iam propriè, sed quasi figuratè, atque allegoricè convenire ad intelligendum diem, & vespèram, & mane. Sed aliter quidem, quàm in hac consuetudine quotidianæ lucis huius & corporalis: non tamen tanquam hic propriè, ibi figuratè. Vbi enim melior, & certior lux, ibi verior etiam dies: cur ergo non tam verior vespèra, & verius mane? Nam si in istis diebus habet quandam declinationem suam lux in occasum, quam vespèra nomine nuncupamus, & ad ortum iterum reditum, quod mane dicimus: cur & illic vespèram non dicamus, cum à contemplatione Creatoris, creatura despicitur, & mane, cum à cognitione creaturæ, in laudem Creatoris assurgitur? Neque enim & Christus sic dicitur lux, quomodo dicitur lapis, sed illud propriè, hoc vtiq; figuratè.

D. Thomas hoc Augustini placitum explicat accuratissimè Quæstionibus disputatis, quæstione quarta.

HIERONYMVS D. Augustino consensisse videtur Commentarijs in Psalmum quadragesimum sextum.

Prima Sabbati fecit Deus lucem: secunda Sabbati, fecit firmamentum; lucem Angelos; firmamentum homines.

Sed hæc D. Hieronymum ad allegoriam trahere perspicuum est.

EUCHERIVS Commentarijs in Genesim libro primo, capite secundo, D. Augustino consensit, dum inquit.

In hac ergo luce historialiter recapitulatur creatio Angelorum, qui pro participatione æternæ lucis, lux & dies nuncupati sunt. Quorum unitas ut ostenderetur, non est dictum, Dies primus, sed Dies vnus. Exorditur autem quæstio de Angelis, quomodo in creatione sex dierum prætermittantur, tanquam non sint in operibus Dei? Opus autem Dei esse Angelos, hymnus trium puerorum testatur. Nam quum prædictum esset; Benedicite omnia opera Domini Domino: in executione eorundem operum, etiam Angelos nominavit. Et in Psalmis, cum diceret inter cetera; Laudate Dominum omnes Angeli eius, subiicit; Quoniam ipse dixit, & facta sunt. His ergo exemplis, à Deo Angeli facti demonstrantur: sed quo die creati sint, nusquam inferunt. Sed quia in Scriptura sancta legitur dixisse Deum; Quando facta sunt sydera, laudauerunt me omnes Angeli mei: iam erant Angeli quarto die, quando sydera condita sunt. Ergo nec die tertia facti sunt. In promptu est enim, quòd die illa, terra ab aquis discripta, pabuli herbam produxit. Ergo nec secundo die facti sunt. Tunc enim factò firmamento, diuisio fuit superiorum, atque inferiorum aquarum. Nil mirum enim si in operibus sex dierum Angeli lucis significatione creati intelliguntur: ante omnem enim creaturam facti sunt, quia prior omnium creata est sapientia: qui propterea dicuntur sapientia, inherendo scilicet æternæ sapientiæ.

BEDA Expositione in Genesim.

Spiritualis autem facta est lux, cum dixit, Fiat lux; id est, Angeli, & Virtutes Cælestes: de quibus dicitur; Prior omnium creata est Sapientia. Hæc autem ipsa spiritualis creatura, Cælum appellata est, cum dictum est; In principio creauit Dominus Cælum, & Terram. Ut quod dixit Deus, Fiat lux, & facta est lux: eandem ad se reuocando creaturam, conuersio illius facta esse, atque illuminata intelligatur.

Et libro de sex dierum Creatione.

Fiat lux. Lux autem ista est visibilis, an inuisibilis? Inuisibilis verò dicitur, quia creatio Angelica est, quam oculi nostri non valent prospicere. Ratio enim erat, ut die quarta sydera in Cælo fabricasset, quæ oculi nostri potuissent prospicere. Ista creatio Angelica est temporalis, an intemporalis? temporalis enim erat in Angelis; intemporalis in Deo. Temporalis erat, quod dictum intelligimus expressum ab æterno Deo per Verbum coeternum in creatura spiritali, quam iam tunc fecerat, cum dictum est; In principio creauit Deus Cælum, & Terram: sed ista locutio non tantum sine aliquo sono, sed etiam sine vlllo corporali motu creatura spiritalis eius mente, atque ratione quodammodo infixæ per Verbum Patris coeternum: sed multum ac difficillimum est capere, quomodo dicitur, Deo non temporaliter iubente, neque id temporaliter audiente creatura, qui contemplatione veritatis, omnia tempora excedit; sed intellectualiter sibi met expressas, cum Patri coeternæ moris in rebus temporalibus, siue formandis, siue administrandis. Et facta est lux: id est creatio Angelica: quia illi tunc cognouerunt agnoscere, vel intelligere Creatorem suum. Quare iterum non repetit; Et iterum; Fecit Deus firmamentum: Ideò, quia non erat necesse, ut dixisset; fecit Deus lucem, quia intellectualis creatura erat, id sunt Angeli. Quando autem dicit, Fiat firmamentum, vel cetera in alijs creaturis, hoc in cognitione Angelica dicit; quia nec mirum est, si Deus sanctis Angelis suis, in prima lucis conditione ad se conuersis prius voluit ostendere, quid erat deinceps factururus. Quando verò dicit; Et fecit Deus, id est in propria natura rerum. Iam non erat opus hoc de Angelis iterum repetere, quia illi tunc, sicut diximus, conuersi fuerunt ad cognoscendum Creatorem suum. Cum enim æterna illa & immutabilis, quæ non est facta, sed genita Sapientia, in spiritali, atque rationalem creaturam se transfert (sicut in animas sanctas, ut illuminati luce re possent) fit in eis quædam luculenta rationis affectio, quæ potest accipi, facta lux: cum dixerit Deus, Fiat lux. Iam enim erat spiritalis creatio, quæ Cæli nomine significata est: cum scriptum sit; In principio creauit Deus Cælum, & Terram: non Cæli corporei, sed Cæli incorporei, in quo intelliguntur omnes sancti Angeli.

Eadem

Dan. 3.

Psal. 148.

Iob. 38.

Eccles. 1.

Eadem ferè repetit Quæstionibus super Genesim.

ISIDORVS de summo Bono, libro primo, capite decimo.

Ego Dominus formans lucem, & creans tenebras: sed quia Angelica natura, quæ non est præuicinata, lux dicitur: illa autem, quæ præuicinata est, Tenebrarum nomine nuncupatur; Vnde & in principio lux à tenebris diuiditur: sed quia & hos, & illos Deus creauit, ideò dicitur; Formans lucem, & creans tenebras. Veruntamen bonos Angelos non tantum creans, sed etiam formans: malos verò creans tantum, non formans: hoc & de hominibus bonis, malisque accipiendum est.

MAGISTER in vtrunque rapitur sententiam, nec vllam explodit ex ijs interpretationibus, quæ lucis nomine spirituales, seu corporales lucem assumit. Sic autem D. Augustini mentem secundo, distinctione tertia decima enucleat.

Si spiritualis accipitur, Angelica natura intelligitur, quæ prius informis fuit, sed postea formata est, cum ad Creatorem conuersa, ei charitate adhæsit: cuius informitatis creatio superius significata est, ubi dictum est; In principio creauit Deus Cælum & Terram. Hic verò eiusdem formatio ostenditur, cum ait; Fiat lux, & facta est lux. Hæc ergo Angelica natura, quæ prius tenebræ, & postea lux fuit, quia prius habuit informitatem & imperfectionem, deinde formationis perfectionem: & ita diuisit Deus lucem à tenebris: Nam, ut ait Augustinus super Genesim; huic creature informitas, & imperfectio fuit, antequam formaretur in amore conditoris. Formata verò est, quando conuersa est ad incommutabile lumen Verbi.

ANSELMVS Laudunensis, in Glossa interlineari.

Fiat lux: idest Angelica natura: & facta est lux, Angelica hoc est natura Dei visione illustrata.

GLOSSA ordinaria ex Augustino.

Lux primo die facta, spiritualis, vel corporalis intelligitur. Si spiritualis, non illa Patri coæterna, per quam facta sunt omnia: sed de qua dicitur Ecclesiastici primo. Prior omnium creata est Sapientia, idest intellectua-
lis, & Angelica vita, quæ informiter fluctuat: nisi ad Creatorem conuersa, quæ potest esse prima creatura, & Cælum dicta, cum dicitur; In principio creauit Deus Cælum & Terram: sed ad Creatorem conuersa, cum dicitur, Fiat lux: & facta est lux.

Et post, pariter ex Augustino.

Fiat lux, ea conditione scilicet, quæ cuncta subsistunt intemporaliter in Dei Sapientia, priusquam in seipsis. Et facta est lux, idest Angelica, & Cælestis substantia, in se temporaliter, sicut erat in Sapientia, quantum ad eius incommutabilitatem eternaliter. Vel notatur huius creature informitas, scilicet imperfectio, antequam formaretur in amore Conditoris. Formatur enim, cum conuertitur ad incommutabile lumen Verbi.

HVG O summæ Sententiarum, Tractatu tertio, capite primo, hanc ipsam non rejicit.

Alij dicunt, quòd lux illa, quæ facta est prima die, fuit Angelica creatura ad Creatorem conuersa, sicut iam diximus.

RVPERTVS Commentarijs in Genesim, libro primo, capite decimo, hanc eandem infecutus est sententiam, nouoq; fundamento corroborare conatus est. Con-
tendit siquidem primo die Mosem lucis ipsius corporeæ manationem non tradere ex Opificis Dei dignitate; Quia si lux illa (ait) fuit corporalis, cum tantum tribus diebus perduraret (facto enim Sole euauit) Deum ignobilissimum quoddam creasse dice-
re cogeremur, & priscum illud diem, dierum omnium Coryphæum, inopem planè, pau-
perissimumque inter vniuersos dies extasse, quandoquidem in illo exigua rerum creatu-
rum res, triduo tantum permansura creata fuisset. Ait ergo.

Videtur enim nonnullis, lucem tunc esse factam, non aliam quàm aëris illustrationem, & tenebras illas, quæ erant super faciem abyssi, sic alternantibus nocte, & die diuisas, ut peracto diurni temporis spatio, duodecim ho-
geret, atque ita per triduum dies, & nox absque luminaribus istis corporeis, Sole scilicet, & Luna, & Stellis, vltro sibi inuicem cesserint, atque successerint. Sed hoc sensu vnus hic dies, omnium dierum pauperissimus est, quippe cum singuli dierum ceterorum, substantiarum creatione, vel formatione illustrati sint, hic dies non nisi
accidentis cuiusdam colore instabili iniecto dimissus sit, cum dictum sit, Fiat lux. Nam quæcunque ceteris diebus facta sunt, substantia sunt, & permanent: illa autem accidentalis lux, tertio reaccensa, deinceps om-
nino deperijt. Et vide vtrum condignum sit tantæ Maiestati, ut ceterorum dierum opera, verbi gratia, Solem, Lunam, & Stellæ, quæ quarto die facta sunt, & aquarum diuisionem, quæ secundo die facta est, statuerit in-
seculum, & in seculum seculi, præceptumque poneret illis, quod non præteribit: opus autem primæ lucis tale
faceret, quod mutato consilio post exiguum triduum funditus extingueret: Quid ergo? An idcirco spiritus Dei
celebrat super aquas, & dixit; Fiat: quod dictum, ut verè boni verbi eruclationem sancta miratur, & con-
fessus rationabilem magis approbamus, & sequimur: Angelicam creaturam rectè lucem esse appellatam, lucem
intelle-

Anno Mundi
primo.
Die Prima.

Et facta est Lux.

a. Non aeterna, sed inter spirituales prima.

Vidit Deus lucem, quod esset bona.

b. Cum laudat Deus lucem, antequam seiungat à tenebris, erudimur de Angelica luce, non de corporea esse sermonem.

intellectualem, lucem inquam, non solum, quia vim discernendi habentem, verumetiam, quia veri, & incircumscripti luminis gratia resurgentem.

D. THOMAS prima parte, quæstione sexagesima septima, artic. primo. Et similiter dicendum est de nomine lucis. Nam primo quidem est institutum ad significandum id, quod facit manifestationem in sensu visus: postmodum autem extensum est ad significandum omne illud, quod facit manifestationem secundum quamcunque cognitionem. Si ergo accipiat nomen luminis secundum suam primam impositionem, metaphoricè in spiritualibus dicitur, ut Ambrosius dicit: Si autem accipiat secundum quod est in usu loquentium ad omnem manifestationem extensum, sic propriè in spiritualibus dicitur.

ALEXANDER Halensis parte secunda, quæstione quadragesima nona, membro primo, hanc D. Augustini sententiam non subicit, cum inuestigat; num per verbum Fiat lux, intelligendum sit effectio naturalis Angeli, vel gratuita (ut inquit ipse) atque ita diffinit.

Ad quod dicendum, quod intelligitur de conditione gratuita: cum primo creati essent, cum dicitur, creavit Cælum, sicut vult Augustinus in vndecimo Confessionum: Facti autem, idest formati formatione gratie, cum conuersi sunt per intellectum, & affectum; & hoc intelligitur ibi, Fiat lux.

Cæterum cum in hanc D. Augustini sententiam inciderimus, lectorem non pigeat, si totius primi diei opus secundum huius expositionis seriem absoluerimus.

a. Non aeterna, sed inter spirituales prima.

AVGVSTINVS de Genesi ad literam libro primo, capite decimo septimo.

Si autem spiritualis lux facta est, cum dixit Deus, Fiat lux, & facta est lux: non illa vera Patri coeterna intelligenda est, per quam facta sunt omnia, & quæ illuminat omnem hominem; sed illa, de qua dici potuit; Prior omnium creata est Sapientia. Cum enim aeterna illa, & incommutabilis, quæ non est facta, sed genita Sapientia, in spirituales, atque rationales creaturas, sicut in animas sanctas se transfert, ut illuminata luce possint, sit in eis quedam luculenta rationis affectio, quæ potest accipi facta lux, cum diceret Deus, Fiat lux: si iam erat creatura spiritualis, quæ nomine Cæli significata est, in eo quod scriptum est; In principio fecit Deus Cælum & Terram: non corporeum Cælum, sed incorporeum, Cælis corporeis, hoc est, super omne corpus, non locorum gradibus, sed naturæ sublimitate præpositum.

b. Cum laudat Deus lucem, antequam seiungat eam à tenebris, erudimur de Angelica luce, non de corporea esse sermonem.

AVGVSTINVS de Genesi ad literam, libro primo, capite decimo septimo.

Vidit Deus lucem, quia bona est: cum hoc posset post omnia eiusdem diei dicere, idest, ut cum Cælum explorasset, Dixit Deus: Fiat lux, & facta est lux. Et diuisit Deus inter lucem & tenebras: Et vocauit Deus lucem diem, & tenebras vocauit noctem; tunc diceret; Et vidit Deus, quia bonum est: & deinceps amitteret, Et facta est vespere, & factum est mane: sicut in alijs operibus facit, quibus vocabula imponit. Hic ergo propterea non ita fecit, quoniam à formata re ad hoc distincta est illa informitas, ut non in ea finis esset, sed adhuc formanda restaret per creaturas ceteras iam corporales. Itaque si posteaquam distincta essent illa diuisione, & vocabulis, tunc diceretur; Vidit Deus, quia bonum est: hæc facta acciperemus significari, quibus iam in suo genere nihil esset addendum. Quia verò lucem solam ita perfecerat: Vidit Deus, quia bonum est: quia bona est, & diuisione ac nominibus discreuit à tenebris. Neque tunc dixit; Vidit Deus, quia bonum est: ad hoc enim erat informitas illa discreta, ut adhuc inde alia formarentur. Nanque ista nox, quæ nobis est notissima, facit enim eam super terras Solis circuitus, quando per luminarium distributionem à die diuiditur, post ipsam diuisionem diei, & noctis dicitur; Vidit Deus, quia bonum est. Non enim hæc nox informis aliqua substantia

Ioan. 1.

Eccle. 1.

Vidit Deus lucem, quòd bona.

a. Laudat lucem, & non tenebras; ne simul lucem, idest Angelos, & tenebras, nempe Dæmones commendet.

Diuisit lucem à tenebris.

b. Idest, Sanctos Angelos à desertoribus.

AnnoMundi
primo.
Die Prima.

substantia erat, vnde adhuc alia formarentur, sed spatium loci plenum aëre, carens lumine diurno, cui vtique nocturnam nihil addendum esset in genere suo, quo esset speciosior, siue distinctior. Vespera autem in toto illo triduo, antequam fierent luminaria, consummati operis terminus non absurdè fortasse intelligitur; manè verò tanquam futurae operationis significatio.

R V P E R T V S Commētarijs in Genesim lib. primo, cap. decimo octauo. Diligenter animaduertendum. Prius vidit lucem, quòd esset bona, & deinde diuidens lucem & tenebras, condigna singulis imposuit vocabula. Si literæ ordinem ita contexuisset; Dixit Deus, fiat lux, & facta est lux; diuisitque lucem & tenebras, appellauitque lucem diem, & tenebras noctem; & vidit Deus, quòd esset bonum: putarem tenebras, siue noctem hic eo modo dici, quo in die quarto dictum est: Fiant luminaria in firmamento celi, & diuidant diem, & noctem; siue vt item inferius dicitur: lucem & tenebras: quorum vtique diuisio bonum est, vt positum (iuxta Psalmistam) tenebris, & facta nocte, in ipsa pertranseant omnes bestiae syluae. Orto autem Sole exeat homo ad opus suum, nocturna refectus quiete. Nunc autem tenebras à laude boni secluit. Primum enim (vt iam dictum est) dixit, quia vidit Deus lucem, quòd esset bona, & deinde diuisit, & vtisque nomina inuicem optata dedit, quia lucem diem, & tenebras noctem appellauit. Ergo istae tenebrae sunt eiusmodi, in quibus nihil intelligitur boni. Et quidem tenebrae, de quibus istam lucem splendescere iussit, bonum aliquod erant in prouidentia Dei, quemadmodum lignum, vel ferrum bonum est in manu periti artificis.

Psal. 103.

a. Laudat lucem, & non tenebras; ne simul lucem, idest Angelos, et tenebras, nempe Dæmones commendet.

A V G V S T I N V S de Cinitate Dei, libro vndecimo, cap. trigesimo.

Denique nec illud praeterendum est silentio, quòd vbi dixit Deus; Fiat lux, & facta est lux: continuo subiunctum est; Et vidit Deus lucem, quia bona est: non postea quàm separauit inter lucem & tenebras, & vocauit lucem diem, & tenebras noctem; ne simul cum luce, etiam talibus tenebris testimonium placiti sui perhibuisse videretur. Nam vbi tenebrae inculpabiles sunt, inter quas, & lucem istam his oculis conspicuam luminaria celi diuidunt, non ante, sed post infertur; Et vidit Deus, quia bonum est: & posuit, inquit, illa in firmamento celi lucere super Terram; & praesse dici & nocti, & separare inter lucem, & tenebras. Et vidit Deus, quia bonum est. Vtrunque placuit, quia vtrunque sine peccato est. Vbi autem dixit Deus; Fiat lux, & facta est lux: statim sequitur: Et vidit Deus lucem, quia bonum est. Et postmodum infertur; Et separauit Deus inter lucem & tenebras: vocauitque Deus lucem diem, & tenebras noctem: non hoc loco additum est, Et vidit Deus, quia bonum est; ne vtrunque appellaretur bonum, cum esset horum alterum malum vitio proprio, non natura. Et ideo sola ibi lux placuit Conditori: Tenebrae autem Angelicae, etsi fuerant ordinandae, non tamen fuerant approbandae.

B E D A libro de sex dierum Creatione.

Et vidit Deus lucem, quòd esset bona. Quare lucem tantum laudauit, & non noctem? Idest, quia nox adhuc, nec dies facta erant, sed tantum lux Angelica: quia indignum erat Deo rem informem laudare, quae adhuc formata non erat, sed rem illam, quae formata erat, laudauit, idest, lucem Angelicam.

Consimilia habet Quaestionibus in Genesim.

b. Diuisit lucem à tenebris, hoc est, Sanctos Angelos à desertoribus.

Prætermisiss alijs huiusce loci interpretationibus, quae apud Augustinum cōperiuntur, praecipue de Genesi imperfecto capite quinto, & de Genesi ad literam libro primo, capite decimo, vt propositam nobis de spirituali luce, hoc est Angelo, prosequamur explanationem.

A V G V S T I N V S ipse locum hunc, siue secretionem hanc ita interpretatur, capite decimo septimo eiusdem libri primi.

Et diuisit Deus inter lucem, & tenebras. Nunquid iam erant peccatores, & stulti decidentes à lumine verita-

veritatis : inter quos, & in eadem luce permanentes diuideret Deus, tanquam inter lucem ac tenebras ; lucem vocans diem, ac tenebras noctem, & ostenderet se non operatorem peccatorum, sed ordinatorem distribuendorum meritorum ? Et post . An diuisio quidem lucis à tenebris distinctio est iam rei formatae ab informi ; appellatio verò diei, & noctis, insinuatio distributionis est, qua significetur nihil Deum inordinatum relinquere ?

Sed luculentius hanc sanctorum, & perduellium Angelorum seiunctionem explicat Augustinus vndecimo de Ciuitate Dei, capite decimonono.

Non mihi videtur ab operibus Dei absurda sententia, si cum lux illa prima facta est, Angeli creati intelligentur, & inter Sanctos Angelos, & immundos fuisse discretum, vbi dictum est : Et diuisit Deus inter lucem, & tenebras : & vocauit Deus lucem diem, & tenebras vocauit noctem . Solus quippe ille ista discernere potuit, qui potuit etiam priusquam caderent præsire casuros, & lumine priuatos veritatis in tenebras superbia remansuros . Nam inter istum nobis notissimum diem & noctem, idest, inter hanc lucem, & has tenebras, vulgatissima sensibus nostris luminaria vt diuiderent, imperauit . Fiant (inquit) luminaria in firmamento Cæli, vt luceant super terram, & diuidant inter diem, & noctem . Et paulo post . Et fecit (inquit) Deus duo luminaria magna, luminare maius in principia diei, & luminare minus in principia noctis, & stellas : & posuit Deus illas in firmamento Cæli, lucere super terram, & præse diei, & nocti, & diuidere inter lucem, & tenebras . Inter illam verò lucem, quæ sancta societas Angelorum est, illustratione veritatis intelligibiliter fulgens, & ei contrarias tenebras, idest malorum Angelorum auerforum à luce teterrimas mentes, ipse diuidere potuit : cui etiam futurum non nature, sed voluntatis malum occultum, aut incertum esse non potuit.

E V C H E R I V S libro primo in Genesim.

Diuisio lucis à tenebris, boni Angeli separati à malis ; & quia ex ijs quosdam præsciebat per superbiam casuros, per incommutabilitatem præscientiæ suæ diuisit inter bonos, & malos . Malos igitur appellans tenebras, bonos appellans lucem, in his dicens ; Vidit Deus, quia boni sunt ; in illis nullatenus dicens, sicut in omnibus operibus Dei : Vidit Deus, quia bonum est : ne malum præuicatorum videretur approbare Angelorum .

Glossa Locupletata, hæc desumpsit.

B E D A quod Expositione in Genesim, & libro de Creatione sex dierum prodiderat, dicens : Et diuisit Deus inter lucem, & tenebras, & reliqua . Diuisio quidem à tenebris, distinctio formatae rei ab informi : appellatio autem diei, & nobis, distinctionis insinuatio est : Quæstionibus in Genesim disertius edisserit.

Deus bona, & incommutabili voluntate creauit omnes Angelos bonos ; sed quia ex his quosdam per superbiam præsciebat casuros, per incommutabilitatem præscientiæ suæ diuisit inter bonos, & malos . Malos igitur appellans tenebras ; bonos appellans lucem : in his dicens, quia boni sunt ; in illis nullatenus dicens, ne peccata, quæ erant tenebræ, approbare videretur.

G L O S S A Interlinearis.

Diuisit lucem, hoc est, rem formatam : & tenebras, hoc est informitatem .

G L O S S A Ordinaria ex Augustino.

In qua luce spirituali, fortè diuisio lucis à tenebris, distinctio rei intelligitur iam formatae ab informi . Appellatio diei, & noctis, significatio distributionis, qua significatur nihil Deum inordinatum relinquere, nec perfectus creaturarum sine supplemento vniuersi decoris esse .

Hæc autem quæ dixere Glossæ, etiam de Angelis præcipue intelligi queunt.

R V P E R T V S Commentarijs in Genesim lib. primo, cap. decimotertio.

Et diuisit lucem, & tenebras . Diuisio ista lucis, & tenebrarum, terribile Dei iudicium super Diabolum, esse factum insinuat . De quo Psalmista ; Tu terribilis es (inquit) & quis resistet tibi ? Extunc ira tua : Tanquam diceret : Quis tibi resistere potest, cum ex quo tibi quis resistit, extunc terribilis exardescat ira tua ? Nam ex quo Diabolus resistit, idest, resistere voluit tibi ; tu iratus es, & resistere non potuit . Cecidit enim Angelus, & factus est Diabolus . Hoc terribile iudicium per diuisionem insinuat lucis, & tenebrarum . Quæ enim sunt istæ tenebræ, nisi omnes Angeli Satane cum eodem suo Principe ? Has vtiq; tenebras Deus, lucemq; diuisit, quia malos Angelos à bonis separauit : diuisit, inquam, separatione immutabili, ita vt nec isti, qui ceciderunt, resurgere ; nec illi, qui cum peccare possent, peccando cadere noluerunt, vltius vquam habeant, vel possint peccando cadere . Verbo nanque Dei Cæli firmati sunt ; & Spiritu oris eius omnis virtus eorum . Ista lux, isti sunt Cæli . Lux, inquam, quam Deus à tenebris diuisit ; & Cæli, quos verbo suo, quos Spiritu, idest, amore suo, Deus firmavit ; vt iam obscurari, vel dissolui non possint : congregans sicut in vtre aquas maris, ponens in thesauris abyssos ; quæ omnia secundum literam iam in illa exordio facta esse, dubium non est.

P E T R V S Comestor in Genesim capite tertio.

Intelligitur etiam hic Angelorum diuisio . Stantes, lux : cadentes, tenebræ dicti sunt .

Psal. 75.

Psal. 32.

Appre-

Factum est vespere, & mane dies vnus.

a. *Apprehensio vespertina, & matutina in Angelo.*

a. *Apprehensio vespertina, et matutina in Angelo.*

Qualerie ea prisca lux spiritalis, hoc est, Angelus, dies gigneret, ac vespere & mane haberet; non ita facile intelligi posse arbitror.

AVGVSTINVS vaga sua dicendi serie, vti Angelum lucem, ita Angelicam cognitionem diem; vespere, & mane, duas eius cognitionis species, vespertinam, & matutinam interpretari nititur. Quod etsi pluribus locis id contendat, disertius tamen libro de Genesi ad literam quarto, capite vigesimo secundo.

Si lux ista, quæ primitus creata est, non corporalis, sed spiritalis est, sicut post tenebras facta est, vbi intelligitur à sua quadam informitate ad Creatorem conuersa, atque formata: ita & post vespere fiat mane; cum post cognitionem suæ propriæ naturæ, qua non est quod Deus, refert se ad laudandam lucem, quod ipse Deus est; cuius contemplatione formatur. Et quia ceteræ creaturæ, quæ infra ipsam fiunt, sine cognitione eius non fiunt; propterea nimirum idem dies vbiq; repetitur, vt eius repetitione fiant tot dies, quotiens distinguuntur rerum genera creaturarum, perfectione senarij numeri terminanda: vt vespere primi diei sit etiam sui cognitione, non se esse, quod Deus est: mane autem post vespere hanc, quo concluditur dies vnus, & inchoatur secundus; conuersio sit eius, qua id quod creata est, ad laudem referat Creatoris, & percipiat de Verbo Dei cognitionem creaturæ, quæ post ipsam fit, hoc est firmamenti: quod in eius cognitione fit prius, cum dicitur, Et sic est factum: deinde in natura ipsius firmamenti, quod conditur, cum additur postea, iam dicto, Et sic est factum, Et fecit Deus firmamentum: Deinde fit vespere illius lucis, cum ipsum firmamentum non in Verbo Dei, sicut ante, sed in ipsa eius natura cognoscit. Quæ cognitio quoniam minor est, rectè vespere nomine significatur: post quam fit mane, quo concluditur secundus dies, & incipit tertius: in quo itidem mane, conuersio est lucis huius, idest, diei huius ad laudandum Deum, quod operatus sit firmamentum, & percipiendam de Verbo eius cognitionem creaturæ, quæ condenda est post firmamentum. Ac per hoc cum dicit Deus; Congregetur aqua, quæ est sub Cælo in collectionem vnā, & appareat arida; cognoscit hoc illa lux in Verbo Dei quo id dicitur: & ideo sequitur; Et sic est factum, hoc est in eius cognitione ex Verbo Dei: deinde cum additur; Et congregata est aqua &c. cum iam dictum esset, Et sic factum est; in suo genere ipsa creatura fit; quæ item cum in suo genere facta cognoscitur, ab ea luce, quæ iam in Verbo Dei facienda cognouerat, fit tertio vespere: & inde hoc modo cetera vsque ad mane, & post vespere sexti diei.

Prosequiturque amplius, capite vigesimo tertio disserere, qua ratione congrua cognitio rerum in Verbo, dies; & cognitio earundem in natura ipsarum, vespere, merito appellentur.

Multum quippe interest inter cognitionem rei cuiusque in Verbo Dei, & cognitionem in natura eius, vt illud merito ad diem pertineat, hoc ad vespere. In comparatione enim lucis illius, quæ in Verbo Dei conspiciatur, omnis cognitio, qua creaturam quamlibet in se ipsa nouimus, non immerito nox dici potest; quæ rursus tanquam dicatur dies.

Amplius postquam id explicauit capite vigesimo quarto: cur sex diebus non addatur nox, capite vigesimo quinto his declarat.

Quia ergo Angeli creaturam, in ea ipsa creatura sic sciunt, vt ei scientiæ electione, ac dilectione præponant, quod eam sciunt in veritate, per quam facta sunt omnia, participes eius effecti: ideo per omnes sex dies non nominatur nox, sed post vespere, & mane, dies vnus. Item post vespere, & mane, dies secundus: deinde post vespere, & mane, dies tertius: ac sic vsque in mane sexti diei: vnde incipit septimus quietis Dei, quamuis cum suis noctibus, dies tamen non noctes narrantur. Tunc enim nox ad diem pertinet, non dies ad noctem; cum sublimes, & sancti Angeli id quod creaturam in ipsa creatura nouerunt, referunt ad illius hominem, & amorem, in quo æternas rationes, quibus creata est, contemplantur: eaque concordissima contemplatione, sunt vnus dies, quem fecit Dominus, cui coniungetur Ecclesia de hac peregrinatione liberata, vt nos exultemus, & iocundemur in eo.

Tandemque capite vigesimo sexto his concludit.

Huius ergo diei, cuius & vespera, & mane, secundum supradictam rationem accipi potest, sexta repetitione consummata est vniuersa creatura; factumque est mane, quo finiretur sextus dies, & inde inciperet septimus vesperam non habiturus, quia Dei requies non est creatura: quæ cum per dies ceteros conderetur, aliter in seipsa facta cognoscebatur, quam in illo, in cuius veritate facienda videbatur, cuius cognitionis quasi decolor species vesperam faciebat. Non itaque iam forma ipsius operis dies, & terminus vespera, & alterius operis initium mane, in hac rerum conditarum narratione debet intelligi: ne cogamur contra Scripturam discernere, præter sex dies conditam diei septimi creaturam, aut ipsum diem septimum, nullam esse creaturam; sed dies ille, quem fecit Deus, per opera eius ipse repetitur, non circuitu corporali, sed cognitione spiritali; cum beata illa societas Angelorum, & primitus contemplatur in Verbo Dei, quod dixit Deus, Fiat: atque ideo prius in eius cognitione fit, cum dicitur, Et sic est factum; & postea rem ipsam factam, in ea ipsa cognoscit, quod significatur facta vespera: & eam deinde cognitionem rei factæ ad illius veritatis laudem refert, ubi rationem viderat faciendæ, quod significatur facto mane.

Cognitio Angel
geli duplex.

Censuit igitur Augustinus, ut ex supra enarratis excerptare possimus, Cœli nomine intelligendum esse Angelum; lucis appellatione, ipsius ad Gratiam & Gloriam assumptionem; seiunctione lucis ac tenebrarum, Angelorum, ac Dæmonum discretionem; diei vocula, capiendâ esse Angelicam intellectionem; vespere, creaturæ in seipsa contemplationem; mane vero, altissimam illam, beatissimamque in coruscantissima Dei essentia perspicientiam; dierum sex repetitione, rerum ipsarum per sex genera distributionem apprehensionem; septimo die, requiem contemplationis in Deum. Pro quibus hoc vnum modò mihi est animaduertendum: quod cum cognitio Angelica duplex sit: altera qua semet Angeli contemplati sunt; altera qua cuncta à seipsis extera percipiunt; duplex pariter cognitionis ordo, matutinæ videlicet, & vespertinæ in ipsis processit. In prima equidem apprehensione, qua seipsum nouerunt, vespertina cognitio matutinam antecessit. Mox enim ut conditi fuerunt Angeli, in seipsum reflexi, seipsum etiam contemplati sunt; dissimili ac planè contrario euentu; cum desertores, nimio fastu elati, tenebræ redditi sint: Angeli verò sancti, sui præstantiam in Deum referentes, lux euaserrint. In altera autem, qua rerum naturas in seipsis sunt contemplati, matutina natura vespertinam; prius enim res fiendas in Verbo æterno, quam in propria ipsarum natura perspexerunt. Ex eo autem dispari Angelicæ apprehensionis, seu cognitionis ordine effectum est, ut primaria dies vesperam tantummodo suscepit; postrema autem, seu septima, mane perpetuum sit cōsecuta: quoniam Angeli, sex rerum generibus cognitis, in Dei contemplatione perenniter persisterunt.

Inquiramus nunc (precor) qua serie posteri Patres doctrinæ Augustinianæ sectatores difficilem hanc Theologiam hauserint, ipsamque nobis explicarint.

E V C H E R I V S in Genesim libro primo, capite secundo.

Idcirco ipse repetitur semper in executione creaturarum: quia ipse dies, hoc est, natura Angelorum, quando creaturam ipsam, quam Deus faciebat, contemplabatur, quodammodo vespertascebat. Veruntamen, quia non permanebat in eius creaturæ intuitu, sed laudem eius ad Deum referens, ipsam melius in diuina ratione conspiciat, tunc continuo quasi mane fiebat. Nam si permaneret neglecto Creatore in aspectu creaturæ, iam non vespera, sed nox vtrique fieret.

I S I D O R V S de summo Bono, libro primo, capite decimo.

Dies prior factus, Angeli sunt: quorum propter vnitatem insinuandam, non dies primus, sed dies dictus est vnus. Et idcirco ipse repetitur semper in executione creaturæ. Quia dies, hoc est natura Angelorum, quando creaturam ipsam contemplabatur, quodammodo vespertascebat: non autem permanendo in eius creaturæ intuitu, sed laudem eius ad Deum referens, eamque melius in diuina ratione conspiciens, continuo mane fiebat. Si verò permaneret neglecto Creatore in creaturæ aspectu; iam non vespera, sed nox vtrique fieret. Dum se creatura melius in Deo, quam in seipsa nouerit; ipsa sui cognitio, quæ maior in Deo est, dies & lux dicitur. Cognitio verò sua in seipsa ad compensationem cognitionis illius, quæ est in Deo, quia longè inferior est, vespera nominatur. Ideoque post vesperam mane fiebat. Quia dum suam in se cognitionem sibi satisfacere non agnosceret, ut se plenius nosse potuisset, ad Deum sese referebat creatura, in quo se diem agnoscendo, melius fieret.

B E D A Quæstionibus in Genesim.

Primum enim diem spiritalem astrues esse creaturam; & quomodo habuit vespere, & mane? M. Omnis nanque creatura, antequam tempore suo fieret, in ipso Verbo Dei erat prius ab Angelis cognoscenda; & sic suo tempore facienda. Quapropter ipsa creaturæ cognitio in semetipsis, vespera erat, in Deo autem mane: quia plus videtur ipsa creatura in Domino, quam in seipsa videtur creatura; plus scilicet videtur in arte, qua facta sunt, quam in seipsa, quæ facta est. Propterea ait Euangelista Ioannes; Quod factum est, in ipso

in ipso vita erat. Omnia ergo quæ facta sunt, & vitam non habent, in ipso Verbo Dei vita sunt, in seipsa non sunt vita. Cælum, terra, lapis, vitam non habent; Et tamen in Domino vita sunt: viuunt igitur in Deo sine initio, atque incommutabiliter omnes rationes creaturarum. Ac per hoc plus videntur ab Angelis sanctis in Verbo Dei, ubi sunt vita, quam in seipsa: quia scientia Angelorum in comparatione Dei quodammodo nescierat. Ergo primus in cognitione firmamenti: secundus in cognitione discretionis terræ, ac maris: tertius in cognitione Solis, & Lunæ, vel Stellarum: quartus in cognitione reptilium & animalium: quintus in cognitione iumentorum, & ferarum, vel ipsius hominis: neque enim sextus dici vnus, quem intelligimus spiritalem creaturam, idest Angelicam, sexies facta cognitio. Sexies fecit propter senarij numeri perfectionem.

G L O S S A Ordinaria ex Augustino.

Notandum, quod ceteræ creaturæ, quæ infra lucem sunt spirituales, sine eius cognitione non sunt. Ideo idem dies ubique repetitur, ut eius reputatione tot fiant dies, quoties distinguuntur genera verum creaturarum, perfectione senarij terminanda, ita scilicet, ut vespera primi diei sit sui cognitio, non se scilicet esse, quod Deus est. Mane autem post hanc vesperam, quo clauditur primus dies, & inchoatur secundus, conuersio eius; ut quod creata est, ad laudem referat Creatoris, & cognitionem creaturæ percipiat de Verbo Dei: quæ post ipsam fit, idest firmamenti, quod prius per Verbum in eius cognitione fit, post in natura ipsius firmamenti: deinde fit vespera huius lucis; cum firmamentum non tam in Verbo Dei, sicut antè, sed in firmamenti natura cognoscitur; quæ cognitio, quia minor est, vespera vocatur. Post fit mane, quo clauditur secundus, & incipit tertius. In quo similiter mane, conuersio lucis est, idest huius diei, ad laudandum Deum, qui fecit firmamentum, & ad percipiendum de Verbo eius cognitionem creaturæ post firmamentum faciendæ: & sic vsque ad mane post vesperam sextæ diei. Multum enim interest inter cognitionem rei in Verbo Dei, & cognitionem eius in natura; ut illud scilicet, ad diem pertineat: hoc ad vesperam.

Memorarunt, atque enuclearunt nobis hanc D. Augustini subtilem de Angelis doctrinam ex Scholasticis quatuor illi præstantiores, quos cum Patribus connectere his meis lucubrationibus consentaneum duxi. Albertus Magnus prima parte Summæ de quatuor coequæuis; D. Thomas prima, quæstione sexagesima septima, & quæstione septuagesima quarta, & in Scriptis in secundum Sententiarum; sed accuratius Quæstionibus disputatis, quæstione quarta; Alexander Halensis secunda, quæstione quadragesima nona, membro primo: D. Bonauentura in secundum Sententiarum. Adeas Doctores omnibus notos, & celebres.

Cæterum hæc D. Augustini elegans, ingeniosaq; explanatio, ac sententia, luculenter pluribus explicata, ac totis uiribus à plerisque celebrata, vsque ad nostram ferè tempestatem oppugnata non fuit; cum prisci Patres, & Scholasticorum duces præasserti, quamuis eam non approbarint, reiicere tamen ipsam, ac damnare non præsumpserint. Nuperim verò Doctores, audaciùs, acriusq; ipsam insectari, & refellere veriti non sunt. Quorum argumenta concisè, stricteq; deferam. Primùm inquirunt; Si Tenebræ primæ illæ, quas ante lucis manationem Moses super abyssos obductas contestatur, corporeæ extarunt: ut omnes prisci Patres obtestantur, & ratio euincit: igitur & primo die effusa lux eas expellens, corporea censenda est. Deinde cum lux, qua sex creationis explenduere dies, vna, eademque fuerit, saltem quoad substantiam; quemadmodum tres postremi sensili luce emicarunt, tres quoque ante actos eadem luce effulxisse asserendū est. Tandem compertum est, & certum, quod voces illæ, lux, tenebræ, dies, nox, vesperæ, & mane, in hac Augustini interpretatione, ab vsitata significatione haud rectè ad mysticam, & allegoricam transferuntur; nam Historicū in allegoricos sensus deflectere mirandum in modum dedecet, prout Patres prisci, præcipue Basilii, atq; Ambrosii in Hexameron docuere. Rursum natura magistra erudimur, ne allegoriam quæramus in ijs, quæ perspicua sunt, & manifesta: hic verò locus splendidissimus est. Amplius metaphoræ & tropi à doctrina demonstratiua profligantur; Philosophiæq; solis sermonibus proprijs, ac lucidis, nos vti iubent, hoc est, qui rem maximè splendeant, & declarant: & Aristoteles Platonem, quod verbis minus proprijs & apertis, plerumque sit vsus, aliquando accusat: Et nos nullo negotio existimabimus, Dei verbis ad literam captis subesse tropos, & metaphoras? Et confirmantur hæc, quoniam hic sensus narrationem Mosi vertit in parabolam; Nam sicut D. Hieronymus ait, (& adducitur à Magistro distinctione trigesima tertia secundi) Parabola aliud verbis sonat, aliud sensu continet. Ita ferè Vielmus.

Q. 12. art. 6.
7. & 8.
art. primo.
art. secundo.
Dist. 13. q. 2.
art. secundo.
Dist. 13. art.
1. q. 1.

Contra sententiam D. Augustini nonnullorum argumenta.

1. Coel. text.
105. & 106.

Duæ primæ
argumenta-
tiones contra
D. Augusti-
num inanes.

Tertia argu-
mentatio va-
lida.

D. Augustini
rationum so-
lutio.

Quantum ad rem spectat, duæ primùm illatæ contra D. Augustinum inuectiones, ipsi qui Mundum vnico die, seu momento absolutum manasse existimat, verbisq; illis; In principio creauit Deus Cœlum, & Terram, non Chaos aliquod productum, sed Angelum in pura natura, & materiam primam, ut origine præextabat, capi censet; Tenebrarumq; nomine, informitatem vtriusque significari, ac dierum sex numero, non sex Cœli conuerfiones, sed Angelicas apprehensiones rerum constandarum in sex genera distictarum denotari autumat: ipsi inquam, nullum facessere negotium arbitror. Verùm argumentationem tertio in loco deductam, eius sententiam funditus euertere opinor. Munus siquidem Historici est, vsitata vocū significatione res gestas enarrare, metaphoricæque voces rarò adhibere, allegoricas nunquam: At in D. Augustini assertionem, nomina hæc, Cœlum, lux, tenebræ, dies, nox, mane, vespere, in diuersam admodum, atq; ab vsitata longè dissimilem significationem, in allegoricam scilicet, pertrahi conspiciuntur. Sed maiorem adhuc huiusmodi sententiæ molestiam exhibere potest; sanctum hunc Vatem sapius ea ipsa verba secundum vsitatam significationem, ad eandem Mundi genesim enarrandam repetiisse: Allegoria siquidem, si post historicum, literalemq; sensum blande elicitur, lepida decoraq; euadit, at si locum historici, & literalis sibi vendicare præsumit; importuna, intempestiuaq; existimatur. Quapropter Basiliius Hexameron Homilia octaua, & Ambrosius libro quinto, Origenem, qui per aquas Angelos interpretabatur, merito carpunt, atque redarguunt. Præterea ex mirifica ingentis Patrum priscorum classis consensione, Angelorum, atque Empyreii genesim à Mose pernitentis prætermittam fuisse, eiq; de sensibili Mundo negotium tantummodo esse, iam supra sancitum, & constitutum fuit.

Verum Augustini argumentationes superest vt dissoluamus. Atque vt eam, quæ primo in loco deferrebat, propellam; qua Angelorum, veluti creaturarum insignium effectiō silentio haud obuolutam fuisse assererat, cum vniuersorum Dei operum generura hic tradatur: Afferro primùm, non adeò compertum exploratumve esse, num Angeli cum Mundo, an potius ante Mundum manarint: Problema siquidem dialecticum est istud in via Patrum, ut supra demonstrabamus. Deinde estò Angelos vnâ cum Mundo profiliisse, non ob hoc Angelorum mentionem agere necesse habebat Moses, qui sensibilibus solummodo Orbis creationem cōscribendi partes susceperat. Quamobrem, & ipsorum genesim suppressisse, ac prorsus omisisse asserendum est; quemadmodum & de lapsu naturæ Angelicæ nil retulit. Cum enim cuncta à Mose Spiritus Sancti afflatu profusa, ad Christum humani generis reparatorem dirigerentur; de Angelo, eiusq; profilitiōne, qui reparandus non erat, sermonem habere Moses minimè cogebatur. Ad id, quod vt ratum, certum, exploratūq; proferebat Augustinus, nempe, quod lucis plura cum sint genera, germana lucis significatione, spiritualis lux potius denotari, quam quæuis altera hoc loco videatur, vt & D. Thomas admittebat: Afferro id verum non esse, si vsitatam, vulgarem, & passim acceptam huius vocis, Lucis, significationem accipiamus; lux siquidem Astrorum, seu Ignis lumen candescens passim exprimit, ac significat; Mosem autem vsitatos significatus prosequi, nemini prorsus dubitandum est. Sed quod grauissimum, & firmissimum Augustinus censebat argumentum; quo pacto scilicet lux illa nondum congesto firmamento; nondum producto Sole, & Astris; nondum discriminatis Elementis, dies gignere posset: cæteris Patribus nullum exhibet negotium. Alij enim lucis nomine Solem: alij igneam materiem, ex qua conflatus fuit Sol; alij lumen ipsum Solis absque globo, per circūductionem, seu emissionem, & attractionem veatū intelligunt, atq; exponunt. Quibus & Ruperti ratio prostermitur, cū lux illa post triduum non euanuerit, vt ipse arbitratus est, sed cū Sole perhēniter remanserit.

HVGONIS nostri sententiam profectò auream, libro primo de Sacramentis, prima parte, capite decimo, proditam, non possum silentio prætere. Contemplatur siquidem ipse, existimatq; , quod simul, & hæc corporea, & illa spiritualis lux condita, seiunctæq; sint; quodq; ea, quæ in Mundi sensibilis conflatione agebantur, earū rerum quæ in spiritali, & superno efficiebantur, imago ac simulachrum extarent. Quapropter eodem

eodem quoque narrationis contextu, & hæc iuxta literalem sensum, & illa secundum allegoricum, fortè à sanctissimo Vate prodantur.

Et vt mihi videtur, eodem prorsus temporis momento, quo visibiliter, & corporaliter diuisa est lux à tenebris; indiuisibiliter quoque boni Angeli discreti sunt à malis: illis in tenebras peccati cadentibus, & istis ad lucem iustitiæ conuersis, illuminatisque à luce, vt lux essent, & non tenebræ. Sic enim consonare debuerunt exemplaria operum Dei; vt quæ visibilia erant opera Sapientiæ, inuisibilium prouentus sequerentur: secundum quòd ipsa, quæ vtrouique operabatur Sapientia, ibi iudicium exercuit, hic formauit exemplum. Diuisa est lux ergo à tenebris, & erat lux visibilis, & visibiles tenebræ erant: similiter & lux inuisibilis erat, & tenebræ inuisibiles erant: & vtrorumque diuisio facta est, & simul facta est diuisio tenebrarum, & lucis.

De Bello Angelico.



HÆC ardua, atque excelsa interpretatio, clarissimum certè Augustini perspicacissimi ingenij monumentum, iam satis cumulatè à nobis exposita, & declarata, narrationem de bello Angelico (quantumuis prouinciam meis viribus imparem) suscipere me inuitat, & allicit; eamq; ut libentius subeam, duæ potissimum causæ adhortantur, & commonent. Altera est, ut hæc eminentissima Augustiniana doctrina magis patefacta clarescat, quàm diuerso scilicet euentu, sancti Angeli vt lux effulserint, atque ad gloriam prouecti fuerint; desertores vero tenebræ effecti, profligati, in exilium pulsi, æternisque supplicijs fuerint adaecti: con- simulque, & quomodo disiunxerit Deus lucem à tenebris, sanctos à proscriptis, atque in remotissimas partes eosdem apostatas relegarit. Altera, vt lectorum mentes tot Glossarum, atque interpretationum farragine tædio forsitan affectæ, & fessæ, hac iocundissima rerum in supernis partibus Cœli micantibus vix nascente Mundo gestarum historia recreentur, ac restaurentur.

Cur Bellum Angelicū hic describatur.

Angelicum Bellum, quo certè vel præliantium copia, uel Ducum eminētia, uel præsumpta de causa, uel belli genere, uel loci claritate, vel denique profligatorum clade, & uictorum coronis, nullū unquā fuit acrius, nullumve memorabilius, narrare aggredior: Bellum inquam illud, præliorum omnium, atque cunctarum humanarum calamitatū fontem, & causam. Initum equidem est, sed non persolutum hoc bellum in Cœlo, quando ingenti vtrinque acie dimicatum est. Quinimodò in Mundo accersitis hinc piorum copijs, inde impiorum agminibus, usque ad sæculi excidium perseverat. Duo singularia certamina memoratu dignissima perpetrata sunt: Alterum inter Luciferum, & Adam: Alterum inter Christum, & ipsummet Luciferum. Sed propè Mundi finē atrox illa pugna iterum ineunda erit; de qua in Apocalypsi scriptum comperitur: Factum est prælium magnum in Cœlo. Huius primæ contentionis, seu immanis belli causa, omnia in Mundum irrepere flagitia; Angelorum lapsus, humani generis perditio, peccati labe, mortis calamitas, pœnalitatum copia, Inferni reformatio, Gigantum procacitas, Diluuij cathaclysmus, Dei ignoratio, Idololatriæ fœditas, criminū obscenitas, ac denique fœda omnium cladum origo. Nisi enim Lucifer à Deo apostatasset; nec hominem ille tentasset; nec horum, quæ diximus, aliquid subsequutum fuisset. Breuissimè igitur tanti belli euentum enarrabo.

Angelici Belli magnitudo.

Apoc. 12.

Maiestatem eam amplissimam, qua Deus Imperator Orbis, Rex Regum, & Dominus dominantium, coruscantissima gloria, & innumerabilibus Spirituum Cœlestium agminibus constipatus, glomeratusque, terra sub pedibus eius ad instar scabelli substrata, in Cœlo ueluti in aureo, micantiq; Throno confidebat; adeo eleganter Dagniel descripsisse mihi visus est; ut præclaram hanc contemplationem prætermittere, & antiquus dierum sedit; Vestimentum eius candidum quasi nix, & capilli capitis eius, quasi lana munda. Thronus eius flammæ ignis, rotæ eius ignis accensus, & fluuius ignis, rapidusque egrediebatur à facie eius. Millia millium ministrabant ei, & decies milles centena millia assistebant ei. Quibusnam uniuersorum Satoris, ac Moderatoris Dei Maieestas

Dei imperatoris Maieestas.

Dan. 7.

Thronus Dei
quid signifi-
cet.

Apoc. 4.
3. Reg. 10.

Apoc. 4.
Dan. 7.

1. Ioan. 5.

Vestimentum
cadidū quid
signet.
Lib. 1.

Capilli quid.

Psal. 147.

Flamma, &
Rota, & Flu-
uius ignis
quid
Ezech. 1.

Deuter. 4.

Gen. 19.

P. p. q. 50 ar-
tic. 3.
De numero
Angelorum.

Maiestas clariùs patefieri & referari potuisset? Throni positi diuinæ auctoritatis, atq; potestatis, qua Vniuerso imperat, symbolum sunt; proinde in Apocalypsi legitur; Ecce Thronus positus est in Cœlo. Et tertio Regum; Thronum fecit sibi Salomon de ebore grandem, & vestiuit eum auro fuluo nimis, & habebat sex gradus. Thronus certè hic est Dei maiestas, qua regit; Ex ebore congestus est, quia nitida est eius mens, atque prouidentia ratio; auro contegitur, quia charitate flagrantissima vndique est con-
sperfa, accincta que; Sex gradus, sex sunt rerum genera ipsius substrata ditioni; sim-
plicia elementa, cœlestis machina, terrestria tum perfecta, tum imperfecta, quæ esse tan-
tùm patiuntur; vegetantia, sensu prædita, homo ex spiritu, & corpore compactus; An-
gelus purus spiritus. Positus autem est Thronus vnus, vt in Apocalypsi, & positi Thro-
ni plures, vt apud Danielelem legitur. Vnus, quia Deus noster essentia vnus est; Plures,
quia plures, idest tres hipostasies, in vna essentia existunt; Nam tres sunt qui testimoniū
dant in Cœlo, Pater, Filius, & Spiritus Sanctus. Sed antiquus dierum sedet, hoc est
Pater, non æternitate prior, sed origine antiquior: sedet autem Pater; quia Patris mu-
nus est, Filio, hoc est Christo, imperium Mundi conferre. Vestimentum gestat can-
didum quasi nix, quoniam candore diuinæ gloriæ amictus est. Vnde D. Hieronymus
in Danielelem inquit, quod Saluator gloriam diuinæ Maiestatis in mōre assumens, in can-
didis videtur vestibus. Quemadmodum enim candor summopere allicit, lætificatque;
ita diuina gloria mentes seipsam contemplantis viuificat, atque ineffabili afficit gau-
dio. Capilli ex capite, Iudicia sunt; quæ ex diuina Sapientia, quasi ex capite pro-
deunt; & sunt vt lana munda; lana, quia suauia; & munda, quia sincera. Qui dat ni-
uem, inquit Dauid, sicut lanam, hoc est iudicia, quasi beneficia; & nebulam sicut cine-
rem spargit, hoc est, procellam tribulationum, quasi salubrem mortificationem. Ros
profecto descendit in vellus Gedeonis: hoc est; consolatio, & gratia, in tribulationibus
à diuina benignitate illatis semper insident, talibusque Altissimi donis ferè semper tri-
bulationes conspersæ sunt. Thronus autem eius flamma ignis, quod potestas eius
in summa erga Mundum charitate confideat. Rota eius ignis accensus; ex charita-
te siquidem velocissimè ad Mundi moderationem decurrit; Nam spiritus vitæ erat in
Rotis. Et fluuius ignis, rapidusque egrediebatur à facie eius, quoniam iudicia
eius misericordia, & amore sunt referta: cuncta quinimmo in Deo ignescunt, cuncta
candescunt; quia Deus ignis consumens est, cunctaque in Deo misericordia sunt, & cha-
ritate ardent. Verùm quemadmodum ignis alia perficit, vt metalla; ea enim liquefa-
cit, vt ad comptiorè, ac præstantiorem formam redigantur; paleas autem comburit: Ita
Dei iudicia pios purgant, atque perficiunt, sed tamen quasi per ignem; Impios autem
ad nihilum redigunt, cùm tandem miseri in gehennam detruduntur. Cæterum
millia millium ministrabant ei, in amplissima Maiestate confidenti. Quidnam potero
ego de cœlestibus legionibus, de spirituum Deo omnipotenti famulantium multitudine,
de Angelorum numero, congruum hoc loco, vel condignum proferre? Numerare
enim stellas si potes. Quis nanque Angelicas virtutes, quæ innumeræ vti scintilla, ex
diuina potentia, tanquam ex filice emanarunt, ac prosilierunt, vnquam dinumerauit?
Attamen vt Angelos innumerabiles esse conuincamus, numerosas de numero ipsorum
sententias recitemus.

Plato (vt præter Platonicos D. Thomas ei ascribit) substantias separatas, Idæas, seu
species abstractas rerum sensibilibus esse ratus, tot Angelos, quot rerum species extarēt,
comperiri censuit. Quod quidem placitum repudiat Aristoteles, altioris quàm sint re-
rum rationes, eminentiorisque naturæ intelligentias esse asserens.

C L E M E N S Alexandrinus Stromatum libro quinto, quæ Platonis fuerit
de Angelorum, seu Dæmonum numero sententia, his memorat.

Quinetiam in Decimo de Legibus apertè ostendit Plato illud Apostolicum; Non est nobis colluctatio ad-
uersus carnem: sed aduersus principatus, aduersus potestates, aduersus spiritualia eorum, quæ sunt in Cœlis;
scribens hoc modo; Quoniam enim ex eis concessimus, nobis quidem esse Cœlum multis bonis plenum, esse
autem etiam contrarijs, pluribus autem, qui non sunt huiusmodi, est inquit; pugna eiusmodi immortalis,
eaque magna cautione indiget.

Quod autem fuerit Platonis placitū de Angelis, Num ipsos, quos honoris gratia Deos
nuncupauit,

nuncupavit, aliud ab Idęis esse maluerit, nunc profecto nobis nullus disceptandi locus relinquitur.

Aristoteles tot numero Intelligentias esse dijudicavit, quot corporum Cęlestium la-
tiones, quas quidem quinquagintaquinque extare, cōpertum est diffinisse. Verum & Ari-
stoteles extra Cœlū entia quędam beatam vitam degentia reperiri, aliās fateri visus est.
Avenna verò asseruit, quod tot sint Angeli, quot orbes cęlestes vnā cum sphaera acti-
uorum, & passiuorum; cui dixit pręesse Intelligentiam vltimam: atque huic sententię
Peripatetici omnes subscribunt.

Hebręorum eximius Rabbi Moses, D. Thoma loco asserto referente, orbium lato-
res, & rerum insitas uirtutes, & mortales etiam homines diuina annunciantes, à Scri-
pturis Angelos appellari censuit.

D. T H O M A S Rabbinum Mosem id dixisse, vt Platonem atque Aristo-
telem conciliaret, asserit, dum ait.

Rabbi Moses Iudęus volens concordare vtrumque dixit, quod Angeli, secundum quod dicuntur substan-
tiae immateriales multiplicentur secundum numerum motuum, vel corporum cęlestium secundum Aristotelem:
sed posuit quod Angeli in Scriptura dicuntur etiam homines diuina annuntiantes, & iterum virtutes rerum na-
turalium, quę omnipotentiam Dei manifestant. Sed hoc est alienum à consuetudine Scripturę, quod virtutes
rerum irrationabilium Angeli appellentur.

Basilidis, Carpocratis, Menandri, Saturnini Hęreticorum famigeratorum senten-
tiam memorat Irenęus; qui Angelos, & Cęlos, trecentos sexaginta quinque esse, cū anni-
diebus numerum æquantem autumabant: quod placitum, ut absurdum, atque à catho-
lica doctrina, & vera philosophia alienum, passim à pluribus Patribus extruditur. Quo-
rum cathalogum excerpere poterit Lector ex disceptatione; Num Angeli Mundum
condiderint.

Alij putarunt æqualem esse numerum Angelorum, & hominum.

A T H A N A S I V S proinde in Quęstionibus ad Antiochum inquit.

Alij æqualem esse numerum Angelorum, & hominum affirmant, in testimonium adducentes illud; Consti-
tuit gentium terminos, iuxta numerum Angelorum Dei.

Sed hæc ipsorum arbitratu delata est sententia; Testimoniumq; illud Scripturę in-
tempestiuè adductum est; cū interpretari magis debeat, Deum constituisse gētium,
hoc est prouinciarum terminos, iuxta numerum Angelorum custodum; hoc est nullā
esse prouinciam, quę custodem à Deo destinatum Angelum non habeat.

Alij Angelorum numerum ab hominum numero adeo excedi, ac superari opinati
sunt, vt electorum aciem ad tertiam Angelorum partem peruenturam dixerint; ex eo
quod in Apocalypsi draconem illum terrificum tertiam partem stellarum; nempe (vt
Magister sententiarum interpretari videtur) tertiam Angelorum partem traxisse scri-
batur; ac proinde electos, quos ipsi ad reparandum Angelorum numerum desumi
arbitrantur, tot fore perhibent, quot fuerunt Angeli, qui Luciferi exemplo, suggestuq;
corruiere: Cū autem electorum cohors tertiam humani generis partem non expleat;
profecto vt certum, atque exploratum relinquitur, homines longè magis quàm Ange-
los numero abundare. Cæterum titubat nimium, labascitq; sententia ista, imbecilli ac
infirmitate prorsus constituta fundamento. Electorum nanque numerum secundū An-
gelorum à Deo auersorum numerum desumendum esse, tanquam certum ac definitū
astruit, quod tamen Patres ferè omnes diffinire minimè pręsumpserunt. Deinde ne-
que ex hoc consequitur, super Angelorum phalanges longè excedere hominum acies;
qui in veritate persisterunt, cætu nequaquam maior existat, quamuis multi sint vocati,
pauci uerò electi.

H V G O proinde Victorinus de Sacramentis libro primo, parte quinta, capi-
te trigesimo primo.

Sunt qui dicunt, tot electos ex hominibus ad numerum Angelorum ascensuros, quot ibi constat remansisse
electos Angelos, propter Scripturam quę ait; Statuit terminos populorum, iuxta numerum Angelorum Dei.
Quod si verum est, cū multo plures sint in hominibus reprobi, quàm electi; plures inuenientur homines re-
probi, quàm electi Angeli. Si autem homines reprobi plures sint, quàm Angeli electi; cū electi Angeli plu-
res sint, quàm reprobi Angeli; plures erunt homines reprobi, quàm reprobi Angeli.

Alij

Lib. 12. Meta.

P. par. q. 50.
art. 3.

Lib. 1.

Quęst. 2.
Deuter. 32.

Cōstituit ter-
minos, &c. ex
ponitur.

Apoc. 12.
Lib. 2. dist. 6.

Mat. 22.

Deuter. 32.

Alij æstimarunt, quemadmodum superna elementa, si ex infimis gignuntur, vti ær ex aqua, in decuplum excrescunt; ita in decuplum Angelos numero hominibus præstare, eliciq; id asserunt ex D. Brigidæ reuelationibus.

D I O N Y S I V S Carthusianus in caput quartumdecimum Cœlestis Hierarchiæ.

Insuper Sancta Brigitta in reuelationibus suis testatur, quòd tot sunt Angeli Sancti, quòd quamuis homines vniuersi, qui vnquam fuerunt, sunt, & erunt, pariter essent, adhuc vnicique homini possent decem Angeli deputari.

Sed assertio hæc quasi pro arbitratu prolata reici potest.

Luc. 15.

Alij putarunt nonagies nouies Angelos hominibus superiores esse, genusq; humanum centesimam tantum partem extare, iuxta illud Lucæ; Nonne relinquit nonaginta nouem in deserto?

A T H A N A S I V S etiam loco citato placiti huius meminit, dum ait.

Alij quidem asserunt, quòd nonaginta nouem partibus distributi sunt; iuxta parabolam decem drachmarum.

Sed illud ex comparatione esse dictum, non est qui ambigat.

Psal. 146.

Alij rursus tot esse Angelos quot stellas, asserere non dubitarunt, in argumētum suæ sententiæ assumptas, quod de Deo regius Vates enuntiat; Qui numerat multitudinē stellarum, & omnibus eis nomina vocat; id non de his micantibus in Cœlo facibus, sed de Angelis dictum existimantes. Verum frigida est hæc sententia, sicuti & interpretatio; nulla enim fulcitur auctoritate.

Dan. 7.

Alij diffinierunt præscriptum nobis esse numerum Angelicarum copiarum, quando hoc loco dictum est; Millia millium ministrabant ei, & decies centena millia assistebat ei. Sed num ista expositio germana sit iudicanda, maximus adest dubitandi locus.

Commē. in Daniel. c. 7.

Psal. 67.

Psal. 103.

H I E R O N Y M V S enim Daniele ipsum explanans ait.

Non quòd iste ministrorū Dei numerus diffinitus sit, sed quòd maiorem multitudinem humanus sermo explicare nequiverit. Ista sunt millia, & istæ Myriades, de quibus in Psalmis legitur; Currus Dei decem millibus multiplex millia letantium, Dominus in eis. Et in alio loco; Qui facit Angelos suos spiritus, & ministros suos ignem vrentem.

Alij dixere tot esse Angelos, quot sunt cunctarum rerum sensilium indiuidua.

Alij vero Angelos tantò anteire cunctas res numero, quantò immensa Cœlestia corpora circumseptis ac circumclusis elementis amplitudine præcellunt: Verum hæc, & consimilia ad libitum prolata esse, nemo est qui ambigat.

Cabalistæ, nescio quo ficto & commentitio excogitato delusi, Trecentas Myriades, sexcenta quinquaginta nouem millia, & septuaginta duos esse Angelos tradidere: Sed hæc fabulam redolent.

Cæterum Patres conformi sententia, asseueranter, constanterq; edocent, Angelos ad infinita propemodum millia esse diffusos, & numero penè innumerabiles extare.

D I O N Y S I V S de cœlesti Hierarchia capite quartodecimo.

Et hoc autem dignum (vt æstimo) intellectu cognitione, quia eloquiorum de Angelis traditio nullies millia esse ait, & decem millia decies millia, secundum nos sublimissimos numerorum in seipsam reuoluens, & multiplicans, & per hos aperte signans innumerabiles cœlestium essentiarum ordinationes. Multa enim sunt beatæ militiæ supermundalium intellectuum, infirmam, & coarctatam superantes materialium secundum nos numerorum commensurationem, & à sola gnostica diffinitæ, secundum ipsam supermundanam, & cœlesti intelligentia ditissimè ipsis infusa sanitate diuinæ multæ scientiæ, sapientificæ omnium simul quæ sunt superessentialiter subsistentis principij, & causæ substantificæ, & continentis virtutis, & ambientis consumptionis.

D I O N Y S I V S Carthusianus in explanatione capituli eiusdem, art. sexagesimo tertio.

Dan. 7.

Sic enim scriptum est à Daniele; Millia millium ministrabant ei, & decies millies centena millia assistebant ei; In quibus verbis ponitur numerus determinatus, pro numero indeterminato. Etenim incomparabiliter plures sunt, quàm numerus exprimit iste; præsertim cum vnusquisque homo hic viuens specialiter habeat sanctum Angelum custodem de infimo ordine existentem. Nec dubium, quin iam actu multo plures sint homines in hoc Mundo, quàm numerus ille contineat. Idem in libro Iob asseritur. Nunquid est numerus militum eius? Et Post. Denique vt Haymo refert, & quidam sancti Patres supernaturaliter conspexerunt, ær iste caliginosus Dæmonibus est tam plenus, vt atomis, qui in radijs Solis cernuntur, & in alia similitudine comparentur. Non obstant, quòd tam multi Dæmonum sunt cum suo principe in Inferno, & in alijs locis diuersis, ac apud nos; præsertim cum vnusquisque hominum Angelum malum habeat exercitatorum.

Iob. 25.

Certumque est, quod innumerabiliter plures Angeli persisterunt in Cælo, quàm corruerunt. Siquidem vnus chorus dicitur cecidisse, idest, tot de omnibus choris simul, quot ad vnum pertinent chorus, vel circiter.

BASILIVS de vera Virginitate.

Quid per singula pergam? ipsas Angelorum infinitas multitudines, & vna sanctorum Patrum beatissimos spiritus. Nullus enim ex his est, qui non singula vbiq; consideret.

Et contra Eunomium de Spiritu Sancto libro tertio.

Verum etiam Princeps exercitus Imperator copiarum Domini dicitur, qui Iesu Naue ad Iordanem manifestatus est. Et post. Legiones quedam Angelorum dicuntur, Domino discipulis dicente; An putas, quia non possum rogare Patrem meum, & exhibebit mihi plusquam duodecim legiones Angelorum?

Matth. 26.

GREGORIUS Nyssenus de Opificio hominis, cap. decimoseptimo.

Enimvero quanquam inter Angelos nulla sit propagatio, quemadmodum est indicatum, tamen eorum copia numero quodam infinita sunt: sic enim suis illis in visis Daniel commemorat. Et post. Quod si cuius hæc in angustum redigitur intelligentia, vt ex nobis scire velit, ex quo tandem modo homines orituri fuissent, si contra adiumento non eguissent: cum vicissim rogabimus, quomodo Angeli sint orti, quoue pacto, cum ad infinita propè millia sint diffusi, & vna natura, & multi esse numero possint.

Sed hæc maxima animaduersione sunt capienda. Non enim tutum est dicere, quod homines in Paradiso terrestri, si Adam non peccasset, sine generatione, & nuptijs prodijissent. Sed de his suo loco.

THEODORETUS Diuinorum Decretorum libro quinto, capite de Angelis.

Angelos enim non duos ab initio solos, quemadmodum homines fabricatus est; sed quotquot voluit produxit myriades. Quæ enim ab interitu aliena est natura, non eget incremento. Homines autem, qui mortale corpus sortiti sunt, mortique sunt obnoxij, necessariò egent fœmina. Et Post. Esse autem multas Angelorum Myriades docet sacra Scriptura; Mille inquit, millia ministrabant ei, & decies mille Myriades assistebant ei.

Dan. 7.

HILARIUS Enarratione in Psalmum centesimum vigesimum nonum.

Et quanquam hæc ita se (vt dictum est) habent, tamen meminimus esse plures spirituales Virtutes, quibus Angelorum est nomen, Ecclesijs præsidentes. Sunt enim secundum Ioannem Asianis Ecclesijs Angeli; sunt & Mose testante secundum numerum Angelorum fines gentium Adæ filijs constituti; Et Domino docente, Pusillorum Angeli quotidie Deum vident. Sunt secundum Raphaelem ad Tobiam loquentem Angeli adstantes ante claritatem Dei, & orationes deprecantium ad Deum deferentes.

Apoc. 2.
Deuter. 32.
Matth. 18.
Tob. 12.

CHRYSOSTOMUS de Incomprehensibili Dei natura Homilia secunda; cum Angelum non solum parem, sed multo nobiliorem, præstantioremque vniuersa visibili creatura dixisset, de numero eorum hæc subnectit.

Veruntamen millia Angelorum sunt innumerabilia, mille millia Archangelorum; adde Sedes, Dominationes, Potestates, Principatus, cætus incorporeos Virtutum innumeros; denique genera cœlestia innumerabilia, quæ omnia Deus creauit tanta cum facilitate; quantam nemo valeat verbis exprimere. Satis enim illi ad omnia fuerat voluisse.

CYRILLUS Hierosolymitanus Catechesi quintadecima.

Cogita primum, quantum sit Romanorum genus; cogita quot gentes barbarorum nunc viuentes, & quot ante centum annos mortui; cogita quot ante mille annos sepulti sunt. Cogita eos qui fuerunt ab Adam vsque ad hodiernum diem. Magna quidem hæc multitudo, sed hæc tamen parua est. Plures enim Angeli. Noginta nouem oues sunt illæ, tu verò centesima, quoniam vnum est tantum humanum genus. Nam pro locorum magnitudine cogitandum est. Si hæc nostra terra est tanquam centrum in medio Cæli, & tantam habet multitudinem; quantam habebit multitudinem Cælum, quod Terram ambit? Et Cæli Cælorum immensam certè habent multitudinem. Scriptum est enim. Mille millia ministrabant ipsi, & decem millia myriadum assistebant ei; non quod tanta solum esset multitudo, sed maiorem hac Propheta dicere non poterat.

Dan. 7.

ÆNEAS Gazeus libro inscripto Theophrastus.

Atque earum, quæ sunt intelligentia præditæ, facultatum, plenum est totum Cælum; plenus etiam æther Angelorum, atque Dæmonum; Itemque plenus aër, plena terra, plenum mare, plena denique, quæ sub terra sunt omnia. Ac quemadmodum ait quidam sapientum nostratum; aded nihil est in rerum natura vacuum, vne sit etiam, quo capillum iniicias: sed etsi mortalibus in decies millenos annos, hæc externis sensibus exposita vita producat; nunquam tamen opinor, tantæ Angelorum, atque Dæmonum multitudini, humanarum animarum numerus par erit: ac quemadmodum nunc ferunt, in hac quoque vita fiet, vt hæc animarum copia omnis cesseret, atque deficiat.

D. THOMAS (vt vnum saltem ex Scholasticis consulam) prima, quæstione quinquagesima prima, articulo tertio: Angelos vti immateriales omnem materialem

teriale[m] multitudinem excedere astruit, tùm ex præallegata Dionysij auctoritate per-
motus, tùm ex insequenti Oratione.

*Quia cum perfectio Vniuersi sit illud, quod præcipuè Deus intendit in creatione rerum; quanto aliqua sunt
magis perfecta, tanto in maiori excessu sunt creata à Deo: sicut autem in corporibus attenditur excessus se-
cundum magnitudinem, ita in rebus incorporeis potest attendi excessus secundum multitudinem. Videmus
autem quòd corpora incorruptibilia, quæ sunt perfectiora inter corpora, excedunt quasi incomparabiliter secun-
dum magnitudinem corpora corruptibilia; nam tota sphaera actiuorum, & passiuorum, est aliquid modicum
respectu corporum Cælestium: Vnde rationabile est, quòd substantiæ immateriales excedant secundum multi-
tudinem substantias materiales, quasi incomparabiliter.*

Caietanus in Commentarijs de multitudine specifica id intelligendum exposuit.
Sed ut quid in re tam dilucida Patres amplius consulere? Dicam ego quid sentiam;
quidquæ ex ip[s]orum placitis hauserim.

A U C T O R.

Angeli non
sunt infiniti
numero.

Apoc. 12.

Psal. 146.

Angeli sunt
penè innu-
meri.

Parte prima,
quæst. 51.

Proverb. 14.

Iob 25.

Angelos finito numero, at certè ingenti, innumerabili penè, ac ordinato coarctari; &
Scripturarum oraculis, & Patrum obtestationibus, atque Catholicæ Theologiæ diffini-
tione, patefactum nobis, ac demonstratum est. Principiò infinitæ non sunt censendæ
Angelorum phalanges, eo quòd infinitum actu, vt aiunt in scholis, comperiri nequeat;
at solus Deus infinitate gaudeat. Deinde quoniam summus omnium Opifex in nume-
ro, pondere, & mensura uniuersa construxit. Rursum, si Angeli stellis comparantur; vn-
de in Apocalypsi: Draco tertiam partem traxisse stellarum scribitur: Et Dauid de stel-
lis prodit; Qui numerat multitudinem stellarum, & omnibus eis nomina uocat: uti stel-
las, quanquam innumerabiles, attamen infinitas esse, nemo est inter eruditos, qui asse-
rat: ita Angelos infinitate pollere, nullus profectò affirmare præsumet.

Verum Angelorum millia innumerabilia propemodum esse, argumento sunt pluri-
ma. Primum Deum Maximum, Augustum, Imperatorum Imperatorem, Mundi hu-
ius Dominatorem, Empyrei Regnatorem, præcones in Cælo numero innumeros habere,
consentaneum est. Deinde multiplex ministerium Angelorum, ac tot tamquæ diuersa,
quæ ipsi obeunt munera, quæ nobis, nec mente assequi, nec lingua eloqui posse conce-
ditur: nonne illos ferè innumerabiles esse, & apertè loquuntur, & clarè demonstrant?
Angeli etenim sunt præfides Mundi, Nationum ac hominum custodes, administratores
spiritus per uniuersum, uniuersorum ac singulorum fidelium tutores, & pedagogi, Ec-
clesiæ semper assistunt, largiora Dei beneficia nobis annuntiant, ac tandem humano ge-
neri auxiliantur. Quodquæ rationem hanc longè firmiorem reddit; qui tot tantaquæ
præstant, in una tantum, ac postrema Hierarchia collocantur. Quid ergo de cæteris hac
una & maioribus, & amplioribus Hierarchijs dicendum, uel cogitandum est? Nonne
in maximum, amplissimum, ac penè innumerabilem numerum, Angelorum cohortes
redundare manifestant? Præterea, ut D. Thomas asserbat, in præstantissimis Deus ita
abundauit, ut quantò perfectiora sunt, tantò in maiori excessu sint creata; qui profectò
excessus in rebus materiæ obnoxijis quo ad amplitudinem; in ijs vero, quæ materiæ sunt
expertes, quo ad multitudinem spectatur. Vnde & Cælestia corpora, quia longè ele-
mentatis præstantiora sunt, longè etiam ipsis magnitudine, siue amplitudine excellunt;
fons siquidem uberiori effusione in proximum lacum, quàm in remotum fluminis in-
ueum effluit, atque descendit. Insuper nonne immensam Dei bonitatem mirificum in-
modum decebat, ut amplissima illius, fulgentissimaquæ maiestas, pluribus uallaretur ra-
dijs, in quibus fulgeret, atque coruscaret? Nonne exposcebat amplius, & id Beatitudinis
excelsitas, ut innumera eorum essent acies, qui ad summi Boni contèplatione perfruen-
dum, atque in Regia, aulaquæ Dei perenniter uersandum destinabantur? Et præsertim
cùm Deus ipse infinitum illud sit bonum, ad quod contemplan- dum, amandū, iugiterq;
fruendū, spirituales conditæ sunt creaturæ. Sapientissimus quippe hominum Salomon
sic attestatur; In multitudine ministrorum gloria Regis: in paucitate plebis ignomi-
nia Principis. Tandem cùm Empyreum beatorum Regiam, uastissimum esse agno-
scamus: nonne & ciuium classes tam incolentes innumerabiles censendæ erunt?
Insuper id ipsum sacra comprobatur Scriptura; Iob nanque ait. Nun quid est numerus
militum

militum eius. Rursusq; scriptum est; Numera stellas si potes. Quocirca non defue-
re Theologi, qui plures esse Angelos, quam Cælorum stellas, Pelagi arenas, Terrarum
omnium lapides, Arborum, Olerumq; , seu Herbarum flores, Piscium, Avium, Animam-
tumq; turmas dijudicarint. Quamquam ego de prolato illo D. Dionysij nempe An-
gelorum phalanges omnem rerum materialium numerum superexcedere, non imme-
rito ambigam; num id de specifica, an de indiuiduata multitudine; atque ea num suc-
cessiva, vel actuali, capiendum sit; consultiusq; fore hoc omitti, quam temerè diffiniri
existimem; quidquid censuerit Caietanus.

Gen. 15.

Ordinis autem non expertes esse maximos illos, ac fortissimos Angelorum exercitus,
omnes concessere; nil siquidem à Deo, qui cuncta fecit in numero, pondere, & mensu-
ra, inordinatum profiliit. Deinde si ordo pulchritudinis ratio est, uti nil Regia Dei pul-
chrius, ita nil ea ordinatius. Rursum si Mundo eum Deus immiscuit ordinem, ut cun-
cta per gradus in ipsum, ut in principium scandant; igitur & acies Angelicæ secundum
gradus in Deum conscendunt. Sed (ut plura in vnum colligam) Angelos dispersitos
esse in ordines, ac Hierarchias, ex quibus superiores illuminet, purgent, & perficiant eas,
quæ subsunt, vniuersa sacra Theologia, duce D. Dionysio, edocet. Edocet pariter horum
ordinum semina in natura, in naturæ inquam præstantia, & ingenij perspicacitate, ac
voluntatis candore, atque in latitantibus ipsorum differentiis fuisse collocata: ex im-
pertitis verò eis per gratiam donis, & gloriæ gradibus, munerumq; diuersitatibus ab-
soluta. Tradidere id Scholasticorum principes Magister, D. Thomas, & Bonauentu-
ra; quos deinceps reliqui ferè omnes Scholastici insequuntur.

Ordo est in
Angelis.

Lib. de Cœle.
Hierarch.

Lib. 2. sent.
dist. 9.
Ibid. q. 7.
Ibid. q. 2.

De Lucifero Auctore Belli Angelici.

Num fuerit supremus Angelorum Lucifer.

Emicabat inter Angelos uti lucifer inter stellas, Angelus ille, qui celeberrimi huius,
simulque nefandi belli temerarius auctor, totq; ac tantorum, quæ ex ipso consecuta sunt
malorum, exitialis causa, atque origo exitit. Verum ut pedetentim proficiscamur, in-
dagandum nobis est; Num Lucifer fuerit omnium Angelorum eminentissimus, & Prin-
ceps: An potius terrestrium, seu postremi ordinis tantum supremus. Patres enim, &
Doctores, in has dispersiuntur sententias.

Catena Patrum, Luciferum omnium Angelorum eminentissimum fuisse, existimantium.

IGNATIVS in Epistola ad Philipenses hoc existimasse visus est, cum inquit.
Tu ergo, qui tanquam fulgur de sublimi gloria cecidisti, audes dicere Domino, Mitte te deorsum?
De sublimi gloria, hoc est de sublimi loco gloriæ, seu eminentiori sede, in qua Luci-
fer super omnes Angelos confidebat.

Matth. 4.

DIONYSIVS libro de Diuinis nominibus, capite secundo.
Ipsa Iesu in carne apparitio, & ineffabilis est sermone omni, & omni ignota intelligentiæ, ipsi quoque
antiquissimorum Angelorum primati non cognita.

Hoc loco Dionysius, per antiquissimorum Angelorum primatem, intelligit præci-
puum illum spiritum Angelicum auersum à Deo, & defectionis reliquorum Angelo-
rum principem, qui primatum excellentissimum inter Angelos tenuerat, ut dicit eius-
dem libri Scholion.

TERTULLIANVS aduersus Marcionem libro secundo, eluci-
dans illa Ezechielis verba. Tu signaculum similitudinis, & corona decoris; habet hoc.
Ut eminentissimo Angelorum, ut Archangelo, ut sapientissimo omnium dictum est.

Ezech. 28.

METHODIVS Cyrus Episcopus Patharensis, & Martyr, qui circa an-
num ducentessimum quinquagesimum quintum floruisse perhibetur libro de Rebus,
quæ ab initio Mundi contigerunt, his Luciferum cunctis Angelis excelsiorē nūcupat.
Cum autem Lucifer inter omnes Angelos esset excelsior à Deo creatus, ac speciosissimus, ut de eo scriba-
tur Ezechielis trigésimo primo; Omne lignum Paradisi non est assimilatum pulchritudini eius, quoniam spe-
ciosum eum fecit: Etiam inter stantes Angelos, nec fuit eo dignior.

G R E G O R I V S Nazianzenus sexto carmine de Substantijs mente praeditis, primam eum appellat.

*Quocirca primus male sana mente tumescens
Lucifer (eximio nam quod frueretur honore
Sperabat regale Dei soliumq; decusque)
Corruit amisso vilis splendore, miserque :*

Et in Iam bico decimoquinto.

*Natura simplex Angelus primus satus.
Qui deuierunt a bono, quid? Dæmones,
Princeps & horum Lucifer, qui quondam erat
Inuentor atræ, præsul & caliginis.*

C H R Y S O S T O M V S clariùs id expressit Homilia de Adam, & Eua.

Isa. 14.

Angelos ergo fecit in spiritu sine carne, præceptum dedit eis nullum; vnus Angelus primus, qui Sathabel dictus est, malignam, & nefariam præsumptionem assumens dixit: Pono sedem meam in Aquilonem, & ero similis altissimo. Et ita pro tali præsumptione cecidit irreparabiliter, vt Angelus primus precipitatus de culmine Angelico Diabolus nominaretur; Ecce sine præcepto cecidit irreparabiliter, vt consequentes sibi hodie hodieq; occidat.

Et Homilia de Lapsum primi hominis.

Psal. 103.

Fecit ergo Deus Angelos miro & ineffabili modo, dicente Propheta: Qui facit Angelos suos spiritus, & ministros suos flammam ignis. Factis ergo Angelis præceptum eis nullum dedit. In quibus Angelis Sathabel Angelus principatum tenebat. Hic ex defectu boni, fecit initium mali, quia malum Deus non fecit. Ergo quando ei obortum est, vt diceret. Pono sedem meam in Aquilone, & similis ero altissimo; recessit à bono, vt faceret (vt dixi) initium mali.

Isa. 14.

T A T I A N V S Diui Iustini sectator, qui & quandiu à latere eius nõ discessit, non aspernanda scripsit volumina; à Diuo Hieronymo in catalogo Ecclesiasticorum scriptorum recensitus, in Oratione contra Græcos, Luciferum primogenitum appellat.

Angelus autem ille primogenitus in Dæmonem mutatur, & alij phantasmata eius sicuti Dæmonum exitui deputantur, & propter arbitrij libertatem stultitiæ suæ permittuntur.

C Y R I L L V S in Isaiam libro secundo, capite decimoquarto, Luciferum Angelorum insignem, & superis Potestatibus spectabilem cum prodat, principem, superexcellensq; sedem illi ascribere videtur.

Erat enim, inquit, quod ad gloriam attinet, insignis inter Angelos, & superis Potestatibus spectabilis, & sanè velut inter astra Lucifer.

D. H I E R O N Y M V S Commentarijs in Psalmum vigesimum tertium, in illud. Dominus virtutum ipse est rex gloriæ, hæc habet.

Luc. 10.

Virtutum dicit, quia Diabolus nouem ordines Angelorum sub sua habuit dominatione, siue bonos, siue malos. Et aduersus Iouinianum libro secundo.

Videbam Sathanam tanquam fulgur de Cælo cadentem. Si altissima illa sublimitas cecidit, quis cadere non posset?

Ezech. 28.

Sed clariùs in Iob, capite quadagesimo.

Ipse principium est viarum domini. Nam in Ezechiele Propheta in capite lapidum ignitorum refertur, quod primus fuerit omnium Angelorum, & corona in manu domini. Et post. Proinde hic Behemoth, principium viarum Dei dicitur, eo quod primus factus, Dei sui cognitionem, à quo conditus est, accepit.

C Y R I L L V S Hierosolimitanus Cathechesi secunda, Archangelum illum vocat, cum ait.

Archangelus enim cum esset bonus, Diabolus postea, seu calumniator à calumniando dictus est.

G R E G O R I V S Magnus accurata oratione pulchrè adeò colligit Luciferum fuisse principem, eiusq; prærogatiuas, vt non omittere possim, quæ ipse diuersis in locis de hoc tradit. Nam libro nono Moralium, capite secundo, sanctissimus hic pater Luciferum summum spiritum, & ad culmen ascitum appellat, dum ait.

Summus ille Angelicus spiritus, qui subiectus Deo in culmine stare potuisset, semetipsum repulsus patitur, quia per naturæ suæ inquietudinem foris vagatur.

Iob. 40.

Et libro trigesimo secundo, capite decimo octauo, exponens illud dictum Iob; Ipse est principium viarum Dei, dicit.

Principium viarum Dei Behemoth dicitur, quia nimirum, cum cuncta creans Deus ageret, hunc primum condidit, quem reliquis Angelis eminentiorem fecit.

Vbi sentit Angelum lapsum, qui nomine Behemoth ibidem exprimitur, fuisse Cœlestium spirituum præstantissimum, supremique ordinis excellentissimum. Ad quod iterum comprobandum eodem loco adducit illud Ezechielis; Omne lignum Paradisi Dei non est assimilatum illi, nec pulchritudini eius, quoniam speciosum fecit eum, & multis, condensisque frondibus. Per ligna enim Paradisi, Angelicorum spirituum agmina intelligit, vnde ipse addit.

Ezech. 31.

Quæ quamvis excelsa sint condita, huic tamen nec prælata sunt, nec æquata.

Rursum & de ipso Angelo profert illud iterum Ezechielis; Tu signaculum similitudinis Dei, plenus sapientia, & decore. Subijcitque hic sanctissimus Doctor.

Ezech. 28.

Licet homo ad similitudinem Dei creatus sit; Angelo tamen quasi maius aliquid tribuens, non eum ad similitudinem Dei conditum, sed ipsum signaculum Dei similitudinis dicit; ut quod subtilior est in natura, eo in illo plenitudo Dei plenius credatur expressa.

Ibidem.

Subiungitque illa pariter Ezechielis verba: Omnis lapis operimentum tuum, Sardius, Topatius, Iaspis, Chrysolytus, Onyx, Berillus, Saphirus, Carbunculus, & Smaragdus. Quæ Gregorius ipse prænominato in loco exponens inquit.

Novem dixit genera lapidum, quia nimirum novem sunt ordines Angelorum. Quibus tamen Behemoth iste opertus fuisse describitur; quia eos quasi vestem ad ornamentum suum habuit, quorum dum claritatem transenderet, ex eorum comparatione clarior fuit.

Demum concludit Gregorius.

Huius principatus celsitudinem adhuc idem Propheta intuens, adiungit; Tu Cherub extentus, & protegens in monte Sancto Dei, in medio lapidum ignitorum perfectus ambulasti. Cherub quippe, plenitudo scientiæ interpretatur; & idcirco iste Cherub dicitur, quia transcendisse cunctos scientia non dubitatur. Qui in medio ignitorum lapidem perfectus ambulavit; quia inter Angelorum corda igne succensa, clarus gloria conditionis extitit. Quem bene extentum, ac protegentem dicit; omne enim, quod extenti protegimus, obumbramus. Et quia comparatione claritatis suæ, cæterorum claritatem obumbrasse creditur, ipse extentus, & protegens fuisse perhibetur. Reliquos enim, quasi obumbrando, operuit; qui eorum magnitudinem excellentia maiore transcendit.

Ezech. 28.

ANTONINVS Episcopus Constantinienſis epistola ad Archadium, Dæmonem Archangelum, hoc est primum Angelorum, his nuncupat.

Ipsæ tecum Archangelus, qui cecidit, dimicat: ipse tecum luctatur; sed tecum est Pater, Filius, & Spiritus Sanctus.

ISIDORVS de summo Bono libro primo, capite duodecimo.

Ante omnem creaturam Mundi creati sunt Angeli, & ante omnem creationem Angelorum, Diabolus conditus est, sicut scriptum est. Ipse est principium viarum Dei; vnde & ad comparationem Angelorum Archangelus appellatus est. Prius enim creatus extitit ordinis prælatione, non temporis quantitate. Primatum habuisse inter Angelos Diabolus excellentia prælationis, ex qua fiducia cecidit, ita ut sine reparatione laberetur. Cuius prælationis excellentiam Propheta his verbis annunciat: Cedri non fuerunt altiores illo in Paradiso Dei, Abietes non adæquauerunt summitatem eius: omne lignum Paradisi non est assimilatum illi, quoniam speciosior fecit eum Deus.

Iob 40.

Ezech. 31.

HVGGO Summæ Sententiarum, capite quarto, tractatu secundo.

Inter eos qui ceciderunt, vnus fuit excellentior omnibus alijs, & non solum illis, qui ceciderunt, sed & alijs omnibus eum fuisse excellentiorem videntur auctores velle, quemadmodum Iob dixit: Ipse est principium viarum Dei. Et in Ezechiele: Tu signaculum similitudinis, plenus scientia, & decore, in delicijs Paradisi Dei fuisti.

Iob 40.

Ezech. 28.

HONORIVS Augustudunensis præbyter in Sermone de Sancto Michaelē. *Iusti, qui in amore Dei ferventes alios in dilectione accendere anhelant, reuera in altitudinem ordinis Seraphim meant. Porro, ut Lucifer rutilat inter astra, sic primus Angelus fulsit inter ista agmina. Qui mox, ut his despectis, Deo æqualis esse voluit, à summa gloria in ima barathri corruit.*

MAGISTER secundo Sententiarum, distinctione nona.

Lucifer qui fuit de collegio superiorum, ipsis etiam dignior extitit, qui alijs excellentiores creati fuerant. Ex quo percipitur, quod si perstitisset, in ordine superiori fuisset, & alijs eiusdem ordinis dignior extitisset.

D. Thomas hanc sententiā, ut probabiliorem commendat. Magis enim consideranda (ait) est ratio, quæ sumitur à motivo ad peccandum, quæ euincitur, quod Angeli, qui deliquerunt, superiores, principesque fuerint, cum propria excellentia eis delinquenti occasio extiterit: quàm ea, quæ ex pronitate peccandi excerptur, quæ Angelos desertores ex infimo fuisse ordine argui potest.

P. p. q. 63. artic. 7.

Fundamenta
huius senten-
tiae.
Isa. 14.

Ezech. 28.

Lib. 6. in Ioā.
cap. 6.

Ezech. 31.

Sententiam hanc mirifice muniunt tum auctoritates, tum rationes conspicuae non modici momenti. Primum apud Esaia de eo, qui prior defectionem suscitauit, scriptum est: Quomodo cecidisti Lucifer, qui mane oriebaris? Vti Lucifer igitur inter stellas praestantior est, ita & Sathan inter Angelos eminentiorem fuisse censendum est. Amplius de eo per Ezechielem dicitur: Tu signaculum similitudinis; quasi ceteri Angeli ad similitudinem Dei effecti fuerint: ille verò signaculum, hoc est, summa similitudinis extiterit: Plenus sapientia, perfectus decore; quasi ceteri non adeò essent sapientia decorati; donisque licet amplissimis alij fuissent referti: ille tamen super ceteros eminentius ipsis esset locupletatus: Cherub extentus; quasi reliquos protegens: Lapides operimentum eius; quasi ipse inter ceteros, in medio ut Princeps consideret. Hæc enim ita interpretati sunt Gregorius loco asserto, & Cyrillus in Ioannem: Magister secundo, distinctione sexta: Hugo Summæ Sententiarum tractatu secundo, capite secundo. Adest etiam & illud Ezechielis: Cedri non fuerunt altiores eo in Paradiso Dei; abietes non adæquauerunt summitatem eius. Præterea id maximè rationi est consonum. Quo enim animi ausu omnibus præesse, nulli subesse, Dei sibi arripere maiestatem, cupere vniquam præsumpsisset, ni fulgida pulchritudine, & eminentia, reliquos omnes antecessisset? Nam si ceteris non antesteterisset Angelis, nec super eos se extollere, nec Dei augustissimam maiestatem appetere, nisi forsitan summa amentia, ac profectò in luce cæcutiens quiuisset. Deinde si infimum fortitus fuisset locum, tam numerosam Angelorum multitudinem secum in præceptra trahere nequaquam valuisset: neque enim superiores adeò facile in suam induxisset sententiam: & tamen ex quocunque ordine Angelos cecidisse, Doctores scholastici ferè omnes conformi assertionem diffiniunt. Amplius singulare ex hoc elicitur Diuinæ iustitiæ monumētum: si enim Deus excellentissimo Cœlestium spirituum peccanti non pepercit; sed à beatissimis sedibus extorrepertuò damnauit supplicio, exilioque multauit perenni: quid non poenarum & cruciatuum nobis, qui terra sumus, & cinis, si animo in Deum inolescere audebimus, nec citò, atque ex corde resipuerimus, ab eam Dei omnipotentis nunquam corrupta iustitia iussè metuendum, formidandum, ac penitus expauescendum.

Classis Patrum, & Doctorum, Luciferum Terrestris ordinis tantum Principem fuisse tradentium.

Lib. 8. c. 14. &
lib. 6. c. 8.

Platonici, præcipuè Apuleius, ut refert D. Augustinus in libris de Ciuitate Dei, duplicem substantiarum intellectualium classem fecere: alteram earum, quas Deos nominarunt, quæ supra lunarem globum degunt: alteram earum, quas Dæmones appellant; & alios bonos, alios malos dixere; hos inquam, qui infra lunæ orbem uersantur, hominibusque naturæ ordine antecellunt.

R V F I N V S Præsbyter Expositione in Symbolum Apostolorum idipsum sensisse visus est.

Deuter. 32.

Ab initio Deus, cum fecisset Mundum, præfecit ei, & præposuit quasdam virtutum cælestium potestates, quibus regeretur, & dispensaretur mortalium genus. Quod ita factum Moyses indicat in Deuteronomij canico ubi dicit. Cum diuideret excelsus gentes, statuit terminos gentium secundum numerum Angelorum Dei; Sed horum nonnulli sicut & ipse, qui princeps appellatus est Mundi, datam sibi à Deo potestatem, non ipsi quibus acceperant legibus obtemperarunt, nec humanum genus diuinis obedire præceptis, sed suis parere præuaricationibus docuerunt.

EPIPHANIVS contra Hæreses libro secundo, tomi primi.

Hoc enim erat Angelorum constitutio, quod facti sunt à Deo ob prouidentiam eorum, quæ ab ipso constructa sunt; quo vniuersalem quidem, ac perfectam prouidentiam vniuersorum Deus haberet, & auctoritas, ac imperium omnium ex ipso penderet, & vniuersum velut nauigium sapientiæ gubernaculo citra inclinationem dirigeret; particularem verò Angeli ad hoc ordinati haberent. Ceterum reliqui in his, ob quæ fecit, ac constituit ipsos Deus, manserunt. Hic verò violauit, & prauus factus est circa concreditorum ipsi administrationem, & inuidiam contra nos concepit. Quemadmodum, & qui postea carnes amauerunt, & cum filiabus hominum ob concubitus amorem conuersati sunt.

P A V L I N V S Episcopus Nolanus, qui circa annum quadringentesimum floruit, Epistola ad Seuerum quarta, cum Dæmonem vnum principem Angelorum appeller,

appellet, non supremum omnium ipsum extasse, censere videtur; namque ait.

Vnus enim principum Angelorum fuit, antequam deiiciendo cadens fieret Zabolus, cui dicitur; Quomodo cecidit Lucifer, qui mane oriebatur. Esa. 14.

A V G V S T I N V S quoque Vndecimo de Genesi ad literam, capite decimoseptimo, hanc Angelorū Cœlestium, & terrestrium duplicem classem memorat, nec reijcit, cum ait.

Senserunt quidam, non fuisse Diabolum in illa sublimi natura Angelorum, quæ supercœlestis est, sed in eorum, qui aliquando inferius in Mundo facti sunt, & per sua officia distributi.

At decimonono eam non approbare videtur, cum inquit.

Sed asserant hæc duo genera bonorum Angelorum qui potuerint, vnum supercœlestium, in quibus nunquā fuit, qui cadendo Diabolus factus est: alterum autem mundanorum, in quibus fuit; mihi autem fateor, unde hoc secundum Scripturas asseram, non interim occurrit.

Et tandem vigesimo sexto eam repudiare visus est.

T H E O D O R E T V S Diuinorum Decretorum libro quinto, ex Pauloid excipi posse his tradit.

Ad Ephesios autem scribens Diuus Paulus declarauit, quod antequam ad id, quod est deterius, esset conuersus, erat ei credita aëris administratio; Secundum principem, inquit, potestatis aëris huius spiritus, qui nunc operatur in filios diffidentie. Ephes. 2.

D A M A S C E N V S libro secundo, capite quarto, id ipsum detulit.

Ex ijs Angelicis virtutibus, ea quæ præerat terrestri ordini, & cui à Deo terræ custodia commissæ erat, non natura mala facta est, sed bona existens, & à bono facta, & nullo pacto in seipsa à Conditor malitiæ vestigium tenens; non ferens illuminationem, & honorem, quem ipsi Conditor indulserat, libera voluntatis potestate, demutata est ex eo statu, qui secundum naturam, in eum qui contra, & præter naturam est.

D. T H O M A S loco asserto, hanc non refutat sententiam.

Nec est abiicienda hæc opinio tanquam à fide aliena, quia tota creatura corporalis administratur à Deo per Angelos, vt Augustinus dicit tertio de trinitate. Vnde nihil prohibet dicere, inferiores Angelos diuinitus distributos esse ad administrandum inferiora corpora, superiores verò ad administrandum corpora superiora, superius uerò ad assistendum Deo. P. par. qu. 63. art. 7.

Muniri quæ potest hæc sententia. Primum quod Angelus præuaricator Cherub ab Ezechiele nuncupetur. Cherubin autem in supremo ordine non collocari, clarissimū est. Deinde, nonne præstantissimam, supremam, omniumq; nobilissimam creaturam, frustra ferè & incassum diuina Sapientia creasse videretur? Idq; quantum Dei Sapientiæ dedeceat, nemo tam desipit, quin hoc ipsum sapiat. Tandem ipsum primum, ac principem Angelorum omnibus præesse, si iam præerat, affectasse, atq; altiora, si iam primum sibi locum vendicarat, appetiisse; veritati ipsi manifestè refragari existimatur.

Sententiæ istius fundamenta. Ezech. c. 28.

A V C T O R.

Prohuius disceptationis diffinitione, non multum insudandum esse arbitror. Primum enim in loco neutram sententiam repudiandam esse; verisimiliorem tamen primā existimo pluribus de causis. Primum diuisionem illam Angelorum in Angelos cœlestes, & terrestres; Platoniam potius doctrinā, quā Theologicam redolere censeo. Non siquidem Theologia Angelos omnes Cœlestes esse, atq; in tres Hierarchias, ac nomines ordines, distributos edocet. Quorum tres primos in Dei tantummodo contemplatione quiescere, cæteros sex in ministerium mitti perhibet; vel saltem quinque potestates, vt Diuus Thomas edisserit. Sed quicquid sit, certè, & omnes Angelos cōfirmul in Empyreo conditos, & ante perduellium lapsum istam Angelorum discretionē, qua alij Deo semper assisterent, alij in ministerium ascriberentur, effectam non fuisse, sed post, clarissimum est: Deciderunt enim vix conditi, secunda, seu tertia in morula (vt aiunt in scholis) Chaos quidem producto; at nondum perfectō, ac venustato Mūtissimum mihi persuadent duæ iam adductæ, & quidem firmæ ac potentissimæ probationes: nempe, quod Angelus si supremus non fuisset, nec facile Deo æquari, cæterisq; præferri concupiuisset: neque ex cunctis ordinibus Angelos tunc excidisse existimandum esset; quod attamen constanter Theologi omnes tradunt. Cæterum quod diuina Sapientia supremæ omnium creaturæ molitionem frustra patrasse videatur, non est mirum,

Prima sententia ut probabilius præferatur.

Par p. q. 112. art. 4.

Diluuntur rationes altius sententiæ.

mirum, siquidem & in primæuo homine defectionem inobedientiæ pertulit: nec dicendum, Luciferum ipsum nil sublimius, quod appeteret, tunc habere potuisse; cū tantum cæteris præesse, sed nulli etiam subesse, Deumq; existimari concupierit. Quæ cuncta profectò ipsi, etiam vt supremo, minimè competeabant. Tandem quòd Cherub, non autem Seraph nuncupatus sit, mirandum non est; nondum enim fuerant Angeli in ordines, nisi fortè in præseminata dispositione, coniecti. Cherub autem præcipue est appellatus, & non Seraph; quoniam ex naturæ suæ præstantia maxima pollebat scientia, nulla autem adhuc exardescibat charitate.

De Causa defectionis præsumpta à Lucifero.

Emicabat igitur, vt dicebamus, inter cæteros Angelos, princeps omnium Lucifer, maiore intellectus perspicacitate, volūtate in bonum propensiore, præ cunctis ditatus; cū repente (proh dolor) nescio quid ipsum perturbans atque peruertens, illum, vt a Deo deficeret, cæterosq; secum ad defectionem sollicitaret, atque abduceret, permouit, impulit, pertraxit. Quid vero id fuerit, vel quidnam affectarit, seu quid ægrè tulerrit, adeò vt apostata sit redditus, non satis est perspectum; neque vniformi consensione definitum. Plurimas siquidem comperio apud Patres, & Doctores huic defectioni ascriptas causas. Primum oracula scripturarum Luciferum Dei similitudinem peroptasse, impieq; concupisse produnt. Quomodo cecidisti de Cælo Lucifer, qui mane oriebaris? Qui dicebas in corde tuo in Cælum conscendam, & super astra Dei exaltabo solum meum; sedebo in monte testamenti, in lateribus Aquilonis, ascendam super altitudinem nubium, & ero similis altissimo. Hoc quanquam D. Hieronymus ad litteram de Babylonis Rege interpretetur; Gregorius attamen Nazianzenus, Oratione de pace; D. Ephrem in Sermone ad euersionem Superbiæ; Augustinus de Gen. ad litteram vndecimo, capite vigesimo quarto; Theodoretus libro quinto Diuinorum Decretorum; Ioannes Cassianus Collatione octaua, capite octauo, & capite vigesimo quinto, & alij, de Diabolo id exponunt. Præterea in Ezechiele pariter hæc leguntur; Eo quod eleuatum est cor tuum, & dixisti, Deus ego sum, & in Cathedra Dei sedi in corde maris, & dedisti cor tuum quasi cor Dei. Quæ passim omnes Patres de Diabolo dicta allegoricè asseuerant. Quænam igitur fuerit hæc Dei similitudo, quam Lucifer concupuit, non vna est sententia: cū alij æquiparantiam; alij similitudinem Dei, ipsum appetisse velint, atque decernant.

Quòd Dei æquiparantiam, & primum quòd fieri Deum.

Cū æquiparantia Dei, quam Lucifer concupuisse perhibetur, triplex esse potuerit; vel quòd exoptarit fieri Deum, vel Deo parè, aut existimari Deum: Non desuere, qui dixerunt, Luciferum optasse fieri Deum: adeoq; turgidè se extulisse, & tantis offusum te-nebris cæcutisse, vt ex Angelo Deum euadere concupierit, in Deiq; naturam transire posse sibi ipsi persuaserit.

GREGORIVS Nazianzenus Carmine sexto de Substantijs mente præditis.

*Quocirca primus malè sana mente tumescens
Lucifer (eximio nam quòd frueretur honore,
Sperabat regale Dei soliumq; decusque)
Corruit amisso vilis splendore, miserque:
Dum Deus esse cupit, tetra caligine totus
Obrutus est, leuis atque licet prostatus ad ima.*

Quòd fieri vt Deus.

Alij saniori sententia maluerè Luciferum eam æquiparantiam exoptasse, qua efficeretur non quidem Deus: sed vt Deus, hoc est alter Deus; Deo optimo maximo compar, infinitus, immensus, omnium moderator, atque beatitudinis impertitor. Verum hæ duæ sententiæ, mox à seipsis diluuntur, atque vt D. Thomas egregiè euincit, nequiuert Lucifer ita turgidè suam mentem efferre; Tū quia id appetisset, quod profectò ex ea qua

Isa. 14.

Ezech. 28.

Par. p. q. 63.
Reiciuntur
prædictæ sen-
tentia.

qua præditus erat, insita scientia, impossibile fore agnouisset: nec habitus prauus, seu passio vlla astuans, eo in statu excellentem ipsius intelligendi virtutem fascinare adeo, obumbrareque poterat; vt in tantam sese vesaniam, seu dementiam præcipitaret: Tùm quoniam naturali appetitu, etiam malè affecto, nullus id vnquam concupiscat, quod sui est delerio, atque exitium; quamuis in sublimiorem naturam transmutaretur; Tùm denique, quia vt D. Bonauentura edocuit, nunquam id cadat in appetitu, quod prius non fulserit in intellectu; existimare perinde fieri Deus, vel vt Deus, in intellectu Angelico, qui perspicacissimus erat, nisi ex effictione cadere non poterat: si igitur id optasset, suam effictionem, quasi amens, & inscius tantum concupiuisset.

Quòd existimari, vt Deus.

Cogitarunt alij verisimiliori assertionem, appetiisse Luciferum non deitatem; sed existimari à cæteris Angelis, vt Deus, persuasisseque sibi, id fortè se consecuturum.

CYRILLVS in Esaïam libro secundo, capite quartodecimo, eleganter Luciferi tumorem, quo Deo æquiparari affectauit, reserat, cum ait.

Erat enim, quod ad gloriam attinet, insignis inter Angelos, & superis Potestatibus spectabilis, & sanè veluti inter astra Lucifer. Cecidit, & comminutus est, tumida, & turgida cogitans, & honorem, ac gloriam summæ soli nature congruentem rapere cupiens, quantum molimine, & vi, & animo poterat.

THEODORETVS in Ezechielem sectione vndecima.

Diabolus in illam insaniam lapsus est, & rabie percitus Deum seipsum appellauit, hominibusque, vt diuinum sibi cultum adhiberent, persuasit.

Huic sententiæ fauere videntur sacre Scripturæ oracula; siquidem in Ezechiele scriptum est; Eo quòd est eleuatum cor tuum, & dixisti; Ego sum Deus. Et rursum. Draco magne, qui cubas in medio fluminum tuorum, & dicis; meus est fluuius, & ego feci memetipsum. Ex quibus apparet, quòd cæteris Angelis persuadere contenderit, minimè se vt creaturam effluxisse. Et apud Ioannem mendax dicitur ab initio; quale autem mendacium ab initio fuit, nisi quòd mendaciter se Deum appellarit, existimari- que concupierit? Esaïas quoque Luciferum ipsum alloquens ait. Qui dicebas in corde tuo; In Cælum conscendam; hoc est, in Dei ipsius gloriam, & censebor ut Deus.

Ezech. 28.
Sententiæ hu-
ius funda-
menta.

Ioan. 8.

Isa. 14.

Quæ certè omnia Deum existimari, concupiuisse Luciferum demonstrant. Tandem, & Michael qui in Luciferum quasi Princeps confurrexit, ideo Michael nuncupatus est, quòd ea in defectione exclamarit; Quis vt Deus? quasi Lucifero improprians, quòd pro Deo existimari affectasset. Nec mirum est Luciferum in eam extumuisse insaniam: Nam vt rectè Augustinus obtestatur, cæca ambitio semper præsumit, plusquam possit. Munitur demum, & maximè hæc sententia, ex eo quòd post lapsum nil magis Lucifer contendere in hoc Mundo videatur, quàm vt diuinum cultum sibi præripiat; Deusque à mortalibus habeatur.

Quòd Dei similitudinem in Maiestate potentia.

Sensere quinetiam quamplures ex illustrioribus tùm Patribus, tùm Scholasticis, Luciferum Dei æquiparantiam, & similitudinem in potentia Maiestate peroptasse, qua propria auctoritate, nullisque ad id ferentibus meritis, cunctis præesse, & nulli subesse agnosceretur.

GREGORIUS Magnus Moralium libro trigesimo quarto; capite decimo septimo.

Sic fuerat Diabolus conditus, quatenus timore Leto auctorem suum, & amans metueret, & metuens amaret: sed sua peruersitate talis factus est, vt nullum timeret; Ei quippe, à quo conditus fuerat, subesse despexit. Ita enim Deus super omnia est, vt ipse sub nullo sit. Leniathan verò iste eius celsitudinis culmen aspiciens, ius pernerse libertatis appetijt, vt & præset cæteris, & nulli subeset: dicens. Ascendam super altitudinem nubium, & similis ero altissimo. Cuius eo ipso similitudinem perdidit, quo esse ei superbe similis in celsitudine concupiuit. Qui enim charitatem eius imitari debuit, subditus ambiijt eius celsitudinem, & hoc quod imitari poterat, amisit elatus. Celsus nimirum eset, si ei, qui veraciter celsus est, inherere voluisset. Celsus eset, si participatione veræ celsitudinis contentus fuisset; sed dum priuatam celsitudinem superbe appetijt, iure perdidit participatam. Relicto enim eo, cui debuit inherere principio, suum sibi appetijt quodammodo esse principium.

Isa. 14.

pium. Relicto eo, qui verè illi sufficere poterat, se sibi sufficere posse iudicauit; & tantò magis infra se cecidit, quanto magis se contra gloriam sui conditoris erexit.

AVGVSTINVS quartodecimo de Ciuitate Dei, capite vndecimo.

Postea verò quàm superbus ille Angelus, ac per hoc inuidus, per eandem superbiam à Deo ad semetipsum conuersus, & quodam quasi tyrannico fastu gaudere subditis, quàm esse subditus eligens, de spiritali Paradiso cecidit, &c.

EVCHERIVS in primum caput Geneseos, de Angelis sermonem habens, hæc quoque interserit verba.

Si natura incommutabiles essent, Diabolus utique non cecidisset. Commutabilitati nanque nature in eis suffragatur contemplatio Creatoris. Inde priuatus est apostata Angelus, dum fortitudinem suam non à Deo, sed à se voluit constare.

ALBERTVS Magnus de quatuor coæqueis, quæstione decima, articulo quarto, id asseruisse visus est, cum dixit.

Dicimus consentiendo sanctis supra inductis, quòd Diabolus nihil appetijt, nisi beatitudinem, ad quam peruenisset, si stetisset. Sed in beatitudine tria sunt, ut dictum est, scilicet perfecta potestas, & perfecta scientia, & perfecta bonitas. Et appetibile Angeli fuit beatitudo secundum perfectionem potestatis, non considerata scientia, & bonitate; Appetibile autem primi hominis fuit beatitudo secundum perfectionem scientie, non considerata potestate, & bonitate. Et appetibile Antichristi erit beatitudo secundum perfectionem, non considerata potestate, & scientia. Quod qualiter verum sit, sic potest intelligi. Ad perfectionem potestatis tria exiguntur, scilicet, ut à se, non ab alio habeatur; & ut habeatur statim, & non proficiatur ad eam per meritum; & ut in subiectis per potestatem alterius resistantiam non inueniat.

D. BONAVENTURA clariùs id explicauit secundo Sententiarum, distinctione quinta, articulo primo, quæstione secunda.

Notandum est igitur, quòd Diabolus quodammodo appetijt similitudinem imitationis, quodammodo equalitatis; & hoc apparet, si attendatur appetibile, & modus appetendi. Diabolus enim appetijt alijs præesse, sua tamen auctoritate. Quòd appetijt præesse, hoc fuit imitationis; & hoc quidem aliquando obtinuit, si stetisset: quòd autem propria auctoritate, ita quòd sine meritis, & sine datore, ita quòd nulli subesset; hoc est solius Dei, & hoc est æquiparantie: & ita patet quid appetijt; & patent multe auctoritates sanctorum: Quia Gregorius dicit, quòd appetijt esse sui iuris, ita quòd nulli subesset: Bernardus dicit, quòd appetijt equalitatem potentie: Anselmus, quòd appetijt præesse sine meritis; & omnes verum dicunt, & diuersæ auctoritates circumloquuntur hoc, quòd est præesse omnibus propria auctoritate.

Verum sententiam hanc elidit D. Thomas loco asserto, ea ratione: quia si Angelus Deo non subesse affectasset, suam ferè deletionem, atque interitum concupiisset, cum nulla creatura absque eo, quòd Deo subfit, valeat vlla ratione consistere. Et in Scriptis in secundum Sententiarum superaddit, quòd totum bonum Angeli est in hoc, quòd Deo subest, sicut tota claritas aeris est in hoc, quòd subijcitur radijs Solis.

Quòd similitudinem Dei in amplitudine sapientie.

CHRYSOSTOMVS in Genesim Homilia decima septima.

Sicut igitur Diabolus, qui per te operatus, & te ut instrumento vsus est, è Cælis deorsum depulsus est, quia plus quàm dignitatis sue erat, sapere volebat.

Ex his fortasse ansam alij susceperunt, ut autumarent Luciferum Dei similitudinem in scientiæ præeminentia peroptasse.

HIERONYMVS etiam visus est sensisse, amplitudinem Dei, seu similitudinem, quam desiderauit Lucifer, non tantum secundum potentie maiestatem, sed magis secundum scientiæ excelsum extasse. Idque libro nono in Ezechielem capite vigesimo octauo patefecit, dicens.

Dum enim multa conquirat, & non est contentus scientia, quam acceperat, nec potestate, cui prepositus erat, repleuit cellaria, & interiora pectoris sui; ut saturatus, & incrassatus calcitraret contra Creatorem suum. Et post. Et idcirco corrupta est doctrina tua cum decore tuo, siue perdidisti sapientiam tuam in decore tuo, ut dum plus vis esse quàm conditus es, & magis sapere, quàm à Deo acceperas; etiam id perderes, quòd habebas, & pro pulchritudine, atque doctrina, deformitas te, atque stultitiam possideret.

Quòd attamen paucis placuisse comperio.

Quòd

P. p. q. 63. artic. 3.

In scrip. 2. di. fin. 5. q. 2.

Lib. 9. comment. in Ezech. proph.

Quòd omnipotentiam Patris, Sapientiam Filij, Bonitatem Spiritus Sancti.

P E T R V S Abbas Cellensis libro de Panibus, capite primo.

Si quomodo sic sedeant tres sine graduum distinctione, & sine honoris variatione, sine loci distensione, vel dimensione, nullo modo apprehendas; noli mirari, quia nec vertex carmeli (idest scientia Angeli) hoc comprehendit: Deum enim nemo vidit unquam. Idcirco abstinet, & superponit digitum ori suo, neque manum conferens mensæ, neque os aperiens negatæ diuinitati, ut velit eam deglutire. Vidit namque consortem nature suæ Luciferum aliquando gulam desiderij ad hanc mensam extendisse, & non exinde diuinitatem, sed mortem degustasse. Vidit manum in lateribus Aquilonis porrexisse, & statim glacie Aquilonari riguisse, seu gehennalibus flammis exaruisse. Fortè omnipotentiam Patris, fortè sapientiam Filij, fortè bonitatem Spiritus Sancti fera illa bestia voluit deuorare; hæc enim sunt fercula mensæ Dei, quæ soli Regi seculorum immortalibus inuisibili debentur in sæcula seculorum. Hæc de mensa Dei, cui non communicat alienus natura, conditione, sorte, sed sola Trinitas singulariter, perenniter, inuisibiliter gloriatur.

Ioan. 1.

Quòd beatitudinem eam, quam natura vi.ibus nancisci poterat, spreta supernaturali selegerit.

D. T H O M A S loco asserto.

In hoc appetijt Lucifer esse similis Deo, quia appetijt, ut finem vltimum beatitudinis id, ad quod virtutis suæ natura poterat peruenire, auertens suum appetitum à beatitudine supernaturali, quæ est ex gratia Dei. Quasi in hoc consistat Dei similitudo, quam concupiuit Lucifer, nempe ut naturæ suæ præclara eminentia perfici, beatificariq; optarit; spreta, contemptaq; beatitudine ea supernaturali, qua ad gloriam promouendus foret.

Quòd supernaturalem beatitudinem concupierit, virtute sua, & sine merito comparare, eamq; à se in inferiora difflui optarit.

D. T H O M A S eodem loco hanc alteram deprompsit sententiam, cum ait.

Si appetijt Lucifer, ut vltimum finem, illam Dei similitudinem, quæ datur ex gratia, voluit hoc habere per virtutem suæ naturæ, non ex diuino auxilio secundum Dei dispositionem.

Sed vberius in Scriptis libro secundo, distinctione quinta, quæstione secunda.

Dicendum, quòd non appetijt æqualitatem simpliciter, quantum ad substantiam desiderati, ut scilicet vellet tantam bonitatem habere, quantum Deus habet: sed tamen appetijt æqualitatem secundum quid, scilicet, quantum ad modum habendi; bonitas autem, siue beatitudo est in Deo, quam habet per suam naturam, & à qua omnis creaturæ beatitudo, & bonitas transfunditur: videns ergo Angelus dignitatem naturæ suæ, qua creaturæ suæ naturalia in perfectionem beatitudinis peruenire. Et ideo dicitur, quòd sine merito habere voluit hoc, quòd meritis habiturus esset, si perfluitisset. Nec etiam quantum ad modum habendi, simpliciter Deo equiparari voluit; non enim voluit à se beatitudinem habere, nec esse primum in alios transfundens, sed à Deo, & sub Deo, secundum quòd ipse in omni natura operatur.

Thomistarum plures his blandiuntur assertionibus à D. Thoma excitatis.

Quòd sua dignitate delectatus Deum Creatorem contempserit.

D. A V G V S T I N V S causam, quòd transfuga Angelus Deo non adhæserit, nullam aliam in suis disseminauit lucubrationibus, nisi quòd propriæ dignitatis fastu, & excellentia delectatus, impudentissimèq; intumescens, ad laudem Creatoris non insurrexerit. Duas enim declarans cognitiones in Angelo; matutinam, qua in Deo; & vespertinā, qua in propria earum natura res percipiebat: Angelum desertorē ad matutinam non peruenisse autumat, eo quòd in vespertina moratus, seipsoq; delectatus, ad mane laudis Creatoris, & rerum fiendarum præuisionis in Verbo non cōfenderit. Augustinus igitur de Gen. ad literam, libro quarto, cap. vigesimoquarto ait. In omnibus sex diebus animaduerti potest, quia non remanet Angelica scientia in eo quòd creatum est, quin

hoc continuo referat ad eiusdem laudem atque claritatem, in quo id non factum esse, sed faciendam fuisse cognoscitur; in qua veritate stando dies est. Nam si vel ad seipsam natura Angelica conuerteretur, seq; amplius delectaretur, quam illo, cuius participatione beata est, intumescens superbia caderet, sicut Diabolus; de quo suo loco loquendum est, cum de serpente hominis seductore sermo debitus flagitabitur.

Et capite trigesimosecundo.

Mens Angelica pura charitate inherens Verbo Dei, posteaquam illo ordine creata est, ut prederet cetera, prius ea vidit in Verbo esse facienda, quæ facta sunt. Ac sic prius in eius fiebant cognitione, cum Deus dicebat, ut fierent, quam in sua propria natura. Quæ itidem facta in eis ipsis etiam cognovit, minori vique notitia, quæ vespera dicta est. Quam notitiam sanè precedebant quæ fiebant, quia præcedit cognitionem, quæ quid cognosci potest. Nisi enim prius sit quod cognoscatur, cognosci non potest. Post hæc si eo modo sibi placeret, ut amplius seipsa quam Creatore suo delectaretur, non fieret mane, idest, de sua cognitione in laudem Creatoris non assurgeret.

Et libro vndecimo, capite tertiodecimo.

Non enim valent intelligere, omne quod est, in quantum aliqua substantia est, & bonum esse; & nisi ab illo vero Deo, à quo omne bonum est, esse non posse: malam vero voluntatem inordinatè moueri, bona inferiora superioribus præponendo: Atque ita factum esse, ut rationalis creaturæ spiritus sua potestate propter excellentiam delectatus, tumesceret superbia; per quam caderet à beatitudine spiritualis paradisi, & inuidia contabesceret.

Et capite vigesimo tertio.

Diabolus factus continuo se à luce veritatis auertit, superbia tumidus, & propriæ potestatis delectatione corruptus.

Sed clariùs de Ciuitate Dei libro duodecimo, capite primo inquit.

Angelorum bonorum, & malorum, inter se contrarios appetitus, non naturis, principijsq; diuersis, cum Deus omnium substantiarum bonus author, & conditor utrosq; creauerit; sed voluntatibus, & cupiditatibus extitisse, dubitare phas non est: dum alij constantes in communi omnibus bono, quod ipse illis Deus est, atque in eius eternitate, veritate, charitate persistunt. Alij sua potestate potius delectati, velut bonum suum sibi ipsi essent, à superiore communi omnium beatifico bono ad propria defluerunt; & habentes elationis fastidium, pro excelsissima eternitate; vanitatis astutiam pro certissima veritate; studia partium, pro indiuina charitate; superbi, fallaces, inuidi effecti sunt. Beatitudinis igitur illorum causa est, adherere Deo.

Confimilia insinuarunt Chrysostomus, Homilia de lapsu primi hominis, & Cyrillus libro sexto in Ioannem. Ex quibus claret, iuxta Augustini placita, desertorem Angelum tumidum factum dignitate, quasi Deum Creatorem paruipendisse, suæque excellentia extumuisse.

Quòd indignatus sit Deo ex eo, quia conditione sua non contentus altiora munera, & maiorem dignitatem optarit.

THEODORETVS huius sententiæ assertor est libro secundo de Dijs, & Angelis, cum dicit.

Dæmones ab initio nequaquam malos fuisse à Deo creatos perhibemus, neque qua nunc præditi sunt, sortitos naturam fuisse; sed vitio voluntatis à melioribus ad peiora præcipientes corruisse; cum enim datis sibi muneribus contenti non essent; sed altiora quoque appetere, contraxisse labem superbiæ illos dicimus; ita ut ea quoque dignitate cassi prorsus exciderint, qua honestati ab initio fuerant.

CHRYSOSTOMVS Homilia vigesima secunda in Genesim. Scriptura nos docet, quòd à sua dignitate exciderunt Diabolus, & qui cum eo maiorem, quam decebat, dignitatem ambiebant.

ANASTASIVS Episcopus Nicenus, ex auctoritate Theodoret, ferè eadem defert; Quæstionibus in Scripturam, quæstione sexagesima prima, Iis non contentos Dæmones, quæ præbuerat Creator, maiora quidem appetisse dicimus.

FVLGENTIVS ad Monimum libro primo. Superbia tunc initium sumpsit, cum Angelus aduersus Deum elatus, & ipsa elatione prostratus, per concupiscentiam, quæ radix est omnium malorum, volens usurpare quod illi datum à Deo non fuit, à Deo discessit, & cecidit, in quo si steteret, non cecidisset; sed per concupiscentiam malam, qua concupiuit plus extra se, minus factus est in se. Quam concupiscentiam, licet explevere nequiuert opere, tamen retinuit voluntate. Sic ipse sibi iam factus est pena, ut supplicium semper esset malo voluntas mala, tanquam ceco ipsa cecitas sua.

Quòd

*Quòd munere administrationis creaturarum sibi commissarum
impiè sit perfunctus.*

P A P I A S D. Ioannis Euangelistæ discipulus, vt refert Andreas Archiepi-
scopus Casareæ Cappadociæ; Commentarijs in Apocalypsim, sermone duodecimo.
Alijs ex ipsis, nempe Angelis, quandam circa terræ administrationem potestatem, & procuracionem tribuit,
necque munus iniunctum administrare iussit. Et paucis interpositis, subiungit: *Accidit autem, vt ordinem sibi
presinitum absoluerent, non vt decebat.*

E P I P H A N I V S libro secundo, tomo primo, Hæresi sexagesima quarta.
Hoc enimerat Angelorum constitutio, quòd facti sunt à Deo ob prouidentiam eorum, quæ ab ipso constructa
sunt: quòd vniuersalem quidem, ac perfectam prouidentiam vniuersorum Deus haberet, & auctoritas, ac impe-
rium omnium ex ipso penderet, & vniuersum velut nauigium sapientiæ gubernaculo citra inclinationem diri-
geret; particularem verò Angeli ad hoc ordinati haberent. Caterum reliqui in his, ob quæ fecit, ac constituit
ipsum Deus, manserunt. Hic verò violauit, & prauus factus est circa concreditorum ipsi administrationem, &
inuidiam contra nos concepit. Quemadmodum, & qui postea carnes amauerunt, & cum filiabus hominum ob
conubitus amorem conuersati sunt.

Hanc assertionem, Patrum, Doctorumve nullus, quòd meminerim, prosequutus est;
& certè si in primordiali ipsius Mundi congestione deliquerunt Angeli, nondum ipso
Vniuerso absoluto, nec homine plasmato; quarum rerum regimen, & administratio-
nem exercuerint, non conspicio.

Quòd aliquod ipsi indictum à Deo præceptum renuerit.

Non desunt, qui Angelis viatoribus, (viatores enim Angelos fuisse Catholica fides
astruit) Deum, vt de eorum obedientia periculum faceret, aliquod præceptum propo-
fuisse; seu per seipsum, vt etiam Adamo de pomo non edendo legem tulit; seu per præ-
conem, hoc est, eminentiorem aliquem Angelum existimarint; Quodq; Lucifer, atq;
perduellium cohortes, sicut obtemperando beatitudinem sibi promeruissent, ita re-
nuentes deciderint.

E P I P H A N I V S contra Hæreses libro secundo, tomo primo, Hæresi
sexagesima quarta.

Spontaneam enim etiam ipsis habere ad vtraque voluntatem Deus constituit, velut etiam in hominibus; vt
aut obediens Verbo essent cum ipso, & acciperent beatitudinem, eaque fruerentur; aut non obediens
iudicarentur.

A M B R O S I V S Catherinus Commentarijs in posteriorem Epistolam Bea-
ti Petri, id ipsum insinuasse euincitur; Quamquam præceptum illud Angelis promul-
gatum, vt Christum adorarent, fuisse autumet.

Erat autem & maxime illa ratio ponderanda, quam ex Caietano iam attulimus. Dignum omnino, & æquum
fuisse, vt Angeli ad gloriam ex aliquo obedientiæ merito promouerentur non cuiuscunque præcepti, sed exce-
dentiis de eorum ruina à nobis dictum sit.

*Quòd Verbi Incarnationem, in Christoq; humane naturæ
maiestatem agrè tulerit.*

Dijudicarunt alij, Deum Lucifero, cæterisque affeclis, Verbum sua in hypostasi hu-
manam assumpturum naturam reserasse: adeò vt etiam intellexerint, Christum Deum
hominemque quinque super cunctos Angelos præminentijs cohonestandum fore.
Quarum prima ac princeps, vt filius Dei naturalis appellaretur. Quod certè priuile-
gium nunquam Angelis conferri posse non ignorabant; Iuxta illud Pauli ad Hebræos;
Cui enim dixit aliquando Angelorum, filius meus es tu? Altera quòd & ipsi cuncta
diuina impertienda, communicandaque essent idiomata, Christusque Deus, immen-
sus, Omnipotens, nuncupandus foret. Tertia deinde, quòd ipsi imperium rerum
omnium, tum cœlestium, tum terrestrium deferendum esset, iuxta illud; Data est mi-
hi omnis potestas in Cœlo, & in Terra: & Paulus ad Hebræos; Quem constituit hære-
dem vniuersorum, per quem fecit & sæcula; Adijcias, quòd super choros omnes An-
gelorum

Privilegia
quinq; Chri-
sti Dei, & ho-
minis.
Heb. 1.

Matth. 28.
Heb. 1.

Psal. 109.

Heb. 1.

gelorum esset confessor, ad dexteram inquam Dei; iuxta illud; Dixit Dominus Domino meo, sede a dextris meis; & cum eo Deipara Mundi Imperatrix, Angelorumque Regina. Postrema tandem præminencia, quod & ipsi Angeli eum adorare cogerentur, iuxta illud; Adorent eum omnes Angeli eius. Quæ cuncta moleste adeo pertulit Lucifer, cum naturam humanam longè sua ignobiliorem, flaccidioremque agnosceret, ut in eam præcipitaret sibi funestam perduellionem, Deoque resistere ausus, bellum collatis signis inchoare non dubitavit. Properare in hanc sententiam existimati sunt Patres illi, qui Luciferum invidia collapsum fuisse produnt. Homini etenim in natalis eius primordiis, minimè consentaneum est Angelum invidisse. Tum quod invidia non æstuet inter dispares; tum quod nondum plasmatus esset homo, cuius conditio præclara invidiæ tabem in Angelo excitaret. Quapropter si hunc in sensum Patrum oracula excipiamus, profecto subscripti Patres in hanc sententiam descendisse conspiciuntur.

BASILIVS in Sermone de Invidia.

Quid principium illud malorum omnium Demonem in inimicitias cum humano genere impulit? nempe Invidia; Ob quam Dei hostis manifestè deprehensus est.

CYPRIVS in Sermone de zelo, & liuore.

Facilius tam perniciosum liuoris malum à nobis vitabitur, si eiusdem mali & origo, & magnitudo noscatur. Hinc Diabolus inter initia statim Mundi, & perijt primus, & perdidit. Ille dudum Angelica maiestate subnixus, ille Deo acceptus, & charus; postquam hominem ad imaginem Dei factum conspexit, in zelum maliuoli liuore prorupit; non prius alterum deiciens instinctu zeli, quam ipse zelo ante deictus; captiuus ante quam capiens; perditus ante quam perdens; dum stimulante liuore homini gratiam datæ immortalitatis eripit, qui ipse quoque id, quod prius fuerat, amisit: Quale malum est fratres dilectissimi, quo Angelus cecidit, quo circumueniri, & subuerti, alta illa, & præclara sublimitas potuit, quo deceptus est ipse, qui decepit?

LACTANTIUS libro secundo, capite nono, id clariùs videtur explicare, si Angeli boni antecessoris nomine, Verbum ipsum carnem efficiendum, ut ita dicam, interpretemur.

Deinde fecit alterum, in quo indoles diuinæ stirpis non permansit. Itaque suapte invidia tanquam veneno infectus est, & ex bono ad malum transcendit, suoque arbitrio, quod à Deo illi liberum datum fuerat, contrarium sibi nomen asciuit. Vnde apparet cunctorum malorum fontem esse liuorem. Inuidit enim ille antecessori suo, qui Deo Patri perseverando tum comprobatus, tum etiam & charus est.

BERNARDVS id declarat apertiùs, tanquam si spiritu id conspexisset, in Cantica Canticorum Sermone decimo septimo.

Putasne, Lucifer ille, qui mane oriebatur, sed præpropere eleuabatur, antequam verteretur in tenebras, & neri nostro inuiderit, & ipse olei effusionem, ut per seipsum iam tunc indignabundus mullaret, dicens intra se quodammodo; Ut quid perditio hæc? Hoc ego non assero dicere spiritum; sed nec contradicere dico? nescio enim. Potuit autem contingere (si tamen incredibile non putetur) plenum sapientia, & perfectum decore, homines præscire potuisse futuros, etiam & profecturos in parem gloriam. Sed si præsciuit, in Dei Verbo absque dubio vidit, & in liuore suo inuidit, & molitus est habere subiectos, socios dedignatus. Infirmiores sunt, inquit, inferioresque natura, non decet esse conciuies, nec æquales in gloria. An forte prodit impiam hanc eius machinationem illa præsumpta ascensio, sessioque significans magisterium? Ascenda, inquit, super montem, excelsum, & sedebo in lateribus Aquilonis, quod Altissimi quandam proinde similitudinem obtineret, si quemadmodum ille super Cherubim sedens gubernat omnem Angelicam creaturam, ita & ipse altus sederet, regeretque genus humanum. Absit. Iniquitatem meditatus est incubili suo.

Porrò cum homo, nisi fuisset per Christum sublimatus, Angelici spiritus socius esse non posset; scribens Bernardus Luciferum suo liuore homini tanquam socio inuidisse, hominis sublimitatem in Christo, hoc est humanam naturam a Verbo assumendam, Luciferum ipsum intellexisse manifestat.

CATHERINVS placiti huius præcipuus propugnator Commentarijs in posteriorem Epistolam Beati Petri, sub præcepti typo hanc recitat sententiam. Dicimus Dominum Deum, antequam hunc Mundum nostrum constituisset, creasse Angelos, & in Cælo illo summo, quod Empyreum vocant, collocasse, & illis aliquando ostendisse voluntatis suæ beneplacitum, ac decretum de humano genere condendo, & de Incarnatione Filij, & sublimatione nostri generis ad illud regnum. Adiecit autem illis præceptum, ut ipsi omnes illum Deum hominem adorarent, & in Deum suum, & auctorem gloriæ ipsorum reciperent: ille autem Lucifer hoc videns, & inflatus superbia inuidit, (minquid inquam erit invidia absque superbia?) atque ideo præceptum illud spreuit, & quod decretum erat de Christo, sibi ipse appetiuit, ut in persona Dei sua natura, id est Angelica, cum diuina coniungeretur; id enim cernebat

Matth. 26.

Isa. 14.

nedum possibile, sed etiam, (vt prima facie videri poterat) longè decentius apparebat: ecce causa ruinæ.
Prosequitur amplius, nonnullis Scripturæ obtestationibus suam munire, firmioremq;
reddere assertionem: de quibus infra.

Judicium Auctoris.

IN re tam ardua, nec clarè à Patribus delata, neque à Scholasticis diffinita, quid proferam non conspicio: Quis enim poterit vnquam ad ea, quæ extra Mundum, in ipso temporum exordio, inter cætus illos spirituales Angelicos gesta sunt, contemplatione pertingere? Vel quam causa seu occasione Angelica mens à Deo deficere, apostatareq; præelegerit, intellectu perspectare? Difficillima admodum hæc sunt; atque vt certa, & comperta enarrari minimè queunt. Superest igitur, vt propositas tantūmodo sententiæ examinemus, & discutiamus, & quænam verisimilior videatur, diffiniamus. Propositæ sententiæ in maximū hunc numerum exurgunt. Quòd appetierit Lucifer se esse Deum ipsum; Quòd fieri vt Deus, immensus, infinitus, & omnium moderator; Quòd à cæteris Angelis, & creaturis existimari, coliq; vt Deus; Quòd in potentiæ maiestate æquiparari Deo, adeò, vt nulli subesset, & omnibus præesset; Et in scientiæ, & bonitatis amplitudine; Quòd beatitudinem ineffabilem, nullo diuinæ gratiæ auxilio nancisci posse, opinatus sit, simulq; à se beatitudinem defluere in cæteras creaturas optarit; Quòd supernaturali spreto, naturalem felicitatem selegerit, eamq; vt finem supremum sibi constituerit. Quòd dignitate suæ naturæ delectatus, tumefactusq; Deum paruifecerit; Quòd altiora munera, angustiorēq; dignitatem affectans, Deo sit indignatus; Quòd alicui Dei referato, seu promulgato præcepto obtemperare renuerit; Quòd commissæ sibi à Deo administratione sit impiè functus. Quòd tandem Verbi incarnandi, hoc est, Christi excellentiæ inuide-rit, seu humani generis dignitati. Cæterum, vt quænam sit harum causarum probatio, indagemus: constituendum nobis est, quasi pro fundamento, axioma illud; Angelicū intellectum omnium eminentissimum, ac perspicacissimum, viuīdūq; cæcutire in luce; & errore, aut ignoratione vlla illudi non potuisse; quare si deliquit Angelus, malitia sola, ac voluntatis prauitate tantummodo deliquisse. Id enim & Scriptura, & Patres clarè obtestantur, & ratio constanter approbat. Peccatum enim Luciferi ex libero pro-uenit, promanauitq; arbitrio, qui prauæ assentiens cupiditati suamet malitia seipsum polluit, infecit, fædauit, deturpauit. Quo axiomate constituto, corruiat mox prima, & secunda sententia, quæ Luciferum effici Deum, vel vt Deum, concupisse enuntiabant. Angelorum enim omnium, & creaturarum vniuersarum præstantissimus, fulgido illo, quo exornatus erat, naturæ lumine, haud ignorare quibat, contingere nequaquam posse, vt ipse in aliam trāsmutaretur naturam, atque ex finito infinitus, & ex Angelo Deus euaderet: cunctaq; hæc absque suimet exitio, & interitu, perfici nulla ratione posse, optime ipsi compertum erat. Neq; huiusmodi futilem chimeram, fictam, commentitiāq; cogitationem sibi effinxisse, consentaneum est arbitrari. Eliditur etiam quarto loco memorata sententia, quæ Deo non subesse Diabolum optasse tradit. Minimè siquidē ipsum latebat, Deum omnium esse primariam causam, seq; ac cæteras creaturas non posse sine dependentia consistere, quemadmodum radius absque Sole effundi nequit. Ruit amplius, meo quidem iudicio, illa sententia, quæ Luciferum, proprijs viribus beatitudinem supernaturalem se comparaturum, putasse astruit. Quemadmodum enim non aberrat intellectus humanus, quin certissimè noscat, ea quæ sunt supra infinitas sibi natura vires, sicuti est beatitudo, gloriaq; æterna; se etiam viribus tantū supernaturales, vtpote gratia nancisci posse: multo minus in hoc intellectum Angelicum errasse censendum est. Amplius beatitudinem in cæteros per seipsum diffundi, Lucifer non nisi obtenebrato certè intellectus lumine peroptare non quibat; solius siquidem Dei munus hoc esse, cū hominem non lateat; multo magis id, vt perspicaciorē, clarioreq; mentis acie pollens ipse percipiebat. Nullam igitur harum sententiarum insequendā dūco, nam in Angeli intellectum irrepisse errorem perhibere videntur: Cū certissimè existimandum sit, Diaboli peccatum prauæ fuisse voluntatis affectum, nulla intellectu illi viuīdo, & omnium clarissimo obrepta deceptione; sciens enim & volens à Deo

Quidnā Lucifer appetijt, plurimæ de hoc sunt sententiæ.

Eliditur due primæ sententiæ.

Reicitur quarta sententia.

Refellitur alia sententia.

Dux aliæ sen-
tentiae repu-
diantur.

Deo defecit. Sententia ea, quæ non probè perfunctum fuisse suo munere Luciferum in rerum sibi creditarum regimine, autumat, inutilis est; cum Angelos, ut dicebamus, conflato nondum Orbe, nec vlla ipsis adhuc demandata prouincia, seu munere, confestim ac repente serè post eorum profiliationem decidisse, ut compertum existimetur. Sententia altera, quæ Angelis promulgatum fuisse aliquod putat præceptum, seu reuelatam aliquam, nobis quidem incompertam, uoluntatem; qua de Angelorum obedientia periculum fieret; singularis mihi visa est, & pro arbitratu delata; cum nec oracula Scripturarum id insinuent, nec Patres approbent; Quinimmo

C H R Y S O S T O M V S nullum fuisse Angelis mandatum indictum constanter tradit, Homilia de Adam, & Eva, cum ait.

Angelos ergo fecit in spiritu sine carne, præceptumq; dedit eis nullum.

Et Homilia de Lapso hominis.

Fastis ergo Angelis, præceptum eis dedit nullum.

Quæ senten-
tiæ acceptan-
dæ.

Quapropter, ut ingenuè fatear, alteram duarum sententiarum libentius ego prosequer. Primumq; plures sententias in vnum colligens, ac conferens, hanc profectò cōficiendam iudicarem: quod Lucifer mox ut seipsum, impertitaq; sibi munera contem-
platus est, statim naturæ suæ dignitate, atque eminentia demulcitus; delectatusq; intumuerit: nec Deo gratias retulerit, ut tradit D. Augustinus; altioraq; adhuc munera, & augustiorem sedem concupierit, ut Theodoretus, & Chrysostomus censebant; nempe ipsius fortasse Verbi dignitatem, sicuti Nazianzenus assererat; non quidem ut Deus fieret, siue ut Deus; his siquidem optatis potiri se nunquam posse, minime ignorabat: sed fortè ut existimaretur tanquam Deus, veluti tertia astruebat opinio, quod sibi facile fore arbitratus est. Addiderim illud pariter, quod nimio fastu non modo elatus, & turgidus; verum ebrius omnino ac planè redditus, supernaturalem beatitudinem neglexerit, atque contempserit. Sententia hæc Scripturis sacris maximè congruit, quæ ubiq; Luciferum eleuasse cor suum, Dei sedem appetiisse, reddi se Altissimo simile affectasse produnt, & prædicant, ut supra deductum est. Hæc mirificè consentanea est Patrum doctrinæ, sicuti post ex Catena in quæstione; Quodnam fuerit Diaboli peccatum, deducenda, spectari poterit. Hæc Dæmonem non intellectu desipuisse: sed voluntatis praua defecisse, verisimilius astruit; potuit enim Luciferi intellectus, praua voluntatis cupiditate fasciatus, hac deceptione obuolui, ut Deum se esse, cæteris persuadere posset existimaret. Comprobatur tandem hæc sententia ex eo, quod in Mundo nil aliud vnquam eundem contendisse experiamur, nisi tum oraculis, tum diuinationibus, præstigijsq; , tum etiam Idololatria inducta, diuinum cultum sibi præripere, atque vëdicare. Altera sententia, quam prosequer, est, quod Lucifer excellentiam humani generis in Christo, ad tantam gloriam, atque dignitatem prouehendi, ut super Angelicam naturam extolleretur, ægrè admodum, ac molestè tulerit; quamobrem mox ea intellecta, indignatus ipse à Deo desciuit, cæterosq; ad defectionem excitauit. Hoc autem coniecturis ac rationibus non paucis muniri potest. Primum arduum est existimare, quod mens illa Angelica recta, cum nullam in se haberet insitam ad malum propensionem, mox ut se in eminentissimo omnium gradu constitutam conspexit, non tantum gratias Creatori nō rependerit, sed ingrata omnino ipsi Deo, è cuius manibus vix profiliat, æquiparari cogitarit; maximè cum tam singulare beneficium experiretur: nulla equidem in hoc sese offert causa, qua ipsum à Deo deficere voluisse opinemur: è contra autem non ignoramus, nil magis animos nobiles afficere, pungere, turbare, quàm æqualiū, & sibi inferiorum prælationē. Quapropter verisimile est, non potuisse humanæ naturæ supra seipsum elationem sufferre; inuidia ob id exarsisse, sperasseque suis viribus, atque conatu, huius rei sanctioni se obuiam iturum, & obstaculum allaturū. Adicias, quod à veri imagine non recedat suspicari, cæteros Angelos potius hac communi Angelicæ naturæ illata, ut ipsi putabāt, iniuria permotos fuisse, ut descirent; quàm quā dignitatem, tumoremq; superbi Angeli propria perniciē, & ruina efferrent; quamquā etiam non nihil dignitatis sibi ipsis comparaturos sperarent. Conspicimus amplius, Luciferi conatum omnem ab origine Mundi ad finem vsque contra Christum dirigi, summaq; vi, ut homines à Christo auertat, atque ab illa æterna gloria diuertat, contendere.

Lucifer humanis generis in Christo dignitati inuidit.

Pro-

Protoparentes ideo peccato prostravit, non tantum ut in Dei imaginem, atque similitudinem sibi admodum inuisam debaccharetur, sed ut humanum genus peccati foeditate adeo deturparet, ut Deus ipsum nunquam assumere, nec ad coelestem Regiam perducere dignaretur. Infensus ob id etiam semper fuit pra omnibus Christo, redemptionisque mysterijs; quibus solis humanum genus ad praedestinatum ipsi dignitatem prouehi posse arbitrabatur. Rursus, quas non Haeticorum, Tyrannorum, ac impiorum insectationes in Ecclesiam concitavit? quae non oppugnationum machinamenta excelsae, ac firmissimae huic turri, quod eam demoliretur, admouit? Ac tandem, nonne Caelo terram, terrae Coelum miscuit, iste humani generis osor, ut illi non modo graue aliquod damnum inferret; verum & summum eius excidium, ac perniciem moliretur, ipsum denique omnino prosterneret, subigeret, pessundaret? Caterum Theodoretus, Chrysostomi, Nazianzeni sententiam, cum hac conciliari posse censeo. Lucifer certe ampliora munera, excellentiorem dignitatem, cum ipse esset supremus omnium creaturarum, muneribus insignitus eminentioribus, affectare non potuit. Nec Verbo aeterno inuidisse consentaneum est, quoniam sanctissimae Trinitatis imaginem in seipso expressam, effulgentemque conspiciens, Verbum Patri coaeternum, comparque, ac consubstantiale agnoscebat, nec Deo se aequiparare posse non ignorabat; quare verisimilius est, ipsum munera Christi, quae suis multo sublimiora erant, eiusque dignitatem propria dignitate longe eminentiorem, desiderasse; Christoque aequiparari concupiscent. Atque haec forte sunt, quae appetijt, cum dixit, Ascendam super altitudinem nubium, & ero similis altissimo, hoc est Christo. Comprobant hanc sententiam plures Scripturae auctoritates. Apud Esaiaem enim dixisse scriptum est; Exaltabo solum meum, & sedebo in monte sancto testamenti. Quid certe hoc loco capiendum est, per verba ea, Monte Sancto testamenti; nisi Ecclesia sancta? Quasi diceret; Ego caput ero Ecclesiae; Iuxta illud; Ego autem constitutus sum Rex ab eo super Sion montem sanctum eius. Quae expositio, & illi Ezechielis auctoritati perpulchre adaptatur; Peccasti, & eieci te de monte sancto Dei. Quid enim huic Propheticae sententiae rectius vnquam adaptari, vel pulchrius accommodari potest, quam dicere; Eieci te de monte sancto, hoc est, de Ecclesia? Zacharias quoque scribit; Ostendit mihi Dominus Iesum Sacerdotem magnum, & Satan stabat a dextris eius, ut aduersaretur ei. Enixè igitur contendit Diabolus Christo semper aduersari, ut aemulo, cuius gloriae inuidet, & cuius dignitati insidias molitur, quod eam praeripiat. Amplius in Ioanne scriptum est; Vos ex Patre Diabolo estis, & desideria eius vultis perficere, ille homicida erat ab initio. Sic igitur Iudaei Christi mortem machinantes, Diaboli desideria perficiebant, qui ab initio homicida fuit. Certè Diabolus ab initio, non alium praeter Christum intercipere machinatus est; peccatum igitur illius ab initio in Christum fuit. Tandem & in Apocalypsi aenigmaticè hoc demonstratur. Scriptum est enim, quod serpens, qui cauda trahebat tertiam partem stellarum, mulieris filium deuorare nitebatur; at mulieris, Dei parae scilicet, seu Ecclesiae filius, Christus erat, quem ab initio Diabolus deuorare concupiuuit. Haec igitur fortè fuit defectionis Angelicae causa, haec tam cruenti, immanisque belli praesumpta, exceptaque occasio. Caterum ex his duabus sententijs, quae mihi verisimiliores visae sunt, quanam ut potior proseguenda sit, iudicio ingenui lectoris relinquendum diiudicavi.

Lucifer, cum esset omnium creaturarum supremus, quo maiora adhuc appetijt.

Isa. 14.

Psal. 2.

Ezech. 28.

Zach. 3.

Ioan. 8.

Apoc. 12.

Quodnam fuerit peccatum Luciferi.

Quonam peccati genere Diabolus deliquerit, non vniiformi sententia diffiniunt Patres; cum alij Superbiam, seu Arrogantiam, alij Inuidiam, alij Malitiam, seu Nequitiam, alij Auaritiam; alij Furtum, alij Incontinentiam, alij Impatentiam, alij Inaniam gloriam, alij impiam Administrationem crimen illud denominent, ut in subsequenibus Catenis uidere est.

Quod Superbia, seu Arrogantia.

Passim, atque ut plurimum Patres, peccatum Luciferi superbiam, nonnunquam arrogantiam, & insolentiam, quae superbiae partes sunt, fuisse contestantur.

I G N A T I V S in Epistola ad Philippenſes, non tantum per malitiam & auaritiam, ſed per arrogantiam deciſiſſe Satanam tradit, dum ait.

Tu qui per auaritiam, & arrogantiam, ad impietatem deductus es.

M A R T I A L I S in Epistola ad Burdegalenſes, capite vndecimo.

Veniunt autem preſumptores absque gratia Dei loquentes, quorum gloria labiorum procedit ex ſuperbia; ſimiles illi, qui ſuperbia Cælum preſumens habitare, mox de Cælo cum Angelis ſuis ſequacibus ruit in æternam voraginem.

M E T H O D I V S Patharenſis Episcopus, & Martir, libro de Rebus, quæ ab initio Mundi contigerunt.

Eminentiam ſue naturæ, & profunditatem ſue ſcientiæ Lucifer perpendens, in ſuum Creatorem ſuperbiuit tantum, quod Deo voluit ſe æquare.

Cap 3.
Apoc. 12.

A N D R E A S Archiepiſcopus Cefaræ Cappadociæ, Commentarijs in Apocalypſim, ſermone duodecimo, exponens illud; Factum eſt prælium magnum in Cælo.

Iſthæc primo Diaboli lapſui, quo ex Angelico ordine propter ſuperbiam, & inuidiam proſcriptus eſt, accommodari poſſunt. Et Poſt. Aduerte autem, Patribus nonnullis viſum eſſe, poſt aſpectabilis Mundi huius opificium, Diabolum propter ſuperbiam, & inuidiam de Cælo eiectum; poteſtatem, quam in æream hanc regionem ante lapſum acceperat, poſt lapſum in partem adhuc retinuiſſe.

G R E G O R I V S Nazianzenus de Pace, Oratione prima.

Ex Angelis autem, is qui deſicere, & ſupra dignitatem ſe extollere eſt auſus, ac contra Dominum omnipotentem rebellare, & cathedram ſuper nubes Verbi inſtar ponere, dignas arrogantia ſue penas dedit.

Et Oratione in Chriſti Natalia Panegyrica.

Ille ob ſplendorem Lucifer, propter ſuperbiam caligo effectus eſt.

Et Oratione in Sanctum Baptiſma, quæ eſt Quadrageſima, docens nos Diaboli tentationes elidere, ita ait.

Dic ſignaculo fretus, ipſe quoque Dei imago ſum; nondum, vt tu, a ſuperna gloria propter ſuperbiam deiectus ſum.

G R E G O R I V S Magnus Homilia trigefima quarta in Euangelia, vt etiam D. Patherius colligit libro tertio.

Angeli, cum ad nos aliquid miniſtraturi veniunt, apud nos etiam nomina à miniſterijs trahunt. Michael nanque quis vt Deus? Gabriel autem fortitudo Dei: Raphael verò dicitur medicina Dei. Et quoties mira virtutis aliquid agitur, Michael mitti perhibetur, vt ex ipſo actu, & nomine, detur intelligi, quia nullus poteſt facere, quod facere præualeat Deus. Vnde & ille antiquus hoſtis, qui eſſe Deo per ſuperbiam ſimilis concepit, dicens; In Cælum conſcendam, ſuper aſtra Cæli exaltabo ſolium meum, ſedebo in monte teſtamenti, in lateribus Aquilonis, aſcendam ſuper altitudinem nubium, ſimilis ero altiſſimo: dum in fine Mundi in ſua virtute relinquetur extremo ſupplicio perimendus, cum Michael Archangelo præliaturus eſſe perhibetur, ſicut per Ioannem dicitur; Factum eſt prælium cum Michael Archangelo: vt qui ſe ad Dei ſimilitudinem ſuperbus extulerat, per Michaelem peremptus diſcat, quia ad Dei ſimilitudinem nullus per ſuperbiam exurgat.

Iſa. 14.

Apoc. 12.

Et Expoſitione in primum Regum, libro tertio.

Dum ergo Iſraelis prælia per literam referuntur, interna, & ſpiritualia designantur. Philiſthim nanque, cadentes poculo interpretantur: quo nimirum nomine reprobi Angeli exprimuntur; quia per abundantiores potum ſuperbiæ, ſtatum perdiderunt æternæ vitæ. Eis quippe velut poculo cadere fuit, potum ſuperbiæ ſine omni mora retractionis aſſumere. Nam quod potatur, facile ſumitur. De quorum proſpectu cadentium principum, velut de potante Dominus dicit; Quia in veritate non ſtetit. Velut enim potu corruit, qui ſuperbiæ ſue velocitate ebrius, in ea, qua fuerat conditus, veritate, nec ad momentum ſtetit.

Et in Iob vigefimo nono libro, capite ſexto.

Notandum verò eſt, in quantam ſuperbiæ foueam cecidit, qui in menſura ruinae, qua lapſus eſt, non permansit. Diabolus quippe, vel homo, à ſtatu conditionis propriæ elata mente corruerunt.

C H R Y S O S T O M V S Homilia quarta in Matthæum, in opere imperfecto.

Ille antiquus Lucifer, qui mane oriebatur, cogitauit apud ſe dicens: Super Cælum aſcendam &c. Sic ergo ille Angelus conſtitutus, pro ſola cogitatione ſuperbiæ deſcriptus eſt de Angelica gloria ad ignominiam tenebrarum: Ego quid merear pati, ſi homo carnalis, & corruptibilis conſtitutus, tantæ ſuperbiæ opus implerem, & dignum me exiſtimarem totius creaturæ Dominum baptizare?

Et Homilia ex varijs in Matthæum locis ſexta.

Quoniam enim malorum maxima, totumque perſentia Mundum ex ſuperbia ſubrepſerunt: Nam & Diabolus, cum non eſſet antea talis, ita Diabolus effectus eſt: quod & Paulus oſtendens, dicebat; Ne in ſuperbiam elatus incidat in iudicium Diaboli. Et hiſ primus homo expectationibus à Diabolo inflatus, præcipitatusque

1. Tim. 3.

atusq; est, factusq; mortalis: sperans enim esse Deus, & quod habebat, amisit. Quod exprobrans illi Deus, & ipse carpens dementiam, dicebat; ecce Adam factus est quasi vnus ex nobis. Et quisque sequentium hinc in impietatem delapsus est, quod Dei affectaret equalitatem.

Gen. 3.

Et in caput primum Ioannis Homilia decima quinta.

Bene inquit Sapiens; Initium superbiæ non cognoscere Dominum. Non esset à Cælo eiectus, neque in Diabolum versus cecidisset Angelus, nisi hoc se scelere coinquinasset. Hoc cum præcipitem dedit, hoc in gehennam intravit, hoc malorum omnium ei causa fuit.

Eccle. 10.

A M B R O S I V S Commentarijs in Psalmum centesimum decimum octauum, sermone septimo.

Ipse Diabolus per superbiam naturæ suæ amisit gratiam. Denique dum dicit; Ponam Thronum meum super nubes, & ero similis altissimo: consortijs excidit Angelorum.

Isa. 14.

A T H A N A S I V S Quæstione ad Antiochum sexta.

Int. Quando, & quam ob causam ex Cælo Diabolus decedit? Fabulantur enim quidam, quod deciderit eo quod Adamum adorare voluerit. Resp. Hominum stultorum commenta sunt hæc. Diabolus enim, antequam creatus esset Adam, cecidit. Constat verò cecidisse eum propter superbiam suam, ut inquit Isaias Propheta; Cogitauit apud semetipsum, supra nubes locabo solium meum, & similis ero altissimo.

T H E O D O R E T V S Diuinorum Decretorum libro quinto.

Diabolus, & Demonum caterua, qui erant cum alijs incorporeis, illorum quidem in Dominum Deum beneuolentiam non sunt imitati, insolentiæ autem & arrogantiae morbo suscepto, ad id, quod est deterius, conuersi sunt & à priore sorte exciderunt. Hoc autem declarauit Diuinus Apostolus, de Episcopali ordinatione legem ferens; Non neophytum, ne in superbiam elatus, in iudicium incidat Diaboli: Per hæc enim verba innuit, quod superbia causa fuit Diabolo, ut caderet.

Timot. 3.

D A M A S C E N V S libro secundo, capite quarto.

Ex ijs Angelicis virtutibus, ea quæ præerat terrestri ordini, eleuata est aduersus Deum, qui illam fecit, rebellare illi volens; & prima prolapsa à bono, in malo constituta.

A V G V S T I N V S de Genesi ad litteram libro vndecimo, capite quatuordecimo, & quatuordecimo; eleganter non inuidia in hominem, sed superbia sua primum cecidisse Diabolum demonstrat.

Nonnulli enim dicunt, ipsum ei fuisse casum à supernis sedibus, quod inuiderit homini facto ad imaginem Dei. Porro hæc inuidia sequitur superbiam, non præcedit: non enim causa superbiendi est inuidia, sed causa inuidendi superbia. Cum ergo superbia sit amor excellentiæ propriæ, inuidia verò sit odium felicitatis aliene, quid vnde nascatur satis in promptu est. Amando enim quisque excellentiam suam, vel paribus inuidet, quod ei coequantur: vel inferioribus, ne sibi coequantur: vel superioribus, quod eis non coequetur. Superbiendo igitur inuidus, non inuidendo quisque superbus est. Merito initium omnis peccati superbiam Scriptura definiuit, dicens; Initium omnis peccati superbia.

Eccle. 10.

L E O Magnus huic Augustini sententiæ, & luculenter, & eleganter subscribit, Sermone quarto de Collectis & Eleemosinis.

Incentor nanque ille, auctorq; peccati, primum superbus, ut caderet, deinde inuidus ut noceret; quia in veritate non stetit, totam vim suam in mendacio collocavit; omniaq; deceptionum genera de hoc venenatissimo artis suæ fonte produxit: ut ab illo bono, quod ipse propria elatione perdiderat, spem humanæ deuotionis excluderet; eosq; in consortium damnationis suæ traheret, ad quorum ipse reconciliationem pertinere non posset.

H I E R O N Y M V S Commentarijs in Iob, capite quadragesimo.

Leuiathan verò additamentum quidam aiunt interpretari. Quia ergo in veritate non stetit, & excedens presumptionis modum, addit sibi superbiam, quasi supra naturæ bonum, in tumorem & morbum elationis excedit. Proinde additamentum dictus est, vocabulum enim factum de crimine operuit conditionem naturæ bonæ, quam Deus bonus creauerat. Et ante. Montem præruptum ipsius superbiæ diabolicæ verticem significatum puto, in quem nimium se extulerit, ita ut de eo usque in ima caderet inferorum.

C L A V D I A N V S Mamertus Episcopus Viennensis de statu animæ lib. tertio. Postquam Lucifer improbe superbia tumuit, & inuidiæ febre tabuit, sponte illocaliter sanctitate prolapsus, eaq; localiter à Cælo non sponte deiectus, quum non Angelus, sed bonus esse cessauerit, innocentiam perdidit, non naturam.

I O. C A S S I A N V S Collatione octaua, capite decimo.

Idcirco Demonis priorem lapsum, quo superbiendo corruerat, quo etiam serpens meruerat nuncupari, secunda ruina per inuidiam subsecuta est.

Et capite vigesimo quinto. Igitur & Diabolus, secundum hoc quod vel spiritus, vel Angelus bonus creatus est, patrem neminem habuit, nisi Deum conditorem suum. Qui cum superbia fuisset elatus, & dixisset in corde suo; Ascendam super altitudinem nubium, ero similis altissimo; factus est mendax, & in veritate non stetit, sed de proprio nequitie

Isa. 14.

quittie thesauro mendacium proferens, non solum mendax, sed etiam pater ipsius mendacii factus est, quo Deitatem homini repromittens ac dicens; Eritis sicut Di; in ueritate non stetit, sed ab initio factus est homicida.

NILVS in Tractatu de octo vitiosis cogitationibus, capite de Superbia.

At Superbia, cum anima principatum obtinuerit, eam prorsus euertit, non secus atque ingentem ciuitatem acerbissimus Tyrannus. Nam & Diabolum ipsa è Cælo præcipitem eiecit.

PROSPER libro primo de Vita contemplatiua, capite tertio.

Hoc iudicium, quod inter iustos homines iniustosque futurum dicimus, inter Sanctos Angelos, & immundos credimus factum. Nam cum essent utrique sine peccato creati, & ad seruendum Deo suo feliciter instituti; eorum quidam voluntate propria deprauati noluerunt permanere, quod facti sunt; & cum se contra Creatorem suum typo superbie lethalis hostiliter extulissent, de superna Cæli regione proiecti sunt. Quos diuina sententia eo supplicio condemnauit, ut quia noluerunt perseuerare cum possent, nec uellent reparari, nec possent.

ANASTASIVS Episcopus Nicænus quæstione in Scripturam sexagesimaprima.

Superbie, & arrogantie dicimus Dæmones uitium suscepisse, excidisse uero, & esse priuatos honore, qui eis datus ab initio fuerat.

FVLGENTIVS ad Monimum libro primo.

Ecclesiast. 10.

Itaque si initium peccati requiritur, nihil aliud nisi superbia inuenitur. Dicit enim Scriptura; Initium omnis peccati superbia. Quæ itaque tunc initium sumpsit, cum Angelus aduersus Deum elatus, & ipsa elatione prostratus, per concupiscentiam (quæ radix est omnium malorum) uolens usurpare, quod illi datum à Deo non fuit, à Deo discessit, & cecidit, in quo si stetisset, non cecidisset. Sed per concupiscentiam malam, qua concupiuit plus extra se, minus factus est in se. Quam concupiscentiam licet explere nequiuert opere, tamen retinuit uoluntate. Sic ipse sibi iam factus est pœna, ut supplicium semper esset malo uoluntas mala, tanquam cæco ipsa cecitas sua, & concupiscentia peccandi tormentum fieret peccatori; & rebellis, ac refuga, qui illam imperturbabilem requiem fugeret, deinceps perturbationi seruiret, atque à bono Domino relinqueretur iniuste, quem ipse reliquit iniuste. Ita factum est, ut perseuerans inordinatus ex se, ordinaretur in se, & in eo, qui in se ordinem perderet, diuini ordinis ratio non periret.

ISIDORVS de summo Bono, libro primo, capite duodecimo.

Ioan. 8.

Prius de Cælo Diabolus cecidit, quam homo conderetur; nam mox ut factus est, in superbiam erupit, & præcipitatus de Cælo est. Nam iuxta ueritatis testimonium, ab initio mendax fuit, & in ueritate non stetit, quia statim ut factus est, cecidit. Fuit quidem in ueritate conditus, sed non stando, confestim à ueritate est lapsus. Vno superbie lapsu, dum Deo per tumorem se conferunt, & homo cecidit, & Diabolus: sed homo reuersus ad penitentiam Deo se inferiorem esse cognouit; Diabolus uero non solum in hoc contentus, quod se Deo æqualem existimans cecidit, insuper etiam superiorem Deo se dicit, secundum Apostoli dictum, qui ait de Antichristo; Qui aduersatur & extollitur supra omne, quod dicitur Deus, aut quod colitur. Diabolus ideo non petit ueniam, quia non compungitur ad penitentiam.

2. Theff. 1.

SEDVLIVS Presbyter, Ecclesiasticus Poeta percelebris, ea in florentissima tēpestare anno Domini circiter quadringentesimo trigésimo degēs, Hymno, in quo carmine reciproco dimidium versus primi finem secundi complectitur, idipsum cecinit.

Primus ad ima ruit magna de luce superbus;

Sic homo cum tumuit, primus ad ima ruit,

ANTONIVS Abbas, Epistola secunda ad Arsenoitas.

Nam pro certo est, quod cum se nouerit Diabolus per superbiam, & inanem gloriam celitus fuisse deiectus; ideo & ille eos, qui peruenerint in magnam mensuram, aggreditur, in primis artifices existentes per superbiam & inanem gloriam, ut sint aduersum se alterum; scientes quod per ista segregent nos à Deo.

NOVATVS Catholicus Homilia de Humilitate, & Obedientia, & calcanda Superbia.

Psal 55.

Propterea Dauid dicit; Non ueniat mihi pes superbie, & manus peccatoris non moueat me; Ibi ceciderunt omnes, qui operantur iniquitatem. Vbi ceciderunt? in lapsu superbie: Inde enim cecidit Diabolus, qui per superbiam lapsus est. Omnino ergo non admittatur ad seruos Dei superbia.

VRBANVS Quartus Pontifex Maximus pia Metaphrasi in Psalmum quinquagesimum.

Ezech 12.

Hactenus mentionem tibi feci Domino Deo meo de vna iniquitate, & de vno peccato meo, quod est superbia, & arrogantia mea magna: de qua timeo mihi valde, attendens quod nec superbientibus Angelis peperisti, sed illum Cherub, qui erat signaculum similitudinis, plenus sapientia, & perfectus decore, propter superbiam de delictis Paradisi ad inferos detraxisti. Idcirco à te Domine petij tam instanter, ut hanc iniquitatem, & peccatum meum deleares, lauares, mundares; quia maculam valde hærentem in anima mea fecit. Nunc autē, quia intelligo,

intelligo, quod ex peccato meo, peccata, & iniquitates alie pullularunt; cum superbia fundamentum, & initium sit omnis peccati, & Angelum, & hominem apostatare à te fecerit nimium imprudenter: Ideo imploro tuam humiliter Deus ineffabilem pietatem, ne letitia, & exultatio, quas auditui meo, & humilitatis ossibus meis infudisti, in lamentum, vel vocem flentium conuertatur.

Timoth. 6.

HVG Victorinus noster Summæ Sententiarum tractatu secundo, cap. quarto. Lucifer, ut dicit Isidorus, postquam creatus est, absque aliquo intervallo, profunditatem suæ scientiæ perpendens, in suum Creatorem superbiuit, & ut dicitur in Esaia, Deo æquari voluit dicens; In Cælum conscendam, super astra Cæli exaltabo solum meum, & ero similis altissimo. Similis esse voluit, non per imitationem, sed per æqualitatem, & non solum æqualis, sed etiam, quod superior esse voluit, videtur auctoritas illa velle; Extollitur supra omne, quod dicitur, aut colitur Deus.

Isa. 14.

2. Theff. 2.

INNOCENTIVS tertius de contemptu Mundi, libro secundo. Initium omnis peccati est superbia, primogenita mors: hæc enim inter ipsa rerum primordia creaturam contra Creatorem erexit, Angelum contra Deum; sed eum absque mora deiecit, quoniam in veritate non stetit, ab innocentia in peccatum, à delictis in miserias, à Cælo Empyreo in aërem caliginosum.

THOMAS de Kempis cognomento Malleolus, Canonicus Regularis Augustinianus, secunda parte Sermonum ad Nouitios, sermone decimo, prænarratum superbiam inter Angelos, & Luciferum patratum cum recenset, Luciferi peccatum ipsam superbiam fuisse, affluenter edocet.

Primum bellum incepit per Angelos in Cælo, quando Lucifer per superbiam voluit altius se extollere, & assimilari altissimo, & quasi in propria virtute gloriari, & in seipso singulariter delectari. Hoc percepto in superni Regis palatio, sanctus Michael, & Angeli eius indignè ferentes arrogantiam superbientis Luciferi, permoti sunt zelo iustitiæ, & eiecerunt omnes superbiæ ciues de finibus suis. Non enim debuit aliquis Angelorum quantumlibet magnus supra Creatoris sui magnificentiam se erigere; nec factus factori suo se æquare, nec in decore sapientiæ suæ temerè gloriari, nec abuti donis altioribus à Deo sibi gratuito collatis. Quia ergo Sathanas per tumorem superbiæ se nimis extulit vanè gloriando, & sedem suam supra ceteros eleuando, iusto Dei iudicio cecidit de felici societate sanctorum Angelorum in abyssum Inferni, & carcerem damnatorum. De quo Saluator ad discipulos ait: Videbam Sathanam tanquam fulgur de Cælo cadentem. De cuius terribili casu, & irreuerabili lapsu, beatus Ioannes Euangelista loquitur in Apocalypsi dicens: Factum est prælium, magnum in Cælo, Michael & Angeli eius præliabantur cum Dracone, & proiectus est Draco in terram, & Angeli eius cum illo missi sunt, & non est inuentus locus eorum amplius in Cælo. Ecce quanta meruit superbia Diaboli, qui proiectus est à facie Dei Cæli, ne videat gloriam Dei. Quam sine dubio consequi non poterit, quem in se ipso voluerit gloriari.

Luc. 10.
Apoc. 12.

ALBERTVS Magnus prima parte de quatuor coæqueuis, articulo quinto, D. Augustini doctrinam his approbat.

Dicimus secundum Augustinum, quod superbia fuit primum peccatum Demonis, & ex superbia nata est invidia, quæ deiecit hominem. Vnde Augustinus dicit in libro de conflictu vitiorum & virtutum; quàm densissimam putamus in terra superbiæ tenebris lutum inuolui, si potuit in Cælo stella, quæ mane oriebatur, per superbiam lucis suæ globos amittere?

THOMAS in Scriptis in secundum Sententiarum, distinctione quinta, quaestione tertia, subtilissimè genera superbiæ explicans, qualis fuerit Diaboli superbia edocet.

Superbia tribus modis accipitur; vno modo prout sumitur habitualiter, scilicet quædam inclinabilitas, vel ex natura flexibilitate tantum, vel ex fomitis corruptione ad superbiendum; & sic dicitur superbia initium omnis peccati: alio modo dicitur superbia, secundum quod aliquis actualiter se effert extra præcepti limites, ut præcipienti non subiiciatur; & sic non est speciale peccatum, sed quædam generalis conditio, omne peccatum consequens ex parte auersionis: tertio modo dicitur superbia inordinatus appetitus propriæ excellentiæ, & præcipue in dignitate, vel honore; & sic est speciale peccatum vnum de septem capitalibus vitijs; & sic primum peccatum Angeli superbia fuit; quod patet tum ex desiderio, quia eminentiam dignitatis appetijt; tum ex motu, quia ex consideratione propriæ pulchritudinis in peccatum ruit.

BONAVENTURA tandem eodem loco, articulo primo, quaestione prima, id ipsum tradidit, astruens peccatum Luciferi in præsumptione sumpsisse exordium, in ambitione complementum, in inuidia, & odio stabilimentum.

Dicendum, quod est loqui de peccato quantum ad triplicem statum, scilicet quantum ad inchoationem, consummationem, & confirmationem. Peccatum Diaboli initiatum est in præsumptione; statim enim ut suam vidit pulchritudinem, præsumpsit: Consummatum est in ambitione, quia presumens de se, appetijt quod omnino supra se fuit, & ad quod peruenire non potuit: Sed confirmatum est in inuidia, & odij auersione, quia ex quo obtinere non potuit, quod appetijt, ideo inuidere cepit, & affectu odij contraire: & in hoc firmatum est, quia hæc omnino ipsum à Deo separauit, & perfectum obstaculum posuit, sicut perfecta charitas perfectè Deo iungitur.

Quod

*Quòd Inuidia.***BASILIVS** Homilia de Inuidia.

Inuidie mala vsque omnes penetrauerunt, quibus solis armis euersor vite nostrae Diabolus, à Mundi initio vsque ad seculi consummationem, omnis homines ferire, ad interitum deducere contendit. Nec mirum, ut qui per inuidiam, ac superbiam cecidit, nostra item perniciem gaudeat, nosque eiusdem vitij spiritu configere, ac pessundare cupiat.

Id ipsum in eo ipso Sermone contestatur, uti supra deductum est.

PETRVS Chrysologus aurea certè ingenij, ac eloquentiae vbertate praestantissimus, Sermone centesimo septuagesimo secundo, qui est de Inuidia, & Hypocrisi.

Iste velociter fugiendus est morbus, quia quos contigerit, non patitur iam sanari. Inuidia Caelum tentat, ibi enim Diabolum fecit ex Angelo: vrit terras, quae utique Paradisi nobis amana flammeo custode secluserit.

CLAVDIANVS Mamertus Episcopus Viennensis, de Statu animae libro tertio.

Diabolus improbe superbia tumuit, & inuidie febre tabuit.

Cyprianus Sermone de zelo & liuore; Bernardus in Cantica Canticorum sermone decimoseptimo; Ambrosius Catherinus Commentarijs in posteriorem epistolam D. Petri Luciferum inuidientiae labe prolapsus esse, inuidiamque ipsius fuisse crimen contestati sunt, uti supra eorum sententias intexuimus, disceptatione mox discussa.

Quòd Malitia, seu Nequitia.

IGNATIVS Epistola ad Philipenses, praeter Arrogantiae peccatum, etiam Malitiae crimen Diabolo adscribit, cum ait.

Tu omnium malignorum spirituum malignissimus es, & pro malitia, ventre, & pectore in terram repere iussus es.

THEODORETVS Quaestione in Genesim trigesima quarta.

Maledictionem Deus proprie intulit ei, qui malum perpetravit. Nam & ille serpens appellatus est, qui talem à Deo omnium conditore naturam non accepit; bonus enim creatus est, & una cum incorporeis virtutibus conditus. At ubi sponte in nequitiam declinauit, tum honore priuatus est, quem ab initio sortitus erat, & in terram proiectus, maledictionem recepit.

Et Commentarijs in Epistolam ad Ephesios, super illud; Non est nobis colluctatio aduersus carnem, & sanguinem.

Erant ex bonis ordinibus mali Demones; sed propter improbitatem ab illo ordine exciderunt. Habent autem nunc quoque appellationes ad conuincendam eorum execrandam malitiam.

IOANNES Cassianus, collatione quarta, capite quartodecimo. Spiritualis nanque substantia, nec ulla carnis soliditate denicta, ut excusationem exorta in sese prae se non recepit voluntatis, ita veniam malignitatis excludit; quia nulla, quemadmodum nos, ad peccandum impugnatione carnis extrinsecus lacescita est, sed vitio solius male voluntatis accensa, & ob hoc sine venia peccatum, & sine remedio languor est.

Quòd Auaritia.

IGNATIVS loco asserto, & Auaritiam Diabolo ascribit.

Qui per avaritiam, & arrogantiam ad impietatem deductus es.

D. AVGVSTINVS quodnam genus avaritiae fuerit, eleganter explicat, de Genesi ad litteram libro vndecimo, capite quintodecimo.

Cui testimonio non inconuenienter aptatur etiam illud, quod Apostolus ait; Radix omnium malorum est avaritia, si avaritiam generalem intelligamus, qua quisque appetit aliquid amplius quam oportet, propter excellentiam suam, & quendam propriae rei amorem; cui sapienter nomen Latina lingua indidit, cum appellauit priuatum, quod potius à detrimento, quam ab incremento dictum elucet; omnis enim priuatio minuit. Unde itaque vult eminere superbia, inde in angustias, egestatemque contruditur, cum ex communi ad proprium damno sui amore redigitur. Specialis est autem avaritia, quae visitatus appellatur amor pecuniae, cuius nomine Apostolus per speciem genus significans, vniuersalem avaritiam volebat intelligi dicendo; Radix omnium malorum est avaritia. Hinc enim, & Diabolus cecidit, qui utique non amauit pecuniam, sed propriam potestatem.

Quòd

Genesis Caput Primum.

455

Quòd concupiscentia terrestrium.

GREGORIUS Nyssenus Philosophiæ libro septimo, qui est de Libero arbitrio. Arbitror itaque, ex his quæ dicta sunt, demonstratum esse, rationales creaturas omnes à principio optimas fuisse conditas; quòd si deinde ita permansissent, ut à principio creatæ sunt, extra omnem vitæ malitiam essent. Soli tamen Angeli incorporales quidem versi sunt, & neque ipsi omnes, sed quidam ex ipsis; quicumque videlicet se ad inferiora, aut ad terrestrium concupiscentiam spontè conuertentes, ab habitudine, quæ est ad superiora, & diuina, se separarunt, in diesq; magis ac magis separant.

NEMESIUS libro de Animæ facultatibus, capite quadragesimo primo, & floruit circa annum trecentesium & octuagesimum.

Soli autem Angeli inter ea, quæ sunt sine corpore, mutati sunt; neque hi omnes tamen, sed aliqui, qui ad inferiora propensi, res terrenas concupierunt, cum à propensione ad res superas, & Deum discessissent.

Quòd Furtum.

CLEMENS Alexandrinus Stromatum libro primo, peccatum Diaboli furtum appellauit, cum dixit.

Diabolus autem, cum liberum haberet arbitrium, & duci posset pœnitentia, & furari, ipse quoque furti causa est, non autem Dominus qui non prohibuit.

Quo loco animaduertendum est, Clementem pœnitentiæ nomine, non à peccato respicientiam accipere; Tunc enim Origenis, cuius præceptor fuit, errori faueret, ut alij adnotarunt: sed obedientiam, atque in bono persistentiam intelligit.

HIERONYMUS Commentarijs in Iob capite vigesimo quarto.

Potest, & Diabolus homicida fur & adulter intelligi; quia ad decipiendum hominem factus est homicida, ut ait Dominus; Ille homicida fuit ab initio. Diuinitatem quoque sibi per superbiam arrogando, quam presumptione animi sui tentauit inuadere, velut fur inuentus est, qui aliena conatur auferre. Et post Noësem vero peccati ipse sibi operatus est, quando ad diuinitatem inuadendam velut fur irrepere voluerat, dicens; Super sydera Celi ponam thronum meum, & ero similis altissimo: & exinde cum suis, quos Celi sydera appellauit, nox & tenebræ, princepsq; tenebrarum est appellatus.

Ioan. 8.

Isa. 14.

Quòd Impatientia.

TERTULLIANUS libro de Patientia.

Igitur natales impatientiæ in ipso Diabolo deprehendo, iam tunc cum Dominum Deum vniuersa opera quæ fecisset, imagini suæ, idest homini subiecisset, impatienter tulit. Nec enim doluisset, si fastinuisset: nec inuidisset homini, si non doluisset. Ideo decepit eum, quia inuiderat: inuiderat autem, quia doluerat: doluerat, quia patienter vitæ non tulerat. Quid primum fuerit ille Angelus perditionis, malus an impatiens, conuenio querere, palam cum sit, impatientiam cum malitia, aut malitiam ab impatientia auspicatam; deinde inter se conspirasse, & indiuiduas in vno patris sinu adoleuissæ.

Quòd Blasphemia.

HIERONYMUS In Psalmum centesimum decimum nonum.

Quod est maius peccatum, quam blasphemia in Deum? & tamen lingua peccat. Diabolus cur de Cælo descendit? quia furtum fecit? quia homicidium fecit? quia adulterium commisit? Et hæc quidem mala sunt: sed Diabolus non propter hoc cecidit, sed propter linguam suam cecidit. Quid enim dixit? In Cælum ascendam, super sydera Celi ponam thronum meum, & ero similis altissimo.

Isa. 14.

Quòd Vanagloria.

IGNATIUS eadem Epistola ad Philippenfes inanis etiam gloriæ peccatum Diabolo his ascribit.

Tu qui per inanem gloriam inhonoratus es.

CHRYSOSTOMUS Homilia quinta in Matth. caput quartum, in opere imperfecto.

Sicut ergo Diabolus concupiscentia vanæ gloriæ ipse ruit de Cælo, nam cum esset Angelus, volens se ostendere Deum, perdidit & illud quod erat, dum voluit apparere quod non erat; sic putauit, & Christum concupiscentia vanæ gloriæ ferri.

TATIANVS in Oratione contra Græcos.

Etenim per stultitiam suam vana gloria impulsus Dæmones, & effrenes facti, latrones Diuinitatis fieri sibi proposuerunt.

BEATVS Antonius Abbas, Epistola secunda ad Arsenoitas, vt supra relatū est. Pro certo est, quod cum se nouerit Diabolus per superbiam, & inanē gloriā cælitus fuisse deiectū, ideo &c.

Quod Apostasia.

Epist. ad Philip.

Patres passim Demoni Apostatæ nomen ascribunt, sufficiatq; mihi vnum tantum item præcipuum adducere.

IGNATIVS loco asserto, vbi his contra Diabolum inuehitur.

Tu Belial, draco, desertor, transfuga, serpens tortuose, qui à Deo defecisti, qui à Christo separatus es, qui à Spiritu Sancto alienatus es, qui è choro Angelorum pulsus es, legum diuinarum violator, legitimorum hostis; qui contra Protoplastos insurrexisti, & Dei præcepto non parere fecisti eos, qui nil te læserunt; qui aduersus Abel excitasti homicidam Cain; qui aduersus Iob arma sumpisti.

Quod Incontinentia.

Non defuere Patres, qui peccatum primum Diaboli incontinentiam, libidinemq; fuisse tradant.

IUSTINVS Apologia prima pro Christianis.

Deus, cum hanc rerum vniuersitatem effecisset, terrenaq; hominibus subiecisset, cælestiaq; elementa, ad frugum fructuumq; copiam, & abundantiam, temporum vicissitudinibus distinxisset, & ornasset, atque hanc diuinam legem definiisset, quæ eadem hominum etiam causa procreasse videtur: hominum quidem, eorumq; quæ Cælo continentur, Angelis, quos ea de causa parauit, prouidentiam, procurationemq; tradidit. Angeli autem, qui hunc ordinem deseruissent, cum mulieribus concubuerunt, liberosq; procreauerunt, ijque sunt, qui vulgo Dæmones nominantur, & præterea reliquum hominum genus seruitute oppresserunt, quorum partim magicis scriptis; partim metu & supplicijs, partim disciplina sacrorum odorum incendendorum, & libationum inuexerunt: quæ desiderarunt omnia, posteaquam cupiditatibus, perturbationibusq; seruierunt, atque inter homines cadis, bel-lorum, adulteriorum, stuprorum, libidinum, vitiorumq; omnium semina sparserunt.

Iustini sententiam sequuti sunt plures Patrum; Tertullianus libro de Idololatria; libro de Habitu muliebri, libro de Cultu fœminarum, libro de velandis Virginibus, & aduersus Marcionem libro quinto; Ioseph Antiquitatum libro primo; Athenagoras pariter in Apologerico; Clemens Alexandrinus libro quinto Stromatum; Lactantius libro secundo, qui est de Origine erroris, capite quintodecimo; Ciprianus libro quarto de Disciplina, & habitu Virginum; Eusebius de præparatione Euangelica, libro primo; Methodius sermone de Resurrectione, Sulpitius Seuerus Historiæ sacre libro primo. Cæterum saniori iudicio libidinem hanc non carnalē, sed spiritualē interpretati sunt,

CLEMENS Alexandrinus Stromatum libro tertio.

Verum enimvero non oportet considerare continentiam in vno solum genere, nempe in rebus venereis; sed etiam in quibuscumq; alijs, quæ luxuriosa concupiuit anima, non contenta necessarijs; sed sollicita de delicijs. Continentia est pecuniam despiciere, voluptatem, possessionem, spectaculum magno & excelso animo contemnere, os continere, ratione, quæ sunt mala, vincere. Iam verò Angeli quoque quidam, cum fuissent incontinentes, picti cupiditate, huc è Cælo descenderunt.

AMBROSIVS de Virginibus libro primo.

Et quid pluribus exequar laudem castitatis? Castitas enim Angelos fecit. Qui eam seruauit, Angelus est: qui perdidit, Diabolus. Et post. Quam præclarum autem Angelos propter intemperantiam suam in sæculum cecidisse de Cælo, virgines propter castimoniam in Cælum transisse de sæculo?

Iudicium Authoris.

Quid ego de tot sententijs existimem, breuissimè aperiam. Postremam hanc, omnino peregrinam, erroneamq; vnusquisque dijudicabit. Quamuis enim Dæmones libidinis vitio laborasse, licet perperam, admitteremus, quod etiam non modica Patrum illorū classis astruit, qui pro Dei filijs, quos sibi in vxores hominum filias assumpsisse, sacra Geneseos narrat, ac pandit historia, Angelos, siue Dæmones interpretati sunt, vt suo loco videbimus: adhuc tamen Luciferi, Dæmonumq; crimen illud primum, quo in ipso

Reicitur postrema sententia.

Gen. 6.

ipso exordio Mundi, ante Adæ plasmationem exciderunt, libidinem fuisse, putare nunquam aliquis poterit, quoniam necdum mulier formata erat. Quapropter data etiam ea Patrum interpretatione, & concessio, quod Angeli, seu Dæmones, ut corpori obnoxii, in libidinē exardescere potuerint; quod tamen plures alij Patres, & Scholastici cuncti constanter inficiantur, non tamen ad propositum hoc loco id dici posse, clarissimum est; nisi libidinem spiritualē, seu proprii amoris cōplacentiam eam fuisse, cū Clemente Alexandrino, & Scoto, & alijs interpretemur. Reliquæ sententiæ in vnū conciliari possunt, si asseramus Luciferū omnibus his peccatorū generibus deliquisse, sed non simul, ut rectè adnotauit D. Bonauētura, ex eo quod Diaboli affectus simplex credatur, veluti & intellectio. Quamobrē sicuti mēte plura simul percipere nequibat, ita etiā nec affectu pluribus se vitijs addicere, maximè ijs, quæ ad varias spectabant actiones, vllō modo poterat. Quis autē in his Luciferi criminibus ordo sit cōstituendus, nō difficile est obseruare. Verū de his possumus theosophari, tripliciq; methodo inuestigare; Quod scilicet fuerit ipsius maius peccatum, quod prius, quod detestabilius. Si enim peccati pondus, seu grauitatem inquirimus; certè superbiam ipsam maius Luciferi crimen fuisse, asserendum videtur. Ipsa enim radix est omnium criminum, à qua plura hinc, & hinc produnt peccata, tanquam rami plures ab vno stipite. Quod si ordinem temporis, seu originis inuestigemus, profectò is ordo à nobis effingi potest, ut primam sententiam, quæ Angelum sui fastu peccasse decernebat, insequentes asseramus: quod ille eminentissimus, atque in inanem gloriam turpiter, ac miserè effusus, moxque turgidus factus in superbiam deciderit, inde in arrogantiam, qua augustiorem dignitatem exoptare, & contendere non pertimuerit, simulque ac semel in auaritiam, prout auaritia est propriæ dignitatis amor, necnon & in concupiscentiam terrestrium, cū Mundi imperium affectarit, atque in furtum, quoniam similitudinem Dei furari, animo conceperit. Quia verò contumaci prolapsus est voluntate, ideò mox malitia correptus est, & nequitia, obstinationeque in malum. Cū autem, quod optarat non facile se consequi posse contempneret, in impatientiam, & tandem in humani generis inuidiam, & odium præcipitatus est, egrè admodum ferens hominem ad locum, & gloriam illam assumendum fore, vnde ipse exciderat. Verū si crimen Luciferi inuidiam in Christum, humanamque naturam in eo sublimandam, fuisse asseuerabimus, certè inuidia radix fuit peccati ab ipsamet superbia enata; qua tumescens, inanique sui gloria elatus inuidere coepit. Inde in impatientiam, mox in nequitiam, post in concupiscentiam dignitatis tanquam prolapsione seipsum præcipitauit. At verò si quoddam peccatum ipsius detestabilius fuerit, inuestigabimus: certè apostasiam, & ingratitudinem fuisse, qua Deum, qui eum genuit, dereliquit, & oblitus est Dei Creatoris sui, asseuerare compellemur.

Lib. 3. Strom.
Aliæ sententiæ conciliantur.

Triplex ordo
in peccatis
Luciferi.
Superbia fuit
maius peccatū
Luciferi.

Complacentia
sui primū
fuit Dæmonis
peccatū.

Apostasia, siue
ingratitudo
detestabilius
fuit Diaboli
crimen.

De Agminibus Angelorum, quæ Luciferum sequuta sunt.

Hac igitur præsumpta occasione, non tantum Lucifer ipse à Deo descire est ausus: verum & cæteros ad defectionem impulit, deduxitque: moxque ex numero illo prope modum innumerabili Angelicorum exercituum duæ seiunctæ, inuicemque aduersæ apparuerunt, & constiterunt acies: ex vna parte Lucifero non modicæ copiæ, ex altera angelorum Michaeli reliquæ adhæserunt. Verum quotnam cum vtroque iteterint Angelorum phalanges, non est compertum. Duo attamen sacra Theologia nobis, ut clara, explorataque pandit, ac manifestat. Primum quod ex vnoquoque ordine Angeli sint prolati, Luciferique sub vexillo redacti. Doctoribus enim atque Patribus probatior est, fuisse perhibebamus, ea sententia, quæ Luciferum omnium Angelorum eminentissimum bat. Quapropter, & verisimilior est assertio, quæ ex singulis ordinibus decidisse Angelorum autumat, quàm quæ ex terrestribus tantum. Vnde & D. Thomas asserit, in eo etiam voluntatis facilius probari libertatē, quando secundum quemlibet creaturæ gradum in malū flecti posse demonstratur. Alterum est, quod Scripturæ, & Patres, &

Ex singulis
ordinibus An-
geli cecidere.

P. p. q. 63. art.
9. ad 3.

Angelorum
plures reman-
sere, quam ce-
cidere.
Apoc. 12.

4. Reg. 6.

Doctores, sicuti collapsorum Angelorum numerum nobis esse incomptum, vniformi diffiniunt sententia, ita plures remansisse cum Michaelē, quā corruisse cum Dracone tradunt. Nam in Apocalypsi de Dracone scriptum est; Traxit tertiam partem stellarum. Quo ex loco, Patres etsi non definitē tertiam duntaxat Angelorum partem decidisse depromunt, saltem attamen contumaces, ac perduelles pauciores fuisse, quā bonos, eliciendum putant. Eliseus Propheta ministro suo, qui equites, & currus innumeros urbem obsidentes, ac circumuallantes viderat, dixit; Plures sunt nobiscū, quā cum illis. Ex quo loco non futile quidem argumentum desumpserunt plures, quo allegorico quidem sensu, maiorem esse sanctorum Angelorum classem, quā apostatarum demonstrarent.

CYRILLVS in Genesim libro primo.

Quid enim est quæso, quod te vebementer facit tristi, quia fortassis aliqui ob insolentiam, vitam beatam amiserint? At sunt plures, qui meliorem apud Deum obtinent statum, eiusque mansuetudine repleti, longis assiduisque laudibus eum efferunt.

HVG O Victorinus noster de Sacramentis libro primo, parte quinta, capite trigesimo primo.

4. Reg. 6.

De numero autem lapsorum certa auctoritas nulla reperitur, omnino tamen probabile videtur, plures remansisse, quā cecidisse. Propheta enim, cum demonstraret currus igneos, consolans ait; Plures sunt, qui nobiscum sunt, quā cum illis. Hinc conijcimus, plures esse electos Angelos, quā reprobos.

D. THOMAS prima, quæstione sexagesima tertia, articulo nono.

Dicendum, quod plures Angeli permanserunt, quā peccauerunt; quia peccatum est contra naturalem inclinationem; ea vero, quæ contra naturam sunt, vt in paucioribus accidunt; natura enim consequitur suum effectum, vel semper, vel vt in pluribus.

Dæmonum
maximus est
numerus.

Quāquam autem plures Angelos constituisse, quā Dæmones decidisse, vt computatum statuendum sit: numerosa attamen extarunt phalanges, & acies, & turbæ atræ Dæmonum, vt plures ex Patribus obtestantur.

GREGORIVS Nazianzenus de Substantijs mente præditi carmine sexto, ingens agmen fuisse, quod cum Lucifero corruit, his tradit.

Sic ille æthereæ, fastu dum turget, ab arce

Corruit: at quoniam fastus gravis attulit ipsi

Exitium, haud solus cecidit, verum agmine septus

Ingenti, sceleris cui dux fuit, atque magister.

Nam velut auertit commissum proditor agmen

Regis ab imperio: multas sic ille cohortes

Regis ab obsequio magni, cætuque piorum

Abductos ad se allexit; nam scilicet ipse

Imperium in multos prauos cupiebat habere.

CHRYSOSTOMVS in Psalmum quadragesimum primum, beneficia Dei amplificans adiecit.

Quot Dæmones feruntur per hunc aërem? quot aduersæ potestates? Si ergo eis solum permitteret terribilem illum suum, & horrendum aspectum nobis ostendere; an non mente dimoueremur? an non periremus? an non omnino interiremus?

D. ANTONIVS, vt Athanasius in conscripta eius vita tradit.

Ingens Dæmonum turba istum peruolat aërem, non procul à nobis hostium cærua discurret. AVGVSTINVS eleganter de Ciuitate Dei, libro vndecimo, capite trigesimo tertio, inclitè has duas Angelorum, Dæmonumque, discriminatas acies his describit.

Psal. 96.

Marth. 4.

Iacob. 4.

Nos tamen has duas Angelicas societates, vnā fruentem Deo, alterā timentem typho: vnā cui dicitur; Adorate eum omnes Angeli eius: aliam cuius princeps dicit; Hæc omnia tibi dabo, si prostratus adoraueris me: vnā Dei sancto amore flagrantem, alterā propria celsitudinis immundo amore fūmantem: & quoniam, sicut scriptum est, Deus superbis resistit, humilibus autem dat gratiam: illam in celis caelorum habitantem, istam inde deiectam in hoc infimo aëreo Cælo tumultuantem: illam luminosa pietate tranquillam, istam tenebrosis cupiditatibus turbulentam: illam Dei nutu clementer subuenientem, illam Dei scilicet bonitatis ministrā, istam, ne quantum vult noceat, Dei potestate frenatam: illam huic illudentem, vt noceat, proposit persequutionibus suis, hanc illi inuidentem, cum peregrinos colligit suos.

Cæterum

Cæterum causæ, quæ tot Angelorum desertorum acies, vt in Luciferi partes descenderent, impulerunt, seu adegerunt, duæ potissimum à Scholasticis, maximèq; ab Angelico Doctore in sua Summa recensentur. Altera ipsum Luciferi exemplum. Nam ille Apostasia alijs pariter deficiendi causa, non quidem cogens, sed suadens, & exemplo inducens extitit; ex quo illis consequutum est, vt modo Luciferi ipsi subdantur; cum is diuinæ iustitiæ æquissimus ordo censeatur, vt cuius suggestioni aliquis consentit in culpa, eius quoque potestati subijciatur in pœna. Quamquam verò Luciferi peccatum, cæterorum fuit defectionis occasio, omnes tamē simul ac semel peccasse existimandum est, cum Angelus mora non indigeat ad ratiocinandum, eligendum, seu consentiendum. Quare sublata in Angelis quacunque deliberationis cunctatione, eo momēto, quo Lucifer suum à Deo auersissimum animum patefecit, eo ipso potuere alij cōsentire præbere. Altera autē causa superbia ipsorum fuit; cōcupierunt enim, affectaruntq; excellentiam quandam suo statu longè præstantiorem, atque augustiorem, quam profectò absque Luciferi sublimitate ab ipsis comparari non posse existimarunt, vt edocet D. Bonauentura loco asserto: Et spe eminentioris dignitatis allekti, Luciferi ipsi licet inferiori, potius quàm Deo altissimo subesse voluerunt. His igitur de causis, desertores sub vexillum apostatæ se rede gere. Moxq; amplissima illa, ac innumerabilis Angelorum multitudo, in duas seiuncta, & dispertita est classes. Quarum altera (quæ ante Regem in Throno sedentem astat, de qua dictum est; Millia millium ministrabant ei) lux nitida, nox atra altera euasit; ea prorsus rerum imagine ac euentu, quo emergente ab Oceano Sole, in aëreque nubibus obducto rutilante, nubium alias candidas, alias mox atras resiliare conspiciamus. Moxq; initum est prælium.

Lib. 2. dist. 1.
Par. 1. q. 63.
art. 8.
Due causæ
lapsus reli-
quorum An-
gelorum.

Q. 2. art. 1.

Dan. 7.

De Copiarum Angelicarum congressu.

Funesti Angelici belli authorem, causasq; enarrauimus; Duces qui, militum copiarum quales, quantæ hinc inde comparatæ essent, demonstrauiamus: superest, vt earum congressum proferamus.

Vt igitur ex Scripturarum ipsarum oraculis, quæ primordijs temporum gesta sunt, per futurorum similitudinem decerpamus. En illud Apocalypsis maximè perpendendum. Signum magnum apparuit in Cœlo; Mulier amicta Sole, & Luna sub pedibus eius, & in capite eius corona stellarum duodecim: & in vtero habens; & clamabat parturiens, &c. His siquidem quanquam Ecclesiam allegorico sensu, morali verò animam à Patribus grauissimis figurari edoceamur; non aliena tamen surreptitiue interpretatione asseuerare etiā possumus, quòd in ea muliere Sapientia præsignetur æterna. Hæc profectò verè Solis candore elucescens; & Lunam, hoc est vniuersa temporis obnoxia pedibus calcans; stellifera corona insignis, cum cœlestia cuncta moderetur; in vtero, hoc est prædestinatione æterna, gestabat humanæ naturæ assumptionem; & clamabat, id est figuris, vaticinijs prædicebat; cruciabaturq; , hoc est vehementi caritate affectabat, vt pareret, vt videlicet statuto tempore humanitatem nostram imbecillem, mortalemq; assumeret. Quare Draco, Lucifer inquam, sua prauitate, inuidiæq; liuore Dæmon effectus, tertia stellarum parte, hoc est non modica Angelorum classe secum rapta, ad statum Dei, nobis augustissimum, impediendum, totis viribus se accingebat. Tunc igitur quasi tuba strepente factum est prælium magnum. Cæterum præliorum duplex est genus: aliud corporeum, & est, quando corporis viribus dimicatur, seu armis, quæ humana solertia ad hostes proterendos excogitauit, quo armorum genere bella gerunt mortales; seu quæ natura suppeditauit, quo genere armorum belluæ, feræq; immanes inuicem decertant. Aliud spirituale; idq; multiplex secundum multiplices animi vires. Quandoque enim certamen est inter intellectum, & intellectum, quo genere bellum in scholis disceptationum pugna conseritur; quandoq; inter voluntatem, & voluntatem, cum mortales, vt diuersos sibi præscriptos fines consecutentur, lites, contentiones, & iurgia exercent; per sæpe inter rationem, & voluntatem, seu spiritum, & carnē, cum aliud ratio indicat, & aliud voluntas efflagitat, vnde caro concupiscit aduersus spiritum. Bellum hoc Angelicum, quod impiè concitauit impius Lucifer, spirituale equidem fuit

Apoc. 12.

Prælium duplex, corporeum & spirituale.

Prælium spirituale multiplex.

Bellū Angeli
cum spiritua
le secundum
tres ipsorum
facultates.
Ila. c. 14.

secundum tres ipsis Angelis connatas facultates, intellectum videlicet, voluntatem, & naturæ vires. Intellectu acies illæ supernæ, præstantissimiq; spiritus opposita sentiebāt. Lucifer siquidem se Deo in maiestate potentia æquiparare posse suis viribus æstimabat dicens: Ero similis altissimo; ipsius quoque asseclæ, eo duce ampliorem se nacturos excellentiam dignitatis arbitrabantur. Michael è contra reclamabat: Quis vt Deus? Quis vt Deus? Magno igitur conatu superiores Angeli tum boni, tum apostate, suas apprehensiones inferioribus exprimebant, ad easq; proseguendas ipsos hortabantur, atq; suadebant. Voluntate pariter ad opposita trahebantur, nam Lucifer suis cum agminibus propria dignitate, ac tumore ebrius, à Deo creatore descire, summa ingratitude ac labe non verebatur: Michael vero cum suis copijs, diuina & flagrantissima charitate accensus, vt Deo cuncti adhærent, anhelabat. Tandem & viribus ad opposita nitebatur. Effingat sibi quæso ingenuus lector, quàm ingens esset hoc bellum inter eas spirituales, Angelicasq; mentes, quarum intellectus adeo est perspicax, voluntas adeo effitax, vires adeo præpotentes. Vt quid profecto miramur magna, & cruentosa bella inter Cirum & Cresum, Xersem & Themistoclem, Alexandrum & Darium, Annibalem & Scipionem, Cæsarem & Pompeum, seu quos alios strenuos, & inclyti nominis Duces, gesta? Factum est igitur prælium magnum; Verè magnum, & supra quàm dici, aut excogitari possit magnum, & vndecunque magnum; magnum inquam, ex patentissimo loco, magnum ex Ducum strenuitate, magnum ex innumeris copiarum agminibus, magnum ex genere belli, magnum ex celeritate temporis, magnum ex profligatorum ruina, magnum tandem ex victorum coronis. Hæc omnia nobis patefecit Ioannes. Prælium magnū, ex loci eminentia: quoniam seu in Cœlo supremo, vt sensit D. Hieronymus, seu in Empyreo, vt æstimarunt Scholastici, fuerit; vbiq; locus supereminens erat, & amplissimus, Trinitate sanctissima spectatrice; magnū si Ducum fortitudinē perpendas: Michael inquam Archangelus, Dux ille inuictus, de cuius principatu Daniel obtestatur; Consurget Princeps Michael magnus; & Ecclesia à Spiritu Sancto instruita decantat: Archangele Michael constitui te principem super omnes animas suscipiendas; & de cuius robore in Apocalypsi legitur; Concussum est mare, & contremuit terra, vbi Archangelus Michael descendit de Cœlo; & Angeli eius ampliorem in phalangē coacti, quàm illi qui Luciferi vexillum sunt sequuti, viribus, vt dicebamus, amplissimis, ac suppetias illis ferente Deo præliabantur. Cum Dracone. Strenuus Dux certe, & Draco. Hic siquidem ille Lucifer, qui mane oriebatur. Hic initium viarum Dei. Hic signaculum similitudinis. Hic plenus sapientia. Hic perfectus decore. Hic opertus omni lapide prætioso. Hic Cherub extentus. Hic princeps Mundi huius, seu tenebrarum harum. Nec mirum est, quòd in hoc sæuo bello Lucifer symbolo Draconis magni, rufi, capita septem, & cornua decem gestantis, & cauda trahentis tertiam partem stellarum effingatur. Incomparabilis est quippe in Dracone furor, rabiesq; atq; ita vesanè furit, vt nunquā conquiescat; donec aut venenum intulerit, aut ipse rabie exanimetur, quemadmodum pereleganti oratione declarat Euthimius. Quamobrem & Lucifer in hoc prælio nunquam destitit, quousque venenum in tot suos asseclas transfudit, & rabie (quòd omnes eos inficere non posset,) discerptus, præceps è Cœlo corruit, septem spiritualibus vitijs quasi capitibus insolescens, & cornu superbiæ supra nouem choros Angelorum, atque decimum hominum se efferens. Præliabatur inquit. Quantum perdurauerit hoc atrox bellum, non diffinitum comperio. Patres expressè id nō docuerunt, Theologi scholastici ferè omnes vnico, vel duplici momento, & initum, & absolutum tradunt; adeo vt sequenti mora, vt aiunt, & Angeli Sancti ad gloriam assumpti; & impuri, contumacesq; celerrime fuerint profligati, pulsi, atque in exiliū acti, iuxta illud; Videbam Sathan tanquam fulgur de Cœlo cadentem. Catherinus attamen Libello à se de hac re edito, vt ei ascribit etiam Vielmus, prolixius fuisse bellum, quàm sit instans, momentumve, asseuerasse videtur; maxime ex eo quòd scribatur hoc loco; Præliabantur: Cum enim prælium hoc, ait, spirituale, nil aliud fuerit, quàm discerpantia sententiarum, mutuaq; earum ventilatio, atque discussio; forrè & plura fuerunt à primo Angelo expressa cæteris, & pluribus momentis; cum Angeli non expriment, neq; intelligant omnia simul, sed vnum post aliud; & in re tam ardua, forrè non adeo

Dan. 12.

Apocaly. 12.

Quantū perdurauit Angelicū Bellū.

Luc. 10.
Lec. 10.

adeo celeris fuit voluntas in electione; & si viribus contendebant, contentio ipsa, cum inter strenuos spiritus agigaretur, non ita potuit subito, seu citissime absolui. Arbitror ego intellectiones Angelorum mensurari tempore discreto tantum posse, cuius momenta non sunt momenti nostri temporis consimilia, & respondentia: Potuisseque ob id uno nostro momento bellum illud absolui, ob intellectus, & voluntatis Angelicæ insignem, nobisq; imperceptibilem, in functionibus efficaciam, ac celeritatem. Potuisse etiam esse momentum discretum vnum, quod alicui nostri temporis prolixitati, & moræ valuisset exæquari. Hæc siquidem nobis comperta non sunt, sed abscondita. Verum si vt supra diffiniebamus, tot à nobis in bello Angelico ex similitudine recenseri possunt momenta, quot operationes natura sua se consequentes fuere; certè non vnica mora, seu momento, tam arduum bellum commissum est, & absolutum. Præcessit namque in primo Angelo sui elatio; deinde defectio, deinde expressio, qua reliquis suam affectionem manifestauit; & post subsequuta est consensus, seu electio inferioris Angeli: & si plures adhibuit expressiones Lucifer, vt Angelos inferiores peruerteret; & plures illuminationes Michael, vt fideles firmaret, nutantes retraheret; plura certè decurrere momenta, longiusculaque mora protractum est illud bellum. Quapropter si in eo prælij successu tempus nostrum indagemus, certè vnum potuit esse momētum; cum operationes Angelicæ præ nostri temporis decursu instantaneæ sint; si verò quadam similitudine tot momenta, quot operationes esse potuerunt, effingamus, profectò sicuti plures successere immanentes actiones se inuicem consequentes, ita & plura momenta fuisse, asserere non ineptè possumus, & diu protactum esse illud bellum. Et non valuerunt Lucifer, & desertores, Michaeli, & Sanctis copijs; tum Dei virtute Angelis bonis opitulante; tum quia numero, & uirtute impares essent; non ualuerunt inquam resistere, neque locus inuentus est, &c. Profligatorum rebelliumque casus hic describitur.

Quomodo
vnum vel plu-
ra momenta
in hoc bello.

De Profligatorum Angelorum ruina.

Quæ, quantaque fuerit ruina Angelica, quando profligati apostatæ Angeli, tanquam fulgura à Cælo corruere, non absque maximo negotio enarrari potest. Corruere à re-
titudine naturæ, in culpæ reatū; à statu beato, in miserum pœnis additum; à sublimi
Cælo, ad infima loca. Dicam de singulis his, Culpa scilicet, Pœna, & Loco; & quàm
breuissimè. Culpa ea intellectum atra fuligine obtexit, hoc est, luce destituit, non qui-
dem naturali, sed luce gratiæ, & gloriæ, quam, si stetisset, nactus fuisset: uoluntatem de-
prauauit; vires si non ademit, saltem infregit, atque eneruauit. Dicam lapsus euentū.
Cum duplex cognitio censeatur Angelica, secundum D. Augustinum; Vespertina, qua
res in natura ipsarum; Matutina, qua eas in Verbo contueri queunt: quemadmodum
Angeli à vespertina ad matutinam profecti sunt, atque inde in meridianam transiere;
cum beati redditi perenni Verbi visione fuere ditati: ita Dæmones à vespertina ad ma-
tutinam non ascenderunt: sed prolapsi à vespertina in nocturnam deciderunt. Secreuit
enim Deus lucem à tenebris, lucem appellauit diem, & tenebras noctem: ex vespertina
nempe cognitione, qua se ipsos perceperunt, ad referendas Creatori laudes, gratiasque
rependas non assurgentes, tenebræ redditi sunt. Quapropter cognitio Dæmonum
duplici nocturnæ luci comparanda est, luci videlicet Lunæ, & stellarum. Stellarum lu-
men in eis est naturalis cognitio, quæ nec ablata, nec diminuta fuit; nil enim subtrahi po-
terat simplicitati naturæ ipsorum. Vnde Dionysius, dona naturalia, inquit, in eis inte-
gra remanent; Lunæ lumen in Dæmone cognitio est illa modica, quæ per gratiā quan-
ta, uel mediantibus Angelis, uel effectibus diuinæ virtutis. Proindè Lunæ lumen in
eis nitefcit, sed non calefacit; Et hæc cognitio impertita ipsis ex Dei uoluntate, quid di-
uinum eis notificat, sed diuini amoris ardorem nullum in ipsis gignit; hoc enim est mu-
nus sapientiæ eius, quæ Spiritus Sancti est donum, & quæ ipsis nunquam condonatur;
Sed quid funestius Dæmonibus contingere potuit, quàm uoluntatis decidentia, deprau-
atioq; , & quod adeo in præceps lapsi sint, vt resilire nunquam se posse desperent? En
mulier illa apud Prophetam in amphora clausa, super os cuius massa plumbea superpo-
sita

Casus Ange-
lorum quo
ad tria.

Zach. 5.

fita est. quæ tandem à duabus mulieribus in terrâ Sennaar est deportata: Voluntas inquam desertoris Angeli, quæ se adeo efferebat, ut Deo altissimo seipsam æquiparare auderet, ita postmodum in mali obstinationem collapsa est, ut nunquam resipiscere, & ad bonum reuerti queat; quoniam ut inquit Damascenus, id Diabolo fuit casus, quod homini est mors; & quia, ut ait Albertus Magnus, prima parte Summæ de quatuor coæque uis; prima voluntatis flexio fuit ipsis non in uia, sed in uia termino, & quod, ut inquit D. Thomas, cum voluntas prosequatur intellectus apprehensionem, uti illi contingit apprehendere immobiliter per intellectum, & homini mobiliter per rationem; Ita illi euenit adhærere immobiliter, & homini mobiliter. Adeoque deprauata est demoniaca voluntas, fœda atque impia reddita, ut naturales ipsius actus (quanquam ex naturæ rectitudine boni quandoque emergant) ex deliberatione attamen mox semper deturpentur, & mali euadant; ita ut Dæmones nunquam nisi crimen perpetrare possint, nec virtutem ullam seu informem, hoc est ad politicam felicitatem ordinatam, seu formatam, hoc est, ad æternam beatitudinem directam, efficere queant. Asportata est igitur amphora ista, plûbo, hoc est obstinatione oclusa, à duabus mulieribus, hoc est à Dei iustitia & potentia, in campum Sennaar suæmet perpetuæ confusionis. Passiones autem efferatæ sex, quæ appetitum sensitium consequuntur, quanquam in Dæmonibus non vigeant, quia uti sunt corporis expertes, ita organis sensuum non pollent, attamen ut simplicis voluntatis actus esse possunt, adeo sære, atque atrociter ipsos iactant, ut amor nullus, nec in Deum, nec in seipsos, nec in cæteras creaturas, ipsos demulceat, sed odiû immensum torqueat; spes nulla boni refocillet, sed timor de futuro ingens eos corrodat; gaudium nullum de proprio bono, vel breue de alieno malo lætificet: sed dolor perpetuus, & atrox excruciat, quod multa peroptent esse, quæ non sunt; & non esse, quæ esse perspiciunt. Vires amplius in ipsis adæptæ non sunt: sed coarctatæ, atque arctius religatæ. In ipsis quidē feruescit, exardescitque immensa nocendi cupiditas, irascuntur, dentibus fremunt, & tabescunt; sed desiderium ipsorum perit, perpetuoque anguntur animi cruciatu, quod non sibi à Deo permittatur id iniquè efficere, quod ipsi iniquè, & peruersè assestant: Et si quid sibi permitti conspiciunt, id omne ad maius suarum poenarum augmentum permitti experiantur. Sunt siquidem ut Sanson obligati, qui Philisteos prostrare nequibat, nisi seipsum contereret, atque sepeliret. Hæc siquidem culpam Angelorum profligatorum sunt insequuta.

Verum grauiora, & immaniora adhuc poenarum ipsorum incommoda, quomodo enarrabo? maximè cum Dæmonum calamitates sine vlla animi pietate sint referendæ. Non Primùm à Cœlesti Regia deturbati sunt, ex aulaque Dei, ut extorres depulsi; Non enim est inuentus amplius locus eorum in Cœlo. Sedes autem ipsorum contingere potuit, mox destinata sunt. Quid obsecro grauius, quidue molestius ipsis contingere creaturæ quam ea Dei summi destitui contemplatione, quæ suprema est spiritualium creaturarum oblectatio, felicitas, & beatitudo? Hæc autem poena damni à Theologis nuncupatur. Insuper, & supplicio ignis ubique eos plecti, veluti qui febre ardentissima exstuant, quamplures Patrum, Theologorumque arbitrantur. Glossa super illud Iacobi inflammata à gehenna; Gehenna, inquit, est Diabolus, propter quem facta est gehenna; sicut gehenna semper ardet; sic Diabolus, vbicunque sit, vel in aëre, vel sub terra, fert secum tormenta suarum flammarum. Hæc Glossa. Deinde si anima flagitij reat, mox decedens gehennali plectitur igne, multo magis desertores Angelos, quorum execrator est culpa, & quibus parata est primùm gehenna, ardentissimis ignis tartarei flammis exuri semper, existimandum est. Quod quo pacto fiat, non una consensione diffiniunt hi Doctores. Patres, qui Dæmones cuidam corpori aëreo, & maximè caliginoso obnoxios esse perhibent, ut D. Augustinus, Rupertus, & alij, in eo etiam corpore eos ab igne torqueri, cruciarique, asseuerare possunt.

D. T H O M A S prima parte, quæstione sexagesima quarta, articulo quarto, ad tertium, inquit. Melius est dicendum, quod idem iudicium sit de malis animabus, & malis Angelis, sicut idem iudicium est de bonis animabus, & bonis Angelis. Vnde dicendum est, quod sicut locus cœlestis pertinet ad gloriam Angelorum, tamen gloria eorum non minuitur, cum ad nos veniunt, quia considerant illum locum, esse suum, eo modo.

Lib. 2. cap. 3.

q. 11. arti. 14.

P. p. q. 60. arti. secundo.

obomou
nig av mny
atoum et
ellad con liCausa Angeli
sup. mny
- arti. 14.

Apoc. 12.

Pena damni
in Dæmoni-
bus.

modo quo dicimus honorem Episcopi non minui, dum actu non sedet in Cathedra. Similiter dicendum est, quod Dæmones, licet non actu alligentur gehennali igni, dum sunt in aëre isto caliginoso, tamen ex hoc ipso, quod sciunt illam alligationem sibi debere, eorum pœna non diminuitur.

Scholasticorum quamplures censent è contra, Dæmones modo nec in corpore ab igne affligi, eo quod à corpore omnino sint soluti; nec imaginaria pœna affligi, quoniam ad eorum cruciatum non sufficeret ignis illius flagrantis, & nunquam absumentis apprehensio: sed ignis pœnam in ipsis usque ad iudicii diem, quo in Barathro coarctabuntur, differri; tum ut per eos iusti interim exerceantur, tum ut diuina misericordia appareat, vasa sustinens iræ apta in interitum in multa patientia.

Consequuta autem sunt casum Diaboli, non tantum à superna Regia exiliū, & ignis perennis cruciatus; verum etiam ut tradit D. Dionysius, furor irrationalis, demens concupiscentia, & phantasia proterua; furor inquam, non prout in irascibili viget, & feruet, & quo homo insurgit in ardorē, sanguine ad cor, oculos, & faciem illapso; sed prout est in intellectu, atque ut est animi ad ardua mala facinora accensio, inflexibilisq; obstinatio: Demens concupiscentia, non quæ fit ex organi alicuius læsione; sed quæ ex prauo habitus confirmatione profilit: Phantasia proterua, non prout est in anima per imagines corporum, seu phantasmata; sed in intellectu per species rerum, eo obtenebrato ex carentia illuminationis à Deo manantis. His igitur quasi furijs aguntur perpetuo Dæmones, seipsos cruciantes, & homines immani, truciq; rabie infestantes.

Tandem locum, in quem relegati sunt illi desertores Angeli, num scilicet in aërem, an potius in Barathrum, Scriptura primum clare prodere non videtur.

D. P E T R V S Epistola secunda, capite secundo.
Si enim Deus peccantibus Angelis non pepercit, sed rudentibus inferni detractos in Tartarum tradidit cruciandos, in iudicium reservari.

Quibus videtur asserere, fuisse Dæmones in infernū detrusos. Non desunt & plura Patrum loca, id passim obtestantia, quæ coaceruare non oportunum dijudicaui.

D. P A V L V S è contra ad Ephesios, capite sexto.
Colluctatio est nobis aduersus Principes, & potestates Mundi huius, aduersus rectores tenebrarum harum, contra spiritualia nequitiæ in cælestibus.

Et secundo capite ad Ephesios.
Et vos, cum essetis mortui delictis, & peccatis vestris, in quibus aliquando ambulastis secundum seculum Mundi huius, secundum principem potestatis aëris huius, spiritus qui nunc operatur in filios dissidentie.

Et in Apocalypsi capite duodecimo, post finem belli illius Angelici scribitur.
Proiectus est Draco ille magnus, serpens antiquus, qui vocabatur Diabolus & Sathanas, qui seducit vniuersum Orbem: & proiectus est in terram, & Angeli eius cum illo missi sunt. Et Post. Væ terræ & mari, quia descendit Diabolus ad vos habens iram magnam, sciens quod modicum tempus habet. Et postquam vidit Draco, quod proiectus esset in terram, persecutus est mulierem, quæ peperit masculum.

Quibus omnibus apparet, actos fuisse Dæmones in hunc aërem caliginosum, quasi in locum exilij; permissumq; eis fuisse ipsius aëris principatum.

Patres, ac Doctores ferè omnes, in hanc secundam properant sententiam; sufficiatq; mihi Patrum trium obtestationes, ac Doctorum similiter trium decisiones subnectere.

I V S T I N V S in Admonitorio, Diabolum de Cœlo tantum deturbatum, atque eiectum, Homerum intellexisse his tradit.

Similiter quoque de humani generis hoste de Cælis proiecto, quem diuina scriptura Diabolum nuncupant, (id enim nomenclatura à prima in hominem calumnia sortitus est) si quis exactè considerauerit, inueniet, à Poëta mentionem factam, non quod cum proprio Diaboli signarit nomine, sed ex pessima illius operatione cognomen indiderit: quippè qui aτρυ, hoc est damnum appellauerit, idq; de Cœlo ab ipsorum Deo detrusum asseruerit. Et tanquam exactè memor verborum, quæ de illo protulit Esaias Propheta, ita in sua poësi scriptum reliquit.

*Actutum comptis damnum cepisse capillis
Dicitur iratus, stabilem iuratus Auernum:
Nunquam Stelligeros rediturum rursus in axes.
Sic fatus, celso damnum detrusit Olympo.*

D. B A S I L I V S Homilia, quod Deus non est auctor malorum.
Dignitas verò ipsius principalis est; aduersus enim Principes, & Potestates, inquit, aduersus rectores tenebrarum harum. Locus autem principatus aër, sicut idem memorat; Contra principatus, & potestates aëris, spiritus

lib. 4 de Diu.
nominibus.

Quæ in locū
relegati fue-
runt Dæmo-
nes.

Ephes. 6.
Ephes. 2.

Ioan. 12.
Ioan. 14.
Ephes. 6.
Psal. 49.
Psal. 106.
Luc. 10.

spiritus qui operatur nunc in filios inobedientie. Idcirco, & Mundi princeps appellatur, quoniam circa terras est eius imperium, quod & Dominus ipse testatur; Nunc iudicium est Mundi, nunc princeps Mundi huius eijcietur foras. Et rursus; Venit princeps Mundi huius, & in me non habet quicquam. Quoniam autem dicitur de exercitu Diaboli ab Apostolo; Spiritualia nequitie in celestibus, scire oportet, quod Scriptura Cælum aërem solet appellare, ut est illud; Volatilia Cæli. Et alibi; Ascendunt usque ad Cælos, hoc est, in aëris sublimitatem longè tolluntur. Ideo Dominus Satanam vidit, ut fulgur de Cælo cadentem, hoc est, ex proprio principatu ad ima ruentem, ut planè ab ijs, qui in Christo sperant, conculcetur.

CHRYSOSTOMVS Homilia quarta in Epistolam Pauli ad Ephesios, in caput secundum.

Paulus cur dicit eum principem seculi huius? Quoniam tota ferè humana natura seipsam illi dedit, & omnes sua sponte ei seruiunt, & ex libero animi instituto & arbitrio. Et Christo quidem bona promittenti innumerabilia, ne animum quidem adhibet quispiam; illi autem nil tale pollicenti, sed ad gehennam transmittenti cedunt omnes. Sed principatus eius est in hoc seculo, & is plures habet, quàm Deus, & ei magis cedentes qui àm Deo, præter paucos, propter nostram socordiam. Secundum potestatem, inquit, aëris spiritus. Hoc rursus dicit, quod locum habet sub Cælo, & spiritus rursus aërei sunt incorporeæ potestates eo operante. Nam quod secularis sit eius principatus, hoc est, qui cum præsentī seculo dissolvitur, audi eum dicentem in fine epistolæ; Non est nobis colluctatio aduersus carnem & sanguinem, sed aduersus principes & potestates, & aduersus Mundi rectores tenebrarum huius seculi. Nam ne cum audieris, Rectores tenebrarum, dicas etiam, ipsum esse increatum, alibi etiam nequam seculum vocat tempus peruersum, non dicens de creaturis: mihi enim videtur, si fuisset princeps sub Cælo, non fuisse casurus à principatu, etiam post transgressionem.

D. AVGVSTINVS in Enchiridion, capite vigesimo octauo. Angelis igitur aliquibus impia superbia deferentibus Deum, & in huius aëris imam caliginem de superna celesti habitatione deiectis, residuus numerus Angelorum in æterna cum Deo beatitudine, & sanctitate permansit.

Et Enarratione in Psalmum centesimum quadragesimum nonum.

Propterea ad istam caliginosam, idest, ad hunc aërem, tanquàm ad carcerem damnatus est Diabolus, de apparatu superiorum Angelorum lapsus cum Angelis suis: nam Apostolus hoc de illo dicit; Secundum Principem potestatis aëris huius, qui nunc operatur in filiis diffidentie. Et alius Apostolus dicit; Si enim Deus Angelis peccantibus non pepercit, sed carceribus caliginis inferni retrudens, tradidit in iudicio puniendos seruari: infernum hoc appellans, quod inferior pars Mundi sit.

MAGISTER secundo Sententiarum distinctione sexta.

Diabolus cadentem huius caliginosi aëris habitaculum excepit. Et hoc ad nostram probationem factum est, ut sit nobis exercitationis causa. Vnde Apostolus; Colluctatio est nobis aduersus Principes & potestates Mundi huius, & aduersus rectores harum tenebrarum, contra spiritualia nequitie in celestibus: quicquid Dæmones, qui sunt spirituales, & nequam, in hoc turbulento aëre nobis propinquo, quod Cælum appellatur habitant. Vnde, & Diabolus princeps aëris dicitur. Non enim est eis concessum habitare in Cælo, quia loci eius clarus est, & amœnus: nec in terra nobiscum, ne homines nimis infestarent. Sed iuxta Apostoli Petri doctrinam in Epistola canonica traditam, in aëre isto caliginoso, qui eis quasi carcer usque ad tempus iudicij deputatus est: tunc autem detrudentur in barathrum Inferni secundum illud: Ite maledicti in ignem æternum, qui præparatus est Diabolo, & Angelis eius.

Vnum autem adiicit notatu dignissimum: Dæmonum scilicet ipsorum nonnullos quotidie in Infernum descendere, ut animas impiorum ludificent, & torqueant.

D. THOMAS, relegationis huius rationem reddidit, non prætermittendam: bonum scilicet à diuina prouidentia directè per Angelos bonos, & indirectè per malos procurari; Quare iniquis Angelis deberi duplicem locum; alterum ratione culpæ, & est Infernus; alterum, ratione exercitationis humanæ, & est caliginosus aër. In quo usque ad diem Iudicij persistent; quemadmodum & eorum indirecta salutis nostræ procuratio usque tunc protendetur.

Idipsum D. Bonauentura secundo Sententiarum, distinctione sexta, articulo secundo, quæstione prima. Quibus, & hæc adiecit.

Aër enim caliginosus propter caliginem conuenit tenebrositati culpæ: sed propter mobilitatem, & subtilitatem conuenit Angelicæ velocitati: vnde sicut aliquibus viris sanctis ostensum est, frequenter circa nos volitant ut muscæ.

Communi igitur, tutaque sententia Patrum, diffiniendum est, Dæmones in hunc aërem caliginosum, & non in Barathrum relegatos, in exiliumque pulsos fuisse.

D. Petri auctoritatem Magister secundo Sententiarum, distinctione sexta elidit, cum Tartarum interpretatur aërem hunc caliginosum, cui tanquàm carceri usque ad iudicij diem mancipati sunt.

Ephes. 6.

Ephes. 2.

Ephes. 6.

Matth. 25.

P. par. q. 64.
art. 4.

Num Lucifer in Infernum detrudatur.

Supereſt autem difficultas, quid ſit ſentiendum de Lucifero illo apoſtatarum Duce. Difficultas autem hæc emerſit ex eo Scripturæ loco; Et uidi Angelum deſcendētem de Cœlo, habentem clauem abyſſi, & catenam magnam in manu ſua. Et apprehendit Draconem ſerpentem antiquum, qui eſt Diabolus, & Satanas, & ligauit eum per annos mille, & miſit eum in abyſſum, & clauſit, & ſignauit ſuper illum, ut nō ſeducat amplius gentes, donec conſumentur mille anni, & poſt hæc oportet illum ſolui modico tempore. Et poſt. Et cūm conſummati fuerint mille anni ſoluetur Satanas de carcere ſuo, & exhibit, & ſeducet gentes, quæ ſunt ſuper quatuor angulos terræ, Gog, & Magog, & congregabit eos in prælium, quorum numerus eſt, ut arena maris.

Apocal. 20.

Locus hic diuerſas habet interpretationes. Patres illi, qui Millenariorum nomen ſumpſere, quorum non modica eſt claffis, hos mille annos, quibus Luciferum in Barathrum fore detrudendū tradit Scriptura, eos mille annos interpretantur, in quibus poſt ſex millenarios, (totidem enim duraturum fore hoc uniuerſum ipſi exiſtimant) electi in Mundo ſumma cum hilaritate, corporisq; & animi tranquillitate perſiſtent, quouſque tandem denuo ſolutus Satan ingens in ipſos inferet bellum: ſicque demum incendio conflagrabit Mundus; Reſurrectio fiet generalis; ac poſtremo uniuerſale omnium iudicium.

L A C T A N T I V S libro ſeptimo, capite vigefimoquarto, hunc Mundi renouati ſtatum vberius deſcribit: de Dæmone autem hæc habet.

Etiā princeps Dæmonum, qui eſt machinator omnium malorum, catenis vincietur, & erit in cūſtodia mille annis cæleſtis imperij, quo iuſtitia in Orbe regnabit, ne quid malum aduerſus populum Dei moliatur.

Proſequiturque amplius capite vigefimoſexto, enarrare qua ſerie poſt mille annos, ſolutus denuo Lucifer bellum magnum ciuitati ſanctæ inferet: donec tandem Deus Solem adeo inflammabit, ut omnia comburat, fietque poſtrema Mundi renouatio, ſecundaque omnium reſurrectio.

H I E R O N Y M V S libro vndecimo in Ezechielem, capite trigefimoſexto, ſiſtitiam hanc Millenariorum ſententiam, uti Iudaicam fabulam, eiusque ſectatores memorat, irridetque dicens.

Neque enim iuxta Iudaicas fabulas, quas illi Νεκρωσις appellant, gemmatam, & auream de Cælo expectamus Hieruſalem: nec ruruſum paſſuri circunciſionis iniuriam: nec oblaturi taurorum, & arietum victimas: nec Sabbati otio dormiemus. Quod & multi noſtrorum, & præcipue Tertulliani liber, qui inſcribitur de Spe fidelium, & Laſtantij inſtitutionum volumen ſeptimum pollicetur, & Victorini Piſtaniensis Episcopi crebra expoſitiones, & nuper Seuerus noſter in Dialogo, cui Gallo nomen impoſuit: & ut Græcos nominem, & primum extremumque coniungam, Irenæus & Apollinarius.

Mentionem egit de his placitis etiam Hieronymus in Proœmio in decimooctauū librum Commentariorum in Eſaiam. Loca autem Patrum à Hieronymo memoratorum ſic colligito. Tertullianus libro de Reſurrectione carnis, capite vigefimoquinto; Aduerſus Marcionem libro primo, capite vigefimonono; libro tertio, capite vigefimoquarto; & libro quarto, capite vigefimonono; & in fragmentis libri de Spe fidelium. Irenæus libro quinto de Hæreſibus. Iuſtinus Dialogo aduerſus Triphonem & Miltonem. Laſtantius libro ſecundo, capite decimotertio; & libro ſeptimo, capite vigefimoquarto. Victor in Apocalypſim antequam à D. Hieronymo caſtigaretur; & eodem teſte, Seuerus in Dialogo de vita Sancti Martini. Vtcunque ſufferri poſſe hoc placitum, D. Auguſtinus libro vigefimo de Ciuitate Dei non inſiciatur. Cæterum hæc quàm ſiſtitia ſint, & quantum Milliariorum, ſeu Chiliaſtarum aſpernanda ſint figmenta, plures Patrum decertant; præcipue D. Hieronymus locis aſſertis; Eusebius Hæreſi ſeptuageſimaſexta. Sed hæc ſuo loco luculentiùs demonſtrabimus.

P R O S P E R in Prædictionibus, quarta parte, capite quarto, duas protulit præſati numeri ſupputationes,

Mille verò anni, aut à parte totum accipiendi ſunt (ut Petrus dicit Apoſtolus; Vnus dies enim Domino ſicut mille anni, & mille anni ſicut dies vnus) aut ab exitu ſermonis, quando à Daniele ſeptuaginta hebdomadæ taxatæ ſunt futuriꝝ uſque ad Chriſtum ducem. Nam tunc eſſe bellum factum, ut Michael & Angeli eius pugnarent cum Dracone, & Danieli Angelus oſtendit dicens; Miſſum ſe eſſe, ut pugnaret cum Principe Regni

2. Pet. 3.
Dan. 9.

Dan. 10.

Regni Persarum, & non est, ait, qui me adiunget, nisi Michael princeps vester. In quo bello Diabolus victus est, & principatus eius, sicut eidem Propheta in initio, ita Ioanni in fine temporis ostensum est. Ut illi quadringenti nonaginta anni, & isti qui excurrunt ab aduentu Saluatoris vsque in solitudinem eiusdem Diaboli, concludant mille annos, in quibus ligatus est Diabolus, ne ultra seduceret nationes, quas ante possederat in Idololatrijs.

Lib. 6. cap. 7.
Lib. 2. senten.
dist. 6.

Patres quamplures, præcipuè Richardus de Sancto Victore Commentarijs in Apocalypsin; Doctores Scholastici omnes, duce Magistro: eam Luciferi relegationem ab eo tempore, quo tentauit Christum in deserto, vel quo in passione deuictus est, effectam fuisse autumant, in qua mille annis, hoc est, vsq; ad Antichristi tempora, victum permansurum perhibent. Quæ interpretatio longè communior, acceptior, & probabiliior censetur. Tandem nec aberrant, qui cum Magistro putant Satan dici relegatum nunc, seu uinctum, quòd ea nocendi facultate sit destitutus, quæ ipsi miseranda Antichristi tempestate, qua soluendus dicitur, à diuina prouidentia permittetur.

De Coronis Beatorum Angelorum.

Apoc. 12.

Profligatis contumacibus, deiectisq; apostatis, qua lætitia affecti sint Angeli sancti, tali, tantaque parva victoria; in quos concentus proruperint, quas Dei Optimi Maximi laudationes decantarint, dum à cardine ad cardinem Mundi exultantes vociferarent, Sanctus, Sanctus, Sanctus, Dominus Deus Sabaoth; Nunc facta est salus, & virtus, & Regnum Dei nostri, & potestas Christi; Quæque etiam coronæ, seu quæ præmia illis obuenerint, nec intellectus humanus pertingere, nec mens contemplari, nec lingua vnquam celebrare posset. Dicam de gloria, quæ eorum fuit coronæ. Ex templo igitur à merito ad præmium assumpti fuerunt Angeli, beatitudinisq; compotes facti, ac secūdum gradus perfectionis, illis natura insitos, collata sunt eis præstantissima dona, & amplissima beatitudinis præmia. Exigebat equidem id primum diuinæ Sapientia; nam quemadmodum naturam Angelicam constituit Deus ad gratiam, gloriamque adipiscendam valde propensam; ita & naturæ gradus, ad diuersos gradus gratiæ & gloriæ suscipiendos, Deum ipsum disposuisse, illisque inseruisse censendum est. Deinde id etiam expetebat natura ipsa Angelica, quæ ab aliquo obstaculo non præpedita, simplex enim erat, neq; ex diuersis conflata naturis, ut homo, in quo sensibilis vis intellectiōnem deprimit, propria uirtute cuncta in bonum dirigebat. Ita ferè D. Thomas. Cæterum gloria ista in eminentissima, ac superexcellsa Dei maiestatis clarissima intuitionē, ardentissima dilectione, ac iucundissima fruitione consistit. Ex uespertina igitur cognitione (ut de prima disseramus parte) Angeli ad matutinam exurrexerunt, inde in meridianam profecti sunt. Quapropter trium illi cognitionis generū, nempe naturalis, gratiæ, & beatificæ, compotes effecti sunt. Splendent profectò Stellæ, & Luna, etiam Sole effulgente, quamuis ampliori offuscata lumine à nobis non cernantur. Remansit pariter natiua cognitio in Angelo, nec ab eo sublata est diuinorum mysteriorū intellectio, quandoq; ex gratia ipsi impertita, quanquā amplissima Dei uisione gloriosus, & decoratus: quoniā pallens cognitio naturalis coruscantissimo lumine gloriæ non fuit amota; nihilq; prohibet Angelum idipsum cognoscere, & in Dei ineffabili essentia, quod est munus beatificæ scientiæ, & per connatas sibi rerum species, quod spectat ad cognitionem naturæ; quemadmodum nil uetat à nobis idipsum percipi posse demonstratione, & per probabiles causas, seu conspici per species proprias rerū conspicabilem, & per retusas à speculo. Verū non pigeat de hac Angelica Dei uisione dubias Patrum sententias audire.

P. p. q. 62. art.
secundo.

Num essentiam Dei videant Angeli.

Deum clarissima intuitionē ab Angelis non videri, sensisse visi sunt Patrum nonnulli.

MARTIALIS Apostolus, Confessor, & Episcopus Lemouicensis ad Burdegalenses Epistola, capite decimo.

Scitote intelligentes, quia ultra omnem sensum Angelicarum Potestatum: & Virtutum, vera Diuinitas ex-
cellit, quam impossibile est etiam à spiritibus Angelicis comprehendere.

CHRY-

CHRYSOSTOMVS Homilia in Ioannem quartadecima, Dei naturam, & substantiam ab vlla creatura conspici non posse, his tradit.

Sed quod est Deus, non modò Prophetæ non viderunt, sed neque Angeli, neque Archangeli. Sed si eos percunctaberis, nihil ab his de Dei substantia audies, sed tantum referentes; Gloria in altissimis Deo.

Et paulo post addit.

Quod si omnis natura creata est, quam ratione increatum videre poterit? Nam si incorpoream virtutem, quamvis genitam, non possumus manifestè conspici, & hoc sæpenumero in Angelis ostensum est: multo minus incorpoream, & ingentiam substantiam. Quare Paulus; Quem, inquit, nemo vidit vnquam, neque videre potest.

Et infra occurrens obiectioni, quæ his obstare videtur, inquit.

Quenam illa sententia est, Angeli eorum semper vident faciem Patris mei, qui in Cælis est? Et; Beati mundo corde, quoniam ipsi Deum videbunt? Cogitationem nanq; atq; imaginationem, quam pro viribus nostris de Deo capimus, eam visionem appellat. Neque aliter de Angelis intelligendum est, propter puram ipsorum, & nullo somno obnoxiam naturam, cum nihil aliud quam Deum semper mente agitent.

Et de incomprehensibili Dei natura Homilia tertia.

Quod si Virtutes tam expletæ scientiæ compotes, nec condescensum quidem Dei valeant tolerare: quanta sit amentia facinus, queso, homines, in quibus particularis quedam inest scientia, Paulo auctore, qui ex parte cognoscimus, inquit, & per speculum in enigma, ea sibi perspicua, explorataq; haberi putare, quæ ne illis quidem patere Virtutibus liceat? Statueram quidem non modò Cherubin, ac Seraphim, verum etiam Principatibus, Potestatibus, & omni virtuti creata, Deum esse incomprehensibilem explicare.

THEODORETVS Dialogo inscripto, Immutabilis, in quo Orthodoxus, & Eranistes loquuntur, hæc habet Orthodoxus.

Nos autem & pijs rationibus vtentes, & diuinis sententijs credentes, quæ apertè clamant, Deum nemo vidit vnquam, dicimus ipsos non vidisse diuinam naturam, sed visiones quasdam, quæ eorum facultati conuenirent, nec eius modum excederent. Eran. Ita dicimus. Orthod. Ita ergo de Angelis intelligamus, audientes; Quotidie vident faciem Patris vestri: non enim vident diuinam substantiam, quæ nec circumscribi, nec comprehendi, nec mente percipi potest, & quæ vniuersa comprehendit: sed quandam gloriam, quæ eorum viribus respondeat, sitq; eis commoderata. Eran. Hæc ita habere in confesso est.

Et Dialogo primo.

Ita ergo de Angelis intelligamus, audientes; Quotidie vident faciem Patris vestri. Non enim vident diuinam substantiam, quæ nec circumscribi, nec comprehendi, nec mente percipi potest, & quæ vniuersa comprehendit: sed quandam gloriam, quæ eorum viribus respondeat, sitq; eis commoderata.

Et libro inscripto, Basilij, & Gregorij Dialogus de inuisibili Dei essentia.

Quemadmodum Angeli Dei essentiam non capiunt, aut cernunt, sic neque Angelorum naturam homines, nisi gloriam, & id imperfectè, & aliqua ex parte.

THEOPHILACTVS Commentarijs in cap. primum Ioannis. Ceterum dixerit hic fortasse quisquam; quomodo hoc loco discimus, quòd nullus viderit Deum; cum Propheta dicat; Vidi Dominum? Vidi quidem Propheta Deum, at non ipsam substantiam, sed similitudinem, & apparentiam quandam, sicut capere poterat. Et alius iterum in alia figura vidit, & alius in alia. Vnde scilicet non ipsam veritatem viderunt; non enim diuersis figuris illam vidissent, quæ simplex est, & insignibilis, quin neque Angeli vident substantiam Dei, quamvis dicantur videre faciem eius. Hoc enim totum indicat, semper Deum eis apparere: Filius igitur ex omnibus hominibus semper videt Patrem.

EVTIMIVS his consentiens in Commentarijs pariter in primum caput Ioannis.

Nulla creatura Deum videt, non materialis tantum, sed & immaterialis, siquidem ipsis quoque immaterialibus Virtutibus inuisibilis est Deus in sua natura, licet prout sibi conceditur Deum videant.

ATHANASIVS in illud; Omnia mihi tradita sunt à Patre meo.

Homines profecto sunt audaces, & proterui, qui non tremunt eam gloriam, in quam cupiunt Angeli proni, inclinatiq; aspicere, cum præ illis longè sint natura, & ordine sublimiores; quid enim propinquius Cherubin, & Seraphinis? Illi non obtinentur hanc maiestatem, aut in pedibus erectos se tenent, immò ne faciem quidem quandam relinquunt: sed ea obuelata, gloriam, maiestatemq; Dei labijs nunquam cessantibus extollunt, nihil aliud quam diuinam, & ineffabilem naturam triplici titulo sanctitatis glorificantes.

Verum ex aduerso omnes ferè Patres Angelos, & Verbum, & in Verbo cuncta videre obtestantur.

D. Petrus vt habetur apud Clementem Recognitionum libro tertio. Deus videtur mente non corpore, spiritu non carne, vnde & Angeli, qui sunt spiritus, vident Deum.

GREGORIVS Nazianzenus de Theologia libro secundo.

Sumus Angelos, Archangelos, Thronos, Dominatus, Principatus, Potestates, splendores, ascensiones, Virtutes

Lucæ 2.

1. Tim. 6.

Matth. 18.

Matth. 5.

1. Cor. 13.

Ioan. 1.

Matth. 18.

Isa. 6.

Matth. 17.

tes mentales mentes, vel naturas puras, & incorruptas ad malum si non immobiles, certe ægè mobiles, ut quæ circa primam causam semper exultent, nisi alius aliquis verbum aliud his laudandis aptius inuenerit, & in quas ex illo inhexausti luminis fonte, limpidissimi sanè deriuentur riuus, idq; pro cuiusq; nature dignitate, ordinisq; gradu. Imprimitur adeo eis tanta pulchritudinis forma, ut sint & ipsi secunda lumina, possimq; ipsius primæ lucis riuos deinceps per se, velut quosdam canales, in inferiores naturas deriuare.

A V G V S T I N U S de Genesi ad literam libro quarto, capite vigesimoquarto.

Quapropter cum Sancti Angeli, quibus post resurrectionem coequabimur, si viam, quæ nobis Christus factus est, usque in finem tenuerimus, semper videant faciem Dei, Verboq; eius unigenito filio, sicut Patri equalis est, persuantur, in quibus prima omnium creata est sapientia; proculdubio uniuersam creaturam, in qua ipsi sunt principaliter conditi, in ipso Verbo Dei prius nouerunt; in quo sunt omnium etiam, quæ temporaliter facta sunt, æternæ rationes, tanquam in eo per quem facta sunt omnia; ac deinde in ipsa creatura, quæ sic nouerunt tanquam infra despicientes, eamq; referentes ad illius laudem, in cuius incommutabili veritate, rationes, secundum quas facta est, principaliter vident. Ibi ergo tanquam per diem, unde & concordissima unitas eorum eiusdem veritatis participatione dies est primitus creatus, hic autem tanquam per vesperam, sed continuo fit mane.

Et vndecimo de Ciuitate Dei cap. vigesimo nono.

Illi quippe Angeli Sancti non per verba sonantia Deum discunt, sed per ipsam presentiam immutabilis veritatis, hoc est, Verbum eius unigenitum, & ipsum Verbum, & Patrem, & eorum Spiritum Sanctum; eamq; esse inseparabilem Trinitatem, singulasq; in ea personas esse vnā substantiam: & tamen omnes non tres Deos esse, sed vnum Deum ita nouerunt; ut eis magis ista sint nota, quam nos ipsi nobis cogniti sumus. Ipsam quoque creaturam melius ibi, hoc est, in sapientia Dei, tanquam in arte, qua facta est, quam in ea ipsa sciunt: ac per hoc, & seipsos ibi melius quam in se ipsis.

G R E G O R I U S Magnus Expositione in Iob. libro decimo octauo, capite trigesimo octauo.

Sed quia de Deo per primum Ecclesiæ prædicatorem dicitur; In quem desiderant Angeli prospicere: sunt nonnulli, qui nequaquam Deum videre vel Angelos suspicantur, & tamen dictum per veritatis sententiam sciunt: Angeli eorum in Cælis semper vident faciem Patris mei, qui in Cælis est. Nunquid ergo aliud veritas, aliud prædicator insonat veritatis? Sed si sententia vtræque confertur, quia sibi nequaquam discor- det agnoscitur. Deum quippe Angeli, & vident, & videre desiderant; & sitiunt intueri, & intuentur. Si enim sic videre desiderant, ut effectui sui desiderij minimè persuantur; desiderium sine fructu anxietatem habet, & anxietas pœnam. Beati verò Angeli ab omni pœna anxietatis longè sunt; quia nunquam simul pœna, & beatitudo conueniunt. Rursum cum eos dicimus Dei uisione satiari, quia & Psalmista ait: Satiabor dum manifestabitur gloria tua: considerandum nobis est, quoniam satietatem solet fastidium subsequi. Quia ergo rectè sibi vtræque conueniant, dicat veritas; Quia semper vident: dicat prædicator egregius: Quia semper videre desiderant. Ne enim sit in desiderio anxietas, desiderantes satiantur: ne autem sit in satietate fastidium, satiati desiderant. Et desiderant igitur sine labore, quia desiderium satietas comitatur; & satiantur sine fastidio, quia ipsa satietas ex desiderio semper accenditur.

H I E R O N Y M U S in Esaïam libro primo, in caput primum.

Homo igitur Dei faciem videre non potest, Angeli autem etiam minimorum semper vident faciem Dei.

Et libro sexto in decimum quartum caput.

Nec pastores ibi requiescent, Angeli videlicet, qui humano præsumt generi, & quotidie vident faciem patris.

Et in Ezechielem Prophetam libro vndecimo, in trigesimum quartum caput.

Ecclesiæ, quarum Angeli quotidie vident faciem Dei.

A U C T O R.

Ab œcumenica, sacrosanctaq; Theologia diffinitum comperimus, Angelos ad beatitudinem ascitos ineffabilem Dei essentiam conspiciari & contemplari. Cæterum pro cõciliandis his Patrū controuersijs, duæ possunt afferri distinctiones; Altera Angelos excelsam Dei essentiam naturali sua virtute intueri non posse: sed beatifica tantum, & supernaturali facultate; Altera quod aliud sit videre, conspiciereq; & aliud comprehendere, nempe simul totum apprehendere, & capere, ut D. Thomas doctissime adnotauit. Fieri q; posse, ut Angeli Deum videant, sed non comprehendant: solus enim Deus sicut seipsum perfectè nouit, solus etiam sui ipsius substantiam, qualis, quantaq; sit, integrè, & omnifariam comprehendit. Quapropter, & benè Chrysostomus Angelicam uisionem Dei essentia, ut ingenita, & infinita, cogitationem, atque imaginationem appellauit; quoniam non quantus sit Deus Angeli comprehendunt, sed tantum cogitant, atque imagi-

1. Pet. 1.

Matth. 18.

Psal. 16.

Angeli quomodo Deum videant.

Lib. 4. sent. dist. 49. q. 2. art. 3.

imaginantur, atque hoc pacto Deus incomprehensibilis est; nam tota eius substantia, nec ab Angelo, nec à beato homine comprehendi potest. Et bene Theodoretus asserbat, Angelos non uidere diuinam substantiam, hoc est non totam, quòd nec circumscribi, nec comprehendi, nec mente percipi possit, ut potè ea, quæ in seipsa vniuersa comprehendit: sed quandam gloriam, hoc est, Dei visionem quandam, quæ eorum viribus respondeat, sitque eis commoderata. Theophylactus quoque eleganter asserit, Angelos substantiam Dei non intueri, quamuis faciem eius videre perhibeantur: hoc est, non totam Dei substantiam, sed partem eam, quæ ad eos beandos spectat, contuentur. Inuisibilis quidem (ut ait Euthimius) in sui natura est Deus, attamen illum Angeli prout eis ipse elargitur, beatissimè conspiciuntur.

Intellectus igitur Angelicus præmium illud augustissimum retulit, uidelicet, ut incircumscriptum lumen cerneret, ut fulgentissimo Dei aspectu perpetuò frueretur. Voluntas pariter duplicem suæ electionis mercedem percepit, vtranque ingentem, vtranque ineffabilem; nempe flagrantissimum diuini amoris ardorem, & indiuiduam Deo inhaesionem: perenne enim firmamentum, ac stabilitatem nacti sunt Angeli, tum dono perseverantiae à Deo sibi elargito, tum immobilitate ad bonum comparata; ex eo quòd voluntas ipsa fini ultimo, & augustissimo, qui est Deus, fuerit coniuncta. Hæc Albertus Magnus. Ut statera nimirum librata erat voluntas Angelica, cum ad vtranque declinare partem ualeret, sed pondere amoris ad centrū, hoc est, Deum perueniens, immobilis reddita est: Diuino etiam amore, quo nihil suauius, Angelica voluntas exarsit, est enim diuinus amor ceu rubus ille, quem Moses semper quidem ardentem, at nunquam combustum mirabatur. Deus profectò ignis est, sed nō comburens: Angelum siquidem, uel animam, in qua eius dilectio ardet, non absumit; quin potius fouet, ac uiuificat: amor uerò sui, uel rerum terrenarum, ignis ardens est, & comburens; cum animā torreat, uel magis exanimet, ad mortemque perducatur. Hoc igitur perenni amore efflagrantes Angeli, quasi nectare Deo fruuntur.

Cæterum (quod maximum fuit post tantam comparatam victoriam) Angelica natura, quæ surrexerat ut aurora, puritate suæ naturæ nitescens reddita erat ut Luna, quando gratia fuerat insignita; illustrata ut Sol, cum gloria condecorata; aliudque; excepit præclarissimum præmium, dum in ordines redacta est, terribilisque effecta, ut castrorum acies ordinata. In amplissima siquidem Dei Regia, aulaque coruscantissima, ciues Angelici aureas sedes exceperunt; vniuersaque insigni adeò sapientia distributa sunt, ut nunquam Regina Sabba satis demirari posset ordines ministrantium in domo æterni Salomonis, & dispertita ipsis officia, ac ministeria circa Deum, & Mundum. Dicam de his breuissimè. Quemadmodum Deus Trinus est, ita in aula Dei omnia ad Triadem redacta sunt. Sub Principe igitur Deo Angelorum amplissima multitudo in tres Hierarchias seiuncta, & secreta est; primaque conflata ex eis, qui Deo, ut natura perfectissimi, assisterent, & illuminationes rerū à Deo, principe, uniuersali que causa caperent, & quasi in uestibulo diuinitatis collocarentur. Altera eorum qui Mundi regimini supereminerent; rationesque rerum ab uniuersalibus creatis causis indagarent. Tertia tantum eorum, qui ministrarent, & à proprijs, proximisque causis rerum rationes exciperent. Rursum in vnaquaque Hierarchia tres ordines seiuncti sunt, singulisque ordinibus diuersæ functiones, & munera distributa. Prima Hierarchia complexa est Seraphim, Cherubim, & Thronos, qui Deo uoluntate, intellectu, natura adhaerent. Seraphim in Deo uoluntate rapida datum est coniungi: Cherubim diuina secreta supereminenter in Deo cognoscere: Thronos Deum in se recipere. In secunda autem Hierarchia secundum D. Dionysij doctrinam enumerantur, Dominationes, Virtutes, Potestates, ex auctoritate D. Pauli, qui habet; Instituit autem illum (hoc est Christum) ad dexteram suam in cœlestibus super omnem Principatum, & Potestatem, & Virtutem, & Dominationem. Horum officia sunt, ut Dominationes ea quæ agenda sunt, diffiniant, & imperent; Virtutes uim & robur ad ea exequenda impertiantur; Potestates ea quæ diffinita, & imperata sunt, ordinent, ut effici possint. In tertia pariter comprehenduntur ex D. Dionysij doctrina, Principatus, Archangeli, & Angeli. Principatuum munus esse uoluit ducere, & dirigere; Archangelorum dirigere, & operari; Angelorum uero tantum

Intellectus & uoluntatis Angelorum præmium.

P.p. quæst. 6. art. 3.

Exod. 7.

Hierarchiæ Angelorum tres, & earum munera.

Ephes. 1.

Anno Mundi
primo.
Die Prima.

Fiat Lux.

a. *Idest, Ignis emicans ad superas partes prosiliens.*

Céloſ. 1.

tum exequi. Verum D. Gregorius hanc Angelicorum ordinum seriem aliquo pacto in-
uertit, ea ductus D. Pauli autoritate, quæ habet. Siue Throni, siue Dominationes, siue
Principatus, siue Potestates, omnia per ipsum, & in ipso creata sunt. In secunda igitur
Hierarchia D. Gregorius, Dominationes, & Principatus, & Potestates subcludit; Do-
minationumq; munus, & officium esse, quæ agenda sunt diffinire, & imperare; Princi-
patuum puris spiritibus præsidere; Potestatum malos, hoc est, Dæmones arcere, tra-
dit. In postrema Hierarchia tandem, Virtutes super omnia corporea ad miracula patrâ-
da imperium habere; Archangelos ea reuelare, quæ magna sunt, atque rationem tran-
scendunt; Angelos demum parua, & ad quæ ratio se extendit, sapientissimè edocet.

A T H A N A S I V S de Communi essentia Patris, Filij, & Spiritus San-
cti ad finem, alterum defert ordinum Angelicorum discrimen.

Ceterum, quia ipsi ordines, & milites denominantur, restat, vt ordinem distinguamus, in ordinem docentium,
permittentium, punientium, eorumq; qui animabus gratificantur, & qui apud homines permanent. Et quemad-
modum discrimen ordinis in supernis potestatibus cognouimus; ita quoque stationis, & scientiæ discrimina
sunt: Throni scilicet, Cherubim, & Seraphim, qui continuo, & sine ullo mediatore, aut intrepete à Deo condi-
sunt, vt potè ceteris sublimiores, & Deo propinquiores, & ab ijs erudiuntur inferiores ordines, atq; ita deinceps
ceteri pro suo gradu: postremi autem omnium sunt Angeli, qui & hominum pedagogi sunt censendi.

Patrum, Doctorumq; plurimi de his plura edisserunt: sed præcipuè D. Dionysius de
Cælesti hierarchia, & Gregorius, ex quibus quæ à nobis hucusq; sunt tradita D. Thomas
decerpsit. Excepere igitur acies illæ Angelicæ post partam victoriam ordinem, iâ prius
in natura insitum, ex gradibus donorum gratiæ, & gloriæ; excepere & munera, officiaq;
enarrata. De quibus non meæ sed Theologorum partes sunt plura disserere. Hæc igitur
iam condito Chaos, ante eius discretionem, & venustationem, in primordio tem-
porum, inter Angelos gesta sunt. Tempus iâ expostulat, vt deinceps ad alia trāseamus.

*Catena Patrum lucem eam priscam corpoream fuisse
existimantium.*

Patres omnes ante D. Augustinum, & post ipsum quamplures, Mosis literam secun-
dum vsitatam significationem capientes, lucem eam, quam primordiali die profiliisse
audiuimus, corpoream fuisse omnino reputarunt. Quanquam in explicando quid ip-
sa esset, in aduersas profecti sint sententias. Postulat igitur institutum nostrum, vt ipsas
per classes proferamus.

G L O S S A Interlinearis.

Fiat lux, hoc est Angelica natura, vel corporalis lux. Lux à luendo, idest purgando tenebras.

a. *Idest, Ignis emicans ad superas partes prosiliens.*

Non defuere Patres, qui lucem eam priscam nil aliud fuisse quàm ignem, ex illa re-
rū sub Cælo mole confusa à seipso egressum, splendoremq; Mūdo effundentē duxerint.

H E R M E S in libris Diexodicon, teste Cyrillo contra Iulianum libro se-
cundo, primus hanc excitauit sententiam.

Omnium Dominus statim dixit suo sancto, & mentali, & vim condendi habente verbo, sit sol: & simul
apparuit ignis, qui natura sursum fertur; dico sanè purum, & fulgidissimum, & efficacissimum, & fecundis-
simum, attracta est natura suo spiritu, & in altum ab aquis erexit.

GRE

G R E G O R I V S Nyssenus libro de Historia sex dierum, quibus Mundus à Deo creatus est, præcipuus fuit huius placiti assertor, cum dixit.

Quum enim iam acervatim in vno momento diuinæ voluntatis, vniuersa rerum natura promiscuè, & indistinctè creata esset, & elementa inter se omnia mutuo permixta essent, ignis, qui passim dispersus esset, nimia ac redundante materia officiente, offuscabatur, & obscurabatur. Sed quoniam velox quedam vis eius, & agilis est, simul atque naturæ rerum ad Mundi ortum, à Deo signum, & occasio data est, ante omnem naturam, grauiorem emicuit, atque profiliuit, ac statim res vniuersæ lumine collustrabantur. Et post. Proinde etiam hic præcurrit quidem, & à rebus cæteris secreta est vis illuminatrix celeritate pariter, atque agilitate naturæ, sese ab ijs, quæ diuersæ naturæ sunt, segregans: atque Vniuersum circumfusum splendore collucens, per illustratricem vim eius illuminatum est. Sed qua ratione natura ignis hæc efficiat, solius Dei est explicare, qui rationem illuminatricem imposuit ei naturæ. Atque hoc per sua scripta etiam magnus testatur Moyses, dum ait, quod etiam dixerit Deus: Fiat lux: hoc (vt opinor) per ea verba docens, quod diuina ratio, quæ omnem præterit humanam cogitationem, lucis opus sit. Nam nos quidem, id quod sit, duntaxat intuemur, & sensu miraculum accipimus: vbi autem ignis versans, inde repente enascatur, aut ex collis silicibus emicans, aut ex alijs cuiuspiam materiæ mutua attritione proficiens. Item, quæ vis sit, quæ id, quod comprehenderit, perdat, & absumat; aëra verò flamma illustret: neque videre, neque de ea re aliquam notionem mente concipere possumus: sed rationem huius mirifici, communemque sensum, & opinionem effugientis operis, sitam esse dicimus in solo Deo, qui per ineffabilem potentia suæ rationem effecit, vt igni lumen innasceretur: quemadmodum Moyses in suo libro testatur, quod etiam dixerit Deus; Fiat lux, & facta sit lux.

Et post etiam clariùs.

Facta est igitur vnà cum omnibus rebus cæteris lux: sed quandiu splendoris expertes creaturæ partes, illuminatrici facultati efficientes manebant, non protinus rebus omnibus præluxit: simul atque autem à Deo creaturæ data est occasio ad sui digestionem, ignea, atque illuminatrix vis leuitate, agilitateque naturæ ante res cæteras emicans, atque exiliens creaturæ præluxit. Atque initio quidem tota circa seipsam collecta, atque coacervata erat, vniuersitatemque rerum circumibat: post hæc verò rursus proprijs particulis ad cognatas, si-bique accommodatas res, redacta, dirempta, separataque est.

Prosequitur amplius Nyssenus declarans, qua ferie ex illa ignea mole, quæ triduo primo illuxit, dirempta, atque secundum partium sympathiam secreta, astra & Sol fuerint conflata.

I O A N N E S Damascenus Orthodoxæ Fidei, libro secundo, capite septimo.

Ignis vnum quatuor elementorum existit, cæterorum leuissimum, & ocysimè sursum emicans, adustiuum, & illuminatiuum, prima die à rerum opifice conditum. Inquit enim diuina Scriptura; Et dixit Deus, Fiat lux, & facta est lux. Neque enim aliud est ignis, quàm lux, vt quidam aiunt. Alij autem mundanum ignem sub aëre esse dicunt, quem Aethera vocant.

Glossa Locupletata idipsum excepit.

H V G O in Genesim, capite sexto, idipsum sensisse visus est.

Prima die distinxit Deus ignem à cæteris elementis, & hoc est, quod ipse dicit; Fiat lux, idest, distinguatur ignis à cæteris elementis. Fieri enim in hoc loco distingui intelligitur. Fecit enim Deus omnia, & creando, & distinguendo, non operatione, sed sola voluntate, quæ fuit ab æterno. Ignis verò distinctus, lumen præbuit Mundo inferiori qualecunque, & motum habens circularem, quasi quedam lucida nubes circumferebatur, sicut modo Sol. Ortus, & occasus illius, fecit tres primos dies, & noctes. Qualis autem ei forma fuerit, rotunda scilicet, an longa, ignoratur. Et post. In quarta die de luce, siue igne prædicto meliorando cum forma, & splendore fecit Solem.

Proficisci videntur in hanc sententiam cuncti Philosophi vetustissimi, & prisca Patres, qui astra ignea & calida arbitrantur, quorum copiosam admodum habes catenam in disceptatione; Num Sol & astra ignea, aut calida existant.

Aduersus hoc placitum argumenta afferunt recentiores non modicum vrgentia. Primum; Vniuersæ naturæ constitutionem, quæ oculis subiicitur, quæque permanens erat, explicandam suscepit Moses: at conspiciamus nunc Mundum fulgore Solis, & non ignis illustrari. Deinde ignis sua natura non emicat, nam ignem vt in propria sphaera non splendescere euincunt Philosophi, tum quia conspiceretur noctu saltem, si fulgeret, tum quod, teste Auerroë, ad explendendum pabulo indiget, nec lucet nisi alie nam depascat materiem: at si tribus prisca diebus eluxisset, certè vt summo vigore præditus, vel vnum, vel plura elementa concremasset. Nec asserendum est, ignem illum, ne in elementa debaccharetur, Dei virtute præpeditum, quemadmodum etiam Rubus, qui à Moyse conspiciebatur, ardebat quidem, at non comburebatur. Id enim profectò nil

AnnoMundi
primo.
Die Prima.

Fiat Lux.

a. Id est, Nubes lucida.

nil aliud esset, quàm ad Asylum miraculorum ineptè confugere. Tandem cum ignis sphaericè terram vndiq; ambiat, aut vniuersus, aut secundum partes emicasset: si vndiq; totus, nullo in Hemispherio nox atrescere quiuisset; si secundum partes, pars ignis fulgens fuisset genere à non fulgente seiuncta.

Cæterum argumentationes has, secundum Philosophiam peripateticam satis validas, Nyssenus, & qui Platonica sequuntur placita facilè propulsarent. Platonici siquidem astra ignita esse astruunt, sicuti & nos quoque sustineri posse infra demonstrabimus. Quò fit, vt idem prorsus sit fulgor, quo nunc Mundus illustratur, & quo triduo primo illuminabatur. Autumant deinde Platonici ignem sua natura desuper emicare, et si alienam non absumat materiem; nec cunctum, sed partem eam tantum, quæ magis obdесatur, splendescere. Quapropter Nyssenus, ab his non recedens, voluit ex ea prisca Chaos permissione ignem primum profiliisse, ac in seipso constipatum, coaceruatumq; luxisse: cumq; nec ultra Mundum ascendere, nec intus descendere posset, volutationem suam inchoasse, ex eaque incondita massa quarto deinceps die astra secundum partium sympathiam conflata fuisse. Quæ omnia, iuxta priscorum ante Aristotelem Philosophorum sententiam, miracula non sapiunt; immò naturæ placitis maximè arrident. Mosisque narrationi magis conformia, quàm ea, quæ nuperi iuxta Peripatetica dogmata nunc depromunt, comperiuntur.

a. Lux, Nubes lucida.

Parum secunda hæc sententia à supra delata discedens lucem in Orbis primordio conditam, Mundoque lumen præbentem, nil aliud, quàm nubem lucidam extasse tradit. GREGORIVS Nyssenus hanc ipsam nubem significasse videtur vbi supra, cum dixit.

Ignæ, atque illuminatrix vis leuitate, agilitateque naturæ ante res ceteras emicans, atque exiliens creaturæ præluxit: atque initio quidem tota circa seipsam collecta, & coaceruata erat, vniuersitatemque rerum circumibat.

Moles igitur ignea, circa seipsam collecta, & coaceruata, nil aliud quàm lucidæ nubis speciem præferebat.

AVGVSTINVS hoc ipsum insinuassee visus est, de Genesi ad litteram, libro primo, capite decimo; cum enim (quasi hæsitando) quænam lux corporalis fuerit illa prisca inuestigaret, pluraque lucis genera perpenderet, lucem quandam Solis vices gerentem, ac ei comitem detulit dicens.

Si autem corporalis, quænam illa lux est, quam post occasum Solis videre non possumus, quia nec Luna erat adhuc, nec aliquæ stellæ? Aut si semper in ea parte Cæli est, in qua Sol, vt non sit Solis lux, sed quasi comes eius, eidem ita coniuncta, vt discerni, dignosciq; non possit, ad eandem reditur difficultatem soluenda huius questionis: quia & ista lux eodem modo quo Sol, tanquam comes eius ab Occasu in Ortum circumiens redit; & est in alia parte Mundi, quo tempore pars ista in qua sumus, tenebrescit in noctem. Ex quo cogit, quod absit, in vna parte credere Deum fuisse, quam partem lux ista desereret, vt posset ei vespere fieri. forte in ea parte lucem fecerat, in qua facturus erat hominem: & idè cum ab ipsa parte lux decessisset, vespere facta dicitur, etiam cum in alia parte lux illa esset, quæ inde discesserat, mane exorituræ peractio circuit, quæ quid ergo factus est Sol in potestatem diei, qui luceret super Terram, si lux illa diei faciendo suffecerat, quæ dies etiam vocata est? An illa prior regiones superiores à Terra longinquas illustrabat, vt sentiri non posset in terris, atque ita oportebat Solem fieri, per quem dies inferioribus Mundi partibus appareret? Potest & hoc dici, auctum esse fulgorem diei Sole addito, vt per illam lucem minus fulgens dies, quàm nunc est, fuisset credatur.

GLOS-

G L O S S A Ordinaria hæc Augustini ita retulit.

Si corporaliter lux facta est, quænam illa est, quam cum Sol occiderit, videre non possumus? Quia nec Luna erat, nec erant stelle. Sed forsitan in ea parte Celi est, in qua Sol, non Solis lux: sed sic ei iuncta, ut discerni non possit: vel fortè in parte lucem Deus fecerat, in qua hominem facturum erat, ut cum ab illa parte lux discessisset, vespera diceretur. Sed quare factus est Sol in potestatem diei; si lux illa faciendo diei sufficiebat? Sed fortè lux prior superiores tantum partes illustrabat, & ad illuminationem inferiorum Solem fieri oportebat. Potest quoque dici autum esse fulgorem dici Sole addito.

Ex quibus hoc vnum colligito; D. Augustinum nouam quandam posteris excitasse sententiam, nempe primam illam à Deo procreatam lucem, lucidum quoddam corpus Solis vicem supplens extasse; quanquam diuersis territis difficultatibus hæsitando potius quàm diffiniendo id dixisse videatur; quinimmo oppositum statuatur, cum tandem lucem eam priscam minime corpoream fuisse contendat.

H V G O Victorinus noster, præcipuus certè huius placiti persecutor fuit. Nā de Sacramentis Fidei libro primo, parte prima, cap. nono, cum lucem illam primo die productam non spiritualement, sed corpoream esse demonstrasset, in hæc incidit.

Secundum hanc itaque considerationem conuenientius puto, ut credamus lucem illam in principio factam ad illuminanda corporea, sine dubio corpoream fuisse, quale fortasse esse potuisset corpus aliquod lucidum, cuius præsentia cuncta illustrarentur, quemadmodum nunc in Sole videri potest: ipsamq; vice, & loco Solis factam, ut interim motu suo circumageretur, & noctem, diemq; discerneret.

Amplius, quare Deus non primo die Solem, sed eius vice hanc lucem ediderit, perpendit capite vndecimo.

Sed quid significat, quod non statim factus est Sol, ex quo lucem fieri oportuit: sed quasi, ut lux esset priusquam clara lux? Et fortassis confusio plena luce digna non erat: aliquam tamen lucem accepit, ut videret exire ad ordinem, & dispositionem.

Tandem quid de ea luce effectum sit, luculentissimè edocet. cap. decimoquinto.

Igitur Deus prius lucem facere voluit ad illuminandum Mundum, antequam Solem crearet, ope vicariæ præcurrentem, donec veniret, quod perfectum est. Et sunt qui querant, quid de illa luce factum sit; propterea quod iam nulla eius vestigia reperiri possunt, ex quo Solis claritas illuxit. Alij dicunt dispersam per ampla aëris spatia, vim lucendi, & illuminandi amisisse: superesse tamen adhuc quasdam tenues reliquias, quæ in ambitu firmamenti intrinsecus huc illucque sparsim diligentius intuentibus nocte demonstrantur: die vero eas maiori, ne videri valeant, Solis claritate abscondi. Sic quique suas opiniones, prout possibile est, confingunt. Sed quis scit, utrum ipsa eadem lux postea in Solis substantiam translata sit, & ampliata claritate formam meliorem acceperit, quemadmodum in nuptijs Iesus de aquis vinum fecit, ut reformationis statum in melius, & restorationis sacramentum demonstraret? Nam erat lux, antequam Sol factus est: hoc erat aqua priusquam in vinum mutata est, ut non aliud fieret, quod potius exhibitum est: sed de eo ipso quod ante vilius habebatur. Ita de rebus dubijs nemo est, qui possit certum aliquid definire.

Hoc ipsum Summæ Sententiarum tractatu tertio, capite primo disseruit.

R I C H A R D V S noster Hugoni assensisse visus est, Exceptionum parte prima, libro secundo, capite septimo.

Lux illa primaria eo in loco creditur facta, quo Sol modo quotidie oritur, &c.

Ex Richardi itaq; sententia Sol non fuit illa lux, sed corpus lucidum loco Solis confitum.

M A G I S T E R Sententiarum libro secundo, distinctione decimatertia. *Si verò corporalis fuit lux illa, quod utique probabile est, corpus lucidum fuisse intelligitur, velut lucida nubes: quod non de nihilo, sed de præiacenti materia formaliter factum est, ut lux esset, & vim lucendi haberet, cum qua dies prima exorta est; quia ante lucem, nec dies fuit, nec nox, licet tempus fuerit. Et post. Solet autem queri, quare factus est Sol, si lux illa ad faciendum diem sufficiebat? Ad quod dici potest, quoniam lux illa fortè superiores partes illustrabat, & ad illuminationem inferiorum Solem fieri oportebat. Vel potius ideo, quia facto Sole, dies fulgur factus est. Ampliori enim multò luce radiauit dies postea, quàm ante. Si autè queritur, quid de illa luce factum sit, cum modò non appareat: potest dici, aut de ea corpus Solis formatum; aut in ea parte Celi esse, in qua Sol est: nō quod ipsa sit Sol, sed sit sic ei unita, ut discerni nō valeat.*

P E T R V S Comestor capite tertio ab his non dissentit.

Lucem vocat quandam nubem lucidam illuminantem superiores Mundi partes, claritate tamen tenui, ut fieri solet diluculo: & hæc ad modum Solis circumagitata. Præsentia sui superius hemisphærium, & inferius vicissim illuminat.

H V G O Carenfis in Postillis id ipsum asserit: de origineque & exitu nebulae diuersas sententias adiicit.

Lucem dicit lucidam nubem, claritate quadam tenui superiores Mundi partes illuminantem. Hæc fuit de

de materia præiacenti, in quam etiam resoluta est, factò Sole; sicut dicitur de stella Magorum, & columba Christi. Alij dicunt, quòd de nihilo creata est cum Cælo, & Terra in Oriente, quæ ad modum Solis circumagitata, superius & inferius hemispherium illuminabat. Licet enim aquæ totum aëris spatium contingerent: erant tamen vaporabiles, & tenues: vnde poterat ibi lux illa lucere. Cum etiam Nautæ faciant aquas spissiores lucidas artificio, scilicet, oleo de ore emissò sub aquis.

L Y R A N V S in Postillis, in secunda expositione, quam non ita probare euincitur.

Fiat lux. Secundum istam expositionem ista lux fuit quedam nubes lucida de superiore parte materie communis prædictæ facta à Deo, quæ motu suo faciebat diem, & noctem vsque ad quartam diem, in qua factus est Sol: veruntamen imperfectiori modo quam ipse Sol. Quia sicut in generatione naturali est processus ex imperfecto ad perfectum, ita in prima rerum productione, non propter imperfectionem agentis, sed ad ostendendum ordinem suæ sapientie. Considerandum tamen, quòd illa nubes lucida non potest conuenienter dici eiusdem rationis cum nubibus, quæ fiunt in aëre, quia illa erat de natura cælesti, istæ autem sunt natura elementarij.

T O S T A T V S Commentarijs in Genesim, in secunda expositione, cum Lyrano proficiscitur.

Et facta est lux. Dicitur hic lux quedam nubecula lucida, quæ fuit facta in superiori parte materie, scilicet in loco, ubi nunc est Solis circulus: & lustrabat in circuitu, incidens in medio illius corporis nondum distincti in varias rerum species: & lustrabit tribus diebus, donec in quarto die factus est Sol, qui nobiliori modo circumibat, quam illa lux: vnde creditur Solem de illa nubecula, factum perfectum substantialiter in alia specie; & accidentaliter in fulgore, & virtute influendi. Dicendum tamen, quòd ista nubes non erat eiusdem nature cum nubibus, quas in aëre fieri videmus: quia illa de natura cælesti incorruptibili erat; istæ autem sunt de natura elementarij.

A L E X A N D E R Alensis secunda, quæstione quadragesima sexta, articulo primo.

Ad quod dicendum secundum istam opinionem; quòd lux ista non fuit lux Solis, vel aliorum luminarij: quia reuera facta sunt quarto die: sed fuit quoddam corpus lucidum formatum ex præiacenti materia: ex cuius præsentia super Terram fiebat dies: ex Occasu autem eius, super Terram nox.

D. B O N A V E N T U R A secundo, distinctione tertiadecima, articulo primo, quæstione prima, cum eam sententiam, quæ lucem corpoream primo die exiisse decernit, magis approbasset, quam eam, quæ lucis nomen ad Angelum trahit, vltimam dissoluens instantiam, hæc adiicit.

Placuit tamen Deo rebus ad maiorem perfectionem eductis, vtpote ad ornatum, lucem facere pleniorē, quæ etiam diem faceret clariorem, & propter hoc ex ipsa etiam luce, siue nube lucida, Solem facit in maiori lumine, sicut dicitur postea.

Cæterum hanc assertionem, Doctores ij, qui Solem primordiali die prolatum existimant, acrius labefactare, & euertere nituntur. Horum dux est D. Thomas, præcipue prima parte, quæstione sexagesimaseptima, articulo quarto, ad secundum.

Quidam dicunt lucem illam fuisse quandam nubem lucidam, quæ postmodum factò Sole, in materiam præiacentem redijt. Sed istud non est conueniens, quia Scriptura in principio Genesim commemorat institutionem naturæ, quæ postmodum persenerat. Vnde non debet dici, quòd aliquid tunc factum fuerit, quòd postmodum esse desiderit. Et ideo alij dicunt, quòd illa nubes lucida adhuc remanet, & est coniuncta Soli, vt ab eo discendi non possit. Sed secundum hoc illa nubes superflua remaneret. Nihil autem est vanum in operibus Dei. Et ideo alij dicunt, quòd ex illa nube formatum est corpus Solis. Sed hoc etiam dici non potest, si ponatur corpus Solis non esse de natura quatuor elementorum; sed esse incorruptibile per naturam: quia secundum hoc, materia eius non potest esse sub alia forma.

V I E L M I V S Lectione nona ita assentit D. Thomæ, vt de præcitata assertionem neferè loqui dedignetur.

At verò opinionem hanc in præsentia nequaquam refellam, quòd alioqui esset actum agere. Repudiant enim eam loco iam citato S. Thomas validissimis argumentis, adeò vt videatur nunc à doctis tanquam antiquata, & obsoleta prorsus contemni. Quamobrem & miratus sum Abulensem in eam fermè concessisse, suppressisq; Sancti Thomæ rationes: est enim profectò iustum, vt in disputationibus, vel soluenda quæstione, vel ut concertatori alter assentiatur.

Aegidius secunda parte Hexameron, capite sexto, luculenter profectò præscindere nititur fugas omnes propugnatorum illius sententiæ, quas, dum se vrgeri conspiciunt, quid de nube ea prisca actum sit, comminiscuntur. Scholasticorum Thomistarum quamplures idipsū contendunt: Pererius, & alij. Ex delatis ergo ab his Doctoribus (vt

plura simul perstringam) dilemmate vno contra hanc sententiam possem insurgere; percunctarique, quid de ea nube primordiali actum sit; an in tenebris delituerit, ut amplius conspici nequeat; an in præiacentem materiam redierit; an perenniter Soli fuerit addicta; an tandem ex ipsa Sol syderum fulgentissimus, Lunaque & Astra conflata sint.

Primum certè dicere, ac affirmare non decet; id etenim nonnulli scitè admodum hisce carpunt, atque redarguunt. Vel in elementaribus regionibus, vel in cœlestibus nubes illa delituit: si in elementaribus; cum inter elementa corruptioni omnia sint obnoxia, ergo nubes ea corrupta fuit (neque enim subest causa vlla, qua perpetuo miraculo illam Deum præseruasse dicamus, nec etiam summæ ipsius prouidentia id concedens esset) si verò in cœlestibus; igitur ex circumlacione, sicut cæteræ omnes Cœli partes spectantur, appareret, Solemque alterum saltem pallente luce intueremur. Contra alteram assertionem, quæ in præiacentem materiam redactam eam nubem asserit; Diuus Thomas loco citato, omnesque inclamant: Moses in Genesis historia naturæ institutionem non mox diruendam, defecturamque, sed diu permanuram, ac perseveranturam patefecit: Dicere igitur aliquam creaturam mox factam euanuisse, nil aliud est, quam indecens opus diuinæ potentia, sapientiaque attribuere. Nec multum huic D. Thomæ argumentationi officit, quod Lyranus opponit; nempe id potuisse ei nubi contingere, quod quarta, & quinta die euenit materie, ex qua certè, secundum ipsius D. Thomæ sententiam, putrescente putrida animalia prodire debebant. Angelicus etenim Doctor responderet, summum rerum prouisorum imperfectioris rei corruptionem propter perfectius gignendum admittere; secus autem contigisset de nube ea, ex cuius corruptione nil producendum foret. Quamobrem indecens reputatur hanc superuacaneam, ac inutilem corruptionem statuere; in ipsisque naturæ natalibus funestas necesse, ac putrefactiones interserere. Adijcias, quod subscribit Moses; Vidit Deus lucem quod esset bona; qua diffinitione lucis permanens decretam à Deo fuisse dicendum est. Deum enim, quod bonum vidit, mox deleuisse, nefas est cogitare. Tertiam eorum assertionem, quæ Soli perpetuo annexam illam nubem asseuerat, redarguunt ex hoc præcipue plerique Doctores; Quod cum nil à Deo opifice, ac natura superfluum fiat, nubes illa perpetuis sæculis Soli addita ociosè ageret, quandoquidem Sol ipse vberissimam ex se lucis copiam, ac exuberantem fulgorem ad Orbem perlustrandum præferat. Quartam vero ex nube Solem conditum asserentem, ita nonnulli demoliuntur: Vel nubes illa ex elementari constabat crassitie, seu materia, vel ex cœlesti; si ex elementari, Solem corruptibilem omnino genuisset; nam ea est materiae elementaris ratio, ut vna forma imbuta, alteram mox appetat, ad eamque prima corrupta vicissitudinibus obnoxia properet: at si ex cœlesti materia nubes illa constabat; iam Sol ipse fuisset, atque (ut inquit Aegidius) opinio hæc in Dionysio, & Thomæ sententiam recideret.

Cæterum assertionis huius propugnatores, ac fautores, oppositiones à D. Thoma, Vielmio, Aegidio, ac reliquis illatas nullo negotio propulsarent. Ex quatuor siquidem propositis modis, quibus exquirebatur, quid de luce illa effectum fuerit, postremum seligentes, eiq; inhærentes asseuerarent, quod ex ea luce quarto die astra, præcipue Sol, formata, congestaque fuerint. Nyssenus enim ex igne compacta sydera, Hugo verò & cæteri ex nube illa ignita, & lucida, congesta autumarunt. Quapropter D. Bonauentura, Ideo est quarta opinio, inquit, quod ex illa facta sunt corpora luminosa, inter quæ principatum tenet Sol, nec fuit ibi aliqua violentia, quia vnaquæque creatura eum locum accipiebat, quem sibi Dominus per naturam deputabat. Et sic patent obiecta, quia nec fuit illius lucis corruptio, nec etiā violentia, sed maior quædā & profectio, & distinctio. Hæc ille. Cum postremo quærebatur, an materies illa cœlestis esset an elementaris: Primò substatendum est, quod fuerit cœlestis, ex qua deinceps satus fuerit Sol, non per mutationem, & vberioris, nobilioris, atq; efficacioris lucis accessionem. Hæc Pererius, & nuperi. Deinde concedendum est, quod fuerit elementaris; quia ex Nysseni, Patrumque Theologia, Cœlos Astraque ex elementis coacta fuisse diffiniendum est. Ad id, quod obijcit D. Thomas dicens: Cum Cœlum sit corpus incorruptibile, non potuit eius materia fuisse sub alia forma, alioquin materia illa capax esset multarum formarum, ob idque in

Impugnatur præhabita sententia.

Opinio prædicta defenditur.

Anno Mūdi
primo.
Die Prima.

Fiat Lux.

Id est, Sol absque determinata virtute ad particulares effectus.

potentia contradictionis; in quo autem ea potentia est, id nullo modo esse incorruptibile, multis modis ex Aristotele confirmatur. In Patrum gratiam cumulatè satisfacere possumus, concedereque primū Caelos, Astraque non esse corruptionis immunia, sed eo euentu, vt sicuti semel in Mundi primordijs fuere conflatā, semel etiā sint in eiusdem excidio dissoluenda; Et quemadmodum quintam essentiam proferre potuisset Deus, ab omni corruptione semotā, ita etiam potuit defecare, ac depurare elementis actiuis, passiuisque qualitatibus recisis, vel adeo compressis, vt ex eorum summitatibus congereretur corpora cœlestia, & iubara splēdidissima, vel omnino incorruptibilia, vel semel tantum in Mundi fine interitura. Quod autem id, & non illud effecerit, ex ipsa Moſis narratione demonstratur, in qua secunda die, & quarta, Caelos astraque ex præiacente materia fuisse conflatā significatur. Non me fugit nuperos Doctores omnes, Peripatetica Philosophia imbutos, ex quinta essentia Caelos congestos arbitantes, hæc irridere, ac paruifacere: Sed mihi tutius visum est D. Petri, Basilij, Ambrosij, Nazianzeni, Nysseni, Chrysostomi, Theodoret, Gennadij, Hippolyti, Cyrilli, Iunilij, Seueriani, Athanasij, Accacij, Bædę, Strabi, Anselmi, Albini, Hugonis, Richardi, cunctorumque priſcorum Patrū, & Doctorū sententiam sectari, Platonice Philosophiæ dogmatibus (quę & in scholis sustineri posse non ignoro) inhærere, placidumque Scripturę sacrę sensum amplecti, & prosequi; quā dum Peripatetica placita, nostra ætate scholis ferè omnibus tyrannico propemodum fastu dominantia, insequor, à tantis Patribus discedere, & germanos, planosque Moſis literę sensus peruertere.

Classis Doctorum lucem primo die conditam Solem fuisse asserentium.

D. DIONYSIUS Areopagita de Diuinis nominibus, capite quarto, de priſca luce hæc attulit.

Lux est mensura, & numerus horarum, dierum, totiusque labentis temporis. Ipsa est enim ea lux (cui tunc erat informis, quod & diuinus Moſes ait) quę primam diſtinxit, & diſſiniuit dierum nostrorum trinitatem.

Hæc D. Dionysij sententia nec profundè, nec apprimè forsitan à D. Thoma primò, deinde ab eius sectatoribus, nuperrimisque Doctoribus perpensa; vt Solem prima die conditum fuisse existimarent, argumentum detulit, ea tamen ratione, vt informitatem lucis diuerſa sentētia fumentes, diuerſas de ea Solis informitate protulerint assertiones.

a. Sol sine determinata virtute ad particulares effectus.

D. THOMAS, prima parte, quæſtione sexagesima septima, art. quarto, ad secundum, informitatem illam, specialis, ac determinatę virtutis carentiam ad particulares effectus esse docuit.

Et idè est dicendum, quod vt Dionysius dicit, illa lux fuit lux Solis; sed adhuc informis quantum ad hoc, quod iam erat substantia Solis, & habebat virtutem illuminatiuam in communi; sed postmodum data est ei specialis, & determinata virtus ad particulares effectus.

Et quæſtione septuagesima, articulo primo, ad secundum, inquit.

Si autem lux primo die facta, intelligitur lux corporalis, oportet dicere, quod lux primo die fuit producta secundum communem lucis naturam; quarto autem die attributa est luminaribus determinata virtus ad determinatos effectus: secundum quod videmus alios effectus habere radium Solis, & alios radium Lunę, & sic

Fiat Lux.

Anno Mundi
primo.
Die Prima.

a. Ideſt, Sol ſine absoluta globi denſitate, ac luce.

ſic de alijs. Et propter hanc determinationem virtutis dicit Dionyſius, quòd lumen Solis, quod primo erat informe, quarto die formatum eſt.

Cap. 4. de di-
uinis nomi-
nibus.

VIELMIVS præ cæteris, & validis rationibus hanc consolidare aſſer-
tionem nititur Lectione decima, dicens.

Pro quorum quidem (Diui Dionyſii, ac Thomæ videlicet) ſententia confirmanda illud primum facit, quòd Solis lux digniſſima ſola eſt, quæ ſimpliciter & abſque vilo additamento lux fuerit nuncupata: deinde, quòd omnia, quæ in præſenti ab auctore de dierum, noctiumq; efficientia narrantur, eidem competere tantummodo videntur. Amplius, & hoc inde conijcimus, quia communis, & vetuſtiſſima omnium gentium conſenſio, primum à Sabbato diem, quem nos Dominicum nuncupamus, quòd Dominus in eo triumphator à mortuis reſurrexerit; & natus in hunc Mundum identidem ſit (licet nocte media, vt ſe non indigere Solis, & ſyderum beneficio, ac vt quantis tenebris noſtrum genus eſſet vndiq; circumfuſum, hoc modo declararet) Soli tanquam præcellenti, & qui vnà cum Mundo prodierit, iamdudum dedicauit, ac nuncupauit. Et demum poſitio hæc (quod vbiq; magni ponderis eſt) patitur ſatis leuiora incommoda, & pauciores difficultates, reliquis commentarijs, vt qui eos cum hac probè contulerit, ſpontè teſtabitur.

a. Sol ſine absoluta globi denſitate, & luce.

AE G I D I V S, à D. Thomæ abſcedens, hanc à Dionyſio memoratam Solis informitatem ita interpretatus eſt, vt minorem globi denſitatem, fulgorisq; minorem vbertatem eam dixerit, Hexameron ſecunda parte, capite quinto.

His itaque prælibatis dicamus, quòd ab ipſo primordio illa lux, & omnia luminaria Cæli fuerunt facta ſecundum ſuas ſubſtantiales formas; & illa materia vnde fuit facta lux, & vnde fuerunt facta luminaria Cæli, fuit magis ſpiſſa, quàm alijs Cæli, ſed non erat tantum ſpiſſa, quòd luceret. Quando ergo dixit Deus, Fiat lux, & facta eſt lux, illa materia (vt facta eſt lux) fuit magis denſata, & inſpiſſata, quàm prius eſſet, vt extunc inciperet lucere, cum prius non luceret. Si ergo queritur, quomodo facta ſit illa lux, prout in titulo capiculi proponebatur, dicemus, quòd fuit facta per inſpiſſationem, & condensationem ſue materiæ, non per acceptionem alicuius alterius formæ ſubſtantialis: rari enim, & denſum non ſunt formæ ſubſtantiales, ſed accidentales: fuit ergo illa lux à principio producta ſecundum ſuam ſubſtantialem formam; ſed non lucebat, quia illud corpus, quod dicitur factum lux, ab ipſo primordio non erat ita denſum, & ſpiſſum, quòd poſſet lucere: ſed cum dixit Deus, Fiat lux, fuit eius corpus ſic denſatum, & inſpiſſatum, vt luceret. Et Poſt

In ſequenti capite.

Erat enim (vt diximus) in illa parte Cæli, vbi facta eſt lux, materia magis denſa, quàm in quauis alia parte illius orbis, ſed non erat ita denſa, nec erat ibi tanta aggregatio luminis, quòd luceret: ſed quando Deus dixit, Fiat lux, materia illa fuit magis condensata; & ex hoc lumen fuit ibi magis aggregatum; & ex tunc incepit lucere. Poſtea quarta die, quando Deus ex illa luce fecit Solem, materia illa fuit adhuc magis aggregata, & magis condensata, & lumen fuit ibi amplius multiplicatum, vt ex hoc amplius luceret: ergo nec in productione lucis ex ſua materia, nec in productione Solis ex illa luce facta, eſt variatio ſecundum ſubſtantialem formam, ſed ſolum ſecundum maiorem condensationem, & ſecundum maioris luminis aggregationem: nam quilibet orbis Cæleſtis, ſecundum ſe totum, eſt de natura lucis; propter quod idem eſt orbem Cæleſtem in aliqua ſui parte condensari, & lumen ibi aggregari; & idem eſt ſtellam eſſe denſiorem partem ſui orbis, & eſſe aggregationem luminis in ſuo orbe.

Amplius de D. Thomæ ſententia hoc tulit iudicium.

Dicunt tamen aliqui informitatem illam fuiſſe quantum ad cauſalitatem, quia lux illa primò facta erat ſubſtantia Solis, & habebat virtutem in communi, ſed poſtmodum data eſt ei ſpecialis, & determinata virtus, quantum ad particulares effectus. Sed vel hoc eſt idem cum dicto noſtro, vel eſt ſine cauſa poſitum: nam cum tradunt Philoſophi influentiam eſſe à luminoso, ſi fuerit ei data ſpecialis virtus ad influendum, & cauſandū, fuit ei ſpecialis illuminatio addita, quia cum poſſumus aliquid naturaliter ſaluare, non oportet ad miraculum recurrere. Propter quòd dicemus, quòd illa lux erat informis, propter minorem luminositatem: facto autem inde Sole, dicitur fuiſſe formata propter maiorem luminositatem; qua aucta, cum influentia ſit à luminoso, potuit illa

Anno Mundi
primo.
Die Prima.

Fiat Lux.

a. *Idest, substantia Solis luce exigua praeita, sine virtute ad progignendos influxus.*

illa lux habens maiorem luminositatem in multis effectus, in quos non poterat propter minorem luminositatem, dum dicebatur esse informis.

a. *Idest, substantia Solis luce exigua praeita, sine virtute ad progignendos influxus.*

Dionysius Carthusianus & Pererius D. Thomae & Aegidij sententiam cōpicasse visi sunt, cū prima die Solem absolutum quidem quantum ad substantiam, sed non quantum ad formam, amplitudinem, atque decorem, nec splendidissima sua luce referunt, & absque virtute ad gignendos influxus, manasse tradunt. Discrepant quidem ab Aegidio, qui iubar non apprime condensatum exisse opinatur: à Diuo Thoma verò, qui ab exordio Solem congrua sibi luce decoratum maluit.

DIONYSIVS Carthusianus Enarrationibus in Genesim, art. nono. *Fiat lux, idest, substantia Solis lucem aliqualem recipiat. Sol enim, quantum ad substantiam suam, factus est in principio, sed non splenduit clarè.*

Et post, articulo duodecimo.

Dicuntur autem luminaria facta, non quòd tunc creata sint, aut ex materia praeiacenti producta, sed quia tunc acceperunt plenariam lucem sibi congruentem, & virtutem actiuam perfectam ad determinatos, variisque producendos effectus in inferioribus istis, ut dictum est plenius.

Pererius Commentarijs in Genesim, libro primo, sententiam illam, quae lucem primigeniam, lucem ipsam Solis informem, nec absolutam extasse asseuerabat, pluribus nititur munire argumentationibus; quarum argumentum ex ipsiusmet lucubrationibus desumptum ad hanc redigi potest.

Primū, quòd sententia ista fuerit Dionysij Areopagite, D. Thomae, & Dionysij Carthusiani (locis iā adductis) auctoritate cohonestata. Deinde, ordo quidē naturae poscebat, ut primum exornaretur Coelum; vnicum igitur, & maximum suum ornamentum recepit, lucem nempe Solis; nam elementum ignis, vel nubes lucida, Coeli ornamenta nō sunt, nec effici sine miraculo possunt. Amplius cū Sol vniuersalissima sit generationis & cōseruationis rerum omnium causa, conueniebat profectò, ut & primo die crearetur. Deinde nomen lucis absolute, Solis lumen significat propter eius pulchritudinem, & efficaciam; idq; cū apud Scripturas, tū apud gentes in vsu est. Adhuc, cū lux hae primigenia eadē munera obierit, separandi nēpe lucē à tenebris, & diem à nocte, quae quarto die assignantur Soli, argumento est, quòd ipsa omnino lux Solis extiterit. Insuper, si ea, quae Deus patrauit his diebus, perseuerarunt semper, igitur lux ea ipsa fuit lux Solis, quae nunc irradiat Mundū, distinguit diem à nocte, & facit vespere & mane. Adhuc & dies Dominica, in qua edita est lux, denominata est dies Solis, quòd in ipsa vere effectus fuerit Sol. Tandem omnis alia sententia inexplicabilibus difficultatibus inuolui cognoscitur. Quae autem extarit ipsa Solis informitas, & quid ei superadditum sit in quarto die,

PERERIVS ipse, recitata sententia Diui Thomae, his addit. *Quibus addi posset quarto die accessisse Soli eam, quam postea habuit, magnitudinem, figuram, & pulchritudinem. Non enim primo die globus Solis usquequaque accensus est, sed aliquatenus tantum: copiam lucis die totus est splendidissima luce completus, peculiare item vires, & influxus, maiorem quoque copiam lucis applicationemq; ad ipsum proprii motoris, qui proprio Solis motu eum circumageret. Ad haec numerosissimam comitatum aliorum syderum & Planetarum, quorum motus, ut Astronomi tradunt, secundum motum Solis disponi,*

Fiat Lux.

AnnoMundi
primo.
Die Prima.

a. Idest Sol, longè ampliori quàm nunc fulgore coruscans.

disponi, & dirigi videntur. Quarto die cæpit Sol dare signa, & præbere præsagia futurarum tempestatum, & effectuum naturalium: tunc incæpit quadripartita variatio anni, hoc est Hyemis, Veris, Aestatis, Autumni: Tunc cæpit dissimilitudo, & inæqualitas dierum; nam primi tres dies fuerant omnino æquales, & vniformes. Tunc denique accessit dependentia Lunæ à Sole: nam pro vario Lunæ congressu cum Sole, vel ab eo digressu, variè lumen eius commutatur; varius quoque Solis cum reliquis Planetis concursus, & coitio, varios parit influxus, & effectus.

CATHERINVS Enarrationibus in primum caput Geneseos, à prædictis Doctoribus deficiens, Solem tum iubare, tum lucis fulgore, tum ad influendum virtute, absolutum, perfectumque primo die manasse reputauit. Amplius verò ea, quæ de Solis genesi quarto die enarrat Moses, per recapitulationem scripta existimauit.

Supereft ergo vt cum D. Dionysio, & alijs plerisque id asserentibus, per hanc lucem intelligamus Solem ipsum, quem assidue cernimus tam admirabilem.

Et paulo post.

Nec obstat, si hæc Solis creatio quarta die commemoretur, vbi dicitur; Fecitque Deus duo luminaria magna, Solem vt præset diei, &c. Si enim diligenter aduerteris, non dicitur ibi factum fuisse Solem in illa die, sed rememorando, seu (vt melius dicam) recapitulando circa luminaria Cæli, narrantur quæ in illa die quarta iam facta inueniebantur.

a. Sol longè ampliori quàm nunc fulgore coruscans.

STEVECHVS in sua Cosmopœcia à cunctis Doctoribus abscedens, notam, ac mirificam inuexit de luce prisca sententiam. Primoque die Solem coruscantissima luce, multoque ampliori ea, qua nunc fulget, decoratum, ac omnino absolutum prodijisse censuit: Lunā porro & astra inchoata esse, atq; in quarto die completa, in eoq; etiam de Solis genitura repetitionem fieri; idque nec nouum esse pluribus ex Scriptura deductis exemplis nititur demonstrare.

Prima igitur ex aquis genita res lucida substantia fuit. Hunc fuisse Solē vna tantum deterret, plures autem alie mutant, persuadentque nos asserere rationes. Deterret, quod quarta die satum esse Solem, Lunam, & Stellas, Theologus videtur dicere. Quod autem in contrarium, tantum non vociferatu magno nos attrahunt rationes; hæc cum primis sunt, quod solus Sol (dictus quia luceat solus) lucis corporeæ est genitor. Solus is ignis celestis, vna terrestris Mundi lucerna, quam super candelabrum Mundi, vt ab omnibus videretur, posuit Deus. Deinde cum à principio Cælum, ac Terras creatas dixerit, gradum hunc primum dans Cælo creationis, non possumus non eadem sententia, ac cogitatione Solem comprehendere. Cum Cælo enim creatum esse Solem, quoniam Sol, & stellæ sunt Cælum, necesse est. Qui ergo primum dedit locum in creatione Cælo, dedit etiam Soli. Et post. Hunc primum ex acervo debuit auctor producere, cuius illuc incubuisse prudentia cernitur, vt ante particulares effectus, vniuersales causas excogitaret. Sicut autem vnde cuncta depromeret, terram & aquas primas mo, gignunt hominem. Et post. Iam in Theologia Mosis, idem est nomen, effectusque Solis, atque lucis: etenim cum de Sole scribit idem, vt luceant super Terra, eandem vsurpat vocem, atque cum prodit primo lucem fuisse. Illic, Fiat Or, idest lux: hic Iehair ad lucendum, vel vt luceant. Et post. Deinde idem esse & apud Mosē, & ceteras gentes, lucem, atque Solem, satis, superque docet loquendi consuetudo. Latini lucem vocant diem, vt ab eodem lucem, atque diem effici monstrent. Moses autem, quod maximo est argumento illam primogenitam lucem fuisse Solem, idem munus huic primogenitæ rei attribuit, atque ei, quæ die quarta est à nocte separatur. Et Post. Quid quod alijs Scripturæ locis Sol vocatur lux: vt Hieremiæ capite quarto; Aspexit Cælus, & non erat lux in eis. Et Post. Eo etiam probatur lucem corpoream, idest Solem, intelligendam hic primo creatam, quod omnes Prophetæ, qui locuti sunt de creatione, aut res creatas nominarunt, Solem pro luce expresserunt. Psalmus centesimus quadragesimus octauus, commemoratis Angelis, ait; Lau-

Anno Mūdi
primo.
Die Prima.

Fiat Lux.

a. Idēst, Empyreī splendor.

date eū Sol, & Luna. Concludit igitur; Cū autem lux ista nostra manet ab igne, à nubibus collisistis, à sideribus, à Luna, præcipua tamen visibilia sunt Sol & Luna. Vt fictitia sit, & à non considerata Scripturarum loquendi consuetudine profecta, nescio quæ nubecula, & materia quædam luminosa, ab Hebreis, & nostris ascita non multis.

Hoc est summarium rationum à Steuco proluxa oratione deductarum, cum suis met verbis excerptum. Prosequitur amplius demonstrare, ea quæ quarto die de Solis generatione narrantur, per repetitionem tradi, pluribus Scripturarum locis in exemplum additis, quæ in explanatione quartæ diei à nobis afferentur.

Tandem Solem ipsum inusitato, amplissimoque fulgore coruscasse, post plura hæc demonstrat.

Verique est simillimum, primum illum diem fuisse ardentissimum, quod id & diuinus impulsus vrgeret, & nubes, ac vapores, qui Solis ardorem retunderent, pauci, & perexiles essent. Eadem flagrantia, rapidusque aestus est cæteris diebus consecutus. Eoque animalia ex humo vehementer concalescentia, & confortata, assidue pullularunt. Cuius rei plura postea, natura referens, & sequens ortus suos, dedit exempla. Eas enim terras nouimus, & varietate formarum, & numero plures bestias edere solitas, in quas potentius Sol, ac reliquus, ardore suos dirigeret.

a. Lux Empyreī splendor.

Comperij Patres, quod mihi valde mirandum visum fuit, qui lucem præscam primordiali die fatam, lucem ipsam Empyreō insitam fuisse existimarint.

B R V N O Carthusiæ Patriarcha libro de Nouis, capite secundo, id primus in finauit, cū dixit.

Moses duos Cælos posuit. Ait enim; In principio creauit Deus Cælum & Terram. Ecce vnum. Secunda die fecit Dominus firmamentum in medio aquarum: diuisitque aquas, quæ erant super firmamentum, ab his, quæ erant sub firmamento: vocauitque firmamentum Cælum. Ecce alterum. Et hoc quidem est illud Cælum, quod per Solem, Lunam, & Stellas, quæ in eodem fulgent, nostris oculis reuelatur. Primum enim Cælum de hoc Mundo videre impossibile est; quoniam hoc quod videmus, inter nos, & illud positum est. Et primum eius excellentiæ pulchritudinis illud esse putabimus, cū huius inferioris tantam esse videamus? Et primum quidem Cælum statim eadem die factum, & illuminatum est, dicente Domino; Fiat lux, & facta est lux. Hoc autem tertia die postquam factum est, Solem, Lunam, & Stellis suscepisse narratur. Tertia namque die dictum est; Congregentur aque, quæ sub Cælo sunt, in locum vnum, & appareat arida. Nondum igitur arida apparebat, quia nondum firmamentum lumen habebat. Primum verò Cælum iam luce sua fulgebat: illa autem lux, dies à Domino vocata est: dicente Scriptura; Vocauitque Dominus lucem diem, & tenebras noctem: dies autem sine luce esse non potuit. Quo autem instrumento lux illius Cæli, & illius diei facta sit, cū nondum Sol, & Luna, vel aliqua luminis instrumenta facta fuissent, dubitari potest. Legimus tamen, quod Mundus ille non egebat lumine Solis, quod & nox non erat illic: ubi enim Angeli sunt, tenebræ esse non possunt. Nam de Sanctis dictum est, quod Fulgebunt sicut Sol in Regno Dei. Ipse quoque Diabolus tunc niger, & tenebrosus, propter nimiam claritatem prius Lucifer vocabatur. Vbi igitur tot Soles sunt, iste Sol ibi necessarius non est.

Matth. 13.

G V L I E L M V S Parisiensis primæ partis de Vniuerso, parte prima, cū in capite quadagesimo Tenebrarum nomine, vt supra recitabamus, carentiam lucis in Empyreō interpretatus esset, in capite quadagesimo primo hæc adiecit.

Quod si de hac luce corporali dixit Deus, vt fieret lux, conuenientius intelligitur hoc de splendore Empyreī Cæli, quàm de alia luce corporali: licet quibusdam visum sit, quia de luce quadam intelligitur hoc: ac designant fuisse quasi nubem lucidam, & eius reuolutionem, vel in aquis, vel super aquas factam esse: ac designant primam diem. Hic autem sermo valde incredibilis est, cū omnino nulla utilitas appareat lucis illius, neque

Fiat Lux.

Anno Mundi
primo.
Die Prima.

a. Lux ipsa Solis, non adhuc suo globo insita.

neque revolutionis suæ; non enim erant animalia, vel homines, quibus luceret, aut horas, & ceteras partes designaret. Amplius. Quid factum est postmodum de luce illa? si enim expleta prima die, statim destructa est, tanquam ociosa fuit; si postmodum, ut nonnulli dixerunt, corpus Solis ex illa factum est, sequantur multa, quæ videntur absurdissima. Vbi enim esset fabricatum corpus Solis ex illa? Si enim ubi ipsa creata est, qualiter transferri potuit per Cælos medios ad Cælum Solis quarta die? Non enim modicum fuit corpus lucis illius, cum ex ea formandum esset corpus Solis, quod constat esse tantæ magnitudinis: sed de motu illius, num esset naturalis, vel violentus, vel voluntarius, questionem habet. Tu autem quicquid horum ponatur, vides, quæ inde sequantur. Amplius. Propter quid laudata est bonitas lucis illius, si non eousq; bona fuit, ut placeret Creatori permanentia ipsius? Non enim eousque attollenda erat bonitas, cuius permanentiam Creator non approbavit. Conuenientiùs igitur intelligitur lux illa fuisse vel spiritualis illa illuxio Solis intelligentie, quam dixi, vel splendor, quo illustratum est Cælum Empyreum, ex utralibet causarum antedictarum noueris. Neque enim substantiæ Angelicæ in nocte suæ imperfectionis diu relinquendæ fuerunt: neq; Cælum Empyreum absque luce esse debuit: cum eius habitatores ad lucem creati essent. Non enim decet lucidos habitatores tenebrosa habitatio: sicut neque è conuerso tenebrosos inhabitatores lucide mansiones. Apparet etiam ita esse ex contrarijs ex proportionem. Sicut enim habitatio obtenebratorum, scilicet Infernus, tenebrosa est, & fuit, ex quo factus fuit Infernus, quemadmodum doceberis in sequentibus: sic habitatio contraria in luce illa, scilicet quam prædixi, iucundissima, non debuit esse tenebrosa. Amplius. Quis est qui habitationem edificet, vel hominibus, vel etiam animalibus, & non eam ornet, atque decoret, omniq; modo paret pro congruentia illorū? Decorandum igitur fuit splendore Empyreum Cælum, & etiam tanto splendore, ut tota subiaccens ei habitatio usque ad nouum Cælum inde claresceret.

ALEXANDER Halensis rapi in hanc sententiam videtur, secunda parte quæstione quadragesima quinta, membro secundo, cum ait.

Dicendum est, quod Cælum Empyreum continetur nomine Cæli: sed sicut Angeli quodammodo dicebantur informes, priusquam reciperent formam gratiæ; quæ nomine lucis designatur: ita & Cælum Empyreum poterit dici informe; quousque Dominus in formam perfectam redigeret, dicendo; Fiat lux &c. Et secundum hoc nomine lucis, non intelligitur tantum lux, quæ distinguit per revolutionem sui noctem, & diem: sed etiam lux distincta à tenebris: quomodo Cælum Empyreum est lux distincta: tenebræ enim hic sunt in aëre, aqua, & terra: ibi autem non.

a. Lux ipsa Solis, non adhuc suo globo insita.

Patrum quamplures, qui Scripturæ sacræ authoritatem adeò venerantur, ut ab ipsius plano sensu recedere non audeant, quanquam prodigiosus, ac probabilitati repugnans lux: Et post, Fiant luminaria, & fecit Deus luminaria: in hanc proficiscuntur sententiam, ut prima die lucem ipsam Solis sine globo manasse, quarta verò globos ipsos conflatos fuisse, interpretentur; ea sola ducti ratione, ut literarum sacrarum auctoritas inconcussa persistat. Adducam primo loco Poëtas Ecclesiasticos, qui genesim rerum percentes, hoc ipsum insinuarunt.

TERTULLIANVS, Carmine heroico in quatuor Geneseos prima capita: quod Fabritius Cypriano ascripsit, & fortè perperam, cum magis Tertullianicum, De prima die.

Deus super æquora vassa meabat,
Dum Chaos & nigra fuscabant cuncta tenebræ.
Has dum disiungi iussit de cardine, fatur:
Lux fiat, & claro nituerunt omnia Mundo.
Quum Dominus primi complexerit facta diei,
Condidit albeniem nebulis nascentibus axem.

Et Post.

P p p

Quarta

*Quarta dies generat Solis cum lampade Lunam,
Et Stellæ tremulo radiantes lumine fingit.*

GREGORIVS Nazianzenus in laudem Virginitatis.

*At tu consilio parens bone Chrisle paterno,
Singula sede sua rectè discreta locasti.
Condita principio lux est, ut gratior esset
Tota operis moles, iucundo lumine fulgens.
Postea tornasti (facinus mirabile) Cælum,
Perspicuum Solis radijs, Lunæq; rubentis.
Namque illum sparsa iussisti luce per Orbem
Fulgere humano generi, cursuq; notare
Horas, atque suo distinguere tempora motu.*

CLAVDIVS Marius Victor Commentarijs in Genesim, lib. primo.
De prima die.

*Quum lux immissa supernè
Emicuit dicente Deo, discretaq; nigrum
Umbra peplum retrahens, summo discessit Olympo.
Tum diuina diem appellans prudentia lucem,
Indidit & tenebris obscure nomina noctis:
Sic facta vna dies de mane ac vespere primo.*

De quarta.

*Iam tribus exactis, motu succensa citato,
In flammæ, ignisq; globum se cogere iussa est
Solis prima dies, fundataq; semina lucis
Puniceos roseo sparserunt fomite crines.*

ALCIMVS Auitus Viennensis Archiepiscopus, libro primo de initio
Mundi, & primorum Parentum creatione, cap. primo.

*Cedebat iam obscura dies: varioq; colore
Plurima distinctum pingebat gratia Mundum,
Temporibus sortita vices: tum lumina Cælo
Fulsere, alterno Solis, Lunæq; meatu.
Quin & sydereus nocturno tempore candor
Temperat horrentes aëthrorum luce tenebras.*

DRACONTIVS Hexameron libro primo, de prima die hæc habet.

*Principium factis lucem dat lucis origo,
Quæ Mundo vita præmissa est principe luce,
Quæ totum præcessit opus, quod continet orbis,
Quæ Solis præuenit iter, Lunamq; coruscant,
Cuius iussit ope clarescere cuncta creata.*

De quarta verò hæc subiungit.

*Auroræ iam quarta dies permanserat vndis,
Et rutilante polo compresserat astra rubore:
Mox Solis radiare globum iubet igne salutis,
Flamma salutaris perfundit lumine Mundum.*

SYBILLINA Oracula libro primo.

*Primum, quænam sit origo
Mundi, dicere me Deus imperat. Ergo scienter
Ne mea mortalis temnas præcepta, caueto.
Supremum Regem, qui Mundum condidit omnem,
Sic fatus, fiat: factumq; est, namq; locauit
Quæ cingatur aquis, & cingat tartara, terram:
Dulce dedit lumen: Cælum subuexit in altum:
Et mare cæruleum explicuit: Cælumq; renidens
Aëthrorum clara cinxit, densaq; coronat.*

Poëtæ igitur Ecclesiastici digestionem Orbis enarrantes, lucem primum, deinde Cælum, tandem Solem manasse perspicuè tradunt, ac manifestant. Quamuis primæ diæ lucem, quartæ verò Solem non omnes ita clarè, sed Tertullianus, & Claudius Marius tantummodo ascripserint.

BASILIVS conspicua, ac disertâ oratione primus hanc tradidit sententiam: cum siquidem Homilia secunda Hexameron ea verba, Dixit Deus, Fiat lux, sic interpretatus esset.

Prima Dei vox lucis naturam creauit, tenebras dispulit, Mundum illustrauit, & exhilarauit, vniuersis continuo gratum attulit, iucundumque conspectum.

Quibus apparet, lucis nomine lucem ipsam Solis corpoream Mundum illustrantem intellexisse: Homilia deinceps sexta luminarium nomine Solem & Lunam capiens, hanc suscitât difficultatem.

Si lucis ortus Solem anticipauit: cur nunc Sol, vt luceat super terram, exortus esse dicitur?

Cui ita satisfacit.

Non aduersantur hæc illis sanè, quæ de luce sunt dicta. Tunc enim ipsa natura lucis producta est: nunc autem hoc Solis corpus eò conditum est, vt illi primogenitæ luci vehiculum esset. Nam vt alia, diuersaq; sunt, & non eadem, ignis, atque lucerna: & ignis quidem illuminandi vim obtinet, lucerna autem idcirco facta est, vt vel moderatam lucem subministraret egentibus; sic & illi purissimæ, synceræ, immaterialique luci ceu vehiculum nunc ipsa luminaria sunt extracta.

Prosequiturque amplius, suam declarans sententiam his verbis.

Atqui incredibile nemini videatur, & à fide abhorrens, quod dictum mihi est, aliud nimirum quiddam esse à luce splendorem, aliud item corpus subsidens luci, ac subiectum. Primum enim res omnes compositæ sic à nobis diuini solent, in ipsam essentiam susceptricem, & in eam, quæ ipsi accidit, qualitatem. Vt igitur diuersa sunt hæc natura, albedo inquam, & corpus dealbatum: sic & ea, quæ modò diximus, differunt quidem; unita tamen sunt potentia Creatoris. Itaque ne mihi dixeris, fieri hæc non posse, vt lux à corpore Solis separetur. Neque enim ego lucis à Solis corpore separationem mihi ac tibi possibilem esse dico: sed asserendum esse censeo, quæ mentis sola agitatione, cogitationeque disparari à se possunt, ea re ipsa seiungi facultate Creatoris vtriusque naturæ posse.

Amplius exemplis, & obtestationibus id comprobât: exempla duo adducit: Primum ignis in rubo ardentis, nec comburentis.

Nam, & ignis vim vstiuiam ab eius splendore, tu quidem ipse separare minimè vales: Deus autem volens famulum suum reddere sibi attentiores illo admirabili spectaculo, in rubum ignem splendore solùm agentem, ociosam autem flagrandi, vrendique facultatem habentem immisit.

Alterum ignis post Mundi consummationem, quo tempore seiunctis proprietatibus fulgoris, & ardoris, lucem beatis præbebit, ardorem verò damnatis.

Vnde arcana quædam doctrina nos docet, cum pro ijs, quæ in vita gessimus, mercedes nobis retribuentur, naturam ignis in hæc distributum iri: Lux sanè iustis in perennem, & peramanam fruitionem cedit: è diuerso, supplicio addicendis seorsim attribuetur vis vstiua.

Auctoritatem etiam deducit ex Psalterio mirificum hoc factum comprobantem. David siquidem vocis, hoc est præcepti, imperijque diuini vim amplificans ait. Vox Domini intercidentis flammam ignis, &c. Neque his contentus D. Basilus, ad vberiore doctrinam ex Lunæ similitudine lucem à corpore, globoque suo seiungi posse, lepidè demonstrat, dicens.

Ad hæc, tamen ex Lunæ affectibus, eorum quæ in questionem posuimus, inuenire possumus fidem. Deficiens enim deliquio Luna, decrementaque suscipiens, non corpore toto absuitur, sed lumen, quod accesserat, ipsa deponens, iterumque assumens, speciem nobis incrementi, decrementique exhibet. Enimverò corpus Lunæ haud absurdè, cum in deliquio est, argumento dilucido sunt ea, quæ nunc cernimus.

Et post inquit.

Et nolè mihi proferre lucem aduentitiam esse Lunæ; propterea quòd imminuitur quidem, cum Solem versus motu cietur: accrescit autem, cum ab eodem discedit. Non enim hoc in præsentem nobis inuestigandum proponitur, sed illud, esse aliud Lunæ corpus, aliud lucem ipsius, qua lucet. Tale aliquid mihi cogita & de Sole, præterquam quòd is semel acceptam, sibi que attemperatam lucem nunquam deponit. Luna verò continue quasi seipsam expolians, atque vestiens luce, & ea quæ de Sole dicta sunt, vicissitudinibus suis hisce per se confirmat.

GREGORIUS Nazianzenus Oratione in nouam Dominicam, & est quadragesima tertia.

Nam cum Deus hunc ex visibilibus, & inuisibilibus rebus constantem Mundum, hunc inquam, magnum, & admirabilem maiestatis suæ præconem fingere ac construere voluisset, æternis quidem nullum aliud lumen quam seipsum præbuit, (Quid enim secundo lumine opus ijs erat, qui maximum habebant?) inferioribus autem, atque humanis primam huius luminis vim protulit; (Conueniebat quippe magno lumini opificium suum à lumine auspiciari) quo tenebras, vastamque illam rerum congeriem, & confusionem omnia occupantem, sol-

uit, ac depulit. Nec verò id organicum à principio, nec, mea quidem sententia, solare protulit, verum incorporeum, & Solis expers: sed postea ad Orbem terrarum illustrandum Soli traditum est. Nam cum in alijs rebus hanc rationem tenuisset, ut materiam prius conderet, ac deinde eam forma conuelleret, ordine videlicet, ac figura, magnitudineque unicuique rei impositis: hic, ut maioris cuiusdam miraculi specimen ederet, formam materiam priorem protulit: (forma enim Solis lumen est) ac postea materiam induxit, Solem hunc nimirum, diei oculum, fabricatus.

N I C E T A S eo loco.

Atque hoc sensibile lumen Deus organicum à principio nequaquam ostendit, id est, quasi in organo quodam, & corpore (veluti in vase) circumscriptum, & conclusum, quale nunc cernitur, cum Solis orbe continetur, verum incorporeum, ac Solis expers. Nam cum nondum Solari orbe circumscriptum esset, incorporeum erat: hoc enim significat ἀνύκλιον: postea ipsum Soli ac syderibus dedit, hoc est, primigenium lumen illis luminaribus summus Architectus imposuit: non quòd luminis alterius inopia premeretur, sed ne lumen illud iners, ac torpidum maneret. Neque enim luminare, lumen ipsum est, sed luminis conceptaculum. Quid autem cause fuit, cur prius lumen, deinde luminis conceptaculum, hoc est, Solarem orbem crearet? Nimirum, ut magnitudinem quoddam, & insigne miraculum ederet. Nam cum in reliquis creaturis materiam prius condidisset (Est autem materia id, quod unicuique rei ad essentiam subiaceret, velut quatuor elementa) ac deinde formam indidisset: hic tamen formam prius creauit; hoc est, lumen (Solis enim forma lumen est; Sol autem luminis materia) postea autem materiam effinxit, hoc est Solare corpus, ac Solem diei parentem fabricatus est.

T H E O D O R E T V S in Psalmum centesimum quadragessimum octauum.

Laudate eum Sol, & Luna, laudate eum Stelle & lumen. Symmachus sic explanauit; Laudate enim omnes stelle luminis: sic etiam ceteri. Atqui secundum Septuaginta sic est intelligendum. Prima die lucem Deus fecit, quarta verò luminaria: & propterea seorsum luminis mentionem fecit; non quòd per seipsum consistat, sed quòd luminaribus attributum sit. Verum hæc etiam iam supra diximus, hæc Prophetam conuocare non veluti animata, & rationem habentia, sed ut nos in hæc intueamur, Dei; sapientiam discamus; & per omnia, ut ipsi laudes componamus, adhortatur.

I V N I L I V S in Hexæmeron, sub verbo; Ut sint in signa.

Nam totum illud triduum superius indiscreto cursus sui processu transierat, nullam penitus dimensionem habens horarum: utpotè, quia lumine primario adhuc generaliter omnia replente, nullumque caput habente, quod nunc de Sole accepit, nusquam radij ardentiores illuxerant: & nulla sub caute, vel arbore, aquis remotior umbra frigeat.

Quibus autem rebus insideret ea lux, nulli innixa organo, ac quo loco fuerit appensa, clarissimè edocet, sub verbo, Fiat lux.

Si autem queratur, inquit, quibus in locis iubente Deo facta sit lux, cum adhuc abyssus omnem terræ amplitudinem contegeret: patet profectò, quia in superioribus partibus eiusdem terræ, quas & nunc diurna Solis lux illustrare consuevit, tunc principalis illa lux emicuit.

Quomodo autem illustraret molem eam aquarum, quæ usque ad Empyreum conscendisse reputauit ipse.

Nec mirandum nobis, diuina operatione lucem in aquis posse respondere, cum & hominum operatione consistet eas sapius illustrari: nautarum videlicet, qui in profundo maris demersi, ex ore oleo perspicuum sibi hoc, ac lucidum reddunt. Si enim homo talia per oleum sui oris potest, quantam Deus per spiritum oris sui lucem creare posse credendus est? Præsertim cum multo rariores, quàm modo in terris videre solemus, aqua in principio fuisse factæ credendæ sint, priusquam in locum essent vnum ut apparerent congregatæ.

Glossa Ordinaria hæc eadem compendiosius repetijt.

P R O C O P I V S Gazæus in Genesim, libro primo, disertius hanc Patrum sententiam declarat.

Primò lux in medium adducta est interuentu diuine vocis: deinde demum lucis receptaculum conditum est. Ut enim aliud est ignis, sic aliud est lychnus. Nam lucis, quæ materia caret, Sol quasi corpus factus est. Siquidem & composita diuiduntur in subiectum, & qualitatem, quæ subiecto inheret. Semel autem à Deo composita cum sint lux & subiectum eius, à nobis non aliter, nisi sermone, aut cogitatione disseci possunt. Et verò qui vtraque coniunxit, & copulauit, facillè diuisibilia sunt. Cuius rei exemplum luculentum dedit in rubro ardenti; ubi igni vim vrendi abstulit, & solam illuminationis & splendoris virtutem reliquit, ut eo miraculo Mosem conuerteret. His consensit Psalmographus, dicens; Vox Domini dissecat flammæ igneas. Ceterum tanta est potentia Dei, ut effectus producere queat citrà substantias. Cum apud Aegyptios tribus diebus omnia inuoluta essent obscurissimis tenebris, lux alma recreabat Israëlitas. Lux illa primogenia, quæ in stat fulguris coruscabat ab initio, trium dierum spatium expleuit, & emensa est. Præterea fertur quidam sermo, at occultus, fore in extremo die, ut ignis diuidatur: lux ignea reddetur pijs: vis verò ignis, quæ vrit, attribuetur impijs, ut ea in æternum crucientur. Idem comprobatur Luna, nunc plena, nunc noua existens: qualitate nunc accedente, nunc decedente à corpore Lunari. Certè euidenter conspici licet Lune nunc obscuratorem, nunc splendorem.

Fiat Lux.

AnnoMundi
primo.
Die Prima.

a. Idest, Lux ipsa Solis sine globo, sed coruscantior.

splendorem, siue illuminationem, quamuis dicas eam aliena vti luce, quam à Sole mutuatur. Vtunque hæc eueniant, liquido, quæ modo diximus, Lunæ accidere nouimus: Sol vbi semel potitus est luce, eam nunquam abijcit, vel deponit. Nam vt existimemus primo Cælo factò, ibidem relictam esse in summo primogeniam lucem, & secundum indiguissè Cælum luce, nulla ratio permittit.

A N A S T A S I V S Synaita Commentarijs in Hexameron libro quarto; Dum sensus mysticos contemplatur, lucemq; diuinæ essentia, Solem autem hypostasis Christi typum gessisse edisserit; hanc de luce prisca sententiam, quod ipsa fuerit lux Solis sine corpore incidenter detulit.

Nam lux quidem trium dierum præcedentium expansa, ac dispersa per totam Vniuersitatem, ostendit lucem increate Trinitatis quocumque peruenire, & nullum relinquere locum ea vacuum. Quando autem quarto die fabricatur Orbis Solis, & lux illa, quæ est vbique præsens; in eo ponitur, hoc significat, quod diuina illa lux in orbe quodam primum ponitur obscura ob peccatum Adami, postea autem lucida propter vnionem in Deo per hypostasim; in abiectò scilicet, & contempto homine, quem Filius hominis sibi assumet ex tota obscura & tenebrosa humanitate; sed ita quæque, vt non coercetur in artum, neque circumscribatur. Quomodo enim lux rursus post eius in Sole posituram quarto die, adeest vbique, & per totam Terram expenditur: ita etiam lux Diuinitatis post incarnationem, non est circumscripta, nec contracta: sed rursus sic etiam Deus Christus omnia intuetur, illustratq; & viuificat. Illa enim Dei Verbi hypostasis etiam in carne est operata; & illa etiam ex carne Mundum illustrat. Quartus autem dies, in quo perfectus fuit Sol, &c.

C A I E T A N V S Commentarijs in Genesim. Et bene nota, quod non est sermo in specie de Sole, Luna, aut Stellis, sed de luce, non alia à luce Solis, Lunæ, & Stellarum, sed aliter significata, ac nominata. Quemadmodum enim Cælum describitur prius natura obscurum, posterius natura formatum luce, ita prius natura describitur facta lux Cælestis, & posterius natura distincta in Solem, Lunam, & Stellis; quia & prius natura est cælestis lux, vt sic, quam sit ipsamet, vt distincta in Solem, Lunam, & Stellis.

Aduertas Caietanum, qui cuncta vnico momento manasse putat, lucem non tempore, sed tantum natura globos præfisse existimare.

a. Lux ipsa Solis sine Orbe, sed coruscantior.

Patres alij non tantum lucem eam priscam, Solis lucem fuisse existimarunt, sed eam coruscantiorē putarunt, adeo vt in astra distributa acceptior euaserit.

A P O L L I N A R I S interprete Steuco. E primogenita, inquit, luce, quicquid purissimum esset, in Solem selegit, reliquum lunæ, & astris deputauit. **T H E O D O R E T V S** Quæstione in Genesim quartadecima.

Dominus Deus tum ex his, quæ non sunt, tum ex his, quæ sunt, creare solet. Nam prius Cælum ex nihilo creauit, posterius autem ex aqua fecit. Sic & Terram, quæ prius non erat, produxit: genera verò arborum, & seminum germinare iussit. Igitur & lucem creauit, quemadmodum ei libuit. Sicuti verò firmamento distinctit aquarum naturam, & quasdam sursum collocauit, reliquas deorsum reliquit: sic lucem illam distinguens pro arbitrio suo, luminaria magna, & parua condidit.

Quod autem fulgentissima fuerit, adeo vt ferri ægrè potuerit, edocet post quæstione decimasexta, cum ait.

Lux verò distributa in parua, & magna luminaria, conuenientem oculis animalium splendorem reddit.

A T H A N A S I V S Quæstione in Genesim octuagesima tertia. Et dixit Deus, Fiat lux, & facta est lux. Lux illa non est Sol: Qualis verò lux sit, audi. Est hæc lux illa matutina, quæ exoritur diluculo, & Mundum illustrat, antequam Sol oriatur. Nec est vt aliquis putet, quod Solis hic splendor sit, qui Solem præueniens statim lucet, & Mundum illustrat, sed hoc illud ipsum est quod dicit Scriptura; Et dixit Deus, Fiat lux; & facta est lux. Hæc lux magna, & splendidissima cum esset, diuisit eam Deus in luminaria illa, Solem, & Lunam, & reliqua.

Et

Anno Mundi
primo.
Die Prima.

Fiat Lux.

a. *Idest, Lux ipsa Solis, sed exilior, & pallidior.*

Et post, quæstione octuagesimaquinta.

Lucem illam magnam, quam Deus fecerat, in luminaria diuisit: quæ lux hinc inde dispersa, aliquatenus est imminuta: quod nisi factum fuisset, non potuissent animalia sustinere magnum iubar, & splendorem tanti ignis. Atque huius quidem rei gratia post Solem, & Lunam sunt animalia creata, ut illius ignis splendorem perferre possent.

PROCOPIVS Commentarijs in Genesim capite primo, cum ante dixisset, quod lux illa primogenia, quæ instar fulguris coruscabat ab initio, trium dierum spatium expleuit, & emensa est, non multo post adiecit.

Ceterum Deus purissimam partem primogeniæ lucis accipiens transfudit in Solem; reliquam partem lucis distribuit inter Lunam, reliquaq; astra.

a. *Lux ipsa Solis, sed exilior, & pallidior.*

Patres alij lucem primo procreatam Solis lucem fuisse asserunt, sed valde exiguum, tenuem, & pallentem, at in Sole post fulgentior euaserit.

TERTULLIANVS libro aduersus Hermogenem, capite vigesimo, hoc ipsum insinuauit.

Siquidem omnia opera sua Deus ordine consummauit, incultis primo elementis depalans quodammodo mundum, dehinc exornatis velut dedicans. Nam & lumen non statim splendore Solis impleuit, & tenebras non statim solatio Lunæ temperauit, & Cælum non statim syderibus, stellisq; signauit, & Maria non statim beluis frequentauit, & ipsam Terram non statim varia fecunditate dotauit.

AMBROSIVS Hexameron libro primo, capite nono.

Aduertimus itaque quod lucis ortus, antequam Solis, diem videatur aperire, (principia enim diei noctis exitum claudunt) finisq; temporum, & statutus limes nocti, & diei videatur esse prescriptus. Diem Sol clarificat, lux facit. Frequenter Cælum nubibus textitur, ut Sol tegatur, ne ullus radius eius appareat: lux tamen diem demonstrat, & tenebras abscondit.

Et libro quarto, capite tertio.

Mouere autem potest quod ait: *Ut fiant luminaria ad illuminationem super Terram, quæ discernant inter diem, & noctem.* Quia & supra iam ubi lumen fecit, dixerat. Separauit Deus inter lucem ac tenebras, & factum est vespere & mane dies vnus. Sed consideremus, quia aliud est lumen diei, aliud lumen Solis, & lumen Stellarum, eo quod ipse Sol radijs suis fulgorem diurno lumini videatur adiungere, quod vel ortus diei potest prodere, vel occasus. Nam ante Solem lucet quidem, sed non resulget dies, qui amplius quoque meridiano sole resplendet. Et post. De die autem vel ipsa Solis flagrantia docere nos potest, diuersam diurni luminis, & Solis esse naturam, & ipsam esse speciem discolorum. Simplex est enim lucis species, ut lumen præbeat.

AVGVSTINVS de Genesi ad literam libro primo, capite vndecimo, hæc eadem (dato quod ea lux corporea esset) de ipsius lucis qualitate existimauit.

Ut quid ergo factus est Sol in potestatem diei, qui luceret super Terram, si lux illa diei faciendo suffecerat, quæ dies etiam vocata est? An illa prior regiones superiores à terra longinquas illustrabat, ut sentiri non posset in terris: atque ita oportebat Solem fieri, per quem dies inferioribus Mundi partibus appareret? Potest & hoc dici, auctum esse fulgorem diei Sole addito, ut per illam lucem minus fulgens dies, quam nunc est, fuisset credatur.

CHRYSOSTOMVS Homilia sexta in Genesim, in hanc visus est incidisse sententiam, cum dixit.

Sol enim clariorem diem efficit, rutilans aureo suo iubare, & radijs, & quotidie speciem suam vigilem ostendens: & simul atque mane exortus fuerit omne hominum genus ad suorum operum studia excitans. Et post. Deus quarto die Solem fecit, ne putes illum diei auctorem. Nam quod de seminibus à nobis dictum est, & de die licet dicere, quod fuerunt tres dies ante Solis formationem. Voluit autem Dominus per

Fiat Lux.

Anno Mūdi
primo.
Die Prima.

a. Non lux Solis, sed lux quædam ex miraculo à Deo tantum eo in triduo effusa.

per hoc elementum clariorem diei lucem fieri. Et Post. Quid est in præfecturas diei, & præfecturas noctis? Hoc est, ut Sol diem suis radijs clariorem reddat; Luna autem, ut dispellat tenebras, & hominum generi lumine suo præbeat commoditates utendi suis studijs.

a. Non lux Solis, sed lux quædam ex miraculo à Deo tantummodo in triduo effusa.

B V R G E N S I S in Additionibus in Genesim primum inuehitur contra sententiam asserentem, quod lux illa fuerit nubes lucida, peculiari hac sua ratione.

Sententia illa ex serie literæ non videtur stare; Quia lux significat qualitatem tantum: nubes autem lucida non est lux; licet sit corpus luminosum, vel luminare, & huiusmodi; sicut album non est albedo: unde in tali lucida nubis productione debuisset exprimi substantia cum sua qualitate, dicendo: Fiat nubes lucida, vel quid luminosum, & huiusmodi. Fieri enim, sicut & esse, principaliter pertinet ad subiectum, seu substantiam. Accidens enim, prout in Metaphysica traditur, non est esse, sed inesse.

Deinde, & reprehendit alteram sententiam, diffinientem lucem fuisse lucem Solis. Tum quia si sic, debuisset dicere, producat lux, vel producat Sol, seu Cælum lucem; sicut dicitur in hoc capite in his, quæ ab alijs procedunt. Tum quia secundum hoc diuisio lucis à tenebris in prima die facta fuit per circulem motum Solis, sicut in quarta die; & tamen Scriptura in hoc loco attribuit hanc diuisionem Deo, dicens; Diuisit Deus lucem à tenebris. In quarta autem die attribuunt hanc diuisionem luminarijs, dicentes, ut diuidant lucem à tenebris. Tum quia maxime inconueniens videtur dicere, quod accidens, seu motus alicuius rei singularis sit in rerum natura, antequam suum subiectum in esse producat.

Quibus concludit.

Ex quibus patet, quod lux in prima die facta, differt à luce Solis, de qua fit mentio in quarta die non solum quantum ad particulares effectus, sed etiam quantum ad essentiam.

Cum inde Basilij sententiam inferuisset, suam his detulit, quasi ex Basilio excerptā. Unde secundum eum, hæc lux non fuit corpus, seu substantia corporea, sed quædam qualitas formaliter illuminatiua, non procedens ab aliquo corpore luminoso, sed solum à voluntate diuina per creationem, prout ipsa litera plano modo significat, cum dicit; Fiat lux. Et Post. Secundum quam positionem Basilij, quæ valde videtur consonare literæ, non est inquirendum quid factum fuit de illa luce prima post creationem Solis: nam adueniente prouisione naturali rationabiliter cessat prouisio miraculosa; sicut & legitur Iosue; Defecit manna postquam comederunt de frugibus terræ.

Interposuit nonnulla de motu illius lucis, de quibus infra. Nec reticere potui hanc singularem assertionem à Basilij mente alienam, quanquam eius nomine decoratam.

A V C T O R.

Consistit cerrè mens diu fatigata, lassatusque calamus, cum de tot sententijs dissidentibus inuicemque repugnantibus in re tam ardua, ac potius variè distracta, quam diffinita, iudicium ferre compellor. Afferam tamen, maiore qua possum in tantos Patres, & Doctores obseruantia, de eorum relatis sententijs iudicium. Principiò D. Augustini sectatorumque placitum, lucem primæuam Angelum interpretantium, iam supra suo loco reiectum est. Sententias pariter illas, quæ primo die asseuerant, vel Solem prout absolutum, & suis numeris cumulatam prodijisse, qualis est Catherini assertio; vel ampliori etiam luce rutilantem, ut est ea Steuci; vel saltem cum globo ea forma prædicto, qua nobis nunc apparet, at sine virtute ad particulares influxus, ut D. Thomas, Vielmius, & Nuperi plures putarunt, vel absq; corporis perfectæ obdensione, seu fulgore, ut Aegidius censuit, tanquā à vero excidētes, reiiciendas, ac refellendas arbitror. Primò etenim

Corpora Cœlestia non primo die conflata.

Soli quarto tantum die conditus.

etenim Doctores isti Cœlos cunctos in primordijs temporum, seu prima die profiliisse, vt exploratum, certumque existimant; & fortè perperam, cum id maxima indigere probatione censeam. Illud siquidem ipsis iaciendum erat fundamentum, opificem Deum in temporum exordio, orbes cœlestes protulisse, quandoquidem Moses id non tradit. Cœli nanque nomine cum terra procreati, alij supra cuncta cœlestia non vt condita, sed quatenus ipsorum genitura erat enarranda intellexere, vt Chrysostomus, Cyrillus, Augustinus: Alij Idæas Cœli, vt Plato, Philo; Alij Angelum, vt Augustinus, Eucherius, Hieronymus, Beda, Isidorus, Magister, & alij: Nonnulli Cœli nomine Empyreum capi voluerunt, vt D. Petrus, Diodorus, Claudianus, Iunilius, Straabus, Petrus Comestor, Lyranus, Tostatus, & Catherinus: Alij tria superna elementa, sicuti Hugo Victorinus, Richardus; Alij supremum orbem tantum, scilicet Bassilius, Ambrosius, Damascenus. Præterea non solum hi omnes; verum, & Tertullianus, Origenes, Accacius, Seuerianus, Gennadius, Athanasius, Theodoretus, Damascenus, Cyrillus, Procopius, Cœlos secundo die compactos edocent; cum clarè enarret Moses effectum fuisse secunda die firmamentum, quod vocatum est Cœlum, in quo tandem die quarto astra insita fuisse produntur. Arduum igitur maximè videretur his Patribus, lucis nomine non tantum Solem, sed & cœlestia corpora intelligenda fore, quemadmodum illi pro arbitrato existimarunt. Quapropter euincitur, placitum hoc, quod cœlestes orbes in exordio temporum, seu in prima die manasse assenerat, D. Thomæ tempestate primo emeruisse. At quomodo fieri potuit, vt Ecclesiæ patris plusquam mille ac ducentis id fuerit incompertum, & inexploratum; totque præstantissimi Patres istud non leuiter saltem odorarint? Firma igitur, ac opportuna basititutata est hæc assertio, quæ vel Solem ante orbes conditum putat, vel certè ante primum diem, seu ipsa prima die Cœlos manasse, nullo iacto fundamento, nulla auctoritate suffulta opinatur. Deinde assertiones istæ sex dierum opera ita distribuunt, vt vnum prorsus diem auferant, quartumque superuacaneum, vel saltem inopem faciant, cum in ipso ad Cœli venustationem dedicato, opifex minimè, quod summum erat & præstantissimum, Solem inquam lucis fontem, Mundi decus, sed tantum Lunam, & sydera, quæ lucem mutant, condiderit; at propterea Mundum non sex diebus, sed quinq; ferè Deum diremisit, & venustasse tradunt. Amplius Mosem mendacem demonstrant, ipse etenim scribit, Dixit Deus, Fiant luminaria; & fecit Deus luminaria: isti vero ex aduerso non luminaria, sed vnicum tantum luminare effectum auctoritant. Quod autem asserunt Mosem die quarta per repetitionem, genesim Solis enarrasse, ex professo verò Lunæ, ac syderum natalia prodidisse; id longè certè à verisimilitudine recedit. Vt quid enim consimul quarto die Solem, Lunam, Sydera, iisdem verbis, eademque narrationis serie producta tradit, si nec simul, nec eodem prorsus die compacta fuere? Cum enim vnica & conformi verborum prolatione, Moses Solem, & Lunam, atq; astra condita perhibeat, arduum profecto est id de Sole per repetitionem de Luna verò & astris per veram effectum dictum existimare. Deinde quæ repetitio esse potest, cum prius Solis, vt Solis, genesim, ac munera non explicasset? Nec exempli adducta de Protoparentum plasmatione, seu de pluribus in Scripturis vel præpositis, vel reiteratis narrationibus, huic assertioni suffragantur. Debebant siquidem ipsi repetitionis huiusmodi in ijs, quæ sex diebus creationis Mundi effecta fuerunt, exemplum aliquod deferre, ac patefacere; quo scilicet, quod vno die effectum erat, in altero iteratim, non vt factum repeteretur, sed ipsum vt ante prorsus editum, ac genitum describeretur. Amplius sententiæ istæ voces ipsas Mosi è suo loco diripiunt, siquidem si Sol primo die manauit Dei imperante voce; quare non inquit Vates, Dixit Deus, Lux, Sol, sed dixit Fiat lux? Nunquid Solis nomen ei defuit? Quanquam enim Sol, Lux, Dies se inuicem consequantur, cum à Sole profiliat lux, & lux gignat diem, sapiusq; in Scripturis nomina ista commutentur, & confundantur: diuersa attamen sunt rationes; nam Sol globum Solis significat; lux verò fulgidam ab eo prodeuntem claritatem; dies autem tempus, quo Sol super terram degit. Quin & diuersum nomen tam apud nos, quàm apud Hebræos sortita sunt, Sol, & lux; lux nanque Or dicta est, Sol verò Moor, hoc est, luminare, seu lumen deferens.

Cum

Cum igitur in hac Mosis de opificio Mundi historia, discretis omnino diebus Sol & lux effecta narrentur, diuersoq; admodum loquendi genere eorum productio describatur, quandoquidē de ista, Fiat Or, de illo vero, Fiat Moor, perhibetur: cur non primo loco lucem, vt claritas est, secundo vero Solem, quatenus vehiculum est lucis, effecta narrari, recte ac tuto poterimus existimare, præcipue cum Patres ferè omnes in hanc interpretationem properarint? Contra præfatos mehercle Doctores prolata hucusque à nobis rationes non modici roboris, nec parum vrgentes spectantur, vt meritò pro Patribus lucis nomine non Solem, sed lucem ipsam accipiendam diffiniamus. Singulas deinde assertiones istas in eo quòd peculiare sunt, censeo redargutioni subiicere. Solè primo die conditum, quarto verò specialem virtutem ad particulares effectus nactum esse D. Tho. ac Vielmio asseuerabant. Cæterum ego ab ipsis expostulo; Num ea peculiaris virtus ex luce, & motu ipsi contigerit, an ex retrograda circumlatione, & congressu coitioneq; syderum; si ex luce, & motu eam virtutem nanciscitur Sol, certè & primo die uim ad illuminandum excepit, & supremi orbis raptu secundum ipsos ciebatur: si ex syderum aspectibus, peculiarique latione; nil igitur Soli quarto die, quod illi essentiale esset, additum est. Nec qua ratione interpretari nobis liceat, Fiat Sol, hoc est, Soli ex syderum coitione, seu ex propria conuersione virtus ad speciales effectus tribuatur, conspicio. Aegydiij sententia Dei certè sapientiam, atque potentiam, prima sui fronte denigrare cognoscitur; existimare nanq; Deum primordio temporum Solem protulisse ita densitatis lucis expertem, ut prorsus non emicaret; inde primordiali die adeo coëgisse, vt exigue splenderet; tandem quarto ipsum reassumptum magis coarctasse vsquequo fulgentissimo exornaretur lumine, est Deum figulum effingere, qui cænosam molē, seu argillam super rotā, vel manibus mēbratim cōprimat. Anilem profectò fabulam, vel insulsum excogitatum eruditissimi, grauissimiq; Patres id censerent. Cathedrini assertio, qui Solem absolutum ac perfectum, cum orbibus cœlestibus, vno excepto firmamento, primo die manasse arbitratur, & ea quæ de Sole quarta die narrantur, per recapitulationem prodita autumat; inops ac nutans mihi visa est, cum ipse eam nec ratione, nec auctoritate corroboret. Quapropter vt suo marte solo, (cui necdū Vulcanus arma conflauit) parta derelinquenda est. Quantum enim ad firmamentum spectat, quod non prima die cum cæteris orbibus, sed secunda congestum sit, sciscitari possumus, quid eius loco immensum illud spatium occuparit; Num corpus aliud Cœleste? sed quò properauit hoc corpus, cum exilijs firmamentum? si elementum, quo pacto inter corpora cœlestia elementum interiacere poterat? si vacuum; nonne vacuum horret natura? sed hæc disertius suo loco. Quantum verò ad inductam recapitulationem, eam consentaneā non fuisse supra demonstrabamus. Steuci sententia, quæ censet Astrorum emolitionem primo die inchoatam, in quartum protractam fuisse, Solem verò coruscantiori lumine fulgidum manasse; vti recens, & singularis, ita & commentitia est existimanda; cum non modo præfatarum sententiarum difficultatibus laboret, verum adhuc longè maiora subeat, & patiatur incommoda. Deū siquidem vnico die opus absoluisse, quod patrandum assumpserat, Moses ipse demonstrat, cum ait; Dixit Deus fiat, et factum est, & vidit quòd bonum est: si enim non absolutum, nec factum, nec bonum dici poterat. Deinde omnium priscorum Patrum, ac Doctorum Scholasticorum in vnum conspirant, coeuntq; sententiæ, nempe vnumquodque opus singulo die consummatum prodijisse. Perturbat insuper placitum hoc Mosis literam; ad quid enim dierum sex enumeratio celebratur, si operum sex non fuit seiuncta constitutio? Amplius Potentiam, Sapientiamq; Dei in Mundi congestionem non extollere, & amplificare, sed deijcere, atque obscurare videtur, dum secundis causis, & temporis, rerū ipsarum conflationem ascribit, quæ sola Dei virtute, & momentis, effecta est. Tandē quo cessit ille coruscantissimus Solis splendor? quonam loco Moses ipsum splendore fuisse exutum enarrat? Hæc igitur commentitia plane & fabulosa sunt existimanda. Superest vt quæ ex aduerso proferebantur argumenta diluamus. Nullius profectò sunt ponderis delata à Vielmio, & Pererio fundamenta. Solis solam dignissimam esse lucem, quæ simpliciter lucis nomen sibi vendicet propter suam vbertatem, pulchritudinem, & efficaciam ipsam esse quæ constituat diem, & noctem; munusq; obeat illa distinguendi,

Prædictæ assertiones singillatim refelluntur.

Singulis diebus assumpta opera Deus absoluit.

Diluuntur argumenta Vielmij & Pererij.

ipsam esse quæ postea non tantum in triduo primo, sed & sex diebus, & in temporum decursu fulserit, ipsam ornamentum Coeli, & decus Vniuersi, à Deo vt pulchram, & bonam comprobata; ipsam denique generalissimam esse tum creationis, tum conseruationis rerum cunctarum causam equidem non inficiantur Patres; sed lucem primam die productam esse Solis lucem, luminare verò quarto die conditum ipsius vehiculum extare profitentur. Disceptatio autem seu discrepantia est, quoniam immediatæ lucis causam in naturæ constitutione Patres à Mose edocti Deum arbitrantur, Solem verò eius tantum vehiculum perhibent: Hi verò lucē à causa, seu forma sua, à qua nunc in natura constituta prodit, in ipsa primordiali rerum constitutione disiunctam provenisse tradunt. Quod dies primus, qui nobis Dominicus est, omnium gentium consensus, à Sole, vt eo die procreato, nuncupatus fuerit; imbecillis admodum est argumentatio. Duabus etenim vijs eam elidere ac euertere possum: Primò nimirum assero, hanc primam fuisse gentilitatis institutionem, quæ veræ Theologiæ expers erat, & ignara, sidera; in Deos sibi ascriuerat, & dies circumuolutæ hebdomadæ Astris errantibus, vt sibi lubuit, ascripserat. Deinde quod si prima dies Soli assignata fuit, non incommode id factum sit, cum lux, quæ præstantissima pars est in Sole, à qua vehiculum seu corpus ipsius omnem pulchritudinem, efficaciam, præstantiamque suscipit, primo die condita narretur. Enimvero si nomenclaturæ ordinem ex ordine quo effecta sunt, deprøpsere prisca gentilitatis Vates, cum vnico tantum, scilicet quarto die, Sol, Luna, errantes Planetæ, atque etiā inerrantes stellæ emanarint, quanta serie dies partiti sunt; quantam ratione primum Soli, secundum Lunæ, tertium Marti, quartum Mercurio, quintum Ioui, sextum Veneri, septimum Saturno destinarunt? Nunquid Deus septima die, qui quieuit ab omni opere, quod patrarat, Saturnum produxit? Puerilia hæc certe sunt, arbitrorque antiquos illos Vates gentilitatis, vel nullam vnquam de Mundi effectione veram hausisse sententiā, vel eam in hac dierum nuncupatione contempsisse. D. Dionysij dictum non certè à Patribus dissentit, sicuti D. Thomas, & nuperi Doctores reputant. Lux est mensura, ait Dionysius, & numerus horarum, dierum, totiusque labentis temporis. Ipsa est enim lux, etsi tunc informis, quod & diuinus dixit Moses, quæ primā distinxit, ac diffiniuit dierum nostrorum trinitatem. Duo siquidem prodidit D. Dionysius D. Basilio conformia. Primum quod ea lux esset eadem, quæ Solis est. Erat siquidem totius labentis temporis mensura, &c. Quod quidem Solis luci tantum peculiare est. Alterum quod tunc informis esset. Sciscitarer certè quid nomine informitatis contendat Dionysius, & quare potius informitatis nomine nō interpretemur carentiam luminis seu vehiculi, ipsius lucis tenuitatem palloremque, quàm virtutis ad determinatos effectus defectionem, seu quid simile.

I O D O C V S Clithouæus Neoportensis Parisiensis Theologus Commentarijs in caput septimum libri secundi de Orthodoxa Fide Ioannis Damasceni, sic locum Dionysij interpretatur.

Porro sanctissimus Pater Dionysius, cum de luce Solis, prima parte quarti capitis libri de Diuinis nominibus pertractat, inquit; Ipsa (vt pote lux Solis) est ea lux (etsi tunc erat informis, quod & diuinus Moses ait) quæ primam distinxit, atque diffiniuit dierum nostrorum trinitatem. Vbi asserit eandem lucem, quæ primo die creata est, & trium dierum formationem Solis præcedentium distinctionem efficit, postea in Solis lucem esse formatam.

Accedendum modo est ad excutiendam sententiam illam, quæ lucem priscam nil aliud quàm lucem Empyreï interpretatur. Porro adeo frigidum & peregrinum est placitum istud, ut absque ullo negotio repudiari possit. Peregrinum, inquam, quoniam vetusti omnes Patres vel nullam de Empyreo memoracionem egisse Moslem statuerunt, utpote quod ipsi de Mundo tantum sensili negotium esset; vel si Coeli cum Terra effecti nomine Empyreum interpretati sunt, illud undequaque absolutum, suaque coruscantissima, & glorifica luce insignitum prodijisse censuerunt. Frigidum deinde hoc placitum & imbecille cernitur; percunctari nanque possumus, cuiusnam generis lux Empyreï existimanda sit. Si sensibilis non igitur glorifica, non igitur perennis, non igitur Regia Dei & beatorum digna. Si spiritalis, & gloriosa, quo pacto tenebras totius Chaos obumbrantes potuit expellere? Amplius, qua serie ualuit dies, ac noctes generare? Natio

ratio equidem Mosis conturbaretur, si post descriptionem Chaos peractam, ipse ad Em-
pyrei lucis genituram declarandam conscenderet. Voces quinetiam Mosaica narra-
tionis, qua dicit Deum diuifisse lucem à tenebris, & factum fuisse vesperum, & mane,
ad inopinatas, atq; extortas significationes pertraherentur; prout ipse Gulielmus pro-
lixiori oratione pertrahere, ac detorquere contendit.

Superfunt modò duæ sententiæ, altera quæ lucem fuisse ignem, seu nubem lucidam
interpretatur (has enim duas vnam esse arbitror, vt supra differebamus) lucem etenim
eam ignitam nubem lucidam extasse asseuerare possumus: Altera verò, quæ lucem eā
priscam Solis lucem, sed absque corpore, seu lucis conceptaculo diuina virtute effusam
fuisse arbitratur. Prima, mea quidem exiimatione, secundum dogmata Philosophiæ
& potissimum Platonica, quam omnes ferè vetusti Patres sunt insecuti, probatior verifi-
miliorq; apparet. Nam cum astra ignea, & calida existimentur, non longè abest ab
immagine veri ex Chaos primum ignem ad superas partes conscendisse, ac in speciem
nubis lucidæ sese demonstrasse, ex qua postea quarto die secundum partium sympathiā
astra conflata sint. Secunda attamen literæ Mosis magis arridere, appropinquareq;
mihi videtur. Lucis etenim nomine lucem hanc nostram Solis secundum simplicem
eius significationem, Solis autem appellatione Solarem globum iuxta cōsuetam illius
vocis acceptionem interpretatur. Sed prima sententia in eo deficit, quòd non ita sim-
plicem Mosis literæ intelligentiam insequatur. Hæc autem secunda in eo, quod mira-
culum astruat singulare, dum sola Dei virtute accidens à substantia, seu subiecto seiun-
ctum extitisse autumat, quòd quidem omnis Philosophia, naturalisq; ratio ægre au-
dit. Quapropter ego secunda non repudiata, quòd Basilij & Gregorij Nazianzeni gra-
uissimorum Patrum auctoritate sit munita, ad primam accederem. Atque vt quoquo
modo ambas conciliarem, dicerem, prima die materiem quandam ex summitate ele-
mentorum conflata, & ex prædominio igneam. (nam nullum elementum purum
prorsus admittit Philosophia) iussione Dei ex Chaos profilijisse, ad superasq; partes
euectam effulsisse, expansamq; adeò, vt nullo capiti, seu corpori, sicuti inquit Iunilius,
addicta videretur. Quæ quarto die postea conferta, & cōstipata astra pepererit. Quam-
obrem lucis nomine lucem ipsam Solis interpretarer nulli adiunctam corpori, seu glo-
bo, apparenti scilicet, nec tamen sine substantia aliqua, sed in ea insitam materie, ex qua
compingenda coagmentandaq; erant astra, quæ tamen speciem aliquam non præse-
rebat, quamuis lux ex sua crassitie nubes lucida videretur.

Ex his ita simul conciliatis sententijs, tertia quæ emergit ac prodit assertio, planum,
germanum, conspicuumq; omnibus, etiam ineruditis, nullaq; disciplina imbutis sen-
sum effert; cum lucis nomine lucem, Solis appellatione Solem, seu luminaris nuncu-
patione globum ipsum Solis, consueta, vulgataq; significatione accipiat. Hæc dierū
opera perspicua, ac rata reddit, dum præcepto indiçto, diuinoq; verbo Fiat, duo abin-
uicem disincta admodum effecta recenset: lucem, & lucis vehiculum, vt egregiè do-
cuit D. Basilij. Quare & quarto die Moses Solem non proprio nomine, quod est He-
braicè Shemesh, eum vocauit, sed luminare. Fecisse enim Deum duo luminaria ma-
gna contestatur Moses. Luminare autē Hebraicè dicitur Maor, à luce, quæ Or nuncu-
patur, quasi lucem deferens, vt aptius hæc duo seiungeret: si enim dixisset Solem, quod-
dam ex deferente lucem, & luce ipsa aggregatum intelligi potuisset: dum autem dixit
luminare, seu lumiferum, expresse lucis vehiculum significauit, atque explicauit. Hæc
Mosis scopo, ac præscripto fini multum arridet. Summis profectò viribus Moses, vt
Hebræam profapiam Idololatriæ deditam, à rerum creatarum cultu auerteret, conten-
debat. Apud priscas Gentilitatis nationes nil prorsus inter creata cuncta, quod mor-
talium splendorem eminentemq; sui præstantiam comperiebatur. Quare Aegiptij
omnium vetustissimi, omnium quoque sapientissimi (teste Eusebio de Preparatione
Euangelica) existimati fuere, quòd eius cultum primi suscepissent. Consultè igitur
Moses lucem à Deo prius prolatam, & congestam absque organo primo die tradidit,
deinde in ipsius Solis orbe à summo opifice insitam, & coactam demonstrauit, vt probè
intelligerent mortales, lucem, qua Sol splendide fulget, totq; mirifica in Mundo ope-

Lucis nomi-
ne lux Solis
absq; globo
intelligitur.

Solē facilius
quàm reli-
qua Genti-
les adorabāt.

Psal. 148.

Dan. 3.

ratur, non esse illi connatam, sed à Deo, qui Solē ipsum fabricarat, inditam, & impressam. Quamobrem ei quoque, ut bonorum omnium auctori & principi, ab vniuersis creaturis gratias esse rependendas. Hæc insuper assertio ipsius Scripturæ auctoritate magis comprobari conspicitur; sapius enim sacra pagina lucem, & lumen, ut quid à Sole discriminatum memorat. Dauid enim cum dixisset: Laudate eum Sol, & Luna, laudate eum omnes stellæ, demum & lumen adiungit. Tres etiam Pueri in fornace ardentium flammarum, Benedicite, aiunt, Sol & Luna Domino, benedicite stellæ Cœli Domino. Et post. Benedicite lux & tenebræ Domino. Hæc ab Ecclesia spōsa Christi, cui diuina patefacta sunt arcana Spiritus Sancti munere, non dissentit. Ecclesia namque in quotidianis hymnis, cum Deo opifici, de vnoquoque sex dierum opere per singulos dies collato, gratias refert, in die Dominico ita decantat.

Lucis creator optime,
Lucem dierum proferens,
Deinde quartæ diei Hymnus est.
Cœli Deus sanctissime,
Qui lucidum centrum Poli
Candore pingis igneo,
Augens decoro lumine.

Primordiis lucis nouæ,
Mundi parans originem.

Quarto die, qui flammeam
Solis rotam constituens,
Lunæ ministrans ordinem,
Vagosque cursus syderum.

Scitissimè certè tradit Ecclesia à Patribus edocta, à Spiritu Sancto afflata, die primo lucem diei Deum protulisse, ut primordiis lucis nouæ Mundi pararet originem. Quarto autem flammeam Solis rotam constituisse, Lunæ ordines, cursusque syderum vagos ministrasse, aucto decoro lumine, ut Cœlum exornaret, coloreque pingeret igneo. Attendas precor, vnanimi planè assensu, ac vno ferè ore, Mosem, Scripturam, Patres, Ecclesiam idipsum proferre; adeo ut nouas inducere interpretationes, nil aliud sit, quam à Mose, à Patribus, ab Ecclesia recedere, eorumque consensionem declinare. Consensio autem ea est, quod duo sint, lux & Sol, lux primo die manarit, & Sol quarto die constitutus sit. Num autem primogenia lux Dei sola virtute, nulli insita organo, ut aiunt in Scholis, diffunderetur; an potius insideret in ea materie, ex qua compingendus erat Sol, quæ tamen materies nullam corporis speciem præferbat, non magni refert hoc loco demonstrare. Minoribus tandem irretitur difficultatibus interpretatio ista, quam aliaquæuis alia: tametsi iuxta Peripatetica placita pluribus ipsam incommodis, quam aliarum quamlibet à Scholasticis & recentioribus adductarum nouerim subiaccere. Sed profectò reliquæ etiam & singulæ assertiones Peripateticis ludibrio erunt; siue enim dixeris lucem eam fuisse ignem; seu nubem lucidam, ex qua congerenda erant astra; seu Solem absque determinata virtute ad peculiare effectus, & sine retrograda orbium circumlatione; aut Solem absolutum, sed sine firmamento, & stellis, & Luna; siue Solem sua naturali luce minimè præditum, seu etiam fulgentiori, quam nunc clareat, luce micantem; seu lucem ipsam Solis nulli insitam substantiæ: certè cunctas has sententias Peripateticus ut commentitias reiiciet, deridebit, proculcabit; cum ipse Mundum æternum, Solemque nullam aliam conditionem, nisi eam ipsam, quam nunc habere conspicitur, tulisse constituat. Verum è contra iuxta Platonica placita sententiæ Nuperorum, & Scholasticorum quintam ab Aristotele excogitatam essentiam statuētes, quam pluribus circumuenientur, atque opprimuntur difficultatibus. Nysseni verò, qui per lucem ignem; Vgonis, Richardi, & cæterorum, qui nubem lucidam interpretati sunt, assertiones, nullum in uia Platonica discrimen subibunt. Diui autē Basilij, & Nazianzenii assertio, qui lucem eam nulli vehiculo additam, sed diuina virtute editam fuisse profitentur: quanquam in peripatetica & platonica Philosophia difficultates plures experiantur, in Mosis tamē litera offendicula minimè patiuntur. Tandem in uia Patrum opiniones nouissimorum nullius censendæ sunt auctoritatis, ut potè quæ à quadringentis hinc annis exortæ sunt. Basilij sententia singularis est, cum paucos habeat sectatores. Nysseni autē & Vgonis acceptissima habetur: nam omnes vetusti Patres platonica Philosophiæ adhæserunt; Astraque ignita esse, & calida, numerosa Patrum classis mirifica etiam antiquorum Philosophorum consensione accedente existimauit. Conueniunt siquidem in hanc sententiam Hermes teste Cyrillo, Xenophanes, Anaxagoras, Democri-

Fiat Lux.

AnnoMundi
primo.
Die Prima.

a. *Idest, Fiat Lux, quæ non de Deo, sed quæ à Deo prouenit.*

Democritus, Metrodorus, Euripides, Diogenes, Parmenides, Heraclitus, Thales, Plato teste Theodoretto; insuper Stoici teste Cicerone. Ex nostris Philo, Iustinus, Tertulianus, Basilius, Gregorius Nazianzenus, Ambrosius, Cyrillus Hierosolimitanus, Theodoretus, Chrysostomus, Damascenus, Procopius, Nyssen, Anastasius Synaita, Iuuenus, Lactantius, Claudius Marius, Alcuinus, Isidorus, Anselmus, Hugo, Richardus, Magistri duo, & quamplures alij; de quibus in sua Catena.

Cum igitur omnes hæ delatæ sententiæ, in via Peripatetica plurima pariter subeant discrimina, cumq; sententia nuperorum Scholasticorum, quanquam Peripateticis placitis ætate hac nostra in Gymnasijs publicis, (& quod mihi magis mirificum videtur, in Canobijs etiam Cucullatorum) acceptissimis, magis consentanea existat; attamen in litera Moſis, & in via Patrum arduas habeat contrarietates: E contra verò, cum Nysseni, & Vgonis opinio iuxta Platonis, & Patrum dogmata sine offendiculis incedat, nec multum à plano sensu Scripturarum recedat; Diuini autem Basilij placitum mirificè diuinis literis consentiat, magisq; sit existimanda sacræ Scripturæ auctoritas, vt inquit D. Augustinus, quàm omnis humani ingenij perspicacia: profecto summæ ac insignis demeritiæ erit, à Patrum sententijs declinare, vt Nuperorū assertionem teneamus; Cōpingamus igitur nos & coagmentemus sententijs Vgonis, & Basilij, & certe tūm in via Platonica, tūm in via Patrum, tūm etiam in Scriptura paucioribus difficultatibus inuoluemur.

Superest tandē, vt priusquam huic disceptationi finē imponā, Burgenſis opinionem reiſciam. Mentem D. Basilij Burgenſem non eſſe aſſequutum exiſtimo. Tradit certè Baſilius, quòd lux illa non fuerit corpus, ſeu ſubſtantia corporea, ſed quædā qualitas formaliter illuminatiua, non ab aliquo luminoso corpore, ſed ſolum à diuina voluntate per creationem procedens; ſicuti ipſe Burgenſis (eius enim uerbis uſus ſum) exponit. Sed eam ipſam lucē Solis non fuiſſe, nunquam prodidit Baſilius, cum ipſe eleganti narratione poſſe Deum accidentia à ſubſtantijs ſeiungere, exemplis etiam ignis, & lunæ adductis, demonſtret: & Nazianzenus ex hoc miraculo potentiam Dei celebrat, atque extollat. Ex mente igitur horum Patrum lux ipſa primigenia lux fuit Solis, Solis orbi non inſita. Quòd autem Burgenſis obijciebat; ſi lux Solis fuiſſet, debuifſet diſcedere Moſes, producat lux, vel producat Sol, ſeu Cælū lucem; uti dicitur in his, quæ ab alijs procedunt, nullius eſt ponderis. Exiſtimant enim hi Patres lucem, non à Sole, ſeu Cœlo, quæ adhuc non extabāt, ſed ex nihilo uirtute Dei omnipotentis maſſe. Ad illud quod ſecūdo loco opponebat, quia tūc diuiſio lucis à Tenebris prima die per circulare motū facta fuiſſet; illatio hæc neganda eſſet: poterat enim Deus duplicem lucis motum impertiri, alterum per emiſſionem & attractionem, antequam orbi alligaretur, alterum circumlationis, poſtquam in globo fuiſſet collocata. Tertium à Burgenſe obiectum, quòd accidens ſiue motus alicuius rei ante ſuum ſubiectum tunc fuiſſet productū: hoc Deo impoſſibile non eſſe aſſerent Patres, quinimmo ex hoc Dei potentiam ſuſpiciunt, & celebrant. Labitur igitur Burgenſis placitum in eo, in quo à Patribus diſſentit.

a. *Fiat lux, quæ non de Deo, ſed quæ à Deo prouenit.*

AUGUSTINVS de Geſeſi imperſecto capite quinto.
Et dixit Deus, Fiat lux. Vtrum ea lux, quæ his carnalibus oculis patet, an aliqua occulta, quam nobis per hoc corpus videre non datum eſt? Et ſi occulta, vtrum corporea, quæ per locorum ſpacia tenditur forte ſubli-

Anno Mūdi
primo.
Die Prima.

Fiat Lux.

a. *Idest, Quæ corpus non est, nec defluxus corporis, sed qualitas.*

sublimibus partibus Mundi: an incorporea, qualis in anima est, ad quam vitandi, & appetendi refertur examen à sensibus corporis, qua non carent etiam animæ bestiarum? An ea quæ superior ratiocinando apparet, ex qua incipit omne quod creatum est? Quamlibet enim lucem significet, factam tamen & creatam debemus accipere, non illam qua fulget ipsa Dei Sapientia, quæ non creata est, sed nata, ne sine luce Deus fuisse putetur, priusquam istam, de qua nunc agitur, condidisset. De hac enim, sicut ipsa verba satis docent hoc commendatur, quod facta sit. Et dixit, inquit, Fiat lux & facta est lux. Alia est lux de Deo natura, & alia lux, quæ fecit Deus: natura de Deo lux, est ipsa Dei Sapientia; facta verò lux est qualibet mutabilis siue corporea, siue incorporea.

Triplex rerū
genus potest
lux appellari.

Cōtemplatur igitur D. Augustinus posse triplex rerum genus appellatione lucis insigniri; Sapientiā ipsam æternam, hoc est, Dei Verbum, Angelum, vel Animam, & lumen in aëre coruscans; scienterq; edocet de duobus tantum postremis posse dici Fiat, non de æterna illa Sapientia, cum illa increata in æternitatis latebris semper extiterit, hæc uerò duo congesta, & condita cernantur.

a. *Quæ corpus non est, nec defluxus corporis, sed qualitas.*

S V I D A S interprete Hamero.

Lumen est actus quidam, & perfectio eius, quod fieri potest pellucidum, lumen alio nullo indicatur nisi ipso visu. Est igitur lux pellucidi actus, quatenus pellucidum fieri possit, idest forma & perfectio eius. Si enim lux accesserit ad id quod fieri pellucidum poterit, tum ei formam dat, & perficit.

D. T H O M A S prima parte, quæstione sexagesima septima, articulo tertio, cum in secundo probasset lumen corpus non esse, atque in tertio lumen habere esse naturale, & non intentionale, itidemq; non esse formam substantificā Solis, concludit.

Dicendum est ergo, quod sicut calor est qualitas actiua consequens formam substantialem ignis; ita lux est qualitas actiua consequens formam substantialem Solis, vel cuiuscunque alterius corporis à se lucentis, si aliquod aliud tale est. Cuius signum est, quod radij diuersarum stellarum habent diuersos effectus, secundum diuersas naturas corporum.

D. B O N A V E N T V R A secundo Sententiarum, distinctione tertiadecima, articulo tertio, quæstione prima, pluribus recitatis sententijs eorum, qui lucem corpus esse autumabant, adiicit.

Quarta est positiō concors rationi, & philosophiæ: qd lumen, & radius si nominetur illud præcisè, quod à luce habet ortum, nec est corpus, nec corporis defluxus; sicut rationes ad hoc inductæ ostendunt. Si autem dicatur radius aër illuminatus secundum diametrum; & lumen aër illuminatus secundum profundum; sic ipso modo radius, & lumen poterit dici corpus; prout tamen propriè accipitur, lumen & radius in medio corpus non est.

A V C T O R.

Scholastici omnes hoc loco lumen corpus non esse, nec corporis defluxum, communi assertionem decernunt. De lucis nanque substantia tres olim extarunt celebres insignesq; sententiæ. Nonnulli lumen corpus esse, egrediq; à Sole, quemadmodum riuulus à fonte egreditur, eiusdem quoque naturæ esse cum Sole, sicut aqua riuuli eiusdem est naturæ cum fontis aqua censuerunt: Solemque ob id non absumi, quia vaporibus alatur, viresq; ipsius ad novos procreandos radios iugiter restaurentur. Existimant alij lumen à Sole profluere, veluti à radice rami consurgunt, atque dū Sol ipse circumuoluitur, radios quoque perpetuò conuerti. Arbitrati demum sunt alij lucem à Sole quo ad formam produci, à Deo verò quo ad materiem creari; ita vt in Mundo propter Vniuersi perfectionem creatura tota à Deo emanans, vt Angelus, & creatura à Deo quæ-

De Lucis sub
stantia tres
sententiæ.

Et facta est Lux.

Anno Mundi
primo.
Die Prima.

- a. Non primum Sol, sed lux ante Solem, quod rerum confusio plena luce digna non esset.
b. Hoc est Angelus, secundum exemplar quod erat in Verbo.
c. Vel, creatura non excessit prae fixos in Verbo terminos suos.

tum ad formam, & à natura quantum ad materiam profiliens, ut Homo; & creatura respectu materiae à Deo, sed respectu formae à Sole, ut lux, prodiens comperiatur. Ceterum sententiae istae à Scholasticis facillimè rejiciuntur. Prima quidem, quia lux ut coelestis incorruptibilis est: altera, quia saltem in Passione Christi, cum Sol delituit, radios fulgido lumine destitutos prius, deinde eodem decoratos fuisse, seu rursum creatos esse, asserere cogeremur: postrema tandem, quoniam nunquam Deus materiam nisi forma venustatam condit. Omnes autem hae assertiones simul reprobantur, quia aper-
tissimis, evidentissimisque rationibus lumen corpus non esse, corporisve defluxum euinci potest. Primum enim, cum duo corpora in eodem loco esse non possint, sequitur quod si aër corpus est, lux ipsi aduentitia sit qualitas. Deinde motus corporis in instan-
ti fieri non potest, nec simul rectè, & oblique; Lux verò mox orta à Sole cunctum illu-
strat Hemisphaerium, omnia tam directè, quàm per circulum illustrans. Tandem si lumen corpus esset, sequeretur quod adueniente vespere corrumpetur, infinitaeque
propemodum fierent lucis generationes, & corruptiones. Communis igitur est, ac
probata sententia apud omnes Scholasticos, lumen nec corpus, nec corporis defluxum
extare. Num verò in aëre habeat esse naturale, ut sensit D. Thomas, an intentionale, ut
arbitratus est Aegidius; Nū in se virtualiter id quod spectat ad esse naturale, & inten-
tionale complectatur, ut edocuit Caietanus in expositione huius quaestionis; rursusq;
Nū lux ipsa forma sit Solis, ut censuit Bonaventura; an tantum sit qualitas, veluti iudi-
cavit D. Thomas, scholis discutienda relinquo.

- a. Non primum Sol, sed lux ante Solem, quod rerum confusio
plena luce digna non esset.

H V G O de Sacramentis libro primo, parte prima, capite vndecimo.
Sed quid significat, quod non statim factus est Sol, ex quo lumen fieri oportuit: sed ut quasi lux esset, prius-
quam clara lux? Et fortassis confusio plena luce digna non erat: aliquam tamen lucem accepit, ut videret
exire ad ordinem, & dispositionem.

- b. Hoc est Angelus, secundum exemplar illud, quod
erat in Verbo.

G L O S S A ex D. Augustino.
Ea conditione scilicet, qua cuncta subsistunt intemporaliter in Dei Sapientia priusquam in seipsis. Et facta
est lux, id est Angelica, & Coelestis substantia in se temporaliter, sicut erat in Sapientia, quantum ad eius in-
commutabilitatem aeternaliter.

- c. Scilicet, creatura nequaquam excessit prae fixos
in Verbo terminos suos.

G L O S S A Ordinaria ex Augustino.
Clem enim audimus: Et dixit Deus, Fiat, intelligimus in Verbo esse, ut fieret. Cum verò addit, Et fa-
ctum est, ita intelligimus factam creaturam non excessisse prae fixos in Verbo terminos generis sui.

Facta

Anno Mundi
primo.
Die Prima.

Et facta est Lux.

- a. Facta est in natura, quæ erat in præscientia Dei vt fienda.
- b. Sive dicitur facta est lux, vt demonstretur quamcelerrime Deum cuncta conflare.
- c. Facta est lux, idest, de materia præiacente.

a. Facta est actu, quæ erat in præscientia Dei vt fienda.

P E T R V S Comestor in Genesim, capite tertio.

Per Fiat, presentia, vel præscientia lucis in Deo intelligitur, priusquàm fieret; per Facta est, essentia eiusdem in actu, cum prodijt ad esse.

H V G O Carenfis in Postillis hoc ipsum adnotabat.

Per Fiat intelligitur essentia lucis in Dei præscientia; per Facta est, essentia eius in propria natura.

b. Hoc est statim, vt demonstretur quamcelerrime Deum cuncta conflare.

Patrum quamplures hæc verba intersita existimant, vt celeritatem, ac facilitatem, quæ fuit in Mundi structura notificet, quasi quod mox, vt dixerit Deus Fiat, statim fecerit, statim factum apparuerit. Adducam nonnullorum sententias.

B A S I L I V S Hexameron Homilia secunda.

Sanè imperium hoc opus ipsum erat, mox enim fiebat natura, qua vna nihil possit humana ratiocinatio comminisci, & excogitare, quo se oblectet suauius.

A M B R O S I V S Hexameron libro primo, capite nono.

Et dixit Deus, Fiat lux, & facta est lux. Non ideo dixit, vt sequeretur operatio, sed dicto absoluit negotium. Vnde pulchrè Dauidicum illud; Dixit & facta sunt; quia dictum impleuit effectus. Auctor ergo lucis Deus: locus autem & causa tenebrarum, Mundus est. Sed bonus auctor ita lucem dilexit, vt Mundum ipsum infuso aperiret lumine, atque eius speciem venustaret. Resplenduit igitur subito aer, & expauerunt tenebræ noui luminis claritatem. Repressit eas, & quasi in abyssos demersit, repente per vniuersa Mundi fulgor lucis infusus. Pulchrè itaque & propriè dixit; Facta est lux. Sicut enim citò lux Cælum, Terras, maria illuminat, & momento temporis sine ulla comprehensione relictis surgentis diei splendore regionibus, citò se circumfundit aspectui; ita ortus eius citò debuit explicari. Quid miramur, si Deus loquutus est lucem, & caliganti Mundo lumen emicuit, quando si quis inter aquas mersus, oleum ore emisserit, clariora faciat ea, quæ profundi tegebantur occultis?

I O A N N E S Chrysostomus in Genesim, Homilia tertia.

Et dixit, inquit, Deus, Fiat lux: & facta est lux. Dixit, & facta est; mandauit, & tenebræ quidem fugate sunt, lux autem producta. Vides ineffabilem potentiam?

A V G V S T I N V S de Genesi imperfecto, capite quinto.

Quid enim conuenientius de Deo dicitur, quàm cum ita ponitur, Dixit Fiat, & factum est: Vt in eo quod dixit, Fiat, imperium, in eo quod factum est, potentia demonstretur.

c. Et facta est, idest de Materia præiacente.

H V G O Victorinus de Sacramentis, libro primo, parte prima, cap. septimo.

Hoc primum in hoc loco lectorem admonere volumus, vt quoties in his operibus, videlicet sex diurnum aliquid fieri audierit, vt verbi gratia: Cum dicitur, prima die facta est lux; secunda die factum est firmamentum; tertia die congregatæ sunt aquæ; quarta die facta sunt luminaria; non modo primum cum facta dicitur, hæc de nihilo creata fuisse existimet, sed potius de ipsa, (quæ prius creata erat de nihilo) materia formata intelligat. Etiam aliquando verbum creationis positum reperit: vt est ibi; Creauit Deus cetera grandia, & omnem animam viuentem, atque motabilem: non ad materiam, qua esse cæperunt, sed ad formam, qua hoc quod sunt, esse cæperunt, referendum esse sciatur.

Et post capite nono.

Principium ergo diuinorum operum fuit creatio lucis, quando ipsa lux non materialiter de nihilo creata est, sed de præiacenti illa vniuersitatis materia formaliter facta est, vt lux esset, & vim ac proprietatem

Et facta est Lux.

- a. Facta ex nihilo.
b. Facta est lux, & cuncta illustrabat.

tatem lucendi haberet. Hoc opus prima die factum est; sed huius operis materia ante primam diem creata est.

Glossa Locupletata hæc deducit pariter.

MAGISTER Sententiarum secundo, distinctione decimatertia.

Lux prima corpus lucidum fuit, velut lucida nubes, quod non de nihilo, sed de præiacente materia formæ factum est.

LYRANVS in Postillis in secunda expositione.

Ista lux fuit quædam nubes lucida de superiore parte materiæ prædictæ facta à Deo.

TOSTATVS pariter.

Dicitur hic lux quædam nubecula lucida, quæ fuit facta in superiori parte materiæ.

ALEXANDER Halësis secunda, quæstione quadragesima sexta, articulo primo.

Lux fuit quoddam corpus lucidum formatum ex præiacente materia.

HVGOCarenfis in postillis.

Hæc fuit de materia præiacenti; in quam etiam resoluta est facto Sole, sicut dicitur de Stella Magorum, & columba Christi.

a. Facta ex nihilo.

ALBINVS è contra Quæstionibus in Genesim.

Int. Quæ creaturæ de nihilo factæ sunt? Resp. Cælum, Terra, Angeli, lux, ær, aqua, anima hominis.

Int. 29.

Idipsum plures alij Patrum asseuerant.

BEDA de Natura rerum libro primo, capite secundo.

In ipso quidem principio conditionis facta sunt Cælum, terra, Angeli, ær, & aqua de nihilo. Die autem primo lux facta est, & ipsa de nihilo.

HVGOCarenfis in postillis.

Alij dicunt, quod de nihilo creata est cum Cælo & Terra in Oriente.

A V C T O R.

Animaduertendum has Patrum repugnantes sententias ex eo prouenire, quod etiã repugnantes sint ipsorum de luce intelligentiæ. Qui enim lucis nomine Angelum capiunt, ut Augustinus & sectatores, & qui lucem ipsam Solis absq; vehiculo diuina virtute effusam intelligunt, vt Basilius, eam quoque ex nihilo congestam decernunt. At qui lucis nomine vel ignē, vel nubem lucidam, vel Solē percipiunt, Chaosq; effingunt ante sex dies productum; hi certē lucem, seu ignis fuerit, seu Sol, seu nubes micās ex radiis incōgestoq; eo Chaos exertam volunt: Quemadmodum Hugo etiam ex tribus elementis in nebula simulachrum coagmentatis nubem fulgidam excerptam tradit.

b. Facta est lux, & cuncta illustrabat.

BASILIVS Hexæmeron, Homilia secunda.

Prima Dei vox lucis naturam creauit, tenebras dispulit, Mundum illustrauit, & exhilarauit, vniuersis continuo gratum attulit, incundumq; conspectum. Nanque Cælum quidem in omnium prospectum venit, & tenebris eatenus adopertum Mundo inclarnit; pulchritudinemq; tantam vltro obtulit, quantam etiam nunc aspectus, oculique testantur. Ær autem omni ex parte illustrabatur. Immo verò totam immixtam sibi per omnia lucem habebat, celeriterq; splendorem per fines quaquauersum suos distribuens transmittēbat. Etenim partes superas versus, ætherem ipsum, Cælumq; pertingebat: in latitudine verò omnes Mundi partes, tam Aquilonares, ac Australes, quam ipsum Ortum, atque Occasum, momento temporis, punctore illuminabat. Talis est enim ipsius natura, nempe pertenuis atque perspicua, vt lumen per ipsum transiens, mora prorsus nul-

la temporis egeat. Nam ut incunctanter, ac subito nostros aspectus ad ea, quæ conspiciuntur deducit: sic & luminis accessus, & eiaculationes ad fines usque suos puncto temporis suscipit, quo sanè minus temporis momentum ullum vel mente nemo capere potest. Aether denique iucundior post ortam lucem euasit, & aqua magis perspicua non solum splendorem suscipiendo, verum & ex se per refractionem remittendo, splendidus, & intermicantibus vndecunde ab aqua elemento fulgetris. Tum enim Dei vox ad iucundissimam omnia, & longè præstantissimam conditionem permutauit. Ut enim qui in profundam aquæ voraginem oleum immittunt, ei loco conciliant, & infundunt perspicuitatem: iidem & Vniuersi Creator edito mox verbo lucis, amabilem, & peramanam venustatem Mundo inuexit.

AMBROSIVS Hexameron libro primo, capite nono.

Resplenduit igitur subito aër, & expauerunt tenebræ noui luminis claritatem. Repressit eas, & quasi in abyssos demersit repente per vniuersa Mundi fulgor lucis infusus. Pulchrè itaque, & propriè dixit: Facta est lux. Sicut enim cito lux Cælum, terras, maria illuminat, & momento temporis sine ulla comprehensione relictis surgentis diei splendore regionibus, nostro se circumfundit aspectui, ita ortus eius citò debuit explicari. Quid miramur si Deus loquutus est lucem, & caliganti Mundo lumen emicuit, quando si quis inter aquas mersus oleum ore emisit, clariora faciat ea, quæ profundi tegebantur occultis?

PROCOPIVS Commentarijs in Genesim.

Prima Dei vox omnia repleuit luce, cuius hæc fuit natura, ut sua virtute celerius omni cogitatione penetrarit, & permeauerit omnia, inprimis tamen tenuiora & pellucidiora, sicut est aëris natura. Principium simul & finis vno lucis impetu sunt illuminata, vnoque momento ab initio ad finem usque lux excurrit.

IUNILIUS Commentarijs in Genesim.

Si autem queratur, quibus in locis iubente Deo facta sit lux, cum adhuc abyssus omnem terræ amplitudinem contereret: patet profecto, quia in superioribus eiusdem Terræ partibus, quas & nunc diurna Solis lux illustrare consuevit, tunc principalis illa lux emicuit. Nec mirandum nobis diuina operatione lucem in aquis posse resplendere, cum & hominum operatione constet eas sæpius illustrari; nautarum videlicet, qui in profundo maris demersi, ex ore oleo perspicuum sibi hoc, ac lucidum reddunt. Si enim homo talia per oleum sui oris potest, quantam Deus per spiritum oris sui lucem creare posse credendus est? Præsertim cum multo rariores, quam modò in terris videre solemus, aquæ in principio fuisse factæ credendæ sint, priusquam in locum essent vnum, ut apparerent congregatæ.

MAGISTER Sententiarum libro secundo, distinctione tertiadecima.

Si autem queritur; Vbi facta est lux illa, cum abyssus omnem terræ altitudinem tegeret: dici potest in illis partibus facta, quas nunc illustrat Solis diurna lux. Nec mirum lucem in aquis posse lucere, cum etiā nautarum operatione sæpius illustrentur: qui in profundum mersi, misso ex ore oleo, aquas sibi illustant: quæ multo rariores fuerunt in principio, quam modò sunt: quia nondum congregatæ fuerant in vno loco.

Glossa Ordinaria hæc ipsa repetit.

NYSSENVS in Hexameron.

Quum enim iam aceruatim in vno momento diuinæ voluntatis vniuersa rerum natura promiscuè, & indistinctè creata esset, & elementa inter se omnia mutuo permixta essent, ignis, qui passim dispersus esset, nimia, ac redundante materia officiente, offuscabatur, & obscurabatur: sed quoniam velox quedam vis eius, & agilis est, simulatq; naturæ rerum ad Mundi ortum à Deo signum & occasio data est, ante omnem naturam grauiorem emicuit, atque prosiluit, ac statim res vniuersæ lumine collustrabantur.

HVGGO de Sacramentis libro primo, prima parte, capite nono.

Lux fortasse potuit esse corpus aliquod lucidum, cuius præsentia cuncta illustrarentur.

TOSTATVS in Postillis in secunda expositione.

Nubes lucida fuit facta in superiori parte materia, scilicet in loco vbi nunc est Solis circulus; & lustrabat in circuitu incidens in medio illius corporis nondum distincti in varias rerum species.

HVGGO Carenfis in Postillis.

Alij dicunt, quòd de nihilo creata est cum Cælo & Terra in Oriente. Quæ ad modum Solis circummagistras superius & inferius hemisphærium illuminabat. Licet enim aquæ totum aëris spacium continerent, erant tamen vaporabiles, & tenues, vnde poterat ibi illa lux lucere, cum etiam nautæ faciant aquas spissiores lucidas artificio, scilicet oleo de ore emisso sub aquis.

a. Lux facta in supernis partibus, sed tantum supremam partem illuminabat.

AVGVSTINVS de Genesi ad literam, libro primo, capite decimo.

An illa lux prior regiones superiores à terra longinquas illustrabat, ut sentiri non posset in terris.

GLOSSA Ordinaria ex ipso Augustino.

Sed fortè lux prior superiores tantum illustrabat partes, & ad illuminationem inferiorum solem fieri oportebat.

Et facta est Lux.

Anno Mūdi
primo.
Die Prima.

- a. Lux facta in supernis partibus, sed supremam tantum partem illuminabat.
b. Dixit facta est lux, & non factæ sunt tenebræ: quoniam lucem creauit, & tenebras tantummodo ordinauit.

MAGISTER Sententiarum secundo distinctione tertia.
Lux illa fortè superiores partes illustrabat, & ad illuminationem inferiorum Solem fieri oportebat.
MAGISTER Scholasticæ historiæ, capite tertio.
Lucem vocat quandam nubem lucidam illuminantem superiores Mundi partes.

A U C T O R.

Non est cur de his interpretationibus disceptemus. Clarissime siquidem Patres omnes lucem, siue ipsa fuerit ignis, siue nubes lucida, siue Sol non vndique absolutus, siue lux ipsa Solis sine vehiculo, siue lux mirifica per emissionem & attractionem effusa dies gignens, in supernis partibus coruscasse produnt. Arduum tamen magis est diffinire, qua serie lux illa primordialis posset, maximè iuxta præfatorum Patrum doctrinā, Mundum illustrare. Iunilius, qui aquas vsque ad supernam Mundi oram omnia obruisse tradit, Mundum ab illa luce illuminatū edocet, tū quod Deus spiritu oris sui quasi oleo, luci ipsi virtutem contulerit, vt aquarum illarum colluionem penetrans perspicuas illas redderet, tū quod aquæ rariores extarent. Nyssenus, qui ex rudi Chaos ignem ad superna euolutum asserit, cæteris elementis in illa incondita, indigestaque massa remanentibus, certè nisi tertio die, postquam disiuncta fuere elementa, atque depurata, lucem illam Mundum clarè illustrare valuisse, cogitur asseuerare: quanquam probè asserat res vniuersas mox lumine illo perfusas fuisse. Hugo pariter, qui nube crassa elementa obuoluta tradit; eadem ratione, nec ipse Mundum illustrari perspicuè potuisse nisi tertio die, postquam semotis aquis serenitate ditatus est aër, asseuerare potest. Difficultas verò ista parum officit Diuo Basilio, & cæteris, qui à primordijs temporum, in Chaos elementa segregata effingunt. Potuit siquidem, vt ipse Basilius ait, tunc lux tenebras expellere, Mundum illustrare, & exhilarare, sed non vsq; ad terræ superficie, eò quod cænosa esset, terræque & aqua quasi vinum non defecatum simul commiscerentur. Compingi igitur simul possunt, adeò vt in vnum coeant, hæ auersæ opinionationes, si lucem eam primigeniam Mundum vnde quaque illustrasse diffiniamus, sed pallente, exiliq; luce in infernis, clariori in supernis Orbis regionibus: adeò vt D. Augustini, & asseclarum sententia, lucem nempe eam priscam radijs suis infimam hanc regionem non attigisse, verisimilior censeatur.

Lux prisca
quomodo
Mundum il-
lustrauit.

- b. Dixit facta est lux, & non factæ sunt tenebræ; quoniam lucem creauit, & tenebras tantum ordinauit.

AVGVSTINVS de Genesi imperfecto, capite quinto.
Dixit itaque; Fiat lux: & facta est lux. Non dixit fiant tenebræ, & factæ sunt tenebræ. Horum ergo vnum fecit, alterum non fecit: vtrumque tamen ordinauit, cum diuidit Deus inter lucem & tenebras. Ita & ipso faciente, pulchra sunt singula; & ipso ordinante, pulchra sunt omnia.
Scitissime profecto animaduertit Augustinus, Deum lucem protulisse, tenebras vero tantum ordinasse; Duobus siquidem muneribus perfunctus est, Deus in Mundi con-
gestione Satoris & Prouisoris, vt Sator res ipsas conflauit, vt Prouisor priuationes à re-
rum ipsarum productarum decidentia prodeuntes ad mirificum redegit ordinem, vt &
ipsa decorem, atque commodum inexpectatum vniuerso afferrent.

Anno Mundi
primo.
Die Prima.

Vidit Deus lucem, quòd esset bona.

- a. In Hebraica lectione non adest verbum *Esset*.
 b. Tob, idest, quod bonum, optimum, pulchrum, decorum, beneplacens, delectabile, suaue, & utile.
 c. Vidit, hoc est humana forma conspexit.
 d. Siue, modo ineffabili vidit; quòd pulchra non ex proportionem partium, sed sua simplici natura.

Hebraica lectio habet. Vaia Elohim Ethuor Schi Tob.
 Chaldaica lectio legit. Vidit Deus lucem quòd esset bona. ita Varablus, Pagninus, Lusitanus, & Caietanus. Septuaginta καὶ εἶπεν ὁ θεὸς τὸν φῶς, ὅτι καλόν. Hoc est; Et vidit Deus lucem, quòd bona. Vulgata nostra editio cum Chaldaica concordat.

a. In Hebraica lectione non adest verbum *Esset*.

C A I E T A N V S Commentarijs in Genesim.

Hebræa lingua habet Elohim, & caret verbo *Esset*.

b. Tob, idest, quòd bonum, optimum, pulchrum, decorum, beneplacens, delectabile, suaue, et utile.

R A B B I N I in Adnotationibus.

Vox Hebræa Tob significat bonum, suaue, delectabile, amænum, & utile.

L I P P O M A N V S in Catena.

Tob enim, idest, quòd bonus, optimus, pulcher, decorus, beneplacens, bonum, siue bonitas; & est generis masculini.

Sed hæc obseruationes nil notatu dignum nobis subministrant; parum enim interest dicere; Vidit Deus lucem quòd esset bona; vt Chaldaica, & nostra editio habet; vel, quòd bona; vt Hebraica, & Græca sine verbo legunt.

Verba hæc, quæ Dei super opus suum intuitum, iudicium, & beneplacitum demonstrant, Patres in diuersas admodum rapiunt sententias; quas ego multis exantlatis laboribus, ac paginis diu versis, vix collectas ingenuè recitabo.

c. Vidit humana forma sumpta conspexit,

V I E L M I V S Lectione vndecima.

Verbum enim *Videre* geminam habet significationem, propriam videlicet, ac translaticiam; sicut Rabbi Moses adnotauit; quarum prior omnibus nota est, ac trita, vt in eiusmodi asyntheticis: *Veni, vidi, & vici*: Abij, laui, & vidi: *Vidi*, cognoui, damnaui, quod Iulianus Caesar de cuiusdam scriptis respondit, cui vt Nicephorus refert, D. Basilus (vt opinatur) acutè ita reposuit: *Vidisti*, non intellexisti, damnaasti: aut certe simile quidpiam: Translatitia verò ad cognitionem omnem (hoc est, quæ vel sensuum sit, vel etiam intellectus) omnium vsu extenditur, quòd sensus visus dignissimus, certissimusque omnium sensuum sit, ac nobis præ cæteris charus, vt Plato in *Timæo*, & Aristoteles in *Proæmio Metaph.* testantur.

Non defuere igitur, qui vsitata significatione, Deum humanam effigiem, dum Mundum cõdedit, ac uenustauit, sumpsisse tradant, & oculis spectasse lucem firmamentum &c., ac secundum humanam consuetudinem ea iudicasse & approbasse: sed quantum a vero aberret hæc sententia, ex antedictis facile euinci potest. Cæterum Patres omnes verbum *Dicere* secundum translaticiam significationem excipientes, plures tulerunt de hoc loco sententias.

d. Vidit Deus lucem, quia bona; modo ineffabili vidit, quòd pulchra non ex proportionem partium, sed sua simplici natura.

B A S I L I V S Hexameron Homilia secunda, ante Ambrosium.

Quis nos possimus depromere laudes luce hac dignas, quæ initio statim suæ conditionis anteuertit, summo vt haberet Creatorem prerogatiuæ suæ pulchritudinis testem? Etenim vel apud nos oratio ipsis defert, ac cedit oculis

Vidit Deus lucem, quòd esset bona.

Anno Mundi
primo.
Die Prima.

- a. Hoc est praevidit & cognovit, quòd ad utilitatem & pulchritudinem futura esset Vniuerso secundum rationem praestituti finis.

oculis hac de re iudicium: ita enim ne sermo vllus tantum queat expromere, quantum ipse oculorum sensus antevertens suo comprobatur testimonio. At si bonitas, siue pulchritudo corporis, tale vt sit, sortitur ex moderata partium temperie, ex apparente item, & conspicua coloris bonitate: quonam pacto conseruatur ratio pulchritudinis in luce, quae suapte natura simplex est, & omnimoda constat partium similitudine? An quod istiusmodi temperatio luci attestatur, & consentit, non quidem in proprijs ipsius partibus consistens, sed quòd mox conspecta nos mœrore liberat, animumq; demulcet blanda quadam placiditate? Nam & ratione consimili aurum constat dici pulchrum, non vtique ex collata inter sese partium symmetria, potius quòd probò isto & insigni colore nos proleciat ad sui amorem & inuitet. Ad eundem modum Lucifer pulcherrimus est stellarum, non eo, quia partes habet inæstæ & æquabili portione temperatas, sed quòd illius splendor affusus semel oculis se contuentium, & illapsus tristitiam ex animo depellat: nosq; mira circumfundat iucunditate, & recreet.

AMBROSIUS Hexameron libro primo, capite nono.

Et vidit Deus lucem, quia bona est. Lixit, & sonum vocis nullus audiuit: discreuit, & operationis molimina nemo deprehendit: vidit, & oculorum eius intentionem nullus aspexit. Et vidit, inquit, Deus lucem, quia bona est. Nec quod ignorabat, vidit, nec id quod nesciebat ante, aut non viderat, comprobauit: sed bonorum operum proprium est, vt externo commendatore non egeant, sed gratiam suam, cum videntur, ipsa testentur. Plus est quod probatur aspectu, quàm quod sermone laudatur. Suo enim vtitur testimonio, non alieno suffragio. Quòd si apud nos oculis iudicium emittitur, quibus simul & gratia venustatis & rerum mensura comprehenditur: quanto magis Deus, omnia quae probat, videt; & quae videt, probat: secundum quod scriptum est; Quia oculi Domini super iustos? Lucis natura huiusmodi est, vt non in numero, non in pondere, vt alia, sed omnis eius in aspectu gratia sit. Proprijs itaque sermonibus naturam lucis expressit; quae videndo complacet: quoniam ipsa videndi officium subministrat. Nec immeritò tantum sibi prædicatorem potuit inuenire, à quo iure prima laudatur, quoniam ipsa fecit, vt etiam cetera Mundi membra digna sint laudibus. Vidit ergo Deus lucem, & vultu suo illuminauit. Et vidit quia bona est. Non ex parte Dei, sed ex generali iudicio est. Itaque non in splendore tantummodo, sed in omni utilitate gratia lucis probatur. Vnde & discretio fit inter lucem & tenebras, vt separata lucis natura, atque tenebrarum, nihil videatur habere intra se confusum.

Psal. 33.

- a. Vidit quod Bona, hoc est praevidit & cognovit quod ad utilitatem & pulchritudinem futura esset Vniuerso secundum rationem praestituti finis.

BASILIVS primus excitauit hanc interpretationem, hancque Dei approbationem ad uenustatem conditarum rerum, atque ad utilitatem Vniuersi redundantem retulit. Quare Hexameron Homilia secunda hæc adiicit.

Iam verò, quod loco presenti inducitur Dei iudicium, non est vsquequaque spectantis ad eam, quæ ex illius pulchritudine in contemplantes resilit, oblectationem; sed veriùs prospicientis utilitati ex eadem luce olim ad posteros peruentura. Neque enim dum erant oculi, qui lucis pulchritudinem internoscerent ac diiudicarent.

PROCOPIVS Gazeus Commentarijs in Genesim, capite primo, præfactorum Patrum sententiam secutus.

Quod inquit pulchra, &c. non accipiendum est pulchram apparuisse sensibili visu. Absit. Haud enim humano more Deus cernit; sed pro videndo vtitur sua cognitione, qua nouit omnia non visu solum pulchra, sed completi quoque insignem pulchritudinem & utilitatem, & inter se debita & legitima proportionem conuenire: quapropter Aquilas in sua translatione adiecit verbo Vidit, præpositionem cum, quæ in compositione, cum, significat ac si diceret; Contuitus est, conspexit, &c. Quod singulis suis operibus opifex subiunxit; quòd sint pulchra: ideo factum est, quia omnia erant exactè consummata, & ad vnguem eliminata; quibus nihil deesse animaduertere potuisses. Propterea non ab re, inquit; Et vidit omnia quæ fecit, quòd essent supra modum pulchra.

Hanc

Anno Mundi
primo.
Die Prima.

Vidit Deus lucem, quòd esset bona.

a. Hoc est, placuit iam factum, quod placuerat in arte faciendum.

Hanc autem absolutionem, ac conditarum rerum perfectionem, nō tantum ratione totius Vniuersi, sed ratione etiam earundem vt partium, præstantem fuisse eleganti exemplo demonstrat.

Lapides ingeniosè cæsi, & expoliti, etiamsi non coniungantur, vt inde Statua fiat, verum sparsim, & seorsim iaceant, seu partes ex quibus Statua conficienda & connectenda sit: attamen pulchri videntur, si non cuius idiote, at ei qui eos ex ratione artis considerat, & intuetur. Si his compares lapides ignavios, Nam si minime pulchritudinem teneant, tamen ratione Vniuersi nequaquam sua pulchritudine destituuntur. Nam si eos coaptaueris ad pulchritudinem alicuius ædificij, licet sint despecti; attamen si totum ædificium totius Vniuersi superant longè unam statuam, utcumque sit decorata. Sic existimandum existimo de partibus totius Vniuersi. Si quæ per se videntur deformes, collatæ ad rationem Vniuersi, pulcherrimæ deprehenduntur. Ceterum exactam utilitatem singularum, & mutuam inter sese conuenientiam, coherentiam, & commissuram sensui humano percipere impossibile est: immo nec vulgaris, & cuiusvis hominis intellectus illa indagare potest.

I S I D O R V S hoc ipsum disertius explicauit libro primo de summo Bono, capite decimo.

Attende vniuersaliter creaturam in principio valde bonam vocari; singulariter verò tantum bonam. Quia & membra corporis cum sint singula bona: maius tamen bonum faciunt, dum singula omnia valde bonum corpus efficiunt.

Eleganter autem adijcit, hominis, & elementorum, & cæterarum rerum, quæ propter hominem emanarunt, discrepantiam, dicens.

Decor elementorū omnium in pulchro & apto consistit: sed pulchrum est, quod per seipsum est pulchrum, vt homo ex anima & membris omnibus constans. Aptum verò est, vt vestimentum, & victus. Ideoq; hominem dici pulchrum ad se, quia non vestimento & victui est homo necessarius, sed ista homini. Ideo autem illa apta, quia non sibi, sicut homo, pulchra, aut ad se; sed ad aliud, id est ad hominem accommodata, non sibi nec necessaria. Hoc & de cæteris elementorum naturis dicendum; Cuncta quæ sunt, & facta sunt, mira valde sunt: sed consuetudine viluerunt. Ideoq; sic diuina scrutare opera, vt semper ea cogites immensa.

a. Vidit, hoc est, placuit iam factum, quod placuerat in arte faciendum.

A V G V S T I N V S de Ciuitate Dei libro vndecimo, capite vigesimo primo hanc contra Platonem excitauit interpretationem.

Et Plato quidē plus ausus est dicere: elatū esse, scilicet Deū gaudio, Mundi vniuersitate perfectæ. Vbi & ipse non vsq; adeo desipiebat, vt putaret Deū sui operis nouitate factū beatiorē: sed sic ostendere voluit, artificij suo placuisse iam factum, quod placuerat in arte faciendum, non quòd vllō modo scientia Dei varietur, vt aliud in ea fiant, quæ nondum sunt, aliud quæ iam sunt, aliud quæ fuerunt. Non enim more nostro ille vel quod futurum est prospicit, vel quod præsens est aspicit; vel quod præteritum est respicit, sed alio modo quodam nostrarum cogitationum consuetudine longè, lateque diuerso. Ille quippe non ex hoc in illud cogitatione mutata, sed omnino incommutabiliter videt, ita vt illa quidem, quæ temporaliter fiunt, & futura nondum præsentia iam sint; & præterita iam non sint: ipse verò hæc omnia stabili, ac sempiterna præsentia comprehendat: nec aliter oculis, aliter mente: non enim ex animo constat & corpore. Nec aliter nunc, & aliter antea, & aliter postea: quoniam non sicut nostra, ita & eius quoque scientia trium temporum, præsentis videlicet, & præteriti, vel futuri varietate mutatur. Apud quem non est immutatio, nec momenti obumbratio.

E V C H E R I V S in Genesim libro primo, capite secundo.

Et vidit Deus lucem, quia bona est. Non quòd subito viderit Deus lucem quòd esset bona, & visio ei contulerit scientiam, quum in nobis omne opus præcedat voluntas nostra, dum cogitamus, quid operari debeamus. Non enim ignorans aliquis facit aliquid, dum cogitat qualiter fiant, quæ facienda cogitando disposuit; & quæ hoc in hominem cadere non possit, vt aliquid ignorans faciat, quanto magis in Deum, qui omnia æterno & stabili

Vidit Deus lucem, quòd esset bona.

- a. Quapropter si artifice secundum artem iudicanti fides datur, multò magis Deo est adhibenda.
- b. Vidit, hoc est placuit, ut ea bonitate manerent, qua placuit, ut fierent.

Stabili consilio suo facit? Ergo ne discit, sed docet factum in arte faciendum: & nec aliter facta, nec aliter facienda vidit. Eo itaque modo vidit facta, quo viderat facienda.

B E D A Quæstionibus in Genesim.

Et vidit Deus lucem, quòd esset bona. D. Si subito vidit Deus lucem, quòd esset bona, an antea nesciuit, & visio ei contulit scientiam? M. Omne enim opus præcedit voluntas. nam dum cogitamus quid operari debeamus, neque enim ignorans aliquid facit, dum cogitat, qualiter fiant, quæ facienda cogitando disposuit, & cum hoc in hominem cadere non possit, ut aliquid ignorans faciat: quanto magis in Deum, qui omnia æterna, & stabili consilio suo, quomodo voluit, fecit? Nec aliter etenim facta, & aliter facienda vidit: eo itaque modo vidit facta, quo viderat facienda.

A L C V I N V S Quæstione in Genesim trigesima quinta.

Vidit Deus, quòd esset bonum, id est in ea bonitate placuit, ut fieret, quod fecit.

A N S E L M V S Laudunensis in Glossa interlineari.

Placuit ei in sua essentia, quod prius placuerat in sapientia.

H V G O Victorinus noster de Sacramentis libro primo, parte prima, capite tertio decimo.

Per lucem ergo probavit Deus lucem, quia in luce incommutabili vidit, quòd lux ista commutabilis suo modo & ordine bona esset.

A L B E R T V S Magnus prima parte Summæ de quatuor coëqueuis, quæstione duodecima, articulo undecimo.

Dicendum, quòd videre non sumitur ibi secundum quòd est principium cognitionis, quæ oritur ex sensibus, sed sumitur pro signo voluntatis, & beneplaciti artificis ad opus perfectum: ad id enim, quod bene placet, multiplicatur aspectus oculorum frequenter. Et hoc est, quod dicit Glossa ibidem; Vidit Deus, id est, placuit ei in sua essentia, quod prius placuerat in sua sapientia.

D. T H O M A S prima parte, quæstione septuagesima quarta, articulo tertio.

In hoc significatur quædam complacentia Dei artificis in re facta, non quòd alio modo cognosceret, aut placeret ei creatura iam facta, quàm antequam faceret.

- a. Quapropter si artifice secundum artem iudicanti fides datur, multò magis Deo est adhibenda.

C A I E T A N V S.

Considera ordinem. Ad similitudinem artificis primo creat Cælos: deinde quasi informes Cælos (ut potest obscurus) formando, imperat esse lucem formam diaphanorum: tertio videndo, non ex relatione percipiendo, utilitatem, appetibilitatem, ac bonitatem lucis à se factæ, illam approbat. Sicut enim ex hoc, quòd artifex videt opus à se factum esse bonum, ipsius iudicio decernitur bonum; ita multò magis ex hoc, quòd Deus vidit ab eterno lucem in principio temporis factam, & esse, & fore bonam, ipsius Dei iudicio habemus lucis bonitatem: & unde rejiciamus stultitias dogmatizantium, quòd creature sensibiles non sunt secundum se bonæ.

- b. Vidit, hoc est placuit, ut ea bonitate manerent, qua placuit, ut fierent.

D. A V G V S T I N V S de Genesi ad literam primo libro, capite octavo, & hanc alteram retulit expositionem.

Vidit Deus, quia bonum est: placuit enim quod factum est in ea benignitate, quia placuit ut fieret. Duo quippe sunt, propter quæ amat Deus creaturam suam; ut sit, & ut maneat. Ut ergo esset, quod maneret, Spiritus Dei superferebatur super aquam: ut autem maneret, vidit Deus, quia bona est. Et quod de luce dictum est, hoc & de omnibus: manent enim quædam supergressa omnem volubilitatem temporalem in amplissima sanctitate

Anno Mēdi
primo.
Die Prima.

Vidit Deus lucem, quòd esset bona.

- a. *Vt artifex quod vidit intus in arte, hoc foris probat in opere.*
b. *Quod cognouit in sapientia sua ab aeterno, tunc effectu se cognoscere demonstrauit.*

sanctitate sub Deo: quaedam verò, secundum sui temporis modos, dum per decessionem, successionemque rerum seculorum pulchritudo contextitur.

E V C H E R I V S in Genesim libro primo, capite secundo.

Inde est, quod dicit, *Vidit Deus, quòd esset bonum: idest in ea bonitate placuit, vt maneret; in qua placuit, vt fieret, quod fecit.*

P E T R V S Comestor in Genesim capite tertio.

Et vidit Deus lucem quòd esset bona, idest, quae placuerat in praesentia, vel praescientia, vt fieret: placuit in essentia, vt maneret.

G L O S S A Ordinaria.

Vidit Deus, quòd esset bonum, intelligimus in benignitate spiritus eius, non quasi cognitum postquam factum est placuisse, sed eadem bonitate placuisse, vt factum maneret, in qua placuit, vt fieret. Idem enim diligit Deus creaturam suam vt sit, & vt maneat.

A L E X A N D E R Alensis secunda, quaestione quadragesima nona, libro secundo.

Duo sunt, propter quae amat Deus creaturam suam, scilicet, vt sit: & vt maneat. Vt ergo esset, Spiritus Dei superferrebat super aquam: vt autem maneret; *Vidit Deus, quòd bona est. Et quod de luce dictum est, hoc de omnibus.*

D. T H O M A S prima, quaestione septuagesima quarta, articulo tertio.

Duo sunt, vt Augustinus dicit primo super Genesim ad litteram, propter quae Deus amat creaturam suam, scilicet, vt sit; & vt permaneat. Vt ergo esset, quod permaneret, dicitur: quod Spiritus Dei ferebatur super aquas, secundum quod per aquam materia informis intelligitur; sicut amor artificis fertur super materiam aliquam, vt ex ea formet opus: Vt autem maneret, quod fecerat, dicitur; *Vidit Deus, quòd esset bonum. In hoc enim significatur quaedam complacentia Dei opificis in re facta, non quòd alio modo cognosceret, aut placeret ei creatura iam facta, quam antequam faceret.*

H V G O Carenensis.

Vidit, idest, quod placuerat in praesentia, vt fieret, placuit in essentia, vt maneret.

- a. *Vt artifex quod vidit intus in arte, hoc foris probat in opere.*

A V G V S T I N V S de Genesi contra Manichaeos, lib. primo, cap. octauo.

Et vidit Deus lucem, quia bona est. Dicunt Manichaei; Ergo non nouerat Deus lucem, aut non nouerat bonam. Miseri homines, quibus displicet, quòd Deo placuerunt opera sua, cum videant etiam hominem artificem, verbi gratia, lignarium fabrum, quamuis in comparatione sapientiae, & potentiae Dei penè nullus sit, tamen tam diu lignum cedere, atque tractare dolando, asciando, planando, vel tornando, atque poliando, quousque ad artis regulas perducatur, quantum potest, & placeat artifice suo. Nunquid ergo, quia placet ei, quod fabricantur. Sed quod videt artifex intus in arte, hoc foris probat in opere: & hoc est perfectum, quod artifice suo placet. *Vidit ergo Deus lucem, quia bona est: quibus verbis non ostenditur eluxisse Deo insolitum bonum, sed placuisse perfectum.*

- b. *Quod cognouit in sapientia sua ab aeterno, tunc effectu se cognoscere demonstrauit.*

D I O N Y S I V S Carthusianus Enarrationibus in Genesim, articulo nono.

Et vidit Deus lucem, quòd esset bona; hoc est, intra se, atque in sapientia sua, aeternaliter, inuariabiliterque cognouit; & tunc per effectum se cognoscere demonstrauit, quòd illa lux conueniens esset, & utilis; & placuit ei, vt esset, & permaneret.

Vidit Deus lucem, quòd esset bona.

- a. Vidit, Hoc est, videri fecit ab Angelis.
b. Siue, Vidit, idest videri voluit, vel fecit, cum eam fecit visibilem.
c. Ex humana consuetudine Deo attributum est, quòd viderit, quòd & approbarit, ad nostram infirmitatem.

T O S T A T V S in Postillis.

Et vidit Deus lucem, quòd esset bona: idest demonstravit lucem esse bonam per effectus, quos ei facere concessit: Deus autem non vidit tunc nouiter, quòd lux esset bona; quia ab eterno cognouerat qualis futura esset.

a. Vidit, hoc est, videri fecit ab Angelis.

D I O N Y S I V S Carthusianus in Genesim Enarratione, articulo nono.

Vel tropice vidit, idest videri fecit ab Angelis.

Afferitque hanc esse interpretationem Petri Comestoris. Quanquam ille habeat tantum, Vidit, idest videri fecit.

b. Vidit, idest videri voluit, vel fecit, cum eam fecit visibilem.

G L O S S A Interlinearis.

Vidit, idest videri voluit.

H V G O Carenfis in Postillis.

Vidit, idest videri fecit, seu visibilem fecit, si esset qui videre posset.

G R E G O R I V S Magnus expositione morali libro decimonono videtur Dei ex usitata Scripturæ phrasi significare videre nos facere obtestatur cum ait.

Usitata sacri eloquij locutione, videre Dei dicitur, videre nos facere, sicut iusto Viro Dominus dicit: Nunc cognoui, quòd timeas Dominum. Et Israelitæ præmonentur: Tentat vos Dominus Deus vestester, ut sciat si diligitis eum: idest, ut scire vos faciat.

H I E R O N Y M V S Epistola quintadecima, quæ est de ijs, quæ Deo in Scripturis Sanctis attribuuntur, hunc locum, quem præfati Patres ad conspectionem exteram, oculorum scilicet, retulerunt, ipse ad internam mentis intellectionem adaptavit, cum ait.

Videre Dei est bona acta probare, sicut est illud in Genesi: Vidit Deus cuncta, quæ fecerat, & erant valde bona, idest intelligentibus esse bona demonstravit.

Et quanquam de ijs interpretationibus sim iudicium allaturus, non possum attamen hoc loco id vnum reticere, duplicem scilicet esse intuitionem, externam, & internam. Externa est, qua oculorum acie conspicabiles res intuemur media luce, quæ corpora perlucida, perspicuaq; irradiat & illustrat, hocq; genere intuitionis vidit Deus lucem, quòd esset bona, hoc est, oculis nostris eam bene conspicabilem fecit. Et certè, quid luce gratius, quid iucundius? cum non tantum suo decore nos alliciat, sed & cuncta, quæ conspicimus ex eo nobis grata reddantur, quia ipsa sunt perfusa. Interna autem conspectio est, qua mentis acie rerum naturā, earumq; dotes conspicimus, hacq; visionis specie vidit Deus lucē, quòd esset bona; hoc est, inquit Hieronymus, nobis intellectu præditis eam bonam esse demonstravit. Quale enim decus, quæ commoda Mundo præbeat, diuturna contemplatione vix mens nostra attingere potest.

c. Ex humana consuetudine Deo attributum est, quòd viderit.

C H R Y S O S T O M V S Homilia tertia in Genesim, hunc locum sic cut & cæteros secundum humanum morem à Mose intextum edocuit.

Vide quæso hic dilecte, quanta verborum humilitas. Quid ait? Num priusquam fieret lux, nesciebat quòd bona? Sed postquam producta fuit, oculus primum ostendit opifici pulchritudinem, & bonitatem productæ? Et quis, cui cor est, tale quiddam diceret? Nam si homo, qui aliquid per artem operatur, & priusquam fabricet, quod vult facere, & priusquam formet, scit usum eius quod elaborare statuit: quanto magis omnium Opifex, qui verbo omnia, ex nihilo ut essent produxit, sciebat antequam lucem faceret, quòd esset bona? Quare ergo hac distinctione usus est? Demittit se, & iuxta humanam consuetudinem hæc omnia loquitur beatus ille Propheta. Et quemadmodum homines, cum magnum aliquid magno studio elaborauerint, & sinem la-

Anno Mundi
1110.
Die Prima.

Vidit Deus lucem, quòd esset bona.

a. Vidit, appositum est, ut Sanctissima Trinitas completim indicaretur.

boribus suis imposuerint, tunc tandem per experientiam declarant ea quæ fecerint, & opus laudibus extol-
lunt: ita & diuina Scriptura solet, & nunc, cum se ad nostrarum aurium infirmitatem demisit, & dixit: Et
vidit Deus lucem, quòd bona esset.

Ea ipsa, seu consimilia habet Chrysostomus, præcipuè Homilia tertia de firmamen-
ti commendatione. Hæc & Glossa Locupletata.

L I P P O M A N V S in Catena.

Sicut ergo laudare consueuimus, quod accuratè elaboratum videmus; sic Scriptura nihil de Deo digne loqui
valens, veluti infirmis loquitur, & blanditur infantie nostræ, quasi Deus laudauerit opus suum, in quo ei
complacuerit, probaueritq; lucem: & ideo bona dicitur, quia à Domino probatur; vnde est omne bonum.

S T E V C H V S in Cosmopœia, in caput primum Genesis.

Hoc quoque ad eandem ferè rationem, atque superius ex Hebraismo est profectum, ut dicat Deum vidisse
se lucem esse bonam. Ea facilitate gens illa loquitur, attribuens Deo, quos à consuetudine hominum sermo-
nes sumpserit. Non enim constitutum, ac certum erat Mosi apud plebem philosophari, necdum illo qui
Philosophia erat reperta; sed promiscui de Deo, atque homine, Deo tanquam humano Rege, insuissimo illo qui
dem, & potentissimo, ferebantur. Huic & iram, & indignationem, dolorem, & penitentiam, commiser-
ationem, sententiæ mutationes, placationem, munerumq; oblatorum gratam recordationem attribuebant. Quod
philosophandi genus vulgariùs fortasse videatur: si quis autem perspiciat, longè melius ac sanius isto posse-
rorum seculorum. Genus ergo Theologiæ Mosaicum, Scripturarumq; sacrarum, humanius fuit, ac simpli-
cius, & antiquorum sanam illam, incorruptamq; simplicitatem retinens.

a. Vidit, appositum est, ut Sanctissima Trinitas completim
indicaretur.

A V G V S T I N V S de Genesi ad litteram libro primo, capite sexto.

Et quemadmodum in ipso exordio inchoate creature, quæ Celi & Terræ nomine, propter id quod de illa per
ficiendum erat, commemorata est, Trinitas insinuatur Creatoris: Nam dicente Scriptura; In principio fecit
Deus Cælum, & Terram, intelligimus Patrem in Dei nomine, & Filium in principij nomine; qui non Pa-
tris, sed per se ipsum create primitus, ac potissimum spiritalis creature, & consequenter etiam vniuersæ
creature principium est: dicente autem Scriptura; Et spiritus Dei ferebatur super aquas: completam com-
memorationem Trinitatis agnoscimus: ita, & in conuersione, atque perfectione creature, ut rerum species
digerantur, eadem Trinitas insinuatur: Verbum Dei scilicet, & Verbi generator, cum dicitur; Dixit Deus:
& sancta bonitas, in qua Deo placet quicquid pro sue nature modulo perfectum placet, cum dicitur; Vi-
dit Deus, quia bonum est.

Et de Ciuitate Dei libro vndecimo, capite vigesimo quarto.

Sed si nihil aliud est bonitas diuina, quàm sanctitas, profectò & illa diligentia rationis est, non præsum-
ptionis audacia, ut in operibus Dei secreto quodam loquendi modo, quo nostra exerceatur intentio, eadem no-
bis insinuata intelligatur Trinitas, vnamquamque creaturam quis fecerit; per quid fecerit, propter quid fe-
cerit. Pater quippe intelligitur Verbi, qui dixit, ut fiat. Quod autem illo dicente factum est, Deum
per Verbum factum est. In eo verò, quod dicitur; Vidit Deus, quia bonum est: satis significatur, id est,
nulla necessitate, nulla sue cuiusquam vilitatis indigentia, sed sola bonitate fecisse quod factum est; id est,
quia bonum est. Quod ideo posteaquam factum est, dicitur, ut res quæ facta est, congruere bonitati propter
quam facta est, indicetur. Quæ bonitas si spiritus Sanctus rectè intelligitur, vniuersa nobis Trinitas in
suis operibus intimatur.

D. T H O M A S prima parte, quæstione septuagesima quarta, articulo ter-
tio, disertius cæteris id ipsum his explicabat.

Et sic in vtroque opere creationis & formationis, Trinitas personarum insinuatur. In creatione quidem
persona Patris per Deum creatorem: persona Filij, per principium, in quo creauit: spiritus Sancti, qui super-
fertur aquis. In formatione verò, persona Patris in Deo dicente: persona Filij, in Verbo, quo dicitur: persona spi-

Vidit Deus lucem, quòd esset bona.

- a. Vidit quòd bonum, ut indicaret bonitatem causam fuisse, qua Deus cuncta conflavit.
b. Vidit quòd bonum, hoc est laude dignum declaravit.

Spiritus Sancti, in complacentia, qua vidit Deus esse bonum, quod factum erat.

Et supra quæstione trigesima secunda, articulo primo, ad tertium.

Cognitio autem diuinarum personarum fuit nobis necessaria dupliciter. Vno modo ad rectè sentiendum de creatione rerum. Per hoc enim, quod dicimus Deum omnia fecisse verbo suo, excluditur error ponentium Deum produxisse res ex necessitate nature. Per hoc autem, quòd ponimus in eo processionem amoris, ostenditur, quòd Deus non propter aliquam indigentiam creaturas produxit, neque propter aliam causam extrinsecam, sed propter amorem suæ bonitatis. Vnde & Moyses, postquam dixerat; In principio creauit Deus Cælum & Terram, subdit; Dixit Deus, Fiat lux: ad manifestationem diuini Verbi. Et postea dixit; Vidit Deus lucem, quòd esset bona: ad ostendendum probationem diuini amoris. Et similiter in alijs operibus. Alio modo, & principalius ad rectè sentiendum de salute generis humani; quæ perficitur per Filium incarnatum, & per donum Spiritus Sancti.

- a. Vidit quòd bonum, ut indicaret bonitatem causam fuisse, qua Deus cuncta conflavit.

TERTULLIANVS aduersus Marcionem, libro secundo, capite quarto.

Et dixit Deus, Fiat, & factum est: & vidit Deus, quia bonum, non quasi nesciens bonum, nisi videret, sed quia bonum, idè videns, honorans, & consignans, & dispungens bonitatem operum dignatione conspectus. Sic & benedicebat, quæ bene faciebat, ut tibi totus Deus commendaretur, bonus, & dicere, & facere. Maledicere adhuc sermo non norat, quia nec male facere. Videbimus causas, quæ hoc quoque à Deo exegerunt.

AVGVSTINVS de Ciuitate Dei, libro vndecimo, capite vigesimo primo.

Hanc etiam Plato causam condendi Mundum iustissimam dicit, ut à bono Deo bona opera fierent: siue ista legerit, siue ab his qui legerant, fortè cognouerit; siue acerrimo ingenio inuisibilia Dei per ea quæ facta sunt intellecta conspexerit; siue ab his, qui ista conspexerant, & ipse didicerit.

Rom. 1.

PROSPER in Sententijs Præceptoris sui Augustini doctrinam æmulatus ut stylum, consimilia tradidit.

Tria quædam nobis maxime scienda de conditione creature oportuit intimari: Quis eam fecerit; per quid fecerit; quare fecerit. Dixit Deus, inquit, Fiat lux: & facta est lux. Et vidit Deus lucem, quòd bona esset. Si ergo querimus, quis fecerit: Deus est. Si, per quid fecerit: Dixit, & facta est. Si, quare fecerit; quia bona est. Nec auctor excellentior est Deo, nec ars efficacior Dei verbo; nec causa melior, quàm ut bonum crearetur à bono.

Hæc ipsa Glossa Locupletata.

Libentiùs in his Catenis repetitas easmet sententias Patrum interpono, & reitero, ut qua fide & humilitate Patres posterì à maioribus, & prædecessoribus eas suffragari dignati sint, agnoscamus. Indeque & aureas consimiles grauissimasque, sæpius & nos simul cumulare discamus.

- b. Vidit quòd bonum, hoc est, laude dignum declaravit.

AMBROSIVS Hexameron libro secundo, capite quinto.

Vidit utique, non oculis corporalibus intendit, sed definiuit plenitudini gratiæ conuenire, ut mihi eius iudicium cognosceretur. Nos enim solemus etiam de ijs, quæ diuina sunt, disputare.

IVNILIVS Commentarijs in Genesim.

Non velut incognitam antea repente lucem videns laudauit, quia bonam didicit: sed eam, quam laudabilem se facturum nouerat, iam factam hominibus laude dignam, ac mirandam esse declarauit.

Anno Mundi
primo.
Die Prima.

Vidit Deus lucem, quòd esset bona.

- a. Vidit, cum per nos videt, & laudat: per se quidem perenniter, per nos verò temporaliter.
- b. Dixit Moses, Vidit &c. Ne nos vituperemus, quæ Deus laudauit.
- c. Vel ut Dei benignitas enitesceret.

G L O S S A Ordinaria ex Augustino.

Non quasi incognitam lucem laudauit; sed iam factam dignam laude declarauit.

- a. Vidit, cum per nos videt, & laudat, per se quidem perenniter, per nos verò temporaliter.

I S I D O R V S de summo Bono, libro primo, capite decimo, non paruipendendam reddit rationem.

Matth. 10.

Non septies à Deo visa, septiesque laudata est creatura, quæ antequam fieret, perfectè ab illo est visa; sed dum nos singula videntes laudamus, tanquam ipse videat, laudetque per nos: sicut illud; Non estis vos, qui loquimini, sed Spiritus Patris vestri, qui loquitur in vobis. Proinde sicut ipse per nos loquitur; ita videt, & laudat per nos: sed per se perenniter, ac sempiternè videt: per nos verò temporaliter.

- b. Dixit Moses, Vidit &c. Ne nos vituperemus, quæ Deus laudauit.

A M B R O S I V S Hexameron libro secundo, capite quinto.

Act. 10.

Illud morale; Vidit mihi, probauit mihi. Quod Deus probauit, tu reprehensibile ne dixeris: quoniam quod Deus mundauit, tu commune ne dixeris, scriptum tibi esse meministi. Ergo bonum Dei nemo blasphemet.

T H E O D O R E T V S hoc præclarum documentum excerptit, questione decima in Genesim.

Quamobrem auctor hoc addidit; Et vidit Deus, quod bonum erat, &c. Ut persuadeat ingratias non aspernari, quæ sententia diuina vocat bona.

Glossa Locupletata eadem desumpsit.

- c. Vel ut Dei benignitas enitesceret.

A V G V S T I N V S de Genesi imperfecto, capite quinto.

Et vidit lucem, quia bona est. Ista sententia non quasi insoliti benivolentiam, sed approbationem operis significari oportet intelligi. Quid enim conuenientius de Deo dicitur, quantum inter homines dici potest, quam cum ita ponitur; Dixit: factum est, placuit: ita ut in eo quod dixit, Imperium eius intelligatur; in eo quod factum est, Potentia; in eo quod placuit, Benignitas; sicut ineffabilia per hominem hominibus, ita ut omnibus prodesent, dici debuerunt.

A U C T O R.

Hausi, prout potui, ex oraculis Patrum has expositiones; de quibus quid sentiam patris referabo. Quæ Deum humanis oculis nostrisque consimilibus res effectas conspexisse arbitratur, ut erronea iam supra reiecta est, cum Deum humanam non sumpsisse effigiem, ita per transfennam satis euidentibus rationibus demonstrauerimus. Postremæ verò illæ expositiones (ut ordine incedam retrogrado) quibus per verba hæc, Vidit Deus, quòd esset bonum, edocemur non aspernari, quæ Deus ipse commendauit; Et ea laude digna declarari: Et benignitatem Dei commendari; tropologiam sapiunt, & nos excitant ad celebrandum ob id Dei opificium, quia Deus ipsum approbat. Expositio illa, quæ his verbis, Vidit Deus, quòd esset bonum, finem quare Mundum Deus congesserit, declarari edocet, non ad amissum sensum penetrare existimo. Siquidem Deus Mundum fabricauit, quia ipse summum bonum erat, hoc est, bonitate sua, atque

Vidit Deus lucem, quòd esset bona.

a. Bona secundum hominem, non secundum Deum.

Anno Mūdi
primo.
Die Prima.

Quæ senten-
tia ex prædi-
ctis sit acce-
ptior.

atque charitate eum impellente; non quia Mundus ipse, vt bonus, Deum ad eum con-
dendum inuitaret: Mundus enim ex eo tantum optimus cernitur, quia à Deo optimo
totius bonitatis fonte profiliit. Explanatio ea, quæ Trinitatis tertiam personam,
Spiritu Sanctu inquam, insinuari hoc loco edisserit, vel ad allegoriā transiit, vel interpreta-
tionē omnino arduā, captuq; difficilē, rudibus maximē hebræis, ac peregrinam profert.
Altera quæ interpretatur Vidit, idest videri fecit ab Angelis, omnino erronea est; siqui-
dem planum literæ sensum nimium detorquet, & deflectit; & insulsus est loquēdi modus;
Vidit Deus, hoc est, videri fecit ab Angelis. Ea altera quæ exponit, Vidit, hoc est, videri
voluit, hilari animo accipi potest. Mosem secundum humanos modos hanc de Mundi
opificio historiam congestisse, vt Chrysostomus dixit, non est ambigendum; sed in his
etiam aliquid profundius latitare, omnes Patres tradiderunt. Duæ illæ expositiones,
quæ præfata verba; Vidit Deus quòd esset bonum, ita declarant: Placuit Deo, vt in ea
bonitate persisterent, in qua placuit, vt fierent, seu placuit iam factum, quod placuerat
in arte, hoc est in Verbo faciendum; altissimæ sunt, veraq; & mystica Theologia refer-
ta; verum imperceptibiles eas crassioribus ingenijs existimo, vereorq; ne literam ipsam
minimē placidam ferant. Quapropter germanior mihi semper visa est D. Basilij, Am-
brosijq; elucidatio, qui verba ista, Vidit Deus quòd esset bonum, ita interpretantur; Præ-
uidit, ac cognouit, quod pulchrum, & vtile in vniuerso futurum esset. Dei optimi Mun-
dum particulatim ad instar artificis, membratimq; condentis studium profecto erat, vt
quæ ab ipso quotidie construebantur, in Vniuersi perfectionem redundarent; vt sicut
de singulis dixerat, Vidit Deus, quòd esset bonum; de Vniuerso tandem prodere posset;
Vidit Deus cuncta quæ fecerat, & erant valde bona, quasi quod ex partibus bonis Vni-
uersum optimū resiliit. Nec repudianda est ea Augustini, quæ interpretabatur, Deū
fatorē Mundi, quod intus conspicabatur in arte, id approbasse, commendasseq; in ope-
ratione, cum in natura ea prodire fecit, quæ in ineffabili Verbo æterno, quod eius erat
ars, perēniter latitabāt. Huic fere consimilis est ea quæ sequitur, Vidit, idest, quod cogno-
uit in sapientia sua ab æterno, tunc effectu se nosse demonstrauit, quare & iisdem calcu-
lis est acceptanda. Arbitror attamen cunctas has interpretationes prima excepta, non
esse reiiciendas; quanquam Basilij expositionem literæ magis attemperatam, atque ac-
commodatam putem. Neque etiam ea, quæ de bonitatis ratione, ac discrepantia do-
ctissimē Rupertus habet, existimo vlllo pacto prætermittenda.

R V P E R T V S ergo Commentarijs in Genesim, libro primo, cap. tertidecimo.
Notandum imprimis quòd dictum est, Vidit Deus lucem, quòd esset bona. Nemo enim bonus nisi vnus
Deus. Porro quicumque bonus predicatur siue homo siue Angelus, non nisi respectu boni Dei, rectè bonus
predicatur; quia cum nemo sit bonus nisi vnus Deus, quicumque bonus est, vel esse dicitur, non nisi intantum
bonus est, in quantum bono Deo participatur.

Marc. 10.

a. Bona secundum hominem, non secundum Deum.

A V G V S T I N V S Sermone de tempore centesimo trigesimo quarto.
Et vidit Deus lucem, quia bona est: non quòd Deus lucem antè non nosset, quam non nisi visam laudaret,
cū sit lux solus omnium ipse, sicut Euangelista testatur: Ego sum lux Mundi. Et Apostolus; Qui habi-
tat lucem inaccessibilem, quam nemo hominum vidit, nec videre potest. Hanc lucem dixit in seculo, quia bo-
na est secundum hominem, non secundum Deum. Deus enim non tantam hanc lucem tribuit, quam poterat
ipse largiri, sed quantum mortalis oculus capere potuit. Nec qui vniuersum Orbem illuminat, tribueret splen-
dorem, nisi quem mortalis capere, aut sustinere vtique posset.

Ioan. 8.
1. Timoth. 6.

Per

Anno Mundi
primo.
Die Prima.

Vidit Deus lucem, quòd esset bona.

a. Per lucem increatam iudicauit bonam lucem creatam, quia omnia tantum bona sunt, quantum in ipsa increata luce insident.

Diuisit lucem à tenebris.

b. Addendum Deus.

c. Legendum est inter lucem, & inter obscuritatem.

a. Per lucem increatam iudicauit bonam lucem creatam, quia omnia tantum bona sunt, quantum in ipsa eterna luce insident.

H V G O Victorinus de Sacramentis libro primo, parte prima capite tertiodécimo.

Sed occurrit fortassis, quomodo vidit Deus lucem, quòd esset bona; & diuisit lucem à tenebris, & vocauit lucem diem, & tenebras noctem. Nam si cetera opera sua in luce vidit, quòd essent bona, in qua luce vidit lucem, quòd esset bona; & diuisit lucem à tenebris, vocauitq; lucem diem, & tenebras noctem? Nihil enim videri potest sine luce, sed nec tenebrae sine luce videntur, quanto magis lux non videtur sine luce? Quae fuit ergo illa lux, per quam Deus vidit lucem, quòd esset bona, & diuisit lucem à tenebris? An per ipsam eam vidit, quòd esset bona, an per aliam lucem vidit, quòd esset bona? Sed quomodo per ipsam videre potuisset, quòd esset bona, si aliam lucem non habuisset, per quam, & in qua ipsam lucem vidisset quòd esset bona? Nā si vidit, quòd esset bona lux ista, & vere vidit; in aliquo vidit, de cuius bonitate dubitari non potuit: Ergo alia lux increata, in qua ista lux creata videbatur, quòd esset bona: quia illam imitabatur, quae semper est bona. In illa enim luce, cum ipsa solam sit bona, videntur & mala, & bona, & non solum mala & bona in ea videntur, sed mala etiam esse mala, & bona esse bona in ea videntur: propterea quòd ipsa vere, & simpliciter est bona. Quod enim ab ipsa discordare videtur, malum esse videtur: & quod ei simile esse videtur, bonum esse videtur: & utrumque non nisi in ipsa, & per ipsam videtur. Per lucem ergo probauit lucem: quia in luce incommutabili vidit, quòd lux ista commutabilis suo modo, & ordine bona esset.

Diuisit lucem à tenebris.

Hebraica lectio est. Vaiabdel Elohim ben haor vben hahofech; idest, vt exponit Lipomanus; Et diuisit Deus inter lucem, & inter tenebras. Chaldaica pariter ita legit. Septuaginta, καὶ διεχώρισεν ὁ θεὸς ἀνὰ μέσον τῆ φωτός, καὶ ἀνὰ μέσον τῆ σκοτίας; idest, Et diuisit Deus inter lucem, & inter tenebras. Editio nostra legit; Diuisit lucem à tenebris. Vatablus, & Pagninus; Diuisit Deus lucem à tenebris.

b. Addendum Deus.

R A B B I N I in Adnotationibus in Genesim.
Post hanc autem repetitur Deus apud Hebraeos, atque ita legitur in Codice Dionysiano oblongo.

c. Legendum est inter lucem, et inter obscuritatem.

C A I E T A N V S Commentarijs in Genesim.

Iuxta Hebraeum habetur; Et diuisit Elohim inter lucem, & inter obscuritatem. Et Post. Clarum est noctem esse speciem obscuritatis. Omnis enim nox est obscuritas: sed non omnis obscuritas est nox. Sed quicquid sit de his, id vt clarissimū reputari uelim, editionem nostram mancam non esse: quanquam enim non habeat nomen illud, Deus, subintelligi tamen consensum est. Paruam verò, vel nullam discrepantiam puto esse inter hæc duo, Diuisit inter lucem, & inter tenebras; seu diuisit lucem à tenebris; seu inter lucem & obscuritatem: quamuis siquidem obscuritas genus sit, & omnem obscuritatem significet, siue ea sit umbra, siue lucis omnimoda carentia; tamen saepe confunduntur uoces istae, Obscuritas, & Tenebrae, adeò vt pro eadem re saepius sumantur.

Diuisit

Diuisit lucem à tenebris.

- a. Diuisit Deus summa facilitate : Quòd idipsum fuerit, & creare lucem, & ipsam à tenebris secernere.
- b. Diuisit, non Deus, sed lux ipsa.
- c. Triplicem lucem à triplici genere tenebrarum.

a. Diuisit Deus summa facilitate; Quòd idipsum fuerit, & creare lucem, & ipsam à tenebris secernere.

AVGVSTINVS libro de Genesi imperfecto, capite quinto.

Et diuisit Deus inter lucem, & tenebras : Hinc intelligi licet, quanta diuini operis facilitate ista dicantur effecta. Non enim quisquam est, qui sic aestimet lucem factam, vt esset confusa cum tenebris ; & ob hoc posita separationis indigeret ; sed eo ipso, quo lux facta est, consecuta est etiam diuisio inter lucem & tenebras. Quae enim societas lucis cum tenebris? Deus ergo diuisit inter lucem & tenebras, quia lucem fecit, cuius absentia tenebrae vocantur. Interest autem inter lucem & tenebras, sicut interest inter vestimentum, & nuditatem ; aut plenum, & inane, & similia.

GLOSSA Ordinaria ex Augustino.

Et diuisit &c. Hoc factum est, ex quo lux facta est. Sed non potuit ab homine simul dici, sicut à Deo fieri.

b. Diuisit, non Deus, sed lux ipsa.

TOSTATVS in Genesim.

Istud verbum, Diuisit, non attribuitur Deo, sed luci, quia lux formaliter distinguitur à tenebris, cum tenebrae sint lucis priuatio : nec indiget, quòd ab agente extrinseco, vt à Deo, causetur distinctio inter eam & tenebras : & est sensus, quòd lux creata diuisit inter lucem & tenebras ; idest, inter diem & noctem ; quia motu illius nubeculae distinguebatur dies à nocte, vel tempus lucis, & tempus tenebrarum, quod idem est.

Sed hæc impropria videtur interpretatio, quasi lux sortita fuerit vices agentis causæ, & patientis.

c. Triplicem lucem à triplici genere tenebrarum.

Diuisit profectò Deus lucem à tenebris ; aliud nanque est lux, quam Deus ipse fecit, aliud priuationes ab ipsius defectu prodeuntes, quas certè non fecit conditor, sed ordinauit.

AVGVSTINVS de Genesi imperfecto, capite quinto, cum plura lucis genera proposuisset, sic concludit.

Sive ergo lucem ætheream, siue sensualem, cuius animalia participant, siue rationalem, quam Angeli, & homines habent, à Deo factam primitus in rerum natura, & hac sententia vult intelligi, diuissse Deum inter lucem & tenebras, eo ipso, quo lux facta est, oportet accipi, quòd aliud est lux, aliud illæ priuationes lucis, quas in contrarijs tenebris ordinauit Deus. Non enim Deum fecisse tenebras dictum est, quoniam species ipsas Deus fecit non priuationes, quæ ad nihilum pertinent, vnde ab artifice Deo facta sunt omnia : quas tamen ab eo ordinatas intelligimus, cum dicitur ; Et diuisit Deus inter lucem & tenebras : ne vel ipse priuationes non haberent ordinem suum, Deo cuncta regente, atque administrante. Sicut in cantando interpositiones silentiorum, sciunt, & moderatisque intervallis, quamuis vocum priuationes sint, bene tamen ordinantur ab ijs, qui cantant, & suauitate vniuersæ cantilenæ aliquid conferunt. Et vmbra in picturis eminentiora quæque distinctior est ; cum eo loco peccatores constituit, & ea perpeti cogit, quæ merentur. Ad hoc valet, quòd oues ponuntur ad dexteram, hædi autè ad sinistram. Quædà ergo & facit Deus & ordinat : quædà verò tantum ordinat. Iustos & facit, & ordinat : peccatores autem, in quantum peccatores sunt, non facit, sed ordinat tantum. Quippe cum illa species, naturasque ipsas & facit, & ordinat. Priuationes autem specierum, defectusque naturarum non facit, sed ordinat tantum. Dixit itaque Fiat lux : & facta est lux. Non dixit, Fiant tenebrae, & factæ sunt tenebrae. Horum ergo vnum fecit, alterum non fecit : vtrunque tamen ordinauit, cum diuidit Deus inter lucem & tenebras. Ita & ipso faciente pulchra sunt singula, & ipso ordinante pulchra sunt omnia.

Diuisit

Anno Mūdi
primo.
Die prima.

Diuisit lucem à tenebris.

- a. Diuisit &c. Non ut duo positiua, sed ut positium & priuatiuum.
b. Hoc est, naturam, lucis, & tenebrarum impermixtam fecit.
c. Idest, distinxit lucem & tenebras causa, loco, tempore, subiectoque.

a. Diuisit &c. Non ut duo positiua, sed ut positium & priuatiuum.

AUGUSTINVS de Genesi contra Manichæos, libro primo, cap. nono. Diuisit Deus inter lucem & tenebras. Hic non dictum est, fecit Deus tenebras: quia tenebra, sicut superius dictum est, lucis absentia est. Distinctio tamen facta est inter lucem & tenebras; quemadmodum nos clamando vocem facimus; silentium autem non sonando facimus, quia cessatio vocis silentium est. Quemadmodum ergo recte dicimur, facere silentium, sic recte multis diuinarum Scripturarum locis Deus dicitur facere tenebras, quia lucem quibus vult temporibus & locis vel non donat, vel detrahit.

GLOSSA Ordinaria.

Discretio autem lucis à tenebris, distinctio est inter perfectum cuiusque rei statum, & quem habet ex se defectum.

Alexander Halensis secunda, quæstione quadragesimanona, membro secundo, hanc Augustinianam doctrinam mutuatis verbis repetit.

b. Hoc est, naturam, lucis, et tenebrarum impermixtam fecit.

BASILIVS in Hexameron, Homilia secunda.

Et diuisit Deus inter lucem, & inter tenebras; idest, naturam harum impermixtam fecit, adeo ut neutra alteri permisceretur, sed contrarie sibi essent, & contraposite.

Hæc alijs verbis Glossa Locupletata.

AMBROSIVS Hexameron libro primo, capite nono.

Vnde & discretio fit inter lucem & tenebras, ut separata lucis natura, atque tenebrarum, nihil videatur intra se habere confusum.

PROCOPIVS Gazæus Commentarijs in Genesim.

Et distinxit Deus inter lucem & tenebras. Nequaquam enim inter se commiscerentur. Si quidam alterum habitus, porro alterum priuatio est, quæ quidem neutiquam coire possunt, altero incolumi existente.

c. Idest, distinxit lucem et tenebras, causa, loco, tempore, subiectoque.

IOANNES Chrysostomus Homilia tertia in Genesim.

Et distinxit Deus inter lucem, & inter tenebras. Et suam cuique regionem distribuit. Nam ab initio vique suos terminos præfixit, quos perpetuo absque impedimento custodiret: id quod cuiuslibet, qui mediocriter sapit, contueri licet, quomodo ex eo tempore vsque in præsens, neque lux terminos suos transgressa sit, neque tenebræ suum ordinem præterierint, confusione & deordinatione quadam introducta.

IVNILIVS in Hexameron.

Et diuisit lucem à tenebris. Diuisit namque eas non solum qualitatis, sed & locorum distantia. Lucem itaque in superiore Orbis parte diffundendo, in qua humana erat conuersatio futura: inferiora verò eius prius in tenebris remanere sinendo.

PETRVS Comestor in Genesim, capite tertio.

Hic incipit dispositio, & tamen aliquid dicit de creatione, quasi cum luce aliquid creauit, idest umbram ex obiectione corporum luci. Et creatas diuisit locorum distantia, & qualitate; ut scilicet nunquam simul, sed semper è regione diuersa hemisphæria vicissim sibi vendicarent.

GLOSSA Ordinaria.

Et diuisit lucem à tenebris. Diuisit enim non solum qualitate, sed & locorum distantia, diffundendo lucem in superiori parte, inferiori in tenebris manente.

ALBER-

Diuisit lucem à tenebris.

a. Quare de luce Cælesti diffusa per Orbem & diurna, hæc intelligi debent.

A L B E R T V S Magnus, quod Chrysostomus confusè, & præcipuè de tēpore, Iunilius, & Strabus de loco prodiderāt, ipse de caussa tradit, prima parte Summæ de quatuor coæqueuis, quæstione duodecima, articulo vndecimo. Hac enim mota difficultate, quomodo tenebræ à luce seiungi possint, cū ipsæ nil sint, adiecit.

Dicendum, quod per proprietatem naturæ distincta est lux à tenebris: quia id quod per se est luminosum, naturaliter est in circumferentia: id autem, quod per se est opacum, & tenebrosum, naturaliter est in centro. Et tenebræ secundum quod ibi sumuntur, intelliguntur in sua caussa, quæ est corpus opacum, & in illa non sunt nihil, sed aliquid, & sic possunt distingui.

D. T H O M A S confirmul hæc tria connectit prima parte, quæstione sexagesima septima, articulo quarto, ad secundum.

Distincta est lux à tenebris quantum ad tria. Primo quidem quantum ad causam: secundum quod in substantia Solis erat caussa luminis, in opacitate autem terræ caussa tenebrarum. Secundo quantum ad locum, quia in vno hemisphærio erat lumen, in alio tenebræ. Tertio quantum ad tempus, quia in eodem hemisphærio secundum vnā partem temporis erat lumen, secundum aliam tenebræ.

D I O N Y S I V S Carthusianus Enarratione in Genesim, articulo nono. Et diuisit lucem à tenebris; idest, distinxit, ac discreuit ab alio, ita quod ab inuicem distinguuntur natura, ac loco, tempore, ac subiecto. Lux enim fuit in Sole, tenebræ autem in loco, ad quem non peruenit diffusio, seu emicatio lucis. Lux quoque est habitus, tenebræ autem priuatio. Et quando lux fuit, seu dies in vno hemisphærio, fuit caligo seu nox in hemisphærio alio; immo & in eodem hemisphærio erat iam lux, iam tenebræ, secundum motum ipsius Solis, sicut & modo.

H V G O Carenfis in Postillis. Et diuisit lucem à tenebris. Hic incipit dispositio, tamen aliquid addit de creatione, quia simul cum luce tenebras creauit, idest vmbra ex obiectu corporis tenebrosi ad ipsam lucem. Et ita tenebras & lucem creando diuisit loco, & qualitate, vt nunquam simul essent, sed semper è regione.

Hæc eadem Petrus Comestor iam ante nobis prodiderat.

C A I E T A N V S eodem loco hæc pariter habet. Et diuisit lucem à tenebris. Propterea ex hoc ipso, quod obscuritas diuisa à luce definitur ad noctem, dicendo Et vocauit obscuritati noctem, manifestè habetur, quod dicendo, Diuisit inter lucem, & obscuritatem, non est sermo de diuisione quidditatiua, sed de diuisione locali; hoc est secundum diuersitatem hemisphæriorum. Et est sensus, quod Deus non fecit lucem illuminantem simul vtrunque hemisphærium: Si enim lux Cælestis simul illuminaret vtrunque hemisphærium (puta si essent multi Soles fixi in diuersis hemisphærijs) nulla esset nox, quia nullus relinqueretur locus vmbre terræ: nam vmbra terræ totius vocatur nox: sed Deus fecit lucem tantam, in tali loco, & in tanta distantia à terra, vt terræ vmbra locus relinqueretur: & hoc est Deum diuisisse inter lucem, & inter obscuritatem.

a. Quare de luce Cælesti diffusa per Orbem & diurna, hæc intelligi debent.

C A I E T A N V S Commentarijs in Genesim. Ex hoc quoque, quod lux ad diem, & obscuritas ad noctem definitur, habetur & quod sermo est de luce cælesti, cuius ex interposita terra vmbra est nox: & quod de illa luce non secundum seipsam, sed secundum diffusum lumen in elementari sphaera est sermo. Nam dies non vocatur ipsa cælestis lux, sed affectus eius in his inferioribus: quæ inferiora extendi constat vsque ad orbem lunarem. Nisi enim vmbra Terræ pertingeret vsq; ad Lunam, non appareret Eclipsis Lunæ. Ita quod quum dicitur in litera; Et vocauit luci diem; non est sensus, quod lux, de qua dictum est; Erit lux, vocata sit dies: sed quod lux, de qua dictum est; Et diuisit inter lucem; vocata est dies. Et verè sic est: nam nulla lux vocatur dies, nisi cui succedit obscuritas, quæ vocatur nox.

Anno Mūdi
primo.
Die prima.

Diuisit lucem à tenebris.

a. Diuisit, &c. Cū ignis rotatione triduum primum effectum est.

A V C T O R.

De ijs Interpretationibus iudicium ferre, non est difficile. Duæ primæ D. Augustini ingenue quidem sunt, & ingeniosæ, sed parum ad literam accommodatæ, magisq; rem ipsam contemplantur, quàm literæ sensum adaperiant. Reliquæ simul connectuntur. Discriminauit siquidem Deus lucem à tenebris, secundum quatuor. Secundum causas, quā primò, cū lux sit qualitas, & habitus, tenebræ vero priuatio: Secundum causas, atq; doquidem fons lucis est Sol, vmbra autem causa est corpus opacum vmbiferum; atq; Sol in Cœlo, corpora autem opaca circa Mundi centrum confident: Secundum locum, nam dum lux Solis vnum hemisphærium illustrat, Terræ vmbra alterum offuscat. Tandem secundum tempus, cū inuicem sibi diei, & noctis horas, lux, & tenebræ secarint.

Qua serie lux prima dies, tenebra vero noctes gignerent.

Cū lucis, & Tenebrarum diuisio ex prima luce producta primorum trium dierum & noctium fuerit constitutio; percunctandum est hoc loco, quam serie lux ea prisca dies, ac noctes pareret, nam id à Patribus non vna eademq; sententia diffinitum comperitur.

a. Diuisit, &c. Cū ignis rotatione triduum primum effectum est.

GREGORIUS Nyssenus graui quidem Philosophia, ex ignis ad superas partes euolati circumlatione, tres primos dies, noctesq; factas fuisse, his luculenter explicat, libro de Historia sex dierum.

Quoniam igitur ignis, simulatq; rerum vniuersitas constituta est, veluti telum quoddam ab ijs, quæ diuerse naturæ erant, elementis emissum, naturali suo motu, quo utpote res leuis supera petit, ante vniuersas res ceteras exiit: atq; eodem intellectu, parve consideratione, sensibili natura superata directo motum promouere non potuit: quippe cū creatura, quæ mente, atq; ratione sola percipitur, cum sensibilibus, qualis est ignis, consociari, ac permisceri non possit: huius rei gratia ignis, quum ad extremos creaturæ terminos peruenisset, necessario in Orbem redeuntem, atque rotundum motum facere cœpit, quumq; ad res vniuersas quidem ferri ab insita naturæ suæ in compelleretur. Sed his cursus, qui recta linea sit, locum non haberet (omnis enim natura sensibilis, proprijs terminis comprehensa est) extremam oram sensibilis naturæ prospere in sese non recurrendo peragraret: quum, ut modo diximus, natura, quæ cogitatione percipitur, cursum ignis in sese non recipiat. Idcirco Moyses motum ignis mente subsequutus, non in iisdem partibus immorari dicit eam, tū lucis erat, lucem, sed vehementi suo motu crassiores rerum naturam ambientem per eum circuitum, tū lucis carentibus splendorem, tū illuminatis caliginem inuicem reducere atque referre. Quum autem secundum interualla temporum æquabiliter circa inferam regionem, ea vicissitudo, lucis inquam, & tenebrarum, contingat, rursus Deo Moyses impositionem nominis diei pariter & noctis tribuit, nihil ex ijs quæ consequenter facta sunt, temere, casuue fortuito factum esse, aut ab aliquo alio principium & originem habuisse, in animum inducere, atque cogitare permittens. Idcirco dicit; Vocauit Deus lucem diem; & tenebras appellauit noctem. Quum enim vis illuminatrix naturaliter quiescere non possit, quum splendor superam circuli partem percurrisset, & cursus esset circa partem subiectam, necessario accidit, ut simulatque ignis subtercurrere cœpisset, supera pars obumbraretur, crassiori nimirum natura splendori officiente. Recessit igitur & occasum lucis, vespere nomenauit: ac rursus, cū ignis subiectum circum percurrisset, superisq; partibus splendorem re-
duxisset, id quod fiebat, mane, diluculum ita nominans appellauit.

Diuisit,

Diuisit lucem à tenebris.

- a. Diuisit &c. Cū Nubis lucida circumlacione dies, & noctes tridui primi efficiebantur.
b. Vel cū Lucis emissione, & attractione triduum primum peractum est.

a. Diuisit &c. Cū Nubis lucida circumlacione dies, & noctes tridui primi efficiebantur.

H V G O Victorinus de Sacramentis Fidei, libro primo, parte prima, cap. nono. Secundum hanc itaque considerationem conuenientius puto, vt credamus lucem illam in principio factam ad illuminanda corporea sine dubio corpoream fuisse, quale fortasse esse potuisset corpus aliquod lucidum, cuius presentia cuncta illustrarentur, quemadmodum in Sole videri potest; ipsamque vice, & loco Solis factam, vt interim motu suo circumageretur, & noctem diemque discerneret.

M A G I S T E R Sententiarum secundo, distinctione tertia decima. Si autem queritur vbi est facta lux illa, cū abyssus omnem terræ altitudinem tegeret; Dicitur potest in illis partibus facta, quas nunc illustrat Solis diurna lux. Nec mirum lucem in aquis posse lucere, cū etiam nautarum operatione sepius illustrentur, qui in profundum mersi, misso ex ore oleo, aquas sibi illustrent, quæ multo rariores fuerunt in principio, quàm modo sunt: quia nondum congregatæ fuerant in vno loco. Facta est ergo lux illa, quæ vicem, & locum Solis tenebat, quæ motu suo circumagitata, noctem, diemque discernebat. Hugonem, & Magistrum, lucem priscam nubem existimasse, iam supra demonstratum est.

L Y R A N V S in Postillis, in secunda expositione. Secundum istam expositionem, ista lux fuit quedam nubes lucida, de superiore parte materie communis predictæ facta à Deo, quæ motu suo faciebat diem & noctem, vsque ad quartam diem, in qua factus est Sol: verumtamen imperfectiori modo, quàm ipse Sol.

T O S T A T V S Commentarijs in Genesim. Istud verbum, Diuisit, non attribuitur Deo, sed luci; quia lux formaliter distinguitur à tenebris, cū tenebræ sint lucis privatio: nec indiget, quod ab agente extrinseco, vt à Deo, causetur distinctio inter eam, & tenebras. Et est sensus, quod lux creata diuisit inter lucem & tenebras, id est, inter diem & noctem; quia motu illius nebule distinguebatur dies à nocte: vel tempus lucis, & tempus tenebrarum; quod idem est.

A L E X A N D E R Halensis secunda, quæstione quadragesima sexta, articulo primo, à Magistro Sententiarum non recedens id ipsum diffiniuit.

Nebecula lucida, quæ hic vocatur lux, ab initio fecit diem & noctem: diem, cū apparebat: noctem, cū erat abscondita: & descendens ad Occasum fecit vespere: & renocatum ad Ortum, mane: & hoc est quod dicitur; Diuisit lucem à tenebris.

D. B O N A V E N T V R A secundo, distinctione tertiadecima, articulo primo, quæstione secunda, cū Græcorum sententiam recitasset, adiecit.

Alius modus dicendi secundum Latinos Doctores, qui videtur esse rationabilior, est: quia virtuti naturali possibilior, scilicet, quod lux illa diem & noctem faciebat suo motu, sicut Sol sua facit actione.

b. Cū Lucis emissione, et attractione triduum primum peractum est.

B A S I L I V S Hexæmeron Homilia secunda.

Nunc quidem ex illo tum dies post Solem factum, is aer est, quem Sol ipse illuminat, in nostro dum est hemisphere, supra terram relucens. Nox umbra est terræ, quæ diei Sole se occultante succedit. Tum vero fieret dies, cui cedenti nox vicissim succedebat, non quidem secundum motionem Solis, sed primigenia illa lucis splendorem diffundente, seque rursus contrahente, idque pro mensura à Deo diffinita.

G R A E C V S, vt in Catena Lippomani habetur, in hanc videtur abire sententiam, cū ait. si queris quo pacto antequam fieret Sol, fuerit nox, ac dies, omnipotentiam sapientie Dei considera, & inuenies

nies Prophetam Aruos super hac re dicentem capite quinto; Faciens omnia, & fabricans, & conuertens in mane vmbra, & diem in noctem obcurans.

I O A N N E S Damascenus ex Gregorij Nazianzeni doctrina libro secundo Orthodoxæ Fidei, capite septimo.

Et factum est vespere & mane dies vna. In tribus igitur diebus, refuso & contracto lumine, diuino præcepto dies & nox fiebat.

P R O C O P I V S Gazæus clariori orationis serie hanc Patrum explanauit sententiam, Commentarijs in Genesim, capite primo.

Nunc vero alia diei ratio est. Nam post creatum Solem, dies est à Solis splendore illuminatus aer in hemisphærio nostro supra terram. Nox est vmbra terræ, quæ contingit, vbi occiderit Sol. Tunc autem scilicet in rerum primordio, non secundum cursum Solis nascebatur dies, verum primogenia, & vndique circumfusa lux, iuxta modum à Deo definitum contracta, diem præstabat, cui deinde succedebat nox.

B V R G E N S I S ex recentioribus solus, quantum ego viderim, hanc Basilij suscitauit sententiam.

Secundum Basilium, hæc lux non fuit corpus, seu substantia corporea, sed quædam qualitas formaliter illuminatiua, non procedens ab aliquo corpore luminoso, sed solum à voluntate diuina per creationem, prout ipsa litera plano modo significat, cum dicit; Fiat lux: quæ quidem lux non habebat per se motum; & ideo non poterat de se diuidere lucem à tenebris, sed hoc faciebat per emissionem, & contractionem luminis virtute diuina determinatam: & ideo dicitur hic; Diuisit Deus lucem à tenebris.

D. B O N A V E N T U R A loco asserto his memorat hanc sententiam, sed non approbat.

Dixerunt enim Basilus, & Damascenus, quod lux illa emissionem, & contractionem radiorum, diem & noctem faciebat: hoc autem dicebat esse in potestate ipsius lucis, non per virtutem propriam, sed per præceptionem diuinam. Et huius simile legimus in Scriptura; Extendit Moyses manum in Cælum, & factæ sunt tenebre horribiles in tota terra Aegypti tribus diebus. Constat enim, quod in illo triduo Sol erat in hemisphærio terræ nostræ habitabilis, & in terra Gessen, & in alias habitabiles regiones radios suæ lucis emittebat, & à terra Aegypti radios suæ lucis contrahebat. Simile etiam fortè factum est in Passione Domini; vbi Sol dicitur obscuratus fuisse: & hoc totum factum est non natura, sed diuino præcepto.

Hæc Basilij sententia reprehenditur primo, quod irrisione digna videatur, vt pote extranaturam.

A V G V S T I N V S enim pluribus in locis præfatorum Patrum sententiam reprobans, primos dies non ex emissionem, & contractionem lucis, sed ex circumlatione fieri potius censet; de Genesi ad literam libro primo, capite decimo hæc habet.

An dicendum est, quod cum citò peractum esset hoc opus Dei, tandiu sterit lux non succedente nocte, donec diurnum spatium perageretur: & tandiu mansit nox luci succedens, donec spatium nocturni temporis præteriret, & mane freret diei sequentis, vno, primoque die transacto? Sed si hoc dixerò, vereor ne deridear, & ab ijs, qui certissime cognouerunt, & ab ijs, qui possunt facillimè aduertere, quod eo tempore, quo nox apud nos est, eas partes Mundi præsentia lucis illustraret, per quas Sol ab Occasu in Ortum redit, ac per hoc omnibus viginti quatuor horis non deesse per circuitum gyri totius alibi diem, alibi noctem.

Burgensis his satisfacit, asserens in cōflatione rerū plura esse miraculo edita, qualia sunt productio herbarum, plantarum ante luminaria, & coactio maris. At certe frigida, & inepta hæc defensio est. Cuncta siquidem fluxerunt potentia Dei, ac supra naturam, & quoad causam efficientem sunt miranda: sed non quoad naturam, & operationes consequentes. Quemadmodum lux ista prodigiosa euadebat, non tantum ex eo, quod à Deo manauit, sed quod accidens sine substantia existeret, & diuina non sua naturali virtute noctes, & dies gigneret, quæ cæteris rebus non contingebant.

A V G V S T I N V S loco assero capite sextodecimo, alia ratione præfatam sententiam redarguit, nempe quod nulla subesset causa huiusce emissionis, & contractionis.

Emissionem verò, contractionemque lucis illius, si velimus diem, noctemque intelligere, nec causam videmus cur ita fieret. Non enim erant animalia, quibus hæc vicissitudo salubriter exhiberetur, & quibus postmodum exortis per circuitum Solis cernimus exhiberi: nec vllum occurrit exemplum, quo istam emissionem, contractionemque lucis, vt dici, noctisque vicissitudines fierent, probare possimus.

Burgensis pariter responderet, asseuerans, quod hæc vicissitudo deseruiebat saltem distinctioni sex dierum. Verum imbecillis est hæc responsio. Poterat siquidem eiusdem rum seiunctio circumlata luce fieri, vt tunc pristini tres dies, tunc reliqui sequentes eiusdem essent.

Lib. 2. Sent.
dist 13. art. 1.
quæst. 2.

Exod. 10.

Diuisit lucem à tenebris.

a. Diuisit, &c. Cùm lux prima triduum primum rotatione confecit.

essent generis, nec necesse erat hanc dierum peregrinam naturam inducere, quoniam nulla tunc fuisset nox, vel saltem non eiusdem generis cum nostra.

I V N I L I V S in Hexameron hanc insinuauit rationem.

Nam si non hoc faceret, & magis factò vespere paulatim tota periret, & rursum paulatim mane recreata resurgeret: non iam in mane dici sequentis, sed potius in vespere primi vnum diceret esse diem perfectum.

Adijciamus ex D. Bonauentura loco asserito, nulla seiunctio fit inter ea, quæ sunt, & non sunt; si igitur diuisit Deus lucem à tenebris, lux vno erat in Hemisphærio, & tenebræ in altero. Nec potuit simul cunctus Orbis, tùm in superno, tùm in inferno Hemisphærio secundum diei ac noctis rationem duodecim illustrari horis, & duodecim pariter opacari.

Amplius nullum tunc fuisset vespere, & mane, si sola radiorum emissionem fieret dies, & contractione nox, cùm repente subito momento, & non paulatim temporeque dilabente lux accessisset, & discessisset.

a. Diuisit, etc. Cùm lux prima triduum primum rotatione confecit.

Non desunt Patres, qui nullum corpus seu orbem priscae luci adscribentes, sua tamen rotatione Dei virtute peracta primos tres dies ac noctes, modo eo, quo Sol dies nobis præbet, ipsam detulisse arbitrantur.

I V S T I N V S in libro Quæstionum à Gentibus Christianis positarum.

Quæst. 62.

Quæst. Si tertio die luminum, astrorumque origo extitit, & ex diebus numerus constet, qui sit, ut dies tres, qui luminum ortum antecesserunt, ambiguum dierum numerum, qui astrorum ortum sequuti sunt, non ostendat? Explica. Lucis originem lucis ac tenebrarum sequuta est separatio: lucisque & tenebrarum separatione dies & nox constituerunt. Antè autem quàm astra fierent, lucis principatus Dei determinatione diem efficiebat, tenebrarumque occupatio tenebras, siue noctem. Astris vero, cùm prolata sunt in lucem, præceptum est, ut principatum obtinerent, Sol quidem luce ac die, Luna in tenebris, atque noctu. Opifex enim lucem cum definito, certoque eius imperio ac dominatu, maiori astro attribuit, atque dies eiusmodi, quos nunc cum astro lux efficit, tales etiam ante condita astra faciebat, terminumque Dei, qui principatum eius decem horis definiuit, terminus ille Solem compellit in motum decem horarum, qui ab initio moderatus fuit.

I V N I L I V S in Hexameron.

Factum est vespere occidente paulatim luce, post expletum spatium diurnæ longitudinis inferioris Mundi partes subeunte: & quod nunc visitato Solis circuitu noctibus agi solet. Factum est & mane, redeunte eadem paulatim super terras, atque alium diem initiante, & huc usque dies expletus est vnus: viginti scilicet quatuor horarum. Cuius commendatione verbi Scriptura vigilanter admonet, ut lucem, quæ facta est inferiora Orbis occasu suo lustrasse dicamus. Nam si non hoc faceret, & magis factò vespere, paulatim tota periret, & rursum paulatim mane recreata resurgeret: non iam in mane dici sequentis, sed potius in vespere primi vnum diceret esse diem perfectum. Vnde vespere & mane, quàm noctem, ac diem factam, dicere maluit: ut insinuaret, tunc primarie lucis actum esse circuitum, quod nunc circuitu Solis, die noctisque geri constat. Patet hoc solummodo, quòd post creata sydera nox quoque sua tametsi minore quàm dies luce perfunditur: triduo autem illo primo tenebrosa, & prorsus obscura manebat.

G L O S S A Ordinaria ex D. Augustino.

Occidente luce paulatim, & post spatium diurnæ longitudinis inferiores partes subeunte, factum est vespere, sicut nunc visitato circuitu Solis solet fieri. Factum est autem mane eadem super terram redeunte, & alium diem inchoante, & dies expletus est vnus viginti quatuor horarum.

C A I E T A N V S in Genesim.

Si lux fuisset fixa, consequenter fuisset fixus, ac perennis dies in vno hemisphærio, & iugis nox in altero hemi-

Anno Mundi
primo.
Die Prima.

Diuisit lucem à tenebris.

a. Diuisit, &c. Cum Sol triduum primum sua consueta conuersione peregit.

hemisphaerio; nec vnquam fuisset vespera terminans diem artificialem: Vnde ex hoc effectu, quod fuit vespera terminans diem artificialem, & fuit mane terminans noctem, manifestè significatur, quod lux facta est in motu: ex continuo enim lucis motu circa terram fit vespera, & fit mane.

a. Diuisit, etc. Cum Sol triduum primum sua consueta circumlatione peregit.

D. T H O M A S prima parte, quaestione sexagesima septima, articulo quarto, ad tertium, cum D. Basilij sententiam D. Augustini obiectionibus reiecisset, adiecit; Et ideo dicendum est, quod duplex est motus in Caelo. Vnus communis toti Caelo, & qui facit diem & noctem; & iste videtur institutus primo die. Alius autem est, qui diuersificatur per diuersa corpora, secundum quos motus fit diuersitas dierum adinuicem, & mensium, & annorum. Et ideo in prima die fit mentio de sola distinctione noctis & diei, quae fit per motum communem. In quarta autem die fit mentio de diuersitate dierum, & temporum, & annorum, cum dicitur; Vt sint in tempora & dies, & annos. Quae quidem diuersitas fit per motus proprios.

Idipsum senserunt Catherinus Enarratione in Genesim, Vielmus Lectione decima, Steuchus in Cosmopoeia, & Nuperorum plurimi.

A E G I D I V S insuper de dierum priscorum diuersitate hac singularia, sed fortè commentitia habet, secunda parte Hexameron, capite septimo.

Concludamus ergo, & dicamus, quod incipiendo diem primum à factione lucis, illa dies non continuit nisi vnā reuolutionem tantum, quia nondum erat factus motus firmamenti. Secunda autem dies, & tertia, quando iam factum erat firmamentum, continebat vnā reuolutionem, & tantum plus, quantum retrogradiebatur illa lux motu firmamenti. Quarta autem dies, & omnes alij dies sequentes facti iam Sole continebant vnā reuolutionem, & quantum ipse Sol contrauoluebatur motu firmamenti, & etiam quantum contrauoluebatur motu proprio Solis. Propter quod liquide apparet, quod quarta dies, & omnes sequentes exceperunt secundam & tertiam, quantum contra gradiebatur Sol in vna die: secunda autem, & tertia dies exceperunt primum diem, quantum contra gradiebatur illa lux motu firmamenti in vno die: prima verò dies vnā reuolutionem continens, & nihil habens de retrogradatione, quia nondum erat motus firmamenti, & nondum erat factus Sol, minor fuit omnibus alijs diebus.

A U C T O R.

Ex diuersis Mundi profolutionis modis diuersae insecutae sunt de tribus primis diebus sententiae. Ceterum ex diffinitione supra ventilatae disceptationis, Quid fuerit aeterna lux condita; elicienda est & huius difficultatis solutio. Principio reiiciendae sunt sententiae illae, quae Solis rotatione triduum primum effectum praesumunt, seu soli carentiam virtutis ad speciales effectus adscribant, vt D. Thomas, & Vielmus, vel etiam minorem orbi densitatem, atque splendorem attribuant, vt Aegidius, siue ipsum Solem absolutum, seu maiori fulgore coruscantem tradant, vt Catherinus, & Steuchus. Sententiae siquidem haec omnes longè à litera Moysis, & à Patrum doctrina recedere conuincuntur. Primum enim orbis coelestes tunc extasse, ipsoque temporum primordio existisse, seu primam diem cum Sole manasse existimant, quod à Moysis historia, atque à Patrum doctrina valde alienum comperitur: Nam secunda die firmamenti, in quo posita consistit astra, & quarta die Solis genituram expresse tradit Moyses, & ita Patres interpretantur: sed haec iam fusiùs demonstrauimus. Basilij, Damasceni quoque sententia, quae effusione, & contractione lucis diuina manu peracta, dies tres primos persoluit.

Quae sententiae
reiiciendae.

Tres primi
dies non fue-
runt ex effusio-
ne & contra-
ctione lucis.

Anno Mundi
primo.
Die Prima.

Appellauitq; lucem diem, & tenebras noctem.

a. *Iom Hebraica vox diem artificialem hoc loco significat.*

tos edocent, singularis certè conuincitur, cùm priscorum Patrum plurimi eam insequi formidarint. Præterea, non tantùm ea suscipit incommoda, quæ ex D. Augustino & Iunilio excerptimus: sed quod potissimum est, miraculum, vt dicebamus, non necessarium astruit. Deinde omnimodâ emanationem, atq; deletionem sapius statuere, in rerum natura portetofum est. Amplius tenebræ noctium earum diuersæ prorsus à tenebris, seu noctibus subsequentium temporum extassent; quoniam non quidem vmbra molis Terræ, sed omnimoda fuissent obscuratio, ad instar illius, quæ super faciē abyssi cùm nondū manasset lux, diffundebatur. Insuper, vt adnotauit Bonauentura, dies noctesq; priscæ vespere & mane non potitæ essent, sed sēper aut dies clara Orbi effulisset, aut atra nox tenebris ipsum obuoluisset. Paulatim siquidem non decessisset lux, & emerfissent Tenebræ, sed in momento hæ erupissent; ac proinde non recta extasset Tenebrarum, & lucis discretio, cùm semota ipsa luce, tenebræ, seu vmbra minimè eius loco successissent, sed obscuratio, quæ noctis non est affectio, prout nox diei aduersatur. Tandem non explicant hi præstantissimi Patres, num ea lucis effusione tam supernum, quàm infernum Hemisphærium illustraretur simul, an alterum tantum: si enim totus Orbis simul collustrabatur interdium, noctu vero lucis contractione obscurabatur, iam dies, noctesque tridui primi alterius erant generis à post delapsis. Quod si effundebatur lux in vno hemisphærio, eo euentu, vt in altero attraheretur, non vna igitur effusione, & attractione, sed pluribus, ijsque superfluis dies illi manabant. Possumus atamen sententiam hanc præstantissimorum Patrum pie interpretari, statuereq; , triduum primum peractum fuisse effusa, contractaque luce, hoc est, effusa ab hemisphærio vno ad alterum, attractaque ab altero ad primum. Quod idē est, ac si diceremus, triduum primum lucis circumlatione effectum fuisse. Effundebatur siquidem lux ab ortu, vt hemisphærium nostrum scanderet, & attrahebatur ab Occasu, vt clarorē alteri supposito hemisphærio impertiretur. Caietani placitum, qui lucem supremi Cœli raptu circumferri assererat, fundamentum habet titubans non omnibus exploratum; primum scilicet Cœlum mox conditum ab Angelo cieri cepisse, vt supra discussimus. Quapropter cunctis ponderatis eam amplector sententiam, quam supra cùm de luce, quid esset, disputabamus, selegi. Afferro propterea posse Nysseni, Hugonis, Iunilij, Basilijque assertiones conciliari, asseuerarique lucem eam priscam substantia igneam, specie nebulam adeo expansam, vt nullo corpore deuincta videretur, sua natiua vi, Dei quoque virtute munitam, vigintiquatuor horarum spatio orbem circumlucumque suum confecisse, ea certè conuersione, qua Sol, cùm sub æquatore circumfertur, nunc incedit, eaque serie triduum primum absoluisse. Qua conciliatione prima, altera, tertia, sequensque positio verum exposuisse comperiuntur. Hæc satis.

Pia sententiæ
Patrum interpretatio.

Tres primi
dies ex lucis
circumlatione
efficiebantur.

Appellauitque lucem diem, & tenebras noctem.

Hebraica Lectio, Chaldaica, Græca Septuaginta Interpretum, & Latina, ferè omnes vel hanc, vel confimilem habent editionem. De eaque animaduertendū, quod capitur

a. *Iom pro die artificiali.*

L I P P O M A N V S.

Dictio Hebraica Iom accipitur aliquando pro die artificiali duntaxat, idēst pro tempore, quo Sol lucet super nostrum Horizontem, & sic ponitur hoc in loco.

CAIE.

Anno Mūdi
primo.
Die Prima.

¶ Appellauitq; lucem diem, & tenebras noctem.

- a. Deus externo sermone res sic appellauit.
- b. Vocauit non verbo externo, sed interno, hoc est in aeterna ratione.
- c. Siue, disposuit, vt congruè vocari possint.

CAIETANVS solus edidit.

Et vocauit Elohim luci diem; & obscuritati vocauit noctem. Clarum est noctem esse speciem obscuritatis: Omnis enim nox est obscuritas, sed non omnis obscuritas est nox.

Excitant hæc disceptationem elegantem, quænam fuerit illa Dei nuncupatio, qua Deus appellauit lucem diem, & tenebras noctem; & consimiliter postea firmamentū vocauit Cælum, congregationes aquarū maria, & aridam terram. Si enim opifex Deus humanam non assumpsit effigiem, vt supra luculenter demonstrauius, si nullum ade- rat idioma; si homo adhuc plasmatus non erat, qui nomina hæc edisceret: quidnam est nuncupatio ista? Audiendi sunt Patres, vt hoc nobis abditum referent enigma.

a. *Deus externo sermone res sic appellauit.*

Primum nobis ea se offert expositio Lusitani, qui Deum non semper effigiatum, vt Antropomorphitæ, seu Vadiani vetusti hæretici autumabant; sed in Mundi emolitione in hominis obsequium, & humana effigie, & externo verbo vsum fuisse, pleætroque linguæ hæc protulisse nomina, nuncupationesque, quæ post homini domesticæ forent, existimat, & docet.

TOSTATVS in Genesim in hanc visus est incidisse sententiam, cum ait in secunda expositione.

Appellauitque lucem diem, id est, Tempus lucis vocauit diem. In creatione rerum Adam posuit nomen omnibus rebus secundum sapientiam à Deo datam: Deus autem posuit nomen quæque rebus, scilicet, diei & nocti, terræ, & mari; & homini: vt patet hoc capite, & sequenti. Et tenebras noctem; id est, tempus tenebrarum vocauit noctem.

Steuchus quoque non obscure id approbasse visus est, vt mox referemus, sed non nisi condito Adamo.

b. *Vocauit non verbo externo, sed interno, hoc est in aeterna ratione.*

AVGVSTINVS de Genesi ad litteram libro primo, capite decimo.

Huc accedit, quia Verbo sibi coæterno, id est, incommutabilis sapientiæ internis, æternisque rationibus, non corporali sono vocis vocauit Deus lucem diem, & tenebras noctem. Rursum enim queritur, si verbis quibus vtimur vocauit, qua lingua vocauerit, & quid opus erat sonis transeuntibus, ubi cuiusquam non erat corporalis vllus auditus? & non inuenitur.

c. *Vocauit, hoc est disposuit, vt congruè vocari possint.*

AVGVSTINVS de Genesi imperfecto, capite sexto.

Fortasse ergo ipsum diuississe inter lucem & tenebras, hoc est vocasse lucem diem, & tenebras noctem; vt hoc sit ordinasse ista, quod vocasse.

Sed clariùs de Genesi contra Manichæos, libro primo, capite nono.

Hoc autem totum ad intellectum nostrum dictum est. Qua enim lingua vocauit Deus diem lucem, & tenebras noctem: vtrum Hebræa, an Græca, an Latina, an aliqua alia? Et sic omnia quæ vocauit, queri potest, qua lingua vocauerit. Sed apud Deum purus intellectus est, sine strepitu & diuersitate linguarum. Vocauit autem dictum est, vocari fecit; quia sic distinxit omnia, & ordinauit, vt & discerni possent, & nomina accipere. Sed postea loco suo requiremus, vtrum verè sic est accipiendum, quia vocauit Deus: quoniam quantum accedimus in Scripturis, & in eis assuescimus, tantum nobis locutiones earum immutescunt. Sic enim dicimus,

Appellauitq; lucem diem, & tenebras noctem.

- a. Hoc est, cognouit, & instituit debere ita vocari.
b. Vocauit. Tropus est humanus in gratiam ineruditorum à Mose insitus.

dicimus, ille Paterfamilias edificauit domum istam, idest edificari fecit, & multa talia per omnes libros diuinarum Scripturarum inueniuntur.

I V N I L I V S in Hexameron consimilia habet.

Appellauit autem dictum est, appellari fecit. Quia sic distinxit omnia, & ornaui, ut & dies cerni possent, & nomina accipere. Sic enim dicimus; Ille Paterfamilias edificauit istam domum, idest edificari fecit: & m. l. a talia per omnes libros diuinarum Scripturarum inueniuntur. Hoc ad intellectum nostrum dictum est. Qua enim lingua appellauit Deus lucem diem, & tenebras noctem? Vtrum Hebraea, an Graeca, an alia lingua? & sic omnia queri possunt, quae vocauerit, & qua lingua vocauerit. Sed apud Dominum purus intellectus est, sine strepitu, & diuersitate linguarum.

Hæc & Glossa Locupletata.

G L O S S A Ordinaria ex Augustino.

Appellauitque lucem diem, &c. Nulla lingua hæc appellatio facta est, quia apud Deum purus intellectus est sine strepitu lingue, sed appellauit, idest appellari fecit, quia sic distinxit, ut discerni possent, & nominari.

B E D A Expositione in Genesim.

Appellatio autem diei & noctis, distinctionis insinuatio est. Et post. Quod autem dicitur, vocauit lucem diem, & tenebras vocauit noctem, qua lingua vocauit? Vocauit autem dictum est, quia vocari fecit. Quia sic distinxit omnia, ut discerni possent, & nomina accipere.

D. T H O M A S loco asserto.

Intelligitur autem ubiq; per hoc quod dicitur, Vocauit, idest, dedit naturam, vel proprietatem, ut posset sic vocari.

H V G O Carenfis in Postillis.

Appellauit lucem diem, idest, talem fecit, ut conueniret ei hoc nomen Dies scilicet clarum.

S T E V C H V S in Cosmopœia, in caput primum Genesis.

Duobus sensibus potest intelligi, ut vel ad ipsa nomina, vocesq; rerum, vel res ipsas in solidum spectet. Non fuisse videlicet factas, ac notatas has appellationes à rerum Creatore, sed eum statuisse de rebus ipsis, ut lux esset id, quod postea vocatum est dies: quasi hoc Moses dicat; Et Solem statuit esse diem. Sicut enim non dicendo, sed vel iubendo, vel volendo creauit lucem, licet Theologus scribat; & dixit Deus, Fiat lux: sic non expresso vocis sono, diei ac noctis nomina signauit; sed voluit lucem esse diem, & ad diem efficiendam eam creauit, ut mirabile, vereq; diuinum esset istud noctium, dierumq; interuallum. Et Post. Hæc nimirum Dei nuncupatio diei, ac noctis fecit, aut præcepit, ut spatium à matutino ad vespertinum tempus, dies vocaretur. Non indidit ipse nomen, sed edidit rem talem, ut hæc sortita sit nomina.

- a. Hoc est, cognouit, & instituit debere sic vocari.

D I O N Y S I V S Carthusianus Enarratione, in Genesim articulo nono.

Appellauitq; lucem diem, hoc est, lucis illius emicationem super nostrum horizontem, seu spatium, aut durationem illuminationis illius cognouit, atque instituit debere diem vocari in omni idiomate hominum per diuersa vocabula. Simili sensu appellauit tenebras, idest absentiam lucis Solaris, noctem.

- b. Vocauit. Tropus est humanus in gratiam ineruditorum à Mose insitus.

I O A N N E S Chrysostomus in Genesim Homilia secunda.

Vocauit enim inquit, Deus lucem diem, & tenebras vocauit noctem. Vidisti optimam distinctionem, & admirabile opificium: quomodo id quod omnem rationem transcendit, vno sermone & præcepto factum est? Vidisti quantum se nostrorum ingeniorum paucitati attēperauerit beatus ille Propheta, immo misericors Deus, per Prophetæ linguam erudiendo omne hominum genus, ut videat eorum, quæ facta sunt ordinem, & quis

Anno Mūdi
primo.
Die Prima.

¶ Appellauitq; lucem diem, & tenebras noctem.

- a. *Vocauit. Præoccupatio est, & significat. Vocare post ipse Adam vel posteros docuit.*
b. *Sine, Vocauit, hoc est distinxit & natura, & nomine.*
c. *Vocauit, vt discerneret lucem à luce, tenebras à tenebris: cum non omnis lux dies, tenebraq; nox sit.*

Vniuersi Opifex; & quomodo vnumquodque produxit? Quoniam enim adhuc imperfectius erat humanum genus, quam vt perfectiora capere posset: propterea pro auditorum imbecillitate, Propheta linguam sanctus monebat Spiritus, inque hunc modum nobis omnia ediserebat.

Idipsum insinuauit de firmamento Homilia quarta.

a. *Vocauit. Præoccupatio est, et significat: Vocare post ipse Adam vel posteros docuit.*

Nuperi Doctores accuratiùs rem perpendentes, ex præoccupatione Deum appellasse diem, ac noctem tradunt.

V I E L M I V S Lectione vndecima.

Porro autem quod hic dicitur, Deum appellasse, occupatio est: ea enim quæ postea illo docente vel Adamum, vel alium ex posteris quenquam, facta est appellatio, nunc ei tanquam ipse illam fecerit, à nostro Historico ubiq; adscribitur; & est sermo de nomine, & appellatione Hebraea. Hanc enim linguam D. Hieronymus, & alij volunt à Deo edoctum fuisse Adamum.

S T E V C H V S apertiùs hoc explicauit in Cosmopœia; cum enim Hebraicam linguam eam vetustissimam esse, qua Adam vsus est, demonstrasset, his concludit verbis.

Hanc igitur linguam, partim à Deo, partim à primo homine conflatam par est. Primariumq; nomina rerum à Deo notata. Tum hæc & res ipsas Deum, Adam docuisse. Neque credibile fit totam linguam ab homine signatam; sed quoniam vbi creatus est, & dum crearetur, homo sese creantem Deum vidit, est allocutus, viciissimq; ille hominem, quandam inter eos linguam oportet fuisse, subito eius scientia homini donata, sicut donata est vita, intelligentia, sensus. Audiuit igitur Adam in omni eo colloquio Deum solitum appellare lucem diem, & tenebras noctem, & æris effusionem Cælum. Quemadmodum autem, quod postea clariùs dicitur, Deum, idest, Filium Dei, auctoritatem, ac potestatem, cui condendarum, administrandarumq; rerum Pater tradiderat potestatem, vidit Adam, quia vidit eum & Abraham: vidit inquam, imaginem suam gerentem, ad quam fuerat ipse formatus; sic audiuit eum in illa humana figura loquentem. Sermo autem fuit de rerum creaturarum nominibus, & ceteris quos vsus postularet.

C A T H E R I N V S Commentarijs in Genesim.

Ista autem, quæ dicitur à Deo indita diei & nocti appellatio, quid aliud significat, quam inde ab eo fuisse edoctos primos homines, vt ista tempora ijs nominibus appellassent, vt diei quidem appellatio ad id temporis arctetur, quo Sol luceat in hemisphærio vbi inuenimur? etsi aliter accipiendo hanc vocem, dies quoque noctem comprehendat.

b. *Vocauit, hoc est, distinxit & natura, & nomine.*

A M B R O S I V S Hexameron libro primo, capite nono.

Vnde & discretio fit inter lucem & tenebras, vt separata lucis natura, atque tenebrarum, nihil videatur intra se habere confusum. Et vocauit Deus diem lucem, & tenebras noctem vocauit. Vt & nomine ipso diem, noctemq; distingueret.

G L O S S A Ordinaria.

Appellatio diei & noctis, significatio distributionis, qua significatur, nihil Deum inordinatum relinquere, nec profectus creaturarum sine supplemento Vniuersi decoris esse.

c. *Vocauit, vt discerneret lucem à luce, tenebras à tenebris: cum non omnis lux dies, tenebraq; nox sint.*

A V G V S T I N V S de Genesi imperfecto, capite sexto.

An potius ista vocatio accipienda est ipsa distinctio? Non enim omnis lux dies, aut omnes tenebrae nox. Sed

Appellauitq. lucem diem, & tenebras noctem.

Anno Mundi
primo.
Die Prima.

- a. Vocauit &c. vt distingueret diem artificialem à naturali.
b. Vt Deus non tantum rerum, sed nominum auctor euinceretur.

Sed lux & tenebrae certis inter se vicibus ordinatae atque distinctae, diei & noctis nominibus appellantur. Omne quippe vocabulum ad distinctionem valet. Vnde etiam nomen, quod rem notet, appellatum est, quasi notamen. Notet autem, idest distinguat, & doctitanter ad discernendum adiunget. Et post. An ista vocabula significare nobis volunt, quam lucem dixerit, & quas tenebras? Tanquam diceret, Fecit Deus lucem, & diuisit inter lucem, & tenebras: lucem autem dico diem; & tenebras dico noctem: ne aliquam aliam lucem intelligas, quae non sit dies; & ne aliquas alias tenebras intelligas, quae non sint nox. Nam si omnis lux dies posset intelligi, & omnes tenebrae noctis nomine censerentur, fortasse non esset opus dicere; Et vocauit Deus lucem diem, & tenebras vocauit noctem.

- a. Vocauit, vt distingueret diem artificialem à naturali.

R A B B I Moses, teste D. Thoma, prima, quaestione sexagesimanona, articulo primo, ad quintum.

Vbi dicitur Vocauit, significatur equiuocatio nominis. Vnde prius dictum est, quod vocauit lucem diem, propter hoc, quod etiam dies vocatur spatium vigintiquatuor horarum, secundum quod ibidem dicitur; Factum est vespere & mane dies vnus. Similiter dicendum est, quod firmamentum, idest aërem, vocauit Caelum, quia etiam Caelum dicitur, quod est primo creatum. Similiter etiam dicitur, quod aridam, idest illam partem, quae est discooperta aquis, vocauit terram, prout distinguitur contra mare; quamuis communi nomine Terra vocetur, siue sit aquis cooperta, siue discooperta.

- a. Vt Deus non tantum rerum, sed nominum auctor euinceretur.

CAIETANVS in Genesim.

Appellauitque lucem diem, ac tenebras noctem. Scripsit haec Moses, vt manifestaret, quod Deus est auctor non solum rerum naturalium, sed etiam artificialium, qualia sunt nomina: & quod Deus singularia sensibilia, & priuationes (de quarum numero est obscuritas) intimè, & nominatim nouit, utpote illis propria nomina vocans.

A U C T O R.

Ex his diuersis sententijs, prima quae Deum effigiatum plectro linguae, aëreoque sonoro has nuncupationes tradidit protulisse, iam ex supradictis explosa est. Deum nanque humana effigie, humanave lingua Mundum emolitum esse, nec tutum, nec exploratum; sed potius ambiguum, aspernandumque placitum esse demonstrauius. Cum hac reiici potest, & ea altera sententia Vielmij, & Steuci, quae cum homine condito Deum Hebraea lingua collocutum, haec nomina illi tradidisse censuit, vel fortè eum excitando, vt ita res appellaret, vel potius ipso Adam ea ex ore Dei hauriente. Nam assertio haec plura non certa, neque verisimilia decernit. Ambigere etenim & meritò possumus, num Hebraica lingua sit prisca illa, qua vsi sunt Protoparentes nostri, quemadmodum isti autumant, cum Theodoretus Syriacam linguam vetustissimam omnium, & ipsam Adami esse dilucidè obtestetur. Amplius, num praeter ea, quae à Mose enarrantur quid aliud Adamo fatus sit Deus, in dubium reuocari potest. Rursum num sermone externo, an potius imaginaria visione, vel intelligibili expressione, absque vlla nominum prolatione, seu impressione eum alloqueretur. Neque insuper dilucida vel placida est haec interpretatio, nam Moses has nuncupationes in Mundi emolitione non post absolutum Mundum factas enarrat, multoq; minus consentaneum videtur, Mosem illas Deo ante ascripisse, si Adamus ipse eas post protulit. Explanatio D. Augustini, quae

Deus nō plectro linguae res nuncupauit.

Nec Adamū alloquēs nuncupationes rerum illi demandauit. Quæst. in Gen. 59.

Anno Mundi
primo.
Die Prima.

Appellauitq; lucem diem, & tenebras noctem.

a. Felicitatem in Angelis, Damnationem in Demonibus.

Rerum nuncupationes
ad perfectam
earum distinctionem sunt
additæ.

Vocauit, hoc est distinxit, interpretatur; & altera Rabbi Mosis, quæ his nuncupationibus æquiuocationem inesse putat, quasi distinguenda sint dies naturalis ab artificiali, firmamentum à Cælo supremo, maria ab aquis aërem afficientibus, arida terræ facies nudata ab ea, quæ substrata est aquis: non reiiciendæ quidem meo sunt iudicio, parum tamen literæ sensum patefaciunt. Eleganter profectò adnotauit Ambrosius, nuncupationes has ad completam distinctionem fuisse additas, ut quæ iam re discretionem, quæ quæ erant, ipsis quoque nominibus seiungerentur. Caietani interpretationem, quæ has nuncupationes à Mose enarratas arbitratur, ut Deum tam arte gestarum, quam natura editarum rerum institutorem demonstret, potius tropologicā, seu ætiologicā, quam literalem existimo. Superest igitur, ut cæteras connectendo à D. Chrysostomo non dissentiamus, dicamusq; , ex tropo humano Mosē tradere Deum has res suis nominibus nuncupasse, sicut & dixisse eū, uidisse, & quieuisse narrat, quæ omnia hominis sunt affectiones, & mores. Et cum D. Augustino, Iunilio, Beda, Strabo, Thoma exponamus, Deum appellasse diem, ac noctē; hoc est sanciuisse, disposuisse, & fecisse, ut post his nominibus appellarentur. Disposuisse, inquam, ex præscientia, ut res istæ consimili nomine ab Adam prisca in lingua, & à cæteris in eorum idiomatibus nominarentur.

Lucem diem, tenebras noctem.

Verba ista, nomenclaturasque has ad eundem sensum non trahunt Patres, cum alij occasione sumpta, quod lux sua literalis significatione lucem etiam spiritualem significare censeatur, noctem quoq; ad aliud quam ad partes temporis exprimendas rapiunt.

a. Felicitatem in Angelis, Damnationem in Demonibus.

R V P E R T V S Commentarij in Genesim, libro primo, capite decimo nono.

Appellasse autem diem & noctem dicitur Deus, non quia vel Hebraicè, vel Græcè, vel Latine fuerit locutus; quippe qui nec linguam, nec labia quæ moueret, habuit. Nec enim est corporeus, siue localis; sed quia sententiam cuique parti firmam posuit, quæ ulterius mutari non possit. Hæc appellatio dici, stabilimentum est felicitatis, firmamentum gratiæ & honoris, ut amplius lux illa, quæ hoc nomen ex ore Dei semel accepit, diesque vocari meruit; iam non possit in tenebras conuerti, iam non valeat amoueri à fonte luminis, & Tunc apostatantibus spiritibus lucifugis; in luce stare maluit; & idcirco iam in æternum, lux decoris, & pulchritudinis huius prouecta est eo, ut perfecta sit, ad similitudinem Patris luminum, apud quem non est transmutatio, nec vicissitudinis obumbratio. E contra, noctis appellatio firma & stabilis est ex ore eiusdem incommutabilis Dei, semel prolata tenebrarum damnatio, ut quia venit illis pes superbie, & de loco suo moti, sua sponte ceciderunt, & iniquitatem operati sunt; iam semel expulsi non possunt stare inconuertibiles apostate.

Hæc Rupertus secundum literalem sensum ita exponit, qui & lucis nomine Angelum significari autumauit: sed hæc interpretatio iam supra cum sit reiecta, non est, ut eam amplius repudiemus.

Appellauitq; lucem diem, & tenebras noctem.

- a. Hoc est, spatia diei & noctis, quæ euenire poterant.
- b. Diem, perfectionem rei; Noctem, eius defectum.
- c. Noctem, rerum in materia prima informitatem, Diem, ipsam rerum formam.
- d. Vel Diem, speciem rerum, Noctem, earum priuationem.
- e. Lucē vocauit diē, & tenebras noctem, & non e contra. Quia rebus imponēda nomina.

a. Hoc est, spatia diei & noctis, quæ euenire poterant.

AVGVSTINVS de Genesi imperfecto capite sexto.

Item queri potest, quem diem dicat, & quam noctem. Si istum diem vult accipi, quem Solis ortus inchoat, & claudit Occasus, & istam noctem, quæ a Solis occasu vsque in Ortum tenditur, non inuenio quomodo esse potuerint, antequam Cæli luminaria facta essent. An ipsa spatia horarum & temporum, etiam sine discrimine fulgoris, atque umbræ, iam ita vocari potuerunt? Et quomodo in illam lucem rationalem, si hæc significata est, aut sensualem cadit hæc vicissitudo, quæ nomine diei & noctis significatur? an non secundum quod euenit, sed secundum quod potest euenire, ista insinuata sunt, quia & rationi potest error succedere, & sensui quedam stoliditas?

Et de Genesi contra Manichæos libro primo, cap. quartodecimo, id ipsum clarissime exponit, quod hoc loco proponit: Et nos alias locum eum deducemus.

b. Diem, perfectionem rei; Noctem, eius defectum.

AVGVSTINVS vbi supra.

An potius in ipsa re facta, atq; formata, eadem mutabilitas, hoc est, deficiendi (vt ita dicam) possibilitas nox appellata sit; quia inest in rebus factis etsi non mutantur posse mutari.

GLOSSA Interlinearis.

Lucem, idest perfectionem rei, & tenebras defectum.

GLOSSA Ordinaria ex Augustino.

Discretio autem lucis à tenebris, distinctio est inter perfectum cuiusque rei statum, & quem habet ex se defectum.

c. Noctē, rerū in materia prima informitatē, Diem, ipsā rerū formā.

AVGVSTINVS de Genesi ad litteram libro secundo, cap. decimoquarto.

Quis ergo animo penetret, quomodo illi tres dies transierint, antequam inciperent tempora, quæ quarto die dicuntur incipere: vel vtrum omnino transierint dies illi? An circa speciem factæ rei dies appellatus sit, & circa priuationem nox, vt nondum specie formata materia nox dicta sit, vnde formanda erant cetera; si- cut potest, quamuis in rebus formatis, intelligi tamen in ipsa mutabilitate informitas materiæ: non enim spa- cius vel locorum quasi remotior; vel temporum quasi anterior discerni potest.

d. Diem, speciem rerum, Noctem, earum priuationem.

AVGVSTINVS de Genesi imperfecto, capite duodecimo.

An ista dierum, & noctium enumeratio ad distinctionem valet inter illam naturam, quæ facta non est, & eas, quæ factæ sunt: vt mane nominaretur propter earum speciem factarum: vespere vero propter priua- tionem, quæ quantum attinet ad illum, à quo facta sunt, speciosa atque formosa sunt: quantum autē in ipsis est, possunt deficere; quia, de nihilo facta sunt: & in quantum non deficiunt, non est eorum materiæ, quæ ex nihilo est, sed eius qui summè est; & illa facit esse in genere & ordine suo?

GLOSSA Ordinaria ex Augustino.

Diem quippe in specie rei condite intelligimus: Noctem vero in eius rei priuatione, vel defectu, quæ rebus temporaliter conditis ex se inest, etiam si desit effectus.

e. Lucem vocauit diem, & tenebras noctem, et non e contra. Quia rebus imponenda nomina.

AVGVSTINVS de Genesi imperfecto capite sexto.

Quid ei respondebimus, si quis à nobis ita querit, luci nomen impositum est dies, an diei nomen imposi- tum

Anno Mūdi
primo.
Die prima.

Appellauitq; lucem diem, & tenebras noctem.

- a. *Ut Diei naturalis sunt partes.*
b. *Dies à fremitu; Nox ab horrore, & tristitia.*

tum est lux; quia hæc duo utique inquantum ad res significandas articulata voce enunciantur, nomina sunt. Hoc modo etiam de alijs duobus queri potest: tenebris nomen impositum est: nox, an nocti impositum est nomen tenebræ? Et quidem, ut Scriptura describit, manifestum est, lucis nomen dictum esse diem, & tenebrarum nomen dictum esse noctem. Quia cum diceret, Deus fecit lucem, & diuisit inter lucem & tenebras; nondum de vocabulis agebatur: postea adhibita sunt vocabula, dies & nox; cum & illa sine dubio vocabula sint lux, & tenebræ, res aliquas significantia, sicut dies & nox. Ergo hoc ita accipiendum est, quia enunciarī aliter non posset res, quæ nomen accepit, nisi aliquo nomine.

a. *Ut Diei naturalis sunt partes.*

BASILIVS Hexameron Homilia secunda.

Nunc quidem ex illo tum dies post Solem factum, is aer est, quem Sol ipse illuminat, in nostro diem est hemisphærio, supra terram relucens. Nox umbra est terræ, quæ diei Sole se occultante succedit. Tum vero fiebat dies, cui cedenti nox vicissim succedebat, non quidem secundum motionem Solis, sed primigenia illa luce suum splendorem diffundente, seq; rursus contrahente, idq; pro mensura à Deo diffinita.

PROCOPIVS Commentarijs in Genesim, in caput primum.

Nunc vero alia diei ratio est. Nam post creatum Solem, dies est à Solis splendore illuminatus aer in hemisphærio nostro supra terram. Nox est umbra terræ, quæ contingit, ubi occiderit Sol. Tunc autem, scilicet in rerum primordio, non secundum cursum Solis noscebatur dies, verum primigenia, & vndiq; circumfusa lux, iuxta modum à Deo definitum contracta, diem præstabat, cui deinde succedebat nox.

Et quanquam hi Patres asserant triduum primum non fuisse eiusdem conditionis, quæ nunc sunt dies, hoc est, non effectum fuisse Solis conuersione; obtestantur attamen diei & noctis vocibus, temporis, naturalisq; diei partes significari, quod & Postillatores clariùs explicant.

LYRANVS.

Appellauitq; lucem diem, quia dies est latitudo Solis super terram. Et tenebras noctem; quia sicut per præsentiam Solis efficitur dies; ita per suam occultationem efficitur nox.

TOSTATVS.

Lucem Diem, idest tempus in quo est claritas super Orizontem, Diem. Quia dies aliquid clarum signat. Et tenebras noctem, idest tempus, in quo sunt tenebræ, quando occultatur Sol, vel magna lux.

A V C T O R.

Ecce diei, & noctis non tantum genesim sed & nomina à Deo indita habemus, & ea quidem præstantissima, quemadmodum & res sunt insignes, adeo ut merito de ipsorum multiplici etymologia aliquid subnectere cogamur. Quis enim depromere posset laudes præstantissimas diei, & noctis? Quis vicissitudines, quibus horas sibi inconcussa intractaq; fide partiuntur, mutant, & reddunt? Quis beneficia, commodaque nobis collata? De his siquidem cumulatè edisserunt Theodoretus de Prouidentia sermone primo: Cyrillus Hierosolymitanus Catechesi nona, & alij quamplures, quorum argumentum in contemplationibus nostris desumpsimus. Dicamus nonnulla de eorum nominum etymologia.

b. *Etymologia nominum hebraicorum, Diei et Noctis. Dies à fremitu: Nox ab horrore, et tristitia.*

STEVSCHVS in Cosmopœia.

Iure autem, nec sine ratione Deus appellauit diem Iom, sic enim dicitur Hebraicè, ductum, ut dixi, à verbo Ham,



Appellauitq; lucem diem, & tenebras noctem.

Anno Mūdi
primo.
Die Prima.

- a. Dies à mansuetudine : Nox à stimulo .
- b. Dies à desiderio .
- c. Vel Dies à Deo .
- d. Sine, Dies , quia diuina res .



Ham, fremere, strepere, consonare, quòd in die cuncta fremant, & perstrepan, noctu contrà cuncta sileant, plenaque horrois omnia, & tenebrofa . Cæperuntque nato Sole, & die, cuncta perstrepare, idque tum primum fecerunt, quod postea semper factum est . Dies enim vigilia, nox omnium rerum quieti data, vt eorum nomina declarant . Diciturque Iom dies Hebraicè, à verbo, vt dixi, Ham, in futuro formatur Iom, sicut à ZachaK verbo, nomen & futurum ZachaK . Nox quoque congruam nature suæ habuit etymologiam . Vocauit eam Deus Hiela, fortasse à Laha defatigari, in qua fessa diurna vigilia, & strepitu quiescunt omnia, & reparantur : Quod pulchrè Flaccus .

Nox hominum genus, & duos misera labores,
Rettulerat somnos, & fessâ silentia terris.

Sic donum diuum gratissima serpit :

Aut ab horrore, & tristitia tenebrarum : Hæc ante hominem, & alia ab homine reperta nomina, à naturarum sunt indita .

a. Etymologia nominum Græcorum .

Dies à mansuetudine : Nox à stimulo .

PROCOPIVS Commentarijs in Genesim, capite primo.

Diem, inquit, vocauit ἡμέρα . Græca dictio ponitur, quæ quandam mansuetudinem importat . Quicquid enim festum, & hilare est, id Græcè ἡμέρον, idest placidum, & mansuetum appellare solent . Quapropter etiam humanitatem vel mansuetudinem nominamus ἡμερότητα . Præterea alia mansuefacta nuncupamus ἡμέρα, idest cicuta, & pacata . Nox dicitur Græcis νύξ, quasi νύττω, idest, stimulet hominem ferè dormientem, subinde inculcans : Disce homo, te esse mortalem, & somno seruis ? Et quid maiora tuis viribus & moliris, & cogitas ? Nam νύξ, est νύττω, idest stimulat, vel admonitio . Hinc motus David, ait ; Loquimini in corde vestro, & in cubiculo vestro, & stimulemini, vel pungamini : verum Hebræus habet, tacete.

Psalm. 4.

b. Dies à desiderio.

HAMERVS Commentatione in Genesim.

Dies Græcè vocatur ἡμέρα . Nec vox hæc semper eodem modo apud Græcos prolata fuit, vt auctor est Platon . Nam vetustissimi ἡμέραν vocabant, & ἡμέραν; recentiores ἡμέραν . Etymologia potest esse, vt Plato inquit; Quoniam lux ipsa è tenebris nascebatur, hominibus multum gaudentibus, & desiderantibus illam, eoque illam vocauerunt ἡμέραν, idest desiderium .

c. Etymologia vocum Latinarum diei & noctis.

Dies à Deo .

VARRO libro quinto Latinæ linguæ teste Hamero.

Dies à Deo dici putauit; Cælum enim putabant Deum quendam esse, cuius motu dies conficitur . Igitur à Cælo Deo, dies dictus est .

d. Dies, quia diuina res.

FESTVS eodem referente Diem quasi quid diuinum dici arbitratus est . Festus verò, inquit, dies dictus, quòd diuini sit operis, siue à Ioue, vt putabant, rectore, qui Græcè ζεύς διός appellatur, siue quòd aër diurnus debiscat in candorem.

Dies

Anno Mūdi
primo.
Die Prima.

Appellauitq; lucem diem, & tenebras noctem.

- a. Dies a Dio.
b. Dies a Dijs, & Nox quòd oculis noceat.
c. Dies, a diuidendo. Nox, quòd noceat negocijs gerendis.
d. Dies a claritate, Nox a nocendo oculis; vti Lux a luere, Tenebræ a tenere.

a. Dies à Dio.

Alij diem à Dio defleunt, Diem autem sub Cælo lumen vocant, quia & sub Dio siue, vt alij loquuntur, sub diuo aliquid esse dicimus, cū in aperto, atq; sub Cælo est.

b. Dies à Dijs, & Nox, quòd oculis noceat.

ISIDORVS Etymologiarum libro quinto, capite trigésimo.
Dies dicti à dijs, quorum nomina Romani quibusdam syderibus sacrauerunt.
Et capite trigésimo primo.
Nox ab eo dicta, eo quòd oculis noceat.

c. Dies, à diuidendo: Nox, quòd noceat negocijs gerendis.

BEDA de Ratione computi.
Dies vnde nomen accepit? à diuisione; eo quòd diuidat lucem à tenebris. Et post. Item dies dicitur, eo quòd lucem, & tenebras disungat, ac diuidat: appellatiue dicitur, dux operum, & absentia tenebrarum. Et post. Vnde dicta est nox? Quòd noceat aspectibus, vel negocijs humanis, siue quòd in ea fures, vel latrones nocendi alijs occasionem nanciscantur.

d. Dies à claritate: Nox à nocendo oculis; vti Lux à luere,
Tenebræ à tenere:

PETRVS Comestor in Genesim, capite tertio.
Et appellauit lucem Diem à Dyan Græco, quòd est claritas; sicut Lux dicitur, quia luit, hoc est, purgat tenebras. Tenebras dixit noctem, à nocendo, quia nocet oculis ne videant; sicut tenebræ, quia tenent oculos ne videant: sicut tamen Dies exortum est à Dyan Græco, ita Nox à Nyctim.

HVGOCarenensis in Postillis.
Et Dies dicitur à Dyan, quòd est claritas, Lux vero dicitur à luendo, quia luit, idest purgat tenebras; & dicuntur Tenebræ, quia tenent oculos, ne videant.

Sunt igitur Etymologiae Dici, quòd dies dicatur à verbo Fremere & strepere, eo quia in ipso omnia obstrepent; à mansuetudine, nam omnia magis in ipso mansuescunt, nec horrescūt; à desiderio, noctis siquidē horrore pertesi mortales ipsum diem peroptant; à Deo, quoniā eius auctor Deus optimus fuit, vel quia diuinū sit opus, seu à Dijs, à quibus denominatur; à distinctione, eo quòd discriminet lucē à tenebris; à Dio, seu ab aperto Cælo; à Dyan, idest à claritate. Nox autē ab horrore dicitur, quòd omnia in atra obscuritate horrescant; à stimulo, quoniā admonitio sit imbecillitatis humanæ; à nocendo, est enim tūm oculis, tūm negocijs gerendis nocumento. Ex his etymologijs, quæ propensior sit ad declarandam emphasim vocis, Pædagogis diiudicandum relinquo. Quamnam Deus, siue Adam primorum nominum institutor mente conceperit, non audeo diffinire; non enim adhuc compertum est, quodnam fuerit illud vetustissimum Idioma, quo vsus est Adam; num scilicet Syriacū extiterit, vt autumauit Theodoretus; num Hebraicum, vt maluit D. Augustinus, & Hieronymus; num ignotum illud nobis sit, vtpotē iam deletum, sicuti quamplures alij censuerunt. Vnum mihi superest dicendum, quòd ex etymologijs Latinis (nam de Hebraicis, & Græcis non est nostrum negocium) Bedæ etymologiam probatiorem iudico, quæ diem à diuidendo dictum tradit,

Etymologiae
nominum
dici ac no-
tis.

Etymologia
acceptior,
quæ.

Factum est vespere & mane .

- a. Hareb, ab Harab quod significat ligare, descendit: Vnde dicitur Vespere, quia colligat diem cum nocte .
b. Vespere, quod obliget ad quietem .

dit, & noctem à nocendo. Nox enim, vt tradit Isidorus, lunæ & syderum lucē nocte est, ne indecora esset, hominibusque nocte vigilatibus solatiū afferret, atq; vt quibusdā animantibus lucem Solis ferre non valentibus, ad eorum vires lumen temperaret. Obest autem, & prodest nox. Obest quidem aspectibus humanis, præcipue cum ad humana negotia peragenda sit inutilis, & facinorosis hominibus nocendi aditum præbeat. Prodest autem, quoniam permulta cōmoda & beneficia mortalibus affert, cum dies perpetuamq; lucem interciderat. Si enim perennis esset dies, certè calor non foueret, sed torreret, & in cineres cuncta redigeret, & si nox non intercederet, mortaliū corpora diurnis vigilijs ac laboribus fessa, quomodo somno recrearentur? Nonne sopore & quiete nulla intermissa, breuissimo temporis interuallo hominum negocia, vires, immo & vita ipsa ad exitium, atque ad nihilum omnino redigerentur?

Cur Nocti
Lunæ, & Sy-
derum lumē
tributum.
Noctis com-
moda & in-
commoda.

Factum est vespere & mane .

Hebraica lectio sic habet. Vaihi èreb vaihi bōer iomehad; idest, & fuit vespera, & fuit mane, dies vnus. Chaldaica, Et fuit Vespere, & fuit mane. Septuaginta legūt, Factum est vespere, & factum est mane, dies vnus. Latina nostra editio consimilis est. Idipsum autē meo iudicio sunt, Fuit vespere, fuit mane: quod Factū est vespere, factum est mane. Pagninus, Vatablus, Caietanus, Steuchus, Lusitanus, & Rabbinī Hebræi à Chaldaica non declinarunt: disceptant tantum de eius etymologia; de qua post.

- a. Hareb ab Harab, quod significat ligare, descendit: Vnde dicitur Vespere, quia colligat diem cum nocte .

LVSITANVS Commentarijs in Genesim.

Dictio Hebraica Hareb, quæ hic ponitur, & vesperam significat, ab Harab, quod est ligare, obligare, ortum habet. Inferius enim cap. quadragesimo quarto, dicit Iudas Ioseph; Seruus tuus Harab, idest, obligauit se, seu ligauit se pro puero. Sic Prouerbiorum vndecimo; Quia Harab, idest, obligauit se pro extranea, vel extraneo. Inde Ereb, propriè significat colligationem.

Plura & exempla in Scriptura colligit: deinde subnectit.

Hæc etiam ratione significat vesperam, quod scilicet liget diem cum nocte; & videtur propriè significare illud tempus, quod latini crepusculum vocant.

- b. Vespere, quod obliget ad quietem.

VIELMIVS Lectione vndecima hæc reijcit.

Et primū quia noctis, & diei colligatio, siue nexus, qui mane fit, & nobis Aurora dicitur, posset itidem nuncupari Hareb: est enim ligamentum. Deinde, quia vesper, & mane, vel diei, vel noctis partes sunt, quam sub iudice lis pendet, an diei, an verò noctis potius sint: quare non desunt, qui partem hanc idcirco Latinis crepusculum dictam velint; quod incerta sit & dubia, an ad noctem, vel ad diem pertineat; nam res incertas Latini creperas vocāt. At verò ligamentum aliud quidpiam esse videtur ab his, quæ ligantur. Ad hæc tertio, Exodi duodecimo, iuxta Hebræam literam iubentur mactare agnum inter duas vesperas; hoc est, (omnium consensu) inter crepusculum, & noctem: nam & Plautus crepusculum vocauit primam vesperā, sicut Lilius primas tenebras, & Macrobius primam faciem; quod tunc primū lumina, siue faces accendantur. Ergo ipsa quoque nox vespera, & Hareb appellatur. Est autem certum, noctem dici non posse ligamentum sui cum die. His igitur rationibus ductus, opinor crepusculum noctis, atque noctem quoque ipsam Hebræis dici ligamentum, aut obligatio, quod homines tantisper obliget feriari: siquidem

Anno Mundi
primo.
Die Prima.

Factum est uespere & mane.

- a. Mane Boquer à discernere.
- b. Vespere à miscere.
- c. Mane à querere.
- d. Vel, Mane à Manu, vel Dijs manibus, vel Aëre.
- e. Vespere à Stella insequente Solem Vesper appellata.

eos ad quietem, & ad operum atque laborum cessationem (quibus interdum incumbunt) adducit : ac videntur illis veluti manus ligare, ne civilia negotia transigant : quæ profectò omnia Dauid in Psalmo centesimo tercio luculentissime cecinit ; Ortus inquit est Sol, exibat homo ad opus suum, & ad operationem suam vsq; ad vesperam. Facta est nox, in ipsa pertransibunt bestiae sylvae.

a. Mane Boquer à discernere.

L V S I T A N V S de Mane etymologia.

Est etiam aduertendum, verbum, Bacar, à quo Boquer, idest mane, significare propriè, Discernere, ut patet Ezech. trigesimo quarto, ubi dicitur, Vbicartim, idest, & discernam eas, scilicet oues meas. Et Levit. vigesimo septimo. Non iebequer, idest non discernet. Sic infra cap. vigesimo nono. Et fuit boquer, idest mane : & ecce Leah, idest discreuit esse Leah. Vnde boquer, idest mane dicitur, quod tunc res ab inuicem discernantur ; licet Hebraei dicant, quod Barca significat querere, & Boquer mane, quod tunc res querantur.

V I E L M I V S ea ipsa loco asserto habet.

Hebraeis autem dicitur, Bocher, à verbo Bachar, quod est querere, & discernere. Itaque, quoniam à nobis inuicem res mane discernuntur, querunturq; non verò noctu, quando omnia cæta sunt, & videntur veluti latitare, capropter Bocher scite admodum dictum fuit.

b. Vespere à miscere.

H A M E R V S Commentatione in Genesim.

Vespera Hebraicè vocatur Hereh, à verbo Harah, miscuit. Inde Hereh vulgum promiscuum, & Hereh vespera, quod lux, & tenebrae eo tempore permisceantur, vel quod res ipse imperfecte vise in discretè cognoscantur. Sic apud Latinos crepusculum ; quod tamen, ut Varro inquit, à Sabinis ortum est ; & significat dubium.

c. Mane à querere.

H A M E R V S ubi supra.

Mane Hebraicè vocatur Bocher à verbo Bachar, quesivit ; fortasse sic dictum, quod mane quisque suum negotium querat.

Et hanc existimo etymologiam Hebraicorum nominum. Secundum Latinas voces, Mane à manibus, seu ab omine boni nominis.

M A C R O B I V S libro primo Saturnalium, teste Hamero.

Mane dictum est latinis, aut quod ab inferioribus locis, idest manibus exordium lucis emergat, aut (quod verius mihi videtur) ab omine boni nominis.

d. Mane à Manu, vel Dijs manibus, vel Aëre.

I S I D O R V S Etymologiarum libro quinto, capite trigesimo.

Mane lux matura & plena ; nec iam crepusculum. Et dictum mane à manu : manum enim antiqui bonum dicebant. Quid enim melius luce ? Alij mane existimant vocari à dijs manibus ; quorum conuersatio à Luna ad Terram est. Alij putant ab aëre, quia manus, idest rarus est, atque perspicuus.

e. Vespere à Stella insequente Solem Vesper appellata.

I S I D O R V S ubi supra capite trigesimo primo.

Vesper à Stella Occidentali vocatur, quæ Solem occiduum sequitur, & tenebras sequentes præcedit, de qua Virgilius.

Ante diem clauso componet vesper Olympo.

Tenebras autem dictas, quod teneant umbras.

Consimilia habet Beda libro de Ratione temporum.

Sufficiat mihi hoc loco coarctasse eas Etymologias, quas præstantiores iudicaui ; de illis iudicium ferat lector.

Factum

Factum est vespere & mane.

- a. Id est, Vespertina, & matutina apprehensio in Angelo.
- b. Vel, Vespere perfectionis operum terminus, Mane inchoatio.
- c. Siue, Vespere esse in Dei occulta sapientia, Mane in natura.

a. Factum est vespere & mane, vespertina, & matutina apprehensio in Angelo.

Quid his verbis intelligendū sit, nō vna sententia decernunt Patres. Prætermitto, qui primum huic loco interpretationem eam deferunt, quæ per diem cognitionem Angelicam, per vespere & mane, vespertinam & matutinam Angelorum apprehensionem intelligebat, de qua supra.

b. Vespere perfectionis operum terminus, Mane inchoatio.

AUGUSTINVS de Genesi ad literam, libro primo, capite decimo septimo post plura.

Vespere autem in toto illo triduo, antequam fierent luminaria, consummati operis terminus non absurdè fortasse intelligitur; mane vero tanquam futuræ operationis significatio.

EVCHERIUS Commentarijs in Genesim, lib. primo, cap. secundo.

Vespere, conditæ creaturæ terminus: mane, initium condendæ creaturæ alterius.

GLOSSA Interlinearis.

Factum est vespere; hoc est, perfectæ rei terminus: Et mane, hoc est, exordium.

BEDA libro de sex dierum Creatione.

Factum est vespere & mane dies unus. Quid est vespere, nisi ipsa perfectio singulorum operum? & mane, id est inchoatio sequentium?

Idipsum Quæstionibus in Genesim, & Expositione in primum caput Genesim.

Vespere autem in toto illo triduo, antequam luminaria essent, consummati operis terminus non absurdè fortasse intelligitur: mane autem futuræ operationis significatio.

GLOSSA Ordinaria ex Augustino.

Vespere in triduo, antequam fierent luminaria, consummati operis terminus. Mane futuri inchoatio. Et Post. Vespere in omnibus perfectæ conditionis terminus est: mane exordium incipientis. Omnis enim creatura certis initijs, & terminis continetur. Nondum enim erant Solares dies, ut ortus Solis dies, Occasus vespere diceretur; quod quarta die factum est, cum luminaria primum in firmamento ordinata sunt.

Hæc ipsa sic habet liber inscriptus Anticimenon, interrogatione tertia. Restat ut intelligamus per tres illos dies, qui sine Sole, vel Luna fuerunt, in ipsa quidem mora temporis distinctiones ipsas operum sic appellatas, id est, vesperam propter transactionem consummati operis, mane propter inchoationem futuri operis, de similitudine scilicet humanorum operum, quia pleraque à mane incipiunt, & ad vesperam desinunt.

Cæterum omnes expositiones præfatæ Augustini sequuntur doctrinam, qui Mundum unico momento concretum arbitratur. Quapropter & voces eas, quæ temporis aliquod genus indicant, ad peregrinos sensus diripit, ac trahit.

c. Vespere esse in Dei occulta sapientia; Mane in natura.

RESPERTVS in Genesim libro primo, capite trigesimo.

Et factum est, inquit, vespere & mane, quia videlicet non casu factum est, sed vespere, id est, in illa occulta Dei sapientia disposita, & factum est, priusquam in actum visibilem exiret: Et mane factum est, videlicet, ut quod in occultis Dei erat, in publicum per euidens opus exiret, sicut iam de anteriori die dictum est.

Anno Mūdi
primo.
Die prima.

Factum est vespere & mane dies vnus.

- a. Quod factum est vno momento, temporum delapsu effectum dicitur, in gratiam ineruditorum.
- b. Vespere & Mane, temporum seu diei partes indicant.
- c. Vespere initium noctis, Mane exordium diei.

a. Quod factum est vno momento, temporum delapsu effectum dicitur, in gratiam ineruditorum.

AVGVSTINVS de Genesi imperfecto, capite septimo.

Sed quomodo facta est vespere, & factum est mane? An tanta mora temporis fecit lucem Deus, & diuisit inter lucem & tenebras, quanta mora tenditur dies lucens, idest, non annumerata nocte? Et ubi est, quod scriptum est; Subest enim tibi cum voles, posse, si opus est Deo productione temporis, ut aliquid proficiat? An omnia quidem tanquam in arte, atque ratione perfecta sunt Deo, non in productione temporis, sed in ipsa, qua illas etiam res quas non stare, sed transire cernimus, stabiliter efficit? Non enim & in sermone nostro, cum verba alia transeant, & alia succedant, credibile est ita fieri in ipsa arte, qua operante stabiliter artificiosa occurrit oratio. Quamquam ergo sine productione temporis faciat Deus, cui subest posse cum volet, ipsa tamen nature temporales, motus suos temporaliter peragunt. Ita ergo fortasse dictum est; Et facta est vespere, & factum est mane dies vnus: sicut ratione prospicitur, ita fieri debere, aut posse, non ita ut sit temporalibus tractibus. Nam in ipsa ratione operationem contemplatus est in Spiritu Sancto, qui dixit; Qui manet in aeternum, creauit omnia simul. Sed commodissime in illo libro quasi morarum per intervalla, factarum a Deo rerum digesta narratio est, ut ipsa dispositio, que ab infirmioribus animis contemplatione stabili videri non poterat, per huiusmodi ordinem sermonis exposita quasi istis oculis cerneretur.

b. Vespere & Mane, temporum, seu diei partes indicant.

Ceteri ferè omnes tūm Patres, tūm Doctores vocaminibus istis diei partem aliquā significari censuere: sed non æqua conformique sententia, cum alij per vespere pro initium noctis, & per mane exordium diei capiant: alij vespere pro lapsu Solis à meridie ad occasum, & mane pro eiusdem ascensu ab ortu ad meridiem: alij vespere pro nocte, & mane pro die: alij tandē vespere pro diei fine, & mane pro noctis exitu intelligant. Sententiarumque harum uarietas ex eo prouenit, quoniam primæque diei initium non conformiter accipiūt, nonnulli enim à uespere, nonnulli à meridie, quidā à mane eum sumunt. Amplius de loco, quo explenduerit primum Sol, non conueniunt, cum quidam in occasu, nonnulli in meridie, alij in ortu, prosilisse ipsum arbitrentur. Sicuti singulorum recitatis sententijs patefiet.

c. Vespere initium noctis, Mane exordium diei.

Sententia, quæ Solem in occasu nostro, seu in ortu Hemisphærij suppositi effulxisse, diem à uespere inchoasse astruit, & uespere pro initio noctis, & mane pro exordio diei capit.

Primo quippe loco nobis se offert Catherini sententia omnium nuperrima, qui Solem in occasu splenduisse; & diem à uespere supputat, & uespere, & mane, pro noctis, & diei initijs accipit.

CATHERINVS siquidem Enarratione in primum caput Geneseos hæc habet.

Dicendum est à Mose sic fuisse positam Mundi inchoationem, ut in alio hemisphærio illi genti, ad quam scribebat opposito, Sol illucere inceperit; ita ut primò esset vespere in hoc nostro, & Sole postmodum nobis oriente lux diuina, usque ad aliud vespere redderetur. Itaque Mundus iste secundum hoc nostrum hemisphærium, in quo creatus est homo, habuit primum vespere, deinde mane: quod etiam cum diuinis officijs appositissime conuenit. Nam Sabbatho in vespere iam cadente incipit dies Domini celebrari, ut significetur tunc incipere diem

Factum est uespere & mane dies unus .

a. *Vespere delapsus Solis ad occasum, Mane ascensus eiusdem ad meridiem.*

diem Domini solemnem . Ob eam causam fuit mandatum in Scripturis, ut festorum solemnitates à vespere inciperent . Et Post . Verum ergo est secundum Scripturam , diem nobis incipere ab ipso occasu vespere ; & terminari ad idem punctum reuerso Sole . Existimo & hoc traditum à veteribus acceptum . Thales enim Milesius interrogatus, nox ne diem, an dies noctem præcessisset, respondiisse fertur, noctem præcessisse .

LVSITANVS in Genesim in hanc decidere sententiam visus est, cum dixit . Denominat autem noctem ab initio sui, quod est vespera, diem etiam à mane, à quo ortum, seu initium habet . Et hinc arbitror Hebræos dies festos celebrare à vespera in vesperam ; id est , à crepusculo noctis præcedentis usque ad crepusculum sequentis . Propriè tamen appellari vesperam puto crepusculum : quod est inter Solis occasum, & noctem ; quod tempus in Sacris literis dicitur inter vespertas, quo immolare iubentur agnum Paschalem . Hinc etiam ortum arbitror usque hodie, noctem præcedentem, cum die suo artificiali, vocari unum diem . Est etiam aduertendum, verbum Bachar, à quo Boquer, id est mane, significare propriè, discernere .

TOSTATVS hanc redarguit sententiam, cum ait . Aliqui errantes dicunt creationem rerum incepisse die Dominica ad horam Completorii, quod valde stultum est, & impossibile : quia tempus Completorii dicitur, quando Sol cadit sub Orizonte, sed ante creationem primam rerum non fuit aliquod tempus .

Sed immeritò : lucem enim in occasu explenduisse primò, & non in ortu , autumant hi Doctores .

Huius igitur placiti fundamenta sunt . Primùm quòd si dies ac nox à diluculo , & crepusculo appellari debebant , nox potius à vespertis , & dies à mane ipso nuncupandi profectò erant , cum vespera pars sit noctis , mane verò diei . Deinde , à vespera ad vesperam celebrandum fore Sabbathũ, noscitur institutum : Cum igitur Sabbathi celebratio, Sabbathi eius primæui, quo Deus requieuit, esset commemoratio , iuxta illud ; Sex diebus operaberis, &c . Certè Sabbathum primum cœpit à Vespertis, uti & festi dies à Vespertis initium ducebant . Amplius, ista sententia, noctem videlicet diei præfisse, vetustorum vatum Gentilitatis extitit . Tandem inueteratus mos plurimarum gentium præcipuè Aegyptiorum fuit, inter duos occasus diem computare .

Catherini sē-
tentia fundamen-
ta.

Exod. 20.

a. *Vespere delapsus Solis ad occasum, Mane ascensus eiusdem ad meridiem .*

Sententia quæ lucem in meridie explenduisse, & diem à meridie pariter cepisse censet, sumit vespere pro delapsu Solis ad occasum, & mane pro ascensu eiusdē ad meridiē .

Marsilius Ficinus libro de Sole, & lumine, capite decimo ; & in meridie conditū fuisse Solem autumavit, & à meridie diem exordium sumpsisse, & hanc esse causam, quare Moses prius vespere, quàm mane transactum fuisse dixerit ; quòd Sol à Meridie ad occasum propriè descendens primus vespertas, quàm noctem, & mane efficiat .

AE G I D I V S Hexæmeron secunda parte, capite secundo, hanc recenset sententiam .

Alij quidem dicunt, quòd in Meridie, id est in circulo meridiano Terræ habitabilis, vel illius partis Terræ, ubi producendus erat homo, fuit facta illa lux : & quia cum Sol, vel quodcunque corpus luminosum attingit meridianum circulum, statim incipit declinare versus Occidentem ; & ex hoc statim dici potest, quòd incipit facere vesperam, ideò dicitur illa dies incepisse à vespera, & post habuit vesperam, & postea habuit mane : & sic vespere & mane factus est dies unus .

Amplius hic Doctor diem eam, noctemq ; non fuisse denominatā censet, ex eo quòd recensitis extremis cointelligatur medium , vespereque pro media die à meridie in se- rum, mane pro altera dimidia à mane ad meridiem, capienda arbitratur .

Anno. Mūdi
primo.
Die Prima.

Factum est uespere & mane.

a. *Vespere, tenebræ ante emanationem lucis; Mane, initium secundi diei.*

S T E V C H V S in Cosmopœia hoc ipsum asseruit scribens.

At in creatione, in medio Cælo, refero enim ad situm ubi creatus est homo, ubi Cæli, Terræque dicta, ac promulgata fuit creatio, ubi homo Cælum, Solemque suspexit, & in suum Orizontem respectans, dies numerare cepit; creatus est Sol. Et Post. Ob eamque causam scriptor dixit, Et factum est vespere. Nam cum in describendo vnius diei intervallo, debuerit mane primum, postea vespere censere, videlicet, Factum est mane, & vespere; tuncque dicere, diem vnum fuisse; huncque ordinem ubique; Mosén servare decuerit: ea certe, cur non servavit, causa fuit, quod primus ille dies, quia super Orizonte Sol est creatus, dimidius prope dies fuit, nec Auroram, antecedentesque; Solem lucis afflatus habuit, caruitque matutino.

His quasi æstimare videtur Steuchus diem primam tantum horis decem & octo constasse. Diem verò auspicandum esse à meridie certius, quam ab alia quacunque diei parte, demonstrant plura. Umbri, & Athenienses, (teste Beda libro de Ratione temporum) à meridie ad meridiem dies computabant. Astronomi huius instituti rationem & prosequuntur, & celebrant. Dierum enim exordium exploratius in ea Cæli parte capi posse autumant: nam Sol in meridiano rutilantior est, & coruscantior, ac veluti in sua arce, & folio, fortior, validiorque; consistit.

a. *Vespere, tenebræ ante emanationem lucis; Mane, initium secundi diei.*

Sententia verò ea, quæ lucem micasse in meridie, sed diem in mane exordium sumpsisse diffinit: vespere nomine Tenebras Chaos ante lucem occupantes, & mane pro initio diei sequentis capit.

Existimarunt profectò nonnulli, lucem in nulla alia Cæli plaga præterquam in meridiana effulxisse, diem attamen à mane incepisse; adeo ut sex horis Mūdi emolitio lucis nationem præcesserit, sexque horis Mundus obscurissimis in tenebris iacuerit. Deinde in meridie lucem emicasse, & post sex alias diei horas noctem horarum duodecim dilatam esse usque ad ortum Solis secundæ diei, quo dies primus absolutus fuit.

D. BONAVENTURA secundo, distinctione tertiadecima, hanc recitat sententiam, Bedæque ascribit.

Quidam enim dicunt, quod lux illa facta est in meridie, & rationem huius assignant duplicem. Vna, quia lux illa primò faciebat vespere, & postea mane: sicut dicit Scriptura; ergo videtur, quod prius tenderet ad occasum, quam rediret ad ortum. Alia est ratio, quia Dei perfecta sunt opera, & ideo diem & lucem fecit in sua plenitudine; & ita in meridie: & hoc modo videtur sentire Beda, & alij expositores, qui dicunt primum diem à prima luce cepisse. Et si tu obijcias, quod à principio diei usque ad mane non sunt viginti-quatuor hore: Respondent, & dicunt, quod sex hore huius diei præcesserant successione temporis pertransiente propter ipsius materie mutabilitatem, & postmodum sexta hora (quæ est in numero perfecta) facta est lux, quæ est corpus perfectum in sui natura, in plena & perfecta irradiatione, utpote in meridie: & cum esset tunc tempus æquinoctiale, usque ad occasum fuere sex hore; & postmodum usque ad ortum sequentis diei, fuerunt duodecim; & sex præcesserant ante formationem lucis post creationem Cæli, & Terræ: & ita factus est dies naturalis perfectus, & integer.

Aegidius secunda parte Hexameron, in capite secundo hanc eandem memorat opinionem. Colligi possunt ex D. Bonaventura rationes due, quibus lucem in meridie coruscasse comprobatur: altera scilicet, quod vespere fecerit, & post mane: altera verò, quoniam si cuncta opera Dei absoluta, omnibusque suis numeris completa emerferint: certè & lux in meridie emicuit, hoc est in arce & folio suo, in quo splendidior, ac fulgentior apparet, atque ad inferendos effectus potentior.

Vespere

Factum est vespere & mane.

- a. *Vespere nox; Mane dies.*
b. *Vespere diei finis; Mane noctis exitus.*

a. *Vespere nox; Mane dies.*

Sententia vero, quæ lucem in ortu exilijsse, diem verò à fero exordium sumpsisse autumat; vespere pro nocte, & mane pro die assumit.

Alphonsus Tostatus Episcopus Abulensis, diem priscum à fero exordium sumpsisse primumque illum diem nullum tempus præcessisse, sed eo ipso momento, quo Mundus, seu Chaos profilijt, & priscum diem cœpisse arbitratur. Opinatur deinde tempus illud ante manationem lucis dilapsum, duodecim extasse horarum, quæ vices noctis egerint, nocteq; hanc, luce in Orizōte ab ortu effusa, diem quoq; duodecim horarum esse insecutum. Vesperamq; censet vocari tempus, quo Cælum & Terra tenebris offusa constiterunt, hoc est duodecim horarum noctem, mane verò diem vsitatum, quem lux illa post creata confecit: ex utroque autem temporis spatio diem primum naturalem constituisse. Quæ sententia, quantum ad id, quòd lucem in ortu effusam docet, à sequenti non dissentit.

T O S T A T V S itaque Commentarijs in Genesim tres deferens expositiones hanc primo in loco adducit.

Et accipitur hic dies pro naturali, qui fuit ex die artificiali, qui vocatur mane: & ex nocte, quæ vocatur vespere. Et possunt accipi ista duo dupliciter, vno modo quòd fuerit antea vespere, id est tempus sine luce: quod tamen non erat nox, nec dies; quia Mundum lux erat creata: & sic vespere est genus ad noctem: & isto modo dicemus, quod materia corporum omnium corporeorum, & Cælum Empyreum, & Angeli cum tempore fuerunt creata per duodecim horas ante; quæ faciunt vnam de noctibus, quæ sunt tempore æquinociali: & post creata fuit lux; & circuit in duodecim horis medietatem Cæli, scilicet vsque ad oppositum occasus punctum: & fuit vna dies artificialis; & tunc ex duobus ijs completa fuit dies naturalis: & ista positio conuenit ordini literæ ponentis prius vespere, quàm mane. Et conuenit priori literæ, quæ ponit materiam, & Cælum Empyreum sine die creata; lucem autem cum primò die creauit.

b. *Vespere diei finis; Mane noctis exitus.*

Sententia tandem & opinio ea, quæ lucem in ortu, & diem à mane inchoatam tradit, vespere diei, & mane noctis exitum indicare diffinit.

Supereft communis peruulgataque præstantissimorum Patrum sententia, quæ lucem in ortu explenduisse prodit, diem primum à mane ad mane deducit, vespere nomine diei, & mane voce noctis finem, atque absolutionem interpretatur. Patres prisci, qua parte Cæli lux manarit, non expresse edocent, sed primum diem à mane ad mane computantes, & vespere, maneque nominibus, diei & noctis fines exponentes, implicate & lucem in ortu primum irradiasse Orbem, sensisse visi sunt, sicuti ex sequentibus eorum sententijs excerpti potest. Posterius clariùs id tradidere.

BASILIVS Hexameron Homilia secunda.

Sanè vespere, & diei, & noctis terminus est vtrique communis: at mane peræque est noctis ad diem vicinitas. Vt igitur in ordine creationis primigeniam prerogatiuam deferret diei, ipsius diei finem priore loco commemorat, dein subnectit quòd vltimum est noctis, quando nox diem subsequitur. Prior enim ille Mundi status, nimirum ante primigeniam lucem exortam, non nox dicebatur, sed tenebræ: Nox enim ea temporis portio dicta est, quæ distinctè se habet, & oppositè ad diem, quæ quidem diei succedanea nouam hanc appellationem indepta est. Facta est igitur vespere, & factum est mane.

Deinde diem nocti dignitate præcellere: & quare Moses dixerit, Factum est vespere & mane, dies vnus; & non Factus est dies & nox: seu Facta est nox vna, adnotat, dicens,

GREGORIUS Nyssenus vt supra delatum est.

Cum enim vis illuminatrix naturaliter quiescere non possit, quum splendor superam circuli partem percurrisset, & cursus esset circa partem subiectam; necessario accidit, vt simulatque ignis subtercurrere cepisset, supera pars obumbraretur, crassiori nimirum natura splendori officiente. Recessum igitur, & occasum lucis, vesperum nominauit: ac rursus cum ignis subiectum circulum percurrisset, superisq; partibus splendorem re-duxisset, id quod siebat, mane, diluculum ita nominans, appellauit.

ATHANASIUS Quæstione nonagesima.

A primitiua quidem Mundi creatione, ab eo tempore videlicet, quo factus est Adam vsque ad ad-uentum Christi, prior fuit dies, sicut etiam diuina Scriptura loquitur, quod dixerit Deus; Fiat lux, & facta est lux, & quod lucem Deus vocauerit diem, tenebras vero vocauerit noctem. Primum posita fuit lux, per hanc enim extitit primus dies. Et à luce primum inchoantes, in tenebras postea deuenimus.

IULIANVS Pomerius Archiepiscopus Toletanus contra Iudæos, lib. tertio.

In sex diebus fecit Deus Cælum, & Terram, & omnem à se formatam distinctis diebus condidit creaturam, vnumquene diem luce initians, vespere consumans, dicente Scriptura; Factum est vespere, & mane dies vnus.

IVNILIUS in Hexameron, vt supra referebamus.

Factum est vespere, & mane dies vnus. Factum est vespere, occidente paulatim luce, post expletum spa-tium diurnæ longitudinis inferioris Mundi partes subeunte, & quod nunc vsitato Solis circuitu, noctibus agi solet. Factum est & mane, redeunte eadem paulatim supra terras, atque alium diem initiante, & huc vsque dies expletus est vnus, viginti scilicet quatuor horarum. Et post. Decebat nanque omnibus modis, vt dies incipiens à luce, in mane diei sequentis esset protelatus, quatenus intimaretur, opera eius, quæ est lux ve-ra, & in quo tenebræ non sunt vlle, à luce inchoare, & in lucem cuncta esse completa.

Catena Lippomani hæc Augustino ascripsit.

EVCHERIUS Commentarijs in Genesim lib. primo, cap. secundo.

Querunt aliqui, cum primum vesperum, postea mane, Scriptura commemorauerit; ne forte noctem prius quam diem significare videatur. Nec aduertunt primum, quod præmiserit diem, dicendo; Et vocauit Deus diem, lucem, & tenebras, noctem. Inde est, quod vespera finis diei sit, & mane finis noctis. Ergo vt benefi-cium ante oblatum prerogatiue & primatus natiuitatis diei daret, prius finem diei significauit, post quem sequutura nox esset. Deinde postea finem noctis adiunxit, dicendo; Factumq; est vespere & mane dies vnus.

GLOSSA Ordinaria præfata his perstrinxit.

Occidente luce paulatim, & post spacium diurnæ longitudinis inferiores partes subeunte, factum est ves-pere, sicut nunc vsitato circumitu Solis solet fieri. Factum est autem mane eadem super terram redeunte, & alium diem inchoante, & dies expletus est vnus viginti quatuor horarum. Notandum vero, quod nox in illo triduo omnino tenebrosa fuit, quæ post creata sydera aliqua luce claruit: decebat etiam, vt dies à luce in-ciperent, & in mane sequentis diei tenderent, vt opera Dei à luce inchoata, & in lucem completa esse signifi-carentur. Factumq; est vespere, &c.

Idipsum egit Magister secundo, distinctione tertiadecima.

PROCOPIUS Commentarijs in Genesim cap. primo.

Distinctio, qua Deus secreuit lucem & tenebras, communes vtrisque dedit, & præstituit terminos. Finis enim diei (vt apparet) est vespera: noctis vero, mane. Et vicissim, seu ordine conuerso: initium quidem noctis, vespera est: & mane, initium diei. Semper etenim principia, fines, extremitatesq; concipiuntur simul cum rebus animo. Quapropter non dixit; Fecit, sed, Factum est &c. quasi vna post distinctionem lucis & tenebrarum subsisterint.

Edisserit non ineruditè Procopius hoc loco diem seniore esse ipsa nocte.

Plurima disputatio est, vtrum præcesserit dies vel nox. Sed qui argumentantur, diem, vt vulgo creditur, seniore esse nocte, sic procedunt. Deus ipse primatum donauit diei: Nam primò posuit finem diei, nempe vesperam, quasi dies antecesserit noctem: & vbi desinuerit in vesperam, tum demum ex eius fine progeneratam esse noctem. Nox enim, vt quies diurni operis, nobis affertur ex præcedente die. Caterum vultus, vel for-ma, quæ ante lucis exordium Mundo erat, non dicitur propriè nox, sed potius caligo, seu tenebræ. Verùm nox suum nomen, quod tenet, sortita est, quod distinctionem faciat inter diem seq; . Nec appellanda est vel caligo vel tenebræ, sed Die noctium (vt ita dicam) quod ex vtrisque constituitur: idest, vtrunque tam diei, quam noctis spacium, nemo diem, & noctem appellabit, sed contentus erit id spacium dixisse diem, nomina-tione petita à potentiore, & principaliore. Nam Psaltes inquit; Dies vitæ nostræ, &c. Et Iacob Patriarcha ait; Dies vitæ meæ pauci, & laboriosi, &c. Et iterum, Omnes dies vitæ meæ.

Ex duobus igitur argumentatur Procopius, diem præstantiorē esse nocte, tum quod Deus ipsi primatum tulerit, quoniam primum diei finem per vesperam dedit, quam nocti per mane; tum quod potentior, & excellētiore sit, & ipse solus adeo denominetur, vt ipsius nomenclatura nox intelligatur. Prosequitur amplius huic sententiæ duo obij-ciens

Psal. 89.

Gen. 47.

Dies nocte est præstan-tior.

ciens. Alterum quod in festis, & ieiunijs lex præponat noctes diebus; alterum quod idipsum in Seruatoris nostri facerrima morte, illustriq; resurrectione obseruatū cernatur. Quibus & respondet, id ex mysterio contigisse. Primum, ut quæ antea in Mundi initio euenerant, & quæ post in eius exitu euentura erant, denotaret: Mundum scilicet ex tenebroso eo Chaos ad lucem exoptatam processisse; Nos quoq; ex hac labente vita, quæ nox atra est, & caligo, ad diem perennem futuræ vitæ transitorios. Deinde (& hæc longe post adijcit in sua narratione) Mossem festos dies à nocte celebrari iussisse, ut noctu Iudæi ad audiendam in die diuinam legem seipsos præparent. Concludit igitur.

Ceterum decet diuinam maiestatem in maiori gloria celebrari, quæ splendorem fundunt, &

Ceterum decet diuinam maiestatem in creatione Mundi initium capere ab his, quæ splendorem fundantur, quorum substantia est; nec exordiri ab his, quæ non sunt, quibusq; lux denegata est. Horum etiam creatio non traditur. Sed qua via eorum creatio inuestiganda erit? Nam tum demum caligo, & nox intelligitur, cum submotæ fuerit, vel absuerit lux.

Posteri Patres clariùs id nobis tradiderunt.

Posteriores Patres clarius id nobis tradiderunt.
H V G O Victorinus de Sacramentis fidei libro primo, par. prima, cap. nono.
Lucem primam (quia dies prima exorta est) crediderim ego, quando facta est, ibidem primum apparuisse, ubi Sol quotidiano cursu circumuectus oriens emergit, ut eodem tramite circumcurrens, ac primo ad occasum descendens, vesperam faceret: & deinde reuocata ad ortum, Auroram, hoc est mane, ante ortum sequentis diei illustraret. Et propterea, quia primus dies Auroram precedentem non habuit, quoniam antequam lux crearetur, plena tenebrae fuerunt: mox autem luce apparente super Terram, plenus dies: propterea quod à perfecto opus Dei inchoari debuisset; ideo dixisse Scripturam; Factum est vespere, & mane dies unus. Non enim dixit, Factum est mane & vespere; sed factum est (inquit) vespere & mane, dies unus: quia, sicut diximus, primus dies mane precedentem non habuit; quoniam à luce plena, atque perfecta, initium sumpsit. Propterea omnis Aurora precedentis diei est; & omnis dies ab ortu Solis initium sumit. Estq; dies naturalis illud spacium temporis, quod ab ortu Solis vsque ad Ortum pertransiens, noctem in se, diemq; concludit: in qua (quoniam naturaliter dies noctem precedit) & finem diei, vesperam dicimus; finem noctis, Auroram: constat indubitanter, quod Aurora semper ad precedentem diem referenda sit.
RICHARDVS

Auroram : constat indubitanter, quod Aurora semper ad precedentem diem referenda sit.
RICHARDVS quoque Exceptionum libro secundo, capite septimo.
Lux illa primaria, & in loco creditur facta, quo Sol modo quotidie oritur, & per eandem viam, per quam Sol creditur girasse; ac sic vespere & mane peregrisse: & hoc fuisse opus primæ diæ.
MAGISTRO quoque in tertiadecima.

MAGISTER Sententiarum libro secundo, distinctione tertiadecima.
Ibi ergo primum lucem apparuisse verisimile est, ubi Sol quotidiano cursu circumuectus apparet, ad ortum, tramite lux circumcurrens, ac primo ad occasum descendens, vespere faceret: deinde reuocata ad ortum, Auroram, idest, mane illustraret: & ita diuisit Deus lucem & tenebras, & appellauit lucem diem, & tenebras noctem. Et post. Hic notandum est, quod dies diuersis modis accipitur in Scriptura. Dicitur enim dies lux illa, quae illo triduo tenebras illuminabat, & dicitur dies illuminatio ipsa aëris. Dicitur etiam dies spatium vigintiquatuor horarum: qualiter accipitur, cum ait; Factum est vespere & mane dies vnus. Quod ita distinguendum est. Factum est vespere prius, & postea mane: & ita fuit dies vnus expletus vigintiquatuor horarum. Dies scilicet naturalis, qui habuit vespere, sed non mane. Mane enim dicitur finis praecedentis, & initium sequentis diei, quod est Aurora, quae nec plenam lucem, nec omnino tenebras habet. Mane ergo primus dies non habuit, quia nec dies praecesserat, qui sequentis diei initio terminaretur; & eo praecipue, quia luce apparente, mox super terram plenus, atque praeclarus dies extitit: qui non ab Aurora, sed à plena luce inchoauit; & mane sequentis diei consummatus est. Vnde Beda super Genesim; Decebat, ut dies à luce inciperet, & in mane sequentis diei tenderet: ut opera Dei à luce inchoasse, & in lucem completa esse significarentur. Reliqui autem dies mane habuerunt & vespere, quorum quisque à suo mane incipiens, usque ad alterius diei mane extendebatur. Et post. Primus itaque dies non ab Aurora, sed à plena luce incipiens. Et post vespere paulatim occidente luce excipiens, mane sequentis diei expletus est.

MAGISTER Hist. lib. 1. capite tertio. li. 1. Primus

MAGISTER Historiæ Scholasticæ in Genesim, capite tertio.
Et factum est vespere; & post factum est mane. Et sic completus est dies unus naturalis. Primum enim cum Cælo & Terra lux est creata: qua paulatim occidente factum est primum vespere prime diei usualis, & eadem migrante sub terras, & ad ortum veniente, factum est mane, id est terminata est nox: & inchoavit dies secunda. Itaque præcedente luce dies terminata; & sequente nocte terminatus exitit dies unus. Lux ipsa diuisas partes ostendebat, sed non diuidebat.

LYRANVS in Postillis, in prima expositione.
Factumq; est vespere & mane dies vnus. Loquitur de naturali, quæ est vigintiquatuor horarum, & com-
plectitur diem & noctem. Et ideò dicit; Factumq; est vespere, & mane dies vnus. In vespere enim com-
pletur dies artificialis, qui est prima pars diei naturalis, & in mane diei sequentis completur nox, quæ est se-
cunda pars diei naturalis: & ideò præponit vespere ipsi mane, vt ostendat completionem diei naturalis, expri-
mendo terminos diei artificialis, & noctis, quæ sunt partes integrantes diem naturalem.

T O S T A T V S secundo loco.

Secundo modo potest dici, quod principium istius diei est à creatione lucis : & sic fuit primò mane, idest dies artificialis; dum lucida nubecula transiit totum hemisphaerium, in quo creata fuit, transiens à puncto Orizontis in quo creata fuit, usque ad punctum oppositum occasus. Et accipitur istud hemisphaerium, vel orizon in respectum ad superficiem Lunam circularem transeuntem super centrum illius magni, & primi corporis : & in puncto signato in parte anteriori huius superficiei secundum circulum interfecantem signatur punctus Orientis, siue punctus creationis lucis : & ille est verum Oriens, licet à nobis ignoratur; punctus signatus in parte posteriori, est punctus Occasus; & iste transitus fecit diem artificialem: deinde subintrante luce punctum Occasus fuit reversus, siue nox, usque dum rediret ad locum in quo creata fuit, & à quo incepit moveri: & isto modo mane praecessit vespere: licet primò ponatur propter causam assignatam in alia expositione.

A L B E R T V S Magnus prima parte de quatuor coæqueuis, quæstione duodecima, articulo undecimo.

Mane accipitur, ut punctus continuans in ratione finis & principij; & ideo cum primam diem nihil praecesserit, neque nox, neque dies, initium eius non potest secundum rationem nominis dici mane: sed finis eius habet bene rationem vespere, quia est initium noctis, & finis diei.

D. T H O M A S prima parte, quæstione septuagesima quarta, articulo tertio, ad sextum, recensitis sententijs Basilij, & Augustini adijcit.

Premittitur vespere, quia cum à luce dies inciperet, prius occurrit terminus lucis, quod est vespere, quam terminus tenebrarum & noctis, quod est mane. Vel secundum Chrysostomum, ut designetur, quod dies naturalis non terminatur in vespere, sed in mane.

C A I E T A N V S Commentarijs in Genesim.

Factumq; est vespere & mane dies unus. Iuxta Hebræum habetur; Et fuit vespere, & fuit mane dies unus. Si lux fuisset fixa, consequenter fuisset fixus, ac perennis dies in vno hemisphaerio, & iugis nox in altero hemisphaerio; nec unquam fuisset vespere terminans diem artificialem. Vnde ex hoc effectu, quod fuit vespere terminans diem artificialem, & fuit mane terminans noctem, manifestè significatur, quod lux facta est in motu. Ex continuo enim lucis motu circa terram, fit vespere, & fit mane. Et si lux fuisset creata in puncto medijs Cæli, fuisset quidem vespere, & fuisset mane; sed non fuisset dies unus, sed dimidius, seu mutilus; quoniam non fuisset dies naturalis integer, quum fuit mane. Vnde ex hoc, quod ex vespere, & mane constitui dicitur dies unus (proculdubio naturalis) manifestatur, quod lux creata est in puncto Orientis. Sic enim verificatur, quod fuit vespere, & fuit mane dies unus, non dimidius, non aliqua ex parte mutilus. Et quoniam prius describitur vespere terminus diei artificialis; & deinde mane, terminus noctis, manifestatur, quod primum diem artificialem nulla praecessit nox. Quod etiam conuincitur ex hoc, quod antequam esset lux, nulla potest esse, aut intelligi umbra terræ, quæ est nox.

D. B O N A V E N T V R A Sententiarum libro secundo, distinctione tertiadecima, articulo primo, quæstione secunda.

Intelligitur enim lux illa facta fuisse, ubi nunc est Sol: nam ex illa formatus creditur esse Sol; producta autem fuit super eam partem, supra quam nostrum est hemisphaerium, & illud hemisphaerium illuminando fecit diem; & progrediens peruenit ad Occasum, & fecit vespere; & post deinde regrediens ad Ortum, fecit mane.

A E G I D I U S secunda parte Hexameron, capite tertio, assertionem hanc præ cæteris approbat, rationesq; has insinuat. Ideo rectius existimandum esse, & lucem in ortu, & diem in mane cepisse, quod & quarto die eo ipso loco Sol effulserit, & in Mundi excidio, cum Orbis reparabitur, perpetim consistet.

D I O N Y S I U S Carthusianus Commentarijs in Genesim, articulo nono.

Factum est vespere, idest spacium diei, seu illuminationis illius, peruenit usque ad vespere, seu noctis initium, Sole recedente ab hemisphaerio nostro; & postea factum est mane, nocte ipsa completa, Soleque redeunte ad hemisphaerium nostrum. Et mane illud fuit exordium diei sequentis, quia tunc dies incepit à luce. Sicque Moyses exprimendo in primis finem diei artificialis, videlicet vespere, deinde finem noctis eiusdem diei, insinuat consummationem naturalis diei unius, seu primi.

H V G O Carenfis in Postillis.

Factumque est vespere: luce enim facta in Oriente procedente ad Occidentem, ad modum Solis, factum est vespere, & eadem migrante sub terra, & veniente ad ortum factum est mane. Et sic factus est dies unus naturalis ex viginti quatuor horis. Hoc notandum, quod mane est terminus finalis precedentis diei, initium vero & pars sequentis. Vnde prima non dicitur habuisse mane, quia mane duplicem habet respectum: Est terminus finalis precedentis diei, & initialis sequentis.

Vielmius, Pererius, & reliqui in hanc proficiscuntur sententiam.

A V C T O R.

Narrationis Mosaicæ ordo, quo sanctissimus noster Vates vespere ante mane memorat, diei naturalis descriptio his uocibus vespere & mane prodita, præclarissimorum Patrum, Doctorumq; repugnantes sententiæ, à nobis certè, ut pro decisione, ac rerum discutatarum perspicua diffinitione plures admodum percuntationes suscipiamus, exposculant. Primum, quamnam sphaere positionem sibi præscripserit Moses, an rectam, seu naturalem, an obliquam ullam, siue singularem. Deinde, in quam Cœli parte lux primò effulserit. Tandem, num à mane, an à sero, siue à meridie, vel à media nocte prisca primogenitaq; dies exordiū duxerit. Quare est prius vespere, quam mane recensuerit Moses: an fortè voluerit appellationibus istis diem, & noctem, seu diem, & noctis initia, siue diem, ac noctis fines, uel crepuscula ipsa significare. Atque hæc omnia breuissimè, ac simul, cum seinuicem consequantur, absoluiam.

Num Moses
sphaeram re-
ctam, an obli-
quam profe-
quatur.
Sphaera recta
& obliqua
quæ sit.

Sex Mundi
plagas Moses
attendere po-
tuit.

Cosmographiæ eruditione pollentes non ignorat aliam esse sphaeram rectam, aliam obliquam; sphaeramque rectam tunc nuncupari, cum Cœli respectu nullus polorum erigitur, & Arietis punctus primus, seu gradus, cum Orizonte congruit, æquinoctialisq; circulus sphaeram in æquas dissecat partes, ab utroq; Polo æquali spatio deducto ad centem terræ respectu hemisphaerium hoc nostrum, à meridiano ultra Canarias deducto ad centesimum octuagesimum meridianum Iappan, & Moluchas recenter compertas insulas concludentem, cunctumque uetustum Mundum complectentem; desuper collocat. Obliquam autem sphaeram, quando polorum alter attollitur, alter deprimitur, supponiturque. Porro tot sphaeræ, seu rectæ, seu obliquæ præsumi possunt, quot à meridiano Zenit apprehenduntur: sex autem obijciuntur Zenit, seu puncta uerticalia, siue loca, quæ sanctum Mosem respexisse possumus non immeritò suspicari. Hierusalem nempe, quam Terræ umbilicum, seu centrum plurimi existimarunt: Desertum, in quo Moses Pentateuchon, Historiamque hanc exarauit. Paradisi terrestris situs: Damascenus campus, in quo protoplasmatum fuisse hominem nonnulli arbitrati sunt: Roma totius orbis domina, ac moderatrix: Sphaeræ rectæ meridianus, qui est nonagesimus latitudinis. Existimarem ego (mihi enim ad Patres de hac re consulendos interclusum adiutium conspicio) quod non exacta, neque exquisita sit expetenda unius loci, seu Zenit ratio, uerum sufficiat Regionis, seu Climatis, amplitudinis tamen non immensæ, situm excerpere. Quapropter Mosem consimul, & sphaeræ rectæ dispositionem respexisse, & Regionem eas, in quibus sita est Hierusalem, extat desertum, suspicaturque fuisse Paradisum terrestrem, formatos Protoparentes nostros, humanamque profapiam propagatam, spectasse iudicarem. Nempe quantum ad longitudinem spectat, si Mundi ueteris à Ptolomeo descripti, atque à Veteribus cogniti, typum Geographicum excussum nunc librabimus; cum ille inter primum Meridianum, & centesimum quinquagesimum terram habitabilem concludat; medium terrarum certè ea Plaga censetur, quæ inter sexagesimum Meridianum, & octuagesimum decurrit, in quo Climate cuncta præfata constringi eruditæ Geographicæ disciplinæ perspicuum est. (Si tamen Paradisus terrestris in Mesopotamia constitutus erat, ut Patrum numerosa Classis existimauit.) Rursum quantum ad latitudinem, cum eiusdem Ptolomei typus Geographicus terræ habitabilis terminos ab æquatore ferè ad sexagesimum septimum supra æquatorem parallellum, in quo circulus arcticus delabitur, deducat; in medio certè, uidelicet inter parallellum trigesimum, & quadragesimum, præfate Regionem collocantur. Quare concluderem, Mosem quoque si non arctata quadam geometrica commensuratione, sed latoribus confinijs, ut decet historicum, historicam narrationem suam confecit, consimul & sphaeram rectam naturalemque Mundi à priscis Geographis agniti, & Cœli, quo ad Zodiaci saltem collocationem, & terrarum eum tractum, in quo & Hierusalem, & Desertum, & Mesopotamia sita esset, respexisse. Ad quod existimandum multa me compellunt. Primum quod rerum naturas simpliciter explicandas sumpserit. Quare & Orbis dispositionem simpliciter accepisse opinandum est. Deinde quoniam si profundius Mosi historiam, præcipuè usque ad Diluuium perpendamus, comperimus ipsum, dum Orientem vocat, non ad huius, vel alterius loci respectum habuisse, sed ad hemi-

Moses rectā
sphaeram re-
spexit.

hemisphærium nostrum, naturalemq; Mundi dispositionem. Vnde illud nobis graue est testimonium, quod de Cain dicitur; Egressus Cain à facie Domini habitauit profugus in terra ad orientalem plagam Eden; de quo suo loco. Tandem, quod regionum illarum dignitas id poposcerit, & maxime præclara quamplurima à Deo in eis peracta, hoc etiam priuilegium non fuisse ipsis sublatum insinuent.

Constituto igitur hoc axiomate, quod Moses in hac sua de Mundi structura historia, naturalem sphæræ dispositionem prosequatur, Hemisphæriumq; nostrum in Antica (vt aiunt) collocet, regionesq; eas quæ à Mediterraneo ad Tygrim vastissimum flumen, & à rubro mari, ac Arabia petrea, ad montem Caucasum, seu ad fontes Euphratis distenduntur, capiat: Percunctandum est, in quam Cœli parte constituta ea sphæræ dispositione lux primò fulserit, num in Hemisphærio nostro, an verò in altero nobis aduerso. Quod si in Hemisphærio nostro; num in ortu, vel potius in meridie explenduerit.

Principiò itaque Hemisphærio nostro aliud esse suppositum, quo Antipodes degunt, certissimum esse puto. Quanquam enim D. Augustinus de Ciuitate Dei libro sextodecimo, capite nono, & Lactantius libro tertio Diuinarum institutionum, capite vigesimo quarto, & Procopius Commentarijs in Genesim illud inficiantur: Attamen celeberrima illa per Oceanum ultra Herculeos limites, ab antiquis vel nunquam vel incassum tentata, sed à Christophoro Columbo mirifico ausu, & summa cum sui, tum Italarum gloria, & cepta & absoluta nauigatio, nullum nobis amplius de hac re dubitandi locum reliquit. Insuper compertum est nuperis Geographis in Orbis terrarum typo eruditis, meridiano septuagesimi gradus, sub quo ferè Iudeæ conuicina loca constituuntur, sublitum esse meridianum ducentessimum quinquagesimum, sub quo Americæ partes amplissimæ, hætenus inuisæ & latitantes protenduntur. Lucem igitur priscā primæuæ die, Solemque quarta hemisphærio nostro quàm inferno effuluisse arbitraret. Primum enim si Moses Orbis naturalis sibi præscripsit dispositionem, vt præscripsisse diffiniuimus; Sol certè fulgenti sua luce prius hemisphærium nostrum venustauit, quoniam hemisphærium nostrum in Antica, hemisphærium autem Antipodum in Postica collocatur. Deinde si Orbis Animal est, dexteraq; eius pars Oriens, læua Occidens, superior Arcticus polus, inferior Arcticus, vt Aristoteles luculenter edocuit; cum omne animal motionem suam à dextera ad læuā, primum antè, quàm post auspicetur; fieri certè non potest vt Sol primi orbis conuersione Antipodum hemisphærium antequam nostrum suo candore illustrarit. Amplius hemisphærii nostri dignitas id exposulabat. Primum ex amplitudine terræ, nam in eo insignes illæ prouinciæ, Europa, Asia, Africa, quæ in Mundo veteri concludebantur, equidem si non maiori, saltem æqua amplitudine ac vastitate, qua nunc America seu nouus Orbis, veteribus vsque ad annum à Christo nato millesimum quadringentesimum, nonagesimum secundum inaccessus atq; incognitus, distenduntur. Insuper in hoc hemisphærio cōpactus est primus homo, propagatum genus humanum, erecta Monarchiarum amplissima imperia, & insigniores vrbes, scientiæ, artesq; omnes excitatæ; Hebraica prosapia elata, lex Mosis promulgata, & quod potissimum est, Mundi redemptio per Christum Deum, & hominem personata. Tot igitur à Deo huic hemisphærio collatæ gratiæ non leuem suspensionem excitant, Deum etiam lucem ei primò fuisse impertitum. Ex quibus lucem nostro in Mundo primò explenduisse, contra Catherinum satis demonstratum esse arbitror. Sentio etiam eam potius in ortu, quàm in meridie apparuisse. Siquidem si Mosem rectam respexisse sphæram, & non obliquam bene diffiniuimus, cum sphæra recta ea censeatur, in qua (Cœli respectu) primus Arietis punctus cum recto Horizonte coincidit, Mundūq; non autumnali sed verno æquinoctio manasse existimandum est, vt in sua disceptatione iuxta priscorum ferè omnium Patrum sententiam demonstraturi sumus: certè lux, & Sol non nisi in primo gradu Arietis, qui cum Horizonte nostri hemisphærii concurrat, effulserunt: eodem etenim puncto & lucem priscam in prima die, & in quarta Solem emicuisse, fangiendum est, ex eo quod triduum primum cum diebus tribus subsequētibus eandem detulisse seriem statuendum sit. Accedit, quod hæc peruulgata, vniuersalisq; fuerit priscorum Patrum sententia, præcipue Basilij, Ambrosij, Augustini, Chrysostomi, Damasceni, Athanasij, Procopij, Hugonis, Magistri, & cæterorum, quorum ob-

Gen. 4.

Qua Cœli parte lux, primò effulserit.

Antipodes cōtra nonnullorum sententiam reperiuntur.

Lux & Sol prius hemisphærio nostro effulserunt.

Lib. 2. de Cœlo.

Lux primò in ortu emicuit.

testa-

restationes iam protulimus. Nec levis etiam existimanda est coniectatio illa, quam Aegidius excitauit, idem scilicet esse de situ lucis, & Solis in sua manatione, quod & in restauratione censendum: cum enim Mundus absolutum sit Dei opus, absolutasque conuersiones Solis delaturum esse praesumatur, certe innumeris rotationibus effectis in eodem puncto Sol ipse consisteret, in quo & conditus est: Ceterum Solem tunc in ortu septies coruscantiorum quam nunc sit, lunam vero in occasu summè splendidam, à suis latioribus feriaturus, & sacrarum Scripturarum, & Sanctissimorum Patrum oracula innuunt; iuxta illud, Sol & Luna steterunt in habitaculis suis.

Habac. 3.

A. qua diei
parte suppu-
tanda sit pri-
ma dies.

Lib. 5. Ety-
mo-
log. c. 30.

Ad alteram modò percunctationem proficiscentes, à qua scilicet parte supputanda sit prisca dies; id primùm animaduertendum arbitramur, quò duplex sit dies, naturalis scilicet, & artificialis. Naturalis est tempus horarum viginti quatuor, quo primi orbis conuersio conficitur, cuius partes sunt dies, & nox. Artificialis verò ita diuersa definitione declaratur. Dies est (inquit Aristoteles) latio Solis super Orizontem. Philosophi perinde, quando Sol est super terram, dies est. Isidorus autem, Dies est praesentia Solis, siue Sol super terras, sicut nox Sol sub terris. Ex quibus apparet diem artificialem totius conuersionis Solis partem eam esse, quam super hemisphaerium hoc nostrum, duodecim vel plurium seu pauciorum horarum spatio, ex arcus diurni longitudine diuersis signorum gradibus perpetuò immutati ipse gerit. Ceterum in capendis diei praefati naturalis initijs Nationes non consenserunt. Institutiones gentium, quae fuerint, disertius tradunt Gellius libro tertio, capite secundo: Censorinus libro de natali die Romanorum: Plinius libro secundo, capite septuagesimo septimo. Ex nostris Anastasius Synaita Commentarijs in Hexameron libro primo: Isidorus Hispalensis Etymologiarum libro quinto, capite trigesimo: Hamerus Commentatione in Genesim, sed breuius Beda de Ratione temporum. Hunc inquit Hebraei, Chaldaei, & Persae inter duos Solis exortus, Aegyptij inter duos occasus numerant; Romani à medio noctis in medium, Umbri, & Athenienses à meridie computant ad meridiem; Moses vero à mane ad mane diem unum appellat. Cum igitur quidam à mane, nonnulli à meridie, alij à vespere, permulti à media nocte, seu inueterata consuetudine, seu legibus id indicentibus dies inchoent; praestantissimam omnium esse supputationem ab exortu Solis sumptam, quae diem à mane subducimus, simulque etiam primam Mundi diem à mane exordium coepisse existimarem. Primò nanque, quoniam vetustissimae gentium Nationes hoc sunt prosequutae institutum, ut Chaldaei, Hebraei; teste Beda de Ratione temporum, capite secundo. Apud Chaldaeos autem, & Hebraeos priscam omnium linguam, atque instituta ab Adam per ipsius Seth prosapiam à Deo selectam viguisse, ac perstitisse quamplures opinantur; ex quibus suspicari possumus eam ipsam esse computationem, quam Adā ex diebus sex conditi Orbis carpsit. Praeterea quoniam deductionem hanc Magister naturalem appellat, nec immeritò; cum naturalem eam motionem & progressionem, quam Mundum veluti animal cepisse Philosophi diffinire, (sicuti nos supra ex posuimus) insequatur. Insuper quòd dies noctem anteuertat, vna omnes & mente & voce consentiunt. Quod etiam pluribus argumentis doceri & confirmari potest. Primum, cum duo haec Dies & Nox in utero rudi temporis illius ante primarium diem veluti Phares, & Zaram in vtero Thamar gestarentur; fortius proculdubio praestantiusque prodire debuit: Quis verò diem nocte praestantior, tenebrisque lucem praeclearior audebit vnquam inficiari? Quòd si Thales Milesius sciscitatus, an nox diem praecessisset, noctem praesse diffiniuit: certè ad tenebrosam illud Chaos, quo Mundus obruebatur, priusquam iucundissima perfunderetur luce respexit. Deinde nox & tenebrae cum nil aliud, quam diei lucisque carentia vel priuatio censeantur, & sint, habitus autem ex Philosophicis institutis necessario priuationem antecedit, quis tam insanus & excors comperietur; ut diei noctem, luci tenebras anteisse praesumat arbitrari? Rursus dies ad laborem, nox autem ad quietem à Deo praestituta est: at labor praecedit quietem, cum quies sit prius ex diurno labore afflictarum restauratio. Gentiles etiam verae Mundi originis prorsus ignaros, indita sibi rerum ratione id ipsum nouisse duobus tantum testibus comprobabo. Plato in septimo de Republica ita loquitur. Ordo temporis liberis hominibus ab ortu Solis perpetuus ad alterum Solis ortum est habendus. Et Quintilianus libro

2. sen. dist. 13.

Dies noctem
praecedit.

libro nono Institutionum oratoriarū, huc fortè respexit, cū de ordine in singulis verbis obseruando ait. Est & alius naturalis ordo, vt viros & fœminas, diem ac noctem, ortum & occasum, dicas potius, quàm retrorsum. Verū, ut ad sacros Patres deueniā, D. Basilii hanc alterā innuit rōnem. Mos est (ait) Scripturarū, dies, non autē noctes recensere, ut ijs locis, Factū est vespere, & mane dies unus; Requieuit Deus die septimo ab omni opere, quod patrarat; In die illa, qua creauit Deus Cœlum, & Terram: sicut etiam in supputādo Isrælitarum numero uiri prætermisissis fœminis pluries memorantur. Quod si quandoque dies noctesque Pagina sacra percenset, quemadmodum de Iona scriptum conspicimus; Fuit Ionas in uentre Cēti tribus diebus, & tribus noctibus; & de Mose, Ieiunauit Moses quadraginta diebus, & quadraginta noctibus, Dies semper noctibus præferre cōsuevit. Planum igitur fit, atq; conspicuum, dies à sacra Pagina noctibus semper fuisse & dignitate præstantiores, & tempore seniores existimatos. Quin immo Deum tenebras condidisse nunquam obtestatur Scriptura: genitæ quidem creduntur, cū non sint ingenitæ, sed & ingenitæ cēsentur, quoniam in suis natalibus nullam substantiam noctis sunt. Procopius altero haud infirmo argumento hanc causam nititur, atque elaborat obtinere. Diuinam (inquit ipse) Maiestatem decebat, ut in structura Mundi ab his, quæ splendida sunt initium duceret, cū ipse lux perennis, atque indeficiens existat. Tandem si opus, quod singulo die effecit Deus opifex in eius diei exordio vel integrum manauit, uel fieri cœpit, cū lux prisca diei opus fuerit, & lux mox enata diem pariat, necessariò dies illa primæua noctem præcessit. Adiiciamus vltro istud maximè obseruandum, Analogiam scilicet elegantem cum Anno, & mense diem habere. Si dies quippe conuersio est absoluta supremi orbis, Annus perinde integra est orbis Solis latitudo, mensis verò, qui lunaris dicitur, Lunæ orbis absoluta circunductio. Quemadmodum igitur annus in quatuor præcipuas secatur partes, Ver, Aestatem, Autumnum, & Hiemem, quas Græci (teste Eustathio in Iliade) horas appellarūt, ipsarū principia ab vtroque æquinoctio, & gemino solstitio auspicantes, Luna quoque quatuor ostēdit facies, dū semel plena est, bis dimidia, tandē vacua; ita & diei quatuor sunt partes, mane Ver, meridiæ Aestatem, vespere Autumnum, nox Hyemem adumbrantes. Et quemadmodum anni initium à vere proprie desumi conspicimus; Ita & diei exordium à mane deduci censendum est. Veruntamen non me fugit, priscos Romanos diem à medio noctis ad medium supputasse (an autē id ex Latij instituto, an potius Romuli, uel Numæ decreto hauserint, non legi) Plutarchumque in Problematibus huiusce rei eam reddidisse causam, quòd dimidium noctis, & diei, certius quàm ortus, & occasus dignoscatur. Sed meo quidem iudicio longè fallitur, nam mediæ noctis meridiæque momentum, minus exploratum ortu & occasu, minusque certum esse arbitror. Vnde verisimiliorem puto rationem illam, quam Celi tradidit, à media scilicet nocte Romanos diem suum inchoasse, quoniā negotia summo diluculo administrabant, ad eaque obeunda diē ante cœpisse opus erat. Nec ignoro Arabes, Vmbros, & Athenienses Bedæ obtestatione à meridiæ diē auspicatos esse, Astronomosque id ipsum institutum eadem ratione amplexatos, quia cū Sol splendidior, & rutilantior in meridiæ existat, certius quoque meridianū punctum percipiatur. Quod esse verū non arbitror, nam meridianā lineam non ita facile, nec ab omnibus comperiri posse experimur. Idque non vulgariū & imperitorum quorumuis hominū, sed eruditorum tantūmodo, Astronomicaque facultatis exquisitè, ac summè callentium munus censetur. Nec me latet deductionē dierum inter duos occasus, vti Aegyptijs, ita nunc nobis esse familiarē, certamque & exploratam: verū vniuersæ supputationes istæ minus naturales, minusve propriæ existimantur.

Mihi tandem diffiniendū est: quid nominibus istis Vespere, & Mane capiendum sit: cū ea alij pro noctis, & diei initijs; alij pro nocte ipsa, & die; nonnulli vespere pro sex illis horis, quibus Mundus in tenebris iacuit à mane usque ad meridiē, quando Sol ceu lampas fulgentissima apparuit, vel pro duodecim ipsis horis, quibus Mundus obscuritate primæuæ noctis obruebatur; mane verò pro luce irradiante; quidā verò vespere pro ea diei parte, qua Sol à meridiæ ad occasum præcipiti cursu descendit, & mane pro altera, qua Sol ab ortu ad meridiem scandit; alij tandem vespere & mane pro fine diei, & noctis

Cap. 4.

Gen. 1.
Gen. 2.

Gen. 2.

Matth 12.

Deut. 9.

Diei cū mense, & anno Analogia.

Antiquit. lib. 2, cap. 1.

Quid vocibus istis Vespere & Mane intelligendum sit.

Marc. 16.

Vespere &
mane unde
sic appellata.nom. de iust.
cap. 2. §. 1.-il. diaphan.
cap. 1. §. 1.-il. diaphan.
cap. 1. §. 1.-il. diaphan.
cap. 1. §. 1.-il. diaphan.
cap. 1. §. 1.-il. diaphan.
cap. 1. §. 1.-il. diaphan.
cap. 1. §. 1.-il. diaphan.
cap. 1. §. 1.-il. diaphan.
cap. 1. §. 1.

& noctis capi censuerunt. Ego prætermisiss omnibus, quæ de horum nominum etymologia dici possent, hoc vnum animaduertendum diuco. Quandoque vespere & mane compresso sensu crepuscula tantum sine lucem dubiam exprimere. Quandoque latiori significato, mane significare Auroræ, quæ nitescit, sed non rutilante splendore saltem horæ spatio Solem antecedit, Vesperum autem alborem eum, qui præcipitato iam in occasum die paulatim euanesceat. Quandoque amplissima significantia mane diei partem, qua Sol nitidus exoriens, fulgentissimus, ac feruentissimus ad medium usque Cœli peruenire conspicitur, Vesperum verò alteram, quando Sol properat ad occasum demonstrare. Quandoque ex Hebræorum more vespere nomine matutinus splendor, seu Aurora prisca accipitur; Vnde in Euangelio legitur, Vespere autem Sabbati, quæ luescit in prima Sabbati. Quandoque vespere duæ in sero ipso concluduntur. Altera quidem ut diei finis, altera verò ut initium noctis, sicuti Exodi duodecimo, iubentur Hebræi agnum inter duas vespertas, hoc est, inter crepusculum, & noctem, seu noctis initium mactare. Quæ serie Plautus crepusculum vocauit primam vespertam, & Liuius primas tenebras, & Macrobius primam faciem, quod tunc prima lumina, seu faces accendantur. Cæterum ex his acceptionibus magis propriam, & germanam existimarem eam esse, quæ vespere, & mane pro Aurora, & serotino albore capit. Vespere siquidem appellatum est à Latinis à stella illa, quæ vesper, cum Solem subsequitur, cum verò antegreditur Lucifer nuncupatur, teste Cicerone secundo de natura Deorum. Mane verò à Latinis Varro tradit sic dictum esse, quod hic maneant dies; priscosque vocasse bonum manum, quoniam ipsi lumen pro fausto omine, & pro uita capiebant, quemadmodum etiam Aegyptios per lucernæ symbolum vitam designabant, immo quod longè excellentius est, Scripturæ sacræ vitam ipsam non raro lucem appellant. Hebræis etiam vespertus dicitur Hereb, à verbo Harab, quod ligare, seu obligare significat: mane verò Boques, à verbo Bachar, quod est discernere, uel quarere, eo quod mane res discerni queant. Non inficior attamen quin & mane ligamentum dici possit, nam & ipsum ligat, necitque diem cum nocte, prout etiam serum diei nocte adiungit. Sicut enim lux vesperti non tota repente contrahitur, & extinguitur, sed sensim inualescentibus tenebris remittitur, ita mane non tota fulget & apparet, sed gradatim augetur. Rursum non in fugit, quod vespere & mane ea sint, de quibus adhuc lis sub iudice est, & pendet, num diei, num noctis sint partes: atque ideo crepuscula ea dici volunt nonnulli, eo quod incòpertum, ac dubium sit, cuius ipsa partes existant, Latini siquidem dubias res creperas appellant. Quod si mihi huius vetustæ litis diffinire onus incumberet, Luminis ratione, diei partes potius dici debere quam noctis pronuntiarem; Aurora nanque splendor est à Sole antequam ad Orizontem perueniat præmissus, & serotinus albor lumen est Solis sub Orizonte occidui: Respectu verò temporis, noctis partes esse decernerem, cum ea sit ratio, atque ius diei, ut id tantum tempus tanquam suum vendicat, quo Sol est super terram. Quapropter eas esse noctis partes, sed diei reliquias, & nuntias arbitror: ex hisque planum fieri, quomodo vespere, & mane pro Aurora, ac primis tenebris sumpta possint & initia diei & noctis, ac etiam fines significare. Censeo attamen cum Patribus Mosem nomina hæc promiscuè cepisse, prout diei extremam partem in vespere tenebrescentis crepusculo terminatam, & noctis finem in crepusculo roscidæ albescentisq; auroræ completum indicant; ac tandem, ut sunt termini ad quem, non à quo, quemadmodum scholasticè Burgensis explicabat. Cuius rei argumentum est meo iudicio absolutissimum, quod dixerit Moses, Factum est vespere, & mane, & non fieri cœperunt: & quod adiecerit, dies vnus. Si quidē si vespere & mane prout initia sunt, illud noctis, hoc diei, cœpisset, non consequeretur, quod factus fuisset dies vnus completus viginti quatuor horarū; nam facto mane minimè adhuc expletus dies censetur. Adnotarunt id ipsum Patres & ex nuperis Catherinus, & Vielmus. Quæ ratione autem, cum posset Moses diē & noctem à mane & vespere, quatenus initia sunt noctis & diei, desumere, ab ipsis, ut fines sunt diei & noctis, capere maluerit, Hugo equidem, & Magister doctissimè, ac elegantissimè tradiderunt; nempe diem primū à mane nuncupari nequisse, utpotè quia ipso caruerit. Nam si mane Aurora est, seu matutinus ille splendor, quo aër ante exortū Solem albesceat, cum dies primus non agnouerit

rit Solem, qui nocte antegressa aliud hemisphærium perlustraret; caruit & splendore eo matutino ac roseo, quo Aurora maneque paulatim adueniente Sole nitefcit, ac simul rubescit.

Supereft mihi vt iam supra delatas assertiones nominatim memorem, earumque fundamenta euertam. Catherini ac Lusitani sententia, quæ lucē in hemisphærio Antipodum splenduisse, & diem à vespera inchoandum esse, maneque; & vespere, diei ac noctis initia significare edocet; singularis est, & pro arbitrato delata. Nulla siquidem potest euidens afferri ratio, quare Sol ipse suppositum potius quàm nostrum hemisphæriū primo sui fulgore perfuderit. Cū ē contra & naturalis Orbis dispositio, sphæreque; positura, & terrarum amplitudo, & hemisphærij nostri dignitas, primigeniæ lucis sibi priuilegium expeterent, atque expostularent. Deinde supputationem diei ab occasu ad occasum (quanquam nobis domesticam) primæui Mundi ætatibus peregrinā fuisse demonstrauimus. Amplius, & ex vsu Scripturarum, & ex sua natura, nomina hæc Vespere & Mane, tam ad initia diei & noctis, quàm ad fines significandos rapi posse perpendimus. Et ipse Catherinus, data etiam eius assertionē, priorem fuisse in nostro hemisphærio noctem, quàm diem euincit, non autem prius vespere, quàm mane, nisi vespere nomine noctem ipsam incongruē accipiat. Illud vnum, quod maxime ipsius astruere sententiam, nostramque; labefactare videbatur, erat, quod Moses dies celebres, atque festos, & ieiunia à vespere ad vespere celebrari indixerit, scribens; Primo mense, quartadecima die mensis ad vespere comedetis Azima, vsque ad diem vigesimam primā eiusdem Mensis ad vespere. Idque; ipsum alijs in locis repetat, dieque Sabbati quasi pro memoratōe prisca Sabbati secundum eundem ordinem Iudæos feriari instituat: quem morem, & consuetudinem Ecclesia prosequuta est. Verū Philonis, Iosephi, Hebræorumque; omnium scriptorum testificatione possumus nos rectē asserere, duplicē Iudæos annorum, & dierum supputationem insecutos fuisse, vetustam alteram naturalemque; qua annum ab æquinoctio autumnali, & diem à mane auspicabantur; legalem alteram, qua annum à Verno æquinoctio, & diem à vespere inchoabant. Illam ex maiorum traditione; hanc ex Dei præcepto per Mosē promulgato perceperunt. Huiusce autem commutationis causas plures reddi, vt supra innuebamus, non ignoro. Harumque; alias germanas, alias allegoricas comperio. Germana ea est, quam D. Thomas in quarto Sententiarum, & super Ioannem detulit; nempe Mosē à vespere ad vespere dies indixisse, quoniam ieiuniorum, ac celebrium dierum ratio à luna depromebatur, lunaque; renascens ante vespere non conspiciebatur. Altera literalis & germana est, quod vespere egressi sint ex Aegypto, & vespere in libertatem redacti; quare & vespere immolabant, ut vespere illis semper foret perpetuum vindicatæ libertatis, excusaque; seruitutis monumentum. Quas causas deducebat Procopius, allegoricæ omnino existimantur. Symbolica enim significatione dies illi festi à vespere ita initium desumunt, vt nox diem præcederet, fieretque; à nocte ad diem transitus, quatuor singularia nobis mysteria prænuntiabant. Primū Mundi emolitionem, qua Mundus ab ea rudis coagmentatione, ac tenebrarum incubatione, ad suū ornatum ac splendore ex pulcherrima illa lucis emanatione pertrāsijt: Insuper Orbis restaurationē, qua Vniuersum hoc crebra rerum vicissitudine submota, omni; motione consistente, ad perennem stabilemque; æternitatis diem deueniet; Rursus nostrum ab hac ad futuram vitam transitū abumbrabat ordo ille festorum, quando ab hac, quæ obscura, & caliginosa nox est, plurimis scilicet tam corporis, quàm animæ ærumnis obuoluta, ad perennem omni; augmenta felicitate refertam vitam, tanquam ad diem splendore coruscantē permeabimus; si tamen iuxta hunc eundem festorum ritum, vigilias vespertinas, ieiuniaque; ante præmittere, noctu fidei lumine incedere, primaque; spiritus resurrectione, & carnis compressione, ad secundam nos ipsos præparare didicerimus. Tandem à peccato, Mundoque; ad gratiam, & Ecclesiam transitum significabat, cū à tenebris, & à regione vmbre mortis, ad lucem quæ Christus est, atque ad vitæ fontem peruenimus. Erasmus enim (inquit Apostolus) aliquando tenebræ, nunc autem lux in Domino. Quapropter abijciamus opera tenebrarum, & induamur arma lucis.

Sententia altera, quæ lucem in meridie apparuisse, diemque; à meridiana hora supputandum

Catherini sententia refellitur.

Exod. 12.

Leuit. 23.

Duplex annorum ac dierum computatione apud Hebræos.

Dist. 41.

Cap. 13. Festi dies cur à vespere ad vespere à Iudæis celebrantur.

Dies festi Iudæorum quid præsignabāt.

Ephes. 4. Rom. 13.

Reijcitur alia sententia.

Sol in ortu
nō est imper-
fectior quā
in meridie.

Primus dies
decē & octo
tantum ho-
ras non ha-
buit.

Tertia senten-
tia explodit̃.

tandum existimat, non adeò tuta iecit, quin ea possimus labefactare, & quoquo modo diruere fundamenta. Solem, cum mediis æthereas conscendit arces, lucemq; in meridie esse coruscantiorē, atque (vt aiunt) actuosiorē, seū fortiorē non abnuo: verum id assero non respectu Solis, & lucis, sed Climates, ac regionum contingere; æque enim fulget, & coruscat Sol, atque regiones eas vrit, quas, cum nobis in ortu est, perpendiculari radio percutit, ex meridianoq; suo prospicit, uti & nostras dum nobis medium diem conficit. Præterea id est naturæ institutum, vt ab imperfectioribus ad perfectiora ipsa progrediatur: Ordine igitur Naturæ decuit, vt Sol oriretur primū, deinde paulatim ad summum Cæli verticem veheretur, vti, & cætera cuncta, præcipueq; homo, ab incremento ad consistentiam proficiscuntur. Nec imperfectiorē esse Solē in ortu, quā in meridie censendum est, sed æque perfectum, & absolutum, suaq; luce coruscantissima refertum, adeo vt cum Deus ipsum in ortu protulerit, perfectissimum cōgesserit. Supputationem quoq; à Meridie haud certiorē esse iam demonstrabamus. Quāquā enim Astronomicæ disciplinæ eruditus meridianus punctus certissimus videatur, vulgo attamen, omnibusq; passim incertior, & inexplorator sensu ipso censetur, quoniam meridianæ lineæ situs non nisi Astronomicis instrumentis, multoq; negotio comperiri valet. Verum quod Steuchus dicere visus est, diem eum priscum decē & octo horis tantum constasse, atq; à meridie ad subsequentis diei ortum delapsum esse, dieiq; sex horas tantum, noctis verò duodecim detulisse, commentitium quoddam dijudicari potest. Siquidem Moses obtestatione clarissima dixit; Factum est vespere, & mane dies vnus, hoc est exactus. Patres quoque omnes ex hoc loco diem primum naturalem viginti quatuor horas habuisse edocent. Deinde primum diem eiusdem rationis longitudinisq; extasse, qua & quinque alij posterius omnino existimandū est. Amplius Solem in Meridie, vt clarissimam lampadem effulxisse, euidentissimis rationibus probandum erat, nec pro arbitrato supponendum, si à communi peruulgataq; sententia recedere Steuchus autumabat.

Tertia sententia, quæ lucem in meridie explenduisse, diem verò à mane inchoasse excogitauit, diemq; priscum sex horis tantum luce potitum esse, Mundumq; sex alijs horis in tenebris celatum iacuisse, vt D. Bonauentura & Aegidius recitant, multis obuiatur, circumuallaturq; difficultatibus. Primum enim lucem in meridie effulxisse asserit, quod nulla ratione munitum esse supra demonstraui. Deinde, & Chaos emolitionem primæ diei ascribit, quam ante omnem diem peractam Patres ferè omnes diffiniunt. Rursum initio diei primæ lucem illam primogenitam non censet respellduisse, cum tamen lux opus primum fuerit, dierumq; sex opera in primo cuiuslibet diei exordio producta omnes perhibeant. Adijcias quòd tenebræ illæ, quæ ante lucē mundum opacarunt, non eiusdem fuissent generis, ac constitutionis, cuius sunt modo tenebræ noctis, quādoquidem illæ simplex & omnimoda fuerint lucis carentia, hæ vero Terræ umbra censeantur. Quapropter inter illam noctis partem & reliquas noctes nō modicum naturæ diffidium conspiceretur. Amplius duas noctes diei primæ ascribere videtur hoc placitum. Alteram sex horarum ab effectione Mundi ad lucis emanationē: Alteram à luce occidua ad mane horarum duodecim. Quinimmo sex tantum lucis horas, tenebrarum vero duodeviginti primæ diei ineptè ascribit. Rursum nullam certam rationem profert, qua tempus à Mundi ortu ad lucis creationem elapsū, sex duntaxat horarū extiterit, cum Tostatus duodecim horas enumeret, pariterq; etiam vnusquisq; pro voluntate plures, vel pauciores eas ipsas sancire posset.

ÆGIDIUS itaque Hexameron parte secunda, capite secundo, hanc à se recitatam sententiam explodens, ait.

Inter creationem Mundi, & factionem lucis, non creditur plus fuisse de mora, quā inter creationem Diaboli, & eius casum; vel inter creationem bonorum Angelorum, & eorum illuminationem: sed tam modica fuit morula inter creationem, & eius casum, vt dicatur Diabolus mendax à principio, & dicatur in veritate non stetit. In veritate quidem fuit, quia vt dicitur Ezech. vigesimo octauo; In delicijs Paradisi fuit: nam Diabolus in veritate innocentie, & in delicijs innocentie fuit; sed ita fuit modica morula inter illa, vt dicatur in veritate non stetit.

Tostati tandem postrema assertio, quæ lucem in ortu emicasse, diem verò à vespere ante-

Tostati opi-
nio repudia-
tur.

Dies unus.

- a. *Dies vnus, phrasi Hebraica, idest primus.*
b. *Vel dies vnus, hoc est diei vnus, idest primi.*

antecedente cœpisse exponit, insueta admodum, ac frigida visa est Vielmio & Nuperris, nec immeritò. Primò, quoniam idem prorsus fuisse exordium & temporis, quo Chaos conditum est, & diei, qua lux est producta, præsumit. Quod placitum duo singularia, Patribusque cunctis aduersantia comprehendit. Alterum ante priscum diem nullum fuisse elapsum tempus, quod Patres vna mente & ore reiiciunt, cum Mundum in incongēta ea ruditate, & tenebris obdensis aliquandiu constitisse diiudicant. Alterum est, diei noctem antecessisse, quæ quidem sententia pluribus, cōpertisq; rationibus, accedentibus etiam præclarissimorum Philosophorum calculis, iam supra reiecta est. Deinde nullam certam tradit Tostatus coniectationem, quòd tempus illud à Chaos emanatione ad lucis profusionem decursum duodecim extarit horarum. Pari siquidem arbitratus libertate vnusquisque id maius, vel minus effingere posset. Rursum tenebræ priscæ, quæ noctem primæ diei adumbrarunt, alterius fuissent constitutionis, noctemq; primam omnium diuersam à subsequētib; peperissent, id quod statuere, erroneum, minimeque consentaneum esse supra demonstrabamus. Tandem voces has Mane & Vespere in significationē à Scripturarum consuetudine longè alienam pro voluntate detorquet. Insuper dies ille priscus diuersam nactus esset temporis rationem, cum nox nulla circumlacione, dies autem lucis circulo fuisset effectus. Quibus omnibus exploris, ac reiectis, à fundamentoque dirutis sententijs, reliquum est, vt Patrum assertio, quæ tam lucem, quàm diem in ortu exordium sumpsisse diffiniebat, Vespereque & Mane, diei ac noctis fines significare diiudicabat, præstantior à nobis, atque ad veritatem magis accedens censeatur. Hęc de his satis.

Dies vnus.

Emergebat ea tandem difficultas, cur Moses primum diem omnium insignem, quo lux effulgit, Mundusque pallentibus, atque atris tenebris depulsis, vim vitæ claritatemque excepit, non primum, sed unum uocarit, cum dixit; Factum est vespere, & mane dies vnus. Audiamus primum pedagogos, quid de hac re ipsi contemplati sint.

- a. *Dies vnus, phrasi Hebraica, idest primus.*

R A B B I N I in Adnotationibus.

Vnum pro primo vsurpant Hebræi, vt in Euangelio, Vna Sabbatorum, idest prima.

S T E V C H V S in Genesis caput primum.

Sic est Hebraicè, Iom Ehad; idest, dies vnus. Apud Hebræos autem, vnus etiam ordinis est.

Ioan. 20.

- b. *Vel dies vnus, hoc est diei vnus, idest primi.*

Adnotationes in Genesim à lingua Hebræa professoribus Lutetiæ Parisiorum sub Christianissimo Rege Francisco compilatæ legunt.

Dies vnus, hoc est diei vnus; idest primi. Est enim genitiui casus, vt ex Chaldaeo Paraphraste liquet, quasi dicat, atque ita transactus est dies primus.

Anno Mūdi
primo.
Die Prima.

Dies vnus.

- a. Echad Hebraica vox significat tam primum quàm vnum.
- b. Diem primæuum vnum dixit, vt vnico die Mundum conditum insinuaret.
- c. Vel, vt Aeternitatem, seu vt æternum diem illum generationis Verbi, de quo David, Ego hodie genui te, explicaret.

a. *Echad Hebraica vox significat tam primum quàm vnum.*

CONSTANTIVS Rusconus Commentarijs in Genesim manuscrip-
tis hanc recitat sententiam, & reiicit.

Mirum quibusdam videtur, quòd Moses non dixerit effectum diem primum, sed vnum. Cui quæstioni quidam Hebræi respondent, Echad tam primum, quàm vnum significare. Sed poterat tollere ambiguitatem Prophetæ, si vellet tantummodo primum intelligi, si diceret Risson, quod primum non autem vnum significat. Neque verum est Echad æqua ratione tam primum, quàm vnum significare, cum reperiatur Echad sæpius replicari, & tam secundo, vel tertio, quàm primo loco poni, vt in libro primo Samuelis de votis Philistinorum dicitur. Pro Asdod Echad, pro Aza Echad, pro Ascaron Echad, vbi sæpius Echad, id est vnum repetitur. Echad ergo proprie vnum significat, & sic ea opinio non procedit.

Quæ omnia maiorem dicendis afferrent certitudinem, & claritatem.

Quorsum dies vnus dixit, & non primus.

Plures tùm mysticas, tùm literales causas produnt Patres, quare primum diem Moses non appellarit primū, vt secundum, & tertium &c. : singulas vt mihi occurrent, recensebo; sed recisis Catenis.

c. *Vt vnico die Mundum conditum insinuaret.*

AVGVSTINVS

de Genesi ad literam imperfecto, capite septimo, Ita ergo fortasse dictum est; Et facta est vespere, & factum est mane dies vnus: sicut ratione prospicitur, ita fieri debere à Deo, aut posse, non ita vt sit temporalibus tractibus. Nam in ipsa ratione operationem contemplatus est in Spiritu Sancto, qui dixit; Qui manet in æternum, creauit omnia simul. Sed commodissimè in illo libro, quasi morarum per intervalla factarum à Deo rerum digesta narratio est, vt ipsa dispositio, quæ ab infirmioribus animis contemplatione stabili videri non poterat, per huiusmodi ordinem sermonis exposita, quasi istis oculis cerneretur.

PROCOPIVS

Commentarijs in Genesim.

Cum dicatur; Vnus dies, nec primus, &c. significatur vna creationis opus esse peractum.

d. *Vt Aeternitatem, seu vt æternum diem illum generationis Verbi, de quo David, Ego hodie genui te, explicaret.*

RVPERTVS

Commentarijs in Genesim, libro primo, capite vigesimo, asserit Mosern dixisse diem unum, & nō primum, ne Angelorum creationem Verbi generationi anteponeret.

Proinde querendum est, quod vespere, & quod mane factum sit, ex quibus sano intellectu, dies vnus valeat computari. Quod vt tandem expeditius fiat, primò illud sciendum est, quod certam ob causam non dictum sit, dies primus. Quid enim? Nunquid iste Angelica claritatis dies, quamuis pulcher, quamuis decorus, dies est primus? Minime, Absit hoc. Nam longè minor est illo die sanctificato, & benedicto, in quo requiescit Deus, de quo in hoc libro post ceteros dies, ita scribitur; Istæ generationes Cæli, & Terræ, quando creatæ sunt, in die quo creauit Deus Cælum, & Terram, & omne virgultum agri, antequam oriretur in terra, omnenque herbam virentem priusquam germinaret. Quem enim putas hunc esse diem, in quo creatum est omne virgultum, & omnis herba, priusquam oriretur, vel germinaret in terra, quem (inquam) vel quid putas esse hunc diem, nisi Verbum illud, in quo omne, quod factum est, vita erat, priusquam fieret? Bene ergo dictus est hic non primus, sed vnus dies, quia videlicet ille alius primus dies, immo & dierum dies est.

Vt vnus

Eccle. 18.

Psal. 2.

Dies vnus.

- a. *Vt unam doceret esse Angelorum naturam, quę in hoc primo die manauit.*
- b. *Vel, quia cū non ante extasset tempus; nec poterat secundum rationem partium tempus nominari.*
- c. *Sive, vt diem naturalem uigintiquatuor horarum hunc primum diem fuisse denotaret.*

a. *Vt unam doceret esse Angelorum naturam, quę in hoc primo die manauit.*

Eucherius, & Isidorus diei primi unitatem ad Angelicę naturę unitatem retulere.

EUCHERIVS Commentarijs in Genesim.
Factum est vespere, & mane dies vnus. Dies iste vnus prior factus, propter concordiam residuorum Angelorum sic appellatus est. Quorum propter unitatem insinuandam, non dies primus, sed dies dictus est vnus.

ISIDORVS de summo Bono, capite decimo.
Dies prior, inquit, factus, Angeli sunt; quorum propter unitatem insinuandam, non dies primus, sed dies dictus est vnus.

b. *Quia cū non ante extasset tempus; nec poterat secundum rationem partium tempus nominari.*

ORIGENES Homilia prima in Genesim.

Non dixit dies prima, sed dixit dies vna; quia tempus nondum erat, antequam esset Mundus. Tempus autem esse incipit ex consequentibus diebus. Secunda namque dies & tertia dies, & quarta, & relique omnes, tempus incipiunt designare.

Glossa Ampliata hæc ipsa excepit.

CONSTANTIVS Rusconus, Commentarijs in Genesim manuscriptis.

Dicunt alij, diem primum vnum dici, quia cū factus est, nullum habuit, cui compararetur, & ob id cū esset vnus tantum non apte diceretur primus, cū in natura alter non extaret. Sed his obijci posset, Prophetam potuisse recte primum diem posterioribus comparare, quos nouerat successuros, vel cū hæc scriberet iam successisse constaret.

c. *Vt diem naturalem viginti quatuor horarum hunc primum diem extasse denotaret.*

BASILIVS in Hexameron, Homilia secunda; Diem vnum Moſem appellasse censuit, vt diem priscum naturalem vigintiquatuor horarū fuisse diffiniret.

Quam ob causam (inquit) non dixit primum diem, sed vnum, vbi magis conueniebat allaturum ordine secundum diem, & tertium, atque quartum, eum qui omnes anteibat primum appellare diem, non vnum? Sed vnum dixit. An vt diei, noctisq; spatium definiret, ac tempus vtriusque, nempe diei ac noctis coniungeret, ita vt ex vigintiquatuor horis vnus diei spatium compleretur, atque ita & nox sub vocabulo diei subintelligeretur: vt etsi in solstitijs altera exuperet alteram, definito tamen tempore, totum vtriusque simul spatium sit descriptum; quasi diceret; quatuor viginti; hore, spatium est vnus diei?

AMBROSIVS in Hexameron, libro primo, capite decimo.

Præclare etiam vnum, non primum diem dixit. Nam secuturo secundo, & tertio die, & deinceps reliquis, primum potuit dicere: & hoc ordinis videbatur: sed legem statuit vt vigintiquatuor hore diurnæ, atq; nocturnæ, diei tantum nomine definiantur, vt si diceret, vigintiquatuor horarum mensura, vnus diei tempus est. Sicut enim virorum generatio computatur, & intelligitur etiam feminarum, quia nectuntur secunda potioribus: ita etiam dies numerantur, & noctes æstimantur adiunctæ. Sicut igitur circuitus vnus, ita dies vnus.

CHRYSOSTOMVS Homilia tertia in Genesim.

Et factum est vespere, & factum est mane dies vnus. Finem diei, & finem noctis, vnum signanter nominavit, vt ordinem aliquem, & consequentiam statueret visibilibus, nulla; fieret confusio.

Anno Mūdi
primō.
Die Prima.

Dies vnus .

- a. Dixit vnus, vt vnā conuersionem Cæli completam demonstraret .
b. Siue, vt Hebdomadam, & secula, cunctaq; tempora vnū esse tempus indicaret.

AUGUSTINVS de Genesi imperfecto, capite septimo.

Et facta est vesp̄ra, & factum est mane dies vnus : non eodem modo nunc appellatur dies, quo cūm diceretur ; Et vocauit Deus lucem diem : sed eo modo quo dicimus, verbi gratia, triginta dies habere mensem . Hic enim nomine diei noctes quoque includimus : Superius autem ita dictus est dies, ut à nocte seiungeretur . Itaque cūm illa opera diei per lucem gesta insinuaretur, consequenter factam dicitur esse vesp̄ram, & factum esse mane diem vnū, ut scilicet sit vnus dies à cæpto die usque ad ceptum diem, idest, à mane usque ad mane, quales dies annumeratis, ut dixi, noctibus appellamus.

GLOSSA Ordinaria ex Augustino.

Non eodem modo nunc appellatur dies, cūm dicitur ; Et facta est vesp̄re, & mane dies vnus, quo cūm diceretur, Et vocauit Deus lucem diem : sed eo modo, quo dicimus triginta dies habere mensem . Hic enim nomine diei etiam noctes includimus : superius autem dictus est dies, ut à nocte seiungeretur .

D. THOMAS prima parte, questione septuagesima quarta, articulo tertio, ad septimum.

Dicendum, quod dicitur vnus dies in prima diei institutione, ad designandum, quod viginti quatuor horarum spatia pertinent ad vnum diem . Vnde per hoc quod dicitur vnus, præfigitur mensura diei naturalis.

HAMERVS Commentatione in Genesim.

Sed non contemnenda est hic nostrorum opinio, qui diem ipsam, quam naturalem vocant, suis limitibus vesp̄re, & mane includi, & finiri scripserunt . Porro diem constare non solum Solis præsentia, sed etiam nocte, quæ diem, quem artificialem vocant, sequutura est . Totum igitur hoc præperitur, idest dies & nox, quod viginti quatuor horarum spatio tenditur, vnus dies appellari debet .

LYRANVS in Postillis.

Factumq; est vesp̄re, & mane dies vnus, &c. Loquitur de naturali, quæ est viginti quatuor horarum ; & complectitur diem & noctem : & ideo dicit ; Factumq; est vesp̄re, & mane dies vnus .

- a. Ut conuersionem Cæli completam demonstraret .

BASILIVS in Hexameron, Homilia secunda.

An quia Cæli ab eodem signo ad idem reuolutio uno die peragitur : ita ut quoties iuxta Solis circuitum vesp̄ra & mane Mundum occupant, non id prolixiore tempore, sed in vnus diei spatio suā explicat periodū.

GREGORIVS Nyssenus in Historia sex dierum.

Quoniam igitur circulo undiq; in sese terminato, atque diffinito nihil deest : recte Scriptura vnū quiddam nominauit, vnū circuli ambitum, quū dicit ; Factum est vesp̄ra, & factum est mane, dies vnus .

D. THOMAS loco asserto.

Vel propter hoc dictum est dies vnus, vt significaret diem consummari per reditum Solis ad vnū & idem punctum .

VIELMIVS Lectione duodecima.

Dies vnus . Et cūm dies vnus, dies integer sit, satis apparet Solem integrum circulum confecisse, & proinde errasse Ficinum, & quotquot existimant Solem in meridiano Orizontis recti fuisse creatum . Etenim, si lux in meridiano motū suū inchoasset, non vnus fuisset dies, cūm diluculum aut mane illa effectisset, sed dimidiū, aut certe sexquimediū, hoc est, decem & octo horarum ; ergo vnus, hoc est, integer perfectus.

- b. Ut Hebdomadam, & secula, cunctaq; tempora vnū esse tempus indicaret .

BASILIVS in Hexameron, Homilia secunda.

An ea ratio potior est, quæ in arcanis, secretisq; literis traditur : Deus sanè, qui temporis naturam creauit, mensuras ipsi ac signa, nimirum spatia dierum adiunxit, septimanaq; ipsū metiens in orbem, septimanam in sese

Dies unus.

Anno Mūdi
primo.
Die prima.

a. *Vt diem perennem aeternae beatitudinis praesignaret.*

in sese semper versari iussit, curricula temporis, ac motiones enumerantem: & vnum item diem septimanam conficere, ipsum in sese septies redeuntem. Id autem Orbis subit effigiem, à sese incipiens, & in seipsum desinens: quod iam & seculi proprium esse constat, in seipsum conuerti, & nequaquam terminari.

AMBROSIUS in Hexameron libro primo, capite decimo.
Nam plerique etiam hebdomadam vnam, vnum diem dicunt: quod in se quasi in vnum redeat diem, & quasi septies in se recurrat. Est autem & circuitus figurarum à se incipere & in se reuerti. Vnde & seculum vnum interdum Scriptura dicit. Nam etsi alijs locis secula appellat, videtur magis diuersitates statuum publicorum, vel negotiorum significare, quam seculorum successiones aliquas definire.

HIPPOLYTUS Romæ.
Et facta est dies vna, vnam dixit, & non primam, vt hanc per circulum reuertentem, atque hebdomadam perficientem, cum tamen vna, eademque esset, declaret.

BEDA Expositione in Genesim.
Dies vnus. Fortassis hic diei nomen, totius temporis nomen est, & omnia volumina seculorum hoc vocabulo includit. Ideoque non dictus dies primus, sed dies vnus.

a. *Vt diem perennem aeternae beatitudinis praesignaret.*

BASILIVS Homilia praefata.
Quamobrem caput ipsius temporis, non diem primum, sed vnum appellauit, vt ex appellatione etiam affinitatem ad ipsum seculum sortiatur. Is enim, qui vnici principij, ac incommunicabilis ad aliud praese fert formam, proprie sanè, atque appositè, vnus est nuncupatus. Quod si secula plura Scriptura nobis asserere solet, seculi seculum, seculorumque secula pluribus in locis dicendo, tamen & illic nec primum, nec secundum, at neque tertium seculum nobis ennumeratur; vt statuum potius, variarumque differentie rerum, sed non descriptiones, ac fines, successionesve seculorum ex eo demonstrantur. Dies enim Domini, inquit, magnus est & praclarus. Et rursum; Cur vos queritis diem Domini? Atqui hic est tenebrae, & non lux: Tenebrae videlicet is, qui digni tenebris sunt. Nam & vespere, & successione, ac fine diem illum carere doctrina sacra nouit; quem & octauum Psalmorum auctor appellauit: propterea quod extra tempus illud situs est, quod septimanę meiui solent. Quare siue diem dixeris, siue seculum, aut æuū, eandem sanè sententiam dixeris. Siue igitur dies status ille dicatur; vnus est, & non multi: siue seculum, aut æuū appelletur, vnicum vtique fuerit, & non multiplex, nec admittens numerum. Quę cum ita sint, vt ad futuram illam vitam, statumque futurum illum, nostram Moses mentem erigat, atque deducat, vnum eum appellauit diem, qui seculi ipsius imago, qui dierum primitiæ, qui luci coetaneus est: Ipsum, inquam, sanctum Dominicum diem, quem resurrectio Domini bonore precipuo affecit.

AMBROSIUS praecitato loco.
Quia dies Domini magnus, & praclarus. Et alibi; Vt quid vobis querere diem Domini? Et hic tenebrae, & non lux. Manifestum est enim, quod male conscijs, & indignis, dies ille tenebrosus sit, quo fulgebit innocentia, & mens noxia cruciabitur. Ceterum quod sine interpolatione noctium, & successione tenebrarum, dies perpetuus ille remunerationis aeternae futurus sit, Scriptura nos docet.

HVGGO Etherianus libro de regressu animarum ab Inferis.
Futuri enim seculi dies illa imago est. Vnde à Moyse non prima, sed vna nominatur. Et factum est, inquit, vespere & mane dies vnus, quasi per circuitum reducta frequenter, eadem vna sit, & octaua: quę nullam habebit varietatem, nil decline post huius temporis decursum: siquidem erit sine vespere, sine successione, absque senio.

PROCOPIVS Commentarijs in Genesim.
Forssitan de vno illo die & in Psalmis habetur; Hic est dies, quem fecit Dominus: exultabimus, & letabimur in eo. Non ab re, inquit, quem fecit Dominus. Siquidem ab ipso Domino cognomen desumpturus erat, vt diceretur dies Dominicus, tanquam soli Domino consecratus, & dedicatus sit ille vnus dies. Adumbratur etiam hic indiuisibilis vnitatis similitudo & imago quędam, vt magis honoretur lux creata. Nam cum Deus reuera sit lux; & lux primò sit facta, & primò quoque apparuerit pulchra, respexit diuinus opifex Mundi ad vnitatis essentiam, cum appellaret primum diem, diem vnum. Eundem diem Psalmus appellat octauum, vt qui

Cap. 14.

Psal. 117.

Anno Mūdi
primo.
Die Prima.

Dies vnus.

- a. Vnus dignitate, cū in ipso manarint res, quæ antea non fuerant, in reliquis effectæ sint ex his, quæ die prima prodierunt.
- b. Vnus dictus est ex dignitate, quod ipse nominandus esset dies Dominicus, singularibusque Priuilegijs euehendus.

Ioel. 2.
Amos. 5.

qui significet æternæ vitæ, quæ post hunc Mundum ventura est, formam. Eum verò ideò representat, quia oñonarius extra septenarium situs est, eumque excedit vno. Proinde haud immeritò nouam rerum omnium constitutionem successuram huic seculo per vnum, quasi sub imagine nostro intellectui ingerit. Sic verò habet Scriptura; Dies enim Domini magnus & illustris. Et iterum; Vbi desiderantibus diem Domini: ad quid enim iste nobis, cū dies Domini caligo sit, & non lux? Sed nimirum impijs horridus caligine imminet. Hunc diem Scriptura agnoscit absque vespera, & sine carentem. Quapropter oñonario numero determinatur, vt qui longè alius sit, quàm præsens hoc sæculum.

- a. Vnus dignitate, cū in ipso manarint res, quæ antea non fuerant, in reliquis effectæ sint ex his, quæ die prima prodierunt.

PROCOPIVS Gazæus Commentarijs in Genesim.

Primus itaque dies dignitate reliquos sequentes longè anteit; nam in illo, quæ nunquam fuerant, suam creationem sumpserunt diuinitus, in cæteris diebus nihil effecit, cuius seminaria non in primo die sparsisset.

- b. Vnus dictus est ex dignitate, quod ipse nominandus esset dies Dominicus, singularibusque priuilegijs euehendus.

BASILIVS vbi supra.

Vnum cum appellauit diem, qui sæculi ipsius imago, qui dierum primitiæ, qui luci coætaneus est. Ipsum inquam, sanctum Dominicum diem, quem Resurrectio Domini honore præcipuo affectit.

VIELMIVS Lectione duodecima.

Vnus, qui & primus, nobilissimus sanè inter dies, & princeps, non ea tantum ratione, quod in eo, antè potius cum eo vniuersum conditum fuit, ipsaque iucundissima lux prodijt, verumetiam & multo sanè magis, quod in eo Christus Dominus excitauit seipsum à morte ad vitam, ac Deum se, & Dominum vitæ & mortis declarauit, & proinde in quo quieuit ob opere Redemptionis, quod magnas perpeffus ærumnas, tantaque charitate patrat. Quare & D. Marcus Euangelista, capite sextodecimo, imitatus Mosè hoc loco est: neque enim vocauit primum, sed vnum. Et valde mane (inquit) veniunt ad monumentum vna sabbatorum orto iam Sole. Quamobrem & dies Dominicus sanctus, ac venerandus Christianis omnibus est, in quo & præterea Spiritum Sanctum in vnum congregati sensiliter receperunt, ac non modò Constantini Principis magni constitutione, C. de ferijs. l. omnes iudices. & Pij primi Pontificis decreto apud Eusebium, & Historiam Tripartitam libro primo, capite nono, nobis est sacrosanctum; verumetiam Apostolorum, ac totius veteris Ecclesiæ ritu, & consuetudine, quod ferè indicatur Apoc. capite primo. Vnde & cautum est, vt in eo à foro, à iudicijs, & laboribus, & cum primis ab operibus mortuis, & lethalibus peccatis nimirum, quæ interficiunt animam, homines diligentius abstineant, ferianturque, & Dei contemplationi, & cultui pro viribus omnes dent operam.

PERERIVS Commētarijs in Genesim libro primo, ex Epistola octaua B. Leonis ad Dioscorum, ex Sermone centesimo quinquagesimo quarto de tempore Augustini, ex Epistola Bedæ de Celebratione Paschatis, & ex alijs, mirifica vsq; ad tria super decem colligit patrata in hac die.

Primo, hic fuit primus Mundi dies, in quo lux facta est. Secundo, in hoc die siccis vestigijs Hebræi mare rubrum transgressi sunt. Tertio, eodem die primum de Celo pluit manna in deserto. Quarto, Christus, vt quidam existimant, initio huius diei natus est. Quinto, baptizatus est in Iordane. Sexto, primum miraculum fecit in nuptijs, aquam conuertendo in vinum. Septimo, multiplicatis quinque panibus, & duobus piscibus, quinque hominum millia satiata sunt. Octauo, Dominus noster resurrexit à mortuis. Nono, octauo post resurrectionem die, Dominus Iesus ianuis clausis ingressus est ad discipulos, deditq; eis Spiritum Sanctum, & potestatem remittendi peccata. Decimo, mandauit Apostolis, vt Euangelium toto Orbe prædicarent, & baptizarent homines in nomine Patris, & Filij, & Spiritus Sancti. Vndecimo, in hunc diem incidit

Quæ, & quanta in Dominica die effecta sint.

Dies vnus.

- a. *Vt vnitatis Sacramenta in primo numero intelligeremus.*
- b. *Quoniam lucis essentia cunctarum dierum vna esset.*
- c. *Vt diem secundum esse, & non secundum essentiam discriminatum à die, esse demonstraret.*

cidit dies Pentecostes, quo Spiritus Sanctus super Christi discipulos descendit. Duodecimo, in hoc die Dominico Ioannes habuit admirandas illas visiones & reuelationes, quas in Apocalypsi reliquit scriptas, ut ipse met cap. primo eius libri testatur. Decimotertio, in hoc die creditur futura nostrorum corporum resurrectio, nostraq; felicitatis consumatio, & totius Mundi renouatio.

Hæc sunt (inquit Pererius) primi illius diei insignia, & ornamenta, quibus ea dies mirabiliter nobilitatur, atque decoratur. Sed de his copiosius aliàs.

a. *Vt vnitatis Sacramenta in primo numero intelligeremus.*

H A M E R V S Commentatione in Genesim.

An numerorum rationem, & mysterium indicare, quam aperire magis voluerit, ut quantum monadis ipsius sacramentum sit cogitarem. Vnum, inquit Macrobius, quod vnitatis dicitur, & mas idem & femina est: par idem atque impar; ipse non numerus, sed fons & origo numerorum. Hæc monas initium, finisq; omnium, neque ipsa principij, aut finis sciens, ad summum refertur Deum, eiusq; intellectum à sequentium numero rerum & potestatum sequestrat: nec in inferiore post gradu frustra eam desideraueris. Hæc illa est mens, è summo nata Deo, quæ vices temporum nesciens, in vno semper quod adest, consistit æuo: cumq; , ut pote vna, non sit numerabilis, innumeras tamen generum species & de se creat, & intra se continet. Hæc Macrobius. Plutarchus de monadis natura, hæc scribit; Hæc Monadis natura, si cui adfuerit, ei bonam temperationem præbet, animabus verò virtutem, corpori verò sanitatem, ciuitatibus, & domibus pacem, & concordiam. Hactenus Plutarchus. Certè Homerus Monadis præstantiam ijs verbis effert; Vnus Dominus sit, vnus Rex.

b. *Quoniam lucis essentia cunctarum dierum vna esset.*

P R O C O P I V S Gazæus vnitatem diei ad vnitatem lucis, quæ una omnium dierum curriculis futura erat, retulit.

Ceterum iam tum quoque lucis substantiam nuncupauit diem vnā, nec tamen primam. Nam secunda & tertia numeri mutationem inferunt. Lux permanens, quæ diei nomen sortita est, præstat, ut etiamnum dicatur vna: Eadem etenim adhuc omnibus diebus inest lucis vis, quæ à rerum primordio extitit. Quapropter omnes vna consentur dies. Et Post. Nam cum Deus reuera sit lux, & lux primò sit facta, & primò quoque apparuerit pulchra, respexit diuinus Opifex Mundi ad vnitatis essentiam, cum appellaret primum diem, diem vnum.

C O N S T A N T I V S Rusconus Commen. in Gen. manuscriptis.

Dicimus ergo vnum tantum diem effectum esse, neq; alterum vllum illi successisse, quia opifex Mundi vnum tantum effecit, si ipsius diei naturam consideramus, quæ utique lux ipsa dicta est: nam cum facta est lux, dicitur diuissse Deum lucem à tenebris, & appellasse lucem diem, & tenebras noctem. Dies ergo ipse lux est, & cū nulla noua lux creata sit, sed eadem semper perseueret, non potest dici dies vllus præter vnum vnquam effectum esse, sed tres priores dies intelligimus eiusdem lucis motionem, uel replicationem, qui nulla ratione distincti sunt nisi diuino opere, quod in singulis proprium applicatur.

c. *Ut diem secundum esse, & non secundum essentiam discriminatum à die, esse demonstraret.*

A L B E R T V S Magnus prima parte Summæ de quatuor coæqueuis, quaestione duodecima, articulo vndecimo.

Ad vltimum dicendum, quod idem est dies secundum substantiam temporis in omnibus diebus, sed non est idem secundum esse: & propter hoc cum primum notet diuersitatem ad secundum, secundum esse & substantiam: vnum autem secundum esse tantum, potius dicit dies vnus, quam dies primus.

Anno Mūdi
primo
Die Prima.

Dies vnus.

a. Vnus phrasi Hebraica, idem quod primus.

a. Vnus phrasi Hebraica, idem quod primus.

STEVC HV S in Genesim, capite primo.

Apud Hebræos autem vnus etiam ordinis est. Primus ergo, vnus in ea lingua dicitur, atque ita hoc loco etiam est intelligendum. Quod loquendi genus etiam in Euangelij reperitur, quorum phrasis tota Hebraica est: Vna enim sabbati, sicut & Theophilactus exponit, primam sabbati sonat, idest primam hebdomadae: & vna mensis, primam diem mensis.

LIPPOMANVS.

Hebraica phrasi, vnus primus dicitur, sicut vna Sabbati, primam sonat Sabbati, idest primam diem hebdomadae: & vna mensis, primam diem mensis.

TOSTATVS Commentarijs in Genesim capite primo.

Dies vnus, idest dies primus: quia hic vnus non dicit principaliter numerum, sed ordinem ad sequentes dies: sic habetur Apocalypsis capite sexto; Cum aperuisset Agnus sigillum vnum, idest primum; quia ibi agitur de septem sigillis, quæ aperta fuerunt.

PERERIVS Commentarijs in Genesim libro primo.

Sed illud mihi fit credibilis, Moysen dixisse unum pro primo, phrasi Hebraica, qua vsus est Daniel initio noni capitis. Vno, inquit, anno Darij Regis; hoc est, primo, vt ipse mox declarat. Et in Euangelio dicitur Dominus Iesus resurrexisse vna sabbati; hoc est primo die post sabbatum.

A V C T O R.

Cæterum ex his interpretationibus nonnullæ ad Allegoriam properant, vt ea Rupertus, quæ generationem Verbi, & ea Eucherij, ac Isidori, quæ Angelicæ essentia unitatē hoc loco denotari præfinierunt. Negocium siquidem Moysi est Mundi sensilis, non Verbi æterni, seu Angeli genituram contexere. Aliæ ad Anagogiam incedunt, vt ea Basilij & cæterorum, qui diem æternæ beatitudinis præsignari autumant. Cæteræ literales sunt; at earum nonnullæ à germano sensu recedunt, vt illa Augustini, quæ Mundum vnica die congestum ex hoc elicit. Impropiè siquidem reliqui dies hebdomadam, seu sæculum, seu æuum vnum esse, seu lucis unitatem denotari, ex eo quod dies primus vnus appellatus fuerit, interpretantur: vera decernunt, sed longè à plano literæ sensu declinare mihi videntur. Non arbitraret tamen Patres adeo præstantes, quales sunt Hippolytus, Basilius, Ambrosius, Procopius hebraicam loquendi consuetudinem ignorasse, quemadmodum Steuchus in Genesis caput primum putare non erubuit, cum profecto solertissimi fuerint Scripturarum sacrarum perscrutatores: sed magis eos contenti plandi gratia ita varijs interpretationibus luisse existimarem. Explanatio illa, quæ ex his Monadis, seu unitatis præstantiam indicatam celebrat, peregrina prorsus censenda est. Alberti expositio Scholasticis fortè arridebit, sed meo iudicio literam ad abstrusos sensus compellit, ac pertrahit; ampliusq; disceptatione id indigeret, quomodo primus diuersitatem dicat secundum substantiam & esse, non autem secundus & tertius.

Supersunt igitur duo reliqui Commentarij, plani, germani, ac proprii. Alter quidem D. Basilij ac Patrum, qui diem priscum dictum esse à Mose existimant diem vnum & non primum, vt eum naturalem fuisse, suisq; numeris, hoc est viginti quatuor horis absolute solum indicaret. Alter verò Nuperorum, qui ex hebraica phrasi vnum significare primum adnotant. Verum ex his duabus interpretationibus primam adhuc (non reiecta secunda) præstantiorem arbitror, quoniam Moysi verba sensibus magis grauida ac ponderosa præmonstrat, scopumq; ac finem Vatis attingit.

Ex prædictis
interpretationibus quæ
literales sunt.

Interpretatio
vera.

DE REBUS GESTIS

in secunda die.



FATEOR id mihi nunc contingere, quod Nautis necdum diuersarum nauigationum experimento, vel inueterata nautica disciplina peritioribus factis, euenire haud raro perhibetur. Hi siquidem cum nimio ausu, ac insueta animi magnitudine, æquora infidis ventis velis pansis peragraræ præsumperint, pererrato diu inter procellas, ac tumentes fluctus Oceano, dum ad terras nauem appellere sperant, sæpius se magis in altum tolli conspiciunt. Quapropter animo adeo consternantur, vt suscepti discriminis ipsos pœniteat, velaque retrorsum dare percupiant. Fateor (inquam) & hoc mihi profectò accidisse; audaci certè animo Commentarios hos aggressus sum, neruos omnes in has contemplationes contuli: verum post diuturnas lucubrationes, cum ad littora peruenisse existimarem, adhuc per altum ferri, ingentibus fluctibus iactari, maioribusque adhuc difficultatibus me opprimi experior. Non prorsus attamen animum despondebo; sed oculos ad polarem stellam, ad sacratissimam videlicet Deiparam sustollam, preces vultu cernuo effundam, vt è Cœlo mihi iter tutum impertiatur, fyrtes maximas, scopulosque cunctos euitare largiatur.

Duas simul commixtas (vt totius literæ argumentum simul absoluam) & arduas, ac multorum iudicio necdum explicatas, nec explicabiles difficultates illustrare aggredior. Quodnam sit firmamentum illud, quod Moses secunda hac die Deum patrasse obtestatur: Et quæ aquæ sint illæ, quas secasse firmamentum illud narratur. Atque adeo simul connexæ, complicatæque sunt hæ duæ percunctationes, vt altera sine altera dissolui non posse videatur. Enitar nihilominus seorsum vtranque strictè, & clarè quoad fieri poterit, perpendere ac definire. Herculeos attamen labores hac in re mihi subeundos vereor, quandoquidem vno Hydræ exciso capite, plura mox renasci conspiciam. Nam si firmamenti nomine cum Patribus cœlestium orbium compagem interpretabimur, indagandum actutum erit, cuius sint substantiæ, num aquæ, num igneæ, num ex summitatibus elementorum ignota nobis mistura compacti, num ex quinta quadam essentia congesti: ac denique num cœlestes illi orbes sphaerici existimandi sint; de his enim omnibus inter Patres disceptatio est. Rursus si aquas supra Cœlos locatas fuisse admiserimus, decreuerimusque; statim percunctandum se ingerit, quod genus aquarum illud sit, num quinti generis, an elementatum; quòd si ex elementi natura, num labentium, num vaporearum, num glacialium. Deinde ad quid ibi à Deo superuictæ fuerint; num ad mitigandum flagrantem æstum syderum; num ad comprimendam ignis exustionem; num vt deiectæ in diluuio terram obruerent; num ad demittendos imbres; num ad muniendum Cœlum; num ad impertiendos influxus cœlestes; num ignota incompertaque nobis causa. Iucunda siquidem, sed ardua; præstantissima, sed difficillima hæc sunt.

Inter grauissimas profectò difficultates, quæ præclariora Doctorum ingenia molestarunt, atque mirificè defatigarunt, ea est de supernis aquis, in qua vna præcelliores etiam Doctores potius aberrandi periculum subiisse visi sunt, quàm certam decisionem propalasse, qua celebris hæc disceptatio sedata, & diffinita videretur.

Anno Mūdi
primo.
Die secunda.

Fiat firmamentum.

Hebraicè Rachiaà; idest extensio.

- a. Extensio in modum metalli extensi.
b. Seu, in modum Cortinae, vel Pellis explicitae.

Expostulat institutum nostrum, vt primū de editione aliquid dicamus. Hebraica lectio habet, Sehi rachiaa pedoch amaim iehi mautil ven maim lamaim; hoc est: Sit expansio in medio aquarum, & sit diuidens inter aquam, & aquam, & Sehi rachiaa, hoc loco vertitur, Fiat, vel erit extensio, vel porrectio, seu dilatio.

Pagninus, & Vatablus hanc sequuti sunt translationem: cū sic hanc clausulā transtulerint: Sit expansio in medio aquarum, & diuidat aquas ab aquis.

Lectionem hanc mirificè celebrant cuncti Rabbini Hebræi. Ex nostris, qui Hebræi cum textum venerantur, suspiciuntque: cæterum in id insudant postea Doctores hi, vt quod extensionis genus hoc loco nobis denotetur, declarent.

a. Extensio in modum metalli extensi.

LVSITANVS Commentarijs in Genesim, extensionem eam, seu porrectionem in similitudinem laminae malleis protensa capi his tradit.

Dictio autem Raquiah, quæ hic ponitur pro firmamento, extensionem propriè significat ad modum metalli extensi. Nam verbum, Racah, significat extendere; à quo, Raquiah, vt ex multis locis Scripture constat. Nam Isaias quadagesimo secundo; Rocah, idest extendens terram. Et Psalmus centesimus trigesimus sextus; Ierocab, idest, extendenti Celos super aquas. Et expressius Ezechiel sexto; Percute manu tua, yrecab; idest, tere pede tuo. Vbi vides verbum significare, pede terere, aut pede extendere: quemadmodum malleo extenditur res. Et Hieremias decimo; Argentum, murecab, idest, extensum malleis de Tarsis adductum. Significat ergo hic, Raquiah, extensionem ad modum laminae malleis deductæ.

b. Seu, in modum Cortinae, vel Pellis explicitæ.

CAIETANVS Commentarijs in Genesim.

Iuxta Hebræum habetur; Et dixit Elobim, erit extensio inter aquas; & erit diuidens inter aquas ab aquis. Et post. Fieri autem extensionem contingit multis modis. Ferrum enim extenditur malleo; aqua congelata extenditur rarefactione; infans extenditur motu augmenti; cortina extenditur sola expansione. In sacra Scriptura hoc ultimo modo inuenitur hic textus expositus à Davide in Psalmo centesimo secundo, Extendens Celos, vt cortinam: quamvis vulgata editio habeat, sicut pellem. Quocirca Davidem sequens, simplicissimam extensionem, quæ pura extensio est, quæve decet simplicia corpora, intelligimus: quasi ipsa substantiæ quantæ quasi quantitate interminata horum corporum secundum se, sint velut cortinae complicate, & ipsæmet extensæ sint velut cortinae explicatae, seu expansæ. Huc enim tendit Davidis interpretatio: & huius sensui quadrat illorum sententia, qui dictionem interpretatam extensio interpretandam censent expansio. Sicut enim cortina complicate latet certa quantitas latitudinis & longitudinis; ita substantia quanti interminati, latet quantitas terminata: & quemadmodum cortinae quantitas certa expansione panditur; ita substantia quanta, extensione ad certos terminos perficitur.

STEVCHVS in Genesis caput primum id ipsum censuit.

Sed vox Hebraica Rachia, extensionem sonat, aut id quod extenditur, ac diffunditur, vt vela, ac cortinae. Ducitur autem à Verbo Racha, idest extendit; Vt Exodi capite trigesimonono; Extendent laminas aureas. Sciendum itaque est, diuinas Scripturas ita loqui solitas, vt cū elementa diffusa sint, ac longissime porrectæ, dicant Deum ea effudisse, atque porrexisse; ideo Isaias capite quadagesimo secundo ait; Qui extendit terram, & germina eius. Et eiusdem capite quadagesimo quarto; Quis porrexit terram præter me? De quibus nos suis locis dicimus, præsertim in Ezechiele, vbi huius vocis creberrima sit repetitio. Tota itaque Caliporrectio, ac quasi effusio, Hebraicè appellatur Rachia.

vel,

Fiat firmamentum.

- a. Vel in utrunque modum.
- b. Rachiaa non tantum significat extensionem, sed effusionem, quæ propriè de aëre dicitur.
- c. Rachiaa, Firmamentum.

a. Vel in utrunque modum.

H A M E R V S Commentatione in Genesim.

Quod nos legimus firmamentum, in Hebræo legitur extensio, à Verbo expandit, extendit, ut sit, Fiat extensio in medio aquarum, & diuidat aquas ab aquis. Et Post. Cur autem Cælum extensionis vocabulo appellauerit, duplex ratio reddi potest: prima ex similitudine extensionis, ut extenduntur cortinæ, sumitur, tanquam Cæli creati fuerint inuoluti, & secundo die extensi. Argumentum habet hæc expositio ex Psalmo centesimo tertio, ubi iuxta Hebraicum legitur, Extendens Cælum veluti cortinam. Ratio secunda sumitur, ex similitudine extensionis, qua extenditur argentum, seu ferrum, aut æs in amplas laminas; tanquam Cæli creati fuerint absolutè, & secundo die fuerint extensi ad terminos, ac figuras quas habent. Quæ probatior sit sententia, infra disceptabimus.

b. Rachiaa non tantum significat extensionem, sed effusionem, quæ propriè de aëre dicitur.

R A B B I N I Parisienses in Annotationibus.

Firmamentum, vox Hebræa R A C I A, significat extensionem, & expansionem, ut in Psalmo; Extendens Cælum, sicut pellem. Quidam diffusionem significare dicunt, atque ita vertunt, Sit diffusum quoddam corpus inter aquas supernas, & infernas. Nam de aëre intelligit. Sunt autem duplices aquæ, aliæ marine, & fluuiatiles, aliæ sunt in media regione aëris, quæ sunt nubes, aquæ potentia, quas dicit diuidi ab istis inferioribus per aërem. Conuertit enim Deus aquas illas, quæ circundabant terram, in corpus illud extensum, quod est inter Cælum & Terram; idest, vertit in aërem.

c. Rachiaa, Firmamentum.

Paraphrasis Chaldaica legit; Sit Firmamentum in medio aquarum, & diuidat inter aquas & aquas.

Græca editio habet γενήτω στερώμα ἐν μέσῳ τῶ ὕδατος. καὶ ἐσώδα ἡ ὁρίζων ἀνάμεσον ὕδατος καὶ ὕδατος. hoc est; Fiat firmamentum in medio aquæ: & sit diuidens inter aquā, & aquam.

Vulgata nostra; Fiat firmamentum in medio aquarum, & diuidat aquas ab aquis.

S T E V C H V S loco asserto, primū editiones has longè ab Hebraica discedere his tradit.

Tota itaque Cæli porrectio, ac quasi effusio, Hebraicè appellatur Rachia: neque propriè firmamentum ea vox sonat. Quare dubium fit, cur tam dissimili voce verbum Hebraicum reddiderint Septuaginta, & post eos Hieronymus. Præsertim cum eius vocis inuentores, ipsi videantur fuisse: neque enim apud gentes vsque inuenimus Cælum appellari στερώμα, idest firmamentum.

Edisserit autem amplius pluribus scitissime, Septuaginta Cælum στερώμα nuncupasse, tum vt eius soliditatem atque duritiem innuerent, tum vt eius stabilitatem, ac firmitatem indicarent, conformi sententia cum Scripturis, Poëtis, & Patribus, quorum testimonia ipse enumerat.

L I P P O M A N V S ecōtra editiones has ab Hebraica posse deuenire his ostendit. Quod nos firmamentum dicimus, Hebraicè RaKijaa, Græcè στερώμα dicitur. RaKijaa autem tam firmamentum, quam extensio interpretari potest, utpotè à RaKaa verbo descendens, quod extendere, seu expandere, & stabilire, seu firmare significat. Primi ergo Septuaginta Interpretes, Cælum στερώμα, idest firmamentum nuncuparunt, aut eius soliditatem, atque duritiem innuere cupientes, vel stabilitatem, quam in suo situ accepit à Deo. Hebræi autem magis extensionem dixerunt, ad illius porrectionem, dilatationem, ac diffusionē aspicientes.

Anno Mūdi
primo.
Die secunda.

Dixit Deus.

- a. Idest voluit, quia sermo Dei ipsius est voluntas.
b. Appositum est Dixit, ut indicetur vnigenitus Dei Filius.

AUCTOR.

Existimo ego editionem tūm grācam, tūm nostram, hebraicā non esse repugnātem. Duoque afferre possum; Primum est, volumen illud, quod scripsit Moses, quodq; Septuaginta interpretes, & Diuus Hieronymus verterunt, fortasse periisse, vel saltem hac nostra ætate adeo deprauatum vagari, ut nullius ferè sit authoritatis. Quapropter textum nostrum, & Septuaginta probatiorem quā hebraicum, quem nunc præ manibus habemus, esse arbitror. Nullum etenim comperio testimonium, quod hebraicos textus, qui nostra hac ætate circunferuntur, antiquissimos esse & vetustissimos, utpote à Mose vel ab Esdra conscriptos, nulloq; errore sordidatos demonstret. Deinde est nos textum habere hebraicum, illi, quem Septuaginta, & Hieronymus approbarunt, consimilem, intelligere nō possum, quo pacto Septuaginta interpretes linguæ hebraicæ eruditissimi, & Hieronymus vir omni in idiomate disertissimus cœcutire, atque à vera significatione aberrare potuerint, prout Steuchus opinatur; maxime cū Doctorum, & nuperorum alij RaKijaa vocem non tantum extensionem, sed & stabilimentū significare autument, sicuti & Rachaa, à quo descendit, non tantum extendere, & expandere, sed stabilire, ac firmare significat. Sed de his fusiùs infra.

- a. Idest voluit, quia sermo Dei ipsius est voluntas.

BASILIVS Hexameron, Homilia tertia.

Sanè quod primo assumpsimus inquirendum loco, hoc est; Num Deus nostro loquatur more. Et quidem prius à rebus ipsis typus, siue adumbratio abstracta se inserit, & imprimitur intellectui, siue cogitationi hominis. Deinde post imaginationem rerum apprehensarum, seligens proprias, & cuique rei subiecte accommodandas significationes, pronuntiat. Secundum hæc, ijs, quæ intellectu, cogitatione apprehendit, & impressionem, tioni vocalium organorum velut per manus traditis, ita demum per aeris reuerberationem, & impressionem perq; intermediam motionem articulatæ vocis, eam in medium promit, & explicat, quam in arcano mentis recessu concepit, cogitationem. Quinam fabulosum dici non debeat, asserere velle Deo opus esse periodo cinsinodi, ad eorum, quæ semel mente conceperit, explicationem? An pietati consentaneum magis fuerit asstruere sanctam eam voluntatem, ac primariam appetitionem, siue institutionem motionis illius spiritualis, verbum esse Dei?

- b. Appositum est Dixit, ut indicetur Vnigenitus Dei Filius.

BASILIVS loco asserto.

Expressiore pro in figura ipsum nobis Scriptura delineat, ac pingit, non in hoc modo, ut declaret Deum voluisse fieri creaturam, sed & eandem promotam esse ad generationem per vniam aliquem cooperarium. Vtique potuisset, quo iam initio cæperat, consimili stylo perstringere singula, & commemorare: In principio fecit Deus Cælum & Terram. Subin, fecit firmamentum. Nunc autem dum imperantem inducit simul, & cum quoque sermones pertextentem: eam, etsi silentio suppressam, personam subindicat, cui & mandatum communicat, & quæ cum edisserit, nihil nobis inuidens illius cognitionem: potius nos charitatis flamma extinguit, & ad illius complexum desiderabilem. Vtriusque enim istius boni gratia, vestigia quedam, ac veluti passiones rei arcane expressiuas suppingit. Rem enim labore partam ingenti cum gaudio, ac veluti cuique patris plerique omnes exceptant, exceptam tuentur, ac seruant non indiligenter: contra, quorum cuique est partum. Hac sanè gratia veluti viam, ordinemq; præstruens Scriptura, nos recta promouet ad cognitionem vnigeniti Dei: etiamsi incorporeæ illi naturæ nihil ad eum modum fuerat opus intermedio sermone, quem ipsi præcipimus, quando quæ mente conceperat pater citra sermonis officium se insinuare poterant creatori. Quo

Dixit Deus.

a. Sic dicitur, ut demonstretur nil condi potuisse, quin prius fuerit in Verbo.

Fiat.

b. Verbo fiat, denotatur Dei imperium.

Quò fit, ut vsus sermonis minimè necessarius sit ijs, qui inita consilia solo possunt intellectu inter se partiri communiter. Ut enim vox in gratiam indulta est auditus, ita & auditus propter vocem. Nam ubi non aër suppetit, non lingua, non auris, non item meatus in sinus plicatiles contortus ad eam vsque posituram in capite, quæ consentit auditui, sonos subuehens, nullus iam ibi vsus sermonis est, sed communis tum partitio voluntatis sit ex ipsis, ita enim dicere quis possit, medullaribus, hoc est in intimis cordium conceptis consilijs. Sanè, quod mihi dictum iam est, quò se mens nostra surrigeret ad eius inquisitionem persone, ad quam hic intenditur sermo; figuratam hanc differendi proprietatem sapienti admodum, ac prouida, nec minus artifice ratione sibi Scriptura ascium.

a. Memoratur verbum Dei, ut demonstretur nil condi potuisse, quin prius fuerit in Verbo.

AUGUSTINVS de Genesi ad literam, libro secundo, capite sexto.

An eo ipso quod scriptum est, Fiat firmamentum, hæc ipsa dictio Verbum est Patris, vnigenitus Filius, in quo sunt omnia quæ creantur, etiam antequam creentur; & quidquid in illo est, vita est; & vita vtique creatura, quia quicquid per eum factum est in ipso vita est, & vita vtique creatrix; sub illo autem creatura? Aliter ergo in illo sunt ea, quæ per illum facta sunt, qui regit, & continet ea: aliter autem in illo sunt ea, quæ ipse est. Ipse enim vita est, quæ ita in illo est, ut ipse sit; quoniam ipsa vita est lux hominum. Quia ergo nihil creari posset, siue ante tempora, quod quidem non est Creatori coeternum, siue ab exordio temporum, siue in aliquo tempore, cuius creandi ratio, si tamen ratio rectè dicitur, non in Dei Verbo Patri coeterno coeterna vita viueret; propterea Scriptura priusquam insinuet vnāquamque creaturam ex ordine quo conditam dicit, respicit ad Dei Verbum, prius ponens, Et dixit Deus; Fiat illud. Non enim inuenit vllam causam rei creandæ, quam in verbo Dei non inuenit creari debuissè. Non ergo Deus totiens dixit, Fiat illa, vel illa creatura, quotiens in hoc libro repetitur, Et dixit Deus. Vnum quippe Verbum ille genuit, in quo dixit omnia, priusquam facta sunt singula. Sed eloquium scribentis descendens ad paruulorum capacitatem, dum insinuat singillatim genera creaturarum, per singula respicit vniuscuiusque generis æternam rationem in Verbo Dei. Nec illa repetita, ille tamen repetit, Et dixit Deus.

IVNILIUS in Hexæmeron.

Quid autem sit dicere Dei; Fiat hæc & illa creatura, iam supra dictum est: dixit enim ut fieret, cum in coeterno sibi Verbo, vnigenito videlicet Filio, cuncta creanda disposuit. Cum ergo audimus; Dixit Deus, Fiat firmamentum in medio aquarum, & diuidat aquas ab aquis; intelligamus quid in Verbo Dei erat, ut fieret, in quo faciendum intus ante omne tempus præiudicet, quidquid foras ex tempore Deus fecit.

GLOSSA Interlinearis.

Dixitque Deus, quia Verbo Domini Cæli firmati sunt.

b. Verbo fiat, denotatur Dei imperium.

AMBROSIVS Hexæmeron, libro secundo, capite secundo.

Audi verba Dei: Fiat, dicit. Iubentis est, non æstimantis. Imperat naturæ, non possibilitati obtemperat; non mensuras colligit; non pondus examinat. Voluntas eius mensura rerum est. Sermo eius finis est operis. Fiat, inquit firmamentum inter mediam aquam. Firmum est omne, quod statuit Deus. Et satis pulchrè præmisit, Fiat firmamentum, antequam subiceret, inter mediam aquam, ut tu prius crederes firmamentum ex præcepto Dei factum, quàm de aquarum proflua qualitate dubitares. Si naturam elementorum consideres, quomodo inter aquas solidatum est firmamentum? Ille profluunt, illud constringitur; illæ currunt, hoc manet. Et sit, inquit, discernens inter aquam. Sed aqua confundere, non discernere solet. Quomodo iubet, quod scit secundum elementorum rationem esse contrarium? sed cum sermo eius ortus naturæ sit, iure vsurpat dare legem naturæ, qui originem dedit.

CHRYSOSTOMVS Homilia quarta in Genesim.

Et vide ineffabilem potentiam, quæ omnem humanam excedit rationem. Nam solum iubet, & accedit aliud.

Anno Mūdi
primo.
Die secunda.

Fiat firmamentum.

a. Hoc est corpus quoddam non graue & mole crassum, sed tenue, rarum, & percolatum, solidum tamen, ac firmum ad coercendas aquas.

aliud elementorum, & aliud decedit. Dixitque, ait, Deus; Fiat firmamentum in medio aque, & sit distinguens inter aquam.

Nulla nobis ex præfatis obseruationibus venit repudianda. Graues profecto sunt, nec inter se repugnantes. Ex ipsis attamen literæ mentem, & clausulæ huius; Dixitque Deus, sensum, ea quæ primo loco adducta est enucleatius referat, & pandit. Innititurque ei vulgata, atque cunctis calculis comprobata interpretationi, quæ, Dixit, interpretatur Voluit, & mandauit; de qua exactius supra.

a. Hoc est corpus, non graue et mole crassum, sed tenue, rarum, & percolatum, solidum tamen ac firmum ad coercendas aquas.

Patres hoc loco ferè omnes ad declarandam huius nominis firmamenti emphasim, & vim diuertunt.

BASILIVS Hexæmeron, Homilia tertia.

Psal. 17.
Psal. 74.
Psal. 150.

Dein dicendum esse videtur, quænam sit ipsius firmamenti natura, & quam ob causam inter aquas separandas institutum sit intermedium ut esset. Scriptura sacra nomine firmamenti, in ijs rebus, quæ robore, viribusque exuperant uti consuevit; quemadmodum cùm dicit; Dominus firmamentum meum, & regium meum. Et, Ego confirmaui columnas eius. Et, Laudate eum in firmamento virtutis eius. Nam externi homines id firmum corpus dicunt, quod quasi solidum est, densum, ac plenum, ut à Mathematico corpore distinguerent. Est autem Mathematicum corpus, quod in dimensionibus solis consistit, latitudine, inquam, longitudine, & profunditate. Firmum autem, solidumque, quod cum dimensionibus, & reniti, resistereque potest. Scriptura autem sacra, quod perrobustum est, neque cedit, id omne firmamentum dicere consuevit, atque adeo, ut & in aëre addensato hac ipsa voce plerunque uti videatur, veluti cùm dicit; Qui tonitruum firmat. Soliditatem enim & resistentiam eius spiritus, qui in nubium concavis sinibus includitur, atque ob violentam eruptionem, inde sonos ac strepitus eos efficit, quos tonitrua dicimus, firmitudinem tonitruum Scriptura nuncupauit. Igitur & hic etiam pro quadam firma, solidaque natura, ad detinendas aquas ac coercendas idonea, quæ suapte natura dilabuntur, perfacileque dissoluntur, hanc à Scriptura vocem ordinatam esse arbitramur.

Et post, id non esse graue, quia tenue & rarum, his ostendit.

Diximus quid apud Scripturam significati habeat firmamenti nomen. Nimirum naturam insinuat neutquam reluctantem, aut solidam, quæve suo pondere grauis sit, aut renitens. Non eiusmodi dicit esse firmamentum. Alioqui si sic grauem mole eius intelligis naturam, propius ac iustius hanc sibi vendicasset terra nomenclaturam firmamenti: sed quod natura rerum nobis supereminetium, ac sublimium tenuis admodum sit ac rara, nec vlllo sensu possit percipi, hoc appellauit Moses firmamentum, corporum comparatione, quæ tenuissima sunt, ea quæ sensu facile comprehenduntur. Mihi nunc tu locum vnum aliquem cogita humoris discernendi facultate præditum, qui quidem tenuem, & percolatum ad supera loca traiciat: eum verò qui crassissimus est, ac terræ immixtus, ad infera demittentem, ut ab initio finem usque, eadem in vniuerso temperies conseruetur, calore paulatim humoris essentiam absumentem.

RVPERTVS Commentarijs in Gen. lib. primo, cap. vigesimo secundo.

Eccles. 1.

Firmamentum non solidum quid aut durum, ut vulgo putatur, sed aër est extensus, & adeo subtilissimus, ut licet videri queat, rectius tamen spiritus dici possit, quàm corpus, testante Ecclesiaste, cùm dicit in luminibus, quæ visibiliter in eo feruntur; Lustrans in circuitu pergit spiritus, & in circulos suos reuertitur. Hoc itaque cùm solidum non sit, sed neque ita corpulentum, ut hæc inferior pars aëris, aliunde tamen Scriptura illud nuncupauit firmamentum, videlicet eò quod diuidat aquas ab aquis.

CHRYSOSTOMVS Homilia quarta in Genesim idipsum dixit, cùm vocauit firmamentum parietem, ac interstitium.

Quid est, Fiat firmamentum? Quasi quis dicat humana lingua; Fiat paries quidam, & interstitium in medio diuidens, & separationem faciens,

AMBR.

Fiat Firmamentum.

a. Firmamentum dictum, non quia stet, sed quod intransgressibilis sit terminus
aquarum.

AMBROSIUS Hexameron libro secundo, capite quarto.
a. firmitate ergo firmamentum est nuncupatum, vel quod diuina virtute firmatum sit, sicut Scriptura
nos docet, dicens; Laudate eum in firmamento virtutis eius.

Psal. 150.

ORIGENES Homilia prima in Genesim.
Cum iam antea Deus fecisset Cælum, nunc firmamentum facit. Fecit enim Cælum prius, de quo dicit; Cælum mihi sedes est. Post illud autem firmamentum facit, id est corporeum Cælum. Omne enim corpus firmum est sine dubio, & solidum: & hoc est, quod diuidit inter aquam, quæ est super Cælum, & aquam quæ est sub Cælo.

Isa. 66.

EVCHERIUS in Genesim, libro primo.
Fiat firmamentum. Firmamenti nomine Cælum significauit: pro eo quod fortiter & firmè compositum est.

a. Firmamentum dictum non quia stet, sed quod intransgressibilis sit terminus aquarum.

AVGVSTINVS de Genesi ad literam libro secundo, cap. decimo.
Hoc sanè nouerint, nec nomen firmamenti cogere, vt stare Cælum putemus. Firmamentum enim non propter stationem, sed propter firmitatem, aut propter intransgressibilem terminum superiorum, & inferiorum aquarum vocatum intelligere licet.

EVCHERIUS in Genesim, libro primo.
Maximèq; propterea vocatum est firmamentum, propter firmitatem, siue sustentationem, & intransgressibilem terminum superiorum aquarum.

BEDA Libro de sex dierum Creatione.
Dixit quoque Deus: fiat firmamentum. Idem propter firmamentum stabilitatis, siue propter intransgressibilitatem superiorum, atque inferiorum aquarum.

Idipsum habet Quæstionibus in Genesim.
GLOSSA Ordinaria ex Angustino.
Notandum, quod firmamentum non propter stationem, sed propter firmitatem, & intransgressibilem terminum superiorum & inferiorum aquarum, appellatum est. Et post. Sed firmamentum, non propter stationem, sed propter firmitatem, aut terminum aquarum intransgressibilem dici potest.

GLOSSA Interlinearis.
Fiat firmamentum; id est, intransgressibilis terminus.
MAGISTER Scholasticæ Historiæ in Genesim, capite quarto.
Et dicitur firmamentum, non tantum propter sui soliditatem, sed quia terminus est aquarum, quæ super ipsam sunt, firmus, & intransgressibilis.

HVGOCarenfis in Postillis.
Et dicitur firmamentum, quia firmum: & quia terminus est aquarum, quæ super ipsum sunt, intransgressibilis.
MAGISTER Sententiarum secundo, distinctione quartadecima, ex Augustino vt Glossa hausit.

Queritur etiam si stet, an moueatur Cælum. Si mouetur, inquiunt, quomodo est firmamentum? Si stat quomodo in eo fixa sydera circumstant? Sed firmamentum dici potest, non propter stationem, sed propter firmitatem, vel terminum aquarum intransgressibilem.

Patres omnes ferè in hanc ipsam nominis firmamenti etymologiam properant. Quamquam alij ex aquis condensatum concretumque, alij ex summitatibus elementorum ignoto nobis genere compactum impermeabile illud reputent, alij verò seu ex igne, seu ex aëre constrato, congestum ac permeabile illud decernant. Sed de his infra.

Anno Mūdi
primo.
Die secunda.

Fiat firmamentum.

- a. Firmamentum dictum, quia ingenerabile, & incorruptibile.
b. Vel, quia stabile & firmum in suo situ, vel solidum & durum.

a. Firmamentum dictum, quia ingenerabile, et incorruptibile.

Doctores nuperi, qui Aristotelis dogmata amplexati Cœlos ex quinta essentia constatos autumant, firmamentum appellari diffiniunt Cœlum, quia corpus ex quinta essentia incorruptibile censeatur.

A L B E R T V S Magnus, quem vnum adducam pro omnibus, prima parte Summæ de quatuor coarctationibus, questione quarta, articulo decimonono.

Dicimus, quod firmamentum dicitur à firmitate naturæ, quia ipsum non generatur, neque corrumpitur; ut supra probatum est, & non ab immobilitate secundum locum. Quod autem dicit Glossa, quod firmiter stat inter aquas inferiores, & superiores: Dicendum, quod hoc non est propter ponderositatem aquarum superiorum, ut patet ex prædictis, sed propter firmum concentum calidi & sicci frigidi & sicci, calidi & humidum, & frigidi & humidum. Hic enim concentus impedit nocuitatem vniuscuiusque per se; & dicitur propter hoc firmum, quia est indivisibilis concentus ille, cum sit extractus extra actionem & passionem contrariorum.

b. Vel quia stabile, & firmum in suo situ, Vel quia solidum, & durum.

S T E V C H V S, Recognitione in Genesis caput primum, cum Septuaginta Interpretes, Hieronymumque; ab Hebraica veritate, qua legendum credit, Fiat expansio, & non Fiat firmamentum, discessisse tradidisset, de hac nomenclatura adiecit.

Que nos de hac re cognita habeamus, in medium afferemus. Igitur Septuaginta Cœlum septuaginta nuncuparunt, aut eius soliditatem, atque duritiem innuere cupientes, vel stabilitatem, quam in suo situ accepit à Deo. Quod non solum Cœlo tribuunt ipsi interpretes, verum etiam terræ, ut Psalmo nonagesimo secundo; Firmamentum orbem terræ, qui non commovebitur. Eandem etiam firmitatem, atque stabilitatem plerisque alijs vendicarunt. Ut igitur terram à Deo stabilitam esse dixerunt, idem fortasse sentiunt & de Cœlo, cum soliditatem, aut firmamentum ipsum appellant. Nam & illud quod erat Hebraicè Psalmo trigesimo secundo; Verbo Domini Cœli facti sunt: ipsi verterunt è septuaginta, id est, firmati sunt. Hebræi ergo ad porrectionem, ac diffusionem respexerunt, Septuaginta ad stabilitatem. Est ergo Cœlum porrectum, ac firmatum, sicut & terra. Vel certe, quod est melius, firmamentum appellarunt; ut eius duritiem, ac soliditatem innuere.

Causam reddere præstantissimi Patres nituntur, unde celestium sublimium corporum compago firmamenti nomen sibi vendicarit. Et ex ipsis postrema, ut firmamentum nuncupari censet ex duritie, & soliditate, ab ante enarratis non discrepat: Ut verò firmamentum appellari opinatur, quoniam stabile, ac firmum sit suo in situ, quemadmodum & terra in Mundi centro, non sine controuersia est acceptanda; quamvis enim non decendant à superno suo loco celestia ea immensa corpora, perenni tamen volubili motione aguntur, cum terra immota consistat. Altera, quæ Cœlum ex eo firmamentum nuncupari decernit, quia à corruptione, & generatione sit innoxium, Peripateticæ profectò redolet philosophiam, quintamque; quandam essentiam à Patribus propemodum commentitiâ fabulosamque; existimaram astruit. Superest igitur ut hoc in loco Basilio, Chrysostomo, Ambrosio, Origeni, Augustino, Eucherio, Bedæ, cæterisque; præclari nominis Patribus adherentes, Cœlum ex eo firmamentum nuncupari existimemus, quia solidum, firmum, impenetrabile, ut impermeabilis paries, sit, ad coercendas, sustinendasque; supernas aquas, terminusque; intrâsgressibilis, qui trajecti ab ipsis nequeat aquis. Quæ de natura Cœli edisseriebant Basilius, Rupertusque; exactius infra perpendentur.

Fiat Firmamentum.

a. Idest, Fiat aër.

De Genesi Cælorum.

Locus hic, in quo Cælorum astrigerorum structuram habemus, ille est, qui non tantum Patres priscos, sed magis Doctores nuperos mirifice defatigauit. Quid enim firmamenti nomine intelligat Moses, quid effectum sit hac secunda die, arduum est diffinire. Hinc non mirandum, si diuersæ repugnantesque excitantur sententiæ. Harum præcipuas, quas haurire potui, ingenue referam.

a. Idest, Fiat aër.

Peruulgatior verisimiliorque suo apparatu se offert ea sententia Patribus vetustis non ignota, & à pluribus nuperis mordicus amplexata, quæ firmamenti nomine hoc loco significari censet non eam Cælorum congeriem, in qua sitæ splendent stellæ, sed aëris elementum totum, seu illam aëris inferni partem, quæ desuper nubes, im bres, rores, aqueasque impressiones conglutinat, ac sustinet.

AUGUSTINVS de Genesi ad literam, libro secundo, capite quarto, quanquam firmamenti nomine Cælorum congeriem cum ea superna aëris regione, quæ nubibus, flatibusque non obruitur, intelligi diiudicet, vt suo loco demonstrabimus, hanc tamen propositam sententiam sua tempestate viguisse tradit. Cum enim hanc excitasset difficultatem: vtrum nunc illud Cælum fiat, quod excedit aëris omnia spatia, eiusque omnem altitudinem, vbi etiam luminaria, stellæque constituuntur quarto die, an ipse aër vocetur firmamentum: cumque pluribus ex pondere, & natura elementorum, aquas super aërem, ignem, & Cælos vehi nequire demonstrasset adiecit.

Talibus eorum disputationibus cedens, laudabiliter conatus est quidam demonstrare aquas super Cælos, vt ex ipsis visibilibus, conspicuisque naturis assereret Scripturæ fidem. Et prius quidem, quod facillimum fuit, ostendit & hunc aërem Cælum appellari, non solo sermone communi, secundum quem dicimus serenum, vel nubilum Cælum, sed etiam nostrarum ipsarum consuetudine Scripturarum, cum dicuntur volatilia Cæli, cum aues in hoc aëre manifestum sit volare. Et Dominus, cum de nubibus loqueretur; Faciem, inquit, Cæli potestis probare. Nubes autem etiam per proximum terris, aërem conglobari sæpe cernimus, cum per decliuitatibus ingoritur ita recumbunt, vt plerunque excedantur etiam cacuminibus montium. Cum ergo probasset, & hinc aërem Cælum dici, nulla alia causâ etiam firmamentum appellatum voluit existimari, nisi quia intervallum eius diuidit inter quosdam vapores aquarum, & istas aquas, quæ corpulentius in terris fluitant.

Matth. 16

Hæc Beda Quæstione in Genesim non intercisâ narratione inseruit. Et post. Hanc ergo diligentiam, considerationemque laude dignissimam iudico. Quod enim dixit, neque contra fidem est, & in proposito documento credi potest.

GLSSA Ordinaria compendiosè Augustini coëgit disputationem, cum dixit.

Queritur vtrum illud Cælum nunc fiat, quod excedit aëris spatia, an ipse aër vocetur firmamentum? Asserunt enim aquas super Cælum sydereum esse non posse, cum earum pondus exigit hoc, vt supra terram fluant, vel ferantur vaporaliter in aëre. Nec quisquam dicat fieri hoc omnipotentia Dei. Quomodo enim Deus naturas rerum fecerit, queritur; non quod ex eis ad miraculum potentie operetur. Qui verò negant aquas super Cælum esse posse, non tantum locis, sed & qualitatibus distinguunt elementa, pro quibus sortiantur propria loca, vt sit aqua super terram, aër super aquam, Cælum super aërem. Vnde colligitur, quod si aër super Cælum maneret, ex pondere suo caderet: & sic aquam super Cælum esse non posse. Vnde quidam conantur demonstrare, aquas esse super Cælos, aërem hic, Cælum & firmamentum accipientes, propter hoc tantum, quia intervallum eius diuidit inter quosdam vapores aquarum, & aquas, quæ sunt in terris.

E V C H E R I V S eam contemnere non est ausus.

Quærendum est, utrum hunc aërem nebulosum nomen firmamentum, qui diuidit aquas superiores nubium ab inferioribus, quæ in terris fluunt. Nam & ipse aër, Cælum vocatur, sicut legimus; Volucres Cæli: dum non de illo superiore dicatur, sed de isto, in quo aues volitant.

B E D A Commentarijs in Genesim.

Utum nunc illud Cælum fiat, quod excedit omnia aëris spatia, & in quo constituentur quarto die luminaria: an ipse aër vocetur firmamentum, merito queri potest. Multi enim asserunt aquarum naturam super sydereum Cælum esse non posse, eò quod sic habeant ordinatum pondus suum, ut vel super terram fluitent, vel in aëre terris proximo vaporaliiter circumferantur. Quidam his consentiens ostendit hunc aërem Cælum appellari: sicut communi sermone dicimus serenum Cælum, nebulosum Cælum. Et Scriptura aues Cæli vocat, cum aues in aëre manifestum sit volare. Firmamentum verò appellari, quia interuallum illius diuidit inter quosdam vapores aquarum, & istas aquas visibiles, quæ in terra fluitant.

Abraham, Aben Esra, ex Rabbinis Hebræis, firmamenti nomine hoc loco intelligi dixere non quidem ipsam Cælorum massam, aut congeriē in qua stellæ sitæ sunt, quomodo vocatur paulò inferius, cum dicitur; Et posuit eas (stellas videlicet) in firmamento Cæli: sed solum aëris elementum, atque illud vel totum, vel eius etiam solum infernum interstitium, (ut gemina sit synecdoche) & uolūt aquas, quæ super hoc firmamentum commigrarunt, fuisse nubes, imbres, & aqueas impressiones reliquas, quæ in sublimi etiam nunc gignuntur. Hæc Vielmius Lectione decimaquarta.

T O S T A T V S in Postillis hæc eadem his Rabbinis adscripta reijcit.

Rabbi Abraham abenazra videtur velle, quod istud firmamentum sit prima pars, vel interstitium aëris, quod est inter nos, & locum aëris, in quo sunt impressiones meteorologicæ. Et motiuū est, quia firmamentum dicitur positum in medio aquarum, scilicet inter aquas Oceani, & fluuiorum, quæ sunt in superficie terre, & inter aquas, quæ generantur in medio interstitio aëris. Sed ista positio nulla est, quia infra dicitur, quod Sol, & Luna sunt in firmamento, sed non sunt in aëre.

D. T H O M A S prima parte, questione sexagesima octaua, articulo primo, post plures sententias hanc ita recitat, ut videatur plurimum sibi arrisisse.

Potest autem & alio modo intelligi, ut per firmamentum, quod legitur secunda die factum, non intelligatur firmamentum illud, in quo fixæ sunt stellæ, sed illa pars aëris, in qua condensantur nubes. Et dicitur firmamentum, propter spissitudinem aëris in parte illa. Nam quod est spissum & solidum, dicitur esse corpus firmum, ad differentiam corporis Mathematici, ut dicit Basilius. Et secundum hanc expositionem, nihil repugnans sequitur vnicuique opinioni. Vnde Augustinus hanc expositionem commendans, dicit. Hanc considerationem laude dignissimam iudico. Quod enim dixit, neque est contra fidem, & in promptu posito documento credi potest.

D. Thomas itaque cum primo die Solem motionem diurnam auspicatum esse diuicauerit; ampliusque Fiar lux, hoc est, Fiar Sol sine speciali uirtute ad determinatos effectus, sit interpretatus; Solisque conuersione diem primum confectum fuisse decreuerit, uti supra retulimus: non potest certè elabi, quin & cunctos orbes celestes, seu in exordio temporum, seu in prima die conditos astruat. Et cum elementa cuncta in temporum primordijs cum Chaos prodixisse velit, libentiùs à Thomistis ediscerem, quod nam ex D. Thomæ arbitrato censendum sit secundæ diei opus, nam grauissimè, & scitissimè quidem ipse inter plures assertiones ludere comperitur.

Hæc Commèratione in Genesim hanc interpretationem prolixius disserit, nec eam repudiat.

S T E V C H V S in Cosmopœia, omnium quos viderim acerrimus fuit huius sententiæ propugnator, non tantum firmamenti nomine aërem solum capi, sed & secundo die eius manationē recenseri autumans. Cuius orationis prolixa argumentum ego membratim sic colligo. Primum firmamenti nomine Cælorum cōpagem hoc loco non accipiendam esse, sed aërem argumentatur, ex eo quod earum rerū, quæ pateant oculis nostris tantum Moses genesim memoret, orbium, qui ratione non sensu percipi possint, prætermissa narratione. His autem & proponit, & primam pro suo astruendo placito adducit rationem.

Ad fontem igitur sacrorum oraculorum recurrentes, quem portum in omni difficili, atque aspera quasi iteratione & tempestate, dubitatione inuenimus tutissimum, docemus aliud intelligendum hoc loco firmamentum, & Cælum, quam substantiam illam orbium celestium, siue perpetuum quendam, & terras circumquaque ambiētem globum, quem quidem oculis non percipimus, sed tum Philosophi tradidere nobis, tum sit ratione manifestus.

festus, quod corpora fulgentia desuper, quorumq; sunt perpetui cursus & conuersiones, hos certos tenere motus non possint, nisi ab vnoquoq; orbe suo deferantur. Tū apparet eodem in loco cardinibus insistentibus, fieri totius simul, eundem locum cunctis stellis tuentibus, machine Celestis conuersionem, quod sine orbe, qui gerat infixas lucas illas, fieri non potest. Quod vt verissimum sit, quia tamen non patent oculis hi orbes, arbitramur autem Mosē omnium sensibilibus, oculisq; apparentium rerum originem docere voluisse, nullum de his oribus dicimus hic esse sermonem.

Alteram secundo loco affert, quod Hebræa nomina non Cœlos, sed aërem sua significatione indicent & demonstrent.

Sed tū ordinem descriptionis à natura, tū nominum proprietatem à Scripturis petentes, hæc duo nomina, Shamaim, & rakia, primum designat Cælum, alterum diffusionem, pro aëre dicimus hic esse accipienda.

Amplius, quod id naturæ in rerum ipsarum manatione, & descriptionis Mosi ordo expostularit.

Ordo autem est descriptionis & naturæ, vt post Solem sequatur aër, quod ardentissima Solis lampade inflammata, eaq; super immensas aquas, quæ nullis infernè fluminibus, quibus nunc, nullis superne imbribus augebantur, tubar suum præpotens, rapidum, demittens, magnam aëris regionem, perinde atque nunc solet, effecerit. Quod simul effectum esse, vt Sol extiterit, descriptio, & natura demonstrat. Quid enim aliud flagrante desuper Sole, inferius tantarum agminibus aquarum iacentibus, & late abyssō decumbente fieri debuit, quam aëria substantia, quam Deus ad infinita omnium generatim rerum commoda, sed animalium præcipue, excogitabat.

Rursum, quoniam si aër secundo die effectus non fuisset, aquæ tertio cogi in vnum locum nequiuissent.

Quomodo enim vnum in locum aquæ conuenissent, quod prodit Mosēs, si plena erant aquis vniuersa? omnes voragine, omnes conualles, montes item omnes essent sub aquis. Stabant enim, ait Dauid super montes aquæ. Quo inquam, modo in vnum locum secessissent? Quis enim erat locus, quin aquis esset demersus, & circumfusus? Certè igitur id fecit denudationem terrarum, & aquarum in vnum locum concessum, quod maxima earum pars in vapores, aëriosq; tractus abierunt. Vno rotatu Sol orbem circumuectus, tantas exoluit cæteruas aquarum, vt tunc Cælum, idest aër, & rakia, idest diffusio aëris regionis effecta, mox autem & terra sit detecta.

Amplius adhuc, quod non Cœlo, sed aëri conueniat esse interstitium inter aquas, & aquas.

Hoc etiam est, quamobrem cum commemoratione istius Cæli, miscet Mosēs etiam aquarum superiorum, & inferiorum mentionem. Aquarum scilicet, quæ in aëre generantur, quæque remanserunt in terris. Quid enim oportuisset cum Cælo aquas commemorare? Quæ cognatio? Quid simile? Quid finitimum? Quæ præterea caussa, qua ratione, à firmamento interiecto, in creatione rerum, tanquā mœnibus, quibus superiores & inferiores diuiderentur, sunt aquæ separate? Quicquid enim quod ante coiret, aliqua re interiecta, hinc atq; hinc partibus suis sepositis separatur, partes habet illas inter se adherentes, sola mediatrice re separante. At si firmamento interiecto aquæ supernæ quedam sunt ab inferioribus diremptæ, deberent hinc atque hinc hæc adhærere ipsi firmamento. Nunc autem videmus infinitam propemodum distantiam ab aquis inferioribus ad Cælum, siue firmamentum, ut cum creatione firmamenti commemoratas aquas esse marinas nulla ratione factum videatur. Quæ enim necessitas, quæ ratio Cæli conditionem, stabilitatemque describentem, cogeat inferiores aquas, idest mare, cum eadem conditione comprehendere? Quid enim similitudinis, ac societatis mari cum Cælo? Quid aquis nunc facit etiam firmamentum? Nam quod tunc factum est, debuit vsque ad hoc tempus perseverare. At mare à firmamento nihil accipit, à quo immensis regionibus, & magno naturæ discrimine seungitur. Quoniam ergo in creatione molis celestis superuacanea fuisset illa inter superiores & inferiores aquas interstiti discriminis commemoratio, necesse est illud Cælum intelligere, quod & natura cum aquis, & situ sit contiguum.

Tandem de Cælorum emolitione, hæc versus finem concludit.

Nos igitur (quanquam doctissimi Græci duos Cælos induxerint: Primum supernum quoddam supra firmamento, de quo dictum sit, In principio creauit Deus Cælum & Terram: alterum creatum secunda die, appellatum firmamentum, hocq; secundum velint esse crystallinum) dicimus, habita prius omni veneratione tantis viris, ex his quæ nobis videntur, hos Cælos sic esse digerendos, vt Cælum, quod creatum dicant secunda die, reuocetur in primum, vt spiritus Domini creauerit Cælum illud crystallinum ex aquis, non secunda, vel prima die; nam nulla dies sine Cælo esse potuisset, cui Sol est affixus dei creator, sed ante diem, quando spiritus Domini ferebatur super aquas: ideo subito lux extitit: Deinde Cælum, quod dicunt esse primò creatum supra firmamento, dixerim non esse apud Mosē, vt qui nec de Angelis sit vsquam locutus. Nam Cælum illud, si esset, esset Cælum Empyreum, de quo non est credendum Mosē scripsisse, apud quem de solis corporeis rebus creatus est sermo. Deinde Cælum secundi diei dicimus esse aërem, de quo nihil illi sunt locuti.

Hoc igitur est argumentum sententiæ Steuci, ipsiusmet oratione explicatum.

Anno Mūdi
primo.
Die secunda.

Fiat firmamentum.

- a. Idest, Fiat Octava sphaera.
b. Vel, Qualitas quedam aduentitia Caelis adijciatur.

a. Fiat Octava sphaera.

Recens Neotericorum Doctorum se obijcit sententia, quæ firmamenti nomine octavam sphaeram interpretatur. Hi quidem vulgatam significationem sunt sequuti, rati octavam sphaeram firmamentum rectius appellari, vel quod ex tardissimo motu, rudibus firmum illud Cælum appareat, vel quod in eo innerrantes stellæ fixæ varijs motibus inter se non seiungantur, sed eandem omni ævo faciem præferant, ac eadem spatia inter se conseruent.

H A M E R V S Commentatione sua in Genesim hanc memorat sententiā. Sunt etiam qui ab Astronomia intellectum mutuuntur. Interpretantur enim firmamentum hoc octavam sphaeram, innumeris stellarum facibus aptam. Hæc à Græcis vocatur *Aplanes*, à Latinis *innerratica*.

D. T H O M A S Postilla in Genesim (si D. Thomæ illud nuper emissum opus est censendum) hoc uisus est sensisse.

Firmamentum autem illud, quod istas aquas diuidit, est Cælum ipsum, in quo sunt stellæ fixæ, sub quo sunt septem Planetæ, & eorum orbes; & dicitur à firmitate forme, quia est incorporale, neque recipit peregrinas impressiones. Dicitur etiam firmamentum à firmitate loci, quia quamuis maneat super Polos suos quantum ad singulas partes, tamen totum suum locum non mutat, & sic à firmitate actus dicitur etiam.

C A T H E R I N V S Enarratione in primum caput Genesim. Simul ergo prima die ex illa informi materia creata est Solis lux, & orbes Planetarum, & elementa, terra, aër, aqua, & ignis.

Postea sub verbo Firmamentum, cum firmamenti nomine aërem intelligi nequire demonstrasset, adiecit.

Cælum ergo, quod nos sydereum vocamus, videlicet octavam sphaeram, hoc nomine intelligi debere longe aptius est, & rectius: quoniam dignum fuit dici Cælum, quod est summum inter eos orbes, qui videntur à nobis.

Nullis, quæ uiderim, fulcitur interpretatio hæc argumentis.

b. Qualitas quedam aduentitia Caelis adijciatur.

Extarunt ex Doctoribus quamplures, qui firmamenti nomine congeriem corporum celestium uenire non abnuerint, sed ex eo quod dictum est, Fiat firmamentum, non intelligendum esse hac secunda die à summo opifice illa fuisse producta, sed potius concessisse in ipsis qualitatem, seu accidens aliud, quo prius minime prædita cernebantur.

L Y R A N V S in Postillis. Considerandum, quod præter Cælum Empyreum est Cælum crystallinum, quod etiam dicitur aqueum propter similitudinem, quam habet cum aqua in diaphaneitate, & sub ipso Cælo crystallino est firmamentum: sub quo nomine intelligitur octava sphaera, quæ magis propriè dicitur firmamentum, & sphaera septem Planetarum, quæ continentur sub octaua sphaera: videlicet Saturni, Iouis, Martis, Solis, Veneris, Mercurij, Luna: ita quod sphaera Saturni est superior existens immediatè sub octaua sphaera: sphaera autem Luna inferior, cui immediatè coniunguntur Elementa.

Effectio ista Cælorum non intelligitur, quantum ad formam substantialem, inquit Lyranus. Vnde subdit.

Istud fieri non intelligitur quantum ad formam substantialem. Quia sic factum est per opus creationis secundum istam expositionem, ut prædictum est. Sed intelligitur secundum aliquam qualitatem ipsius firmamenti: quæ autem sit illa qualitas, in textu non exprimitur.

Fiat firmamentum.

- a. Firmamentum, idēst soliditas in corporibus cælestibus.
- b. Vel in ipsis robur ad conseruanda, regendaq̃ elementa.
- c. Seu valida distinctio in eis motuum retrogradorum contra motum primi mobilis.

a. Firmamentum, idēst soliditas in corporibus cælestibus.

R A B B I Samuel Hebræus, teste ipso Lyrano, pro effectione Cælorum, quæ secunda hac die enarratur, soliditatem ipsis adiectam interpretatur.

Firmamentum est soliditas, de qua dicitur Iob. Tu forsitan cum eo fabricatus es Cælos, qui solidissimi quasi are fundati sunt. Et propter hoc ipsum Cælum tunc vocatum est firmamentum à firmitate dictum.

Iob. 37.

b. Sine in ipsis robur ad conseruanda, regendaq̃ elementa.

L Y R A N V S in Postillis.

Alij dicunt, quod ista qualitas est quædam virtus ad influendum super elementa, ad ipsorum conseruationem & gubernationem: propter quod dicitur primo Metheor. quod Mundus, qui est circa Terram, idēst elementa, contiguus est superioribus lationibus, ut omnis ipsius virtus gubernetur inde.

Superadijcit Lyranus.

Quod autem in Scriptura sacra res aliqua fieri dicatur, secundum acquisitionem alicuius dispositionis accidentalis, probat idem Rabbi Samuel, per illud quod habetur in Deuteronomio de muliere Gentili captiua apud Hebræum virum, de qua dicitur ibidem; Quod si voluerit habere eam uxorem, radet cesariem suam, & circumcidet ungues suos, secundum translationem nostram: sed textus Hebraicus habet: Et faciet ungues suos. Ex quo patet manifestè, quod fieri unguem, ibi accipitur pro dispositione accidentali ipsorum. Possumus etiam ad hoc ponere exemplum secundum translationem nostram Daniel quarto, ubi dixit Nabuchodonosor Rex Babylonis; Nonne hæc est Babylon ciuitas magna, quam ædificauit? Et tamen certum est, quod non fecit primo illam ciuitatem, quia multi Reges fuerunt ante eum in Babylone, immo etiam illa ciuitas videtur fundata & ædificata satis citò post Diluuium, ut habetur Gen. primo. Sed quia Nabuchodonosor eam ampliauit & fortificauit, ideo dicitur eam ædificasse, seu fecisse: & eodem modo dicitur hic; Et fecit Deus firmamentum, quia secunda die dedit sibi qualitatem accidentalem, ut prædictum est.

Deut. 21.

Tostatus Postillis in Genesim, in prima expositione hæc eadem Lyrani repetit. Sæpius profecto Lyrani commentaria in suis interferit.

c. Aut valida distinctio in eis motuum retrogradorum contra motum primi mobilis.

AE G I D I V S Hexæmeron parte secunda, capite decimoseptimo, cum nomine firmamenti octauam sphaeram, seu Cælum stelligerum innumeris stellis insignitum interpretandum esse, pluribus astruere contendisset; capi etiam posse pro congerie Cælorum censuit: sed opus secundæ diei nihil aliud esse, quam orbium ipsorum peculiarem motionem diffiniuit. Post multa siquidem ancipiti sententia prodita hæc subiicit.

Sed quæres, quomodo factum fuit firmamentum secunda die? Ad quod dici potest, quod non fuit factum quantum ad substantialem formam, quia & ipsa elementa secundum substantialem formam fuerunt facta ab ipso primordio; multo ergo magis Celi: sed dici potest factum firmamentum secunda die quantum ad distinctionem. Nam ab ipso primordio fuit factum Cælum aqueum, quod est primum mobile, omnia alia inferiora secum circumuoluens, excepta terra, & quæ clauderantur inter montes terre. Sed secunda die potest dici, quod incepit moueri firmamentum contra motum primi mobilis, ut ex tunc diceretur hieri, quia factum est distinctum, & habuit motum distinctum contra primum mobile. Quare si accipiat firmamentum pro solo Cælo sydereo, factum fuit tale firmamentum secunda die; quia ipse die incepit habere motum sibi proprium distinctum à primo mobili. Si verò accipiat firmamentum pro Cælo sydereo, & omnibus alijs inferioribus Cælis, verificatur etiam quod dicitur, quod moto Cælo sydereo in contrarium, omnes Cæli inferiores incepserunt etiam circumferri.

Firmamenti

Anno Mudi
primo
Die secunda.

Fiat Firmamentum.

- a. Firmamenti nomine cuncta inter primum orbem, & aquam intersita intelligenda sunt.
- b. Quapropter interpretandum, Fiat Firmamentum idest Dispositio corporum omnium simplicium ab aqua & terra ad supremum orbem secundum situm.
- c. Vel soliditas in corporibus inter aquam & primum mobile intersitis, precipue in aëre, ut aquas ferat.

a. Firmamenti nomine, cuncta inter primum orbem,
& aquam intersita capienda sunt.

Non defuere etiam ex nuperis Doctoribus, qui firmamenti significationem non ad aërem tantum, seu ad octauam sphaeram solum, seu ad cuncta corpora coelestia traxerint; sed consimul firmamentum corpora cuncta simplicia, quae inter aquae & terrae sphaeram, & supremum orbem interseruntur, hoc est aërem, ignem, Coelosque astrigeros, significare, & exprimere diiudicarint. Effectioremque huius secundae diei non harum rerum omnium genituram fuisse, sed potius inditam ipsis quādam qualitatem, seu dispositionem (dispari etiam inter se inuicem sententia) existimarint.

b. Firmamentum. Dispositio corporum omnium simplicium ab aqua
& terra ad supremum orbem secundum situm.

C A I E T A N V S in hanc visus est rapti sententiam, cum in Commentariis suis in Genesim, Firmamenti nomine, praeter Coelos, ignem & aërem, & omnia corpora simplicia, non ratione substantiae, sed extensionis ad certos terminos intelligi docens, haec habet.

Nomine extensionis appellari in hoc textu omnia corpora simplicia sita inter primum mobile, & elementum aquae, non solum hinc & inde explicatae aquae manifestant, sed etiam in opere tam quartae, quam quintae diei aperitur: nam quarta die luminaria locantur in extensione; & quinta die aues volant in extensione. Queniam admodum itaque tertio die aquae elementum describitur per modum congregationis cedere terrae, ut appareat; ita in hoc secundo describitur per modum extensionis corporum simplicium, occupari situm medium inter primum mobile, & elementum aquae, ita quod Mundus quatenus perfectus secundum situm medium inter primum mobile, & elementum aquae, est materia secundi diei: haec enim perfectio consequens est ad perfectionem primam, qua Mundus perfectus est primo motu & luce. Et quia extensio supponit rem quantam, quae extenditur, instruimur ex ipsa extensionis ratione, substantiam quidem quantam quantitate interminata istorum corporum simplicium, sicut & omnium esse corporum simplicium, spectare ad opus primae diei (propter quod vniuersitas diaphanorum corporum, vocata est à Mose primo die, abyssus; hoc est, profunditas immensa) extensionem autem istorum ad certos terminos, esse opus secundae diei.

c. Firmamentum, idest soliditas in corporibus inter aquam et primum mobile intersitis, precipue in aëre, ut aquas ferat.

V I E L M I V S Lectione decimaquarta.

Hunc utique sensum verba ea, Fiat firmamentum, habent. Fiat solida & vigorosa tota corporum moles à primo mobili ad Oceanum, & terram usque; & sanè ita, ut aquas vtrunque tangat à connexa scilicet, & à concava sui parte, hoc est, supernis ambiatur, & infernas ipsa similiter ambiat, nec interim satiscat. Amplius, fiat & haec quoque eius infima portio ita solida, quae aër est, ut tanquam interstitium, ac deorietur quidam supra sui partem aliquam, aquas pro opportunitate locorum, & viuentium ferat, spiritum sum maria complectatur, ac nunquam tamen defluat. Vtrunque enim miraculum arbitror nobis spiritum Sanctum in presenti exposuisse: de quorum tamen alterutro, antedicti Doctores cogitasse, non nisi videntur.

Fiat Firmamentum.

- a. Hoc est, munus conferatur aëri, ut locus naturalis generationis aquarum
sublimium esse possit.
b. Vel, Fiant corpora caelestia.

a. Hoc est, munus conferatur aëri, ut locus naturalis generationis aquarum sublimium esse possit.

P E R E R I V S vir hac nostra ætate eruditione præclarus, præcedenti cōfī-
mitem excitauit sententiam, censuitq; primū firmamenti nomine totum id spatium,
quod à terra protenditur ad Astra, significari. Ait enim.

Nos igitur existimamus nomine firmamenti, hoc loco significari à Mose totum illud spatium, quod
expansum & diffusum est circum terram vsque ad astra: scilicet quatenus oculorum acies vsquequa-
que porrigi potest. Huius spatij supremam partem tenent Cæli, & astra; imam partem elementum ignis
& aëris. Et Moses aliquando loquitur de firmamento ratione supremæ partis, ut cum dicit sydera esse posi-
ta in firmamento; interdum ratione inferioris partis, ut cum ait aues volare in firmamento, & firmamentum
diuidere aquas superiores ab inferioribus.

Ampliusq; ex nebula ea prisca diffusa effectos fuisse ignem & aërem, vel lucis arden-
tissimæ vi, vel Dei virtute. Adeas tantum Doctorem hæc disertius explicantem.

Verū antedictarum à se rerum memor factus, mutata sententia, non aërem secun-
da hac die conditum, sed ipsi ad ferēdas aquas sublimes facultatem collatam his tradit.

Verū tamen quia supra diximus similis vero esse, omnia elementa simul cum omnibus Cælis esse facta se-
cundum substantiam, dicendum potius est hoc die factum esse aërem non secundum substantiam, sed factum
esse medium quendam terminum determinantem aquas pluuias à terrestribus, & esse factum locum natu-
ralem generationis eiusmodi aquarum sublimium: ita ut hoc die facta sit distinctio elementi aquæ in aquas
aëreas & terrestres: tertio autem die facta est aliquatenus distinctio aquæ à terra. Ergo die secundo fa-
ctus est aër non simpliciter, sed ut rationem haberet firmamenti, & munus diuidendi aquas ab aquis. Neq;
necesse est hoc die sublato esse vapores, & nubes in sublimi, & in media regione aëris generatas fuisse aquas,
cum infra dicat Moses cap. secundo, quod condito iam Paradiso, nondum pluerat super terram: sed hoc die
designatus & destinatus est aër, ut esset locus naturalis aquarum, & diuideret aquas ab aquis.

Munireque contendit hic Doctor suam sententiam nonnullis non aspernandis ra-
tionibus: de quibus infra.

b. Fiant corpora caelestia.

Patres prisca ferè omnes firmamenti nomine Cælos, in quibus postea quarto die in-
textu sunt astra, capi arbitrantur, eosque hac secunda die emanasse edocent, eo videli-
cet modo, ut ex aquis tanquam crystallum solidati, seu alio nos latente constitutio-
nis genere compacti, aquarum partem sustulerint. Recensebo primò sacrorum Poë-
tarum, deinde Patrū numerosas sententias, si non explicitas, saltem adeo præclaras, ut
ex ipsis per firmamentum Cælos astris postea insignitos, eos intellexisse ingenuus le-
ctor comprehendere valeat.

T E R T V L L I A N V S Poëmate inscripto Genesis, Cælum manaf-
se secunda die, sic clarè cecinit.

Quum Dominus primi compleisset facta diei,
Condidit albentem nebulis nascentibus axem.

G R E G O R I V S Nazianzenus pari sententia Poëmate de Virginita-
tis laudibus.

Condita principiò lux est, ut gratior esset
Tota operis moles, iucundo lumine fulgens.
Postea tornasti (facinus mirabile) Cælum,
Perspicuum Solis radijs, Lunæq; rubentis.

CLAVDIVS Marius Victor Commentarijs in Genesim, lib. primo.

*Sic facta vna dies de mane, ac vespere primo.
Rursus mane nouum, primo iam vespere pulso,
Reddita lux fecit, quum se firmissima moles
Fluctibus è medijs concreto corpore cedens
Extulit, ac latè duro solidata rigore,
Diuisas suspendit Aquas, gelidumq; profundum.
Axibus obiecit calidis, seque equore septo
Nixa superfudit rebus, quas circite vasto
Contegit æthereum, deducto hinc nomine, Cælum.*

DRACONTIVS Hexameron, seu de opere sex dierum.

Altera quippe dies Cæli conuexa meretur.

Per alteram autè diē Dracontiū intellexisse secundā, ipsa lectio clarissimè patefacit.
SYBILLINORVM Oraculorum libro primo, idem prorsus ordo, quo post Chaos terræ, & aquæ, lumen primū, deinde Cælum, tertio mare, inde Astra profi-
lijsse à Mose narratur, lepide contextitur.

*Sic fatus, fiat, factumq; est, nanque locauit,
Quæ cingatur aquis, & cingat tartara, terram:
Dulce dedit lumen: Cælum subuexit in altum:
Et mare ceruleum explicuit, Cælumq; renidens
Astrorum clara cinxit, densaq; corona.*

PHILO disertè id perhibet de Mundi opificio, libro primo.

Iamq; perfectus erat Mundus ille incorporeus, situs in diuino Verbo, cum sensibilis hic ad exemplar alterius absoluebatur: & ante alias eius partes, potissimum omnium faciebat Conditor, Cælum videlicet, quod aptè firmamentum appellauit, vt rem corpoream. Corpus enim naturaliter firmum est, solidumque tres dimensiones habens. Solidi autem & corporis, quæ potest esse alia cogitatio, quam quaquaersum dimensio?

IOSEPH de Antiquitatibus libro primo, capite primo.

Post hæc secunda die Cælum super omnia collocauit, ipsumq; ab alijs distinguens in semetipso constitutum esse præcepit, & ei crystallum circumfigens, humidum eum, & pluuialem ad utilitatem, quæ sit ex terra im-
bribus, congruè fabricatus est.

CLEMENS Recognitionum libro primo.

Iam verò aqua, quæ erat intra Mundum, in medio primi illius Cæli, terræq; spatio, quasi gelu concreta, & crystallo solidata, distenditur, & huiusmodi firmamento velut intercluduntur media Cæli & terræ spatia, idq; firmamentum, Cælum Conditor appellauit, antiquioris illius vocabulo nuncupatum.

Et libro secundo inter Cælos firmamentum numerat, cum ait.

Cælos autem esse, qui ab ipso facti sunt, sicut & lex dicit, quorum vnum sit superius, quo continetur visibile firmamentum.

Iunilius in Hexameron hæc ipsa desumpsit.

IUSTINVS libro Quæstionū à Gentibus Christianis positarū, quæstione sexagesimatertia, cum inter Cælum primum & firmamentum, & aeris spatia dissepantiam ponat, & firmamentum essentia Cælum esse tradat, certè firmamenti nomine nil aliud quam Cælum supernum, astrorum sedem, intelligi debere edocuit. Hæc eius sunt verba.

Diximus supra, solitam esse diuinam Scripturam vocare Cælos, aut eos qui per se & essentia Cæli sunt, veluti primum Cælum & firmamentum, aut aeris spatia, vt dicat Cælos Solis tabernaculum posuit.

TERTVLLIANVS libro de Trinitate, quem Nouatiano Iacobus Pamelius ascribit, cum in eam Ezechielis incidisset clausulam, quæ est. Et similitudo super capita animalium firmamenti quasi aspectus Crystalli horribilis, & extenti, firmamenti nomine Cælum intelligi sic diffiniuit.

Hinc est, quod & desuper Cherubim sedet; idest, præest super operum suorum varietatem; subiectis Throno eius animalibus præ cæteris principatum tenentibus; cuncta desuper crystallo contegente, idest, Cælo omnia operiente. Quod in firmamentum de aquarum fluente materia fuerat, Deo iubente, solidatum, vt glacies robusta aquarum terram pridem contegentium diuidens medietatem, dorso quodam pondera aquæ superioris, corroboratis de gelu viribus sustineret.

ORIGENES in Genesim Homilia prima.

Cum iam antea Deus fecisset Cælum, nunc firmamentum facit. Fecit enim prius Cælum, de quo dicit: Cælum mihi sedes est. Post illud autem firmamentum facit, idest corporeum Cælum. Omne enim corpus firmum est sine dubio, & solidum: & hoc est, quod diuidit inter aquam, quæ est super Cælum, & aquam quæ est sub

est sub Cælo. Cum enim ea que facturus erat Deus, ex spiritu constarent, & corpore, ista de causa in principio, & ante omnia Cælum dicitur factum, idest omnis spiritalis substantia, super quam velut in Throno quodam, & sede, Deus requiescit. Istud autem Cælum, idest firmamentum corporeum est.

HIPPOLYTUS Romæ, qui fortè Hippolytus fuit ille Portuensis Episcopus, & Martyr.

Cum enim aquarum abundantia super faciem terræ diffunderetur, propter quod terra erat inuisibilis & incomposita, Deus omnium Dominus, cum voluit inuisibilem visibilem facere, tunc tertiam aquarum partem potentia sua in medio fixit; tertiam verò supra firmamentum eleuauit; tertiam demum infra esse voluit, ad hominum scilicet usum, atque vtilitatem.

HILARIUS Enarratione in Psalmum centesimum trigessimum quintum. Fecit autem Celos in intellectu: non irrationabiles, neque informes, neque confusos & inordinatos. Sed cum regionem cognitionis suæ, qui infinitus est, collocaret, Cælo superiore, atque primo, eodemque in Orbem collocato: terminum quandam virtutibus, que primum ad cognoscendum se gignerentur, inclusit. Neque enim gignendæ creationes virtutem inconspicibilis Dei ferre potuissent; nisi naturæ temperioris obiectu, sedem hanc moderatè ad infirmitatem habitationis incoherent. Aquis etenim eleuatis illam ipsam primi Cæli naturam temperauit, quæ superni Dei accensa virtute nequaquam ab inferioribus esset patiendæ naturis. Cælum verò inæquius non vni forme, sed multiplex tetendit; quod totum firmamentum nuncupans, valida ad sustentationem, aquarum superiorum, temperationemque aeris nostri firmitate solidauit.

BASILIVS longa enarratione plura de hoc firmamento disceptans Hexameron Homilia tertia, plura quoque edidit monumenta, quibus firmamenti nomine Cælos astrigeros intelligendos esse edoceat. Primum enim cum eleganti oratione disputasset, num firmamentum Cælum sit diuersum ab eo, quod conditum fuerat cum Terra in primordiis temporum, his concludit.

Dicendum est à nonnullis nostris maioribus, non esse secundi Cæli hunc ortum, sed explanationem quandam prioris; propterea quod illic Scriptura Cæli ac Terræ creationem in summa quidem tradidit: hic verò modum, quo singula facta sunt, exactius explicet. Nos autem dicimus, cum nomen diuersum, officiumque peculiare, Cæli secundi traditum sit, aliud hoc præter id esse, quod in principio est effectum, solidioris sanè naturæ, præcipuum quoque officium vniuerso subministrans.

Rursum de firmamenti natura disceptans, hæc habet.

Dein dicendum esse videtur, quænam sit ipsius firmamenti natura, & quam ob causam inter aquas separandas institutum sit intermedium vt esset. Scriptura sacra nomine firmamenti, in ijs rebus, quæ robore, viribusque exuperant, vt consuevit; quemadmodum cum dicit; Dominus firmamentum meum, & refugium meum. Et, Ego confirmaui columnas eius. Et, Laudate eum in firmamento virtutis eius. Nam externi homines id firmum corpus dicunt, quod quasi solidum est, densum, ac plenum, vt à Mathematico corpore distinguerent. Est autem Mathematicum corpus, quod in dimensionibus solis consistit, latitudine inquam, longitudine, & profunditate. Firmum autem, solidumque, quod cum dimensionibus & reniti, resistereque potest. Scriptura autem sacra, quod perrobustum est, neque cedit, id omne firmamentum dicere consuevit, atque aded, vt & in aère addensato hac ipsa voce plerunque vti videatur, veluti cum dicit; Qui tonitruum firmit. Soliditatem enim & resistantiam eius spiritus, qui in nubium concavis sinibus includitur, atque ob violentam eruptionem inde sonos ac strepitus eos efficit, quos tonitrua dicimus, firmitudinem tonitruum Scriptura nuncupauit. Igitur & hic etiam pro quadam firma, solidaque natura, ad detinendas aquas, ac coercendas idonea, quæ suapte natura dilabuntur, perfacileque dissoluantur, hanc à Scriptura vocem ordinatam esse arbitramur. Nec tamen ipsum firmamentum, cum iuxta communem, & vulgatam acceptionem ex aqua videatur ortum habuisse suum, aut aquæ in glaciem concreta, aut materiæ cuiquam tali, quæ sui principium ortus ex humore percolato sumit, simile censendum est esse, qualem crystalli lapidis naturam esse constat: quem ob exuperantem aquæ congelationem, in eam essentiam quam obtinet, assueuerant transmutari, aut specularij lapidis qualis est natura, qui inter metalla concreuit. Est sanè lapis hic transparens, ac pellucidus, & peculiari quadam, ac purissima perspicuitate prænitens, aded vt si is suæ naturæ numeris omnibus responderit, neque vlla exesus putredine, sed nec vlla sui parte perruptus, cum aère contendit, eique ferè perspicuitate similis esse videtur. Ex his igitur nulli simile firmamentum esse censemus. Est enim puerilis, simplicisque profectò mentis, tales de corporibus celestibus opiniones habere. Neque tamen si cuncta in cunctis insunt, ignis in aère, aër in aqua, ceterorumque similiter aliud inest in alio, & nullum omnino eorum, quæ sub sensum cadunt, elementum syncerum est, mixtureque caret, vt non sit aut medijs, aut oppositi sibi particeps: firmamentum ob id ipsum, aut ex vno similitudini corporum, aut ex omnibus mixtum esse asserere nobis placet, qui iam ab ipsa diuina Scriptura, ita instituti sumus, vt nihil vltra ea, quæ sunt concessa menti nostræ, imaginari, cogitareque concedamus.

Gregorium Nazianzenum hoc ipsum existimasse non reperij: non deest attamen Nicetæ obtestatio, qui id ei ascribat.

Psal. 17.
Psal. 74.
Psal. 150.

N I C E T A S siquidem Commentarijs in Orationem quadagesimam tertiam hæc habet.

Fiat lux: quid cauſſe ſit, cur Theologus Deum opus ſuum à lumine auſpicatum eſſe dicat. Quod etiam non hoc tantum loco dicit, ſed in Poëſi quoque ſua, in qua ita cecinit.

*Principio lumen ſummus moderator Olympi
Fecit, vt accēſſu lucis incundior eſſet
Tota operis magni facies: at poſtea Cælum
Sydereum, facinus mirabile, duxit in Orbem.*

Et poſt. Sed multis modis hanc dubitationem ſoluere licet, atque oſtendere Theologi verba cum Moſis verbis nequaquam pugnare. Primum, quia Moſes quoque ipſe poſt primi Cæli creationem lumen factum, deinde firmamentum, in quo & Solem, & ſydera collocata eſſe aſſerit. Eodem enim modo Theologus quoque lucem primum conditam fuiſſe ait: deinde Cælum hoc ſtellis diſtinctum, quod etiam firmamentum nominatum eſt, ac primo hoc Cælo inferius eſt, quod prophanis quoque ſcriptoribus, Moſis doctrinam ſuſſurantibus, ac ſibi vendicantibus, Cælum ſyderibus carens dicitur.

G R E G O R I V S Nyſſenus de Hiſtoria ſex dierum, quibus Mundus à Deo creatus eſt, diſertiùs hæc ipſa approbat.

Sed ad continuationem commentationis, & explicationis rursus progrediamur, quomodo, poſteaquam ignis ſupremum ſenſibilis naturæ terminum ſemel ambiuiſſet, atque luſtraſſet, conſequenter firmamentum factum ſit, quod conſinium ſuperarum, & inferarum aquarum eſſe dicit. Nam ego corpus quidem denſum & ſpiſſum, ſolidum, reſiſtens, ac durum, ſiue ex quatuor illis vnum, ſiue etiam aliquod aliud extrinſecum, quemadmodum externis Philoſophis viſum eſt, nullum circa firmamentum arbitror ſpectari: ſed etiam intrinſecum ſenſibilis naturæ, quam natura ignis irrequieta, ſemperque ſe mouente vi luſtrat, & ambit, eam à ſcriptura firmamentum dici comparatione ſempiternæ, incorporeæ, tactumque effugientis proprietatis. Quis enim ignorat, quodd quicquid ſolidum & firmum eſt, per quandam durtiem proriſus denſatum & conſolidatum ſit? At quod denſum & durum eſt, à qualitate ponderis & grauitatis, vacuum, ac purum non eſt. Quod autem graue eſt, ad ſupera ferri natura non poteſt. Atqui ſupra omnem ſenſibilem creaturam firmamentum eſt. Non igitur aliquid craſſum, & corporeum circa ipſum eſſe putare conſequentia ſermonis dat: ſed vt dictum eſt, comparatione cum eo, quod cognitione, & mente percipitur, & incorporeum eſt, quicquid ſenſibilis generis eſt, ſolidum dicitur: etiamſi naturali tenuitate effugiat animaduerſionem & viſum. Quocirca conſequenter quicquid ambitu ignis comprehenſum eſt (comprehenſa eſt autem extrema ora materialis naturæ, quæ ſemel proprio quodam termino circumſcripta eſt) firmamentum quidem propter materialem naturam comparatione ſuperiorum appellatum eſt; Cælum autem ei impoſitum eſt nomen: quemadmodum etiam luci nomen dici, item tenebris noctis nomen impoſuit.

Et poſt de triplici Pauli Cælo diſceptas, quàm ſcitè diſcrim inatum quid eſſe aërem à firmamento exiſtimet, clarè hiſ tradit.

Exiſtimo igitur extremam ſenſibilis Mundi partem, tertium Cælum appellatam eſſe à Paulo, in treis quidem partes quicquid apparet diuidente: ſecundum conſuetudinem autem Scripturæ vnamquamque harum partium Cælum nominante. Nam ſermo Scripturæ abutendo quibuſdam verbis, vnum quidem Cælum nominat, terminum craſſioris aëris: quoſque etiam nubes, & venti pertinent, & alitè volantium animi natura fertur: Etenim etiam nubes Cæli dicit, & volucres Cæli; ac non ſimpliciter hoc Cælum dicit, ſed cum adiectione etiam firmamenti. Dicit enim, Edant aquæ reptilia animarum viuentium, & volucres volantes ſupra terram circa firmamentum Cæli. Deinde alterum & Cælum, & firmamentum denominat, id quod poſt inerrantium ſtellarum ſphæram intrinſecus ſpectatur: in quo errantes ſtelle verſantur. Dicit enim; Et fecit Deus luminaria magna, & collocauit ea in firmamento Cæli, vt lucerent ſuper terram. Nemini autem eorum, quàm ſuper modo rerum vniuerſitatis digeſtionem conſiderauerit, incognitum eſt, quanto hæc inferiorem locum, quàm ſuper ille curſus, obtineant. Atque ipſam etiam extremitatem ſenſibilis Mundi, quod conſinium eſt eius, quæ cogitatione percipitur, creaturæ, & firmamentum, & Cælum nominat.

A M B R O S I V S Hexameron libro ſecundo, capite ſecundo.

Diſcernens inter aquam, & aquam. Et factum eſt ſic. Audi verba Dei; Fiat, dicit. Inbetis eſt, non aſtimantis. Imperat naturæ, non poſſibilitati obtemperat: non menſuras colligit, non pondus examinat. Voluntas eius, menſura rerum eſt. Sermo eius, finis eſt operis. Fiat, inquit, firmamentum inter mediam aquam. Firmum eſt omne, quod ſtatuit Deus. Et ſatis pulchrè præmiſit: Fiat firmamentum, quàm de aqua ſubiceret, inter mediam aquam: vt tu prius crederes firmamentum ex præcepto Dei factum, quàm de aquarum proflua qualitate dubitares. Si naturam elementorum conſideres, quomodo inter aquas ſolidatum eſt firmamentum? Ille profluunt, illud conſtringitur: illæ currunt, hoc manet. Et ſit, inquit, diſcernens inter aquam. Sed aqua confundere non diſcernere ſolet. Quomodo inbet, quod ſcit ſecundum naturam, qui originem dedit.

Et post capite tertio.

Ethinc tractatus utrum hoc firmamentum appellet, quod ante iam fecit, de quo scriptum est; In principio fecit Deus Cælum & Terram. Nec fallit, quod aliqui ante nos ita acceperint, eo quod supra creatum, auctore Deo, & conditum Cælum Scriptura expresserit, hic expositionem operis, creationisq; diffuderit, ut ibi quasi summa operis breuiter comprehensa sit, hic operationis qualitas per ipsas concurrentium rerum digesta sit species. Sed mouet nos, quia & nomen aliud significatur, & species solidior, & causa discernitur, & persona cooperantis adiungitur. Sic enim scriptum est; Et disceruit Deus inter medium aquæ, quæ erat sub firmamento, & inter medium aquæ, quæ erat super firmamentum.

HIERONYMVS in Epistola ad Oceanum.

Inter Cælum & Terram medium extruitur firmamentum, & iuxta Hebraici sermonis ἐνδιάμεσον, Cæli, idest Samaim, ex aquis sortitur vocabulum: & aquæ, quæ super Cælum sunt, in laudes Dei separantur. Vnde & in Ezechiele Propheta; Crystallū super Cherubim videtur extensum, idest compactæ, & densiores aquæ.

Et Commentarijs in Psalmum decimumoctauum exponens illud; Cœli enarrant gloriam Dei, ait.

Cælum, hoc est firmamentum. Vnde dixit; Et posuit Deus firmamentum inter medium aquarum; idest, Cælum. Et Post. Et ut sciamus, quia hoc est firmamentum, quod & Cælum dicit in Genesi, Et appellauit Deus firmamentum Cælum.

D. AVGVSTINVM per firmamentum Cælum syderibus exornatum, ac emicans intellexisse, passim plures eius doctrinæ loci euincunt. Seligam nonnullos ex præstantioribus.

AVGVSTINVS igitur primò de Genesi ad literam libro secundo, cap. primo, hanc proponit difficultatem.

Utrum autem nunc cum dicitur, Fiat firmamentum, illud Cælum fiat, quod excedit aëris omnia spatia, eiusq; omnem altitudinem, ubi etiam luminaria, stellæq; constituuntur quarto die, an ipse aër vocetur firmamentum, queri merito potest. Multi enim asserunt istarum aquarum naturam super Syderum Cælum esse non posse, quod sic habeant ordinatum pondus suum, ut vel super terram fluitent, vel in aëre terris proximo vaporali ferantur.

Cumque pluribus disceptasset ex pondere & natura elementorum, aquam supereminere terræ, aërem aquæ, & ignem aëri, ob idq; difficulter credi posse aquas super Cælum sydereum confidere, atque etiam eam sententiam, quæ firmamenti nomine aërem interpretabatur, commendasset, utpote quæ hanc difficultatem euitet: concludit tandem, aquas ibi esse vel subtilissimos in vapores cōcisas, vel glaciali soliditate constrictas, & concretas: adiicitque in capite quinto.

Quoquomodo autem, & qualeslibet aquæ ibi sint, esse eas ibi minimè dubitemus: maior est quippe Scripturæ huius auctoritas, quam omnis humani ingenij capacitas.

Certè si per firmamentum Cælum astrorum sedem non intellexisset Augustinus, nulla fuisset hæc disceptatio.

MAGISTER Sententiarum secundo, distinctione quartadecima, de opinione Augustini hoc iudicium tulit.

Utrum verò nomine firmamenti Cælum quod excedit aërem, an ipse aër hic intelligatur, idem Augustinus querit, nec soluit. Magis tamen approbare videtur Cælum illud hic accipi, quod spatia aëris excedit.

Alter locus ex libro de Genesi ad literam libro secundo, cap. decimo, desumitur: Disceptat enim eo capite, an mobile sit firmamentum, his verbis.

De motu etiam Cæli nonnulli fratres questionem mouent, utrum stet, an moveatur: quia si mouetur (inquiunt) quomodo firmamentum est? Si autem stat, quomodo sydera, quæ in illo fixa creduntur, ab Oriente usque ad Occidentem circumeunt?

Quod tandem soluit.

Hoc sanè nouerint, nec nomē firmamenti cogere, ut stare Cælum putemus: Firmamentum enim non propter stationem, sed propter firmitatem, aut propter intransgressibilem terminum superiorum & inferiorum aquarum, vocatum intelligere licet.

Quis igitur adeò hebes est ingenio, qui hoc loco Augustinum per firmamentum Cælum astrigerum capere non cognoscat? Locus est clarus; adiciamus & alterum de Cinitate Dei libro vndecimo, cap. nono, ubi Angelorum genesim secundo die minime enarrari disceptans, ait.

Nunquid nam secundo? nec hoc quidem. Tunc enim firmamentum factum est inter aquas superiores & inferiores, Cælumq; appellatum est: in quo firmamento facta sunt sydera quarto die.

Nescio quid apertius. Tandem libro Quæstionum ex utroque Testamento mixtim (si D.

Quæst. 106.

(si D. Augustini opus est, cum id stylus abnuat, & plura alia contra Augustinianam doctrinam legantur inserta) habet.

Luce ergo facta, & cursu diei moderato, & peracto, secundo die fecit firmamentum, id est Cælum, ut lux in terra firmamenti moderaretur diem, ut esset quasi lucerna in domo. Hoc (inquam) firmamentum factum est ex supradicta aquæ substantia. Et Post. Firmamentum ergo, id est Cælum factum est in medio aquarum; ut divideret inter aquam, quæ erat super firmamentum, & inter aquam quæ erat sub firmamento: ut Dei virtute, in medio aquarum consisteret firmamentum, sub se, & intra se, & supra se, & circa se habens aquam, ut esset concanum desoris, & intramunitum, ne aquæ siue interiores, siue exteriores penetrarent concanum eius, ut esset quasi domus munita, atque firmata, ut securi essent habitantes in ea.

C R Y S O S T O M V S Homilia quarta in Genesim hæc eadem innuasse visus est, cum ait.

Fiat firmamentum in medio aquæ, & sit distinguens inter aquam & aquam. Attende hic charissime doctrinæ consequentiam. Quoniam antea nobis dixit post Cæli & Terræ Creationem; Terra autem erat invisibilis, & inculta: & causam apposuit, quod propter hoc fuerit invisibilis, quia à tenebris & aquis obtegebatur; Omnia enim erant aqua & tenebræ, & nihil præterea: Et postea quod præcepto Domini producta sit lux, factaq; distinctio lucis, & tenebrarum: & illa quidem diei appellationem acceperit, hæc vero noctis: Iterum nos docere vult, quod sicut tenebras separavit producta luce, & utrisque congruum vocabulum indidit; ita & multitudinem aquarum præcepto segregat. Et vide ineffabilem potentiam, quæ omnem humanam excedit rationem. Nam solum iubet, & accedit aliud elementum, & aliud decedit. Dixitq; ait, Deus, Fiat firmamentum in medio aquæ, & sit distinguens inter aquam. Quid est, Fiat firmamentum? Quasi quis dicat humana lingua: fiat paries quidam, & interslitium, in medio diuidens, & separationem faciens. Et ut discas magnam elementorum obedientiam, excellentemq; virtutem opificis, ait; Et factum est ita. Dixit solum, & opus secutum est. Et fecit, ait, Deus firmamentum, & diuisit Deus inter aqua, quæ erat sub firmamento, & inter aquam, quæ erat super firmamentum. Dicit; Facto firmamento, iussit aquas alias sub firmamento ferri; alias autem supra dorsum esse firmamenti. Sed quid tandem esse dicemus hoc firmamentum? aquamne densatam, vel aërem constrictum, vel aliam aliquam essentiam? Haud quis prudentium hoc temere assenerit. Oportet enim magna modestia, & gratitudine, ea quæ dicuntur, à nobis accipi, & non ultra naturam nostram progredi, & scrutari quæ supra nos sunt: sed hoc solum scire, & tenere apud nos, quod præcepto Domini productum est firmamentum, separationem aquarum faciens, quod valeat alias sub se continere, alias verò in dorso suo ferre.

D A M A S C E N V S Orthodoxæ Fidei libro secundo, capite sexto.

Dicimus in totius Mundi generatione, Cæli facturam nos intelligere eam spheram, quam quidam Sapientum (qui non ex nostris sunt) instellarem appellant, ea quæ Moyses dogmata sunt, sua efficietes. Deinde & firmamentum vocauit Deus Cælum, quod in medio aquarum fieri præcepit, ordinans ipsum discescere medietatem aquæ, quæ super firmamento est, à medietate, quæ sub firmamento est: Cuius naturam D. Basilus rationem dixit esse veluti fumum, ex diuina doctus Scriptura. Alij verò aqueam, ut quod sit in medio aquarum genitum. Alij ex quatuor elementis: Alij quintum corpus, & aliud ab illis quatuor esse. Et post. nulli autem arbitrantur Cælum circulari motu Vniuerso circumferri, sphericæq; esse formæ, & vndiq; summam Vniuersi partem esse; mediastimam verò eius spatij, quod ab ipso continetur, esse partem infimam. Et post. Est igitur Cælum Cæli, primum Cælum supra firmamentum collocatum. Ecce duo Cæli: nam & firmamentum vocauit Deus Cælum. Consuetudo etiam diuinæ Scripturæ est, aërem Cælum vocare, ab eo quod est sursum videri: Benedicite (enim inquit) omnes volucres Cæli, aërem intelligens: nam aër volatiliū noster est, & non Cælum. Ecce tres Cæli, quos diuinus dixit Apostolus. Si autem septem circulos, septem Cælos scipere volueris, nihil in ratione veritatis offenditur. Consuetum etiam, & in voce Hebraica Cælum, pluraliter vocare Cælos. Cælum igitur Cæli volens intelligere, Cælos Cælorum dixit: quod perinde significat, atque Cælum Cæli, quod est supra firmamentum, sed & aquas, quæ sunt supra Cælos, id est aërem firmamentum, septemque circulos firmamenti, consuetudine Hebraicæ lingue, pluraliter Cælos nominat.

A C A C I V S, firmamentum non aërem interpretatus est, sed Cælum à supremo seiunctum, quod ipse ex aquis conflatum censuit.

Num fortè hoc secundum Cælum ad prioris Cæli differentiam firmamentum appellatur? Par est enim Cælum illud primum, ac supremum, longè tenuius, ac magis integrum esse. Nam & primum Cælum non firmamentum, sed Cælum nominatum est. Secundum verò, & Cæli & firmamenti nomen accepit. Cæli quidem, quia supra nos est, & prioris Cæli vices atque vsum nobis refert: Firmamenti verò, quia ex fluxa aquarum essentia constitit; & fluxa illa, ac liquida natura, densissima ac solidissima ab vniuersorum opifice Deo effecta est. Duos igitur tantum Cælos diuina agnouit Scriptura. Neque te moueat quod dictum est, Cæli Cælorum. Nam neque aquæ vocabulum singulari nomine apud Hebræos profertur. Sed & illud sciendum, Terram quoque firmamentum in Scriptura dici, ut cum ait; Qui firmavit terram super aquas. Et Esaias; Dominus qui fecit Cælum, & fixit illud, & firmavit Terram.

SEVE-

Dan. 3.

Psal. 135.
Esa. 51.

SEVERIANVS Gaballorum, si præstat eius verba audire, concretio-
nem crystallinam ex aquis coactam, Cælum dixit.

Hæc aqua triginta (verbi causa) cubitis terram superabat. Dixit Deus; Fiat firmamentum in medio
aquarum, nec mora compacta est. In medijs aquis congelatio quedam crystallina id ipsum Cælum est, quod
dimidium aquarum secum suspendens reliquum infra reliquit. Et Rursum. Cælum ergo hoc non illud su-
preum, sed quod aspectabile est ex aquis, effecit Deus, & ut crystallinum fixit. Vide operum virtutem, ut
opificem admireris. Mediam aquarum partem supra, mediam infra esse voluit.

GENNADIVS consimilia tradidit.

Firmamentum itaque ex ipsius rei opificio appellavit, eo quod cum prius lenta, fluxa, solubilisque natura
esset, solidam, & minimè mobilem constipationem accepit.

CYRILLVS Hierosolymitanus Catechesi nona.

Quid enim habeat, quod accusent, in hoc maximo Dei opificio? Qui stupere potius deberent, intuentes Cæ-
lorum magnitudinem: qui adorare deberent constituentem tanquam fornicem Cælum, & ex fluxa aquarum na-
tura indeficientem Cæli naturam fabricantem. Dixit enim Deus; Fiat firmamentum in medio aquarum.
Semel dixit Deus, & permansit, neque deinceps cecidit. Aqua est Cælum, & igneus in illo Sol, & Luna, &
sidera. Et quomodo ignea in aqua currunt? Quod si quis de hoc propter naturas contrarias dubitat, recor-
detur ignis illius in Aegypto tempore Moysi, exurentis in grandine, & consideret sapientissimum Dei opificium.
Cùm enim futurum erat, ut propter agriculturam opus esset aquis, constituit aquas supra Cælos, ut cum terra
pluviarum irrigatione indigeret, paratum sit à natura ad hoc Cælum.

Et Catechesi tertia.

Magnum enim quiddam est aqua, & ex quatuor Mundi elementis apparentibus pulcherrimum. An-
gelorum habitaculum est Cælum: atqui ex aquis sunt Cæli.

THEODORETVS Quæstione vndecima in Genesim.

Quum Scriptura diuina doceat, in principio Deum creasse Cælum & Terram, deinde post lucis creationem
secunda die dicat firmamentum factum esse, imperitiæ plena videtur esse huiusmodi quæstio. Oportebat enim
ex temporis ratione & ipso creationis modo, Cælorum diuersitatem nosse, & vnum luce prius, alterum verò post
lucem: & illud quidem non ex aliqua alia materia, hoc autem ex aquis creatum esse. Nam inquit, Fiat firma-
mentum in medio aquarum, quod per medium separet aquas ab aquis. Sic enim ab ipsa re, Cæli sortiti sunt appel-
lationem. Si quidem quum ex aquarum fluida substantia compositum sit, & natura fluida, condensata & con-
solidata fuerit, firmamentum nominatum est. Deinde, quia sursum collocatum est, prioris Cæli vsus commodo
nostro perficiens, Cæli nomen sortitum est.

PHILASTRIVS Heræseon Catalogo, Hæresi post Christum qua-
dragesima sexta.

De Cælorum diuersitate est hæresis, quæ ambigat; Scriptura enim in primo die Cælum & Terram facta
declarat duo hæc elementa: Secundo firmamentum aequè factum, & nihilominus ipsum firmamentum Cælum
appellatum fuisse testatur.

CLAVDIANVS Mamertus Viennensis libro secundo de statu
Animæ.

In principio, inquit principium Geneseos, creauit Deus Cælum & Terram. Si opinionibus missis, veri-
fideam querimus: Ecce tibi creaturarum testem ipsam creationis auctorem, qui cùm ante omne tempus crea-
uerit Cælum & Terram, postque die vno fecerit lucem & firmamentum, secundo idem die condiderit, idque
Cælum abusu nomine vocitauerit, cui ratis interuallorum limitibus, loco, vel modo variantium porro syderum
ornamenta subtexuit. Animaduerti promptum est, hoc visibile firmamentum, tanto interuallo substantiæ
Cælo inuisibili cedere, quantum id idem terræ imis locorum intercapedine præeminere: quocirca alieno, ac
translato nomine firmamentum istud Cælum dici potest. Quum verò esse Cælum, illi creato ante tempora Cæ-
li sit proprium; Enimuerò istud stelligerum, quod Cælum dicimus, in Scriptura Geneseos Cæli dicitur firma-
mentum: quippe ubi luminarium creationem retexit; Fecit, inquit, Deus duo luminaria magna, & posuit ea
in firmamento Cæli: qua videlicet auctoritate, verum illud vnum ante temporaneum Cælum credere sinitur;
quanquam istud, de quo agimus firmamentum, Cælum dicere non inhibeamur, eo videlicet, quia Deus firmamen-
tum vocauerit Cælum.

PROCOPIVS Commentarijs in Genesim disertius hæc explicat.

Ceterum, qua ratione non emerget contrarietas, cùm videamus primum Cælum esse constructum in princi-
pio vna cum Terra, & simul cum his, quæ vna extitere, quasi nihil præcesserit ipsum. Hoc verò, de quo nunc
sermo est, secundo demum die effectum est in medio aquarum subsistens. Ex quo colligere licet, quod firmamen-
tum in eorum medio, quæ ipsum antecessere, consisterit.

Et de firmamenti muneribus, cùm sequitur.

Nec quis dixerit huius creationem superuacaneam. Nam dum haud exiguum aquarum vim, quasi tergo
excepit, accidit ut relictæ aquæ expeditius & celerius in vnam colluuiem confluerent, & terra habitationi
accommoda,

accommoda citius emergeret inundatione sublata. Primum quidem Cælum propter immensam longinquitatem, nequaquam erat Terræ commensurabile: proinde nihil eius partus infinitos adiuvare quiviſſet. Cæterum medium illud Cælum, quod firmamentum vocant, progrediens quandam proportionem cum habitabili elemento traxit: & astra in hoc mediocri & debito interſtitio collocata pulcherrimè, quæ Terra tenet, excolunt, & eliciunt, ſuoque calore perficiunt. Siquidem etiamnum Sol, ſi à nobis paululum receſſerit, infirmiores ad nos dimittit radios. Proinde eo tempore, quo abeſt, omnia apud nos tùm frigidiora, tùm obſcuriora ſunt. Quid verò, dic quaſo, eueniret, ſi Sol in primo Cælo conſtitutus fuiſſet? Certè Orbis partes, quæ nunc cultu nitent, & habitantur, proſectò perpetuo frigore occupatæ ſqualerent, & incultæ forent.

Et poſt, de ſitu firmamenti.

Quantum autem primum Cælum remotum eſt ab ſecundo, tantum diſtat ſecundum ad Orbe habitabili. Tandem de natura firmamenti nonnulla ſubnectit; de quibus infra ſuo loco.

I V N I L I V S Commentarijs in Hexæmeron.

Pſal. 103.

Hic noſtri Cæli, in quo fixa ſunt ſydera, creatio deſcribitur: quòd in medio conſtat, firmamentum eſſe aquarum. Nam ſuppoſitas ei eſſe aquas & ipſi in aëre, terrisque videmus; ſuperpoſitas, non ſolum huius Scripturæ auctoritate, ſed & Propheta verbis edocemur, qui ait; Extendens Cælum ſicut pellem, qui tegis aquis ſuperiora eius. In medio ergo aquarum firmamentum eſſe conſtat ſydereum Cælum. Neque aliquid prohibet, ut & de aquis factum eſſe credatur. Quæ enim cryſtallini lapidis firmitas, quæ ſit perſpicuitas, ac puritas nouimus: quem de aquarum congregatione certum eſt eſſe procreatum. Quid obſtat credi, quòd idem diſpoſitor naturarum, in firmamentum Cæli ſubſtantiam ſolidaret aquarum?

Gloſſa Ordinaria hæc coegit, ut poſt deducemus.

B E D A Expoſitione in Geſenim, doctrinam quam D. Auguſtinus habet de Geſenim ad literam libro ſecundo, à capite primo ad ſextum, ſic breuiſſimè reſtrinxit.

Utrum nunc illud Cælum fiat, quòd excedit omnia aëris ſpatia, & in quo conſtituantur quarto die luminaria, an ipſe aër vocetur firmamentum, merito quaeri poteſt. Multi enim aſſerunt, aquarum naturam ſuper ſydereum Cælum eſſe non poſſe, eo quòd ſic habeant ordinatum pondus ſuum, ut vel ſuper terram appellari; in aëre terris proximo vaporaliſter circumferantur. Quidā his conſentiens, oſtendit hunc aërem Cælum appellari; ſicut cōmuni ſermone dicimus ſerenū Cælū, nebulosū Cælū. Et Scriptura aues Cæli vocat, cum aues in aëre manifeſtum ſit volare. Firmamentū verò appellari, quia interuallum illius diuidit inter quosdam vapores aquarum, & ſuper ſuperiores aquas viſibiles, quæ in terra ſtillant. Nos verò quomodo, vel quæ aquæ ibi ſint, eſſe has ſuper ſuperiores aquas luminiſimè dubitemus. Maiores eſt quippe Scripturæ huius auctoritas, quàm omnis humani ingenij capacitas.

Eandem ferè doctrinam Auguſtinianam habet Quaſtionibus in Geſenim, & libro de ſex dierum Creatione.

G L O S S A Ordinaria, cum primus ea ferè methodo, qua Beda, Auguſtini ſententiam compilaret, de qua infra, & Iunilij dicta colligit.

Pſal. 103.

Cæli, in quo fixa ſunt ſydera, creatio deſcribitur, quòd conſtat eſſe in medio aquarum. Nam ſuppoſita ſunt ei aquæ in aëre, & in terra, ſuperpoſitæque: de quibus dicitur. Qui tegis aquis ſuperiora eius. In medio ergo firmamentum eſt ſydereum Cælum, quòd de aquis eſſe factum credi poteſt. Cryſtallus enim lapis, cuius magna firmitas, magna perſpicuitas, de aquis factus eſt. Si quem mouet, quomodo aquæ naturæ ſuide & in ima labiles, ſuper Cælum poſſunt conſiſtere, cuius figura rotunda videtur eſſe? de quo ſcriptum eſt: memento Iob; Qui ligat aquas in nubibus ſuis &c. Qui enim infra Cælum ligat aquas ad tempus vaporibus nubium retentas, poteſt ſuper Cæli ſphæram ne labantur, non vaporali tenuitate, ſed glaciali ſoliditate aquas ſuſpendere, qui etiam terræ molem appendit in nihilo. Quales autem, & ad quid viles; nouit ipſe, qui condidit.

Iob 26.

A L C V I N V S Quaſtionibus in Geſenim.

Secundo die Cælum iſtud ſydereum factum eſſe legitur, & tertia die Terram apparuiſſe, & veſtiri floribus cœpiſſe.

A N S E L M V S Canthuarienſis de Imagine Mundi libro primo, capite vigefimoquinto.

Superius Cælum firmamentum dicitur, eo quòd ſit inter medias aquas firmamentum. Hoc eſt forma ſphæricum, natura aquarum aqueum, ſtellis vndique verſim ornatum, ex aquis inſtar glaciæ, immo cryſtalli ſolidatum: vnde & firmamentum dicitur.

A N S E L M V S Laudunenſis in Gloſſa Interlineari.

Aquarum ſuperior pars in modum cryſtallini lapidis congelata eſt; inferior in materia redacta.

H V G O Viſtorinus præcipuè de Sacramentis libro primo, parte prima, capite decimoſeptimo.

Factum eſt firmamentum die ſecunda, prius quidem in illa vniuerſitatis materia de nihilo creatum: & nunc ex illa ipſa ad talem formam erutum & factum firmamentum, ut ambitu ſuo medium quodam modo interueniens, magnam illam aquarum, immenſamque congeriem ab inuicem ſepararet, atque diuideret: & de aquis faceret

faceret aquas & aquas : hoc est aquas, quas ambitu suo intrinsecus complecteretur, & subtus se contineret : & aquas, quas extrinsecus, & supra gyrum limitis sui relinqueret.

RICHARDVS Exceptionum libro secundo, capite septimo.

Secunda die firmamentum factum est in medio aquarum, idest, in medio confusionis illius trium elementorum. Et post. Firmamentum ex stellis supra infixis esse volubile comprobatur.

MAGISTER Scolasticæ Historiæ, capite quarto.

Fecit ergo ea die Deus firmamentum in medio aquarum ; idest, quandam exteriorum Mundi superficiem ex aquis congelatis, ad instar crystalli consolidatam & perlucidam, intra se cætera sensibilia continentem ad imaginem testæ, quæ in ovo est ; & in eo fixa sunt sydera. Et dicitur firmamentum, non tamen propter sui soliditatem, sed quia terminus est aquarum, quæ super ipsum sunt, firmus, & intransgressibilis. Dicitur etiam Cælum, quia celat, idest tegit omnia sensibilia.

MAGISTER Sententiarum secundo, distinctione quartadecima.

Sciendum est, quod illius Cæli describitur hic creatio, sicut ait Beda super Genesim, in quo fixa sunt sydera : cui suppositæ sunt aquæ in aëre & in terra ; & superpositæ aliæ, de quibus dicitur ; Qui tegis aquis superiora eius. In medio ergo firmamentum est, idest sydereum Cælum, quod de aquis factum esse credi potest. Crystallinus enim lapis, cui magna est firmitas, & perspicuitas, de aquis factus est.

BRVNŌ Carthusiæ Patriarcha in Psalmum centesimum quadragessimum octauum, exponens illud, Laudate eum Cœli Cœlorum, ait.

Non solum laudent eum Sol, & Luna, & Stellæ, & lumen ; sed etiam laudate eum ; idest materia estote, laudandi eum vos superiores Cæli, Cœlorum inferiorum complexui. Superiores qui Cœlos inferiores ambiunt, dicit firmamentum, & æthera : Inferiores verò circulos Planetarum, & aërem.

Sed clariùs libro de Nouis, capite secundo.

Secunda die fecit Dominus firmamentum in medio aquarum : diuisitq; aquas, quæ erant super firmamentum, ab ijs quæ erant sub firmamento ; vocauitq; firmamentum Cælum. Ecce alterum. Et hoc quidem est illud Cælum, quod per Solem, Lunam, & Stellas, quæ in eodem fulgent, nostris oculis reuelatur.

GVLIELMVS Parisiensis primæ partis de Vniuerso prima parte, capite trigesimo quarto, firmamenti nomine Cœlos astrorum domicilia intelligi exponit : quanquam aquarum nomine non aquam nostram, sed massam, seu molem incongelatam rerum interpretetur.

Hic igitur ita determinatis, & positis ; videlicet, quod Cælum primum creatum sit quietissimum in extremo, & supremo Vniuersi corporei, seu corporalis, Terra verò ex opposito : dico, quod consequens est, vt Cælum, quod est in vltimitate mobilitatis, sit in æquali distantia ab illis duobus, hoc est dicere in medio eorum, sicut narrat sermo Propheticus ; Fiat firmamentum in medio aquarum.

Et post, capite trigesimo septimo.

Et quoniam incepti ex incidenti exponere narrationem propheticam in exitu vniuersi corporei, siue corporalis à creatore, prosequar, & declarabo tibi firmamentum, siue Cælum continens nouem Cœlos factum esse in medio aquarum : & diuidere aquas ab aquis, hoc est abyssum implentem totam concauitatem Cæli Empyreii vsque ad Terram.

Deueniamus ad Duces Scholasticorum.

ALBERTVS Magnus prima parte Summæ de quatuor coæqueis, questione quarta, articulo decimonono, cum firmamentum dici existimet non à firmitate siue à stabilitate, quasi non moueatur, sed ab impermutabili naturæ cōstitutione, eo quod non generetur, neque corrumpatur, certè Cælum incorruptibile astrorum sedem firmamenti nomine significari decernit.

Firmamentum dicitur à firmitate naturæ, quia ipsum non generatur, neque corrumpitur, vt supra probatum est, & non ab immobilitate secundum locum. Quod autem dicit Glossa, quod firmiter stat inter aquas inferiores, & superiores : Dicendum, quod hoc non est propter ponderositatem aquarum superiorum, vt patet ex prædictis : sed propter firmum concentum, calidi & sicci, frigidi & sicci, calidi, & humidi, & frigidi & humidi. Hic enim concentus impedit nociuitatem vniuscuiusque per se : & dicitur propter hoc firmum, quia est indiuisibilis concentus ille, cum sit extractus extra actionem, & passionem contrariorum. Adiecit. Dicendum, quod firmamentum dicitur duobus modis : vno modo dicitur octaua sphaera tantum firmamentum ; alio modo dicitur tota natura quinti corporis firmamentum : & sic accipitur in Genesi capite primo.

D. THOMAS prima parte, questione sexagesima octaua, articulo primo ; dum circa diuersas ludit assertiones, hanc memorat, nec reijcit.

Sciendum est ergo, quod hoc quod legitur, firmamentum secunda die factum, dupliciter intelligi potest. Vno modo de firmamento in quo sunt sydera ; & secundum hoc oportet nos diuersimode exponere secundum diuersas opiniones hominum de firmamento. Quidam enim dixerunt firmamentum illud esse ex elementis compositum. Et hæc fuit opinio Empedoclis, qui dixit idèd illud corpus indissolubile esse, quia in eius compositione

lis non erat : sed amicitia tantum . Alij verò dixerunt firmamentum esse de natura quatuor elementorum, non quasi ex elementis compositum, sed quasi elementum simplex : & hæc fuit opinio Platonis, qui posuit corpus Cæleste esse elementum ignis . Alij verò dixerunt Cælum non esse de natura quatuor elementorum, sed esse quintum corpus præter quatuor elementa . Et hæc est opinio Aristotelis . Secundum igitur primam opinionem, absolute posset concedi, quod firmamentum factum fuerit secunda die, etiam secundum suam substantiam . Nam ad opus creationis pertinet producere ipsam elementorum substantiam : ad opus autem distinctionis & ornatus pertinet formare aliqua ex præexistentibus elementis . Secundum verò opinionem Platonis, non est conueniens, quod firmamentum credatur secundum suam substantiam esse factum secunda die . Nam facere firmamentum secundum hoc, est producere elementum ignis . Productio autem Elementorum pertinet ad opus creationis secundum eos, qui ponunt informitatem materie tempore præcedere formationem, quia formæ elementorum sunt, quæ primo adueniunt materie . Multò autem minus secundum opinionem Aristotelis poni potest, quod firmamentum secundum suam substantiam sit secunda die productum, secundum quod per istos dies successio temporis designatur . Quia Cælum, cum sit secundum suam naturam incorruptibile, habet materiam, quæ non potest subesse alteri formæ . Vnde impossibile est, quod firmamentum sit factum ex materia prius tempore existente . Vnde productio substantiæ firmamenti ad opus creationis pertinet . Sed aliqua formatio eius secundum has duas opiniones pertinet ad opus secundæ diei : sicut etiam Dionysius dicit quarto capite de Diuinis nominibus : quod lumen Solis fuit informe in primo triduo, & postea fuit in quarta die formatum . Si autem per istos dies non designetur temporis successio, sed solum ordo nature, vt Augustinus vult; nihil prohibebit dicere secundum quamcunque harum opinionum, formationem secundum substantiam firmamenti ad secundam diem pertinere .

Hæc D. Thomæ detulimus, vt ea quoquo modo glossemus & vtilemus . Si ex ipsius diffinitione firmamentum quatenus compactum est ex elementis, die hac secunda effici profecto poterat : cum Patres omnes vsque ad eius tempestatem, Cælum elementatum existimarent, (ut in subsequenti disceptatione demonstrabimus) certè ex ipsorum sententia hoc ipso die congestum est . Amplius dato firmamentum ex puro elemento confectum esse, nempe ex aqua, seu igne, vt plures Patrum visi sunt existimasse (de Platone quidem ita asserere non audeo, cum ex Platoniorum sanctione Cælum potius ex summatibus elementorum iuxta Platonis placita conflatum dicatur) nō exinde sequitur non potuisse ipsum die secundo effici, tanquam productio elementorum ad opus creationis in primordijs persolutum attineat . Nam Patres hi, vt Nyssenus & alij, non primum Chaos ex elementis confertum, sed potius Chaos quoddam seu materiæ vel materialis inconditam vna rudi forma præditam sibi effingunt, ex qua elici secundo die ignis seu quid aliud ex elementis potuerit . Et alij aquarum congeriem vsque ad Empyreum conscendentem astruunt, in cuius medietate Cælum ad instar crystalli solidari, neque adigique potuisse opinantur . Rursum posito Cælum ex quinta constitui essentia, neque adhuc exinde sequitur non potuisse illud secunda die construi, si ex eadem elementata perhibeamus . Quapropter anceps remanet D. Thomæ sententia, neque ea, quæ ipse super addit, opus videlicet secundæ diei quandam solummodo formationem, & dies non temporum successionem, sed naturæ ordinem iuxta D. Augustini placita tantum importare, tuta censentur, hæc enim omnia cumulatè à nobis supra reiecta sunt . Neque etiam id quod adijcit, fortè aëris effectiōem secundæ diei tribuendam esse, iuxta ipsius mentem consistere potest, cum ipse quoque aërem in primordio temporum emanasse diffinierit, ac pronuntiarit .

Alexander Aletensis secunda, quæstione quinquagesima, & Bonauentura secundo, distinctione tertiadecima, passim firmamenti nomine cælestia corpora desumunt, cum de eius natura, & figura disceptant, vt Scholasticis clarissimum est .

L Y R A N V S Postillis in Genesim, in secunda expositione hanc amplexatur sententiam .

Fiat firmamentum in medio aquarum . Istud fieri hic accipitur quantum ad formam substantialem, quia de vna parte materie prius producte, sub forma communi factum est firmamentum secundum formam specificam Cæli syderei . In qua productione intelliguntur etiam producti orbes septem Planetarum, qui sub nomine firmamenti comprehenduntur .

T O S T A T V S eadem ferè & consimili doctrina habet .

Factum fuit firmamentum secunda die, id est de parte superiori illius corporis magni assumpta fuit materia, cui Deus dedit formam substantialem Cæli . Et nomine firmamenti accipitur tota magnitudo, vel moles Cælestis

Celestis continens octo Orbes, scilicet Cælum stellatum, Cælum Saturni, Iouis, Martis, Solis, & Veneris, Mercurij, atque Lunæ. Et Post. Et vocatur Cælum istud totum firmamentum à firmitate, quia substantia celestis firma, & durans est, & sic dicitur. Tu forsitan cum eo fabricatus es Celos, qui solidi sunt, quasi ere fundati. Hebraicè autem vocatur istud corpus totum celeste, Raquia, quod significat expansionem, & non firmitatem. Et sic habetur in Psalmis. Extendens Cælum sicut pellem: & vocatur expansum: quia super totum Orbem expansum est, omnia tegens.

Iob. 37.
Psal. 103.

D I O N Y S I V S Carthusianus Commentarijs in Genesim, articulo decimo; nomine firmamenti cuncta corpora coelestia capi censuit, & ipsum non hoc die effectum, sed perfectum voluit.

Quid verò intelligendum sit nomine firmamenti, constat ex eo, quod paulopost stellæ dicuntur posite in firmamento. Itaque Deo dicente, seu præcipiente, factum est firmamentum, idest Cælum stellatum, quod est sphaera octaua, quia sub ea sunt septem sphaeræ, seu orbes, ac Cæli planetarum. Et factum est firmamentum hoc in medio aquarum, ad diuidendum aquas ab aquis. Et sumitur nunc firmamentum, prout includit septem sphaeras præfatas. Et fecit Deus firmamentum. Iam ante ostensum est expositionem illorum esse rationabiliorem, & textui, atque antiquis, ac sanctis Doctoribus consonantior, qui dicunt in principio corpora coelestia, ac elementa simul producta sub distinctis, & proprijs substantialibus formis. Ideo firmamentum, & orbes Planetarum in principio sunt creata, quantum ad totam suam substantiam; veruntamen non in tantæ perfectione, quantum ad accidentales proprietates, virtutes, & qualitates, vt postea. Vnde quod firmamentum dicitur factum die secundo, intelligendum est non de productione suæ substantiæ, sed de quadam sui completionem, qua factum est magis completum, & vigorosum in qualitate, & proprietate suæ substantiæ, & in virtute causali ad influendum elementis, ac mixtis, ad quosdam generales effectus, vt in præinducto dixi articulo. Et post. Fecit itaque Deus firmamentum, perficiendo illud in soliditate, & causalitate, qua influit ad inferiorum conseruationem, ac regimen, quia (vt ait Philosophus) oportet hunc Mundum inferiorem esse cingitum lationibus, seu motibus, & influxionibus superiorum, videlicet celestium corporum, vt tota eius virtus inde gubernetur.

H V G O Carenfis in Postillis.

Firmamentum superficies Mundi sensibilis ex aquis congelatis in crystallum, vt dicunt, alia omnia sensibilia continens ad similitudinem testæ oui; & dicitur firmamentum, quia firmum.

B V R G E N S I S in additionibus super Genesim, capite primo.

Dicendum, quod hoc firmamentum, de quo hic agitur, est Cælum sydereum, quod diuiditur in octauam sphaeram, quæ est stellarum fixarum, & in septem Planetarum orbes. De quibus etiam stellis & Planetis legitur planè infra in opere quartæ diei. Posuit ea Deus (scilicet luminaria, & stellas) in firmamento Cæli. Nec obstat, quod dicitur in prima die: In principio creauit Deus Cælum; quia ibi summarie includitur totum opus sex dierum, vt supra dictum est. Et quia in prima die mentionem fecerat de primo mobili, & eius motu, vt ibi fuit expositum. Nunc autem in secundo die de firmamento, in quo sydera fuerunt posita, mentionem facit.

Amplissimum Senatū præstantissimorum Patrum vniuscuiusque manus coëgimus, eorū sententias quasi in ecumenico Concilio prolatas audiuius. Quæ ex eorū placitis tanquam explorata, & certa decerpere possumus, duo sunt. Primum, firmamenti nomine nil aliud intelligendum, quàm congeriem corporū celestium, quibus insita post fuere astra, & faces illæ fulgentissimæ Mundum die ac nocte suo lumine collustrantes. Alterum quod illud ipsum firmamentum, seu Cælorum massa post lucem secūda hac die manarit. Consentiunt siquidem omnes hi Patres, (quorum vota prolixiori deducta catena retuli, vt quàm vetusta acceptaque fuerit apud omnes hæc interpretatio, demonstrarem) in his duobus, & firmamentum nil aliud esse quàm Cælum astrigerum, & id secunda die elaboratū fuisse, tametsi in eius emolitione, ac substantia (quam certè ex elementis compactam omnes astruunt) explicanda diffideant. Sed de hac infra.

Duo ex dictis Patrum sententijs eliciuntur.

S C H O L I O N. Ne miretur quispiam precor, me sententias has Patrum, & iam memoratas, & post memorandas, seu repetitas, & post repetendas, quasi superuacuo apparatu sæpius legentibus obiecare. Id profectò his meis in lucubrationibus maximè cupio, vt studiosis copiosissima pateant loca, quibus mentem Patrum in his rebus, de quibus controuersia est, apprimè ac vberimè assequi possint; nec tempus, operaque in euoluendis paginis conteratur, dum ea quæ fortè vno loco consulenda expectantur, in altero tædiose inquirantur: Ratus libentius ingenuos Lectores sumptus detrimentum, qui hac de causa augeri possit, quàm temporis, & laboris iacturam æquiori animo perlaturus.

A V C T O R.

De hac grauiſſima, atque ardua difficultate iudicium allaturus ſententiam meā diſcindere, & hoc ordine diſtribuire neceſſarium arbitror; vt primū diſſiniam, atq; firmamenti ſignificationibus à diuerſis his ſententijs delatis, quam præſtantiorem, atq; magis ingenuam propriamq; exiſtimem. Deinde quidnam præclari ſecunda die à ſummo rerum Parente, ac Mundi fabricatore verè perpetratum ſit. Elidendæ inſuper mihi ſunt ſententiæ, euertendæque fundamenta eorum, qui à Patribus abſcedere, atque ſimul à veritate, Moſiſque ſcopo aberrare conſpiciuntur. Tandem Patrum aſſertiones conciliandæ, atque contra nuperorum inſeſtationes deſenſandæ.

Firmamenti
nomen quid
proprie ſigni-
ficet.

Firmamenti ſignificatiōē ad quinq; trahi ſenſus perſpeximus. Primū ad octauam ſphæram innumeris ſerè ſtellis quaſi facibus ſplendentem, à Græcis *αἰθέρι*, vt dicebat Hamerus, à Latinis verò inerraticam nuncupatam, nonnulli traxerunt, & præcipuè Catherinus. Alij ad cuncta corpora cæleſtia, quæ in vnâ naturâ congruere omnes decernūt, quanquam quaſi circulis ea ſeiuncta eſſe perhibeāt, vt omnes ſerè priſci Patres, quemadmodum ex eorum ſententijs in catena deductis cognosci poteſt. Quidam etiam Patrū ad cunctos orbes cæleſtes, atq; aëris ſupernam regionem illam, quæ omnis aſſatus, ſeu exhalationis expers eſt, huius nominis ſignificatum detorquent; ſed diſertiùs D. Auguſtinus pluribus in locis, præcipueque libro de Genefi imperfecto, cap. decimoquarto.

AUGUSTINVS ſiquidem eo in loco aërem fuiſſe à Moſe commemoratum edocet non explicita mentione, ſed ea ſerie, vt firmamenti nomine ſuperna eius regio, aquarum verò vocula inferna, quæ vaporibus, nubibusque ſemper ſerè eſt obuoluta, capiatur.

Niſi fortè iſtum aërem terris contiguum, quoniam ſe humidum etiam ſereniſſimis noctibus rore teſtatur, aquam vocauit, qui & in nubem cogitur. Nubes autem aqua eſt, quod omnes ſentiunt, quibus contingit in montibus inter nubiſ, vel etiam in campis inter nebulas ambulare. In hoc quippe aëre volare aues dicuntur. Nam in illo ſublimiore, atque puriore, qui verè aër ab omnibus appellatus eſt, nequeunt: non enim earum pondus tenuitate ſua ſuſtinet. In illo autem neque nubes concreſcere aſſeruntur, neque aliquid aëris ſui exiſtere. Quippè vbi ventus adeò nullus eſt, vt in vertice Olympi montis, qui ſpatia huius humidi aëris excedere dicitur, quædam litera in puluere ſolere fieri perhibeantur; & poſt annum integra poteſt firmamentum Cæli in diuinis ſcripturis vſque ad hæc ſpatia vocari, vt & ille aër tranquilliffimus & ſynceriſſimus ad firmamentum pertinere credatur. Hoc enim nomine firmamenti, ipſa tranquillitas, & magna pars rerum ſignificari poteſt.

Amplius firmamenti ſignificationem ad omne illud ſpatium, quod à terræ, & aquæ ſphæra ad Emphyreum laxatur, atque diſtenditur, concluſo etiam aëre hoc craſſo, nuperi Doctores, vt ſuprà videre eſt, ampliarunt. Tandem quod ſingulare eſt, nonnulli ad aërem tantū illam retulere.

Prætermitto ſiquidem hoc loco ſententias eas, quæ firmamenti nomen ad qualitatem quandam aduentitiam manifeftrandā diſtraxerunt, vtpotè ad ſoliditatem Cælorum, & elementorum, ad robur corporum cæleſtium ſuprà elementa, ad ſitus corporum, & ſinum ſimplicium diſpoſitionem, ad vim qua aër præditus eſt, vt ſit ſedes aquarum, ſeu ſubſtantificarum rerum genituras, & affectiones recenset, ſed magis, quod longiùs à placitis præſtantiſſimorum Patrum abſcedant; nuperaque, diſtractæ, vel non approbatæ cenſeantur.

Cæterū ex his de firmamenti nomine aſſertionibus, primam quæ ad octauā ſphæram denotandam firmamenti ſignificatū perſtringit, Aſtronomicam eſſe opinor, longeque à Theologia vagari, nam veteres Theologi Patres conſenſione mirifica firmamenti nomen ad ampliorem ſignificationem præripuerunt. Deinde ſententiam hanc Sacrarū literarum conſuetudini haud omnino eſſe conſentaneā ſuſpicor, cum ipſa Scriptura firmamēti vocamine cæleſtia illa corpora, in quo intexta ſunt ſydera, ſerè ſemper, ſed præcipuè hoc loco, dum luminaria poſita in firmamento Cæli dilucide tradit, accipiat. Cæterum Solem, & Lunam octaua conſidere in ſphæra nullus eruditus vnquam aſſeuerare præſumet. Deinde diuina pagina aues ſub firmamento Cæli volitare perhibet,

hibet, quod quidem vtrum de octaua sphaera vlllo pacto interpretari possit, tu ipse ingenue lector iudicato. Propheta quoque firmamentum super rotas illas, atque animalia quæ in aëre visebantur, vt crystallum extentum scribit: sed neque id quoq; octauæ sphaere competere posse arbitror. Postremam vero sententiam, quæ in firmamenti significatu etiam aërem hunc crassum nostra in regione diffusum includit, à vero non abscedere existimo. Contestati hoc sunt Patres.

B A S I L I V S in Hexameron Homilia tertia his vtitur verbis.
Ipsi enim subinde obseruauimus hunc aëris locum conspicuum Cælum dici, quod densus sit, & ob continentiam aëris sub aspectum nostrum aperte cadentis.

Id ipsum testatur Ambrosius Hexameron libro secundo, capite quarto.

P R O C O P I V S autem Cōmentarijs in Genesim cap. primo apertius.
Nemo intelligat Cælum primum, quod superat secundum, sed intelligamus hic nominari firmamentum, & omnem regionem, quæ media inter ipsam, & terram excurrit, & in plurimos Cælos diuisa, vel distributa est propter altitudinem.

Sed & clarissimi sunt loci Scripturæ, qui vt plurimum regionem etiam hanc aëris infernam, Cælum, & quandoq; firmamentum nuncupant. Siquidem scriptum est; Cælestia Cæli aperta sunt. Dauid quoque de Deo Vniuersi moderatore loquens ait; Qui operit Cælum nubibus. Zacharias insuper habet; Cæli dabunt rorem suum. Moses etiam minatur Iudæis, si legem Dei violauerint forè illis desuper Cælum æneum; Erit inquit æneum tibi super verticem Cælum. Eisdem verbis & minis alio in loco vtitur; Erit tibi Cælum super caput tuum æneum, & terra tua ferrea. Isaac quoque filio suo benedicēs aiebat; Det tibi Deus de rore Cæli, & de pinguedine terræ. Quæ loca à D. Basilio Hexameron, & ab Ambrosio recensebantur. Verū arbitror non propriè, sed abusive, & per similitudinem, aëris hanc partem, quam nubibus obuolui non ignoramus, Cælū sapius dici, nunquam autem vel raro firmamentum.

G R E G O R I V S Nyssenus in Hexameron id aperte innuit.
Nam sermo Scripturæ abutendo quibusdam verbis, vnum quidem Cælū nominat terminum crassioris aëris: quousque etiam nubes, & venti pertinent, & alte volantium auium natura fertur: etenim etiam nubes Cæli dicit, & volucres Cæli: at non simpliciter hoc Cælum dicit, sed cum adiectione etiam firmamenti: dicit enim; Edant aquæ reptilia animarum viuentium, & volucres volantes super Terram circa firmamentum Cæli.

Quapropter sententiam eam, quæ firmamenti nomine solam totius aëris regionē, & multo magis illam, quæ aëris infernam hanc tantum partem explicari censet, Cælestis astrigeris minime intellectis, omnino erroneam, atq; à Scripturis & Patribus dissonam reputo. Idq; mihi validissima sit demonstratio, quod Moses Cælos firmamentum nuncupet, cum ait; Fecit Deus duo luminaria magna, & stellas, & posuit eas in firmamento: sed id enucleatius, cum locum illum ventilabimus, apparebit. Rursum eā, quæ simul & cælestes orbes, & aëris omnem regionem capit, non ita propriam & accommodatā censeo. Decernendum igitur mihi ac diffiniendum videtur, Diui Augustini & Patrū assertiones posse adinuicem absque ingenti negotio conciliari, si statuamus firmamenti nomine totum illud Mundi spatium intelligi, quo astrigeri Cæli concluduntur, atque ignis & aëris superna pars illa, quæ flatibus à Sole attractis nunquā obruitur, nec ventis iactatur, sed firma semper & inconcussa consistit. Hanc itaque sententiam ex illis sic adinuicem sedatis, simulq; consociatis assertionibus emergentem, vel potius enascentem, tanquam tutiorem ac præstantiorem amplexandam esse arbitror. Non pauca verò id mihi persuadent. Primò nanq; Scripturarum sacrarū testificationes quæ de firmamento sunt, mirificè conciliari, planaq; fieri hac asserta interpretatione conspiciuntur. Quamobrem cum in spatio præfato duæ protēdantur regiones, suprema, & infima; suprema Cælestium eorum corporum, quæ nisi per lumina splendescant nobis conspiciantur: De ambabus intellexisse Scripturas puto, nimirum quandoq; de vtraque simul, interdum autem de suprema tantum, quandoq; verò de inferna, ea profecto serie, vt cū ter præcipue in hac Orbis prognati enarratione firmamenti nomen intexuerit, & memorarit, prima vice pro firmamento, omnem simul regionem, tam supremam, quam infimam acceperit, nempe cum dixit; Fiat firmamentum. Secundo loco firmamenti nomine supremam tantum, cum adiecit in opere quartæ diei; Et posuit eas in firmamento

Ezech. 1.

Gen. 7.

Psal. 146.

Zach. 8.

Deuter. 28.

Leuit. 26.

Gen. 27.

Hom. 3.

Lib. 2. c. 3.

Firmamentū
 Cælos ignē
 atque supre-
 mā aeris par-
 tem proprie
 significat.

Tria in munere firmamenti necessaria.

mento Cœli: quod certè de aëre perhiberi nunquam potuit. Tandem infimam intellexit, quando dici quinti gesta explicans adiunxit; Et volatile sub firmamento Cœli. Anes liquidem ad aërem illum purum nunquam pertingunt, seù transcendunt. His profecto omnibus D. Thomas consensit. Rursum suadet id mihi summopere, quòd minus firmamento ascriptum disiungendi aquas ab aquis, firmamento seù spatio huic ex corporibus cœlestibus, & aëre puro statibus terræ nunquam obruto, magis quam Cœlo stellifero tantum, seu aëri tantum conveniat. Tria liquidem firmamento, vt aquarum sit interstitium, necessaria comprobantur. Alterum quòd situ sit medium inter duo extrema, nulli extremorum admixtum; Alterum quòd nullo alio corpore interserto, seù medio, & aquas quæ supra sunt vehat, & quæ subter, ipsi immediate subsidant. Tandem quòd sit adeo intransgressibili substantia præditum, ut nec supernæ ad infernas desilire, nec infernæ ad supernas seandere queant. Cœlum autem, quanquam proxime super cœlestes aquas ferat, & disiungat, non proximè attamen fluxiles & terrestres quæ terre incumbunt, sub ipso iternuntur. Aër vero solus nullam earum nanciscitur conditionem. Primò enim medius non est, cum supra nullas ferat aquas, sed omnes vel intus concludat, vel subtus ambiat; Neque expers est aquarum, quinimmo perennis earum sedes censetur, cum in eius vtero imbres, pluiæ, omniumq; vaporum genera progignantur. Tandem nec paries intransgressibilis, cum aquæ per eum decidunt, atque ipsi commisceantur. Verum si firmamenti nomine spatia amplissima Cœlorum, & aëris superni intellexerimus, certè & proximè diuidet aquas ab aquis, quòd supercœlestes in dorso vehat, terrestres autem nullo interserto corpore ipsi subsidant, nec ullis cōmisceatur aquis, nec ab ipsis penetrari possit. Quod verissimum conuincitur, & præcipue si Chaos ipsius inconditam figuram, quam secunda die gestabat, perpendemus. Tunc etenim si sub Cœli supremi ambitu aquas supercœlestes, super terram verò aquas vndique eam ambientes, & ampliori quàm in Diluuii colluuiione exundantia illam obruentes, collocamus, ignemque & aërem (vt ex sententia Patrum iam diffiniuimus) super eam mobilem aquarum incongestam iam diffusos statuimus, in ea certè Chaos specie, & indistincta dispositione, aëris regio infima quæ tunc aquis occupabatur, inter aquas, & aquas media esse non poterat. Congeries verò illa cœlorum, ignis, atque superi aëris, si vapores, & aquas egregie tunc interiacebat, quemadmodum & nunc interponitur, si vapores, & fluitantes aquas aquarum terrestrium nomine intelligi decreuerimus. Tandem firmamenti nomine capiendam esse eam coacervationem corporum cœlestium, ignis, aërisq; nulla crassitie vaporum condensati, ipsa nominum vis, & emphasis satis persuadet: firmamenti enim nomen singulariter id demonstrat. Quod vt euincam, prolixior mihi de vocula huius significatione sumenda est disceptatio, eo magis quòd ab aduersariis huius nominis significatus tanquàm sententiæ ipsorum non nutans basis diripiatur, atque ad suam ipsorum muniendam sententiam pertrahatur.

Quid Hebræa vox Rachia significet.

Vocula Hebræa est Rachia, seù Rachia, seù Raquia, siue Raquia. Hanc vocè Septuaginta interpretes græce reddiderunt *σφιγμα* hoc est solidum, & Interpres noster transtulit Firmamentum. Rabbiorum nonnulli, & nuperi Doctores, Caietanus, Lulianus, Steuchus, Vielmus, Pererius (vt referebamus supra) vna consensione tradidere, Rachia non solidum, seù firmamentum significare, quemadmodum Septuaginta, & Editio nostra verterunt, sed extensionem, à voce Racah, quod est extendere: adeo vt vox hebræa Rachia Firmamentum, aut solidum immerito reddatur.

Quid ego arbitrer tot diuersis Doctorum nuperorum attestationibus circumspectus, maxime hebraici Idiomatis ignarus vix proferre audeo, attamen cū vox Raquia ab eruditis in plures distrahatur sensus, non ita ratam, exploratamq; esse alteram significationem reputo; quin & Septuaginta ac Interpretis nostri non tutam existimè verisionem, qui non Expansionem, sed Firmamentum, seù solidum transtulerunt.

L I P P O M A N V S

in Catena hæc habet, vt referebamus. Fiat firmamentum in medio aquarum, &c. quod nos firmamentum dicimus, hebraicè Rachia Græcè *σφιγμα* dicitur. RaKia autem tam firmamentum, quàm extensio interpretari potest, vt pote à RaKaa verbo descendens, quod extendere, seu expandere, stabilire, seu firmare significat. Primi ergo Septuaginta interpretes Cœlum *σφιγμα*, id est firmamentum nuncuparunt, aut eius soliditatem, atque duritiem innuere cupientes, vel stabilitatem.

tatem, quam in suo situ accepit à Deo, Hebræi autem magis extensionem dixerunt, ad illius porrectionem, dilatationem, ac diffusionem aspicientes.

Et quanquam nonnulli refragentur Lippomani auctoritati, quasi exempla opportuna ad suam constituendam sententiam non deduxerit; sufficit attamen mihi, & ex nuperis eximium comperijsse Doctorem, qui editiones insignes Septuaginta, & nostram non reiecerit. Amplius autem non ita huic textui à nuperis deducto innitendū duco, quin existimemus, & Septuaginta interpretes forsità codices habuisse non minoris notoris, auctoritatis, & antiquitatis, qui loco vocis RaKiia aliam contineret, quæ rectius ^{Septuaginta} seu solidum verti posset; vel etiam hunc ipsum textum, quem nuperi nunc profertur, qui consimilem vocem habuerit, apud ipsos Septuaginta interpretes extasse. Testificationem profecto aliquam ab his nuperis, qua textum Hebraicum, quo nunc ipsi vtūtur, priscum illum ac vetustum esse à Mose, seu ab Esdra editum; purumque & intactum, ac nullo vitio labefactatum extare demonstraretur, avidius desiderarem. Vereor siquidem textum illum, seu temporum iniuria, cum ille omnium sit antiquissimus, & Israëlita gens excidia sæpius, captiuitates, atque desolationes perpeffa sit, sedesque frequentius immutarit, seu Typographorum inscitia, præsertim quia Hebraici characteres singulares sunt, exaratuq; difficiles, cunctisq; nationibus peregrini; seu Rabbiorum Hebræorum versutia, quorum ingenium quàm prauum sit, maximeque in Christum infestum, omnes norunt; adeo esse adulteratum, ac deprauatum, vt non minoris auctoritatis nobis esse debeant septuaginta interpretum, & vulgata nostra editiones tanquam à certiori textu eductæ, seu minus deprauato excerptæ. Quapropter cum omnes editiones æquè vitiatæ esse possint, nescio quare Hebræa, vt purior cæteris sit præferenda. Accedit, quod Septuaginta interpretum versio, tum Synagogæ, tum Ecclesiæ nascentis iudicio summam, ac longè super ipsam Hebraicam editionem sibi auctoritatem vendicari. Nam à captiuitate Babilonica vsque ad D. Hieronymi tempestatem semper fuit ab Hebræis primū, & à nostris deinde vt præstantior recepta; quinimmo Christus Dominus noster & Apostoli, cum sacrarum Scripturarum testimonia adduxere, secundum eam editionem ipsa protulerunt. Editio verò nostra ex Ecclesiæ Romanæ vsu, ad quam Scripturarum delectus spectat, mirificam naçta est existimationē. Ex quibus omnibus colligo, versiones Septuaginta & nostram tanta pollere auctoritate, vt ab his ad eam vetustam, ac penè sepultam Hebraicam confugere, sit à conspicuo fonte, ad turbidum canosumq; ineptè pertransire. Accedit auctoritas Græcorum Patrum omnium, Gregorij Nazianzeni, Nysseni, Basilij, Origenis, Theodoretij, Cyrilli, Damasceni, Chrysostomi; Et Latinorum, Augustini, Ambrosij, atque cæterorum ferè omnium in indagandis Scripturarum sensibus solertissimorum, & præcipuè Hieronymi, qui & eruditione linguæ Hebræicæ, & sanctitate nuperos nostros longè præcellit. Auctoritas, inquam, tantorum Patrum, qui nunquam hoc loco firmamenti nomen, vt quid solidū dicit, refutarunt. Nunquid fortè his Patribus textus hic, qui Rachiaa habet, defuit? & si ipsum habuerunt, nunquid eius vim, atque significationem non intellexerunt? Non possum certè non cōmisereri his nuperis, qui ita facile ab editione nostra, & Septuaginta recedunt, quasi vetustate exoleuerint. Misereor quod Septuaginta interpretes, & D. Hieronymum carpere, Patrumque doctrinam vetustam nouitijs Commentarijs inficere præsumant, quasi id nihil esset negotij, vel in vetustorum paruipendenda auctoritate occaluerint. Verum estò translationem Septuaginta, & nostram adulteratas esse, vocemque RaKiia non firmamentum, sed extensionem Latinè reddi debuisse: Cum extensio ipsa, vt primū edocuit Caietanus, & ab ipso surripuere Lusitanus, Vielmus, & alij, quatuor modis fieri contingat; contusione, qua ferrum malleo in latissimam laminam extendi conspiciamus; rarefactione, eo pacto, quo aqua gelida calore intumescens excrescit; Incremento, siquidem & infantium corpora dum augentur, sensim extenduntur & corpulentiora fiunt; postremo expansione, qua serie Cortina, seu Tabernaculum complicatum, conuolutumque exsoluitur, explicatur, & extenditur: scitior ab eis, quanam extensio illa extarit; extemploque eos in diuersas adeo rapi sententias conspicio, vt in seipsos verso prælio mutuis vulneribus confodiantur, simulque cuncti mox concidant. Caietanus, Steuchus, & Pererius, extensionem hanc, seu expansionem

Textus Hebraicus non omnino incorruptus.

Editio Septuaginta interpretum & nostra maxime sunt auctoritatis.

Commen. in Gen. cap. 1. Extensio quatuor modis fieri potest.

sionem ad instar Cortinæ, seu Tabernaculi effectū fuisse censent; sed diuersa repugnantique sententia. Caietanus, quia mirifice quod extenditur amplificatur, hanc expansionem nil aliud fuisse maluit, quàm Cœlorum, ignis, & aëris ad amplitudinem, quæ nunc pollent, reductionem.

Steuchus verò aëris fuisse ex aquis ardentissima Solis luce attractionem. Pererius ex ea nebulosa materia, quæ totum Chaos obtegebat Dei virtute aëris extensionem; sed à cæteris mox eliduntur.

Vielmius primò contra Caietanum Lectione decimaquarta, hanc profert argumentationem. Determinatā formam determinata quantitas, cæteraq; accidentia, quæ ab ea emanant, è vestigio consequuntur. Cæterū si elementa specificis formis prædita iā emerferāt, interminata esse nō poterāt. Deinde si interminata erāt, certè infinitatē præferebāt: nō igitur postea sūt extēsa, aut explicata, aut expāsa, sed cōtracta, cōplicata, & angustata.

Contra Steuchum cæteri insultant, asseuerantes vt axioma certum habendum est cum Patribus, Doctoribusque reliquis omnibus, aërem cum alijs elementis in exordio temporum profiliisse. Pererius sententiam mox mutauit, aëremque cum cæteris elementis in primordijs temporum manasse asseruit. Lusitanus amplius Rachiah extensionem ad modum laminæ mallei contusione deductæ significare edocuit, vt supra relatum est.

V I E L M I V S hanc pariter interpretationem ita redarguit, Lectione quartadecima,

Primum quia David indicat eam fuisse expansionē, nam ait; *Extendens Cælum sicut pellem, vel sicut cortinā.* Porro autē pelles & cortinæ extenduntur explicatione, & expansione, non contusione. Rursum, nullū perspicuū, aut perspicuum manet, ductile est; ac præterea nullum ductile est perspicuum. Vitrum enim, cum liqueat, & ducitur, desinit esse perspicuum. Porro autem corpora, quæ firmamenti nomine venire existimantur, Cæli videlicet, & aër, perspicua sunt: non est igitur apta similitudo, quæ extensa ea fuisse ait ad modum laminæ mallei deductæ. Amplius causa, quamobrem metalla contusione deducuntur, humidum vinctuosum est: Nam quæ humidum est, scilicet, & percutienti cedit; quæ verò vinctuosum prohibet, ne discontinuitas, aut etiam intercisio facile obrepāt, quemadmodum Magnus Albertus libro tertio de Mineralibus, capite tertio, scribit: at verò nec humiditas, nec vinctuositas Cælis reuera adsunt: translatio illa igitur apta non est. Postremo Iob fusionis tropo vsus est, non autem contusionis, cum dixit Cælos tanquam æs fusos fuisse.

Tandem Vielmius Lectione quartadecima, extensionem eam non per modum rarefactionis, aut expansionis fuisse, neque ad instar contusionis, sed potius auctoris, non quidem substantiæ, vel quantitatis aut molis, sed magis nuper inditæ qualitatis & virtutis, quasi ab opifice hoc die nacta sint corpora cœlestia, vt solidiora, atque fortiora redderentur, vt nedum aquis superpositis cederent, & citra vllum incommodum naturæ ipsorum eas sustinerent, immo velut traditum illis depositum tandiu aquas conseruarent, quousque opifex illas ab eis repeteret. Sed meo iudicio ea argumentatione, qua Caietanus Vielmius infestarat, ipsius quoque labefactatur, atque infirmatur assertio. Si quidem si determinatam formam cætera accidentia, quæ ab ea emanant, è vestigio insequuntur, cum robur & soliditas, accidens, affectioque sit à forma proficiens, certè & ipsam cœlorum substantiam mox prosequuta est. Corruit igitur sententia Vielmij ea ratione, qua Caietanus opprimere existimarat. Quapropter assererem ego, ex firmamenti nomine, seu ex vi, & emphasi illius, dato quòd expansionem significet, id ipsum indicari, quod Septuaginta, & editio nostra per solidum explicare maluerunt. Vocem quoque Rachiah, seu expansionem mirifice fauere nostræ sententiæ, quæ firmamenti nomine cœlestia corpora etiam accipit, asseuerare non dubito; arbitrari si quidem cum Lusitano, expansionem eam posse ad metalli contusi instar effectam nuncupari, ea potissimum Iob auctoritate accedente, qua Cælos vt æs fusos testatur. Nec argumenta à Vielmio illata multum officiunt Scripturæ, siquidem auctoritates, quæ Cælum sicut pellem, seu cortinam extensum produnt, non structuræ, seu emolitionis Cœli modum, & seriem, sed formam, seu figuram Cœlorum iam emanatorum explicant. Sic enim Patres ea loca interpretantur. Amplius Deum, quasi artificem, seu fabricum Vulcanium malleo Cælos, vt ductiles humidi vinctuosi ope cōtudiisse, nemo eruditus asseret vnquam, sed potius sua virtute ex elementorum summitatibus eos cōflasse vnico

Cælum expansum ad instar metalli contusi.

vnico momento, ac modo nobis impercepto, adeo vt repente hac mirifica specie, qua nunc uisuntur, ornati ac venustati apparuerint: quamuis nos, sicut æs malleo tunditur, & extenditur, sic ipsos contusos ferè, atque in tenuissimas laminas extensos imaginemur. Et hæc pro Lusitano fati. Verum posito insuper extensionem eam, non modum contusionis, sed extensionis cortinæ, atque tabernaculi importare, quænam ratio deinceps cogit, ut potius aërem, quàm Cælum per expansionem conditum perhibeamus? Immo expansione illa Cœli potius emolitionem, quàm aëris manationem significari contēderem, nam sicuti ipsi aërem ex aqua extractum censent, ita ego ex elementis extricatum atque expassum fuisse Cælum existimarem; neque etenim minus quàm aër in aquis Cælum in elementis obuolutum, & complicatum, delitescerebat. Sed quod magis ad rem facit, Cælum & non aërem ad instar pellis seu tabernaculi aut cortinæ expassum nūc suspicimus, prout egregie Dauid in Psalmo cētesimo tertio, & Esaias cap. quadragésimo testantur; quoniam pelles & cortinæ, siue tabernacula extenta firmitudinē, atq; soliditatē quandā præferunt, uti & Cœlū retinet, & nō aër, qui vndiq; semper iactatur, & permouetur. Ex his igitur omnibus tūm voce firmamenti in Græco, & Latino Idiomate, tūm etiam uocula Rachiah hebraica, Cēlos astrigeros decentius, quàm aërē significari, demonstratum esse arbitror.

Quid firmamenti nomine accipiendum sit, cūm quasi præludio, & apparatu diffinierimus: institutum nostrum iam expostulat, vt promissa absoluentes quid hoc secundo die à Deo effectum sit, profundius perscrutemur.

Reijciendæ sunt igitur primū illæ assertiones, quæ Patrum contempta doctrina atque autoritate post tot sæcula in Ecclesiam irrepsērunt. Principiō (vt neglecto eo ordine, quo progressus sum in eis recitandis, incedam) sententia Thomæ in Postillis, Bonauenturæ, Catherini, & cæterorum, qui octauam sphæram stellis insignitam inerrantibus secunda die congestam fuisse autumarunt, facillime eliditur, & sine vlllo discrimine refelli potest. Primū quoniam nupera est, tantumque abest, vt Patres eam sint infecuti, vt etiam nullus eorum ipsam memorarit. Sententiæ autem, quæ inueterata Patrum autoritate non muniuntur, recenterq; emerferunt, facile prosteruntur; indignum nanque ac nefarium prorsus auditu est, Patres illos præstantissimos, Ecclesiamq; tot sæculis extasse, non germana Scripturarum interpretatione agnita, atque penetrata. Deinde quod assertores huius sententiæ Cosmographos potius, quàm Scripturas & Patres, in firmamenti acceptione sectentur. Amplius placitū huius fallaciosas ambages contextus ipse Mosis, & Scripturarum euincit, cūm firmamenti nomen pluribus alijs locis repetat, nec vnquam pro octaua tantū sphæra illud desumat, quemadmodum supra demonstratum est. Præterea nulla se offert ratio, cur Deus magis octauam sphæram, quàm reliquos orbes Cœlū appellarit, cūm dixit Moses; Vocauit Deus firmamentū cœlum: nam Cœli nomen cunctis cœlestibus sphæris æquè ascribi potest. Sed si firmamētū nomine octaua tantū sphæra hoc secundo die effecta significatur, verificari ægre valet, quod diuiserit aquas ab aquis, nisi ad metaphoras confugiamus, prout ipsi repente cōfugiunt aquarum nomine, Cēlos Crystallinum, & Saturnum interpretantes; quæ à vero sensu quantum labantur, suo loco demonstrabimus. Insuper si primo die omnes orbes suis decorati luminibus, vt isti asserunt, excepto sydereo Cœlo promanarūt, quid quæso firmamentū illud seiunxit? Nunquid fortè supernum aqueum Cælum à Saturno discreuit, nonū extollens, & septimū deprimens, vt aliquem sibi ipsi opportunum locum pararet? At hæc omnino commentitia sunt & fabulosa. Tandem cūm vniuersi orbes in vnam naturam congruerent, vt quid Deus primo die cæteros condidit, hunc autem in secundum diem reiecit. Et si Deus secundo die sydereum Cœlū tantū post reliquos produxit, quid eo loco, in quo ipsum compactum est, extabat? Nunquid vacuum? sed vacuū horret natura. Nunquid elementum? sed inter cœlestia corpora ex quinta essentia, vt ipsi arbitrantur, congesta, nullum intersertum confidere potuisset elementum. Nunquid aliud corpus cœleste? sed quid ipsi post euenit? quonā sublatū est? Nūquid ipsa corpora cœlestia simul cohærebant? At illa fluxilia non esse, vt condensari, atque coarctari possent, seu dilatari, exploratum est. Verūm si iam conditi orbes, saltem ab exordio primæ diei sine firmamen-

Quod fuerit
secundæ diei
opus.

Reijciatur sen-
tentia Catheri-
ni.

Secundæ diei
opus nō fuit
octaua sphæ-
ra tantū.

to, ut ipsi astruunt, mouebantur, quæ cōcinnitas, seu proportio motui Cœlorum inesse poterat, cum Cœlum præstantissimum deficeret? Vel igitur hæc commentitia sunt, & pro arbitratu prolata; vel saltem fundamentis nutantibus ac titubantibus innixa: quare etiam facillime euertuntur, & corruunt.

Lyrani assertio exploditur.

Sex dierum opera substantiæ non accidentia fuerunt.

Refellitur alia sententia.

Aegidij opinio repudiatur.

A Lyrano delatæ assertiones in eo Patribus assentiunt, quod firmamēti nomine congeriem corporum cœlestium interpretantur: In eo autem dissentiant, quod ipsa hæc secunda die non conflata fuisse decernunt, sed qualitatem tantum quandam ipsis superadditam constituunt. Quod haud probè dictum reputo. Primum quoniam quæ sex diebus gesta sunt, res substantificæ fuerunt, non autem ex ijs quæ accidentia nuncupantur, prout etiam reliqua cæteris diebus effecta ventilantes facillimè percipimus. Absolutas siquidem Mundi partes vnaquaque die congeffit Deus. Nec est cōcinnitas comparatio inter Dei opera, & ea quæ à natura, vel arte proferuntur, in quibus Scriptura qualitatum accidentiumq; additamentum, effectiōnem interdum appellare consuevit. Rab bini Samuelis placitum cum Vielmij sententia proficiscitur. Quapropter & cū ea mox elidetur. Sententia altera, quæ hac secunda die collatum Cœlis robur ad præseruandam regendaq; elementa, asseuerat, imbecillis, & fictitia est, atque in angustias redigi potest, si quidem si Cœli id virtute naturæ, seu lucis, & motus consequuntur, certè tum id naturæ sunt, quando ipsis natura est communicata, vel lux, & motus superadditus. Aegidij sententia, quæ ancipiti diffinitione vel octauam sphaeram, vel omnes stelliferos orbes secundo die non conditos, sed ex inito motu proprio, & retrogrado, à supremo Cœlo seiunctos fuisse astruit, uti nulla ratione, ac authoritate suffulta facillime contemnitur, & reijcitur. Primum enim singularis spontanea ac nouitia est, nec ab ullo Patrum innuata. Deinde fundamentum non adeo tutum iecit, quando vniuersam cœlestium orbium compagem in primordio temporum conditam supposuit, id nanque omnes ferè prisca Patres abnuunt, nec ipse vnica saltem argumentatione illud muniuit, vel cōprobauit. Dein octauam sphaeram, planetaresque orbes secundo die proprias auspiciatos fuisse conuersiones, cuncti Patres inficiantur, neque vlla Scripturæ authoritate, aut vlla ratione firmatur. Nam si sphaerarum volubilis latitudo est propter sydus, ut quid secundo die suas lationes exorsæ sunt, si Sol, Luna, astraq; quarto tantum die, ut essent signa in tempora, ac dies, & annos, emanarunt? Ociosa profecto, ac superflua fuisset illa orbium circumlatio, nec ex ea influxus uix prodire potuisset. Adijcias, quod exile nimium secundæ diei opus extasset, nisi in ipsa recens aliqua res substantifica, vel saltem recentiprædita figura profilisset. Tandem importuna, extorta; videtur hæc interpretatio, Fiat firmamentum, id est, fiat motus in firmamento. Nunquid motus Cœli firmamentum est? Verum indigna hæc sunt, ut ea prolixiori disceptatione confutemus.

Steuci sententia oppugnatur.

Aer non manauit die secunda, neque ex aquis exortus est.

Steuci sententia, quantum ad ea, quibus aërem firmamenti nomine gaudere astruit, à vero recedere non attestor, tametsi firmamentum aërem tantummodo significare non assentiam, cum diuinas Scripturas, sanctissimosq; Patres, ut supra iam deductum est, aliter sensisse perspiciam. Quantum verò ad id, quod aërem hoc secundo die manasse tradit, quæ sententia adeo probata & comperta ipsi visa est, ut stolidos, & contentiosos eos, qui secus opinentur, existimandos dicat, tanquam ei soli Scriptura, ratio, & experimentum suffragentur, nimio ausu prolaturum arbitror. Ego siquidem non aliorum doctrinam reprehendendi, nec propriam ostentandi libidine, sed Patres solummodo defendendi gratia, aërem non secunda die manasse, nec ex aquis elici exerie potuisse, nec Solis ardentissima luce conflare quiuisse, physica ratione, & methodo, seu via demonstrare aggredior. Primum Philosophi omnes tam Platonici, quam Peripatetici, ex insitarum elementis qualitatum ratione elementa ipsa seorsum esse unum sine altero non posse diffiniunt, & merito. Quinimò ex hismet qualitatum oppositionibus Aristoteles secundo Cœli, & Plato in Timæo, (quos omnis Philosophorum acies subsecuta est) corpora simplicia & esse quatuor, & consimul orta demonstrant. Amplius aërem primordij temporum à Deo productum non una rudi forma præditum, sed elementis fuisse cōmixtum asseuerarunt, Basilus, Ambrosius, Ioannes Damascenus, Severianus, Origenes, Chrysostomus, Theodoretus, Rupertus, Hugo, Strabus, Magister, D. Thomas, Caietanus, Præter hos Augustinus, Gregorius Nazianzenus, Gregorius Nyssenus, Gre-

Gregorius magnus, Philo, Acacius, quorum nullus vnquam aërem secundo die conditum prodit, ac præter Pererium, qui statim producta sententia hac, ab ea defecit, solum Steuchum huius placiti assertorē præcipuum propugnatoremque acerrimum compertio. Iunilius, qui à terra ad Empyreum aquas cum Steucho inundasse censuit, aërem in terræ hiatus insitum tradidit. Tertullianus, Theodoretus, Diodorus ex vetustis, Velmius ex nuperis, spiritum Domini super aquas delatum, aërem interpretati sunt. Quapropter placitum hoc, quod aër, seu ignis & aër secundo die manarit, tanquam singulare prorsus ab omnibus tum Philosophis, tum Patribus, tum Theologis deuatur. Deinde cum aëris nomen conspicuum, clarum, Mosi non defuisset, quorsum metaphoricū mutare? Et cum dicere potuisset, Fiat aër, quorsum dicere, Fiat firmamentum, seu fiat extensio, & expansio? Hæc enim omnia tanquam cōmunia etiam quid diuersum ab aëre significare potuissent. Ex aquis totum elementū aëris esse elicitū, erutumque nullus nec Philosophus, nec Theologus annuet, nisi ex prodigio. Non ignorant siquidem Philosophi mutuā adinuicem elementorum contiguis in partibus transmigrationem, dum semper vicissim attenuantur, & colliduntur, sed vniuersam vnius elementi molem, atque congeriem ex alio gigni potuisse nunquam concedent. Tunc siquidem aër nec elementum, nec corpus simplex dicendū esset, si ex alio congestum cerneretur. Theologi pariter omnes quatuor simplicia corpora à Deo simul ex nihilo producta decernunt. Rursus aërem ex aquis ardentissima Solis lampade exortum fuisse, cōmentitium est: cum omnes, tam Græcæ, quàm Latinæ Ecclesiæ Patres, vsque ad D. Thomæ tempestatem, Solem quarta tantum die exiliisse iuxta Mosi dictū diiudicarint. Atque eo magis, cum nec D. Thomas, neque sectatorū nuperorum alius, Solem ipsum ardentiore potentiori que luce præditum, quàm nunc sit, prodijisse diffiniant. Insuper Deum creationis opus, sola sui virtute, non Solis, neque alterius secundæ causæ ministerio parasse, omnes vna consensione, atque admiranda conspiratione decernant. Deinde, si ex motu, quo aër atteritur, ac tenuatur, seu ex radij percussione à terra, & aqua in aëre Sol exurit, ac calefacit: qui ardor? qui calor? quæ attritio? quæ attenuatio? quæ percussio esse poterat, qua aër cum non esset gigneretur, si vniuersa vsque Lunæ orbē aquæ contegebant? Aniles fabulas hæc certè sapiunt, & sicuti nulla ratione munita produntur, ita etiam nullo negotio prosternuntur. Sed neque quia aër (inquit Steuchus) non esset, Solis lux calere, & radij non poterant, nam hi in aquas infigebantur, ordo autem est alius post res creatas quotidianus insecutus. Sed vt quid Steuce ad miraculorum Asylum confugis? aderant aquæ certè, in quibus radij infigi poterant, sed in Sole & aquis requisita intercapedo non aderat, neque etiā aderat aër, in quo radorū ipsorum refractio efficeretur. Si autem miraculosa existeret illa Solis efficacia, & ardor, poterat vtique summus ille rerum omnium parens & conditor Deus id ipsum absque Sole efficere, si Sol non naturali, sed diuina vi vrebat, atque torrebat. Quod ex D. Augustino adduxit Steuchus, id Beatissimus Doctor non ex sua sententia protulit, sed disceptans quomodo aquæ supercœlestes illic consistere dicerentur, hanc induxit sententiam, mirificeque eam in hoc commendauit, quod difficultatem cœlestium confessionis aquarum effugerit: Non tamen eam prosequutus est; cum ipse (vt ex eius doctrina elicit Beda, & Strabus) aquas super Cœlos elatas asserendum esse ex Scripturarum auctoritate concludat, ex quibus ipsum firmamenti nomine Cælum excepisse perspicue demonstratur. Id ipsum omnino de Eucherio dicendum. Quantum ad D. Thomæ sententiam spectat, fateor me libenter Thomistarum aliquem eruditum auditurum, qui mihi de secundo dici opere eius assertionem, ac mentem declaret.

Supereest mihi, vt inualidis aduersariorum obiectionibus satisfaciam. Moses (inquit Steuchus) Cœlorum memorationem non habet, quoniam sensui non patent, & de sensu perceptibilibus tantum geniturā tradendi munus assumpserat. Quidnam ego huic insulsæ rationi proferam? Possum equidem cum multis Patribus, præcipue cū D. Augustino asseuerare, Mosem de omnibus creaturis, tum sensilibus, tum spiritualibus pertractare; Sed dato, quod Mundi tantum sensilis genesim enarret; num corpora cœlestia partes sint Mundi, machinæque huius, num sensibus nostris appareant saltem altiorum respectu, num cognita sint, & perspecta ineruditis etiam, ingenuo lectori diiudicandum

candum relinquo. Duo nomina, inquit, Rachiah, & Samaim aërem denotant, non Coelos. De voce Rachiah iam supra dictum est: De Samaim autem hoc vñ accipias, quòd si Cœli ex aquis congesti sunt, seu aquas supercœlestes super dorsum ferunt (quæ admodum inferius reiecta Peripatetica commentatione ex Scripturarum & Patrū sententia euincemus) certè & corpora cœlestia Samaim, quasi ibi aquæ, nuncupari potuerunt. Adicias, quòd si Samaim quid mirificum significat (vt cum Lusitano iam adnotauimus) mirifice profecto nomen hoc cœlestibus competit corporibus, quibus nil excellentius, nil mirabilius. Adiciebat tertio loco Steuchus, quòd natura in rerum ipsarū emanatione exposceret, vt post Solem flagrantem desuper mox in aquarum mole aër gigneretur. Ordinem hunc, haud equidem naturæ, seu descriptionis Moſis ordinē, quin potius ipsiusmet Steuci excogitatum, atque inuentum cenſeo. Naturæ profecto ordinem perlepidè præter cæteros digessit Nyſſenus: isque erat, vt elementa primū corpora simplicia prodirent, deinde ex ipsis cætera conficerentur. Ordo autem descriptionis Moſis is fuit, quem Patres interpretati sunt, & non quem Steuchus ipse recenter inuexit. Quòd verò existimabat aquas tertia die non potuisse in Pelagi finibus conſtrigi, nisi aër secundo die effectus fuisset, existimare hoc poterat secundū id genus Chaos, in quo aquas vsque ad Empyreum scansisse effingebatur, sed & cum Patribus, nempe Iunilio, & pluribus alijs assenerare potuisset Steuchus, ex ea immensa aquarum exundantia, partem super Cœlos elatam, partem in Cœlis construendis absumptam, partemq; subsidente terra non conflagratione, sed condensatione coactam fuisse. Quod autem postremo loco assererat, esse interstitium inter aquas, & aquas, non Cœlo, sed aëri conuenire, longè à veritate recedit. Cū enim firmamentum, vt dixit Ioannes Chrysostomus, aliud non sit, quàm paries quidam, & interstitiū in medio sitū, diuidens aquas ab aquis, firmamentoque ob id competat medium consistere inter extrema, atque intransgressibile permanere: Cœlum certè, & non aer, paries, & firmamentū dici potest, cū desuper gerat supercœlestes aquas, terrestresq; subſternat, & terminus sit, quæ ipsæ transgredi nulla ratione queant. Aer verò terminus non sit diſterminans; sed sedes aerearum impressionum, quarum profecto cum aquis super terram labentibus non modo continuatio est magna, verū etiam eadē prorsus in vtrisque natura spectatur. Dum autem quærit, quæ cognatio, & quid finitimum sit Cœlo cum aquis, nam supra Cœlum nullæ sunt aquæ, sub ipso autem fluxiles aquæ tanto intervallo à Cœlo seiungantur. Respondendo, Stenchum ipsum Mundanæ machinæ dispositionem non secundum Scripturarum, & Patrū doctrinam, sed secundum Philosophicam rationem desumpsisse. Duplex siquidem est machinæ huius congestionis ordo. Philosophi enim Peripatetici post Regiam Deorum (si tamen illam norunt) quæ nobis Empyreum est, nullis aquis interfertis Cœlos ex quinta essentia conſtatos, atque in octo orbes diuisos astruunt. Inde ignē, aerēq; super hanc terrā & aquæ labentē sphaerā constituunt. Patres autem, Theologi; nostri post Empyreū, si cū Clemēte, Philone, Origene, Claudiano, Diodoro, Iunilio, Strabo, & cæteris, seu post Empyreū & supremū orbem Mundum concludentē, si cum Basilio, Ambrosio, Theodoro, & alijs Cœlorum dispositionē statuamus, aquas supercœlestes, seu fluxiles, seu glaciales, seu vaporeas collocant. Inde firmamentū, Cœlum scilicet astrigerum in plures circulos secatum; subinde ignem, & aerem purum sedē la aquarum impressione vnquam confertum. Tandem aeris regionem aquarum sedē ipsi terræ, aquisque defluentibus connexam. Si igitur Peripateticam dispositionem prosequamur, certè inter Cœlos, & aquas nulla erit cognatio, nulla similitudo, nullum confinium: At si Patrū structuram amplectemur, profecto Cœlum potius quàm aer interstitium dici poterit, maximè si firmamenti nomine Cœlorum, ignis, & aeris puri coniugiem capiemus. Tunc siquidem nullo interiacente corpore firmamentum hoc supra, & sub finitimum erit aquis, & non aer, qui sedes est aquarum, vt dicebamus. Maxime si hoc vñ obliuioni non tradamus, aquas hoc secundo die vniuersam hanc regionem, quæ nunc sedes est aquarum, atque impressionum, exundasse, purique fortasse aeris superficiem vsque conscendisse. Ego autem (derideant licet Steuchus, & nuperi) cuncta Aristotelica placita abiurare, contemnereq; malo, quàm à Patrū doctrina trasuersum digitū recedere, ratus ipsos Moſis, Scripturarumq; sacrarū, à quibus omnis cœlitus

Hom. 3. in
Gen.

celitus reuelata doctrina diffluit, mentē fuisse consecutos. Sed hæc cōtra Steuchū satis, Caietani sententiam, Vielmus (vt dicebamus) his iam confutauit. Primum si determinatam formam determinata quantitas euestigio consequitur (ait Vielmus) quemadmodum corpora inter Empyreū & aquæ sphaeram interiecta in primordio temporum specificis formis absoluta prodire, ita & absoluta, requisitaque quantitate, seu amplitudine manasse censendum est. Deinde quod si interminata erant, infinitatemque præferebant, igitur potius angustata, quam extēsa fuere. Sed meo iudicio Vielmus Caietani mentem non est affecutus. Caietanus siquidem existimauit Mundum vnico momento fuisse conditum, hac autem enarratione non tradi hæc, quasi quod prius, & post emerferint, sed veluti diuersa, quæ post, & prius, non secundum essentiā, seu emanationem, sed secundum rationem percipi possunt. Verum illud me à Caietani sententia abscedere cogit, quod ex doctrina eruditissimorū ac sanctissimorū Patrū, quæ à summo rerum conditore vnoquoque die gesta sunt, non inter ea quæ alteri accidunt & inhaerent, sed potius inter ea quæ ex seipulis consistunt, enumeranda arbitrer, maxime cum semper verbo Fiat, Fecit, & Factum est, procreata illa Sanctus Vates enarret. Quare secundæ diei opus ipsa Cœlorum congeries certe fuit; & fortē aëris puri ignisque non extensio, sed depuratio addita est, quemadmodum supra fufius demonstraui.

Caietani sententia rejicitur ex Vielmio.

Vera impugnatio Caietani.

Vielmii assertio destruit.

Vielmii assertio, quæ soliditatem roburque Cœlis hac secunda die adiunctam edocet, suomet fundamento mox ruit. Si enim formam è vestigio consequuntur cuncta accidentia, quæ à forma manant, certē & densitas Cœlorum, suamet formam sunt insecuta eo magis quod Cœlos tanquam æs fusos tradat Scriptura. Deinde cum singulare, recensque sit hoc placitum, non est, cur à tantorum Patrum vetusta sententia tam facile discedamus. Amplius si solida non erant corpora cœlestia, quomodo circumfererantur? vt ipse Vielmus cum Sole circumferri à primæ diei initio asseuerauit. Miraculum certe fuisset non necessario inductum.

Pererij tandem sententiam, quæ à Steuco defectione facta aërem secunda die quod ad substantiam minime effectum esse, sed alia nactum esse munera autumat; primumque ipsum fuisse medium quendam terminum, aquas pluuias à terrestribus secernentem, destinatum; & deinde locum generationis naturalem aquarum sublimium constitutum; amplius hoc die effectam esse distinctionē elementi aquæ in aquas aëreas, & terrestres, censet; non adeo certam tutamque existimo, vt (si quis intimius rem perpenderit) nihil horum prorsus hac die effectum fuisse, non ambigat. Primum medius terminus determinans ille est, qui inter determinata ea serie collocatur, vt determinatorū aliud ei sit prorsus supra, & aliud infra: sed hoc nunquam de aëre asserere possumus; neque etenim caligines, nubes, impressionesque aëreae supra aërem existunt, ita vt inter eas, ac labentes terrestres aquas aër interfidere dicatur; immo in ipsius vtero gignuntur, consistunt, condensantur, laxantur, dissoluuntur, ipsum aërem à suprema regione vsque ad terræ, & aquarum harum superficiem prorsus inficiunt ac obruunt, eo euentu, vt ipsæ caligines, nubesque cum terræ, & aqua connectantur, iuxta illud; Sicut nebula texti omnem terram; Et illud. Cum ponerem nubem vestimentū Maris, & caligine illud quasi pannis infantia obuoluerem. Nullum igitur obtinet aër munus diuidendi aquas ab aquis quasi terminus determinans, sed ex eo ascribitur ei præasserta seiunctio, quod locorū diuersitatem sortita sint aquæ, dum impressiones in eius vtero gignuntur, & soluitur, terrestres vero aquæ per sinus terræ sub ipso dilabuntur. Quod si aër terminus interiectus inter aquas superiores, & inferiores dicitur, eo quia sæper superiores aquæ gignantur in sublimiori aëre, & inferiores sedem sub aëre in terræ hiatibus vendicant, pari ratione & terra aquas seiungere ab aquis dici posset, quoniam aquarum parte ad superam regionem euecta, reliquam ipsarum partem terra in proprijs visceribus & gremio complectatur. Aerem deinde locum esse naturalem generationis sublimium aquarū, nullus abnuet, verum hoc non secundo die, sed in ipsius origine aeri insitum fuisse, cum ex naturæ dote id ipsi congruat, asseuerare possumus. Competit siquidem ei hoc munus sua natura, cum sit elementum rarum, fufum, ac tenue, ut halitus aqueos à Sole exertos, attractosque, suo patente sinu accipiat, frigore suo condenset, constipetque, ac calido laxet, rarefaciatque vt decident. Quamobrem hoc aeri delatum est, quando à Deo optimo

Ecc. 24.
Iob. 38.

optimo conditus est. Qui nanque indit formam, exhibet, & consequentia formæ. Equidem debile exileq; fuisset hoc secundo die peractum opus, si nil recens, & nouum sapientissimus opifex protulisset, sed tantum id, quod aërem ex natura consequeretur, aëri tribuisset. Adijcias, quod aër hic infimus, qui sedes est exhalationū, hoc secundo die non adhuc liber vel defecatus diffundebatur, aquis enim vndiq; obruebatur, sed tantum tertio die aquis in voragines terræ coactis liber nitidusq; euasit. Amplius hac die effectam fuisse distinctionem aquarum inter aquas aëreas, & terrestres, non certè est conspicuum, disceptatione enim dignum esset, Num entia meteorologica imperfecta, impressionesq; aëris hac secunda die emanarint; Si ipsemet Pererius eleganter hanc difficultatem non eliminaret. Neque necesse est (ait) hoc die sublato esse vapores, & nubes in sublime, in media regione aëris generatas fuisse aquas, cum infra dicat Moses capite secundo, quod nundum pluerat super terram, sed hoc die designatus est, & destitutus est aër, ut esset locus naturalis aquarum, & diuideret aquas ab aquis. Hæc ille. Ego quoque impressiones in sublimi aëre factas opus insigne, & admirabile censeo, tum ob aëris naturam, qui rarus licet ac tenuis existat, exhalationum tamen, & nubium congeriem admodum amplam ferre queat; tum ob aquæ conditionē, quæ tamen grauius fluidaq; in sui natura esse cernatur, constringi attamen conglobariq; possit, atq; sustineri ne decidat, quoadusque maturarit, & comminuta in guttas effundatur. Mirandum profecto opus, summopereq; mortalibus beneficum, cum ex eo fontes omnes, Lacus, & Maria expleantur, virentia cuncta, quæ nimio calore exurerentur, benigne refouentur, atq; alantur. Verum potius fuisse id tertia die gestum non quidem absolute & exactè, sed in præseminaria potentia arbitror. Tunc enim detecta terra Sol halitus exerere, attrahereq; ex ea & mari potuit, ut aëris regio earum impressionum matrix aquarum colluue denudata suo excipere vtero posset, ut tandem post aliquos dies gignerentur, iuxta illud; Non enim pluerat, &c.

Reiectis nuperorum sententijs, eorumq; argumentationibus propulsatis, reliquum est, ut iuxta sententiam priscorum ac præstantissimorum Patrum, peculiare huius secundæ diei opus congeriem cœlestium orbium constituamus. Porro sententia hæc primò dictorum Patrum autoritate, temporum vetustate, & mirifica Ecclesiæ per tot sæcula consensione fulcitur. Deinde quod verbo Fiat, nouum opus substantificum, idq; ex Elementis, productum importet, quod certe nil aliud quam Cælū esse potuit. Quod enim tulit Burgenfis in additionibus, Cælum ex nihilo fuisse productum, sicut & cuncta illa, quæ verbo Fiat confecta scribuntur, longe à Patrum doctrina declinat, absceditq; & sicuti autoritate nutat, ita etiam ratione deficit, cum nulla id graui ratiocinatione comprobatur. Amplius firmamenti nomen ex Septuaginta interpretum, & editionis vulgatæ autoritate, atque ex tantorum eximiorum Patrum nutu receptum, sua vi, & emphasi nil aliud, quam Cælum ipsum firmum, inconcussum, ac solidum, præcipue ad vehendas supernas aquas, insinuare potuit: ita siquidem eius etymologiam Philo, Iustinus, Origenes, Tertullianus, Basilus, Ambrosius, Hilarius, Acacius, Seuerianus, Gennadius, Augustinus, Theodoretus, & alij quamplures explicarunt. Præterea cum firmamenti munus sit aquas ab aquis discescere, atq; inter eas ad instar parietis seu interstitij impenetrabilis confidere, id nulli profecto aptius quam Cælo conuenire potest. Adhæc quomodo aëri vel alteri cuius iam præterquam Cælo poterit vnquam id, quod Moses adijcit adaptari; Fecit Deus duo luminaria magna, & stellas, & posuit eas in firmamento Cœli, quandoquidem Sol Luna, & Astra, non in aere, neque in quopiam altero, sed in Cœlorum congerie haud dubie collocantur? Effugere syrtim hanc plures sed incassum elaborant. Respondent nonnulli Mosem vocabulo firmamenti, secundo die aerem, quarto verò cœlestia corpora significasse. Sed quis arbitrari poterit, Vatem Mosem eandem vocem, eadem enarratione ambiguè inconstanterq; ad tam diuersa refulisse? obscuram perplexamq; suam historiam reddidisse? Nec illa adiectio vocis Cœli, proli, eius significationem immutat, cum more hebraico dixerit, in firmamento Cœli, pro eo quod est in Cælo, seu in eo firmamento, quod secundo die vocatum est Cælum. Alij interpretati sunt, In firmamento, hoc est, sub firmamento seu octaua sphaera; Sed hæc expositio adeò insolens est, ut pari arbitrato, In firmamento, hoc est, super firmamentū, expo-

Cœlestia corpora secunda die creata.

Firmamenti nomen uarie à plerisq; sumitur.

exponere quis posset. Atque hæc explicatio omnino est, ac si diceret, In firmamento, hoc est, Extra firmamentum. Qua expositione quid ineptius insulsiusve? Alij contendunt dixisse Vatem Mosem posita esse astra in firmamento Coeli, id est in aëre, eò quòd per ipsum firmamentum, seu aërem nobis spectabilia reddantur: sed certè pari ratione res cunctæ quæ videntur, in aëre confidere prorsus dici possent, vt Vrbes, Aues, Arbores, Animalia, Colores, quoniam vniuersa aëris beneficio nobis innotescunt. Alij fortè maturius firmamenti nomine Mosem ex vulgi rudis captu vniuersum spatium, à terra vsque ad sydera comprehendisse censent, & cum dixit; Posuit ea in firmamento Coeli, supernam coelestem regionem intellexisse opinantur. Sed hæc expositio à nostra non discedit, vt supra demonstratum est; nec elabatur, quin cœlestia corpora hoc die effecta prodantur.

Cæterum non omittenda est Echo Scripturarum, qua sapius, quod primo loco clare non perspicitur, ex bina seu terna eius reiteratione comprehenditur. David igitur in Psalmis sic cecinit; Cœli enarrant gloriam Dei, & opera manuum eius annunciat firmamentum. Sapiens pariter inquit; Altitudinis firmamentum pulchritudo eius, species Cœli in visione gloriæ. Horum locorum contextum si quis profundius perpendet, in ipsis profecto de Cœlis supernis, in quibus emicant Sol, Luna, & astra, sermonem haberi comperiet, maximè in secundo: in quo cum Solem præconijs pluribus extulisset Sapiens, in firmamento astra esse contestatus est, dicens; Vas astrorum in excelsis in firmamento Cœli resplendens gloriose, species Cœli gloria stellarum. Amplius Ezechiel, dum mirificam portentosamque illam inter turbinem, nubem, ignem, ac fulgura, animalium, ac rotarum apparitionem in aëre factam describit, Cœli desuper forma qualis fuerit enarrans, ait; Et similitudo super capita Animalium firmamenti, quasi aspectus crystalli horribilis, & extenti super capita eorū desuper, sub firmamento autem pennæ eorum rectæ alterius ad alterum. Cælum igitur firmamentum dixit, aerem verò, quem quatuor Animalia inter nubes, turbines & fulgura peragrabant, non firmamentū, sed sub firmamento esse obtestatus est. Sic enim Tertullianus libro de Trinitate (vt supra recitabamus) hūc locū exposuit dicēs. Hinc est, quòd & desuper Cherubim sedet, id est, præest super operum suorum varietatem subiectis, Throno eius Animalibus præ cæteris principatum tenentibus, cuncta desuper crystallo contegente, id est Cœlo omnia operiente. Hæc tandē Ecclesia id ipsum diffinire visa est ille. Hæc siquidē in Hymnis suis, cū singulo die de singulis eo die patratis operibus, quoad potest, immortales Deo gratias rependit: secundo die de secundo collato opere hæc canit.

Immenso Cœli conditor,
Qui mixta ne confunderent,
Aquæ fluentia diuidens,
Cælum dedisti limitem:

Firmans locum cœlestibus,
Simulque terræ riuulis,
Vt unda flammam temperet,
Terræ solum ne dissipet.

Consentiunt igitur simul literæ planus sensus, Patrum priscorum, tam Græcæ, quam Latinæ Ecclesiæ luminum, sententia: Scripturæ Echo; Ecclesiæ auctoritas. Non est igitur, vt de hac re ambigere amplius debeamus. Hactenus itaq; firmamenti nomine Cœlos præcipuè capiendos, secundæque diei opus Cœlorum compagem extasse, præclarissimos ac sanctissimos Patres tantūmodo defensandi gratia, copiosè demonstrauimus.

De substantia Cœlorum.

Vt in vastum procellosumque Pelagum conscissa naui, nempe vt in amplissimam, litigiosam, ac difficillimam de Cœlorum substantia disceptationem ingrediar, diuersæ Patrum ea de re (quemadmodum in yberrima copiosissimaque Catena, quam de firmamento proximè deduximus, intueri licet) sententiæ me inuitant & alliciunt, siue, vt verum fatear, inuitum pertrahunt, nolentemque compellunt. Non enim verborum illorum Domini vniuersam prorsus circa huiusmodi rem humanæ inuestigationis audaciam retundentium obliuiscor; Nunquid nosti ordinem Cœli, & pones rationē eius in terra? Atque etiam; Quis enarrabit Cœlorum rationem? & concentum Cœli quis dormire faciet? Obscura profecto est, plurimaque obuoluta caligine hæc de substantia Cœlorum inuestigatio. Tum quòd res, de quibus negotium est, sublimes sint, ac

Psal. 18.
Eccl. 43.

Ibid.

Ezech. 1.

Iob 38.

Anno Mūdi
primo.
Die secunda.

Fiat Firmamentum.

a. *Fiat firmamentum ex elementis.*

vix prospici queāt, tūm quia dissensio maxima de hac re inter Doctores vtriusq; manus Ecclesiasticos, ac Ethnicos iamdudum per multa sæcula nunquam conciliata perseuerat, eoq; etiam difficilior redditur, quoniam plurimi ex nostris, & eximij certē nominis Doctores Neoterici ad Aristotelicam aciem, neglectis priscis Philosophis, ac Patribus confugerunt. Cæterum ex instituto nostro cūctorum sententias primo loco proferamus.

a. *Fiat firmamentum ex elementis.*

Philosophi
Cælū ex ele-
mentis con-
stare asseren-
tes.

Lib. 1. Cæl.
tex 102.

Platonis sen-
tentia quæ
fuerit.

Cōtra Procl.
disp. 13. cap.
15.

Philosophi omnes prisci ante Aristotelē, vt Iustinus in Admonitorio, Clemēs Alexandrinus libris Stromatum, Theodoretus libro de Materia, & Mundo, Cyrillus, & alij insinuasse mihi visi sunt, eandem Cæli, & sublunarium esse substantiam, & solū differre Cælum ab elementatis puritate, & impuritate diiudicarunt. Quapropter senserunt Aegiptij Cælum esse humorem concretum; Diogenes aërem puriorem; Heraclitus ignem; Stoici ardorem mobilem; Pithagoras flammam; Empedocles, vt refert Aristoteles ex quatuor elementis compactum illud existimauit; ampliusq; indissolubile, incorruptibileq; quoniam omni submota lite in ipso perpetua fuerit perspicuum. Platonis quænam fuerit sententia non ita est perspicuum. Ioannes Picus, Diacetus, Maynettus, & præcipue Simplicius primo & secundo Cæli, Platonem, & Aristotelem sola voce, non in sententia dissentire asseuerant. Primum quoniā Plato quinque enumerat animarum genera, terrenū scilicet, aqueum, aëreum, æthereum, & igneum, & pariter quinque corpora prima. Insuper in Epimonide asserit quinque esse figuras primas, primis quinque corporibus respondentes. Demum quoniam in Tymæo se declarans, quid intelligat nomine ignis, quādo inquit Cælū esse igneum, lucem profecto, nō autem comburentem ignem se intelligere fatetur. Ideoq; asserit astrorum orbes esse participes eius ignis, qui non vrit quidem, sed illuminando suauiter diem inuehit Mundo. Non itaque Plato censuit (inquit Simplicius) verē in Cælo ignē inueniri. Cæterū aduersus Simplicium, Ioannē Picū, Diacetiū, Maynettū, & alios, qui Platonē nō dissentire ab Aristotele arbitrati sunt, perstant Plotinus, Porphyrius, Taurus, Philoponus, Marfilus Ficinus, & plurimi. Hi Platonis sententiam deducunt præfatæ aduersam præcipue ex his, quæ ab ipso in Tymæo asseruntur. Deus (inquit ipse eo in loco) ignem primò terramq; creauit, sed duo solū absque tertio quodam commode coherere non possunt, mediumq; aliquod vinculum vtraq; de- siderant. Et post pauca; Qua ex coniunctione ita constitutus est Mundus, vt aspicere tan- gique possit. Propterea ex huiusmodi rebus numero quatuor Mundi corpus consti- tum est. Et deinceps. Quatuor igitur earum rerum quamlibet integram Mundus acci- pit, ex omni quippe igne, aëre, aqua, terra, eius faber ita ipsum composuit, vt nullā cuiusquā istorū partem, aut vim extra relinqueret. Ex his manifestissime claret, inquit, Platonem sola quatuor prima corpora in Vniuerso posuisse, & essentiam quintam sim- plicem, genere distinctam ab alijs, nec prorsus excogitasse. Ad fundamenta pro parte aduersa relata non est difficile (aiunt) occurrere. Ad primum, dum dicitur Platonem quinque ponere animantium ordines, & quinque prima corpora, pater solutio ex ipsomet Platone in Tymæo, vbi aërem in partem puriorem, quam nuncupat ætherē, & in minus puram distribuit; & in Epimonide id ipsum manifestat. Nam quem Ari- stoteles incensionis fomitem sub Cælo positum appellat, Plato nuncupat ætherē. Et sic

Et sic statuit quinque animalium ordines, quamuis prima corpora absolute solum quatuor esse decernat. Ad fundamentum sumptum ex primis quinque figuris respondet PHILOPONVS in Disputatione tertiadecima cōtra Proclū cap. decimo octauo.

Platoni tribuere figuram illam quintam duodecim facierum non quinto corpori, quintæve essentia, sed vniuerso ex omnibus conflato, vt patet ex ipsomet Platone in Tymæo. Inquit enim; Est & quædam compositio, quæ Deus ad vniuersi compositionem est usus, eaq; descripsit, & figurauit. Et longe minus aduersatur postrema, dum dicitur, quod Plato manifestat ex quali igne constet Cælum, & quod non constet ex igne qui flamma sit, sed ex luce quatenus est corpus lucidissimum. Ad hoc dicunt Platonem puriori, eminentiori; igni lucem tribuere, & propterea per lucem eius proprietatem puriorem ignem circumscribit, immo cū dicat oculos nostros esse participes cælestis ignis, verè indicat Cælum non esse diuersæ naturæ à mortalibus, sed posse in mortalibus participari & sola puritate ab eis differre.

Sed quicquid sit de eorum Philosophorum iurgiis, Patres nostri clare tradunt, quod Plato Pythagoram insecutus stellas censuerit esse non vrentes ignes, Cælum verò ex eminentiis omnium elementorum constare.

Audiamus igitur oracula nostra, quid de mente Platonis dijudicarint.

P L A T O in Tymæo, prout ipsius verba deducunt Philo libro an Mundus sit incorruptibilis, Augustinus libris de Ciuitate Dei, Cyrillus libro secundo aduersus Iulianum, & alij, sicuti à nobis iam sæpius relatum est, Deum opificem ita Cælos alloquentem effingit.

O' Dij Deorum, quorum opifex ego sum, natura vestra estis dissolubiles, voluntate mea indissolubiles permanentes.

Idq; de Cælis dixisse Platonem, prædicti Patres existimarunt.

I V S T I N V S tamen econtra in Admonitorio hæc ad Deos Gentilitis his retulit.

Sed fortasse nonnulli, quibus mens non est à multorum Deorum dogmate resipiscere, opificem ipsum, ijs quos produxit Dijs, ita dixisse contendunt. Quoniam estis geniti, immortales, aut omnino indissolubiles esse non potestis, non soluimini autem, neque mortali fato, me ita volente, subiycemini, maiorem & fortiorem multo nexum sortiti.

Idipsum tradit Clemens Alexandrinus libro primo Stromatum.

I V S T I N V S iterum in Oratione Paranetica, seu in Admonitorio.

Sed enim Plato ait, ac si cælitus descendisset, & vniuersa, quæ in Cælis sunt, diligenter conspexisset, supremum Deum in ignea dicit esse substantia.

C Y R I L L V S Alexandrinus contra Iulianum libro secundo, Aristotelis, & Platonis placita inter se aduersa recitans, quænam eorum fuerit de Cælo sententia, ita exponit.

Nam Porphyrius dicit, opinari quidem Platonem de Cælo, dicereq; quod corporea eius species constiterit ex quatuor elementis, ab anima inter se consonantiam habentibus. Ideo dicit, interdum coniunctionem, interdum diminutionem dici. Interpretatur item nomen vocatum esse & πᾶν Cælum: ab ὁρᾶσθαι videri, eo quod visibile quiddam videatur. Aristoteli autem non ita se habere videbatur. Vnde enim inquit, compositum Cælum? neque enim ex quatuor elementis. Vnde imaginatur quintum quoddam corpus, quod cum quatuor illis communionem non habet.

G R E G O R I V S Nyssenus Philosophiæ libro tertio capite quarto.

Aristoteles autem quintum inducit corpus, æthereum inquam, quod in circuitu fertur, nolens Cælū ex quatuor elementis generatum esse. In circuitu autem ferri dicit hoc quintum corpus, quod circulari circumgiratione moueatur, quod Plato ex igne & terra manifestè constare asserit, ita inquiens; Corporeæ speciei, & visibile & tangibile, quod sit esse oportet. Sine igne autem nihil vnquam visibile fiet, neque sine solido tangibile. At solidum nequaquam absque terra existit; Proinde ex igne & terra huius vniuersi corpus inchoans Deus fecit. Duo autem sine tertio bene consistere nequeunt, vinculo enim vtroque coagmentanti opus est: vinculum verò optimum est, quod & seipsum, & quæ colligantur, quàm maxime vnum efficit. Huc autem conuenientissimè proportionata est perficere, vinculum dicens media duo elementa ex huiusmodi proportionem assumpta.

Nemesius libro de Natura hominis, capite quinto, hæc eadem habet: nam opus illud idipsum esse cum præallegato Gregorij Nysseni euincitur; quanquam sub vtriusq; nomine inter eorum lucubrationes circumferatur.

Omnium igitur Ethnicorum, atque etiam vetustorum quorumcunq; Philosophorum ante Peripateticos explorata fuit sententia, Cælum vel ex quatuor elementis, vel ex duobus, vel ex altero eorum constare.

Anno Mūdi
prim o.
Die secunda.

Fiat Firmamentum.

a.

Idest, compingatur Cælum ex aquis.

BASILIVS Hexæmeron Homilia prima horum placitum recenset. Quidam enim quatuor ex elementis ipsum constare dixerunt: quippe cum tangi possit, atque conspiciatur; & terræ quidem venientie ac soliditatis ratione, ignis autem ob aspectum, & ceterorum, mixtionis causa, particeps sit.

STEVCCHVS de perenni Philosophia libro septimo, vetustissimos Philosophos cœlestia corpora ex aquis prodita, elementataq; existimasse, his tradit.

Apparet etiam eis non fuisse Cælum adeo diuinum, quantum Aristoteles postea deificauit, quippe quod ex elementis natum, pureq; selectum cuncti asseruerunt: natura quidem elementare, sed purissime segregatum & compactum. Triaq; clarent ex auctoritate maiorum, contra, quam Aristoteles postea inuouisset, Cælum ex igne, & aqua esse, aut purissimam ex aqua substantiam, quemadmodum ex aqua sit aer, & ex aëre, æther, ætheriæ verò sūt substantiæ cœlestes. Sicq; claret eos ex eadem elementorum massa, Cælum edificasse: Ex eo claret secundum eos corpora cœlestia non deificasse, nec diuinum corpus, nisi quo purissimum est & incorruptibile, appellasse. Tertium, non quintam quandam substantiam orbibus & stellis adindicasse, sed ex eadem atque nostra hæc terrestria, quibus dominatur corruptio, fecisse; puriorem tamen earum compagem, sicut ex cibo sit sanguis: demumq; ex crassis & feculentis nascitur purissimus spiritus, quo non modo viuunt, sed etiam sentiunt animantes. Qui si in loco esset, ubi nihil labefactaret, & nisi animal deficeret, nunquam & ipse deficeret, ut Cælum, quod in altissimis regionibus nulla aduersa re labefactatur. Mirabilis igitur est maiorum consensus, Cælum fuisse creatum & ex igne, aut aqua purissime selectum. In qua sententia, cum primus fuisset Mercurius Trismegistus, cuius super hac re diuinum est testimonium, fuit deinceps omnis, qui ante Aristotelem, & Platonem floruerunt, Philosophorum caterua.

Patrum placita de Cœli substantia.

Ex nostris vetustissimi Patres Græci ferè omnes, ac Latini vsque ad Scholasticorum tēpestatem, priscis Philosophis consensere; ac Cælum, siue cunctam Cœlorum compagem, ex elementis, seu ex altero eorum, aut ex pluribus, ab opifice Deo compactū fuisse existimarunt. Verum quæ eius sit substantia, nō vniformi sententia diffiniunt. Referam eorum dicta, quanquam in Catena mox insita, cū de firmamento negotium habebamus, iam ferè deducta sint: ea ipsa enim repetere, ne lectorem in euoluēdis paginis defatigem, non ineptum putō. Quinimo sæpius me id actitaturum polliceor, ratus nō mediocri studiosis commodum hinc proficisci.

a. *Fiat firmamentum, idest, compingatur Cælum ex aquis.*

D. PETRVS Epistola secunda, cap. tertio, visus est in Ecclesiam hanc induxisse sententiam, quod scilicet orbes illi superi ex aquis congesti sint.

Latet enim eos hoc volentes, quod Cœli erant prius, & terra de aqua, & per aquam consistens Dei verbo, per quæ ille tunc Mundus aqua inundatus periit. Cœli autem, qui sunt nunc, & terra, eodem verbo repositi sunt igni reseruati in diem iudicij, & perditionis impiorum hominum.

Cæterum Doctores nuperi non de orbibus cœlestibus, sed de aëreis, cū & aer sepius in Scriptura Cælum nuncupetur, prodidisse hæc D. Petrum opinantur. Ex eo autē ipsi id suspicantur, quod tantum aëreos Cœlos aqua periisse clarissimū sit; Aquas siquidem diluuij non Cœlos attigisse, sed quindecim solummodo cubitis montium cacumina transcendisse, historia sacra testatur. Ignem quoque eō tantum peruenturum, quod aqua in Diluuij peruenit, & D. Augustinus de Ciuitate Dei, & Beda edocent. Quapropter si de Cœlis illis, qui ut aqua obruti sunt, & igne erunt conflagrandi, sermo est; certe non de orbibus cœlestibus, sed de aëre asserunt hæc tradidisse Petrum. Verum enimvero è contra obtestatio est clara his oppositum demonstrans.

CLEMENS Recognitionum libro primo, Petrum ita loquentem inducit. *Iam verò aqua, quæ erat intra Mundum, in medio primi illius Cœli, terræq; spatio, quasi gelu concreta,*

et crystallo solidata, distenditur: et huiusmodi firmamento velut intercluduntur media Celi, ac terræ spatia, idque firmamentum Cælum conditor appellauit, antiquioris illius vocabulo nuncupatum.

I V N I L I V S in Hexæmeron hanc attestacionem legitimā haberi voluisse demonstrat, cum eam excitat, dicens.

De his sanè, quæ hæcenus exposita sunt, id etiam de creatione diei primi et secundi, in Historia Sancti Clementis, ita dixisse referunt Apostolum Petrum, &c.

Repetitque mox ea, quæ deduximus, verbis non immutatis. Epiphanius etiam in Panario harum Clementis Recognitionum mentionem egit. De veritate earum, utilitate, per stabilitateque Lambertus Gruterius Venradius in Præfatione eleganter differit.

I O S E P H de Antiquitatibus, libro primo, capite primo.

Post hæc secunda die Cælum super omnia collocavit, ipsumque ab alijs distinguens in semetipso constitutum esse præcepit, et ei crystallum circumfigens, humidum cum, et pluuialem, ad utilitatem, quæ sit ex terræ imbribus, congruè fabricatus est.

T E R T V L L I A N V S libro de Trinitate, capite octauo.

Cuncta desuper crystallo contegebat, id est, Cælo omnia operiente. Quod in firmamentum, de aquarum fluente materia, fuerat Deo iubente solidatum, ut glacies robusta aquarum terram pridem contegentium diuidens medietatem, dorso quodam pondera aquæ superioris corroboratis de gelu viribus sustineret.

G E N N A D I V S ut in catena Lippomani.

Firmamentum itaque ex ipsius Dei opificio appellauit, eo quod cum prius lenta, fluxa, solubilisque natura esset, solidam, et minimè mobilem constipationem accepit.

H I P P O L Y T V S Romæ.

Cum enim aquarum abundantia super faciem terræ diffunderetur, propter quod terra erat inuisibilis, et incomposita, Deus omnium, cum voluit inuisibilem visibilem facere, tunc tertiam aquarum partem potentia sua in medio fixit, tertiam verò supra firmamentum eleuauit, tertiam demum infra esse voluit, ad hominum scilicet usum, atque utilitatem.

A N A S T A S I V S Sinayta Commentarijs in Hexæmeron, libro secundo.

Qui enim ex aquis firmavit Cælum, et super aquas suspendit terram, poterat et sine aqua indissolubile custodire firmamentum, etiam ex igne Solis.

T H E O D O R E T V S Quæstionibus in Genesim, quæstione vndecima, clarissimis verbis, clarissimos Cælos, excepto supremo instellari, ex aqua compactos edocuit.

Oportebat enim ex temporis ratione et ipso creationis modo, Cælorum diuersitatē nosse, et vnum luce prius, alterum verò post lucem: et illud quidem non ex aliqua alia materia, hoc autem ex aquis creatum esse. Nam inquit, Fiat firmamentum in medio aquæ, quod per medium separet aquas ab aquis. Sic enim ab ipsa re Cæli sortiti sunt appellationem. Siquidem cum ex aquarum fluida substantia compositum sit, et natura fluida condensata et consolidata fuerit, firmamentum nominatum est.

Et post in solutione quæstionis quartædecimæ.

Nam prius Cælum ex nihilo creauit, posterius autem ex aqua fecit.

O E C V M E N I V S Cōmentarijs in Epistola posterioris Petri caput quartū.

Et quid est, quod nesciunt? quod quemadmodum in Diluuiō erant Cæli ex aqua iuxta Mundi creationem à Mose narratam (ipse enim ait Deum præcepisse, ut fieret firmamentum in medio aquæ, hoc est, firmior aquarum substantia) ita et terra ex aquis apparuit in usu Conditoris, quæ etiam in illis primum demersa erat. Et quemadmodum Cælo ac terra ex aquis constitutis Diluuium inopinatō superuenit; ita et nunc statutum est, ut per ignem fiat vniuersi corruptio, cum quo impij quoque peribunt.

S E V E R I A N V S Gaballorum congelationem crystallinam ex aquis coactam Cælum dixit.

Hæc aqua triginta, verbi causa, cubitis terram superabat. Dixit Deus, Fiat firmamentum in medio aquarum, nec mora, compacta est in medijs aquis congelatio quædam crystallina, id ipsum Cælum est, quod dimidium aquarum secum suspendens, reliquum infra reliquit. Et Post. Cælum ergo hoc, non illud supremum, sed quod aspectabile est, ex aquis effecit Deus, et ut crystallum fixit. Vide operum virtutem, ut opificem admitteris, mediam aquarum partem supra, mediam infra esse voluit.

C Y R I L L V S Hierosolymitanus Catechesi tertia.

Angelorum habitaculum est Cælum, atqui ex aquis sunt Cæli.

Et Catechesi nona.

Quid enim habent, quod accusent in hoc maximo Dei opificio? Qui stupere potius deberent intuentes Cælorum magnitudinem: qui adorare deberent constituentem tanquam fornicem Cælum, et ex fluxa aquarum natura indeficientem Cæli naturam fabricantem. Dixit enim Deus, Fiat firmamentum in medio aquarum. Semel dixit Deus, et permansit, nec deinceps cecidit. Aqua est Cælum, et igneus in eo Sol, et Luna, et sydera. Et quomodo ignea in aqua currunt?

A C A C I V S.

Secundum verò & Celi, & firmamenti nomen accepit. Celi quidem, quia supra nos est, & prioris Celi vi-
ces, atque vsum nobis refert. Firmamenti verò, quia ex fluxa aquarum essentia consistit, & fluxa illa, ac liqui-
da natura, densissima, ac solidissima ab vniuersorum opifice Deo effecta est.

A V G V S T I N V S libro Quaestionum ex vtroque Testamento.

Hoc inquam firmamentum factum est ex supradicta aquae substantia. Et Post. Firmamentum ergo,
idest Caelum, factum est in medio aquarum, vt diuideret inter aquam, quae erat super firmamentum, & inter
aquam quae erat sub firmamento: vt Dei virtute in medio aquarum consisteret firmamentum, sub se, & intra
se, & supra se, & circa se.

H I E R O N Y M V S in Epistola ad Oceanum.

Inter Caelum & Terram, medium extruitur firmamentum, & iuxta Hebraici sermonis ἐννοχίας, Ca-
lum, idest, Samaim, ex aquis sortitur vocabulum: & aquae quae super Celos sunt in laudes Dei separantur.
Vnde & in Ezechiele Propheta; crystallum super Cherubim videtur extensum, idest, compactae, & den-
siores aquae.

I V N I L I V S Commentarijs in Genesim.

In medio ergo aquarum firmamentum esse constat sydereum Caelum. Neque aliquid prohibet, vt & de
aquis factum esse credatur. Quae enim crystallini lapidis firmitas, quae sit perspicuitas, ac puritas, nouimus:
quem de aquarum congregatione certum est esse procreatum. Quid obstat credi, quod idem dispositor natura-
rum, in firmamentum Celi substantiam solidaret aquarum?

P R O C O P I V S Commentarijs in Genesim, capite primo, hanc non re-
ticuit sententiam, quanquam eam approbare non videatur.

Sunt qui perhibent eius naturam nobis parum esse cognitam & compertam, quamuis via peruiolata om-
nium Theologorum ex aqua compactum esse tradatur. Nec desunt, qui autumant eius materiam esse aquam,
& subsistere, Deo id formante, & componente. Alij docent saltem esse partem quandam aquae. Quidam as-
serunt, firmamentum constructum esse ex tertia aquarum parte, alijs duabus partibus, altera in terra, altera
supra firmamentum fluente: Vnde Hebraeorum lingua nuncupetur Summum, quae dictio crystallum, vel aquam
congelatam denotat.

C L A V D I V S Marius Victor, Commentarijs in Genesim, libro primo,
vt etiam referebamus.

Quum se firmissima moles
Fluctibus è medijs concreto corpore cedens
Extulit: ac latè duro solidata rigore
Diuisas suspendit aquas.

G L O S S A Ordinaria.

In medio ergo firmamentum est sydereum Caelum, quod de aquis factum esse credi potest. Crystallus enim
lapis, cuius magna firmitas, magna perspicuitas, de aquis factus est.

A N S E L M V S Laudunensis in Glossa Interlineari.

Aquarum superior pars in modum crystallini lapidis congelata est, inferior in materiam redacta.

A N S E L M V S Cantuariensis, de imagine Mundi, libro primo, capite
vigesimoquinto.

Superius Caelum firmamentum dicitur, eo quod sit inter medias aquas firmamentum. Hoc est forma sphae-
ricæ naturae aquarum aequum, stellis vndique versim ornatum, ex aquis instar glaciei, immo crystalli solida-
tum: vnde & firmamentum dicitur.

H V G O Victorinus noster, Adnotationibus in Genesim, cap. sexto, Bedæ sen-
tentiam comprobat.

Beda dicit, quod firmamentum sit de aquis solidatis, quasi crystallinus lapis: quod verisimile videtur, cum
color eius hoc visibus nostris indicet.

Idipsum summe Sententiarum tractatu tertio, capite primo, repetit. Verum econ-
trà disertius de Sacramentis libro primo, parte prima, capite decimo octauo, eius natu-
ram nobis imperfectam esse tradit, vt supra retulimus.

M A G I S T E R Bedæ consensit secundo Sententiarum, distinctione quar-
tadecima.

In medio ergo firmamentum est, idest sydereum Caelum, quod de aquis factum esse credi potest. Crystallinus
enim lapis, cui magna est firmitas, & perspicuitas, de aquis factus est.

P E T R V S Comestor in Scholastica Historia, capite quarto.

Fecit ergo ea die Deus firmamentum in medio aquarum, idest, quandam exteriorcem Mundi superficiem ex
aquis congelatis, ad instar crystalli consolidatam, & perlucidam, intra se cetera sensibilia continentem, ad ima-
ginem testæ, quae in ovo est; & in eo fixa sunt sydera.

H V G O

H V G O Carenfis.

Firmamentum est superficies Mundi sensibilis ex aquis congelatis in crystallum, vt dicunt: alia omnia simplicia continens, ad similitudinem teste oui.

D I O N Y S I V S Carthusianus Enarratione in Genesim, articulo decimo, hanc motam difficultatem sic diffinit.

Cum igitur magis sequi debeamus auctoritatem Scripturæ diuinæ, quàm dictamen rationis humanæ: videtur absolute dicendum, quod super Cælos sunt verè ac propriè aquæ; & quod Cælum crystallinum sit de natura aquæ; firmamentum quoque sit elementaris naturæ, videlicet igneæ, vt aliqui dicunt, vel partim igneæ, quantum ad stellas; partimq; aqueæ, vtpote quantum ad reliquas eius partes.

L V S I T A N V S in Genesim.

Ex hoc loco colliges, quod superius diximus, & ex Beato Petro probauimus, scilicet Cælum fuisse ex aquis productum. Nam hic habes Deum dixisse; Erit extensio in medio aquarum. Cum enim aquæ essent fluidæ, & molles, non poterat ex eis fieri Cælum, nisi firmarentur, & extenderentur admodum laminæ. Indicat hoc, vt diximus, Cæli color, qui videtur aqueus, & colorem seruasse & diaphaneitatem vt vocant.

Dixerat autem ante agens de creatione Cæli.

Postea verò ex aqua, quemadmodum Petrus dicit, Cælum, seu firmamentum fuisse productum, separando partem aquarum, & firmando illas, vt Cælum, seu firmamentum esset, vnde & Cæli color, quia aqueus esse apparet, attestari videtur, quod ex aquis productum sit.

S T E V C H V S in Cosmopæia hanc memorat.

Hinc Græcorum, & Latinorum, quin & Hebræorum plures, non dubitarunt totam Cæli compagem dicere, quasi solidissimam crystallum, concretam, firmatamq; ex aquis, vt gemmæ (si parua licet componere magnis) preciosiq; lapilli, & has esse aquas supercælestes. Nihil certè de aquis illis si sunt, dici poterat probabilius. Nos autem, non quidem hæc inficientes, quæ à doctissimis hominum iudicijs magno consensu comprobata sunt, à quibus & in Adnotationibus non dissensimus; sed quia videre visi sumus, quiddam aliud sentire Scripturas his de aquis, testimonia, & rationes in aliam sententiam in medium proferemus. Primum asserentes fieri posse, Cælum vt crystallinum sit, & aqueum, idq; magis affirmari, quàm negari à Philosophia diuina, eamque nos sequi sententiam: aquas autem istas esse aliud prorsus ab hoc ipso.

L I P P O M A N V S in Catena.

Iuxta verò Moysis eloquium (quod est in orbe primum inter homines, & naturæ humanæ quasi congenitum) Samaim plurali numero vocauit, compositum secundum Hebræos à positione loci, & aquis. Vnde & Cælum crystallinum veteres nominarunt ex aquis compactum, quod vsu vulgi, dum depluunt pluuiæ, crystallum illud ferè liquefieri videtur.

Nec desunt non leues coniectationes, quæ suadere hanc sententiam queant. Deferre quippè argumentum ab etymologia hebrææ vocis non ineptè possumus. Attestatur D. Hieronymus ad Oceanum, cui subscribunt Rabbi Ioseph Kimhi, & Augustinus Steuchus, Sciamaim (quod nobis Cælum denotat) apud hebræos idem valere, quod apud nos, Illic aquæ. Quod si Cælum dicitur, quasi Illic aquæ, aqueum (vt ita dicam) esse, ex aquisq; congestum censendum est. Deinde ratio expostulat, vt medium cum extremis in eadem conueniat natura: Si igitur firmamentum interstitium seu extensio est inter aquas, & aquas, igitur ipsum quoque aqueum erit. Adijcias insuper tam immensam fuisse aquarum molem omnem terræ ambitum obruentem, vt eam Iunilius inter terram, & Cælum Empyreum cuncta expleuisse censuerit; Quod si ex aquis congesti non sunt celi, quò cessit tanta aquarum colluies? Neque enim Deus opifex sapientissimus eas produxit, effuditve, vt mox perderet, atque ad nihilum redigeret. Nec vt ex eis efficacissimo Solis ardore aër educeretur, vt arbitratus est Steuchus, cum simplicium corporum aliud ex altero prodire, omnis Philosophia asserere vereatur, veraq; Patrum veterum Theologia elementa æque ac simul profilijisse fateatur. Nec æquora, lacus, fontesque omnes eas concludere potuere. Consentaneum igitur est Cælos ex aquis fuisse congestos existimare.

a. *Fiat Cælum ex igne.*

Primum in hanc sententiam properant, & abeunt omnes ij, qui ignem Cæli nomine tunc explicatum fuisse arbitrantur, cum dixit Moses, In principio creauit Deus Cælum & terram, vt Platonici, teste D. Thoma & Ruperto.

A V G V S T I N V S de Genesi ad litteram, libro secundo, capite tertio, in hanc incidisse sententiam visus est, cum dixit.

Itaque super aërem purus ignis esse dicitur Cælum; vnde etiam sydera atque luminaria facta coniectant, illius

Anno Mūdi
primo.
Die secunda.

Fiat firmamentum.

a. Idēst, Fiat Cælum ex igne.

illius videlicet igneæ lucis in eas formas, quas in Cælo cernimus, conglobata, dispositaq; natura.

Glossa hoc non prætermisit.

M A G I S T E R Sententiarum secundo, distinctione quartadecima mutuat hanc Augustini narrationem.

Quidam verò Cælum, quod excedit aëris spatia, igneæ naturæ dicunt, asserentes super aërem purum ignem esse, quia dicitur esse Cælum: de quo igne sydera & luminaria facta esse coniectant. Quibus Augustinus consentire videtur.

D. BONAVENTURA libro secundo Sententiarum, articulo primo, quæstione secunda, hæc habet de D. Augustino.

Hoc videtur auctoritate Augustini, qui super Gen. ad literam, & in libro de Ciuitate Dei dicit, tantum quatuor corpora esse Mundi, scilicet humor, & humus, aër, & lux: Si ergo firmamentum est aliquid de corporibus Mundi, & non est terra, nec aqua, nec aër; ergo est ignis.

GREGORIUS Nyssenus expressè firmamentum ignem esse his nixus est declarare.

Sed ad continuationem commentationis & explicationis rursus progrediamur, quomodo, posteaquam ignis supremum sensibilis naturæ terminum semel ambiuisset, atque lustrasset consequenter firmamentum factum sit, quod confinium superarum, & inferarum aquarum esse dicit. Nam ego corpus quidem densum, & spissum, solidum, resistens, ac durum, siue ex quatuor illis vnum, siue etiam aliquod aliud præter hæc, quemadmodum externis Philosophis visum est, nullum circa firmamentum arbitror spectari; sed extremitatem sensibilis naturæ, quam natura ignis irrequieta, semperq; se mouente villustrat, & ambit, eam à Scriptura firmamentum dici, comparatione sempiternæ, incorporeæ, tactumq; effugientis proprietatis. Quis enim ignorat, quod quicquid solidum, & firmum est, per quandam duritiem prorsus densatum & consolidatum sit? At quod densum, & durum est, à qualitate ponderis, & grauitatis, vacuum, ac purum non est. Quod autem grane est, ad supra ferri natura non potest. Atqui supra omnem sensibilem creaturam firmamentum est. Non igitur aliquid crassum, & corporeum circa ipsum esse putare consequentia sermonis dat, sed vt dictum est, comparatione cum eo, quod cogitatione, & mente percipitur, & incorporeum est, quicquid sensibilis generis est, solidum dicitur, etiamsi naturali tenuitate effugiat animaduersionem, & visum. Quocirca consequenter quicquid quodam ignis comprehensum est (comprehensa est autem extrema ora materialis naturæ, quæ semel proprio quodam termino circumscripta est) firmamentum quidem propter materialem naturam comparatione superiorum appellatum est: Cælum autem ei impositum est nomen, quemadmodum etiam luci nomen dici, item tenebris noctis nomen imposuit.

ALCIVIVS Quæstione super Genesim vigesimatertia, interrogatio-
ni posita, cuius naturæ Cælum esse fertur, respondet.

Ignæ, rotundæ, atque volubilis.

HVGGO Adnotationibus in Genesim, capite sexto.

Alij dicunt, quod Cælum igneæ sit naturæ.

ANSELMVS Cantuariensis de Imagine Mundi libro primo, capite vigesimoquinto.

Est autem Cælum subtilis igneæq; naturæ, rotundum, & à centro terræ equis spatijs vndique collectum.

PETRVS Comestor in Genesim, capite quarto.

Hanc tamen circumuolutam concamerationem, Philosophus summatem ignis intellexit. Cum enim ignis non habet quod ascendat, circumuoluitur; vt in clibano patet, ita & circa Mundi exteriora ignis voluitur: & hoc est sydereum, vel ethereum Cælum.

Dionysius Carthusianus Enarratione in Genesim, articulo decimo, id ipsum existima-
uit, seu de toto firmamento, seu saltem de astris, vt supra relatum est.

Fiat

Fiat Firmamentum.

Anno Mūdi
primo.
Die secunda

4. Fiat Cælum ex elementis ignoto nobis constitutionis genere.

a. Fiat Cælum ex elementis, ignoto nobis constitutionis genere.

PHILO de Somnijs, hanc Cœlorum naturæ incomprehensibilitatem his edisserit.

Cælum verò naturam habet incomprehensibilem, nec ulla eius notitia certa demanat ad nos. Quid enim possumus de hoc pronuntiare? Esse concretam glaciem, ut quibusdam placuit, an ignem purissimum, an quintum quoddam corpus in orbem mobile, nulli affine ex elementis quatuor? Quid illa extrema sphaera fixorum syderum, habetne soliditatem, an superficiem tantum sine altitudine, figuris in plano pictis similis?

BASILIVS Hexameron Homilia prima, de supremo Cœlo hoc docuit. Sed de substantia Cœli satisfaciunt ea nobis, quæ ab Esaia Propheta sunt dicta, qui vulgaribus verbis idoneum de ipsius natura sensum nobis aperuit, cum dixit; Qui firmavit Cælum, quasi fumum; id est, qui tenuem naturam, non solidam, neque crassam, ad constituendam Cœli substantiam fecit.

De firmamento verò, seu de cæteris orbibus duo prodit. Primum, quòd non ad similitudinem glaciei compactum sit; Homilia tertia hoc ostendit.

Nec tamen ipsum firmamentum, cum iuxta communem, & vulgatam acceptionem ex aqua videatur ortum habuisse suum, aut aquæ in glaciem concreta, aut materie cuiquam tali, quæ sui principium ortus ex humore percolato sumit simile censendum est esse, qualem crystalli lapidis naturam esse constat, quem ob exuperantem aquæ congelationem in eam essentiam quam obtinet, assuerant transmutari, aut specularij lapidis, qualis est natura, qui inter metalla concrevit. Est sanè lapis hic transparent, ac pellucidus, & peculiari quadam, ac purissima perspicuitate prænitens, adeò ut si is suæ naturæ numeris omnibus responderit, neque ulla ex eius putredine, sed nec ulla sui parte perruptus, cum aëre contendit, eique ferè perspicuitate similis esse videtur. Ex his igitur nulli simile firmamentum esse censemus. Est enim puerilis, simplicis quæ profectò mentis, tales de corporibus cælestibus opiniones habere.

Alterum verò, quòd ex vno, vel ex omnibus conflatum sit elementis, adiiciens. Neque tamen si cuncta in cunctis insunt, ignis in aëre, aër in aqua, cæterorumque similiter aliud inest in alio, & nullum omnino eorum, quæ sub sensum cadunt, elementum syncerum est, mixtioneque caret, ut non sit aut medijs, aut oppositi sibi particeps, firmamentum ob id ipsum, aut ex vno simplicium corporum, aut ex omnibus mixtum esse asserere nobis placet, qui iam ab ipsa diuina Scriptura ita instituti sumus, ut nihil ultra ea, quæ sunt concessa, menti nostræ imaginari, cogitareque concedamus.

AMBROSIVS Hexameron libro primo, capite sexto, de supremo Cœlo id ipsum tradidit.

De qualitate igitur & substantia Cœli, satis est ea promere, quæ in Esaie scriptis reperimus, qui mediocribus, & vilitatis sermonibus qualitatem naturæ cælestis expressit, dicens; Quòd firmaverit Cælum sicut fumum, subtilem eius naturam, non solidam cupiens declarare.

Sed clariùs de Abraham Patriarcha, libro secundo, capite octauo, Cœlos non ex quinta quadam vsia, sed ex elementis conflatos prodit.

Vnde Philosophi superiorem Mundi huius substantiam, quem æthera vocant, non ex cæterorum admixtione elementorum constare volunt; sed splendidam & multo refulgentem lumine, quæ non terræ sordidum, nec aquarum humidum, nec aëris nebulosum, nec ignis ipsius rutilum quicquam recipiat; ex quinta quadam vsia esse asserunt: & velut volucrem Mundi huius mentem velociorem, purioremque esse cæteris partibus. Nam aliæ mixtæ sibi, & concretæ sunt. Nos autem nihil materialis compositionis immune, atque alienum putamus, præter illam solam venerandæ Trinitatis substantiam, quæ verè pura, & simplex, sincera, impermixtaque naturæ est: quamvis aliqui putent de illa quinta vsia lucem esse clariorem: de qua dixerit David; Quòd Deus circumdatus sit lucem, sicut vestimentum. Et Apostolus scripserit de ipso omnipotente, quòd solus habeat immortalitatem, & lucem habet inaccessibilem.

DAMASCENVS Orthodoxæ Fidei libro secundo, capite sexto, cum nonnullas retulisset de Cœli substantia sententias, inquit.

Deinde & firmamentum vocauit Deus Cælum, quod in medio aquarum fieri præcepit, ordinans ipsum dis-

Psal. 103.
1. Tim. 6.

scere medietatem aquæ, quæ super firmamento est, à medietate, quæ sub firmamento est: cuius naturam Diuinus Basilus tenuem dixit esse veluti fumum, ex diuina doctus Scriptura. Alij verò aqueam, ut quod sit in medio aquarum genitum. Alij ex quatuor elementis. Alij quintum corpus, & aliud ab illis quatuor esse.

Concludit post.

Cæli autem substantiam non opus est, ut indagemus, ignota nobis est.

CHRYSOSTOMVS in Genesim, Homilia quarta, Cælum coactum ex elementis his tradit.

Quid est, Fiat firmamentum? quasi quis dicat humana lingua; Fiat paries quidam, & interstitium in medio diuidens, & separationem faciens. Et ut discas magnam elementorum obedientiam, excellentemque virtutem Opificis, ait; Et factum est ita.

Si igitur elementorum obedientia congestum esse firmamentum tradit Chrysostomus, ex elementis coactum ipsum asseuerasse conuincitur. Deinde substantiam Cælorum non profundè inuestigandam esse, his post consulit.

Sed quid tandè esse dicemus hoc firmamentum? aquam ne densatam, vel aërem constratum, vel aliam aliquam essentiam? Haud quis prudentum hoc temerè asseuerauerit. Oportet enim magna modestia, & gratitudine, ea quæ dicuntur, à nobis accipi, & non ultra naturam nostram progredi, & scrutari, quæ supra nos sunt; sed hoc solum scire, & tenere apud nos, quod præcepto Domini productum est firmamentum, separationem aquarum faciens, quod valeat aliis continere sub se, alias verò in dorso suo ferre.

Sed exactiùs Homilia secunda, de Incomprehensibili Dei natura.

Cælum qua substantia constet, nescimus. Dicat, qui contendit, & se nouisse affirmat, quid substantiæ Cælum sit. Num humor quidam in gelu concretus? Num obdensata nubes, & in spissiore obducta substantia? Num aër crassus, & corpulentior? Nemo certè quid sit, plane docere potest.

PROCOPIVS Commentarijs in Genesim, cum plures de Cælorum substantia enarrasset opiniones, demum litè sub iudice reliquit, nec quid sint, diffinire ausus est, quanquam aliàs ex aqua eos conflatos dixerit, ut placidus Pater, qui sine delictu omnibus ferè assertionibus consentit.

Sunt qui perhibent eius naturā nobis parum esse cognitam, & compertam, quamuis via peruiulgata omnium Theologorum ex aqua compactum esse tradatur. Nec desunt, qui autumant eius materiam esse aquam, & subsistere Deo id formante, & componente. Alij docent saltem esse partem quandam aque. Quidam affirmant firmamentum constructum esse ex tertia aquarum parte, alijs duabus partibus, altera in terra, altera super firmamentum fluente; Vnde Hebræorum lingua nuncupatur Samaim, quæ dictio crystallum, vel aquam congelatam denotat.

HVG O de Sacramentis, libro primo, parte prima, capite decimo octauo.

Multa quidem sunt, quæ de firmamenti natura, animum quæstione pulsare possent: si hæc humana inuestigatio reliquenda potius, quàm discutienda non videret. Nam utrum ex puro igne factum sit, siue ex aëre, aut etiam ex aqua, vel postremo ex duobus, aut tribus horum commixtis: & an substantiam solidam, naturaque palpabilem habeat: quantare credenda sit spissitudo eius: & utrum ipsum calidum, an frigidum, aut cuius alterius qualitatis existat, meritò quæreretur: si inde aliquid certum sciri potuisset. Nunc autem in quæstionibus harum rerum non mihi multum laborandum videtur, quas nec ratio vlla comprehendit, nec auctoritas (cui fides adhibenda sit) probat. Solum hoc, quod legimus, credere sine dubitatione debemus: quod factum est firmamentum, ut diuideret aquas ab aquis: hoc est, ut partem aquarum intra ambitum suum concluderet, partemque extrinsecus segregaret.

RICHARDVS Exceptionum libro secundo, capite septimo.

Firmamentum ex stellis supra infixis esse volubile comprobatur: sed de qua materia factum sit, ignoratur.

Tradunt igitur omnes hi Patres Cælorum substantiam ex elementis constitutam esse, sed an ex altero eorum, vel duobus, seu aëre, seu aqua, vel tribus, vel cunctis constet non produnt. Sed ignotam potius nobis esse, impersectamque cœlestem naturam contestantur.

a. Id est, fiant cœlestia corpora ex quinta essentia.

Aristoteles (ut prætermittam Ocellum Lucanum, cuius explorata non est adhuc sententia) primus ex Philosophis Ethnicis, Cælorum substantiam quintam quandam essentiam esse ab elementis semotā, atque à rerum sublunarium natura prorsus alienam excogitauit. Sententiam suam retulit primo de Cælo præcipue capite tercio, textu quinto decimo, & sextodecimo. Ex nostris qui eius assertiones nobis produnt, præter Clementem

Fiat firmamentum.

1. *Idest, Fiant celestia corpora ex quinta essentia.*

Anno Mūdi
primo.
Diesecunda.

mentem Alexandrinum libris Stromatum, Iustinum in Admonitorio, Cyrillum contra Iulianum:

I V S T I N V S ipse rursus libro de Aristotilis decretorum reprehensione, siccius sententiam ex primo Cœli, capite secundo, deducit.

Corpus aliquod simplex sit necesse est, quod suapte natura eo motu cieatur, qui circummedium fertur, & in orbem incitatur. Et Post. Ex quibus perspicuum est, naturam quandam esse corporis præter concretas, quæ hic sunt, quæ his omnibus & diuiniore sit, & antiquior.

B A S I L I V S verò Hexameron Homilia prima Aristotelicam assertionem ita exacte differuit, ut ab alijs, quàm à nostris, aquas has philosophicas canosas turbidasq; haurire vesaniam existimem.

Complures enim & eadem verbis prægrauide commentationes à Mundi sapientibus ad nos usque transmissæ sunt de Cœli natura. Quidam enim quatuor ex elementis ipsum constare dixerunt: quippe cum tangi possit, atque conspiciatur: & terre quidem renitentie, ac soliditatis ratione, ignis autem ob aspectum, & cæterorum, mixtionis causa, particeps sit. Quidam hac opinione, velut non probabili posthabita, repulsaque, quandam naturam corporis ad Cælum constituendum suoapte ingenio, atque ex se ipsis commentitiam, & pro tempore excogitatam introduxerunt. Estque apud eos æthereum quoddam corpus, quod nec ignis sit (vt inquit) nec aer, nec terra, nec aqua, nec omnino vnum aliquod simplicium corporum.

Aristotelis argumentum dialectico syllogismo compilatum primum illud est. Duo admodum diuersa motuum simplicium genera duabus prorsus discrepantibus simplicibus naturis conuenire operæpretium est: At motus rectus, & circularis complexus diuersa esse motionis genera conuincuntur; Igitur seiunctis ac discrepantibus prorsus naturis simplicibus coaptari debent. Motus autem rectus elementis, motus vero in orbem corpori celesti conueniunt; maximum itaque inter elementa, corporaq; celestia natura dissidium comperitur, ita vt quemadmodum motus circularis præstantior est, & nobilior recto, non secus & corpus celeste præstantius ac perfectius elementis dignoscatur. Hæc Aristoteles textu quintodecimo.

B A S I L I V S his eamet explicat. *Propterea quod simplicibus quidem proprius sit motus & rectus, puta, leuibus ad superna, grauiibus ad ima tendentibus, & neque motus ille ad superiora ferens, neque is, qui ad inferiora deducit, eiusdem sit rationis cum circulari periodo, & omnino motus rectus ad circulaarem illam circulationem plurimam habeat apostasim. Quorum verò secundum naturam diuersæ sunt motiones: eorum diuersam, & euariantem (vt aiunt) essentiam esse necesse est.*

Deinde alterum Aristotelis est effatum. Corpus in orbem delatū non suscipit graue & leue: quoniam ea, quæ leuia & grauia sunt, contrarium habent; & à medio, vel ad medium ferri dicuntur, in circulari autem periodo fit motus nec à medio, seu ad mediū, sed circa medium. Cælum igitur motione circulari iactatum constare ex ijs, quæ grauitate & leuitate prædita sunt, non potest; igitur non ex elementis est constitutum. Hæc Aristoteles textu decimo septimo, decimo octauo, & decimo nono.

B A S I L I V S hæc enarrans, his retulit. *At neque supponere possumus, ex primis corporibus, quæ & elementa vocamus, Cælum constare: propterea quod ea corpora, quæ composita sunt ex diuersis, æquabili motione, viq; violenta carente, moueri non possunt: cum singulis simplicibus, quæ in ipsis insunt compositis, aliud aliq momentum competat suapte natura. Quocirca res compositæ primum quidem cum continuo cientur motu, non sine labore retinentur: quippe cum vnus motus omnibus contrarijs accommodatus, atque amicus esse nequeat: sed qui leui rei conuenit, grauissime aduersetur. Nam cum sursum versus nos mouemur, terrea natura tum grauamur: cum infera petimus, vim non inferimus igneæ, deorsum illam contra naturam trahentes.*

Anno Mūdi
primo.
Die secunda.

Fiat firmamentum.

a. Idest, Corpus cæleste ex nihilo.

terius naturæ, quàm sit aliquod elementum, tum propter motum, qui non latet sensus nostros, tum etiam propter effectus varios, tum etiam propter Vniuersi perfectionem, non absurdè credi potest, Philosophos in hac parte verum sensisse, & Doctores veritatis ab eis in sensu non discrepassè, quamuis voce tenuis videantur contraire. Exinde Patres cum Philosophis conciliare nititur ex eo, quòd Cælum igneum appellari possit secundum quandam rationem analogiæ, qua Cælum & ignis naturam lucis participant: quamuis postea Cælum ab omni caliditatis affectione alienum dignoscatur.

Duces hos Scholasticorum prosequuti sunt cæteri omnes Scholastici, vt Catherinus, Aegidius, Richardus de Mediauilla, & Caietanus; & Postillatores nostri, Lyranus, Tostatus, Hugo Carenfis, Burgenfis, Vielmus, Pererius, & quotquot ferè post D. Thomam, seu hunc locum commentati sunt, seu Magistrum Sententiarum secundo, distinctione quartadecima sunt interpretati.

a. Idest, Corpus cæleste ex nihilo.

BURGENSIS in Additionibus.

Nec obstat, quod dicitur in prima die: In principio creauit Deus Cælum, quia ibi summarie includitur totum opus sex dierum, vt supra dictum est. Et quia in prima die mentionem fecerat de primo mobili, & eius motu, vt ibi fuit expositum. Nunc autem in secundo die de firmamento, in quo sydera fuerunt posita, mentionem facit, ostendens quòd hoc firmamentum fuit productum de nihilo in sua propria specie per creationem, quod consonat huic, quod dicitur: Fiat firmamentum, non exprimendo aliquid de quo tale firmamentum fieret. Si enim de abyssu, vel de aliqua parte eius firmamentum fuisset formatum, vt quidam dicunt, dixisset vtique: Fiat abyssus, vel fiat de abyssu firmamentum, sicut dixit de herbis & plantis, quæ de terra fuerunt productæ, exprimendo; Germinet terra herbam &c. consequenter dicit: Protulit terra herbam. Similiter in quinta die dicit: Producant aquæ reptile, & in sexta: Producat terra animam viuentem. Ex quo sequitur, quòd illa, vbi non exprimitur materia, sed solum dicitur, Fiat: non debent intelligi ex materia præiacente, sed in sua propria specie totaliter ex nihilo per creationem produci; & sic intelligendum est, cum dicitur: Fiat lux, Fiat firmamentum, Fiant luminaria. Si autem contra hoc dicatur, quòd si sic, Scriptura debuisset vt in illis verbo creationis, vt intelligerentur talia de nihilo fieri, seu produci. Dicendum, quòd hoc non requiritur secundum opinionem Chrysostomi supradictam, quam hic sequimur: nam in hoc, quod dicit: Creauit Deus Cælum, & Terram, intelliguntur omnia cælestia, & terrestria in processu sex dierum à Deo immediate creari, præterquam illa de quibus in litera assignatur ipsorum materia, vt iam dictum est.

Edisserit deinde, de firmamento, de luminaribusque proditum esse: fecit Deus; non autem de luce, neque enim lux (inquit) sed luminaria omnibus cumulata numeris progenerata, & procreata fuerunt. Cæterum non possum non peregrinam hanc assertionem ex templo reprehendere. Peregrinam illam, & singularem appello, cum grauissimorum Patrum iam adductis sententijs refragetur, quæ firmamentum vel ex aquis, vel ex igne, vel ex defecatis elementis compactum astruebant. Rata, omnibusque calculis recepta est ea positio, quæ cuncta in primordiis temporum producta rerum genera ex nihilo prognata arbitratur, vniuersa vero, quæ sex diebus effecta traduntur, ex indigesta prima, inconditaque rerum massa, seu materie elicitæ opinatur; id enim Patres ferè omnes existimarunt, vt ex supra enarratis excerpti potest. Argumentum autem, quod nobis obiecit Burgenfis, videlicet non dixisse Vatem; Fiat de abyssu firmamentum, imbecille penitus & inane Patres reputarent: consimiliter enim non dixit Moses, Fiant luminaria ex nube lucida, vel ex igne corruscante, vel ex luce primigenia; & nihilominus ex his confecta esse astra, vt certum, & indubitatum edocent. Sed quid? nonne de homine

Reijcitur sententia Burgenfis.

scriptum est: Creavit Deus hominem, masculum, & foeminam creavit eos, nulla facta memoracione, qua ex materia eos plasmarit: & tamen nō ex nihilo, sed ex limo Adā formasse clarissimum est. Indolescendum certē est his Doctōribus, qui pro arbitratu leuibus suffulti coniecturis à vetusta œcumenicæque Patrum doctrina recedunt.

$A \quad V \quad C \quad T \quad O \quad R.$

A V C T O R.

Pauido certè animo ad solutionem, diffinitionemque huius disceptationis accedo. Hinc enim à Patribus declinare non audeo, illinc vereor, ne si sententiæ Patrum subscripsero, Peripatetici, Scholasticiq; omnes in me vt acerrimi hostes cõuertantur. Proferam attamen ingenue quid sentiam: Duabusque diffinitionibus, seu decisionibus absoluendam esse hanc percunstationem duco. Primo loco siquidem diffiniendum est; Num ex elementis, an ex peregrina quinta essentia Cælum constet. Quòd si ex elementis conflatum est, secundo loco inuestigandum supererit; Num ex aqua, nũ ex igne, num ex pluribus horum, seu ex quatuor, ignoto nobis constitutionis genere, compactum sit. Primam itaque controuersiam Philosophiæ institutis & decretis non uiolatis diffiniens, censeo Philosophorum priscorum præcipuè Platonis sententiam, ex summitatibus elementorum Cælum congestum astruentem, contemnendam non esse, sed egregiè in scholis difensari posse. Iure siquidem (inquiunt Platonici) Materia Cæli, & mortalium eadem censi potest. Natura enim sicuti in necessarijs non deficit, ita supernaturalium abundat: si pro Mudi constitutione vna materies erat satis, vt quid duæ sunt statuendæ? Insuper Vniuersi opifex vnus est; igitur & materies ex qua congestus est Mundus vna fuit. Siquidem cùm vnus sit effector & fator Mundi, certe id quoque ex quo compingebatur, vnum tantum esse, vt illi respondeat, ex necessitate consequitur. Amplius si huiusmodi substrata hyles ut cõmune subiectũ nõ esset vna, profecto Vniuersum non esset maximè vnum, maximeque iunctum, conglutinatũ, & complicatum. Præterea cùm Mundi anima, seu ratio sit vna, vnus sit Vniuersi finis, quomodo sola materies, cui minus distinctio congruit, ad eò est disiuncta, vt in vnã communem rediginequeat? Nec arduum est, Aristotelis illationibus satisfacere. Marsilius Ficinus siquidem super Tymæum, quin & omnes Platonici in suis lucubrationibus satis eis occurrunt. Idque duobus iactis, substratisque fundamentis. Alterum est, motionem primam atque simplicem vnã esse, nempe in orbem: rectam verò non esse simplicem; tũ quòd sensim reddatur velocior in fine, tũ quòd elementis non competat degentibus in propria sphæra, sed extra eam violenter collocatis, nec in eorum absoluta natura, sed ad ipsam duntaxat progrediuntur. Alterum verò est, ignem condensatum in sua sphæra splendescere, sed non vrere, neque alienam depascere materiam, & in sua sphæra lux. Quibus fundamentis iactis facillime obiectiones illatas retundunt, reijciuntq; Nam si inferunt Aristotelici, quòd cùm elementis motus rectus conueniat, cœlesti autem corpori rapida in orbem latitudo, & motionis simplicis duo genera, duas etiam elementum corporum naturas exigant: quapropter cœlestis corporis naturam ab elementorum natura vehementer dissidere: Respondent Platonici unum tantum simplicem motum nempe orbicularem comperiri, ipsumque elemẽto vti simplici corpori in propria sphæra congruere. Quòd si contingit, vt elementa recto ferantur motu, id ipsis violentum esse asserunt, cùm extra suam sphæram, seu sedem degentia ad naturalem locum properare enitantur. Si amplius Peripatetici arguunt, necesse esse, ut corpora grauitate, leuitateque prædita non circumferantur, sed à medio, vel ad medium agantur: Satisfaciunt egregiè Platonici, asserentes ex quatuor primis corporibus aliud esse summè graue, aliud graue equidem, sed quadantenus leue. Rursum aliud leue profecto, & aliquatenus graue, ac demum aliud summe leue. Cælumq; vt leuissimũ nõ à medio, seu ad medium, sed circa medium ex naturali sibi insita motione perpetuò circumferri. Tandem si Peripatetici ex elementi passionibus, & natura, alterationes in Cœlo (si Cælum ex elementis compactum asserimus) corruptionemque & interitum posse continere concludunt: Econtra arbitrantur Platonici Cælum omnis corruptionis, & alterationis

tionis expers esse; vel quod sua consistens puritate nullo unquam admisso extraneo, seu contrario, ab omni prorsus peregrina impressione, seu alteratione, tutissimè in sua arte se immunem præseruet; vel quod opificis voluntate incorruptibile indissolubileq; permaneat. Hæc, & consimilia plura possemus hac in disceptatione ex Platonis de- promere, quæ vti à nostro negotio aliena rescindimus, atque prætermittimus.

Cæterum si Theologice difficultatem hanc diffinire vellem, dicerem profectò, quod si quis Mundum æternum cum Aristotile autumaret, ipsumq; à Deo ex naturæ neces- sitate (vti à Sole effluit radius) prouenire arbitraretur, Cælum quintam quandã Vsiã, seu naturam, nec ignem, nec aërem, nec aquam, nec terram, nec quid ex istis commix- tum extare apprimè asserere cogeretur; tum quia si Cælum sempiternum fuisset, nunquam præextasset elementum, ex quo congereretur; tum etiam quoniam dato ele- mentum præextitisse, si liber omnipotensq; eius opifex non fuit, non potuissent elemen- ta affectionibus, & qualitatibus ita depurari, vt Cælum ex ipsis ad summam puritatem reductis compingeretur, cum natura nullũ aliud prorsus noscat præter hoc actius pas- siuisq; qualitatibus præditum elementum. Verum cum Mundum conditum esse ego certissime sciam, indubieq; credam, atque vnum ipsius liberum opificem, omnipoten- tem, omniscientem fatear: Non vereor constanter asseuerare Deum potuisse elemen- ta temporum exordio in Chaos producere, & ex ipsis secunda die Cælorum compagẽ congerere, seu submotã omni lite (ut aiebat Empedocles) seu auulsa à Cæli materie quauis potentia, vt existimarũ Thomistæ, seu ea ipsa penitus oppressa virtute excellen- tis formæ contrarietatem non admittentis, & materiæ ingluuiem saturantis, vt cen- suit Aegidius; posseq; amplius incorruptibile illud præseruare, vt vel nunquam, vel se- mel in Mundi excidio pereat. Hæc siquidem omnia æqua lance erant Deo possibilia, hæc etiam Deum effecisse clarissime obtestatur Moses, si eius enarrationem secundum planum, & ingenuum literæ sensum, atque secundum Patrum Sanctorum placita, ne- glectis, vt decet, vanis fictitijsq; commentationibus, interpretabimur. Cæterum dog- mata Aristotelis (cuius id fuit ingenium, Cælum quintam esse essentiam asserere, vt Mũdum æternum astrueret) quantum piam inficiant mentem, quãtisq; Christiana no- stra placita insidijs petant, ob idq; quantum sint euitanda, atque execranda, audiamus egregium ac Sanctissimum Patrem grauissima & dilucida oratione id demonstrantem.

A M B R O S I V S Hexameron libro primo, capite sexto.

Hæc igitur alij considerantes stabilia esse non posse, æthereum corpus Cæli stellarumq; esse arbitrati sunt, quintam quandam naturam corporis introducentes, quo diuturnam Cæli putarent mansuram esse substantiam. Sed non ista opinio Prophetica potuit obuiare sententiæ, quam diuina quoque Domini Iesu Christi Maiestas Dei nostri in Euangelio comprobauit. Dixit enim Dauid: Principio terram tu fundasti Domine, & opera manuum tuarum sunt Cæli. Ipsi peribunt, tu autem permanes, & omnia sicut vestimentum veterascent, & tanquam amictum mutabis ea, & mutabuntur; tu vero ipse es, & anni tui non deficient. Quod adeo pro- bauit in Euangelio Dominus, vt diceret. Cælum & terra præteribunt, mea autem verba non præteribunt. Nihil igitur agunt, qui propter Cæli asserendam perpetuitatem quintum corpus æthereum introducendum pu- tarunt; cum æquè videant dissimilem cæteris adiunctam membri vnus portionem labem corpori magis as- ferre consueisse.

Perpendant, obsecro, ex hac Ambrosij doctrina Scholastici nuperi Doctores, qui ne- glecta autoritate cunctorum priscorum Patrum, nec vno excepto (nam & Dionysiu, pace D. Thomæ, cum cæteris incedere congruentiori loco demonstrabo) Cælum quin- tam esse essentiam passim, mordicusq; defensant, maluntq; Scripturas ad peregrinas, & nouas detorquere interpretationes, quàm Aristotelicum hoc de quinta Cæli essen- tia inuentum non probare. Perpendant inquam, num Aristotelis versutiam penetra- rint; Aristotelis inquam, Ecclesiasticis dogmatibus infensissimi hostis; qui vt Mundum æternum in Fidei nostræ ludibrium, & opprobrium astruat, quintam inducit essentiam: perpendantque & caueant, ne nos, qui Mundum creatum, Cælosq; si non dissolubi- les, saltem restaurandos, uel à motione sua arcendos fore credimus, dum Cælos quin- ta essentia cõpactos cū Aristotele profiteri nitimur, in nosmetipsos arma cõuertamus. Vt ad secundam propositam disceptationem deueniamus; Num scilicet Cælum (dato ipsum ex elementis compingi) igneum sit, Num ad crysalli similitudinẽ ex aqua concretum, Num ex summitate elementorum, incomperito nobis modo, conflatum:

Cælum secũ- dum Theolo- gos an cõstet ex quinta es- sentia.

Cælũ ex ele- mentis cõsta- tum est.

Psal. 101.

Matth. 24.

Aristoteles si dei nostræ ac- terrimus ho- stis.

Cælũ an ex vno tantũ, vel ex pluri- bus elemen- tis constet.

Item

Nysseni sententia quæ su-
beat incom-
moda.

Cœlos exa-
quiscōcretos
asserentes
quas difficul-
tates incur-
rant.

Item hanc diffinire certè non audeo, quoniam de præstantissimorum Patrum opinio-
nibus sententiam ferre pertimesco; dicam attamen disceptandi libertate, quid sentiā.
Principiò Nysseni sententia, qui Cælum ex igne conflatū, seu ex prædominio esse igneū,
videtur asserere, à philosophia placitisq; Platoniciis non recedere euincitur, atque cum
Platoniciis, & ijs qui Mundi machinā ex quatuor tantum simplicibus corporibus coag-
mentari decernunt, defensari posse non dubito. Veruntamen in litera Moſis duo cer-
te offendit incommoda. Primum quòd Moſes ipse firmamentum in medio aquarum
effectum tradit, vt diuideret aquas ab aquis: verum ignem in medio aquarum sibi admodū
repugnantis elementi constituisse, ægre ac difficulter admodum credi potest. Quapro-
pter necessarium fuit ipsi Nysseno vocis aquarum significationem ad inopinatū sensum
distrahere, & per aquas superas ipsos Angelos intelligere, per inferas materiē crassam
capere, quæ num recte dicta sint, animaduertat ipse eruditus lector. Alterū, quod expe-
ritur incommodum, est, quoniam Scriptura vocat Cælum firmamētum, hoc est solidū,
& firmum, quasi corpus spissum, & densum, quod certe de igne elemento labili, & per-
tenui asseuerari nequit. Cogitur forte & amplius Nyssenus ipse contra communē orbis
Philosophorum, tum Theologorum, sed præcipue Mathematicorum opinionē cir-
astra deferentes negare, Cœlumque vnum permeabile & immotum, seu consimul cir-
cumlatum astruere, quod ægre nimis à plerisq; percipitur: ex quibus profecto Nysseni
sententiam Platoniciis arridere, sed parum ad literam Moſis, & ad communem sapien-
tiam opinionem accedere comprobatur. Patrum verò eorum assertioni, qui ex aquis,
& in medio aquarum in perlucidi crystallo similitudinem Cœlos concretos autumant,
sacrae literæ mirum in modum fauere cernuntur. Scriptum est enim; Fiat firmamentū
in medio aquarum, & diuidat aquas ab aquis. Nam si Cœlum compactū est in medio
aquarum, & inter aquas cuncta obruentes, verisimile profecto videtur ex ipsis aquis
fuisse conglutinatum: ut quid enim Deus aliam materiē euocare, si poterat ex ipsis
aquis Cælum coagmentare? Sed in Philosophia tum Platonica tum Peripatetica repu-
gnantiam maximam offendit, & experitur. Primum cum omnis soliditas, & firmitu-
do ex mixtione elementorum, & præcipue ex terra proueniat (nil siquidem absq; terra
solidum est, vt testatur Plato in Tymæo) quomodo potuit Cœlum ex aqua sola firmū
effici, solidumq; ac stabile reddi ipsum firmamentum? maxime si adeo solidi sunt Cœ-
li, vt immensam aquarum molem sustineant. Deinde astra die quæra in firmamento
fita dicuntur: fecit Deus luminaria magna & stellas, & posuit eas in firmamento: Astra
autem cum ignea sint, vt ferè omnes Patres decernunt, quò pacto in corpore glaciali
figi, & illæsa permanere queunt, cum horum elementorum scilicet ignis, & aqua na-
turæ repugnantes adeo sint, ut inuicem semper se deuorent & deglutiant? Quòd si di-
xerimus hæc duo Diuinæ maiestatis omnipotentia contingere, solidum scilicet corpus
ex vno tantum elemento conflatum comperiri, atque astra in medio aquarum minime
extingui, quemadmodum plures Patrum asseruerunt: certè id erit miraculum non ne-
cessarium, & intempestiuum in rerum natura astruere? Quantum autem ad autho-
ritatem ex D. Petro, & rationes pro hac sententia deductas, spectat, eas subterfugere nō
admodum difficile arbitror. Primum, cur magis de orbibus cœlestibus, quàm de aëreis
regionibus interpretanda veniant D. Petri verba non video, cum iuri grauiſſimi ac ce-
leberrimi ad aëris interstitia ea retulerint. Et euentus rei eis astipulatur; Cœli aërei
dem aquis in diluuij colluuiæ iactati ac obruti, non cœlestes orbes fuere, sed aërei
Cœli, cum quindecim cubitis montium cacumina vix aquarum supergressæ fuerint, nec
Cœlos illos æthereos, sed tantum aëreos in nouissima, Orbis conflagratione permulti
depurandos censeant: Aëris verò interstitia Cœlos vocari D. Augustinus vigesimo de
Ciuitate Dei capite vigesimoquarto; Beda de Natura rerū, capite vigesimoquinto, &
Rabbanus constanter perhibent. Iam verò & argumenta, quibus firmamentū consti-
re ex aqua contendebatur, leuiā sunt. Argumentum deductū ex vocis etymologia,
non admodum exploratam, passimq; accep tam etymologiam desert. Nam si Rab-
binus ille, ac Steuchus, Samaim Hebræis idem valere, quod Latine, Illic aqua, censent;
Lusitanus Samaim potius à verbo Samam, quā à Sem, deduci censuit, quod Samā ad-
mirari, & obſtupescere significat; quasi ex hac voce innuatur, quòd Deus omnium opifex
Cœlos,

Cœlos, idest corpora admiratione ac stupore digna condiderit. Pierius Valerianus in suis Hieroglyphicis illam ipsam vocem Samaim indicare voluit, Cœlos ex aqua, & aëre simul constare. Rursus quando argumentabantur debere medium, & extrema in eadem conuenire substantia, certissimum ac verissimum est, si homogenea sunt illa corpora; at si interstitia, seu corpora dirimentia, & separantia sint, sufficit vt non contrarijs affectionibus prædita interponantur. Sciscitantibus quid actum sit de immenso illo aquarum cumulo, respondere possumus, nec eam colluuiem aquarum adeo immensam fuisse (sicuti censuit Beda) vt ad Empyreum se extolleret, sed longè exiliore tenuioremque fuisse, cum vix aquas diluuii superexcederet; nec parum Vniuerso videtur illa aquarum vastitas contulisse, cum ex ea & supercœlestes, & vapores, & labentes has nostras aquas, tam immensos Pelagi sinus & lacuum fluminumque alueos explentes, defluxisse ac deriuasse perhibeamus. Cæterum fortè huius sententiæ assertores, eximij certè nominis Patres, Cœlos non ex pura tantum aqua conflatos, sed ex elementis coactos, & consolidatos existimarunt: ita vt aquei ex prædominio non incongrue dicerentur.

His igitur bene perpenſis ingenuam reputo D. Basilij & Ambrosij sententiam, Cœlorumque substantiam nobis prorsus esse ignotam, & imperceptibilem, asseuerare tutius esse existimo. Cerno etenim sententiam hanc posse facilius & Mosis literæ, & Philosophicis placitis accommodari. Hancque verisimiliorem esse mihi persuadet vetustum perpetuumque Philosophorum dissidium, præfatarum assertionum multiplex discrepantia, Cœlorum ipsorum imperceptibilitas, cum sensu percipi non queant. Et quod potissimum est, oracula diuinæ Scripturæ, quæ nil clarum, exploratumque de eorum substantia produnt, sed diuersis metaphoris, ac symbolis, vix quasdam præstantes eorum conditiones innuunt. Hoc siquidem tropo sacra Scriptura Fumum dixit Cœlos, vt naturæ eorum tenuitatem demonstraret: æs fusum, vt infractam soliditatem, pellem, vt mirificam dilatationem indicaret.

D. BASILIO itaque adhærentes concludamus: ita enim habet in Hexameron, Homilia prima.

Eorum etenim, quæ facta sunt, etsi ignoremus naturam, at certè omni ex parte quicquid sub sensum hunc nostrum cadit, seque exponit visendum, tantum in se obtinet miraculi, nosque adeo totos rapit in sui admirationem, vt quodcunque tandem ingenium, quantolibet polleat acumine, quantauis contentione ac studio se excitet, longè tamen deprehendetur inferius, nec satis idoneum, pro rei dignitate exequatur & explicet quidvis eorum, quæ in Mundo sunt, minutissimum, aut certè huius gratia meritam laudem exoluat, ac debitam Creatori, quem omnis addebet gloria & imperium in secula seculorum.

De figura Cœlorum: num sit spherica.

Disceptatio hæc, an Cœlum sit sphæricum, an semisphæricum, seu qua figura sit compactum, vti curiosa admodum est, ita inutilis, & rudis fortè ingenuo lectori prima sui fronte apparebit. Rudis puerilisque suo apparatu obijcitur, quandoquidem qui prima vix Mathematicarum elementa hauserint, Cœlum sphæricum esse certissimis demonstrationibus didicerunt. Verum cum oppositum prisce Patres ex oraculis Scripturarū sedulo docuisse visi sint, non superfluum erit negotiū, quid sibi voluerint inuestigare. ISIDORVS Pelusiota libro secundo Epistolarum Epistola ad Opheliū Grammaticum, quæ est ducentesima septuagesimatertia.

Cœlum aut sphere, aut dimidiæ sphere speciē imitari affirmare, atque item celerrimum Solis cursum, ac Lunæ incrementa, & decrementa, syderumque situm curiosè indagare, ac præterea de terra quærere, cylindri an coni speciem teneat, mundiue centrum sit, ac denique & Solis, & Lunæ interualla cognita & explorata habere, quid ad bene beatæque viuendum vtilitatis afferat, equidem non video.

AVGVSTINVS certè quæsitum istud inutile, etiam declarasse non me latet, quando de Genesi ad literam, libro secundo, capite nono, sic testatus est.

Queri etiam solet, quæ forma, & figura Cœli esse credenda sit secundum Scripturas nostras. Multi enim multum disputant de his rebus, quas maiore prudentia nostri Auctores omiserunt, ad beatam vitam non profuturas discuntibus, & occupantes, quod peius est, multum preciosa, & rebus salubribus impendenda temporum spatia. Quid enim ad me pertinet, vtrum Cœlum sicut sphere vndique concludat terram in media Mundi mole librata, ac eam ex vna parte desuper velut discus operiat?

Verum

Cœlorum
substantia
nobis igno-
ta.

Anno Mūdi
primio.
Die secunda.

Fiat Firmamentum.

a. *Figura Semisphæricum.*

Verum & munus esse Christianorum Gentilibus nos irridendi occasiones rescindere, eo loco admonet.

Sed quia de fide agitur Scripturarum propter illam causam, quā nō semel cōmemorauimus: ne quisquam eloquia diuina non intelligens, cum de hisce rebus tale aliquid vel inuenerit in libris nostris, vel ex illis audierit, quod perceptis assertionibus aduersari videatur, nullo modo eis cetera vtilia monentibus, vel narrantibus, vel pronuntiantibus credat: breuiter dicendum est de figura Celi hoc scisse auctores nostros, quod veritas habet; sed spiritum Dei, qui per ipsos loquebatur, noluisse ista docere homines nulli saluti profutura.

Non igitur pratermittendam esse hanc percunctationē deductis de causis arbitror.

Sententia Philosophorum priscorum de Celi figura.

C L E M E N S Papa Recognitionum libro octauo, apud priscos Mundi sapientes neutram viguisse sententiam, quod alij sphæricum, alij semisphæricum existimarent Mundum, his demonstrat.

Quod et si secundum alicuius Græcorum Philosophos audire vis, & mechanicis imbutus es disciplinis: de excelsis quæ traduntur, non te sine dubio latent. Ponunt enim sphæram, equaliter ex omni parte collectam: & ad omnia similiter respicientem, atque à centro terre æquis spatijs distinctam: ipsaque sui equalitate, ita stabilem; ut eam in nullam partem declinare vndique equalitas collecta permittat: & ita à nullo fulcimento subiecta, sustentatur sphæra. Quod si verè hanc habeat similitudinem Mundi machina: euident est opus in ea diuinum. Si verò, ut alijs visum est, super aquas posita sphæra; vel super ipsas fertur, vel in ipsis voluitur: etiam sic magni in ea artificis opus declaratur.

T H E O D O R E T V S vetustissimam fuisse apud Gentilitatis sapientes hanc difficultatem manifestat, cum libro quarto contra Infideles, & de Materia, & Mundo hæc scribat.

Alij Philosophorum forma sphærica esse Mundum dixerunt. Alij varia & diuersa. Alij pistrillariæ molis rotatu in gyrum verti, alij rotæ modo circumuolui dixerunt. Alij animatum, spirantemque. Alij voluere prorsus inanitem.

C Y R I L L V S contra Iulianum libro secundo, Plutarchi attestatone, diuersa de figura Mundi Philosophos sensisse scribit.

Deinde de figura Mundi iterum sic dicit; Stoici quidem Mundum dicunt esse figuræ sphæricæ: Alij autem similem galeæ; Alij verò, ut Epicurus, Mundos quidem esse sphæricæ figuræ posse; posse autem & alias habere figuras,

a. *Fiat firmamentum semisphæricum:*

Abeunt in hanc sententiam Patres ij omnes, qui Mundi figuram adeo effingunt, ut Cælum fixum, immotum desuper ad Fornicis, & Tabernaculi similitudinem super aquas hinc inde vastissimas confidere dicunt.

I V S T I N V S Quæstione quinquagesima nona.

Si noctu Sol delitescit; qui sit, ut Cælum sphæra esse demonstretur?

Et Quæstione centesima trigesima.

Si Cælum, quod Gentium ratione, & sententia sphæra est, siue globosum, & rotundum, in loco etiam mouetur; cur quod ut camera fixum est, aut instar pellis extensum, quemadmodum literarum diuinarum monumentis proditum est, Cælum in loco non est?

Hanc dum soluit, inquit.

Nunc verò cum fieri non possit, ut Cælum sphæra sit, & sphære ritu moueatur, & instar camere, ac fornacis compactum esse doceri possit: Christiani ignoracionis crimine condemnari iure non possunt. Quod autem ad eius locum attinet, de illo ex ijs quæ hic obseruamus coniecturam capimus. Et enim hic, cum est corpus aliquod

Patres Cœli
semisphæri-
cum asseren-
tes.

aliquod rotundum, quod sit & æquabile, & concavum, & vndiq; pari mensura teneatur, sicut in aqua collocetur, ab aqua sustinetur: sic etiam Cælum ab aquis sustinetur. Qui extendit Cælum inquit, vt cameram: camera nomine, rotundum Cæli corpus declarauit. Sustinent igitur Cælum aquæ; aquas terra, terram diuinus nutus. Qui terram, inquit, in re nulla suspendit.

BASILIVS Hexameron Homilia prima, fornici Cælum comparauit. De figura quoq; satis sunt ea, quæ idem ille dixit Dei gloriam enarrando. Qui constituit, inquit, Cælum, vt fornicem.

Adnotes, quod ex translatione Septuaginta interpretum dixit, vt fornicem.

AMBROSIVS ex eiusdem Esaia auctoritate, cameræ; ex Dauidis obtestatione, tabernaculo simile esse dixit, Hexameron libro primo, capite sexto.

Ad speciem quoque eius abundat, quod ipse de Cæli firmamento locutus est, quia fecit Deus Cælum sicut cameram, quod intra Cæli ambitum vniuersa claudantur, quæ vel in mari geruntur, & terris. Quod similiter significatur, cum legitur; Quia Cælum Dominus extendit. Extenditur enim vel quasi pellis ad tabernacula, habitationesq; Sanctorum, vel quasi liber, vt plurimorum scribantur nomina, qui Christi gratiam, fide, & deuotione meruerunt: quibus dicitur; Gaudete, quia nomina vestra scripta sunt in Cælis.

Sed quod hi Patres ex hac Esaia attestatone dilucide non deduxerunt, ex eadem alij disertius Cælum semisphæricum esse prodiderunt.

Seuerianus, Acaciusq; in Catena, negarunt Cælum esse rotundum & sphæricum; citantq; locum Esaia quadagesimo iuxta Septuaginta hunc in modum. Qui statuit quasi cameram Cælum, & extendit quasi Tabernaculum ad habitandum. Rursum & hoc inde quoque probant: quia sic Scripturæ interdum de Cælo loquuntur, tanquam quoddam summum, & extrema habeat, quæ profectò figuræ sphæricæ, corporiq; globoso non conueniunt. Hæc Vielmius Læctione tertiadecima.

CHRYSOSTOMVS de incomprehensibili Dei natura, Homilia secunda. Cælum hoc formam quidem concamerati gerere nominis, idque non ingenio nostro & ratione, sed diuinæ Scripturæ sententia. Complectique idem vniuersam Terram non ignoramus, quod & ipsum ab eodem diuino fonte hausimus.

Et in Epistolam ad Hebræos Homilia quartadecima, ponderans illud Pauli oraculum; Tabernaculi veri quod fixit Deus, & non homo; in hæc incidit verba.

Vbi sunt qui dicunt moueri Cælum? Vbi sunt qui pronunciant id esse sphæricum? Vtrique enim hic sunt sublata.

THEOPHYLACTVS D. Pauli locum illum ad Hebræos; Talem habemus pontificem, qui cōsedit in dextera sedis magnitudinis in cælis, Sanctorum minister, & Tabernaculi veri quod fixit Deus, & non homo, interpretans, Tabernaculum illud à Deo non ab homine factum, Cælum his esse dixit.

Attollit his dictis horum nunc animos. Nam cum par esset illis non satis constare nos esse tabernaculum id assequutos: Ecce, inquit, maius quoddam, & certius tabernaculum Cælum habemus. Nam vetus illud nostrum hoc nouum præfigurabat. Ac primum illud manibus hominum fuerat fixum (vt de Moysè fertur, & alijs) id uerò nouum Deus præfixit. Hinc autem intelligi potest, quemadmodum Basilius sentit, nec mobile esse Cælum, nec circulare: Fixit enim cum inquit, vtrunque tollit.

PRIMASIVS Commentarijs in Epistolam ad Hebræos.

Tabernaculi quoque veri minister est, quod constituit, siue composuit Deus, & non homo: Id est Cæli, quod nobis ipse administrat, vt claritate syderum illius illustremur. Tabernaculum enim, quod Beselehel composuit in deserto, siue quod templum Salomon fecit in terra repromissionis, non fuit verum: quia & vetustate consumptum est, nec semper durare potuit: ideoq; tabernaculum verum Cælum vocat, quoniam in æternum stabit, nullaq; vetustate consumetur.

Haymo in huiusce pariter loci interpretatione hæc ipsa prodidit, nullo prorsus mutato verbo.

THEODORETVS loco asserto inquit.

Tabernaculum vocauit Cælum, cuius ipse est opifex.

EUTHYMIVS in Psalmum centesimum tertium.

Esaia autem alia quadam, atque eleganti translatione vsus, illius etiam immobilitatem, ac figuram demonstrauit, dicens; Qui statuit Cælum, quasi cameram. Quod si Pellem pro Tabernaculo intellexeris, dicemus figuram Cæli hoc sermone significari. Erat quippe Tabernaculum instar fornicis.

Ex quibus elici potest, quod si Cælum Tabernaculum illud, quod fixit Deus, hi Patres esse dixere, certè & fixum, & immobile, & ad instar Tabernaculi semisphæricum ipsum existimasse visi sunt.

D A M A S C E N V S Orthodoxæ Fidei libro secundo, capite sexto, hanc sententiam recitat, nec reijcit; dicens.

Nonnulli autem arbitrantur Cælum circulari motu Vniuerso circumferri sphericæq; esse formæ, & vndique summam Vniuersi partem esse: medialem vero eius spatij, quod ab ipso continetur, esse partem infimam. Et post. Quotquot autem dixerunt Cælum sphericæ esse figuræ, aiunt illud æquidistare, & senarium esse à terra, supra & infra, & altrinsecus, ac ad latera. Infra dico, quo ad nostrum sensum; quia secundum sensum consequentiam, vndique supernum locum Cælum obinet, & Terræ immum. Et dicunt Cælum sphericum circumdare Terram; & ipsam secum suo rapidissimo motu circumferre Solem, & Lunam, & Stellæ. Et Sole super Terram existente, hic diem fieri; & sub terra noctem: existente autem Sole sub Terra, hic noctem; hic vero diem. Alij autem Cælum hemisphericum esse imaginati sunt, quia diuinorum enarrator David dicat: Qui extendis Cælum velut pellem, quod ostendit tabernaculum. Et beatus Esaias; Qui statuit Cælum velut cameram. Et quia occidens Sol, & Luna, & Astra, circumeunt Terram ab Occidente in Boream; & iterum rursus in Oriente restituuntur: attamen siue hoc, siue illo modo; sic vniuersa diuina iussione facta sunt, & firmata; & diuinam voluntatem, & consilium, fundamentum inconcussibile habent. Ipse enim dixit, & facta sunt: ipse mandauit, & creata sunt. Statuit hæc in seculum seculi: præceptum posuit, quod non præteribit.

L A C T A N T I V S Firmianus libro tertio, cap. vigesimo quarto, Gentilium sententiam de Antipodis inficiens, Cæli, Terræq; rotunditatem, ut erroneè introductam irridet & his verbis.

Quæ igitur illos ad Antipodas ratio perduxit? Videbant syderum cursus in Occasum meantium, Solis, atque Lunam in eandem partem semper occidere, atque oriri semper ab eadem. Cum autem non perspicerent, quæ machinatio cursus eorum temperaret; nec quomodo ab occasu ad Orientem remeant: Cælum autem ipsum in omnes partes putarent esse deuexum, quod sic videri propter immensam latitudinem necesse est: existimauerunt rotundum esse Mundum, sicut pilam: & ex motu syderum opinati sunt Cælum volui: sic Astra, Solemque cum occiderint, volubilitate ipsa Mundi ad ortum referri. Itaque ætherios orbes fabricati sunt, quasi ad figuram Mundi, eosq; celarunt portentosis quibusdam simulachris, quæ astra esse dicerent. Hanc igitur Cæli rotunditatem illud sequebatur, ut Terra in medio sinu eius esset inclusa. Quod si ita esset, etiam terram ipsam globi similem; neque enim fieri posset, ut non esset rotundum, quod rotundo inclusum teneretur. Si autem rotunda etiam terra esset, necesse est, ut in omnes Cæli partes eandem faciem gerat, id est montes erigat, campos tendat, maria consternat. Quod si esset, sequebatur illud extremum, ut nulla sit pars terræ, quæ non ab hominibus, cæterisque animalibus incolatur. Sic pendulos istos Antipodas Cæli rotunditas adinuenit. Quod si queras ab ijs, qui hæc portenta defendunt, quomodo non cadunt omnia in inferiorem illam Cæli partem? hæc respondent rerum esse naturam, ut pondera in medium ferantur, & ad medium connexa sint omnia, sicut radios videmus in rota. Quæ autem leuia sunt, ut nebula, fumus, ignis, à medio deferantur, ut Cæli petant.

P R O C O P I V S Gazæus Commentarijs in Genesim libro primo, assertum Isaia locum; Qui statuit Cælum, ut fornicem, & id extendit sicut tabernaculum super terram, vberiorem oratione his commentatus est.

Plurimi modò relatum Prophetæ testimonium imitati, asseruerunt Cæli formam esse hemisphericam, cum cæteri confirmant eius formam esse sphericam. Verum de eius statu & forma quid Apostolus predicet, audimus; Ac veri Tabernaculi, quod fixit Deus & non homo. Vbi igitur sunt, qui Cælum quasi perpetua veragine rapi, & sphericum pronunciare audent? Vtrunque enim Paulus suo eloquio è medio tollit, & vtrunque firmissimè refellit. Quod verò Cælum initium & finem habeat, Prophetarum testimonijs patet, si Cæli forma esset dicente; Sol egressus est super Terram. Non inquit; Ascendit, quod meritò diceretur, si Cæli forma esset spherica, sed ait; Egressus est. Et iterum; A summo Cælo egressus eius. Ecce magna claritate Scripturæ sacra inquit; Egressus eius; nempe Solis: nec dicit ascensus eius. Quod ait, A summo Cælo, &c. vide ut confutet eorum opinionem, qui Cæli figuram docent esse sphericam. Sphæra nullam habet summam, at Sol à summo egreditur Cælo: Quomodo igitur illorum assertio coheret Scripturæ Orthodoxæ? Horum opinioni etiam Saluator noster in Euangelio contradicit, inquit; Cum venerit filius hominis in gloria sua, mittet Angelos suos cum tubæ voce magna; & congregabunt electos eius à quatuor ventis, à summis Cælorum, usque ad terminos eorum. Huc aptetur testimonium Mosis; Ab eo die, quo condidit Deus hominem super terram, usque ad summam Cæli. Huc pertinet iste Esaiæ locus; Dominus Zebaoth, præcepit genti bellicosa, ut adueniat à longinqua terra, ab extremo fundamento Cæli.

Et post, adhuc magis suam explicat sententiam, Mundi basim in terra considerare asserens, irrita de Antipodis sententia.

Quod autem vniuersa terra in aquis subsistat, nec vlla sit pars eius, quæ infra nos sita est, aquis vacua & denudata, omnibus notum reor. Nam sic docet Scriptura; Qui expandit terram super aquas. Et iterum; Quia ipse super maria fundauit eam, & super flumina præparauit eam. Sola itaque terræ superficies, quæ penes nos est, intelligitur, dum ait; Congregentur aquæ sub Cælis in locum vnum. Similiter Cælum hic accipiendum est pro firmamento, quod nobis apparet, & Terræ impendat. Nec decet, ut credamus, aliquam terram infra nos colere.

Psal. 103.
Esa. 40.

Psal. 148.

Heb. 8.

Gen. 19.
Psal. 18.

Matth. 24.

Psal. 135.
Psal. 23.

noſtro Orbi oppoſitam. Nam ſi Antipodes forent, certè Chriſtus eò quoque profeſtus eſſet, & cetera, quæ pertinent ad ſalutem humani generis, ibi perfeciſet. Adam generis noſtri prima origo, ſerpens, qui humanum genus dolo circumuenit, nimirum & diluuium penès oppoſitam regionem extitiſſent. Cæterum aqua, quæ infra nos fertur, an ſublimis pendeat id procurante diuina virtute, vel vento rehatur, incertum eſt.

Ex his Patribus, Baſilius, Ambroſius, Theodoretus, Theophilaſtus, non adeo expreſſam hoc loco ſuam retuliſſe ſententiam viſi ſunt, quin cum Philoſophis, cæterisque Patribus conciliari ex his, quæ aliàs dixere, non poſſint, prout infra tentabimus, ac periclitabimur demonſtrare. Verùm Seuerianus, Acacius, Ioannes Chryſoſtomus, Iuſtinus, Laſtantius, Procopius, Cælum non eſſe ſphæricum dilucide aſſeuerarunt. Iuſtinus, Laſtantius, ac Procopius ſemiſphæricum immobile ipſum eſſe exiſtimarunt. Effingunt autem ita Mundum, quaſi quòd hemiſphærium noſtrum tantùm in Mundi machina abſque ſuppoſito Antipodum Hemiſphærio comperiatur; meridianumque eius Cœli ſummitas noſtra, Oriſontes verò extrema dicantur, ſuper aquasque ſeu maria in Ortum, & Occaſum latiſſime ſe effundentia baſim ſuam iaciat: ſitque Cælum, vt Auguſtinus dixit, velut diſcus, Solque, Luna, ſydera ſine orbibus ab ortu properent in occaſum, vt inde ignoto nobis calle per Boream in ortum remeantes, ex Oceano emergant. Et fortè ea eſt ſententia, quam Ioannes Damascenus libro ſecundo Orthodoxæ Fidei, capite ſexto, enarraſſe retulimus. Munitur autem hæc ſententia tribus præcipuè allegatis auctoritatibus. Prima eſt Eſaiæ; Qui extendit Cælum velut nihilum, & expandit eos velut tabernaculum ad inhabitandum. Editio Septuaginta habet. Qui ſtatuit quaſi cameram Cælum, & extendit velut tabernaculum ad inhabitandum. Altera ex Dauidis Pſalmo deſumitur; Extendens Cælum ſicut pellem; Poſtrema ex D. Paulo. Verum tabernaculum, quod fixit Deus, & non homo. Aſtruunt ſiquidem omnes hæc auctoritates Cœlū fuiſſe in prima ſui conſtitutione extenſum, & expanſum, vt pellem Tabernaculi, quæ cùm complicata, ac conuoluta eſt, facillime diſſolui, ac expandi poteſt; atque quòd fixum adeò ſit & permaneat, vt quaſi tabernaculum, vel Camera, ſeu, fornix cōſiſtere perēniter videatur. His adijcere poſſumus, & duas inductas à Procopio rationes. Primò, Sol dicitur egredi ex ampliſſimo Oceano, ſeu ex alio loco, prout in Geneſi legitur, Sol egreſſus eſt ſuper terram, & Dauid, à ſummo Cœlo egreſſio eius: quod autem ſphæricè circumfertur, egredi non perhibetur. Deinde quoniam ſummitatem & extrema habere aſſeritur, ſicuti in Euangelio ſcriptum eſt; Congregabit electos à quatuor ventis à ſummis Cœlorum, vſque ad terminos eorum; Eſaias verò diſertius. Dominus Sabaoth præcipit genti bellicoſæ, vt adueniat ab longinquo terræ, ab extremo fundamento Cœli. Quòd ſi Cælum ex his obteſtationibus, & ſummitatem habere, & extrema conuincitur, ſemiſphæricum etiam eſſe aſſeueratur. Ratio autem potiſſima, quæ tantos Patres, vt Cælum non eſſe rotundum arbitrantur, compulit, ea eſt, quæ ex Iuſtino, Seueriano, & Acacio deducta eſt, nempe quoniam ſi ſphæricum, ſeu orbiculare eſſet Cælum, aqua ſuper globolum corpus conſidere non poſſet. Aqua ſiquidem præceps ſemper ad ima delabitur, atque decurrit. Igitur operæ pretium eſt, vt Cælum alterius ſit figuræ, quò eas aptè ſuſtinere ſuperferreque valeat. D. Bonauentura ſecundo Sententiarum, diſtinctione quartadecima, quaſtione prima, articulo ſecundo, duas excitat pro his Patribus non prætermittendas probationes. Alteram, quòd Cælo vt ſolidiſſimo firmamento competat ſolidiſſima figura, quæ eſt ſemicircularis; alteram verò, quòd pars vna empyrei à coruſcantiffimo corpore Chriſti magis, quàm Cælum à terra diſtaret, vnde vel Beatis vacua ea pars eſſet; vel Beati in ea degentes nimis à Chriſto gloriæ fonte longinqui cernerentur.

a. Fiat firmamentum ſphæricum.

Cæteri cuncti Patres, ac Doctores præcipuè Nuperi cum Mathematicis Cælum eſſe orbiculare fatentur. Horum Catenam ſi luberet prolixam haberem. Verum mihi ſufficiat nonnullorum ſententiam tantùm referre, ne de re tam vulgari catenam contexendo, tempus operamque contereſcere videar, legentemque fatigare. Seligam igitur ſaltem tres Patres, ne ruruſus omnino ieiuna in hac re oratio noſtra cenſeatur

De Gene. ad
lit. lib. 2.

Sententiæ hu
ius funda-
menta.
Iſa. 40.

Pſal. 103.
Heb. 8.

Gen. 19.
Pſal. 18.

Matth. 24.

Patres Cœli
ſphæricū eſſe
arbitrantes.

Anno Múdi
primo.
Die secunda.

Fiat Firmamentum.

a. *Figura Sphæricum.*

GREGORIUS Nazianzenus Oratione aduersus Iulianum quarta.
Verbo Deus tenebras depulit, verbo lucem produxit, Terram firmavit, Cælum tornauit, Stellæ constituit,
aërem sparsit, mari limites imposuit, &c.

ELIAS in præfatam sententiam.

Aptè autem illud etiam, Cælum tornauit, quod orbiculari figura sit. Hoc enim interdum non improbat vir
sanctus, quia rectam doctrinam haudquaquam labefaciat: idque in Oratione de Theologia adnotauimus, ubi
etiam tum eorum, qui rotundum ipsum, tum eorum qui fornicis speciem habere contendunt, sententias la-
tius protulimus.

Cæterum Commentarius iste desideratur: attamen locum Gregorij arbitror esse in
oratione de Theologia secunda ubi ait.

Quis Cælum circumegit, ac tornauit? Et post. Tibi concedam te Orbes, ac conuersiones: *Accessiones*
autem, & recessiones perceptas habere, &c.

Verum adest alter locus in Oratione eiusdem Gregorij Nazianzeni in Sanctum
Baptisma.

Aliud quoque lumen agnosco, nempe illud, quo primigenæ tenebræ depulsa, aut certe intercise sunt, quod
ante res eas omnes creatas, quæ aspectu sentiuntur, productum est: circularemque item illam syderum conuer-
sionem, & supernum splendorem vniuersum Orbem illustrantem.

NICETAS eodem loco.

Quoniam autem orbiculari figura Cælum est, ac circulari motu fertur, non absurde ac dissentaneè assero syde-
ra quoque circulariter ferri, vniuerso Orbi lucem, & splendorem afferentia.

Et Oratione de Moderatione in disputationibus seruanda.

Ordo Cælum in Orbem duxit, &c.

AMBROSIVS in Psalmum centesimum decimum octauum, Sermo
ne duodecimo.

Quomodo fundauerit Deus Terram, Scriptura nos docuit, dicente Propheta; Deus sapientia fundauit
Terram: parauit autem Cælos in intellectu. Terra autem tanquam fundamentum est, in qua consistimus,
licet ipsam in meditullio Cæli esse, & is qui foris est, sermo concelebrat; & Scriptura significare videatur,
dicente Iob; Suspendens Terram in nihilo. Includitur ergo Orbe cælesti: & ideo Sol noctibus non videtur,
quia gyrando in inferiore inuenitur Orbis parte cælestis.

AUGUSTINVS de Genesi ad literam, libro primo, capite decimo,
non tantum sphæricum censendum Cælum, sed irrisione dignos eos credit, qui non cir-
cumferri Solem, sed in mare immergi excogitant.

Sed si hoc dixerò, vereor ne deridear, & ab ijs qui certissime cognouerunt, & ab ijs qui possunt facillime
aduertere, quod eo tempore quo nox apud nos est eas Mundi partes præsentia lucis illustrat, per quas Sol ab
Occasu in Ortum redit, ac per hoc omnibus vigintiquatuor horis non deesse per circuitum gyri totius, alibi
diem, alibi noctem. Nunquidnam ergo in parte aliqua positure sumus Deum, ubi ei vespera fieret, cum ab
ea parte in aliam partem lux abscederet? Nam & in libro, qui appellatur Ecclesiastes, ita scriptum est; Et
oritur Sol, & occidit, & in locum suum ducitur: hoc est, in eum locum unde ortus est. Sequitur enim, & di-
cit ipse; Oriens illuc vadit ad Austrum, & circuit ad Aquilonem. Australis ergo pars, cum habet Solem,
nobis dies est: cum autè ad Aquilonis partes circumiens prouehitur, nobis nox est: non tamen in alia parte non
est dies, ubi præsentia Solis est: nisi forte poetis figmentis cor inclinandum est, ut credamus Solem mari se
immergere, atque inde lotum ex alia parte mane surgere. Quanquam si ita esset, Abyssus ipsa præsentia
Solis illustraretur, atque ibi esset dies. Posset enim & aquas illuminare, quando ab eis non posset extingu-
i. Sed hoc monstruosum est suspicari.

Sed clarius libro secundo, capite nono.

Quæ etiam solet, quæ forma, & figura Cæli esse credenda sit secundum Scripturas nostras. Multi
enim multum disputant de ijs rebus, quas maiore prudentia nostri Auctores omiserunt, ad beatam vitam non
pro-

Prou. 3.

Iob 26.

Eccle. 1.

profuturas discuntibus, & occupantes, quod peius est, multum preciosa, & rebus salubribus impendenda temporum spatia. Quid enim ad me pertinet, utrum Cælum sicut sphaera vndiq; concludat Terram in media Mundi mole libratam, an eam ex vna parte desuper velut discus operiat? Sed quia de fide agitur Scripturarum, propter illam causam, quam non semel commemoravi: ne quisquam eloquia diuina non intelligens, cum de his rebus tale aliquid vel inuenerit in libris nostris, vel ex illis audierit, quod perceptis assertionibus aduersari videatur, nullo modo eis cetera vtilia monentibus, vel narrantibus, vel pronunciantibus credat: breuiter dicendum est, de figura Cæli hoc scisse Auctores nostros, quod veritas habet; Sed spiritum Dei, qui per ipsos loquebatur, noluisse ista docere homines nulli salutis profutura. Sed ait aliquis, quomodo non est contrarium istis, qui figuram Sphaeræ Cælo tribuunt; quod scriptum est in literis nostris; Qui extendit Cælum sicut pellem? Sit sane contrarium, si falsum est quod illi dicunt: hoc enim verum est, quod diuina dicit auctoritas, potius quam illud, quod humana infirmitas conijcit. Sed si fortè illud talibus illi documentis probare potuerint, ut dubitari inde non debeat, demonstrandum est hoc, quod apud nos est de pelle dictum, veris illis rationibus non esse contrarium: alioquin contrarium erit etiam ipsis in alio loco Scripturis nostris, vbi Cælum dicitur velut camera esse suspensum. Quid enim tam diuersum, & sibi met aduersum, quam plana pellis extensio, & camera curua connexio? Quod si oportet, sicut oportet, hæc duo sic intelligere, ut concordare vtrunque, nec sibi met repugnare inueniatur: ita oportet etiam vtrumlibet horum illis non aduersari disputationibus, si eas fortè veras certa ratio declarauerit, quibus docetur Cælum sphaeræ figura vndique esse conuexum, si tamen probatur. Et illa quidem apud nos camera similitudo, etiam secundum literam accepta, non impedit eos, qui sphaeram dicunt. Bene quippe creditur secundum eam partem, quæ super nos est, de Cæli figura Scripturam loqui voluisse. Si ergo sphaera non est, ex vna parte camera est, ex qua parte Cælum Terram contegit: si autem sphaera est, vndiq; camera est. Sed illud quod de pelle dictum est, magis vrget, ne non sphaeræ, quod humanum est fortè commentum, sed ipsi nostræ camerae aduersum sit. Quid autem hic allegoricè senserim, Confessionum nostrarum liber tertiusdecimus habet. Sine igitur ita ut ibi posui, siue aliquo alio modo intelligendum sit Cælum sicut pellis extensum, propter molestos & nimios exactores expositionis ad literam, hoc dico, quod sicut arbitrator, omnium sensibus patet: vtrumque enim fortasse, id est & pellis, & camera figuratè intelligi potest, vtrumque autem ad literam, quomodo possit, videndum est. Si enim camera non solum curua, sed etiam plana rectè dicitur; profectò & pellis non solum in planum, verum etiam in rotundum sinum extenditur. Nam & vter, si cut & vesica, pellis est.

Psalm. 103.

G L O S S A Ordinaria ex his Augustini locis.

Quæri solet, cuius figuræ sit Cælum? Sed Spiritus Sanctus, quamuis auctores nostri scierint, per eos docere noluit, nisi quod proposit saluti.

Magister Sententiarum secundo, distinctione quartadecima, hæc eadem ijsmet verbis habet.

B E D A libro de sex dierum Creatione.

De figura autem Cæli breuiter dicendum est, hoc scisse auctores nostros, quod veritas habet: sed spiritum Dei, qui super eos loquebatur, noluisse ostendere, nullius salutis profutura vtilia. De ea autem contentione, quæ inter plures de figura Cæli fieri solet, utrum in modum extensæ pellis, an sphaeræ, vel camerae consistat: non videmus quod prohibeat pellem extensam in modum camerae curuari, vel quasi sphaeræ in rotundum sinum extendi.

Et Quæstionibus in Genesim.

Quæri etiam solet, quæ forma, & figura Cæli esse credenda sit. Vtrum Cælum sicut sphaera vndique concludat terram in media mole Mundi libratam, an eam ex imâ parte desuper, velut Discus cooperiat. Sed ait aliquis: Quomodo non est contrarium his, qui figuram Sphaeræ Cælo tribuunt, quod scriptum est in literis nostris; Qui extendit Cælum sicut pellem, Cui responderi potest, quod pellis non solum in planum, verum etiam in rotundum sinum extenditur. Nam & vter, & vesica pellis est.

Damascenus Orthodoxæ fidei libro secundo, capite sexto, Patrum sententiam de Cælo sphaerico diffusè prosequutus est, Alexander Alensis parte secunda, quæstione quinquagesima, D. Bonauentura articulo secundo, quæstione prima, ut supra retulimus. Doctores Scholastici quæstionem hanc edisserunt secundo Sententiarum, distinctione quartadecima; sed parum sententias Patrum rimantur. Mathematici pluribus demonstrationibus hoc idem euincunt. Ex Alfagrano hanc vnam deducere possumus. Si Cælum planum esset, nec orbiculare; ea Cæli pars, quæ nostri est summitas hemisphaerii, propinquior nobis esset, Solq; & stellæ in ea peragantes viciniore fierent; quod si viciniore, cum ea quæ nobis propinquiora sunt, maiora semper conspiciantur, & maiora appareant, Sol, Luna, Astraq; non æqua amplitudine se nobis semper obiectarent, sed maiori profectò mole in Cæli summitate, quam in ortu, seu occasu ditata spectarentur. Quod attamen experimento maximè aduersatur.

Cæterum machina hæc, quæ ob summam admirabilemque sui elegantiam, & ornatum Mundi nomen promeruit, atque à Græcis Cosmos, quod apud nos ornatum significat, nun-

Rationes Cæli esse sphaerici cum ostendentes.

nuncupatur, à Deo opifice pluribus de causis sphaericam obtinuit figuram. Primum, ut quoquo modo Dei factoris similitudinem referret: cum siquidem secundum exemplar Mundi Archetypi orbis hic fuerit procreatus, uti Deus principio & fine caret, Mū-
 dus quoque sphaerica figura, nullum exordium seu finem nisi per concessionem admit-
 tente, ornari ac decorari debuit. Adijcias quod inter corpora Hysoperimetra sphaerici
 maxime simplicissimum existat, unde simplicissimo corpori celesti summo opere congrue-
 bat; Deinde & capacissimum est corpus illud, Caelum pariter complexu suo coeret
 ac continet vniuersa; amplius perfectissimum est, quia senaria perfectione insignitum,
 circumcurrens enim, linea, orbemque efficiens, sexies lineam à centro ad complexū de-
 ductam exuperat. Unde non ab re celesti corpori, quoniam perfectissimum est, orbicu-
 laris figura fuit condonata. Ac tandem rotundum seu sphaericum Caelum formari de-
 cebat, quoniam huius generis corpus aptissimum est ad motum, qui velocissimus ac ra-
 pidissimus in Caelo perspicitur. Hæc siquidem coaceruauit etiam D. Bonauentura se-
 cundo Sententiarum. Superadijcias tandem, quod si Cælum alia quacunque conge-
 stum esset figura, seu trilatera, seu quadrilatera, non aptum ad motum fuisset; siquidem
 angulos in circumlatione ita detulisset, ut vel vacuum admisisset, vel corporum pe-
 netrationem tulisset, quod natura prorsus abhorret. Sed super hæc omnia Cælum esse
 globosum Scripturæ dilucidè tradunt, cum Solem, astraq; in gyrum cieri prodāt di-
 cētes: Oritur Sol, & occidit, & ad locum suum reuertitur, ibiq; renascens gyrat per me-
 ridiem, & flectitur ad aquilonem. Lustrans vniuersa in circuitu pergit spiritus, & in
 circulos suos reuertitur. Et rursus. Gyrum Cæli, inquit Sapientia, circuitui sola; quod
 Græcè exprimitur, Circumduxi, seu rotundaui. Alibi quoque. Quando præparabat
 Cælos aderam, quando certa lege, & gyro vallabat abyssos. Porro pergere Solem in
 circuitu, circulos suos conficere, gyrum Cæli circumire, gyro vallare abyssos, attesta-
 tiones sunt sphaericum esse Cælum euincentes. Sed quid argumentor? Nonne annua
 nostræ ætatis nauigatio, qua Mundum superato freto Megallanico mirifico animi ausu
 mortales, circumcirca iam perlustrarunt, bene animaduersa vndique Polorū altitudi-
 ne, & diuersitate, adeo certū exploratumque id reddidit, ut nullus omnino locus hæsi-
 tandi amplius, ambigendi que supersit? Quamobrem Cælum à summo opifice globo-
 sum fuisse fabricatum, omnemque eius extremitatem paribus à medio radijs attingi sta-
 tuamus. Atque sententiam hanc non Philosophis tantum, sed, & Patribus, ac Scriptu-
 ris esse concordem arbitrarer. Seuerianumque, Acacium, Iustinum (si tamen factus Iu-
 stini sunt Quæstiones illæ) Lactantium, & Procopium, vulgarem sententiam ea tem-
 pestate florentem sequutos fuisse, delusos potissimum à Scripturæ auctoritatibus, quæ
 eam approbare ac innuere videbantur, existimarem. Cæterum nec Scripturæ dela-
 tæ arduum nobis facessunt negocium; cum Cælum ex similitudine Tabernaculum Ca-
 mera, Fornix dici queat, unde nec valde elaborandum est, ut eas ad saniores trahamus
 sensus, siquidem Patres id muneris pro nobis obierunt.

Dist. 14.

Eccles. 1.

Eccles. 24.
Prou. 8.Cælum qua
ratione came-
ra vel fornix
seu taberna-
culū dicatur.

Isa. 40.

D. HIERONYMVS Commentarijs in Esaiam libro vndecimo;
 locum illum interpretans; Qui statuit quasi cameram Cælum, & extendit quasi taber-
 naculum ad habitandū, aliter ex Hæbraicæ vocis significatione legendū esse his edocet.
 Quid igitur superbit terra, & cinis? quia Cælum, immo, ut Scripturarum vtar auctoritate, Cæli
 extenduntur quasi camera, siue, ut in Hæbraico continetur, quasi tenuissimum puluerem; de quo supra di-
 ximus: pro quo Septuaginta ibi Saluam interpretati sunt: & vnum verbum, nunc spūm, nunc cameram,
 idest fornix transulerunt: & tantam eorum latitudinem, quasi Tabernaculum, & papilionem extendit de-
 super, ut similitudine tecli operiret homines, & quasi in domo latissima habitare faceret: quid mireremur si par-
 ua hominum corpora, quasi locustæ & minuta reputentur animantia? Rursum & in hoc loco, quod scilicet
 terris imminere Cælum, & in similitudinē sphaeræ Cæli esse contendunt, abutūtur nomine fornix, quod
 media pars sphaeræ terras operiat, cum in Hæbraico non fornix, sed tenuissimum puluerem legerimus: Pro
 quo salua, quæ projicitur in terram, & pulueri commiscetur & deperit, ostendit vniuersam corporis magni-
 tudinem pro nihili reputandam. Qui autem extendit Cælos, & expandit eos, ut vel supra habitarent Ange-
 lorum multitudines, vel subter homines morarentur: & quasi magnam rationabilibus creaturis fecit domum
 ipse pro qualitate temporum principes constituit, siue secretorum scrutatores, ut sint quasi non sint, & Indices
 Terræ velut inane fecit.

I O. CHRYSOSTOMVS Homilia in Psalmum centesimum
 tertium,

tertium, locum illum, Extendens Cœlum sicut pellem, commentatus, effectiōnis Cœli facilitatem ibi significari, his edocuit.

Vt enim homini facile est pellem extendere, ac tabernaculum efficere: sic rerum omnium Deus ingentes Cœlorum orbes adhibito sermone solo extendit.

Augustinus in eundem locum, egregiè demonstrat nil prorsus obstare illud Esaiæ, Cœlum esse extensum sicut cameram, seu fornicem, vel sicuti dixit D. Paulus, vt tabernaculum, quin non sit expansum vndique in orbem: cùm & cameram, & fornicem, & tabernaculum laxari etiam in orbem conspiciamus. Quid enim impedit, quòd Cœlum quamuis sphæricum, vnius tamen dimidij sui ratione in hemisphærio nostro ceu semisphæricum, atque vt camera distendatur, in hemisphærio quoque Antipodum pariter vt camera, vel fornix, aut tabernaculum alterius dimidij ratione porrigatur & dilatetur, vniuersum tamen rotundum existat, orbicularemque figuram obtineat,

AUGUSTINVS siquidem post plura sic inquit.

Et illa quidem apud nos camoræ similitudo, etiam secundum literam accepta, non impedit eos, qui sphæram dicunt. Bene quippe creditur secundum eam partem, quæ super nos est, de Cœli figura Scriptura loqui voluisse. Si ergo sphæra non est, ex una parte camera est, ex qua parte Cœlum Terram contegit: si autem sphæra est, vndique camera est.

Quod autem de camera dictum est, id de pelle dici debere ipse Augustinus edocet: vt Davidis propositiæ auctoritati satisfaciamus. Si enim camera, inquit, non solum curua, sed etiam plana rectè dicitur; profectò & pellis non solum in planum, verum etiam in rotundum sinum extenditur. Nam & uter, sicut & vesica pellis est. Hæc ille.

Auctoritatibus à Procopio deductis, Cœlo summitatem, & extrema ascribi astruentibus, satisfacere non est difficile, asserendo quòd Scripturæ vti simplicibus Hebræis oblata, non quidem quod est, sed quod passim rudibus apparet, exprimant, vt eorum captui indulgeant. Præterea quòd Cœlo ex natura dextrum, & sinistrum, sursum, & deorsum Philosophi etiam ascribant, cùm dextrū, eius oriens, sinistrum occidens, Arcticum supra, infra Antarcticum esse effingant; quin ei & summum ex Climatum ratione attribuunt. Firmamentum verò dici solidissimum, non propter stationem, sed quia intransgressibile est, Augustinus edocuit. Corpora glorifica in Cœlo, vt hic locari, puerile admodum est exultimare: Deo siquidem, & splendidissimæ Christi humanitati esse proximum in Cœlo, nil aliud est, nisi ex meritorum copia ad ampliorem, seu præcellentem, augustioremque gloriā assumi.

Soluuntur rationes oppositæ sententiæ.

De quadruplici mundana machine dispositione, ac situ Cœlorum.

Grata, & iucunda admodum mihi sese offert disceptatio, dum situm Cœlorum, machinæque huius nostræ, aulæ Mundi dispositionem atque symmetricam membrorum, seu partium integrantium congestionem, narratione & typis excusis proferre cogor. Suadet siquidem id mihi methodus à Ioanne Damasceno obseruata. Qui Orthodoxæ Fidei libro secundo, Cœlorum genera exploraturus, duplicem de Mundi figura sententiam inseruit. Peragamque id libentius, vt fatigatur, lassatumque fortè lectorem hac dispositionis Mundi præ oculis exarata varietate, delectatione afficiam. Cæterum repugnantes de Mundi ordine sententiæ ex catenis iam in his disceptationibus deductis facillimè elici, exacteque depromi queunt.


Cap. 6.

Machine Mundi figura prima.

Effingunt primum Mundum semisphæricum prætervetustos Philosophos, Iustinus, Chrysostomus, Seuerianus, Acacius, Procopius, Lactantius, hac congestionis forma, vt in substrata vasta colluie aquarum, Terram pluribus partibus sese exerentem insidere perhibeant, iuxta illud, Qui fundauit terram super aquas. Desuper uerò post regiam Dei, ac Beatorum, flāmatā coelestē substantiā collocent, quod quidē ad instar tabernaculi consistat, seu camoræ, vt exposuere Acacius, & Seuerianus; seu fornicis, vt aiebat D. Basilii; seu Disci, vt dixit Augustinus, & alij, in imaque & concaua sui parte ipsum

Psal. 135.

ipsum semiphæricum esse prodant in suprema verò, & conuexa quadratum, sinibus, atque voraginibus conscissum, vt supercelestes aquas concludat. Ac tandem in medio Mundi pari nimirum intercapedine à supremo Cælo, atque à terra distantem constituent. Astra verò ab ortu in occasum peruagari, exinde per Boream sub aquarum mole remeare censeant. Demum sub Cælo ignem, & sub igne aërem, vsque ad terram diffusum effingunt.




- A. Sit igitur A. Empyreum desuper coruscans vnde quaque non orbiculare.
 B. Sit B. Aquarum super Cælum locatarum exundantia.
 C. Sit C. Cælum, vt crystallum concretum, desuper æquale voraginibus cōscissum, subtus verò semisphæricum sine circulis.
 D. Sit D. Ignis excelsam sub Cælo sedem vendicans.
 E. Sit E. Aër vndique sub Disco interclusus.
 F. Sit F. Terra ex aquis exacta, Dei imperio immota.
 G. Sit G. immensa vastitas aquarum, atque Oceani, nullo nobis comperto sine se distendentiū; adeo vt super illas & alij possint Mundi confidere, iuxta illud D. Clementis Papæ assertum, Et qui vltra Oceanum sunt Mundi.

Machina Mundi Imago secunda:

Mundum putarunt alij sphæricum, & hac orbium positura digestum. Primum super mum orbem omnia contegentē, ambientemq; super extare autumarunt; Quē alij Dei Beatorumq; regiam, seu Empyreum existimarunt, in exordio temporum congestum. Vt


ut D. Petrus, Clemens, Origenes, Diodorus, Iunilius, Hilarius, Procopius, & fortè Damascenus, & alij. Nonnulli supremum sensilis Mundi orbem illum esse dixerunt, coruscantissimam regiæ beatorum lucem secludentem, Mundumq; opacantem, vt D. Basilus, Ambrosius, Theodoretus; & alij: Inde sub supremo illo orbe aquas effundi putarunt supercelestes; vel in glaciei similitudinem congelatas, vt D. Petrus, Iunilius Magister Sententiarum; seu in vaporem tenuissimum redactas, vt censuit Augustinus, Eucherius, Anselmus, Hugo, Magister sacre historię; vel etiã fluxiles, vt arbitrati sunt Basilus, Ambrosius, Procopius, & alij; seu in ætheream regionem cõuersas, vt ingeniose opinatur Guilielmus Parisiensis. Inde amplius firmamentum Altrorum domiciliũ figi dixere, tanto intervallo à Cœlo supremo nobis inuisibili, quantum à terra distans, ex aquis ad crysalli instar concretum, vt edocuerunt D. Petrus, Ioseph, Tertullianus, Gennadius, Hippolitus, Theodoretus, Hieronymus, Iunilius, Procopius, Strabus, Anselmus, Hugones duo, Victorinus, & Carenfis, Magistri duo, Sententiarum, & Scholasticę historię, Guilielmus Antisiodorensis, & quamplures; seu ex elementorũ ignota nobis natura conflatum, vt tradidere Philo, Basilus, Ambrosius, Damascenus, Hugo, & Richardus nostri; admiseruntq; alij hoc in septem vel octo orbes, seu circulos, seu Zonas secari posse, alijs id negantibus. Subinde ignis sphærã Cœlo astris venustato supponere, quam etiam Aethera appellarunt, sub igne aërem vndiq; diffusum, atq; conserutum, in duplicemq; disinctum regionem, alteram puram, alteram terræ flatibus, seu impressionibus obnoxiam expandi asseruere. Tandẽ, aquam, & terram in centro vna sphæra conclusas, collocarunt; dissidentibus tamen in hoc eorum sententijs, quòd alij Mare terra altius præminentiusq; efferri dijudicarint, vt Basilus, Ambrosius, & sectatores: nonnulli vero secus cõsuerint. Secundũ igitur horũ placita Mũdi imago ita effingatur.



- A. Sit A. Supremum Cœlum Mundum ambiens, atque contegens, seu sit Em-
pyreum, seu primum mobile cuncta suo motu rapiens.
B. Sit B. Locus aquarum supercelestium, & B., j. fluentes indicet, B. ij. vaporeas,
B. iij. glacie concretas.
C. Sit C. Firmamentum, hoc est Cœlum astrigerum in octo orbis secatum, seu
circulos, seu Zonas iuxta antiquorum placita, stellas inerrantes, & alia errantia
vehementes.
D. Sit D. Aether, seu ignis sphaera.
E. Sit E. Aër, cuius prima regio nullis halitibus, seu impressionibus unquam obru-
ta; altera vero, idest nostra hæc infima perpetuis nubibus flatibusq; iactata denotetur.
F. Sit F. Terra circa centrum suo pondere librata.
G. Sit G. Mare Terra ipsa eminentius & excelcius, Dei præcepto in seipso aggre-
gatum, ne super terram defluat.

Machine Mundi Imago tertia.

Gregorius Nyssenus libro de Historia sex dierum, quibus Mundus à Deo creatus est, maxime ad finem, aliam Mundi dispositionem excogitavit. Post Empyreum, quod Cœlum cogitatione tantum perceptibile nuncupat, aliud Cœlum constituit, atque nempe igneum undique expansum, natura leuissimum, adeo ut corpus densum, atque firmum, nisi ex comparatione ad Empyreum appellari nequeat. In duas autem id se- cernit regiones; alteram, quam extremitatem sensibilis Mundi, & confinium eius, qua cogitatione percipitur creaturæ, hoc est Angeli, nominavit, quam & inerrantium stel- larum fortè sphaeram esse iudicavit. Alteram inferiorem locum obtinentem, in qua er- rantes stellæ versentur; ambasque & firmamenti nomine gaudere, & simul in secundo die effectas, quanquam in exordio temporum præseminatas edocet. Arbitratur am- plius, quod in congectione, ac fabricatione Mundi, igneæ naturæ partes, quæ maiori puritate ac leuitate præditæ erant, simul coactæ in superiora Astra coaluerint, quæ vero magis crassæ extabant, in sydera inferiora & Lunam redactæ sint: superioremque aut inferiorem locum, iuxta maiorem vel minorem puritatis rationem per hoc spatium igneum vendicarint, rotationeque ferantur astra sua natura per igneum hoc firmamen- ti spatium, ex eo quod cum ascendere, uel descendere ex infinita ignea leuitate sibi connata nequeant, non nisi in orbem moueri possint: ratus fortè cum Platonis, mo- tum in orbem simplicibus corporibus esse connaturalem; sub igne autem, in aëris, atq; aquæ, & terræ situatione, à cæteris non discrepat.



A. Sit igitur A. firmamenti suprema regio Mundi sensibilis extremitatem concludens; desuper Beatos secludens. In medio inerrantia sydera, quæ ut eiusdem naturæ, & leuitatis, consimili motu pererrant, quasi in utero excipiens.

B. Sit B. firmamenti altera pars, septem errones, seu septem errantes stellas, ex maiori, seu minori leuitate, puritateque, excelsiorem, seu depressiorem sedem sortitas, ad inæquales motiones ex insita leuitatis natura ascitas; complectens.


C. Sit C. Aëris suprema regio.

D. Sit D. Inferna.

E. Sit E. Terræ aquaque rotunda in medio Mundi librata sphaera. Aquas supercoelestes prorsus negauit Nyssen, aquarumque super firmamentum euectarum nomine, Angelos ad beatitudinem ascitos intellexit. Suboscuro tamen, corruptus, & mutilus, ut in pluribus, est tractatus Nysseni de sex dierum historia, quibus Mundus à Deo creatus est, sed eleganti, graui, peregrinaque Philosophia refertus, ac diuturna lucubratione condignus.

Machina Mundi forma quarta.

Tandem quarto loco à Peripateticis, Mathematicis, atque Scholasticis ferè omnibus sphaera mundana effecta, ut nota, atque omnibus familiaris sic tantum describatur.



- A. Sit A. Empireum supra sensilem Mundum euectum.
- B. Sit B. Cœlū ex quinta essentia conflatum, sphericum, in octo orbes, sydereum scilicet Cœlum, & septem Planetares orbes antiquitus discretum: nunc autem in decem ex denario motu diuisum. Nuperi siquidem motu trepidationis sydereo Cœlo ascripto, nonum tardissima triginta nouem millium annorum conuersione circumlarum, & decimum vt mobile primum ab ortu in occasum cunctos rapientem superaddiderunt. Aquas nullas super Cœlos elatas admiserunt, metaphoricè aquarum cœlestium nomine, alij Cœlum crySTALLINUM, alij Angelos intelligi censentes.
- C. Sit C. Ignis in sua sphaera non splendens, quem tamen Telesius, & Cardanus, cum nonnullis alijs, ibi extare, eo quod pabulo indigeat, negarunt.
- D. Sit D. Aër in triplicem regionem segregatus. Harum suprema ex Astrorū propinquitate calida est, ac ignitarum impressionum matrix: regio media frigiditate sua natura referta, niuium, grandinum, pluuiarum, maiorumque impressionum sedes, fulgurum, fulminumque fucina: infima verò hæc nostra regio leuium impressionum domicilium, vt roris, pruinæ, &c.
- E. Sit E. Sphaera terræ, & aquæ in Cētro gravitate sua librata, atq; in Zonas quinque torridam nempe, temperatas duas, & gelidas duas diuisa, atque seiuncta.
- Ego quam harum Mundi machinarum formam, seu imaginem verisimilē arbitrer, diffinire non præsumo. Veruntamen cū mei sit instituti, doctrinam Patrum, maximè communiorem, totis viribus consecrari, secundam reliquis omnibus præferam; hanc etenim præstantissimorum Patrum priscorum numerosior classis approbavit.

De numero Cælorum.

Quæ fuerint præstantissimorum atque insignium Patrum de numero Cælorum sententia, tum ex ijs, quæ hæcenus de Cælis à nobis enarrata sunt, tum etiam ex Catenis quas in quæstionibus, Num Moses duorum Cælorum genesim tradat; & Num firmamenti nomine cœlestia corpora significetur; atque etiam, Num Cælum sit sphaericum; coaceruauimus, nullo negotio colligi posse existimo. Has attamen sententias iterum epilogo recensere non grauabor, vt recenti repetitione, magis legentium memoriæ commendentur. De supernis cœlis primo has habes sententias.

Chrysostomus vnum solummodo Cælum, & illud immotum fixumque esse, adeo tanta sententia arbitratus est, vt oppositum existimantes diuinæ Scripturæ, & Ecclesiasticis doctrinis putarit aduersari, atque hoc in secundo die conditum censuit. Nec obstare credidit, quod Moses dixerit: In principio creauit Deus Cælum, & terram, quasi alterius Cæli Moses genituram tradiderit; nam verbis illis; In principio fecit Deus Cælum & terram, Mosem summam totum opificium proposuisse edocet. Nec etiam quia sæpius Scripturæ maiori numero Cælos nuncupent, vt Cæli cælorum, & aquæ quæ super Cælos sunt; quoniam tropo hebraico dictum esse asserit, cum Cælum apud Hebræos numero singulari careat, quemadmodum apud nos Athenæ ac Venetiæ. Disceptat hoc Homilia quarta in Genesis prolixius, sed eius retulimus disceptationem in quæstione; Num Moses duorum Cælorum genesim tradat.

Gregorius quoque Nyssenus vnus Cæli secundo die emolitionem tradi, vnumque esse Cælum igneum autumat, quanquam in duas partes secatum, in supremam scilicet, quæ extremitatem Mundi sensilis concludit, & stellis inerrantibus insignita est, & in postremam, in qua Astra sua leui natura delata peruagantur. Hæc in Hexameron præcipue ad finem.

Numerosa Patrum Classis duo Cælorum genera comperiri existimat: alterum in exordio temporum, alterum in secunda die constructum; sed quid sint non omnes in eandem sententiam loquuntur. Supremum Cælum cum terra congestum domicilium esse Dei, Beatorumque existimarunt Clemens Papa, Iustinus, Origenes, Diodorus, Hilarius, Iulianus, & fortè Acacius, Seuerianus, Claudianus, Procopius, Lactantius: Ex Patribus quoque non adeo vetustis Strabus, Beda, Magister, Lyranus, Tostatus, & alij. Verum idem ipsum Cælum supremum orbem esse Mundi sensilis, lucem Empyreï retundentem, arbitrati sunt Basilus, Ambrosius. Sed Theodoretus, & Damascenus, in vtranque sententiam rapti fuisse visi sunt. Cæterum firmamentum secundo die compactum, alij vnum esse immotum cum Chrysostomo diffinierunt, vt Acacius, Seuerianus, Procopius, Lactantius, sicuti alias luculenter referemus: Cæteri ipsum in plura secari non negarunt.

IUSTINVS Quæstione sexagesimaseptima Orthodoxorum, ait.

Reuera duos esse Cælos, sed hos disiungi in varia spatia, quæ interna Scriptura Cælos appellat.

BASILIVS Hexameron, Homilia tertia.

Neque hæc aliquando minore fide credi par est, quam qua credimus septem esse orbes, in quibus stellæ septem ferè omnium consono ore predicantur suum peragere cursum; quos quidem Cælos ita asserunt concinne inseri vnum alteri; quemadmodum si cadi, aut vascula in sese inserta sint.

AMBROSIVS Hexameron libro secundo, capite secundo.

Itaque nos non solum secundum, sed etiam tertium Cælum esse negare non possumus, cum Apostolus raptum se ad tertium Cælum, scriptorum suorum testificatione confirmet. Dauid etiam Cælos Cælorum, in illo laudantium Dominum constituit Choro. Quem imitantes Philosophi, septem Stellarum, Solis, & Lunæ globorum, consonum motum introduxerunt, quorum orbibus, vel potius globis connexa memorant omnia, quos si biinnoxos, & velut insertos versari retro, & contrario cæteris motu ferri arbitrantur.

Progrediuntur hi Patres, hoc loco eorum commentitiam fabulosamque sententiam irridere, quæ ex orbium motu dulcem & suauem melodiam perhibebat reddi, nec à nobis audiri, quod ex consuetudine aures nostræ obsurduerint. Sed ea vt parum ad nos spectantia inferere neglexi.

DAMASCENVS Orthodoxæ Fidei libro secundo, capite sexto.

Est igitur Cælum Cæli, primum Cælum supra firmamentum collocatum. Ecce duo Cæli; nam & firmamentum

Dan. 3.

tum vocauit Deus Cælum. Consuetudo etiam diuine Scripturæ est, aërem Cælum vocare, ab eo quod est firmum videri. Benedicite (enim inquit) omnes volucres Cæli, aërem intelligens: nam aër volatiliū iter est, & non Cælum. Ecce tres Cæli; quos diuinus dixit Apostolus. Si autem septem circulos, septem Cælos suscipere volueris, nihil in ratione veritatis offenditur. Consuetum etiam & in voce Hebraica Cælum pluraliter vocare Cælos. Cælum igitur Cæli volens intelligere, Cælos Cælorum dixit: quod perinde significat; atque Cælum Cæli, quod est supra firmamentum: sed & aquas, quæ sunt supra Cælum, idest aërem, firmamentum, septemve circulos firmamenti, consuetudine Hebraicæ linguæ pluraliter Cælos nominat.

CASSIODORVS in Psalmum centesimū quadragesimū octauū.

Laudate eum Cæli Cælorum, & aquæ quæ super Cælos sunt. Quamuis in Genesi vnum Cælum fabricatum esse legerimus, tamen eos plurali numero & Paulus Apostolus appellauit; qui refert in tertium se Cælum ratum, ibique talia cognouisse, quæ homini non licebat effari: & hic plurali numero nuncupantur, quod tali forsitan ratione concordat. Dicimus vnum esse Palatium, quod multis membris, multis spatijs ambiatur; ita & Cæli partes dicimus Cælos, dum complexio atque sinus eius vnus esse monstratur.

REMIGIVS Antifiodorensis Enarratione in Psalmum centesimū quadragesimū octauum, exponens illud; Laudate eum Cæli Cælorum, ait.

Cæli, idest firmamentum, & æther, scilicet complexi vis; Cælorum, idest septem circularum, vbi aplanet, & Planete fixæ sunt, sint vobis materia laudandi Dominum.

Hæres. 46.

PHILASTRIVS libro de Hæresibus, ex Scriptura duos Cælos, ex D. Paulo tres, ex Dauid sex, vel septem elici posse docuit; sed quæ Cælorum genera sint ea, quæ à Dauide & Paulo narrantur, non explicauit.

Psal. 148.

De Cælorum diuersitate est hæresis quæ ambigat: Scriptura enim in primo die Cælum & Terram facta declarat duo hæc elementa. Secundo firmamentum æquefactum; & nihilominus ipsum firmamentum Cælum appellatum fuisse testatur. Dauid autem dicit de Cælis ita: Laudate Dominum Cæli Cælorum, & aquæ quæ super Cælos sunt. Siue ergo sex Cælos, secundum Dauid, & septimum hoc firmamentum accipere quis voluerit, non errat: Nam Salomon tres Cælos dicit, ita: Cælum, & Cælum Cæli. Paulus æquè Apostolus, vsque ad tertium Cælum se raptum fatetur. Siue ergo septem quis acceperit, vt Dauid: siue tres, siue duos, non errat: quia & Dominus ait; Pater qui in Cælis est. Nam & Pagani vnum Cælum, & Cælos proficuntur interduum. Dauid ergo quod plenum est, docuit. Salomon autem quod ex parte est, & beatus Paulus æquè. Liber autem Geneseos duos Cælos nobis nunciauit.

2. Paralip. 6.
Matth. 6.

Cæterum de triplici Cælo Pauli vberem habeo Catenam suo loco deducendam: nam Patres non vniformi sententia decernunt, quinam sint tres illi Cæli. Dauidis autem Cæli sex vel septem, circuli in firmamento fortè sunt, de quibus Patres supra.

Peripatetici, Mathematici, & ferè omnes nuperi Doctores plures Cælos agnoscunt. Veteres octo tantum eos fuisse opinati sunt, Octauam scilicet sphaeram fixarum stellarum copia cohonestatam, & septem planetares. Recentiores ex denis motibus, decem esse assenerunt, additis nono, & supremo mobili nullis Astris insignitis. Nonnulli quatuordecim eos esse astruunt. Rursum vnicuique Astro, & tres orbes, & quatuor concentricos, & eccentricos ascribentes Mathematici ad numerum amplissimum eos euehunt.

Aegidius vnum tantum Cælum extare posse, quod eccentricos quamplures completatur, & contineat cum epyciclis, longa enarratione disseruit. De ipso post.

Basilidis & cæterorum Hæreticorum delirantissimam sententiam, Cælos trecentos & sexaginta sex enumerantem, prætermitto, de qua Irenæus aduersus hæreses libro secundo, capite vigesimoprimum; & Epiphanius libro primo, tomo secundo, hæresi vigesimaquarta, & vigesima sexta; Augustinus libro de Hæresibus; Tertullianus, & alij.

Non defuere Patres, qui Cæli nomen ad methaphoricos Cælos trahentes, ampliorē tradiderint Cælorum enumerationem.

BEDA Expositione in Genesim, capite primo, sic eos enumerat.

Scinditur auricolor Cæli septemplex æther: quorum hæc sunt nomina, Aër, Aether, Olympus, Spatium igneum, Firmamentum, Cælum Angelorum, & Cælum Trinitatis.

Rabanus, vt etiam D. Thomas refert in Scriptis, secundo Sententiarum, distinctione quartadecima, quæstione quarta, & parte prima, quæstione sexagesima octaua, articulo quarto, septem enumerat Cælos, Empyreum, Crystallinum, Sydereum, Igneum, Olympium Aethereum, & Aërem.

Ego seclusis illis sententijs, quæ vnum tantum Cælum, seu sphaericum immortum, seu semisphaericum, pariter fixum, & permeabile astruunt, cæteras in vnum conciliatis diuersis

In medio aquarum .

Bedoch Amaim.

a. In medio, hoc est intra.

Anno Mūdi
primo.
Die secunda

Celi propriè
sūpti duplex
est genus.

Celi nomē
vario modo
diuersis com-
petit.

Isa. 14.

Matth. 5.

diuersis memoracionibus redigi posse arbitror. Primò siquidem, si Celi nomen ad propriam significationem trahamus, duo esse Cēlorum genera existimo; aliud coruscantissimum Beatorum Domicilium, & aliud astriferum circumlatione ductum; atque hoc secundum unum esse, & unius prorsus naturæ; in plures tamen orbes iuxta motionum diuersitatem secari. De quorum attamen orbium numero non adeo certam, ac exploratam scientiam haberi censeo, quin sicuti nostra ætas trāfactarum ante ætatum de cōlestium sphaerarum numero errores emendauit, ita etiam succedens ætas certiori fortasse experimento de ipsorum orbium certa multitudine peritior effecta, sæculum nostrum non sit meritò reprehensura, ac iure omnino redargutura. Hæc de supernis Cēlis. Deinde si Celi nomen ad ampliorem metaphoricamque significationem surripimus, ut non tantum rapidam substantiam cēlestē, sed elementorum ignis & aëris sphaeras complectatur, & spiritualia comprehendat, Bedæ, & Rabani enumerationem, secundum D. Thomæ loco asserto doctrinam, non indecens erit sic recensere. Cēlorum nomen alia propriè, alia ex similitudine, alia verò metaphoricè sibi vendicant. Ex primo genere, aliud Cēlum est splendidum, & est Empyreum; Aliud perspicuum, & est primum mobile & nonum, quod aqueum, vel crySTALLINUM appellant; aliud demum collucidum & astris insignitum, quod quidem in octo sphaeras, nempe in sphaeram stellarum fixarum, & sphaeras septem planetarum secatur. Ex secundo genere, Rabanus supernam regionem ignis appellauit Cēlum igneum, infernam Olympum, aëris superiorem parter, æthereū, infimā aëreū. Quāuis ætheris nomine prisci uel tractū ipsum cēlestis flāmatæ substantiæ, vel ignis sedē & ambitū ceperint. Ex tertio genere, sanctissima Trinitas Cēlū illud est, de quo creditur dixisse Diabolū; Ascendam in Cēlum; Spiritualia æternaq; dona, Celi sunt, de quibus secūdū mētē Augustini sectatoribus suis Dominus spondit: Merces uestra multa in Cēlis est; Genera tria supernaturalium visionum, scilicet Corporeæ, Imaginariæ, & Intellectualis Celi pariter nominantur, de quibus eodem Augustino interpretante, Paulus loquitur, dum se ad tertium vsque Cēlum raptum testatur. Et hæc secundum communem de Cēlorum numero sententiam dicta sint: Cū infra, Num vnum sit Cēlum igneum & permeabile, ut asserit Nyssenius, vel ut aër constrictum, permeabile, & immotum, quemadmodum existimauit Chrysostomus, uel unum solidum eccentricos complectens, ut maluit Aegidius, Num deniq; plures Celi, ut plerique putant, cumulate simus disceptaturi.

In medio aquarum.

De Editione tantum duo comperij animaduertenda ex Lusitano.

a. In medio, hoc est intra.

LVSITANVS Adnotationibus in caput primum Genesis.
Et quod sequitur, In medio aquarum, non intelligas omnino medium: ut scilicet tanta aqua sit super firmamentum, seu extensionem, quanta sub ea; sed idem est, in medio aquarum, quod inter aquas. Nam Thoch; id est medium, aliquando pro verè medio, nonnunquam pro Inter, in sacris literis accipitur.

Anno Mēdi
primo.
Die secunda.

In medio aquarum.

- a. *Maijm nomen Hebraicum non singulari numero, sed plurali in sacris literis inueniri.*
b. *Aquæ superæ Angeli inferæque Dæmones.*

a. *Maijm nomen Hebraicum non singulari numero, sed plurali in sacris literis inueniri.*

L V S I T A N V S ubi supra.

Aduerte etiam nomen Hebraicum, Maijm, idest aquæ, non inueniri in sacris literis numero singulari, sed plurali, more nominum dualium, quod, vt Hebræi dicunt, ideo fit, vt ostendatur duplicem esse aquam, scilicet super firmamentum, & infra firmamentum.

Quantum ad primam animaduersionem spectat, cum contra Patrum doctrinā præcipue Hippolyti incedat, & aliorum qui firmamentum in medio aquarum compactū existimarunt eo euentu, vt medietatem alteram sub se contegeret; in horum Patrum gratiam hoc prætermittere non possum; quod si vocula Thoch, quandoque In medio, quandoque Intra significat, hoc loco In medio significare arbitraret. Primum quoniam editiones Septuaginta, & Vulgata nostra, & ceteræ ferè omnes, In medio transulerunt; Deinde quia Patrum numerosa classis in medio aquarum consistere firmamentum, ex hoc existimarit. Nec adsit vehemens vlla coniectura, quæ legendum esse Intra euincat. Quantum verò ad alteram adnotationem attinet, cum Patrum placita non inuadijs petat, non est, quod de ea disceptemus.

Quid nomine aquarum tam superarum, quàm inferarum interpretandum sit, hoc loco sese offert inuestigandum. In vastissimum siquidem Pelagum, debilitato confractione nauigio ferri non ignoro, cum de aquis supra firmamentum locatis, quæstionē arduam tot sententijs perplexam aggredi cogor. Faxit Spiritus Sancti aura, vt saluam in portum perueniam, nempe vt difficillimam scitu rem, scite ac breuissimè colligam. Singulas autem, vt mei instituti ratio efflagitat, quas ego de hac re ex fontibus præclarissimorum Patrum hausi sententias, minimè reticebo.

b. *Aquæ superæ Angeli, inferæque Dæmones.*

Primò itaque in loco eorum sese ostentat sententia, qui fortè aquas elementares super Cœlos euchi nequire opinantes, supernas aquas, Angelos super Cœlos ad gloriam ascitos, infernas verò Dæmones in hanc caliginosam, iactatamque aëris nostri regionē depulsos, atque detrusos, esse censuerunt. Ascribitur hæc sententia præcipue Origeni & alijs. Sed Origenis locum fateor me non comperijsse. Recensebo Patrum sententias, qui hoc placitum memorant, & reiiciunt.

B A S I L I V S Hexameron Homilia tertia.

Nobis verò & aduersus quosdam, qui stetisse ab Ecclesia videntur, sermo habendus interim est de aquis à se disparatis. Et quidem isti prætextu anagogici sensus, & sublimioris intelligentiæ, ad allegorias transferunt, ac suffugiunt, asserentes potentias quasdam spirituales, expertesque corporis, tropicè significari per aquas: & supernè quidem supra firmamentum præstabiliores mansisse, infernè verò in terrenis, ac materialibus locis subsedisse, quæ erant maligniores. Idcirco dicunt, & eas aquas, quæ super Cælum sunt collocatæ, Deum laudare, idest probas illas essentias, quæ dignæ sunt ob mentis puritatem, ea esse spiritualia nequitie, & improbitatis: à naturali sublimitate, in imam totius vitiositatis voraginem delapsas. Has improbas mentes, vt turbulentas, vt seditiosas, vt affectuum, perturbationumque procellis, ac turbulentiis, electionisque motuum instabilitatem.

verum

Verum quam vehementi oratione hæc reiiciat, audiamus.

Hic igitur & eius generis sententijs, ut quæ somnijs & anilibus fabellis conferenda veniunt, relegatis, aquam nos ut aquam intelligamus, & segregationem factam humorum à firmamento ea causa, quam assignauimus, accipiamus. Atque etiam si quando aquarum illæ, quæ super Cælos sunt collocatæ, communem omnium Dominum laudare tradantur, non naturas ratione præditas ob id illas esse decernimus. Neque enim Cæli anima illa informantur, quia gloriam narrant Dei: neque firmamentum animans sensu præditum esse censemus, quod effectiorem manuum ipsius itidem annunciat, ut astruat aliquis & interpretetur hosce Cælos virtutes esse quasdam contemplationi concreatas, firmamentum verò facultates, quæ operose admodum & efficaciter fungantur officio, nempe operatrices: nos sanè eiusmodi definitionem, ut arguta quadam, scitaque acrimoniam adornatam non negamus, at eandem non continuo veram esse concedemus. Secundum enim hanc interpretandam formulam, ros, pruina, frigus, & æstus, quod apud Daniele inuisa sint concelebrare hymnis vniuersorum opificem, mentes quedam erunt, nimirum intellectu præditæ, simul & inuisibiles nature. Verius quæ istis dictionibus inest significandi ratio spiritualiter & contemplatiue ab his accepta, quos illustrat intelligentiæ donum, ad hoc mirè conducit, plenam ut conditori exoluere queas glorificationem. Neque enim super Cælos consistens aqua, ob hoc quod inferiores antegreditur honoris præcipui dignitate, ipsa solum ob eximiam & insignem suæ virtutis prerogatiuam, diuinam adimplet laudem. At enim laudate eum, ait, & quæ ex Terra sunt, dracones, & omnes abyssi. Quare ipsa etiam abyssus, quam isti in peiorem reiecerunt partem, qui nihil non ad allegorias trahunt, aded Psalmorum cantori visa non est aspernabilis & reiectitia, ut eam quoque adscruerit in communem creaturæ omnis Chorum: quando iuxta sibi insitas rationes, canticum diuinæ laudis concordæ, & melico concentu exoluit Creatori.

Psalm. 148.

AMBROSIVS Hexæmeron libro secundo, capite quarto, concisius eam reiicit.

Alij quoque purificatorias virtutes interpretati sunt aquas, quæ super Cælos sunt; Accipimus hæc quasi ad tractatus decorem, nobis tamen non alienum videtur, atque absurdum, si aquas veras propter illam causam quam diximus, intelligamus. Nam & ros, & gelu, & frigus, & æstus, secundum hymnum Propheticum, benedicunt Dominum, benedicit & terra; & illa non ad intelligibiles naturas referimus, sed ad veritatem. Laudant etiam Dracones Dominum, quia natura eorum, & species cum videtur, non minimum vel decoris offundit, vel in esse rationis ostendit.

EPIPHANIVS in Epistola ad Ioannem Episcopum Hierosolymitanum. Illas verò præstigias quis non statim abiciat, atque contemnat, dicente Origene de aquis, quæ super firmamentum sunt, non esse aquas; sed fortitudines quasdam Angelicæ potestatis: & rursum aquas, quæ super Terram sunt, hoc est, sub firmamento, esse virtutes contrarias, id est, Demones? Et quomodo legimus, in Diluuiio apertas cataractas Cæli, & aquas inundasse Diluuij? Vnde aperti sunt fontes abyssi, & totus Mundus opertus est aquis?

Gen. 7.

AVGVSTINVS de Ciuitate Dei, libro vndecimo, capite trigesimo-quarto, hanc memorat opinionem, dicens.

Quoniam nonnulli putauerint aquarum nomine significatos quodammodo populos Angelorum; & hoc esse, quod dictum est; Fiat firmamentum inter aquam & aquam; ut supra firmamentum, Angeli intelligantur; infra verò, vel aquæ istæ visibiles, vel malorum Angelorum multitudo, vel omnium hominum gentes. Quod si ita est, non illic apparet, ubi facti sunt Angeli, sed ubi discreti.

Sed egregiè quoque eam reiicit: nam cum aquas super Cælos collocatas naturales esse posse demonstrasset, his concludit.

Et si auctoritati eiusdem Scripturæ subditi essent, aliquid aliud ex hoc intelligendum esse censerent.

PROCOPIVS Commentarijs in Genesim capite primo.

Quidam altioris cupidi scientiæ, ad allegorias confugiunt, dicentes, sub dictione Aquas, intelligendas esse spirituales virtutes. Quasdam esse potiores, præstantioresque, & versari in supremis locis. Et ob id dici à Psalte regio; Laudate Deum aquæ, quæ sunt supra Cælum. Alias aquas esse deteriores & terrestres, quæ salo & arenis æstuant, & furentes, dicantur Maria. At nos ista ceu nugæ, & aniles fabulæ, deliramentaque explodimus. Quamuis aquæ, quæ sunt supra Cælum, laudibus ferre Deum prædicentur: non tamen nos credere oportet aquas esse creaturam ratione præditam: siquidem nec Cæli animati sunt, licet Scriptura restetur eos enarrare gloriam Dei. Nec firmamentum animal esse credendum est, etsi (ut docet Scriptura) opus manuum eius annunciet. Scimus, ut indicat Scriptura, rorem, pruina, frigus, & æstus, laudare opificem. Verum alia ratione, quam nos præsumimus, Creatorem laudibus vehunt. Ratio mirabilis, quæ in his animaduertitur à Sapientibus viris, si probè fuerit intellecta, & percepta, homines eo impellit, ut Creatorem laudibus cohonestent. Quid? An non aquæ, quæ ex terra scaturiunt, Serpentes, & omnes abyssi laudibus illum condecorant? Quare igitur abyssus deteriorum aquarum à vobis recepta est, eamque dicitis commendare Deum? Nullam igitur prerogatiuam aquæ spirituales (ut dicitis) præ sensilibus habent, cum & hæc, non sensus ut spirituales, laudibus Deum concelebrant. Et illud insigne mendacium est, quod interpretantur Cælos esse intelligibiles virtutes & potentias, & firmamentum significare tradunt practicas virtutes.

Psalm. 148.

Anno Mūdi
prim o.
Die secunda.

In medio aquarum.

a. *Aque supernæ, Angeli; Infernæ verò, corporearum rerum materies.*

R V P E R T V S Commentarijs in Genesim libro primo, capite vigesimo tertio, eleganter hanc eandem sententiam elidit Scripturæ locis interpretatis.

Pfal. 103.

Pfal. 148.

Dan. 3.

*Alij nanque quod dictum est. Qui tegis aquis superiora eius, sic accipiunt, ut dicant; Superiora Celi iuxta Genesim ab aquis teguntur, aquas super firmamentum positas esse dicit, quas Angelorum multitudines intelligimus, iuxta illud; Et aque quæ super Cælos sunt, laudent nomen Domini. Verum si hoc voluit Citharæ-
dus, præcentor ille laudum, Deum laudans de Cælis, laudans eum in excelsis, cur dicturus, & aque quæ super Cælos sunt, laudent nomen Domini præmisit; Laudate eum omnes: Angeli eius? Vniuersaliter nanque dicendo, laudate eum omnes, neminem Angelorum eius excepit: & proinde superflue repetisset, dicendo; Et aque quæ super Cælos sunt, laudent nomen domini: si aquarum nomine, multitudines Angelorum voluit intelligi. Item & in Hymno trium puerorum, cum dicitur primò; Benedicite Angeli Domini Domino: & deinde; Benedicite Cæli Domino, benedicite aque omnes, quæ super Cælos sunt, Domino: profectò nomine aquarum aliud quàm Angelos Scriptura cogit intelligi. Præterea si aquarum nomine, quæ sunt super firmamentum, intelligi oportet Angelos, quomodo, vel in quo huiusmodi aque, diuise sunt ab his, quæ sunt sub firmamento? Nempe istæ sunt, de quibus postmodum dicit Deus; congregentur aque, quæ sunt sub firmamento, in locum unum; & appareat arida &c. Quomodo ergo ab istis aquis Angeli diuisi sunt? Denique ab illis potius, qui reprobii facti sunt, spiritibus diuisi sunt, utpote Angeli lucis ab Angelis tenebrarum.*

D. T H O M A S prima parte, quæstione sexagesimo octaua, articulo secundo. Origenes enim dicit, quòd aque illæ quæ super Cælos sunt, sunt spirituales substantiæ. Vnde in Psalmo centesimo quadagesimo octauo dicitur; Aque quæ super Cælos sunt, laudent nomen Domini. Et Daniel tertio; Benedicite aque omnes, quæ super Cælos sunt &c. Sed ad hoc respondet Basilus in tertio examine, quòd hoc non dicitur, eo quòd aque sint rationales creature, sed quia consideratio earum prudenter à sensu habentibus contemplata, glorificationem perficit Creatoris: vnde ibidem dicitur idem de igne, & grandine, & huiusmodi; de quibus constat, quòd non sunt rationales creature.

Vielmius Lèctione decima quarta, eam ipsam memorauit sententiam. Hos adduxi Patres, non tantum vt hanc referrem Origenis, & Apollinarij opinionem, sed vt simul præfatorum Patrum præstantissimorum doctrina eam reiicerem, prout satis reiectam esse arbitror.

a. *Aqua superna Angeli; Inferna verò corporearum rerum materies.*

N Y S S E N V S qui Cælum igneum esse astruit, molle, & permeabile, adeò vt aquas superferri possibile non esset, aquarum superarum nomine, ipse quoque Angelos interpretatus est, inferarum verò Materies ea, seu massa incongesta, ex qua elicienda essent tria reliqua elementa, & rerum genera corporearum. Habet igitur libro de Historia sex dierum, quibus Mundus à Deo creatus est. Hoc primum argumentum. Cum Moses æqui uocis verbis non utatur, sicut per aquas illas, super quas ferebatur Spiritus, Angelica natura est intelligenda; ita & nunc aquarum nomine ipsamet est capienda. Audiamus ipsum.

Enimverò, vt plenius à nobis quod sentimus, atque censemus, exponatur, breuiter sententiam eorum, quæ dicta sunt, repetamus; nempe firmamentum, quod Cælum cognominatur, consinium sensibilis esse creaturæ: nam illud deinceps excipit ea, quæ cogitatione percipitur, creatura: in qua non species, non magnitudo, non in loco positio, non interuallorum, & spatiorum mensura, non calor, non figura, non quantitas, non aliud quicquam eorum, quæ sub Cælo conspiciuntur.

Et post, cum abyssi nomine Potestates, quæ à Deo descuerant, intelligendas non esse, sed aquarum multitudinem contendisset; adiecit.

Quum autem de separatione aquarum, quæ per firmamentum facta sit, à Scriptura doceor, non præter rationem

rationem probabilem, & nominis significationem mihi facturum esse videor, si de aqua separationem intelligam, ut diuersam vtriusque esse naturam putem; atque persuasum habeam, vnam quidem, quæ in sublimi feratur, leuisque, atque adeo leuitate ignis leuior, & agilior sit, ut supra calidam naturam manens, neque cum motu infra se positi vna transferatur, neque calore ad contrarium ordinem traducatur: sed & ipsa maneat expers diminutionis, neque subtercurrenti igni vllum per se transitum det: (qui enim fieri possit, uti id quod materiæ est expers, materiali locus sit?) alteram autem aquam hanc esse, cuius naturam, & oculis, & tactu, & gustatu cognoscimus: nam quæ & deorsum fertur, & clara, perlucidaque esse conspicitur, & gustatu per insitam qualitatem cognoscitur, eam ad aliquem alium intellectum transferre natura eius, quod cognoscitur, non cogit. Illam verò, quæ dicitur aqua, quæ neque videtur, neque fluitat, neque aliquibus terminis omnino continetur, quibus humida natura coerceri solet, sed quum extra locum est, tum cum nulla, quæ sensu iudicatur, qualitate commixta, atque concreta est, non opinor aliquem fore ex ijs, qui ad iudicandum meditati accesserint, propterea quod, & spiritum Dei super eam ferri, & super Cælos eam esse, & extra omnia, quæ per sensus cognoscuntur, manere eam credat, qui non ad eam, quæ cogitatione percipitur, naturam opinione propendens, aliquid aliud atque commune hanc aquam esse intelligat. Hoc enim ex ijs, quæ excussimus animo ac mente concepimus, quod quicquid mouetur, intra eam, quæ cogitatione percipitur, naturam coercetur, & circa sese conuersionem habeat: Terminus item ijs, quæ mouentur, extremitas eius naturæ sit, quæ spatijs & interuallis subiacet. Vltra quam extremitatem, ea quæ cogitatione percipitur, & dimensionis est expers, ab omnibus localibus, & interuallaribus proprietatibus vacua ac pura reperitur natura. Extremam igitur oram sensibilis naturæ, vltra quam nihil tale est, quale inter ea, quæ apparent, agnoscitur, eam dicimus nomine firmamenti significari, confirmante nobis opinionem Scriptura, quæ dicit; Diuisit Deus aquam, quæ erat sub firmamento. Ostenditur enim per hæc, quod nec ab initio quidem hæc cum illa aqua commixta esset: sed in communione nominum insociabilis esset natura: quum non dicat, quæ facta est subter, aut supra firmamentum, sed quæ erat subter firmamentum, & quæ erat supra firmamentum. Quod si vna quidem statim in caligine ad inferum situm repulsa erat: altera verò non in caligine, (in lumine enim prorsus est, quod in spiritu Dei est, & à caligine remotum, ac separatum est:) simul autem etiam supra id, quod interim creatum est, firmamentum erat: iudicet intelligens, & doctus auditor, nunquid oratio nostra in ijs, quæ dicta sunt, à conuenienti, atque consentanea opinione, atque coniectura aberrauerit.

Et post plura aquas naturales super Cælum confidere non posse, his demonstrare enitur.

Enimvero non intempestiuum esse mihi videtur, rursus mentionem facere super cælestium aquarum. Nam si hic necessario terra ad recipiendas aquas figuratur veluti sinibus quibusdam fluitationem earum coercens, & sua firmitudine, atque stabilitate, instabili aquarum naturæ, stabilitatem, & locum consistendi præbens: qui sit, ut aqua, quæ supra est (siquidem re vera aqua est) consistit quidem in eo, quod instabile, & vagum est: diffusionis autem, ac dissipationis expers in curuo, atque conuexo permanet? Nam si vnam ponimus, & eandem ambarum aquarum esse naturam: omnino necesse est, ut ea, quæ de hac dicimus, in illa quoque ita se habere putemus. Ergo dorsa Cæli ad similitudinem eorum, quæ in terra fiunt, finduntur in alueos, & fossas, & ad distantias rupium, ac precipitiorum in conualles, & voragine excauantur, ut in concauitatibus aqua contineatur. Quid igitur dicemus, cum Poli conuersio, quæ in orbem, circumque fertur, ad inferam partem detulerit id, quod nunc supra est; nunquid opercula quædam circulis excogitabimus, ne aqua dependens è suis concauitatibus effluat? Verum ignis, inquit, vi consumptrice præditus est: itaque opus habet materia quadam, quæ flammam perpetuo alat, ne penuria, atque inopia succedentis, & fontis, ipse circa se consumptus deficiat, & extinguatur.

Amplius ut rationem eam, qua alij aquas super astra locatas contendebant, ex eo quod ignis maxima vi consumptrice præditus sit, ob idque opus habeat materia, quæ flammam perpetuo alat, ne penuria ipse consumptus deficiat, ut eam (inquam) rationem confutet, longiori oratione prosequitur plura de absorptione, atque transmutatione elementorum, quæ inuicem naturaliter fit, edisserere, ex naturaque elementi aquam supra ignem consistere non posse, nititur omni conatu demonstrare.

HIERONYMVS Commentarijs in Psalmum centesimum tertium, in ea verba; Qui tegis aquis superiora eius, hæc effatur.

Superiora Cæli iuxta Genesim ab aquis teguntur: quia aquas super firmamentum positas dicit, multitudinem Angelorum intelligimus: iuxta illud; Aquæ, quæ super Cælos sunt, laudent nomen Domini.

Psal. 148.

AVGVSTINVS Confessionum libro decimo tertio, capite trigesimo secundo, hanc amplecti visus est, dicens.

Videmus firmamentum Cæli, siue inter spirituales aquas superiores, & corporales inferiores, primum corpus Mundi: siue hoc spatium aëris, quia & hoc vocatur Cælum, per quod vagantur volatilia Cæli inter aquas, quæ vaporaliter ei superferuntur, & serenis etiam noctibus rorant, & has quæ in terris graues fluitant.

Anno Mūdi
primo.
Die secunda.

In medio aquarum.

a. *Aquæ superæ inuisibilibium ; Inferæ visibilibium materies .*

G L O S S A Interlinearis.

Aquas, idest populos Angelorum, qui non indigent firmamento Scripturæ.

Sed hæc moralem expositionem redolere conuincuntur.

Cap. 6.

Vt de Patrum horum sententijs sententiā feram, Hieronymus mysticum sensum, & non literalem eo loco detulit, quemadmodum ex ijs, quæ post habebimus, manifestabitur. D. Augustinus, quod libro tertiodecimo Confessionum dixerat, Retractionum libro secundo, vt in ardua re non bene diffinitum correxit, & retractauit. Nyssenus vero certè aliud asserere non potuit, si dispositionem mundanæ machinæ quam protulit, prosequi cum non pœnituit. Nam si igneum est Cœlum, vt ipse arbitratur, labile ac tenue certè est, & aquas sua natura ferre nequit. Præterea si firmamentum ora illa, seu terminus Mundi sensibilis existit, quo omnia corporea, vt ipse autumat, concluduntur, profecto extra Mundum aquæ elabi, atque effluere non possunt. Cogitur itaque Nyssenus ex sua Mundi structura per aquas superas Angelos interpretari. Quæ certè eius Mundi dispositio, quamuis iuxta naturalia, ac præcipuè Platonica placita, præstantissima sit, à Mosis tamen litera longe abscedit, atque cum his, quæ Moses tradit, minime conuenire perspicitur.

a. *Aquæ superæ inuisibilibium ; Inferæ visibilibium materies.*

A præfata sententia hæc altera interpretatio parum dissona est, quæ aquarum seiunctione, Inuisibilibium, atque Visibilibium materiei disgregationem venire, arbitratur.

A V G V S T I N V S hanc insinuassee visus est de Genesi imperfecto, capite octauo.

Et dixit Deus ; Fiat firmamentum in medio aquæ, & sit diuidens inter aquam & aquam. Et sic factum est. Et fecit Deus firmamentum, & diuisit inter aquam, quæ erat sub firmamento, & inter aquam, quæ erat supra firmamentum. Vtrum aquæ tales sint supra firmamentum, quales sub firmamento istæ visibiles: an quia illam aquam videtur significare, supra quam spiritus ferebatur, & eam intelligebamus esse ipsam Mundi materiam, hæc etiam hoc loco firmamento interposito discreta credenda est, vt inferior sit materia corporalis, superior animalis? hoc enim firmamentum dicit, quod Cœlum postea vocauit. Cælesti autem corpore nihil est in corporebus melius. Alia quippe corpora cælestia, alia terrestria. Et utique cælestia meliora, quorum naturam rationi, quid transit, nescio quemadmodum iam corpus possit vocari. Sed est fortasse vis quedam subiecta rationi, quæ ratione Deus, veritasque cognoscitur: quæ natura, quia formabilis est virtute, atque prudentia, cuius vigore cohibetur eius fluctuatio, atque constringitur, & obiectio quasi materialis apparet, rectè aqua diuinius appellata est, non locorum spatium, sed meritò naturæ in corpore Cæli incorporei ambitum excedens. Et quoniam Cœlum firmamentum vocauit, non absurde intelligitur, quicquid infra æthereum Cœlum est, in quo pacata, atque firmata sunt omnia, mutabilis esse, & dissolubilis. Quod genus corporalis materię ante acceptam speciem, distinctionemque formarum, à qua firmamentum nominatum est.

Et de Genesi contra Manichæos libro primo, capite vndecimo.

Et dixit Deus : Fiat firmamentum in medio aquæ, & sit diuisio inter aquam & aquam : & sic factum est. Et fecit Deus firmamentum, & diuisit Deus inter aquam, quæ est super firmamentum, & inter aquam, quæ est sub firmamento : & vocauit Deus firmamentum Cœlum : & vidit Deus, quia bonum est. Hæc non memini Manichæos reprehendere solere: tamen quòd diuersæ sunt aquæ, vt aliæ essent super firmamentum, & aliæ sub firmamento, quoniam materiam illam dicebamus nomine aquæ appellatam, credo sub firmamento Cæli materiam corporalem rerum visibilibium, ab illa incorporali rerum inuisibilibium fuisse discretam. Cum enim Cœlum sit corpus pulcherrimum, omnis inuisibilis creatura excedit etiam pulchritudinem Cæli : & ideo fortasse super Cœlum esse dicuntur aquæ inuisibiles, quæ à paucis intelliguntur, non locorum sedibus, sed dignitate nature.

In medio aquarum.

Anno Mūdi
primo.
Die secunda.

4. *Aque supernæ, beatorum Regia inter Empyreum, & Cælum astrigerum
posita : Aque infernæ, res sensibiles.*

turæ superare Cælum : quanquam de hac re nihil temerè affirmandum est. Obscura est enim, & remota à sensibus hominum. Sed quoquo modo se habeant, antequam intelligatur, credenda est.

D. THOMAS hanc Augustini sententiam memorat prima parte, questione sexagesima octaua, articulo secundo.

Posito etiam, quòd firmamentum sit alterius nature præter quatuor elementa, adhuc potest dici, quòd aquas diuidit, si per aquam non elementum aquæ, sed materiam informem corporum intelligamus, ut Augustinus dicit supra Genesim ad literam contra Manichæos ; quia secundum hoc, quicquid est inter corpora, diuidit aquas ab aquis.

Num autè D. Thomas sit D. Augustini mentè apprimè consecutus, ambigi potest. D. Augustinus siquidè discretionem effectam esse inter materiam visibilibus, & inuisibilibus, seu intelligibilibus, & sensibilibus, siue Angeli, & corpore deuinctarum rerum testatur. D. autem Thomas eam tantum inter corpori addictarum rerum informem materiam effectam autumat : sed de hoc tuum ingenue lector esto iudicium. Cæterum hanc Augustinianam interpretationem, ut arduam & difficilem dimittamus.

a. *Aque supernæ, beatorum Regia inter Empyreum, et Cælum
astrigerum sita : Aque infernæ, res sensibiles.*

G V I L I E L M V S Parisiësis primæ partis de Vniuerso prima parte, peregrinam nobis detulit interpretationem. Primum enim capite trigesimo quarto cum aquarum nomine totam massam seu molè aqueam à terra ad Empyreum se extendentem interpretatus esset, & post trigesimo octauo capite ex illis aquis effectum firmamentum, hoc est Cælum, non in naturam crystalli conflatum, sed in quintam quandam essentiam redactum tradidisset : in capite trigesimo nono disertissime probat, aquas illas supercelestes ibi non reseruatas fuisse naturales, nec propter Diluuium, nec propter irrationes pluuiarum, sed ex illis aquis congestam fuisse regionem quandam ætheream per lucidam pro sede Beatorum : hisque hanc suam explicat sententiam.

Reuertar igitur ad id in quo eram, & dicam, quoniam aquæ, quæ super Cælum nouem sunt, non sunt ibi in forma aquarum, quæ apud nos sunt ; sed ex eis regio illa, quæ Cælo Empyreo circumtegitur, sic facta est ; ut sit amena & salubris, & per omnem modum apta habitatio glorificandis hominibus, conueniensque vite, immortalitati, & impassibilitati eorundem ; sic quibusdam fortè videatur. Tu enim non ignoras, quòd pisces in aquis viuunt, & in aëre viuere non possunt, sed in aqua est vita eorum, atque saluatio. Econtrariò autem se habet in hominibus, qui non possunt viuere in aquis, sed in aëre solummodo. Sic nempe est regionem superiorum aquarum sic preparatam esse, & aptatam, prout requirit salubritas immortalitatis, & incorruptionis future post resurrectionem mortuorum. Conuenientius enim videtur, ut sit regio illa siue habitatio hominum beatitudine illa futura glorificandorum, quam ipsa substantia Cæli Empyreici, ut quidam forsitan opinantur : eius enim soliditatis est Cælum Empyreum, ut spirationi, & respirationi deservire non possit. Quare si spirabitur, & respirabitur in illa vita beatitudinis ab hominibus, habitatio illa inter Cælum novum, & Empyreum, sola conueniens videtur statui beatitudinis illius. Amplius. Pulchritudo illa, & splendor Empyreici Cæli, magis digna est conspici, quam calcari. Super Empyreum autem Cælum non est locus, & propter hoc neque habitatio. Amplius. Cum Cælum illud tectum sit totius Mundi ; non conuenit, ut subsit pellibus habitantium ; immo potius debet patere aspectibus eorum, & supereminere capitibus. Quare manifestum est aquas illas vel iam versas esse in corpus, quale dixi ; vel saltem eo tempore vertendas, quo homines beatificandi in sublime beatitudinis transferendi sunt. Tanto autem maioris puritatis corpus est, quod ex illis factum est vel prædicto tempore faciendum, quam alia elementa, quanto aquæ illæ puriores fuisse alijs aquis æstimandæ sunt. Quapropter longè purius isto aëre quem inhabitamus, & insuper quanto corpora nostra in statu gloriæ illius nobilitati habitatione digna erunt : quam sunt in statu mortalitatis, & miseriæ presentis. Siquis autem quærat,

Anno Mūdi
primo.
Die secunda.

In medio aquarum.

- a. *Aqua supera, crystallinum Cælum; Inferæ vero, Saturni orbis.*
b. *Vel, Aqua superiores, Cælum crystallinum, inferiores verò Elementa, seu materies ex incoacta, ex qua educenda erant cuncta corporea, seu aqua.*

rat: propter quid tacuit de vtilitate aquarum illarum, vel de generatione, quæ de eis, vel facta est iam, vel facienda? Respondeo tibi, quia genti Hebræorum sic loqui debuit lex, & legislator, vt & intelligere possent, & crederent narrationibus illius. Non enim solummodo brevis erant intelligentie: immo innutriti idolatrijs, & imbuti erroribus: propter quod nec de creatione Angelorum, nec de resurrectione mortuorum, nec de multis alijs secretis mentionem eis expressam facere voluit: facillimi enim erant ea repellere, quæ non intelligerent, aut caperent: propter quod insonuit illud antiquum Prouerbum apud eos; Locuta est lex lingua hominum.

Nemo (quod viderim) hanc prosequutus est inexcogitatam sententiã, de qua quid proferam nescio, adeo siquidem peregrina est, vt potius oblectationis gratia audienda sit, quàm sedata mente lubenter confectanda.

- a. *Aqua supera, crystallinum Cælum; Inferæ vero, Saturni orbis.*

Placuit nonnullis ea sententia, quæ per firmamentum in medio aquarum octauam sphaeram astris innumeris venustatam interpretatur, atque in medio crystallini superioris Cœli, & Saturni inferioris extare peribet.

H A M E R V S inter ceteros Commentatione in Genesim hanc sententiam recte explicat dicens.

Sunt etiam qui ab Astronomia intellectum mutuuntur. Interpretantur enim firmamentum hoc octauam sphaeram, innumeris Stellarum facibus aptam. Hæc à Græcis vocatur aplanis, à Latinis inerratica. Media hæc est inter duas aquas, inter nonum orbem, & septimum. Nonam sphaeram appellant Cælum crystallinum, quod in modum glaciei clarum sit, & pellucidum. Saturni sydus imprimis aquarum nomine censetur: Vnde & Lucanus libro decimo Pharsaliæ inquit.

Frīgida Saturno glacies, & Zona niualis
Cessit.

Positum est ergo firmamentum hoc, quod diuidit inter Cælum crystallinum & Saturnum, tanquam inter aquas & aquas. Et hæc interpretatio recentior est, qui magis Astrologicè locum hunc, quàm Theologicè interpretantur.

Interpretatio hæc coincidit ferè cū altera sequenti, adeo vt ferè sub eius iudicio cadat.

- b. *Aqua superiores, Cælum crystallinum, inferiores Elementa, seu materies ex qua depromenda erant cuncta corporea, seu aqua.*

In hanc sententiam abeunt ferè omnes Scholastici; Aquarum enim superiorum nomine hi omnes nonum Cælum, metaphorice quod instellare seu crystallinum, seu aqueum, seu primum mobile appellant, conformiter interpretantur: inferiorum verò, alij elementa ipsa in eo Chaos commista, alij rudem eam massam, ex qua eliciendæ erant res omnes corporeæ, alij aquas ipsas intelligunt.

D. T H O M A S qui sæpe inter diuersas interpretationes ita ludit, vt ferè, quæ illi sit probator, & acceptior conspiciere nō possimus, adeo attamen quintam Aristotelicam essentiam celebrat, vt in hanc cadat expositionem. Nam primò in Questionibus disputatis, quæstione quarta, ad quintum, cū prolixiùs per aquas eas supercelestes non Angelos, nec aëreas impressiones, nec naturales aquas capiendas esse demonstrasset, adiecit.

Videtur dicendum, quod Scripturæ veritas ab omni calumnia defendatur, vt dicamus, quod aqua illa non sint de natura harum aquarum elementarium, sed sunt de natura quintæ essentiæ, habentes communem cum nostris aquis diaphaneitatem, sicut & Cælum Empyreum cum nostro igne communem splendorem. Et has aquas quidam vocant Cælum crystallinum, non quia sit de aqua congelata in modum crystalli, quia vt dicit Basilus in Hexameron, puerilis dementiæ, & insipientis mentis est, talem de celestibus capere opinionem, sed propter illius

illius Caeli soliditatem, sicut & de omnibus Cælis dicitur Iob trigesimo septimo, quod solidissimi quasi ære fusi sint: & hoc Cælum etiam ab Astrologis ponitur nona sphaera; Vnde nec Augustinus aliquam de præmissis expositionibus asserit, sed sub dubitatione dimittit dicens in eodem libro, Quomodo, & quales aquæ ibi sint, esse ibi eas minimè dubitemus: maior est quippè Scripturæ huius auctoritas, quàm omnis humani ingenij capacitas.

Et in Scriptis secundo Sententiarum, distinctione quartadecima, quæstione prima, post nonnullas refutatas sententias adiungit.

Sed tamen melius possumus dicere, quod intelligatur de firmamento, quod est Cælum sydereum, supra quod sunt aquæ, non quidem de natura huius aquæ, quæ apud nos est, sed de natura quintæ essentiæ, habentes similitudinem cum hac aqua, ratione cuius nomen aquæ Scriptura eis attribuit, occulta per sensibilia nota manifestans. Hæc autem similitudo non potest attendi in se secundum lucidum, & diaphanum, in quibus inferiora corpora conueniunt cum cælestibus, ut in secundo de Anima dicitur. Et ideo sicut Cælum Empyreum dicitur, quod est simile igni in hoc, quod est lucidum totum, ita etiam Cælum crystallinum, vel aqueum dicitur, in quantum conuenit cum aqua in hoc, quod est diaphanum, siue quod sit aliqua pars eius lucens sicut est in Cælo sydereo, cuius quædam partes lucent scilicet stellæ, & aliqua pars est diaphana. Huic etiam videtur consonare, quod supra dixerat Magister, quod per aquas intelligitur prima materia: de cuius subtiliori parte factæ sunt aquæ, quæ super Cælos sunt: ut sic non cogamur ponere aquas elementum supra Cælos esse. Hoc autem Cælum aqueum est nona sphaera, ad quam primò reducunt Astrologi motum orbis signorum communem, omnibus stellis, qui est de Occidente in Orientem: & iterum sphaeram decimam, ad quam reducunt motum diurnum: qui est de Oriente in Occidente.

Cæterum in Summa (quæ postremum est, ut Thomistæ referunt, eius testamentum) non adeò facile permotus est, ut rapido pede in hanc sententiã iret. Verùm plures enumerans expositiones hanc non reticuit.

Si autem per firmamentum intelligatur Cælum sydereum, quod non sit de natura quatuor elementorum, tunc & aquæ illæ, quæ sunt supra firmamentum, non erant de natura elementarium aquarum. Sed sicut secundum Strabonem, dicitur Cælum Empyreum, id est igneum, propter Solis splendorem, ita dicitur aliud Cælum aqueum, propter solam diaphaneitatem, quod est supra Cælum sydereum.

ALEXANDER Halensis parte secunda, quæstione quinquagesima, membro primo, disceptans, an supra firmamentum sint aquæ, hanc ferè resolutionem tradit. His nanque proluxa eius sententia colligitur.

Aquas supra firmamentum esse opinio tantum est: nec certi, determinatiue quidquam habetur. Quare & ibidem nos eas affirmabimus; non tamen sub quacunque proprietate, sed sub ratione perspicui, & lucidi: adeò ut Cælum aqueum, vel crystallinum, dicamus esse ex luce, & perspicuitate naturali, sicut ex complemento sui.

D. BONAVENTURA Sententiarum secundo, distinctione quartadecima, articulo primo, quæstione prima, cum eam reieccisset sententiam, quæ firmamentum ærem esse, & supernas aquas pluuias, inferas verò aquas labètes exponebat, eo quod à litera recedat, quæ stellæ in firmamento positas clarè attestatur: Alteram quin etiam confutasset assertionem, quæ firmamentum Cælum astriferum, aquas naturales tùm supra deferens, tùm subtus concludens, extare tradebat, eo quia impossibilitatem inducat, interrupto perfectionis, dignitatisque ordine, qui elementum aquarum minus nobile super corpora cælestia præstantissima efferri minimè patitur, adiecit.

Et ideo est tertius modus dicendi, quod supra firmamentum (sicut dicit Scriptura) sunt aquæ, quæ tamen non habent naturam, & speciem aquæ elementi: censentur tamen aquæ nomine propter conuenientiam in aliqua proprietate. Vnde notandum est, quod aqua ista tres habet proprietates: habet enim perspicuitatem, habet frigiditatem, habet nihilominus grauitatem. Quantum ad naturam perspicuitatis, hæ aquæ, & illæ conueniunt; eo quod habent naturam receptiuam luminis, & quodammodo retentiua, sicut experimento patet in aliquibus lapidibus, qui de nocte non videntur per se, nisi ponantur in aqua. Quantum autem ad naturam grauitatis simpliciter differunt. Illæ enim aquæ nullo modo sunt graues, nec appetunt deorsum. Quantum vero ad naturam frigiditatis, partim conueniunt, partim differunt. Conueniunt enim in hoc, quod utraque sunt frigide effectiue: differunt autem in hoc, quod istæ sunt frigide formaliter, illæ verò minimè. Et secundum hoc patet, quod nomen aquæ tripliciter accipitur in primaria rerum distinctione. Aliquando pro informi materia, ut ibi; Spiritus Domini, &c. Aliquando pro natura transparenti, & luminis retentiua, ut ibi; Fiat firmamentum in medio aquarum. Aliquando pro ipso elemento aqueo, ut ibi; Congregentur aquæ in locum unum. Et sic patet, quod supra firmamentum verè sunt aquæ, sicut dicit Scriptura, & auctoritates Sanctorum: quia illud intendunt persuadere. Patet etiam, quod non sunt ibi aquæ elementares, siue eiusdem naturæ, cuius sunt aquæ istæ, nec quantum ad corruptibilitatem, nec quantum ad grauitatem, nec quantum ad ignobilitatem, nec quantum ad grossitiem, nec quantum ad transfundendi possibilitatem, sicut ostendunt rationes ad oppositum.

fitum adducto. Hanc autem viam tertiam satis sustinere possumus probabiliter, cum nihil videatur sibi obuiare. Hoc autem precipue attendendum est; ne incerta materia aliquid certitudinaliter asseratur: melius est enim pie dubitare, quam aliquid temerarie diffinire.

I V D O C V S Clichtouæus Commētarijs in caput sextum secundi libri de Fide Ioan. Damasceni: cum eam exposuisset sententiā, quæ per aquas supercœlestes impressiones aëreas intelligit, & alterā, quæ aquas perspicuas supra sydera collocat, & tertiam, quæ aquarum cœlestium nomine Cœlum crystallinum ob perspicuitatem, & claritatem nuncupatum aquam, capit, de his iudicium hoc tulit.

Enimvero horum trium propositorum, primum recte dici non posse videtur. Nam Genesis primum caput refert stellas positas esse in firmamento. Nullæ autem sunt stellæ in ima parte aëris, in qua diuersamur. Quare nomine firmamenti videtur Cœlum sydereum intelligendum. Neque secundum eundem vsquequaque verum censetur. Nam aquis natura competit grauitas, densitas, frigiditas, fluxibilitas, & motus deorsum: quæ omnia si aquis illis conueniunt, deberent deorsum tendere, aut ibi perpetuo detineri violente, quod recte Mundi ordinationi prorsus repugnat. Quare tertiæ potius accedendum est sententiæ, asserenti scilicet aquarum nomine super Cœlos existentium, ipsum Cœlum firmamento supereminens, ac illud ambiens intelligi debere.

Postillatores, & ipsi abeunt in eandem interpretationem.

L Y R A N V S tum in prima, tum in secunda expositione: nam in prima hæc habet.

Ex quibus patet, quod firmamentum, prout includit Sphæram septem Planetarum, medium est inter Cœlum crystallinum, & elementa, quæ nomine aquarum designantur, ut prædictum est. Et hoc est, quod dicitur: Fiat firmamentum, & diuidat aquas ab aquis, id est Cœlum crystallinum ab elementis.

Et post. Diuisitque aquas &c. Hic aquæ dicuntur æquiuocè, ut patet ex prædictis, quia istæ, quæ sunt super firmamentum, sunt de natura cœlesti: illæ autem, quæ sunt sub firmamento, de natura elementari. In altera, Fiat firmamentum in medio aquarum. Istud fieri hic accipitur quantum ad formam secundum formam quia de vna parte materie prius productæ sub forma communi, factum est firmamentum secundum formam specificam Cœli syderei. In qua productione intelliguntur etiam producti Orbes septem Planetarum, qui sub nomine firmamenti comprehenduntur. De parte autem superiori illius materie communis, factum est Cœlum crystallinum, quantum ad formam substantialem secunda die, sicut de firmamento dictum est. Et significatur per aquas quæ sunt super firmamentum propter conuenientiam cum aqua, ut prædictum est. Sub firmamento autem, prout comprehendit Orbes septem Planetarum, remansit materia communis, ex qua facta sunt elementa: tertia die: quæ materia designatur nomine aquæ, ut prædictum est. Et sic patet quomodo secunda die factum est firmamentum in medio aquarum; id est, inter Cœlum crystallinum, & materiam elementorum: & sic patet literaliter.

T O S T A T V S pariter in prima.

Diuisit Deus aquas, quæ sunt super firmamentum; id est, Cœlum crystallinum, quod vocatur æquiuocè aqua: Ab his, quæ sub firmamento: quæ sunt aquæ elementales.

Et post in postrema.

In medio aquarum. id est inter Cœlum crystallinum, quod vocatur nomine aquarum: & aquas inferiores, quæ sunt aquæ elementales: vel omnia elementa, quæ tunc vocabantur aquæ propter habilitatem ad faciendam illam materiam aliquid; sicut aqua magne passibilitatis est apta, ut ex ea aliquid fiat per aliquam condensationem: & manserunt istæ aquæ informes vsque ad tertiam diem, in quo omnibus elementis forma data fuerunt. Cœlum autem crystallinum dicitur à similitudine crystalli; quia crystallus de riuibus facta est, quod illæ aquæ sunt sic Cœlum crystallinum de aquis gelidis & densis factum est. Sed non est intelligendum, quod illa materia sit similes istis elementalibus in specie, quia incorruptibiles sunt, & de materia subtili; sed quia illa materia sic lucida est, & transparens, assimilata crystallo transparenti, vel aquis gelidis.

Prosequiturque Tostatus duo declarare, primum aquas illas, ut non elementares congelari, & rarefieri nequire. Deinde illas esse Cœlum illud primum, quod viginti quatuor horis rapitur, nec ex impetuossima illa motione calefieri posse, & consumi, densiorisque & clarioris esse substantiæ super omnia corpora, atque ob eius vniformitatem cærulei esse coloris, & vix ad Ptolomæi tempora fuisse compertum.

C A I E T A N V S in Genesim, capite primo.

Appellatur autem primum mobile aqua, eo quod est natura puræ ac perspicuæ sicut aqua. Et appellantur aquæ in numero plurali, quia dictio Hebraica significans aquam, caret singulari.

C A T H E R I N V S Cōmentarijs in Genesim, cum nomine firmamenti, Cœlum astris inerrantibus decoratum significari explicasset subiicit.

Et diuisit aquas ab aquis. Nemo autem miretur nonam Sphæram per aquas significari; quoniam iuxta Hebraicam dialecton, cum Cœli dicantur Schamaim, aquas significant. Sic enim exponunt eruditi Rabbinores Schamaim, id est, Ibi aquæ. Quod ergo dicitur; Et diuisit aquas ab aquis, interpretor per aquas hæsitatio-

hæsitacionem hoc in loco creaturas omnes Vniuersi ex illa materia conditas significari, quam & aquarum nomine superius appellauit Propheta, quæ quodammodo hoc firmamento, quod est ultimum nobis visibile, diuiditur. Diuidit enim quasi supramundanas creaturas, videlicet Cælum ipsum aqueum, ab inferioribus quæ suis, idest, ipsius Cæli terminis concluduntur: & hunc nobis visibilem Mundum finiunt. Non sit autem cuiquam mirum, omnes creaturas vocari aquas, cum & in Scripturis habeamus populos hoc verbo significari, & vocari, sicut declarauit Dilectus, dicens; Aquæ multe populi multi. Et verè omnis creatura suæ conditione naturæ est veluti fluens aqua, instabilis, tumultuosa, insipida, quæ in malum, atque in nihilum tenderet, nisi contineretur, atque regeretur verbo virtutis Dei, & eius sapientia gubernaretur.

Apoc. 17.

AE G I D I V S Hexameron secunda parte, capite quartodecimo, cum pluribus de supra cœlestium aquarum natura disceptasset, ait.

Concludamus ergo, & dicamus, quòd cum queritur; quales, & cuius naturæ sunt illæ aquæ: possumus dicere, quòd sunt quinta essentia, & sunt naturæ cœlestis. Possunt tamen dici, propter aliquam similitudinem, glaciales, ratione soliditatis, quia aqua in glaciem conuersa, soliditatem acquirit. Vel possunt dici glaciales propter frigiditatem, quam habent, non formaliter, sed effectiue: nam à quibusdam corporibus cœlestibus generatur hic calor, à quibusdam frigus: nam sic fecit Deus omnia in numero pondere, & mensura, vt esset in rebus ex diuersis proprietatibus, vel ex diuersis effectibus, quasi quidam proportionatus numerus, & quædam symphonia, vt sicut ex delito numero colorum, & ex delita proportione ipsorum fit pulchritudo: & sicut ex debita caliditate & frigiditate, & alijs proprietatibus debito numero & proportione coniunctis, resultat quoddam ligamentum, & quædam pulchritudo in ipsis elementis: iuxta illud Boetij;

Tu numeris elementa ligas, vt frigora flammis,

Arida conueniunt liquidis:

Sic in corporibus cœlestibus resultat effectiue, vt illæ supercœlestes aquæ possint dici glaciales, quia fortè frigiditatem generant in istis inferioribus: & sicut illæ aquæ possunt dici glaciales ratione frigiditatis; sic possunt dici ponderosæ fluctuantes ratione humiditatis: nam humidum, & specialiter humidum ponderosum, cuius est humidum aqueum, non bene terminatur termino proprio; & idè fluit, & fluctuat. Illæ ergo aquæ cœlestes possunt dici ponderosæ, & fluctuantes, non formaliter, sed effectiue, quia forte habent humectare ista inferiora, quod humectare conuenit aquis fluentibus & ponderosis: nam sicut quædam corpora supercœlestia sunt effectiue calida, quædam frigida; ita quædam sunt sicca, quædam humida. Tertio illæ aquæ cœlestes possunt dici vaporabiles, idest, raræ & tenues, ratione diaphanitatis: nam si sunt frigide & humide effectiue, diaphanæ tamen sunt formaliter.

Superioris sententiæ fundamenta.

Burgensis in Additionibus Scholasticis assentit, aquasque superiores & inferiores non æquiuocè, sed analogicè dici autumat; prosequiturq; D. Bonauenturæ doctrinam.

Comprobant pluribus hanc suam sententiā hi Doctores. Primum sicut Cælum, inquit, supernum Empyreum Beatorum sedes igneum nuncupatur, non quia efferueat, sed quoniam emicet; pariter & Cælum crystallinum aqueum appellatur, eò quòd perspicuitate simile aquis conspiciatur. Deinde aquæ, quas contestatur Scriptura super Cœlos confidere, elementares esse nequeunt, tum ex elementorum naturæ ratione, quandoquidè vt grauissime suo pondere ad terræ ambitum traherentur, nec super aërè, ignem, cœlestiaq; corpora consistere valerent, nisi perpetuum admitteremus, portentosum, superuacaneumque miraculum: tum quia vt D. Thomas, & Durandus secundo Sententiarum, distinctione quartadecima produnt si aquæ elementares inter duos cœlestes globos collocarentur, possent utique ex motu calefieri, laxari, ac rarefieri, atq; ita corrumpi, & exinde in aliud elementum transmutari. Quæ omnia cunctorum Philosophorum consensione supra Cœlos contingere non posse, euidentissimum, & exploratissimum est. Quid igitur aliud, aiunt hi, erunt aquæ supercœlestes præter ipsummet Cælum primum, firmamentum, hoc est octauam sphaeram ambiens, & includens? Metaphorice igitur locutus est Vates Moses, & egregie: Cælum siquidem, vt perspicuum, ac vt glacies concretum, cum aquis ingenuam similitudinem ac proportionem gestat.

Cæterum hanc interpretationem Vielminus Læctione decimatertia, & decimaquarta, & Pererius Commentarijs in Genesim libro primo, omnesque nuperrimi Doctores usque adeò validis rationibus, & probatis argumentationibus, reijciunt ac confutant, vt mihi compendiarium earum narrationem facere satis esse videatur. Primum igitur inquirunt: Historiam texens Vates Moses voces in populari ac plana sua significatione capere debuit. Deinde Mosè in breuissima narratione tripliciter vocis Aquæ significationem variasse non est consentaneum. Nam si per aquam materiè primò intelligi voluit, cum dixit; Et Spiritus Domini ferebatur super aquas (vt ipsi interpretantur) Et post, crystallinum

Refellitur dicta sententia ex nuperis Doctoribus.

linum illud Cælum, dum adiecit, Diuidat aquas; & subinde elementa, seu massam inconditam, ex qua elicienda ea essent, cum subiungit; Ab aquis: & postremo aquas has diffluentes, cum scripsit; Congregentur aquæ &c. Nonne auditores siue lectores illufit? quando non bis, sed ter, & quater eam ipsam vocem (nulla addita declaratione, qua sensum mutare cognosceretur) ad diuersaintulit, & repetijt? Amplius, & amphibologia usus est Vates, cum in eodem contextu eandem vocem aquarum (dicens, Diuidat aquas ab aquis) ad aquas metaphoricæ, atque ad aquas naturales exprimendas adhibuit. Quo quid absurdius? Rursum nonne hæc est homogenei corporis dissecatio? Igitur, quales sunt aquæ terrestres, tales erant & cælestes. Et quomodo diuisio illa secundo die fieri potuit, si iam ante omnem diem (vt ipsi autumant) corpora cælestia condita erant super omne elementum? Adijcias, si aquæ nomen sumi metaphorice hoc loco his Doctores est admittendum, cur non cæteris etiam dandum erit, vt ipsi quoque voces eas, lux, nox, dies, vespere, mane, firmamentum, & quascunque alias, ad metaphoricæ, & allegoricos sensus pro cuiusque arbitratu desleant? Si Epiphanius, Hieronymus, Basilus, Ambrosius, Rupertus, erroneam Origenis interpretationem reputarunt, eò quod, vt inquit D. Hieronymus, allegorizet (quamuis allegoria ea non inuenusta esset, nec allegorizando historiae veritatem conturbaret) cur hæc non importuna, indecens, incongrua existimanda est, cum metaphorizet, ac parabolizet? & non tantum nitorem, sed veritatem historiae perturbet, ac vehementer obscurat? Qua ratione euitabunt, ne vniuersa hæc Mosis de Mundi molimine Historia, perplexa, ambigua, obscura, dubiaque à sapientibus existimetur? Sed vrgeamus fortius; Cum aer sit magis rarus, & magis quam aqua perspicuus, cur aquam potius quam aerem Moses Cælum illud supra firmamentum situm nuncupauit, cum tamen propinquiorem cum aere, quam cum aqua generationem? Deinde historiam contexuit Moses rudibus, ac ineruditis prorsus Hebræis, quare vt eorum imbecilli admodum captui eam aptaret, de his quæ sensu passim non patent, nil proderet ausus est. Quomodo igitur potuit hac inusitata metaphora, ac translatione nonum crystallinum Cælum, eruditissimis vix cognitum, eis penitus inaspectabile, atque abditum significare, ac notificare? Eo magis hæc vrget ratio, quod ea tempestate nonum Cælum nulli erat, nec ipsi Mosi forte, compertum, cum tantum octo orbis omnis prisca ætas per plura secula post Mosem agnosceret, & uix Hipparchus & Ptolemæus post tot sæcula ipsum compererint, ac manifestarint. Verum, quid asserent illi eximij nominis Doctores, quando supra octauam astrigeram spheram non tantum nonum, sed etiam decimum Cælum, & vsque ad quartumdecimum ex nuperrimorum Astronomorum doctrina confidere euincatur? Nunquid hæc orbium instellarium congeries aquarum supercælestium nomine significari contendunt? Nondum igitur determinata, ac diffinita erit huius vocis significatio? sed quis illis, vt ratum ac certum prodidit, nonum Cælum conspicuum, perlucidumque esse, ac frigiditatem influere? Nam quod Diaphanum, hoc est, perspicuum sit, ac crystallo simile, nec sensus percipit, quoniam supra ipsum nullum emicat lumen, nec ingenij vis eò pertingit, nec authoritas Philosophorum, seu Theologorum comprobatur. Quod etiam refrigerandi facultate polleat, haud compertum exploratumve esse duco.

P E R E R I V S siquidem eleganter hoc redarguit scribens.

Sed primò exponi debet, per quam vim & qualitatem Cælum refrigeret, cum non sit actu frigidum. Etenim Aristoteli, & Peripateticis stat, non aliter Cælum agere in res sublimares, quam per motum, & lumen: illa porro vis refrigerandi, cum transire debeat elementum ignis, aut eam omnem corrumpere ignis, aut ab ea ipse corrumpetur. Oporteret etiam sublimiora loca esse omnia frigidiora, quò propius vim illam refrigerandi acciperent. Et cum Cælum illud sit vniforme, & simili modo totum moueatur, simili etiam pariter, modo refrigeraret omnia; quod valde noxium esset: certè falsum esse demonstrat experientia.

Verum esto Cælum illud nonum perspicuum sit, & refrigerandi natura polleat, attramen si ex his aqua dici potuit, pari arbitratu & Saturni orbis, cum totus præter astrum sit perlucidus, ac frigidissimum sydus censeatur, poterit aqua nuncupari: atque id quod scribitur, firmamentum aquas ab aquis diremisit, poterimus profecto ita interpretari, nempe octauam spheram Cælum nonum à septimo dissecasse. Sed qua ratione potuit secundo die segregatio ista contingere, si iam ante omnem diem separatim profiliere?

Rursum

In medio aquarum.

a. *Aquæ supernæ, impressiones æreæ; Infernæ verò, aquæ labentes super terram.*

Rursum omnium tūm Græcorum, tūm Latinorum Patrum sententia, quæ aquas veras, ac naturales super Coelos locatas putant, huic refragatur. Tandem & Christianorum apprimè lectionibus sacris edoctorum communis assertio id ipsum cum Patribus sentit, ac intelligit.

a. *Aquæ supernæ, impressiones æreæ; Infernæ verò, aquæ labentes super terram.*

Qui firmamentum non aliud significare opinabantur, nisi ærem hunc à Cœlo ad terram oram diffusum, seu æris interstitium, facile quæ aquæ sint supra, & quæ sub, interpretatur. Nam per aquas superiores, impressiones in ære quascunque; per inferiores verò, aquas in Pelago, lacubus, fluminibus, fontibusq; collectas, intelligunt. Patres & Doctores hanc amantes sententiam iam supra deducti sunt. Superest, ut narrationum ipsorum partem eam, qua id explicarunt, in gratiam lectorum repetamus.

AUGUSTINVS de Genesi ad literam, libro secundo, capite quarto, dicebat.

Cum ergo probasset & hunc ærem Cælum dici, nulla alia causa etiam firmamentum appellatum voluit existimari, nisi quia intervallum eius diuidit inter quosdam vapores aquarum, & istas aquas, quæ corpulentius in terris fluitant. Et nubes quippe, sicut experti sunt, qui inter eas in montibus ambulauerunt, congregatione, & conglotatione minutissimarum guttarum talem speciem reddunt: quæ si spissantur amplius, ut coniungantur in vnam grandem plures guttæ minimæ, non eam patitur ær apud se teneri, sed eius ponderi ad imadat locum, & hæc est pluuia. Ergo ex ære, qui est inter vapores humidos, vnde superius nubila conglotantur, & maria subterfusa, ostendere ille voluit esse Cælum inter aquam. Hanc ergo diligentiam considerationemque laude dignissimam iudico. Quod enim dixit, neque contra fidem est, & in promptu posito documento credi potest.

GLOSSA interlinearis.

In medio aquarum, hoc est, vaporaliter suspensarum, & per terram labentium.

BEDA Expositione in Genesim hanc non reticuit, sed non approbavit. Quidam his consentiens ostendit hunc ærem Cælum appellari; sicut communi sermone dicimus, serenum Cælum, nebulosum Cælum, & Scriptura aues Cæli vocat, cum aues in ære manifestum sit volare. Firmamentum verò appellari, quia intervallum illius diuidit inter quosdam vapores aquarum, & istas aquas visibiles, quæ in terra fluitant.

Sed de elementis Philosophiæ, libro secundo, clarè non tantum eam approbavit, sed accerrimè oppositum confutauit.

Sed quæret aliquis. Est ne super Lunam nisi æther, & stellæ, & prætaxati spiritus, an ibi sunt aquæ congelatæ, supra quas sunt aliæ? Dicunt inde quidam super æthera esse aquas congelatas, quæ in modum pellis extense oculis nostris occurrunt, super quas sunt aquæ, auctoritate diuinæ pagine hoc confirmantes, quæ ait; Posuit Deus firmamentum in medio aquarum. Et iterum; Diuisit aquas, quæ erant sub firmamento, & quæ sunt super firmamentum. Sed quoniam istud contra rationem est, quare sic esse non possit ostendamus, & qualiter diuina pagina in prædictis intelligenda sit. Si ibi sunt aquæ congelatæ, ergo aliquid ponderosum & graue. Sed proprius locus ponderosorum & grauium, terra est. Si iterum sunt ibi aquæ congelatæ, frigida, & humida, contrarium suo contrario sub medio est coniunctum: nunquam ergo ibi concordia, sed contrariorum est repugnantia. Amplius, si aqua congelata coniuncta est igni, vel dissoluitur igne, vel extinguit ignem. Cum ergo ignis & firmamentum maneant, non sunt aquæ congelatæ igni. Si non sunt igni coniunctæ, est aliquid inter eas, & ignem. Sed quid erit? Elementum. Sed nullum est superius igne, factum ex elementis. Visibiles ergo. Vnde igitur non videntur? Restat igitur, ibi non esse aquas congelatas. Sed scio quid dicent; Nos nescimus

nescimus qualiter hoc sit; sed scimus Deum hoc posse facere. Miseri, quid miserius, quam dicere istud est, quia Deus illud facere potest, nec ostendere rationem, quare hoc sit; nec utilitatem, ad quam hoc sit. Non enim quicquid Deus facere potest, facit. Vt enim verbis rustici utar; Potens est Deus de trunco facere vitulum. Fecitne vnquam? Vel igitur ostendat rationem, quare hoc sit, vel utilitatem, ad quam hoc sit, vel desinat iudicare sic esse. Si ergo nec aquae congelatae ibi sunt, nec super eas sunt aliae. Cum autem diuina pagina dicit; Diuisit aquas quae sunt sub firmamento ab his, quae erant super firmamentum: Aëra firmamentum vocauit, quia firmat & temperat terrena. Super hunc sunt aquae vaporaliter, in nubibus suspensae, quemadmodum in sequentibus ostendetur, quae diuersae sunt ab his, quae sunt sub aëre. Similiter exponatur; Posuit firmamentum in medio aquarum.

GLOSSA Ordinaria ex Augustino.

Asserunt enim aquas super Caelum sydereum esse non posse, cum earum pondus exigit hoc, ut super terram fluant, vel ferantur vaporaliter in aëre. Nec quisquam dicat fieri hoc omnipotentia Dei. Quomodo enim Deus naturas rerum fecerit, queritur, non quod ex eis ad miraculum potentiae operetur. Qui vero negant aquas super Caelum esse posse, non tantum locis, sed & qualitatibus distinguunt elementa, pro quibus sortiantur propria loca, ut sit aqua super terram, aër super aquam, Caelum super aërem. Vnde colligitur, quod si Caelum super aërem maneret, ex pondere suo caderet: & sic aqua super Caelum esse non posset. Vnde quidam conantur demonstrare, aquas esse super Caelos, aërem hic, Caelum & firmamentum accipientes propter hoc tantum, quia interuallum eius diuidit inter quosdam vapores aquarum, & aquas, quae sunt in terris.

Sed ueniamus ad recentiores Doctores mordicus hanc sententiam amplexantes, ac defensores.

STEVCHVS in Cosmopoeia; cum pluribus firmamenti nomine aërem intelligendum demonstrare enixus fuisset, ipsumque secundo die fuisse diffusum, nullasque supercelestes aquas posse comperiri, nec in sacris literis commemorari, ex hisque euinci aquarum supernarum nomine nil aliud capiendum, quam impressiones in sublimi, seu, ut ipse inquit, mare supernum, aquarum vero infernarum, labentes aquae, hoc est mare infernum: ut illi obiectioni satisfaceret, qua impressiones aëris secundo die non extasse quispiam argumentari potuisset, haec habet.

In medio aquarum. Aquas non quae tunc essent, sed in omne tempus, vniuersalemque naturae consuetudinem respicit. Erant quidem aquae infernae, supernae autem non quidem tunc, sed ad sua, omniaque alia secula, respectat Theologus, quoniam desuper creantur, gentis suae more locutus, quae solet ubique quasdam supernas, & celestes aquas usurpare, non illas quidem semper in sublimi pendentes, sed aquas supernas semper appellatas, propter tempora, quibus delabi videntur. Nam & celestes sunt appellatae, non quod semper morentur in Caelo, sed quod saepenumero inde cadant, priuataque est Hebraica gentis loquendi consuetudo. Diuisitque aquas, quae erant sub firmamento. Hebraice non est verbum Erat, sed habet ad hunc modum. Diuisitque aquas, quae sub firmamento, siue diffusionem, temporis diffinitionem sublata. Itaque non tunc quidem aquas desuper innuit fuisse, quanquam vaporibus exhalatis, nubes tunc cogi poterant; sed ut dixi, ad omnem naturae consuetudinem pertinet.

PERERIVS Commentarijs in Genesim, libro primo.

Nos igitur existimamus aquas, quae sunt super firmamentum, non esse alias quam quae in sublimi aëre, quam mediam regionem aëris vocant Philosophi, generantur. Si enim firmamentum, hoc loco est spatium aëreum, quod interpretat inter terram & sydera, proculdubio aquas, quae supra firmamentum sunt, non alias interpretari conuenit, quam quae in superiori parte aëris gignuntur; illuc enim vapores ex terra & aquis, potentia solis elati, densantur, & coguntur in nubes; ex quibus imbres generati, tam largè & commodè ad irrigandam, & fecundandam terram defluunt, tanta nonnunquam copia, & impetu, ut videantur illic esse ingentes lacus, & flumina, quinetiam maria. Quocirca, ut fieret Diluuium, Scriptura narrat reueratas esse Caelo cataractas, quae significantur densissimi imbres maximo impetu, & fragore deorsum praecipitati.

Memorat hoc loco ad suam roborandam opinionem flumen illud ingens per aëra fursum, & deorsum delatum: de quo Aristoteles in Meteororum libris mentionem habet. Memorat & illud Prouerbiorum. Quando aethera firmabat fursum, contestans pro illo vocabulo Aethera, Hebraice scribi **SEKAKIM**; quod proprie significat nubes. Vnde Septuaginta Graece τὰ ἀνωτέρω, hoc est, supernas nebulas, seu nubes verterunt. Et illud aliud. Librabat fontes aquarum; hocque; asserit non de fontibus, qui è terra scaturiunt, sed de fontibus coelestibus, hoc est nubibus esse accipiendum.

Ceterum haec sententia duabus praecipue caussis ruit, Primò, quia firmamenti nomine aërem tantum interpretari non licet, ut supra euidentissimis probatum est rationibus. Deinde quoniam absurda fieret locutio Moysi, si interpretaremur, Fiat firmamentum in medio aquarum, & diuidat aquas ab aquis, id est, Fiat aër, ut postea persistat in medio aquarum,

In medio aquarum.

Anno Mūdi
primo.
Die secunda.

- a. *Aquæ superiores, elementa pura super mediam aëris regionem, inferiores, mixta hæc impura infra eandem regionem.*
b. *Aquæ sub, & supra, Aquæ naturales.*

aquarum, & discriminet aquas sublimes à fluentibus. Enarrat siquidem Moses, quòd tunc productum est; clarissimisque verbis, firmamentum effectum in medio aquarū, in ipsaque effectione seiunxisse aquas ab aquis, tradit. Nam subiicit. Fecit Deus firmamentum, & diuisit aquas, quæ erant sub firmamento, ab iis quæ erant super firmamentum. Sciscitor nanque, si nondum productæ erant impressiones in sublimi, quomodo dicit, Diuisit aquas? &c. Quòd si exponemus Diuisit, hoc est, Diuisit post: pari ratione exponere possumus, Fecit, hoc est, Fecit post. Conturbaturque tota oratio, nec quid ipse velit Moses, percipere possumus. Consimiles enim literæ distractiones arbitrariæ sunt, nec ita crebris calculis recipiendæ.

- a. *Aquæ superiores, elementa pura super mediam aëris, regionem inferiores, impura hæc infra eandem regionem.*

H A M E R V S hanc nobis patefecit sententiam, dum Commentatione in Genesim ait.

In hac ergo opinione complures sunt, qui firmamentum hoc mediam aëris regionem vocent: quæ superiora elementa ab inferioribus, quasi aquas ab aquis discriminat, ac distinguit. Triplicem enim partitionem corporum sublunarium ponunt. Alia supra mediam regionem aëris sunt, suprema scilicet pars eiusdem elementi, & purissimus ignis, quod totum ætheris nomine designatur. Ibi pura, immixta, & legitima elementa. Alia infra ipsum aëris meditullium, quæ apud nos sunt, ubi elementum nullum purum: (Neque enim purum elementum sensibile) sed mixta omnia ex fæculenta, crassioreque parte mundani corporis constant. Intercedens ergo regio aëris, hic vocatur firmamentum, in hac sublimes illæ impressiones apparent, pluuiæ, niues, fulgura, fulmina, tonitrua, cometae, & cætera id genus.

Verum si superiorem interpretationem reiecimus, ex eo quòd firmamenti nomine aërem capi censuerat, multo magis iisdem rationibus hæc repudianda est, quæ firmamentum mediam aëris tantum regionem esse autumat. Rursum cum aquarum supra positarum nomine ignem, aërisque regionem primam purissimam, nec vnquam impressionibus exhalationibusque obrutam significari contendit, nonne ipsum nomen aquæ ad nouam, inopinatam, longeq; ab vsu semotam significationem rapit?

Hameri sententia repro-
batur.

- b. *Aquæ sub, & supra; Aquæ naturales.*

Naturales ac veras aquas super Cœlos consistere, sententia est omnium ferè Patrum vetustorum, Doctrinæ, & sanctitatis nomine præstantissimorum; quorum numerosam vberimamque Catenam, etsi non prolixa oratione, contexere enitar: vt quàm conspicua, rata, explorataque apud summa Ecclesiæ lumina hæc veritas effulserit, in eorum gratiam, qui nostra tempestate ab ea descire ausi sunt, patefaciam.

Apud Hebræos antiquitus hæc sententia adeo vixit, vt maiorum traditione quasi irreuocabilis haberetur. Quare vt certam, indubitamque, illustres Sinagoga Proceres eam prosequuti sunt.

I O S E P H de Antiquitatibus libro primo, capite primo, breuissimo compendio non tantum aquas in Cœlo collocatas, sed & naturam earum, causamque quare super Cœlos sint constitutæ, patefecit, dicens.

Post hæc secunda die Cœlum super omnia collocauit, ipsumque ab alijs distinguens in semetipso constitutum esse præcepit, & ei crystallum circumfigens, humidum eum, & pluuialem ad vtilitatem, quæ sit ex terre imbris, congruè fabricatus est.

Adno-

Adnotes vocem, Crystallum, qua naturam aquarum supercelestium in glaciem concretam edocet. Adnotes verbum, Circumfigens, quo Cœlum esse aquis supra, & forte sub circumseptum, tradit. Adnotes, Humidum eum, & pluuialem, &c. Quibus causa demonstratur, qua aquas super Cœlos Deus collocarit: hoc est, vt rori, & imbribus deseruiant.

Amplius Libro inscripto, Testamentum duodecim Patriarcharum, cuius autoritas non tantum apud omnes hebræos maximæ fuit existimationis, sed etiam eo usque accessit, vt Robertus Linconiensis Episcopus eum e Græco in Latinum verterit, hæc habentur in tertia benedictione.

Tunc cecidit super me somnus, & contemplatus sum montem excelsum. Hic est mons Aspidis in Abelmaul, & ecce aperti sunt Cœli, & Angelus Dei dixit ad me; Leui ingredere: Et ingrediebar de primo Cœlo in secundum. Et vidi illic aquam suspensam in medio huius, & illius. Et vidi tertium Cœlum multo lucidius quam duos. Etenim altitudo erat in ipso infinita.

D. P E T R V S, vt recitat Clemens Papa Recognitionum lib. primo, ait. Iam vero aqua, quæ erat intra Mundum, in medio primi illius Cœli, Terræq; spatio, quasi gelu concreta, & crystallo solidata, distenditur: & huiusmodi firmamento velut intercluduntur media Cœli, ac Terræ spatia, idque firmamentum Cœlum conditor appellauit, antiquioris illius vocabula nuncupatum. Et Post. Post hæc quod reliquum fuit, in inferioribus aquarum, iussu voluntatis æternæ, locus maris & Chaos effectum recipit; eisque ad demersa, & concaua defluentibus, arida quidem apparuit terra.

Distinguit igitur Petrus inter duo genera aquarum, aliud gelu concretum, & aliud defluens. Quanquam magis aquas illas ita solidatas, firmamentum esse, quam super ipsum confidere Apostolus statuere videatur.

I V S T I N V S Quæstione nonagesimatertia, cum disceptet, causasque inuestiget, propter quas Deus aquas super Cœlos sustulerit, certè eas ibi confidere fatetur.

Si auerse Cœli partes aquis vrgentur, quemadmodum diuinarum literarum monumentis prodicium est, id quod nonnulli factum esse censent propter igneam astrorum essentiam, sic vt Cœlum vrgentibus aquis depressum subiecta astrorum flamma inuictum maneat: qui sit, vt ij, qui hæc dicunt, verè dicant, cum astra non in Cœlo, sed infra Cœlum ferantur?

Huic propositæ disceptationi satisfaciens triplicem causam retulit, quare eas super Cœlos Deus locarit. Sed de ijs infra.

T E R T V L L I A N V S libro de Trinitate capite octauo. *Quod in firmamentum de aquarum fluente materia fuerat Deo iubente solidatum, vt glacies robusta aquarum terram pridem contegentium, diuidens medietatem, dorso quodam pondera aquæ superioris, corroboratis de gelu viribus sustineret.*

Librum hunc Pamelius Nouatiano ascribit, sed stylus certè magis Tertullianicus mihi videtur.

H I L A R I V S Enarratione in Psalmum centesimum trigesimum quintum, & aquas super Cœlum eleuatas, simulque & causam quare ibi collocata sint, reddit, dicens.

Aquis etenim eleuatis illam ipsam primi Cœli naturam temperauit, quæ superni Dei accensa virtute nequaquam ab inferioribus esset patienda naturis. Cœlum vero inferius non uniforme, sed multiplex tetendit: quod totum firmamentum nuncupans, valida ad sustentationem aquarum superiorum, temperationemque aëris nostri firmitate solidauit.

Verum causa ea, quam adduxit Hilarius, Deum scilicet aquas super Cœlos euasisse, vt Cœli primi, hoc est, fortè Empyreï accensam virtutem temperaret, num probanda veniat, infra disceptabimus.

B A S I L I V S Hexameron Homilia tertia, non tantum aquas fatetur super Cœlos sitas, sed etiam cur, cum labiles sint, à corpore globoso non defluant, requirit, cum dixit.

Sed antea quam Scripturæ sententiam attingamus, id quod ab alijs obijcitur, dissoluere nitamur. Percutiantur enim nos; Si firmamenti corpus globosum est, vt aspectus ipse declarat, aqua autem suapte natura fluxa quum sit, & è sublimi fluere soleat, ac delabi; quinam potuit in curua & superiore circumferentia firmamenti solidè ac stabiliter persistere?

Satisfacitque, cum prosequitur.

Quid ad hanc obsecro respondendum est obiectionem? In primis quidem dicendum: vt donem aliquid esse, quod

quod qua parte nobis cernitur, speciem præfert circuli per flexuram, fornicemve internæ concavitatis, non continuo necesse sit illius quoque externam superficiem quaquaversum ad imaginem spheræ esse perfectam, totumque id, perinde ac opus tornatile, exacte esse circumductum, leuigatum, ac perpolitum. Quando videmus ipsi tum tecta balnearum lapidea, tum ædium extructiones antri in speciem cavernosas, ipso quidem internæ partis aspectu circumductas esse in speciem, figuramve semicirculi, cum interim pars tecti superior aquabilem plenique obtineat, & planam superficiem. Quapropter hac de re neque sibi molestias ipsi sumere, neque nobis præstare velint, quasi superis aquam in locis detinere, coercereque non valeamus.

Et post de immensa aquarum copia prolixam habet disputationem, ad exæstuantis ignis vim reprimendam non tantum infernarum aquarum abundantiam, sed & supernarum demonstrans fuisse necessariam. Rursum Origenis, Apollinarijque expositionem, qui aquas cœlestes nil aliud quam Angelos esse contendebant, refellens adijcit.

His igitur & eius generis sententijs, ut quæ somnijs, & anilibus fabellis conferendæ veniunt, relegatis, aquam nos, ut aquam intelligamus, & segregationem factam humorum à firmamento, ea causâ quam assignamus, accipiamus. Atque etiam si quando aquarum illæ, quæ super Cœlos sunt collocatæ, communem omnium Dominum laudare tradantur, non naturas ratione præditas ob id illas esse decernimus. Et Post. Neque enim super Cœlos consistens aqua ob hoc, quod inferiores antegreditur honoris præcipui dignitate, ipsa solum ob eximiam, & insignem suæ virtutis prerogativam, diuinam adimplet laudem. At enim laudate eum, ait, & quæ ex terra sunt, Dracones, & omnes abyssi.

A M B R O S I V S Hexameron libro secundo, capite tertio (libentius Basilio, Ambrosium connecto, quod eius interpretem, seu Commentatorem ferè existimem) aquas super Cœlos confidere posse, eleganti disceptatione nititur demonstrare. Primumque posse aquas super orbem rotundum stare, nec defluere, vel delabi, his ostendit.

Et discrevit Deus inter medium aquæ, quæ erat sub firmamento; & inter medium aquæ, quæ erat super firmamentum. Et primò volunt id destruere, quod frequenti Scripturarum lectione inolitum nostris, & impressum est mentibus, quia aquæ super Cœlos esse non possint: dicentes rotundum esse orbem illum Cæli, cuius in medio Terra sit; & in illius circuitu aquam stare non posse, quod necesse est defluat, & labatur, cum de superioribus ad inferiora decursus est. Quomodo enim aqua super orbem, ut aiunt, stare potest, cum orbis ipse voluatur? Hæc est illa versutia dialecticæ: Da mihi vnde tibi respondeam. Quod si non detur, nullum verbum refertur. Perunt sibi concedi, axem Cæli torqueri motu concito: orbem autem Terræ esse immobilem, ut astruant aquas super Cœlos esse non posse, quod omnes eas voluendo se axis effunderet: quasi verò ut concedam illis, quod postulant; & secundum eorum opiniones illis respondeam, negare possint in illa altitudine & profundo, & longitudinem esse, & latitudinem, quam nemo potest comprehendere, nisi is qui impletur in omnem plenitudinem Dei: ut Apostolus ait; Quis enim potest facillè esse diuini operis estimator? Est ergo latitudo in ipsa Cæli altitudine. Sunt etiam, ut de his dicamus, quæ scire possumus, pleraque ædificia foris rotunda, intus quadrata: & foris quadrata, intus rotunda; quibus superiora sunt plana, in quibus aqua herere soleat. Quæ tamen idè dicimus, ut aduertant opiniones suas opinionibus verisimilioribus reuinci posse, & desinant tantum opus Dei humane operationis, & nostræ possibilitatis contemplatione metiri.

Ephes. 3.

Et post, aquas super Cœlos coerceri posse comprobat ex Dei opificis potentia.

Nos autem Scripturarum seriem, atque ordinem, querimus sequimur, & opus contemplatione æstimamus auctoris, quid dictum sit, & quis dixerit, & cui dixerit; Fiat, inquit, firmamentum in medio aquæ, & sit discernens inter aquas. Audio firmamentum fieri per præceptum, quo diuideretur aqua, & ab inferiore superior discernetur. Quid hoc manifestius? Qui iussit discerni aquam interiecto, & medio firmamento, prouidit quemadmodum diuisa, atque discreta manere possit. Sermo Dei virtus naturæ est, & diuturnitatis substantia quod adusque velit eam manere qui statuit, sicut scriptum est; Statuit ea in seculum seculi, præceptum posuit, & non præteribit. Et ut scias, quia de istis aquis hoc dixit, quas tu negas posse in superioribus Cæli esse, audi superiora; Laudate eum Cæli Celorum, & aquæ, quæ super Cœlos sunt, laudent nomen Domini. Nonne quasi aduersanti tibi dixit; Quoniam ipse dixit, & facta sunt, ipse mandauit, & creata sunt. Statuit ea in seculum seculi, præceptum posuit, & non præteribit? An non videtur tibi auctor idoneus, qui legem suo operi daret? Deus est qui dicit, venerabilis naturæ, inestimabilis magnitudine, immensus in remunerationibus, incomprehensibilis in operibus; cuius altitudinem sapientiæ quis inuestigare facilis? Iste dicit Filio, idèst dicit Brachio suo, dicit Virtuti suæ, dicit Sapientiæ suæ, dicit Iustitiæ. Et fecit Filius quasi potens, fecit quasi Virtus Dei, fecit quasi Sapientia Dei, fecit quasi Iustitia diuina. Cum hæc audis, quid miraris, si supra firmamentum Cæli potuit tantæ maiestatis operatione vnda suspendi?

Psal. 148.

Ibidem.

Deum verò potuisse id efficere; ex duobus euentibus in sacra Scriptura enarratis, in Mari rubro, videlicet, & Iordane amne, pariter comprobat.

De alijs hæc collige, de ijs quæ videntur oculi hominum; quomodo ad Iudeorum transitum, si rationem queris, se vnda diuiserit. Non solet hoc esse naturæ, ut aqua se discernat ab aqua, & in profundo interfusiones aquarum

Philip. 4.

aquarum sine medio separentur. Gelauerunt, inquit, fluctus, & firmamenti specie cursim suum insolito sine frenarunt. Nonne potuit etiam aliter Hebræum populum liberare? Sed tibi voluit ostendere, ut eo spectaculo etiam illa, quæ non vidisti, æstimares esse credenda. Iordanis quoque reflexo amne in suum fontem reuertitur. Sed Herere aquam cum labitur; & ita sursum redire in superiora sine ullo repagulo, impossibile habetur. Sed quid impossibile ei, qui dedit posse quibus voluit? Dedit posse infirmitatibus, ut infirmus dicat; Omnia possum in eo, qui me confortat.

Hæc Glossa locupletata tantum ex Ambrosio excerpta. Inde similitudine rerum naturalium, aquarum scilicet in aëre per nubes suspensarum, & Terræ in centro Mundi libratae, aquas etiam supra Cœlos consistere posse, demonstrat adhuc Ambrosius, cum ait,

Dicant certè quemadmodum aër cogatur in nubem, verum pluvia nubibus generetur, an sinu nubium colligatur. Videmus plerumque exire nubes de montibus. Quæro utrum de Terra ascendat aqua, an ea, quæ super Cœlos est, largo imbri descendat. Si ascendit, utique contra naturam est, ut ascendat in superiora, quæ grauior est, & portetur aëre, cum aër subtilior sit. Aut si conceiti orbis totius motu rapitur aqua, sicut in orbe rapitur; ita summo orbe diffunditur. Si fundi, ut volunt, non desinit: rapi utique non desinit: quia si cut axis Cœli semper mouetur, & aqua mouetur, & aqua semper hauritur. Si descendit, manet ergo iugiter super Cœlos, quæ habet unde descendat. Deinde quid obstat, si confiteantur, quia aqua supra Cœlos suspensa sit? Nam quo verbo dicunt Terram in medio esse suspensam, & immobilem manere, cum utique grauior sit quam aqua, ea ratione possunt dicere non præcipitari aquam orbis illius celestis conuersione, quæ super Cœlos est. Sicut enim terra inani suspenditur, vel pondere librato undique immobilis persenerat, ita & aqua, aut grauioribus, aut æquis cum terra ponderibus examinatur. Ideoque non facile superfunditur mare terris, nisi cum iubetur exire.

Argumentatur id ipsum Ambrosius ex multitudinis aquarum necessitate, quæ ad Mundi huius durationem protrahendâ exigebatur. De quo postea, cum causas celestium aquarum inuestigabimus. Amplius capite quarto, cum Origenis sententiam recitasset, eamque quasi ad tractatus decorem delatam acceptasset, adiicit.

Nobis tamen non alienum videtur, atque absurdum, si aquas veras, propter illam causam quam diximus, intelligamus. Nam & ros, & gelu, & frigus, & æstus, secundum hymnum Propheticum benediciunt Dominum, benedicit & terra: & illa non ad intelligibiles naturas referimus, sed ad veritatem. Laudant enim Dracones dominum, quia natura eorum & species, cum videtur, non minimum, vel decoris offundit, vel inesse rationis ostendit.

Animaduertas precor, quantum Ambrosius pugnarit pro hac sententia.

HIERONYMVS in Epistola ad Oceanum, quæ est octuagesimateria, hæc ait.

Inter Cœlum & Terram medium extruitur firmamentum: & iuxta Hebræi sermonis Etymologiam, Cœlum, id est, Samaim, ex aquis sortitur vocabulum: & aquæ, quæ super Cœlos sunt, in laudem Dei separantur. Unde & in Ezechiele Propheta, crystallum super Cherubim videtur extensum, id est, compacte & densiores aquæ.

His videtur fateri Hieronymus Cœlum ipsum, ut crystallum esse compactum, & aquas super Cœlos confidere, & in laudem Dei separari. Et quanquam alias aquas Angelos esse dixerit Commētarijs in Psalmum centesimum tertium, attamen uti Cœlos ex aquis compactos non abnuit, ita & aquas cœlestes naturales esse fateretur, si sensum litteralem declararet.

EPIPHANIVS, ut deducebamus supra, in Epistola ad Ioannem Episcopum Hierosolymitanum à Hieronymo translata.

Dicente Origene, aquas, quæ super firmamentum sunt, non esse aquas, sed fortitudines quasdam Angelicas potestatis. Et rursum, aquas, quæ super terram sunt, hoc est, sub firmamento, esse virtutes contrarias, id est, Demones. Et quomodo legimus, in Diluuiò apertas cataractas Cœli, & aquas inundaſſe Diluuij? Unde aperti sunt fontes abyſſi, & totus Mundus opertus est aquis?

Ecce habes Epiphanium non tantum aquas super Cœlos admittentem, sed eas etiam in Diluuiò decidisse testantem.

CHRYSOSTOMVS Homilia quarta in Genesim. Dixitque, ait, Deus: Fiat firmamentum in medio aquæ, & sit distinguens inter aquam. Quid est, fiat firmamentum? Quasi quis dicat humana lingua; Fiat paries quidam, & interstitium in medio diuidens, & separationem faciens. Et ut discas magnam elementorum obedientiam, excellentemque virtutem opificis, ait, Et factum est ita. Dixit solum, & opus secutum est. Et fecit, ait, Deus firmamentum. Dicit; Facto firmamento inter aquam, quæ erat sub firmamento, & inter aquam, quæ erat super firmamentum.

mento, iussit aquas alias sub firmamentum ferri, alias autem supra dorsum esse firmamenti.

Sed clarius Homilia in Psalmum centesimum quadagesimū octauum, in eam Psalmi clausulam: Laudate eum Celi Cælorum & aquæ omnes, &c.

Cælum autem Cælorum hic dicens, non ostendit multitudinem, sed idem etiam dicit Cælum Cæli. Hebræorum enim lingua Celi dici consuevit, sicut etiam alibi dicit; Cælum Cæli Domino, Terram autem dedit filiis hominum. Et aquæ, quæ super Cælum sunt. Audiuit Mosén quoque dicentem, ex aquis quidem eum has reliquisse inferius: illas verò effecisse stare sublimes super terga cælestia, cum in medio abyssi firmamentum stabilisset, & aquas manere super terga sinisset.

Psalm. 118.

HIPPOLYTUS Portuensis Episcopus, ut supra retulimus, inquit. Deus omnium Dominus, cum voluit terram inuisibilem visibilem facere, tunc tertiam aquarum partem potentia sua in medio fixit; tertiam verò supra firmamentum eleuauit; tertiam demum infra esse voluit, ad hominum scilicet usum, atque vtilitatem.

CYRILLUS Hierosolymitanus Cathedesi nona, ut supra referebamus, cum firmamentum ex aquis coactum prodidisset, adiecit.

Cum enim futurum erat, ut propter agriculturam opus esset aquis, constituit aquas supra Cælum, ut cum terra pluuiarum irrigatione indigeret, paratum sit à natura ad hoc Cælum.

AVGVSTINUS quanquam (ut sui moris est) in plures rapiatur sententias, aquas tamen super Cælum esse vettas docuit, ut ex pluribus ipsius lucubrationū locis elici potest. Seligam ex illis tres saltem insigniores. De Genesi ad litteram libro secundo, capite primo hanc excitat difficultatem; Num aquæ super Cælum stare possint.

Muli enim asserunt, istarum aquarum naturam super sydereum Cælum esse non posse, quod sic hic habeat ordinatum pondus suum, ut vel super terram fluitent, vel in aëre terris proximo vaporaliter ferantur. Nec quisquam istos debet ita refellere, ut dicat secundum omnipotentiam Dei, cui cuncta possibilia sunt, oportere nos credere, aquas etiam tam graues, quàm nouimus, atque sentimus, cælesti corpori in quo sunt sydera suspensas. Nunc enim quemadmodum Deus instituerit naturas rerum, secundum Scripturas eius nos conuenit querere, non quid in eis, vel ex eis ad miraculum potentiae suae velit operari. Neque enim si vellet Deus sub aqua oleum aliquando manere, non fieret: non ex eo tamen olei natura nobis esset incognita, quod ita facta sit, ut appetendo suum locum, etiam si subterfusa fuerit, perrumpat aquas, eisque se superpositam collocet. Nunc ergo querimus, utrum conditor rerum, qui omnia in mensura, & numero, & pondere disposuit, non unum locum proprium ponderi aquarum circa terram tribuerit, sed & super Cælum, quod ultra limitem aëris circumfusus, atque solidum est.

Deinde recenset Augustinus argumenta eorum, qui aquas supercælestes inficiantur, primumque illud, quod à loci natura sumitur, dicens.

Quod qui negant esse credendum, de ponderibus elementorum argumentantur, negantes vllō modo ita desuper quasi quodam pavimento solidatum esse Cælum, ut possit aquarum pondera sustinere, quia talis soliditas nisi terris esse non possit; & quicquid tale est, non Cælum, sed Terra sit.

Ampliusque argumentum aliud desumptum à qualitatibus nativis elementorum, quibus locum sub, & supra sortiuntur, prolixa oratione subnectit toto capite primo, secundo, & tertio, euincens aquam super terram suam sedem nancisci, aërem verò aquis supereminere, ignem vero, ex quo sydera, luminariaque facta alij coniectant, aëre esse sublimiorem demonstrans. Ex quibus concludit aquas super Cælum igneū consistere non posse, cum illic aër multo aquis leuior manere nequeat. Inducit perinde eorum sententiam, qui ut has fyrtes euitent, firmamenti nomine aërem esse intelligendum malunt, & per aquas vapores humidos interpretantur, eamque commendat, ut supra referebamus. Verum adiecit capite quarto.

Quanquam possit videri non impedire propria pondera elementorum, quomodo etiam super illud sublime Cælum possint esse aquæ per illas minutias, per quas etiam super hoc spatium aëris esse potuerunt: qui quamuis grauior, & inferior summo Cælo subiaceat, proculdubio leuior est aquis, & tamen ut super eum sint vapores illi, nullo pondere prohibentur. Sic ergo & super illud Cælum potest minoribus guttis leuior halitus humoris extendi, qui pondere cadere non cogatur. Ipsi quippe subtilissima ratione persuadent, nullum esse quamlibet exiguum corpusculum, in quo diuisio finiatur, sed infinite omnia diuidi: quia omnis pars corporis corpus est; & omne corpus habeat necesse est dimidium quantitatis suae: ac per hoc, si potest aqua, sicut videmus, ad tantas guttarum minutias peruenire, ut super istum aërem vaporaliter feratur, qui natura leuior est aquis; cur non possit & super illud leuius Cælum minoribus guttis, & leuioribus innanare vaporibus? Rursum & quorundam Augustinus argumentationem deducit, qui aquas super Cælum sydereum consistere ea ratione probari arbitrantur, quod Saturni stella frigidissima sit, concludens capite quinto.

His quidam nostri coniecturis agunt aduersus eos, qui nolunt aquas super Cælum credere, & volunt eam

Stellam esse frigidam, quæ iuxta summum Cælum circuit; ut ex hoc cogantur aquarum naturam credere, non iam illic vaporali tenuitate, sed glaciali soliditate pendere.

Quibus disceptationibus quasi non acquiescens, ait.

Quoquomodo autem, & qualeslibet aquæ ibi sint, esse eas ibi minime dubitemus: maior est quippe Scripturæ huius auctoritas, quam omnis humani ingenij capacitas.

Qua ex doctrina Augustiniana duo excipiuntur. Alterum aquas, vel in vapores tenuissimos redactas corporibus cœlestibus superferri, vel glaciali soliditate pendere (hi sunt duo modi, quibus aquas consistere censuit Augustinus) Alterum, quod quoquomodo ibi sint, eas ibi esse minimè sit dubitandū. Beda Quæstionibus in Genesim, hæc cuncta mutuauit ut infra.

G L O S S A Ordinaria pariter hæc eadem compilauit.

Si verò potest aqua, sicut videmus ad tantas minutias peruenire, ut feratur vaporaliter super aërē aquis naturaliter leuiorem; cur non credamus & super illud leuius Cælum, minutioribus guttis, & leuioribus manare vaporibus? sed quoquomodo ibi sint, ibi esse non dubitamus.

Verum adeamus nos secundum locum forte clariorem.

A V G V S T I N U S itaq; de Ciuitate Dei libro vndecimo, capite postremo.

Sed hi, qui in nomine aquarum, quæ super Cælos sunt, Angelos intelligi volunt, ponderibus elementorum mouentur, & ideo non putant aquarum fluidam, grauemque naturam in superioribus Mundi locis potuisse constitui: qui secundum rationes suas, si ipsi hominem facere possent, non ei pituitam, quod Græcè πύμα dicitur, & tanquam in elementis corporis nostri aquarum vicem obtinet, in capite ponerent. Ibi enim sedes est phlegmatis, secundum Dei opus utique aptissime: secundum istorum autem coniecturam tam absurde, ut si hoc nesciremus, & in hoc libro similiter scriptum esset, quod Deus humorem fluidum & frigidum, ac per hoc grauem, in superiore omnibus ceteris humani corporis parte posuerit, isti trutinatores elementorum nequaquam crederent. Et si auctoritati eiusdem Scripturæ subditi essent, aliquid aliud ex hoc intelligendum esse censerent.

Animaduertas igitur ex D. Augustino elegantem similitudinem inter Microcosmū, & Mundum, ex qua humidā naturam in utroque supernas sedes obtinere agnoscitur, de qua cumulatius postea. Desumamus & tertium locum ex Enarratione in Psalmum centesimum tertium.

Qui protegit in aquis superiora eius. Et hoc legimus, & ad literam bene intelligitur: quando enim inisset, ut fieret firmamentum inter aquas & aquas, factum est ut sint aquæ inferiores quæ perfundunt terras, & sint aquæ superiores remotæ ab aspectibus, tamen fidei commendatæ. Et aqua, inquit, quæ super Cælos sunt, laudent nomen Domini; Quoniam ipse dixit, & facta sunt; ipse mandauit, & creata sunt. Ergo explicatus est sensus ad literam: protegit enim in aquis superiora eius.

Si igitur aquæ cœlestes remotæ sunt ab aspectibus nostris, fideique commendatæ, frustra conquiruntur naturales rationes, quibus aquas super Cælos locari probetur. Fide igitur eas ibi à Deo sitas esse nobis est credendum.

S E V E R I A N U S.

Cælum ergo hoc, non illud supremum, sed quod aspectabile est, ex aquis effecit Deus, & ut crystallum fixit. Vide operum virtutem, & opificem admireris. Mediam aquarum partem supra, media infra esse voluit.

E V C H E R I U S Commentarijs in Genesim libro primo, capite tertio.

Vnde queri potest; quomodo elementum aquæ possit esse supra Cælos. Aqua enim cedit terræ, & aër cedit aquæ, & ignis cedit aëri. Vnde impossibile videtur, ut secundum elementum, quod est aqua, sit supra quartum, quod est ignis. Quomodo, & quales sint aquæ illæ, quas Scriptura dicit supra Cælos, esse eas ibidem minime dubitamus: quæ non locorum sedibus, sed dignitate naturæ, videntur supra Cælos. Sicut enim nubes istæ, quæ vbi que sunt, feruntur super aërem, quod est tertium elementum; ita fieri posse arbitror, ut aquæ tenues, aquæ subtiles ferantur super Cælum. Nam ex hoc pondere elementorum, multi Philosophorum resurrectionem carnis illudentes, non posse fieri inquit, ut homo, qui utique ex terra factus est, sit in Cælo. Sed hos veritas conuincit, qui facit multa animalia terrena volitare in aëre, & aquā esse supra aërem, & ignē, quod est utique quartum elementū, esse in terra. Ergo Dei potentia, quæ hæc facere approbatur, facit ut & homo, & aqua sit supra Cælū.

T H E O D O R E T U S Quæstione vndecima in Genesim.

Bisariam autem Deus omnium diuisit aquarum naturam, & quasdam sursum collocauit, quæ suo liquore, atque frigiditate non sinerent corrumpi firmamentum ab igne luminarium. Reliquæ verò aquæ deorsum remanserunt, quæ suis vaporibus aërem foucant exustum, & exiccatum ab igne superiore.

Adnotes, precor, ex Theodoreti doctrina, vapores aërem fouentes in classem aquarum firmamento suppositarum, redigi & collocari.

D A M A S C E N U S Orthodoxæ Fidei libro secundo, capite sexto.

Præterea firmamentum Deus Cælum nuncupauit, quod in medio aquarum esse inisset, atque ita collocauit, ut aquas, quæ supra firmamentum sunt, ab ijs quæ firmamento inferiores sunt, distingueret.

Et post capite nono.

Ac Deus primò firmamentum cōdidit, aquas, quæ supra firmamentum erant, ab ijs, quæ infra firmamentum, æquo intervallo distinguens. Etenim in abyssi medio Dei iussu firmatum, atque constitutum est. Vnde etiam dixit Deus; Fiat firmamentum: & protinus extitit.

I V D O C V S Chlichtouæus Neoportuensis Commentatione ineundem quanquam illi accedat sententiæ, quæ aquarum nomine super Cœlos existentium, Cœlum nonum firmamento supereminens, & illud ambiens intelligit, Damascenum atamen aliter sensisse his fatetur.

Vel sint re vera aque tenues, & perspicuæ, super firmamentum tanta Stellarum frequentia adornatum consistentes præcepto conditoris, & eam ob causam, quam conditor ipse nouit, tametsi nos lateat; quemadmodum sacre literæ plerisque in locis, & hic Damascenus sentire videtur.

P R O S P E R Aquitanicus Expositione in Psalmum centesimum tertium, ex Augustini sui præceptoris doctrina habet.

Qui protegis in aquis superiora eius. Et hoc secundum literam bene intelligitur: quia iussit Deus, ut fieret firmamentum inter aquas, & aquas. Factumque est sic: & pars aquarum resedit in terram, pars autem est Cælo superposita, remota ab aspectu nostro, & fidei commendata.

A N A S T A S I V S Antiochiæ Episcopus Sinayta exinde appellatus, quod in Synai monte sit philosophatus, Commentarijs in Hexameron libro secundo, & se primo: quanquam mysticas interpretationes prosequatur, aquas & ipse cœlestes agnouisse conuincitur libro secundo, cum dicit.

Firmamentum autem, quod ab imo ascendit, habet figuram Christi humanitatis, seu carnis. Aqua autem, quæ cum eo ab imo ascendit, & intercepta fuit in medio primi, & quod propriè est Cœli, & huius firmamenti, quod ascendit ab imo, describit imaginem impollutæ eius animæ, quæ est media inter diuinitatē, & carnis crassitudinē, ut potè quod sint hi duo Cœli, ex quibus alterum quidem est aspectabile, alterum verò non cadit sub aspectū.

Et libro septimo, cum ait.

Propterea ergo duos fecit Cœlos, alterum quidem superius, quod habet essentiam apud homines non aspectabilem, planeque inenarrabilem, & inexplicabilem, in typum & imaginem inaspectabilis, & inexplicabilis essentie eius diuinitatis: secundum autem Cœlum è Terra sustulit, & ipsum posuit aspectabile, & ipsum appellauit firmamentum, in figuram, ac typum carnis eius immaculatæ, quam quidem à terra acceptam sursum sustulit. Est autè horum quoque duorum Cœlorum intermedia aqua viuæ, ad imaginem, & typum sanctæ viuificæ Christi animæ, quæ est media, ut rursus dicit Theologus Gregorius, inter Diuinitatem, & carnis crassitudinem. Quamobrem superiori quidè Cælo inferior est hæc aqua; hoc est, minorem Dei Verbi essentiam fert intelligens anima, & ratione prædita: crasso autem, & quod spectatur firmamento est superior, & præstantior, sicut etiam alias hæc dixi.

I V N I L I V S in Hexameron.

Hic nostri Cœli, in quo fixa sunt sydera, creatio describitur: quod in medio constat, firmamentum esse aquarum. Nam suppositas ei esse aquas, & ipsi in aère, terrisque videmus; superpositas, non solum huius Scripturæ auctoritate, sed & Prophete verbis edocemur, qui ait; Extendens Cœlum sicut pellem, qui tegis aquis superiora eius. In medio ergo aquarum firmamentum esse constat sydereum Cœlum. Et Post. Si quem verò mouet, quomodo aquæ, quarum natura est fluere semper, atque ad ima delabi, super Cœlum consistere possint, cuius rotunda videtur esse figura, meminerit Scripturæ dicentis de Deo; Qui ligat aquas in nubibus suis, ut non erumpant pariter deorsum; & intelligat, quia qui infra Cœlum ligat aquas ad tempus cum vult, ut non pariter decendant, nullo firmioris substantiæ crepidine subentatas, sed vaporibus solummodo nubium retentas: ipse potuit aquas super rotundam Cœli spheram, ne unquam delabantur, non vaporali tenuitate, sed soliditate suspendere glaciali. Sed & si liquentes ibi aquas sistere voluit, nunquid maioris hoc miraculi est, quam quod ipsam Terræ molem (ut Scriptura dicit) appendit in nihilo? Nam & vnde, siue rubri maris, seu fluuij Iordanis, cum ad transitum Israëlitiæ plebis in altum rectæ, murorum instar figuntur: Nonne euidenter dant indicium, quod & supra rotunditatem Cœli volubilem fixa possint ratione manere? Sanè quales quales ibi aquæ sint, esse tamen eas ibi, quod Scriptura sancta dixit, nulli dubitandum reliquit.

G L O S S A Ordinaria ex Beda hæc ita obstrinxit.

Cœli, in quo fixa sunt sydera, creatio describitur, quod constat esse in medio aquarum. Nam suppositæ sunt ei aquæ in aère, & in terra, superpositæque, de quibus dicitur in Psalmo. Qui tegis aquis superiora eius. Et Post. Si quem mouet, quomodo aquæ natura fluidæ, & in ima labiles super Cœlum possint consistere, cuius figura rotunda videtur esse: de quo scriptum est, meminerit Iob; Qui ligat aquas in nubibus suis &c. Qui enim infra Cœlum ligat aquas ad tempus vaporibus nubium retentas, potest super Cœli spheram ne labantur, non corporali tenuitate, sed glaciali soliditate aquas suspendere, qui etiam terræ molem appendit in nihilo. Quales autem, & ad quid viles, nouit qui condidit.

G L O S S A Interlinearis.

In medio aquarum, quarum superior pars in modum crystallini lapidis congelata est, inferior in matricem redacta.

PROCOPIVS Commentarijs in Genesim, capite primo.

Cum ea pars firmamenti, quæ nos respicit, sit concava, quidam colligunt extremam, vel summam eius partem esse conuexam. Itaque impossibile esse, ut aqua ibi commorari possit. Nam eam semper ex editioribus locis solere in valles, & caernas collabi. His alij se opponunt dicentes: nihil posse obstare, quin, licet interior pars sit concava, exterior sit planicie conspicua. Exempla produciunt, quæ petuntur ab maistris piscorum, & ab caernis terræ, quæ quidem intra habent concavitatem, sed extra plerumque sunt plana superficie contentæ. Si autem Cæli figura non spherica est, destruitur motu & imprimis circulari. Ceterum in medio aquarum constitit, sicuti & Terra, sustinens supra se aquas immobili statione. Et post. Firmamentum autem dicitur nuncupari Cælum, seu quod concretum, & compactum sit ex simplicissima aquæ natura: seu, ut distinguat & secernat ab inferioribus tenuissimam, & leuissimam naturam, nulloque sensu comprehensibilem. Quod ait; In medio aquarum: satis euidenter docet, equalem vtrinque fuisse aquarum diuisionem. Sic enim habet textus; Distinguat inter aquas, & aquas, siue in medio aquarum.

BEDA Expositione in Genesim.

Vtrum nunc illud Cælum fiat, quod excedit omnia aëris spatia, & in quo constituentur quarto die lumina, an ipse aër vocetur firmamentum, meritò queri potest. Multi enim asserunt, aquarum naturam super sydereum Cælum esse non posse: eo quod sic habeant ordinatum pondus suum, ut vel super terram fluitent, vel in aëre terris proximo vaporaliiter circumferantur. Nos verò quomodo, vel quæ aquæ ibi sint, esse has super summum Cælum minimè dubitemus. Maior est quippe Scripturæ huius auctoritas, quam omnis humani ingenij capacitas.

Et Quæstionibus in Genesim.

Ordo elementorum, & pondus non finit, ut sit aquarum substantia super Cælos: aqua enim cedit terræ, & aër cedit aquæ, & ignis cedit aëri. Nullo modo enim potest esse, ut secundum elementum, quod est aqua, sit super quartum, quod est ignis: & quomodo dictum est: Fiat firmamentum in medio aquarum, & diuidat aquas ab aquis. M. Quomodo, aut quales ibi sint aquæ illæ, quas Scriptura dicit super Cælos esse, esse eas ibidem minimè dubitemus. Sicut enim istæ nubes, quæ vtrique sunt, feruntur super aërem: ita fieri posse arbitror, ut aquæ tenues, atque subtiles ferantur super Cælum. Nam ex hoc pondere elementorum multi Philosophorum resurrectionem carnis illudentes, non posse fieri inquirunt, ut homo, qui vtrique ex terra factus est, sit in Cælo. Sed hoc veritas conuincit, qui facit multa animalia terrena volitare in aërem, & ignem, quod est vtrique quartum elementum, esse in terra. Ergo Dei potentia, quæ hæc facere approbatur, facit ut homo, & aqua sint super Cælum. Et post. Tandem insanire desinant Hæretici, atque confusi agnoscant, quia qui cuncta potuit creare ex nihilo, potuit & illam aquarum naturam glaciali soliditate stabilire in Cælo. Nam cum ipsi dicant, volui orbem stellis ardentibus refulgentem, nonne diuina prouidentia necessario prospexit, ut intra orbem Cæli, & supra orbem redundaret aqua, quæ illa feruentia axis incendia separaret.

Et libro de Natura rerum, capite octauo.

Aquas super firmamentum positas, Cælis quidem spiritalibus humiliores, sed tamen omni creatura corporali superiores, quidam ad inundationem Diluuij seruatas, alij verò rectius ad ignem syderum temperandum suspensas affirmant.

Glossa Locupletata hæc habet.

BRIDEFERTVS Ramefensis, ut habetur apud eundem Bedam.

Sicut terrarum ponderibus, & aër, & aqua cedunt, ut ad terram perueniant; sic aquarum ponderibus & ipse aër cedit, ut vel ad terram, vel ad aquam perueniat. Aëris quoque particulam, si quis in spatijs illis sublimibus Cæli posset dimittere, pondere suo caderet, donec ad aëria subter spatia perueniret. Huiusmodi argumentis colligunt Philosophi aquas super æthereum Cælum esse non posse. Quibus ita respondetur. Si potest aqua, sicut videmus, ad tantas guttarum minutias peruenire, ut super istum aërem vaporaliiter feratur, qui natura lenior est aquis: cur non potest & super illud leuius Cælum minutioribus guttis, & leuioribus ferri vaporibus? Quomodo autem, & qualeslibet aquæ ibi sint, esse eas ibi minimè dubitamus. Maior est quippe Scripturæ sanctæ auctoritas, quam omnis humani ingenij capacitas.

Et Glossa incerti Auctoris in eodem loco.

De aquis, quæ super Cælos sunt, hæc est beati Ambrosij sententia: Aquas super Cælos Sapientes Mundici aiunt esse non posse, dicentes igneum esse Cælum, nec posse concordari cum eo naturam aquarum: addunt quoque dicentes, rotundum, ac volubilem, atque ardentem esse orbem Cæli, & in illo volubili circuitu aquas stare nequaquam posse. Nam necesse est, ut defluant, & labantur, cum de superioribus ad inferiores orbis ille detorquetur: ac per hoc nequaquam eas stare posse aiunt; cum n axis Cæli concito se motu torquens crepare voluendo effunderet. Sed hi tandem insanire desinant, atque confusi cognoscant: quia qui cuncta potuit creare ex nihilo, potuit & illam aquarum naturam glaciali soliditate stabilire in Cælo. Nam cum & ipsi dicant volui Cæli orbem, stellis ardentibus refulgentem; nonne diuina prouidentia prospexit, ut intra orbem Cæli, & supra orbem redundaret aqua, quæ illa feruentis axis incendia temperaret?

Bridefertus certe benè hausit Augustinianam doctrinam, sed Glossa incerti nominis id tribuit Ambrosio, quod me non legisse fateor, & quod si ad ea, quæ Ambrosius prodi-

prodidit in Hexameron, comparemus, multum distare, repugnareque perspectū est. Tradit præterea Beda libro de Mundi constitutione quinque modos, quibus aquæ supra Cēlos consistere possint. Sed de ipsis infra.

CASSIODORVS in Psalmum centesimum tertium.

Qui tegis aquis superiora eius. Quamuis ordinem conditionis exponere sentiatur; quia & super Cēlos aquæ sunt posite; sicut & in Genesi legitur: Et ipse alibi dicit; Et aquæ, quæ super Cēlos sunt, laudent nomen Domini: tamen & sacri baptismatis nobis reſeratur indicium.

Psalm. 148.

Et in Psalmum centesimum quadagesimum octauum.

Aquas verò super Cēlos esse Genesis refert, ait enim; Diuisitque aquas, quæ erant sub firmamento, ab ijs quæ erant super firmamentum. Quod vtrunque nimie laudis designat arcanum, vt & Cēlorum tenuitas firma consistat, & aquæ supra ipsum posite, cum sint grauiores, nisi quando fuerint iussæ, non defluant.

HAYMO in Psalmum centesimum tertium.

Qui tegis aquis superiora eius, Cēli materialibus aquis. Vnde alibi; aquæ super firmamentum.

Et in Psalmum centesimum quadagesimum octauum.

Et aquæ omnes, quæ super Cēlos sunt. Aquæ, quæ in rei veritate sunt super Cēlos (vnde nobis pluuiæ descendunt per cataractas Cēli) laudent nomen Domini: idest, materia nobis sint laudandi Deum, attendentes inter cetera, quod cum illæ aquæ, quæ spissi corporis sunt, teneantur subtilissimo corpore Cēli, valde mirari possumus, & à laude Dei cessare non debemus.

REMIGIVS Antifiodorensis Enarratione in Psalmum centesimum quadagesimum octauum.

Esse aquas super firmamento, ex Genesi patet, vbi dictum est; Diuisit aquas quæ erant sub firmamento, ab ijs quæ erant super firmamentum.

EVTHYMIVS Zigabonus Comm. in Psalmū centesimum tertium.

Qui tegis aquis superiora eius. Qui tegis, inquit, & cooperis eius Cēli excelsa, ipsum scilicet secundū Cēlum; Et diuisit, inquit, Deus inter mediū aquæ, quæ erat infra firmamentū, & inter mediū aquæ, quæ erat supra firmamentū. Admirandum est igitur, quod fluida aquæ natura contineri potuerit supra firmamentū, quod curuum est, & non effluerit. Nam & ipsum firmamentum fornicis figuram habet, quemadmodum aspectus docet.

RICHARDVS Pampolitanus Enarratione in Psalmum centesimum quadagesimum octauum.

Et aquæ omnes, quæ super Cēlos sunt, ad complendam elementorum consonantiam, laudent nomen Domini. Magna laus, quod & tenuitas Cēlorum firma consistit, & aquas, quæ graues sunt, sustinet; quæ aquæ non nisi misse defluunt per pluuias.

BRVNO in Psalmum pariter centesimum quadagesimum octauum.

Et non solummodo Cēli Dominum laudent, sed & aquæ, quæ super Cēlos sunt, laudent nomen Domini: idest, causæ sint, quare à fidelibus laudetur nomen Domini: idest, quare Dominus laudetur, ex consideratione magni nominis eius, quod est Dominus, & creator, qui in hoc valde potens, & mirabilis apparet; quod non solum sub firmamento, sed etiam super firmamentum aquas creauit. Iuxta quod in Genesi legitur; Diuisit Deus aquas quæ erant sub firmamento, ab his quæ erant super firmamentum. Quare autem ibi creatæ sunt, etsi nos lateat, non tamen absque ratione & vtilitate maxima factum esse putandum est.

RVPERTVS in Genesim libro primo, capite vigesimo tertio.

Porro alij Doctorum, nomine aquarum, quæ sunt super firmamentum, nihil aliud quam aquas simpliciter intelligi volunt. Eorū proculdubio sententia iustius, atque tutius placet, videlicet, vt à sacræ Historiæ litera sensus non discrepet. Veruntamen non vsque adeo consentimus aquas esse super firmamentum, vt concedamus etiam congelatas esse, quod aliqui magis coniecturaliter, quam rationabiliter opinati sunt.

Et post, capite vigesimo quarto.

Vnum hoc vt certum teneamus, cameram huius Mundi positam esse in medio aquarum, quia videlicet firmamentum, quod quasi tectum eiusdem camerae est vndique ambiens, auctoritate sacræ Scripturæ factum est in medio aquarum. At enim, quia dixit Deus; Fiat firmamentum in medio aquarum. Ad quid? Et diuidat, inquit, aquas ab aquis. Quod ne parum firmitatis haberet semel dictum, iterum Scriptura hoc ipsum repetiuit, dicens; Et fecit Deus firmamentum, diuisitque aquas quæ erant sub firmamento, ab his quæ erant super firmamentum. Itemque, quia in ore duorum, aut trium testium stabit omne verbum, addidit; Et factum est ita.

Et post, capite vigesimo quinto.

Ita vehementer (vt supra dictum est) magnificatus est Dominus Deus noster, primum amictus lumine sicut vestimento, deinde extendens Cēlum sicut pellem, & tegens aquis superiora eius. Et mirum quidem opus magnifici Dei, quod aquarum molem subterfusi sustinet firmamenti natura subtilis: Veruntamen hæc ipsa admiratio ex præſenti exemplo tolerabilior fit, ne illud cuiquam incredibile sit. Quid enim terram grauiſſimam, de qua postmodum dicendum est, aliud sustinet, nisi vndique circumfusus aër idem, licet craſſior, & aquæ

Psal. 135.

aque partim circumfluentes. Hoc enim admirans Psalmista: *Consitemini, inquit, Domino, qui facit mirabilia magna solus, qui fecit Caelos in intellectu, qui firmavit terram super aquas.*

Et capite trigesimoprimum.

Aque profecto, quæ sub firmamento sunt, reliquæ vel pars aquarum sunt, quæ sunt super firmamentum. Sic enim dictum est, *Fiat firmamentum in medio aquarum; & diuidat aquas ab aquis, &c.* Ergo diuisio aquarum, de qua supra dictum est, simpliciter, siue literaliter accipi debet, idest, non ea quam dicunt Philosophi diuisionem vocis, in plures significationes, sed ea quam dicunt totius in partes diuisionem.

A N S E L M V S Cantuariensis de Imagine Mundi libro primo, capite vigesimoquinto.

Superius Cælum firmamentum dicitur, eo quod sit inter medias aquas firmamentum. Hoc est formæ sphericæ, natura aquarum aqueæ, stellis vndiq; versim ornatum, ex aquis instar glaciæ, immo crystalli solidatum: vnde & firmamentum dicitur. In hoc sunt duo poli, à poliando dicti.

Et post capite vigesimo octauo.

Supra firmamentum sunt aquæ instar nebule suspensæ, quæ Cælum in circuitu ambire traduntur; vnde & aqueum Cælum dicitur. Supra quod est spirituale Cælum hominibus incognitum, ubi est habitatio Angelorum, per nouem ordines dispositorum. In hoc est Paradisus Paradisorum, in quo recipiuntur anime Sanctorum. Hoc est Cælum, quod in principio legitur cum terra creatum. Huic longè supereminere dicitur Cælum Cælorum, in quo habitat Rex Angelorum.

Psal. 148.

H V G O de Sancto Victore Adnotationibus in Genesim, capite exto.

Quod autem aquæ super firmamentum sint, & in Genesi & in Propheta etiam habetur: ubi dicitur; *Aquæ quæ super Cælos sunt, laudent nomen Domini.* Quales autem sint aquæ illæ, non est nobis certum. Dicunt tamen quidam expostores, quod glacialiter ibi solidatæ sunt: mihi autem verisimilius visum est, quod vaporatiter suspensæ ad similitudinem vaporis, scilicet fumi, vel nebule ibi consistant.

Summæ Sententiarum Tractatu secundo hæc ferè repetitis verbis edocet. Et de Sacramentis libro primo, parte prima, capite decimoseptimo.

Factum est firmamentum die secunda, prius quidem in illa vniuersitatis materia de nihilo creatum: & nunc ex illa ipsa ad talem formam erutum, & factum firmamentum: ut ambitu suo medium quodammodo interueniens magnam illam aquarum, immensamque congeriem abinuicem separaret, atque diuideret: & de aquis faceret aquas & aquas: hoc est aquas, quas ambitu suo intrinsecus complecteretur, & subtus se contineret: & aquas, quas extrinsecus, & supra gyrum limitis sui relinqueret.

RICHARDVS de Sancto Victore, Exceptionum libro secundo, cap. septimo.

Secunda die firmamentum factum est in medio aquarum, idest in medio confusionis illius trium elementorum, quæ in principio Cælum, deinde aqua, deinde tenebræ vocata dicitur, & hic in opere secundæ diei aquarum vocabulo nominatur. Factum est autem firmamentum in medio aquarum, ita ut partem earum concluderet intra se, & haberet sub se; partem verò excluderet à se, & haberet super se. In massa enim vniuersitatis, id quod est intimum, est infimum, quod est extremum, est supremum. Verbi gratia, terra in rebus corporalibus omnium est intimum, & ipsum est omnium infimum. Aquæ quæ supra firmamentum sunt, sunt extrema, & ipsa omnium sunt suprema. In rebus verò medijs, quæcunque sunt exteriora, ipsa sunt inferiora, & quæcunque exteriora, & ipsa sunt superiora. Firmamentum verò ex stellis supra infixis esse volubile comprobatur, sed de qua materia factum sit ignoratur.

A B S A L O N Canonicus Regularis Abbas SincKirsbacensis Sermone decimo octauo, cum diuersi generis aquarum allegorias scrutatur, aquarumque alias aëreas, alias Cœlestes fateatur, profecto & supra substantiam Cœlestem illam rapidam & volubilem, aquas superlocatas intellexit.

Sed videmus alias aquas salubres, utpote quæ à venis terræ ab imo sursum scaturiunt. Item alias, quæ desursum, idest à nubibus Cæli ad terram vsque descendunt. Tercias, quæ super Cælos suis sedibus constitutæ vsque ad nos non perueniunt.

Non est quod prætermittamus duos Magistros.

M A G I S T E R Sententiarum in Psalmum centesimum tertium.

Qui regis, vel protegis aquis superiora eius, Cæli. Hoc quoque ad litteram bene intelligitur. Sunt enim aquæ super firmamentum diuise ab aquis, quæ sub eo sunt, quæ perfundunt terram.

Sed clariùs in Psalmum centesimum quadragesimum octauum.

Et aquæ quæ super Cælos sunt, diuise ab his, quæ sub firmamento sunt, laudent nomen Domini: & ita faciunt, & Cæli, & aquæ. Nimia enim laus est, quod & tenuitas Cælorum firma consistit, & aquas, quæ grauioribus sunt, sustinet: quæ nisi iussu defluunt per pluuias, quæ, sicut dicitur, apertis Cæli cataractis per pluuiam mittuntur.

Sed & prolixius secundo Sententiarum distinctione quartadecima.

Fiat firmamentum in medio aquarum, & diuidat aquas ab aquis. Diuisitque aquas, quæ erant sub firmamento,

mamento, ab his quæ erant super firmamentum. Sciendum est, quod illius Cæli describitur hic creatio, sicut ait Beda super Genesim, in quo fixa sunt sydera: cui superpositæ sunt aquæ in aëre, & in terra, & suppositæ aliæ, de quibus dicitur; Qui tegis aquis superiora eius. In medio ergo firmamentum est, idest sydereum Cælum, quod de aquis factum esse credi potest. Crystallinus enim lapis, cui magna est firmitas, & perspicuitas, de aquis factus est. Si quem verò mouet, quomodo aquæ naturæ fluidæ & in ima labiles super Cælum possint consistere, de Deo scriptum esse meminerit; Qui ligat aquas in nubibus suis. Qui enim infra Cælum ligat aquas ad tempus vaporibus nubium retentas, potest etiam super Cæli spheram non vaporali tenuitate, sed glaciali soliditate aquas suspendere ne labantur. Quales autem, & ad quid conditæ sint, ipse nouit, qui condidit. Ecce ostensum est his verbis, quod Cælum factum sit, scilicet illud, in quo sunt fixa sydera, idest, quod excedit aërem, & de qua materia, scilicet de aquis, & quales sint aquæ, quæ super illud Cælum sunt, scilicet vt glacies solidatæ.

Psal. 103.

Iob. 26.

MAGISTER Historiæ Scholasticæ, capite quarto.

Sanè firmamentum diuidit aquas, quæ sub ipso sunt, ab aquis quæ super ipsum sunt: de quibus dicitur in Psalmis. Qui tegis aquis superiora eius: & sunt sicut & ipsum congelatæ, vt crystallus, ne igne solui possint; vel in modum nebule vaporabiles. Cur verò ibi sint, Deus nouit; nisi quod quidam autumant inde rorem descendere in æstate.

CLAVDIVS Marius (vt Poëtas celebres non omittam) non tantum aquas supra Cælos quasi magnum pelagus ferri canit, sed & causas, modumque cumulatè insinuat.

Rursus mane nouum primo iam vespere pulso
Reddita lux feat: quum se firmissima moles
Fluctibus è medijs concreto corpore cedens
Extulit; ac latè duro solidata rigore
Diuisas suspendit aquas, gelidumque profundum
Axibus obiecit calidis; seque æquore septo
Nixa superfudit rebus, quas circite vasto
Contegit æthereum, deducto hinc nomine, Cælum.
Forsthan hic aliquis sic secum errore petito
Differat, æthereis ne desint pabula flammis,
Et nimius calor ima petens, alimenta sequendo
Exurat mortale genus, Cælumque coruscum
Non possint terrena pati, subiecta deorsum est
Machina firma Poli: quæ dum nos protegit vmbra,
Interea super impositis frigescit ab vndis.
Numinis at verò diuini querere causas
Mens fuge nostra procul: plus sit tibi credere semper
Possè Deum, quicquid fieri non possè putatur;
Et magnum pelagus super astra, & sydera ferri,
Ipso ratione proba, qui credere nolunt,
Et Mundum pendere volunt, quem conditor ipse
Gestet, & immenso constantem pondere voluat.

DRACONTIVS Hexæmeron, seu de Opere sex dierum, libro primo.

Altera quippe dies Cæli conuexa meretur,
Ac supra Cælos ingentia flumina dantur,
Ac dominantur aquæ glomeratis fontibus almæ,
Ignibus æthereis celesti sede locatis,
Vnde beata nimis meruit quæ tecta polorum
Celsa Dei fabor iussu suspensa Tonantis,
Limitibus contenta suis elementa morantur,
Nec flammæ restinguit aqua, glaciemvè teporat
Flammæus ignis: aquæ seruant sub lege timorem
Incorrupta suum, non impugnata vicissim,
Non discreta quidem, sed nec permixta morantur.

DREPANIVS Florus in Hymno trium puerorum.

Hunc modulentur aquæ, quas sustinet arduus æther.

HVGGO Carensis, vt saltem vnum postillatorem non reticeam.
Diuisitque aquas, quæ erant sub firmamento, &c. De quibus; Qui tegit aquis superiora eius. Et item; Benedicite aquæ, quæ super Cælos sunt. Et sunt aquæ istæ congelatæ ad modum crystalli: vnde à quibusdam dicuntur Cæli crystallini: vel sunt vaporabiles ad modum nebule. Et cur ibi sint, nouit Deus.

Dan. 3.

Postilla

Postilla illa D. Thomæ ascripta.

Scriptura hæc dicit, quod fecit firmamentum, quod aquas superiores ab inferioribus diuisit. Dicuntur autem aquæ superiores, non aquæ lubricæ, vel fluidæ, sicut sunt istæ inferiores aquæ. Quare autem ibi ponatur aquæ istæ, credo hoc esse ad contemperandum calorem, à calore cælesti, & à stellis, & Planetis influentibus calidæ generatum. Vnde sicut in minori Mundo, hoc est in homine, in parte superiori, hoc est in cerebro, sunt aquæ, in quantum cerebrum est naturæ frigidæ humidæ. (Quod quidem cerebrum calorem naturalem hominis, & eius excessum contemperat) ita & in Mundo maiori. Vnde licet hoc subiceret Scriptura, hoc docet ratio recta. Firmamentum autem illud, quod istas aquas diuidit, est Cælum ipsum, in quo sunt stellæ fixæ, sub quo sunt septem Planetæ, & eorum orbes.

Non defuerunt ex nuperrimis Doctoribus, qui Patres audenter contēpta omni Philosophia sint prosequuti.

HIERONYMVS ab Oleastro, Adnotationibus in primum caput Genesis.

Psal. 148.

Controuertunt hic aliqui, an verè sint aquæ super firmamentum, seu extensionem, & cum Scriptura ubique clamet eas ibidem esse, malunt multi Theologi cæcos Philosophos sequi, quàm Scripturæ auctoritatem. In Psalmo enim legimus; Aquæ, quæ super Cælos sunt, &c. Infra etiam capite septimo est. Die illa rupti sunt fontes voraginis. Et Daniel tertio; Benedicite aquæ &c. Malim ergo cum Scriptura errare (si illa errare possit) quàm cum Philosophis vera dicere. Quare autem sint aquæ, quæ ibi super extensione sunt, nolo definire. Puto tamen eas esse elementares, & eiusdem naturæ cum inferioribus. Nam antea (vt ex textu constat) continuæ cum inferioribus erant: factò vero firmamento, seu diuisione, non videntur mutasse naturam. Præterea tempore Diluuij descenderunt; vt citatum est.

VIELMIVS Episcopus Argolicensis, & postea Aemoniensis, Lectione decimaquarta.

Lib. 1. c. 2. & 13.

Hæc in eam gratiam latius quàm soleo persequor, vt inde tanquam à certissimis rationibus demonstrum, caligare, & falli eos magnopere, qui ita ratiocinantur. Non apparet in quem usum aquæ elementares super Cælos posite fuerint; Amplius, & rerum naturæ hoc non patiuntur: figmentum igitur hæc positio est. Re-Elè quidem hæc omnia dicerentur, & consequentia (vt ille ait) plausibilis esset, nisi verbum Dei obstarat, præsertim iuxta veteres Sanctos ferè interpretatum, qui aquas (vt cogor sepe repetere) vnus cognationis & naturæ cum nostris locari, ac existere super Cælos in his verbis intellexerunt; Et fecit Deus firmamentum in medio aquarum; & diuisit aquas ab aquis. Sed in ea sumus Christiani calamitate hoc tempore, vt ex nostris plures (si tamen ex nostris dici merentur) à primo iuuentutis flore assuescant sanctam antiquitatem non reformidare, tanquam videlicet ad eos pertineat, quod oratori Quintilianus ita consulit; Ante omnia fueris Orator, cui in magna celebritate, & in media Republica viuendum est, assuescat à puero non reformidare homines. Sed iam ad eum Scripturæ locum me conuerto, qui in hanc me traxit sententiam, & doctissimis quoque viris visus est potentissimus, quem & proinde accuratius aliquanto examinabo.

Exinde cumulatissimè interpretatur locum illum Psalmi centesimi quadragessimi octauo; Laudate eum Cœli Cœlorum, & aquæ omnes, quæ super Cœlos sunt, &c. De quibus infra,

AUCTOR.

Hactenus igitur plurimas celebres, ac præcipuas loci huius, In medio aquarum, interpretationes deduximus, ex quibus iam præfatas omnes præter hanc postremam hanc suis locis reiecimus, & non est cur acta agamus. Superest igitur, vt postremam hanc Patrum sententiam pro viribus corroboremus. Principio itaque præstantissimam, & probam, atque inconcussam reddit, est sacræ Scripturæ auctoritas inuiolabilis. Contestatur siquidem Moses, effecisse Deum firmamentum in medio aquarum, & diuisionis aquas ab aquis. Perpendas quæso, Quid firmamentum hoc extarit; Quod seu compages genus, & aquarum naturam percipies. Firmamentum hoc profecto fuit seu compages Cœlorum ex elementis conflata, seu corpora omnia quæ vsque ad aërem hunc aëreis halitibus obnoxium pertingunt, prout supra luculenter satis & exactè interpretati sumus. Quantū verò ad seiunctionem illam spectat; cum Boetius sex diuisionum genera enumeret, certè segregatio illa aquarū non fuit habitus à priuatione homogenei & consistentis corporis in eiusdem generis partes secatio, quæ à Boetio diuisio totius in partes nuncupatur, & quam Ammonius diffiniens ait; Est integræ rei incisio. Itaque si ho-

In lib. de diuisionibus.

In lib. Prædicti tab.

mogenei corporis partitio fuit, ea scilicet ratione, vt firmamentum & supra & subtus aquas coërceret: igitur qualis est natura infernarū aquarū, talis profecto & supernarū.

STEVCCHVS in Cosmopœia cōtra prædicta nullas supercœlestes aquas in sacris literis commemorari, & omnem locum, qui porrigat hanc suspensionem, aut non probè intellectum, aut non rectè ex Hebraico fuisse translatum asseruit. Negat autem primum, quòd ex hoc loco, vbi ait Moses; Fiat firmamentū, & diuidat aquas, ab aquis, elici possit aquas super Cēlos coactas consistere. Huncque Mosis locum, Fiat firmamentum in medio aquarum, ita explicat.

Ergo cum dixit; Fiat firmamentum in medio aquarum: intelligitur omnis superna aëris regio, quam primum fusionem, & spatium extensum vocauit, postea Shamaim, quasi sedem, regionemque aquarum. Eaque disclusit aquas inferiores, ac superiores. Inferiores autem, quia nondum fuerant à terris separate, dixit hac regione separatas à supernis aquis fuisse, nullas supernas aquas innuens, nisi quæ desuper concresecunt, & delabuntur semper, quas loquens populo, qui nondum philosophari poterat, quasi ex altissimis Cœli regionibus delabi monstrabat. Et post. Fecit Deus firmamentum in medio aquarum: idest, diffudit ex altissimis aquis illis terrestribus, quæ omnium cacumina montium, teste sacro vate Dauid, excellere, inter eas quas vident omnibus sæculis delabi mortales, aëriem regionem, eam vsquequaque velut velum tenuissimum pandens (sic enim nobis suspicientibus apparet porrectum quiddam, & effusum) eoq; vestiens terras.

Verum placitum hoc, aërem solum firmamenti nomine gaudere, adeò supra est reiectum, ut non amplius recenti reprobatione indigeat: Neque etenim ex cunctorum Patrum attestatione aër secundo die fuit conditus, sed cum elementis reliquis ante omnem diem; neque ex aquis eductus, sed cum eis profiliit; nec ardentissima Solis vi, sed Dei virtute manauit, nec in ipso aëre Deus Solem, Lunam, & sydera, sed in firmamento astrigero collocauit; firmamenti etiam nomine minime vnquam aër honestatus est, quandoquidem ipse tenue prorsus est ac labile elementum, solidum autem & firmum corpus firmamentum. Interstitium quoque aquarum ipse aër esse non potuit, cum illa sit earum interstitij ratio, vt non in se concludat, sed desuper aquas coërcat: Aër verò cum in infima, tum in media regione ipsis obruitur aquis. Nec seiunctio ista impressionum & aquarum effecta est secunda die, nam discriminatio inter ea, quæ adsunt, efficitur, impressiones verò in aëre post multos tantummodo dies emanarunt. Tandem infima hæc aëris regio secunda die nequaquam adfuit, vastissima enim aquarum exundantia, ac maiori prorsus quam in Diluuiò earum colluie, Mundus illa die obtegebatur. Quamobrem commentitia, & futilis conuincitur Steuci assertio, cum tot imperpectis ac falsis assumptis innitatur, adeò vt cumulationi repulsione haud quaquam indigere censeatur.

Locus Psalmi centesimi quadragiesimi octauo; Et aquæ omnes &c. examinatur.

Hanc Mosis de aquarum supercœlestium asseuerationem comprobatur Echo Scripturarum; Echo inquam non semel, aut bis, seù ter, sed pluries reperiens reiterataq; Ternam attamen repetitionem explicabo. Resonat ergo ac reboat primo in loco Regij Prophetæ vox in Psalmo centesimo quadragiesimo octauo: Laudate eum Cœli Cœlorum, & aquæ omnes, quæ super Cœlos sunt, laudent nomen Domini. Verbaque ista clarissima videntur esse Echo verborum istorum Mosis: Fiat firmamentum in medio aquarum, & diuidat aquas ab aquis, &c. Dauid siquidem accurate cunctas creaturas ad rependendas Deo opifici gratiarum actionem de præclaro creationis munere excitat. Duosque choros, seù classes rerum tum cœlestium, tum subcœlestium seiunctim euocat. Inprimisque cœlestia inuitat dicens; Laudate Dominum de cœlis. Atque in hac classe connectit Angelos, Virtutes, Solem, Lunam, Stellam, Lumen, Cēlos Cēlorū, & Aquas super Cēlum confidentes. In altera vero subcœlestia nominatim compellat, cum ait; Laudate Dominum de Terra &c. In hac autem complicat Dracones, abyssos, ignem, & grandinem, niuem, glaciem, spiritus procellarum, montes, colles, ligna, cedros, bestias, pecora, serpentes, volucres, Reges, populos, Principes, Iudices, virgines, iuuenes, senes. Quis igitur Psalmographi nostri mirificū ordinem non admiretur? Quis non ex his ali-
quas esse supercœlestes aquas, ab impressionibus in aëre, atq; ab halitibus longè diuersas

Aer solus nō
potest dici fir-
mamentum
contra Steu-
chum.

Hebraei vocis
geminatio-
ne rei de qua lo-
quuntur, ex-
cellētiā de-
monstrant.

intelligat? Ex tribus certe conuincitur, Dauidē hoc loco testificari, quod aquae illae su-
per stelliferos orbes confideant: Primum ex eo quod in classe cœlestium, non subcœ-
lestium eas locarit: Deinde quia cum prius aquas, quae super Cœlos sunt, vnā cum cœ-
lestibus rebus euocasset, postea cum subcœlestibus, grandinem, glaciem, niuem, quae im-
pressiones sunt in sublimi factae, inuitat. Diuersa igitur omnino hae sunt, nempe supercœ-
lestes aquae, aëreaeque impressiones. Quomodo enim hae in diuersa classe, si idem es-
se sanxisset, Propheta intexuisset? Tandem quoniā clare atque dilucide protulit; Lau-
date eum Cœli Cœlorum; & post subiecit; Et aquae omnes, quae super Cœlos sunt. Por-
rò Cœli cœlorum nomine supremum Cœlum capit; Phrasi enim Hebraica, quae in
aliquo genere praestantissima sunt, huiusmodi verborum congeminatione significatur;
Vt cum aiunt Cantica Canticorum, praestantissima inter cantica intelligunt, & Sancta
sanctorum, abditissima ac sanctissima inter sancta. Quamobrem & Propheta horū ver-
borum, nempe Cœli cœlorū, conduplicatione, praeclatissimos Cœlorum supremosque; su-
per astriferos dubio procul accepit; & cum post hae statim subiecerit; Et aquae omnes
quae super Cœlos sunt, profecto per hos Cœlos (ordine id exigente) non aëreos infimos,
sed astriferos, qui medij sunt, intellexit.

S T E V C H V S loco asserto, hoc Dauidis oraculum extorquere ausus
est. Ait enim.

His etiam quae diximus, patet illud oraculum; Et aquae quae super Cœlos sunt, laudent nomen Domini. Di-
cendum enim, Cœlum, propter morem linguae Hebraicae & Super, intelligendum respectu nostrorum oculorum,
non cœlestium globorum, ac sphaerarum, quasi ultra ac supra illas. Cœlum quoque aërem, totamque regionem
sublimem exponendum: Aquas ergo, quae super Cœlos, nubes, ac pluias voluit significare.

Comprobat hanc interpretationem, eo quod Vates sanctus in enumeratione impres-
sionum post acta, pluuiam, vti supra narratam, praetermiserit. Alij alia serie hunc locū
interpretantur. Contendūtque; Dauid Cœli cœlorum nomine beatorum omnium, tam
Angelorum, quam hominum (vti nos dicebamus) domicilium intellexisse. Et cum
adiungit; Et aquae omnes, quae super Cœlos sunt &c. ipsum non orbes cœlestes, sed aë-
rem, ex eo indicare praesumunt, quia non dixerit praecise; Quae super Cœlos cœlorum
sunt. Ingeniosae certe forent hae interpretationes, nisi arbitrariae prorsus essent, elegan-
temque ordinem, ac sacrum Prophetici oraculi sensum non perturbarent. Cum siqui-
dem duas classes egregie constituat Dauid, cœlestium, ac sublunarium rerum, in cœle-
stiumque acie aquas enumeret; censent isti, quod interrupta pulcherrimi ordinis serie,
ex sublunaribus solas aquas cum cœlestibus connectat, & incongruē à Cœlis Cœlorū,
qui certē aërem non explicant, sed potius altissimos ac supernos Cœlos, ad aquas de-
scendat. Rectius igitur asserendum venit, quod Propheta, dum post Cœlos cœlorum,
excelsissimos videlicet Cœlos, aquam euocat, & super Cœlos confidere testatur. Reddi-
ligeris orbibus vere aquas incumbere ac supereminere asserat, ac fateatur. Reddi-
turque planior, promptior, ac probatior oraculi expositio. Deinde si aquas supercœ-
lestes nil aliud sunt ex horum Doctorum placito, quam impressiones in sublimi, vti quid
Dauid ipsas inter cœlestes res collocat, cum easmet inter subcœlestes memoret dicens;
Ignis, grando, nix, glacies, spiritus procellarum? &c. Intellexit igitur aliud praeter aë-
reas impressiones per aquas, de quibus ait; Et aquae omnes quae supercœlos sunt &c.

*Locus Cantici trium Puerorum: Benedicite Caeli Domino,
benedicite aquae omnes &c. perpenditur.*

Canticum trium Puerorum eadem consona Echo hoc ipsum contestatur. Tres siqui-
dem Pueri in flammarum voragine, ad Deum benedicendum ob singulare in eos benefi-
cium, nempe, quod inter voraces, exurentesque flammās eos illas praeseruaret, cun-
ctas pariter creaturas, recto, ac mirifico ordine, à supremis auspiciis ad inferiores descen-
dentes inuitant, atque deprecant. Inuitant primum Angelos, deinde Cœlos, Tandē
aquas quae super Cœlos sunt, postea virtutes, exinde Solem, Lunam & stellas; Tandē
aëreas impressiones, imbres, rores, ignem, aestum, pruinas, glacies, nives, lucem, tene-
bras, fulgura, nubes. Quis certe hanc seriem adeo perspicuam conturbare poterit? Si
sancti

Sancti isti primò Angelos, deinde Cœlos, & post Cœlos ante Solem, Lunam, & stellas aquas memorant, quis nomine Cœli, Cœlos supernos non capiet? Quis aquas illas super Cœlos confidere abnuet, si ante Solem, & Astra eas vocant à cœlestibus ad subcœlestia descendentes, impressionesque aëreas singulatim postea recensentes? Clarissima certè, ac conspicua est hæc testificatio. Sed videamus, quid aduersarij prodant.

S T E V C H V S locum istum sic illudit.

Quòd autem in hymno trium puerorum statim post Angelos, ante Solem, & Lunam aquæ nominantur, dicendum, auctorem eius carminis in ea sententia fuisse, sicut & Hebræi postea, vetustiores autem sensus credidisse.

Rapida fuga certè hæc est; Ego equidem lubenter ab ipso auscultarem, quinam ex vetustioribus hebræis aliter arbitrati sint; non enim id prodit, quia nec potuit prodere, cum Moses, ac David ex vetustioribus contrariam sententiam docuerint. Quòd si etià captiuitatis Babilonicæ tempestate hæc adoleuerat opinio, certè ex uetustioribus prodierat, nec adeò vlla vnquam de hoc fuerat apud Hebræos controuersia, ut ipse excogitat: cum & Rabbiorum copiosior acies nouissimè id ipsum ex omnium consensione decernat. Contendunt alij (vt Pererius) in Cantico rectum non fuisse ordinem à supernis creaturis ad inferas deductum, eo maximè, quia post glaciem, & gelu, statim dies, ac nox, lux, & tenebræ, quæ ante proponi debuerant, memorantur. Sed eluditur statim hæc illatio. Nam etsi res ipsæ, quæ singulis in Classibus contexuntur, non ad amussim suo in loco fuerint collocatæ, attamen non prætermisus est is ordo, & ea series, ut in cœlestium Classe nulla creatura sublunaris infereretur; Lux siquidem, tenebræ, dies, & nox, quamuis prodeant à Sole, quem supra ut rem cœlestem enumerarat, attamen in aëre, & aquis, ac rebus collucidis diffuso, conspiciuntur. Quare non seruato inter eos ordine recensentur.

In cantico trium puerorum quo res ordine recensentur.

Dictum Psalmi centesimi tertij; Qui tegis aquis superiora eius, interpretatur.

Repetit adhuc tertia Echo Scripturarum in Psalmo centesimo tertio. Dei nanque magnificentiam extollens David his exorsus est; Benedic anima mea Domino; Domine Deus meus magnificatus es vehementer. Plura magnificentiæ Dei monumenta (quæ ex D. Hieronymi sententia cuncta legenda sunt in secunda persona, nō in tertia) hic recenset. Confessionem, & decorem induisti, amictus lumine sicut vestimento, extendens Cœlum sicut pellem, qui tegis aquis superiora eius. Qui ponis nubem ascensum tuum, & ambulas super pennas ventorum. Qui facis Angelos tuos spiritus, & ministris tuos ignem vrentem. Qui fundasti terram super stabilitatem suam &c. Non capio certè, quomodo Cytharædus, ac diuinarum laudū præcentor David, dum ait; Extendens Cœlum sicut pellem, Cœli nomine aërem, & non supernos flammatos orbes intelligat, cum de altissimo prorsus Dei folio, ac loco, sermonem habeat, in quo lumine immenso circumquaque amictus, Angelis imperans, super omnes nubes, ac ventos excelsos elatus, vniuersa moderatur, ac regit, cunctaque in viuientium suffragium fouet. Quòd si Cœli nomine supernos astriteros capit, igitur aquas tegere eorum superiora clare pronuntiat, ac obtestatur.

S T E V C H V S hunc clarissimum locum talibus refellit.

Declaranda nunc, vel soluenda sunt alia, quæ supercœlestes aquas credere nos cogerent. Quòd enim dicitur; Qui tegis aquis superiora eius: quem sensum habeat, ex alio Scripturæ loco declaro; Qui operit Cælum nubibus, eadem cum sit vtroque oratio, idem debet esse orationis sensus. Cum Cælum dicit nubibus à Deo cooperiri, quid percipis? quo te vocari, & impelli animo sentis? Nempe Celi, hoc est, aëris regiones supernas nubibus offundi, per latas Celi regiones Deum nubila spargentem auferre ex oculis serenitatem: possumque audacter asseuerare, Cælum à Vate hoc loco non supernos illos orbes, qui non videntur, non veniunt sub aspectum nostrum. (Nam cœruleum illud aëris immensi est decoloratio) nominari, sed viride istud, ac serenum, quod regi, vel operiri, atque abscondi nubibus potest, non possunt orbes, qui non videntur. Sicut ergo Cælum operit nubibus Deus, sic contegit aquis.

Verum Steuchus locum minime consimilem detulit, & qualiscunque is sit, meo iudicio ei refragatur. In hoc etenim, quem nos perpendendum suscepimus, Propheta

Psal. 103.
Psal. 146.

de amplissima Dei maiestate, ac eius augustissima sede præcipuè, quæ in supernis Cœlis est, verba facit. In eo verò quem Steuchus protulit, mirifica aërea beneficia pertrahat. Verum dato de eodem Cœlo utrobique sermonem haberi, quid prohibet locum ipsum; Qui operit Cœlum nubibus: de superno pariter & astrigero Cœlo interpretari? Aërem certè nubibus obuolui ac obrui conspiciamus, sed & supernos Cœlos operiri, id est lucem, serenitatemque ab ipsis prosilientem tegi, & Scripturæ sapius produnt, & communis loquendi consuetudo vsu comprobauit. Constitunt igitur claræ, ac incunctæ hæc authoritates, si ingenuum literæ sensum, importunis, atque violentis interpretationibus semotis, studuerimus amplecti.

Ecclesiæ tacitus nutus, quinimmo aperta consensus hanc Patrum de aquis supercœlestibus diffinitionem approbare uisa est. Ipsa nanque Dei summi opificis vnoquoque die elaboratum opus sigillatim memorans, hymnosque ante populos decantans, ut si mul eis sint & Dei præconia, & morum instructiones, aquas super Cœlos à Deo suspensas hac die celebrat; quod Dei opus minimè profecto recenseret, si id anceps, vel inexploratum, multoque minus si id falsum & à ueritate alienum existimaret. Verum quid clarius, quid ponderosius, hac de re prodere potuit, quàm ea, quæ supra retulimus?

Immenso Cœli conditor,
Qui mixta ne confunderent,
Aquæ fluenta diuidens,
Cœlum dedisti limitem:

Firmans locum cœlestibus,
Simulque terræ riuis,
Vt vnda flammæ temperet,
Terræ solum ne dissipet.

Infestant alij hanc Ecclesiæ consensionem, interpretanturque hymnū hunc de aquis, quæ in Cœlo aëreo fiunt, quibus temperatur calor, & ardor, non syderum, sed qui ex syderibus accidit terræ. Animaduertant obsecro primū, quid importet illud; Aquæ fluenta diuidens, Cœlum dedisti limitem: siquidem si immensus Cœli conditor diuidens fluenta amplissima aquarum, dedit Cœlum, ut limitem, infra quem aquæ illæ supernæ descendere nequeunt, quo pacto aër Cœlum erit, qui aquas in sublimi genitas ad nos defundit? Deinde quænam flamma illa est, de qua inquit; Vt vnda flammæ temperet, nisi ea ipsa, de qua post quarta die canit; Qui flammeam Solis rotam constituit? Flamma igitur est ab ipsis Astris, à quibus est splendor, & flagrantia. Deinde aduertant, quòd hi aërei Cœli non fuerint hoc secundo die producti, quamobrem nec Ecclesiæ iuxta ipsius institutum pro eis gratias Deo rependere potuisset.

Accedit sanctorum Patrum authoritas, qui mihi certè œcumenici fere cuiusdā Concilij speciem ac maiestatem præferre videntur. Et quidem si Ecclesiæ ea Patrum tempestate ad hanc decidendam litem concilium iussu Papæ cœgisset, nec aliud profecto ipsi diffinissent. Nec possum non uehementer mirari, quòd sententia ista per mille ducentos, & amplius annos frequentioribus calculis recepta, & sancita, nunc ita facile contemtu habeatur. Commisereorque summopere tempestatum nostræ, quòd plures ex nostris (si tamen ex nostris dici merentur) qui necdum summis labijs disciplinas degustarunt, assuescant statim sanctam venerandamque antiquitatem non uereri, sed parui facere, atque quascunque pro suo arbitratu sententias astruere: adeò ut non sit erronea prorsus opinio, quæ suos assertores, & propugnatores non cōperiat. Ediscant à D. Thoma, qui ut erat in Patres religiosissimus, aut nihil ferme contra eos diffinit, sed ut etiam Academicorum more argumentis satisfacit, aut certè eos conciliare nititur, ut etiam adnotauit Vielmus. Adhuc præter euidentissimas sacrarum Scripturarum auctoritates, & Patrum attestationes, aquas naturales super Cœlos consistere, ipsa Mundi compages mirificè demonstrat. Mundum duplicem suscipere potuisse. Alteram ram non ignoramus. Alteram secundum connatam elementis naturam. Opificem in uiuentium gratiam generationibus rerum propensam, atque adaptatam: Patent siquid summum non eam, sed hanc in Orbis effectiōe exhibuisse nullus respuer. Patent siquidem huius dispositionis plura monumenta. Ignis qui leuissimus oculis nostris conuenientiam sphaeræ anhelat, ac exposcit, quasi in carcerē detrusus intimis terræ visceribus concluditur; & quasi inops pabulo indigus ob mixtorum generationem his nostris ambiperegrinis regionibus comprimitur. Aquæ, quæ immensa mole omnem terræ ambitum circumuallare, ac obruere sua natura poscebant, in vnum locum sunt coarctatæ, ut telluris

telluris planicie detecta, iucundum nobis solum pararetur, terraque ipsa ad germina proferenda apta rederetur: Aëris quoque infimam regionem subducta aquarum colluile Mundi fabricator denudatam reliquit, ut terrestres animantes & præcipue homo in ipsa halitantes incolumem vitam traducerent. Approbavit hæc omnia D. Thomas Quæstionibus disputatis, quæstione quarta. Quis igitur non philosophari poterit, Deum super Cælos aquas euehisse ad Vniuersi commodum secundum rationem causarum earum, de quibus infra disceptabimus, seu causa nobis impersecta? Quin & dispositio huiusce Microcosmi à summo opifice summa arte ac sapientia elaborati, cuius maxima cum Mundo magno fulget similitudo, id ipsum annuit.

AUGUSTINVS siquidem de Ciuitate Dei libro vndecimo, capite trigesimoquarto, ingeniosa, ac eleganti inter vtrunque Mundum assimilatione, id fieri posse egregiè demonstrat. Nec pigeat locum iterum audire, ut grauiori consideratione perpendatur: septies enim opportune repetita placebunt.

Sed hi qui in nomine aquarum, quæ super Cælos sunt, Angelos intelligi volunt, ponderibus elementorum mouentur; & ideo non putant aquarum fluidam, grauemque naturam in superioribus Mundi locis potuisse constitui: qui secundum rationes suas si ipsi hominem facere possent, non ei pituitam, quod Græcè dicitur *φλέγμα*, & tanquam in elementis corporis nostri aquarum vicem obtinet, in capite ponerent. Ibi enim sedes est phlegmatis, secundum Dei opus utique aptissime: secundum istorum autem coniecturam tam absurdè, ut si hoc nesciremus, & in hoc libro similiter scriptum esset, quod Deus humorem fluidum & frigidum, ac per hoc grauem, in superiore omnibus ceteris humani corporis parte posuerit, isti trutinatores elementorum nequaquam crederent. Et si auctoritati eiusdem Scripturæ subditi essent, aliquid aliud ex hoc intelligendum esse censerent.

D. THOMAS in Postilla hæc ita reasumit.

Vnde sicut in minori Mundo, hoc est in homine, in parte superiori, hoc est in cerebro, sunt aquæ, in quantum cerebrum est naturæ frigide humide: (Quod quidem cerebrum calorem naturalem hominis, & eius excessum contemperat) ita & in Mundo maiori. Vnde licet hoc subiceret Scriptura, hoc docet ratio recta.

Si Medicos consuleremus, vnde cor, quod sedes est caliditatis, in medio corporis; Caput verò humiditatis domicilium in eminentiori loco sit collocatum; nullam aliam certè huiusce rei rationem redderent, præter opificis prouidentiam, qui ita corporis temperamento consulere disposuit.

Verum & experimentum mirificam hanc Orbis dispositionem arguit & suadet, idque ingenio & industria cuiusdam ex concanonice nostris mihi planum effectum est. Vitreo enim vasi, in quo ouum ut stillaret conclusum fuerat, subiecto sensim igne, seiuncta mox apparuere in eo hac serie elementa, quod terrea crassities infimum locum obtinuerit, ignea secundum, aërea tertium, tandem aquea supremum nescio qua vi ac ratione sibi vendicarit. Mundi certè opificium, ac dispositio mirabilis est, nec nobis impersecta ac nota, cum forte solum ab Angelis intelligatur, ut non mihi obijciat Auerroista, non dari intelligibile quod percipi non queat.

Ut supremam huic disceptationi manum imponamus, reliquum est diffinire; Num aquæ iuxta naturæ ordinem, an potius portentose supra firmamentum dicantur euehisse. Præcipuum enim illud est contra sententiam nostram argumentum, ex naturali elementorum dispositione, aquas, quæ natura sua igne & aëre sunt grauiore, super Cælos non posse vlla ratione considerare. Afferro itaque primum ex Patrum mente, aquas super cælestes orbes non ex miraculo, neque contra naturam, neque ex natura, sed præter naturam ad Vniuersi dispositionem consistere, quemadmodum & Theologorum quamplurimi corpori cælesti non ex natura, neque contra, sed præter naturam motu in orbem conuenire arbitrantur. Pro quibus duo animaduertenda cenfeo. Alterum cælestia corpora iuxta Patrum effata ex elementis conflata esse: Alterum, Vniuersi structuram, quantum ad elementorum situm spectat, duplicem, ut paulo ante tradebamus, attendi posse. Alia est, quæ elementorum ponderibus atque naturis constituitur, quæ aqua terram, aër aquam, ignis aërem ambit. Alia vero, quæ in gratiam viuientium fieri ab opifice debuit: quæ aqua terræ specubus concluditur, & ignis ubique diffunditur, & aqua super cælestes globos elata confidet. Prima structura in Chaos extabat. Tunc siquidem terram aqua vndique, & aquam aër, & aërem ignis, ex Basilij, Ambrosij, cæterorumque mente vallabat. Altera vero tribus his primis diebus emolitionis Mundi à Deo

Articu. 1. ad quartum.

Num aquæ super Cælos relideant naturaliter, an ex miraculo.

Aquas super
Caelos esse,
quomodo di-
carur mira-
culum.

Deo opifice elementis indita fuit. Quibus rite perspectis à Patribus non abscedentes, aquas super Caelos, non contra ipsarum naturam, neque secundum naturam, sed præter naturam suspendi, ac ferri statuamus, nimirum iuxta eam, quam secundo loco detulimus, Orbis dispositionem, qua Deus non elementorū pondera, sed viuientium necessitatem respexit. At quomodo sapius Patres id miraculum vocitant, atque ut miraculū suspiciunt, ac celebrant? Respōdeo, Patres id omne, quod præter ordinem naturæ quāquam non contra ipsorum elementorum naturā factum fuerit, Dei omnipotentiae ascribere, & miraculum nuncupare. Hac siquidem ratione ex potentia opificis effectū fuit, veluti miraculum & præter naturam, quod terra aquis sese exeruerit, cum eis subsidere sibi ex natura datum esset; quod aqua terræ hiatibus, atque antris se coarctarit, quæ vndique terram quaquauersum alluere, ac circumuallare natura tenebatur: quod ignis terræ visceribus cōprimatur, cum super euolare affectet, quod aquæ in vaporem attractæ, per aërem diffundantur, cum longe aëre ipso sint ponderosiores, & aër tenuis ac labilis existat. Quæ tamen omnia nunc, etsi præter naturam, non tamen contra naturam elementorum perhibentur. Secundum hunc dicendi modum sæpe Patres multa ad miraculum referunt, ceu inconcussam terræ firmitatem, maris inter vestes, & ostia, hoc est, inter rupes & arenosa littora coarctationem, nubium, ut non erumpant deorsum nisi ad Dei iussu, subleuationem. Quæ tamen contra naturam esse, vereque miracula, si structura Mundi, ut nunc est, perpendatur, censerī non possunt; Miracula autem portentique vocabuntur, si prima ex elementorum pondere structura consideretur. Pari profecto speculatione, & aquæ supercelestes, ut miraculum à Patribus magnificantur, quas tamen non ex miraculo, sed præter naturam ad Vniuersi cōstructionem viuentibus cōmodam desuper consistere arbitrati sunt, idque vno non parum illis perspecto axiomate constituto, nempe Cœli naturam ex elementis esse compactam, sanxerunt.

Verum esto, Patres id miraculum verum esse fateantur, esto, miraculum illud esse perenne, quid inde? En, inquiunt, Augustinus, libro secundo super Genesim ait; In operibus sex dierum quibus natura instituta est, non quæritur quid Deus facere possit sua virtute, sed quid rerum patiatur natura, & quid eis conueniat. Hunc Augustini tributum, ac peruulgatum locum, ita eluderem; diffinireque omnino, quod etsi consentaneum non sit naturæ, ut aquæ tanquam graues super Caelos veherentur: attamen nec ob id à Scripturæ autoritate, quæ aquas super firmamentum elatas tradit, recedendum esse, quod & ipse Augustinus eodē libro prodit, dicens. Quoquomodo autem, & qualeslibet aquæ ibi sint, eas esse ibi minime dubitamus; maior est quippè Scripturæ dictum autoritas, quàm omnis humani ingenij capacitas. Hæc ille. Interpretor igitur explanare, Augustini, quod in his, in quibus Scripturæ sensus secundum naturam instituta explanare, ac elucidare possumus, ineptum est naturæ legibus spretis, ac contemptis, ad Dei potentiam tanquam ad tutum Asylum, ut singularem fulciamus sententiam, passim confutgere, nihilque amplius inuestigare. Verum in his in quibus sacra Scriptura aperte ac dilucide aliquid Deum opificem fecisse prodit, quod natura non patitur, nec ingenium humanum natura fieri posse capit; ut quod Deus diluuiō Mundum demerserit, Arabiæ sinus vndas siccarit, Iordanem retrorsum conuerterit, aquas è petra excusserit, Solē firmarit, & similia, nunquam recedendum est à Scripturæ auctoritate; cum maior sit sacre Scripturæ auctoritas, quàm omnis humani ingenij capacitas, ut dixit Augustinus: Atque ut alibi adiecit; In rebus mirabilibus tota ratio facti, est potentia facientis. Cum igitur Scriptura attestetur ac dicat, Fecit Deus firmamentum, & diuisit aquas, quæ erant super firmamentum, ab aquis quæ erant sub firmamento; & cum ex præfatis (si rectè perpendantur) firmamentum fuisse Cœlorum congeriem, in qua astra sita sunt, demonstrauerimus, superest ut aquas supernas vere naturales, nostrisque censueas, si non ex sui natura, saltem non contra naturam super Caelos euectas fuisse censemus & fateamur. Num autem vllus adsit modus, quo desuper consistent, & Num vlla huius rei subsit causa, infra disceptabimus.

Cap. 1.

Cap. 9.

Num. 1.
Num. 2.
Num. 3.
Num. 4.
Num. 5.
Num. 6.
Num. 7.
Num. 8.
Num. 9.
Num. 10.

Num.

In medio aquarum.

Anno Mūdi
primo.
Die secunda.

a. *Idest, cœlestium in glaciem concretarum, & terrestrium fluxilium.*

Num Aquæ supercœlestes sint glacie concretæ, Num vaporibus extenuatæ; Num liquentes; Num ignoto genere et modo constitutæ.

Quoniam prisca Patres ferè cuncti, ut ex supradictis elici potest, naturales aquas Cœlis supereminere perhibeant, modum attamen, quo ibi insideant, non pari diffiniunt sententia. Quamplures suum non explicarunt placitū, ut Tertullianus, Hieronymus, Chrysostomus, Hippolytus, Prosper. Alij in plures proficiscuntur assertiones, qui tamen ad quatuor redigi possunt Classes. Quatuor quippè de hac re detulere assertiones.

a. *Idest, cœlestium in glaciem concretarum, & terrestrium fluxilium.*

Aquas supercœlestes in glaciem concretas confidere plures arbitrati sunt, ut ex Catena ante deducta colligi potest. Conclusiones attamen eorum iterum breuissimè recitabo.

I O S E P H de Antiquitatibus libro primo, capite primo.

Post hæc Cælum secunda die super omnia collocavit, ipsumque ab alijs distinguens in semetipso constitutum esse precepit. Et ei hoc est Cælo crystallum circumfigens &c.

Si crystallo circumseptum est Cælum, igitur & aquæ supernæ in crystallo specie consolidatæ Cælum ambiunt ex Iosephi sententia.

C L E M E N S Recognitionum libro primo.

Iam verò aqua, quæ erat intra Mundum, in medio primi illius Cæli, Terræque spatio, quasi gelu concretæ, & crystallo solidatæ, distenditur. Et post. Post hæc, quod reliquum fuit, in inferioribus aquarum, iussu voluntatis æternæ, locus maris, & Chaos effectum recipit, eisque ad demersa, & concava defluentibus, arida quidem apparuit terra.

Si igitur aquæ media Cæli terræque spatia gelu concretæ explebant, supernæ igitur aquæ glaciales erant.

A V G V S T I N V S de Genesi ad literam, libro secundo, capite quinto, eorum sententia, qui à frigiditate Saturni aquas super Cœlos consistere argumentabantur, concludit.

His quidam nostri coniecturis agunt aduersus eos, qui nolunt aquas super Cœlos credere, & volunt eam stellam esse frigidam, quæ iuxta summum Cælum circuit: ut ex hoc cogantur aquarum naturam credere, non iam illic vaporali tenuitate, sed glaciali soliditate pendere.

Sed hæc ex propria sententia non prodidisse post demonstrabimus.

I V N I L I V S in Hexameron, eas & glacie concretas, & liquentes esse posse contendit. Quòd autem è Cælo non delaberentur, ex glaciali soliditate prouenire his tradit.

Si quem verò mouet, quomodo aquæ, quarum natura est fluitare semper, atque ad ima delabi, super Cælum consistere possint, cuius rotunda videtur esse figura: meminerit Scripturæ dicentis de Deo; Qui ligat aquas in nubibus suis, ut non erumpant pariter deorsum; & intelligat, quia qui infra Cælum ligat aquas ad tempus cum vult, ut non pariter decendant, nullo firmioris substantiæ crepidine sustentatas, sed vaporibus solummodo nubium retentas: ipse potuit aquas super rotundam Cæli spheram, ne vnquam delabantur, non vaporali tenuitate, sed soliditate suspendere glaciali.

Glossa Ordinaria id ipsum repetit.

M A G I S T E R secundo Sententiarum, distinctione quartadecima, non tantum

Iob. 26.

Anno Mūdi
primo.
Die secunda.

In medio aquarum.

a. *Idest, cælestium in vaporem redactarum, & terrestrium labentium.*

tantum sententiam, sed & voces Iunilij suffuratus est; postque concludit.
Ecce ostensum est his verbis, quod Cælum factum sit, scilicet illud, in quo sunt fixa sydera, idest, quod excedit
aërem; & de qua materia, scilicet de aquis; & quales sint aquæ, quæ super illud Cælum sunt, scilicet, ut
glacies solidatæ.

Non inficiatur attamen eas postea esse in vaporis specie attractas.

B E D A libro de Natura rerum, capite septimo.

Hæc Cælum Deus aquis desuper glacialibus temperavit.

Et libro de sex dierum Creatione.

Naturam tamen aquarum illic iam non vaporali tenuitate, sed glaciali soliditate pendere existimamus;
propter syderum naturas mitigandas, ne creaturas Dei subterpositas, nimio ardore concrement.

Hæc ipsa edocet Quæstionibus in Genesim, & post diuersa ab his detulisse habebis.

A N S E L M V S Laudunensis in Glossa Interlineari.

In medio aquarum, quarum superior pars per modum crystallini lapidis congelata est, inferior in ma-
tricem redacta.

M A G I S T E R Historiæ Scholasticæ, capite quarto.

Qui tegis aquis superiora eius: & sunt, sicut & ipsum, congelatæ ut crystallus, ne igne solui possint, vel
in modum nebule vaporabiles.

H V G O Carenfis in Postillis.

Et sunt aquæ istæ congelatæ ad modum crystalli. Vnde à quibusdam dicuntur Cæli crystallini, vel sunt
vaporabiles ad modum nebule.

Patrum igitur horum alij clarè aquas supercœlestes glacie concretas esse tradunt:
alij in diuersas abeunt sententias, nec quæ sibi probatior videatur, explicant, atque dif-
finiunt; alij prædictam sententiam, nempe quod glaciales sint aquæ illæ supernæ, non
renewunt, quanquam non ita approbent. Sententia hæc arduam enititur effugere con-
ficultatem: qua ratione scilicet aquæ illæ, si sint fluxiles, super sphaericum corpus con-
sistere possint, quin labantur, & decidunt. Quare glaciali soliditate concretas, vel sup-
posito orbi hære, vel immobiles ibi, & fixas permanere contendit.

a. *Idest, cælestium in vaporem redactarum, & terre-
strium labentium.*

D. A V G V S T I N V S auctor est huius assertionis, quæ aquas vapo-
reas super Cœlos astruit. Nam cum pluribus aquas, ex ponderis, ac naturæ elementa-
tæ ratione, super Cœlorū Orbes considerare non posse disputasset, ac eorum sententiam,
qui firmamenti nomine aërem excipiunt, non reprobasset, hanc de Genesi ad litteram li-
bro secundo, capite quarto, subnectit.

Quanquam possit videri, non impedire propria pondera elementorum, quomodo etiam super illud sublime
Cælum possint esse aquæ per illas minutias, per quas etiam super hoc spatium aëris esse potuerunt: Qui quam-
uis grauior, & inferior summo Cælo subiaceat, proculdubio leuior est aquis, & tamen ut super eum sint va-
pores illi, nullo pondere prohibentur. Sic ergo & super Cælum illud potest minoribus guttis leuior esse
humoris extendi, qui pondere cadere non cogatur. Ipsi quippe subtilissima ratione persuadent, nullum esse
quamlibet exiguum corpusculum, in quo diuisio finiatur, sed infinitè omnia diuidi, quia omnis pars corporis,
corpus est; & omne corpus habeat necesse est dimidium quantitatis suæ: ac per hoc si potest aqua, sicut vi-
demus, ad tantas guttarum minutias peruenire, ut super istum aërem vaporaliter feratur, qui natura leuior
est aquis; cur non possit & super illud leuius Cælum minoribus guttis, & leuioribus immanere vaporibus?
Beda hæc ipsa Quæstionibus in Genesim.

E V C H E R I V S Commentarijs in Genesim libro primo, capite tertio, Augustino consensit.

Vnde queri potest quomodo elementū aquæ possit esse supra Cælos. Aqua enim cedit terre, & aër cedit aquæ, ignis cedit aëri. Vnde impossibile videtur, vt secundum elementum, quod est aqua, sit supra quantum, quod est ignis. Quomodo, & quales sint aquæ illæ, quas Scriptura dicit supra Cælos, esse eas ibidem minime dubitamus: quæ non locorum sedibus, sed dignitate naturæ videntur supra Cælos. Sicut enim nubes istæ, quæ vbique sunt, feruntur super aërem, quod est tertium elementum, ita fieri posse arbitror, vt aquæ tenues, atque subtiles, ferantur super Cælum.

A N S E L M V S Cantuariensis de Imagine Mundi libro primo. Supra firmamentum sunt aquæ instar nebule suspensæ, quæ Cælum in circuitu ambire traduntur: vnde & aqueum Cælum dicitur.

A N S E L M V S Laudunensis in Glossa Interlineari hanc non reticuit, cum dixit.

In medio aquarum vaporaliter suspensarum, & per terram labentium. **H V G O** noster, D. Augustino assentire visus est, Adnotationibus in Genesim, capite sexto.

Quales autem sunt aquæ illæ, non est nobis certum. Dicunt tamen quidam expositores, quod glacialiter ibi solidatæ sunt: mihi autem verisimilius visum est, quod vaporaliter suspensæ ad similitudinem vaporis, scilicet fumi, vel nebule, ibi consistant.

Et Summæ sententiarum tractatu tertio, capite primo, idipsum repetit.

M A G I S T E R Sententiarum secundo, distinctione quartadecima. Aquas autem, quæ super illud Cælum sunt, dicit vaporaliter trahi, & leuissimis suspendi guttis. Sicut aër iste nubilosus exhalatione terræ aquas vaporaliter trahit, & per subtiles minutias suspendit, & post corpulentius conglobatas pluuiatiter refundit. Si ergo potest aqua, sicut videmus, ad tantas minutias peruenire, vt feratur vaporaliter super aërem aquis naturaliter leuiorem; cur non credamus etiam super illud lenius Cælū, minoribus guttis, & leuioribus, emanare vaporibus? Sed quoquo modo ibi sint, ibi esse non dubitamus.

H V G O Carenis in vtranque sententiam rapi visus est, cum dixit. Sunt aquæ illæ congelatæ ad modum crystalli; vel sunt vaporabiles ad modum nebule: & cur ibi sint, nouit Deus.

M A G I S T E R Scholasticæ Historiæ & ipse anceps, nec hanc prætermisit sententiam, cum dixit. Vel in modum nebule vaporabiles.

D. T H O M A S Quæstionibus disputatis, quæstione quarta, articulo primo, ad quintum, redarguit D. Augustini atque horum Doctorum placitum, scribens.

Ratio enim de rarefactione, vel diuisione aquarum, videtur omnino vana: etsi enim corpora mathematica possint in infinitum diuidi, corpora tamen naturalia ad certum terminum diuiduntur, cum vnique forme determinetur quantitas secundum naturam, sicut & alia accidentalia. Vnde nec rarefactio in infinitum esse potest, sed vsque ad terminum certum, qui est in raritate ignis. Et præterea aqua tantum rarefieri posset, quod iam non esset aqua, sed aër, vel ignis, si transcederet modum raritatis aquæ. Nec posset naturaliter excedere ignis, & aëris spatia, nisi natura aquæ amissa eorum vinceret raritatem.

Amplius contra Augustinum contendunt alij aquarum super Cælos elationem fieri non posse, tum primum propter soliditatem Cœli, ac eius naturam, transitum non præbentem, nullasque peregrinas impressiones admittentem; Tum propter ignis sphaeram aëri superfusam, quæ omnem vaporum vim hostilem vti humidam ac frigidā vel retunderet, vel prorsus absumeret: Tandem quia qui à Sole attrahuntur halitus, non supra lunam euehi possint, sed concava orbis lunæ extremitas terminus diffiniatur à Philosophis, supra quem vapores attracti scandere nequeunt.

Verum D. Augustini placitum immerito redargui existimo. Non enim asserit D. Augustinus eo loco, passim nunc vapores ex terra super omnem aërem efferri, igneamque sphaeram permeare, Cælos penetrare, & super ipsos conscendere: id siquidem arduū esset astruere, non tantū propter obiectas rationes, cum illæ retūdi facile possent, si tenuitate illam, naturam non prætergredi diceremus, & si ignis sphaeram cum neoterioribus, (ex eo quod ignis pabulo indigeat) non dari asseneremus, & Cælum, vti ex elementis compactum, suscipere etiā impressiones peregrinas assereremus; sed ob id meo iudicio, quoniam attractio omnis halituum à Sole fiat, quare supra Solem nec etiam minutissimus omnino vapor attolli queat. Sed D. Augustini mens est astruere, nil plane elementorum

Defensatur
D. Augusti-
nus.

Anno Mūdi
primo.
Die secunda.

In medio aquarum.

a. *Idest, Cælestium fluxilium, & terrestrium pariter labentium.*

rum pondus obsistere, quin Deus, cū firmamentum compegit, super ipsum minutissimas illas aquarum partes, quæ tenuiores in aqua fieri queunt, potuerit collocare, segregans eas ab his, quæ supremam Chaos partem ad caliginis tenuissimæ instar obruebant. Quæ profecto non vapores censerī debent his sublunaribus similes, cū terrestris exhalatio indigeat Sole attrahente, & aëre vti vehiculo deferente: sed veræ aquæ existimandæ sunt ad tenuissimorum similitudinem vaporum albescentes. Aquam autem vnā esse altera aqua magis exilem, adeo vt alia crassissima, alia tenuissima esse possit, comparatio aquarum Pelagi, & fontium manifestat. Perpendas precor Augustini sententiam præcitatam.

Quaquam possit videri non impedire propria pondera elementorum, &c.

a. *Idest cælestium fluxilium, et terrestrium pariter labentium.*

Verū plures ex vetustis Patribus, non tantū aquas super Cēlos sitas esse arbitrati sunt, sed non parum etiam elaborarunt, quō eas vt fluidas super Cēlos considerare posse demonstrarent.

BASILIVS Hexameron Homilia tertia & eas fluentes esse edocet, & ibi considerare posse, quia superficies conuexa Cœlorum sphaerica existimari non debet. Ait enim.

Si firmamenti corpus globosum est, vt aspectus ipse declarat, aqua autem suapte natura fluxa cū sit, & è sublimi fluere soleat ac delabi, quinam potuit in curua, & supericre circumferentia firmamenti solide, ac stabiliter persistere? Quid ad hanc obsecro respondendum est obiectionem? Inprimis quidem dicendum, vt donem aliquid esse, quod qua parte nobis cernitur, speciem præfert circuli per flexuram, fornicemve interne concavitatis, non continuo necesse sit illius quoque externam superficiem quaquaersum ad imaginem sphaeræ esse perfectam, totumque id, perinde ac opus tornatile, exactè esse circumductum, lenigatum, ac perpolitum: quando videmus ipsi tum tecta balnearum lapidea, tum ædium extruções antri in speciem cauenosas, ipso quidem interne partis aspectu circumductas esse in speciem figuramve semicirculi, cū interim pars tecti superior æquabilem plerunque obtineat, & planam superficiem. Quapropter hac de re neque sibi molestias ipsi sumere, neque nobis præstare velint, quasi superis aquam in locis detinere, coercereq; non valeamus.

AMBROSIVS id ipsum pluribus disceptat Hexameron libro secundo, capite tertio.

Et primò volunt id destruere, quod frequenti Scripturarū lectione inolitum nostris & impressum est mentibus, quia aquæ super Cēlos esse non possint: dicentes rotundum esse orbem illum Celi, cuius in medio insit, & in illo circuitu aquam stare non posse, quod necesse est defluat, & labatur, cū de superioribus ad inferiora decursus est. Quomodo enim aqua super orbem, vt aiunt, stare potest, cū orbis ipse voluatur?

Cui perualidè obiectioni Ambrosius occurrit, edisserens primū, quod in altitudine, & profundo cœlici corporis non desit longitudo, & latitudo, vnde quasi in quadrato corpore distendatur planities, in qua aqua hæret.

Hæc est illa versutia Dialecticæ, da mihi vnde tibi respondeam. Quod si non detur, nullum verbum referatur. Petunt sibi concedi, axem Celi torqueri motu concito; orbem autem Terræ esse immobilem, vt adstruant aquas super Cēlos esse non posse, quod omnes eas voluendo se axis effunderet: quasi verò vt concedam illis quod postulant; & secundum eorum opiniones illis respondeam, negare possint in illa altitudine & profundo, & longitudinem esse, & altitudinem, quam nemo potest comprehendere, nisi is qui impletur in omni plenitudinem Dei, vt Apostolus ait; Quis enim potest facillè esse diuini operis æstimator? Est ergo latitudo ipsa Celi altitudine. Sunt etiam, vt de his dicamus que scire possumus, pleraque ædificia foris rotunda, intus quadrata: & foris quadrata, intus rotunda; quibus superiora sunt plana, in quibus aqua habere solet.

In medio aquarum.

a. *Cœlestium ignoti generis, & terrestrium defluentium.*

Deinde astruit, quod Dei iussu, & imperio, ibi consistere possint, iuxta illud; Statuit ea in sæculum sæculi, præceptum posuit, & non præteribit; sicut in mari rubro gelaerunt fluctus & firmamenti specie cursum suum frenarunt; & Iordanis aquæ consistere, nec labi iussæ sunt; ac tandem idem patefacit ex similitudine nubium, in quibus aqua in sublimi suspensa confidet. Hæc luculentiùs supra relata sunt.

I V N I L I V S seu Beda in Hexameron eadem sentit.

Sed etsi liquentes ibi aquas sistere voluit, nunquid maioris hoc miraculi est, quàm quod ipsam Terræ molem (ut Scriptura dicit) appendit in nihilo? Nam & vnde, siue rubri maris, seu fluuij Iordanis, cum ad transitum Israëlitiæ plebis in altum erectæ, murorum instar figuntur: nonne evidens dant indicium, quod & supra rotunditatem Cœli volubilem, fixa possint ratione manere? Sanè qualesquales ibi aquæ sint, esse tamen eas ibi, quod Scriptura sancta dixit, nulli dubitandum reliquit.

P R O C O P I V S Commentarijs in Genesim, capite primo, his Patribus similia retulit.

Cum ea pars firmamenti, quæ nos respicit, sit concaua, quidam colligunt extremam, vel summam eius partem esse conuexam. Itaque impossibile esse, ut aqua ibi commorari possit. Nam eam semper ex editioribus locis solere in valles, & cauernas collabi. His alij se opponunt dicentes: nihil posse obstare, quin, licet interior pars sit concaua, exterior sit planitie conspicua. Exempla produciunt, quæ petuntur à matris pistorum, & à cauernis terræ, quæ quidem intrâ habent concauitatem, sed extrâ plerunque sunt plana superficie contentæ. Si autem Cœli figura non spherica est, destruitur motu, & imprimis circulari. Caterum in medio aquarum constitit, sicuti & terra, sustinens supra se aquas immobili statione.

E V T H Y M I V S Commentarijs in Psalmum centesimum tertium.

Admirandum est igitur, quod fluida aquæ natura contineri potuerit supra firmamentum, quod curuum est, & non effluerit. Nam & ipsum firmamentum fornicis figuram habet, quemadmodum aspectus docet.

L V S I T A N V S pariter.

Puto tamen eas esse elementares, & eiusdem naturæ cum inferioribus erant: factò verò firmamento, seu diuisione, non videntur mutasse naturam. Præterea tempore Diluuij descenderunt, ut citatum est.

a. *Cœlestium ignoti generis, et terrestrium defluentium.*

R V P E R T V S Commentarijs in Genesim libro primo, capite vigesimotertio.

Veruntamen non vsque adeo consentimus, aquas esse super firmamentum, ut concedamus etiam congelatas esse, quod aliqui magis coniecturaliter quàm rationaliter opinati sunt.

Et post capite vigesimo quarto.

Quod si à nobis queritur, in qua ergo specie aquæ illæ super firmamentum sunt, si congelatæ non sunt? Interrogemus eos; in qua specie fuerunt antequam fieret firmamentum? Verùm hoc respondere nequeunt, quia Chaos erat, & confusa moles, qualis ab humanis sensibus diiudicari non potest. Igitur criptam Mundi huius exiguum, quam in medio abyssi magnæ mirabilis artifex Deus excauando fecit, in qua nati sumus, cum vix attendere possumus philosophando, quantum volumus, de circummanentium aquarum natura, vel specie taceamus, quia videlicet, nec istis aquarum reliquijs, quæ postea speciem, vel formam suam acceperunt, omninò similes probabiliter definire valeamus, nec aliquid fingere dignum arbitramur, ut verbi gratia, congelatas esse (sicut iam dictum est) opinemur.

B E D A libro de Mundi constitutione, quinque proponit vias, quibus aquas super Cœlos elatas esse existimare possimus. Concluditque modum nos latere, imper speciemque esse. Audiamus ipsum.

Prima coniectura est, quod sint in exteriori superficie Cœli extantia, & subsidentia loca; ut etiam in superficie terræ, in quibus aquas contineri dicunt, cum tanta verò celeritate voluuntur, ut non labantur: qui de pleno

vase quolibet probari potest. Nam quò maiori impetu manu circumuoluitur, eò minus effunditur. Secunda est, quòd ibi vaporaliter, quemadmodum hic nubes pendent, contineantur. Tertia est, quòd propter Solis remotionem, à quo præcipuus calor exhibetur, indurato glacialiter Cælo cohereatur. Vnde dicunt Saturnum non volgidissimum Planetarum, quia illis aquis vicinissimum. Est etiam quarta: firmamentum vt fixum non volui, sed stellas illi appositas, nec fixas moueri: & hi an quadratum, an rotundum sit, dubitant. Notissimè quæstio diuina virtute soluitur, quia ibi teneantur secundum Dei voluntatem: licet hic modus homines lateat, in quas ibi in vsum diuinorum seruauit Deus, vel vt ignem Cæli temperent: super has spirituales Cæli sunt, in quibus Angelicæ virtutes continentur. Secundum alios nihil, nisi inane.

A U C T O R.

Conticesco iterum, calamoque suspenso, ac mente perplexa confisto, cum repugnantes Patrum insigniorum sententias offendo. Dicam attamen petita venia ab his, qui sedulo antiquitatem sanctam suspiciunt, & venerantur: Primum non perspectum nobis esse, nec esse posse, qua præditæ sint natura aquæ illæ; Num scilicet fluentes sint, Num in vapores extensæ, Num glacie concretæ. Quare cum ipso Augustino diiudicandum; Quoquomodo autem, & qualeslibet aquæ ibi sint, esse eas minimè dubitamus: Cū Eucherio; Quomodo & quales sint aquæ illæ, quas Scriptura dicit supra Cælos esse, eas ibidem esse minimè dubitamus, quæ non locorum sedibus, sed dignitate naturæ videntur supra Cælos. Et cū Iunilio; Sanè quales, quales ibi aquæ sint esse tamen eas ibi, quæ Scriptura sancta dixit, nulli dubitandum reliquit. Cum Beda in Expositione in Genesim, & Strabo; Nos verò, quomodo, vel quæ aquæ ibi sint, esse eas super summum Cælum minimè dubitemus, maior est quippè Scripturæ autoritas, quàm omnis humani ingenij capacitas. Verum si alicui ex prænaratis assertionibus inhærendum est, ea perfectio præ cæteris erit seligenda, quæ paucioribus, ac minoribus molestijs irretiri conspicitur. Quapropter maximopere perpendendum arbitrarer; quòd cum tria maxime, aquas naturales super cælorum compagem locari posse, arduum reddant, Aquarum nimirum pondus, quòd ima loca exposcit; Natura aquæ fluxilis, quæ super sphaericam gibbosam apsidem consistere nequit; & Motus, cum aquæ rapida primi Cæli raptatione ibi cieri posse vix credantur, nec immotè manere nisi ægrè admodum reputentur: Ea certè erit verisimilior, acceptiorque sententia, quæ has syrtes magis elabetur, effugietque. At sententia illa, quæ supercælestes aquas fluidas cum Basilio, ac Ambrosio autumat, grauiora vtique suscipit incommoda. Nam aqua fluxilis grauior est, quàm ea, quæ ad instar tenuissimæ nebulae redacta est. Deinde & fluxa, & labilis minus corpori sphaerico incubere potest. Modi quippè, quibus hi Patres aquarum illarum consistentiam astruere enixi sunt, difficiles admodum euadunt. Dari in Cælo latitudinem, ac longitudinem, profunditatemque, nemo equidem abnuet. Verum conuexam superficiem cælorum quadratam esse, Astronomica ratio refutat, quòd rapidissimæ, conuexissimæque Cæli supremi conuersioni, aut impedimentum afferret, aut alteri ex duobus, quæ Natura maximè horret, nempe vel corporis penetratio, vel vacui admissio, necessario foret admittendum. Deinde cælestes orbes intus in sinus atque hiatus scindi, qui aquas concludant, arduum est existimare; tum quia corpus cæleste solidum vndique esse, vt æs fustum, tradit Scriptura; tum quia à summitate ad occasum versa ea pars Cæli, quæ aquas in sinu ueheret, eas profunderet, perpetuaque fieret aquarum collisio, fragor, & circumuolutio; nisi adeo rapido cursu ueherentur, ut labi non permitterentur, quæ admodum in vase aqua quanto maiori impetu circumuoluitur, tãto minus effunditur, vt Beda asserit. Quòd miraculosè eas Deus immotas suspendat, vt terram suspensam suo pondere spectamus: quanquàm non à Dei omnipotentia sit alienum; alienum attamen est à dispositione Vniuersi, qua cuncta sub supremo orbe constituta ab eo rapi, & circumuolui non immeritò arbitramur. Quare maiori confractione, fragoreque, circumueherentur, si fluitantes, quàm si in subtilissimos halitus adactæ essent, seu in glaciem concretæ. Conuincitur itaque ea sententia grauiora subire discrimina. Altera verò sententia, quæ in glaciè cōgelatas aquas supernas opinatur, etsi hoc pacto corpori sphaerico eas coherere, accommodatius dici posset: attamen quoniã aquas grauiiores astruit, & quia immotas persistere eas reputat, nō ita passim, ac sine controuersia accipiēda est. Quapro-

Aquas cælestes admittere ex tribus potissimum difficile existimatur.

Aquas fluidas super Cælum collocare maximas offendit difficultates.

In medio aquarum .

A Deo euectarum super Cœlos.

- a. Vt Cœlum ab ardore Astrorum præseruarent .
b. Seu, Vt inconcussum Cœlum à ventorum Procellis firmarent .

Anno Mûdi
primo.
Die secunda.

Quapropter D. Augustini sententiam, quæ aquas leuiore, atque vt circumraptentur agiliores proponit, tanquam minores offendentem difficultates, & paucioribus patentem obiectionibus, seligerem. Non tamen adeò mordicus huic insisto, vt prorsus alias refutare audeam.

Aquas in nebulæ speciem super Cœlos alstruere probabilius est.

Quanam caussa Deus aquas super Cœlos collocarit .

Accedo nunc ad proferendas causas à Patribus delatas, cur opifex Deus aquas super Cœlos locarit, cùm illæ plures sint, ac certe sublimes, ac cognitu dignissimæ.

a. Vt Cœlum ab ardore Astrorum præseruaret .

I V S T I N V S Quæstione nonagesima tertia Orthodoxorum.
Etsi astra infra Cœlum sunt, tamen motus actionis eorum, quæ ignis naturam imitantur essentia, natura sit ad superiora. Itaque veram causam attulerunt ij, qui ad stabilitatem, constantiamque firmamenti, Cœli superiores partes aquis deprimi dixerunt.

T H E O D O R E T V S Quæstione in Genesim vndecima.
Bisariam autem Deus omnium diuisit aquarum naturam: & quandam sursum collocauit, quæ suo liquore, atque frigidityte, non sinerent corrumpi firmamentum ab igne luminarium. Reliquæ verò aquæ deorsum remanserunt, quæ suis vaporibus aërem foueant exustum, & exiccatum ab igne superiore.

P R O C O P I V S idipsum sensit, & explicatius tradidit Commentarijs in Genesim.

Cæterum quam ob causam à Deo admissa sit tanta aquarum copia, satis modò declarauimus. Nasçitur tamen quæstio, quare aquarum medietas supra firmamentum conuecta sit. Verùm hæc dabitur causa. Deus lucem, Solem, Lunam, astraque, quorum omnium substantia ignita est, disposuit ad eum modum, vt motum suum in firmamento peragerent. At ignis ea natura est, vt congelata, & ex aquis concreta potenter dissipet, & dissoluat. Ne id igitur eueniret fortè Cœlo, necessariò tantam aquarum affluentiam in superiore regione collocauit, quæ Cœlum illesum, & inuolatum ab ignis ardore conseruaret. Verum in hunc modum placuit Deo tue-ri Cœlum supremum, licet sola eius voluntas ei salutem & incolumitatem præstare potuisset. Siquidem & nostra corpora integra seruire valuisset absque alimentis: & ita ea ordinare, vt citra necessitatem alimentorum in sua integritate permanerent. Idque euenisset, si modo voluntas eius rei efficiendæ affuisset. Verùm in futuro seculo id continget.

D A M A S C E N V S secundo Orthodoxæ Fidei, capite nono.
Cuius gratia locauit supra firmamentum aquam Deus? propter Solis, & ætheris calorem feruentissimum. Nam mox post firmamentum subducitur æther, Sol autem cum Luna & astris in firmamento sunt. Et nisi superlocata esset aqua, existimandum est, & ab illo ingenti feruore iam conflagrasse firmamentum, abijssæque in flammæ.

B E D A de Natura rerum, capite octauo.
Aquas super firmamentum positas, Cœlis quidem spiritualibus humiliores, sed tamen omni creatura corporali superiores, quidam ad inundationem Diluuij seruatas, alij verò rectius ad ignem syderum temperandum suspensas assurant.

b. Vt inconcussum Cœlum à ventorum procellis firmaret ?

I V S T I N V S Quæstione asserta.
Nec verò hæc vna causa est, cur aquæ sint in auersis Cœli partibus, quòd sit inuictum subiecta astrorum flamma, sed etiam, quòd deorsum aquarum, quæ in eo auerso insunt, vi & copia vergat, nec moueatur ventorum impetu, quòdque summum frigus ex eis deorsum mittatur, à quò dum mixtus est cum summo Solis calore, commoda aëris temperatio, ad animalium, eorumque, quæ terra ex se edit, perpetuitatem efficitur.

Vt

Anno Mūdi
primo.
Die secunda.

In medio aquarum.

- a. *Vt radios astrorum, qui sua natura ad superna feruntur, deorsum in vniuersi gratiam impellerent.*
- b. *Vel, Vt Empyrei ardorem retunderent.*
- c. *Seu, Vt ignitæ virtuti in astra, & sphæram, & mixta, diffuse essent temperamentum vsque ad Mundi excidium.*

a. *Vt radios astrorum, qui sua natura ad superna feruntur, deorsum in vniuersi gratiam impellerent.*

PROCOPIVS loco asserto.

Aque supra firmamentum collatæ, non solum primi Celi incolumitatem tutantur, sed & aliam habent commoditatem, scilicet quod Solis, Lunæque radios deorsum impellunt, vt terrarum orbi lucem suppeditent. Si enim Cælum esset perlucidum, vniuersus splendor insuprema contenderet. Nam ignis sua natura sursum tendit. Itaque supremo Cælo coniuncta est aqua, vt splendorem ad ima detrudat, & impellat.

b. *Vt Empyrei ardorem retunderent.*

HILARIVS Enarratione in Psalmum centesimum trigessimum quintum.

Aquis etenim eleuatis, illam ipsam primi Celi naturam temperauit, quæ superna Dei accensa virtute, nequaquam ab inferioribus esset patienda naturis.

BEDA libro de Natura rerum, capite septimo.

Cælum superioris circuli proprio discretum termino, & equalibus vndique spatijs collocatum, virtutes continet Angelicas: quæ ad nos exeuntes, ætherea sibi corpora sumunt, vt possint hominibus etiam in edendo similiari, eademque ibi reuerse deponunt. Hoc Deus aquis glacialibus temperauit, ne inferiora succenderet elementa. Dehinc inferius Cælum non vniuniformi, sed multiplici motu solidauit, nuncupans illud firmamentum, propter suslentationem superiorum aquarum.

Cabalistæ, teste Vielmio Lectione decimaquarta, hanc sententiã, nempe aquas positas fuisse super Cælos ad mitigandum Cœli Empyrei ardorem, non repudiant.

c. *Vt ignitæ virtuti in astra, & sphæram, et mixta, diffuse, essent temperamentum vsque ad Mundi excidium.*

BASILIVS Hexæmeron Homilia tertia, sacunda, accurataq; oratione, immensam fuisse aquarum amplitudinem edisserit, tantæque aquarum copiarum necessitatem deducit eleganter, ex ignis omnia absumentis, quem in astra, in sphæram, in sublimaria diffusum existimat, proportionem.

Infinita quidem, vt videtur, aquarum erat diffusio, vnde quaque inundantium terræ, superficiemque illius in sublimi ita occupantium, vt ad cetera elementa collatæ, sua proportionem transcendere viderentur. Quapropter & antea dicebatur, Abyssum vndique circumdare terram. Causa autem humorum copiarum tantæ, in ipsa quæ deinceps dicuntur, nos assignare oportet. Et Post. Quenam igitur necessitas fuit, vt aque solum ad tanta exuperaret nec explicabili copia? Quandoquidem essentia ignis necessaria est vniuerso, non solum ad terrestrium rerum administrationem, sed ad ipsius etiam vniuersi totius complendam integritatem: (mutillum enim esset, si hoc vno elementorum omnium maxime opportuno destitueretur) aduersantur autem aquæ, alterumque alterius corruptiuum est. Ignis quidem aquam cum excedit, vincit viribus; ignem autem aqua, cum exuperat copia, nec aut seditionem inter hæc esse, aut alterius defectionem causam oportebat emergere, quæ dissolueretur vniuersum, & deperiret. Tantam humoris naturam, qui omnia disposuit Deus, parauit, atque recondidit, vt ad definitos vsque fines ipsius Mundi constitutionis, cum paulatim ab ignis viribus absumatur, ipsi resistere valeret. Enimvero qui pondere cuncta, mensuraque disposuit (in numerato namque ipsi, secundum Iob, & pluuie guttæ sunt) is planè cognorat, quantum præscripsisset temporis Mundo ad durandam, & quantum etiam igni sumptus, pabulique recondere oporteret, non ignorauit. Hæc est aquæ redundantis & copiose ratio circa creationem.

Præterea Basilivus de ignis necessitate multa disceptat, quem non tantum pro earum rerum structura, quæ arte fabrefiunt, sed ad gignendam quoque, alendam, ac fouendam rerum

rerum omnium vitam, opportunum ac necessarium demonstrat. Amplius etiam de ingenti ipsius tùm absumendi, tùm etiam attrahendi vi ac facultate plura exponit, producto etiam cucurbitularum, quibus Medici vtuntur, exemplo, quæ profecto ex igne summam attrahendi vim obtinent; Solis quoque, qui radijs suis igneis, fluuios, fontes, lacus, paludes, & maria, atque cœnosa cuncta exiccandi possidet facultatem. Quare ex aduerso necessarium fuisse tantarum aquarum exundantiâ concludit. Memoranturq; ab eo flumina insigniora in Asia, Indus, Baëtrus, Choaspes, Araxes, Tanais in Meotim paludem delabens, & Asiam ab Europa seiungens; inde in Europæ plaga, in Germania Tartesus, & Ister in Hispania, Eridanus in Italia; in Aphrica Aegon, & Nyfes, & Nilus. Adeas præstantissimum Patrem luculentissimè hæc prodentem.

A M B R O S I V S Hexameron libro secundo, capite tertio, hæc omnia ferè à Basilio examinata (vt eius mos est) quasi interpret replicat.

Deinde cum ipsi dicant volui orbem Cæli stellis ardentibus resurgentem, nonne diuina prouidentia necessariò prospexit, vt intra orbem Cæli, & supra orbem redundaret aqua, quæ illa feruentis axis incendia temperaret? Propterea, quia exundat ignis, & feruet, etiam aqua exundauit in terris, ne eas surgentis Solis, & Stellarum micantium ardor exureret, & tenera rerum exordia insolitus vapor lederet. Quanti fontes, fluuij, lacus irrigant terras, quia eas internus quidam ignis vaporat, Vnde enim aut arbores germinarent, aut frumenta, vel sata prorumperent, vel orta coquerentur, nisi ea interior quoque ignis animaret? Qui etiam de saxis frequenter excutitur, & de ipso sæpe, dum caditur, ligno exilit. Ergo sicut necessaria ignis creatura, vt ordinata, & disposita permaneat, Cælique elementa temperet aquarum rigorem: ita etiam aquarum redundantia non superflua, ne alterum altero consumeretur: quia nisi conueniens vtriusque mensura sit, sicut ignis aquam exiccat, ita & aqua extinguit ignem.

Adiungit quoq; Ambrosius, aquarum ingentem copiam procreasse Deum, vt ignitæ virtuti, tùm in astris, tùm in æthere, tùm in his inferis Mundi partibus estuanti, relutari possent; meminitq; præter illustres à Basilio memoratos amnes, & Rhenum Galliam à Germania ex Ptolomei Geographia secantem, & Rhodanum per Galliâ fluentem.

P R O C O P I V S Commentarijs in Genesim, capite primo. Cùm huic Vniuerso opus esset elemento ignito, quod resisteret aquæ; alterumque elementum in alterum resolueretur, ne elementum ignis efficacius & potentius reliquis, aquatile elementum consumeret, & Vniuersi destructioni occasionem præberet; prouidus Deus tantam aquæ vim substituit, quæ posset, manens intra præscriptos huius operosæ machinæ limites, reniti elemento ignis, ne penitus ab ipso absumeretur.

B E D A libro de Natura rerum, capite octauo. Aquas super firmamentum positas, Cælis quidem spiritalibus humiliores, sed tamen omni creatura corporali superiores, quidam ad inundationem Diluuij seruatas, alij verò rectius ad ignem syderum temperandum suspensas affirmant.

Et libro de sex dierum Creatione. Naturam tamen aquarum illic iam non vaporali tenuitate, sed glaciali soliditate pendere æstimamus, propter syderum naturas mitigandas, ne creaturas Dei subterpositas nimio ardore concrement.

D. T H O M A S Postilla in Genesim ei ascripta. Quare autem ibi ponantur aquæ istæ, credo hoc esse ad contemperandum calorem à calore cœlesti, & à stellis, & planetis influentiæ calidæ generatum.

C L A V D I V S Marius Victor Commentarijs in Genesim. Forsitan hic aliquis sic secum errore petito Disserat, æthereis ne desint pabula flammis, Et nimis calor ima petens, alimenta sequendo Exurat mortale genus, Cælumque coruscum Non possit terrena pati, subiecta deorsum est Machina firma poli: quæ dum nos protegit umbra, Interea super impositis frigescit ab undis.

a. Ut Saturni stellam frigidissimam reddentes, influxus frigidos in Mundo fouerent.

I V S T I N V S Quæstione asserta, in responsione hanc non prætermittit causam, cum ait.

Nec verò hæc vna causa est, cur aquæ sint in auersis Cæli partibus, quòd sit inuictum subiecta astrorum flamma, sed etiam quòd deorsum aquarum, quæ in eo auerso insunt, vi, & copia vergat, nec moueatur ventorum impetu,

Anno Mūdi
primo.
Die secunda.

In medio aquarum.

a. *Vt Saturni stellam frigidissimam reddentes influxus frigidos in Mundo fouerent.*

impetu, quoddamque summum frigus ex eis deorsum mittatur, à quo dum mixtus est cum summo Solis calore, commoda aeris temperatio, ad animalium, eorumque, quæ terra ex se edit, perpetuitatem efficitur.

AUGUSTINVS de Genesi ad literam libro secundo, capite quinto, sua tempestate hanc expergefactam fuisse causam his declarat.

Quidam etiam nostri, istos negantes propter pondera elementorum aquas esse posse super Cælum syderum, de ipsorum syderum qualitatibus, & meatibus convincere moluntur. Idem nanque asserunt Stellam quam Saturni appellant esse frigidissimam, eamque per annos triginta signiferum peragere circum, eo quod superiore, ac per hoc ampliore ambitu graditur. Nam Sol eundem circum per annum complet, & Luna per mensem, tantò, ut dicunt, breuius, quantò inferius, ut spatium loci spatium temporis congruat. Queritur itaque ab eis, unde illa stella sit frigida, quæ ardentior esse deberet, quanto sublimiore Cælo rapitur. Nam proculdubio, cum rotunda moles circulari motu agitur, interiora eius tardius eunt, exteriora celerius, ut maiora spatia cum brevioribus ad eosdem gyros pariter occurrant; quæ autem celerius, utique feruentius. Proinde memorata stella magis debuit calida esse, quàm frigida: quamvis enim suo motu, quoniam grande spatium est, triginta annis totum ambitum permeet, tamen Cæli motu in contrarium rotata velocius, quod quotidie necesse est patiatur, quoniam sicut dicunt, Cæli singula conuersiones, dies singulos explicant, calorem maiorem debuit Cælo coniunctiore concipere. Nimirum ergo eam frigidam facit aquarum super Cælum constitutarum illa vicinitas, quam nolunt credere, qui hæc, quæ breuiter dixi, de motu Cæli, & syderum disputant. His quidam nostri coniuncturæ agunt aduersus eos, qui nolunt aquas super Cælos credere, & volunt eam Stellam esse frigidam, quæ iuxta summum Cælum circuit: ut ex hoc cogantur aquarum naturam credere, non iam illic vaporali tenuitate, sed glaciali soliditate pendere.

Et de Genesi imperfecto, capite octauo, ipsam inducit, nec repudiat, cum ait.

Fuerunt qui crederent has visibiles aquas, & frigidas, superficiem Cæli superamplecti. Et documentum habere conati sunt de tarditate stellæ unius de septem vagantibus, quæ superior ceteris, & à Grecis prædicta dicitur, & triginta annis peragit signiferum circum, ut ob hoc tarda sit, quæ est frigidis aquis vicinior, quæ supra Cælum sunt. Quæ opinio, nescio quemadmodum possit apud eos defendi, qui subtilissime ista quaesierunt. Nihil autem horum temerè affirmandum, sed cautè omnia, modesteque sunt tractanda.

BEDA Quæstionibus in Genesim.

Quidam etiam nostri istos de ipsorum syderum qualitatibus, & meatibus convincere moluntur. Idem nanque asserunt Stellam, quam Saturni appellant, esse frigidissimam, eamque per annos triginta signiferum peragere circum. Queritur igitur ab eis, unde ista stella sit frigida, quæ tanto ardentior esse deberet, quanto sublimiore Cælo rapitur. Nam proculdubio, cum rotunda moles circulari motu agitur, interiora eius tardius eunt, exteriora celerius: quæ autem celerius, utique feruentius. Proinde memorata stella magis debuit calida esse, quàm frigida. Nimirum ergo eam frigidam facit aquarum super Cælum constitutarum illi vicinitas.

Glossa, Ordinaria ab Augustino dicta in libro de Genesi ad literam secundo, capite quinto, non mutatis verbis colligit. Ratiocinationem hanc D. Augustini, Nuperi, qui in peripatetica iurarunt placita, certè ludificarent, quasi in eximij nominis Patris mentem perspicacissimam irrepserit error, nec ipsi hallucinari caligareque possint. Astruunt liquidem qualitates in elementis, & rebus ex elementis coactis insidentes, ipsis corporibus celestibus non inesse formaliter, ut aiunt, sed tantum secundum virtutem, aut secundum eminentiam. Rursum astra calorem non efficere nisi motu & lumine, algorem vero non nisi horum absentia. Sed constituto Patrū dogmate, astra videlicet, & superna corpora ex elementis conflata esse, mox omnis eorū reprehensio & redargutio ruit, ut post enucleatius edifferemus. Nam si astra ignea sunt, & flammata, Saturni vero orbis ampliori ambitu circumuehitur; eius profecto pallens stella magis ceteris ignescere censendum esset, ut scite Augustini ratiocinatio astruebat, propterea alia eius frigiditatis immensitas erat indaganda causa.

Vt aquæ

In medio aquarum.

Anno Mūdi
primo.
Die secunda.

- a. *Vt aquę istę amplissimę in Diluuiο cataractis Cęli ruptis profundī possent.*
b. *Scu, Vt pluuias nobis funderent.*

a. *Vt aquę istę amplissimę in Diluuiο cataractis Cęli apertis profundī possent.*

EPIPHANIVS in Epistola ad Ioannem Episcopum Hierosolymitanum contra Origenis erronea placita, hac supposita caussa redarguisse Origenem visus est, quod aquas eas supernas Angelicas virtutes interpretabatur, vt supra retulimus. Sed ne lectori onus imponamus locum illum versis paginis inquirendi, iterum eum repetamus.

Dicente Origene de aquis, quę super firmamentum sunt, non esse aquas, sed fortitudines quasdam Angelice potestatis: Et rursum, aquas, quę super terram sunt, hoc est, sub firmamento, esse virtutes contrarias, idest Demones; Et quomodo legimus, in Diluuiο apertas cataractas Cęli, & aquas inundaſſe Diluij? Vnde aperti sunt fontes abyſſi, & totus Mundus opertus est aquis?

BEDA loco asserto hanc non reticuit, cū ait.

Quidam aquas supra firmamentum positas, ad inundationem Diluij seruatas affirmant.

LVSIANVS Commentarijs in septimum caput Genesis, exponens illud; Ruptę sunt cataractę Cęli.

Non possum aliter, quā vt litera habet, intelligere: supponit enim veras & elementares aquas super firmamentum esse, vt tam Basilius, quā Chrysostomus sentiunt: nihil mirum, si Dominus fenestras in firmamento ruperit, vt aquę illę descenderent, neque hic locum esse methaphoris puto. Sanctus verō Thomas dicit fatendum omnino esse, ibidem aquas fore, sub dubio verō verti quales sint; an videlicet elementares, an crasse potius ad modum crystalli. Quare taxandi sunt, qui potius volunt sacram Scripturam Philosophię regulis subdere, quā, vt magis decet, Philosophiam, tanquam ancillam, illi deservire.

b. *Vt pluuias nobis funderent.*

Hanc caussam detulere nobis Patres etiam prestantissimi.

IOSEPH de Antiquitatibus libro primo, capite primo.

Et ei, hoc est Cęlo, crystalum circumfigens, humidum eum, & pluuialem, ad vtilitatem, quę sit ex terrę imbribus, congruē fabricatus est.

CYRILLVS Hierosolymitanus Catechesi nona, vt dicebamus.

Cū enim futurum erat, vt propter agriculturam opus esset aquis, constituit aquas supra Cęlos, vt cū terra pluuiarum irrigatione indigeret, paratum sit à natura ad hoc Cęlum.

THEOPHILVS Antiochenus ad Autolycum, libro primo.

Secundum visibile Cęlum hoc firmamentum nuncupatum est, quod quidem aquę dimidium sursum rapuit, vt in hominum vsu, pluuiam, imbres, & rorem funderet.

RICHARDVS Pampolitanus Enarratione in Psalmum centesimum quadagesimum octauum.

Magna laus, quod & tenuitas Cęlorum firma consistit, & aquas, quę graues sunt, sustinet. Quę aquę non nisi missę defluunt per pluuias.

HAYMO in Psalmum centesimum quadagesimum octauum.

Aquę in rei veritate super Cęlos sunt. Vnde nobis pluuię descendunt per cataractas Cęli.

CASSIODORVS in eundem Psalmum.

Aquę verō, quę super Cęlos sunt, vt arbitror, istas, quę depluunt, esse non dubium est: testante Genesis; Cataractę Cęli apertę sunt: & facta est pluuiā super Terram quadraginta diebus, & quadraginta noctibus, & cetera, quod non adeo querere necessarium est.

MAGISTER Commentarijs in Psalmum centesimum quadagesimum octauum confirmilia scripsit.

Nimia enim laus est, quod & tenuitas Cęlorum firma consistit, & aquas, quę grauiiores sunt, sustinet. Quę

nisi iussu defluunt per pluuias, quæ, sicut dicitur, apertis Cæli cataraetis per pluuiam mittuntur. Et quasi quis quæreret; Quid eis contulit unde laudent? subdit multum; Quia ipse dixit &c.

M A G I S T E R historiæ Scholasticæ capite quarto.

Cur autem ibi sint, Deus nouit, nisi quod quidam autumant, inde rorem descendere in æstate.

A V C T O R.

Causæ celestium aquarum à Patribus delatæ à Peripateticis deridentur.

Si causas istas iuxta Peripateticorum ac recentiorum Theologorum dogmata, qui Cælos ex quinta essentia constratos mira consensione decernunt, eosque incorruptibiles, & cunctarum affectionum, nempe caliditatis, frigiditatis, humiditatis, & siccitatis prorsus incapaces effingunt, perpendere vellem: vniuersæ profecto causæ istæ à Patribus allatæ mihi irridendæ ac despiciendæ forent. Prima certe, quæ aquas positas diffinit, ut syderum calorem, atque æstum mitigent, nulla esset, cum nec sydera calida sint, & ignita, nec in celestes orbis cuiuslibet peregrinæ impressionis omnino expertes agere quicquam possint, multoque minus ipsi calore exiccari queant. Altera, quæ ut inconcussum Cælum à ventorum procellis redderent, aquas amplissimas super eius terga congelatas opinata est, fictitia comperiretur, cum Cælum sua natura solidissimū sit, nec ventorum procellæ ad ipsum vsque pertingant, vel exufflent, atque si exufflarēt, nil prorsus ei officere possent. Tertia quæ radios astrorum ab aqua deorsum flecti autumabat, vana etiam prorsus diiudicaretur, quod lux non sit corporis defluxus, sed qualitas, & tantum in diaphana seu collucida corpora tam supera quam infera, tam ad celsam Cæli quam ad infimam Mundi regionem spectantia, ociosissime diffusa. Illa quoque, quæ aquas ad Empyreum ardorem retundendum ibi constitutas putabat, anili fabulæ par ipsi videretur, qui vel Empyreum omnino inficiantur, vel Empyreum ab splendore non ab ardore nuncupari tradunt. Insuper, & ea quæ miram aquarum copiam sub & supra celestes globos locatas credit, ut igni pabulum sint, & temperamentum, à veritate remotior censeretur; quia Cæli in materia, & qualitatibus, cum aqua, & igne non communicant; & cum inter aquas illas, & ignem, Cæli intercedant, profecto neque vique alius supra possent qualitates vllas transmittere. Amplius, si transmitterēt, ingens vique alteratio in Cælis vigeret, quod naturæ ipsorum repugnare exploratissimum est. Stellam Saturni per eas aquas reddi frigidissimam, & frigiditatis influxum foueri, prorsus com mentitium esset, cum Saturnus effectiue (ut inquit) & non formaliter frigidissimū astrum existat; & lis adhuc sub indice sit, num frigiditas syderum absentia, an potius ex quibusdam exhalationibus gignatur. Postrema tandem causa à Patribus delatæ, quæ aquas ad Mundum in Diluuium submergendum, vel ad pluuias demittendas superlocatas asseuerat, deridenda equidem esset, cum Cæli secundum Peripateticos nec frangi, nec scindi possint, ut aditum amplissimis aquarum fluentis seu pluuiis aperirent, & refferarent. Nulla igitur harum causarum à Patribus prolatarum, à Philosophis, Theologisque ætatis nostræ scopum attingere existimatur. Verum si in via Patrum, qui Cælos ex elementis congestos, alterationisque saltem, si non corruptioni addictos, & astra, ut ex igne compacta, calescere, cum Platonis ac pluribus vetustioribus Philosophis diiudicant, causas præfatas examinare, perpendere, atque iudicare maluerimus: si non cunctas, plures saltem ex eis, & graues, & tantis Patribus dignas comperiemus. De singulis igitur in via Patrum, hoc est, principiis secundum Patrum doctrinam suppositis, atque extructis, debita reuerentia iudicium feram.

Causæ præfate iuxta Patrum doctrinam examinantur.

Aquæ non super Cælos sitæ, ut syderum æstum temperarent.

Causa à Iustino, Theodoro, Damasceno, Procopio, & Beda allata, qui censuerunt aquas eas super Cælos positas, ut syderum æstum temperarent, ne firmamentum torrerent, atque dissoluerent; non valde accepta, tutaque mihi visa est. Primum Cælos ex gelu compactos esse, adeo ut ab ardore dissolui possint, plures ex Patribus renuerunt. Et quamuis priscis temporibus floruisse ea sententia tradatur, probabiliorem atramentaniorēque eam esse, quæ Cælum ignoto nobis constitutionis genere constare edocet, supra demonstrauimus. Deinde nec verisimilitudinem gerit, ut corpus ex glacie concretum, sedes ignitorum astrorum perhibeatur. Summi namque opificis sapientia, quæ omnia disposuit suauiter, duo summè aduersa, atque sibi inuicem acerrimè reluctantia, nunquam perenni uinculo simul perstrinxisset, ac colligasset. Verisimilius potius est, &

est, & ipsum Cœlum ex elementorum summitatibus coagmentatum ex prædominio igneum esse, ut symetriad ad inuicem gererent magna hæc magni corporis membra. Verum concessio quoque ex aquis Cœlorū globos fuisse congestos, certè adeò grandis & uasta est errantium orbium magnitudo, si ad syderum amplitudinem non ineptè referatur, & astra ipsa adeo exigua, ut ea parum admodum tantæ moli officere, uel aduersari posse sit censendum.

Alteram à Iustino productam rationem, qua firmamentum aquarum copia comprimi existimauit, ut inconcussum à ventorum procellis redderetur, minus exploratam uerisimilemque duco. Scriptura siquidem Cœlum illud aptè firmamentum nuncupauit, atque hac uoce Cœlos sua natura inconcussos, & tanquam æs fustum solidos consistere præmonstrauit. Deinde ventos, seu aliud impressionum genus, illuc usque condescendere, ac perflare adeo valido & uehemēte halitu, ut cœlestes orbes quassare, ac perturbare possint, quis unquam nisi mentis inops asserere, aut etiam opinari præsumet?

Tertia à Procopio inuenta causa delirans, & ridicula penè, sua fronte apparet. Quis enim asseret unquam aquas Cœlis supersitas, ut astrorum radios sua natura ad superas partes euolantes in Mundū reflecterent? Quis enim adeò ignarus doctrinæ Patrum comperitur, qui Solem radios suos in omnia perspicua corpora, tam superna, quam inferna, æquè diffundere non didicerit? Veruntamen demus etiam lucem esse ignis defluxum, attamen non esset lux flammæ pabulo indigentis cœlesti illi consimilis, cum hæc superas sedes, quia extra sphaeram est, affectet: ibi verò ignis, cum sua in sphaera iuxta Platoniorum, ac Patrum sententias confideat, circumcirca diffundatur, ac clarescat.

Hilarij causa quarto loco recensita, non tantum Philosophis, sed & Theologis priscis inuenusta uisa fuisset, atque commentitia. Omnes siquidem Patres uno consensu supremum illud Cœlum, Dei, Angelorumque domicilium, regiamque perennem, incorruptibile prorsus, ab omni que affectione & qualitate elementari immune, & coruscantissimum esse, sed lumine longè à lucis huius nostræ natura semoto, & absque flagrantia diiudicarunt. D. Petrus illud perpetuum, & æternum dixit: Basilus, Ambrosius, Theodoretus, fulgidum ipsum etiam ante Mundum, & ante elementata coruscasse sine ardore autumarunt: Acacius longè tenuius, & magis integrum esse asseruit: Claudianus Cœlum inuisibile appellauit: Diodorus inaspectabile. Quapropter diffinitio est cunctorum Patrum, Cœlum supremum affectionem nullam peregrinam aduenamque (quemadmodum etiam Scholasticorum acies uniuersa decernit) natum esse. Immane igitur, atque expers ardoris cum Cœlum ipsum statuatur, nec aquas ad eius retundendum flagorem super Cœlos euectas fuisse existimandum est.

Causa ea postremo loco deducta ex Epiphanio, quam Lusitanus ex nuperis approbasse diximus; prolixiorē desceptionem exposceret. Dubium profecto est, num aquæ illæ supernæ tanta prorsus copia præcipitata fuerint, ut orbem Diluuii absorberent, iuxta illud; Rupti sunt fontes omnes abyssi magnæ, & cataractæ Cœli apertæ sunt. Sed quoniam disputatio hæc ad eum locum est reseruanda, sufficiat mihi Vielmij præceptoris mei doctissimi redargutiones hoc loco intexere, sed breui epilogo. Ea igitur sententia, quæ aquas cœlestes in diluuii descendisse arbitratur, impugnari cumulate potest. Primum quoniā Patres causas aquarū cœlestiū scire cupiunt, quæ Mūdo fuerint beneficio in eius creatione, & non quæ illi futura essent exitio. Deinde si tota aqua illa delapsa est, quando conscisso Cœlo rupti sunt fontes abyssi, & cataractæ apertæ sunt, adeò ut nullæ omnino super Cœlos aquæ manserint. Frustra igitur postea, & cum mendacio excitasset Dauid aquas ipsas ad laudandum Deum, cum dixit; Et aquæ omnes, quæ super Cœlos sunt laudent nomen Domini. Trium quoque puerorum hymnus maximo esset mendacio conspersus, cum ipsi dixere post tot sæcula; Benedicite aquæ omnes, quæ super Cœlos sunt. Si pars tantum, ut quid desuper altera pars seruata est; cum nullum amplius ex Dei cum Noe inito fœdere diluuium timeatur? Rursum quidnam loco earum, quæ deciderunt substitutum fuit? An fortè uacuum (quod tantum horrescit Natura) ibi diffusum est? Insuper cum Cœlum sit ut æs fustum, firmamentumque nuncupatum fuerit, eò quod solidum sit, & infractum, quomodo potuit scindī, disrumpi, aut aliquo pacto perforari? Dei fortassis potentia? Sed ad Dei potentiam

Gen. 7.

Aquæ Cœlestes non deciderunt in Diluuium.

Psal. 148.

Dan. 3.

in hoc rerum genere confugiendum nō est, quandoquidem potuisset æque Deus aquarum infinitam exundantiam ex aëre, & terra, seu ex nihilo procreare. Porro si nonnullos spectasse Cēlos apertos legimus, ut Ezechielem, Stephanū, Ioannem, iuxta sacrarū Scripturarum tropum hoc dictum esse non est ambigendum, ut aliās post disceptaturi sumus. Causa altera, quæ aquas super Cēlos locatas fuisse maluit, ut nobis rores, ac pluuias subministrarent: iuxta Chrysostomi doctrinam, qui Cēlum vnum immotum permeabile, fufum, atque vt aërem conflatum asserit, admittere certe posset; at si Cēlos, ut æs fufos, solidos, inscissibiles, cum cæteris Patribus existimemus, commentitia statim euincitur; Orbes enim illi amplissimi, & solidissimi, aquis ipsis aditum minimè præstarent, nec sphaera ignis eis transitum præberet. Duæ igitur causæ, meo iudicio, graues, ponderosæ, atque explicatu dignæ supersunt. Altera à Basilio, Ambrosio, & alijs nobis suggesta. Hi egregia contemplatione, ignem tū in Astris, tū in sphaera sua præfulgentem, tū in has infimas regiones detrusum perhibent, aquarumque molem tam supernam, quam infernam à summo opifice libratam esse, ut aqua atque humor, pabulum temperamentumque ignitæ & absumptrici uirtuti porrigerent, ipsique iugiter obfisterēt, repugnarent, ac reluctarentur vsque ad iudicii diem, in quo tandem (diuina id nos edocente Scriptura) vniuersa uoracibus flammis conflagrabit, atque horrendo incendio uastabuntur. Libratā inquam, sed ea diuersa ratione, vt aquæ supercelestes æstum syderum retundant, sublunares autem pabulum sint, cum absumuntur calore, in uaporemque rediguntur, ut post in imbres solutæ ardorem temperent, atque hac perenni uicissitudine ignis uiribus obnitantur, quoadusque paulatim humida natura deficient, Mundus excidio ignis pereat, quemadmodum humidum radicale in corporibus animantium à calore naturali sensim absumi conspiciamus, donec tandem eo sublato mors ex dissolutione succedat, cibo quidem suppetias humido radicali in dies ferēte, sed non ad amissim, cum mixtione extranei sensim gradatimque debilitetur. Nonnulla autem probatam mihi hanc sententiā reddunt. Primò sententiā hanc iam prius apud Ethnicos uiguisse perspectum est. Manilius (ut Picus obtestatur) celestes imagines fingit, paucis stellis refertas, & potius inchoatas, quam absolutas, ne pluribus ignibus accensis Mundus flagraret. Ex Platonice etiam quamplures astra exurere crediderunt. Non defuere & viri celebres, qui aquas pabulum esse ignis syderumque existimarint, aliique ex æquoribus & aquarum uaporibus metaphorice pronuntiarint, inter quos Plinius libro septimo, insignis censetur.

A M B R O S I V S quoque illis accedens, & subscribens in suo Hexameron libro secundo, capite tertio, dixit.

Et ideo de super aqua impetu quodam descendens, in tantos plerunque imbres rumpitur, ut flumina, lacus repente repleantur, ipsa maria exundent. Vnde frequenter & Solem videmus madidum, atque rorantem. In quoeuidens dat indicium, quod alimentum sibi aquarum ad temperiem sui sumpserit.

Præterea & exemplo dispositionis Microcosmi non parua fides huic sententiæ affertur & comparatur. Sicut enim in homine cor adest sedes vitæ, quod primum omnium uiuit, & ultimum moritur; caput autem ei superfertur, in quo cerebrū est pituitæ sedes iuxta Hippocratis sententiā, aut si pituita in uenis locatur, vt Galenus sensit libro secundo Naturalium facultatum, saltem est humoris cuiusdam pituitæ similis (quem alij mucronem uocant) domicilium, non tantum ad uiuificandos sensus, sed ut cordis æstum mitiget, atque refocillet. Quid igitur mirum est, si in magni Mundi medio, nempe in ignita substantia, calore infuso, celestes aquæ ipsi Mundo superlocantur, vt Astorum æstum temperent, atque remittant? Amplius cum ex Scripturæ testificatione, aquas super Cēlos elatas esse, vt perspectum habeamus, opificemque Deum non sine vrgenti causa eas euehisse noscamus; quæ causa certè probatur, atque verisimilior afferri poterit, quam hæc à præstantissimis Patribus, oraculisque nostris delata?

Verum quæ huic sententiæ aduersantur refellere, meas modo partes esse censeo. Gregorius Nyssenus in Historia sex dierum, pluribus, & prolixius, nequire inuicem elementa absumi contra D. Basilium demonstrare contendit, quod aquas supercelestes nullas esse euincat: disceptatque quod natura aqua uirtute prædita ea protulerit, & æquipollere omnia dicantur, quodque par inuicem fiat transmutatio, atque absumptio. Sed ea cun-

Lib. 1. contra
Astronomos.

Cap. 70.

Cap. ult.

ea cuncta, quæ Basilio objicit Nyssenus, ex vera ingenuaque Philosophia desumpta cōvincunt id vnum, quod omnimoda, ac totalis elementorum deuastatio secundum Naturæ instituta fieri non possit; quodque elementorum perpetua colluctatio secundum partes efficiatur, elementis sua in quantitate, atque ad reluctandum vi, semper permanentibus. Sed hæc D. Basilio nullatenus aduersa sunt, cum Basilius nec ignem vorare cunctum aquæ elementum tradat, sed tamen in reluctance sensim natura humida viribus, & forte copia quoquo modo destitui, quoadusque Dei iussu, Mūdo quasi senio confecto, ignis cuncta exuret. Adeas tantum Doctorem Nyssenum, legasque, à clausula (Verum ignis, inquit, vi consumptrici præditus est) vsque ad eam, (sed iam tempus est ad alteram quæstionis partis commentationem conuertendi) & ex hac nostra animaduersione attendes, omnes Nysseni rationes, omnesque conatus elidi, atque rescindi. Inuehantur amplius in tantos Patres Theologi Scholastici, & astruunt sydera non esse calida, & ignea, ex placitis Aristotelis secundo de Cœlo, & libro primo Meteororum. Verum ego grauiissimos hos Patres, has Aristotelis librasse inuectiones, easque contemptui ac ludibrio habuisse conspicio.

D. Basilius de
sensatur.

BASILIVS siquidem Homilia tertia.

Quancū ne illi quidem, inquit, concedunt ignem esse calidum: tanta istis superfluit ad deliras, & aniles nugæ copia temporis.

AMBROSIVS quoque libro secundo, capite tertio, inquit.

Tantum autem inest illis impugnandæ veritatis studium, vt Solem ipsum negent calidæ naturæ esse, eo quod albus sit, non rubicundus, aut rutilus in speciem ignis. Et ided aiunt, quod nec ignitus natura sit, & si quid habet caloris, ferunt ex nimio motu conuersionis accidere.

Ex quibus perspicuum est, Patres Aristotelicam non ignorasse doctrinam, sed eam paruipendisse, & cum Platonicis Cœlum non ex quinta essentia compactum, sed elementatum, astraque ignea diiudicasse. Quæ doctrina cum à Mose non recedat, & ipsa à præstantissimis Patribus commendatam, à Philosophis perspicacissimi ingenij nō tantum amplexatam, sed & in scholis defensatam perspiciamus: nescio quare à nostris tā facile reijciatur, repudietur, atque omnino floccipendatur. Sed de his suo loco vberius. Præterea posito etiam, Solem non esse calidum, Patres suum placitum adhuc astrui posse diiudicant. Vnde Basilius; At nihil, ait, interesse videtur, natura ne Sol, an affectio- ne calore præditus sit: quia Sol consumptor semper est humoris. Id ipsum Ambrosius. Si Deus, inquiunt alij, & Natura, vt sæpe vsurpat Aristoteles, nihil frustra faciunt, cur nō potius in principio minus caloris vnicuique syderum tribuit, quā tantam aquarum affluentiam gignere, vt eorum æstum postea corrigeret, & castigaret? Sed nulla his Patribus putaretur hæc sciscitatio: Deum siquidem omnia in pondere & mensura fecisse, vt sapientissimum opificem fatentur. Præterea librasse in Mundo calorem, quem Vniuerso necessarium prenouerat, & ex aduerso copiosam aquarum redundantiam effudisse, quā Mundi dispositio exigebat. Si aqua illa ardorem syderum (inquiunt adhuc) refrangit, id certè non absque alteratione contingit. Perpetuò igitur sydera alterarentur, & mutua pugna aquæ quaterentur, & contrarij mixtione corrumpere- rentur, quoniam (vt Philosophi loquuntur) actio in eis fieret, & reactio, quare & aquæ super- cœlestes ardore syderum calescerent, tabescerent, & absumerentur, diminutaque va- cuum relinquerent. Sed hæc Patrum doctrinam parum labefactant, qui & in astris alterationem quandam, corruptionemque vnam ad finem Mundi futuram non tantum admittunt, sed pro viribus comprobare enituntur. Verum & arbitrari possumus secun- dum horum Patrum placita, & Cœlū, & aquas supercœlestes ab alteratione liberas cōsi- dere posse; non consequi autem, quod ex afflatibus aquæ illæ syderum æstum non mi- tigent, atque temperent frigiditatis influxu, vt mox ex eorum sententia demonstabi- mus: Reluctationem autem, & alterationem inter astrorum calorem, sphæramque igneā, & aquas has terrestres seu aëreas, perenniter vigere opinantur.

BASILIVS Homilia tertia id demonstrat.

Iam verò ætherem ipsum quis ambigat igneum esse, ac æstiuum? Quem nisi sine sibi ab opifice præscripto perutili ac necessario coerceretur, quid, quæso, prohibuisset omnia sibi propinqua cremantem, atque vren- tem, vniuersum omnium rerum humorem iam absumpsisse? His aërius iste constat humor, dum superior locus cogitur

Anno Mūdi
primo.
Die secunda.

Et diuidat aquas ab aquis .

a. Quòd dimidiam partem aquarum supra firmamentum extulerit .

cogitur in nubes per subiectionem vaporum, quos fluuij, fontes, lacus, paludes, ac maria omnia emittunt : vt cuncta occupet aether, & corripiat incendio .

Altera vero causa huic connexa à D. Augustino excitata, necessarias ideo fuisse Mundo supercoelestes aquas, vt frigiditatem in his frigidis elementis sub Celo subsidentibus, sartam & testam seruarent, atque vt eam in vniuersum influerent, plures recipit disceptationes. Primum nanque disputandum esset; Num qualitates, quæ à Cælis in corpora sublunaria diffiunt, insint in eis formaliter, vt aiunt, aut secundum virtutem, & eminentiam. Deinde; Num Coeli motu suo & lumine calorem sponte sua & per se efficiant, an contingenter; Num inquam ex propria distantia frigiditatem illis in locis, & rebus, quæ suos viuificos motus minus sentiunt, vigescere sinant; Num etiam afflatibus, & influxu id efficiant. Non ignoro siquidē Peripateticos Scholasticosq; nō formaliter, sed effectiue (vt aiūt) Cælos in sublunaria agere, agminatim diffinire. Rursū alios ab sentia tantum sydera frigiditatem influere, vt sensit Auerroës; alios syderibus organa, proprietates, & vires ascribere, quibus afflatus nonnullos in sublunaria infundant, vt D. Thomas assertor est: Quanquam in ascribendis deinde ipsis astris influxuum generibus longe dissentiant. Saturni Astrum frigidissimum à quibusdam profecto censetur, senexque & cæcus Saturnus ipse à Poëtis fingitur, Martis, & Solis radios calefacere annuntiant omnes. De lunæ fulgore litē sub iudice remanere non me præterit. Sed quicquid sit de Philosophorum iurgiis, ex placitis Patrum hoc esse exploratum arbitror, Cælos, & Astra indita sibi natura calorem in se concludere ac continere, cum calida sint, & ignea, neque effectu tantummodo calefacere. Amplius & frigiditatem demittere Cælos ex afflatibus, non astrorum vi, sed aquarum supercoelestium virtute & influxu: adeo vt cum duæ sint in sublunari Mundo præcipue vires, Calor, & Frigus; has & in Cælis causas habere effectrices, & conseruatrices censendū sit. Caloremq; astra ipsa natura calida & effectu exurentia; frigus vero aquas supercoelestes natura frigidas & effectu refrigerantes, deuoluere. Cum igitur dissona sint principia Patrum, & Peripateticorum Scholasticorū, contra nostra inficientes principia non est cur amplius disputemus; sufficit vt eorum inuectiones diruere studeamus. Cælum igitur per tot orbes intermedios frigiditatem influere non posse, tūm ex distantia, tūm ex natura Cælorum, quæ has non recipit impressiones, secundum principia Peripateticorum admitterem, sed iuxta Patrum doctrinam eliderem, si aquas eas ingenti amplitudine desuper coactas summa naturali frigiditate pollere, & Cælos elementatos tales afflatus, & influxus transmittere posse, secundum sanam ingenuamque eorundem Patrum Philosophiam, asserere atque affirmare non dubitarem. Quòd si prædictarum causarum nullum ingenium demulcet, hoc vnum superest, vt cum Magistro, & Patribus alijs pronuntiemus: Ad quid conditæ illæ aquæ sint, ipse qui condidit, tantum nouit.

a. Quòd dimidiam partem aquarum supra firmamentum extulerit .

Patres non ex proposito, quānam sit supercoelestium aquarum amplitudo, indagarūt; sed qui aquas adeo affluentes, vt ferè totius Chaos spatium obruerent, dixere, eā aquarum exundantiam ita secarunt, vt in firmamenti concrectione tertiam partē absumptā, tertiam desuper euectam, ac tertiam subtus relictam arbitrati sint, vel saltem quòd firmamento

Diuidat aquas ab aquis.

Anno Mūdi
prim o.
Die secunda.

a. Non tantum situ, sed & motu.

mamento interiecto media pars supra, & media sub fuerit collocata. Præcipui ex his
fuerunt Patres qui sequuntur.

D. P E T R V S ex Clementis attestazione Recognitionum libro primo.

Et huiusmodi, inquit, firmamento aquæ intercluduntur in medio Cælo, ac terræ spatio.

T E R T V L L I A N V S libro de Trinitate, capite octauo.

Aquarum terram contegentium diuidens Deus medietatem dorso Cæli sustinendam dedit.

T H E O P H I L V S Antiochenus ad Autolycum, libro secundo.

Visibile hoc firmamentum aquæ dimidium sursum rapuit, ut in hominum usum, pluuiam, imbres, & rorem
funderet. Reliqua aquarum dimidietas relicta est terræ, ut sint flumina, fontes, atque stagna, mariaque.

P R O C O P I V S Commentarijs in Genesim.

Quod ait, in medio aquarum, satis euidenter docet æqualem utrinque fuisse aquarum diuisionem. Sic enim
habet textus: Distinguat inter aquas & aquas, siue in medio aquarum.

I V N I L I V S in Hexameron.

Hic nostri Cæli in quo fixa sunt sydera, creatio describitur, quod in medio constat esse aquarum.

Glossa Ordinaria hæc ipsa.

H I P P O L Y T V S Romæ ut in Catena Lippomani.

Tertiam aquarum partem potentia sua in medio fixit: tertiam supra firmamentum eleuauit: tertiam infra
esse voluit ad hominum scilicet usum, atque utilitatem.

D A M A S C E N V S libro de Fide Orthodoxa secundo, capite sexto.

In medio abyssi imperio Domini factum est firmamentum.

T H E O D O R E T V S Quæstione in Genesim vndecima.

Bisariam Deus omnium diuisit aquarum naturam, & quasdam sursum collocauit: reliquæ deorsum re-
manserunt.

S E V E R I A N V S ut in Catena pariter Lippomani.

Mediam aquarum partem supra, mediam infra esse voluit.

A V G V S T I N V S Sermone de tempore ceterisimo trigesimo quarto.

Deus quippe fundauit terram super aquas, & medietatem aquarum super Cælos imposuit, & medietatem
abyssis demersit, & in maria congregauit; & sic terra apparuit. Et dixit Deus; Fiat firmamentum inter
aquam & aquam. Et vocauit Deus firmamentum, Cælum. Videtis quia aquam super firmamentum Cæli
imposuit, & per separationem aquarum arida terra apparuit; & recedentibus aquis, visibilem significauit.

Nec leuis profecto cōiectatio videtur hanc Patrum sententiam cohonestare. Tradit
siquidem Moses; Fiat firmamentum in medio aquarum; si in medio, igitur in æquas par-
tes Deum aquas seiunxisse manifestat. Diffinirem ergo ac decernerem, imperfectam
nobis prorsus esse, certam, ac veram aquarum supercælestium copiam, attamen amplif-
simam eam esse existimandam. Cum siquidem aquæ illæ octauum syderum orbē cir-
cumsepian, cuius comparatione aquarum omniumstrarum terræstrium terræque
ambitus, vel sphaera, punctus est, & centrum, non adeò exiguum in altitudine sphaeram
ibi conficere posse aquas illas censendum est, quin harum assimilatione, amplissimæ,
ac vastissimæ non comperiantur.

Aquarū cœ-
lestiū copia
maxima.

a. Non tantum situ, sed & motu.

C A I E T A N V S Commentarijs in Genesim.

Alterum quoque officium textus adiungit. Nam non tantum dicit; Erit extensio inter aquas supernas &
infimas (qua exercetur dictum officium continuandi infima supremo, & econuerso) sed adiungit, Et erit di-
uidens inter aquas infimas ab aquis supremis, significando alterum officium. Ista nanque corpora media, ve-
re

Anno Mūdi
primo.
Die secunda.

Et fecit Deus firmamentum.

a. *Vt denotentur Pater, & Filius. Nam iussit Pater, fecit Filius.*

re media describuntur non solum situ, quo terminos sortiuntur penes aquas supremas, & aquas infimas, ut suis terminis situaliter diuidant inter utrasque aquas; sed conditionibus: quatenus enim mouentur solo motu raptus, sequendo primum mobile, diuidunt ab aquis infimis, quæ non mouentur circulariter ad motum primi mobilis: elementorum enim solæ sphaera ignis & æris mouentur circulariter ad motum primi mobilis. Et propterea Moses has duas sphaeras ex parte Celorum supputat, & sub extensionis nomine comprehendit, & Caelos appellat, quatenus verò mouentur motibus proprijs diuersis, diuidunt ab aquis supremis.

Et fecit Deus firmamentum.

Hebraicam lectionem diuersè transtulerunt Interpretes; Et fecit Deus firmamentum: Et diuisit inter aquas, quæ erant subter firmamentum, & inter aquas, quæ erant super firmamentum.

Græca Septuaginta Interpretum, ut in Biblia Regia; καὶ ἐποίησεν ὁ θεὸς τὸ στερέωμα, &c. Et fecit Deus firmamentum: Et diuisit Deus inter aquam, quæ erat sub firmamento, & inter aquam, quæ super firmamentum.

Vulgata nostra à Chaldaica Paraphrasi parum discrepat.

Et fecit Deus firmamentum, diuisitque aquas, quæ erant sub firmamento, ab his, quæ erant super firmamentum.

Pagninus, & Vatablus; Et fecit Deus expansionem, diuisitque aquas, quæ erant sub expansione, ab aquis, quæ erant super expansionem. Caietanus, iuxta Hebræum, inquit, habetur; Et fecit Elohim extensionem, & diuisit inter aquas, quæ sub extensione, & inter aquas, quæ super extensionem. Absque substantiuo loquitur, & describitur executio.

Retuli has varias editiones, ne fortè legentium expectationem frustrarem, ac ludificationem; quanquam nil in ipsis animaduersione dignum existimarim.

Fiat, & fecit.

Hac duplicatione, quid indicare, significareque voluerit Moses, diuersa Patres contemplantur sententia.

a. *Vt denotentur Pater, & Filius. Nam iussit Pater, fecit Filius.*

BASILIVS hanc interpretationem excitasse, vel saltem insinuasse visus est Hexameron Homilia tertia, cum ait.

At verò, nec illud inexpensum, & ut adnotatione indignum nos prætereat, quòd posteaquam præceperat Deus, dicens; Fiat firmamentum: non dictum est simplici modo; Et factum est firmamentum: sed Fecit Deus firmamentum. Et rursum; Diuisit Deus. Audite, qui surdi estis: respicite, qui ceci estis. Equis, quæso, surdus est, nisi qui non audit magna adeò voce Spiritum Sanctum inclamantem? Quis denique cecus est, nisi qui non cernit, ac inspicit adeò apertas, adeò claras de vnigenito Dei filio demonstrationes? Fiat firmamentum; Hæc vox profectò causæ est primigeniæ & principis. Fecit Deus firmamentum; Hæc effectricis est sanæ creatricisque potentiae testis.

PROCOPIVS Commentarijs in Genesim, capite primo, confirmat.

Quòd inquit, Deus fecit, memineris cum emphasi esse accipiendum, videlicet, ne quis putet, aliud esse quod iubet,

inbeat, & alium qui faciat. Plurimi sunt qui volunt, Dixit Deus, non porrigendum eo, ut credamus, Deum per ista verba voluisse Angelicas virtutes docere, sed statuisse iisdem verbis nobis ostendere Filium suum vni genitum. Qui sit, quod non scripsit Moses; Factum est firmamentum, sed potius, Fecit Deus firmamentum. Quod inquit, vox primæ causæ initialis. Quod ait; Fecit creantis, & efficientis causæ est testimonium.

HILARIUS de Trinitate libro quarto.

Videamus originem Mundi, quid de ea Moyses loquatur. Ait namque, Et Dixit Deus, Fiat firmamentum in medio aquarum; & sit diuidens inter aquam, & aquam; & factum est sic; & fecit Deus firmamentum; Et diuisit Deus per medium aquarum. Habes ergo Deum ex quo; habes Deum per quem: aut si id negabis, necesse est id quod factum est, per quem factum sit doceas: aut certe naturam ipsam creandorum Deo obedientem esse demonstras, quæ ad id quod dictum est, Fiat firmamentum, seipsam Dei verbo iussu firmauerit. Sed hæc diuina Scripturæ ratio non recipit. Omnia enim, secundum Prophetam, facta ex nihilo sunt: nec natura aliqua manens demutata in aliud est, sed id quod non erat, creatum est, & absolutum est. Per quem? audi Euangelistam; Omnia per ipsum facta sunt. Si queris per quem, audias eundem Euangelistam dicentem; In principio erat Verbum, & Verbum erat apud Deum, & Deus erat Verbum: hoc erat in principio apud Deum. Omnia per ipsum facta sunt. Quod si negare voles à Patre dictum videri; Fiat firmamentum, audias rursum Prophetam dicentem; Ipse dixit, & facta sunt, ipse mandauit, & creata sunt. Quod ergo dictum est, Fiat firmamentum; in eo, quod Pater sit loquutus, ostenditur. Quod autem adjicitur; Et factum est sic; & quod fecisse Deus dicitur, in eo persona efficientis est intelligenda, qui faciat. Dixit enim & facta sunt, non utique solum voluit, & fecit: mandauit, & creata sunt; non utique quia complacitum ei est extiterunt, ut mediatoris officium inter se, & ea, quæ essent creanda, cessaret. Dicit ergo fieri Deus ex quo omnia sunt, & fecit Deus, per quem omnia sunt. Eodem parique nomine, & in dicentis significatione, & in efficientis operatione, confessio est.

AMBROSIVS Hexæmeron libro secundo, capite tertio.

Deus est qui dicit, venerabilis naturæ, inestimabilis magnitudine, immensus in remunerationibus, incōprehensibilis in operibus, cuius altitudinem sapientiæ, quis inuestigare facili? Iste dicit filio, idest, dicit brachio suo; dicit virtuti suæ; dicit sapientiæ suæ; dicit iustitiæ. Et fecit Filius quasi potens, fecit quasi virtus Dei, fecit quasi sapientia Dei, fecit quasi iustitia diuina.

TERTULLIANVS libro aduersus Praxean.

Primum quidem nondum filio apparente; Et dixit Deus, Fiat lux: & facta est; ipse statim sermo lux vera, quæ illuminat omnem hominem venientem in hunc Mundum, & per illum mundialis quoque lux. Exinde autem in sermone Christo assistente, & administrante, Deus voluit fieri, & Deus fecit, & dixit Deus, Fiat firmamentum; & fecit Deus firmamentum; & dixit Deus, Fiant luminaria, & fecit Deus luminare maius, & minus. Sed & cætera utique idem fecit, qui & priora, idest sermo Dei, per quem omnia facta sunt, & sine quo factum est nihil. Qui si ipse Deus est, secundum Ioannem, Deus erat sermo, habes duos, alium dicentem ut fiat, alium facientem. Alium autem quomodo accipere debeas, iam professus sum, personæ non substantiæ nomine, ad distinctionem, non ad diuisionem. Caterum ubique teneo vnā substantiam in tribus coherentibus: tamen alium dicam oportet ex necessitate sensus, eum qui iubet, & eum qui facit. Nam nec iuberet, si ipse faceret, dum iuberet fieri per eum; Tamen iubeat, haud sibi iussurus si vnus esset; aut sine iussu facturus, quia non expectasset, ut sibi iuberet.

AVGVSTINVS e contra de Genesi ad literam libro secundo, capite sexto, huic refragatur interpretationi, cum ait.

Sed animaduersum est à quibusdam, quod nec ego dissimulandum puto, non frustra cum dixisset Deus; Fiat firmamentum in medio aquarum, & sit diuisio inter aquam, & aquam; & sic factum est: parum visum esse subiungere, Et sic est factum, nisi adderetur, Et fecit Deus firmamentum; & diuisit Deus inter aquam, quæ erat super firmamentum, & inter aquam, quæ erat sub firmamento: quod quidam sic intelligunt, ut personam Patris declaratam esse dicant, in eo quod scriptum est; & dixit Deus, Fiat firmamentum in medio aquarum, & sit diuisio inter aquam & aquam: & sic factum est. Ac deinde ut intelligatur Filius fecisse quod à Patre dictum est, ut fieret, arbitrantur esse subnexum, & fecit Deus firmamentum, & diuisit Deus &c. Sed cum antea legitur, Et sic factum est, à quo intelligimus factum? si à Filio, quid opus erat iam dicere, Et fecit Deus, & quæ sequuntur? Si autem quod scriptum est, Et sic factum est: à Patre intellexerimus factum, non iam Pater dicit, & Filius facit: Et potest aliquid Pater facere sine Filio, ut deinde Filius non hoc, sed aliud similiter faciat, quod est contra Catholicam fidem. Si autem illud de quo dicitur, Et sic factum est; hoc idem sit, cum itidem dicitur, Et fecit Deus: quid prohibet eundem intelligere facere quod dixit, qui dixit ut fieret? An etiam excepto eo quod dictum est, Et sic factum est, tantummodo in his verbis, quibus dicitur; Et dixit Deus, Fiat: & postea dicitur, Et fecit Deus, Patris, & Filij personam volunt intelligi? Sed queri adhuc potest, utrum quasi iussisse Filio Patrem debeamus accipere in eo quod scriptum est; & dixit Deus, Fiat? Sed cur Scriptura non curauit etiam ostendere personam Spiritus Sancti? An ita Trinitas intelligitur, Et dixit Deus, Fiat: Et fecit Deus: Et vidit Deus, quia bonum est? sed non conuenit vnitati Trinitatis, ut Filius quasi iussus fecisse intelligatur, Spiritus autem Sanctus nulla sibi iubente libere vidisse bonum esse, quod factum

Anno Mūdi
primo.
Die secunda.

Et fecit Deus firmamentum.

a. *Fiat quod erat in Verbo, ut fieret. Fecit, vel factum est, hoc est, non excessit præsriptos in Verbo Dei terminos.*

ctum est. Quibus enim verbis iuberet Filio Pater, ut faceret, cum ipse sit principale Verbum Patris, per quod facta sunt omnia?

Et post in capite septimo.

Nam si propter ostendendam Filij personam repetitur, ac dicitur, Et fecit Deus: Numquid ergo non per Filium congregavit aquam tertio die, ut appareret arida, quia ibi non dicitur, Et fecit Deus congregari aquam, aut congregavit Deus aquam? Sed tamen etiam ibi posteaquam dixit, Et factum est sic: tunc repetiuit, dicens; Et congregata est aqua, quæ est sub Cælo. Nunquid etiam lux non per Filium facta est, ubi prorsus nullo modo repetiuit? Potuit enim & illic ita dicere; Et dixit Deus, Fiat lux; & sic factum est: & fecit Deus, sed tamen; & vidit quia bona est; aut certe sicut in aquarum congregatione, ut non diceret, & fecit Deus, sed tamen iterum repeteret; Et dixit Deus, Fiat lux: & sic factum est; Et facta est lux: Et vidit Deus lucem, quia bona est. Sed nullo modo repetens posteaquam proposuit, Et dixit Deus, Fiat lux: nihil aliud intulit, nisi & facta est lux, ac deinceps de placita luce & diuisa à tenebris, & utroque appellato nominibus suis, sine ulla repetitione narrauit.

Fiat, & fecit, vel factum est ita.

Secundum D. Augustini expositionis seriem, qui immutato literæ ordine prius legit, Factum est ita, & postea, Et fecit Deus.

a. *Fiat quod erat in Verbo, ut fieret. Fecit, vel factum est, hoc est, non excessit præsriptos in Verbo Dei terminos.*

AUGUSTINVS de Genesi ad literam libro secundo, capite sexto, cum plura de Verbo æterno differuisset, adiecit.

Non ergo Deus totiens dixit, Fiat illa, vel illa creatura, quotiens in hoc libro repetitur, Et dixit Deus. Vnum quippe Verbum ille genuit, in quo dixit omnia, priusquam facta sunt singula. Sed eloquium scribens descendens ad paruulorum capacitatem, dum insinuat singillatim genera creaturarum, per singula respicit vniuscuiusque generis æternam rationem in Verbo Dei. Nec illa repetita, ille tamen repetit, Et dixit Deus. Si enim vellet prius dicere; Factum est firmamentum in medio aquarum, ut esset diuisio inter aquam, & aquam: si quis ab eo quereretur, quomodo factum esset, rectè responderet, Dixit Deus, Fiat, id est in Verbo Dei Patris æterno erat, ut fieret. Inde ergo incipit narrare vnumquodque factum, quod etiam post facti narrationem, querenti quomodo factum sit, in reddenda ratione respondere deberet. Cum ergo audimus, Et dixit Deus, Fiat, intelligimus, quod in Verbo Dei erat ut fieret: cum verò audimus, Et sic est factum: intelligimus factum creaturam non excessisse præsriptos in Verbo Dei terminos generis sui.

IVNILIVS in Hexæmeron.

Cum ergo audimus: Dixit Deus, Fiat firmamentum in medio aquarum, & diuidat aquas ab aquis; intelligamus, quid in Verbo Dei erat ut fieret, in quo faciendum intus ante omne tempus præuidit quicquid foras ex tempore Deus fecit. Cum vero audimus; Et fecit Deus firmamentum, & diuisit aquas quæ erant sub firmamento, ab his quæ erant super firmamentum, & factum est ita, intelligimus factam Celi aquarumque creationem, ac dispositionem, non excessisse præsriptos sibi in Verbo Dei terminos: iuxta illud Psalmiste; Præceptum posuit, & non præteribit. Id quod æquè de creaturis sequentibus, quæ per quatuor dies referuntur factæ, intelligendum est.

BEDA Expositione in Genesim, Augustinianam hanc doctrinam his repetit. Cum sciamus autem, quod non toties dixit Dominus; Fiat illa, vel illa creatura, quoties in hoc libro repetitur, Dixit Deus, Fiat. Vnum quippe genuit Verbum, in quo dixit omnia, antequam essent. Sed Scriptura quasi paruulis loquitur, dum insinuat vniuscuiusque generis æternam rationem Verbo creatam Dei. Cum autem audiuius; Dixit Deus, Fiat, intelligimus, quod in Verbo erat, ut fieret. Quum verò audiuius, Et sic factum est: intelligimus factam creaturam, & non excessisse terminos præsriptos in Verbo Dei. Ea ipsa habet libro de Creatione sex dierum.

GLOSSA

Et fecit Deus firmamentum.

- a. Fiat, & fecit. Fiat significat conceptum, & praeceptum, Et fecit executionem.
b. Fecit, & diuisit ipse non per ministros Angelos.

G L O S S A Ordinaria.

Cum enim audimus; Et dixit Deus, Fiat, intelligimus in Verbo esse, vt fieret. Cum verò addit; Et factum est; ita intelligimus factam creaturam non excessisse praefixos in Verbo terminos generis sui.

- a. Fiat, et fecit. Fiat significat conceptum, et praeceptum, Et fecit executionem.

C A I E T A N V S Commentarijs in Genesis caput primum.

Absque verbo substantiuo loquitur, & describitur executio. Prius descripsit aeternum conceptum simul, & praeceptum dicendo; Et dixit: (non in secundo die, sed ab aeterno) Erit in tempore extensio, & erit diuidens, &c. modo describit executionem tanquam secundo die factam.

- b. Fecit, & diuisit ipse non per ministros Angelos.

C A I E T A N V S vbi supra.

Moses describit executionem tanquam secundo die factam non per ministros Dei, sed per ipsum Deum. Et propterea significanter dicit; Et fecit Deus. Nec solum fecisse, sed diuississe describitur, vt intelligamus Deum per seipsum constituisse terminos corporum simplicium, non solum extremorum, sed mediorum.

A U C T O R.

Altercatio nō aspernabilis exagitari videtur inter praestantissimos non secundi nominis Patres, cum ex una acie Tertullianus, Hilarius, Basilus, Ambrosius, Procopius, verbo eo, Dixitque Deus, Fiat, Patrem imperantem; altero uero: Et fecit Deus firmamentum, Filium tanquam brachium, Virtutem, ac Sapientiam Dei Patris temporarias res condentem, nobis notificari arbitrentur, dixisseque Fiat Deum ex quo omnia, idest Patrem, & fecisse Deum per quem omnia, scilicet Filium. Ex altera acie Augustinus hanc speculationem carpat, atque pluribus redarguat, tum quia inter praefatas clausulas intercesserit ea altera: Et sic factum est; tum quoniam nec Pater sine Filio, nec Filius sine Patre quidpiam patrare catholica doceat fides. Et quoniam vel omitteretur memoratio Spiritus Sancti, vel si ijs uerbis indicaretur; Vidit Deus, quia bonum, indecens esset Trinitati, ut Filius quasi iussus fecisse intelligeretur, Spiritus autem Sanctus nullo iubente effecta commendasse perhiberetur. Amplius, quoniam non potuit Pater iubere, ut fieret, nisi per ipsum Verbum, per quod facta sunt omnia. Tandem quia in genesi lucis, & maris, & aride, non reiteratur uerbum illud: Et fecit Deus lucem, vel fecit Deus congregari aquas. Haec altercatio facillime sedari conciliarique potest, si ad illud vulgatum theologicum axioma confugiamus, ac prodamus res ad extra, (vt aiunt) à Sanctissima Trinitate confimul productas fuisse, ea tamen serie, ut ex specialibus attributis, & Patrem imperasse, & Filium imperata absoluisse, & Spiritum Sanctum absoluta approbasse perhibeatur: moxque rescinduntur, & euanescent Augustinianae obiectiones. Ceterae interpretationes ex se conspicuae sunt, & clarent, nec vlla indigent commentatione.

Haec verò eo sensu sunt acceptanda, vt eomet momento omnia peracta intelligantur. Non enim intercessit tempus inter Dei iussione & effectione, quamquam Moses ea modo prodat humano.

Anno Mūdi
primo.
Die secunda.

Diuisitq; aquas, quæ erāt super firmamentum,

ab his, quæ erant sub firmamento.

- a. Hoc est, Angelos à rudi rerum Chaos. c. Hoc est, Cælum aqueum, siue crystallinum,
b. Seu res inuisibiles, non locorum sedibus, sed dignitate superlatas, à materia corporali rerum visibilium. d. Vel Cælum pariter crystallinum, ab elemento aquæ.

Clausula hæc eas propemodum suscipit interpretationes, quas supra attulimus, eam alteram exponentes, quæ est: In medio aquarum, & diuidat aquas ab aquis. Quamobrem ne ad eas redire lector compellatur, breuissime vnius tantum Patris sententia repetita ipsas recensebo.

a. *Diuisitq; aquas &c. Hoc est, Angelos à rudi rerum Chaos; Non commixtos natura, sed nomine.*

N Y S S E N V S in Hexameron, cum aquarum supercœlestium nomine Angelos, subcœlestium verò Chaos, seu incongestam rerum massam interpretatus esset, deueniens ad supradicta, ait.

Diuisit Deus aquam, quæ erat sub firmamento. Ostenditur enim per hæc, quod nec ab initio quidem hæc cum illa aqua commixta esset; sed in communione nominum insociabilis esset natura, cum non dicat, quæ facta est subter, aut supra firmamentum, sed quæ erat subter firmamentum, & quæ erat supra firmamentum. Quod si vna quidem statim in caligine ad inferum situm repulsa erat, altera verò non in caligine (in lumine enim prorsus est, quod in spiritu Dei est, & à caligine remotum, ac separatum est:) simul autem etiam supra id, quod interim creatum est, firmamentum erat: iudicet intelligens & doctus auditor, nunquid oratio nostra in ijs, quæ dicta sunt, à conuenienti, atque consentanea opinione, atque coniectura aberrauerit.

b. *Hoc est, res inuisibiles, non locorum sedibus, sed dignitate superlatas, à materia corporali rerum visibilium.*

A V G V S T I N V S de Genesi contra Manichæos, libro secundo, capite vndecimo, vt supra etiam relatum est.

Manichæi reprehendere solent, quod diuise sunt aquæ, vt aliæ essent super firmamentum, & aliæ sub firmamento; quoniam materiam illam dicebamus nomine aquæ appellatam, credo sub firmamento Celi materiam corporalem rerum visibilium, ab illa incorporali rerum inuisibilium fuisse discretam. Cum enim Cælum sit corpus pulcherrimum, omnis inuisibilis creatura excedit etiam pulchritudinem Celi: & ideo fortasse super Cælum esse dicuntur aquæ inuisibiles, quæ à paucis intelliguntur non locorum sedibus, sed dignitate natura superare Cælum.

c. *Hoc est, Cælum aqueum, siue crystallinum, ab elementari materia adhuc incongesta.*

T O S T A T V S in Postillis, in secunda expositione.

Diuisitque aquas, quæ erant sub firmamento; id est, materiam ex qua facta sunt elementa, quæ vocatur aqua; quia adhuc informis erat in secundo die vsque ad tertium, ab ijs quæ erant super firmamentum, id est, à Cælo crystallino, quod erat super omnes octo orbis, qui vocantur firmamentum.

d. *Cælum pariter crystallinum, ab elemento aquæ.*

L Y R A N V S, in Postillis, vt supra referebamus.

Diuisitque aquas &c. Hic aquæ dicuntur æquinoce, vt patet ex predictis, quia istæ, quæ sunt super firmamentum, sunt de natura cœlesti; illæ autem, quæ sub firmamento, de natura elementari.

Diuisit

Diuisitq; aquas, quæ erant super firmamentū,
ab his, quæ erant sub firmamento.

- a. Hoc est, corpora collucida à collucidis.
- b. Seu, pluuias aquas, à labentibus, his actu, illis tantum in potentia extantibus.
- c. Vel, in vaporis specie suspensas, à densioribus.

a. Diuisit aquas ab aquis, hoc est, corpora diaphana, à diaphanis.

T H O M A S prima parte, quæstione sexagesima octaua, articulo tertio.
Sic igitur siue per firmamentum intelligamus Cælum, in quo sunt sydera, siue spatium aeris nubilosum, conuenienter dicitur, quod firmamentum diuidit aquas ab aquis, secundum quod per aquam materia informis significatur, vel secundum quod ouinia corpora diaphana sub omni conuenientia aquarum intelliguntur.

b. Hoc est, pluuias aquas, à labentibus; his actu, illis tantum in potentia, ut aiunt in Scholis, extantibus.

D. T H O M A S Vbi supra.

Aër vero nubilosus distinguit superioris aeris partem, in qua generantur pluuiæ, & huiusmodi impressiones, ab inferiori parte aeris, quæ aquæ connectitur, & sub nomine aquarum intelligitur.

S T E V C H V S in Cosmopœia.

Diuisitque aquas quæ erant sub firmamento. Hebraicè non est verbum Erat, sed habet ad hunc modum; Diuisitque aquas, quæ sub firmamento, siue diffusionem, temporis diffinitionem sublata. Itaque non tunc quidem aquas desuper innituisse, quanquam vaporibus exhalatis, nubes tunc cogi poterant; sed ut dixi, ad omnem naturæ consuetudinem pertinet.

Et Steuchus hoc loco aquarum supercœlestium & terrestrium nomine mare supernum & infernum intelligi contendit, cum ait.

Summa ergo Sapientia cœlesti afflatu in secunda die tres res est complexus, Cælum siue aërem, mare infernum, mare supernum, id est eam regionem, à qua tanta vis aquarum descendit, quantam mare continet. Simile enim est mare in Cælo, atque in terris. Totum siquidem mare fluminum, fontium, ac pluuiarum concursu efficitur, flumina & fontes, de montium latissimis cauernis, quæ frigidissimi, semperque stillantis, & in his ipsis cauernis ob frigus, Solisque distantiam in aquam coacti aeris, sunt plenæ, oriuntur. Hymbres quoque à Cælo. Ergo in Cælo quoque id ipsum est mare. Eunt ergo, redeuntque in semetipsa mare terrestre & cœleste. Ex aquis terrestribus aër gignitur, aër per flumina, & fontes, & hymbres ad genitorem suum reuertitur. Vno die totum mare circumquaque trahitur in Cælum, & eodem die reuertitur in proprias sedes, præcipue notum. Nam tot flumina, fontes, hymbres, quæ mare quidem subeunt, sed augere non possunt, eodem die à Sole in Cælum reuocantur. Et Post. Ex intima ergo Philosophia, & Moses aquas superiores, & inferiores, inter quas interfusus sit aër, nominauit. Quod Aristoteles dixit inter Cælum & terram commune flumen. Et uere Prophetica sapientia utrunque mare est commemoratum. Etenim ut regio maris terrestris est terra, sic regio maris cœlestis est Cælum. Inter utrunque mare separat quasi latissimum velum ipsum Cælum, siue aër, proprieque Cælum est aër, unde color cœlestis, cæruleus. Hoc Cælum, hæc regio, cum aquis suis facta est, & constituta à prudentissimo illo omnium rerum, & causarum, è quibus alia nasci possent, inuentore.

c. Hoc est, in vaporis specie suspensas, à densioribus.

G L O S S A Interlinearis.

Diuisitque aquas vaporaliter imminutas, quæ erant super firmamentum, hoc est, super sydereum Cælum, ab his, id est, densioribus aquis, quæ erant sub firmamento, id est sub sydereo Cælo.

Et hæc expositio placita Augustini, Eucherij, Anselmi Cantuariensis, Magistri, & plurimorum sectatur, quorum sententias ut supra memoratus, hoc loco reiterare tædiosum iudicauit.

Id est,

Anno Mūdi
primo.
Die secunda.

Diuisitq; aquas, quæ erāt super firmamentum,

ab his, quæ erant sub firmamentum.

- a. Idest, Aquas glaciali soliditate Cælis superuectas, ab aquis scilicet fluxilibus.
- b. Sen, aquas fluxiles, ab his pariter labentibus.
- c. Vel, aquas quæ erant sub vno hemisphærio, ab aquis existentibus sub altero hemisphærio.

a. Idest, aquas glaciali soliditate Cælis superuectas, ab aquis scilicet fluxilibus.

IVNILIVS in Hexameron.

Si Deus ligat aquas ad tempus infra Cælum cum vult, vt non pariter decendant, nullo firmioris substantie trepidine sustentatas, sed vaporibus solummodo nubium retentas; ipse potuit aquas super rotundam Cæli spheram, ne vnquam delabantur, non vaporali tenuitate, sed soliditate suspendere glaciali.

b. Hoc est, aquas fluxiles, ab his pariter labentibus.

IVNILIVS vbi supra.

Sed & si liquentes ibi aquas sistere voluit, nunquid maioris hoc miraculi est, quàm quòd ipsam terræ molem (vt Scriptura dicit) appendit in nihilo? Nam & vnda sine Rubri maris, seu fluij Iordanis, cum ad transitum Israëlita plebis in altum erectæ murorum instar figuntur, nonne euident dant indicium, quòd & supra rotunditatem Cæli volubilem, fixa possint ratione manere?

AMBROSIVS Hexameron libro secundo, capite tertio, vt etiam colligit Glossa Locuplerata.

Diuisitque aquas, &c. Cum hæc audis, quid miraris si supra firmamentum potuit vnda suspendi? De alijs hæc collige, quomodo ad Iudeorum transitum, si rationem quæris, se vnda diuiserit. Non solet hoc esse naturæ, vt aqua se discernat ab aqua, & in profundo interfusiones aquarum sine medio separentur. Nonne potuit etiam aliter Hebræum populum liberare? Sed tibi voluit ostendere, vt eo spectaculo etiam illa, quæ non videntur, affirmares esse credenda. Iordanis quoque reflexo amne in suum fontem reuertitur.

Non est cur in discernenda ex his interpretationibus probatiore insudem, iam pridem enim id actum est, quando longa disceptatione singulas has expositiones, necnon & alias super ea verba, In medio aquarum, & diuidat aquas ab aquis, discussimus, & ventilauimus. Esset enim dicta dicere.

c. Hoc est, Aquas quæ erant sub vno hemisphærio, ab aquis existentibus sub altero hemisphærio.

PROCOPIVS non ex sua sententia, sed quasi fortuito in hanc incidit interpretationem, Commentarijs in Genesis caput primum.

Ceterum in medio aquarum constitit, sicuti & terra, sustinens supra se aquas immobili statione. Verùm si quis torqueat hæc verba; Inter aquas quæ sunt sub Cælo, &c. & velit hunc sensum elicere, scilicet inter aquas, quæ sunt sub hemisphærio, certè sequitur, vt credamus non solum aquas, quæ erant sub visibili Cælo, sed quæ erant quoque sub inuisibili, in vnâ collectionem, quæ mare nuncupatur, confluisse: & sic de vtroque hemisphærio illa verba intelliguntur.

Ceterum hæc interpretatio, licet elegans fortè videatur quantum ad eam partem, quæ aquas sub firmamento extasse declarat, non tamen quantum ad alteram, quæ supra firmamentum euectas fuisse perhibet: quoniam id verificari posse non puto, nisi in quantum aquæ confidentes in terræ hemisphærij nostri antris super alteram firmamenti partem hemisphærij suppositi antipodum, superlocatas diceremus, quod incongruè prolatum existimo.

Quamuis profecto appareat rudibus, antipodis se Hemisphærioq; alteri supereminere; desipiunt attamen atq; hallucinantur, quoniam quæcunq; ad terram vergunt cælis substernuntur, cum ipsa terra Cælo vndiq; subsideat.

In He-

Et factum est ita.

a. Id dicitur de firmamento, & non de luce: quia Angelus duplex esse, cetera verò triplex esse susceperunt.

In Hebraico habetur Vaihi chen. Chaldaica lectio legit, Et fuit ita. Vatablus Pagninusque pariter, Et fuit ita.

CAIETANVS in Commentarijs.

Et factum est ita: iuxta Hebraeum habetur, Et fuit ita.

Græca editio, hoc est Septuaginta Interpretum, verba hæc omninò subticuit. Nostra editio habet, Et factum est ita. Græci interpretes nil super his verbis commentati sunt.

Augustinus peruertit literam, Dicit enim; Et factum est ita; postea, Et fecit Deus. Legitque, Fiat firmamentum; & factum est ita, & fecit Deus firmamentum.

LIPPOMANVS in Catena.

Tam, Et factum est ita, quàm, Et fuit ita, exponi potest, quod Hebraicè, Vaihi chen scribitur: est enim Haia verbum, de quo supra, quod & Esse, & Fieri significat. Chaldaica, Et fuit ita, legit: quibus verbis Septuaginta hoc in loco carent penitus.

Arbitrarer & ego paruipendendam esse eam discrepantiam, quæ inter Fuit ita, & Factum est ita, astrui posset: nam in idem hæc duo recidunt. Ratio tamen expostulat, ut eam præferamus, in quam plures consentiunt, veterem scilicet nostram, qua tota Ecclesia vtitur. Id tamen animaduertendum, Augustini contemplationes, quibus rerum esse in Verbo per Fiat, per Factum est, in apprehensione Angelica, & per Fecit, in propria natura intelligi contendit, quanquam innitantur literæ inuersæ, admitti tamen posse, adeò vt secundum literam per Fiat intelligamus congestarum rerum esse in Verbo, per Fecit, in mente Angelica, & per Factum est, in propria essentia; utroque enim modo adaptari potest hæc interpretatio.

a. Id dicitur de firmamento, et non de luce: quia Angelus duplex esse, cetera verò triplex esse susceperunt.

Et factum est ita. Vel fecit secundum Augustinum. De luce tantum dictum est Fiat, & facta est; De firmamento autem Fiat, factum est, & fecit. Quod Angelica natura habuerit tantum esse in Dei præscientia, & in natura sua, cetera verò corporea, ut firmamentum, triplex esse susceperint, in Deo, in Angelica apprehensione, & in natura.

D. AVGVSTINVS de Genesi imperfecto, capite octauo.
Fiat firmamentum in medio aquæ, & fit diuidens inter aquam & aquam: & sic factum est. Postquam dixit, sic factum est: quid opus erat rursus addere, Et fecit Deus firmamentum, & diuisit inter aquam, quæ erat sub firmamento, & aquam quæ erat supra firmamentum? Nam cum dixisset superius; Et dixit Deus, Fiat lux, & facta est lux: non addidit rursus, Et fecit Deus lucem: hic autem, posteaquam dixit Deus, Fiat; & sic factum est: additum est, Et fecit Deus. An hinc apparet non oportere lucem illam intelligi corporalem, ne eam aliqua creatura interposita fecisse Deus videatur? Deum autem Trinitatem dico, hoc verò firmamentum Cæli, quia corporeum est, per incorpoream creaturam accepisse speciem, formamque creditur, vt prius incorporeæ naturæ rationaliter à veritate impressum sit, quod corporaliter imprimeretur, vt Cæli fieret firmamentum: & ideo positum est, Et dixit Deus, Fiat, & sic factum est; in ipsa rationali natura prius facta est fortasse vnde imprimeretur corpori species. Cum autem additum est, Et fecit Deus firmamentum, & diuisit inter aquam quæ erat sub firmamento, & aquam quæ erat supra firmamentum; & ipsa corporatio in illa materia, vt corpus Cæli fieret, significatur.

Et de Genesi ad literam libro secundo, capite octauo.

Quid sibi ergo vult in cæteris illa repetitio? An eo modo demonstratur, primo die, quo lux facta est, conditionem spiritualis, & intellectualis creaturæ lucis appellatione intimari? In qua natura intelliguntur omnes Angeli

Angeli sancti, atque Virtutes: & propterea non repetiuit factum posteaquam dixit, facta est lux, quia non primo cognouit rationalis creatura conformationem suam, ac deinde formata est, sed in ipsa sua conformatione cognouit, hoc est illustratione veritatis ad quam conuersa formata est: cetera vero quae infra sunt, ita creantur, ut prius fiant in cognitione rationalis creaturae, ac deinde in genere suo. Quapropter lucis conditio prius est in Verbo Dei secundum rationem, qua condita est, hoc est in coeterna Patris sapientia: ac deinde in ipsa lucis conditione secundum naturam qua condita est, illic non facta, sed genita, hic vero facta, quia ex informitate formata: & ideo dixit Deus, Fiat lux; & facta est lux: ut quod ibi erat in Verbo Dei, hic esset in opere: conditio vero Caeli prius erat in Verbo Dei secundum genitam sapientiam; deinde facta est in creatura spiritali, hoc est in cognitione Angelorum secundum creatam in illis sapientiam; deinde quod Caelum factum est, ut esset etiam ipsa Caeli creatura in genere proprio. Sic & discretio, vel species aquarum, atque terrarum, sic naturae lignorum, & herbarum, sic luminaria Caeli, sic animantia orta ex aquis ac terra. Neque enim sicut pecora solo sensu corporis vident Angeli haec sensibilia, sed si quo sensu tali vtuntur, agnoscunt ea potius, quae melius nouerunt interius in ipso Dei Verbo, a quo illuminantur, ut sapienter viuunt; cum sit in eis lux, quae primo facta est, si lucem spiritalem in illo die factam intelligamus. Quemadmodum ergo ratio qua creatura conditur, prior est in Verbo Dei, quam ipsa creatura, quae conditur; sic & eiusdem rationis cognitio, prius fit in creatura intellectuali, quae peccato tenebrata non est: ac deinde ipsa conditio creaturae postea in genere proprio. Neque enim sicut nos ad percipiendam sapientiam proficiebant Angeli, ut inuisibilia Dei per ea quae facta sunt, intellecta conspicerent; qui ex quo facti sunt, ipsa Verbi aeternitate sancta & pia contemplatione perfruuntur: atque inde ista despicientes, secundum id quod intus vident, recte facta approbant, vel peccata improbant. Nec mirum est, quod sanctis Angelis suis in prima lucis conditione formati, prius Deus ostendebat, quod erat deinceps creaturus. Neque enim intellectum Dei nossent, nisi quantum ipse monstrasset. Quis enim cognouit intellectum Domini, aut quis consiliarius eius fuit, aut quis prior dedit illi, & retribuetur ei? Quoniam ex ipso, & per ipsum, & in ipso sunt omnia. Ex ipso ergo discebant Angeli, cum in eis fieret cognitio creaturae deinceps faciendae, ac deinde fieret in genere proprio. Quapropter iam luce facta, in qua intelligimus ab aeterna luce formatam rationalem creaturam, cum in ceteris creandis rebus audimus, Et dixit Deus Fiat; intelligamus ad aeternitatem Verbi Dei recurrentem Scripturae intentionem, qua in verbo audimus, Et sic est factum; intelligamus in creatura intellectuali factam cognitionem rationis, qua in Verbo Dei est, condendae creaturae, ut in ea natura prius quodammodo facta sit, quae anteriore quodam modo in ipso Dei Verbo prior faciendam esse cognouit: ut postremo cum audimus repeti, ac dici, quod fecit Deus, iam intelligamus in suo genere fieri ipsam creaturam. Porro cum audimus; Et vidit Deus, quia bonum est, intelligamus benignitati Dei placuisse, quod factum est, ut pro modo sui generis maneret, quod placuit, ut fieret, cum Spiritus Dei superferebatur super aquam.

Rom. 11.

B E D A Expositione in Genesim.

Quum autem addidit; Et fecit Deus: & cur in creatione lucis non dictum est, Et fecit Deus? Quia primo die, quo facta est lux, conditio spiritalis creaturae intimatur. In qua natura intelliguntur sancti Angeli, & Virtutes. Et propterea non repetitur, quia non primo recognouit creatura spiritalis conformationem suam, ac deinde formata est, sed in ipsa sua conformatione cognouit: hoc est in illustratione veritatis ad quam conuersa formata est. Cetera vero ita creantur, ut prius fiant in cognitione rationalis creaturae, ac deinde in genere suo. Et ideo dicitur, factum est ita hoc est, in cognitione spiritalis creaturae, ac deinde repetitur, Et fecit Deus; hoc est, in suo genere.

G L O S S A ex Augustino.

Queritur quare cum dixisset, Fiat firmamentum; & factum est ita: postea addit, Et fecit Deus firmamentum; cum in creatione lucis additum non sit? In quo demonstratur, primo die, quo facta est lux, conditionem spiritalis creaturae, id est sanctos Angelos per lucem significari. Ideo non repetitur postquam dixit, Facta est lux, quia non primo nouit rationalis creatura formationem suam, & post formata est, scilicet, in ipsa sua formatione cognouit. Conditio enim lucis in eis est, prius in sapientia, post in conditione sua, illic genita, hic facta, id est ex informi formata. Vnde Fiat lux, & facta est lux, ut quod erat in Verbo, esset in opere. Cetera prius fiunt in sapientia, postea in Angelorum cognitione, tandem in proprio genere. Cum ergo audimus; Dixitque Deus, Fiat lux, intelligimus ad sapientiam Dei Scripturam recurrere. Cum additur, Et fecit Factum est, intelligimus in creatura spiritali factam cognitionem faciendae creaturae. Cum additur, Et vidit Deus; fieri intelligimus ipsam naturam in genere suo. Nec toties dixit Deus, Fiat, quoties Scriptura descendens parua, quia vnum Verbum genuit, in quo omnia dixit, per quod singula facta. Sed Scriptura condescendens parua, in vnoquoque genere creaturae respicit, in Verbo Dei aeternam rationem, dicens; Dixitque Deus, Fiat &c.

H V G O

Carenensis in Postillis, clarissimo compendio haec eadem colligit. Vel in primo, Dei praesentia; in secundo, Angelorum notitia; in tertio, productio ad esse. Non ita dictum est de luce, quia Angelica natura primo fuit in Dei praesentia; secundo in sui essentia; vnde tantum bis dictum est, Fiat lux; & facta est lux.

ut inf-

Fiat, Fecit, Et factum est ita.

- a. *Vt indicetur triplex essendi ratio, in præscentia Dei, in materia, & in essentia.*
- b. *Siue, vt insinuentur voluntas opificis, efficientia, & propensio rei effectæ.*
- c. *Vel, vt demonstretur rerum esse in Deo, vt in principio: In suo esse, vt in proprio genere; Et ad Deum ipsum, vt ad finem.*

a. Vt indicetur triplex essendi ratio, in præscentia Dei, in materia, & in essentia.

P E T R V S Comestor in Genesim capite quarto.
Quod autem dictum est; Fiat firmamentum: & post, Deus fecit firmamentum: & tertio, Factum est firmamentum, non superfluum est. Quia sicut in domo facienda, primò domus fit in scientia artificis, fit etiam materialiter, cum leuigantur ligna & lapides; fit etiam essentialiter, cum leuigata in structuram domus disponuntur; ita cum dicitur, Fiat, ad præscentiam, vel præscentiam Dei refertur, Fecit ad opus in materia; Factum est ad opus in essentia: Illud primo die, istud secundo factum est.

H V G O Carenfis in Postillis.
Et nota, quòd dicitur, Fiat firmamentum; & similiter, Fecit firmamentum. Et post. Factum est firmamentum. In primo notatur factio firmamenti in Dei præscentia, in secundo factio eiusdem in materia; in tertio factio eiusdem in perfecta essentia.

Lippomanus in Catena hæc ipsa mutuatis etiam verbis.

b. Vt insinuentur voluntas opificis, efficientia, & propensio rei effectæ.

A L B E R T V S Magnus prima parte Summæ de quatuor coëqueuis, quæstione duodecima, articulo vndecimo.

Ad aliud dicendum, quòd tria exiguntur ad perfectionem rei; quorum duo sunt ex parte efficientis, & tertium ex parte rei factæ. Primum quidem ex parte efficientis, est inclinatio ad opus per voluntatem operanti, & hoc in prima causa est imperium, quod importatur per Fiat. Secundum verò ex parte efficientis est operatio exiens ab ipso in opus, & hoc importatur per Factio, siue per Fecit. Tertium verò, quod est ex parte rei factæ, est obedientia rei operatæ ostensa in esse, & hoc importatur per Factum est: sed vnum horum omittitur, scilicet Fecit, eo quòd lux est forma, quæ fit in alio, & non res per se existens, & super tales formas non est operatio efficientis, quia omnis efficiens operatur super materiam; & tales formæ non sunt ex materia aliqua.

Augustini iam recensitam sententiam inde subiicit.

c. Vt demonstretur rerum esse in Deo, vt in principio: In suo esse, vt in proprio genere; Et ad Deum ipsum, vt ad finem.

A L E X A N D E R Halensis parte secunda, quæstione quinquagesima, membro sexto, articulo secundo, Augustinianam prædictam sententiam ita redarguit.

Sed adhuc posset obijci contra hoc, quòd dicit Augustinus. Si enim esse in proprio genere esset commune omnibus, sicut esse in Verbo; & esse in Verbo per hoc, quòd dicitur, Fiat, intelligatur: esse verò in proprio genere in prima die, intelligatur per hoc, Et factum est: ergo in secunda die similiter, & in tertia; ergo per hoc quòd dicitur, Et fecit, oporteret intelligere esse in cognitione Angeli; Et ita is esset ordo, vt primo notaretur esse in Verbo; deinde in proprio genere; vltimò in Angelica cognitione. Sed secundum hoc, sicut Angelus cognouit in se firmamentum factum, ita in se cognouit se factum: ergo nulla est differentia.

His autem suam subnectit sententiam.

Propter hoc dico sine præiudicio melioris sententiæ, quòd in omnibus operibus intelligitur triplex esse: in Deo tanquam in principio; esse in proprio genere; & esse ad ipsum, in quantum est finis, & ita notatur perfectio. Sed duplex est esse ad ipsum, in quantum est finis, vt in se sit ad ipsum, vt ad finem: & vt rationalis creatura se & alia referat ad Deum tanquam finem, & hæc vocatur perfectio secunda: vt ergo ostenderet, quòd hæc perfectio secunda non fuit in rationali creatura Angelica, quo ad omnem Angelum, & hoc propter opera eorum,

Anno Mūdi
primo.
Die secunda.

Et factum est ita.

- a. Fiat, Fecit, Factum est ut ostendatur, quod Dei sint, imperium, absolutio, & modus.
b. Dicitur de Cælo, Factum est, & non de Angelo, quod nature corporee ad defectionem magis sint pronæ, quàm spirituales.
c. Fecit causaliter, factum est actualiter. d. Additum est varietatis causa.
e. Vel, Ut demonstretur, quàm celeriter Deus cuncta conflat.

ra eorum, quæ fuerunt in secunda die: unde non dixit; Vidit Deus, quia bonum est, sed ut ostenderetur, quod non defuit prima perfectio, prout res in se refertur ad Deum, tanquam ad finem, dictum est, Et fecit Deus.

a. Dictum est Fiat, Fecit, Factum est ut ostendatur, quod Dei sint, imperium, absolutio, & modus.

THOMAS prima parte, quæstione septuagesima quarta, articulo tertio, ad quintum, cum Augustini sententiam breuissime coëgisset, adiicit.

Secundum alios vero potest dici, quod in hoc quod dicit; Dixit Deus, Fiat, importatur imperium Dei de faciendi, per hoc autem quod dixit, Factum est, importatur complementum operis: Oportuit autem, ut subderetur quomodo factum fuit, præcipue propter illos, qui dixerunt omnia visibilia per Angelos facta: & ideo ad hoc remouendum subditur, quod ipse Deus fecit. Unde in singulis operibus, postquam dicitur, Et factum est, aliquis actus Dei subditur, vel fecit, vel distinxit, vel vocauit, vel aliquid huiusmodi.

b. Dicitur de Cælo, Factum est, et non de Angelo, quod nature corporee ad defectionem sint magis pronæ, quàm spirituales:

GLOSSA ex Augustino.

Notandum verò, quod prima die cum facta est lux, dictum est tantum, Fiat lux; & hoc in verbo: & facta est lux, in opere, statimque adhæsit increata luci lux creata, ut vicinior, & omni creatura capaxior. In secunda die quedam mora est, & verborum multiplicatio, Fiat, & Fecit Deus, & Factum est ita; ut intelligamus istas naturas, ad deficiendum pronas, & ad obediendum minus aptas.

c. Fecit causaliter, factum est actualiter.

GLOSSA Interlinearis.

Et fecit, id est causaliter, & factum est ita, actualiter scilicet.

d. Additum est varietatis causa.

AUGUSTINUS de Genesi imperfecto, capite nono.

An forte varietatis causa, ut textus sermonis in fastidium non veniret, & supra non est positum, quod infra positum est, & non oportet scrupulose omnia rimari? Eligat quis quod potest, tantum ne aliquid temere atque incognitum pro cognito asserat; memineritque se hominem de diuinis operibus quantum permittitur querere.

e. Ut demonstretur, quàm celeriter Deus cuncta conflat.

Patrum quamplures hæc verba interserita existimant, ut celeritatē, ac facilitatem in Mundi constructione notificent, quasi quod mox ut dixerit Deus Fiat, mox fecerit, mox factum apparuerit. Adducam nonnullorum sententias.

CHRYSOSTOMUS in Genesim, Homilia quarta.

Et ut discas magnam elementorum obedientiam, excellentemque virtutem opificis, ait; Et factum est ita. Dixit solum, & opus sequutum est.

Et factum est ita.

- a. *Ad differentiam agentium, siue naturalium, siue à proposito.*
b. *Phrasim esse Hebraicam.*

a. *Ad differentiam agentium, siue naturalium, siue à proposito.*

C A I E T A N V S Commentarijs in Genesim.

Et fuit ita. Impedimentum obflansque nullum valuisse describitur, ad differentiam actionum agentium multorum, siue naturalium, siue à proposito; quæ ex parte sui faciunt; sed ipsorum facere impeditur: & propterea quamvis fecerint, non tamen efficitur, quod sit in effectu, ita ut agens intendebat, & conatum est facere. Ad significandum itaque, quod diuinum facere nullum pertulit impediens, dicitur; Et fuit ita.

b. *Phrasim esse Hebraicam.*

Arbitrati sunt alij, nec perperam fortè, hanc eiusdem verbi reiterationem ex idiomatis hebræi, tum phrasi, tum inopia, & nuditate profectam esse; hebraica enim lingua, ut omnibus compertum est, cum ad determinatas radicales voces cuncta fere redigatur, inops admodum est, atque nuda, adeo ut in cacophonias delabi, sæpiusque ea ipsa repetere cogatur. Quapropter mirum non esse, si Moses in hac splendida Mundi generis narratione sæpius easmet voces reiteret.

A V C T O R.

Quid sentiā ego de his interpretationibus, quibus exponitur quid importet illa con-
duplicatio Fiat, Et fecit secundum Græcos, uel Fiat, Et factum est secundum Augusti-
num, & illa terna iteratio, Fiat, Fecit, Et factum est pariter secundum Græcos, vel Fiat, Fa-
ctum est, Et fecit ex D. Augustini textu, breuissime absoluam. Censeo primum Basilij,
ac cæterorum Patrum sententiam, quæ verbo, Dixit Deus, Fiat firmamentum, Patrem,
& verbo, Fecit, Filium denotare autumat, non adeò efficaciter à D. Augustino repre-
hendi, quin ab eius reprehensionibus defensari ualeat. Animaduertendum siquidem,
cum Mundi conflationis negotium totius sit sanctissimæ Trinitatis, si quandoque Pa-
ter, uel Filius creare perhibentur, certe ea ratione dicuntur creare, ut simul etiam Tri-
nitas tota condere intelligatur: tamen si peculiariter, ac singulariter, nonnulla Patri,
quædam Filio, quædam etiam Spiritui Sancto, à sacris Theologis, atque ab eximijs Pa-
tribus, immo ab ipsa Ecclesia sancta, non incongrue, neque inconcinne ascribantur,
ut imperium, & præceptum Patri, effectio Filio, & approbatio Spiritui Sancto; quoniā
Patri maiestas competit, Filio uerò uerbum esse, Ideamque, quibus res congeruntur, &
Spiritus Sāctus sit bonitas, qua in ipsis rebus Deus sibi cōplacet. Quapropter hac sola ani-
maduersione omnes Diui Augustini obiectiones quàm facillimè dissoluuntur. Adij-
ciam, quod rationes Augustini desumptæ ex literæ serie, qua legit; Fiat, & Factum est
ita, & post, Fecit, corruunt tanquam imbecilli innixæ fundamento, cum Hebraica, Chal-
daica, & nostra lectio habeāt, ut dicebamus, Fiat, Fecit, & post, Factum est ita. Inter-
pretationes duæ, quarum altera exponit, Fiat, quod in Verbo erat, ut fieret, & Factum
est iuxta præscriptos terminos in Verbo; & altera quæ interpretatur, per Fiat, Fecit, &
factum est, denotari triplex rerum essendi genus, in Verbo, in mente Angelica, & in na-
tura propria, ingeniosæ admodum meo iudicio reputari possunt, sed literæ parum ap-
plaudētes: & rudibus in simplici literæ apparatu impersectæ, & inexcogitabiles. Con-
simile discrimen subeūt, & illa, qua ter id repetitum asserbat, eo quod natura corpori
obnoxia ad deficiendum pronitatem, minoremque ad obediendum aptitudinem ferāt,

Basilij senten-
tia deservatur.

Cap. 14.
Essendi genera septem.

Cap. 6.

Ioan. 1.

Nobilissimū
ille est esse in
Deo.

& tres, quæ sequuntur delatæ expositiones, Petri Comestoris, Scholasticorum Alberti Magni, Alexandri Halensis, & Diui Thomæ. Quare Patrum Græcorum explanatio, quæ hæc repetita uerba diuinæ maiestatis imperium, uel facilitatem, & celeritatem in rerū cōflatione indicare autumat probatior, planiorq; mihi uisa est, literæ & communi hominum capacitati accommodatior. Non negarem insuper ex linguæ Hebraice phrasi, id contingere potuisse. Vel ut Augustinus perhibebat, varietatis causâ. Verum ut aliquid superadijiciamus, exactius possumus cum Aegidio in prima parte Hexameron, essendi genera amplificare, atque ad septem redigere. Primum igitur genus ideale est, non illud quo separatas subsistere Ideas dixere Plato, & Philo, sed illud quo res in Verbo æterno perenniter, atque imperfecto nobis modo residere non ignoramus. Has scitissime Diuus Augustinus sexto de Trinitate, rationes rerum appellauit, cum dixit. Filius est ars quædam omnipotentis, ac sapientis Dei plena omnium rationum uiuentium incommutabilium. Dixit, Viuentium, quoniam hoc essendi genere res ipsæ uitam degunt diuinam, atque perennem, iuxta illud; Quod factum est in ipso uita erat. Quali dicat, omne id, quod factum est, quando Mundus profiliit, iam in Deo ab æterno uita erat ipsa, cum esset ipse Deus, qui uita est perennis. Dixit, Incommutabilium, siquidē erant incommutabiles perpetim res in Deo, cum apud ipsum non sit transmutatio, nec uicissitudinis obumbratio. Alterum essendi genus, quod res percipere, intellectuale nuncupatur: & hoc duplex quemadmodum etiam duplex est natura intellectualis, Angelica & humana. Aliud perinde sensibile appellatur, quo res in sensibili materia extant. Hoc autē quatuor suscipit essentiae modos. Aut enim res vigescunt in suis principiis, aut in seipsis: si in principiis, aut super physicis, hoc est supernaturalibus, in Dei inquam potentia; aut physicis, in rationibus scilicet feminalibus, seu causis naturalibus: quod si in seipsis, aut secundum rationem specificam, ut aiunt Dialectici, aut indiuidualem. Ex his igitur septem essendi generibus, nempe diuino & perenni in Deo, intellectualem in Angelica & humana mente, in principiis hyperphysicis, & physicis, in propriis naturis, quo ad specificas, uel quo ad indiuiduas rationes: præstantissimū profecto, ac supereminentissimum est illud esse, quo in Deo res uiuunt, diuina profus, perennique ac incommutabili uita potite. Deinde cum ex nobilitate naturæ, in qua imprimuntur, res ipsæ nobilius esse nascantur, præstantiorem & eminentiorem gradū in Angelica mente, quam in humana sortiuntur, quandoquidem res ipsæ ceu imagines in illa ueluti in auro, in ista tanquam in argento incisæ & sculptæ coruscant. Rursum excellentius esse in causis, quam in seipsis creaturæ possident. Ac tandem præclarior in specie nunquam intereisa, quam in ipso indiuiduo perpetim corruptioni obnoxio. Ex quibus omnibus iuxta Diui Augustini speculationes, verbum, Fecit, Fiat, & similia, ita explicare possumus. Dixit Deus, Fiat, hoc est, præcepit ut id, quod iam in Deo perenniter erat, ut fieret, ac iam in mente Angelica, ut fiendum impressum clarebat, ex hyperphysicæ, ac supernaturalis causæ uirtute maneret, & id fecit in esse sensibili tā secundum rationem specificam, quam indiuiduatam. Et factum est, quod post ex physicis principiis secundum speciem perpetuandum erat, perpetuis inquam & nunquam indefectis uicissitudinibus generationis, & corruptionis. Factum inquam est illud, cuius ratio seu species per sensus excerpta, per phantasmata delata ad intellectum, per intellectum agentem illustrata, atque ad uniuersalem quandam formam euecta, in ipsa humana mente imprimenda erat. Ceterum ingeniosa quidem, ac perspicaci intellectu, atque industria elaborata, hæc sunt, sed parum ad propositum spectantia.

*Num unoquoque die singula opera unico momento manarint,
an diei spatio.*

Disceptandum adhuc hoc loco superest; Num Deus quando dixit, Fiat, & Moses adiecit, Fecit, & factum est; opera cuiuslibet diei primo eius diei momento absoluerit, An magis tempus, ac delapsum totius diei ad ea condenda adhibuerit, interpollataque effectione illa perfecerit.

singula

Et factum est ita .

Anno Mūdi
primo.
Die secunda.

- a. Nam singula condita sunt per diei spatium .
- b. Vel , unico momento .
- c. Seu, Quædam simul, & sine mora ; quædam cum mora .

a. Singula condita per diei spatium .

H V G O de Sacramentis libro primo, parte prima, capite sextodecimo hac modo difficultate, his eam dissoluit.

Cui quæstioni gemina responsione obuiabimus ; aut enim dicemus , Deum in illis sex diebus operationem ita continua perseuerantia produxisse, vt nullo temporis intervallo ab operando desierit, aut ita sex diebus operatum, vt nullum quidem diem in operando intermiserit, non quod nullo temporis spatio operari cessauerit.

b. Singula unico momento.

A M B R O S I V S Hexameron libro primo, capite nono, ait.

Non ideo dixit, vt sequeretur operatio, sed dicto absoluit negotium, vnde pulchre Dauidi cum illud; Dixit, & facta sunt, quia dictum impleuit effectus.

Psal. 148.

B A S I L I V S hæc eadem tradit Homilia secunda.

Sane imperium operis ipsum erat hoc, mox enim fiebat natura, qua vna nihil possit humana ratiocinatio comminisci, & excogitare, quo se oblectet suauius.

T O S T A T V S in Genesim.

Non est dicendum, quod per totum diem Deus in faciendo quodlibet istorum opus moratus fuerit, sed faciebat subito quodlibet, & deinde dies, in quo faciebat illud opus, denominabatur ab illo opere.

c. Quædam simul & sine mora vt luminaria germina & animalia ; Quædam cum mora, vt mare terra, & homo.

B E D A Quæstionibus super Genesim.

Quarta differentia est : Quod quædam simul, & velut subito creata emerferunt, vt herbe, luminaria, nantia, & volatilia, necnon terrena animalia, & quadrupedia : quædam verò non simul, sed velut cum quadam mora, vt mare, terra, homo : Et ipse enim paulatim factus scribitur sicut & cætera.

Moses ipse secundam magis quam alteram insinuat sententiam, cum post Fiat, quo verbo, Dei præceptum recitat, mox Fecit, & factum est adijcit, quasi declaret statim momento effectum fuisse, quod præceperat Deus vt fieret. Arbitror attamen non leui coniectura permotus, aliter censendum esse, de luce, firmamento, & Astris ; & aliter de congregatione aquarum, de terræ germinatione, de piscium, auium, atque animantium profilitione: siquidem veluti ea prima momento prodijisse ex natura eorum absolutissima, minorique elementorum crassitie permixta ; ita hæc postrema ex elementis ipsis, quanquam Dei virtute, producta, non sine aliquo maiori intervallo procreata fuisse arbitraretur. Hinc intelligi potest, quantum desipiat atque aberret Steuchus (si Patrum doctrinam approbamus) qui cuncta primæ diei momento inchoata esse, ac non nisi eo die, quo condita traduntur à Mose, absoluta consummataq; fuisse censuit. Sed hæc lectorum iudicio relinquam.

Et vocauit Deus firmamentum Cælum.

Consimilem lectionem habent editiones ferè omnes, Chaldaica, Græca, Vulgata nostra, Pagninus & Vatablus. Solus Caietanus legit: & vocauit Elohim extensioni Cælos.

Anno M^{di}
r^{mo}.
Die secunda.

Et vocauit Deus firmamentum Cœlum.

- a. Samaim nomen est plurale, sed verti debuit in singulari Cœlum.
- a. Samaim idem est, quod aquæ.
- c. Samaim ex significatione hebraica hoc loco aërem significat.
- d. Vocauit Deus humana quidem voce, non tunc cum creabat, sed post Adam audiente.

a. *Samaim nomen est plurale, sed verti debuit in singulari Cœlum.*

STEVCCHVS in Cosmopœia.

Nomen quoque Cœli semper est in numero multitudinis Samaim. Hæcque est vera ratio, quod Cœlum semper in plurali profertur apud Hebræos; non quod sub nomine Cœli aliqua multitudo Cœlorum subsit. Itaque quoties hæc vox ad Latinos, & Græcos traduceretur, debuit numero singulari reddi Cœlum, non Cœli; quia non à multitudine Cœlorum numerum multitudinis accepit, sed à nomine aquarum, quæ semper in plurium numero designantur, est formata. Quod vehementer observandum reor, ut sciatur, quid hæc vox propriè designet, & quam ob causam Deus eam sic formauerit, diuina nempe ratione.

b. *Samaim idem est, quod aquæ.*

STEVCCHVS loco asserto.

Vera igitur etymologia nominis Cœli, ducta est à natura eius. Nam cum multas habeat utilitates & proprietates, aër, vna est notissima, & maxima, quod continet aquas, est aquarum genitor, à quibus omnia altissimi bona suppeditantur. Ab aquis ergo iustissime nomen est sortitus. Atque hanc vocem Samaim, quod rare propriè aërem, & ab aquis nomen accepisse, tres sunt rationes: priores due sepe adductæ sunt, quod Scriptura creberrimè pro aëre eam vocem vsurpet, volucres Cœli, nubes Cœli, pluias Cœli: quod eius rei, quæ hoc nomine significatur, ibi facta sit mentio, vbi & de aquis terrestribus, & cœlestibus, cum in descriptione orbium Cœlestium non fuerit operæpretium aquarum meminisse. Postremò quod ipsum nomen aperte declaratur ab aquis esse deductum. Nam aqua apud Hebræos in numero multitudinis semper, in numero singulari nunquam profertur Maim.

Etymologiam hanc detulerunt etiam Hieronymus, Rabbin Hebræi, & Lippomanus, ut infra videbimus. Cæterum quæ hoc loco prodidit Steuchus, præclara quidem essent, si ea communiter dici, tum de Cœlo, tum de aëre asseuerasset: singulare quidem placitum est, & à Patrum doctrina multum distans id de aëre tantum interpretari.

c. *Samaim ex significatione hebraica, hoc loco aërem significat.*

RABBINI Parisienses in Adnotationibus.

Hic Cœlum accipitur pro eo corpore, quod est inter Terram & Cœlum, nempe pro aëre & æthere, ut in Psalmo octauo; Volucres Cœli, idest aëris.

Caietanus modestius hoc loco Cœlos etiam appellari sphaeram ignis, & aëris apud Hebræos tradit, nec inficiatur supernos quoque astrigeros orbes, Cœlos nuncupari posse.

d. *Vocauit humana quidem voce, non tunc cum creabat, sed post, Adam audiente.*

STEVCCHVS in Cosmopœia.

Nomina ista, nuncupationesque Dei, quidam Hebræi & Latini dispositiones interpretantur, ut cum dicitur vocasse, quasi sit eum disposuisse, statuisse, decreuisse. Mihi videtur ipsum etymon spectandum, quod à rerum natura dependeat. Ut autem natus Adam, iuxta proprietates, naturasque cuiusque nomina animalibus indidit, sic antequam nasceretur, eas res, quæ creationem eius antecesserunt, aliquis necessario nuncupauit, & nomina cupauit iuxta naturas, & proprietates cuiusque. Quis autem & naturas earum rerum norat, & nomina poterat indere, nisi solus opifex? Merito igitur istarum rerum primordialium nomina, Dei nuncupationes fuisse dicuntur; quibus eas ipsas res eum appellantes Adam audiuit. Atque natura rerum nomina indita à Deo

Et vocauit Deus firmamentum Cælum.

Anno Mūdi
primo
Die tertia.

- a. Vocauit post, cū Patriarchas alloqueretur.
- b. Vocauit, hoc est, disposuit, ut vocari posset.
- c. Vocauit, ne minus Cælū vide, et irroboreari à Deo quā lux, quæ nomen à Deo promeruit.
- d. Vel Vocauit, quia id erat Dei institutum, perennia nomine proprio insignire.
- e. Sen, ut distingueret ab ijs, quæ firmamenta vocari possunt, & Cæli non sunt.

à Deo certum est; sicut & à primo homine, & ceteris, qui in quacunque lingua floruerunt. Vera igitur etymologia nominis Cæli ducta est à natura eius.

a. Vocauit post, cū Patriarchas alloqueretur.

R V P E R T V S Commentarijs in Genesim, capite vigesimo octauo.

Vocauitque Deus firmamentum Cælum. Vbi, vel quando vocauit Deus firmamentum Cælum? Et quidem quando ad Noë loquens; Ponam, inquit, arcum meum in nubibus Cæli, vel, quod certius est, ad Abraham; Suscipe, inquit, Cælum, & numera stellas si potes: non enim in quocunque Cælo, sed in firmamento stellæ suspiciuntur, tunc sine dubio vocauit Deus firmamentum Cælum.

b. Vocauit, hoc est, disposuit, ut vocari posset.

H V G O Carenfis in Postillis.

Vocauitque Deus firmamentum Cælum; id est tale fecit, quod debeat dici Cælum.

Ceterum de his, & consimilibus interpretationibus iam supra iudicium tulimus, cū huic similem eam clausulam; Vocauit Deus lucem diem, exponebamus.

c. Vocauit, ne minus Cælum videretur roboreari à Deo quā lux, quæ nomen à Deo promeruit.

CHRYSOStOMVS in Genesim Homilia quarta.

Vide quomodo eadem consequentia etiam nunc diuina Scriptura vsa est. Nam sicut dixit heri, Fiat lux: & postquam producta fuit, tunc subiecit; Sit distinguens inter lucem, & inter tenebras: & sic lucem diem vocauit: ita & hodie dixit; Fiat firmamentum in medio aquæ. Dein sicut de luce; ita & hic docuit nos vsum firmamenti; ut diuidat, ait, inter aquam & aquam. Et postquam hunc eius vsum declarauit, tunc sicut luci nomen dedit; ita & firmamento suum nomen imposuit. Et vocauit, ait, Deus firmamentum Cælum. quod videtur.

d. Vocauit, quia id erat Dei institutum, perennia nomine proprio insignire.

R V P E R T V S Commentarijs in Genesim.

Veruntamen quid hoc sibi vult, quod scriptor ipsum Deum astruit firmamentum Cælum vocasse? Non enim sine causa esse putandum est, quod de animantibus loquens, quæ sine dubio prætereunt, Adduxit, inquit, ea ad Adam, ut videret quid vocaret ea. Omne enim quod vocauit Adam animæ viuētis, ipsum est nomen eius. Lucis autem nomen, id est, diem, & tenebrarum, id est, noctem ipse Deus posuit; de quibus sanè dubium non est, quia prætereire, vel mutari non possunt. An & Cæli, & terræ perennitatem ex eo scriptor idem innuit, quia Deus firmamentum Cælum, & aridam terram nominans, per se ipsum vocabula imposuit?

Gen. 2.

e. Ut distingueret ab ijs, quæ firmamenta vocari possunt, & Cæli non sunt.

AVGVSTINVS de Genesi imperfecto, capite nono.

Et vocauit Deus firmamentum Cælum; quod de vocatione superius tractatum est, hic quoque considerari potest. Non enim omne firmamentum Cælum est.

Anno Mūdi
primo.
Die secunda.

Et vocauit Deus firmamentum Cælum.

- a. Cælum nomen est generale, firmamentum verò peculiare, à soliditate dictum.
- b. Nuncupationes Dei nomina rerum principalium minus principalibus attribuunt propter vsum communem.
- c. Cælum nomen absolutum est, firmamentum verò relatiuum, quare vt commodius appellaretur, firmamentum ipsum appellauit Cælum.

a. Cælum nomen est generale, firmamentum verò peculiare, à soliditate dictum.

A M B R O S I V S Hexameron libro secundo, capite quarto.

Et videtur mihi nomen Cælorum commune esse, quia plurimos Cēlos Scriptura testificatur: nomen autem esse speciale firmamentum: siquidem & hic ita habetur, Et vocauit Deus firmamentum Cēlum. Vt videatur supra generaliter dixisse in principio Cēlum factum, vt omnem cēlestis creaturę fabricam comprehenderet: hic autem specialem firmamenti huius exterioris soliditatem, quod dicitur Cēli firmamentum, sicut legimus in hymno Prophetico; Benedictus es in firmamento Cēli.

A C A C I V S, vt in Catena.

Et vocauit Deus firmamentum Cēlum. Num fortè hoc secundum Cēlum ad prioris Cēli differentiam firmamentum appellatur? Par est enim Cēlum illud primum, ac supremum, longè tenuius, ac magis integrum esse. Nam & primum Cēlum, non firmamentum, sed & p̄x̄d̄t, hoc est, Cēlum nominatum est. Secundum verò, & Cēli, & firmamenti nomen accepit. Cēli quidem, quia supra nos est, & prioris Cēli vices, atque vsum nobis refert: firmamenti verò, quia ex fluxa aquarum essentia constituit, & fluxa illa, ac liquida natura, densissima, ac solidissima ab uniuersorum opifice Deo effecta est.

b. Nuncupationes Dei nomina rerum principalium minus principalibus attribuunt propter vsum communem.

R A B B I Moyses, vt Burgenfis in Additionibus refert, his Patribus assentit, ait siquidem Burgenfis.

Intelligendum est secundum Rabbt Moysen, quod vbi ista vocatio Dei habetur, intelligendum est esse aliquid aliud, quod hoc nomine principaliter vocatur, sed appropriatur ad minus principale, propter vsum communem hominum: Sicut dies principaliter dicitur spatium viginti quatuor horarum, prout ibi, Factum est vespere, & mane dies vnus: sed communius in vsu latius lucis, seu Solis super terram dies dicitur. Vnde Deus vocauit lucem diem. Similiter in hoc loco Cēlum principaliter significat omnes orbes, scilicet nouem sphaeras, & etiam Empyreum & Cēlos inferiores, prout ibi: In principio creauit Deus Cēlum & terram, vt supra expositum est; sed communiori modo Cēlum dicitur sydereum tantum, & ideo vocauit Deus firmamentum Cēlum. Similiter non solum arida, sed totum terrę elementum principaliter dicitur terra, prout ibi: Terra autem erat inanis & vacua; sed communiori modo loquendi arida dicitur terra: & ideo vocauit Deus arida terrā.

c. Cælum nomen absolutum est, firmamentū verò relatiuum, quare vt commodius appellaretur, firmamentum ipsum appellauit Cælum.

R V P E R T V S Commentarijs in Genesim, capite vigesimo nono.

Quare vocauit Deus firmamentum Cēlum, cum posset (vti faciendo ceperat) vocare firmamentum? Prædelicet, quia firmamentum ad aliquid dicitur; & relatiuum nomen est. Omne nanque firmamentum alicuius firmamentum est. Et cum dicitur hoc firmamentum, oportet dici vel subaudiri, diuisionis aquarum, absolutum licet ad hoc illud Deus fecit, vt diuideret aquas ab aquis. Sed hoc vulgus nescit. Cēlum autem, vel nomen est; etenim cum dixeris Cēlum, cuius sit Cēlum non opus est querere: sicut cum dicitur Terra, vel mare, non necesse habes querere, cuius terra, vel cuius mare. Proinde quia communi sermoni commodius est vno in eadem re vti vocabulo, quam multis, rectè vocauit Deus firmamentum Cēlum, quia sic magis absolutum vocabulum est Cēlum, quam firmamentum; sicut homo, & Adam, magis absolutum est, quam creatura, vel figmentum.

Et hæc Patrum oracula non reprehensione, seu dilucidatione, sed animaduersione dignissima puto.

vocauit,

Et vocavit Deus firmamentum Cœlum.

- a. Vocavit, ad differentiam agentium rerum naturas non attingentium.
b. Cœlum Hebraicè Samaim, ab aquis, quòd ex aquis congestum sit, vel aquas desuper coërceat.

a. Vocavit, ad differentiam agentium rerum naturas non attingentium.

C A I E T A N V S Commentarijs in Genesim, capite primo.
Et vocavit Elobim extensioni Cœlos. Nota hæc quatuor, Dixit, Fuit, Fecit, Vocavit. Nam, Dixit, ad differentiam agentium naturalium; Fecit, ad differentiam agentis per alium; Fuit, ad differentiam actionum, que impediuntur; Vocavit, nominando proprio nomine, ad differentiam agentium à proposito, nescientium quandoque perfectè id quod fecerunt, & nescientium effecta proprijs nominibus vocare.
Supereft vt ad etymologias huius nominis Cœli, à Patribus hoc loco memoratas, secundum idiomata tùm Hebraicū, tùm Græcū, tùm Latinum explicandas accedamus.

b. Cœlum Hebraicè Samaim, ab aquis, quòd ex aquis congestum sit, vel aquas desuper coërceat.

H I E R O N Y M V S ad Oceanum.
Inter Cœlum & Terram medium extruitur firmamentum: & iuxta Hebraici sermonis ἐτυμολογίαν, Cœlum, idest Samaim, ex aquis sortitur vocabulum.

I O S E P H Kimhi, teste Hamero.
Sic nominatur, quasi Samaim, idest, ibi aquæ.

L I P P O M A N V S in Catena.
Vocavit Deus firmamentum Cœlum. Iterum nomen imponit creaturæ illi, Cœlum nostra lingua, iuxta verbum Moysi eloquium (quod est in orbe primum inter homines, & naturæ humanæ quasi congenium) Samaim plurali numero vocavit, compositum secundum Hebræos, à positione loci & aquis. Vnde & Cœlum crystallinum veteres nominarunt ex aquis compactum, quòd vsu vulgi, dum depluunt pluvie, crystallum illud ferè lique fieri videtur.

S T E V C H V S in Cosmopœia nomine firmamēti, & Cœli, aërē interpretatus, ab aquis aërem iustissimè dictum autumat, tùm quòd sedes sit aquarum supercœlestium. seu earum quæ in sublimi fiunt, tùm quòd ab aquis ipse exertus fuerit.

Vera igitur ethmologia nominis Cœli, ducta est à natura eius. Nam cum multas habeat utilitates, & proprietates aër, vna est notissima, & maxima, quòd continet aquas, est aquarum genitor, à quibus omnia affatim bona suppeditantur. Ab aquis ergo iustissime nomen est sortitus. Atque hanc vocem Shamaim declarare proprie aërem, & ab aquis nomen accepisse, tres sunt rationes: priores duæ sepe adductæ sunt, quòd Scriptura creberrime pro aëre eam vocem vsurpet, volucres Cœli, nubes Cœli, pluvias Cœli; quòd eius rei, quæ hoc nomine significatur, ibi facta sit mentio, vbi & de aquis terrestribus & cœlestibus, cum in descriptione orbium cœlestium, non fuerit operæpretium aquarum meminisse. Postremo quòd ipsum nomen aperte declarat ab aquis esse deductum. Nam aqua apud Hebræos in numero multitudinis semper, in numero singulari nunquam profertur Maim. Nomen quoque Cœli semper est in numero multitudinis Shamaim.

Verum hanc eius doctrinam vt commentitiam prætermitto. Firmamentumque rectius Samaim appellari potuisse dijudico ab aquis, quòd compactum sit ex ipsis aquis, vt edocent dilucide & obtestata sententia viginti fere ex priscis præclaris Patribus: vel quòd desuper aquas coerceat, vt pariter diffiniunt quadraginta plus minus consimilis authoritatis Patres iam supra in catenis enumerati.

Anno Mūdi
primo.
Die secunda.

Et vocavit Deus firmamentum Cælum.

- a. Græce *Vranos*, à videndo, quòd videatur, & terminus sit eorum quæ conspiciuntur.
b. *Vranon*, Idest palatium.

a. Græce *ὁραὸν*, à videndo, quòd videatur, et terminus sit eorum quæ conspiciuntur.

P L A T O in Cratylo referente Hamero *ἀπὸ τοῦ ὁραῖν τὰ ἀνω*; idest, ab aspiciendo superiora, *ὁραὸν*, idest Cælum dictum putat.

Ab hoc aspectu qui sit sursum, pulchrè hoc nomen *Vrania* appellatur, quasi sursum respiciens. Aristoteles libro de Mundo, Hamero etiam teste, dictū putat *ὁραὸν ἀπὸ τοῦ ὁραῖν εἰς τὰ ἄνω*, idest, quòd terminus quidam sit eorum, quæ sursum sunt.

P H I L O libro de Mundi opificio, hanc Aristotelicam etymologiam adduxit, quanquam & Platoniam non reticuerit.

Merito igitur supposito pro incorporeo sensibili hoc, corporeoque firmamentum id vocavit: quod mor *ὁραὸν*, idest Cælum, aptè, valdeque propriè appellavit; sine quia omnium *ὁραὸν*, idest terminus, siue quia primum *ὁραὸν*, idest visibilibus, factum sit. Post cuius generationem nominat diem secundum, integrum diei spatium mensuramque ad Cælum referens, ob eius inter sensibilia dignitatem, honoremque.

B A S I L I V S Hexameron Homilia tertia hanc etymologiam prosequutus est: quinimmo & aërem hac ratione Cælum vocari disserit.

Et vocavit Deus firmamentum Cælum. Ut hæc Celi appellatio alteri congruat, & aptetur, certè particeps eius vocule sit hoc firmamentum per similitudinem. Ipsi enim subinde observavimus hunc aëris locum conspicium, Cælum dici, quòd densus sit, & ob continentem coherentiam aëris sub aspectum nostrum aptè cadentis. A verbo enim *ὁραῖν*, videri petita est, & corruata appellatio nominis *τοῦ ὁραὸν*; idest Celi. Vt quum dicit Scriptura, volatilia Celi. Et rursus, ea quæ volant per firmamentum Celi. Tale quid est & illud; Ascendunt usque ad Celos.

Basilii & Ambrosii hoc loco, aërem quoque huius etymologiæ causâ, Cælum nuncupari à Scripturis non inficiantur, ut aliàs collegimus.

A M B R O S I V S Hexameron libro secundo, capite quarto.

Nam Cælum, quod *ὁραὸν*; Græcè dicitur, Latine, quia impressa Stellarum lumina velut signa habeat, tanquam celatum appellatur; sicut argentum, quod signis eminentibus resulget, celatum dicimus *ὁραὸν* dicitur, quod videatur. In olim oran anoten gin. Igitur Terra, quæ obscurior est, *vrano* nuncupatur, quia lucidus est, tanquam visibilis. Vnde puto & illud dictum; Volatilia Celi semper vident faciem Patris mei, qui in Cælis est. Et volantia circa firmamentum Celi, eo quòd Potestates, quæ sunt in illo visibili loco, spectent hæc omnia, & subiecta suis habeant conspectibus.

P R O C O P I V S & Hebraicam etymologiam, & hanc Græcam innuit.

Firmamentum autem dicunt nuncupari Cælum, seu quòd concretum & compactum sit ex simplicissima aquæ natura: seu, ut distinguat, & secernat ab inferioribus tenuissimam, & lenissimam naturam; nulloque sensu comprehensibilem.

I S I D O R V S Etymologiarum libro tertio decimo, capite quarto.

Hoc autem Græcè *Vranos* dicitur, apud tu oran, idest à videndo, eo quòd aër perspicuus sit, & ad spectandum purior.

R V P E R T V S in Genesim libro primo capite vigesimo nono.

Cælum autem à cernendo est dictum, congrua scilicet causâ quia videlicet oculos habentium neminem latet. Vnde & Græcè *Vranos* dicitur.

b. *Vranon*, Idest palatium.

P E T R V S Comestor Historiæ scholasticæ capite quarto.

Cælum pro sui concameratione *Vranon* Græcè dicitur, idest palatium.

Sed ex his Patrem hunc Græci idiomatis eruditione caruisse euincitur.

Cælum

Et vocauit Deus firmamentum Cælum.

Anno Mûdi
primo.
Die secunda.

- a. Cælum Latinè: quòd celatum sit stellis.
- b. Vel à celando; quòd superna celet.
- c. Vel, quòd cauum; quòd nobis videatur concauum.
- d. Siue, quasi domus Solis; quòd in ipso Sol insideat.
- e. Firmamentum Cælum ob confirmationem beatorum Angelorum.

a. Cælum Latinè: quòd celatum sit stellis.

V A R R O libro quinto de Latina lingua, referente Hamero. Cælum Latinè celati argumento dicitur, vt interpretatur Varro, quòd veneranda illa, & suspicienda tot micantium Stellarum facie tanquam emblematis quibusdam insculptum sit, & celatum.

A M B R O S I V S vbi supra. Cælum Latinè, quia impressa Stellarum lumina velut signa habeat, tanquam celatum appellatur: sicut argentum, quod signis eminentibus refulget, celatum dicimus.

I S I D O R V S libro Etymologiarum tertiodécimo, capite quarto. Cæli vocatum, eo quòd tanquã celatũ vas impressa lumina habeat Stellarum veluti signa. Nam celatum dicitur vas, quod signis eminentioribus refulget. Distinxit enim eum Deus clavis luminibus, & impleuit Solis scilicet, & Lune orbe fulgenti; & Astroꝝ micantium splendentibus signis adornauit.

b. Cælum Latinè à celando; quòd superna celet.

I S I D O R V S immediatè post præallegata habet. Alias autem à superiora celando. P E T R V S Comestor Historiæ Scholasticæ, capite quarto. Dicitur etiam Cælum, quia celat, idest tegit omnia sensibilia. Et cum legitur firmamentum Cæli, Endiadis est, idest, firmamentum, quod est Cælum, vt cum dicitur creatura salis.

T O S T A T V S. Et vocauit Deus firmamentum Cælum, à celando, idest cooperiendo; quia omnia celat, vel tegit; & hoc conuenit cum nomine Hebraico; quia vocatur expansio, vel coopertura: vel dicitur Cælum, quasi celatum, idest depictum varijs astris fulgentibus.

H V G O Carenfis. Vocauit Deus firmamentum Cælum, idest tale fecit, quòd debeat dici Cælum, à celando, quia celat omnia inferiora sub se.

c. Cælum Latinè, quòd cauum; quòd nobis videatur concauum.

Varro putat Cælum dici *καὶνοίον*, quod significat cauum: quod ab eruditis tanquam nimis durum reputatur.

d. Cælum quasi domus Solis. Quod in ipso Sol insideat.

A N S E L M V S Cantuariensis de Imagine Mundi libro primo, capite vigesimo quinto, peregrinam hanc etymologiam patefecit, quãquam & illam alteram, quòd Cælum quasi vas celatum dicatur, non prætermiserit.

Cælum dicitur, quasi casa helios, idest domus Solis, vel quasi vas celatum, quia est stellis insignitum.

P E T R V S Comestor Historiæ Scholasticæ, capite quarto.

Vel dicitur Cælum quasi domus Elyos, quia Sol sub ipso positus, ipsum illustrat.

e. Firmamentum Cælum ob confirmationem beatorum Angelorum.

Patrum alij ex vi vocum harum, Firmamenti, & Cæli, confirmationem Angelorum, securitatemque, qua cadere nunquam possint, interpretati sunt.

G R E G O R I V S libro vigesimo septimo Moraliū, capite vigesimo quarto.

Virtutes Angelicæ, quæ in diuino amore fixæ persisterunt, lapsis superbientibus Angelis, hoc in munere retributionis acceperunt, ut nulla iam rubigine surripientis culpæ mordeantur, ut in contemplatione conditoris sine felicitatis sine permaneant: & in hoc quod sunt conditæ, æterna stabilitate subsistant. Quod bene apud Moysen ipsa de Mundi origine historiæ verba testantur, cum & prius factum Cælum dicitur: & hoc idem postmodum firmamentum vocatur: quia videlicet natura Angelica, & prius subtilis est in superioribus condita, & post ne vnquam potuisset cadere, mirabilius confirmata.

Hæc Gregorius. Consimilia habet Commentarijs Ezechielem. Patherius loca hæc collegit libro primo supra Genesim.

E V C H E R I V S Commentarijs in Genesim, libro primo, capite tertio. *Vocauitque Deus firmamentum, Cælum. Quid est, quod Cælum factum dicit: & hoc firmamentum postmodum vocatur? nisi quia natura Angelica, quæ prius mirabiliter est condita, ne cadere vnquam possit, postmodum est mirabilius confirmata.*

Patres hi proficiscuntur ad sensus mysticos libentius, & hoc loco potius exponunt, quare Cælum dictum sit firmamentum, quàm id quod in proposito est, quæ de causâ firmamentum nuncupatum, sit Cælum. Rursum Cælum ipsum in primordijs temporum cum terra productum id ipsum esse cum firmamento intelligunt, quod passim à cæteris Patribus non acceptatur.

Et vidit Deus, quod esset bonum.

Hebraicus textus hæc non videtur habere.

H I E R O N Y M V S pro libris aduersus Iouinianum ad Pamachium Apologia.

Scriptum non esse in secundo die, Vidit Deus, quia bonum est: non meum accipiant testimonium, sed cunctorum Hebræorum, & aliorum interpretum, Aquilæ videlicet, & Symmachi, & Theodotionis. Si autem scriptum non est, cum in cæteris diebus scriptum sit; aut reddant aliam probabiliorem causam, quare non scriptum sit, aut si non repperint, gratis suscipiant, quod à nobis dictum est.

Cuncti perinde Hebraici textus, qui nunc hac nostra ætate comperiuntur, hæc non habere perspectum est. Doctores, & pariter qui linguæ Hebraicæ eruditionem calent, tum Hebræi Rabbinæ, tum nostri, id ipsum attestantur. Græca editio Septuaginta è contra ea edidit: nam secundum Septuaginta additum est, *εὐδὸν ὁ θεὸς, ὁ θεὸς ἑώρακέν*; id est, Vidit Deus, quia bonum. Aquila, Symmachus, Theodotio suis in editionibus hæc non interposuere.

S T E V C H V S in Genesis caput primum, in Veteris testamenti ad Hebraicam veritatem Recognitione, hunc errorem in editionem Septuaginta irreplisse existimat.

Aduertendum, quod secunda die non dicitur; Et vidit Deus, quod esset bonum: & neque in textu Hebraico, neque in nostra editione habetur, sed in editione Septuaginta additum est ex errore: non ab ipsis quidem, sed quod ex vno loco facile in alium aliquid transportetur, si qua similitudo arriuerit.

Editio vulgata, Vatablus, & cæteræ omnes nuperæ Latinæ translationes hæc retinere.

A V C T O R.

De hac difficillima re, difficillimum est iudicium ferre. Hinc enim multum vrget D. Hieronymi auctoritas, Rabbinorum Hebræorum, ac Latinorum doctorum sententia. Hinc celeberrima Septuaginta interpretum editio, Seruatoris nostri, Apostolorumque allegationibus insignita, Patrum priscorum omnium, tum Græcæ, tum Latinæ Ecclesiæ, vsque ad Vulgatæ editionem vsu comprobata me rapit, ut quæ mihi sit insequenda sententia, difficulter atque ægre perspiciam. D. Hieronymus, Rabbinæ, Doctoresque omnes latini hanc firmamenti commendationem in Hebraico textu non comperiri, ac propterea negligendam esse decernunt. Ex aduerso editio Septuaginta eam habet: Basilii, Ambrosii, Augustini, ac quamplures insignis nominis Patres eam commentantur. Fieri certe potuit, ut commendatio hæc in vetustissimo illo Esdræ volumine, seu in eo

Et uidit Deus, quòd esset bonum.

a. Vidit quòd bonum, seu pulchrum, hoc est, sua præscentia cognouit, quòd conueniens,
& utile foret Vniuerso secundum præsstitutum finem.

in eo exemplari, quo Septuaginta in vertendo vsi sunt, haberetur, quòdq; in subsecutis codicibus ex incertitia, seu verlutia Hebræorum fuerit abrafa, atque oblitterata; ac proinde ad manum D. Hieronymi nō peruenerit, fieri etiam potuit, vt Septuaginta suo Marte illam intexuerint, seu in eorum exemplaribus post nescio quo casu interposita sit. Quamuis autem magis arbitrarer Septuaginta interpretes, vel ex antiquissimo volumine eam decerpisse, vel certè Spiritus Sancti afflatu addidisse; vtrāque tamen profequar editionem, vt Patrum omnium sententias colligam.

Et uidit Deus quòd bonum; iuxta Septuaginta editionem.

Patres Græci, & Latini, qui hanc editionem Septuaginta ante vulgatam legere consueuerant, consimilia ferè contemplantur de hac commendatione firmamenti, quæ de luce edifferebant. Quapropter non ineptum duco, & hæc subnectere.

a. Vidit quod bonum, seu pulcrum hoc est, sua præscentia cognouit, quod conueniens, & utile foret uniuerso secundum præsstitutum finem.

BASILIVS Hexæmeron Homilia tertia.

Non ista vulgari incunditate Dei oculos pascunt, quæ ab ipso conficiuntur opera. Nec qualis apud nos reprehenditur esse, apud ipsum talis est bonarum rerum commendatio; sed bonum, aut (si malis) pulchrum id tandem est, quod ad artis rationem, regulamvè confectum, rectè contendit ad commodam vtiuitatem præsstituti finis. Qui igitur initio statim eorum quæ fiunt, finem sibi proposuit, is quæ sensim fiunt singula, vt ad executionem plenam destinati finis pertinentia, & ad rationes expensa suæ artis comprobauit iam & laudauit. Alioqui manus si seiunctim statuatur, si priuatim oculus, denique si vnum quodlibet membrorum virilis statuæ iaceat separatim: nemini hæc cuiusque tandem videri bona possint, aut pulchra. Sin suo quæque pars ordine reposita fuerit: tūc statuq; istius ex partium iusta proportionem pulchritudo se exerens, & interlucens, vel vix tandem cuius rudi talium operum se exhibet cognobilem, & perspicuam. Atqui artifex antequam se accommodet structuræ aut compositioni præsstituti operis, prius ipse nouit vtriusque partium futuram pulchritudinem, aut eximiam bonitatem, eoq; laudat singula, ad eorum quæ factururus est, finem, suam referens sententiam. Talis itaque vel nunc Deus nobis proponitur, quasi arte quapiam præditus singula quæque sua opera comprobans. Est autem & hoc proditum memoriæ, quo laus congrua tanto opifici exolueretur, absoluta iam vniuersa Mundi mole, ac suis constante partibus.

AMBROSIVS Hexæmeron libro secundo, capite quinto.

Solent artifices singula prius facere, & postea habili commissione connectere: & qui vultus hominum, vel corpora excudunt de marmore, vel ære fingunt, vel ceris exprimunt, non tamen sciunt, quemadmodum sibi possint membra singula conuenire, & quid gratiæ afferat futura connexio: & ideo aut laudare non audent, aut pro parte laudant: Deus verò tanquam æstimator vniuersitatis, præuidens quæ futura sunt, quasi perfecta iam laudat, quæ adhuc in primi operis exordio sunt, finem operis cognitione præueniens. Nec mirum si apud quæ rerum perfectio, non in consummatione operis, sed in sua prædestinatione est voluntatis, laudat singula quæ conuenientia futuris, laudat plenitudinem singulorum venustate compositam. Illa est enim vera pulchritudo, & in singulis membris esse quod deceat, & in toto, vt in singulis gratia, in omnibus formæ conuenientia, & plenitudo laudetur.

Isidorus libro de Summo Bono, capite decimo, hanc interpretationem amplificauit, vt supra deductum est.

Vidit

Anno. Mudi
primo.
Die secunda.

Et uidit Deus, quòd esset bonum.

- a. Vidit, hoc est placuit, ut ea bonitate maneret, qua placuit, ut fieret.
b. Seu, Vidit Deus quòd bonum, laudat Pater quod fecit Filius; ut Filij opera approbans ipsum celebret.

a. Vidit, hoc est placuit, ut ea bonitate maneret, qua placuit, ut fieret.

AUGUSTINVS de Genesi ad litteram libro secundo, capite sexto, & octauo, hoc ipsum de firmamento repetit, quod supra libro primo, & capite pariter octauo, de luce dixerat: capite quidem sexto ait.

Cum verò audimus; Et uidit Deus quia bonum est: intelligimus in benignitate spiritus eius, non quasi cognitum posteaquam factum est placuisse: sed potius in ea bonitate placuisse, ut maneret factum, ubi placebat, ut fieret.

Et capite octauo ea ipsa repetit.

Porro cum audimus; Et uidit Deus, quia bonum est: intelligimus benignitati Dei placuisse quod factum est, ut pro modo sui generis maneret, quod placuit, ut fieret, cum Spiritus Dei superferebatur super aquam.

IVNLIUS quanquam hec in Hebraica ueritate non haberi attestetur, attamen & hanc Septuaginta editionem sequutus ait.

Ubi verò adiunctum audiuimus; Et uidit Deus quòd esset bonum: intelligamus in benignitate spiritus eius, non quasi cognitum, posteaquam factum est, placuisse; sed potius in ea bonitate placuisse, ut maneret, ubi placebat ut fieret.

BEDA Expositione in Genesim.

Quum verò audiuimus; Et uidit Deus quia bonum est: intelligimus in benignitate spiritus placuisse, ut maneret factum, quod placebat ut fieret.

Et libro de sex dierum Creatione.

Vidit Deus quia bonum est, intelligimus in benigno spiritu eius, non quasi incognitum post factum placuisse, sed potius in ea bonitate placuisse, ut maneret factum, ubi placebat ut fieret.

b. Vidit Deus quòd bonum; laudat Pater quod fecit Filius: Ut Filij opera approbans, ipsum celebret.

AMBROSIVS Hexameron libro secundo, capite quinto, hanc mirifice amplificat interpretationem.

Et uidit Deus, quia bonum est. Facit Filius, quod uult Pater, laudat Pater, quod facit Filius. Nihil in illo naturæ degeneris inuenitur, cuius opus à paterna non degenerat voluntate. Et Post. Et dixit Deus, & fecit Deus. Eodem Pater, & Filius maiestatis honorantur nomine. Et uidit Deus quia bonum, & efficitur tanquam omnia quæ Pater uellet scienti, & uidit tanquam omnia quæ Filius faceret scientia tenens, & efficiens operatione consorti. Vidit quia bonum. Non utique cognouit, quod nesciebat, sed probauit, quod placebat. Non quasi incognitum placuit opus, quia nec quasi incognitus Pater, qui complacuit in Filio: sicut scriptum est; Hic est Filius meus dilectus, in quo mihi bene complacui. Scit autem semper Filius voluntatem Patris, & Pater Filij; & audit Patrem Filius semper; & Pater Filium per unitatem naturæ voluntatis atque substantiæ. Denique testatur hoc in Euangelio suo Filius dicens ad Patrem; Sciebam quia semper me audis. Imago est enim inuisibilis Dei Filius: omnia Patris quasi imago exprimit, omnia eius quasi splendor gloriæ illuminat nobis, atque manifestat. Videt & Filius Patris opus, sicut & Pater Filij, sicut & ipse Dominus declarauit; Non potest Filius facere à se quicquam, nisi quod uiderit facientem Patrem. Vidit ergo facientem Patrem, & uidit per secretum inuisibilis naturæ. Et audit similiter. Denique ait; Sicut audio, ita & iudicium meum uerum est, quia non sum solus, sed ego, & qui misit me Pater. Hoc mysticum est, illud uale. Vidit mihi, probauit mihi. Quod Deus probauit, tu reprehensibile ne dixeris: quoniam Quod Deus mandauit, tu commune ne dixeris, scriptum tibi esse meministi. Ergo bonum Dei nemo blasphemet. Si firmamenti bonum, quanto magis bonus eius Creator, etiam si Arriani nolint, Eunomiani reclamant, radicis degeneris fructus deterior? Vidit, inquit, Deus, quia bonum.

Mat. 3. & 17.

Ioan.

Ioan. 5.

Ioan. 5. & 8.

Act. 10.

vidit

Et uidit Deus, quòd esset bonum.

- a. *Vt se attemperans nostræ fragilitati, doceat nos suspicere, quod ipse probauit, & Deum opificem celebrare.*
- b. *Firmamentum post nomen impositum commendatur, ubi lux ante laudata fuit: ut sciremus omnia creata simul.*

a. *Vidit Deus &c. ut se attemperans nostræ fragilitati, doceat nos suspicere, quod ipse probauit, & Deum opificem celebrare.*

CHRYSOSTOMVS Homilia quarta in Genesim.

Et uidit Deus, quod bonum. Attende quanta verborum humilitas, propter nostram infirmitatem. Nam sicut de luce dixit; Vidit quòd esset bona; ita & nunc de Celo dicit, hoc est, de firmamento. Et uidit, inquit, Deus, quòd esset bonum: docens nos per huius pulchritudinem, suam immensitatem. Quis enim non obstupesceret, ac admiraretur, quòd firmamentum tanto tempore vigescentem, & eandem seruat pulchritudinem: & quandiu accedit tempus, tandiu & suam custodit pulchritudinem? Quid enim speciosius eo, quod laudem à summo opifice accepit? Nam si nos hominis opus videntes absolutum, admiramur figuram, situm, pulchritudinem, proportionem, elegantiam, aliaque omnia: quod factum est à Deo, quis dignè laudauit, præsertim cum ab ipso Domino laudem accepit? Hæc enim dicta ita sunt, ut se attemperaret nostræ fragilitati. Videbisq; hoc per singulas facturas dici, & ita confundi, & multis antea sæculis confici linguas eorum, quæ allocuturæ se erant contra opificium Dei, & dicturæ: Quare hoc, & hoc factum est? Talia igitur dicturos ante comprimit, dicens, Et uidit Deus, quòd bonum. Quando autem audis, quòd uidit Deus, & laudauit; intellige dictum prout dignum est de Deo loqui. Nam qui produxit Cælum, etiam priusquam formaret, sciebat formandi Cæli pulchritudinem. Sed quia nos homines tanta sumus imbecillitate circumdati, aliter hoc intelligere non possumus. Ideo sic direxit spiritus beati Prophætæ linguam, ut ad erudiendum humanum genus, tanta verborum vteretur crassitudine. Quando igitur subleuas oculos, & spectas Cæli pulchritudinem, magnitudinem, utilitatem: tunc inde ad opificem ascende, sicut & Sapiens quidam dicebat; Ex magnitudine, & pulchritudine creaturarum, vniuersi conditor decenter consideretur.

b. *Firmamentum post nomen impositum commendatur, ubi lux ante laudata fuit: ut sciremus omnia creata simul.*

AVGVSTINVS de Genesi imperfecto capite nono.

Et uidit Deus, quòd bonum est. Et de hoc superius quomodo tractatum est, retractaretur, nisi quòd non eundem ordinem video. Nam superius; Et uidit Deus lucem, quia bona est: & post deinde subiicitur; Dixit Deus inter lucem, & tenebras; & vocauit Deus lucem diem, & tenebras vocauit noctem: Hic autem postquam factum enarratum est, quod factum dicebatur; & posteaquam vocatum est firmamentum Cælum, tum dicitur, Et uidit Deus quia bonum. Quod si non fastidij euitandi gratia, ita narratum est, illud certè intelligere cogimur, quòd dictum est; Et fecit Deus omnia simul. Quare enim primo ibi uidit; quia bonum est; & postea nomen imposuit: hic autem primo nomen imposuit, & postea uidit, quia bonum est? nisi quia illa differentia significat, morarum interualla non esse in operatione Dei, quamuis in ipsis inueniatur operibus. Secundum autem morarum interuallum prius aliquid, & postea efficitur, sine quibus narratio factorum non potest esse, quamuis sine his Deus ista efficere potuerit.

AVCTOR.

Patres hi non omnes secundum eundem sensum, locum hunc explicarunt. Augustinus, ut ordine retrogrado incedamus, ad Aethiologiam profectus est, si Aethiologia tūc est, cum dictorum factorumque causæ redduntur, ut ipse libro de Genesi imperfecto, scitissime diffinit. Ipse nanque in sua expositione causam reddere conuincitur, quare non ismet seruatus sit ordo in narratione genituræ lucis, & firmamenti: lux enim prius fuit commendata, quàm à tenebris seiuncta; deinde lux ipsa diei nomine, tenebræ autē noctis appellatione cohonestatæ: firmamentū verò econtra non primum approbatum perhibetur, sed postquam aquas seiunxit, Cælum, legitur vocatum: Ob idque

Anno. Mudi
primo.
Dissecanda.

Et uidit Deus, quòd esset bonum.

Iuxta vulgatam editionem nostram prædicta verba omittuntur.

a. *Quòd binarius numerus bonus non reputetur.*

idque non seruatum fuisse eundem ordinem dixit, quia omnia simul facta sunt Chrysostomus mysticum, seu tropologicum sensum sequutus est, cum ex Dei commendatione, nos ad suspiciendam Dei potentiam, bonitatemque, excitare nititur. Ambrosius allegoricum nobis sensum reserauit, referens cuncta ad Filium & Patrem. Basilus uero literalem nobis patefecit: planus enim & literalis redditur sensus, si post firmamenti effectiorem, Deum uidisse ipsum quòd bonum, dicamus, ut quasi artifex opus suum contemplatus agnouerit pulchritudinem, & dispositionem, quam ut pars gerere debebat in Vniuersi respectum. Augustini, Iunilijque, altera interpretatio à sensu literalis non recedit, sed non ita plana est, nec facilis, tanquam fortè magis ingeniosa, maiori que perspicacitate excogitata.

*Iuxta editionem nostram: quare de firmamento dictum non sit,
Vidit Deus quòd bonum.*

Non desunt plurimi, qui Hebraicum textum, nostramque editionem prosequuti, quorsum secundo die opus commendatum non fuerit, inuestigent. Quapropter ut nil intactum prætermittamus, superest, ut indagemus, cur de Cælorum congerie præstantissimo opere secundo die producto non referat Moses; Vidit Deus, quòd esset bonum. Ex instituto nostro proferamus potiores aliorum sententias.

a. *Quòd binarius numerus bonus non reputetur.*

HIERONYMVS libro primo contra Iouinianum inquit.

Intuendum tamen duntaxat iuxta Hebraicam veritatem, quòd cum Scriptura hæc in primo, & tertio, & quarto, & quinto, & sexto die, expletis operibus singulorum, dixerit; Et uidit Deus, quia bonum est; in secundo die hoc omnino subtraxit, nobis intelligentiam derelinquens, non esse bonum duplicem numerum, qui ab vnione diuidat, & præfiguret fœdera nuptiarum. Vnde & in Arca Noë, omnia animalia, quæcunque bina ingrediuntur, immunda sunt. Impar numerus est mundus. Quanquam in duplici numero ostendatur, & aliud sacramentum, quòd ne in bestiis quidem, & in immundis, aubus digamia comprobata sit. Bina enim ingrediuntur immunda; & septena, quæ munda sunt: ut haberet Noë post Diluuium, quod de impari numero statim Deo posset offerre.

In Apologia ad Pammachiū aduersus Iouinianum fufius id repetit, & probe dictum esse exaggerat. Quo loco Patres Ecclesiasticos, qui de numero impari, parem damnantes, disputarunt, his memorat.

Scilicet nunc enumerandum mihi est, qui Ecclesiasticorum de impari numero disputarunt, Clemens, Hippolytus, Origenes, Dionysius, Eusebius, Didymus, nostrorumque Tertullianus, Cyprianus, Victorinus, Lactantius, Hilarius: quorum Hilarius de Septenario, id est, impari numero differens, quæ & quanta dixerit, ad Fortunatum liber illius testimonio est. An forsitan Pythagoram, & Architam Tarentinum, & Scipionem in sexto de Republica, de impari numero proferam disputantes? Et si hos audire noluerint obrectatores mei, Grammaticorum scholas eis faciam conclamare; Numero Deus impare gaudet.

RABANVS, ut ei etiam attribuit Burgensis.

Nisi fortè, sicut quidam Patrum exponunt, non esse bonum duplicem numerum; qui ab vnitate diuidit, & præfigurat fœdera nuptiarum. Vnde & in Arca Noë omnia animalia, quæ bina ingrediuntur, immunda sunt; & impar numerus, mundus esse ostenditur.

IUNILIVS in Genesim consimilia scripsit.

Notandum uero, quòd huius uerbi obiectio hoc in loco, in Hebraica veritate non habetur. Et mirum, quare inter omnia, quæ creasse Deus legitur, hic solummodo, id est in secundi diei operibus, probatio diuina visio-

nis minimè addatur : quæ tamen ipsa cum ceteris quæ fecit, Deo bona esse visâ demonstrantur, cum in sequentibus dicitur ; Viditque Deus cuncta quæ fecit, & erant valde bona . Nisi fortè, sicut quidam Patrum exponunt, intelligere nos in hoc Scriptura voluit, non esse bonum duplicem numerum, qui ab unitate diuidat, & figureret fœdera nuptiarum . Vnde & in Arca Noe, omnia animalia quæcunque bina ingrediuntur, immunda sunt : & impar numerus esse mundus ostenditur .

H V G O de Sancto Victore de Sacramentis libro primo, parte prima, capite vigesimo.

Sed mirum est, quare non vidit Deus opus secundæ diei, quod esset bonum, sicut in ceteris omnibus diebus vidisse legitur ; Et vidit Deus, quod esset bonum . Aut enim opus eius non fuit, & bonum non fuit : aut si opus eius fuit, bonum fuit . Si autem bonum fuit ; & opus eius fuit : vidit utique quod bonum fuit, qui non potuit ignorare, quod fuit : siue bonum, siue malum fuit . Quare ergo hic non dictum est ; Vidit Deus, quod esset bonum ; sicut alibi ubique dictum est ; Vidit Deus, quod esset bonum ? Nam si idè alibi dictum est, quia factum est : cur etiam hic dici non debuit, si factum fuit ? Fortassis quia binarius signum diuisionis est, qui primus ab unitate discedit : sacramentum aliquod hic commendatur . Et non sunt laudata opera secunda, non quia bona non essent, sed quia malorum signum essent . Prima enim opera fecit Deus, & illa omnia bona valde erant, quibus neque inerat corruptio, neque deerat perfectio . Sed venit deinde Diabolus, & homo, & fecerunt ipsi opera sua : & hæc erant opera secunda post prima ; mala post bona : & noluit Deus videre opera ista, quia mala erant ; sed quæ per sapientiam vidit, per iudicium improbauit .

G L O S S A Ordinaria ex Hieronymo.

Notandum etiam, quod huius diei secundi opera secundum Hebræos non dicuntur bona, cum bona sint sicut cetera . Quod fit propter binarium principem alternitatis, qui primus ab unitate discedit : & in figura bigamiæ ponitur, & multorum reprehensibilium . Vnde quæ bina ingrediuntur in Arcam immunda sunt, impar numerus mundus . Vel idè bona non dicuntur, quia in hoc opere distinctio aquæ non fit perfecta, quæ in proximo fit, ubi dicit ; Congregentur aquæ : ut ibi dicitur .

M A G I S T E R Sententiarum secundo, distinctione quartadecima inquit . Post hoc queri solet, quare hic non est dictum, sicut in aliorum dierum operibus ; Vidit Deus quod esset bonum . Sacramentum aliquod hic commendatur . Ideo enim fortassis non est dictum, quod tamen sicut in alijs factum est ; quia binarius principium alteritatis est, & signum diuisionis .

M A G I S T E R Scholasticæ Historiæ in Genesim capite quarto . Sed tradunt Sancti, quia in signum factum est hoc ; quia binarius infamis numerus est in Theologia, quia primus ab unitate recedit . Deus autem unitas est, & sectionem, & discordiam detestatur .

D. T H O M A S prima, quæstione septuagesima quarta, articulo tertio .

Quidam autem assignant rationem mysticam ex parte numeri, quia binarius ab unitate recedit . Vnde opus secundæ diei non probatur .

L Y R A N V S in Postillis hanc redarguit interpretationem ; & fortè nesciens Hieronymi, tantorumque Patrum fuisse sententiam, ut inquit Steuchus, eam fœdissimo verbo reprobatur . Audiamus insulsam reprehensionem .

Hic queritur, quare in secundo die non dicitur ; Et vidit Deus quod esset bonum, sicut in alijs diebus . Ad quod respondent aliqui, quod hoc est, quia numerus binarius est infamis, eò quod primus recedit ab unitate . Sed ista responsio videtur triumphatica : maximè, quia in sacro Euangelio numerus binarius laudabilis & mysticus designatur . Vnde super illud Lucæ decimo ; Misit illos binos & binos ante faciem suam : dicit Gregorius, quod per binarium ibi Dominus designauit Charitatem, quæ est excellentissima virtus, & forma virtutum .

T O S T A T V S consimilia habet Commentaris in Genesim, capite primo ; in secunda expositione .

Aliqui respondent, quod hoc est, quia numerus binarius, qui conuenit secundæ diei, infamis est ; cum primus recedat ab unitate . Sed ista responsio burlatina est ; quia tunc magis infames essent omnes numeri sequentes, cum magis recedant ab unitate . Item, quia iste numerus laudatur in Scriptura, Lucæ decimo capite ; ubi dicitur, quod destinauit Deus discipulos suos binos ante faciem suam . Et Matthæi vigesimo secundo capite ; quod in duobus mandatis tota lex pendet & Propheta .

Sed immeritò certè vexant hi Doctores tantos Patres, Hieronymum, Iunilium, Rabanum, Magistrum eorumque confutatio redicula est, & iure carpitur à Burgenfi in additione tertia .

B V R G E N S I S enim redargutioni, quam intulit Lyranus, satisfacit . Motium Postillatoris ad reprobendam huiusmodi expositionem Doctorum, quod sumitur ex hoc, quod in sacro Euangelio binarius numerus est laudabilis : ad quod allegat Gregorium super Lucam decimo : modici valoris est apud sanctos intelligentes . Cuius ratio est : nam in expositionibus mysticis, per vnam & eandem rem secundum diuersas sui qualitates, sæpe opposita designantur . Sicut & Cælum Empyreum ratione splendoris per ignem posset designari ; vnde & igneum dicitur . Infernus autem, quia deuoratiuus est, & maximè

Anno Mūdi
primo.
Die secunda.

Non dixit, Et vidit Deus, quòd esset bonū.

a. Quòd non completa esset aquarum distinctio.

obfuscatus : de eo legitur Iob vigesimo ; Denorabit eos ignis, qui non succenditur . Similiter & de binario numero est dicendum, quia si consideretur prout in eo ratio charitatis primò saluatur, sic est laudabilis, & in bonum sonat : & ideo binarium intelligit isto modo Gregorius super Lucam . In quantum autem binarius numerus ab unitate primò discedit ; principium, seu signum diuisionis, & per consequens non bonam habet significationem ; & isto modo accipitur à Doctoribus in hoc loco . Vnde prædictorū Doctorum expositio, etsi non sit literalis, non tamen est truhatica, sed vera expositio mystica.

D. BONAVENTURA alteri ipsius Testati obiecto, quòd scilicet binarius numerus, si ex eo imperfectior existimatur, quòd ab unitate discedat, ea ratione, & subsequentes numeri infaustiores essent reputandi, cum longius ab ipsa recedant unitate, satisfacit secundo Sententiarū, distinctione quartadecima, dū scribit.

Contra : Videtur ista ratio ita bene esse ad oppositum, sicut ad propositum, cum binarius plus accedat ad unitatem, quàm aliquis alius numerus . Respondendum est ad hoc, quòd ista ratio Magistri est allegorica : vera tamen est . Quamuis enim binarius inter numeros minus ab unitate recedat, primò tamen habet rationem recessus in se ; & propter hoc per ipsam intelligitur diuisio magis, quàm per alios numeros, & recessus ab unitate virtutis, & perfectionis .

Hos igitur Patres à nuperis contra nuperos Doctores defensatos habemus.

a. Quòd non completa esset aquarum distinctio.

STRABVS in Glossa Ordinaria ex Hieronymo.

Vel ideo bona non dicuntur, quia in hoc opere distinctio aquæ non sit perfecta, quæ in proximo sit, ubi dicit ; Congregentur aquæ : ut ibi dicitur.

RABBI SALOMON referente Steuco in caput primum Geneseos . Aliam huius rei affert rationem, cuius verba subscribenda sunt : sic enim inquit ; At quamobrem non dicitur de secunde die opere ; Et vidit quòd esset bonum, quia nondum erat opus aquarum, nisi tertia die perfectum ; quamobrem negauit esse bonum, eo quòd erat imperfectum.

MAGISTER Scholasticæ Historiæ capite quarto.

Possimus tamen dicere, quia opus tertie diei, quasi adhuc est de opere secunde diei ; quod post patebit . Vnde non commendatur nisi in tertia die, quasi post sui consummationem .

ALBERTVS Magnus prima parte Summæ de quatuor coëqueuis, questione duodecima, articulo duodecimo.

Ad aliud dicendum, quòd opus secunde diei dependet ab opere tertie diei . Distinguebatur enim secunda die natura elementorum, quæ disponitur diaphano ab vno extremo, quod est diaphanum naturaliter conuersum lumini, ut Cælum crystallinum, & non est sufficiens distinctio, nisi eadem elementa diaphana etiam alio extremo distinguantur, quod naturaliter est opacum ; & hoc fit tertio die, quando aquæ distinguuntur à terra . Et quia tunc distinctio perfecta est, tunc accepit benedictionem per notam approbationis diuinæ.

D. THOMAS parte prima, questione septuagesima quarta, articulo tertio.

In opere verò secunde diei non ponitur ; Vidit Deus quòd esset bonum ; quia opus distinctionis aquarum tunc inchoatur ; & in tertio die perficitur . Vnde quod ponitur in tertia die, refertur etiam ad secundam.

D. BONAVENTURA Sententiarum secundo, distinctione quartadecima.

Alia tamen ratio literalis est, quam facit Magister in historijs, quia secundo die notatur facta esse distinctio aquarum ab aquis ; quæ distinctio etsi inchoata fuerit in secundo die, fuit tamen consummata in tertio, cum dicitur ; Congregentur aquæ in locum vnum . Et quia diuina visio signat approbationem post perfectionem ; hinc est, quòd Scriptura tacuit secundo die verbum videndi.

LYRA.

Non dixit, Et uidit Deus, quòd esset bonum.

a. Quòd non absoluta esset Mundi Structuræ dispositio.

LYRANVS in Postillis.

Ideo aliter respondet Rabbi Salomon, & magis secundum intentionem literæ ut uidetur, dicens, (& verum est) quòd hoc verbum ; Et uidit Deus, quòd esset bonum &c. in alijs diebus dicitur ad approbationem operis illorum dierum. Approbatio autem propriè respicit opus completum. In secunda autem die, licet principaliter fiat distinctio corporum celestium, tamen cum hoc etiam sit mentio de distinctione aquarum elementarium: & quia ista distinctio non fuit completa usque ad tertiam diem, quando congregatæ sunt aquæ in locum vnum, ut videbitur infra; ideo subicitur verbum prædictum die secunda: & tertia illud bis dixit: ut patet in litera, semel pro opere secundæ diei; & semel pro opere tertiæ diei,

TOSTATVS pariter loco asserto.

Sed dicendum est secundum Rabinum Salomonem, & veritatem, quòd non approbavit Deus, vel benedixit facta in die secundo; quia benedictio datur rei completæ. In secundo autem die, licet Celi creati fuerint; vel potius de materia creata facti; quia tamen memorantur aquæ cælestes diuise ab elementalibus: & elementales non fuerint distinctæ, vel formatæ usque ad tertium diem: ideo opus illo die inceptum, non fuit consummatum usque ad sequentem diem, in quo opus vtriusque diei vna benedictione, vel approbatione benedictum est; licet in tertia die ponantur duæ approbationes; tamen secunda refertur ad aliud opus, scilicet ad productionem arborum; ideo in prima approbatione de congregatione aquarum simul benedicuntur Celi, qui vocantur aquæ.

a. Quòd non absoluta esset Mundi structuræ dispositio.

RVPERTVS Commentarijs in Genesim libro primo, cap. trigesimo, aliam detulit contemplationem, contenditque ex eo non commendatum fuisse opus secundo die, quòd non absoluta esset Orbis dispositio, antequam Terra, & Mare proprias haberent species.

In hoc secundo die notandum est, quia secundum Hebraicam veritatem, operis laudatio deest, quæ in cæteris diebus appositæ est. Et uidit Deus quòd esset bonum; sed in Septuaginta additum est; Cur ita Scriptori, immo Spiritui Sancto, qui per illum scripsit, complacitum sit, meritò quæri solet. Ad quod primò respondendum est, quia decet vnum quid totum esse, quod iure dicatur benè factum esse. At verò firmamentum vna quidem & pulchra species est, veruntamen iuxta intentionem operantis, vnum quid totum non est. Quid enim intendebat ille Architectus Deus, cum dixit, Fiat firmamentum in medio aquarum; & diuidat aquas ab aquis? Hoc vtiq; ut faceret Mundi huius amplam domum, pulchram domum, cuius quasi tectum hoc firmamentum est. Et sicut tectum domus, pulchrum quidem opus esse potest, sed nondum domus, nisi quando fundamento, & parietibus superpositum est, atque idem non totum quid est: sic firmamentum pulchra quidem pars Mundi, sed nondum Mundus erat, antequam Terra & Mare proprias haberent species, quibus firmamentum præeminet. Itaque iam laudare, iam dicere; Vidit Deus, quòd esset bonum, nimis festinatum fuisse.

Elegantem inde mouet difficultatem; cur vni Mundo non vnum, sed duos addiderit dies.

Quare, ergo inquis, non sicut hoc, ita distulit dicere & illud; Factum est vespere & mane dies secundus? Cur vni Mundo, non vnum tantum, sed duos ascripsit dies? Ad hæc inquam; Nunquid duos tantum, & non etiam tres in compositione Mundi digessit dies, secundum tres ipsius partes? Nempe antèius dixit; Et tenebræ erant super faciem abyssi: Quam videlicet abyssum, confusam aquarum multitudinem, & profunditatem oportet intelligi: Et in hoc secundo die dixit; Quia diuisit Deus aquas ab aquis. Nec hoc, nec illud, quòd bonum esset, Deum vidisse dixit, donec tertio die dicat Deus; Congregentur aquæ, quæ sub firmamento sunt, in locum vnum, & appareat arida. Tunc enim dicturus est; Et uidit Deus, quòd esset bonum. Adde quod ad eundem diem pertinet, quia cum dixisset; Germinet terra herbam virentem, &c. subiunctum est; Et vidit Deus, quòd esset bonum. Et ecce sicut tres Mundi partes, & tres dies; sic nihilominus tria bona habes, formationem bonæ lucis, distinctum opus Mundi, plantationem Paradisi.

Anno. Mūdi
primo.
Die secunda.

Non dixit; Et uidit Deus, quòd esset bonum.

- a. Quòd opus secunda diei erat de incognitis, & non permanentibus.
- b. Quia octaua sphaera secundo die condita, causa esset defectiua bonorum.
- c. Sive quòd firmamentum diei secunda opus, nondum esset Astris venustatum.
- d. Seu quoniam secunda die producta fuerit Gehenna.
- e. Aut quia hoc die ceciderit Angelus.

a. *Quòd opus secunda diei erat de incognitis, et non permanentibus.*

D. THOMAS quæstione septuagesimaquarta primæ partis, articulo tertio, ad tertium, Laconico epitomate, ut sui moris est, duas intulit rationes. Vel ideo in opere secunda diei non ponitur; Vidit Deus quòd esset bonum; quia distinctio, quæ hoc die ponitur, est de his quæ non sunt manifesta populo: vel propter hoc, quòd firmamentum simpliciter, intelligitur ætè nubilosus, qui non est de partibus permanentibus in Vniuerso, seu de partibus principalibus Mundi.

b. *Quòd octaua sphaera secundo die condita, causa esset defectiua bonorum.*

ÆGIDIUS Hexameron secunda parte, capite vigesimo secundo, singularem aliam his verbis inducit solutionem.

Quare si circulus obliquus, siue Zodiacus est in firmamento, et ille circulus est causa defectiua bonorum, quia est causa generationis, & corruptionis; firmamentum factum in secunda die, non solum est signum malorum operum, ut dicebat Hugo, sed etiam est causa defectiuorum bonorum, ratione cuius fortè non dictum est de factiōe firmamenti; Vidit Deus quòd esset bonum: est enim bonum firmamentum, & bona sunt genera, & corruptibilia; sed sunt bona valde defectiua, non ut ex hoc dicantur mala; nec firmamentum, quod est huius causa, sit malum, aut dicatur malum, sed ex hoc taceatur de bonitate eius.

c. *Quòd firmamentum diei secunda opus, nondum esset Astris venustatum.*

CATHERINUS recensitis & reiectis prima illa Hieronymi, & hac vltima expositione, adiicit.

Mihi verò magis probatur, abstinuisse Mosè, ne diceret, quòd esset bonum; quoniam firmamentum adhuc imperfectum erat cum non haberet suum stellarum ornatum, in quo summa illius pulchritudo consistit. Hanc autem perfectionem quarta die adeptum est: & idcirco ibi dicitur; Vidit Deus, quòd esset bonum.

GLOSSA Ordinaria ex D. Hieronymo. Vel ideo bona non dicuntur, quia in hoc opere distinctio aquæ non fit perfecta, quæ in proximo fit, ubi dicitur; Congregentur aquæ: ut ibi dicitur.

d. *Quòd secunda die producta fuerit Gehenna.*

Antiqui Hebræi in Beremb, Rabah, gehennam secundo die productam tradunt, ob cuiusque dedecus non dictum fuisse à Mosè, Vidit Deus &c.

e. *Quòd hoc die ceciderit Angelus.*

MAGISTER Historiæ Scholasticæ, capite quarto. Tradunt enim Hebræi, quia hac die Angelus factus est diabolus Sathanael, id est lucifer; quibus Hebræi consentire videntur, qui secunda feria missam de Angelis cantare consueuerunt, quasi in laudem stantium Angelorum.

HVGOCarenensis in Postillis, tres deducit causas, hancque primo loco recenset.

Huius diei operi non adhibetur benedictio, triplici de causa; prima est, quia præuidit lapsum Angelorum hac die futurum: vnde Ecclesia celebrat de Angelis hac die ad honorem stantium: secunda est, quia binarius est infamis numerus: Tertia, quia opus huius diei inexpectum; tertia die perficitur: Vnde & operi illius diei bis benedicitur.

LYRA

LYRANVS in Postillis.

Alij autem dicunt, quod hoc ideo est, quia Angeli peccantes ceciderunt secunda die. Sed hoc Scripturæ auctoritatem non habet; ideo eadem facilitate contemnitur, quæ probatur; maxime quia Doctores dicunt communiter, quod inter creationem Angelorum, & eorum lapsum, fuit modica morula temporis: secundum autem istam responsionem, interfuisset ad minus spatium vnius diei naturalis; quia secundum omnes, Angeli fuerunt creati à principio.

TOSTATVS consimilia ferè habet.

Alij dicunt, quod causa est, quia Angeli illa die ceciderunt per peccatum. Sed hoc falsum est, quia Angeli post primum instans sui esse, per primum actum electiui ceciderunt in peccatum, & in penam. Nam secundum quod volunt omnes Doctores, & secundum conditionem naturæ Angelorum, Angelus per primum actum electiui cuiusque inheret, totaliter inheret, quia est vnitas potentiæ eiusdem generis in eo: Ideo in primo actu confirmatur, vel obstinatur. Sed non est verisimile, quod in toto die primo suæ creationis nulli actum volitiui habuerit eligendo, quia substantia intelligibilis non esset tanto tempore ociosa. Ideo dicendum, quod inter creationem Angeli, & occasum suum, non intercessit perceptibile tempus; ergo in prima die ceciderunt. Item dato, quod in secunda die cecidissent, non tollebat hoc, quin Deus benediceret Creaturas suas; nisi forte dicamus, quod Deus de casu Angelorum iratus, in die illa benedicere noluit. Sed hoc absit, quia in Deo talia ponere nefandum, maxime, quia sicut Deus dicitur letari, cum miseretur, ita etiam letari, cum iuste punit, cum vtrunque sit ad honorem suum, & pulchritudinem Vniuersi.

A V C T O R.

Ex octo igitur delatis caussis, prior à D. Hieronymo excitata, non vsquequaque iudicio grauissimorum doctorum consistit. Patres certè, inquit isti, maioresque nostri, numeros omnes in sacris literis grauidos, ac multis arcanis locupletatos esse contestati sunt, quamobrem in depromendis numerorum mysterijs crebro elaborarunt, etiam à Platonis, & Pythagoræis plura excerpentes. Ac quantum ad nostrum negotium spectat, numerum binarium infaustum esse, etiam Pythagorici edocuerunt. Qui cum geminam rerum classem fecissent, in altera bonum, & numerum imparem, in altera malum, ac numerum parem statuerunt. Pythagoras siquidem magnam auctoritatem numeris attribuere consueuerat, & omnia ad numeros referebat, Astrorum periodos, & omnium animalium generationes. Putabat (vt Laërtius author est) principium omnium esse vnitatem; ex vnitatem indiffinitam dualitatem, tanquam materiam aliquam suggerentem ipsi vnitati, quæ causa existit. Est igitur Monas, vt inquit Macrobius in Somnio Scipionis, tanquam vir, Dyas tanquam mulier, multum à monade degenerans. Et quemadmodum ab vnitatem bona omnia proficisci solent: ita a dualitate contraria omnia. In aëre enim tempestates generat, in animis malitiam, in corporibus morbos, in urbibus, & domibus, seditiones, & inimicitias. Omne malum ex dissidio, & seditione oritur. Hanc binarii numeri infœlicitatem senserunt Romani ex Numæ regis institutione, quem ob id quidam falso Pythagoricum fuisse putabant. Sunt in Romanis fastis Calendæ, Nonæ, Idus. Semper proximus dies inter nefastos, & atros referebatur, tanquam secundus quidam dies. Quinetiam eadem obseruatio nulla alia in re magis apparet, quam in secundo anni mense Februario, quem ob id inferis sacrabant, urbem etiam lustrabant, & iusta diis manibus in eo soluebant. Hanc mensis huius tristitiam dies ipsius testantur. Nam quum menses ceteri ex impari dierum numero constent, solus Februarius parem dierum numerum, idest viginti octo habet. Verum è contra pro binarii numeri commendatione multa afferri possunt. Principiò, quod hic primus sit numerus post vnitatem proficiens, ceterisque omnibus, vt primogenitus, fastior memorabiliorque. Deinde quod sacris in Scripturis, plura etiam mirifica & optima sub binario recondantur. Fecit Deus duo luminaria magna, inquit Moses; Si duo, igitur Pythagoricos, & alios, qui binariu numerum vbique improbant, atque execrantur, redarguit illud Dei opus. Matrimonium sub binario sancitur; Erunt duo in carne una. Duæ gentes in vtero sunt. Duo Cherubim super archam. Duæ Tabulæ legis iubentur præcidi. Duæ Turtures seu duo pulli columbarum sanciantur offerri. Duo Cherubim clamabant alter ad alteru. Discipuli quoque à Domino nostro bini mittuntur, quæ est excellentissima virtus, & forma virtutum. Præceptum charitatis, duobus mandatis com-

D. Hieronymi sententia examinatur.

Binarius numerus secundum Pythagoræ infaustus.

Libro I.

Binarius numerus in Scripturis mystice refertus.

Gen. 2.
Gen. 25.
Exod. 25.
Exod. 34.
Leuit. 14.
Isa. 6.
Luc. 10.

plecti-

Matth. 22.
Act. 1.

plectitur. Diliges Dominum Deum tuum &c. & diliges proximum tuum &c. Duo Angeli Christum scandere ad Cēlos contestantur. Nec delata ratio, quod binarius numerus infaustus sit, quia ab unitate recedit, vndique est tuta: Nam eadē ratione essent immundi magis ternarius, ac quaternarius, & gradatim omnes, ac eò magis, quo longius à primo numero abscederent. Nec certè adeò exploratum, perspectumque est, quod dualitas sola numerus sit discretionis; omnis quippè numerus, numerus diuisionis est, & numerus impar ex partibus conflatur; quæ diuisæ numerum secant in dimidium, quod par non facit. Verum pro D. Hieronymo asseuerare etiam possemus, expositionem eam mysticam esse, binariumque numerum, si non semper, saltem quandoque infaustum comperiri, & si non solum, saltem primum diuisionem efficere, cum ab unitate primus digrediatur. Dicereq; cum ipso Hieronymo possumus: Reddant aliam alij probabiliorem causam, quare eo loco non scriptum sit; Vidit &c. aut si nō repererint, gratis suscipiant quod à nobis dictum est. Quibus perspectum est, D. Hieronymum mysticis in sensibus lusisse, Lyranumque immerito eam expositionem triumphaticam fœdo nomine, & Tostatum vulgari admodum burlaticam nuncupasse.

Ruperti asser-
tio quomo-
do à vero defi-
ciat.

Ruperti causa, quanquam à vero deuiet, ad venustum attamen potest redigi sensum, si duo quæ asseruit euitemus; primum Deum Mundi sensibilis partes compegisse secundā die, & tertia, non autem prima, quoniam sub lucis nomine, primo die producta, Angeli manatio descripta iam esset; Id enim non tutum esse, nec exploratum arbitror, nā à communi sententia, & diffinitione Patrum, alienū esse desuper demonstrabamus. Alterum vero est, Vniuersi structure Mosem tres dies ascripisse quasi primo Angelum, secundo Mundum, tertio Paradisum Terrestrem Deus congesserit, Pariter & id à communi abhorret sententia, non tantum secundum ea, quæ de Angelis prodit, sed quia in germinum productione, tantum Paradisi Terrestris effectum accipiendam esse, pro suo arbitratu astruat. Ingenuè attamen pro eo dicam, quod cum prima die lux ad Vniuersi specimen fuerit edita, secundo die corpora prodierint cœlestia, aërisque depuratio ex D. Augustini placito; supererat ad Vniuersi partium absolutam extructionem patrandam, ut coactis in vnum aquis, sphaera hæc aquarum, & terræ, eam quam nunc habet, venustam speciem & formam susciperet, antequam opifex ad ornamenta producenda pertransiret; connectendumque ob id esse diei secundæ opus cum ea parte diei tertiæ, quæ ad Maris, & Terræ congestionem faceret, priusquam commendatione diuina, & approbatione condignum censeretur. Sed hæc enucleatius infra.

Strabō & se-
cutorum sen-
tentia impro-
batur.

Strabi, Rabbinorumque, Alberti, Thomæ, atque Postillatorum allata causa, non commendatum fuisse secundæ diei opus, quoniam aquarum discretio facta per firmamentum, nondum absoluta videretur, meo iudicio nequit consistere, tum quia secundæ diei effectum opus, fuerit ipsorum Cœlorum compactio, non aquarum partitio; nā ex consequentia tantum discriminatæ sunt aquæ; cœlestia autem corpora laude & commendatione ipsis congrua ob eminentem eorum naturam destitui ac fraudari nō decuerit: tum quod aquarum coadunatio tertio die subsequuta, nil habeat simile cum aquarum discretione, cum hæc sit congregatio, illa seiunctio.

D. Thomæ
placitum rei-
citur.

D. Thomæ ingeniosæ rationes, nuperorum iudicio non planè satisfaciunt. Primum quoniam non dimittenda erat Cœlorum commendatio, quasi quod ab ineruditis non agnosceretur, cum non deesset ineruditorum numerosa acies, qui ipsos Cœlos perciperent, & hanc prætermittam approbationem demirarentur. Deinde per firmamentum intelligi aërem nubilosum, interpretatio est multum distans, ac dissona à Patrum omnium placitis, præcipuè à D. Augustino, qui contraria doctrina purum aërem statibus nunquam obnoxium firmamenti nomine exprimi edocuit. Deinde nec aërem nec exhalationem aliquam secundo die profiliisse compertum est, cum aër in Chaos (ipso etiam D. Thoma teste) primum exilierit, & euaporatio, seu exhalatio, seu nubes, non nisi post terram denudatam, Solemque conditum, seu virtutem ei ad influendum collatam effici quierit.

Catherini as-
sertio refelli-
tur.

Aegidij opi-
nio reprobat.

Ambrosij Catherini proposita causa meo iudicio non plenè diffcultatem elidit. Siquidem neque terra, nec mare tertio die approbati potuissent, cum neque ipsa fuissent adhuc suis speciminibus insignita, vel cohonestata. Aegidij excogitatum prorsus commentitium arbitror. Octaua etenim sphaera stellis innumeris quasi

Factum est vespere & mane .

a. *Is est, quod in sapientia erat dispositum de firmamento, visibile factum est.*

Anno Mūdi
primo.
Die secunda.

quasi facibus decotata, cū generationis, & corruptionis princeps causa non sit, nec motu, nec lumine, nisi in quantum cum cæteris coit corporibus cœlestibus: nec deficientium bonorum causa appellari potuit, sed Sol. Quod autem Sol Zodiacum permeet, signa eius peruenietur, humani ingenij est excogitatio, & ipsi firmamento minimè ex natura contingit. Quapropter generatio & corruptio rerum ex Solis accessu, vel discessu proueniens, non octauæ sphaeræ, sed Soli est attribuenda. Si autem Sol ex eo, quod suæ lucis radiatione cuncta gignat, alat, & foueat, & absentia destrui vel absumi permittat, non bonus esset existimandus, certè prima, & quarta die, lucem, & Solem cōmendatos non haberemus. Gehennam secundo die extractam à Deo fuisse, vt grauissimis poenis meritisque, damnati tū mortales, tū Angeli plesterentur, ac multarentur, non omnino tutum & exploratum censeo, cū fortè Dæmonibus, qui parum in gratia perstiterunt, & mox deciderunt, ante primum diem is locus paratus extaret. Angelorum pariter lapsum secundo die contigisse, non tantum nulla coniectura fulcitur, sed à Doctoribus passim repudiatur, qui Angelos & Mundo cōiunos, & modicis morulis in gratia permanisse edocent, quemadmodum rectè explicauit Tostatus. Arbitror igitur vel commendationem operis diei secundæ, hoc est firmamenti, in primis codicibus Hebræis forsitan appositam fuisse; cū Septuaginta, qui Spiritus Sancti afflatu primam omnium editionem Græcam tradiderunt, commendationem ipsam annexuerint; vel si eam non intersertam putare maluerimus, ad tertiam diem protractam fuisse; non quod seiunctio aquarum ea die tantummodo fuerit absoluta, sed quia Mundi partes præcipuæ, & quatuordecim orbes, decem cœlestes, & quatuor elementares; structuram suam viuientium vtilitati adaptatam, atque accommodatam suscepserint. Ex quibus fortè deinceps opinari licet, secundæ diei opus non tantum Cœlorum fuisse congregationem, sed elementorum quoque depurationem, & secundum situm collocationem: Locationem, inquam, non eam, quam ex sua natura expetebant, sed ipsam quam nunc habet Mundus in viuientium obsequium ab opifice definitam. Adeo vt ferè die secunda ex quatuor elementorum naturali in Chaos commixtione, secundum quam ignis supernas partes, aër medias, aqua terræ ambitum obruebant, eductum à Deo fuerit firmamentum, elata super Cœlos aqua, depurata prima aëris regio pariter hac die emerferit terra, coactæque in vnum fuerint aquæ, vt ex ipsis vna ambiretur sphaera; quod profecto tertia die tantummodo exactum & consummatum fuit; quare & tunc approbatio subsequuta est. Vidit Deus &c.

Gehenna secundo die non est effecta.

Cur opera secundæ diei Deus non cōmendarit.

Factum est vespere & mane .

Hebraicam hanc clausulam, Chaldaica, Pagninus, Vatablus, Caietanus, Lusitanus, & nonnulli alij ediderunt; Et fuit vespere, & fuit mane dies secundus. Græca porro, & Vulgata legerunt. Factum est vespere & mane dies secundus. Observationes Hebrææ Parisienses. Dies secundus, diei secundi. Aut factum est tempus serotinum, & matutinum diei secundi. Id est, ita transactus est dies secundus.

Ego diuersas has editiones ita recipio, vt vel eas unam esse, vel alteram ex altera enucleari, & declarari existimem, vt supra explicabamus.

a. *Factum est vespere & mane, quod in sapientia erat dispositum de firmamento, visibile factum est.*

R V P E R T V S Commentarijs in Genesim libro primo, capite trigesimo, Et factum

Anno Mūdi
primo.
Die secunda.

Factum est vespere & mane.

- a. *Vespere consummatio operis secundi diei, Mane futuri tertij inchoatio.*
- b. *Vespere ut finis diei, & Mane ut noctis exitus completum secundum indicant diem.*
- c. *Firmamentum, quod momento effectum est, in die factum dicitur ad nostram capacitatem.*

Et factum est (inquit) vespere & mane; quia videlicet non casu factum est, sed vespere, id est, in illa occulta Dei sapientia dispositum, & factum est, priusquam in actum visibilem exiret, & mane factum est, videlicet, ut quod in occultis Dei erat, in publicum per euidens opus exiret, sicut iam de anteriori die dictum est. In hoc secundo die notandum est, quia secundum Hebraicam veritatem, operis laudatio deest, quæ in cæteris diebus apposta est.

a. *Vespere consummatio operis secundi diei, Mane futuri tertij inchoatio.*

AUGUSTINVS de Genesi contra Manichæos libro secundo, capite decimoquarto.

Restat ergo ut intelligamus, in ipsa quidem mora temporis ipsas distinctiones operum sic appellatas, vespere propter transactionem consummati operis, & mane propter inchoationem futuri operis, de similitudine scilicet humanorum operum, quia plerique à mane incipiunt, & ad vespere desinunt. Habent enim consuetudinem diuinæ Scripturæ, de rebus humanis ad diuinas res verba transferre.

BEDA Expositione in Genesim.

Et factum est vespere & mane dies secundus. Ita hæc, quæ repetuntur, sicut superius intelligenda sunt.

Quod autem prius dixerat, est.

Vespere autem in toto illo triduo, antequam luminaria essent, consummati operis terminus non absurde fortasse intelligitur. Mane autem, future operationis significatio.

b. *Vespere ut finis diei, & mane ut noctis exitus completum secundum indicant diem.*

CHRYSOSTOMVS Homilia quarta in Genesim.

Appellatione indita firmamento, & laudato opere, finem imposuit diei secundo, & dixit; Et factum est vespere, & factum est mane dies secundus. Vidisti quanta diligentia nos docet, finem lucis vespere vocans, & finem noctis mane, & totum illud diem? ut ne erremus nos, neque putemus vespere finem esse diei: sed manifestè sciamus, quod vtriusque spatium vnum diem implet. Et vespere finem lucis rectè quis dixerit, mane autem finem noctis, completionem autem diem. Hoc enim vult diuina Scriptura manifestare, dicens; Et factum est vespere, & factum est mane dies secundus.

c. *Firmamentum, quod momento effectum est, in die factum dicitur ad nostram capacitatem.*

AUGUSTINVS de Genesi imperfecto, capite nono.

Et facta est vespere, & factum est mane dies secundus. Iam hinc superius tractatum est, & easdem rationes hic quoque valere arbitror.

Sed audiamus, quid iam se dixisse prodatur, ea certè, quæ habet capite septimo, ad finem.

Ita ergo fortasse dictum est; Et facta est vespere, & factum est mane dies vnus, sicut ratione prospicitur, ita fieri debere, aut posse, non ita ut sit temporalibus tractibus. Nam in ipsa ratione operationem contemplatus est in Spiritu Sancto, qui dixit; Qui manet in æternum, creauit omnia simul. Sed commodissime in illo libro, quasi morarum per intervalla, factarum à Deo rerum digesta narratio est, ut ipsa dispositio, quæ ab inferioribus animis contemplatione stabili videri non poterat, per huiusmodi ordinem sermonis exposita quasi istis oculis cereretur.

Factum est uespere & mane; Dies secundus.

- a. Non toto die illud opus protraxit, sed subito, & dies ab opere denominatur.
b. Ex opacitate materiæ in centro Mundi existentis gignebatur vespere & mane.
c. Hoc est, secunda distinctio operum.
d. Siue, secunda lucis, seu ignis, seu nubis lucidæ circunlatio.
e. Vel, secunda lucis solaris emissio, & contractio.
f. Dies secundus, in figurâ secundæ ætatis Mūdi.

a. Non toto die illud opus protraxit, sed subito, et dies ab opere denominatur.

T O S T A T V S in Postillis.

Factum est vespere & mane dies secundus. Non est intelligendum, quod per totum diem Deus in faciendo quodlibet istorum opus moratus fuerit: sed faciebat subito quodlibet: & deinde dies, in quo fiebat illud opus, denominabatur ab opere. Fiebat autem dies vnus, scilicet nox, & dies, per motum nubecule super orizontem, & infra.

b. Ex opacitate materiæ in centro Mundi existentis gignebatur vespere & mane.

T O S T A T V S in Postillis.

Et necesse est arguere ex illo loco, quod illud corpus primum, in quo erat tota materia rerum, non erat equaliter densum in omnibus partibus, sed in parte, in qua nunc est terra, erat quedam pars materiæ multum densa, & opaca, & non esset peruia luci. Si autem fuisset equaliter densa, sicut nubecula illa illuminabat partes superiores, ita illuminasset per totum corpus illud, quod esset luci peruium. Et sic non potuisset esse nox, sicut nunc si esset terra, & aqua ita raræ ut ignis, & aer, non esset nox, quia radij Solis pertransirent terram, & ubique omni tempore illuminaretur, sed nunc terra, & aque opacitas detinet radios Solares, ne transeant ad oppositam hemispherium. Ideo dum in vno est dies in alio est nox.

c. Dies secundus, hoc est, secunda distinctio operum.

G L O S S A Interlinearis ex Augustino.
Dies secundus, idest diuinorum operum secunda distinctio.

d. Idest, secunda lucis, seu ignis, seu nubis lucidæ circunlatio.

Hæc dicta sint ex Iunilij sententia, qui lucis periodo absque orbe aspectabili, & Nysseni, qui ignis, & Hugonis, qui nubis flammate rotatione dies gigni censebant: ut diximus.

e. Vel, secunda lucis solaris emissio, & contractio.

Et hæc pariter ex Basilij, & Damasceni placitis, qui emissionem, & contractionem lucis triduum primum effectum diiudicarunt, ut supra luculenter expositum est.

f. Dies secundus, in figuram secundæ ætatis Mundi.

De hac septem ætatum Mūdi, ad septem dies prisce & primordialis hebdomadæ comparatione, edisserunt D. Augustinus de Genesi contra Manichæos libro primo, capite vigesimo tertio; Iulianus Pomerius contra Iudæos libro tertio; Isidorus Etymologiarum libro sexto, capite trigesimo nono; Beda de Natura rerum, & Glossa Ordinaria in Prothematibus, & alij. De his copiosius in Glossa nostra mystica.

A V C T O R.

Nonnullę in-
terpretatio-
nes vt mysti-
cę repudian-
tur.

Chryso-
sti expositio
uera & litera-
lis.

Ex his interpretationibus, postrema, quę hanc diem ad secundam Mundi accommo-
dat ætatem, hoc est pueritiam, allegorica statim subodoratur: quanquam eam, tan-
quam à pluribus Patribus & potissimum à Glossa memoratam, interserere nō ineptum
dijudicari. Altera Glossę expositio, quę per secundam diem diuinorum operum se-
cundam distinctionem intelligit, veluti Augustinianam redolens doctrinam, quę per
dies non dies naturales, Cœlorumque conuersiones capit, sed rerum sex genera ad sex
Angelicas apprehensiones adaptat, ægrę à cæteris Patribus recipitur, qui à Mosis lite-
rę sensu germano, & literali excidere non consentaneum esse arbitrantur. Altera
pariter, quę per Vespere operis absolutionem, & Mane alterius exordium percipit, ei
innititur Augustini sententię, quę lucis prima die conditę nomine, non lucem corpo-
ralem, quęcunque illa fuerit, seu ignis, seu nubes lucida, seu Sol suis numeris vni-
que refertus, seu Sol ipse non absolutus, seu lux Solis sine globo, vel virtute Dei emis-
sa & attracta, vel rotata; sed lucem spirituales, hoc est Angelum capit. Ex quibus
consequitur, non potuisse vespere, vel mane aliquid fieri, cū lumen vllum non adef-
set. Quę assertio, cū tantum apud sectatores Augustini existimationē uēdicarit, effi-
cit, vt hæc quoque interpretatio, à Patribus tū Gręcis tū Latinis passim ceu minime li-
teralis, & germana non acceptetur. Quę autē secundo loco afferebatur explanatio, dies
enumeratos astruens ad nostram capacitatem, cū Mundum supponat momento exi-
liisse, non temporum delapsu, ab omnibus ijs repudiatur, qui Mundum decursu tempo-
rum, & sex diebus naturalibus congestum decernunt, quorum classis & numero est am-
plissima, & Patrum præstantia insignis, ac selecta. Superest igitur, vt sola Chryso-
stomi expositio, quę per Vespere diem artificialem, cuius finis vespera est, & per Mane
noctem, cui mane terminum præbet, & per diem secundum, naturalem diem absolu-
tum intelligit, literalis, germana, & propria censeatur.



Anno Mudi
primo.
Die tertia.

Dixit Deus; Congregentur aquæ.

a. Completo prima die Mundo ideali, & secunda Cælo, tertia quicquid salsum erat, in mari collectum fuit, & terra emerfit dulci humore exundans.

DE REBUS GESTIS
in tertia die.



QVEMADMODVM qui ex altissimis montium iugis, seu cellissimis descendunt turribus, metum sensim excutientes, tantò alacriores animo efficiuntur, quantò ad ima se deferri conspiciunt: Haud dissimili prorsus ratione, ego cùm ex Cælorum eminentissima, ac difficillima contemplatione ad elementorum infimorum, maris, terræque natalia enarranda me desiluisse contuear, soluto pauore, viribusque, quas timor abstulerat, reuocatis, alacriori animo ac mente, tertie diei elucubrandis operibus manum adijcio. Duo autem admodum seiuncta præclara opera continere tertium hunc diem perspicuum est: Maris natalia, Telluris, Orbisque terrarum amplissimi denudationem, atque porrectionem; eiusdemque decus illud, quod sibi præclarissimum, intimumque est: decus, inquam, germinum omnium, herbarum, olerum, arborum, quibus mirificè tam in collibus, quàm in vallibus, aureis, luteis, viridibus, aliisque coloribus tanta venustate pingitur, ut nescias, an speciebus colorum, an nitoribus florum, an fragrantia odorum, an suauitate saporum magis oblectet. Primum explicat Moses, cùm inquit; Congregentur aquæ, quæ sub Cælo sunt, in locum vnum, & appareat arida. Cæterum antequam sedulo perpendamus, quæ Sanctissimus Vates, de Pelagi, ac telluris natalibus nobis referet, quo mirifico ordine fator Deus in congerendo Mundo, opus operi subnectens, tertia die res gestas cæteris copularit, inuestigandum occurrit.

Duo potissimum in tertia die effecta.

a. Completo prima die Mundo ideali, et secunda Cælo, tertia quicquid salsum erat, in mari collectum fuit, et terra emerfit dulci humore exundans.

PHILO libro de Mundi opificio.

Iamque perfectus erat Mundus ille incorporeus, situs in diuino Verbo, cùm sensibilis hic ad exemplar alterius absoluebatur: & ante alias eius partes potissimam omnium faciebat conditor, Cælum videlicet, quod aptè firmamentum appellauit, ut rem corpoream. Et Post. Post hæc quoniam vniuersa aqua in totam terram diffusa erat, omnesque eius partes penetrauerat, quemadmodum spongia humorem combibit, ut ceu palus quædam cerosa, ex utroque elemento macerato confunderetur, & quodammodo fermentaretur in vnam indiscretam, informemque naturam: iubet Deus quicquid aquarum salsum erat, ac proinde offecturum fertilitati satorum & arborum, collectum in vnum confluere ex omnibus terræ foraminibus: tàm aridam emergere, dulci humore in ea relicto ad eius perpetuitatem.

Ærem seu ignem non memorat certè Philo, eorumque genesim præterit: immo eius de opificio Mundi narrationem profunde rimantibus, ac maturè scrutantibus,

Vuuu 2 plura

Anno Mūdi
primo.
Die tertia.

Dixit Deus; Congregentur aquæ.

- a. Creato primo die Angelo, secundo die superna parte Orbis, tertio creatur inferna.
b. Prima die erupto ex rudi Chaos igne, & secunda effecto Cælo, tertia prætermittitur
aëris genesi, aquæ & terræ narratur creatio.

plura eum tūm omisisse, tūm non explicate prodidisse apparebit; Platonica equidem placita & altissima, sed tamen parum consentanea in ipso offenduntur.

a. Creato primo die Angelo, secundo die superna parte Orbis, tertio creatur inferna.

D. Augustinus hanc congectionis Mundi seriem est prosequutus, ut ex eius lucubrationibus facile depromi potest. Caterum hanc eius mentem tam exactè expresse D. Thomas, ut ex eo ipsam excerpere consentaneum duxerim. Cum D. Augustino proficiscuntur Eucherius, Beda, Glossa, Rupertus, & alij.

D. T H O M A S prima parte, quæstione sexagesimanona, articulo primo. Dicendum, quod hic oportet aliter dicere secundum expositionem Augustini, & aliorum Sanctorum. Augustinus enim in omnibus his operibus non ponit durationis ordinem, sed solum originis, & nature. Dicit enim creatam naturam spiritualement informem, & naturam corporalem absque omni forma, quam dicit primo significari nomine terræ & aquæ: non quia hæc informitas formationem præcesserit tempore, sed origine tantum. Neque una formatio secundum eum præcessit aliam duratione, sed solum nature ordine. Secundum quem ordinem necesse fuit, ut primo poneretur formatio supremæ nature, scilicet spiritualis, per hoc, quod legitur prima die lux facta. Sicut autem spiritualis natura præeminet corporali, ita superiora corpora præminent inferioribus. Unde secundo loco tangitur formatio superiorum corporum cum dicitur: Fiat firmamentum. Per quod intelligitur impressio formæ celestis in materiam informem, non prius existentem tempore, sed origine tantum. Tertio vero loco ponitur impressio formarum elementarium in materiam informem, non tempore, sed origine præcedentem. Unde per hoc, quod dicitur; Congregentur aquæ, & appareat arida, intelligitur, quod materię corporali impressa est forma substantialis aquæ, per quam competit sibi talis motus, & forma substantialis terræ, per quam competit sibi sic videri.

b. Prima die erupto ex rudi Chaos igne, et secunda effecto Cælo, tertia, prætermittitur aëris genesi, aquæ & terræ narratur creatio.

G R E G O R I U S Nyssenus Historia sex dierum, quibus Mundus à Deo creatus est.

Quum omnis illuminatrix & ignea natura, suis qualitatibus ab alijs secreta esset, aëris quidem constatio, atque fabricatio silentio prætermittitur; quanquam par erat etiam de hoc, quum expositum esset, ut ignis emicuisset, secundo loco rationes naturales in medium asserre: propterea quod cognatio quædam ratione lenitatis ei cum ea, quæ in igni cernitur, lenitate intercidit: atque ita deinceps gravem tractare naturam. Sed ille de hac quidem, ea quæ dicenda erant, in medium affert, de aëre autem dicere prætermittit: non quod nihil conferat ad totius Mundi complexionem, nec quod à vi elementorum secretus sit: sed quod mollitie forsitan nature, atque facilitate cedendi, vniuscuiusque rerum capax est aër: in sese quasque res ostendens, non colorem proprium habens, non figuram, non superficiem, sed alienis cum Coloribus, tūm figuris insicitur, & informatur. Et post. Quum terrena qualitas adhuc cum humida natura commixta esset, cuius erat alterius, terram quidem suis consolidare qualitatibus, ut omnibus eius particulis ad res cognatas coactis, atque compressis, per condensationem & constipationem insitum ex ipsa exprimeret humorem: aquam autem à commixtione terræ separare, & circa seipsam terræ cavernis cobibitam, & coercitam colligere & congregare?

Dixit Deus; Congregentur aquæ.

Anno Mûdi
primo.
Die tertia.

- a. Prima die condita luce, secunda cœlestibus corporibus, tertia creantur elementa; & narratur creatio terræ & aquæ; reticetur autem ignis & aëris, quia à nobis non spectantur.
- b. Ex hyle productus Sol, sua flagrantia genuit aërem, & post absumptis aquis detexit terram, diebus res effectas sequentibus.

a. Prima die condita luce, secunda cœlestibus corporibus, tertia creantur elementa; & narratur creatio terræ & aquæ; reticetur autem ignis et aëris, quia à nobis non spectantur.

T O S T A T V S Commentarijs in Genesim.

Hic agitur de opere tertiæ diei; & sunt duo opera, scilicet congregatio aquarum, & productio arborum. Et istud opus est de distinctione materiæ elementalis: unde licet solum fiat hic mentio de aqua & terra, tamen intelligitur de alijs elementis quia tunc ignis & aër facti fuerunt: sed, quia à nobis videri non possunt in suis sphaeris, non expressit ea populo rudi, quia non erat intentio Moysi dare cognitionem illi populo de omni genere creaturæ, sed dicere, quod Deus creasset omnia quæ erant: & quia ista solum esse putabant, cum alia non viderent, ideo de ijs solis expressit.

D. Bonaventura Commentarijs in Magistrū, parum ab hac Tostati sententia abscedit.

b. Ex hyle productus Sol, sua flagrantia genuit aërem, et post absumptis aquis detexit terram, diebus res effectas sequentibus.

S T E V C H V S latissime in sua Cosmopœia hanc edocuit Mundi congregationem, seu hunc congestionis ordinem: sed præcipue de perenni Philosophia libro septimo, capite octavo, consultius eam sic declaravit.

Moses naturalissimè, & ut venire in mentem melius non possit, primum recensuit creata duo rerum inter se commissa principia, tanquam Mundi fundamentum, tanquam Embryonem, terram, & aquam. Mox autem cum tertium atque agens principium, quod adiunctum terræ & aquæ, omne genus formas produceret, effectam lucem. Omnium enim rerum terrestrium causa sunt terra, & aqua, & Sol. Prima duo velut accipientia, rationemque feminæ habentia, tertium velut masculum, imprimens in ea calorem & lucem genitale. Deicit autem terram & aquam priores fieri ob multas causas: præcipuam verò, quod ex aqua omnium rerum Philosophorum consensu selecta, purissimeque abstracta fuit ætheria substantia, ex eaque Sol factus, & omnia lumina cœlestia. Non enim moror hic Aristotelis auctoritatem, sed sequor non modò vetustissimæ Theologie sententiam, verum etiam rationem & exempla, cum videas nubes aquosas collisas, horrenda in nocte largam exhibere lucem: sic lumina per aërem volantia, stellasque cadentes videmus, & scimus ex humoribus & vaporibus generari, eiusmodi quandam natura cogitantes esse lucem cœlestem, artificiosius ab auctore sapientissimo compactam, ac densatam. Sed quoniam potest facile persuaderi, lucem illam primogenitam fuisse Solem: obscuritas autem omnis inde est, quod quarta die dicitur effectus: quod nulla ratione coherere possit, cum lux causa diei sit effecta prior, ut non solum non potuerit creari quarta die Sol, sed ne prima quidem, quoniam nulla fuit dies ante Solem creatum. Dicendum igitur, duoque ab his qui hæc legent, observari potest: unum, ut attentè considerent, agnoscantque falso dici, vulgoque iactari & scribi, hanc vel illam re factam prima, vel secunda, vel tertia die: ut prima die sit facta lux, secunda Cælum, tertia patefacta terra, quarta creatus Sol. Dico hoc & falsum esse, & impossibile, nec à Mose scriptum, sed historiam eius hoc habere. Primò res ipsas fuisse creatas, post dies fuisse secutas, & circumvolutas. Nec deputasse Mosem operari summo dies, quibus, ut solent homines, operaretur, nocte ab opere quieturus, ac quasi dormiturus discederet. Dico, & observandum ab omnibus prædico, non esse facta opera illa, in hoc, & illo die, ut mane exortaret. Sole, ad opus quasi surgens è stratis opifex accederet: sed eum dico sine diebus operatum; operante autem eo, exactos fuisse sex dies. Nam quando Deus est opus mundanum aggressus, nulla dies fuit, primumque opus ab eo non fuit factum in die, sed facto opere, dies secuta est. Aspice & consule Mosén, videbis eum aperte fatentem, cum crearetur lux, nullam diem fuisse, sed luce creata, diem apparuisse: creata autem luce, ordine naturali secuta sunt cetera opera: effectus est aër, quo effecto, secunda dies expleta est. Ut primum aër est à luce flagranti selectus ex aquis, eodem tempore terra nuda remansit, quæ humida ob recentes aquas, inflammataque à Sole, non stirpes modò, sed etiam terrestria, aquaticaque animalia produxit, ut Nilo in alucum redeunte,

Anno Mūdi
primo.
Dieretia.

Dixit Deus; Congregentur aquæ.

- a. Nube lucida prima die profilita, secunda firmamento expanso, tertia aqua ex nebula crassa in abyssum se redigente, depurata sunt elementa.
- b. Sublata prima die informitate Cæli, secunda Aquæ, tertia die tollitur informitas Terræ.

deunte, totamque Aegyptum humidam relincente, nascuntur monstra, versisque animalia glebis aratores inueniunt. Hæc igitur omnia non fiebant in die, sed his rebus effectis, trium dierum intervallo absolutum fuit.

- a. Nube lucida prima die profilita secunda firmamento, expanso, tertia aqua ex nebula crassa in abyssum se redigente, depurata sunt elementa.

H V G O de Sancto Victore hanc Mundi structuræ seriem est sequutus; siquidem de Sacramentis libro primo, parte prima, capite sexto, cum nebulam ambitum Cæli tegisse docuisset, & capite nono ex ea exertam fuisse nubem lucidam tradidisset, amplius capite decimosextimo ex ipsa pariter depromptum fuisse firmamentum, idest Cælum, tandem vigesimo quarto capite his concludit.

Ecce ista sunt trium dierum opera, antequam Sol vel cætera luminaria facta fuissent. In his primis tribus diebus disposita est vniuersitatis huius machina, & partibus suis distributa, firmamento desuper expanso. Deinde terra reuelata, atque in imo residente, & suo pondere librata, collectisque aquarum molibus intra receptacula sua, aëre serenato, quatuor Mundi elementa locis suis distincta, & ordinata sunt.

- b. Sublata prima die informitate Cæli, secunda Aquæ, tertia die tollitur & informitas Terræ.

D. THOMAS prima parte, quæstione sexagesimanona, articulo primo. Sed secundum alios Sanctos, in his operibus etiam ordo durationis attenditur. Ponunt enim, quod informitas materiæ tempore præcessit formationem, & vna formatio aliam. Sed informitas materiæ secundum eos, non intelligitur carentia omnis formæ, quia iam erat Cælum, & aqua, & terra, quæ tria nominantur tanquam manifestè sensu perceptibilia. Sed intelligitur informitas materiæ, carentia debite distinctionis, & consummate cuiusdam pulchritudinis. Et secundum hæc tria nomina, posuit Scriptura tres informitates. Ad Cælum enim, quod est superius, pertinet informitas tenebrarum, quia ex eo est origo luminis. Informitas verò aquæ, quæ est media, significatur nomine abyssi, quia hoc nomen significat quandam immensitatem inordinatam aquarum, vt Augustinus dicit contra Faustum. Informitas verò terræ tangitur in hoc, quod dicitur; quod terra erat inanis, & inuisibilis, per hoc, quod erat aquis cooperta. Sic igitur formatio supremi corporis facta est primi die. Et quia tempus sequitur motum Cæli, tempus autem est numerus motus supremi corporis per huiusmodi formationem facta est distinctio temporis, noctis scilicet, & diei. Secundo verò die, formatum est medium corpus, scilicet aqua, per firmamentum accipiens quandam distinctionem & ordinem, ita quod sub nomine aquæ etiam alia comprehenduntur, vt supra dictum est. Tercio verò die, formatum est vltimum corpus, scilicet terra, per hoc quod discooperta est aquis, & facta est distinctio in infimo, quæ dicitur terræ & maris. Vnde satis congruè, sicut informitatem terræ expressebat dicens, quod terra erat inuisibilis vel inanis: ita eius formationem exprimit per hoc, quod dicit; Et appareat arida.

D. Thomas illud sibi hac in narratione instituit, vt triduum primum, secundum rationem triplicis distinctionis coordinet, quod & ex nuperis plerique approbarunt. Verum die secunda segregationem aquarum supernarum, & infernarum, per firmamentum effectam, non fuisse præcipuum eius diei opus, sed fuisse firmamentum, cælesti scilicet substantiæ, seu corporum cælestium compagem; aquarum verò secationem contingenter euenisse, Patres prisci edocent, nec immerito collucida siquidem illæ supernæ rotæ sua præstantia exigebant, vt vna dies augustissimis suis natalibus ascriberetur.

ornata

Dixit Deus; Congregentur aquæ.

- a. Ornato prima die Mundo ope lucis, roboratis secunda corporibus supra nos collocatis, tertia assignantur loci aquis & terræ, ut exornari possint.
- b. Condita prima die luce, secunda congesto firmamento, tertia contrahuntur aquæ in sinus terræ, & ipsa terra denudatur.
- c. Tertia die rectius Mundus discretus apparuit ex ternarij numeri symetria.

a. Ornato prima die Mundo ope lucis, roboratis secunda corporibus supra nos collocatis, tertia assignantur loci aquis & terræ, ut exornari possint.

V I E L M I V S Lectione decimaquinta.

Itaque cum prima die formatione lucis, superna infernaque corpora simul Deus ornasset, secunda media corpora inter primum mobile, & Oceanum veluti roborauit, ut idonea essent retinendis aquis; ac denique tertia (in qua sumus) geminum elementum, aquam videlicet & terram, ornaturus, suum antea assignat locum aquis iubetque, ut congregentur, quæ sub Cælo sunt ad locum vnum.

Caletanus non procul ab hac sententia, in eoque tantum discrepat, quod secunda die non robur, sed expansionem, porrectionem, & dilatationem corporibus ab Em-pyreo ad aquas intersertis collatam fuisse arbitratur.

b. Condita prima die luce, secunda congesto firmamento, tertia contrahuntur aquæ in sinus terræ, et ipsa terra denudatur.

Non me præterit diuersas de Mundi conflatione sententias ex eo prouenire, quod di-uerfa sibi Chaos genera effinxerint, atque proposuerint isti ingentis, & celeberrimi no-minis Patres. Quapropter idipsum prorsus iudicium de hac dierum priscorum serie, quod & de propolitis ab ipsis Chaos illius squalentis generibus ferendum fore. Quare non est cur discussa discutiamus. Superest igitur, ut hæc postremam communioribus cal-culis receptam sententiam, à D. scilicet Basilio, Ambrosio, Hyppolito, Seueriano, Aca-cio, Procopio, Epiphanio, Theodoro, Iunilio, & ijs omnibus, tum vetustis, tum neote-rioribus, qui in ipsa Mundi profilitione, & primaria effusione elementa suis substantifi-cis formis insignita manasse rati sunt, prouidè & nos approbemus, & celebremus. Caterum nec hi Patres exacte res tertia hac die gestas conformiter proponunt: Iunilius, Hyppolitus, & qui aquas vsque ad Empyreum exundasse putarunt, in ipsa rumque medio interiectum fuisse firmamentum existimarunt, hac tertia die ex visce-ribus terræ, dum in eius antris & specubus latebrosis cogeretur aqua, erupisse tum igne, tum aërem, ad suasque natiuas sedes, non absque ingenti forsan fragore, atque elemen-torū tumultuaria collisione, peruolasse iudicarunt. Basilius è contra, & cæteri, qui aquas supra iuga montiū euectas astruebant, illas hac ipsa die, in undosum mare profluxisse, lapsasque fuisse, vndis forsan sese perurgentibus, ac propellentibus, aëreque in hac infi-lima regione se laxante, & discussa caligine magis clarescente; in superna verò amplius depurato existimarunt. Quæ quidem sententia, uti clariori verisimilitudine insignita, magis acceptatur, & celebratur, cum eam præstantissimi Patres, Vatis nostri nuntij cer-tissimi nobis inuulgarint, atque propalarint.

Basilij senten-
tia præfertur

c. Tertia die rectius Mundus discretus apparuit
ex ternarij numeri symetria.

C O N S T A N T I V S Ruschonus Commentarijs in Genesim ma-nuscriptis.

Tunc forma Mundi inferioris certis terminis discreta apparuit, qualem nunc oculis cernimus. Est ergo progressus Mundi ab imperfectis gradibus ad perfectiores: & numerus ternarius rei congruit, qui diuersita-tem ex

Anno Mūdi
primo.
Die tertia.

Dixit Deus.

- a. Hoc est, produxit in vices temporum, quod ab aeterno, & tunc, & tali serie facere, incommutabiliter ordinat.
- b. Dixit Deus, hoc est, separauit.
- c. Scriptum est: Dixitque Deus, & non Dominus, quia Deus nomen est creantis, Dominus regentis.

tem ex binario ductam in vnitatem reducit, & componit. Congruit & mysterio, quia Mundus visibilis in imagine summæ Trinitatis tertia die perfectus est, ut prima dies principio, secunda medio, id est extensione, tertia fini applicetur. Hic autem numerus primus est, cui plurale nomen tribui solet, a quo ceteri progrediuntur replicatione, & additione. Ideo numerus nullus alius multitudinis certus est, sed numerus omnis vnitatem, & trinitatem continetur. Duo autem constare nequeunt, quia si efficiant aliquod vnum, confurgit ternarius, extrema enim non componuntur ex seipsis, sed per medium. Est autem non malus, sed imperfectus, & est generationis principium. Perfectio siquidem est trinitatis, quæ omnia colligit, sicut dualitas separat. Mundus ergo noster hac die perfectus sua nomina obtinuit, quibus tota vniuersitas colligitur, quod his verbis declaratur, cum repetit, Deum dixisse, ut congregarentur aquæ, ut verbo Mundum effectum intelligamus, ne Christum ignorare possimus, a quo Mundus habuit principium, ut in eo finem habiturus intelligatur.

Vulgata est, mirificoque omnium nutu approbata assertio illa, quæ in triduo primo Mundum prius inordinatum, & confusum, seiunctionem in suas partes, atque sphaeras, distinctamque ipsarum partium collocationem suscepisse edocet.

Dixit Deus.

Circa editionem, atque pedagogiam clausulæ huiusce, non habeo quid iam animaduertis adiungere possim.

- a. Hoc est, produxit in vices temporum, quod ab aeterno, & tunc, & tali serie facere, incommutabiliter ordinat.

DIONYSIVS Carthusianus Enarratione in Genesim, articulo vndecimo, fortè hanc interpretationem indicare voluit, cum dixit.

Dixit verò Deus. Frequenter in isto capitulo legitur Deus dixisse; & quasi per intervalla dierum locutus, & operatus esse describitur, cum tamen in ipso inuariabili, ac simplicissimo Deo nulla sit diuersitas, nulla mutatio, nullaque novitas: sed quicquid produxit in tempore, & per temporum vices, hoc ab aeterno, tunc, & taliter facere incommutabiliter ordinavit. Ipse enim omnium rerum ideas continet in se. Porro in idea duo notantur, videlicet cognitio rei, & determinatio, quando, ac qualiter fiet.

Doctrina hæc hausta ex supraadductis Augustini lucubrationibus hilari fronte est amplexanda, & osculanda.

- b. Dixit Deus, hoc est, separauit.

GLOSSA Ordinaria ita explanauit.

Dixit verò Deus: hoc est, verbo separauit.

Quasi intelligere voluerit Glossa, in verbo Dei virtutem fuisse, ut adiuicem disjungerentur elementa. Et quemadmodum verbum Dixit significabat supra, Fecit, quoniam effectio rerum memoratarum insequabatur Dei satoris vocem: Ita & nunc id ipsum capitur pro Separauit, quia aquarum à Terra seiunctio est diuinam iussione sequuta.

- c. Scriptum est: Dixitque Deus, & non Dominus, quia Deus nomen est creantis, Dominus regentis.

Postilla in Genesim in Biblia Benedictina.

Deus substantiæ ipsius, id est diuinitatis nomen cum substantia semper fuit, Dominus verò non substantiæ, sed

Congregentur aquæ.

- a. Legendum, iam dixerat Deus.
- b. Congregentur, legendum, extendantur.
- c. Vel, Congregentur, legendum, colligantur.

sed potestatis vocabulum postea accessit. Quod ex ordine creationis Moyses ostendit, primò se Deum insinuans, post creatas verò creaturas se dominum indicat. Hæc Tertullianus contra Hermogenem.

Locus Tertulliani splendidissimus est libro citato in initio, sed nos pro commentatione clausulæ illius: Formauit igitur Dominus Deus eum referuamus, quòd illi magis congruere, & competere ipsum existimemus.

De genesi marium, sinuum, fluminum, et fontium.

Ratio expostulat vt primùm iuxta institutū nostrū de editione aliquid edisseramus. Hebraicā lectionē Chaldaica legit; Congregentur aquæ, quæ sub Cælo sunt, in locum vnum; & appareat arida. Græca verò editio Septuaginta, *υασι εν ενωθ ενωθ, ενωθ ενωθ*, &c. Cōgregetur aqua, quæ sub Cælo, in congregationē vnā, & appareat arida. Nostra editio cum Chaldaica proficiscitur. Pagninus, & Vatablus parum orationem mutant; Congregentur aquæ, quæ sunt sub Cælo in locum vnum, appareatq; arida. Caietanus; Congregabuntur aquæ sub Cælis ad locum vnum, & videbitur siccum. Reliqui ferè omnes interpretes, à nostra parum discrepant.

a. Legendum, iam dixerat Deus.

Hebrææ linguæ professores, qui adnotationes, & obseruationes compilarunt Lutetia Parisiorum, hæc ad diei secundæ opus adscribentes, hæc inquam, quæ primùm effecta leguntur in tertia die, sic legendum autumarunt.

Dixit verò Deus. Verti debet hic locus per præteritum plusquam perfectum; Iam verò dixerat Deus. Hoc enim pertinet ad opus secundi diei. Frequens autem est apud Hebræos, præteritum perfectum poni pro plusquam perfecto.

b. Congregentur, legendum, extendantur.

LVSITANVS Adnotationibus in Genesim.

Congregentur aquæ, quæ sub Cælis sunt. Putant Hebræi verbum *Cauah* significare, expectare, & congregare: ideoque vertunt hic nostri, Congregentur: sed videndum est, an verius significationem vocabuli ostendant. Quòd autem verbum *Cauah*, congregare significet, ex hoc loco coniectantur, quia non videtur eis alia significatio huic loco conuenire. Si quis autem rectè expendat locos, videbit vnicam esse verbi significationem, scilicet extendere, quod ex duobus conjicio. Alterum est, quòd sperare nihil aliud esse videtur, quàm extendere animum: & expectatio, dilatio, & extensio. Alterum, quòd *Cau*, idest linea: quod ab hac radice derivatur, lineam significat: eo quòd extensa sit. Isaie enim quadragesimo quarto habes; Faber lignarius extendit *Cau*, idest lineam: & secundo Regum vigesimo primo; Extendam super Hierusalem *Cau*, idest lineam: unde, meo iudicio, locus iste sic reddendus est: Extendantur Aquæ sub Cælo, idest, quæ sunt sub Cælo, ad locum vnum; & apparebit arida. Et fuit sic; idest aquæ, quæ antea super totam terram extendebantur, nunc super locum vnum expandant se, seu ad locum vnum cogantur.

c. Congregentur, legendum, colligantur.

LVSITANVS vbi supra.

Sunt qui putant verbum *Cauah* significare, colligare, ligare: & inde *Cau*, idest linea, sit à ligatione dicta, quòd videlicet liget: & quia expectantes videntur pendere, & suspensi esse à re, quam sperant, videtur significare, sperare: & sic vertunt hic; Colligantur aquæ quæ sub Cælo sunt, in locum vnum: neque mihi expositio displicet.

Anno Mūdi
primo.
Dietertia.

Congregentur aquæ.

- a. Congregentur, legendum, congregabuntur.
- b. Legendum excauentur, seu in cauernis subsidant aquæ.
- c. Formentur aquæ ex materia prima.

a. Congregentur, legendum, congregabuntur.

C A I E T A N V S super Genesim sic tralatandum dijudicat.

Et dixit Elobim; Congregabuntur aquæ sub Cælis ad locum vnum, & videbitur siccum.

Ego ab editione tum Septuaginta, tum Vulgata nostra non discederem: neque siquidem, quæ afferunt hi Doctores, adeo solida sunt, vt existimemus Hieronymum eruditissimum idiomatum omnium ea non librasse, & conspexisse, & simul paruipendisse.

b. Legendum excauentur, seu in cauernis subsidant aquæ.

S T E V C H V S in Cosmopœia.

Est autem hoc loco, quod dicitur; Congregentur aquæ vox Hebræa Kava, ea congregationem Hebræi dicunt designari, sed proprie sonat, vt ex Scripturis apparet, voraginem, concauum quid. Et ut tam multa Greca, ac Latina nomina ab Hebræico deducuntur, sic clarum est istud latinum esse factum, cum idem sit Hebræicum. Cava autem dicta sunt postea omnium voraginosa, & cauernosa, quod fuit locorum, profundarumque sedium nuncupatio, quas Deus aquis illis immensis præparasset. Et post. Itaque quod nostri transulerunt, Congregentur aquæ, Hebræiceque habet, i Kavi hammaim, quasi dicendum esset; Excauentur aquæ, in cauernis subsidant aquæ. Fuit enim mare, quasi totius aquæ sedimentum, in altissimas regiones purioribus subleuatis. Eoque vocatur, quasi וְרוֹסָאֵם, quod idem & vrina animalium est nomen. Sedimentum autem ad imas partes defertur. Tanquam vrina totius Mundi fuit mare, in vnā quasi vastissimā cauernā delapsa. Sol autem melius detraxit, quod animalia pasceret, ac nutriret. Hinc tanquam Philosophie haud ignari Poetæ loquuntur mortales vsci auris.

Non unam apud Patres locus hic suscepit explanationem, duæ tamen celeberrime comperiuntur.

c. Formentur aquæ ex materia prima.

A V G V S T I N V S, qui nullum admittit ante Mundum Chaos, sed momento cuncta ex nihilo, ex ea materie quæ origine & natura præextrabat, non tempore & actu, prodijisse arbitratur; hac tertia die aquam & terram ex materia illa quasi profolientes enarrari censuit. Ait enim libro primo de Genesi contra Manichæos, capite duodecimo.

Et dixit Deus; Congregentur, &c. In isto loco Manichæi dicunt; Si totum aquis plenum erat, quomodo poterant aquæ congregari in vnum? Sed iam superius dictum est, nomine aquarum materiam illam appellatam, super quam ferebatur spiritus Dei, vnde erat Deus omnia formaturus. Nunc verò cum dicitur; Congregentur aquæ, quæ est sub Cælo, in congregationem vnā: hoc dicitur, vt illa materia corporalis formetur in eam speciem, quam habent aquæ istæ visibiles. Ipsa enim congregatio in vnum, ipsa est aquarum istarum formatio, quas videmus, & tangimus. Omnis enim forma, ad vnitatis regulam cogitur. Et Post. Superius ergo quod nominabatur Terra inuisibilis, & incompressa, materie confusio & obscuritas nominabatur: & quod nominabatur aqua, super quam ferebatur spiritus Dei, eadem rursus materia nominabatur. Nunc verò aqua ista, & terra formantur ex illa materia, quæ ipsis nominibus appellabatur, antequam formas istas, quas nunc videmus acciperet.

Et de Genesi imperfecto capite decimo.

Et dixit Deus; Congregentur aquæ, quæ sub Cælo sunt, in congregationem vnā, & appareat arida; & sic factum est. Hinc probabilius credi potest, aquam dictam esse superius, sicut arbitramur, ipsam Mundi materiam. Nam si vniuersum aqua oppletum erat; vnde, vel quod potuit congregari? Si enim quandam confusio- nem materialem, aquæ nomine appellauerat; hæc congregatio appellanda est ipsa formatio; vt talis esset aquæ species, qualē nunc esse cernimus. Et Post. Dixit ergo Deus, Congregentur aquæ, quæ sub Cælo est: id est, in formam

formam redigatur materies corporalis, ut aqua ista sit, quam sentimus, in congregationem unam. Vis ipsa forme commendatur nomine unitatis: sic est enim verè formari, in unum aliquid redigi: quoniam summe unum est omnis forme principium. Et appareat arida; idest speciem visibilem accipiat, atque à confusione distinctam. Et bene aqua congregatur, ut appareat arida, idest cohibetur, quod fluitet mare, ut quod obscurum est illustretur. Et sic factum est.

Et de Genesi ad litteram libro primo, capite tertio decimo.

Et ideo queri adhuc potest, quando Deus istas conspicuas aquarum, terrarumque species, qualitatesque creauerit: in nullo enim sex dierum hoc inuenitur. Itaque si hoc ante omnem diem fecit, sicut ante istorum primorum dierum commemorationem scriptum est; In principio fecit Deus Cælum & Terram: ut in Terræ vocabulo, intelligamus iam formatam terrenam speciem, superfluis aquis ista iam visibili specie sui generis declaratis: ut in eo, quod sequitur Scriptura, dicens; Terra autem erat inuisibilis, & incompressa, & tenebræ erant super abyssum, & spiritus Dei superferebatur super aquas, nullam opinemur informitatem materie: sed terram, & aquam sine luce, quæ nondum erat facta, suis iam notissimis qualitatibus conditas: ut ideo terra inuisibilis dicta intelligatur, quod aquis cooperta non posset videri, etiam si esset, qui posset videre: Ideo vero incompressa, quia nondum à mari distincta, & cincta à littoribus, & suis fœtibus, animalibusque decorata. Si ergo ita est, cur istæ species, quæ proculdubio corporales sunt, ante omnem diem factæ sunt? Cur non scriptum est; Dixit Deus: Fiat terra, & facta est terra? Item dixit Deus; Fiat aqua, & facta est aqua? vel utrunque communiter, si unà quasi lege loci infimi continentur: Dixit Deus; Fiat terra & aqua; & sic factum est.

Et libro secundo, capite vndecimo.

Hic itaque breuiter admonemus, ut quem fortè non mouet querere, quando species aquarum, terrarumque creata sit, accipiat isto die non esse factum, nisi ut secernerentur hæc duo elementa inferiora. Quem verò mouet, cur in diebus facta sit lux & Cælum, extra dies autem, vel ante omnes dies aqua, & terra; & cur ad Dei verbum facta sint illa, dicente Deo, Fiat: hæc autem dicente quidem Deo discreta, non autem Deo dicente facta inueniantur: habet quod salua fide intelligat, scilicet id quod dictum est ante enumerationem dierum, Terra erat inuisibilis & incompressa, cum commendaret Scriptura, cuiusmodi Terram fecerat Deus, quia prædixerat; In principio fecit Deus Cælum & Terram: nihil aliud his verbis quam materie corporalis informitatem insinuare voluisse, eligens eam vsitatis appellare, quam obscurius. Si tamen tardo intellectui non subrepat, ut materiam, & speciem, quia verbis Scriptura separat, conetur duo hæc etiam tempore separare, tanquam prius fuerit materia, & ei, temporis intervallo interposito, postea sit addita species: cum Deus hæc simul creauerit, materiamque formatam insituerit, cuius informitatem vsitato, ut dixi, vocabulo, vel terræ, vel aquæ, Scriptura prædixit. Terra enim, & aqua, etiam suis qualitatibus id existentia quod videmus, tamen propter facilem corruptionem propinquiora sunt eidem informitati, quam cælestia corpora.

Et contra Aduersarium Legis & Prophetarum libro primo, capite tertio decimo.

Omitto quod potest hic intelligi significatum esse, quod informis illa materia aqua vel abyssi vocabulo insinuata sit, & species acceperit duorum istorum grauium elementorum, humoris, & humi: & ideo dictum esse; Congregetur aqua, quoniam labilis, & mobilis ei species data est; Appareat autem arida, quia immobilis, & fixa est.

E V C H E R I V S in hanc proficiscitur Augustini sententiam, Commentarijs in Genesim libro primo, capite tertio.

Dixit quoque Deus; Congregentur aquæ, quæ sub Cælo sunt, in locum unum. Si totum aquis plenum erat, quomodo poterant aquæ congregari in unum? Sed iam superius dictum est, quod super aquam ferebatur spiritus Dei; vnde erat Deus omnia formaturus. Nunc verò quum dicitur; Congregentur in locum unum: hoc dicitur, ut illa materia corporalis formaretur in ea specie, quam habent istæ aquæ visibiles. Ipse enim congregatæ in unum, ipsa est aquarum formatio harum, quas videmus, & tangimus.

B E D A Expositione in Genesim.

Quidam dicunt, si totum plenum fuit aquis, quomodo potuerunt aquæ in unum congregari? Sed iam superius prædictum est, nomine aquarum materiam appellatam, vnde erat Deus omnia formaturus. Ipsa autem congregatio aquarum in unum, ipsa confirmatio est in illam formam, quam videmus.

Et Quæstionibus supra Genesim ex Ambrosio hæc affert.

Breuiter tamen admonemus, ut quem fortè non mouet querere, quando species aquarum, terrarumque creata sit, accipiat isto die non esse factum, nisi ut secernerentur hæc duo. Nam illud quod dictum est ante dierum enumerationem; Terra erat inuisibilis & incompressa, cum commendaret Scriptura cuiusmodi Terram fecerat Deus: quia prædixerat; In principio creauit Deus Cælum & terram. Nihil aliud his verbis intelligendum est, quam materie corporalis informitatem insinuare voluisse: si tamen tardo intellectui non subrepat, ut materiam, & speciem, quia verbis Scriptura separat, conetur hæc duo etiam tempore separare.

Cæterum hæc, quæ Beda Ambrosio ascribit, Augustinianam omninò redolent doctrinam; nec cum ijs, quæ Ambrosius in Hexæmeron habet, conueniunt.

Anno Mūdi
primo.
Die tertia.

Congregentur aquæ.

a. *Dictum est; Congregentur aquæ, & non Fiant, sicut dixerat, Fiat firmamentum; quòd imbecilliores sint formæ elementorum, quàm Cælorum.*

G L O S S A Ordinaria ex Augustino.

Dixit verò Deus &c. In hoc die factum videtur, ut duo tantum inferiora elementa secernerentur. De aëris tamen formatione intelligi potest, qui tunc primum notam nobis formam accepit, cum aqua, quæ aëris, & terra spacium occupabat, in unam terræ partem secessit. Ita in secundo, & tertio die, quatuor elementa in proprias formas videntur esse distincta.

A L E X A N D E R Halensis, parte secunda, quæstione quinquagesima-prima, membro primo, ab Augustino non discessit.

Respondet Augustinus contra Manichæos, quòd cum dicitur; Congregetur aqua, quæ sub Cælo est, in congregationem unam: hoc dicitur, ut illa materia corporalis formetur in eam speciem, quam habent istæ aquæ visibiles: ipsa enim congregatio in unum, ipsa est aquarum formatio istarum quas vidimus: omnis enim forma ad unitatis regulam cogitur. Et quod dicitur, Appareat arida; quid aliud dici intelligendum est, nisi ut illa materies accipiat visibilem formam, quam habet nunc terra ista, quam videmus & tangimus? Superius ergo, quod nominabatur terra inuisibilis & incompressa, materiæ confusio, & obscuritas nominabatur; & etiam nominabatur aqua, super quam ferebatur Spiritus Dei; eadem rursus materia nominabatur. Nunc verò aqua ista & terra formantur ex illa materia, quæ ipsis nominibus appellabatur, antequam formas istas, quas nunc videmus, acciperet.

a. *Dictum est; Congregentur aquæ, & non Fiant, sicut dixerat, Fiat firmamentum; quòd imbecilliores sint formæ elementorum, quàm Cælorum.*

Præfatam Augustini doctrinam consequitur hoc unum aliud, quod ipse & sectatores eius adnotarunt, quorsum videlicet quando corpora cælestia conflavit Deus, dixerit; Fiat: cum autem compingit elementa, non dicat Fiat, vel appareat &c. id verò effectum fuisse tradunt, eo quòd elementorum imperfectiores, formæ tanquam imperfectius congestionis genus promerebantur.

D. A V G V S T I N V S de Genesi ad literam, libro secundo, capite undecimo.

Et quoniam per enumerationem dierum iam ex informi quæque formata numerantur, & ex ista corporali materia iam factum Cælum narrauerat; cuius multum distat species à terrenis, iam quod ex ea formandum in rerum infima parte restabat, voluit sub his verbis in rerum circandarum ordinem inferere, ut diceretur, Fiat: non acceptura ista residua informitate talem speciem, qualem acceperat Cælum, sed iam inferiorem, & infirmiore, atque informitati proximam: ut his potius verbis, cum dicitur; Congregentur aquæ, & appareat arida, acceperint hæc duo species proprias istas notissimas, nobisque tractabiles, aqua mobilem, terra immobilem: & ideo de illa dictum est, Congregetur; de hac autem, Appareat; aqua enim est labiliter fluxa, Terra stabiliter fixa.

B E D A libro de sex dierum Creatione.

Quid est ergo, quòd non ait; Fiat arida visibilis, vel aqua congregata; nisi quia propinquiora sunt eidem informitati, quàm cælestia corpora, ut de his per enumerationem dierum infirma rerum coniunguntur. Ideò noluit inferri, ut similiter cum superioribus fieri imperaret; sed congregatæ aquæ apparere per se infirma rerum insit.

Et Quæstionibus in Genesim ea ipsa repetit.

G L O S S A Ordinaria quàm probè retulerit Augustini sententiam, audias: habebis mutuata etiam verba.

Et quoniam per enumerationem dierum ex informibus formata numerantur, & ex corporali materia iam factum Cælum Moyses dixerat; cuius multum à terrenis species distat, quod ex ea formandum in infima parte restabat, noluit insolitis verbis inferere; ut diceret, Fiat, quia infirmiore, & informitati proximam susceptu-

Congregentur aquæ.

a. *Educantur Aquæ ex rudi Chaos.*

suscepturum erat speciem, ut his verbis; Congregentur aquæ, & appareat arida, intelligamus hæc duo proprias formas accepisse nobis notas, & tractabiles: aquas scilicet mobilem, Terram immobilem. Vnde aqua congregatur, Terra apparet. Aqua enim labilis, & fluxa, Terra stabilis & fixa.

D. THOMAS parte prima, sexagesima nona, articulo primo, ad primū, sic hanc Augustini doctrinam recensuit.

Dicendum, quod secundum Augustinum ideò in opere tertiæ diei non utitur Scriptura verbo Factionis, sicut in precedentibus operibus, ut ostendatur, quod superiores formæ, scilicet spirituales Angelorum, & celestium corporum sunt perfectæ in esse, & stabiles: formæ verò inferiorum sunt imperfectæ & mobiles, & ideò per congregationem aquarum, & apparentiam aride, impressio talium formarum designatur. Aqua enim stabiliter fluxa, Terra stabiliter fixa, ut ipse dicit in secundo super Genesim ad literam.

ALEXANDER Halensis parte secunda, quæstione quinquagesima prima, membro primo.

Ad primum dicendum secundum Augustinum, quod non fuit simile de aquis & terra, sicut de luce, & firmamento: cum enim factio ad speciem pertineat; lux autem & firmamentum speciem habeant valde distantem à materia informi: rectè voluit hoc per verbum Fiendi demonstrare. Aqua autem, & Terra licet species receperint in tertio die; tamen quia maximè accedunt ad materiam informem, quæ prius dicta fuit nomine Terræ vel aquarum: ideò voluit sub aliquo modo loquendi eorum facturam designare, dicendo; Congregentur, ut notetur, quod prius erant in confusione; tunc autem distinguerentur: & sic in vnoquoque iterum dierum, vna notaretur distinctio. Vnde August. super Gen. Acceperunt hæc duo species illas proprias, & notissimas nobis, & tractabiles; Aqua mobilem, Terra immobilem. Et ideò de Aquis dictum est; Congregentur aquæ: de terra; Appareat arida: Aqua enim est labiliter fluxa; Terra stabiliter fixa.

a. *Educantur Aquæ ex rudi Chaos:*

Patres, qui Chaos nõ potestate tantum, sed re vera & origine ante elementa extasse censerunt, hac tertia die ex ipso manasse uel duo, vel tria, vel quatuor elementa tradiderunt.

NYSSENS de Historia sex dierum, quibus Mūds à Deo creatus est. Præteritio enim die secundo, rursus scitus & omnibus modis concinnus rerum factarum ordo, qui aquam à terra secernebat, Dei vox, & edictum dicitur. Verè enim quicquid eum sapientia, atque solertia fit, Dei oratio est, quæ non sonantibus quibusdam instrumentis distinguitur & exprimitur; sed per ea, quæ in apparentibus rebus existunt, miracula pronuntiantur. Nam cum terrena qualitas adhuc cum humida natura commixta esset, cuius erat alterius, terram quidem suis consolidare qualitatibus, ut omnibus eius particulis ad res cognatas coactis, atque compressis, per condensationem, & consipationem insitum ex ipsa exprimeret humorem: aquam autem à commixtione terræ separare, & circa se ipsam terræ cauernis cohibitam, & coërcitam colligare, & congregare? Quoniam igitur diuina reuera potentia, atque solertia eiusmodi opus est; idcirco Moyses orationem Dei præcessisse miraculum dicit, imperatiuam quandam dictionem edentem: sed ut ego de hoc iudico, eam, quæ naturæ creationis insita est, rationem per hanc enuntiatiuam indicat dictionem. Dixit enim, inquit, Deus; Cogantur aquæ in loca congregationis earum, & conspiciatur terra arida. Vides necessarium ordinem naturæ, quomodo à terra abstracta aqua, auersit id, quod ab humore secretum erat? & quemadmodum humore non amplius luti in modum cum terra permixto, aqua necessario quibusdam alueis, & receptaculis continetur, ne fluxione suæ naturæ ad interitum redigatur, nulla re diffusionem eius coërcente?

ALBERTVS Magnus videtur proficisci in hanc sententiam prima parte de quatuor coæqueis, quæstione duodecima, articulo tertio decimo.

Dicendum ad primum, quod tria sunt elementa grauiora, scilicet terra, aqua, & aer. Quod patet, quod remota terra, aer, & aqua descendunt in locum eius. Sed vnum tantum est simpliciter graue, scilicet terra, cuius signum est, quod ipsa per se, & in alijs descendit ad medium. Terra enim descendit per se ad centrum, & posita in aëre, & aqua, iterum descendit, sed non sic aer, & aqua. Aer enim positus in terra & aqua, ascendit; sed hæc duo elementa posita in igne, descendunt. Et ideò dicit Philosophus, quod sunt lenia in alio, & gra-

& graua in alio. Et hanc naturam accipiendo, distincta sunt media ab extremis. Vnde nihil aliud est congregare aquas in locum vnum, quam dare eis naturam illam, quod sint leues in terra, & sic ascendat ab ipsa; & graues in aëre; & sic descendunt ab ipso. Et hoc est etiam, quod dicunt Sancti, quod ignis, & aër distincti sunt, quando aquae recedentes ab igne, & aëre, sunt separatae.

D. BONAVENTURA Sententiarum secundo, distinctione quartadecima.

Dicendum quod Scriptura distinctionem elementorum in his verbis valde explicat eleganter, si quis attendat: quia enim motus ad situm non est, nisi rei completae, & habentis formam; nec aliud fuit aquas congregari in vnum, quam ipsi elemento aquae dando speciem vnam, & inclinationem ad locum speciei, simul debitum secundum existentiam formae, & inclinationis ad situm dare locum congruum: & quia locus aquae est immediatè esse circa terram, dum aqua congregatur, ab elementis superioribus, scilicet aëre, & igne separatur: ergo in congregatione aquarum tangitur per consequens distinctio aliorum duorum elementorum. Rursus, quia aquae sunt natae circumdare terram; & si ex omni parte circuiret terram, ad inhabitandum nobis, & animalibus apta non esset; ideo sic distinxit, ut in superiori superficie arida appareret. Rursus, si terra esset ab aqua omnino separata, ad germinandum non esset apta. Et ideo Deus sic arefecit terrae superficiem, ut tamen ipsius radicem aqua impleveret, & per decursum fluuiorum etiam irrigaret. Et propter hoc tria dicit Scriptura. Primò, propter elementorum distinctionem, Congregentur aquae in locum vnum. Secundò verò propter superficiem terrae denudationem, Et appareat arida. Tertiò propter irrigationem, quam ab aquis suscepit, ut germinare possit, dicit; Vocauit aridam terram, congregationesque aquarum appellauit maria.

LYRANVS in Postillis in secunda expositione.

Hic ponitur opus tertiae diei, in quo distincta sunt elementa per hoc, quod ex illa parte materiae, quae remanerat adhuc sub forma communi, ut predictum est facta sunt elementa in suis formis substantialibus, & proprietatibus consequentibus. In terra etiam factae sunt aliquae concanitates diuina virtute, in quibus receptis aquis apparuit pars terrae discooperata, & sic apparuerunt elementa in suis locis distincta.

TOSTATVS in Postillis in ea verba; Congregentur, &c.

Hic agitur de opere tertiae diei; & sunt duo opera, scilicet, congregatio aquarum, & productio arborum: & istud opus est de distinctione materiae elementalis: vnde licet solum fiat hic mentio de aqua & terra, tamen intelligitur de alijs elementis; quia tunc ignis, & aër facti fuerunt: sed quia nobis videri non possunt in suis sphaeris, non expressit ea populo rudi, quia non erat intentio Moysi dare cognitionem illi populo de omni genere creaturae, sed dicere, quod Deus creasset omnia quae erant; & quia ista solum esse putabant, cum alia non viderent; ideo de ijs solis expressit.

Deinde mutata sententia, aquas non hac tertia die genitas, sed impertitum eis fuisse locum, & qualitatem ad ipsum impellentem, videtur asseruisse, cum ait.

Et posset aliquis dicere, quod elementa sunt distincta in suis substantialibus formis, quando dictum fuit, quod firmamentum factum fuit, ut distingueret aquas ab aquis. Sicut ergo tunc aquae superiores, id est Caelum crystallinum factum intelligitur, licet solum dicatur, quod fuit diuisum ab inferioribus aquis median- te firmamento: ita aquae inferiores, quae tunc à superioribus diuise narrantur, fuerunt distinctae, & productae in specie elementorum; licet manserit aqua super terram expansa vsque ad tertium diem. Et satis hoc conuenit literae, quae dicit; Congregentur aquae, quae sub Caelo sunt. Quia praesupponit, aquas, quae congregari debebant, iam extitisse, scilicet in praecedenti die secundo. Et satis mihi videtur ista positio rationabilis & consona textui. Communiter tamen dicitur, quod aquae, & alia elementa in tertia die facta fuerint: & posset esse ratio, quia Deus, cum creauit aliquas creaturas, licet non immediatè ornauerit, quia illud extrinsecum est; tamen qualitates extrinsecas bene disponentes tribuit. Locus autem est aliquid consonum naturae rei, & qualitas motiua ad locum; ideo videtur quod à principio suae productionis, aqua locum suum, & propriam qualitatem habuerit; sed non habuit ista vsque in tertium diem, ergo in isto die fuit creata: & tunc est dicendum, quod creatio, siue productio aquarum, & congregatio in locum vnum fuerit simul. (In locum vnum) quia ante tota materia aquae, vel ipsa aqua stabat expansa toti superficiem terrae sphaerice, & non congruebat hoc animalibus futuris, & gramini.

A V C T O R.

Secundum diuersa Chaos genera, quae sibi praefixerunt, atque delinearunt Patres hi praestantissimi, & Doctores eruditissimi, diuersas etiam de genituris elementorum praefecerunt sententias, diuersasque de hac Moysi litera, Congregentur &c. produnt interpretationes. Augustinus, Eucherius, Beda, qui Mundum vnico momento manasse opinantur, eius autem emolitionem per dies sex enarratam secundum genera sex rerum productarum ab Angelis apprehensarum tradunt: non Chaos aliud supponunt quam Angelum in sua puritate, & materiam primam, origine, & non tempore praextantem, quae

Congregentur aquæ.

a. *Aqua rariore, quæ ut nebula terram tegebat, se inspissante, & terra subsidente congregatæ sunt aquæ.*

quæ duo describi etiam à Mose verbis illis; In principio creauit Deus Cœlum, & terram &c. diiudicant. Quamobrem & primæ diei opus cū Angelicam formationem dicant, secundæ vero Cœlorum compactionem, certè & tertiæ diei opus non aliud proferre possunt, quàm elementorum congestionem. De aqua, & terra certè id clarè produnt, de aëre autem dubia videtur Augustini sententia: nam supra firmamenti nomine non tantum corpora cœlestia, sed & aëris supernam illam partem, quæ nubibus nunquam obducitur, intellexisse visus est, ut referebamus. Quod si verum est, superam aëris partem secundo die profilijsse, inferam verò hac tertia forsitan die effectā, productamq; fuisse, ex ipsius placitis asserendum est.

G L O S S A itaque sic rectè concludit ex ipsius doctrina.

Ita in secundo, & tertio die, quatuor elementa in proprias formas videntur esse distincta.

Ex quibus consequitur, quòd locus hic; Congregentur aquæ &c. interpretandus sit, Formentur, & secernantur duo inferiora elementa, aqua, & terra; ex qua formatione & aëris congestio intelligi potest. Tunc siquidem notam nobis formam aër suscepit, ut inquit Glossa, cū aqua, quæ aëris spatium occupabat, in unam terræ partem secessit. De ignis productione, quando videlicet manarit, nil quod viderim Augustinus tradit.

N Y S S E N V S autem, qui vnum rude Chaos, seu massam inconditam, atque incongestam primū manasse arbitratur, cū dictum est, In principio creauit Deus Cœlum & terram &c. ex ea verò elicitum fuisse ignem primo die densiorem, qui splenderet, & rariorem, secundo vero die ex eo Cœlum conflatū: hac tertia tantum die cætera tria manasse elementa, non potest profecto non asseuerare. De terra siquidem, & aqua dilucide id tradidit. Aëris autem conflationem prætermittam fuisse silentio uoluit, nec quando manarit, seu secundo, seu tertio die, explicat. Audias ipsum.

Nam quum omnis illuminatrix, & ignea natura, suis qualitatibus ab alijs secreta esset: aëris quidem conflatio, atque fabricatio silentio prætermittitur; quanquam par erat etiam de hoc, quum expositum esset, ut ignis emicuisset, secundo loco rationes naturales in medium asserre: propterea quòd cognatio quedam ratione lenitatis ei cum ea, quæ in igni cernitur, lenitate intercidit: atque ita deinceps grauem tractare naturam. Sed ille de hac quidem ea, quæ dicenda erant, in medium adfert; de aëre autem dicere prætermittit; non quòd nihil conserat ad totius Mundi complexionem, nec quòd à vi elementorum secretus sit: sed quòd mollitiæ forsitan nature, atque facilitate cedendi, vniuscuiusque rerum capax est aër, in sese quasque res ostendens, non colorem proprium habens, non figuram, non superficiem, sed alienis cū coloribus, tum figuris inficitur, & informatur.

Scholastici Doctores, qui Chaos non ex elementis congestum, sed vna rudi forma conflatum fuisse asseuerarunt, hac die prodijisse elementa fatentur, ut Bonauentura, & alij, excepto Catherino.

Tostatus non sibi constat, & magis uidetur declinare in eam sententiam, quam secundo loco adducit, aquas scilicet secundo die esse enatas, tertia autem exufflante rapido spiritu, seu vento, exiccatas fuisse, adeò ut arida appareret. De his autem infra. Sed quemadmodum hæc Chaos genera non acceptata sunt, pariter nec illæ interpretationes admittuntur.

a. *Aqua rariore, quæ ut nebula terram tegebat, se inspissante, & terra subsidente congregatæ sunt aquæ.*

A V G V S T I N V S de Genesi ad literam libro primo, capite duodecimo.

Quò ergo congregatæ sunt aquæ, si totam terram prius occupauerant; illæ scilicet, quæ detractæ sunt, ut terra nudaretur, in quam partem congregatæ sunt? Si enim erat aliquid terræ nudum, quò congregarentur, iam apparebat arida; nec totum abyssus occupabat. Si autem totum texerant, quis erat locus, quò colligerentur, ut terræ ariditas appareret? Nunquidnam in altum congregatæ sunt, sicut fit cum ad ventilandum in area messis trita surrigitur, & congesta in aggerem nudat locum, quem diffusa contexerat? Quis hoc dixerit, cum videat usquequaque campos maris aqualiter fusos, qui etiam cum aquæ fluctuantes quidam velut montes eriguntur, sedatis rursus tempestatibus complanantur, Et si qua littora nudantur latius, non potest dici nulla esse alia terrarum spatia, quò accedat id, quod aliunde decedit; unde in eum locum ex quo recesserat, iterum accedat. Cum autem totam omninò terram vndosa natura cooperiret, quò cederet, ut nudaret aliquas partes? An forte rariori aqua, velut nebula, terras tegebat, quæ congregatione spissata est, ut ex multis eas partibus in quibus arida posset apparere, nudaret? Quamquam & terra longè, lateque subsidens, potuit alias partes præbere concauas, quibus confluentes & corruentes aquæ reciperentur, & appareret arida ex his partibus, unde humor abscederet.

Et contra Aduersarium Legis, & Prophetarum libro primo, capite tertiodécimo.

Quid quòd etiam de aquarum congregatione ingerit nescio quis imperitissimus quæstionem; immo verò non quæstionem, sed reprehensionem, tanquam non rectè dictum sit; Congregentur aquæ in congregationem unam, & appareat arida, eo quòd aquis omnia tenebantur: ignorans quemadmodum aqua in aëreos vapores tenuata rarescat, & nebulosa caligine multum occupet spatij: exiguum verò si congregata densetur, nec iam leuis volitet, sed grauis fluitet. Quid ergo mirum, si rara terram texerat, spissata nudauit? Quid si etiam diuino nutu in magnos sinus terra subsedit, atque ita quicquid naturæ humide per totum eius iacebat, in partes concauas confluent, recessit à cæteris, & quod operiebat aperuit, congregata in humiliora succumbentia, qua mare intersflueret, & circumflueret, atque altiora deserens, quæ orbis emineret?

I V N I L I V S in Hexameron.

Si quis verò quæsierit, ubi congregatæ sint aquæ, quæ omnes terræ partes ad Cælum usquequaque operuerant: sciat fieri potuisse, ut terra ipsa longè, lateque insu Creatoris subsidens, alias partes præberet concauas, quibus confluentes aquæ reciperentur, & appareret arida ex his partibus, unde humor abscederet. Potest enim non absurdè credi, maiores (sicut & supra commemorauimus) primarias fuisse aquas, quæ velut nebula terras tegerent, congregatione autem esse spissatas, quæ datis sibi locis capi posset, ut appareret arida in reliquis.

B E D A libro de Creatione sex dierum, duos præfatos modos ex prædictis Patribus recenset.

Ubi ergo congregatæ sunt aquæ, si totam terram prius occupauerunt; Illic scilicet, quò retractæ sunt, ut terra nudaretur. Et si aliqua pars antea arida apparebat, ubi congregari potuissent, non ergo totum abyssus occupauit, sed magis intelligendum est, aut in modum nebulae prius aqua terram occupasset, aut terram longè, lateque obsidens, qua cauum locum præbuisset, ubi percurrentes aquas capere potuissent, ut appareret arida.

Et Quæstionibus in Genesim pariter paucis mutatis.

Si totam terram aqua tegebat, non erat locus ubi aquæ congregarentur, dum totam terram tegebat aqua. Et quomodo Scriptura dicit; Congregentur aquæ, quæ sub Cælo sunt, in locum unum; & appareat arida? M. Totam terram tegebat aqua, sicut rarissima nebula, quæ postea in unum redacta, atque collecta est, ut posset terræ species apparere. Quamquam & terra longè, lateque subsidens, potuit concauas partes præbere, quæ confluentes aquas susciperent, ut arida appareret.

G L O S S A Ordinaria ex Beda.

Si queratur, ubi congregatæ sunt aquæ, quæ omnes partes terræ usque ad Cælum texerant? Potuit fieri, ut terra subsidens, concauas partes præberet, quibus fluitantes aquas reciperet. Potest etiam credi primarias aquas rationes fuisse, quæ sicut nebula tegerent terras, sed congregatione esse spissatas.

M A G I S T E R Sententiarum secundo, distinctione quartadécima.

Si autem queratur ubi congregatæ sunt aquæ, quæ totum texerant spatium usque ad Cælum, potuit fieri, ut terra subsidens concauas partes præberet, ubi fluctuantes aquas reciperet. Potest etiam credi primarias aquas rariores fuisse; sic ut nebula tegeret terras; sed congregatione esse spissatas, & ideo faciliè in unum posse redigi locum.

M A G I S T E R Scholasticæ historiæ, capite quinto.

Et potuit esse, ut aquæ, quæ totum aëris spatium occupabant vaporabiles, solidatæ modicum obtineant locum; vel terra paululum subsedit, ut eas tanquam in matrice concluderet.

Dionysius Chartusianus in Genesim Enarratione vndécima, hæc non suppressio Patrum horum nomine memorat, & approbat.

H V G O Carenfis verba etiam præfatorum Patrum mutuauit, cum dixit.

Et potuit esse, ut aquæ, quæ totum spatium occupabant vaporabiles, solidatæ modicum obtineant locum; vel terra paululum subsedit, ut eas tanquam in matrice intra se concluderet.

Congregentur aquæ.

- a. *Nebulæ ex igne, aëre, & aqua commixtæ resolutione, aquæ conglutinatæ sunt in pelagis; igne, & aëre suis locis diffusis absque nouis terræ hiatis.*

AE G I D I V S Hexameron parte secunda, capite vigesimoquarto, cum eā opinionem, quæ aquas in acruum vnum, adeo vt Mare multo altius esset terra, fuisse coactas astruebat, ea ratione impugnasset, quod huiusmodi aquæ cōgregatio, vt potè cōtra naturam, miraculo tribueretur, miracula autem iuxta Augustinum in operibus sex dierum, vbi instituta est natura, admittenda non videntur, sic alium inducit modum.

Propter hoc est secundus dicendi modus, quod congregatio aquarum non fuit nisi quædam inspissatio; quia aquæ primitus rare, & nebulosæ, occupabant magnum locum, postea inspissatæ, occupauerunt minorem locum. Hoc est ergo quod ait Beda, quod credi potest primarias aquas rariores fuisse, quæ sicut nebula tege-
rent terram; sed congregatione esse factas sissas.

Sed cum id quoque non sufficere demonstrasset, Aqua enim sui ratione decupla est ad elementum terræ comparata, testante id Aristotele primo Meteororum, ubi ex pugillo aquæ decem fieri aëris asseuerat: propterea non potuisse aquam etiam conspissatam, non terram cooperire: adiicit.

Propter hoc est tertius modus dicendi de congregatione aquarum; vt ex hoc etiam soluatur difficultas de apparitione terræ, vt dicamus, quod aqua non solum fuit congregata per alterationem, vt quia fuit inspissata, quod sine alteratione fieri non potuit, sed etiam fuit congregata secundum receptionem, quia fuit tota recepta in concanitatibus terræ, quæ sunt tantæ, quod aquæ sic receptæ non possunt cooperire terram.

D. Thomas has duas memorat infra.

- a. *Nebula ex igne, aëre, & aqua commixtæ resolutione, aquæ conglutinatæ sunt in pelagis; igne, et aëre suis locis diffusis absque nouis terræ hiatis.*

Patres, qui Chaos ita effinxerunt, vt super terram tria superna elementa, aquam, aërem, & ignem, in nebula speciem conglutinata, Vniuersi spatium obruere existimarint, aquæ cōgregationem ex resolutione nebulae in aquas ad voragines terræ confluentes effectam tradunt, puris igne, & aëre, suis in sphaeris remanentibus.

H V G O Victorinus noster de Sacramentis Fidei libro primo, parte prima, capite vigesimo primo, præcipuus fuit huius sententiæ propugnator. Ita enim scribit. Et dixit Deus; Congregentur aquæ, quæ sub Cælo sunt, in locum vnum. Quantum ad literam spectat, locus vnus in quo congregatæ sunt aquæ, quæ sub Cælo erant, Abyssus magna creditur, quæ ab ipso Mundi exordio in terræ corpore tantæ capacitatis facta fuisse putatur, vt omnium receptaculum aquarum esse posuisset. Nam aquarum natura in principio tenuis admodum, lenisque, & in modum nebulae cuiusdam dispersa: postquam diuina virtute, & iussione, in vnam (vt ita dixerim) massam compingi quodammodo, atque densari cepit, ipso suo pondere deorsum vergens, in ima collapsa à terra excepta est: spatiumque illud, quod desuper vsque ad ipsum firmamentum occupauerat, serenum, purumque dereliquit. Ipsa quoque terræ superficies (aquis omnibus inter alueos suos conclusis) apparere cepit. Primum quidem lutulenta & lubrica, nudaque, velut quæ germina necdum vlla protulisset, quibus vestiri & superduci potuisset.

Glossa Locupletata eam partem huius loci assumpsit, qua Hugo abyssum magnam ab exordio factam obtestatur.

R I C H A R D V S Exceptionum libro secundo, capite septimo. Tertia die, iussu diuino, moles aquarum, quæ spatium illud, quod inter Cælum & terram est, occupatum tenebat, deorsum versa in abyssum dependit; & sic aër in medio purus & serenus remansit.

Modus ille coactionis aquarum ab Augustino, Iunilio, Beda, Magistris, & alijs memoratus, sed præcipue ab Hugone, & Richardo celebratus, qui aquarum in æquoribus effectam fuisse conglutinationem, ex vapore nebulae, quæ Vniuersi spatium obruebat, dissolu-

Anno Mūdi
primo.
Die tertia.

Congregentur aquæ.

a. *Aquarum delapsu præstito, marisq; elatione congregatæ sunt aquæ.*

dissolutione asseribat, euidens, & approbatus est ijs, qui Chaos ita effingunt, vt tria superna elementa ad instar nebulae commixta in Vniuersi spatium diffundi censeant; illis autem minime fiet acceptus, qui alia Chaos genera comminiscuntur: præcipue ijs qui aquas fluidas terram circumambire, atq; obtegere autumant, quod potissimum assenerare videntur literæ sacræ, & copiosa etiam Patrum acies interpretatur, Iuniliusq; ipse astringit. Quapropter dato aquas illas fluentes labentesq; fuisse, & non in nebulam seu vapores congestas: adhuc superest difficultas, qua serie facta fuerit aquarum congregatio, terraq; denudatio. Accedit, quod Moses terram apparuisse aridam tunc tradat, cum aquæ in vnum coactæ sunt. Porro nebula illa, quanquam crassa, & obdensa, minime terram obtegebat, nisi in quantum forte lucem ad ipsam peruenire prohiberet.

De modo quo congregatæ sunt aquæ labentes.

Secundum eorum Patrum sententiam, qui Chaos illud primordiale ita effingebant, vt terram aquis circundari assererent, siue modo aquæ illæ ad firmamentum vsque se extollerent, seu maiori solū affluentia, quam in diluuiο excreuerent; alii profecto modi sunt inuestigandi, quibus aquæ in locum vnum fuerint congregatæ. Aquarum siquidem amplissima copia vndiq; terram operiebat, atque sub ipsis tanquam thesaurus ingens latebat inuisibilis tellus, cænosaque eius facies vndique fluctuantibus vndis circumstatur: cum summus opifex terram, quæ natura sua, vt grauissima omnium elementorum, & proinde medio axe librata, tota aquis subsidere deberet, vt viuentibus cunctis præcipue mortalibus prodesset, quibusdam in locis superferri aquis, ac supereminere iussit, aquas verò in imis ipsius visceribus constipari, ac latitare, seu in abyssum abire, & cogi mandauit. Dixit enim Deus; Congregentur aquæ in locum vnum, & appareat arida. Sed percunctationem non leuem statim hoc Dei mandatum excitat: Quomodo scilicet illa aquarum coactio, terræque denudatio effecta fuerit. De his siquidem Patres varios deferentes modos, in plures sententias distrahuntur.

a. *Aquarum delapsu præstito, marisq; elatione congregatæ sunt aquæ.*

BASILIVS in Hexameron Homilia quarta, diuini huius præcepti, Congregentur aquæ in locum vnum, effectum perpendens, duo ea fuisse censuit. Primum quod aquæ ad Dei vocem tunc labi, atque ad vnam confluere maris sedem inciperent, quo certe mandato vsque nunc labuntur aquæ, scaturiunt fontes, erumpunt aquarum venæ, fontes properant in fluuios, in freta currunt flumina, lacus effunduntur in maria, atque vnde se ipsas vrgent, & propellunt. Alterum quod in mari ceu in propria sede confiderent, adeo vt licet eminentiores terra, nunquam tamen ad eam operiendam profluerent, ac delaberentur. Primum explicat D. Basilius, cum ex duabus difficultatibus, quas excitat, primam his proponit, & dissoluit.

Sed fortasse quispiam & illa quaesierit præter hæc; primum; Cur, quod secundum naturam competit aquæ, ferri inquam per declinia loca, imaque petere, id ad opificis imperium Scriptura reducit? Quousque enim in æquo, planoque solo sita est aqua, stabilis est, quippe cum haud habeat, quod defluat, aut permeet. Sed cum prona loca fuerit atque declinia nata, protinus cum antecedens præcesserit, ea quæ post ipsam continua est, sedem ipsius occupat: ea quæ sequitur illius itidem sedem: & ita delabitur quidem, quæ antecedit; sequitur autem.

Verbis illis,
Congregentur aquæ, &c.
duo præcepta tradita.

antem, quæ accedit; atque tantò delatio fit celerior, quantò & pondus maius est eius, quod deorsum fertur, & loca ad quæ sit confluxio, magis concaua sunt. Hæc igitur si est aquæ natura, supernacaneum videri possit id imperium, quo iubetur in vnam cogi collectionem. Prorsus enim futurum fuerat, per naturæ illius ad ima delabentis propensionem, vel suapte sponte, ut ad omnium maximè concauum, & decliniorum locum se conferret, defluuium illud suum non prius remoratura, quàm superficies æquabili planitie complanaretur. Neque enim vssiam conspicitur vlla campestris regio per æquè plana, ut ipsa aqua est superficies.

Sic autem satisfacit ipsi difficultati.

Ad id igitur, quod priore loco quæsitum est, illud dicimus; Tu quidem optimè nosti, quæ fuerint motiones aquæ post dominicum præceptum, ut illa circumflua sit, nec consilens, utque suapte natura ad prona, decliua, & concaua præceps deuoluatur loca. At sanè eadem quid prius obtinuerit virum, arte nimirum quàm cursus hic illi ingigneretur præcepto dominico, neque ipse nosti, sed nec certo audisti, qui nouerit. Cogita enim mihi tu vocem Dei effectricem esse naturæ, idque imperium, quod factum creaturæ tunc est, creatis deinceps omnibus ordine succedaneo consimilem, & operatoriam facultatem prærogasse. Dies & nox creata semel sunt, & ex illo tùm die ad vsque hodiernum, quum sibi alternis succedant, equis tamen partibus non desinunt inter se dispartiri vices temporum. Congregentur aqua. Iussa est currere natura aquarum, nec vnquam delaßatur, eam ad cursum perpellente ingiter illo præcepto. Hoc sanè dixerim, ad fluxibilem respiciens partem aquarum. Sunt enim, quæ suapte natura fluunt, cuiusmodi fontanae sunt, & fluiatiles. Sunt contra, & aliæ collectitiæ, neque quoquã permeabiles. Atqui sermo de his mihi nunc est, quæ impetu quodam naturæ cientur, ac fluunt. Congregentur aqua in congregationem vnam. Tibinè vnquam propter fontem, copiosam aquam eructantem consistenti incessit eiusmodi cogitatio? Quis aquam hanc cogit exilire è medijs terræ visceribus? quis se sine ut in vltiora progrediatur, vrget vehementer? Quenam promptuaria, vnde depromuntur, tantum continet prouentum aquarum? Quis ille tandem locus, ad quem defluuium præcipiti contendunt? Quinam sit, ut hæ non deficiant, nec illæ interim expleantur? Scito hæc à prima illa Dei voce dependere. Illinc enim primaria ad cursum motio indita aquis est, & prærogata. Ad omnem de aquis commemorationem, primæ illius vocis immemor ne esto.

Alterum autem præceptum edisserit eo loco.

Congregentur aqua. Oportebat eas decurrere, suum ut occuparent locum; dein locis sibi natura diffinitis restitute, in ipsis ut præfisterent, neutiquam vltra progressuræ. Quapropter iuxta Ecclesiæ illius sententiã; Ecclef. 1. Omnia flumina intrant in mare; & mare non redundat. Nam quòd fluant aqua, Dei imperium causa est: Omnia flumina intrant in mare; & mare non redundat. Nam quòd fluant aqua, Dei imperium causa est: Congregentur maris itidem intra suos fines circumscriptio à primaria illa diuinæ legis sanctione pendet. Congregentur aquæ vnum in locum. Ne è locis, quæ ipsam susceperant, affluens fusim exundaret, transcederet semper, atque ita ex alijs alia compleret loca, ac totam hoc pacto continentem terram stagnantibus tandem vndis, & aluentibus inuolueret, iussa est in vnum se colligere locum. Idcirco furens ventis sepe numero mare, atque ad imensam altitudinem sese attollens vi fluctuum, ubi littora solum attigerit, eo impetu mox in spumam dissipato, retrolabitur. An me non timebitis, dicit Dominus; qui posui arenam terminum mari? En mare, res planè sua vi intoleranda, re tamen omnium inualidissima, nempe arena frenatur, ac coercetur. Alioqui, quid prohiberet mare rubrum sua exundanti alluie irrumpere in vniuersam Aegyptum, quæ ipso mari tanto est concavitate depressior, seque mari, quod Aegypto adiacet, coniungere: nisi Creatoris precepto, tanquam compedibus astrictum coerceretur? Etenim Aegyptus, quòd sit mari rubro humilior, vel illi nobis re ipsa persuasere, qui commixti sunt maria hæc, Aegyptium inquam, & Indicum, cui permiscetur rubrum mare, inter sese committere, & alterum alteri coniungere. Quamobrem destitit à tanto conatu, Aegyptius ille Sesostris, qui primus id est aggressus, Darius item Medus, qui secundum reputemus, quàm efficax, & operatoria vis sit diuini illo moliri manum. Hæc eò mihi dicta sint, ut nobiscum reputemus, quàm efficax, & operatoria vis sit diuini illius præcepti; Congregentur aqua in locum vnum, idest nulla post hanc alia congregatio fiat; sed in prima hac collectione, quæ in vnum confluent permaneat.

Ecclef. 1.

Hierem. 5.

A M B R O S I V S Hexameron libro tertio, capite secundo, hæc duo pariter edisserit, narratione, ut assolet, Basilio conformi. De primo.

Iterum quoque quæstiones alias asserunt, dicentes; Si in congregationibus diuersis aqua erat, quomodo si illæ congregationes in superioribus erant, non defluebat aqua in eum locum, ad quem postea Domini imperio derivata est? Natura enim aquarum spontè in inferiora prolabitur. Sin verò in inferioribus erant illæ congregationes, quomodo contra naturam suam, aqua ad superiora conscendit? Itaque aut secundum naturales cursus imperio non eguit: aut contra naturam imperio proficere non potuit. Cui quæstioni facilè respondebo, si mihi ipsi ante respondeant, ante præceptum Domini hanc aquarum fuisse naturam, ut laberetur, & flueret. Non enim ex vsu hoc habet caterorum elementorum, sed speciale, & proprium: non ex quodam ordine, sed magis ex voluntate, & operatione Dei summi. Quid iusserit Deus, audiunt; Vox autem Dei; efficiens natura est. Eam vocem effectus operationis impleuit. Caput labi aqua, & in vnam confluere congregationem, quæ ante erat diffusa per terras, & plurimis receptaculis inhærebat. Cursum eius ante non legi, motum eius ante non didici; nec oculus meus vidit, nec auris audiuit, Stabat aqua diuersis locis, ad vocem Dei mota est. Nonne videtur, quia naturam ei huiusmodi vox Dei fecit, & secuta est creatura præceptum, & vsus fecit ex lege? Prima enim

Esaie 64.

xyy 2 enim

enim constitutionis lex, formam in posteros dereliquit. Denique semel diem fecit, & noctem. Ex illo manet
vtriusque successio, & diuturna reparatio. Iussa est etiam aqua currere in congregationem. Ex illo currit,
fontes labuntur in fluuios, in freta currunt flumina, lacus deriuantur in maria: ipsa se aqua precedit, vr-
get, & sequitur. Vnus est ductus, vnum corpus. Et cum sit altitudo diuersa, indiscrcta tamen dorsi eius aqua-
lit. Vnde & æquor appellatum arbitror, quod superficies eius æqualis sit.

Prosequitur deinceps, id non fuisse Dei potentie difficile demonstrare, tum exemplo
virium Naturæ, qua fontes ex inferioribus scaturiunt, tum artis etiam ingenio, qua
aquas tantum ascendere, quantum descendunt, artificis industria conspiciamus, tum de-
nique rerum gestarum à Deo experimento, qui eduxit aquam de petra, sedauit æquo-
ra, immisit, & siccauit diluuium, Rubrum mare vento aperuit, ferrum aquæ superna-
tare etiam Propheta Dei virtute iussit, & Christus ipse mortuum Lazarum suscitauit.
De secundo autem.

Eccle. i.

Iob 38.

Hierem. 5.

Dicendo autem, Congregetur, non solum mouit eam de loco, sed etiam statuit in loco, vt non præterflueret,
sed maneret. Hoc vtique maioris miraculi est, quomodo omnes congregationes, in vnam congregationem co-
fluxerint, & vnta congregatio non adimpleta sit. Nam & Scriptura hoc inter mirabilia constituit, dicendo;
Omnes torrentes eunt in mare, & mare non adimpletur. Vtrunque igitur ex præcepto Dei, vt & fluat aqua,
& non superfluat. Circumscripita igitur imposito fine maria clauduntur, ne superfusa terris inuident omnia,
& destituito aruorum cultu, munus terrene fecunditatis impediunt. Cognoscant igitur diuini esse præcepti,
operationisque cælestis. Ait enim Dominus per nubem ad Iob inter alia etiam de maris claustro; Posui
ei fines, apponens claustra, & portas. Dixi autem ei, Vsq; huc venies, nec transgredieris, sed in te ipso con-
terentur fluctus tui. Nonne ipsi videmus mare frequenter undosum, ita vt in altum fluctus eius tanquam
mons aquæ præruptus insurgat, ubi impetum suum ad littus illiserit, in spumas resolui, repagulis quibusdam
arenæ humilis repercussum, secundum quod scriptum est; Aut non timebitis me, dicit Dominus, qui posui
arenam fines mari? Infirmissimo itaque omneum vilis sabuli puluere vis maris in tempestate cohibetur, &
velut habenis quibusdam cælestis imperij, à prescripto sibi fine reuocatur, violentique æquoris motus in sese
frangitur, atque in reductos sinus suos scinditur. Ceterum nisi vis statuti cælestis inhiberet, quid obstat
quin per plana Aegypti, quæ maximè humilioribus iacens vallibus campestris asseritur, mare rubrum
Aegypto pelago misceretur? Denique docent hoc qui voluerunt hæc duo sibi maria connectere, atque in se
transfundere: Sesostris sanè Aegyptius, qui antiquior fuit, & Darius Medus, qui maioris contuitu poten-
tie in effectum voluit adducere, quod ab indigena fuerat ante tentatum. Quæ res indicio est, quod superius
est mare Indicum, in quo mare rubrum, quàm æquor Aegyptium, quod inferius alluit. Et fortasse ne latius se
mare effunderet, de superioribus ad inferiora precipitans, idè molimina sua Rex vterque reuocauit.

CHRYSOSTOMVS Homilia quinta in Genesim, in consimilem
videtur declinare sententiam, cum aquas, quæ prius terram obtegebant, iussione Dei in
unum locum coactas declarat.

Congregentur aquæ &c. Vide hic, obsecro dilecte, ordinem & consequentiam optimam. Quia dixerat in prin-
cipio; Terra erat inuisibilis & inculta, eò quod tenebris & aquis obtegebatur: & deinde iussit die secundo, vt
esset firmamentum, quod aquarum separationem faceret, vocauitque firmamentum Cælum: nunc iterum docet
nos, quod præceperit in die tertio aquæ, quæ sub Cælo, hoc est, firmamento, vt in vnam congregationem conue-
niat, & faciat apparere locum aridæ. Et factum est sic. Quia enim omnia impleta erant aquis, iussit in vnam
congregationem aquarum multitudinem concedere, vt sic appareret arida. Vide quomodo paulatim illius vo-
luntatis pulchritudinem, & ornatum ostendit. Et factum est, ait, ita: quomodo? Sicut præceperat Dominus. Di-
xit solum, & opus subsequutum est. Hoc enim peculiare Dei est, vt secundum voluntatem suam facturas suas
moderetur. Et congregata est, inquit, aqua quæ sub Cælo, in congregationes suas, & apparuit arida. Quenam
modum de luce dictum, quod cum essent vndeque tenebræ, iusserit produci lucem, & separationem fecerit
lucis, ac tenebrarum: & hanc tribuerit diei; istas verò nocti: Similiter dictum, quod cum produxisset firma-
mentum, aquarum alias superiorem locum occupare, alias autem sub firmamento esse iusserit: sic & nunc illas
ipsas aquas, quæ sub firmamento erant, in vnam congregationem iubet coire, vt appareat arida; & tunc hanc
etiam suum nomen imponat: sicut de luce, & tenebris dictum est. Congregatæ enim sunt, ait, aquæ, quæ sub
Cælo, in congregationes suas, & apparuit arida.

CYRILLVS Alexandrinus in Genesim libro primo, consimilia tradit.
Creatis igitur primum Cælo & terra, deinde aquarum copia in locum vnum contracta. (Parere enim necesse
fuit illi dicenti; Congregentur aquæ in locum vnum) terra subinde detegebatur, & herbarum ita varia specie
exornabatur.

PROCOPIVS Gazæus Commentarijs in Genesis caput primum.
Si aquæ quasi proprium est, vt fluat, quid sibi vult iussus diuinus? Nam sua sponte tandem ad loca cauer-
nosa terræ se recepisset. Præterea cum concauitates fuerint aquis obtecte, humore totam obruente terram, quo-
modo quiniit aqua ad eas confluere, cum prius aquis fuerint refertæ? His obiectionibus respondebitur in hunc
modum; Fortassis aquæ natura non exitit fluida prius, sed fuit stabilis & concreta. Ceterum manandi vim
denum

Congregentur aquæ.

Anno Mûdi
primo.
Die tertia.

a. Tertia etiam subsidente, voraginesque præbente, effecta est labentium aquarum congregatio.

demum nacta est ex iussu, & imperio Dei. Et post. Præterea hoc quasi peculiare est aquis, ut currant in mare, huicque incubent. Et si quando feruoribus Solaribus in altum rapiantur, ut continuo descendant, & mari iterum applicentur: quod quidem Ecclesiastes euidenter docet visce verbis; Omnia flumina vadunt in mare, & mare ipsum non impletur. Alibi quoque inquit Scriptura; An me non timebitis, dicit Dominus? aut à facie mea non contrimiscetis? qui posui arenam terminum maris in statutum perpetuum, nec transibit eum. Ni enim diuina prouidentia intra præstitutos terminos maria continuisset, profecto mare rubrum vniuersam Aegyptum, cuius situs humilior est illo, aquarum inundatione deleuisset.

Ecclef. i.
Hier. 5.

Art. i.

D. THOMAS parte prima, quæstione sexagesima nona, ad secundum, tres recenset sententias, atque hanc probabiliorē asserit, non attamen ad labendum procliuatē humidæ substantiæ tunc impertitā fuisse fatetur, ut præfati Patres autumabāt.

Tripliciter respondetur; Vno modo, ut aquæ in maiorem altitudinem sint eleuatae in loco ubi sunt congregata: nam mare est altius terra, ut experimento compertum est in mari rubro, ut Basilii dicit. Secundo, ut dicatur, quod rarior aqua velut nebula terras tegebat, quæ congregatione densata est. Tertio modo, ut dicatur, quod terra potuit aliquas partes præbere concauas, quibus confluentes aquæ reciperentur. Inter quas, prima videtur probabilior.

Catherinus Enarratione in caput primum Geneseos, non tantum hanc approbat sententiam, sed mordicus aduersus Caietanum tuetur, rationesque eius totis viribus elidere nititur.

Ex quibus visi sunt hi Patres, & Doctores arbitrari, mare esse altius terra, seu superficiem conuexam aquarum altiore esse, atque eminentiorem montibus, & ipsa terræ planitie, Chrysostomo, & Cyrillo exceptis, qui id non explicatè tradiderunt.

a. Terra etiam subsidente, voraginesque præbente, effecta est labentium aquarum, Congregatio.

Patres ferè omnes sicuti non vnicam congregationis aquarum causam reddunt, ita & in hoc consentiunt, ut congregationem huiusmodi non sine substrata tellure, specusque, atque scissuras in vtero suo exhibente, effectam perhibeant.

BASILIVS Hexameron Homilia quarta, quod pariter subsidente terra, ea aquarum coitio effecta fuerit, his edocuit.

Nemo proinde dicat; Si aqua terræ superficiem operiebat, prorsus consequi videtur, omnes omnino concauitates, quæ nunc maria susceperunt, refertas fuisse aquis. Quod igitur aquæ properabant sese vnum in locum collecturæ, concauis omnibus præoccupatis? Huic enim ipse dixerim, tum receptacula earum aquarum capacia ab opifice eam ad rem exceptandam adornata fuisse, cum in vnam coitionem cogenda venirent, & secerenda. Neque enim erat iam mare illud, quod trans Gades est externum: non item vastum illud & nautis inaccessum, & formidabile pelagus, quod Britannicam insulam, occidentesque Hiberos amplectitur: sed amplo tunc, capaci; conceptaculo præcepto Dei creato, ad illud aquarum copię concesserunt.

AMBROSIVS Hexameron libro tertio, capite tertio.

Nunc quia de vna collectione diximus, illud occurrit, vtrum cum per omnem ferè terram, & super terram fuerint diffuse aquæ per vallestria agrorum, concaua montium, planitiemque camporum, modo equoris fusa congregatio vna potuerit omnes illas aquas recipere, atque exinanire terras, quæ antè fuso per vniuersum flumine stagnabantur. Nam si tunc operta erant omnia, non diceret, visa est terra, nisi relecta vellet locis omnibus demonstrare. Si Diluuium Noë tempore abscondit & montes, quando aquarum iam & super Cælos & infra firmamentum fuerat facta discretio, quantum magis dubitari non potest, etiam montium vertices illa superfusione latuisse? Quod igitur illa omnis aquarum redundantia deriuata est? Quæ receptacula eam tam continua, atque connexa absorbere potuerunt? De quo multus nobis potest sermo suppetere. Primum, quia potuit Creator omnium, & ipsarum terrarum spatia diffundere: quod aliqui ante nos confirmantes, propria posuerunt senten-

Anno Mūdi
primo.
Die tertia.

Congregentur aquæ.

a. *Aquarum in suam sphaeram diuersam à terræ sphaera reductione, facta est ipsarum congregatio.*

Esa. 45.

sententia. Ego, quid facere potuerit, nunc prætermitto: quid fecerit, quod apertè Scripturarum auctoritate non didici, quasi secretum prætereo, ne fortè etiam hinc alias sibi quæstiones requirant. Afferro tamen secundum Scripturas, quia potuit locorum humilia, & camporum aperta diffundere, sicut ipse ait; Ante te ambulabo, & montes planos faciam. Potuit etiam ipsa aquarum vis profundiora ea facere, quæ insederat, tanto fluctuum motu, tantoque æstu concitatoris elementi, qui quotidie ima pelagi torquere, & arenas verrere soleat de profundo.

S E V E R I A N V S sinus maximos tunc conscissos fuisse perhibet. Congregetur aqua; Et ubi nam congregata est? nunquid in mari? Ubi igitur congregata est? Nondum erant concaua montium, sed simul ac Deus dixit; Congregetur aqua, terra scissa est, sinus fecit, id quod & insule, & montes, qui interiarent, satis testantur.

D A M A S C E N V S de Orthodoxa Fide libro secundo, capite nono. Diuino igitur iussu concauitates in terra factæ sunt; & sic in congregationes suas conueniunt aquæ: Hinc etiam & montes facti sunt.

Et capite decimo.

In principio autem (Scriptura dicit) terra cooperiebatur ab aquis, & erat inculta, & absque ornatu, cum præcipiente Deo, aquarum receptacula facta sunt. Et tunc montes extarunt, & diuino præcepto proprium terra suscepit ornatum, omnigenis herbarum, & plantarum varietatibus decorata.

P R O C O P I V S Commentarijs in Genesim capite primo. Ad hæc congruè dicitur, ut utranque dubitationem propulsemus, aquæ receptacula simul cum imperio diuino esse excavata: præsertim tamen maxima aquarum receptacula, quæ maris nomen repperunt, ad eum modum parata sunt. Si quæ extabant concauitates minores, hæc ampliabantur iussu diuino, ut aquæ, quæ inundabant prius vniuersam terræ superficiem, ex locis planis in eas decurrere possent.

Lyranus in Postillis idipsum autumat, ut mox deducemus.

T O S T A T V S pariter.

Ad istam congregationem aquarum, Deus fecit magnas quasdam cauernositates, & profunditates in terra, ne si terra plana esset, aqua super totam terram efflueret.

D. Thomas parte prima, quæstione sexagesimanona, articulo primo, ad secundum, tertio loco hanc recenset expositionem.

Mirifico igitur consensu conueniunt Patres hi cuncti, atque Doctores, Basilii, Ambrosii, Procopii, D. Thomas, ad congregationem aquarum duo concurrisse, Maris elationem, & Terræ substrationem. Alij connectunt cum terræ conscissione alias causas. Lyranus cum aquarum condensatione, Tostatus cum earum exiccatione per ventum validum effecta, simul terram subfedisce edocent, ut mox referemus.

a. *Aquarum in suam sphaeram diuersam à terræ sphaera reductione facta est ipsarum congregatio.*

Burgensis in Additionibus non tantum aquas lapsu coactas esse, & in æquoribus supra terram elatas fatetur, ut Patres asserti censuerunt, sed singulari, nupera, commentaria; fortè sententia, aliã sphaeram à terræ sphaera diuersam, & eminentiorẽ suscepisse arbitratu est. Argumentum sui placiti hoc est. Cum prius vnum esset centrum terre, Vniuersi, & aquæ, vnaque sphaera: hac Dei iussione, Congregentur aquæ, effectum est, ut terra denudaretur secundum aliquas partes in viuientium gratiã, & ut aqua aliud centrum susceperet à centro terræ, & Vniuersi discretum, (quod fortè centrum est lune) in terræ sphaera secundum partem insertum. Eximius enim hic Doctor tres impugnat sententias, contendens primum non potuisse terram tantas aperire, exhibereque voragines, quanta

Congregentur aquæ.

a. *Aquarum maiori obdensatione facta est ipsarum congregatio, Terra concavitates etiam præbente.*

quanta erat amplitudo immensa aquarum, cum aqua longe maiori quam terra sit prædita vastitate, ea de causa, quod in decuplū ex elementorum ratione super terram excrefcere decernendum sit. Amplius nec potuisse ex condensatione ad minorem redigi amplitudinem; quoniam id contra Vatis est testificationem, qui scripsit; Congregentur aquæ, & non condensentur. Deinde nec terrestres aquæ cæteris aëreis densiores experiuntur. Tandem quoniam aqua semper excedit terræ quantitatem. Præterea, nec potuisse aquas in mare cogi, adeo ut in maiorem à terra eueherentur altitudinem, cum Scriptura de aquis ad mare properantibus, eas descendere omnino contestetur; nec aqua ut fluida consistere in acervum possit, & rotunditas aquæ physicè demonstrari queat, & omnes aquæ partes eandem ad centrum propensionem obtineant, nauigantesque hemisphæria semper plana conspiciant.

B V R G E N S I S itaque aliorum sententijs impugnat, sic tandem suam prodit.

Pro quo attendendum est, quod sicut terra secundum Astronomos & Philosophos, est in medio Vniuersi, tanquam eius centrum; & est rotunda, seu spherica, cuius centrum est idem centro Vniuersi: prout demonstratur in vtraque scientia prædicta, sicut elementum aquæ ratione pari de sua natura est rotundum, seu sphericum; cuius centrum est idem in sua prima productione cum centro terræ, seu Vniuersi: sed oportuit terram esse discoopertam ab aquis secundum aliquas partes sui propter necessitatem ignis, scilicet propter habitantium animalium, & huiusmodi. Sapientia autem diuina (quæ disponit omnia suauiter) sic disposuit, ut elementum aquæ seruando suam rotunditatem naturalem, haberet centrum separatim à centro terræ & Vniuersi. Secundum Astronomos, qui motus syderum diligenter inuestigarunt, centrum quorundam orbium Planetarum est separatim à centro Vniuersi; unde apud eos tales orbes dicuntur eccentrici, seu egressæ cuspidis, ut in quarto Almagesti, & in alijs locis illius libri pertractatur. Quæ quidem diuersitas, seu distantia vtriusque centri, scilicet terræ & aquæ, ab inuicem, sic à Deo fuit disposita, ut inde sequerentur quinque ad propositum pertinentia.

Quinque autem, quæ consequi asserit, hæc sunt. Primum quod aquæ cunctæ ad suum centrum æquam deinceps haberent propensionem, ad ipsumque defluerent. Alterum, quod aqua eas denudaret terræ partes, quas ex dispositione distantia vtriusque centri ab inuicem detegi contingit. Tertium, quod aquæ in gyro vallatæ sint, seu circuitu spherico. Quartum, quod maris, & terræ confinia, æqualis effectæ sint altitudinis; sed mare in medio eminentius terra extumuerit. Ex quibus quintum consequitur, quod à terra ad mare descendendi dicatur. Pluribus autem auctor hic prosequitur nuperum istud excogitatum declarare. Consulas prolixam huius Doctoris narrationem.

a. *Aquarum maiori obdensatione facta est ipsarum congregatio; Terra concavitates etiam præbente.*

Existimant alij, quod ea amplitudo immensa aquarum potuerit condensatione congregari, adeo ut cum rariores immensum occuparent locum, ac terram vndique obtegerent, concretæ condensatæque in angustos Oceani terræque sinus redigi potuerint: videnturque asserere Doctores hi, aquas illas non fuisse ante in uaporem suspensas, sed fluentes, nondum eadem densitate præditas, qua nunc esse conspiciuntur.

I V N I L I V S aquas eas priscas rariores fuisse, consimulque fluidas, his videtur contestari.

Præsertim cum multo rariores, quam modo in terris videre solemus, aquæ in principio fuisse factæ credenda sint, priusquam in locum essent vnum, ut apparerent, congregatæ.

Anno Mūdi
primo.
Die tertia.

Congregentur aquæ.

a. *Aquarum absorptione per ventum validum, detecta est terra, & æquora apparere.*

LYRANVS in Postillis.

Hic consequenter describitur opus tertij diei, quo distincta sunt elementa: quæ distinctio facta est per hoc, quod aqua prius producta in forma substantiali, ut prædictum est, accepit tunc à Deo debitam densitatem: & sic occupavit minorem locum aëris spatium dimittendo: & per hoc, quod virtute diuina factæ sunt concantantes in terra, ubi recepta est pars aquarum: & sic apparuit pars terræ discooperta aquis, ad habitationem hominum, & animalium; & sic fuerunt elementa distincta in locis sibi debitis.

CAIETANVS clariori enarratione id tradit.

Congregatio aquarum non significat purum localem motum (Elementum siquidem aquæ non erat dispersum per partes à seinuicem separatas, quemadmodum multitudo militum dispersa congreganda est; sed integrum elementum ex omnibus sui partibus, continuum, ac sphericum erat in suo naturali loco) sed significat motum alterationis, quo aquæ condensatæ sunt, & ex raris factæ sunt densæ: ac per hoc per modum congregationis occupauerunt minorem locum relinquentes multas sui loci partes, quas occupauerunt partim aër mixtus, qui penes nos est, & partim eleuata quedam partes terræ. Tacet siquidem Moses eam, quæ comitata est, eleuationem partium terræ, in qua eleuatione facti sunt montes. Ex his siquidem duabus causis effecta est congregatio aquarum; ita ut appareat terra pro vegetabilibus, & animalibus terrestribus. Et quamuis Moses non explicet istas causas, explicando tamen utrunque effectum, videlicet congregationem aquarum, & apparitionem terræ, immo congregationem aquarum ad hoc, ut appareat terra, manifestando (poterant siquidem condensari aquæ absque apparitione terræ, puta si sphericæ fuissent densatæ singulæ partes in proprijs quibus erant locis) insinuat implicite horum ordinatorum effectuum causas prædictas. Nec propterea intelligas prius tempore fuisse causas, quam effectus: sed quemadmodum prius natura abyssi obscuritas præcessit lucem in primo die, ita alteratio aquarum, & terra, præcessit congregatas aquas non tempore, sed natura. Nec intercesserunt motus alterationum, & locales, sed Deus fecit effectus motuum sine ipsis motibus medijs. Et quemadmodum dicimus, quod Deus est æternus, quia est immutabilis, non significando, quod eternitas diuina sit res causata à sua immutabilitate, quum constet in Deo nihil esse causatum, sed significando, quod si eternitas causaretur, causaretur mutabilitate: ita in proposito dicitur, congregationem aquarum, & apparitionem terræ esse propter condensationem aquæ, & eleuationem terræ, quia si causarentur naturaliter, causarentur ab huiusmodi alterationibus aquæ, & terræ.

PÉRERIVS in Genesim libro primo, hanc aquarum condensationem his declarat.

Dici enim potest, aquam prius habuisse densitatem naturaliter sibi conuenientem, sicut habuit & stum, & figuram, hoc autem tertio die fuisse magis densatam maxima ex parte, & sic minori loco contineri potuisse. Facit huic opinioni fidem ipsum mare, quod densius & crassius est, quàm aliqua quælibet aqua: itaq; densitas quæ habet aqua naturaliter nunc generata, ut fontium, fluminum, imbrium est ea, quæ naturaliter conuenit aquæ, quæ minor est densitate maris.

a. *Aquarum absorptione per ventum validum, detecta est terra, & æquora apparere.*

Non desunt ex ijs Doctoribus, qui spiritus Dei nomine aërem non quietum, sed concitatum quasi ventum, alterius tamen generis ab Euro, Notho, & similibus, ut porè quod exhalatio non esset frigida, & sicca, seu ut malunt alij, calida, & sicca, sed aër purus, intelligentes; ei que vim, atque munus exiccandi, non ex natura ipsius, sed ex celeritate illa concitatione tribuentes, ipsum immensam eam aquarum affluentiam absumpsisse, terram exiccasse, opportunamq; viuientibus sedem parasse existimarint.

RABBI Salamon, referente etiam Lusitano præcipuus fuit huius rei assertor. Est ergo locus iste ad literam reddendus. Et ventus, seu flatus Domini, idest à Domino immixtus, movebat

Anno Mūdi
primo.
Dietertia.

Congregentur aquæ.

a. *Aquis quampluribus ardentissimo Sole in aërem mutatis; reliquæ congregatæ sunt in æquoribus.*

uebat se super aquas, aut super superficies aquarum, ut scilicet eas cogeret ad locum vnum, & terram exic-
caret, ad hominum, & animalium habitationem; & ut herbas, & plantas ex se emitteret, quas aqua impe-
diente non producebat.

T O S T A T V S in Postillis præcipiti cursu in hanc sententiam labitur,
dum inquit.

Sine ergo dicantur aquæ in secundo die factæ, sine in tertio, magis mihi videtur, quod ante productæ fue-
rint quam congregatæ; quia congregatio supponit existentiam. Et maximam confert ad hoc probabilitatem,
immo necessitatem, id quod supra diximus, scilicet, quod spiritus Domini ferebatur super aquas, id est ventus
flabat super aquas ad diuisionem, vel saltem ad desiccationem.

Verum, & hæc ipsa iam prius his declararat.

Postquam Deus distinxit quantum ad substantiam elementalem, ita quod esset terra, & aqua: tamen ad-
huc manebat aqua supra totā terram: deinde congregata fuit aqua ad locum vnum voluntate diuina, ut pa-
tet infra. Mansit autem terra madefacta, & limosa: ideo induxit Dominus ventum vrentem, flantem scilicet
Boream, & desiccavit terram: & iste ventus ferebatur super aquas separando, & disiccando aliquas remanen-
tes in locis infimis, vel concauis. Et sic habetur Exodi decimoquarto capite, ubi dicitur, quod quando Hebræi
transituri erant mare rubrum, Deus induxit ventum, qui desiccavit, & abstulit aquas, scilicet; Cumq; exten-
disset Moyses manum super mare, abstulit illud Dominus flante vento vehemēti, & vrenti tota nocte, &
vertit in siccum. Et post. Item si arguas, quia dicitur in opere secundæ diei; Congregentur aquæ, quæ
sub Cælo sunt, in locum vnum, & appareat terra arida; ergo videtur, quod inter diuisionem aquarum à ter-
ra, & apparentiam aridæ, non fuit mora. Respondetur concedendo, quod postquam totaliter aquæ relique-
runt superficiem terræ nostræ habitabilis per ventum vrentem, immediate apparuit terra arida, quia ventus
erat valde fortis, & vrens: vel quod Deus sine vento separauerat aquas; & post per ventum desiccavit.

a. *Aquis quampluribus ardentissimo Sole in aërem mutatis; reli-
quæ congregatæ sunt in æquoribus.*

S T E V C H V S in Cosmopæia in primum caput Genesios, censuit singu-
lari, & noua sententia, Solem, quem præditum efficacissima, ardentissimaq; luce pri-
ma die productum autumat, aquas amplissima copia, & vastitate insueta exundantes
in aërem transmutasse, terrasq; explicasse; adeo ut residuis aquis confidentibus in im-
mensis voraginibus terræ, Maria sint effecta.

Primam igitur diem fecit Sol creatus, ab excellenti, diuināq; operatione lux appellatus. Pariter autem
Solem fecit Deus, ac Sol fecit diem. Eo die, ac sequenti, à Sole simul concoctis vastis aquis, aër quem dici-
mus Cælum, est creatus. Quod cum eo temporis spatio Sol egisset, apparuere terræ Solis ardore sublatis su-
pra terras aquis. Nam cum toto Oceano hæc lampas superuecta, circumquaque omnem aquarum orbem exu-
reret, ab altioribus locis, in depressores aquæ confidentes, terras ubiq; celsiores nudas reliquerunt.

A V C T O R.

Ad sunt igitur modi sex, quos ego hauserim, quibus aquarum fluentium coactionē,
terræq; detractionem effectam fuisse, Patres, & Doctores perhibere; nempe Aquarum
ad mare delapsu, marisq; elatione: Nouæ aquarum sphaeræ congectione: Specuum, vo-
raginū, cauernarumq; terræ exhibitione: Aquarum ampliore obdensatione: Earundem
per ventum validum absorptione; Ac tandem ex vi efficacissima Solis ipsarum in
aërem transmutatione.

Verum ut ὑστερον faciamus προτερον, modus quem Steuchus attulit extremo loco, peni-
tus singularis, ac commentitius est, arduisque molestijs premitur. Primum Solem non
Z z z primo

Modi sex, qui
bus mare ef-
fectum tradi-
tur.

Steuci senten-
tia reproba-
tur.

primo die, sed quarto conditum fuisse & Moses contestatur, & Patres omnes grauissime edocent, & Ecclesia, vt supra demonstratum est. Et qui primæuo omnium die profilitum arbitrantur, vt D. Thomas, & alij, consueta luce effulisse constanter asseuerarunt. Quare prorsus sola, fictitia, caligansque euincitur Steuci assertio. Deinde Deum summū opificem nulla secundarum causarum, seu Solis ope, sed vnica sua virtute, sex opera creationis patrasse, omnes (excepto Steuco) decernunt. Amplius si tanta aquarum affluentia, quæ totum spatium à terræ sphaera ad lunæ orbem explebat, in aërem versa est, cum ea sit ratio transmigrationū elementorum, vt si crassius, & impurius, in leuius, puriusve commutetur, in decuplum succrescat, atque (vt aiunt Philosophi) ex pugillo aquæ tanquàm crassioris, puri aëris seu rarioris decem pugilli efficiantur: quò concessit tantus aër? quò properauit? quò porrectus & expansus est, si maiore locū nactus non est, quàm aqua antea obrueret, occuparetque? Rursum aëris elementum totum ex aquis conflatum fuisse, vniuersus tam Philosophorum quàm Theologorum cētus scitè inficiabitur; elementa siquidem etsi mutua corruptione inuicem secundum partem se gignāt & au-geant, non tamen secundum totum; quod enim secundum totum gignitur, iuxta Aristotelis doctrinam, elementum esse non potest. Rursum quis tanta & tam valida exurendi, torrendique vi Solem fuisse præditum cogitare poterit, vt trium dierum delapsu, vastissimam aquarum amplitudinem vsque ad orbem lunæ scandentem, atque pertingentem quiret absumere, atque in aërem deportare? Quòd si id fuit Dei potentia munus, nūquid & ipsa non valuit absque ardentissimi Solis ministerio, & aërē gignere, & aquas congregare? Adicias, postquam aquæ faciem telluris obruentes absumptæ sunt, destitit ne incepto Sol, atque ardorem suum flagrantissimum cohibuit & mitigauit? Si non; cur maria, lacus, flumina, fontesque cunctos postea non absumpsit? Si vero ardorem suum temperauit, ac tepescit, iam igitur non eiusdem virtutis & vigoris, immo neque ismet omnino Sol phibendus est. Deinde quis ardorem illum coërcuit? quis maximam illam exurendi vim repressit, vel retudit? Cæterum & Moses litera huic sententia prorsus refragatur. Tradit siquidem Moses; Congregentur aquæ in locum vnum. Porro si Solis exustione absumptis aquis omnibus, quæ super terræ marisque faciem exundabāt, mare apparuit, iam non aquarum congregatione in vnum locum, sed potius consumptione, seu terræ denudatione effectum fuisse asseuerare possumus. Peregrina igitur, commentitia, ac parum Philosophiæ Theologiæque placitis, Patribus, ac ipsi Mosis arri-dens hæc sententia conspicitur. Sententia ea, quæ venti validi efficacia, aquarum copiā exhauriri voluit, à Catherino, & alijs merito repudiatur atque reijcitur. Primum quoniam Moses constanter prodit aquas in locum vnum mandante Deo, non autē perflante vento, aut aërē sese citissime commouente, propellenteque, seu ullo creaturarum ministerio fuisse congestas. Deinde si aër cum cæteris elementis commixtus erat, adeò vt non inde eruperit, seu congregatus fuerit, nisi hac die tertia; quo pacto & simul erūpere, & aquas exiccare potuit? Insuper quorsum sapientissimus opifex citra aliquē usum aquas adeò affluentes creauit, ut mox eas aboleret? Nunquid in materiam priscā eas redegit; uel fortè etiam in nihil? Sapientiam certè diuinam hæc dedecent, obscurant, ac ferè deturpant. Aquarum ingentem copiam maiori ipsarum obdensatione potuisse in Oceanum cogi ac redigi, quemadmodum Lyranus, & Caietanus sensere, prorsus non inficior. Primum enim id Deo possibile fuisse non est qui abnuat: deinde nec ab aque natura ualde alienum erat, si tamen aquam prius densitatem natura sibi debitam detulisse perhibeamus, cum formam consequantur accidentia, tunc autem maiorem tantummodo obdensationem aquam ipsam suscepisse fateamur; densiorem siquidem aqua aquam esse, & crassiorem, experimento demonstrat aquarum fontium, fluminū, & imbrium ab aqua maris disparitas, & dissimilitudo. Verum non desunt mihi plures coniectationes, quæ hanc obdensationem repudiare compellunt. Primò confissima illa, & perturbata aquæ, ac terræ mixtura, qua Chaos illud cēnosum obruebatur, ne aquas tunc puriores & rariores quàm nunc sint, extasse asseram, uehementer deteret. Deinde adhuc lis sub indice est, Num aquæ maris falsedinem atque crassitiem suā suis in natalibus, an post ex Solis exustione, seu alia de causa obtinuerint. Nam licet Philo connotam fuisse aquis maritimis falsedinem edoceat: non desunt attamen, qui exemplis

Lib. 5. Meta-
ph. tex. 4.

Tostati opi-
nio refelli-
tur.

Lyranī asser-
tio reijcitur.

Sentētia pro-
batioꝝ.

Burgēsis pla-
citum impro-
batur.
Centrū vni-
cum est.

Num quis
die tertia na-
turalis vis ad
fluendum sit
tradita.

BASILIVS Hexameron Homilia quarta.
At sanè eadem quid prius obtinuerit virium, ante nimirum quàm cursus hic illi ingigneretur præcepto Do-
minico, neque ipse nosti, sed nec certò audisti qui nouerit.
PROCOPIVS attamen ait.
Fortassis aquæ natura non extitit fluida prius, sed fuit stabilis, & concreta, ceterum manandi vim demum
habita est ex iussu, & imperio Dei.

ZZZZ 2 Cen-

Censendum autem est, quod Patres hi, cum Platonica, ut plurimum, sequantur placita, si elementis motionem aliquam ascripissent, ea profecto in orbem ferri pronuntiaissent: huncque naturalem illis in prima Mundi structura, qua elementa se ipsa gyrovallabant, motum asseuerassent, aut immota forte perstitisse, cum nondum ullus orbis, neque etiam supremus, conuersiones suas ex eorum placitis exorsus esset. In secunda autem structura, in qua, sic mandante Deo, elementa illum sibi uendicarunt locum, qui in uiuentium obsequium opportunus erat, aquas aliud motionis genus sortitas esse, nempe ut ad centrum, seu medium fluerent; dieque tertio aquas explicuisse, & exruiisse nativam ad humiliora, depressioraque loca delabendi procliuatatem, iussu Dei eis elargitam ac insitam, ex eo quod Dei mandato effectum fuerit, ut substrata partim, partim etiam extumesciente terra, aquae ex proprijs sedibus deturbatae, non amplius rapi in orbem possent, sed ad medium, seu ad centrum defluere cogerentur. Animaduersumque esse velim, Patres sapius miraculum appellare, diuinamque potentiam ascribere ea, quae nunc quidem à natura proficisci arbitramur, quaeque in prima structura, & Mundi dispositione, seu Chaos congectione, praeter naturam, & portenta nuncupari poterant.

Alterum, quod edocent hi Patres, est, aquas in seipsis coactas, & coarceuatas extumuisse, eo euentu, ut ex precepto tantum frenentur, ne in terram labantur, & ipsam obruant. Quod quidem, si ad sanum redigatur sensum, suppositum esse exploratumque cupio. Aquarum enim congregatione elatione maris absolutam dico, elatione inquam, non ea qua terrae sphaeram mare ipsum supergredi existimatur, sed qua Oceanum, seu aquas ipsas super primam sui altitudinem longè elatas arbitramur. Nam licet aqua, circumferentiae & extensionis ratione, maior quam terra prius extiterit, longè minori tamen altitudine, seu profunditate diffundebatur, cum à centro terrae ad eius superficiem multò maior & productior linea, quam à telluris ambitu, super quam aquae confidebāt, ad extimam earum superficiem protenderetur. Fieri igitur potuit, ut terra ex parte circa ima subsistente, & ex alia se extollente, aquae in uoragines defluxae maiorem quam prius nactae essent altitudinem sibi, ac profunditatem vendicarint: quodque linea à profundioris Oceani solo ad eius summitatem deducta, maior, longiorque illa, quae à terrae superficie ad aquarum extremam oram tunc distendi poterat, comperiat. Sed haec clarius in disceptatione; Num mare sit altius terra, manifestabuntur. Haec autem Patres tantum istos cum neoterioribus conciliandi gratia prolata sunt. Quanquam, ut ingenuè verum fatear, forsitan ex Patrum horum amplissimorum paginis euinci posset, existimasse eos, & mare nunc terra eminentius extolli, & diuino praeepto ipsis aquis esse ingenitum, ut ad mare fluant, quasi per decliuiora altiore eminentioremque locum subigant, quod natura ipsis inditum non erat. De modis itaque, quibus congregatae sunt aquae, à Patribus delatis id meum esto iudicium. Consentaneum est igitur, ut duas approbatas sententias connectendo, modum quo maria conglutinata, & terrae detectam fuisse arbitror, concise referam. Censeo terra subsidente, meatus, uoraginesque exhibente ex una parte, ex altera uerò iussu Dei extuberante, aquisque ad ima delabentibus, breuissimo momento hinc maria maiori altitudine, quam habebant, erupisse: illinc terram denudatam apparuisse. Arbitrorque telluris, & aquae sphaeram, in qua aquae terram circumtegebant vndique, non quantitatis, seu amplitudinis, sed solum tantum speciem immutasse, eo euentu, ut cum prius aqua terram uallaret, tellusque tota circa ima subsisteret, Dei iussu, & terra subsidens, & alibi faciem efferens, & aqua ad imas partes decurrens, adeò locum permutarint, ut ex duobus orbibus, quorum vnum alterum ambibat, unus sit effectus, ex terra, & aqua simul congestus: & cum vtrunque elementum centro Mundi concentricum esset, ambo centri grauitatis ratione concentrica etiam remanserint, sed ratione magnitudinis centri eccentrica effecta sint; ut infra luculentius disceptabimus. Quod quidem valde sublime, maximeque admirandum facinus, si verà profari licet, à paucis haecenus rectè animaduersum, atque à paucioribus declaratum comperij. Superest ut pro dictarum rerum declaratione duas emergentes difficultates in trutinam constituamus. Prima est, Num terra in sui productione, an tertio die, an diluuij Noëtica concussione inaequalis reddita sit. Altera erit, Num mare sit altius terra. Duo enim haec à Patribus ventilantur.

Aquae congregatae eminentiores factae sunt.

Sententia auctoris.

Num

*Num terra ab initio, an tertio die, vel Diluuij tempore,
inequalis reddita fuerit.*

Elegans hic ea difficultas suscitatur; Cùm terra sua natura rotunda æqualiter confidere deberet, Dei autem opificis iussu effectum sit, vt partim subsederit, partim etiam sese extulerit, & hinc concauitatibus, specubus scinderetur, hinc montibus & collibus efferretur; non immerito, quando id euenerit, percunctandum est.

Sententia terram ab initio suo voragines habuisse astruens.

H V G O Victorinus noster, præcipuus sententiæ huius est propugnator Adnotationibus in Genesim libro primo, capite septimo: sed clarius de Sacramentis libro primo, parte prima, capite sexto.

Et qui nunc sunt aluei, siue trachones aquarum, iam tunc in ipso nascentis Mundi exordio in terræ corpore futura aquis receptacula parata erant. In quibus etiam magna illa abyssus (de qua omnium fluentia aquarum producenda, siue deriuanda fuerant) patulo adhuc hiatu, vacuoque, horrendum in præceptis inane præferebat.

Et capite vigesimo primo.

Locus vnus, in quo congregatæ sunt aquæ, quæ sub Cælo erant, abyssus magna creditur; quæ ab ipso mundi exordio, in terræ corpore tantæ capacitatis facta fuisse putatur, vt omnium receptaculum aquarum esse potuisset.

Hæc ipsa Glossa Locupletata.

R I C H A R D V S Exceptionum libro secundo, capite septimo, id ipsum censuit.

Abyssus est concauitas terræ, quæ receptaculum inferiorum futura erat aquarum.

S T E V C H V S in Cosmopeia.

Veri enim est simile, eundem ipsum terræ, & aquarum conditorem, terram à principio ita disposuisse, vt eas haberet sedes, quibus aquæ receptæ, terras altiores, habitabiles relinquerent.

Sententia die tertio dissectam fuisse terram, autumans.

S E V E R I A N V S vt in Catena Lippomani.

Nondum erant concaua montium, sed simul ac Deus dixit; Congregentur aquæ, terra scissa est, sinus fecit, id quod & insule, & montes qui interiarent, satis testantur.

A V G V S T I N V S de Genesi ad literam libro primo, capite duodecimo.

Quamquam & terra longè, latèq; subsidens, potuit alias partes præbere concauas.

Et contra Aduersarium Legis, & Prophetarum libro primo, capite tertiodecimo.

Quid si etiam diuino nutu in magnos sinus terra subsedit; atque ita quicquid naturæ humidæ per totum eius iacebat, in partes concauas confluens, recessit à cæteris, & quod operiebat, aperuit, congregata in humilia succumbentia, quæ mare interflueret, & circumflueret, atque altiora deserens, quæ Orbis emineret?

I V N I L I V S in Hexameron.

Terra ipsa longè, lateque, iussu Creaturis subsidens, alias partes præberet concauas.

D A M A S C E N V S libro secundo Orthodoxæ Fidei, capite nono.

Diuino igitur iussu, hoc scilicet die, concauitates in terra factæ sunt; & sic in congregationes suas conueniunt aquæ; hinc etiam & montes facti sunt.

Et capite decimo.

In principio terra cooperiebatur ab aquis, & erat inculta, & absque ornatu, cùm præcipiente Deo, aquarum receptacula facta sunt, & tunc montes extarunt.

B E D A libro de Creatione sex dierum, & Quæstionibus in Genesim clariùs.

Quamquam & terra longè, latèque subsidens, potuit concauas partes præbere.

Glossa Ordinaria, Magistri duo, D. Thomas, & alij, Augustini ferè mutuarunt verba, & sententiam.

T O S T A T V S in Postillis.

Ad istam congregationem aquarum Deus fecit quasdam magnas cauernositates, & profunditates in terra, ne si terra plana esset, aqua super totam terram efflueret.

Amplius sententiam eorum, qui terram sphericam nulla montium, & vallium distinctione ante Diluuium extasse arbitrantur, impugnat, & elidit proluxiori oratione.

Et ex hoc arguunt quidam imperiti, dicentes, quod ante Diluuium tota terra erat spherica: sed aquæ Diluuij

luuij fecerunt concauitates & montes. Si hoc verum esset, ubi erat ante Oceanus, quin toti terræ illaberetur? Et si dicant, quod in mari cauernositates erant, sed terra aperiens, suæ aqua, tota plana erat. Sed si hoc verum est, ubi erat Paradisus terrestris, qui usque ad globum Lunarem accedere dicitur? Ipsa etiam Scriptura eos arguit infra capite septimo, ubi dicitur, quod aqua diluuij excedit montes altissimos terræ quindecim cubitis. Et quod sedit Archa in montibus Ararath. Etiam quia naturæ valde consonum est esse montes, quia si ne montibus non est terra multum fertilis, nec bonæ influentiæ. Esset enim terra multum sicca: quia fontes naturaliter non possunt gigni, nisi locus originis sit ad minus æqualis loco, in quo erumpit, cum aqua solum ascendere possit ad æqui libram: & per Philosophum patet in secundo Metheororum. Sed data terra spherica, cum aqua erumpere debeat de sub terra, & ibidem oriri, nunquam posset erumpere, quia locus originis semper esset inferior loco scaturiginis fontalis. Item, quia montes alti faciunt valles propinquas irriguas, propter originem fontalem in montibus derivatam ad planiora. Faciunt etiam montes esse diuersas influentias in terris, ex diuerso modo receptionis radij solaribus, & aliorum Astrorum. Vnde contingit, quod in vallibus habentibus montes expositos radij solaribus, citius fructus maturescant, quam in locis planioribus conuenientis. Multæ & aliæ utilitates fiunt à montibus; ideo Deus non priuasset primam illam ætatem tantis beneficiis, cum dicatur fuisse inter omnes delectabilissima, quasi ver æternum.

Que certè Tostati ratiocinanes contemni ac despici non possunt, excepta ea, qua Paradisum terrestrem super iuga montium ad globum lunarem accedere autumat. Id siquidè non exploratum est, & perspectum, cum de Paradisi terrestris situ vehemens inter Patres disceptatio iactetur.

*Sententia Terram Diluuij tantum tempore subsedisse, et
montibus se extulisse asserens.*

Sunt qui terram ante Diluuium in orbem rotatam fuisse absque ulla celsiorum vel humilium locorum secretionem existiment. Diluuij autem Noëtici colluuiæ contigisse, ut sese inuicem collidentibus fluctibus, atque impellentibus, in superficie terræ cœnosa, & exiccata, arefactæque hinc montes, & colles exurgerent, hinc planities camporum, seu uallium deprimeretur, & dilataretur, voraginesque ampliores pro lacubus, atque æquoribus dehiscens tellus exhiberet. Quod & rationi consentaneum arbitratur, cum ante diluuium Scripturæ mōtes, & ualles non memorent, diluuijque tumentes fluctus adeo efferuerent, ut terram intactam, ac non ualde iactatam relinquere nequuerint.

A V C T O R.

Non possum ego hanc postremo loco recitatam assertionem non repudiare, neque ijs tantum, quibus Tostatus eam reiecit, verum & pluribus alijs hinc inde collectis & conuincuentis argumentis. Primò placitum id à Scripturis alienum, repugnansque euincitur. Moses enim Diluuij aquas quindecim cubitis omnium celsiorum montium opermina superasse contestatur. Et aquæ, inquit, præualuerunt nimis super terram, operitque sunt omnes montes excelsi sub vniuerso Cælo, quindecim cubitis altior fuit aqua super montes, quos operuerat. Montes igitur ante extabant. Quod si montes non efferebatur, nonne cauillosa hæc fuisset Mosi cōparatio? Præterea Sapientia vetustatē suæ originis amplificans ait; Dominus possedit me in initio viarum suarum, antequam quicquam faceret à principio; ab æterno ordinata sum, & ex antiquis antequam terra fieret. Nondum erant abyssi, & ego iam concepta eram. Necdum fontes aquarum eruperant, necdum montes graui mole constiterant, ante omnes colles ego parturiebar; adhuc terram non fecerat, & flumina, & cardines orbis terræ. Deus itaque vnà cum sapientia in primordijs temporum terram, abyssos, fontes, montes, colles, Cælos simul congeffit, igitur non diluuij tempestate montes exertos esse censendum est. Verum non desunt, & grauissimæ rationes, quibus id ipsum ostendi ac demonstrari possit. Iam enim extabant maria, cum Scriptura aperte prodat, quod Deus congregationes aquarum die tertia appellarit maria: Si igitur mare ante diluuium aderat; quibus aggeribus, seu litioribus tunc clauderetur, ne terram inundaret, obrueretque, Deinde Mundum Deus extruxit omni ornatu decoreque insignitum, at montium, valliumque discrepantia mirifice Mundum exornat. Rursus Mundum Deus cōdidit mortalibus apprimè proficuum, sed quantum intexta montium, atque vallium structura proffit, non est qui non spectet

Conse-

Gen. vi

Prout.

Conferunt montes ad impetum ventorum compescendum, frenandumque, ad scaturiginem fontium, & fluminum fouendam, iuxta illud; Qui emittis fontes in conuallibus, inter medium montium pertransibunt aquæ: Ad æris salubritatem tutandam: Valles è contra domicilium sunt mortalium, stirpium, fructuumque: fertilitatem augent, aquis fontium omnium, lacuūq; receptacula vastissima exhibent. Igitur non cedere his potuit Mundus aureæ ætatis tempestate, ab Adæ temporibus ad Noë. Contestatur amplius Scriptura ex Paradiso terrestri fontem ascendisse, quattuorque amplissima flumina ex eo manantia terram vndique irrigasse; quod fieri certè nequiuisset, si terra omnino sphaerica erat: siquidem nec aqua erumpere ex subterraneis visceribus, cum locus scaturiginis, eruptionisque, non inferior, sed eminentior esse debeat; nec ad longinqua loca, & decliniora decurrere potuisset, cum aqua suo pondere ad ima semper labatur ac perfluat; nec vnquam supra originis propriæ altitudinem extollatur: ac fontes, & flumina uel æqualiter in omnes partes effluiscent, uel totum terræ ambitum obruissent. Igitur fontium expers vniuersa telluris facies remansisset, quare omnis ei scaturientium fontium, & irrigantium fluuiorum pulchritudo defuisset, & nisi perennes ferè depluissent pluuiæ, plantarum, olerum, ac arborum ornatus ante diluuij Noë tempora palluisset, decidisset, ac periisset. Rursum non alia serie, quam nunc, tunc flumina defluisse arbitrandum est: At nunc memorata à Scriptura flumina ab altissimis montium iugis decurrere noscuntur. Nilus ab celsissimo Lunæ monte in Aphricæ mediterraneis locis se extollente. A Caucaſo, seu Imao, qui dorsū ferè totius Asiæ occupat, Gæges, Indus, Tigris, Euphrates insignia flumina erumpunt; & quod mirū est, ab Adula monte quattuor amplissimi amnes decurrūt, in quattuor orbis diuersa æquora se exonerantes: Rhenus in Oceanum Borealem, Danubius in Pontum, Rhodanus in Mediterraneum, & Padus (si ex Ticino eius originem sumimus) in Adriaticum confluentes. Quod si Tartarus, ac Sylus in Italia, & alij etiam vbique terrarum fluuij consimiles ex vallibus scatere, emanareque spectantur, fontes ipsorum tamen per subterraneas uenas, à sublimioribus locis prodire suspicandum est.

Psal. 102.

R V P E R T V S Commentarijs in Genesim libro primo, capite trigesimo-quarto, montes collesque fuisse ipsi terræ insitos duabus de causis asseuerauit. Quarum altera est, vt à ventorum procellis terram tuerentur. Hanc insinuat, dum ait.

Porro, quid opus erat eidem aride, id est, terræ, vt ascenderent montes, & descenderent campi, in locum inquit, quem fundasti eis? Hic planè illud sciendum est, quia si terra æqualis vbique iaceret, non lenior quam in mari ventorum tempestas in ea regnaret. Nam solet & nunc in locis illis, qui montibus carent, videlicet maximè in Libia, tempestas non minus quam in pelago turbare foris deprehensos quoscunque tam pedites, quam equo sedentes. Etenim vbi per loca æqualia, & nuda gignentium, ventus coortus arenam humo excitauit, magna ui agitata, ora, oculosque implet; & ita profectum, incessumque impedit, vt in nullo mari maius naufragium. Quid si nulli vsquā montes ascendissent, si cuncta in planum terra descendisset? Si vbi paululum ventis currere licet, tantas vires breui colligunt, quid possent, si nullum in toto Mundo haberent repagulum?

Psal. 103.

Altera verò, vt Dei prouidentia ex ea rerum varietate magnificaretur, quam explicat, cum inquit.

Ergo nec istud magnifici Dei laudibus deesse debuit, quod ascendunt montes, & descendunt campi in locum, quem ille fundauit eis. Fundauit inquam, videlicet vt neque montes semel ascendere iussi descendant, neque campi semel depressi consurgant.

Hugonis Richardique assertio, terram ipsam suo initio concauitates, voraginesque aperuisse astruens, non in consentanea est, si Chaos ab ipsis propositum admittamus. Nam si ignis, aqua, & aer commista ad nebulae instar Vniuersum explebant, fieri potuit, vt & terra in centro librata meatus suos ab exordio deferret, vt mox resolutas ex nebulis aquas reconderet. Sed in consentanea est, si aquas eas prisca fluidas extasse arbitremur. Siquidem tunc aquæ etiam ante tertiam diem eos specus omnes expleuissent; adeo vt si quæ erant exundantes, concludi in ipsis nequiuissent, sed Dei uirtute, uel uento flante, uel Solis ardore absumi necessarium fuisset; quam absorptionem omnes ferè execrantur, atque vt diuinæ Sapientiæ parum decentem explodunt.

Hugonis sententia perpenditur.

His duabus repudiatis sententijs, non arduum, operosumque erit ceteras duas conciliare. Arbitror igitur cum Basilio, Ambrosio, Procopio, ab exordio insitas fuisse terræ declinuitates quasdam, ad quas aqua propensius deflueret, & quibus facilius cōsideret. Neque etenim

Sententia Auctoris.

etenim Deum quasi figulum sphaeram terræ rotundam exacte delineasse, ac formasse censeo. Arbitror amplius cum his Patribus, decliuitates eas tum extuberante terra, tum aquarum rapida & propera ad suam sedem concitatione augeri potuisse, adeo ut caneræ, fistulæ, meatus, specusque longè ac latè patentes præberentur. Rursum arbitror cum alijs Patribus Augustino, Seueriano, Iunilio, Damasceno, & alijs, voragines etiam immensas iisdem de causis hac die patefactas esse tanta amplitudine, ut aquarum copiam recondere, concludereque possent. Quæ omnia tamen ingenue lector summa erga antenatos meos obseruantia prolata acceptato,

Num mare sit eminentius terra.

Difficultatem à vetustissimis excitatam, nec à Neotericis adhuc enodatam, aut solutam aggredior; Num mare scilicet sit eminentius terra, seu Num planities terræ, quam homines animantiaque cuncta occupant, atque incolunt, mari emineat, nec ne: compellorq; hoconus subire, Basilij, Ambrosijq; Patrum gratia, necnon & Augustini, cæterorumque, qui hac in re in varias aduersasque sententias distrahuntur, nobisque occasionem suppeditant, ut exactè difficultates istas indagando eas dissoluamus.

Classis arbitrantium mare esse altius terra.

Sententia fuit grauissimorum Patrum, Philosophorumque, mare præeminere terræ nostræ, Patribus ipsis illud adiungentibus, solo Dei præcepto coerceri, ne ad humiliora loca defluens terram vniuersam obtegit, & obruat.

Plato in Timæo constanter id asseuerare visus est. Aristoteles, & Auerroës libro secundo Cœli, dum Cœlum sphericum astruere moliantur, & aquam terræ in Orbem incumbere, & aërem aquam ambire, & ignem aërem circumuallare; insuper & superficie aquæ sphericam extare, apprimè testantur. Amplius terram mediam sedem Mundi sibi vindicasse liquet.

Cicero libro primo de Natura Deorum hæc habet. Mare, cum supra terram sit, medium tamen terræ expetens, congregatur vndique æquabiliter, neque redundat, neque effunditur.

B A S I L I V S, ut nostros potissimum audiamus, Hexameron Homilia quarta, ut supra retulimus, sententiam istam amplexatur; & ex hoc Dei potentiam, benignitatemque amplificat, quasi mare ipsum concluderet, ne effusè exundaret, terramque stagnantibus vndis & alluentibus inuolueret. Comprobat autem id duabus rationibus. Altera, quod intumescens etiam, & furens non exeat.

Idcirco furens ventis sæpenumero mare, atque ad immensam altitudinem sese extollens vi fluctuum, ubi litorea solum attigerit, eo impetu mox in spumam dissoluto retrolabitur. An me non timebitis dicit Dominus, qui posui arenam terminum mari? En mare, res planè sua vi intoleranda, re tamen omnium inuolidissima, nempe arena frenatur, ac coercetur.

Altera maris rubri exemplo.

Alioquin, quid prohiberet mare rubrum sua exundanti alluie irrumperere in vniuersam Aegyptum, quæ ipso mari tanto est concauitate depressior, seque mari, quod Aegypto adiacet, coniungere; nisi Creatoris præcepto tanquam compedibus astrictum coerceretur? Etenim Aegyptus, quod sit mari rubro humilior, vel illi nobis reipsa persuasere, qui connixi sunt maria hæc, Aegyptium inquam, & Indicum, cui permiscetur rubrum mare, inter sese committere, & alterum alteri coniungere. Quamobrem destitit à tanto conatu, Aegyptius ille Sesostris, qui primus id est aggressus, Darius item Medus, qui secundum hæc voluit prosequi rem tantam, & supremam operi admoliri manum.

Quibus Basilius præcipuè astruit: Mare rubrum Aegypto esse eminentius, experimento, quod Sesostris vetustus ille Rex Aegypti, & post ipsum Darius Medus, cum mare rubrum Aegyptiaco mari connectere excogitassent, ab incepto destiterint, quod mare rubrum altius Aegypto compererint, veriti ne Aegyptus aquis obrueretur; vel aqua Nili, quæ sola Aegyptiis potum præbet, ex nimia maris falsedine male afficeretur. Huiusce rei scriptores sunt Herodotus, subinde Plinius libro sexto, Aristoteles primo Meteororū, Strabo libro decimoseptimo, qui & adiecit Ptolemæos Reges à Nilo ad ora rubri maris alueum incidisse, ac Euripum clausum extruxisse. Redarguunt nonnulli Basilium

Basilium, quòd aut memoria lapsus sit, aut mendum eius scriptis obrepserit, ex eo quòd Plinius loco citato non Aegyptiacū mare, sed Nilum cum Rubro mari hos reges connectere contendisse dicat; destitisse verò, vel quòd Rubrū tribus cabitis celsius Aegypto inuentum sit, vel quòd immisso mari, aquas Nili Aegypto potum præbentes corrumpendas fore metuerint. Et Strabo libro decimo septimo testatur, inceptū id opus derelictum fuisse à Dario, falsa opinione persuaso. Persuassus est enim, ait, Rubrum mare Aegypto sublimius, vnde si intermedius Isthmus intercideretur, Aegyptū à mari obrutum iri. Ptolemæi tamen reges eum incidentes, Euripum clausum fecerunt, vt cum vellent, in exterius mare nauigarent, ac rursus sine periculo reuerterentur. Cæterum hæc parū Basilij placitum elidunt, atque effringunt; asseuerare siquidem possumus pro Basilio, quòd qui Nilum Rubro mari connectit, illū Aegyptiaco mari (cum Nilus in ipsum erumpat) coniungere perhibeatur. Deinde non minoris esse auctoritatis Plinii testationem, qui non inficiatur, sed potius approbat tantos reges destitisse ab inceptis, comperto, quòd mare Rubrum præminentius esset terræ Aegypti. Deinde & Strabonem ipsum fateri, Ptolemæos reges Euripum clausum extruxisse, vt in ipsum nauigarent, & ex ipso sine discrimine regrederentur: si quidem, si mare non prominebat Aegypti terræ, vt quid Euripum clausum extruere, quò absque periculo hinc inde velis panis tutè nauigarent?

A M B R O S I V S Hexameron libro tertio, capite secundo, duas easmet rationes, vt assolet, reiterat. Primam sic.

Nonne ipsi videmus mare frequenter vndosum; ita vt in altum fluctus eius tanquam mons aquæ præruptus insurgat, vbi impetum suum ad litus illiserit, in spumas resolui, repagulis quibusdam arenæ humilis reperculsum, secundum quod scriptum est; Aut non timebitis me, dicit Dominus, qui posui arenam

Hier. 5.

fines mari?
Alteram pariter his deducit.

Ceterum, nisi vis statuti cælestis inhiberet, quid obstaret, quin per plana Aegypti, quæ maximè humilioribus iacens vallibus campestris aseritur, mare Rubrum Aegypto pelago misceretur? Denique docent hoc qui voluerunt hæc duo sibi maria connectere, atque in se transfundere. Sesostris sanè Aegyptius, qui antiquior fuit, & Darius Medus, qui maioris contuitu potentie in effectum voluit adducere, quod ab indigena fuerat ante tentatum. Quæ res indicio est, quòd superius est mare Indicum, in quo mare Rubrum, quàm æquor Aegyptium, quod inferius alluit. Et fortasse ne latius se mare effunderet, de superioribus ad inferiora præcipitans; ideo molimina sua rex vterque reuocauit.

P R O C O P I V S Commentarijs in Genesim capite primo, his Patribus assensit.

Nisi enim diuina prouidentia intra præstitutos terminos maria continuisset, profectò mare Rubrum vniuersam Aegyptum, cuius situs humilior est illo, aquarum inundatione deleuisset.

D. T H O M A S parte prima, quæstione sexagesimanona, articulo primo, ad secundum.

Potuit esse, vt aquæ in maiorem altitudinem sint eleuatae in loco vbi sunt congregatae, nam mare est altius terra, vt experimento compertum est in mari Rubro, vt Basilius dicit.

D I O N Y S I V S Chartusianus, mare esse præminentius terra, cum Patribus differit, Enarratione in Genesim articulo vndecimo.

Alij quoque dicunt, aquas in Oceano ac alijs locis, hincinde in magnam altitudinem eleuari ac crescere, quod verum esse probatur in sphaera Mundi, quoniam aqua tendit ex sua natura ad sphericam rotunditatem, sicut in gutta aquæ potest perpendi. Vnde Basilius ait, experimento compertum est, aquas maris Rubri esse altiores, quàm terram. Et Thomas in prima parte; Potuit, inquit, aqua in altiore eleuatione vni. Deniq; aquis sic congregatis, ignis & aer in suis locis steterunt, & ab alijs sunt diuisi. Veruntamen præinductis contradicit Rabbi Paulus. Et post. Cum tota aqua sit fluida, non potest habere partes aliquas alijs altiores & montuosas, sicut in terra propter suam soliditatem hoc accidit. Ad quod dico, quòd quamuis in aquis vna & eadem pars non maneat fixè sic altior, sed nunc defluat, nunc ascendat, semper attamen aliquæ partes sic intumescunt in maribus, quod plenius probaui super illud in Psalmo; Super montes stabunt aquæ. Sed & Paulus iste postea istud concedit, quòd scilicet in aliquibus locis aquæ maris sint altiores altissimis montibus terræ, & ita verba sua non videntur ad inuicem concordare.

C A T H E R I N V S Enarratione in primum caput Geneseos.
Existimo, aquas iuxta suam naturam particularem super terram tanquam nobilius, minus vè graue elementum poni debuisse, sicut aer super vtrunque collocatus est vt leue: & sic etià ignis super aërem vt lenius. Sed quia maiori, & vniuersaliori bono noceret, si vbique terram operirent aquæ (non enim posset illa produ-

A a a a cere

Psal. 103.
Psal. 32.

cere fetus suos, nec animalia seruari, nec plantæ potuissent;) ideo Deus Optimus Maximus, prouidit hanc aquis naturam, ut in unum congregarentur: neque (ut ait Psalmista) conuerterentur operire terram. Et alibi; Congregans sicut in vtre aquas maris, vel ut certius exprimitur in Hebraicis, sicut in cumulum. Unde B. Thomas diuine Scripturæ auctoritate motus, huic sententiæ acquieuit. Nam & mare aliis esse terra, B. Basilius, quemadmodum D. Thomas refert, confidenter testatur, idque experientia compertum docet: & vix puto quenquam sapientem ea de re vnquam dubitasse.

Burgensis, ut dicebamus, non tantum mare supereminere terræ, sed eccentricum existimant; & aquam ita seiunctam à terra, ut proprium globum constitueret, intersertu attamen in terræ sphaera secundum aliquam partem. Vielmus Præceptor meus, qui apud me maximæ semper fuit auctoritatis, cum eruditissimum in omni disciplinarum genere ipsum expertus sim, Lectione decimaquarta, hanc Patrum partem communitiorem, & verioreni censet, tuetur, & effert.

Cæterum & pro huius sententiæ fulcimento non desunt primæ Scripturarum selectæ auctoritates, rationes præclare, & experimenta testata. Scripturæ id primò attestatur. Nanque hoc loco traditur; Congregentur aquæ in locum vnum, & appareat arida. Imperatum est igitur à Deo, non ut aqua absumeretur, sed ut aquæ, quæ vastissima circumfluentia terram alluebant, vallabantq; , in vnu cogerentur, & contraherentur. Quæ igitur congregatio fieri potuit, si in acruum (atque ut ita dicam) in cuneum non sunt elata? David quoque de rerum omnium conditore inquit; Congregans sicut in vtre aquas maris, ponens in thesauris abyssos. Seu, ut in Hebræo habetur; Congregans sicut in cumulum, seu acruum, aquas maris.

Psal. 32.

T H E O D O R E T V S verba ista explanans ait.

Nam omnem quidem aquarum naturam, velut in quadam peni definitis in locis conclusam continet: trahit verò hanc in aëra sublimem cum voluerit; & tanquam in vtre quodam, eam in nubibus congregat: propterea ait; Deducens nubes à finibus terræ. Et alibi diuina Scriptura inquit, euocans aquam maris, & effundens ipsam super faciem vniuersæ terre.

Psal. 134.
Amos. 5.

Psal. 103.

Amplius idem Propheta regius cecinit. Super montes stabunt aquæ, ab increpatione tua fugient; à uoce tonitruui tui formidabunt, terminum posuisti, quem nō transgredientur, neque conuerterentur operire terram.

T H E O D O R E T V S hæc sic commentatus est.

Per omnia docet Dei Prouidentiam vniuersitati præsentem; nam propterea mare undis montium crepidines imitans, continentem nequaquam inundat, sed quemadmodum nos tonitruum perhorrescimus, sic illud positum terminum timet. Et Post. Mare quidem arenam veretur, & vsque ad illam rabie percutum, veluti freno, diuino termino inhibetur, rursus coercetur, & retrorsum cedit.

Prophetici
dicti, Super
montes sta-
bunt &c. variæ
interpretatio-
nes.

Prouerb. 8.

Plures deferri solent huius loci interpretationes. Existimarunt siquidem nonnulli, Dauidem de aquarum celsitudine, qua in Chaos aquæ ipsæ montium altitudinem tegebant, hoc loco verba facere; capientes, Stabunt, pro steterunt, vel stabant, phrasi Hebraica, quæ futurum pro præterito uti solet. Arbitrati sunt alij, Dauidem de fluctibus maris procellosis, qui nimium quandoque extumescunt supra montium iuga enebhi videntur, intelligere. Amplius alij id prolutum perhibent de scaturigine fontium & lacuum, qui in excelsis montium cacuminibus scatent. Alij tandem de imbribus & aquis pluuiialibus, quæ supra montes in aëris media regione gignuntur, dictum mās. Sed omnes hæc interpretationes ex auctoritate Theodoreti corruunt. Adhuc in Scripturæ sacra legitur: Quando præparabat Cœlos aderam, quando certa lege, & gyro uallabat Abyssos, idest immensas turgidasq; aquarum abyssos lege præcepti sui quasi intransgressibili gyro uallabat & circumsepibat, ne prominentes etiam desluerent & laberentur. Et post; Quando circundabat mari terminum suum, & legem ponebat aquis, ne transirent fines suos. Ut quid enim imponenda erat lex aquis, ne fines suos pertingerent, si natura depressiores iacebant, neque ullam super terras desluendi vim ac facultatem obtinebant? Amplius Sapiens quoque testatur; In uerbo eius stetit aqua sicut cōclufseries. Et in oratione Manassis legitur; Tu ligasti mare uerbo præcepti tui, qui cōclufisti Abyssum, & signasti eam terribili, & laudabili nomine tuo. Quanquam, ut verum fatear, his duabus auctoritatibus non maris eminentia, sed duo insignia miracula, quæ in mari rubro, & Iordane acciderunt, quando, ut Hebræis pararetur transitus, aquæ elatæ ac tumentes constiterunt, describi censeam. Locum Psalmi sexagesimi octauum, Veni in

Ecclef. 39.
2. Paralip. 36.

in altitudinem maris: & similes non deduco, quoniam metaphoricos esse non melatet. Insuper Scriptura tanquam miraculum, portentumque stupendum, & clarissimū potentiae Dei monumentum ubique magnificat, & praedicat, quod mare, ne terrā absorbeat, vis diuina coërceat, & in viuientium gratiā cōpescat. Si igitur mare non praeminet terrae, & naturale est sibi non posse in terram effundi, quorsum Scripturae saepe iteratis praconijs nobis id, vt miraculum conculcant? Iob nanque ita effatur; Quis conclusit Iob 38. oltijs mare, quando erumpebat quasi de vulua procedens: cū ponerem nubem vestimentum eius, & caligine illud, quasi pannis infantiae obuoluerem? Circundedi illud terminis meis, & posui vectem, & ostia, & dixi; Usque huc venies, & nō procedes amplius: & hic confringes tumentes fluctus tuos. Sed illustrius Hieremias hoc idem testatur. Hier. 51 Qui posui arenam Me ergo non timebitis, ait Dominus, & à facie mea non dolebitis? Qui posui arenam terminum mari, praceptum sempiternum, quod non praeteribit, & commouebuntur, & non poterunt; & intumescunt fluctus eius, & non transibunt illud.

Rationes praeterea adsunt euidentēs, quae mare esse altius terra persuadere videntur. Principio leuitatis & grauitatis ratione, aut etiam nobilitatis, supernum vel infernum locum sibi vendicant elementa. At terra grauissimum est elementum, atque vt crassius, omnium infimum; Igitur sua natura subsidere, & non eminere debet. Insuper aquae moles, longè amplior est quàm terra: Primò quoniam elementum est superius, nobilius, & ambiens: porro maius ambiens quàm conclusum corpus censendum esse nullus abnuet. Deinde quia rarior est aqua, & tenuior, vnde ex pusilla terra amplior aqua generatur, & praeterea Aristoteles secundo de Generatione decuplam esse aquae propor- tionem ad terram edocet. Theologis autem, qui aquas ante coacta maria, & post in Diluio Noetico terram vndique haud tenui & exili ambitu, quomodo cortex stipitem contegit, sed profundo prorsus circumuallasse non ignorant, perspicuum istud magis redditur, nempe aquarum molem terra longè maiorem extasse; Quòd si exuperabant aquae, cū eas enauisse perperam perhibeatur, igitur & nunc superexcedunt. Quò igitur loco magis recondi possunt, atque concludi, quàm in elatis Pelagis? Amplius Noetici Cataclysmi tēpore tanta aquarū eruptio scatuuit, quòd multis cubitis celsissima iuga contexere. Vnde igitur exilijs ea colluuijs? Nunquid aquae ex altissimis Coelis delapsae sunt? aut opifex recentes alias creauit? Verisimilius igitur est rerī, mari habenas quibus cohibetur tunc laxatas esse, vt iterū, sicut & ante tertiā diem, terram vndiq; valeret, obrueretq; . Sensu etiam id experiri testantur nautae. Tradunt siquidem, saepius se cū à littore soluunt, conscendere sedulo animaduertisse.

Classis negantium mare terrae praeminere.

AUGUSTINVS attamen ex aduersa acie aquarum congregationem elatione effectā fuisse, adeò vt ipsa terra eminentius extet mare, inficiatur; libro primo de Genesi ad literam, capite duodecimo, scribens.

Si aquae totam terram tegebant, quis erat locus, quo colligerentur, vt terrae ariditas appareret? Nunquid- nam in altum congregatae sunt, sicut fit cū ad ventilandum in area messis trita surrigitur, & congesta in aggerem nudat locum, quem diffusa contexerat? Quis hoc dixerit, cū videat usquequaque campos maris aqua- liter fusos, qui etiam cū aquae fluctuantes quidam velut montes eriguntur, sedatis rursus tempestatibus complanantur. Et si qua littora nudantur latius, non potest dici nulla esse alia terrarum spatia, quò accedat id, quod aliunde decedit: vnde in eum locum, ex quo recesserat, iterum accedat.

CAIETANVS in Genesis caput primum. *Si quis autem dubitat terram apparentem esse superiorem aquis, non tam eget ratione, quàm applicatione ad sensum, quo ad oculum videmus aquae motum semper in decliuorem esse locum. Hinc enim manifestum, quòd si terra apparens esset inferior mari, aqua maris ad ipsam (vt potè decliuorem) moueretur, ac operiret illam.* Philosophi, Astrolo-

Pererius his assensit Commentarijs in Genesim libro primo. *Philosophi, Astrologique omnes nuperi, ex aqua & terra vnum conflare globum seu orbem asserunt, adeò vt posito circino in centro grauitatis Mundi, superficies tūm terrae, tūm maris aequè circuncingi contingeret. Demonstrant autem ijs potissimum rationibus, quae ex Cosmographiae disciplina hauriuntur, & quas vt vulgatas praetermitto.* Dantes Aldigerius in ea disceptatione, quam in Sacello Beatae Helenae ad Clerum Veronensem sub Canis

Scaligeri auspicijs habuit, non tantum his subscripsit, sed contrariam sententiam elidere totis viribus enixus est, eo potissimum argumento, quod aqua nec eccentrica, nec concentrica, gibbosa aliqua in parte esse queat. Siquidem si euentrica extaret, suapte natura sursum, & deorsum moueretur. Deinde non per eandem lineam, qua terra & quodcunque graue, ad centrum elaberetur. Tandem quoniam non eam gravitatis ratio in terra, & aqua insideret. Quae omnia quidem Burgenfis non abnueret, cum centrum aquae, a terrae centro diuersum, extraneumque astruat: nec erroneum arbitraretur, respectu centri terrae aquam sursum euehi, aliaque via ad suum medium fluere, dum tamen deorsum, ad propriumque centrum, directoque calle corrueret. Si vero concentrica aqua esset (ait) in gibbi summitate consistere nequiret, nempe quia sursum esset, nec haberet qui ipsam a delapsu sua natura sibi indito prohiberet.

Verum pars ista negantium mare praeminere terrae, his praecipue argumentis suam nititur confirmare, & corroborare sententiam. Primum siquidem, aqua fluxilis, labilisque sui natura in aceruum cogi, & consistere nequit. Deinde, cum aqua post terram crassius, grauiusque elementum perhibeatur, connatum ipsi est, ut semper ima profundaque magis loca petat, quod in gravitatis centrum, quoad potest, sese recipiat, atque ob id in aceruum coire, vel comprimi nequit. Amplius, si maris superficies supra terrae planitiem longè efferretur, & eleuaretur, Horizontes aequales non comperirentur, nec uniformis aliorum aspectus, & in mari, & in terra constitutis, sed diuersus appareret, maior scilicet in mari; cum enim eminentior locus esset mare, proximius certè è mare astra conspicerentur. Tandem, si mare esset altius terrae; nauis, quae ventorum, seu remorum impulsu veheretur ad litora, quasi per lubricum descendens velociori utique motu pellexeretur, quam illa, quae eisdem ventis ac remis, a litore ad maris medium deportaretur; tunc nanque in altum & arduum ascenderet: quod tamen experimento falsum comperitur. Accedit ratio Caietani, quod aquas sensim ad mare, utpotè ad decliuorem locum ferri intueamur: nec mare ipsum, quin terram submergeret, nisi perpetuo, intempestiuoque miraculo frenari, ac cohiberi potuisset.

A V C T O R.

An mare emineat terrae, problema est neutrum.

Burgensis sententia reprobat.

Rationes pro secunda sententia eliduntur.

Ego, quibus subscribam, non perspicio. Arbitror igitur problema hoc in via Patrum posse esse neutrum, cum hinc, & hinc adsint Patres praestantissimi, Doctoresque celeberrimi, & coniectationes non leues proferantur. Censeo attamen sententiam primae Scripturae magis esse conformem, ob idque & magis piam: Alteram verò Philosophiae magis consonam, atque in Scholis, ut tutiorem, & munitiorem efferri magis posse, nec difficile esse rationibus hinc inde illatis satisfacere. Principio itaque pro ijs, qui mare praeminere terrae asseuerant, pugnam sumamus. Sed prius seclusam Burgenfis sententiam velim, quam fictitiam, atque immunitam supra demonstrabamus. Nam duplex in Mundo gravitatis centrum, seu medium consistere, sicuti ab omnibus explosum est, ita à nobis quoque reiiciendum duco. Atque id, quod de duabus propensionibus adiecit, & Vniuersi dispositioni in consentaneum, & experimento aduersum euincitur; cum omnia pondera è supernis locis delapsa, si perpendiculo librarentur, tanquam radij è circumferentia ad Mundi centrum naturaliter ferri inuenirentur. Illatis modo rationibus occurramus. Aquam fluxilem labilemque esse sua natura, non renuunt Patres, sed ex oraculis Scripturarum eas in aceruum cogi voluntate & iussione Dei autumant. Propter hoc siquidem Scripturae Dei potentiam, ac prouidentiam commendant, atque deprecant, quod Dei mandatum eas, quanquam eminentes grauesque & crassas, coercet, ne ad terrae superficiem longè ipsis decliuorem defluant, & corruant. Adeoque commendatum est hoc Dei miraculum à Scripturis, ut negari omnino nequeat; confitendumque sit in eo Augustini axiomate, quod maior sit Scripturae auctoritas, quam omnis ingenij perspicacitas. Neque id miraculum perenne, & non necessarium perhibeatur, nam eius omnimodam necessitatem experimur; nullum enim uiuentibus adisset solum, si Deus mare non coerceret. Adicias, quod & perpetuum sit monumentum, quo nos ad laudes gratiasque Deo referendas euocemur & excitemur. Sensim attamen mare

mare extuberare, ac sursum efferri, Patres asseuerant, adeò vt Astrologi aspectuum discrepantiam uix penetrent, & ad medium naues conscendere nautæ uix percipiant. Littora maris decliuiora esse in ipsa planitie (ut intulit Caietanus) collibus, & montibus, nullus abnuuit, ita ut aquæ ad mare prolabentes, celeri profluant cursu, seq; propellant; Sed undis primis se immiscentes ac subiicientes, paulatim reliquas extollere dicerent Patres. Quin oras maris esse depressiores terra, & fluminum decursus declarat, & ipsa undarum maris collisio, atque refraction, præsertim cum inæstuat, clarè astruit & indicat. Quapropter mirum non est, quòd Scriptura sapiùs eos, qui ex terra petunt mare, descendere perhibeat, sicuti in Psalmo; Qui descendunt mare in nauibus; cum à mediterraneis ad maris oras uerè fiat descensus; ueluti è contra, progrediendo ad medium maris subsequitur ascensus. Et hæc pro Patribus non incommodè afferri possunt.

Psal. 106.

CATHERINVS amplius contra Caietanum, qui mare in eminentia consistere non posse ex eius natura autumabat, hæc habet, Commentarijs in Genesim, capite primo.

Naturale dupliciter debet accipi, primo quidem modo considerata cuiusque rei particulari natura; altero uero considerata natura vniuersali. Vnde respectu diuersæ huius acceptionis, & naturale, & innaturale est aquis sic esse, & sic manere, quomodo manent non operientes terram. Naturale quidem secundum naturam vniuersi hoc ipsum exigentem. Innaturale uero secundum propriam ipsius elementi naturam. Non tamen conceditur id esse violentum, quod supra particularem naturam est illis additum.

Verum enim uerò non ita faciliè productis pro alia parte rationibus satisfieri posse arbitrarer. Vrgent siquidem nimium meo iudicio sacrarum Scripturarum auctoritates, quas summa potius ueneratione meditandas esse, quàm interpretandas, vel procaci ausu extorquendas existimo, ne cum Oza arcam quamuis nutantem si tetigerimus, percutiamur. Vt eas autem reuerenter exponamus, perpendendum (vt iam etiam adnotauimus) duplici in Mundi structura duplicem affuisse aquarum cõgestionem. In Chaos siquidem aquæ globus terram ambibat, concentricusque erat centro Mundi, tum respectu grauitatis, tum magnitudinis: in Mundo absoluto aridiori terra se efferente quibusdam in locis, in alijs uerò in imo residente, cauernasque amplissimas aquis præbente, in maiorem, quàm prius essent, altitudinem sese cogere aquæ compulsæ sunt, amplitudinisque respectu eccentricæ euaserunt, in terræ meatibus inclusæ. Littora igitur arenosa, rupes conscissæ, montes, ostia sunt, ueræ, termini, leges, præceptum, quibus in nostri gratiam stupendo euentu coërcitæ sunt, atque conclusæ. Hoc miraculum illud est, hoc beneficium illud insigne, quo stant aquæ sicut in vtre. Hi montes, super quos stabunt aquæ. Hi termini, quos non transgredientur. Hæ leges positæ aquis, ueræ, & ostia, de quibus Iob. Hoc præceptum, de quo Hieremias. Atque, vt compendio perstringā, miraculum hoc est, quòd voluerit Deus terram adeò extumescere, vt aquas ampliori altitudine coaceruatas, quàm essent in Chaos, concluderet, compesceretque. Quod quidem miraculum adhuc permanet, reclamante natura aquæ, cum ipsa ut elementū rariius, ac minus graue, terram circum amplecti exposcat. Et hæc; ut Scripturis occurreremus, dicta uelim. Aquam esse leuiorem, purioremq; terra etiam Patres diiudicant; sed cum ex natura in gyrum hære terræ sibi fuisset impertitum, effectum est ex diuina prouidentia, vt cedente terra, seq; quantum ad tumescentes partes extollere, aquis ea ponderis natura contigerit, qua ad imas partes deferri, & quantum possent centro incumbere compelluntur. Porro adhuc lis sub iudice est, neque etiam mihi nunc præbetur definiendi locus, Num aqua sit maior terra. Non ignoro siquidem grauissimos Philosophos, ac Theologos inuicem dissidere, in variasque rapi & distrahi sententias; atque hinc Platonem in Timæo, Aristotelem, & Auerroem quarto Physicorum quadagesimosexto, & primo Cœli nonagesimosextimo, & secundo Cœli nonagesimoquarto, & centesimosexto, & Philosophorum ingentem classem, & Patrum numerosum concilium, & ex neotericis Vielmium, Iulium Scaligerum, & quâplures: Hinc uerò ex nuperis Cardanum libro secundo, & Alexandrum Piccolomineum libro de quantitate terræ & aquæ, & alios perstare, cum primi terram excedere, postremi aquam perexcellere contendunt. Sed mihi dictum satis uelim, aquam in Chaos fortè ampliorē fuisse terra ratione ambitus & circumferentiæ seu extensionis, utpotè quòd aqua terram

Primæ sententiæ rationes diluuntur.

Aqua an maior sit quàm terra.

Anno Mūdi
primo.
Die tertia.

In locum vnum.

a. *Hoc est, in vnā formā.*

terram complecteretur, non uero ratione profunditatis. Nam si demus aquas ante tertiam diem, & in diluuiō, extremam hanc aëris regionem obruisse; certè nec maior terra tunc ipsa aqua existimari poterat, cū altitudo à superficie terræ ad extremā regionis huius nostræ oram, spatium milliariū sexaginta non superet, prout euincunt Mathematici, sumpta ex crepusculis, & rebus in suprema regione aëris apparentibus, coniectura: terræ autem altitudo à centro ad circumferentiam, diametri scilicet dimidia pars, ad ter millia quingenta octuaginta milliaria distendatur. Sed hæc Philosophis relinquamus. Aquas adeò ingentes exundasse in Chaos, ut non potuerint nisi maris elatione recondi, non acceptum est ijs Patribus & Doctoribus, qui aquas illas vel in nebula expansas, vel si fluidæ erant, etiam vsque ad Empyreum exundantes, absumptas, seu vento, seu Solis ardore, uel maiori condensatione constrictas opinantur. Diluuiō in Noëtico aquas adeò copiose effusas fuisse, ut maris elationem tunc laxatam arguāt; nec ita passim concedendum est. Nam, ut prætermittamus eas fortè è Cælis defluxisse, seu recenter creatas erupisse; id saltem permulti Patres, & Doctores non incontinentem ducerent, quod ex maxima imbrium colluuiē, & ex aëris in aquas ingenti permutatione nec circumfluxerint aquæ, & exundarint. Ex quibus elisæ videntur partis affirmatiuæ suspensiones. Basilij, & Ambrosij argumentationes facile etiam soluuntur. Nam etsi fluctus dum tumescunt, & iactatione reciproca super littora extolluntur; tamen mox ut ad litus eliduntur, & in se ipsis contracti confident sedata procella, omnis aquæ superficies plana remanet, ut asserit Augustinus. Multa maria, sinus, lacus, atque flumina Terræ alicuius planitiei supereminere, non est qui ambigat, adeò ut arenosis aggeribus coarctare ea, ne effluant, & excedant, operæ pretium sit. Exundasse etiam ea quandoque, minime nos latet; cū nostra tempestate in Germania inferiori, inuisitata & funesta calamitate, Vrbes, oppidaque celeberrima, ac Regiones aquis obrutas contractis aggeribus agnoscamus. Quapropter non mirum existimo, si mare rubrū tribus cubitis Aegyptio excelsius Reges illi compererint. Hæc breuiter de problemate isto disceptata, ac diffinita sunt. Ceterum ego, tū puris Scripturarum delectatus interpretationibus, tū tantorum Patrum autoritate ductus, rapior in eam partem, quæ mare præminere terræ censuit; cū opposita argumenta facile elidi posse uideam & ex Scholasticis eammet sententiam in Scholis plures tueantur. Quin & Conciliator per multas res causas, quibus à natura fieri posse, ne aquæ, quanquam eminentiores, cunctam terram obtegant, non insulse manifestat. Quanquam Commentator spheræ capite primo, & Theologi, verius, & certius Dei voluntati, & iussioni id ascribendum contendunt. Cū igitur passim in Scholis, & à Nuperis prorsus nō repudietur, nescio quare Scripturis laceratis, & Patribus contemptis, ab ea recedamus.

In locum vnum.

Cōgregentur aquæ in locum vnum, inquit Moses. Singula certe Mosis uerba grauida sunt, cū Mundi nascentis partum explicent. Si maria uastissima, si sinus amplissimos, si lacus, flumina insignia, paludes, fontes innumeros, ac prope infinitos ubique in orbem terrarum dispersos conspiciamus, quomodo in locum vnum congregatæ sunt aquæ? Attendamus oracula nostra.

a. *In locum vnum, hoc est, in vnā formā.*

AUGUSTINUS de Genesi ad litteram imperfecto, capite decimo: cum

Mare altius
esse terra, ut
Scripturæ cō-
formius sta-
tuitur.
Differētia 13.

In locum vnum.

Anno Mūdi
primo.
Die tertia.

a. *Idest in Mare, quod per Antonomasiā locus vnus dictum est.*

cū aquarū congregationem ipsarū formationem interpreteretur, de hac vnitāte hāc habet, vt supra recitabamus.

Vis ipsa formae commendatur nomine vnitatis, hoc est enim verē formari, in vnum aliquid redigi, quoniam summē vnum est omnis formae principium.

Idipsum insinuat de Genesi ad litteram libro secundo, capite vndecimo, de Genesi contra Manichaeos libro primo, capite duodecimo. Amplius Eucherius Commentarijs in Genesim libro primo, capite tertio. Beda Expositione in Genesim, & Quaestionibus super Genesim. Glossa ordinaria ex Augustino. Alexander Halensis parte prima, quaestione quinquagesima prima, membro primo. Quorum oracula iam supra referebantur. Verum Gregorius Nyssenus de Historia sex dierum, artic. tertio decimo; gnus prima parte de quatuor coarctationibus, quaestione duodecima, artic. tertio decimo; D. Bonauentura secundo Sententiarum, distinctione quartadecima; Tostatus in Po- stillis idipsum non sentiunt. Dissentiunt siquidem tantum in hoc, quod quemadmodum Augustinus aquarū creationem ex nihilo hac tertia die effectam autumat, Nyssenus, & Sectatores ex rudi Chaos ipsarū educationē patrātam malūt. Ex superioribus eorū sententijs colligito. Ceteri Patres discrepant assertionē aquas nō conditas, seu erutas ex- tricatasue ex Chaos, sed ex ea colluue aquarū terrae incumbentium, quae terrā ambi- bant, in locum vnum coactas hoc die existimarunt. Ceterum quare in locum vnum con- gregatae perhibeantur, non vna exponunt sententia.

a. *Mare per Antonomasiā locus vnus dictum est.*

BASILIVS Hexamerō Homilia quarta, opinatur Mosē hoc loco nō omnia aquarū receptacula vñ locū, sed mare maximum; Oceanum videlicet illum vastissimum, terram vndique alluentē per antonomasiā intellexisse, quod ibi aquae ele- mentum vniuersum ostendatur: idque dictum non esse sine exemplo, cū & ignis in vsum hominum ex terrae sulphureis meatibus vbique profiliat, & in latebris etiam confi- deat, sub Lunae tamen orbe existere dicatur.

Deinde queritur, qua ratione dicat aquas in vnam congregationem iussas esse concurrere, cū tam multa esse maria conspiciantur, plurimoque inter se intervallo ac situ disparata. Et Post. Ad secundum autem illud, quod nostra sententia de opificio Mundi ipsi aduersetur experientiae, propterea quod non vnum in lo- cum aqua tota confluisse videatur: Multa quidem dicere possumus, & ex se notissima omnibus. Atqui non satis compertum habeo, fueritne ridiculum, cū huiusmodi nos hominibus certare, atque contendere. Nun- quid enim lacustres aquas, & eas, quae ex imbribus aggregantur nobis opponere, perque eas nostram sen- tentiam redarguere putare debent? Non enim quamlibet confluxionem aquarū, sed maximam & abundan- tissimam, vnam appellauit aggregationem, vnum concursum. Nam putei collectiones aquarū sunt arte manūque confectae, humore terrae insperso in eam humi confluentem, quae in concauitatem reducta est. Non ergo quosuis concursus aquarū congregationis indicat appellatio, sed excellentem & maximum, in quo to- tum elementum confertim aggregatum ostenditur. Nam vt ignis & in parteis paruas diuisus est pro vite hominum usu, & vniuersus in ethereo loco fusim digestus est; & aer item in parteis quidem exiguas, & ipse dissectus est, vniuersus autem tellurem circumquaque totam amplectitur: sic & in aqua, tametsi paruae qua- dam, compluresque collectiones aquarū sunt separate; vna tamen est congregatio, vnus locus, qui totum ele- mentum à ceteris segregauit. Stagna, lacusque, qui partim in Septentrionis plagis, partim in Graeciae regionibus sunt, partim Macedoniae, Bithyniae, Palaestinaeque tractus occupant, omnes aquarū quidem congregationes esse constat: at non de his in presenti, sed de maxima omnium, aequaliū magnitudine terrae, oratio est pra- se ns. Iam lacus, etsi copiosas aquas habere nemo inficias ibit, non tamen maria quis consentaneè nuncupaue- rit, ne si quā maxime falsi sunt saporis, crassaeque nonnulli naturae, perinde vt mare, qualis est & Asphaltites lacus

Anno Mūdi
primo.
Dietertia.

In locum vnum.

a. Quoniam Aqua omnes per continuationem vno esse in loco dicuntur.

lacus in Iudæa, & Serbonitis ille, qui inter Aegyptum & Palestinam per Arabiam desertam protenditur: lacus enim sunt atque stagna. Mare autem vnum est, vt ij memorię prodiderunt, qui terrarum orbem lustrarunt.

H V G O Victorinus de Sacramentis libro primo, parte prima, capite vigesimo primo, per vnum locum nil aliud pariter intelligit quàm mare, seu abyssū magnā. Ait siquidem.

Et dixit Deus; Congregentur aqua, quæ sub Cælo sunt, in locum vnum. Quantum ad literam spectat, locus vnus, in quo congregatæ sunt aquæ, quæ sub Cælo erant, abyssus magna creditur, quæ ab ipso Mundi exordio in terræ corpore tantæ capacitatis facta fuisse putatur, vt omnium receptaculum aquarum esse potuisset.

D I O N Y S I V S Carthusianus Enarratione in Genesim, articulo vndecimo.

Præterea vnum est mare principale, totale & maximum, quod est quasi cingulum terræ, quod vocatur Oceanum, & abyssus. Sunt quoque multa minora & particularia maria, quæ sunt Oceani brachia. Magnum verò & totale mare est ipsum terræ clementum.

a. Aqua omnes per continuationem vno esse in loco dicuntur.

B A S I L I V S adhuc loco citato aquarum vnam esse sedem dici posse commendat, quod simul per terræ latentes meatus, vel per aperta flumina connectantur continuenturque.

Sed si ijs, qui in describendis terris operam nauarunt, mentem adhibere oporteat, hæc inter sese per meatus suos cōmiserunt, & omnia permeant ad mare maximū, atque conflunt: quemadmodū & mare rubrū ad id quod est trans Gades mare Oceanum tendere, eique coniunctum esse ferunt. At quoniam modo dicit, aquarum aggregationes Deum maria nuncupasse? Quia confluxere quidem vnum in locum aquæ. Congregationes autem aquarum, id est sinus, qui secundum propriam figuram à terra circundante cincti sunt comprehensaque, maria Deus appellauit, vt sunt Aquilonium mare, Austrinum mare, Orientale mare, rursum aliud Occidentale mare. Multa quoque nomina propria varique marium extant: Euxinus pontus, Propontis, Hellespontus, Aegæum, Ionium, Sardonium, Siculum, Thyrrænum aliud, & mille alia nomina marium sunt, quæ longum sanè fuerit & planè insolens exactè recensere ac numerare. Idcirco Deus congregationes aquarum maria nuncupauit.

A M B R O S I V S Hexameron libro tertio, capite tertio, in Commentarij initio hac eadem inducta difficultate, easdem quas Basilii deferens decisiones, ex continuatione nō recisa æquorum & generalitate, omnes aquas in locum vnum, hoc est in mare congregatas fuisse, asseuerari posse tradit, etsi ex locorum diuersitate plures congregationes plurima sibi vendicarint nomina. Hæc itaque habet.

Quero nunc, cum dixerit; Congregetur aqua in congregationem vnam: quomodo diffusas per lacus, paludes, stagna, aquas, & superfusas vallibus & campis, omnibusque planioribus locis currentes, fontibus atque fluminibus vna potuerit recipere collectio: aut quomodo vna collectio, cum hodieque diuersa sint maria? Nam & Oceanum mare dicimus, & Thyrrænum, & Adriaticum, & Indicum, & Aegyptium, & Propontidem, & Hellespontum, & Euxinum, Aegæum, Ionium, Atlanticum. Plerique etiam Balthicum, Septentrionale, & Caspium appellant mare. Vnde consideremus Scripturæ verba, quæ librato sunt trutinata examine. Congregetur, inquit, aqua in congregationem vnam. Vna aquarum iugisque & continua congregatio est, sed diuersi sinus maris, vt quidam de scriptoribus forensibus ait. Namque maris nostri sinus portus amplissimus. Meritoque in diuersis locis diuersa sunt nomina, quia vocabula aquis ex regionum vocabulis adhiberunt. Vna autem congregatio aquarum, eò quod iugis vnda atque continua à Pontico mari vsque ad Gaditani oram litoris, & inde in mare Rubrum, extremo circumfuso orbem terrarum includit Oceano, interius quoque Thyrræno,

Tyrrheno *Adrias*, *Adrie* cetera maria miscentur, nominibus distincta, non fluctibus. Vnde pulchrè habes, quia Deus congregationes aquarum vocauit maria. Ita & vna est generalis collectio, quæ dicitur mare, & multe collectiones, quæ maria pro regionibus nuncupantur. Sicut enim multe terra, vt *Aphrica*, *Hispania*, *Thracia*, *Macedonia*, *Syria*, *Aegyptus*, *Gallia*, atque *Italia*, pro regionum appellantur vocabulis, & vna est terra: ita multa dicuntur pro locorum appellationibus maria, & vnum est mare, sicut ait Propheta, dicens: Tui sunt Celi, & tua est terra, Orbem terrarum, & plenitudinem eius tu fundasti, Aquilonem & mare tu creasti. Et ad Iob ipse Dominus ait; Conclusi autem mare portis.

Psal. 88.
Iob. 38.

G L O S S A Ampliata sic Ambrosij sententiam obstrinxit. Quomodo vna collectio, cum hodie diuersa sint maria? Nam & Oceanum mare dicimus, & Tyrrhenum, & Adriaticum, & Indicum, vna aquarum congregatio est, sed diuersi sinus maris. Meritoque in diuersis locis diuersa sunt nomina, quia vocabula aquis ex regionum vocabulis adhererunt. Ita vna est collectio, quæ dicitur mare, & multe collectiones, quæ maria pro regionibus vocantur. Sicut multe terre, vt *Aphrica*, *Hispania*, *Thracia*, pro regionum appellantur vocabulis, & vna est terra; ita multa dicuntur pro locorum appellationibus maria, & vnum est mare.

Patres præterea hi, qui eam soluunt difficultatem, quare cum dixerit congregationem aquarum unam, postea dicat congregationes aquarum appellauit maria; in hanc profisciscuntur sententiam: Athanasius, Theodoretus, Procopius & alij quorum Cate-

I V N I L I V S in Hexæmeron.

Bene autem, cum multa esse constet maria, in locum tamen vnum congregatas dicit aquas; quia videlicet cuncta hæc iugi vnda atque continua, Oceano ac mari iunguntur magno. Sed etsi qui lacus in semetipsos videntur esse circumscripsi, & hos ferunt occultis quibusdam perforatis cauernis in mare suos euoluere meatibus. Nam fossores puteorum hoc probant: & quia tellus per inuisibiles venas aquis repleta est manantibus, & quia trahunt ex mari principium.

G L O S S A Ordinaria ex Beda.

Cum multa constat esse maria, in vnum tamen locum dicit aquas congregatas, quia cuncta magno mari iunguntur. Si qui lacus in semetipsis stricti videntur, occultis tamen meatibus in mare reuoluuntur. Fossores quoque puteorum hoc probant, quia omnis tellus per inuisibiles venas aquis repleta est; quibus ex mari principium est.

M A G I S T E R Sententiarum secundo, distinctione quartadecima. Cumque multa constet esse maria, & flumina, in vnum tamen locum dicit aquas congregatas propter continuationem, vel congregationem omnium aquarum, quæ in terris sunt; quia cuncta flumina & maria, magno mari iunguntur.

D. T H O M A S parte prima, questione sexagesima nona, articulo primo. Ad tertium dicendum, quod omnes aquæ vnum terminum habent, scilicet mare, in quo confluunt, vel manifestis, vel occultis meatibus. Et propter hoc, dicuntur aquæ congregari in vnum locum.

G V L I E L M V S Parisiensis de Vniuerso, prima primæ partis, capite quadragesimo secundo.

Querat autem merito quis, quomodo aquæ dicantur congregatæ in locum vnum, cum tam multa sint maria, & non sit vnum mare, quod omnes aquas contineat. In quo dixerunt quidam, quia maria omnia vnum mare sunt propter continuationes ipsorum, quæ in quibusdam maribus manifestæ sunt; & hoc experimento sciunt multi eorum, qui conuersantur in maribus, & vacant nauigijs. In alijs vero maribus, occultæ sunt continuationes isle, vel propter distantias suas à nobis, vel propter superpositionem partium terre operientium mari, uel propter partes eorum. Sic famosum est de Sicilia, quoniam super mare sita est, & quatuor, vel quinque montibus, quasi columnis totidem sustentatur.

C A I E T A N V S Commentarijs in Genesim.

Quod autem dicitur ad locum unum, non significat aquas ex diuersis locis in vnum confluere; sed significat, quod condensatio earum cum terre eleuatione non abstulit ab aquis unitatem loci. Et oportuit hoc explicari, ne putares, quod aquæ congregatæ fuerint ad diuersos sinus: & propterea apparuerit siccum. Nec unitati loci aquarum, diuersitas quæ apparet aquarum in locis diuersis obstat. Si ecutanea nanque flumina testantur succutaneos esse meatus continuatiuos apparentium lacuum, & marium: & naturali rationi consentaneum est, vt vni elemento aquæ, vnus locus respondeat, non violentus, sed naturalis circa terram.

H V G O Carenfis in Postillis.

Tertio die congregauit Deus aquas, quæ erant sub firmamento in locum vnum; quæ licet plura obtineant loca, tamen dictæ sunt congregatæ in vnum, quia continuantur in vnum intra viscera terre.

Anno Mūdi
primo.
Die tertia.

In locum vnum.

- a. Hoc est, vel pro maiori parte, vel quia natura inclinatur ad vnum locum.
- b. Siue, seorsum à terra.
- c. Vel, in viscera, aut concavitates terræ.
- d. Seu, supra terram, & sub aère.

a. Hoc est, vel pro maiori parte, vel quia natura inclinatur ad vnum locum.

Eccle. x.

DIONYSIVS Carthusianus Enarratione in Genesim articulo vndecimo. Aquæ dicuntur veraciter congregatæ ad locum vnum, quoniam pro maiori parte ad vnum collectæ sunt locum, & omnes naturaliter inclinatur ad locum vnum. Et sicut egrediuntur ab illo propter commune bonum præfatum, sic naturaliter regrediuntur ad ipsum, iuxta illud Ecclesiasti. Ad locum vnde exeunt flumina reuertuntur, vt iterum fluant. Et iterum Salomon ait; Omnia flumina in mare intrans, & ipsum non redundat.

b. Idest, seorsum à terra.

DAMASCENVS Orthodoxæ Fidei libro secundo, capite nono. Deinde præcepit Deus, vt congregarentur aquæ in vnam congregationem, & dicendo in vnam congregationem, non significat in loco vno illas congregasse: (nam vides, vt postea dicat, & consistentias aquarum appellauit maria) sed secundum seipsas à terra separatas, simul factas esse aquas, ostendit hic sermo; Congregatæ sunt igitur aquæ in congregationes suas, & apparuit arida.

GLOSSA Interlinearis.

Congregentur, idest, secedant in vnam partem terræ.

RVPERTVS Commentarijs in Genesim libro primo, capite trigesimo secundo.

Quomodo ergo congregentur dixit in locum vnum, nisi ac si diceret, secedant hinc, & hinc aquæ, & confluant seorsum, & seorsum, nullumque operi proposito faciant impedimentum? Quod enim tendebat summa artificis industria, nisi ad hoc quod ait, & appareat arida?

D. THOMAS vbi supra.

Vel dicit locum vnum non simpliciter, sed per comparisonem ad locum terræ sicce, vt sit sensus; Congregentur aquæ in locum vnum, idest seorsum à terra sicca. Nam ad designandam pluralitatem locorum aquæ, subdit, quod congregationes aquarum appellauit maria.

GVLIELMVS loco asserto.

Aliquis verò intelligit locum vnum, magis dictum diuini, siue separatiuè, quàm coniuncti; & hoc est, quoniam Creator magis intendere videbatur separationem earum à superficie terræ, quàm congregationem earum in locum vnum.

c. Idest in viscera, vel concavitates terræ.

PETRVS Comestor Historiæ Scholasticæ capite quinto.

Tertio die aquas sub firmamento congregauit Deus in vnum locum, quæ licet plura obtineant loca, tamen quia omnes continentur in visceribus terræ, in vnum locum congregatæ dicte sunt.

DIONYSIVS Carthusianus Enarratione in Genesim articulo vndecimo.

Postremo, quantum capere queo, de congregatione aquarum in vnum locum non est tanta difficultas, vt quidam prætendunt. Locus quippe, in quo congregatæ sunt aquæ, est concavitas terræ ambiens totam habitabilem terram, in qua concavitate aqua dicitur congregata, non quod vtranque extremitatem aquæ circumcludat in se illa concavitas, immò aqua immensurabiliter eam excedit, & ultra eam latissime prorsus diffunditur, non tamen in infinitum, sed in extremitate sua sic diffusa, est contigua aëri elementari, qui cingit & ambit aquam, quemadmodum aqua terram, immò & plus.

d. Hoc est, supra terram, et sub aère.

ALBERTVS Magnus prima parte Summæ, quæstione duodecima, articulo tertio decimo.

vnde

In locum vnum.

a. Hoc est in centrum vnum seiunctim à centro terræ.

Vnde nihil aliud est congregare aquas in locum vnum, quàm dare eis naturam illam, quod sint leues in terra, & sic ascendunt ab ipsa, & graues in aëre, & sic descendunt ab ipso.

a. In locum vnum, hoc est in centrum vnum seiunctim à centro terræ.

BURGENSIS in Additionibus, cum prolixiori narratione eam extulisset sententiam, qua aquas centrum à centro terræ separatum sortitas esse autumat, eliciens quinque, quæ ex ea sententia excipi possent, primo loco hæc habet.

Quorum primum, quod licet sint multæ congregationes aquarum in diuersis locis, tamen omnes aquæ, quæ sub Cælo sunt, sunt ad vnum locum congregatæ, prout Deus disposuit: nam quælibet aqua habet æqualem inclinationem ad centrum elementi aquæ, sicut quælibet pars terræ ad centrum terræ; & sic habetur verus intellectus illius, quod dicitur; Congregentur aquæ ad locum vnum: hoc est dicere; Inclinentur aquæ omnes quæ sub Cælo sunt, ad vnum locum, scilicet ad vnum centrum, seorsum à centro terræ, ad quod centrum congregentur aquæ, sicut partes terræ ad centrum terræ. Quæ quidem congregatio veritatem etiam habet in omnibus congregationibus aquarum, siue in fluminibus, siue in stagnis, siue in cisternis, & huiusmodi. Nam omnes aquæ ubicunque sint, habent inclinationem ad centrum aquæ, ad quod fluunt cessante impedimento; sicut partes terræ, etiam si sint in aëre, & extra terram suspensæ, semper habent inclinationem ad suum centrū.

A V C T O R.

Duas postremas, nuperasque interpretationes reiiciendas arbitror. Alberti quidem explanationem, etsi minimè tanquam à vero aberrantem, attamen vt vagantem (ita enim liceat mihi illam nuncupare) minusque literæ sensum aperientem, reprehendendam existimo. Difficultas vtique in eo versatur, quo pacto in unum locum coactas fuisse aquas prodat Scriptura, cum tot vastissimorum æquorum, sinuū, lacuum, fluminum, fontium varietates perspiciamus. Quam profecto difficultatem, hæc interpretatio non dissoluit. Burgenensis assertio, nec vera est, vt supra demonstrabamus, neque etiam sedandi permotam difficultatem viribus pollet. Augustini, & sectatorum expositio, si seriem, qua ipsi Mundum conditum existimarunt, prosequeremur, reiicienda non esset. Verum nobis ea probata erat sententia, quæ aquas in exordio temporum progenitas cum cæteris elementis asseuerabat. Quapropter altera earum à nobis est amplectenda interpretatio, quæ sedem aquarum nuncupatam esse locum unum astruebant, seu respectu Oceani ex antonomasia & excellentia, seu quia omnes pelagi gurgites, atque sinus continuatione & connexione, quam & palam & occultè habent, dici unum queant, seu quoniam phrasi quadam uerba hæc, In locum unum, interpretanda ueniant seorsum à terra, seu in terræ specubus, siue secundum ampliorem partem, uel ex eo quod ad unum locum natiuam ferant procliuatatem. Quæ interpretationes, etsi quodammodo uelut diuersæ nobis prima fronte obijciantur, minimè attamen aduersæ sunt, uel repugnantes: quamuis primam D. Basilij interpretationem elegantiorē esse, alteram probatiorem, atque textui magis accommodatam; postremam verò nimis lato sensu, quod intendit Moses, explicare censeam. Porro maria omnia terram alluentia inuicem connecti, Geographis non est incomptū. Homerus in Iliade Oceanū à quatuor Orbis cardinibus, Oriente, Occidente, Meridie, Septentrione, terram finire tradidit, teste Hadamero Commentatione in Genesim. Oceanum ab Occasu Atlanticum, à Borea glaciale,

Anno Mudi primo.
Die tertia.

Dux postrema sententiæ reprobatur.

Augustini expositio reijcitur.

Quæ sententia acceptanda.

Maria omnia simul connectuntur.
Oceani variæ denominationes.

cialem, quoniam sempiterna glacie concretus, & congelatus est, seu Cronos ab insula Crono, & Mortuū; Ab Oriente, Eoum, & Indicum; A meridie Aethiopicum, & Rubrum, teste Dionysio, Ptolemæo, Strabone, & veteribus Geographis, quanquā unicus sit, appellari perspectum est. Porro Geographi recentiores, qui typum Orbis terrarum longè solertiori cura, ac diligentiori studio delineant; quanquam inter Orientale, atque Occidentale mare, Americam, nouumque Mundum intersertum incidant, attamen per fretum Megellanicum ipsa connecti tradunt, atque sub polis amplissimas & incognitas terras confidere asserunt. Sed tū ueterem, tū Mundum nouum Oceano allui, non inficiantur. Maria celeberrima, quæ sinus nomen uendicarunt, ut Magnū Gangeticum, Persicum (Arabicum, quod Scripturis Rubrum est) & quæ neoterici tradunt Septentrionalia, Oddicum ad Sueuicum enare; Granicum aperta habere in Oceano ostia claret. Mediterraneum cum suis finibus à palude Meotide exordio sumpto, & per Euxinum, Propontidem, Aegæum, inde per maria ea delabens, quorum plura memorat Basilus Homilia quarta Hexæmeron, & Ambrosius Hexæmeron libro tertio; sed vberius Damascenus libro secundo Orthodoxæ Fidei (de quibus consulas tantum Patrem) in Oceanum effundi per fretum Herculeum, seu Gadditanum patentissimum est. Superest difficultas de mari Caspio, de quo apud scriptores non liquet quomodo cæteris connectatur. Strabo, Plinius, Dionysius de situ Orbis, & Basilus, Ambrosius, ac plurimi ex neotericis, mare Caspium cum Oceano per internos terræ meatus commisceri arbitrantur. Herodotus, Aristoteles secundo Meteororum, Ptolemeus in Geographicis enarrationibus, ac alij graues scriptores, Caspium nec aquam ex Oceano, sed ex pluribus ingentibus fluminibus depromere, nec in Arcticum, sed per occultos alueos in Euxinum se exonerare tradiderunt.

BASILIVS in Hexæmeron, Homilia quarta.

Quanquam & Hyrcanum, Caspiumque mare sunt, qui seorsum circumscripta suis esse finibus arbitrentur. Sed si ijs, qui in describendis terris operam nauarunt, mentem adhibere oporteat, hæc inter sese per meatus suos commiscuntur, & omnia permeant ad mare maximum, atque confluunt: quemadmodum & mare Rubrum ad id, quod est trans Gades mare Oceanum tendere, eique coniunctum esse ferunt.

Verū si vastissimum flumen illud Obij vocatum, origine incomperta è terra erumpens, atque in Arcticum Oceanum se effundens, non ab alio, quā à Caspio per latentes meatus terræ egreditur (ut Geographi nuperi asseuerarunt, & Gherardus Mercator in sua excusa Europa notat, nullus certè linquitur amplius ambigendi locus, quin cum Patribus Caspium Arctico Oceano continuari perhibeamus. Consulat de his Lector curiosus Iulium Scaligerum de mari Caspio aduersus Cardanum differentem; consulat & Abraham Ortelium, & alios fusiùs ista pertractantes.

Num mare in sui exordio fuerit salsum et amarum.

Elegantem hanc indaginem prætermittere non possum, cū videam Patrum nonnullos in utranq; sententiam raptos. Alij siquidem primævas aquas dulces extasse edisserunt; alij Deum opificem dulces ab amaris diffecasse, easque in fontibus, fluminibus, & lacubus constituisse, has uerò in pelagus coëgisse & coaceruasse malunt.

Mare amarum & salsum ab origine & natura extare.

Aristoteles secundo Meteororum, antiquorum sententiam narrat, qui terram in Mundi genesi aquis obrutam, & Solis calore post arefactam asseriebant, eo euentu, quod aquæ superextantes falsedine refertæ, ut crassæ & terrestres mare salsum euaserint.

Empedocles, qui Mundum, & mare non æterna, sed extructa fuisse quandoque credit, mari congenitam esse falsedinem censuit, eo quod mare ex sudore terræ effectum voluerit, sudorem autem, sicut & alia quæcunque excrementa, falsedine oppletum esse putarit. Hoc ipsi ascribit Aristoteles libro secundo Meteororum, simulq; etiam ipsius sententiam repudiat. Primò ea ratione, quoniam non assignauerit causam, quare sudor

Cap. 3.
Cap. 25.

An mare Caspiū cū alijs iungatur.

Caspium mare cum alijs necitur.

Cap. 3.

re sudor falsus debeat existimari. Deinde, quia si maris aqua sudor terræ esset, dubio procul aqua maris minor quàm tellus existeret, cùm superfluitas eo corpore, à quo profilit, semper minor extet. Tandem, si terra quandoque Solis calore sudasset, profectò eadem de causa, ait, semper sudaret, quod falsum esse experimur.

P H I L O quasi pari doctrina connatam esse mari falsedinem enarrat, id Deo adscribēs quod Philosophi casui attribuerunt. Libro enim de Mūdi opificio hæc habet.

Post hæc, quoniam vniuersa aqua in totam terram diffusa erat, omnesque eius partes penetrauerat, quemadmodum spongia humorem combibit, vt cen palus quedam cænosa ex vtroque elemento macerato confundetur, & quodammodo fermentaretur in vnam indiscretam, informemque naturam: iubet Deus, quicquid aquarum falsum erat, ac proinde effecturum fertilitati satorum, & arborum, collectum in vnum confluere ex omnibus terræ foraminibus: tūc aridam emergere, dulci humore in ea relicto ad eius perpetuitatem.

Sententia, mare sua natura, & exordio, falsedinem non attulisse asserens.

Philosophi uetusti quāquā mare cum Mundo æternum astruant, & ingentum censent: falsedinem tamen non ex natura mari congenitam, sed contingenter superadiunctam tradunt; diuersasque huiusce rei causas pandunt. Anaximander, & Diogenes, qui mare ingentum asseuerabant, falsedinem in eo genitā rebantur, eo quod ipsum Mundi excrementum putarent; ea autem natura sit excrementi secundum eorum placita, vt falsedine aspergatur. Anaxagoras, & Metrodorus ingentum mare cum Mundo pariter autumabant, sed genitam esse falsedinem in eo censebant, ex eo quod collecta aqua extollatur per partes falsas, quas in aquis comperiri, vti & in terra sunt partes alluminosæ falsæ & siccæ, opinabantur. Aristoteles quanquam Mundū æternū astruat, falsedine attamen non natura, sed ex accidenti pariter contingere mari edocuit, ea de causa, quod Solis concoctione non tantum vapor humidus aqueus ex superficie maris in aërem extollatur, qui in nubem condensetur: sed ex pelagi profundo vapor frigidus, siccus, & terrestris ad maris superficiem subleuetur, qui cum extrahi non possit, eo quod crassus, densusque sit, in superficiē dispergitur, cuius affectione mare falsum redditur: hisque indicijs hoc ipsum ut uerū firmare contendit. Primum, quia australes aquæ magis falsæ sunt quàm boreales, nam flante vento australi plures extolluntur exhalationes calidæ, siccæ, & terrestres. Deinde, quod aquæ maris quibuscumque alijs, quæ ex commistione calidæ sunt, & siccæ, profectò calidiores existant. Amplius, quoniam aquæ per poros in vase hausta, propter crassioris humoris seclusionem, dulces comperiuntur. Insuper, quod aqua maris cæteris crassior sit & grauior. Ad hæc, quoniam linea vestis in mari lota sordescat. Tandem, quia stagnum in Palæstina, & lacus alius in Arabia, ex ea terrestris, & sicci humoris permistione, falsa pariter reperiuntur. Quare si iuxta horum Philosophorum sententiam, non ex natura, sed contingentibus de causis mare falsum efficitur, certè si Mundus ab ipsis non æternus assereretur, mare primum dulce extasse fateri cogerentur.

Patres, & Mundum à Deo conditum constanter ex fide autumant, & tertia die molem aquarum terram inundantem congregatam fuisse à Deo, mariaque effecisse volūt; marique ipsi falsedinem aduentitiam decernunt, & causam ab Aristotele deductā cuncti fere approbant. Sufficiat autem mihi aliquorum dicta referre.

D A M A S C E N V S Orthodoxæ Fidei libro secundo, capite nono. Fit autem falsum mare, Sole semper, & alijs (vt Siphones quidam) quod subtilissimum est attrahentibus: unde & nubes consistunt, & nubes gignuntur dulci enaporata aqua.

A N S E L M V S Cantuariensis libro primo de Imagine Mundi, capite vigesimo secundo.

Oceanus idcirco perdurat falsus, tot fluminibus, ac pluuijs irrigatus, quia exhausto à Sole, dulci, tenuique liquore, quem facilius ignea vis contrahit, amnis asperior, crassiorque relinquitur: ideo summa pars maris vnda est dulcior, profunda amarior.

T H E O P H I L V S Antiochenus ad Autolycum libro secundo. Aquæ potu salubres operiunt primam superficiem terræ.

ANA-

Lib. 2. Meteor.

A N A S T A S I V S Synaita Commentarijs in Hexamerō libro tertio.
Deus enim ab initio ipsum fecit aquam dulcem: mutatum est autem tempore, ab aëre & elementis effectum falsum diuina permissione, præfigurans, ac prius describens humani maris mutationem, quod ex virtute est conuersum in falsum vitium, quod Christus mutauit in melius per mare baptismatis.

Basilii, Ambrosii, Chrysostomi, Iunilii, Procopii id ipsum, si non clare produnt, insinuant saltem, cum unam aquarum naturam in exordijs manatam velint, ut decerpere est ex eorum Commentarijs.

A V C T O R.

Facilis est mihi huius controuersiae definitio. Aquæ non connatam esse ex natura falsedinem, Philosophi clarissime demonstrant. Principio, quoniam affectiones alicui ex natura & per se, ut aiunt, inditæ, omnibus ea natura præditis insunt, at non omnis aqua falsa est, cum fontes, flumina, lacusque amplissimi dulces spectentur. Deinde, si falsedo aquæ connaturalis esset, ab ipsa depurari non posset, & tamen per meatus succutaneos egressis è mari aquis defæcari eas, dulcesque fieri experimur. Quod si aduentitia est falsedo aquæ, Deus sapientissimus opifex, cum aquam natura præstatem produxerit, dulcem utique effecit, omnisque falsedinis & amaritudinis expertem. Rursum, maris exordio fuisse dulce euincitur, quoniam ante Solem iuxta priscorum omnium Patrum doctrinam conditum fuerat, quare cum Sol adhuc non torreret, atra illa exhalatione Solis radijs attracta aspergi in sui exordio, inficique non potuit. Præterea, cum Moses aquas per firmamentum à Deo distractas atque seiunctas fuisse enarrat: igitur homogeneæ erant, in unumque corpus conflabantur: quemadmodum ergo supercælestes aquæ, si fluidæ aquæ super Cælos sunt elatæ, dulces existimantur, & aquæ in fontibus, lacubus, amnisque confidentes, dulces hauriuntur: non secus profecto, & que refederunt in mari, cum earum omnium una esset ratio naturæ, unaque affectionum cōfensio, dulces ab initio scaturisse cōsensus est. Muneris autem mei non esse opinor, falsedinis maris causas nunc inuestigare: Num scilicet ex eo, quod mare sudor sit terræ, ut uoluit Empedocles; An quia excrementum Mundi, ut censuit Anaximander, & Diogenes; Num etiā quoniā per nonnullas aquæ venas falsedo extollatur, ut dixerit Anaxagoras, & Metrodorus; Num euaporatione, concoctioneq; crassioris humoris à Sole peracta, ut docuit Aristoteles; Num quod sedimentum sit omnium aquarum; Num quoniam terræ adustæ infectione exuratur; Num quod sulphureis uenis commisceatur; Num tandem, quia amplissimos amnes falsos in vtero conglutinet. Tot enim referuntur de falsedine maris apud antiquos & nuperos sententiæ, quarum nonnullas Aristoteles secundo Meteororum memorat, & reijcit. Tertia igitur hac die, æquora cuncta genituram suam omnibus numeris absolutam percepere. Hac Oceanus omnis ortus est, à Borea Oceanus ille sempiterna glacie concretus, Hyperboreus, Sarmaticus, & Scythicus; Ab occasu Hesperus, Atlanticus, Calidonijs, Germanicus cum Sueuico, & Scythico; Ab meridie Aethyopius, Indicus, Ruber cum Arabico, Persico, Gangetico, & magno illo sinu, quem amplissimum mare nunc agnoscunt; Ab ortu, Eous, & veteribus ignoti Cinnus, Surrus, & Pacificum immensum mare. Hac pariter die Mediterraneum æquor, ex prouincijs quas alluit, uiginti ferè nomina sibi vendicās, per Aegeū, & Hellespontum, & Propontidem, & Bosporum thracium in Euxinum ascendens: Hac Caspium undique conclusum. Hac insignes lacus, Erno, Acronius, Lemanus, Larius, Penninus, Benacus, Genesareth, Asphaltides, Mariane. Hac flumina illustriora Tamarus, Tagus, Iberus, Betis, Rhodanus, Ligeris, Sequana, Rhenus, Albis, Vistula, Danubius, Sauus, Drauus, Padus, Arnus, Tiberis, Tanais, Tibiscus, Boresthenes in Europa; Nilus Niger in Aphrica, Iordanus, Indus, Ganges, Tigris, Araxes, Volga, Obii in Asia; prætermisiss innumeris ferè alijs fluminibus, magnitudine, & nomine his non comparandis, ortum susceperunt.

De Genesi Continentis, seu Orbis terrarum.

Natalia conspeximus maris; ad prosilitionem accedamus globi habitabilis, seu orbis terrarum illius, quem prisci in quinque Zonas; nempe in torridam, duas temperatas, & duas

Et appareat arida.

- a. Legendum, Et videbitur arida.
b. Appareat arida: hoc est, Fiat terra, seu accipiat terra visibilem formam.

& duas incultas secarūt: quem Homerus in Iliade, Aristoteles libris de Mundo, & Dionysius insulam vocarunt; quem chlamydis speciem ferre Strabo dixit; quem in Asiam, Africam, Europam suis conseptas insulis, Ptolemæus, Plinius, Strabo, Pomponius, Solinus, Dionysius, cunctique veteres seiunxere: quem Nuperi, Americam quasi novum Mundum adiungentes, mirificè ampliarent.

Et appareat arida.

Poscit institutum nostrum, ut aliquid de editione dicamus:

a. Legendum, Et videbitur arida.

Observationes Hebraicæ, Et appareat, ut videatur adnotant.

L V S I T A N V S in Adnotationibus.

Et quod dicitur Appareat, passivè in Hebræo ponitur, & verti potest; Et videbitur arida. Vocatur autem terra sicca, seu arida, à Iabas, quod est exiccare. Dicitur autem terra arida, seu sicca, non quod sit arena, quæ infructifera & sterilis est; sed quia ab aquis exiccata fuit à Deo.

Sed meo iudicio parum interest, nūm dicamus, Videbitur, arida, nūm, Appareat arida &c. quapropter ad expositiones Patrum accedendum est.

b. Appareat arida: hoc est, Fiat terra, seu accipiat terra visibilem formam.

Primo loco ea se nobis offert sententia, quæ hac tertia die elementa cōdita astruens, ipsam terræ apparitionem ipsiusmet terræ formationem, & congestionem interpretatur; cuius sententiæ propugnatorum, Augustini scilicet, Eucherij, Bedæ, Halensis iam suprā dicta retulimus. Verū claritatis maioris gratia, quid de terra singulariter effati sint, reiterandum ducō.

A V G V S T I N V S contra Manichæos libro primo, cap. duodecimo.

Et quod dicitur, Appareat arida; quid aliud dici intelligendum est, nisi ut illa materia accipiat visibilem formam, quam nunc habet terra ista, quam videmus & tangimus? Superius ergo, quod nominabatur terra invisibilis & incomposita, materiæ confusio, & obscuritas nominabatur: & quod nominabatur aqua, super quā ferebatur spiritus Dei, eadem rursus materia nominabatur. Nunc verò aqua ista, & terra formantur ex illa materia, quæ ipsis nominibus appellabatur, antequam formas istas, quas nunc videmus acciperet.

Et de Genesi imperfecto, capite decimo.

Et ipsum appareat arida, quod positum est, terræ formatio intelligi potest, ut hanc haberet speciem terræ quam cernimus; Invisibilis enim & incomposita dicta erat, cum adhuc materiæ species deesset.

Consimilia habet de Genesi ad litteram libro secundo, capite undecimo: & contra adversarium legis, & Prophetarum libro primo, capite tertiodecimo, ut supra referebamus.

E V C H E R I V S Augustini sententiam delibavit Commentarijs in Genesim libro primo, capite quarto.

Appareat arida. Quid hic aliud intelligendum est, nisi ut illa materia accipiat visibilem formam, quam nunc terram istam videmus habere? Superius enim quando cognominabatur terra inanis & vacua, ipsa rerum materia nominabatur, nondum generibus creaturarum impleta corporalium: & quod nominabatur aqua, supra quam ferebatur spiritus Dei, eadem rursus materia nominabatur. Nunc verò aqua ista, & terra formantur

Anno Mūdi
primo.
Dietetia.

Et appareat arida.

a. *Appareat arida : hoc est, Exeratur Terra ex Chaos.*

matur ex illa materia, quæ ipsis nominibus appellabatur, antequam formam aquæ istæ, quas nunc videmus, acciperent.

B E D A Expositione in Genesim.

Appareat arida, ut illa materies acciperet visibilem formam, quam nunc habet terra, quam videmus.

G L O S S A Ordinaria ex Augustino his verbis idipsum tradit.

Congregentur aquæ, & appareat arida. Intelligamus hæc duo proprias formas accepisse nobis notas & trahibiles, aquam scilicet mobilem, terram immobilem. Vnde aqua congregatur, terra apparet : aqua enim labilis & fluxa terra, stabilis fixa.

Alexander Halensis, ut supra relatum est, Augustini mutuauit narrationem.

a. *Appareat arida : hoc est, Exeratur Terra ex Chaos.*

P H I L O libro de Mundi opificio, cum usque ad secundum diem gesta de Mundo intelligibili interpreteretur, secunda autem Coelum manasse, tertia verò aquas salvas, effecturasque terræ ab ipsa terraeductas, & haustas asserat, certè non nisi ex rudi quadam massa hæc elementa hac die speciem suam suscepisse est arbitratus, quod etiā eius oratio demonstrat. Ait enim.

Post hæc quoniam vniuersa aqua in totam terram diffusa erat, omnesque eius partes penetrauerat, quemadmodum spongia humorem combibit, ut ceu palus quadam canosa ex utroque elemento macerato confundetur, & quodammodo fermentaretur in vnam indiscretam, informemque naturam : iubet Deus quicquid aquarum salsum erat, ac proinde effecturum fertilitati satorum, & arborum, collectum in vnum confluere ex omnibus terræ foraminibus : tum aridam emergere, dulci humore in ea relicto ad eius perpetuitatem.

G R E G O R I V S Nyssenus libro de Historia sex dierum, quibus Mundus à Deo creatus est, cuncta elementa in primo Chaos adeò confusa fuisse, commiscelataque, ut peculiari non prædita essent forma, nec suis qualitatibus cohonestata, existimauit, atque tertia die terram & aquam sua sumpsisse exordia arbitratus est. Quapropter de terra primò hæc habet.

Terra autem erat inuisibilis & incondita, ut ex hoc perspicuum sit, quòd potentia quidem omnia erant in primo Dei motu, atque impetu, quo ad creandum mouebatur, veluti seminaria quadam vi ad vniuersitatis ortum congesta ; sed in effectu res singule nondum erant. Terra enim, inquit, erat inuisibilis & incondita. Quod perinde est, ac si diceret : Erat, & non erat : nondum enim circa eam concurrebant qualitates. Atque hanc sententiam demonstrat esse veram, quòd inuisibilem eam Scriptura fuisse dicit. Quod enim est absque corpore. Si igitur inuisibilis, prorsus etiam coloris expers erat. Cum hoc autem vna consideratur, & intelligitur etiam id, quod figura caret ; atque cum illo incorporeum. Igitur in ea, quæ comprehensim ac repente accipitur, molitione, atque congectione Mundi erat quidem terra in rerum natura, sicut etiam reliqua omnia : expectabat autem, ut per qualitatum structuram, & compositionem, fieret id, quod est. Per hoc enim, quòd dicit eam inuisibilem fuisse, Scriptura indicat, quòd nec alia quidem aliqua qualitas circa eam animaduersa sit : per hoc item, quòd eam inconditam nominauit, dat intelligere, & innuit eam nondum corporeis proprietatibus decoratam & consolidatam fuisse. Et post. Significatur enim per hæc, prout mea quidem opinio fert, ac vi hoc laboratum quidem, siue incultum, quòd in effectu quidè & actu terra nondum esset, sed in sola potentia, ut per sese ut esset, haberet : per rude & indigestum, quòd nondum qualitates altera ab altera separata essent, ac peculiariter vnaqueque qualitas agnosceretur, sed in confusa quadam, indiscreta, atque indigesta qualitate, ac mole, res vniuersæ conspicerentur : quum non color, non figura, non corpus, non pondus, non quantitas, non aliud quicquam tale per sese secundum propriam rationem in subiecto spectaretur. Et Post. Cum terrena qualitas adhuc cum humida natura commixta esset, cuius erat alterius, terram quidem suis consolidare qualitatibus, & omnibus eius particulis ad res cognatas coactis, atque compressis, per condensationem & constipationem insistentem ex ipsa exprimeret humorem : aquam autem à commixtione terræ separare, & circa seipsam terræ cauer-

Appa-

Et appareat arida.

α. Idest, Collectis aquis Dei precepto appareat terra, quæ latebat.

α. Appareat arida, idest, collectis aquis Dei precepto appareat terra, quæ latebat.

Patres ferè omnes Græci in hanc proficiscuntur sententiam, vt apparitio ipsa terræ non fuerit eius congestio, seu ex Chaoseductio, sed ex aquis detectio.

BASILIVS in Hexameron Homilia quarta.
Quot mihi negocia, quot molestias afferebas in ijs, quæ antea dicebantur, causam postulando, quomodo telus inuisibilis fuerit, cum omne corpus colorem suapte natura obtineat, ac proinde omne corpus sensibile sit visu. Et forsitan ea quæ differuimus ibi, satisfacere tibi non videbantur: cum diceremus inuisibile non respectu naturæ, sed nostri, dictum à Scriptura fuisse, propter obiectionem aquæ tunc vniuersam tellurem operientis. Ecce nunc audi ipsam Scripturam seipsam explanantem. Congregentur aquæ, & appareat arida. Contrahuntur vela, vt aspectui sese obiciat ea, quæ eatenus non conspiciebatur.

AMBROSIVS Hexameron libro tertio, capite secundo.
Congregetur, inquit, aqua, quæ sub Cælo est, in congregationem vnā, & appareat arida. Et factum est sic. Fortasse parum crediderit aliquis superioribus sermonibus nostris, quibus tractauimus, inuisibilem idē fuisse terram, quod aquis operta tegeatur, vt corporeis oculis videri non posset. Ad se enim Propheta reuertitur, hoc est ad nostram conditionem, non ad diuinæ maiestatem naturæ, quæ vtique omnia videt. Sed vt aduertatis, quia non quasi nostri ingenij probandi gratia, sed vestræ causæ instructionis suscepimus hunc tractandi laborem: ad stipulante nobis lectionis serie testificamur, quæ aperte probat, post congregationem aquæ quæ erat super terram, & post deriuationem eius in maria, apparuisse aridam. Desinant ergo, qui nobis dialecticis disputationibus mouere negocia solent, dicentes; Quomodo terra inuisibilis, cum omni corpori naturaliter & species, & color insit: omnis autem color sit subiectus aspectui? Clamat Dei vox; Congregetur aqua, & appareat arida. Et iterum Scriptura dicit; Congregata est aqua in congregationem vnā, & apparuit arida. Quid opus fuit iterare, nisi occurrendum quæstionibus iudicasset Propheta? Nonne videtur dicere; Non dixi inuisibilem secundum naturam, sed secundum superfusionem aquarum? Denique addidit sublato velamine apparuisse aridam, quæ ante non videbatur.

CHRYSOSTOMVS in Genesim Homilia quinta.
Congregetur aqua, quæ sub Cælo, in congregationem vnā, & appareat arida. Et factum est ita. Vt de hic, obsecro dilecte, ordinem, & consequentiam optimam. Quia dixerat in principio; Terra erat inuisibilis & inculta, eod quod tenebris & aquis obtegebatur: & deinde iussit die secundo, vt esset firmamentum, quod aquarum separationem faceret, vocauitque firmamentum Cælum: nunc iterum docet nos, quod præceperit in die tertio aquæ, quæ sub Cælo, hoc est, firmamento, vt in vnā congregationem conueniat, & faciat apparere locum aridæ. Et factum est sic. Quia enim omnia impleta erant aquis, iussit in vnā congregationem aquarum multitudinem concedere, vt sic appareret arida. Vide quomodo paulatim illius nobis pulchritudinem & ornatum ostendit.

CYRILLVS in Genesim libro primo.
Creatis igitur primum Cælo & terra, deinde aquarum copia in vnū locum contracta (parere enim nece fuit illi dicenti; Congregentur aquæ in locum vnū) terra subinde detegebatur, & herbarum ita varia specie exornabatur.

THEODORETVS Quæstione quarta in Genesim.
Terra autem erat: sed quod sequitur subiunxit; Terra autem erat inuisibilis, & incomposita; hoc est, creata quidem est à Deo omnium conditore, sed adhuc inuisibilis erat, aquis nempe circumdata: & incomposita, eod quod nondum ornata erat germinibus, neque consita pratis, nemoribus, & segetibus.
Denudata est autem tertia die, & exornata.

DAMASCENVS de Fide Orthodoxa libro secundo, capite nono.
In principio igitur aqua super omnem terram effundebatur: & primum quidem fecit Deus firmamentum, CCCCC diuimens

dirimens per medium aquam quæ erat super firmamentum, ab ea quæ infra firmamentum. In medio enim abyssi, imperio Domini factum est firmamentum. Unde & dixit Deus; Fiat firmamentum, & factum est. Et Post. Deinde præcepit Deus, ut congregarentur aquæ in unam congregationem, & dicendo in unam congregationem, non significat in loco uno illas congregasse (nam vides, ut postea dicat, & consistentias aquarum vocavit maria) sed secundum seipsas à terra separatas simul factas esse aquas, ostendit hic sermo; Congregatæ sunt igitur aquæ in congregationes suas, & apparuit arida.

IVNILIVS in Hexameron.

Subduntur aquæ, quæ inter Cælum & terram uniuersa impleuerant, & unum congregantur in locum: ut terra quæ latebat, appareret: quæque contacta aquis limosa manebat & inualida, harum abscessu redderetur arida, & suscipiendis apta germinibus.

Glossa hæc ipsa paucis mutatis uerbis; & Magister sententiarum secundo, distinctione quartadecima, pariter desumpsere.

RVPERTVS Commentarijs in Genesim libro primo, capite vigesimo secundo.

Quomodo congregentur dixit in locum unum, nisi ac si diceret, secedant hinc & hinc aquæ, & confluant seorsum & seorsum, nullumque operi proposito faciant impedimentum? Quod enim tendebat summa artificis industria, nisi ad hoc quod ait, & apparet arida? Aridam quærebat iamdudum latentem in profundo abyssi, inquam tequam diuideret & aquas ab aquis, quam solus ibi esse nouerat, qui solus creauerat. Quærebat, inquam, aridam, magni & pulcherrimi operis materiam, quod apud se pertractabat miro & ineffabili consilio, de infima & ignobili massa Celi sui superioris aurea perornaturus pallacia. Hac ergo inuenta, vidit Deus quod esset bonum vidit inquam, nec suus eum visus fefellit. Nam sicut tunc vidit, ita nunc factum est, quia videlicet de arida veritas orta est, quæ ortum in Cælo superaret.

Adeamus & Ecclesiasticos Poëtas.

TERTVLLIANVS in Poëmate inscripto Genesim.

Tertia lux faciem terrarum fulua retexit,

Arida mox posito narratur nomine terra;

CLAVDIVS Marius Victor Commentarijs in Genesim libro primo.

Tertia lux tumidos stupuit discedere fluctus,
Cum Deus impulsis reliqui iam gurgitis undis,
Aërijs magnum spatijs patefecit inane:
Arida tunc primum Mundi pars ima retactam
Ostendit faciem, tremefactaque numine Verbi
Cerulea nudatas cinxerunt æquora terras.

ALCIMVS Auitus libro primo de origine Mundi.

Iam Pater omnipotens librantis pondere Verbi
Undique collectis discreuerat arida lymphis,
Littoribus pontum constringens, flumina ripis.

Et Ecclesia in Hymno Vesperarum, tertiæ feriæ.

Telluris ingens Conditor,
Mundi solum qui eruens

Pulsis aquæ molestijs,
Terram dedisti immobilem.

D. BONAVENTURA Sententiarum secundo, distinctione quartadecima, quanquam hac tertia die elementa prodijisse in suam speciem opinetur, per clausulam tamen illam, Appareat arida, terræ denudationem significari uoluit.

Tria dicit Scriptura: Primo, propter elementorum distinctionem, Congregentur aquæ in locum unum. Secundo vero, propter superficiem terræ denudationem, Et appareat arida. Tertiò propter irrigationem, quam ab aquis suscepit, ut germinare possit, dicit, Vocauit aridam terram, congregationesque aquarum appellauit maria.

Censuit igitur Bonauentura primum peractam fuisse distinctionem, seu seorsum structuram elementorum, deinde terræ denudationem, quanquam hæc omnia eadem die.

TOSTATVS pariter anceps an aqua, & terra emerferint ex Chaos secundam, seu tertia die, post elementorum attamē cōgestionē & aquæ deficationē censuit fuisse effectam, eo euentu, quod deficcationem per spiritum Domini, hoc est per ventum validum, non momento, sed sensim, & paulatim factam arbitratur. Quapropter exponit.

Appareat arida; idest terra, quæ ante latebat sub aquis, incipiat apparere quantum ad aliquam partem, scilicet habitabilem.

Et appareat arida.

- a. *Absumptis aquis, vel in aërem immutatis apparuit terra.*
b. *Crassa nebula dissoluta, aëreque sereno reddito, apparuit terra.*

LYRANVS à Patribus non abscessisset, si suam declarasset sententiam, cū elementa in exordio temporum conflata deprædicet, hac verò tertia die ad inuicem disiuncta. Ait enim, vt referebamus.

Hic consequenter describitur opus tertij diei, quo distincta sunt elementa; quæ distinctio facta, est per hoc quod aqua prius producta in forma substantiali, vt prædictum est, accepit tunc à Deo debitam densitatem: & sic occupauit minorem locum, aëris spatium dimittendo: & per hoc, quod virtute diuina facta sunt concauitates in terra, vbi recepta est pars aquarum: & sic apparuit pars terræ discooperta aquis, ad habitationem hominum, & animalium: & sic fuerunt elementa distincta in locis sibi debitis.

Nuperi Doctores, qui à primordijs temporum terram ab aquis circumuallatam dixere, omnes in hanc sententiam abeunt. Pererius, Vielmus, Aegidius, Catherinus, Guilielmus Parisiensis, Dionysius Chartusianus, & Burgenfis, quanquam ipse detectionem terræ ex distantia centri prouenisse credat, & perperam: sed in rebus clavis nuperos, nisi peculiaris eorum sit assertio, recensere meum non est institutum.

a. *Absumptis aquis, vel in aërem immutatis apparuit terra.*

Quamplures, non tantum aquarum vndique exundantium collectione, sed ipsarum absorptione apparuisse terras autumarunt. Alij profectò, validissima exiccatione absorptionem eas putarunt, vt Rabbini, & ex nostris Tostatus: Alij exurentis torrentisque Solis concoctione, & attractione in aërem immutatas opinantur, vt Steuchus. Quorum placita iam supra cumulatè recitata sunt.

b. *Crassa nebula dissoluta, aëreque sereno reddito, apparuit terra.*

HVG O Victorinus noster, qui elementa sub nebula obdensa specie aëris spatia obruentia circumeffundi arbitrabatur, eius dissolutione, sereno, puroque relicto aëre, terram apparuisse definit libro primo de Sacramentis Fidei, parte prima, capite vigesimo primo.

Aquarum natura in principio tenuis admodum tenuisque, & in modum nebulae cuiusdam dispersa: postquam diuina virtute, & iussione in vnam (vt ita dixerim) massam compingi quodammodo, atque densari cepit, ipso suo pondere deorsum vergens, in ima collapsa à terra recepta est, spatiumque illud, quod desuper usque ad ipsum firmamentum occupauerat, serenum, purumque dereliquit. Ipsa quoque terræ superficies (aquis omnibus inter alueos suos conclusis) apparere cepit. Primò quidem lutulenta, & lubrica, nudaque, velut quæ germina necdum vlla protulisset, quibus vestiari, & superduci potuisset.

RICHARDVS Exceptionum libro secundo, capite septimo, id ipsum edocet.

Tertia die, iussu diuino moles aquarum, quæ spatium illud, quod inter Cælum & terram est, occupatum tenebat, deorsum versa, in abyssum descendit, & sic aër in medio purus & serenus remansit.

PETRVS Comestor Historiæ Scholasticæ, capite quinto, & Hugo Caren-

fic in Postillis in hanc proficiscuntur interpretationem.
Et potuit esse, vt aquæ, quæ totum aëris spatium occupabant vaporabiles, solidatæ modicum obtineant locum vel terra paululum subiecit, vt eas tanquam in matrice concluderet & sic apparuit arida terra scilicet, quæ prius latebat sub aquis.

Nam ambo eadem oratione, nec apice prorsus mutato id ipsum produunt.

Anno Mūdi
primo.
Die tertia.

Et appareat arida.

a. Hoc est eleuetur Terra.

a. Appareat arida, hoc est eleuetur Terra.

CAIETANVS, sicuti singulari assertione aquas per condensationem coactas autumauit, ita per eleuationem Terram apparuisse edocuit. Vnde habet.
Describitur itaque tūc elementi aqua condensatio per congregationem, tūc terra eleuatio per apparitionem sicci ex congregatione aquarum.

A V C T O R.

Sentētiarum
de hac re di-
uersitas vn-
de.

Aduersæ, & repugnantes hæ Patrum sententiæ ex eo emergunt, quod diuersa fuerit de primæui Chaos genere eorum assertio. Quapropter singulæ probandæ essent ab his, qui Mundi congestionis seriem ab eis delatam non abnuerent. Nam si Mundus, sementio conflatus tanquam per dies effectus narratur, ea serie, vt prima die Angelus, secunda Cælum ex materia ea inuisibili, natura tantum præextante, profilierint, quem admodum tradit Augustinus: certè cum ipsomet Augustino, & sectatoribus eius Eucherio, Beda, & alijs, hac tertia die per congregationem aquarum, ipsarū manationem, & per terræ apparitionem, ipsius in suam speciem constructionem, intelligere cogimur. Si autem primum Chaos rude manasse, cum Nysseno diffiniemus, profectò hac tertia die, & aquarum congregatio, & terræ apparitio nil aliud erunt, quàm aquarum, & terrarum in proprias formas ex Chaos emersio. Rursum si aquas cæteris supremis elementis permixtas, in nebula crassæ, ac obdensæ speciem cuncta obtexisse, opacasse, & obruisse, cum Hugone & alijs asseuerabimus, terræ utique apparitio, ipsius aspectus erit, femota crassitie nubis, & aëre luce decorato. Verum cum nos illud genus Chaos probauerimus, quo & elementa in primordijs temporum producta astruebantur, & terra aquarum colluue contexta fuisse prodebat: reliquum nobis est, vt ipsam terræ apparitionem ex ea aquarum femotione prouenisse diffiniamus. Nec valde refert, quod delabentibus aquis, subsidenteque quibusdam in locis terra, in alijs sese extulerit, adeò vt & ipsa terræ apparitio ex eius eleuatione etiam profecta sit, vt edisserbat Caietanus, quod assertioni Basilij, Ambrosij, Chrysostomi, Cyrilli, Theodoret, Iulij, Procopij, Tertulliani, cæterorumque Ecclesiasticorum Poëtarum, & Doctorū præstantissimorum recentiorum à nobis amplexatæ non aduersetur, vel refragetur. Discutienda nobis hoc loco duo consimilia obijciuntur; Quanam vi arefactus fuerit terrarum Orbis vastissimus; & Num simul cunctus, an particulatim sit desiccatus.

Sentētia pro-
pria.

*Num Orbis terrarum cunctus simul Dei sola virtute;
num verò particulatim Solis, vel Venti vi
detectus fuerit.*

Prisci Mundi sapientes, si Historiographus est adhibenda fides, qui terram in sui exordio vndique aquis fuisse obrutam vniuersi sententia existimarunt: de Orbis exiccatione duo admodum Mosi consentientia detulere. Primum tūc Solis ardore, tūc ventis arefactum fuisse. Hæc à Diodoro Siculo de Antiquitatibus libro primo, ex Euphridis Anaxagoræ discipuli doctrina delata.

EVS EBIVS de Preparatione Euangelica libro primo, capite quarto his tradit.

Cap. 1.

nam

Anno Mūdi
pri mo.
D ietertia.

Et appareat arida.

- a. Non tota simul, sed sensim per ventum validum.
- b. Non cuncta simul, sed Solis ardore per partes.
- c. Orbis terrarum cunctus simul Dei virtute detectus est.

a. Non tota simul, sed sensim per ventum validum.

Rabbinorum non modici, & Tostatus Commentarijs in primum caput Geneseos, arbitrati sunt denudatā fuisse terram per ventum vehementem atque, urentem, à Deo in exordio emolitionis rerum, seu ante omnem diem immissum, & explicatum à Moise illis verbis; Spiritus Domini ferebatur super aquas. Idq; factum autumant eo euentu, quo & aquae Diluuij absumptae sunt, & maris Rubri vndae, vt Hebraeis tutū pararetur iter, consimili vento sunt imminutae, de quo scriptum est; Abstulit mare Dominus vento vehemente, & arente tota nocte, & vertit in siccum &c.

T O S T A T V S itaque Commentarijs in Genesim.

Mansit autem terra madefacta, & limosa: ideo induxit Dominus ventum urentem, flantem, scilicet Boream, & desiccavit terram, & iste ventus ferebatur super aquas separando, & desiccando aliquas remanentes in locis infimis, vel concavis. Et sic habetur Exodi decimoquarto capite, vbi dicitur, quod quando Hebraei transire erant mare Rubrum, Deus induxit ventum, qui desiccavit, & abstulit aquas: scilicet; Cumq; extendisset Moyses manum super mare, abstulit illud dominus flante vento vehemente, & urenti tota nocte, & vertit in siccum. Iste sensus multum mihi placet, & hoc satis innuit litera nostra, quae dicit, Ferebatur, quod signat motum, scilicet flare: & spiritus aliquando ventum notat, vt patet psalmo nono; Pluit super peccatores laqueos ignis, & spiritus procellarum, idest ventus impetuosus: sic etiam centesimo quadagesimo octauo; Ignis, grando, nix, glacies, & spiritus procellarum, idest ventus, quae faciunt verbum eius.

b. Non cuncta simul, sed Solis ardore per partes.

S T E V C H V S in Cosmopoeia, efficacissimo Solis calore, aquam in aëre commutatam, terramque paulatim denudatam, his tradidit.

Eo die, ac sequenti à Sole simul concoctis vasis aquis, aër, quem dicimus Caelum, est creatus. Quod cum eo temporis spatio Sol egisset, apparuere terrae, Solis ardore sublatis supra terras aquis. Nam cum toto Oceano haec lampas superuecta, circumquaque omnem aquarum orbem exureret, ab altioribus locis in depressiores aquae confidentes, terras ubique celsiores nudas reliquerunt.

c. Orbis terrarum cunctus simul Dei virtute detectus est.

Ex aduerso omnes ferè Patres, & Doctores, tenent detectum orbem simul, arefactumque, non Solis aut ventorum vi, sed vnica Dei virtute possum scribunt.

B A S I L I V S Hexameron Homilia quarta.

Non dixit, & appareat terra: ne rursus ipsam incoditam, ac incompressam ostendat, luvum fertam, atque aquis immixtam, nondum propria forma facultateque recepta. Et simul, ne telluris exiccatae angustis inferamus, terrae siccitatem generatione Solis vetustiore opifex fecit. Animaduertas autem velim, his indicantem verbis Scripturam non solum exundantes aquas de terrae superficie defluxisse, sed quicquid etiam aquarum per profunditatis totius dimensionem inerat immixtum, ipsi cessisse, inexorabilibus Domini iussis obtemperando. Et factum est ita. Satis fuerat id adiecisse ad indicandum opificis vocem in opus mox exisse.

Quibus Basiliius quasi momento, non tantum aquas defluxisse à terra, sed & terram exiccatae consimul arbitrari visus est, idque non Solis virtute, sed Dei.

A M B R O S I V S Hexameron libro tertio, capite quinto.

Cum enim dixerit Deus, quia factum est sic, satis esse putant vocem operatoris ad celebratae operationis indicium.

C H R Y S O S T O M V S Homilia quinta.

Et factum est ita. Quomodo? Sicut praeceperat Dominus. Dixit solum, & opus subsequutum est. Hoc enim

enim peculiare Dei est, ut secundum voluntatem suam facturas suas moderetur.

PROCOPIVS Commentarijs in Genesim.

Et factum est. Quibus verbis indicare voluit, opus semper subsequutum esse iussu, & voluntatem diuinam.

Sed ne in clarissima re operam perdamus, catenam quam distendere ingentem possemus, hoc loco recidamus.

A V C T O R.

Rabbini, Tostatus, & Steuchus, & si qui alij Patrum sententiæ refragari non veriti sunt, (quanquam non obscuri nominis Doctores) à cæcis Philosophis deducti, atque à certa frequentique, ac trita omnium ferè Doctorum, & Theologorum via deflectentes non planè prorsus iter meo iudicio sibi pararunt, quin potius in manifestos errores inciderunt. Nam primò singula sex dierum opera, mirifica Dei potentia, atque ob id unico per singulos dies momento fuisse effecta, Patres omnes Theologi edocent; nec insciant. Dei opera siquidem nuncupata sunt non naturæ, quoniã Deus solus omnes agentium vices (natura tamen præbente dispositiones, vti supra demonstrabamus) egit. Igitur à semetipso, non Solis, vel venti ope ea effecit. Deinde in tanta temporis angustia, nec feruens lux, nec ventus vrens id perficere vllo pacto ualuisset: tantam enim aquarum molem, ac exundantiam immensam unico die, seu diei parte, Solem quam ardentissimum, & ventum licet validissimum absumere potuisse, quis unquam senserit? Amplius non absumptas, sed congregatas fuisse aquas tradit Moses, & terram non post aquarum discessum madidam, sed aridam statim apparuisse contestatur. Deinde, eundem, qui cæterorum fuit dierum, tertij diei operis modum extasse censendum est. At lucem primo die: firmamentum secundo: luminaria atque astra quarto die, in momento ac repente profiliisse, & non successione temporis paulatim emerfisse, non est qui ambigat: quinimmo & plantas hac ipsa die folijs, floribus, fructibusque insignitas manasse, omnes meritò existimant, quamuis opportuna temporis spatia ad ea educenda non defluerint: quapropter, & de congregatione aquarum terræque apparitione idem omninò deferendum est iudicium. Rursum, quæ aduersarij protulere, non admodum firma consistunt; nam si terra madefacta cunctas rerum species sua ui, & Solis ope sola edidisset, profectò turpem valde originem germina etiam præstantissima traherent, quoniam excellentissimæ quoque germinum species ex putri genitæ dici, & nuncupari possent. Deinde quòd Borealis plaga ab æquatore ad Vrsam porrecta amplior sit, atque illustrior non renuo; tamen non id quod efflagitant, arguit, quoniam natura tantum ex se operabatur, intellectusque non adfuit, qui hanc futuram eminentiam præuideret. Insuper, quòd terra Vrsam versus, altior sit, Philosophi ac Cosmographi inficiantur, qui ex terra, & aqua sphæram vnicam, vti Orbis centrum æquabiliter à Cælo distare asserunt. Quòd aqua marium in plaga Septentrionali generetur, ad Austrumque defluat, ac ibi absumatur, non contingit (vt ipsemet testatur Aristoteles) ex eo quòd sit excelsior, sed eo quòd frigidior plaga, quæ profectò ad maiorem aquarum copiam gignendâ aptior est, sicuti calidior ad eam absumendam; ob idque & Pontus in Propontidem effluit, & ille in Aegæum, ex aquarum ibi genitarum exundantia.

Augustini Eugubini assertio de luce Solis in triduo primo ardentissima, ac efficacissima à Philosophis irrideretur, quibus inconfesso est, Solem, vti inalterabilem augere lucem, vel minuere non posse. Theologis etiam non arridet: nam qui lucem primænam, ignem, seu nebulam ignitam fuisse existimarunt, vt Nyssenus, atque Hugo, tenui ac exigua luce præditam eam fuisse asseuerarunt. Qui Solem ipso primo die productum affirmarunt, vel non omninò obdensatum, ac sua luce imbutum crediderunt, vt Aegidius, vel saltem ad influendum determinatos influxus vim non obtinuisse opinati sunt, vt D. Thomas. Hac autem assertione in duas se præcipitat Eugubinus repugnantias. Nam primùm ad Dei opificis summam potentiam, quam effugere conatur, confugit. Nec enim Sol supra naturam ardentior, ac efficacior lucem absque

Sex dierum opera à Deo solo absque alterius causæ ministerio.

Argumenta aduersantia eliduntur.

Steuici assertio repudietur.

absque Dei virtute adipisci potuit. Deinde, si calore suo Sol terram exiccasset; torridam primò Zonam (directo enim radio eam plagam percutit,) arefecisset, cum tamen temperatam hanc arcticam prius arefactam ipse cum omnibus priscis Gentilibus astruat. Nec tutiora Testatus detulit suæ sententiæ fundamenta. Si enim ventus est exhalatio frigida & sicca, seu calida & sicca, ex terra in aërem vi Solis rapta, vt omnes Philosophi contestantur, & si aquæ terram vndique obruebant, atque iactabant, quinam fieri potuit, vt gigneretur ventus adeò concitatus, ac furens, vt eam vastissimam aquarum colluuiem exiccare ualeret? Quòd si ventus non erat, sed aër Dei uirtute contractus, & agitatus; cum hæc naturalis causa non esset, ut quid Deum aëris potius commoti ministerio, tantam aquarum affluentiam exhaurisse, quàm solo sui imperio & præcepto id ipsum unico momento persoluisse perhibebimus? Producta verò Diuij, & maris Rubri mirifica exempla non id conuincunt: tùm quòd tempus ad eas efficiendas exiccationes requisitum adesset, tùm quia uenti naturaliter sufflare poterant; quæ duo huic die defuere. Terram igitur non ab ardentissima luce Solis, seu ab uentis rapidissimoque uento, sed Dei opificis uirtute nullo creaturarum rerum ministerio, nec per successionē, sed unico momento, uel die, nec paulatim & particulatim, sed uniuersam simul denudatam, detectam, constrictam, constipatamque fuisse, definiendum existimo.

Sumpsere hac die genescim suam Continentis, Orbisq; terrarū plagæ, tùm uetustæ, tùm nouæ. Hac die sumpsere natalia sua clarissimæ illæ Mundi ueteris partes, Asia, Aphrica, Europa, à Plinio, Lucano, Ptolemæo, Strabone, Dionysio nedum agnitæ, sed vehementer celebratæ. Quanquam (vt apud Salustium, & Varronē cerni potest) nonnulli duas tantum eas putarint, Aphricam: Europæ partem diiudicantes. Plagæ, inquam, à primò meridiano ad centesimum octuagesimum distentæ, & à parallelo trigesimo quinto, & ultra septuagesimum, nostrum Polum versus dilatatæ. Europa pulchritudine, & gloria præclarior cæteris, à Septentrione & Occasu, Oceano; à Meridie, Mediterraneo mari; ab Ortū, Aegæo, Euxino, Palude Meotide, Tanai fluuiio, & Isthmo, ab Eiofontibus ad sinum Granicū ducto, concluditur. Illustres prouincias & insulas, à Ptolemæo ut insigniores recensitas, numero uiginti sex complectitur, de quibus apud Geographos. Asia, quæ magnitudine alijs amplior censetur, vndiq; Oceano, & Mediterraneo mari alluitur, & Nilo seu Isthmo ab Arabico ad Mediterraneum ab Aphrica coniungitur; regiones, insulasque numero quadraginta duas iuxta Ptolemæi placita continere perhibetur. Aphrica sub Aequatore distenta, eodē Mediterraneo à Septentrione, Oceano ab Occasu & meridie, & sinu Arabico, ab Oriēte, & dicto Isthmo vallatur; insignes, quanquam non ita fertiles, à Ptolemæo agnitas duodecim plagas concludit. Nouus ille orbis, America dictus, vix nostra ætate cōpertus, q̄ ueteri Mundo amplitudinem prouinciarum numero, insularum magnitudine, minor fortè non est existimandus. Hæc die præter plagas, de quibus supra, exordia habuere insulæ innumera, amplius & celeberrimæ peninsula, promontoria, montes altissimi, clarissimiq; Pirenæi, Alpes, Apennini, Aetna, Riphæi, Olympus, Parnasus, Helicon, Ida, Cætij, Bebij, in Europa. Arlatici, Lunæ montes, Aethiopici in Aphrica: Taurus, Hyperboreus, Caucasus, Libanus, Melanus, Synai, Orontes, Coronus, Imaus in Asia. De quibus non est locus, ut prolixiorum prodamus memoratorem. Descripserunt huius continentis, immò Orbis terrarum speciem, & figuram ex antiquis Aristoteles libro de Mundo ad Alexandrum, Ptolemæus Alexandrinus, Plinius secundus libro tertio, quarto, quinto, & sexto Naturalis historiæ, Strabo libris decem & septem, Solinus, Pomponius Mela, Dionysius, Paulus Orosius in fronte suæ historiæ, Anselmus libro de Imagine Mundi, Isidorus libris Etymologiarum, Archiepiscopus Florentinus in Opere Historico, titulo primo, capite tertio, Vincentius Gallus in Speculo Historiarum libro secundo, Raphael Volaterranus, Abraham Ortelius; nouissimeque omnium Gherardus Mercator.

Anno Mūdi
primo.
Die tertia.

Et appareat arida.

- a. Dixit; Appareat arida, & non appareat terra, ut exiccatam Dei virtute intelligeremus relictam esse terram, & non madidam, tanquam à Sole arefaciendam.
Et factum est ita. Adduntq; Septuaginta. Et congregata est &c.
b. Non legenda sunt hæc, tūm quod superflua, tūm quod obelo expuncta.

a. Dixit; Appareat arida, et non appareat terra, ut exiccatam Dei virtute intelligeremus relictam esse terram, & non madidam, tanquam à Sole arefaciendam.

BASILIVS Hexameron Homilia quarta.
Non dixit; Et appareat terra, ne rursus ipsam inconditam, ac inpositam ostendat, luto refertam, atque aquis immixtam, nondum propria forma, facultateque recepta. Et simul, ne telluris exsiccata causam Soli deferamus, terræ siccitatem generatione Solis vetustiore opifex fecit. Animaduertas autem velim, his indicantem verbis Scripturam non solum exundantes aquas de terræ superficie defluxisse, sed quicquid etiam aquarum per profunditatis totius dimensionem inerat immixtum, ipsi cessisse, inexorabilibus Domini iussu obtemperando.

AMBROSIVS Hexameron libro tertio capite quarto.
Simul prospectum est, ne videatur Sole magis, quam Dei præcepto esse siccata, quia arida facta est antequam Sol crearetur.

GLOSSA Locupletata, sic Basilij colligit dictum.
Advertendum etiam, quod non dixit, ut appareat terra, sed arida, ne rursus ipsam inextructam, & inpositam ostendat, luto refertam, atque nondum aquis immixtam, propria forma, facultateque recepta. Et simul, ne telluris exsiccatæ Soli nos causam tribuamus, terræ siccitatem ortu Solis vetustiore opifex fecit.

Et factum est ita.

Lectione Hebraicam hoc loco diuersa serie latinitate donant Interpretes. Chaldaica legit; Et fuit ita. Pagninus, & Vatablus, Caietanus, & ante hos Rabbinii ferè omnes huic subscribunt. Græca è contra Septuaginta interpretum, & editio Hieronymi, seu Vulgata nostra uertit; Factum est ita. Observationes Hebraicæ verbum immutant, & scribunt; Et factum fuerat ita. Cæterum quid dijudicandum sit de his diuersis translationibus, iam supra luculenter demonstratum est, proficiscuntur siquidem, ut referebamus, ineundem sensum: & uersionem Septuaginta, nostramque præstantiores esse iudicamus, tūm quod eis suffragetur auctoritas Patrum ferè omnium, Græcæ, Latinæq; Ecclesiæ, tūm quod diuinam effectiōem magis propalent, atque notificent.
Apud Septuaginta hæc reperitur additio. Et congregata, seu collecta est aqua, quæ erat sub Cælo, in congregationes, seu collectiones suas, & apparuit arida.

b. Non legenda sunt hæc, tūm quod superflua, tūm quod obelo expuncta.

BASILIVS Hexameron Homilia quarta, hanc adiectionem, quæ in codicibus Græcis reperitur, reijcit, dicens.

In nonnullis porrò exëplaribus accedit & hoc; Et congregata est aqua, quæ sub Cælo erat, in congregationes suas, & apparuit arida; quæ neque alij interpretes tradiderunt, & neque usus contextus Hebraici habere conspiciuntur. Reuera enim post illud testimonium; Et factum est ita; redundans est, & superuacanea hæc enarratio. Quin & eadem in exemplaribus exactiore diligentia descriptis confossa leguntur, & obelo ingulata. Est sane obelus expunctionis nota, siue reprobationis.

PROCOPIVS Commentarijs in Genesim.
Cæterum in Cæli creatione usus est illis verbis; Et fecit Deus firmamentum; quæ non oscitanter, & obiter
Ddd dd interiecta

Anno Mūdi
primo.
Die tertia.

Bene additur à Septuaginta: & congregata est aqua, quę sub Cœlo, &c.

- a. *Vt demonstretur, præceptum & effectus.*
b. *Vt intelligamus id effectum, quod in mente diuina erat præsignatum.*

Et factum est ita.

- c. *Repente opus subsecutum est Dei voluntatem.*
d. *Dei imperio, & naturę propensione.*

interiecta sunt. Voluit enim ostendere, non alium Cœli esse opificem, quàm eum, qui iussit Cœlum fieri. Cùm id semel nos docuerit in reliquis sat habet dixisse; Et factum est: attamen vt in singulis subintelligatur auctor & efficiens causa Deus. Haud enim alius imperabat & alius creabat: vtrunque præstabat Deus, nempe diuina substantia Patris Filij, & Spiritus Sancti.

Steuchus Adnotationibus in Genesim hanc memorat Basilij sententiã, & approbat.

a. *Bene addita à Septuaginta, ut demonstretur præceptum & effectus.*

A M B R O S I V S è contra bene additam eam à Septuaginta autumat Hexameron libro tertio, capite quinto.

Non præterimus, quia aliqui nec in Hebræo putant esse, nec in cæteris interpretationibus; quia, Congregata est aqua in collectiones suas, & apparuit arida. Et vocauit Deus aridam terram; & collectiones aquarum vocauit maria. Cùm enim dixerit Deus, quia factum est sic, satis esse putant vocem operatoris ad celebratę operationis indicium. Sed quia in alijs quoque creaturis habet, & definitionem præceptionis, & repetitum operationis vel indicium, vel effectum: ideo nos non putamus absurdum id quod perhibetur additum, etiam si cæteris inrerpretibus, vel veritas doceatur suppetere, vel auctoritas. Multa enim non ociose à Septuaginta viris Hebraicę lectioni addita, & adiuncta comperimus.

b. *Siue, vt intelligeremus, quod in mente diuina erat præsignatum, id effectum fuisse.*

A V G V S T I N V S bene additum existimat, vt quod in mente diuina statuebatur, manasse in re intelligeremus; nam de Genesi imperfecto capite decimo inquit.

Et sic factum est. Etiam hoc fortasse in rationibus intellectualis naturę prius factum est, vt postea quod dicitur; Et congregata est aqua in congregationem vnã, & apparuit arida, non superfluo additum videatur, cùm iam dictum esset; Et sic factum est; sed vt post rationalem, & incorpoream operationem intelligeremus etiam corporalem sequitam.

Nos uero id à Septuaginta ad maiorem declarationem additum forte fuisse, nec ineppte cum Ambrosio asseuerare possumus.

c. *Repente opus subsecutum est Dei voluntatem.*

B A S I L I V S Hexameron Homilia quarta.

Et factum est ita. Satis est id adiecisse, ad indicandum opificis vocem in opus mox exiisse.

C H R Y S O S T O M V S Homilia quinta in Genesim.

Et factum est, ait, ita: quomodo? sicut præceperat Dominus. Dixit solum, & opus subsequutum est: hoc enim peculiare Dei est, vt secundum voluntatem suam facturas suas moderetur.

P R O C O P I V S Commentarijs in Genesim.

Et factum est: quibus verbis indicare voluit, opus semper subsequutum esse iussum, & voluntatem diuinam.

d. *Dei imperio, & naturę propensione.*

V I E L M I V S Lectione decimaquinta in Genesim.

Et factum est ita. Imperio igitur Dei, mira quadam naturę propensione ad mare tanquam ad illis assignatum locum, etiamnum aquę decurrunt. Nec dubitandum profecto est, si quam vim habet locus seruandam rem locatam, ac fouendi, ab opifice habere.

Additum

Et factum est ita.

- a. Additum est; Et factum est ita, vt intelligeretur, quod idem fuit auctor, & efficiens
caussa, Deus Pater, & Filius, & Spiritus Sanctus.
b. Legendum, Fuit ita, vt sciremus diuinum Dicere habere in se, & dicere, & facere,
Et vocauit Deus aridam terram.
c. Legendum; Vocauit Deus aridam terram. d. Sine in datiuo, Vocauit sicco terram.

a. Additum est; Et factum est ita, vt intelligeretur, quod
idem fuit auctor, et efficiens causa, Deus Pater,
& Filius, et Spiritus Sanctus.

PROCOPIVS Commentarijs in Genesim, capite primo.
Ceterum in Celi creatione vsus est illis verbis: Et fecit Deus firmamentū: quæ non oscitanter & obiter in-
teriecta sunt. Voluit enim ostendere non alium Celi esse opificem, quàm eum, qui iusserit Cælum fieri. Cum id
semel nos docuerit, in reliquis sat habet dixisse: Et factum est; attamen vt in singulis subintelligatur auctor &
efficiens causa Deus. Haud enim alius imperabat, & alius creabat: vtrunque præstabat Deus, nempe diuina
substantia Patris, Filij, & Spiritus Sancti.

b. Legendum, Fuit ita, vt intelligeremus diuinum Dicere habere in
se & quod est dicere, et quod est facere.

CAIETANVS Commentarijs in Genesim.
Aduerte secundo, quod Moses sapientissimus describendo Deum facientem Vniuersum, modò loquitur
more humano distinguendo inter diuinū dicere, & inter diuinum facere, prius dicendo: Dixit Deus, & po-
stea, Fecit Deus: modò loquitur secundum ipsius Dei excellentiam dicendo; Dixit Deus, & fuit
ita. Vt intelligamus, quod diuinum dicere est tam eminentis efficacie, vt habeat in se, & quod est dicere,
& quod est facere.

Et vocauit Deus aridam terram.

Hebraica lectio est. VaiKra Elohim laibbasa erez. Chaldaica sic interpretata est:
Et vocauit Deus aridam terram. Septuaginta καὶ ἐλάλησεν ὁ θεὸς τὴν ξηρὰν γῆν. idest, Et voca-
uit Deus aridam terram. Editio vulgata cum his concordat, nec Pagninus, Vatiblus ab
his discedunt. Caietanus, & Rabbinus tantum dissentiunt.

c. Legendum; Vocauit Deus aridam terram.

Observationes Hebraicæ, præteritum perfectum pro plusquam perfecto positum
decernunt: vnde legunt; Vocaueratque Deus aridam terram.

d. Legendum in datiuo; Vocauit sicco terram.

CAIETANVS edidit.
Et vocauit Elohim sicco terram. Aduerte, quod siccum est res nominata, & terra est nomen: vt textus
Hebraeus testatur, habens in datiuo Stcco, & Terram in accusatiuo. Sicut etiam in primo die habet, Et vocauit
luci diem, & obscuritati noctem: & similiter in secundo: Et vocauit extensioni Cælus.

Sed his refragatur

LIPPOMANVS in Catena, atque lectionem hanc damnat.
Hebraicè est VaiKra Elohim laibbasa erez, idest; Et vocauit Deus aridam terram. Iabbasa enim à Ia-
bas descendit, quod & siccare, & arere significat. Et est accusatiui casus: nam licet Lamed dictionem præ-
cedens, communiter denotet datiuum casum, quandoque tamen denotat, & accusatiuum; vt secundo Regum
tertio; Igitur Ioab, & Abisai frater eis interfecerunt Abner. Vbi huic nomini Abner, præponitur Li-
tera Lamed.

Anno Mūdi
primo.
Die tertia.

Et vocauit Deus aridam terram.

- a. *Arida nomen substantiuum apud Hebraeos, & Græcos.*
- b. *Vocauit, idest, Formauit.*
- c. *Vocauit, describitur vocasse, vt his modis humanis nobis Dei benignitas insinuaretur.*
- d. *Vocauit, idest, naturam & proprietatem dedit, vt vocari posset.*
- e. *Vocauit, hoc est, vocari voluit, vel prauidit.*

a. *Arida nomen substantiuum apud Hebraeos, & Græcos.*

H A M E R V S Commentatione in Genesim.

Matth. 23.
Lib. de Mūdo.

Arida Hebraice vocatur Iabbasa. Apparet Hebraeis loquutionem hanc familiarem fuisse, vt aridam substantiue pro terra vsurparent. Vnde & Christus de Phariseis ait. Circuitis mare & aridam. Eundem modum etiam Græci vsurparunt, qui humidum pro mari, & aridam pro terra dixerunt. Aristoteles: Huius mundi pars est humidum, quod vocare consueuimus flumina, fontes, & maria: & aridum quod appellamus terram, continentes, & insulas. Et apud Poetas vix idest humida, pro mari vsurpatur, vt est illud, ὡς ἡνὶ ἔργῳ. In mari magno.

Ego à lectione nostra non discederem, eo magis quòd Chaldaica lectio, & Græca Septuaginta consimiliter legant, vt videre est in Biblia regia. In ijs siquidem verbis, in quibus dubia est phrasis Hebraica, seu significatio, à nostra abundum non diiudico, quòd ea sit communis, vulgata, Ecclesiæq; magis accepta editio. Id vnum adnotandum est, arida ab arere, seu exiccare dici Hebraica ipsa phrasi, vt adnotabat Lippomanus, & Lusitanus. Vocatur enim, inquit, terra sicca, seu arida, à (Iatus) quod est exiccare. Animaduertit & amplius dici terra arida, seu sicca, non quòd sit arena, quæ infructifera & sterilis est: sed quia ex aquis exiccata fuit à Deo.

b. *Vocauit, idest, Formauit.*

D. A V G V S T I N V S de Genesi imperfecto capite decimo vocationem ipsam elementorum ipsam congestionem significare diiudicauit, cum ait. Ipsam autem distinctionem, atque formationem fuisse vocationem Dei, non absurde adhuc intelligi potest.

c. *Vocauit; Describitur vocasse, vt his modis humanis nobis Dei benignitas insinuaretur.*

C R Y S O S T O M V S Homilia quinta in Genesim.

Et vocauit Deus aridam terram. Vidiisti dilecti, quomodo Deus terram, quæ inuisibilis erat, & inculta, & aquis quasi velaminibus quibusdam obtegebatur, despoliauit (vt sic dicam) & faciem illius nobis monstrauit, proprio etiam nomine imposito?

d. *Vocauit, idest, naturam et proprietatem dedit, ut uocari posset.*

G L O S S A Interlinearis.

Vocauit, idest, dedit naturam vel proprietatem, vt possit sic vocari.

D. T H O M A S parte prima, quæstione sexagesima nona, articulo primo in fine.

Intelligitur autem, inquit, ubiq; per hoc, quòd dicitur Vocauit; idest, dedit naturam, vel proprietatem, vt possit sic vocari.

D I O N Y S I V S Cartusianus Enarratione in Genesim articulo vndecimo. *Et vocauit Deus aridam terram, idest, in sua præscientia instituit aridam sic debere vocari, & proprietatem indidit ei, à qua merito terra vocatur.*

e. *Vocauit, hoc est, uocari voluit, vel prauidit.*

H V G O Carenfis in Postillis.

Et vocauit Deus aridam terram, idest talem fecit, quæ sic proprie deberet vocari, vel vocari voluit, vel prauidit.

Vocauit,

Et uocauit Deus aridam terram.

- a. Vocauit, ut innuat Dei uocatione collatam esse Terræ excellentiam perennitatis.
- b. Vocauit pro Fecit.
- c. Vocauit, ut denotaret finem, ad quem creata erat.
- d. Vocauit, per præoccupationem hoc dictum est, quasi dicat, vocauit post per Adam.
- e. Vocauit nomina imposuit, ut equiuocationem tolleretur; cum non omne aridum sit terra.

a. Vocauit, ut innuat Dei uocatione collatam esse Terræ excellentiam perennitatis.

R V P E R T V S hoc loco animaduertit, & scite, ea quibus Deus nomen imposuerit, non facile ita transitura, quasi ex priuilegio ea appellarit, quæ perenniter essent duratura. Sic enim habet Commentarijs in Genesim libro primo, capite trigesimo secundo.

Et vocauit Deus, inquit, aridam terram, congregationesque aquarum appellauit maria. Iam superius dictum est, quam uirtutem innuat positio diuinæ uocationis, uidelicet, quod earum substantiam, quibus nomina per semetipsum Deus imposuit, transitura non facile quis dicere possit.

b. Vocauit pro Fecit.

V I E L M I V S Lectione decimaquinta.

Sed ueruntamen, potest etiam quod dictum est, Vocauit, pro eo quod est, Fecit, exponi: quomodo & aliàs crebro in Scripturis capitur: huncque sensum hæc oratio faciet; Et fecit Deus terram aridam; eiectionis nimirum ab ea aquis: & synecdoche est; quia non illam totam, sed partem eius duntaxat aridam fecit, illam uidelicet, quam animalia, & homines colerent.

c. Vocauit, ut denotaret finem, ad quem creata erat.

P R O C O P I V S Commentarijs in Genesim.

Quod ait, Vocauit: additur ut significet singulorum singularem finem & effectum, cui à Deo creatore destinata sunt.

d. Vocauit, per præoccupationem hoc dictum est, quasi dicat, vocauit post per Adam.

V I E L M I V S Lectione decimaquinta.

Et vocauit Deus aridam terram. Per Adamum scilicet, quem naturas, & facultates elementorum probe docuit: nullus enim rei nomen imponit quam ignorat, quarto Meta. decimo, & septimo Meta. quinquagesimo quarto. Est enim nomen diffinitio complicata, & obuoluta, quemadmodum definitio nomen est explicatum & expositum, Eustatio teste in primo Ethicorum: ut proinde insaniant, qui Adamum simplicitatis, ac rerum ignorantis accusant, cum minime dubitandum uerum sit, eum & per species inditas, & Angelorum ministerio, ac Dei oraculis edoctum sermone ad miraculum usque fuisse. Et manifestant hæc uerba, fuisse occupationem superius, cum terra dictum hoc elementum fuit: nec enim tunc temporis hoc ei nomen inditum fuerat, sicut nec ad impositionem usque nominum, quæ Adamus rebus omnibus indidit. Et hic commentarius repudiari profecto non potest.

e. Vocauit, nomina imposuit, ut equiuocationem tolleretur; cum non omne aridum sit terra.

D. A V G V S T I N V S loco asserto.

Et vocauit Deus aridam terram; congregationem aque mare vocauit. Adhuc nobiscum facit illa causa uocabulorum: non enim omnis aqua, mare: aut omne aridum, terra. Ergo quæ aqua esset, & quæ arida, uocabulis segregandum fuit.

R A B B I Moses, teste D. Thoma loco asserto, tradit.

Quod ubique dicitur, Vocauit, significatur equiuocationis nominis.

Deus

Anno Mūdi
primo.
Die tertia.

Et vocavit Deus aridam terram.

- a. Deus nomen non imponit, nisi cū rei perfectionem detulerit.
b. Primum Terræ nomen, commune, genericum nudumq, nomen fuit substantiæ: secundum à siccitatis proprietate est sumptum.

a. Deus nomen non imponit, nisi cū rei perfectionem detulerit.

CHRYSOSTOMVS Homilia quinta in Genesim.

Ecce & aquæ nomen suum sortitæ sunt. Nam quemadmodum optimus artifex arte sua res aliquod facturum, non antea illi nomen imponit, donec absoluat; ita & misericors Dominus nomina elementis non antea imponit, donec ea in propria loca suo præcepto ponat. Igitur postquam terra nomen suum accepit, & ad propriam formam peruenit, etiam aquæ congregatæ proprio vocabulo nominatæ sunt.

Glossa Locupletata hæc ea ipsa habet non mutatis verbis.

A V C T O R.

Iam supra diligentius discussimus, quanam harū interpretationū elegantior & verifimilior sit existimanda. Quapropter hoc loco tantum postrema Vielmij explanatio rejicienda superest, utpote quæ à Patrum sententia longè abscedit: nec in seipsa etiam tuta consistit. Plurima. n., quæ pro huius sententiæ munimine deducta sunt, fulcimentum necessario expostulant; quæ suo loco discutienda relinquo. Hoc vnum attamen reticebo, quod si Vocavit per præoccupationem interpretandum est, nempe, Vocavit per Adam; pari arbitratu dicere etiam possemus; Vidit per Adamum, Dixit per Adamum &c. Quæ num recte adaptari possint, perinuestiget, & secum discutiat prudens lector. Ceteræ expositiones omnes sustineri possunt & defensari.

Verum hoc in loco maxime elaborant Patres, ut æquiocationem enucleantes demonstrent, quanam differentia sit inter terram, de qua scriptum est In principio creavit Deus Cælū & terrā & terrā, quā Deus aridam dixit. Adcamus eorum contemplationes.

b. Primum Terræ, nomen, commune, genericum, nudumq, nomen fuit substantiæ: secundum à siccitatis proprietate est sumptum.

BASILIVS in Hexameron, Homilia quarta, hanc deducit differentiam, dicens.

Cur & antea dictum est; Congregentur aquæ vnum in locum, & appareat arida: non item scriptum est; Et appareat terra. Et hoc loco rursus; Et apparuit arida, & vocavit Deus aridam, terram? Quia siccitas quidem, siue ariditas, aut certè arida, proprium quid est, quod naturam veluti delineat & exprimit ipsius subiecti. Terra autem nuda quedam est, ac tenuis appellatio rei. Nam ut ratione quidem præditum esse, proprium ipsius hominis est: vox autem homo id significat animal, cui propria illud competit; sic & ariditas, atque siccitas, proprium est, atque præcipuum terræ. Cui igitur, uti propriam, siccitas accommodatur, atque ariditas, id appellatum est terra: perinde atque cui veluti proprium, peculiareque quid, ipsam humiliter competit, id nuncupatum est equus. Non solum autem in terra ita habet; sed ceterorum etiam elementorum propria cuique & sortito attributa qualitas inest, qua sanè tam à ceteris secernitur, & quale unumquodque sit, internoscitur. Nam aqua frigiditatem, aer humiditatem, ignis caliditatem, ut peculiarem sibi vendicat qualitatem.

Edisserit insuper Basilius elegantissimè, & scitissimè de qualitatibus, & connexu elementorum quamplura, quæ, ut perpulchra prætermittere non ausus sum.

Verum hæc quidem uti prima compositorum corporum elementa, iuxta iam dictum modum speculativæ rationis considerantur. Ea tamen, quæ iam in corporibus insunt constituta, sensuique subiiciuntur, obtinent coniunctas qualitates: neque quicquam eorum omnino, quæ conspiciuntur, ac sentiuntur, absolute unicum est, siue solitarium, aut simplex, aut sincerum. Sed terra est sicca & frigida; aqua humida & frigida: & aer humidus & calidus: ignis calidus atque siccus. Hoc enim pacto per qualitatem consortem, & coniunctam, facultas

facultas in ipsis mutue mixtionis emergit. Nam per communem ipsis qualitatem singula cum vicinis sibi copulantur, ac permiscuntur, & societatis ratione, quam cum sibi propinquis obtinent, cum oppositis coniunguntur: verbi gratia, terra, quæ siccitate, frigiditateque prædita est, cum aqua quidem frigiditatis affinitate coniungitur: per aquam autem cum aëre copulatur, quippe cum aqua medium inter utrumque obtinens suapte natura, quasi utraque iniecta manu, utraque qualitate, corpus utrumque proximum sibi, frigiditate terram, humiditate aërem attingit. Rursum suo ipsius interuentu, aër pugnantem naturam aquæ & ignis conciliat, aquæ quidem se connectit per humiditatem, igni verò per calorem. Ignis denique pari modo duabus & ipse qualitatibus præditus, calore, inquam, ac siccitate, illo cum aëre copulatur, hac humum petit, sibi que coniungit. Atque ita sit orbis quidam, choreaque concors & concinna ex omnibus inter se consociatis ordine, & sibi concinentibus elementis. Unde & propriè illis elementorum appellatio adaptata est.

Tandem ad rem ipsam rediens his concludit.

Hæc à me dicta sunt, caussam afferente, cur Deus ipsam aridam appellavit terram; & non terram ex contrario nuncupavit aridam. Nempe quòd non ex ijs sit aridum, quæ post accesserunt terre, sed ex ijs, quæ essentiam eius à primordijs ipsis constituunt & complent. At ea, quæ caussam, ut quedam sint, præstant: ijs priora sunt, & longè præstantiora, quæ postea fiunt. Itaque non immerito per ea quæ priora sunt, ac vetustiora, excogitavit Scriptura peculiares notas quibus terra internosceretur.

Sententia igitur Basilij in hoc consistit, quòd nomen illud Terra, de quo, In principio creavit Deus Cælum & terram, commune fuit, nudum, atq; genericum: nunc autem nomen istud sumptum sit ex proprietate: propter quod dixit; Et appareat arida, & non appareat terra, & vocavit aridam terram.

A M B R O S I V S Hexameron libro tertio, capite quarto, consimilia contemplatur.

Arida enim expressio naturæ est, terra appellatio quedam simplex negotij, quæ in se habeat proprietatem. Sicut enim animal generis significatio est, cui inest proprium aliquid, & excellens, rationabile autem proprium est hominis; ita & terra potest communiter dici vel scatens aquis, vel deserta, & inuisa, & sine aqua. Ergo & illi, quæ scatet aquis, inest, ut habeat ariditatem. Remota enim aqua, incipit esse arida; sicut habes scriptum; Posuit flumina in desertum, & exitus aquarum in sitim: hoc est, de terra aquosa, aridam fecit. Habet ergo terra propriam qualitatem suam, sicut & singula elementa singulis, quod ratione colligimus. Comprehendere autem sensibilibus & corporaliter si velimus, velut connexa & composita reperimus, ut sit terra arida & frigida, aqua frigida & humida, aër calidus & humidus, ignis calidus & siccus: & sic sibi per has ingales qualitates singula miscentur elementa. Nam terra cum sit arida & frigida qualitatis, conneftitur aquæ per cognitionem qualitatis frigida, & aqua aëri, quia humidus est aër. Ergo aqua tanquam brachij quibusdam duobus frigoris & humoris, altero terram, altero aërem videtur amplecti; frigiditate terram, aërem humido. Aër quoque medius inter duo compugnantia per naturam, hoc est, inter aquam & ignem, utrumque illud elementum conciliat sibi, quia & aquis humore, & igni calore coniungitur. Ignis quoque, cum sit calidus & siccus natura, calore aëri anneftitur; siccitate autem in communionem terræ, ac societatem refunditur, atque ita sibi per hunc circuitum & chorum quandam concordie, societatisque conveniunt. Unde & Græci & Latini dicuntur, quæ Latine elementa dicimus, quòd sibi conveniant & concinant. Huc autem progressi sumus, quia Scriptura ait, quòd Deus vocaverit terram aridam, hoc est, quia quod principale est eius, nuncupavit proprietatem naturæ. Naturalis enim proprietas siccitas est terris: hæc ei prærogativa servata est. Principalis ergo siccitas subest etià ut sit frigida, sed non præferuntur secunda primis. Ut autem humida sit, aquarum affinitati sociatur. Ergo illud suum, istud alienum. Suum quòd arida, alienum quòd humida. Auctor itaq; naturæ, quod primo donavit, hoc tenuit: quia istud ex natura, illud ex causa. De principalibus igitur, non ex accidentibus terræ debuit proprietas definiri, ut secundum prærogativam qualitatis eius informaretur nostra cognitio.

G L O S S A Locupletata ex Ambrosio.

Arida expressio naturæ est: Terra appellatio simplex negotij, quæ in se habeat proprietatem, sicut animal generis significatio est: rationabile proprium est hominis, ita & terra potest communiter dici, vel scatens aquis, vel sine aqua.

E V C H E R I V S brevissimè hæc eadem collegit, Commentarijs in Genesim libro primo.

Et vocavit aridam. Terram, terra idèd vocatur arida, quia sicut ignis calorem, & aqua humorem; ita terra naturaliter habet siccitatem.

P R O C O P I V S Commentarijs in Genesim capite primo.

Aridam, quæ eadem est cum terra, alio quodam sensu differentie gratia dixit. Ut enim risibile proprium est hominis, & homo est nomen, seu vox eius animalis, cui risibile inest: sic ariditas est proprium terræ, terraque ariditatem quasi peculiariter habet. Frigiditas quidem quoque inheret terræ, sed non terra quasi proprium censetur; immò eam qualitatem communem possidet cum aqua. Ut aqua frigiditatem peculiariter

Anno Mūdi
primo.
Die tertia.

Et uocauit Deus aridam terram.

a. Primum terra significabat materiam primam, nunc autem elementum terræ.

liariter tenet, sic humiditatis cum aëre particeps perhibetur. Ut aër ceu proprium retinet humiditatem, sic cum quasi per quandam societatem ab igne calorem trahit. Ut ignis ceu proprium sibi vendicat calorem, sic cum terra partitur ariditatem, quam terra peculiarem adeptæ est. Et in hunc modum patet singulis elementis quid inesse proprium, & quid quod cum cæteris habent commune. Per propria singula à singulis separantur: per communia singula singulis connectuntur. Oportebat etenim esse separata, ut singula suam conseruarent naturam; oportebat & esse aliquo nexu copulata, ut ex his corporum nasceretur compositio, cum aliud alijs esset coniunctum secundum communem qualitatem. Quapropter Deus optimus Maximus, imponendi rebus nomina artifex, aridam appellauit terram, nec terram vocauit aridam. Hoc etenim nomen est quasi proprium, & quædam peculiaris nota naturæ, quam terra nouimus insitam esse. Et quemadmodum terra suum nomen inde traxit, quod Cælo subiaceret: sic respectu humidæ substantiæ nominatur arida. Immo & Propheta videtur quandam inter ista ponere differentiam, cum dicit; Adhuc unum modicum est, & ego commouebo Cælum, & terram, & mare, & aridam. Dicimus igitur terram, licet plura habeat nomina, esse eandem: alterum nomen fortè terre substantiam, alterum porro nimirum eius qualitatem significat. Terra vna cum Cælo, non cum firmamento, sed cum primo Cælo condita est. Cælum, quod huic successit ratione creationis, nomen quasi proprium traxit, ut vocitetur firmamentum, sed cognomen Cæli quoque assumpsit. Sic quod aridam terram; proprium eius nomen est arida, verum cognomento dicitur terra. Vnum nomen substantiam, alterum qualitatem explicat; ex quibus rebus ista nomina inuenit. Ut utilitatem terræ demonstraret, inquit, ut videri possit arida, Nempè ut appareat, & sit idonea, & accommoda plantarum animaliumque generationi.

a. Primum terra significabat materiam primam, nunc autem elementum terræ.

D. A V G V S T I N U S pluribus locis id explicat & præcipuè de Genesi ad litteram libro secundo, capite vndecimo, cum ait, ut supra recitabamus.

In principio creauit Deus Cælum & terram: nihil aliud his verbis, quam materiæ corporalis informitatem insinuare voluisse, eligens eam vsitatius appellare, quam obscurius. Si tamen tardo intellectui non subrepat, ut materiam, & speciem, quia verbis Scriptura separat, conetur duo hæc etiam tempore separare, tanquam prius fuerit materia, & ei tēporis interuallo interposito, postea sit addita species: cum Deus hæc simul creauerit, materiāq; formatā instituerit, cuius informitatem vsitato, ut dixi, vocabulo vel terræ, vel aquæ Scriptura prædixit. Terra enim & aqua etiā suis qualitatibus id existentia quod videmus, tamen propter facile corruptionem propinquiora sunt eidem inormitati, quam cælestia corpora. Et quoniam per enumerationem dierum iam ex informi quæque formata numerantur, & ex ista corporali materia iam factum Cælum narrauerat, cuius multum distat species à terrenis, iam quod ex ea formandum in rerum infima parte restabat, voluit sub his verbis in rerum creandarum ordinem inferere, ut diceretur, Fiat: non acceptura ista residua informitatem speciem, qualem acceperat Cælum, sed iam inferiorem & infirmiore, atque informitati proximam: ut his potius verbis, cum dicitur; Congregentur aquæ, & appareat arida, acceperint hæc duo species proprias istas notissimas, nobisque tractabiles, aqua mobilem, terra immobilem; & ideo de illa dictum est; Congregetur: de hac, appareat: aqua enim est labiliter fluxa, terra stabiliter fixa.

D. Thomas, quæstione asserta, id ipsum Augustino attribuit.

A L B E R T U S Magnus primæ partis Summæ, quæstione duodecima, articulo tertiodecimo, Scholastica methodo hæc sic explicat.

Dicendum, quod terra supra propter sui vicinitatem ad informe, posita est pro materia: Hic autem sumitur terra secundum rationem sui nominis, secundum quam dicitur terra quasi pedibus trita, pro loco quietis elementatorum; in omnibus enim illis ipsa dominatur; & propter hoc omnium quies est in ipsa.

Anno Mūdi
primo.
Die tertia.

Et vocauit Deus aridam terram.

- a. *Arida appellata est terra hac nostra, quia cum puluis sit, humore est solidata.*
- b. *Terra dicta Erez, ut soliditas eius designetur, cum vox ista sex notis cubum designantibus inscribatur.*
- c. *Terra, quia Cælo subiaceat.*
- d. *Terra, quod pedibus teratur.*

aquis madidam, etiam non apparentem denotat, arida verò specie apparentem, fulcibilem, & culturis aptam præmonstrat. Secundum Iunilium, & D. Thomam, solum quod aquis premebatur, arida quod animantium pedibus teritur. Secundum Procopium, terra prima est nomen, altera cognomen. Sola interpretatio D. Augustini discrimen subit: pluribus enim supra disceptatum est, terræ nomine, de qua scribitur; In principio creauit Deus Cælum & terram, materiam primam agrè significari posse. Non possum hoc loco prætermittere à Ruperto insinuatam rationem, quare aridam Deus terram vocarit.

- a. *Arida appellata est terra hac nostra, quia cum puluis sit, humore est solidata.*

R V P E R T V S Commentarijs in Genesim libro primo, capite trigesimo secundo.

Et terram quidem secundum naturam quam condidit ipse, constat esse aridam. Etenim reuera naturaliter arida est, & nisi ex humoris temperamento solidaretur, puluis esset, omnique vento leuiter cederet. Proinde sicut aliunde iuuatur, & nunquam omnino in sua inopia relinquitur, rectè illi nomen quoque mutatum est, ut iam non arida, sed terra vocetur.

- b. *Terra dicta Erez, ut soliditas eius designetur, cum vox ista sex notis cubum designantibus inscribatur.*

C O N S T A N T I V S Ruschonus Commentarijs in Genesim manuscriptis.

Appellauit autem siccum elementum Erez, quod ab ariditate ducitur, ut nomen rei congruat. Hoc est ergo nomen, quod non ad vocem refertur, sed ad rem ipsam. Quidam Hebræi notant hoc nomen sex notis inscribi, quibus soliditas terræ designetur, quæ ex quadro ducto in seipso in cubum consurgit. Quæ certè cum ad naturam referuntur, non sunt contemnenda, quoniam Dei opus omne bonum, atque honorandum est, sed res ad intelligentiam, non ad vocem referenda est. Idem ergo valet terra nomen Latinum, quod Erez in significatione, dummodò res eadem intelligatur.

Pythagoras, ut testatur Iustinus Historicus, ab Aegyptijs edoctus; Timæus Locræsis post eum, & Plato tandem, cubum terram significare tradiderunt ob eius stabilitatem, grauedinemque; Nam terra immotà in centro quiescit, quemadmodum cubus, quocunque voluatur, immobile iacet.

Supereff, ut de etymologijs vocis aridæ & terræ, aliquid dicamus.

- c. *Terra, quia Cælo subiaceat.*

P R O C O P I V S loco asserto.

Et quemadmodum terra suum nomen inde traxit, quod Cælo subiaceret; sic respectu humide substantiæ, nominatur arida.

- d. *Terra, quod pedibus teratur.*

I V N I L I V S ut supra.

Terra inde dicta Latine, quod animantium pedibus teratur.

A N S E L M V S de Imagine Mundi libro primo, capite quinto, accuratiùs cum

ætā no-

ista nomina terræ perpendit, Terramque à terendo, Aridam quòd areat, nuncupari edocet.

Denominatur terra septem nominibus; Terra, Tellus, Humus, Arida, Sicca, Solum, Ops. Terra à terendo dicitur, & totum elementum intelligitur. Tellus, quasi tollens fructus, quæ est frugibus apta vel vinetis, fructiferis quæ arboribus confita. Humus ab humore, quæ est palustris, & inarabilis. Arida in aquosa, quæ semper feruore Solis aret, Lybia. Sicca, quæ aliquando compluta citò exiccatur, ut Indea. Solum à soliditate, ut sunt montana. Ops ab opibus, ubi diuitiæ, scilicet aurum & gemmæ abundant, ut in India.

ISIDORVS Junior Etymologiarum libro quartodecimo, capite primo, con familia tradit.

Terra à superiori parte, qua teritur: Humus, ab inferiori, vel humida terra, ut sub mari: Tellus autem, quia fructus eius tollimus: hæc & Ops dicta, eò quòd opem fert frugibus: eadem & Arua, ab arando & colendo vocata. Propriè autem terra, ad distinctionem aquæ, arida nuncupatur, sicut Scriptura ait; Quòd vocauit Deus terram aridam. Naturalis enim proprietas siccitas est terris. Nam ut humida sit, hoc aquarum affinitate sortitur.

PETRVS Comestor Historiæ Scholasticæ capite quinto; Et Hugo Carenfis, in Postillis (nam hic ut plurimum illius suffuratur prolata.)

Apparuit arida terra, scilicet quæ prius latebat sub aquis. Et tunc propriè dicebatur humus ab humore: Arida verò tunc propriè dicta est, aquis in vnum collectis à sui natura. Terra verò dicitur, quia teritur pedibus, vel alijs tribus elementis circumpositis. Solum à soliditate. Tellus, quia tolerat hominis labores, vel quia eius fructus tollimus.

STEVSCHVS In Cosmopæia non tantum ex Latino idiomate, sed etià Græco, & Hebraico, hanc pariter elicit etymologiam.

Quoniam auctorem non modo rerum, sed etiam nominum ipsarum Deum Theologus ostendit, aliquas hæc nomina ad naturas ipsarum rerum proximas etymologias habere necesse est. Terra igitur aquarum alluuiæ segregata, dicta est arida, seu sicca. Græcè *ἄρος*. Hanc siccitatem Solis vehementissimus aestus, qui in primordio fuit rapidissimus, effecit: siccitas autem est aquarum discessus. Qua gratia porro Deus aquam segregasset, terram nudam esse voluisset, ipso nomine terræ indicauit. Appellauit enim eam lingua illa vetustissima, in qua nomina primarum rerum à veris ipsarum naturis ducebantur, Erez. Nomen propriè designat, quod calcatur à verbo *Razaz*, addita iuxta idioma Hebraicum, litera Aleph, quod consilium creandæ terre demonstrat. Creata est, ut ab animalibus nobilissimis, quibus omnia creabantur, calcaretur. Hoc respiciens antiquissimus Græciæ Theologus, sapientissimè totam hanc Dei voluntatem, vno versu declarauit.

Tellus lata sinu, cunctis tutissima sedes. Tantundem valet apud Hesiodum *Ἔδος*, atque Moysen Erez. Ac fortè vox Græca *ἔδος*, ducta est ab Hebraica, mutata litera, ut quod esset Erez, factum sit Edes. Edos Græcè pauimentum, solum idem Hebraicè Erez, quod premitur, calcatur, quod ingredientibus homines, reliquosque animantes sustinet. Ostenditurque eo quam ob causam & terra creata, & aquis enudata fuerit. Idem istud probat terram, & si cæteris elementis grauior, densiorque sit, tamen præcipuè, quia hominum futura erat habitatio, Deum condere voluisse. Omniumque prima condita, & fundata est terra, eque conditione ac dignitate prior. Quod autem mirabilius est, nescio quomodo, quo casu, qua ratione, nisi potius diuina, & ob successionem sepius nobis commemoratam, eadem etymologia, antiquissimi Latini appellarunt terram à terendo, atque Deus, Erez à *Razaz*, idest terendo, ut Erez signet terram, quia teratur ita Hebraicè, sicut & Latine.

Cæterum circa has etymologias disceptare non opportunum iudico: singulæ siquidem lato pede decurrunt, præter primam Procopij, quæ vaga mihi videtur.

Et congregationem aquarum uocauit maria.

Non prætereundum est, quin de editione aliquid aduertamus. Hebraicus textus ita vertitur secundum nonnullos; Congregationem aquarum uocauit maria. Nam Hebraicus codex lemiKue legit, idest, congregationem aquarum in singulari. Septuaginta καὶ τὰ συνισματα τῶν ὑδάτων hoc est, congregationes aquarum uocauit maria. Vulgata ab hac non discrepat, cum ait; Congregationesque aquarum appellauit maria. Varablus, & Pagninus primis adhæserunt vertentes; Congregationem verò illarum appellauit maria. Caietanus congregationi aquarum uocauit maria. Rabbini in Annotationibus; Cōgregationes aquarū appellauerat maria.

Anno Mūdi
primo.
Die tertia.

Et congregationes aquarum uocauit maria.

- a. Legendum, Congregationem, ut unitas aquarum denotetur.
b. Legendum, Congregationes. c. Legendum, Extensiones, aut Colligationes.
d. Primum dictum est, Congregentur aquae in locum unum. Nunc autem congregationes, quod pelagi ex continuatione unum dicantur, plures attamen sint, & diuerso nomine appellati.

a. Legendum, Congregationem, ut unitas aquarum denotetur.

C A I E T A N V S Commentarijs in Genesim.

Nec legendum est Congregationes, sed Congregationem aquarum, ut unitas aquarum significetur: & hinc apud Hebraeos lacus etiam vocantur maria.

H A M E R V S pariter Commentatione in Genesim.

Porro hoc loco maria appellat Oceanum illum vastum & immensum, qui uniuersam hanc cōnouet, finit, nec minus internum hoc mare, quod in Orbem terrarum sese longè, lateque insinuat, quodque appellamus Mediterraneum. Duorum horum marium, una est congregatio, & unda una: sed ut diuersas terras attingit & alluit, ita etiam varijs nominibus censetur. Hoc Hebraica litera significat, quae sic legit; Congregationem aquarum appellauit maria. De unica hac Oceani congregatione, sed varijs nominibus apud varias gentes appellata, Dionysius haec scribit;

Vndique fluxus ingentis Oceani fertur,

Vnus quidem existens, multis verò nominibus congruens.

L I P P O M A N V S in Catena.

Lemikue, id est, Congregationem aquarum in singulari, fortè ut unitas aquarum significetur.

Chaldaica etiam; Et locum congregationis aquarum, pariter legit, ut referebamus.

b. Legendum, Congregationes.

Septuaginta autem ita reddidere, καὶ τὰ συνηματα τῶν ὕδατων; hoc est, Congregationes aquarum, ut proditum est.

H I E R O N Y M V S non tantum hanc editionem est prosequutus, verum ex ea etiam collegit Porphyrium Euangelistas perperam redarguisse. Nam libro Quaestionum, seu Traditionum Hebraicarum in Genesim haec habet.

Et congregationes aquarum vocauit maria. Notandum, quod omnis congregatio aquarum, siue falsa sint, siue dulces, iuxta idioma linguae Hebraicae, maria nuncupentur. Frustra igitur Porphyrius Euangelistas ad faciendum ignorantibus miraculum, eo quod Dominus super mare ambulauerit, pro lacu Genezareth, mare appellasse calumniatur: cum omnis lacus & aquarum congregatio, maria nuncupentur.

Glossa Locupletata, haec postrema desumpsit.

c. Legendum Extensiones, aut Colligationes.

L V S I T A N V S in primum caput Geneseos.

Congregationes, vertendum est potius extensiones, aut Colligationes aquarum quia Micuch, à Cauah ortum habet: quid, ut diximus, aut extendere, aut colligere significat.

Ego à Septuaginta, & Vulgata nostra non discederem editione, eò praecipue, quod omnes prisci Patres ferè ipsam ita lectam commentati sint, nec arbitror D. Hieronymum eas paruipendisse voces, siue non cognouisse, si, quas nobis nunc obijciunt nuperi, tunc in illis codicibus ex arate cernebantur.

d. Primum dictum est congregentur aquae in locum unum. Nunc autem congregationes, quod pelagi ex continuatione unum dicantur, plures attamen sint, & diuerso nomine appellati.

Patres excitant, eam difficultatem. Quare cum congregatione aquarum in uno loco effectam

effectam obtestatus esset Moses, postea congregationes aquarum eam appellet. Vnaq; diffinitione, & consensione respondent, aquarum congregationē vnā perhiberi, quia vnus est ex continuatione locus omnium aquarum; plures uerò, quod plures eius sint partes, sicut sinus, pelagi, lacus, stagna, paludes, amnes, fontes, quæ etiam plura nomina, & terminos diuersos sortitæ sint; sintque vnus mare, & plura, cum omnia, etiam si diuersa sint, in vnus Oceanum confluant. Id primò asserunt, qui cunctas aquas coactas in vnus locum per continuationem asserbant: Basilius, Ambrosius, Iunilius, Glossa Ordinaria, Magister Sententiarum, D. Thomas, & reliqui, de quibus supra.

A T H A N A S I V S Quæstione ex ueteri Testamento octuagesima secunda.

Quare cum vnā congregationem aquarum dixisset, postmodum multas vocauit? Inquit enim; Congregata est aqua, quæ sub Cælo erat, in congregationes suas. Resp. Vna est aquarum natura, & congregatio. Pluraliter uerò collectiones vocauit, eo quod aliud quidem est Indicum pelagus, aliud uerò Ponticum, & aliud Atlanticum, aliud Propontis, & Aegæum est aliud, & aliud Ionius sinus. Extra uerò, terram alluit maximè pelagus, quod Oceanum vocant. Eam ob causam, aquam quidem, ut est congregata, collectionem: ut autem ab alia separata est alia, collectiones vocauit.

T H E O D O R E T V S Quæstione in Genesim duodecima. Cur, vnā cum dixerit congregationem aquarum, multas postmodum innuit? Congregata est (inquit) aqua, quæ sub Cælo erat, in congregationes suas. Vna quidem est aquarum congregatio, quoniam inter se maria conueniunt, quædam deorsum per meatus subterraneos decurrentia, alia secundum superficiem terræ. Sed plurali numero congregationes dixit, quoniam aliud est mare Indicum, aliud Ponticum, & aliud Tyrrenum. Item aliud est Propontis, aliud Hellepontus. Similiter alius est Aegæus sinus, alius Ionicus. Præter hæc autem omnia adhuc est maximè mare, quod nonnulli vocant mare Atlanticum, quidam uerò Oceanum appellant. Hac de causâ Scriptura sacra congregationem vnā aquarum, ueluti coadunatam appellauit: congregationes uerò, tanquam distinctas.

P R O C O P I V S Commentarijs in Genesim. Mirantur aliqui, quæ possit assignari ratio, quod dixerit Deus; In vnā collectionem congregetur aqua: deinde subiunxerit; In collectiones suas congregatæ sunt aquæ. Ex his licet conijcere non vnus esse mare, sed plurima. Sic respondemus; aquarum collectio vna quidem uocata est respectu aridæ, quæ & ipsa vna est. Ut terra vna, sic etiam vnus dicitur mare. Quamuis uerò vnus sit, recepit tamen diuisiones multas, multosque sinus, quos maria appellant. Qui terrarum orbem peragrariunt, memorant mare Rubrum, & Hyrcanum coniungi faucibus magni maris. Sicuti Cælum quidem vnus est sub firmamento, attamen plurimi sunt sub eo in suis locis, & regionibus distincti: ita vnus quidem mare est magnum, quod nominant Oceanum, ex quo fluminis, & scaturigines, fontesque procedunt in loca Orbis profundiora, quæ deinde gignunt æquora, aliasque aquarum collectiones, quas Scriptura sacra assolet vocare maria. Sunt autem nihil aliud, quam fauces quædam, siue riuus, ostiaque magni maris.

I V N I L I V S In Hexameron. Congregationes aquarum appellauit maria, uidelicet proxima sui parte: nam & apud Hebræos, cunctas aquarum congregationes, siue salas, siue dulces, appellari dicunt maria; & aptè, quia prius propter continuationem, quæ in terris fuit aquarum, in locum vnus eas dixit congregatas: nunc & earum congregationes pluraliter nominat, & hæc appellari maria pluraliter dicit; propter uidelicet multifidos earundem sinus, qui diuersa pro regionum uocabulis & ipsi nomina sortiuntur.

M A G I S T E R Sententiarum secundo, distinctione quartadecima. Ideoque cum dixit aquas congregatas in vnus locum, deinde dicit pluraliter congregationes aquarum, propter multifidos sinus earum, quibus omnibus ex magno mari principium est.

G L O S S A Ordinaria ex Augustino ista sic obstrinxit. Congregationes aquarum appellauit maria. Sic enim appellantur apud Hebræos omnes congregationes aquarum, siue salas, siue dulces. Et quia per continuationem omnium aquarum, quæ in terris sunt, dixit eas congregatas in vnus locum, nunc vocat pluraliter congregationes aquarum propter multifidos sinus earum.

a. Dixit; Congregationes etc. quanquam supra dixerit congregatas esse aquas in locum vnus; quod Oceanus aliquis sit maximè Australis, qui cum nostris non coniungitur.

T O S T A T V S vnicus (quod uiderim) congregationes aquarum dici suspicatus est, quia præter Oceanum, & Mediterraneum mare ab ipso defluens, alia maria nobis

Anno Mūdi
primo.
Die tertia.

Et congregationes aquarum vocauit maria.

a. Dixit; Congregationes &c. quanquam supra dixerit congregatas esse aquas in locum vnum; quod Oceanus aliquis sit maximè Australis, qui cum nostris non coniungitur.

Congregationes aquarum appellauit maria:

b. Mare à fremitu.

c. Mare à collectione.

nobis ignota, minimè ab ipso Oceano scatentia fortè comperiri non fit indecens existimare. Ait siquidem Postilla in Genesim.

Congregationes aquarum appellauit maria, more Scripturæ Hebraicæ, quæ quæcunque magnam congregationem aquarum vocat mare, vt mare Tiberiadis, mare Galileæ, & tamen sint stagna: quia idem quod vocatur in Euangelio mare Genesareth, vocatur in alio loco Euangelij stagnum Genesareth, sed idem est. Et nominat hic plures congregationes aquarum, ex quo non patet vtrum solum sit Oceanus cum mari Mediterraneo, quod ab ipso procedit, & habitabilem terrā interluit, vel sint aliqua alia maria, vel aquarum congregationes non derinate ab Oceano. Sicut enim de ijs, quæ vltra æquinoctialem sunt, ad nos rumores non perueniunt, siue aliquis ibi habitet, siue non: ita etiam de maribus vel paludibus, vtrum vltra sint aliqua præter nostrum Oceanum. Vna autem causa est, quæ multum me mouet, vt fatear homines non habitare vltra æquinoctialem, scilicet, quia Apostoli inierunt in omnem terram, vt patet Psalmo decimo octauo. Sed constat ex historiis, quod nullus eorum pertransiuit æquinoctialem.

Tostati assertio reprobatur.

Verum quantum Tostatus Cosmographicæ disciplinæ se ostendat ignarum, atque inexpertum, facillimum est contueri, cum Oceanum etiam Aphricam supra æquinoctialem alluere non intellexerit. Totam ferè siquidem terram habitabilem vndique Oceanus ambit & circumuallat, Caput etiam Bonæ spei, quod difficilem valde nauigationem præstat, atque supra æquatorem per triginta quinque ferè gradus ascendit, circumplectens. Sed ipsi uenia est tribuenda, cum longè post ipsum anno videlicet millesimo quadringentesimo nonagesimo septimo, mandante Emanuele primo Rege Portugalliæ, & Caput illud superatum fuerit, & Aphrica vsq; ad Calicutiū circumnauigata. Nec ratio ab ipso adducta multum consistit, nam Apostolos duodecim, celebriores solummodo terræ prouincias adiisse, nec singulas eos peragrasse, asserendum est.

Congregationes aquarum appellauit maria.

Superest, vt de maris etymologia aliquid edisseramus.

b. Mare à fremitu.

STEVCHVS Etymologiam hanc deduci ex idiomate Hebræo contestatur in Cosmopœia.

Maris quoque nuncupationem, quoniam Dei est, Hebraicè autem vocatur Iam, arbitrandum ab aliqua maris proprietate factam, à fremitu videlicet, perpetuoque stridore. Siquidem & aquæ, quæ Hebraicè dicuntur Maim, à fremitu sonituque habent nomen.

Multaque profequitur, tum de uocis emphasi, tum de causis fremitus disserere. Confulas Doctorem elegantius hæc prodentem.

VIELMIVS Lectione decima quinta.

Hebræis verò Iam, inuersis literis aliquot nominis Samaim, à perpetuo fremitu, ac stridore.

Sic fremit semper, sic semper littora plangunt.

Et quoniam etiam lacus fremere, ac tumultuare flantibus ventis solent, inde, vt conijcio, Hebræis dicuntur maria.

c. Mare à collectione.

HIERONYMVS de Quæstionibus Hebraicis.

Notandum quod omnis congregatio aquarum, siue salis sint, siue dulces, iuxta idioma lingue Hebraicæ, maria nuncupentur. Frustra igitur Porphyrius Euangelistas ad faciendum ignorantibus miraculum, eò quod

Congregationes aquarum appellauit maria.

- a. Mare ab amaritudine.
b. Mare à magnitudine, vel amaritudine.

eo quod Dominus super mare ambulauerit, pro lacu Genezareth, mare appellasse calumniatur, cum omnis lacus, & aquarum congregatio maria nuncupentur.

Ex D. Hieronymo id ipsum repetit Beda Quæstionibus in Genesim. Glossa Ordinali locupletata, & alij, vt Lippomanus in Catena. Lyranus in Postillis, si non orationem, saltem sensum mutuauit. Petrus Comestor Scholasticæ Historiæ, capite quinto. Hugo Carenfis in Postillis pariter.

I V N I L I V S in Genesim, vt supra retulimus, inquit. Congregationes aquarum appellauit maria, videlicet proxima sui parte, nam & apud Hebræos, cunctas aquarum congregationes, siue falsas, siue dulces, appellari dicunt maria.

R V P E R T V S Commentarijs in Genesim, libro primo, capite trigesimo secundo.

Item & quod iam consuetudinaliter mare dicitur, naturaliter congregationes aquarum est. Septuaginta, teste Vielmio Lectione asserta, synagogas dixerunt congregationes.

V I E L M I V S, itaque sic scribit. Est autem synagoga eorum quoque congregatio, quæ ratione caret, quemadmodum Isidorus libro primo, capite octauo, affirmat: quare & aquarum, & pecorum est: cum Ecclesia conuocatio quedam & cætus ratione vtentium propriè sit: & proinde augustum magis, magisque splendidum nomen est synagoga. Vbiunque igitur confluentias aquarum perspicimus, & nos diuersis nominibus ab earum inter se differentibus qualitatibus cognominamus, Hebræi vno nomine maria nuncupant.

a. Mare ab Amaritudine.

Latinè non omnis aquarum congregatio mare nuncupata est, siquidem falsarum tantum concursus mare nobis ab amaritudine dictus est, præcipuè tamen confluentia illa magna, quæ in Oceano, Mediterraneo, & finibus cernitur; dulcium verò coactio, lacus, paludes, & fontes à Latinis nuncupantur.

I S I D O R V S Etymologiarum libro decimotertio, capite decimoquarto. Mare est aquarum generalis collectio; Omnis enim congregatio aquarum, siue falsæ sint, siue sint dulces, abusiue maria nuncupantur, iuxta illud; Et congregationes aquarum appellauit maria: propriè autem mare appellatum, eò quod aquæ eius amare sint: æquor autem vocatum, quia æqualiter sursum est: & quamuis aquæ fluctuantes veluti montes erigantur, sedatis rursus tempestatibus adæquantur.

B A S I L I V S in Hexæmeron Homilia quarta. Iam lacus, etsi copiosas aquas habere nemo inficias ibit, non tamen maria quis consentaneè nuncupauerit, ne si quàm maximè falsi sunt saporis, crassæque nonnulli naturæ, perinde vt mare: qualis est Asphaltites lacus in Iudæa, & Serbonitis ille, qui inter Aegyptum & Palestinam per Arabiam desertam protenditur: lacus enim sunt atque stagna: mare autem vnum est, ut ij memoriæ prodiderant, qui terrarum orbem lustrarunt: quanquam & Hyrcanum Caspiumque mare, sunt qui seorsum circumscripta sui esse finibus arbitrentur.

b. Mare à magnitudine, vel amaritudine.

B E D A Expositione in Genesim.

Congregatio aquarum maria dicuntur, idest pro magnitudine, quia mare, quasi magnum intelligitur, vel de amaritudine dicitur mare, Et idcirco congregatio aquarum maria appellatur, quia omnis aqua magna apud Hebræorum mare vocatur.

A V C T O R.

Facillimè possunt hæ sententiæ conciliari, si primùm eam Steuchi, ceu non claram exploratamque prætermittamus. Et hanc postremam Bedæ, vt claudicantem & spontaneam

Anno Mūdi
primo.
Dioctetia.

Vidit Deus quòd bonum.

- a. *Usus est Moses nomine Deus, cum scripsit; Dixit Deus, Fecit Deus, Vidit Deus, & non Dominus, quoniam Dei nomen ad opificem spectat, Domini ad Regem.*
b. *Quòd bonum, idest, quòd pulchrum mare.*

neam explodamus. Siquidem Hamerus linguarum eruditissimus Commentatione sua in Genesim, mare Hebraicè duobus nominibus vocari contestatur; Et quando iam dicitur, non hebraico sermone prorsus, sed syriaco, appellari; unde ruit Steuci doctrina. Verum si eius quoque assertionem perspectam esse supponamus, mare etymologia Hebraica, vel à fremitu, vel à collectione, Hieronymi testimonio eleganter appellari posse, Latine uero ab amaritudine nuncupari decernamus.

Vidit Deus quòd bonum.

Non est cur de editione aliquid proferamus, cum Hebraicam lectionem Chaldaica, Græca, Vulgata, & reliquæ cōformiter ita verterint; & cum ista supra excusserimus. Superest ut Patrum sententias, quæ licet cum supra enarratis conueniant, nonnihil actum peculiare, vel nouum adijciunt, hoc loco non prætermittamus.

- a. *Usus est Moses nomine Deus, cum scripsit, et non Dominus, quoniam Dei nomen ad opificem spectat, Domini ad regem.*

PROCOPIVS Commentarijs in Genesim.

Monendi sumus, quòd ubique adijcitur: Et fecit Deus: & dixit Deus; in mundi opificio non immerito fieri. Vult enim perfecte significare, & ostendere huius Vniuersi causam efficientem, quæ nulla alia est præter Deum. Nam vel in primis sub nomine Deus, opifex Mundi nobis monstratur. Ceterum nomen, Dominus, imperatorem, vel Regem significat. Quapropter cum Adæ præceptum daretur, merito eo nomine usus est loquens. Præcepit Dominus Deus Adæ; Regis enim & Domini est præcepta & leges dare.

Vidit Deus quòd bonum, hoc est, quòd pulchrum, & vtile.

BASILIVS Hexameron Homilia quarta, hæc duo de mari disceperat, eius scilicet pulchritudinem, & utilitatem: quem Ambrosius, Procopiusque imitati sunt. Duo hæc seiuncta ego deducam.

- b. *Quòd bonum, idest, quòd pulchrum mare.*

BASILIVS loco nuper citato.

Non hoc agit hæc oratio, ut delectabilem quandam maris aspectum oblatum esse Deo demonstret. Non enim rerum creator oculis creaturæ pulchritudine cernit, sed ineffabili sapientia perspicit, & contemplatur ea quæ sunt. Est quidem spectaculum periucundum albescens æquor, cum ipsum stabilis, & consistens tranquillitas occupat. Est etiam iucundum, cum placidis ac lenibus auris summis parumper exasperatum undis, purpureum colorem, aut ceruleum cernentibus obijcit: quando neque violenter vicinam verberat continentem, sed quasi quibusdam pacificis amplexibus deosculatur & salutat.

AMBROSIVS Hexameron libro tertio, capite quinto.

Vidit ergo Deus, quia bonum mare. Etsi pulchra sit species eius elementi, vel cum surgentibus albescit cumulis, ac verticibus undarum, & cautes niuea rorant aspergine, vel cum æquore crispanti clementioribus auris, & blando serena tranquillitatis purpurascentem præfert colorem, qui eminens spectantibus frequenter offunditur; quando non violentis fluctibus vicina tundit littora, sed veluti pacificis ambit & salutat amplexibus, quàm dulcis sonus, quàm iucundus fragor, quàm grata, & consona resultat? Ego tamen non occupare æstimatum creaturæ decorem arbitror, sed secundum rationem operationis iudicio operatoris conuenire & congruere definitum.

PR O C O P I V S in Genesis caput primum.

c. Vidit quòd bonum ; quòd utile , et proficuum mare.

BASILIVS Hexæmeron Homilia quarta.

BASILIVS Hexæmeron Homilia quarta.
Non tamen putandum est, quod ad hunc modum etiam Deo mare visum esse bonum, ac iucundum Scriptura dicat: sed bonum illic opificij creationis ratione dijudicatur. Primum quidem, quia fons origove totius humoris, quaquaersum terram alluentis, aqua maris est. Hec enim per occultos passim meatus se disperiens, veris, quaquaersum terram alluentis, aqua maris est. Hec enim per occultos passim meatus se disperiens, veris, quaquaersum terram alluentis, aqua maris est. Hec enim per occultos passim meatus se disperiens, veris, quaquaersum terram alluentis, aqua maris est. Hec enim per occultos passim meatus se disperiens, veris, quaquaersum terram alluentis, aqua maris est.

A M B R O S I V S loco citato.

A M B R O S I V S loco citato.

Bonum igitur mare : primum, quia terras necessario suffulcit humore , quibus per venas quasdam occulte succum quandam haud inutilem subministrat . Bonum mare tanquam hospitium fluuiorum, fons imbrum, de-
fucatio alluuiorum, inuectio commerciorum, quo sibi distantes populi copulantur, quo praeflorum remouentur pe-
ricula, quo barbaricus pudor clauditur, subsidium in necessitatibus, refugium in periculis, gratia in volupta-
tibus, salubritas ualeitudinis, separatorum coniunctio, itineris compendium, transfugium laborantium, substi-
tutum uectigalium, sterilitatis alimentum . Ex hoc pluuia in terris transfunditur : siquidem de mari aqua rari-
dij Solis hauritur, & quod subtile eius est rapitur : deinde quanto altius eleuatur, tanto magis etiam nubium
obumbratione frigescit, & imber fit, qui non solum terrenam temperat siccitatem, sed etiam ieiuna arua saecum
dat . Quid enumerem insulas, quas velut monilia plerumque praetexit, in quibus ij qui se abdiciunt intempe-
rantiae secularis illecebris, fido continentie proposito eligunt Mundum latere, & vite huius declinare dubios
anfractus ? Mare est ergo secretum temperantiae, exercitum continentiae, grauitatis secessus, portus securita-
tis, tranquillitas saeculi, Mundi huius sobrietas : tunc fidelibus viris atque deuotis incentiuum deuotionis, re- cum

Fffff

F f f f f *curr*

Anno Mūdi
primo.
Die tertia.

Vidit Deus quòd bonum.

- | | | |
|---|----------------|-----------------------|
| a. Bonum mare. | b. Bonum mare. | c. Bonum mare. |
| d. Bonum mare. | e. Bonum mare. | f. Bonum mare tandem. |
| g. Vidit quòd bonum, quòd Terra perpulchra, & utilis. | | |
| h. Bonum terra. | | |
| i. Bonum terra. | | |

cum undarum leuiter alluentium sono certent cantus psallentium, plaudant insule tranquillo fluctuum sanctorum choro, hymnis sanctorum personent.

Liceat nobis in appendice ad literā, tūm pulchritudinem, tūm vtilitatis modos adijcere. Equidem est pulchrum mare; & cū tranquillitate lene inalbescit, & cū placidis auris exasperatum purpureum redditur.

- | | |
|-----------------------|---|
| a. Bonum mare. | Quia fons & origo, vnde cunctorum aquarum terram alluentium uenae profluunt. |
| b. Bonum mare. | Cū per succutaneos meatus terrae efferuescit, atq; ignescit, balneaque subministrat. |
| c. Bonum mare. | Quia fluuiorum est receptaculū, nec suos fines egreditur. |
| d. Bonum mare. | Quia fons & subministrator impressionum aërearum. |
| e. Bonum mare. | Quòd insulas constringat, & circumuallet. |
| f. Bonum mare tandem. | Quòd liberas nauigantibus congressiones aperiat; vnde tot opulentiæ mortalibus suppeditantur. |

g. Vidit quòd bonum, quòd Terra perpulchra, & utilis.

De mari exactius Patres hæc edisseruere: æquum est, vt de terra aliquid audiamus.

H A M E R V S Commentatione in Genesim id nobis persoluit.

Non iniuria inter Physicos quæsitum est, quodnam inter quatuor elementa principatum merito sibi vindicare debeat. Et certè si hominis ingenium rectè existimare velimus, inueniemus nullum illi deesse posse, & sic elementa coniurant inter se amice, vt si vnum homini defuerit, reliqua omnia defuisse putanda sint. Pin-darus aquam omnibus reliquis elementis prætulit, ἀγρὸν μὲν ὕδωρ, id est, Optima quidem aqua. Ceterum à terra elemento tot sunt mortalibus omnibus commoda, vt dubium esse possit, ipsanè reliquis elementis præfenda sit necne. Inenarrabilis est enim terræ benignitas, in frugum, vini, pomorum, herbarum, fructuum, medicamentorum, metallorum generibus. Hæc benigna, mitis, indulgens, vsusque mortalium semper ancilla, coacta generat, sponte fundit, odores, sapes, succos, colores nostri causa alit. Hæc etiam medicas fundit herbas, & semper homini parturit. Hanc suam benignitatem, & ad vsus mortalium promptitudinem, ipso suo vocabulo refert.

Deinde ex terræ nomenclaturis eius præconia celebrat Hamerus. Terram Hebræi uocant uoce, cuius radix est nostro Idiomate (Voluit) quòd terra iugiter velit ferre fructum. Græcè teste Platone, γαῖα esset nominanda, quasi genitrix. Homerus libro secundo Illiados eā appellat εἰδοπὸς, quòd data sit ad uitā. Hesiodus πολυβοτάνην, quòd multos educat. Orpheus in Olympis eam uocat Deam, & matrem.

Terra Dea, mater beatorum, mortaliumque hominum,

Omnes nutriens, omnia dans, tributum ferens, omnia consumens.

Habebant Romani (inquit Hamerus) Deam Opem, quam etiam terram appellabant. Huic Deæ, ut auctor est Macrobius, sedentes uota concipiunt, terramque industria tangunt, demonstrantes ipsam matrem terram esse mortalibus appetendam. Erant olim aliquot Germanorum gentes, auctore Tacito, quæ in commune Herthum, id est, terram matrem colebant, eamque interuenire rebus hominum, inuchi populis arbitrabantur. Hæc ille.

Colligam ego immensas quæ sunt à terra commoditates.

- | | |
|-----------------|---|
| h. Bonum terra. | Quòd elementa sustineat in centro suo Axe librata. |
| i. Bonum terra. | Quòd immensas aquas Pelagi, lacuum, fluminum, & fontium coercet in utero, & non deuoret, neque deglutiat. |

Bonum

Vidit Deus quòd bonum.

- a. Bonum terra. b. Bonum terra. c. Bonum terra. d. Bonum terra.
e. Laudat Deus terram nondum exornatam, quia non in consummatione operis, sed in
prædestinatione voluntatis rerum perfectio à Deo æstimatur.
f. Docet nos, bonum existimare, quod facit Deus.
g. Id est, quod placuit in verbo, placuit in opere. h. Quòd absoluta esset Vniuersi dispositio.

a. Bonum terra. Quòd lapidum, & metallorum infinita propemodum genera reconditis in uiscerum latebris nunquam fessa gignat, & asseruet.
b. Bonum terra. Quòd germina, olera, plantas, arbores, vi uegetatrice, aurice, altrice, propagatrice proferat, alat, foueat, & propaget, nec coacta generet, sed sponte fundat in nostri gratiâ succos, odores, saponos, colores, medicasq; prodat herbas.
c. Bonum terra. Quòd benigna viuientium omnium nutritrix eos gremio colligat, lacte escarum depascat, sustineat, uitaq; functos in seipsa recondat.
d. Bonum terra. Quòd sulfurearum uenarum fontes ad propellenda morborum genera subministret, ac suppeditet. Hæc profectò Mundi punctus sedes est uiuentium, & mortalium, in qua orimur, uiuimus, & morimur. In qua, ut inquit Plinius, honores gerimus exercemus imperia, opes cupimus.

e. Laudat Deus terram nondum exornatam, quia non in consummatione operis, sed in prædestinatione voluntatis rerum perfectio à Deo æstimatur.

I V N I L I V S in Hexameron.

Et vidit Deus quòd esset bonum. Necdum terra germinabat, necdum vel ipsa quicquam, vel animantia diuina produxerunt: & tantum videre dicitur Deus, quòd esset bonum, cedentibus aquis apparuisse aridam; quia uidelicet æquus æstimator vniuersitatis præuidens, quæ futura erant, quasi perfecta iam laudabat, quæ adhuc in primi operis exordio sunt. Nec mirum, apud quem rerum perfectio, non consummatione operis, sed suæ est prædestinatione voluntatis.

Glossa Ordinaria hæc ipsa desumpsit.

f. Docet nos, bonum existimare, quòd facit Deus.

C H R Y S O S T O M V S Homilia quinta in Genesis caput primum.

Et vidit Deus quòd bonum. Nam quia natura humana imbecillis est, & opera Dei digne laudare non sufficit, diuina Scriptura acceptam ab ipso opifice laudem nos docet.

G L O S S A Locupletata hucusque Chrysostomi sententiam desumpsit. Sed amplius Chrysostomus.

Igitur quando discis, quòd & ipsi conditori creature probantur, & bonæ apparent: habiturus quidem es, quòd maiorem in modum admireris, nihil tamen ad laudem & encomium amplius asserre poteris. Talem enim sortitus es dominum, qui talia facit, quæ à nobis neque laudari satis possunt. Quomodo enim unquam opus Dei pro dignitate laudare posset humana natura?

E V C H E R I V S Commentarijs in Genesim libro primo.

Et vidit Deus, quia bona est. Docet bonum esse, quòd fecit, non discit.

g. Vidit, id est, quòd placuit in verbo, placuit in opere.

G L O S S A Interlinearis.

Quòd placuit in verbo, placuit in opere.

Hugo Carenfis in Postillis hæc mutuatur verba.

h. Vidit quòd bonum, quia expleta esset Vniuersi dispositio.

R V P E R T V S Commentarijs in Genesim lib. primo, cap. trigessimoprimum.

Et vidit Deus, quòd esset bonum. Hinc tandem scriptor Dei, imò & auditor Trinitatis, tribus partibus, id est, Cæli,

Anno Mūdi
primo.
Die tertia.

Vidit Deus quòd bonum.

- a. Idest, quòd expletum secunda diei opus.
b. Vel, quòd completa esset aquarum seiunctio.

Cælo, terra, & mari Mundum habens explicitum tertia die, rectè & opportunè dixit, quia vidit Deus quòd esset bonum. Notandum quippe super aquas ternarium potentie creatricis imperium. Primò, tenebræ erant super abyssum in principio creatam, & non dictum est, quòd esset bonum: Deinde interposito firmamento, diuise sunt aquæ, neq; tunc dictum est, quòd esset bonum; Tertio congregatæ sunt aquæ in locum vnum, & ita apparente arida, dictum est, quia vidit Deus quòd esset bonum.

H V G O de Sacramentis libro primo, parte prima, capite vigesimoquarto. Ecce ista sunt trium dierum opera, antequàm Sol, vel cætera luminaria facta fuissent. In his primis tribus diebus disposita est vniuersitatis huius machina, & partibus suis distributa, firmamento desuper expanso. Deinde terra reuelata, atque in imo residente, & suo pondere librata, collectisque aquarum molibus intra receptacula sua, aëre serenato: quatuor Mundi elementa locis suis distincta, & ordinata sunt.

a. Vidit quòd bonum, quòd expletum secunda diei opus.

CAIETANVS Commentarijs in Genesis caput primum.

Et refertur ad opus tam secundi diei, quàm commemoratum in hoc tertio. Distulit autem Moses iudicium diuinum de bonitate vtriusque operis, eò quòd vtilitas proueniens ex expansione Cælorum considerata in secundo die, non est nobis manifesta vsque ad apparitionem terræ ex condensatis aquis: quemadmodum in opere primi diei nihil dicitur de bonitate Cælorum & terræ vsque ad factam lucem, quia bonitas illius creationis per lucem nobis manifesta est.

b. Quòd completa esset aquarum seiunctio.

PETRVS Comestor Historiæ Scholasticæ capite quinto.

Completo ergo aquarum opere, subditur; Et vidit Deus, quòd esset bonum.

LYRANVS in Postillis.

Hoc dicitur pro opere secunda diei, completa distinctione aquarum.

DIONYSIVS Carthusianus Enarratione in Genesim articulo vndecimo.

Circa hoc verbum allegat Thomas super secundum Rabbi Moysem dicentem; In secundo die medium elementum, scilicet aqua, à supremo distinguebatur, & ita non erat perfecta distinctio medij elementi, nisi etiam ab infimo distingueretur, quod factum est tertio die. Sicque opus secunda diei tertio die completum est, propter quod benedictio tertie diei, videlicet istud; Vidit Deus quòd esset bonum, ad vtrumque refertur. Et hoc est melius dictum, quàm quod quidam hic scribit, dicens, quòd hoc dicitur pro opere secunda diei, immò dicitur pro opere isto vtriusque diei.

A V C T O R

Interpretatio prima, quā Basilii & Ambrosii detulere, elegans quidē est, sed quæ bonitas ea fuerit, quam vidit Deus, potius quàm modum, quo viderit, vel causam, quæ hæc Dei laus adiecta sit, nititur explicare. Altera à Iunilio excitata difficultatē subit non modicam. Nō enim in hac commendatione visus est Deus laudasse terram, quasi præuiderit eam mox suis insignibus uenustandam, nam & post germinum educationem iterū scriptum est; Vidit Deus quòd bonum. Chrysostomi & Eucherij interpretati o, Deum nempe docuisse nos bonum esse quod fecerat, mystica apparet. Glossæ Interlinearis explanatio genuina utique, & propria est existimanda, eò maximè, quòd Moses in hac de rerum genesi enarratione, egregij artificis Deo partes ascribat: artifices autem, cum opus secundum idæam affabrè, & adamussim excuserint, iucundo animo hilarique vultu sapius approbare quod exegerint atque perfecerint, nouimus. Nūm autem ista commendatio referenda sit ad totam Orbis dispositionem, consimulque ad opus die secundæ peractum, vt decernit Rupertus, Caietanus, & Lyranus: seu ad exactam aquarum distinctionem, vt Rabbi Moses, & Dionysius comprobarunt, iam supra diffinitum est.

Basilij, Iunilij & Chrysostomi interpretationes repelluntur.

Genuina interpretatio Glossæ.

Et dixit Deus; Germinet.

Anno Mūdi
primo.
Die tertia.

a. *Vt mortales germinum auctorem non Solem, sed Deum agnoscerent.*

De genesi Germinum.

Plantarum, olerum, arborum omnium genitura nobis nunc profertur. Quis igitur summa non afficietur oblectatione, cum fecundæ matris telluris partus adeò uberes audiat, tot, inquam, herbarum, olerum, stipitum genera, tot florum varietates, tot odorum fragrantias, tot fructuum suauitates, quibus nunc vsque perfruatur, tot infinitas, nedum in fructibus, uerum & in floribus, folijs, corticibus, & radicibus uirtutes agnoscat? Cum terræ inconditam faciem uenustari animantibus, nobisque pabulum perenne præberi, Mundum condecorari, solum nostrum insigniri prospiciat? Certè horum omnium genituram nunc exquirentes, iucunda inuestigatione potiemur. De plantarum igitur ortu disceptaturis plurima nobis obueniunt librato examine trutinanda, quæ summam animis nostris uoluptatem parient, ingentiq̃ue nos oblectatione recreabunt. Primum, quam de causa opifex Deus hoc die tertio, qui seiunctionis erat, plantas (quæ terræ ornatus reputantur) crearit; Et quorsum ante Solem, & Lunam, & astra, conspicua Cæli specimina, & ante aues æris, & pisces aquæ, & animantia, & terræ gemmas, elemento rumq̃ue ornamenta, eas produxerit.

*Quorsum Deus germina tertia die, ante Solem
& animantia, produxerit.*

Hæc difficultas; Quorsum tertia die Deus plantas produxerit, non adeò inanis, ac inuenusta reputanda est, cum siquidem tres dies ad seiungendum, seu perficiendū Chaos, & tres ad ipsummet uenustandum, Deus dispertitus sit; mirum est, quòd tertio die, qui seiunctionis, ac perfectionis erat, uenustationi ascriptus cernatur. Deinde, cum Cœlum, elementaq̃; decore suo carerent, stupore non uacat, quòd prætermisso Cœlo, aëreque & aqua insignioribus elementis, Deus omnipotens, ac sapientissimus conditor, germina, quæ ad terræ decus spectant, semotis aquis, ac denudata terra, cōfestim procreanda mandarit. Huiusce rei Patres diuersas elegantesq̃ue causas reddidere.

a. *Vt mortales germinum auctorem non Solem, sed
Deum agnoscerent.*

BASILIVS Hexameron Homilia quinta, ante Solem ac sydera, quæ quarta die condenda erant, germinasse terram perhibet, ut mortales Deum auctorem germinum agnoscerent, & colerent.

Et quoniam sunt, qui Solem omnium eorum, quæ à terra pullulant, esse causam arbitrantur, è profundo telluris vim germinandi per caloris attractionem ad superficiem elicientem, ideò terræ dispositio creationem ante gressa est Solis, ut & adorare Solem tanquam uiuendi causam homines ij desinant, qui eo in errore versantur. Si igitur persuasum fuerit ipsis, ante Solis creationem, terram omnem habuisse suam dispositionem, tam immeritatam de Sole conceptam admirationem tandem remittent, mox ut secum expenderint, feno ac herba posteriorem Solis esse generationem.

AMBROSIVS Hexameron libro tertio, capite sexto id ipsum sensit. Germinet terra. Hoc est, ipsa per se germinet terra, nullum alterius querat auxilium, non cuiusdam indigeat ministerio. Solent enim plerique dicere; nisi clementior Solis calor tepescerit terras, & quodammodo radijs suis fouerit, non potest germinare terra: & propterea Gentes diuinum honorem deputant Soli, quòd uirtute calor

Anno Mūdi
primo.
Die tertia.

Et dixit Deus; Germinet.

a. *Plantæ ante Solem, & non animantia; quod solum plantæ coruscantissimam triduanam lucem ferre potuerint.*

loris sui terrarum penetret sinus, sparsaque foueat semina, vel rigentes gelu venas arborum relaxet. Audi ergo Deum velut hanc vocem emittentem; Conticescat ineptus sermo hominum qui futurus est, faciesbat vana opinio. Antequam Solis fiat luminare, herba nascatur: antiquior eius sit prerogativa quam Solis. Ne error hominum conualescat, germinet prius terra, quam fatus Solis accipiat. Sciant omnes Solem auctorem non esse nascentium. Dei clementia terram relaxat, Dei indulgentia prorumpere facit fructus. Quomodo Sol viuendi usum ministrat oriundis, quando illa prius diuinae operationis viuificatione sunt edita, quam Sol in hos viuendi usus veniret? Iunior est herbis, iunior feno.

CHRYSOSTOMVS in Genesim Homilia quinta, eandem retulit causam.

Quin & futuram hominum ingratitude taxans Scriptura diuina, vt diligenter omnia, ita etiam nobis ordinem factorum narrat, vt compescat nugacitates & deliramenta eorum, qui vanitates suorum figmentorum commentantur, & dicere audent, quod Solis cooperatione ad fructuum prouentum opus sit. Sunt & alij, qui hæc astris aliquibus ascribere nituntur. Propterea docet nos Spiritus Sanctus, quod ante formationem elementorum, sermoni & præcepto Dei obtemperans tellus, omnia semina ediderit, nullo alio ad cooperationem opus habens. Satis enim sufficebat ei pro omnibus verbum illud Dei, quod dicebat; Germinet terra herbam feni. Quocirca diuinæ Scripturæ vestigia sequamur, neque seramus eos, qui aduersa illis temere blaterant.

Et Homilia sexta inquit.

Diuina quoque Scriptura præuidens propensos ad errorem ignauos, docet nos, post tertium diem hoc elementum esse conditum, postquam terra omnigena semina protulit, & suum accepit ornatum: vt nulli post hac dicere liceat, quod sine Solis cooperatione non maturecant fruges, & prouentus terræ. Et idcirco monstrat tibi, antequam Sol formaretur, omnia fuisse impleta, vt ne Soli fructuum prouentus ascribas, sed omnium opifici Deo, qui dixit ab initio; Germinet terra herbam feni.

THEOPHILVS Antiochenus ad Autolycum libro secundo.

Dies quartus erat, quo luminaria creata sunt. Deus etenim præseruauerat nugas vanorum Philosophorum, quod dicturi essent (vt irritum Deum facerent) omnia quæ terra profundit, fieri ex causis elementorum. At vt rei veritas omnibus conspicua foret, ostendit plantas & semina creatione sua antecurasse elementa, quæ posteriora cum sint, quis adeo delirus est, vt credat ea potuisse facere ea, quæ creatione sunt priora?

PROCOPIVS Commentarijs in Genesim capite primo.

Deus iussit terram vesti herbis & plantis ante creationem Solis, sed ea de causa, ne quis Solem, eius effectum considerans, in Deorum numerum referat, religioneque colat. Herbe & plantule antiquiores sunt, licet vulgò receptum sit, vt credamus istas vi calida Solis ex profundo in telluris superficiem euocari.

a. *Plantæ ante Solem, et non animantia; quod solum Plantæ coruscantissimam triduanam lucem ferre potuerint.*

THEODORETVS Questione in Genesim decimasexta, insignem edidit aliam rationem, Deum plantas, non animalia ante Solem condidisse, quod animalia lucis primæque fulgorem ferre non potuissent, quemadmodum plantæ sensus expertes.

Oculos habent animalia, nec lucis excessum ferre potuissent. Lux verò distributa in parua & magna luminaria, conuenientem oculis animantium splendorem reddit: plantarum autem natura sensus est prorsus expertus.

ATHANASIUS Questione octuagesimaquinta in Genesim.

Quare plantas quidem ante luminaria creauit Deus, animalia verò post? Resp. Propterea quod plantæ sunt inanimatæ, & non habent oculos, suntque ante luminaria creatæ. Splendorem enim lucis portabant, post luminaria verò tandem animalia creata sunt.

plantæ

Et dixit Deus; Germinet.

- a. Plantæ ante animantia, vt ipsa pabulum ante sibi præparatum comperirent.
b. Plantæ hac tertia die post terram denudatam emanant; quoniam vt terra insita ornamenta à terræ origine se iungi non debebant.

a. Plantæ ante animantia produciuntur, vt illa pabulum ante sibi præparatum comperirent.

Deducunthi Patres & aliam causam, Deum ante animalia plantas produxisse, ut pabulum illis ante præpararet. Deducunt autem id, quæsitantes vnde sit, quod Deus, qui pabula feris prouidit, homini alimentum non præpararit. Cui percunctationi Basilii loco citato satisfacit, ea ratione, quod pecudes ipsæ sint hominis alimenta. Ambrosius verò his addit, quod herbæ ipsæ sint etiam homini simplex sobrietatis cibus, ac necessarius.

BASILIVS vbi supra.

Nūm igitur pecoribus quidem præparatum est pabulum, nostrum autem neglectum est alimentum, nec vlla prouidentia prorsus fuit curaque dignum? Quin potius, qui bobus pastum, equisque parauit, is tibi diuitias pariter, & delicias, parat. Qui nanque tua pecora pascit, is profecto tibi vitæ substantiam, ac facultatem auget. Deinde, seminum ortus quid aliud est, quàm apparatus tuæ vitæ degendæ, præter alias complures herbas, & olera, quibus humanum vescitur genus? Itaque etiamsi quod herbæ genus alijs est animantibus commodo, ipsa illorum vtilitas ad nos redit, sit enim vt & seminum horum vsus nobis deputatus sit.

AMBROSIVS Hexameron libro tertio, capite septimo.

Et forte mirentur aliqui, quod prius pecori pabulum, quàm cibus homini sit creatus. In quo primum profundum Dei consilium debemus aduertere, quod etiam minima quæque non negligat, sicut in Euangelio Sapientia Dei dicit; Respicite volatilia Cæli, quoniam non serunt, neque metunt, neque congregant in horrea, & Pater vester cælestis pascit illa: nonne vos pluris estis illis? Cum enim illa pascuntur Dei gratia, nemo sibi debet de sua industria, & virtute blandiri. Deinde, quia simplicem victum & naturalem cibum reliquis cibus debuit anteferre. Hic enim sobrietatis est cibus, reliqui deliciarum atque luxuriæ. Hic communis omnibus animantibus cibus, ille paucorum. Exemplum itaque frugalitatis, magisterium parsimonie est, herbæ simplicis victu olerisque vilis aut pomis contentos esse omnes oportere, quem natura obtulit, quem liberalitas Dei prima donauit. Ille salubris, ille utilis cibus, qui morbos repellat, qui refecet cruditates, nullo hominum paratus labore, sed diuino effusus munere, sine satione fruges, fructus sine semine, tam dulcis, tam gratus, vt etiam repletis voluptati atque vsui sit. Denique ad primas datus mensas, ad secundas remansit.

Matth. 6.

THEODORETUS Quæstione in Genesim tertiadecima.

Multa sunt animalium irrationalium genera, quadam fera, alia iumenta appellata: & nonnulla reptilia, alia volatilia. His igitur omnibus escam præparauit Deus, quæ etiam in hominum vsu condidit, & statim eis propter nos pabulum dedit. Qui producit, inquit, fenum iumentis, & herbam seruituti hominum.

Psal. 103.

PROCOPIVS Commentarijs in Genesim libro primo.

Neceße siquidem erat, vt animalibus semina & fructus quidam præpararentur, quibus tandem alerentur. Quapropter animalium creatio sequitur, nec antecedit plantarum & herbarum creationem. Nec tamen deterius conditionis, quàm plantule, sunt animalia. Nam eadem ratio cogeret nos, vt crederemus hominem ceteris animalibus esse viliorē, cum eius creatio in vltimum locum sit reseruata. Siquidem arbores, & animalia anteuenerunt creationem hominis. Vbi illa processerunt, ibi demum homo, qui quasi rex quispiam his erat vsurus, eaque imperio frenaturus, suam creationem accepit.

b. Plantæ hac tertia die post terram denudatam exiliunt; quoniam vt terræ insita ornamenta à terræ origine se iungi non debebant.

AUGUSTINVS de Genesi ad literam lib. secundo, cap. duodecimo, plantas

plantas tertia die conditas existimauit, quia terræ fixæ à terra origine seiungi non debebant.

Hic moderamen ordinatoris aduertendum est, vt quoniam distincta quedam creatura est herbarum, atque lignorum, ab specie terrarum & aquarum, vt in elementis numerari non possint, seorsum de illis dicatur, vt exirent de terra, & seorsum illis redderentur illa solita, vt diceretur; Et factum est sic, ac deinde repeteretur, quod factum est: seorsum quoque indicaretur Deum vidisse, quia bonum est: tamen quia fixa radicibus, continuantur terris & connectuntur, ista quoque ad eundem diem pertinere voluerit.

Sed vberius de Genesi ad literam imperfecto, capite vndecimo.

Hæc autem omnia ita supra terram sunt, vt ipsi terræ radicibus cohereant, & ei continuentur, & rursum quodammodo separentur: propterea huius naturæ significationem in ista narratione seruata arbitror, quia & eodem die facta sunt, quo terra apparuit; & tamen iterum dixit Deus, vt terra germinaret: & iterum dictum est; Et sic factum est.

B E D A Expositione in Genesim.

Germina quia fixa radicibus connectuntur terris, ad eundem diem voluit pertinere. Et Post. Quid sibi vult, quod prius terra germinaret, quam in Cælo fierent luminaria? Supra dictum est, quia lucis nomine spiritualis creatura dicta est prima die formari. Ac die secunda pars Mundi huius sublimior, id est, Cæli formatur. Tertia die terra cum herbis, & lignis, quia etsi mouentur ligna, & herbæ per incrementum, radicibus tamen fixa sunt terris: ac per hoc non terra prius recepit ornamentum, sed Cælum.

Et libro de sex dierum Creatione.

Quid est enim, quod ista omnia in vnum dicit imperauit fieri, & terram germinare, & aquas congregare, nisi quod ista omnia in terra radice figuntur? Ideo ad eandem diem pertinere dicuntur: quia quamuis longè, lateque per incrementa sua diffunduntur, tamen de locis proprijs nexibus suis non mouentur. Quia arbores viuunt, viuunt tamen non per animam, sed per viriditatem: quia ille succus infunditur in radice, deinde in qualitatem arboris efficitur, & postea in effusione ramorum, & exinde in viriditate foliorum. Vnde dicit, Et lignum pomiferum, quia omnia ligna fructum non faciunt, quia hic fructus intelligitur: quia vnaquæque arbor habet vsum suum, & vnaqueque herba similiter vtilitatem suam tam in manifesto, quam in occulto.

G L O S S A Ordinaria ex Augustino.

Aduertendum est moderamen ordinatoris, quamuis distincta sit creatura herbarum, atque lignorum à specie terrarum, & aquarum, vt in elementis numerari non possint, quia tamen fixa radicibus terræ connectuntur, ad eundem diem voluit pertinere.

D. T H O M A S prima parte, quæstione sexagesimanona, articulo secundo, ad primum, Augustino consentit.

Dicendum, quod vita in plantis est occulta, quia carent locali motu & sensu, quibus animatum ab inanimato maxime distinguitur. Et ideo, quia immobiliter terræ inhaerent, earum productio ponitur quasi quedam terræ formatio.

D. B O N A V E N T U R A secundo Sententiarum, distinctione quattodecima, causam primo loco adductam cum hac simul complicat.

Dicendum, quod Scriptura ordinatè exprimit. Deus ordinatissime fecit, dum eodem die, quo terra producta est, ex ea herbas & ligna prodire fecit, tum propter erroris remotionem, vt dicit Basilus; ne crederetur, quod Sol esset causa principalis terræ nascentium, sicut dicit Philosophus, quod terra est mater plantarum, & Sol pater; tum quia plantæ & herbæ sunt quasi connaturales terræ, dum ei sunt radicibus affixæ, trahendo ex ipsa fomentum & originem: non sic autem est in ornatibus aliorum trium, & per hoc patet primum obiectum.

L Y R A N V S in Postillis.

Videtur forsitan alicui, quod ista productio plantarum, & herbarum pertineat ad sextam diem, in qua ornata est terra, vt dicitur infra. Ad quod dicendum, quod ornatus hic accipitur ex similitudine ornatus in hominibus, in quibus non pertinent ad ornatum propriè ea, quæ inseparabiliter adherent corporibus humanis, sed ea, quæ possunt apponi, & auferri, sicut vestes, sarta, monilia, &c. Huiusmodi autem plantæ, & herbæ immobiliter adherent terræ: & ideo pertinent ad opus tertiæ diei, quando apparuit arida.

D I O N Y S I V S Chartusianus Enarratione in Genesim, articulo vndecimo.

Si autem obijciatur, quod germinatio ista magis pertineat ad terræ ornatum, quam ad eius distinctionem; dicendum, quod ornatus elementorum attenditur penes quedam extrinseca, non penes ea, quæ radicibus, inseparabiliterque adherent, sicut in homine vestimenta, monilia, gemmæ, & consimilia propriè pertinent ad eius ornatum: sicque animalia spectant ad terræ ornatum, non propriè herbæ, ac arbores.

Et dixit Deus; Germinet.

- a. Id verò dici non potest de astris, quoniam vel astra insita non sunt, vel si insita, è Cælo non oriuntur.
- b. Germina hac tertia die creantur, quòd terræ tollenda esset duplex imperfectio, qua scilicet erat inuisibilis, & incompressa, seu inanis, & vacua.

a. Id verò dici non potest de astris, quoniam vel astra insita non sunt, vel si insita, è Cælo non oriuntur.

ALEXANDER Halensis summæ Theologiæ parte secunda, quæstione quinquagesima prima, membro secundo.

Sed obijcitur in contrarium per ornatum factum in quarto die: Sol enim, & Luna, & sydera facta sunt in quarto die, & pertinent ad ornatum firmamenti, & fixa sunt in firmamento, sicut dicunt Philosophi. Ergo per prædictam rationem deberent in secundo die cum firmamento computari: sed non computantur; ergo non est hæc ratio, propter quam arbores, & herbe sub vno die cum terra computantur. Responderi potest, vel secundum opinionem eorum, qui dicunt sydera habere proprium motum, quam opinionem recitat Augustinus: vel si fixa sunt in suo orbe, sicut dicit Philosophus, distinguendum est inter fixum, & fixum. Est enim quoddam fixum, quod oritur ex illo, cui est infixum: & est aliud fixum, quod factum est in illo, cuius est ornatu. Primo modo dicitur de herbis, & arboribus: secundo modo dicitur de syderibus. Vnde primo modo dicit: Germinet terra &c. Secundo dicit: Fiant luminaria in firmamento Cæli &c. Fixum ergo, quod oritur ex terra, sicut dicit Philosophus, quòd terra est mater herbarum, computatur in eodem die cum illa: aliud verò fixum non computatur.

Non id ipsum profectò est dijudicandum de astris micantibus in Cælo, & de viroribus emergentibus è terra, quoniam astra fortè siuè inanima, siuè anima prædita, per immotum, & permutabile gradiuntur Cælum, quemadmodum censuerunt non tantum Philosophorum nonnulli, sed Patrum plerique, vt Chrysostomus, Nyssenus, & alij: vel si astra insita sunt, vt congesta, & coalita ex liquidissimis, purissimisque Cæli partibus, non profectò ex ipsa cœlesti materie ita prodire, vt perpetuis generationibus nunquam recisis emergant, & eius pinguiori humore alantur, vt plantæ. Quapropter specimina potius censenda sunt ipsis Cælis adiecta, quàm ex ipsis emergentia & proficientia, ipsisque coherentia. Adijcias astra periodo orbiculari volui, ceterique perenniter, plantas verò, atque arbores nunquam sedes immutare.

b. Germina hac tertia die, quòd terræ tollenda esset duplex imperfectio, qua scilicet erat inuisibilis, & incompressa, seu inanis, & vacua.

AMBROSIVS Hexæmeron libro tertio, capite sexto.
Discedente aqua, conueniebat vt species terræ daretur & gratia, vt inuisibilis & incompressa desineret esse. Nam plerique etiam hoc dicunt esse inuisibile, quod speciem non habet: & ideo accipiunt terram inuisibilem fuisse, non quia videri non posset à summo Deo, vel Angelis eius (nam adhuc homines creati non erant, vel etiam pecudes) sed quia sine sua specie erat. Species autem terræ est germinatio, & viriditas agri. Vnde vt & visibilem eam, & compressam faceret Deus, ait: Germinet &c.

D. THOMAS prima parte, quæstione sexagesimanona, articulo secundo.
Dicendum, quòd sicut supra dictum est, in tertia die informitas terræ remouetur. Duplex autem informitas circa terram describebatur: vna, quòd erat inuisibilis & inanis, quia erat aquis cooperta; alia, quòd erat incompressa siue vacua, idest, non habens debitum decorem, qui acquiritur terræ ex plantis eam quodammodo reuerentibus. Et ideo vtraque informitas in hac tertia die remouetur: prima quidem per hoc, quòd aquæ congregatæ sunt in vnum locum, & apparuit arida: secunda verò per hoc, quòd protulit terra herbam viventem.

LYRANVS in Postillis.
Hoc dicitur pro opere secundæ diei, completa distinctione aquarum, sed quia terra superius dicta est inanis, idest inuisibilis, eò quòd esset cooperta aquis, quæ inuisibilitas remota est per congregationem aquarum, quia

Anno Mūdi
primo.
Die tertia.

Et dixit Deus; Germinet.

- a. Quòd Vniuersum, vsque ad gradum rerum sensu pollentium, materia sit tertiæ diei.
b. Seu, quòd ordo naturæ id posceret: secessio enim maris, finalis, & ferè formalis fuit causa terræ germinationis.

quia tunc apparuit arida. Item dicta est vacua, eò quòd non erat ornata herbis, & plantis. Ideo remouendo hanc vacuitatem, consequenter subditur, &c.

DIONYSIVS Carthusianus Enarratione in Genesim art. vndecimo.

Denique, sicut præhabitu est, duplex informitas fuit primò in terra. Vna quoniam fuit aquis cooperta, & hæc ei ablata est per congregationem aquarum in vnum locum. Alia quia fuit infructuosa, & hæc ei ablata est per germinationem prædictam.

- a. Quòd Vniuersum, usque ad gradum rerum sensu pollentium, materia sit tertiæ diei.

CAIETANVS existimat hoc loco, Vniuersum secundum perfectionem quam habet ex motibus alterationis generationis & augmentationis, vsq; ad infimum gradum uiuentium, esse materiam tertiæ diei.

Aduerte hic, quàm consequenter ac gradatim perfectiones Vniuersi Moses describit: post alterationem siquidem elementorum aquæ & terræ, ad generationem imperfectorum mixtorum procedit ascendendo vsque ad primum gradum uiuentium. Ita quòd Vniuersum, secundum perfectionem quam habet ex motibus alterationis, generationis, & augmenti, vsque ad infimum gradum uiuentium inclusiue, materia est tertiæ diei.

- b. Quòd ordo naturæ id posceret: secessio enim maris, finalis, & ferè formalis fuit causa terræ germinationis.

STEVECHVS in Cosmopæia in primum caput Genesim.

Narratur enim quam ob causam, quoue consilio extiterit primum. Non propter se videlicet mare, terris aquarum contagio solutis, in sedibus suis constituisse, sed vt longè, lateque montium & camporum viriditas, omnigenaque vbertas, primæuis aquis humefacta, desuper autem Solis ardore confota tellure, pullularent. Idcirco vna eademque die, dum cogitur mare, dum celsiores terræ patefiunt, producit in his omnis arbor, & herba. Ac prima die, quam fecit Sol creatus, quedam facta est aquarum resolutio, secunda terræ magis aruerunt, tertia ex his arefactis, sed adhuc humentibus, omne genus stirpium exortum est. Quod habuit ordinem mirabilem & prouidentie & naturæ. Naturaliter enim, quia prudentissimè parata & prouisa fuerant, sequebantur.

VIELMIVS Lectione decimasexta.

Obseruent autem Theologi iuniores miram vtriusque classis operum Dei conuenientiam, videlicet, & que gratiæ, & que naturæ dicuntur. Vident enim Scripturas nullam nobis creationis rerum causam aliam assignare, nisi Dei bonitatem: hanc enim vt impartiretur, his quidem clarius, illis nerò obscurius, Mundum effecit, venustauit, & expoliuit. Deinde vident vnumquodque Mundi opus hanc habere connexionem cum alijs, vt quod antecedit, causa preparatoria ac veluti materialis eius operis sit, quod illud confestim subsequitur; & hoc tanquam postremum, causam esse finalem antecedentis, & quadantenus etiam formalem: (quicquid enim alterius ratio est, potest tanquam eius formale quidpiam haberi:) vt proinde sibi mutuo opera sigillatim hæc & causæ & effectus (in diuerso tamen genere) existant; mare secedit à terra, & veluti eam preparat, vt germinet: ergo terræ germinatio finis est secessionis maris. Rursum, & germinatio hæc ob animalia, & homines fit. Ergo vnum opus est alterius ratio.

Vnum Dei opus alterum preparare, non est ambigendum; sed secessionem maris finalem, formalemque fuisse causam germinationis terræ, non ita est existimandum, quasi proprie, & tantum fuerit maris coactio effecta in gratiam germinum. Denudatum est enim hoc solum magis in obsequium animantium, & regis eorum, scilicet hominis. Num autem formalis causa germinum ipsa fuerit maris secretio, perpendant ipsi Philosophiæ non ignari.

AVCTOR.

A V C T O R.

Causam à D.D. Basilio, Ambrosio, Ioan. Chrysostomo, Theophilo, Procopio allatam, dum asserunt opificem plantas ante Solem produxisse, ne Solem rerum auctorem mortales existimarent, ad tropologiam prorsus diuertere perspicuum est. Athanasij, ac Theodoretii placitum, singulare esse, nec valde exploratum arbitror. Lucem quippe triduo primo fulgore adeò ingenti coruscasse, vt nec animalia, nec homo ententem eum splendorem ferre potuissent, placitum est non tantum à communi sententia Patrum alienum, sed hoc loco intempestiuè deductum. Non enim ex eo cogebatur, seu impellebatur Deus, vt ante astra, & cætera mixtorum genera, plantas primum eis locum impertiendo proferret. Causa altera productas tertia die plantas asseueras, vt animantibus pabulum præberetur, non sufficiens Neotericis visa est. Siquidem si ad quartum diem, seu etiam ad quintum germinum emolitionem Deus protraxisset, æquè felici euentu animantia florescentem, ac virescentem terram comperissent, & expositam sibi escam ingenti, atque effusa iucunditate sumere quiuissent. Quapropter causas ab Augustino quarto in loco, & ab Ambrosio in quinto prolatas, simul ne cõdas arbitrarer, videlicet, ideò germina post terram arefactam hac tertia die natalia sumpsisse, quia & terræ fixa, ipsi essent potius perfectio quàm specimen. Quæ commixta & conciliata causa, vt mihi argutior, ita & acceptior visa est; maximè si id, quod D. Thomas in corpore articuli prodidit, attendamus. Si enim triduo primo perficiendum erat vnumquodque elementum, & triduo altero venustandum, duplex terræ imperfectio iam supra descripta, cum dictum est; Terra autem erat inuisibilis, & incomposita, hac die tertia submouenda erat. Reddenda igitur erat visibilis, seu constans, quod tunc effectum est, quando congregatis aquis in locum vnum apparuit arida. Reddenda erat composita & foecunda, quod tunc euenit, cum germinauit herbam virentem. Potius igitur plantæ ad terræ perfectionem spectant, quàm ad ornatum. Insigni siquidem absolutione tellus carebat, quãdò tùm intus, tùm foris, metallorum, lapidumq; generibus destituta erat, & nuda desolataq; apparebat. A Vielmio, & Steuco recensitæ causæ elegantes profecto sunt, consideratis Dei operibus iã patratis, sed nõ efficaciter demonstrant, quorsum Deus, qui liber erat opifex, pro tertiæ diei opere Vniuersum secundum perfectionem, quam habet usq; ad infimũ gradum viuientium assumpserit, sibiq; præscripserit. Deinde si viuientium nomine sensu pollentia capit, adeò vt in tertia die cuncta Deus ediderit mixta, tùm perfecta, tùm imperfecta, & vegetantia: vt quid astra etiam, quæ sensus gradum non attingunt, hac die non congeffit? Vielmus, & Steuchus probè equidem maris secretionem, & terræ denudationem, preparationem fuisse, quò terra germina posset proferre, censuerunt: haud attamen ex hoc veram ac necessariam causam, quare Deus usque ad quintum diem, seu sextum, hæc efficienda non distulerit, prout animi, & animantium distulit genituram, tradiderunt.

Nonnullæ ex
supra addu-
ctis causis
improbantur.

Duplicè ter-
ræ imperfe-
ctionem du-
plex perfe-
ctio hac die
subsecuta est.

Germinet terra herbam virentem &c.

Operæpretium est, ut aliquid de editione animaduertamus, singulaque uerba perpendamus. Hebraica lectio talis est. Vaiomer Elohim, tadse haarez desè eseb mazriaa zeraa, ez periose peri lemino azer zaro boal haarez, idest, vt vertit Lippomanus. Et dixit Deus, Germinet terra herbam virentem, seu foeni, facientẽ semen, seu seminifcantem semen, lignum fructus faciens fructum iuxta genus, seu speciem suam, cuius semen in ipso super terram. Chaldaica sic legit; Et dixit Deus, Germinet terra germinationem herbe, cuius filius sementis seminatur: arboremque fructiferam facientem fructus secundum genus suum; cuius filius sementis in ipso sit super terram. Græca Septuaginta Interpretum sic transtulit, καὶ εἶπεν ὁ θεὸς; βλάστησάτω ἡ γῆ βοτάνην χοῦρον σπέρου σπέρμα κατὰ γένος &c. Idest: Et dixit Deus, Germinet terra herbam foeni, seminantem semen secundum genus, & secundum similitudinem, & lignum pomiferum faciens fructum, cuius semen ipsius in ipso secundum genus super terram. Ita propemodum Biblia Regia, & Lippomanus. Vulgata nostra; Et ait: Germinet terra herbam virentem,

Anno Mūdi
primo. qui
Die tertia.

Germinet terra herbam uirentem &c.

- a. Legendum, *Herbabit terra, seu Herbificet terra.*
b. Legendum, *Germinet terra.*

rentem, & facientem semen; & lignum pomiferum faciens fructum iuxta genus suum, cuius semen in semetipso sit super terram. Pagninus & Vatablus: Dixit insuper Deus, Germinet terra germen, herbam producentem semen, arborem fructiferam facientem fructum iuxta speciem suam, cui insit semen suum super terram. Caietanus: Iuxta Hebræum habetur; Herbabit terra germen, herbam seminificantem semen; lignum fructus faciens fructum generi suo, cuius semen eius in ipso super terram. Lutositanus: Et dixit Deus; Germinet terra germen, herbam seminificantem semen: arborem fructiferam facientem fructum in specie sua, in qua semen eius sit super terram. Editiones hæc, quanquam discrepent adinuicem, ad eundem attamen proficiscuntur sensum, eo euentu, ut descriptiones diuersas eas appellare non sit in consentaneum: membratim attamen singulas particulas obseruabimus, & ponderabimus.

a. Legendum, *Herbabit terra, seu Herbificet terra.*

CAIETANVS Commentarijs in Genesis caput primum.

Iuxta Hebræum habetur; Herbabit terra. Et Post. Vbi aduerte, quod virtus productiua vegetabilium describitur pulchro ordine succedentium statuum: nam dicendo, Herbabit, modus producendi manifestatur: per modum siquidem herbe producuntur tam ipsæ herbe, quam arbores. Herbascunt siquidem omnia vegetabilia, quum è terra pullulant: & dictio Hebraica prima non propriè significat herbam, quæ distinguitur contra arbores, sed vniuersa vegetabilia viridia: & propterea dicitur, *Germen*, tanquam genericum nomen. Quum verò in textu subiungitur, *Herbam*, alia dictio est significans herbam, quæ distinguitur contra arborem: Moyses enim primò dicit, quod commune est herbis & arboribus, deinde appositius singillatim quod est herbarum, & quod est arborum.

LVSITANVS.

Germinare faciet terram. Hebraicè est ad literam, *Herbificet* (si sic loqui latinis liceret) herbam.

STEVCCHVS in Genesim.

Hebraicè verbum est ab herba ductum (thadse) idest, herbificet, si dicere liceret: à (dese) idest, herba. Perinde si dixisset. *Herbificet terra herbam.* Sed quia non erat satis Latinum, propterea alio modo idem Latine expressit.

LYPPOMANVS in Catena.

Alij verò herbificet, dixerunt, quod verbum thadse, quod est hic futurum hiphil, id propriè significet. Obseruationes Hebraicè.

Germinet, vox Hebræa thadse, impropriè significat, herbificet, siue herbam producat.

b. Legendum, *Germinet terra.*

Verum è cōtra Chaldaica editio legit, Germinet terra. Græca Septuaginta Interpretū Βλασησάτω η γη hoc est, Germinet terra. Id ipsum editio nostra Vulgata. Sed Steuci sententiam prosequendo dicamus, Germinet dixisse editionē Latinā, propterea quod herbificare non sit satis Latinum. Quod autem adnotabat Caietanus, Herbare scilicet manifestare modum producendi, quasi herbescant omnia vegetabilia, cum è terra pullulant; certe non adeò est singulare ipsi verbo Herbare, quin conueniat & verbo Germinare. Quinimmo & magis se extendit Germinare quam herbare, cum germinatione prodēat tum herbæ, tum olera, tum arbores: Herbificatione autem (ut eius utar uerbis) herbæ tantum exigua, sicuti & ipse testatur, cum ait, *Germen* esse genericum nomen, *Herba* verò specificum ad herbam, quæ distinguitur contra arborem. Sed hæc Prisciano essent relinquenda.

Herbam

Germinet terra herbam virentem &c.

Tadse haarez desè Eseb.

- a. Singulare pro plurali.
- b. Desè herba tenella; Eseb herba grandiuscula.
- c. Vel, Desè herba virens; Eseb sicca.

Herbam virentem.

Chaldaica legit, Germinationē herbæ: Editio Græca habet; Herbam foeni; quam sequuntur Ambrosius, Augustinus, & Patres omnes Græci. Latina autem edidit, Herbā virentem.

Caletanus legit, Germen herbam. Observationes hebraicæ id non abnuunt, cū aiūt; Verti potest, Germinet terra germen, appositivè herbam facientem semen. Vel subaudienda coniunctio; Germinet terra germen, & herbam: & Sanctes Pagninus approbat. Verum & Doctores his vocibus vno annutu & eleganter adnotant, quānam sit inter has differentia.

a. Singulare pro plurali.

R A B B I N I Adnotationibus in Genesim.
Hebraico more singulare pro plurali positum est.

b. Desè herba tenella; Eseb herba grandiuscula.

H A M E R V S Commentatione in Genesim.
Quod nos legimus herbam virentem, in hebræo legitur; Desè hēseb significant hæ voces ferè idem, nempe herbam, sed desè herba est iam recens nata & tenera, Eseb grandiuscula, & semini ferendo iam proxima.

R A B B I Salomon, teste Steuco.
Aliud vult esse Desè, aliud hēseb: primum enim significare dicit universam herbarum viriditatem, qua terra vestiatur: secundum ipsas herbas. Sed quis non videt hæc adeo esse inter se similia, ut faciliè confundantur.

L V S I T A N V S pariter.
Ponunt autem Hebræi discrimen inter dese, & hēseb: quòd dese, significet herbam teneram, cū videlicet egreditur è terra, hēseb, verò grandiusculam herbam semificantem.

O B S E R V A T I O N E S Hebraicæ.
Sunt autem duo verba hebraica herbam significantia: verum alterum, dese, herbam tenellam significat: alterum, hēseb, herbam quæ produxit germen & adolevit.

c. Desè herba virens, Eseb sicca.

S T E V C H V S in Cosmopœia.
Itaq; herba, quam iussit cum primis è terra nasci, est fœnū. Hæc dicitur Desè quando pullulat, & virere capit, quando sicca colligitur Eseb. Quidā tamē Hebræi putant Eseb plātas maiores dici, minores autem Desè. Arguiturque Salomon à nonnullis, quòd asseruerit Desè virorem herbarum, non herbas ipsas appellari. Ostendunt autem Deseim esse numerum multitudinis à Desè, quòd non esset, si virorem ipsum terrarum designaret.

Cæterum si id, ut exploratum, est diffiniendum, Desè, herbam tenellā significare, hēseb, verò adolescentē, ut omnes hi Doctores vna consensione decernunt solo Steuco claudicāte, vel renuente, probatior nobis reputāda est editio nostra, quæ loco, dese, dixit herbam, & Eseb, virentem; quā ea, quæ dixit, Germen herbam. Tenellam si quidem, & pullulantem plantam magis exprimimus per herbam, quā per germen. Eam verò quæ adolefcit, & succrescit, magis per virentem, quā per herbam. Quòd autem editio Græca habeat, Herbam foeni, ea de causa est, ut adnotabat Ambrosius; quoniam non ociosè à Septuaginta plura hebraicè lectioni addita, & adiuncta cernuntur.

Anno Mūdi
primo.
Die tertia.

Anno Mūdi
primo.
Die tertia.

Germinet terra herbam virentem &c.

- a. Et facientem semen, vel seminificantem semen.
- b. Sed, Et lignum pomiferum, vel lignum fructus, vel frugiferum, vel arborem fructiferam.
- c. Ponitur hoc loco lignum pro arbore, & singulare pro plurali.
Iuxta genus suum.
- d. Id est, iuxta decretum, & normam à Deo prescriptam.

tur. Lectio Chaldaica suavior mihi visa est, quàm ipsa nuperorum, cùm dixit, Germinationem herbæ, & non Germen herbæ.

a. Et facientem semen, vel seminificantem semen.

Hebraica legit (maziaazaraa) quod alij seminificantem semen transtulere. Vnde

CAI ET ANVS herbabit terra germen herbam seminificantē semen. Nec mireris scribi seminificantem semen, & similiter lignum fructus faciens fructum; idiomati siquidem hebreo tribuendum est hoc; gaudet enim idioma illud quasi conduplicatione: veniendo veniet, faciendo faciet, & huiusmodi.

LIPPOMANVS dixit.

Facientem semen, seu seminificantem semen, quasi quoddam utroque modo dici possit.

STEVCCHVS autem optime hec conciliat, cùm ait.

Illud quoque inferius, Faciens semen, Hebraicè est Mazrinh Zeranb seminificans semen: sic & inferius, Producat terra, hebraicè est toze, id est, faciat exire, quæ & alia infinita prudentissimè noster Hieronymus latina phrasi accommodavit: quod & Septuaginta fecerunt in lingua græca: quanquam hi sint longè in singulis ac notandis nominibus nobis feliciores, propterea hebraico sæpe accedunt propius quàm nos.

Accommodatior igitur interpretatio nostra est, ut vere propior latinitati.

RABBINI Adnotationibus in Genesim.

Virentem & facientem. Inter hæc duo verba non ponitur coniunctio, & apud Hebræos.

b. Et lignum pomiferum, vel lignum fructus, vel frugiferum, vel arborem fructiferam.

Hebraica lectio habet, Lignū fructus. Septuaginta καὶ ὕλον καρπυμον. id est, lignum frugiferum. Hamerus loco asserto; Vetus Hebraicæ linguæ mos est, arborem nomine ligni appellare. Et ita legit Lusitanus, & Caietanus, nec abnuuit Lippomanus. Chaldaica lectio conformiter legit, arborē fructiferā. Sed hæc parū nostra intersunt, cùm Pomiferum hoc loco capiatur pro quocunque genere fructuum, nec eius significatio coarctetur ad illud genus tantum, quod à nobis malum vocatur.

c. Ponitur hoc loco lignum pro arbore, et singulare pro plurali.

OBSERVATIONES Hebraicæ adijciunt.

Lignum pomiferum, lignum pro arbore, & singulare pro plurali positum. Arbores fructiferas facientes fructum.

Iuxta genus suum.

d. Id est, iuxta decretum, & normam à Deo prescriptam.

STEVCCHVS Cosmopœia in primum caput Geneseos.

Genus, siue species hebraice Min. Vox à verbo Mana, distribuit, decrevit, instituit. Itaque proprie sonat decretum, institutum, normam, legem. Quasi que dicitur à scriptore, iuxta legem, decretumque suum, siue cursum vel instinctum suum. Fiat, nquit è terra, quicquid fieri, & ad quas vsque formas progredi terrarum queat vbertas. Quos, & quàm varios fetus, terra sinu complectitur, tam varios edat in lucem.

Iuxta genus suum .

a. *Secundum speciem, magis propriè secundum similitudinem .*

Et ait ; Germinet .

b. *Vox Dei, naturæ lex fuit per successionem duratura .*

c. *Legendum, Germinet terra herbam fœni, & semen seminificans iuxta genus suum .*

d. *Germinet terra herbā virentem, & facientem semen: Ordine præcepti insequitur ordo naturæ.*

a. Secundum speciem, magis propriè secundum similitudinem.

LVSITANVS Adnotationibus in primum caput Genesis.

Porro Min, quod nostri hic speciem vertunt, meo iudicio ortum habet à Min, quod est similitudo, unde verti potest; Secundum similitudinem suam, ac si dicat, Faciens fructum sibi similem, idest, generans arborem similem seminificanti.

Si quæ aliæ sunt observationes circa narrationem productionis germinum, ad has redigantur, hæ siquidem potiores sunt, & præstantiores. Nunc ad sensus transeamus.

Et ait.

b. Vox Dei ipsa naturæ lex fuit per successionem duratura.

BASILIVS Hexæmeron Homilia quinta.

Terra excusso à se iam ac posito aquæ pondere, ut interquieuit aliquantum, & liberior respiravit, ordine naturæ consentaneo edictum accepit, quo inebatur germinare herbam quidem primum, dein lignum, id quod vel in hunc cernimus fieri diem. Illa enim reddita tunc vox, primum illud præceptum, veluti lex naturæ quædam ac institutum, impressum insculptumque telluri, facultatem ipsi generandi, fructusque ferendi præstat.

AMBROSIVS Hexæmeron libro tertio, capite sexto.

Prima illa vox Dei singulis creaturis impertita gignendis, lex naturæ est, quæ terris in omne ævum remansit, futuræ successionis datura præscriptum, quemadmodum vel generandi, vel fructificandi in reliquum usus adoleverat.

PROCOPIVS Commentarijs in Genesis caput primum.

Vox diuina, quæ tum contigit, lex quædam effecta est perennis, ut ei legi terra sit obtemperatura usque ad extremum Mundi finem. Similis lex constringit & ceteras creaturas, quæ conditæ sunt præcedente imperatrice voce diuina.

c. Legendum, Germinet terra herbam fœni, & semen seminificans iuxta genus suum.

BASILIVS Hexæmeron Homilia quinta.

Nam ita & verborum ordo ac series restitui poterit, cum alioqui constructionem habere videantur non bene congruam, sibi quæ minus rectè coherentem, & necessitas eorum, quæ à natura gubernantur, conseruabitur. Primum enim in ordine est germinatio, deinde herba, postea incrementum fœni, postremo loco, productio seminis iuxta crescentium absolutio.

PROCOPIVS Commentarijs in Genesis caput primum.

Oportet nos parum inuertere constructionem, ne videatur aliquis apparere solacismus, in hunc modum; Germinet terra herbam graminis secundum genus seminans semen. Sic enim dictio seminans applicabitur ad dictionem genus. Aut fortassis ea dictio coercenda est paululum, ut hic sit sensus; seminans semen. Talis igitur tum erit constructionis forma; Et germinet omne seminans semen, idest, generans, ac producens.

Cæterum hæ observationes Græcas editiones sectari videntur, quæ prorsus à nostra sunt discrepantes.

d. Germinet terra herbam virentem, et facientem semen: Ordinem præcepti insequitur ordo naturæ.

BASILIVS Hexæmeron Homilia quinta.

In stirpium ortu primum est germinatio, deinde ubi parumper germen emerfit, fit herba; post incrementis susce-

Anno Mūdi
primo.
Die tertia.

Germinet terra.

- a. Idest, virtutem germinandi accipiat.
- b. Germinet terra Solis ardore confota.
- c. Vel Germinet terra solo vnicoq; Dei verbo tanquam caussa agente.

tis susceptis virescens, fœnum euadit, stirpibus sensim sese explicantibus, atque ad edendum vsque, concoquendumque semen properantibus. Herbescunt enim omnes æquo discrimine, virescuntque stirpes.

AMBROSIVS Hexameron libro tertio, capite sexto.

Prima itaque germinatio est, quando nascentia videntur erumpere: deinde cum eruperit, & profecerit germen, fit herba: herba quoque vbi paululum processerit, fit fœnum. Quam utilis, quam vehemens vox.

PROCOPIVS Commentarijs in Genesis caput primum.

Quidam tradunt, quod primum in generatione eorum, que nascuntur, fit germinatio, ex germinatione in herbam, seu gramen fit progressus: gramen incrementum sumens fit fœnum: in hunc modum cunctis, que terra profert, paulatim sese perficientibus, & ad seminis maturitatem peruenientibus. Proinde sequutus est ordinem rerum, qui deinceps permansurus erat.

- a. Idest, virtutem germinandi accipiat.

GLOSSA Interlinearis.

Germinet terra, idest, potens sit germinar ab aquis liberata.

LYRANVS in Postillis.

Germinet, idest, virtutem germinandi accipiat.

HVG O Carenfis in Postillis.

Germinet, idest, germen, & germinandi à me potentiam suscipiat.

Primum quod nobis inuestigandum occurrit, id vnum est, quod mihi uidetur necessarium, & arduum; Nūm intelligendum sit germinasse terram sola verbi Dei virtute tanquam caussa agente, tūm proxima, tūm remota; an verò alicuius ope, & auxilio, vel etiam à seipsa.

- b. Germinet terra Solis ardore confota.

STEVCHVS in Cosmopœia singularem hanc detulit sententiam.

Prima die, quam fecit Sol creatus, quedam facta est aquarum resolutio, secunda terra magis aruerunt, terra ex his arefactis, sed adhuc humentibus, omne genus stirpium exortum est. Quod habuit ordinem mirabilem, & prouidentia, & natura. Naturaliter enim, quia prudentissime parata, & prouisa fuerant, sequebantur.

- c. Vel, Germinet terra solo vnicoq; Dei verbo tanquam caussa agente.

Patres omnes in hanc secundam proficiscuntur interpretationem, vnicoque Dei verbo non modo primam plantarum pullulationem, sed perennem quam habet terra fecunditatem ascribunt.

BASILIVS Hexameron Homilia quinta.

Terra excusso iam à se, ac posito aquæ pondere, vt interquieuit aliquantum, & liberior respirauit, ordine nature consentaneo edictum accepit, quo iubebatur germinare herbam quidem primum, dein lignum, id quod vel in hunc cernimus fieri diem. Illa enim reddita tunc vox, primum illud præceptum, veluti lex nature præstat. Et institutum, impressum insculptumque telluri, facultatem ipsi generandi, fructusque ferendi præstat. Et post. Ex seipsa terra nulla prorsus aliena egens ope, abundè diffundat herbescentem viriditatem. Et quoniam sunt, qui Solem omnium eorum, que à terra pullulant, esse causam arbitrantur, è profundo telluris vim germinandi per caloris attractionem ad superficiem elicientem, ideo terræ dispositio creationem antegressa est Solis, vt & adorare Solem tanquam viuendi causam homines ij desinant, qui eo in errore versantur. Si igitur persuasum fuerit ipsis, ante Solis creationem, terram omnem habuisse suam dispositionem, tam immoderata de

tam de Sole conceptam admirationem tandem remittent, mox ut secum expenderint, feno ac herba posteriori Solis esse generationem. Et Post. Animaduertas velim hac voce parua, præceptoque adeo breui, terram ipsam per se frigescentem ac infæcundam, parturientem protinus, atque ad edendos fructus promotam & ad properantem: & perinde atque amictu mæsto lugubrique deiecto, splendidiore veste sese induentem, ornamentisque proprijs exultantem, ac infinita Stirpium genera procreantem.

AMBROSIUS Hexæmeron libro tertio, capite sexto.

A M B R O S I V S Hexæmeron libro tertio, capite sexto.
Audiamus verba veritatis, quorum series salus est audientium. Prima enim illa vox Dei singulis creaturis impertita gignendis, lex nature est, quæ terris in omne ævum remansit futura successionis datura præscriptum, quemadmodum vel generandi vel fructificandi in reliquum vsus adolesceret. Prima itaque germinatio est, quando nascentia videntur erumpere: deinde cum eruperit & profecerit germen, fit herba: herba quoque, ubi paululum procefferit, fit fœnum. Quàm vilis, quàm vehemens vox: Germinet terra herbarum fœni, hoc est, ipsa per se germinet terra, nullum alterius quærat auxilium, non cuiusquam indigeat ministerio. Solent enim plerique dicere: nisi clementior Solis calor tepescerit terras, & quodammodo radijs suis fouerit, non potest germinare terra: & propterea gentes diuinum honorem deputant Soli, quod virtute caloris sui terrarum penetret sinus, sparsaque foueat semina, vel rigentes gelu venas arborum relaxet. Audi ergo Deum velut hanc vocem emittentem: Conticescat ineptus sermo hominum qui futurus est, facessat vanitas opinio. Antequam Solis fiat luminare, herba nascatur: antiquior eius sit prærogativa quàm Solis. Ne error hominum conualescat, germinet prius terra quàm solus Solis accipiat. Sciant omnes Solem auctorem non esse nascentium. Dei clementia terram relaxat, Dei indulgentia prorumpere facit fructus. Quomodo Sol viuendi vsus ministrat oriundis, quando illa prius diuinæ operationis viuificatione sunt edita, quàm Sol in hos viuendi vsus ueniret? Iunior est herbis, iunior fœno.

CHRYSOSTOMVS Homilia quinta in Genesim.

Hic animaduerte dilectè, quomodo verbo Domini omnia facta sunt super terram . Non enim erat homo qui operaretur, non aratrium, non bouum cooperatio, non aliud eiusmodi studium : sed solum audiuit præceptum, & statim, quod suum erat, fecit . Ex quo discimus, quodd etiam nunc, neque cura, neque labor agricolarum, neque alia in colendis agris ærumne fructuum nobis prouentus concedunt : sed præ his omnibus verbum Dei, quodd ab initio ad terram factum est . Quin & futuram hominum ingratitude[m] taxans diuina Scriptura, ut diligenter omnia, ita etiam nobis factorum ordinem narrat, ut compescat deliramenta & nugacitates eorum, qui ligenter omnia, ita etiam nobis figmentorum commentantur, & dicere audent, quodd Solis cooperatione ad fructuum proueniant vanitates suor[um] figmentorum commentantur, & dicere audent, quodd Solis cooperatione ad fructuum prouentum opus sit . Sunt & alij, qui hæc aliquibus astris ascribere nituntur . Propterea docet nos Spiritus Sanctus, quodd ante formationem horum elementorum, sermoni & præcepto Dei obtemperans tellus omnia semina ediderit, nullo alio ad cooperationem opus habens . Satis enim sufficiebat ei pro omnibus verbum illud Dei, quodd dicebat ; Germinet terra herbam feni . Quocirca diuine Scripture vestigia sequamur, neque feramus eos, qui aduersa illis temerè blaterant . Etiam si homines terram operentur, & iumentorum auxilio fruuntur , & magnam terre curam habeant, & magna sit Cæli temperies, & omnia alia concurrant, nisi nutus Domini accedat, omnia alia frustra & in vanum fierent, & nihil proficeret omnis labor, & desudatio , nisi manus Domini supernè adiunxerat, & perfectionem his, quæ fiunt, tribueret.

PROCOPIVS Commentarijs in Genesis caput primum.

PROCOPIVS Commentarijs in Genelis caput primum.
 Germinet terra (inquit) nulla alterius ope indiga. Deus iussit terram vesti herbas & plantis ante crea-
 tionem Solis, sed ea de causa, ne quis Solem, eius effectum considerans, in Deorum numerum referat, religione-
 que colat. Herbae & plantulae antiquiores sunt, licet vulgò receptum sit, ut credamus istas vi calida Solis
 ex profundo in telluris superficiem euocari.

D. THOMAS prima parte quæstione septuagesimaprima, articulo primo, Scholastica decisione, uices agentis in productione animantium Dei verbum peregrinasse clare obtestatur, elementa uero extasse materialia, vt ait, principia.

In prima autem rerum institutione fuit principium actiuum verbum Dei, quod ex materia elementari produxit animalia, vel in actu secundum alios Sanctos, vel virtute secundum Augustinum: non quod aqua aut terra habeat in se virtutem producendi omnia animalia, vt Auicenna posuit; sed quia hoc ipsum, quod ex materia elementari, virtute seminis vel stellarum, possunt animalia produci, est ex virtute primitus elementis data.

Quod pariter de pullulatione plantarum est intelligendum.

LYRANS in Postillis.

Hoc intelligitur passive, quia virtute divina actiue terra protulit.

LIPPOMANVS in hanc piam proficiscitur & ipse sententiam, quæ perennem telluris fecunditatem Dei imperio asciscit.

nem telluris fecunditatem Dei imperio asciscit.
 Iussu igitur, & voluntate Dei germinat terra, non proprijs, & quasi suis viribus, quando, quomodo, & quā-
 tum vult Dominus. Miraculofo quodam opere semen proferendo, quo reuiviscat absumptum in vsus huma-
 nos, H h h h h

Anno Mūdi
primo.
Die tertia.

Germinet terra.

a. Germinet Terra, ipsa vices agente etiam actiue causse, virtute præstita sibi à Deo.

nos, arbores quoque fructus suos proferentes victui animalium atque hominum. Ideoque non rerum nature tribuamus bona, quibus in hoc Mundo fruimur, sed nature domino, & conditori, à quo tanquam à prima causa pendet, quicquid naturaliter produci cernitur. Ipse est enim qui fruges multiplicat, ipse famem, grandines, pruina, & alia incommoda terre nascentibus suo arbitrio immittit, & abigit.

a. Germinet Terra ipsa vices agente etiam actiue causse virtute præstita sibi à Deo.

CAIETANVS in primum caput Genesis.

Manifestè enim per hoc significatur, quòd ipsa terra generauit vegetabilia: vt intelligamus, quòd Deus non produxit immediatè vegetabilia, sed mediante terra: non tamen in tempore; sed virtute diuina in eodem instanti suscepit terra virtutem productiuam, & productionem cum effectu productò: ita quòd quicquid vegetabilium produxisset naturaliter terra in spatio vnus anni, seu multorum annorum (vt diuersa vegetabilia exigunt ad sui perfectionem) produxit tunc terra virtute diuina in instanti.

BVRGENSIS in Additione quinta Caietano assentit, inuehendi in Lyranum fortè libidine pulsus.

Ex hoc quòd diuina virtute terra protulit herbam, non tollitur quin terra actiue protulit prædicta. Vnde Augustinus in hoc loco, causaliter dictum est produxisse terram herbam & lignum, idest, producendi accipisse virtutem.

A V C T O R.

Steuci sententia refellitur.

An terra in germinatione plantarum passiuè tantum concurrat.

Verbum Dei tantum, causæ agentis vices peregit.

Steuci assertio, qui singulari quodam arbitratu, à doctrina Patrum abscedens, Aegyptiacæ Philosophiæ accedit, quæ cuncta, Sole aquas exiccante, & terram fouere, effecta tradit, prout Diodorus Siculus memorat, & à nobis iam supra enarratum est, meritò repudianda est, ac prorsus eliminanda. Axioma enim clarissimum, exploratissimūque in Patrum placitis cernitur, Deum solo verbo, nec creaturæ ullius ope, Mundum compègisse. Verum, num terra protulerit plantas passiuè tantum (vt verbis vtat in scholis vltatis) nū actiue etiam, virtute tamen sibi impertita à Deo, lis est meo iudicio, vt aūt, de vellere caprino. Ad naturalem siquidem pullulationem germinum, caussa exquiritur, efficiens, remota quidem Sol, proxima vero semen; exquiritur & patiens materies, & tempus, cuius lapsu natura gignat, & operetur. In hac vero primæua plantarū proliferatione terram vt materiæ concurrisset, nulli dubium est. Verbum seu Dei virtutē, vel ex se agentis causse vices egisse, vel id Terræ præstitisse, vt ipsa agere potuerit, id ipsum esse mihi visum est. Singulare siquidem, & conforme est miraculum, quòd Dei verbum, uel à se id egerit, vel terræ id agendi vires demandarit. Verum D. Thomæ tutior mihi apparet sententia, qui agentis causse vices Dei tantum verbo ascribit; Primum quòd Patrum præfatorum sententiæ, quanquam in vtranque partē rapi possint, magis tamen in hanc declinare videantur. Deinde quia efficientē vim terræ fuisse collatam incredibile ferè existimetur.

PEREIRVS id rectè adnotauit Commentarijs in Genesim libro primo, dicens.

Incredibile videtur, terram tantæ virtutis esse capacem, vt per virtutem vllam sibi inherentem subitò queat ex se proferre omnis generis arbores perfectas, omnesque terrestrium animalium species, quas ex terra sexto die generatas esse Scriptura confirmat. Quanquam hoc fortasse non aded impossibile, vel etiam improbabile videretur Theologis existimantibus quamlibet creaturam, vt instrumentum à Deo assumptum, actiue concurrere posse ad creationem cuiuscumque rei etiam spiritualis, etiam supernaturalis: sed id tamen non potest.

Herbam virentem ; & lignum &c.

- a. Herbas arboresque omnes , tam frugiferas & proficuas , quàm inutiles & noxias , exceptis tribulis , & spinis , Deus creauit .

test fieri sine maximo Dei miraculo , quod in prima rerum creatione non esset sine maxima causa , & necessitate admittendum .

Adijciam & hoc, quòd Caietani sententia Auicennæ ceterisque Philosophis, qui elementis etiam nunc vim actiuam attribuunt & perperam, magis fauere, applaudereque uideatur. Quod autem asserunt Patres, uirtutem eam in primordiis terræ impertitam, elargitamque, proferendi uidelicet germina in prodigiosa uarietate, nunc quoque eadem conferri, id probè intellectum uelim, in quantum Deus semper est princeps causa, nec secundæ, ut Sol & semina, quæ agentia sunt, & terra ipsa, quæ matrix est & altrix, quicquam sine ipso efficere possunt.

Herbam virentem ; & lignum &c.

Elegans, atque iucunda à Patribus excitatur, iactaturque difficultas: Num Deus noxias lethalesque herbas, infructuosas quoque; uti spinas & tribulos procreauit: An potius ipsæ post peccatum è terra maledicta emanarint. Siquidem Patres in utranque partem declinasse, ac deflexisse uisi sunt.

- a. Herbas arboresq, omnes , tam frugiferas & proficuas , quàm inutiles & noxias , exceptis tribulis et spinis ,
Deus creauit :

BASILIVS Hexameron Homilia quinta.

Et ecce cum his, quæ edules sunt, & nobis alendis opportuna, exortæ sunt mox ipsæ etiam exitiales herbe, venenosæque. Cum frumento cicuta, cum esculentis ceteris elleborus, aconitum, mandragora, atque papaueris succus.

De spinis autem ita scribit.

Verùm rosa tunc spinis carebat: postea verò pulchritudini floris adiunctæ sunt spinæ, ut nos voluptatis inde capiendæ oblectamento propinquo afficiamur dolore, recordatione delicti, causa cuius factum est, ut spinas, ut tribulos tellus huic addicta condemnationi nobis proferret.

Post peccatum igitur ortas esse spinas tribulosque; ex Basilij auctoritate asserendū est.

AMBROSIVS Hexameron libro tertio, capite nono.

Quid quòd cum utilibus etiam lethalia, & perniciofa generantur? Cum tritico conium, quod inter alimenta uitæ vitæ noxium reperitur, & nisi prænium fuerit, consuevit saluti nocere. Inter alia quoque nutrimenta uitæ helleborum deprehenditur. Aconita quoque fallunt frequenter, & decipiunt colligentem.

De spinis verò, capite vndecimo, inquit.

Surrexerat ante floribus immixta teneris sine spinis rosa, & pulcherrimus flos sine ulla fraude vernabat: postea spina sepsit gratiam floris, tanquam humane speculum præferens uitæ, quæ suauitatem perfunctorum suæ finitimis curarum stimulis sepe compungat. Vallata est enim elegantia uitæ nostræ, & quibusdam solitudinibus obseptæ, ut tristitia adiuncta sit gratiæ. Vnde cum unusquisque aut suauitate rationis, aut prosperioris cursus successibus gratulatur, meminisse culpæ eum conuenit, per quam nobis in Paradisi amantate floribus, spinæ mentis, animique sentes iure condemnationis adscripti sunt.

DAMASCENVS libro Orthodoxæ Fidei secundo, capite decimo.

In principio autem (Scriptura dicit) terra cooperiebatur ab aquis, & erat inculta, & absque ornatu, cum præcipiente Deo aquarum receptacula facta sunt. Et tunc montes extarunt, & diuino præcepto proprium terræ suscepit ornatum, omnigenis herbarum, & plantarum uarietatibus decorata: quibus indidit diuina inssio vegetatricem uirtutem, auatricem, altricem, & seminariam, siue similis propagatricem.

Anno Mūdi
primo.
Dietetia.

Herbam virentem.

- a. *Herbas tantum fructiferas, & salubres: nam propter peccatum spina, tribuli, lethalesque & infrugiferae plantae ortae sunt.*

De spinis verò ait.

Et spina post eius transgressionem iuxta Domini sententiam è terra pullulauit, post quam & oblectamento rosae spina coniuncta est, memoriam prauaricationis nobis renouans, propter quam spinas, & tribulos nobis proferre terra condemnata est.

PROCOPIVS Commentarijs in Genesis caput primum.

Significatur quoque omnia, ubi primum iussus diuinus contigerit, prodijisse: & singula vnà propriam quandam accepisse virtutem, qua ceu nota quadam peculiari signantur, & cognoscuntur.

De spinis verò.

Verum à primordio creationis rosa nullis spinis erat aspera: postea demum eius pulchritudini accesserunt asperi illi aculei, ut dum eius suauis odore fruimur & delectamur, appositam quoque sentiamus tristitiam, recordantes peccati, ob quod terra condemnatione prostrata est, ut nobis spinas, sentes, tribulosque pariat.

- a. *Herbas tantum fructiferas, & salubres: nam propter peccatum spina, tribuli, lethalesq, et infrugiferae plantae ortae sunt.*

Nonnulli non tantum spinas, sed cunctas infrugiferas, ac noxias herbas, non hoc tertio die, sed post Adae lapsum è terra prodijisse reputarunt.

D. AVGVSTINVS de Genesi contra Manichaeos libro primo, capite tertiodecimo, huius sententiae praecipuus assertor fuit.

Hic solent dicere: Si Deus iussit nasci de terra herbam pabuli, & lignum fructiferum, quis iussit nasci tantas herbas, vel spinosas, vel venenosas, quae ad pabulum non proficiunt, & tam multa ligna, quae nullum fructum ferunt? Quibus sic respondendum est, ut nulla indignis aperiantur mysteria, neque ostendatur in qua figura futurorum ista sic dicta sint. Ergo dicendum est, quod per peccatum hominis terra maledicta sit, ut spinas pareret: non ut ipsa penas sentiret, quae sine sensu est, sed ut peccati humani crimen semper hominibus ante oculos poneret, quo admonerentur aliquando auerti à peccatis, & ad Dei praecepta conuertere. Herbae autem venenosae ad penam, vel ad exercitationem mortalium creatae sunt: & hoc totum propter peccatum, quia mortales post peccatum facti sumus. Per infructuosas verò arbores insultatur hominibus, ut intelligant, quam sit erubescendum sine fructu bonorum operum esse in agro Dei, hoc est in Ecclesia: & timeant ne deserat eos Deus, quia & ipsi in agris suis infructuosas arbores deserunt, nec aliquam culturam eis adhibent. Ante peccatum ergo hominis non est scriptum, quod terra aliud protulerit nisi herbam pabuli, & ligna fructuosa: post peccatum autem videmus multa horrida & infructuosa de terra nasci, credo propter eam causam quā diximus. Sic enim dicitur ad primum hominem, posteaquam peccauit; Maledicta erit terra tibi in omnibus operibus tuis: in tristitia & gemitu edes ex ea omnibus diebus vitae tuae: spinas & tribulos eijcet tibi, & edes pabulum agri tui: in sudore vultus tui edes panem tuum, donec reuertaris in terram de qua sumptus es, quia terra es, & in terram ibis.

Alexander Halensis summae Theologiae parte secunda, quaestione quinquagesima-prima, membro tertio, prodita nunc ab Augustino à clausula: Ergo dicendum est, &c. ad eam usque: Sic enim dicitur, non mutato verbo desumpsit.

BEDA Expositione in Genesim.

Hic autem solent haeretici dicere: Si Deus iussit nasci herbas & ligna, quis iussit spinosa, vel infructuosa ligna? Certè ante peccatum hominis non est scriptum, quod terra protulerit illa in fructuosa, vel venenosa. Ergo maledicta terra per peccatum hominis, spinas, & tribulos germinat: non ut ipsam penam sentiret terra, germinans propter crimen humanum, sed ut in hoc semper haberent homines penam: herbae autem venenosae ad penam, vel ad exercitationem mortalium creatae sunt.

RVPERTVS Commentarijs in Genesim, libro primo, capite trigesimo.

In illo delitioso terrae loco, & caelis proximo, salubria cuncta sunt herbarum, siue lignorum semina: in hac autem

Herbam uirentem.

- b. Herbas arboresq̃e omnes, tam fructuosas quàm inutiles, tam proficuas quàm noxias, neque ipsis sentibus spinisve exceptis, hac die tertia protulit terra.
a. Fructuosas cunctas & utiles; quanquam ex ipsis nonnullæ infrugifera, & lethales propter peccatum euaserint.

autem terra, de qua sumptus, & in quam propter peccatum reiectus est homo, pleraque nascuntur eidem homini noxia. Nec mirum, maledicta enim (inquit) terra in opere tuo, cum operatus fueris eam, non dabit fructus suos, sed spinas & tribulos germinabit tibi. Si maledictionis est, spinas & tribulos germinare pun- gentes: quantò magis à maledicto est, asserre herbas, & succos occidentes? Nonne uide est homini super- fluam, & ad benedictionem, quæ in Paradiso data est, non pertinentem gignere sobolem, dicente mulieri Do- mino, Multiplicabo ærumnas tuas & conceptus tuos: inde & terræ eius accidisse credendum est, ut diffundat humores varios & noxios, non pertinentes ad hæc benedictionis verba, Germinet terra herbam uirentem?

a. Fructuosas cunctas et utiles: quanquam ex ipsis nonnullæ infru- gifera, et lethales propter peccatum euaserint.

Sententiam istorum recitat

P E T R V S Comestor, quanquam & suspicari uisus sit eas conditas post pec- catum ad utilitatem nobis imperfectam. Sic enim inquit capite octauo.

Ad hunc modum solet queri de herbis, & arboribus infructuosis, si etiam in illis diebus orta sint, cum Scriptura non memoret nisi herbas seminales, & arbores fructiferas quæ modò sunt. Potest dici, quia quæ modò infructuosa sunt, ante peccatum fecerunt fructum aliquem; post peccatum potius nascuntur homini ad laborem, quàm ad utilitatem.

A L B E R T V S Magnus primæ partis Summæ de quatuor coëqueuis quæ- stione duodecima, articulo tertiodecimo.

Dicendum, quod plantæ, quæ modò nociuæ sunt, non essent nociuæ, si homo non peccasset; nihilominus ta- men essent in suis figuris & humoribus, in quibus modo sunt, sed non nocerent, sicut nec ignis ureret, neque aqua suffocaret, si peccatum non esset, nihilominus tamen ignis esset calidus, & aqua humida.

b. Herbas arboresq̃e omnes, tam fructuosas quàm inutiles, tam proficuas quàm noxias, neque ipsis sentibus spinisve ex- ceptis, hac die tertia protulit terra.

A V G V S T I N V S de Genesi ad literam libro tertio, capite decimo- octauo, oppositam illi, quam supra retulimus, habuit sententiam; elegantesq̃; adiecit interpretationes loci illius; Spinæ, & tribulos germinabit tibi.

Et de spinis quidem & tribulis absoluta potest esse responsio, quia post peccatum dictum est homini de ter- ra; Spinæ & tribulos pariet tibi. Nec tamen facillè dicendum est, tunc capisse ista oriri ex terra. Fortassis enim quoniam in ipsis quoque generibus seminum multæ reperiuntur utilitates, poterant habere locum suum sine ulla pena hominis. Sed ut in agris, in quibus iam penaliter laborabat, etiam ista nascerentur, hoc ad cumulum pænæ ualere credi potest, cum possent alibi nasci, vel ad auinum pecorumque pastus, vel ad ipsorum hominum aliquos usus. Quanquam & ille sensus non abhorret ab his verbis, quo ita intelligitur dictum; Spi- nas, & tribulos pariet tibi: ut hæc etiam antea terra pariens, non tamen homini pareret ad laborem, sed cuiusque modi animalibus conuenientem cibum. Sunt enim quæ his generibus, & mollioribus, & aridioribus commodè suauiterque vescantur. Tunc autem cæperit ista homini parere ad ærumnosum negocium, cum post peccatum caput in terra laborare, non quòd alijs locis hæc antea nascerentur, & post in agris quos homo ad capiendas fruges coleret, sed ut prius, & postea in eisdem locis: prius tamen non homini, post autem homi- ni, ut hoc significetur quod additum est, Tibi: quia non est dictum, spinas & tribulos pariet, sed pariet tibi: scilicet, ut tibi iam ista nasci incipiant ad laborem, quæ ad pastum tantummodo alijs animalibus antea na- scebantur.

Et Dialogo quæstionum sexaginta quinque, quæstione trigesima octaua, quod ta- men

men volumen à Theologis Louanienfibus, vt D. Auguftino falfo afcriptum, refutatur. Cum Deus dixerit; Germinet terra herbam virentem, & afferentem fermen, & ligna fructifera: ligna infructuofa, vel fpinas, vel tribulos quando fecit? Simil omnia Deus fecit, dicente Scriptura; Qui vinit in aeternum, creauit omnia fimul. Nullatenus igitur dicenda funt infructuofa ligna, quæ alio modo hominibus afferunt adiumenta: quia & reuera, fi non inuenimus in eis aliquid ad edendum, inuenimus certè ad medicamentum, inuenimus ad adiutorium. Nam quantum vtilitatis inuenitur in eis, tu ipfe confidera. Proinde quia à fruendo dicitur fructus, & ab omni ligno poffumus habere aliquod adiutorium, iure nullum lignum dicimus infructuofum. Spina autem & tribulus, quæ tamen poftea creatum homini nafcuntur ad laborem, dicente Scriptura; Terra fpinas, & tribulos pariet tibi: tamen non efi dicendum tunc ea aboriri ex terra, quia iam erant vtique ad pafcus pecorum, vel volatilium facta, non ad augendam hominis penam producta.

Beda Quæftionibus in Genefim cunctam hanc narrationem mutuatur, & recitat, & Auguftino afcribit.

E V C H E R I V S Commentarijs in Genefim libro primo.

Germinet terra herbam virentem & facientem fermen, lignum pomiferum faciens fructum. Bene dicit, Herbam virentem, & lignum pomiferum. Terra arida & fructuofa, per peccatum hominis maledicta, produxit tribulos & fpinas. Vnde quæftio nafcitur: Quum Deus feptima die requieuerit ab omni opere fuo, quomodo hæc pofmodum condidit noua? Quamuis enim propter peccatum hominis hæc condita dicantur, nihil tamen pofmodum creatum efi nouum: quia non poftea peccatum hominis, quafi ad pœnam eius creatum fit aliud quod nouum: maxime dum in eundem locum non dicatur; Spinas & tribulos pariet terra: fed pariet tibi terra: quafi diceret; Incipiet tibi nafci ad laboris exitium, quod olim creatum efi ad pabulum iumentorum.

G L O S S A Ordinaria ex his Patribus, præcipuè ex Auguftino loco afferto. Queritur etiam de fpinis & tribulis, & quibusdam lignis infructuofis, cur vel quando creata funt? cum Deus dixerit; Germinet terra herbam &c. Sed fructus nomine quedam vtilitas fignatur. Multæ autem vtilitates funt manifestæ vel occultæ, omnium quæ terra radicitus alit. Poffumus autem abfolutè refpondere, & fpinas & tribulos poftea peccatum terram homini ad laborem peperiffe, non quod alibi antea nafcerentur, & poftea in agris quos homo coleret: fed prius & poftea in eisdem locis, prius tamen non homini fed poftea. Vnde pariet tibi, id efi, vt tibi nafci incipiant ad laborem, quæ ad pafcum tantummodo alijs animalibus antea nafcebantur.

A L B E R T V S prima parte Summæ, quæftione duodecima, articulo tertio.

Dicendum, quod plantæ, quæ modo nociuæ funt, non effent nociuæ fi homo non peccaffet; nihilominus tamen effent in fuis figuris & humoribus, in quibus modo funt, fed non nocerent, ficut nec ignis vreret, neque aqua fuffocaret, fi peccatum non effet, nihilominus tamen ignis effet calidus, & aqua humida.

D. T H O M A S prima parte, quæftione fexagefima nona, articulo fecundo, ad fecundum.

Dicendum, quod ante etiam illam maledictionem, spine & tribuli producti erant, vel virtute, vel actu: fed non erant producti homini in pœnam, vt fcilicet terra, quam propter cibum coleret, infructuofa quedam & noxia germinaret. Vnde dictum efi; Germinabit tibi.

A L E X A N D E R Halenfis Summa Theologiæ, parte fecunda, membro tertio.

Poffet autem dici, quod spine & habent incunditatem ratione florum & fructuum, & habent punctionem. Ratione ergo incunditatis & fructuositatis poffunt dici factæ in tertio die, & ita videtur dicere Damascenus. Ratione verò punctionis & infructuositatis, poftea peccatum fic funt conuerfæ.

D. B O N A V E N T U R A fecundo, diftinctione quartadecima. Ad illud quod obijcitur de fpinis, & tribulis; Dicendum, quod tunc productæ funt pro eo, quod perfecta fecunditas data efi terræ, & nulla herba efi tam vilis, quæ non fit alicuius vtilitatis, & virtutis: & ideo cum alijs virentibus herbis, & lignis fructiferis, intelligendum efi ifta produci, & Scriptura fub illorum generalitate comprehendit. Et quod obijcitur, quod generata funt in pœnam peccati; Dicendum, quod fpinam & tribulum generari, vbi feminatur frumentum, hoc efi in pœnam peccati, & ex maledictione terræ, quæ cum colitur vt det fructum, vnde homo fufientetur, potius producit, vnde homo crucietur. Quod autem in locis multis generetur spina & tribulus, hoc non efi pœna, fed natura.

Iudicium Auctoris.

Perplexam mihi vifa funt in difficultate hac Patrum placita. Nonnulli nanque nec fpinas tribulosve, nec noxia infrugiferaque germina ante peccatū Protoparentum producta fuiffe decernunt, ut Auguftinus & Rupertus. E regione alij cuncta hac die pullulaffe

lasse putarunt, ut ipse Augustinus alio loco, Eucherius, D. Thomas, Bonaventura, & Scholastici omnes. Nonnulli uerò discretionem facta, spinas, & tribulos post Adæ lapsum germinasse produnt; lethales uerò, & infrugiferas, cum cæteris fructuosis, & utilibus hac die tertia procreatas autumant, nempe Basilus, Ambrosius, Damascenus, Theodoretus. Alij tandem cuncta herbarum genera simul primum fuisse effecta putarunt, sed quædam peccato adeò deprauata, ut infrugifera reddita sint. Ego ut ratum, ac prorsus exploratum primo in loco id statuendum censeo: Deum summum opificem Mundum omni specierum numero in idæa sibi præscripto refertum protulisse, Vniuersum etenim absoluit Deus in numero, pondere, & mensura: Adæ uerò defectionem, & crimen non Vniuersi abolitionem, seu specierum quarundam deletionem, sed deteriorem tantummodo earum conditionem reddidisse. Ex quibus probabile esse arbitror, omne genus herbarum, olerum, & arborum, Dei unico imperio hac die ortum asseuerare, nec speciem, genusue ullum plantarum, tam steriliū quàm fœcundarū, consistere, quod è manu munificentissimi conditoris hac die tertia non profuerit.

Primo siquidem optima Vniuersi constitutio exigebat, ut Vniuersum ipsum in sui exordio cunctis sibi à Deo liberalissimè destinatis rerum generibus refertum & cumulatam (Deo ipso summo, ac sapientissimo opifice, affluenter illa & affatim elargiente) prodiret. Deinde, quia idem iudicium ferendum est de plantis, & de animalibus: atqui inter animantia noxia etiam & lethalia è manu Dei profecta non ignoramus. Quid nanque colubro, seu serpente uirulentius? quid homini hostilius? attamen Scriptura sacra testante serpens ipse ante peccatum adfuit, atq; prima generis nostri parens cum eo colloquium miscere non expauit. Num autem fuerit ille serpens irrationale animal, ut inficiantur plures, & præcipuè Caietanus, suo loco perpendemus. Sed quid ad Mosis testificationem, diuinamque sententiam elidendam asserere poterimus? Deus enim in Protoplastum tristem damnationis sententiam ferens inquit: Maledicta terra in opere tuo spinas, & tribulos germinabit tibi. Verum Augustinus, ut iam audiui-mus, duas detulit loci huius interpretationes. Alteram, Maledicta terra in opere tuo, spinas, & tribulos germinabit tibi; hoc est, in agris, in quibus pœnaliter laborabis, etiã ista ad cumulum pœnæ tuæ nascentur, cum alibi nasci deberent. Alteram, Spinæ & tribulos germinabit tibi; hoc est, nasci incipient tibi ad laborem, & magnum tibi negotium facessent, quæ ante ad escam animantium, & iucunditatem tuam proficiebant. Et propter hoc dictum est non simpliciter, Spinæ, & tribulos pariet, sed pariet tibi, id est ad tuum laborem, & in tuam perniciem. Et hanc etiam D. Thomas prosequutus est. Interpretantur alij; spinas, & tribulos germinabit tibi; hoc est, ad sentes rubosque gignendos terra paratior, promptiorque fiet, ut passim ingentem ipsorum copiam præstet. Quasi terræ maledictio hæc fuerit, ut quæ prius utiles, fructuosasque plantas absque hominis studio copiosè proferebat, noxias uerò & infructuosas parcius, accedente peccato, & has ingenti copia spontè gignere, & illas non nisi diuturno hominis labore sterilius germinare cœperit: tametsi (quantum ad spinas spectat) cum Patribus Basilio, Ambrosio, & Damasceno asseuerare possemus, eas post peccatum circa rosas emeruisse, cum id non recentis sit generis emolitio, nec iam cōditi abolitio, sed parua quædam superaddita rosas conspectio, quod sine Vniuersi (quantum ad numerum, pondus, & mensuram pertinet) alteratione fieri poterat, ut uidelicet, perpetuum forent culpæ illius primæ uæ monumentum, pariterque ærumnarum, quibus nostra hæc mæsta & acerba uita, tanquam rosæ spinis, semper obsepitur, clarissimum speculum cernerentur. Postrema sententia, quæ herbas, & arbores ante peccatum fœcundas, postea uerò steriles effectas fuisse tradit, uti singularis est, & nupera, ita exiguum auctoritatis sibi uendicare potest.

Herbas, arboresq; etiam lethales, & inutiles, egregijs de causis.

Indagandum est nobis modò cum Patribus, ut quid Deus herbas, arboresque haud proficuas, & salubres, sed inutiles, & noxias creauit. Colligunt siquidem Patres hincinde consimul plures causas, sed, ut mei est instituti, ad sua capita eorum narrationes reuocare, atque accommodare contendam.

Ad

Herbæ omnes etiã noxiæ & infrugiferae tertia die emerunt.

Commen. in Gen. cap. 3. Gen. 3.

Interpretatio loci illius; Maledicta terra, spinas, & tribulos germinabit tibi.

Spinæ circa rosas post peccatum emerunt.

Anno Mūdi
primo.
Die tertia.

Herbam virentem.

Herbas etiam lethales & inutiles.

- a. *Ad complementum Vniuersi.*
- b. *Quòd in Mundo forent fructuosa mala mixta bonis.*
- c. *Vt homo eas inuestigans, ingenium iudiciumque exerceret.*

a. *Ad complementum Vniuersi.*

A M B R O S I V S Hexameron libro tertio, capite nono.

Singula autem eorum, quæ generantur è terris, specialem quandam rationem habent, quæ pro virili portione complent vniuersæ plenitudinem creature.

A V G V S T I N V S de Genesi contra Manichæos libro primo, capite sextodecimo, cōtra Manichæos Dei prouidentiam lacerantes, quòd plura crearet Deus homini non necessaria, & perniciofa; exemplo eleganti id ad Vniuersi regimen, & completionem factum edisserit.

Sed cum ista dicunt, non intelligunt, quemadmodum omnia pulchra sunt conditori & artifice suo, qui omnibus vtitur ad gubernationem vniuersitatis, cui summa lege dominatur. Si enim in alicuius opificis officinam imperitus intrauerit, videt ibi multa instrumenta, quorum causas ignorat, & si multum est insipientis, superflua putat.

b. *Quòd in Mundo forent fructuosa mala mixta bonis.*

A M B R O S I V S loco asserto.

Sed fortè dicant aliqui; Quid quòd cum vtilibus etiam lethalia & perniciofa generantur? Cum tritico conium, quod inter alimenta vitæ noxium reperitur, & nisi præuisum fuerit, consuevit saluti nocere. Inter alia quoque nutrimenta vitæ helleborum deprehenditur. Aconita quoque fallunt frequenter, & decipiunt coligentem. Sed hoc ita est, ac si reprehendas terram, quia non omnes homines boni. Sed quod plus est, accipe quia non omnes boni Angeli in Cælo. Sol ipse præ nimio calore spicas torret, adurit autem gignentium prima exordia. Luna quoque viantibus iter demonstrat latronum prodit insidias. Num igitur dignum est, ut in his, quæ vtilia sunt, posthabentes conditoris gratiam confiteri, propter aliqua alimentorum noxia creatoris prospicientiæ derogemus?

c. *Vt homo eas inuestigans, ingenium iudiciumque exerceret.*

B A S I L I V S Hexameron Homilia quinta.

Et ecce cum his quæ edules sunt, & nobis alendis opportuna, exorte sunt mox ipse etiam exitiales herbe, venenoseque: cum frumento cicuta, cum esculentis ceteris helleborus, aconitum, mandragora, atque papaueris succus. Quid igitur? relinquant gratiarum actione, opifici, pro ijs quæ nobis vsui sunt, reddenda: pro ijs ipsum accusabimus, quæ nostræ vitæ aduersantur, officiantque? Illudnè tandem animaduertemus, quòd haud omnia ventris nostri gratia creata sunt? Sed alimenta quidem definita nobis in promptu adeo sunt, ut ab omnibus dignosci, facileque discerni possint: res autem singule, quæ fiunt, propriam quandam, peculiaremque rationem ad creaturam conferunt, atque suppleant. Non enim quia tibi tauri sanguis exitio est, ideo tantum sub lucem non edi, aut sanguine non esse præditum oportet, viribus cuius ad tot humana vita res, tantisque subministrandas egere videtur. Sed tibi quidem insita ratio, & per se familiaris satis facit ad eas res euitandas, quæ lethales, quæ venenose, quæ pestifere sunt. Nunquid enim oues quidem, atque capellæ vitare sciunt ea, quæ vitæ suæ nocent, solo sanè sensu noxia discernentes: tibi verò, cui ratio suffragatur & suppetit, cui medendi facultas, eorum, quibus vti commodè possis, notitiam subministrat, quem experientia eorum, qui te anteuertunt, docet vti noxia esse vitanda, difficile est, dic quæso, à venenosis rebus exitialibusque cauere?

A M B R O S I V S vbi supra.

Nam & id quod periculi est, per prouidentiam declinatur: & id quod salutis, per industriam non amittitur. An verò oues & capræ ea, quæ sibi noxia sunt, declinare didicerunt, & solo odore per quoddam naturæ ministerium, cum sint rationis expertes, rationem tamen euadendi periculi, vel tuende salutis agnoscent, noxiaque pariter, ac profutura distinguunt, ita ut plerunque cum armata venenis tela senserint, notas petere, herbas, atque his remedium vulneri dicantur adhibere? Cibus illis ergo medicina est, ut resiliere sagittas videant.

Herbam uirentem.

Herbas, arboresque etiam lethales, & inutiles.

a. Quod praebeant utilitatem in plures usus humanos.

deas è vulnere, & fugere venena, non serpere. Denique ceruis cibis venenum est. Coluber ceruum fugit, leonem interficit. Draco elephantem ligat, cuius ruina mors victoris est. Et ideo summè utrinque certatur, ille ut pedem alliget, in quo casus victi sibi nocere non possit, iste ne posteriore extremus pede, aut calle capiatur angusto, ubi vel ipse se non queat retorquere, & draconem graui proterere vestigio, vel sequentis elephantis auxilium non habeat. Ergo si irrationabilia animalia norunt, quibus sibi aut medicentur herbis, aut subsidijs opem afferant: homo nescit, cui rationabilis sensus innascitur? Aut tam alienus à vero est, ut quæ cuique apta sunt vsui minime deprehendat: aut ita nature ingratus bonis, ut quoniam taurini haustus sanguinis lethalis est homini, propterea putet laboriosum animal aut nasci non debuisse, aut sine sanguine debuisse generari, cuius virtus ad cultum agrorum utilis, aut ad vsum plaustrorum habilis, ad alimoniam suavis, diuerso munere fulcit agricolas, quibus Deus, si bona sua norint, donauit vniuersa dicens; Germinet terra herbam sœni, spirans semen secundum genus.

a. Quod praebeant utilitatem in plures usus humanos.

Edisserunt etiam Patres proficuas esse plâtas & arbores, etiam si adestum, & medicinalia non sint connata, cum ad plures alios usus humanos conferant, & præcipue ad domorum extructionem, ignis pabulum, & similia.

CHRYSOSTOMVS Homilia in Psalmum centesimum quadragessimum octauum.

Montes & infrugifera arbores, quamnam, inquit, putas utilitatem afferunt? Multam certè, & quæ nostram vitam valde continent. Nam & ad aedificia, montes & colles & ligna infructifera sunt nobis valde apta: & nisi ea nobis suppeterent, nihil vetaret, quominus nostrum genus interiret. Quemadmodum ergo cultis agris opus habemus ad hoc ut alamur: ita etiam lignis infrugiferis & lapidibus egemus ad hoc, ut domos aedificemus, & alia innumerabilia ex eis componamus.

AMBROSIVS Hexameron libro tertio, capite tertio decimo.

Sed quid ego in sola vite immoror, cum omnia arborum genera utilia sint, alia ad fructum nata, alia ad vsu data? Nam & quibus non est fructus vberior, tamen vsus preciosior est. Cedrus suspendendis tectorum apta culminibus, eo quod huiusmodi materies & procera sit spatijs, nec onerosa parietibus. Lacunaribus quoque, comendisque fastigijs habilis est cupressus. Unde & Ecclesia dicit in Canticis; Trabes domorum nostrarum cedrinae, lacunaria nostra cupressina: in his esse declarans decora sui ornamenta fastigijs, qui quasi trabes verticem Ecclesiae sua virtute sistineant, & fastigium eius exornent. Laurus & palma ad insigne victoriae. Lauro victorum capita coronantur, palma manus victricis ornatus est. Unde & Ecclesia ait; Dixi, ascendam in palmam, tenebo altitudines eius. Quæ eminentiam videns verbi, & sperans quod ad eius altitudinem possit ascendere, & scientiæ summam, dicit; Ascendam in palmam, ut omnia inferiora relinquant, & ad superiora contendat, ad brauium Christi, ut suaves eius fructus carpat, & gustet. Suavis enim virtutis est fructus. Populus quoque coronis arbor umbrosa victricibus, & salix lenta vitibus habilis vinciens, quid aliud mystice declarant, nisi esse bona Christi vincula, quæ nocere non soleant, vincula gratiæ, vincula charitatis, ut unusquisque suis vinculis gloriatur, sicut gloriabatur & Paulus dicens, Paulus vincetus Iesu Christi. His ligatus vinculis dicebat; Quis nos separabit à charitate Christi? Vinculis abstinentiæ, vinculis charitatis. His ligatus vinculis etiam David ait; In salicibus in medio eius suspendimus organa nostra. Buxus quoque elementorum apicibus utilis exprimendis, leui materia vsu puerilis manus informat. Unde ait Scriptura; Scribe in buxo. Simul ut admoneat te ipsa materia quæ semper viret, nec vnquam folijs exuitur suis, ne vnquam spei tuæ dissimulatione nuderis, sed semper tibi per fidem germinet spes salutis.

Animaduertas Ambrosium cumulate docere, infrugiferas arbores non tantum ad vsu conferre rerum earum, quæ corpori suppetias impertiantur, sed multum prodesse menti, spirituique, pro Scripturarum contemplatione, & pro vitæ monumentis, & virtutum exercitatione.

Cant. 7.

Ad Philem.
Rom. 8.
Psalm. 136.
Isa. 39.

Anno Mūdi
primo.
Die tertia.

Herbam uirentem.

Herbas, arboresque etiam lethales, & inutiles.

- a. Quod si non homini ad esum profint, saltem animantibus pabulum præsent.
b. Quod multum conferant ad propellenda plurima morborum genera.

AUGUSTINVS Dialogo ad Orosium Quæstionum sexagintaquinque, quæstione trigesima octaua.

Nullatenus igitur dicenda sunt infructuosa ligna, quæ aliquo modo hominibus asserunt adiumenta, quia & reuera si non inuenimus in eis aliquid ad edendum, inuenimus certè ad medicamentum, inuenimus ad adiutorium. Nam quantum utilitatis inueniatur in eis, tu ipse considera. Proinde quia à fruendo dicitur fructus, & ab omni ligno possumus habere aliquod adiutorium, iure nullum lignum dicimus infructuosum.

Beda Quæstionibus in Genesim, citato Augustino, hæc ea ipsa repetit.

- a. Quod si non homini profint ad esum, saltem animantibus pabulum præsent.

BASILIVS Hexæmeron Homilia quinta.

Aut enim nonnullis animalibus expertibus rationis sunt pabulum, aut & nobis ipsis ex his in nonnullis morbis depellendis ab arte medendi remedia comperta præstantur. Nam cicutæ quidem sturni vescuntur, & tamen propter corporis constitutionem à veneno non occupantur. Cum enim pertenuis habeant ad corda penetrantes meatus, sit, ut antea deuoratam cicutam concoquant, quam inde lethale gelu ad præcordia peruenit: elleborus autem coturnicibus est cibus, nec ab eo peculiari quadam temperatione detrimenti quicquam percipiunt.

AMBROSIVS Hexæmeron libro tertio, capite nono.

Alia ergo esui, alia alij nascuntur vsui. Nihil vacat, nihil inane germinat terra. Quod tibi putas inutile, alijs utile est, imò ipsi tibi frequenter alio est vsu utile. Quod escam non adiuuat, medicinam suggerit: & sepe eadem, quæ tibi noxia sunt, auiibus aut feris innoxium ministrant pabulum. Denique sturni vescuntur conio, nec fraudi est eis, quoniam qualitate sui corporis venenum succi lethalis quadant. Frigida enim vis eius est succi, quam subtilibus poris in cordis sui sedem ducentibus, præcoci digestionem præueniunt, priusquam uitalia ipsa pertentet. Helleborum autem periti loquuntur escam esse & alimoniam coturnicium, eo quod naturali quodam temperamento sui corporis uim pabuli nocentis euitent.

THEODORETVS Quæstione tertiadecima in Genesim.

Qua de causâ Deus herbas non esculentas iussit germinare? Multa sunt animalium irrationalium genera, quædam fera, alia iumenta appellata, & nonnulla reptilia alia uolatilia. His igitur omnibus animalibus escam præparauit Deus, quæ etiam in usum hominum condidit, & statim eis propter nos pabulum dedit. Qui producit, inquit, scænum iumentis, & herbam seruituti hominum. Quod igitur huic inutile est alteri maxime congruit, & alia conueniunt hominibus.

Psal. 103.

- b. Quod multum conferant ad propellenda plurima morborum genera.

BASILIVS Homilia supra recensita.

Sunt hæc ipsa tempore opportuno nonnunquam etiam utilia nobis. Per mandragoram nanque medici somnum aduocant atque inuitant: succo uerò papaueris vehementes dolores corporis sedant. Quidam rabientem appetentiam esitando cicutam tabefecerunt, ac sensim extinxerunt, & helleboro non pauca, sed & diuturna corporis uitia radicitus extirparunt. Quibus efficitur, ut quod ueluti crimen in opificem asferre putabas, id in cumulum tibi gratiarum habendarum tandem agnosceas celsisse.

AMBROSIVS ubi supra.

Etenim si ratione medicinae plerumque ad salubritatem humani quoque corporis temperatur, cui uidetur esse contrarium: quanto magis proprietati nature ad cibum proficit, quod medica manu conuertitur ad salutem? Per mandragoram quoque somnus frequenter accersitur, ubi uigiliarum ægri affliguntur incommodo. Nam quid de opio loquar, quod etiam nobis quotidiano propè usu immotuit, quoniam dolores eo grauissimi sepe uiscerum

Herbam virentem.

Herbas, arboresque etiam lethales, & inutiles.

- a. Quòd sint ad pœnam, & exercitationem mortalium.
b. Vt nos admoneant, ne arbores infructuosæ euadamus.

scerum sopiuntur? Nec illud præterit, quod conio plerumque furores libidinum marcuerunt, & helleboro vetusta passiones egri corporis sunt solutæ. Non solum igitur nulla in his reprehensio creatoris, sed etiam incrementum est gratiarum. Siquidem quod ad periculum putabas esse generatum, ad remedia tibi salutis operatur.

THEODORETUS Quæstione in Genesim decimatertia.
Ad hæc prævidens Dominus, quòd homines in morbos prolaberentur, utpote qui sententiam mortis propter peccatum receperant, iussit terram herbas producere non tantum esui aptas, sed etiam morbis depellendis. Et hoc diligentius quis nosse poterit ab his, qui medicinæ artem exercuerunt, quòd hæc, quæ videntur esse venenosa, morborum remedia continent. Permixtæ enim alijs herbis morbi depulsiuæ sunt, & sanitatem procurant.

PROSPER Opusculo de Prouidentia Dei.

Quicquid in arboribus, quicquid variatur in herbis,
In laudem auctoris, certis subsistere caussis:
At quæ sola nocent, eadem collata mederi.

PROCOPIUS Commentarijs in Genesim.
Verum quidam obijciunt; Ergo iussus diuinus causa est, ut non solum bonæ & salubres subnascerentur herbe, verum ut plurimæ tum arbores cum herbe pullularent venenatæ & pestiferae. Respondemus; non sunt omnino noxiæ, verum vim medicam retinent, leso auxiliantur, ut videre in cicuta est, quæ prodest lepra infectis, in helleboro sanante ortycas, propter quandam naturalem vim & virtutem. Plurimum conducunt conseruationi huius vniuersi, quamuis damnose interdum parti alicui existimentur. Nam & bos utilis est ad agriculturam, interim sanguis eius venenum est. Interdum venena nobis maxime profunt, sicuti vorunt medicorum filij.

AUGUSTINUS Dialogo ad Orosium Quæstionum sexagintaquinque, quæstione trigesima octaua.

Nullatenus igitur dicenda sunt infructuosa ligna, quæ aliquo modo hominibus afferunt adiumenta, quia & re vera, si non inuenimus in eis aliquid ad edendum, inuenimus certè ad medicamentum, inuenimus ad adiutorium.

- a. Quòd sint ad pœnam, & exercitationem mortalium.

AUGUSTINUS de Genesi contra Manichæos libro primo, capite ter-tiodecimo.

Herbe autem venenose ad pœnam, vel ad exercitationem mortalium creatæ sunt: & hoc totum propter peccatum, quia mortales post peccatum facti sumus.

EUCHERIUS Commentarijs in Genesim libro primo, hanc non prætermisit causam, & duas ante dictas recenser.

Herbe autem venenose, quanquam ad pœnam, vel exitium mortalium sint creatæ, habent tamen ipse quædam remedia salubritatum: & quæ non præstant escam, medicinam ministrant: & quæ noxia sunt visibus hominum, innoxium præbent feris, & auibus pabulum.

BEDA Expositione in Genesim.

Herbe autem venenose ad pœnam, vel exercitationem mortalium creatæ sunt.

- b. Vt nos admoneant, ne arbores infructuosæ euadamus.

AUGUSTINUS loco nuper citato.

Per infructuosas verò arbores insultatur hominibus, ut intelligant, quàm sit erubescendum sine fructu bonorum operum esse in agro Dei, hoc est in Ecclesia: & timeant ne deserat eos Deus: quia & ipsi in agris suis infructuosas arbores deserunt, nec aliquam culturam eis adhibent.

Anno Mūdi
primo.
Die tertia.

Facientem semen.

a. Semen videlicet, siue externum, siue internum.

A V C T O R.

Causæ octo,
cur noxiæ her-
bæ conditæ
sint.

Isa. 30.

Luc. 13.

Colligamus retia. Quorsum Deus omnipotens herbarum arborumque mortifera, ac noxia genera inter plantas inseruit? Satisfaciunt Patres, causas octo, sicuti ex deductis catenis excerpere possumus, proferentes, quas iterum memorare non erit forsitan inconfutaneum. Primum, propter Vniuersi absolutionem: Cum enim Deus Mundum in numero, pondere, & mensura congesserit, species autem, teste Aristotele, sint sicut numeri, quorum uno sublato tota series intercitur; non potuisset Mundus vndeque absolutus censer, si plantarum etiam noxiarum aliqua defuisset. Deinde, quoniam Vniuersum consistere non bene potuisset sine boni & mali admixtione. Sicut nec omnes Angeli fuere boni in Caelo, & Sol, qui calore spicas torret, germina quandoque adurit. Luna, quæ viatoribus dux est, latronum quoque insidias detegit. Et Vniuersi decus exponit, ut perfecta imperfectarum rerum nexu magis emicent, & gratæ reddantur. Amplius, ut homo eas inuestigando ingenium iudiciumque exerceat: si enim rationis expertes animantes, quæ noxia sunt cauere à natura didicerunt: quanto plus homo, cui (ut dicebat Ambrosius) prouidentia ad salutem non deest? Rursum, quod si omnia germina in escam non sunt nata, ad alios usus attamen sunt data. Vnde Ambrosius Hexameron libro tertio, capite tertio decimo: Quibus non est fructus, inquit, vberior, tamen usus est pretiosior. Quare, inquit Ambrosius; Et Cedrus apta est ad suspendenda testorum culmina, quod pœra sit, & non onerosa; & Cupressus ad lacunaria, & Laurus ad insigne uictoriæ, & Salix ad uinciendum disincta, & Buxus ad characteres in eo exprimendos. Vnde Scriptura; Scribe super Buxum. Insper, si noxiæ herbæ nonnullæ, homini nec ad escam, nec ad usum aliquem profunt, animalibus saltem pabulum esse possunt, cum sturmi vescantur conio, & coturnices elleboro, ut deducebant Patres. Et pro sexta causa, quia ut plurimum si escam non suppeditant, medicinam suggerunt. Plurima enim herbarum genera ad propellendas varias morborum species plurimum valent. Nam Mandragora (inquirit Basilus, & Ambrosius) excitat agris uigilia prostratis somnum; Opio dolores internorum uiscerum grauissimi sopiuntur; Conio libidinum furores marcescunt, & Helleboro uetustæ ægri corporis passionibus soluantur. Utinam & homines uirrationabilia, quibus sibi medeantur, herbas agnoscerent. Adicias septimo loco ex Augustino, noxias inutilesque herbas ad pœnam & exercitationem facere mortaliū, nempe ut pœnas ex quotidianis peccatis meritis earum ministerio persoluant, & quasi ad pœnam eas sibi datas intelligentes, atque æquo animo perferentes patientiam nanciscantur. Tandem ultimo loco, ut ediscant homines, quantum e rubescendum sit sine fructu bonorum operum in agro Dei, hoc est in Ecclesia considerare. Paueantque, ne sicuti nos infructuosas segetes nulla cultura adhibita deferimus, & sæpe ad ignis pabulum recidimus; ita ipsi à Deo tandem deferantur, & sine cultura relinquantur, immo & excidantur, atque in ignem æternum proijciantur. Paueant, inquam, sententiam illam Domini dicentis; Succide illam, ut quid etiam terram occupat? Verum hæc postrema causa tropologica est existimanda.

a. Semen videlicet, siue externum, siue internum.

BASILIVS Hexameron Homilia quinta.

Cur omnia quæ nascuntur ex terra semen efficere Scriptura indicat, ubi non arundinem, non gramen,

Herbam uirentem, & lignum pomiferum.

a. Et his cuncta terræ germina complexus est.

men, non mentham, non crocum, non allium, non butomon, non denique vix cuique numeranda alia gemina plantarum semen efficere constat? Ad hoc sanè dicemus, complura nascentium è terra vim seminum in ipsa propagine, atque radicibus obtinere: quemadmodum arundo post annum incrementum ex radicibus quandam appendicem elicit, seminis rationem ad ortum futurum obtinentem. Idem & alia innumera faciunt, quæcumque per humum dispersa & vagantia in ipsis radicibus suam sobolem succedaneam habent. Quare re omni verius esse constat, singulis in stirpibus aut semen esse, aut quandam vim propagandi, perinde atque semen inesse.

Hucusque etiam Glossa Locupletata.

Prosequitur Basilius.

Atque id est sanè, quod dicitur; Iuxta genus suum. Non enim proiectura illa, siue appendix arundinis est effectrix oliuæ, sed ex arundine quidem arundo altera prodit: ex seminibus autem, ea quæ genus idem subeunt, quod & ipsa semina iacta gignere pullulareque solent. Atque id ita, quod è terra primo prodijt ortu, hucusque serie successionis genere persistente, conseruari videtur.

AMBROSIVS Hexameron libro tertio, capite octauo.

Sunt nascentia quæ radice germinant, vt arbores quæ non sunt sata, ex aliarum arborum radice nascuntur. In arundine videmus, quomodo in extremo eius velut quidam fit nodus è latere, & inde alia arundo germinat. Est ergo in radice vis quedam seminarij. Insitiua quoque in superioribus germinant. Alijs ergo à radice, alijs diuerso munere series successionis acquiritur. Inest enim nascentibus singulis aut semen, aut virtus aliqua seminaria, & ea secundum genus, vt quod nascitur ex ea, simile eorum quæ sata sunt, vel quorum de radice sit, germinet; De tritico triticum, de milio milium, de piro pirus albo flore prorumpit, castanea quoque surgit de radice castaneæ.

PROCOPIVS Commentarijs in Genesim capite primo.

Sed qua ratione ait de herbis; Seminans semen: & de arboribus; Lignum fructiferum, cuius semen in se. Scilicet cum neque calamus, neque agrostis (herba est quæ in morem hederæ serpit, & dilatatur) neque mentha, neque crocus, neque allium, nec butomum (herba est arundini similis, & in pabulo data bonis enecat) alieque herbarum species infinitæ semen asserere appareant? Præterea conspiciamus arbores plurimas, quæ neque fructus, neque semina apportant. Quibus in hunc modum respondemus; Multa, quæ alma fundit humus, in foliis, & radice vires habent, sicuti & calamus. Nam postquam excesserit anni tempus ex radice protrudit scutellum, qui seminis rationem retinet. Herbe, quæ humi serpunt, in radicibus sobolis successionem conseruant. Hinc elucet singulis inesse semen, aut vim quandam seminantem. Quod ad arbores steriles pertinet, sic habetote: alni, vlni, salices, populi que, etsi non in propatulo gerunt fructus, attamen folijs subiectus ramus (quem πυρρον vocant) seminis vim obtinet. Quæcumque enim ex ramis generari consueuerunt, plerumque inde promittunt radices. Præterea inter semina connumeranda sunt radicum appendices, quas plantatores defringunt, & in truncos arborum depangunt augentes arborum genus.

a. Ut his cuncta terræ germina complecteretur.

RVPERTVS Commentarijs in Genesim libro primo, capite trigesimo sexto.

Omnis herba & omne lignum primò bifariam diuiditur. Est enim herba solummodo uirens, vt fenum, quod producit terra inmentis. Et est herba semen suum asserens, vt triticum, uel apium, ceteræque species, quas producit seruituti hominum. Item est lignum nullum asserens fructum, sed solum semen suum, ut fagus, aut ilex, ceteraque ligna campi, & cedri libani, ubi iuxta Psalmistam, passeris nidificant: quæ arbores nequaquam propriè dici possunt. Et est lignum pomiferum, quod arborem dicimus, vt malus siue pyrus, vel quodcumque tale asserens fructum, & in fructu semen iuxta genus suum. Horum omnino nil Dei præceptum omittit in hac scriptura. Non enim dixit solummodo Herbam asserentem semen, sed & præmisit quod vniuersalius est, Herbam uirentem. Item, non dixit solummodo; Et produxit terra lignum pomiferum, & faciens fructum, sed addidit; Et asserens semen unumquodque in genere suo.

Anno Mūdi
primū.
Dietentia.

Herbam virentem, & lignum pomiferum.

- a. *Vt herba habens tantum semen, cibus esset humi reptantium; arbor verò faciens fructum & semen, hominis, & brutorum.*
 b. *Lignum pomiferum, hoc est, quoquomodo fructum reddens. Faciens fructum.*
 c. *Idest lignum fructus, quòd tam lignum quàm fructus ab initio eque saporosa essent.*

a. *Vt herba habens tantum semen, cibus esset humi reptantium; arbor verò faciens fructum & semen, hominis, et brutorum.*

STEUCHVS Cosmopœia in caput primum Geneseos.

Hæc clara & expressa traduntur apud Mosē, cibus animalium brutorū sēnum prius de terra, tūc arbores fructuum feraces producuntur. Nam tametsi nonnullis herbis homo, fructibus quibusdam bestie vescantur, proprius tamen cibus istius fructus arborum, illarum, id quod theologia proprio nomine dixit Eseb, idest fœnum, ut translulerunt Septuaginta. Et post. Cū de arboribus loquitur, duas ab eis res exigit, ut faciant fructus, ut habeant semen iuxta genus suum: cū verò de herbis, vnam tantum, ut habeant semen. Fructus ergo efflagitat ab herbis, sed eas vult esse cibum animalium humi reptantium, reddituras terræ semen, unde generis sui alie nascerentur. Fœnum igitur, veluti herba medica, idest τὸ πομαῖον iubetur nasci, quæ seipsa non fructu, ut arbores, animalia pasceret. Ac quod ait inferius; Ecce dedi vobis omnem herbam afferentem semen super terram, & uniuersa ligna, quæ habent in semetipsis sementem generis sui, promiscue de homine, & brutis animantibus loquitur, cibum eorum simul decernens: non quòd fœnum hominum escam præstaberet, quod explicat cū ait: Vt sint vobis in escam, & cunctis animantibus.

Sed admodum caligare Steuchus euincitur, cū homines audius herbis plerisque vesci, & animantes opiparè frugibus arborum victitare, experimentum quotidianum demonstraret, & patefaciat.

b. *Lignum pomiferum, hoc est, quoquomodo fructum reddens.*

LYRANVS in Postillis.

Et lignum pomiferum: per hoc lignum intelligitur omne lignum faciens fructum.

TOSTATVS Commentarijs in Genesim.

Et lignum pomiferum, idest lignum uel arbor faciens fructum. Dicitur pomum tribus modis: vno modo specialiter pro quodam fructu, qui uocatur malum, idest rotundum, quia ualde rotundum est: alio modo pro omni fructu non habente testam, sed teneram cutem, vel corticem, ut pyrum, pomum, cerasum &c. Et tunc distinguitur contra nucem, prout significat omnem fructum habentem testam duram, ut auellanam, amigdalam, nucem: tertio modo significat omnem fructum, & isto modo accipitur hic, quia uniuersaliter loquitur Scriptura de arboribus.

Faciens fructum.

c. *Idest lignum fructus, quòd tam lignum quàm fructus ab initio eque saporosa essent.*

TOSTATVS in Postillis, hanc licet vacillantem sententiam Iudæis attribuit, cū ait.

In hebreo habetur, Et lignum fructus; ex quo dicunt aliqui Iudæi, quòd à principio lignum, & fructus erant eiusdem saporis. Sed hoc falsum est, quia naturaliter repugnat, cū sapor consequatur digestionem humidi factam à calido temperato, lignum autem naturaliter, & necessario est durioris substantiæ quàm fructus. Ideo nec ita digeri potest, ut eundem habeat saporem. Nec ualet quod dicitur, quia infra tertio capite habetur simile, ubi nos dicimus, Chayn erat uir agricola, litera hebraica habet, Chayn erat uir agri, idest colens agrum. Sic ergo dicitur, lignum fructus, idest faciens fructum.

Faciens

Faciens fructum.

- a. Id de præstantioribus tantum dictum est.
- b. Quod si ad esum infrugifera plantæ non prosunt homini, plura tamen ipsi reddunt commoda, adeo ut fructuose dici queant.
- c. Quod utiles ad constituendas domos.
- d. Ad insignia Victoriæ.

a. Id de præstantioribus tantum dictum est.

BASILIVS Homilia sæpius recensita.

At quispiam dixerit; Insum est terræ lignum pomiferum edere faciens fructum super terram, cuius semen in semetipso sit: complures tamen arbores, neque fructum nos edere cernimus neque semen. Quid igitur dicemus? Primum quidem earum arborum Scripturam sacram præcipue mentionem fecisse, quæ natura sunt præstabiliores. Et Post. Prius tamen, ut diximus, earum Scriptura mentionem arborum fecit, quæ magis humanæ vitæ conseruandæ congruunt, quæque suis fructibus hominem benigne excipiendo, fuerant illi vitæ luculentiorum suppeditaturæ. Vitis quidem gignendo vinum, quo cor hominis exilarescit. Olea verò fructum eum præstando, qui faciem hilarem oliuo facere potest: ceteræque similis generis, quot prouendo concurrerant, quot properabant in idem, ea scilicet omnia procreante natura? Radix ipsius vitis, palmites circunquaque frondentes producti, superque terram multum diffusi. Germen, clauiculi, vna primum peracerba gestatur: deinde concocta maturaque ac suavis.

PROCOPIVS Commentarijs in Genesis caput primum.

Ceterum quæ nobiliores arbores erant natura, præ ignobilioribus nobiliorem quoque inuenere mentionem, ut quæ suis fructibus hominem essent adiuturæ, quod lautius viueret.

b. Quod si ad esum infrugifera plantæ non prosunt homini, plura tamen ipsi reddunt commoda, adeo ut fructuose dici queant.

Hanc interpretationem contingenter ita proferunt Patres, adeo tamen propria est, & genuina, ut eam omittere non possim. Recensebo igitur quasdam allatas nobis ab infrugiferis arboribus utilitates.

AUGUSTINVS de Genesi ad litteram lib. tertio, cap. decimo octauo.

Talis etiam quæstio de spinis & tribulis solet oboriri, & de quibusdam lignis in fructuosos, vel cur, vel quando creata sint, cum Deus dixerit; Producat terra herbam pabuli seminantem semen, & lignum fructiferum faciens fructum. Sed qui ita mouentur, non intelligunt saltem de vsu formulis humani iuris, quemadmodum appelletur vsus fructus. Utilitas enim quedam fruuentium in fructus nomine consideratur. Quante autem sint utilitates, siue manifestæ, siue occultæ omnium, quæ terra gignens radicitus alit, & ipsi quedam inueniuntur, & ab expertis cetera inquirent.

c. Quod utiles ad constituendas domos.

CHRYSOSTOMVS Homilia in Psalmum centesimum quadragessimum octauum, ut referebamur.

Quemadmodum ergo cultis agris opus habemus ad hoc ut alamur: ita etiam lignis infrugiferis, & lapidibus egemus ad hoc, ut domos ædificemus, & alia innumerabilia ex eis componamus.

AMBROSIVS Hexameron libro tertio, capite decimo tertio.

Omnia arborum genera utilia sunt, alia ad fructum nata, alia ad vsu data. Nam & quibus non est fructus vberior, tamen vsus pretiosior est. Cedrus suspendendis tectorum apta culminibus, eo quod huiusmodi materies & procera sit spatij, nec onerosa parietibus. Lacunaribus quoque, comendisque fastigijs habilis est cupressus.

d. Ad insignia Victoriæ.

AMBROSIVS ubi supra.

Laurus & palma ad insigne victoriæ. Lauro victorum capita coronantur, palma manus victricis ornatus est. Et Post. Populus quoque coronis arbor umbrosa victricibus.

Ad

Anno. Mudi
primo.
Die tertia.

Faciens fructum.

- | | | | |
|----|---------------------------------------|----|---------------------------------|
| a. | Ad vincendum. | e. | Quòd medicamentum esse possint. |
| b. | Pro imprimendis figuris. | f. | Quòd pabulum sint ignis. |
| c. | Ad præstandam umbram. | g. | Quòd terram exornent. |
| d. | Quòd folijs iumentis pabulū præstent. | h. | Ad extruendas naues. |
| | | i. | Ad plures vsus. |

- a. Ad vincendum. Ambrosius vbi supra.
Et salix lenta apta est vitibus vincendis.
- b. Pro imprimendis figuris. Ambrosius pariter vbi supra.
Buxus quoque elementorum apicibus utilis exprimendis, leui materia vsus puerilis manus informat.
- c. Ad præstandam umbram. Ambrosius libro tertio Hexameron, capite decimo sexto.
Simul vtrunque arbores germinarunt, aliud quo vresceretur, aliud quo refrigerante umbra defenderetur à Sole.
- d. Quòd folijs iumentis pabulum præstent. Theodoretus quaestione tertiadecima in Genesim.
Multa sunt animalium irrationalium genera, quædam fera, alia iumenta appellata: & nonnulla reptilia, alia volatilia. Igitur omnibus animalibus escam præparauit Deus, quæ etiam in vsus hominum condidit, statim eis propter nos pabulum dedit.
- e. Quòd medicamentum esse possint. Augustinus Dialogo ad Orosium quaestione trigesima octaua.
Nullatenus igitur dicenda sunt infructuosa ligna, quæ aliquo modo hominibus afferunt adiumenta: quia & genera, si non inuenimus in eis aliquid ad edendum, inuenimus certè ad medicamentum, inuenimus ad adiutorium.
- f. Quòd pabulum sint ignis. Hanc egregiam vtilitatem à lignis infructuosis nobis allatam, quanquam non memorent Patres, præstantissima tamen est, & ab omnibus agnita, quapropter præteriri non poterat.
- g. Quòd terram exornent. Et hæc quoque præ oculis est, nec hæsitandum, quàm admirando peplo (ut Chrysostomus ait) terræ faciem exornent.
- h. Ad extruendas naues. Neque hæc utilitas omittenda est, cum ex nauigatione, cuius nobis ex arboribus sit facultas, tot mortalibus commoda subministrantur.
- i. Ad plures vsus. Quis cunctas enumerare vnquam posset comoditates à lignis ad nos deriuatas, tum intra domum, tum extra, cum sedes, mensas, cubilia, & infinita alia prope commoda ex ipsis capiamus.

Iuxta genus suum, cuius semen sit in semetipso.

- a. Id est iuxta naturam suam specificam, ad eam propagandam.

AUGUSTINVS de Genesi imperfecto capite vndecimo.
Vt germinet terra herbam pabuli ferentem semen secundum genus suum, & similitudinem & lignum fructiferum faciens fructum, cuius semen sit in se secundum suam similitudinem. Quod de luce illa & firmamento & aquis & arida dictum non est: non enim habet lux successionis propaginem, aut Cælum de alio Cælo nascitur, aut terra, aut mare alia maria, & alias terras gignunt, quæ succedant. Hic ergo dicendum fuit ferentem semen secundum genus suum & similitudinem, & cuius semen sit in se secundum suam similitudinem, vbi similitudo nascentium prætereuntis similitudinem seruat.

EUCHERIUS Commentarijs in Genesim libro primo, capite quarto.
Iuxta genus suum. Vt esset nascentibus singulis virtus seminaria, & secundum genus eorum similia nascerentur, distincta similitudine, sicut origine.

GLOSSA interlinearis.

Iuxta

Iuxta genus suū, cuius semen fit in semetipso.

- a. Id est, iuxta naturam suam specificam, ad eam propagandam.
- b. Id dictum peculiariter de plantis, non de Cælo, & terra, quod illæ propagatione sint præditæ, ista vero careant.
- c. Ut in pluribus, quando non deficit natura, vel temporum opportunitas.

Iuxta genus suum. Cuius semen, id est, de quo similia propagentur. Et post, De tritico triticum, de legumine legumen.

T O S T A T V S Commentarijs in Genesim.

Faciens fructum iuxta genus suum, id est speciem suam, quia ligna diuersarum specierum; & ideo ex fructu diuerso poterimus cognoscere diuersitatem specificam. Et valet consequentia: Istæ arbores producant fructus diuersos, ergo sunt diuersarum specierum. Cuius semen in semetipso sit. Cum enim indiuiduum quodlibet in his inferioribus corruptibile sit, datur semen, ut quod in se perpetuari non potest, per generationem in simili perpetuetur. Et illud semen est in qualibet arbore intra se ipsam, ut ipsa à principio intrinseco sit potens se conseruare per generationem.

Hæc interpretatio, ut cunctis calculis accepta, & clara, maiorem à nobis non poscit indaginem & commentationem.

b. Id dictum peculiariter de plantis, non de Cælo, & terra, quod illæ propagatione sint præditæ, ista vero careant.

A V G V S T I N V S de Genesi imperfecto, capite undecimo.

Ut germinet terra herbam pabuli ferentem semen secundum genus suum & similitudinem: & lignum fructiferum faciens fructum, cuius semen sit in se secundum suam similitudinem. Quod de luce illa, & firmamento, & aquis, & arida dictum non est: non enim habet lux successionis propaginem, aut Cælum de alio Cælo nascitur, aut terra aut mare alia maria & alias terras gignunt, quæ succedant. Hic ergo dicendum fuit: Ferentem semen secundum genus suum & similitudinem, & cuius semen sit in se secundum suam similitudinem, ubi similitudo nascentium prætereuntis similitudinem seruat.

c. Ut in pluribus, quando non deficit natura, vel temporum opportunitas.

B A S I L I V S Hexæmeron Homilia quinta.

At quomodo terra, fortasse quispiam dixerit, semina nascentium secundum genus edit, quum sæpe tritico sparsa frumentum hoc atrum colligamus? At id ipsum non ad genus diuersum mutationem habet, sed quasi morbus quidam, ægritudoque seminis est. Non enim frumenti naturam amisit, sed in atrum colorem ob aduersionem est versum, ut ex appellatione quoque edoceri possis. Nam nimio rigore exustum in alium colorem, in aliumque saporem degenerauit. Adeo quoque ut si rursus in humum bene cultam idoneamque fuerit iactum, Cælumque clemens benignumque fuerit nactum, in suam pristinam illam formam qualitatemque redire ferunt. Quare nihil prorsus in stirpibus aliter inuenies fieri, quam imperium illud diuinum instituit. Nam id quod lolium appellatur, ceteraque adulterina semina, quæ sese cum esculentis miscere solent, quæque Scriptura sacra nuncupare zizania consuevit, non tritico mutato, sed ex origine sua principioque nascuntur, propriumque suum obinent genus.

A M B R O S I V S Hexæmeron libro tertio, capite decimo.

Sed forte quis dicat: Quomodo secundum genus terra profert semina, cum plerumque semina iacta degenerent, & cum bonum triticum fuerit seminatum, decolor eius species, & inferior forma reddatur? Sed hoc si quando accidit, non ad translationem generis, sed ad ægritudinem quandam, & inequalitatem seminis videtur esse referendum. Non enim desinit esse triticum, si aut frigore aduratur, aut imbre madidetur, sed specie magis quam genere, colore quoque & corruptione mutatur. Denique frequenter madidata frumenta in sui generis speciem reuertuntur, si aut Sole, aut ignibus torreantur, aut diligentibus commissa culturis, aeris temperie, terrarumque feracium vbertate foveantur. Itaque reparatur in sobole, quod degenerauerat in parente. Unde non periclitamur, ne præceptum illud Dei, cuius usus natura innoleuit, in reliquum successionis vitio destitutum sit, cum hodieque in seminibus generis sui sinceritas reseruetur. Nam lolium, & reliqua adulterina semina, quæ frugibus sæpe miscentur, zizania nuncupari Euangelij lectione cognouimus: sed ea pro-

Anno Mūdi
primo.
Die tertia.

Cuius semen in semetipso sit.

a. *Vel in radice, vel in ramis, vel in fructu.*

Super terram.

b. *Hoc est, circa terram, cum semen non feratur nisi circa terram, hoc est, vel parum supra, vel subter terram.*

primum quoddam genus habent, non ex tritici semine in aliud genus seminis decolori mutatione translata degenerem traxere naturam.

PROCOPIVS Commentarijs in Genesim caput primum.

Quod inquit; Secundum genus, &c. Siquidem singula semina suam reddunt speciem in fructibus, qui ex seminibus percipiuntur. Sin autem aliqua contigerit mutatio, scilicet, si frumenti, quod emergit ex humo, granum fuerit nigrum, non aliud genus est, sed quasi morbus quispiam, & infirmitas seminis esse putatur. Nigrum enim colorem traxit lesum iniqua vel aspera Caeli intemperie. Proinde dicitur, si bonum terram, siue vberem fuerit nactum, & temperans moderataque afflauerit ipsum aura, fore, ut ad antiquam redeat formam, eamque recipiat. Ceterum degeneres herbe & adulterine, quas Scriptura vocat lolium: necnon semina, que eadem Scriptura appellat rixania, non ex frumenti transformatione gignuntur, sed ex proprio quodam exorta sunt principio, peculiare habentia genus.

a. *Vel in radice, vel in ramis, vel in fructu.*

BASILIVS Hexameron Homilia quinta.

Iussu est terra lignum pomiferum edere faciens fructum super terram, cuius semen in semetipso sit: complures tamen arbores neque fructum nos edere cernimus, neque semen. Quid igitur dicemus? Primum quidem earum arborum Scripturam sacram precipue mentionem fecisse, que natura sunt preestabiles: deinde cunctas aut semen edere, aut ea que vim seminis, atque potentiam obtinent, exacte perspicere nullum fecit. Nam populi nigre, salices, vlni, populi albe, ceteraque id genus, fructum quidem aperte ferre nullum videntur: habent autem singule semen, si quis exacte scrutetur. Id enim granulum, quod ipsis frondibus subter inhaerescit, quodque nonnullis eorum, qui nominibus rebus imponendis operam navant, misibum placuit appellare: vim sane seminis obtinet. Iam quaecunque ab ipsis ramorum surculis oriri solent, inde magna ex parte radices eliciunt. Seminis etiam fortasse rationem obtinent, & appendices radicum siue propagines, quibus auulsis, studiosi inferendarum arborum locupletant genus & augent.

AMBROSIVS Hexameron libro tertio, capite decimosexto.

Et quia iussit Dominus, ut germinaret terra herbam feni, & lignum fructiferum faciens fructum, neque semen dum genus suum, cuius semen eius in eo: ne forte quis dicat in multis arboribus neque fructum, neque semen videri, & putet diuinum in aliquo vacillare preceptum, ut a veritate sit dubium: illud aduertat, quia nequaquam fieri potest, ut non aut seminibus vtantur vniuersa gignentia, aut habeant aliqua, que videantur cum virtute seminum conuenire. Idque, si quis diligenter intendat, manifesta testificatione poterit comprehendere. Nihil videntur seminis habere salices, habent tamen in folijs granum quoddam, quod habeat virtutem seminis, ut eo commisso terris, tanquam posito surgat arbor de surculo, & tanquam de semine se exuscitet grano. De grano itaque illo primum radix coalescit, de radice pullulat non solum salicis, sed etiam reliquarum ad similitudinem huiusmodi generis arborum sylua. Habent autem & radices virtutem seminis: vnde plerique ea satione incrementum sui memoris propagauerunt.

PROCOPIVS Commentarijs in Genesim caput primum.

Quod ad arbores steriles pertinet, sic habetote: alni, vlni, salices, populiq; , etsi non in propatulo gerunt fructus, attamen folijs subiectus ramus (quem *μυρδν* vocant) seminis vim obtinet. Quaecunque enim sunt radices generari consueverunt, plerumque inde promittunt radices. Præterea inter semina connumeranda sunt radicem appendices, quas plantatores defringunt, & in truncos arborum depangunt, augentes arborum genus.

D. THOMAS

prima parte, quaestione sexagesimanona, artic. secundo.

b. *Hoc est, circa terram, cum semen non feratur nisi circa terram, hoc est, vel parum supra, vel subter terram.*

TOSTATVS Commentarijs in Genesim.

Super terram. Aliqui intelligunt hic, quod semen cuiuslibet arboris est super terram, siue lignum, ita quod

Et factum est ita, & protulit.

- a. Vt ostendat terram mox Deo paruisse.
- b. Et factum est ita causaliter, & protulit actualiter.
- c. Id est, collatae sunt telluri vires productrices internè, & protulit externè.
- d. Tripliciter semper repetitur idipsum, ut monumentum, quod à creatrice Trinitate triplex esse confertur, in verbo, in substantia, in perseverantia.

quod in fructibus sint quaedam grana, quæ habent virtutem generatiuam in illa specie: sed hoc non est semper verum, quia aliqua ligna, vel arbores sunt, quarum virtus generatiua est in radicibus, quæ sunt infra terram, & non in alia parte: sed dicitur; Super terram, id est in terra, scilicet, quia virtus generatiua, vel seminalis non debebat adduci de Cælo, vel de infimis terre, siue de aliquo alio elemento.

Et factum est ita, & protulit.

Hebraicum sensum Chaldaica editio hoc loco interpretatur; Et fuit ita: quam versionem sectantur Rabbinus ut plurimum, Pagninus, Vatablus, Caietanus, & Hebraici idiomatis celebratores. E contra Græca, & Vulgata nostra vertit; Et factum est ita, quod & supra consultius dictum exponebamus, cum non tantum in efficiendis rebus ce-leritatem demonstret dictio, Factum est ita, sicut, Fuit ita, sed (quod opportunum cen-sebatur) factionem ipsam, seu conflationem expressius significet, & notificet.

- a. Vt ostendat terram mox Deo paruisse.

CHRYSOSTOMVS Homilia quinta in Genesim.
Quid est quod factum est ita? Precepit, inquit, Dominus, & statim terra suos partus maturans, ad germi-
nanda semina seipsam sollicitauit.

- b. Et factum est ita causaliter, & protulit actualiter.

GLOSSA Interlinearis ita superscribit.
Factum est ita: hoc est causaliter, & protulit actualiter.
Sed quid intelligat Glossa non bene percipio, nisi fortè consimul ad Dei verbum col-
latam esse terræ virtutem germinandi, & simul germinasse contendat.

- c. Id est, collatae sunt telluri vires productrices internè,
& protulit externè.

CAIETANVS Commentarijs in Genesim.
Et fuit ita: scilicet, quod terra habuit vires productiuas naturaliter vegetabilium. Et Post. Non ex-
plicatur per hæc verba id quod significatur per illa verba, Et fuit ita: quoniam illa verba, Et fuit ita, signifi-
cant terram ex interna vacuitate mutatam esse in plenitudinem virtutum internarum ad producendum vege-
tabilia: hæc autem verba; Et protulit terra &c. significant ex terrâ ablatam externam vacuitatem, ita quod ex-
terius plena est terra vegetabilibus.

Sed hallucinatur Caietanus, ut supra demonstrabamus, cum in hac primordiali re-
rum profilitione Deum efficientis causæ partes egisse, ex Patrum ferè omnium placi-
tis euicerimus.

- d. Tripliciter semper repetitur idipsum, ut monumentum, quod
à creatrice Trinitate triplex esse confertur, in verbo,
in substantia, in perseverantia.

RVPERTVS Commentarijs in Genesim libro primo, capite tri-
gesimoquinto.
Quia creatricis Trinitatis hæc sunt opera, bene testimonium suum sancta Scriptura ubique triplicat. Tria
KKKKK 2 nempe

Anno Mūdi
primo.
Die tertia.

Et factum est ita, & protulit.

a. Hic post factum est ita, adijcitur; Et protulit terra, quod de mari, & terra non adiectum est; eo quod illa immediate à Deo esse susceperint, hac mediante propagatione.

nempe dicta sunt, inò ter vnum idemque dictum est. Dixit Deus, cuius dixisse fecisse est. Factumque est ita, & protulit terra. Et primum quidem secundum vespere est, idest verbi Dei secretum, in quo vita erat: quicquid manet, idest substantiali rerum productione: factumque est aliud secundum hoc ipsum manet, tertium secundum diem continuum quomodocunque perseverantis creature. Hoc in cunctis sex dierum operibus invenies. Dixit Deus; Fiant luminaria, & factum est ita, & fecit Deus duo luminaria magna. Item; Producat aqua reptilia: creavitque Deus cetè grandia; Benedixitque illis Deus &c. Sed in creatione lucis dixit Deus; Fiat lux, & facta est lux, & diuisit lucem & tenebras. Vbi que tria consonant testimoniij verba, quia tota vbi que vespere, & mane, & toto die creatrix operatur Trinitas. Et hac est sancte, ac iuste legis originalis causa, qua scriptor idem sanxit, ut testibus plusquam tribus nulla iudicialis indigeat causa.

a. Hic post factum est ita, adijcitur; Et protulit terra, quod de mari, et terra non adiectum est; eo quod illa immediate à Deo esse susceperint, hac mediante propagatione.

AUGUSTINVS de Genesi imperfecto, capite vndecimo.

Et sic factum est. Deinde secundum superiorem regulam, postquam dictum est; Sic factum est, subiungitur ipsa executio. Et dedit terra herbam pabuli ferentem semen secundum genus suum, & lignum fructiferum faciens fructum, cuius semen in se secundum suam similitudinem. Et iterum dicit; Vidit Deus quia bonum est: itaque & vno die ista iunguntur, & iteratis Dei verbis distinguuntur ab invicem. Quod de terra & mari propterea puto non esse factum, quia magis harum rerum est discernenda natura, que cum oriuntur, & occidunt, seminis successione propagantur.

Augustini
& Ruperti
interpretatio
nes ingenio-
sæ.

D. Augustini interpretationem, alteramque Ruperti, ingeniosis tantum placituras puto: difficiles enim admodum sunt, sustolluntque mentem ad cōtemplationes vix eruditissimis, & præclari ingenij viris perspectas; quas quidem populus ille rudis, quibus hæc contexebatur historia, non attigisse arbitror. Quapropter omissa etiam Glossa interpretatione, ceu quæ ad Scholasticos terminos perficatur, plana & gratiosa Io. Chrysostomi nobis superest expositio.

Et protulit terra.

Editiones diuersæ huius loci eandem sectantur hebræarum vocum intelligentiam, quam supra vnaquæque suo Marte accommodatiorem diiudicauit. Ceterum eas refferre inutile non duxi, ut vna sit alteri paraphrasis & elucidatio. Hebraicam igitur lectionem sic transtulit Chaldaica Latinitate donata, ut in Biblijs Regijs: Et produxit terra germen herbæ, cuius filius sementis seminatur secundum genus suum, & arborem facientem fructus, cuius filius sementis in ipso secundum genus suum. Græca pariter Latine versa: Et protulit terra herbam fœni seminantem semen secundum genus, & secundum similitudinem, & lignum pomiferum faciens fructum, cuius semen eius in ipso secundum genus super terram. Vulgata nostra: Et protulit terra herbam virentem, & facientem semen iuxta genus suum; lignumque faciens fructum, & habens vnumquodque sementem secundum speciem suam. Pagninus & Vatablus: Produxit enim terra germen, herbam producentem semen iuxta speciem suam, & arborem facientem fructum, cui inerat semen suum iuxta speciem suam. Caietanus; Iuxta hebræum habetur: Et protulit terra germen herbam semificantem semen generi suo: & lignum faciens fructum, cuius semen eius in ipso generi suo. Lusitanus: Et protulit terra

Et protulit terra.

a. In præseminata potentia.

terra germen, herbam seminificantem semen in specie sua, & arborem facientem fructum, in qua semen eius fuit in specie sua. Observationes circa translationes istas nullæ mihi obuiæ fuere, nisi eæ ipsæ, quas supra sedulo, ut animaduertenda, peruigili indagine collegi.

Num Germina actu prodierint, Num præseminata potentia.

Exagitur inter Patres difficultas; Num plantæ, virentiæq; cuncta, præseminata sint in ipso terræ vtero, seu virtus collata impertitaque terræ fuerit ad ipsa proferenda: An potius effectum ista prodierint, consimul stipitibus, ramis, folijs, floribus, fructibusq; per onusta: quod est (ut dialecticè loquar,) An actu productæ fuerint à terra, an causaliter tantum. Hinc enim diuersæ pullulant huius loci interpretationes.

a. In præseminata potentia.

AUGUSTINVS huius opinionis primus est assertor, astipulator, fortissimusque propugnator pluribus in locis, sed præcipue de Genesi ad litteram libro quinto, capite quarto.

Causaliter ergo nunc dictum est produxisse terram herbam & lignum, idest producendi accepisse virtutem. In ea quippe iam tanquam in radicibus, ut ita dixerim, temporum facta erant, quæ per tempora futura erant: nam utique postea plantauit Deus Paradisum iuxta Orientem, & eiecit ibi de terra omne lignum speciosum ad aspectum, & bonum ad escam.

Et libro octauo, capite tertio.

Tunc tertio die, quo scriptum est germina produxisse terram, causaliter factum erat in terra: hoc est, quia tunc ea producendi virtutem latenter acceperat, qua virtute fit, ut etiam nunc talia progignat in manifesto, atque in tempore suo.

EVCHERIUS in Genesim libro primo, capite vndecimo.

In die quo fecit omne virgultum agri, antequam oriretur in terra, omnemque herbam regionis, priusquam germinaret. Quomodo herba & viridia agri antequam exorirentur condita sunt? Et si non erant exorta, quomodo erant facta? Nisi quia causaliter in illo die quando dictum est; Producat terra herbam virentem: tunc eam producendi accepit virtutem, & in ea tanquam in radicibus, ut ita dixerim, temporum facta erant, quæ per tempora futura erant.

D. THOMAS prima parte, quæstione sexagesimanona, articulo secundo, D. Augustini placita his prodit.

Sed tamen circa productionem plantarum, aliter opinatur Augustinus ab alijs. Alij enim expositores dicunt, quod plantæ productæ sunt actu in suis speciebus in hac tertia die, secundum quod superficies literæ sonat. Augustinus autem quinto super Genesim ad litteram dicit, quod causaliter tunc dictum est produxisse terram herbam & lignum, idest producendi accepisse virtutem. Et hoc quidem confirmat auctoritate Scripturæ: dicitur enim Genesim secundo; Istæ sunt generationes Cæli & Terræ, quando creatæ sunt in die quo Deus fecit Cælum & Terram, & omne virgultum agri antequam oriretur in terra: omnemq; herbam regionis priusquam germinaret. Ante ergo quam orirentur super terram, factæ sunt causaliter in terra. Confirmatur autem hoc etiam ratione: quia in illis primis diebus condidit Deus creaturam originaliter, vel causaliter, à quo opere postmodum requieuit: qui tamen postmodum secundum administrationem rerum conditarum, per opus propagationis usque requieuit. Producere autem plantas ex terra ad opus propagationis pertinet: non ergo in tertia die productæ sunt plantæ in actu, sed causaliter tantum.

Consentiunt Augustino omnes Patres, qui vnico momento, non sex dierum delapsu Mundi emolitionem peractam existimant. Euinci id putant asserti Doctores huius sententiæ

Anno Mūdi
primo.
Die tertia.

Et factum est ita, & protulit.

a. Et protulit terra herbam virentem, hoc est, repente perfectam & absolutam.

tentię astipulatores ex diuinis Scripturis, præcipue autem ex attestazione illa; Istę sunt generationes Cœli, & terrę, quando creatę sunt, in die qua fecit Dominus Cœlum & terram, & omne virgultum agri, antequam oriretur in terra, omnemq; herbam regionis, priusquam germinaret. Die igitur emolitionis Cœli & terrę, hoc est Mundi in præfeminata potentia, creatum est uirgultum in terra, antequam consueta pullulatione oriatur, hoc est, collata est facultas ipsi terrę ad omnem herbam proferendam, antequam ullam earum germinaret, quasi germinandi vis insederit terrę tēpore congestionis Mūdi, germinare autem inchoarit post Mundum absolutum, Sole irradiante ac Zephiro flante, elementisq; vigescentibus.

a. Et protulit terra herbam virentem, hoc est, repente perfectam & absolutam.

Ex aduersa acie Patres Doctoresque ferē omnes, qui sex diebus conditum Mūdu autumarunt, germina etiam hac die tertia conspicua floribus, fructibusq; conuulsa Dei mandato, & imperio ocyslime emeruisse opinantur, adeo vt terra illa, quę prius horrens & squalens iacuerat, hac die viridi veste, varijsq; contexta florum coloribus, a Deo fuerit ornata, & insignita. Luduntque mirifica eloquentia virescentem Mundum effingere. Præmittamus primū Poetas Ecclesiasticos.

TERTULLIANVS poemate inscripto Genesis.

Tertia lux faciem terrarum fulua retexit,
Arida mox posito narratur nomine terra;
Florea ventosis consurgunt germina campis,
Pomiferiq; simul procurant brachia rami.

ALCHIMVS Auitus libro primo de initio Mundi.

Pulchra repentino vestita est gramine tellus
Accepere genus sine germine iussa creari,
Et semen voluisse fuit: sic vberē verbi
Frondescunt syluę: teneris radicibus arbor
Durauit vastos paruo sub tempore ramos.

CLAVDIVS Marius Victor Commentarijs in Genesim libro primo.

Tertia lux tumidos stupuit discedere fluctus,
Cum Deus impulsis reliqui iam gurgitis undis,
Aëris magnum spatijs patefecit inane:
Arida tunc primū Mundi pars ima retractam
Ostendit faciem, tremefactaq; numine Verbi
Cerulea nudatas cinxerunt æquora terras.
Quas varios raptim iussas fructescere sætu,
Luxuriosa nouo texerunt germina limo.
Et rudis, & tenero prorumpens cespite letis
Iactauit se sylua comis, speciemque secundum
Edidit vna suam quęque arbor, & herba virescens
Et fructum & semen, vestitaque gramine terra est.

PROBA Falconia.

Postea iamque dies primo surgebat Eo,
Fudit humus flores, & frondes explicat omnes,
Sanguineisque inculta rubent auaritia baccis,
Non rastris hominum, non vlli obnoxia curę.

D R A C O N T I V S Hexameron libro primo.

*Promitur herba virens, & furculus omnis in auras,
Et semper vestita comis frondescet oliua.
Omnia poma virens profert, non parturit arbor
Linguae laurus honos, soluit donanda poetis.
Tetra per obliquos vitis in orbe corymbos.
Verberat & palmae calamos non ante flagello:
Vinea pampineos subarundinat ebria campos.*

Et Ecclesia Hymnos proferens, cum de tertia diei opere consuetas exoluit Condi-
tori laudes, canit.

Telluris ingens conditor,
Mundi solum qui eruens,
Pulsis aquae molestijs,
Terram dedisti immobilem.

Vt germen aptum proferens
Fulvis decora floribus,
Foecunda fructu sisteret,
Pastumque gratum redderet.

P H I L O de Mundi opificio, clarissime momento cuncta germina erupisse,
his tradit.

Eodem iussu & arborum species omnes sunt editae, nulla omissa vel initium vel sylvestrium: eaque omnia
fructibus suis abundabant in ipso statim ortu, secus quam hodie. Nunc enim singula gignuntur suis vicibus,
non simul omnia. Quis enim nescit primam esse sementem & plantationem, tum sequi incrementa satorum
plantarumque deorsum radices ceu fundamenta demittentium, sursum item altas stirpes attollentium. Deinde
frondes foliaque germinant: postremo fructus profertur, ac ne is quidem perfectus, sed varias subinde facies re-
cipiens, & nunc formam mutans, nunc magnitudinem. Nam primo tam minutus est, ut penè visum fugiat,
similis atomis corpusculis, quae non temerè vocari possunt prima sensibilia. Post haec paulatim accedente ali-
mento, quod rigat arborem, & afflatibus temperatis ac tepidis, aurisque mollibus nutricantibus augefcit, & ad
iustam magnitudinem peruenit: cum qua etiam qualitates variat, (ut dixi) Deus omnem stirpem syluam è ter-
tus coloribus. At in prima huius vniuersitatis generatione (ut dixi) Deus omnem stirpem syluam è ter-
ra produxit perfectam, fructibus non inchoatis, sed maturis refertam, sine dilatione inuitantem ad fruendum
assutura mox animalia. Terra verò ad illius iussu tanquam dudum praegrans & parturiens, parit omnes
satorum, arborum, atque fructuum inenarrabiles species: qui quidem fructus non solum in alimoniam facti sunt
animantibus, verum etiam in hoc preparati, ut in perpetuum propagaretur similium generatio, quippe qui con-
tinebant vim seminariam, obscuris & incertis rationibus insitam, quae se tandem proferret statis temporum
circuitibus. Voluit enim Deus naturam certis horarum spatijs decurrere, consulens immortalitati specierum, &
reddens eas aeternitatis participes. Quapropter inchoata perduxit ad finem properè, rursumque à fine refle-
xit ad initium: è plantis enim fit fructus tanquam è principio finis: & è fructu semen, intra se denuo plantam
continens, tanquam è fine principium.

I O S E P H libro primo de Antiquitatibus, capite primo.
Tertia die statuit terram, circa eam mare diffundens: ipsa verò die repente virens herba, & semen de ter-
ra sunt orta.

B A S I L I V S Hexameron Homilia quinta.
Temporis puncto nimirum à pullulatione initio sumpto, tellus, ut creatoris sui legibus imperijsque obtem-
peraret, per omnem accretionis formam discurret, germinaque protinus ad summum eorum statum deduxit,
atque prae alta continuo copia fani fuere. Campi verò fertiles inhorrescentes segetum densitate per-
inde atque mare, spicarum agitatione fluctuabant: omnis insuper herba, omne oleraceum genus, sarmen-
cium omne, denique quicquid usquam leguminaceum copiosissimum tum supra tellurem emicabat. Nullum
enim detrimentum in ijs, quae primum tunc emerfere, prorsus erat, aut agricolarum imperitia, aut aëris intem-
perie, aut alia vlla causa, quae nocere nascentibus solet. At neque etiam illa contra genus hominum allata
sententia tum impedimento telluris erat fertilitati. Haec enim illum hominis errorem, illud delictum ante-
ceperunt, gratia cuius nos condemnati sumus, ut in sudore nostri vultus vescamur pane. Quin & ait; Lignum
pomiferum faciens fructum, semen cuius in semetipso sit iuxta genus, & secundum similitudinem suam su-
per terram. Vi operatoria verbi istius sine vlla mora protinus syluae omnes densabantur, omnes arbores erum-
pebant: & quae petere Caelum altitudine solent abietes, cedri cupressi, piceae: omne item fruticum genus &
arbusculum comabatur, addensabatur. Quae rursus ad plectendas corollas faciunt, seu roseta, myrti, lauri
isthaec omnia prius cum non extitissent, momento super terram emicuere, cum sua arbores quaeque peculiari
proprietae, seiunctae quidem atque distinctae manifestis differentiis à reliquorum generum plantis: singula au-
tem proprijs insignite formis.

Et post sub finem Homiliae.
Germinet, inquit, terra lignum pomiferum, fructum faciens super terram. Et montium continuo vertices,
perinde atque comis, arboribus operiebantur, horti inexplicabili artificis solertia adornabantur. Annium ripae
locave

locare deuexa generibus stirpium innumeris sine ulla mora vestiebantur, ac decoram faciem ostentabant, quæ partim ad exornandam hominis mensam ordinata sunt, partim ad præstandam pecoribus, tum ex frondibus, tum ex frugibus alimoniam: partim ad ea subministranda, quibus medica solertia causa valetudinis reteretur, succos, lachrymas, carphe, cortices, fructus locupletissime tellus edebat: utque semel compendio, omnia quæ nobis experientia tandem diutina comperit, è singulis varijs diuersisque casibus, atque euentibus id eligendo semper, quod conducit, quodque frugi est, ea prouida sapientia, solersque Dei conditoris Mundi facultas inde ab initio præuisa creauit.

AMBROSIUS Hexameron libro tertio, capite octauo.

Et continuo parturiens terra nouos se fudit in partus, & induit se amictum viriditatis, gratiam fecunditatis assumpsit, diuersisque compta germinibus, proprios suscepit ornatus. Miramur, quod tam cito generauerit: quanto maiora miracula sunt, si species singula; quemadmodum vel iacta in terram semina resoluantur, ac nisi mortua fuerint, nullum fructum afferant: si vero fuerint quadam sui morte resoluta, in vberiores fructus resurgant.

Et post capite vndecimo.

Diximus de herba sæni, nunc dicamus de ligno fructuoso faciente fructum secundum genus, cuius semen eius in ipso sit. Dixit, & facta sunt: & subito ut supra floribus, herbarumque viriditatibus, ita hic nemoribus terra vestita est. Concurrerunt arbores, consurrexere syluæ, vertices repente montium fronduerunt: hinc pinus, hinc cupressus in alta se extulerunt cacumina, cedri, & piceæ conueniunt. Abies quoque non contenta terrenis radicibus, atque aërio vertice, etiam casus marinos tuto subitura remigio, nec solum ventis, sed etiam fluctibus certatura processit. Necnon & laurus assurgens odorem suum dedit, nunquam exuenda velamine. Umbrosæ quoque ilices verticem protulerunt, inhorrentem comam hybernis quoque temporibus seruaturæ. Hoc enim in singulis primum natura tenuit in reliquum, quod sub ictu Mundi surgentis accepit, & inde manet sua ilicibus prærogatiua, manet cupressibus, ut nulli venti eas crinis sui bonore despolient.

Et post capite decimosexto.

Quod si irriguis aquarum plerunque & segetes letiores sunt, & virides fabæ, & ortorum multiplex suscitatur, & resuscitatur gratia, si viridantibus thoris fluuiorum exundantium ripa decoratur: quemadmodum ad verbum Domini, quod omni aquarum cursu est redundantius, subito creatura virgultorum omnis effloruit? Festinarunt campi non commissam sibi frugem edere, ignorata orti olerum genera, florum miracula germinare, ripæ fluminum se vestire myrtetis: properauerunt arbores cito surgere, cito se flore induere, victum hominibus, pecori pabulum ministrare.

CHRYSOSTOMUS Homilia quinta in Genesim.

Quis non obstupefceret, ac admiraretur, cogitans quomodo verbum Domini, quod dicit; Germinet terra herbam sæni, in ipsa olera terræ descendat, & quasi admirabili quodam pepto, terræ faciem varijs floribus adornet? Videre potuisses subito terram, quæ antea informis, & inculta erat, decore suo, & ornatu quasi cum Cælo certare. Nam sicut Cælum paulo post ornandum erat astrorum varietate, ita & tellus florum multitudine varietate ornabatur, ita ut & opifex in laudem eius prorumperet. Etenim vidit, ait, Deus quod esset bonum.

CYRILLUS in Genesim libro primo.

Terra subinde detegebatur, & herbarum ita varia specie exornabatur, & iam more insueto arborum frugiferarum ortum adepta, consita pulcherrime extitit.

THEODORETUS Quæstionibus super Genesim, quæstione decima septima, quæsitans cur Deus non plantis, sed animalibus benedixerit, ait.

Deus pro nutu suo statim vniuersam terram repleuit pratis, segetibus, & alijs omnis generis herbis & arboribus: cætera vero animalia bina creauit.

DAMASCENUS Orthodoxæ Fidei libro secundo, capite decimo, clarissime id explicauit.

In principio autem (Scriptura dicit) terra cooperiebatur ab aquis, & erat inculta & absque ornatu, cum præcipiente Deo, aquarum receptacula facta sunt. Et tunc montes extarunt, & diuino præcepto proprium terra suscepit ornatum, omnigenis herbarum, & plantarum varietatibus decorata: quibus induit diuinus iussio vegetatricem virtutem, auctricem, altricem, & seminariam, suæ similis propagatricem.

IVNILIUS in Hexameron inquit.

Ad vnâ conditoris iussione, terra, quæ arida apparebat, repente herbis compta, & nemoribus est vestita florentibus: atque hæc continuo sui quæque generis poma ex sese, ac semina producere. Oportebat enim ut forma quæque rerum ad imperium Domini primò perfectâ procederet, quomodo & homo in se, propter quem omnia facta sunt, in terra perfectâ, hoc est, iuuenilis ætatis, plasmatus esse credendus est.

Et factum est ita, & protulit.

a. Protulit terra actu quidem, sed non simul, quod plantæ ante arbores emerferint.

Glossa Ordinaria Iunilij sententiam & verba ferè mutuauit.

GREGORIUS Magnus Expositione in Iob libro decimo nono, capite duodecimo.

Hoc quod testatur historia, sic est veraciter factum, ut significaret faciendum.

Patherius Commentarijs in Genesis caput primum idipsum decerpsit.

PROCOPIUS Commentarijs in Genesis caput primum.

Non dubito, quin herba virescens, & plantula ab initio perfectæ prodierint, & subisterint, necnon suos fructus, & semina profuderint. Nam videmus etiam animalia non imperfecta, sed perfectæ initio creationis in hoc insigne opificium procurrisse, nec alterius indiguisse ope, sed sibi ipsis suffecisse. Præterea cum Paradisum plantaret & excoleret, instruxit eam affluentem omnigenis fructibus.

D. THOMAS parte prima, quæstione sexagesimanona, articulo secundo, D. Augustini sententia recitata, tacitè summaque reuerentia his eam reijcit.

Quamuis secundum alios dici possit, quod prima institutio specierum ad opera sex dierum pertinet: sed quod ex speciebus primò institutis generatio similium in specie procedat, hoc iam pertinet ad rerum administrationem. Et hoc est, quod Scriptura dicit; Antequam oriretur super terram, vel antequam germinaret, idest, antequam ex similibus similia producerentur, sicut nunc naturaliter fieri videmus secundum viam seminationis. Unde signanter Scriptura dicit; Germinet terra herbam viuentem, & facientem semen: quia scilicet sunt productæ perfectæ species plantarum, ex quibus semina aliarum oriuntur. Nec refert ubicunque habeant vim seminatiuam, utrum scilicet in radice, vel in stipite, vel in fructu.

PETRUS Comestor Magister Scholasticæ historiæ capite quinto.

Patet quia non per moras temporum, ut modò, produxit plantas suas terra, sed statim in maturitate viridi, in qua & herbae seminibus, & arbores pomis onustæ sunt.

HVGOCarenfis in Postillis.

Non successiue germinauit, ut primò flores faceret, postea fructus, sed simul fructus habuit & potentiam fructificandi. Et hæc potentia dicitur natura, idest, vis rebus insita ex similibus producens similia.

CAIETANUS Commentarijs in Genesim.

Deus produxit vegetabilia mediante terra, non tamen in tempore, sed virtute diuina in eodem instanti suscepit terra virtutem productiuam, & productionem cum effectu producto; ita quod quicquid vegetabilium naturaliter produxisset terra in spatio vnius anni, seu multorum annorum (ut diuersa vegetabilia exigunt ad suam perfectionem) produxit tunc terra virtute diuina in instanti. Credimus enim omnia producta esse in statu perfecto, sicut constat hominem productum non infantem, sed perfectum; & in Paradiso terrestri constat fuisse arbores cum fructibus à principio; in cuius signum non describitur, Herbauit terra, sed protulit terra.

a. Protulit terra actu quidem, sed non simul quod Plantæ ante arbores emerferint.

STEVECHVS in Cosmopœia, quanquam his Patribus consentiat, tertiâque hac die, tum herbas, tum arbores à summo opifice prolatas arbitretur: noua attamen, & singulari assertione non confirmat herbas & arbores manasse; sed prius plantas, deinde arbores prodixisse censet, Theophrasti testimonio, Mosisque litera suam munient sententiam.

Natæ sunt igitur plantæ, sed herbae primùm; teneriores scilicet, & ad nascendum faciliores, tum priores natæ, quam plantæ; quia nata prius animalia, quorum herbae cibus esset futurus, posterius ea, quorum arborei fructus. Sæpe autem mecum soleo demirari quæ reperi apud Philosophos aut sumpta de Theologia rei fructus. Mosis, aut quadam sorte consentientia. Theophrastus probat, Dijs non sanguine & animalium adipe esse litandum, sed potius frugibus terræ, & floribus, atque herbis suauè olentibus, quod hæc ipsa priora quam animalia.

animalia terra enixa sit, ex his autem quæ terra genuerit priores herbas quàm plantas. Quod his verbis docuit; Arbores ante animantes terra edidit, multò autem ante arbores, istam quæ annuatim herba producit. Hæc ille. Legimus autem hoc loco apud Mosén, tertia hac die, herbam virentem & lignum pomiferum terram protulisse. Sexto autem die producta esse animalia. Et quod Theophrastus ait, multò antè herbas è terra natas, quàm animalia: sexta nempe die, ille tertia: tum Mosès antè herbam, post arbores ait è terra pullulasse; prius enim dicit; Producat terra herbam virentem: postea, Et lignum pomiferam, idest, arbores.

T O S T A T V S in Postillis.

Et protulit terra & lignum faciens fructum, idest, quod sicut create fuerunt arbores ita pleni fuerunt fructibus, & credendum puto, quod nunquam arbores tantum de fructu, & tam bonæ complexionis producerunt. Ratio quia semper operatio, quæ à solo Deo est perfectior est, quàm perfectio naturalis. Et sicut adam dicimus fuisse hominem melius omnibus hominibus complexionatum præter Christum, ita & de omnibus rebus, scilicet de primis equis, primis leonibus, & similibus; ita quia tunc complexio terræ erat in optimo gradu, deinde continuo, quia corruptibilis est, declinat ad senium, ut res productæ minoris semper virtutis sint.

A V C T O R.

Excluditur
D. Augustini
sententia.

Steuci placitum
reprobatur.

Herbæ & plantæ
tæ tertia die
simul perfectæ
prodierunt.

Prolixiores catenas non deduxi, ne in re clarissima operam contererem. Quomobrem & breuiter ingenueque assero, D. Augustini sententiam non ita communi Patrū, & Doctorum assensu recipi, sicuti nec placitum illud, Mundum absolutum à Deo sine temporum delapsu prodixisse. Quod certè, quanquam ingeniosè prolatum, à Mosè tam men historia, & narratione prophetica alienum, & penè aduersum reputabatur. Steuchi placitum vt singulare, ita & commentitium censendum est. Nutanti nanque illi, profusque titubanti innititur fundamento: Deum Solis ministerio vsum, eius efficacissimo radio paulatim germina è terra eduxisse, quod Mosès narrationi refragatur, quæ Deum in Mundi creatione vbique & semper imperantem tradit, ut augustam ipsius maiestatem agnoscamus, suspiciamus, & admiremur: imperantem, inquam, verbo solo, Fiat, Producat, Germinet. At verò nec Sol flagranti virtute sua tam breui tempore plantas excitare è terra ualuisse, nisi ei inusitata quædam, & efficacissima à Deo vis ad id agendum fuisset collata; quare si diuinæ potentie id tribuendum erat, cur non potius Mosès narrationem insequuti, vniuersam plantarū emolitionem ipsi tantum Dei potentie ascribamus? Theophrastum à Mose edoctum fuisse, dum scribit, & terram herbas protulisse ante animantia, & propterea floribus, & frugibus, Dijs litandum esse non animantium sacrificio, non assentio, cum Philosophus hic, ut Peripateticus, Mūdum æternum astruat, non creatum. Sententiam itaque eius ita interpretandam duco; quasi dixerit ea certè consimul esse æterna; sed si vnum altero vetustius censendum esset, fruges & herbæ animantibus antiquiores putandæ forent. Mosén prius dicere; Producat terra herbam virentem: postea; Et lignum pomiferum, non eo inficias: sed argumentum hoc cauillosum, & prorsus futile esse, & irrisione dignum, quis non cernit? Vna enim & eadem oratione, vno & eodem verbo asseruntur imperatæ herbæ, & arbores, nec consimul dici poterant, quanquam consimul effectæ tradantur. Superest igitur, vt Patrum sententiam, quæ vnica Dei virtute, ocyssimo momento, seu die, simul tum herbas, tum olera, tum plantas profiliisse autumat, tutiorem, munitiorem, & probatiorem arbitremur; ob delatas præcipuè à Patribus causas, quas perpendere non negligam. Primaria igitur, ac princeps causa est, quoniam immensam augustissimamque opificis maiestatem decebat, vt formæ quæque rerum perfectæ ipso imperante procederent, cum Dei opera perfectæ sint. Deus enim & natura diuersum operandi modum & genus sectantur. Deus siquidem, vt perfectissima causa, perfectum quoque statim attingit: Natura autem tanquam à perfectione decidens, ab imperfecto auspicatur, vt ad absolutum incedat. Vti igitur natura ex seminibus concoctis germina profert, exinde augeat, perficitque tandem, folijs ea induit, floribus condecorat, fructibusque ditat: Ita Deus repente germina, folijs floribus fructibus simul fortè onusta congersit, ea perfectione, & proceritate decorata, ut seminibus se propagare valerent. Vnumquodque enim perfectum est Aristotelis attestatone, quando potest sibi simile generare. Deinde cuncta in

in congrua ipsis proceritate, & statu condenda erant, cum homo, in cuius gratiam fuere uniuersa fabrefacta, consistenti in ætate, atque absoluta proceritate, ut procreare sibi simile posset, fuerit plasmatus, & animatus. Sed quid ipsa Mosis testificatione clarius? Promulgato Dei præcepto hæc ille adiicit; Et protulit terra herbam uiuentem, & facientem semen: Si protulit hac tertia die, igitur non tantum præseminata sunt. Attendendum est amplius, in singulis diebus conformem esse rerum procreationem, sicut & vniformis est narrationis stilus. Verum lucem, firmamentum, luminaria, ad Dei præceptum statim emanasse compertum est, neque id auersatur ipse Augustinus; igitur & plantæ, cum æqua sit Dei potestas, ut æqua Mosis enarrandi series. Amplius, si germina, ut esca animantibus, & homini præparabantur, quomodo herbarum, arborumq; frugiferarum procreatio post Mundum conditum diuturno tempore effecta est? Nunquid potuere tum animantia, tum homo, quæ quinto, & sexto die producta sunt, tandiu ieiuna earum pullulationem expectare? Quod si auēs, & terrestres animantes etiam præseminata in potentia tantum, non actu productos concedemus Augustino; quæ fuit esca hominis, quem sexto die à Deo plasmatum fuisse Augustinus negare non potest, & cui carnem in escam concessam non nisi post Diluuium noscimus? Cæterum à D. Augustino adducta auctoritas, facile à cæteris Patribus eliditur. D. Thomas ex sententia Patrum, ut dicebamus, sic eum locum interpretatus est; Antequam oriretur super terram, uel antequam germinaret; id est, antequam à similibus similia producerentur, sicut nunc naturaliter fieri uidemus secundum uiam seminationis.

Diluuntur fundamenta D. Augustini.

H V G O noster pariter Annotationibus in Genesim capite septimo, ita interpretatur eum locum.

Antequam oriretur &c. Id est, ita operatus est Deus, antequam operatione artificis imitantis, & iuuantis naturam, arbores, & herbe crescerent per successionem, sicut modo; scilicet in momento reddidit arborem perfectam, & fructum afferentem: similiter &c. Priusquam germinaret, quia totum simul prouenit in perfectum statum.

Contendit igitur Moses, ut ex Patrum doctrina elicere depromereque possimus, dupplicem nobis genituræ germinum modum ante oculos exhibere. Alterum diuinum, quo plantæ non ex seminibus, sed ex Dei præcepto absolutæ emanarunt, Naturale alterum, quo ex seminibus, siue illa sint in stipite, siue in fructibus, siue in radice, plantæ similes profiliunt. De modo, quo Deus plantas suo imperio primò protulit, ait; In die qua creauit Deus uirgultum: & de modo, quo plantæ ex suis insitis sibi seminibus similia sibi nunc emittunt, adiecit; Antequam oriretur in terra, hoc est, eo modo quo nunc ex semine oriuntur. Sed quod potissimum est, id ipsum D. Augustinum existimare perspicimus.

Germinū duplex genituræ modus à Mose traditus.

A V G V S T I N V S enim libro quinto de Genesi ad literam, capite quarto, pereleganter concludit ex Scriptura elici, à principio fuisse semen ex herba, non herbam ex semine.

His enim verbis magis apparet, semina esse exorta ex herbis, & lignis, non autem illa ex seminibus, sed ex terra; præsertim quia & ipsa verba Dei sic se habent. Non enim ait; Germinet semina in terra herbam fœni, & lignum fructuosum, sed ait; Germinet terra herbam fœni seminantem semen, ut semen ex herba, non herbam insinuaret ex semine.

Quare ex Augustini sententia, cum ante plantas semina non fuerint, nec in radice, nec in fructu, nec in stipite: quanam vis seminalis illa erat in terra ad plantas producendas sufficiens? Fortè cœnum, vel limus, ex quo herbæ, arboresq; enascerentur, uti ranciditas ex putri gigni conspiciamus? Hoc certe plantis, arboribusque insignibus minimè congruebat, quæ ex putri oriri non spectantur. Fortè terræ ad hoc uotum anhelans, pluuijs, & Solis flagrantia auxiliantibus? Sed hoc ei absque seminibus prodesse secundum Naturæ vires non poterat. Fortè Dei opificis uirtus? At si Dei opus fuit illud; igitur in Mundi emolitionis diebus patratū, & non post, quia die septimo requieuit ab omni opere, quod patrarat. Superest igitur, ut probabilior ea censenda sic sententia, quæ plantas uiuentes folijs, & floribus, fructibusque eleganter honestatas hoc die tertio prodijisse existimat.

Anno Mūdi
primo.
Die tertia.

Facientem semen iuxta genus suum.

- a. Quāquam semen propriè sit hominum, sementis herbarum.
b. Quia germina ante semina, non semina ante herbas.

a. Quāquam semen propriè hominum sit, sementis herbarum.

S T R A B V S & Rabanus, ut in Glossa Ordinaria.

Sementis frugum & arborum; semen hominum, & animalium; seminum, vel sementium cui usque rei exordium.

P E T R V S Comestor Historiæ Scholasticæ, capite quinto. Et Hugo Carensis in Postillis.

Nota, sementis solet dici, antequam seratur, dum adhuc est in sementicio, id est in horreo; semen, dum seritur; seminum, quando iactum est: solet etiam dici semen hominum, seminum animalium, sementis arborum & herbarum.

b. Quia germina ante semina, non semina ante herbas.

B A S I L I V S quod hoc loco conspicuè non dixit, Commētarijs in caput Isaïæ quartumdecimum diffiniuit.

In Mundi constitutione primum germina quidem subpullularunt. Semina utique aliorum, quæ postea eruperunt. Ipsa verò non ex alijs seminibus prodire, siquidem antiquiora erant his, quæ ex se emicuerunt seminibus.

I V N I L I V S in Hexæmeron.

Simulque notandum, quòd non prima herbarum arborumque germina de semine, sed prodire de terra.

G L O S S A Ordinaria hæc reassumpsit.

Simulque notandum, quòd non prima herbarum germina, vel arborum genera de semine prodierunt, sed de terra: quia ad vnam iussionem Conditoris apparuit arida herbis compta, nemoribusque vestita, quæ sui generis ex se poma produxerunt, & semina.

Proficiscuntur in hanc sententiam Patres cuncti, qui terram tertio die quasi vnicò momento Dei præcepto impellente, virescenti indumento se exornasse, viroresque suos exactos edidisse existimarunt; Tertullianus, Alcimus Auitus, Marius Victor, Proba Falconia, Philo, Ioseph, Basilus, Ambrosius, Chrysostomus, Cyrillus, Theodoretus, Damascenus, Iunilius, Gregorius Magnus, Petrus Comestor, D. Thomas & alij, quorum catenam iam contexuimus.

A V G V S T I N V S, quāquam in præseminata tantum potestate germina ipsa die tertia progenita fuisse autemet, non ausus est tamen (licet illud suspicari visus sit) semina ante germina procreata fuisse perhibere. Nam de Genesi ad litteram libro quinto, capite quarto, exponens illud; In die qua creauit Deus Cælum, & terram, & omne viride agri antequam esset super terram; cum diffinisset id interpretandū non de die æterno, hoc est de Filio, sed de die creationis, hæc tandem adiicit.

Si erat omne viride agri, antequam esset super terram, ubi ergo? An in ipsa terra causaliter, & rationaliter, sicut in seminibus iam sunt omnia, antequam euoluant quodammodo, atque explicent incrementa & species suas per numeros temporum? Sed ista semina, quæ videmus, iam super terram sunt, iam exorta sunt: an non erant super terram, sed infra terram: & ideo antequam exorta sunt, facta sunt, quia tunc exorta sunt, cum semina germinarunt, & accessu incrementorum in auras eruperunt, quod per moras temporum nunc fieri videmus cuique generi distributas? Num ergo semina tunc facta sunt, cum factus est dies, & in ipsis erat omne viride agri & omne fenum, nondum ea specie qua sunt super terram iam exorta, sed ea in qua sunt in rationibus seminum? Semina ergo primum terra produxit. Sed non ita Scriptura loquebatur, cum diceret; Et produxit terra herbam pabuli, vel herbam feni seminantem semen secundum genus, & secundum similitudinem, & lignum fructuosum faciens fructum, cuius semen in se secundum genus super terram. His enim verbis magis apparet, semina esse exorta ex herbis & lignis, non autem illa ex seminibus, sed ex terra; præsertim quia & ipsa verba Dei

Lignum pomiferum faciens fructum.

a. Hoc est in procera, & perfecta conditione.

Anno Mūdi
primo.
Die tertia.

Dei sic se habent. Non enim ait; Germinet semina in terra herbam feni, & lignum fructuosum, sed ait; Germinet terra herbam feni seminantem semen, ut semen ex herba, non herbam insinuaret ex semine.

Tandem etiam concludit, ante germina in terra primum fuisse producendi virtutē, non autem ipsum semen.

Ex his igitur soluta est ea vulgaris percunctatio: Num plantæ semina præceserint, Num semina plantas. Perspicuum certē est ex Scripturæ auctoritate, & Patrum placitis, unico momento Dei iussione, nullo præcedente semine, nec solis, aut imbriū ope, plantas primum productas fuisse semina proferentes.

a. Hoc est, in procera, et perfecta conditione.

PHILO de Mundi opificio.

At syluam è terra produxit perfectam, fructibus non inchoatis, sed maturis refertam, sine dilatione inui-

tantem ad fruendum affutura mox animalia.

I V N I L I V S in Hexameron.

Nam ad vnā Conditoris iussione, terra, quæ arida apparebat, repente herbis compta, & nemoribus est vestita florentibus: atque hæc continuo sui quæque generis poma ex sese, ac semina producere. Oportebat enim, ut forma quæque rerum ad imperium Domini primò perfecta procederet, quomodo & homo in se, propter quem omnia facta sunt, in terra perfecta, hoc est iuuenilis ætatis, plasmatus esse credendus est.

G L O S S A Ordinaria pariter prædictis adiicit.

Oportebat enim, ut forma rerum Dei imperio primò perfecta prodiret, quomodo homo, propter quem omnia, iuuenili ætate plasmatus est. Et post. Omnia creata sunt perfecta, & homo perfectus ætate erat, & arbores cum folijs & fructu. Vnde dicitur hoc lignum pomiferum.

C A I E T A N V S Commentarijs in Genesim.

Credimus enim omnia producta esse in statu perfecto, sicut constat hominem productum non infantem sed perfectum. Et in Paradiso terrestri constat fuisse arbores cum fructibus à principio.

Patres omnes prænumerati id ipsum annuunt. Nulli dubium est, tertia hac die prodijisse virescentia quæque in procera atque perfecta consistentia. Sed in dubium reuocari posset, Num fructibus iam maturis essent insignita, necne. Possunt siquidē arbores folijs venustari, floribusq; redolere, possunt, & fructuū gemmas proferre, ad maturitatemque prouehere: possunt & eos maturos exhibere: possunt & virescentes herbæ semina proferre, possunt & arecentes ea emittere. Et tam arbores, quàm plantæ, quam hæc efficiant diuerso tempore, perfectæ attamen sunt quando virescunt, & florescunt, perinde ac quando arescunt, & maturos fructus ostentant. Philo clarissimè tradit fructibus non inchoatis, sed maturis arbores fuisse refertas, ut sine dilatione animantes ipsis frui possent. Cœteri Patrum, & præcipue Iunilius, è contra & herbas virescere, & ligna pomis onustari inchoasse diffinit. Ait enim; Patet ex his verbis Dei, quia verno tempore Mundi est perfectus ornatus. In hoc enim solent herbæ virescentes apparere in terris, & ligna pomis onustari. Hæc ille. Licet Glossa dixerit, onusta, sed perperam. Nam aliud est onustari, aliud esse onustum, cum illud rem dum efficitur, istud vero rem ipsam iam effectam significet. Arbitrarer ego plantas dum virescerent, dumque semina proferre inciperent, arboresque dum florescerent, fructusque emitterent, alios extemplo maturandos, alios vero aliquandiu post secundum arborum naturam, conditas esse. In hancque sententiam primum me impellit Mosis textus, qui habet: Germinet terra herbam virentem, facientem semen, & lignum pomiferum faciens fructum. Si herbam virentem, igitur non arecentem: si facientem semen, igitur non semine producto: si arbo-

Num plantæ
& arbores
maturis fructibus onustę
prodierint.

Arbores dñi
floreferēt, &
fructus ede-
rent, apparue-
re.
Sententiæ
huius funda-
menta.

Diluiturque
dā obiectio.

arborem pomiferum facientem fructum, igitur non cum fructu absoluto. Deinde si arborū, & plantarum productio, hominis fabricationi haud dissimilis, sed potius affinis censenda est, sicuti homo uirescens, hoc est, in iuuenili ætate, & uirgo, aptus tamen ad generandum plasmatus est; pari ratione, & germina uirescentia, & ad prolem se praparrantia congerenda erant. Præterea & Mundum verno tempore, quo omnia uirescunt, & florescunt, quàm autumnali, quo cuncta arescunt, & fructus decidunt, præstantiorē pulchritudinem, & propiorem nascenti speciem habere clarissimum est. Neque ob id defuit animantibus pabulum, cū ipsa paucissima essent, ut pote quod bina, & bina in unaquaq; specie condita apparerent, ut suo loco demonstrabimus; & quia cū nullū eorum esset carniuorū, herbis, & pullulantibus germinibus vesci possent, & in dies aliqua fructuū genera maturefcerent, quibus etiam alerentur. Quin & matura essent in ea Mundi plaga meridionali, cui autumnale tempus, uertente se sole ad signa Borealia, adueniebat. De homine autem eò magis idem iudicium est ferendum. Sed de his post.

Num Mundus autumnali, num verno tempore conditus sit.

Enarrante Mose terram Dei imperio herbam uirentem germinasse, facientemq; semen, & lignum fructum reddens iuxta genus suum; excitata est perpulchra, sed certe in aduersas sententias distracta disceptatio: Quonam anni tēpore Mundus profiliert? An scilicet verno, quando omnia nouo apparatu ita uirescunt, atque florescunt, ut describere arduum sit Terræ iucundum pretiosumque amictum, (ut ait Ambrosius) purpurascens uiolas, candida lilia, rutilantes rosas, rura nunc uarijs, nunc luteis floribus depicta. In quibus nescit certe homo, an specie florum, an ui odorum magis oblectetur: An potius autumnali tempore, quando arridet fructuum ubertas, fecundaque matris Telluris partus latè effunduntur, ac impertiuntur, Mundi enim exordium ad æquinoctium uel uernum uel autumnale, Patres omnes Doctoresq; præter unum recentissimū Gherardum Mercatorem non modici nominis Geographum retulere. Dicam ergo breuissime duarum assertionum primò fautores, secundo fundamenta; Tandem, quid ego censeam, explicabo.

Catena Doctorum Mundum autumnali tempore conditum existimantium.

Sententiam hanc apud Hebræos exordium sumpsisse, & apud eos maxime uiguisse non est dubium, quanquam non omnes ei se subscripserint.

P H I L O libro de Mundi Opificio, dum maturis fructibus refertas arbores ab initio procreatas asserit, autumnali certè æquinoctio Orbem fuisse extructum censuisse uidetur. Ait nanque.

At in prima huius uniuersitatis generatione (ut dixi) Deus omnem stirpem syluam è terra produxit perfectam, fructibus non inchoatis, sed maturis refertam, sine dilatione inuitantem ad fruendum affutura mox animalia.

I O S E P H libro primo, de Antiquitatibus, capite quinto, cū ab Adam ad diluuij initium (quod in autumnale æquinoctium refert) annos ut completos enumeret, certe & Mundum eo mense editum uisus est asseuerasse.

Vsq̃ ad hoc tempus ab Adam, qui primus creatus est, anni fuere duo millia sexcenti quinquaginta sex.

R A B B I Eliezer id sensit, ut testatur Lyranus in Postillis.

Dicunt aliqui, uidelicet Rabbi Eliezer, & sui sequaces, quod factus est mense Septembri, quando fructus sunt in arboribus maturi, & habentes semina in semetipsis; & hæc opinio communius tenetur ab Hebræis tanquam rationabilior, quia scriptum est Deuteronomij trigesimo secundo; Dei perfecta sunt opera. Unde secundum omnes, homo primus factus est in statu perfecto potens generare: tunc enim unumquodque perfectum est, quando potest generare sibi simile: & eodem modo uidetur dicendum de terra nascentibus, quod est quando habent in seipsis semina.

Et Genesis capite septimo, de mense quo contigit Diluuij colluies rem habens, ait, *Rabbi Eliezer, & sui sequaces dicunt, quod iste secundus mensis est mensis Octobris, qui Hebræicè nominatur*

tur, marhefuan. Dicunt enim, quod primus mensis anni est Tisri, qui nobis est September, in quo arbores sunt perfectæ in suis fructibus: quia hic productæ sunt à principio ut patuit supra capitulo primo. Et ideo quia Mundus videtur fuisse creatus in isto mense, idè dicunt eum esse primum simpliciter in anno, quia in eo à principio inceperunt anni & menses.

LYRANVS in hanc declinasse sententiam euincitur, cùm ait.

Prima autem opinio communis tenetur apud Hebræos, & rationabiliter ut videtur, quia in aliquo genere aliquid bene nominatur primum, non quia sit primum simpliciter, sed propter aliquem notabilem euentum, sicut primo Machabeorum primo, primus annus Alexandri magni vocatur primus annus regni Græcorum, propter facta notabilia Alexandri: & tamen ante eum fuerunt plures reges in Græcia. Ita etiam videtur dici de Martio, quod tunc sit nominatus primus mensis apud Hebræos, propter exitum eorum de terra Aegypti in illo mense: & hoc videtur litera sonare Exodi duodecimo; Dixit quoque Dominus ad Moysen; Mensis iste vobis principium mensium primus erit in mensibus anni: ac si diceret; licet de præterito non fuerit primus nominatus, de cætero tamen erit ex causâ dictâ.

T O S T A T V S in priori parte sui Defensorij, capite quartodecimo, refert peritos Hebræorum censuisse Mundum esse creatum vigesimoquinto die Septembris, & Adam ultimo die eiusdem mensis formatum: primum autem diem Octobris, qui fuit dies Sabbati, fuisse primi anni, ac primi mensis exordium. Nam priores sex dies ad præcedentem annum, quem ex illis sex diebus conficiunt, referendos arbitrantur. Et Commentariis in Genesim, cum hinc inde rationes ventilasset, his concludit.

Est ergo positio communior, quod Mundus inceperit cum mense Septembri, etiam quia arbores cunctæ fructus suos tunc maturos habebant, quod convenit Septembri, ut probatum est. Falluntur ergo illi, qui dicunt Solem creatum fuisse in primo gradu Arietis, quia hoc est in medio Martij. Est ergo dicendum, quod creatus fuerit circa finem Virginis, vel in principio Libræ, quia hoc est circa medium Septembris, quando cunctæ arbores fructus maturos habent.

Elidere autem studet oppositæ sententiæ fundamenta, suæ autem munire iisdem
argumentationibus, quas ego compendio colligam.

LVSITANVS Annotationibus in primum caput Geneleos, sententia
quasi claudicante & titubante his succenturiari visus est.

Colligunt ex hoc loco Hebræi, Mundum in Septembri, quando arbores fructu sunt plena, esse productum: litem tamen non cogit ad hoc: quia tamen dicit; Cuius semen in eo sit, videtur, quod semen tunc fuerit in herba & arbore: quod non est, nisi post fructus maturitatem: quod clarius inferius ex litera deducemus. Inferius enim herbas & semina traduntur homini, & animantibus in cibum: ergo tunc tam arbores, quam herbe habebant fructum: siquidem fructus in cibum traditur.

Verum non leuibus ad hoc faciendum commoti sunt coniectationibus Doctores hi longè eximij, quarum tres vt præcipuas seligo. Principium Sæculi id existimandum est, inquit, quod apud uetustissimas nationes, ac Orbis emolitioni proximiores anni fuit exordium. Primæ nempe ætatis homines, annos ab Orbis initio enumerasse, non inscianter censendum est. At antiquissimi, scilicet Iudæi, Aegyptij, Persæ, omnesque ferè orientales nationes ab Autumni æquinoctio anni exordium sumunt: Id ipsum igitur & anni initium fuit. Iudæorum, quod maximè ad rem facit, hoc fuisse institutum plura conuincunt. Primum clarissima Scripturæ testimonia. Inter cætera siquidem, quæ Dominus populo Israël seruanda mandauit, hoc quoque interiectum legimus; Solemnitatem quoque ages in exitu anni, quando congregaueris omnes fruges tuas de agro. Rursus quoque scriptum est; Solemnitatem hebdomadarum facies tibi in primitijs frugum messis tuæ triticæ, & solemnitatem, quando redeunte anni tempore cuncta conuincuntur. Solemnitas hæc festum erat tabernaculorum, Autumnali æquinoctio, hoc est, mense Septembris celebratum. Si igitur circa æquinoctium Autumnale anni exitus erat, igitur & initium: ea enim est ratio anni, vt tanquam serpens caudam sibi ore deuoret, hoc est fine initium pertingat, cum annus sit rapida reuolutio solaris motus ab uno puncto ad eundem in Zodiaco, vt Ptolemæus in Almagesto testatur. Alibi quoque scribitur; Mensis iste uobis principium mensium, primus erit in mensibus anni. Mensem istum Nisan fuisse, qui cadit in Vernum tempus, non est qui ambigat. Quod si mensis ille primus constituitur ac definitur, deducitur ex hoc, quod ante illud tempus, mensis non fuerit primus anni mensis. Si primus quippe fuisset, ut quid nouo præcepto Moses promulgasset, quod illi suapte natura semper obseruassent? Deinde sancitum fuisse apud Hebræos constitutumq; Nisan anni initium fore non in Orbis conditi com-
memora-

Sentētię pro-
ductę funda-
menta.

Antiqui &
maximè Iu-
dæi annū ab
æquinocio
Autumni in-
choabant.
Exod. 23.

Exod. 34.

Exod. 12.

memoratiōem, sed in excussæ seruitutis, ac vendicatæ libertatis monumentum, clarissimè profectò ex historiæ serie demonstratur. Nam sicut Moses Sabbati obseruationem, ex eo quòd septimo die requieuit Deus à Mundi emolitione, extulerat; consimili ratione certè, & huius mensis principatū ex Orbis conditi præconijs, si eo mense Orbis à Deo conditus fuisset, honestasset, roborassetque.

I O S E P H libro primo Antiquitatum, capite quinto, mirifice id improbat, cū scribit.

Moses autem Nisan mensem, qui est Xantichus, primum in festiuitatibus definiuit, in quo ex Aegypto Hebræos eduxit. Hic ergo apud eum etiam in cunctis muneribus diuinis valde pollebat; in venditionibus autem, & emptionibus, & alia gubernatione prioris seculi decreta seruauit.

Sed amplius, septimi anni, qui erat quietis, & quinquagesimi anni, qui erat Iubilei, initia, autumnali certè non verno tempore desumebantur. Nam si verno tempore annus septimus, & quinquagesimus exordium sumpisset, fruges, prouentusque terræ anni præcedentis, cū autumnali tempore maturescerent, eo anno utique periissent, nec semina terris mandari in futurum annum potuissent. Quare Dei promissio, quæ amplio rem, vberio remque frugum prouentum eo anno spondebat, nempe pro sexto septimo & octauo anno, seas suffecturas, irrita fuisset, & vana. Aegyptios verò ab eodem æquinoctio anni initium sumpsisse nonnulli auctores contestantur.

I O S E P H citato loco paulò supra cū inquit.

Contigit quoque hæc passio sexcentesimo anno natiuitatis Noè mense secundo, qui à Macedonibus Dio nuncupatur, ab Hebræis autem Marachath, seu Anmarsuane, qui partim Octobri respondet, & partim Nouembri. Hi enim in Aegypto annū constituerunt.

B E D A Iosepho assensit libro de Ratione temporum, capite trigesimoquarto, scribens.

Annum autem ciuilem, idest solarem, Hebræi ab æquinoctio verno, à solstitio Græci, Egyptij ab autumno, à bruma incipiunt Romani.

Idem institutum apud Persas, & Græcos viguisse, ex tabulis Alphonfinis elicitur. Inefficax igitur argumentum non est, Mundi exordium in æquinoctium autumnale incidisse, si omnes illæ vetustissimæ nationes in ipsa Mundi infantia insigniores, ex Orbis origine sumpta serie, anni ortum autumnalibus mensibus celebrarunt.

H I E R O N Y M U S Commentarijs super caput primum Ezechielis libro primo, Octobrem ex more omnium orientalium nationum primum anni mensem fuisse his asserit.

Apud Orientales enim populos post collectionem frugum & torcularia, quando decime deferebantur in templum, October erat primus mensis, & Ianuarius quartus.

Altera suspicatio, seu ratio, cui hæc sententia maximè innititur, ex Diluuii temporis supputatione excipitur. Traditur siquidem in Scriptura sacra, Diluuium die septima secundi mensis cœpisse. Verum mensem secundum Nouembrem fuisse astruunt & auctoritas, & ratio. Ioseph siquidem omnium scitissimorum consensu, mensem hunc, secundum fuisse mensem, à Macedonibus Dium, seu Dio appellatum, ab Hebræis Marachath, siue Anmarsuane nuncupatum, qui certè partim Octobri, partim Nouembri respondeat, contestatur. Ratio id ipsum conuincit, nam Deum, cū disponat omnia suauiter, ad vastissimam aquarum colluuiem emittendam, opportuniorem anni partem natum fuisse, hyememque ad aquarum inundationes prouehendas sua natura apriorē selegisse, arbitrari debemus. Quòd si secundo mense ab æquinoctio verno Diluuium incidisset, certè ipsa anni ætate, quæ pluuiarum, ac inundationum funditus experts est, accidisset.

Tertia ac postrema ratio, qua Mundum natalia sua circa autumnale æquinoctium habuisse hæc sententia opinata est, ex specie creatorum germinum, quibus terra vndiq; induta apparebat, depromitur. Compertum est, inquit, plantas, arbores à Deo fructibus maturis onustas emerfisse: siquidem decuit germina omnino perfecta à Dei manu proficisci; sicut Dei cætera opera expleta absolutaque prodire, Sol, Luna, stellæ, pisces, aues, animalia, homo: cū enim vnumquodq; tunc perfectum censendū sit, quando nō in augmento, sed in statu confidet, profiliere arbores eo in statu, quo autumnali tēpore fructibus vberiores consistunt. Igitur & Mundus in ea anni parte conditus est.

P H I L O de Mundi opificio hoc idem asseuerat cū ait.

Deus omnem stirpem syluam ē terra produxit perfectam, fructibus non inchoatis, sed maturis refertam, sine dilatione inuitantem ad fruendum affutura mox animalia.

Sed quid ipsius Scripturæ contestatione clarius, expressiusq; afferri potest? Ait nanque; Germinet terra herbam virentem, & facientem semen, & lignum pomiferum faciens fructum iuxta genus suum, cuius semen in semetipso sit super terram. Et post. Ecce dedi vobis omnem herbam afferentem semē super terram, & uniuersa ligna, quæ habent in semetipsis sementem generis sui, vt sint vobis in escam, & cunctis animantibus terræ. Si ergo vniuersa ligna, hoc est arbores, habentia in seipsis semina Deus homini atque animalibus in escam contulit, ac semina arborum præcipue in ipsis fructibus confident, clarissimè elicitur arbores fructibus onustas à Deo procreatas fuisse. Sed exactius id deinceps traditur. Adæ siquidem & Euæ his verbis Deus collocutus est; Ex omni ligno Paradisi comede: de ligno autem scientiæ boni, & mali ne comedas. Euæq; Serpenti interroganti, quorsum ex eo non ederent, respōdit; De fructu verò ligni, quod est in medio Paradisi, præcepit nobis Deus ne comederemus, & ne tangeremus. Subditque eo loco Moses; Vidit ergo mulier, quod bonum esset lignum ad vescendum, & pulchrum oculis, aspectuque delectabile, & tulit de fructu, & comedit. Ex quibus perspicuè euincitur, arbores omnes Paradisi fructibus suauissimis, & pulcherrimis refertas fuisse, sicuti & contestatus est Moses, cū dixit; Produxit Dominus Deus de humo terræ omne lignum pulchrum visu, & ad vescendū suaue. Quod si perfectæ, fructibusque onustæ arbores Mundi initio comperiebantur, autumnali tempore, quo naturaliter fructus sunt maturi, Mundum fuisse creatum fateri cogimur. Nam si demus verno tempore arbores fructibus maturis fuisse insignitas, certè vel ita constiterunt ad Autumnum usque, & ecce inusitatum excitatum miraculum, cū id natura ægrè ferat; vel fructus illi deciderunt, & alij pullularunt, & en duo ardua, & quod frigore non exiccante, vel adurente humidum glutinosum fructus deciderint, & quod refluoruerint post Ver incalescente æstate, quodq; & animantes nouas fruges ieiuni expectarint. Nec asserendū sub æquatore, sub quo annuo in tempore duplex vigescit ver, & duplex hyems, hæc contigisse; tū quod germinū prolatio æqualis per vniuersum Orbem effecta sit; tū quod Adam in Hebron, campo, vt aiunt, Damasceno plasmatus feratur, ab æquatore gradibus fere triginta quinque distante. Sed præter hæc clarissima, Mundum in Autumno exordium sumpsisse naturalis anni lapsus comprobatur. Si enim anni finem initiumque ab ordine Naturæ, ac rerū ipsarum conditione depromere fas est; certe id tempus erit anni finis, quo Natura operationibus suis finem imponit, initium verò, quo ad noua exigenda studium reuocat. At si generationem, corruptionem, ortum, defectumque attenderimus, autumnali tempore cuncta decidere conspiciemus. Decerpuntur enim in autumno fructus, decidunt folia, marcescunt vniuersa. Iridem in autumno semina terræ committuntur, vt illis marcescentibus terra ipsa grauida effecta, procreatisq; radicibus, verno tempore omnia mirifico partu emittat. Finis igitur naturalium rerū, initiumque enascentium autumnus; ipse anni terminus, exordiumq; ; in ipso quoque Vniuersum hoc principium sumpsisse existimandum est.

Gen. 1.

Gen. 2.

Gen. 3.

Catena arbitrantium Mundum verno tempore conditum fuisse.

Cæterum sententia altera, quæ verno tempore Orbem conditum astruit, longe plures ac insigniores habet propugnatores. Triplicis enim generis auctores, qui eam tuerantur, comperio: Poëtas, Astronomos, Patresque Ecclesiasticos. Ex priscis Poëtis edoctus Virgilius ita secundo Georgicorum cecinit.

*Non alios prima crescentis origine Mundi
Illuxisse dies, aliumvè habuisse tenorem
Crediderim; Ver illud erat, Ver magnus agebat
Orbis, & hybernīs parcebant statibus Euri.*

M m m m m

MAN

M A N C I N E L L V S egregius Virgilij interpres hunc locum explanans inquit.

Plinius scribit, Mundum, quod alio nomine Cælum appellari libuit, neque genitum, neque interitum unquam. Nostri Theologi scribunt, quintodecimo Kalendas Aprilis Mundum creatum fuisse die Solis. Poëta, etiam idem videtur asserere. Sit enim; Ver illud erat, &c.

Cap. 1.
Cap. 4.

Tex. 13.

Diodorus siculus rerum antiquarum libro primo, ut ingenuè & luculenter recitat Eusebius de Præparatione Euangelica lib. primo, cum de origine Mundi agit, calore solis exestuante, ac elemētis vigescētibus res exordiū traxisse contendit, ex quo Mundi originem uerno tempore non autumno, quo Sole abscedente omnia frigescent, effectam, indicat. Aristoteles primo Cœli, Orientem dixit esse dextrum Cœli, quia inde Cælum inchoauerat suam conuersionem. Quod tamen sic exponendum duco: Cælum ex ipsius sententia, neque inde: nec aliunde motum inchoasse unquam: sed si aliquando cieri orsum fuisset, certè non alibi quàm in Oriente lationem suam esset auspicatus. Astronomi omnes motionis cœlestium corporum initium sumunt ab æquinoctio uerno, ex aptiori rebusque accommodatiori ad supputandos annos ratione. Ptolemæus in Quadripartito à primo Arietis gradu (quod orientale signum, in uernali æquinoctio uigens, masculinum, & ignotum esse dicit) principium Veris, innouationis anni, generationis rerum, motusque Cœlorum desumendum edocet. Albaregnus libro de locis motuum stellarum, capite vndecimo, ait.

Primi antecessores nostri punctum vernalem plus cæteris aptum inijs intellexerunt. In hoc enim tempore post æqualitatem dies augmentum incunt, Sol ascensionis initium, vernus medium Celi septentrionalis ingreditur, caloris vires administrantur. Huius etiam natura temporis humiditate concordans, caloreque declinans, initio crescendi rerumque existentie assimilatur.

Patres etiam, Ecclesiasticique Doctores ferè omnes, Mundi exordium ad vernum tempus referunt, licet plurimi ex eis certum diem, quo Orbis conditus sit, non diffiniant.

B A S I L I V S Hexæmeron Homilia prima, ex renouatione rerum, quæ uernali tempore celebratur, Mundi exordium inquirendum, his verbis edocet.

Nam discere sanè potes quonam tempore capit ortus huiusce Mundi, si ex tempore presenti retrogressus, generationis Mundi primum diem offendere contenderis: inuenies enim hoc pacto, vnde prima temporis ratio sit exorta.

A M B R O S I V S disertissimè Hexæmeron libro primo, capite quarto.

Quod æquè etiam de Mundi principio possumus accipere; Mensis hic initium mensium erit vobis: quamuis & de tempore istud accipiat, quia de Pascha Domini loquebatur, quod veris initio celebratur. In hoc ergo principio mensium Cælum & terram fecit, quod inde Mundi capi exordium oportebat, ubi erat opportuna omnibus verna temperies. Vnde & annus Mundi imaginem nascentis expressit, ut post hybernas glacies, atque hyemales caligines serenior solito verni temporis splendor eluceat. Dedit ergo formam futuris annorum curriculis. Mundi primus exortus, ut ea lege annorum vices surgerent, atque initio cuiusque anni produceret terra noua seminum germina, quo primum Dominus Deus dixerat; Germinet terra herbam feni, seminans semen secundum genus, & secundum similitudinem, & lignum fructiferum faciens fructum. Et statim produxit terra herbam feni, & lignum fructiferum, in quo nobis & moderationis perpetue diuina providentia, & celeritas terræ germinantis ad æstimationem vernæ suffragatur ætatis. Nam etsi quocumque tempore & Deo iubere promptum fuit, & terræ obedire naturæ, ut inter hybernas glacies & hyemales pruinæ, cœlestis imperij fotu germinans terra fetum produceret, non erat tamen dispositionis æternæ, rigida stricte gelu in virides subito fructus laxari arua, atque horrentibus pruinis florulenta misceri. Ergo ut ostenderet Scriptura Veris tempora in constitutione Mundi ait; Mensis hic vobis initium mensium, primus est vobis in mensibus anni. Primum mensem, vernum tempus appellans. Decebat enim principium anni principium esse generationis, & ipsam generationem mollioribus auris foueri. Neque enim possent tenera rerum exordia aut asperioris laborem tolerare frigoris, aut torrentis æstus iniuriam sustinere.

A V G V S T I N V S Quæstionibus ex nouo testamento (quas tamen D. Augustini fœtum esse ambigunt Theologi Louanienses) quæstione quinquagesimaquinta.

Quid causæ fuit, ut illo tempore crucifigi se permitteret Dominus, quo octauo Kalendas Aprilis pascha acturi erant Iudæi? Omnia proprijs locis & temporibus egit Saluator. Ut enim omnia se voluntate Patris re- Et condidisse doceret, tunc voluit passione sua Mundum redimere & reformare, quando eum & creauerat, id est, in æquinoctio, vnde Mundus initium capit, & dies super noctem increfcere. In regno itaque agens Romano, non nisi octauo Kalendas Aprilis pati debuit, quando æquinoctium habent Romani.

G R E G O R I V S Nazianzenus Oratione secunda in Pascha, quæ est quadragesimasecunda.

Mensis quidem primus, vel mensium potius principium inducitur, siue quispiam ab initio apud Hebræos id fuerit, siue ex ea re postea factus sit, atque ab hoc mysterio hoc acceperit, ut princeps esset.

N I C E T A S sic celeberrimum Patrem interpretatur.

Scriptum quippè est in Exodo; Mensis hic principium mensium, primus erit vobis &c. Quorum verborum allegoriam perspicimus. Mensis igitur Paschatis, qui apud Aegyptios Pharmuthi, apud Macedones Xantichus, apud Hebræos Nisan, apud Romanos Martius vocatur, hic primus in mensibus introducitur, atque decernitur, ac principium mensium anni, fortasse quia iam inde à principio primus ordine erat. Arcanus enim hic apud Hebræos sermo est, hoc tempus esse, quo Deus vniuersam rerum molem condidit. Vnum porro hoc tempus est, quo terra quoque herbas profert. Quo etiam tempore Hebræi ex Aegypto recesserunt.

H E L I A S Cretensis Expositione in Apologeticum.

Quæ prima est oratio, qua tunc quodammodo conuersiones per Solis motum constituuntur, in quas etiam, scilicet, annus diuiditur, de quibus fusius quoque à nobis Oratione de Theologia pertractatum est, quarum prima verna est. Deus enim in ea cuncta procreauit, id quod hinc patet, quod ad hoc usque tempus flores in ea anni parte oriantur.

L E O Magnus sermone nono de passione Domini, de paschate Christi discipulans ait.

Nunc ad prenuntiatum festis omnibus festum, sacer nouorum mensis enituit, ut in quo accepit Mundus exordium, in eodem haberet Christiana creatura principium.

T H E O D O R E T V S Quæstione septuagesimasecunda in Exodum, quatuor insignes causas temporis creationis tabernaculorum, quod prima die primi mensis Nisan erigebatur, reddens ait.

Quamobrem prima die primi mensis Deus iussit erigi tabernaculum? Propterea quod eodem ferè tempore Deus creaturas condidit. Cuius rei fidem facit arborum germinatio. Germinet, inquit, terra herbam virentem, ferentem semen secundum genus, & similitudinem suam: & lignum fructiferum faciens fructum, cuius semen in ipso sit, ad similitudinem, iuxta genus suum super terram. Incipiente enim Vere, prata florere solent, segetes semina concipiunt, arbores fructum emittunt. Ea de causa Deus etiam sub idem tempus liberauit populum Israël à seruitute Aegyptiorum. Et Gabriel Arcangelus Sanctæ Virginis Mariæ latum nuntium admirandi partus attulit. Eodem quoque tempore Christus Dominus salutarem pertulit passionem. Non immerito ergo Dominus omnium prima die primi mensis tabernaculum erigere iussit, tum quod totius Mundi figuram referebat, tum ut populus se prepararet ad festum Paschæ, quod primum celebrare lex præcipiebat Iudeis. Tunc quoque primum festum hoc erant celebraturi in deserto. Nam secundus agebatur annus, ex quo vindicati erant à seruitute.

C Y R I L L V S Hierosolymitanus Catechesi quartadecima.

Quo tempore exurget Saluator, nunquid æstatis tempore, vel alio? In eisdem Canticis, ante illa quæ dicta sunt, statim dixit; Hyems transiit, imber abiit & recessit. Flores apparuerunt in terra, tempus putationis aduenit. Nunquid non plena nunc est terra floribus, & putantur vineæ? Cernis quomodo aperte & hyemem dixit præterisse? Aprili enim mense instante, iam Ver est reliquum. Quod tempus est hic mensis apud Hebræos primus, in quo festum Paschæ prioris erat typicæ, nunc verò est veræ, hoc tempus est creationis Mundi. Tunc enim dixit Deus; Producat terra herbam virentem, & facientem semen iuxta genus. Et nunc cernis, quod deinceps omnis herba seminat. Et sicut tunc Dominus faciens Solem & Lunam, æquinoctiales cursus illis contulit: sic ante paucos dies æquinoctij fuit tempus: tunc dixit Deus; Faciamus hominem ad imaginem nostram, & similitudinem. Et quod quidem erat ad imaginem, retinuit, quod autem ad similitudinem, propter inobedientiam obscurauit. Quo tempore itaque euersio fuit, eodem rursus facta reparatio. Quando creatus homo, non obsequens eiectus est à Paradiso: tunc ille qui credidit, obediens introductus est. Tunc igitur facta est salus, quando & lapsus. Quando flores apparuerunt, & putatio aduenit.

Cant. 2.

Gen. 1.

I R E N A E V S aduersus Valentinum libro quinto, cum mortem Christi ea die contigisse attestetur, qua Adam Deo inobediens factus est, certè anni exordium verno tempore, in quo Christus mortem opetiit, accidisse asseuerauit. Ait enim.

Recapitulans enim vniuersum hominem in se ab initio usque ad finem, recapitulatus est & mortem eius. Manifestum est itaque, quoniam in illa die mortem sustinuit Dominus obediens patri, in qua mortuus est Adam inobediens Deo: in qua autem mortuus est, in ipsa & manducauit. Dixit enim Deus; In qua die manducabitis ex eo, morte moriemini. Hunc itaque diem recapitulans in semetipsum Dominus, venit ad passionem pridie ante Sabbatum, quæ est sexta conditionis dies, in qua homo plasmatus est, secundam plasmationem eam quæ est à morte, per suam passionem donans.

Gen. 2.

D A M A S C E N V S libro secundo de Fide Orthodoxa, capite septimo, inquit.

Nam per Solem quatuor temporum versiones, immutationesq; constituuntur: Et prima quidem verna est: in ipsa enim Deus fecit vniuersa: id ostendit, & nunc vsque in ea florum pullulationem fieri, quæ & æquidiana versio est, atque æquinoctialis: nam duodecim horarum & diem & noctem æquilibrat.

A T H A N A S I V S Quaestione decima septima, non tantum verno tempore Mundum inchoasse, sed diem quoque, quo Adam plasmatus fuit à Deo, definit.

Quare vigesimo quinto die mensis Martij in utero Virginis clausus habitare cepit Christus, & Deus noster, veniens in terram? Resp. Quia eodem die in Mundi principio Deus creauit Adam. Hinc est, quod in hoc ipso mense omnes arbores & herbe, animalia item ad proferendum fructum, & ad liberos procreandos commouentur, tanquam à Deo hoc tempore creata sint.

I V N I L I V S in Hexameron.

Patet ex his verbis Dei, quia verno tempore Mundi est perfectus ornatus. In hoc enim solent herbe viuentes apparere in terra, & ligna pomis onustari.

Hæc & Glossa desumpsit non mutatis verbis, & Bedæ ascripsit. Ac deinceps, cum declarasset Iunilius, quæ spectabant ad diem quartum, quo emanarunt astra, ipsum esse diem Paschatis edisserit scribens.

Factum est vespere, & mane dies quartus. Hæc est vespere illa memoranda, in qua populus Dei in Agypto in celebrationem Paschæ obtulit agnum: mane, quod primum post excussum longæ seruitutis iugum, capto libertatis itinere vidit. Scriptum est, dicente Domino ad Moysen; Mensis iste vobis principium mensium, primus erit in mensibus anni. Decima die mensis huius tollat unusquisque agnum per familias & domos suas, & seruabitur eum vsque ad quartumdecimum diem mensis huius, immolabitque eum vniuersa multitudo filiorum Israël ad vespem &c. Quæ etiam vespere, ad consummanda paschæ legalis sacramenta, Dominus noster post esum agni typici mysteria nobis sui corporis & sanguinis celebranda denuntiavit, quo lucefciente mane, quasi agnus immaculatus suo nos sanguine redimens, à dæmoniæ dominationis seruitute liberauit. Quæ videlicet Luna plenissima dies, in creatione Mundi quarta processit. At in tempore Dominicæ passionis altiore gratia sacramenti in quinta Sabbathi incidit, vt videlicet Dominus sexta Sabbati crucifixus, Sabbato ipso in sepulchro quiesceret, ac primam Sabbati sua resurrectione consecraret: nobis quoque in ea, in qua lux facta est, resurgendi à mortuis, ac lucem perpetuam intrandi fidem spemque donaret.

S T R A B V S & Rabanus super duodecimum caput Exodi.

Hic est Nisan secundum Hebræos, in quo factus est Mundus, cuius plenilunium post æquinoctium vernale semper est attendendum, in quo populus Israël à seruitute Aegypti liberatur, & genus humanum sanguine Christi à potestate Diaboli eripitur.

A N S E L M V S Laudunensis in Glossa Interlineari super Genesim capite trigesimo quinto, commentatus ea verba; Egressus Iacob venit verno tempore, super adiecit;

Quo scilicet Mundus factus est.

G A V D E N T I V S Episcopus Brixienfis, in Exodum tractatu primo, de Paschæ obseruatione rem habens, Mundi exordium verno accidisse tempore, quo & passionis Domini, resurrectionisque mysteria contigere, his edisserit.

Nam veris tempore Deus condidit Mundum. Martio enim mense dixit per Moysen Deus; Mensis hic vobis initium mensium, primus est in mensibus anni. Quem mensem verax vbiq; Deus primum non diceret, nisi primus esset: sicut septimum diem non diceret Sabbatum, nisi Dominicus primus esset. Filius ergo Dei, per quem facta sunt omnia, eodem die eodemque tempore prostratum Mundum propria resurrectione resuscitat, quo eum prius ipse creauerat ex nihilo: vt omnia reformarentur in Christo, quæ in Celis sunt, & quæ in terra sunt, quoniam ex ipso, per ipsum, & in ipso sunt omnia, vt ait Apostolus, ipsi gloria in secula. Et Post. Vult enim nos Christus promulgator legis, & gratiæ, neque legitimos iuxta Lunæ cursum computatos præterire dies, neque diem suæ resurrectionis ocio ingrato transcendere. Nam sexta feria, qua hominem fecerat, pro eodem passus est: & die Dominica, quæ dicitur in Scripturis prima Sabbati, in qua sumpserat Mundus exordium, resurrexit, vt qui prima die creauit Cælum & terram (vnde postea hominem faciens figurauit) prima etiam die omnem repararet hominem, per quem fecerat Mundum.

A P O N I V S Commentarijs in Cantica Canticorum libro quarto.

Dominus noster Iesus Christus, post horridam hyemem idololatriæ, & Philosophicam doctrinam, verum tempus per suam passionem (quod est Pascha nostrum, transitus de morte ad vitam) faciem Mundi, Martyrum, vel omnium sanctorum operum flore decorauit. Quo tempore creata in principio omnis intelligitur creatura, & ipse homo de limo terræ formatus est.

Q V I N T V S Iulius Hilarion, qui floruit circa annum Domini trecentessimum nonagesimum septimum, libello de Duratione Mundi.

Sed qui iam secundum Euangelicam vocem in fine est constitutus à die octauo Kalendas Aprilis originem eius

EXO. 12.

EXO. 12.

eius Mundi tenentes, quo inchoatum & factum esse, in libello paschali, ratione currente iam exposuimus: & quinque dies sine homine fuisse Mundum, & die sexto sanctum & uiuificatum, per Dei flatum, esse narrauimus.

A L B I N V S Flaccus Alcuinus cognomento, libro de diuinis officiis sub titulo de Natiuitate Domini.

Apertissimum nanque erat, ut eo tempore Christus esset conceptus, quo Mundus per ipsum factus est, & in quo fructus terre uiuificantur: & in eodem natus, quo crescit longitudo diei, & noctis tenebre diminuuntur. Et ante. Conceptus nanque traditur octauo Kalendas Aprilis, à quo supputantur dies ducenti septuaginta sex, id est, menses nouem & dies septem, usque ad octauum Kalendas Ianuarij, quando creditur natus, Sulpitio & Camerino consulibus.

B E D A libro de temporum ratione, capite quarto.

Quo sanè in loco primus seculi dies sit, nonnulli querentes, octauo Kalendarum Aprilium: alij duodecimo Kalendarum superscriptarum die magis adnotatum putarunt, vno utriusque, hoc est æquinoctij argumento nitentes, quasi rationi congruat, ut quia Deus æquis in principio partibus lucem tenebrasque diuiserit, ibi præcipue tunc caput Mundi, ubi nunc æquinoctium fieri credatur: bene quidem inquirentes, sed non plene quod dicerent providentes, multò utique peritiùs acturi, si tempus æquinoctij non primo die quo lux, sed quarto quo luminaria sunt facta, potius assignarent: ibi nanque temporis initium statuit, qui luminaribus conditis dixit; Ut sint in signa, & tempora, & dies, & annos. Nam præcedens triduum, ut omnibus visum est, absque ullis horarum dimensionibus, utpotè necdum factis syderibus, equali lance lumen tenebrasque pendebat: & quarto demum mane Sol à medio procedens Orientis, horis umbratim suas per lineas currentibus, æquinoctium quod annuatim seruaretur inchoauit: positus videlicet cum primò terris oriretur in eo Cæli loco, quem Philosophi quartam partem Arietis appellant, eundemque peracto annuo circuitu, post dies trecentos sexagintaquinque & sex horis repetiturus, cuius argumento quadrantis efficitur, ut ipse vernalis æquinoctij punctus modò mane, modò meridie, modò vespere, modò medio noctis occurrat. Et Post. Nunc admonere contenti, duodecimo Kalendarum Aprilium die occursum æquinoctij, & ante triduum, hoc est, quintodecimo Kalendarum earundem, primum Seculi diem esse notandum, cuius ad indicium primitus ibi reor antiquos initium Zodiaci circuli voluisse præfigere. Neque enim illa die vel Romanorum, vel Grecorum, vel certè Aegyptiorum mensis annus, vè, cuius hoc causa fieret, oritur: sed nec ab his gentibus, quamuis se Græci iactitent, verum ab antiquioribus Chaldaeorum Astrologia capit, à quibus Abraham Patriarcha, ut Iosephus testatur, edoctus, ut Deum Cæli syderumque conuersione cognouit, ipsam mox disciplinam veracius intellectam Aegyptiorum genti aduexit, cum apud eos exularet. Nam & in libro beati Iob, qui non longè post Abraham extitit, mazaroth, id est, signa horoscopi legimus.

R V P E R T V S de diuinis officiis libro septimo, capite quinto.

Sed ipsum tempus anni primum, id est vernum eidem congruit similitudini, quo non solum in exitu Israel de Aegypto sanguis agni resitutio fuit libertatis, sed & totus Mundus initium suæ sumpsit creationis. Unde magnus Leo dixit; Nunc ad prænunciatum festis omnibus festum, sacer nouorum mensis enituit, ut in quo accepit Mundus exordium, in eodem haberet christiana creatura principium.

S Y N O D V S Victoris Papæ iussu à Theophilo Episcopo Cæsariensi ad definiendū diem paschatis coacta, Beda teste libro de Aequinoctio vernali, hæc habet.

Ecce de die dominico, quia primus sit probastis de tempore enim quid dicitis? Quatuor enim Mundi tempora accipiuntur. Ver, Aestas, Autumnus, Hyems. Quod ergo tempus primum factum in Mundo? Episcopi responderunt, Vernum. Theophilus Episcopus dixit; Probate quod dicitis. Et illi responderunt; Scriptum est; Germinet terra fæni herbam secundum genus suum, & lignum fructiferum ferens fructum suum. Hæc autem temporibus Veris accipitur. Theophilus Episcopus dixit. In quo loco caput Mundi esse creditis? in principio temporis, an in medio tempore, aut in fine? Episcopi responderunt; In Aequinoctio octauo Kalendarum Aprilium. Theophilus Episcopus dixit. Probate quod dicitis. Et illi responderunt; Scriptum est quia fecit Deus lucem, & creauit Deus lucem diem, & fecit Deus tenebras, & vocauit tenebras noctem, & diuisit inter lucem, & tenebras æquas partes.

P E T R V S Comestor Scholasticæ Historiæ capite quinto.

Notandum quòd dictum est, Virentem. Quidam dicunt Mundum in Vere factum, quia viror illius temporis est, & fructificatio. Alij, quia legunt; Lignum faciens fructum, Et additum: herbam habentem semen factum, dictum in Augusto sub Leone. Sed in Martio factum dogmatizat Ecclesia.

H V G O Carenfis in Postillis.

Ex Germinibus ferentibus fructus multi autumant Mundum factum in autumnno, sed in vere creditur creatus, & recreatus.

R A B B I N O R V M nonnulli, teste Lyrano in caput primum Genesis, à suis deficientes, nostris subscripserunt.

Item notandum, quod ex eo quod dicitur; Germinet terra herbam virentem, dicunt aliqui Hebræi, videlicet Rabbi Iosue, & sui sequaces, quòd Mundus factus fuit in mense Martio, quando terra incipit germinare herbas,

bas, &c. Unde & Exodi d. addecimo, Martius uocatur primus mensis. Ex hoc autem quod subditur; Et protulit terra herbam virentem & facientem semen.

Argumenta
sententiæ istæ
confirmatiua.

Ver Mundi
exordium ma-
xime indicat.

Sententia hæc uti præclarissimorum Patrum, ac propugnatorum numero, auctoritate & dignitate præstantior est: ita & numero ac pondere argumentorum firmior omnino probatioque censetur. Principio nanque huic assertioni maximè astipulatur prisca Poëtarum & nationum Theologia, quæ Mundi exordium ex inexplicabili quadam naturalis ratione verno ascripsit. Deinde, quoniam si Mundus ut animal exorsus est suam motionem, certè ab ortu, ut senserunt Philosophi, atque in Ariete, non in Libra, eam auspicatus est. Amplius ex Cæli positura id euincitur: siquidem perspectum est, verum æquinoctium magis Mundi exordio esse adaptatum, quàm autumnale, eò quod generationi sit magis fauorabile, ut Ptolemæus, & Albategnus edisseriebant. Rursum, quoniam magis ea anni pars, Ver scilicet, Mundi nouitatē, priscamq; & florescētē emolitionē præfingat, ut adnotarunt Basilus, Ambrosius, Theodoretus, Damascenus. In ipso etenim omnis creatura rediuiua lætatur, & vniuersa animalia secundū genus suū cooperantur ad fœtus, & ingrauidata cubilia construunt, & ianes nidos cōponunt: In ipso purpurascētes violæ, cādidā lilia, rutilantes rosæ, viridātibus pāpinis amictæ uineæ, rurāq; nūc aureis, nūc varijs, nūc luteis coloribus depicta cernuntur. Quid plura? In ipso renouiscit Mundus, calefcit aqua, tepescit aër, virefcit terra, florescunt omnia, nouusq; anni apparatus nouum ac vigescentem Mundum quotannis representat, ut nouas & indefessas semper Deo grates rependamus. Accedit alia non leuis coniectatio. Sicut enim Christus Dominus noster, verno tempore hominem redemit, & Mundum restaurauit, ita & verno tempore plasmatum hominem, Mundumq; conditum consentaneū est assenerare; ut conditi reparatiq; Orbis, & hominis tempora, sic ineffabili Dei sapientia disponente, coincident, ut quo tempore effecta est hominis salus, eodem etiā factus credatur & lapsus. Quod adnotarunt ex Patribus Theodoretus, Athanasius, Rabanus, Strabus, Beda, & Synodus Theophili Cæsariensis Episcopi, Victoris Papæ iussu cōgregata. Adhuc & delatæ pro prima sententia rationes, à Patribus ad suam fulciendam rapiuntur.

Exodi 12.

A M B R O S I V S enim libro primo Hexameron, capite quarto, ut supra referebamus, hæc habet.

Ut ostenderet quippe Scriptura, Veris tempora in constitutione Mundi, ait: Mensis hic vobis initium mensium, primus est vobis in mensibus anni: primum mensem, vernum tempus appellans. Decebat enim principium anni, principium esse generationis, & ipsam generationem mollioribus auris foueri.

Quasi suspicetur Ambrosius, Hebræis indixisse Deum, ut annum à mense Nisan inchoarent, quod apud maiores eorū antiquam primæuamq; anni supputationem ab initio Mundi sumptam, & tunc obliuioni mandatam, rursus instaurare voluerit. Ex quibus consequitur, secundum mensem, in quo incidit Cataclysmus, non Octobrem (ut existimauit Ioseph) sed potius Aprilem fuisse, vel Maium, qui secundus cadit in supputatione ea, qua annum ab æquinoctio verno exordimur. Tandem, quod Moysis enarratio quæ habet; Et protulit terra herbam virentem, & facientem semen, & lignum faciens fructum, aperte Veris tempus, non Autumnum exprimat, cum singulare sit Veris herbam virentem non arescentem proferre, semina in herbis condere, fructus educere; uti Autumno herbæ arescunt, non virent, semina iam cecidere, fructusque non erumpunt, sed decerpuntur. Quæ Ambrosius, ac Iunilius præcipuè animaduertunt. Non præmittam à Theodoro animaduersam allegoriam. Deum prima die primi Mensis Tabernaculum erigi iussisse, ut hac figura Mundus eo tempore conditus nosceretur.

Sententia Mundum Iulio Mense congestum tradens.

Gherardus Mercator suæ Chronologiæ initio, Iulio mense Mundum profiliisse ex sacra Scriptura in hunc modum elicit. Priscae Mundi ætates usque ad Noë, non aliā anni supputationem, quàm ipsam ab Adam vsque ductam sequuti sunt. Sed tempore Noë anni initium à mense Iulio desumi, perspicuum est ex Scriptura: igitur coniectandum, & hunc ipsum fuisse ab initio Sæculi ritum, & vsum. Traditur siquidem in sacra Genesim historia, columbam vigesimo quarto die mēsis vndecimi, ramusculum oliuæ virentem deu-

detulisse in arcam. Et Plinius pariter tradit oleam cum vite germinare, & concipere virgiliarum exortu, hoc est, mediam Tauri partem occupante Sole, florere autem solstitio. Et quanquam hæc dixerit Plinius respectu sui climatis Romani, id tamen etiam loco illi, in quo quieuit arca, adaptari posse censendum est; eò quòd Gordicus Armeniae Mons, in quo arca insedissee traditur, eandem ferè habeat latitudinem, quemadmodum adnotauit etiam Pererius. Respondet igitur mensis ille vndecimus signo Gemminorum, quare & duodecimus Cancri pariter signo. Vnde primum mensem, Sole tunc Leonis signum permeante, in mensem Iulium cadere conspicuum est. Adijcit quoque Gherardus, Aegyptios (referente Solino) tempus id, quo Sol Leonis signum ingreditur, natalis Mundi tempus existimasse.

Lib. 16. cap. 25.

Cap. 35.

Authoris iudicium.

Non possum, cum meam sententiam referre cogor, à Patrum placitis recedere. Ante omnia autem reiicienda mihi est hæc Mercatoris sententia. Primum, quòd singularis sit contra omnium tum priscorum, tum nuperorum assertiones, qui in alterum æquinoctiorum, seu Vernum, seu Autumnale, anni initium referendum non immeritò arbitrantur. Neque verisimilitudinem ullam certè gerit, Solis enascentis sedem, quando primum vti lampas Orbem illustrauit, alio vsquam in loco quàm in æquatore constituisse. Nec facilè mihi persuaderi potest, in æstatis ferè consistentia Mundum conditum esse, cum terra in sui exordio proferret herbam virentem, & in æstate terra ipsa arefcat. Neque inspicio, quòd ex priscarum nationum vsu à media æstate anni initium desumptum fuerit. Nulla quoque historia prodit, Hebræos hoc institutum vnquam, seu ex maiorum suorum, vel Aegyptiorum traditione, seu etiam ex Dei præcepto sequutos. Nec rursus intueor, quomodo Patres omnes, Doctoresque tum Hebræi, tum nostri hanc non penetrarint nuperrime excitatam, excogitatamque sententiam. Neque coniectatio illa, quam protulit Mercator, de uirenti oleæ ramusculo, id cumulatè demonstrat. Primum enim in consentaneum non est, oleam, arboresque illas, quas in hyeme uirescere, nec folia demittere conspiciamus, tempore Diluuij frondes, & frondium virorem retinuisse. Si enim non retinuerit, qui fieri potuit, ut septem dierum tempore olea frondescere, uel aquis demersa germinandi vim exerere quierit? Amplius Diluuij mensium supputatio, Num ab initio Diluuij ipsius; Num ab anno Noè, An verò ab ipsomet anni exordio, in sacra Genesis narratione sit capienda, adhuc sub iudice lis est. Aegyptios (ut refert Solinus) natalis Mundi exordium ad tempus, quando Sol Leonis signum ingreditur, retulisse, non certum est, nec exploratum; cum potius Aegyptios Mosis tempestate ab æquinoctio autumnali annum deduxisse Iosephus libro primo Iudaicarum Antiquitatum attestetur. Censeo igitur ad unum, uel alterum æquinoctium redigendū esse anni primæui exordium. Sciscitantibus autem, quonam æquinoctio, an uerno, an autumnali Mundus prodierit, responderem ego, & uerno, & autumnali. Deum enim Solem in æquatore quasi in insigniori Coeli parte locasse, diffinire Patres, Doctoresque ferè omnes. Sole uerò in primo Arietis, uel Libræ puncto in æquatore constituto, ad alteram, seu Borealem, seu Australem plagam ipsum deinde secedere operæpretium fuit; quocunque autem se Sol uerterit, perspicuum certè est, accessu vernum tempus, recessu autumnale peperisse. Partis igitur respectu ad quam accessus erat Solis, Veris tempus effectum est, uernoque tempore Mundus conditus dici potuit; sicuti & parti alteri, à qua recessurus erat, Autumnale tempus redditum est. Quòd si de præcipua illa regione, in qua Adam plasmatum fuisse, Paradisum consitum, humanæ sobolis prosapiam propagatam arbitramur, id exposcatur; censeo Solem ipsi Ver detulisse, cum ut dicebamus, Mundi dextrum Oriens sit, in ipsumque Sol conscenderit ex sede in Ariete coruscantissima. Quapropter non potuerit non ad nos accedere, faciemque aureo fulgore radiantem nobis primum exhibere. Terra deinde in Boreali parte magis extenditur, & latior est, quàm in Australibus regionibus; nam Europæ, ac Asiæ ferè totum concludit ambitum, & plantarum, arborum, auium, animalium, copia in ea vberior, humanaque proles in hac longè magis aucta spectatur, & vrbes, regnaque clariora,

Mercatoris sententia reprobatur.

Mercatoris argumenta diluuntur.

Cap. 5.

Mundus & vere & autumnino conditus dici potest.

Mundus, quantum ad regionem ubi Adam plasmatus fuit, uerno tempore conditus est.

Argumenta
alterius sen-
tentiæ elidun-
tur.

Lib. de Com-
no Scip. li. 3.
Cap. 5.

Hebræi du-
plicē in com-
putandis an-
nis seriem ha-
bebant.

Exod. 12.

3. Reg. 6.

Ex gentium
vfu non po-
test percipi,
quo tempo-
re Mūdus sit
creatus.
Neque etiam
ex Hebræorū
vfu.

clariora, disciplinarum, artiumque omnium eruditione præstantiora continetur. Pro-
meruere igitur Cælum & terra, ut ad hanc partem Hemisphærij nostri, Sol se primò
conuerteret. Promeruere humanæ profapiæ dignitas, primaque specierum indiuidua
in hoc climate producta, vt, quò mira fecunditate Mundū explerent, statim post emò-
litionem suam amenissimum potius veris tempus hilari iucunditate experirentur; quàm
post brevis autumnī temperiem, in asperam, horridamque hyemem collaberentur. Ac-
ceptiorem amplius mihi facit hanc sententiam tantorum Patrum autoritas, quæ apud
me summi semper est ponderis, & quam semper plurimi facio; maximè quòd uideam
ipso quoque Hebræos in varias distractos sententias, plurimosque ex eis à suis desiscen-
tes, ad nostros sese animo lubenti recipere. Accedit, quòd rationes à primæ sen-
tentiæ propugnatoribus delatæ, exiguum eorum assertioni, maximumque nostræ suffra-
gium & auxilium ferant. Primū, quàm priscæ orientales nationes, quæ post Diluuii
tempestatem ut uetustiores & illustriores celebrantur, enumerandi anni seriem habue-
rint, comperiri non video. Chaldæi omnium nationum vetustissimi, à quo tempore
anno suo exordium darent, non est exploratum. Arabes mediæ æstate, Sole in Leone
Orbem lustrante, anni caput excepiisse, Macrobius & Iulius Firmicus testantur. Aegy-
ptios ab æquinoctio autumnali annum suum inchoasse uoluit Ioseph libro primo An-
tiquitatum. Hebræi, apud quos gestarum rerum ante Diluuium monumenta præcipuè
reseruabantur, quòd anni exordium à Diluuiō ad ingressum in Aegyptum vsq; habue-
rint, non est compertum, nec exploratum: Num scilicet peculiare institutum sibi san-
ciuerint, nūm nationum earum, quas peruagati sunt, usum obseruauerint. Porro in
Aegypto Aegyptiorum ritum sibi assumpsisse, quò exordium anni æquinoctiū autum-
nale constituiebant, clarissimè contestatus est Ioseph loco asserto, (si uenerabilis Ru-
ni Aquileiensis eruditissimi viri editionem prosequamur.) Hi enim (hoc est Hebræi)
inquit Ioseph, in Aegypto annum constituerunt. Cæterum ab egressu Aegypti duplicē
eos prosequutos fuisse annorum seriem, perspicuè ex Scripturis decerpitur. Alteram,
qua initiū anni ab æquinoctio uerno sumebant, ex uendicatæ libertatis monumento.
Siquidē hanc Moses Dei iussu uel instituit, uel obliuioni traditā restaurauit; qñ Hebræis
hoc indixit præceptū; Mensis iste (scilicet Nisan) uobis erit principium mensium, pri-
mus erit in mensibus anni: secundum quā supputationem solemnitates celebrabant;
Ab isto enim mense exordiū sumentes calculatis mēribus, mense tertio Hebdomadarū,
hoc est Pentecostes, & mense septimo, Tubarum dies festos agebant, qua etiā mensium
computationis serie, Principū, Regumque gesta insigniora scriptis mandabantur. Qua
pariter serie, mirifica ac toti Orbi admiranda celeberrimi templi structura cōputatur.
Num autem ea anni supputatio promulgata à Mose fuerit uendicatæ libertatis monu-
mentum; An uetustorū potius rituum ipsorum, & usus, iā in Aegypto deperditorū, &
immutatorū restauratio, variæ sunt Doctorū suspensiones, nec certa ulla definitio. Meri-
toque cum Ioseph, ac Rabbini plurimis, Diuo Ambrosio, & alijs non modicis Pa-
tribus, Mosē Dei iussu priscum uetustumque Adæ, & sæculi illius primæui vsque ad
Cataclysmum Noë, immo vsque ad ingressum Aegyptum, anni usum restaurasse cen-
sendum duco: usum inquam eum, quo Archipatres à uerno æquinoctio annum auspi-
cari consueuerant. Alteram obseruauerunt supputationis seriem Hebræi, qua ab æqui-
noctio autumnali ex Aegyptiaco more anni exordium capiebant, quando senescente
anno in Autumno cuncta reconduntur. Qua serie computabatur & septimus annus,
quo requies terræ condonabatur, & Iubilei annus, qui apud eos quinquagesimo quo-
que anno celebrabatur. Hancque anni constitutionem ea ducti necessitate obser-
uabant, ne fruges prouentusque terræ proijcerentur. Quibus ita uti fundamentis
iactis, hæc nobis explorata, perspicuaque apparent. Primò ex priscarum nationū vfu
in annis supputandis minimè nobis diminiendū esse præfinitū tempus, quo Mundus cō-
ditus sit: tūm quòd admodum aduersum, ac discrepans eorum fuerit institutum; tūm
quòd de ante actis rebus ante Diluuium nulla prorsus extiterit certa apud eos historia
aut traditio. At si secundo loco ex Hebræorum vfitato anni exordio tempus Orbis cō-
diti carpere uoluerimus, vel nulla aderit certa illatio, cū non exacte constet, à qua
anni parte Hebræi ante Aegypti ingressum annum enumerarint, licet in Aegypto Aegy-
ptiorum

ptiorum instituto adhaerint, ab Aequinoctioque autumnali anni circulum deduxerint: vel praeceptum à Mose indictum ad restaurandum, rememorandumque anni Sæculi ritum promulgatum fuisse, meritò suspicari poterimus.

Sed quorsum (aduersarij inquit) si Mūdus in Aequinoctio verni genitus est, Moses ad honestandum muniendumque Dei mandatum, quo anni supputationem commutauit, non fabrefacti Mundi tempus recensuit, sicuti ad praeceptum de sabbati obseruatione extollendum, in memoriam reuocauit, quòd Deus quieuerit in illo ab omni opere quod patrarat, quòd ipsum benedixerit, & sanctificauerit. Ex eo arbitror ego, contigisse, quia non difficile admodum Hebræis recens anni institutum apparuerit: sed facile prorsus veluti ex traditionibus maiorum agnitum, atque ex eorum instituto gratum, vel ex praecepti lenitate suaue visū sit. E cōtra cūm sabbati cultus difficilis eis, ac grauis, recensque omnino videretur, necesse fuit, vt praeceptum istud plurimorum Dei in ipsos beneficiorum memoracione muniretur, atque efferretur. Ex his igitur colligi manifestè potest, annorum à priscis nationibus enumerationem obseruatam, non aduersariorum magis, quàm nostræ astipulari sententiæ. Idipsum pariter dici posse existimo ad excerptam ex Diluuij tempore anni supputationem. Illius siquidem anni seriem, qua primus, secundus, septimus, decimus, & vndecimus mensis numeratur, non ex consueta anni Mundi supputatione, sed ex Noè vita desumptam esse, clarissimè contestatur Scriptura Moses enim scribit, anno sexcentesimo Noè, mense secundo, Cataclysmum accidisse, & Ioseph antiquitatum libro primo eidem subscribit, dum ait; Contigit vastitas Diluuij anno ætatis Noè de mense secundo. Sed Noè vitam non ita ad amussim Mundi annos in sequentem esse, vt idem omnino esset & Noè vitæ, & Mundi annorum initium, arbitror: cūm mos fuerit Scripturæ, reiectis diebus mensibusque, annos Patrum crassa tantū computatione recensere. Nonnulli quoque (nec inscienter forsā) non ab exordio decurrentis anni, sed ab initio Cataclysmi menses illos numerari tradiderunt. Verūm admittamus Diluuium secundo mense anni Mundi contigisse: quid si secundum mensem non Octobrem, seu Nouembrem, sed potius Aprilem, vel Maiū fuisse autumauerimus? Siquidem Moses mensem non nominat, ex illiusque narratione annum quidem duodecim mensibus constare, non autem quis mensiū fuerit anni exordium, ostendi potest. Nec Ioseph textui magna adhibenda est fides, cūm in pluribus maximè circa temporum supputationes mendosus noscatur. Adijciam, quòd certa quadam coniectura Diluuij colluuiōem magis circa verum Aequinoctium inchoasse, sinissequē, quàm circa Autumnale, opinari & asseuerare possimus. Moses enim Cataclysmum illum per annum serè terram obruisse, ac post annum completum vix exiccata terram tantū apparuisse tradit. Scribit siquidem; Anno sexcentesimo vitæ Noè, mense secundo, septimodecimo die mensis, rupti sunt omnes fontes abyssi magnæ, & cataractæ Cæli apertæ sunt: & factæ est pluuia super terram quadraginta diebus, & quadraginta noctibus. Et postea; Igitur sexcentesimo primo anno, primo mense, prima die mensis, imminutæ sunt aquæ super terram. Et infra; Mense secundo, septimo, & vigesimo die mensis, arefacta est terra. Quapropter si a die, qua eruperunt omnes fontes abyssi magnæ, & catharactæ Cæli apertæ sunt, quæ fuit decima septima mensis secundi anni sexcentesimi, ad diem vigesimumseptimum mensis secundi sexcentesimi primi anni, tempus supputauerimus, annū, & decem dies delapsos animaduertemus. Consentaneum igitur magis fortè censerī posset, quòd anni sexcentesimi Noè, secundo mense, hoc est Maio, eo tempore, quo solutis niuib. turgida flumina per apertos campos expatiata ruunt, Diluuium inceperit, quadraginta diebus excreuerit, centum quinquaginta diebus, mensibus scilicet quinque, aquæ terram obtinuerint vsque ad decimum mensem, nec vsque ad secundum mensem sequētis anni denudata apparuerit terra, atque tam diu immoratæ fuerint aquæ, quousque Sol maiores, ac efficaciores vires ad exiccandam tellurem acquireret: quàm asseuerare, quòd Octobri, vel Nouembri mensibus, quando flumina gelu congelantur niuesque super altissimos montes concretæ confident, aquarum diluuiēs inchoarit, integraque ætate cōstiterit, superueniente deinceps Autumno, Soleque à climate hoc nostro, sub quo terræ continentis latitudo maior protrahitur, abscedente, terra exiccata fuerit. Præterea immensa illa aquarum affluentia,

Nnnnn si non

Menses in diluuiū recensiti quomodo supputentur.
Gen. 7.
Cap. 5.

Diluuiū quo anni tempore contigerit

Gen. 7.

Gen. 8.

Plantæ nun-
quid cū ma-
turi fructi-
bus creatæ
sint.

hæc ubi
dicitur
quod
dicitur
dicitur
dicitur

Animantia &
aves quomo-
do aiebantur
cū nō ad-
fuerint maturi
fructus.

Auiū & ani-
mantū par-
uus in pri-
mordio nu-
merus.

Plantæ equē
perfectæ flo-
ribus perinde
ac fructibus
ditatæ
Paradisi plan-
tæ cum
fructibus cō-
ditæ.
Gen. 2.
Gen. 3.

si non cuncta germina, nempe ea, quæ semper virent, strauit vel deiecit, exiles saltem plantas, debilesq; segetes deuastauit: & si æquinoctio autumnali finita est, sequutaq; est hyems, quo pacto reflorescere Mūdus potuit? quomodo germina, herba, arboresq; suos exhibere fructus, & animalia bina, & septena egressa ex arca ali potuere? Sed hæc fusiùs suo loco repetenda erunt. Postremum, quod adducebatur non inefficax cer- te argumentū ex ea Mosis narratione; Producat terra herbam virentem, facientē &c. as- sumptum nostrum munire facile demonstrabo. Commentantes nonnulli ex nostris hunc locum, ipso vere prisci omnium anni arbores fructibus nō acerbis sed maturis sin- gulari ex privilegio refertos fuisse admittunt: At vereor ne labascant, parumq; consistat hoc ferè vulgatum placitum. Redarguunt enim ipsum acerrime nuperorum aliqui, in- quiruntque, quid de ipsis fructibus actum sit. Nam vel deciderunt, vel ad Autum- num vsq; , etiam torrente Solis flagrantia, in æstate perstiterunt. Quod si deciderunt, vel arbores repullularunt, nouosque fructus ediderunt, atque ita duplicem fructum pri- mus annus protulit, quod miraculum sapit: si vero non refloruerunt, nec iterum gem- marunt, neque alios protulere fructus; igitur & arbores, & secundæ causæ primo anno otiosæ perstiterunt. Nec inepta est meo iudicio redargutio ista. Nam sicut in ipsa sex die- rum emolitione omnia miraculose Dei summa potentia congesta fuisse nonimus, ita constituta natura post septimum diem nullum superstitisse miraculum censendum est. Quapropter ex ante dictis satisfacerem ego, ac dicerem, quod ea dispositione Mundus conditus est, qua Sol in Arietis signo genitus nostræ Boreali regioni Ver, deinde æsta- tem suo accessu contulit, Australi vero suo recessu autumnum primū, & post hyemē peperit. Quare & illa fructus autumnino connaturales, consuetosque, & nostra flores protulit, semina, & fructus illos, qui vere, & æstate præberi solent. Nec Mosis historia aliud indicat, dum dicit; Germinet terra herbam virentem &c. cū aliud profectō sit, vt dicebamus, virefcere, semen emittere, & gemmare, seu fructus emittere; aliud are- scere, & fructus maturos habere: illud nanque tempore veris contingit, nā maior pars arborum verno tempore semina proferūt, fructus edunt, vt æstate maturefcant, & Au- tumno decerpantur. Quamuis & germina nonnulla fructus suos in æstate, quinimmo in initio æstatis maturos præbere experiamur. Sed quomodo, inquiunt aduersarij, auiū, animantiumque prima soboles hoc in nostro climate, in quo condita erant, floribus, & tam exigua fructuum copia ali poterant? Satisfacio. Primū potuisse eam Dei vocē; Producat terra &c. in Mundi climate aduerso, meridianoque, vel in regionibus sub æquatore sitis, in quibus duplex tū Ver, tū Autumnus viget, prima rerum indiui- dua protulisse; At si ea tantum in nostro climate producta quis censere maluerit, cen- sebit etiam paruum eorum numerum fuisse, vt etiam Patres sensisse post demonstrabi- mus, eaque non tantum fructibus, sed folijs ac herbis vesci opipare potuisse. Si adhuc vrgebunt, decuisse Deum, arbores, plantasque absolutas, & perfectas, sicuti & cetera protulisse: Assero quantum ad substantiam, proceritatem, atque amplitudinem, abso- lutas eas creasse, licet non fructibus maturis decoratas effecerit; cū illorum maturi- tas ad perfectionem arborum non pertineat. Quorsum enim plantæ, arbores, dum flo- rescunt, & quali pubescente ætate fructus emittunt, & semina proferunt, imperfectio- res censendæ sunt se ipsis, dum fructibus maturis onustæ senescunt, hyemisque algore expoliari coguntur? Sed quid asserendum de arboribus Paradisi terrestris? eos siquidem fructus suauissimos gestasse clarissime conuincit sacra Scriptura illis verbis; Produxitque Dominus Deus de humo omne lignum pulchrum visu, & ad vescendum suaue; lignum etiam uitæ in medio Paradisi, lignumque scientiæ boni, & mali. Et post. Cur præcepit vobis Deus, ne comederetis ex omni ligno Paradisi? Omne igitur lignum fructibus honestatum erat, suaq; pulchritudine & copia Protoparentes ad vescendum inuitabat, compellebatque; nam id etiam, & loci amenitas, hominisque dignitas ex- petebant. Non una & eadem est huius difficultatis diffinitio, vt suo loco exactius deducemus. Sensere nonnulli Paradisum terrestrem sub æquatore, seu inter duo Tropica situm fuisse, qua in plaga binos frugum prouentus, uerno & autumnali tem- pore, ex duplici illis æstate ac hyeme contingente, enasci compertum est; ut de In- dia tradit Plinius, & de Traprobana insula Solinus, ac de terris sub æquatore omnes Cosmo-

Cosmographi. Sed dubia responsio hæc videri potest: cum de Paradisi terrestri loco nondum sententia lata sit, nec iudicium pronuntiatum: An scilicet inter Tropica extarit; An in Orientalibus quibusdā insulis ab Asia vastissimo pelago seiunctis; An circa tropicū cācri; An in Palæstina vel Mesopotamia; quod nos vberius suo loco disputabimus. Afferunt alij in Orbis initio arbores in Paradiso terrestri saltē fuisse fructibus onustas; sed vel his sublati ex naturali virtute alios mox repullulasse, quæ post æstate maturarūt; & demum autumnno deciderunt; vel Dei opificis virtute eos vsque ad autumnum seruatōs fuisse. Sed hæc assertio ea incommoda offendit, quæ supra aduersarij nobis obijciebant, vel nimia libertate miraculis abutitur, & innititur. Primus siquidem modus duo astruit naturæ aduersa, violenta; ; Alterum, quod illi fructus ex se deciderint; alterum, quod mox alij emissi fuerint: cum id sit institutum naturæ, vt tantum frigore exiccante, adurentēque humorem tenuem, & glutinosum, fructus discendantur, & decident; & humido copioso in hyeme concepto, redeūte Solis efficaciori virtute, Vere pullulent; quæ autumnali, non verno tempore contingere non ignoramus. Alter verò modus nō minoris negotij miraculum cōcludit, cum fructus iam enatos, æstate ad Autumnū vsq; incorruptos constitisse tradat. Si autem ad miracula confugere in Mundi emolitione indecens erat, vt supra ex D. Augustini auctoritate demonstrabamus: quātō magis post naturā constitutam, atq; Mundum absolutum? Quapropter existimarem ego, & fortē non inscieniter, plantarum, olerum, arborumque genera in Paradiso terrestri fuisse præstantissima, tūm Dei in eo emoliendo cura, tūm climatis suauitate, tūm soli amenitate, & fœcunditate. Cum autem arborum aliæ verno, aliæ æstate, aliæ autumnno fructus suos maturent, & aliæ tūm verno tempore, tūm autumnno, ceu quæ semper virescunt, & dum verno tempore fructus præbent, etiam flores mirè redolentes exerunt: arbitror omnium generum arbores in Paradiso exitisse, nōnullosq; fructus gestasse, quibus vesci poterāt Adam, & Eua, vsque dum alij ad maturitatem peruenirent. Et quanquam Deus Adæ dixerit; Ex omni ligno Paradisi comede, de ligno autem scientiæ boni & mali ne comedas: non interpretandum ob id omne lignum fructum habuisse, sed Deum Adæ concessisse, vt de omnibus lignis fructum stato tempore exhibentibus edere posset, vno excepto ligno scientiæ boni & mali. Extra Paradisum autē etiam vsq; ad autumnū homini non defuisse comæatus vbertatem duco, tūm propter herbarum seminumque copiam, quæ ante Diluuium eximie erant virtutis ad alendum, tūm etiam propter affluentiam fructuum earum arborum, quæ in vere, ac in æstatis initio fructum præbent, maxime in locis calidis, ac humidis, vti loca circa Paradisum fuisse consentaneū est arbitrari. Superest tandē, vt pro elidēda & effringenda quarta ratione ab aduersarijs producta disceptemus, quænam anni pars fuerit Orbis natalibus conuenientior, aptiorque: An autumnus, An Ver. Sed facilè hæc lis sedari, diffiniri que potest. Primum Autumnū tempus esse corruptioni, Ver autem generationi propitiū, vniuersi Philosophi diiudicarūt, & meritō: nam rerum generatio ex Solis accessu, qui fit in Vere, corruptio verò ex eiusdem discessu, qui in Autumnno contingit, efficiuntur. Deinde vernum tēpus temperate calidum ac humidum, Autumnale autem frigidū, & ficcū extare, omnes Philosophi attestantur ex eo, quod verno tempore signū Arietis, quod est masculinū, fœcundū, propitiū, igneumq; in Autumnno autē signa imbecillia magis ad interitū, quàm ad vitam impellentia vigeant. Tandem si quatuor hominis ætates, Iuuentus, Virilitas, Senectus, Decrepitas, quatuor anni partibus, Veri, Aestati, Autumnno, Hyemi; cōparari possunt; adeo vt Ver anni dicatur iuuetus, Aestas virilitas, Autumnus senectus, Hyems decrepitas: quis nā iuuentutē senectuti non anteponet? ac florens Ver, calefcentemq; æstatem aptiora ad omnia, accommodatioraque ipsa senectute frigida non æstimabit? Cum itaque verno tempore, quasi in iuuentute anni germinet, rideatq; ac viridem amictum nāciscatur terra, virecant herbæ, florescant arbores, reuiuiscant animantia cuncta, Mundus gaudeat, exultetque; Autumnno verò quasi infirma & occidua decurrente senectute euolet annus, denudetur tellus, decident folia, marcescant fructus, cuncta à vigore decoreq; suo corruant; quis non censebit anno Mundi mox conditi pubescentisque iuuentutem magis quàm senectutem, vel partē eā, quæ à virilitate ad senectū vergit, congruere, conuenire, & consonare? Hæc mihi ad tuendam Patrum sententiam dicta sint satis.

Paradisi arbores præstantissimæ & variæ, varioq; tempore fructus edebant.

Veris tempus Mundi productioni aptior.

Anno Mūdi
primo.
Die tertia.

Vidit Deus quòd bonum .

a. Quia monumenta essent, quibus homines ad factorem Deum recurrerent.

mina cum eis.

b. Id dicitur de germinibus seiunctim à terra, et aqua; quia successione illa propagentur, ista non; & ista simul fieri potuerint. non ger-

c. Bis repetitur, ut per id septies repetitū, septem dona Spiritus Sancti significarentur.

d. Complacuit in esse, quod placuerat ab aeterno.

e. Hoc est, bonum visibile fecit.

De Editione dictum est supra.

a. *Quia monumenta essent, quibus homines ex factoris, ad factorem Deum recurrerent.*

CHRYSOSTOMVS Homilia quinta in Genesim.

Etenim vidit, ait, Deus quòd esset bonum. Vidisti quomodo per singula, quae facta sunt, ostendit laudantem opificem, ut homines postea haec dicentes, ex factoris ad factorem recurrerent. Nam si creaturae superiores sint, quam ut ab homine pro dignitate laudari queant: quid aliquis de opifice ipso dicere poterit? Et vidit, ait, Deus quòd bonum.

b. *Dictum est de germinibus separatim à terra, et aqua, tūc quòd successione illa propagentur, ista non; tūc quòd ista simul fieri potuerint, et non germina cum illis.*

AVGVSTINVS de Genesi imperfecto capite vndecimo.

Et iterum dicit; Vidit Deus quia bonum est. Itaque & vno die ista iunguntur, & iteratis Dei verbis distinguuntur ab inuicem. Quod de terra & mari propterea puto non esse factum, quia magis harum rerum est discernenda natura, quae cum oriuntur & occidunt, seminis successione propagentur. An quia terra & mare simul fieri potuerint, non solum in rationibus creaturae spiritualis, ubi simul omnia facta sunt, sed etiam in ipsa corporali motione: arbores verò, & quaeque stirpes, nasci non possent, nisi terra, in qua germinarent, praecessisset: propterea & repetendum erat iussum Dei, ut & facta significarentur distantia, tamen non alio die facienda, propter quod radicibus terrae affiguntur & continuantur.

c. *Bis repetitur in tertia & sexta die, ut per id septies repetitum, septem dona Spiritus Sancti, qui est bonitas, significarentur.*

RVPERTVS Commentarijs in Genesim libro primo, cap. trigésimo.

Et nota, quòd cum sint bis terni dies, praeter septimum qui est diei requies, tam tertius primorum, quam & tertius sequentium duplici bonitatis laude decorati sunt, ut sicut sunt septem dies, sic & septem sint bonitatis species, septiformem spiritum Dei mirabiliter ex semetipsis contestantes. Illius, id est tertiae diei, nunc opus ingrediamur.

d. *Complacuit in esse, quod placuerat ab aeterno.*

TOSTATVS Postillis in Genesim.

Vidit Deus quòd esset bonum, id est, indicauit esse bonum, quia complacuit in existentia, quod placuerat ab aeterno in praescientia.

e. *Hoc est, bonum visibile fecit.*

HVGO Carenfis in Postillis.

Et vidit Deus quòd esset bonum, id est, approbavit, vel bonum visibile fecit.

De his interpretationibus non est cur multa ventilemus. Quod enim proferunt, certum est, & perspectum. Postrema haec tamen non adeo genuina, & elegans est existimanda: nam aliud est vidisse Deum, aliud id nobis fecisse visibile; quapropter litterae sensum non attingit.

Vespere, & mane.

Anno Mūdi
primo.
Die tertia.

- a. *Vnius naturæ decidentia, alterius exordium.*
- b. *Transactio consummati operis, & inchoatio futuri.*
- c. *Id sæpe repetit Scriptura, ut sciamus vespere esse finem lucis, & mane finem noctis.*
Dies tertius.
- d. *Hoc est mora diei, qua Mundum circuit Sol.*

a. *Vnius naturæ decidentia, alterius exordium.*

AUGUSTINVS de Genesi ad literam libro secundo, capite decimoquarto.

Vespera autē & mane non quasi per temporis præteritionem & aduentum dicta sunt, sed per quendam terminum quo intelligitur, quousque sit naturæ proprius modus, & unde sit naturæ alterius consequenter exordium.

b. *Transactio consummati operis, & inchoatio futuri.*

AUGUSTINVS de Genesi contra Manichæos libro primo, capite quartodecimo.

Et facta est vespere, & factum est mane, quod nunc sine Solis cursu videmus fieri non posse. Restat ergo ut intelligamus, in ipsa quidem mora temporis ipsas distinctiones operum sic appellatas, vespere propter transactionem consummati operis, & mane propter inchoationem futuri operis, de similitudine scilicet humanorum operum, quia plerique à mane incipiunt, & ad vespere desinunt. Habent enim consuetudinem diuinæ Scripturæ de rebus humanis ad diuinas res, verba transferre.

EUCHERIUS Commentarijs in Genesim.

Intelligendum, in ipsa hora temporis ipsas operum distinctiones ita appellatas: vespere, propter transactionem consummati operis: mane, propter inchoationem futuri diei: in similitudinem humanorum operum, quod plerique mane incipiunt, & in vespere desinunt.

BEDA Expositione in Genesim.

Aut quasi potuisset esse tempus ante sydera, quoniam dies, & horæ, & anni, & menses syderibus distinguantur. Sed supra diximus, quia noctem propter consummatum opus, & diem propter aliud opus inchoandum vocet: incertum est, utrum ad omnia sydera pertinet quod dictum est.

c. *Id sæpe repetit Scriptura, ut sciamus vespere esse finem lucis, & mane finem noctis.*

CHRYSOSTOMVS Homilia asserita.

Vide quomodo iterando frequenter doctrinam, menti nostræ dictorum vim insigere vult. Oportebat enim dicere: Et factus est dies tertius. Sed vide quomodo de singulis diebus sic dicit: Et factum est vespere, & factum est mane. Non simpliciter, nec absque causa: sed ne ordinem confundamus, neque putemus vespere ingruente, finem accepisse diem. Sed sciamus quod vespere finis est lucis, & principium noctis: mane autem finis noctis, & impletio diei. Hoc enim docere nos vult beatus Moses dicens: Et factum est vespere, & factum est mane dies tertius. Et ne mireris dilecte, si hæc sæpe & continuò dicit diuina Scriptura. Etenim post tantam crebritatem adhuc sunt aliqui errore præoccupati Iudæi, qui excæcato corde contendunt, & vespere initium sequentis diei esse opinantur.

Dies tertius.

d. *Hoc est mora diei, qua Mundum circuit Sol.*

AUGUSTINVS de Genesi contra Manichæos libro primo, capite quartodecimo.

Potuit fieri, ut tres superiores dies singuli per tantam moram temporis computarentur, per quantam moram circumit Sol, ex quo procedit ab Oriente, quousque rursus ad Orientem reuertatur. Hanc enim moram & longitudinem temporis possent sentire homines, etiamsi in speluncis habitarent, ubi orientem & occidentem Solem

Anno Mūdi
primo
Die tertia.

Dies tertius.

- a. Idest, tertia distinctio.
b. Hoc est, tertia lucis primordialis reuolutio.

Item videre non possent. Atque ita sentitur potuisse istam moram fieri etiam sine Sole, antequam Sol factus esset, atque ipsam moram in illo triduo per dies singulos computari.

a. Idest, tertia distinctio.

G L O S S A Interlinearis habet.

Augustinus tertia distinctio.

- b. Hoc est, tertia lucis primordialis reuolutio per horas viginti quatuor, quantum illa fuerit, siue eius emissio tertia & attractio; de quibus supra.

A V C T O R.

Duas primas interpretationes clarissimum est, Augustinianam prosequi doctrinam autumantem ante quartum diem nullam affulxisse corpoream lucem, sed ipsa temporū spatia, quæ diem complere possent, & ipsarum rerum distinctionem dies nuncupari. Superest igitur, ut hæc tertia, quanquam hoc loco non allata fuerit à Patribus, sed à me tantum commemorata, genuina & propria reputetur. En igitur cunctorum germinum, herbarum, plantarum, segetum, olerum, arborum natalia habemus, quibus adeo mirifice venustatur terra, honestatur Mundus; singulare profecto immensumque Dei beneficium. Quis igitur condignas Deo rependet gratias? Quis in conditoris laudes non exurget, dum miram varietatem tum frondium, quarum grato spectaculo pascuntur oculi, tum florum, quorum longè lateque odor spargitur, tum etiam fructuum, quorum suauitate complemur, & corporis & animi oculis inspicit, contuetur, contemplatur? Quis enumerabit, ut inquit Ambrosius, succos herbarum salubres; quis virgultorum, ac soliorum remedia; quis arborum vberes fructus, & in laudes satoris eorum non statim, & absque mora prorumpet? Et quis alius artifex nisi Deus potuit tantam germinum expromere venustatem? Vnum solummodo liliū consideremus. Cuius demirari nūquam satis possumus, quantus sit candor in folijs, (ut verbis Ambrosij utar) quemadmodum stipata ipsa folia ab imo ad summum videantur assurgere, ut scyphi exprimant formam; aut aut quædam species intus effulgeat, quæ tamen vallo in circuitu floris obsepta nulli pateat iniuriæ. Si quis hunc florem decerpat, & sua soluat in folia, quæ tanti est artificis manus, quæ possit liliij speciem reformare? Quis tantus imitator Naturæ, ut florem hunc reintegrare præsumat, cui Dominus tantum testimonium dedit, ut diceret; Nec Salomon in omni gloria sua sic vestiebatur, sicut unum ex istis? Rex opulentissimus, & sapientissimus inferior iudicatur, quàm huius floris pulchritudo est.

Matth. 6.

De genesi Mineralium.

Mineralia
omnia die
tertia creata.

Mineralia cuncta seu salifera, seu lapidea, seu sulfurea, seu metallica hac die natalia sua habuisse, omnes Patres vnanimi astipulatione decernunt. D. Augustinus cum asseclis, qui rerum species potestate duntaxat præseminata procreatas fuisse in Mundo autumat, ipse etiam non actu, ut aiunt, sed causaliter tertia die mineralia vniuersa ortū excepisse traderet; adeo quod terra vim ad ea concipienda tantummodo suscepit, quò deinde temporū spatio, ac Solis virtute, tanquam maturato foetu ipsa parere, atque in lucē opportunè posset emittere. Basilijus ac Patres omnes, Doctoresque, qui Mundū non vniuerso die, sed sex dierum intervallo, cunctaque rerum genera non virtute solummodo, sed reuera

reuera producta censuere; Mineralia etiam omnia hac tertia die profilijsse in latentibus terræ uisceribus, alicubi uerò etiam in ipsius telluris superficie, ut terra non externo tantum, sed interno quoque condecoraretur ornatu, arbitrantur. Quamobrem reliquum est tantum, ut indagemus: Quorsum Moses eorum genesim non memorarit.

Quare Mineralium natalia non expresserit Moses.

D. THOMAS prima parte, quæst. sexagesimanona, art. secundo, ad secundum: Mosis enarrationem esse de apparentibus rebus non de occultis his deducit.

Ad tertium dicendum, quod Moses ea tantum proposuit, quæ in manifesto apparent, sicut iam dictum est. Corpora autem mineralia habent generationem occultam in uisceribus terræ: & iterum, non habent manifestam distinctionem à terra, sed quædam terræ species videntur: & ideo de eis mentionem non fecit.

D. BONAVENTURA secundo, distinctione quartadecima.

Ad illud uerò, quod obijcitur de corporalibus mineralibus. Dicendum, quod quia prout recedunt à natura terræ latent sub terra, non curauit Scriptura specialiter exprimere.

Pererius alteram reddidit causam, mineralia uidelicet non ideo à Mose commemorata esse, quia non efficiunt diuersum gradum rerum à præenarratis. Nam cum quatuor sint entis gradus, esse scilicet, vegetare, sentire, & intelligere; satis erat Mosis horum generum nonnulla enarrasse. Et cum metalla eiusdem sint generis, cuius & elementa; ijs explicatis, & hæc esse tantum possidentia expressisse uidetur.

Tandem asserunt alij, Mosem solum ea memorasse, quæ ad hominis usum, vel oblectamentum in Paradiso esse poterant. At metallorum usum post peccatum non natura, sed humani ingenij solertia præstitit, quæ diuturno labore undique dilaniatis terræ uisceribus ipsa eruit, expurgauit, & conflauit.

A V C T O R.

Non immeritò equidem hæc postrema causa redarguenda uenit, atque explodenda. Nam esto, quod nil homini, uel ad profectum, uel ad animi oblectamentum mineralia contulissent, non prætermittenda tamen erant à Mose, qui Mundi sensibilis, cunctarumque rerum genesim in sua mirifica historia tradere contendebat. Atque ob hanc eandem rationem suaderi non possum, mineralia, quoniam occultam confusamque habeant generationem, seu quia ad unum entium gradum memoratum redigi possint, Mosem suppressisse, ac silentio inuoluisse. Sed potius ea de causa illum reticuisse mineralium effectiorem puto, quoniam grauissimorum historicorum breuitati consulentium mos sit, multa silentio præterire, quæ ex dictis

Mos ubique obseruasti.

est. Prætermisit na

sun

Quod Mosis historia sit de rebus patentibus non autem de occultis.

Quod gradus naturæ diuerso ab elementis non sint prædita.

Quod homini ante lapsū non fuerint necessaria.

Refellitur postrema adducta causa.

Ex dictis à Mose percipi min

